

**BOICAE GENTIS
ANNALIUM PARS
1. [-3.] [IOANNES
ADLZREITTER À
TETENWEIS]**

Jean m.1662 Fervaux,
Melchior Küssel





Ex Bibliotheca
majori Coll. Rom.
Societ. Jesu

7-8.B.4.

79-5-22



8



Melchior Küssell sculpit.

1770

BIBLIOTHECA NAZ.
ROMA
PITAGORAS EMANUELE




BOICÆ GENTIS ANNALIUM P A R S I.

COMPLECTITVR HISTORIAM
à prima Bojorum origine usque ad annum Christi
M. CCC, XIV. quo Ludovicus IV. Bavarix Dux
electus est Imperator Romanorum.



^{A D}
SERENISSIMUM PRINCIPEM,
^{A C}
DOMINUM, DOMINUM
FERDINANDUM
M A R I A M



Utriusque Bavarix, & Palatinatûs Superioris
D U C E M,
S. R. I. ARCHIDAPIFERUM
E L E C T O R E M,
Comitem Palatinum Rheni, Leuchten-
bergix Landgravium, &c.



MONACHII,
Excudebat IOANNES GUILLIELMUS SCHELL,
ANNO M. DC. LXII.

BOICE GENTIS

ANNALUM

PARS I.

COMPLECTIVAR HISTORIAM

a prima Bojorum origine usque ad annum Christi
MCCC. XLV. quo Ludovicus Rex
electus est Imperator Romanorum

FERENSISSIMUM PRINCIPES

DOMINUM DOMINUM

FERDINANDUM

M A R T I A M

Utriusque Bavarie, & Palatinatus Superioris

DUCIS

S. R. I. ARCHIDUCIS

ELECTORIS

Comitum Palatinatus Rheni, & archiepi-

scopi Landgraviarum, &c.

MONACHI

Excusabat Ioannes Gualterius Schellius

ANNO MDC. LXII.



S E R E N I S S I M E


ac

P O T E N T I S S I M E

E L E C T O R ,

PRINCEPS AC DOMINE

Clementissime.



Avaricæ Historiæ Libros septuaginta duos, Ser.^{tas} V.^{ra} Clementissimis manibus, quâ decet submissione & reverentiâ, configno.

Videbit ex ijs Ser.^{tas} V.^{ra} Majorum suorum Gesta ac Decora, sed & æternæ Providentiæ pulcherrimas ambages admirabitur, pro Boici Nominis Gloriâ & Salute, per tot sæcula, tot arcana consilia, tam solerter excubantis.

Spectabit victricia Bojorum Arma, per Asiam Italiâque, & totam, quàm latè patet, Germaniam circumlata. Majores autem ipsos, nunc inter Sceptra, Fasces, Diademata sublimes; nunc aliquantùm à Fortunâ desertos, & tamen non oblitos innatæ Magnitudinis; nunc iterum ab eâdem sublato ad Imperia, coronas,

EPISTOLA

ac totius Germaniæ, Italiæque Arbitria; nec multò post, domesticis dissensionibus collisos: donec in ea, quâ nunc est circumscripta, magnitudine, sæculo uno alteroque Provincia acquievit.

Sic sunt humana, sic eunt, neque dignius est etiam Maximo Principe spectaculum, quàm intueri hos Divinæ Providentiæ ludos, quos instituit in hac scenâ, erudiendæ tantis Actoribus Mortalitati.

Præcipuum autem, & placiturum ante omnia spectaculum erit Ser.^{mus} Parens, quem benigna Divinitas, & haud dubiè bonorum precibus exorata, ipsos annos quinquaginta tres fatifcenti, per tam spissa pericula, Bavarix concessit.

Ex ijs annis, tanquam indulgente ad initium Numine, primi magnam partem innocentes pacatique decurrerunt; quo tempore, ordinatæ Provinciæ, revisum Ærarium, extructum, tanto dignum Habitatore, Palatium; Arma, Munimenta, Fœdera conquifita, quasi jam tum providente perspicacissimo Principe, quæ peccaturi essent anni sequentes.

Igitur erumpente, anno sæculi decimo octavo, belli flammâ, Duces, Milites, Armamenta, Consilia statim prompta fuere. Recepta mox Austria; debellata Bohœmia; finisque jam tum
im-

DEDICATORIA.

imponi potuit malis, quæ tam longo ordine secuta sunt. Cæterum, cunctantibus, qui victi erant, & alios atque alios identidem Bellatores producentibus, receptum interim Electoralis suffragij Decus, & exercitibus procul à felici Bavariâ pugnantibus, decennium ferè totum, numerandis tantum Victorijs, insumptum est.

Sed nimirum Publici intererat, sapientissimi Principis Virtutem, etiam inter aspera exercitam ostentari. Abrupta à mari Baltico tempestas, Germaniæ primùm omni, deinde etiam Bavariæ incubuit. Ibi Ille prudentissimo Consilio, hostem, primis successibus ferocem, præreptâ primùm Ratisbonâ, & admotis deinde Norimbergam exercitibus ex Bavariâ, jam victorem & alia parantem, extraxit. Atque eo deinde cæso, belli reliquiæ ad Nerlingam, occupantibus primam Victoriâ Bavaricis copijs, totâ acie deletæ sunt.

Illo etiam tempore debellari potuit, si Ser.^{is} Suæ Consilij Respublica stetitisset, sed mixta bellicibus animis externa potentia, rem distulit; dimicandumque postliminio, non magis aperto Marte, quàm arcanâ prudentiâ fuit.

Gesta per id tempus, nec segniter, nec infeliciter Arma, ut agnoscerent hostes, precariam Pacem non quæri, non recipi. Mixta etiam felicibus Armis æquissima consilia, ut constaret,

EPISTOLA

ret, sinceram, & Posteritati innoxiam Pacem, etiam à pugnacibus & vincentibus ferri posse; donec ardente iterum Bohoemiâ, quæ prima belli faces intulerat, acta tamen res est omnium pulcherrima, atque PAX PVBLICA minacibus, & iterum novæ prædæ imminentibus extorta, ita MAXIMILIANVS Ser.^{ti} V.^{re} amantissimus Parens, pacatâ demum Germaniâ, collocatâ in tuto Patriæ & Ser.^{mæ} Familiæ Fortunâ, (quantum quidem fas est humanis consilijs) relicto Ser.^{ti} V.^{re} tot Provinciarum, tot Virtutum Patrimonio, mortalitate excessit.

Virtutum porrò Nomina, quæ tantis rebus gestis semper præsto fuere, quis evolvat?

Pietatem, & cum DEO conjunctionem, quantam arcanorum omnes conscij nôrunt; ita tamen temperatam, ut humanarum interim curarum nihil omitteret.

Æquitatis & Iustitiæ severas semper & incorruptas Leges, sed miserationibus pauperum & subditorum ita permixtas, ut, quamvis vastatâ Provinciâ, Regij tamen quotannis sumptus superessent ad juvandos egentes.

Pacis Bellique juxtâ studium indefessum, ut propè nescias cui se Maximus Princeps majori curâ & sollicitudine impenderit.

Frugalitatem Orbi cognitam, sed tamen cum Magnificentiâ opus esset, Conditionis & Majestatis suæ non immemorem. Ob-

DEDICATORIA.

Observantiam erga Reges, Principes, Cæsares, fidam, constantem, perpetuam, sed tamen talem, ut metui etiam & mereretur, & posset.

Prudentiam tam certò, tam longè, tam multa prospectantem, quæ tamen etiam aliorum consilia audire, & quærere non dedignaretur.

Quos inter cùm Optimus & Sapientissimus Princeps etiam me (quamvis minimum) delegerit, qui impensâ in ejus felicibus obsequijs ætate, mortalitatis metas, non longè prospicio, dignius munere ac conditione meâ monimentum reperiri non potuit, quàm ut hosce Bavariæ Historiæ Libros Ser.^{ti} V.^{re} dedicarem, simul Testes meæ erga Ser.^{tem} V.^{ram} humillimæ ac singularis observantiæ, simul obsides meæ, etiam post Fata semper devotæ, semper addictissimæ voluntatis. DEVS Ser.^{tem} V.^{ram} in annos plurimos Publico & Patriæ servet, ac tueatur incolumem: ita voveo!

Ser.^{tis} V.^{re}

Humillimus ac devotissimus

Servus

IOANNES ADLZREITTER

à Tetenweis, Arcani Consilij Cancellarius.



AD LECTOREM.



Es à Boijs gestas mandare litteris, ad posterorum memoriam, meditantī, haud pauca stylum mihi à scriptione revocabant. Etenim obstrepebat rerum scribendarum magnitudo, sæculorum longa series, destituta scriptoribus, & velut immemorabilis; tandem etiam ne in ijs, quæ virorum præstantissimorum operâ lucem jam dudum accepere, non modò viderer actum agere, sed bene actum, malè etiam egisse. Verùm, in isto cogitationum æstu, pervicit eorum sententia, quibus honestè nequibam refragari; ut auderem saltem facere laboris mei periculum. Et verò, si mihi deforet facultas, adeundi rerum tot retro sæculis abditarum, recessus, non apparebat, cur id mihi fraudi foret potius, quàm alijs, quibus citra noxam contigit, eò non penetrâsse, unde nullus adhuc pedem retulit; nec aperuisse viam, hætenus irrepertam, quantævis majorum nostrorum diligentia.

Esto, viri clarissimi in eodem stadio, ante me, cum magna laude desudârint, non fuit tamen omnibus idem genius, sed suus cuique modus & peculiaris industria, quâ citra (ut opinor) mutuam injuriam, singuli ad palmam aliquam cucurrerunt, inque suo (ut ajunt) mustaceo quæsierunt Lauream. Vt enim minimè mihi non pollicerer, Velseri nitorem, Raderi claritudinem, Brunneri numerosam, & vix ulli imitabilem celsitatem; reperere tamen aliquid viri gravissimi, cur dicerent se meam cuicunque modi manum flagitare. Voluerunt scilicet eodem stylo ac tenore, in unum semel simulque conferri, quæ ad nostram usque ætatem gessere Boij; tametsi

AD LECTOREM.

etsi alij nonnulla ex ijs, per partes, & versicolore admodum cultu ediderant. Et nescio quo fato contigit, contigit autem mihi longè secus opinanti, & alia omnia exoptanti, ut poscerent meam dictionem, non ut sublimem, qualem in alijs mirabantur magis quàm amabant, sed planiorem, & tanquam cymbalum ad quasvis aures. Verbo, voluerunt cæteris relinqui sui pretium, si non augeri, vilioris objectu; & sincera quidem scribi, sed ad gustum plurium, quicquid tandem Catones varij ingenij, & sermonis ampullati adoratores, exadversum arbitrarentur. Quare gessi morem, eâ conscientia, quòd integrâ fide, & nullius odio, vel amore scripserim; licèt haud sim nescius, quòd quemadmodum in diuturnâ navigatione non desunt Syrtes, & tempestates, sic in prolixâ rerum multiplicium narratione, proclive est, incurrere in scopulos & aliquas aberrationes. Quamobrem haud ægrè patiar, si quid devium irrepsit, à peritioribus reduci in viam, modò ne culpæ vertant, aut vitio, quòd mihi conscius sum nullo meo dolo provenisse. Nolim dissimulent, quicquid erit, quod accusent; id verò si fecerint, me (ut cum Livio loquar) consolabor bonorum ingeniorum nobilitate, quantumvis meo nomini offecerint.



BOICÆ GENTIS
ANNALIUM
PARTIS I.
LIBER I.

Bojorum nomen & origo. Migratio. Res gestæ in Italiâ. Roma occupata. Pugnæ ad Clusium, ad portam Collinam, ad Præneste, in agro Albano, adversus Græcos in agro Pomptino, ad Camertem, ad Aretium, ad Lacum Vadimonis. Bojorum fœdera cum Dionysio Siculo, Alexandro Macedone, Hetruscis, Gallis Transalpinis.



Ebet Assyriorum natio nominis sui celebritatem non tam potentiz, & fortunæ magnitudini, quàm felicibus ingenijs, quæ ab Hebræis Græcisque nacta est ad propagandam rerum domi forisq̃ gestarum memoriam. Ad famæ perpetuitatem perinde profuit Spartanis & Atheniensibus, non quòd Respublicæ non amplissimis definitæ regionibus cæteris gentibus præstarent, sed quòd haberent laudatores domesticos, qui earum facta gloriâque dictis superarent potius, quàm æquarent;

si verum est, quod Tullius de Græcorum levitate & mentiendi libidine, gravi oratione notavit.

Quòd si Bojorum genti fors fuisset similis ab immortalì Deo concessa, nihil foret, cur hodie illius originem, sedes antiquas, præclara facta, fortunam, tam anxie, perque tot ambages pervestigaremus. Verùm ut illi procul abfuerunt à Musis mansuetioribus, & cultiore Litteratorum conspectu, ita seriùs Græcis Romanisque litteris innotuere. Et Italiæ quidem ad usque Tarquinij Prisci Romæ regnantis ævum, sexcentis ante Christi in terras adventum annis, fuerunt ignorati, & communi mortalium fato etiam diutiùs ignorandi, nisi suscepto in Græcos Italosque de gloriâ deque imperio certamine, fuissent consecuti, ut duo populi, quibus nullus facundior, sua facta aliter recensere non possent, quin simul Boicæ fortitudinis meminissent. Hoc tamen (ut solet ab hostibus) malignè perstiterint, quia tamen id quaecunque est, tanquam ab inimicâ manu profectum, pro sincero atque rigido habendum; nec est, cur sit obnoxium suspicioni, quasi fuerit aspersum ullâ specie vanitatis, aut fūco adulationis.

Pars I.

A

Bojo-

Crisp. Salust.
in exord.
Conjur. Cati-
lin.
Cic. lib. 2. de
Orat.
Orat. pro
Luc. Flacc.

I.

BOJORUM
NOMEN SE-
RO RELATUM IN LIT-
TERAS.

II.

INCERTA
BOICI NO-
MINIS ETY-
MOLOGIA.
Cas. de bell.
Gall. lib. 1.
Tacit. de Mo-
rib. Germ.
Strabo ex Pof-
sid. Lib. 7.

Bojorum nomen edidère quidem vetus Poëta Simylus apud Plurarchum in Romulo, Polybius, Livius, Cæsar, Tacitus, Strabo, Cornelius Nepos, Plinius, aliique veteres, sed longè seriùs, quàm ut domestici juxtà atque externi rerum Boicarum Scriptores omnem retrò memoriam, ad usque prima gentis incunabula, ex ijs certâ ratione possent relegere. Eo factum, ut ne primævam quidem Boici vocabuli originationem satis perspectam habeamus. Si quorundam regentiorum exemplo luberet facere conjecturas parùm idoneas; ductâ è linguâ Celticâ nomenclatione, novitijs commentis posset adijci, Boijs suam appellationem obvenisse, quodd, cum ex Galliæ populis, unde ijs origo est, provenerint, & magnam partem intra vastum Hercinijs nemoris ambitum, velut coronâ cincti consederint, à Sylvâ, quæ Celtis Bois dicitur, hodièque à Ripuarijs-Buitch & Boscum, Bojos Græci & Latini nuncupârunt. Sed in re seriâ non lubet in incertum ariolari. Id certius est, temporis diuturnitate, per varias mutationes, Boicum nomen degenerasse in Bavarum, eo quodd Scriptores vulgus secuti, arripuère vocem, quæ à multis intelligeretur, ne cum paucis sentientes vix se ullis satis explicarent.

III.

In prolog. leg.
Salic. juxta
M. S. & edit.
Parisiens.

Hinc apud Iornandem legere est Boibaros, Bajobaros, aut ex veteri codice Baibaros; apud Paulum Diaconum Bajoariam, Bojoariam, quod in gentis quoque legibus invenitur. Metellus Poëta inter Bojos antiquissimus Bajariam patriam & Bajaricum solum dixit. Venantius Fortunatus Bojariam, Bajoariam, Bajuariam: Author vitæ S. Udalrici Bajoarios & Bauvarios scripsit: quibus ex fontibus paulatim prodijt nomen Bavarix, Bojerorum, item & Bojatorum, vernaculâ appellatione, retentisque prisce nomenclationis vestigijs. Sunt etiam, qui Bavarix dictionem ex Boijs & Avatibus consulam esse autumant, secuti Paulum Æmilium gravem alioquin auctorem, quando in Carolo Magno, Hunnos vocat Bavarorum consanguineos, ac denique asserit Avars Hunnorum populos eisdem esse cum Bavaris, & omisso vetere gentis universæ nomine, ab

Crantz. lib. 3.
cap. 19.
Blond. lib. 4.
decad. 4.
Naucerus
Volum. 2.
Generat. 19.

Avare Rege nuncupari voluisse. Ab Æmilio non procul discedit Crantzius in Daniâ, & post Blondum, Naucerus & Aventinus, addens: Hunnos à Boijs deletos, regionem novis Bojorum colonijs vacuum fecisse, indeque primùm Babaros & Babariam, postea Bavariam extitisse. Verùm ut ista sine teste ac consule adferuntur, ita meritò relegantur ad nugas & errorem Æmilio non ignoscendum. Nec verò credibile est, Scythicam Hunnorum nationem cum Boicâ coaluisse, ob pertinacissima odia, quibus se duo isti populi atrociter exercuerunt.

Arenbeck.
Andre. Ra-
tib. Tritheim.

Longè levior est eorum opinatio, qui Boicum nomen in Armenum quempiam, hoc argumento, referunt, quodd Romano imperio sub unius dictaturam redactò, sive Julij Cæsaris, vel Augusti, sive Tiberij ævo, Boamundus & Ingranus pulsi ex Armeniâ, vel sponte migrantes, in oras Boicas venerint, & eadem quiddem viâ, quâ primus Boici nominis conditor olim præcesserat: Id enim planissimè refellitur ab ijs, qui Bojos aliunde, quàm ex Armeniâ accersunt, faciuntque Bojorum appellationem istâ Boamundi protectione longè vetustiore. Ut enim demus, ex minore Armeniâ, quæ in Tolistobojorum potestate fuerit, Galatas aliquos Romana castra secutos Imperatoribus arma sociasse, ijs bellis, quæ Augustus & Tiberius in Rhætia, Vindelicia, Norico, & Illyrico gessere, inde tamen nemo sapienter inferet, Boijs nomen ante istud ævi defuisse.

BOJORUM
ORIGO.

IV.

Senec. Epist.

44

Hæc de Bojorum nomine: Nunc de eorum origine, sedibus, factis illustribus, indole, paucis agendum est. Et primò quidem fatendum, in memorandis populorum natalibus miram apud Genealogos reperiri fictionum libertatem, quando sùsque deque habitâ veri falsive ratione, putârunt, se denique nobilem operam præstitisse, si per nescio quæ fabularum diverticula, ortus eorum, quos laudandos susceperant, ad unum aliquem è Semideis reduxissent. Philosophati fuissent cum Senecâ longè sapientius, si dixissent, longam cognationum varietatem, progressu sæculorum & infinitâ gentium propagatione, nobilissimum sanguinem miscuisse, & sursum deorsum veriasse familias. Certè uti magnorum fluminum noti sunt lapsus, nota ostia, & fontes ferè ignoti vel promiscui, ita gentium

cium primordia pleraque tam sunt obscura, ut pauca sibi satis consent in longum, nisi quæ sacrarum paginarum auctoritate firmentur. Sit sua Romanis origo à Trojanorum excidio & fugitivorum reliquijs; Francis à Trojano Francione, & palude Mæoticâ: Numerent alij, quibus vetustissimæ & propè incognitæ nobilitatis amor est, inter suos progenitores nationem Aboriginum, aliaque, si lubet, nomina; nobis certa placent præ speciosis.

*Ammian.
Marcel. l. 15.
Paul. & Emil.
p. 1. v. 1.*

Non bene Bojorum propagini consuluerunt, qui ut eos Herculis sanguine nobilitarent, Bojorum aliquem ex ipsius cum Celtione aut Sterope congressu inani commento protraxerunt in lucem: Haud multò meliùs alij ex equo Trojano Heroem ediderunt Bojorum parentem. Qui Bojos è montibus Armeniæ profectos Europæi imperij partem credunt condidisse, perinde faciunt, atque si è Noëtica posteritate eos dicant provenisse. Paulò quidem enucleatius se explicant, qui per Ascenezi, Gomeri, & Japheti sobolem ad Noëmum ascendunt: sed neque illi faciunt satis anxie rimanti continuam nepotum successionem ad Boicum usque nomen: Quare id duntaxat efficiunt, ut nobis ostendant, esse per ignoratas multorum sæculorum generationes denique veniendum ad ea saltem incunabula, quæ nobis certior Priscorum Fides monstravit.

V.

In his Livius, postque eum Tacitus & alij, qui Bojos Gallicam esse gentem observârunt. Porro Gallos cæterosque Europæos, ab Japheto, qui Noë Pater, conditos, pervulgata est inter complures, ex Josepho Judæo hausta sententia, quam adversus pertinaces nec confirmare sit facile, nec operosum infirmare. Ad Gallos pertinere Celtas, & ab his Bojos genus ducere, nemo ambiget, qui veteres Celticæ limites in Priscorum monumentis legerit. Illi enim Celtas ductiore vocabulo dixerunt eas gentes, quæ Pyrenæis montibus & Graijs, Peninis, atque Cottijs Alpibus inclusæ, quæque cinctæ mari mediterraneo ad ipsas usque Gades, ne exclusis quidem Celtiberis, & quæ æquore Aquitanico, Britannico, & parte Oceani Germanici, magnæ Germaniæ fines extremos & Danubium Rhenumque accollere. Ita Celtarum nomen non Galliam modò, sed etiam Germaniam complectebatur, donec divisis imperijs & appellationibus, singulæ partes relicta Celtarum nomenclatione peculiaris sibi nomina asseruerunt, & Celtica, quæ antea latè admodum patebat, in angustiores fines est redacta. Etenim Germani, serò licèt abjecto Celtarum nomine, coluere Germaniam, Galli Galliæ duos trientes occuparunt: In tertio, qui tractus est partium Lugdunensium, regionumque, quas Ligeris & Garumna Fluvij à cæterâ Galliâ determinant, hæc Celtarum nomen. Atque in his quidem fuere Boij, quousque allekti cupidine dominandi, extra angustiores patriæ limites novas sibi sedes sub suis quique Ducibus quæsierunt. Ad eum modum divisi à cæterâ suorum popularium multitudine, suas ut sibi res haberent, innatæ fortitudini campum si non latiore, at latiore saltem & gloriosiore aperuerunt, in quo jus ab armis mutuari & à virtute honorem, palmas fererent, & opes suâ industriâ procrearent.

*Liv. lib. 5.
post med.
Tacit. de Ger.
morib.
CELTICÆ
DIVISIO
ANTIQUIOR.
Dio lib. 39.
Ephor. apud.
Strab. lib. 4.
Hipparch. ib.
Eudox. Rhod.
apud Apollon.
hist. mir. 24.
Joan. Marian.
l. 5.*

Boi è CELTIS ORIUNDI.

Tito Livio potissimum nritur hæc narratio, cujus proinde verbis ferme utemur. Prisco Tarquinio Romanorum Rege, Celtarum imperij summa penes Bituriges fuit. Ii Ambigatum dedere Regem virtute tum suâ, tum publicâ præpollentem; quòd ipso imperante Gallia adeò frugum hominumque fertilis fuit, ut abundans multitudo intestinâ laborans discordiâ, assiduisque domi dissidijs, vix posse gubernari videretur. Ergo Regi magno jam natu, regnum prægravante turbâ exonerare cupienti, consilium fuit Celtarum colonias amandare in terras alias, specioso nomine libertatis; cuius pars esset, nullis agrorum spatijs, sed solo bellicæ fortitudinis complexu coerceri. Valuit ea ratio apud gentem præferocem, eò præsertim, quòd regios nepotes, duces, quorum militarent auspicijs, erant habituri. Hi fuere Bellovesus ac Sigovesus, sororis Ambigati Regis soboles, impigri & magnanimi juvenes. Iis facta potestas, quantum vellent numerum sub signa redigendi. Justinus author est, legisse eos trecenta omnino millia,

VI.

*Lib. Dec. 14
Lib. 5.
AN. AB VRBE CONDITA
CL.
Justin. lib. 20.
BOIORUM è
CELTICÆ
MIGRATIO.*

Justin. lib. 24.

INGRESSUS IN HERCINIAM quantum videlicet esset abunde, nequa gens advenientes posset arcere. Tum divisus inter utrumque copijs, sortitò ductæ regiones, quas singuli invaderent. Sigoveso, sub quo meruere nostrates Boij, obtigere saltus Hercinijs & terrarum finitima, spe haud dubiâ, fore, ut Rheno superato, in adversam ripam segniter custoditam evaderent, invaderentque sedes nullâ adhuc regnorum potentiâ regionumve conjunctione satis firmatas adversus ingentes copias, quæ ut numero, ita animis & migrandi necessitate invaluerant.

ITALICA EXPEDITIO.

VII.

MEDIOLANI ORIGO.

Belloveso sorte haud paulò lætiore, venit in manus Italia. Ille ex Biturigibus, Arvernibus, Senonibus, Heduis, Ambartibus, Carnutibus, Aulercis, quod Provinciarum modum spaciâque exuperabat, excivit, eduxitque in Tricassinorum fines. Ulterius profecturo obstabant Alpes, & eæ quidem ab omni retro memoriâ (nisi de Herculis transitu fabulis sit fides) nullâ dum viâ visæ exuperabiles. Ibi cum montium altitudo Gallos veluti septos contineret; circumspectantes quam per juncta cælo juga in alium quasi terrarum orbem transmearent, etiam religio tenuit, quod allatum esset, Massilienses advenas navibus à Phocide advectos, agrumque quærentes, abs Salyum gente oppugnari. Id Galli fortunæ suæ omen rati, Massilienses adjuverunt, ut quem primum in terram egressi locum occupaverant, patentibus silvis communirent; ipsi verò per Taurinos, saltusque alpium Juliæ transcenderunt, & fuis acie Thuscis haud longè à Ticino flumine, cum, in quo confederant, agrum Insubrium appellari audissent, cognominem Insubribus, pago Heduatorum; ibi, omen sequentes loci, condiderunt urbem, quam Mediolanum appellarunt: quod Claudianus in nuptijs Honorij notasse videtur his verbis:

Admœnia Gallis

Condita lanigera suis ostentansia pellem:

OCCUPATA à BOIIS PADI CONFINIA.

VIII.

SENONUM COLONIÆ.

Appian. in Celtic.

MUTUA AUXILIA.

Strab. lib. 4.

BOII ITALIAE FORMIDABILES.

Liv. lib. 5.

ed quòd cum ejusce Urbis fundamenta jacerentur, effosso solo, repertam ferunt suam lanatam. Alia subinde Gallorum manus priorum vestigia secuti Duce Eritovio, ubi nunc Brixia ac Verona Urbes sunt, confederunt. Post hos Salluvij, qui prope antiquam gentem Levos Ligures, circa Ticinum amnem incolentes, petiere Apenninum: Deinde Boij Lingonésque transgressi, cum circa Padum atque Alpes omnia tenerentur, Pado ratibus trajecto, non Hetruscos modò, sed etiam Umbros agro pepulerunt, ita tamen, ut intra Apenninum sese continerent. Tum Senones recentissimi advenarum, ab Usente flumine usque ad Athesim fines habuerunt. Inde venere Clusium, & Romam denique: An verò soli venerint, an junctis cum cæteris Celtarum copijs, haud satis est compertum. Vix tamen potest ambigi, Bojos, quos Appianus Gallorum appellat ferocissimos, in expeditionis partem venisse, & nequiquam passos à cæterâ gente sine suis auxilijs triumphari. Et vero non est simile, nostrates Bojos Herciniæ sic adhæsisse, ut quietam assecuti sedem, cæteris Celtarum in Italia laborantibus, cessare sustinuerint. Certè Italico bello Volcas, Tectosages, Bojorum cognatos, confines Herciniæ, Viros Straboni bello bonos, Italico bello navasse operam, à Cæsare juxtà ac Tacito assertum reperio: Nec dubitârim, quin Boij plerique, ut periculorum, ita praxmiorum voluerint esse socij, sociatis in hostes communes armis atque animis, quæ fuit eritque semper ars optima acquirendi juxtà ac retinendi dominatûs. Ergo tamen non minibus sedibûsque forent discreti, nullo tamen discrimine, non hostes minùs, quàm amicos habuere communes, ne cui liceret istis constituendarum sedium iniitijs, unos bello petere, qui simul omnes non lacefferet: quibus rebus, perinde atque multitudine, & invisâ corporum armorumque formâ, Italici evasere formidandi, quamdiu in eorum mores non immigrârunt ex ambitione discordiæ, ex discordijs inimicitiz, pestes Reipub.; quæ per libidinem perdendi pereundique, nihil malorum in imperia non invexere: Tanti refert per quos viros, quibus animis, gerantur summæ res mortalium. Bojos igitur, melioribus instructos artibus licet, oderant vicini, quique patrijs Laribus erant exacti; metuebant tamen adversus invictam Celtarum nationem hostilia facere.

Id patuit anno ducentesimo à Bellovesi in Italiam irruptione, Veienti bello, quod Veijs demum exitiale fuit. Cum enim eorum res à Romanis in præceps urgerentur, Hetruriz populi ad Volturnæ fanum egere comitia, merito suspectantes Romæ paulatim crescentis magnitudinem, & veriti, ne Veijs superatis, ipsi quoque pari sorte à Romanis sub jugum mitterentur. Capenatibus igitur ac Faliscis postulantibus, ut Vejos ope communi simul omnes Romanorum obsidioni eriperent, responsum est, auxilium jam antè Veientibus fuisse negatum, quia à quibus consilium super tam periculoso bello non petissent, petere suppetias non deberent; eo maxime tempore, quo novi accolæ Boij, qui proximi confederant, & olim cis ulgæque Padum Hetruscas Legiones fudissent, & fugassent ultra Apenninum, arma aliorum non sinerent converti; quando ex eorum propinquitate Hetruriz esset abunde discriminis, nondum oblitteratâ acceptarum ab ipsis cladium memoriâ, metuque, ne gens assueta bellis per domesticarum copiarum absentiam, occasionemsumeret hostilia denuo moliendi, insuper habitâ pacis, quæ satis fida non esset, ratione, si hominibus aliena semper ambientibus bello videretur esse inutilior. Paterentur ergo Veij cæteros Hetruscos suæ rei, quàm aliorum esse propiores, nec tamen à re communi sejunctos, quando in hostem æquè atque Romanos metuendum, essent intenti. Concessere tamen comitia publico nomini, & præsentis consanguineorum periculo, ut, si qui è juventute voluntarij cuperent Veijs militare, eorum se causæ sociarent, modò tamen ne in Hetruriâ legerentur. Quæ res satis prodidère, quàm formidabile nomen apud Italos Boij sibi comparassent, quàmque sit imbecillis potentia per intestinas discordias dissoluta, quæ rei communis internecina labe semper publico obfuit, nec satis tamen unquam cavebitur. Veij enimvero deserti, post obsidium decem omnino æstates hiemisque incredibili virtute toleratum, cum Romanis plus intulissent cladis, quàm acceperant, denique urgente fato fuere superati.

Ad Bojorum famam eodem anno atque die, quo Camillus dictator Veijs potitus est, accessit illustre factum, quod Cornelius Nepos ac Plinius scriptum reliquere. Melpum erat in Insu-bribus oppidum inprimis opulentum, quod majore, quàm cæteræ urbes, fiducia suam libertatem tuebatur, detrectans Gallicum imperium. Visum id Boijs perniciosius, quàm ut gliscente ad reliquam Italiam exemplo, putarent esse tolerandum. Quamobrem adscitis Senonum & Insu-brium auxilijs, visum est fore è re communi, si refractarijs vis admoveretur. Id factum tantis animis & aspirantis fortunæ benignitate, ut Melpum uno die obsessum, captum, atque deletum, in suo cinere atque ruderibus descriptum monumentum reliquerit, quod cæteras doceret urbes, arma Boica ad excindendam rebellium pertinaciam plus unâ die posse, quàm Romana per decennium contra Vejos poruissent.

Ne Melpi excidio provincia vastior minúsque culta redderetur, Boij haud procul inde vicum condidère, qui, posteaquam mœnium cinctu civitatis formam induit, Laudis Pompejæ nomen accepit. An eisdem conditores Mutina debeat agnoscere, neutram in partem facile pronuntiem, cum id videam à quibusdam præfractè satis negari. Verùm, quod Plinij commentator inclinet in Bojos, nec abludat Livius, quando agrum Mutinæ & Parmæ vicinum ait ad Tuscos primum, deinde ad Bojos pertinuisse; non videtur vero esse simile, gentem quamlibet fortem, quæ centum duodecim Tribus, teste Catone apud Plinium lib. 3. cap. 15. numerabat, à Mutinâ condendâ, vel ab alijs etiam urbibus extruendis abstinuisse. Mihi bonus author est Justinus, qui Gallos ait Mediolanum, Comum, Brixiam, Veronam, Vergamum, Tridentum, Vicentiam condidisse. His addunt aliqui Bononiam, Felsinam à primis incunabulis appellatam, ac demum Bononiam, quasi per paragrammatismum dicas Bojoniam. Enimvero quis credat Bojos in Celticâ urbium non insuetos, imbutosque Gallicis moribus atque disciplinis, haud secus quàm Bituriges, Lugdunenses, Senones Senarum in Ita-

IX.

ROMANORUM BELLUM IN VEIENTES.

AN. AB. URBE CONDITA CCCLIX.

X.

Plin. l. 3. c. 17. MELPUM à BOIJS EXCESSUM.

BOIJS VARIARUM CIVITATUM CONDITORES.

XI.

Comment. Plin. lib. 3. cap. 17. Liv. Dec. 4. lib. 9. Justin. l. 20.

*Brun. lib. 1.
pag. 19.*

*Polyb. lib. 2.
pag. 106.*

*Plin. l. 3. c. 16.
Polyb. hist. l. 2.*

ROMAM IN-
VADUNT.

XII.

AN. AB. UR-
DE CONDITA
CCCLXV.

*Sil. lib. 4. de
bello Punico.*

*Virg. Aeneid
8.*

liâ conditores, tam procul à primævo ingenio degenerasse, in Italici cœli mitissimâ temperie, ut ne cogitarent quidem de molendis mœnibus, qualia domi viderant, videbântque indies à vicino hoste magno commodo excitari, & verò etiam frequentari. Hanc illis industriam qui detraxere, simul negavere mores civiles atque sapientiam; quasi unica ipsis cura lausque foret, pericula solo pectorum objectu, non murorum præsidij depellere; nullam nisi in armis vim ponere; conjuges, liberos, fortunâque sub mapalibus neglectim habere, cuius hostium latronumque opportunas; commune cum pecudibus rectum umbramque habere, idemque adversus hiemes pluviasque cum bestiis suffugium: verbo, non modò inhumanam, sed ferinam vitam perpetuò agere. Ut enim non eam inficias, Polybium de Bojorum institutis vera scripsisse, si migrationis Italicæ primordia respexerit, non ideo tamen est consecrarium, illos annis succedentibus nihil novæ munitionis vel ædificij ad suos usus tutelamque excitasse. Initio nihil mirum est, eos vicatim pagatimque habitasse, cum nullis adhuc mœnibus potirentur: tenuem oportet fuisse suppellectilem & castrensem vivendi modum, non in specubus, ut volunt severiores Curij, sed sub djo vel pellibus: ut illos autem ad dapes silvestres, ad nemorum spolia, ferarumque lustra relegemus, id sane alienum est ab hominibus, qui solum mutant non modò hominum, sed frugum etiam optimarum abundans. quod paulò antè ex Livio demonstravimus. Nobis sufficiet ad asserendam Boici nominis gloriam, nihil ipsis moderatæ frugalitatis negare, sed potius tribuere, quicquid paritur honesta sobrietas, quodque exigit civilis sapientia, militaris fortitudo, quæ foris reddat invictos, domi temperatos, publicè concordēs, & ad omnes casus probè comparatos. De Podencomago Bojorum civitate Pado adsitâ, cum nihil certi habeatur, vanum esset quicquam certò asserere, tametsi Plinius Padum scribat Bodincum, hoc est, fundo depressum fuisse nominatum, & Polybius Podenci nonnullam faciat mentionem. Eò sumus digressi per occasionem excidij Melpinorum: consequens est, ut quæ præterea Boij gessere in Italiâ, prosequamur, inde venturi ad res gestas alibi locorum.

A Melpi everfione sex anni non toti fluxerant, cum eorum auxilio, Brenni ductu & auspicijs, ad Clusium, quod Galli expugnandum sumplerant, belli atrocissimi factum est initium. Videtur quidem Livius ambigere, an sola gens Senonum, an omnes Cisalpini huic expeditioni navârint operam; haud tamen obscure ostendit Polybius, interfuisse Bojos & Romæ captæ, & arcis Capitoliæ obsidioni. A Polybio non abludit Silius vir consularis, idemque orator ac poëta, qui historiæ quàm poësi propiora scripsit, Neronis ævo. Is Chrixum Bojorum Ducem, & Brenno atavo captique Capitolijs auspice gloriantem, sic inducit:

*Bojorum ante alias, Chrixo Duce, nobilis ala
Arietat in primos, obicitque immania membra.
Ipse tumens, atavi Brenni se stirpe ferebat
Chrixus, & in titulos Capitoliæ capta trahebat,
Tarpejorque jugo demens, & vertice sacro,
Pensantes aurum Celtas umbone ferebat.
Colla viri fulvo radiabant lactea torque,
Auro virgata vestes, manicaque rigeant
Ex auro, & simili vibrabat crista metallo.*

Hæc si ad historiæ fidem, ut pleraque Silijs, scripta sint, haud levem faciunt conjecturam, Bojos urbi capiendæ, cæteroque bello commodasse manus; quippe qui ducem dederint, nec eum haud dubiè passi sint sine Boicis copijs adversus Romanos proficisci. Sed istud est haud exigui momenti, quod Virgilius, ex quo Silius Bojorum habitum corporis cultumque mutuatus est, Gallos arcis Tarpeie imminentes tessellatis Bojorum rhomborum insignibus vestivit:

Galli

*Galli per dumos adstant, arcemque tenebant
Defensi tenebris, & dono noctis opaca.
Aurea casaries illis, atque aurea vestis:
Virgatis lucent sagulus: tum lactea colla
Auro innectuntur.*

BOIORUM
INSIGNIA.
XIII.

Certè ex Virgiliano Gallorum cultu viri litteratissimi collegerunt prisca hodiernaque Boiorum insignia, & nominatim Propertius.

*Illu virgatis jaculantis ab agmine brachis,
Torquis ab incisa decidit unca gula.*

*Propert. lib. 4.
Eleg. 11.
Tacit. lib. 2.
Sidon. lib. 4.
Ep. 20.
Diod. lib. 5.*

Virgata quoque sagula Tacitus & Sidonius versicoloria appellârunt. Diodorus vocat tunicas varijs coloribus imbutas, caligâsqûe, vel ut nominat Propertius, brachas, & saga virgata, per hiemem densa, per æstatem tenuiora, crebrisque tessellis, instar florum, distincta fibulis: vel ut ingeniosè Velsærus, varijs coloribus, eo modo, quem rete signaret, si ejus maculæ discretis legmentis, coloris varij, velut depictæ, funiculis decussatis Virgarum vice, tessellata fragmenta neccerent. Turnebus ad carmen Virgilij, *Ego (inquit) simplici intellectu & latino, virgatum pædædæ significare puto, quod virgæ quâdam in longum aut latum, variâ serie & colore porrectas habet, ut in concharum genere sunt virgulatæ.* Valerius certe Flaccus Thracum mulieribus vestes tribuens, purpureas non intellexit, sed barbarorum ritu discolores, & veluti segmentis virgatis intextas:

*Val. Flacc. 2.
Argonaut.*

*Iam veniet decorata gelu, sed me quoque pulsam
Fama vico, nostrôsque thoros virgata tenebit.*

Et hoc genus cultûs Gallos ad Caroli Magni ætatem retinuisse probat Barbarus Sangallensis. Nemo, meo quidem animo, meliùs Boiorum signa imaginêsque descripsit, quàm Velsærus, asserens, vetustissimam Boicorum insignium partem, cæruleo & candido alternatam, perparùm abire à virgatis areolis quadratis, quæ modicè in rhombos comprimantur. Idem affirmat se habere compertum, pleraque insignia, quæ ex meris sunt coloribus, à militari primùm habitu manasse, tum ex clypeis in saga migrasse, quod ipsum viri eruditione præstantes non incertè arbitrantur. De Boicorum rhomborum colore Streinius ita differit, ut primùm atro albôque, dein rubro & candido, demum cæruleo & niveo fuerint distincti. Atque hæc quidem, ut appareat Romanæ expeditioni Boiorum non arma modò, sed insignia quoque adfuisse: Ea quibus causis modòve suscepta sit, paucis, Livium secuti, exequemur.

Barb. Sangal.

*Rich. Strein.
pag. 383.*

Liv. lib. 5.

XIV.

LEGATIO
ROMANA
AD BOIOS.

Boij, unaque gentes, quæ trans Padum sedes fixerant, movère Clusium, atque inde Romam. Et Clusini quidem eorum adventum, multitudine, formâ peregrinâ, Gallicorum armorum genere, actisque pridem de Hetruscis, Umbris, aliisque circa gentibus, triumphis exterriti, per Legatos, abs Romanis auxilia rogavère. Ea quidem Senatus populûsque negavit: sed tamen hoc dedit Legationi, ut tergemini M. Fabij Ambusti filij mitterentur, qui cum Gallis agerent, ne Clusinos populi Romani Socios, à quibus nullâ essent injuriâ lacerati, bello peterent: fore alioquin ut suos Romani amicos tuerentur: mallent Galli, nova gens, nec satis adhuc Italiæ cognita, pace, quàm armis innotescere. Hucusque modesta legatio, sed mox exasperata superbâ oratione Fabiorum, apud homines æquè ferocis ingenij, quibus ira in promptu, & responsum fastu atque jactantiâ tumidum: Gallis videlicet non minus esse novum Romanorum nomen, quam Gallica gens nova Romanis videatur: non tamen dubitare se, viros Romæ esse fortes, quorum auxilium in re trepidâ, à Clusinis esset imploratum. Non videri etiam aspernandam Romanorum prudentiam, qui Legationem pacisque consilia armis antetulissent. Quare se lubentes assensuros, si Clusini Gallorum coloniz egenti aliquem agri modum, suis in finibus, quos latiores habeant, quàm colant, concesserint; aliter pacem impetrari non posse: A Clusinis se responsum, quod Romani coràm audirent, expectare: si negetur ager, se Romanis inspectantibus rem daturus in calum & specimen, quo Senatui populôque Romano domi renun-

XV.

PUGNA AD
CLUSIUM.GALLORUM
IN ROMA-
NOS IRA ET
EXPEDITIO

XVI.

ROMANI
PROFLIGAN-
TUR.

renuntiant, quantum Galli ceteros mortalium virtute præstarent. Legatis vicissim sciscitantibus, quidnam id juris esset? agrum à possessoribus poscere, & ni detur, arma vimque minari: cum Galli sibi jus in armis esse dicerent non secus atque Romanis, qui sua pleraque non à stricto jure, sed ferro potius acceperant: exarsere utrinque animi, & dato velut classico itum ad arma. Dum ad vim concurritur, fatis Romanam fortunam urgentibus, Legati, contra jus gentium, ad signa convolant, & ante Hetruscorum Legiones manus conferunt tanto ardore, ut illorum unus, Q. Fabius, equo proventus extra aciem, è Gallis ductoribus quempiam hastâ transfixum perimeret. Spolia legentem Galli agnovère, réque per aciem vulgatâ, ira omnis conversa est in Romanos. Ergo, Clusinis omissis, signum dedere receptui. Fuère è Gallis, qui mox Romam totâ vi petendam censuerunt: obtinuerè sedatores, ut Legati mitterentur expostulaturi de injuriâ, & petituri, ut Fabij, ad pœnas violati gentium juris, dederentur. Senatui Romano Fabiorum temerarium facinus displicuit, & visi Legati æqua postulare; sed ne impetrarent, obstitit populi intercessio, negantis ultima priscae severitatis exempla in tantæ nobilitatis viris esse statuenda. Creati præterea per intempestivam arrogantiam Fabij tribuni militum, cum potestate consulari, quasi rem contra Gallos bene gessissent. Eo facto Legati, pro eo ac dignum erat, offensi, bellum palàm minantes, redivère ad suos. Postquam auditum in castris, Fabijs humani juris violatoribus, supplicij loco, honorem esse habitum, Galli irâ flagrantés, convulsis confestim signis, citato agmine, iter arripiunt tantâ celeritate, ut fama properantium Romam delata, ingentem terrorem ante se egerit, eo maximè, quòd ad tantæ molis bellum urbs esset imparata, & quæ fuit ex inani virium confidentiâ, & hostium contemptu, Senatus populique cæcitas, ne quidem de Dictatore, uti alias, in re creperâ, extra ordinem creando, adsciscendisve sociorum præter solitum auxilijs ulla mentio audiretur. Contracta tamen languido delectu vis tumultuaria, sed eâ oscitantiâ, ut Gallis imminentiùs nemo iret obviam, priùs quàm undecimo ab Urbe lapide, ad Alliam, flumen Romanis fastis damnatum, latè circumfusi, omniâque metu complentes, pervenissent. Tribunos, quorum iniquitate bellum erat accensum, animus ratioque defecerat. Illi denique prodire ausi, ne quidem festinato ad castrorum munimentum receptumque vallo, copias diducunt in cornua, explicantque aciem extenuatis ordinibus malè coherentem: tum subsidiarios, in quibus spes potissima, locant in edito tumulo. Brennus Gallorum regulus suspectans paucitatem hostium in acie apparentium, ratus malè densatos rarosque ordines ex composito dari in conspectum, ut, dum Galli in frontem incurrerent, Romana subsidia in aversos transversosque facerent impetum; omisâ acie, signa in subsidiarios convertit, ut, si eos loco moveret, facilem sibi pararet de cæteris, qui longè erant impares Gallorum multitudini, victoriam. Conspirabant videlicet cum Brenno, non fortuna duntaxat, sed ars quoque & industria, quæ à Romanis defecerant, relictâ animorum tam stupendâ turbatione, pavore, & pristinæ virtutis oblivione, ut, qui steterant in acie, nihil præter fugam meditantes, ne tentato quidem certamine, vix conspecto hoste, cujus ne vultum quidem ferebant, pars Vejos citato cursu profugerent, pars Romam ad conjuges properè dilaberentur. Collis eminentia haud diu tutata est subsidiarios. Qui ab alterâ acie pedem nondum retulerant; simul ac instantium clamores à latere & à tergo auditi, cum ne vocem quidem redderent, integri intactique terga hosti cædenda dederunt. Cornu sinistrum ad Tiberis ripam fugiens armis abjectis, magnâ strage concisum est: multos nandi imperitos, & lorice cæterâque armaturâ graves hausere amnis vortices. Qui Vejos confugerant, sui patriæque immemores, ne fugæ quidem, & vitæ servatæ nuntium Romam ad suos misere, tantum abfuit, ut de urbe tutandâ consilium caperent. Dextrum cornu illæsum, cursu citato, ne clausis quidem post se portis, se in arcem totum recepit. Galli victoriam omni spe faciliorem obstupescentes, vix suis credebant oculis, cum hostem omnem instar nebulæ viderent evanuisse, simulque suspicarentur,

rentur, insidias dolosque fugâ adeò fœdâ componi; satis in præsens habuere, legere
caesorum spolia, & arma cogere in trophæa. Tum deinde, cum exploratores nihil
hostile prorsus referrent, ingressi viam, sole jam ad occasum præcipiti ad urbis
mœnia deferuntur. Cum præmissi equites renuntiarent, patere urbis portas, nul-
lam apparere usquam stationem; ne unum quidem pro mœnibus stare arma-
tum, velut incredibili miraculo agebantur in stuporem, novamque fraudis laten-
tis suspicionem. Ergo tenebris diffidentes, veritique situm atque vias urbis inex-
ploratæ, Romam inter & Anienem constiterunt. Post misere rursus, qui mu-
ros, portas omnes, & si quâ possent, hostis consilia cognoscerent. Retulere illi
mera lamenta; pavorem publicum, luctus privatos, dissonos ejulatus; mortuorum
funera, patriæque desperatæ interitum, totâ urbe muliebrem in modum deploran-
tium; cum nihil propius miserorum obversaretur animis, quàm proxima mo-
riendi necessitas, & ultima fata Urbis calamitosissimæ. Horrorem exaggerabat
lux propinquans, velut nuntia supremi mali jamjam adfuturi. Fuere omnes pro-
pè exanimati, cum infesta signa portis videre illata. In eâ tamen calamitate pro-
micuit aliqua lux, vigôrque Romanæ sapientiæ, quæ rationem ostendit servandi
reliquias urbis, ad terrarum orbis imperium aliquando evasuræ. Placuit enim
senioribus, qui domi restiterant, urbe, quæ à paucis armatis atque imbelli multi-
tudine defendi non poterat, relictâ, spem reipublicæ ultimam militari juventuti,
civibusque, qui supererant, valentioribus, collatâ in Capitolium annonâ, com-
mittere, cæteram turbam fortunæ commendare. Die postera, quæ fuit Iduum
Quintilium, Galli sine impetu, sine iracundiâ, vel ulciscendi ardore urbem in-
gressi, forum, propinqua foro loca, arcisque, quæ sola belli speciem referebat, ad-
itus, præsidio occupant. Cæteri dilapsi ad prædam, per vacuas hominum oc-
cursu Urbis silentis vias, patentes optimatum ædes, obserata privatorum tecta, pro-
ut cuique fors obtulerat, pro arbitratu pacatè & sine sanguine diripiunt. Sede-
bant inter hæc viri ætate, & gestorum magistratuum maiestate venerandi in do-
morum vestibulis. Cum ad eos Galli velut ad simulacra mirabundi consisterent,
è militibus quispiam Papirio viro consulari promissam ad pectus barbam per-
mulcere ausus est. Permulcenti senex scipionem eburneum in caput impegit.
Hinc militum indignatio furôrque, & civium strages. Factum à Papirio cordis
initium; qui, ut postea cæteri, in suâ sede est obtruncatus. A Principibus itum
in promiscuam multitudinem, nullo discrimine: tecta Romanis opibus exhau-
sta, exhaustis injecti ignes per dies aliquot, quorum nullus fuit, qui Romanos,
spei suæ reliquias in arce retinentes, novæ cladis horrore non compleret, exci-
rètque ad patriæ ruenis spectaculum, inter hostium vociferationes, mulierum
puerorumque ploratus, flammarum stridores, & fragores tectorum occiden-
tium. Exinde circumfledere Galli, quod ferè supererat Romani sanguinis, intra
Capitolinæ arcis angustias. Septenos menses obsidio tenuit. Rupem, quam
neque vis, nec ars ulla domuisset, auxilij desperatio, & famis ultima necessitas su-
peravit. Pacta mille auri pondo ex mundo muliebri, qui tum Romæ vicem ara-
rii fuit. Id pretium populi, gentibus olim imperaturi, ab urbe Gallos submovit
idib. Februarii: quando (si Polybio fides est) comperto, Venetos in Hetruriæ
fines irrupisse, domum fuere revocati. Qui plusculum Romanæ gloriæ indul-
gent, scribunt eos morbis, inediâ, cladibusque fatigatos abiisse.

XVII.

URBS CA-
PTA.

AN. AB UR-
BE CONDITA
CCCLXVI.

Plin. lib. 33.

cap. 1. ponit

AN. AB UR-
BE CONDITA
CCCLXIII.

Flor. in Epit.

DIREPTA.

XVIII.

PATRATÆ
CÆDES.

Flor. l. 1. c. 13.

Appian. Celt.

Plutarch. in

Camillo.

XIX.

Quæ prodidit Livius, ad delendam Romæ subactæ memoriam, tametsi Flo-
ro, Appiano, Plutarcho, & recentioribus persuaserint, non perinde apud alios
valere. Ejusce generis sunt, quod Brennus cum exercitu fuerit à Camillo Di-
ctatore deletus: cum, quando de ponderibus aurôque appendendo erat alter-
catio, eodem puncto temporis derepente intervenisse, & negasse pactionem esse
ratam, quæ suo injussu, à magistratu juris inferioris facta esset: jussisse iraque
aurum auferri de medio: submoveri Gallos, & vetuisse Romanos pretio redimi,
sed eorum, patriæque libertatem ferro, piôque bello reparari: Gallos proinde
versâ fortunâ, haud majore negotio esse fusos, quàm illi Romanos vicerant ad

*Plin. nat. hist.
lib. 33.*

REFUTATUR
LIVII NARRATIO.
*Sueton. in
Tiber. c. 3.*

Polyb. lib. 2.

Alliam, ac demum octavo ab urbe lapide, viâ Sabinâ, à Camillo justo praelio, amissis castris sic esse superatos, ut ne nuntius quidem acceptæ cladis evaserit. Ea tamen si speciosè sint dicta; non desunt tamen antiquæ fidei testes, qui istam dictorum vanitatem refellant. In his C. Plinius scriptum reliquit, Romam, quando capta est, si multum, duo millia pondo habuisse. Ea cum urbi redimendæ non sufficerent, Massilienses, id temporis Gallorum hostes, addidisse æs collatitium, quo Romani desponsam redemptionem conficerent: quod non fuisset necesse, si Camillus solâ nominis sui majestate Gallis aurum, si ferro vitam extorsisset, quorum neutrum illum fecisse, bini testes conficiunt Suetonius & Polybius. Et ille quidem author est, aurum Romanum in Galliarum ætario fuisse servatum, quousque Drusus illud ipsum à Gallis recepit. Polybius Livio antiquior, homo Græcus, eoque remotus à partium studio, asserit, Bojorum & Insubrum Legatos, cum à Græciis auxilia poscerent adversum Romanos, magnam illis auri vim ostentasse; revocasse in memoriam partam de Romanis victoriam, Urbem occupatam spoliâque rebus omnibus, & sponte à victoribus redditam, Gallorum verò copias in Hetruriam rediisse incolumes; quæ profectò sunt procul à Camilli victorijs, & eâ quam Livius jactat, Gallorum internecione. Atque hæc quidem non eò dicta vehim, quasi censeam Livium fraudis & indiligentiæ esse damnandum; sed ut ostendam, cum in scriptorum silvam ingredimur, ut sit in testium disputatione, pernôsse oportere singulorum dicta, integritatem, vacuitatem ab affectibus, aliâque, quæ faciunt ad discernendam veritatem. Haud dubitâtim Livium incidisse in commentarios, quorum authores gloriæ Romanæ justo studiosiores, suo genio multa indulerint, extollendo res domesticas, premendo alienas.

XX.

VENETORUM
IN TRANS-
PADANAM
GALLIAM
IRRUPITIO.
PAX.
DISSIDIA
DOMESTICA.
*Polyb. lib. 2.
pag. 166.
Justin. lib. 20.*

Ab istâ lite redeo ad cæteram Bojorum in Italiâ fortunam, & dimicationes. Gallos ex urbe ad suas sedes reversos bella propiora exceperunt. Non longam illis fuisse contentionem cum Venetis, oportet, quando nihil memorabile præter Venetorum irruptionem in litteras missum est: ut proclive sit æstimare, Venetos redeuntium metu perculsos, retro tulisse pedem, & cum Boijs reducibus sine sanguine pacem sanxisse, ne arma victricia, metuendâque fortunam pergerent irritare. Bella exinde arsere civilia in gente armis assuetâ & facili irritabili, quæ quietis impatiens, si communes foris causæ decissent, privata domi odia exercebat, quæ haud rarò erumpebant in cædes atque tumultus. Non potuit tamen intestina illos discordia diu tenuisse, quandoquidem consensionem externa pericula brevi revocârunt. In his motibus minimè dubitem fuisse Tuscos, eos præsertim, qui, ut Justinus meminit, avitis pulsi sedibus, alpes occupavere; & ex nomine Ducis, Rhætorum gentem condiderunt. Proclive etenim fuit, eos acceptæ injuriæ memoriâ, quod à Boijs patriâ exuti, & in alpium claustra fuissent coniecti, cum Inalpinorum reliquijs, spe recuperandarum possessionum, conspirasse. Id bellum concitavit metus, & metu validior invidia. Enimvero gentes Boijs vicinas non immeritò habebat sollicitas, crescens indies Gallorum potentia, cui nisi iretur obviam, proximum erat, ut continuâ novarum ditionum accessione; torrentis instar, qui ut augetur aquis, ira alluvione propinqua camporum depascitur, tandemque absorbet, finitimorum libertatem opprimeret. Quæ enim alia sit mens gentis ambitiosæ, quàm ut perpetuò insidiatur alijs super alias evalescendi occasionibus, & nisi reperiat, faciat bellorum causas, & nullo justî injustive discrimine, in immensum, jus armorum pergat extendere? Enimvero scitum illud, ad dominandum tendentibus vias omnes esse amœnas: illorum nihil interesse, jure, an injuriâ, positos à naturæ & gentium legibus antiquos imperiorum limites submoveant. Quod si Celtis jus falsque fuit olim erepere ex suis angustijs, & pulsus indigenis alienas sedes invadere; quid vetet Inalpinos, quos partim Bojorum ambitio, partim fortunæ malignitas, velut mortalium ultimos compegit in montium carceres, sua spatia Gallorum exemplo laxare? Inalpinis non deesse ferrum, non viros manu fortes, non animos, non multitudinem hominum: qui si junctis viribus in causam, remque veniant, facili sint coacturi in arctum, non Senones modò atque Ligures, sed

alia

alia quoque exterorum nomina non tam suâ virtute , quàm finitimorum ignaviâ formidanda. Quid enim , si Secusses, Sucobrini, Catili, Taurisci, Triumpilini, Cumuni, Vennonetes, Ilarci, Lepontij, Salassi, Rhæti, Octoduri, Centrones, Seduni, Veragri, Cottiani, omne denique Alpinorum nomen in Transpadanos socientur, quàm non sit futurum arduum id obtinere saltem, ut timeri desinant, qui se credunt mortalium cæteris esse potiores? Puscherrimi facti gloriam fore sempiternam, si patria periculo, Romani metu, tota Italia anxietate liberentur: In præmium celsuras Italiæ manubias, assertam libertatem, Romana spolia, publicam securitatem, communemque omnium salutem. Hæc fuere flabra, quibus bellum accensum est, gestumque haud dubiè partium magnâ contentione: sed quibus eventis, veterum monumenta siluere. Exitu Boijs sociisque non fuisse improperum, vero simile faciunt opes integræ, quæ illis ad famam & jungendum fœdus cum Dionysio Siculo satis superque fuerunt. Etenim per id temporis Dionysius, pulsus è Sicilia Carthaginensibus, occupatque totius Insulæ imperio, ne miles otio diffunderet in vitia, quorum segnitie mater est, exercitum, ut continenti labore acueretur, utque Tyrannus suæ ditioni novas gentes subijceret, trajecit in Italiam, quam Græci multarum urbium in maiore Græciâ conditores, prisca sæculis sibi asseruisse ferebantur. Ut ejus societatem Boij appeterent, fecit vicinorum inimicitia, & ingens fama, quam sibi Dionysius armis pepererat. Cum enim Crotonienses, post acceptam à Locrensibus cladem, virtutis bellique cogitationem posuissent, Dionysius Locris sub jugum missis, Crotonienses bello petiit, ratus, longo mollitos otio, nondum reparatis ex nuperâ clade viribus, haud magno negotio posse debellari. Verùm cum illos Pythagoras disputationum assiduitate ad frugalitatem revocasset, Dionysius bellum, quod adversus homines luxu voluptatibusque effœminatos facile fuisset, expertus est difficilissimum contra temperantes & virtute quàm armis, & multitudine fortiores. Dum in ijs variâ fortunâ lacessendis occupatur, Galli, atque inter hos Boij, haud nescij quàm flagrante finitimorum odio, invidiâque laborarent, crediderunt se egregium operæ pretium facturos, si se Regis bellicosissimi amicitia contra tot hostes firmarent, id saltem fructus ex ejus societate collecturi, ut licet forsitan minùs prodesset, non noceret tamen, si quando Græci Italiâ potirentur. Igitur non multò post, quàm Galli Romam incenderant, ab ijs venere Legati ad Dionysium in bello Crotoniensi non sine periculo laborantem, qui nomine gentis universæ Transpadanorum cum eo fœdus sancirent. Illis ubi dicendi facta est copia, qui princeps Legationis fuit, Dionysium affatus est in hanc sententiam. *Senones, Boij, ac Ligures gens Celtica, ut tuam amicitiam expetant, non facit necessitas, sed magna fama tui nominis, quam parvi tuâ virtute nobilissimi de hostibus triumphis longè latèque celebrârunt: Invitavit etiam spes haud dubia tue fortuna ad summa quæque adsurgentis. Majores nostros Italici soli amanitas, è suis sedibus, ad novas in Hetruscis capeffendas exivit. Ea pars Italia, avorum nostrorum armis domita, eorundem virtuti tantum concessit, quantum victi debebant, & victoribus debebatur. Roma ab eorum posteris nuper occupata, & excisa, sensit, quod hætenus putaverat incredibile, esse viros, qui frenos ejus fortuna inirent. Gentes aliæ, quarum in umbilico pedem, nostræque, spei domicilia fiximus, omnes sunt expertæ, arma nostra facilius, quàm felicius irritari. Nunc quando sic à natura est comparatum, ut, quibus est morum & causarum similitudo, animi ducantur similibus studiis, eademque affectuum conspiratione; nostri Principes populique universi, quibuscum pleræque Italia malè convenit, quam tu quoque habiturus es hostem; credere, tuis nostrisque rebus nihil fieri posse præstabilius, nihil ad decus præclarius, quàm si (quod nobis in votis est) dexteris fidemque jungamus, & mutuis auxiliis communi causa consulamus. Id, nisi per te steteris, tanto erit usui, ut brevi nationem non modò utrisque nostrum, sed toti terrarum orbi inimicam, rerumque summæ imminentem, nostris armis domitam subactamque videamus.* Grata fuit Dionysio Legatio; cumque recens cladem à Crotoniensibus accepisset, Gallorum fœdere animosior, ex integro bellum instauravit, quod Carthaginenses in Siciliam appulsi, & mors Dionysij, cum spes imperij

INCERTUS
BELL EXI-
TUS.

XXII.

FœDUS
SICULUM.
Iustin, lib. 20.

GALLORUM
LEGATIO.

XXIII.

potiundi maximas animo esset complexus, subito intercepte; nullo præterea fructu initæ cum Gallo societatis.

ROMA INSTAURATUR.

XXIV.

AN. AB URBE CONDITA

CCC

LXXXV.

Polyb. lib. 2.

Plutarch. in

Camill.

Liv. lib. 6.

Polyen. de

Strategem.

Cæterum domesticæ Bojorum, cæteræque gentis dissensiones, & secuta ab armis cessatio, Romanis præbuere otium resumendi vires, miro Urbis fato, quæ tantisper nacta est tempus è suis cineribus caput velut redivivum attollendi. Eam respirasse per annos omnino triginta, Polybius author est: Plutarchus & Polyænus mediam ejusce quietis partem detrahunt: Livius annorum viginti quinque pacem tribuit, quâ vires instauratæ sunt, & ædificia, quæ alioquin æternum sepulta in suis ruderibus jacuissent. Nam Tribunis, per continuas conciones, plebem concitantibus ad Urbem prorsus deferendam, lege sancitum erat, ut damnatis majorum consilijs, sedem populus Veios transferret: quod effectum dedisset, nisi Camillus abiturientibus, objectis religionum commentis, persuasisset, ut antiquato plebiscito, revocatisque, qui Veios, ædificandi curas pertæsi, migraverant, Roma civium frequentia cresceret, Urbisque, operis ad effectum properantibus, brevi nova exurgeret.

NOVA IN

ROMANOS

EXPEDITIO.

XXV.

Jam utcunque restituta erant pristinae formæ recta, atque munimenta, cum Volsci, veteres Romani nominis hostes, rebus contra Æquos & Hetruscos prosperè gestis elati, ad ingenium redierunt. Galli (in quibus Boij) communi Romanorum odio imbuti, ex conspirato ingentem contraxere exercitum; & castris ad Albam locatis, omnibus circum agris vastitatem, Albanis ultimam propè desperationem; Romanis, quos in re trepidâ socij deseruerant, tantum intulere terroris, ut inopinatâ tot hostium irruptione consternati, mœnibus se continuerint, patriæ cladis timidi spectatores. Galli, quibus consilium erat maru certare in viros, non ariete rem agere in redivos patentes, cum nemo hostis appareret, onusti prædâ domum rediere. Livius longè magnificentius de Romanis scribens, etiam exinde rursus Camillo partam de Gallis victoriam triumphumque affingit: Multa, inquit, millia Barbarorum in acie, multa captis castris cæsa. Palati alij Apuliam maximè petentes, quod passim eos simul pavor terrorque distulerat, ab hoste se tutati sunt. Subinde Romanis non ultra annos duodecim à Boijs sociisque quies fuit. Illi cognito, Gallos cum ingentibus copijs esse in procinctu, centuriatis ex urbanâ juventute & sociorum agro, quantas potuere, viribus, longè majore, quàm aliàs alacritate statuerunt adventantibus occurrere, certi, si ferret occasio, manus conferere. Id ne fieret, intercessit mixta panico timori Gallorum ducum juxta ac manipularium dissensio, quâ ut nihil inter diversarum gentium malè coherentes animos frequentius, ita nihil tetrius; quando præsertim bella æquali potestate à pluribus administrantur. Galli enim, comperto per exploratores, iratum hostem signis ad pugnam explicatis ingruere, cum in militari Senatu discordibus sententijs, alij pugnandum, alij bellum extrahendum dicerent; dissidio atque metu in Legiones propagato, ineunte nocte, fugientibus similes retrocesserunt, unde venerant, edocti vices fortunæ alternantis, quæ non pateretur palmas sine ferro decerpi.

Liv. lib. 7.

Rem haud paulò aliter narrat Livius: Gallos nimirum trans pontem Anienis tertio ab urbe lapide, viâ Salaria castra habuisse: è diverso T. Quintium Pœnum Dictatorem in citeriore fluminis ripâ cum valido exercitu consedisse: cumque pons à neutris rumperetur, crebras intercessisse de eo occupando velitationes, incertâ semper victoriâ. Gallum interea procero corpore, versicolore veste (ut agnoscas Bojum) pictisque & auro cælatis armis, in pontem progressum, provocasse ad singulare certamen, quem Roma virum haberet fortissimum; ut pugnae eventus decerneret, utra gens alteri virtute anteiret. Tum orto inter juvenum primores silentio, T. Manlium, adolescentem ejus familiae, quæ urbe occupatâ Gallos ex rupe Tarpeia dejecerat, acceptâ à Dictatore congregiendi facultate, inter duas acies in arenam descendisse, Gallumque uno alteroque vulnerere consoilum, stratumque, torque spoliasse, eoque facto asseruisse sibi posterisque Torquati nomen. Et eam quidem Gallis fuisse causam, castris noctu relictis,

in

XXVI.

SINGULARE

CERTAMEN

T. MANLI

ET BOII.

in Tiburtem agrum; indéque, accepto à Tiburtibus commeatu, in Campaniam abeundi.

Anno, qui proximè secutus est, si (Polybio tacente) Livio est fides, Senatus populûsque Romanus bellum in Tiburtes decrevit, quòd nuper annonam Gallis, Romanorum hostibus, præbuisent. Tiburtium discrimen Gallos excivit è Campaniâ, ne, à quibus essent adjuti, opem poscentes desererent. Postquam illi agrum Lavicanum, Tusculanum, & Albanum populationibus deformaverant, instructâ acie cum Romanis conflixerunt. Gesta res est ad portam Collinam in parentum, conjugum, liberorum, totius adeò Urbis conspectu, magno utique hortamento, cùm subjecta oculis verecundia misericordiâque, pugnantes Romanos vehementer accenderent. Certatum grandi utrinque strage, donec aversa Gallorum acies, à Petilio Balbo consule intra Tiburtes portas compulsa est, tantâ apud Romanos rei feliciter gestæ æstimatione, ut Petilio decreti fuerint gemini triumphi; unus ob pullos Gallos, alter ob devictos Tiburtes; contra quos Consul ne ferrum quidem strinxerat, cujus proinde pompa à Tiburtibus fuit derisa, eoque contemptu habita, ut anno postero ausi sint subitam facere in Romanos muros impressionem. Illi enim, ne se debellatos cessando profiterentur, sumptis derepente armis, primo noctis confinio, silenti agmine, ad urbem delati, subitum Romanis terrorem attulere. Pavorem auxit res improvisa, nocturnus horror, & ignoratio, qui, quanti, & unde hostes adessent. Saluti tamen Romanis fuit, portas stationibus, muros firmâsse excubijs; & tamdiu Tiburtes sustinuisse, donec prima lux paucitatem mœnia subeuntium detexit, excivitque Consules, ut duabus egressi portis, hostem mœnium coronæ varijs locis insultantem, multitudine potius, quàm virtute opprimerent, averterentque in fugam.

Eo, qui successit, anno, major Romanis ex Boiorum reditu metus fuit. Ut enim in Urbe nuntiatum est, eos Præneste venisse, quod Gallicis tumultibus consuetum erat, ob periculi magnitudinem Dictator creatus est C. Sulpitius Peticus; eique additus equitum magister M. Valerius, qui præcipuum Romanæ juventutis robur ad arma concivit, objecitque Boijs, cùm seorsim duo Consules adversus Tarquinienſes & Hernicos diversos exercitus ducerent. Paulò morosiùs id bellum gestum est, quòd Dictator cunctaretur, ratus, se hostem loco alieno, nudum à munimentis, & commeatûs inopiâ laborantem, ipsâque morâ languescentem, quòd ipsi omnis propè vis esset in imperu, paulatim ita debilitaturum, ut vel sponte discederet, vel impar ad conferendas manus evaderet. Sed cùm Boij multò forent, quàm Romani, pugna avidiores, ventum denique ad manus, Dictatore propè invito; quem concitatus miles ad explicanda signa impulit, si non coëgit. Jam dextrum Romanorum cornu fluctuabat, cùm legiones Sexti Tullij, quo interprete usi fuerant seditiosi milites apud Dictatorem, gravi oratione accensæ, simulque accurrens Sulpitius, labantem aciem restituerunt, Gallisque in utrâque alâ disjectis, cruentam victoriam reportaverunt. Gallorum exercitum eo prælio fuisse dissipatum, author est Appianus Alexandrinus; non occidione deletum, ut vult Brunnerus. Feruntur magna spolia à victoribus fuisse lecta, atque in his hand leve auri pondus, quod Dictator quadrato lapidi inclusum in Capitolio sacraverit.

Octo ab ista pugna anni fluxere; cùm in novum bellum Boij, unâque Socij, adversus Romanos sunt coorti. Metu periculi M. Popilius Lenas Consul, extra ordinem imperator à Senatu populôque dictus, copias festinato delectu conscriptas bifariam partitus, quatuor sibi è Romanâ juventute Legiones adjunxit, cæteras P. Valerio Publicolæ commendavit, demum Patribus author fuit tertium exercitum legendi, qui ad incertos eventus pro Repub. excubaret. Tum rebus ad bellum comparatis egressus in campum, collem Gallorum castris proximum, vallo per triarios munire institit. Id factum, quod etsi prudentiæ militaris erat, hostis timoris professionem interpretatus, aviditate pugnandi, aciem confestim explicuit; nihilque moratus, tumultum, in quo se Romani continebant,

AN. AB UR-
BE CONDITA
CCCCIIX.
JUSTU PRÆ-
LIUM A D
PORTAM
COLLINAM.
XXVII.

TIBURTES
ROMANIS
INSULTAN-
TES.
AN. AB UR-
BE CONDITA
CCCCIX.
FUGANTUR.
Liv. lib. 7.
Appian, in
Celt.

Eutrop. lib. 2.
NOVA BOIO-
RUM IN RO-
MANOS EX-
PEDITIO.
XXX
VIII.
AN. V. C.
CCCCX.

BOII PRÆ-
LIO SUPE-
RATI.

AN. V. C.
CCCC
XIIIX.
BELLUM RE-
NOVATUR.
XXIIX.

GALLI PUGNANT. IM-
PROSPERE.

jussit oppugnari. Incurrere Boij immani ferocia munitionem jam affectam: Subeuntes Popilius per hastatos & principes, qui pro munitioribus steterant, fortiter excepit. Ubi se Galli sentire figi, transigique pilorum è loco superiore magna vi, certaue destinatione, primum suspendere gradum; dein mentis ambigui receptum meditari; denique cum plurimi caderent, pedem referre confusis ordinibus: postremo commilitones obvios, cum restitarent, sternere, se mutuo obterere, strage longè, quàm per Romanos dabatur, fœdiore, & nihilo minùs collectis animis aciem instaurare, novumque Legionum robur in Romanos educere. Jam Popilius Consul, lævum humerum trajectus, ad obligandum vulnus è conflictu excesserat; & Romani pugnando fessi, in recentes ire veriti, victoriam propè deseruerant; reque ipsa deseruissent, nisi consulis ad pugnam reversi cohortationibus, signis rursus in adversam aciem illatis medium percurrentes agmen, Gallos per campum fusos fugatosque in collem Albanum, qui omnium, quos habebant in conspectu, erat editissimus, compulissent. Popilius metuens, ne, si eos insequerentur, fatigatis cohortibus, in tumulis, quos Galli infederant, expugnandis, exitiale certamen imponeret; ratus satius, eos semel submovisse loco, quàm de rei summâ denuò periclitari, nihil ultra tentavit.

à GRÆCIS
LACESSUN-
TUR.

XXX.

AN. AB UR-
BE CONDITA
CCCCXIX.
PUGNANT
RURSUS AD-
VERSO MAR-
TE.

XXXI.

Ex eâ clade ut se Galli collegere, digressi ex Albanâ statione, quam hiemis rigor occupaverat, per agrorum plana, orasque maritimas, egere prædas. Eos Græci, qui classe mare infestum habebant, copiis in continentem expositis, anno sequente prælio lacessiverunt. Pugnatum, ait Livius, dubiâ victoriâ. At enim Boij nec isto prælio, neque superioribus fracti, fortunam rursus ausi sunt experiri. Id factum in agro Pomptino. L. Furius Camillus castra munimentis firmârat, è quibus Gallos, quos raptò vivere cogebat necessitas, accisis prædis, cunctando premeret. Eo loci duplici certamine Galli devicti sunt. Priore Marcus Valerius tribunus militum, Gallum, mole corporis armisque insignem, superavit, eodem propè eventu, quo T. Manlius Torquatus olim singulari pugna Gallum vicerat. Prodigium affinxit Livius; corvum videlicet in Romani galeâ confedis, & ad singulos congressus, alis, rostro, unguibus, os Galli, oculosque invasisse; itaque turbasse mentem, ut Valerio non fuerit operosum, virum alioquin formidandum obtruncare, cæsi corpus nudare exuvijs, atque Corvini nomen eo facto nancisci. Certatum subinde atrociter circa cadaver jacentis, acri utrinque Legionum concursu, partaque Romanis rursus victoria de Gallis, qui terga vertentes per Volscos, agrumque Falernum, in Apuliam, orasque maris interi sese receperunt.

AN. AB UR-
BE CONDITA
CCCC
XXXIV.
INANES RO-
MÆ DE
GALLORUM
TUMULTU
NUNTII,

Sedecim exinde annos egere quieti, Romanis latantibus, sibi tantum otij ad reliqua bellorum, ab infestâ gente indulgeri. Redijt tamen post exactum istius temporis curriculum, novus belli metus. Cum enim nuntij Romam venissent, Gallos recenti tumultu ad arma convolasse, rebus Romæ tranquillissimâ cura incessit, ut, quod solenne erat in summo discrimine, Patres Dictatorem esse creandum censuerint. Is dictus est M. Papirius Crassus, cui adlectus P. Valerius Publicola Magister equitum; qui dum impigrè, majorique, quàm in finitimis bellis consueverat, sollicitudine copias cogerent, exploratores retulerunt, nihil motuum, vel apparatus bellici fieri à Gallis: apud quos quieta essent omnia, eoque nuntio Romanos magnâ sollicitudine metuque liberârunt. Porro tametsi id temporis Galli nihil contra Romanos moverent, non desinebant tamen finitimis facessere metum, multumque negotij. Nam de Patavinis à Livio traditur, nunquam eos timore Gallorum arma posuisse, eò quòd bellicosus hominibus facile esset bellandi causam vel sponte oblatam accipere; vel facere, si non offerretur. Unde subit mirari, post tot bella, luculentasque clades, ipsis ex subnascente indies sobole tanta supplementa superfuisse, ut non tam de accisa juventute, quàm de finium angustijs queterentur, indeque sumerent obtentum invadendi aliena.

Et

Et verò non bellandi duntaxat artibus, sed fœderum quoque iungendorum dexteritate suam fortunam esse tutatos, palàm est ex inità nuper cum Dionysio societate, tum ex amicitia juréque hospitij, quod cum Alexandro Magno Macedone circa hæc, quæ recenseo, tempora, contraxerunt. Cùm enim Regum ille, litteris omnium gentium celebratissimus, magnis victorijs inclaresceret; Boij, ab ipso Adriatici maris confinio, exciti famâ præclarissimi nominis, ad eum venere, dextras mutuamque fidem juncturi. Cùm ab eo rogarentur, quidnam Galli maximè pertimescerent; responderunt, se id unicè metuere, ne cœlum rueret; quasi nullam nossent aliam sub cœlo causam metuendi. Tandem etiam docti vario bellorum eventu, quæ cum Romanis gesserant, ut suam fortunam cum fatali dominatricis Urbis felicitate metirentur, putavere se facturos sapienter, si pactâ cum Senatu populóque Romano amicitia, sibi aliquid saltem otij compararent. Non abnuere Romani: fœdus ictum quidem est, sed quod non stetit diutius, quàm gens ferox & quâvis occasione irritabilis, pertacta pacis dulcedinem, arma rursus induit.

Id quâ factum sit ratione, paucis exequar. Persuasum quidem erat Boijs, qui mores sensûsque paulò mitiores combiberant, bellum non esse facilè sumendum, multisque experimentis didicerant, arma faciliùs indui, quàm exui; nec antè fieri pugnandi finem, quàm victores velint. Pacem igitur cum Romanis conluere per annos triginta, donec à Gallis Transalpinis laceffiti, ad pristinam inquietem fuere revoluti. Cùm in Italia cessaretur, foris turbatum est, quòd Galli suis finibus minimè contenti, Cisalpinorum agros solâ crescendi libidine appetrent. Jam ad bellum internecinum inclinatis, intercessere, qui ingenio sedatior, ex superiorum temporum recordatione augurabantur, quantâ omnium Cisalpinorum perniciæ ad cognatas discordias foret descendendum. Igitur auctores sunt mittendæ ad Transalpinos Legationis, quæ rem consilio disceptaret, bellumque dissuaderet, sparsis etiam in primores largitionibus, quæ omni facundia fuere valentiores. Quæsti sunt Legati, immeritò à consanguineâ natione arma parari adversus Insuèdes, Bojos, alióque Gallici nominis, qui sedes in Italia fixissent, & quieti, id temporis, retinerent. *Enimvero in bellis* (sic ratiocinabantur) *ante omnia spectari debet bellandi causa, prius quàm statuatur de incertâ spe vincendi, & de dubio bellorum eventu.* *Mars, si iustus sit, ut plurimum adducit, velut æquus iudex, victorias, quâ parte jus certat & bona causa, ostenditque frequenter, longè minus valere vim, quàm æquitatem.* *Injuria sive illata, sive accepta, belli causas faciunt, ut depellatur, aut vindicta sumatur.* *Insens non est, qui solâ bellandi, vel dominandi libidine; vel irâ precipiti, nullâ laceffitus noxâ, invadat innocentem.* *Quamobrem Boij, & Bojorum socij, vix capiunt, qui possit fieri, ut Transalpini, non modò omnem rectè curam, sed etiam nominis sui rationem adeò posuerint, ut arma rapiant in consanguineos, nullâ prorsus vi aut injuriâ provocati.* *Neque enim possunt non meminisse communem utrarumque gentium, ab usdem majoribus ortum, & sanguinis consortionem.* *Ea natalium necessitudo, si quicquam apud sapientes valet, valere utique debet, ut, quæ propinquitatis est vinculum, eadem quoque sit nexus mutua consensionis, ad asserendam communem omnium salutem, & augendam in majus Gallici nominis gloriam.* *Quæ enim possunt vobis evenire tristia, quæ nobis non adferant causas mœrendi? Quòd si Galli, factorum acerbitate, Gallis sine inimici, quos tandem habituri sunt amicos? Iura consociatioque fœderum etiam inter eos, qui nullâ nominum & nationum communione sunt conjuncti, sanctè necuntur, & cum fide servantur: quanto sanctius, atque fidelius stringis sanguis, & agglutinas eadem nomina, unamque nationem vinculo mutua charitatis? Ergo si vobis stat firma, atque irrevocabilis, bellandi sententia, per nos hæc; bellate: sed sic bellate, ut quod suscipietis bellum, captu sit laudabile, ratione causiq; honestum, progressu generosum, gloriosum exitu, omnibusque partibus beatum.* *Quòd si majorum nostrorum exemplo, ambitus nova terrarum spatia, nolite, obsecro vos per majorum nostrorum manes, perque sancta Celsarum numina, nostras sedes appetere, quæ nec potest sine injuriâ occupare, nec retinere citra impietatem.* *Placet soli calique Italici*

BOII Fœ-
DERA IUN-
GUNT

CUM ALE-
XANDRO
MACEDONE,

CUM RO-
MANIS.

XXXII.
DISSIDIUM
CUM TRAN-
SALPINIS.

AN. URB.
CONDIT.
CCCC.
LXIV.
PER LEGA-
TOS

amanitas? Satis terrarum in Italiâ reliquum est, qua vos accipiant; satis est populorum, quibuscum de domicilijs, de opibus, deque gloriâ contendatis. Parcite, precor, vestra existimationi; parcite vestro sanguini: ne violare, sed potius sanctam eamque habere eam, qua apud omnes gentes sacrosancta habetur, germanitatem.

COMPO-
NUNT.

XXX
III.

NOVA GAL-
LORUM IN-
ROMANORUM
CONSPIRA-
TIO.

Hac oratione Transalpini se eò facilius deliniri passi sunt, quòd Procerum plerosque effusa clanculum in singulorum sinus Italicæ opulentix liberalitas, nobilitatis animos emolliverat. Ergo mutato, de invadendâ Insubriâ, cæterisque Gallix Cisalpinæ finibus, consilio; cum tamen Transalpini bellum omnino poscerent, ne frustra, & cum sannis confinium, arma parasse dicerentur, visum in commune est, aliunde bellandi materiam, magnis animis & sumptuoso apparatui non imparem, quærere. Cum in Comitio sententiæ dicerentur, eorum vicit oratio, qui Romanos bello petendos pronuntiârunt: Dignam enim Gallico nomine ex eo bello nascituram esse gloriæ segetem, si Urbs tot victrix populorum, vel mitteretur sub jugum, vel ille Romanarum virium impetus sisteretur, ne porro humano generi pergeret formidari. In Transalpinorum sententiam ivère Cisalpini, sive attracti metu periculi, seu potius (quod Polybius observavit) ad bellum Romanum cæteros Gallorum proritantes. Et si enim eos fœdus, cum Romanis non ita pridem ictum, nonnihil teneret animi ambiguos, obtinuit tamen ratio cognationis, & verò etiam rei bene gerendæ fiducia, ut sese Transalpinis adjungerent. Ita Romana Societas necessitudine sancita, servatâque per annos triginta cum fide, utilitatis obrentu, parùm honestè fuit abrupta.

Polyb. lib. 2.

GALLI RO-
MANUM
AGRUM
DIRIPIUNT.
XXX
IV.

Liv. lib. 10.

ARMA AB
HETRUSCIS
DISSOCIANT

Ad eam conspirationem ultro accessère Hetrulci, jam dudum infensi Romanæ magnitudini, lætique adesse tempus, quo acceptas non ita pridem Sutrij, & apud Nepesinos, clades vindicarent, ut nihil opus fuerit eos ad exercenda cum Romanis odia (quod nonnemini sine auctore visum est) à Gallis concitari. Galli igitur junctis copijs, per Hetruscorum fines, in agrum Romanum inveci, cum obvia quæque diripuissent, ingenti prædâ potiti, nullo præterea operæ pretio, ne laceßiti quidem à Romanis, domos quisque suas repetierunt. Neutiquam lætum accidit, magnas opes congestisse: cum enim reversis in patriam nihil pro singulorum cupiditate in dividendis spolijs æquum posset præstari, versi in tumultum, mutuisque cædibus grassati, magnam manubiarum & exercitus partem pessundederunt. Quam ob rem haud dubitem esse secutum, quod recenset Livius. Hetruscis videlicet erat constitutum, cœptum cum Romanis bellum, contra pactas cum ipsis inducias, persequi, Gallorum auxilio. Adfuit contestim in agro Hetrusco ingens Gallorum exercitus, cui grande æs perlolutum. Credebant Hetrusci eos tali auctoramento devinctos, haud ægrè venturos in belli societatem. Verùm paratâ jam profectioe, Galli, qui signa movere jubebantur, negârunt se ad bellum cum Romanis gerendum ab Hetruscis esse conductos: quòd aurum sibi quidem esset numeratum, sed eo duntaxat pacto accepissent, ut ne Hetruriam vastarent, sed à vi abstinerent: se tamen, si omnino Hetruscis videatur, Romam moturos; sed eâ lege, ut in agri partem accipiantur, ubi certâ sede consistent. Verùm id non impetravère; non quòd agri copia deficeret, qui novæ colonix traderetur; sed quòd metus esset, ne, si Galli admitterentur, turbas identidem excitarent. Dum ista disceptarentur, & Galli Hetruscâ pecuniâ ditiores redditum pararent in patriam, Romam allata est fama, nihil esse cur Hetrusca expeditio formidaretur.

SAMNITES
CÆSI.
XXXV.

Sub hæc exortum est aliud bellum, in cuius partem venère Boij, & Hetrusci, perpetui Romanæ fortunæ ofores. Id conflârunt Samnites, fortunis omnibus, patriisque Laribus everfi per Romanos. Ut tres istæ gentes venère in agrum Romanum, tam opimas egère prædas, ut ijs prægravati, non essent pares aciei explicandæ, sed pessimo consilio ad deponendas sarcinas Samnium repeterent, mox ad castra reverfuri. Id cum L. Volumnius Consul Romanus haberet exploratum, abeuntium hærens vestigijs, eos ad Vulturnum flumen, ubi noctem egerant, primâ luce est affectus. Secum rapiebant captivorum septem millia, signa-

signa armatis infrequentia, cæteramque turbam gradum sub oneribus agrè molientem. Cùm igitur agmen ignobile nec certo satis imperio substitisset; Volumnius in eos expeditas Legiones immisit, quæ momento fractos, ac dispalatos, ingenti clade affecerunt. Cæsa eo die supra sex hominum millia, recepta præda, dominisque res suas noscentibus restituta; nobili, quod hodie sequamur, vel saltem miremur, exemplo. Qui à Samnitibus sociisque captivi tenebantur, venêre in potiorem partem prædæ restitutæ, qui & venerant in pugnae partem, & victoriæ. Nam ubi fuere consertæ manus, repentinâ defectione coorti, alij alios vinculis solvere; arma in sarcinis deligata deripere, intermixti Samnitibus tumultum prælio terribiliorem cædésque edere: Statium Egnatium, Samnitum ducem, qui dissipato equitatu Legionarios in officio retinebat, circumstiteret; ac demum captum ad consulem Romanum rapere. Ea pugna Samnitibus propè exitialis fuit: non concidère tamen animis; sed qui cladi superfuerant, collecti, ut fortunam afflictam erigerent, auxilia externa paraturi, supremas spei suæ reliquias sub signis duxêre in Hetruriam; futuri amici, si Hetrusci arma caperent pro defensione libertatis, vel hostes, si abnuerent. Prætulêre Hetrusci honestum belli consortium periculoso dissidio, & fuere authores, Bojos & Umbros ad eadem vota trahendi.

BELLUM,
BOJIORUM-
ALTORUM-
QUE AUXI-
LIIS REPA-
RANT.

XXX
VI.

Id Appius Prætor crebris litteris in Urbem nuntiavit; quatuor videlicet gentes arma contulisse: Hetruscos, Bojos, Umbros, Samnites; jamque, cùm unus locus tantam multitudinem non caperet, castris bifariam divisus incedere. Ea propter centuriatis comitijs Q. Fabius, gestis cum laude bellis inter Romanos facilè princeps, consul creatus est. Is quòd senectâ esset gravior, populi consensu P. Decium collegam optavit. Fabio demandatum bellum Hetruscum, qui ex Romana juventute quater mille pedites, equites sexcentos legit; cùm certatim juniores nomina offerrent, ardentes eo duce stipendia facere. Qui ab Appio Claudio Prætorè accepti, quique à L. Volumnio adducti, fuere è Romanis universim quatuor Legiones: mille præterea Campani equites, sociorumque nominis Latini major exercitus, quàm Romani. Alij duo exercitus Hetruriæ oppositi, unus in agro Falisco, alter in Vaticano, C. Fulvio & L. Posthumio Megillo Proprætoribus.

Antequam venirent in Hetruriam per montem Apenninum, Galli in agrum Camertem, cum ingenti multitudine pervenerunt. L. Scipio Proprætor isthuc Legioni Romanæ præerat. Ut suorum paucitatem loci adjumento firmaret, tumulum, qui medius erat inter Urbem & castra, delegit: illuc dum properat itinere parùm explorato, aliâ ex parte jugum occupavere Galli; inque Legionem à tergo procurentes, sic eam circumvenerunt, ut nullum esset undique clausis effugium; tantæque cæde sternerentur, ut ne cladis quidem nuntius evaserit; nec prius deletæ Legionis fama ad Consules pervaserit, quàm habuere in conspectu Gallos equites, equorum pectoribus suspensa gestantes cæsorum capita, & quædam infixæ lanceis, ostantesque carmine Gallico. Istius diei lætitiâ absterisit Gallis pugna paulò post æquo Marte commissa. Consules Apenninum transgressi, in agro Sentinate castra tetenderant. Ne ab utroque hostium exercitu simul peterentur, jussit Fabius ambos Proprætores, Fulvium & Posthumium, Camerti vim admove, agrumque hostilem devastare. Quæ res Hetruscos & Umbros excivit ad tuendos sociorum fines. Eo diminutæ Gallorum vires: descendere tamen ad justum certamen. Cùm in procinctu starent utrinque acies, dextrum cornu tenuêre Galli adversus Decium, quintamque & sextam Legionem; sinistrum curavêre Samnites contra Fabium, primamque ac tertiam legionem. Concursum est Marte primùm dubio. Fabius studio certamen in serum diem extrahebat; ratus Samnitum animos, Gallorum verò corpora sensim posse labefactari. Bonum à sene consilium. Decius, annis & ardore animi valentior, primo statim certamine in Gallos effudit Legiones, simulque equitatum; gloriosum ratus, si à lævo cornu, in quo ipse curabat, & ab equite victoriæ daretur initium. Semel

ROMANA
LEGIO CÆ-
DITUR.

XXX
VII.

ATROX PU-
GNA.

iterumque averſæ fuerunt Gallorum turmæ : Verùm cùm longiùs Romanæ pro-
veherentur, pugnâque impetu cierent ; supervenêre Galli, eſſedis carriſque ſu-
perſtantes. Ii fortiter progreſſi inter medias Decij phalanges, factâ viâ, erectis
ſuorum ordinibus, prælium reparaverunt. Romanorum equi inſueti immanis
ſonitus, quem vehicula rotarum ſtridoribus edebant, paventes in fugam averſi, &
ruentes velut lymphatici ſuos ſeſſores abripiunt, turbant in tranſcurſu ſigna Le-
gionum, proſternunt obvios, iter Gallicis curribus aperiunt, qui rapti per agmen
obtrivêre permultos. Tum Gallicæ cohortes in Decianas invectæ, ne relicto
quidem ſpatio respirandi, jam in manibus victoriam habere videbantur ; cùm
Fabius aciem reſtituit, miſſo per Cornelium Scipionem, & C. Martium, ex no-
viſſimo agmine ſubſidio, & turbatis Gallis, dextro cornu immiſſo in Samnites,
quibus fractis, demum etiam caſtris, quod hoſtis refugerat, & victoriâ poti-
tus eſt.

XXX
VIII.

CONTRO-
VERSA VI-
CTORIA.

LEGES RO-
MANÆ DE-
TUMULTIBUS
GALLICIS.

XXX
IX.

GALLIGEN-
TIUM FOR-
TISSIMI.

Cæſ. de Bell.

Gall. lib. 5.

Polyb. lib. 2.

BELLUM A-
RETINUM.

Oroſ. l. 3. c. 22.

XL.

ROMANI
ACIE DE-
VICTI.

Decius in acie occubuit. Eum ferunt, commento fabulæ haud abſimili,
erexiſſe ſuorum animos dirâ comprecatione, quâ ſe hoſtēsque, execrandum car-
men præeunte M. Livio Pontifice, Telluri ac Dijs manibus (Dæmonibus meliùs
dixeris) devovit. Eo die cecidiſſe ſcribunt oſto Romanorum millia & ducentos ;
capta oſto millia de Gallis & Samnitibus, è quibus unâ occubuerunt quinque &
viginti millia. Polybius, à Cauſabono malè, à Perotto bene redditus, victoriam
Gallis addicit. Nam poſt narratam Romanæ Legionis in Camertibus occidio-
nem, eo ipſo tempore (inquit) victoriam proſequentes, ſecundùm cladem Romanis illa-
tam, poſt paucos dies exiverunt, & conjunctis copijs uniſſis, in ſinibus Sentinatum,
contra prædictos, plurimos quidem proſtraverunt, reliquos verò cœgerunt celeriter di-
ſperſos domum refugere. Ita è Græco contextu viſum verba verbis reddere. Cau-
ſabonus pro Polybij narratione, Livianam obtruiſit, quæ hodie apud pleroſque
obtinuit ; ut fruſtra propè ſit, tot ſcriptoribus pro Livio nitentibus obluſtari.

Ut ut res habeat, tot bellis atque victorijs Gallorum nomen ac fortitudo
ſic inclaruit apud Romanos, ut, cùm de omnibus ferè Italiæ gentibus triumphos
egiſſent, Senatus Populùſque Romanus, Bojorum atque ſociorum Gallici nomi-
nis arma ita ſuſpexerit, ut ad leges militares, quas antè tulerant, peculiare metu
Gallorum adjecerint : ut ne bellis Gallicis neque ſenes, qui majores eſſent quin-
quagenarijs, neque ij, quos Deorum obſequia mancipatos haberent, ullâ ætatis,
aut dignitatis prærogativâ à militiâ eſſent immunes. Cogebantur etiam ad
arma, quoties tumultus Gallici audiebantur, artiſices, ipſa proletariorum turba,
ſcæque plebis inſimæ : Ut in ſummis periculis, legebantur Dictatores, qui reli-
quis magiſtratibus eminentiores, cum ſupremâ potestate Rempublicam gererent.
Sanè Romani primis naſcentis imperij temporibus, ſuam cum Gallorum for-
tunâ viribùſque metientes, nunquam putavere, gentem bello natam abs re eſſe
laceſſendam : Galli contra Romanam potentiam inſuper habentes, quoties res
ferebat, proſiliebant ad arma, ut vinci malle, quàm non ſolicitaſſe victoriam,
viderentur ; adeò ut infelicis quidem alex non tæderet, ſi cum Urbe bellicoſiſ-
ſimâ de gloriâ certaviſſent. Quapropter Cæſar, teſtis locuples, bellicâ fortitu-
dine Gallos omnibus gentibus antetulit, cujus laudis partem nihil vetat ad Bojos
referre.

Anni decem à poſtremâ pugnâ nondum abierant, cùm Galli integri recen-
tēsque, quaſi nihil antè adverſi tuſiſſent, Aretium claram inter Hetrufcas civita-
tem, obſidere ſunt aggreſſi. Belli cauſa (quamquam Oroſius præpoſtere aliam
prætexit) quod Aretini quadraginta annorum inducias, mutuâque auxiliorum
fidem cum Romanis eſſent pacti. Ea res cùm Gallis ægrè feciſſet, raris eâ ſibi
pactione novum eſſe quaſitum hoſtem, armis putârunt eſſe vindicandam. Pro-
pinquum diſcrimen ubi Aretinos advertit, miſſis in urbem oratoribus petivere,
ne ſocios Romani defererent. Pro fœderis obligatione impetravere ſupplicas :
Lucio etenim Cæcilio Conſuli datum negotium, cum exercitu valido bellum
pro Aretinis gerendi. Ille ſub ipſis Aretij mœnibus tetenderat, cùm Galli in

cum

eum coorti, Romanam aciem pugna memorabili superarunt. Occubere tredecim armatorum millia, robur Romanæ juventutis, multique è primâ nobilitate: capti item magno numero: Consul in acie interemptus, septem tribuni militum occisi. Exinde M. Curius, subrogatus in locum Cæcillij, fide publicâ ad Gallos misit oratores, qui de captivis libertate donandis paciscerentur. Illi cum se gentium lege tutos merito crederent; quod Legati nomen velut sacrosanctum & inviolabile, perinde inter hostium tela, atque amicas sociorum manus incolume versari debeat; nihilo minus, quâ causâ incertum, Gallos sensere non iratos modò, sed etiam crudeles. Nam ad unum omnes ferro fuere sublatis. Quæ Romanis tam atrox visa est injuria, ut anno proximo, Corn. Dolabellâ & Cn. Domitio Coss. bellum in Senones, sceleris authores, decreverint. Ex eo tempore apparuit, quàm Superis & hominibus exosum sit, fidem perfidiâ, naturæ jura crudelitate temerare. Nam Senones hoc ipso evasere infelices, quod justis esse desissent: quam infelicitatem ad Gallici quoque nominis socios, quodam criminis contagio, cælum iratum propagavit: ita deinceps Gallorum fortunam in Italiâ consilium, virtusque velut longè proscripta, destituit. Securæ ordine clades, quæ demum suis sedibus Gallos exturbârunt. Primi omnium Senones prælio devicti, & immani strage attriti, coacti sunt solum vertere. Ne in posterum ipsis pateret reditus, Patres censuere mittendam esse coloniam, quæ agro occupato, insensisque præsijs, redire volentes arceret. Nomen tamen Senonum, Senis à suis conditoribus relictum.

ROMANORUM
LEGATI
VIOLANTUR,
AN. AB UR-
BE CONDITA
CCCC
LXV.
à SENONI-
BUS, QUI
AN. AB UR-
BE CONDITA
CCCC
LXVI.
POST EIECTI
EX ITALIA.

Exactis igitur Senonibus, supererant Boij, qui Romanam fortunam, ad universæ Italiæ dominatum magnis passibus grassantem morarentur. Plurimum oberat, Romanas aquilas jam ultra Apenninum nidulari, metumque finitimis omnibus inferre. Igitur Boij, haud nescij quantæ deinceps tempestates à Romanis imminerent, in fortunæ bellique societatem adscivere Hetruscos, hætenus suæ libertatis, adversus qualvis confinium molitiones, ut qui maximè retinere. Junctis ergo copijs ad lacum Vademonis progressi, Romanos habuere obvios; ubi signa magnis utrinque animis collata, Marte Boijs adverso. Cum enim Hetruscorum multi cecidissent, Boij demum fracti fusique prælio excessere magno satis numero. Tot enim acceptæ cladi superfuerunt, ut anno postero, C. Fabricio, & Q. Æmilio Consulibus, ausi rursus aleam experiri, cum Hetruscis odio Romani nominis conjurârent. Gesta hæc triennio antequam Pyrrhus in Italiam trajiceret, & quinquennio ante cladem Delphicam, de quâ in loco sumus dicturi. Eo namque tempore (inquit Polybius) ubique locorum Gallos, ceu pestilentia quodam sidere afflatos fortuna exercebat: certè graviter exercuit pugna Vademoniensi: tametsi enim pubem omnem ad arma concivissent; victi tamen à Fabricio, de integro profligati sunt. De ijs Consul, ut est in fastis Capitolinis, triumphavit, Româ haud secus gaudente, quàm quæ omnium maximè metuentium hostem debellasset. Mansit tamen genti suus genius, eâ apud hostes famâ & solitudine, ne aliquando exurgeret in novos tumultus; ut eos Romani amicorum numero habendos censuerint, quando pacem per Oratores petentibus lubentes concesserunt. Eam per quadraginta quinque annos Galli coluerunt, donec sublatis è vivis militiæ infelicitis testibus & authoribus, successere juvenes temerarij, qui perinde bellicorum malorum inexperti, atque adversæ fortunæ rudes, cœpere rerum præsentium fiduciâ, eventorum incerta in futurum sollicitare, & contra Romani imperij fata, rem Boicam dare in casum extremum.

XLI.
BOIORUM
FOEDUS CUM
HETRUSCIS.
UTRIQUE
PRÆLIO SU-
PERATI, AD
LACUM VA-
DEMONIS.
Flor. l. 1. c. 13.
Polyb. lib. 2.
AN. AB UR-
BE CONDITA
CCCC
LXXVII.
BOII DENUO
PROFLIGATI
PACEM FA-
CIUNT CUM
ROMANIS.



BOICÆ GENTIS
ANNALIUM
PARTIS I.
LIBER II.

Romani cæsi sub P. Valerio : rursus affecti clade ad Clusium : L. Manlius profligatus, obsessus Taneti, liberatur à Consule : Romani victi ad Padum, ad Trebiam, ad Thrasymenum lacum, ad Cannas, in Litanâ sylvâ. Item duce C. Appio, Bebio prætore, Flaminij crudele in Bojum facinus : ejusdem lex Agraria. Galli 14000. cæsi. Bello GæsatICO semel iterum profligati : Pòst ad Cremonam. Infelicitèr pugnant sub Regibus Corolamo, Dorulaco, Bojorige : cæsa Bojorum juvenus. Victi Ligures. Vltima Bojorum in Italia clades. Migratio in Tauriscos.

*Polyb. l. 2.
Zonar. tom. 2.
Annal. p. 65.
n. 50.
Oros. lib. 4.
c. 12.*

I.
BOII BELLUM
RENOVANT.

DE tempore belli à Boijs adversus Romanos renovati, non est una scriptorum sententia. Polybius pacem cæteris longiùs extrahit : Zonaras & Orosius citiùs abrumpunt, Titi videlicet Sempronij Gracchi, & Publij Valerij consulatu. Abrumpendi causas haud anxie expendunt Galli, quibus cessatio longior pacem exosam reddiderat. Arma etenim, quibus nihil pulchrius in parentum hereditate acceperant, ut agrorum possessiones credebant oportere assiduo labore versari, ipso usu excoli, ne ignavo situ obsolescerent, & præcipua virtus, quam in militari fortitudine sitam esse censebant, inertiam languesceret. A majoribus longo bellorum usu quæsitam esse gloriam, armis conditam patriam, animi magnitudine defensas sedes : quas sine vi, contra potentissimos hostes retineri, & citra ignominiam, amitti non posse ratiocinabantur. Hoc posteris incumbere, ut quibus artibus tot decora, facultatèsque essent comparatæ, iisdem servarentur. Is nimirum erat totius ferè Gallicæ nobilitatis sensus, in quâ sanguinis aviti fervor nondum refrixerat, quæque, quòd ab agri laboribus foret aliena, fructus sibi longè uberiores ex ferro, quàm ex gleba pollicebatur. Orosius, nationis nomine contentus, Gallos nominat redintegrati belli authores ; Zonaras Gallos & Bojos differtè exprimit. Secunda utcunque fuere initia, cæsis ter mille quingentis Romanis

manis, P. Valerio ductore. Verùm cladem ipse Gallis reposuit, non expectatis suppetijs, quas ex recenti delectu mitti ex urbe cognoverat, ratus, sibi fore dedecori; quod ipsâ morte duceret acerbius, si acceptam ignominiam novarum copiarum accessione deleteret. Quæ mens, licet temeritati, quàm magnanimitati foret affinior, effecit tamen, ut partâ de Gallis victoriâ, Senatui populôque Romano satisfaceret, & viri fortis constantisque nomen tueretur. Cæsa in acie quatuordecim millia, bis mille capti. Negatus tamen fuit victori triumphus, quod se priori conflictu passus fuisset superari. Ligures à Graccho malè esse habitos author est idem Zonaras.

Boij nihilo ex superiore jacturâ dejectiores, lectis copiarum supplementis, scriptisque novis legionibus, bellum reparârunt in annum, qui ab Urbe conditâ quingentesimus decimus sextus fuit. Romani, haud ignari cum quibus viris certamen esset futurum, geminos exercitus, totidémque consules opposuere. Ii fuere T. Corn. Lentulus, & Q. Fulvius Flaccus; hosti non modò pares, sed etiam metuendi, quamdiu se unis castris continuere: Sed ubi divisis copijs, partitòque, & malè coherente imperio, rem communem singuli gerere cœperunt, mox hosti fuerunt contemptui. Separandis castris obtentui fuit loci angustia, difficultas pabulationis, annonæ penuria, hostis contempta virtus, & vulgata imbecillitas: sed reipsâ, quos antè conjunxerat amor patriæ, disjuxit cupido ditescendi & vivendi ex raptò, quâ nihil in bello est perniciosius. Ergo posteaquam diversi tenderant, Legionum emissarij, verius ductorum ministri, & prædatores, sparsi per agros, sævierunt, nullo amici aut inimici discrimine. Hæc non modò dissimulabant duces, sed fovebant etiam, immo jussionibus urgebant, eò quod spoliis potissima in eorum manus venirent: quæ erat ratio vastandi agros, colonos abigendi, perdendi exercitum, promptissimûsque modus pereundi. Horum nihil latebat Gallos. Quare coorti nocte intempestâ, castra Fulvij diversis locis, velut in coronâ, oppugnârunt, & expugnassent, nisi Romani, quos prædandi licentia extra castrorum loricam non eduxerat, explorato hostis adventu, fuissent in armis, & pro vallo generosè stetissent. Galli itaque, cùm in paratos fortiter incurrissem, nec esset loco, & tempore tam iniquo, æqua pugnandi ratio: receptui cecinere: Consules edocti periculo, de jungendis denuo consilijs convenerunt. Quam ad rem magno illis hortamento fuit, quod Ates, & Galarus, Gallorum Reges, non modò omne Gallorum Cisalpinorum nomen, sed Transalpinos etiam auxiliares haberent sub signis, & stimulante ambitu, fines duobus Regibus nimis angustos proferre statuissem, quasi justo arctius regium nomen, & fortuna haberetur, nisi occupatas avorum virtute regiones, ipsi pari gloriâ prolarent. Quod consilium ut vulgo probarent, accusabant insatiabilem dominandi cupiditatem, quæ Romanos in finitimorum exitium ad nova indies audenda concitaret, crescente in immensum, ex rerum successu, audaciâ. Quid enim deinceps Boijs tutum futurum sit, quando exactis Senonibus, ductâque in Senensem agrum coloniâ, Romani confinium cervicibus jam propè incumbant? Quid porrò illud, quod Picentes non ita pridem subactos, clientelis, servitijs, supellectile, & agri parte multatos, Romano præsidio, colonisque sic frenârint, ut oppressâ libertate, non populi Romani socij, sed Urbis, nullis exsatiandæ opibus, mancipia videantur? Jam nihil esse propius, quàm ut ex agro Picente, in Gallicos fines sese improvisi effundant: quod si fecerint, sera fore auxilia, nisi in promptu, & parata ad nutum habeantur. Denique nomini Gallico esse propè infame, quod velut hebescente ferro, virtus ingloria, tot olim victrix præliorum, hebescat. Hæc speciosè à Regijs, & nobilitate jactabantur; sed tardius, quàm ut iratæ multitudini satisfacerent. Querebatur illa, se inconsultâ, Transalpinos esse evocatos, in consilijs capiendis negligi, bella clanculum consilari, specie tuendæ libertatis, liberam gentem iugo servitutis paulatim indui. Quid enim opus fuerit, altâ cum Romanis pace, nuper resumpsisse arma? Plebi non tam fuisse invisum otium, ut bello mutaret. Bellum gererent, qui suscepissent, sed suo ære atque periculo

P. VALERIUS
IMPROSPERE
CONFLIGIT.

CLADEM
ACCEPTAM,
GALLIS
CUM FOE-
NORE RE-
PONIT.

LIGURES
MALE HA-
BITI.

II.


AN. V. C.
DXVI.
ROMANI
PRÆDA-
TORES

à Boijs op-
PUGNAN-
TUR.

Polyb. lib. 2.

III.

GALLORUM
DISSIDIUM.



culo, quando suo ipsi arbitratu, ne audito quidem populo, novum istud publicæ rei incendium excitassent. Si de nostrâ fide, ac virtute (inquirebant) quam toties sunt experti, pro eo ac debebant, censuissent, quorsum tot à longinquo accersitæ gentes? Nobis si diffiditur, quiescentibus nobis pugnent exteri; vincantur nostri cincinnati, ut tandem nobis fidendum esse sentiant.

AN. V. C.
DXVII.
IV.
GALLORUM
LEGATI DE
PACE

FRIGIDO
RESPONSO à
SENATU DI-
MISSI.

Jam Transalpini in Ariminensem agrum processerant, cum promiscua Bojorum multitudo hæc consilia, non clam modò in circulis, sed palàm etiam in conventibus agitare: quæ cum omnino pacem vellet; visum est Proceribus ipsâ repugnante, bello nihil esse tentandum. Quamobrem missi sunt ad novos Consules, C. Licinium Varum, & P. Cornelium Lentulum, oratores, qui pacem ferrent, facerentque, si ager Ariminensis pristinis colonis ilicò redderetur. Verùm Consules, causati, rem tantam non esse in suâ potestate, responderunt, se facturos inducias, dum Galli, si videretur, ad Senatum, de pace acturi, Romam proficiscerentur. Conditionem accepere Legati, & à Patribus in Urbe auditi, magnificentius, quàm sapientius, suorum causam perorârunt, jactantes se agrum precariò poscere pacatos, quem, si negetur, pio bello mox possint vindicare. Esse enim in Consulum conspectu tantum gentis bellicosissimæ robur, cui non sit futurum arduum per vim exprimere tantillum agri, quod injuriâ sit ablatum, & arma ad longè ampliorem proferre. Senatus sedatè auditos, re infectâ, cum frigido responso ad suos remisit, haud nescius, consulibus esse negotium cum multitudine tumultuosâ, à quâ nihil, aut vix quicquam sit periculi. Et verò, rem Patres, ut erat, divinabant. Domum enim reversi oratores, omnia repererunt turbatissima. Boij plerique proceres, re cum plebe compositâ, bellum execrati, cum Romanis amicitiam omnino redintegratam volebant. Auxiliares è diverso, se non ad sancienda fœdera, sed ad bellum, dicebant, esse evocatos. Proinde sibi fore probrosum, si, ne stricto quidem ferro, ad suos revertantur. Cum Bojorum Reges haud dissimulanter irati exterorùm sententiam paci præferrent, insana plebs correptis armis utrumque obtruncat, & factâ à Transalpinis secessione, ferociter vim ostentat. Denique venit ad manus tantâ utrinque pertinaciâ, ut non cognati & fœderati, sed efferatissimi hostes configere, implacabili crudelitate, viderentur. Occubuerunt in eo certamine quamplurimi. Boij, deserti ab iratis socijs, Romanorum armis, arbitrioque patuerunt. Cum nihilo minùs paci sancienda instarent, non aliter fuere auditi, quàm si non modò Ariminensis agri finibus excederent, sed partem etiam possessionis avitæ haud exiguam, facerent obnoxiam populo Romano.

V.
AN. V. C.
DXXI.
LEX FLAMINIA DE AGRIS BOIORUM DIVIDUNDIS.

Valer. Max.
lib. 5. cap. 4.
NOVAS TURBAS EXCITAT.

Eorum deinceps arma quievère per annos ferè undecim. Agebant utrunque compositi, cum res supervenit, quæ pristinis cladibus indormientes excitavit. Agebatur annus ab Urbe conditâ vigesimus primus supra quingentesimum, qui quartus est à pace nuperâ (Polybius unum annum adjicit) M. Æmilio Lepido & M. Publico Malleolo Consulibus. Id temporis C. Flaminius Tribunus plebis, homo turbulentus, ut sibi populi studium adversus Romanam nobilitatem adjungeret, Patribus invitis atque repugnantibus, tulit legem agrariam, quâ ablatis nuper Boijs, circumpadanisque alijs fundos, civibus Romanis viritim dividendos addixit, nihil moratus neque minas acerrimas, neque preces, neque terrorem exercitûs, quem Senatus ad legem abrogandam conscripserat, neque parentis vim, qui injectâ manu detraxit pro rostris verba pro lege facientem. Quæ res Gallos, Bojos inprimis, mirum in modum turbavit. Enimvero quid Gallico nomini in Italiâ tandem futurum sit reliquum, præter rerum fortiter gestarum memoriam, antiquis monumentorum ruderibus adhærentem; si Leges hujusmodi obtineant, quæ fortunas virtute partas, iniquitate detrahant, ut tandem vivendi subsidia fortissimæ gentis posteritati detrahantur? Quàm sit proclive futurum Romanæ ambitioni, avaritiæ, atque inveteratis odijs, novo indies Legum agrariorum invento, quicquid uspiam sit terrarum, pro libidine publicare, ac demum nationes suis motas sedibus proscribere, vel, quod est tristius, serviendi necessitati

non

non secus atque mancipia subijcere, ut denique Roma totius orbis dominatum invadat? Id ne eveniat, omnibus esse viribus obistendum: Ad Bojos haud gravatè accessuros, quotquot sint populi; qui facile conijciant, Legis Flaminiae iniquitatem ad communem Italicarum gentium perniciem pertinere. Ergo cum Boijs ultro conspirarunt Insubres, minimè dubitantes, se commune fortunarum discrimen adituros, si leges istiusmodi tolerentur.

Visum in commune consulentibus factum commodum, atque salutare, si non modò arma pararent, sed etiam Gætatos conducerent. Erant Gætati genus hominum bellis exercitum, paratùmque commodare manus, quocunque eos spes lucri vocaret. Degebant mediâ inter alpes & Rhodanum regione, milites mercenarij, non gens aliqua (uti Orosio placuit) peculiaris, quibus tamen regio quasi nomine imperabant Concolitanus & Aneroëstus duces: Lazius imperitè vocat Boiorum Reges. Ad hos Boij & Insabres miserunt Oratores non aere duntaxat onustos, sed præmiorum etiam, & prædæ magnis pollicitationibus. Regulos repererunt quales optabant, cumque ijs conspirantia ductorum & manipularium studia; quippe qui bellis unicè addicti, nihil ducebant vitâ militari præclarius; nihil gloriosius morte, quam quærerent per vulnera; nihil turpius ignaviâ, quam sicca mors sequeretur. Legati in concilium admissi aureum fecere fastuosæ orationis exordium; ostentantes aurum, quod jam inde à devictâ Româ Galli asservarent; quòdque in opulentissimis Romanorum ararijs passim per Italiam essent reperturi. De secundo belli successu nihil esse cur ambigerent: Quid enim occurrere possit impervium tot gentium domitoribus; tot victoribus præliorum, quos ipsa triumphorum fama reddidisset metuendos? Ad eos accessurum omne Cisalpinæ Galliæ robur: Bojos viam præituros, quâ Romanam olim invaserant; eosdem (si per Gætatos licuerit) in primâ acie & exercitus universi fronte pugnuros, contra gentem sæpius devictam, captam, auro redemptam, & jam totius Italiæ spolijs superbam. Ista oratio tantam Gætatis belli Romani cupiditatem iniecit, ut nunquam plures suam operam exteris addixerint. Tauriscos etiam in partes venisse reperio. Quæ res non tam occultè gerebantur, quin expeditionis longius extractæ fama in Urbe vulgaretur. Quapropter, motis terrore simul ac religione animis, Decemviri libros Sibyllinos jussi sunt consulere, Urbs lustrata, cæstæ hostiæ majores, curandis religionibus Pontifices occupati. Zonaras Gallum virum & Gallam fœminam, Græcum item & Græcam, vivos in foro Boario aliquando defossos meminit; ad implendam oraculi fidem, quo prædictum erat, fore ut Græci, & Galli Urbem occuparent; quasi foret satis, si ex utrâque natione gemini viventes mortuique solum Romanum contingerent. Id factumne sit eo tempore, non est satis comperit; hoc est certius, edixisse Senatui, ne quis homini Gallo argentum aurumve daret, eò quòd M. Æmilio Barbula, & M. Junio Perâ Consulibus acceperant, Bojos, aliosque Gallici nominis ad constanda stipendia cæterumque belli apparatus, ex commercio, præsertim mancipiorum, quantam possent pecuniam conficere. Ab his conversa Patrum populique cura ad contrahenda fœdera, & sociorum auxilia. Missi deinde Legati, qui Cisalpinis ultro pacem offerrent, alij ad Cenomanos & Venetos à Boijs dissidentes, qui eos causæ Romanæ conciliarent. Vix aliàs tanti à Romanis fuere habiti delectus, non in Urbe solum, sed etiam passim per Italiam, apud ipsos Japyges & Messapyges. Si Fabio Scriptori vetusto, qui bello interfuit, apud Orosium & Eutropium fides est, in utriusque Consulis exercitu numerata sunt ex Romanis, Campanis, cæteraque multitudine, sociorum octingenta armatorum millia. Livius apud Florum scripsit, trecenta sociorum & Latinorum millia, non accensis Romanis. Polybius, numerum per partes accuratè recensens, ait, fuisse peditum supra septingenta millia, equitum ad mille septuagies. Addit, copias universas in sex divisas fuisse exercitus; & duos quidem mansisse penes Consules, Prætorem duxisse tertium in Hetruriam, quartum, qui erat ex Cenomanis, immissum in Bojorum fines, quintum ad tuendam Siciliam

VI.

GÆTATI VOCANTUR IN AUXILIUM.

Laz. lib. 7. de migrat. Gent.

Plutarch. in Marcell.
Zonar. tom. 2. pag. 68.

VII.

INGENS BELLI APUD ROMANOS APPARATUS.

Eutrop. lib. 3.
AN. V. C. DXXIX.
Oros. l. 4. c. 13.

MINOR
APUD GAL-
LOS.

AN. V. C.
D. XXIX.

VIII.
BOII TRANS-
GREDI UN-
TUR APEN-
NINUM.

ROMANOS
CÆDUNT.

Polyb. lib. 2.

IX.
PRÆLIO
ELAPSO OB-
SIDENT.

liam abiisse; sextum Urbis præsidio fuisse relictum. Romanihilominus, tot septa præsidij trepidabat, nondum oblitteratâ pristini terroris, & Gallici nominis memoriâ. Plinius extra socios Transpadanos equitum scribit octoginta millia, peditum septingenta: tantum numerum, quantus toti terrarum orbi debellando fore satis crederetur. Gallicarum copiarum numerus incertus est. Sunt, qui quinquaginta duntaxat peditum millia fuisse tradunt, Essedariorum viginti, quod vix credibile est de tot gentibus, cum præsertim nunquam maiore numero Gæsari bello auxiliari meruisse à Polybio prodantur. Hi ad Padum, superatis alpi- bus, se junxerunt Cisalpinis, anno ab urbe conditâ quingentesimo vigesimo octa- vo, C. Atilio Regulo & L. Æmilio Papo Cos. Boijs imperabat Britomarus. Hi, carmen præeunte duce, iurejurando se obstrinxere; neminem prorsus thoracem baltheumve nisi in Capitolio positurum; tanta erat vincendi confidentia. Prius- quam patriâ excederent, danda fuit opera, ne, dum alienis imminerent, suis ipsi exuerentur. Cenomani etenim, qui factâ ab ijs secessione defecerant, cum qua- draginta armatorum millibus ad vastandum Bojorum agrum erant relictî; quibus proinde arcendis haud exigua Bojorum vis domi fuit retinenda. Tandem re- bus ad profectiorem comparatis, Gallicæ copię superato, citra omnem remo- ram, Apennino, cœpere omnem circâ regionem populationibus cæterisque belli incommodis, sædum in modum vastare, nemine, qui prohiberet, armis pro- deunte. Prætor enim Romanus cum exercitu missus in Hetruriam, veritus sui facere periculum, vitansque conspectum hostis, detrectabat pugnam, sive ut Æ- miliij Consulis auxilia expectaret, sive ut cunctando primos Gallorum impetus infringeret. Galli contrâ, istam cessationem professionem metûs interpretati, crescente ferociâ, votis vocibusque consentientibus, Romam, ductrice majorum fortunâ, eodem, quo olim, itinere, rectâ petendam esse conclamant. Ergo, re- fixis signis, Clusium fatale Romanis oppidum veniunt. Cum per exploratores adferretur, Prætozem, à tergo, citato agmine provectum, haud multò post adfu- turum, Galli pugnæ avidi, obversis mox legionibus aciem explicant, tam modico à Romanis intervallo, ut nihil nisi concurrendi signum expectarent. Verum cum sol in noctem præceps parem justo prælio lucem negaret, nihil eo die gestum est memorabile. Ne tamen, quod diei erat reliquum, daretur otio, Gallorum du- ces communi consilio decrevere, fore tutius, hostem insidijs circumvenire. Et- enim suo malo didicerant Boij, nihil in posterum cæco impetu agere; sed rerum incerta cum belli momentis ad libellam rationis exigere. Igitur, quò cautiùs ho- stem fallerent, adultis tenebris omnem peditatum castris eductum silenti agmine Fesulas jubent iter intendere, & postera lucis eventum expectare. Ne Romani Legionum abitionem sentirent, crebros in castris ignes accendunt, turmasque omnes in castrorum excubias partiuntur. Romani, quos focorum frequentia deceperat, rati, adesse universum Gallorum exercitum, nihil moverunt in abeun- tes. Post, ubi noctis atque diei confinium solos equites prodidit Prætor ra- tus, peditatum invisisse fugam, sublatis repentè aquilis, omnes copias immisit in terga discedentium. Gallorum equitatus, ex condicto, cessit insequentibus, do- nec in Gallicas legiones incurrerent. Hic Galli pectora obijcere, stare in ordi- nibus; moxque proruere in instantes. Concurritur utrinque magnis animis; nec prius desinit cædes promiscua, atroxque conflictus, quàm Romani fusi fugatique, tumulto, quem fors receptui commodum obtulit, occupato, speciem aliquam defensionis dederunt. Visus est Gallis locus iniquior, quàm ut peditatum, pu- gnâ atque labore itineris fatigatum, equitatum verò nocte pervigilatâ defes- sum, Romanis expugnandis è vestigio committerent. Jussere tamen turmas, cu- ratis corporibus, coronam obsidionalem in gyrum explicare, dum legiones re- spirandi spatium nactæ, paulum conquiescerent. Eo conflictu desideravere Ro- mani sex millia; jamque in eo erant, ut deditionem proximè facturi crederen- tur; cum Consul Æmilius laborantibus opportunè advénit. Is enim cognito, Gallos vastatis Hetruscis, citatum agmen magnis itineribus Romam trahere, Arimino

Arimino digressus, quantâ licuit celeritate, eâ ipsâ nocte, quæ pugnae successit, non longè à colle, quem Prætor infederat, castra locavit. Obsessi ejus adventu ex collucentibus latè ignibus perspecto, noctis beneficio, quâ parte laxiùs cingebantur, ad ipsum, non secus ac benignum numen de cælo lapsum, per densa nemorum miserunt, qui hesternam cladem & superstitum discrimen nuntiarent.

Æmilius omnia in celeritate posita intelligens, capto in arenâ consilio, legiones mox jubet cælo diluculante stare in acie, & à se signum, à ductoribus imperia expectare : Ipse verò cum equitatu movet ad obsessos, certus, altero prælio prioris diei fortunam corrigere. Galli de consularis exercitûs motu facti certiores, coacto consilio, decrevere, in præsens esse pugna abstinendum, & antè quàm confligatur, prædam esse in tuto collocandam. Id non fuit difficile probare militi lautis Hetruriæ spolijs opulento, cùm ad ciendam pugnam minùs esset expeditus; rara enim mixtura est pugnatoris strenui & divitis prædatoris. Ergo valis collectis, nocte intempestâ silentes discedunt Galliam versus, secundum Hetruscum mare. Consul explorato discessu, veritus insidias, satis habuit, Prætorem eripuisse periculo, & carpere postremum hostium agmen pugnis velitaribus.

CONSUL
ROM. OB-
SESSOS LI-
BERAT.

Contigit inter hæc, Atilium consulum alterum rebus in Sardinia compositis, reducem cum exercitu Pisas appellere. Hic rerum ab Æmilio collega & Præto-
re gestarum prorsus ignarus, iter cum copijs Romam intendebat, cùm Galli pa-
bulatores ad Telamonem maris inferi promontorium ab ipsius præcursoribus in-
tercepti, omnia ex ordine referunt, Prætorem videlicet profligatum; obsesso
Æmilius in tempore venisse suppetias : Gallicum exercitum haud abesse pro-
cul, Romanum à tergo incumbere. Fuit iste nuntius inexpectatus Atilio, & tristis
quidem adversâ Prætoris fortunâ, sed lætus spe, acceptam ignominiam cum fœ-
nore rependendi. Quid enim vetet hostem ex omni propè parte conclusum
gemino exercitu sic premi, ut à fronte simul & à tergo pugnare coactus, Romanæ
virtuti succumbat? Æmilius quamquam sciret Collegam Pisas contendere, nihil
dum tamen de ejus adventu cognorat, nec judicabat Atilius tutò posse nuntia-
ri, metuens, ne, si nuntios Galli interciperent, consilia caperent elabendi. Man-
dat igitur confestim aciem instrui, progredi agmina militari gradu, fronte expli-
catâ, quantum locorum spatia paterentur. Commodum habuit in conspectu
viæ munimenta, quâ Gallis erat procedendum. Ea ratus sibi magno emolumen-
to fore, si prior clivi eminentiam occuparet, illuc properè immittit equitatum,
Galli nescij Atilianos adesse, credentes Æmilius aliquid equitatûs ad interclu-
dendum iter, noctu in tumultum viæ impositum circumegisse, ipsi quoque, quod
suadebat necessitas, mixtas equiti legiones jubent invehi in obstantes. Verum
ubi intellexere ex captivis, Atilium adesse cum exercitu, cùmque duplici acie sibi
simul esse configendum, copias divisere bifariam, quæ eodem tempore cum utro-
que consule manus consererent. Æmilio obversis Gælati & Insubres; Atilio
Boij & Taurisci; carpenta cum impedimentis locata extra aciem, præda in colle
propinquo. Gælati, quibus mos erat vestium involucra; ne lacertos implicarent,
ante pugnam abijcere, solis protecti scutis, cætera nudi (si torques & armillas
aureas excipias) exultabant ante principia, vultu truces, viribus & corporum ma-
gnitudine visendi. Boij & Insubres sagis regebantur. Cæpta ab utroque equi-
tatu pugna ingentibus animis. Victoriâ Gallis propè in manus dedit Atilij
præfervidus ardor pugnandi, & quod crebrò rei summæ obfuit, omissis impera-
toris munijs, militis officium temere occupasse. Dum enim pugnat fortiter, in
confertâ turbâ occubuit. Cæsi caput à cervice revulsum allatum Gallis regulis,
quæ res eorum animos vehementer accendit, nec tamen remisit ardorem Ro-
manorum. Hi enim occisi consulis dolore æstuant, in Gallos multò quàm an-
tè acriùs connixi, utramque illorum alam loco moverunt. Exinde inter acies,
quæ in æquâ campi planitie constiterant, gravis coorta dimicatio. Galli inter
geminum Romanorum agmen velut indagine conclusi, intèrque terribiles buc-
cinarum hominûmque ululatus immani truculentia Romanos incessabant. Æmi-
lius

ATILIUS
CONSUL
ÆMILIO AC-
CEDIT.

X.

COMMIT-
TITUR PRÆ-
LIUM.

ATILIUS
CADIT.

XI.

GÆSATI A
SAGITTARIIS
VINCUNTUR.

lius studio Gæsatîs sagittarios commisit, utpote nudis, expositisque missilium continenti jaculationi, quæ proceris infixæ corporibus, nullam propè fallebant destinationem. In scutis nihil ipsis admodum erat præsidij ad ictus reprimendos; nihilo plus erat in hastilibus prælongo ferro armatis, quibus eminus hostem ferire non poterant. Itaque permulti figi spiculis, haud pauci confodi, alij sterni, & vulneribus amentes rugire, tum eorum acies fluctuare, multi salutis desperatione in hostes confertissimos ruere velut destinata morti victimæ; cæteri demum corporibus fracti atque animis, fugam capessere, sociorumque retrò aciem confundere. Insuores interea, Boij, ac Taurisci, retulis Romanorum sagittariis, adversus legiones acerrimè dimicabant, nihilo quàm Romani virtute, sed solo armorum genere inferiores. Gallorum enim scuta ferè erant, ex arborum cortice, gladij grandes sine mucronibus, ad inferenda cæsim duntaxat vulnera, facilè evitabiles, suoque pondere perincomodi. Romanis contrà ensis brevior acutâ cuspide, nullo propè labore tractabilis, aptusque infligere plagas crebras & angustas quidem, sed sæpe lethales: Scuta ex tabulis nervo ferroque munita, quibus commodè tegetetur corpus, & tela exciperentur. Stationem nihilominus utrique suam tuebantur, quousque Romanæ turmæ, posteaquam collem occupaverant, è superiore loco in hostium latus invectæ, turbaverunt legiones. Hic jam non cædes, sed immanis strages, Gallis in vestigio (tantum morituris erat animi) hærentibus. Equitatus magnam partem fugâ sibi consuluit. Eorum cecidère ad quadraginta millia, capti non pauciores decem millibus. In his Regulorum alter Concolitanus: alter enim Aneroëstus evalit Romanorum manus, suas non evasit. Etenim dedecoris impatientiâ sibi ipse, ac familiaribus crudeliter vitam abruptit. Victor Æmilius legit spolia, Romamque misit: prædam hosti ereptam, insigni moderationis documento, prioribus dominis permisit: militi in rei præclaræ gestæ præmium objecit opes Boicas, quas devictâ gente esset reportaturus. Igitur quò faceret voti mercedisque compotes, absque cunctatione per Liguriam Bojorum fines ingressus, tantas egit prædas, quantæ militis avaritiæ sufficerent. Non multos exinde dies moratus, Romam reversus, Gallica signa cum torquibus & armillis aureis in Capitolio dedicavit. Captivos præ se egit in triumpho, & armatos quidem duces, ad acerbiorum populi irrisum, exprobrantis religionem, quâ se in Capitolio, non alibi, thoracem polituros, obstrinxerant, quâ ut solverentur, jussi sunt arma in Capitolio ponere. Atque is quidem fuit nominatissimæ expeditionis exitus, unde paruit, non tam barbariem & vasta corpora, quàm mentem prudentiâ validam, in hoste esse metuendam.

BOII SUPERANTUR.

PRÆDÆ
OBJICIUNTUR.

XII.

AN. V. C.
D. XXIX.

RECIPIUNTUR IN ROMANORUM DITIONEM.

Oros. l. 4. c. 13.
Zonar. 10. 2.
pag. 68.

XIII.

AN. V. C.
D. XXX.

BELLUM IN BOIIS RECRUESCIT.

Mirum quantum ex isto successu creverint Romanis spiritus. Etenim Senatus populûsque Romanus erecti in spem Galliarum Circumpadanarum debellandarum, anno sequenti, qui ab Urbe condita quingentesimus vigesimus nonus fuit, utrumque Consulem Q. Fulvium Flaccum & Tit. Manlium Torquatum cum maximis instructissimisque copiis in Bojorum fines voluere proficisci, verum experti Consules, Boijs ex postremâ clade viros adhuc virisque superesse, quibuscum pro aris focisque decertarent, nihil in præsens armis tentandum rati, à Gallis haud agrè impetrarunt, ut in fidem ac ditionem Senatûs Populique Romani concederent. Reliquus annus imbris ac subeunte pestilentia fœdus inter domesticorum mortes absumptus est, cætera experts rerum memorabilium, nisi Orosius juxtaque Zonaras sint Polybio fideliores, cum referunt, Romanos Eridano superato invasisse Insuores, agrisque vastasse. Sed ea crediderim potius spectare ad annum proximum, quo P. Furius & C. Flaminius Nepos Coss. renunciati sunt, is, inquam, Flaminius, qui Boicæ gentis odio, lege agraria agrum Boicum cæterumque Circumpadanum plebi Romanæ censuerat esse transcribendum.

Isto anno Consul utrique Gallia Senatûs decreto provincia obigit, hoc ipso Flaminio gravior, quò inexpiabili odio Circumpadanæ gentis excidium avidissimè sitiebat. Bellum ab eo gestum prosperius, quàm religiosius: ne enim gere-

gereretur, vetabant augures & prodigia Urbi formidata. In Piceno fluvius interlabens sanguine rubuit: in Hetruriâ cœlum ardere visum: Arimini, adultâ nocte, clara lux effulsit: tres Lunæ diversis cœli regionibus simul visæ oriri: tum quoque, ne aliæ nationes terrore vacarent, Caria & Rhodus insulæ, tanto terræ motu concussæ, ut procumbentibus passim ædificijs, colossus etiam Rhodius collaberetur. Quare Consules vitio creatos videri, obnuntiabant aruspices, & pugnaturis conjectores dira ominabantur. Jam cum atroces cœlitum iræ passim jactarentur, in castris erat Flaminius, coquebátque veteres in Gallos iras. Præcipuam belli molem subierunt Insubres Arionisto imperatore. Bello accessisse Bojos Gargeni, alijs Gargani Regis auspicijs, Silius ostendit historico quàm poëtæ similior, quando cassidem cælo Gargeno detractam à Flaminio cecinit:

*Polyb. lib. 2.
Oros. lib. 4.
cap. 13.*

Sil. lib. 5.

*Nobile Gargeni spoliū, quod rege superbus
Bojorum caeso, capiti illacerabile victor
Aptarat, pugnaſque decus portabas in omnes.*

Conspirat apud eundem Flaminij oratio:

*Siccine nos, inquit, Bojorum in bella ruentes
Spectastis, cum tanta lues vulgusque tremendum
Ingrueret, rupesque iterum Tarpeia paucres?*

Belli initia Romanis adversa fuere: bis enim victi fœdus pepigerunt cum Insubribus, sed non servârunt diutius, quàm ferro rescindi possent Reipub. commodo putaverunt. Vix enim paulum temporis intercesserat, cum insuper habitâ pactæ fidei & jurisjurandi religione, infesti rediêre ad arma, castrisque loco, qui Insubribus erat iniquior, locatis, Martem denuo tentandum censuerunt. Jam propè erat, ut confligerent, cum à Senatu litteræ Flaminio redduntur, quibus ipse jubebatur, omisso bello, unâ cum Collegâ redire in urbem: Verùm quæ erat libido pugnandi, non antè litteras aperuit, quàm pugnando, Dijs contemptis, hostem superasset. Sapuit quidem spretâ inanum Deorum superstitione, sed desipuit violato fœdere, quod humana ratio omniumque gentium voces & Deus fœderum arbiter inviolabile esse voluerunt. Ne tamen omnino malè de Dijs videretur sentire, Jovi ex Gallicis monilibus trophæum crexit, ut eum Marti præferendum esse ostenderet, cui ante prælium Galli torquem unum, si forent victores, spoponderant. Cæsorū numerus non venit in historiæ calculum. Id constat, Gallos Marti fortunæque iratos, à Senatu populoque Romano, per Legatos orasse pacem quibuscunque legibus, non exorasse tamen, quod sequentis anni Consules M. Claudius Marcellus & Cn. Cornelius Scipio eos sibi sumpsissent debellandos, ne otiosus consulatus materiam triumphî ambitiosis hominibus subtraheret, tametsi de gente supplici & cladibus afflictâ, ignobiliter quæreretur. Quare Insubres hoc quidem tempore numero Romanis impares, ne imparati opprimerentur, Gætatos novo errore conduxerunt. Ex ijs, Vidomaro duce, transmissis alpibus triginta millia venêre auxilio, futuri rursus Romanæ fortunæ ludibrio. Victi enim profligatique Regem Marcelli ferro in pugnâ obtruncatum amiserunt, quod loquitur vetus lapidis Capitolini monumentum his incisum litteris:

ROMANI BIS
VICTI.

FOEDUS IN-
BUNT CUM
INSUBRIBUS,
ET PAULO
POST RUM-
PUNT.

XIV.

PRÆLIO IN-
SUBRES VIN-
CUNT.

AN. V. C.
D. XXXI.
VICTIS PA-
CEM NE-
GANT.

GÆTATOS
PROFLI-
GANT.

DE GALLEIS. INSUBRIBUS. ET GERMA.

Quæ inscriptio non obscurè significat, Germanicum nomen, Celticum, & Gallo- rum promiscuè ad totam nationem pertinuisse. Vidomarum verò Gætatis im- perasse, occisumque venisse in partem cladis, venustè ludit Sext. Propertius:

*Claudius at Rheno trajectos arcuit hostes,
Belgica cum vasti parma relata Ducis
Vidomari, genus hic Rheno jactabat ab ipso
Nobilis erectis fundere gesa rotis
Ille Virgatis jaculans ab agmine brachis
Torquis ab incisa decidit unca gulâ*

D 2

*Propertius lib.
4. Eleg. 11.
intelligo
Marcellus.
Passeratum ex
vetusto Cod.
pro Rheno
Brennum le-
Nunc git.*

*Nunc spolia in templo tria condita : caussa Feretri
 Omne quod certo, dux ferit ense ducem.
 Seu quia vecta suis humeris hac arma ferebant,
 Hinc Feretri dicta est ara superba Iovis.*

Belli eventus fuit quem Romani optaverant. Sub jugum missa Insubria, subactum Mediolanum gentis universæ caput : Boij quoque redacti in ordinem. Victis nihilominus concessa pax, quæ potuisset tolerari, si Boijs otium magis, quàm odium Romani nominis spetque novæ placuissent. Ut arma rursus caperent, fecere Romani, & Annibalis in Italiam adventus.

XV.

NOVI IN
BOIISMOTUS
EX CREMO-
NENSI ET
PLACENTI-
NA COLO-
NIIS.
AN. V. C.
D. XXXV.

Nam vix lapsum erat totum ab acceptâ pace quadriennium, cùm novæ irarum causæ Bojos ad vindictam excitârunt. Romani duas colonias decreverant, quibus adscripta duodecim colonorum millia, omnes è Latinis. Triumviri ijs deducendis lecti C. Lutatius, C. Servilius, T. Annius : ager attributus, qui nuper Boijs ereptus fuerat.

FAMA AN-
NIBALIS IN
ITALIAM
VENTURI.

Coloniarum alteri data Cremona trans Padum, alteri Placentia Pado citior : consilium erat, ex utrâque Bojos in officio continere. Id verò isti perpetuæ servitutis compedes jugumque, quod nunquam excuterent, interpretati, haud paulò ægrius, quàm antè legem Agrariam accepere. Ecquis enimvero futurus sit Romanæ ambitioni modus, quis injuriarum finis ? Alias ex alijs sobolescere, nec desituras unquam, nisi cum excidio Boicæ libertatis. Strui nova in geminis urbibus ergastula, aptari sine numero lora & catenas, imponi totidem Erearchos remigum præfectos dominis crudeliores, quot mittantur Latini, per quos omnia mancipiorum obsequia ab ingenuis corporibus exigantur. Non sufficere dominantibus, accepisse Bojos in amicitiam, nisi etiam accipiant vincientes pro arbitrio, ad contumeliam. Id infamix, si Boij gentisque Celtici nominis universæ sibi velut stigmaticis inuri patiantur, non habituras deinceps, cur ausint pristinx nobilitatis vel cogitando meminisse. Ita bellum suadebatur majore invidiâ quàm viribus. Jam arma spirantibus stimulos admovit fama Annibalis in Italiam cum infesto Pœnorum exercitu properantis. Magnum viro nomen conciliârat capta excisâque Saguntus, & tactis aris juratum ab ipsâ pueritiâ immortale in Romanos odium, contra quos traherat secum Africæ vires, nec dubitabatur crescentis Romani imperij fortunam, si non everurus, at saltem vehementer inclinaturus ad ruinam ; si præsertim Italicarum factionum accessione firmaretur. Quare Boij, Insubres, Romanæ magnitudini suâ sponte infensos sibi adiungunt, atque ope communi non bellum modò in Italiâ, sed foris etiam Urbi conflare invidiam, aggrediuntur. Eo consilio missi ab illis ad Transalpinos, qui Gallorum studia odiosissimis quiritationibus abs Romanis averterent, nec vererentur addere criminationes supra verum rebusque ipsis acerbiores, quibus niterentur persuadere, insidias à Romanis strui universæ Gallix libertati. Id tanto proclivius à suspiciosa gente creditum, quòd similia Pœni aliaque passim gentes quererentur. Quibus indignationis facibus Galli mirum in modum irritati, Romanorum oratores sannis excepere per singulas propè civitates, cùm populos Romano nomini conciliare niterentur, vel hoc impetrare saltem, ne Annibali propediem venturo liberum in Italiam aditum aperirent. Ista cùm Legati discerent, una ferè erat vox Gallorum, sciscitantium, majorâne extarent Romanæ Urbis in Gallos maleficia, an merita ? Bellè utique opem amicitiamque ab ijs flagitari, qui perpetuis ferme injurijs laceffiti causas potiùs ulciscendi haberent, quàm certandi pro securitate gentis, quæ id semper egerit, ut Galliam non salvam, sed everfam se velle, rebus ipsis sit professâ. Gallos non cò usque posuisse omnem sensum humanitatis, ut non moveantur consanguineorum calamitatibus, non intelligant, quibus armis, quibus exilijs, quâ legum iniquitate indies opprimantur. Ea fuere responsa, quæ Legati suæ spei irriti Romanam retulerunt. Ne ilicò res in bellum erumperet, intercedebat discrimin oblidum, quos in nuperâ fœderis pactione à Boijs Romani acceperant, haud du-

biè

XVI.
ROMANORUM
APUD TRAN-
SALPINOS
ODIUM.

biè de capite periclitaturos; si fide violatâ, pactam amicitiam Galli rescinderent. Verùm & iste cuiusmodi pacis nexus insuper à Boijs habitus, sperantibus, se è Romanis propediem tot tantisque tracturos in vincula, qui obsides securos suo capite præstarent. Spei respondit eventus. Nam cùm ex improvviso armati in agrum Placentinum magnâ vi irrupissent, Romani Triumviri Placentiæ mœnibus diffisi, Mutinam anxij refugerunt, rati, hostem oppidi firmitate ab obsidione deterrendum. Verùm contrâ accidit. Boij etenim Mutinam contestim coronâ cinxerê, & cùm in longum oppugnatio traheretur, agi cœptum de conditionibus solvendæ obsidionis, Boijs simulantibus voluntatem rei componendæ seriôque de pace tractandi. Id cùm Triumviros pellexisset ad colloquium, nec quicquam doli metuerent, tracti sunt in custodiam. Hoc cùm L. Manlius Prætor rescisset, ferrêtque ægerrimè, fidem publicam violari, iræ impotens vindictam sumere instituit. Quare iusto confidentior, non satis exploratis itineribus, agmen rapiens ad uluonem, Bojorum insidijs bis inter sylvarum densâ circumventus, bis cæsus, permultis suorum desideratis ægrè è saltu evasit in apertum. Posteriore conflictu occubuerê octingenti, sex exuti vexillis. Dehinc per camporum plana elapsam fuga Tanetum vicum Pado adsitum detulit, ubi certus tolerare obsidionem, se luosque opere tumultuario circumsepsit. Cùm Brixianorum auxilio, & facili ex fluminis propinquitate com meatu sese acriter tueretur, iamque tumultus Gallici, rei apud Mutinam malè gestæ, Prætoris fugati obsessisque nuntius Romam esset perlatus, Patres veriti, ne Manlius obsidionis diurnitate tandem ad deditionem cogeretur, Cajo Atilio dedere negotium, ut cum unâ legione Romanâ, & quinque sociorum millibus, quos subitario delectu conscripserant, auxilium obfesso festinaret. Is Tanetum quidem à nemine prohibitus pervenit, sed exiguo operæ pretio: nam Boij moram pertasî Taneto abscesserant, non expectato ipsius adventu.

His successit bellum Punicum, cui magnam operam Boij navaverunt. Nam cùm Annibal trajecto Rhodano, consilij ambiguus, haud satis explicaret, præstarene rectâ in Italiam tendere, an cum Scipione, cujus castra habebat in conspectu, Martem experiri, in tempore adfuere Bojorum Legati unâ cum Matalo regulo (Polybio Magilus dicitur) qui se viâ ductores Gallorumque Circumpadanorum societatem offerentes, authores fuere, omisso in præsens Scipione, quando vires Punici exercitûs recentes essent atque integræ, Italiam aggredideretur, ubi validissima à Boijs auxilia, com meatus abundè & campos omni frugum fructuumque genere uberrimos esset habiturus. Numerum militum, quem ex Hispaniâ duxit, incertum faciunt diversi Scriptorum calculi. Polybius, quo nemo fidelior, affirmat fuisse ex Africanis peditum millia duodecim, ex Hispanis octo millia: equitum non ultra sex millia: cui numero fidem adstruit columna Latinij erecta ab Annibale, cujus inscriptione exercitûs sui vires est complexus. Haud dubium, quin ex Boijs alijsque Gallorum valida manus accesserit. Ut ut sit, persuasere Legati profectionem. Annibal superatis alpibus, magno hominum ac jumentorum labore, nec minore damno, decimo quinto die prima castra ad montium radices in Taurinis habuit, ijsque expugnatis, movit in Insubres. Medio Ticinum inter & Padum intervallo, P. Cornelij Scipionis, qui à Rhodano properè in Italiam pervaserat, & Pœnorum exercitus venere ad manus. Victoria stetit penes Annibalem; laus potissima acerrimi certaminis data Bojorum auxilijs. Eo prælio Chrixus Bojorum Dux fortissimè pugnans Scipionis hastâ confossus est: Scipio saucius ex acie discessit: Annibal trajecto Pado, Romanos usque & usque cedentes insecutus, ad Trebiam fluvium alterâ pugnâ superavit. Scipio istis cladibus nonnihil perculsus, aliam belli rationem iniijt usus cunctatione, quâ fortunam ac militum animos putavit esse erigendos, Gallorum verò impetum refringendum. Quare transmisso ultra Trebiam exercitu, castra firmat loco peropportuno, certus vitare pugnam, nisi quam necessitas certæ victoriæ ratio exprimeret. Verùm Sempronius Longus, quem cum novis co-

XVII.

TRIUMVIRI
ROMANI
DOLO CA-
PIUNTUR
MUTINÆ

L. MANLIUS
à BOIJS CLA-
DEM ACCI-
PIT.

TANETI OB-
SIDETUR.

à C. ATILIO
LIBERATUR.

BELLUM
PUNICUM
XII.

AN. V. C.
D. XXXVI.

ANNIBALIS
COPIÆ.

INGRESSUS
IN ITALIAM.

PUGNA AD
TICINUM
ROMANIS
ADVERSA,
ALTERA Æ-
QUE IMPRO-
SPERA AD
TREBIAM.

XIX.

IN CASTRIS
ROMANIS
FAMES.

ROMANI
TERTIUM
VICIL.

pijs Româ Collegam acceperat, ignei vir ingenij, credebatur primo quoque tempore praelio esse decernendum: ita gemini Duces castris juncti dissidebant animis. Ea consiliorum dissensio Annibali rursus victoriam dedit in manum. Etenim gnarus collectam superioribus certaminibus gloriam famamque novis factis ali oportere, nec melius se Gallorum ardore usurum, quàm dum ferverent, in omnem pugnandi occasionem intentus, cognovit per exploratores, tale esse Sempronij ingenium, ut levi negotio possit trahi ad pugnam. Rem hac arte aggressus est: Primò omnium Romana castra commeatu prohibita ad tantam penuriam redegit, ut fames non patientiam modò Romanam, sed militum quoque vires frangeret: deinde collocatis insidijs aciem instruxit, prodiiitque in Sempronij conspectum. Hic & legionum voto pugnam fami præferentium & suo raptus animo, contrà quàm visum Scipioni, in arenam signis explicatis descendit. Cùm fortiter invehetur in Pœnos, incidit in dispositas insidias, tandemque à fronte & à latere oppressus victoriam hosti reliquit, non tamen incruentam. Decem Gallorum millia mediâ in acie à Romanis obtriti: multi præterea è Carthaginensibus cecidère. Quapropter Annibal, ut Legiones compleret, hiberna cepit in Circumpadanorum finibus, hospes (ut solet) ingratus, quòd Gallis esset permolestum, præter omnem spem, belli sedem domi suæ maximo cum incommodo habere. Hinc in Carthaginenses deinceps remissius studium, post simulates, & odium, tandemque paratæ capiti Annibalis insidiæ, quas ipse mutatâ itentidem habitûs orisq; formâ, ingeniosè vitavit, donec hibernis excedens quiritantium iras mitigavit.

AN. V. C.
D. XXXVII.
ITER ANNI-
BALIS PER
PALUDES.

XX.

GALLORUM
IMPATIENTIA.

FLAMINI
ARDENS IN-
GENIUM.

XXI.

GALLUS ET
GALLA VIVI
ROMÆ TU-
MULATI.

Sequens annus Cn. Servilium & C. Flaminium consules dedit, quorum hic domi forisq; turbulentus, & fatali in Gallos odio nominatus. Hoc anno Annibal partis de Romano victorijs, quod demum vincere est, bene usus, vere nondum aperto, per iniquissima paludibus itinera, cum incredibili copiarum fastidio, quatrimum diu noctûq; cum cœno lacunisque luctatus, amisso insigni jumentorum numero, & oculorum altero ob palustris aëris gravitatem, luscus ad firmitus solum evalit. Dici vix potest, Boij & Gallorum cæteri quantas perpessi sint isto trajectu calamitates atque ludibria. Nam viarum pressu angustijs, ne qui dilaberentur, pateretve ullum à signis abiturientibus effugium, quod apud gentem libertatis retinentissimam omnem indignitatem superabat, medijs inter Numidarum turmas, Annibale inspectante, qui elephanto sublimis ponè sequebatur, captivorum, veriùs belluarum more agebantur, eâ desperatione, ut non pauci tum demum experti, se in Afrorum incidisse fraudes, ignominie fatigationisque impatientes, cœno semet immergerent, & vitam simul dolorémque obvio lacunarum sepulchro obruerent.

Annibal tandem eluctatus, summè defesso militi ad inducendam malorum oblivionem, Hetruriæ spolia & rebus omnibus affluentis soli delicias objecit. Id consilium duo spectabat potissimùm: alterum, ut Gallorum animos componeret: alterum, ut refectis exercitûs universi viribus, Flaminium pugnandi avidum fortius exciperet. Ejus mores (quod sapientis Ducis est) Annibal probè arbitratus, bellum styd fuit attemperare homini irarum perinde atque arrogantiz prorsus impotenti, haud dubius, in eo verti momenta victoriz, si ex adversarij genio vincendi artes depromantur, & ab hostium erroribus capiantur sanâ consilia. Quæ res Afri vafriciem non fefellit. Flaminius etenim Hetruscorum, quos Romani in fidem receperant, calamitate provocatus, tametsi ostentâ & augures virique sapientiores alia omnia suadebant, fidentia immodicus, neglectis monitoribus, obstinat hosti ire obviam. Repetita hoc anno Romæ feralis religio, quâ Græcus & Græca, Gallus & Galla vivi publicè tumulati. Pœnus per exploratores edoctus, Flaminium irâ, & devictorum Insubrum memoriâ tumidum, esse in procinctu, simul arte Punicâ, simul virtute sibi putavit esse pugnandum. Quò foret ab utroque latere tutior, caperetque loca regendis insidijs opportuniora, castra movit inter lacum Thrasymenum & montes Cortonenfes.

Tum

Tum cognito, haud longè abesse Flaminium, inter montium abdita copiarum pattem locat extra Romanorum conspectum, jubetque fixo pede signum prodeundi expectare. Tum parentiore loco explicatâ acie se hosti præbet adversum. Flaminius insidiarum ignarus, eò usque se in subjectam monti planitiem induit, dum Carthaginenses & Gallos haberet à fronte & à tergo, à lateribus autem montem & Thrasymentum. Jam instar bellæ inter plagas clausæ tenebatur, cum Annibal signum dat incurrendi. E diverso apud Romanos, ut in re prorsus incogitatâ, raptim fieri omnia, turbare acies, miles animo fluctuare, qui tamen ductorum virtute erectus, tantâ fortitudine Pœnos excepit, ut per tres omnino horas Mars esset communis, nec discrimen fortuna faceret, quâ parte datura vires esset. Cum anceps pugna in serum diei extraheretur, & quod dictum mirum est, terra, flumina, maria, tota adeò Italia, motu tremere, nemo tamen erat pugnantium, qui tremorem notaret. Post ubi pertinacissimè dimicatum, victoriam ad se rapuit Bojorum virtus manu Ducarij, quem disertè Bojum nuncupat Silius:

*Advolat ora ferus mentemque Ducarius, acri
Nomen erat gentile viro, fusisque catervis
Bojorum quondam patrys, antiqua ferebat
Vulnera barbarica mentis.*

Livius Insubrem quidem cum scripsit, fortè eâ causâ, quòd cum Insubribus aliquando militasset, atque eâ pugnâ, quâ victi Insubres, honesta vulnera retulisset. Nec abludit à vero, quòd ex eo tempore Flaminium nosse incepisset, notumque cum inter agmina esset conspicuus, fortiter dimicantem neci destinasset. Certè Flaminium à Ducario confossum Livius auctor est, tamen Silius incertis telis transfixum scripsit. Ducarium spoliare instantem Consul truncum cadaver (confecto enim victor caput avulserat) triarij amovère. Quindecim Romanorum millia in acie occubuerunt. Verius non potuit nec brevius Prætor Romanus cladis magnitudinem exprimere, quàm cum ad Senatum scripsit: *Pugnâ magnâ victi sumus.*

Secura est atrocissima Romanorum clades ad Cannas, quam Livius plusculum elevat, Polybius caterique cum fide describunt. Ad eam multum contulerunt centuriata Romani populi comitia, quæ L. Æmilius Paulum & C. Terentium Varronem dedere Consules, & hunc quidem haud paulò deteriore Flaminio & Sempronio. An Boij prælio interfuerint, dubium facit, quòd Livius asserat, à capite ad umbilicum nudos pugnas Gallos, addatque Polybius, pugnasse more gentis. Ex adverso in obscuro non est, per idem tempus Lucium Posthumium Prætozem, cum in Galliam Cisalpinam missus esset, uti Gallos à castris Annibalis retraheret, editis in eorum finibus tristissimis vastitatis exemplis, id egisse potissimum, ut patriæ charitate Boij domum revocarentur. Unde factum, quòd anno sequente memorabitur, ut Posthumius cum toto exercitu à Boijs deleteretur. Cæterum Cannensi pugnâ cæsa sunt Romanorum quadraginta millia, quorum sanguine Aufidus totus rubuit, volvitque tantum cadaverum, ut congestus eorum velut agger, pontem transitoris præberet. Non prius delitum est fundere Romanum sanguinem, quàm Annibal, ejus licèt sicientissimus, jussit ferro cadêque temperari, imperio, quo ferus homo nullum unquam dedit humanus: *Parce ferro.* Quòd si eâ victoriâ scivisset uti, tantum Romæ terrorem intulerat, ut dubium vix fuerit, quin urbe potiturus ultimam Romanæ rei perniciem attulisset. Annuli, qui cæsis fuere detracti, tres modios impleverunt. Ii Carthagine in Senatus oculis effusi victoriæ magnitudinem ostentârunt.

Non multum ab eo temporis abierat, cum Lucius Posthumius Albinus designatus Consul, quem in Cisalpinos missum fuisse diximus, Bojorum insidijs oppressus cum suis legionibus periit. Nemo erat densum opacumque proceris arboribus, per quod Posthumio traducendus erat exercitus, Litanum eâ sylva Gallis nuncupabatur. Boij ejusce profectionis facti certiores, arbores, quæ futu-

ROMANI AD
THRASYME-
NUM QUAR-
TO SUPE-
RANTUR.

AN. V. C.
D. XXXIIX.
XXII.
ROMANI
QUINTUM
VICTI AD
CANNAS.

Plin. l. 33. c. 1.
XXIII.
AN. V. C.
D. XXXIX.
POSTHUMIO
CLADES A
BOIIS ILLA-
TA.
Ius Polyb. lib. 3.

*Liv. l. 23. an.
se med.
Frontin. lib. 1.
c. 6.
IN SYLVA
LITANA.*

*INGENS UR-
BIS ROM.
LUCTUS,*

*ANNIBALIS
LUXUS ET
FINIS IN-
GLORIUS.*

*• XXIV.
AN. V. C.
D. XLVII.
ASDRUBALS
IN ITALIAM
ADVENTUS.*

*DELECTUS
E GALLIS.*

*ASDRUBAL
PLACEN-
TIAM FRU-
STRA OBSI-
DET.*

*PROFLIGA-
TUR AD SE-
NAS, ET OC-
CIDITUR.*

rus erat transitus, ab imo sic inciderunt, ut tota tamen sylva staret quidem, sed pulsa leviter, haud levi impetu procumberet. Ejusce salvis oras Boij frequentes infederant. Mox ubi Romani hostium securi se in sylvam infuderant, Boij ejus marginem dejectis arboribus impulerunt in casum, quæ proximæ, & deinceps aliæ alias solo afflixerunt. Sic propagata toto nemore strages deprehensos in medio hostes equites, pedites, armatos, inermes, ipsaque jumenta truncis arborum & denso ramorum implexu elisit. Galli obrutos intricatosque circumfusi, aliosque, qui è sylvâ conabantur eluctari, sic accepere, ut decem non amplius evaserint, qui cladis nuntium Romam perferrent. Pauci alij, qui fugâ ad pontem quempiam evaserant, à dispositâ statione interclusi, venerunt in hostium manus. Posthumij caput præcisum: calva auro cælata in patere vicem, sacrificijs, ut eâ libaretur, devota. Strata humi spolia per otium collecta, victoribus aurum, vestes, arma, ingenti copiâ suppeditaverunt. Meminit Livius, nuntiata istius exercitus internecione, Romam Cannensi clade jam tristem, tantum mœroris simul & pavoris concepisse, ut oclusis tabernis, per urbem mera esset solitudo, dandûmque fuerit Ædilibus, Senatûs decreto, negotium, qui vicos obirent, juberent recludi officinas, & publicæ mœstitiæ speciem, (neque enim animi mœrorem poterant) quoad liceret, regerent, si non abstergerent. Sempronius Consul ut Patres plebémque solaretur, id duntaxat habuit, quod diceret, passis graviora Deos his quoque finem daturus. Senatus quamvis implacabiles in Bojos iras coqueret, ire tamen ultum in præsens non est ausus, quod assatim haberet ab Annibale periculi, cui depellendo vix erant pares Romanæ vires. Ergo vindictam, quam rerum temporisque ratio non ferebat, censuit esse differendam. Ejusce facultatem dedit infelix deinceps fortuna Annibalis, quem Campaniæ hiberna per luxum immanémque lasciviam sic corrupere, ut non tam armis, quam vitijs devictus, collectam ex tot victorijs gloriam inglorio fine delêrit.

Non descivere tamen Boij à Carthaginensibus, sed quoad licuit, sociati non in Italiâ modò, sed in Africâ etiam Romanos oppugnârunt. Cùm enim anno belli Punici duodecimo, Asdrubal frater Annibalis novas ex Hispaniâ copias, in Italiam, transcens Alpibus, adduxisset, ubi primùm Gallorum fines attingit, nihil prius habuit, quàm ut eos sibi liberalibus stipendijs devinceret. Habuit etenim in Boiorum sociorumque agris magnos delectus, Gallis lætantibus, quòd bellum Romanis ultro alioqui facturi, ære peregrino, grandibus præmijs, ad exercendas inimicitias auctorarentur. Id contigit M. Livio Salinatore II. & C. Claudio Nerone Cos. Ingens Romanos ex valido apparatu metus incessit, nondum expertos elumbes in posterum Annibalis conatus, & magnopere veritos, ne tantâ Africanorum & Gallicorum armorum mole, tandem res Romana, quæ ne uni quidem istorum hostium sufficeret, à tribus simul obrueretur. Asdrubal, ut Bojos novo sibi beneficio devinceret, in eorum gratiam, Placentiam, quæ continuò Gallorum consilia frenabat, obsedit quidem, sed oppugnatione irrita: quòd binæ Legiones Româ in Galliam à Prætoribus adductæ, istam coloniam aliisque magnis animis tuerentur. Ex istis castris Asdrubal quatuor Gallos equites, cùmque ijs binos Numidas ad fratrem misit cum litteris, quibus fieret de ipsius adventu consiliisque certior: quæ res Asdrubalem (tantum in re non magnâ momenti est) perdidit, & vehementer Annibalis fortunam afflixit. Cùm enim equites elusis ubique excubijs, peragrata magnam partem Italiâ, in pabulatorum manus incidissent, Romam tracti, tormentorum metu, Asdrubalis consilia evulgârunt: quibus cognitis minùs fuit operosum occurrere. Cùm enim Senatus conjiceret, Annibalem absente fratre nihil moturum, Gallia utrique Consulum provincia decreta est cum exercitu consulari, quo Asdrubalem à Placentinâ obsidione digressum ad Senas consecuti, prælio memorabili superârunt, Romamque in spem fortunæ melioris erexerunt, cum ingenti rei Boicæ detrimento. Ex eo enim tempore (quod Annibal solebat fateri) Punica felicitas ad Romanos cœpit deficere, seque aperire modus respirandi à pristinis cladibus, simul bellum in Bo-

in Bojos omnesque Cisalpinos Gallici nominis, instaurandi. Pugna Senensi Aldrubal interfectus est: interfecti caput à trunco amputatum, missum Annibali, nuntij per ludibrium projecere ante excubias, mœstum fratri spectaculum, quem licet Capuanæ voluptates effœminarent, mente tamen supra fœmineum modum futuri prælagâ, tum magnas patriæ imminere calamitates prædixit, tum de se coepit sentire humilius, remque gerere meticulosè. Galli, qui Senensi cladi fuere superstites, agmine incompósito se in patriam receperunt, non desiverunt tamen exercere hostilitates, Placentinis & Cremonensibus, propter quos nuper arma induerant, continenter infesti prædis agendis & agro devastando, qui demum ad eam venerat solitudinem, ut incultus desertusque passim sine colono jaceret. Cum paulatim utraque colonia ne mœnibus quidem satis tuta sibi videretur, Romam ivere Legati conquestum, petitumque auxilia, quibus se fortunâsque suas adversus Bojos defenderent. Quamobrem Patrum jussu, Lucio Veturio Philone & Q. Cæcilio Metello Cofs. Manlius Thurinus Prætor, Gallorum ad Pœnos defectionem & coloniarum injurias sibi sumpsit castigandas. Res tamen stetit inter excursions & mutuam agrorum devastationem, nullo præterea operæ pretio, quod relatum sit in Annales.

Annus posterus, qui P. Scipionem & P. Licinium Crassum Consules sortitus est, celebris fuit Magonis ex Africâ in Italiam adventu. Is frater erat Annibalis & Aldrubalis, domestico in Romanos odio imbutus. In ejus copijs fuere duodecim peditum, equitum duo millia, ad quos tanto numero confluxere Galli, ut rursus tali hoste Romana res periclitari crederetur. Impetrari tamen à Boijs nequijt, suis ut auspicijs auxilia jungerent, sed facta est potestas, ut, quotcunque è Liguribus vellent, facerent Carthagenensibus stipendia. Commeatum & aurum addixerunt Boij, Legionibus, quas habebant in promptu, ad finium tutelam contra Romanos usuri.

Anni duo fluxerunt nullâ re memorabili; tertius Cofs. dedit M. Servilium Geminum & T. Claudium Neronem. Prior C. Servilium patrem & C. Lucatium patrum Triumviros, qui geminam coloniam in Bojorum Insubrumque agros deduxerant, post captivitatis annum sextum decimum, libertati tandem reddidit. Id autò an armis effecerit, non est quidem à quoquam proditum, nec quæ fors fuerit T. Anni Triumviri item agrarij: non tamen est a vero procul, Bojos Magonis clade perculsos ad mansuetiora demum consilia respectantes, istâ humanitatis specie, Romanorum iras mitigare voluisse. Credebatur Mago tantum animi & fortunæ in Italiam attulisse, ut ingenti, quem in Cisalpinis fecerat, rerum apparatu, Romanam potentiam esset fracturus. Verùm quæ fuerunt Urbis invicta fata, longè quàm sperabatur alius fuit belli exitus. Commissum est prælium in Insubria, ubi P. Quintilius Varus Prætor & M. Cornelius Proconsul Magonem sunt aggressi. Cum instructæ starent acies, tantus Legiones Romanas terror invasit, ut, quicquid demum hortando agerent duces, ad incundum certamen nequirent impelli. Spes reliqua fuit penes equitatum, qui fortiter quidem invehctus est in Pœnos; sed ubi in Elephantos incurrit, quibus Mago aciei frontem munierat, equi adverso belluarum odore afflati, stridore & aspectu territi, abreptis retro sessoribus, terga Numidis cædenda dederunt: Cum Numidæ in Legiones irrumperent, decima tertia stetit in vestigio, & aciem inclinatam erexit. In hanc ex subsidijs incubuere Galli, qui protinus retusi fuerunt sine magno certamine. Legio Romanorum duodecima magnam partem cæsa, pudore magis, quàm virtute restitabat. Duçti in peditatum elephantum confundebant ordines, cum ab hastatis undecimæ Legionis excepti, velut æstro perciti, excusso rectorum ductu, in suos averfi furere, sternere obvios, aciem evertere, confundere ordines, terrorem inferre, ac demum Romanis bellè opitulari. Quatuor è bestiis, vulneribus confossæ corruerunt; longè plures pilis confixæ; cum in confertas nulla ferè tela in irritum jacerentur. Commorâ ab his primâ Magonis acie, Romanorum peditatus, ut vidit averfos elephantos, animos resumpsit,

Pars I.

E

sequē

XXV.

GALLI SE
DOMUM RE-
CIPIUNT.
INFESTANT
ROMANAS
COLONIAS
AN. V. C.
D. XLIX.
RETUNDUN-
TUR à PRÆ-
TORE RO-
MANO.

AN. V. C.
D. XLIX.
MAGONIS
ADVENTUS
IN ITALIAM.
BELLĠ AP-
PARATUS.

Liv. lib. 39.
AN. V. C.
D. LI.
TRIUMVIRI
ROMANI
REDDITI
LIBERTATI.
XXVI.

MAGO PRÆ-
LIO SUPERA-
TUS.

seque passus est duci in hostem. Confligebant inter hæc Galli impigrè, quousque Mago stans ante signa femine transfixo humi extensus, extra aciem fuit efferendus. Tum amisso duce, omnibus in fugam effusis, concessa fuit victoria Romanis, è quibus desiderati fuerunt bis mille trecenti, tres militum Tribuni, duodeviginti illustres equites cum aliquot centurionibus, quos obrivère elephantii plerosque. De Magonis exercitu perierunt quinque millia, signa militaria capta octodecim.

XXVII.

REVOCATUR
IN AFRICAM.

MORITUR
EX VULNERE.

Mago noctis intempestæ beneficio cladis reliquias subduxit in Liguriam, ubi Carthagenensium Legatos obvios habuit, cum mandatis à Senatu, ut proximo quoque tempore in Africam rediret: quòd res domi non essent eo loco, ut externo Italiæ bello, patriæque defendendæ sufficerent. Ad Annibalem quoque per eos dies Legati iverant, qui similia jubentes eum Carthaginem revocarent. Jam enim P. Scipio, qui à devictâ Carthagine dictus est Africanus, bellum metumque in Africam transtulerat, hoc agens, ut Pœnorum arma ab Italiâ ad domesticas curas diverteret. Mago permotus non modò Senatûs imperio patriæque discrimine, sed metu etiam, ne victor Romanus cedentis vestigia premeret, & ipse destitueretur à Gallis, copiis in naves impositis, abiit. Vix dum prætervectus Sardiniam, ex vulnere extinctus est. Annibal sexto decimo, postquam Italiam ingressus erat, anno, frendens vixque lacrymis temperans mandata Senatûs accepit, multa questus de inimicâ Hannonis apud Carthagenenses factione, quæ Amilcaris domum, unde Annibali natales, oppressum iret, ruinâ Carthaginis, quando aliâ re non posset, & Annibalem toties victorem obrectatione debellaret. Gessit tamen morem Senatui, & florem exercitus vexit in Africam, faciem militis, ne Brutium agrum planè nudum relinqueret, præsidij specie oppidis imposuit. Multos Italici sanguinis, qui se in Africam navigaturos negaverant, in Junonis Laciniæ fano, quòd velut ad asylum eatenus inviolatum confugerant, barbaro spectaculo foedè jussit obtruncari. Ex hostili terrâ mæstior excessit, quàm alius quisquam iret in exilium, se caputque execrans, quòd mox à Cannensi pugnâ, recentem exercitum Romam non duxisset, sed ignavâ libidine circa Casilinum, Cumas, Nolamque pessum dedisset.

XXIIX.

Flor. decad. 3.
lib. 1.

P A X DATA
CARTHAG.
AN. V. C.
D. LIII.
Liv. lib. 31.

Ex ejus fratrisque discessu, Romam magno hoste liberatam (ut malorum metus, quàm bonorum sensus est acrior) cura incessit, ne Scipionis virtus tot tantisque hostibus circumsedenda frangeretur tandem, & bellum in Italiam reveheret: verum hac curâ soluta est per multas victorias, quibus Scipio Carthagenenses eò usque in publicæ salutis desperationem adegit, ut pacem per Oratores Romæ, in Africâ à Scipione peterent. Apud hunc nihil effecit Annibalis colloquium: In Urbe Senatus mitior supplicibus annuit decimo septimo belli Pūnici anno Cn. Cornelio Lentulo & P. Ælio Pæto Coss., qui annus Livio Urbis conditæ quingentesimus quinquagesimus tertius est, Polybio quinquagesimus secundus.

BOII HOSTIUM
AGROS VASTANT.

ÆLII CONSULIS IN
BOIOS EXPEDITIO.
C. APPIIUS
BOIORUM FINES INGRES-
SUS.

Boij deinceps à Pœnis deserti non minùs quàm à prudentia, induxerunt animum, ut à Romanis pacem ne peterent quidem, rati, se suas injurias tantisper ulturos, dum Roma bello Macedonico implicita, & Asiæ civitates in fide nutantes ad Philippum Regem inclinarent: quasi nihilo plus esset futurum in posterum, quàm in præsens foret ab Urbe vindictæ appetentissimâ periculi, & satis saperent, qui ex hodiernâ fortunâ, futuram metirentur. Quare velut omni soluti metu, eodem isto anno irruerunt in agros lociorum populi Romani, prædæ agentes. Id ubi in Urbe cognitum, P. Ælius Consul delectu subitatorio scripsit binas Legiones, quibus addidit ex Consularibus copiis cohortes quaternas. Cum istâ manu tumultuariâ, C. Appium lociorum Rom. populi præfectum jussit Bojorum agrum incurere, ipse verò aperto per montium ardua itinere, eodem contendit. Appius Bojorum fines ingressus, prosperum habuit populationis initium. Eo successu factus audacior, olicitantiùs cœpit cavere insidias, & hoste contempto grassari fidentiùs, quod ipsi impune non fuit. Tempus erat metendum.

darum segetum : Ille, ut frumentatione exercitui prospiceret, prope castrum **X XIX.** Mutilum infedit locum satis opportunum quidem, sed hostis explorandi prorsus negligens, neque sat frequentes defensores inermi turbæ, quæ in agro colligendæ messi dabat operam, adjunxit, neque stationes adhibuit, quæ hostem, si qua vis ingrueret, exciperent. Ipse quoque cum paucis è castris profectus, dum securus & incogitans omnis periculi, oberrat, en tibi subitâ Gallorum irruptione circumventus confoditur. Orta exinde non frumentatorum modò, sed armatorum etiam fuga. Septem hominum millia per agrum palantes deleti : cæteri, quos terror & imminens hostis in castra compulit, nullo præfecto, certòve imperio, sed militari impetu nocte proximâ, per sylvarum avia penetravere ad Ælum Consulem, mœstum Præfecti casu & tot hominum internecone. Ipse hoc anno nihil dignum egit memoratu, nisi vastando Bojorum agro, pactòque cum Ingauris Liguribus fœdere : atque eam ob rem inglorius in urbem reversus est.

AB IIS OB-
RUITUR.

Anno proximo omnium animis in bellum Macedonicum Romæ intentis, cum nihil minùs timeretur, Gallici tumultus fama vulgata est. Quamobrem P. Sulpitius Galba & C. Aurelius Cotta, consulatu inito coacti sunt, curas virè- que Romanas habere bifariam. Belli Gallici concitator Amilcar Pœnus fuit, qui de Magonis, vel, ut Livius, de Asdrubalis exercitu, quæ superfuerant, reliquias collegerat, firmaràtque novo milite. Is Bojos, Insubres, Sallyos, Iluates, ipsòsque Cenomanos ad eam diem in colendâ Romanorum amicitia constantes, cæteròsque Liguriæ populos ingenti rei feliciter gerendæ fiducia erectos, accensòsque suâ sponte Romani nominis æmulatione, ad arma concivit. Hostilia aggressus est à colonijs, quarum deductio tot jam bella pepererat. Placentia, primo mox impetu, capta & direpta, magnamque partem accensâ à furente milite. Sævitum quoque in colonorum corpora, è quibus vix bis mille inter civitatis busta & parietinas superfuerunt. Hoc successu Boij alacres, Pado trajecto, raptim exercitum moverunt ad Cremonæ excidium, rati, se eam ex improvviso pari celeritate oppressuros. Verùm audita Placentinorum calamitas & metus, necessitatem iniecit parandæ defensionis. Portas oclusas muniere stationibus, pro mœnibus disposuere excubias, totâ urbe concursum ad arma. Cum quinque duntaxat armatorum millia circum Ariminum, duce L. Furio Purpurione, tundo limici forent ad manum, atque in eâ paucitate nihil aut parùm esset adversus quadraginta Gallorum millia præsidij, missi ad populum Romanum celeres nuntij, qui præsens civitatis obsessæ periculum explicarent. Addidit Purpurio litteras in eandem sententiam. Quibus in Senatu recitatis, Senatusconsulto decretum, ut C. Aurelius Conf. ipse, si Reip. commodo posset, ad opprimendum Galliæ tumultum properaret, & copijs consularibus missis in Hetruriam, diem ad conveniendum Arimini diceret, aut mandaret L. Furio, ubi primùm ad eum ex Hetruscis copię venirent, quinque millibus in Hetruriâ relictis, cum reliquis Legionibus ad Cremonenses obsidione solvendo proficisceretur. Igitur Furio ab Arimino, festinatis itineribus profectus, castra mille quingentorum passuum intervallo à Gallis posuit. Hos ne protinus invaderet, prohibuit contracta ex properatione militum lassitudo, quæ nisi fuisset, poterant haud difficili negotio Gallorum castra expugnari. Nam cum palati passim per agros prædas agentes vagarentur, qui in castris erant residui, vallo defendendo non erant pares. Cum revocati propter ex agris revertissent, dies posterus prælio decretus est, quo tantâ celeritate Galli aciem festinarunt, ut ejusce explicandæ spatium Romanis vix reliquerint. Prætor tamen pugnæ avidus, confestim sociales copias in alas divi-

AN. V. C.
D. LIV.
NOVUM
BELLUM AB
AMILCARÈ
ET GALLIS
CONTRA
ROMANOS
CONFLATUM.
Zonar. Tom. 3.
p. 98.

XXX.
PLACENTIA
EXCISA.

OBSessa
CREMONA.

XXXI.

LIBERATUR.

GALLI DE-
VICTI

fit, dextramque in primâ acie locatam M. Furio demandavit. In subsidijs duas Legiones posuit, quibus præerat M. Cælius. In equitatu curabat L. Valerius Flaccus. Prætor cum C. Lectorio & P. Titinio legatis in omnem hostium motum erat intentus. Galli errore exitiabili coactâ in unum agmen multitudine, quæ disijci facilius, quàm regi, vel verti ad quosvis casus poterat, neglecto ordine, unde vis & anima pugnantium, sunt arbitrati, se nullo negotio singulas alas ac

denique aciem universam obtrituros. Igitur impetu in dextram alam, quæ aciei frontem tegebat, converso, totâ vi in eam incubuere. Cecidere quidem è Romanis permulti, sed cum tamen ala suam stationem obtineret, Galli consilio improvido, agmine in cornua diducto, amplecti Romanam aciem, atque simul totam nituntur obruere. Eo facto extenuata media acies patuit Romanorum incursioni. Id ubi Prætorem advertit, dilatat & ipse aciem, & duas Legiones ex subsidijs, alæ, quæ in acie pugnabat, circumdat: tum jubet L. Valerium partem Legionum cum firmo equitatu ducere in Gallos, ac prohibere, ne, quod moliebantur, aciem circumvenirent. Demum in medium hostium agmen immittit confertas phalanges, quæ eorum perrumpant ac disturbent ordines. Cum ad eum modum Galli in utroque cornu & acie mediâ ingenti cæde sternerentur, nec amplius sibi turbata acies constaret, fugâ ab omni parte exortâ, in castra convolant: tergis fugientium hærens equitatus, moxque secutæ Legiones, facto in vallum impetu, castra irrumpunt, tantâque edunt stragem, ut non omnino sex Gallorum millia inde effugerint. Cæsa & capta supra triginta quinque millia: reportata septuaginta signa militaria: avecta carpenta plus ducentis, atque in ijs ingens rerum copia: simul Amilcar belli incentivum, & tres Gallorum duces illustri sanguine interempti. Qui ex Placentinis captivi ingenui, in coloniam bis mille reducti. E Romanis sociisque occubuerunt duo millia, plerique dextræ alæ. Quod Orosius de Cremonâ vastatâ meminit, accipiendum de agro directo à Gallis, qui non sunt civitate potiti. Victoria parta bello difficillimo mirè Urbem recreavit: Eapropter decreta tridui supplicatio. C. Aurelius consul, cum jam esset debellatum, venit demum ad exercitum, haud obscure Prætori insensus, quod se absente pugnasset. Ne tamen nihil prorsus in provinciâ fecisse diceretur, misso in Hetruriam Furio, ipse movit in hosticum, unde prædæ aliquantum, gloriæ nihil Romam retulit. Furio ob rem præclarè gestam, cum in Senatu fuisset varijs sententijs disceptatum, plurimum voto decretus triumphus, sed sine spolijs & sine milite, quem penes se Consul retinuerat. Prætor ærario intulit trecenta viginti millia æris, argenti centum septuaginta pondo, id est, 1704265 $\frac{10}{14}$ coronatos, millionem videlicet auri, atque insuper septingenta quatuor millia aureorum, & ducentos sexaginta quinque, & quod excedit. Ab his contra Livium abijt Zonaras, qui Placentiam anno demum sequenti captam tradidit, negatque, Amilcarem hoc prælio cecidisse, sed Gallis junctum multas postea clades Romanis intulisse, Ligures pacem cæteris Gallorum negaram impetrasse. Ipse Livius alibi scribit ex aliorum sententiâ, Amilcarem ab Cethego consule captum, ductumque in triumpho, quod proinde tertio abhinc anno factum oporteat.

XXXII.

INGENTI
STRAGE.

Oros. l. 4. c. 20.

AGRI GAL-
LICI POPU-
LATIO.MAGNA
PRÆDA.Liv. lib. 32.
prope fin. &
lib. 33. prope
princip.

AN. V. C.

D. LV.

XXX

III.

BEBIUS PRÆ-
TOR ROM. A
GALLIS
CÆSUS.AN. V. C.
D. LVI.

Cæterum cum ab urbe conditâ anno quingentesimo quinquagesimo quinto L. Cornelius Lentulus & P. Villius Tappulus Cofs. Idib. Martijs magistratum inivissent, C. Bebio Tamphilo Prætori Legiones, quas anno superiore C. Aurelius consul habuerat, sic fuerunt decreta, ut eas circa Ariminum ad Galliæ Cisalpinæ, quæ ipsi provincia obtigerat, tutelam retineret, donec Consul Lentulus, qui jussus erat novum militem scribere, succederet, & exauthoraret anni prioris exercitum, præter sociorum quinque millia, quibus omnis circa Ariminum regio posset tutò contineri. Ita Romæ erat persuasum, nihil deinceps esse, quod à Boijs sociisve timeretur. Quamobrem Bebius omni solutus metu, velut sui facturus periculum, temere nec satis exploratò Insuorum fines ingressus, ex improvîso à Gallis circumventus cum toto exercitu, supra sex armatorum millia sexcentos amisit. Tanti fuit sprevisse hostem, vel belli artes nescivisse. Ea clades propere Lentulum consulem ab urbe excivit, qui provinciam reperit turbatissimam, trepidumque exercitum. Prætorem convitio increpitum jussit abire Romam, causam Patribus dicturum. Sed nec consul ipse quicquam gessit dignum annalibus, hoc solo melior, quod nihil agendo, bene quidem sibi, sed malè rei communi consu- lisset.

Verum

Verum, qui successit annus, nihil etiam habuit, quo Sex. Ælius Pætus, qui cum T. Quintio Flaminiogessit consulatum, gloriaretur: quamquam Zonaras scribit crebro velitares pugnas esse commissas, quæ contemptim acceptæ, ne in chartis quidem locum invenerint, neque responderint expectationi, quam magnus belli apparatus concitârat. Annum penè integrum Consul totus in eo fuit, ut Placentiam ac Cremonam à colonis desertas, ad aliquam frequentiam revocaret. Romani enim tot Bojorum irruptionibus agrique direptione fatigati, non modò latitundia, sed ipsa quoque civitatum mœnia ac tecta averfati, urgebant suum in Urbem reditum, negantes se ullum operæ pretium facere colendo agros, quorum fructus omnis ab hoste quotannis ferè raperetur: aut habitando domos, quas adversus Gallorum multitudinem, citra certum libertatis & fortunarum discrimen, tueri non possent. Quare consul mirè negotiosus credidit, bene se utiliterque laborare, quòd consulari suâ authoritate homines dispalatos ad suas sedes reduceret.

Boij quamvis ex superiorum annorum cladibus se nondum collegerant, ex Romani tamen exercitûs celsatione arbitrati se formidari, novam sibi fortunam ominantes, cepere nova de bello instaurando consilia. In eandem causam sociatâ fide venère Insubres & Cenomani, magna vis, nisi discordia malè cohærentes dissociasset. Ejusce expeditionis fama perlata Romam, Patres populûmque variè affecit. Sex. Ælius consul comitiorum causâ Romam regressus, successor accepit Cn. Cornelium Cethegum & Q. Minutium Rufum, quibus Senatus Italiam provinciam decrevit, ut eam à recenti Bojorum tumultu tutam præstarent. Uterque profectus in Galliam: Cethegus rectâ ad Insubres: Q. Minutius flexit ad lævam Italiæ, secundum mare inferum, abductoque Genuam exercitu, bellum cœpit ab Insubribus. Quindecim gentis istius oppida, in quibus Clastidium & Litubium, duæ civitates Cerdiciates Celelatèsque cum hominum viginti millibus, mox fecere deditioem. Ita cis Padum omnia sub Romanorum ditionem venerant, præter Bojorum fines & Iluates Ligurum. Error in speciem non magnus, (quod in bello perfrequens) magna consilia corrumpit. Boij videlicet non satis explorârunt mentem Consulum. Rumorem ex composito vulgaverant, ambos conjunctis copijs gesturos bellum. Ita rem habere arbitantes Boij, Pado trajecto, copias Insubribus & Cenomanis, qui tum in armis erant, junxerunt. Cùm vires sociassent, certis nuntijs allatum est, Qu. Minutium consulem Bojorum agros ingressum, grassari incendijs, ac populationibus, totâque passim regione dira facere. Hinc orta in castris seditio, Boijs poscentibus, ut, quâ parte bellum esset, eò omnes accurrerent. Negantibus Insubribus, se aliena proprijs præhabitueros, quòd suum cuique sit charissimum, facta est copiarum secessio. Boijs abeuntibus, Insubres unâque Cenomani ad Mincium flumen tetendêre quinque passuum millia supra castra, quæ Cethegus ad amnis ripam fixerat. Isthic Consul comperit Cenomanorum juventutem, injussu seniorum & sine publico imperio, pro Insubribus arma induisse, eoque spem esse, fluxam adolescentum fidem opémque ab Insubribus alienandi. Missis igitur in Cenomanorum vicos, Brixiâmque principem gentis urbem, qui fide publicâ Proceres invitarent ad colloquium, ad diem condictam cum ijs egit, suos juvenes ut revocarent domum, & in Romanorum fidem concederent. Posterius, quod esset perfidiæ nimis affine, non potuit obtinere: loco prioris, conspirârunt ad facinus longè fœdissimum. Addixit Cenomanorum juvenus, se nihil moturam in acie, sed si fors daret, Romanis auxiliaturam. Hoc non eò usque clâm fuit Insubribus, quin subiret animum suspicio sinistri alicujus consilij, quod Cenomani agitassent. Quare sic instruxerunt aciem, ut neutrum illis cornu committerent, veriti, ne pugnam defectione inclinarent: eos rati cum minore utique periculo post signa staturos in subsidijs.

Sed quæ cautio satis sit adversus proditores? Mox ubi collata signa, à Cenomanis Insubrum terga cadentibus ortus repente tumultus: simul acies à fronte labora-

Zonar. Tò. 2.

XXX
IV.

NOVUM A
BOIIS IN
ROMANOS
BELLUM,
AN. V. C.
D. LVII,
INSUBRUM
DEFECTIO.

BOIURUM
ERROR.

GALLI
DISCORDES
SECEDUNT.

CENOMANORUM
PRODITIO.

XXXV.

INSUBRUM
MAGNA
CLADES.

ALTERCA-
TIO DE
CONSULUM
TRIUMPHO.

AN. V. C.
D. LII X.
XXX
VI.

COROLA-
MUS BOIO-
RUM RE-
GULUS

HOSTEM
AGGREDI-
TUR

REPRIMI-
TUR.

XXX
VII.

RURSUS OP-
PUGNAT CA-
STRA.

laborabat, & cum utrobique vim non sustineret, à cæde ventum ad immanem Insubrum stragem, quæ Romanis peperit victoriam. Occisa Insubrum triginta millia, capti quinquies mille septingenti, signa militaria centum triginta, carpenta ducenta & amplius. Cenomanorum oppida, à quibus orta defectio, ad Romanorum societatem redierunt. Minutius Consul, qui effusis populationibus & cremando, Bojorum agrum fœdaverat, cognito, Bojos ad sua tutanda rediisse, copias in castris habuit, facturus sui copiam, nisi staret per hostem. Neque erant Boij à prælio alieni, donec intellectâ Insubrum fortunâ fracti animis, domos quicque suas palantes abiêre. Quare Consul desperans se rem unâ dimicatione confecturum, institit denuo prædas agere, depopulari agros, vicos devastare, tecta cremare. Exinde conversâ arma in Iluates Ligusticos, qui soli detrectabant imperata facere. Sed ubi ea gens inaudijt acie devictos Insu-bres, Bojos certaminis aleam non esse ausos experiri, fecit deditionem. Quas ob res Romæ tridui supplicatio indicta est. Consules domum reduces, cum in æde Bellonæ Senatum haberent, postularéntque triumphum, ne ambobus par esset honor in dispari merito, Tribuni plebis eâ de re seorsim agendum esse censuerunt. Tandem cum Cornelius Cethegus pro Q. Minutio collegâ niteretur (eò quòd communi consilio bellum gessissent) & per biduum altercatio inter Consules ac Tribunos plebis tenuisset, Consules victi Tribunorum obstinatione separatim retulerunt: Tum omnium consensu Cornelio decretus de Insu-bribus & Cenomanis triumphus: Q. Minutius, cum adversari omnem Senatum videret, quòd in Liguriâ vix quicquam memoriâ dignum gessisset, amisisset magnum militum numerum, atque in ijs duos Tribunos, cum multis viris boni sanguinis, civibus ac socijs, quòd paucorum oppidorum simulatas ad tempus deditiones sine obsidibus admisisset; non expectatâ relatione, in monte Albano suis sumptibus triumphavit, sed inglorius: quòd palàm esset, è publico nihil esse ad instruendam pompam erogatum, tametsi ipse spoliolum magnitudine, carpentorum numero & signorum, collegam ferme æquaret, inferretque in ararium tantundem æris atque argenti, & pari liberalitate milites, centuriones, & equites, viritum muneraret.

Actis triumphis, lecti consules L. Furius Purpurio & M. Claudius Marcellus. Cum nondum esset in Gallia debellatum, & post tot annorum certamina cæsosque innumeros propè gentis bellicosissimæ viros fortissimos, sanguinis tamen illi satis superesset, quem Romani metuerent, subactâ bello Africâ, terris occupatis, quæ Afros ab Italiâ dividunt, partisque de Macedoniâ triumphis, Senatus populûsque censuere, non esse eos negligendos, qui de Italiæ dominatu, cum Urbe tot urbium victrice, propè soli auderent contendere. Boijs id temporis imperitabat Corolamus, habebátque sub signis non contemnendam manum. Ad eum opprimendum profecti consules, vario Marte pugnare. Marcellus Bojorum ingressus agrum, ne fatigatum molesto totius diei itinere militem cum recenti Gallorum exercitu committeret, castris in opportuno tumulto locatis, spatium cepit respirandi. Verùm cum Corolamo certum esset, hostem de viâ festum invadere, eum, se in colle communientem, cum aliquâ suorum parte aggressus, adegit ad manus conferendas. Eum Romani vallo moliendo intenti, tumultuario concursu exceperunt tumulto subeuntem; cumque illorum multi sternerentur, subsidio venêre legiones. Tenuit aliquantum ardor pugnandi: sed cum alij super alios Romani accurrerent, Corolamus se in tutum recepit. Ceciderunt ex hoste viri nobiles T. Sempronius Gracchus, M. Junius Syllanus, & Legionis secundæ Tribuni A. Ogulinus & P. Claudius, cumque ijs tria armatorum millia: Gallorum perpauci desiderati, qui si iustis copijs ad prælium venissent, poterat eo die deleri consularis exercitus. Doctus eâ clade Marcellus, cum quibus viris rem gereret, castra properè firmavit, seque in ijs dies aliquot continuit, dum curaret saucios, & militem terrore perculsum reficeret. Rursus castrorum expugnationem tentaverunt Galli, sed propugnatorum virtute repressi, frustra fuere.

fuere. Posteaquam hosti circumfusi obsidendis castris adfederant, moræ tædii-
que impatientes ad sua castella vicôsq; sunt dilapsi. Quamobrem Marcellus
refixis confestim signis, trans Padum evasit in agrum Comensem, ubi Insubres
juncti Comensibus stativa habebant. Ab his prælio laceffitur est in itinere, tan-
tâ ferociâ, ut primo impetu antesignani de gradu moverentur, essetque periculum,
ne retro acti turbarent aciem. Id ne facerent, obstitit Marforum cohors, effulsit-
que simul omnis Latinorum equitatus in Gallos. Concursum semel iterumque
incertâ victoriâ, quousque Romana acies intulit signa, coniecitque Gallos in effu-
sam fugam. In eo prælio ceciderunt quadraginta armatorum millia, capta signa
militaria quingenta septem, carpenta quadringenta triginta duo, lecti torques
aurei magno numero, Gallorum castra expugnata direptaque, Comum oppidum
paulò post occupatum, castella octo supra viginti recepta in deditionem.

MARCELLUS
CONSUL
PRÆLIO
CAPTUS.

GALLOS
VINCIT.

FURIUS
CONSUL A
BOIIS REIL-
CITUR.

XXX
IIX.

CONSUL
UTERQUE
AGRUM BOI-
CUM VA-
STANT, CA-
PIUNT BO-
NONIAM.

BOIORUM
IUVENTU-
TEM DE-
LENT.

XXX
IX.

BOICÆ REI
INCLINA-
TIO.

Tacit. de mor.
Germ.
AN. V. C.
D. LIX.
BOII PRÆ-
LIO SUPE-
RANTE
Liv. lib. 34.

Sub hæc L. Furius Purpurio consulum alter per Umbriam, quæ ipsa dicebatur
tribus Sappinia, movit in Bojos. Jam pervenerat ad castrum Mutilium illustre
Romanorum cæde, victoriâque à Gallis de Appio reportatâ ante quinquennium,
cùm propè esset, ut à Boijs simul & Insubribus, quos postrema clades nihil dum
dejecerat, medius à fronte & à tergo premeretur; id ille veritus, agmine subito
converso, viam, quâ venerat, per camporum aperta magno circuitu relegens,
pervenit ad Marcellum Collegam. Tum junctis copijs, Bojorum agrum ingres-
si, cuncta populationibus ad usque Felstinam, quam Bononiæ nomen à Boijs acce-
pisse diximus, devastaverunt. Hæc, venientibus illico cum castellis Boijsq; pleris-
que manus dedit. Boica juvenus, quæ actis prædis in sylvarum devia se abdiderat,
ferè sola supererat, quæ vinceretur. Igitur Romani, quasi in Boijs esset debella-
tum, bellum vertère in Ligures agmine solutiori, quòd Bojos juvenes procùl abesse
crederent. Verùm hi per occulta nemorum eos insecuti, ut Martem ex impro-
viso tentarent; ubi eos celeritate elapsos senserunt, Pado repentè navigijs trans-
misso, Levos Libuôsque Romanorum socios pervastârunt. Redibant onusti
prædâ, cùm in Ligurum extremis finibus obvios habuere consules. Ausi nihi-
lominus conferere manus, irâ stimulante, tantâ pertinaciâ pugnârunt, ut, cùm
in commilitonum oculis alij super alios immani strage cæderentur, non fue-
rit antè cædendi finis atque cadendi, quàm omnibus ferè interemptis, vix su-
perfuisset, qui cladis nuntium domum referrer. Marcello triumphus de Insub-
ribus & Comensibus magnâ Patrum consensione in Urbe decretus: Furio spes
sola de Boijs triumphandi relicta, quòd non ipsius, sed collegæ auspicijs res pro-
sperè gesta tribueretur. Nulli captivi præcessere curtum, signa militaria magno
numero, multa spolia in carpentis ostentata. Illata in ærarium æris trecenta
viginti millia, argenti bigati ducenta triginta quatuor millia: in singulos pedi-
tes divisi octingenti æris, triplex equiti & centurioni.

Deinceps Boijs Italijs, fortunâ novercalibus odijs adversante, improspere
e venerunt in Italiâ, quasi belli sortes soli urbis Romanæ magnitudini in solidum
essent authoratæ. Sequitur septennium continentibus nobilitatum cladibus,
quibus tamen tantum Boici sanguinis haustum non est, quin ad tuendam avorum
gloriam, viribus quamlibet afflictis animi magnitudo insigne robur usque & usque
suppeditaret. Carthaginenses, post paucorum annorum felicitatem, unius ad-
versæ pugne casu fuere deterriti, ne de orbis terrarum imperio cum Romanis
pergerent decertare, sed desinerent tueri suam libertatem. Non longâ dimi-
catione Asia sub jugum missa: Hispania Urbi dominatrici quàm citò palmam
concessit? Sed Boij, quod fidem propè excedit, non uno duntaxat sæculo, inter
innumera suorum funera spes suas sic sustentârunt, ut, quod de Germaniâ dixit
Tacitus, sæpius fuerint triumphati quàm victi. Quamobrem certi nemini ser-
vire, neque quiescere, nisi victores, aut omnino debellati; anno, qui postremam
cladem secutus est, M. Portio Catone & L. Valerio Flacco Cols. in bellum rur-
sus coorti, fortunam sollicitare sunt ausi ad Litanam Sylvam L. Posthumi strage
anno abhinc vigesimo nobilitatam, ubi adverso Marte pugnantes amissis octo

AN. V. C.
D. LX.

DORULACUS
BOIORUM
REGULUS

PUGNAT IM-
PROSPERE.

BOIORIX
REX BOIO-
RUM

XL.

SEMPRO
CASTRUM
PUGNAT.

CERTAMEN
ACERRIMUM.

XLI.

CONTRO-
VERSA VI-
CTORIA.

millibus ex acie discesserunt. Secuta mox anno postero clades alia P. Scipione Africano & T. Sempronio Longo Cōs. quorum utrique adversus Bojos Italia demandata; cūque Roma, tametsi victrix, suis viribus diffideret, iussu conscribi novis delectibus duæ urbanæ Legiones, quæ octonū Legionum numerum implerent. Dorulacus Bojorum regulus ad arma jam suos conciverat, & Padum transgressus, Insubres in belli societatem, veterum injuriarum memoriā, traxerat. Eos Luc. Valerius proconsul haud longè à Mediolano assecutus, collatis signis fudit, caesis decem omnino millibus, nondum tamen fractā constantiā, cui vires & Duces ad reparandum eodem anno bellum superfuerunt. Ii fuerunt Bojorix regulus & gemini ipsius fratres, quibus authoribus tota gens arma resumpsit adversus T. Sempronium consulem, qui extremos agri Boici fines ingressus cæteræ regioni infestus imminebat. Bojorix, ne præcipiti consilio rei summam toties afflictam daret in casum, castra cepit locis opportunis, tum demum conficturus, cū Consul se penitiùs in agrum inferret, & Martem loco non iniquo vellet experiri. Verū Sempronius, explorato hostium numero & fiduciā, non ausus cum uno exercitu sui facere copiam, collegam putavit esse expectandum. Ergo Scipioni renuntiat, quæ sint Bojorum vires, & quanti periculi, Romanos numero inferiores cum gente universā committere: proinde consultum videri, copias consulares sociare, sociatasque in hostem ducere; se quidem cunctando, in earum adventum, prælio temperaturum. Quæ causa Sempronio tergiversandi, eadem maturandi Gallis fuit, tum quòd cunctatio ipsis videretur timoris argumentum, tum quòd in utrumque consulem pugna, si diutiùs extraheretur, futura esset iniquior. Eductis itaque copiis, biduum steterunt in acie, inspectante Sempronio, seque intra vallum cohibente. Cū non prodiret in apertum, jubet Bojorix die tertio castra totis copiis oppugnari, & portis manum validam obijci, ne quā hostis confectus erumperet. Consul demiratus audaciam, extemplo jubet ad arma conclamari, moveri signa, firmari milite stationes, cæteras copias imperium in armis expectare. Boij vallum subibant animis ingentibus, cū Sempronius per portas principales emittit duas Legiones. Hic ortum acre certamen, Boijs obnitentibus, ne Legiones erumperent in rarecentes ordines, his conantibus efferre signa. Diu in angusto aditu, non dextrā magis & ferro, quā parmis & mutuo nisu corporum, dimicatum, & res in ancipiti fluctuabat, immotā utrinque acie, cū Q. Victorius primipili centurio secundæ, & C. Atinius Tribunus quartæ Legionis, signa (quod aliās in præliis bene verterat) signiferis adempta in medium hostem projecere. Miles impatiens ignominie, signa omnino velle recipere, se mutuo cohortari, poscere pugnam extra vallum. Quarta Legio in portā etiamnum hærebat, cū per portam prætoriam ex adverso Boij irrumpunt in castra, obvios cædunt L. Posthumium Tympanum quæstorem, M. Atinium & P. Sempronium sociorum præfectos, unaque ducentos ferè milites. In isto tumultu Boij castris ex eā parte poriebantur, cū Consul subsidio mittit cohortem extraordinariam, quæ juncta propugnantibus, Gallorum aliquot obruncat, alios vallo eiicit, portam Quæstoriam recuperat, irrumpendi facultatem hosti adimit. Eodem propè tempore quarta Legio cum duabus extraordinarijs portā erupit. Eam generosè Boij excepere: Tria simul prælia circa vallum, locis distantibus, ciebantur, audiebanturque clamores dissoni pro varietate eventuum, fortunā nunc huc nunc illuc vacillante, pugnantium animis nihilo fluctuantibus. Eā Martis inconstantia pugnatum æquis viribus, usque ad meridiem, spe non impari, pari vincendi obstinatione, cū Gallorum pars, sitis impatiencia, quam æstus laborque accenderat, acie decedens commilitones destituit, decollavitque fiduciam vincendi. Cæteri jam Romanis inferiores in sua se castra recepere. Consuli eousque incerto & anxio de pugna exitu, cū satis esset, non potuisse superari, ne fortunam pergeret irritate, signum dedit receptui. Fuere nihilominus e Romanis, qui spe potiundi castrorum hostilium, Bojos ad vallum sunt insecuti, quos Boij factā eruptione fusos in castra recece-

rejecerunt, pavoris & neglectæ disciplinæ castigandos. Variam fugam ac victoriam notavit Livius in laudem Romanam pronior. Adscribit Boijs quàm Romanis cladem duplo majorem: Verùm si, cæteris dissimulantibus, fides est uni Sexti Aurelij Victoris commentario manuscripto, è Romanis occubuerunt viginti millia, stetitque victoria penes Bojos. Certè Sempronius hostem non est ausus persequi, sed (quod fatetur Livius) Legiones Placentiam, ubi tutò se reficerent, subduxit: nisi fortasse verius sit, quod volunt alij, ipsum junctis cum Scipione copijs Bojorum Ligurumque agros, nullà præterea re memorabili esse populatum.

Annus proximus L. Cornelium Merulam & Q. Minutium Thermum Consules dedit; ambobus Italia decreta est. In Galliâ Ligurum bellum anno superiore minimè extinctum instaurabatur, & affluente indies armatorum multitudine, Pisas circumsedebant quadraginta hominum millia. Q. Minutius exercitum jussit convenire Arretium, eoque ipse venit ad dictam diem. Inde Pisas progressus, Gallos ab obsidione submovit. Tum castris haud procul ab hoste positis, levibus duntaxat prælijs, sociorum agrum tutabatur, neutiquam ausus pugnâ experiri, quamvis se Ligures paratos ostenderent ad certamen, & inagnas passim prædas agerent, armenti præsertim, quod per disposita certis intervallis præsidia, in sua castella vicòsque agebant, frendente consule. Ea belli ratio longè erat alia, quàm in Boijs. Nam Merula Consulum alter in horum regiones per fines Ligurum exercitum duxerat pugnandi avidus, cùm Boij pugnam detrectarent, suæque impune diripi ab hoste paterentur, donec evastatis agris, Mutinam Consul concessit. Boij explorato, quòd is neglectim non secus atque inter pacatos agmen traheret; silentio Romana castra noctu prætergressi, in nemore, quâ Merulæ erat transeundum, locavère insidias: verùm cùm non satis occultè fecissent, cognitum per exploratores, quo se loco abdidiissent. Quæ causa Consuli fuit mutandi modum itineris. Captatâ etenim auræ nocturnæ temperie, ne diurnus æstus militem lassaret, se tantisper continuit, dum prima lux oriretur, redirentque in castra, quos miserat exploratum. Ii reduces renunciârunt, qui saltus interpositi, quæ viarum aperta, quæ angustia, quis locorum genius, quis hostium numerus, quibûsque latebris recti constitissent. His cognitis, Consul omnes sarcinas jubet in unum conferri, & per triarios vallo firmâque statione muniri: ipse cum reliquis copijs agmine composito rectâ ducit in hostem.

AN. V. C.
D. LXL
BELLUM RE-
PARATUR IN
INSUBRIA.

XLII.

BOII STRU-
UNT INSIDI-
AS CONSULI.

Sensère Boij, non latere insidias, & consulem parâsse pugnam; sed cùm sibi ducerent ignominiosum, ultrâ detrectare aleam, acie instructâ ingentes animos in prælium attulerunt, rati, Martem, qui Boicæ fortunæ olim tot victorias dedisset, rursus tandem virtuti palmam esse daturum. Aciei Boicæ formam nemo descripsit, quia nemo scriptor domesticus fuit, qui describeret. Livius Romanam scitè elegantèrque delineavit. Locus fuit in saltu patens non ineptus signis explicandis. Primam aciem componebant ala sinistra sociorum & extraordinarij, in quibus curabant M. Marcellus & T. Sempronius viri consulares. Q. Minutius Consul imperatoris munia faciebat, nunc apud Legiones in subsidijs, ne ante signum procurrerent, nunc ad prima signa. Quintum & Publium Minutium militum tribunos iusserat equites educere in planitiem, atque inde facere impetum, ubi mandata acceperant. Alterâ ferme diei horâ cœptum certamen. Boij in extraordinarios ipso statim initio, tantâ vi incubuère, ut, cùm permultos cæderent, plures nisu atque metu percellerent, Sempronius Consuli renunciârit, rem esse in proximo, ut accipiat ignominiam, nisi confestim altera Legionum subsidio mitteretur: etenim extraordinarios non sustinere Gallorum impetum, rarefcere ordines, pugnae ardorem linqui, inclinare aciem. Ergo missa Legio secunda, cujus accessione erecti extraordinarij, pugna restituta. Tum ala sinistra, milite jam defesso, prælio subducta. In ejus locum successit dextra recentibus instructa cohortibus & animis. Demum exarsère utrinque in cædes mu-

DETECUN-
TUR INSI-
DIÆ.

XLIII.

ATROX PU-
GNA.

XLIV.
BOII DE-
VICTI.

tuas. Neutris loco cedentibus, æstus hoste quovis infestior, Boijs longo jam fatigatis certamine & sudore madentibus, pro Romanis stetit. Cum enim deinceps solis vehementiam non ferrent, paulatim aliqui pedem referre ex acie, nutare alij, ceteri incumbentes scutis, non tam ferire Romanos, quam feriri, sustinere tamen cuicumodi Legionariorum impetum, & non imbellè servare ordines: sed denique cedendum fuit, quando jussu Consulis C. Livius Salinator, qui præerat turmis alarijs, sese ad disturbandos Bojorum ordines fulminis instar in aciem infudit, quæ tum fluctuare cœpit, ac tandem turbari, quod turmæ interequitantes restitui ordines non paterentur. Fuit nihilominus atrox inter confusos dimicatio, antequam Boij omnino dissiparentur, eò quòd identidem aciem integrarent ductorum industriâ, qui trepidantes quâ hastilium ictibus, quâ hortatu cogeant, obversâ in hostem fronte, pugnam repetere, & incessere equitatum, qui victoriâ antè potiri non potuit, quàm missæ subsidio Legiones totam aciem conjecerunt in fugam. E Romanis sociisque in eo conflictu desiderati quinque militum millia, centuriones tres supra viginti, sociorum præfecti quatuor, M. Genucius & M. Martius tribuni militum secundæ Legionis. E Boijs ceciderunt quatuordecim millia, capti mille nonaginta duo, equites ducenti viginti unus, tres eorum duces, signa militaria ducenta duodecim, carpenta centum & unum; editio Livij Francofurtensis habet sexaginta tria. Quantavis Bojorum clades fuerit, non præstitit tamen securum Q. Minutium Consulem, quin Patribus in Urbem scriberet, adeò adhuc ancipitia esse omnia in Liguribus, ut non esset è Republicâ, inde exercitum educere. Post acrem in Senatu disceptationem, L. Lentulo negatus est triumphus, quòd Patrum plerisque seorsim M. Claudius Legatus scripserat, victoriâ non virtuti Consulis, sed fortunæ Romanæ & militum fortitudini in acceptis esse referendam. Consulitribuendum, quòd pars hostilis exercitus, cujus delendi fuisset facultas, per fugam esset servata, eò quòd equites & Legionarios signo seriùs dato, passus non esset tempestivè insequi fugientes: Ejusdem esse vitium, quòd è copijs Romanis tanto numero viri fortes occubuissent, quibus nisi Lentulus lentè subsidia laborantibus misisset, etiam tum essent in vivis. Hæc cum in Senatu fuissent relata, & Lentulus coram postularet, sibi ut triumphanti in Urbem liceret invehì, Marcus & Cajus Titinij Tribuni plebis se Senatusconsulto intercessuros dixerunt, si quod de permittendo triumpho fieret.

LIGURES
BELLUM
RENOVANT.
AN. V. C.
D. LXII.
XLV.
ROMANOS
HABENT IN
ARCTO.

NUMIDA-
RUM STRA-
TAGEMÆ.

Atqui Ligures non tam dejecere animos, quin anno proximo, qui L. Quintium & Cn. Domitium Ahenobarbum Consules sortitus est, rem Romanam in grande discrimen iteratò adduxerint, ausi denuo arma induere, quæ infelicia jam toties erant experti. Primùm enim ad ejusce anni exitum, Ligures castra Quintij Consulis tantâ vi oppugnârunt, ut ægrè fuerint defensa; non dubium, quin res acta sit cum luculentia Romanorum cæde. Haud multò post, cum per angusta sylvarum Consilii exercitum duceret, Ligures Boijs mixti (hos Livius disertè nominat) nemoris fauces à fronte infederant. Consul, quia illac in apertum nequibat penetrare, agmine converso contendit evadere. Sed à tergo etiam via, quâ parte erat arctissima, à Gallis ita tenebatur, ut conclusi Romani maximæ cladis imaginem non modò animis, sed oculis etiam propè usurparent. Erant in exercitu Numidæ equites auxiliares ferè octingenti. Ab his orta Romanorum salus. Eorum præfectus Consuli spondet, se unâ cum suis, utrâ parte juberetur, erupturum quidem, sed fortasse fore consultius, si illuc erumperet, ubi forent vici frequentiores. In eos enim se facturum impetum, & injectis in tecta ignibus, coacturum Gallos, ut ad opem suis ferendam, statione desertâ, extra nemus convolent. Consul hominis fide collaudatâ, spem magnam præmiorum fecit. Ergo Numidæ consensu equis, Gallorum stationes obequitare, sensim se dare eminus in conspectum, dein refugere, post accedere propius, rursùmque terga vertere, quasi spectaculum hosti per modum ludi exhiberent. Et ea quidem erat forma equitantium, ut risum potius quàm metum facerent. Juvat hoc

loco

Ioco Numidarum speciem cognoscere. Eorum aspectu nihil contemptius: equi hominēque exesi, minutuli, eques discinctus & propè inermis, solis armatus jaculis: jumenta sine frenis, extentā cervice, capite erecto, cursu deformi. Hunc contemptum de industriā augebant, subinde labentes ex equis, tum inficere resurgentes, jussi indecore equos regere, & velut inviti impotentēque ferri hac illac. Ubi propius claustrum paulatim accesserant, satīque fuerant ludibrio, subditis calcaribus, instar procellæ inveni per medios spectantium Gallorum ordines evaserunt in campum. Hic protinus propinquas primò domos, deinde remotiores subjectis facibus incendentes, vastantēque quæque obvia, latè terrorem colonis intulerunt. Fumus variis ex locis conspectus, trepidatio, auditæ agricolarum vociferationes, concursus senum, ejulatus mulierum, fuga debilioris ætatis, turba convolantium in Gallorum castra, ingentem fecere tumultum, alijs de tuendā statione, alijs de domesticorum salute fortunisque sollicitis. Denique castris momento relictis, pro se quisque, injussu ductorum, à signis abeunt, uxores liberosque tutaturi. Ita Consul grandi metu, miles Romanus inextricabili obsidione solutus. Tam levi momento maximæ spes dissipatæ, fractique Boiorum animi, qui ne id quidem à se passi sunt impetrari, ut, cum Cn. Domitius mortis Arimino castris, in eos arma vertisset, se darent in ejus conspectum, sed damnato istius erroris stupore, nec suorum captivitatem pensi haberent, nec respicerent tectorum conflagrationem, neque ullā hostis diritate ad defendendam vim moverentur. Tandem etiam eò venere desperationis, ut libertatis tuendæ cogitatione susque deque habitā, consilia in commune ceperint, de faciendā sui & suarum facultatum deditio, quo in Romanorum fidem recepti, finem aliquando tandem tot calamitatibus invenirent. Reipsā fuere mille quingenti, qui omnes, nullo præfectorum & manipularium discrimine, non pedites modò, sed equites etiam, factò unā cum uxoribus liberisque transfugio, sese ultro Consuli permiserunt. Nec verò turba reliqua procūl aberat à pari ignomiā, nisi L. Quintij Flaminij factum post hominum memoriam turpissimum & maximè barbarum, gentem à faciendæ transitionis consilio deterruisset. Scelus fuit hujusmodi, quod octavo, postquam patratum fuerat, anno, P. Claudio Pulchro & L. Porci o Licinio Coss. gravissimā oratione M. Porcius Cato notavit. Quintius exoletum, & ad execrandas sceditates projectum scortum habuit, quod à gladiatorum spectaculis abstractum in Galliam pellexerat. Dicax puer, quā est id genus hominum impudentiā, domino per cavillationem frequenter objecerat, quod abductus à ludis esset, ut amatori consuesceret. Factum sub hæc, ut, cum unā epularentur, jamque adbibissent plusculum, renunciaretur Consuli, venisse Bojum illustri genere, transfugam cum liberis, qui colloqui & in fidem recipi desideret. Admissus in conspectum Bojus vix cœperat dicere, cum inter ejus verba Quintius scorto insusurrat: Vin' tu, inquit, quando sic te delectant gladiatores, cernere Gallum hunc morientem? Cum puer annueret, homo spurcissimus ense, qui supra verticem pendebat, peroranti Bojo caput sauciat, tum fugienti, & Deorum hospitalium, populi Romani, & præsentium fidem imploranti, latus haurit crudelissimè. Sævum & supra ferinam rabiem belluinum facinus tantā Bojorum execratione fuit acceptum, nemo ut esset, quin mori mallet, quàm ejusmodi perfidiæ caput obijcere, quæ vino amens & Venere, inter epulas, ubi bene precari, & Dis libare mos esset, ad faciendum scorto luridissimo feralem ludum, mactaret humanam victimam, mensamque nobili cruore fœdaret. Ergo Boij sceleris immanitate permoti, detestantes Romanorum societatem, se impigrè ad bellum compararunt, quod anno sequenti P. Cornelio Scipione Nasicā & M. Acilio Glabrione Coss. supremis quidem viribus, sed eventu improspere gesserunt.

Per idem temporis L. Quintius Minutius in Liguriā castra habuit, cum potestate Proconsulis, quam provinciam anno superiore militum insolentiæ permisissam devastarat, captis aliquot castellis. Ligures Flaminij flagitium execrabilius

FORMA.

XLVI.
NUMIDÆ
GALLORUM
AGRUM VASTANT.

ROMANOS
PERICULO
EXIMUNT.

BOIORUM IN-
GENS CON-
STERNATIO.

XLVII.
CRUDELE
FOEDISSI-
MUMQUE
QUE L. Q.
FLAMINII
FACINUS.

Liv. lib. 9.
post med.
Flor. in lib. 9.
Dec. 4.

BOIOS DE-
TERRET A
ROMANORUM
SOCIETATE.

AN. V. C.
D. LXIII.

XLIX.

LIGURUM
CLADES.

BOIORUM IN-
TERNECINA
CLADES.
*Oros. lib. 4.
c. 30.
Liv. lib. 38.*

quàm Boij detestantes, coacto sacrâ lege exercitu, ejus castra ex improvîso nocturnis tecti tenebris adorti sunt. Quintius eos, dispositis quaquaversum excubijs, totâ nocte vallum oppugnantes repressit, dum reliquus exercitus primam lucem & erumpendi signum expectabat. Fatigabantur interea Ligures continentibus impressionibus, cùm Minutius duabus simul portis recentes emittit, qui hostem aggrediantur. Primum impetum fortiter excepere Ligures, & duas ampliùs horas dubio Marte certavere. Demum cùm alij atque alij viribus integris adversus fessos in pugnam succederent, Ligures nocte pervigilatâ & laboribus magis, quàm hostium virtute fracti, pedem ex acie retulerunt, amissis suorum quinque millibus. Romani vix ultra trecentos desiderârunt. Secuta duobus abhinc mensibus clades internecina Bojorum, qui supremo conatu, quod ipsis adhuc supererat sanguinis, ausi dare in discrimem, venere ad manus cum P. Cornelio Nasicâ Consule viro fortissimo, quem Senatus ob religionis peculiare studium dignum judicavit, qui Idæam matrem navi Pessinunte advectam acciperet, & delatam in continentem, traderet matronis gestandam. In eo prælio, si Orosio credimus, occisa sunt viginti Bojorum millia: si Valerio Anriati, quo in augendis numeris, teste Livio, non alius est intemperantior; cæsa sunt duodetriginta millia. Capti ter mille quadringenti, signa militaria centum viginti quatuor, equi mille ducenti triginta, carpenta ducenta quadraginta septem, castra expugnata, direpta. Nasicâ in oratione, quam habuit pro triumpho, retulit ultra mediam partem de quadraginta hostium millibus occubuisse. Atque hæc fuit pugna, quæ Bojos ad extremum fractos, accisis opibus, deletâ omni propè juventute, cùm pauci præter imbellem turbam superessent, adegit ad deditionem. Eos P. Cornelius Consul, acceptis obsidibus, dimidiâ fermè agri parte multavit, in quem, si populo Romano videretur, colonias deducere fas esset. Ipse de ijs triumphavit. In triumpho ostentata gentis spolia, arma, mille torques aurei quadringenti septuaginta; auri ducenta quadraginta quinque, argenti facti infecti duo millia trecenta quadraginta pondo, bigatorum nummum ducenta triginta quatuor illata in ærarium. Militibus currum secutis divisi triceni viceni quini, duplum centurioni, triplum equiti.

XLIX.

AN. V. C.
D. LXIV.
SUPPLEN-
TUR ROMA-
NÆ COLON-
IÆ PLACEN-
TINA ET
CREMONEN-
SIS.

AN. V. C.
D. LXV.

COLONIA
BONONIÆ.

PARMÆ ET
MUTINÆ.

BOII DE
ITALIA DE-
SERENDA
DELIBE-
RANT.

Proximo, qui id bellum secutus est, anno, L. Corn. Scipione, qui dictus postea Asiaticus, & C. Lælio Nepote Consulibus, è Galliâ Cispadanâ Legati Placentinorum & Cremonensium Romam ivere, expostulatum in Senatu de colonorum infrequentia, quorum alios bellum absumplerat, alios vicinorum arma fugaverant, alios morbi sustulerant. Decrevere Patres, uti Lælius, cui Gallia sortitò obvenerat, si ei videretur, sex familiarum millia conscriberet, qui venirent in coloniarum supplementa. Lælio item referente, Senatus censuit, duas præterea colonias in agrum Boijs ademptum deduci oportere.

Cùm anno insequente C. Manlio Vulfone & C. Manlio Nobiliore Cofs. imperium Lælio esset prorogatum, & Q. Minutius exercitum traducere in Bojos, quem P. Cornelio traderet, esset jussus; ex agro Boico deductæ sunt urbanæ Legionες, atque sub anni finem ad 3. Cal. Jan. ex Senatusconsulto nominati Triumviri L. Valerius Flaccus, M. Artilius Serranus, L. Valerius Tappus, qui coloniam Latinam ter mille capitum, in Legionum locum, Bononiam deducerent. Equiti jugera septuagena, reliquis quinquagena sunt attributa. Nihilominus post deductam coloniam, ager, retento prisco nomine, Boici appellationem servavit. quod Sex. Pompejus ex Verrio Flacco retulit. Mutina posthæc & Parma, civium Romanorum coloniarum, in reliquum agri Boici venere. Duobus hominum millibus, Parmæ, octona in singulos jugera; Mutinæ quina obvenere, M. Æmilio Lepido, T. Ebutio Caro, & L. Quintio Quirino Triumviris.

Boij, quos urebat non tam præteritæ calamitatis recordatio, quàm gliscens in horas metus servitutis, ex tot coloniarum accessione, Italiam potius deserendam, quàm faciendam esse libertatis jacturam censuerunt, gloriosâ excellæ mentis magnitudine, quæ in Gallis alijs, qui post ejectos Senones Romanæ dominationi

tionem cervicibus subjecerunt, fuit desiderata. Julius Obsequens Bojos circa prælium cecidisse ait: Strabo pulsos; armatâ manu, an Senatusconsulto, in medio relinquit. Quacunque tandem vi discesserint, discessere tamen, posteaquam annos supra ducentos ab urbe captâ, victores sæpe, victi sæpius, Urbis fortunam fortiter morati, superati tandem, ab eâ timeri desierunt; id laudis ad famæ immortalitatem assecuti, quod, cum maximi Reges & florentissimæ Respublicæ jugum subirent, non putaverint tamen Romani, sibi satis firmam tutamve Italix possessionem, quamdiu cis Alpes Boijs pedem figerent. Ipsi verò excessere M. Valerio Messalâ & C. Livio Salinatore Coss., sedesque in Norico apud Tauriscos sunt consecuti.

Jul. Obseq. de prodig. Strabo lib. 5.

L.

AN. V. C. D. LXXV.

Tauriscos locat Strabo ad Istrum flumen, cum ait, permixtas fuisse Thracibus intra Istrum flumen colentibus, Gallicas gentes, Bojos videlicet, Sordiscos & Tauriscos. Hos vocat disertè Gallos, quibus Plinius sedes assignat in Pannoniâ à tergo montis Claudij: nonnullos etiam locat in alpidibus juxta Carnos: cui Strabo consentit. Idem Plinius deserta Bojorum prope lacum Peisonem ad confinia Scarabantix & Sabarix extendit. Strabo vult illa ipsa deserta Illyrici partem occupasse, in quâ migrare Boijs difficile non fuit, facili Istri fluminis tractu. Tauriscorum nomen ipsâ vetustate exolevit; mansit tamen regioni nomenclationis affinitas, ut quemadmodum taurum Germani *Stier* nuncupant, sic ætas posterior Tauriscos Stirorum nomine, linguæ vernaculæ confini, indigiteret. Quamquam & illud vero simile notavit Cluverius, Gallos Tauriscos nomen traxisse à montibus, qui inter Dravum & Salsiacum fluvios hodièque ab indigenis Taureti appellantur. Appianus Tauriscos gentibus Illyricis adnumerat. Sunt etiam, qui Taurinenses ad Tauriscos referunt, nimis liberali sententiâ: Id probabile est, ex primis Tauriscis, quos Strabo inter Gallos numerat, & ex Boijs Italicis, haud ægrè coaluisse socialem amicitiam, tum ob communionem sanguinis, tum quod in magnâ terrarum amplitudine, quæ à Pannoniâ per Norici longitudinem extendebatur, vacuæ sedes fuerint, quæ concederentur exulibus, quorum opera adversus Pannones, aliisque Taurisci nominis æmulos futura esset apprinnè opportuna, ad tuendam gentis utriusque fortunam, & veterem virtutis existimationem: quod eò procliviùs est credere, quod nullum extet in historiâ vestigium, ex quo possit colligi, Bojos Italicos quicquam in Tauriscis per vim occupasse, quando illuc ex Italiâ immigrârunt.

Strab. lib. 4. & 7. TAURISCI QUI, ET UBI TERRARUM. Plin. l. 3. cap. 20. & 25.

Cluver. Vin- del. c. 2. Appian. l. 6.





BOICÆ GENTIS
ANNALIUM
PARTIS I.
LIBER III.

Res à Boijs gestæ in Pannoniâ, Thraciâ, Græciâ, Asiâ. Tolistobojorum ex Herciniâ migratio, fines, civitates, magistratus, disciplina militaris. Prædas agunt in Illyrico, Thraciâ, Macedoniâ. Ptolomæum Ceraunum debellant. Brennus Sosthenem prælio superat. Tolistoboiij à Græcis victi sæpius. Græcos profligant ad Thermopylas. Eorum clades ad Delphos. Thraciæ dominantur exiguo tempore. Bellum infelicitè tentant in Antigoni Regem Macedoniæ. Traijciunt Hellespontum. Invadunt partem Bithyniæ. Asiam occupant. Bellum inferunt Mithridati. Improsperè bellant in Spartanos, Attalum, Ptolomæum Regem Ægypti, Prusiam, Diaphanem, Antiochum, Romanos. Magnâ strage funduntur in Olympo. Crudeliter habentur à Mithridate. Deiotarus Tolistobojorum Regum penultimus: Amyntas ultimus.

I.
TOLISTO-
BOIORUM
GENIUS.

*Cæs. lib. 1. de
bell. Gall.
Tacit. de
mor. Germ.*



Actenus Bojorum, quos in Italiam Belloveso Duce profectos, atque illic suas habuisse sedes historiæ memorant, fortunam sumus executi: proximum est, ut eorum, qui in Illyricum, indeque in Pannoniam, Thraciam, tandemque in Asiam penetrârunt, res utrâque fortunâ gestas referamus. Retinuere diu Boij Celta- rum, ex quibus orti sunt, ingenia, nec ab ijs descivere, donec cesserunt aliarum gentium genio, plantas imitati, quæ, cum è nativo solo ad aliud transferuntur, à primâ indole sensim in aliam degenerant. Fuere, quod Cæsar de Gallis scripsit, & Tacitus de Germanis, procul ab externorum commercijs, hostes voluptatum, alieni ab illecebris, quibus corporum robur & spiritus militares effceminantur. Non est inanis conjectura, Tolistobojos, qui bonam Asiæ par-

partem suæ ditionis fecerunt, ab animi magnitudine & ferociâ nomen accepisse, nuncupatione ex linguâ vernaculâ Germanorum, quæ Celtarum olim fuit, desumptâ. Toll enim hodièque dicunt, audacem, ingentis animi, ferocem, cultum eleganter, quem Galli Italique *brave, bravo* solent appellare, ut Tolisto in summo gradu eas dotes significet, & Tolistobojus idem sit, qui maximi animi, audacissimus, bellicosissimus Bojus, qualem describit Appianus, cùm de Celtis ait, *quod his mores insunt ferocissimi, in aggrediendo insignis audacia, contemptus mortis maximus, ob spem reviviscendi.* Ejusce ferociæ exempla videre est apud Florum & Livium, quando victi prælio vinctique, catenas moribus tentaverunt & suffocandas invicem præbuere fauces: item cùm Ortiagontis Regis uxor à Centurione stuprum passa, abscissum militis caput velut propriæ ovans virtuti tulit ad maritum. Quæ animi excellitas si in muliere tanta fuit, mirum non est, in viris fuisse majorem, quæ illis in novas terras ferro per hostium strages viam aperuit. Et tales quidem fuere Tolistoboj, quos Plinius & Strabo Tolistobogos vocant, quique sibi in Græciâ & Asiâ sedes quæsierunt. Illorum migrationi, si Pausaniæ credimus, prælusit Phaënnis Choanij Regis filia hoc oraculo:

*Hellepontiacis invec̃ta Propontidos arvis,
Inferet atroces Asia Bellona procellas.
Celtica progenies rapiet tua Bosphore sceptrâ,
Quæ Tauri soboles, fato meliore, reponet.
Huic, Iove placato, cùm patria regna capeffet,
Natio promeritas dabit olim Gallica pœnas.*

Quânam ex Bojorum coloniâ orientale istud Tolistobojorum examen prodierit, non usque eò convenit inter Scriptores, quin lis aliqua Boijs Hercinijs moveatur, de istorum migrantium origine. Disceptationi causam dedit Justinus in Trogi Pompeij Epitome, ubi Gallos ait abundante multitudine trecenta hominum millia velut ver sacrum ad quærendas novas sedes misisse, atque ex his aliquos confedissee in Italiâ; Romanam urbem incendiisse: alios penetrasse in sinus Illyricos, per barbarorum strages, gentem videlicet asperam, audacem, bellicosam, quæ prima post Herculem, alpium invicta jura & frigore intractabilia loca transcendit: eam, inquam, gentem, domitis indigenis, sedes in Pannoniâ accepisse, & multos annos cum finitimis varia gessisse bella: deinde hortante successu, divisis agminibus, alios Græciam, alios Macedoniam petisse: Unde Cluverius argumentatur, orientales colonias non ex Boijs Hercinijs, sed ex Illyrico, & quidem post trajectas alpes prodixisse. Verùm Cluverio non est, cur subscribamus, contra Velsorum virum doctissimum & accuratissimum. Tamen enim Justinus asserat, gentem illam bellicosam trajecisse alpes, non asserit tamen totam trajecisse: ut enim verum esset, eam post Herculem alpium intractabilia jura superasse, satis tamen esset, si pars trecentorum millium superasset. Nititur hæc ratio certiore historicorum fide, quàm ut eam faciat ambiguam nimis adstricta Justinii narratio. Mirum non est, eum ex Boijs Hercinijs nullos Asiæ assignasse, qui nescivit quidem, Gallos, posteaquam Galliâ excefferunt, sui partem, Sigoveso Duce, in saltu Bojohemo reliquisse. Quamobrem fieri non potuit, ut ipse ea describeret, quæ Bojohema colonia gessit, vel quos ipsa in alias terras destinaret. Atqui Livius Justino longè exactior, disertè ostendit, Bojorum alios sub Sigoveso ivisse in Italiam, alijs, quibus Sigovesus imperabat, sortibus obtigisse saltus Hercinios. Ex alterutris autem oportet aliquos divertisse in Illyricum, cùm nulli essent præterea; atqui ex Italiâ ullos isthuc divertisse Livius uspiam non meminit, ergo necesse est divertisse ex eâ Bojorum coloniâ, quæ hæsit in Bojohemo, alijsque fertilissimis Germaniæ regionibus, quas Cæsar ipsis adscripsit.

Disertius Livius lib. 38. describens Gallogræcorum originem, eorumque professionem in Asiâ, tergeminas gentes commemorat, inter quas Asia divisa est, ut nossent singulæ, quæ cuique genti pars Asiæ foret veltigalis: Ex fuerunt Tolistobogi, Trocmi, Tectosagi, alijs dicti Tectosages vel Tectolagæ: Sed nulla ha-

TOLISTO-
BOIORUM
NOMEN
UNDE.

Apian. in
Celt.
Flor. lib. 2.
cap. 11.
Liv. lib. 38.
EORUNDEM
FEROCIA.

Plin. Nat.
Hist. lib. 5.
Strabo. lib. 12.

II.

TOLISTO-
BOII UNDE
MIGRARINT
IN ASIAM.

Cluver. in
Vind. pag.
25. n. 2.

REFUTA-
TUR.

Liv. lib. 5.

Cæs. lib. 8. de
bell. Gall.

III.

TRES GAL-
LOGRÆCO-
RUM GEN-
TUM TRES.

rum gentium sedes unquam habuit in Italiâ , quod ex eodem Livio aliisque est manifestum, ergo neque ex Italiâ migravit in Asiam. Is, quem dixi, Livij locus tam clarus est, etiam in recentioribus editionibus, ut nihil opus sit ad vetustiores codices, qui vix teruntur manibus, recurrere, vel ad Sigonij interpretationem, quæ tamen multùm favet nostræ sententiæ, ut pro Tolistobogis Tolistobojos legamus, vel ex Stephano & Appiano in Syriacâ, Tolistobios asseramus Gallatarum populis. Jam verò Livius recensens Celtarum populos, qui in Italiâ confederunt, puta Bojos, Senones, Cenomanos, Insubres, Ligures, quique bella cum Hetruscis Romanisque gesserunt, ne apice quidem Tolistobojorum, Trocmorum vel Teetolagum meminit, quos non fuisset omisurus, si Romanos armis appetivissent, pertineret enim ad populi Romani gloriam, quam mirè spectavit Livius, tres quoque istas gentes perinde atque alias, Romanæ potentæ cecidisse.

Atqui Justinus ait, unam Gallorum portionem in sinus Illyricos per strages barbarorum penetrasse, & consedisse in Pannoniâ : Quid inde inferis Cluveri? Ex Italiâ, inquit, per Alpes penetrârunt. Sed ne somniavit quidem hoc Justinus, qui exertè discriminat Gallos, qui in Italiam profecti sunt, ab ijs, qui transierunt in Illyricum, Pannoniam, Græciam, Asiam : quare qui Italiam invaserunt, non invaserunt Illyricum, vel Asiam. Quarit Cluverius, an tres istæ gentes, Tolistoboi, Trocmi, & Tectosages in Bojohemo omnes consederint? Afferit Velsenus, & ego assero. Sed inquires; qui Sigoveso Duce Hercinios saltus habitaverunt, è Celticâ profectos testatur Livius, Tectosages autem fuere gens braccaræ Galliarum : Rectè : quid postea? Galli omnes, qui sive in Italiam, seu in saltus Hercinios immigrârunt, è Celtica sunt profecti, atque inter hos haud dubiè Tectosages, Trocmi, & Tolistoboi : quid vetet igitur eos inter Hercinios aliquando degisse? Distincta eorum nomina & cognationem videre est apud Strabonem, cujus verba ex Græco reddo fideliter. *Tectosages* (inquit) *Pyrenæis propinquæ sunt montibus, paulatim etiam Cæmennum attingunt ex Aquilonis latere, auriferamque colunt terram. Potentiâ verò & hominum robore quondam valuisse videntur, adeo ut incidente seditione, magnum è suis numerum domo ejecerint : ad eorum verò fortunas communicandas, alij ex alijs gentibus convenère, è quibus sunt, qui finitimam Cappadociæ & Paphlagoniæ Phrygiam occupaverunt. Hujus autem rei argumentum habemus, quod hæc etiam ætate Tectosages appellantur. Nam cum ternæ gentes existant, una quidem circa Urbem Ancyram habitans, Tectosagum dicitur gens, reliquæ duæ sunt, Trocmi scilicet ac Tolistobosgi. Hos autem è Celtis digressos fuisse significat junctæ cum Tectosagibus cognatio. Quibus autem ex oris concitati fuerint, explicare non possum : Nunc enim Trocmos aut Tolistobosgios ullos aspiciam habitare nequaquam intelleximus, nec intra Alpes nec extra, in ipsis Alpibus. Eos autem loca deseruisse propter crebras hominum expulsionem, credendum est, sicuti multis alijs obvénit, ut Brenno, qui Delphos incurso, Præsum quidam appellant.*

Hinc clarum est, Tolistobojos è Celtis esse protectos, unà cum consanguineis populis. Licet verò ignoravit Strabo, quibus ex oris fuerint concitati, non ignoravit tamen Livius, qui duas ex Celtis tantum facit migrationes, unam in Italiam, ad quam non debere referri Tolistobojos, qui se infuderunt Asia, demonstravimus: alteram in saltus Hercinios: ex qua necessarijs rebus efficitur, ut Tolistoboi, migrârint in Illyricum, Pannoniam, Thraciam, Asiam. Pergit Cluverius. *Ab unis Boijs Bojohemo nomen remansit.* Non eo inficias: sed & Tolistoboiy Boij sunt, quod apparet ex ipsâ appellatione paulum mutatâ, ob animi magnitudinem, quâ se à Boijs, qui Bojohemo adhaeserunt, ad subigendas alias gentes ausi sunt separare. Unde non inficere dixerit, qui Tolistobojorum nomen asseruerit esse natum in Asiaticâ protectione: tamen si Strabo eos sic velit dictos à Duce, cujus auspicijs sunt protecti. Non desinere tamen ideo esse Boij, nec fuere diversi ab ijs, quos Appianus & Stephanus vocant Tolistobios, aut Ptolemaeus & Solinus Tolistobogos, vel Eratosthenes & Florus Tolistobogios: non secus

secus atque Gothorum aliqui Ostrogothi, alij Visigothi paulum quidem aucta nomenclatione fuere distincti, nec tamen esse Gothi desierunt.

Polybium quoque, Plutarchum, & Livium pro sua opinione adducit Cluverius : id quam peritè, paucis expedio. *Immensum* (inquit) *errorem errasse Velserrum circa Bojos, ubi Gallos, quos Livius lib. 44. ab Istro profectos Macedonibus auxilio Clonaico Duce venisse tradit, hos ipsos Bojos fuisse docet; quos tamen disertè Polybius, referente libro Legationum, & Plutarchus in Emilio Paulo, ipse adeò Livius lib. 42. vocat Bastarnas, trans Istrum Getarum agri partem colentes, antequam à Philippo & Perseo Macedonia Regibus in auxilium contra Romanos vocati.* Polybij verba sic habent : *Senatus post Legationis Rhodiorum adventum, eà audita, responsum dare distulit, cum autem Dardani venissent, & de Bastarnis exposuissent, quanta eorum multitudo, quam ingentis eorum corpora, quanta in periculis esset eorum audacia, docuissent etiam de societate cum ijs inita à Perseo & Gallis, dixissentque, majore sibi Persecum, quam Bastarnas esse terrori, ac proinde opem sibi ferri postulassent.* Quæ sequuntur, nihil ad rem faciunt. Ex adductis palam est, non solos Bastarnas cum Perseo belli societatem iniisse, sed etiam Gallos; quos illos? Eos fuisse Bojos Bastarnis vicinos, & ad Istrum incolentes, nemo dubitaverit, qui rectè expenderit Strabonem : ergo non fuerunt Boij Italici, qui non ad Istrum sive Danubium, sed ad Eridanum degebant. Strabo in libri septimi limine agens de tractu ad Istrum, sic ait : *Spēctantes in septentrionem Istri partes, sunt trans Rhenum regiones & Gallia, quæ sunt Gallica gentes & Germanica usque ad Bastarnas & Tyrhægetas : Et paucis interjectis : In Austrum vergentia sunt Illyrica, & Thracia, & quæcunque de Gallicis istis admixta sunt, seu de plerisque alijs usque ad oras Græciæ.* Ex quibus luce palam est, Gallos Perseo & Bastarnis sociatos, degisse ad Istrum, & Bastarnis quidem vicinos, à quibus Boij Italici procùl distabant. Quare duplicem errorem erravit Cluverius : primum, quòd (nescio an bonâ fide) Bastarnas solos belli socios nominaverit : secundum, quòd mutilant Polybij testimonium omittis Gallis, quos si non omisisset, ilicò potuisset confutari ex ipso Polybio & Strabone, quorum hic Gallos Bastarnis vicinos, ac proinde haud difficili fœderis nexu conjunctos, ad Danubium locat, satisque hoc ipso ostendit, pertinuisse ad illos, qui Sigoveso duce in Herciniam vicinâque loca migrârunt.

Plutarchus nihilo plus facit pro Cluverio. Ecti enim asserat, Bastarnas Perseo roganti auxilio adduxisse decem millia equitum, ac totidem pedites, non negat tamen, adfuisse simul Gallo-Bojos à Polybio non prætermittos : sed affirmat potiùs, quando ait, Persecum falsâ fide Gallos à se dimisisse : ergo cum Bastarnis etiam Galli Perseo adduxere suppetias. Vel igitur ostendat Cluverius, hos Gallos venisse ex Italiâ, quod nunquam præstabit : vel fateatur, fuisse Gallos, qui extra Italiam degentes, Bastarnis fuere confines, quales fuere Hercinij. Plutarchus nihil prorsus patrocinator Cluverio : neque enim inficiatur, Bojos Bastarnarum socios Perseo adfuisse, sed insinuat potiùs, quando Bastarnas ait Istrum, quem utique Boij accolebant, trajecisse : unde facilis est conjectura, secum Bojos traxisse.

Atque hæc quidem de Justino aliisque, quorum autoritate contra Velserrum usus est Cluverius : qui si Pausaniam legisset, reperisset testem haud paulò disertius pro sua opinione loquentem ; cui quantum sit tribuendum, verbo indicabimus. Is agens de Gallis, qui irruerunt in Græciam, sic scribit. *Galli verò, de quibus nunc incidit mentio, in extremis Europa oris, ad vastum mare accolunt, cujus fines adiri posse navibus, negant. Est enim gurgitis astu, scopulis & belluarum immanitate, quam mare aliud omne importunius. Horum fines Eridanus perlabitur, cujus in ripis Phaëthontis casum Solis filia, illius Sorores, collachrymari creduntur. Verum ut Galli appellarentur, non nisi serò usus obtinuit. Celtas enim cum ipsi se antiquitus, tum alij nominârunt. Hi contractis undecunque copys, ad Ionium mare conversi, omnes Illyrici populos, & quicquid gentium ad Macedonicum usque nomen patet, quin & ipsos Macedonas oppressere.* Fateor, nisi essent, qui Gallogræcorum ortum, migrationem,

V.

Polyb. Legat. 62.

Strabo Geog. lib. 7.

Plutarch. in Emil.

VI.

Liv. l. 40. fin.

Pausan. Att. lib. 1.

VII.

nem, sedes, melius quàm Pausanias describerent, & corrigerent errores aliquot, quos Pausanias paucis istis verbis prodidit, crederem Gallos, qui Illyricum & Macedoniam invaserunt, ad Eridanum, qui hodie Padus, habitasse: sed cùm testes Pausaniâ longè locupletiores audierimus paulò antè, qui prorsus alia exerce pro-
fiterentur, hoc Pausaniæ commentum relegabimus ad cæteras ejusdem fabulas, quales sunt, quòd Galli isti debebant in extremis Europæ oris: quòd habuere sedes ad vastum mare: quòd hoc ipsum mare navibus sit impervium: quòd infame sit tempestatibus, scopulis, belluarum monstis, suprâ quàm ullum aliud: quorum nullum ex vero de Padi sive Eridani confinio, aut vicino mari potest affirmari. Verbo, Pausanias æquè atque Justinus ignoravit primas Bojorum trans Rhenum sedes, & cùm præter Circumpadanos Celtas nullos nôsser, Gallos ex Italiâ in Illyricum cæterasque gentium finxit armis penetrasse. Neque verò extra rem est, quod prudenter observavit Vellserus, nimirum ab ipsis Herciniæ nemoribus in ipsam usque Asiam extare Boici nominis vestigia, quæ ad Tolistobojos, lectorem velut manu ducere videantur. Inter hæc Bojodurum, ad Danubij tractum, quâ Oenus Vindelicos & Novios interfuit. Idem ambigit, an Bojon oppidum in Tauricâ Chersoneso, huc quoque pertineat, quod in eâ Peninsulâ hodièque gentes vivant, quæ sermone, moribus, ore denique ipso & corporis habitu originem Germanicam referunt. Ajunt item, in Asiaticâ Friderici Ahenobarbi Imperatoris expeditione, prope Armeniam, repertam fuisse gentem, quæ Boico sermone utebatur: quod an fidem mereatur, non satis video.

VIII.

Ptolem. lib. 5.

6. 4.

Strabo lib. 12.

Cic. Orat. pro

Dejotar.

TOLISTO-

BOIORUM

REGIONES,

POTENTIA,

Just. lib. 25.
princ.

Mar. Niger
Georg. com.

1.

Ptolem. lib. 5.

cap. 4.

Strab. lib. 12.

FINES.

IX.

Cæterum, ut (omisso Cluverio) ad lineam redeamus: Tolistobojj Æolide atque Joniâ potiti sunt. Civitates incolere Germam, Pessinuntem, Vindiam, Andrum, Vegistum, Tolastam pagum ducis Tolisti fortasse monumentum: Addit Strabo Blucium (Ciceroni Lucejum) & Pejum: Memnon adnumerat Tabiam. Trocmorum sedes versus Pontum & Cappadociam fuere Tanium, Mithridaticum, quod Pompejus postea donavit Bogodotaro, Lascoria, Androtia, & Davala. Teetolagibus attributæ regiones Phrygiæ majori finirimæ, in quibus Ancyra, Olemus, Corbiuntus, & Anchora castellum. Et ad tantam quidem populi isti potentiam evasere, ut, cùm nominis sui terrore Asiam complerent, nullum id temporis bellum sine mercenarijs Gallorum copijs in Oriente gereretur, neque Reges expulsi sedibus ad alios confugerent, quasi neque tutam servare suam majestatem, neque amissam recuperare se posse sine Gallicâ virtute arbitrentur. Tandem uno omnes nomine, quod ternæ gentes usurparent, Galatæ à Græcis; ab alijs mixto vocabulo Gallogræci fuere nuncupati. Terram coluere frugum omnium feracem, quæ & Amethistum gemmam parit. Tota ditio finiebatur à meridie Pamphiliâ; ab Oriente, Cappadociâ; à Septentrione, parte maris Euxini; ab occasu Bithyniâ. Strabo singulas istas gentes, quæ unius erant linguæ, in quatuor partes ait fuisse divisas, & earum unamquamque habuisse Tetrarcham Judicem, atque Tribunos Tetrarchæ subjectos, duos protribunos: duodecim verò Tetrarcharum consilium trecentis viris constituisse. Horum erat, in loco, cui nomen Drynæmetum, de rebus capitalibus judicia exercere, causis minoribus Tetrarcharum arbitrio relictis. Atque is quidem fuit priscus Galatiæ status, qui post ad tres Duces devolutus est, deinde ad duos, denique ad unum Dejotarum, cui postea successit Amyntas; postremò Romani, qui Galatiam sub jugum missam, fecere Provinciam.

Deinceps agendum de Boicis expeditionibus, quibus quæsitus fuit amplissimus Gallogræciæ Principatus. Quo tempore Boij primas sedes in Herciniâ tenuere, arma protulere in finitimos, eo successu, ut multis elati victorijs, ijs debellandis animos adjecerint, usque eo formidandi, ut Reges solo Gallici nominis terrore perculsi, pacem ab ijs pecuniæ magnâ vi redimerent. Ut gentes numero & virtute præclaras facilius superarent, multum adferebat opis scientia militaris, normæque equitatûs cum Legionibus componendi. Singulos enim equites stipabant notæ inferioris accensû, equorum paratu aliquantum quidem, sed pugnandi

ARS MILI-
TARIS.

gnandi industriâ viribûsque nihilo dominis inferiores. Hi parati ad omnes casus erant loco subsidij. Nam si forsan in prælio domino peribat equus, secundarius, qui erat instar famuli, suum præbebat. Si dominus occumberet, famuli partes erant, mox in ejus locum succedere. Quod si & hic caderet, tertius demortui locum in acie occupabat. Jam verò, si primarius vulnere debilitatus stare nequiret in pugnâ, eum secundariorum alter educebat ex acie, alter faucij vices subibat. Hæc ad Persarum exemplum, qui in exercitu plerumque decem habebant millia selecti militis, ex quibus constabat phalanx, quam vocitabant immortalem, eò quod uno extincto, mox alius velut succresceret, sed eo discrimine, quod Persæ subsidiarios succenturiarent post exitum certaminis, Galli verò in ipso prælij fervore, in cæforum vel fauciorum locum recentes integròsque sufficerent tempestivo valde supplemento. Istam formam equitatûs vocabant Boij Trimarcisiam: nam illis linguâ populari equus marca, qui hodie Merche appellatur: unde nata nomenclatio Marefchalli, Marefcalli, Marcomani sive viri equestris, Macar item in antiquis Bajoariorum tit. 13. cap. 10. & Alemanorum Legibus, §. 2. Et in Saxonia circa Vistulæ ostia, Maere equus strigosus, in Britannia verò Walliâ, equus vulgo March nuncupatur. Atque ista quidem erat forma Galloboici equitatûs: haud dubium, quin, ut consueverant prisca Germanorum pedites, in quibus plurimum roboris, equitibus mixti pugnarent pari numero, quos ex omni juventute legebant equites, veluti salutis suæ præsidarios. Et in his tanta erat velocitas, ut equorum júbis hærentes, si quò longiùs erat prope- randum, aut recipiendum celerius, equorum cursum adæquarent. Reliquus peditatus coibat in cuneos, quorum prima acies erat angustior, paulatimque latius se explicabat ad rumpendos hostium ordines. Sic acies tota anteriore sui parte desinebat in acutum, sed densatis inter se corporibus scutisque tota bene cohærens. Alæ contrà in longum protractæ cum nonnullâ obliquitate, in explicatam latitudinem porrigebantur, minùs tamen stipatæ in medio. Aciem sic instructam claudebat ingens vehiculorum sepimentum, ut miles à tergo foret re- ctus, nève spes aliqua evadendi in fugâ poneretur. In carpentis eo digestis or- dine, matres, liberi, stabant testes spectatòresque pugnæ, magno ad fortiter agen- dum pugnatoribus incitamento. Permittebatur faucijs receptus ad uxores, qui- bus mos erat numerare vulnera, tergere, exugere, obligare, cibos & hortamenta ferre laborantibus, tantâ ad concitandam virtutem efficacitate, ut precum per- tinaciâ, objectu corporum, & imminentis captivitatis, nâ fortiter pugnarent, men- tione, aliquando labantes acies fœminæ restituerint.

His instructi artibus Tolistobojj, post gesta cum finitimis bella, quorum obiter meminit Justinus, Duce Cambaule moverunt in Thraciam, nec fuere tum ultra progressi, quod intelligerent, copias, quas eduxerant, minores esse, quàm ut consultò hostium multitudini, quæ in Græciâ parabatur, possent obijci. Eas ta- men validas esse oportuit, quas Thraces quamlibet bellicosissimi, magnis onustas spolijs, è suis finibus impune passi sunt in patriam reverti. Opes, quas domum reportârunt, cæteris, qui à bello abfuerant, ostentatæ, traxère populares ad arma tanto numero, ut tergeminis castris sufficerent. Rediére enim ad signa, quos prioris fortunæ benignitas & semel degustata prædæ dulcedo pellexerat, quâ consumptâ, longè videbatur suavius, ex rapto, quàm laboriosâ agrorum culturâ vivere. Quod ipsum non fuit operosum persuadere contribulibus, quos vel egestas domestica, vel otij & ditescendi cupido, ad sociandas manus invitabant. Rebus ad bellum comparatis, cùm in tripartitum agmen copias divisissent, pri- mum demandârunt Cerethrio, qui Thraces & Triballos invaderet, bello haud dubiè difficili, quod sola Thracia tantâ virorum fortium multitudine abundaret, ut ante Romanos (si Pausaniæ credimus) nemo totam potuerit debellare. Al- teri agmini, cui invadendæ Pannoniæ negotium datum est, ductores impositi Acichorius & Brennus ab eo longè alius, qui Româ captâ Capitolium obsedit. Macedoniam & Illyricum Bolgius (alijs Belgius) aggreffus est. Cerethrij &

X.

Pausan. lib. 1.
PERSARUM
PHALANX
DICTA IM-
MORTALIS.
TRIMARCI-
SIA QUID?

UNDE DI-
CTA.

Veget. l. 3. c. 19.

ACIEI
FORMA.
Agathias l. 2.

XI.

Plutarch. in
Mario.
Dio. lib. 51.
Oros. l. 5. c. 16.

Justin. lib. 24.
Pausan. in
Phocic. l. 10.
BOII THRA-
CIAM SPO-
LIANT.

ALTERA EX-
PEDITIO.

Pausan. l. 10.
TRIPAR-
TITA.

XII.

Pausan. lib. 1.
Justin. l. 24.

Plutarch. in
Pyrrho.

Brenni successus non prodidit Pausanias, nisi quod nullâ re memorabili domum redierint, ut proinde præter prædas nihil videantur egisse. Bolgij expeditionem rebus gestis nobiliorem descripsit accuratius, Plutarchus paucis insinuavit. Bellum illi fuit in Ptolemæum Macedoniæ Regem cognomento Ceraunum, quasi dicas fulmineum, propter turbulentam & præfervidam audaciam.

PTOLEMÆI
CERAUNI
FRAUDU-
LENTIA.

PERIURIUM.

XIII.

NUPTIÆ CŪ
SORORE AR-
SINOË.

XIV.
CRUDELI-
TAS.

ARSINOËS
LUCTUS ET
EXILIUM.

Is ipse est, qui cum Macedoniæ regnum, pulso Antigono, occupasset, majori scelere sibi soli sceptrum putavit esse asserendum. Tres illi erant ex Arsinoë sorore & Callimacho Rege nepotes, qui urbe Cassandreâ velut paterni regni reliquijs potiebantur. Ut eos tantillâ possessione omnique recuperandi regni fiducia, sororem verò filijs ipsâque vitâ spoliaret, quod apertâ vi difficilius impetrasset, clandestinâ impietate fraudibûsque est aggressus. Ille igitur primùm simulare flagrantem sororis amorem, congeminare officiosa obsequia, addere munera, demum ejus ambire nuptias. Inluctam hominis urbanitatem cum illa suspectaret, damnarétque scelerata vota, cœpit tergiversari, excusare varia, rem extrahere. Ptolemæus contrâ preces intendit, pollicetur montes aureos, Deos Deâsque omnes mentis suæ conscios obtestatur, nihil se doli in nepotes, nihil in Arsinoën moliri aliud, quàm ut thori fœdere sanctissimam cum ipsâ conjunctionem, cum filijs ineat regni consortium. Quamobrem sororem obsecrat, dignetur mittere jurisjurandi arbitrum, quo teste, quòque dictante, quibus vellet devotionibus, apud Deos patrios sese suâque fidem obliget. Paulatim, quæ est muliebris animi mollities, anxia dubitabat, quid caperet consilij: si legatum mitteret, timebat decipi perjurio, si fratrem omnino respueret, obversabatur animo fraterna crudelitas, quam periculosum esset, per repullam agere in rabiem. Demum labefactatâ constantiâ, mens ad amandum nimis cerea, sumpsit obtentui liberorum salutem, & spem regni ipsis asserendi. Ergo mittit è domesticis Chodionem, quo præsentem Ptolemæus in principe totius Macedoniæ Jovis delubro, tactis aris, ipsisque Deûm simulacris & pulvinaribus, per ultimas, & vix prius auditas execrationes dejeravit, se probâ fide, nullo prorsus dolo, sororis nuptias cogitare; se cum ipsâ diadema noménque regium esse communicaturum, nullam præter ipsam admissurum in thalamum: præter Arsinoës liberos, nullum prorsus regno destinaturum. Monuit ingemiscens Ptolemæus Callimachi filius, haud dubium subesse fraudes: sed Arsinoë mater jam expugnata promissis & amore, nescia, quòd mox esset futura filiorum noverca, monentem neglexit. Fratri ergo collocuta, magisque quàm aliàs devincta blandienti manus dedit, fidemque futuri matrimonij. Sub hæc nuptiæ splendido apparatu, pompâ suprà quàm regiâ, publicâque Macedonum latitiâ celebrantur, Arsinoë corona imponitur, inspectante & fausta acclamante exercitu. Misera tot irretita vinculis, ultro maritum Cassandream urbem invitat: Id verò ipsum erat, quod spectabat Ceraunus, ad struendas matri liberisque insidias. Illa maritum prægressa, sacra, profana, templa, palatia, cætera omnia instruit, exornat, festum propediem secuturo Regi civitati indicit, aræ hostiâsque jubet parari. Aberat Ptolemæus filius, fraudem pompâque abominatus: Aderat Lysimachus sedecim annos natus, & Philippus triennio minor. Ambos mater voluit coronatos Cerauno obviam occurrere: Occurrentes vitricus fraudulentus ultra consuetum modum (is decipientium mos est) amplexibus, osculis, blanditijs ad nauseam fatigavit. Verùm postquam in urbem ventum est, mox erupère doli. Jubet extemplo Tyrannus Nepotes trucidari, invadi arcem, urbem dispositâ passim statione occupari. Arsinoë Deos hominésque inclamans, se pro filijs identidem obtulit percussoribus, sæpe laterum oppositu eorum corpora protexit; sed in cassum. Uterque in ejus oculis confossus, quòdque luctuosissimum, funus utriusque ereptum matri. Illa damnans suam credulitatem, mœstâque, quòd cum filijs non liceret mori, passis capillis, scissâ veste, cum duobus servulis urbe ejecta, in Samothraciam extorris, & ultimæ calamitatis exemplum proficiscitur. Hoc inter cætera fuit execrandum Cerauni facinus, quod cælum per Tolistobojos sociosque voluit expiare.

In

In ejus perniciem cœptum est bellum, anno urbis conditæ quadringentesimo septuagesimo quarto. Ad Ceraunum Galli Legatos miserant, qui pacem offerrent, aliorum Regum more pecuniâ sancendam. Eam ille Legationem sic accepit, ut inter familiares stolidè gloriaretur, Gallos metu pacem orare. Pòst ubi audierat Oratores, negavit, se pacem daturum alio pignore, nisi Gallorum Duces se sisterent obsides, exercitus arma poneret; neque enim posse se cum armatis quicquam pacisci, nec habere fidem, nisi talibus obsidibus. Cum isto responso ad Gallos remisit Oratores. Verùm pro delirio accepta est à Gallis Cerauni ferocia. Sed & hoc longè stolidius. Dardani rebus suis metuentes, si Galli Ceraunum superarent, periclitanti obtulerunt ultrò viginti armatorum millia in auxilium. Sed pereundum erat homini facinoroso, quem ad exitium flagitia destinabant. Respuit Dardanorum suppetias, jactans, actum esse de Macedoniâ, quæ terrarum orbem ad extremas usque oras domuisset, si tantillâ Dardanorum manu ad suorum finium defensionem indigeret. Habiturum se sub signis viros, quorum majores Alexandro Magno innumerarum gentium domitori stipendia fecissent, & peperissent imperium. Hæc ubi Dardaniæ Regi renunciata sunt, prædixit, Regnum Macedoniæ quamlibet inclytum, stolidi juvenis inani temeritate ruiturum. Nec à vero aberravit vates: ut enim regna fundantur regentium sapientiâ, ita stultitiâ & temeritate subruuntur. Igitur Ptolemæus vecors ac præfidens, cum paucis suorum, iisque incompositis, se validissimis Gallorum copiis ausus est obijcere, quasi eadem facilitate bella, quâ scelera patrarentur. Nimirum à furijs ad interitum rapiebatur latro tot patricidiorum conscius. Secundum hæc acies inter se commissæ: Galli Macedones superant, conijciunt in fugam. Ptolemæus multis vulneribus saucius venit in Bojorum manus. Ejus caput amputatum de hastili sublime, totâ Gallorum acie ad hostium ludibrium terroremque circumfertur. Paucos Macedonum fuga servavit: reliqui cæsi aut capti. Ejus ignominia fama cum per omnem Macedoniam vulgaretur, mira fuit gentis devictæ consternatio, & agrorum vastitas, colonis profugientibus, urbibus luctu & mœrore squalidis. Audiebantur passim lamenta, non privata solùm funera, sed patriæ quoque ultima fata deplorantium, & è præsentibus futuros casus præfagientium. Vocant in auxilium votis inanibus Philippi & Alexandri suorum olim Regum nomina, quorum fortitudine non tuti solùm, sed etiam orbis domitores evasissent. Cum omnia spectarent ultimam desperationem, Sosthenes contractis ex Macedonicâ juventute copiis, Gallos victoriâ exultantes cohibuit, ne Macedoniam populationibus ultrâ deformarent. Quamobrem Rex appellatus ab exercitu, repudiato Regis titulo, contentus Ducis nomine, milites in sua verba adegit. Galli non ausi armato occurrere, in suos se fines recepère.

Secundum hæc, Brennus ductor secundi Bojorum exercitus, cum infra spem ejus optatis fortuna initio respondiſset, cognitâ Bolgi felicitate & facilitate invadendi Orientis imperium, si ille victoriam fuisset profecutus; cœpit militem modò privatis congressibus, modò pro concione sollicitare ad novam expeditionem, ductores animare spe rerum maximarum, socios adsciscere, ostentare innumerarum gentium spolia, quibus olim Alexander Macedoniam ditasset; privatorum ingentes opes, opulentissima templorum donaria, civitatum rebus omnibus abundantium amplitudinem, incredibilem soli amœnitatem atque delicias; quibus omnibus victoriâ citra magnum discrimen parabili, potiri possent, si non defuturus esset animus potiendi. Ne verò Sosthenis copias ceterasque Græcorum vires metuerent, in magnâ suorum frequentia Græcos captivos produxit in medium, sordidatos, luridos, rasâ cæsarie, vix hærentes ossibus, quos Gallis corporum proceritate, armaturâ, robore longè melioribus composuit, ut æstimarent, cum quibus homulis, veriùs homulorum umbris, res esset futura viris robustissimis: quam foret facile bellicæ virtuti certamen cum ipsâ propè imbelliâ! His rationibus ad arma pellexit ingentem bellicosorum hominum

AN. V. C.
CCCC.
LXXIV.
BOII CERAUNO PACEM OFFERUNT.

XV.
REFUSANTE PACEM ET AUXILIA REGIS DARDANI.

BOII BELLUM INFERUNT.
VICTO CAPUT AMPUTANT.
MACEDONIAE CONSTERNATIO.

XVI.
SOSTHENES GALLIS OB-SISTIT.
FINIS BELLI MACEDONICI.

BRENNUS BELLUM RENOVAT IN MACEDONIBUS.

Polyen. Strat. lib. 7.

num multitudinem. Qui nomina huic bello dederunt, fuerunt centum quinquaginta millia peditum, equites vicies mille quadringenti: Justinus non numerat ultra quindecim equitum millia. Fuere in his è prima nobilitate plurimi, ipseque Acichorius.

Justin. l. 24.

XVII.

SOSTHENEM
SUPERAT.
Pausan. l. 10.
GRÆCORUM
CONSPIRA-
TIO IN
GALLOS.

GALLORUM
CRUELI-
TAS.

THERMOPY-
LARUM
PRÆSIDIUM.

*Polyen. Strat.
lib. 1.*

XIIX.
BRENNUS
SPERCHIUM
FLUVIUM
TRAHIT.

Cum formidando isto apparatu Brennus irrupit in Macedoniam, quam cum devastaret, Sosthenes ausus cum suis occurrere, devictus prælio, atque retrusus intra urbium moenia, agrum universum populationibus exhauriendum Brenno reliquit. Cum in Macedonum clade totius Græciæ periculum verteretur, magnus universam terror invasit. Ne tamen se suasque fortunas ignavâ cessatione destituerent, descendere in eam sententiam, patriæ periclitanti, communi omnium quantâ possent ope, esse succurrendum Macedoniæ, neque ferendum, ut pars ulla Græciæ hosti dederetur, ne ad cæteras ex ordine subigendas, arma proferret, atque in ipsam ingenuorum hominum libertatem involaret. Neque enim memoriâ exciderat, quibus calamitatibus Galli superioribus excursionibus, Macedonas, Thraces, & Pæonas affecissent. Et certi jam tum adferebantur nuntij, de Thessaliæ injurijs, deque immani oppressione Calliensium, in quos omni diritate Galli sævierant, omni sexu virili, nullo ætatis discrimine, deletio ad interuersionem, epoto parvulorum sanguine, voratis eorundem carnibus; matribus, puellisque post illatam ignominiam trucidatis. Erat igitur una vox totius Græciæ, aut vincendum esse tam barbarum hostem, aut omnibus esse moriendum, nisi forsan essent aliqui, quibus longa mors in perpetuis compedibus & probrosis mancipiorum vinculis, generosæ morti videretur esse præferenda. Quantum copiarum singulæ gentes contulerint, enumerat Pausanias. Prima cura fuit Thermopylarum fauces firmare præsidio. Sunt illæ loci genio sic munitæ, ut olim Xerxi totius Orientis viribus imminenti, novem duntaxat hominum millia Græci obijciendos censuerint, & cum alij non expectato pugnæ eventu essent à statione dilapsi, è Lacedæmonijs trecenti, vel summum (ut scribit Justinus) sexcenti hostem excepere, quem transitu prohibuissent, nisi præmaturâ vincendi cupiditate, ut ad solos Spartanos facti gloria pertineret, Leonidas manus cum totis Persarum castris conseruisset, ab ineunte nocte ad majorem dici partem, donec inter magnas prostratorum hostium strages, vincendo fatigati potius, quàm victi Lacedæmones nomen sibi immortale pepererunt. Certè eos victoriâ potitos asserit Polyænus. Eodem loci è Græciæ populis adversus Bojos missa supra viginti tria peditum millia. Iis accessere ab Antigono Rege Macedoniæ ductu Aristodemi auxiliares copię, quibus Antiochus Rex Syriæ ductore Telefarcho sua quoque auxilia ad Thermopylarum defensionem adjunxit. Gallorum iter interceptiebat amnis Sperchius. Græci, quò trajectum redderent operosiores, miserunt cum expedito equitatu mille Legionarios, qui castris ad ripam positis, dissecere pontes, ne quæ forent Gallis usui.

Brennus, qui jam tum in Magnesiæ & Phiotidis finibus castra locaverat, decem fortissimorum hominum millia jussit, vitatis Græcorum excubijs, inferiorem amnis partem procùl ab hostium castris, tranando superare, vel, quæ aquæ stagnantes lateque in paludem diffusæ proceris Gallorum corporibus vadum aperiebant, in adversam ripam evadere. Cum noctis beneficio Galli flumen paludemque trajecissent, Græci, qui ad Sperchium excubabant, re compertâ, ad Thermopylas se receperunt. Exinde Brenno non fuit arduum, Sperchium ad transmittendum exercitum pontibus sternere, operâ præsertim accolarum, qui opus, quantâ licuit celeritate, deproperarunt, ut se metui, & provinciam hospitibus odiosis eximerent. Galli flumine superato, Heracleam, agro direpto, prætergressi, cum per Græcorum transfugas explorassent Græcorum apparatus; postero die sub orientem solem decreverunt de summâ rei Martem experiri. Græcis fuit idem consilium. Nullus utrinque erat equitum usus, propter montis, cui Porta nomen, angustias, quæ vetabant alas explicare, quodque saxum naturâ lubricum, & creber aquarum interfluentium lapsus, equorum vestigia fallerent & frequenter

quenter implicarent. Ergo tota prælij moles Legionibus incubuit. Gallis in hostem ruentibus leve erat in imbecillis scutis adjumentum, Græcis plurimum conferebant loricae & umbones, cum densatis ordinibus contra furentium impetum, eminus jacula, cominus enses atque bipennes fortiter opponerent, ferirentque seminudos. Fervente pugna, ex Atheniensium navibus quam proximè appulsis, Græci missilium procellas effundebant in Gallos usque eò infestos, ut telis confixi, eodem, quo integri, ardore, hostem incurrerent, obstantesque revulsis è corpore spiculis peterent. Demum post densas suorum cædes, de victoria desperantibus, Brennus signum dedit receptui. Cum turbatis ordinibus in castra temere confugerent, multi per angusta locorum protriti, multi dejecti in paludem, coenosaque luti voragine sepulti. Post eam cladem visum est Brenno, Oetæ jugum Minervæ templo donariisque opulentum tentare. Erat ad montem iter secundum urbem Heracleam per angustum callem. Venientibus Telesarchus natione Syrus, cum Asiaticorum Antiochi Regis auxiliari manu, sese obvium intulit, & fortiter pugnans cecidit. Superati nihilominus fuere Galli. Brennus geminâ affectus ignominia, doctus, Græcorum vires non habere contemptui, aliam belli rationem inijt. Erant in Græcorum exercitu Ætoli robore, numero, armisque ad genus omne pugnae expeditissimi. Hos ut domum Brennus retraheret, delegit peditum quadraginta millia, equitum octo centurias, cum quibus jubet Orestorum & Comburin, trajecto per pontes Sperchio, transmissaque Thessalia, in Ætoliâ confestim irrumperet, agros vastare, tecta flammis, corpora ferro subicere. Ætoli cognita per profugos immani suorum calamitate, facto à cæteris, qui curabant ad Thermopylas, divortio, signa mox rapiunt ad ferendam patriæ ruenti maturam opem, antequam urbes hosti dederentur. Ad eos confluit omnis Ætolorum ætas: mixti juvenibus senes pristinae memores virtutis, si res ferret, æquis animis unâ cum patria fati necessitatem accepturi. Ipsæ feminae, memores Calliensis ignominiae, arma induerunt. Ex Achivis omnibus Patrenses Ætolis auxilia adduxerunt gravis armaturæ, quâ peritissimè utebantur. Sola multitudo Gallorum Græcos reddebat anxios. Ne tamen Ætoli in supremo patriæ discrimine suæ virtuti decissent, à justo quidem certamine ob suorum paucitatem putârunt esse abstinendum, & viarum angusta locaque aciei explicandæ importuna præsidij insidere, ubi non multi plurimos valerent, si non obruere, at saltem carpere, & oppidò fatigare. Galli prædâ ingenti graves, direptis quâ delubrorum, quâ privatorum opibus, velut re prosperè confectâ ad Brenni castra revertebantur, cum per inexploratas locorum ambages progressi, cæperunt premi Ætolorum insidijs, è quibus non viri modò, sed etiam mulieres in confertos tela jaciebant. Illi irâ amentes tela reponere, de viâ erumpere, paucos hac illac insectari, compellere in angusta notosque receptus, quibus se tegebant Ætoli tantisper, dum Galli persequendo fessi, ad suos reditum molirentur, haberentque rursus catervas à tergo instantes. In isto confluentium æstu identidem recurrente, viæ, tot Gallorum quâ cætorum, quâ sauciorum stratae fuerunt corporibus, ut ex quadraginta millibus, quos eduxerant, vix media pars ad Thermopylarum castra rediverit.

Ad Thermopylas Gallis fuit fortuna mitior. Duo fuere tramites, per quos erat ad hostem accessus. Unus per Oetæ montis abrupta angustus & arduus: alter per Ænianum fines haud paulò mollior. Per hunc Ænianses præbuere se Brenno viæ duces unâ cum Heracleotis, quò minore suarum fortunarum detrimento atque expeditius Gallos à se amoverent. Hi se fidos itineris indices professi, Brenno authores fuere, eâ parte tentandi Thermopylas. Quamobrem relicto in castris Acichorio, cum agmine quadraginta millium movens in Græcos à tergo, Acichorium jubet à fronte rem strenuè gerere, ubi primùm intelligeret, hostem ex adverso premi. Brennum adventantem nebula, quæ eo die montem obduxerat, sic textit, ut Phocenses, qui claustra præsidio tenebant, non prius Gallos senserint, quam stationem suam ex improvviso circumventam. Corripuere

GALLI
PRÆLIO VI-
CII, SEMEL.
XIX.

ITERUM.

ÆTOLI DO-
MUM REVO-
CATI.
XX.

GALLOS EX
INSIDIIS
CÆDUNT.

XXI.
GALLORUM
VICTORIA
AD THER-
MOPYLAS.

ripuere tamen arma, licèt trepidè & confusè; nonnulli etiam pugnam iniverunt: alij in vestigio resistentes stationem conari sunt turari; sed cùm nihil ordine fieret, loco moti, ad castra fugientes, terrorem simulque fugam in socios propagarunt. Athenienses inter primos territi, copias triremibus impositas, quoad licuit per festinationem, in tuto locare maturarunt. Reliqui, qui manus hostium evaserunt, ad suos quique fines dilapsi. Caesarum numerus à Pausaniâ ob nationis studium non est relatus in calculum. Brennus victor, ne momento quidem moratus, festinatâ profectione Delphos contendit. Acichorius ejus legens vestigia, habuit à tergo hinc inde Græcorum postremos lacessentium incursiones. Is relictis ad Heracleam impedimentis, ad Brennum contendit. Sed quæ fuit Brenni deproperatio, priùs venit in fani Delphici conspectum, & ad conferendas manus, quàm Acichorio jungeretur. Locum ut aggrederetur absque morâ, authores fuerunt Emanus & Tessalorus (alijs Thessalonus & Thassilo gentile apud Bojos nomen) duces, quos prædandi cupiditas ad bellum traxerat. Festinantibus tamen intercessit Gallorum lassitudo, & fames ex longâ inediâ, quæ eorum vires extenuarat. Illi per agros palantes noctem reficiendis corporibus dederant, vino somnôque indulgentes. Nam studio agrestes magnam meri & cibarium vim domi reliquerant, ut Galli more militari pergræcantes, totâ nocte à signis abessent, darentque Delphis spatium, sese per tenebras communiendi, sociosque recipiendi in urbem. Habuere in armis hominum quatuor millia: Brennus sexaginta quinque, ut suorum animos acueret, captivos metu mortis adegit, ut in medium adducti mentirentur, in urbe esse immensas opes in delubro, deorum signa ex auro solido, eaque magno numero, aureas præterea quadrigas, & splendidissima Regum, ac civitatum infiniti pretij donaria: Hæc omnia Brennus jactabat militi cessura in prædam. Cùm exercitus prælium posceret, acies instructa est ad Parnassum montem. Græci ad tuendam impiarum religionum æstimationem, mira prodigia coniecere in chartas. Apollinem videlicet oraculo jussisse, Græcos esse bono animo: se enim sibi rebûsque suis non defuturum: Terram horrendo motu Gallorum aciem ad multas horas concussisse, cælo immissos ignes, qui multos absumpserint: Deum Delphicum humanâ adolescentis specie; Dianam, Minervam, quatuor Heroum umbras Hyperochi, Laodici, Pyrrhi, & Phylaci, Græcis confligentibus auxilio venisse: Jovem crebrò tonantem fulminantemque Gallos terruisse, immisisse nives, grandinem, saxa ingentia: His subsidijs Delphos à Phocensibus adjutos victoriam reportasse: Brennum vulneribus & animi dolore saucium, quod suos tot malis objecisset, pugione (ut Justino placuit) vel, ut refert Pausanias, hausto mero mortem sibi conscivisse. Fatentur tamen, è Phocensibus complures, inque ijs Aleximachum viribus & ætate florentem, in acie cecidisse. Refert Pausanias, post conflictum, nocte intempestâ, Gallos panico timore correptos & amentiam, correptis armis in se mutuò sæville, cladem fuisse triginta duorum millium, quæ tumultus, hostile telum, inedia, & auræ rigor absumpsit. Qui ex Acichorij copijs, quæ post pugnam advenerat, ad Heracleensia castra refugerant, feruntur plerique ab Ætolis, Thessalis, Atheniensibus, Bæotis, alijsque deleti. Hæc Pausanias gesta asserit Olympiadis vigesimæ quintæ anno secundo, C. Fabricio Luscinio II. & C. Æmilio Pappo II. Cols. Polybius cæteris sincerior affirmat, Gallos Delphorum urbem ante suorum stragem occupasse.

XXII.

*Polian. in
Strat. lib. 7.*

BRENNI
CLADES AD
DELPHOS.

AN. V. C.
CCCC.
LXXV.

*Synops Chronol. Hist. Polyb. lib. 1.
Strabo. Geogr. lib. 4.*

XXIII.

Hoc ipsum facit admodum verisimile Strabo, ex Timagene referens, aurum Tolosanum thesauri Delphici partem fuisse, idque raptum à Tectosagibus, in patriam, cujus Tolosa caput erat, fuisse allatum, auctumque fortunis domesticis, ut sibi propitiarent Apollinem. Cùm enim pestilentiam laborarent, aruspicum responsis fuisse monitos, id unicum grassanti morbo fore remedium, si aurum argentumque sacrilegio quæsitum in Tolosensem lacum mergerent. Posidonius, ejus peculij portionem in templi Tolosani adytis ait fuisse depositam, alteram, quæ rude aurum argentumque erat, in lacu conditam, totam verò prædam

dam quindecim talentorum millia : Strabo appendit argenti pondo centum & decem millia , auri quinquies decies centena millia. Et ejus quidem contactu Justinus memorat Cæpionem (Scipionem vocant alij) Romanum Consulem perinde atque sacrilegio contaminatum , sibi exercituique Romano supremam perniciem accersivisse , ejus verò liberos, relictas à parente facultates, velut Dis exofas, inter scorta fœdè abligurivisse, ac demum vitam finivisse turpiter. Unde natum, quòd hodièque celebre est proverbium, quod sacras opes sacrilegio averfas aurum Tolosanum compellat, eò quòd vix unquam sine luculentâ iræ cælestis animadversione contrectentur. Porro quæ Strabo aliique, de isto Delphorum Thesauro, & Tolosaturn rapinâ disseruerunt, manifestè Polybio adstipulantur, & refellunt Græcorum vanitatem, qui Brennum volunt, ab invasione urbis ac templi Delphici exlitus fuisse prohibitum; quod si contigisset, certè Tolosates tantum auri non sublegissent.

An verò, (quod Velfero & Brunnero placuit) Tolistoboij à bello Delphico & spolijs abfuerint, non nisi per conjecturam licet assequi. Strabo postquam recensuit, ternas è Celticâ gentes venisse in Phrygiam, Trocmos videlicet, Tolistobojos & Tectosages, disertè asserit, Tectosages venisse in Delphicam expeditionem, aurumque Tolosanum abstulisse, non negat tamen, Trocmos ac Tolistobojos cognatas gentes, manus huic bello & rapiendis delubri thesauris sociasse. Ut autem demus Livio, Gallorum viginti millia, qui Brenno duce in Dardanos pervenerant, secessione factâ, in Thraciam iter aversisse, non est tamen inde consequens, vel solos Tolistobojos, vel omnes à Brenno secessisse. Quòd si horum aliqui venerint in partem Delphicæ expugnationis, non est credibile, eos Tectosagibus fuisse religiosiores vel abstinentiores.

Cæterum Galli, quos ducebat Acichorius, si Polybio fides est, paulò mihiore, quàm cæteri, quos Brennus sub signis habuit, fortunâ sunt usi. Tamen enim magno numero post cladem Delphicam perierint, tot tamen tantâque potentia superfuerunt, ut ad Hellespontum delati, allectique soli frugumque bonitate, sedes isthic, regiamque Tule posuerint, Thraciâ subinde debellatâ Comontorio Rege, Byzantinos eò necessitatis adegerint, ut, cum eorum fines crebrius incurfarent, illi agrorum devastationem, ternis aliquando aureorum millibus, aliàs quinis, interdum denis, ac tandem septuaginta talentorum annuâ pensatione sibi putaverint esse redimendam, donec Ciyarum Regem, regnumque Gallicum Thraces à suis cervicibus excussum funditus everterunt.

Ut verò tandem accedamus propiùs ad Gallogræcorum, inter quos Tolistoboij, fundatum in Asiâ imperium, annus, quem paulò antè diximus, Olympiadis quintæ supra vigesimam secundus agebatur, quando Galli, qui sub Brenno meruerant, magnis perfundi periculis, cum resumpsissent animos, & auxilia è cognatis gentibus sibi adjunxissent, trajecerunt in Asiam, quòd ex propinquo audissent, spem esse potiundi regionibus, in quibus terræ amœnitas cum summâ ubertate certaret. C. Julius Solinus author est, prisceas Gallorum gentes Galatiam insedisse, Tolistobogos scilicet, Voturos & Ambianos, quos antè retuli vocatos primitus nomine Tolistobojorum, Trocmorum & Tectosagum, ac postea Gallogræcorum nuncupatione fuisse comprehensos, cum se Græci Gallis miscuissent. D. Hieronymus suâ etiamnum ætate Ancyram, quæ Tectosagum fuit, Galatiæ primariam urbem agnovit. Asiaticam expeditionem susceperè, posteaquam Propontidis oram sibi fecerant vestigalem. Præter eos, qui se ex clade Delphicâ collegerant, habuerunt in armis viginti millia, qui (teste Livio) dissidio in Dardanis exorto, cum Lomnorio, seu Leonorio, ac Lutario Regulis à Brenno discesserant in Thraciam. Et verò Justinus tantam Gallicæ juventutis sobolem fuisse asserit, ut ejus examina complerent omnem Asiam. Brunnerus vult, è Boijs suppetias accessisse, quod non iverim inficias; sed an ex Bojohemo, quod ille affirmat, vehementer dubito. Habuere enim Bojos amicos longè viciniore, quod quidem Brunnerus negat, sed asseverat Justinus, cum eos ait

XXIV.

Strab. lib. 4.

AN TOLISTOBOROI

DELPHICAM

CLADI AD-

FUERINT.

Liv. lib. 38.

Polyb. lib. 4.

GALLI DO-

MINANTUR

THRACIAM.

Solin. c. 53.

XXV.

Appian. La-

tiant. ad

Prob.

Hieron. in Ep.

ad Galat.

UNDE GAL-

LOGRÆCIS

SUPPETIÆ?

*Dom. Mar.
Niger. Georg.
Comm. 6.*

confedisse in Pannoniâ, & penetrasse in Illyricum, unde subsidia fuere propinquiora. Nec abnuît Pausanias, cum illum Gallorum exercitum, qui in Illyrios, Pannonios, & Thraces, utpote hostes, arma verterat, asserit, rebus secundis usum, ad suas sedes rediisse. Cum enim Illyrici fines, qui hodie Sclavoniâ, & Albaniâ continentur, priscis sæculis ipsos Mysias (quod testatur Appianus) qui supra Macedoniam & Thraciam, usque ad flumen Istrum incolebant, complecterentur: quid verat, Gallos fecisse in Mysias excursionem, non autem in eos, qui Danubii secundo fluxu labentis dextram oram habitabant: qui & communi Illyrii vocabulo à Romanis censebantur? Si verò, quod non negaverit Brunnerus, desertæ Bojorum fuerunt in Pannoniâ saltem superiore: nihil prohibet, tertium Gallorum agmen, de quo paulò antè, è superiore in inferiorem Pannoniam irrupisse, atque hinc regressos in eam, quæ superior, vel Pœonia dicebatur, mutuatâ nomenclatione à Pœonio Autarij filio, ut tradit Appianus. Igitur præsidia in Bojorum finibus relicta, non confedere in ultimâ Celticâ, neque in Bojohemo, quod suspicatur Brunnerus, sed in Illyrico atque Pannoniâ, adversus Thraces atque Macedones, aliósque populos, qui facili deflectionem molirentur, si jam erant subacti, vel apertas cum Gallis inimicitias gerebant. Et nemo facili videat, quod genus sit argumenti, quo à Bojoduri sive munimento, sive statione Brunnerus colligit, Boicum limitem, id temporis, ultra Oeni Danubiique confluentes non excurrisse, Bojósque intra Bojohemi angustias (contra veterum scriptorum fidem) hæsisse conclusas. Quamobrem Boicæ gentis limites, qui à Brenno in Græciam proficiscente peculiari Gallorum tutelæ fuerunt commissi, alij prorsus fuerunt, quàm quos sibi ille persuasit. Ex his fuerunt educta tria equitum, peditum quindecim millia.

Justin. lib. 25.

BOII CUM
FINITIMIS
BELLANT.

Justin. lib. 25.

XXVI.

EORUM LE-
GATIO AD
ANTIGONUM.

Antequam ad bellum Asiaticum educerentur, ipsis aliisque Boicæ præsidio à Brenno relictis, bellum cum Antigono Rege intercessit. Etenim ne, dum Brennus sociique bello occupabantur, desidiâ & otio marcescerent, (quod Justinus scribit) signis cum Getarum Triballorûmque robore collatis, victores, arma verterunt in Macedoniam adversus Antigonom, qui bello expeditus, pace cum Antiocho Rege confectâ domum redierat. Gentem alioquin inquietam accendit auri sitis & gloriæ, perpetuæ comites avaræ ambitionis. Simul incitavit fama Belgij, qui ex devicto non ita pridem Ptolemæo magnum sibi decus pepererat. Ergo Legatos mittunt ad Antigonom, qui pacem, si pecuniâ venalem accipiat; vel si bellum malit, arma denuntient, simul (quod Legatis familiare est) Regis opes, bellicum apparatus, copias explorent. De Regis licitatione, vel oblatâ pacis redemptione, nihil reperio; sed multa, de regiâ opulentiâ, deque gazæ ac virium ostentatione, quâ Legatos à minacibus postulatis absterreret, ostenderetque, sibi ad vim defendendam non defuturas rationes, si bello peteretur. Excepit igitur Oratores civiliter, & cum Græcâ humanitate, cumque verba sine re reposuisset, adjecit epulas sumptu regio. Fulgebant mensæ abacique gemmis & auro, pellaci ad acuendam avaritiâ invitamento: Cætera magnificentiæ deliciarûmque, Regem Græcum referebant. Hæc velut insueta Gallicis oculis, Legati admirari, avidè intueri, identidem laudare, concupiscere, destinare ad prædam. Post geniale convivium, edita spectacula grandium Elephantorum ad Gallorum terrorem, ut nossent, sibi non cum viris modò fortibus, sed cum immanibus etiam belluis fore certamen. Itum inde ad armamentarium, & bellicarum navium stationem, militum epibatarûmque numero spectabilem. Datus demum in conspectum instructâ acie visendus exercitus; sed quem magis auri fulgor ac pompa, quàm ferri rigor commendabat, pelliciebâtque Gallos ad experiendas vires adversus homines, ex quibus plus sperarent spoliolum, quàm timerent vulnere; secum reputantes, nunquam esse pugnam alacriorem, quàm ubi viro minus est ferrei roboris in ense, quàm in capulo auri argentique. Ita Rex inani rerum ostentatione hominibus imperterritis nihil metûs, sed avaris multum cupiditatis speique injiciebat. Igitur Oratores bene pasti ventre atque oculis,

XXVII.

oculis, cæterà vacui, remissi ad castra, non retulere pacem, sed incentiva belli, opes immensas, aureas hominum armatorum species, molles animas, castra neglectim munita, languentes excubias, nulla propè munia militaria, merum belli simulacrum. Hæc cum in majus extulissent, miram excitârunt in gente belli avidâ, & exterarum virium contemptrice, bellandi cupiditatem. Antigonus inter hæc non ignarus, quos Legati animos ad exercitum retulissent, suum errorem statuit arte corrigere. Jussit primùm res præstantiores comportari in tutum, deinde castris desertis insidiarum locum in proxima sylva capere, tum simulatâ fugâ, quæ essent viliora, temere proijci per tentoria. Galli magnâ omnium consensione, faciendæ in castra irruptioni noctem delegerunt. Ad val- lum progressi, mirantur nihil apparere excubiarum, ne unum quidem pro por- tis agere vigilias. Dolum itaque non fugam suspicati, diu devitare portas, cir- cuire castrorum loricam, attentè omnia per circuitum explorare, tandèmq, cum nullus prodiret hostis, scrutari potiùs, & carptim spoliare tentoria, quàm di- ripere. Inde progressi ad navalia, dum incauti ac sine ordine naves invadunt, à remigibus & confertâ militum turbâ, de improvîso, tantâ vi excipiuntur, ut permultis desideratis, fusi fugatique non hostium spolia, sed luculentam ignominiam reportârint. Atque is quidem fuit tentari potiùs, quàm gesti belli exitus, qui tamen Gallorum animos non fregit, quominus longiùs arma pro- ferrent.

Ad Asiæ Principatum aspirantibus, ne infesta à tergo Thracia immineret, Commontorium frenando Byzantio, & Propontidi in officio retinendæ, præfe- cerunt. Reliquus exercitus ex Tolistoboïjs, Trocmis & Tectosagibus Asiam sibi domandam sumplit. Dum profectionem moratur breve Bosphori fretum, & na- vium inopia; en tibi (quod in natione generosâ & irritabili non est insolens) ex- orta inter Lutarium & Lomnorum discordia, copias in partes distraxit. Lom- norius retro, unde venerat, discedens, cum majore parte exercitûs movit Byzan- tium. Agmen Lutario fidum perstitit in proposito Asiæ occupandæ: Audax enimvero consilium. Jam Lysimachiam altu, & Chersonesum vi redegerant in suam potestatem, cum postulato, ad Hellesponti trajectum, ab Antipatro navi- giorum adjumento, sæpius variâ frustratione delusi, demum Macedonibus per speciem Legationis ab Antipatro missis ad explorandum, binas onerarias, unâ- que ternos lembos ademerunt. Hinc trajciendi ratio; sed câ festinatione, ut noctes diésque, nullâ intercapedine, in transvehendo milite fuerit laboran- dum. Cum alios atque alios continuò transmisissent, paucos intra dies omnes copix in Asiæ continente fuerunt. Lomnorus haud multò post, damnatâ se- cessione, stimulatus usque adeò secundâ sociorum fortunâ, consilium capit, ad belli societatem revertendi. Hæc agitati commodum evenit, ut Nicomedes Bithyniæ Rex suscepto bello in Zibocam (Zipoetem alij nominant) eò quod in- vito Nicomede Thynniacam Thraciam, partem Bithyniæ, foederatis urbibus gravis, occuparet, Gallorum auxilium imploraret. Hoc pactus Lomnorus, na- tûsque navigiorum facultatem, transmisit in Asiam, seque, positis simultatibus, Lutario reddidit. Nicomedes auctus Gallorum suppetijs, devicto Zyboeâ, Bi- thyniam omnem in deditionem accepit, eamque cum Gallis, quorum ope victor evaserat, ex pacto divisit, unde initium nominis & Principatûs Gallogræci. Gra- dus hic fuit ad majora tantò opportunior, quò magis Asia isto belli eventu, & Bithyni Regis ad Gallos defectione suspensa, sibique parùm cohærens, nec socia- bat vires, nec inter Reges erat quisquam, qui pro se auderet belli aleam expe- riri. Quod omnem superat admirationem, Galli, qui ex Bithyniâ sunt in Asiam profecti, non plures viginti millibus, atque in his mediam ferè partem inertes, tantam formidinem omnibus, qui cis Taurum montem degebant, populis in- jecerunt, ut, quos vel aggressi essent, vel nondum armis appetisissent, remoti per- inde atque propinqui, ad nutum Gallorum imperata facerent, victi solâ famâ, & fortitudinis æstimatione, donec Asia in tres divisa partes, Tolistoboïjs, Trocmis

XXIIX.

COPIAS DI-
VIDUNT.

Liv. lib. 48.

INTER SE
DISSIDENT.

HELLES-
PONTUM
TRANSMIT-
TUNT.

JUVANT NI-
COMEDEN.

ASIAM SINE
SANGUINE
OCCUPANT.

XXIX.

**FACIUNT
VECTIGA-
LEM.**

*Memnon
apud Phosium
in Bibliot.
cap. 23.
CCXXIV.*

**AUXILIAN-
TUR ZEILÆ
BITHYNO.**

**BELLUM IN-
FERUNT MI-
THRIDATI.
XXX.**

**HERACLE-
ENSES AD
EMENDAM
PACEM ADI-
CUNT.**

**XXXI.
PARS ANTI-
CONO PARS**

arque Testosagibus facta est vectigalis. Quæ fortuna nunquam aliàs fuit au-
dita, ut tantillus hominum numerus sine sanguine tot gentes subigeret, redde-
rétque Reges sic obnoxios, ut nec adire regna, nec servare, postquam adierant,
nec amissa recuperare sine Gallis auderent, aut possent.

Id patuit (si Memnoni fides est) quando Cn. Manlius Vulso cum Romano
exercitu in Asiam trajecit. Id temporis Nicomedes Bithyniæ Rex Gallis fœde-
ratus fato concessit. Huic è primis nuptijs filius erat Zeila nomine, qui Etaze-
tæ novercæ odijs insidijsque appetitus, & antea proscriptus à parente, ad Arme-
niæ regem confugerat. Nicomedes cum supremæ vitæ lineæ immineret, testa-
mentum condidit, quo Zeilam natu majorem regni spe exuit, filiósque ex Eta-
zeta natos hæredes dixit, & moderandis regni habenis nondum idoneos, Anti-
goni & Ptolemæi Regum tutelæ commendavit, eâ tamen lege, ut Heracleenses,
Byzantini & Ciani cernendæ & defendendæ hæreditati suas curas adjungerent.
Bithyni ex defuncti Regis tabulis turbas veriti, quò regnum parvis liberis stabi-
le transmitterent, Zeilæ novercam Nicomedis fratri nuptum dant: tutores au-
tem legunt copias, quibus Zeilam diadema poscentem submoveant. Heracle-
enses auxilia adduxere Bithynis, quæ res ipsis bello finito magnarum calamita-
tum sementem dedit. Tolistoboijs Zeilæ sortem natalibus indignam miserari,
ad depellendam paterni testamenti injuriam arma sumpserunt. Frequentia in-
de prælia Marte vario inter Zeilam & Bithynos. Cum fortunâ ancipiti neutri
se pro victis ferrent, tandem per sequestres pax convenit, sed talis, quæ conce-
ptæ contra Heracleenses, qui præcipui pactorum arbitri fuerant, Gallorum in-
dignationi non fecit satis. Illi etenim cum præ cæteris contra Zeilam Gallos-
que fortiter fecissent, odium sibi grande consciverant. Igitur irati Galli Hera-
cleensium fines ad Calletem usque fluvium depopulantur, opimamque prædam
domum reportant. Sensere perinde ignominiam, atque damna rebus suis spo-
liati, cumque ad vindictam non essent satis comparati, iras pressere taciti, quo-
usque ejus expromenda opportuna sese ratio aperiret. Ea sponte nata est cau-
sâ Regis impuberis, cujus ætas, qualis erat reipsâ, visa est Tolistoboijs ad res
novandas accommodata. Misera populorum conditio, si quos sapientia, rerum
usus, fida consilia deficient; quando pendentes ex alieno arbitrio incidunt in
odia potentiorum. Mithridates Rex Ponti, pueritiam nondum egressus, visus est
Gallis, haud magno negotio posse regno exui. Ergo Ariobarzane ejus patre de-
functo, illi lites primùm, deinde bellum movent. Cum puer in campum pro-
dire non esset ausus, se intra Amisi munimenta continuit, ultimam fortunam
mœnium objectu, experturus. Sic inclusum Tolistoboijs fame superandum pu-
tavere. Et jam annonâ interclusâ ad tantam inedia devenerat, ut obsessi vi-
ctas manus daturi esse crederentur, quando Heracleenses suum in Gallos ulturi
dolorem, Mithridati extremè laboranti, cibariorum tantam copiam intulere, ut
hostem longo obsidionis fastidio, bellumque extrahendo fatigaturus, si non fra-
cturus esse videretur. Quæ res mirè exacerbavit Gallogræcorum animos. Igitur
omisso Amiso, impetum omnem confestim vertunt in Heracleenses, quibus ma-
gno stetit, litem alienam fecisse suam. Cum nihilominus expectarent, videre
suum agrum flammâ, ferro, populatione vastari, resque eò calamitatis venisse,
ut pacem ab hoste supplici Legatione precarentur. Quam ad rem missi oratores,
& in his quidem Nymphus facundiâ, & Historiæ scriptione nobilis. Ut molliret
Gallogræcorum iras, omnem, quâ pollebat, dicendi vim adhibuit, sed in cassum,
donec aurum, omni dictione valentius, verborum lenocinijs accessit. Eo de-
nique mansuefacti hostes, armis tantisper positis, Heracleensibus otium indul-
serunt, in lucro ponentibus, quinque aureum millibus in totum exercitum, du-
centis in Duces in tempore divisas, quietem emisse.

His rerum successibus, partâ bello gloriâ, & crescente non modò divitijs,
sed Regum etiam Asiaticorum clientelis, Gallogræcorum dominatu, ne gens per-
inde belli atque proferendorum finium avida, quicquam relinqueret intentatum,
quo

quo suam potentiam novis accessionibus firmaret, coepit ad maris imperium adspirare. Occasione intentis subortus est hostis Pyrrhus Epirotarum Rex, rei bellicæ peritiâ, manu & audaciâ, Principum eâ tempestate nominatissimus, & si quisquam alius, variam fortunam domi militiaeque expertus, ex eo tempore, quo duodennis regno destinatus, tum quinto post anno spoliatus, deinde restitutus, per alternantes bellorum vices, Macedones, Siculos, Pœnos, Romanos exercuit, donec à postremis victus, spæque rerum Italicarum & Sicilientium depulsus, animum nihilominus invictum cum lacero octo millium & quingentorû exercitu in Epirum retulit. Is cum nullum bellandi finem facere statuisset, nec consultum duceret, rebus utcumque afflictis fortunam unâq; famam habere incertum, veritus, ne ex virium tenuitate contemptus, ex contemptu hostis nasceretur, ut erat aliena appetendi semper immodicus, acquisitorum negligens, tamque nescius parva retinere, quam assuetus, novis parandis inhiare; Macedoniae regnum, quod olim Demetrio ejecto invaserat, sibi sumpsit recuperandum. Is belli Antigono Regi Demetrii filio faciendi obtentus fuit; causa verò non differendi hostilia, egestas exhaustumque nuperâ in Romanos expeditione ærarium, unde tantum pecuniæ peti non poterat, quantâ opus erat, ad copias alendas, numero licet exiguo. Quare ut ipsis ex alieno prospiceret, duxit in Antigonom. Et hinc quidem nata Galatis materia belli resumendi; quippe quorum ferè auxilijs & arbitrio res Asiæ starent, caderentque. Cum autem non satis in commune statuerent, utri Regum arma sociarent, in diversa distracti, pars Pyrrho, pars Antigono manus commodarunt, consilio in speciem non inani. Nam utrilibet partium fortuna accederet, Galatis videbatur non fore ex asse iniqua. Qui se junxere Antigono magnis auxilijs, ducebantur spe rei faciendæ. Ad Pyrrhum alij pellesti odio Romani nominis. Sed res vertit in Antigoni perniciem. Cum enim virtutem magis quam consilium secutus, Pyrrhus multas Macedoniae civitates suæ ditionis fecisset, & aliquot armatorum millia de Antigoni exercitu ad ipsum transissent, animo viribusque ad majora erectus, signa movit in Antigonom, quem est ad fauces, quæ Græcis Stena dicuntur, asssecutus. Ut prælio decerneret, fecit intrepida ipsius fortitudo, & Galatarum vincendo assueta manus. Sed stabant ex adverso in postremâ Antigoni acie, ejusdem magnanimitatis & sanguinis Gallo-græci, qui si cognatis committerentur, cum essent majore numero, victoriam ad se possent rapere, vel magnopere saltem inclinare. Quare Pyrrhus, ubi ceptum erat configi, in eos immisit phalanges, haud dubius, non fore operosam belli aleam, si, in quibus erat præcipuum robur hostium, de suâ statione moverentur. Restitere illi tantâ obstinatione, ut, cum fugam ipsâ morte putarent esse ærumnosiores, plerique in vestigio, ne desertis quidem ordinibus, sternerentur. Grandis fuit ista strages, & perincommoda Antigono. Proximum fuit, ut ad eam sarcindam elephantum succederent in pugnam. Verum Galatarum eade consternati belluarum rectores, sese elephantosque Pyrrho dederunt. Quod gravius fuit, secuta est propudiosa phalangis Macedonicæ, in quâ velut in triarijs spes erat ultima certaminis, ad Pyrrhum defectio, quasi omnia adversus Antigonom conspirarent. Sed & hoc fuit calamitosissimum. Pyrrhus eam phalangem immisit in Antigonom, quâ conspectâ, quasi Macedonum virtus omnis obtorpuisset, nemo unus ex ijs fuit, qui contra ferrum stringeret. Ergo Pyrrhus eâ cessatione in rem suam usus, extensam dextram velut pacis tesseram ostentans, omnesque ex æquo duces, centuriones, & manipularium vulgus amice compellans, totum ad se peditatum pertraxit. Antigonus, cum nullus esset nisi ex fugâ salutis expediendæ modus, se ad urbes maritimas recepit. Pyrrhus verò memorabili exultans victoriâ, eo præsertim, quod Galatas ad eam diem invictos superasset, jussit ex ijs legi spolia, & trophæum in æde Minervæ Itonidis erigi cum hoc titulo:

PYRRHO,
LOCANT
OPERAM.

Plutarch. in
Pyrrho.

XXXII.

PUGNA AD
STENENSES
FAUCES.

PYRRHUS
GALATA-
RUM AGMEN
PROFLIGAT.
VINCIT AN-
TIGONUM.

XXX
III.*Qua suspensa dedit galeata scuta Minerva
Pyrrhus, devictis sustulit ex Galatis.**Vicit & Antigonum : non est res mira , quòd ambos
Vicerunt prisca sanguinis Æacida.*GALATÆ
SEPULCHRA
REGUM
VIOLANT,

Navatæ eo bello operæ præmium Galatis fuit parta gloria, & quod à Pyrrho acceperunt probatæ fidei documentum. Cùm enim Ægas Macedoniæ urbem recepisset, ut cives, quos habuerat inclementer, constanter in officio contineret, Galatarum ipsis præsidium imposuit. Verùm miles auri, quàm laudis appetentior, se quidem fidum præstitit Pyrrho, quem vivum reverebatur, sed demortuis Regibus ignominiosum & infidelem, stimulante avaritiâ. Nam horum monumenta violenter aggressi Galatæ, refoffis sparsisque contemptim eorum hæc illac exuvijs, urnas auro argentoque superbas, & conditos simul gemmarum, & gentilis luxûs thesauros diripuerunt, insuper habitâ sepulchrorum religione. Id quamvis cives gravissimè, & Pyrrhus acerbè sentiret, dissimulavit tamen in præsens, ne ulciscendo mortuorum injurias, non modò populum pristinæ conditionis nondum oblitum, ad res novandas Galatarum supplicijs & præsidij diminutione accenderet, sed etiam concitato in se Gallogræcæ nationis odio, regnum daret in discrimen, & à se alienaret viros bello fortes, quorum operam in obsidendâ Spartâ usui futuram existimabat.

BELLANT
IN SPAR-
TANOS.al. Chelideni-
dis.

Etenim ad bellum Lacedæmonijs inferendum sollicitabatur à Cleonymo Spartano, jamque ei suppetias ad invadendam urbem addixerat, non tam animo juvandi, erigendique fortunam afflictæ Principis, quàm fiduciâ crescendi ex alienâ calamitate. Cleonymus regio Regum Spartanorum sanguine erat oriundus. Hunc acriter urebat dolor, quòd Areus regnum occuparet, quòdque Acrotatus, juvenis ætate florens, in furtivos Cleonidis, quam ipse Cleonymus annis jam grandior duxerat, amores irrepsisset, non sine gravi legitimi thori ludibrio, & infamiâ mariti apud cives, qui adulteri flagitium patiebantur impunè haberi. Cùm igitur publica injuria regni que jactura, domestico dedecore mirum quantum auge-retur, Cleonymus ad Pyrrhi auxilia confugit, haud satis reputans, regem sine modo ambiciosum, suæ potiùs cupiditati, quàm alienæ vindictæ vela facturum. Non fuit difficile impetrare auxilia, & persuadere Spartæ obsidionem. Erant in Pyrrhi exercitu viginti quinque peditum, duo equitum millia, in quibus mercenariæ Galatarum centuriæ. Simul ducebat viginti quatuor elephantos. Cum his progressus in Spartæ conspectum, Cleonymus suadebat, ne oppugnationem vel momento procrastinaret, fore alioquin, ut cives noctis beneficio, ductis in gyrum operibus, infirma mœnium communirent. Contrà Pyrrhus rem censuit in diem posterum esse differendam, ne miles nocturnum horrorem urbis direptione, & civium sanguine intenderet, eoque civitatis, quam spe jam devoraverat, animos à novo dominatu, quem habebat in votis, redderet alieniores. Tantilla mora Spartanis saluti fuit. Jam deliberabant de imbelli turbâ, præsertim mulierum, in Cretam deportandâ, quòd se crederent, ob propugnatorum infrequentiam, ad vim repellendam esse imparatos. Id odoratæ mulieres, ductrice Archidamiâ, factâ conspiratione confluxere in Senatum, & armatæ stricto ferro objurgârunt Patrum intempestivum timorem, quòdque patriâ pereunte, nollent fœminas unâ perire, sed ad ineluctabiles misérias reservari: Se verò urbis muniendæ labores in se suscepturas, ducturas circum muros aggerem fossâque, quantam viri describerent: se elephantis viam obstructuras, carris ad vallum ordine dispositis. Nec fecere minùs, quàm dixerunt. Humo egestâ, protinus fossâ perfec-erunt, altam quatuor cubitos, sex latam. Ipsæ virgines operi accinctæ, tertiam munimenti partem effectam dedere, dum pugnatores corpora curarent, seque ad crastinam pugnam expedirent. Primâ luce Pyrrhus dato ad oppugnationem classico, agmen duxit in nocturnas fœminarum munitiones, magnòque nisu conatus irrumpere, terrâ fallente subeuntium vestigia, irritam fecit impressionem. Successit Ptolemæus filius cum selecto bis mille Galatarum globo, & delectis Chao-nibus,

XXX
IV.MULIERUM
SPARTANA-
RUM FORTI-
TUDO.SPARTÆ OP-
PUGNATIO
IRRITA.

nibus, qui aggerem, impositisque catros everfis rotis proturbarent in fossam. Sed neque hi Pyrrho feliciores, nisi quod rem in majus discrimen adduxere, vi-ctores haud dubie futuri, nisi juventutis urbanæ virtute à vallo rejecti cum lucu-lentâ suorum clade fuissent. Quamobrem Pyrrhus desperans, se eo die conse-cturum, quod Galatæ, præcipuum exercitus robur, nequissent; copias ab op-pugnatione retraxit. Integravit tamen postridie conflictum. Parum absuit, quin urbis magnanimæ fato istâ die succumberet. Nam cum equo sublimis fos-sam circumveheretur, loco lubrico in terram effusus, ægrè à suis neci fuit ere-ptus. Sinistro id omine acceptum. Etenim inter hæc Areus Laconum Regulus, qui obsidionis initio ab urbe abfuerat, cum valida pugnatorum manu reversus, spem omnem expugnationis Pyrrho excussit. Receptum facienti, Areus cum infesto Laconum agmine hærebat à tergo, & continente pugnâ premebat po-stremos. Quare Pyrrhus ut suos protegeret, Galatas unaque Molossos jussit ul-timis esse præsidio; qui licet fortissimè hostem exciperent, non potuere tamen sic omnes tegere, quin Ptolemæus Pyrrhi filius, acrius quàm cautiùs invec-tus in instantes, Cretensis cujuscpiam manu stratus occumberet.

Ejus amissi dolore Pyrrhus amens, bellum traxit in Argivos, ultima fata propediem obiturus. Adscivit in societatem Gallos, quorum virtutem in Spar-tana oppugnatione valde probaverat. Is comperto, Antigonom occupato mon-tis vertice, qui pugna erat periniquus, cum exercitu prope urbem consedis-se, castris ad Naupliam positis, missoque feciali, illum ad decretorium certamen pro-vocavit. Respondit Antigonus, se bellum non armis duntaxat, sed etiam tempo-ri attemperare; pugnaturum, quando visum fuerit è suo commodo: Pyrrhum posse pro lubitu sua sibi fata properare, cui, si vivere non esset integrum, viæ per-multæ ad mortem paterent. Interim per oratores Pyrrhum juxta & Antigonom rogârunt Argivi, vellent suis finibus excedere: quod si facerent, uterque urbem ex æquo habiturus esset addictam: Promisit Pyrrhus multa prolixè, deditque An-tigonum filium obsidem amicitia, quod tectius falleret, satis eum ad exitium ur-gentibus. Consilium erat, dolo civitatem invadere, Aristææ proditione. Ergo intendentibus se tenebris, Galatas per portam, quam Aristæas aperuerat, immis-sos, forum jussit occupare. Nemo erat civium, qui ingressum sentiret, tanta erat vigilum oscitantia. Verùm cum porta depressior Elefantos non recipe-ret, & in deponendis reponendisque turribus fieret temporis dispendium, Argivi ab ingredientibus excitati, facto in urbis loca munitoria concursu, missoque nun-tio, Antigonom in urbem vocaverunt. Is è castris, quæ propè aberant, conse-ctum filium cum Macedonum fortissimis auxilio misit in urbem; ipse cum pha-lange subsidiariâ castra sub mœnibus locavit. Simul accurrit Areus cum expeditissimo Spartanorum globo. Hi omnes conferto agmine incurrerunt in Ga-latas. Hinc exortus utrinque clamor, & Gallorum trepidatio, quod non modò cum hoste numeroso, sed etiam cum tenebris & inexploratis locorum ambagibus esset decertandum. Aliâ parte Pyrrhus civitatem ingressus, citato equitatu la-borantibus accurrebat auxilio; cum in angiporto repressus ab oppidanis, pedem referre coactus, incidit in suos, qui ab Heleno filio opitulatum ducebantur. Si-mul Elephanti in furorem versi, & Argivi fortiter pugnantes, egressum molien-tem retinebant. In eo consuetu à plebejo homine per thoracem vulneratus est. Restitante adhuc, Vetula mater Argivi, qui vulnus inflixerat, regulâ è sublimi tecto projectâ prostravit, comminutâ imæ cervicis vertebrâ: prostrato Argivi ca-put demersue runt. Galatæ ejusce necis ignari, pergebant urgere cives acri di-micatione, quamquam & iniquo Marte & multitudine graviter premerentur. Verùm cognito Pyrrhi casu, impetratoque ad paciscendum colloquio, facto in speciem cum Antigono fœdere, dedere manus. Pactam fidem paulò post fœdè violârunt, cum adversus Spartanos & Ptolemæum ducerentur. Antigonus poti-us victoriâ non sine suorum sanguine, Galatarum perfidiam egregiè ulrus est. Cum eos velut fœdistragos desertoresque, cum expeditâ suorum manu insequere-tur,

XXXV.

PYRRHI IN
ARGOUM
EXPUGNA-
TIONE IN-
TERITUS

PYRRHUS
OCCIDITUR.
XXX
VI.

GALATÆ
DOLO PERI-
CULUM EVA-
DUNT.

GALATA-
RUM CRU-
DELITAS.

tur, festinatis itineribus incogitantes sic oppressit, ut nullum ipsis nisi à manu superare esset effugium. Si denuo tentarent pacem, videbant, profligatâ jam fide, se non esse audiendos: si arma opponerent Antigono, suorum paucitas faciebat, ut nisi vis aliqua humanâ major ferret opem, victoriam sibi non possent polliceri: præterquam quòd vehementius timebatur hostis, qui recens victor suæ virtutis magnam æstimationem hosti impresserat. Quod igitur necessitas & barbaries suggessit, remedium putârunt esse à Dijs petendum. Cùm eos audissent, humanis victimis posse malæ causæ conciliari, ad nuperam perfidiam adjecerunt immane scelus, ne Cyclopiibus quidem, aut Lestrygonibus approbandum. Communi consilio uxores, liberosque omnes ad cultrum destinant, aris admovent, omnes jugulant, fuscumque parricidio sanguinem litant crudeli sacrilegio. Tum quasi sibi egregiè Martem obstrinxissent, eadem, quâ suos trucidârunt, manu arma corripunt, signa explicant, & hostem aggrediuntur, non tam reportandæ victoriæ fiduciâ, quàm furijs caesorumque manibus agitati. Pugnare quidem, & non omnino inulti, sed tanquam execrabiles Orci victimæ ad memorabile divinæ ultionis exemplum, occisione deleti, unâ omnes ceciderunt, indigni mitiore fine, qui vitam tam horribili crimine temerârunt. Fuit eâ tempestate ferali nescio quo sidere afflata Gallogræcorum natio, non quòd desisset esse bellicosa, sed quia ad insaniam impia, cœli hominumque jura violando, Deo hominibusque evaderet exosa atque reipsâ infelix, cùm nemini contingat esse felicem, qui Numini sit invisus. Poterant Galatæ, qui domi manserant, sapere suorum civium pœnis. Sed cùm ne pilo quidem essent probiores, nihilo cœlum sentire benignius, eoque rapiebantur ad extremam fortunæ suæ metam, cùm nollent adduci ad frugem meliorem. Et erat quidem isto ævo talis Asiæ conditio, ut non Galatæ modò, sed & Reges ac civitates in patriæ perniciem viderentur ex condito conspirasse. Sed Galatarum sortem reddebat infauftiorem, quòd alijs super alia Regum populorumque Asianorum bellis ac contentionibus, se ultro lubentisque continenter implicarent, ubique velut unguis in ulcere, nusquam quieti, alligati mercenarijs obsequijs, quæ præstabant, quamdiu numerabantur stipendia, & ipse erat, ex aliena calamitate proficiendi. Rem strictim quidem, sed enucleatè satis ex Trogo descriptam reliquit Justinus.

ASIAE TUR-
BATIO.

XXX
VII.

Justin. l. 27.

SELEUCI
PARRICIDIA.

Antigono demortuo, Syriæ regnum venerat in manus Seleuci filij. Is regni auspicia parricidali novercæ suæ Beronices, Ptolemæi Regis Ægypti sororis, parvulique ex eâ fratris nece fœdavit. Quæ res non Ptolemæum modò, ob tam atrocem sororis nepotisque injuriam, sed & Asiæ civitates vehementer offensas, quòd Daphnes asylum, quò se Beronice ad vitandas privigni insidias receperat, infami crudelitate violasset, mirum in modum exacerbavit. Quamobrem tota penè Asia ad Ptolemæum defecit: unde Seleuco perniciēs, Ptolemæo Asiæ invadendæ cupido, quam & ilicò suæ ditionis fecisset, nisi intestinâ seditione in Ægyptum fuisset revocatus, metuens, ne, dum novum sibi regnum quæreret, avitum perderet. Post ubi discesserat, Seleucus existimans, natam sibi occasionem Asiæ civitates recuperandi, classem comparat, seque ad vim inferendam accingit. Verùm qui parricidio terram polluerat, à mare est expertus iratum fœdâ tempestate, quæ ejus classem usque eò laceravit, ut præter miserabilem spiritum, paucosque comites procellis ereptos, nihil reliquum fecerit. Perierat verò, nisi periisset. Nam civitates, mutatâ voluntate, naufragij calamitatem miseratæ, sumptumque cœlo arbitro de sceleribus supplicium autumantes, irâ in misericordiam conversâ, ejus causam imperiûmque de integro sunt amplexæ. Videri poterat, recenti jacturâ collegisse ingentes naufragij sui reliquias, ex pronis Asianorum studijs & liberalitate, nisi natus factusque ad fortunæ ludibrium, ideo regni recepisset opes, ut eas fœdius terrâ quàm mari projiceret. Armatus enim rursus Asiæ copijs, ausus cum Ptolemæo congregi, ingenti acceptâ clade, fugam intendit Antiochiam. Hic inops consilij, quasi Numen illi omnem mentem ademisset, impegit in novum scopulum, secumque traxit in exitium Antiochum

NAUFRAGIUM.

XXX
IIIX.

FORTUNA
VARIANS.

ehum Hieracem fratrem, postquam cum conatus fuerat sibi bello sociali devincere. Nondum hic decimum quartum ætatis annum excefferat, ferox & regnandi supra modum appetens. A Seleuco ad arma jungenda amplissimis pollicitationibus sollicitatus, eâ lege condixit, ut, bello confecto, præmij loco ferret eam partem Asiæ, quæ est intra Tauri montis fines. Sed quod in speciem visus est fratri piè promississe puer, sumptâ virili audaciâ, impio facinore corruptit, totam Asiam latronis more conatus sui juris facere. Ptolemæus, ne cum utroque bellum sumeret, pacem fecit cum Seleuco. Jam credebatur Asia quietura, cum Antiochus, quam hostis dederat quietem, hostili in fratrem animo interceptit, se apertè inimicum professus. Quam ad rem conduxit mercenarium Gallogræcorum exercitum, eoque præfidens in arenam descendit. Seleucus tametsi obnitens viribus omnibus, tamen à fratre devictus eò necessitatis est adactus, ut nullam nisi in fugâ vitæ tantisper servandæ rationem repererit. Jam Asiæ universæ dominatum Antiochus spe devoraverat, cum Galli persuasi, Seleucum in acie cecidisse, fatali dementiâ consilia capiunt Hieracem tollendi è medio, certi Asiæ imperium eo sublato occupare. Partem enim vero fuisse non pueri, sed Gallorum virtute, victoriam, cujus fructum sibi jure possint usurpare. Sensit insidias puer emunctæ naris, minimæque puerilis. Quid ageret? ubi nequibat opprimere perfidiam, neque, si sibi deesset, à perfidis esse securus. Consilio rem aggreditur eâ parte, quâ Gallos noverat esse opportuniore. Collaudatos invitat ad novum tædus, dissimulatâ prorsus offensione, & quò arctiùs eos devinciret, interponit grandis auri, quod præsentariâ largitate numeraret, pactionem. Hac arte rursus bello implexi exiguum operæ fructum retulerunt. Cum enim Eumenes Bithyniæ Rex ex fratrum discordiâ, exhaustisque bello utriusque viribus, facilem sibi subigendæ Asiæ rationem ominaretur, Antiochum victorem, Gallisque recens integrisque copiis est aggressus, cum illi ex nuperâ pugnâ adhuc bonam partem laucij, vix habuissent spatium respirandi. Unde illi non difficilis de Hierace victoria. Qui è Gallis prælio fuerunt superstites, Asiam perinde atque Eumenes sunt depopulati, fructu non diuturno. Nam cum Eumenes magnam Asiæ partem in suam potestatem redegisset, Seleucus & Antiochus, calamitosi fratres, eo onusso, avitis possessionibus, propter quas bellum gesserant, exuri, mutuis in se odijs belloque certare, quàm in communem hostem vires jungere maluerunt. Prælio congressi sævum in modum, præbuere specimen turiosæ germanitatis. Superatus Antiochus unaque cum Galatis exutus castris, & rebus omnibus, ad Artamenem Cappadociæ Regem, suum socerum, confugit, à quo cum advertisset sibi strui insidias, in Ægyptum ad Ptolemæum Regem, quamvis hostem, elapsus, incidit in arctissimam custodiam, quam deceptis custodibus fugiens vix evaserat, quando à latronibus in itinere est trucidatus. Seleucus eodem propè tempore ex equo præceps humi collisus, vitæ scelerumque finem invenit.

Quæ à Gallogræcis deinceps in Asiâ gesta sunt, quoad licebit, obscuris licet sparsisque hinc inde vestigijs apud Scriptores, Gallico nomini infensos, investigabimus. Ac primùm quidem illud, quod Livius de Attalo meminit, non videtur esse tribuendum Eumeni Bithyniæ Regi, contrà ac Justinus scripsit. Neque enim apparet, quamobrem Attalum, & illum quidem, qui primus Asiam incolentium Gallis vestigal & stipendia negavit, quem Livius disertè Eumenis patrem nominat, Bithynum Eumenem fuisse credamus. Si verò Strabonem Attalicorum Regum originem describentem audiamus, erit perspicuum, hunc, de quo est quæstio, Attalum, prognatum esse ab alio Attalo ex Antiochide Achæi filiâ, non autem dici debere Tauri filium, uti Brunnerus malè colligit ex Phaënnidis oraculo, in quo quidem vocatur Tauri soboles, non eò quòd Taurum progenitorem habuerit, sed quòd in Tauri montis promontorio à Pergamenis habitato, ubi servabatur novem talentorum millium thesaurus Lyfimachi, fuerit natus ex Attalo, Philetari Eunuchi arcis Pergamenæ custodis, germano fratre, dictusque no-

BELLUM cū
ANTIOCHO
HIERACE.

GALLORUM
IN HIERA-
CEM CON-
SPIRATIO.
DISCUTITUR
ARTE AN-
TIOCHI.

XXX
IX.

EUMENES
BITHYNIE
REX VINCIT
ANTIOCHUM.

ANTIOCHI
ET SELEUCI
PRÆLIUM
ET EXITUS.

Liv. lib. 38.
ATTALI OR-
TUS, ET CON-
TRA GAL-
LOS VICTO-
RIA.
Strab. lib. 13.
Brun. l. 1. p.
119 & 138.
Strabo lib. 13.

*Pausan. in
Attic.*

mine patris Attalus. Et hic ipse est parens Eumenis ex Apollonide Cizycenâ, qui patri defuncto successit in regnum: qui Attalus, auctore Pausaniâ, & Strabone, Gallos maximo prælio in Mysiâ superatos delevit ad internecionem, ejusque victoriæ signum dedicavit in arce Atheniensi. Palmarium ejus facinus, fructumque victoriæ Pausanias in eo ponit, quod Gallos ab orâ maritimâ, ad eam regionem, quam ejusce scriptoris ævo tenebant, rejecerit.

XL.

Nec verò est, cur ea, quæ de Eumene habentur, cum rebus ab Attalo gestis, credantur à Justino (ut subtimidè Brunnerus suspicatur) confundi. Nam constat ex Justino, Attalum Gallici nominis odium exitiumque fuisse professum: atqui scribit idem Justinus, Eumenem eadem, quâ Gallos, aviditate, uno eodemque tempore, vastasse Asiam, cum hæc undique bellis arderet, quæ Seleucus & Antiochus fratres, quæque Ptolemæus Ægypti Rex, & Eumenes pro suo quisque commodo, & animositate accenderant: quæ sanè cum Attali rebus, qui Asiam non vastavit, componi nequeunt. Eumenes iste, cujus meminit Justinus, Rex fuit Bithyniæ, Attalus Pergami, quod Justinum non latuit: & verò ut animis atque consilijs, ita rebus quoque gestis fuere omnino diversi.

Quicquid tandem sit de istis nominibus, Attalus, auctore Livio, primus omnium Asiæ Principum fuit, qui ausus Gallis stipendia recusare, bello eos circa Pergamenum superavit, proindeque dignus est visus, cui Asiæ diadema cum regio nomine imponeretur, quam dignitatem ad sui sanguinis posteros transmissit. Post eam pugnam, legit ex Galatis spolia, ex quibus Pergami trophæum statuit, ad perenne monumentum partæ isto bello gloriæ, quo constaret, Gallos tandem vinci potuisse. Addicta est trophæo ad vivum depicta rei gestæ effigies, ab Attalo, Pergamenisque gloriantibus, quod Gallorum metum crebraque populationes ab urbibus maritimis procùl amovissent. Quæ res tanti fuit apud gentes Asiaticas, ut plurium artificum manus in effigiendis Attali, & Eumenis adversus Galatas expeditionibus, teste Plinio, occupârit.

*Polyæn. lib. 4.
in fine.*

**ATTALI
STRATAGE-
MA.**

Nec verò etiam silentio prætereundum est, Attali stratagema à Polyæno relatum, quo ad erigendos suorum animos usus est. Is animadvertit, humanas rationes apud trepidos, solaque Gallici nominis famâ consternatos nihil posse, ad fraudem recurrit, fucatam religionis simulacro. Jubet parari victimas, & à Sudino vate fieri ad aram: tum ipse Dijs libat, & procedit ad extorum inspectionem. Antequam inspiceret, quæ doli strophæ fuit, manum depinxit ex gummi, quod minutissimè contriverat, pulveribus, litteris ad eum modum, quo hodie à typographis usurpantur, dispositis. His reddebantur duæ voces: REGIS VICTORIA. Cum evisceraretur hostia, Attalus exta de more attrectans admortâ manu, ijs calentibus depictum oraculum sic expressit, ut nullo negotio legi posset regis victoria. Cum Chaldæus viscera sic inscripta lustraret, omen capere, inclamare cœleste responsum, ostentare scriptionem, palàm edicere portendi de hoste victoriam. Cum ab ocularis testibus totis castris prodigium vulgaretur, tanta totius exercitus extitit alacritas, ut non secus, atque si victoriam manu prehenderent, auditæ sint omnium armatorum voces pugnam illico poscentium. Nec fuere dictis votisque facta minora. Ducti in hostem, tantis animis pugnârunt, ut, cum Galli irruentium impetum constantiamque non ferrent, cæsi fugatique memorabilem victoriam Attalo, unaque Asiæ sceptrum reliquerint.

XLI.

Pausan. lib. 1.

**PTOLEMÆUS
4000. GAL-
LOS FAME
ALIISQUE
MALIS ENE-
CAT.**

Est quoque non omittenda Ptolemæi Regis in Gallogræcis cohibendis scævities. Susceperat bellum adversus Magam fratrem uterinum, patre Philippo Macedone quidem, sed ignobili ac plebeio genere progenitum, jamque in eo erat, ut Magam ad Cyrenas regressum persequeretur, cum meram iniecit Galatarum insanum quidem, sed audax de Ægypto invadendâ, inque suam potestatem redigendâ consilium. Illorum erant in Ptolemæi copijs non ultra quatuor millia, agmen mercenarium mirè projectum ad quidvis audendum. Qualem Galli de occupando Asiæ imperio cogitationem alias inierant, talem & minuta hæc Galatarum manus suscepit adversus Ptolemæum. Temeritatem incitabat, quod

quod crederent, eum fraterno bello distractum, Gallico non fore parem, si præsertim è Galatis cognatæ suppetiæ advenirent. Quæ malè facta, peiusque testæ animi destinatio cum vasrum Ægyptij ingenium non fugisset, finxit, se eorum operâ in tutandâ Ægypto uiri velle, & dare navigia, quibus tantò expeditius ad ejusce defendendæ præsidia deportarentur: simul navarchis dedit clam in mandatis, ut omnes, specioso aliquo obtentu, in desertâ Nili insula deponerent, iisque relictis, atque incogitantibus abnavigarent. Simul jussit, eos omni prorsus annonâ atque comœatu prohiberi. Cum se miseri circumspexissent, mirari, ex oculis evanuisse navigia: se velis remisque, omnique ad navigandum instrumento destitutos lamentari: detestari Regis fraudem, execrari fortunam, quæ ad Ægypti dominatum adspirantes ineluctabili ergastulo mancipasset; præsentire famem, & ex fame secururum omnium interitum. Vanæ fuerunt quiritationes: omnibus fuit in Insulâ moriendum: pars fuerunt extincti inediâ, alij, quibus accelerata mors longo famis tormento vitâ est mitior, mutuis vulneribus fata præoccupavere.

Fatale denique fuit atque exitiabile Gallogræcis, vitam fortunâsque locare turbis alienis, & suavius nunquam quiescere, quàm rebus inquietis, quasi præter arma & militiæ labores, nihil esset, in quo Martium genus hominum posset repetere quietem. In eo prælio, quo Antiochus Rex Macedonum, Cleomenem Spartanorum Regem, Olympiadis centesimæ trigessimæ nonæ anno secundo, ab Vrbe conditâ quingentesimo trigésimo secundo, post sexenne bellum, ad Selsiam profligavit, mille duntaxat Gallos adfuisse memorat Polybius: ut proinde non videam, cur singularem illis partem gloriæ laudem Antiochus debuerit in acceptis referre, quippe qui sub signis in acie habuit supra undetriginta millia. Certè nihil præ cæteris insigne eo certamine Gallos præstitisse reperio, sed miror, nonneminem in tantillæ manûs laudibus tot eloquentiæ flores consumpsisse.

Eodem referas licet qualem qualem castitatis triumphum Cammæ Gallicæ Heroïnæ. Erat illa Sinati inter Galatas Reguli nexa conjugio. Ejus venustas Sinorigem rapuit in damnatos amores. Iis cum se potiturum desperasset, nisi Sinato è vivis sublato, nihil minùs quàm rivalis dolos cogitantem ex improvise obtruncat: Tum mariti victor, ausus est sibi polliceri de viduæ constantia victoriam, ratus, orbatam viro, nuptijs posse expugnari. Simulat Camma, se non aversari quamlibet invisas sicuti, crimen apud ipsam professi, preces. Venitur ad pacta, inde ad aram, ubi sponso detestabili Camma, animo prorsus adversante, jungit dextram: tum poculum, quod ipsa paraverat veneno medicatum, Sinorigi prælibat. Ille credens, se mulsam amore temperatum bibere, pestem hausit, nefarium illi spiritum expressuram. Camma, quæ & ipsa extincta est, quousque spirare desijt, miro gestijt gaudio, quod sævo mariti percussori tam bellè mortem reposuisset. Ex his, quæ Plutarchus recensuit, est, cur fidei conjugalis invicta fortitudo Lucretiæ factò annumeretur, eousque laudabili, donec non hausit suum sanguinem: sed Cammæ geminum, & diris omnibus execrabile veneficium, ad nefaria Medæ & Thessalicarum mulierum exempla relegandum est. Apage triumphos, qui criminum sunt honestamenta. Non bene philosophatur de castimoniâ, qui eam scelere putat posse triumphari. Tali re mortem ferre fortiter, non sibi aliisve dolo inferre, in laude & virtute ponendum est.

Plus aliquanto commendationis meretur, quod à Gallis bello Byzantino contra Rhodios patratum est. Illi post Delphicam cladem latè imperitantes, Byzantinis exigendo vestigali (quod nomen licet justum aliquando sit, fuit tamen eritque semper odiosum) erant oppidò graves & importuni. Cum consuetæ ærarij facultates oneri forent impares, ei sublevando Byzantini portorium ad eam diem insolitum, navibus, quæ in Helleponto vehebantur, imponunt, hoc ipso permolesti, quod mercatores vicissim augerent rerum pretia, ne suo damno usitatam aliâs commercij facilitatem præstare cogerentur. Rhodij, qui

MILLE
GALLI PUGNANT CUM
ANTIOCHO.
AN. V. C.
D. XXXII.

XLII.

CAMMÆ
GALLÆ CASTIMONIA.
Plutarch. de
viri. mulier.
Idem in Erotice.

Polyb. lib. 4.

NOVUM VESTIGAL IN
HELLEPONTO.

XLIII.

CAUSA BEL-
LI.

XLIV.

CAVARUS
GALATARUM
REX PACEM
CONCILIAT.

eâ tempestate maris dominatu potiebantur, tum civitatum, quæ maria exerce-
bant, quiritationibus, tum proprijs incommodis impulsî, publicâ fide mittunt ora-
tores ad Byzantinos, qui Senatui populoque authores sint, reducendæ in portus
pristinæ mercium libertatis. Enimvero nova illa tributorum inventa, esse simu-
lacrum cujusdam servitutis, quam jura gentium non sinant, nisi per dominos im-
poni, populis bello domitis, aliôve mancipij nexu devinctis. Hecatondorus con-
trâ, & Olympiodorus, urbis Byzantinæ Principes, factum tuebantur publicæ ne-
cessitatis obtentu, quæ telorum sit omnium validissimum, cui leges, quamlibet ex
æquo cunctorum salutis inventæ, non soleant obniti. Eam si Rhodij depulerint,
si Gallos Thraciæ incubatores à Byzantinorum injurijs submoverint, si annuas
pensitationes abrogârint, si agros exterorum incursionibus oppressos, mœren-
tisque, prisca amœnitati restituerint cum antiquâ securitate, de cætero nihil fore,
cur in Hellesponto vectigal de liberis civitatibus capiatur. Cùm id generis
dissertationibus nihil pro re communi statueretur, Legati alieniore, quàm vene-
rant, animo Rhodum rediverunt. Bello igitur in Byzantinos decreto, cœpe-
runt utrinque circumspici auxilia. Rhodij haud fuit difficile, Prusiam Bithyniæ
Regem sibi conciliare, Byzantinis inveterato odio per se infensum. Byzantini
è diverso Attalum Pergamenorum Regem trahunt in belli societatem. Sed ipse
ab Achæo, Asiâ cis Taurum montem latè potiente, intra regni paterni fines
redactus, rebus non mediocriter accisis, minus opis quàm voluntatis, gerendo
bello erat allaturus. Majus erat in Achæo præsidium, ob ingentes opes, quod-
que nomen regium, quod sibi nuper sumpserat, cuperet præclaris factis illustra-
re, Regum omnium, qui cis Taurum dominabantur, potentissimus. Sed huic
etiam cum Byzantinis intercedebant occultæ irarum causæ, ex ambitu & in-
vidiâ oriundæ. Fuerant videlicet ludibrio habitæ à Byzantinis Achæi statuz; ne-
glecta, quæ solebat agere, soteriorum sacra: quodque in res, honorémque At-
tali, Byzantini essent propensiores: sed & Rhodij Achæum magno beneficio
sibi obligaverant, quando ejus parenti Andromacho, qui captivus à Ptolemæo
Rege tenebatur, libertatem impetrârant, & patrem filio reddiderant. Nihilo-
minus Achæus dissimulatâ in Byzantinos offensione, magnis eos promissis con-
citat ad gerendum bellum, quod illi ingentibus animis susceperunt. Cùm At-
talus belli improspera pertæsus nihil moveret, evocatum è Macedoniâ Tibitem,
qui Bithyniæ regnum, quod Prusias occupabat, sui juris esse contendebat, patruum
nepoti obijciunt. Et jam Prusias belli occasionem secutus, præter Hieron, lo-
cum apprimè quæstuosum, partem Mysiæ Byzantinis eripuerat, cùm inter hæc
Achæus patre ex Ægypti captivitate recepto, à Byzantinis palàm deficit ad Rho-
dios; nec multò post (ne hujus defectionis malo suus deesset comes) Tibites fato
concedit, atque in medio conatu destituit Byzantinos: quibus & istud accidit
incommodi, quod, cùm Rhodij Hellespontum decem navium classe clausum
antea tenuissent, Thraciæ omnem circa Byzantium regionem, Prusias verò oram
Asiaticam sic interceperant, ut Byzantinis pedem efferre ex urbe tutum non es-
set. Undique pressis, & rei periculosa remedium suspirantibus, velut è cælo la-
psus sese ultro obtulit Cavarus Galatarum Rex contra suæ nationis indolem pacis
interpret; ita nulla gens tam ferox est, quin subinde unum aliquem gignat ingenij
mitioris. Ille se rei componendæ fore authorem ultro citroque professus, ad
Prusiam & Byzantinos commeabat, tantùmque jam fidei obtinuerat, ut Rho-
dij, compertâ ejus autoritate atque industriâ, veriti, ne pace inter Byzantinos
& Prusiam constitutâ, soli bello obruerentur; missis ad Cavarum oratoribus, se
quoque ejus conciliationi commendarent. Quare pax eo arbitro convenit eâ
lege, ne in posterum Byzantini à navigantibus in Hellesponto portorium exige-
rent, Prusias ac Byzantini hostilia desinerent; Prusias agros, castella, cæteraque
bello ablata Byzantinis, citra onus omne redderet: cogeret Bithynos, agro,
quem Byzantinis ademerant, cedere, & pristinis restituere cultoribus. Ea pax
præter morem Galatarum, bellum alere gestientium, confecta, Cavarum majori lau-
di

di fuit, quàm si per vim, ferrum bellantibus excussisset, quia belli nullus suavior fructus est, quàm qui sine sanguine provenit.

Dum ista gererentur, ut nulla est à quantillo hoste securitas, quamdiu gestat arma; Attalus, quamlibet intra Pergami angustias ab Achæo retrusus, reparatis paulatim viribus, bellum integrabat. Nactus est spatium sese colligendi ex bello, quod Selgenses moverunt Achæo passim inviso, quod crescens sine modo nova potentia tot habet hostes, quot osores magnitudinis alienæ. Id bellum dum geritur, Attalus ex fortunæ decremento factus humanior, in Gallos animo cœpit esse æquior. Amicos si non fecit, finxit tamen necessitas, quos res adversæ contemptos reddiderant: sic res habent humanæ; gratus est, quisquis utilis, ijs, qui suas necessitudines ex usu metiuntur. Attalus solitus aliàs Boicum genus averſari, ejus cœpit auxilia suspirare, tamen ne fidenter speraret, vetabat nondum oblitterata veteris injuriæ memoria: Timidè enim is & verecundè rogatur, qui aliquando fuit offensus. Vicit tamen verecundiam sperata utilitas. Orati Tectosages arma lubentes induerunt, qui Attali fidem secuti, sub ejus concessère auspicia, è vicinâ Thraciâ, ubi rerum magnam partem possidebantur. Eorum validam fuisse manum, promptum est inde colligere, quod diverso à reliquis Attali copijs agmine, scorsim castra metabantur. Horum auxilio, Attalus Æolidis & finitimorum urbes, quas Achæus invaserat, pleraque recuperavit, pronâ civium voluntate, veterem dominum novo, amorem terrarum, quo ab incubatore premebantur, præferentium. Pauca, ut vitarent famam levitatis, & iras Achæi, si fortè victor evaderet, vim expertæ sunt. Attalus Apiae campum populatus, per montem Pelecampum arduis itineribus progressus, castra ad Megistrum amnem locaverat, cùm deficiente Lunâ, Galli defessi viarum molestijs, sideris hebescentis labores eventus sinistri præſagium interpretati, negârunt, se ultra progressuros, religioni ducentes, cœlo lugente & Dijs invitis, movere pedem. Dabant simul causas itineris detrectandi uxores, liberi, totæque familiæ, quæ more gentis plaustris impositæ, viros per montium confragosa ægrè sequebantur, turba imbellis, & nata fruges consumere. Attalus suo ingenio nationem exosus, intempestivæ Gallorum cunctationi irascebatur eò vehementius, quod defugerent alienigenarum imperia, suis duntaxat popularibus morigeri, cæterorum negligentes. Quare cùm in militis obsequentiâ præcipuum belli robur poneret, credebat, homines militaris disciplinæ haud satis observantes, arrogantiam & sui fiduciâ supra modum pervicaces, non magno sibi fore usus jamque de ijs è medio tollendis cogitationes animo volvebat, anxius, quid denique caperet consilij. Si legionum cinctos coronâ necaret, verebatur ex immani cæde ignominiam; simul metuebat, ne, si belli fortuna in Achæum inclinaret, universa Gallorum natio vindictæ desiderio arma manûsque Achæo adjungeret, traherétque alios in belli societatem, ob læsas humanitatis rationes, quod vulgò palàm esset, Gallos Attali fidem secutos, procûlque à suis abductos sedibus, trajecisse in Asiam. Quare mitiora præferens, capto ex Lunæ deliquio omine, irâque dissimulatâ, cùm in præsens ab invitis æqui nihil sibi expectandum videret, pollicitus est, daturum se operam, ut à defensoribus protecti Tectosages tutò ad Hellesponti fretum, quâ in Asiam venerant, reverterentur; se quoque, quantum satis foret agri, viritum divisurum, & si perstarent in fide, quoties æqua postularent, ipsis non defuturum. Præter Gallos tumultuati sunt Ilienſes, Lamplaceni, Alexandrenſes; quibus dimissis, Attalus impar hosti, cæterum exercitum Pergamum abduxit, palàm expertus, cedendum aliquando esse tempori, & extra civile bellum fluxam esse magis exterrorum quàm indigenarum fidem & obsequium. Verùm malè vertit Tectosagibus fuisse refractarios: nam regressi ad Propontidem, cùm acceptum agri modum bello prolarent, vastatâ omni circum regione, ausi Trojæ obsidium admove, primùm Alexandrinorum ope fuere depulsi deinde, cùm in Abydenis Arisbam urbem in suam potestatem redegiſſent, & cæteris ejus provinciarum oppidis imminerent, Prusias bello superatos occidione delevit.

TECTOSA-
GES ATTALO
AUXILIARES.

XLV.

LUNÆ E-
CLIPSIS.

TECTOSA-
GES DIMISSI
AB ATTALO.

XLVI.

APRUSIA
DELENTUR.

JUSTITIA
DIVINA.

Subit hoc loco, divinam manum admirari, quæ omni prorsus ævo tam fuit severa in improbos, quàm in pios benigna; quippe quæ non modò castigandis sceleribus, sed virtute quoque remunerandâ voluit innotescere mortalibus, ut ne ignorarent, quantæ felicitatis sit, Numen revereri virtutibus; quantæque malignitatis, ejus iram malefactis provocasse; quod tempora, de quibus sermo est, bonis malisque exaggerata loquuntur. Nullum id ævi propè erat jus, nisi in armis, ut perinde esset hominibus ambitione ebrijs, an improbè aliena invaderent, an fortiter sua tuerentur, cùm idem justior, qui potentior haberetur: Divinus tamen oculus, qui omnia penitissimè introspicit, justumque ab injusto discernit accuratissimè, sic temperabat judicia, ut non is, qui plus posset, foret felicior, sed qui meliùs faceret. Celtis per Europam, Asiam, è Galliâ effusis, partis ingentibus terrarum spatijs frui licuit, quamdiu servavêre fidem, fuere contenti suis finibus, rapinis abstinentes, non iniqui finitimis, inter se concordēs: at posteaquam projecti ad omnem scelerum licentiam, cœpere justî rationes nihil pensi habere, pròque magnâ peccandi causâ peccandi licentiam ducere; incurrerunt in DEI & gentium odia, & quemadmodum tigrides, leones, sævumque omne belluarum genus ad caveam vel excidium, communi gentis humanæ conspiratione destinantur, aut naturâ prohibente, haud copiose sobolescunt, vel se mutuo conficiunt: ita illi finitimorum bellis appetiti, tandèmq; oppressi, vel subière victorum jugum, vel varijs excisi bellis, fortunam senserunt adversam, vel solum vertere sunt coacti, suam alioqui servaturi stationem, si quam manus celestis fundaverat, eandem virtus tutata fuisset. Istis ex principijs natæ tot Bojorum Italicorum strages, ac demum migratio; Gallogræcorum calamitas, potentiâ accisâ, tandèmq; excisâ: ut nihil sit, cur his in rebus novercalia fortunæ odia acculemus, quando odiosam morum corruptelam, velut bonorum omnium novercam, malorumque causam pensamus.

XLVII.
INSIGNIS
REGNAN-
TIUM MU-
TATIO.
AN. V. C.
D,XXXVI.

Istis gradibus ventum esse ad Tolistobojorum in Asiâ ruinam, manifestum facient, quæ de eorum moribus casibusque protinus exequemur. Fatale fuit, ut Olympiade centesimâ vigesimâ nonâ, & tricesimæ initio, qui annus fuit ab urbe conditâ quingentesimus trigessimus sextus, omnium ferè, orbis tunc cogniti, partium imperia novos dominos acciperent, atque ex tantâ mutatione magni passim motus, bella, & gentium concussiones orirentur: quâ tamen ex malorum congerie, velut ex malâ causâ, bonum grande natum fuit, insigne Romani imperij incrementum. Hæc autem rerum nova facies subitò, & ferè simul induc-ta est. Philippus Demetrij filius, cùm ephebos nondum excessisset, Macedoniæ fuit impositus: Achæus Asiæ cis Taurum dominabatur: Antiochus Magnus cognomento, post Seleuci parentis fata puer admodum diadema sumptierat: Ariarathes jura dabat Cappadocibus: Ptolemæus Philopator Ægyptum redegerat in suam potestatem: non multò post Lycurgus Spartæ regnum adie-rat: Annibal (quod in Boijs Italicis memoravimus) à Carthaginensibus bello contra Romanos imperator fuerat impositus: quot novi rerum domini, tot cau-sæ rerum novandarum. Ab Annibale Romani bello fuere petiti: Achæi & Phil-lippus Ætolos & Lacedæmonios infestabant: Antiochum Romani bello aggres-si sunt, quod Tolistoboijs fuit infortunatum. Eos quoque Annibal traxerat in belli societatem eò pròprie, quòd tota Bojorum natio Romano nomini erat infensa. Sed quam ipsi fortunam sustentandam susceperunt, ejusdem ruinâ in-volverunt suam; cùm celsæ ædificiorum moles corruunt, quæ circum sunt hu-miliores, vel proterunt, vel, quod primum est, suo casu graviter collidunt. An-tiochus pariter moturus in Asiam, Tolistobojos rerum gestarum gloriâ, animi corporumque magnitudine totâ Asiâ nominatissimos, stipendijs sibi devinxit ni-miopere mercenarios & incogitantes, nullum prorsus auctoramentum posse belli incommodis æquari. Prima expeditio successit nullo operæ pretio. Se-cuta hiberna, otio, luxu, foedis amoribus, spectaculis, militares animos virtu-tèmq;

TOLISTO-
BOII AB
ANTIOCHO
CONDUCTI.

témque corrupère. Antigonus ab ignaviâ, quæ luxuriæ soboles est, priùs quàm ab hoste superatus, animi magnitudinem exuit, regem paulò pòst exuendus.

Nam M. Acilius Glabrio Consul Romanus anno primo Olympiadis centesimæ quadragesimæ septimæ ad Thermopylas eum assecutus, cum neque loci insuperabilis munimento, nec ullis sociorum armis satis protegeretur, solum fugarumq; in eas redegit angustias, ut vix quidquam, præter effœminatam animam, novam nuptam, quam vetulus recens duxerat, quingentos equites fugæ assecclas, supremo discrimini subduxerit. Bellum nihilominus instauravit, ut vinceretur iterum, secumque in perniciem trahere Tolistobojos, totamque Gallogræcorum nationem. Habebat ex his in exercitu quatuor millia, præcipuum exercitus universi robur. Secutus est Luc. Cornelius Scipio Conf. qui nondum à Romanis tentatum Asiæ tractum primus omnium aperuit. Additus P. Scipio Africanus legatus, Annibalis victor & Carthaginensium, cui demandata est provincia curaque Antiochi debellandi. Hic primam cladem accepit ab Æmilio Regillo prætore, pugna navali, Rhodijs adjuvantibus, ad Myonnesium promontorium, quod Tejo & Samo interjacet. Dehinc Phocæa, cum nihil esset, quod ab Antiocho posset sperare, Æmilio se dedit, quam miles furens, quamlibet obsistente prætore, diripuit. Lysimachia, in cujus expugnatione magnus alioqui labor Romanis futurus esse credebatur, à præsidio deserta, ultro Consuli dedit manus. Non longè pòst exercitus Eumene Pergami Rege, Romanorum amico, omnia ad transmissionem accurante, per Hellespontum, nemine, qui obstarer, occurrente, in Asiam velut pacatam est deportatus: quæ res futura fuisset magni certaminis, si quam tuendi littoris Asiatici curam Antiochus suscepisset. Subinde ab utroque Scipione auditus est Legatus Antiochi, qui sperabatur eò futurus impetrabilior, quod Antiochus Africani filium bello captum haberet in sua potestate, sponderetque, se, si pax fieret, sine pretio redditurum, immo additurum ingens auri pondus, regniq; Asiæ (si Scipio cuperet) societatem. Magna hæc videbantur ad pacem impetrandam, utque Romani Europæ finibus, & parte aliquâ Asiæ contenti, fortunæ suæ modum ponerent, cessarentque alienam urgere; sed parva hæc visa Romanis, orbis imperium affectantibus. Ergo jubent Antiochum totâ Joniâ, Æolide, Asiâ, quæ cis Taurum est, decedere, omnem belli, cuius dedisset causam, sumptum repræsentare: sineret jugum frenosque imponi Asiæ, quos ingressu concessio ipse admisisset. Ex regiâ munificentia maximum Scipioni fore beneficium, si dono filium recipiat, cum privatam istam humanitatem, vicissim gratiâ privatâ remuneraturum: de publico nihil eum donare posse, aut sibi accipere: id duntaxat licere dare consilij, quod Legatus regi referret, bello ut absteret, nec recusaret ullam pacis conditionem. Tales Regi consternato, quasi victus esset, leges imperiosè dicebantur, quod in ipso statim transigendi limine nimia pollicendo, metum professus, ad plura longèque majora exigenda immensam Romanæ ambitionis sitim accendisset.

Ergo Antiochus, pace in præsens desperatâ, omnes ad bellum curas convertit. Ut Eumenem à Romano bello ad domestica pericula averteret, Gallogræcos unâ cum Seleuco filio in agrum Pergamenum immisit, iussitque omnem latè regionem populationibus evastare. Eumenes, comperto Pergami discrimine, confestim Attalo fratri, qui in urbe curabat, auxilio occurrit. Res stetit inter velitares conflictus & excursiones, quod contra Tolistobojos rem supremæ alex committere, consultum Eumeni neutiquam videretur. Tantus in urbe terror erat Gallici nominis, nemo ut esset, qui vellet prodire in apertum, vel ex mœnibus Gallorum stationes telis infestare. Tetenderant illi in convalle, tecti ut cunque montis supercilio, sed penè nudi à vigilijs: tanta eos ob hostis cessionem confidentia, contemptusque periculi incesserat. Quam illis oscitantiam gnaviter exculsit Diaphanes gente Achæus, qui recens, pedites mille, centum admodum equites oppidanis suppetias festinaverat. Ille ex mœnibus conspicatus Gallorum negligentiam, ratusque paucos bello alacres, otiosæ multitudini

XLIX.

ANTIOCHUS
PROFLIGATUS.

Liv. lib. 47.

ROMANORUM
IN ASIA
PROGRESSUS.ANTIOCHI
LEGATIO, ET
PROMISSA.

XLIX.

PERGAMI,
OBSIDIO.Appian. in
Siriæ.GALLI
OSCITANTES.CÆDUNTUR
A DIAPHANES.

negotij abunde posse facessere, facinus ausus est, quod argutulus quispiam crederet citra temeritatem tentari non potuisse. Cum tantilla suorum manu progressus in campum, non quasi pugnaturus, sed hosti daturus spectaculum, & vicissimab hoste accepturus, nullâ hostilitatis specie, pacatè suos in acie habuit. Cives per muros diffusi eventum expectabant. Galatæ stantem paucorum cuneum risu exceperunt per contemptum, segnes alioquin & otiosi. Diaphanes lætus se non timeri, dato repente classico, sublatoque clamore, in vectus in incuriosos, primo impetu sternit obvios, dissipat ad signa coeuntes, per tota castra quaquaversum fulminis instar perturbationem metumque circumfert, sicque confundit omnia, ut, cum nulla trepidis turbatisque salutis spes, nisi in fuga superaret, arrogans ista Gallorum turba cum insigni suâ ignominiâ, gnavo militi viâtoriam concederet.

L.

Postridie Diaphanes rursus eodem, quo pridie, loco, suorum aciem explicuit: habuit vicissim Seleucus Gallos in armis in serum usque diei nullâ vi tentatâ. Sed cum aciem ad castra reduceret, Diaphanes abeuntium terga sic pressit, ut neminem auso manum conferere, tum primum frontem obverterint, cum pro castris stantes fugiendi finem fecere. Die perendino Seleucus, ne tertium dedecus acciperet, refixis signis, solvit obsidionem, sed se Galatâsque inertie non absolvit.

OBSIDIO
PERGAMI
SOLVITUR.
AN. V. C.
CCCLXIII.

ANTIOCHUS
SCIPIONI
FILIIUM LI-
BERUM RE-
MITTIT,

CASTRA
MUTAT.

TOLISTO-
BOII CA-
STRA SCI-
PIONIS IN-
CURSANT.
REHICIUN-
TUR.

LI.

Inter hæc Antiochus, audito, Africanum morbo correptum castris secessisse Etæam, ejus filium honorificâ stipatum legatione, ad eum misit munus sanè jecundissimum animo, & recreando corpori salutare. Ille suavissimè filium complexus; Renuntiate, inquit Legatis, meis verbis Antiocho, me ipsi quidem debere omnia, quæ mei juris sunt, quando & meum filium debeo, & agere, quas summas possum pro tanto beneficio, gratias; sed non posse in præsens, quantas debeo, referre; id duntaxat suadeo, ne ipse pugnae copiam faciat, donec me audierit ad castra redivisse. Antiochus tanti viri motus autoritate, quasi non hostis, sed amicus utilia suavisset, copias è castris Thyatirensibus, amnem Phrygium transgressus, ad Magnesium traductas firmis operibus munivit. Corn. Scipio consul abeuntem propere securus circa amnem quatuor ab ipso millia passuum confedit. In eum mille ferè equites, maximam partem Gallogræci, fluvio superato inveci, primo statim impetu turbavere cohortes incompuestas: sed cum è propinquis castris alij super alios Romani, laborantibus auxilio advolarent, Galli, crescente in momenta hostium numero, cum vim ultrâ non ferrent, tranato flumine in adversam se ripam receperunt. Pauci, qui à conferta refugientium turba ingressu fluvij prohibebantur, ab instantibus Romanis fuere intertecti. Justo prælio ne confingeretur, amnis interpositus inhibuit per biduum: die tertio Romani exercitum transmisere. Dum insudarent haud procùl à Rege castris muniendis, vallum molientibus supervenerunt equitum & peditum expeditorum tria millia è castris Antiochi. Totidem ferè Romanorum erant in statione ad munientium tutelam. Pugnatum aliquandiu Marte dubio: sed Regij numero impares retulere pedem, centum in loco amissis, totidem ferme captis. Exinde per quattriduum acies utrinque pro vallis steterunt: quinto die Romani signa propius moverunt: Antiochus velut detrectans pugnam suos ante castra continuit: Pugna demum die sexto commissa. Habuit Consul Scipio in acie viginti octo millia; bis mille pars Thraces, pars Macedones, relictæ sunt ad castrorum præsidium: Post triarios sedecim elephanti Africi in subsidio fuere locati. Antiochus, si Livio credimus, eduxit supra octoginta millia, si Apiano, septuaginta: Florus in augendo numero nimius, scribit trecenta peditum millia, equites falcatosque currus totidem. E Tolistoboijs, Trocmis & Tectosagibus Livius connumerat quinquies mille quingentos. Elephanti omnes Indi, Africanis longè meliores, suis quique turribus, rectoribus quaternis, pugnatibus instructi. Livius in describendis aciei utriusque ordinibus prolixus est & accuratus. Ante lævum cornu stabant falcatae quadrigæ, & cameli cum singulis sessoribus, quibus gladij tenues ac prælongi, ad hostem feriendum ex tergis

ANTIOCHUS
MEMORABI-
LI PRÆLIO
SUPERATUS.

TOLISTO-
BOII AUXI-
LIARES
ANTIOCHI.

came-

eamelorum. Antequam confingeretur, cœlum visum est contra Antiochum conspirare. Nebula exortum solem, altiùsque postea proVectum obducens, regijs lumen sic eripuit, ut nonnisi proximos cernerent; cùmque latè diffusa esset acies, nemo è medio cornua, quidve in ijs gereretur, oculis poterat assequi. Eacaligo Romanis in acie modicâ longè minus officiebat: & hoc accessit incommodi, quòd nebula in humorem soluta, regionum arcus, fundas, amenta jaculorum mollicbat, Romanorum verò, quorum gravis ferè erat armatura, gladios aut pila nihil heberabat. Sed illud quoque Antiocho importunum, quòd, Eumenis consilio, immissi à Consule jaculatores, prorsus reddidere inutiles falcatas quadrigas longis à remone cuspidibus, & ab extremis jugis & rotarum axibus magnis utrinque falcibus armatas, ipsòque aspectu horribiles, quibus statuerat Antiochus disijcere hostilem aciem. Vix etenim Cretenses sagittarij atque funditores non conferti, sed laxis hinc inde ordinibus cœperant in equos telorum procellas ingerere, & tollere inconditos clamores, cùm momento efferrata iumenta vulneribus ac terrore concitari, rectores excutere, effreni cursu medio inter utramque aciem intervallo rapi, quadrigas per avia, devia, quocumque ferebat impetus, furòrque, abripere; quòdque erat nocentius, subsidiarios pavore consternatos secum in fugam conijcere. Cùm igitur acies nuda pateret usque ad cataphractus, justâ pugnâ cœpere manus conferi. Cataphracti ne primam quidem Romani equitatus impressionem sustinuerunt: lævo inde cornu inclinante, media acies cœpit trepidare, mox solvere ordines, à tergo disijci subsidia, quæ in vestigio restiterant, ab hoste sterni, ac demum in castra fugere. In dextro cornu Romana acies ab Antiocho impulsâ vertebat terga: verùm M. Æmilius militum tribunus fugientes quâ probris, quâ minis telisque, ad pugnam reduxit, Regem effusè insectantem repressit, vertitque in fugam. Atque is fuit prælij exitus, ut Romani victoriâ, castris Antiochi, spolijs ingentibus potiti, plerasque Asiæ civitates, quæ certatim fecere deditionem, in fidem acceperint. Antiocho debellato, Asia Romano impetio accessit, & qui antea Antiochus Magnus audiebat, suâ magnitudine fuit spoliatus. Occubuerunt eâ die de ejus exercitu quinquaginta peditum, equitum quatuor millia: mille quadringenti capti, & quindecim elephantum cum rectoribus. E Romanis cæsi trecenti pedites, quatuor & viginti equites: de Eumenis auxiliariis quinque supra viginti. Gesta hæc urbis anno trecentesimo sexagesimo tertio.

Annus sequens Romæ M. Fulvium Nobiliorem, & Cn. Manlium Vulsonem consules dedit. Vulsoni Asia redacta in formam provinciæ obtigit, infelici rursus Tolistobojorum omine, qui, quòd procul à mari sedes haberent, confidebant se quoque procul à Romanorum armis futuros. Atqui Manlius cum exercitu profectus in provinciam ipsis bellum intulit, non ut aliàs conductitijs, & alienis auspicijs ad Regum signa delectis, pròque sociorum fortuna bellaturis, sed periclitaturis de domesticis aris atque focis. Dubitat Florus, fueritne inferendi belli causa data, an quæsitâ à Consule ad captandum de gente debellatâ triumphum. Certè cùm Vulsoni Romam reduci datus esset Senatus, petenti pro rebus in Asiâ gestis triumphum, Legati, qui bello interfuerant, plerique sunt refragati, & quidem ante alios Luc. Furius Purpurio, & Luc. Æmilius questi sunt, quòd ille de industriâ, quasi bellum bellicæ causas vestigaret, exercitum ad Gallogræcos circumegisset, nullo populi Romani jussu, vel Patrum autoritate, & eos, ne indicto quidem per feciale bello, contra jus fâsque involvisset: atque capropter id non publicæ expeditionis, sed privati latrocinij loco esse habendum, quòd esset susceptum non contra populi Romani hostes, sed quos Manlius sibi privatim inimicos sumpisset, posteaquam per varios viarum anfractus, Pisidiæ, Lycaoniæ, & Phrygiæ recessus omnes atque angulos rimatus erat, ut à Tyrannis castellanisque obvijs, devijs, consul mercenarius stipem aliquam emungeret. Accusarunt etiam hominis imprudentiam, quòd locis iniquis, alieno tempore, nullo jure gentium, adversus quietos innoxiosque temere pugnasset. Reddit Livius belli

Pars I.

K

ratio.

LII.

ASIA ROMANO IMPERIO ADJECTA.

AN. V. C. CCCLXIV.

BELLUM CONTRA TOLISTOBOIOS.

Luc. Flor. l. 2. c. 11.

Liv. lib. 38.

MANLIUS ACCUSATUR IN SENATU.

*Polyb. Legat.
33. & 35.*

rationem, quòd Gallogræci populi Romani socios armis sæpenumero vexassent, nec per Manlij Legatos appellati illatas injurias sarsissent. Eandem causam refert Polybius. Quicquid demum fuerit, nulli ex Antiochi socijs fuere, quàm Gallogræci, habiti inclementiùs.

TRES GAL-
LOGRÆCO-
RUM REGU-
LI.

LIII.

Manlius in ejusce belli consortium adduxit Eumenis Regis fratres geminos Attalum & Athenæum, qui studio tantò promptiore auxilia junxerunt, quò magis eorum intererat, Gallogræcorum potentiam, finitimis semper metuendam, si non everti penitus, at saltem infringi, ut discerent in posterum metuere, qui hæcenus assueverant formidari. Tribus Gallogræciæ gentibus præerant Ortiagon, idem, qui Orgiagon, Combolomarus, & Gaulotus, diviso imperio. Ortiagontis summa erat potestas apud Tolistoboios, summæque apud Gallogræcos omnes dignatio, quem morum amœnitas, haud vulgaris rei militaris peritia, fortunatus armorum usus & munificencia comprimis commendabant. Ille in clarioris fortunæ spem erectus primus fuit, quem invidia magnarum virtutum æmula Romanorum armis objecit. Trocmi & Tectosages exciti communi periculo, & sanguinis fœderumque vinculis, unà cum Tolistoboijs arma induerunt, sat gnari, aut vincendum omnibus, aut jugum accipiendum. Manlius, antequam bellum aggrederetur, exitu dubium, &, si malè verteret, Romæ causâ & eventu futurum odiosum, quòdque quasi cupidè susceptum, nullaque Senatûs populive Romani approbatione patratum, temeritatis argueretur; non ignarus, plerisque Romani exercitûs Legatos, ipsûmque militem ab isto bello esse animo alieniore, duo sibi esse facienda putavit; alterum, ut fiduciâ & honoris stimulis acueret legionum animos; alterum, ut captaret aliquam justitiæ speciem, & pacis cum Gallis tentatæ existimationem. Hoc conatus est per Epognatum, unum de Gallogræcorum dynastis, qui constanter Eumenis amicitiam coluerat, negaveratque, se Antiocho laturum contra Romanos auxilia. Is Manlij nomine Tolistoboijs pacem addixit, si animum inducerent, exemplo cæterarum Asiæ gentium, imperata facere, & pop. Romani amicitiam amplecti: Simul pro se author fuit, nullam ut pacis conditionem tolerabili moderatione ferendam detrectarent. Verùm genti assuetæ dare imperia, non accipere, id genus tractandi visum est abjectius, quàm ut inveteratæ Tolistobojorum magnanimitati esset ferendum. Quamobrem Epognati Legatio in nihilum recidit. Æquè parùm attulit emolumentum conatus Compulsi viri inter Tectosages illustris, apud Manlium infimis precibus orantis, ne suæ genti bellum inferret; pollicentis insuper, se ad populares iturum, &, quæcunque ex æquo possent ab ijs expectari, persuasurum. Sed neque lubuit Tectosagibus à Tolistobojorum consilijs & societate divelli. Manlius haud tristis, quòd nihil pacatum Legati retulissent, statuit armis experiri, ratus, se populo Romano haud ægrè probaturum, gentem hæcenus indomitam, & Romanæ magnitudini semper infensam bello dedisse causam, hoc ipso quòd pacis consilia respuisset. Reliquum erat, ut, quod factum consul animo erat complexus, hoc quoque exercitui persuaderet. Quare advocatâ concione, orationem habuit magno studio compositam, ad persuadendum, Gallogræcos citra injuriam, citràque periculum bello posse laceSSI. Etenim Romanæ rei fore non modò inglorium, sed etiam noxium, si in Asiæ visceribus tolerentur populi, perpetuum urbis odium professi, quorum factionibus cæteræ gentes continuò ad excutiendum jugum provocentur. Nihil esse, cur invicta legionum virtus cunctetur Martem experiri cum hominibus, quibus de prisca Gallorum fortitudine nihil sit reliquum, præter famam, procera corpora, promissas rutilasque comas, vasta scuta, prælongos gladios, cantus ululatusque dissonos ante pugnam, ridiculum armorum strepitum. Hæc Romanis, qui Gallicis tumultibus & Boijs debellandis longo ducentorum annorum usu essent assueti, pro inani ludibrio jam olim esse habita, atque etiamnum habenda. Gallogræcos Boijs Italicis longè dissimiles, degenerasse à majorum virtute ad molliem Asiaticam, nec nomen tantùm mutasse, sed etiam animos, cælo languido, flaccidâ imbelliâ: ijs contigisse, quod solet plantis tralatijs, quæ

LIV.

PACEM RE-
CUSANT.

MANLIUS
EXERCITUM
ANIMAT.

FAMAM
GALLO-
GRÆCORUM
DEPRIMIT.

foli,

soli, ad quod transferuntur, peregrinam indolem adsciscunt. Patuisse nuper, Gallogræcos, cum in acie starent pro Antiocho, firmarent utrumque cornu, pugnarent, & virtuti Romanæ cederent, jam amplius non esse Gallos, sed degeneres Gallorum nepotes, quibus præter avorum titulos, & magni olim nominis umbram nihil superesset. Fore itaque cum Bojorum simulachris potius, quam cum veris Boijs certamen, idque nihilo secius Romano nomini gloriosum, quod, cum Gallogræci etiamnum apud Asiaticas gentes antiquæ ferociæ famam retinerent, tantundem decoris Romanis aquilis esset accessurum, quantum accideret, si veterem illam Gallorum barbariem debellarent. Audita hæc pronis auribus à legionarijs, & promiscuâ turmarum multitudine, tametsi ductores plerique à Consule dissentirent.

Cæterum suprà quàm dici possit, Gallogræcos debilitavere malè cohærentia consilia, distractæ vires, neglectus armorum, missilium præsertim apparatus, malè protecta torpora, longis quidem umbonibus, sed pro vasta corporum amplitudine longè, quàm necesse foret, angustioribus. Nec deerant, qui aliàs vestiti nudabantur ad pugnam. Gladius illis solus propè in usu, ad ciendam pugnam cominus, nulla vel tenuis admodum telorum ad hostem eminens petendum copia. Potissima illis fiducia in editis Olympi montis jugis, ad quæ è vicis campestribus, desertis agris tectisque, cum totis familijs bifariam divisi, omnes commigrant. Tolistoboijs comportatâ annonâ, loci fastigium fossis circum ductis, occuparunt, velut ducturi bellum, & obsidionem in longum tracturi, arbitantes, se temporis diuturnitate, rerum inopiâ, aëre gelido, tædio laboris, cæterisque incommodis, per solam cunctationem, hostem tracturos. Saxa, quorum eo loci ingens copia, erant loco missilium: rupium asperitas, & jugi supercilium, quod rebantur insuperabile, magnam addebat fiduciam multitudini, ad vim excipendam animosâ. Manlius, qui hæc animo prospexerat, jussit magnam hastarum velitarium copiam, pilorum, glandium, minutiorum lapidum, qui fundis jacerentur, comportari, essetque in promptu ad montis expugnationem. Cum ponte subitario amnem Sangarium, qui ortus ex monte Adoreo Phrygiam perfluit, esset transgressus; præter ripam eunti, Galli Berecynthiæ sacrificuli cultu solemnî, & carminè ad assentationem composito, more fanatico, triumphos & Galatiæ Principatum à Deûm Matre vaticinantes; Pellinunte occurrerunt. Omen accepit Manlius, seseque castris eo loci positâ usque in diem posterum continuavit. Postridie ad Gordium oppidum, quod, teste Plinio, olim fuerat regionis caput, quodque Sangarius pari spatio à mari Pontico & Cilicio dissitum interfuit, progressus est. Inde cives relicta annonâ, rerumque aliarum vi, profugerant. Castra ex eo loco Consul movit ad Olympum, cumque exercitus quinque passuum millibus exadversum constitisset, postridie, quàm illuc venerat, Manlius cum quadringentis equitibus, & Rege Attalo, qui suppetias adduxerat, profectus est ad explorandum montis genium, & castra Tolistobojorum. Loca circum lustrantem gemina hostium phalanx, ad Cuballum Gallogræciæ castellum, factâ è castris eruptione, fortiter excepit, fuditque. Cum tumultus in Romana castra delatus percrebuisse, Consulis periculo excitus repente omnibus portis equitatus, Gallos nonnullis interfectis repressit. E Romanis cæsi haud pauci, plures debilitati vulneribus, cum integris ægrè discrimen evaserunt. Consul hoc edoctus experimento, totis copijs ad montem contendit. Cum se Tolistoboijs intra castrorum loricam continerent, certi detrectare prælii aleam; Manlius, nullo prohibente, Olympum, quàm latè se ejus porrigunt radices, circumvectus, deprehendit, non nisi tribus itineribus posse oppugnari; uno, quod collis molliter acclivis aperiebat ad meridiem, duobus alijs, ab æstivo solis occasu, & ortu hiberno, haud parùm arduis & impeditis, Borealem eminentiam rupes arrectæ in altum, inaccessis claudebant parietibus. Hæc ubi compererat, ad imum montis castra metatus, militem jussit curare corpora, & insequentis lucis imperia præstolari. Cum primo sole sacris operatus Marti litasset, diviso

LV.

GALLICI
APPARATUS
VITIA.

Appian. in
Syriac.

MANLI AP-
PARATUS.

OMEN VI-
CTORIÆ.

LVI.

Snidas verbo
Gallus.
Plin. lib. 5.
c. ult.
Cæc. lib. 3.

MANLIUS
REPELLITUR
A GALLIS.

MANLIUS
MOVET IN
TOLISTO-
BOIOS.

trifariam exercitu, duxit in hostem. Lucio Manlio fratri dedit in mandatis, ut montem subiret ad hibernum solem: Cajum Helvium jussit obliquo itinere radicem montis paulatim circumvehi, & ubi ad æstivum solis occasum venisset, eniti in altum. Utrumque monuit, attenderent, quâ parte laboraret oppugnatione, opemque ferrent laborantibus. Si quæ loca prærupta subeuntibus obfisterent, ne temere ijs superandis, aut ulli viæ iniquitati militem committerent. Ipse potissimam legionum partem, accito secum Attalo, per meridianos colles, quâ erat ascensus cæteris æquior, hostem est aggressus. Equitatum unâ cum elephantis, quorum in ea montium asperitate nullus erat usus, in planitie reliquit. Tolistoboj nihil admodum diffidentes, duobus lateribus, quorum aditus minùs erant pervij, quatuor, si multum, armatorum millia imposuerunt, ut, quâ mons vergit ad meridiem, accessus explicatiores validiùs cæteris copijs tuerentur. Tumulo, qui viæ imminabat, virorum fortium justam manum jusserant insidere, & montis verticem, in castrum modum, opere munierant, fidentes, quantamlibet invadentium multitudinem se ex ea munitione ascensu prohibitu-
 & in-

LVII.

TOLISTO-
BOIOS VIN-
CIT DUPLI-
CI CERTA-
MINE.

Verùm incautos fefellit ipsis inexpertum pugnandi genus, solitos, quoties erat configendum, virum viro, pedem pedi conferre, nec priùs pugnâ abfistere, quàm hostis cederet, vel ipsi ab hoste caderentur. Unde cùm nullus ipsis foret hastæ eminus jaciendæ, vel missilium usus, Romanis tutum erat certamen è longinquo. Quare Manlius sic instruxit aciem, ut, qui valebant jaculis, primi ante signa modico intervallo legionibus antecirent, & immixtis in hostem telis, initium pugnae facerent. In his velites tecti parmâ tripedali, hastam dextrâ vibrantes, & cùm propiùs venit ad manus, tralatis in lævam hastis, pugnantes gladio Hispaniensi. Cum his prælium ciebant Cretenses sagittarij, quos adduxerat Attalus: jungebantur funditores, & Thraces acres arcu. Legiones succedebant suspensio gradu, non ut conferturæ manus, sed eminus pugnaturæ, scutis armatæ, quibus missilia evitarent. Sub initium prælium ex intervallo conferebatur æquo Marte, cùm pro Tolistoboijs loci natura certaret, pro Romanis telorum nimbus & copia missilium, quâ solâ Tolistoboj superabantur, saxis duntaxat, qualia, nullo delectu aut paratu, parva, grandia, temere fors offerebat, non arte, sed impetu corco vim arcentes, & subinde procùl inferentes. Pòst, ubi certamen processerat, ad ictum aperti, hastis, sagittis, omni spiculorum & glandium genere undique petiti, tandèmq; consilij inopes, cùm ferarum instar, quæ ex occulto figuntur, alij humi strati, alij ruentes in hostem, trucidabantur. Jam pervenerat dimicatio ad paucos, velitibus, cæteræque levis armaturæ multitudinis longè impares, quando legionibus signa simul inferentibus, ultima desperatio superatos avertit in castra, ubi imbellis tæminarum & puerorum ætas augebat formidinem. Eo confictu Manlius tumulo, nexisque collibus occupatis, levem armaturam, & legiones, quæ supervenerant, jussit paulisper respirare, ostensis humi sparsis Tolistobojorum cadaveribus. Tum appositâ ad rem præsentem oratione hortatus est, invitantem fortunam sequerentur, castra invaderent, ijsque captis gloriosam coronidem certamini imponerent. Legiones sublatiis aquilis, gressu militari sen-

LVIII.

sim in edita montis assurrexere. Tolistoboj pro castris aciem instruxerant, aleam denuo, quaecumque fors daret, experturi. Hic coorta rursus pugna, sed qualem paulò antè senserant adversam. Etenim Romani, certi, nihil tentare cominus, eodem, quo priùs ordine, levis armaturæ signa præmiserunt, quæ hostem à missilibus imparatum procùl lacesserent. Ab his pugnae initium & densa telorum procella, quæ cùm in confertos Gallorum ordines sæviret, tantò majorem edebat stragem, quantò plures, magisque conglobatos haud vanâ destinatione petebat. Quam vim non diu sustinuerunt Tolistoboj, qui telis obruti se receperunt intra vallum, firmatis ad portas stationibus. Romani è vestigio instantes, ingentem telorum vim effundebant in castra, multosque sauciabant: vulnera prodebat puerorum juxta & mulierum ejulatus. Simul immixti legionum antesignani, pilis urgebant portarum excubias, quæ suis ejectionibus

& intra loricam retrusæ, hosti denique patentes castrorum aditus concesserunt. Hinc confusa Gallorum fuga per avia, invia, per montis præruptos anfractus, per rupium præcipitia, profundas vallium voragines, per silvas & vepreta, tanto pavore, ut ne mortem quidem, calûsque ipsâ morte formidabiliores, præ instantium ferro horrerent. Stragem exaggeravit agmen L. Manlij, qui castris jam expugnatis adveniens, unâ cum victore Consule tergis hærebat fugientium. Quos fuga ad montis ima ferro subduxerat, à Romano equitatu plerique cæsi, aut capti. Præ multitudine, numerum occisorum iniri non potuisse, author est Appianus. Valerius Antias in calculum retulit decem millia. Claudius gemino prælio scribit occubuisse quadraginta millia. Livius de occisis nihil statuens, nisi ex alienâ sententiâ, asserit, captivorum multitudinem quadraginta omnino millia explevisse, atque in his quidem fuisse omnis generis, ætatisque turbam, quam Tolistoboiij demigrantium magis, quàm ad bellum euntium modo, secum traxerant. Cæsorum arma in cumulum congesta Manlius cremavit: captivorum ingentem numerum, quos credebatur flagellandæ tantum annonæ futuros idontos, accepto à finitimis barbaris pretio, servituti addixit.

Appian. in Syriac.

Liv. lib. 38. Valer. Max. lib. 6.

Flor. lib. 2. Plutarch. de clar. mulier.

CHIOMARÆ
REGINÆ
FACINUS.

LIX.

Inter captivos servata Ortiagontis Reguli conjunx Chiomara (sic eam nominat Plutarchus) facinus edidit, animi magnitudine, & vindicatæ pudicitæ laude, inter illustria memoratum. Ut erat specie supra vulgarem venustâ, Centurio, qui ejus custodiendæ curam susceperat, amore vesanus, primùm verborum lenocinijs invictum captivæ tentavit animum: deinde, ubi blanditiæ non successerant, invitæ atque abhorrenti stuprum, per vim homo nefarius intulit: deinum ut flagitij indignitate furem placaret, promisit, se in vicem illatæ injuriæ eam libertati & marito redditurum, modò ille auro, quod reginâ dignum esset, captivam redimeret, resque posset, nemine ex Centurionis familiaribus conscio, confici. Laudat conditionem generosa mulier, & talentum Atticum libens corpori redimendo paciscitur. Centurio vicissim potestatem facit, mittendi ad Ortiagontem unum è Reginæ servis, qui cum ipsâ venerat in hostium manus. Locus pecuniæ numerandæ dictus prope flumen, ubi Chiomara, duoque, nec plures è famulatio, noctis silentio pactum Centurionij aurum repræsentarent. Servus serâ nocte emissus è custodiâ, negotium apud Regem conficit, reditque ad constitutum locum postere noctis conticinio. Isthic adituere captiva & additus comitatus. Dum nummis pensandis Centurio totus attenderet, femina gentis suæ vernaculâ ad suos: Stringite (inquit) ferrum, & scelestum hominem tollite. Parent illico servi, caputque Centurionis à cervice demessum tradunt dominæ, quod illa veste convolutum, detulit ad maritum. Hunc priusquam amplecteretur, Centurionis caput projicit ad ejus pedes. Miranti, cujus esset, quæve cædis causa, rem, ut gesta erat, ordine recenset: violatam scilicet per vim castimoniam, sumptamque de adultero vindictam, confessâ, viro satisfacit, & per omnem vitam egregij facinoris laudem, fidei matronalis sanctitate est tutata, quam Græcæ juxta ac Latinæ litteræ celebrarunt. Polybius scripsit, se cum eâ Sardibus esse collocutum, & insignem sapientiam animique excellentiam demiratum.

Flor. l. 2. c. 11.

Minus sibi gloriæ pepererunt Tolistoboiij, qui interceptæ libertatis dolore (quod jam memoravi) vitam projecerunt, rati, partem esse fortitudinis, se se per vim invisæ luci subducere, eoque demigrare, ubi nihil posset fortuna; quasi fierent immortales & beati, qui præcipiti furore in mortis præmaturæ fauces involarent, futuri æternum infelices.

Polyb. Legat. 38.

Liv. lib. 38.

GALLI SPECIE PACIS
FACIENDÆ
MANLIO

Devictis, fugatisque ex Olympo Tolistobojorum reliquijs, nondum erat debellatum. Etenim Trocmi & Tectosages eidem innexi bello supererant, quorum ope, jacens Tolistobojorum fortuna posset erigi. Quare Cn. Manlius ad persequendas belli reliquias, Ancyram castra promovit. Cùm isthic haberet stativa, venerunt à Tectosagibus & Trocmis oratores, qui gentis suæ verbis peterent, ne Consul prius ab Ancyra moveret, quàm cum Regibus Gallogræcis de pa-

CC IMPONUNT.

LX.

ce fuisset collocutus : eum experturum , ad pacem propensos , & quibus quævis honestæ leges bello forent antiquiores. Annuit Manlius; locoque colloquendi in diem posterum inter Ancyram & Gallorum stativa constituto , ad horam dictam quingentis equitibus stipatus adfuit. Cùm Gallorum neminem reperisset, in castra regressus, obvios habuit Tectosagum legatos, orantes, suis Regibus frandi esse ne vellet, quòd, uti convenerat, non adfuissent : quò enim minùs venirent, vetitos fuisse religione, responsisque aruspicum , qui nefastam ipsis ejusce diei negotiationem renuntiassent : venturos nihilominus gentis primores cum mandatis, quibuscum pacis negotium possit agi. Assensus est Manlius , seque sequestrem Attralum esse missurum respondit. Ergo ventum ad colloquium. Attralum comitati sunt equites trecenti, totidem præstò fuere Gallis. Multa quidem utrinque de pace disceptata, sed nihil certi constitutum, quòd citra Consulis , Regumque vota atque præsentiam, nihil posse confici autumarent. Ergo communi utrinque voluntate convénit, uti eodem loci Manlius juxta ac Reges congregerentur. Seria non erat Tectosagibus de pace cogitatio; sed eò spectabant potissimum, ut temporis facerent aliquod compendium , rémque extraherent , donec suas fortunas unà cum uxoribus ac liberis trans Halyn fluvium deportassent ; quòdque inprimis optabant , Consulem insidijs irretirent. Quam ad rem equites mille projectæ audaciæ ex omni numero delegerunt, qui, si res ferret, incertum opprimerent : et haud dubiè oppressissent, nisi adversus fraudem , pro gentium jure fortuna sterissem. Res gesta est in hunc modum. Romani pabulatores lignatorésque è castris magno numero , cum sexcentorum armato præsidio prodierant , ex ea parte , quâ ferebantur pacis conciliatores adfuturi : spes quoque erat , istam hominum turbam eò fore tutiorem , quòd præter attributos defensores, in propinquo habituri essent Consulem , & ordinariam ipsius stationem, qui ferrent suppetias, si qua fortè vis à Gallis ingrueret. Consul ratus, pro eo, atque affirmabat Attralus, Reges adfuturos, se dedit in iter. Vix quinque passuum millia processerat , cùm repentiè conspicit Gallos equites , cursu concitato hostilia signa inferentes. Quamobrem turmam prætoriam, quam secum adduxerat, jubet expedire tela, arrectisque ad pugnam animis excipere Gallos incurstantes. Conflictus initium anceps visum est, Romanis egregiè se tuentibus : verùm prægravante hostium multitudine paulatim retulere pedem, ordinibus non nihil confusis. Demum cùm Galli terga caderent, sternerentque obsistentes, in fugam omnes sunt effusi. Tum fugientibus instare Galatæ, itaque palantes premere , ut paucis evadendi spes superaret. Adfuit in tempore pabulatorum statio, sexcenti equites, qui dissipatos ad repetendam pugnam collegerunt. Exciti fuerant suorum clamoribus, ut laborantibus accurrerent. Ex agris simul advolarunt pabulatores tanto numero, ut Galli undique circumventi, ne facilem quidem sibi , turamque fugam expedirent. Urgebantur enim hinc à recenti defensorum equitatu , qui fortiter unà cum prætorianis manus conferebat ; inde à confertâ multitudine omni telorum genere petebantur. Datum paucis effugere, reliquis negata salus , & captivitas , ab indignantibus , quòd improbè fidem violassent.

VIM INFERUNT.

LXI.

CADUNTUR.

Porro Manlius, ob acceptam ignominiam, irâ tumens, & cupiditate sumendæ ultionis, postridie totis castris movit in hostem. Cùm ab eo non procùl confedisset, biduum dedit exploratoribus, qui loca insidijs opportuna, & vicinas munitiones inspicerent. Sequenti luce, solenni more dedit operam cædendis victimis, & exercitum quadrifariam partitus , duo agmina per vicini montis fauces eduxit, duo reliqua à lateribus adversus Gallogræcorum incursiones jussit paratos incedere. Hostis, quicquid copiarum habuit, digessit in ordinem. Trocmi & Tectosages tenuere mediam aciem : Ariarathes Cappadociæ, & Morzes Paphlagoniæ (sic eum Strabo nuncupat) qui ambo quatuor armatorum millia suppetias adduxerant, lævum aciei, Galli equites dextrum cornu regebant. Totus exercitus fuit pugnatorum millia quinquaginta. Consul memor , quem vincendi

Strab. lib. 12.

mo.

modum in Olympo monte prosperum tenuisset, eodem sibi utendum esse credidit. Quare aciei frontem velitibus, cæteroque levis armaturæ milite prætexuit, instruxitque omni telorum genere atque copiâ. Ubi venerant acies in mutuum conspectum, pugna commissa est eadem, quâ nuper arte atque eventu. Manlius victoriâ hostiûmque castris potitus est. Cæsi eo die Gallogræci non plus octo hominum millia, cæteri trans Halyn se receperunt. Postridie Consul captivos & spolia lustrans, tantam gazæ vim reperit, quantam sperare poterat à gente finitumorum prædis opulentâ.

Quæ ex totâ natione supererant reliquæ, habito in commune senatu, cum erigendæ in præsens fortunæ nulla spes ratiove appareret, censuere, Legatos de pace mittendos esse ad Manlium. Eos ipse venire iussit Ephesum, ubi, ad vi-
tanda Tauri montis gelida, statuerat hibernare. Illuc convenere Græci oratores, & permulti alij vicinarum gentium coronas afferentes Consuli, eò maximè, quòd Gallorum metu liberati, se deinceps suaviore tranquillitate gavisuros sperarent. Adfuere simul Legati Gallogræcorum, pacis condiciones à Manlio accepturi. Verùm negotium distulit in adventum Eumenis Regis, qui in Romanorum fide perstiterat. Is congressus cū Gallis, quos antè hostes habuerat, recepit in amicitia. Manlius eos iussit cum Eumene pacem colere: eorûmque Regulis ad Hellespontum vocatis leges dixit, quæ demum Romæ à Patribus probatæ sunt: ut suo videlicet deinceps jure uterentur, arma ne proferrent extra patriam, suis agris essent contenti, in alienos ne grassarentur, tributum Romanis penderent; quod postremum certum est ex sacrâ Machabæorum historiâ, quæ, Galatiam devictam esse memorat, & missam sub tributum, eamque victoriam inter causas cæteras excitasse Judæos, ut potentiæ Romanæ amplitudinem permagni facientes, amicitiam cum Senatu populoque sibi duxerint esse sancendam.

Rebus ad hunc modum utcunque compositis, respirabant Gallogræci, quando, ut res habent mortalium, quæ ævum non ferunt, cæpit anno urbis conditæ quingentesimo octogesimo seri nova causa bellorum, quæ parùm abfuit, quin Gallogræcos cum Boijs Europæis collideret. Perseus Rex Macedonum bellum, quod vivo patre Philippo fuerat meditatus, eo defuncto, gerere cupiens, non modò sibi Græciæ civitates, sed externas quoque gentes, legationibus amplisque pollicitationibus conciliare nitebatur. Accedebat secunda fama, & majestas Macedonici nominis, quæ populos Romanæ rei infensos, ad res novandas stimulabant. Et Asiæ quidem studia in diversa distrahebantur. Pars in Romanos erant effusi, non tam propter imperantium æquitatem, quàm quòd sperarent, se, si bonam illis navassent operam, Senatûs indulgentiâ consecuturos, ut cum vicariâ saltem potestate, quæ speciem esset habitura libertatis, & non nullius dominatûs, domi rerum potirentur. Pars in Perseum erant proniores; quos videlicet æs alienum, & desperatio emergendi, donec res forent tranquillæ, ad arma provocabat, & societatem hominis, qui popularitatis ostentatione videri volebat bene consulturus sociorum magnitudini. Erant alij, qui bellum & Persei consilia suspectantes, ne asserendæ libertatis obtentu amicos perinde, atque hostes jugo premeret, ubi majorum potentiam esset consecutus, malebant æquatâ utrinque fortunâ præsentis conditioni, sic acquiescere, haberéque consilia in suspensio, ut foret integrum, partium alterutri sua studia venditare, quoties esset ex ipsorum commodis, atque dignitate. Vix erant ulli, qui pensi haberent famam Persei inquinatissimam, eò quòd non hominis virtutem, sed fortunam respectarent. Ferebatur etenim Perseus uxorem suâ manu trucidasse, patrem induxisse, ut Demetrium fratrem necaret, ne, quâ erat apud Romanos gratiâ, & existimatione, ad regni fastigium proveheretur. Dicebatur etiam Apellem patricidij ministrum interfecisse, ne scelus vulgaret; multis præterea domesticis externisque cædibus ac veneficijs temerasse manus. Nec ab ejus moribus aberat avaritia, fraudisque avaritiæ assecla, quâ ad infamiam usque sordisque laborabat, fuerus plurima polliceri, vix pauca præstare, quo nihil in principe turpius, nihil ætius ad majora adspiranti.

Polyb. Legat.
35.
LXII.
PACEM IMPETRANT.

1. Machab.
c. 8, v. 2.

AN. V. C.
D. LXXX.

PERSEUS
BELLUM PATRICIUM
RAT IN ROMANOS.
LXIII.

PERSEI MO-
RES INQUINATI.

Bellum

Liv. lib. 42.

BOII EURO-
PÆI IN
BELLO MA-
CEDONICO.

LXIV.

PUGNA VE-
LITARIS.PRÆLIUM
ADVERSUM
ROMANOS.

LXV.

ROMANI
PACEM
RECUSANT.

Bellum denique post tentatam pacem suscepit in Romanos, à quo non ab- fuerunt Gallogræci, quos, duce Cassignato, Romanorum signa sequutos, scripsit Lirius. Addixisse etiam nonnullos suas copias Perseo, ipse idem author est, in suâ ad milites oratione, quando gloriatur, se habere in exercitu non modò Macedonas, Thraces, aliòsque viros fortissimos, sed etiam Gallos gentium ferocissi- mos, quos promptum est credere, fuisse manum mercenariam, quæ neque Ro- mani nominis odium, neque gentis suæ ingenium adhuc posuerat. Eam vix du- bitem fuisse ex Boijs, quos Thracibus confines, non fuit difficile, venire in belli societatem. Quamquam Livius, cujus autoritate nitimur, non omnino rem ex- planat: cùm enim Gallorum nomine, sæpe totam non modò Bojorum, sed etiam Tolistobojorum, Trocmorum, & Tectosagum nationem confundat, nihil ex eo citra dubitationem hac de re potest statui; tamen si magna sit conjectura, illos, quos Perseus gentium ferocissimos commendat, fuisse Bojos Europæos, qui ad eam diem indomiti, invictique integram Gallicæ fortitudinis gloriam retinebant. Primùm à Cassignato Gallo, qui Eumeni Romanorum socio aderat, adversus Perseum, certamen est commissum. In eo duxit geminas alas equitum, magnam partem gentis Gallicæ, ad quas accesserant pauci Mysi levis armaturæ. Cum his Perseus cōmisit duas turmas Macedonum, & totidem cohortes Cretensum. Pu- gnârunt ab ipsius castris quingentorum non amplius passuum intervallo, Marte dubio. Cassignatus cum triginta è suis occubuit.

Cùm Perseus Romanos ad justum prælium per dies aliquot elicere frustra tentasset, seque illi in castris continerent; ducto omni, quo maximè valebat, equitatu, & jaculatorum velitumque agmine, cùm à tergo, quingentorum circi- ter passuum intercapedine distitas à Romarhis legiones in acie statuisset, orta est in horum castris trepidatio, & tumultus. Concurrebat miles ad sua quisque ten- toria, tribuni & centuriones ad prætorium, donec animis utcunque compositis, P. Licinius Consul intra vallum cohortes digessit in ordinem, equitatūque omnem velitesque pro castris eduxit. Ante mediam aciem ducentos equites Gallos, in quorum virtute multum ad victoriam emolumentum ponebat, stare ius- sit. Orta dimicatio à funditoribus, & jaculatoribus. Dextrum Romanorum cornu, in quo omnis equitatus Italicus, momento temporis fuit aversum. Per- seus in medium inVectus agmen, Græcos primo impetu loco movit, quos flu- ctuantes, integris tamen ordinibus, Eumenes, quique missi è subsidiarijs, erexe- re, ut obversâ fronte regios, qui sequendo sparsi, minúsque conglobari instabant, ab inferendâ vi cohiberent. Hic Perseus inter spem metumque ambiguus, ta- men si victoriam de equitatu Romano propè manu teneret, videreturque certò obtenturus, si suos paulum animasset, ab Evandro homine Cretenfi, quo mini- stro ad scelera patranda utebatur (tam nihil probi ab improbis est expectandum) impulsus est, ut ne ultrâ hostem premeret, conijceretque rei summam in supre- mum discrimen, sed partâ jam gloriâ contentus, eo die quiesceret. Id si face- ret, à Consule honestas pacis condiciones habiturum, vel à famâ multos belli so- cios, qui victoris fortunam & signa sequerentur. Enimvero rebus secundis mo- dum ponere, prudentiæ partes esse præcipuas. Pervicit homo improbus, ut Perseus juberet cani receptui, & legiones in castra reduci. E Romanis cecide- runt ducenti equites, capti totidem, è peditatu occubuerunt duo millia. E Ma- cedonicis occisi viginti equites non plures, pedites quadraginta. Ingens fuit in Persei castris lætitia, Thracum præsertim, quasi rem fortiter sapienterque gessis- sent: apud Romanos mœror & metus, ne confestim hostis castra oppugnaret.

Timorem fassus est Consul, quando noctis silentio castra movit trans Peneum amnem, ut per otium miles percussus animos colligeret. Deleri poterat, si Per- seus fortunæ non defuisset. Ex ejus errore pacis mentio subsecuta. Cùm enim Romanam felicitatem, quæ in rebus adeò creperis sibi constitisset, non putaret esse spernendam, ultro legatos misit ad Consulem, pacem petentes æquâ lege, & oblato, quantum videretur, vectigalis & agri modo. Verùm Romani haud insue-

infucti, in adversis latam frontem superbè induere, ut acceptam ignominiam diluerent, negârunt, se daturos pacem, nisi Perseus sui, rerûmque suarum arbitrium Senatui populôque Romano permetteret, ne excepto quidem regno Macedoniæ. Quo ille responso offensus, animum retulit ad bellum, omni quâ posset ope gerendum. Id quia nihil aut parùm ad nostrum institutum attinet, eò quòd altum sit apud Scriptores, qui ejus progressum recensent, de Boijs & Gallogræcis silentium, missum facimus.

Non possumus tamen silentio præterire, quod Livius sub belli finem narrat *Liv. lib. 44.* de auxiliaribus copijs, quæ Clondico duce, per Illyrium infusæ, ab Istri confinio in Mædicam usque, Perseo laturæ opem progressæ sunt. Eas fuisse è Boijs, & ex *CLONDICI GALLI AUXILIARES COPLÆ.* eâ quidem gente, quæ in Tauriscos ex Italia migraverat, vel ex Dardanis, res ipsa persuadet, temporis ac locorum ratio, & validæ irarum in Romanos causæ, eò maxime, quòd Livius, quem sequimur, ab hac interpretatione non abscedit. Fuere sub Clondici signis decem equitum millia, par peditum numerus, cum magnâ vitum equorum, tum secundariorum equitum, qui in prolapsorum locum succederent, usu, & vetere, quod suprâ recensuimus, instituto Bojorum. Auctoramentum pacti erant, eques præsentariæ pecuniæ denos aureos, pedes quinos, Dux mille. Venientibus Perseus obviam profectus est è castris, quæ tum habebat ad *LXVI.* Enipeum, cum dimidiâ copiarum parte: simul jussit annonam expediri, vini, frumenti, & pecoris per urbes, vicôlque, quâ faciendum Boijs iter. Ratus homo avarus, se promiscuam gregariorum multitudinem pollicitis, sine re aut ære, tracturum ad sua castra, dona demerendis Principibus phaleras, equos, sagula, & auri *PERSEI AVARITIA.* modicum, quod in singulos divideret, secum adducebat. Jam in Thraciâ confederant Galli, pactum stipendium opperientes, haud longè à Desudabâ, cùm Perseus ad Almanam urbem castra metatus est, in ripa fluminis Axij, qui à Boijs septuaginta passuum millibus aberat. Ad eos misit Perseus Antigonum, unum è primoribus, qui urgeret Gallorum manipularium ad Bilazora Pæomæ, Principum verò ad Regem prope Axium præstolantem, diversis itineribus, profectiorem. Hæc cùm Antigonus regis nomine retulisset, & mira jactaret de rerum omnium affluentia, quæ venturos expectaret, deque regiâ in ductores liberalitate; homines crudi ingenij, & falli istiusmodi lenocinijs nescij, se quidem de eâ magnificentia coràm cognituros respondent; Atqui scire velle, ubinam sit aurum, quod Rex erat pactus, in pedites equitêsq; viritim tribuendum. Ad hæc cùm legatus obmutesceret, Clondicus; Vade (inquit) Regique tuo renuntia, militem ne vestigium quidem ultrâ moturum, nisi prius promissum aurum simulque obsides acceperit. Hæc ubi rescita Perseo, advocato suorum senatu, multa de Gallorum feritate conquestus, deque incommodis, si tantum, ferocissimæ gentis in suos fines reciperet, cujus societas nihil minus periculi atque curarum, quàm aperta Romanorum hostilitas esset creatura, sibi videri dixit, equitum quinque milia sat esse. Non erat obscurum ituris in vota, Regem non auxilium multitudinem, sed stipendij magnitudinem refugere, sed nemo unus fuit, qui homini sordido suadere auderet, quæ in rem essent, sed, qui primus ad exitium Principibus lapsus est, singuli, ut ne duplicerent, erranti, currentique ad interitum, simulando stimulos addiderunt. Ergo remittitur ad Bojos Antigonus, qui referret, Regem quinque non amplius equitum millibus indigere, cæteris integrum esse, domum reverti. Id cum fremitu accepere Boij, indignantes, patrijs laribus doJo excitos, cum ludibrio remitti. Clondico tamen sua constitit animi moderatio: Quinque (inquit) hominum millia è toto numero Rex seligit; sed cedo, quid nummorum habes, quod vel his numeretur? Cùm ne id quidem esset in expedito, sed ambages à Legato necerentur, jussus est, protinus inde facessere, citra tamen injuriam, quam Clondicus prohibuit, ne in legato jus gentium violaretur. Quare universa Gallorum multitudo retro ad Istrum conversa, Thraciam Perseo subjectam, quâ parte abeuntibus occurrit, pervagata, ex indigenarum *CLONDICUS THRACIAM POPULATUR* fortunis sibi legit optima stipendia. Serius errorem agnovit Perseus, quando

PERSEI RUL-
NA.

Liv. lib. 44.

SOLVETTII
GALLI IN-
SOLENS RE-
SPONSUM.

MODERATIO
SENATUS
ROMANI.

LXIIIX.
BELLUM
EUMENIS
IN GALLOS.

BELLUM
GALLORUM
IN ARIARATH-
THEM.

Plin. l. 3. c. 42.
Alian. lib. de
animal. c. 44.
CENTARETI
GALATÆ
VICTORIA
ET CASUS.

tempestivis auxilijs destitutis, res suas ivit perditum, quas æquabili pecuniæ impendio servare potuisset. Quamobrem, quæ fuerunt hominis sordes, & ignavia, Macedoniæ regnum olim inclytum, secum traxit ad ultima fata, quando exercitu amisso, regnóque extorris, postquam bellum triennio aluerat, L. Æmilio Paulo victas manus dedit captivus, insigni fortis humanæ documento, quod ita flexit Æmiliū, ut calamitoso Regi illachrymatus, rerum humanarum inconstantiam ex tam præcipiti mutatione pro concione, suis, præsertim junioribus, posuerit ante oculos, monueritque, ne secundis rebus, quicquam in ullum superbè, aut violenter consulerent, vel fiderent fortunæ præsenti, quando semper incertum esset, quid serus vesper veheret: addidit, eum, qui talia apud animum suum meditaretur & ageret, fore virum, quem nec prospera immodicè efferrent, nec adversa deprimerent. Quæ Livius de fluxâ Eumenis erga Romanos fide, de subsidio mille Gallorum equitum negato Romano Consuli, iisque partim cæsis, partim captis ante Chienfes portas, deque Gallogræcorum rebellione, paucis comprehendit; sunt ejusmodi, ut, si ea ad Tolistobojos, vel obtorto collo, rapere lubeat, in re admodum incertâ, neque satis à veteribus explicatâ, ariolandum sit potius, quàm quicquam certâ ratione asserendum.

Ceterum iu Gallorum Asiaticorum sanguine, quamdiu à priscis moribus non degeneravit, hæsisse semper vestigia antiquæ fortitudinis, arguit responsum insolens Solvettij Gallorum ducis, quo P. Licinium tam rigidè contemptumque excepit, ut miraculo fuerit, Romanam majestatem hominis tumorem ferre potuisse; & nihilominus Senatûs populique Romani moderationem eo factò tam non fuisse offensam, ut, cum Prusias Bithyniæ Rex agrum à Galatis de Antiocho captum reposceret, Patres responderint, Senatum per legatos cogniturum, an ager ille populi Romani beneficio Gallis esset attributus, nec commissurum, ut Prusiæ postulata, Gallorum jus, Romanæve liberalitatem, quam perpetuam esse oporteret, videretur neglexisse.

Bellum, quod Eumeni cum Gallis intercessit, perfunctoriè missum est in chartas veterum: proinde quo successu aut exitu gestum sit, non nisi conjecturâ licet assequi: tamen verisimile est, fuisse Gallis bene fortunatum, quandoquidem eo finito, sua ipsis libertas, usus instituti veteris atque moris, autoritate Senatûs populique Romani in multos postea annos constitit. Haud multò enucleatius bellum contra Ariarathem Regem Cappadocum, quem superiùs arma socialisse Tectosagibus, & Trocmis adversus Maunium, diximus, descriptum est. Quamobrem in obscuro est, utrùm Gallis abrumpendæ amicitiæ causâ fuerit damnum Galatarum agris illatum. Etenim Ariarathes, invento satis imprudenti, obstructo Melæ fluminis, quâ in Euphratem angustius labebatur, ostio, proximam planitiem inundaverat, effeceratque lacum, in quo colles aliquot extantes, Cycladum Insularum Ægei maris amœnitatem referentes, jucundum ipsi secessum præberent. Verùm, cum ruptis claustris, subita aquarum vis elapsa, Euphratem extra alveum erumpentem sic tumescisset, ut exundans magnam Cappadociæ partem everfis passim ædificijs, & submersis mortalium quàm plurimis, obrueret, agro quoque Galatarum, qui Phrygiam habitabant, superfusus est. Quæ damna ut vindicarent Galatæ, credibile est, eos contra Ariarathem suscepisse bellum, quod Romæ Senatus autoritate sopitum est. Patres enim factâ detrimentorum æstimatione, Ariarathem triginta talentorum millia (trecenta talenta haud paulò tolerabiliorem summam legunt alij) jusserunt pendere, seu mulctæ nomine, sive compensationis.

Quod scribit Plinius de Centareto Galata (Æliano Centoarates nuncupatur) Antiochi victore, tamen nullam adferat temporis aut causæ, quæ bellum excitaverit, rationem, ostendit tamen aliquod belli vestigium. Illum, refert ex Philarcho, occisi Antiochi equum conscendisse ovantem, cumque eo veheretur, jumentum furens, & fessoris insueti juxta ac invisi impatiens, effreni cursu abiisse præceps in abrupta, atque simul cum Centareto elisum, domini necem vindicasse.

casse. Mirior, & Asiatico genio propior est opum maximarum profusio, quâ Ariamnes Galata toti genti per plures cœnationes totâ passim provinciâ digestas, quotidianum epulum per annum integrum lautè præbuit, ne exclusis quidem viatoribus, si quos fortuna ad ista convivia detulisset.

ARIAMNES
EPULUM AN-
NUUM.

Ab istis epulis relabor ad bella, quibus Gallogræcos implicitos fuisse, comperio. Ea referam uno narrationis contextu, ut licet, quæ Boicæ nostræ sunt magis propria, tantisper seponenda sint, nihil tamen officiat rerum atque temporum ordini, qui tantò erit integrior, & suâ facilitate clarior, quò minùs erit necesse, domesticis intermissis, velut ex abrupto rursus in Asiam, cum nonnullo fortan lectoris fastidio, referre stylum. Enitar verò brevitate dictionis efficere, ne queri quis possit, se justo diutius extra suum orbem in longa peregrinatione fuisse detentum. Sed quoniam pleraque Gallogræcorum facta, Regum Asiaticorum consilijs sunt intexta, facere non possum, quin ea petam ex illis fontibus, ex quibus derivantur, simulque insinuem res gestas sociorum.

LXIX.

Inter hos primo loco sese offert bellum Mithridaticum, grave admodum, atque diuturnum, quod anno ab urbe conditâ sexcentesimo sexagesimo quinto, L. Cornelio Sullâ, & Q. Pompejo Rufo Consulibus in Bithyniâ à Mithridate Ponti Rege conflatum, ad annum V. C. sexcentessimum nonagesimum secundum exarsit, quo tempore Pompejus, quòd illud prosperè confecisset, Magni nomen consecutus, bidui triumphum egit. Idiplum bellum (quod plerisque alijs adnatum est) non Asiam modò, sed magnam etiam Europæ partem accendit. Nam, quod tradit Plinius, Pompejus, fuis, fugatis, occisis, in deditionem acceptis hominum vices semel centenis octoginta tribus millibus, depressis aut captis navibus octingentis sexaginta sex, oppidis, castellis mille quingentis triginta octo in fidem acceptis; terris à Mæoti lacu ad rubrum mare subactis, cùm oram maritimam à prædonibus expurgasset, & maris imperium populo Romano restituisset: de Asiâ, Ponto, Armeniâ, Paphlagoniâ, Cappadociâ, Syriâ, Scythis, Judæis, Albanis, Iberis, Cretâ, Bastarnis, & super hæc de Regibus Mithridate ejusque liberis, Tigrane, & Tigranis filio, triumphum duxit: ac proinde Cicero professus est, Pompejum tot habuisse triumphos, quot sunt oræ partésque orbis terrarum.

AN. V. C.
DC. LXV.
Fast. Capit.
Cassiod. Oref.
Appian. Vell.
leius. Plutar.
BELLUM
MITHRIDAT-
ICUM.
Plin. lib. 7.

Cic. pro Corn.

Gallogræcos fuisse in Mithridatis exercitu, author est Appianus, cùm eos Thracibus, Scythis, Ponticis, Cappadocibus, Bithynis, Phrygibusque accenset. Justinus ex Trogo Mithridatem ad suos perorantem, suâque vires magnificè prædicantem inducens, præcipuum robur exercitûs in Gallogræcis eum posuisse, confirmat. Sed neque omnes fuisse Mithridati amicos, hinc promptum est colligere, quòd, cùm L. Cassius, & Manius Aquilius, Romanæ militiæ Legati, Nicomedem Bithyniæ, Ariobarzanem Cappadociæ regnis, unde erant à Mithridate ejecti, reddiderunt, id fecere ope copiarum, quas è Gallogræciâ & Phrygiâ contraxerant. Utrorum signa belli initio Dejotarus Tolistobojorum tetrarcha secutus sit, historia silens voluit nos nescire: nec satis evidenti argumento est, constans ipsius in Romanos fides, quòdque renunciatâ Mithridati amicitia, ante vigesimum quartum hujus belli annum, sit secutus auspicia fortunæ Romanæ. Nam eum à bello interim abstinuisse, & medias partes esse secutum ostendit, quòd anno demum V. C. sexcentesimo sexagesimo septimo, fuerit quidem suspectus Mithridati, sed nondum hostis: apparet tamen etiam, eum Romanorum Ducum molitiones non potuisse probare, quippe qui Senatûs populique injussu, præter jus fasque, arma, quæ inconsultò induerant, gestarent improspere, non tam pro Nicomedis & Ariobarzanis Regum amicorum fortunis & justitia, quàm pro insatiabili gloriæ cupiditate, & profundâ libidine dominandi. Etenim mox ubi suis sedibus Reges fuerant restituti, Manius & Cassius, promissis auxilijs, utrique authores fuerant, ut Mithridatis regiones incurfando (quòd inquietorum est) belli materiam non tam tractarent, quàm facerent. Et mali consilij malus processus quidem, sed prior fuit exitus, quo Nicomedes ausus Mithridati

GALLO-
GRÆCI MI-
THRIDATEM
SECUTI.
Justin. lib. 38.
LXX.

DEIOTARUS
ROMANIS
ADDITUS.

AN. V. C.
DC. LXVII.

bellum inferre, commisso ad flumen Amnium cruento admodum prælio superatus, pulsus est in Paphlagoniam, ac demum Ponti claustris, universisque ad extremum Bithyniæ provincijs exutus est: Manius verò Aquilius, cum sub signis haberet quadraginta quatuor armatorum millia, ad Pachium vicum, decem millibus in loco amissis, devictus, primum aufugit Pergamum, deinde Rhodum se recepit, non sine Galatarum, qui Romanis merebant, clade. Porro Dejotarus, qui primis duobus belli annis ab armis abstinerat, ubi se vidit, ad necem quæri, ne suam salutem diutius iniqui Regis crudelitati obijceret, rebus necessarijs, cum domestica præsidia non sufficerent, ad Romana sibi confugiendum putavit, per honestam à Mithridate defectionem, quam non animi libido; sed supremum discrimen, & violata per summum nefas jura humanitatis expresserant.

A MITHRI-
DATE DEFI-
GIT.

LXXI.
CLADES RO-
MANORUM.

DUCTORUM
IGNOMINIA.

CRUDELI-
TAS MI-
THRIDATIS.

*Iustin. l. 38.
Appian. in
Mithrid.*

MITHRIDA-
TIS POTEN-
TIA.

LXXII.

SAEVITIES IN
PRINCIPES
GALLO-
GRÆCOS.

*Appian. in
Mithrid.*

CLADES.

Q. Oppius eodem, quo Manius, superatus est adversæ fortunæ terrore. Is enim à Laodicensibus, apud quos unà cum mercenario milite, in quo fuere Galatæ, receptum securitatemque quærebat, Mithridati fuit deditus, & cum ignominia passim à Rege ostentatus captivi habitu. Idem Manium vinctum circumducebat asino insidentem, cogebatque, sui dedecoris esse præconem, ubi aderat spectatorum frequentia, clamitando, adesse Romanum Manium Aquilium. Id ostentum tenuit, quousque Mithridates Pergami auto liquato in os infuso eum necavit, exprobrans morienti largitionum corruptelas, ad Romani nominis infamiam. Eo factum, ut vulgatâ tot cladum famâ, cum Romæ bellum adversus Mithridatem, Senatusconsulto decretum, L. Cornelio Syllæ demandaretur, nec ob civiles contentiones, par sumptibus esset ætarium, jussâ fuerit confici pecunia ex universis donarijs, quæ Numa Pompilius Dijs sacraverat. Sed his omnibus longè fuit funestius, quando Mithridates furijs agitat, civitatum omnibus magistratibus, scriptis secretò litteris, sub atroci suppliciorum denuntiatione imperavit, ut uno eodémque die, quicquid in Asia degerebat hospitum Romani Italicique nominis, unà cum uxoribus, liberis, ingenuis, domesticis, nullo ætatis discrimine, (tuere autem ad octoginta millia) jugularent, abijcerentque insepultos, nec patrocineretur cuiquam ullius asyli, ne quidem Ephesi Dianæ, aut Æsculapij reverentia: occisorum deinde facultates redigerentur pars in fiscum regium, pars in percussorum mercedem & proditorum, si qui Romanos latentes in lucem protraxissent. Quâ barbarie mirum, quantum in se accenderit Romanorum odium. Hominis prodigiosè crudelis spiritus efferabat longus armorum usus (nam antequam in Romanos ferrum strinxit, diuturna bella gesserat) ingens potentia, tum ex opibus domesticis, tum ab externis auxilijs Regum Armeniæ, Scytharum ab usque Ponto & palude Mæotide, usque ad Thracium Bosphorum. Habebat in promptu classes quadringentarum, & quod superabat, navium. In exercitu numerabat equitum quinquaginta, peditum ducenta quinquaginta millia, tantumque armorum & bellici instrumenti, quantum sufficeret innumeræ multitudini, quam habebat sub signis collectam ex viginti duabus gentibus.

Quò magis Romanos distraheret, iniit cum Gallis amicitiam: insuper allexit Sertorium Reipub. Romanæ hostem, qui Hispaniæ incubabat, ad jungendum fœdus: maria piratis implevit ab usque Ciliciâ ad fretum Gaditanum, quò minùs mireris, ausum esse Romanorum contra se iras provocare. Nec verò fuit in amicos, quàm in hostes æquior. Nam ex merâ suspicionum intemperie sæviit in principes Gallogræcos. Vix sine metu est, qui multos odit, seque novit omnibus esse odiosum. Inde illi timor & sævities, quæ tum maximè fuit accensa, quando mutato fortunæ cursu, Romanos præter solitum cœpit formidare. Etenim L. Sulla, cui Asia sortitione obrigerat, Archelaum, quem Mithridates centum viginti pugnatorum millibus præfecerat, in quibus bono numero Gallogræci, ad Cheroneam in Chalcide tantâ strage profligavit, ut vix decies mille ex eo numero superfuerint. Eo prælio è Romanis (si Appiano fides est) non nisi

tre-

tredecim, si Sullæ orationi, non nisi decem fuere desiderati. Et quod magis mirandum, copiæ, quas Sulla produxit in aciem, ne tertiâ quidem parte hostes æquabant. Hominis furiosi terrorem auxit gemina præterea clades illata Dorylao Mithridatis legato, qui signis ad Orchomenum oppidum collatis, primâ pugnâ quindecim virorum millia unâ cum Diogene Archelai privigno amisit: quique iterum acie devictus, cæsis omnibus copiis, ægrè vitam fugiendo servavit. Mithridates tergemina clade percussus, novos toto regno delectus habuit: sed cum metueret, ne essent, qui fortunæ auram respicientes, ad struendas regio capiti insidias verterentur; quoscunque suspectos habebat, iussit convenire, tum ut procùl abessent ab hoste, & occasione defectionis, tum ut, quos præ cæteris timebat, tolleretur è medio. Et in his quidem fuere Gallogræci, præsertim Tolistoboj, quibus invisâ erat hominis nefarij crudelis ratio dominandi. Ex eâ gente habebat in castris sexaginta regis sive stirpis sive indolis tum Principes tum viros fortissimos, quos, ut meticulosa est, & trepida semper diffidentia, hosti credebatur iusto minùs esse infensos. Eos omnes honoris specie Pergamum accivit. Mox ubi advenerant, nihilo humaniùs, quàm captivos iussit haberi. Animadvertenter miseri, se non in aulæ lucem, sed ad captivæ libertatis angustias esse pertractos. Quid agerent calamitosi, qui se vel ad cultrum, vel, si quid paulò mitiùs Rex belluinus statueret, saltem ad perpetuos compedes cernebant designari? Capita in commune secretò conferentibus placuit, quibuscunque demum ausis paratam injuriam prævenire. Omnium expeditissima sese vindicandi ratio visa est, quàm Toreadorix Tosioporum regulus dictavit, ut suâ manu regis crudelitati præverteret. Is ipse, qui consilium dederat, creditus aptissimus, qui & exqueretur. Ex conjuratis, qui omnes iussi fuerant gladijs discingi, nullus erat, cui ferri ulla esset copia. Rex in Gymnasio litigatorum causas erat cogniturus. Toreadorix ratus hac esse utendum occasione, quo erat animi corporisque robore, audax sibi sumit facinus. Statuit Regem jus pro tribunali dicentem rapere, & è sublimi in subjectam aream præcipitare. Nec erat dubium, quin ei, si prodiret, in publico vim esset allaturus. Verùm saluti fuit Regi, sese eo diè domi tenuisse. Ergo ubi id consilij non processerat, aliud capiunt longè audacius, quale desperatio suggestit. Convénit inter omnes, Regem ferino more discerpere: naturam enimvero non belluis modò, sed homini etiam arma dedisse, dentes, ungues, robustas manus, quibus depellatur vis & inferatur. Fide ad eam eadem datâ & acceptâ, sola deerat loci temporisque opportunitas. Dum res extrahitur, uti rara est inter multos arcani fides, vixque potest fieri, quin ab effectatis aliquz iratum scintillæ erumpant in sagaces multorum exploratorum oculos; conjuratio ad Regem emanavit. Ille furore amens, conjuratos ad unum omnes neci addidit. Eorum aliquos jubet insidijs circumventos opprimi, alios unâ nocte inter epulas obtruncari, alios publicè per lictorem jugulari, quam illi immanitatem Sylla, cum de pace coràm ageret, gravissimis verbis exprobravit. Tres socijs fortunatiores elapsi in Galatiam, carnificinam evasere. Toreadorigis utpote conjuratorum antesignani funeri, ad majorem supplicij infamiam id dedecoris adjectum est, ut projectum cadaver careret honore sepulchri. Pergamena mulier extincti casum miserata, corpus rapuit, tumultu mandatura. Cum deprehensa causam diceret, falsa est, se viri, dum viveret, amore captam, id officij demortuo pendere voluisse: Hoc si capitale sit, non ægrè se pro viro egregio, sine quo ægrè vitam traheret, esse morituram. Mollit Regis animum mulieris oratio, non modò ut eam absolveret, sed funus etiam regio sumptu curaret. E conjuratis adolescentem, cui Bepolitano nomen, forma liberalis, habitusque venustas servavit. Cum enim Regem corporis animique decora recogitantem dictari in eum supplicij poenitudo subiisset, & jam jam lictori juvenis cervicem esset subjecturus, è regio famulitio quispiam ad feralem arenam iussus properare, in tempore accurrens, securi additum exemit. Mortem nonnihil distulerat cura tortoris, ne vestis, quam adolescens pro natalium splendore gerebat elegan-

Sigon. in Fast. Capitol.

CONJURATIO IN MITHRIDATEM.

L
XXIII.

CONJURATORUM CADES.

Appian.

Plutarch. de clar. mulier.

MULIERIS PERGAMENAE HUMANITAS.

GALLUS ADOLESCENS SUPPLICIO EXIMITUR.

rem, navi quippiam ex fundendo cruore contraheret; Eam dum suis servandam usibus studiosè contemplatur, detrahit, componit; supervenit Regis nuntius, qui lictorem jussit manus ab adolescente abstinere: sic vestis elegantia, quæ nonnullos aliquando perdit, servavit periturum. Tres illi, qui in Galatiam profugerunt, cum popularibus Mithridatis perfidiam barbarièque explicassent, ex suis clientelis contraxere validam manum virorum fortium, Regem diris omnibus devoventium, qui Eumachum Proregem, & quicquid præsidij Mithridates oppidis imposuerat, totâ provinciâ exegerunt.

L
XXIV.

EUMACHUS
DEVICTUS A
DEIOTARO.

*Sigon. in Fast.
Cic. in Bruto.
de Arusp. resp.
Philipp. 11.
Epitom. Liv.
lib. 94.*

MITHRIDATIS
INFELIX
EXITUS.

Iustin. l. 37.

*Liv. Epitom.
lib. 102.*

Ex eo numero Principum, quos fuga servavit, fuisse Dejotarum, à vero nō abludit. Cum enim is inter Gallogræciæ tetrarchas plurimum eminere auctoritate & potentiâ, præ cæteris poterat Mithridati esse suspectus, ne transitione ad hostem, vires regias insigniter minueret, augeret Romanas. Certè succedentibus annis, cum apertè à Mithridate defecisset, Romanos juvit egregiè; quando Eumachum, qui collectis copijs Phrygiam incurfabat, Pisidas, Isauros, Cilices, & Romanorum amicos vexabat, acie profligatum cohibuit. Idem L. Murenæ, quem Sylla Romam abiens ad captandum triumphum rebus Asiaticis imposuerat, ope operaque præstò fuit. Quo factò est promeritus, ut eum Murenæ, quando velut debellato hoste triumphum petijt, & impetravit, vehementer Senatui commendârit. Nec dubium est, quin constanter adfuerit L. Lucullo, Murenæ successori, qui magnâ felicitate Gallogræciæ tetrarchas, Mithridatis partibus adhærentes, prælijs equestribus superavit in Phrygiâ.

Cæterum nostri non est instituti, Mithridatis fortunam & bellorum exitum prosequi; nobis sufficit dixisse, eum demum à Pompeio debellatum, fuisse adeò miserum, ut amissis ultimo prælio quadraginta bellatorum millibus nusquam locorum tutus, ubique pavidus, omnibus mortalibus, Pharnaci etiam filio, à quo bello fuerat petitus, invisus; cum mortem, quâ se tot malis eriperet, haberet in votis, ne id quidem beneficij sit consecutus, ut hausto veneno vitam posset abruptum. Nam cum puer tutorum insidijs & virulentis pharmacis appetitus, sæpe bibisset antidota, corporis habitum istiusmodi remedijs subactum sic vitiaverat, ut sumendis citra noxam venenis assuetus, senex ne volens quidem medicatâ peste mortem sibi posset consciscere. Ergo ne hostili ferro caderet, Bithoci Galli militis, quem fidum aliàs erat expertus, dextrâ usus; infelicem spiritum per ignobile vulnus abegit.

DEIOTARUS
ROMANIS
AMICUS.

L
XXV.

*Cic. ad Attic.
lib. 5.*

Dejotarum Cicero ob constantem in populum Romanum fidem optimum atque fidelissimum Regem appellat. Aliàs eum asserit, sæpenumero à Senatu regali nomine dignum existimatum, clarissimorum Imperatorum testimonijs ornatum, multis bellis frequenter Romano Imperio tulisse auxilia. Juvat in eam rem præstantissimi oratoris verba referre. *Dejotari Regis patris & filij & magnus, & nostro more instructus exercitus: summa in filio spes, summa ingenij indoles, summaque virtus. Quid de patre dicam? cujus benevolentia in populum Romanum est ipsius equalis ætati, qui non solum socius imperatorum nostrorum fuit in bellis, verum etiam dux suarum copiarum. Quæ de illo viro Sylla, quæ Murenæ, Servilius, quæ Lucullus, quàm ornatè, quàm honorificè, quàm graviter sæpe in Senatu prædicarunt? Quid de Cn. Pompeio loquar? qui unum Dejotarum in toto terrarum orbe amicum verèque benevolum, unum fidelem populo Romano judicavit. Fuimus imperatores nuper ego & M. Bibulus propinquis finitimisque provincijs: ab eodem Rege adjuti sumus & equitatu & pedestribus copijs. Etenim, ut idem testis est, scribens ad Atticum, triginta cohortes, singulas quadringentorum capitum, & bis mille equites adduxit, quibus auxilijs Cicero montem Amanum diripuit, vastavit, atque inde sempiternum hostem deturbavit: Parthos repulit, Pindenissum cepit, aususque est, ab exercitu Imperator appellatus, à Senatu sperare triumphum. Celebrat ejusdem officia fidemque utroque libro de Divinatione, affirmans Dejotarom antiquitorem fuisse laudem & gloriam, quàm regnum & suas possessiones, eumque virtutum potius, quàm avium auspicijs usum, quando Pompejum sequebatur, maluisse præ-*

præ-

præstare fidem, quàm spectare fortunam. Ipsum ab Senatu eo nomine sæpe honorificentissimis decretis esse Regem appellatum : ab omnibus Imperatoribus Romanis, quibuscum ab adolescentiâ in castris fuit, fuisse excultum perhonorificè, præsertim à Pompeio, qui eam sibi in eum beneficentiam voluit esse propriam, negavitque in Senatu, alium à se quemquam (quippe qui Asiæ victor esset) bello confecto, præmijs in Asiaticos Principes de Repub. bene meritos conferendis, jure posse admoveri. Is ne in Dejotarum verbis quàm factis esset liberalior, ei titulo Regio Gadiloneticæ provinciæ partem ad Armeniam usque portectam, donavit, & eas regiones, quæ Pharnaciæ & Trapezuntia proxima sunt, usque in Colchidem, & minorem Armeniam. Paternæ ejus tetrarchiæ adjecit Tolistobojos & Trocmos, qui ipsius posteris, cum regiâ potestate atque nomine isthic locorum imperantibus, diu, constanter & cum fide paruerunt. Cùm enim bello civili, quod Cæsar Pompeiûsque gesserunt, Dejotarus devexâ jam ætate (erat tum sexagenarius) Pompeio addictior, ejus fuisset castra secutus; eoque in campis Pharsalicis à Cæsare superato, discessisset ab armis, mutatâ in deterius fortunâ, Cæsarem Alexandria imminentem pecuniâ juvit & equitatu. Pontico quoque bello eidem contra Pharnacem Mithridatis filium tulit suppetias. Confecto demum bello, Cæsar memor pristinae æmulationis, Dejotarum regni parte exutum, Regis tamen nomine atque insignibus non exiit. Tandem bonum senem suæ fortunæ indormientem, inhumanus casus rebus omnibus penè evertit. Cæsar ejus hospitio usus fuerat in Galatiâ, regiâque cultus liberalitate ac munificentia, credebatur omnem offensionis præteritæ memoriam ex animo delevisse; cùm Castor Dejotari ex filiâ nepos, meditato dolo, & regnandi cupiditate, an verò avi crimine, incertum, Dejotarum Cæsari Romæ rerum potienti, insidiarum detulit, quasi per dispositos in balneo percussores cum statuisset occidere, cùm hospes Blucij ad eum divertisset. Affinxit alias criminationes; quòd videlicet Dejotarus alieno semper fuisset à Cæsare animo; quòd comparato ad ejus perniciem exercitu, tempori & ejus perdendi occasione fuisset perpetuò intentus. Nepos improbus, authore patre, homine solâ Dejotari affinitate, & nonnullâ litteraturâ nobili, Philippo Dejotari medico, qui donis corruptus cum avi legatis Romam ivérat, id negotij dederat, ut homo servili genere, dominum (quod mancipijs familiare est) istorum criminum arcesseret. Cùm Cæsar vehementer offensus iras non dissimularet, Regis Legati defensionem Ciceroni, veteri Dejotari amico & hospiti, commendarunt. Quam ille pro sua humanitate suscepit, itaque privatim, audiente Castore & Legatis, egit apud Cæsarem, paulò antè quàm in Senatu à Bruto & Cassio caderetur, ut, tamen non obtinuerit, ut Cæsar cum Dejotaro rediret in gratiam, frenârit tamen meditata iras, donec eo per conjuratos occiso, Dejotarus suo Marte ditiones à Cæsare ablatas, Senatu populoque Romano connivente, recuperavit, Blucij Regiam habuit, Pej reconditos thesauros. Castorem generum Castoris delatoris parentem (quem Suidas Philoromæum abs Romanorum amore cognominatum prodidit) quod ejus suasu filius avo accusationem conflasset, regio more ultus est. Cùm enim arctior ferè sit regni quàm sanguinis necessitudo, generum unâ cum uxore filia interfecit, Gorbeium Castoris domicilium à fundamentis evertit, maximamque pagi partem redegit in parietinas. Fuit cæteroqui crudelis in filios, quorum cùm plures haberet, & Dejotarum in spem Regni aleret, reliquos necavit, ne uni Dejotaro dubiam vel imminutam hæreditatem relinqueret, quam tamen filius immaturo fato præreptus, non potuit adipisci. Alteram filiam nuptum dederat Brogitaro, quem scelera ut impurum ac nefarium postea damnarunt. Is contractâ cum P. Clodio ejusdem farinae monstro amicitia, quâ nulla poterat ipsi accidere inhonestior, ab eo sacerdotium Matris Deûm, quæ præcipuâ religione Pessinunte à Galatis colebatur, coëmerat, simulque eodem authore Regium nomen, & supparem Dejotaro dignitatem arripuerat. Verùm Dejotarus generi improbitatem detestatus, & ratus indignum, qui sacra toti genti &

Plutarch, in
Pomp.

POMPEII LI-
BERALITAS
IN DEJOTA-
RUM.

L
XXVL

JUL. CÆSAR
INFENSUS
DEJOTARO.

DEJOTARUS
ACCUSATUS.

DEFENSUS
A CICERO-
NE.

L
XXVII.

Suid. V. Ca-
stor.

ACCUSATO-
RES CASTI-
GAT.

CRUELIS
IN FILIOS.

Plutarch, de
Stoicor. re-
pugnant.

Ro-

*Plutarch. in
Caton. minor.*

**CATONIS
ABSTINEN-
TIA.**

*Plutarch. in
Crasso.
Appian. in
Parthie.*

**DEIOTARI
PROLES EX
ANCILLA.**

**L
XXIIX.
DEIOTARI
SUCCESSO-
RES.**

**AMYNTAS
POSTREMUS
GALATIAE
REX.**

Strab. l. 12.

**OMONADES
VINCIT.**

Romanæ religioni veneranda impiè temeraret; nullâ affinitatis habitâ ratione, Pessinunte proseripsit. Quod de ejus in Catonem minorem magnificentia, & hujus abstinentiâ Plutarchus scriptum reliquit, non debet à nobis silentio præteriri. Cato profectus in Asiam, à Dejotaro, qui annis jam gravis liberos ei suos domumque per occasionem commendare volebat, fuit studiosissimè invitatus, vellet pro sua humanitate secum amicitia & hospitij necessitudinem inire. Ad eum divertit Cato, fuitque cultus omni honore, & lautiorum apparatu. Munera insuper offerentem tantum abest, ut admiserit, ut etiam offensus, noctis unice contubernio usus postridie statim discesserit. Cum unius diei itinere progressus Pessinuntem venisset, Dejotari ministros cum pluribus præstantioribusque donis habuit obvios, obnixè Regis nomine rogantes, ne ipsius benevolentiam reiiciendo, ostenderet, in regiâ gazâ nihil esse repertum, quo tanti viri merita colerentur. Sed nullius potuit precibus adduci, ut quicquam ex donis attingeret. Cum ea omnino respueret; infimis precibus rogârunt internuntij, pateretur saltem amicos frui regiâ liberalitate. Atqui immotus negavit, se cuiquam facturum ejusce rei potestatem; aut commissurum, ut, quod suâ ipse manu non acciperet, alienâ captasse videretur. Velle enim se, si quid fortunarum habeat, cum amicis communicare; sed nolle irretiri largitionibus, nec ex obliquo quidem, vel sinus corruptelis aperiri. Quæ abstinentia omni auro præstantior digna prorsus est, quæ adamantinis litteris scripta, publicæ rei administris commendetur. Scitum & illud est, quod idem author Dejotarum Crasso ad Parthicum bellum proficiscenti respondisse memorat. Cum Crassus vidisset Dejotarum grandi jam senectâ, novam urbem condere, subridens; O Rex, ait, horâ duodecimâ ædificare incipis: cui ille falsè reponens; Ne tu quidem, magne Imperator, quantum video, matutinus contra Parthos proficisceris: excesserat enim Crassus annum sexagesimum, & vultu plus senij, quàm pro ætatis ratione præferbat. Certè belli finis Crasso exitialis, non vana prædixisse ostendit.

Erat Dejotaro Stratonice uxor justa, quæ, cum sterilitate laboraret, marito persuasit, ut ex Electrâ ancillâ, ne Regno deesset hæres, prolem excitaret. Quos suscepit maritus ex ea liberos, uxor non secus atque suos, insigni curâ educavit. Dejotaro patre, ejusque filio cognomine, quem patens sibi successorem legerat, fato functis; Castor, incertum, an ille avi apud Cæsarem insectator, Galatiæ regnum adiit, quod non nisi quatriennio tenuit nullâ re gestâ memorabilis. In hujus locum provectus est Amyntas olim Dejotari amanuensis, & subinde copiarum præfectus, M. Antonij (uti admodum credibile faciunt, quæ mox referemus) beneficio. Julio Cæsare interfecto, cum Italia bello civili, Octavio, Antonio, & Lepido Triumviris arderet; Dejotarus Bruto, quem sibi apud Cæsarem patrocinatum noverat, auxilia submisit adversus Triumviros. Cum ætate fessus, & de belli eventu anxius suis copiis nollet adesse, Amyntam cum legati potestate præfecit. Sed posteaquam Philippeni pugnâ victoria Brutum & Cassium ipsamque Reipub. Romanæ fortunam destituit, Amyntas homo versutus auram captans, unde res secundæ aspirabant, ad M. Antonium vela convertit. Dejotarus inter hæc excessit è vivis. Non fuit æquum Triumviros itasci demortuo, qui Bruto, à quo fuerat adjutus, beneficium voluisset reponere; nec poterat Amyntas accusari, qui alienis auspicijs militasset. Verum homo versatili ingenio & fluxâ fide, cui potior erat rei faciendæ, quàm honesti ratio, mutatâ rursus voluntate, Antonium deseruit, & ad Octavium ante pugnam Actiacam defecit. Denique Dejotari regno potienti, cum pro ea, quâ laborabat, cupiditate regni proferendi, Galatiæ, Pamphiliæ, & Lycaoniæ fines viderentur angustiores; bello invasit Isauras, Derben expugnavit, Antipatrum loci regulum Ciceroni hospitij jure carum occidit: Isauram urbem Romani populi beneficio adeptus, dirutâ antiquâ Isauriâ, cum ædificijs ornare, & recentibus operibus munire esset aggressus, regiam, quam id loci moliebatur, non perfecit. Præclara meditantem expedio contra Omonades suscepta interceptit. Multa eo bello loca cepit antè ne-

mini

mini debellata; atque in his quidem Cremnani, unde movens ad Omonadas, qui se ad eam diem pro invictis ferebant, cum passim victricia signa circumferret, eorum regulum in suam potestatem redactum interemit. Ejusce gentis dominus videri poterat, nisi reguli interempti conjunx ad ulciscendam mariti necem, fortunæ ad summa grassanti frenos iniecisset. Illa Amyntam, in quem arma indomitæ nationis nihil potuerant, dolo cepit, & placandis mariti manibus Orco demisit. Fuit Amyntas, si Græcam fidem & vafritiem excipias, genio tolerabili. Opulentiam bello auxerat (quod vix ulli contigit) & varijs artibus, sed præsertim ex re pecuariâ. Supra trecentos ovium greges in siccâ regione, prope vicum Garfoboram alebat, veterem Regum Galaticorum instituto. Sciri dignum est, quod Strabo mandavit litteris de Tattâ lacu propinquo majori Cappadociæ, quâ parte Amyntæ parebat. Habet iste lacus fontes salis sponte nascentis, qui rebus immerfis tantâ facilitate adhæret, ut, qui funalem orbem demittunt, salis coronas educant. Idem avibus insidiosus est: ejus enim humore si tingantur, alæ illis subito concresecunt, & impedito volatu, nullo negotio, manu capiuntur. Porro Amyntâ extincto, Galatia sub Augusto Cæsare, in provinciæ formam est redacta, cui Lollius prætor omnium primus fuit impositus, reliâs tamen aliquot vestigijs pristinæ Gallogræcorum dignitatis, quæ initium sumpserat ante centum inde annos, ex quo Boij in Asiam transiverant. Et hic finis fuit Gallogræci imperij, quod Deus, ut pleraque, quæ sub sole sunt, noluit esse diuturnum.

Bellum servile, quod Luc. Gellio & Cn. Lentulo Coss. in Italiâ exitit, Vellserus & Brunnerus ad res Boicas traxerunt, sed conjecturâ (ut verum fatear) satis frigidâ: Nam licet unus ex Ducibus Chrixus fuerit, non ideo censendus est fuisse Bojus, aut Boico nomini quicquam contulisse. Plutarchus quidem plerosque conjuratorum memorat fuisse Thraces & Galatas; sed neque ea ratio Boijs suffragatur, eò quod Plutarchus Græco vocabulo Gallos quosvis passim Galatarum nomine compellet. Quamobrem missum illud facimus, satis habentes indicare scriptores Appianum, Plutarchum, Florum illud in loco diffusè satis recensuisse. Hoc duntaxat addimus, Plutarchum haud obscure significare, servos, quos Galatas appellat, ad Galliam Transalpinam spectasse, quando scribit, Spartacum eorum ducem, recogitantem, non posse à se Romanam potentiam superari, ad Alpes duxisse, ut *his superatis in patriam suam Galliam alij, alij in Thraciam discederent*. Quod si per Galliam, Boicam quis intelligat, nimis procùl à verâ Galliæ notione aberrat; Nam id temporis Boij peculiare gentis suæ nomen patriamque fortiti, communem Gallicæ nationis appellationem perinde atque sedem habitationemque dimiserant.

Quamlibet coner esse brevis, & supervacaneis abstinere, facere tamen non possum, quin illustre fraterni amoris exemplum à duobus Gallogræciæ Principibus editum referam ex Strabone, ut ostendam non defuisse in eâ gente, qui Castoris & Pollucis amicitiam geminâ inter se charitate referrent. Heracliæ, quam in Cappadociæ finibus Milesij condiderunt, jussu M. Antonij jus dicebat Adiatorix Meclij Galatarum tetrarchæ filius. Urbs ab ortu suo libera, post à Tyrannis oppressa, demum recuperatâ libertate, venit in populi Romani ditionem, & in partem civitatis & agri Romanam coloniam admisit. Adiatorix Antonij mandato, an propriâ lævitie, Romanos noctu ad unum omnes jugulavit. Contigit ea strages ante bellum Actiacum. Sed post ubi Augustus pugnam Actiacâ Romanæ rei potitus est, Adiatorigem cum uxore ac filijs tergeminiis duxit in triumphum. Spectaculum hominibus liberis & nobilissimis luctuosum, excepit aliud longè miserabilius. Augustus memor crudeliter oppressæ coloniar, Adiatorigem, cum filio Dyteuto natu maximo, ultimo supplicio addixit. Cum ambo ducerentur, filius minor consilium commentus est, quo fratrem saltem neci eriperet. Jam expediebantur secures in Dyteutum, cum minor, magnâ vocis animiq; contentione incepit de injuriâ expostulare. Tam confidens oratio ferrum conti-

OCCIDITUR.

TATTA LACUS SALIS.
Strab. lib. 12.

AVIBUS INSIDIOSUS.

GALATIA FACTA PROVINCIA.

L
XXIX.

BELLUM SPARTACIUM NON SPECTAT AD BOIOS.

Epitome Livy l. 96.
Appian. lib. 1. de bellis civil.
Plutarch. in Crasso.

Strab. lib. 12.

EXEMPLUM FRATERNI AMORIS.

L
XXX.

nuit. Pòst ubi facta dicendi potestas : *Excusarem*, inquit, *patris crimen*, si id possem cum bonâ *Cesaris* veniâ; cuius ego sententiam nolim accusare. Tamen hoc etiam atque etiam erat expendendum, si quid pater peccavit, peccasse jussu *Antonij* *Triumviri*; cui ipse populoque Romano sacramento dixerat, quémque *Asia* pars maxima, ut magnum numen, usinam benignum faustumque, respiciebat. Excisa est *Romana* colonia; *Antonius* jussit excindi: quo jure jusseris, non fuit parentis mei indagare, sed credere jussum esse sapienser. Sed neque meum est, *Cesaris* judicium in dubium revocare: Quis enim damnet *Orbis* dominum, penes quem omne est *Imperij* *Romani* arbitrium. Neque verò etiam defendo mei fratris innocentiam, apud quem tamen nulla facta cadis culpa resedit. Atqui meam queror injuriam, & accuso meum fratrem, qui si ve amore parentis, ne ab eo divellatur moriens, cui vivens conjunctissimus fuit, si ve mea sortis invidia, mihi præripit honorem, quem ordo nascendi, Dyque natalium præsidēs mihi detulerunt. Sum enim vero major ille natu, quem *Cesar* voluit esse socium paterni supplicij: ille me minor est, qui posterior lucem aspexit. Quare videte obsecro, ne, dum illi cum insigni meâ injuriâ adstipulamini, *Cesaris* imperium perperam interpretantes, vos injusta cadis reos faciatis. Auditus est cum stupore frequentissimæ multitudinis adolescens, moriendi, servandique fratris, quàm alij vivendi, seque ipsos tuendi, avidior. Tum *Dyteutus* (sic absque mendo constanter nominatur in *Græco* textu) natu major contra vociferari, testes appellare *Deos*, mortalesque omnes, se inter *Adiatorigis* filios primatum natalium à naturâ accepisse: supplex fieri utrique parentum, magnis utrique testibus, quibus nulli possint esse locupletiores, ne patiantur, jura sanguinis, ætatisque prærogativam ordine perturbato confundi: Hoc postremum officium filio ne pater deneget, hanc mater præstet gratiam illi, quem primum omnium genuisset. Pergebant filij conquestis unde unde argumentis contendere tantâ facundiâ, ut non liqueret, utri esset moriendum: dignus erat uterque, qui diutissimè viveret. Cùm nullus esset finis litigandi, judicij arbitrium defertur ad parentes. In his lucta longè major, quàm in filiis: utrumvis damnarent, horrebant in sua viscera omni vitâ rebûsque chariora, esse crudeles; si recusarent arbitrium, neutri filiorum proderant, sed augebant discrimen, ne uterque periret, quando nesciretur, utri esset pereundum. Triste supra omnem modum misero parenti, non modò mortis oppetendæ comitem habere filium, sed immitti etiam sententiâ neci addicere. Quid mater ageret, cui summa votorum erat, servare utrumque in vivis, pròque ipsis & marito occumbere? Prensabant interea filij parentum genua, & veris lacrymis suffragia flagitabant. Libertatem pro minore pronuntiandi minuebat metus, ne major ad *Cæsarem* provocaret. Pater tamen, ne uxori orbitatis solatia minueret, maluisset adultiorem servari, rerum usu ad gerenda afflictissimæ familiæ negotia magis idoneum: Et junior, qui fratri litem moverat, videbatur esse meritis, ne se frustra in vitâ pro fratre prodigendâ præstitisset liberalem. Exorandus tamen *Dyteutus* fuit, ne fratri mortem & amoris palmam invideret. Vellet superesse patri, eique præstare vicariam operam in matre, & fratre natu minimo, quâ valeret prudentiâ, susceptâ domûs gubernatione, adjuvandis. Cùm nihil his edictis moveretur, ad suas lacrymas pater materque adjecere metum, ne uterque cum fratre minimo, ex conspirato, victoriam medio fratri addicerent: quo denique telo passus est se superari, & animo tamen repugnante induci, ut patris funus lacrymis mallet honestare, quàm sanguine; à fratre beneficium accipere, quod matri fratrique minori in omnem vitam rependeret. Igitur fratrum medius unâ cum patre securi fuit percussus. Id amoris certamen *Augustus* ubi rescijt, vehementer miratus indoluit, & *Dyteuto* honoratissimum *Cumanorum* sacerdotium, quod non nisi regio sanguini dabatur, contulit: Viduam matrem & filiorum ultimum beneficijs & paternâ propè benignitate est prosecutus.



BOICÆ GENTIS
ANNALIUM
PARTIS I.
LIBER IV.

Boij Cimbroſ à Bojohæmo repellunt. Helvetijs bello Gallico ſociantur. Sedes in Æduorum finibus accipiunt. Cæſarem adjuvant : Rhætos hoſtes patiuntur. A Dacis pelluntur è Tauriſcis. E Bojohæmo eiſciuntur à Marcoman- nis. Migrant primùm in Noricum, poſt in Narifcos.

Collecto ex veteris hiftoriæ fragmentis, quantum externi ſcriptores, parci admodum in deſcribendis aliarum gentium rebus ac fortunâ, hinc inde ſparſum mandaverunt poſteriorum memoriæ, ne repetamus ea, quæ de communi Bojorum nomenclatione in huius operis limine memoravimus; ordo ratioque noſtri inſtituti ſtylum revocat ad Bojos, qui vel in Tauriſcis ad Iſtrum flumen, vel in Bojohæmo, & tractu Norico fixere ſedes. Iſtis locis proclive fuit gentes ab unâ ſtirpe prognatas inter ſe coaleſcere, & ſociatis viribus conſiliisſque adverſus vicinos varijs bellis, alternante fortunâ, priſcam magnitudinis ſuæ famam aſſerre. Multum exiſtimationis Herciniæ Boijs ſuppreſſit alium litterarum ſilentium, quo ſepultum eſt, quicquid memoriâ dignum geſſere per tot ſecula, quæ à primo eorum in iſtas oras adventu fluxerunt. Credibile non eſt tam longâ temporis intercapedine, nationem armis aſſuetam continuo ferrum condidiſſe, nec à primâ immigratione, uſque ad bella, quæ cum Cimbris Daciſque geſſerunt, egiſſe quicquam, quod litterarum luce inclareſceret : ſed longè veriſimilius eſt, egregijs factis domi deſuiſſe præcones, qui ſcriberent, referrentque in ſequentium temporum monumenta, ſine quibus nulla eſt certa aut diuturna præteritorum memoria. Græci juxta ac Romani, & animis, & longo terrarum tractu à Boijs diviſi, exterorum gloriam, ipſum adeo nomen, vel ob rerum ignorationem, vel neglectum, ne ſuis ipſi luminibus obſtruerent, nihil penſi habuerunt.

Cæterum, à Bojohæmo, quem à Boijs nomen traxiſſe multis perſuaſum eſt, appellatio quæ hodièque manet, manebatque ævo Cornelij Taciti, traduſta eſt ad Bohæmiæ notionem. Juſtus Lipſius è Codice Bambergenti Boijaſmum & Germ. Boyaſmum legit, colligitque ex Strabone Boviaſmum vel Bojaſmum Marobodui

Corn. Tacit.
de morib.
Germ.
Lipſ. ibid.

Strab. lib. 7.
Vell. Pater-
cul. lib. 2.
Cluver. l. 3.
Germanic.
Antiq.
 BOJOHÆMI
 ETYMON.

II.

Regis Marcomannorum, qui Bojos è Bojohæmo pepulerunt, regiam interpretatur. Cluverius Bojohæmi nomen præfert, quod etiam Casaubono visum est: quæ lectio etiam reperitur apud Velleium Paterculum, qui disertè scribit, Bojohæmum regionis esse nomen, cui opinioni Strabo adstipulatur. Eam regionem, quæ veluti Germaniæ frons est, quinam ante Bojos habitârint, incertum est: Bojos autem in eam migrasse, Tacito est extra dubium, quando asserit, eas terras, quæ inter Herciniam silvam; Rhenûmque & Mœnum amnes sunt, Helvetios tenuisse quidem, sed quæ sunt ulteriora, in Bojorum manus venisse. Strabo assentitur Tacito, affirmans Bojos Hercinium saltum quondam incoluisse: nec dissentit Cæsar, cum ait, Gallos in fertilissima Germaniæ circum Herciniam silvam migrasse: quos Gallos alios à Boijs non fuisse, eorûmque posteros Cæsaris ævo eas sedes tenuisse, donec Augusto rerum potiente illos Marcomanni avitâ possessione depulerunt, planum est ex adductis aliisque authoribus, quos suo loco referemus. Ptolemæus tacito regionis nomine, incolas Bæmos magnam gentem nuncupat.

CIMBRORÛ
 MIGRATIO.
Strab. lib. 7.

Istis locis se Boij longâ temporum & opulentâ rerum accessione firmaverant, quando Cimbri, vel suis pulsî sedibus, vel soli melioris amœnitate pellecti, eos sibi debellandos sumpserunt. Strabo rem à Possidonio mutuatus, paucis verbis exequitur: Cimbros nimis, quos & Græci vocant Cimerios, fato delatos in Herciniam silvam, à Boijs habitatam regionem invasisse, sed à Boijs dein ejectos, Istrum & Scordiscos, Teuristas, & Tauriscos, deinde Luetios auro quidem locupletes, sed in pace vitam agentes petiisse, tum sibi adjunxisse ex Helvetijs Tigurinos & Tougenos. Hæc ille quidem, sed migrandi causas veteribus Possidonio antiquioribus probatas improbat. Credebant illi, Cimbros ideo patriâ excessisse, quod aquarum eluvione è natali solo pulsî peninsulam à majoribus cultam deseruissent, eâ de causâ, quod Oceani incrementa ac decrementa, quæ alioqui natura certo ordine atque tempore definivit, extra ordinem terræ superfusa, gentem coegerint nativas sedes exilio mutare, & vagos prædisque addictos, Boicam armatâ manu occupare.

Plutarch. in
Mario.

Plutarchus tradit, initio fuisse ignoratum, quinam essent, aut unde terrarum, nubium instar è longinquo veherentur; fuisse tamen conjecturam, è Germanis fuisse, qui spectant ad Borealem maris oram. Narrat idem, credidisse aliquos, quod Cimbri ex eâ parte Germaniæ, quæ vergens ad Septentrionem, & juxta Mæotidem paludem reflexa Scythiam Ponticam contingit, sociatis armis coaluerint, qui quidem non uno omnes agmine neque continenter, sed quotannis sub vernum tempus suis è sedibus prodierint, & progressi ad ulteriora, per multum temporis arma per continentem circumtulerint, atque eam ob rem vocati fuerint Germano-Scythæ. Addit Cimmericos quibusdam Cimbros fuisse dictos, prisco Græcorum ævo litterisque cognitos, eosque, ut sunt initia, haud magno numero, sed paucos, qui è Scythiâ aëti in exilium, duce Lygdamide, à Mæotide in Asiam irruperint: Aliam præterea id generis hominum fuisse longè majorem turbam, eamque bellicosissimam, quæ ad mare exterius sedes posuerit, regione silvestri & umbrosâ, Solisque radijs propter nemorum densitatem inaccesâ, quæ nemora usque ad Herciniam silvam porrigantur: polum verò Arcticum haud procul ab eo cœli puncto, quod illorum vertici ad perpendicularum imminet, abesse, eoque fieri, ut id locorum totus annus unicum diem, nec plures noctes habeat, ita ut anni medietatem unam lux continua, alteram tenebræ non interruptæ occupent. Quæ res Homero in Necyâ fabulæ materiam suppeditavit. Omnium verosimillimum est, Cimbros inter gentes, quæ in Cimbricâ Cherfonefo Peninsulâ, quæ longo tractu in Oceanum panditur, habitârunt, omnium maximè fuisse septentrionales, & eos quidem, tametsi non omnes, patriâ emigrasse: qui solum non mutârunt, videntur habuisse posteros, qui Augusto Cæsari lebetem magnâ apud eos religione celebrem, dono per legatos miserunt ipsius amicitiam ambientes, postulantesque veniam injuriarum, quas olim eorum

majo-

maiores populo Romano intulerant, quam & à Cæsare impetraverunt. Vasta illis fuere corpora, vultus terribilis, immanis audacia, incredibilis laborum frigorisque tolerantia, tantus periculorum contemptus, ut scutis latè circum pedes exporrectis insistentes per immensæ profunditatis præcipitia se ultrò demitterent: tantum robur, ut arbores radicitus evulsas, scopulorum ingentia fragmenta, terræ tumulos, more Gigantum, ad frenandos aquarum cursus, fluminibus extra alveos cogendis obijcerent. Nec verebantur fœminæ maritorum munia, cum res ferebat, in præliis occupare, eadē grassari in viros, qui ordines desererent, nullo prorsus discrimine. Ipsæ è vehiculis hostem jaculis petebant, se ad extremam usque vitæ lineam fortiter tuebantur, & ne in hostium manus venirent, postquam fauces infantibus, cæteraque soboli eliserant, se ipsas jugulabant.

CIMBRO-
RUM HABITUS

CIMBRICÆ
FŒMINÆ
MILlicosæ

Fuisse Cimbrorum ad trecenta pugnatorum millia, quem numerum mulierum & prolis turba longè superabat, est in confesso apud scriptores: unde promptum est colligere, quantā gloriā Boij Hercinijs superârint immanem istam hominum colluviem, quæ magnam Europæ partem victricibus arinis vexavit. Quod Bojorum decus tantò fuit illustrius, quod gentem illam suis finibus ausi sint prohibere, cum viribus adhuc integris, nullisque fatigata cladibus, primos impetus faceret, ut per Hercinios saltus in Boicæ viscera penetraret: quæ laus solis Boijs, nulli præterea gentium, si Belgicam excipias, contigit. Ut Cimbrorum bella, quæ in Italiâ, Illyrico, Galliâ, & Hispaniâ gesserunt, persequamur, tanti non est minuta ratiocinatio ducta ex aliqua vocum specie, ut nobis non illico persuadeat, ad Bojos esse referendum, si Bojorix quispiam Teutobodus, alijs Teutobochus, Lugius, qui Orosio Lucius est, Cesorix, Claudicus, vel Claudius, qui & Claodius, Bolus Rex, aut similibus nominum homines aliquid gessisse scribantur. Certè Bojorix non Bojus, sed Cimbrorum Rex à Plutarcho disertè scribitur: Teutobochus item Dux Cimbrorum dicitur à Sigonio: Alius Teutobochus Rex Teutonum à Floro, & ab Eutropio Teutobodus Dux Cimbrorum appellatur. Speciem habet nescio cujus mendicitatis, tales nominum umbras sine re sectari, ad statuenda genti Boicæ trophæa, quasi non satis habeat domesticæ virtutis, ad erigenda solidæ gloriæ monimenta, in quibus alienæ plumæ ut in corniculâ Æsopicâ exhibent imaginem ridiculæ vanitatis. Qui istiusmodi malè concinnatos peregrinitatis centones desiderabit, eorum affatim apud alios reperiet. Sufficiat compendio dicere, ad Boici nominis commendationem, Cimbro, qui de Romanis triumphârunt, à Boijs, cum primam irruptionem tentarent, fortiter esse repulso. Nam in Illyrico Cn. Carbonem Cos. profligârunt; In Galliâ M. Silanum Consulem (contra ac scripsit Eutropius) M. Scaurum Aurelium cum duobus filijs occiderunt: trucidârunt simul octoginta Romanorum sociorumque millia, & quadraginta millia calorum: Q. Servilium Cæpionem ingenti clade affecerunt: C. Mallium prælio vicerunt: L. Cassium insidijs circumventum unâ cum L. Pisone occiderunt, Galliâ & Hispaniam per multos annos vexarunt, donec à Celtiberis Hispaniâ ejecti, & à C. Mario IV. Consule haud procùlâ Rhodano (Velleius scribit circa Aquas Sextias) geminâ pugnâ intra biduum superati, Teutobocho eorum Rege interfecto, cæsis in loco ducentis armatorum millibus, octoginta millibus captis, cum vix tria millia effugissent. Denique Cimbrorum reliquæ in agro Vercellensi à M. Mario Consule, & Q. Catulo proconsule funditus deletæ fuerunt. Florus ait, pugnatum ad Athesim Veronæ fluvium in campo Caudio.

IV.

CIMBRO-
RUM MUL-
TITUDO.

BELLA
CIMBRICA
AD BOICAM
HISTORIAM
PLERAQUE
NON SPE-
CTANT.

Plutarch. in
Mario.
Sigon. in Fast.
Flor. lib. 3. c. 3.
Eutrop. lib.
5. Breviar.

Tacit. de mor.
Germ. Veget.
Fasti Capit.
Oros. Eutrop.
Salust.
AN. V. C.
DCXLI.
Luc. Epit. 68.
V.

Bellum, quod Boij Helvetijs sociati contra Julium Cæsarem gesserunt, locum sibi meritò vendicat in Boicæ annalibus. Antequam in ejus partem venirent, Noreiam (vetustus Carrariensis codex Noriciam vocat, Noricam editio Florentina) oppugnarunt. Id quo successu fecerint, Jul. Cæsar, qui oppugnationis meminit, silentio præterijt, non præteriturus, si oppidi expugnatio ijs ex voto cecidisset. Plinius, qui sub Vespasiano scripsit, Noreiam locat in Norico: Stra-

Cæsar. lib. 1.
de bell. Gall.
NOREIA
OBSESSA
A BOIJS.

Strabo. lib. 5.

Liv. Epitom.

73.

Strabo. lib. 4.

fin.

**NOREIA UBI
QUERIT.**

bo statuit eo loci, unde C. Carbo, collatis adversus Cimbros signis, re infectâ discessit. Atqui id fuisse gestum in Illyrico, cujus pars est Noricum (nam Strabo gentes Illyricas ad Istrum extendit) notum est ex Livij Epitome. Et hæc quidem Noreia est, quam Strabo ibidem ait, esse locum ad purgandum aurum idoneum à naturâ, nec minùs aptum ad ferri fabricas. Idem describit dices aurifodinas, quæ prope Aquileiam reperiuntur in Tauriscis Noricis, quarum aurum Noreiæ fuisse depuratum, vero simile est. Quibus rebus adducor, ut credam, eam Noreiam, vel potiùs Noriciam, quam Cæsar scripsit fuisse oppugnatam à Boijs, diversam esse à Noreiâ Illyricâ, de qua Strabo & Plinius scripserunt. Isti sententiæ favet Raymundus Marlianus vir apprime eruditus in veterum Galliæ locorum descriptione, quando Noricum, quod Boicæ vicinius est, delineans ait, agrum Noricum esse Gallis trans Rhenum non longè à Danubio, Bavaris proximum ac Suevis, & vallem Noricam appellari, atque in eum agrum Bojos Noricâ oppugnatâ transiisse. Cæsar ordine servato, scribit Bojos in agrum Noricum transivisse, & Noricam oppugnasse, quod de vicino Boijs agro & oppido potiùs accipiendum est, quàm de remotiore, eò præsertim, quòd finitima Boicæ finibus proferendis longè essent opportuniore, quàm remota, eo tempore cum sobolescente multitudine, habitabant Boij angustius, & colonias ad propinqua loca cgebantur emittere. Nec verò apparet ratio, cur Boij Tauriscis, ad quos ex Italiâ migraverant, & quorum beneficio jam in agri partem recepti commodis sedibus fruebantur, bellum fecerint: & inhumanum fuisset, Bojos Hercinios cognatæ, vel sociæ saltem gentis fines nullâ provocatos injuriâ incurfasse. Promptius est credere, quod Strabo insinuat, laceffit, in Noricorum hostium agros (quod Cluverius non dissimulat) irrumpentes, Noricum, quod Oenus interfuit, teste Tacito, Noricum sive Noreiam, quæ in Antonini itinerario, & apud Cluverium Neumarc dicitur, oppugnasse.

Strab. lib. 4.

Cluver. in

Vindel.

Tacit. lib. 3.

Hist.

NORICUM

HODIE

NORTGAW

SIVE NOR-

GOVIA.

V I.

Cæs. lib. 1.

prim.

BELLUM

HELVETI-

CUM.

AN. V. C.

DC. XCIII.

Cic. lib. 1. ad

Attic.

AN. V. C.

DC. XCV.

Marlian. de

loc. Vet. Gall.

BOII HEL-

VETIORUM

PARTIBUS

SOCIATI.

Plutarch. in

Cæsar.

V II.

HELVETIO-

RUM E PA-

TRIA DI-

SCISSUS.

Nunc, quemadmodum Boij in bellum Helveticum coorti sint, paucis expedio. Helvetij, qui inter Galliæ populos plurimum poterant, magnâ spe crescendo, ingentia agri Gallici spatia animo complexi, communi gentis consilio, è suis finibus, quos sentiebant populorum amplitudini impares, migrare in novas sedes statuerant, anno urbis conditæ DC. XCIII. L. Afranio & Q. Cæcilio Metello Celeri Coss. Quæ res vulgata Romæ Senatûm populûmque, non secus atque fiebat in tumultu Gallico, habebat sollicitos, quod M. Tullius scribit ad Atticum. *Helvetij sunt in armis, excursiones in provincia faciunt: Senatus decrevit, ut Consules duas Gallias sortirentur, delectus haberetur, vacationes ne valerent, legati cum auctoritate mitterentur, qui adirent Galliæ civitates, darèntque operam, ne ea se Helvetijs jungerent.* Cùm ea legatio nihil impetrasset, præter biennij otium, quo se illi ad profectionem compararent, tandem Anno V. C. DC. XCV. cùm Rauracos, Tulingos, Latobrigos, qui creduntur fuisse Lausanenses, in fortunæ societatem traxissent, authores quoque Boijs fuere, ut suas copias jungerent. Non fuit difficile persuadere Bojis, quos trahebat veteris patriæ, & quærendæ ab armis gloriæ innata cupiditas. In eorum numero fuere uxores ac liberi unâ cum servis, quorum major longè erat, quàm arma ferentium multitudo. Trecenta omnino fuisse Helvetiorum ac sociorum millia, Plutarchus affirmat. Numerus omnium, qui in castrensibus tabulis repertus fuit, addit supra trecenta sexaginta octo millia. Pòst ubi ritu solenni foedus inter se firmaverant, & Helvetij se sentiebant rebus omnibus ad profectionem abunde esse comparatos, ut suis omnem ad patriam revertendi cogitationem excuterent, oppida omnia numero duodecim, vicos ad quadringentos, quicquid præterea privati fuit ædificij & annonæ domesticæ, flammis subijciunt, id tantum frumenti reique cibariæ effferentes, quod in trimestre satis esset; idèmq; persuadent socijs vicinioribus. Delectâ, communi sententiâ, die profectionis, quæ fuit quinta ante calendas Apriles, copiar omnes coivere ad flumen Rhodanum. Consilium erat iter capessere per Provinciam populi Romani, quæ Fabij Allobrogici victoriâ primùm parta, pòst

Ma-

Marij virtute à Cimbrorum irruptione defenſa , Narbonenſis Gallia dicebatur. Poſteaquam Romæ renunciatum eſt , tantam hominum vim ad Rhodanum conſeſſiſſe, Julio Cæſari datum negotium, ut quàm celerrimè auxilio properaret. Ipſe verò Senatûs decretum accepit animo perlubenti, ut iudicium, in quo malè geſti conſulatûs agebatur reus , evicaret. Ergo citatis itineribus in Galliam ulterio- rem contendit. Genevam extremum Allobrogum oppidum ubi pervenerat , pontem reſcidit, ne quâ trajectus id loci foret apertus. Eodem venere Helve- tiorum legati poſtulantes, ſibi ut liceret , citra omne maleficium per Romanam provinciam proficiſci. Cæſar certus eos tranſitu prohibere , veteris injuriæ me- moriâ, quòd pulſo Romanorum exercitu olim Luc. Caſſium occidiſſent, respon- ſum diſtulit ad quartum Idus Aprileis , ut faceret temporis compendium militi interea colligendo , quem toti provinciæ imperaverat ; utque ſpatium nanci- ſceretur ſoſſæ atque munitionis ducendæ ad novendecim paſſuum millia , cujus obſectu Helvetios arceret à trajectu. Reverſis ad dictam diem legatis, negavit, ſe more aut exemplo populi Romani cuiquam iter per amicam provinciam per- mittendi habere facultatem : ſi vim faciant , ſe quoque vi occuſurum oſtendit. Quare Helvetij eâ ſpe dejecti, quâ navigijs, quâ ratibus & vadis brevioribus no- ſtu atque interdiu laborant in trajectu moliendo : ſed cùm eorum conatus obſi- ſtentium ex adverſo tela & excitata munimenta redderent irritos, datis acceptiſq; obſidibus , à Sequanis impetrant , ut ſibi per Æduorum agrum citra noxam ad Santonum fines ire liceret. Verùm cùm Cæſar intelligeret, hoc abſque provin- ciæ damnis fieri non poſſe; relictò ad Rhodanum Tito Labieno , quàm poteſt celerrimè ex Italiâ binas legiones, ex hibernis ad Aquileiam ternas educit in Galliam. Venere inter hæc ab Ædais, Ambarris, & Allobrogibus legati quiri- tantes, agros ab Helvetijs vaſtari, oppugnari oppida, exterminari cives, liberos trahi in ſervitutem, nihil ſibi denique præter inane ſolum eſſe reliqui : vellet pro- inde Cæſar eam ſociorum Romani populi habere rationem, quæ foret è publico commodo rei communis, in cujus incolumitate ſociarum gentium deſenſio ſalûſ- que verteretur. Cæſar bono juſſos eſſe animo remiſit ad ſuos, ut referrent, Cæ- ſarem , in tempore, laborantibus adfuturum.

LEGATIO
HELVETICA
AD CÆSA-
REM.

II X.

HELVETII
A RHODANI
TRAJECTU
PROHIBITI.

QUERIMO-
NIA DE
HELVETIIS.

CLADIS
HELVETIO-
RUM.

I X.

IX

Eſt fluvius Arar (hodie Saona) qui in Leucorum finibus ex Vogeſo monte ſcaturiens, Lugdunenſem Galliam leniſſimo, vel ut Silius loquitur, pigerrimo lapſu intermeans, ad Lugdunum urbem Rhodano confunditur. Eum Helve- tij lintribus ac nexis in rates trabibus tranſmittebant, cùm Cæſar ſit certior, quar- tam eorum partem, quæ erat è Tigurinjs, flumen nondum tranſmiſiſſe. Ille inve- ctus ex improviſo in agmen, impetu prorſus inopinato tres legiones repente im- mittit in impeditos , nec quicquam de conſictu cogitantes , & turbatos partim concidit, partim fugat in ſilvarum reſceſſus. Id ubi erat aſſecutus , mirâ celeri- tate, uno die, quod hoſtis vix perfecerat intra vigefimum, Ararim jungit ponte extemporaneo , tranſmittitque copias in adverſam ripam. Quâ ex velocitate Helvetij Cæſaris virtutem æſtimantes, ad eum miſcere legatos, qui de pace age- rent, pollicerenturque ſe, ſi ea conveniret, eas regiones adituros atque inſeſſuros, quas Cæſar eſſet præſcripturus. Legationis princeps eras Divico , eò minùs im- petrabilis, quòd illo duce L. Caſſius cum exercitu Romano fuiſſet ab Helvetijs oppreſſus, quòdque ad renovandam virtutis Helveticæ memoriâ, juſto arro- gantiùs odioſam cladis iſtius mentionem intuliſſet. Cæſar multa queſtus de vetere iſtâ injuriâ, quòdque recens ſocij eſſent violati; reſpondit, eâ ſe lege factu- rum pacem, ſi Helvetij promiſſæ fidei darent obſides , & quas fecerant Allobro- gibus & Ædais injurias damnâque, ſarcirent. Divico cùm eas condiciones ſuæ gentis exiſtimationi diſſentaneas agrè accepiſſet, reſpondit; Helvetios mote in- ſtitutoque majorum, fidei obſides non dare, ſed accipere, quippe qui fidem fallere nescirent. Ita, re infectâ, animo quàm venerat acerbior diſcoſſit. Et Cæſar nihilo quàm antè pacatior, ut hoſtem à prædis arceſſeret, & contineret in arcto, equitatum quatuor omnino millium præmiſit, juſſum hoſtium poſtremos inſe- ctari

HELVETII ceciderunt, & referre, quas se in partes verteret. Cum identidem abeuntium terga
CADUNT lacefferent, ex Helvetijs equites quingenti manus ausi conferere, Romanos tantâ
ROMANOS fortitudine exceperunt, ut retroactos, nonnullis interfectis, coegerint refer-
EQUITES. re pedem. Bonum id omen visum; sed fortunæ blandientis dolus erat, quò

nocentiùs ad supremum discrimen traherentur. Ergo Helvetij deinceps cor-
 datius nonnunquam pedem figere, Romanos incursare, carpere propiores pu-
 gnis minutioribus, è cohortibus novissimos circumveniando & carpendo, Mar-
 tem paulatim ad justum certamen accendere. Quæ itineris & velitationum ratio
 dies circiter quindecim tenuit, in agminibus quinis, ut summum senis passuum
 millibus diremptis. Laborabatur inter hæc in castris Cæsaris annonæ angustijs,
 quòd Ædui, detrectante plebe, promissum dimensum non conveherent, idque
ÆDUY R O- quorundam è potentioribus inductione, qui verebantur, ne, si Romani Helvetios
MANOS HA- superarent, more inveterato, & cupidine ubique locorum dominandi, Æduo-
BENT SU- rum libertatem sollicitarent, cujus si jactura esset facienda, tolerabilior esset futu-
SPECTOS; ra servitus sub Helvetiorum dominatu, qui foret mitior ob avitam sanguinis &
X morum necessitudinem, & recentes gentis utriusque affinitates: cum nihil nisi
 jugum ab urbe dominatrice posset expectari.

CÆSAR IN- Cæsar, ne diutiùs cum inediâ luctaretur, Martem maluit experiri. Quam-
VADIT HEL- obrem comperto per exploratores, Helvetios castra habere ad montem, qui
VETIOS, octo passuum millia à Romanis aberat, jubet T. Labienum duabus legionibus
 summum montis jugum occupare; tum ipse præmissis equitatu, properè ad ho-
 stium castra contendit. Itaque venit tandem ad pugnam. Cæsar legiones
PRIOR CON- haud procul à Bibracte in collem duxit, jussuque equitatu distingere hostem,
FLICTUS. aciem instruxit. Helvetij, cum impedimentis vehicula circumdedissent, pri-
 mum acie confertâ incurrerunt in Cæsaris equitatum, eoque depulso, signa ver-
 terunt in proximas Romanorum legiones. Cæsar ex his initijs prospiciens acre
 plenumque periculi fore certamen, ne suorum cuiquam alia salutis spes, quam
 in virtute superesset, utque æquato universorum discrimine omnem fugæ mo-
 dum auferret, jussit non modò gregariorum equos, sed ductorum etiam, atque in-
 primis suum longè à conspectu removeri. Helvetijs pugnae locus erat iniquior,
 quòd simul cum hoste, simul cum acclivi collis ascensu esset certandum; sed ac-
 cendebat vehementer animos, quòd prosperè nuper, & recens cum Romanis
 equitibus conflixissent. Ergo ductis in phalangem cohortibus, impavidi præ-
 lium ineunt, infessum ab hoste collem aggredientes. Ut venerunt ad teli jactum,
 velites, qui Romanis erant ante signa, & sagittarij, nimbum missilium in subeun-
 tes excutunt tantò nocentiorum, quò magis tela jaciebantur in confertos ordi-
 nes, & figebant corpora levibus scutis haud satis munita. Eo fiebat, ut multi
 sternerentur, multi telis saucij, dolore simul & iracundiâ stimulante, fugam ma-
 gis, quam pugnam respectarent. Fractâ ad eum modum disjectâque Helvetio-
 rum acie, stricto utrinque ferro ventum ad manus, ingenti pertinaciâ, quæ non
 remisit priùs, quam Helvetij fatigati vulneribus, sensim retulere pedem, seque
 receperunt in montem, qui octo passuum millibus aberat. Institère fortiter Ro-
 mani, jamque in eo res erat, ut universum Helvetiorum agmen obrueretur, nisi
 Boij atque Tulingi, pugnatorum quindecim millia, qui claudentes phalangem
 præsidio erant novissimis, magnâ fortitudine identidem hostem repressissent.
 Ita cum Cæsar victoriam manu teneret, dubiam Boij & Tulingorum manus red-
 diderunt. Tum ubi Helvetios in tutum montis fastigium periculo subduxe-
 runt, flexo ad latus agmine, & fronte repentè obversâ, in Romanos coorti instau-
 ravere pugnam. Hic demum cœptum est justo Marte concurrere. Dum enim
ALTER Boij incredibili alacritate se in hostem inferunt, ausi sperare palmam, Helvetij
CONFLICTUS collectis animis ad prælium revertuntur. Cæsar periculi anxius suos trifariam
 partitius, primam ac secundam aciem Helvetijs, ubi major numerus, tertiam va-
 lidissimam Boijs, ubi major vis, objicit. Pugnatum est fortunâ ancipiti ab hora
 dici septima ad vespèram; quo tempore Bojos nemo aversos videre potuit.

Tan-

Tandem cum nox ingrueret, Helvetij montem repeterunt, Boij ac Tulingi TERTIUS
rediēre ad impedimenta, ubi reparato certamine denuo ad multam noctem eā. CONFLICTUS.
dem, quā antē, fortitudine, concursum est. Boij cum totis jam castris peteren-
tur, nec exires essent arcendæ multitudini, carris pro vallo objectis, sustinuerunt
hostilem impetum, donec telis, quæ è superiore loco jaciebant, & mataris ac
tragulis inter carros rotasque subjectis deficientibus, canendum fuit receptui. At-
tamen Cæsar castris impedimentisque potitus, triduum curandis suorum vulneri-
bus, & occisorum funeribus impendit, ne videri posset incruentam victoriam de
hoste fortissimo reportasse. Nacti exinde sunt Helvetij, ceterique auxiliares
spatium se in tutum recipiendi, & itinere noctes diesque per quadriduum conti-
nuato, venerunt in fines Lingonum. Qui ex prælio erant reliqui centum tri-
ginta millia, non fuerunt impares reparando bello, nisi minaces Cæsaris litteræ,
quibus Lingones verabat frumento, aliōve commeatu sublevare defatigantium
inopiam, Helvetios ad pacis consilia flexissent. Cum enim magnā rerum o-
mnium penuriā premerentur; Legatos ad Cæsarem de faciendā deditōne mi-
serunt. Ad eum venēre in itinere supplices, & ipsius advoluti pedibus impetrā-
runt, ut obsidibus, armis, servis, qui ad illos confugerant, redditis, in suos quique
fines remitterentur. Sex hominum millia pagi Verbigeni, qui metu supplicij
ex castris Helvetiorum profugerant ad Rhenum, è fuga retractos hostium nu-
mero Cæsar habuit. Helvetij, Tulingi, Latobrigi, jussi domos repetere, oppida,
vicos, quos incenderant, reparare, agrum colere, ne Germani soli bonitate illecti,
vacuas eorum sedes invaderent, & ex ijs populi Romani socios infestarent.

*Matar &
mater apud
Strabonem
lib. 4.
Diodoro Lan-
cea: media in-
ter longam
bassam & mi-
nora spicula.
Non. Mar-
cellus: Gallia
materibus aut
lanceis pro-
curbat agmē.*

Boij, qui omnium maximè suam virtutem egregijs factis commendārant, in
Æduorum id ultro petentium fines admissi. Cum præter Gergobinam oppidum
justum agri modum acceperant, pari cum indigenis jure atque libertate donati
sunt. Gergobinam locat Marlianus prope Avaricum & Noviodunum Biturigum,
Bojos quoque in Galliā degentes vocat Borbonios, unde hodie Regum Franciæ
summum decus, uti notat Vellerus: nec dissentiunt Robertus Cævallus & Orte-
lius. Paulinus vetus inter Christianos Poëta, Bojos in extremā Aquitaniā ad Ga-
rumnam repertos ait, eorūque vestigia etiamnum extare: pro quo faciunt Sca-
liger, & Vinetus in Aufonium. Unde conjectura est, Bojos in auxilijs P. Crassi
Legati Cæsaris tertio post devictos Helvetios anno fuisse, cum Aquitanix po-
pulos Romanæ ditionis faceret, & isthic locorum præsidia ex Boijs constitueret,
quorum familiæ postea in gentem excreverint. Hujus generis est opinatio de
Bojatibus ex libello Provinciarum, & Scaligero ad Aufonium.

BOIJS SEDES
CONCESSÆ
IN ÆDUIS.

XII.

*Marlian. in
descript. vet.
Gall. loc.
Vell. Rer. Rom.
lib. 2.*

*Rob. Cævall.
in Append.
Hist. Gall.
Ortel. in The-
san. V. Boij.
Scalig. ad Au-
son. lib. 2. c. 7.*

GALLORUM
DISSIDIA.

Ut ut ista habeant, extra dubium est, Bojos olim usque eò sibi secundam bel-
licæ virtutis famam peperisse, ut non in Asiā modò, quod antē demonstravimus,
sed in Europā etiam frequenter eorum auxilijs bella gererentur: quæ fuit causa
Æduis, Bojos donandi jure municipij, ut, cum Gallia laboraret intestinis discor-
dijs, vel externorum armis urgeretur, Bojorum aucti societate, se suaque fortiùs
tuerentur. Cum bona Galliæ pars in populi Romani fidem concessisset, cate-
ræ gentes, quæ concordia florere potuissent pacis bellicæ artibus, fatalibus in-
ter se odijs collisæ, res suas æmulorum insidijs fecerunt opportunas. Nam pars
civitatum stabant ab Æduis, pars à Sequanis & Arvernīs; dūmque singulæ factio-
nes sibi nitebantur rerum summam asserere, omnes suis cervicibus jugum accer-
suere. Æduorum potior erat autoritas & potentia erectior, cum Sequani, ne
succumberent, pessimo consilio à Germaniæ Rege Ariovisto auxilia petierunt,
nihil pensi habentes periculum, quod à potentiore creatur, quando specie juvan-
di imminet alienis fortunis atque libertati. Id eā tempestate factu erat prom-
ptius, quando Romæ antiqua Reipublicæ vincula solvebantur, & sublato magistra-
tum populique temperamento res vergebant ad unius Principatum. Pompejus
etenim, Cæsar & Crassus societatem malis cœptam artibus, pejoribus cultam,
inter se, mutux defensionis nomine, iniverant; sed rei exitus ostendit, id
eos egisse potissimū, ut everso Senatu, optimatibus in varia studia distractis,

ARIOVISTI
IN GALLIAM
ADVENTUS.

XIII.

Rempubicam opprimerent. Nobilitas diffidebat à Senatoribus, plebs agrarijs largitionibus capiebatur, ferebantur dissidia & secessiones, quibus Romana potentia, quæ consensione creverat, dissensione labefactabatur. Dominatum C. Jul. Cæsar, uti avidius ambivit, ita pertinaciùs amplexus est. Id quò licet rariùs & obtentu speciosiore faceret, opportunam à Gallicis motibus ansam ultro datam oblataque arripuit.

CÆSAR
GALLORUM
RES TURBÆ.

CONTRA
ARIOVIS-
TUM ET
VERCINGE-
TORIGEM.
AN. V. C.
DC. XCVII
Gergovia in
Arvernus bo-
die Clermont.

XIV.
VERCINGE-
TORIX AR-
MA COMPA-
RAT ET SO-
CIOS.

Cæs. lib. 7.

CÆSARIS
EXPEDITIO
IN GAL-
LIAM.

GERGONIA
OBSESSA.

XV.

LIBERATOR
A CÆSARE.

Ariovistus Æduos prælio ad Amagetobriam superatos Principatu dejecerat, nec ipsos modò, sed Sequanos etiam, quorum rogatu & stipendijs in Galliam venerat, diris exercebat imperijs, utrisque intolerabilis, Sequanis præsertim tamen. si victoribus; quorum fortuna tantò erat calamitosior, quòd oppressis nec suas misérias queri, nec ijs depellendis auxilia liceret implorare. Res Æduorum loco paulò meliore habebantur, quòd saltem soli mutandi facultatem retinerent. Hæc Cæsari clàm relata, fecerunt, ut in se reciperet Æduorum juxta ac Sequanorum vindicias, si ab Ariovisto desciscerent. Inde secuta est internecina Ariovisti clades. Ea fortuna cum simul ad Bojos Æduorum municipales pertineret, nacti sunt materiam Senatùs populique Romani, ipsius adeo Cæsaris sibi demerendi. Eam dedit, quarto post bellum Helveticum anno, Celtilus Arvernus, qui ob affectatum regnum ab æmulis fuerat interfectus. Ejus filius Vercingetorix adolescens ferventis ingenij summæ inter gentis suæ procures potentia, non modò successit in spes paternas (ratus absente Cæsare, adesse tempus regni usurpandi, cujus spe parens erat dejectus) sed etiam necis ipsius vindicandæ. Gergovientes, ne gliscens animi juvenilis audacia, quæ notabatur paternas molitiones novis conatibus instaurare, in turbas erumperet; cum civitate ejecerunt, detentis tamen

nonnullis, qui clanculum ejus partes cupiditatèque fovebant. Cæteri optimatum, imprimis ejus patruus, qui rem usque eò arduam citra Reipublicæ damnum tolerari non posse rebantur, juvenis consilia non probabant. Nihilominus ille ex suis clientelis validam pugnatorum manum contraxit, festinato delectu, specioso nomine erigendæ libertatis, & privatim non paucos Gergoviarum cives pellexit in suam sententiam. Ab his in civitatem receptus, adversarios ejicit, & à suis affectis rex salutatus, amandat quoquoersum legationes, quibus sibi adjungat Senones, Parisios, Pictones, Cadurcos, Turones, Aulercos, Lemovicos, Andes, & omnes præterea Oceani accolæ, moxque, ijs volentibus, imperij insignia capeffit, & obsides civitatibus, delectus provincijs, in commune copiosum equitatum imperat, collectumque brevi tempore exercitum, ne quid noxæ amicis inferat, legum suppliciorumque severitate coercet: tum Ruthenos, Nitobriges & Gabalos per legatum invadit: inde Bituriges Æduorum ignaviâ desertos, ipse cum potissimâ copiarum parte profectus, redigit in suam potestatem. Eæ res Cæsarem ex Italiâ difficillimâ anni tempestate, per altæ montis Gebennæ nives, gravissimâque itinerum molestias in Arvernos evocarunt. Hos nihil de ejus adventu, tam alieno tempore cogitantes, celeritate oppressit. Relicto isthuc Bruto adolescente cum copijs, in Æduos, ne quid rerum novarum moverent, citatis inde itineribus contendit.

Vercingetorix, ut Bojos Æduorum municipales in suas partes adduceret, Gergoniarum oppido, quod ipsis Cæsar de Helvetijs victor attribuerat, obsidionem admovit, ratus fore, ut si locum deditione acciperet, Ædui cæteraque Gallia per se libertatem suspirantes, externum dominatum excutere niterentur. Cæsar inter hæc pendebat animi, socioscne hætenus fidos destitueret, an legiones ex hibernis, vere nondum aperto, ingentibus incommodis exponeret, propter rei frumentariæ difficultates, quæ superari nequibant, nisi pars militum subvektionum defensionis tribuenda, continentibus cum hoste conflictibus fatigaretur. Visum tamen omnia potiùs perpeti, quàm nascituram ex fidæ gentis desertione infamiam. Misit igitur ad Æduos, qui monerent de supportando comœntu, quique Bojos edocerent de adfuturis auxilijs, concitarentque ad retinendam fidem, & hostem magnis animis tantisper sustinendum. Cum movisset castra, de

viâ Vellaunodunum cogit ad deditionem, Genabum ad Ligerim, portis crematis, cum cives adultæ noctis silentio ultra flumen diffugerent, occupat, diripit, incendit: Vercingetorigem à Gergobinæ oppugnatione submovet, Noviodunum in fidem recipit: difficillimâ obsidione Avaricum caput Biturigum expugnat: trecenta Gallorum millia cædit ad Alexiam, quam vi quoque subegit, Vercingetorigem ad suos pedes supplicem, captumque retinet ad triumphum. Servatæ Gergobinæ fructus fuit, quod, Æduis malignè omnia facientibus, & respectantibus occasionem à Cæsare deficiendi, Boij cum fide, quantum patiebatur agri facultatumque tenuitas, cum adjuverunt. Istam illis Cæsar gratiam reddidit, quando omni propè Galliâ, quæ spe libertatis ante captam Alexiam, devictumque Vercingetorigem arma sumplerat, Boijs, qui sociorum minis potius, quàm lubentiâ, copias sociaverant, veniam fecit defectionis per vim extortæ. Quæ deinceps Bojorum inter Æduos fuerit conditio, nihil est, quod memoremus, nisi quod extincto Æduorum nomine, aliqua etiamnum supererant Bojorum, ijs, quæ dixi, locis, inter Gallos indicia.

Ut porro ad Bojos-Hercinios, aliosque, qui in Tauriscos ex Italiâ migraverunt, revisamus, memorandæ sunt rerum vices, & fortunæ conversiones, quibus sunt circumacti, antequam sedes veteres cum hodiernis commutarent. Hercinij sæpe cum Rhætis fuere collisi. Hi etenim vetere in universam Bojorum gentem odio, à quâ se amœnissimâ Italiæ possessione olim exutos esse meminerant, Boicam, quod Strabo disertè scripsit, & vicinas gentes, teste Dione, frequenter involantes, ut sera & rara est magnæ injuriæ oblivio, suo more in omnium, quos sibi hostes sumebant, vitam fortunæque dirè grassabantur, non contenti immaniter sævire in armatos, sed assueti crudeliter necare imbellem turbam, matrum viscera, foetu nondum edito, scrutari, & quicquid erat masculini sexûs, extinguere. Quas urbes vicisque occupabant, cultro subiciebant, nec ulli faciebant gratiam subeundæ saltē servitutis. Bellorum, quæ intercesserunt, initia progressusque minùs promptum est referre, quàm causas, in summo veterum litterarum silentio, quod ne patitur quidem venire in lucem, quas clades Boij ferocissimæ genti repoluerint. Hoc tamen extra dubium est, Bojos nec à Rhætis fuisse subactos, neque suis pulsos sedibus, sed servatos ad bella, temporæque longè acerbissima.

Qui enim in Tauriscis confederant, Dacos sunt nacti hostes exitiabiles. Fuere Daci, si Plinio credimus, ex Getarum natione, cum eos Romanis isto nomine appellatos asserit, tametsi alijs Sarmatæ, Græcis Sauromatæ dicerentur. Disertius Strabo, eos Getarum, qui ad Pontum in orientem vergunt, commune nomen ait retinuisse: Eosdem Gothos vocat Spartianus. Alij, qui versus Germaniam, & ad Istri fontes habitabant, non Daci modò, sed etiam Davi nōminabantur, unde apud Athenienses multa fuerunt Davorum & Getarum servilia nomina. Et fuisse quidem solitos herbis faciem pingere, more barbarico, habet Plinius. Justinus eos dicit Getarum sobolem, qui cum Olore Rege adversus Bastarnas improspere pugnasent, in pœnam ac dedecus ignaviæ, somnum capturi, capita loco pedum jussu Regis ponere cogeabantur, & ministeria uxoribus, quæ viris antea fieri solebant, præstare; Neque hæc antè mutata fuisse, quàm ignominiam bello acceptam virtute delevisent.

Eos arma Romana jam inde ab anno V. C. DC. LXIII. exercuisse reperio apud Frontinum, quando ab ijs M. Minucius Rufus premebatur. Gessere quoque bellum in Suevos: obstitere M. Licinio Crasso Consuli, ambierunt Octavij Cæsaris amicitiam, missis ad eum muneribus, haud dubiè eo tempore, cum (ut Suetonius scribit) Cæsar Octavianus Juliam filiam Regi Cotisoni desponderat, ipseque Augustus Cotisonis filiam sibi in matrimonium destinabat. Verùm cum ista affinitas non successisset, misso Lentulo, Cotisonem bello petijt, pepulitque ultra Danubium, de quo cecinit Horatius:

GALLORUM
CLADES.
*Plutarch. in
Cæsar.*
VERCINGE-
TORIX CA-
PTIVUS.

XVI.
RHÆTORUM
CRUELITAS
*Strab. lib. 4.
Dio. lib. 54.*
IN BOIOS
ALIASQUE
GENTES.

Plin. l. 4. c. 12.
Strab. lib. 7.
DACORUM
ORIGO,
MORES
Plin. l. 22. c. 1.

XVII.
Dio. lib. 54.

Horat. lib. 3.
Carm. od. 8.

*Mitte civiles super urbe curas,
Occidit Daci Cotisonis agmen,
Medus infestus sibi luctuosus
Dissidet armis.*

Sutton. in
August.

Atque is ipse est Cotiso, quo Rege ac Duce, quoties Ister glacie concretus grassaturis transitum præbebat, Daci in ulteriore ripa prædas solebant agere. Eos Trajanus sub Rege Decibalo superavit: Daciam fecit provinciam, quam sub Gallieno amissam Aurelianus Cæsar recuperavit.

Strab. lib. 7.
BÆREBISTA
DACUS.

Ante Cotisonem Dacis præfuit Bærebista, qui Bojos in Tauriscis funditus delevit. Is ipse est, qui gentis suæ fortunam bellorum diuturnitate variisque cladibus fatiscentem eò magnitudinis erexit, ut, cum Dacos corporum exercitatione, moderatione victus, militarique disciplinâ excoluisset, regni fines magnâ terrarum accessione amplificaverit, vastârit Thraciam, prædas egerit in Macedoniam usque & Illyricum, non sine insigni Romani imperij perturbatione.

CRITASIRUS
BOIORUM
REX.

Boijs, qui in Tauriscos migraverant, per id tempus imperabat Rex Critasirus, quem sive fortuna destituit, sive, quod in regnorum conversionibus non est infrequens, virtus & industria defecerunt, victores Dacos, & gentis suæ calamitatem vidisse, Strabo paucissimis verbis ostendit. Sic collapsa est formidabilis illa

BOII E
TAURISCIS
PULSI.

Bojorum potentia, quæ in Italia Romanos, in Tauriscis finitimos non sine illustri rerum gestarum gloriâ terrore & fortitudinis admiratione per aliquot sæculorum tractum complevit. Ubinam verò reliquæ subsisterint, cum nemo tra-

Avent. lib. 1.
pag. 79.

XIIIX.

dat, haud facile est dicere. Aventinus credit fuisse in Germaniam tractos, permixtosque varijs gentibus, sine nomine, aut propriorum Ducum Regimve gubernatione, alienæ gloriæ, Gothorum maximè, quorum præcipua fuit magnitudo, arma commodasse. Cui coniecturæ ne assentiar, hoc fuit potissimum, quod credibile non sit, Bærebistam totam gentem sic attrivisse, aut suâ ditione exegisse, ut eam maluerit servire aliorum commodis, quàm tolerabili aliquâ conditione intra suos fines sic contineri, ut de recuperanda libertate ægrè potuerint cogitare. Non fuisse tamen Bojos in Tauriscis relictos, inde est colligere, quod post ultimam cladem, quam à Bærebistâ acceperunt, regio, quam habitabant, versa fuerit in solitudinem, & pascua armentorum, retentâ Boici deserti appellatione, quæ passim apud Scriptores reperitur. Quæ de Zamolxi & Ceneo Dacorum vatibus in Deorum numerum relatis à Strabone referuntur, tanquam à nostro instituto aliena consultò præterimus, hoc solo contenti, fidem, quam istiusmodi ariolis Dacorum Reges & plebes habuerunt, manifestè arguere gentilitiæ vanitatis fatuitatem, quæ miserrimos mortales eousque dementabat, ut, quæ ista mendacissimorum hominum monstra è suo antro renuntiabant, pro veris oraculis, pròque rerum agendarum normâ, velut allatas è cælo leges acciperent, & ne vinetis quidem parcerent, quando illa, Rege ita volente, ad Cenei nutum exciderunt, ut eò faciliùs sobrietatem, sublato vini usu, condiscerent.

ZAMOLXIS
ET CENEUS
DACORUM
ARIOLI.

Atque ista quidem de Boijs Italico-Tauriscis, deque tristi illorum fortunâ. Sequuntur haud multò laxiora, quæ antiquam Bojorum Herciniorum gloriam sic depresserunt, ut inter suorum cuicuiusmodi reliquias, fuerit illis diu luctandum, dum ad hodiernam magnitudinem assurgerent. Longum litterarum silentium tametsi non apertè arguit, Bojos, qui in Bojohæmo, Sigoveso duce, sedes fixerunt, omnino fuisse ab armis otiosos, hoc enim parva de Cimbris victoria abunde refutat, & Jul. Cæsar locupletissimus testis est, suo adhuc ævò gentem Gallicam, quæ circum Herciniam silvam degebat, summam habuisse iustitiæ & bellicæ laudis opinionem; facit tamen ista Scriptorum taciturnitas, ut sit proclive credere, parum eos de proferendis finibus, de acuendâ ad res majores virtute, de jungendis fœderibus, cæterisque firmandæ potentiæ adminiculis laborasse. Eos domi poterat retinere soli Hercinij ubertas, cœlique, quo fruebantur, clementia, aliæque, quibus solet ferocia & bellicosus vigor sensim in segnitiam degenerare. Et credibile est, apud eos rei communis formam imperiumque Legibus, autoritate

majo-

Cæs. lib. 6.
Comment.

BOII HER-
CINII

XIX.

APUD HI-
STORICOS
OBSCURI.

majorum, parendi reverentiâ, populi cum optimatibus conspiratione, non fuisse exquisitè aut cum severitate adstrictam, sed clementiâ & moderato potentia usu temperatam, quandoquidem, ne hoc quidem in litteras missum est, an, quove Rege fuerint debellati, quibus ausis se resque suas propugnaverint. Ad casum eos impulit Maroboduus Rex Marcomannorum, cum Bojohæmum sexcentis circiter annis tenuissent. Quânam id industriâ sit consecutus, quæve extiterit causa belli inferendi, sic explicant, qui rem longè maximam tradiderunt, ut eam videantur magnam partem voluisse ignorari. Hoc non ignoratur, nihil interesse ambitionis, habeat, an faciat bellorum causas, quæ si sponte non nascuntur, finguntur tamen, quando adsunt spes crescendi ex vicinorum impotentia vel oscitantia, & vis nescio quæ ponitur in modestiâ & lenitate, quarum apud inquietos sunt inutilia nomina.

A MAROBODUO MARCOMANNO DEBELLATI.

Fuit cæteroqui Maroboduus in fortunâ humili excelsus animus, & generis non obscura nobilitas. Aderat viro corporis insigne robur, & mentis ferocia, quæ si industriâ misceretur, ut sit in generosis equis, fortia quæque promittebat.

MAROBODUI INDOLES.

Erat teste Velleio, *natione, non ratione barbarus*, talique ingenio, quod nihil respiceret abjectum, nihil vulgare spiraret. Romam profectus adhuc juvenis, simul ac devenit in Augusti noticiam, dignus est visus, qui inter non ultimæ admisionis familiares cooptaretur. Magnis exinde affectus beneficijs, altos spiritus combibit, & cœpit in supremo dominandi theatro, meditatione & usu, artes ad

Vell. Pat. c. lib. 2.

summa emergendi, sibi comparare, quibus denique excultus, cum revertisset in patriam, supremum Germaniæ fastigium animo complexus, eò suos conatus evexit, ut, præter Marcomannos populares, finitimos circum populos, Lucios, qui Tacito sunt Lugij, vel Lygies, Zosimo Logiones, gentem magnam, Zuinos, Butones, quorum sola supersunt nomina, Mugilones, Sibinos, alijs Gutinos, aut Gotonos & amplissimam Suevorum nationem suæ ditionis fecerit. Eum quidam Suevorum Regem nominant, ut dubium non sit, regnum præpotens, ex tot gentibus, ejus auspicijs coaluisse, idque non fortuitum aut tumultuarium, sed cum certâ ratione constans, certumque ex sapienti gubernatione, & lubentibus subditorum obsequijs integrâque fide, quæ fundamenta sunt nexûsque bonorum imperiorum. Firmandi regni initium fecit à disciplinâ militari, quam ordinavit ad Romanum modum, ut non per dissolutas catervas, neque cæco impetu res ageretur; sed exercitus in signa ac legiones distributus, assuesceret ductorum imperijs, sive manus cum hoste forent conferendæ, sive standum in subsidijs, sive succurrendum aciei laboranti. Crescente indies potentia, non finitimis modò, sed urbi quoque orbis terrarum dominatrici evasit formidandus. Non lacessebat quidem bello Cæsarem, attamen si qua vis appareret, ostendebat, sibi vim ac voluntatem resistendi non deesse. Quos Legatos mittebat in urbem, talibus ibant instructi mandatis, ut interdum, pro re nata, supplicem commendarent, interdum, quasi res illi foret cum paribus, cum aliquâ jactantiâ loquerentur. Gentibus, quæ à Romanis desciscabant, perfugium præbebat, & cum multa dissimulando tegeter, prodebat tamen, se à re Romana esse alienum. Habebat in continenti militiæ expectatione pugnatorum sexaginta quatuor ut minimum millia, legunt alij apud Velleium millia septuaginta; cumque à lava & à fronte haberet Germaniam, à dextra Pannoniam, à tergo Noricos, tanquam moturus in omnes, ab omnibus timebatur, cum neminem ipse timeret. Nec verò securam esse sinebat Italiam, quippe quæ summis duntaxat Alpium jugis ab eo dirempta, à Marobodui finibus ducentis passuum millibus tantum aberat. Eum quoque Pannoniam Istro trajecto vexasse, author est Sext. Rufus, cum Marcomannos & Quados de partibus Valeriz, quæ sunt inter Dravum & Danubium, pulsos esse asserit. Quantis animis in Arimium, quem patiebatur in petendo Germaniæ imperio rivalem, pugnaverit, quantâ arte, expertus Martem adversum, Tiberij auxilia implorârit, & Drusum impetrârit pacis sequestrum, prodidit Tacitus. Hæc ut erant permagna, ejus tamen præcipua fuit gloria, & Marcomannorum (ita Tacitus) virtus,

MAROBODUUS EX GERMANIS NATIONIBUS REGNUM EXCITAT. Aurel. Victor lib. de Cæsarib. Sueton. in Tiber. SUORUM MORES MILITIAMQUE REFORMAT. ROMANIS EVADIT FORMIDABILIS.

XX.

XXI.

quæ

Sext. Ruf. in Brev.

Tacit. lib. 2. Annal.

BOIOS PEL- quæ expulsi è Bojohæmo Boijs inclaruit. Id contigisse Cæsaris Octavij princi-
LIT E BOIE- paratu, argumento est, quòd Maroboduus invadendæ Boicæ consilium ceperit,
MIA. quando Drusus Augusti iussu unà cum Tiberio in Germaniam profectus est, post
Dio lib. 54. cladem M. Lollio per Sicambros, Ulpipes & Tenētes illatam, Domitio Ahe-
An. V. C. nobarbo & P. Scipione consulibus. Cùm enim id temporis victrices aquilæ
DCC. trans Rhenum circumferrentur, Maroboduus, quò remotior esset à Romanis, &
XXIIX ab eorum armis tutior, in Bojohæmo, exactis Boijs, Bubiemum regiam locavit.
Serab. lib. 7. Pro Bubiemo Lipsius maluit legere Bubiasmum, aut Boyasium. Druso extincto,
Lips. in Tacit. successor in Germaniâ datus est Tiberius Nero, C. Martio Censorino & C. Asinio
l. 6. Annal. Gallo Consulibus. Ille trans Rhenum duxit, & Germaniæ partem, ut habet Vel-
Velle. Pater. leius, domuit. Ergo cùm ea fuerint tempora Augusto Imperatore, vix est du-
lib. 2. bium, quin Maroboduus sibi quæsierit receptum in Bojohæmo, ubi minùs arma
Avent. lib. 1. Romana timeret. Unde est, cur Aventinum erroris arguas, quando sine auctore
pag. 52. comminiscitur, Bojos à Marcomannis Sueviæ populis, Tarquinio Prisco regnan-
ERROR te, pulsos è Bojemia, & cum suo Rege Ciconio in Italiam cum promiscuâ aliarum
AVENTINI. gentium, quas recenset, colluvie abiisse. Paulò propiùs ad rem accedit Beatus
 Rhenanus, sed aberrat tamen à tempore Marcomannicæ in Herciniam irruptioni-
 nis, quando eam vult esse factam, antequam Boij Noreiâ frustra oppugnatâ Hel-
 vetijs adversus Cæsarem sunt opitulati.

De Boijs bello Marcomannico è Bojohæmo pulsus hæc ferè sunt, quæ cum aliquâ veri similitudine putavimus convenire. Reliquum est, ut locum, in quem fortunæ suæ reliquias comportârunt, quantum licebit in re satis obscurâ atque intricatâ, ex litterarum monumentis eruamus. In ea disquisitione scriptores in varias sententias abiverunt.

Jam de Aventino diximus. M. Velserus vir exactæ eruditionis sibi persuasit, **XXII.** Bojos, amisso Bojemix dominatu, mansisse nihilominus inter Marcomannos. **VELSERUS**
REFUTATUR. Ejus potissimæ sunt rationes: quòd Boijs nulla spatia à septentrione & sole occi-
 duo vacua relicta sint à Marcomannis; quòdque à meridie Danubio, & à Roma-
 nis præsidij coërcerentur, ab ortu haberent Dacos nuperos Bojorum in Tauri-
 scis subactores. Vellero non ægrè subscriberem, nisi constaret ex Tacito, Bojos
 non tam cæsos in acie, captivæ, quàm Bojohæmo fuisse exactos, & quod conse-
 crarium est, vel extra Bojohæmum esse receptos, vel, quod fieri non potuit, nus-
Tacit. lib. de quam esse pulsos. Et apertè Vellero repugnat Tacitus, cùm ait, suâ ætate adhuc
German. mansisse Bojemi nomen, & significasse veteris loci memoriam, quamvis mutatis
 cultoribus; quo clarius nihil dicere potuit, ad proscribendum è Bojohæmo non
 solum Bojorum dominatum, sed etiam habitationem. Antequam Brunneri, no-
 stramque sententiam proferamus, erit operæ pretium, Nariscorum situm, finisque
Tacit. de Norici verbo describere ex Veterum tabulis. Tacitus Nariscos ponit juxta Her-
German. munduros: *juxta Hermunduros* (inquit) *Narisci, ac deinde Marcomanni, & Quadi*
NARISCO- *agunt; eaque Germania velut frons est, quatenus Danubio pratexitur.* Non abludit
RUM ET NO- Ptolemæus, cùm ait: *Supra Sudetos montes Teuriochemæ, sub montibus Varisci* (me-
RICI FINES *lius ab alijs redditur) Narisci, dein Gabrita silva, Marcomanni.* His subscribit Orte-
ANTIQUI. lius. Sudeti montes initium ducunt à Thuringiâ, sùntque Bohæmix occiden-
 tales. Teuriochemæ sunt Turingi: Gabrita silva, silva Turingica, inter Nari-
 scos & Marcomannos à Bojohæmi & Palatinatûs confinio extenta in Turingiam,
 ita partim est Turingicus, partim Bojohæmicus saltus, ex cujus jugo Nabus amnis
Ptolem. tab. Nariscos interfuit. Jam verò Noricum à Ptolemæo terminos habet ab occasu
5. Eur. op. Ænum fluvium, à Septentrione partem Danubij, quæ est ab Æno usque ad mon-
 tem Cetium, à meridie partem Pannoniæ, quæ sub dicto monte est, & ejus mon-
 tem supra Istriam, qui Carvancas appellatur: Tenent Orientaliora, regiones à
XXIII. Septentrione incipientes Sevaces & Alanæ & Ambisontij, magis verò occiden-
 talia Norici & Ambidravi & Amblici, obsoleta hodie nationum incognitarum
Plin. lib. 3. nomina. Plinius Noricum facit Vindelicis confine. *juxta Carnos* (inquit) *quon-*
6. 29. *dam Taurisci appellati, nunc Norici: His contermini Rheti, Vindelici.* Ptolemæus
 Bojo-

Bojodurum hodie Instadium ad Æni Ostium, in finibus Norici locat. Vindelici verò tenebant olim omnem Danubij ripam ab ejus scaturigine, usque ad Æni confluentem.

His de Nariscis & Norico positis, juvat excutere Andreæ Brunneri opinionem. Is sibi visus est Boijs invenisse receptum extra Bojohæmum, in Nariscis, ubi hodièque degunt Boij Transdanubiani, eúmque obtinuisse, nihil reclamantibus Marcomannis. Atqui creditu difficile est, Marcomannos lubentes volentes, Boijs fecisse locum, quos utpote origine Gallos, veteri verbo præstabat habere amicos, quàm vicinos, quique, si insidiarentur occasione, cum hostibus Marobodui, cujus nomen regium apud populares, ut ait Tacitus, erat odiosum, jungendo fœdera, accersendis auxilijs, facile possent bellum reparare ad avorum sedes repetendas. Quòd si nihilominus idoneo aliquo teste ostenderet, Marcomannos tantà fuisse in Bojos humanitate, ut finitimos habere vellent, nihil esset, cur ejus dicto refragaremur; sed cùm sine teste in re ambiguâ ferat sententiam, fides esse debet penes solum authorem. Quod ipse adfert ex Jornande, Suevorum fines Boijs ab Oriente terminari, id duntaxat efficit, ut credamus, quinque plus minus sæculis, postquam è Bojohæmo pulsi fuerant, Bojos fuisse Suevis confines: ubi verò interea temporis delituerint, non ostendit.

Cluverius Bojos à Marcomannis pulsos in Vindelicijs egisse, conatur evincere ex Strabone, & non ineptè quidem, nisi in Strabonem, quod Casaubonus notavit, mendum irrepsisset. Eum locum Casaubonus peritè emendavit, quando sic vertit: *Lacum Rhati exigua parte, majore Helvetij & Vindelici attingunt, inde est Bojorum solitudo usque ad Pannonios.* Antiqua versio non satis explicatè refert Strabonis mentem; insinuat enim Bojorum deserta à lacu Brigantino ad Pannonios usque pertigisse: quod Straboni non potuit in mentem venisse, eò quòd medià illà intercapedine, quæ est inter lacum Brigantinum & Pannoniam, ipse Vindelicos collocat, in quibus sunt Licatij, Clautenarij, Vennonones, qui ad Bojorum deserta nunquam spectarunt. Plinius intermedios clarè describit. *Rhatis (inquit) junguntur Norici. Oppida eorum Virunum, Celeia, Teurnia, Aguntum, Viana, Æmonia, Claudia, Flavium Solense: Noricis junguntur Lacus Peiso, deserta Bojorum. Iam tamen (deserta videlicet Bojorum) colonià D. Claudij, Sabarià & oppido Scarbantià Julià habitantur.* Lacus autem Peiso Cluverio est ille, qui hodie in Austria & Hungariæ confinio, vulgò Hungaris Ferreu, Germanis Neusidler, à Neusidel, quod ipsi adsitum est, nuncupatur. Ergo locus iste Strabonis Cluverio non suffragatur, eò maximè, quòd idem Strabo Bojos Vindelicijs & Helvetijs facit confines his verbis, postquam de Salassis, deque urbe Augustâ egit: *Universa deinceps montana pars in Orientem & Austrum vergens à Rhatis Vindelicijsque tenetur, Boijs Helvetijsque consinibus, nam eorum campis imminet.* Unde apertè conficitur, Boios, quorum Strabo isthic meminit, non esse illos, qui in Tauriscis Boiorum deserta aliquando occuparunt, sed de Herciniis. Neque enim fieri poterat, ut Taurisci à Dacis funditus deleti, vel saltem amisso Boicæ gentis nomine atque Principatu, uti superius ostensum, Vindelicijs essent finitimi, cùm Strabo ista scriberet: scribebat autem sexto Tiberij Cæsaris anno, Junio Syllano & C. Norbano consulibus, cùm anni non plus triginta tres à devictis in Bojohæmo Boijs effluxissent, ipsèque exactam finium gentisque notitiam haberet.

In hac opinionum consièctione, inducor, ut credam, Boios suis ex Hercinia sedibus proscriptos, sedes locasse partim in Nariscis, partim in tractu Vindeliciæ propinquo, idque diversis temporibus, non Marcomannorum beneficio, sed concessione Romanorum. Neque enim est credibile, Marcomannos in viciniâ tollerasse gentem, quam maximis iniurijs, quarum est longissima memoria, recens affecissent. At verò Romani iam tum, cùm Boij novas sedes quærere cogebantur, Danubii confinia armis munitionibusque occupabant tantà potentiâ, ut nihil esset, cur sibi à Boijs, qui rebus extremè afflictis fessi nondum respirânt, quicquam metuerent, sed esset potius, cur homines bellicosissimos sibi facerent obnoxios

Brunneri lib. 3. pag. 397. BRUNNERI OPINIO EXAMINATUR.

Tacit. lib. 2. Annal.

Cluver. lib. de Vindelicijs. Strab. lib. 4. c. 7.

EXPLICATUR LOCUS DIFFICILIS STRABONIS. XXIV. Strab. lib. 4. Plin. lib. 3. c. 24.

Cluver. Vindel. c. 3. pag. 26. Strabo lib. 4.

UBINAM BOII HERCINII A MARCOMANNIS PULSI SEDES ACCEPERINT. XXV.

Sueton. in
Augusto c.
48.

AUGUSTI IN
EXTEROS
REGES BE-
NIGNITAS.
Dio lib. 45.
MODERA-
TIO ROMA-
NI DOMINA-
TUS.

noxios promptisque ad auxilia contra Germaniam, quam sibi sumptuerant debellandam. Et hoc quidem non abludit ab Augusti Cæsaris in exteros benignitatem quippe qui regna, quibus belli jure potiebatur, pleraque reddebat ijs, quibus ademerat, vel contribuebat alienigenis, *nec aliter universos, quam membra partesque imperij cura habebat.* Et verò Romani hac moderatione utebantur, ut, quamvis immensâ cupiditate magnitudinis augendæ flagrarent, eam tamen non exercebant populorum internecione, sed obsequijs, sat gnari, non crescere potentiam gentium excidijs, sed incolumitate & studio servandi. Hinc illud, quod Dio notavit, ut oppressis adversus potentiores succurrerent, rebus infirmis præstarent opem, iisque cùm opus erat, ad deprimendam fortunæ alienæ, si nimium assurgeret, fidenciam, uterentur: cùmque hos evexerant ad aliquam claritudinem, quæ oculos invidiæ perstringeret, eos pariter redigerent in ordinem, hoc unice spectantes, ut rerum summam penes se retinerent, penes alios æquabilem aliquam speciem non oppressæ omnino libertatis, quam etiam regijs titulis, cæteraque beneficiâ, quæ mira est fidei atque benevolentiae conciliatrix, sibi devincerent.

BOII IN NO-
RICUM RE-
CEPIT.

XXVI.

Paul. Diac.
lib. i. c. 4.
rerum Lon-
gob.

Bojos porrò, ipsis lubentibus, fuisse in Norico jam ab Augusti tempore, ostendit locus Strabonis, quem antè retulimus: & Jornandes, qui aliquot post sæculis Gothorum res gestas descripsit, eos memorat in Norico quadringentis & septuaginta tribus annis post devictas à Romanis Norici provincias, constitisse. Idem narrans Theodomiri, Leonis & Glycerij facta, Sueviæ fines describens ita loquitur: *Danubium congelatum Theodominus Gothorum Rex cernens, pedestrem ducit exercitum, emensoque Danubio Suevis à tergo apparuit.* Nam regio illa Suevorum ab Oriente Bajoarios habet, ab Occidente Francos, à meridie Burgundiones, à Septentrione Turingos. His accedit Paulus Diaconus ad annum Christi quingentesimum sexagesimum sextum: *Mala, inquit, intra Italiam tantum usque ad fines gentium Alamannorum & Bojariorum solis Romanis acciderunt.* Alemannorum & Bojariorum fines Eginhardus in vita Caroli Magni sic terminat: *Lechus fluvius Bojarios ab Alemannis dividit.* Idem lib. 3. cap. 30, hos vetustæ Bojariæ limites assignat. *Norikum (inquit) provincia, quam Bojariorum populus inhabitabat, habet ab Oriente Pannoniam, ab Occidente Sarmatiam, à meridie Italiam, ab Aquilonis verò parte Danubij fluentem.* Constat igitur, Bojos ex Hercinia ejectos, post bellum Marcomannicum sedes eis Danubium habuisse in Norico, quæ prior pars est nostræ assertionis. Cùm autem initæ possessionis initium non omnino constet, eam ad finem belli Marcomannici non immeritò referimus.

BOII QUO
TEMPORE
CEPERINT
INTER NA-
RISCOS HA-
BITARE.
Jul. Capitol.
in vita An-
ton. Philos.

Partem alteram assertionis, quæ illos facit tractûs Transdanubiani, hodie Nortgojæ incolas, sed seriùs, suadet Jornandes. De tempore, quo isthuc immigrarunt, si vero propinquiora sectari liceat, admodum est credibile, id contigisse Imperatore M. Ælio Antonino Philosopho, circa annum urbis conditæ nongentesimum vigesimum septimum, annum Christi centesimum septuagesimum septimum, post debelatos Marcomannos. Eo bello Bojos pro Marcomannis non sterisse, conficitur ex Julio Capitolino, ubi populos, qui contra Diocletianum arma sumptuerant, exactè enumerans, Bojos omittit. *Gentes omnes (inquit) ab Illyrici limite usque in Galliam conspiraverant, Marcomanni, Narisci, Hermunduri, Quadi, Suevi, Sarmatae, Latringes, & Buri: Hi alijque cum Victoralis, Sosibes, Snobotes, Roxolani, Bastarna, Alani, Pencilini, Costoboci.* Eutropius, qui Valente Imperatore Romanam historiam redegit in Epitomen, Marcomannis adjungit Quados, Vandalos, Sarmatas, Suevos, atque omnem barbariem. Addit Orosius, qui claruit extremo propè Honorij Imp. ævo, omnem penè Germaniam, nec tamen Bojorum meminit. Ut autem in communi tot gentium motu, Boij quieti fuerint & neutrarum partium, est prorsus à bellicosæ gentis ingenio, & politicâ ratione alienum. Neque enim à Marcomannis veteribus hostibus fuissent tuti, neque ijs per Romanos licuisset esse otiosis. Nam præterquam quòd adversus ingentem barbarorum multitudinem validis & numero & virtute copijs initio indigebant,

Oros. lib. 7.

An-

Antoninus (quod observavit Orosius post Julium Capitolinum) Romano exercitu pestilitate magnam partem in hibernis acciso, coactus fuit, cum Carnuti degeret, per triennium habere novos delectus, non ex hominibus modò ingenuis, sed etiam ex servis, gladiatoribus, Dalmatiz & Dardaniæ latronibus, ipsisque Germanis, quos contra suæ nationis partiaros conduxit. Quare non est credibile, cum Boijs populi Romani socijs, & Marcomannorum juratis hostibus in tantâ belli viciniâ, rebus usque eò necessarijs, vacationem indulgisse. Et certè Bojorum plurimùm intererat Romanos sibi conciliare, ut eorum potentiâ protecti, paulatim vires resumerent ad spēs pristinz conditionis instaurandas, sumendâque de Marcomannis ultionem. Movet etiam istud argumentum, quòd, posteaquam Antoninus in ipso Danubij transitu Marcomannos juxta & socios, partim fulminibus (ut habet Orosius) è cælo ad Christianorum preces, perterritos, partim immani multorum millium strage debellatos acceperat in ditionem, eorum plurimos traduxit in Italiam: Et nisi velimus, eum vacuas deportatorum, & occisorum (inter quos haud dubiè Nariscis non pauci) sedes mox ab alijs populi Romani hostibus occupandas, contra ac suadebat belli reique Romanæ ratio, reliquisse; statuendum est, eum amicæ Bojorum genti, quæ solo Danubio à Nariscis sejungebatur, fecisse, præ debellatis hostibus potestatem, in ea loca colonias deducendi, unde exules ejecerat, ut Romanis legionibus, quæ tutandis Danubij limitibus erant impositæ, quoties res posceret, possent opem adferre. Quòd si, ut Capitolinus habet, Antoninus, partâ de Germanis victoriâ, quibusdam provincialibus prædas restituerit; facilis est conjectura, eum in amicos, quàm in hostes fuisse liberaliorem; & quorum ope victoriam reportaverat, hos potius, quàm ullos alios, in præmium bene navatæ operæ, donasse agris, quos ingens hominum strages nuper edita, & plurimorum in alias terras tractio, cultoribus nudaverant. Ut verò Bojos præferret, suadere potuit eorum virtus, & causa demerendi animos gentis fortissimæ, quæ cum angustius in Norico cis Danubium habitaret, nullo Romani imperij incommodo, poterat desertas à Nariscis terras trans Danubium occupare. Unde colligo, eâ tempestate cœpisse illas incolere regiones, quæ ad Nabum sunt, quasque hodie superior Palatinatus, aliique tractus Boicæ Transdanubianæ complectuntur. Cui opinioni nihil obstat Tacitus, quando in ijs regionibus locat Nariscos: Ut enim demus Tiberij Imperatoris ævo, Nariscos istas provincias tenuisse, non tamen inde sequitur, Antonini Philosophi ætate, qui uno, & quod superat, sæculo, post Tiberium imperavit, Nariscos Boijs locum non cessisse. Atque hæc quidem, quantum licuit assequi, de obscurâ istâ quæstione.

Oros. lib. 7.

XXVII.

Julius Capitol.

Tacit. lib. de Germ.



BOICÆ GENTIS
ANNALIUM
PARTIS I.
LIBER V.

Antoninus Pius Imp. non fuit Bojus. Galatæ quando facti Christiani. Bojorum superstitiones. Maricus Bojus divinitatem affectat. Adelgerus fabulosus. Vnde orta Rom. Imperij inclinatio? Boij reflorescunt. Motus Germanici. Hunnorum & Alanorum irruptio. Creinhildis Boja Attilæ conjunx. Bellum Aladarici Hunni adversus Chabam fratrem. Veteris Boicæ limites. D. Laurentius primus Laureacensium institutor. Duo SS. Lucij. D. Maximilianus Episcopus & Martyr. S. Florianus Martyr. S. Afra & sociæ. S. Quirinus Episcopus & Martyr Laureacensis. S. Cassianus Episcopus Sabionensis & Martyr. S. Rhomedius Confessor. S. Valentinus Episcopus. S. Lucanus Sabionensis Episcopus. S. Severinus Norici Apostolus.

CHRISTI
NATALIS.



I.

Uæ scribemus deinceps, omissis urbis Romanæ fastis, per longè pulchriores feliciorisque annorum numeros recenserebimus, quos ducemus à JESU Christi unigeniti filij DEI in terris è Matre Virgine exortu, quando ipse cœli terræque regnator æternus, immortalis, se in nostram mortalitatem demisit, & afflictam generis nostri conditionem clementissimè miseratus, nomen super omnia nomina sanctum inter homines professus est, ut nos immortalitate & cœlestium consortio transcriberet. Id beneficium inenarrabile mortalibus contulit, Anno Cæsaris Octaviani, ab inito consulatu, quadagesimo primo exeunte, Cn. Cornelio Lentulo Getulico, & M. Valerio Messalino Consulibus. Qui numerant ab Octaviani XIII. & M. Plautij Sylvani consulatu, non id faciunt, ut diem annumque Christi nascentis præcisè designent, sed ut numerum incipiant abs novo & integro anno Julianæ correctionis, qui incidit in secundam partem anni

anni tertij, Olympiadis centesimæ nonagesimæ quartæ, cùm totum ferè terrarum orbem pacatum, ad excipiendum sempiternæ pacis authorem divina bonitas componeret.

Orium ab armis, post depulso nuper è Bojohæmo Bojos, præstabat sopira potius, quàm debellata Germania. Nam Drusus Augusti privignus, Rhenum Imperij Romani tunc limitem, transgressus est, cùmque Usipetes, Tencteros, & Catos devicisset, Marcomannos penè ad internecionem profligasset, Suevos, Cheruscos, & Sicambros superasset, totque auctus victorijs Germaniam compescuisset, & arcendis barbarorum irruptionibus, non modò litus Gallicum firmis præfidijs, sed Albim etiam & Visurgim quinquaginta ampliùs castellis, multiplici statione, quæ regionum interiora frenarent, munivisset; credebatur Germania sensim positura ferociam, & solito tutiora quietioraque stativa Romanis concessura. Verùm Tiberius Drusi successor quietem turbavit bello, quod in triennium, quindecim Romanas legiones exercuit, remque Germanicam vehementer afflixit, quando Victor, quadringenta captivorum millia è Suevis, & Sicambriis transportavit in Galliam, & agrum Rheno proximum. Ex istis duarum gentium colonijs Isidorus observavit coaluisse Burgundiones, qui mutato veteri nomine sic appellati, postea in magnam gentem evaserunt: quanquam eorum posterij, senescente imperio, se pro Romanâ sobole gesserint, jam inde à priscis temporibus; quod non dissimulat Ammianus. Quamobrem fieri non potuit, quin Germania tantâ hominum multitudine insigniter imminuta, mitesceret, brevi tamen resumptura pristinos spiritus & amorem veteris magnitudinis. In communi gentium tranquillitate Boij otij dulcedine deliniti sese continuerunt intra fortunæ suæ metas, cùmque nihil tentarent armis, à quibus est vis inclarescendi præcipua, nullum tantisper dederunt argumentum, quod in litteras referretur. Quam enim Romanis locaverunt operam, silentio à Scriptoribus est suppressa, quia totam facti gloriam Imperatoribus adscripserunt, penes quos erat rerum bellorumque summa, quæ eorum ductu auspiciisque gerebantur. Quæ Marcomanni egerunt, nullâ sui parte (contrâ ac Vellserus opinatus est) ad Bojos à Marcomannis cælo animisque divisos sunt transferenda. Multò minùs communicanda cum Boijs, quæ de Nariscis & Quadis, deque Germaniæ in Romanum nomen conspiratione in fastos relata sunt, quale est bellum Marcomannicum, sub Marco Aurelio Antonino, in quo proinde describendo Bruñerus extra lineam calamum fatigavit, perinde incertus in jungendâ Bojorum cum Marcomannis societate, atque in assignandis Nariscorum agris; quasi Boij sine Nariscis vivere, & Marcomanni sine Boijs bellare nequivissent.

Si vera esset Brunneri, quam ipse non malè vocat verbo Gelliano insubidam, hoc est, præcipitem nec expensam satis, divinatio, de Tito Aurelio Fulvio Bojonio (qui & Antoninus Pius Imperator Adriano successus) quod ex vocum aliquâ similitudine Boijs sit asserendus; multò foret credibilius, Bojos Antonino, utpote cognato sanguini, quàm Marcomannis hostibus infensissimis, & aviti Principatus raptoribus, arma sociasse. Sed ne hoc tam levi suspitione Boijs tribuamus, in causâ est, quod nemo veterum uspiam prodidit, undenam Antonino Bojonij nomen sit adnatum. Vellseri nimis ingeniosa meditatio est, eam Bojonij nomenclationem à Boico sanguine provenisse: non satis convenit historicæ accuratiioni tam liberaliter obvia quæque, si paulula species vocis alicujus aurem feriat, rapere illico in Boicum genus ac titulos, quicquid vel è longinquo præfert Boicæ appellationis imaginem. Aliam habent conjecturam haud multò solidiorem, qui Antoninum Bojum faciunt, ductam à solo ipsius natali. Titus (inquiunt) Aurelius Fulvius Bojonius Antoninus, genus paternum traxit è Galliâ Narbonensi domo Nemausensis. Avum habuit Titum Aurelium Fulvium bis Consulem; Patrem Aurelium Fulvium, qui & ipse Consul. Super hæc Fulvius Bojus Dux Rhætici limitis celebratur apud Vopiscum. Sed quid hæc ad rem? An quisquis Gallus est Narbonensis, idem Bojus est? Aut cui nomen Bojonius,

Oros. lib. 6.
c. 21.

Sueton. in
August.
Tacit. 2. An-
nal.
Eutrop. lib. 7.
BURGUNDIONUM OR-
TUS.
Isidor. Orig.
lib. 4.

Ammianus
Marcellin.
lib. 27.

II.

ANTONINUS
PIUS IMP.
AD BOIOS
NON PER-
TINET.

III.

Inl. Capitol.
in Antonin.
Pio.
Flav. Vopisc.
in Aurelian.

eidem & genus Boicum? Et fuerit in Rhætia Fulvius aliquis Bojus Valeriani Cæsaris avo; hoc est centesimo, & quod superat, anno, postquam Antoninus Bojonius in vivis esse desierat; quo ratiocinandi modo colligemus, Antoninum fuisse Bojum? si iste Fulvius fuit ex Bojoniorum stirpe, cum non Bojum, sed Bojonium nuncupare, quod ipsi fuisset honorificentissimum, oportebat. Et quis unquam asseruit ex sero aliquo Bojo, Bojonium prodivisse ordine nascendi retrogrado? Sed unde ergo Antonino obtigit Bojonij nomen? Volunt aliqui ab aviâ maternâ Boviniâ Procillâ, cum hæres ab illâ scriptus esset, & eâ causâ, paulum mutasse nomen, quod Bovinius & Bojonius idem sonent & valeant, cum hoc tamen discrimine; quod Bojonius originem nominis, quod à bobus est minus honestum; magis tegat, quàm Bovinius, quo bos clarè significatur. Quàm lepide ista, quàmque inaniter! ut in re tantâ, tamque dubiâ, persuadeatur prudentibus, ex nescio quo dictionis sono, quo nihil ad suadendum infirmius, Antoninum fuisse Bojum, resque ab ipso gestas in Bojorum annales debere conferri? Eiusdem generis est, quod Vellserus ad gentem Boicam rapit Boranos natione Scythas, Istrios, Macedones: quod certè durum nimis est ac peregrinum; cum à Borâ monte, qui Illyrico confinis est, Borani sint appellati. Equè elumbe est argumentum de Buris apud Julium Capitolinum, quasi Buri sint Bajeri vel Bojeri, contrâ ac scripsit Tacitus, qui Bojos addicit genti Gallicæ ex cultu & sermone, Bueros verò Suevos præ se tulisse, & à Marcomannorum tergo habuisse sedes affirmat.

Rader. M. S.

Vell. lib. 2.
pag. 126.

BURI, BO-
RANI, &c.
NON FUE-
RUNT BOII.

GALATIS
CHRISTUS
INNOTE-
SCIT.

IV.

Petr. 1. v. 1.

2. Petr. c. 3.

v. 1.

Act. 18. v. 23.

1. Cor. 46. v. 1.

2. Timot. 4.

v. 10.

Genebrard.

ad ann. Chri-

sti 81.

Epiphane. hæ-

ref. 51.

Clem. lib. 7.

Apostolic.

Constit. c. 48.

Euseb. lib. 7.

c. 3.

Hieron. in

Catalog.

VETUS BO-

IORUM SU-

PERSTITIO.

DRUIDUM

SUPERSTI-

TIO.

Sheton. in

Claudio, c. 25.

V.

Vopisc. in Nu-
meriano.

Ut hæc missa faciamus, venimus ad hoc, quod rebus Boicis longè propius est, atque honorificentius, beneficium cælo allatum Galatis, in Gallogræciâ, inter quos Tolistoboj claruerunt, quando inter omnium primos, salutis æternæ nuntium unâ cum Evangelij luce acceperunt. Eos Apostolorum Princeps Petrus per litteras convenit, Paulus gentium Doctor vivâ voce & per Epistolam docuit. D. Crescens, non autem Clemens (ut legitur apud Vellserum) à Paulo missus, eosdem instituit: nisi fortè verius sit, quod notavit Genebrardus, cui malim quàm recentioribus assentiri, quando ex Epiphanio, Clemente, Eusebio & Hieronymo ostendit, Crescentem in Galliam, quæ Græcis est Galatia, fuisse missum, & à Petro Galliæ Episcopum ordinatum, rexisse Viennensem Ecclesiam, ut constat ex Eusebio lib. 3. Hist. cap. 4. Et Romano Martyrologio 27. Junij, Cornelio à Lapide in cap. 4. 2. Timoth. v. 10. cui consentit Theodoretus. Et Cornelius quidem, per magnas ambages Crescentem ex Gallogræciâ ducit in Galliam, ut utrobique divinum præconem egisse ostendat. Porro cum Gallogræci in cælo soloque peregrino, in aliam velut stirpem transierunt, nobis non est consilium, eorum res, nostratibus, quas præcipue prosequimur, deinceps permiscere. Cæterum nostrates Boij in agnoscendo & colendo vero Numine, fuerunt Gallogræcis longè tardiores.

Nam ad usque virorum Sanctorum, qui Evangelium Norico intulere, prædicationem, Boij fictorum deorum religionibus addicti, veri Dei profundâ ignorance laborarunt. Etenim primâ è Gallijs migratione, unâ secum ritus Gallicos, & Druidum superstitiones invexerunt: deinde, ut errorum sementis perinde fecunda est atque noxia, præterquam quod cum Gallis habent Deos communes, vix dubium est, quin varias hinc inde à finitimis inanitates hauserint, eâ præsertim ætate, quâ Tiberius Claudius Imperator ex Druso Nerone fratre Tiberij, & Antoniâ minore Lugduni natus, Livie Augustæ nepos, Druidum ineptias, quæ antea civibus Romanis erant interdictæ, ex ipsâ Galliâ penitus proscripsit. Quamquam ex istâ immanissimorum sacrificulorum barbarie aliqui superfuerunt, qui, sprete Claudij edictis, bello civili Vitelliano, ausi sunt occinere Romani imperij excidium, quando Aurelianus Imperator Druidas mulieres consuluit, sciscitans utrùm ad suos posteros propagandum censerent Romani imperij Principatum, tulitque responsum, nullius nomen in Repub. fore clarius, quàm Claudij nepotum. Eiusdem farinae fuit oraculum Druidæ sceminæ, quæ vaticinata est Diocletiano, apri cædem omen ipsi futurum capeffendi Principatûs, quod vati-

tici.

vicinium ut impleret, Aprum prætorio præfectum Numeriani Cæsaris generi sui interfectorem, suâ ipse manu in confertâ concione necavit. Habuere præterea Boij ex Gallorum instituto Mercurium, quem præ cæteris coluerunt velut artium omnium inventorum, viarum ducem atque iterum, quæstus & mercaturæ nummen hospitale. Post hunc venerabantur Apollinem morborum depulsores: Minervam, operum atque artificiorum magistram: Jovem cæli dominum; Martem bellatorum. A Germanis acceperunt Vulcanum, Lunam, Herculem, Isidem, Hertham, id est, terram matrem, quam credebant intervenire rebus hominum; eoque in ejus gratiam castum habebant nemus, inque eo dicatum vehiculum conrectum veste, quod nefas erat à quoquam contingi, nisi à sacerdote, qui in penetrali Deam adesse sentiens, vestem bubus fœminis multâ cum veneratione prosequabatur. Hæc erant nefanda religionum portenta, quibus misera gens sibi patiebatur illudi. Nec ex ijs defuit, qui sibi divinitatis nomen affectaret.

Cæs. lib. 6.
BOIORUM
DII.

Post bellum Helveticum, inter Boiorum reliquias fuit Maricus, qui istam combiberat insaniam, ut exercitum contra Romanos scribere, bellum pugnâque indicere sit ausus. Etenim cum ductores maximarum copiarum, Otho, Vitellius, & Vespasianus post Galbæ cædem, de orbis imperio digladiarentur, iste Semideus non Principum sanguine, sed plebejo oriundus, animum regium induit, idque mentito numinum instinctu & simulatione divinitatis. Obtentus arma sumendi idem fuit, qui familiaris est ambitioni, instaurandæ videlicet publicæ libertatis. Jamque non modò se Galliæ assertorem, sed etiam Deum ferebat, & conflato octo millium exercitu, proximos Æduorum pagos magnarum rerum pollicitis trahebat in partes; cum Æduorum civitas, contractâ ad bellum urbanâ juventute, junctisque Vitellij auxilijs; disjectâ fanaticorum multitudine, novum illum Deum prælio victum, captumque feris objecit. Cum ab ijs non laniaretur, sed magicis artibus se defenderet, vulgus stolidum credebat nullâ vi posse violari, donec spectante Vitellio jugulatus, Deus existimari desijt. Quo ex tempore cum suo isto numine Boij, qui in Ædijs erant residui, quasi extincti, nullam nominis sui rerumve deinceps gestarum memoriam reliquerunt.

MARICUS /
BOIUS DIVI-
NITATIS AF-
FECTATOR-
Tacit. hist.
lib. 2.

Boij Norici, quicquid tandem sub Romanis aquilis gloriæ militaris per longam annorum seriem collegerint, nullam tamen ejusce famam ad posteros transmiserunt. Enimvero quæ domestici rerum Boicarum commentarij referunt, cum à probatis scriptoribus deferantur, hærent in salo, seseque mutuâ nostratum in ijs explicandis dissensione, altius immergunt, quàm ut lucem aspiciant fidemve apud cordatos mereantur. In eum censum venit Ingeramus cognomento Herminius, Boij, ut vult Aventinus, filius, conditor (si Superis placet) Herminiae oppidi inter Nabi, Danubij, & Rhegi confluentes, quæ postea in alteram ripam translata, dicta sit Reginoburgum. Eiusdem classis est hujusce nepos Adalgerio, Alterspachij, sive Adalgeropagi fundator, Gedeonis Judæorum prætoris ævo, rerum in Boicâ potiens, & patrijs carminibus apprimè celebratus.

VI.
DOMESTI-
CORUM AN-
NALIUM FA-
BULÆ.

COMMEN-
TITIUS IN-
GERAMUS
ADALGERIO

Andr. presb.
pag. 4.

ADELGERUS
THEODO
FABULOSI.

Andreas Ratisbonensis presbyter, contra Aventinum, tradit Adalgerum Boamundo & Ingramo successisse, sub Julij & Augusti imperium. Virtus Prior Eberspergensis, Adelgerum & Theodonem Augusti ætate Augustæ Vindelico- rum Duces facit, qui Romanos, junctis ad urbem Suevorum copijs, ad internecio- nem sic deleverint, ut ne unus quidem superesset, qui Augusto Cæsari cladis ac- ceptæ nuntium referret: sed instaurato dein bello missum ab Augusto Tiberium Germanos & Bojos in acie vicisse, sexto ante Christi natalem anno. Theodo- nem postea superiorem & inferiorem Boicam solùm obtinuisse, eò quòd Adelge- rus in pugnâ sine prole cecidisset. Sed ut demus, Tiberium vicisse Germanos, imus tamen inficias, eam cladem ad Theodonem aut Adalgerum, Bojólve per- tinuisse, eò quòd Velleius Paternulus, qui omnia ad gratiam Imperatorum Roma- norum vero inflatius dixit, scripsitque, talium ductorum & Boicæ gentis nomina prorsus silet, quod non fuisset facturus, si eorum accessione laudes victoris & triumphum honestare potuisset.

Arenpeck,
lib. 1. c. 20.

ERROR A-
RENPECKII.

VII.

Chron. Te-
gernseense.

ADELGERI
FABULÆ.

VIII.

E diverso Arenpeckius nescio quem Adelgerum trecentis & amplius post Christum natum annis, Severo Cæsare, Romanis rebellantem inducit, præliantemque cum Severo dudum mortuo, ejusque copias profligantem in campis Brixentibus: Idem enim Severum anno Christi trecentesimo octavo interfectum scribit, cum tamen ex Cassiodoro constet, & ex Dione, cum animi mœrore, anno Christi ducentesimo tertio decimo, ob filiorum dissidia, fuisse confectum. Attegit, Bojos mox à Constantino superatos, & à Juliano coactos imperata facere. Alij patriâ linguâ scripti Annales narrant, Adelgerum patriâ Romanum, non autem gente Bojum Boicæ infestum fuisse. Isthæ commenta pleraque nullius justî scriptoris autoritate probata, ex quodam fabulatore Garibaldo cum prodierint, æternâ silentij lege meritò sepelienda sunt: lubuit videlicet vano homini, fictos heroës suæ genti assertos commentitijs narratiunculis ingeniosè vestire. Quâ ex officinâ prodijt etiam fabula de Adelgero, in quo fingendo & pingendo tum Garibaldus, tum alij certatim suam artem videntur ostentare voluisse. Hunc ajunt sub Severo Galerij Maximini nepote, victis à Diocletiano Marcomannis, Romana castra esse secutum, Terioli genti Rhæticiæ cum tribuni potestate præfuisse, & gravium criminum apud Severum fuisse arcessitum, accitumque: Et cum quidem, cum suo capiti metueret, agrè induxisse animum, ut vadimonium obiret; in jus tamen ambulasse, veteris amici consilio. Cum objecta crimina non liquerent, seque ipse inficiando tueretur, Severum nihilo secius, factâ licet majoris supplicij gratiâ, contumeliâ notatum dimisisse eâ lege, ut vestes genuum tenus, & accisam comam gestaret: Quâ ignominiâ oppidò commotum, quod omnis Boica promissâ cæsarie gauderet, ferunt eum tamen, amici cohortatione iram in potestate habuisse, & die postero attonsum, & seminudum unâ cum commilitonibus, qui pariter ejus exemplo eundem cultum assumpserant, prodijisse in publicum. Quam habitûs insolentiam cum Severus in Adelgeri comitibus miraretur, causam percontanti, ajunt respondisse, Bojorum esse morem, ut pari omnes fortunâ utantur, sive sit secunda, sive adversa: quodque uni fiat beneficij aut injuriæ, id omnes sibi sigillatim factum ducere. Adelgerum dein domum reducem lege perpetuâ sanxisse, ut ista vestium & comæ brevitâs toti deinceps genti Bojorum esset familiaris. Pergunt narrare, sapientem illum Adelgeri monitorem obsidis loco apud Severum mansisse in heri sui fide constantem: Cum ab Imperatore Adelgerus denuo citaretur, & hæreret anxius, an suam salutem rursus Severi judicio committeret, amicum illum apologo respondisse: Cervum aliquando horti cujuspîam amœnitate captum, ad carpenda olera descendisse, & tandem venisse in manus olitoris, qui eum caudâ auriculisque multavit. Sed cum cervus suæ deformitatis oblitus ad genium redivisset, morte suam edacitatem luisse: Vulpeculam insuper demortuo cor abstulisse. Cum cervus exenteraretur, miratum olitorem, cor inter extra nullum reperiri, à matrefamilias fuisse monitum: cervum enimvero, si cor habuisset, non fuisse rediturum ad tam periculosas epulas, posteaquam priore vice fuisset tam malè exceptus: Eo responso denique fuisse edoctum Adelgerum, quonam spectaret fabula, nec potuisse adduci, ut rursus veniret in Severi conspectum. Cæsarem quidem illi movisse bellum, sed armis fuisse repressum. Ut bellè scriptores isti fabulam pertexant, ductores nominant Geraldum, Rudolphum, & Virentum, quorum virtute Adelgerus Brennium Suevum, Olinuchum Bojohæmorum Regem, & Hunnos superavit: Addunt Boicum nomen istis victorijs ad magnam claritudinem emerxisse, & hostibus terrori, amicis præsidio fuisse, donec sublato è vivis Adelgero, Boica fortuna retro relapsa Constantino primùm, post Juliano Imperatoribus fasces submisit. Hæc si bonorum authorum, præcorum monumentorum fide niterentur, pulchrum esset ac jucundum inferere nostris annalibus; Verùm satius est, quod res ipsa jubet, fateri, Boijs idem contigisse, quod multis alijs nationibus, ut per longa temporum intervalla latuerint. Ut enim amnes aliqui, posteaquam læti amplas regiones rigârunt, subitò absorbentur in imos terrarum hiatus, & demum in auras emer-

emergunt, ubi per meatus occultos longam viam sunt emensi, quales sunt Lycus in Asiâ, Erasinus in Argolicâ, Tigris in Mesopotamiâ, Timavus in campo Aquileiensi; sic postquam clarissima Bojorum fama Italiam, Asiam, Galliam, Illyricum diutissimè fuerat pervagata, sublata mox ex oculis, nullum sui vestigium reliquit, donec momento velut rediviva è tenebris erepsit.

*Plin. lib. 2.
c. 103.*

Id quemadmodum eveniret, juvabit paulò altiùs repetere. Stabat summo rerum omnium Dominatori immota sententia, è fragmentis Romani imperij regna excitare, Principatus erigere, aliàsque rerum publicarum formas. Ejusce consilij causæ erant justissimæ. Mores urbis corrupti labefecerant virtutum, quibus assurrexerat, totque sæculis steterat, fundamenta. Leges Romanæ jacebant, corruebat justitia regnorum custos, & in sordidam avaritiam desierat: cætera vitiorum colluvies immane quantum excreverat. Nata inde populorum odia, judiciorum contemptus, conspirationes, rebellionum incentiva, gentium nondum domitarum confidentia ad audendum, invadendâsque provincias, quas solutâ passim concordia cernebant malè coherentes patere ad irruptionem. Negligebatur usus lustrandi provincias, qualem Cæsares olim, atque inprimis Adrianus, adhibebant. Solebat iste curâ incredibili orbem Romanum obire, lustrare populi Romani socios, instaurare colonias, urbes juvare aquæductibus, frumento, pecuniâ, honoribus excolere: singulas sub signis habere centurias ad specimen augustalium legionum; unde fiebat, ut cum nummi veteres *Restitutorem & locupletatorem orbis terrarum* appellarent. Si qui per provincias, inopiæ causas probabant (quo nomine *Causarii* dicebantur) eos munificè sublevabat, detractis fisci oneribus, & ampliata liberalitate, quâ ex tributorum supervacaneis reliquijs, soluti ære alieno, & rei domesticæ angustijs, mirificè Romani nominis amor obstringebantur. Romam veniens ingenti populi gaudio, syngraphos pecuniæ fisco debitæ publicè combussit, exemplo M. Aurelij, qui provincijs universam remisit, tabulis in foro concrematis. Consueverat (quod de eo Julius Capitolinus scripsit) si quæ erant fisco lites cum privatis, lætari, si fiscus vinceretur, quod crederet, ratò fisci causam videri malam nisi sub bono Principe.

IX.
CAUSA IM-
MINUTÆ
ROM. IMPE-
RII AMPLI-
TUDINIS.

ADRIANI
CÆSARIS
PROBA GU-
BERNATIO.
*Spartian. in
Adrian.
Aurel. Victor.
Dio.
Xiphilin.*

Longè alia evasit imperij Romani facies sub pravis Principibus, præsertim sub Commodò, qui ferè dabat provincijs rectores, quos noverat vel scelerum conjunctione fidos, vel sectatores suæ improbitatis, vel tales, è quorum rapinis velut è spongiâ, lucri partem ad suos usus exprimeret. Unde existerat immanis Judicum provincialium rapacitas, qui publici tributi nomen vertebant in proprios quæstus: quæ res concitabat frequentes Sociorum populi Romani tumultus, intolerabilem servitutem quiritantium, quia *cogebantur fieri barbari, eò quòd non permittebantur esse Romani*. Quamobrem crescebant indies publica in Romanos odia, vel simulata benevolentia, quæ apertâ hostilitate non erat pilo melior: Hinc ruina muri imperiorum inexpugnabilis, quem fundat amor erga Principem, rectorem virtus sustentat, extollit illustris opinio virtutum.

IMPERII
ROM. MU-
TATA FA-
CIES.

*Salvian.
Masil.*

Ab Augusto Germanis coercendis ad Danubium, qui limes Romanos à barbaris dirimebat, per Mœsiam, Pannoniam, Noricum, & Vindeliciam dati fuerunt juri dicundo Legati, Procuratores, qui censebantur inter municipales magistratus. Accedebant Duumviri defensores, è civium nobilioribus, quibus domi res lauta, amplæque ex bonis artibus & hæreditate possessiones. Horum munus erat, plebem tueri adversus injurias, compescere seditiosos, onera publica temperare, si res poscebat, Præsidis provinciæ vices obire. Constantinus Imperator quater nos prætorio Præfectos, binos Orienti, totidem Occidenti dederat, è quibus unus undetriginta provincias, Britanniam & Hispaniam cum Ripensi Germaniâ, cui annexa Boica, iuris dicundi ditione tenebat. Eorum amplissima erat potestas, post Cæsarem, in omnes inferioris ordinis magistratus, ut ab eorum sententiâ ne ad Principem quidem daretur provocatio, unde Ausonius de Probo ex istâ Magistratuum classe sic cecinit:

*Qui solus exceptis tribus,
Heros Heroum primus est.*

X.
JUDICES AB
AUGUSTO.
DATI.
*Guid. Pan-
cirol. de Ma-
gistrat. Mu-
nicip. ad no-
tit. Imperij
c. 3. l. defen-
sores ita s. C.
de defensor.
Authent.
Episcoporum
cod.
CONSTAN-
TINI VICA-
RII,*

Quan-

Quando apud eorum tribunal dicebantur causæ, ad augendam Prætorij maiestatem, bini cerei collucebant, in quorum medio Imperatoris imago, & erectus liber mandatorum Cæsaris ad Magistratus. Prætori concedebatur usus aurei carpenti, in quo sella sublimis aurea; quâ vehabatur à quatuor equis candidis, stipatus illustri satellitio. Ita revixerat tantisper species augustalis iustitiæ & auctoritatis; Verùm cum annis succedentibus custodes Iustitiæ ipsi custodibus indigerent, reditum est in antiquam silvam, quam Sidonius Apollinaris veris coloribus depinxit.

Sidon. in Paneg. Majoran. Aug.

*Quicquid erat miseræ diversis partibus orbis,
Vastari solenne fuit. Quæ vita placeret
Cum rector moderandus erat? Contempta tot annos
Nobilitas jacuit, pretium Respublica forti
Rettulit invidiam.*

Et quod idem Sidonius testatur, natio sceleratorum tam inciviler Romanas vires administrabat, ut eas videretur velle à fundamentis eruere. Quare mirum non est, quòd, cum nobilium virorum magnanimitati non tam decissent facta, quàm præmia, tandem languesciente virtute, pectora alioqui fortissima versa ad ignaviam, barbaris ad ictum patuerunt.

BARBARO-
RUM IRRU-
PTIONES.

Hieron. Ep.
go. Claudian.
in Ruff.
Hieron. Ep.
s. ad Heliod.

Quod inter hoc fuit pessimum, Occidens in factiones divisus, execrabili bello collidebatur: Oriens nudatus auxilijs, barbaro aperiebatur. Juvat audire D. Hieronymum: *Eccc (inquit) discurrere nuntij ab ultimâ Meotide inter glaciale Tanaïm & Massagetarum immanes populos, ubi Caucasij rupibus feras gentes Alexandriæ claustra cohibent, erupisse Hunnorum examina, quæ pernicibus equis huc illuc volitantia, cadis pariter ac terroris cuncta complerent. Superante Hunnorum audaciâ, Aniochia compressa, & urbes reliquæ, quas Halys, Cydnus, Orontes, Euphratesque præterflunt. Auxit Hunnicum terrorem haud mitior Gothorum in Græciam irruptio, de quâ Claudianus:*

*Geticis Europa catervis
Ludibrio prædaque datur, frondentis ad usque
Dalmatia fines: omnis, quæ mobile Ponti
Æquor, & Hadriacas tellus interjacet undas,
Squalor inops, pecudum nullis habitata colonis.*

XL.

Salvian. lib.
6. de Gubernat. Dei.

Oros. lib. 7.
c. 4. & 39.
Sexton.

Viginti, eoque amplius, annis, inter Constantinopolim & Julias alpes, quotidie Romanus sanguis fundebatur: Scythiam, Thraciam, Macedoniam, Dardaniam, Daciam, Thessaliam, Achaiam, Epirum, Dalmatiam, cunctasque Pannonias, Gothus, Sarmata, Quadus, Alanus, Hunni, Vandali, Marcomanni vastabant, trahebant, rapiebant: Ubique luctus, ubique gemitus, & plurima mortis imago: *Romanus orbis ruebat, & tamen humana cervix non flectebatur, sed cum plagis crescebant scelera, ut putares pœnam criminum, matrem esse vitiorum.* Corinthijs, Atheniensibus, Lacedæmonijs, Arcadibus, cunctæque Græciæ barbari imperabant. Hæc erat rerum facies, antè quàm Gothi consilium invadendæ Italiæ explicuissent, quibus expeditis, acciderunt longè tetriora. Ignoræ præterea non sunt Herulorum, Rugorum, aliæque tempestates. Denique Romano iugo se quoque subduxere Galli, lacerata fuit Italia, avulsa Africa, Hispania Vandalis & Alanis prodita à Romanis, quibus Pyrenæi jugi excubiæ erant demandatæ, eodem anno, quo capta est Roma ab Alarico. Mox facta est sui juris Germania, orbisque ab uno Principatu divulsus plura regna dominatusque produxit.

BOII REPLE-
RESCUNT.

In istis Imperij Romani quassationibus usui venit Boijs, quod solet in validis terræ agitationibus, quando, discedente terrâ, fontes subinde profiliunt, & montium supercilia denudantur. Bellicosa natio non immemor prisce magnitudinis, caput cepit è fortunæ ruderibus extollere, hæc ex orbis concussionibus spatium evadendi in altum, ut deinceps non alienæ potentiæ serviret ut antè, sed suæ dignitatis inciperet esse restauratrix & architecta. Id factum præcipuè Christi nati anno circiter trecentesimo septuagesimo sexto, sub Valente & Gra-

tia-

riano, quando Boij paulatim Rhætiâ, Noricum tam Ripense quàm Mediter-
raneum, in quibus Tirolis, Austria, tractus Salisburgensis; Narischorum item fi-
nes, quâ nunc in Baviarâ sunt, suæ ditionis fecerunt, Romanis submotis, negle-
ctisque foederibus, quæ tamdiu coluerant, quousque moderatio dominatorum
fidelsque exegit. Rem tamen non dedere confectam sine ferro & gravi conten-
tione. Omitto, quæ sunt antiquiora, quæ superius attrigi, & apud Brunnerum pro-
lixè reperiuntur: sufficit recensere, quæ nostræ ætati sunt paulò propiora.

Posteaquam Cæsar Constantius rediens ab expeditione Persicâ, pactis cum
Sapore rege inducijs, in itinere vivere desijt, Julianus occupato imperio, & Chri-
sti religione palàm abjuratâ, Florentio & Tauro Consulibus, Alemannos, quod
ipse pro concione ad exercitum jactavit, fregit, & eorum irruptiones popula-
ndique licentiam cohibuit: quod sine Bojorum motu vix potuit contigisse. Pau-
lò à Boijs remotiùs, Flavius Valens Jovinus sub Valentiniano equitum Magister
Germanos, quorum pars Leucorum & Mediomatricum fines inierat, pars pro-
moverat ultra Catalaunos; tribus locis adortus, primos Tullum inter & Divodu-
rum cecidit apud Scarponam ad internecionem: alios astu circumventos & ad
Mosellam securos egit in fugam: postremos deniq; prope Catalaunos, justâ pug-
nâ, quam in noctem extraxit, victos profligatosque superavit Ann. C. CCCLXXIX.
Quo tempore Rando Alemannus natione, latronum manu vallatus, Mogun-
tiaci frequentem Christianæ celebritatis conventum, dum sacris solennibus va-
carent sacerdotes, mariti, uxores, liberi; oppressit, & à patriæ complexu avulsos
in durissimam traxit servitutem. Eam cladem ultus est Valentinianus, haud lon-
gè à saltu Hercinio, ad Lupodunum prope Nicri fontes, ubi hodie pagus Lobo-
dunensis, cæsis cruento prælio Alemannis. In postremis signorum Jovianorum
subsidijs adfuit Gratianus Cæsar Valentiniani filius, nondum patiens conflictûs,
propter ætatis imbecillitatem. Patris Augusti, filiique triumphum lussit Ausonius,
quem credibile est prælij fuisse spectatorem.

*Caruleos nunc Rhene sinus, hyaloque virentem
Pande peplum, spatiumque novo metare fluenti,
Fraternis cumulandus aquis, nec premia in undis
Sola, sed augusta veniens quod manibus urbis
Spectavit junctos natique patrisque triumphos,
Hostibus exactis Nicrum super & Lupodunum,
Es fontem Latij ignotum annalibus Istri.*

Biennio post (ita habet Orosius) Valentinianus Saxones, periculosam in Ro-
manos fines irruptionem magnâ mole parantes, in Franconiâ repressit. Cùm
deinde bello Sarmatico apoplexiâ fuisset extinctus, Gratianus Imperator anno
trecentesimo septuagesimo octavo, apud Argentarium, quod malè à quibusdam
cum Argentorato confunditur, Germanorum supra triginta millia delevit. An-
no demum trecentesimo octogesimo tertio, Maximi Tyranni dolo, suorumque
proditione, Lugduni ab Andragatho occisus est, Valentiniano fratre in imperij
turbulentâ possessione relicto. Eâ tempestate populi, quos Maximus obruerat,
ut scribit Pacatius in Panegyrico, metu incubatoris miseri, verabantur agere
miseros, immo cogebantur se beatos mentiri: & cùm domi atque secretò solis
conjugibus ac liberis crederent secretum dolorem, procedebant in publicum si-
mulato lætitiæ, non autem suæ fortunæ vultu. Subsecuta est Hunnorum & Ala-
norum in Alemanniam incursio. Illis propositum erat Danubij & Alpium con-
finia obtetere, quod contigit eâ tempestate, quâ malum intestinum Juthungo-
rum tumultu excitatum Rhætiâs vexare cœperat. Erant Juthungi, ut scribit
Ammianus, pars Alemannorum Rhætiæ finitima, quibus reprimendis Valenti-
nianus Barbatij operâ feliciter usus est: sed cùm soli bonitate illecti rursus Rhæ-
tiâ involassent, Imperator in eos conduxit Hunnorum & Alanorum copias au-
xiliares, infelici consilio, quale ferebant calamitosa tempora. Hunni eo bello per-
functi retro per Alemanniam jerunt trans Danubium. Secundum hæc, Valenti-

XII.

AN. CHRIST.

CCCLXI.

Ammian.

Marcell. l. 21.

Mainertin.

in Paneg.

MOTUS

GERMANI-

CI.

AN. CHRIST.

CCC.

LXIX.

XIII.

SAXONICUS

TUMULTUS

COMPRES-

SUS.

AN. CHRIST.

CCC

LXXVIII.

Hieron. Ep.

3. Socrat. So-

zom. Ruffin.

Ammian. lib.

17.

HUNNORUM

ET ALANO-

RUM IRRU-

PTIO.

JUTHUNGO-

RUM BEL-

LUM.

tinianus à Maximo, Rhætiae & vicinarum provinciarum possessione exutus est, quam tum demum recepit, quando Maximo in Pannoniâ debellato, & Aquileiae in vinculis interfecto, Theodosius imperium, raro modestiae exemplo, Valentiniano reddidit.

Prosp. Chron. Marcell. Theodosio, anno trecentesimo nonagesimo quinto, fatis functo, Arcadius Orientis, Honorius Occidentis imperium capeffivere, cum à Barbaris rursus bellum Occidenti immineret, non infausto exitu; quod infelicem multorum mortalium sortem ex inferorum inveteratâ tyrannide, Deus mutavit in veram filiorum suorum libertatem. Porro Honorius haud nescius quanta tempestas à ferocissimis populis Germaniae impenderet, Stiliconem hominem Vandalum misit, qui hosti ferrum excuteret armis, vel iusto foedere aliorum averteret, quam rem
AN. CHRIST. CCCXCV. STILICO VANDALUS. XIV. Claudianus sic refert:

*Aspera nubiferas quâ Rhætia porrigit Alpes,
Pergit, & hostiles (tanta est fiducia) ripas,
Incomitatus adit. Totum properare per annem
Attonitos reges humili cervice videres.
Ante ducem nostrum flavam sparsere Sicambri
Caesariem, pavidoque orantes murmure Franci
Procubuerunt solo: juratur Honorius absens,
Imploratque tuum supplex Alemannia nomen.
Bastarna venere truces, venit accola silva
Bructernus Hercinia, latisque paludibus exit
Cimbrus, & ingentes Albim liquere Cherusci.
Accipit ille preces varias, tardèque rogatus
Annuit, & magno pacem pro munere donat.*

Quid Stilico in Rhætiarum transitu cum Boijs egerit, quidve vicissim illi, pro ratione rerum atque temporis; ut multa alia, in obscuro est. Id constat, Stiliconem inito cum barbaris foedere, eorum irruptionem esse remoratum ad breve tempus. Jam tum enim Imperij potentia gentibus externis erat contemptui, cum, crescentibus indies malis, mascula Romanorum virtus, quæ tot olim nationes sub jugum miserat, in utramque aurem suæ calamitati indormiret. Etenim Ruffinus Aquitanus è loco humili ad magnos honores evectus à Theodosio, ambitu stimulante, rerum fastigio imminens, Hunnos in Asiam, in Europam Gothos, obtentu foederis sub Alarico cognomento Baltâ infuderat. Illum Stilico, cui Theodosius Serenam fratris filiam uxorem dederat, velut affectati imperij compertum, sustulit. Eutropius contra Evnuchorum Magister, qui capitales inimicitias cum Stilicone gerebat, eò rem adduxit, ut Ostrogothi, quibus consuetam pensitationem, dolo & in odium Stiliconis subtrahendam curaverat, arma in Cæsarem induerint, & Romanos in Asiâ prælio superârint. Cum simul Occidentis imperium intestinis odijs turbaretur, & Stilico Vandalis, utpote suis popularibus, & Gothis clam addictus, eorum progressus & arma foveret, nata est occasio Alarico utendi tam bellâ occasione. Quamobrem anno quadringentesimo, cum sex ferè annis Græciam & Peloponelum esset populatus, arma vertit in Pannoniam; dein anno sequenti in alpes Noricas, & saltum Tridentinum, pulso Honorij præsidio. Qua in irruptione Boij communi finitimorum fortunâ sunt involuti. Stilico inter hæc, dum Gothi properant in Hetruriam, & Honorium Hastæ obfidem, in Rhætiâ reparavit exercitum. Hunni è diverso Daciâ & Sarmatiâ in potestatem redactâ, Pannoniam ingressi, clade viginti millium, quos Romani in acie ceciderunt, fuerunt affecti. Quam ignominiam haud multò post deleverunt duce Attilâ, & Budam, quam olim vocabant Sicambriam, regni Hunnici sedem fecerunt. Stilico rebus in Rhætiâ compositis, citatis itineribus anno quadringentesimo secundo trajecit in Hetruriam cum valido exercitu; ubi collatis cum Alarico signis, ad Pollentiam insignem victoriam reportavit, & Italianam gravi hoste depulso pacavit quidem; sed cum Alaricum missum faceret, vi-

RUFFINI
FRAUDES.

OSTROGO-
THORUM
VICTORIA.

AN. CHRIST.
CCCC.

XV.
HUNNI
HUNGARI-
AM OCCU-
PANT.

AN. CHRIST.
CCCCII.
Claudian.
Prudent.
Orosius.

to-

Storiz fructum non tulit. Sub hæc anno quadringentesimo septimo Radagaisus Scythæ cum ducentis armatorum millibus Italiæ infusus, victus est apud Florentiam à Romanis, vel, ut Zosimus, Prosper, & Paulinus volunt, à Stilicone, cui annus proximus fatalis fuit: nam volente Honorio, suasu Olympij, quasi utriusque Solis diadema prensasset, fuit interfectus. Eum Zosimus asserit nullius affinem culpæ fuisse necatum, æmulatorum invidiâ, cui magnæ virtutes semper sunt exolæ.

AN. CHRIST.
CCCCVII.
Oros. Zosim.
Iordan.
RADAGAI-
SUS DEVI-
CTUS.
Zosim. lib. 5.

Alaricus varium Martem expertus, collectis tamen viribus ex Epiro regressus in Noricum, ab Honorio, ex Romani Senatûs sententiâ, magnam auri vim per metum expressit, nec tamen abiit à Norico, sed ab Honorio pacem petijt & obsides, vicissimque promisit. Non obtinuit tamen, eò quòd Augusto, qui nesciebat servire tempori, pax coacta minis indecora videretur, & putaret esse infra maiestatem, obsides dare barbaro. Eo factum, ut Alaricus repullæ dolore graviter offensus, perturbatis Alpium Noricarum faucibus in Italiam reversus, Romam ad extrema humanæ patientiæ exempla redactam, æræque immuni redemptam invaderet. Exinde recessit in Hetruriam, rursûmque ab Honorio pacem exambijt eâ lege, ut Noricum, nulla præterea provincia, sibi concederetur: quod cum non impetrasset, cum irato exercitu ad alteram Romæ obsidionem regressus, omnia ferro, sanguine, flammâ, cæterisque humanæ calamitatis exemplis crudelissimè miscuit, ac demum, cum trajectum in Siciliam pararet, trajecit in regnum Proserpinæ, Norico, quod sibi suisque expetierat, æternum proscriptus.

ALARICUS
ROMAM IN-
VADIT SE-
MEL.

Zosim. lib. 5.
INVADIT
ITERUM.
MORITUR.

XVI.

Subinde venere anni Hunnorum incursionibus calamitosi. Posteaquam enim per duodetriginta annos Pannonias tenuerant, anno Christi quadringentesimo vigesimo octavo, Attilæ regium nomen detulerunt, cum antè rei summam communi imperio gubernassent. Ille quòd latius liberiûsque imperaret sine consorte, Bledam fratrem parricidio sustulit. Quare auctus fortissimarum gentium præsidij, quas Macedoniâ, Moesiâ, & Achaiâ devastatâ, sibi subjunxerat, ab ultimo Septentrione omne nomen barbaricum traxit ad imperij exitium. Habuit sub signis quingenta pugnatorum millia, professus se cælestis iræ piaculum, pavorem mundi, flagellum Dei, natum factum ad orbis terrarum perniciem. Erat ipse, quod ex Prisco Honorij legato, eodémque historico describunt, elato supercilio, oculis huc illuc arroganter evagantibus, superbo incessu, & tali corporis motu, qui spiritus fortunæ magnitudine inflatos proderet: belli ut quàm maximè appetens, sed qui Martialem ignem, quo pollebat, consilio temperaret. Præbebat se supplicibus exorabilem, in omnes, quos semel recepisset in fidem, clementem. Erat staturâ infra mediocrem, lato pectore, grandiore capite, minutis oculis, barbâ rarâ, naso simus, colore fusco. Cum eo belli prædarumque societatem iniverunt Gepidarum nominatissimi, Ardaricus & Valamir Gothorum Reges: Marcomanni, Suevi, Quadi, Heruli, Turcilingi, Bruçteri, Rugi, Saxones, Franci, aliæque complures nationes, quas Sidonius recenset:

HUNNORUM
SUB ATTLA
INCURSIONES.

Prosper. Chron.
Volaterran.
Bonfin. lib. 1.

AN. CHRIST.
CCCC
XXIX.

Iordan. de
reb. Get.
Paul. Diac.
lib. 15.

Sidon. in Pa-
negyr. Avit.

*Pugnacem Rugum comitante Gelono,
Gepida trux sequitur, Scotum Burgundio cogit,
Hunnum Bellonotus, Nervus, Basterna, Toringus,
Bruçterus: ulvosâ quem Nicarus abluit undâ,
Prorumpit Francus, cedit citò secta bipenni
Hercinia in lintres, & Rhenum texuit alvo.*

Attila tam formidandis viribus dolos putavit esse jungendos. Ne Theodoricum Gothorum Regem adversarium pateretur, eum per legatos hortatus est, Romanos ut sociatis armis in Galliâ invaderet: ita fore, ut spolia orbisque terrarum imperium æquâ sorte dividerent. Contrâ pari fraude Valentiniano Cæsari renuntiat, in eum se nihil hostile moliturum: sibi enim esse certum, Gothos totâ belli mole premere, iisque depulsis Galliam juxta ac Hispaniam reddere prisce libertati. Verùm neutri dolos persuasit. Etenim Valentinianus percusso

per Aëtium patricium cum Theodorico fœdere validum legit exercitum, nihil hosti, nisi tentatâ Martis alcâ, concessurus.

AN. CHRIST.
CCCCLI.
XVII.

ATTILA PER
DANUBII
CONFINIA
CONTENDIT
IN GAL-
LIAM.
*Sidon. lib. 8.
Ep. 15.
PROFLIGA-
TUR.*

AN. CHRIST.
CCCCLII.

AETII ET
BOETII
CÆDES.

CREINHIL-
DIS BOIA.
XIIIX.
*Olahus. c. 17.
de Attila.
Annal. Vn-
gar.*

*Bonfin. De-
cad. 1. lib. 6.*

Quamobrem Attila, anno quadringentesimo quinquagesimo primo erumpens è Pannoniâ, Galliam invasurus, instar fulminis obvia quæque sternens, per Istri confinia contendit, nihil ulpiam nactus, quod properanti moram iniiceret. Ex itinere Romana propugnacula, quibus Danubij fines (quod Procopius scripsit) & Norici Vindelicorumque limites prætexebantur, evertit. Urbem Augustanam (si domesticis annalibus fides est) flammâ ferroque vastavit. Quæ in Galliâ atque Italiâ vario Marte egit, & passus est, velut peregrina extrâque instituti nostri rationem, verbo satis est attingere. De viâ Burgundionum Regem in acie vicit & peremit. Aurelianum urbem irritò conatu obsedit: cum Aëtio, cui se Theodoricus Gothorum (Mariana & alij vocant Theodoredum) & Merovæus Francorum Reges sociaverunt, manus conferuit in campis Catalaunicis ad Matronam, alij scribunt ad Catalacum in Arverniâ, alij in Catalanis campis prope Tolosam, ubi profligatus, haud dubiam victoriam Romanis concessit. Jornandes auctor est, eo prælio occubuisse centum sexaginta duo millia, atque insuper nonaginta alia millia Gepidarum & Francorum, qui nocte, quæ pugnam præcessit, cæco Marte inter se congressi, mutuis se vulneribus confecerunt. Theodoricus Rex, dum suos ad pugnam animat, excussus equo, atque inter confertos pugnatorum ordines prostritus, periit. Attila, accisis licet immensum quantum viribus, reversus in Pannoniam, supplementa festinatis delectibus contraxit, & anno sequenti, trajecto per hiemem Danubio, per Alpes Julias duxit in Italiam, & quicquid terrarum alpius & Apennino interjacet, populationibus, cædibus, incendijs, captivitate, miscuit. Jam erat in procinctu, ut ad Urbis excidium properaret, cum divinâ Sancti Pontificis Leonis eloquentiâ deterritus, concessâ pace, movit ex Italiâ, Pannoniam repetiturus. Valentinianus Imperator pernicioso, si ullum unquam exitit, consilio, Aëtium Attilæ terrorem cum amico Boëtio in palatio trucidavit, & insanabile Romano imperio vulnus infixit. Ita vir natus salutis publicæ, documento fuit, Duces præclaros obrectatorum malevolentis expositos, Principum nimîâ credulitate evadere per fortunæ ludibrium ad formidanda humanæ infelicitatis exempla. Cædem luit, qui jussit Imperator, ab Aëtij vindicibus occisus: unde miseriæ subsecutæ sunt, quæ rem Romanam ad casum inclinârunt, cui prohibendo vix ulla succedentium Principum industria par fuit. Attila humani sanguinis sitiens, ubi Vindeliciam attigit, mortis brevi adfuturæ vaticinium accepit à fanaticâ muliere, quæ Lycum amnem trajicienti inclamavit voce terribili: *Retro Attila!* Mors paulò post secuta, vocem est interpretata. Cum enim uxorum gregi novam nuptam induceret, ipsâ nuptiarum nocte, ferocem animam unâ cum sanguine evomuit, ne siccâ morte periret, qui tantum cruoris humani fuderat.

Inter reliquas conjuges habuit Creinhildem, quam principi Bojorum stirpi Hungariæ Annales asserunt, quorum fidem secutus in eam sententiam concedo, scriptores, qui illam è Germanis ortam volunt; Germaniæ nomen justo latius acceptum, cum Boico, propter Nationum confinia miscuisse. Eam Attilæ Hunnorum Regi priscâ numerosi conjugij licentiâ maritatam fuisse Historiæ referunt, illi videlicet Attilæ, cujus gesta paucis attingimus. Eum ex Creinhilde Aladaricum indolis egregiæ juvenem sustulisse volunt, & eum quidem ipsum, qui Chabæ fratri natu majori ausus est movere bellum, eumque de regni fastigio dejicere. Chabam Jornandes Ellacum nuncupavit. Hunc Attila ad sceptrum destinasse credebatur, suoque præjudicio Hunnos induxisse, ut eum cæteris filiis prælatum vellent. Eorum consilij intercesserunt tum Boij, tum Germani: hi quidem odio Attilæ, quodque à Chabâ paternæ crudelitatis hærede nihil æquum expectarent; illi, quod in gratiam materni sanguinis, spe rerum mitiorum, quas Aladarici genius humanior pollicebatur, pro Creinhilde niterentur. Quare utrique, authore Detrico, quem Velserus ex Jornande Ardaricum Gepidam nomi-

nominat, in sociale bellum coorti, junioris partes suceperunt. Cætera Attilæ soboles octo supra quinquaginta capitum, spes suas ex eventu metiebatur, Attilanz reliquæ, quæ vexandis Alemanniæ, Galliæ, Italiæ populis cruentam operam navaverant, in factiones divisæ, majorum fratrum ambitioni, veriùs ultioni divinæ serviebant, quæ ad plectenda Attilæ scelera, filiorum dissidio armisque utebatur. Ventum denique ad pugnam in campo Sucambriæ, sive Budensi, ubi tam pertinaci furore concurrerunt acies, ut vix unquam aliàs odio & diritate majore certatum esse legatur. Tenuit strages mutua ad dies quindecim, quâ tantum humani sanguinis haustum est, quantum satis fuit, non ad imbuendum duntaxat campum, sed Danubium etiam cruentandum. Eum memorant à Sugambria Germanica, à quâ Sugambros Strabo nominat, ad Pontentiam usque multorum miliarium tractu undas sanguine rubentes vexisse. Cum neutra partium ex acie discederet, Aladarius editis magni Ducis exemplis occubuit. Ejus casu fluctuabat acies, & victoria ad Chabam inclinabat, cum Detricus trepidos erexit, collectos ad pugnam reduxit, & Hunnos tandem conjecit in fugam. Hungari Chabam vitâ incolumi evasisse scribunt, Jornandes asserit cecidisse. Ejusce prælij fructus præcipuus ad eas gentes pertinuit, quas Attila sub jugum miserat. Illæ enim fractis Hunnorum viribus, suo Marte ad pristinam libertatem rediverunt. Cæteræ nationes tantò audentiùs antiqua jura vindicarunt, quod labefactatâ Romani imperij majestate nactæ sunt tempus rebus quæque suis favens & opportunum: Boijs quoque in præmium fortitudinis, quam apprimè eâ pugnam probaverant, nata est occasio dominatûs in majus erigendi.

CRUDELE
BELLUM IN
HUNGARIA.

Strab. lib. 4.
XIX.

Cæterum omnem admirationem superat, quod divina providentia passa sit Romanam potentiam, quam ad eam sublimitatem crexerat, ut nullâ humanâ vi concuti posse videretur, à tam barbaris gentibus usque eò malè haberi. Quis earum genius morèsque fuerint, non erit injucundum ex Sidonio cognoscere. *Hi sunt (inquit) qui novis opibus ebrj, & ut minima cognoscas, per utendi intemperantiam produnt imperitiam possidendi. Nam libenter incedunt armati ad epulas, albat ad exequias, pullati ad nuptias, castorinati ad Litanias. Nullum ijs genus hominum, ordinum, temporum cordi est. In foro Scytha, in cubiculo vipera, in convivio scurra, in exactionibus harpyia, in colloctionibus statue, in questionibus bestia, in tractatibus cochlea, in contractibus trapezita, ad intelligendum saxei, ad judicandum ignei, ad succendendum flammei, ad inimicitias pardi, ad facerias ursi, ad fallendum vulpes, ad superbiendum tauri, ad consumendum Minotauri. Spes firmas in rerum motibus habent, dubia tempora certiùs amant, & ignaviâ pariter conscientiaque trepidantes, cum sint in pratorijs leones, in castris lepores, amant fœdera, ne discussantur, bella, ne pugnent.*

XX.

Sidon. lib. 5.
Ep. 7. ad.
Taufellum.
MORES BAR-
BARICI.

Atque ista quidem de Romanæ potentia inclinatione & varijs mutationibus: modò videndum est, quibus initijs regnum Christi, lapis ille propheticus abscissus de monte sine manibus, regnum, quod in æternum non dissipabitur, cœperit in Boicâ stabiliri. Id quò faciamus ordine clariori, retro legenda sunt tempora, donec ad lineam, unde digredimur, redeamus. Id priùs quam aggrediamur, describemus Boicæ limites haud paulò ampliores, quàm sint hodierni. Agilolfingis Boicæ Principibus rerum potentibus, omnis eorum ditio Anassi flumine à Solis ortu finiebatur: ab occasu dirimebatur abs Suevis & Alemannis Lyco profluente: ab Austro pertinebat ad agrum usque Tridentinum & alpes Italiæ: ab Aquilone, sylvam Herciniam ad Lyci & Oeni ostia pro limite erat sortita. Tota, quacunque patebat, dividebatur in quatuor tetrarchias, Austriæ, Stiria, Italiæ, Chambensem: quarum singulis prætores Marchionum nomine præficiebantur, qui omnes tuendis finibus additi à supremo Boicæ Principe pro arbitrato mittebantur & revocabantur. Paulus Diaconus veterem Bojorum regionem omnem, Sueviâ, Italiâ, Pannoniâ, & Danubio definivit. Eam insigniter accidit Fridericus Ahenobarbus anno M. C. L. I. quando Henrico suo patruo Austriam in Principum Comitij Ratisbonæ attribuit, unâ cum aliquot toparchijs Boicis, quibus

Dan. 2. 34.
c. 44:
VETERES
BOICÆ LI-
MITES

XXI.

A FRIDERICO
ÆNO-
BARBO AC-
CISI.
Manib. Ra-
derus Bavar.
Sanct. part. 2.

Andr. Presb.

adjunxit insignia, & Principis Boicæ appellationem, cum is antè Franciæ Orientalis limiti cum Præfecti potestate & Marchionis titulo præfesset. Andreas Presbyter Ratisbonensis tabulas Cæsareas recitat, quibus ista Friderici donatio continetur. Hæc eò diximus, ne cuiuspiam mirum sit, si intra primævos Boicæ terminos, hominum sanctitate illustrium res gestas colligamus.

D. LAURENTIUS LAUREACI PRIMUS INSTITUTOR,

In his duxit familiam B. Laurentius, non ille natione Hispanus, qui sub Valeriano Cæsare anno CCLXI. in craticula vitam pro Christo gloriose posuit, sed alius, qui vel D. Petri Apostolorum Principis, vel D. Marci, vel Hermagoræ Aquileiensis Episcopi jussu, Laureaci in Norico, prima jecit nostræ religionis semina. Huic proinde doctore suo in accepti beneficii memoriam, ædes sacra, quæ hodièque visitur, post mortem fuit excitata.

Tertull. in Apolog. c. 5.

Est quoque verosimile, Boijs cœleste lumen affulsisse in castris M. Aurelij Antonini Philosophi Imperatoris, quando anno Christi CLXXVI. legio fulminatrix Christo addicta, suis precibus (quod prodidit Tertullianus) de cœlo fidenti exercitui aquas victoriæque impetravit.

Duo Lucii, Bruschius l. 1. de Patav.

Rader. Batav. Sanct.

Euseb. lib. 5. c. 20.

Bedæ de gestis Anglor. l. 1. c. 4.

Baron. 3. Decemb. c. 26.

Maij in Martyrol.

Breviar. Curien. Andr. Presb.

Presb.

XXII.

Scribunt præterea, duos fuisse Divos Lucios, qui cœlestis disciplinæ lucem Boicæ intulerunt. Eorum alter nonnullis creditur fuisse Lucius filius Simonis Cyrenæi, qui Christo sub crucis onere fatiscenti succurrit; illum ferunt ex D. Pauli scholâ ad gentium institutionem prodijisse. Luciorum alter ex certâ bonæ notæ scriptorum fide, fuit Lucius Britanniarum Rex, natus Coillo Rege, avo Mario, vel, ut alij vocant, Manio, proavo Arvirago. Ille permotus secundâ famâ rerum, quas de Christo & Christianorum institutis audierat; per legatos, cum Eleutherio Romanæ sedis Antistite Anno CLXXXIII. egit, ut sanctioris religionis magistros ad se mitteret, impetravitque Fugatium & Donatianum, quem alij dicunt Damianum, à quibus ritè edoctus sacra Christiana suscepit, tantumque è cœlo hausit divini spiritus, & ardoris Christi vestigijs inhærendi, ut calcato rerum humanarum studio, abdicatisque regni titulis, patrio solo valesciens, divino ductu, Noricum, Vindeliciam, & Rhætiâ adiverit, multisque adversis constanti virtute toleratis, regem se in terris fuisse oblitus, toto pectore cœlo immittens, avidusque plurimos secum eò deducendi, optimus interpret, fidei nostræ rudimenta explicârit. Augustæ Vindelicorum Campestrium civem nobilem cum familiâ alijque compluribus ad Christum adduxit, atque eam ob rem ab impijs Idolorum cultoribus, verberibus dirè vexatus, saxi appetitus, denique in puteum præcipitatus, extractusque piorum ope, mortem evasit, ut Deo plures adjungeret. Quamobrem Reginoburgum profectus, cives dedocuit errores, quod & præstitit Juvaviæ, hodie Salisburgi, & passim in Norico, donec Curia apud Alpinos Rhætos eadem sanctè ac sedulò faciens, beato fine conquievit 3. Non. Decembris. Eodem loci cœnobium est, quod ejus nomini inscriptum, anniversarium ipsius cultum solenni religione celebrat.

Euseb. lib. 6. c. 32.

D. MAXIMILIANUS

PONT. LAUREACENS.

Longo annorum intervallo, in ejus curas successit D. Maximilianus Pontifex Laureacensis. Fuit Laureacum oppidum Romanâ statione nobile, caput Norici Riparij, cum res Romana maneret, sedes deinde Pontificia, donec ab Hunnis everfa, Batavam, quod hodie est Patavium, migravit. Ad eam magnis ornandam virtutibus, Maximilianum Deus ab ipsâ infantia destinavit. Habuit Celestæ Pannoniæ oppido, claros & copiosâ fortunâ natales, & primum veræ pietatis doctorem Oranium Presbyterum. Opes, quas per amplas acceperat, maturè contulit in miserorum auxilium. In Decij persecutione, quæ septima dicitur ab Eusebio, eaque brevis, sed gravissima; orbatus utroque parente, servitia manumisit, & quò liberior Deo serviret, plerasque possessiones, ipsamque patriam deseruit, seque Romam recepit. Illic hæsit usque ad Xysti II. Pontificatum. Decius Imperator jam ante octo annos in pugna contra Gothos, salute desperatâ, in paludis voraginem se cum equo præcipitans, infelicitè perierat. Quare Bruñero non possum assentiri, quando eum vult Decio in Christianum nomen grassante, Romam ad Xystum II. Pontificem Maximum profugum venisse. Jam

tum

tum enim Decij immanitas una cum vita desierat, eratque à Valeriano Cesare antiquata piorum proscriptio, quando Xystus Romanæ sedis cœpit præesse, uti videre est apud Eusebium. Maximilianus igitur in Xysti consuetudinem admissus, Pannoniæ laborantis non immemor, ab optimo Pontifice obtinuit, ut ad rem Christianam Decij terroribus nuper vehementer exagitata, istis in partibus confirmandam, animum adijceret. Quam ad procurationem optimum factu visum est, Maximilianum in patriam cum amplissimâ potestate remittere. Eam provinciam quamlibet difficilem vir Deo plenus, lubens suscepit, certus capitis sui periculo superstitiones, inanemque Deorum cultum expugnare. Nec verò aliter fecit, quàm statuit. Nam re cum Quirino Aquileiæ Antistite communicatâ, Laureacum profectus, per annos propè viginti propagandæ Christianæ religioni sese totum magno studio & populi utilitate impendit. Cùm toto isto tempore omnia præstantissimi Præfulis munia implèssset, curam ad excolendum natale solum convertit. Celciam ergo reversus, dum, quod præstantis Christi præconis erat, gnaviter exequitur; Ecce tibi Ejulafius Præses, impio edicto jubet omnes ad testandam nefandorum numinum venerationem, Marti operari. Fuere è Christianis, quos suppliciorum metus ad scelestâ sacra inclinabat: quod cùm Maximilianus ferret indignissimè, non dubitavit improbo Præsidis decreto intercedere. Quare Ejulafium in foro aggressus, gravissimâ oratione dehortatur, monetque ne honorem uni sempiternoque Deo debitum, turpissimo Dæmoni transcribat. Quâ dicendi fiduciâ Præses vehementer irritatus, cùm neque dissertationibus, quibus se superari sentiebat, neque minis quicquam proficeret, fortissimum Præsulem duci iussit, & impio gladio feriri. Eam sententiam, ipsamque mortem Maximilianus non aliter accepit, quàm certum æternæ felicitatis ingressum, 4. Idus Octobris, qui dies sanctissimæ ipsius memoriæ festus hodièque habetur. Ejus sacrum pignus postea D. Rupertus Laureacum transtulit; ubi religiosè fuit asservatum, donec Henricus II. Imperator, ex eo loco Bataviam Bojorum voluit deportari. Ejus pro fide certamen contigit circa annum Christi CCLXXXIIX. cùm Diocletianus superato rursus Danubio Marcomannis & Quadis infestus, imperij fines profertret.

Euseb. lib. 7.
c. 2.

XXIII.

AN. CHRIST.
CCLXXX
IIX.

Passavinum.
Eutrop.
Mamertin.
in Panegy.

AN. CHRIST.
CCXCVII.

Baron. A. C.
297.
Proprium Bataven.
Non. Maj.
S. FLORIANI
MARTYRIUM

XXIV.

Nono post anno, crudelissimè sævitum est Laureaci in Christianos, per Aquilinum virum Consularem Norici Ripensis præfectum, idque imperante Diocletiano. Primi quæstionibus fuere subjecti quadraginta, pari cum Sebastenis militibus numero, qui glorioso Martyrio fuerunt defuncti: Laureacenses nostri totidem illaturi cœlo laureas, varijs fuere tentati cruciatibus. Eiusce rei fama mox excivit Florianum ad spem pulcherrimi triumphi. Erat ille militum Tribunus in stativis Cæciæ oppidi. Inde Laureacum advolans velut ad gloriosam arenam, se ultro professus est Christianum, & lictoribus obtulit vincendum. *Quid enim verò (ajebat) minus, quam mei commilitones commerni? Si crimen est Christo sacramentum dixisse, non sum illis innocentior; sin virtus est, cur mihi negetur præmium? una omnes sub Christi signis stipendia meruimus, liceat simul pro Christo certare. Non decet Tribunum pugnam defugere, cùm milites descendunt in arenam. Nec illis, nec mihi, qui una sub cruce militamus, crux est erubescenda, in quâ noster Imperator triumphavit. Erat nostra sors tantò gloriosior, quancò propior honoribus Regis immortalis: cum eo jurabit ferre ludibria, verbera, vulnera, denique ipsam mortem.* Talia palàm magno ardore dicentem, ministri barbaræ crudelitatis traxere ad Aquilinum. Cùm thus Dijs adolere iussus, immotus in Christi fide perstaret, damnatus est ad fustuarium, ad diram scapularum excarnificationem, ad ignitas ungulas. Hæc, cùm animum verè fortem nihil percellerent, in profluentem Anallum præcipitatus est, saxo ad collum alligato. Lictor, qui Martyrem dejecit in flumen, ilico videndi usum amisit. Corpus ductu mirabili in prominens saxum enatavit, ubi tamdiu ab alite defensum hæsit, quoad Valeriana pia matrona cœlitus admonita, inde elatum, tumulo mandavit. Eum in modum miles Christi fortissimus, per ignem & aquam, ad suavissimum Regis sui complexum evolavit, à quo id beneficij

mis litterarum elementis, sed vel maximè Numinis cognitione sanctisque monitis imbutam, docere impios dæmoniorum ritus detestari. Cùm sapientissimus senex inter pueros non sine discipulorum profectu repuerasceret, venit in apertum doctrinæ ipsius ratio atque institutum, ringentibus Dei hostibus, quòd tenellis pectoribus divinum amorem & impietatis odium imprimeret, bonum, quod ipsis in omnem vitam esset adhæsurum. Quamobrem ex jucundissimo isto Lycæo ab hostibus protractus, & impietatis in Deos accusatus, nihil veritus est, quod res erat profiteri; omnino se puerorum animos sic erudisse, ut noscent, impium esse, falsorum numinum veneratione, & anilibus deliramentis contaminari. Qui hæc ad Juliani ætatem circa annum Christi CCCLXI. referunt, credunt Cassianum capitis esse damnatum, eò quòd contra nefariam legem, quâ scelestus Imperator Christianos vetuerat docere artes liberales, sacrum ludum aperuisset. Quicquid tandem sit de tempore Martyrij, constat supplicium immane ac præter morem, Christiani nominis odio, fuisse decretum, quod fuit eò durius, quòd lentius, & ab innocentiore manu. Traditus nimirum debili petulantia puerorum, quos erudierat, eorum cultellis stylisque librarijs tamdiu patuit ad innumeros cruciatus, donec inter vulnera non tam suos dolores, quam charissimorum pignorum interitum sentiens, anima Deo plena ad meliorem vitam triumphans abiit Idibus Augusti.

Haftenus de ijs, qui in Boicâ maximè celebres, inter gladios, ignes, aliâque exquisitæ sævitæ tormenta inclaruerunt in publico virtutis theatro. Sequitur alius vincendi modus, incruentus quidem & in umbrâ, sed Deo & Angelis perinde jucundus & aspectabilis. Hunc inijt D. Rhomedius, vel Remedius, non sanguine magis, quàm sanctitate nobilis. Primam lucem aspexit in Oenanâ Valle, in castro Tauriensi inter Oenipontem & Halam, quæ nobile est salinis oppidum. Præter id domini, habuit in suâ ditione sumontorium, quam Altam Speculam dicunt, eo ferè jure ac dignitate, quo censentur nostri ævi illustres Comitatus. Cùm inter æquales posset esse insigniter clarus & opulentus, latere maluit, & divitiarum contemptu Deo teste nobilitari. Quantumlibet hominum oculos fugeret, facere tamen non potuit, quin eorum animos ad se raperet, abjectis opibus, quàm adamatis longè præclarior. Romam cum gemino peregrinationis comite profectus, Martyrum exuvias præsens est veneratus: post usus D. Vigilij Tridentinorum Antistitis familiari consuetudine, eam cum ipso morum similitudinem contraxit, ut geminus Vigilus videretur: unde coaluit arctissima amicitia conjunctio culta per omnem vitam. Fuit autem Vigilus D. Ambrosij æqualis, quod testatur Epistola, quam mellissimus Doctor ad ipsum dedit. Cùm solitudinis desiderio Rhomedius teneretur, ex præclarâ Vigilij scholâ migravit in Anauniensium montium secessum, soli Deo omnem factorum suorum gloriam litaturus, ne mortalium aspectus vel approbatio quicquam ex eâ laudis decerneret. Honores hominum fugientem feræ; res adedò inanimes honorarunt. Ursus vicem equi, quem Rhomedio sustulerat, in deferendis sarcinis aliisque obsequijs implevit. Dæmon ejus metu atque imperio hospitem, quem malignè infederat, deferere fuit coactus. Ne mortuo præcones decessent, æra campana sponte sonantia ad sacras funeris exequias populos conciverunt. Id circa annum Christi CCCLXXX. contigit, postquam non eremum duntaxat, sed vicina etiam sanctissimis exemplis illustrarat.

Sæculi sequentis initio, sidus clarissimum ab extremis Oceani finibus exortum Norico opportunè illuxit, D. Valentinus. Triplici malo, Batava castra, quod hodie Padlaviū est, eorumque confinia laborabant. Visigothi Alatici & Radagaisi auspicijs Pannonias involaverant, jamque itthminebant Boicæ: Batavij regnabat falsorum Numinum adoratio: accesserat pestis Ariana omnium malorum nocentissima, quæ ipsam adedò Filij Dei divinitatem ausa lacerare, arcem doctrinæ Christianæ cum ingente piorum perturbatione arietavit, eoque apertâ vi, & frandibus perripit, ut, quod deploravit D. Hieronymus, terrarum

Pars I.

Q

orbis

S. RHOMEDIUS.

Pyrrhus Pinc.
de vitæ E-
pisc. Trident.Ambros. l. 3.
Ep. 24.XXVII.
S. VALENTINUS.
AN. CHRIST.
CCCC.

*Eugippius ni-
vitâ S. Seve-
rini. Breviar.
Battav. Sur-
prie. Non.
Aug. 7. Id.
Janu. Rader.
in Bavar. S.*

orbis se miratus sit esse Arianum. Ut Deo placato, barbarorum sævitæ occurreretur, opus erat morum castigatione, quæ nec sponte provenit, nec adolefcit sine perito animorum magistro. Ad extirpandos errores, requirebatur eximia Doctoris sapientia. Ad hæc Valentinus datus adspirante cælo: sed non citra ingentes labores. Quis enim medicinam faciat malo pertinaci, nisi ægri voluntas cum medico conspiret? Incurrebat Valentini facundia in prædura ferocium hominum ingenia, quos assuetudo vitiorum inveterata corruperat. Quamobrem semel iterumque ad petenda auxilia Romam adiit. Inde cum amplissimâ Episcopi potestate reversus, strenuè pro commissa animarum salute defudavit. Sed cum apud obstinatos pro voto res non procederet, sed multa indigna patiendo, multa assiduè laborando toleraret, nec tamen fructus operæ responderet, denique perfidiâ Arianorum, viri sancti conatus non ferentium, urbe pulsus, Rhætiam sibi sumpsit excolendam, in quâ progressus fecit minimè pœnitendos. Exinde migravit ad alpes Majas, haud longè à Meraniâ urbe Tiroleos, ubi populum moribus alioquin asperum ita mansuefecit, ut plurimi ad Christi sacra libentes transirent. Demum multis pro Deo perfunctus laboribus, collecto ingenti animarum lucro, mortis proximè imminentis è cælo admonitus, beato fine quievit, in vita & morte clarus miraculis. Sanctæ ejus exuviæ in Majensi castro conditæ, post aliquot sæcula Patavium, unde exulârat, velut in propriam sedem fuere reductæ. Eum proinde Patavienles meritò numerant inter suos Pontifices atque tutelares.

XXIIX.
D. LUCANUS
SABIONEN-
SIS EPISCO-
PUS.
AN. CHRIST.
CCCC
XXIV.

Huic geminum propè sanctimonix exemplum præbuit D. Lucanus Episcopus Sabionensis, idque tantò illustrius, quantò majorem passus est adversariorum invidiam. Vixit S. Lucanus sub annum Christi CCCCXXIV. cum Theodosius Junior imperium, Cælestinus Pontifex Maximus Romanam Ecclesiam regeret. Apud hunc Lucanus ab æmulis nescio quâ ductis religione delatus est, quòd factâ legis Ecclesiasticæ veniâ, in summâ cibariorum penuriâ, per quadraginta dierum jejunia lactis usum, & obsoniorum, quæ ex lacte fiunt, iusto (ut ipsi argutabantur) clementiùs indulgisset, quasi novercali severitate in tantâ miserorum inopiâ fuisset utendum. Iussus nihilominus est ad causam dicendam Romam ambulare. Quâ erat in summum Orbis Christiani Parentem observantiâ & obsequendi studio, cum unico comite se dedit in viam. Divertens Spoletum, fusâ ad Deum oratione, cauponis uxorem aquâ intercute laborantem curavit. Cùm Romæ se Cælestino sisteret, pallium aquis madidum tralucienti Solis radio siccandum appendit: quod alijs quoque sanctis miraculo contigit, pallium, perinde atque si firmo hastili sustineretur, sublime pependit. Id Summus Pontifex summâ cum admiratione spectans; Agedum, inquit, accipe à Sole, qui tibi suffragatus sententiam. Quare ejus innocentiam admiratus, magnis cultum beneficijs ad suam sedem remisit. Domum redux tamen suam causam iudicio Pontificio probaret viris non omnino improbis, non probavit tamen improbitati. Nam malevolorum calumnijs tamque pertinacibus odijs fuit exagitatus, ut coactus stationem deserere, in vallem Argordiam, quæ est in Belunensi ditione, sese abdiderit, ubi Avatiæ religiosæ matronæ liberalitate inter assiduas rerum cœlestium commentationes vitam egit, & pientissimè absolvit. Defuncti corpus cùm Belunenses sibi tentassent vindicare, nullâ vi loco movere potuerunt, quoad sacrum caput Argordianis velut accepti beneficij pignus concesserunt. Quod fuit reliquum, Beluni in æde principe depositum, in magnâ deinceps fuit veneratione.

XXIX.
S. SEVERINUS
NORICI
APOSTOLUS,

Lucano non fuit impar D. Severinus Noricorum Apostolus. Venit extincto Attilâ in Pannonias, indeque in Noricum. Unde illi genus fuerit aut patria, ne Eugippius quidem Abbas, qui res ab ipso gestas magnâ curâ conscripsit, edere in lucem potuit, quippe quæ Severinus ita latere voluit, ut nullam à solo natali, à cælo omnem laudem aucuparetur. Primenium Sacerdotem Italum sciscitantem, quâ domo natus esset, Severinus modesto risu correxit: Fortasse (inquit) me fugi-

fugitivum putas, & times tuæ zonulæ, si ex eâ mez libertatis pretium petatur? Christiano homini cœlum est patria: non est felix, qui gloriam reponit in suis incunabulis, & se pro magno habet, si domum amplam primo vagitu salutârit. Eugippius hoc scripsit duntaxat, cum de partibus Orientis advenisset. Primam operam locavit Asturis oppido, Pannonijs & Ripensi Norico confini, eâ factorum innocentiam, nemini ut esset dubium, tantas virtutes, quæ Apostolorum mores referebant, è cœlo ducere originem. Cùm divinitus relcivisset, Asturiensibus grave ab hostibus discrimen impendere, pro concione, cœleste monitum populo aperuit, auctorque fuit, ut justam Numinis iram, morum castigatione, inedia, precibus, effusâ in egentes liberalitate, & quibuscunque possent religionibus impensè placarent. Sed quod fuit obstinatæ vecordiae, nemo salutaria suadenti fidem habuit, nemo noxis ingemuit. Quare reversus ad diversorium impendentis exitij horam mœstus prædixit, mœxque ad castra Comagena discedens, civibus similem calamitatem denuntiavit, parùm gratus magnorum malorum vates. Jam tum Comagena ab hoste tenebatur, cœque minùs cives, qui fœdus cum ipso percusserant, de futuro excidio erant solliciti. Verùm clade Asturiensium per Severini hospitem, qui solus se barbarorum sævitiae subduxerat, cognitâ, varicinanti parvère, ad pœnitudinem & votivas conciliandi numinis rationes conversi: ea morum mutatio cœlo accepta formidabilem terræ motum excitavit, quo percussî barbari, præcipiti se fugâ ex urbe proripuerunt, intèrque se Andabatarum more commissi, sanguinem mutuâ cæde miscuerunt. Eos fuisse ex Attilæ reliquijs, credibile est, qui Rege extincto, suis auspicijs, latronum modo in prædas & cædes effusi, nondum à pristina feritate desciverant.

ASTURIEN-
SES FRUSTRÀ
PERICULI
ADMONET.

COMAGENOS
SERVAT.

Severinus, qui opportunè Comagenos juverat, Castris Fabianis, quæ hodie Vienna est, summâ annonæ difficultate laborantibus succurrit. Ad Fabianenses viri sancti fama manaverat, cùm ultimâ fame premerentur. Rati Severinum, qui tam feliciter vicinis esset opitulatus, sibi quoque in tantâ rerum angustia benignè esse facturum, supplices rogârunt, vellet esse pereuntis civitatis, si minùs liberator, at saltem inspector, & qui Comagenos hoste depulso servasset, solaretur supremâ inopiâ morientes. Non fuère frustra Viennensium preces. Ad eos venit Severinus jussu Numinis, quo monente didicerat, Proculam matronam, ultra modum rei faciendæ deditam, grandem annonam servare horreis abditam, lucri majoris expectatione. Severinus facturus peillendæ famis initium, quod ratio poscebat, humana media, quæ divina liberalitas suggerebat, divinis putavit esse præmittenda. Quare avaram mulierem publicè gravi oratione obiurgavit, quòd illustribus orta majoribus, sordidas artes tractaret, & intempestivâ annonæ flagellatione non modò fœdaret nobilem sanguinem, sed cives quoque suos inhumaniter haberet. Cui tandem bono futuræ essent opes, quas tam avarè reconderet, quando eas divina manus esset justissimè subductura? Quid si corruptas fruges etiam invita cogatur in flumen abijcere, & erga pisces fieri humana, quæ se hominibus immitem præberet? Quòd si pergeret miseros, qui Dei essent filij ac familiares, immanitate perimere, ne crederet se illorum neci diu superfuturam. Si grande lucrum aucuparetur, Deo fœneraretur; cui promptum esset, non modò eam in immensum ditare, sed egentes quoque liberaliter sine alienâ ope pascere: cogitaret, se perdituram, quicquid Deo subtraheret. Procula divini monitoris facundiâ oppidò territa, largâ manu annonam in pauperes effudit. Inter hæc è Rhætiâ, præter omnem spem, onerariæ secundo flumine frumentum advenxerunt, quæ cùm Danubio glacie concreto ad ripam constitissent, Severini ad Deum oratione regelatæ, magnam annonæ vim ad profligandam famem urbi adduxerunt. Aliàs è Laureatensibus aliquos, cùm decimas egentibus promissas repræsentassent, fame exemit: aliorum fruges rubigo perdidit, quòd pollicitis defuissent. Tiburniensium symbolam jam collectam, sed cunctatione dilatam Gothi diripuerunt. Fuit aliquando, cùm è Viennæ conspectu, hostis barbarus hominum pecudumque greges abigeret: cives ad Severinum velut ad sacram an-

XXX.

VIENNAM
ALIOSQUE
FAME LI-
BERAT.

PROCLAE
AVARITIAM
CASTIGAT.

PRÆDAS ET
CAPTIVOS
DE BARBA-
RIS RECU-
CHORAM PERAT.

XXXI.

VITAM
AGIT SO-
LITARIAM.

choram confugerunt, rogantes opem. Mamertinus id temporis præsidij præfectus in urbe curabat. Hunc accersitum Severinus interrogat, satin' habeat militum, quorum operâ se hosti prædam excussurum confidat? Negavit, se tam exiguâ manu tantam rem posse præstare: non dubitaturum tamen ire in hostem, si Severinus jubeat, & suis precibus vota secundet. Secundabo, inquit Divus, & vinces hostem: sed tu, quos capies barbaros, vitâ donabis, & ad me deduces; I porrò, & Deo fretus hostem aggredere. Quâ cohortatione miles animatus, prædones ad Jaguntiam altero ab urbe lapide affecutus, alios coniecit in fugam, alios victos unâ cum prædâ traxit ad Severinum, quos ipse benignè habitos, ciboque recreatos, ad suos remisit, seriò interminatus, fore ut, si prædatum redirent, ipsis non impune cederet, Deo vindice, quem iratum essent experturi. Civibus simul promisit, nihil passuros ab hostibus, si à re divinâ se non sinerent avocari. Paulò post, urbis inquietem pertæsus, primùm ad Vineas, nunc Siferingam pagum, divertit, deinde Purgum. Utrobique in humili casâ vitam egit meditatione divinorum non minùs suavem, quàm inediâ, & insigni corporis maceratione asperam, nihil veritus, per rigidissimas hiemes, glaciem, nivélque nudis vestigijs premere, seque domi excrucians frigori committere.

XXXII.

ODOACRI
REGNUM
PRÆDICIT.
FLACCITEU
ADIUVAT.COLITUR A
FELETEO.
GISÆ IM-
PIETASCASTIGA-
TUR.XXX
III.

Quibus factis cùm claram sanctitatis existimationem, quamvis invitus, collegisset, complures barbari, visendi causâ ad eum confluerunt. In his fuit Odoacer Herulus juvenis procerus, sed nullâ dum famâ notus. Illi Severinus bene precatus, regium nomen & rei Romanæ cladem est vaticinatus. Flacciteum Rugorum Regem, Arianâ licet lue contaminatum, cùm à Gothis arctè premere-tur, adjuvit: Alio tempore cædi eripuit, cùm ejus capiti insidiæ essent tribus locis à latronibus dispositæ: periculum tempestivè detexit, monuitque, ne se certæ neci obijceret. Flacciteo filius erat Feleteus miti Princeps ingenio, qui patris studium æmulatus, Severinum non secus atque fidum Regni sui patronum omni-bus officijs præcipuâque veneratione sibi demerebatur. Sed hujus uxor Gisæ Ario pertinacissimè addicta, immanis in Christianos ferociæ mulier, maritum idem, subjectis calumniarum facibus in pios conabatur efferare, ausa etiam Catholico ritu ablutos, sacrilego Arianorum fonte denuo lustrare, Christianos accolâs dirè premere, nonnunquam etiam rapere in servitutem, Rege licet invito & seriò dehortante. Intercessit Severinus, missis ad Feleteum & uxorem, qui captivis libertatem exorarent. Abnuvit barbara mulier, legatôsque convitio exceptos remisit, jussos sancto viro renuntiare, se intra suum tugurium contineret, rem suam curaret, alienam ne attingeret. Ad ea Severinus non vanus augur: Mox faciet (inquit) coacta, quod rogata noluit. Vaticinium affirmavit eventus. Habebat Gisæ barbaros aurifices, quos faciundo mundo regio conduxerat. Cùm eorum manibus non fideret, verita ne quid auri sublegerent, usque adeo pressit arctâ custodiâ, ut laboris vitæque tædio omnem effugiendi modum circumspicerent. Factum subinde est custodum negligentia, ut Fridericus parvo natu Regis filius, eâdem luce, quâ mater, Severini postulata rejecerat, in aurariam officinam irreperet. Fabri vindicandæ libertatis tempus adesse rati, admoto ad pueri pectus ferro, matri per internuntios intrepidè denuntiant, se filium mox consoluros, nec paruros ulli mortalium, qui venire auderet ad vim inferendam; has nimirum fore vindicias ereptæ per fraudem libertatis: sibi nobilius lethi genus futurum, si cum regio, sanguinem captivum confuderint, nec inulti moriantur. Ad hæc tota regia percelli, exaudiri ejulatus, Regina lacerare comam, & consilij inops jamjamque exanimati filioli nuntium opperiri. Post ubi omnia rimata fuerat, unicum reperit in ope Severini remedium. Ergo absentem in vota vocat, deprecatur injurias, pacem veniamque supplex rogat, nec dubitat se à sancto, non secus atque si præsentis supplicaret, exaudiri. Ne verò inanes sine re voces mitteret, captivos omnes vinculis exemptos jubet quàm celerrimè per veredarios duci ad Severinum, regiam culpam detestari, & implorare auxilium. Denique ad filij salutem conversâ, jurat (ita Aurifices poposcerant) se eos incolumes ergastulo so-

lutu-

futuram, si filium illæsum redderent. Pacati illi, post receptam libertatem, puerum dimittunt, quem mater docta sapere, Rege comitante, Severino sospitatori stitit, pollicita deinceps in ejus arbitrio futurum, quicquid demum à se postularer.

Erat Severinus, quoties Deum consulebat, futurorum non secus atque præsentium conscius. Mauro ædituo prælagierat, futurum, ut, si Fabianis efferret pedem, veniret in barbarorum manus. Prælagium non scellit eventus. Maurus oblitus sui monitoris atque discriminis, mœnibus egressus, captus abductusque est, nec prius redditus, quam hostes Severino repõcenti illum aliõsque donarunt.

Inclarescebat indies magis magisque celebre sancti nomen, & rerum, quas à Deo impetrabat, admiratio: quo fiebat, ut non aliter, quàm propitium aliquod sidus abs Norico respiceretur. Superiores Norici regiones non minùs quàm inferiores habebantur à barbaris infestæ. Cùm Fabianorum periculo utcunque prospexisset, à finitimis ad prohibendas hostium incursiones invitatus, clementer assensit. Id verò illi solenne erat, ut bellum implacabilius cum gentiliumpersustitionibus, aliisque mortalium sceleribus, quàm cum quovis alio inimico gereret, nec pateretur superesse ulla sacrilegorum rituum vestigia. Quocunque inferebat pedem, religionem accendebat, & sicubi pieras languebat, ad pristinum spiritum normamque Christianam revocabat. Excurrebat vocatus ad Cucullenses. Illic deprehendit civium aliquos nondum ex integro gentilitatem ejurasse, sed sacris quibusdam opertaneis, clam cæteris, operari. Eos ut suaviter ab erroribus abduceret, indixit tridui jejunium; jussit præterea singulas familias cereos singulos ad ædem sacram conferre, & affigere parieti. Tum persoluta, pro more, psalmorum comprecatione, Sacerdotem sacram hostiam facturum hortatur, ut Deo supplex fiat, impetrètque aliquod indicium, quo, qui è plebe se sacrilegio contaminaverant, ab innocentibus possent discerni. Mirum dictu, illorum cerei, qui à furtivis sacris abstinerant, concepto cœlitus igne sponte omnes arserunt, reliquis extinctis casisque omni lumine. Deprehensi crimen confessi & execrati sunt, meliora in posterum spondentes.

Locustarum examina vicinum Cucullis agrum scedè vastabant, nec inanis metus miseros agrestes incesserat, ne totius anni spem depascerent. Severinus, ut pestis nocentissimæ medicinam faceret, imperavit publicam comprecationem, & commune jejunium. Paruerunt omnes, uno excepto, cui in agro rei non multum erat, & in animo vix quicquam in Deum fiduciæ. Ille cæteris comprecantibus ad defendendam sementem egressus, cum locustis digladians inanem perdidit operam. Quamvis enim eas ante noctem utcunque dispulerat, tamen obortis tenebris reverlæ, totum agrum eroserunt, reliquorum segetes reliquere intactas. Ut satis appareret, Severini precibus atque consilio, secundum Deum id beneficij debere adscribi.

Jubæ, quod oppidum aliqui deletum, alij Juvaviam interpretantur, cùm ædis sacræ ministri in excutiendis scintillis ad lucernas, de more, pro vespertinâ oratione accendendas laborarent, Severinus cereum, quem gestabat, ardenti prece incendit. Eodem loci vitam extinctæ forminx restituit.

Quintanis castris, nunc ut placet Cluverio, Kintzenus vicus est infra Osterhovium: haud procul à Danubio, stabat ædícula extra pomerium, quam pali humi depacti sustinebant. Eam fluvius exundans non sinebat pavimento sterni. Id cùm ex inquilinis rescisset Severinus, Danubio imperavit, ne cementum, quod fieri jusserat, deinceps ablueret: simul opposuit crucis signum velut aggerem, vetuitque cum limitem excedere. Ex eo tempore, teste Eugippio, tamen si fluvius alveum longè transgrederetur, & plana circum infunderet, neutiquam tamen eousque intumescere, ut, quam crucem Severinus fixerat, allueret, sed sacellum innoxius præterveheretur.

Sylvinus presbyter Quintanis vitâ excefferat. Jacenti in feretro persolutæ

SEVERINUS
FUTURA
PRÆDICIT.

IDOLOLATRIAM PROFLIGAT.
XXX
IV.

LOCUSTAS
PELLIT.

XXX
V.
MORTUAM
AD VITAM
REVOCAT.
DANUBIUM
COERCET.

erant vigilæ piaculares, nec aliud supererat, quàm ut post iusta funebria, postero die, cadayer sepulchro mandaretur. Severinus digresso ex ade sacrâ populo, præsentem unico Sacerdote & Diacono, in hæc verba demortuum appellat: *Sancte presbyter Sylvine, in nomine Domini nostri IESU Christi loquere cum tuis fratribus.* Aperuit defunctus oculos. Ad quem rursus Severinus: *Vis (inquit) rogemus Dominum, ut te adhuc servis suis in hac vitâ condonare dignetur? Per Dominum (ait Sylvinus) te conjuro, ne diutius hic tenear, & frauder quiete perpetuâ, in quâ me jam esse cernebam.* Videlicet post degustatas cœli delicias, terra beatæ animæ delipiebat. Nec plura locutus, mox requievit exanimis.

Ista dum Severinus in Norico gereret, Imperium gravissimis calamitatibus urgebatur. Ut remotiora, velut à nostro instituto aliena præteream, quæ sub Macrino, Maximo, Leone, Majorano, Severo, Anthemio, Zenone Augustis contigerunt, usque dum Orestes militiæ præfectus, Zenone redacto in ordinem, filium Momyllum Augustum oppidò puerum (Augustulum contemptu nominatum) Ravennæ, orbe Romano nequicquam ingemiscente, Imperatorem appellavit; erit operæ pretium, pauca de Odoacre, quem Procopius natione Italum Orestis in Italiâ aliquando armigerum scripsit, cuique D. Severinus Regnum prædixit, pauca ad rem nostram spectantia recensere.

Marcellin.
Cassiodor.

ODOACER
ITALIÆ RE-
GNUM INVA-
DIT.

Jornand.
Onuph.
Cassiod. Chron.

XXX
VI.

JUVAVIÆ
EXCIDIUM.

MARTYRES
JUVAVIEN-
SES.

ODOACER
SEVERINI
MEMOR.

XXX
VII.

GIBULDUS
A SEVERINO
MONETUR.

Odoacer Arianus Herulorum, Turcilingorum, & Scyrorum copiis instructus, à Deo datus ultor, Oreste interfecto, Italiam invasit, pulsoque in exilium Momyllo imperium eripuit, ut Romana Majestas, quæ in Augusto Cæsare creverat, in Augustulo minueretur. Odoacer Italiam tenuit contentus regio nomine, omisâque Augustuli purpurâ, annis ferè quatuordecim. Quinto regni die, quod 15. cal. Septemb. invaserat, Orestem Placentiæ è medio sustulit, & oppressâ in posterum in Italiâ consulari dignitate, imminutâ Senatûs autoritate, rerum summam ad se traxit, donec anno CCCCLXXXIX. à Theodorico Ostrogothorum Rege, semel ad Aquileiam, iterum ad Veronam acie superatus, & anno CCCXC. tertio devictus, tolerato post Ravennæ triennali obsidio, regno vitæque à Theodorico fuit exutus anno CCCXCIII.

Antequam ad istam calamitatem veniret, in Norico Arianae sævitæ complura exempla edidit. In his fuit illud tristissimum, quod Eugippius memorat. D. Severinus, Deo monente, præsenlerat, Juvaviæ gravia mala impendere, quæ ut averteret, ex Bataviensi Cœnobio, quod sibi suisque fratribus excitaverat, Moderatum misit, qui cives de propinquante excidio faceret certiores. Verum nuntius in cassum fuit, civitate in suam perniciem obstinatâ. Nemo enim unus fuit, qui desertâ tantisper urbe, vitam servare veller. Severinus infelicem petire volentium vicem dolens, alterum imminentis proximâ nocte interitûs prænuntium Quintasium ablegat, rogat, obtestatur, hosti mox adfuturo se eripiant; sed neque iste nuntius æquis auribus acceptus est. Hostis intempestâ nocte adfuit, & occupatâ civitate, horrendum in modum sæviit, nec manus abs ordine sacro, cujus maximè sanguinem sitiebat, Ariana crudelitas abstinuit: S. Maximo presbytero, quem Severinus imprimis salvum voluisset, cum fugam seriùs expedivisset, laqueo gulam fregerunt Heruli. Ejus Symmystæ quinquaginta quinque ut minimum, de rupibus acti præcipientes, contrucidatique ad cœlum evolârunt, martyribus suppare, ob illatæ oppetitæque pro Deo mortis causam. Hodie videntur spelæa, è quibus protracti fuerunt ad supplicium. Denique urbe fœdè vastatâ, cives, quibus ferrum pepercerat, in servitutem fuerunt abducti. Inter hæc subiit tamen Odoacris animum Severini vatis sui recordatio, ut memor præfagij, cum in Italiâ rerum potiretur, cum per litteras conveniret, faceretq; potestatem petendi, quicquid beneficii videretur; Respondit ille, sibi fore gratum, si Ambrosio cuidam, quem Rex exilio damnaverat, patriam redderet.

Simile quid petijt à Gibuldo Alemannorum Rege. Hic cum Noricum ipsûmque Batavensem agrum populationibus incurfaret, Severino significavit, cupere se venire in ejus congressum. Severinus venienti occurrit extra oppidum

dum, & tantâ facundiâ de Principis officio, de moderandis cum ratione affectibus dominandi, de scelestorum supplicijs, & summâ Numinis in Reges potestate, differuit, ut Gibuldus totis artibus contremiscens immissum à divinâ viri ratiocinatione terrorem nequiret dissimulare, sed polliceretur, nihil petenti se negaturum. Petivit Severinus captivorum libertatem, obtinuitque, ut plurimi per Amantium & Lucillum eam ad rem missos vinculis & servitute eximerentur.

Secundùm hæc excitatæ sunt à Chunimundo Suevorum Rege novæ tempestates, quas cum Severinus divinitus prænovisset, omnem adhibuit operam, ut cœlo placato, ne ultra modum in miseros deservirent. Agebat id temporis Bojoduri. Oppidani mercaturæ addicti hoc expetebant avidè, ut Severinus ipsis à Favâ Rugorum Rege impetraret mercium ultro citroque mutandarum facultatem. Quæ postulata cum vir sanctus audisset, mœrens intempestivam sollicitudinem; Amici (inquit) hæc cura non est istius temporis; sed hoc satagendum, ut vitam primùm, deinde fortunarum partem saltem aliquam in tuto collocetis. Supervacaneum est, hosti brevi adfuturo opes in prædam mercari: post paululò, quisquis sapiet, actum præclare secum putabit, si inops nudusque cruentas latronum manus evadat. Vos potiùs id agite, ut sitis maturè ad fugam expediti, quæ sola vobis superest ratio retinendæ salutis. Ea denunciatio bene vertit obsequen-
tibus. Qui cum risu prædictionem exceperunt, ad unum omnes ferro occubuerunt. In eorum numero fuit presbyter vitæ licentioris, quem iusto plus genio indulgentem non minùs urebant Severini exempla, quàm monita, & ea propter sedulo imminebat occasione monitorem amovendi, quem abeuntem in profugientium turbâ conspicatus, cum cachinno inclamavit: *Perge queso sancte, perge velociter, ut te discedente parumper à jejunijs feriemur.* Ad has oris impudentis voces Severinus ingemiscens, triste edidit oraculum: Rideret verò plenis buccis, & à jejunijs homo bacchanalis quiesceret, haud longè abesse horam, quâ seris lachrymis insanum gaudium, & sanguine, quem ad ipsas aras fufurus esset, edacitatem expiaret. Vera Severinum dixisse, res ipsa ostendit. Vix se ad castra Faviana receperat, cum Suevi per vim Batava occupârunt, & in promiscua plebejorum strage nacti sacerdotem illum, in ipsis templi penetralibus nequicquam vitæ veniam cum lachrymis orantem mactârunt.

Fuit alia vice, cum Quintani defessi crebris Alemannorum irruptionibus, solum vertere, & quod erat reliquum rei domesticæ, ipsùmque domicilium Batavium transferre in commune decreverant. Sed cum neque isthæc tuta ipsis foret statio, Severinus hortatus est, cum bono Deo, signis explicatis prodirent in campum, & unius pugnæ aleam Numinis fiduciâ auderent experiri. Paruere momenti, & acie instructâ rem contra hostem egere tam fortiter, ut domum cum triumpho redeuntes festivæ lætitiæ nullum finem facerent. Nimiopere exultantibus frigidam aspersit Severinus: Parciùs ista, boni cives, parciùs; nondum dierum omnium Sol occubuit: exiguo triumpho magnis malis prælusimus: brevi erit, quando terga nobis erunt vertenda hosti, nisi perire maluerimus. Qui dicenti fidem habuerunt, tempestivè Laureacum magno suo bono discesserunt: alij nupero successu elati, fortunæ se credere maluerunt ingenti malo. Nam quæ erat istorum temporum acerbitas, post non multos dies, à Thuringis oppressi; vitâ vel libertate spoliati, fecere fidem, divina monita impune non negli-

Innumera sunt beneficia, quæ Severinus in agros, extorres, egentes, profugos, omnis generis calamitosos contulit. Illud est singulare, quod evenit Maximo, Cœnobij Oeconomo. Is ex pia Noricorum largitione amplam stipem vestium rerumque aliarum ad captivorum aliorumque miseras sublevandas collegerat. Partitus inter comites sarcinas, asperrimâ hieme domum repetebat, cum vis ingens nivium & noctis horror in alpinis iter agentes interceptit. Tutum non erat per tenebras & ignota viarum, quas altæ nives obruerant, progredi, & erat incommodum sub dio noctem agere. Ultimum fuit perfugium in excava-

SEVERINUS
BOIODU-
RENSIBUS
CLADEM
VATICINA-
TUR.

PROCACTIS
IN SEVERI-
NUM SACER-
DOTIS PU-
NITIO.

XXX.
VIII
QUINTANO-
RUM DE A-
LEMANNIS
VICTORIA,

SEVERINUS
ADEST ITER
AGENTIBUS.

tis

URSUS VLE
Dux.

XXX
IX.

SEVERINUS
LAUREA-
CENSES PE-
RICULI AD-
MONET.

REGEM FE-
LETHEUM
ET GISAM
UXOREM AD
MELIORA
HORTATUR.

XL.

tis vetustate arboribus adversus rigidissimam tempestatem, donec dies viam mon-
straret. Eò loci dum propè obrigescerent, tantus omnes turbo & nivium acer-
vus obduxit, ut crederent (quod istis regionibus non est insolitum) se viventes
videntésque ineluctabiles tumulos invenisse. Dum hærent, horréntque præsen-
tem mortis imaginem, nec emergendi consilium expediunt, Severinus specie
aspectabili se eorum uni præbuit visendum, hortans iter capefferent; fore enim
ut ope divinâ ex istis sepulchris eluctentur. Moliuntur ergo nivem & quarunt
exitum, dùmque sunt in opere, dictu mirabile! Ursus è spelæo profiliens, & velut
ad sequendum invitaret, se officiosum viæ ducem per alpium aspreta, notósque
feris calles præstitit, ad ducénta passuum millia, quousque Maximinum cum co-
mitibus eduxit in tutum. Ne dubitarent, cujus ope essent servati, Severinus to-
tius rei conscius ubi ad ejus januam constiterant; Avete, ait, boni viatores, quos
fera periculo extricavit, & humaniter duxit in viam.

Haud procul à supremâ vitæ metâ aberat, quando Feletheus Rugorum Rex
contracto ex popularibus exercitu, quasi ulturus Alemannorum & Thuringorum
injurias (id enim bello nomen fecerat) Laureacensium libertati imminebat, spe-
cioso vindicis titulo. Id consilij Deus Severinum non celavit. Monuit vir san-
ctus internuntio Valente Monacho Constantium id temporis Laureacensem
Episcopum, etiam atque etiam caverent cives, ne Feletheum, fraudes amicitiae
obtentu regentem, in urbem reciperent, nisi perditam vellent suam libertatem.
Quid ageret Constantius, civibus ad vim prohibendam imparatis? Severinus visus
est, qui pro milite & pro armis foret. Quare eum rogant obtestantúrque cives,
ne in tanto discrimine miseros velit deserere. Ille periclitantium commiseratione
ad Feletheum profectus, tam scitè eum delinivit, ut mutato consilio, citra
Laureacensium damnum, signa domum refertet. Sed Severino non fuit satis
istam expeditionem frustrâsse, nisi caveret in futurum, ne Rex, pro barbarâ levi-
tate, rediret ad genium, Gisæ ferocissimæ uxoris instinctu. Utrumque igitur
convenit, & Regem gravi oratione, velut suprema daturus monita, compellans;
*Non est (inquit) cur tuam sapiens expertus animi lenitatem, verear te ad clementiam,
quæ propria Regum virtus est, provocare. Fungar vice speculi, si te tibi repræsentem
benignum, tractabilem, & mortalium salutis, non autem exitio, ab immortalis Deo desti-
natum. Reges vita necisque gentibus sunt quidem (ita sentiunt) arbitri, putântque
in suâ esse manu, quam quisque sortem habeat, ut nulla felix sit reipublica pars, nisi ijs vo-
lentibus atque propitijs. Sed, ô Rex, tametsi tuum est ferrum, & tua sunt arma bella-
torum, tamen tuum quoque est ea mansuetudine recondere, nec unquam stringere, nisi
in vitum. Noli, obsecro, tibi persuadere, id demum esse regium, si campi humano cruore
erubescant, si nationes exscindantur, si transportentur populi, si ruant urbes, si pre-
mantur servitute, si terrore ostentetur potentia. Summa Regi debet esse etiam vilis-
simi sanguinis parsimonia: crudele & inhumanum est, armari contra innocentes, aut
vel unicum occidere, nisi quem melius sit mori, quàm vivere. Decet te, ô Rex, univer-
sorum tibi amorem demereri, & amari clementiâ, quam non modo nocentes implorent,
sed etiam colant innocentes. Sed & timenda tibi sunt populorum odia: nunquam enim,
ne à tuis quidem sat tutus futurus es, si te servitutes fecerit inamabilem. Sed quid humana
memoro? Illum illum time, qui cum sit Regum omnium imperator, jus exercet in eos mortis
& salutis absolutissimum, sine omni obice, quovis momento, nullo atatis, locorum, aut
causarum discrimine: Num te latet, ô Rex, quam habeas ille potestatem animam & cor-
pus perdendi in gehennam? Hic sanè timendus est: Seriùs ocyus ad severissimum Regis
istius tribunal causam dices sine patrono, teipso teste, cælo conscio, ubi nihil prorsus potest
quævis mortalium potentia. Illic veniens in calculum singula humani sanguinis stille,
quas fuderis: Illic reipublica bene malèque gesta rationem poscèris. Mi Rex, si me cle-
menter audis, hoc apud te statue, ut, qua peccasti, constanter castiges, tuique iudicis, qui
Christus Dei Patris unigenitus, uniusque cum ipso Divinitatis & virtutis, filius est, po-
tentiam, sapientiam, justitiam, agnoscas, colas, & amando, pænitentidôque tibi concilies.*

Hæc ubi dixerat, oratione ad Reginam conversâ, cum manu Regis pectus
pre-

premeret: En, inquit, Gisa pectus, quo clauditur anima, quâ nulla tibi debet esse charior. Dic verò, gemmisne illam, auro, ceterisque terrarum opibus ducis esse prahabendam? Reposuit illa: Ego verò illam terris omnibus, omni opulencia, omnibus honoribus, mea adeò vita præfero. Quid igitur, inquit Severinus, usque eò tibi charam animam perdis tam misere, quando tuis eam consilijs efferas, & efferatam armis in innocentes, reddisque Deo hominibusq; odiosam? An nescis vitam humanam ex beneficijs consistere, maleficijs everti? An credis quemquam apud homines esse felicem, quo conspecto, quasi bellua quadam è cubili exierit, diffugiant? Hominum benevolentia, quâ nihil sub sole melius, mutuo amore in auxilium commune fœdusque stringitur, dissolvitur odijs, nocendi cupidine, & vertitur in belluinam discordiam, quâ nihil natura, quam decet esse pacatissimam, potest excogitari nocentius. Hoc age, Regina, ut ad tuum maritum, domestici, externi, propinqui, remoti, indigena, alienigena, velut ad beneficium sidus certatim advolent, parati se obicere mucronibus, atque ei sua corpora substernere, si per humanam stragem, iter illi ad salutem struendum sit. Sed & hoc vide, ne Dei in te iram exacuas, ejusque manum in te juxta & in maritum convertas. Nec tu, nec quisquam alius, ejus justitiam effugiet. Tot telis vos boni configunt, quos votis è cælo contra vos aperti accersunt. Rarò sicca morte obijt, qui injustè fudit alienum sanguinem. Mirum, si decurrit media vita spatia, qui vitam innocenti crudeliter abruptit. Movit quidem Severinus Regis ac Reginæ animos: sed quæ malignitas est hominibus longo vitiorum usu perditis, redijt uterque ad mala pristina, sed grandi utriusque malo. Nam Odoacer Italiæ Rex bellum Rugis intulit, Feletheum acie devictum duxit in triumpho, unâque Gislam, in Italiâ, inter fortunæ ludibria, vitam exacturos. Monuit quoque Severinus Fridericum Felethei germanum, avaras manus egentium rebus abstinere; caveret inprimis, ne Monasterium, quod Severinus ex alie hæredem scripserat, rapinis attingeret. Visus est Fridericus imperata esse facturus: verum monitore rebus humanis exempto, revixit in barbaro libido rapiendi: promissa fefellit, & malè periit à fratris sui filio interfectus.

Cassiod. in
Chron.
Paul. Diac.
lib. 1. c. 19.
de gest. Longobard.

FUNESTUS
FELETHEI
ET GISÆ
REGINÆ
EXITUS.

XLI.

SEVERINI
OBITU.

Severini mors incidit in sextum Idus Januarias Anno CCCCLXXX. quem diem sibi ultimum biennio antè fore prædixerat. D. Lucillus Bataviensis Sacerdos grandi jam ævo, nunciaverat, se die postero anniversarium D. Valentino Bataviensi Episcopo celebraturum. Ad hæc Severinus: Si B. Valentinus hac tibi celebranda solennia delegavit, ego quoque vigiliarum mearum studia observanda mi-graturus è corpore derelinquo. Quod oraculum cum Lucillus obstupesceret, eò quòd sibi de pontano seni crederet prius, quam Severino esse moriendum: Hoc erit, inquit vir divino Spiritu afflatus, Hoc erit sancte presbyter, quod audisti, nec enim Domini constitutum humana voluntas præteriet. Tum lateris dolore correptus, Nonis Januarij, postquam discipulis suprema mandata, pacis osculum, sacramque Synaxim porrexerat, post exantlatos pro Deo labores quamplurimos, meritum dives, ex vitæ mortalis ærumnis ad immortalem quietem concessit. Corpus ligneo sarcophago condiderunt, quòd non ambigerent Cæpobitæ, brevi aliò deferendum, pro eo atque ipse prædixerat. Nam cum Onulphus, quo duce Odoacer Rugos debellavit, Romanarum partium homines, qui in Rugorum confinio perpetuis barbarorum incursionibus expositi degebant, transportaret in Italiam, sexto, postquam Severinus obierat, anno, Lucillus (cujus jam memini) sacra D. Severini Lipsana unà cum asceterij Socijs, putavit in tuto esse collocanda. Prius quam se darent in iter, subiit desiderium corporis inspiciendi. Aperto conditorio, repperunt corpus integrum & citra tabis omne vestigium: ne pili quidem è malis, mento, aut capite, defluerant; Simul spirabat suavissimas odorum delicias, cum tamen absque pigmentis fuisset depositum. Ergo honorificè humo levatum, detulère primum in montem Feletem; deinde Gelasij I. Pontificis voluntate in Lucullano sedem accepit, Mausolæo & populi veneratione nobilem.

CORPUS IN-
CORRUPTUM.

Educavit Severinus, eduxitque ad virtutis fastigium viros id ævi celeberrimos, partim castris Favianis in cœnobio, quod isthic condiderat, partim Bojoduri, ubi minus asceterium excitavit. De Lucillo & Constantio aliqua diximus: hunc

D. SEVERINI
DISCIPULI.

*Ennod. de vi-
ta Anton.*

Laureacensem Episcopum, Eugippius sanctum, Ennodius Ticinensis, istâ ætate florentissimum, nominant. In Severini scholâ prima religionis fundamenta posuit B. Antonius, natus Valeriæ ad Danubium, patre Secundino viro nobilissimo. Patrem cum octennis amisisset, haud longè post D. Severini institutioni fuit committus: De eo vir sanctus ipso statim initio vaticinatus est complura, quasi jam oculis ea cerneret, quibus præclara Antonij sanctitas egregiè respondit. Constantius Episcopus ejusdem patruus in Severini curas successit, & Antonium velut unum aliquem de multis habuit, nihilo quàm in alios indulgentior, ratus, cognato sanguini se optimè consulere, si remoto consanguinitatis affectu ad exactam virtutis normam illum soli Deo formaret. Et verò illi profuit in tam accuratis manibus adolevisse, & hausisse illam spiritûs magnitudinem, quæ infelicissimis Reipublicæ temporibus apprimè illi fuit opportuna. Grande enim fuit bono juveni certamen cum patriæ charitate, quando Franci, Heruli, Saxones in Pannonias Noricûmque infusi, eum unâ cum sodalibus egerunt in exilium, durâ quidem sorte, sed conditione mitiore, quàm si immanes gentis suæ ciades spectare debuisset, cum feroces isti bellatores, (quod D. Severinus prædixerat) non modò omnia ferro flammisque vastarent, sed etiam falsis suis numinibus humanas victimas per summam crudelitatem immolarent, in illos præcipuè sævi, quos vitæ religiosæ comperiebant esse studiosos, rari, se demum fore pios, si pietatem extinxissent. Constantius inter ruentis patriæ casus cælo terram mutavit. Antonius adhuc adolescens secessit in præcelsum Vallis Tellinæ jugum, ab omni humanâ consuetudine sejunctum, ubi, cum se totum Deo aliquamdiu impendisset, divertit in Lirinensem insulam, virorum sanctimoniâ nobilem, atque illic, inter instituti sui socios, ultimum vitæ biennium exegit. Haftenus de rerum divinarum in

Norico inter Bojos incrementis: consilium est ad res Boicas, sive quæ rempublicam, sive quæ florentem religionem spectârunt, promiscuè stylum referte.





BOICÆ GENTIS
ANNALIUM
PARTIS I.
LIBER VI.

Theodonis I. Bojorum Principis genus, Soboles. Theodelinda Boica bis nupta Regibus Longobardorum. Thasilo Rex Boicæ, cui succedit Garibaldus. Reginotrudis Theodonis uxor. D. Rupertus Boicæ Apostolus. Theodebertus Dux. Hugibertus ejus successor. Bulgari in Boica necati jussu Regis Dagoberti Franci. Leges Boicæ. Plectrudis Pipino Heristallo maritata Theodo IV. Hugiberti successor. S. Vitalis clarus miraculis. S. Emeramus Martyr.



Uibus curæ fuit Boicam fortunam aliquot sæculorum oblivione sepultam in lucem revocare, in Theodonis eruendâ origine & redivivâ sub ipso Bojorum gloriâ, oppidò desudârunt. Quia verò, ut sit ab ijs, qui ad indagandas auri venas, subinde ductis aliò atque aliò cuniculis, terræ viscera rimantur; Scriptores in quærendo Theodone sic in diversa abierunt, ut, quæ fuit fastorum apud Bojos inopia, haud facile sit statuere, quinam ad verum propiùs accesserint. Brunnerus, posteaquam cum Velfero, de aliorum sententijs multa doctè disseruit, tamen & ipse cogitur conjecturis potiùs, quàm certâ fide historiæ, suam fulcire, & quod sit in causis obscuris, redire ad verbum; Non liquet: quamvis hoc cum laude sit assecutus, ut alios à molesto labore refutandi aliena liberârit. Missis igitur Arenpeckij, Aventini, aliorumque commentis, quæ ille eruditè diluit, nihil ultra vero similia de Theodonis initijs possumus polliceri.

De ejus nomine supervacaneum est multa philosophari, sive illud sumamus à Dioto aut Dieto, quam ajunt esse dictionem Celticam, communem titulum priscis heroibus, natum cum Celticæ gentis conditore, uti vult Cæsar, sive à Teutone, quem legimus apud Tacitum, vel Theutate Deo terrâ genito, apud Lucanum:

immitis placatur sanguine diro

Teutates.

R 2

quem

I.

SCRIPTO-
RUM DIVER-
SA OPINIO
DE THEO-
DONE.

UNDE THE-
ODONIS NO-
MEN?

*Cæs. lib. 6. de
bell. Gall.*

*Tacit. de mor.
Germanor.*

Lucan. lib. 1.

Lips. Polyor-
cet. lib. 1.

Arnolf. Com.
10. 2. Antiq.
lect. pag. 36.

& pag. 104.

GENUS

THEODO-
NIS.

AGILOLFIN-
GORUM DI-
GNITAS.

II.

QUO EX LO-
CO THEO-
DO VENERIT
IN VINDE-
LICIAM,

Cassiod. de
Rhet. lib. 1.
Ep. 1. & lib.
7. Ep. 4. de
Noric. lib. 3.
Ep. 50.

BOICA GO-
THORUM
CLIENTELA.

III.

Ennod. in
Paneg. Theo-
dor.

quem ipsum Mercurium interpretantur ex Platone in Phædro & Philebo, ubi Mercurium aliquando Theut dictum esse scripsit; sive ex Lipsio Theodonem derivemus à Thiede & Thiadon, quibus nominibus gentes nationesque priscis dictas asseruit, post Ostfridum Monachum, apud quem lego, *Fridemo thiose*, quasi hodiernâ vernaculâ dicas *frembde Lenth*, gentes exterar. Diotonem, Dictonem & Theodonem promiscuè usurpat Arnolfus Comes.

In Theodonis stirpe vestigandâ, operosius quàm in nomine laboratur. Vel-
serus quamvis diligens antiquitatis scrutator, nullis eam vestigijs deprehendit, nisi quòd ex Dagoberti Francorum Regis legibus, quas Boijs jam antè dictatas emendavit, doceat, Theodonem ad Agilolfingos, Agilolfi clarissimi viri nepotes pertinuisse, ex quibus postea Bojorum Principum posterì delecti ex legum præscripto fuerint. Dagoberti verba Brunnerus sic exscripsit: *Agilolfingi verò usque ad Ducem in quadruplum componuntur, quia summi Principes inter nos sunt. Dux verò, qui præest in populo, ille semper de genere Agilolfingorum fuit, & esse debet, quia sic Reges antecessores nostri concesserunt eis: qui de genere illorum fidelis erat & prudens, ipsum constituebant Ducem ad regendum populum illum.* Hæc tametì Dagobertus, uno, & quod longè superat, sæculo, post Theodonis in Bojos imperium dictavit, ostendunt tamen, quâ ex stirpe Bojorum Duces antè legerentur: cum autem nullo teste constet, in Theodone descitum esse à gentis instituto, quod semper fuisse Dagobertus asserit; nihil vero propius est, quàm ut Theodonem ex Agilolfingorum stirpe natum esse credamus. Etenim cum legendorum Ducum morem non modò Dagoberto Rege viguisse ex ejus verbis manifestum est, sed prioribus etiam temporibus; quam annorum diuturnitatem, si, ut verba legis præferunt, retro ad superiora sæcula revocemus, jus istud præcipuum ac proprium Principum Agilolfingorum non ad Francorum duntaxat tempora, sed Gothorum etiam, Hunnorum, & Romanorum imperium porrigetur. Ita non est cur asseramus, Agilolfingorum dignitatem manasse à Francis. Longè antiquiorem ejus originem ostendunt verba Dagoberti, qui eam refert ad suos antecessores, qui non modò Francis, sed etiam Francis vetustiores esse potuerunt.

De Theodonis in Vindeliciam adventu, deque tempore profectiois, tametì consentiens est domesticorum Annalium opinio, nata fortassis ex unius scriptoris audaciâ, quam confirmârit incuriosa sequacium credulitas; cum sine annosiore teste sit, meritò potest revocari in dubium, quantum debeatur fidei hominibus, qui multis post rem gestam sæculis nati, nihil certi adferunt, quo ostendant locum, unde Theodo profectus sit, quique perinde in hoc capite errare potuerunt, atque errârunt (quemadmodum præclare demonstrat Vellerus) in recensendis auxilijs, & succèssu istius profectiois. Nolim tamen à cæterorum consensu discedere, modò ne fingant, Bojos in Vindelicix finibus & Norico, contrà ac superius visum est ex Strabone & alijs, ante Theodonis adventum non fuisse. Id si non inficientur, nihil verat credere, Theodonem è Nariscis profectum venisse in cæteræ Boicæ Principatum, jure Agilolfingorum, & gentis universæ suffragatione, electionem probante Ostrogothorum Rege Theodorico, qui rerum in Italiâ, Rhætia, & Norico eâ tempestate potiebatur.

Nam ut sub Theodone Bojos occupasse per vim Vindelicos, colonias deduxisse in Noricum negemus, persuadet Theodorici potentia, quem Regum omnium suæ dignitatis retinentissimum, florentibus ut maximè Gothorum rebus, non est credibile eousque sui fuisse oblitum, ut amplissimas provincias à suo Regno passus sit hostili manu divelli, tantò ignavius, quò turpius est parta amittere, quàm nunquam acquisivisse. Id dedecus Theodorico affingi non finit continuus victoriarum cursus, & potentia non Boijs modò, sed etiam validioribus nationibus formidabilis. Certè Ennodium insignis vanitatis arguere necesse habent, qui charitate in patriam nimis profusi, triumphos ex vano comminiscuntur Theodoni, quos duxerit velut inspectante & spreto Theodorico, qui, ut bonus iste orator in Panegyrico, quem Regi dixit scripsitque, solebat dicere, *minus imperium, quod non cresce-*

crefceret. Si bella, inquit, Regis mei numerem, tot invenio, quot triumphos: congressui tuo nullus hostium, nisi qui tuis laudibus adderetur, occurrit: militavit trophæis, qui restitit voluntati: Nam semper aut pietati tua peperit subiectus gloriam, aut qui præsumpsit, tela virtuti. Qui te in acie conspexit, superatus est; qui in pace, nihil timuit.

Pannonias, devictis Gepidis sive Bulgariis, subegit, Visigothorum fortunam ruentem sustentavit, submisso in Galliam & Hispaniam auxilio, Francis nequicquam frendentibus. Cohibuit Orientis Imperatores, ne Italiam bello repeterent: Vandalos repressit in Africâ: Alemannos (quod Cassiodorus non siluit) superavit, indeque Alemannici titulum est assecutus; cultus fuit Germanicarum gentium præstationibus, muneribus, ab extremis usque Oceani finibus. Ut verò Boij, qui solo Lyco flumine passim vadoso ab Alemanniis dividebantur, qui à Germanis proximè aberant, potioris quàm illi fortunæ fuerint, majorumve virium, sine teste non potest citra temeritatem affirmari. Ergo id unum superest, ut dicamus, Theodonem Theodorici voluntate & benevolentia, ex prælo Boicæ gentis usu, clientelarem Principatum accepisse, ne vi & ingratis tentaret, quod sponte & libentia illi Rex erat permissurus. Demus itaque, Theodone Duce, Bojos in Gothorum fidem receptos, beneficiaria libertate sic fuisse gavisos, ut tamen leges Gothicas, quas Theodoricus Rex edicti nomine vulgavit, sequerentur, donec Franci, occupatâ Alemanniâ vicini sive Provinciis, alias dictaverunt.

*Procop. lib. 1.
Goth. Cassiod.
in Fastis.
Cassiod. lib. 5.
Ep. 2. Ennod.
in Paneg.*

IV.

LEGES BOICÆ.
*Plutarch. lib.
de virt. mul.
Tacit. de Mor.
Germ.
GERMANO-
RUM CON-
SULTATIO-
NES.*

Quia verò præcipua Reipublicæ fundamenta in judiciis & lege subsistunt, non erit extra rem, de Bojorum institutis nonnulla attexere. Longè ante Theodoricum & Theodonem fuere ex Celtarum & Germanorum more, publicæ judiciorum rationes, quæ seriùs in scriptarum legum notam transierunt. Nam Celtæ quidem, quod Plutarchus meminit, mulieres, eò quòd dextrè aliquando implacabilem virorum discordiam, causis cognitis, & æquabili sententiâ composuissent, solebant in consultationes admittere. Hoc ipsum, teste Tacito, faciebant Germani, quòd crederent, efficacius obligari civitatem, si inter obsides puellæ quoque numerarentur: Quin etiam fœminis inesse sanctum quiddam & providum arbitrabantur, nec earum consilia aspernabantur, aut responsa negligebant. De rebus minoribus Principes consulebant, de majoribus omnes, & quidem apud Principes, ex quibus, prout cuiusque ætas, nobilitas, decus militare erat aut facundia, unus in publico cœtu audiebatur, autoritate magis suadendi, quàm jubendi potestate. Si ejus sententia displicebat, à multitudine fremitu rejiciebatur: Sin placebat, framearum concussione (nam armati considebant) laudabatur. Primæ judiciorum congressiones fiebant inter pocula, quòd putarent candidius calentes animi sensus, mero incitante, aperiri. Quod tunc placuerat, postridie revocabatur ad libellam, & demum ratum fixumque erat, quod seriij sobriique statuissent. Tum verò nullas habebant scriptarum legum tabulas, ut viri pariter ac fœminæ omnes litterarum omnino rudes essent. Moribus igitur & recepto à majoribus usu atque memoriâ, pœnas, præmia, jura, quantum per ævi ruditatem licebat, decernebant.

Successerunt Theodorici Visigothi leges, longè quàm antiquitatis placita explicatiores, quibus non dubium est Bojos, Theodorici amicitiam studiumque professos, gessisse morem, nec permisos suo arbitrio vivere, dum occupato per Francos dominatu, Theodoricus Francorum Rex Boicam alio jure, quod Bojorum genti attemperavit, uti voluit, antiquato Theodorici Gothi decreto. Eò ventum his gradibus & rerum conversione. Clodoveus I. Childerico Francorum Rege defuncto, pulsus è Galliâ Romanis anno Christi CCCCLXXXIV. ad sceptrum vocatus, quod ante quingentos & viginti novem amplius annos Julius Cæsar arripuerat; anno demum CCCCLXXXIIX. Siagrius, qui Sueffionensem Comitatum Romani imperij nomine eoutque tenuerat, bello victum unâ cum Romanorum in Galliâ dominatu prorsus extinxit. Biennio post Clotildam Principem Burgundici sanguinis, quæ illi suscipiendæ Christianæ religionis dux & author fuit, nuptam accepit. Tum anno CCCCLXXIX. in Alemannos, quod

LEGES THEODORICI REGIS VISIGOTHORUM.

CLODOVEI FACTA.

Gregor. Turon. Ado. Isenhard.

V.

CLODOVÆUS
BAPTIZATUS.

Sigon. ad an.
506.

CLODOVÆI
REGNUM IN
QUATUOR
PARTES DI-
VISUM.

Procop. an.
529. Gregor.
Turon.

VI.

Cicer. lib. 1.
ad famil. ep. 9.

LEGES THE-
ODORICI
REGIS
FRANCO-
RUM.

Sicambri Francorum socijs bellum intulissent, coortus, edito legis Christianæ profitendæ voto, cum acies Francorum summopere laboraret, occiso Alemannorum Rege, memorabilem victoriam reportavit, eoque pavoris adegit gentem universam, ut illi quoque, qui in Gothorum fidem concesserant, Theodorico Rege deprecatore, ad servandas expirantis fortunæ reliquias, uterentur. Quocirca Gothus victoriam Clodovæo gratulatus, Alemannis impunitatem vitamque exoravit. Clodovæus voti damnatus, Christo se adjunxit, doctore D. Remigio, quem de piorum civilitate & mansuetudine verba facientem audivit, cum inter cætera diceret: *Mitis depone colla Sicamber, adora quod incendiisti, incende quod adorasti.* Hinc initijs Gothorum in Germania imperium nutare cæpit, Francorum erigi, tametsi Theodoricus Italiæ Rex, Romæ magno plausu acceptus, vetera Urbis miracula (uti ait Cassiodorus) magnificentiâ interea temporis superârît, Bulgaros in Pannoniâ devicerit, Sirmium invaserit, Hispaniâ Gesalaricum regni incubatorem exegerit, tandèmq; rebus præclarè gestis anno DXXXVI. Athalarico puer sub matris Amalasuenthæ ingentis spiritûs fœminæ tutelâ, florentissimum regnum reliquerit. Clodovæus eâ parte regni Burgundici, quæ cis Ararim est, potitus, cum Alaricum Visigothorum Regem in campo Vocladensi pertinaci pugna cecidisset, & deletis aliquot Regulis, regni sui fines ad extremas ferè Gallias protulisset, potentiam magnis auctam accessionibus, inter filios partitus, fato concessit. Parisios obtinuit Childebertus natus maximus: Clotharius Sueffiones; Clodomirus Aurelianum: Theodoricus Nothus Mediomatrices cum provincijs cis & ultra Rhenum subactis, ad quas pertinuerunt Alemanni. Et is quidem Theodoricus fuit, qui devictis Burgundionibus, Turingos invasit adjutore fratre Clothario. Theodorico accessit Franconia, sive vetus Francia, unde Paulus Æmiliius affirmat, Francorum imperium ad Bavarorum usque confinia fuisse protensum.

Quibus ex rebus promptum est colligere, Bojos tot vicinarum gentium cladibus monitos; cum, demortuo Theodorico Italiæ Rege, in Gothis nihil aut parum esset subsidij, sese accommodasse tempori, & prudenti consilio in Francorum fidem clientelamque concessisse, ne pari cum vicinis Alemannis fortunâ, victicia illorum arma cogerentur experiri, & ab iratis immitiores leges, quàm benignitate moderatas ab amicis accipere. Neque enim præstantibus in republicâ gubernandâ viris, laudata est in unâ sententiâ perpetua permanensio: sed ut navigando obsequi tempestati artis est, etiamsi portum tenere nequeas: cum verò id possis mutatâ velificatione assequi, stultum est eum tenere cum periculo cursum, quem ceperis, potiùs, quàm eo mutato, quò velis, tandem pervenire. Ita cum non esset credibile, Francos rebus ex voto fluentibus quieturos, quamdiu spes esset ultrâ dominandi, nihil ambigam, Bojos leges à Theodorico accepisse, & eo quidem tempore, quando is viris sapientiâ, magno rerum usu, juris petitiâ & ætate præstantibus id dedit negotij, ut in unum contraherent rectam gerendæ Reipublicæ rationem, quæ pro modo singularum nationum Alemannos, Bojos ac Francos in officio contineret: Illud verò inprimis attenderent, ne quid scriberent, quod à divinâ lege, quæ omnis recti fons est & æterna regula, ullo pacto dissentiret: sed omnia, quæ dictaretur, essent ejusmodi, quæ priscearum consuetudinum barbariem humanâ modestiâ, sacra verò impia fœdôsque ritus purâ religionis sanctitate mutarent. Tale jus ab ipsis scriptum Theodoricus Boijs edidit, paucis antè annis, quàm Justinianus Romanas leges orbi publicaret. Legum Boicarum extat in manuscripto, & Parisiensi editione hoc proœmium. *Prologus legis Bajoariorum.* In editione Heroldi: *Prologus legis Salicæ.* Sequuntur hæc: *Theodoricus Rex Francorum jussit scribere legem Francorum, Alemannorum, & Bojariorum.* Theodoricum autem Clodovæi filium signari, potest colligi ex sequentibus. Jam verò quicquid Theodoricus propter vetustissimam paganorum consuetudinem emendare non potuit, postea Childebertus Rex inchoavit, sed Clotharius perfecit. Hæc omnia Dagobertus Rex gloriosissimus, per viros illustres Chladio, Chadoindo, Magno & Agilulfo renovavit. Atque ista quidem de subjectione, quam Boij sub Gothijs & Francis subierunt.

Cæte-

Cæterum in magno veterum litterarum silentio nihil est, cur Theodoni sine causa multos affingamus triumphos, ex meris Arenpeckij & Aventini commentationibus, & bellis prorsus incompetis, quasi res admirabiles unicâ cohorte, quam vocant millenariam, cæperit, & acceptis tum Regulorum gentis suæ, tum magnæ Germaniæ auxilijs gesserit: sufficiat dixisse, cum genti suæ, probantibus Regibus, præfuisse, & bene gesto Principatu satis concessisse anno Christi DLIX. post Theodorici Gothi ante annos duodecim, Theodorici verò Franci septem annos è vivis excessum.

Theodoni duos fuisse filios persuasum habet Velsus, Utilonem ac Theodonom: & Utilonem quidem Boicâ potitum: Theodonom verò natu minorem cognomine Vacarum, id est, intrepidum, bellicis factis ad fortunæ excelsa aspirantem, in Italiam esse profectum. Brunnerus Arenpeckium secutus, solum Utilonem admittit Theodonis patris successorem, expuncto Vacaro & Theodibaldo, quem nonnulli in Theodonum familiam sine tabulis adoptant. Alioqui probabile est, Utiloni Theodonom aliquem, sed diversum à Vacaro (quem aliqui Varnum & Burnum dicunt) fratrem fuisse, qualis unus apud Agathiam legitur, vir magni nominis in exercitu Narsetis Ducis Justiniani Imperatoris: vel si Theodonom Utiloni germanum fratrem negemus, fateri oportebit, duos ordine Theodones Boijs præfuisse: eò quòd ille, quem paulò post fastigio admotum videbimus, à plerisque domesticis Scriptoribus Theodo tertius appelletur. Quòd si verò Theodo Vacarus à principe Bojorum stirpe rescindatur, haud dubiè Theodibaldus ejus apud Agathiam filius, ad Boicum stemma non pertinebit. Cæterum Utilo naturæ debitum exolvit anno Christi DLXV. qui annus Justiniano quoque Imperatori fatalis fuit. Præcesserat ante quinquennium pestilens inguinaria, plurimorum hominum funeribus mœstissima. Ea lues in Oriente accensa, trans maria per ingentia terrarum spacia delata in Italiam, tot luctibus florentissimas regiones implevit, ut mortales, velut exuti omni humanitatis sensu, se mutuo averfati, solum exilio vertentes, ad puriorem auram diffugerent, cum tantâ consternatione, ut parentes liberis, liberi parentibus ultima pietatis officia negarent, cum nemo esset, qui projecta passim virorum ac mulierum cadavera legeret, conderetque sepulchris, deficiente libitinâ. Vis enim mali tam erat ineluctabilis, ut, quem pestilentissimus halitus semel afflasset, enascente ad instar nucis glandulâ, & furioso febris ardore, die tertio conficeretur. Quæ mortis diritas passa non est se alpium claustris coerceri, sed Bojariam, Alemanniam, & extimas Austrasiorum oras pervagata, infinitam hominum multitudinem absumpsit, tantâ ubique solitudine, ut, cum arvis coloni deessent, pecora incustodita pererrarent, & tellus ubique suos requireret habitatores.

In Italiam tot penè exhaustam funeribus anno DLXIX. successit Longobardorum irruptio, & principium novi Dominatus, cujus mentio à nobis non est prætereunda, ne cogamur non pauca de rebus Boicis, quæ Longobardicis connexa sunt, præterire. Longobardi, ferox populus, posteaquam Pannoniam ab anno DXXXVII. (quo primum, Dionysio Exiguo Abbate Romano, natione Scythiâ authore, anni cæpti sunt à Christo numerari) easque provincias, quæ hodie Austriæ nuncupantur, armis occupatas ad annum usque DLXIX. tenuerat, cum Alboini Regis auspicijs Italiæ sunt infusi. Jam antè Gothis in Italiâ debellandis operam locaverant, hoc ipso suspecti, ne pactâ cum Narsete amicitia, redeundi, & regni invadendi consilium suscepissent. Quamquam non defuerunt Italici coeli solique illecebræ, quæ eos ad semel degustatas delicias invitarent. Venerunt in partem ejusce expeditionis Saxones, Gepidæ, Bulgari, Sarmatæ, Pannonæ, Suevi, Norici gens Boica, ingens hominum multitudo, unde terror magnus Italiæ, quem auxit recordatio rerum à Longobardis gestarum sub Narsete, & crudelitatis, quam non modò direptionibus, incendijs & cædibus, sed etiam foedâ libidine cæterisque flagitijs in amicos perinde atque in hostes exercuerant. Alboini adventum visa sunt prælagire spectra terrifica, quæ ad Septentrionem

THEODONIS OBITUS.

Velsus. pag. 160.

VII. THEODONIS FILII.

Agath. lib. 1.

UTILONIS SUCCESSORIS MORS.

Paul. Diac. hist. Longob. lib. 2. c. 4. INGENS PESTILITAS.

LONGOBARDICI REGNI IN ITALIA INITIUM.

Paul. Diac. de reb. gest. Longob.

VIII.

Procop. de bell. Goth. l. 3.

S. Greg. hom. 1. in Evang. Paul. Diac. lib. 1. c. 5. nem in aëre apparuerunt specie bellatorum, infestis signis in acie congregientium. S. Redempto Ferentinati visus Eutychius Martyr, auditusque terribiliter hæc verba repetere: *Finis venit universæ carnis*: tempus videlicet malorum Italix impendendum, & ruentis in Oriente Imperij.

HUNNORUM BELLA IN BOIOS. Qui è Boicâ se Alboino junxerunt, ejus assensu, cùm Italiam occupasset, sedes acceperunt inter Longobardos, bene navatæ operæ præmium, & constantis in posterum fidei auctoramentum. Boijs Noricis, qui Pannoniæ erant confines, ex Longobardorum in Italiani migratione hoc provenit incommodi, quòd Hunni in migrantium possessiones precario admissi sunt, eâ lege, ut, si quis casus Longobardos in Pannoniam cogeret reverti, Hunni, qui & Avars, redeuntibus provincias ultro restituerent. Verùm cùm neque acceptis regionibus dominandi

Sigon. de bell. Ital. lib. 1. libidinem continerent, neque finitimis parcerent, continuas propè cùm Boijs inimicitias & bella gesserunt. Alboinus Mediolano, regnòque Italico potitus, Rosimundæ Gepidarum regis filix insidijs interfectus, Clephoni vacuum solium reliquit. Huic successère triginta Duces anno DLXXXVI. Longobardis ita volentibus, ne unius arbitrio rerum summa deinceps permetteretur. Regno ad eum modum diviso, Italia tot sensit Tyrannos, quot Duces, qui eum rem gessissent improspere per decennium, quòd eorum magistratui fuerat decretum, Longobardi Reipublicæ priorem formam revocandam esse censuerunt.

IX.
AUTHARIS
REX LONGOBARDORUM.

Deliberantibus in publicis regni comitijs de rege eligendo, Autharis Clephonis filius, virtutis opinione & sanguinis prærogativâ clarissimus visus est omnium aptissimus, cui regni fasces committerentur. Is, ad augendam imperij maiestatem, Reges voluit Flavios in posterum appellari, Romanorum Imperatorum exemplo: unde ipse primus Flavij Autharis nomen accepit: atque is ipse est, qui ob contractam cum Boico sanguine affinitatem, non debuit in Boicis annalibus præteriri.

GARIBALDUS DUX BOIORUM.

Per id temporis, Garibaldus Dux Boicæ imperabat. Ejus patrem nemo verum prodidit: Aventinus ariolandi confidentiâ, Theodoperti filium nuncupavit. An verò idem sit cum eo, quem Paulus Diaconus Garibaldum Boicæ Regem, maritum Vuldotradæ, à quâ Clotharius Francorum Rex diverterat, incertum est: illud certius, fuisse ex gente Agilolfingorum. Ille quamvis Francis clientelari nexu foret obnoxius, tamen ut suos fines adversus creicentem indies Longobardorum potentiam firmaret, filiam despondit Evino, uni de triginta Longobardorum Ducibus, qui Tridento erat præfectus. Franci, quò minus istam affinitatem injussu suo contractam in præsens ulciscerentur, prohibebantur abs Labano, Amone & Rhodano Longobardis è triginta Ducum numero, qui trajectis alpihus, Guntramno Aurelianensium Regi bellum faciebant. Verùm posteaquam prælio superati in Italiam rediverant, Crannichis Guntramni Regis legatus militaris alpes transgressus, Tridento expugnato, Evinum Garibaldi Boij generum totâ ditione ejectum, retrusit in Italiam, unde cum Longobardorum suppetijs reversus, pugna Salurnis commissâ, & Crannichide interempto, Tridentum recuperavit.

THEODELINDÆ CUM AUTHARI LONGOBARDORUM REGE MATRIMONIUM.

X.

Joan. Mari-an. lib. 6. c. 1.

Garibaldus ob eam victoriam Longobardis addictior, affinitatem junxit cum Rege Authari. Habebat præter Evini conjugem filiam alteram Theodelindam, principem virginem, in quam cælum omnia corporis animique decora videbatur contulisse. Autharis à Longobardis rex salutatus, spe pacis à Francis obtinendæ Clodosindam Sigeberti Mediomatricum Regis filiam ambiverat, & à Childeberto virginis germano ejus potiundæ promissum acceperat: verùm ut vacillant sæpe futuri matrimonij sponsiones, Clodosinda Reccaredo Gothorum Regi, qui Badâ Reginâ defunctâ Hispaniæ regnum obtinebat, in manus convenit, eò maxime, quòd Reccaredus nuper Hermenigildi fratris exemplo, desertâ Leovigildi patris Arianâ perfidiâ, ex Leandri Episcopi Hispalensis institutione, Christiana sacra suscepisset, Authari nondum vanâ deorum religione expedito. Ad hoc consilij non parùm momenti attulit Gothica potentia, quæ longâ annorum

pro-

prosperitate roborata effecit, ut is sponsus placeret magis, qui sperabatur fore utilior. Autharis repulsam passus, multaque de violatis Franci promissis conquestus, sua vota ad Regis Garibaldi affinitatem convertit, & quam ad nuptias experebat Theodelindam, non agrè impetravit. Eâ re per legatos confectâ, Autharim visendæ sponsæ juvenilis ardor incessit, ne alienis potius oculis quàm suis, quæ de sponsæ formâ, præclarisque virtutibus acceperat, usurpâsse videretur. Ergo per speciem regiæ legationis, sene quodam è familiaribus fidsimo, paucisque alijs, qui aliquam pompam facerent, comitantibus, ipse alienum habitum mentitus se Veronâ in Bojariam contulit. Ut fuerunt admissi ad Garibaldi colloquium, senex, qui primas fictæ legationis partes agebat, regis sui nomine, quæ se in mandatis agebat accepisse, peroravit. Autharis in scenâ personatus, addidit ad ea, quæ senex dixerat, se à Rege Authari, quæ pars altera, causâque sui adventûs & legationis esset, jussu, cum bonâ Garibaldi veniâ, Theodelindam salutare, ut, inspectâ coràm ejus formâ, sponso cum fide referret, quæ oculis accepisset. Ea civilitas Garibaldo placuit. Licebit utique tibi (inquit) os habitumque sponsæ visere, & Authari referre. Ergo adducitur Theodelinda, eâ morum & vultûs elegantia, ut Autharis tacitè virginem admiratus, cuicunque fortunæ & dignitati parem judicaret. Tum conversus ad Garibaldum: satisfactum quidem est Regis, domini mei desiderio; sed ignosce obsecro meæ confidentiæ, si alterum quoque beneficium regis mei verbis à te rogito, ut dicar probè functus meâ legatione. Et illud quidem est, ut à te impetrem eam gratiam, quâ Theodelindam jubeas, quippe quæ Regni, nostrumque omnium propediem imperium aditura est, sui in Regem amoris, & propensi in gentem nostram affectûs tesseram, hospitalem videlicet pateram, in Autharis salutem mihi benignè prælibare. Et hoc per me licet, inquit Garibaldus: Tu verò filia poculum tempera, & hospitibus propina more patrio. Fecit illa, quod erat iussa à parente, & prælibatum craterem seni, potiori legationis mimo, portexit, tum deinde Authari. Is cum virgini pateram redderet, manum ipsius digito pressit, nemine advertente, & crescente fidentiâ palmam explicatam duxit per frontem cæteramque faciem erubescens, nec obscurè hospitis libertati irascentis. Quâ de re cum apud nutricem indignabunda querelas deponeret, diceretque, perulantem hospitis audaciam ad sponsi injuriam pertinere, quæ certè non deberet dissimulari; ne credi aliquando posset, Theodelindam famæ, pudicitiaque hætenus illibata, os, frontemque delibatam suâ culpâ ad sponsum attulisse; nutrix acerbè quiritantem solata monuit, à quærimonijs in præsens sibi temperaret, sibi haberet potius persuasum, neminem præter Regem Autharim id ausum esse, brevi certò comperturam, sponsum ipsissimum esse, qui sibi id licentiæ sumpsisset, quam nullus alius, nisi capitis periculo tentâset. Et si à morum majestate, & totius oris corporisque compositione verè regiâ liceret ratiocinari, urbanitatem longè excellentissimam, flavam cæsariem, vultûs amœnitatem plenam dignitatis, Regem prodere: quare ne dubitaret sponsum, incognitâ licet specie, adfuisse. Pacata his dictis Theodelinda, dolorem pressit, quem cum Autharis ex rubore, & contracto ad iram vultu notâset, magnopere fuit recreatus; quod non nesciret, frontem verecundam, animum joci licentioris impatientem, horrorem contactûs alieni, non modò bonos esse custodes, sed etiam judices intaminatæ pudicitia. Cum Garibaldo valescisset, nobili Bojorum comitatu iter est ingressus. Italix finibus imminens, se honorarijs stipulatoribus hoc signo prodidit: Equo, quo vehebatur, assurgens, toto nisu securiculam manuariam arbori, ad virium ostensionem impegit, cum dicto; sic solet ferire Rex Autharis. Quibus verbis, Boijs comitibus omnis est absterfa dubitatio, bellum istum legatum, esse ipsum Longobardorum Regem. Contigere hæc anno Christi DLXXXIX. cum pestis inguinaria, alterâ vice recrudescens, innumeram hominum multitudinem, ipsumque Romanum Pontificem Pelagium, cujus precibus se stare urbs arbitrabatur, sustulit 8. Id. Februar. ut habet Sigonius, anno DXC. Eodem Sigonio teste, Autharis abjectâ gentilitate,

Aimoin. lib.
3. c. 77.
Paul. Diac.
lib. 3. c. 14.
Sigon.

XI.

AN. CHRIST,
DLXXXIX,

cum suis lapsus est in Arij errores, & ferijs Paschalibus Longobardorum liberos jussit vetore quidem Ecclesiarum ritu, sed in fide Arianâ expiari.

AN. CHRIST.

DXC.

XII.

CHILDEBERTUS

FRANCIAE

REX TRI-

DENTINOS

VASTAT.

Sigon, de

regn. Ital.

Paul. Diac.

l. 3. c. 13.

Aimoin, lib.

3. c. 83.

BOICA SUB-

ACTA.

Sigon, lib. 1.

Paul. Diac.

l. 3. c. 14.

VATICINIUM

DE AGILULFO

NUPTIIS.

MORS AU-

THARIS.

AN. CHRIST.

DXCI.

XIII.

NUPTIAE

THEODE-

LINDAE CUM

AGILULFO.

CORONA

FERREA

MEDIOLA-

NL

Sub id temporis Childebertus ingentes fecit contra Longobardos bellæ apparatus. Ut Garibaldum Authari subtraheret, Bojos, antequam vim adferret Italiae, Cedino duce, putavit esse petendos. Primum impetum excepit ager Tridentinus, in eo, contra datam fidem, solo æquata sunt, Maletunum, Sermosanum, Tesana, Apianum, Fagitana, Cimbra, Brixanum, Brentonicum, Balenesene, Mase, duo præterea oppidula in Alsucâ, & unum in Veronæ confinio. Cives omnes abducti in vinculis, triste miserorum spectaculum. Castrum Fergense, ne, instar cæterorum, ferro & igne excinderetur, magnis precibus impetrârunt à Francis, Ingenuinus Salvonenfis, quem Sabionensem vocat Sigonius, & Agnellus Tridentinus Antistites ordinis sacri reverentiâ. Additum tamen redemptionis pretium, solidus unus in singula capita, ita disertè Paulus Diaconus, & Aimoinus. Fuere autem capita universim sexcenta. Boicam subactam volunt aliqui, & Garibaldum quidem interemptum: sed alij scribunt, in Italiam ad generum Autharim profugisse. Ne Theodelinda, Autharis sponsa, istâ belli tempestate involveretur, maturè consultum est. Gundualdus ejus germanus ipsam deduxit ad sponsum. Autharis, cognito ejus adventu, venienti cum honestissimo comitatu prodiit obviam, exceptamque in campo Sardicensi supra Veronam Idib. Maij, regio apparatu sibi despondit. Pompam genialem honestavit Dux Agilulfus, quem & Agonem dixere, Dux Taurinensis, unus è Longobardis Principibus. Habebat ille in comitatu aruspiciem, ejus vaticinijs multum tribuebat. Huic obtigit argumentum ariolandi ipso die nuptiarum. Ortâ enim gravi tempestate, cum cælo turbato fulmen regij conopœi tignum adstâset, ariolus prædixit, isto fulminis ietu portendi, novam Autharis nuptam, Agilulfi thoro olim designari. Quod prælagium ne manaret in vulgus, vel apud Autharim Agilulfo conciliaret invidiam, Agilulfus vati silentium indixit, denuntiata capitis pœnâ, si rem proderet. Ego quidem, respondit Magus, capite possum minui, sed quæ portenduntur fata, ne meo quidem interitu possunt prohiberi, quò minùs suæ destinationi, tibi que ad Reginæ nuptias, vim inveniant. Vaticinio respondit eventus anno DXCI. Nam Autharis, postquam sexennium regnaverat, eo ipso tempore, quo de pace cum Childeberto, interprete Guntramno Franciæ Rege, viro insignis sanctitatis, Childeberti patruo, agebat per legatos, immaturâ morte, fatali veneno (uti tradunt) Papiæ nonis Septembribus repentè sublatu, vacuum Agilulfo thorum reliquit.

Etenim Longobardi, accepto de Regis sui nece peracerbo nuntio, coactis properè Ticini Procerum comitijs, legatos miserunt in Galliam pacem petituros, deque Rege creando deliberârunt. Placuit in commune, ut Theodelindæ omne regis eligendi suffragium deferretur, eâ lege, ut, quemcunque illa sibi maritum optaret, idem regno, simul & ejus connubio potiretur. Illa, audito virorum sapientum judicio, Agilulfum Taurinatum Ducem legit, virum fortem & dignum imperio. Pompæ nuptiali Laumellum oppidum dixit. Eò vocatum Agilulfum cum ad familiare epulum admisisset, jussit adferri poculum vino temperatum: quod cum Agilulfo prælibâset, quod erat reliquum, obtulit ebibendum. Is cum, accepto cratere, Reginæ dextram honoris caulâ basiaret, Regina verecundo suffusa rubore: Id verò nunc (inquit) agitur Agilulfe, non ut suaviere manum, sed, nisi per te stat, os Reginæ, Maritus, Rexque futurus osculeris; mox erecta ad osculum, de nuptijs, si eas ipse quidem probaret, deque adeundo regni fastigio suam ipsi mentem aperuit. Secutæ sunt privatae conjugij cæremonia incunte Novembri, gratulante Longobardorum, qui tum pauci aderant, Procerum coronâ, & salutante Regem Agilulfum. Sequenti deinde Majo, in publico Principum cœtu, Agilulfus donatus est Mediolani regni insignibus, in quibus corona aurea ferreo annulo, Theodelindæ jussu, interiùs circumducta: quam ex eo tempore in usu fuisse memorant, quoties peracta fuit Italiae Regum inauguratio, coronæ ferreæ nomine retento.

Id

Id per Theodelindam agebat adorandum divinæ mentis consilium, ut ejus ductu Longobardorum natio, repudiatis Arij erroribus, sinceram Catholicæ fidei puritatem, quâ nihil poterat dari è cælo optabilius, amaret, & amatam unâ cum Rege amplecteretur. Quod, quia ab Authari nullâ potuit industriâ impetrare, ab Agilulfo demum obtinuit, quâ prece, quâ sacrâ mysteriorum explanatione, effecta magistra pietatis, Dûxque ad beatam æternitatem. Agilulfus sacris undis ablutus Petri nomen accepit: an verò Theodelinda domi paternæ religionem combiberit, an meliori institutione in Italia, quàm in Norico sit usâ, in ambiguo est, vero tamen similis est, è patria attulisse bonam indolem & initia pietatis, & ejus absolutionem hausisse in Italiâ. Sed illud est majus omni admiratione, quodd, cum id ævi virorum sapientissimorum copia non deesset, Deus uno eodémque sæculo, tres potentissimas totius Europæ nationes, nomini Christiano quamlibet infensissimas, ad mansuetudinem Christi adjunxerit per totidem fœminas; Francos in Galliâ per Crotildem Burgundam, Gothos in Hispaniâ per Ingundem Francam, Longobardos in Italiâ per Theodelindam Bavaram, quibus gens Boica accessit per Francam Reginotrudem. Agilulfus & uxoris suâ, & ductus vitæ superioris pœnitundine, sacras opes, & Ecclesias bellis vehementer afflictas cœpit instaurare, novisque cumulare possessionibus, Antistites, quos temporum acerbitas valde deprellerat, pristinis honoribus reddere. Gregorius Pontifex verè Magnus, actis Theodelindæ per litteras gratijs, id egit, ut Regi Agilulfo author esset, pacis cum Romanis cæteraque Italiâ, quam Longobardi totam nondum subegerant, incundæ: cum datis ad Italiæ Episcopos mandatis, eos jussit Longobardorum filios, nuper in hæresi Arianâ perperam ablutos, fidei Catholicæ conciliare. Agilulfus nihil habuit antiquius, quàm ut pacem Italiæ redderet: quam ad rem Agnellum Tridenti Episcopum misit in Franciam, qui captivos, ex agro Tridentino nuper abductos, redimeret: Evinum Tridentinorum Ducem ei dedit comitem, cum mandatis, ut pacem agi cœptam, daret confectam. Episcopus benignè acceptus, complures mortales in libertatem asseruit, Brunechilde Reginâ, Childeberti Regis matre, quæ suo ære multos vinculis exemit, adjuvante. Evinus ad certum annorum numerum inducias impetravit, quæ renovatæ sæpius arma Francorum continuerunt, ne in Longobardos stringerentur.

CONVERITO
LONGOBARDORUM AD
FIDEM.

XIV.

PAX ITALIÆ.

CHILDEBERTUS ACIE
SUPERATUS.

XV.

Aimon. l. 3.
c. 83.

THASSILO
REX BOICÆ
Paul. Diac.
lib. 4. c. 2.

Arenpeck,
fol. 40. fac. 2.

SLAVOS
PROFLIGAT,

Interea Childebertus ulturus patris, ac patrui necem, Fredegundis Chilperici conjugis fraude patratam, numerofo duorum regnorum, Austrasiæ & Burgundiæ, exercitu vallatus, dum fidentiùs, quàm cautiùs in Sueffiones ducit, à Fredegunde, & Clothario adhuc lactente, circumventus, victusque, amissis triginta pugnatorum millibus, ex acie discessit. Subinde integratis copijs, movit in Varinos, quos Aimoinus Varuos nuncupat, populos Germaniæ trans Rhenum, qui rebelles arma induerunt, gentemque propè universam interneccione delevit. Mox erectus tantâ victoriâ, Garibaldo Bojorum Regi sive occiso, sive, quod alijs placet, in Italiam profugo, & rebus perditis, haud diu superstiti, Thassilonem regio insignem titulo suffecit. Id decus aliquantisper Thassiloni mansisse, ex Paulo colligitur: sed ut mollia sunt rerum initia, progressus verò proferendorum imperiorum duriores; Francus Bojorum animos, specie beneficii delinitos, eò trahebat, ut sibi clientelari nexu devinceret. Certè Thassilonis operâ in rem suam usus est, quando cum hostibus, quos infestos gravesque credebat in Austrasiæ fines irrupturos, opposuit felici consilio. Nam Thassilo (quod Paulus prodidit) partâ insigni victoriâ, magnis onustum spolijs exercitum reduxit in Boicam. Conflatae erant barbarorum copiae ex Zechis, natione Sarmaticâ, quæ aliquando Bojohazmum tenuit, & ex Carantanis, qui ex oris Dalmatiæ progressi, Norici partem ad sinum Hadriaticum vergentem insidentes, Boicam premebant, & Childebertum habebant sollicitum, ne, quod istis gentibus solenne erat, in ditiones, quæ Austrasiæ regno accesserant, utpote irruptionibus ob vicinitatem opportunas, pedem inferrent. Eos, qui à Thassilone devicti sunt, Paulus Diaconus Slavos appellat, quos trans Istrum ortos, in Illyricum, aliâque Romani Imperij provincias, Justiniani Im-

Procop. lib. 1.
de bell. Goth.
p. 288. & lib.
3. p. 362.

Jornand. de
reb. Getic. p.
599. & 610.

Greg. M. lib.
8. Ep. 36.

Boii 2000.
CÆST.

AN. CHRIST.

DXCVI.

EVINI DU-

CIS TRI-

DENTINI

ORITUS.

Gordon. ad

an. 600. Æ-

gid. Bucher.

Sigebert. in

Chron.

XVI.

Rader. Ba-

var. S.

LONGOBAR-

DORUM VO-

TUM.

VATICINIÛ

DE REGNO

LONGOBAR-

DORUM.

DOS TEM-

PLI D. JO-

ANNIS MO-

DOETIÆ.

XVII.

ADALVALDI

INFANTIS

INAUGURA-

TIO.

AN. CHRIST.

DCXV.

THEODE-

LINDÆ FA-

MA DEFEN-

DITUR.

peratoris ævo, irrupisse, Procopius & Jornandes meminerunt. Illos per Istriam progressos, eodem illo tempore, quo à Thassilone cæsi sunt, Italiæ perniciem esse minatos, D. Gregorius Magnus ostendit. Quinto post anno, bis mille Boii, qui ad coercendas Slavorum incursiones iverant, Cacani Regis superventu, occisione deleti, datam à Thassilone cladem nonnullo barbarorum solatio luerunt.

Anno, quem diximus quintum nonagesimum supra quingentesimum, Evinius Garibaldi Bojorum Regis gener Dux Tridentinus è vivis excessit. Eum anno proximo, si Baronium audimus, secutus est Childebertus Francorum Rex, quem tamen unà cum uxore Falcubà, eodem die, non sine veneni suspitione, anno DC. vitam clausisse nonnulli scripserunt. Atque is quidem ipse est, qui Theodorici Gothi leges conatus est redigere in meliorem formam: quod tamen pro voto non est assecutus, eò quòd magni operis molitioni, quod ipsi vitæ erat reliquum, non suffecit; vel quòd Boijs, magnam partem gentilium superstitione irretitis, exortæ de religione contentiones pulcherrimum conatum interceperunt, & distulerunt facti gloriam ad feliciorum Regis Dagoberti Principatum.

Inter hæc Theodelinda Modoëtiæ, quod tum Mogunciacum dicebatur, Regiam, templumque moliebatur D. Joanni Baptistæ, cujus tutelæ universa Longobardorum natio se, concepto voto annuisque donis, eo die, quo ejus natalis mensis Junio colitur, obstrinxit. Voti formam refert Raderus in hæc verba: *Vt ipse S. Ioannes pro nobis interpellator sit apud Dominum Deum nostrum IESVM Christum, nos omnes unanimiter pollicemur, illi omni anno, in die Nativitatis sue, hoc est octavo cal. Iulij, de nostris facultatibus transmissuros honorificè ad oraculum ejus, ut per illius interpellationem habeamus juvamen Domini nostri IESV Christi, tam in bello, quam in alyis locis omnibus, quocunque ituri sumus.* Voti fructus fuit, ut, quamdiu Longobardos suæ in Deum pietatis non piguit, Divum Joannem sint defensorem experti, futuri contra ad fortunæ casus expositi, ubi rerum sacratum procuratione ad homines impios devolutâ, pii esse desierunt, ut agnoscerent, regna florere non posse, nisi florente pietate. Quam in sententiam, relatum est in annales; Constantem Imperatorem bellum Longobardis facturum, Tarentum appulisse, & cum de eventu esset sollicitus, virum sanctitatis famâ, & vaticiniorum celebritate clarum consuluisse: petivisse verò hunc unius noctis spatium ad secretum cum Deo colloquium, & hoc oraculum retulisse: Tunc quidem Longobardos bello fore invictos, ope D. Joannis Baptistæ, cui Regina extera in Regni finibus Basilicam condidisset, qui sanctus perpetuò Numen pro Longobardorum salute sollicitaret: aliquando tamen futurum, ut neglecta templi religio genti fieret exitiabilis. Theodelinda Basilicam, magnis ornatam donis, auxit etiam vectigalibus amplissimis: quam liberalitatem, demortuo Agilulfo Rege, firmavit Regijs tabulis in hæc verba: *Offert gloriosissima Theodelinda Regina, unà cum filio Adalvaldo Rege, sancto Joanni patrono suo, de dono Dei, & de dotibus chartulam suæ donationis, quam in suorum præsentia scribere fecit: si quis, quolibet tempore, hanc testem voluntatis suæ corruperit, in judicij extremi die cum Iudâ proditore damnetur.* Tulit illa ex Agilulfi nuptijs filium, cujus istæ tabulæ meminerunt, Adalvaldum, qui cum alterum ætatis annum esset ingresses, mensis Julio, summâ populi voluntate, patre inaugurante, Mediolani Rex fuit creatus anno DCIV. Parens Agilulfus infanti filio annos undecim supervixit, mortuus anno DCXV. cum annos viginti quinque bellicâ laude, & Christianæ fidei studio regnum Italiæ plurimum illustrasset.

Idem annus Gundoldi, Theodelindæ germani, Ducis Astensis funus extulit, cum sagittâ, incertum à quo missâ, confossus interisset. Is geminos ex se filios reliquit, Gundopertum, & Aripertum, qui postea Longobardis imperavit. Fredegarius auctor Appendicis ad D. Gregorij Turonensis historiam, Agilulfum & Theodelindam accusat necis Gundoldo illatæ, eò quòd homo peregrinus visus esset justo populariùs Longobardorum studia sibi conciliare, & regno imminere, eum proinde, velut regni æmulum, ab Agilulfo, consciâ Theodelindâ, fatali telo fuisse confixum. Istam Fredegarij criminationem Theodelindæ probissimi mores,

res, qui à S. Gregorio Pontifice Maximo eximiam laudem tulerunt, abunde refutant; nec credibile est, eam fraternæ cædis consilia ullo modo probasse, cum non deessent rationes, mitiore remedio fratris ambitionem castigandi: An Agilulfum sequior aliqua suspicio, quæ nullâ in re, quàm in cupiditate retinendi dominatûs, est flagrantior, ad tale facinus impulerit, non est facile judicare: certè Fredegario sine teste aut tabulis temerè fides habenda non est, qui tamen aliquot fortan annis Paulo Diacono est antiquior, tamen non levium errorum damnatur à probis authoribus: quales sunt, cum eodem libro asserit contra communem historiarum sensum, Agilulfum fuisse Autharij filium, & multis quidem annis Longobardorum Regem, antequam venisset ad Theodelindæ thorum. In Theodelindæ vitâ nullus reperitur nœvus, præter illum, quem fraus trium Episcoporum ipsi specie pietatis asperfit. Cum Laurentius Mediolanensis Episcopus rebus humanis exemptus successorem reliquisset Constantium, virum egregiè Catholicum, qui tria Capitula ex actis Chalcedonenſis Concilij expuncta ex Ecclesiæ Romanæ sententiâ damnabat, tres extiterè Constantio adversarij Episcopi, qui cum velut Concilij violatorem criminabantur. Idem simplicem Theodelindæ credulitatem sic occupârunt, ut ipsa à Constantij communione palàm abhorreret, donec per Gregorij Magni internuntios edocta, fraudulentæ trium Episcoporum machinationes detestata est, mirâ fidei Catholicæ constantiâ, quam ad ultimum usque spiritum cum laude tenuit. Istorum capitulorum unum erat de laudibus Theodori Mopsuesteni hæretici: alterum erat, Epistola Ibæ Edesseni Episcopi Nestoriana: tertium continebat scripta Theodoretæ Cyri Episcopi contra Cyrillum Alexandrinum pro Nestorio edita.

*Paul. Diacon.
Aimoin. l. 3.
c. 80.
Regino l. 1.
an. 517.
Sigeb. an. 592.
Sigon. de
Regn. Ital.
an. 590.*

XIIX.

THEODE-
LINDA DE-
CAPITUR A
TRIBUS EPI-
SCOPIS.

Cæterùm, Adalvaldus Theodelindæ filius lentâ veneni peste sublatus interiit. Aliqui volunt à Longobardis exauetoratum, ob delirium & cædes optimatum: Gordonus Theodelindæ mortem refert ad annum DCXXIV. Ejus filia Gundeperga Arioaldum Ducem Taurinensem à Longobardis regno impositum, maritum accepit. Referebat illa moribus integerrimis maternas Theodelindæ virtutes; ejus pietati ferunt in acceptis templum Ticinense D. Joanni Baptistæ sacrum. Castissimæ Reginæ constantiam, quod magnarum virtutum vesticulum est, Deus orbi voluit reddere conspicuam rebus adversis. Cum eam Adalvaldus quidam, summo inter Longobardos loco natus audisset, laudasse comiter habitum formamque, quæ in eo vilebatur digna homine nobili, ratus homo levis, se Reginæ non oculis modò, sed etiam animo placuisse, ausus est illam de stupro appellare: Illa os impudens sputo confusum castigavit. Homo spurcus, amens ignominie dolore, & metu, ne proditum à Reginâ facinus foret sibi apud Regem capitale, scelus edidit execrandum. Nactus secreti colloquij cum Arioaldo facultatem, hanc calumniam commentus est in Reginæ caput. Forsan (inquit) ignoras, ô Rex, strui vitæ tuæ insidias, & à tuâ quidem conjugè? Obstupeſcenti, fabulam sic pertexuit. Ita verò (inquit) res habet, ne dubita. Gundeperga Rationem, (Tatonem & Rationem nominant quidam) Ducem Heturiae, te spreto, deperit, & fert in oculis: & quòd deterius est, ejus ambit nuptias, quas etiam tuo capite regnòque pacisci non est verita: quam ad rem tibi pestiferum craterem veneno comparavit. Præcipites ferme sunt talibus fraudibus suspiciones, & nimis credula Magnatum ingenia. Cum nefarius calumniator indicia affingeret, Rex dicenti fidem habuit, jussitque mox inauditam Gundepergam in arcem Amelli conjici, & haberi in vinculis, in quibus per triennium egit ærumnosam vitam. Cum non audiretur misera, Clotharius Francorum Rex, suscepto innocentis castimonie patrocinio, per legatos Arioaldum monet; meminisset, Gundepergæ injuriam ad Franciæ Reges pertinere: indignum esse solâ nefandi accusatoris fraude damnari, & eo quidem judicio, quod ne in vilissimum quidem caput, nedum in regiam conjugem possit exerceri: Quæ deinceps innocentia tuta futura sit, si Reginis, ipsisque Regibus sine patrono, sine teste, indictâ causâ, sit per eundem, si ad hominum perniciem satis causæ sit, à nebulonibus accusari? Cum

*GUNDEBER-
GA THEO-
DELINDÆ
FILIA CA-
LUMNIIS AP-
PETITUR.*

XIX.

*GUNDEBER-
GA A CLO-
THARIO RE-
GE FRAN-
CIÆ LIBE-
RATUR.*

Arioaldus jure factum ad cavendas Gundebergæ insidias causaretur, Ansoaldus, unus è Legatis; Si legum, inquit, judiciorumque præsidia negas innocenti, hoc saltem da Longobardorum moribus, ut ferro causa decidatur: Mars esto judex, litæmque duello decernat. Conditio reiçi non potuit, Longobardorum usu firmata, ut crimina nobilium singulari certamine purgarentur. Committuntur partes Reginae defendendæ Ariperto Gundebergæ, ex Gundualdo fratre, nepoti, qui Pittonem (Carellum vocat Paulus) vicarium in arenam produxit adversus Adalulfum. Victoria stetit penes innocentiam, prostrato calumniatore, Reginaeque absolvit. Arioaldus vinculis exemptam, in priorem gratiæ honorisque locum restituit, ei que usque ad annum DCXXXVII. convixit.

Plant. in Captiv.
Varro de ling. Lat. lib. 6.
Cic. de leg. 1. 2.
Liv. lib. 6.
XX.
Liv. lib. 1.
1. Reg. c. 17.
Greg. Turon. lib. 2.
Franc. Hist. Dithy Creten. lib. 3.
De bello Trojan.
C. Monomachiam. 2. q. 1.
C. 1. de Cleric. pug. in duell. c. 2. eodem.
C. Mennam. 2. q. 1. 23. q. 8. 22. q. 2. lib. 1. leg. Longobard. tit. de Monomach. 1. fin. de conf. mort.
lib. 1. de leg. Longob. 1. 1. convitijs. 1. 1. si quis dixerit. tit. qualis. quis se def. lib. eod.
Vide Belissarium lib. de singulari certam. & ex eo Gregor. Tölofan. Synagm. lib. 48. c. 16.
Maximil. Bethan. Tö. 11. memorial.

Monet nos duelli istius mentio, ut ejuscemodi pugnae originem, leges, modumque referamus. Duellum, veteres promiscuè quodvis bellum appellabant. Seriùs ea dictio certamini singulari est attributa velut propria, ad designandam Græcorum Monomachiam equestrem juxta ac pedestrem; inter duos. Aliquando intercedebat autoritas publica, vel ut bellum, aliæque lites duorum periculo finirentur, vel ut illatum crimen refelleretur, vel si quando munera gladiatoria populo dabantur. Talis fuit dimicatio Curiationum & Horationum, Goliae & Davidis, duorum puerorum, quorum alter pro Vandalis, alter pro Suevis de Hispaniæ dominatu certarunt. Ab his non abluferunt Trojana certamina, ab Achille proposita propter devictum Hectorem. Fuerunt etiam privata duella, vel ad ostentandas vires, vel ad sumendam vindictam sponte suscepta: de quibus videri possunt Pontificum Regumque leges.

Olim Monomachia præcipuè spectabat ad purgationem (ut vocant) vulgarem, quam demum sacrae sanctiones vetuerunt. Id genus duelli viguit apud Germanos, Hispanos, Gallos, & omnium maximè Longobardos, apud quos sic obtinuerat consuetudo, ut, quemadmodum dixit Rotharis Rex, *Lex impia* vetari non posset. Eandem ob causam, ut stulta & immanis ista carnificina, quæ subitariâ prohibitione commodè nequibat abrogari, minùs exorbitaret, leges fuerunt statuendæ, quales sunt inter Longobardicas, *Lex finalis* de maleficijs, & aliæ; inter Gallicas, *Lex Philippi* Regis anno MCCCVI. Crimina, quæ ad hoc certamen revocabantur, apud Longobardos erant: si mulier accusabatur maritum veneno sustulisse: si quis alterum cuculi, sive thori per uxorem violati, nomine per contumeliam notasset; si diceret, se ad venditionem prædij per vim adactum: verbo, si rei, quæ in dubium veniebat, veritas aliter non posset probari: ut si quis alteri obijceret crimen læsæ majestatis, parricidij, homicidij cujusvis tempore induciarum, adulterij, incendij, furti, fraudati depositi. His addebant Germani dotis allatæ repetitionem.

In Galliâ Philippi Regis edictum verabat duellum, nisi 1. liqueret crimen esse commissum, sed non liqueret, quisnam commisisset. 2. ut crimen esset capitale, idque clam, aut proditoriè admissum. 3. ut ex conjecturis, qui provocabatur, de crimine esset suspectus. 4. ut sine præviâ causæ cognitione duellum non concederetur, & non nisi ab eo quidem, qui vitæ & necis haberet potestatem: ideoque privati, qui citra Judicis istiusmodi autoritatem pugnabant, non erant immunes à crimine læsæ majestatis.

Apud Germanos tria fuerunt loca, in quibus Principis arbitrio duellum committebatur: Witteburgum, Anspachium, & Hala Suevorum. Solis licebat nobilibus ex equestri sanguine. Si victus in arenâ supervivebat, per omnem vitam infamiâ notabatur, barbam non radebat, eratque exors publicorum munerum. Si occumbens necabatur, donabatur honestâ sepulturâ. Victor domum in triumpho reducebatur, & verax habebatur, capaxque publicæ dignitatis.

Forma judicij & certaminis hæc erat apud Gallos. Qui vocatus ad causam dicendam ad diem dictam non aderat, ut contumax ex eo tempore damnabatur, ejusque effigies, in signum damnationis, publicè in compitis affigebatur. Si vadium obibat, poterat, quæ in rem suam, & innocentiae defensionem erant, modestè adversario obijcere, & pignus certaminis, quod ferè chirotheca erat,

recu-

recusare, præsertim si crimen non esset de eorum genere, quæ duello purgarentur, vel nullâ esset probatum conjecturâ. Quod si vellet certamen addicere, dicebat, provocatorem esse mentitum, idque se demonstraturum, auxilio Dei paræ Virginis & S. Georgij, pio duello, quod vel per se, vel per vicarium obiret, eoque dicto pignus certaminis accipiebat. Causâ utrinque dictâ, Judex pronuntiabat, se, re cum consultoribus discussâ laturum sententiam ad certam diem, quâ redire debebant litigantes, utrûm lis duello esset decernenda.

Statâ die, dicebatur sententia, & si quidem erat confligendum, constituebatur locus, dies & hora conflictûs, nominabatur arbiter certaminis, qui præfesset, nec posset recusari à provocante, isque juris militaris apprime peritus, qualis erat Præses provincie in causâ læsæ majestatis, vel dux exercitûs, si pugnabant milites. Provocati erat, genus armorum eligere, locum utrique communem, minimèque suspectum. Catadromus palis, vacerris, jugatis longurijs & repagulis sepiebatur, centum viginti passuum longitudine, latitudine passuum octoginta. In eo duo tentoria, dextrum provocanti, lævum provocato: Arbitro locus erat medius. Pugnaturs suum cuique in mensulâ mantile, ænophorus, & panis. Liberum erat utrique alia secum adferre edulia, quantum satis esset ad unius diei annonam. Ante diem decretorium seriò monebantur ab amicis primùm, deinde à viris religiosis, ne temere, adversante Deo & conscientiâ, pro falsitatis asseveratione descenderent in arenam: edebant juramentum calumnie, peccata sacerdoti confitebantur, verabantur uti magiâ, præstigijs; in medio catadromo provoluti in genua, manus pectinatim implexas mutuò jungabant, rursûsque jurabant se non fallere: cæsaries illis detondebatur in orbem. Tum arma dabant lustranda, seque identidem crucis signo muniebant: denique armati ad catadromi extrema recedebant. Pòst per præconem prohibebantur spectatores gestare arma, habere equos, arenam ingredi (excepto iudice, & singulorum commilitonibus, sive patrinis) stare erecti, ne certaminis conspectum interciperent. Ad extremum feciales innixi repagulis, indicto silentio, ter exclamabant ad spectatores: Sinite bonos pugiles concurrere! deinde ad pugiles: Facite vestrum officium. Præses verò, quem vocabant campi mareschallum, ter altâ voce clamabat: Sinite hos abire! projiciebâtque pignus in mediam arenam. Ad extremum pugiles conseriebant manus. Si primo die ante solis occasum neuter vinceretur, postera luce redibant ad certamen. Quod si alter pugnantium culpam fatebatur, vel extra septum, metu aliave culpâ, procurrebat, pro victo habebatur. Qui adversarium prosternebat, sive viveret prostratus, sive esset mortuus relicto in arenâ corpore, se Judici, vel Principi sistebat, quærens, an functus esset officio, & solvebatur à certamine. Devictus à paludatis præconibus exarmabatur, ruptis armaturæ ligulis, & arma per catadromum spargebantur, jacebâtque humi, sive vivus, sive exanimis, donec Judex statueret, quid eo factum vellet. Ejus bona fisco addicebantur: Victori satisfaciebat. Quod si uterque occumberet, contra provocantem pro reo pronuntiabatur, eò quòd actor non probâisset. Victus, si super viveret, victoris arbitrio mittebatur, modò ne turpia imperaret, qualia erant nobilem agros colere, fodere, pecoris custodem agere, tractare servilia, haberi sæviter. Nulli ad duellum admittebantur infames, desertores exercitûs, cæpiones, aliquâ vitæ turpitudine notati, intestabiles, qui dominum in prælio deseruissent, coloni, villici, capitali crimine damnati, deportati, hæretici. Fas erat in suum locum subrogare alium, si ignobilior provocabat nobiliorem, non contra: Item si provocatus minor erat viginti quinque annis, vel major sexaginta: si mulier accersebatur adulterij: si servus absens furti accusabatur: victo subrogato, subrogans victus censebatur. Si provocatus membro aliquo ad pugnam habili mancus erat, provocator eodem in pugna non debebat uti. Hæc de veteribus duelli legibus.

Arioaldo Gundebergæ reconciliato, & sine virili stirpe mortuo, Longobardi, convocatis creando Regi comitijs, Reginæ viduæ optandi mariti, Regisque potestatem

GUNDEBER-
GÆ REGINÆ
SECUNDÆ
NUPTIÆ.

statem, ut antè Theodelindæ, fecerunt. Optavit illa Rotharim Harodum, eo loco dignissimum, nisi magnas naturæ dotes pestis Ariana, & in uxorem sævitie corrupisset. Regina prius, quàm ipsi nuberet, hanc legem dixit, voluitque iurejurando sanciri. *Regnum, inquit, ad te, Rothari, amplissimam dotem adfero. Sed prioris meæ calamitatis memoria à me exigit, ne tecum paciscar nuptias, nisi secura, constantisque in me fidei, quod à te exigo, pignore. Quod si renuis, & dotem, non me affectas, à meo thoro te jubeo abstinere: sin interpositâ juramenti religione, quam postulo, immotam mihi charitatem, quæ me ab injurijs tutam, intactâque præstes, sanctè polliceris, à te præterea nihil posco.* Rotharis prolixè omnia, & petitis longè majora juratus addixit, nullam conditionem regnandi causâ respuendam ratus: Verùm ubi regni habenas tenuit, fortunæ æstu, & ingenij malignitate abreptus, Gundebergam in-

CAPTIVITAS.

felici natam fidere, ut conjugio nunquam felici affligeretur, apertis odijs cœpit averfari, eoque devenit immanitatis, ut bis miseram crudelis maritus, à suo conspectu proscriptam, intra Ticinensis arcis parietes clausam habuerit, ne vel delatâ regni beneficium exprobraret, vel reposceret. Dura captivitas ferream Gundebergæ patientiam quinquennali mterore gravissimè exercuit, donec è Franciâ legatus rursus adfuit, qui Rothari nomine Dagoberti Regis pium bellum indixit, nî Reginam mox publico redderet, & pristinæ dignitati. Fredegarius contra temporum rationem Clodovæo legationem adscribit: cujuscunque ea fuerit, Rotharim perculit armata legati oratio, ut conjugem per omnia templa, triumphantis more, circumvectam, regio deinceps cultui, thoroque maritali restituerit, seu bonâ, sive coactâ fide, eoque non optimâ.

LIBERATIO.

THASSILO-
NIS EXCES-
SUS.
Arenpek lib.
2. c. 3.
GARIBAL-
DUS II.
THASSILO-
NIS SUCCES-
SOR.
VINCITUR
A SLAVIS.

XXII.
Edit. Basileen.
an. 1552.
ET SLAVOS
VINCIT.
Paul. Diac.
l. 4. c. 12.

Quas res memoratu dignas interea Boij gesserint, Annales prefferunt alto silentio, usque ad obitum Thassilonis, cujus è vivis migrationem, promptum non est certo tempori adscribere, quamvis Paulus Diaconus obscuris conjecturis locum faciat, ut videatur anno circiter DXCVIII. fati concessisse. In demortui locum quidam sufficiunt Garibaldum Theodelindæ patrem ab exilio reducem, & denuo fascibus admotum: sed Paulus Diaconus, quem sequimur, Garibaldum disertè vocat filium recens defuncti Thassilonis, recensetque factum, quod unum memoriæ proditum est, eum videlicet cum Slavis, quos Jornandes & Aimoinus vocant Venedos, bello esse congressum, cum illi, factâ in Bojariam irruptione, prædas latè agerent, circumferrèntque metum. Et tum quidem Garibaldus, collectis confestim copijs, ad Aguntum, (Maguntum habent quædam Pauli exemplaria) ausus conferere manus, adverso Marte conflixit, victus fugatusque ab hoste. Verùm collecto rursus exercitu, cum Slavi successu insolentes impotentiùs grassarentur, Garibaldus denuo in pugnam coortus, non acceptam modò ignominiam delevit, sed etiam prædâ exculsâ hostem exegit è Boicæ finibus. Eundem è Gilulfi Forojuliani Ducis filiabus unam sibi matrimonio junxisse, Paulus ipsâ brevitate obscurus ostendit, cum scribit, ex quatuor filiabus, unam Alemannorum Regi, aliam Bajoariorum Principi nupsisse: quibus ex verbis hoc quoque licet suspicari, jam eâ tempestate, mutato Regis nomine, Boicæ Principum dignitatem, inductâ Ducum appellatione à Francis fuisse imminutam. Alterum est, quod ad rem nostram spectat, velut proprium Boicæ affinitatis encomium, quod in ipsum Principum sanguinem, ex virtute conjugis Garibaldi II. derivatum est, præteriri non debet sine honorificâ mentione, quæ ut fiat clarior, Gilulfi fortuna paucis est memoranda.

AN. CHRIST.
DCXV.
CACANI IN
FOROJULI-
ENSES IRRU-
PTIO.
GILULFUS
CADIT IN
ACIE.

Cacanus Rex Avarum adolescens, cum innumerâ multitudine è Pannoniâ Venetorum fines ingressus, ex improvîso Forojulensem agrum anno DCXV. invasit. Gilulfus tristi irruptionis nuntio excitus, coegit, quantas per festinationem licuit, Longobardorum copias, reique summam commisit unius pugnæ discrimini. Verùm virtutem fortuna, paucitati bellatorum frequenter iniqua, destituit. Gilulfus fortissimè dimicans, cum immensam barbarorum molem non sustineret, à circumfufis obrutus occubuit. Ejus uxor Romilda, cum Longobardis, qui cladem evaserant, se Forojulium recepit. Eodem confluit ingens turba

ma-

matrum & liberorum. Alias munitiones ceteri Longobardorum tenuere praefidijs. Aderant Romildæ octoni ex Gilulfo liberi, filij quatuor, Taso, Cuto, adolescentes; Rodoaldus & Grimoaldus admodum pueri. Filiarum uni nomen Pappa, alteri Gaëla, tertiæ & quartæ nomina non sunt edita. Avars, posteaquam omnia circum ferro, rapinis, incendijs pervastaverant, Forojulio admoverunt obfidionem. Dum locum oppugnant, contigit, ut Romilda, Cacanum mœnia circumequitantem è muro lascivius conspicata, infano juvenis amore caperetur, quocum insaniret, Cacano renuntiat, nihil opus esse majore vi; si amore mallet, quam ferro Forojulium, & quicquid Gilulfi fuisset, possidere. Omnia fore ipsi prona & aperta, modò ne viduæ thorum aspernaretur, quæ seipsam ad geniale fœdus, suaque pro dote offerret. Cacanus mulieris impudentiam animo detestatus, accepit tamen, in speciem, oblatam conditionem; sed fidem sùsque deque habuit. Nam Forojulio receptus, urbem hostilem in modum diripuit, redegitque ad incitas: tum incendio sæviit in tecta, civelq; omnes in vincula coniectos abduxit, cum promissis, fore, ut in Pannonijs justum agri modum, faciendis colonijs, viritim captivis divideret. Sed quæ fuit barbari perfidia, mares omnes adultiores in campo, quem sacrum vocabant, ne res novas in Pannoniâ molirentur, jussit obtruncari; mulieres verò ac parvulos teneri captivos. Quâ crudelitate perculsi Romildæ filij, conscensis equis, arripuere fugam: è quibus Grimoaldus puerulus lachrymis à fratre impetravit, ut, quamvis imbecillo, & equitandi insueto, liceret unà fugere. Quare equo impositus, cum fratres, effulsis habenis fugientes, sequeretur, nec posset assequi, Hunnus quispiam tardius equitantem è fugâ retraxit, nec habuit tamen inhumaniter, quòd misereretur ætatis & formæ, quæ in puero erat pervenusta. Eum prædo, apprehenso jumenti freno, ducebat in castra, cum puer non ferens captivitatis ignominiam, facitus edidit, quale vix in viro requiras. Stringit gladiolum, Hunno nihil tale notante, & vulnus præeunti inflixit eo nisu, ut cerebro sauciato, equo effusum prosterneret: tum converso, ad fugam repetendam, jumento, suâ lætus victoriâ recurrit ad fratres. Romilda, cujus scelere tot mortales perierant, in nuptiarum nuptiarum unice noctis usuram consecuta est, inter patriæ ruentis busta, & cædes: Barbarus sic miseræ illudit, ne fidem fefellisse videretur, utque redderet execrabilem, tradidit violandam duodecim Avarum libidini: demum velut cœclitibus, hominibusque detestandam, jussit in medio campo, spectante multitudine, palo infigi, cum dicto, tale monstrum fœminæ, marito ejuscemodi esse jungendum. Supererant quatuor Gilulfi filiæ, matri longè dissimiles, quæ arte laudatissimâ triumphum sunt promeritæ, defensæ à turpissimis hostibus castitatis. Ut Avarum libidinem averterent, mamillis applicuerunt crudas pullorum carnes, quæ in purulentam mephitim resolutæ, tantum fœtoris exhalabant, ut Avars, intolerabili graveolentiâ rejecti, eas cum execratione fugerent, probri loco jactantes, Longobardis mulieribus ne animam quidem bene olere. Ex istis Heroidibus una, quam Gaëlam, nescio quo teste, fuisse, credit Reusnerus, Garibaldo convenit in manus. Hic annos quatuordecim imperavit, habuitque successorem Theodonem anno DCXII. cum quo Deus magnum Boicæ lumen dedit per D. Rupertum, de quo multa Scriptores tradiderunt.

Tametsi, quod suprâ memoravimus, non defuerunt Boijs divinæ legis interpretes, non tamen eò rem adduxerant, ut, quæ supererant impietatis reliquæ, potiore gentis partem non retinerent, Procerum præsertim, quorum eò major in errando pertinacia, quò licentia morum, & audacia corruptior. Illis enim altè infederat opinio, quasi ab avitis sacrilegijs, quibus suam fortunam stare credebant, omnis Reipublicæ felicitas neceretur, seque futuros demum domi, militiæque infortunatos, si à nefandis turpissimorum numinum religionibus desciscerent: Theodo noster, ex istis tenebris nondum emerferat, quando singulari Dei beneficio Reginotrudem, regiæ Francorum stirpis Principem, thori sociam, & sanctæ fidei magistratam accepit. Eam nonnulli inter Childeberti, Regis Austrasiæ, liberos numerant, alij referunt ad Theodebertum Childeberti filium. Ab incunabulis

ROMILDÆ
VIDUÆ LE-
VITAS.

XXIII.

FOROJULIUM
VASTATUR
A CACANO.FUGA FILIORUM
GILULFI.GRIMOALDI
PUERI FACI-
NUS EGREGIUM.ROMILDÆ
SUPPLICIUM.Aimoin, lib.
4. c. 5.
FILiarum
GILULFI
CASTIMONIA
SERVATA.
Reusner. pag.
181.THEODO
GARIBALDI
SUCCESSOR.
AN. CHRIST.
DCXII.

XXIV.

REGINOTRUDEM
DUCIT.

Joan. Steindcl.

D. RUPER-
TUS VOCA-
TUR IN BO-
IARIAM.

initiata sacris Christianis, divini numinis notitiam, amorémque unà cum lacte com-
biberat, ut proinde minùs illi foret arduum, aut peregrinum, sensim maritum, alia-
rum principum fæminarum exemplo, ad pietatis consortium, vel ipsâ probitatis
imagine pellicere. Sed & altiùs ejus dicta factâque penetraverunt in Theodonis
animum, quando, ut erat ipse ad capeffenda fidei rudimenta ob præstantem man-
suetudinem, & lumina rationis, ingenij apprimè subacti, eam audivit de sanctissi-
mis rerum divinarum arcanis explicatè differentem. Auxit addiscendæ verita-
tis desiderium clarum D. Ruperti nomen, & fama, non excellentis modò doctrinæ,
sed etiam prodigiosorum operum, quæ per eum Deus patrabat. Quamobrem
Theodoni placuit illum per honestam legationem in Boicam invitare, suggerente
Reginotrude, quæ virum sanctum, regio Francorum sanguine prognatum, permov-
erat, cum eam latere non posset fama publica ignominia, quam Rupertus apud
Vangiones nuper acceptam, egregiâ Christianæ fortitudinis constantiâ tolerave-
rat. Etenim creatus isthîc Pontifex, cum rem Christianam sedulò propagare
niteretur, nactus est aliquos iniquæ mentis auditores, gentis maximè Proceres,
quos morum corruptela à sancti viri institutione deterrebat. Ducebat in his fa-
miliam Beringerus, alijs dictus Bercarius, qui Catholicæ veritatis odio Ruperto
erat infensus, affixus verò impietati Arianæ. Ipso instigatore Vangiones Ru-
pertum, ludibrijs, flagrisque immaniter vexatum, urbe ejecerunt, eò licentiùs, quòd
Childebertum II. Austrasiæ Regem, qui Rupertum adhuc tutatus fuerat, nuper
fato functum, timere desisissent. Exulem, suæque sede per summam injuriam de-
turbatum, adière Legati Theodonis, à quibus sibi facilè passus est persuaderi, utne
oblatam amplificandæ Christi gloriæ occasionem negligeret. Binos itaque sacer-
dotes cum legatis præmisit ad Theodonem, pòst ipse secuturus.

Arenpeck.
Velfer, lib. 4.
p. 213.
Brunn, p. 1.
lib. 5.

XXV.

VENIT RA-
TISBONAM.

BOIOS DO-
CTRINA
CHRISTI
IMBUTOS
BAPTIZAT.

NORICOS
INSTITUIT.

XXVI.

Quonam anno venerit, difficile est inter variantes scriptorum opinationes
statuere: videtur tamen eorum sententia vero propior, qui Ruperti in Boicam
adventum differunt in annum circiter DCXVI. Nam ab inito Theodonis Prin-
cipatu, hoc est ab anno DCXII. aliquid temporis intercessisse necessum est, quo
Theodo sensim instillatam à Reginotrude Christianæ fidei commendationem, &
amorem reciperet, quod quatriennio minus vix esse potuit. Reginoburgi Boi-
cæ Ducum regia erat, quando Theodo Rupertum accivit. Advenientem, non
secus atque hominem de cælo missum, accepit ipse, & popularium nobilissimi.
Ubi de cælestibus arcanis disputantem audierat, hoc egit inprimis, ut, quam erat
suscepturus religionem, non suâ duntaxat autoritate, sed publico etiam totius
gentis consensu probaret. Persuasit igitur optimatibus, vellent Ruperto, de fide
dicenti, dare operam, ratus, haud fore difficilem plebis, quæ flexi exemplo mallet,
quàm edictis frangi, accessionem, si à nobilitate præiretur. Gnaviter laboratum
est à divinis præconibus, & albescente ad messem segete, dictus est dies sacris ex-
piationibus. Theodo primus omnium se stitit abluendum; secuti sunt Proceres
magno numero, & frequentes populorum greges, qui certatim dabant Christo
nomina, professi, nullam sibi unquam candidiorem diem illuxisse. Cum universa
propè natio lubens & læta, repudiatis erroribus, se præbuisset expiandam, essent-
que passim, qui bene cæpta continenti institutione perficerent; Rupertus totius
Norici salutem animo complexus, à Theodone petijt, liceret sibi, cum bonâ ipsius
veniâ, Danubij accolis, ad quos nondum penetraverat, cælum monstrare. Theo-
do, hunc illi animum impensè gratulatus, rebus instructum necessarijs, passus est
à se divelli. Rupertus navi conscensâ, secundòque navigans Danubio, paulatim
oram omnem, & mediterraneam regionem, oppida, castella, pagos, vicos, inque
ipsâ Pannoniâ haud exiguum mortalium numerum cælesti disciplinâ excoluit, ra-
puitque ad Dei amorém eò faciliùs, quòd passim etiamnum extarent, importatæ
olim à D. Severino aliisque puræ religionis vestigia. Laureaci ingens fructus ex-
tirit, revocatâ ad pristinum splendorem pietate. Cælestem Ruperti facundiam
commendabant integerrimi mores, vitæ eximia sanctitas, depulsæ corporum
ægritudines, quæque fecit supra humanarum virium facultatem. Quibus sub-
fidijs

fidijs posteaquam mortalium quamplurimos Christo adjunxerat, ad Theodonem reversus, indeque in Galliam; ne ipse, paucique adjutores, labori, cui se sentiebant impares, succumberent, socios undecim (Hundius, & Brunnerus contra Raderum duodecim dicunt) accepit, quorum auxilio, in excolendâ domini vineâ, uteretur. In his præcipui fuere Chunobaldus (alijs Chunialdus) & Gisilarius sacerdotes, quorum nomina denique relata sunt in album Coelitum. Redeuntem quoque secuta est Erentrudis soror, vel, ut alij malunt, neptis, ut ne sequiori sexui magnarum virtutum exempla, quæ verbis potiora sunt, deessent. Theodo lætus secundis successibus, ne quando genti suæ insita religio intercideret, Rupertum adduxit, ut sedem stabilem in Boicâ deligeret, unde sacra in posterum peterentur. Delegit ille Juvaviam, hodie Salisburgum, Romanorum olim coloniam, ab Odoacre Herulorum Rege ferro flammâque, ante centum viginti sex circiter annos, excisam. Quamquam Hundius, ab Aventino in errorem inductus, Vidomaro Ostrogothorum Regi everse Juvaviæ facinus adscribit. Cùm eò loci, præter parietinas, & antiqua veteris injuriæ vestigia, vix quicquam superesset, Rupertus instauratâ civitatis formâ, sacra profanâque ædificia cœpit moliri. Inter prima fuit D. Petri sacra ædes & Cœnobium, quod religiosæ vitæ studiosis tradidit incolendum. Fama vetus eundem, D. Mariæ in monte sanctimonialium, Ratisbonensis, & Oetingani Deiparæ sacelli, quorum utrumque vetus est appellatum, Cœnobij Weltenburgi D. Georgio dedicati, S. Petri Seekirchensis, facit conditorem. Virginum Collegio Salisburgi Erentrudem præfecit. Theodo Ecclesiam Pontificiam, & Sanctimonialium parthenonem in Monte Nonnarum lautis possessionibus, vetigalibusque largè dotavit, quibus ipsius posteris haud pauca adjecerunt. Locum ædi D. Maximiliani, cœlesti indicio ostensum memorant Eberardus D. Ruperti discipulus, eumque secutus Canisius. Videlicet montis viscera auro eruendo scrutabantur, Tonazanus quispiam è D. Ruperti familiâ, & è Principis servitio alius, Ledi nomine. Dum gnave incumbunt operi, non sine sacro quodam horrore, fossionis subterraneæ tenebras cernunt illustrari lumine prodigioso, quod mirè commendabat odor majorem in modum suavis, longè superans familiarem domestici suffitus fragrantiam. Ostentum cùm sæpius appareret, fossores deferunt ad Rupertum, qui re per Domningum, virtutis probatæ sacerdotem, exploratâ, crucem in loco jussit erigi, tegique ædiculâ operis extemporanei. Additum est tugurium recipiendis æditimis, quod demum Theodo religiosorum contubernio jussit commutari, operis absolutionem haud dubiè daturus, nisi eum mors in pulcherrimo conatu occupasset. Salinas, à quibus Salisburgo nomen accersunt, Ruperti precibus concessas esse divinitus, opinio à majoribus accepta est, sed quam præscorum annalium autoritas destituit.

SOCIOS
GALLIÆ
ADDUCIT.

B. EREN-
TRUDIS SO-
ROR D. RU-
PERTI.

VARIARUM
ECCLESIA-
RUM ORIGI-
NES.

Canis. 10. 6.
Antiq.

XXVII.

Theodo, antequam expiraret, suprema mandata dedit Theodeberto filio plena pietatis: religionem Christianam constanter retineret, augetet, & tueretur. Rupertum non secus ac parentem veneraretur, & æquis auribus monentem attenderet: Deum sibi virtutum studio demereretur, statueretque apud se, pietatem esse tutelam omnis Principatus potentissimam.

Ab hac Theodebertus gubernationem auspicatus, affectam ædis Maximilianæ structuram duci jussit ad fastigium, & futuris religiosi domicilij sodalibus latifundia, ad tria passuum millia quaquaversum circumducta, liberaliter attribuit. Ledi, & Urso, Theodeberti germani, addidit villam Albinam, & binos Nepotes, Vernharium & Dulcissimum, quos Rupertus in magnam quidem spem excoluit, sed futuros suâ culpâ à Magistro longè degeneres, & Cœnobio perniciosos, unde ejus evertendi principium. Supremam eidem devastando manum imposuere Slavi, tantâ barbarie, ut denique devenerit in antiquam propè solitudinem, fueritque documento, nullum tam sanctum esse locum, vel illustrem prodigijs, quin à Deo possit deferri, si proscripâ virtute, impietas in illum migrarit. Theodeberti liberalitas in Monasterium Nonnarum Salisburgensium longè firmioris disciplinæ, cum patris munificentia certavit. Extant hodièque tabulæ, vel hoc nomine,

THEODO.
MORITUR.

SUCCEdit
THEODE-
BERTUS.

D. MAXIMI-
LIANI MO-
NASTERIUM
VASTATUR.

ROMANI
MANCIPES.

dignæ memoriâ: quòd Romanorum Cœnobijis mancipatorum meminerint; quâ appellatione homines sanguinis Italici licet intelligas, qui, expulsis è Norico & Vindeliciâ imperij Romani præfidijs atque colonis, sese, suâmq; libertatem Bojorum potestati permiserunt, ne à glebâ, cui infederant, abigerentur.

SACELLUM
OETINGA-
NUM.

XXIIX.

*Avent. in
Annal. Hund
part. 1. Me-
trop. Canif.
lib. 2. de B.
Virgin.*

Hæc tametsi ad Ruperti famam, & Principum Bojorum decus apprimè sunt illustria: habet tamen Deiparæ Virginis, quæ castissimâ religione Oetingæ colitur, sacellum, præ cæteris Boicæ templis, à pietate, & divinis, in complures mortales, beneficijs, præcipuam commendationem. Inclaruit illud jam inde à D. Ruperti ætate. Ipsius ædiculæ originem, primâque fundamenta, nulli è vetustis scriptoribus tradiderunt: Ejus tamen insignem vetustatem, non fama duntaxat, sed ipsa etiam ædificij forma, tacentibus licèt libris, loquuntur. In eâ vestigandâ Jacobus Irising, qui cæteris fuit uti recentior, ita & accuratior, refert Aventini, Hundij, Canilij sententiam, Ottonem videlicet Theodonis fratrem ad Oenipontem, quæ erat olim Norici civitas, imperasse, ac de suo, nomen Oetingæ indidisse, cum eam varijs bellorum casibus deformatam reparasset, exornassetque novo palatio: Eundem quoque à D. Ruperto legem Christianam edoctum, undis piacularibus fuisse ablutum. Pro quâ sententiâ describit suspensam tabulam ad portam sacri sacelli versus occasum. Verùm idem author, istum Ottonem unâ cum fratre Theobaldo, Pisonij sive Bauzani, lavacro salutari ablutum, ad commenta referri à Velfero & Gevoldo non dissimulat. Tandem cum nihil repererit certius, in eam concedit opinionem, quæ plerorumque consensione probatur, D. Rupertum sacellum Oetinganum sacris ritibus Deo consecrâsse ad D. Virginis Matris honorem, abolitâ septem planetarum, qui antea eò loci colebantur, religione. Ejus rei vestigium aliquod superest, in obscuro licèt, & simplici sacelli ædificio, quod heptagoni specie ductum, more veteri, modicis intervallis rotidem refert cellas, quot planetæ in cœlo numerantur. Istam opinionem credo esse retinendam, donec certius aliquid elucescat. Id verò certum est, istud avitæ pietatis domicilium hucusque singulari Numinis beneficentiâ fuisse illustratum, tum ob miraculorum frequentiam, tum ob singularem sensum pietatis, quâ multæ hominum myriades quotannis eò trahuntur, perfundunturque subinde miris solatijs ex præsentî divini spiritûs benignitate; unde locus meritò præstans Boicæ pietatis sedes haberi queat.

D. RUPERTI
EXCESSUS.

XXIX.

AN. CHRIST.
DCXXIX.
*Catalog. M.S.
Episc. Lau-
renc. c. 7.
Brusch.*

Hund. de ipsâ.

D. VITALIS

RUPERTO

SUCCEdit.

Append. Greg.

Turon. c. 23.

Fredeg. c. 52.

Aimoin. lib.

4. c. 11.

RODOALDI

BOII INFE-

LIX FORTU-

NA.

Secundùm hæc, Rupertus cœlo maturus, accepto cœlitus nuntio de momento beatæ æternitatis adeundæ, cum rem Christianam in Boicâ plurimùm auxisset, discipulos jussit Vitali, notæ sanctitatis viro, morem gerere; tum ingravescente morbo per quadraginta dierum jejunia, festâ Christi à morte redivivi luce, quæ in 6. cal. April. inciderat, collectis viribus, sacris operatus, supremo se viatico muniit, & suos postremùm affatus, ad virtutum amorem suavissimè incitans, inter complorantium ulnas, & festivos, qui audiebantur, Angelorum cantus, spiritum cœlo transmisit. Justa ejus funebria visi sunt, aspectabiles vestitu candido, cœlestes genij celebrâsse. Dies ejus natalis translatus est in 8. cal. Octobris, quòd eo die sacra ejus Lipsana è D. Petri templo, in ædem principem, recens à D. Virgilio conditam, fuerunt ritu solenni illata, anno DCCLXXX. Obijt autem juxta certiorum calculum anno DCXXIIX. cœloque receptus, Boicæ Apostolus, & tutor audiit. Proximo, qui ejus excessum secutus est, anno, Erchenfridus Passaviensis Episcopus, ab Honorio Pontifice Max. (uti creditur) Româ pridem transmissus, posteaquam ope Theodeberti Bojorum Ducis, Pataviensem Ecclesiam, superiorum temporum injurijs vehementer afflictam, erexerat, gubernârâtque per annos sex supra viginti, felici morte defunctus est. In ejus locum successit Othocarus.

Eodem, quo D. Rupertus, anno, vivere in terris desijt; D. Vitalis, quem suis ille discipulis commendaverat, in defuncti sedem fuit evectus.

Sub hæc tempora, in Austrasiâ res accidit digna, quæ litteris transmitteretur ad posterorum memoriam, & exemplum, unde suos casus viri clari, quos altiùs fortuna extulit, pertimescant. Rodoaldus gente Bojus, apud Austrasios illustris, ir-

repsérat

repperat in benevolentiam Dagoberti Principis, qui, vivo etiam parente Clothario, præerat Austrasiæ. Eum Dagobertus Arnulfi præsulis & Pipini palatio præfecti, consilijs, hortatûque ad honores supra mediocritatem evexerat. Verum Rodoaldus, tumido vir ingenio, rebus inflatus secundis, quibus ægrè modum statuit humana cupiditas, indices altiora spirare, insultare aequalibus, majores aspernari, insidiari dignioribus, stolidè multa agere, temere haud pauca peccare, sua prodigere, inhiare alienis, Boicum sanguinem immodicè jactare, provocare Francorum invidiam, ægrè ferentium hominis peregrini mores & magnitudinem, quam sibi potius, quam extero credebant deberi, tandemque, siue malorum criminatio- nibus, siue peccandi licentiâ cœpit incurrere in odium Dagoberti. Tempus op- portunum duntaxat, non causa, neque voluntas deerat sumendi de vecordi homine supplicium, nec tamen Dagoberti iracundia sic clàm habebatur, quin ex mutatâ vultûs serenitate, sermone rariori, & verbis solito frigidioribus, signa, si non extin- ctæ, at saltem oppidò mutatæ, & languentis dignationis promicarent. Inde orie- batur insueta aulæ, aulicorûque in eo colendo negligentia. Afflavère hæc ani- mum Rodoaldi sinistrâ suspicione mali impendentis, stimulante præsertim consci- entiâ, quæ cum non sinebat nisi dira ominari. Quare territus, capeffit fugam, eva- ditque ad Regem Clotharium. Apud hunc multa conquestus est de æmulorum iniquitate, qui, merâ ducti invidiâ, crimina de innocente essent commenti, nec cau- sam habuissent aliam calumniarum, quàm quòd eorum malignitatem ureret ho- minis de Dagoberto benemeriti fortuna, & sincera fides. Se interim opprimi, periclitari innocentiam accusatorum dolis, qui Dagoberti auribus & simplicitati imponerent, & ex fidi hominis ruinâ sibi gradum ad majora somniarent. Vellent proinde Clotharius autoritate paternâ misero opitulari apud filium, qui tot occu- patus fraudulentorum hominum accusationibus, à solo patre reduci possit ad men- tem mitiorem. Fecere hominis lamenta, ut Clotharius, simul ac fuit conveniendi Dagoberti copia, hortaretur, ne Rodoaldum, inanibus oppressum calumnijs, vellet perditum. Dagobertus, irâ in præsens dissimulatâ, ne parenti iusto minùs deferre videretur, spem fecit veniæ, si quæ Rodoaldus improbè gesserat, factis melioribus castigaret. Hæc in speciem dicebantur, altiùs enim in pectus descenderat vin- dictæ cupiditas, quàm ut verbis posset ilico abstergi. Credidit tamen Rodoaldus se, pro voto, in pristinum gratiæ locum esse repositum. Quare suæ jam vitæ, fortu- næque securus, cum Dagoberto in Austrasiam regreditur, incogitans, Regum iras, etiam cum mitigatæ videntur, esse metuendas. Ut venerat in æmulorum caßes præda petita, ne elaberetur, à Dagoberto impetrant, ut, nullâ interpositâ morâ, li- ceat manus illi violentas inferre. Facinus in se suscepit Bertarius Scarponensis, cujus ferro, ante regij cubiculi fores, fuit obtruncatus. Ita jacuit fortunæ ludi- brium, quæ, si quando magna dedit longis curis, & laboribus, eadem momento ra- pit, evertitque irata.

Lætiora sunt, quæ Rex Clotharius è Galliâ per Eustasium, Luxoviensis Asce- terij Archimandritam, per id tempus Boicæ transmisit. Fuit Eustasius natione Burgundus, claris natalibus, virtute clarior. Primum vitæ sanctioris tirocinium posuerat in scholâ D. Columbani, eoque magistro fecerat tantos progressus, ut Luxoviensibus sodalibus præficeretur. Etenim Columbanus, qui ante viginti annos ex Hiberniâ, patrio solo (Paulus Diaconus Scotum vocat) delatus in Gal- liam, insignem virorum præstantium coloniam Luxovij, religiosæ vitæ præceptis institutam, educaverat, quando Brunechildis Regina insidijs inde ejectus in exi- lium abiit. Burgundionibus eâ tempestate imperabat Theodoricus Rex, Colum- bano familiarissimus, totâ ferme regni curâ, & administratione penes Brunechil- dem aviam relictâ. Erat Theodoricus moribus ad infamiam obscœnis, cui malo Columbanus ut medicinam faceret, quâ minis, quâ benignioribus monitis illum denique permovit, ut, proscriptis pellicibus, ad legitimum thorum aspiraret. Avia metuens, ne, si quam uxorem duceret, eadem & nepotis animum, & fasces occu- paret; ambitionis, cui nihil est inviolabile, stimulis agitata, Regi suadet, persuadet-

XXX.

*Jonas Scotus
in vita Eusta-
sij, vel Bedæ
juxta Baron.
Paul. Diacon.
l. 4. c. 15.
XXXI.
EUSTASII
IN BOICAM
ADVENTUS.*

Aimoin, lib.

que, ut Columbanum, quasi exoticos, & à cæterorum Monachorum institutis dissonos mores in Asceterium induceret, Luxovio proturbaret. Quare vir sanctus coactus est locum Eustasio cedere. Discedens, Regi, insanis rursus concubinarum amoribus per aviæ fraudes irretito, vaticinatus est, fore, ut regia stirps universa brevi radicitus evelleretur. Vaticinio fides constitit intra triennium, quando Theodorico fulminis ictu sublato, Brunechilde ignominiosè extinctâ, interfectis simul senis/spurijs Theodorici filijs, justus hæres nullus superesset, Clotharius, quod Columbanus prædixerat, Regnum invasit.

Degebat tum vir sanctus in Bobiensi cænobio, quod ipse in Alpibus Cortijs, quædraginta passuum millia ab urbe Papiensi, Agilulfo Rege, & Theodelindâ adjuvantibus, condiderat. Eò profectus Eustasius, verbis Regis Clotharii, & ascetarum Luxoviensium infimis precibus, prolixè institit, vellet bonus senex ad suos filios in Burgundiam reverti. Verùm ille sentiens se propediem ad cælum iturum; Aliò, inquit, cursum intendimus, aliò vocat Deus: de revisendo Luxovio, non est quod cogitem: neque tu, si morem gesseris Numini, illuc tam citò es rediturus: Boica tibi prius adeunda est, atque illic ponenda opera in divinæ legis explicatione. Paruit Eustasius, utilèmq; operam, vivo adhuc D. Ruperto, in erudiendis Boijs posuit. Sed cùm rebus necessarijs domum revocaretur, ne agrum Domini cultoribus vacuum destitueret, è Luxoviensi Cænobio manipulum præstantium virorum in bene cæptos labores immisit, qui tam sancto operi impigrè succedaneam manum admoverunt. Eo factum, ut Boica duplici nomine salutis suæ beneficia deberet Gallicis Evangelij præconibus, qui è Ruperti, Eustasique disciplinâ prodierunt.

FUNESTUS
AGRESTINI
PSEUDOMO-
NACHI EXI-
TUS.

XXXII.

Sed malè vertit Agrestino, qui ex Theodorici Regis libellione, factus nomine potiùs, quàm re verâ Luxovij Monachus, contra Eustasij mentem, citràque divinæ vocationis auspicia, proferendæ in Boicâ religionis magisterium, cùm arrogans, sibi que præfidens invasisset, docerètque verbo non optimè, quod malis moribus improbabat, non oleum modò & operam perdidit, sed etiam ob inanem loquacitatem habitus contemptui, demum linguam venalem Romanæ fidei adversarijs eousque commodavit, donec alieni thori violator, servuli manu impactâ securi funestum finem accepit.

THEODE-
BERTO DUCI
SUCCEDIT
HUGIBER-
TUS.

AN. CHRIST.
DCXXXX.

BULGARO-
RUM INTER-
NECIO.

Theodeberto Duce in Boica rebus humanis exempto, Hugibertus successit, cujus præterea nulla est in Veterum Annalibus memoria; sive ob scriptorum inopiam, sive, quòd nullum dederit scribendi argumentum; quòdque facta illustria, quæ vulgò ab armis petuntur, Francorum, Boicæ imperitantium, fortunæ tribuerentur. Certè nihil fuit, cur Boij famam ex Bulgarorum cæde, per Francos id temporis collectam, sibi vellent attribui. Dagoberto annum nonum regnante, is videlicet sexcentesimus quadragesimus fuit, Avars contra Bulgarios in atrocem contentionem exarserunt: Bulgari prælio superati, regnum, patriamque perdidierunt. Lis illis erat de Rege creando: Rege enim, qui utrique genti jura dederat, mortuo, disceptârunt inter se, an successor ex Avaribus, an è Bulgarorum sanguine esset assumendus: cùm inter eos non convenisset, ad arma ventum est, quæ Bulgaris improspira fuerunt. Qui ex illis cladi superfuerunt, duodecim virorum millia, solo natali exacti, novas à Dagoberto sedes rogaverunt, quas inter Francos, hostes olim capitales, incoherent, quam conditionem ultima necessitas invitis exprimebat, ratis, ne isthîc quidem desperandos esse lares, quando præterea nihil esset uspiam, quod sperarent. Dagobertus consilij ambiguus, gentem ferocem ne, suo periculo, in sinum reciperet, nè, si orantes omnino rejiceret, rejectorum arma cogeretur experiri; quod proximum fuit, exules jussit tantisper in Bojariâ pedem figere, dum certiora de ineundis colonijs expectarent.

Distributi per contubernia, responsum opperiebantur, cùm Boijs à Dagoberto clam venère mandata, ut repentè omnes, quotquot terris receperant Bulgarios, unâ cum conjugibus, atque liberis, unâ eadèmq; nocte, ex condicò trucidarent. Necem evalit cum octingentis Alriceus, qui miserabiles gentis suæ reliquias,

XXX
III.

liquias ad Valduccum Venedorum Ducem traduxit. Dagobertus, post eam Bulgarorum carnificinam, septennio superfuit, quo tempore, credibile est, cum Boicas leges emendasse Agilulfi operâ, quem Vellerus ex Agilolfingorum stirpe ortum suspicatur, ob affinem nominis originem; eoque Boijs gratiorem, quod eorum mores haberet cognitos, & melius, quàm cæteri, quos Dagobertus singu- Leges Boi-
larum nationum novandis institutis adhibuit, nōset jura Boijs attemperare. ca.
Ex istis legibus non erit injucundum aliquas cognoscere. In ijs nulla fuit pœna capitalis, nisi si quis Ducem occidisset. *Si quis Ducem suum (inquit lex) occiderit, anima ejus pro animâ illius, mortem, quam intulit, recipiat, & res ejus infiscantur in publico in sempiternum.* Si quis occidisset Episcopum, auro mulctabatur, quod vestem ex plumbo, percussoris corpori concinnatam, pondere exæquaret. Bojum, nefas erat bonis, nedum vitâ exuere, nisi compertum conspirationis adversus Ducem, aut patriam. Cæteræ pœnæ erant pecuniariæ, quas si quis non repræsentaret, addicebatur temporariæ servituti, donec æstimatio laboris debitam mulctam præstaret. Duces ex nobilitate, quæ suos majores referret ad Agilolfingos, legebantur, vel à Francorum Regibus, vel populi comitijs. Regis, Ducisq; nomen diu mansit Rectoribus promiscuum. Lege cavebatur, ne Regnum à patre transferretur in filium, quamdiu pater posset exercere judicia, disceptare causas, in exercitu ambulare, equum viriliter conscendere, arma sua gestare: modò ne esset surdus, aut cæcus, & posset Regis jussionem implere. Posteaquam Duces cœperunt esse Regum vicarij, Comites Ducum vices subibant, & qui centenis præficiiebantur, centurionum nominibus censebantur. Liberti eodem propè loco erant, quo servi. Quæ itatis diebus fiebant coitiones, placita vocabantur. Controversiæ, quæ aliter definiti vix poterant, armis decernebantur: quod Dei judicium, ideòque sacrosanctum habebatur eâ reverentiâ, ut omnem aliam juris contentionem excluderet. Omnibus Ecclesijs alyli jus erat, cum hoc elogio: *Nulla sit culpa tam gravis, ut vita non concedatur propter timorem Dei, & reverentiam Sanctorum, quia Dominus dixit, qui dimiserit, dimittetur ei, qui non dimiserit, nec dimittetur ei.* Pleraque ad eum modum, de rebus, locisque sacris, de Diaconis, Presbyteris, Episcopis, de Sanâimonialibus, quæ Deo virginitatem dicassent, de Matrimonijs, diebus festis, mortuorum sepulturâ, reverentissimè cavebantur. Quia verò crebræ per provinciam profectiones, religionis nomine, instituebantur, ut calebant pietatis studia, peregrinantium quoque securitati erat prospectum: *Nemo ausit inquietare, vel nocere peregrinum, quia alij propter Deum, alij propter necessitatem discurrunt, tamen una pax est omnibus necessaria.* Si quis servum alienum accusasset, & innocens tormenta pertulisset, domino simile mancipium tradere cogebatur: Quod si servus innocens in tormentis mortem oppetisset, duos ejusdem valoris servos restituebat accusator. De diei Dominicæ observatione lex sic habebat: *Præcipitur, ut in itinere positus cum carra, vel cum nave, pauset die Dominico, usque in secundam feriam, quia Dominus dixit: Nullum opus servile facies in die sancto.* Hæc de nuptijs. *Prohibemus nuptias incestas. Itaque uxorem habere non liceat socrum, nurum, privignam, novercam, filiam fratris, filiam sororis: filij fratrum, filij sororum nullâ præsumptione ligentur, vel, ut habet Lindebrogij correctior editio, nullâ præsumptione jungantur.* Si quis sponsam alicujus rapuerit, vel per suasionem sibi eam duxerit uxorem, ipsam reddat, & componat centum sexaginta solidos. Si quis liberam feminam suaserit quasi ad conjugem, & in viâ eam dimiserit, cum duodecim solidis componat. Pauca hæc de multis, quæ legi possunt apud Lindebrogium, & Vellereum.

Cæterum Hugiberto, quo Duce ex leges emendatiores prodierunt, filia Marcellin.
fuit Plectrudis, quæ Pipino Heristallo nupta, sanctæ, gloriosæ, illustris fœminæ in vita S. Wil-
nomen à virtutibus est consecuta. Huic suam originem adscribit primaria D. librorâ.
Stephani Pataviensis Ecclesia, cujus rei monumentum isthic olim legebatur, refe- Hund.
rens Plectrudis iconem, cum hoc titulo: PLECTRUDIS REGINA A Scribitur in
DEXTRIS TUIS IN VESTITU DEAURATO CIRCUMDA- Casal, Batav.
TA VARIETATE.

Theodor

AN. CHRIST.
DCXLVI.
S. VITALIS
OBITU.

XXXV.
Canis. 10. 6.
p. 1023.
Eius MIRA-
CULA.

Theodo IV. Hugiberti successor Boijs imperabat an. DCXLVI. quando Vitalis, unus è D. Ruperti socijs, quem moriens sibi sufficiens designaverat, è mortali vitâ abiit ad immortalem, vir egregiâ sanctitate, vivus, ac mortuus clarus miraculis, posteaquam Salisburgenſi Eccleſiæ per annos viginti duos summâ cum laude præfuerat. Tumulum nactus est in D. Petri baſilicâ. Ex tumulati corde, ferunt, per lapidem marmoreum, quo ſepulchrum tegebatur, prodiſſe lilium, quo morum innocentia, & puritas viventis, laude poſthumâ commendaretur. Ante mortem, morbos nullâ vi medicâ ſuperabiles, ſolis ad Deum ſuſpirijs pellebat ex humanis corporibus. Ægris, ſi quando prodibant obviam, bene precando ſalutem reddebat. Fuerunt cæci, qui unâ ſalutantis voce lumen receperunt; claudos, membrisque deformes, verbo erexit, reformavitque. Ad demortui ſepulchrum prompta erant remedia ægotantibus, qui ſe ejus orationibus, conceptis votis, commendabant. Quibus ex rebus, annuente cælo, publicam illi venerationem conſentiens populi pietas conciliavit, noménque proximi à Ruperto Boicæ tutelaris. Eum demum Leo X. Pontifex Maximus in Sanctorum album publico ritu retulit.

Recenſent D. Petri Salisburgenſis Annales quinque ordine Abbates, qui poſt S. Vitalem D. Ruperti ſedem tenuerunt, Anſologum, Sanolum, Ezium, Bertricum, alijs Flobargiſum, & Amilonem. Ultimi loco Brunnerus ſtatuit Joannem.

Poſtleri.
S. EMMER-
RAMI IN
BOICAM
ADVENTUS.

XXX
VI.

EGREGIE
LABORAT
IN BOICA.

Felix fuit Theodonis principatus virorum ſanctorum magnis virtutibus. In his fuit D. Emmerammus Episcopus, quem ex Aquitaniâ Deus ſubmiſit, ab urbe Pictonum, quam Auguſtoritum olim dicebant. Fuerat à puero moribus optimis, & ſacrarum litterarum ſtudio imbutus. Adoleſcentem amor rerum cœleſtium mirificè accendit ad præclaros auſus, quibusdomi, forisque divinum honorem amplificaret. Cùm in hoc genere nihil niſi excelſum meditaretur, induxit animum ad proferendum Chriſti imperium in gentes, eatenus divinæ legis ignorantes. Hoc aſſiduè meditati occurrerunt Hunni, quos ſi Chriſto adjungeret, putavit ſe rem Deo gratam, & magnum operæ pretium eſſe facturum. Ad eos tendenti cœlum manus iniecit in Bajoariâ, ſtudio Theodonis, ad quem Reginoburgi divertit. Huic, cùm ſuæ profectionis rationem redderet, deſiderium inceſſit, hoſpitis penes ſe ad Bojorum ſalutem retinendi. Quamobrem omnem movit lapidem, ut divinitus oblatum gentis nondum ſatis excultæ magiſtrum, Boicæ conciliaret. Ex hac certiore fructum poſſe colligi, quàm ex Hunnis bello aſſuetis, quibus nulla eloquentia perſuaſura ſit, ut armis poſitis, ab avitâ feritate deſciſcentes manſuetioribus Chriſtianorum inſtitutis aſſueſcant. Bojorum religionem inter fortunata initia aſſiduam cultorum manum requirere, ne ſoboleſcentibus infelicibus errorum, viciorumque herbis, bona pietatis ſementis ſuffocetur. Non deſutura adverſus ſacrilegas gentilis impietatis religiones certamina, ſed certiore fore in Boicâ victoriam. Quæ ratio Emmerammo perſuaſit, ut mutato duntaxat campo, in quo ejus deſudaret induſtria, quam locaturus erat Hunnis operam, Boijs addiceret, donec ad procurandam Hunnorum ſalutem ſe paulò parentius oſtium aperiret, vel mors pro Chriſto, qualem habebat in votis, viam ad cœlum ſterneret. Ergo magno animo rem aggreſſus, in Boicâ triennium poſuit, tum deinde iter, voti cauſâ, Romam adornavit. Illuc cogitantem mors minimè ſicca intercepta. Sigibaldus juvenrâ, & majorum nobilitate clarus, habuerat cum Utâ Theodonis filiâ furtivorum amorum conſuetudinem, & jam propè erat, ut intumeſcens uterus facinus detegeret, crearétque utrique non modò ſummam infamiam, ſed etiam ultimum vitæ diſcrimen. Fama eſt, conſuluiſſe eos Emmerammum, velut expediendæ ſalutis oraculum, rogâſſeque, ne deploratos rebus tam afflictiſ deſereret: & eum quidem feciſſe poteſtatem miſeris, ut crimen in ſe velut authorem transferrent. Hoc poſterius cùm citra enorme peccatum ſuadere nequiverit, non auſim de tantâ viri ſanctitate & ſapientiâ ſuſpicari. Quis enim credat, virum Deo plenum ſuaſiſſe tam ſœdum, pernicioſumque mendacium, ex quo pro-

proventurum noverat atrocissimum scelus necis crudelissimæ innocenti sibi inferendæ? Horret animus cogitare, id ipsum fecisse divino instinctu, qui ne minimi quidem peccati causa unquam fuit, aut esse potest, tamen si quædam circa communem modum, ordinemve, Deo instigante, sed absque ullo peccati nævo, fieri posse, non difficemur. Atqui tale, quale Emmerammo tribuitur, consilium, manifestè Deo, & rectæ rationi adversatur. Emmerammus Romanum iter ingressurus, Volstero (Wolstaicum habet Brunnerus) uni ex presbyteris fidiſſimo, denuntiavit, atroci se supplicio, ob alienam noxam, crudelem in modum esse tollendum; rem quidem haberet in præsens tacitam, sed, ubi foret de nece certior, intrepidè vulgaret, Emmerammum Deo, ac conscientia teste, per summam injuriam esse necatum; tamen, numine sic disponente, volentem tolerasse mortem ex Christianâ charitate, & docuisse mori ad imitationem supremi virtutum omnium Magistri: ad futura de cælo argumenta, quæ innocentia patrocinentur. Unde primò promptum est colligere, prænovisse ipsum crudele homicidium, cui Uta, & Sigibaldi putidissima mendacia causam essent datura, & Lambertum vitia fratrem inductura ad peccatum longè gravissimum, quod meritò, si Episcopi partes agere voluisset, debuisset pro viribus impedire. Quod si Sigibaldo, & Uta prospectum volebat, ne Theodonis ferro caderent, suavisset potiùs fugam, vel amicorum intercessionem. Si ipse Martyrium affectabat, non erat Lambertus ad illud inferendum mendacio proritandus. Nec verò etiam, cùm ad rem ventum est, proritavit, quando ipsemet criminis invidiam omni studio contendit à se amoliri, ut sicam homini furenti de manu excuteret. Denique neque licuit ipsi mentiri, ut alienæ impunitati consulere, neque mendacium suadere potuit, ut ipse nocens videretur, & vitam amitteret: deinde, quandoquidem Christi causâ mortem ferre voluit, eam non debuit mendacio sibi accersere: hoc enim si fecisset, Christum non fuisset imitatus. Atqui, inquit, Martyrologium Romanum habet, Emmerammum, Episcopum & Martyrem, ut alios liberaret, Christi causâ mortem sævissimam patienter tulisse: Id verò est, quod facit ad ipsius laudem: tulit patienter mortem, non accersivit fraudulenter: ut liberaret alios, non manifestavit reos. Vulgi, quam refutavi, opinio, Historiæ nævus est ab Aribone, qui rem nimis crudè, non tam ex vero, quàm famæ sensu descripsit, aliòsque scriptores induxit in fraudem.

XXX
VII.

*Aribo. Ep.
Frising. de S.
Emmeram.*

Ergo omisâ communi opinione, longè credibilius est, Emmerammum consultum, suavisse criminosis, Deum ut voluntarijs supplicijs, & sceleris sincerâ penititudine sibi propitiarent, cætera committerent clementiæ Theodonis, nisi fugâ crederent suæ salutis esse consulendum. Verùm Uta stupri comperta, ut sit in re formidolosâ, maluit ex muliebri levitate & imprudentiâ, Emmerammum, quem fugâ jam elapsum credere potuit, quàm Sigibaldum, cujus capiri metuebat, accusare. Theodo accepti dedecoris dolore, prope actus in rabiem, ream, tantum scelus professam, in vestigio jugulasset, nisi Procerum mitiora suadentium preces intercessissent. Irato persuaserunt, ut filiam à suo, patriæque conspectu relegatam, procul juberet deportari, ubi supplicium longis exilij æumnis persolveret. Rem longè inclementiùs accepit Lambertus, Uta frater. Pepercit quidem sorori, patris exemplo, sed iram omnem effudit in Emmerammum. Hic Helfendorf, in Boicæ finibus, divinas laudes de more, inter sacra divorum pignora, ad lucernas concinebat, cum suo comitatu: quando Lambertus, equis celeribus illuc advolans, jubet virum innocentem loco sacro abripi. Producto in medium, acerbâ irrisione insultans; Salve, inquit, Episcopo, virginis stuprator, gener Principis, affinis scilicet noster, nostræ gentis infamia, religionis propudium. Tunc prædo castimoniam, hoc in nos scelus ausus es, qui Pontificem agere, Virginum pudicitiam tueri, Boicam sanctissimis moribus imbuere debuisti? Emmerammo neganti scelus, & exorso defensionem, cùm ad Romani Pontificis tribunal provocaret, homo vecors iracundiâ scipionem impingit, jubetque rapi ad carnificinam, & lentam quidem, ut se diu mori sentiret. Diritatem supplicij exhorruere comites, & ne spectare viderentur, plerique se è conspectu proripuerunt. Sævitiæ partes im-

XXX
VIII.
S. EMME-
RAMMI
MARTYRIUM

plevère carnifices, qui jussu Lantberti sanctum Antistitem scalæ radijs alligârunt, alligato expunxerunt oculos, nares præsecuère, detruncarunt aures, partésque, quas natura rectas voluit: linguam evulsère radicitus, absciderunt manus, pedes, & seminecem, subque sanguine cruentatum deseruère. Inter tot cruciamenta, nullæ querimonix viri patientissimi, nulli gemitus auditi. Agrestes, post Tyranni discessum, sparsa hinc inde membra in cavo albæ spinæ trunco condiderunt. Adfuère mox, equitum specie, cœlites, qui cum sacros artus venerabundi sustulissent, videri desierunt, stupentibus agricolis. Jacebat in loco supplicij truncum corpus, nondum exanime. Qui ex Sigibaldi stipatoribus, metu discusso, redierunt, Emmerammum reppererunt adhuc spirantem, juxtaque stantes colonos, qui, quibus poterant verbis, jacentem solabantur. Visum omnibus, tollere in carpentum corpus, nondum exanime, inque sacram ædem devehere, ubi sanctus Antistes invictam animam Deo redderet. Aschaimum ei componendo delegerant, jamque progressi erant ducenti viri, ac mulieres, novem passuum millia, cum vir divinus, ejulatu mortem adesse significans, inque viridi cespite depositus, ad cœlum meliore sui parte evolavit. Lux instar sideris visa est animam ad beatorum sedes comitari. Sacer quidam horror, ac veneratio subiit spectantium animos, ut non auderent sancti viri exuvias attrectare, donec resumptis animis, humo levatas, Aschaimum in D. Petri templo tumulandas vexerunt. Cum indies viri innocentissimi fama ostentis, & secundissimâ populorum approbatione magis, magisque claresceret, utroque loco, ubi videlicet inter tormenta terram sanguine conspererat, & ubi spiritum exhalârat, conditæ sunt sacræ ædes: tum denique visis nocturnis, & cœlesti monitu intellectum est, velle Deum, ut Ratisbonæ in æde D. Georgij, quam solitus erat, dum viveret, frequens precationis causâ adire, conderetur. Pompam funebrem Dux Theodo cohonestavit. Illuc cum, secundo primùm Isarâ, & adverso deinde Danubio duceretur, ardentes faces, & magna passim divinorum operum miracula funeri triumphum, & incredibilem populis lætitiâ adornârunt. Mortem passus est Emmerammus 10. cal. Octob. anno DCLII. Theodo Martyri Cœnobium, quod hodièque florentissimum est, & D. Petro templum Reginoburgi excitavit. In ejus honorem Arnulphus Imperator muros Ratisbonenses ampliavit. Lantbertus ad Avars profugus miserè periit. Ejus posterij, per tria sæcula mille exagitati casibus, venère in partem supplicij, nisi, si qui calentibus votis alienæ crudelitatis culpam sunt deprecati.





BOICÆ GENTIS
ANNALIUM
PARTIS I.
LIBER VII.

Varia Regni Longobardorum fortuna, & interitus. Rodoaldus Rex impius ob adulterium occisus. Aripertus, Theodelindæ nepos, regnum partitur inter Gundebertum, & Partharitum, filios, quorum ille à Grimoaldo Beneventi Duce interfectus; hic, varijs casibus agitatus, regnum recuperat, & in acie occumbit, denique Desiderius, ultimus Longobardorum Rex, captivus abducitur.

Bojorum Duces ex stirpe Agilolfingorum, à Theodone IV. usque ad Thassilonem, postremum ejusce stirpis, à Carolo Magno retrusum in Laurishaimense Monasterium unà cum filio Theodone.

Viri sanctitate in Boicâ illustres, Bonifacius, Wilibaldus, Wunibaldus, Sebaldu, Wiæterpus, Marinus, Anianus, Corbinianus, Sturmio, Virgilius, Hildulphus, Erhardus, Albertus. Fœminæ singularis pietatis, Walburgis, Cunibergis, Herluca, Adehais.

Longobardorum regnum in Italiâ, genti Bojorum partim sanguine, partim affinitate connexum, Reges habuit, quosdam natos factosque populorum felicitati, alios ad scelera castiganda, quales divinæ mentis impenetrabili providentiâ pro ratione morum, temporumque assumuntur. Utriusque conditionis, aliquot jam vidimus, sed nullos meliores, quàm quos Boica pietas

I.

Deo fecit acceptos. Rothari defuncto successit Rodoaldus filius, quem è Gundeburgâ, Theodelindæ filiâ, sustulerat. Ille regnum, quod pater rebus prosperè gestis non improspere tenuerat, nec clarum gessit, neque diuturnum. Vix enim dies septem ultra quinquennium imperaverat, cum vivendi malè, & sine laude re-

RODOALDUS
REX LONGOBARDORUM.

INTERFICI-
TUR.

gnandi finem accepit. Ipsi adhæserat, cum labe Arianæ improbitatis, quam à patre hauserat, odium fidei Catholicæ, & Catholicorum Antistitum, quos, varijs affectos damnis, oppidò vexavit. Ea potissimum fuit, in summo ab armis otio, improbè regendi materia. Ad eam accessere obscœni mores, ordinarij comites impietatis. Lascivientis insaniam, cum nemo esset alius, qui reprimeret, oppressit Longobardus, cujus uxori stuprum intulerat, Deo id permittente, ut constaret, ne Regum quidem lasciviz deesse vindictam, & regna, quæ fortunæ beneficio possidentur, sine virtute diu non retineri. Illo igitur absque virili sobole sublato, summis Longobardorum studijs, nullâ peregrini sanguinis invidiâ, Aripertus, Gundaldo Astensium Duce, Theodelindæ germano, prognatus, solio fuit admotus, quo annos novem potitus est, uno Catholicæ rei studio præclarus, quam ei laudem annales tribuerunt. Condidit Papiæ, extra portam occidentalem, Domini Salvatoris Oratorium, quod varijs nobilitatum ornamentis, idoneo censu locupletavit.

ARIPERTUS
SUCCEdit.

PARTHARI-
TUS ET GUN-
DEBERTUS
HÆREDES

Diem obiit anno DCLX. Sat feliciter rem gessisset, nisi infelici consilio duos filios, Partharitum, & Gundebertum, adolescentes, ex æquo regni hæredes dixisset, non cogitans, regna, cæteraque rerum caducarum, sui communione, minora fieri, nec retinere cum primævâ potentiâ decus pristinum, & amplitudinem. Hic tamen si communis sit gentium omnium sensus, tamen permulti, ab omni retrò memoriâ, victi paternâ indulgentiâ, in plures imperia diviserunt, quos perperam egisse, tristissimi eventus docuerunt. Ambitio regnandi, propinquitatis respectu non frenatur. Error Ariperti patuit, quando gemini fratres, divisi sedibus, animis cœpere esse discordes. Partharitus Mediolani, Gundebertus Papiæ, Regias seorsim habuere. Subinde succrevit infortunatum dissensionis solium, quod tantum damni Italiæ attulit, quantum detraxit potentiz Longobardis. Ortum habuit ex improbâ dominandi libidine, quæ demum erupit in fraterna odia, quibus nulla sunt flagrantiora. Classicum prior cecinit Gundebertus, qui suâ sorte nequiquam contentus, ausus de regno ex asse usurpando consilia capere, qualia susurriones, pestes charitatis, quorum in Regijs nimis quàm sæcunda est soboles, suggererunt. Arduum erat fratrem solio deicere, si res unius Gundeberti viribus tentaretur: accersenda proinde fuerunt externa auxilia. Grimoaldus Beneventi Dux, eâ tempestate magnâ apud Longobardos bellicæ fortitudinis existimatione valebat.

INTER SE
DISCORDES.
AN. CHRIST.
DCLX.

II.

GARIBALDI
PRODITIO.

Hic Gundeberto visus rei gerendæ, persuadendæ verò Garibaldus Taurinatum Dux opportunus, tamen si uterque esset importunissimus. Etenim Garibaldus ad Beneventanum legatus, duplici scelere infamis, uno, perfidiæ in utrumque fratrum, quos suadendo fraudulenter dissociaverat; altero, prævaricationis, quâ nefarius Legatus Grimoaldo author fuit, ut, utroque fratre everso, regnum invaderet. Enimvero à fortunâ eum invitari, & fore ex usu rei Longobardicæ, si rem publicam occuparet, quæ à juvenibus inscitè gereretur, quippe quibus nec ævi maturitas, nec consilium adesset; cum Grimoaldus non his modò, sed etiam longâ rerum experienciâ, armis, & Longobardorum studijs esset apprime instructus. Habebat homo perduellis à Gundeberto in mandatis, ut regiz sororis nuptias Grimoaldo addiceret, si Partharitum regno exuisset. Verùm antiquior fuit regni, quàm regiz affinitatis ambitio, cum sponsa auctarij loco esset accessura victori, si adolescentibus fasces excuteret. Igitur contractis, tum domi, tum ex itinere populum, amicorumque copijs, missoque Trasimundo Comite Capuano, qui venienti Spoletanos, Thulcosque conciliaret, conflato jam exercitu Placontiam appulit; unde Garibaldus proditor ad Gundebertum præmissus, retulit, propè esse Grimoaldum tantis valiatis copijs, ut de prospero successu nihil foret dubitandum. Cum tamen Gundebertus ambigeret, esserne Regiâ recipiendus, & quibus colendus honoribus? respondit homo vaser, omnino debere admitti in aulam virum tantum, tam amicum, & mox futurum affinem. Quod si de ejus fide dubitaret, loricâ corpus armaret; ita enim fore, ut neque hostem timeret, neque offenderet hospitem. Id ubi persuaserat, extemplo reversus ad Grimoaldum, conversâ proditoris fabulâ, monet, Regem venturum quidem posttridie, honoris specie, ad collo-

GRIMOALDI
CRUELITAS.

colloquium, sed mutatâ repentè voluntate, hospiti exitium moliturum: Grimoaldum fraudem deprehensurum, si tangendo, in primo complexu loricam attrectaret. Ita decepto Rege, & hospite, & utroque salutis ambiguo, nihilominus ventum est die postero ad colloquium. Grimoaldus ergo stringens arctius Gundebertum, loricaum deprehendit, caufatusque, contra hospitij jura sibi paratas insidias, miserum Regem, quasi ad amici cædem prodijisset, in vestigio obtruncat, nullâ regij satellitij defensione, factive apud ignavos aulicos invidiâ, quod se prohibendæ, non patrandæ necis causâ, regem occidisse, excusaret. Supererat Gundeberto infantulus filius Rambertus, alijs Ragumbertus, quem ferro subductum amici clam educaverunt, non invito Grimoaldo, cui à tantillâ ætate nihil erat metuendum.

Partharitus de miserando fratris casu edoctus, cum nihilo sibi meliora à Tyranno polliceretur, celeri fugâ Mediolano se ad Cacanum Avarum Regem proripuit, Rhodelindâ uxore unâ cum Chuniberto filiolo relictâ, quos Grimoaldus Beneventum relegavit. Non multò post Garibaldus proditor justas perfidiæ pœnas dedit. Vilis homuncio, ex Gundeberti famulatio, Taurini degebat, qui interempti domini necem ulturus, ipsis sanctissimi Paschatis solennibus, stans supra sacrum baptisterij fontem, impacto in cervicem ferro, Garibaldum inter medios stipatores occidit, ipseque vicissim à prætorianis confossus est.

Grimoaldus, Longobardorum consensu, regnum, & fratris utriusque Regiam adeptus, Gundeberti sororem matrimonio sibi conjunxit. Reliquum erat, ut ad stabiliendum dominatum, vires omnes, & exterorum auxilia Partharito accideret. Comperto itaque, cum ab Avaribus hospitio esse receptum, veritus, ne inde res novas moliretur, Cacano Regi denuntiavit, vel, hosti profugo negandum esse reatum, atque suppetias, vel, bellum propediem expectandum. Ne ad arma veniretur, Cacanus jussit miserum exulem solum denuo vertere. Hic animo fluctuare Rex calamitosus, omnia circumspectare, ubi tutam stationem acciperet: verum, cum omnia suspectanti, omnia appaerent intuta, quod ultimum occurrit afflictissimo perfugium; statuit capitalissimi hostis clementiam experiri, ut vel, quod vitæ supererat, in otio consumeret, vel citò hostili manu finiret. Ergo reversus in Italiam, Hunulfum, quem ex familiaribus fidissimum suprema calamitas illi reliquum fecerat, præmisit, qui supplex à Grimoaldo precarios Latres, quocunque loco, & conditione, impetraret in patriâ, quam paulo antè Rex tenuerat, non aspernaturus deinceps humilem fortunam, si quietè vivere liceret. Grimoaldus, sive sensu aliquo humanitatis, quæ in submissos solet esse pronior, sive spe hostem in sua potestate retinendi, omnia prolixè pollicitus, respondit, venturum tutò, ac impunè, & cum honore apud se diversaturum. Partharitus accepto commeatu Papiam venit, & memor fortunæ præsentis, ad Grimoaldi pedes abjectus, orationem parabat, cum jacentem Grimoaldus erexit ad osculum. Ad quem Partharitus: *Rerum*, inquit, *ô Rex, ista sunt humanarum vices, quæ me docuerunt sapere, ne spiritus tollam supra fortuita sed ut, si ve fortuna arrideat, sciam non arrisuram diu; si ve irascatur, meminerim, nihil eam facere à se alienum. Illi indignarer, nisi viderem, me hodie venisse in clementes Principis manus, quibus non est cur optare velim meliores. Vivere utcumque mihi licuit in solo peregrino, inter homines, tam longè à nostris moribus, quàm ab Italico caelo sejunctus: jam mihi beatus videor, quòd me redditum videam non tam mihi, quod certè non affecto, quàm tua humanitati, quæ me jubet vitæ mea, tuæque gratiæ esse securum. Est cur habeam Deo immortalis, tibi gratias immortales, qui me voluistis, non tam mea fortuna dulcedinem, quàm modum, statumque mutare. Lubens, crede mihi, tuos nutus, & imperia respiciam, sequar, & exequar, quamdiu me voles tibi esse subjectissimè obsequentem.* Plura dicere meditati, orationem interpellavit Grimoaldus, & jurejurando addixit, se, cum in fidem receptum, cum fide, & lenitate habiturum. Tum officiosè dimissum, jussit, extra regiam ad paratum contubernium quietis causâ honorificè deduci, & regijs sumptibus laurè, liberalitèrque tractari. Eò digressum secuta est civium Papiensium multitudo, videndi, & salutandi causâ regium sanguinem, cujus vigeat cum memoriâ superiorum

III.

PARTHARITUS FUGIT AD AVARES, GARIBALDUS PRODIGATOR OCCIDITUR.

REDIT IN ITALIAM.

IV.

PERICULUM
EVADIT.

V.

riorum temporum humana commiseratio apud officiosos homines, pristinam Parthariti fortunam cum præsenti conditione reputantes. Ista bonorum hominum civilitas, miserandum hospitem in summum capitis discrimen adduxit, cum non satis expenderent, quàm periculosum esset, ac proclive, talibus officijs, invidiam viro quamlibet innocenti, apud ambitiosissimum hominem concitare. Et fuere quidem Grimoaldi domesticis assentatores, qui pessimam in partem civium studia interpretari, mentem alioquin utcunque compositam, suspicionum impleverunt. Quis enimvero crederet, tantum urbis universæ confluxum, amorem, venerationem, aliud portendere, quàm clancularia consilia rerum novandarum? Partharitum, nisi majora, quàm pro supplici hospite moliretur, publicum tot hominum concursum fuisse cohibiturum. Quid si urbanâ seditione armatus regnum repetat? Quis tum regi spondeat victoriam, vel incolumitatem? Quis nesciat, inconstantes insanæ plebis animos, ad spes novas semper aspirare? Propius esse nihil, quam ut Grimoaldus vim patiatur, nisi prior intulerit: locum non dari morosis consilijs, in re tam præcipiti. Extingui oportere æmuli conatus in herbâ, qui si radices agant, sint in tristissimam messem evasuri. Tamen Grimoaldo visi sunt vera suadere & salutaria, quia tamen dies jam in vesperum abierat, Parthariti cædes dilata est in lucem posteram, vel noctem saltem concubiam. Adferuntur interea cœnaturo dapes, lautia, vina generosa, quibus incautus hospes mentem sopiret, seque redderet recipiendo ferro opportuniorem, quando mero, somnôq; solutum, sicarij essent oppressuri. Ea res suboluit uni, qui olim de Ariperti Regis servitijs fuerat, quique in ministrantium turbâ ferculum mensæ inferebat. Hic specie salutantis, Partharito clam in aurem: Habita, inquit, sunt de tuo capite comitia, perijisti, nisi arte elabaris. Partharitus vultu nihil mutato, sed simulacra hilaritate curas regens, secretò jubet, pincernam scyphum argenteum aquâ temperare, quam cum potaret largiter, delusi, qui in singula ferè momenta exploratum mittebantur, Grimoaldo referebant, Partharitum genio gnaviter indulgentem, pro sobrio sanoque nihil agere, gestus omnes, ac dicta hominis esse temulentu: Unde Grimoaldi vox audita est; Bibat hodie insanus helluo, brevi nobis cum sanguine vina refundet. Parthariti diversorium undique sepebant excubitores, ne quâ posset effugere, nec prompta erat ratio evadendi. Hunulphus de periculo factus certior, ex tempore hanc stropham comminiscitur. Heus pueri, inquit, in Regis ebrij cubiculo mihi pernoctandum est; lectum mihi, ad ejus latus sternite. Tum mensis sublati, cum domino cubile ingressus; Comœdia, ait, nobis hodie ludenda est. Partharitum oportet agere personam mancipij; tu verò minister cubicularie, esto Partharitus, neque ullum mortalium in conclave prius admittito, quàm te finxeris in multam lucem stertuisse; si fores quis pulsaverit, dicito, te crapulam nondum edormivisse. Tum Hunulphus Partharitum sub culcitra, pelle ursinâ, multaque præterea veste, quâ bajulantis caput obduxerat, propè fatiscentem, instar mancipij agit ante se, oneratque non modò convitijs, sed etiam verberibus: pulsatum etiam subinde solo affligit. Rogantibus custodibus quid hoc esset rei; Furcifer, inquebat, iste præter morem hodie mihi lectum composuit in Parthariti sordibus, ut ebrij crapulam, & ronchos, quos efflat toto pectore, per noctem hauriam. Prò quanta nausea! Ego mehercule amplius ferendo non sum helluonis stomachum & insaniam: deinceps, sic me ament Superi, nisi stet per Regem Grimoaldum, ita mihi sedet sententia, mihi uni privatus sub meo Lare vivam: isti fungo non serviam amplius. Hâc arte per medias vigilias elapsus cum personato suo clitellario, Partharitum noctis beneficio, de mœnibus, quâ parte Ticinus amnis allabatur, cum comitibus, quos in via fors obrulerat, fune demittit, rogatque, raptis de pastu jumentis, citatâ fugâ, sibi ut consulant. Asta civitas, veteribus Parthariti amicis haud infrequens, ipsum, cum comitatu, istâ nocte recepit. Inde fugientes venere Taurinum: sed cum nullus illis in Italiâ receptus sat securus videretur, transcendens alpinis, ad Francos refugerunt. Cubicularius, oppellulatis foribus, in solem aditum sese in strato tenuit, responditque Partharitum, poscentibus, quemadmodum jussus erat, se fessum

ex

VI.

ex itinere, & hesternâ helluatione, pauxillam adhuc quietem rogare, donec extracto, post multas interpellationes, tempore, Grimoaldus, moras ultra non ferens, jubet effringi fores. Tum ex cubiculario cognitum, de Parthariti fugâ. Vix sibi temperavêre satellites, quin è vestigio hominem, doli ministrum, discerperent, dignum clamantes, qui omnibus cruciamentis interiret. Adduxêre tamen in Grimoaldi conspectum, qui, omnia ex ordine de Parthariti fugâ referentem, non modò absolvit, sed adlegit etiam in suam familiam, multa promittens, si pari se fide, suâque obsequia vellet commodare. Hunulfo, qui ad Archangeli Michaëlis templum confugerat, Grimoaldus vitam, quâque auferre posset opes, condonavit, collaudatûmque à fide & prudentiâ dimisit in Franciam, unâ cum cubiculario, cùm constanter asseruisset uterque, malle se cum Partharito vitam ærumnosam, quàm sine ipso, alibi terrarum, delitijs affluentem agere.

Fruebatur Partharitus apud Francos non incommodo exilio, cùm fœdus inter Regem & Longobardos coëgit exulem de tutiori receptu cogitare. Etenim veritus, ne duarum nationum amicitia suo capite sanciretur, ad Saxones, rerum in Britannia potientes, navigare constituit. Et jam velis in altum ferebatur, quando vox è littore audita, veheretûrne eâ navi Partharitus, nautis utique vehi affirmantibus, jussi vectores inhibere cursum, & Partharitum in continentem exponere: Extinctum enim esse triduo antè Grimoaldum, & jam desisse timeri. Jam agebatur nonus annus, ex quo Grimoaldus regnum Italiæ occupaverat, & moriens ad Garibaldum, admodum puerum, ex Parthariti sorore susceptum, transmiserat. Creditum est fuisse genium, qui Partharito nuntium de Grimoaldi morte attulit, jussitque redire ad portum. Certè Partharitus invitantem secutus, Italiam repetens, ad alpium fauces, obvios habuit Longobardorum procures, cum palatino famulorum apparatu, magnâque stipatorum multitudinem, quorum præsidio defensus, Papiam ingressus, regnum, inter gratulantium plausus, tertio à morte Grimoaldi mense, recepit, Princeps in utrâque fortunâ justè rectique apprimè retinens, in sublevandâ miserorum inopiâ liberalis, in tuendâ religione fortis, & pius. Illi Deus visus est vicem rependere, cùm ipsi non solum modò, sed filium etiam Cunibertum, & Rodelindam uxorem, exilio Beneventano solutos, restituit. Ipse porrò ut suo se liberatori, atque vindici gratum præstaret, nobilem sacrarum virginum parthenonem D. Agathæ nomini dedicavit, eo loco, per quem, Hunulfi consilio, per mœnia necem effugerat. Uxor mariti virtutem secuta, Deiparæ virgini, extra Papienses muros, basilicam, ad perticas nuncupatam, visendo opere, amplisque possessionibus fundavit.

Partharitus regnum optatâ pace florens, quietumque septennio tenuerat, cùm anno octavo, qui Christi sexcentessimus, septuagesimus septimus fuit, Cunibertum in regni societatem admisit. Publicam quietem turbavit Alahis, Dux Tridentinus, Parthariti cliens, turbido, & arroganti vir ingenio. Is primùm Bauzani, castellarumque vicinorum in Boicâ Comitum, quem id ætatis à tuendis limitibus Gravionem dicebant, sibi sumpsit debellandum. Hunc cùm prælio superâisset, successu elatus, Tridentinum castrum firmis operibus communiit, suisque deque habitis Parthariti Regis imperijs, quem non abs re credebat, cognatæ Bojorum gentis, pro potestate contra violentum pacis turbatorem, partes suscepturum. Partharitus offensus hominis supercilio, mœnibus Tridentinis præfidentem, obsedit. Sed cùm in castris segniter munia militaria obirentur, Alahis eruptione factâ, regium exercitum ipsumque Regem egit in fugam. Ne bellum ultra glisceret, Cunibertus, pace compositâ, Alahim in Parthariti gratiam reduxit. Verùm cùm Partharitus inquietum hominis ingenium suspectaret, non semel de eo tollendo deliberavit: & sustulisset re ipsâ, nisi Cunibertus propter amicitiam, quam à teneris annis cum Alahi coluerat, ignobile facinus parenti dissuassisset. Datum hoc Cuniberto magnæ laudi: Sed quâ erat in Alahim facilitate, imprudens aliud à parente obtinuit, quod ipsum propè regno evertisset. Petebat Alahis, in pactæ reconciliationis pignus, Ducatûs Brixiani clientelam, jurisdictione beneficiariâ:

REMI GRAT
IN ITALIAM.

VII.

REGNO RE-
STITUITUR.

AN. CHRISTI
DCLXXVII
CUNIBERTUM
FILIIUM
COLLEGAM
ASSUMIT.
ALAHIS
DUX TRI-
DENTINUS
BELLUM
MOVET.
VINCIT
PARTHARI-
TUM.

VIII.

Par-

CUNIBERTUS AB ALA-
HI PAPIA
EXUITUR.

RESTITUITUR EXCLUSO ALAHI.

IX.

ALAHIS
PRÆLIO VI-
CTUS OCCUMBIT.

ZENONIS
DIACONI
CERTAMEN.

Partharius, quod res erat, metuens, ne istius ditionis accessione hominis ad rebellionem proni vires auferentur, quâ erat ipse sagacitate, & ex diuturno rerum usu providentiâ, modis omnibus obnitebatur importunæ Alahis petitioni: Cunibertus contrâ, pro amico sentiebat, agebâque, ne repulsam pateretur: demum parentem flexit, quamvis repugnantem, ut assentiretur, prælagiens, hosti malè reconciliato præberi arma, quibus in suos dominos abuteretur. Eventus prælagium non fefellit. Partharitus fato concessit, post decem & octo annorum imperium; Alahis ejus morte, & filij simplicitate ad audendum liberior, insuper habitâ accepti beneficij memoriâ; arma in Cunibertum induit. Rebellionem fovebant Aldo & Grauso, cives Brixiani, nobilitatis conspiratione, & Longobardorum quorundam auxilijs aduti. Horum perfidiâ, & Ticinensium invitatu Alahis Papiam, à quâ Cunibertus aberat, occupavit, occupatâque malis artibus, pejoribus oppressit, in amicos perinde atque in hostes, inque sacrum ordinem, quem cane pejus & angue oderat, ferox & crudelis. Hinc natum totius nationis in Tyranni lævitiem commune odium, & Cuniberti, ob mores longè pacatiores, desiderium. Tyrannidis excutiendæ orta est occasio ex re, in speciem, exiguâ. Alahi pecuniam numeranti triens unus excidit de mensâ nummariâ: nummum collegit, reddiditque puer, filius Aldonis, rebellionis, in Cunibertum antesignani. Reddenti Alahis, credens se non notari ab innocentulo; Propediem (inquit) mi puer, faciam, ut tuus parens multos, quos habet hujusmodi trientes, in meas manus effundat. Aldo filiolum, cum ex aulâ domum redisset, percontatur, ecquidnam Rex illo die egisset, quid fuisset locutus? Retulit puer, quæ de suo parente dicentem audierat. Quâ re Aldo vehementer exterritus, Grausonem fratrem convenit, inique in communi periculo, Alahis maturè tollendi consilium. In facinoris societatem traxerunt amicos, Tyranni barbariem averfantes. Sanxere subinde occultum fœdus cum Cuniberto, qui in Insulâ, non longè à Comacino lacu, se continebat: dein tempus, modumque dedendæ urbis constituerunt. Rei exequendæ opportunitatem dedit Alahis ex usu venandi. Fuit, cum animi causâ, pro more in sylvam egressus, feras persequeretur, securus omnis periculi. Cunibertus à conjuratis vocatus, ad horam dictam Papiæ adfuit, & prunis universæ civitatis studijs receptus, à concursantibus civibus in Regiam restitutus est, amplexans singulos, demulcensque confusis gaudio lachrymis. Alahis re cognitâ, frendens, furensque multa minatus, militem legit in Istriâ, apud Vicentinos, Tarvisinos, Foro-Julienfes, & passim in Longobardiâ. Conflato exercitu, bellum facturus Cuniberto, castra in campo, cui Coronatæ nomen, meratus est. Adfuit cum numeroso quoque milite Cunibertus, monuitque adversarium per fecialem, parci posse tot virorum fortium sanguini, si alterutrius morte bellum finiretur: se, si Alahis vellet congregi, ad certamen singulare proditurum. Ne conditionem detrectaret Alahis, suadebat Tuscus quidam ex amicis: Ille verò tergiversari, cunctari, tandemque causari, Cunibertum non quidem armorum usu, sed tamen vastâ corporis mole superiorem, non debere contemni. Quam ignavi timoris confessionem Tuscus execratus, ad Cunibertum defecit. Cum inter hæc jam cò promovissent acies, ut, citra conflictum, pedem referre nequirent; Zeno Diaconus Ecclesiæ, D. Joanni Baptistæ à Gundeberto dicatæ, staturâ, corporisque habitu Cuniberto non absimilis, rogat, obsecratque Cunibertum, patiatur, Diaconum regio cultu, armisque rectum, descendere ad pugnam: si caderet, levem fore jacturam, sin vinceret, victoriæ decus, fructumque redditurum ad Regem, quem non conveniret, nisi rebus urgentibus, exponi in discrimen. Cuniberto fortiter abnuenti, vix persuasere amici, uti ne hominis officiosissimi fidem, operamque respueret. Ergo Zeno indutus cultu regio prodiit è Cuniberti papillione: pugna committitur acerrima. Alahis investus in Zenonem, imbellem hominem nullo propè negotio obruncat, caputque hastili affixum jubet ostentari, victoriam totâ acie proclamari. Verum ubi, casside detractâ, consum Zenonis caput apparuit, Alahis irâ, ac pudore insaniens, vovet, se acceptam ignominiam hominum sacrorum supplicij

cijſ deleturum. Cunibertus è diverſo prodiens in apertum , percuſſos nonnihil ſuorum animos erigit , rursùſque provocat Alahim ad duellum ; imperaturum genti, cui cœlum Victoriâ donaret. Atqui ille : Cur ego (inquit) hoc rentem, qui Archangelum Michaëlem , cujus in æde Cuniberto meam olim fidem obligavi, video inter hoſtilia ſigna volitantem ? Igitur prælium recrudeſcit , geritur res ſat diu ſpe utrinque ancipiti ; tandêmque Alahis occumbit. Ejus caſu conſternata acies, Cuniberti vim diutiùſ non ſuſtinuit : Unde jam non cædes, ſed ſtrages & effuſa fuga. Multos, nandi imperitos, aut merſos armorum pondere, flumen ſepelivit. Alahi caput detruncatum, concifa membra feris, alitibùſque projecta. Zenoni Diacono funùſ ductum, conditumque perhonorificè, in veſtibulo D. Joannis. In loco certaminis excitatum Monafterium Divo Georgio Martyri. Pugna commiſſa eſt anno DC. XCII. Quæ de Aldone & Graulo-
ne liberatis, ne perduellionis ſupplicio plecterentur, idque ope dæmonis, pri-
mum muſcæ ſpecie, deinde hominis unipedis imagine apparentis, à Paulo Dia-
cono aliſque memorantur, cùm ſint fabulæ, quàm hiſtoriæ propiora, ad ſuos au-
thores remitto.

Litteris digniora ſunt , quæ debentur viris ſanctis, qui Boicam rebus pro Deo geſtis illuſtrârunt. In his eſt D. Viſterpus, Auguſtanus Epiſcopus. Eum quidem nonnulli volunt fuiſſe Gallum, ſed, qui vitam ejus contcripſit, affirmat natum eſſe in Boicâ, atque in eâ potiorem vitæ partem egiſſe, etiam cùm Epiſcopatum Auguſtanum procuraret. Certè cum B. Virginis, & S. Laurentij ſacello, non longè à Lyco flumine, loco ſolitario, unius horæ itinere ab Eptatico, quem hodie Eppacenſem, vel Hepacenſem pagum eſſe autumant, delectatum fuiſſe, Carolus Stengelius, in ejus vitâ author eſt. In eodem pago, qui inter fauces Julias & Schongaviam, in topographicis Bojariæ tabulis deſcribitur, cum habuiſſe fundum memorant, nec eoulque fuiſſe peregrinum, ut nihil in Boicâ poſſediſſe putemus. Et ut nihil poſſediſſet, multum tamen eſt, quòd ſolitudinem in Boicâ magnis virtutibus impleverit, ab urbanis turbis remotus, ut eò liberiùſ, cœleſtium rerum meditatione, mentem ſoli Deo affixam exerceret. Socios habuit D. Magnoaldum, hodie Magnum, virum maximi nominis, & B. Tozzonem, cui mitram Auguſtanam reliquit, quem excepit hoſpitio, cùm ab eo ad baſilicæ ſacris ritibus expiandæ dedicationem invitaretur. Unde reverſus Epachium 14. cal. Maij anno DCLXIII. ad beatorum ſedes abiit. Fuerat ab ineunte ætate D. Benedicti ſanctiſſimæ diſciplinæ addiſtus, tantâ morum innocentia & eruditione, ut cum Hariolphus, Lingonum Pontifex, dignum judicaverit, qui Eleſancenſis cœnobij Sodalibus, omni virtutum & doctri-næ elegantia informandis, magiſter primùm, deinde Abbas præſſet. His muneribus cum laude perfunctus, evectus eſt ad Neuburgenſem, poſt ad Auguſtanum Pontificatum. Arianam hæreſim utrobique, atque alibi locorum inter primos proſtigavit. D. Afræ baſilicam, ab Hunnis deformaram, antiquo ſplendori reſtituit, clauſitque Auguſtanæ urbis mœnibus. Religioſarum familiarum contubernia, partim conſtruxit à fundamentis, partim inſtauravit, alia cæremonijs ſolennibus initiavit. Ut verò Dei cultum vivus egregiè promoverat, ita mortuus B. Herlucam virginem, aſpectabili viſendus ſpecie, ad ſui imitationem invitavit, adduxitque, ut in Heppacenſem ſeceſſum im-
migrans, iſdem, quibus ipſe, paſſibus ſanctitatis faſtigium alcenderet : quod & ipſa præſtitit per annos complures, quoad à barbaris ejeſta, alias ſedes quærere coacta, ad lacum Vermicum, ubi hodie floret cœnobium Bernriedenſe, in quo ipſa conditorium naſta eſt, vitam exegit magnis animi ſanctioris exemplis. Ejusce loci prima fundamenta poſuit cum Adehaide, Mangoldi Comitæ nuptâ. Suſcepit, more nutricum, pauperum infantum curam, eorum ſordibus abluendis, concin-
nandis veſtibus, aliſque id generis officijs, quæ viles ancillæ agrè ſuſcepiſſent. Tandem & vidit Adehaidem, ejùſque ſorores, poſtquam è vivis exceſſerant, multâ circumfuſas luce, quam in Adehaide tenuis quædam nubecula nonnihil inumbrabar, eò quòd inquietas vitæ civilis curas minùſ vitâſſet. Multos ad meliorem fru-

X.

AN. CHRIST.
D C. XCII.Rader, in
Bav. S.
S. VICTER-
PUS EPISCO-
PUS.D. MAGNO-
ALDUS. B.
TOZZO.

XI.

B. HERLU-
CA.

B. ADEHAIS.

sem reduxit : permovit non paucas virgines, ut intactum pudicitiae florem Christo consecrarent. D. Laurentij familiari consuetudine fruebatur frequenter, atque ab eo ad sacram Eucharistici epuli mensam crebro ducebatur. Illam quoque D. Viterpus saepe suo conspectu recreavit.

AN. CHRIST.
DCXCVII.

XII.

*Melan. in
natalib. SS.
Belgij.*
D. MARI-
NUS EPISCO-
PUS

IN FLAMMIS
NECATUR.

ANIANUS
MORITUR.

AN. CHRIST.
DCXCIX.

XIII.
CUNIBERTO
REGI LON-
GOBARDORUM
SUCCEdit
LIUTBER-
TUS. RAM-
BERTUS BEL-
LUM MOVET.

Eadem tempestate Marinus Antistes, & Anianus Archidiaconus, viri sapientiâ & divinarum rerum studio præstantes, beatâ morte functi sunt juxta Oenum ad Alpium promontorium. Erant ambo nati bono sanguine in Hiberniâ. Posteaquam bonarum litterarum disciplinis animum probè excoluerant, Romam religionis causâ ad venerandos Sanctorum cineres profecti, ab Eugenio Pontifice Maximo D. Martini Martyris successore, potestatem acceperunt divinæ legis per orbem promulgandæ. Marino concessa est Episcopi dignitas, nullis certæ Diocesis limitibus (quod olim usu receptum erat) definita. Uterque transgressus Alpes, ad eorum radicem diversis usi spelæis, vitam egerunt more præcorum Anachoretarum, oleribus, sale, pane, & si lautissimè epulabantur, quod ipsis perrarum erat, lenticulis & caseo : famem, & perfrequentia jejunia tolerabant per ipsos quadraginta annos. Tamen si solitudine mirè afficiebantur, non sunt tamen passi, istis eremi angustiis suam virtutem sic includi, quin se tradendis vitæ Christianæ præceptis, rudibus populis commodarent. In edocendâ Boicâ egregiam operam locaverunt. Dum id genus tenent instituti, Slavi, qui in Bojariam irruperant, spe prædæ, in sanctorum latebras penetrârunt. Marino ad aram facienti, Deus semel iterumque animos fecerat, hortando, pergeret alacriter, propediem ipsi, juxta & Aniano, ad fore gloriosum laborum finem. Latrones in eâ mortis expectatione de genibus orantem offenderunt; tum illati in ejus antrum, rimari omnes angulos, vestigare recondita; cùmque nihil, quod avaritiæ placeret, esset ad manum, aurum tamen ab extrema viri abstinentissimi paupertate flagitant efflicti. Ille, se olim, abjectis rerum humanarum curis, omnes in Deo opes collocasse, has se illis, si seriò desiderent, monstraturum. At illi ultima quæque minari, nisi Christum ejuret, urgere ut thesauros effodiat : tandemque poscere, ut secum provinciam obeat, ad prodendas profugorum facultates, quocunque loco laterent. Utrumque cùm se facere posse negaret, rapitur ad fidiculas, ab his ad tormenta exquisita, ac denique ad paratos ignes, in quibus passis in cælum manibus, vir innocentissimus, multa precans etiam pro suis intersectoribus, invictum spiritum exhalavit. Anianus morbo prohibitus ne adesset Martyri, ubi primùm ejus necem rescivit, gaudio gestiens, sumpto cœlesti viatico, eadem ipsâ die, quæ fuit 17. cal. Decemb. inter festas, quas sibi accinebat ipse, gratulationes, nullam vim passus, futuri securam animam cœlo transmisit. Divorum ossa ad usque Pipini & Carolomanni ævum mortalibus ignota latuerunt, donec Priamus sacerdos divinitus edoctus ea detexit, & Tollusius Episcopus Aurisium, sic pago nomen, transtulit. Cùm eò loci mirandis operibus clarescerent, haud procul Wasserburgo templum sacerdotiæque eorum venerationi accesserunt, attributis in eam rem Popponis, nobilissimi inter Bojos Dynastæ, fundis, ex hæredum liberalitate. Demum Cono major Palatinus, Uta conjunx cum liberis, Conone minore, & Irmengardâ sorore, cùmque Elisabethâ Cononis uxore, domo Lotharingicâ, ædem prædijs locupletatam, verterunt in usus Cœnobij, cui à Rota præterfluente est appellatio.

In Italiâ Cunibertus Rex Longobardorum naturæ debitum exolvit anno Christi DCXCIX. cùm à patris obitu magnâ cum laude regno præfuisset per annos duodecim. Liutbertum filium, puerili ætate rebus moderandis imparem reliquit Ansprandi viri sapientis tutelæ commendatum. Per imbecillem Regis ætatem, Rambertus Taurinorum Dux rebus turbandis occasionem nactus est. Is ipse est, quem infantem Grimoaldus Beneventanus, Gundeberti Regis percussor, ante annos quadraginta neci passus est subduci. Adjecit animum ad repetendam interfecti patris hæreditatem, quam spe nunquam dimiserat. Ergo ne sibi decisset, tempestivè validas copias contrahit, producitque in Ansprandum, & Rotharitum Ducem Bergomenses, Liutberti in exercitu Legatos, causatus Longobardorum Re-

Regnum, ab avo suo Ariperto Rege bifariam divisum, mediâ ex parte Gundeberto parenti suo fuisse attributum : Eo sublato, jus paternum ad se hæredem pertinuisse, quo, citra injuriam, non potuerit à Partharito patruo, ejusve filio Cuniberto, nedum à Grimoaldo Tyranno, privari. Ansprandus Liutberti tutor pupillum Longobardorum jure defendebat : Impositam nimirum Partharito, ejusque filio, atque nepoti, totius gentis consensu, coronam, nullâ habitâ ratione Ramberti, ut regnum, quod Ariperti inconsultâ in filios partitione, in Tyranni manus devenerat, & propè abfuerat ab interitu, in uno capite coalescens, ad pristinam firmitatem, & avitum splendorem reduceretur. Cum lis disceptatione non finiretur, ad arma fuit veniendum. Collatis signis, Rambertus ad Novariam regium exercitum fufum, profligatumque superavit. Eodem, quo pugnatum est, anno, cum nonnisi octo menses intercessissent, fato functus, victoriæ fructum Ariberto filio reliquit. Hic ratus prosequendas esse belli reliquias, dum fortuna, & Liutberti imbellis ætas invitaret, lectis undique supplementis, in agrum Ticinensem irrupit. Isthic Ansprandus rursus ausus Martem experiri, adversum sensit. Acie devictus, in Larij lacus insulam profugiens, Liutbertum Regem, quem imprudente consilio passus erat interesse pugne, faucium, captumque hostium potestati permisit. Aribertus crudeliter usus victoriâ, Liutbertum Regem balneo clausum suffocavit : Sigibrando Ansprandi filio effodit oculos : Theoderadæ uxori, quod spem reparandi belli ostendisset, ejusque filiz Aurunæ, nasum, auresque amputavit. Ansprandus, compertò parari Insulæ, in quam se receperat, obsidionem, per Alpes Rhæticas evasit in Boicam ad Theodebertum Ducem. Luitprandus ejus liberorum minimus, permissus est ab Ariberto sequi parentem fugitivum, haud dubio nutu divinæ mentis, quæ eum regno destinabat : tam verum est vetus verbum, nullum Tyrannum successorem, aut suorum scelerum vindicem occidisse. Petrus, qui unus erat è Liutberti consanguineis reliquus, Spoletum fuit relegatus : quod mite hominis ingenium nihil ostenderet aptum rebus novandis. Illi, in D. Sabini Martiris æde, in preces effuso responsum cælitus, bono esset animo, futurum olim, ut patriæ redditus, Ticinensem Ecclesiam Pontifex gubernaret. Oraculo res ipsa fidem asseruit. Nam Episcopi munere sanctissimè functus est, cum illustri castimoniz, cæterarumque virtutum commendatione, quam Deus miraculis comprobavit. Tantum Boici sanguinis decus non fuit premendum silentio.

VINCIT
LIUTBERTI
LEGATOS.

MORITUR.

ARIBERTUS
BELLUM
PROSEQUI-
TUR.
LIUTBER-
TUM CAPIT,
OCCIDIT.

XIV.

PETRUS TI-
CINENSIS
EPISCOPUS.

ARIBERTI
SAPIENS IM-
PERIUM.

Aribertus, quod in dominantibus perrarum est, cum Regni ingressum crudelitate insigniter scdasset, progressum eximiâ prudentiæ, justitiæ, & regiæ moderationis opinione exornavit, ut nihil dubitarent Annales, eum in præstantissimorum Regum album referre. Altero, postquam regnum invaserat, anno, Romano Pontifici luculentas possessiones, atque inprimis Alpium Cottiarum, quas Rotharis D. Petri Patrimonio ademerat, restituit, ejusque restitutionis tabulas aureis litteris exaratas, testes extare voluit. Legatos externos ad prisce simplicitatis imitationem pellibus opertus, vili apparatu, & vulgari frugalitate jubebat excipi, cæterâ civilis & blandus, ne illi, Italiæ capti delitijs, domum reduces, suos populares ad florentissimæ regionis invadendas opes accenderent. Noctu solebat alieno indutus cultu civitates obire, ut vulgi sermones de se judicibusque, quos juri dicundo præficiebat, arbitraretur, & si quid in subjectos peccatum resciret, tempestivè castigaret. In ipso desijt Boicæ stirpis in Longobardos imperium, insigni justitiæ divinæ documento, quæ ut in remunerandâ Theodelindæ, posterorūque pietate fuit liberalis, ita in castigandis delictis se præstitit accuratam.

Id quibus modis fecerit, reliquum est ut exequamur. Theodoni Bojorum Duci, rebus humanis exempto, suffectus est Theodebertus ex Agilolfingorum stirpe. Eum non fuisse Theodonis filium, notavit Arnolfus. Defuncti frater an sanguine remotior fuerit, incertum : saltem eum oportuit esse præstantem fide & prudentiâ, quarum meritis, ex legis præscripto, Boicæ Duces antiquo jure legebantur. Ansprandus apud Bojos, non immitte novem annorum exilium expleverat, quando, sive continentibus flagitationibus, sive sortis afflictæ commiseratione, à

THEODONI
SUCCEDIT
THEODE-
BERTUS.
Arnolf. lib. 1.
c. de vit. S.
Emmetam.

X 2

Theo-

XV.

Sigon. in Ari-
bert.

ANSPRAN-
DUS BOICIS
AUXILIIS
LONGOBAR-
DORUM RE-
GNUM IN-
VADIT.

ARIBERTI
INFELIX
EXITUS.

AN. CHRIST.
DCCXII.

LUITPRAN-
DUS AN-
SPRANDO
SUFFICITUR.

DUCEIT
GUNTRA-
DAM BOI-
CAM.

Paul. Diac.

XVI.
BELLUM IN-
FERT THE-
ODONI V.

THEODONIS
RELIGIO.

Paul. Diac.
lib. 6. c. 13.

ROMANA
PEREGRINA-
TIO.

Bed. hist. Ec-
cl. lib. 5. c. 7.

Theodeberto ad Longobardici regni recuperationem suppetias obtinuit. Ijs stipatus, regressus in Italiam mense Martio, in agro Papienli castra habuit. Aribertus, ut erat rei militaris scientissimus, suas copias intrepidus in aciem eduxit. Nec mora, animis utrinque concitatissimis signa collata sunt, ancipiti victoriâ. Prælium nox diremit, Bojorum legionibus haud parùm imminutis. Aribertus potuisset victor haberi, si se pro victore gessisset. Sed Deo, Liutberti necem vindicanti, aliud visum est. Ille, inertis consilio castris suam salutem non ausus committere velut devictus, se Papiæ mœnibus inclusit, quo receptu, suis pavorem, Boijs audaciam iniecit. Id dedecus pejore errore vehementer auxit. Nam suis copijs diffidens, & urbis regiæ munimentis, raptim fugam adornat ad Francos, & semet, quantum gestare potuit, auro prægravat. Unde illi fuga impeditior, & dum flumen tranatu conatur superare, pondere depressus, gurgitibus hauritur. Ejus germanus Gundebertus, fugæ comes, pervasit cum tribus filijs in Franciam, ubi, quod ipsi vitæ superfuit, exul consumpsit. Reginbertus natu maximus, idemque postremus ex Garibaldi Bojorum Regis sanguine, Franciæ Regum indulgentiâ, Aurelianensis urbis præfecturam gessit. Ariberti cadaver postera, quàm perierat, luce ex undis protractum, partam Ansprando victoriam asseruit. Gesta hæc anno DCCXII. posteaquam per annos centum & viginti sex, Longobardorum Regnum penes Garibaldi Boij stirpem, vel affines steterat.

Ariberto ingloriè sublato, Ansprandus Boicis auxilijs regno potitus, tres, non amplius, menses supervixit. Idibus Junij vitâ excessit, cum eo præteritarum ærumnarum solatio, quòd spe vitæ longioris conclamatâ, Luitprandum filium, assiduum fortunæ suæ socium, consentientibus Longobardorum suffragijs, vidit regno destinatum, cui, pronâ omnium voluntate, post patris excessum admotus est. Idem Theodeberto Bojorum Duci, cujus beneficio ad eam fortunam emerferat, gratiam relaturus, Guntradam ejus filiam matrimonio sibi conjunxit, unicamque ex ea filiam sustulit. Videri potuit contracta cum Theodeberto affinitas vinculum fore constantis amicitiae, cum exorta dissensio pacem bello mutavit. Paulus rem tam paucis insinuat, ut neque de causâ, neque de belli ratione, quicquam exerte describat. Nisi nata sit discordia ex lite finium regundorum, quod vero simile est, obditionum propinquitatem fieri potuit, ut aliqua simultas Luitprandum à Theodone V. Theodeberti successore alienârit, quod facile fuit inter juniores Principes, quos æmulatio, levésque offensæ, cum in Boicâ simul degerent, potuerunt irritare, ut minor esset amor, & hospitij reverentia, quàm pro diuturnâ consensione foret necesse. Quicquid demum cautæ fuerit, res in apertum bellum erupit Theodeberto Duce defuncto. Theodo Grimoaldo, Theodeberti fratre, genitus, Princeps fuit clarâ apud finitimos potentiae, & bellicæ fortitudinis existimatione, ad quam laudem accessit insigne religionis in Deum studium, quantum in nullo, ex ejus majoribus fuit. Primus è Bojorum Regulis SS. Apostolorum Limina Romæ adiit causâ venerationis, quod credibile est, pace cum Luitprando compositâ, contigisse, cum Gregorius II. Pontif. Max. Sedi Apostolicæ præset, quod ab Anastasio notatum est, qui ejus peregrinationem refert ad indictionem decimam quartam, ut non immeritò credi possit, eam in annum septingentesimum decimum sextum incidisse. Quam ad pietatem incitari potuit Angliæ Regum exemplo, quos ab extremis Britannis, ad supremum religionis domicilium, Romani Pontificis reverentia exciverat: quod videre est apud Venerabilem Bedam, qui Ceadualix peregrinationem ad annum DCLXXXIIX. Conredi ad DCCIX. memorat. In eo, quod dixi, bello, Luitprandus, quod unicum Paulus memorat, multa Bojorum castella invasit, nihil præterea, quod constet, gessit memorabile. Cæterum Theodonis probitatem cælum remunerare visum est tergeminijs filijs optimæ indolis, quos, ubi adoleverant, in vicariâ Provinciarum procuratione exercuit, ditione quadrifariam divisâ, cujus ipse Theodo partem unam sibi regendam servavit. Uni nomen fuit Grimoaldus, duobus alijs, Theodebaldus, & Hugibertus.

Aliud

Aliud à DEO Boicæ beneficium obtrigit, ipso rerum potiente, quando D. S. CORBINIANUM ad eam gentem divinis institutis erudiendam submisit. Jam antè vir sanctus Galliam insigni nominis sui famâ, & magnarum virtutum exemplis impleverat. Natale ipsi solum dedit Melodunum, Senonum civitas. Monasterium ad S. Germani condidit, pèrque annos quatuordecim, tantâ sanctimoniz existimatione incoluit, ut, cùm continente propè confluxu omnium ordinum, ejus opem poscentium, interpellaretur, dolens, se toties à cœlestium rerum meditatione avocari, aliam stationem, ubi lateret ignotus, sibi putaverit esse quærendam. Eam Romæ petijt à Gregorio Pontifice, nec impetravit tamen, quòd ejus opera in procurandâ mortalium salute longè futura esset utilior. Auctus Episcopi dignitate, reversus in Galliam, priorem sanctitatis opinionem, operum divinitus patratorum luce, nolens volens, sic anxius, ut ad defugiendos hominum plausus, Meloduni pèr septennium delituerit, ubi tamen omni, quâ potuit, ratione, hominum occursum vitavit, nullâ tamen cautione obtinere potuit, ne rursus ejus fama ex istis latebris promicaret, excitèrque quamplurimos ad eum visendum, ingente frequentia. Quamobrem Romanum iter ingressus, ne à popularibus retraheretur, mutatâ primæ profectiois ratione, in Boicam, spiritu, quo ducebatur, impellente, contendit. Hic memor jussorum Gregorij Pont. Max. quibus eum monuerat, ut pro Episcopi munere, verba de rebus divinis ad populum crebrò faceret, magno id cum fructu præstare est aggressus. Theodo ejus videndi, audiendique desiderio, ad se accersitum, & quæ vulgò de ipso ferebantur, egregiè implentem, quâ precibus, quâ magnæ frugis expectatione induxit, sibi ut in Boicâ sedem cooptaret. Idem seriò egit Grimoaldus Ducis filius, qui Boicæ partem, quæ Italiæ proximè respicit, administrabat. Sed cùm ille Romanum iter urgeret, nec invitum deceret retinere, amplis donatum muneribus dimisère, additis comitibus, qui abeuntem ad Italiæ fines deducerent. Habuère ijdem in mandatis, ut Venusticæ vallis incolis, aliisque circum populis injungerent, ut Corbinianum Româ reverentem ad Regiam, quæ Frisingæ tunc habebatur, comitarentur. Ferunt, euntibus, in Breonum regione, inter Alpium aspera nocte intempestâ ursum occurrisse, & dilaniasse equum Corbiniani clitellarium, jussumque ab eo, vicarium in ferendis sarcinis, obsequium subiisse. Luitprandus Rex, excitatus viri sanctitate & miraculis, quæ eum ubique comitabantur, eunti Romam, redeuntique quantum potuit honorem haberi voluit, neque judicavit esse infra regiam majestatem, ad illius genua prostratum, poscere bonam apprecationem, & commendationem apud DEUM. Ut venit in urbem, Gregorius Pontifex, solitudinem flagitanti, negavit Episcopo convenire in latebris, vel in umbrâ alicujus asceterij sibi soli vacare, jussitque reverti ad provincias, in quibus meliorem operam excolendâ Domini vineâ collocaret. Quare, ut morem gereret tantæ authoritati, & sanctioribus rationibus, iter relegit in Boicam. Haud procul Meraniâ Tiroleos, Majensis castri præsidarij, ut erant jussi, retulerunt, Grimoaldum Ducem postulare, ut tantisper eò loci quiesceret, dum Principem de ipsius adventu edocerent. Substitit non invitus, eò maximè, quòd nactus esset otium, D. Valentini Episcopi Bataviensis Lipsana, isthic condita, religiosè venerandi: simul capiebatur aviâ solitudine ad Timonis & Finalis confluentes. Dum corporis vires, animûmque reficit, venère à Grimoaldo nuntij, rogantes, se ut lubens pateretur honoris causâ deduci ad Principem, qui avidè eum expectaret. Assensus est, non tamen sine pugnâ. Et erat, cur Grimoaldi congressum averfaretur. Theodebaldus Grimoaldi frater è vivis nuper abierat, Pilitrude Francici sanguinis viduâ relicta. Hanc Grimoaldus incestis nuptijs duxerat. Crimen execratus Corbinianus, per internuncios Principi interminatus est gravem D. Pauli comminationem, neque adulteros, neque fornicatores regnum DEI possessuros: & se quidem in ejus conspectum non venturum, nisi prius admissum cum Pilitrude crimen expiaret. Ea denunciatio graviter quidem Grimoaldum, sed Pilitrudem longè gravius affecit, ut parùm absterit, quin Herodiadis sævitiem, ultimæ crudelitatis exemplo, renovaret. Non

XVII.

ROMAM
PROFICISCI-
TUR.

REDIT IN
BOIARIAM.
Marsch.

XIIX.

GRIMOALDI
ET PILITRU-
DIS NUPTIAS
ACCUSAT.

PILITRUDIS
IN CORBINI-
ANUM IRÆ.

XIX.

desijt tamen Corbinianus, per certos homines agere partes Joannis, Christi præcur-
soris, cum egregiâ libertate. Tenuit contentio dies omnino quadraginta, donec
flexis ad pœnitentiam reis, ambo malè nupti conjuges, ad Episcopi pedes strati,
peccatum detestantes, in gratiam sunt recepti, eâ lege, ut Deum seriâ pœnitundine,
jejnijs, orationibus, & piâ in egentes liberalitate sibi propitiarent. Utrunque
compositos Corbinianus satis clementes expertus est. Grimoaldus ejus suâsu,
D. Virginis basilicæ Frisingensi agrum Caminensem, non longè à castro Majensi,
donavit. In Caminâ Divorum Valentini & Zenonis honori templum construxit
Corbinianus, adjecitque latifundia, auro, quod olim à Pipino Heristallo dono ac-
ceperat, coëmpra. Pilitrudis tamen vulnus occultum, quod in horas exacerba-
batur, arte muliebri tegeter, nondum tamen obsoleverat cupido vindicandi acce-
ptam ignominiam, cujus ipsi identidem recurrebat importuna memoria. Ac-
cessit Corbiniani factum, quod hodierni mores nimix severitatis accusarent, nisi
priscæ simplicitatis austeritas, & fervens animarum zelus, sanctum virum absolve-
rent. Cùm essent mensæ assessor, Corbinianus epulis bene precatus est consu-
etâ oratione. Ut accubuerant, advertit, Grimoaldum panis frustum de mensâ
cani proijcere. Quamobrem indignans sellâ exiliit, & eversâ mensâ, fusisque
humi patinis, sese è loco proripuit, indignos clamitans hominis Deo sacrati confor-
tio, & usu ciborum, quos ritu solenni expiaverat, qui canes, nullo profanorum, &
sanctorum eduliorum discrimine, dignos pane, sacris precibus initiato, judicarent.
Grimoaldum ea dicendi, agendique licentia nonnihil movit, sed Pilitrudi, quæ oc-
casioni vindictæ insidiabatur, omnem simulationem excussit. Quare mirum
quantum excandescens: *Vide, (inquit) Princeps, quem tu hominem forveas, qui
non modò tuum thorum, sed etiam mensas audet execrari inaudita maledicendi libertate.
Quid criminis est, cani bolum objecisse? sed quid non criminis, regias epulas, quibus ipse
benedixerat, omnes abjecisse, te prasente, inspectante aulâ, & ad tua majestatis ludibrium
exhorrente? Novas videlicet sacrilegiorum leges, novus (si superis placet) Lycurgus alijs
figit, sibi refigit. Si frustulum profanasti, mensam ille totam profanavit: qui te dam-
nat, se interim vult videri sanctum & innocentem.* Sic illa, quàm poterat invidio-
sissimè, factum interpretabatur. Grimoaldus nihilominus iram in potestate habuit,
nec quicquam motus Pilitrudis exostulatione, misit è vestigio, qui Corbinianum
abeuntem clementer attinerent, ipsèque mox cum proceribus secutus, omni de-
limitum humanitate, in Regiam reduxit. Corbiniani pietatem visi cœlites compro-
basse. Stabat jam tum in colle S. Stephani, è regione Frisingæ, sacra ædes, quam
ille precandi causâ frequens solebat adire. Cùm aliquando nequiret consuetâ
pietate defungi, socios jussit eò loci ad matutinam comprecationem se conferre.
Clivum subeuntibus apparuere lumina per templi fenestras, ipsùmque tectum, mi-
rifico splendore, promicantia: auditus suavissimus concentus geniorum, Deo lau-
des dicentium: ædem ingressos excepit odor fragrantissimus, qui per triduum
omnes Arabiæ suffitus superavit. Adscriptum hoc Corbiniani sanctitati, cujus
vicem supplerent cœlites, ostenderentque, divinum ardorem, & desiderium elimi-
nandæ improbitatis non esse sub modio recondendum, sed exponendum oculis,
super excelsum Episcopalis sapientiæ candelabrum. Corbinianus, animadverso,
locum istum Deo esse cordi, domum modicam templo adjunxit, cùmque aquæ
penuriâ mons laboraret, uberem fontem à Deo exoravit, qui eo demortuo ex-
aruit, rursùmque scaturijt post annos quinquaginta (Aribo quadraginta numerat)
quando ejus reliquiæ Frisingam fuerunt adductæ. Secundùm hæc, Pilitrudis
aliam turbam causam attipuit. Tendebat Corbinianus ad Deiparæ Virginis
templum, quod Frisingæ erat dignitate præcipuum, ut de more vespertinas preces
perfolveret. Eunti venit obviam mulier rusticana, veneficij dudum suspecta,
quam comitabantur viri aliquot, sarcinis bene onusti. Interrogata à Corbiniano
unde veniret, quorsum tanta rerum moles? Venio (inquit) ex Regiâ: unde sunt ea
munera, quæ Principis liberalitate aufero, eò quòd filiolum, maleficio ad extrema
properantem, meis artibus (præstigias notabat) ad sanitatem revocavi. Corbi-
nianus

XX.

nianus raro aliàs sic est indignatus. Illic enim in strigis os involans fœdè multatæ dona ademit, jussitque ad urbis portam dividi in egentes. Pilitrudis Lamizæ qui-
 ritationibus propè versa in rabiem; furere, ultionem parare, Corbinianum ad ne-
 cem designare, indignari Grimoaldo, exprobrare abjectum ingenium, quod to-
 ties læsus, manus ab inimico Antistite abstineat. Sed cum mirificam Ducis man-
 suetudinem non posset efferare; Nino, ministrorum ad patranda scelera expedi-
 tissimo, negotium dat, Corbinianum mox è medio tollendi. Jam ferrum para-
 tum erat, quod in sancti viri viscera conderetur, nisi mutato per eam noctem con-
 tubernio, fugâ elapsus, primâ luce, Majas evasisset. Ex eo loco, per certum ho-
 minem, propinquantem Numinis vindictam Grimoaldo denuntiavit: Ipsum Du-
 cem pœnas morte daturum, Pilitrudem miserè perituram: Infantem, magico car-
 mine lustratum, brevi expiraturum. Vaticinio res ipsa respondit. Carolus Mar-
 tellus Francorum Princeps, trajecto Danubio, movit in Bojariam, ubi defunctus
 bello difficili pacem iniit, quæ anno insequente Bojorum rebellionem est abrupta:
 rebelles victi, innumerisque affecti incommodis. Pilitrudis, cum Sunichilde
 nepte, inter spolia, venit in victoris manus, & denique omni dignitate, facultati-
 busque universis exuta, velut piaculare ostentum in asello circumducta, & per
 varios errores deportata in Italiam, improbam animam, post incredibiles ærum-
 nas, exhalavit. Liberi, quos Grimoaldo pepererat, paternâ hæreditate excide-
 runt. Grimoaldus à sicarijs fuit trucidatus. Ninus famulus nefarius, dum al-
 vum levat, lanceâ confossus est. Grimoaldi mortem Annales referunt in an-
 num DCCXXIX.

Ad Hugibertum, qui unus è Theodonis V. filijs supererat, totius demum
 Boicæ imperium devenit. Is, ut DEUM Boijs propitiaret, Corbinianum precibus
 adduxit, ut lubens volens in suam sedem remigraret. Frisingam reversus, sodalibus
 diem mortis propediem adfuturæ prædixit: Tum à Luitprando Rege, qui Majas
 bello occupaverat, impetravit, ut earum dominium Frisingensi Ecclesiæ perpe-
 tuò addiceret, & demortui funus eò loci condi pateretur, quod ipsum supremis vo-
 tis ab Hugiberto poposcit. Tandem, octavo post die, sacris ad aram operatus,
 cum domum revertisset, vino extremis labijs vix libato, crucis signo frontem mu-
 niens, sanctam animam, nullo doloris sensu, DEO reddidit. Frisingenses, supre-
 mæ ejus voluntatis immemores, ad D. Virginis Deiparæ funus tumultârunt. Sed
 mox apparuit, DEO non esse cordi, ut, quod vir sanctus ultimis mandatis jusserat,
 præposterâ religione negligeretur. Totos enim triginta dies continens imbrium
 profusio sic fœdavit, ut Hugibertus corpus jusserit exhumari, & de vehi in eum lo-
 cum, quem ille sibi vivens delegerat. Urnâ apertâ, nullâ parte tabefactum appa-
 ruit, sed per omnia intaminatum, & dormienti, quàm exanimato similis: cum mo-
 veretur, sanguis manavit è naribus. Cum rursus Maijs cadaver lustraretur, idem
 contigit, & spirantis speciem præ se tulit. Edita sunt tum in itinere, tum Maijs
 opera supra naturæ vires, quæ Divi sanctitatem affirmârunt. Isthic ad S. Valenti-
 ni sepultus est. Tertio post exequias die, adultâ nocte, in templo micuère faces
 tantâ luce, ut vincere diem viderentur. Afflatus est simul totâ æde odor suavis-
 simus, testis virtutum, quarum fragrantia DEUM hominèque Corbinianus vivus &
 moriens recreârat. Ejus obitus incidit in annum Christi DCCXXX.

Tanti viri jacturam Deus sarfit, submisso in Boicam D. Bonifacio, qui, si quis
 alius, Germaniam egregijs virtutibus, & exantlatis pro Christo laboribus illustravit.
 Illi Britannia primam lucem dedit: fuit eidem genus inter Anglos nobilissimum.
 Nascenti nomen Vinifridus: quod cum Romanis auribus durius sonaret, Episcopus
 mutavit in Bonifacium, bono omine, cui magna in mortales beneficia re-
 sponderunt. Primum ætatis florem DEO, pietatîque sacravit inter viros, rei asce-
 ticæ scientissimos: tum ad sanctum presbyterij ordinem evectus, Romæ à Grego-
 rio II. potestatem propagandæ ubique gentium religionis amplissimam accepit:
 anno Christi DCCXIX. in Frisiam se contulit Evangelium promulgaturus. Quam
 ad rem haud mediocre emolumentum attulerunt literæ Pontificiæ, ad Carolum

E ADEM
 CORBINIA-
 NUM AD NE-
 CEM DESI-
 GNAT.

BOII REBEL-
 LES A CARO-
 LO MAR-
 TELLO DE-
 BELLATI.
 GRIMOAL-
 DI ET PILI-
 TRUDIS FU-
 NESTUS EXI-
 TUS.

AN. CHRIST.
 DCCXXIX
 DUX HUGI-
 BERTUS GRI-
 MOALDO
 SUCCEDIT.
 CORBINIA-
 NUS REDIT
 FRISINGAM.
 XXI.
 MORITUR.

AN. CHRIST.
 DCCXXX.
 S. BONIFACII
 NATALES,
 STUDIA.
 XXII.

Marian. Scot.
 in Chron.
 Baron. in an.
 719.

Mar-

LABORES
PRO RELI-
GIONE

Ludger. Mo-
nast. Ep. Ve-
rustus Cod.
Biblioth. Ful-
den.

DD. WILI-
BALDUS,
WUNIBAL-
DUS, WAL-
BURGIS, CU-
NIBURGIS.
S. SEBALDUS.

Martellum, Episcopos, Clerum, Duces, populósque universæ Germaniæ, & sigillatim ad Thuringos, apud quos fecit grande operæ pretium, quale etiam retulit ab Hassis, aliisque Germaniæ gentibus, Rhenum & ultiores versus Orientem tractus accolentibus. Fructus etiam tulit uberiores, posteaquam anno DCCXXIII. Romæ à Gregorio Pontifice dignitate Pontificali major, præstitoque solenni juramento, cujus formulam descripsit Baronius, longè, quàm antè Christo addictiores expertus est Germanos, eâ Catechumenorum & Neophytorum frequentia, ut tandem neque ipse, neque, quos in laboris partem adsciverat, Presbyteri, pares essent multitudini sacræ doctrinæ imbuendæ. Quamobrem evocandæ fuerunt à Britannia suppetiæ, in quibus Wilibaldus & Wunibaldus, viri præstantes, mulieres item præclaræ, Waldburgis & Cuniburgis, quorum omnium nomina rebus pro Deo gestis in Boicâ inclaruere. Additus est Sebalus pari vir nobilitate, nec sanctitate dispari, qui cum primam ætatem in litterarum juxta & virtutum studio posuisset, Alexio non absimilis, spretis, quas invitatus inerat, nuptijs, paternam domum intactamque sponfam noctis beneficio deseruit, patriam voluntario mutans exilio, ignotus mortalibus, notissimus Deo atque cœlitibus, per annos quindecim peregrè exactos. Post, Romam profectus voti causâ, missus est à Gregorio Pontifice in Germaniam, & delatus in Bojorum fines, claruit miraculis, præsertim Reginoburgi, ubi hodièque pij in suæ felicitatis parte reponunt, quod tali aliquando hospite fuerint eorum majores gavisi. Danubium trajecturo, cum navigij non esset copia, penula pro rate fuit. Nautæ oculos per injuriam effossos restituit: cum ligna deessent, glacie focum instruxit. A Norinbergenfibus post fata in tutelarem assumptus, magnis fuit cultus honoribus, donec cives sacra mutarunt.

XXIII.

ERENVOL-
FUS HÆRE-
TICUS

A BONIFA-
CIO DAM-
NATUR.

AN. CHRIST.
DCCXXX
IIX.
BONIFACIUS
DENUO RO-
MAM ADIT.

Bonifacius inter hæc, quot diebus, Deo sacratissimam incruenti sacrificij hostiam, ut sibi & Germaniæ cœlum propitiaret, immolavit, ac demum suscepit in se peculiarem curam Boicæ erudiendæ. Eam provinciam aggressus est post excessum Gregorij II. Pontificis sanctissimi, quem historia ob singularem vitæ sanctimoniam Magno Gregorio censuit esse comparandum. Ejus successor Gregorius III. anno DCCXXXI. Bonifacium sacro pallio, & Archiepiscopi munere honestavit. Eâ tempestate per Erenvolfum, hominem planè pestilentem, flagitiosa hæreseos dogmata in Boicam irreperunt, eò grandiore periculo, quod Boij fueri cœlestis doctrinæ præcones, non secus atque lapsa quædam è cœlo numina accipere, ob candidam ingenij per se boni docilitatem, magis patebant impostorum fraudibus. Bonifacius, cognitis nefarijs Erenvolfi molitionibus, propere grassanti malo occurrit. Primus illi labor fuit in lupi dolis indagandis. Mox, ubi comperit, pestem animabus inferre, diris devotum à piorum cœtu proscripsit, ac denique vulgus contagio jam infectum, erroresque dedoctum, revocavit in viam. Rebus ad eum modum compositis, denuo profectus in urbem, anno, qui sæculi istius octavus fuit supra trigésimum, Francos, Britannos & Bojos, magno numero, socios itineris habuit. Roma eum non aliter, quàm multarum gentium, devictâ impietate, triumphatorem venerata est: Pontifex Maximus paternè excepit. Ad cætera beneficia accesserunt sacra Divorum ossa, quibus ditatus, lætior redijt in Germaniam, quàm si alias qualvis urbis opes retulisset. Adjecit Gregorius III. Epistolam ad Bojos & Alemannos, quâ illum Pontificis vices agentem jussit in eo, quo par erat, honore haberi. Injunxit præterea Episcopis, ut præsto essent Bonifacio, sive Augustæ, sive ad Danubium, aliòve loco comitia indiceret. Eisdem hortatus est, ut divinæ vocationi dignè responderent, suo ministerio ritè fungerentur, juxta normam sanctæ Catholicæ & Apostolicæ DEI Ecclesiæ: religiones gentiles extirparent, lupos sub ovinâ pelle venientes, sacerdotes fucatæ virtutis, à suis gregibus arcerent: edocerent populos sibi commissos abstinere à mortuorum sacrificijs, qualia videlicet gentilibus erant usitata, quando sacris inferijs operabantur, fundendo humanum sanguinem, laniando genas, uti scribit Servius: vel, quod diu Christianis adhæsit, uti videre apud D. Augustinum lib. de moribus Ecclesiæ,

cap.

cap. 34. ubi reprehendit sepulchrorum adoratores, qui quorumlibet mortuorum sepulchris eum deferabant honorem, ut, tametsi Sanctorum cineribus forent vacua, super illa luxuriosè epularentur, suamque voracitatem religioni tribuerent. Episcopos præterea hortatus est, pergerent sanæ fidei tenere constantiam, seque præstare dignos, quos in decretorij judicij die supremus Judex, patris cœlestis benedictione ab impijs segregatos, ad regnum ab origine mundi pietati paratum, vocaret.

An inter hæc Dux Hugibertus fuerit in vivis, dubium fecere scriptores. Arenpeck ejus obitum anno DCCXXXIX. adscribit. Steindelius rejicit ad annum DCCXL. Quidam ad DCCXXV. Utilo II. an velut Hugiberti hæres, an alio nomine, migravit in defuncti locum, Princeps magnanimus & apprimè religiosus. Et verò tali Duce Boica indigebat. Etenim licet Erenvolfi infelix solium esset evulsum, tamen multæ ejus generis herbæ totâ passim provinciâ manibus sacrilegis serebantur à quibusdam, qui obtentu Romanæ legationis, mentientes se à summo Pontifice nactos esse tractandorum divinorum amplissimam potestatem, vulgus incautum trahebant in errores. Utilo, ut gliscenti malo mederetur, Bonifacij, qui ex itinere Romano ad Luitprandum Regem rediens diverterat, opem imploravit, impetravitque, ut ocyus reversus in Boicam, furtivos istos religionis hostes sibi sumeret debellandos: quâ in re diu multumque fuit viro sapienti laborandum, factò à primis doctrinæ Christianæ elementis initio, ne qua labes plebis imperitæ simplicitati adhæreret. Ut verò deinceps ad manum essent Episcopi, qui pro religione sedulò excubarent, Boicam in quatuor Diœceses est partitus, quibus Antistites singuli per continuam successionem admoverentur, & constanter advigilarent, ne qua doctrinæ morumve corruptela populorum animis imponeret. Salisburgo præfecit ex D. Petri Cœnobio Joannem: Frisingæ Erimbertum defuncti Corbiniani germanum: Reginoburgo Garibaldum. Laureacensis sedes cum Bataviensi paulatim coaluerat, ubi Philoni & Brunoni Theodorus successerat. Theodoro Vivilum, sive Vivilonem, Gregorius Pontifex nuper surrogarat, qui demum sub Hugiberti Ducis excessum sacerdotia, sacramque jurisdictionem Batavium transtulit. Bonifacius supremam Romanæ sedis auctoritatem reveritus, eum loco non movit, satis habens, ipsius Diœcesi, perinde atque alijs certos terminos præfixisse. Eorum denique, quæ gesserat, rationem per litteras reddidit, accepitque à summo Pontifice responsum.

Diligentem religionis in Boicâ procuracionem excepere bella, nata in Franciâ ex regionum fratrum discordijs, & in Boicam hæc occasione propagata. Carolo Martello primo Francorum Principe mortuo anno DCCXLI. tres superfuere filij legitimis natalibus, Carolomannus, Pipinus, Gripho, & hic quidem natus ex Sunichilde, sive Suuanahilde Utilonis Bojorum Ducis nepte. Duxerat Utilo superpetias Martello adversus Saracenos, qui ex Hispaniâ se Gallix infuderant, inque ijs debellandis egregiam operam navaverat, eo successu, ut Martellus Bojos mirificè collaudatos cum amplâ remuneratione domum remisit. Nec procul à vero est, quicquid nonnulli sentiant, Martellum in gratiam Utilonis, quem Francorum rebus addictum senserat, Sunichildem justis nuptijs duxisse; non autem pellicis habuisse loco, quod aliquibus visum est, præsertim Hermannò, qui Gripho- nem ejus filium pro spurio descripsit: Nam pellicatus non fuisset præmium vel honor, sed injuria & dedecus, non Utilonis modò, sed etiam totius Boicæ nationis. Martelli hæreditatem soli adierunt Carolomannus & Pipinus: posterior demum fuit auctus regio nomine. Griphonis, quòd turbulento esset ingenio, ea duntaxat habita est ratio, ut tota ejus fortuna fratrum benevolentia nitetetur, cætera, quæ cum ad res novandas potuissent incitare, studio fuere subducta. Id ille suorum natalium injuriam interpretatus, Sunichilde matre juveni ambitioso, & per se satis incitato, facies subdente, utrique fratrum bellum indixit. Eum natu fuisse Martelli filiorum maximum scribit Aimoinus, ut mirum non sit, nisi vitium aliquod intercefferit, eum graviter sensitse, quòd omni jure paternæ hæreditatis pri-

Part I.

Y

vare-

Arenp. l. 2.
c. 23.

XXIV.
HÆRESES
PULLULANT
IN BOICA.

ELIMINAN-
TUR A BO-
NIFACIO.

QUATUOR
BOICÆ DI-
ŒCESES.

XXV.
Aimoin. lib.
4. c. 58. & 61.

BELLUM IN
BOICA.

GRIPHO
CAROLI
MARTELLI
FILII

FRATRIBUS
BELLUM IN-
FERT.

CAPITUR ET
ATTINETUR.

XXVI.

HILTRUDIS
MARTELLI
FILIA NUBIT
UTILONI.

Hund. p. 283.
§. ult.

PFEFFEN-
MUNSTERII
INITIA.

Franc. Guil.
liman. de E-
pisc. Argen-
tin. p. 99.

CAROLO-
MANNUS ET
PIPINUS
VINCUNT
UTILONEM.
AN. CHRIST.
DCCXLIII.

XXVII.

Marian.
Sigeb.
Fredegar.
Aimoin.

PACEM FA-
CIUNT.

vareretur. Collecto igitur confestim exercitu, Laudunum invasit. Fratres eâ vi-
laceffiti, confestim advolantes, Griphonem inconsulto Lauduni hærentem, coro-
nâ cinctum, captumque custodiæ, in Novo Arduennæ Castro, mæncipant, reti-
nèntque clausum, donec Carolomannus, cui ejus asservandi cura potissimum in-
cumberebat, Romam est profectus, quod Regino notavit anno DCCXLVI. con-
tigisse. Sunichildis, ne filium in istis angustiis desereret, cum nulla ipsi spes in
Francicis auxilijs superesset, Ducem Utilonem, atque per eum Germaniam in
Francos armare aggressa est. Utilonem ut accenderet, hac arte usa est: Erat ex
legitimâ Martelli sobole Hiltrudis, Princeps digna quantalibet affinitate; Huic
Sunichildis persuadet, ne velit esse in potestate fratrum, qui tam iniquè sibi unis de-
functi patris imperium, fratre, cæterisque hæredibus ignominiosè contemptis,
usurparent: Quid enim humanum possit à tantâ iniquitate sibi polliceri? si se de-
sertam velit atque inopem, posse quidem sui sanguinis & avitæ fortunæ oblivisci:
sin velit aliud, esse in promptu modos, quibus se ab avaris paternarum opum in-
cubatoribus, magnæ suæ dignitatis incremento, valeat expedire. Non ita pridem
potuisse ipsam suis oculis arbitrari, Utilonem Boicæ potentem, unâ cum Martel-
lo, æquali propè gloriâ triumphâsse de Saracenis: Non latere eam, quanta sit in
magno Principe morum venustas, formæ elegantia, actionis majestas. Hunc si
maritum velit, esse in ejus optione: certè nullum reperturam, qui cum ipso, digni-
tate, potentiâ, clientelis, queat conferri. Hiltrudis, his capta illecebris, consti-
tuit in Boicam proficisci, vel conjux futura, vel quietura procul à turbis Franciæ.
Fratribus insalutatis, abeuntem profecutus est virorum illustrium comitatus ultra
Rhenum. Utilo tamen non esset nescius, se talibus nuptijs graves suscepturum
inimicitias, victus tamen & suo & Hiltrudis desiderio, eam sibi justo matrimonio
sociavit. Inepit Sigebertus, cum scribit, Hiltrudem Pipini sororem ab Utilone
(quem malè Ogdilonem nominat) fuisse raptam, indèque natam esse Ducis rebel-
lionem: nulla enim prorsus vis fuit illata nuptæ, neque ijs, in quorum erat potesta-
te, sed ipsa lubens, volens, inconsultis quidem, sed nullam passis violentiam, fratri-
bus, in manus convenit Utiloni, qui tamen Francos offendit, eò quòd, resumpto
Regis titulo, visus est eorum dominatum excutere voluisse.

Ex ijs nuptijs prognatus est anno DCCXLII. Thassilo, Princeps pace bel-
lòque clarus. Anno sequenti Utilo construxit Pffeffenmunsteriense Cænobium
suasu D. Pirminij, qui D. Tiburtij honori templum adnexum dedicavit. Otto Epi-
scopus Argentinenfis primos è D. Benedicti familiâ colonos Cænobio submisit,
qui sedes postea cum Canonicis Mettenensibus commutârunt, anno M. C. LVI.
Cæterùm Carolomannus & Pipinus, sororis abitu & matrimonio vehementer
offensi, dum vindictam meditantur, bello Aquitanico & Alemannico sunt prohi-
biti, quò minùs suo dolori statim obsequerentur. Postmodum utroque bello vi-
ctores, anno, quem dixi DCCXLIII. movère in Boicam. Utilo armatus occurrit
ad Lyci ripam, ubi castra flumen sic dirimebat, ut neque muruum conspectum,
neque colloquia interciperet. Isthic sedère, quousque Franci, nocturnis tene-
bris ad trajectum usi, inobservatæ legiones, quâ vadosus erat amnis, transmittentes,
Bojos invaserunt, & non sine multo suorum sanguine sic turbârunt, ut cum magnâ
strage Utilonem victum usque ad Oenum profluentem fugârint. Hâc ille edo-
ctus clade modestiùs de se sentire, posuit regios titulos, quos erat expertus nihil
adversus potentiorum vires potuisse, & contentus priore Ducis appellatione, spi-
ritus sumpsit submissiores, qui ad conciliandos hostium animos plùs, quàm arma,
valuerunt. Accesserunt Hiltrudis preces, ne bellum, suâ causâ cœptum, longio-
ribus odijs proferretur. Verterent potiùs, uterque frater, iras in sororem, quæ
bello materiam attulisset; non pugnarent in maritum, qui pacem coluisset: animo
secum reputarent, futurumne sit ipsis gloriosius redire ad cruenta certamina, &
matrimonij fœdus, bene sociatum, infonti sanguine imbueret, an offensam donare
sorori, quæ suis natalibus nihil indignum egisset: respicerent, ex honorifico con-
nubio nuper natum Thassilonem, cujus innocentia turpe foret irasci, qui tamen
læso

Islo parente illæsus esse non posset. Talia fratribus denuntiantem, dubium non est, apud maritum suadendo multum egisse, ut vellet honestis conditionibus arma ponere. Utrique partim persuasit, ut anno sequenti mutuâ consensione pax reconciliaretur.

Bonifacius, inter hæc, amplissimâ legatione sedis Apostolicæ in Franciâ perfunctus, cum Adelbertum Gallum, & Clementem Scotum, Pseudoepiscopos fœdis criminibus, Hæreseos inprimis, damnatos proscriptisset, reversus in Boicam, similis farinae fucos, qui turbas antè compositas instauraverant, cœpit exagitare. In ijs fuit larvatae pietatis Episcopus, qui cum se Pontificiâ autoritate fidei magisterio adnotum mentiretur, Bonifacius Zachariam, qui Gregorio III. anno DCCXL. successerat, de hominis imposturis edocuit, impetravitque, ut lupus, ovinâ pelle tectus, per litteras pontificias à Christi præsepibus arceretur. Iisdem litteris Pontifex prerogativas à Gregorio II. concessas, & jurisdictionem Bonifacii in Bojariæ Ecclesias non modò sanctas habuit, sed auxit etiam, voluitque esse ratas, donec eum divina majestas vellet superare. Quanto cum fructu eâ potestate usus sit, ostendunt egregia monumenta propagatae per ipsum religionis, accensa Principum studia, ad tuendam novis præsidij religionem.

Quam ad rem præcipuè incubuit Carolomannus Princeps, si quis alius, reum divinarum eâ tempestate studiosissimus, qui Wurceburgensis Episcopatus, juxta & Eistadiani condendi author fuit. Posteriori Wilibaldum, priori Bureardum, utrumque gentis Britannicæ, Bonifacius præfecit. Eistadiani hæc fuere primordia. Wilibaldus Româ reversus, posteaquam ex itinere Ducem Utilonem salutaverat, ad Suiggerum Comitem Hirsbergensem divertit. Bonus Comes de facultatibus, quas habebat amplas, in divinos usus transcribendis deliberabat. Huic Wilibaldus persuasit, ut potissimam Dynastiæ partem Deo addiceret. Quæ res ut esset firmior, Utilonis approbatione, & Bonifacii auctoritate perfectum est. Sedi Episcopali locus delectus est ad flumen Almonium, quem Aichstadium à querceto, quod eò loci succisum est, populares dixerunt. Wunibaldus Wilibaldi germanus, Heidenheimi Virorum; Walburga sceminarum cœtus religiosos, diversis contubernijs distinctos, sanctisque adstrictos legibus, constituerunt. Eodem propè tempore Sturmio, nobili apud Bojos stirpe oriundus, Carolomanni liberalitate Fuldenis Cœnobij fundamenta jecit. Ille ab adolescentiâ fuerat D. Bonifacii institutioni traditus à parentibus, sub quo cum virtutum tirocinium posuisset, à Wigberto, qui unus erat è Bonifacii sodalicio, sedulo fuit excultus. Sacris subinde initiatus, Italiæ Monasteria obivit, è quibus hausit exempla eximie probitatis, quam, regressus Fuldam, largè in suos alumnos derivavit, eo fructu, ut D. Bonifacius loci sanctitate delectatus, supremâ voluntate, Fuldæ sibi sepulchrum elegerit. Tantæ exinde confluxere opes, ut, vivo adhuc Sturmione, satis essent ad usus religiosos quadringentorum Monachorum, ingentium eleemosynarum, & ad familiæ sustentationem.

Sub hæc tempora, D. Virgilius, Hibernus domo, nobilis apud Pipinum Francorum Regem, inter primæ admissionis viros versatus, divertit in Bojariam, cum insigni præclarorum hominum comitatu. Illi suborta quæstio cum D. Bonifacio, an sacerdos quidam ineruditus in sacro baptismo rectè usus esset hac verborum formâ: *In nomine patriæ, filia, & spiritus sancta*. Litem Zacharias Pontifex Maximus Epistolâ, anno DCCXLV. datâ, secundum Virgilium decidit, asserens; nihil opus esse, eâ formâ baptizatos, rursus sacris undis tingere. Sed & aliquid dissidij subinde sanctis viris intercessit, aliquorum malè feriatorum instinctu. Nitebantur videlicet magnas utriusque virtutes clancularijs obtreccionibus collidere, ut mutuis simultatibus implicitos, per fictas criminationes apud ignarum vulgus viles redderent & exosos. Mentiebantur Virgilium alienasse Utilonis animum à Bonifacio, & jactare, se à Zachariâ Pontifice potestatem accepisse, succedendi in locum unius, è quatuor Episcopis, quos Bonifacius Boicæ impositos probaverat: Addebant nonnullas accusationes, de doctrinâ in speciem erroneâ, quod Virgilius

Annal. Fuld.
Herman. ult.
edit.

AN. CHRIST.
DCC. XLIV
Act. Conc.
Leptinen. Ba-
ron. ad an.
743.

HÆRETICI
RURSUS TUR-
BANT IN
BOICA.

EPISCOPA-
TUS HER-
BIPOLENSIS
INITIA.

XXIX.

Brusch. Ca-
tal. Episc.
Eistad. p. 179.
Hund. parte
1. Genal.
Boic.

EISTADIA-
NUS EPISCO-
PATUS FUN-
DATUR.
STURMIO
BOIUS AB-
BAS FUL-
DENSI.

D. VIRGILI-
US VENIT IN
BOIARIAM.

XXIX.

Dist. 4. de
consecr. c. 86.
Eius cum
Bonifacio
discepta-
tio.

assereret antipodas adversis contra nos vestigijs nitentes infra terræ globum. Bonifacius rem detulit ad Zachariam, qui in Virgilium, & Sidonium presbyterum, qui idem sentire ferebantur, nonnihil commotus, de re totâ rescripsit ad Bonifacium & Utilonem, quasi graviter esset in reos animadversurus, si accusationis capita eo, quo referebantur, modo se habere comperiret. Quis disceptationis fuerit exitus, scriptores non meminerunt. Vero tamen simile est, detectis calumniatorum fraudibus, Pontifici fuisse factum satis, & Bonifacium, ac Virgilium, quâ erant sanctimoniâ, ad prioris amicitiae integritatem, positâ offensiunculâ, redivisse. Certè Bonifacius toto, quo superfuit, septennio, non legitur quicquam fuisse conquestus de Virgilio: & ab hoc gesti deinceps sacri magistratus, abunde objectas criminationes refutârunt.

Annal. Francor. Herman. alij.

AN. CHRIST. DCCXLVII
Leo Ostien. in Chron. lib. 1.

c. 7.
CAROLO-
MANNUS
MONACHUM
INDUIT.

XXX.
FLORET MA-
GNIS VIRTU-
TIBUS.

Eâ tempestate Deus obstupescenti terrarum orbi mirabile pietatis exemplum ostendit, præclarissimum Franciæ Principem, quando eum è rerum terrenarum lubrico, ad solidarum virtutum stationem evexit. Annus agebatur septingentesimus, quadragesimus septimus (nisi Regino, Sigebertus, & Leo Ostiensis veriùs habeant annum præcedentem) Carolomannus & Pipinus fratres vivebant conjunctissimi, nec erat, cur suam fortunam rebus florentissimis accusarent. Nihilominus Carolomannum incessit humanæ sortis fastidium, & cupiditas ad securiorem, remotioremque à sæculi strepitu atque periculis receptum evadendi, è quo ad verissimarum virtutum fastigium eniteretur. Quamobrem, Franciæ Principatu fratri ex assè relicto, Christi paupertatem cum summâ lubentiâ complexus, sese stitit Pontifici Zachariæ, & professus Monachum in Soracte monte, sanctum vitæ religiosæ domicilium non magis ædificijs, & proventibus, quàm sincerâ sanctissimi ordinis observatione illustravit, intèrque pœnitentiæ lacrymas, duras corporis macerationes, & suaves rerum cœlestium commentationes animum præclare exercuit. Isthic cùm salutantium frequentia, ab optatâ mentis tranquillitate nonnihil avocaretur, mutato contubernio secessit in Monasterium Cassinense, atque servilibus mediastinorum officijs affixus, longè eorum munia obibat avidius, & majore reverentiâ, quàm olim tractaverat fasces & splendida munera Principatus. Nihil verebatur in sordibus atque fuligine obsolescere, gerere infima coquinæ ministeria, verbera accipere, si quando minùs aptè focum instrueret, retrudi ad ovilis curas, gregi adesse in pascuis, pecus infirmum humeris referre domum, hæc amare longè impensius, quàm purpuram, hisque modis de se, & inani fastu triumphare.

GRIPHO
RURSUS BEL-
LUM MOVET.

INVADIT
BOICAM.

Poterat tam luculenta demissio Griphonem Carolomanni fratrem admonere, ut saniore, quàm antè, consilio fortunam, quam adhuc iniquam expertus fuerat, desineret irritare: Verùm elapsus ex Ardennæ custodiâ, indignè ferens, se ne tum quidem à Pipino admitti in partem hæreditatis, quam Carolomannus suo secessu vacuam fecerat, perfugit ad Saxones, capitales Francorum hostes, ut eos traheret in belli societatem. Non sprevere illi quidem hospitem, & causam armæ induendi: sed cùm Pipinus collecto properè exercitu formidandus immineret, Saxones imparati, suum discrimen alienæ spei præhabentes, misère Legatos, qui à Pipino impetrârunt, ne res bello committeretur. Igitur Gripho desertus, suas spes aliò convertit. E Franciâ accersivit factiosorum copias, quibus instructus, in Boicam ex improvviso irrumpens, provinciam nihil prorsus tale metuentem, Hiltrudem sororem, & Thassilonem ex eâ nepotem, nullo propè negotio redegit in suam potestatem. De Utilone Duce nulla prorsus hoc bello apud Scriptores mentio, quod silentium facit, ut ambigatur, absénsne fuerit, an ante bellum defunctus: tamen si annales domestici ad annum hujus sæculi sexagesimum quintum cum volunt supervixisse. Griphoni accesserunt provincialium studia, sive metu, sive, quod proclive fuit, spe rerum novandarum sub Tyranno, vel, quod vero similis est, simulato obsequio, donec se excutiendæ Tyrannidis occasio aperiret.

Porro

Porro laus Utilonis præcipua, memoratur cura rei Christianæ, & in amplificandâ religione profusa largitas. Præter ea, quæ antè recensui, illum agnoscunt conditorem Altaichium Cœnobium superius, juxta & inferius: Manseanum & Nideburgicum, suas quoque ipsi debent origines. Ejus sumptibus, ad Iseniscum amnem, Monasterium condidit Iosephus Frisingensis Antistes: ut verbo rem expediam, vix ullo sæculò in Boicâ majores factæ sunt ad cultum divinum progressionem, quàm Utilone, ejusque filio Thassilone, Ducibus. Quo in genere tergemini fratres, tametsi Principibus longè inferiores, illustre pietatis specimen ediderunt, Landfridus, Waldramus, & Elilandus, quos quidam faciunt natione Gallos, Walteri Bliantij Comitum progeniem: alij scribunt, fuisse gente Bojos, Antorfa, & Loyse Comites, qui octo Monasteria, opus Regum cuivis arduum, condiderunt, Benedicoburanum, Schlechdorfense, Pollingenense, Siverstattenense, Sandavenense, unum ad lacum Cochelium, aliud ad Staffelium, Wessenbrunnense, cui nomen à venatore factum perhibent, quòd fontis scaturiginem, per quatuor siphones manantem, primus eo loco reperisset. Pollingenense, dictum ferunt, eò quòd cerva à canibus agitata, isthic subsistens, pedibusque humum fodiens, tres defossas cruces, canibus nequicquam allatrantibus, in arcâ designasset. Siverstattenense, & tria, quæ proximè nominavi, solis nominibus hodie supersunt.

XXXI.

MONASTERIA IN BOJARIA CONDITA.

Ad Tegerensem lacum viri fortissimi, Adalbertus & Otkarius, nobile par fratrum, illustri genere Comites, quorum stirpem aliqui referunt ad Grimoaldum Bojorum Ducem, alij ad Hartuicum Burgundionem, & matrem Boici sanguinis, condidèrunt Tegerense D. Benedicti Monasterium, inter præcipua Boicæ Asceteria splendore, & dignitate clarum. Conditores studio religionis addidèrunt militarem gloriam, suntque promeriti laudes eximias, quibus parta ab ipsis decora Zacharias Pontifex, scriptis ad Bonifacium litteris, celebrasse dicitur à Metello poetâ in Quirinalibus. Romam enim pietatis causâ profecti feruntur, arma corripuisse adversus Longobardos, vel, ut M. S. Tegerense habet, adversus paganos, eosque secundis aliquot conflictibus superasse, succenturiati Romanis Ducibus, quibus fortem operam locarunt. Pontifex domum repetentibus, S. Quirini corpus, quantolibet stipendio longè charius, donavit. Id illi, instar præstantissimi thesauri, in Tegerensi Monasterio honorificè composuerunt, ac demum ipsi sese Deo totos devoverunt, monasticum institutum in condito à se domicilio professi. Major fratrum Adalbertus, quinquaginta ejusdem professionis Sodalibus præfectus, viam ad supremum Christianæ virtutis apicem exemplo, & sacrâ institutione monstravit. Uto ejus ex sorore nepos, avunculorum factis incitatus, ad illum amnem Collegium instituit, quod cum S. Arfacij reliquijs aliquot post sæculis Monachium fuit translatum. B. Lullus, D. Vigilij socius, id domicilium fertur habitasse. S. Alto Monasterium, quod ab ejus nomine nuncupatum est, jussus à Deo in Boicâ pedem figere, construxit in vasto nemore, fecitque illustrem domum sanctitatis. Et tot quidem ista disciplinæ severioris Lyceæ, paucos intra annos, extulèrunt in Boica caput, Bojarum Principum, Dynastarumque insigni in Deum religione, & D. Bonifacij cohortationibus. Cum eo conspirarunt curæ D. Pirmini, quem Meldensem in Galliâ Episcopum fuisse perhibent. Is Ducem Utilonem permovit, ut suis impendijs bonam istorum collegiorum partem erigeret, tandemque inhospitam lacus Actonij insulam, fugatis, qui in eâ dominabantur, serpentibus, ædificato Monasterio, quod ab opulentiâ, divitis Augiæ nomen accepit, divino cultui dedicavit.

CŒNOBIUM TEGERENSE.

XXXII.

Metell. ed. 20.

S. QUIRINI RELIQUIÆ.

S. ALTONIS MONASTERIUM.

D. PIRMINIUS.

DIVES AUGIA.

PIPINUS MOVET IN GRIPHONEM.

Aimoin. lib.

4. c. 61.

AN. CHRIST.

DCCXLIX

Siegbert.

Regino.

Ut, unde digressi sumus, ad civilem Boicæ statum referamus stylum, cùm Gripho, Ducatûs incubator, Bojorum, & Gallorum viribus firmare se adversus Pipinum contenderet, frater, ratus remedium in celeritate esse positum, festinatâ in Bojariam expeditione malè fultos conatus intercepit. Gripho subito ejus adventu, & causæ iniquitate territus, tametsi validum exercitum ex centuriatis Bojorum, aliorumque subsidijs, sub signis haberet, tamen non ausus prodire in aciem, decrevit, vitando hosti, objectu fluminum regere receptum, & quàm posset diu-

XXX
III.

PACEM AD-
MITTIT.

GRIPHO
RURSUS TUR-
BAT.

INTERFICI-
TUR.

AN. CHRIST.
DCCCLII

PIPINUS RE-
GIUM NO-
MEN ASSU-
MIT.

CHILDERI-
CUS EXAU-
THORATUR.

XXX
IV.

FIT MONA-
CHUS.

D. ERHAR-
DUS, B. AL-
BERTUS FRA-
TRES.

*M. S. Codex
antiq. S. Ma-
ximian. Trev.
Vita Hil-
dulph. ex M.
S. Epterna-
cen. Catalog.
Episc. Trevir.
B. HILDUL-
PHI RES GE-
STÆ.*

tiſſimè bellum extrahere. Jam copias trans Oenum deportârat, cùm properè Pipinus è citeriore ripâ se dedit in conspectum. Obſiſtebat amnis, quò minùs hoſtem invitum, ad conferendas manus, adigeret. Quare, coactis undique navigijs, parat trajetum ſubitarium, &, hoſte quamvis repugnante, inſiſtit irumpere in adverſam ripam. Quæ res Griphoni excuſſit confidentiam, Boijs incuſſit terrorem, & quibus non omnis fides perierat, mentem meliorem. Ut ſecum reputarent, à Tyranno nil niſi iniquum poſſe expectari, qui adverſus legitimum Principem ſubjectos populos, iniquos eſſe docuiſſet. Non eſſe patiendum, ut, rebus ad extrema redactis, Provinciæ conditio talis evadat, qualis eſt captarum urbium, in quibus turbida omnia, mœſta, confuſa, & ad victoris arbitrium miſerrima. Si, Griphone victo, Pipinus rerum potiatur, metuendum eſſe à victore defectionis ſupplicium: ſi fortuna Griphoni manus tendat, vivendum fore ſub Tyranno, qui dominatum malis quaſitum artibus, pejoribus eſſet retenturus: non mercari ſapienter, qui ſuo periculo, & ſanguine emit ſervitutem, & Tyrannum ſervitute durior. Talia agitantibus, viſum eſt, pacem cum Pipino paciſci, & de erigendâ Thañſilonis fortunâ non deſperare. Quamobrem, Griphone conſcio, miſſi ad Pipinum legati, pacem, & veniam nuperæ defectionis exoraverunt, ſi Boij darent obſides, fidemque juramenti religione renovarent. Gripho, cùm ſe deſertum ſentiret, ſibi paſſus eſt perſuaderi, ut tempori ſerviret. Eum Pipinus, culpam deprecantem, clementer habuit non conceſſâ modò vitæ veniâ, ſed etiam uſuariâ attributione duodecim Neuſtriæ Comitatum. Hiltrudis reddita fuit libertati, & permiſſa adeſſe filio Thañſiloni, quem Pipinus nondum egreſſum pueritiam Boicæ præfecit. Jam res pacatæ videbantur, cùm Gripho, quem Pipinus ſecum in Franciam abduxerat, vitio, quod ad exitium ruentibus eſt familiare, redijt ad genium, nullâ futurus ſorte contentus, niſi fratris imperio ſolutus, in Principatûs Franciæ conſortium adlegeretur. Vix enim in Galliam redierat, cùm profugit in Aquitaniam, & Vaiſario, homini peſtilenti, arma ſociavit. Verùm, cùm neque eo ſocio res ipſi ex voto procederent, iter intendit in Italiam, cœlo itidem adverſante. Nam in alpium anguſtijs interceptus, à Burgundo nobili, vel (ut vult Pithæus) à Mauriennæ præfectis funeſto fato ſublatus, oſtendit longè eſſe melius in medijs conſiſtere, quàm, adverſo numine, ſuprema ſectari.

Pipinus eo occiſo, ſuæ fortunæ multò, quàm antè, ſecurior, quod dudum ipſi in votis erat, communi Francorum approbatione, Magiſtri Palatii titulum, quo ipſius parens, & Pipinus avus, fuerant contenti, Regiſ Franciæ nomine, Zachariæ Pontificis aſſenſu, mutavit. Childericus Rex redactus in ordinem, monaſtico more attonſus eſt, & relegatus in Cœnobij anguſtias. Quodnam verò illud fuerit, non eſt promptum ex annalibus certò colligere: unde recentiores occasionem ſumpſère, nullo propè argumento, eum ad varia Monaſteria rapiendi. Quidam volunt Reginoburgi ad S. Emmerammum exulâſſe: Alij, ejus conjugem inter religioſas ad Cochelium lacum, quod ſuperfuit ævi, in Boicâ tolerâſſe.

Per id temporis D. Erhardus, qui & Eberhardus, vel Arionardus, Epiſcopus Ratiſbonenſis, ejusque germanus, nomine Albertus, Boicam magnis virtutibus exornârunt. Habuère tertium fratrem Hildulphum, quem Trevirenſis Eccleſia coluit Antiſtitem. Fuerunt illi clari Bojorum ſanguine, non Scotico, aut Nervio, uti viſum eſt recentioribus. Hildulphus, quem Scriptores beatis accenſent, eximiâ vir probitate & doctrinâ, Treviros delatus, poſt vitam cœnobiticam, ex religioſi ſeceſſus umbrâ extractus in lucem, à Milone Trevirorum Præſule, quem immoderatum venandi ſtudium, quo demum interiit ab apro percuffus, à rerum ſacrarum procuratore reddebat alienum, venit in partem muneris Epiſcopalis, in quo ſuâ vigilantia effecit, ne iſtius illuſtriſſimæ Eccleſiæ facultates, & Cleri mores peſſum irent. Habet Hildulphus, à vitæ ipſius ſcriptore, id encomij, quòd *vir eſſet nobilitate generoſus, religione præcipuus, conſilio cautus, operibus famoſus, ſcientiâ eruditus, lingua urbanus, vitâ Deo placitâ, hominibus approbatâ.* Poſteaquam, Milonis interitu, vidua Trevirorum ſedes idoneum Antiſtitem popoſcit, qui res, sub

sub imperito, veriùs pravo gubernatore fœdis jactatas tempestatibus, componeret, nec in præsens quisquam Hildulfo aptior appareret, visum est ijs, quorum intererat, causam referre ad Pipinum. Clara jam tum erat viri apud Treviros fama, quam diuturno rerum usu, magnisque sapientiæ documentis collegerat, cùm Milonis vices in Episcopatus administratione gereret. Pipinus comitia de Episcopo legendo maturavit, & Hildulfum eâ tempestate Ratisbonæ (vel, ut vetus habet scriptor, in Histria, qui est Danubij tractus) agentem accersijt. Hildulfus, qui ad eremi solitudinem aspirabat, Regis imperio haud parùm perculsus, eò quòd conijceret, se ad politas reipublicæ curas revocari, paruit tamen, sed eâ spe, fore sibi modum aliquem, omnem à se Ecclesiæ procuracionem amoliendi. Ut ventum est ad Comitia, omnium una fuit acclamatio, Hildulfum eum esse virum, quem cœlum, claræque virtutes Trevirorum Antistitem deposcerent. Sic in eum conspiravêre vota, ut, quicquid ipse reclamaret, fausto Cleri populique plausu atque lætitiâ, fuerit Episcopus salutatus. Ille verò mœstus humeros submisit oneri, nihilque habuit antiquius, quàm collapsa sacrarum ædium pristino splendori restituere; quod in Clero, lubrici rectoris ductu, à prisce sanctitatis normâ aberraverat, revocare in viam, populi mores emendare, & gnaviter in hæc incumbere, quousque, reviviscente solitudinis amore, Wcomadam sibi ad regendam Trevirorum Ecclesiâ surrogavit. Mirum, quanto dolore Trevirenses ejus abitum deplorârint. Cùm primùm fama vulgavit, eum se ad solitariam vitam comparâsse, factus est ingens ex ipsis agris concursus, & comploratio omnium ordinum, perinde atque si patria rueret, se miseros desereri, remque communem ad nuperam confusionem revocari. Verùm ille lugentes piè solatus, suffecto Wcomado, in eam se eremi partem abdedit, quâ è Vogeso monte Murta fluvius sese effundit. Isthic cum bonâ Jacobi, Tullensium Antistitis, veniâ, cujus provinciæ pars ista montium saltusque erat contributa, sibi, suisque, quos sodales legerat, tantum accepit spatij, quantum satis erat ad vitæ solitariæ receptus. Viro, in cœlestis disciplinæ palæstrâ jam dudum veterano, non fuerunt dura eremi rudimenta. Jam enim à puero abhorruerat à vitiorum illecebris, quibus prima ætas capi solet. Accesserat frequens inedia, precationum assiduitas, quotidiana ad aram litatio, cæteræque virtutum exercitationes, quas indies cœpit magis, magisque perficere. Hæc agentem, fama virtutum, longè latèque diffusa, prodidit, excivitque innumeram multitudinem hominum, opem corporibus, animisque flagitantium: nonnullis oculorum usum, alijs ingressum restituebat: morbos ab alijs, à quibusdam dæmones infellores propulsabat. Cùm ista frequentia sanctum ipsius otium importunè interpellaret, extruxit sparsim hinc inde diversoria, in quibus advenæ, præfectorum hospitali largitate, cum curâ, longè à religiosorum contubernijs, haberentur. Adjecit Deiparæ sacram ædem ad Rabadum flumen, aliam erexit D. Petro, tertiam Divo Joanni. Multi studio vitæ sanctioris sese ipsi excolendos tradiderunt. In his claruerunt Spinulus, & insigne par fratrum, Joannes & Benignus, qui è D. Maximini, præclarissimo licèt, Asceterio Hildulfum sunt secuti. Inter hæc, è fundamentis emerisit Monasterium apud D. Virginis basilicam, quod placuit Medianum nuncupari, eò quòd medium, inter duo alia, locum occuparet. Eorum alterum Gundelbertus Senonum Archiepiscopus, à quo & Senonense dictum, non ita pridem condiderat: alterum Deodatense, à D. Deodato Nivernensi Præsule conditum, postea insigni Canonorum Collegio mutandum. His accessit templum, D. Gregorio Magno sacrum, in Australi colle, quod aras defunctorum exequijs, aream sub dio tumulandis corporibus suppeditaret. Visum Numen id conditorium D. Hildulfi cineribus destinâsse, qui eodem loci hodie conquiescunt, miraculis insignes, & tremendi nefarijs dæmonibus. Mediano Cœnobio probè constituto, Hildulfus fugiens convenarum confluum, regendi munus in Leutbaldum transtulit, virum eximie probitatis: tum aliquamultis annis cum Erardo fratre, Reginoburgensi Episcopo, procul à mortalium consuetudine, vitam egit cœlestibus delitijs affluentem. Ejus ministerio Deus uti voluit ad S. Ottiliæ Vir-

XXXV.

HILDULFUS
CREATUR
EPISCOPUS
TREVIREN-
SIS.EPISCOPA-
TU CEDIT.XXX
VI.B. SPINULUS,
JOANNES,
BENIGNUS.HILDULFI
SEPULCHRUM.

S. OTILIAE
CONVERGIO.

XXX
VII.

D. ERARDI
MORS.

AN. CHRIST.
DCCLV.
*Regino in
hunc. an.*
D. BONIFACII
MARTYRIUM.

AN. CHRIST.
DCCLVI.
PIPINUS AISTULFUM
COMPESCIT.

XXX
VIII.

*Aimoin. lib.
4. c. 63.
Baron. ad
hunc an.*

AN. CHRIST.
DCCLVII.
THASSILO-
NIS ET BO-
JIORUM IU-
RAMENTUM
CLIENTE-
LARE.

ginis conversionem. Cùm Hethico Dux Alsatia, eam ab ortu luminibus orbatam, ex Berfuindâ conjugē tulisset, binis fratribus, quorum fama è latebris emanarat, stitit cum submissâ prece, ut ejus curandæ negotium apud Deum agerent. Illi, puellæ religionem explorantes, compererunt, sacris Christianis nondum esse initiatam, imò etiamnum gentiliū superstitionibus addictam. Monent ergo patrem, mentis cœcitati primas curas, secundas corporis oculis deberi, proinde non debere fieri corporeis luminibus medicinam, nisi prius animo esset prospectum: si filiam sanam vellet, ut sineret imbui legis Christianæ rudimentis. Conditionem lubens accepit, recepitque filiam visu integro, posteaquam docta de Deo rectè sentire, & sacro latice expiata, cœpit amare Christum, quem deinceps omnibus sponis habens chariorem, unicè dilexit, coluitque in Asceterio, quod in excelso Vogesi jugo, cui nomen Hohenburgum, patris munificentia construxit, & unâ cum sacris ejusdem propositi virginibus, sanctimoniâ & miraculis illustravit. Bigo, vir apprimè locuples, Hildulfi sanctitate permotus, Monasterium, quod Bigonis cellam dixerunt, à fundamentis excitatum, parte Vogesi, quam Focholdi rupem ista ætas vocabat, liberaliter dotavit. Hildulfus loco præfecit Spinulum, virum, quod antè memini, sanctitate clarum, cujus corpus in Monasterio Veteri divino monitu conditum, tantas hominum turbas, valetudinis impetrandæ causâ, ad sepulchrum concivit, ut Deus orandus fuerit, vellet non tam corporum incoluitati, quàm religiosorum pietati consulere. Quo ex tempore, rarefcentibus miraculis, repressus fuit populi concursus.

Cæterum, D. Erardus Ratisbonam se recepit, atque isthic cœcorum curatione, depulsâ paralyfi, aliisque ægritudinibus, & vitæ innocentia mirandus, vivendi inter mortales finem fecit, cum immortalibus æternum victurus. Hildulfus fatisciente corpore, laboribusque pro Deo exhaustus, ad eundem felicitatis portum denique appulit. Albertus, qui tertius Bojorum fratrum fuit, loca, Dei incunabulis & morte consecrata, cum septem sodalibus obiit. Salisburgum delatus, Joanni, uni ex socijs, iusta funebria persolvit, & de Erardi fratris obitu monitus, suffusus lachrymis missionem ex hac vitâ à Deo impetravit, fuitque eodem cum Erardo tumulo compositus, ne Boica, quæ cum genuerat, tam charo pigmore privaretur.

Anno DCCLV. Bonifacius Germaniæ Apostolus, latronum ferro unâ cum sodalibus trucidatus, Ostrachæ apud Frisios nobilissimum egit de impietate triumphum. Boica magnis ab eo beneficijs affecta, sacrosanctam semper habebit ejus memoriam. Hassi, Thuringi, Frisij, aliæque gentes cum sunt veneratæ, velut primum fundatæ apud se purissimæ religionis magistrum. Sacras illius exuvias Sturmio Bojus, primus Fuldensis Cœnobij Præsul, honorifico tumulo donavit. Ipsemet non multò post, malevolorum calumnijs apud Pipinum traductus, suâ sede motus est, ac dein restitutus compertâ ejus innocentia.

Anno, qui Bonifacij mortem secutus est, Pipinus Rex cum exercitu trajecit in Italiam, pœnas exacturus ab Aistulfo Longobardo, quod contra pactam fidem urbem Romanam infestaret. Agebat tunc Thassilo Bojorum Dux annum decimum quartum, & animo, quàm ætate major Italicæ istius expeditionis comes, primum militiæ tirocinium posuit, adfuitque Ticinensi obsidioni, quâ Aistulfus in eas redactus fuit angustias, ut pacem oraverit, impetrâritque his legibus, ut cum Romano Pontifice fœdus instauraret, servaret in posterum promissorum fidem, Romanæ Ecclesiæ redderet Ravennæ Exarchatum, & Pentapolim. Is ipse hoc eodem anno, indulgens venationi, percussus divinitus, occubuit. Aimoinus ait ex equo prolapsus, contractâ ex violento casu ægritudine, paucis post diebus vitam finivisse. Baronius ex Anastasio, cœlo vindice tactum, asserit.

Thassilo anno insequente, stipatus nobili Boicæ Procerum comitatu, Francorum Comitum Compendij adiit, ubi Pipino dixit sacramentum clientelare, quo se in ipsius, & filiorum fide futurum, sponndit. Eâdem sponsione Boici optimates se, suâque Regi obligaverunt: quæ religio fuit postea repetita ad sacra Divorum

Fran-

Franciæ tutelarium, Dionysij, Rustici, Eleutherij, Martini, & Germani, corpora, quò sanctius, tantis testibus jurata fides servaretur. Et illa quidem sincere fuit culta primo sexennio, quo Thassilo contra Vaisarium (quem Sigebertus Vuasferum nominat) Eudonis Aquitaniæ Ducis filium, contraque Saxones, Pipino fidus cum Boicis copijs adfuit, contraxitque amicitiam cum Carolo Pipini filio, qui simili, quâ Thassilo, juventâ, prima belli rudimenta sub parente locabat. Ruptæ post hæc pacis causas Annales prætere silentio, hoc duntaxat memorantes, cum anno DCCLXIII. Pipinus Francorum conventum Nivernis celebrasset, quartâ in Aquitaniam expeditione, Thassilonem, ejus ex sorore nepotem, sese è regijs castris subduxisse: Addit Aimoinus, cum corporis imbecillam valetudinem Regi excusasse. Verum promptum est conijcere, generosum Principem, continentem tot annorum miliciam, magno suarum rerum incommodo, nullâ nominis sui gloriâ, quæ tota Regi debebatur, averlatum, ne petitâ quidem missione, consilium patriæ repetendæ cepisse: saltem dubium non est, regressum in Boicam, animi sui sensa proceribus candidè aperuisse: videri nimirum inglorium, & grave nomini Boico, tot stipendia facere alienæ cupiditati, & suorum popularium sanguine parere victorias soli Regi profuturas. Ejus factum Pipino acerbum vulnus infligit, quod licet aliquando visum est duxisse cicatricem, nunquam tamen sic coaluit, quin Pipinus se læsum conquereretur, ostenderetque se fidem Thassilonis habere suspectam. Quamobrem cum Vormatiæ Francorum ordines convenissent, gravissimis verbis Thassilonis secessionem perstrinxit. Dictæ proinde sunt in eo congressu inclementes sententiæ, ipsâ Regis irâ acerbiores, prono Magnatum studio, quibus familiare est eò flecti, quò dominum credunt propendere. Omnium etenim sensus fuit, Thassilonem, velut desertorem, bello esse castigandum, nec ferendum, ut ejus exemplo, clientum quisquam putet, se impune unquam Regis injussu à Francorum castris abscessurum. Jam in eo res erant, ut, concitatis vehementer in Thassilonem animis, arma Boijs inferrentur, cum properantibus moram injecit bellum Aquitanicum, quo Pipinus nondum erat defunctus. Iras igitur distulit, nec tantum ante mortem nactus est temporis, ut eas posset exere, sed anno DCCLXIX. fato præventus, Carolo filio regnum regiamque vindictam reliquit. Qui hisce rebus Ducem Utilonem superfuisse scribunt, anno DCCLXV. nullo certo authore, defunctum credunt. Arenpeck cum vult cum uxore Osterhovæ esse sepultum: Vitus Eberspergensis, Altaichij inferioris professum monasticen consenuisse, & tumulum accepisse, scribit.

Antequam bellum, quod Thassiloni Carolus Magnus indixit, aggrediar, præmittam aliqua, quæ pertinent ad religionis amplificationem, & laudem Thassilonis. Eò spectat Carantanorum insignis conversio. Carantanorum principatus, Pipini ævo, ex his principijs Boruto, viro prudentiâ & militari virtute præcipuo, delatus fuit. Hunni gentem debellatam fœdissimâ oppresserant servitute. Cum tantam injuriam Carantani ferrent iniquissimè, Samo quidam natione Francus, se ijs ducem præstitit recuperandæ libertatis. Id cum egregijs factis, & obsecundante fortunâ fuisset assecutus, totius nationis Carantanæ votis, à mercaturâ, quam olim gesserat, ad regiam dignitatem fuit evectus. Regnum per annos triginta sex magnâ cum laude tenuit. Eo defuncto, succelsere Reges, fortitudine, & rebus gestis longè impares, quorum sive infelicitate, sive inertia, res Carantanorum retrò lapsæ sunt, quousque Borutus, Samonis exemplo, jacentem principatum erexit. Hunc petière bello Hunni, Carantanis perpetuò insens. Quare, ne imparatus obrueretur, subitarijs delectibus, quantas potuit è popularibus vires contraxit: quæ cum hosti numero pares non essent, Bojorum auxilia conduxit. Ad eum properatæ à Thassilone suppetiæ, Carantanis copijs junctæ, Hunnos in fugam conjecerunt. Ingens eo facto Boijs auxiliaribus parta est gloria, tantæque existimatio, ut Carantani eos, velut salutis suæ assertores, colerent, cum ijs consilia de Republicâ agerent, haberent bene ominata, quæ Boijs authoribus decernebantur. Quâ Boijusi benevolentia, persuasere Carantanis, ut, quando fortunam

Aimoin. lib. 4. c. 64. 65. Regin. Sigeb.

THASSILO
PIPINI CA-
STRA DESE-
RIT

THASSILO
DAMNATUR
IN COMITIIS
XXX
IX.

CARANTANA-
NUS PRINCI-
PATUS UNDE
ORTUS.

SAMO REX.

BORUTUS
SUCCESSOR.

M. S. vit. S. Virg. tom. 2. Antiq. lect.

BOII IU-
VANT CA-
RANTANOS.

XL.

CHETIMARUS DUX.

D. VIRGILIUS SALISBURGENSIS EPISCOPUS.

XLI.

CONVERSIO CARANTANORUM.

nam adversam experti toties, suis se viribus tueri non possent, Francorum se fidei permitterent, quibus deinceps defensoribus res suas stabilirent. Placuit consilium, & foedus ictum cum Francis: dati simul obsides, è quibus Carastus, Boruto genitus, & Chetimarus, ex fratre nepos, quos Borutus Christi leges edoceri, & sacro lavacro tingi voluit. Carastus, patre mortuo, permissus ad Carantanos reverti, triennio rerum potitus est: defuncti locum, Ducisque titulum Pipinus Chetimaro concessit, adeptâ Regis appellatione. Hunc Lupus sacerdos, insulæ Chiemensis alumnus, sacris Christianis initiavit, & abeunti author fuit, ut Salisburgo comitem acciperet Majoranum sacerdotem, D. Petri ascetam, qui salutaribus monitis eum in officio, & Salisburgensis Ecclesiæ communione contineret. Exinde Chetimarus annuis obsequiis se Salisburgensi Antistiti obnoxium deinceps est testatus.

Virgilius non longè ante Pipini decessum eam sedem perinvitus adierat: licet enim omnes optimi pastores labores jam diu non detrectasset, quâ tamen erat animi demissione, post Joannis Episcopi mortem, toto biennio votis eligentium reluctatus, vix tandem vicinorum Antistitum precibus passus est se induci, ut nomen præsulis dignitatēque admitteret. Durante interpontificio, Dodbæ Episcopi, popularis sui, operâ usus est in honorificis functionibus; quem subinde Chiemensis insulæ procuratori præfecit. Mox ab aditâ Episcopatus dignitate nihil habuit antiquius, quàm sacra, sacrorumque splendorem exornare. Inter palmaria ejus ædificia fuit basilica, quam anno DCCLXVII. inchoatam, anno DCCLXXIII. absolutam opere id temporis magnifico, Deo, Divique Ruperti memoriæ dedicavit. In eam transtulit cathedram pontificiam, quæ adhuc in D. Petri cœnobio steterat: simul D. Ruperti, Cunibaldi & Gisilarij ossibus honestum conditorium, in æde à se constructâ, perfecit, in quod translata, loco venerationem, pijs divini cultûs incrementum addiderunt. Virgilium Chetimarus sæpe in Carantanos evocavit, ut, quâ erat facundiâ, gentem Christo conciliaret: verùm cum nascentibus alijs, super alias, bellorum turbis, Virgilius prohiberetur abesse Salisburgo, viros præstanti virtute misit, qui suâ vice fungerentur interea, dum ipse coram genti suam operam commodaret. Modestus Episcopus cæterorum præses, Vato, Reginbertus, Gozarius, Latinus, presbyteri; Ecardus Diaconus, pluresque alij tam graviter eo munere functi sunt, ut brevi totam provinciam, sanctis Christianæ disciplinæ præceptionibus informatam, velut ad primævam nascentis Ecclesiæ normam composuerint. Deiparæ Virgini sacras ædes passim, præsertim in Soluensis oppidi ruinis, & in Liburniâ, hodie Croatiâ, posuerunt. Cum pietas magis magisque indies inclaresceret, & non modò Dux Chetimarus, sed etiam gentis procures magno Virgilij desiderio tenerentur, per Latinum presbyterum, qui semel, iterum, ac tertium Juvaviam missus est, efflictim egerunt, ut, qui secundum Deum tanti operis esset architectus, suum aliquando tandem ædificium præsens inspiceret. Sed ne tunc quidem licuit eorum votis facere satis; remisit tamen Latinum cum Magdalo & Varmano, sacerdotibus. Cum res essent in felici progressu, pulcherrimis conatibus iniecit manus mors importuna Chetimari, quo sublato, crevit hostibus audacia, fiducia decrevit Carantanis. Ergo recrudescente atroci bello, pulsisque sacerdotibus, sacrorum usus per annos aliquot fuit intermissus. Redijt subinde quies rebus secundioribus, Vatinio Duce. Quamobrem Virgilius, ut affectam gentis institutionem perficeret, misit senos sacerdotes, qui languentem pietatem excitarent: secutus denique ipse Virgilius, operi supremam manum imposuit. Acceptus mirâ Ordinum omnium gratulatione, frequentes habuit passim ad populum conciones, templa dedicavit, sacris ordinibus viros selectos initiavit; tam luculentis sanctitatis documentis sibi devinxit Carantanorum animos, ut non secus eum, atque concessum à Deo suæ salutis authorem, Apostolumque ipsi, posterique colere non dubitarent. Ejus industria pervasit ad usque Hunnorum fines, ubi Dravus Danubio miscetur. Proscripsit Deos patrios, sicubi sacrorum impietas hæserat: omnibus castissimam Christi religionem inducit,

Nun-

Nunquam ijs locis præclariùs laudata virtus,quàm ore Virgilij,nunquam visa amœnior,quàm ejus moribus expressa.

Ab ista Carantanorum conversione revocamur ad Ducem Thassilonem. Pipinus moriens Carolum, & Carolomannum, filios reliquit, qui Francicum imperium partiti, regios uterque titulos susceperunt. Thassilo, quem sua magnitudo, & uxoris Luitpurgæ, Desiderij Longobardorum Regis filia, immodici spiritus justo altiùs extulerant, nondum in Francorum gratiam rediverat. Accesserat Carantanorum amicitia, vel, quod Velfero aliisque visum est, clientela: Illi enim Bojorum fortunam & arma, bello, quod jam memoravi, gratis animis compleri, auxilia Boijs laborantibus negaturi neutiquam credebantur; quod erat grande Boicæ potentia incrementum, sed fallax, qualis est plerumque in dubijs Principum dimicationibus, illecebra præfidentia. Animos simul faciebant Longobardorum pollicitationes, verbis,quàm rebus inflatiores. Erant Thassiloni in promptu arma domestica, & studia popularium, ut, tantis in speciem viribus, Caroli Magni potentiam non putaret esse admodum metuendam. Carolum, ne ilicò contra Thassilonem arma indueret, continebat non tam belli discrimen, quàm ingenita lenitas, ira languida, reverentia proximi sanguinis, contracta olim, sub Pipini signis, cum Thassilone necessitudo, quæ non sinebat in amicum, ferrum, nisi rebus necessarijs, stringere, & post consumpta remedia consilij mollioris. Et quod mireris, ne ad extrema statim descenderet, prior Legatum misit ad Thassilonem de obliterandis offensionibus, & fœdere reconciliando. Nemo visus Sturmione, Abbate Fuldeni, melior, qui eâ legatione fungeretur. Auctoritatem conciliabat fama sanctitatis, reverentiam morum integritas, fidem sanguis Boicus, solitudinem patriæ charitas, industriam longus rerum usus, facultatem persuadendi, dicendi singularis amœnitas. Spes de eo concepta non fefellit. Thassilo etenim cordatâ viri eloquentiâ delectatus, ad mentem redijt, ostendens, haud gravatè se arma positurum, si æquis utrinque conditionibus pax conveniret, quæ proinde sancita fuit anno circiter DCCLXX. uti colligere est ex Bertrada Caroli Magni matris in Italiam profectio per Bojariam hoc ipso anno, ad conciliandas filio nuptias cum Berta, Desiderij Longobardorum Regis filiâ, quæ tamen postea fuerunt dissolutæ: unde natum Luitpurgæ implacabile in Carolum odium, & perniciēs suprema Thassilonis, quam paulò post referemus. Huic ex Luitpurgâ natus est Guntherus filius, incertum quo anno: Theodo deinde anno DCCLXXII. primam lucem aspexit, prognatus ex eodem thoro. Illum Hadrianus Pontifex salutaribus undis abluit, cùm parens uterque Romam religionis, an aliâ causâ, accessissent. Thassilo rediens ex Italiâ, magnum agri modum Atroni Abbati S. Petri Bauzani donavit, quod testantur Frisingenses tabulæ, asserentes, id anno vigesimo secundo initi à Thassilone principatûs contigisse. Ad eundem annum referunt Scriptores domestici Carantanos à Boijs fuisse bello superatos: causam belli silent, de quâ non est promptum ariolari. Hoc ipso anno Dingolsingæ Comitibus Bojorum fuere habita, quibus interfuerunt Episcopi, Manno Nuenburgensis (qui vel unicus, vel certè postremus isti Ecclesiæ præfuit) Alimus Sabionensis, Virgilius Salisburgensis, Velfericus Bataviensis, Simpertus Ratisbonensis, Aribio Frisingensis. Aduere, præter Episcopos, Abbates tredecim. Concilij capita videre est apud Velferum, quorum aliqua pertinebant ad res, personasque sacras, alia ad rem popularem. Acta tot scatent librariorum erroribus, ut multa vix, ac ne vix quidem, possint intelligi.

Sub hæc Thassilo condidit Cremsense Monasterium, expiandis Guntheri filij manibus. Adolescens in ipso ætatis flore feras conlectans, nactus aprum ingenti magnitudine obvium, aususque provocare, fulmineo ictu incurstantem venabulo confixit. Verùm aper ictus fatali vulnere, suum ulturus percussorem, ultimo conatu tam validè in eum irruit, ut stratum confecerit lethali dente. Canes utrumque in suo jacentem sanguine prodiderunt, mœstissimum Thassiloni spectaculum, qui mœrorem, quem lachrymis non absterfit, pietate mitigavit, quando

XLII.

THASSILO-
NIS POTEN-
TIA.

STURMIO
PACIS IN-
TER CARO-
LUM M. ET
THASSILO-
NEM INTER-
PRES.
AN. CHRIST.
DCCLXX.

AN. CHRIST.
DCCLXXII
GUNTHERI
ET THEO-
DONIS DU-
CUM NATI-
VITAS.

XLIII.
BOJORUM
DE CARAN-
TANIS VI-
CTORIA.
CONCILIIUM
DINGOL-
FRINGENSE.

GUNTHERI
AB APRO
OCCISI
MORS.

filij exuvias intulit Mausoleo, quod ipsi in æde Cremsensi posuit. Piam ejusdem magnificentiam testantur Cœnobîa, Matseense, Thirhauptense, Munchsmunsteriense, quæ viris fundavit. Aliud Virginibus in Chiemensi lacu constituit. Alterum S. Crucis in Danubiana peninsulâ, in quod, uti suo loco recensetur, D. Benedicti sodales fuere introducti. Plura diuturnitate ruinæ propinqua instauravit, ditavit, suâque stabilivit autoritate, qualia sunt, Schlierseense, Schefflariense, Auvense. Thassilonis studio D. Valentini corpus, quod ex Majensi conditorio Longobardi Tridentum subduxerant, Passavium fuit deportatum. Ejus quoque pietati debetur, quod D. Corbiniani reliquæ Frisingam sint reductæ, non sine divino nutu, patratisque in itinere prodigijs.

Baron. ad

an. 771.

Sangallen. de
vit. Carol.

LONGOBARDORUM
RE-
GNUM EVER-
SUM.

XLIV.

AN. CHRIST.

DCC.

LXXIV.

AN. CHRIST.

DCCLXXX

AN. CHRIST.

DCC.

LXXXI.

Regin.

Sigeb.

An. Francia.

THASSILO

PACEM

CUM CARO-

LO M. COM-

PONIT.

Præclaras pro religione curas magni motus exceperunt. Carolus Magnus Bertradæ suâ, quod paulò antè meminimus, Bertam Desiderij Longobardorum Regis filiam, reclamante Stephano Pontifice ductam, sequenti mox anno, renunciato repudio, suas sibi res habere jusserat, velut rei conjugalis ex morbo impotentem, vel, quod alij referunt, quia cum priore Caroli conjugio, cui ille se ante Bertæ nuptias illigaverat, posterius locum habere non posset. Hoc divortium Luitpurgam Thassiloni nuptam graviter pupugit, sed longè gravius patris, regniqûe Longobardorum exitiabilis calamitas, quando anno DCCLXXIV. Desiderius Rex unâ cum uxore, ac liberis, Adelgisio excepto, qui in Græciam evasit, post semestrem obsidionem, Papiæ captus, regnôque exutus Leodium Eburonum abductus est, extincto Longobardorum imperio, quod in Italiâ, per ducentos, & quod superat, annos floruerat. Quo ex tempore Luitpurga, fœmina mirum in modum irritabilis, cœpit omnes ulciscendi paterni dedecoris rationes circumspicere, Thassilonem questibus inflammare, & tandem à Carolo reddere prorsus alienum. Quamobrem princeps, moderati alioquin ingenij, & si uxoriæ fraudes abfuisent, nihil hostile tentaturus, per otium arma comparat, & sexto post anno, abusus Caroli absentia, dum Romæ religionis causâ verlaretur, repudiato fœdere, & fidei reverentia, in apertam rebellionem erupit. Paratam tempestatem avertere conatus est Hadrianus Pontifex anno postero, missis in Boicam Legatis, Formoso, & Damaso, Episcopis, Carolo non invito, & etiamnum proclivi, Thassilonis animi, consilio prius, quàm armis aggredi. Quâ causâ Pontificiæ legationi Richolfum Diaconum, & Eberhardum pincernarum magistrum adjunxit. Legati rem confecerunt ex sententiâ. Etenim Thassilo prolixè admonitus, quantam sibi apud homines infamiam, apud Deum indignationem conscisceret, si sacramentum, quod olim Pipino, & nuper Carolo dixerat, perduellione violaret; sine cunctatione pollicitus est, se in Regis potestate fore, instauraturum fœdus, coràm Regi satisfacturum, daturus duodecim obsides, si modò fide publicâ suæ saluti, datis vicissim obsidibus, caveretur. Carolus condiciones accepit, & Thassilonem, Wormatiæ benignè acceptum, clientelare juramentum renovantem audiit. Simpertus Reginoburgensis Episcopus obsides Carisiacum Regi adduxit.

Idem hic annus est, qui D. Wilibaldum Eistadiensem Episcopum cœlo transmisit. Wunibaldus frater, & Waltpurga soror, eum dudum præcesserant, quibus omnibus cœlestes honores fuere decreti. Wilibaldo subrogatus est in Episcopalem sedem Gerochus.

AN. CHRIST.

DCC.

LXXXII.

XLV.

AN. CHRIST.

DCC.

LXXXIII.

HILDEGAR-

DIS GENUS.

Frisingæ, anno proximè secuto, Aribone defuncto, mitram accepit Ato. Calendis Septembribus ædes Sanctimonialium Chiemensium sacris ritibus fuit dedicata. Simpertus D. Emmerammi Ratisbonensem basilicam, præstanti structurâ perfectam dedit, & expiavit. Hildegardis Caroli Magni conjunx, anno, quem notavi, nondum evolutò, diem obiit. Eam Suevorum genere nobilissimo oriundam, plerisque scriptoribus indubitatum est: tametsi sunt, qui Andecensium Comitum stirpi illam conantur asserere ex matre Regardâ, id colligentes ex Alberti IV. Bojorum Ducis tabulis, datis anno M. CCCC. LXXXII. quæ testantur, Campidunense cœnobium fuisse conditum ab Hildegarde Boici sanguinis Principe. Verùm contrâ facit Theganus, à quo Imma Gotofridi Alemanniz Ducis proneptis,

ma-

mater Hildegardis disertè nominatur. Præter jam dicta sanctorum funera, quæ Eistadium, aliæque hinc inde loca, Boicæ propinqua, extulerunt; Salisburgum solennibus exequijs prosecutum est D. Virgilium, virum inæstimabilis (quod ipsius est apud Scriptores encomium) sanctitatis & meriti. Is levi correptus morbo 5. cal. Decemb. inter mortales esse desijt, magno Salisburgensium, optimum patrem lugentium, mœrore. Ad demortui corpus complura, eaque mirifica opera Deus edidit in ægtorum salutem. Eum D. Ruperto supparem urbis patriæque patronum cives hodie venerantur. Gregorius IX. illum solenni more Divorum numero adscripsit. Bertricus in ejus locum sublektus, vix annum gessit Archiepiscopatum, ad quem, eo defuncto, fuit assumptus Arno, magni nominis apud Carantanos, nec minoris apud Leonem Pontificem Maximum æstimationis. Simpertus quoque fato concedens, mœstum sui desiderium Raubonæ reliquit. Visus est Deus subductis tot sanctis Antistitibus, qui præstanti rerum usu, & sapientiâ rem communem sustentabant, haud dubiam iram denuntiare, quam Boica mox cæpit experiri, ex memorabili Boici principatûs conversione.

D. VIRGILII
OBITU.

Luitpurga muliebribus intemperijs agitata, insuper habens nuperam pacificationem, non desinebat Thassiloni marito irarum faces admoveere in Carolum Magnum; arma ad parentum vindicias continenter spirare, & demum virum immodicè uxorium in præceps agere, certa, vel collapsam domûs suæ fortunam erigere, vel Boicæ ruinâ sepelire. Thassilo tot lassatus querimonijs, denique manus dedit, & malè sartam cum Carolo gratiam, resumptis armis, pejûs abruptit. Malum auxit, quod citiûs in apertum venêre perniciofa consilia, quàm expedit ad faciendos belli apparatus, cum præsertim Carolo, subactâ Saxonîâ, futurum esset expeditum, cum victore exercitu in Boicam irrumpere. Quæ res Thassiloni, superiorum temporum exempla recogitanti, frigidam iniecit, ut pigeret, pœnireretque susceptæ in potentissimum Regem periculosissimæ dimicationis. Igitur, sive ut temporis aliquod lucrum faceret, sive ut belli sævitiem deprecaretur, Arnorem Episcopum Salisburgensem, & Henricum Abbatem Mansensem, ablegat ad Pontificem Hadrianum, qui infimis precibus orent, ut, quâ nuper benignitate & sapientiâ pacem conciliârat, eadem bellum Carolo dissuadeat. Piam operam non detrectavit pius Pontifex: Et commodum Carolus voti causâ Romam venerat, quem Hadrianus appositâ ad rem præsentem oratione aggressus, in ipso limine sensit à pacis mentione alienum. Ille enim ad primam integrandæ amicitiaæ cum Thassilone vocem, subito cæpit exhorrescere, & cum longius Pontificis oratio procederet, obijcere sæpe læsam patientiam, iteratam perfidiam, desperationem fidei, quicquid tandem Thassilo polliceretur. Semel, iterumque dari potuisse perduellioni veniam, & citra notam imprudentiæ fidem haberi, sed toties fallenti nullam deinceps haberi posse, nisi à supinè imprudente. Meminisse vellet Hadrianus, nihil profectum esse remedijs lenioribus, sed exasperatam potius esse hominis implacabilis audaciam, qui hætenus crediderit, sibi integrum esse rebellare, quasi debellari non posset. Nihil quidem mortalibus debere esse pace antiquius, quam quibusvis etiam triumphis sapientes ducunt esse præferendam, modo ne fucata sit, & composita ad fraudes, quæ futuræ sint, non publicæ tranquillitatis semina, sed incentiva motuum exitialium: Satiûs enim vero non videri modò, sed esse etiam, pio bello multiplicem injuriam semel ulcisci, quàm hostem manifestum toties sub fictæ benevolentiaæ larvâ experiri. Hætenus se cavisse magis, ne Thassilonem vinceret, quàm caverit ille, ne vinceretur. Eam in rem misisse se ad ipsum oratores, & priorem quidem cum nonnullo præjudicio, neglectumque regis majestatis, quam non decuisset eò modestiæ descendere, ad sanandam insaniam clientis perduellis: potuisse se videri timidum & abjectioris animi; sed in lucro tamen posuisse, quod insanientem revocasset ad mentem, vel excusserat arma ferocienti. Jam verò didicisse se experimento, Thassilonem nihil pro sano homine facturum unquam, nisi suis cladibus sapere doceatur. Quod si nihilominus communi piorum omnium patri aliud videatur, non detrectaturum se paternum

THASSILO
A LUITPUR-
GA UXORE
PERVERTI-
TUR.
BELLUM IN-
CIPIT RE-
PARARE.

XLVI.

LEGATOS
MITTIT AD
HADRIANUM
PONT.

CAROLI M.
ÆQUITAS.

XLVII.

LEGATORUM
THASSILO-
NIS TERGI-
VERSATIO-
NES.

THASSILO
EXCOMMU-
NICATUR.

CAROLUS
BOICÆ IM-
MINET.

THASSILO
PACEM A
CAROLO
CORAM EX-
ORAT.

XLVIII

JURAMEN-
TUM FIDU-
CIARIIUM
ITERAT.
LUITBURGA
DENUO RES-
TURBAT.

ejus arbitrium : rogare tamen, ut, pro suâ in orbem Christianum charitate, videat, an pax bello cum tali homine sit præferenda : & si quidem velit præferri, quàm honestas, quàm justas, quàm securas stabilis tranquillitatis condiciones exigere oporteat. Si quas Thassilonis legati attulerint, quæ non modò corrigant priorem perfidiam, sed præstent etiam in posterum fidem omnino securam, nihil moræ fore, quò minùs audiantur : Dignaretur Pontifex cognoscere, quænam habeant à Thassilone mandata. Hadrianum, cum ijs agere inchoantem, offendere legati, nectendo ambages, tergiversando quicquam vice Thassilonis spondere, quò dicerent id in suâ non esse potestate, nec admissuros alias pacis leges, quàm quas à Thassilone adferebant, cujus injussu sibi quicquam aliud non liceret pacisci : posse tamen ex domini sui voluntate pactas olim condiciones renovare. Hadrianus agendi modo malè affectus, quòd ex eo notaret, sibi, atque Carolo fucum fieri, & quæri diverticula, ut temporis fieret compendium, dum Thassilonis vires augerentur, ipsum & quosvis alios, qui ejus partes sequerentur, diris devotos est detestatus, nisi mox, armis positis, Carolo eâ, quæ deceret clientes, submissione, obsequerentur. Eo responso legati domum remissi, nihil præter belli denunciationem à Carolo ; à Pontifice præter execrationem, Thassiloni retulerunt. Decreto igitur bello, Carolus constituit totis Franciæ viribus Thassilonem primo quoque tempore obruere. Itum proinde in Boicam agmine tripartito. Primum duxit ipse in Lyeates, & prope Augustam castra habuit. Turingi, Franci Orientales, Saxones, Pferingæ tetendere : Pipinus Caroli filius, copijs Italicis Bauzanum præmissis, Tridenti substitit.

Thassilo territus tam formidabili apparatu, domi à suis longè infra spem adjutus, foris desertus ab amicis, damnatis belli consilijs, quod erat ultimum fortunæ subsidium, statuit, se suæque Caroli arbitrio committere. Quare inermis & supplicis habitu venit in castra. Admissus ad colloquium, infimis precibus temeritati suæ veniam flagitavit. *Serò tandem, aiebat, & meo malo, ô Rex, disco sapere, posteaquam toties tuam clementiam sum expertus. Habes fatentem reum : non ibo inficias, me ultima exempla promeruisse. Vnicum fortuna mihi fecit reliquum, ut censeam, me mea calamitati debere gratias, quòd, tametsi tristia quævis à te mihi forent expectanda, possim tamen, si meus meritis leviora à te exegeris, perpetiundo depradicare tuam clementiam, nominis tui tantò majore gloriâ, quantò tibi minor est causa ignoscendi homini, qui proficetur, nullam prorsus se veniam meruisse. Maximum est, quòd hæcenus tibi pepereris titulos invicti omnium hostium domitoris ; majus tamen, quòd te ipsum sapius, mihi parcendo, superasti. Alia omnia promerito reddidisti non ita pridem vitam, libertatem, Principatum : si sapuisssem, certâsssem tecum, non armis, sed obsequijs, ijsque vitam omnem, quam donaveras, redonâsssem ; tibi, quicquid concesseras, opum, & facultatis, debuisssem rependere : sed quæ mea fatalis est miseria, turbidis consilijs eò calamitatis sum prolapsus, ut ne quidem is videar amplius, cujus fides, & officia sint extra suspicionem. Ita nihil in me prorsus est, quod pro me faciat ; Sed in te tamen supersunt plurima, quæ me jubent de afflictissimâ fortunâ non desperare. Superest, inquam, tua clementia, & imitatio divina bonitatis, quæ nunquam ignoscendo fatigatur, quam si in consilium adhibueris, dubitare non possum sine crimine, quin ad ceteros tuos triumphos, hoc quoque trophæum positurus sis, ut omnis ætas cum summâ tuâ gloriâ depradicet, te, hominem prorsus indignum (quæ re nihil potes facere dignius) ignoscendo servâsse. Id si feceris, tibi sanctè spondeo, me tibi per omnem vitam, & fide, & servitijs, constanter fore obsequentem.*

Carolus hac oratione mollitus, in supplicem nihil gravius consuluit, eo duntaxat contentus, ut clientelare jusjurandum verbis solennibus, & Divis testibus, Thassilo repeteret : adderet duodecim promissorum obsides, cum filio Theodone in Franciam deportandos. Deportato è Boicæ finibus Francorum exercitu, visa est patria velut à supremæ calamitatis expectatione respirare, & respirâssset diu, nisi Luitpurga nata facta ad Boicæ perniciem, Thassilonis animum solitis artibus evertisset. Illa, suo dolori indulgens, rem eò dementiæ adduxit, ut Thassilo

silo nihil pensi habens, fidem toties datam, totiesque violatam, rursus arma pararet in Carolum. Cum domesticis viribus diffideret, Hunnos, gentem Boicæ eatenus inimicam, adversus Francos conduxit. Insanum consilium cum ex amicis quispiam argueret, & moneret, si minus aliorum obsidum, attamen Theodonis, regis prolis, rationem haberi debere, ne tam charis capitibus bellum, sine ratione susceptum, cum ultimâ Boicæ perniciæ gereretur; reposuit Thassilo, tanti sibi non esse obsides, quin eos, cumque ijs decem etiam Theodones, conceptæ in Francos iræ velit immolare. Auxilia, quæ Hunni addixerant, in speciem magna fuerunt, sed nulli prorsus usui. Cum enim factiosa Thassilonis dicta, factaque Carolum non laterent, properè Ordinum conventum Ingelheimij indixit. Illuc frequentes advenerunt Franci, Longobardi, Saxones, cæteræque gentes Francici imperij: Thassilo quoque, qui ad bellum nondum erat instructus, non est ausus vadimonium deserere. Comitio simul adfuere Boij, tot sui Principis defectionibus exacerbati. Ut primùm cæpta de Thassilonis capite consultatio, Boij fuere ex primis, qui ejus facta atrocissimis exostulationibus perstrinxerunt. Non debere quidem tanti esse Boijs privata commoda, quin semper habituri sint potiore communis salutis rationem; sed tamen cum illa, quæ propiora sunt, gravius ab unoquoque sentiantur, minus eadem posse dissimulari. Hoc verò esse manifestum, Thassilone Duce, Boicam tot accepisse damna, & accepturam in posterum, ut, nisi manus aliqua humanâ major prohibeat, propediem ad certum exitum sit ruitura. Quid enim aliud moliantur toties repetita in Regem conjurationes, coacti popularium exercitus, continua propè totius gentis commotio, immensi sumptus, & quod caput est, imminetia innocentibus supplicia, & pericula perdendæ libertatis? Quæ salus esse possit in eâ provinciâ, quæ à suo Rege nefarias per factiones divulsa, nihil habet propius, quàm ut tandem hostium ferro cedat, & succumbat ultimis perduellionis exemplis? Si imperij Francici conjunctæ manus tanti sceleris ultioni non essent futuræ pares, Hunnos armari, & conduci Boico stipendio, non tam ut ferant suppetias, quàm ut hauriant Boicum sanguinem, cujus, ut qui maximè, fuere semper appetentes. Hisce malis aliquam fortasse reperiri posse medicinam, si Thassilo suo genio permetteretur; sed (quod cuivis Principi est ignominiosum) cum uxoris imperijs ita servire, ut nullus ipsi reliquus sit rerum Boicarum, ne salutis quidem propriæ affectus, nisi quem ipsa per fraudem instillârit. Lujtpurgæ unus Longobardos esse in amoribus, Desiderij parentis sortem, sororis repudium, amissum regnum, everfam Longobardorum dominationem audiri in perpetuis lamentis: nihil eam somniare, præter vindictam, & Francorum interitum: & quidem hæc omnia tam fallacibus præstigijs imprimere Thassiloni, ut omnem illi mentem eripuisse videatur. Ipsum enim adeo nullo amplius humanitatis sensu moveri, ut abjectâ non modò patriæ, sed etiam sui, & suorum curâ, neque impendentes calamitates pensi habeat, nec obsidum salutem, nec filij vitam, certus, per civitatum excidia, per busta provinciarum, per filij jugulum, ad Regis interitum properare. Nihil opus esse vetera crimina revocare in memoriam, sed summè esse dolendum, recentibus factis eorum gravitati tantum accessisse ponderis, ut, licet vel maximè Bojorum perpetua in suos Duces fidelitas optet, illa tamen nec ratione minuere, nec excusatione possit extenuare: Hoc tamen adhuc superesse remedij, quod à Regis clementiâ Bojorum Ordines infimis votis precantur, ut nobilissimi Agilolfingorum sanguinis, & innocentis patriæ, pro innatâ lenitate, velit habere rationem. Dictæ præterea fuerunt ab alijs severæ sententiæ, quarum nulla fuit, quæ Thassilonem ad capitale supplicium non deponeret. Cum illi facta fuisset sui defendendi copia, ne vultum quidem Regis ferens, cum desperaret, se quicquam diluendis criminibus idoneum adferre posse, solis se lacrymis, & tacitâ culpæ confessione defendit. Prostratus denique ad Caroli pedes, ore confuso, quale est extrema metuentium, vitam fortunâque ejus arbitrio submisit. Rex lugubri spectaculo commotus, memòrque sortis humanæ, quæ florentissimum olim Principem & amicum, ad tam miserandam conditionem

THASSILO
IN COMITIS
INGELHEIMI
DAMNATUS
PRINCIPATUS
EXUITUR.
AN. CHRIST.
DCC.
LXXXIIX.
ACCUSATUR
A BOIIS.

XLIX.

L.

*Velser. lib. 5.
rer. Boic.
Monach. E-
golism.
Annal. Lau-
risheim.
Aimoin. lib.
4. c. 6.*

tionem abjecisset, patris maluit agere partes, quàm judicis. Dedit supplici vitam, & quidem cum bene laudabiliterque vivendi necessitate, quæ solet esse parens nutritrixque virtutum. Thassilo permissus est unà cum Theodone filio, quod ipsi fuit ævi reliquum, in Laurissæ Mediomatricum asceterio peragere, quod ante viginti circiter annos Cancor Comes condiderat, ubi ejus visitur sepulchrum. Suâ sponte, an jussus se religiosæ asceti dediderit, Aimoinus incertum reliquit. Annales domestici eum, ferunt, lubentem multumque precatum obtinuisse, ut in isto secessu Deum sibi bene factis propitiaret, quod non est ab ejus pietate alienum, quæ non careret insigni commendatione, nisi eam fraudes uxoriæ, & Francici nominis odium, temerassent. Mira scribunt nonnulli de ejus sanctitate, sed nullis authoribus paulò vetustioribus, sine quibus parum, aut nihil est fidei in re valde annosâ. Afferunt tamen, cælum ejus sanctitatem mirificis operibus comprobasse; quale est, quòd objectu luminis, ex ignitis pelvibus, excæcatus, Angelum ductorem habuerit, cùm aras, precationis causâ, obiret. Vion, qui eum sub profanâ veste, eâ pietate perfunctum scribit, addit meruisse honores, qui sanctis decernuntur, cujus rei fides est penes dubiam authoris credulitatem. De Luitpurgæ exitu nihil habetur compertum. Paulus Æmilius priùs ait fuisse mortuam, quàm maritus Monachum indueret. Sunt, qui conijciunt, in Sanctimonialium claustrum esse reclusam, sed neque hoc satis exploratum; quamquam priscis sæculis id genus supplicij, cum aliquâ honoris & clementiæ specie, Principibus frequenter obveniret. Atque hic quidem fuit exitus clarissimi Agilolfingorum, in Bojos, imperij, quod uti magnis olim virtutibus deferebatur, ita non parvis vitijs fuit ablatum: ne ignorent posteri, non tam exaggeratâ per longum annorum tractum potentuâ, opibus aut clientelis, quàm sapientiâ & æquitate fundari imperia, & perennare. Bojorum nobilitati, cæteræque multitudini, Carolus, sepositâ nuperorum motuum ultione, vitæ, libertatis, facultatùmque gratiam fecit, ijs exceptis, qui fraudibus, & perfidiæ comperti propiores, exilio perduellionis culpam, ad varia loca relegati, luerunt.

Aimoin. ibid.



BOICÆ



BOICÆ GENTIS
ANNALIUM
PARTIS I.
LIBER IIX.

Hunni debellati. Bella varia Caroli Magni in Saxones, Wil-
zos, Nordolitos, Theodorum Siciliae Præfectum. Con-
juraciones in Carolum Magnum, Pipinus ejus nothus ad
S. Gallum attonsus, Prumiæ in Treviris piè mortuus. Fru-
straneus Caroli conatus in jungendo Danubio cum Rhe-
no. Severitas & mors Fastradæ Reginæ. Hæresis Felicis
Vrgelitani profligata. Defensio Concilij Francofordien-
sis, de cultu Imaginum. Ingonis Carantanorum reguli
pietas & industria. Initia Salisburgensis Archiepiscopatus
sub Arnone. Mors Symperti Episcopi Ratisbonensis, Erici
Forojulienensis, Geroldi Comititis. Leo III. Romæ crude-
liter habitus, à Carolo restitutus. Vita Gamelberti. Met-
tensis Cœnobij initia ab Vtone.



Uti Principum munia non ab hominum ingenio, vel è terris, sed è PRÆCEL-
cœlo, divino mentis instituto accersiverunt, piè sapienterque sunt LENTUM
philosophati. Deus enim, rerum omnium parens ac dominus, PRINCIPUM
summum quidem in humanum genus imperium penes se retinuit, QUÆ ORIGO,
sed quod derivatâ in homines potestate, per Reges ac Principes QUÆ MUNIA.
sic voluit exerceri, ut, quia ipse nostris oculis non esset in hac
vitâ aspectabilis, in illis haberemus vivas supremæ sapientiæ imagines, quas reve-
reremur, audiremur, intueremur, & duces ad bene beatèque vivendum sequere-
mur. Eos proinde jussit esse ejusmodi, qui non sanguinis duntaxat, sed donorum
etiam cœlestium prærogativâ, cæteris mortalibus præcellentes, ad veram gloriam
eniterentur, suæque diademata, non tam gemmarum fulgore, quàm lumine virtu-
tum decorarent, & quicquid ipsi honestum ac laudabile in alijs requirerent, eodem
ipsi conarentur eminere, atque tum crederent, se Regis Regum speciem referre
pulchrius, cùm divinæ bonitatis formam lineamentis absolutioribus, quoad eorum

UNDE PRIN-
CIPATUUM
CONVER-
SIONES.

conditio patitur, exprimerent. Hoc spectabant humanæ rationis instinctu Reges Assyrij, qui prima jecere fundamenta dominandi, quando regis sobolis institutioni, cui ipsam loquentium virtutum orationem adhibere non poterant, quatuor viros, ex omni sapientum numero selectissimos, præficiebant, quorum unus justitiâ, alter prudentiâ, tertius moderatâ animi fortitudine, quartus continentiam præclarissimus, teneram Principum adolescentiam, peculiaribus singuli præceptionibus, partitis inter se vicibus, erudirent, aptarentque ad rempublicam bono subjectarum gentium gubernandam. Eâ stante disciplinâ, potentissimum Regnum perstitit, eaque demum cadente, corruit. Quibus ex rebus haud est arduum colligere, quibus principiis fulciatur vis humanæ dominationis, & unde sint causæ magnarum conversionum, quæ subinde non sine divinæ justitiæ altissimis rationibus in Republicâ oriuntur, faciuntque, ut, quod notavit sapiens, regna de gente in gentem transferantur.

II.

Subit aliquando mirari, quàm formidando casu Boicæ gentis principatus, à nobilissima Agilolfingorum gente, & vetusto Bojorum jure devolutus fuerit in exteras Francorum manus: sed ex ijs, quæ paulò antè memoravi, non est obscurum, quæ virtutum columnæ lapsæ sint, antequam res communis ad eam perniciem deveniret; si tamen talis censenda est, quæ non subruit dominatum, sed erexit in formam justiore, sub Rege sapientissimo, & illius ævi maximo, qui, exautorato Thassilone, Boicam æquabili imperio regendam suscepit. Jam excesserant, à primo Celtarum in Boicam ingressu, supra tredecim sæcula, anni duodenaginta; ab inito Theodonis Principatu, abierant anni ducenti octoginta, quando ista rerum mutatio inducta est, Boijs haud ægrè ferentibus, nexum clientelarem, quo jam antè Francorum Regibus erant obstricti, ad potentissimum justissimumque dominum, nullius præterea Principis interposito, recidisse, citra Boicæ dignitatis libertatisve detrimentum, sed cum aliquâ potiùs externæ potentie accessione, sub cujus tutelâ suavem deinceps suis rebus securitatem pollicebantur.

AN. CHRIST.
DCC
LXXIIX.
HUNNORUM
CLADES
GEMINA.

Sigebert.
Regino. in
Chron.

HUNNORUM
SUM CÆSI.
Sigeb. Chron.
Aimoin. l. 4.
6. 30.

III.

Ne tamen ilico dulci pacis otio fruerentur, Hunni, gens Boijs semper inimica, prohibuere. Cùm enim improvido Thassilonis invitatu, & prædarum aviditate arma induissent, non exuere, nisi victi sapius, fractique cum insigni suorum clade. Geminam eodem prope tempore acceperant, alteram in Italiâ à Francis, alteram à Boijs, & Francis auxiliaribus, quos Grahamanus & Odoacer, Caroli Magni jussu adduxerant. In agro Forojulienâ pugnatum Marte Hunnis adverso, ubi fusi fugatique, acie coacti cedere, pleni irarum atque dedecoris, ultima hostilitatis exempla minitantes, in Pannoniam refugerunt. Similis illos fortuna excepit in Iboræ confinio, unde cæsi profligatique nihil ad suos, præter funera, & ignominie notas, retulerunt, majoribus propediem copiis ad eam delendam redituri. Sumendæ vindictæ tanta fuit aviditas atque ferocia, ut, anno nondum evoluto, cum immensi suorum multitudine regressi in Boicam, dira omnia genti universa facturi crederentur. Animos geminæ cladis dolore concitatos stimulabat ira, quod Bojos hostes essent experti, à quorum cervicibus jugum Francicum se depulsuros fuisse profitebantur, nisi contra datam à Thassilone fidem, Boij in amicos pro retinendâ servitute pugnassent acrius, quàm in hostes certassent aliàs pro asserenda libertate. Tanta verò vis Avarum ad signa, quanta rarò antea confluxerat. Jam Bojariæ imminebant truculenti, cùm Boij juncti Francis, castris ex adverso positis, ostendere se proximo quoque tempore sui copiam facturos. Neque verò Hunni detrectavere prælium, sed instructis utrinque ordinibus, rei summam, Marte arbitro, placuit decernere. Acies nemo descripsit. Sigebertus totius pugnæ gloriam Francis, studio gentis, attribuit: Aimoinus longè justior victoriam Bojorum virtuti transcripsit, paucis ostendens, eos acie frontem firmasse, primos inivisse pugnam, & hosti tantâ vi incubuisse, ut primâ statim congressione pulsus, terga Bojarijs cædenda dederit. Exinde non tam exorta cædes, quàm strages innumera multitudinis, tanto ardore vincentium, & pavore fugientium, ut, quibus parcebat ferrum, desperatam salutem objecto Danubio, præcipiti consilio, committerent,

rent, nihilo miriores undas, quàm victores Bojos experturi. Cùm enim, interceptâ aliter evadendi facultate, ultima spes in flumine transmittendo Hunnis esset reliqua, nec foret ulla pontis copia, undique pressi ab instantibus, quamplurimi, qui se vasto profluentis alveo crediderunt, in ipso tranandi conatu, vel obruebantur insectantium telis, vel absorbebantur aquarum vorticibus. Pereuntium numerus non est missus in litteras; credibile tamen est, ex tantâ fugientium consternatione paucos superfuille cladi, è Boijs autem atque Francis perpauca desideratos. Hoc ipso anno quartus conflictus æquè fuit Carolo fortunatus in Calabria, adversus Theodorum Siciliæ præfectum, legatum Constantini Græcorum Imperatoris. Hic indignè ferens, se à Carolo, cujus filiam exambierat, tulisse repulsam, Theodoro negotium dederat Italiæ fines incursandi. Jam hostile agmen Benevento propinquabat, cùm Winnigisus Caroli Regis legatus, Hildebrandus Spoleti Dux, & Grimoldus Benevento præfectus, festinatis Calabrorum delectibus, Theodoro vim opposuerunt. Ut ventum est ad manus, Græci ingenti clade affecti, magnam cælorum captivorumque turbam, & opima spolia victoribus reliquerunt. Carolus tot exhilaratus victorijs, quas plenâ manu in ejus sinum Deus effundebat, Reginoburgum concessit, ut Boicam, certis divisam limitibus, tribueret gubernandam Judicibus, quos ista ætas Comites nuncupabat. Addidit quoque novas leges veteribus, quæ Capitulum Caroli titulum gerunt præfixum, referuntque probam istius ævi simplicitatem, quas proinde ex Velfero descriptas subijcere non gravabimur.

CAROLUS
M. THEODORUM PRO-
FLIGAT IN
CALABRIA.

CAPITULA QUÆ DOMINUS KAROLUS SERENISSIMUS ADDERE JUSSIT.

Ut bannum ipsius quislibet irrumperet, componere debeat. Ut Ecclesia, Vidua, Velf. lib. 5. orphani, vel minus potentes, pacem rectam habeant, & ubicumque infractum fuerit, rer. Boic. pag. L X. solidis componatur. 335. Ex his

Ut raptum, vel vim per collecta hominum, & incendia, infra patriam, nemo facere præsumat, & qui hoc commiserit, L X. solid. in bannum nostrum componat. Similiter, & qui jussionem regiam in hostem bannitus irruperit. Hac capitula in assiduitate, reliqua autem reservata sunt Regibus, ut ipsi potestatem habeant nominativè de- nonnulla sunt apud Pistunum lib. 3. & 4. inter edita Capitula.

mandare, inde exire debent. *Componere*
De Dineralibus, ut, si quis eos occiderit, Regi componantur. Similiter de his, qui idem est atq, per chartam in Ecclesia juxta altare dimissi sunt liberi, cum XL. sol. componantur Regi. multa pendere, componi est multa puniri.

Hi verò, qui per chartam ingenuitatis dimissi sunt liberi, ubi nullum patrocinium, & defensionem non elegerint, similiter Regi compon. XL. sol. *Compositio multa significat.*

HÆC CAP. NOSTRA MISSI NOSTRI COGNITA FACIANT IN OMNES PARTES.

Ut nullus ad mallum, vel placitum infra patriam arma, id est, scutum & lanceam portet. *IV. Dinerales servi. Ad judicium confessus.*

De latronibus, quicumque post missam S. Ioannis latroni mansionem dedit, si Francus est, cum XII. similibus Francis juret, quòd latronem, cùm fuisset, non sciret, licet pater sit, fratres, aut propinquus. Si hoc jurare non potuerit, & ab aliquo convictus fuerit, quòd latronem in hospitio suscepisset, quòd & ipse latro & infidelis judicetur, quia latro est, infidelis est noster & Francorum, & qui illum suscipit, similis est illi. Si autem audierit, quòd latro fuisset, & tamen nescit firmiter, aut solus juret, quòd nunquam eum audisset, nec per veritatem nec per mendacium, eum latronem esse, aut sit superatus, si de illo latrocinio postea victus fuerit, ut similiter damnetur.

Ut nullus compares caballum, bovem, jumentum, vel aliud quid, nisi illum homines Senior, dominum, cognoscant, à quo venditur, aut de quo pago est, vel ubi manet, aut quis ejus senior.

*Missi, Præfati
Eli : missati,
cum Præfati
Eli.*

*De Adventitijs : Ut, cum missi nostri ad placitum nostrum venerint, habeant ob-
strictè quasitum, quanti adventitij sunt in illorum missatico, & de quo pago sunt, & no-
mina eorum, & qui sunt seniores eorum. Similiter direximus Missos in Aquita-
niam & Longobardiam, ut omnes fugitivos & adventitios ad nostrum placitum ad-
ducant.*

*Quicumque ista capitula habet, ad alios Missos ea transmittat, qui non habent, ut
nulla excusatio de ignorantia fiat, & hac Missi nostri ante Nativitatem Domini omnibus
cognita faciant.*

*Inprimis jubendum est, ut habeant Ecclesia eorum justitias, tam in vita illorum,
qui habitant in ipsis Ecclesijs, quam in pecunijs & substantijs eorum.*

*Ast ut omnes Episcopi potestati, vel secundum regulam canonicam, doceant & re-
gant eorum ministeria, tam in Monasterijs virorum, quamque puellarum, vel in forensi-
bus presbyteris, seu reliquo populo Dei.*

*Mundebur-
dum, tutela,
protectio.*

*Ut vidua, & Orphani, & minus potentes sub Dei defensionem & nostro Munde-
burdo pacem habeant, & eorum justitia.*

*Episcopi cum Comitibus stent, & Comites cum Episcopis, ut uterque pleniter suum
officium peragere possit.*

*Ut latrones & homicida, seu adulteri vel incestuosi, sub magna districtione & cor-
rectione sint correpti, secundum Bajoariorum velle.*

*De rebus proprensus, ut ante Missos, & Comites nostros, & iudices veniant, & ibi
accipiant finitivam sententiam, & in antea nullus presumat alterius rebus proprendere,
nisi magis suam causam querat ante iudices nostros, ut diximus, & ibi recipiant, quod ju-
stum est : Et si quis voluerit dicere, quod justè non judicetur, tunc in presentiam nostram
veniant : aliter verò non presumat in presentiam venire, pro alterius justitia dila-
tandum.*

*Scaritum, de-
cisum, gallicè
encharge.*

*Annal. An-
gient.*

*Valafrid, Ab-
bas.*

*Vita S. Mein-
verci.*

*Tabula Fri-
sing.*

*CAROLI M.
IN BOICA
VICARII.*

V.

*Hund. Me-
trop. rom. 1.*

*AN. CHRIST.
DCC.*

LXXXIX.

Amoin. lib.

4. c. 81.

*Regin. Chron.
BELLUM IN
WILTZOS.*

*Quod non amplius de illis justitijs Missi nostri ad præsens modò faciant, nisi de tem-
poribus Thassilonis, seu Luitpirge : exceptis illis, qui avi & genitoris nostri, vel ad nos ve-
nerint. Et marcam nostram, secundum quod ordinatum, vel scaritum habemus, custo-
diant unà cum Missis nostris.*

*Rebus ad eum modum ordinatis, Carolus, Aquilgrani hiematurus, Gerol-
dum Comitem Pullenium, sic dictum ab arce sita in monte Suevia, fratrem Hilde-
gardis nuptæ Carolo, pacis bellique attribus insignem, Augienfis Asceterij, & San-
gallensis præclarum locupletatorem, & sacelli D. Virginis Paderbornæ condito-
rem, Rectorem Boicæ dedit cum vicariâ potestate. Juri quoque dicundo præfe-
cit illustres viros, Erchenbaldum, Otpertum, Albricum, Adulphum, Wernha-
rium, Orendillum, Amelricum, Godefricum, Godefredum, Comites ; Gisilhar-
dum & Ellambertum, Judices. Eorum munus erat unà cum Episcopis, Mona-
steriorum Antistitibus, & Bojorum proceribus lustrare provinciam universam, &
vel in Monasterijs, vel Reginoburgi, Frisingæ, Aiblingæ, Feringæ, quæ loca id
temporis dictandis decretis, litibusque dirimendis erant celebriora, rempublicam
gerere. Inter omnes Antistites prima fuit Arnonis Salisburgensis Archiepiscopi
dignatio, quem ob singulares virtutes Romani Pontificis litteræ sanctissimi titulo
insignunt. In rebus agendis, penes ipsum partes erant, authoritæque, primariæ.
Thassilo, cum rerum potiretur, ejus fuit usus industriâ in Romanâ legatione
contra Carolum, cui postea conciliatus, inter viros præcipuè admisionis fuit, ob
egregiam in rebus agendis dexteritatem. Idem rem Christianam auxit insigni-
ter apud Bojos, Hunnos & Slavos, quibus sacrauit, deditque Episcopum Theo-
doricum : celebravit, Carolo annuente, Synodum Salisburgensem, in quâ certæ
leges solvendis Decimis, & Ecclesiarum proventibus fuerunt constitutæ.*

*Annum, qui Thassilonis exauetorationem secutus est, excepit bellum, quod
Carolus gessit in Velatabos, Oceani accolæ, linguâ Francicâ Wiltzos, natione Sla-
vos, qui flagranti Francorum odio imbuti, gentibus, Francico nomini fœderatis,
bello vexandis nullum faciebant finem. Carolus non nescius regni salutem in
sociorum incolumitate contineri, ne diutius eorum injurias sineret inultas, bar-
baro-*

barorum insolentiam armis putavit esse coercendam. Contracto igitur ingenti Francorum exercitu, posteaquam Rhenum Colonia Ubiorum trajecerat, valida Saxonum & Frisonum auxilia accivit, castrisque ad Albim positis, amnem junxit ponte gemino, quorum alteri ex utraque ripa praesidium imposuit extructo vallo, quod receptum, & annonae convectionem muniret. Inde progressus in hostium fines, omnia jussit igne ferroque, longè latèque vastari. Wiltzi, quamvis immani numero ad signa confluxerant, agrorum vastitate, & imminentis periculi terrore perculsi, cum suis viribus diffiderent, pacis consilia bello prætulerunt. Carolus ad Dragamutinam processerat, cum Vuizan præcipuus barbarorum Regulus publicâ fide extra mœnia prodijt. Aderant simul Abotrudorum & Urborum Legati pacem postulantes. Carolus, admissos ad colloquium, jussit imperata facere, spondere obsequium, promissæ fidei dare obsides, ac deinceps à finitimorum injurijs abstinere. His conditionibus pax confecta, quam plures Slavorum remotiores populi citeriorum exemplo fuerunt amplexi. Carolus, acceptis obsidibus, iter relegit in Franciam, rebusque pro temporis ratione apud Saxones compositis, Wormatiam venit, ubi, exactâ hieme, audiit Hunnorum legatos, de regundis provinciarum finibus, eâ contentione disceptantes, quæ anno nonagesimo primo in luculentam Pannoniæ calamitatem emerfit. Cum mutæ expostulationes, ne per legatos quidem, quos Carolus ad Hunnos miserat, finirentur, sed utrinque (quod amat fieri) de proferendo imperio certaretur, Carolus probè gnatus cum quo hoste res esset futura, partem hiemis, vernumque tempus maturandis delectibus impendit, ut hosti præverteret: ratus, se minore damno bellum procul in hostico, quàm domi apud socios habiturum. Ergo, vere exacto, copias jussit Reginoburgum propterè convenire, ubi dato Senatu ex suâ Procerumque sententiâ, certam iniit itinerum, bellique gerendi rationem. Exercitum trifariam partitus, Bojos navibus imposuit, jussos annonam, cæterumque belli instrumentum secundo Danubio comitari. Saxonibus, Frisijs & Turingis ductores dedit, Theodoricum Comitem & Meginfridum regij cubiculi Magistrum, qui terrestri itinere Aquilonarem Danubij oram legerent: Ipse per Australem ripam delectum Francorum agmen duxit. Castra metatus ad Anasum fluvium, qui Bojarios eâ tempestate ab Hunnis dividebat, copijs omnibus tridui jejunium, publicam Litaniarum comprecationem, aliâque placando Numini opportuna indixit, sine quibus, neque sperari salus potest neque victoria. Nemo erat, quin crederet, cruentas fore dimicationes cum gente armis innutritâ, suique juris apprimè retinente. Verùm tanta præter solitum universos invasit consternatio, ut nullâ vi potuerint adduci ad faciendam sui copiam, satis habentes, se abdere intra urbium munimenta devotisque fugæ recessus. Pars (si Æmilio fides est) ad ipsos Scythas se receperunt, pars Francum magnâ mole iter facientem prævertentes, secundo Danubio inferiorem Pannoniam petivêre. Carolus, transportato in hosticum exercitu, proxima præsidia nullo propè negotio disjecit. Objectæ erant longius promoturo binæ munitiones, altera ad Cambum flumen, altera vallata firmis operibus in edito monte ad Comagenos, quæ mox à milite desertæ fecerunt deditionem, jussæque sunt æquari solo. Cum hostis perinde paci atque bello imparatus nusquam occurreret, circumlatus ubique terror, abacti hominum animantiumque greges, illata agris vastitas, tantâ gentis desperatione, ut, pristinae virtutis immemor, ne ferrum quidem stringere sit ausa ad tuentis patriæ defensionem. Eâdem facilitate Carolus movit ad flumen Arrabonem, eoque transmissio, ulteriora prætergressus, venit ad ostium, quo amnis Danubio confunditur, ubi locatis castris, dies aliquot militi ad curanda corpora indulxit. Cum nihil prorsus ab hoste tentaretur, celsæque longum ac difficile continente fugâ recedentem insequi, post continuatam, per duos supra quinquaginta dies, populationem, Rex in Germaniam rediturus, per Sabariam profectionem indixit. Saxones & Frisios domum remisit per Begaminos: Geroldum Boicæ præfectum, & Ericum Ducem Forojuliensem cum magnâ parte peditatus in Pannoniâ reliquit ad frenandos gentis tumul-

AN. CHRIST.
DCCXCI.BELLUM IN
HUNNOS.

VII.

*Æmil. in
Carol. M.*

MORS AN-
GILRAMNI.
*M. S. Paul.
Diac.*

*Tom. 3. Con-
cil. Venet.
edir.*
ORBITUS SY-
NOBERTI.

multus. Ne equitatum provinciæ imponeret, vetuit pestilientia, quæ ad octo equorum millia sustulerat. Aimoinus scribit, vix decimam jumentorum partem superfuisset. Carolus cum cætero exercitu Reginoburgum concessit, ubi Christi Natalem, Paschalesque ferias religiosè exegit. Elata sunt per id tempus duorum virorum insignium funera: primum Angilramni Metensium Præsulis, qui in Caroli Magni palatio supremo sacelli magisterio functus, Romanæ sedis Apocri-farij munus in Austrasiâ gesserat. Egregium operæ pretium fecit apud Pontifi-cem Hadrianum, cum anno DCCLXXXVI. obtinuit certas leges, quibus Epi-scoporum judicia causæque regerentur, ut videre est ex Actis Conciliorum. Tan-to viro publicè, non sine Caroli luctu, est parentatum. Funus alterum ductum est Synoberto, aliàs Symperto, Episcopo Reginoburgensi S. Garibaldi successori, viro pacifico, qui sæpius Thassilonis cum Carolo M. reconciliandi egit interpre-tem. Nactus est conditorium in æde D. Emmerammi, quam ipse condiderat, Pipino Caroli Magni patre magnam sumptuum partem suppeditante. Ejus cu-ris atque pietati refertur in accepris, quod asceterium, paucorum religiosorum capax, ampliore contubernio opibûsque laxatum, longè numerosiorem familiam admiserit, Caroli Magni liberalitate.

VIII.
FELIX UR-
GELITANUS
HÆRETICUS

AN. CHRIST.
DCCXCII.
ERROREM
RECANTAT.
*Regino
Sigebert.
Jonas Aure-
lian. lib. con-
tra Claud.
Taurin.*

CONSPIRA-
TIONES IN
CAROLUM
M.

*Æmil. in
Carol. M.*

Hunc tot gentium victorem, certamina longè dissimilia exceperunt: unum adversus nefariam hæresin, alterum in parricidij domestici meditatum scelus. Ur-gelum, civitas est in Pyrenæis montibus. Felix ejusce loci Episcopus, unà cum Eli-pando Archiepiscopo Toletano in Nestorij errorem lapsus, Christum hominem Dei filium titulo adoptionis, non autem veritate naturæ assererat. Dum Eli-pandus apud Astures & Gallæcos multos in fraudem induceret, Felix haud paucos in Septimania seduxit, sed in Galliâ & Germaniâ neminem reperit, qui scelestam doctrinam in animum admitteret. Pertractus Reginoburgum, omnium Episco-porum, qui Synodo intererant, judicio confixus convictusque, errorem recanta-vit, iussûque Caroli ab Engelberto Centulensi S. Ricarij Abbate Romam ductus ad Hadrianum Pontificem, repetitâ orthodoxæ fidei confessione hæresin detesta-tus, non modò piorum cœtui, sed etiam Urgelitanæ sedi est restitutus, præclaro clementiæ exemplo.

Cæterum, quod dixi de parricidio, non semel pientissimus Rex propè abfuit ab ultimo discrimine, per hominum consccleratorum conspirationes. Prima fuit quorundam optimatum Austrasianæ nobilitatis, qui stimulante invidia, Arderico conjurationis instinctore in Regis exitium fœdus inierant: querebantur videlicet, se loco iniquiore, quàm aliarum gentium Principes haberi, cum tamen primas si-bi deberi crederent, eò quòd Carolus in Austrasiâ primam lucem aspexisset. Cum in criminis societatem jam multos allexissent, cresceretque cum multitudine au-dacia, ut rarum est apud plures conscios arcani silentium, perfidia venit in aper-tum. Qui sceleris fuere comperti, ultimo supplicio luerunt; quos suspicio asper-ferat, coacti solum vertere sententiâ quæsitum, negantium posse in tam chari capitis conspectu tolerari, qui vel minimam tantæ atrocitatis umbram præ-buissent.

IX.
Æmil.
PIPINUS NO-
THUS IN CA-
ROLUM PA-
TREM CON-
JURATUS.

FASTRADÆ
REGINÆ SE-
VERITAS.

Altera conjuratio fuit longè detestabilior, quia exorta à proximo sanguine, cujus injuriæ cæteris sunt acerbiores. Pipinus Caroli ex Himeltrude nothus (quem Aimoinus majorem natu filium appellat, idémque gibbo deformis, ne ani-mo degeneri corporis mala nota deesset) à Francis quibûsdam in spem regni arre-ctus, cum neque jure natalium, neque patris lubentiâ sibi posset id dignitatis pol-liceri, inito Caroli necandi consilio, omnem perficiendi sceleris modum rimaba-tur. Hominem ambitione tumidum inflabat ordo nascendi, dolorque, quòd, qui filiorum primus Carolum parentem fecisset, inter postremos nullo prope nu-mero, instar reijculi, habendus esset, nisi sibi ipse fortunæ melioris faber fieret, & contaminati sanguinis ludibrium mutaret in sortem honestiorem. Quos habe-bat patranda cædis authores, accusabant Fastradæ Reginæ, quam Carolus post Hildegardem duxerat, ferociam, quâ insignem mariti lenitatem asperabat. Simul
cos

eos urebat nimia authoritas, quâ illa apud maritum una, & sine socio, omnia posse ferebatur. Et verò suadendo aliquâ severioris imperij exempla statuerat, & sui metum odiûmque, qui metus est allecla, in eorum maximè animis concitaverat, quos criminosa conscientia minùs faciebat securos. Pipinus, quò facilior esset ratio parentis è medio tollendi, per morbi simulationem ex aulâ secessit, ratus, minus fore periculi, si rem ex insidijs auspicaretur. Ad dictam diem confluxère conjurati. Non procul res à parricidio aberat, cùm Fardulfus, natione Longobardus, sacro Clericorum ordini adscriptus, patricidarum consilia in lucem protraxit. Coiverant illi noctis silentio in ædem sacram, ut iteratâ opis mutux sacri-legâ religione sese obstringerent, & capita, de tollendo Rege, conferrent. Longobardus, qui clâm sese abdiderat, eorum dicta arbitratus, sensit comitium de Caroli capite agitari. Eum tamen non ita texere tenebræ, quin ab oculatiore quopiam deprehensus, mortis intentatæ metu sese ad secreti fidem, operamque scelesto consilio sociandam, jurejurando obligaret. Verùm ille ratus se turpissimi promissi nexu minimè teneri, in tanto Regis optimi, totiûsque orbis Christiani discrimine, soluto cœtu, confestim in Regiam advolat, impetratque ab excubitoribus, sibi mox ut Regis adeundi copiam faciant, maximi momenti arcanum, quod moram non patiatur, patefacturo. Admissus in Caroli conclave, rem omnem ordine aperuit, & servatæ fidei præmium, Ecclesiæ D. Dionysij præfecturam est consecutus. Conjurati missi in vincula, damnatique læsæ majestatis, pars truncati capite, pars acti in furcas infames. Pipinus mitiore pœnâ, quæ adversus obtrectatores testis esset regis clementiæ, solenni Principum id temporis supplicio, inter Monachos attonsus relegatusque, primùm quidem in S. Galli monasterio, deinde in Prumiensi, quod est Trevericæ ditionis, latuit sub Abbatis Assueri disciplinâ. Dum ad S. Galli vitæ arctioris tirocinium poneret, quidam Francorum Proceres rursus in Caroli perniciem coiêre, qui cùm hæreret ambiguus, quibus pœnis in perduelles animadverteret, Pipinum consuluit, velut difficilis causæ sequestrem, quòd toties repetita in patricidas severitas adeò nihil videretur profecisse, ut velut ex hydræ Lernææ capitibus nova indies monstra prodirent. Abhorrebat tamen micissimo Princeps ingenio à funestis, hærebâtque anxius, quod demum pacto recrudescenti in horas malo faceret medicinam, eò quòd infortunatus sit Princeps, qui suos metuat, & tutus tamen non sit, nisi se improbitati reddat metuendum. Legati, cùm ad Pipinum venissent, reperêre hortenses areolas herbis noxijs sarritione purgantem, idque tulêre responsi, parentem sibi probè consulturum, si, quod filium in extirpando lolio facientem viderent, sequeretur. Quibus ex dictis Carolus facilè collegit, non ad sarculum se vocari, sed ad extirpandam perduellionem, quotiescunque repullulasceret; Pipinus verò (quod veteres chartæ post Sigebertum tradunt) patris voluntate in Prumiense Cœnobium translatus, quod vitæ fuit reliquum, singularibus pietatis exemplis transcripsit, hoc nomine parenti cœlitibusque gratus, quòd bono fato ad eam felicitatem infelici conatu esset adductus.

DETEGUNTUR INSE-DIE IN CAROLUM.

PIPINUS ATTONSUS. *Aimoin. Lamb. Gæd. Sanguallien. de reb. Carol. M.* A PATRE CONSULTUR.

PRUMIÆ PIE VIVIT ET MORITUR.

Atque hæc quidem de prodita religionis, & regis majestatis perduellibus. Quia verò superiùs nonnulla de Carantanis memoravimus, juvat hoc loco referre incrementa, quæ Ingone, ejusce gentis Duce, religioni Christianæ accesserunt. *Henric. Canis. to. 5.* X.

Animadverterat Princeps, non bello minùs, quàm pietate clarissimus, Optimates affici segniùs ad sacra Christiana, quòd nòssent, illis, qui ad Christi vexillum aspirarent, apprimè commendari rerum humanarum contemptum, studium abstinentiæ, honorum opumque moderationem, & similia, quæ curvæ in terras animæ habent exosa. Malè enim cum inveteratâ morum, quibus assueverant, licentiâ, sentiebant convenire inedia, corporis afflictationes, crucis Christi ludibria & accuratas leges, quæ per asperos angustosque calles ad longè positam felicitatem ducerent. Ingo, cùm saniora suadendo, moliendoque operam perdidisset, ferrètque ægerrimè, Nobilitatem ab instituto sanctissimo, viliratis objectu deterteri, erroris castigandi rationem ingeniosè commentus est. *Ingonis Carantani pietas et industria.* die

XI.

die convivium instruit dapibus, cæteroque apparatu cultissimum: invitat convivas magno numero, tum ex primoribus, tum ex plebe promiscuâ: adornat geminum mensarum ordinem, quarum præcipuis jubet assidere tribum pauperum, quam pietas in DEUM commendabat, neque erubescit assidere, neglectis nobilibus, qui abjectè de DEO sentiebant. Accumbens inter homines pannofos, epulas non delitijs modò, sed etiam comitate condiebat hortator idem & præbitor: Magnates verò seorsim habiti plebeio paratu, vasis testaceis, servilibus obsonijs, pane cibario, vino fugiente, ringebantur invidiâ & indignatione, quòd servilibus homuncionibus viderent posthaberi, & propinari ad ludibrium: nec verò dissimulabant iras, fronte ad rigorem caperatâ & fremitu, quousque Princeps oratione meditatâ facti rationem cœpit explicare. *Ex vestro (inquit) conspectu, Viri nobiles, haud obscurè sentio vestrorum animorum motus: lego ex singulorum fronte atque oculis tristitia mæroris indicia, & suspensam rei, quæ nunc agitur, admirationem. Vobis fateor, causa non desunt, cur a me peccatum esse contra urbanitatis leges existimetis, spretumque modum vestræ dignitatis. Neque enim ulla natio tam est inculta, quæ non habeat certos summorum atque infimorum ordines, quorum singulis, major minorve tribuatur honor, authoritas & dignatio, pro diversâ maniorum & potestatis disparitate. Talibus enim gradibus constat firmaturque humana vita societas, regnorum decus, apta civilium partium inter se temperies, populorum consensio, prudentia consiliorum, quæ nexus & vincula sunt bene ordinata potestatis. Verum quid sibi hodie vult inversus ordo, & tam insolens depressio nobilissimi sanguinis, quem summo jure debuissim ignobiliori prætulisse? Certè malè res vestra haberet, viri illustres, si mihi fuisset propositum præbere epulum, quod vestrum palatum & oculos magis, quàm mentem, divina scilicet lucis præstantissimam portionem, resciceret. Dicam verò, quid mihi fuerit, in tam mirabili confessu & mutatione, consilij. Novi, & pro eo, ac debeo, magni facio vestram dignitatem, scio quis vobis honor debeat, non sum ignarus quale sit generis vestri & minuta plebis discrimen: sed altius quid, longèque divinius, placuit vobis ob oculos ponere. Hodie mea, vel, si mavultis, vestra causa agitur, ut aliquando tandem videatis, quantum sit pietatis pretium, non apud me duntaxat, sed vel maximè apud Numen immortale. Mirari desinetis, si ostendero omnes, pro suis quemque meritis, & accumbere & haberi: quod mecum haud dubiè sentiesis, si vobiscum reputaveritis, me non sanguinis, sed virtutis, unde prima est vera nobilitatis origo, rationem habuisse, & spectasse etiam amicitiam, quæ ex morum similitudine coalescit. Conviva isti, in speciem viles, sub lacernis gerunt mentes purâ in verum DEVM religionem nobilissimas: hos proinde non diligo tantum, sed etiam veneror, utpote charos cælitibus, Dei filios (videte eorum stirpem & opes) heredes regni sempiterni, divinitatis ministros, quorum non pauci multos, haud dubiè, Reges atque Principes non modo aquabunt gloriâ, sed etiam dignitate superabunt, quando singulis mortalium Deus immortalis æquissimâ lance virtutum præmia admetietur. Quid porro mirum est, eos mihi assidere, qui de meâ sunt tribu, qui ejusdem mecum sunt ara, & cælestis mensa consortes, Christi, Regis Regum, Domini mei delitia, unius mecum propositi, & conjuncta cum Deo voluntatis? Iste cæli divitiæ, ille splendor probitatis, illa vita innocentia & incredibilis morum venustas, me rapiunt in amorem istius, quam cernitis, sancta tenuitatis. Quòd si in vobis cernerem paria decora, tantas spes & honores, prò Deum immortalem, quàm mihi cresceret ad vos amandos, & honoribus augendos, animus! Ignoscite meo candori, qui me dissimulare non patitur, nescio quæ illustrissimi vestri ordinis dehonestamenta. Iactamus quidem, nec immeritò, vetustas majorum imagines, aurum gemmasque ostentamus, numeramus clientes, triumphamus virtute militari, erigimus factorum nostrorum laudumque monumenta, quæ ego quidem non aspernor; sed levia hæc sunt, & apud rectè sentientes abjecta, nisi pretium accipiant aliunde, quod in immensum crescat, si accesserit supremi Numinis reverentia, in Christum sincera fides & amor, imitatio sanctissima ejus mansuetudinis, modestia, castimonia, abstinencia, charitatis, mutua consensionis, cæterarumque virtutum, quæ nos Deo similes faciunt, & supra quàm dici possit gloriosos. Tales ego dotes ubi in animis vestris conspexero, ne dubitate,*

vitae, mihi eritis longè, quàm ulli mortalium chariores. Hac oratione, insuetoque spectaculo castigatos, Ingo sic composuit, ut nobilitas propè universa, nomen Christo professa, petierit divinæ legis interpretes, quos Arno Salisburgensis Antistes, D. Virgilij exemplo, submitit, magno totius nationis emolumento.

Carolus interea non debellandis modò hostibus, sed (quod verè regium est) etiam ornandæ religioni studiisque pietatis suas curas, & publicè, & privatim, sedulitate tantâ impendebat, ut divinarum rerum tractationi ex assè videretur additus. Promptum est credere, id eum fecisse, ut hævos, quibus juveniles annos asperferat, veris virtutibus dilueret, cùm ad ultimam senectam inclinaret. Inter cætera, quæ in eo genere præstitit (quod notavit Sigebertus) labantem in Ecclesijs Australianis scitè divinas laudes canendi morem, non putavit esse infra suam majestatem, ad Romanum usum & præcepta revocare. Gallia etenim discrepantes modos concentibus induxerat: Mediomatrices, penes quos manserat cantus paulò sincerior, ad aliquam modorum levitatem desciverant. Quæ res ut emendaretur, missi erant ad Adrianum Pontificem cantores, qui Romanam psallendi disciplinam condiscerent, domumque referrent. Per hos Carolus initium fecit, exactiorem canendi morem ad usum revocandi. Non in domesticis tantùm, sed publicis etiam comprecationibus tam erat religiosus, ut exæquaret, verius superaret, communem virorum Deo dicatorum pietatem. Etenim miram contraxerat agendi cum Deo consuetudinem, quo in gerendis ordinandisque negotijs non adiutore modò, sed consultore etiam sic utebatur, ut omnia ejus arbitrio atque honori deferre videretur. Non semel Reginoburgi supplicantium agmini à Regiâ ad D. Emmerammi basilicam nudis pedibus pone Crucis vexillum anteivit, ut suum in expendendis Christi tormentis affectum exerceret, nunquam major aut illustrior, quàm cùm unus de multis, & velut omnium minimus, apparebat. Sibi ipse fixerat statos dies, quibus defraudans genium, corpus malignè reficiebat, mentemque pascebat inedia, & rerum cælestium meditatione. Profusè succurrebat egentium miseriæ: regiam liberalitatem porrigebat, non in subiecta modò regna, sed etiam in Transmarinos Christianos, Afros, Syros, Ægyptios, & qui Palæstinam Dei vestigijs, & sanguine sacratam incolebant. Quod ad laudem insigne est, Reges barbaros eâ gratiâ sibi retinebat addictos, ut sub eorum imperio pacatè liceret vivere Christianis. Sed quod in tanto Principe mirandum, cùm esset peregrinarum linguarum apprimè callens, carmine, quale istud ævum amabat, veterum Regum bella descripsit, quò faciliùs memoriæ mandarentur, & decantata ad priscæ virtutis imitationem animos excitarent. Duodecim anni mensibus vernaculam, quæ apud Germanos erat, appellationem imposuit: Ventos etiam duodecim, cùm antè vix quatuor nominarentur, novis vocabulis insignivit. Grammaticam sermone patrio scribere est aggressus, quem laborem jam affectum mors abruptit. Condendarum basilicarum incredibili studio tenebatur, quas & magnificis operibus exornabat, ditabat proventibus, veste multiplici, magno sacrorum Vasorum apparatu; nec patiebatur Ecclesiæ ministros, ne janitores quidem, profano habitu divinis interesse. Frequens aderat, non diurnis duntaxat, sed nocturnis etiam psallentium officijs, quibus si quid neglectus aut indecori irreperet, severè curabat castigandum: uti fecit, quando nobilem Canonicum, quem lauto Episcopatu donaverat, non est passus eam dignitatem adire, eò quòd in D. Martini pervigilio, cum amicis in multam noctem pergræcatus, absuisset à nocturnâ comprecatione, & injunctam sacri (ut vocant) Responsorij decantationem, somno & crapulâ prohibitus, omisisset. Delectabatur amœnitate regionis, quæ inter Rhenum & Mosam nemorum frequentia, & calentium fontium scaturiginibus est per jucunda: Isti hic situm est Aquisgranum, ubi templum Divæ Christi Parenti regio splendore excitavit, advectis Româ, Ravennâ, aliunde prisci marmoris ornamentis. Ejusce magnificentiæ memoriam retulit in tabulas, quæ nostro ævo in lucem prodierunt, his verbis:

XII.

CAROLI M.
PRO RELIGI-
ONE CURÆ.

REFORMA-
TIO PSAL-
MODIÆ,

PIETAT.

Jeiunia,

ELEEMOSY-
NÆ.
CURA CHRIS-
TIANORUM
IN ASIA,
AFRICA.
POESIS SA-
CRA.

II. MENS-
UM NOMEN-
CLATIO, ET
VENTORUM,

CHORI FRÆ-
QUENTA-
TIO.

AQUISGRA-
NI ORNA-
MENTA.

Carolus, antè quàm in Saxones moveret, iusta funebria Fastradæ Reginæ per-
solvit. Funus illatum Moguntia in D. Albani ædem ante aram Deiparæ in ve-
stibulo Aquilonari, & demum translatum in principem Ecclesiam, posteaquam
furor hæreticus D. Albani templum superiori sæculo evertisset. Hoc anno cele-
bratum Francofurti Concilium trecentorum ut minimum (nam quidam trecen-
tos quinquaginta, plures alij numerant) Episcoporum, præsentè Carolo. Patri-
bus è Germaniâ, Galliâ, Britanniâ, & Italiâ collectis, præfederunt Legati Apostolici,
Theophilus (quem Ado nuncupat Theophilaetum) & Stephanus. In eo con-
ventu rursus damnata est hæresis Felicis Urgelitani magnâ Antistitum omnium
consensione, qui ejus damnationi subscripserunt.

Eam Synodum perperam velut sibi faventem adversus cultum Imaginum
jactant, Calvinus, Illyricus, & Centuriatores, quasi Patres Synodum Nicænam II.
eâ parte damnârint, quâ Christi & Sanctorum effigies censuit ab Ecclesiâ cum de-
bito honore esse retinendas. Atqui in actis Francofordiensis Concilij ne unus
quidem est apex, quem Iconomachi unquam potuerint, aut deinceps possint, ad-
versus Nicænam Synodum, cultumve imaginum proferre: certè neque hodierni
adhuc protulere, neque alij longè antiquiores. Quis credat Claudium Tauri-
nensem, intensissimum hostem sacrarum Imaginum, hoc telum fuisse neglectu-
rum, si id in Conc. Francofordiensi reperisset? Non reperisse verò, constat ex libro
Jonæ Aurelianensis, quem edidit sub Ludovico Pio ad refutanda omnia Claudij
argumenta, quæ à Ludovico missa acceperat, inter quæ nullum fuit depromptum
ex doctrinâ Synodi Francofordiensis. Quid porro est, cur neque Calvinus, neque
eo recentiores A catholici, contextum pro suo errore adduxerint, nisi quod nullus
inveniri potuerit, quem vel obtorto collo protraherent? Quod si tot sapientissimis
viris, qui Synodo Francofurtensi interfuerunt, quicquam adversus Nicænam ob-
replisset, Adrianus Pontifex integerrimus, qui peculiari Epistolâ, quæ extat tomo
secundo inter ejus Decretales, tam gravem errorem non dissimulasset, neque verò
etiam dissimulassent istius ævi scriptores, Jonas Aurelianensis, Paulus Diaconus, Egi-
nardus, qui Carolo Magno familiariter usi sunt. Quid igitur Urspergensis Abba-
tem, Reginonem, Adonem, & his antiquiorem Hincmarum, aliosque, quorum
authoritate nituntur novatores, in errorem induxit? Induxit in errorem non fi-
dei (neque enim Iconomachis unquam suffragati sunt) sed errorem facti, Hinc-
mari, alioqui Catholici, & Ludovico pio notissimi, juvenilis oscitantia, qui admodum
adolescens viderat in Caroli Magni palatio volumen scriptum adversus Synodum
Nicænam II. in quo cultus imaginum repudiabatur. Atqui liber iste non fuit
excerptus ex Synodo Francofurtiensi, sed ex aliquo Franciæ spurio conventu;
quod ipse Hincmarus testatur, cum ait, Synodum illam non Francofurti, sed in
Francia fuisse celebratam. Vocatur autem à quibusdam Scriptoribus liber ille
Carolinus, non quod à Carolo sit scriptus, sed quod ipsi à quopiam hæretico fuerit
oblatus, missusque deinde ad Papam Adrianum, Romanâ censurâ castigandus:
quod constat ex Epistola Adriani, quæ habetur in tomis Conciliorum, & cujus
fragmenta refert Ivo. Atqui hic quidem liber, tametsi subinde hæreticorum
more simulat, se non repugnare Catholicæ veritati, damnatus tamen fuit ab Adria-
no, eo potissimum nomine, quod Nicæno Concilio II. imponeret, quosdam Pa-
trum censuisse, Sanctorum Imagines esse confringendas, alios, adorandas, neu-
tros tamen cum Apostolicâ sede sano intellectu sensisse. Hincmarus porro juve-
nili ignorance deceptus, ejusce libri lectione, credidit Concilium Nicænum II.
imaginibus tribuisse latræ adorationem, qui facti error ab Aimoino, Urspergensi,
Regione, Adone haustus, in ævi nostri novatores eò perniciosus est transfu-
sus, quod putârint in Concilio Francofordiensi damnatam esse doctrinam Nicæni
Concilij de sacrarum imaginum veneratione. Sigebertus sapienter vitavit istum
scopulum: tametsi enim disertè meminerit Concilij Francofordiensis, & damna-
tionis Felicianæ, tamen Synodi Nicæne nullam eâ super re facit mentionem. Mi-
rum verò non est, Aimoinum, & alios ab Hincmaro fuisse inductos in fraudem,

AN. CHRIST.
DCCXCIV.
FASTRADÆ
FUNEbria.
Regin.
M. S. Mo-
gunt. Aimoin.
Marian. Scot.
CONCILIIUM
FRANCO-
FURTENSE.
Regin.
DAMNATIO
HÆRESIS
FELICIANÆ.
DEFENSIO
SYNODI
CONTRA
ACATHOLI-
COS.

XVI.

Joan. Aurel.
Ep. ad Carol.
Calu. extat
tom. 5. Bi-
bliothec. sanct.

Edit. a. 1592.

Hincm. lib.
20. contra
land. Ep. c. 20.

Capitulare
Caroli.
Ivo 4. part.
Decreti. c. 83.
126. 128. 141.
225. 229.

quippe qui ignorârunt Synodi Nicænæ non modò definitionem, sed etiam nomen; quod manifestè ostendunt, quando septimam Synodum, quæ est eadem cum Nicænâ II. nominant Constantinopolitanam, & quidem habitam sub Irene, & Constantino filio, cùm tamen sit habitata sub Constantino marito Irenes, & quidem in Bithynia. Sed undenam sumpsit Hincmarus Decretum istud, falsò à novatoribus adscriptum Synodo Francofordiensi? Sumpsit ex præfatione libri Carolini, non ex actis Synodi, unde meritò negatur ad istam Synodum pertinere, aut plus mereri fidei, quàm librum Carolinum; sed esse supposititium, & nullius prorsus auctoritatis. Denique gravissimum est argumentum ad asserendam Synodi Francofordiensis puritatem, quòd Carolus Magnus, Princeps religiosissimus, &, teste Jonâ Aurelianensi, hostis Iconomachorum, nihil eorum ignoravit, quæ in Synodo Francofordiensi fuere decreta, nec fuisset passus tolerari, si tam manifestum errorem Patres in Ecclesiam tentâssent invehere: Et verò si ipse eum incurrisset, neque id Adrianus Pontifex dissimulâssent, nec Leo III. septem propè annis post Concilium Francofordiense illum invitâssent ad capienda occidentalis imperij insignia, quæ Orientis Imperatoribus ob defensam Iconomachorum hæresin noverat esse detracta. Atque ista quidem pro Synodi istius innocentia.

AN. CHRIST.
DCCXCV.

XVII.

BELLUM SAXONICUM.

*Sigebert.
Almoïn.
Regin.*

SAXONUM
FRAUDU-
LENTA AD
CAROLIUM
M. LEGATIO.

PAX.

*P. Amil. in
Carol.*
BELLUM
HUNNICUM.

SAXONUM
NOVA RE-
BELLIO.

CADES RE-
GIS ABRO-
DITORUM.
*Herman. Wi-
zan. Sigeb.
Withan.*

XIIX.
VICTI SAXONES.

Redeo nunc ad Carolum, motus Saxonicos denuo comprimendum. Saxones, rupto fœdere, formidabilem armatorum numerum contraxerant, rati, bellum, quod Saraceni in Septimaniâ excitârunt, Caroli vires sic distracturum, ut forent impares Saxoniz ad obsequium reducendæ. In eam moturus, primum Francorum agmen Carolo filio mandat, jubetque, transmissis ad Coloniam Agrippinam Rheno, ab occidente Saxoniam ingredi, quam ipse per Turingos statuerat invadere. Saxones in campo Smetfeldo (quem Regino Finisfeldum appellat) confederant, Caroli adventum operientes; cùm certiores facti per exploratores, propinquare hostem numerosum, cum quo à fronte, simul & à latere forent conferendæ manus, quæ toties adversum Martem expertæ, summo discrimini rerum summam essent objecturæ, nisi numen aliquod, præter solitum, animos, & fortunam rebus adversis afflictam erigeret. Non esse spernendum hostem sæpius victorem, nec temerè sperandum, ubi belli causa cælum haberet infensum. Terror per exploratores in castra propagatus, pugnæ consilium in fraudem mutavit. Visum in militari Senatu, Caroli mire ingenium legatione circumvenire, antequam ad vim descenderet. Missi, qui pacem orarent, perfidiæ pœnas deprecarentur, pollicerentur, gentem in posterum imperata facturam, daturam obsides, & universam amplexuram sacra Christiana. Hæc dicta ad speciem, acceptaque à Carolo, quasi cum fide dicerentur, pacem Saxoniz impetrârunt. Proceres novo sacramento adacti, dati obsides, copiz Francorum in Hunnos conversæ, ad vindicandam turmæ quingentorum equitum, qui tuendo limiti erant impositi, internecionem, & Christi regnum (quod Carolus maximè spectabat) proferendum. Communibus Comitiorum suffragijs in villâ Cuffenstein, bellum in sequentem annum dilatum, quò commodiùs novi in Saxoniz delectus per otium haberentur. Eò missi cum regijs mandatis conquisitores, longè aliam, quàm sperabatur, rerum faciem repererunt. Saxones enim, larvâ posita, spernere Regis voluntatem, detrectare imperium, detestari ritus Christianos, Deos gentiles tueri, disertè negare, se invisæ militiz nomina daturus, parare defensionem, obtruncare regios magistratus, arma induere, totamque gentem completere tumultu. Sed ut concitata semel rebelliones in uno gradu non quiescunt, accessit facinus longè atrocissimum. Saxones Wirzam Abroditorum Regem (quæ natio Francis erat fœderata) auxilia ad Carolum properantem, oppressum insidijs unâ cum magnâ copiarum parte interemerunt. Ita Caroli res secundæ adversis miscebantur, consuetâ magnis bellatoribus vicissitudine, quos vel fatum immaturè abripit, vel maturos reſervat ad asperos casus.

Igitur Regem de domandis Hunnis cogitantem, justior propiorque in Saxones dolor stimulavit. Rapto ad Albim exercitu, signa mox cum hoste contu-

lit,

lit, victorūque Saxonum colonias, quæ cis Rhenum accolebant, ablatâ libertate, redegit in servitutem, ceteræ nationi vehementer offensus. Simul Abroditi acceptam nuper ignominiam, cæsis Saxonum quatuor millibus, vindicârunt. Grassetus exinde miles quaquaversum, hominum armentūque greges, rerūque aliarum prædam avertit, tecta corrumpit incendijs, agris induxit solitudinem, colonis plerisque ultra Albim Salâmque fugatis. Eorum vestigijs hærens Francus per pontes extemporaneos, omnia, partim ferro, partim terroribus, edomuit. Gentis primores acti in desperationem, ad Carolum venêre supplices, quos ipse gravi oratione castigatos monuit, sibi persuaderent, numen esse, cui curæ esset pactorum fides, quodque perfidiæ pœnas exigat, quas ad extremum essent persoluturi, nisi, positâ pervicaciâ, tot experimentis edocti, scaperent tandem aliquando. Promisêre illi more suo rursus aurea, & dedêre promissorum imperatos obsides.

IN GRATIAM
RECEPTI.

Dum in his est Carolus, profectiōem in Hunnos paranti adfuêre gentis universæ legati, in quibus Tudinus primæ secundū Regem dignationis. Summa legationis erat, magnam Hunnorum partem induxisse animum, unâ cum Rege sese Christo adjungere, & Carolo facere deditionem, quibus rebus nihil poterat gratius pientissimo Principi nuntiari. Paulò post in demortui Cacani Regis locum susceptus est Theodorus, animo Christianus, qui & ipse sortitus est Cacani nomen, quod Avarum Regibus, velut gentile, per multa sæcula adhæsit. Non fuerunt inanes Tudini pollicitationes. Etenim anno, qui proximè secutus est, Carolo adfuit, stipatus ingenti popularium multitudine, cum quibus sacris undis expiatus est, & cum honore remissus in patriam. Verū defecit eum constantia. Nam reversus ad mores pristinos, fidem perfidiâ mutavit, metu popularium, qui Cacano bello civili interempto, arma in Christianos corripuerant, & jam in eo erant, ut recuperandæ libertatis obtentu, omnia ferro & sanguine miscerent. Ne diuturnitate furor invalesceret, Ericus Dux Forojulienſis, quem à Carolo Pannoniæ limitis impositum diximus, ad gentem reprimendam, rei fortiter gerendæ occasionem nactus ex civilibus Hunnorum discordijs, accito ad belli societatem Wonomiro Slavo, cujus ductu maximè usus est, irrupit in Pannoniam, Ringum Avarum Regiam suæ fecit potestatis. Regino & Sigebertus scribunt, cum Iringum Principem cepisse. Cæterum in Regiâ reperit ingentes opes, aliquot retrò sæculis, ex finitimorum rapinis, ab Avarum Regibus corrasas, quas Carolo Aquis hiemanti misit. Eas Carolus, partim Romæ, Deo & Apostolorum principibus dedicavit, partim est elargitus in aulæ proceres, & alios de republicâ domi militiæque bene meritos; ratus, sat amplum victoriæ fructum esse victori, numini cœlitibusque referre gloriam, viris autem sapientibus ac fortibus partam opulentiam.

HUNNI DE-
DITIONEM
OFFERUNT.

TUDINUS
BAPTIZA-
TUR.

AN. CHRIST.
DCCXCVI.
A FIDE DE-
FICIT.
ERICI FO-
ROJULIENSIS
IN PANNO-
NIA MEX-
PEDITIO.

Quæ de Ringi Hunnici & Helvetici priscâ formâ, munimentisque scribuntur ab Historicis, non est operæ pretium hoc loco repeti: sufficit dicere, Ringum fuisse septum ligneum, quod opplebatur saxis temerè stipatis, glebisque & cespite, ad eum ferè modum, quo ævi nostri munitiones componuntur, quamquam rudius erat Hunnorum opus, minùsque ad defensionem ab arte comparatum.

RINGI DE-
SCRIPTIO.

Bello reparando incumbabant Avars, qui, Ducibus interfectis, novum sibi Regem dixerant Karam nomine, etâque periculum, ne, si morâ in majus cresceret, haud leve negotium Francis esset daturum. Simul gliscebant novi motus in Saxoniam, periculumque, ne gens inquieta & jugi impatiens, pro veteri instituto, coiret ad arma. Quamobrem Carolus Pipinum filium cum Italicis copijs jussit properare in Pannoniam, & quò instructior bellum aggredereetur, mandata dedit ad Bojos, ut, quantis possent viribus, Pipino accederent: Ipse verò in Saxoniam cum valido Francorum exercitu progressus, suo adventu sic continuit tumultuan-tes, ut, nemine signa conferre auso, impune totam pervagatus, novam agris vastitatem, oppidis terrorem intulerit.

XIX.
BELLUM IN
HUNNOS,

ET SAXO-
NES.

Pipinus simili propè eventu provinciam longè latèque populatus, hostem nusquam in apertum prodeuntem, ultra Tibiscum amnem submovit. Varias pas-

sim munitiones solo æquavit, Ringum, novi Regis sedem, expugnavit, Hunnorum opes, quæ ex nuperâ direptione superfuerant, maximam partem ad parentem, qui redux è Saxoniâ hiemem agebat Aquisgrani, reportavit.

MUNERA
LEONIS III.
MISSA AD
CAROLUM.

Leo III. Pontifex Maximus, qui Adriano successerat, legationem hoc anno misit ad Carolum cum muneribus. In his, juxta receptum olim morem, fuerunt claves aureæ, ex D. Petri sepulchro acceptæ, & urbis Romanæ vexillum. Ea restabantur, Regem esse Ecclesiæ urbisque Romanæ defensorem, non verò caput, aut dominum, uti perperam volunt novatores. Carolus vicissim, per Engelbertum S. Richarij Abbatem, Pontificem donis coluit, quibus observantiam, paratâque summæ sedi officia profitebatur.

AN. CHRIST.
DCC.
XC VII.
BARCINO-
NÆ DEDITIO

X X.

ALFONSI
HISPANI
LEGATIO.
ABDELLA
SARACENUS
RECEPTUS
IN FIDEM.
CONSTAN-
TINUS IMP.
EXOCULAT-
US AB IRE-
NÆ MATRE.
HIBERNA
PER SAXO-
NIAM.

AN. CHRIST.
DCC.
XC IIX.

Annoin.
Nordluides
vocat.
NORDOLITI
TUMULTU-
ANTUR.

VASTANTUR
Alia Thasco.
Auent. pag.

340.
ABODRITI
CÆDUNTUR.

IRENE PER
LEGATOS
APUD CA-
ROLUM SE
PURCAT.

MUNERA
MISSA AB
ALFONSO
REGE ASTU-
RUM.

Talia agentem Deus alijs, super alia, beneficijs augebat indies. Barcinona civitas finitima Hispaniæ, quæ fortunâ alternante Francos, aliàs Mauros, admiserat, sponte in ejus venit potestatem, deditioe Zatis Mauri Principis, qui se suâque Caroli imperio permisit. Eidem, cum sociarum gentium conventum Aquis Graneis ageret, adfuerunt Alfonsi, cognomento Casti, Asturum & Galliciæ Regis oratores. Frolo princeps legationis obtulit eximie magnitudinis & elegantie papilionem, aliâque munera ex Maurorum spolijs. Abdella Saracenus, qui à fratre regno pulsus in Mauritaniâ exulaverat, benignè à Carolo in fidem receptus, jussus est cum Ludovico ejus filio in Aquitaniam proficisci, cumque se probâisset, reduci in Hispaniam, & in Oïcensis urbis expugnatione Pipino adesse. Posteaquam per Nicetam patricium, Siciliæ Præfectum litteras à Constantino Græcorum Imperatore, quem Irenes matris insidijs exoculatum & mœrore confectum refert Theophanes, acceperat plenas humanitatis & observantiæ, brumâ appetente hibernatum in Saxoniam profectus, castra munijt ad Visurgim eo loco, quem Heristallum voluit appellari. Isthic audiit Hunnorum legatos: tum divisim per totam Saxoniam hibernis, fieri jussit excursions ad usque Oceani littora per paludes, quas gelu onerum patientes fecerat. Nihil propè fuit locorum per saltus deviôsque Saxonum receptus, quò miles non penetrârit.

Cum se ver cœpisset aperire, & pabuli inopia castra moveri non sineret, Saxones, qui trans Albim incolebant, nomine Nordoliti, hoc est, populi Aquilonares, rati, se egregiam ulciscendarum cladum occasionem nactos, in seditionem coorti, regiones Judices, quos Carolus juri dicundo præfecerat, in vincula conijciunt, trucidant, ijs exceptis, quos avaritia spe lytri servavit; Godescalcum Legatum, è Daniâ revertentem à Sigefrido Rege, in viâ interceptum jugulant. Quarum injuriarum atrocitate Carolus gravissimè offensus, omnem latè regionem, quæ Albi & Visurgi interjacet, ferro & igne jussit vastari. Nordoliti, cæteris ferociore, iras exercuerunt in Abodritos Francorum socios. Horum Regulus Thrasaco junctis cum Helbruino Caroli legato viribus, grassantibus occurrens, commisso prælio tantâ strage concidit, ut, qui cladi superfuerant, pacem à Rege petentes, nobilissimos quosque liberorum dederint obsides, Carolo tantò acceptiores, quòd eorum ætas, domesticis exemplis nondum perversa, spem faceret, morum civiliorum, & Christianæ pietatis ex Francorum consuetudine condiscendæ. Legatus, qui Ebutis Regis nomine Carolo est collocutus, quique pugnavit in dextro Abodritorum cornu, recensuit, in primâ statim congressione Transalbianorum quatuor millia occubuisse. Carolus, bello in Saxoniâ sopito, magis, quam confecto, Aquas reversus, missos ab Irene Imperatrice Legatos, pacem postulantes, audiit. Simul refellebant famam plerumque magnis iniquam Principibus, quâ Irene ferebatur in filium Constantinum iniquè crudelitèrque sævisse: Causabantur illum ob nimiam in viros innocentes asperitatem, non ab Irene, sed à suis orbatum fuisse luminibus, sibi que mortem mœrendo conscivisse; quamquam non deerant, qui eam tragœdiam novercali Irenes odio, & ambitiosæ fraudi tribuebant. Per idem tempus venêre ab Alfonso ex Asturiâ ad Carolum munera, nuntii que expilatæ Olyssiponæ. Inter dona viscebantur Mauri septem, muli totidem, lorice pari numero è Saracenorum manubijs. Norat Regi-

Regino, sidus Martis toto hoc anno non apparuisse, non sine anxîâ sollicitudine mortalium tristia ominantium, vulgi ingenio, ad tristes conjecturas proclivis.

Cœlum nihilominus Ecclesiæ Salisburgensi fausto fidere novam dignitatem attulisse visum est. A primis in Norico rei Christianæ initijs, prima Antistitum sedes steterat in urbe Laureacensi; quâ per Hunnos excisâ, migrârant Episcopi Batavium pristinæ dignitatis retinentes. Arno, vir rebus pro communi salute præclare gestis, & sanctitatis famâ in primis illustris, Thassiloni Bojorum Duci, ac deinde Carolo Magno inter primæ admissionis amicos, Salisburgenses regebat. Eâdem tempestate Valdericus Bataviensium Archiepiscopus fato concedens sedem vacuam reliquerat, uti videre est ex Epistolâ Agapiti Pontificis Max. ad Gebhardum (Geroldum vocat Aventinus) Episcopum Laureacensem. Arno, cujus virtute atque industriâ Juvavium ad magnam claritudinem emerferat, ratus adesse tempus, primæ Sacrorum jurisdictionis in suam Ecclesiam transferendæ, à Carolo impetravit, ut cum bonâ ipsius veniâ, & precariâ apud sedem Apostolicam suffragatione, sibi liceret, à Leone III. rogare usum pallij Archiepiscopalis, idque dignationis, quæ eatenus Batavij hæserat, Juvaviensi Ecclesiæ cum bono Deo impetrare. Annuit Carolus. Commodum accidit, ut Arno unus ex Caroli legatis, reipublicæ causâ Romam mitteretur, atque per istam occasionem nancisceretur molles ad Leonem aditus, qui longè sunt, quàm internuntij impetrabiliores. Simul accesserat instructus Epistolâ quatuor Boicæ Episcoporum, petentium à Leone Archiepiscopum, à quo inferiores Episcopi Sacrorum jura peterent. Egit Arno suam causam eâ dexteritate, ut Pontifex lubens volens ejus voto satisfaceret, ipsique & successoribus pallij Archiepiscopalis insigne ad Sacrorum usum permitteret, eâque super re daret litteras ad Alim Sabionenlem, hodie Brixinensem, Attonem Frisingensem, Waltricum Passaviensem, & Sympertum Niwenburgensem. Quæ res semina jecit magnarum contentionum Juvaviensibus, quæsitam recens dignitatem tuentibus, Bataviensibus reposcentibus ablatam.

Arno, ne pallij accessionem verteret in otium, aut sacri laboris cessationem, Divorum Ruperti & Virgilij exemplo, Carantanos suæ fidei commissos, præsens illustrare, & Christianis præceptis informare constituit, ut, si quid prisca pietas apud ipsos cepisset detrimenti, quâ hortationibus, quâ factis instauraret, inducere que in morem, sicubi nondum esset recepta. Quæ ille quidem non modò dedit confecta, sed etiam firmavit, datis sacerdotibus doctrinâ & probitate præstantibus, à quibus verbi divini sementis, Sacrorum adjumenta, consiliaque in rebus dubijs peterentur: Simul templa pijs fidelium cœtibus, habendisque sacrificijs dedicavit: Theodericum Caroli Magni assensu Slavis dedit Episcopum. Hoc anno Regi noburgi sedes Episcopalis, quæ à primo sui ortu ad D. Emmerammi locata fuerat, ab Adalwino Antistite in urbem translata, ad D. Stephani stationem accepit.

Annum hujus sæculi nonum supra nonagesimum, magni motus infamârunt. Primus Romæ exiit adversus Leonem Pontificem ab Adriani Nepotibus, Paschale Primicerio, & Campolo Ecclesiæ Romanæ Sacellario. Hi Vatinianum odium per triennium tacitè aluerant in Leonem, idque stimulante invidiâ, quod cum in postremâ ordinis sanctioris suffragatione sibi prælatum, in supremâ D. Petri sede iniquis oculis cogerentur intueri. Creverat, uti solet, dolor ipsâ morâ, &, quod fucus aliquis meditato scelere fieret, gliscebant in vulgus confictæ ab ipsis in Pontificem criminationes. Jam ad immane facinus comparârant insidiosas ficatorum manus, cum 7. cal. Maij, quò die, ritu solenni annua supplicatio majorum (ut vocant) Litaniarum publicè ducebatur, Leo solâ religione, & longo Cleri populique ordine stipatus, cæterâ inermis è Laterano ad SS. Stephani & Sylvestri cœnobium progressus, nihil tale suspicans in armatorum globum incidit, qui compræcantium turbam disjecit, ipsûmque Leonem invadens, prostratum nudatûmque raptavit in sacram divorum ædem; ubi ante ipsam aram plagis barbarè laniato & semineci, lingua conjuratorum imperio radicitus amputata, effossi oculi, injecta vincula, in quibus suo conspersus sanguine confestim ad D. Gerasimi Monasterium pro-

XXI

INITIA SALISBURGENSIS ARCHIEPISCOPATUS.

ARNO SALISBURGENSIS CARANTANOS LUSTRAT.

XXII

SEDES EPISCOP. RATISBONENSIS TRANSFERTUR. AN. CHRIST. DCCXCIX. LEO PONTIFEX CRUELITER HABITUS.

III

REFUGIT AD
CAROLUM.

ROMAM RE-
DUCITUR.

MISSI IN UR-
BEM QUÆSI-
TORES.

XXIII.

HUNNORUM
TUMULTUS.

Valafrid.
Rader.

GEROLDI
CADES.

FAMA MAR-
TYRII.

ERICUS OC-
CUMBIT.
Croatia.

XXIV.

protractus, carceri fuit mancipatus. Nocte, quæ atrocem injuriam secuta est, optimo Pontifici Numen calidis precibus imploratum adfuit, oculos, linguam, eorumque usum prodigiosè restituit, bonæque spei plenum, magno jussit esse animo. Quo portento, & divino haud dubiè instinctu animati nonnulli ex ipsius familiaribus, Albinus inprimis, qui Leoni erat à cubiculis, & Wirundus Abbas ausu generoso, saluum integrumque ergastulo eripuerunt, deductoque in Vaticanum à Caroli Magni Legatis, & à Winigiso Duce Spoletano, qui cum expeditâ pugnatorum manu in urbem advolârat, præsidium impetraverunt, quo protectus, Spoletum petijt, indeque paucis post diebus, Alpibus superatis, per Nariscos & Norimbergam cum permultis Romanæ urbis Senatoribus, ad Carolum, Paderbornæ in Saxoniâ agentem, pervenit. Isthic amicissimè receptus est, cultusque honorificentissimè; acceptaque à Rege Episcoporum & Principum auxiliari manu, non multò post est reductus in urbem. Euntri ad Carolum, & Romam repetenti, iter fuit per Bojariam. Annales domestici monstrant templa, quæ Reginoburgi in transitu dedicavit. Revertenti additus à Carolo Arno Salisburgensis Archiepiscopus, & Hilpoldus Palatinus, qui auditorum munere adversus sacrilegos piorum omnium parentis violatores fungerentur, dum Carolus anno sequenti Romam sequeretur quæstionibus adfuturus. Scribunt aliqui, in Paderbornensi congressu jacta esse imperij Romani in Carolum transferendi fundamenta, eumque tum à Pontifice, tum ab urbis Senatoribus ad capeffenda supremi honoris insignia fuisse Romam invitatum, rogatumque, ut, si rem Christianam salvam vellet, urbis æternæ saluti coram prospiceret, suâque autoritate opem adferret. Verum utcumque ista habeant, tam nihil in eam rem addixit, ut Eginardus, bonus author, asserat, illum ab imperij titulis abhorrentem, Romam ivisse, & sic ignorasse Pontificis destinationem, ut ne monito quidem imperij diadema à Leone inter sacrorum solennitatem fuerit impositum. Certè post inaugurationem asseruit, se eâ die basilicam non fuisse ingressurum, si Pontificis mentem præscivisset, raro modestiæ exemplo, quo ejusmodi dignitates averfabatur vehementiùs, quàm avidiùs ab alijs appetuntur. Arque ista quidem de crudeli in Pontificem conjuratione.

Alius è Pannoniâ, cum minimè crederetur, tumultus est exortus. Hunni (quod paulò antè diximus) Pipini virtute repressi in longum quieturi videbantur, cum apparuit, metum infidum esse diuturni officij custodem: Illi enim correptis repente armis, famâ ingentis apparatus finitimos quaquaversum ad vim defendendam impulere. Tota porro belli moles in Ericum Ducem Forojuliensem, & Geroldum Boico limiti præfectum incubuit. Hic frater Hulderici Suevorum reguli & Hildegardæ Reginae, primæ Caroli conjugis, quâ erat vigilantia & animi magnitudine in omnes hostium motus intentus, tempestivè justum exercitum contraxit, nec veritus est castra castris obijcere ad cruentum certamen, quod illi fatale fuit, ut enim concurrere acies, ipse omnia fortissimi Ducis munia executus, telo, nescitur cujus manu excusso, confossus occubuit, fato magnis heroibus non inuseto, quibus gloriosum est stantes pro Deo, & salute patriæ mortem oppetere. Demortui cadaver illatum conditorio Monasterij Augiensis, quod ipse, dum esset in vivis, largè locupletaverat. Wetinus ejusce cœnobij sodalis, vir raræ sanctimonie & particeps visorum cœlestium, triduo antè, quàm vitâ excederet, objectâ divinitus revelatione, cum sanctis Martyribus cœquavit, quod vitam fidei tutelæ impendisset, & (quemadmodum ejus Epitaphium loquitur) *pro verâ pace Ecclesiæ peremptus oppetisset, animamque dedisset sideribus*. Ipsiùs mors incidit in cal. Septemb. Wetini oraculum refert Hetto Episcopus Basileensis, qui ejus consuetudine familiariter usus est.

Ericus Forojuliensis, quem ferè toties victorem, quoties purgentem istius ævi chartæ celebrant, apud Tarfaticam civitatem Liburniæ, dum incautiùs rem gerit, oppidanorum insidijs circumventus interiit. Unde est, cur credam, Sigebertum errore esse lapsum, quando contra Aimoinum & Reginonem, cum vult à suis fuisse interemptum. Hunni, Caroli Ducibus occisis, mirum quantum elati, præcæ

priscæ fortunæ memores, certi, vel intermortuam majorum gloriam excitare, vel, quod reliquum erat, patrij sanguinis pro libertate fundere, vim ultimam tentare decreverant. Cùm Arno Juvaviensis Archiepiscopus, consilio & pace bonus, ex Italiâ suorum civium, & religionis periculo in patriam revocatus, collectas cladis acceptæ reliquias novis auctas supplementis junxit Franco militi, qui jussu Caroli ad tuendam Boicam citatis itineribus confluerat. Ut ventum est ad fines provinciæ orientales, Hunni explicuere aciem: Boij vicissim ac Franci infestis signis in hostem sunt inveci. Rarò aliàs tanto ardore dimicatum. Prælium oportet fuisse valde cruentum, in quo Hunnorum nobilitatem stirpitis excisam, cæteramque nationem, scribunt, redactam esse ad eam paucitatem, ut Cacani Regiâ funditus eversâ, & agro colonijs propè viduato, cùm victis hostile ferrum nullo ætatis sexûsve discrimine non pepercisset, ne provincia redigeretur in ultimam solitudinem, Bojorum & Venedorum coloniæ, in regionem longè fecundissimam fuerint deducendæ. Exinde limiti Bojariæ ad orientem præfecti cum firmo præsidio impositi: cura rerum divinarum per eam provinciam Arnoni Juvaviensi, ejusque successoribus sic est commissâ, ut, qui inferiores Episcopi religionem procurarent, Ecclesiæ Juvaviensis Metropolitanam jurisdictionem sequerentur.

HUNNI DE-
BELLANTUR.

COLONIÆ
IN EORUM
AGROS DU-
CTÆ.

Ad hæc tempora (nam de anno certi nihil est proditum) referuntur res gestæ à religiosissimo viro Gamelberto, quas ex manuscripto D. Emmerammi descripsit Wolfgangus Selenderus S. Wenceslai Abbas Braunoviensis in Bohemiæ & Silesiæ confinio. Gamelberto natale solum fuit Bajoaria, in oppido, cui vulgò nomen Michelsbuch. Parentes illi nobiles, locupletes & pij. Ille, dum in ludo litterarum elementa condisceret, sic captus est amore vitæ sanctioris, ut, suprà quàm ætas puerilis solet, inania crepundia studiosè fugeret. Erat alioquin in puero liberalis indoles, vivax ingenium, generosus animus, qui nihil spectaret humile, sed factus ad magna putaretur. Vix pueritiam excesserat, cùm ejus parens, ratus se nactum esse filium, qui per majorum vestigia ad opes & honores esset grassaturus, eum addixit disciplinæ militari, quæ sola ferè id temporis nobilitati placebat. Verùm ejuscemodi vitæ institutum à Gamelberti miti ingenio nimis abhorrens, ejus votis ita non respondit, ut ne gladiolos quidem, & primi tirocinij rudimenta amaret. Pater genium à bello alienum, ignaviam interpretatus, velut degenerem à fratribus semotum præfecit pascendo gregi. Eam curam suscepit puer avidissimè, quò liberius, procul à turbis domesticis, semet Deo totum impenderet. Quam in rem sedulò incumbenti contigit, ut somno experrectus, codicem cœlesti haud dubiè manu allatum, supra pectus inveniret, certum omen, velle numen, ut à pascuis & pecore ad virorum sapientum consortium migraret. Id cùm à patre impetrâset, litteras impendiò cœpit colere, eas maximè, quæ mentem cœlestium rerum cognitione erudirent. Brevi magnos fecit in virtute progressus, doctus frenare linguam, domare corpus abstinentiâ, animi puritatem habere in pretio, tueri innocentiam adversum flagitiosarum mulierum insidias. Semel ab unâ importunissimè sollicitatus, fugâ sibi consuluit, Deoque vovit integrum castitatis florem, quem ad ultimum spiritum servavit. Tum alijs ad divinum cultum excitandis maturior, per singulos Sacrorum gradus ad sacerdotium evectus est. Non multò post orbatu parente, in cernendâ hæreditate municipium sortitus est, quod ipsi erat natale, unâ cum Ecclesiâ, in quâ diligentis Curionis munia cum summâ in subjectos charitate obivit. Non contentus pascere animos, amplos patrimonij proventus miserorum inopiæ largiter donabat, verus patriæ pater & pauperum. Ex quo tempore presbyterij ordinem adierat, per annos quinquaginta & ampliùs omni carniū esu sibi interdixit, insigni alioquin in cætero victu abstinentiâ. Clarebat incredibili lenitate etiam in brutas animantes, aviculas è nido sublatas pecuniâ redimebat, reddebátque libertati. Famulitium vetabat prodire ad labores, si inclementior aliqua tempestas imminebat. Quos è subditis noverat corporis ægritudine laborantes, fovebat omni genere charitatis. His Christianæ virtutis officijs guaviter addictum, cùm annum ageret septuagesimum, incessit

GAMEL-
BERTI RES
GESTÆ.
GENUS, E-
DUCATIO,
INGENIUM

A BELLO
ABHORRENS.

XXV.

GREGIS CU-
STODIA.

SOMNIUM.

STUDIA
LITTERA-
RUM.

CURA ANI-
MARUM.

LIBERALI-
TAS IN PAU-
PERES.
ABSTINEN-
TIA.
MANSUETU-
DO.

PEREGRI-
NATIO RO-
MANA.

UTONEM
BAPTIZAT.

XXVI.

CURIOSITA-
TEM CASTI-
GAT.

TOLLIT DI-
SCORDIAS.

JEIUNIUM
VERNUM SE-
VERE AGE-
BAT.

UTONEM
DICIT HÆ-
REDEM ET
SUCCESSO-
REM IN PA-
ROCHIA.

XXVII.

UTONIS
VIRTUTES.

SECESSUS
SOLITARIUS.

cupiditas visendi sacra divorum Apostolorum in urbe limina. Cum inde rediret, fortè fortunâ, vel divino potius instinctu divertit ad hospitium in Italiæ confinio, unde id temporis loci sacerdos aberat. Isthic respiranti, oblatus recens natus infantulus, quem sacro lavacro ablueret. Non abnuvit vir beneficentissimus id officij, sed salutarî tinctum latice Utonem nominavit. Tum divinitus edoctus, in quantum virum puer esset evasurus, parentes monuit, eum Christianis moribus cum curâ informarent, incitarent ad pietatem, caverent, ne quâ vitiorum labe, quam nactus erat in sacro fonte, innocentiam temeraret: Eum porro se filij hæredisque loco habiturum: vellent proinde, ubi per ætatem liceret, ad se mittere, & ne regionis locique, in quem mittendus esset, nomen obliviscerentur, memoriæ causâ jussit diligenter annotare. Domum redux, quasi in Romanâ peregrinatione curiositati plusculum indulgisset, innocentem piâque licentiam severâ animadversione putavit esse castigandam; tanti est apud probos absolutæ virtutis æstimatorum cura rerum etiam minimarum. Ergo desertâ domo paternâ, quam habebat amplam & ornatam, vile sibi legit domicilium prope sacram ædem, idque quatuor crucibus in terram depactis, ad totidem orbis plagas, brevi inter se spatio circumduxit, quod nunquam egressus est, nisi cum semel odio dissidentes, jamque ad pugnam & vulnera ruentes, in medium procurrens diremit, nec prius dimisit, quàm amicitiam integrâssent. Non ferebat in subjectis, quos ferè glebæ mancipatos habebat, ullas discordias, nedum mutuas simultates: à quibus nisi moniti abstinere, libertate donatos jubebat solum vertere, satius esse dicatans carere servis, quàm habere peccatis servientes. Ipse verò pacem adeò religiosè cum omnibus coluit, ut, quoad vixit, nullum unquam verbo factòve notatus sit offendisse. Verni jejuniij feriis à publico prorsus abstinebat: peccata confitentibus dabat aures, per fenestellam velo oppansâ, ne cujus conspectu, cum ceterâ jejunos esset, pasceret oculos: reliqua procurabat per vicarios. Ad unicam quotidie corporis refectionem, nihil præter modicum panis secundarij & sale, sub vesperum adhibebat, itaque durabat ad eam lucem, quâ Christi de morte triumphantis memoria recurrit. Cum in ultimâ senectute collapsæ vires bonum senem destituerent, ejus cives incessit sollicitudo cooptandi successoris, quem sibi ipse aptissimum crederet. Rescivit quidem, laudavitque eorum charitatem: Verùm (inquit) nihil opus est istâ provisione: Deus enim, cui vestra salus est cordi, pro infinitâ bonitate, mihi olim ostendit virum, cui post mea fata vos vult commendare: Eum post hujus anni finem, cælo favente, præsentem habebitis. Anno elapso, Uto, quem baptismo initiaverat, adfuit. Ejus adventu lætus senex, amicis convocatis; *En (ajebat) virum, quem Deus vobis delegit: hoc pastore vos sibi devotos vult servare. Is ipse est, quem ego in lavacro regenerationis mihi optavi in filium, rerumque mearum heredem, qualem ex æsse cum hodie dico, nuncupo, & vobis testibus instituo. Ejus deinceps jussis, quod decet subditos, perinde atque olim meis, geretis morem, sequimini consilia, ductumque ad beatam vitam.* Paulò post morbo correptus, omnibusque morientium Sacramentis more Christiano procuratus, 16. cal. Februarij animam DEO transmisit.

Uto successurus in defuncti curas, suscepto sacerdotio, se dedit impigrè curæ animarum. Ejus studium erat, deterrere subditos ab inimicijs, debellare scœnora, rapinas, aliâque flagitia, & imprimis gentilitias superstitiones. In cæteris operæ pretium respondit; sed cum altiùs quorundam animis adhererent fibræ Paganæ impietatis, quàm ut pro eo atque optabat, à dæmonum cultu desciscerent, mœstus humeros oneri subduxit, non tam laboris fastidio, quàm amore solitudinis, & mentis à rerum caducarum cogitationibus avocandæ. Quare, trajecto non longè à Mettenâ Danubio, se in nemus abdedit, humili casâ, quam sibi ipse fabricavit, contentus. In eâ latuit nemini mortalium agnitus, donec Carolus Magnus feras consecretans in ipsum incidit, nescio quid operis molientem. Memorant, securim, quâ utebatur, à Carolo visam è solis radio suspensam, eoque prodigio insignem in vigo sanctitatem ominatum, potestatem fecisse petendi, quicquid illi ad

vita

vitz subsidium usui fore videretur : Utonem verò humi fusum rogâsse facultatem, eò loci religiosorum virorum domicilium , unà cum D. Michaëlis templo construendi, & à Rege pientissimo non fundum modò, sed etiam ædificij sumptus impetrâsse. Istis initijs haud procul à Deckendorffio, quod situm est ad oram Danubij, cæptum est Mettense Monasterium, quod deinde crevit in eam rerum & virtutum amplitudinem, quæ hodie visitur. Carolus primam ejus gubernationem Utoni demandavit, anno, uti habet Hundius, octingentesimo primo, quod vero non est absimile, contrà ac Brunnero visum. Tametsi enim Monasterij structura, Carolo adhuc Romæ Patritio, & nondum Imperatore, inchoata est, potuit tamen Utonis præfectura in annum, qui augustalem ipsius inaugurationem secutus est, differri. Manifestus est error Ægidij Albertini, cùm in præfatione libri hiliariorum, quem Abbati Mettensi dedicavit, asserit, Carolum Magnum Mettense Monasterium anno octingentesimo secundo ædificâsse, eique præfecisse

*Chronic.
Messen.
And. Presb.
de Monast.
Bavar.
FUNDAMEN-
TA MET-
TENSIS COR-
NOBII.*

Utonem: constat enim Carolum anno, supra octingentesimum, decimo quarto 5. Cal. Februar. fato concessisse.






BOICÆ GENTIS
ANNALIUM
PARTIS I.
LIBER IX.

Carolus Magnus Leonem Pontificem vindicat : amittit duos filios, Carolum & Pipinum : Ludovicum Pium collegam legit : à Leone coronatur : Bella gerit in Danos, Anglos, Wiltzos, Pannones, Græcos, Venetos, partim per se, partim per legatos ; profligat Mauros in Italiâ, pacat Imperium : foedus init cum Imperatore Orientis : Dat divinæ legis præcones Hunnis, Moravis : filias aliquot habet iusto indulgentius. Moritur. Ludovicus Pius Bernardum Italiæ Regem exoculat, ejusdem filios habet durius : appetitur à conjuratis : Lotharium F. adsciscit in regni consortium : Vastat Pannoniam : Romæ coronatur : Clerum reformat. Variæ Synodi.

AN. CHRIST.
DCCC.

I.



IMPERII
ORIENTIS
CORRUPTIO
I. A.

Anni plus minus quadringenti sexaginta octo abierant, ex quo Constantinopolis, imperij sedes à Constantino Magno effecta, omnem penè Romanorum gloriam, ipsum aded novæ Romæ nomen ad se rapuerat. Scisso deinde per posteros bifariam dominatu in Orientalem & Occidentalem, cum hæc pars à Momyllo Augustulo teneretur, in Herulorum primùm, post Vandalorum, Gothorum, deinde Longobardorum & Francorum Principatum migravit, & regio nomine Italia per trecentos viginti quinque circiter annos potiore partem possessa, in Carolo, Regum sui ævi potentissimo, fortissimo & pientissimo, cœlo aspirante, ad pristinæ majestatis aliquam speciem restoruit. Antequam eò felicitatis rediret, Urbs Urbium domina, gentesque Italicæ, varios fortunæ adversantis casus sunt expertæ, sed nulli fuerunt religioni graviores, quàm cum Thraces, Isauri, ipsa aded Macedonum Cappadocumque mancipia, Imperatorios, si non fasces, at certè titulos tenuerunt, malè alijs, pessimè sibi imperantes. Ut enim quorundam probra taceantur, taceri non potest, qui profundus in plerisque

que fuit veræ religionis contemptus & hæresis, genuinus scetus impietatis, quæ tot monstris visa est in Oriente sobolescere, ut rei Christianæ ultimam perniciem, Romanæ sedi supremum discrimen, summis Pontificibus extrema quæque allatura videretur. Non deerant tamen, quibus esset in votis veterum Cæsarum majestatem suæ sedi restituere, excusso Orientis imperio, sed eorum consilia tum demum maturuerunt, quando cælo propitio, Leo III. Pont. Max. effecit, ut, quod alij diu optaverant, denique daretur effectum. Caroli Magni, eatenus Romanæ urbis Patritij, multorum regnorum potentis, ab anno superiore magna erat expectatio, ut qui ad cognoscendam Pontificis causam brevi adfore sperabatur. Verum, ubi primum hoc anno advenientis fama percrebuit, tantus est factus hominum è vicinis, remotis, & ultimis propè oris concursus, quantum vix unquam aliàs Roma, ne tunc quidem, cum jura daret orbi, viderat. Priusquam Romanum iter ingrederetur mense Martio, littus Oceani Gallici coràm inspexit, classem contra Nortmannos, & præsidia adversus maris accolæ, qui piraticam faciebant, vastabantque littus Belgicum, disposuit. Tum voti causâ, ut D. Martinum supplex veneraretur, Turonos profectus, Liutgardi conjugi, eò loci defunctæ, pridie Non. Junij, ivit exequias. Inde Moguntiam veniens, actis comitijs, cum exercitu Ravennam movit, Pipino filio comitante, quem deinde jussit copias deducere Beneventum. Ipse per Anconam rectâ Romam contendit. Venienti Leo Pont. Nomentum, duodecimo ab urbe lapide, occurrit, sumptoque simul prandio, Romam præcessit. Postridie per aliquot passuum millia continens diversarum gentium series, Carolo fausta acclamantium, vias prætexebat stipabaturque. Leo etenim edixerat, ut per turmas, prout cuique erat natio, habitu signisque distincti Regem exciperent. Urbem ingressuro præferebantur Romana vexilla, signa crucis triumphalis cum sacris Divorum pignoribus. Pontifex cum in gradibus Basilicæ Principis Apostolorum magno stipatus Antistitum numero, adstante Clero, salutavit, & inter celebrem symphoniam in sacrosanctam ædem induxit 8. cal. Decemb. Septimo post die, Rex, convocatâ concione, adventus sui causam explicuit, fecitque criminosis Leonis violatoribus potestatem objecta scelera diluendi. Illi accusatores simul & rei, jactare in Pontificis innocentiam calumnias, suum excusare facinus, inficiari, quæ erant atrociora. Dicentibus animos faciebat corrupta nobilitas, & è plebe factiosa multitudo, patrona impunitatis. Verum quia nihil quicquam testibus idoneis & ratione ostendebant, seque Pontifex appositissimè tuebatur, proximum erat, ut iretur in suffragia. Considebant Italiæ & Franciæ Episcopi; aderant utriusque nationis Principes. Verum cum non nescirent Episcopi, eo judicio verti summæ sedis dignitatem, quæ regiæ esset præferenda, omnes consentienti voce dixerunt, sibi jus fasque non esse Apostolicam sedem judicare: se enim omnes à Christi Vicario, qui à nemine mortalium judicetur, judicari. Ille, cui in omnes esset potestas, de se ferret sententiam, solo Deo vindice, & teste conscientia. Ita Leo, assentiente Carolo, librum Evangeliorum gestans, suggestum conscendit, suamque innocentiam jurejurando asseruit, suâ se sententiâ absolvens. Cum patriciæ capitalis supplicij arcesserentur, ipse, pro insitâ mansuetudine, judicio intercessit, satisque habuit, eos exilio multari. Et tum quidem præquam aliàs visa est Pontificia majestas augustior, & res Romana liberior.

Eodem illo die Zacharias presbyter cum duobus Monachis, quorum alter ad montis Oliveti cœnobium, alter ad Berleemiticum spectabat, ab Hierosolymorum Antistite legatus venit ad Carolum, offerens claves sacrosancti sepulchri, & montis Calvariæ, unâ cum vexillo clavibusque sanctæ civitatis. Cæterum magnitudo Cæsarum propè eviluerat ob Orientalis imperij diminutam potentiam, religionum dissidia, & nefariam Iconomachorum superstitionem. Irene Imperatrix, mortuo marito, sola sibi jus noménque Cæsareum usurpabat. Accusabantur ejus natales, quòd orta non esset sanguine Cæsareo, quòd filium luminibus vitæque privasset. Ut istam à se invidiam depelleret, Legatos miserat in Franciam, ac deinde in urbem, sed frustra; neque enim facillè diluitur infamia, quam publicæ,

CAROLI M.
PROFECTIO
ITALICA.

LEONIS IN-
IURIA EXA-
MINATUR.

Anastasi.
Baron.

EPISCOPI
RENUUNT
IN CAUSA
SUMMI PON-
TIF. ESSE
IUDICES.
LEO PUBLI-
CE SE AB-
SOLVIT.

LEGATIO
HIEROSO-
LYMITANA
AD CARO-
LUM.

II.

IRENE MA-
GNA INVI-
DIA LABO-
RATA.

& passim creditæ obtrectationes impegerunt : & credi non poterat , ejus filium , quamlibet sævum , ejus injussu tam crudeliter & impune à Proceribus fuisse interfectum. Quamobrem , quòd ipsa passim esset exosa , & per se despicabile habebatur muliebri imperium , Romanorum , aliarumque solis occidui gentium vox erat , priscam Cæsarium dignitatem reddendam esse Occidenti , & neminem esse uspiam , qui Carolo melius eam posset sustinere , nullius extare majora in rem Christianam merita , beneficiæve in sedem Romanam. Hæc non magis secundâ Ordinum omnium admurmuratione Romæ jactabantur , quàm probabantur à Leone Pontifice , qui inscio Carolo (quod volunt gravissimi Scriptores) selegit diem celeberrimum , quo votis orbis Christiani annueret.

CAROLI M.
ROMANA
CORONATIO.

PIPINUS RE-
NUNCIATUR
REX ITALIÆ

AN. CHRIST.
DCCCL

LEGES NO-
VÆ.

Qui annos à Christi , Regis Regum , natali soliti sunt numerare , Caroli inaugurationem rejiciunt in annum sequentem : qui verò annos , more nostro , à calendis Januarij auspiciantur , referunt ad annum sæcularem. Igitur Leo , sacris festâ Dei è Virgine nascentis luce operatus , in Basilicâ Principis Apostolorum , adstante Clero universo , optimaribus , populo Romano , & frequentissimo Principum Francorum , aliorumque cœtu , unâ cum Pipino , quem Carolus Romam accersiverat , posteaquam fusâ , ad D. Petri (ut vocant) confessionem , prolixâ oratione , Rex surrexerat , Leo , inquam , illius capiti augustales infulas imposuit , & cæteris ornatum Imperij insignibus , Romanorum Imperatorem , cum festivo Procerum omnium & populi plausu , salutavit. Repetita sæpius acclamatio : *Carolo pijsimo , Augusto , à Deo coronato , Magno , Pacifico , Imperatori Romanorum , vita & victoria.* Eum Pontifex de more sacro chrismate inunxit , accepitque juramentum , quo se Imperator obligavit ad Romanæ Ecclesiæ defensionem , quam non præstitit minùs , quàm addixit. Secundum hæc Pipinus fuit Italiæ Rex renuntiatus. Carolus , omisso Patritij titulo , suscepit Augusti appellationem , moxque versus ad curas publicas , ut senescenti Imperio juventam redderet , leges optimas novo instituto adjecit antiquis , juri dicundo dedit Prætores , & ordinandæ Italiæ totam hiemem impendit. Legum aliæ res sacras , aliæ civiles continebant. Digestas in certa capita nominavit capitula , vel Dominica Capitularia & Decreta , quæ primùm in quatuor , postea in septem libellos divisit. Levita , eorum Collector , testis est , ea , quæ Carolus constituit , à summis Pontificibus auctoritatem accepisse : neque enim illius , vel posterorum mens erat , vel potestas , ut , quæ ad religionem pertinerent , suo arbitrio definirent. Sancivit igitur Carolus cum multa quidem de Ecclesiasticorum officio , quæ jam olim à majoribus erant constituta ; tum ut Episcopi inferiores Metropolitani auctoritatem sequerentur , neque eo nesciente vel non probante quicquam novi attentarent : utque vicissim Metropolitani Suffraganeorum operâ consilioque uterentur , nihilque ijs inconsultis innovarent : Tum ut Clerici nullum , præterquam Episcopi sui , tribunal agnoscerent : ut ijs fas non esset domi habere fœminam , nisi matrem , vel sororem , vel aliam minimè sinistræ famæ. Ut in sacris ædibus universa supellex , vasa , altaria , ornatu & decenti munditie niterent ; ut templis certi census , decimæ , mancipia , agri , tribuerentur. Alia decrevit de honestâ vivendi ratione & ordinis sacri muneribus , de Monasterijs , de pueris divini cultui tradendis , de velandis puellis , de jure per legatos , aliosque Dicarchos reddendo , de vectigalibus , de pœnis & damnis fontium : de scholis ad juventutis institutionem aperiendis : ut in ijs docerentur rectum precandi modum , psallendi , internoscendi sacras ferias , intelligendi libros catholicos , colendi virtutem , vitia fugiendi , itaque Numen honorandi , ut neque quicquam irreligiosum admitterent , neque omitterent studia religionis. Ad eum modum optimus Imperator dubium faciebat , pulchriusne virtutem coleret , an ad eam sectandam studiosius alios excitaret.

GRAVIS
TERRÆ MO-
TUS.

III.

Româ discessit 7. cal. Majas cum Pipino Rege , indeque venit Spoletum , ubi prid. cal. Junij terra tam horrendum tremuit , ut concussum tectum basilicæ D. Pauli , magnam partem corruerit. Tota Italia , pars Galliæ & Germaniæ , eadem agitatione percussæ , non sine strage ædificiorum. Ferunt , montes convulsos subsidis-

sedisse, assurrexisse novos tumulos, oppida solo æquata, quædam absorpta hiatribus: flumina retroacta: mare alicubi in se refusum, alibi effusum extra consuetos fines. Æstas, inversis naturæ legibus, mutata in hiemem, diem D. Joanni Baptiste sacrum pruina resperxit. Autumnus, ob auræ molliem pestilens, plurima funera extulit. Carolo Papiam ingresso nuntiatum, Legatos Aaronis Amirmunmilini Persarum, & Amirati Abrahami Principis Africani, Pisas appullos, venire cum regijs mandatis & muneribus, inter quæ prægrandi mole Elephantus. Auditi sunt Eporediæ Salassiorum, & è vestigio cum honore dimissi, quod explorandi potius, quàm gratulandi causâ (ut sit) viderentur advenisse, veriti, ne Caroli arma, quæ Barcinonem biennij obsidione, Zatim aliâque complures urbes Saracenis eripuerant, ulterius in Maurorum fines irrumperent. Fuit verò, quod ad suos de Italiæ rebus exploratè referrent; Teate videlicet civitatem à Rosellino Longobardo, viro clarissimo, magnâ virtute defensam, à Francis expugnatam, direptam & concrematam: Ortonam deditam, loca alia in fidem accepta, quod Regino differt in annum sequentem, quo Leo Pont. & Carolus Imp. miserunt Oratores (Franciæ Annales contrâ asserunt, missos fuisse ad Leonem) qui cum Irene Constantinopoli de nuptiarum fœdere agerent. Etenim Pipinus Rex Italiæ ætatis fervore, & invictâ Francorum fortunâ excitatus, vires comparabat, ad Græcorum reliquias, quæ adhuc in Italiâ perstiterant, prorsus exterminandas. Irene vidua, Græco ingenio, ne, quod Italicæ spei erat reliquum, unâ cum Occidentalis imperij titulis ab Oriente divelleretur, seriò an fide ostendebat, se Caroli, eâ tempestate cœlibis, matrimonium ambire, & Leone quidem Pontifice paratio. Et erant, qui admodum probabant eam affinitatem: Enimverò ut soles geminos orbi, sic duos Augustos humanæ genti non expedire. Divinas humanæque, ipsius aded naturæ leges, sapientum consensum, sensum orbis universi, pro uno Rege & capite certare. Ab uno sanciri, servarique posse nationum consensionem, quietem populorum, communem omnium salutem. Imperia divisa seminarium esse discordiæ, bellorum flabella, gentium excidia, scaturigines omnis generis calamitatum. Ut verò non sunt Numinis iræ in genus mortalium immortales, ultro offerri rationem, publicam orbis felicitatem in uno Principe asserendi. Irenen thoro solutam, ætate florentem, fidei Catholicæ tenacissimam, jam nuper suum in Francorum Reges studium fecisse palàm, quando Rotrudem Caroli filiam Constantino filio sponsam optâisset: Quod si fata istam affinitatem non improbâssent, longè fuisset melius orbi consultum, nisi fortè visum sit Carolo eam felicitatem reservare, ut, quod Constantini successores malo publico sunt partiti, Occidentis Orientisque imperium unius sceptro restituant. Ea peritiùs cogitata, quàm effecta feliciùs. Eodem enim tempore, quo hæc agebantur, Nicephorus Patricius, homo fide Catholicus, re ipsâ impius Iconoclasta, Manichæus, rerum sacrarum derisor, hostis divinæ legis, Irenen redegit in ordinem, & in Lesbium insulam deportatam ærumnis sævitiaque confecit. Ab eo missi ad Carolum Oratores pacem offerentes, quam ad Saram fluvium, redditus ad Nicephorum litteris, probavit.

Inde reversus in Bojariam, rebus pro temporis ratione ordinatis, novas è Boicâ colonias deduxit in Pannoniam, misitque leges, quibus in publicis privatisque causis coloni uterentur. Per id tempus allatum ex Italiâ, Christi sanguinem Mantuæ esse repertum, quo nihil gratius pientissimo Imperatori poterat renunciari. Quod ut certiùs exploraret, petijt à Leone Pontifice, vellet per certos homines, si coràm ipse non posset, venire in rem præsentem. Leo quæstoribus adfuit, habitisque accuratè quæstionibus, comperit, esse sanguinem, non ex eo, qui Beryti ex sacra Christi imagine fluxerat, sed quem Dei filius pro genete humano moriens ex sacratissimo corpore effudit. Qua de re extant tabulæ Pontificiæ, quæ omnem tollunt dubitandi rationem. Pontifex hac usus occasione, transcens Alpibus, Carolum de suo in Galliam adventu fecit certiorem. Venientem in Mauritanis, Alpinâ gente, honorificentissimè excepit Cæsaris filius Carolus: Remis collocuti, Natales Christi serias unâ Carisiaci celebrârunt: post Aquas profecti, templi D.

LEGATIO
REGIS PER-
SARUM.

AN. CHRISTI
DCCCII.

AGITUR DE
CAROLI M.
NUPTIIS
CUM IRENE.

IRENE RE-
DIGITUR IN
ORDINEM.
AN. CHRISTI
DCCCIII.
COLONIÆ
REDUCTÆ
IN PANNONIAM.

SANGUIS
CHRISTI
MANTUÆ
REPERTUS.

AN. CHRISTI
DCCCIV.

Aimois.

Regino.

Herman.

IV.

LEO PROFIA
CISCITUR
AD CARO-
LUM.

Vir-

Virginis primæ dedicationi interfuerunt. Et ea quidem causa adventus Leonis in vulgus fuit iactata, sed propius fidem est, congressum ad gentium imperium pertinuisse, quamquam ne hoc quidem disertè in chartas missum est; paruit tamen paulò post ex bellis adversus Bohemos, Sorabos, Slavorum nationem, atque in Mauros, qui Corsicam tenebant, & Livones, de proferendis Reipub. Christianæ finibus habita esse consilia.

Ludger. Epist. ad Xifrid. Traject. Episc.

ECCLESIAS
DEDICAT.

REDIT IN
URBEM.

Wandelbert. in vita S. Goar. Sur. de eadem.

FRATRES
REGII AD
S. GOAREM
RECONCI-
LIANTUR.

CAROLUS
TEMPESTA-
TE IACTA-
TUR.

AN. CHRIST.
DCCC.V.
HUNNIS
DAT DISCI-
PLINÆ
CHRISTIANÆ
MAGIST-
RUM.

V.

Cæterum Leo ex itinere, quod D. Ludgerus oculus testis notavit, in compluribus Germaniæ & Galliæ locis sacras ædes & aras dedicavit, nobilitavitque gratijs, quas Indulgentias nominamus. S. Swibertum Trajectensem Episcopum, ob illustrem vitæ sanctimoniam, & celeberrima miracula, ritu solenni retulit in Cœlitum Album prid. Non. Septemb. Unde corrigendi Francorum Annales, qui septem, non amplius, dies tribuunt Leonis cum Carolo congressui: neque enim tam exiguo tempore tot tantæque res confici potuissent. Ex Aquis urbe Leonem in Italiam remigraturum Imperator magnis cultum honoribus, auctumque donis regijs, per Bojariam curavit cum nobilissimo comitatu Ravennam usque deducendum.

Non injucundum scitu est, quod sub hæc tempora scribunt, Carolo, ad declarandam ipsius ac filiorum pietatem, & vim ac merita Cœlitum, contigisse. Navigabat Imperator ex Ingelheimiensi Regiâ, quam ad Rheni ripam egregijs ædificijs exornarat, infra Moguntiam, amne secundo, ad castrum Rheni ac Mosellæ confluentis. Ut adlapsus est ædi D. Goaris, Assuerus loci Abbas obviam progressus navigationem interpellat, rogatque, ut, factâ exscensione apud se divertere, & Divo se sistere velit: sed Carolus seriæ quid occupationis causatus, Carolo filio seorsim naviganti exporrectâ manu imperat, ut, appulso navigio, D. Goaris templum precationis causâ adiret. Is tum à Pipino fratre, incertum quibus causis, graviter dissidebat. Fratre igitur exscendente, Pipinus, qui haud longè sequebatur, hærentem ripæ navem conspiciens, & ratus eam esse parentis, egressus in continentem, fratri imprudens, & penè invitus in templo se adjunxit. Ibi divino uterque instinctu castigare discordiam, tacitis cogitationibus revocare charitatem, sentire suaves ad mutuò redamandum impulsus, tandemque ruerè in amplexus, & sancta germanitatis jura veris benevolentiae signis renovare; tum cibo recreati prosperam repetere navigationem. Verum parenti ultra provecto coorta subito tempestas, tantis cum procellis involvit, ut in fluvio furentis maris agitationem haberet ob oculos; cum neque sibi constaret naclerus, & ablato prospectu, nesciret quorsum proram verteret, quod dici fuit reliquum, salutis dubius cum vectoribus fluctuaret, neque prius sit nactus copiam exscendendi, quàm, agnitâ Goaris neglecti culpâ, se voti reum fecisset nunquam præternavigandi ejus ædem, quin eam precationis causâ subiret. Vix eam devotionem animo conceperat, cum cœlo serenitas, undis malacia est restituta. Sed jam erat noctis crepusculum, & tria amplius passuum millia aberant à loco, ubi cœna parabatur, neque videbatur tutum, tenebris incumbens, se flumini committere; quamobrem incœnatis nox ducenda fuit. Illucescente die Imperator, ut placaret Deum, ad D. Goaris cellam vicenas misit argenti libras, & duo pallia holoserica, atque in posterum per omnem vitam voto, quod Deo ad S. Goaris honorem nuncupaverat, fecit satis.

Sed & pietatis dedit insigne documentum, quando Hunnis, qui pauci supererant, Christianæ disciplinæ magistrum dedit Urolfum Pataviensem Episcopum. Illi nondum omnes falsorum Deorum superstitiones ejuraverant, homines assueti armis, inter quæ postrema est cura virtutum & religionis, quæ quiete potius, quàm bello recreatur. Urolfus Pataviensem sedem, ad quam anno superiori fuerat evehctus, si multum, menses quindecim tenuerat, bonus proferendæ pietatis, cujus erat apprimè studiosus, interpret. Clades ab Hunnis acceptæ, & penè everfa gentis potentia, cœlesti doctrinæ, ob pacatam modestiam; quæ divini spiritus sedes est, reddiderat opportuniore. Urolfus operæ pretium insigne tulit, permultis Christo adjunctis, in ijs Norici & Pannoniæ partibus, quæ hodie Austriæ & Ungariæ

riæ nomine gloriantur. Ut verò deinceps esset in promptu Antistes aliquis, à quo constanter Sacra acciperent, datus est illis Ratfredus, qui Viennæ inter eos domicilium figeret. Urolof trajecto Danubio progressus ad Moravos, Venedorum gentem, Regulo atque popularibus author fuit abiiciendæ gentilitatis fictorumque numinum, constituitque Præsules, qui bene cœpta absolverent. Memorant Eugenium Pontificem Maximum (quod viginti circiter post annis contigisse necessum est) datis ad Ratfredum Favianensem, Methodium Speculunensem, Albinum Nitravensem, Annonem Vetuariensem, Episcopos, & Tutundum Hunnorum, Mœmarum, Moravorum, regulos, nec non ad utriusque gentis optimates tabulis, quas recitat Hundius, Urolof per Avariæ, Moraviæ, Pannoniæ & Me-

MORAVI
CHRISTI FI-
DEM DOCTI,

Hund. tom.
I. in Episc.
LANTAC.

siam vices apostolicas demandasse. Cacoanus Avarum Dux, suscepto cum Sacris Christianis Theodori nomine, ad Carolum profectus, de Slavorum injurijs graviter conquestus est. Jam enim Avars redacti ad insignem paucitatem, patebant continentibus Slavorum irruptionibus: eorum vastabantur agri, homines trahebantur in servitutem, greges abigebantur: quibus illi malis fatigati, de quærendis quietioribus sedibus consilia agitabant, retinebantur tamen ob Caroli reverentiam & auxilia, quæ in gratiam susceptæ religionis esset allaturus genti non modò vectigali, sed etiam morigeræ fidemque perpetuam pollicenti. Carolus genti universæ jussit assignari sedes, à periculo & vicinorum turbis remotiores, inter Sabariam & Carnuntum. Non multò post, cum Theodorus naturæ debitum persolvisset, pius Imperator in favorem fidei Christianæ, defuncti successoris pristinum Cacanum titulum, honoresque restituit nihil imminutâ avorum dignitate, sed concessâ regni universi administratione, juxta priscum Cacanorum morem atque institutum.

AVARES A
CAROLO
HUMANITER
HABENTUR.

VI.

Hanc beneficentiam Deus memorabili de Bohæmis victoriâ remuneravit. Bellum gessit Carolus Imperatoris filius. Belli causam reticuere Annales. Creditibile est, fuisse illatas Hunnis injurias, & natam inde occasionem, gentilis superstitionis funditus extirpandæ, quæ eâ tempestate vigeat adhuc apud Bohæmos. Cecidit in acie Lacho Bohæmorum Rex, quem Aimoinus Ducem Bechonem, Regino Letzonem, appellant. Simul occubuit pleraque boni sanguinis juvenus. Lecta ex toto regno ingentia spolia: Hermannus scribit Bohæmiam fuisse missam sub jugum, quam assertionem refellit anni consequentis expeditio eodem Ductore, parique, quo hoc anno, successu.

BOIAMI
VASTANTUR.
Crantz. lib. I.
c. 21. lib. 2.
c. 27.

Constans enim est historiæ consensus, Carolum anno DCCCVI. cum delectis Bojotum, Alemannorum & Burgundionum copijs regressum in Bohæmiam, omni latè depopulatâ regione, & interfecto Milducho Soraborum Duce, continuasse bellum. Quæ de prodigiosæ magnitudinis gigantibus, Ænothero, Sancimone, Celebrando, Thyrio, Haymone, Brunnerus recenset ex Aventino, & Originibus Wilthinensis Monasterii, creditque ad monstra poetica debere reijci, credimus quoque in Turpini commentis convenientiorem, quàm in historiâ locum habitura. Hoc tamen dignum est memoriâ, quod produnt Annales Francorum. Habuit isto anno Carolus Francorum conventum in villâ Theodonis, quartâ leucâ infra Mediomatricum urbem. Consilium erat, regna inter tres Imperatoris filios in totidem partes dividere, ad sancendam domûs suæ concordiam, quæ facillè heriscundâ hæreditate dissolvitur. Parenti aderant Ludovicus & Pipinus: Carolus bello Bohæmico distinebatur. Ergo Imperator Procerum consilio supremæ voluntatis tabulas confecit, quibus per æquales ferè portiones amplissimas divisiones transcripsit: Ludovico totam Aquitaniam à Turonis usque in Hispaniam, Gallias item, Lugdunensem & Narbonensem: Pipino Italiam, Bojariam Cisdanubianam, & partem Alemanniæ: Carolo Boicam Transdanubianam & reliquas Galliarum & Germaniarum Provincias. Eam partitionem servari jussit, donec omnes filij, post patris fata, forent in vivis: Si verò eorum aliquis absque liberis præmoreretur, modum præscripsit divisionis faciendæ inter superstites. Addidit leges sapientissimas servandæ germanitatis, ne quo animorum divortio subsectorum

AN. CHRISTI
DCCCVL

CAROLUS
REGNA IN
FILIOS PAR-
TITUR.

quies in bella defineret : sed nihil æquè commendavit, atque curam defensioném-
que sanctæ Sedis Apostolicæ & Pontificiæ dignitatis. De augustalibus honoribus
nihil statuit, quippe quos nolebat ad suos posteros nomine hæreditatis transmitti,
sed relinqui eo jure, quo ipse acceperat. Testamentum signo Cæsareo munitum,
subscriptumque à Franciæ Proceribus, per Einhardum legatum misit ad Pontifi-
cem Leonem, qui suâ illud manu & autoritate probaret, unâ cum nonnullis, quæ
de officio Ecclesiastico in templis rite persolvendo, deque criminisorum sacerdo-
tum pœnis, si quando indubitata probatio deficeret, deque alijs ad Cleri mores
spectantibus, quæ inter Caroli capitula circumferuntur, erant decreta. Ipse por-
rò filijs in sua regna dimissis, è Theodonis villâ, secundo Mosellâ & Rheno, per
Confluentes Noviomagum in Bataviam ad Vahalis littus descendit, ubi in Regiâ,
quam condiderat, verum jejunium & triumphales resurgentis Christi ferias egit.
Prosperè bellatum hoc anno adversus Mauros, qui Hispaniâ egressi oram Italiæ &
Insulas vastabant. Navalis prælii gloria stetit penes Genuentes, jacturam tamen
passos Hademari Ducis (dum victor hosti instaret avidius) & navis prætoriæ, quæ
unâ fuit desiderata.

Capit. Carol.
lib. 3. c. 33.
& 34.

MAURI IN
ITALIA PRO-
FLIGATI.

AN. CHRIST.
DCCCVII.
VII.

IDEM CÆSI
IN SARDI-
NIA.

ET CORSI-
CA.

VIII.

LEGATIO
PERSICA.

SYNODUS
SALISBUR-
GENSIS.

Hund. Me-
trop. to. 1.

Anno, qui proximè secutus est, Solis Lunæque deliquia, & bellatorum acies
miri spectaculi in cælo visæ, mortales metu compleverunt eo majore, quod Luna
anno superiore, mense Septembri, obscurata, hoc anno rursus Februario, iterumque
Augusto defectionem pateretur. Mercurij sidus instar maculæ fusci coloris Soli
objectum apparuit mense Martio & Aprili. Quicquid ista spectra portenderint,
fuit tamen hic annus Carolo gloriosus. Misso enim adversus Saracenos, qui bel-
lum in Sardiniâ instauraverant, Burchardo equitum magistro, Barbari, qui factâ
exsensione agros populabantur, profligati sunt, cæsis in continente tribus plus
minus millibus: cæteri ad mare refugientes, dum trepidi in naves se confertim re-
cipiunt, mutuoque comprimunt ac reprimunt, Sardis tergo hærentibus, non mi-
nore, quàm antè, strage fuerunt affecti. Secundum hæc Mauri, qui ex Hispaniâ
solverant, nuntiabantur Sardiniæ imminere, & classis fiduciâ Francorum vires ha-
bere contemptui, quasi gens navigandi rudis, navali pugnæ pares animos peritiâ-
que non adferret. Ergo Magister equitum citato cursu Corsicam ante Barbaros
tenuit, à quibus ultrò lacesitus, rei supremæ dimicationem nihil veritus est expe-
riri, inferior licet navigiorum & pugnatorum numero. Diu pugnatum est Marte
ancipiti; sed cum Franci virtute superiores fortissimè Barbaros premerent, denique
suorum casibus & prælii diuturnitate defessi fractique, amissis tredecim navibus,
vela remosque, quantâ licuit celeritate, ad fugam verterunt. Francorum nulla
navis desiderata est, sed partâ de hoste victoriâ maris possessio Carolo fuit asserta.
Causam earum cladium retulere Barbari in suam immanitatem, quod anno supe-
riore sexaginta Monachos raptos è Patulariâ Insulâ, vectosque in Hispaniam, ac-
cepto ab emptoribus pretio, servituti mancipassent. Plerorumque libertatem
Carolus auro redemit, ratus esse indignum, viros, qui se totos Deo addixissent, ser-
vire Barbaris.

Sub id tempus à Persarum Rege Abdellâ ad Carolum venere Legati, Felix
& Gregorius, quorum hic, natione Germanus, præerat Cœnobio Montis Oliveri.
Inter dona, quæ Persa Imperatori mittebat, erat horologium affabre factum ex
aurichalco, quale vix ullum antè visum in Europâ. In eo designabantur horæ
duodecim à globulis æneis, qui in subjectum cymbalum decidentes certo numero,
parem horarum distinctionem tinnitu edebant. In singularum sine prodibant per
duodecim fenestras totidem equites, qui patentes antea valvas claudebant. Rari-
tas pretium fecit machinæ, novitas admirationem. Propius ad Boicam spectat
Synodus provincialis, Salisburgi anno vertente celebrata. Ei præfuit Arno Ar-
chiepiscopus: adfuerunt, Arto Frisingensis, Adalwinus Ratisbonensis, Emricus
Sabionensis, & Hatto Pataviensis, Episcopi. Hundius Emricum, Henricum no-
minat, & sibi in Ratisbonensium Episcoporum catalogo contrarius; loco Adalwini
malè ponit Adalbertum. Hatto Pataviensis hoc anno successerat Urolfo, in Hun-
norum

norum institutione laboranti. Illum, Patavienses chartæ memorant, annos undecim sedem Episcopalem sine Archiepiscopali pallio tenuisse, & anno sæculi decimo septimo obiisse diem. Concilij Decreta edita 17. cal. Febr. Ea Brunnerus ex vetusto Frisingensis Ecclesiæ codice recenset, quæ proinde, non nisi supervacaneæ operæ foret hoc loco repetere. Lis, quæ de possessione decimarum inter Monachos & sacerdotes seculares vertebatur, ex normâ sacrarum Legum definita, decretumque, ut pars una decimarum Episcopo cederet, Clericis altera, tertia pauperibus, quarta fabricis & ornamentis Ecclesiarum. Habuit iste annus hiemem languidam & oppidò pestilentem.

Bellum Danicum gestum est anno sequenti. Godefridus Danorum Rex suis finibus non contentus, finitimos ausus est adoriri. Initia belli visa ejus votis arripere, cum expugnatis aliquot Slavorum castellis, Draconem Abotritorum Duces acie fugavit, & eam gentem mediâ ex parte, Godelaibo altero Duce capto, & suspendio infamem in modum enecto, sibi fecit vectigalem. Ea victoria illi stetit nobilissimo suorum sanguine, plurimis è Danicâ nobilitate desideratis unâ cum Reginbaldo Regis ex fratre nepote. Carolus, ulturus acceptam à socijs ignominiam, collectis è Franciâ & Germaniâ copijs, filium sibi cognominem expeditioni præfecit. Hic Albi transmissis, Hilinones & Smeldingos, qui simul cum Wilzis, Slavorum gente, ad Danum defecerant, ferro & igne vastavit, repressitque Godefridi audaciam, ne terrâ cum Francis congregaretur. Instruxerat classem validam, & Daniam, quâ parte Saxones habet objectos, firmaverat vallo ductisque usque ad Oceanum aggeribus, quos prætexebant fossæ, aperto duntaxat unico aditu, ad excursionem faciendas, & rerum necessariarum subvectionem. Emporium, quod Rericum nuncupabant, frequens multarum gentium commercijs, & dives regio vectigali, eductis inde negotiatoribus & exactoribus, transtulit in septa munitio- nis. Ea res impulit Carolum, ut anno postero Eilsfeldam conderet, & ductâ coloniâ firmaret.

Dum res in eo sunt, Eardulfus Nortumbrorum Rex patriâ regnoque exutus est ab Egberto, qui subactâ totâ ferè Britannia majoris Insulâ, non modò Eardulfum, sed etiam Mercios, Cantios, Danos & Saxones, qui sedes ijs locis fixerant, sub jugum milit, & extinctâ totidem Regulorum autoritate, totam Insulam, si Scotiam excipias, sibi uni subjecit, tulitque legem, ut deinceps tota Insula Angliæ nomine censeretur. Eardulfi fortuna miserabilis Carolum permovit, ut ejus restituendi curam in se susceperet, quod & hoc anno præstitit, Romano Pontifice, per suum Legatum Adulfum Diaconum, natione Saxonem, connitente, ac demum Angliam universam redegit in suam potestatem.

Secundum hæc Nicephorus Orientis Imperator, ut Francos, qui Istriâ, Liburniâ, & Dalmatiæ mediterraneâ regione potiebantur, habebanturque terrestribus prælijs insuperabiles, classe, quâ Græci præstare credebantur, infestaret, Nicetam misit, qui Dalmatiæ maritima tueretur. Jussit præterea Paulum Cephaleniæ prætorem mare inferum circumvehi, & Hetruriam habere infestam. Populonia ex improvise capta & direpta: vicinia vastata incendijs: Comaclum irritò conatu obsessum, oppugnatumque cum clade Græcorum, Venetis interim neutri partium se hostes proferentibus, tamen Græcis, quod illis omnis ferè commerciorum ratio ex Ponto atque Propontide peteretur, haud obscure faverent, & Obellerius (qui Reginoni Ulvillarius) & Beatus, eorum Duces, qui Reipublicæ eam ob rem hostes fuere à Senatu judicati, cum Nicephoro consilia communicarent. Eapropter Pipinus Rex per legatos Venetæ Urbis bonam partem invasit, tenuitque, donec, adventante geminâ classe Græcorum, suam subduxit, seque recepit Mediolanum. Exinde Veneti, relictis magnam partem avitis sedibus, quas diversis in littonibus, & æstuarijs habitabant, Insulas Rivoalto proximas, pontibus inter se junctas ad speciem magnificentissimæ civitatis, ornârunt ædificijs. Pax subinde concessa à Carolo Græcis petentibus, & facta Veneris potestas fœdera jungendi cum Græcis, habendi cum ijs communem mercaturam, & rerum necessariarum convectionem.

AN. CHRISTI
DCCCIX.
BELLUM
DANICUM

IX.
BELLUM IN
ANGLIA.
Willem. lib.
2. de Angl.
c. 1.
Guilielm.
Nangiac.

AN. CHRISTI.
DCCCIX.
BELLUM
ADVERSUS
GRÆCOS ET
VENETOS.

X.

ADA CARO-
LI M. SOROR
MORITUR.

Haëtenus Carolo Augusto pleraque ex voto fluxerant, sed ut nulli mortalium unquam tam bene fuit, quin aliqua secus evenerint, Deo sic ordinante, ne felicitas in rebus humanis statueretur, Carolum occupârunt multiplicia charorum funera per triennium. Hic annus ipsi abstulit Adam sororem, Pipini parentis filiam, quam tamen non ausim legitimis accensere, adversante Eginardo, qui unicam illi sororem Gislam *religiosa conversationi ab annis puellaribus* mancipatam adscribit. Haud dubiè tamen Ada Carolo tantò fuit gravior, quantò se ipsa cælo magnis virtutibus probavit. Vivere desijt 4. Idus Maij, tumulata est Treviris in æde D. Maximini, adjectâ Epigraphæ, quæ hodièque in Chori pavimento legitur.

ADA ANCILLA CHRISTI, SOROR CAROLI MAGNI.

Quo brevi licèt elogio antiquitas majora significavit, quàm dixit. Regium enim, omniumque maximum est, Christo servire. Habet D. Maximini Monasterium membranaceum codicem Evangeliorum, ornatum Evangelistarum imaginibus, aureis characteribus, varijs emblematis, operimento eleganti. Regia Virgo hos versus, pro istius ævi modo, curavit libro inscribi.

*Hic liber est vita, paradisi quatuor amnes,
Clara salutiferi pandens miracula Christi,
Quæ prius ob nostram voluit fecisse salutem:
Quem devota Deo jussit perscribere mater
Ada ancilla Dei, pulchrisque ornare metallis.*

AN. CHRIST.
DCCCX.
ROTRUDIS
CAROLI FI-
LIE OBITUS.

Hanc ad vitam beatiorum secuta est anno sequenti, 8. Idus Januar. Rotrudis Caroli Augusti filia natu major ex Hildegardæ, quam Boicæ genti aliqui asserunt. Illam mirum in modum Carolus diligebat. Quod paulò antè insinuavimus, fuerat olim desponsa Constantino Orientis Imperatori, sed ante connubium ab Irene matre postposita Mariæ Armenæ, natæ loco humili, quò minùs Irenes luminibus & ambitioni obstrueret. Id consilium susceptum imprudenter, infelix Constantini & Irenes exitus ostendit. Inde enim labefactata fuit Caroli amicitia, quæ utrique, ipsique Orientis imperio, à Tyrannide vindicandis, fuit perquam opportuna. Verum, quos fata volunt evertere, eorum consilia corrumpunt. Sexto post mense, Augusti mœrorem, immensum quantum auxit Pipini Italiæ Regis mors inexpectata, quæ eum, annum ætatis trigessimum tertium agentem, multis clarum triumphis, recentemque à bello Veneto, Mediolani 8. Id. Julij orbi subduxit: qui casus Boicæ quoque Cisdanubianæ, Rege amisso, fuit luctuosus. Eam jacturam utcumque sarfit Bernardus Pipini filius, iustis ortus natalibus ex Adelheide unicâ uxore, quem Carolus voluit inire defuncti patris hæreditatem, & Modœtiæ à Mediolanensi Aristite coronari Regem Italiæ: ut vero patri succederet, Carolus tabulis augustalibus disertè caverat: *Quod si talis filius cuilibet istorum trium fratrum natus fuerit, quem populus eligere velit, ut patri succedat in hæreditate, volumus, ut hoc consentiant patrui ipsius pueri, & regnare permittant filium fratris sui in portione regni, quam pater ejus, eorum frater, habuit.* Pipini filia quinque numerantur, Adelhais, Atala, Gundrada, Bertais & Theodrada. Earum parens Veronæ in D. Zenonis æde est sepultus.

PIPINI RE-
GIS ITALIÆ
MORS.
CUI SUCCE-
DIT BER-
NARDUS F.

PIPINI FI-
LIE.

XI.

AN. CHRIST.
DCCCXI.
PAX CUM
DANIS.
*Hund. in
Metrop.*
ATTO FRI-
SINGENSIS
MORTUUS.
CAROLUS
IMPERATO-
RIS F. MO-
RITUR,

Gerardum (quem Geroldum vocant alij) à Carolo Bojariæ prætorem anno sequenti datum, affirmat Arenbeckius, credo, ut Bernardi admodum juvenis partes, in regendis Boijs cis Danubium, sustineret. Cæterum, quod bellum Carolus adversus Danos gessit per triennium, mors Godefridi Regis, domestico satellitis scelere interfecti, & secuta cum Hemmingo ejus successore pax, finierunt. Atto Frisingensis Episcopus hoc anno mortuus, Hattoni successori infulam reliquit. Ad cætera funera, quæ superioribus annis Carolus extulerat, accessit tristis obitus Caroli, filiorum inter legitimos maximi, cui superius diximus unâ cum Germaniæ majore parte Boicam Transdanubianam fuisse contributam. Eum in Bavariâ finijse vitam, Æmiliius author est. Dies illi fatalis prid. Non. Decemb. Carolus tot ictus orbitatis vulneribus, & ingravescentis ævi memoriâ, alteras de rebus

inventibus tabulas edidit. Divisit verò, quicquid habebat ejusce generis, in tres portiones, ex quibus duas jussit distribui in viginti & unam, Ecclesias Metropolitanas, & Episcopatus iisdem subjectos, ita tamen, ut Metropolitanis unam tertiam suis Ecclesijs reservarent, duæ reliquæ cederent Cathedralibus. In testamento, quod Eginardus integrum recitat, recensentur nomina Metropolitanarum civitatum, in quibus Treviris, Colonia, Moguntiacum, Salisburgum, regno Austrasiæ contributæ. Residuam partem tertiam principalem, jussit post suam mortem dividi in quatuor partes, quarum una accresceret portionibus Metropolitanorum, altera cederet filiis ac nepotibus, tertia erogaretur in usum pauperum, quarta nomine sacræ largitionis donaretur sustentationi servientium palatio Augustali. Quod verò ad regium sacellum pertinebat, vetuit in ullam partitionem venire. Quòd si tamen vasa, libros, ornamenta relinqueret, quæ liquidò constaret, non fuisse addicta sacello, hæc portio venderetur, & quicquid inde pecuniæ esset confectum, id totum donaretur pauperibus. Testes adfuerunt undecim Episcopi, Abbates quatuor, quindecim Comites. Omnia Ludovicus filius non modò probavit, sed etiam post parentis mortem dedit executioni.

CAROLUS
M. EDIT TE-
STAMENTUM

Hoc anno Nicephorus Imperator, in expeditione contra Bulgaros, dum ex victoriâ insolescit, à Bulgaris in desperationem actis obtruncatus est vigesimâ quartâ Julij. Ejus filius nomine Stauratius, qui saucius evaserat ex acie, post duos menses patris fortunâ exutus, coactus est Monachum induere: tam brevia sunt & malè fundata imperia Tyrannorum. Exeunte Septembri, summæ rei admotus est in Nicephori locum Michael Rangabes Curopalata, gener decessoris, à quo missi ad Carolum oratores, fœdus ictum cum Nicephoro Aquis instaurârunt. Idem acceptis publicè in Ecclesiâ de Caroli manibus pacis tabulis, digressi Romam à Leone Pontifice impetrârunt alias ejusdem argumenti.

XII.

Theophan.
Cedren.
Sieg.
PAX CUM
IMPERATO-
RE ORIEN-
TIS.

Bernardi Italiæ & Boicæ Cisdanubianæ Regis inaugurationem mox secutæ sunt turbæ à Mauris imminentes. Nondum à parente Aquis abierat, cum allatum est ex Italiâ, Barbaros ex Africâ & Hispaniâ solvisse, eumque tenere cursum, ut videantur de invadendâ Italiâ cogitare. Quamobrem Carolus, ne quid detrimenti Imperium ex eâ parte caperet, coacto confestim Principum concilio, ex eorum sententiâ censuit, Bernardum confestim ad Regni sui tutelam esse dimittendum, adjuncto Walane (Vallonem nuncupat Regino) viro forti ac sapiente, qui adolescentis consilia moderaretur. Barbarorum classis appulit, pars in Corsicam, pars in Sardiniam, ubi deleta est ad internecionem.

AN. CHRISTI
DCCCXII.
MAURI EX
HISPANIA
APPELLUNT
IN CORSI-
CAM ET
SARDINIAM.

Carolus tot bellis implicitus non omisit tamen opera pietatis, quibus sibi tutiorem ad cœlos aditum compararet. In his est illud, quod Annales Bojorum domesticè memorant. Adductus precibus Geroldi Comitis, quem paulò antè Boicæ præfectum diximus, duodecimo imperij sui anno agtum de Avaribus captum, quadraginta mansis (ita vocant Caroli tabulæ) circumscriptum, ad Bielhæ & Danubij confluentes, Orulfo Althæ inferioris Abbati donavit, datis Aquiligrani litteris 6. cal. Decemb. quas Hundius cum fide descripsit. Porro ut erat ingenij mitissimi, & dignus, qui non modò morientium, sed viventium quoque terras possideret, totus esse cœpit in orbe pacando. Grimoaldus Beneventanorum Dux, Desiderij Longobardorum Regis nepos, spe aviti regni nondum extinctâ, cum Pipino Bernardi parente bellum gesserat fortunâ varium. Carolus, ut attentæ sunt in omnes eventus senum cogitationes, prospiciens, nisi rebus cum eo compositis, multum negotij Bernardi adolescentiæ, si quid humanitus sibi contingeret, ex ea parte posse faceffi; Grimoaldum, quem in exilium ejecerat, ultrò in patriam revocat, restituitque Ducatui Beneventano, eâ lege, ut præsentariâ pecuniâ viginti quinque aureum millia solveret, atque in posterum quotannis septem millium vextigal regio fisco numeraret. Pacatâ jam Daniâ, supererant à Wilzis, Slavorum gente, anniversarijs prope irruptionibus infestâ, non imprudentes curæ. Hos etiam habere quietos placuit acceptis datæ fidei obsidibus, quos ipsi miserunt non sine insolente fastu, ne victi, nedum debellati crederentur. Etenim jactabant sibi

CAROLI DO-
NATIO FA-
CTA ALTA-
HÆ INFE-
RIORI.
Hund. 10. 2.
de Fundatio.
Monast. &
Colleg. Bav.
CAROLUS
GRIMOAL-
DUM LON-
GOBARDUM
AB EXILIO
REVOCAT.
Aimoin. lib.
4. cap. 202.
Emil. in
Carol.
WILZI PA-
CANTUR.

non deesse in fortunâ, opibusque etiamnum florentibus, vires domesticas & prompta sociorum subsidia : fateri quidem, se Martis iniquitate multa tolerasse, negare tamen, virtute se fuisse impares Regi fortissimo. Reciperet igitur in socios, gentem invictam, atque eo se crederet Regum omnium maximè fore fortunatum.

AN. CHRIST.
DCCCXIII.
FOEDUS CUM
LEONE IMP.
ORIENTIS.

CAROLUS
M. LUDOVICUM
PIUM
F. COLLEGAM
LEGIT.
XIII.

Id libens dedit Carolus publicæ tranquillitati, quæ ne à Græcis turbaretur, anno postero Constantinopolim misit Legatos, Amalherium Archiepiscopum Trevirensē, virum ingenio, consiliorum imoderatione, & magno rerum usu præstantem, unâ cum Petro Abbate Nonantulario, qui pactum à Michaële foedus (hic enim victus à Bulgaris & ab exercitu contemptus, abdicato imperio, sese in Monasterium abdiderat) cum Leone successore novis tabulis confirmârunt, lætis eâ re Græcis, quòd de cætero se ab armis Francicis, quæ ad extremos Europæ fines penetrârunt, tutos fore arbitarentur.

Et verò etiam Carolus ævo & negotiorum mole fessus, ad quietem anhelabat, certus, imperium cum Ludovico, qui unus è filiis iustorum natalium erat in vivis, communicare. Quam ad rem Aquas excivit subjectarum gentium comitia, quibus etiam Ludovicum, de cuius dignitate agebatur, voluit interesse. Consilij sui rationem pro concione reddidit in hanc sententiam. *Quod hodiernâ die agitur, viri illustrissimi, ejus momenti est, ut dare quidem possit vulgo non imprudentes sermones, sed vobis, quorum mihi perspecta sapientia, plus lætitiæ, quàm admirationis. Non defuerunt priscis sæculis exempla virorum Principum, qui tam arvide imperijs adhaerunt, quàm agrè se passi sunt ab eis divelli. Sed neque novum quid est regnantium societas, quam tantum abest, ut multi Casares olim respuerint, ut elegerint etiam, & electam adamarint. Iam, opinor, intelligitis quid velim : sed dicam tamen apertius. Id de adsciscendo collegâ cogitem, me urgent magna necessitudines : respectus boni publici, salus imperij, vestra omnium incolumitas, mea ætas, & desiderium vitæ quietioris. Eò jam senex sum proventus, ut deinceps nihil orbi melius conferre possim, quàm bonam successorē, & talem quidem, cujus florens ætas atque virtus probum Principem polliceantur : si præstem aliquem ejusmodi, nec me pænitebit vixisse, nec vos mei facti tædebit. Regna, quæ favore Numinis, parentis mei vestræque voluntate mea domui assèra sunt, quantis laboribus servaverim, quantis accessionibus auxerim, vos mihi testes estis, conscius est terrarum orbis. Nuper mihi respirare visus sum, cum mearum curarum partem in filios cum regijs titulis reclinaveram : sed quæ fatorum fuit sententia, è tribus non superest nisi unicus, & hic quidem omnium ætate minimus, maximus tamen omnium futurus, si, quod oro & voveo, Superi dederint ei vitam longiorem. Hoc ipsum auguro, Deum, duos auferendo, voluisse, ut in uno Imperium staret potentius, quàm in tres divisum ; angustior esset gloria principatus, si foret unita, quàm divulsa : stabiliior concordia, quàm si (quod amat fieri) tot essent causa dissensionum, quot capita & materia divortij : nam a plurium dominatu diu bellum abesse non solet. In Ludovico cernitis annos expertes juvenilis intemperantia, & eam quidem maturitatem, ut cum nihil meo iudicio sit, quod in præteritis sit excusandum, multò minùs, ita spero, futurum sit, quod in posterum possit accusari. Hac eò loquor liberiùs, quòd magis mihi sum conscius, me loqui vobis explorata, non ut meo affectui indulgeam, sed vestro potius in me, atque in meum filium, amor. Confido verò fore, ut, quam in eo adhuc notavistis modestiam erga omnes, charitatem in subjectos, in hostes fortitudinem, & quod caput, in Deum pietatem, quæ præcipua sunt animi bona, ea constanter retineat, ac proinde nihil sit futurum, cur olim vobis optetis Principem meliorem, aut mei jacturam doleatis. Ego verò mihi videbor desivisse esse senex & arumnosus, cum & vos florere fortunâ moderati Regis, & me fortunatum sentiam tali herede, qui probè nôrit præesse gentibus, quæ nec ferunt servitutem, nec quicquam refugiunt, quod possit aquilæ & amor imperantis. Hæc effatus senex optimus imperatoriâ brevitate, dixit Ludovicum regni consortem. Dum peroraret, loquebatur tanquam collegam faceret, Procures verò cum facto loquebantur. Ludovici responsum fuit, quale debet esse filij patrem reverentis, verendum & apprimè modestum, simul benignum ac civile in procures, citra turbati*

bati aut exultantis animi indicium, & quasi regnare potius deberet, quàm cuperet, mallétque bonis attribus favorem, quàm ambitu & assentatione, quæ veri affectus pestis est, sibi demereri. Visum est omnibus eâ Caroli optione Imperio præclare consuli: dilata tamen est inauguratio in populi frequentiam, quò fieret satis omnium expectationi, qui palatium circumsteterant, avidi rescendi, quodnam fuisset ejusce dici consultum, quod ex arcano in vulgus nondum evaserat, quòdque, ubi fuit rescitum, in commune acceptum est, velut divinitus Carolo inspiratum. Luce ad coronationem constitutâ, in ædem sacram Carolus cum Senatu frequentissimo, & omnium Ordinum concursu progressus, Numine prius in vota vocato, cum Principum singuli pro dignitate consedisent, oratione ad filium conversâ, cum jussit Deum imprimis venerari, divinis præceptis morem gerere quàm religiosissimè: tutari Ecclesias: sorores, nepotes, omnesque propinquos complecti patriâ charitate: sacerdotes parentum, subjectos filiorum loco ducere: coercere flagitia: fovere omni, quâ posset, ope religiosorum hominum contubernia: sublevare miserorum egestatem: magistratus habiles, nulli obnoxios corruptelæ legere, eosque, quoad boni forent, non movere loco: vitam denique sic instituere, ne quam Dei offensam, vel mortalium odium suo merito contraheret, sed ea cogitaret agerétque, quæ geri vellet sub suo principatu, ea verò detestaretur, quæ in nullo homine esset probaturus. Post, ubi in eam sententiam copiosè dixerat: *Ludovice (inquit) tibine hæc moniti servare est animus?* Is verò, se Deo opitulante servaturum, responderat: Carolus; *Ita earum rerum memoria apud te nunquam intermoriatur, fili, age coronam, quam arâ ex adversum vides sustineri, capiti tuo ipse impone.* Eo factò, Ludovico victoria, faustitas, longævum imperium, tuere acclamata. Imperator exinde magnâ curarum parte solutus, cœpit in sacræ disciplinæ, quæ nonnihil erat labefactata, instaurationem gnaviter incumbere. Quam ad rem celebrata ab Episcopis, mensè Majo & Junio, in Galliis quinque Concilia, Moguntiæ, Remis, Turonis, Cabilone, Arclate. Primo interfuit Arno Archiepiscopus Salisburgensis. Singulorum constitutiones extant tomo tertio Conciliorum, inter quas hæc memoriâ dignissimæ. In Synodo Moguntinâ decretum, ne Episcopi, qui temporum atrocitate coacti, bello dudum assueverant, arma deinceps tractarent: constitutum item, ut mutuam opem in jure reddendo sibi ferrent Episcopi & civiles Magistratus. In Remensi & Turonensi proscriptæ sunt ab Antistitum sermonibus facetiæ Atrelanæ, & Osorum ludorum libertas: simul ijs apprimè commendata pauperum inopia, quos etiam convivas suis mensis non haberent indignos. In Cabilonensi, jussi sunt Episcopi bonis litteris, divinis præcipuè, ludos aperire: veritum, ne sacri homines annonam flagellarent, si quid haberent venale ex suis proventibus. Si quid ipsis restaret superfluum, id miserorum egestati impenderent. Certæ etiam leges votivis peregrinationibus sunt constitutæ, ne quid in eas vitij irreperet, vel ut castigaretur, si quid irrepsisset. Carolus exin domi abditus, quod vitæ fuit reliquum, sacris codicibus relegendis impendit, & rerum cœlestium commentationi. Theganus auctor est, viris sapientibus miraculo fuisse ejus diligentiam, quâ Evangelistarum quatuor volumina, Græcis & Syris in consilium adhibitis, recensuit, & curavit pristino nitore reddendos.

Cæterum eò majori contentione in præcipuas virtutum actiones incumbebat, quò propius vitæ exitum sentiebat imminere, multis admonitus prælagijs, per ultimum triennium, quod ejus migrationem præcessit. Eum terruit ruina porticûs, quam operosâ mole inter Basilicam & Regiam construxerat. Pons, quo Rhenum ad Moguntiam straverat decennali labore, & tam solidis substructionibus, ut adversus qualvis injurias perennaturus videretur, intra tres non amplius horas sic fuit absumptus, ut præter tigna, quæ subterlabens unda protexit, ne una quidem publica flammam evalerit. Et ipse quoque in postremâ adversus Godetfridum Danum expeditione, cum ante solis ortum castris egressus equo sublimis veheretur, facem vidit de cœlo lapsam per aëra hæc illac volitare: Eo spectro jumentum exteritum prostratumque, sic excussit sessorem, ut ruptâ sagi sibilâ, soluto balteo, gladio

XIV.

LUDOVICI
INAUGURATIOSigebert.
Baron.
SYNODI
QUINQUE
IN GALLIA.PRODIGNA
QUÆ CAROLI
MORTEM
PORTENDERUNT.
PORTICUS
AQUENSIS
RUINA.
Eginard. in
vit. Carol.

XV.

dio & hastâ procul abjectis, exarmatus jacensque ab accurrente famulatio fuerit in pedes erigendus. Aquisgranense palatium sæpe horrendum tremuit, & conclavium laquearia, crebrum fragorem ediderunt. Basilica Aquisgranensis, in quâ sepultus est, de cœlo tacta: excussus ictu fulminis globus aureus è tecto, projectusque supra proximam ædem. Eodem, quo decessit, anno, paucis ante obitum mensibus, ejus nomen litteris uncialibus descriptum in margine coronæ, quæ interiorem Basilicæ Aquisgranensis faciem ambiebat, ita fuit deletum, ut ne vestigium quidem superfuerit. Conjectores, vanum genus hominum, Carolo eorum commenta ridente, ex Solis & Lunæ eclipsium crebritate, nescio quid de ejus capite funestum ominabantur. Hæc omnia Carolus pensabat impavidus, satis habens, ad omnem casum, animum comparare æternitati.

AN. CHRIST.
DCCCXIV.
MORS CAROLI M.

NATALE SOLUM CAROLI.

SEPULTURA.

XVI.

AMICITIA
CUM REGIBUS.

GENTES
DOMITÆ.

Gul. Nangiac. Almoim.
lib. 4. c. 95.
ECCLESIA
FUNDATA.

TEMPE-
RANTIA.

Fato concessit Aquisgrani anno DCCCXIV. 15. Calend. Febr. horâ dici tertii, ex quo regnare cœperat, quadragesimo septimo, à subactâ Italiâ quadragesimo tertio, Imperij decimo quarto, ætatis, ut vult Eginardus, septuagesimo secundo; alij unum annum detrahunt. Illi febris, die septimo, exasperata dolore lateris, lethalis fuit. Antè quàm exspiraret, sacro Dominici corporis viatico refectus, & oleo sancto inunctus est ab Episcopis: Princeps verè Magnus, Ecclesiæ columen, Imperator re & nomine Augustus, nimis parcè ac jejunè à sui ævi scriptoribus celebratus, quòd virtutes, resque per eum gestæ omnem scriptionis facultatem multis parafangis excederent. Natale ipsius solum Eginardus fatetur fuisse ignoratum, Aventinus, quem recentiores aliqui secuti sunt, ex, nescio, quibus vernaculis versibus & vocis similitudine, conatur persuadere, eum primam aspexisse lucem in Boicâ Caroloburgi, quæ arx stetit ad lacum Wurmium. Ejus corpus conditum unguentis odoratis, compositumque sedentis habitu in aureo folio, ornatumque omnibus Imperatoris dignitatis insignibus, addito Christianæ militiæ thorace, veste scilicet cilicinâ, quæ ipsi viventi frequens erat & familiaris ad carnem edomandam: diademati insertum erat crucis Christi triumphalis lignum sacrosanctum: manibus hærebat Evangeliorum volumen: humero pera viatoria aurea, quâ in sacris peregrinationibus utebatur: ex adverso, sceptrum & scutum ex auro, quæ Leo Pontifex solenni precatione expiaverat, pendebant ex urnâ. Eodem die, quo defunctus est, illatum funus ad Aquisgranensem, quam ipse sanctissimi Servatoris nostri & æternæ Virginis cultui construxit. Illum orbis confusus lachrymis deflevit, à quibus ne abstinuere quidem barbari, mitissimi domini jacturam complorantes. Intercesserat illi cum potentissimis regibus amicitia, qualis rarò reperitur inter Principes, quos æmulationes & invidia, pestes charitatis, circumstunt. Sibi habuit addictum Aaronem Persarum Regem, qui totum propè Orientem (si Indos excipias) ditione tenebat, quique Caroli fidem, Regum omnium benevolentiam, præferebat. Scotorum Reges liberalitate & comitate totos sibi demeruerat. Alfonsus Rex Gallæciæ & Asturiæ eum non secus atque parentem colebat. Nicephorus, Michaël & Leo, Græci Cæsares, ipsius fœdera amicitiamque ultrò & effluctim ambiverunt. Nationes omnes, quas in suam potestatem redegerat, beneficijs magis, quàm terrore, qui infidus est obsequij custos, sibi nitebatur habere devinctas, justus in fontes, & pius in omnes; ut non tam dominum, quàm patrem agnoscerent, & amarent. Subegerat Aquitaniam, Vascones, pleraque Galliarum, Italiarum, Germaniarum, Ungariarum, Slavorum & Hispaniarum bonam partem. Venetos à Pipino filio domitos, Nicephoro Orientis Cæsari reliquit. Ejus in amplificandâ religione studium loquuntur novem Episcopales Ecclesiæ, quas erexit. Monasteriensis commissa Ludgero Præsuli: Mindensis Heriberto: Halberstadenensis Hildegino: Osnabrugensis Wihoni: Bremensis Wilehado: Paderbornensis Harimario: Verdenensis Suniberto: Hamburgensis Heridago: Hildesienensis Gunthero. Intra annos quadraginta septem, quater Romam, ter voti causâ profectus est, semel in auxilium Pontificis. Mensam sacrâ, Augustini præsertim, lectione condiebat, sobrius alioquin & miræ abstinentiæ. Cœna quotidiana, non nisi quaternis ferculis constabat. Ebrietatis erat capitalis hostis: ternis scyphis quot refectionibus con-

contentus; & fugitans frequentium conviviorum. In frequentandis diurnis ac nocturnis comprecationibus tam erat religiosus, ut, nisi aegritudine, vel gravi causâ prohibitus, nunquam abesset, solitus modestam vocem Cleto psallenti accommo-
 dare, & diligenter attendere, ne quid indecorum preces impia-
 ret. Illi cor-
 poris cultus propè plebeius, nisi si quid magnificentiz celebritas, vel externæ le-
 gationes exigent. Vestitus illi usitatus interula, femoralia linea, tunica limbo
 serico, & tibialia: adversus hiemem thorax è Lutrinis pellibus: Sagum Veneti co-
 loris, sive carulei. Ad laudes DEI antelucanas promisso ad terram pallio uteba-
 tur. Corpore fuit toroso, bene compacto, robusto, & procerâ septenûm pedum
 staturâ: Capitis apex rotundus, frons liberalis & exporrecta, oculi grandes ac ve-
 geti, nasus paulò supra mediocritatem, facies hilaris, incessus firmus, excepto,
 quod pede altero claudicaret. Eum Paschalis Pont. spurius in Sanctorum nume-
 rum retulit, sed absque Romanæ Ecclesiæ autoritate. Canonum interpretes
 credunt fieri ex Romanorum Pontificum tolerantia, quod in Aquensi Ecclesiâ
 Coelitum honoribus colatur, ejusque veneratio alicubi per Belgium sit recepta. In
 Martyrologio Petri Canisij habetur Carolus Magnus 18. Januar. & à Molano in
 Additionibus ad Ussardum & in Indiculo Sanctorum Belgij: quæ dicta velim citra
 Legum Apostolicarum præjudicium.

Mors hoc anno Adalwinum Episcopum Reginoburgensibus eripuit. Batu-
 ricus in ejus locum successit. Leidradus natione Bojus, Lugdunensis Antistes,
 (ita scribit Theodolphus Aurelianensis) ab Agoberto vetere poëta specimen &
 decus Cleri appellatus, idem ille, qui Synodo Salisburgensi interfuit, & cujus no-
 men Caroli Magni testamento, sexto loco subscriptum legitur, posteaquam Lug-
 dunensem Ecclesiam cum laude rexerat, & S. Cypriani Carthaginiensis Episcopi,
 plurimque Martyrum Africanorum reliquijs locupletaverat, hoc anno, abdicatis
 rerum humanarum curis ipsoque Episcopatu, se apud Sueffiones vitæ monasticæ
 addixit. Ejus duæ Epistolæ, inter Agobardi opera, sapienter scriptæ recitan-
 tur: prior rationem reddit eorum, quæ gessit in Episcopatu, posterior est conso-
 latoria.

Cæterum nondum triginta dies à Caroli Magni excessu abjerant, cum Ludo-
 vicus ex Aquitaniâ, ubi hibernabat, accepto de parentis obitu nuntio, Aquisgra-
 num venit, ubi, consentientibus Ordinum omnium votis, Reipublicæ procuratio-
 nem est aggressus. Inter regnandi primordia, prima illi sollicitudo, effecta dare,
 quæ Carolus testamento mandaverat, erogando in Pontifices, in egentes & Aula
 ministros debitas largitiones: Tum versus ad regnum ordinandum, comitia Aquis-
 granum indixit, in quibus fuerunt salutare populi sublevandi rationes constitutz,
 decretæ legationes in omnes partes imperij, ne, quod amat fieri, aliquid rerum no-
 varum ex dominantis mutatione oriretur. Bernardo nepoti, Regi Italiæ Aquas
 evocato, regnum paternum ratum esse voluit, & donis liberaliter cultum remisit
 in Italiam, admonitum, ut in eâ regendâ patris Pipini æquitatem sectaretur. Gri-
 moaldo Beneventano Duci pactum à Carolo dominatum confirmavit, eâ lege, ut
 quotannis veldigal fisco regio inferret. E tribus filijs, quos ex Hermingarde An-
 dium Ducis filia suscepit, Lotharium Bajoariæ, Pipinum Aquitaniz præfecit,
 Ludovico penes se retento, cui postea Germanici cognomentum amplissimæ di-
 tiones indiderunt.

Auditæ subinde variarum gentium legationes, inter quas Constantinopoli-
 tana, quam obierunt, Christophorus Spatharius & Gregorius Diaconus, à Leone
 Orientis Imperatore pacis confirmationem adferentes. Cum ijs ex Oriente re-
 dijt Amalherus Trevirensis Antistes, qui in suâ ad Michaëlem Imperatorem le-
 gatione nonnulla observavit, quæ libro, quem de divinis Officijs lucubravat, scitè
 inseruit, & illud inprimis, quod eâ tempestate in Orientis Ecclesiâ, duodecim le-
 gationes, in nocturnis vigilijs tolerent, recitari, sex nimirum latine, græcè totidem,
 qui mos etiam olim apud Romanos obtinuerat. Notavit inter cæteros Græco-
 rum, ritus adhuc tum perseverasse usum ligneorum crepitaculorum ad convocan-

Saugallen.

MODESTIA.

FORMA.

Ostien. Joann.
 Andr. c. 1. de
 reliquijs &
 venerat. SS.
 Baron.

BEATIFICA-
 TIO.

MORS A-
 DALWINI
 EP. RATIS-
 BONENSIS.
 LEIDRADI
 LUGDUNEN.
 SPONTANEA
 ABDICATIO.

Theodolph. in
 parent. Ado.

XVII.
 LUDOVICUS
 REGNUM
 CAPESSIT.

Aimoin. lib.

4. c. 102.

LEGATIO
 CONSTAN-
 TINOPOLI-
 TANA.

dos comprecantium cœtus; cùm tamen in Romanâ Ecclesiâ mos iste dudum obsolevisset, extra postremos sanctioris hebdomadæ dies.

XII X.

SORORES
LUDOVICI
MORUM DIS-
SIMILIUM.

Ludovicus porro non contentus incumbere in communem regnorum salutem, magno simul studio domesticos suorum mores cœpit excutere. Erant illi sorores frugis admodum diversæ: Ex Irmengarde matre tres uterinæ, integræ famæ omnes. Ex Fastradâ novercâ, Theodora Argentolij Antistita probatæ virtutis, aliæ, quas nonnulli nominant, Hiltrudem, Bertham & Adeltrudem famæ profligatæ. Cæteræ aliquot, ex concubinis parùm laudatæ. Immam ex Himeltrude, post furtivos amores, ajunt, Eginardo Caroli M. Cancellario nupsisse, & fundasse Seligenstadiense Monasterium in Franciâ Orientali, quod à Baronio egregiè refellitur. Incredibile foret tantam sobolis dissolutæ labem in Imperatoris optimi domum irrepsisse, nisi matrum oscitantia, & mores minùs integri, aulæ pericula, aulicorum insidiæ, istius ævi corruptela, puellaris ætas in utramque partem circa, historiæ adstipularentur. Certè Carolus juvenilem in excitandâ prole licentiam severâ pœnitutine, magnisque virtutibus, maturioribus annis emaculavit.

Eginard.

Si quid ipsi obrepfit negligentia in filiabus educandis, id oportet fuisse levissimum, & quidem profectum ab ignoratione. Nisi enim esset peregrè, sine ijs nunquam cœnabat. Filij iter agenti adequitabant: filiaë ponè sequebantur: earum comitatum prætoriani claudebant custodiebantque. Sed nullæ satis adversus præfraçtos mores vigiliæ. Carolum (quod Eginardus non dissimulat) vero simile est, plusculum filiabus indulgisse ob paternam charitatem: nec fortè laudandum, quòd adultiores nupturientesque æquo diutiùs in aulâ retinuerit innuptas. Ut ut res habeat, Ludovicus filius inter primas curas habuit, sororum nimiam libertatem coercere, ne infamia in stirpis regiæ dedecus, exemplum in aulæ perniciem longius evaderet.

Obotriti. Me-
gapolenses.
AN. CHRIST.
DCCCXV.
BELLUM
DANICUM.
TURBÆ RO-
MANÆ.

XIX.

AN. CHRIST.
DCCCXVI.
Thegan. de
Lud. Imp.
Anastaf. Bi-
blioth.

LUDOVICUS
REMIS CO-
RONATUR.
AN. CHRIST.
DCCC.
XVII.
LOTHARIUS
REGNI COL-
LEGA.
LUDOVICUS
GERMANI-
CUS REX
BOIARIÆ.

Hæc sedulò castigantem excepit bellum Danicum, quod in Godefridi filium prosperè gessit per Saxones & Obotritos. Cùm per id tempus Paderbornæ comitia ageret, adfuere tristes ex urbe nuntij, de quorundam à Romanis optimatibus conjuratione in Leonem Pontificem, quòd in eos lege agi, deque scelerum compertis sumi pœnas mandasset. Et jam Romæ gliscebant periculose conspirationes, agri Romani populationes, Pontificiorum finium devastationes, incendia, eratque periculum, ne, ut morâ populares factiones invalescunt, ex prædandi licentiâ & impunitate scelerum, Romanæ turbæ in cæteram Italiam promanarent. Quare Ludovicus nepoti suo Bernardo, Italiæ Regi, comprimendorum motuum curam demandavit, deque re universâ ad se cum fide referendi. Bernardus mox in urbem profectus, factionis metum, ne quid se præsentem molirentur, injecit. Verùm cùm adversâ valetudine prohibitus, explorandis causæ meritis operam per se dare nequiret, Geroldo Boicæ Comiti, qui suam industriam jam sæpe alijs in rebus probârat, quæsitòris partes imposuit, & finitis quæstionibus, Romanorum in Leonem injurias accuratè Ludovico explicuit. Submisit etiam Pontifex legatos, qui illi rem, ut gesta erat, renuntiârunt. Litem finijt anno sequenti mors Pontificis, qui cùm sedem Romanam, summâ cum laude, annis viginti & amplius tenuisset, eam Stephano V. aliàs IV. reliquit. Hic secundo mense sui Pontificatûs Ludovicum Remis convenit, eique Imperatorium nomen & insignia contulit, & ejus uxorem Hermingardem in maximâ populi frequentia Augustæ titulis insignivit. Petenti, Ludovicus donavit eorum impunitatem & libertatem, qui ob admissa in Leonem & Ecclesiam crimina, vinculis in Galliâ attinebantur. Optimo Pontifici brevis, septem mensium & trium dierum, Pontificatus fuit: ultimus ipsi dies, octavus ante calendas Februarias, anno sæculi decimo septimo, quo Ludovicus in Aquensibus comitijs, Lotharium filium Imperij Regni que Collegam dixit, & Aquitaniâ in Pipini potestate relictâ, Boicam non modò Cisdanubianam, in primâ regnorum partitione Regno Italiæ detractam, sed etiam Transdanubianam Ludovico Juniori attribuit. Unde factum, ut Bojaria rursus regios titulos consecuta,

per

per annos deinceps quatuor & nonaginta pristino fastigio insignibusque claruerit. Bernardum isthæc Italici regni imminutio, ut sunt Reges honoris atque potentie, perinde atque salutis suæ, retinentes, vehementer pupugit, jecitque semina gravium malorum, quæ nata sunt per annos insequentis.

Ut Cæsar filiorum rebus maturè prospiceret, fecerat recordatio mortalitatis ex eventu, qui ipsi propè exitialis fuit, persuasitque præcocem successorum destinationem, verito, ne repentinus aliquis casus eam nolenti interciperet. Hiberna agebat Aquisgrani, cum Paschalis, vir sanctitatis opinione, multâ rerum peritiâ, eloquentiâ, animi magnitudine, & charitate in miseros apprimè insignis, cum per legatos de sua inauguratione fecit certiore. Secundum hæc illuxerunt Christi patientis feriæ. Quo die celeberrima cænæ cum discipulis ultimæ, & instituti sanctissimi Sacramenti recurrit, cum Ludovicus à Basilicâ se in Regiam referret, porticus operis sublimis malè materiata, incedentium pondere oppressa, quod non ita pridem Carolo M. Imperatore, malo omine, contigerat, subito procubuit, & Imperatorem, unâque viginti optimates, qui in ejus erant comitatu, humi depositos, obruit. Plerique comitum graviter afflicti: Ludovicus plus discriminis habuit, quàm maleficij. Ipsi pectoris sinistrum latus gladij capulus, aurem item sinistram & femur trabs collapsa sic contudit, ut tamen intra vigesimum diem curatus, haud procul à Noviomago, quo animi causâ secesserat, se venatu recreârit.

Inde reversus, Aquisgrani conventum egit sacrorum Antistitum, in quo leges optimæ, componendis in melius Cleri moribus, sancitæ eâ efficacitate, ut Episcopi Imperatoris exemplo Christianam modestiam seriò complexi, corporis cultum parabilem, & ordinis sui decori accommodatum, reduxerint in morem, proscripserunt luxu, abjectis balteorum auratis bullis, & gemmarum vestiumque exquisito apparatu: solliciti virtutibus potiùs, quàm adscititiâ rerum inanium peregrinitate nitere, & non habitu minùs, quàm sincerâ pietate, spirare veram sanctitatem. In eodem comitio egregiè fuit prospectum monasticæ disciplinæ, decretis, quæ per omnia religiosorum domicilia, toto imperio vulgata, tam virorum, quàm sanctimonialium instituta, & pristinam regularum observationem imperabant, cum exactâ vitæ sanctioris ratione, quam Patres digesserunt in octoginta capita, quæ in D. Benedicti sanctissimo ordine, atque imprimis Cassinensis instituti viris, non secus observata fuisse, asserit Leo Ostiensis, atque primævas leges fundatoris. Quibus rebus Ludovicus Pij cognomentum, sacri verò homines genuinam pietatis formam sunt consecuti.

Rebus ad eum modum per Occidentis imperium ex normâ Christianâ redactis, intercessit Italica in Ludovicum conspiratio, quæ Bernardum Regem, Anselmum Mediolanensem, Theodulfum Aurelianensem, & Volfoldum Cremonensem, Antistites, atque unâ plerosque Comites & civitates Italiæ, nonnullos quoque Galliæ procures mitissimi Imperatoris contemptu, an odio, involvit. Germanos, Bojos præsertim, flagrantissimus in illum amor atque fides, & Caroli Magni, qui eum dixerat successorem, reverentia in officio continuit. Causam nefariæ conjurationis adferunt, fratrum Lotharij invidiam, quod in hunc maxima pars hæreditatis paternæ atque potentie esset derivata. Urebat simul vel maximè Bernardum, quod ipse Pipino, Caroli M. filiorum natu maximo, genitus & ætatis ordine Ludovico potior, Lothario esset posthabitus, cum tamen crederet, ad avi Regis imperium obtinendum, nepotem, ex majore natu superstitem, præferri debuisse minori Caroli filio. Sed & altâ mente repostum hærebat, quod se videret exutum eâ parte Bojariz, quam ab avo velut paterni juris portionem acceperat. Dissimulavit tamen dolorem, donec pestilentibus malorum consultorum flabelis actus in transversum, præcipitavit in apertam defectionem. Nihil Principi perniciosius privatis consiliariorum simultatibus, aliisque sequioribus affectibus, qui in subruendo Bernardo plurimum valuerunt, his principiis. Fuerat Valilius, princeps primæ admissionis apud Magnum Carolum. Is Bernardi ætatem,

LUDOVICI
IMP. PERI-
CULUM EX
PORTICUS
RUINA.

SYNODUS
AQUISGRA-
NENSIS.
Baron. ad
hunc ann.
XX.
CLERI RE-
MENDATIO.

Leo Ostien.
in Chron.
Cassin. lib. 1.
c. 18.

CONIURA-
TIO IN LU-
DOVICUM.

Aimoin.
Author. vit.
Carol. The-
gan. Trevir.
Chorepiscop. de
Gest. Ludov.

XXI.
Paul. Emil.
in Lud. Pio.

BERNARDUS
ITALIÆ
REX.

nondum Reipublicæ maturam, regendam acceperat. Defuncto Catolo, Bernardi sorores, perinde atque nonnullæ Caroli filix, flagitiorum rex agebantur: & qui vitium ipsis intulerant, Majestatis crimine arcescebantur, quod regij sanguinis pudicitia, nisi summo totius stirpis dedecore, atrectari non potuisset. Causæ cognitor, ab Augusto datus Vallius. Is tamen rationum satis haberet animadverendi in fontes, verebatur tamen descendere ad extrema, tum quod rei damnari non poterant, nisi simul Bernardi sorores publicâ totius orbis infamiâ notarentur, cum summo domûs Carolinæ dedecore, à quo videbatur abstinendum, dandumque, ut solet, respectui, quod æquitati non debebatur. Sed & criminorum multitudo atque potentia, nexa judicij corruptelæ, severitati obstabat. Qui criminum indicium fecerant, æquè potentes Ludovici iras acuebant, premebátque Vallium, ne pœnas comperendinaret. Ex isto sententiarum conflictu, Proceres in diversa rapti. Alios studium justitiæ, & spes crescendo ex aliorum ruinâ, retinuit in Ludovici partibus, alios supplicij metus Bernardo adjunxit. Quibus illæ authoribus, nihil pensi habens Imperatoris majestatem, non Italiæ modò, sed etiam Franciæ se Regem dicit: bellum, quantis potest viribus, adornat, occupat fauces Alpium, vim defensusurus, si arma inferantur, & irrupturus in Franciam, si prima belli ex voto succedant.

SE DICIT
FRANCIÆ
REGEM.

Herman.

Annal. Fuld.

Adelm.

DESERITUR
A CONIURA-
TIS.

FIT LUDO-
VICO SUP-
PLEX.

Ludovicus ex Vogeso, ubi venationi dederat operam, Aquas reversus, trepidus ex Italiâ nuntios accipit, conjurasse quicquid propè erat gentium trans Alpes Bernardum Regem, ni prohibeatur, cum infestis copijs propediem adfuturum. Ergo festinatis è Franciâ & Germaniâ delectibus, quàm potest citatissimis itineribus ad Alpes convolat. Properantem fama, quæ res in majus semper auget, prævertit, & conjuratos, ut in causâ profligatæ æquitatis, tanto terrore percellit, ut Bernardo abs illis (quæ fuit facinorosorum perfidia) in summâ rerum desperatione deserto, mentem consiliûmque omne eripuerit. Supererat, ut armis positis ad patrii clementiam confugeret, qui id temporis sedebat Cabillone. Eò venit Bernardus cum agmine conjuratorum inermis & supplex, projectusque ad Cæsaris pedes, suam insaniam, & consultorum, qui in Principum delictis semper accusantur, male suadum ingenium detestatus, se ultima omnia promeritum esse, professus est. Adesse fatentem reum, quem nisi summa clementia absolvat, suo merito sit periturus. Et cum quidem sine prælio victum, qui ne dignus quidem fuerit, in quem ab honestâ manu ferrum stringeretur. Proinde arma, regnum & vitam ultro venisse in victoris potestatem, qui nisi Caroli parentis lenitatem in consilio habeat, actum sit de Pipini fratris filio degenerare, qui ausus sit patrii Cæsaream majestatem violare. Jacere se ad aram clementiæ, & hoc saltem orare precibus infimis, ut, quem servare non potest innocentem, sinat tamdiu innoxium vivere, donec resipiscendo possit insons velle esse videri. Id si impetret (ita juvent Cœlites) deinceps se cum fidissimo quovis obsequentissimoque officijs omnibus & pietate certaturum, vitamque atque sanguinem suo servatori cum scœnore redditurum.

XXII.

IDEM FA-
CIUNT CON-
IURATI

AN. CHRIST.

DCCC.

XIIX.

HABENTUR
IN VINCULIS
ET DAM-
NANTUR
MAIESTATIS

Conjuracionis authores itineris socij, in quibus Egiddeo princeps amicorum Bernardi, Reginardus regij cubiculi magister, Reginarius, cujus avus maternus olim in Germaniâ adversus Carolum Magnum factioni nomen dederat, Regem imitati, se suæque Ludovici arbitrio sponte permiserunt fictâ pœnitundine, quam facultas nocendi potius, quàm voluntas in turpissimo conatu destituerat. Vitum in præsens, rei maturo consilio expendendæ spatium sumi, & reos omnes tantisper haberi in vinculis, donec exactâ hieme in publicum Francorum judicium sunt tracti. Post Christi resurgentis serias ducti Aquisgranum, ubi Comitiam habebantur, jussique causam dicere, cum nihil pro se adferrent, Procerum sententiâ omnes læsæ Majestatis damnati sunt. Rex atque Principes capitali supplicio addicti; Episcopi, Synodi decreto dignitate moti, & relegati in Monasteria. Verum ne cui vita eriperetur, intercessit Imperator, multis licet reclamantibus, qui tanti sceleris compertos, negabant in vivis servari posse, illæso Francorum jure & citra publicæ

publicæ salutis discrimen. Legis rigorem Ludovicus sic est moderatus, ut, quod erat quisque nocentior, minusve nocens, vel orbaretur oculis, vel mulcetur exilio, vel attonsus Monachum indueret. Bernardus Rex exoculatus, animi an corporis dolore extinctus intra triduum 15. cal. Maij. Corpus Mediolani conditum in æde D. Ambrosij cum hoc titulo:

BERNARDUS CIVILITATIS MIRABILIS, CÆTERIS. QUE PIIS VIRTUTIBUS INCLYTUS REX HIC REQUIESCIT. REGNAVIT ANNOS QUATUOR, MENSES QUINQUE: OBIIT DECIMO QUINTO CAL. MAII, INDICTIONE UNDECIMA, FILIUS BONÆ MEMORIÆ PIPINI.

Ejus mors Pio Imperatori fuit acerbissima, nec prius desita desleri, quam ipse publico piaculo ex Episcoporum præscripto, non secus atque si per injuriam ejus interficiendi fuisset author, facti culpam eluisset. Non omisit tamen in defuncti liberos, Bernardum, Pipinum, & Heribertum esse severus. Ips ademit Italiæ procurationem, quam Lothario imperij nomine transcripsit: dantur videlicet demortuorum manibus facilius lachrymæ, quam regna vivis hæredibus. Ex Gallicis scriptoribus nituntur aliqui eruere, Pipinum, ejusque filios in Galliâ retentos, diversarum Provinciarum præfecturas obtinuisse. Nichardus Pipino sedem circa Carbonarias attribuit. Alij volunt, Heribertum Veromanduos, Bernardum verò Sylvanectenses, Comitum titulo obtinuisse. Verùm Annales domestici, quos recentiores secuti sunt, referunt, Pipinum paternis dirionibus exutum à Lothario Ludovici Pij filio, unâ cum filijs, Bernardo, Pipino & Heriberto ad Nariscos in pagum Boicæ, vel Franciæ Orientalis fuisse abductum, & eos quidem in Comitum ordinem redactos, multis annis Lengfeldensis dynastiæ titulo atque proventu vitam tolerasse, sortemque regio sanguini perquam iniquam. Certè fuit eorum fortuna miserabilis, sive Francorum chartæ, seu nostrates loquantur veriora. Sexto post Bernardi Regis exoculationem mense, Hermingardis Augusta Ludovici conjunx Andegavi tertio Octobris extincta, mariti luctum renovavit.

Anno postero in frequenti Comitio, Ludovicus Aquisgrani, ex Episcoporum sententiâ, eorum maxime, qui ipsius voluntate Ecclesiarum mores inspexerant, cum obitæ vilitationis summam ab ijs accepisset, prioribus legibus adiecit novas, ad firmandum sanctioris ordinis institutum, quod tum demum in virtutum cultu stabile est, quando piâ observantium voluntate sustentatur. Difficilius servantur leges, quam dictantur: quæ hac tempestate fuit earum multitudo, ut medicorum frequentia multos morbos, ita haud exiguum istius ævi corruptelam & motum aberrationes ostendit. Rursus quedam sancita, quæ juris dicundi præsidibus ad decidendas fori lites visa sunt opportuna. Ludovicus istis curis perfundus, cum ad novas nuptias adspiraret, & ambitetur à compluribus, Juditham præcellentis elegantiae Virginem cæteris prætulit, natam ex nobilissimo Welfonum sanguine. Welfos alij, vel Guelfos nuncupant. Horum quidem nomen inclytum, sed varia fama originis. Welfi posteriores Altorfi in Sueviâ feruntur claruisse quidem, sed non liquet satis, primasne sedes in Sueviâ locaverint. Theganus Ludovici coætanus claro Francorum ortus sanguine, acris vir animi, & multæ (si Valafrido fides est) lectionis, quo teste nemo locupletior, Welfonem disertè asserit nobilissimâ Bojorum stirpe editum, cui proinde par est credere, cum nullus ejusce rei peritior adferatur. Quia verò nullum Bojorum stemma fuit Agilolfingorum gente nobilior, par est existimare, Welfonem utpote nobilissimum ex eorum domo prodijisse. Et credibile est, eò respexisse Marianum, quando Judithæ patrem Bojorum Ducem exertè nominat. Nec verò insolens debet videri aut peregrinum, si Agilolfinga progenies, Thassilonis & Theodonis exitio, patrio dominatu exuta, stirpem ex sua gente Altorfi in alieno solo propagarit. Velferus cum Lazio & Renano, Guelfos à Welfonibus, & hos ab Agilolfingis derivant. Lazius

BERNARDUS
EXOCLA-
TUR: ALI
ALITER PU-
NIUNTUR.
BERNARDI
MORS,

DEFLECTA A
LUDOVICO.
BERNARDI
FILII PRI-
VANTUR BO-
NIS PATER-
NIS.

XXIII.

Nithard. lib.
de disension.
filiis Ludov.
pag. 449.
à Pythæo edit.

REDIGUN-
TUR IN CO-
MITUM OR-
DINEM: UN-
DE COMI-
TES LENG-
FELDENSES.

Marc. Wa-
gner. Jacob.
Fugger. in
honorar.

Renner.
Henning.

Aug. Kolner.
Gruold. in
orig. Bag. ge-
nerat. 3.

HERMIN-
GARDIS RE-
GINE OBI-
TUS.

AN. CHRIST.
DCCCXIX.

CLERI VI-
SITATIO ET
REFORMA-
TIO.

ORDINATA
JUDICIORUM
FORMA.

SECUNDÆ
LUDOVICI
NUPTIÆ CUM
JUDITHA

BOIA: VEL
SUEVA.

WELFORUM
ORIGO.

XXIV.

Marian. Scot.
ad an. 821.

Reccat. De-
camer. Tab.
22.

LIBERI EX
JUDITHA.

BELLUM
PANNONI-
CUM.

LIUDEVITUS
PROFLICA-
TUR.
BORNAM
VINCIT, IN-
VADIT DAL-
MATIAM.
PELLITUR.

AN. CHRIST.
DCCXX.
BELLUM
PANNONI-
CUM.

XXV.

VASTATA
PANNONIA.

CARNIO-
LENSES, CA-
RANTANI
DEDITI.

NORTMAN-
NI UNDE?

Adolfingos cum Agilolfingis confundit. Et Agilulfus, qui Longobardis ante annos amplius ducentos imperavit, elegantissimis Italiz Scriptoribus dicitur etiam Agiulfus. Jam si istius diætionis caput (quod in Prenestinis ridet Plautus) præsecare lubet, quod linguæ vernaculæ familiare est, commodè ab Agilulfo Gialfum, ab Agilolfingis Guelingos & Guelfos pari licentiâ deduces, nec mirum erit, eundem illum, quem Theganus Welfonem nominat, ab Italis longo pòst intervallo, more patrio, Guelfum nominari. Ex Judithâ Ludovicus Imp. sustulit Carolum cognomine Calvum: filias, Gundouniam nuptam Poponi Comiti Ascaniz, Hildegardem Anrîstitam Monasterij Limagienfis, & Bertham, quæ sorori in hujus ipsius Monasterij procuracione successit.

Sic res in aulâ Ludovici habebant, cùm à Bornâ Duce Dalmatiz, qui Francis erat fœderatus, venère Legati, certa referentes de bello Pannonico, quod vario Marte gerebatur. Liudevitus inferioris Pannoniz Regulus, apertâ rebellionē ab Augusto defecerat. In eum ductæ à Cadolaco Forojulienfium Regulo copiz Italicæ, rebus improspere gestis domum rediverant. Liudevitus successu elatus, legatos de pace misit ad Imperatorem, sed cum ejusmodi conditionibus, ut Ludovicus velut Cæsareâ Majestate indignas repudiârit. Exinde Liudevitus reparare bellum, contrahere adversus Ludovicum fœdera, armare & sociare cum suâ gente finitimos, novas conflare factiones eò fidentiùs, quò longiùs à Francis aberat. Cadolaco repente è vivis sublato, Baldericus successor, qui curando limiti præerat, nihil cunctatus, movit in Carantanos, qui ad Liudevitum defecerant. Hic socijs laturus opem, Balderico ad Dravum amnem occurrens, prælio fusus fugatûsque, incidit in Bornam ad flumen Colapium, quem prosperâ usus fortunâ superavit, victoriâque profecutus, mense Decembri irrupit in Dalmatiam, & ferro ignique grassatus obvia quæque vastavit. Borna non ausus denuo rei summam supremæ dimicationi credere, satis habuit, se in præsens munimentis tueri, & subinde Liudeviti copias carpere, totiesque laceffendo fatigare, donec multarum tribus armorum millibus, sarcinisque exutum è Dalmatiz finibus exegit. Periculum erat, ne Liudevitus recentibus auctus supplementis, ad prima veris signa, Dalmatiam rursus invaderet; quæ res Ludovicum habebat anxium, quòd neque honestum esset Francico nomini, socios deserere, neque utile, imperij fines exteris manere apertos.

Ergo conventu apud Aquisgranenses coacto, bellum in Pannoniam decernit, jubetque ternos exercitus è Saxonibus, Francis, Alemannis, Bojarijs atque Italis præstò esse, ubi primum se tempestas castris aperiret. Ex ijs, unus per Alpes Noricas, alter per Carantanorum fines, tertius movit per Boicam & superiorem Pannoniam. Primus in Alpium claustris ab hoste prohibitus, moræ plusculum traxit; secundus via longitudine & Dravi fluminis objectu retardatus, opinione seriùs in hosticum penetravit. Tertius, cui per Carantanos iter fuit, usus feliciore fortunâ, hoste ter superato, Dravòque transmissò in Pannoniam primus perripit. Non multò pòst advenère cæteri. Liudevitus tantâ pugnarum mole pressus, munito se castro in edito monte tenuit, universæ circa provinciæ incendia, cæterâsque belli injurias, quietus citra omne de pace colloquium circumspectans. Cùm ad certamen nullâ posset arte prolici, nec expugnari castrum, nisi obsidione diuturnâ, omnes Ludovici copiz, prædis graves, nemine vim auso defendere, pedem, unde venerant, retulerunt. Qui per Boicam iter habuerant, in Dravi trajectu, contracto ex aquæ & malignioris cœli gravitate ventris profluvio, magnam partem fuere absumpti. Carniolenses, Savi fluminis accolæ, Forojulienfibus confines Balderico fecerunt deditiōem. Carantani mutatâ ad fortunæ nutum voluntate, Liudeviti consilium damnaverunt, impellente metu.

Bello ex eâ parte uterunque sopito, novus Imperatori hostis exortus est, qui nominis sui & victicium armorum terrore, multisque cladibus totam larè Galliam complevit. Fuere Nortmanni, è Septentrione gentium colluvies, è Daniâ, ut Einhardus in Carolo Magno prodidit, vel, ut alij, è Norvegiâ, Sueonibus, & alijs

Occa-

Oceanī atcolis, collecta, homines assueti navigationibus, assiduis Aquilonibus, & frigoribus soli nativi ad omnem laboris patientiam durati, truces & eousque immanes, ut viderentur pro expiandis sceleribus, per atroces hominūque urbiūque strages ab irato Deo immissi: ex istā Barbarorum societate, tredecim non amplius navium classis coaluit, quā suis egressi finibus, cœpere in Flandriæ littore exercere piraticam, mōxque factā in continentem exscensionē, in casas agrestium favire flammis, abigere armenta, captivos subijcere servituti. Inde delati ad Sequanæ ostium, Gallici præsidij virtute rejecti, vela fecere ad litus Aquitanicum, & depopulato Bundio oppido, domum renavigarunt, hoc præcipuè malæ operæ pretio, quod viam ad insequentium annorum irruptiones explorassent.

PIRATICAM
EXERCENT
IN FLAN-
DRIA.

At pius Imperator, præcocem regnorum suorum inter filios partitionem recogniturus, Comititia egit Noviomagi, vere anni vigesimi primi senescente. Tum ætate in Vogesi saltu per consuetæ venationis oblectamenta jucundè transactā, Octobri mensē conventum habuit in villā Theodonis, frequenti Optimatum populique congressu. In præcipuis consultationum capitibus fuit, Lotharij, inter Ludovici filios ætatis prærogativā potioris, connubium cum Irmingarde Hugonis Comititis filiā. Genialem lætitiā mirum in modum auxit Paschalis Romani Pontificis amplissima legatio, missa ad gratulandum cum splendidis muneribus. Sed nihil fuit in commune jucundius Ludovici incredibili clementiā, quā omnes, qui cum Bernardo Italiæ Rege perduellionis societatem iniverant, fide publicā ab exilio revocavit, alios custodiā solutos, publico reddidit & avitæ fortunæ, cui tamen Bernardi filij restituti non fuerunt, quemadmodum paulò antè ostensum est, tamen Pipinus ijs bellis, quæ Ludovici liberos colliserunt infamibus odijs, primū Caroli castra fuit secutus, deinde captatā aurā fortunæ melioris, desultoriā fide sese Lothario addixit. De Heriberto ejus fratre id unicum Regino notavit, illum interfecisse Rudolphum Comitem Balduino natum, ipsūque vicissim ab Alduino Rudolphi satellite fuisse obtruncatum, quæ obscuræ sunt laudes magnorum Principum, quorum sanguis ad majora debuisset reservari.

AN. CHRIST.
DCCCXXI.
X X V I.
COMITIA IN
VILLA THE-
ODONIS.

NUPTIÆ
LOTHARII.
EXULES RE-
VOCATI.
CAPTIVI
DIMISSI.
PIPINUS
BERNARDI
F. SE FOR-
TUNÆ AC-
COMMODAT.
HERIBER-
TUS BER-
NARDI F.
OCCISUS.
ARNO SA-
LISBURGEN-
SIS MORI-
TUR.

Hic annus Arnoni Salisburgensi Archiepiscopo postremus fuit. Diem clausit 9. cal. Februarij, vir id ævi inter Præsules, rerum magnarū gloriā clarissimus. Ejus industriā res Ecclesiæ Salisburgensis mirum in modum fuerunt amplificatæ. Illum Leo Romanus Pontifex in omnibus, quas ad eum dedit, epistolis, Sanctissimi appellatione honestavit, quod Hundius quidem excellenti pietati tribuit, sed melius dignitati dixisset esse tribuendum. Ejus operā Thasilo, Ducum Agilolfingorum postremus, in gravissimis Legationibus usus est. Eo exauctorato, Carolo Magno in primis charus fuit. Christi præconem egit apud Bojos, Hunnos, & Slavos. Præclaris operibus auxit Salisburgum, inter quæ sunt gemini aquæductus ex albo rivo, Guttradij manu in urbem derivati. Insulas reliquit Ammiloni, quem ex Abbate S. Petri sedes Archiepiscopalis accepit, & vix sesquiannum retinuit. Ita habet Hundius contra scriptorem vitæ S. Ruperti, qui disertè scribit, eum non omnino sex menses Archiepiscopatu præsedisse, & hoc ipsum ostendit ex lapsu temporum, quibus Adalramus Ammilonis successor superstes fuit.

Vita S. Rup.
tom. 6. l. 11.
Antiq. Canif.
SUCCEdit
AMMILO.

Anno, qui proximè secutus est, Ludovicus mense Augusto Attiniaci, in Remorum finibus conventum egit. Res ipsi erat, ut, cum multa publico perquam salutaria ordinasset, sibi quoque privatim in procurandā animi quiete consuleret. Non ignorabat, quosdam è Proceribus animo esse alieniore ab eā, quam exercuerat in perduelles, severitate: unde acres conscientiæ stimuli, quibus, ut teneræ sunt piorum mentes, subinde lancinabatur, quasi justo durius in eos animadvertisset, neque dum satis recenti eos munificentia & lenitate mitigasset. Nec verò infrequens est aulæ artificium, iras simulare, quibus timi-

AN. CHRIST.
DCCC.
XXII.
XXVII.
LUDOVICI
CUM OFFEN-
SIS RECON-
CILIATIO
ET POENI-
TENTIA.

*Thegan. de
Ludov.*

diores Principes ad profusas largitiones impellantur. Ergo re cum Episcopis & Optimatibus communicatâ, ultro rediit in gratiam cum Drogone, Hugone & Theoderico, fratribus, quorum duos priores Carolus parens ex Reginoburgâ, postremum ex Adelindâ, pellicibus tulerat. Nam Ludovicus invidiâ laborabat, quod illos invito vitæ monasticæ mancipâisset, quod fuit, eritque semper, distandarum familiarum neutiquam laudabile inventum. Odiosum est jugum, quod invito imponitur. Eos proinde jussit liberalibus disciplinis erudiri: & Drogoni quidem anno sequenti Metensem Episcopatum conciliavit, Hugoni Monasteria; & est, qui censet, cum Aquitaniz præfecturam gessisse; Theoderico verò præcarium Provinciæ Salyum imperium. Quicquid præterea fuit, quod à se, vel à parente crederet esse peccatum, id palam suscepto piaculo, ut Aimoinus loquitur, *curavit emendare*. Verùm utcumque satisfecerit cordatioribus, qui ejus errores cum ratione expendebant, tamen, ut alii hærent malevolis irarum reliquiæ, succedentes anni ostendent, non fuisse omnes placatos, nec bene obductas offensionum cicatrices.

LOTHARIUS
MITTITUR
IN ITALIAM.
LIUDEVITUS
PANNO PEL-
LITUR AD
SORABOS.
CRUELIS
IN HOSPI-
TEM.
PIPINUS
AQUITANIA
PRÆFICI-
TUR.
XXIIX.
REGINARI-
US EPISCO-
PUS BATA-
VENSIS.

Ex eo conventu Lotharium Cæsarem misit in Italiam, ad capeffenda regni insignia, remque publicam suaviter ordinandam, eumque jussit, præcipuo studio Romanæ Ecclesiæ dignitatem habere sibi commendatam. Et erant quoque Italarum arma adversus Liudevitem, qui in armis erat, expedienda, quorum ille famâ territus, ad Sorabos, Dalmatiz gentem, profugit, homo immaniter perfidus in Regulum, à quo fuerat hospitio receptus, quem nefariè interemit, & civitatem, cujus mœnibus tegebatur, redegit in suam potestatem. Ludovicus porro, per id temporis, Pipinum filium jussit in Aquitaniam proficisci, post nuptias cum Teutberti Matricensis Comitis filiâ celebratas: ipse verò exeunte autumno Francofurtum, hibernaturus, se contulit, ubi in componendis Orientalium rebus totam hiemem posuit, & illam urbem novis ædificijs atque legibus cepit excolere. Sub id tempus Reginarius, qui alijs dicitur Reginardus, Batavensibus fuit datus Antistes. Jam antè ad eam dignitatem jus acquisiverat per legitimam Collegij Cathedralis electionem, anno sæculi decimo octavo: verùm quia ipsi lis erat cum Arnone Salisburgensi de Metropolitana jurisdictione, illo superstite, Pontificatum adire non potuit, sed passus est tantisper in suum locum subrogari Batturicum. Quamobrem, Arnone defuncto, Paschalis Pontifex Romanus secundum Reginarium pronuntiavit, ut ritè cooptatus, Ecclesiæ Patavienfis gubernacula susciperet.

NATURÆ
PORTENTA.

Observata fuerunt hoc anno tam in Oriente, quàm in Occidente passim, non sine mortalium terrore, varia naturæ ostenta, quæ Ludovicus voluit crebris jejunijs, sacris largitionibus, & incruentis Missæ Sacrificijs expiari. In Turingiâ cespes, longus pedes quinquagenos, latus quatuordecim, altus sesquipedem, nullâ, quæ sciretur, hominis operâ præcisus à solo, translatus fuit ex fundo nativo ad alium, distantem spatio pedum viginti quinque. In Orientali Saxoniâ juxta Lacum Aruseum terra intumuit in formam aggeris potrecti ad unius leucæ longitudinem. Anno proximo, Aquensis Regia terræ motu concussa: multa passim ædificia de cælo tacta conflagrârunt: fruges grandine vastatæ: cum grandine veri lapides magni ponderis in terram ex aëre collapsi: homines & animantes fulminis ictibus magno numero exanimati. Commerciiaci, quod oppidum est in Leucorum agro, puella duodennis, post sumptam Eucharistiam de manu sacerdotis ipsis paschalibus, per decem omnino menses pane; deinde per triennium omni prorsus cibo potuque abstinuit, eoque exacto, rediit ad pastum ordinarium. Post ea portenta, secuta est grandis hominum strages, quos fœda pestilientia sustulit. Sed si ingentes imperij turbas, quæ post aliquantum temporis subnatæ, horrendum quantum sævierunt, istis portentis prænuntiata licet ominari, certè multò tristioris fuit augurij ortus Caroli, cui à capilli profluvio datum Calvi cognomentum. Hic Lu-

AN. CHRIST.
DCCC.
XXIIL.

XXIX.

Lu-

Ludovico Imperatori ex Juditha progenitus mense Junio, fratribus ex Her-
mingarde natis magnum curarum, & futuri dissidij argumentum suggessit, re-
putantibus novum prodijisse hæredem, qui familiæ de novo herciscundæ cau-
sam esset allaturus, magno antehac factæ partitionis detrimento, cum Calvo
nihil posset accrescere, quod non abraderetur majorum fratrum portioni: &
tum quidem, si unquam aliàs, cœpit cogitari, Ludovicum Caroli nascituri
rationem habere, vel à secundis nuptijs & hæreditate dividundâ abstinere de-
buisse. Sed multa dum fiunt, consulto fieri videntur, quæ ab eventis postea
imprudentiæ arguuntur.

CAROLUS
CALVUS NA-
SCITUR.
Vit. Ludov.
Imp. p. 381.
v. ult.

Duobus, antequam Carolus in lucem prodiret, mensibus, Lotharius ac-
ceptâ Regni Italici coronâ, reditum ad parentem adornabat, cum à Paschale
Pont. Romam accitus, in Apostolorum Principis Basilicâ Imperatoris titulos
& insignia, solenni inauguratione suscepit. Non multò post jussu Ludovici
Francofurti convenerunt Saxonum, Bojariorum, Alemannorum, Burgundio-
rum, & Rhenensis tractûs Ordines, quos veteres Scriptores contribuebant
Franciæ Orientali. Isthic auditi, Milegastus & Celeadragus, fratres, Liubi
Regis Wilzorum filij, de paterno regno, post illius obitum, disceptantes. Pro
Milegasto faciebat major ætas, & delata Regni possessio Procerum suffragatio-
ne & veteri majorum instituto. A minore natu stabat probitas, populi stu-
dium, qui Milegasti mores & exlegem gubernationem pertæsus, Regem alium
flagitabat. Sunt Wilzi Sclavorum gens ad Australem sinum maris Germanici,
quos etiam Luiticos dixere. Ludovicus plebis consensum secutus, regnum
Celeadrago addixit, ratus, fratrem æmulum nunquam fore bonum Regem,
qui regni initia fœdâisset pessundatâ prisca moris legumque ratione. Ad Comi-
tiorum exitum, cognovit Imperator Liudevitum in Dalmatiâ, quò se securi-
tatis causâ receperat, Liudewisli dolo esse interemptum, DEO sic vindican-
te, ut, qui ante annum hospitij gratiam interfecto hospite violaverat, vicissim
ab hospite jugularetur.

LOTHARIUS
ROMÆ CO-
RONATUR.
CONVENTUS
FRANCO-
FURTENSIS.

LUITICI PO-
PULI ET
WILZI QUI?
LIUDEVITUS
OCCISUS.

Vix hostis iste pœnas dederat, cum repente alius Ludovico succrevit
è Triballis, quos hodie Bulgaros, Mœsiæ secundæ populos dicunt. Iis impe-
rabat Ortomagus, ne famâ quidem, nedum nomine notus, quò Franco-
rum arma nondum eò gentium penetrâssent, nec quicquam fuerat causæ,
cur bello lacefferentur. Misit tamen Ortomagus Legatos cum litteris ad Lu-
dovicum agentem Francofurti, pacem amicitiamque orantes. Primâ fronte
visa legatio non contemnenda: sed ubi futuri rerum inanum tractatione visi
sunt tempus extrahere, doli suspicionem peperere, quasi non pacis studio,
sed explorandi causâ è tam longinquis terris venissent. Imperator nihilomi-
nus benignè habitos in patriam remisit, & quò certius Regis animum explo-
raret, Machelinum è Bojariâ itineris socium addidit, qui coràm, aliud agen-
do, gentis consilia & vires discerneret. Non fefellit conjectura: dederunt
enim Barbari Machelino verba perplexis semper ambagibus: cumque nullas
fœderis condiciones ex æquo adferrent, aut oblatas admitterent, denique
animadvertum, eos proferendorum finium occasione imminere. Quapro-
pter cum ante anni exitum legati redijssent, jussi sunt totâ hieme Ludovici re-
sponsum in Bojariâ opperiri, ac demum adulto Majo venire in ejus conspe-
ctum. Auditi interea Legati Obotritorum, qui in Bulgarorum confinio Da-
ciam incolebant, de vicinorum injurijs acerbè quiritantes, poscentisque au-
xilium. Summa Bulgaricæ legationis fuit, velle Ortomagum Ludovici con-
sensu statui limites, qui Francorum & Bulgarorum ditiones dirimerent. Id
cum disceptarent insolentiùs, responsum accepere præter animi sententiam.
Quamobrem Ortomagus anno postero denuo Oratores misit, qui rotundè
percontarentur, vellentne Francus de regundis finibus sinere secum æquo jure
tractari: & si is quidem tergiversaretur, amicitiam abnuntiarent, dicerentque

AN. CHRIST.
DCCC.
XXIV.
Omtagus
apud Her-
man.
XXX.
Annal. Ful-
den. Thegan.
BULGARO-
RUM DOLO-
SÆ LEGA-
TIONES.

BULGARI
IRRUMPUNT
IN SLAVOS
VICINOS.

BALDERI-
CUS FORO-
JULIENSIS
EXAUCTO-
RATUR.
Amen.

suos quemque terminos manu defensurum. Verbo pro re natâ responsum; neque enim rescribi placuit, ut nossent minas nihil obtinuisse apud viros timoris expertes. Quam rem Ortomagus sui contemptum interpretatus, quasi foret ad arma provocatus, in Sclavos, Franciæ clientes, sævijs, misso ad Dravum exercitu, qui ferro flammisque longè latèque grassatus, pulsus Sclavorum prætoribus Bulgaros genti imposuit. Baldericus Dux Forojuliensis, cui Pannonici limitis defensio erat demandata, quasi per ignaviam non arcuisset hostem, dedissetque damni causam, dignitate motus, & Ducatus Forojuliensis inter quatuor Comites divisus: quæ res acriter ulsit Lotharium Cæsarem, non secus, atque si grandem à patre injuriam accepisset, quod Forojulio detracto, Italicum imperium valido præsidio nudaretur, atque è diverso res Germaniæ evaderent firmiores. Ita non uno ex capite in regiâ domo gravis discordiæ fundamenta sensim jaciebantur.



BOICÆ



BOICÆ GENTIS
ANNALIUM
PARTIS I.
LIBER X.

Ludovicus Pius vexatus à filiis, obtentu Iudithæ conjugis & Caroli Calvi: Fugatur à Pipino: captivus attinetur: Noviomagi restituitur, invito Lothario, Pipino & Ludovico Germanico adnitentibus: rursus capitur ad Argentuariam: publicè exauctoratur: eripitur è manibus Lotharij: Pipini mors præmatura: Ludovicus Imp. Ludovicum Germ. parte provinciarum exiit: Calvum filium auget magnis possessionibus: Ei, suasu Iudithæ, Lotharium tutorem dicit. Moritur. Lotharij in fratres iniquitas Ludovicum & Carolum Calvum unit: Ludovicus Adelbertum ejus legatum prælio superat: Cruenta pugna ad Fontiniacum: Post varias contentiones pax inter fratres convenit, per quam Regna divisa.

Agredimur annos imperio præquam aliàs execrabiles, scissâ in partes Augusti familiâ, armatis in patrem liberis, patre in filios irritato, confusis naturæ juribus, sublatâ sanguinis reverentiâ, contemptâ majestate, regnisque per continentes factiones sic agitatis, ut ultima ipsis clades à male feriatis nepotibus parari videretur. Non defuere flagitiosorum hominum stabella, quibus gliscens indies in majus æmulatio, ob privatas spes, & vindictæ cupidinem, iniquissimè accendebatur. Lothario ægrè erat ob diminutam regni Italici amplitudinem: Pipino aures in Aquitaniâ ab hominibus seditiosis vellicabantur: eorum plerique notati ignominiâ, ob fœdatum regiarum filiarum honorem: & Pipinus ipse coquebat iras, quæ sumuntur faciliùs, quàm ponuntur, propter acceptam à patre contumeliam, quòd Mauros Galliam ingressos Aizone duce, per inertem cunctationem non repressisset priùs, quàm bonam Aquitaniæ partem prædis, igne, ferro essent depopulati. Ludovicus Germanicus cæteris æquior, ex Pij

REGIÆ DO-
MUS DISCOR-
DIA.

I.

AN. CHRIST.
DCCC.
XXIX.
LUDOVICI
GERMANI-
CI AQUITA.

voluntate concesserat in Germaniam, cum regia potestate, Hemmâ conjuge Hispanâ comitatus: sed neque hic curis vacuus, quod facillè conijceret, Carolum ex Juditha admodum puerum, antè exheredatum quàm natum, daturum turbas, ansamque mutandæ inter fratres hæreditatis. Neque enim latebat Augusti sollicitudo, dies noctesque recogitantis paternam obligationem, cui fieri non posset satis, nisi ornaretur augeturque parte regiarum facultatum. Non intermittebat Juditha maritum, haud mediocriter uxorium, urgere, matrem ut filio, qui alioqui domus suæ ludibrium futurus esset, prospiceret: neque enim illi à fratribus quicquam præter opprobrium, ab alijs nihil præter regij sanguinis vilem æstimationem esse expectandum: ni propediem pater suo jure utatur, longè satius futurum fuisse, non genuisse filium, quàm ad inopiz infamiam educasse. Sed cum infelix pater è tot regnis nihil sibi fecisset reliquum, quod Carolo conferret, hærebat anxius, nec satis expediebat ejus juvandi rationes citra fratrum ingentem invidiam. Quid enim esset futurum, si pro jure paterno, ex subortâ causâ, filiorum ingratis, ditionum partitionem mutaret? quanto illorum odio Carolus, nondum curis maturus, sit flagraturus? si parens precarium illi patrimonium ab invitis oraret, fore tentamen ambiguum, & longè infra patris auctoritatem: si hac uteretur, turbas secuturas. Prior tamen ratio visâ melior. Ergo positâ majestate impetantis, statuit benignitate atque modestiâ tentare filiorum animos. Aduerere Lotharius Cæsar & Ludovicus Rex Bojarix, quos hac oratione aggressus est: *Expertus sum, filij, in longum debere ab eo prospici, cui incumbit cura liberorum. Mihi ad propagandam domus nostra posteritatem abunde cælum provideras, cum me trium filiorum, quibus optare non poteram meliores, patrem fecisset. Sed qua Dei est in me benignitas, mea vota, felicitatemque Caroli filij accessione superavis, cùmque ego (ita nihil est ex omni parte beatum) adjecit magnam sollicitudinem, quâ nemo me melius, quàm vos, potest absolvere. Natus est regio, ut vos, sanguine, spe non absimili, sed dissimili fortunâ, nisi vobis assentientibus veniat in ejusce sortis partem, ad quam cum natura jura videntur destinasse. Partitus sum inter vos regna, nec pariter, quia partitus sum inter dignos. Imperium majorum nostrorum, & meâ virtute partem auctumque, mihi visus sum sapienter vestra fortuna ex asse transcripsisse: nec mea spes, opinor, nec vestra probitas me fefellit. Sed quid fiet Carolo? nolo uti summo jure, vos ipsi, si me amatis, consilium suggerite. Si quâ in vos charitate, tempestivè vobis consultum volui, eadem vestro fratri consulitis, nihil est, cur apud posteros imprudens audiam, vel pramaturè fuisse liberalis, vel durus in vestrum fratrem, quem prastaret alio quovis parente fuisse natum, quàm destinari ad pudendam egestatem. In vestra est manu, & me & illam reddere beatum, vestrumque nomen insignire aeterno honore præclara pietatis. Erit (ita voveo) aliquando tempus, cùm puero licebit per aetatem, & animo & rebus ipsis, agnoscere vestrum amorem, mihi verò latari de vestra observantiâ in amantissimum parentem. Hæc ore confuso mæstâque voce dicenti, cùm neuter auderet intercedere, uterque magis in speciem, quàm ex animo assensus est. Enimvero meminisset se patrem, nec de filiorum obsequiâ, sinceròque affectu dubitaret. Dedit ipse liberaliter, quod jure posset repetere: debere se patri non modò eam, quam esset largitus, opum expectationem, sed ipsam quoque animam, & si quid animâ possit cogitari melius: vicissim verò sibi nihil à parente deberi: satis utrique superfuturum fortunarum, si nullam faciant amoris paterni jacturam. Congereret in Carolum, quicquid videretur, duros operam, ut olim sentiat, se neutiquam flagrantius à patre, quàm à fratribus amari. Adjecit Lotharius (sic enim lubebat parenti fucum facere) sibi fore loco magni beneficij, si parens Caroli tutelam ipsi demandaret. Hæc dicta civilius, quàm verius. Ludovico certè non imposuit dictionis artificium: sed tamen usus est suâ libertate, & Carolo Alemanniam, quàm latè patebat, & Rhætiâ cum parte Burgundiæ donavit: quam rem fratres non secus acceperunt, quàm si ab hoste, per vim, istarum provinciarum possessione essent depulsi, sorte, quæ Ludovico fuit miserabilis, quòd suos ipse hostes & genuisset, & locupletasset. Simulatio benevolentia,*

LUDOVICI
PII ORATIO
AD NATI-
VIS FILIOS.

II.

quæ

quæ non solet ferre ætatem, diu non potuit tegere odium execrabile. Proximum fuit, ut Imperator se in omnes casus fortibus consilijs compararet.

Ergo Bernardum natione Hispanum, Septimanix, quam Gothiam Gallicam vocabant, Comitem, virum sagacem, ingenio haudquaquam vulgari, cui Ludovicus sacris undis expiando adstiterat, in aulam evocat, auctumque præfecturâ prætorij, principem ministrorum creat cum amplissimâ potestate. Verùm id remedij ipso malo longè deterius, immensum quantum exasperavit iratorum voluntates, quòd Bernardi consilijs, ne dicam arbitrio, omnia propè gererentur, ipsique aliorum munia (quod summè odiosum est) extra ordinem fierent obnoxia. Sed illud acerbissimum, quòd ex vano, an ex vero, iactaretur in vulgus, cum per occulta flagitia gradum facere ad immodicam dominandi rationem: quid enim expectari aliud posset ab externo homine, qui vaframenti eo usque dementabat Augustum, ejusque aures sic obsepserat, ut nemo esset, qui auderet ipsi probri domestici famam (Judithæ in Bernardum clancularios amores notabant) aperire? Porro & hoc tristissimum, quòd sensim Ludovicum paterno in majores filios affectu orbat: quæ cum odiosissimè dicerentur ab æmulis, constabant Imperatori pudendam invidiam, & odium popolare, quòd scire ac probare credantur Principes, quæ nòrunt alij, nec tamen castigant. Cum nemo esset, qui sequiorem famam refutaret, & horrendum vapularet Judithæ nomen, mentes profundo Bernardi odio imbutæ, nihil æquè spirabant, atque publicum authoris piaculum; sed nullus erat, qui se vindicem vellet profiteri.

Nithard, l. i.

Nota in Conc. Compendien. Languedoc.

BERNARDUM HISPANUM VOCAT IN AULAM.

III.

REGINÆ INFAMIA.

Pipinus cæteris regionum filiorum ad audendum projectior, visus est omnium aptissimus, qui ducem se ferret nefariæ factionis. Pessimam telam pejore scelere orsa est averia ab Augusto nobilitas. Ex eâ delecti, qui rei privatæ obtentu, in Aquitaniam proficiscerentur, & Pipino essent authores, Patrem è solio detrudendi. Id quò facerent artificiosius, ex composito abstinerunt à Ludovici apertâ accusatione, quòd ea futura esset apud filium perplexa domui regis & indecora. Minus erat periculi, si Bernardum, Pipini hostem capitalem, liberè criminarentur, nec Judithæ parcerent, quæ nihilo plus gratiæ apud iratum obtinebat. Rarò Novercæ diliguntur à privignis, & ipsa jam malè audiebat. Qui princeps erat conjurationis, dictionem est exorsus à Francorum in suos Reges perpetuâ fide, & à fiducia, quam Ordines universi de Pipini virtute, studioque in rem communem concepissent. In eâ, quæ tum esset atrocitate temporum, regio sanguini, communi patriæ, Francicæ gloriæ, omnes tam multa debere, quàm possent. Non oportere cuiquam suam salutem & privatas opes tantæ esse curæ, quantæ debeat, imperij Francici vindicis honor & incolumitas, ad quam servandam proborum omnium cogitationes essent conversæ. Esse quidem Imperatorem, & cum eo Reges, à quibus auxilia possint expectari (neque enim Francos, qui extetis semper opem attulerint, sine flagitio posse respicere vires externas, quæ nunquam juvant absque nocumento) at enim Lotharium rebus Italicis esse affixum; Ludovicum Germanicum, procul suis rebus distineri: Augustum suoapte ingenio pientissimum atque mitissimum adesse quidem, sed alieno scelere ejus nomen atque gloriam adeò eviluisse, ut Franci sub Imperatore clementissimo tyrannidem, sub mansuetissimo intolerabilia immanitatis exempla patiantur. Quis enim numeret infontium supplicia, effossos viris Principibus oculos, fortissimis ademptam libertatem, fidelissimis ereptam patriam, infamiam inultam honestissimis, aliâque dictu tristissima, & atrocia toleratu. Ea evenisse senis optimi non tam conceptâ animi designatione, quàm futuri incogitantia: quotus enim quisque rerum venturarum ita præsciis est, ut earum nihil prætereant aut nesciat? Sed quid agat ille, qui cum Rex sit liberorum hominum, ne ipse quidem hodie sit liber? Eum circumscribi à conjuge, eademque trium, quos sol adspicit, clarissimorum Principum verissimâ novercâ, quæ tres perire velit, ut unum puerum conservet: Ludovicum prodi, & quod orbis sine horrore nunquam audicurus sit turpissimè, dehonestari Bernardi hominis impurissimi flagitio, & regij thalami nequissimo

NOBILITAS LUDOVICO INFENSA.

CONJURATORUM ORATIO AD PIPINUM.

IV.

incubatore, quod vix quisquam referat sine metu, aut cogitet sine crimine. Nimis esse remotum, si quis in memoriam revocet Silium & Messalinam, Claudio illudentes; propiorem esse Childericum Landerici & Fredegundis scelere trucidatum, & quæ præterea nequissima mulier in regium sanguinem delignavit. Meliora Deus domui, domorum omnium reginæ! sed eam tamen à famâ rebus ipsis turpiore denigrari: parùm interesse ad infamiam, vera an falsâ spargantur in vulgus. Honestissimum quidem Francis futurum esse de similibus silentium, si tacendo possent ludibrium obruere, quod orbis universus loqueretur. Dolendum esse ut quàm maximè, quòd Imperator uxoriâ fraude ita cæcutiat, ut ne viderit quidem suam ignominiam, quando nuper à Jesseo Ambianensi Anulite, ab Hilduino sacri sacelli magistro, & Eleazaro Mastridóque Abbatibus, de domestico flagitio fuit edoctus. In unius Pipini esse manu, profligatæ pudicitie nomen à Novercâ remove, patris mentem revocare in viam, ut, cùm sit mitissimus, nihil deinceps possit agere nisi clementer; cùmque sit Regum omnium honoratissimus, nihil toleret, nisi honorificum. Meminisset Pipinus, se optimi patris esse filium, & ad se maximè pertinere damna domus regis, quæ si velit prohibere, necesse esse, ut solio restituat honorem, tribunalibus æquitatem, consilijs sapientiam, justitiæ lenitatem, proprias Pipini dotes ac virtutes. Verbo, eum à Regni proceribus, qui vera sint ac spirans Francia, omnibus rogari precibus, regnum ut capessat; eam ad rem Cælum liberali manu in ejus pectus infudisse regium sanguinem ac fortitudinem, profusè largitum esse opes regias: Franciam ipsi manus tendere supplices, offerre obsequia, libertatem, facultates omnes, ac denique ipsam vitam. Tantum apud fervidum Principem potuere, sive assentationes, seu querimonie, ut nutantem præcipitarent ad tam atrox facinus, quod neutiquam suscepisset, nisi desisset esse pius. Igitur collecto raptim exercitu, arma induit, causatus, se bellum inferre Bernardo, vindicias agere paternarum injuriarum; Novercam ab infami homine separare, domum regiam expiare probro, leges ac salutem patriæ reddere: Tales sunt videlicet seditiosorum obtentus.

PIPINUS ARMA SUMIT
IN PARENTEM.

V.

LUDOVICUS FUGIT.
JUDITHA MONASTERIO SE INCLUDIT.
BERNARDUS ABIT IN HISPANIAM.
EIUS FILIUS EXOCULATUR.
INDIGNA ALIA IN REGINAM ET ALIOS.
LOTHARIUS SE PIPINO IUNGIT.

PARTEM CAPIT.
SUADET VITAM MONASTICAM.
FOEDUS PRO LUDOVICO.

Imperator inopinato discrimine perculsus, cum Carolo filio Compendium mœstus confugit, ubi rursus in Episcoporum cœtu veniam oravit injuriarum qualiumcunque, quibus sacros homines, aliósque quoquo modo affecisset: quæ modestia intempestiva erexit conjuratorum animos, belloque conciliavit auctoritatem. Juditha in Laudunensi sanctimonialium domicilio, velut asylo, se inclusit. Bernardus fugam inijt in Septimaniam, indeque in Hispaniam. Pipinus ejus filium captum Aurelijs, & Heribertum fugitivi fratrem, luminibus privavit: Odonem consobrinum egit in exilium, Conradum & Rudolphum Augustæ fratres, attonfos retrusit in Cœnobium: Juditham Reginam Monasterio extractam, mortis interminatione adegit, ut daret fidem, se suaturam marito, ubi ejus conveniendi foret facultas, veller diadema cucullo mutare. Pòst ad Augustum deducta à conjuratis, obtinuit quidem sumendi flammei facultatem, Monachamque induit præsentem Ambianensi Episcopo, marito tamen non persuasit, ut se pateretur attonderi.

Parrabantur hæc à Pipino, absente Lothario, qui mense demum Majo accurrit ex Italiâ, ut non spectaturus infamem tragœdiam, sed futurus actor, participusque fraternæ impietatis, quam non modò non improbavit, sed ratam habuit, auxitque novâ immanitate. Imperator eatenus Compendij degens, aliquam salutem Cæsareæ Majestatis umbram retinebat, nemine aulo ejus libertati compedes injicere: iniecit Lotharius inauditâ atrocitate, ausus patrem facere captivum, & misero obtrudere vincula religiosæ servitutis, quæ tam injuriola est & inamabilis invito, quàm jucunda & honorifica lubenti. Addidit filius degener atque crudelis captivo parenti homines præfractos, qui cum monasticæ vitæ tirocinium, solitudinis amorem, sceptri fastidium, edocerent. In tam miserandâ lamentabilis Principis & publicæ rei conditione, fuere tamen inter Francos aliqui, retinentes humanitatis & reverentiæ in afflictissimum Regem, qui immane regiorum fratrum dete-

detestari scelus, communi consilio pro Augusti salute fœdus pacti, clàm ei renuntiârunt, nondum esse deventum eò calamitatis, ut de republicâ sit desperandum: superesse viros, qui causæ bonitate animisque confisi, ausint suam fidem & meliora polliceri, si ipse pari Numinis fiduciâ jacentem fortunam vellet erigere, & uti jure, nondum extincto, Cæsareæ potestatis. Ille se quidem ostendit generosam accipere conditionem, sed prius tamen videri, rem esse consilio quàm armis tentandam: modum fore non importunum, si fratrum animi malè cohærentes, seque mutuâ ambitione suspectantes, ob immodicè crescentem Lotharij magnitudinem, dissociarentur: id si daretur effectum, haud difficile secururam sine sanguine victoriâ. Erat inter Imperatoris familiares Gundebaldus Monachus, ejus vir animi & dexteritatis, qui foret ejusce consilij idoneus interpres. Eum Cæsar ad Pipinum, & Ludovicum Germanicum ablegat, magnis instructum pollicitationibus, quibus eos avellat à Lotharij societate. Ille, quâ erat facundiâ, singulos per sacra humanâq; omnia obtestatur, ne optimum parentem, nullo unquam læsi maleficio, perditum eant, cœlo terrâque reclamante. Secum ipsi reputarent, quantam sibi sint ad omnem posteritatem infamiam creaturi, quantam invidiam non modò apud homines cordatos, sed etiam apud Deum immortalem, si pergant patris penè supplicis mansuetudini esse inclementes. At enim à Lothario fratre quidnam possint æquitatis expectare, si, uti cœperat, supremum rerum arbitrium ad se derivaret. Certè neminem bene usum esse dominatu, quem malis artibus quæsvisset: an eum sperarent mitem atque liberalem in fratres, qui in parentem crudelis sit, & insatiabiliter avarus? Frattum plerumque taram esse gratiam, quam dominandi libido longè semper facit rariorem. Possè utrumque, Numine propitio, hominibus faventibus, famâ integrâ, regnorum & honorum certam atque illibatam possessionem, cum magnis incrementis, de patris manu pacatè accipere: quortum velint tantarum rerum præsentem pronamque facultatem, incertis eventibus & infidæ fratris destinationi posthabere? Ne crederent, tam nullos superesse, qui miserando patri bene velint, ut defuturi sint vindices causæ per iniquitatem oppressæ. Quamlibet languere videretur deplorandi senis Majestas & reverentia, nondum tamen expirâsse mansuetissimi principis commiserationem. Denique eum sapere, qui certa rerum, fortunæ & alienæ cupiditatis ludibrio anteponit. Eâ dicendi libertate Ludovicus & Pipinus haud ægrè passi sunt se inflecti ad saniora: reliquum erat, ut modus inveniretur, quo nec ultro à fratre defecisse, neque temerè patri censerentur accessisse. Is omnium consensu visus optimus, si in temporum inextricabili propè confusione, causa Reipublicæ in Comitij disceptaretur: ita enim fore, ut nihil gratiæ, sed omnia rationibus & judiciorum authoritati deferrentur. Lotharius comperto, fratres in patris gratiam redivisse, & futuros in officio, ne sibi diffidere putaretur, non est ausus trefragari, quò minùs controversia procerum sententijs committeretur. De loco securè conveniendi, & quæ ad rem essent, sentiendi, fuit aliqua ambiguitas: nam Lotharij partiarj apud Francos, Cæsaris apud Germanos, potentiores habebantur: & hi quidem minùs suspecti, quòd hætenus nihil in alterutros movissent. Datum igitur Imperatori, locum ubi ipse deligeret: delegit Noviomagum utrique nationi confine. Eò confluerunt frequentissimi Germaniæ principes, intacti ab omni factione, eoque justius dicturi sententiam. Neque verò sibi defuere Lotharij affectu, qui illuc, prout quisque erat maximè factiosus, convolârunt magno numero. Ubi ventum est ad limen consultationis, visum, eos non bene seissuros inter judices, quibus incumberet, reorum more, causam dicere, & vim supremo imperij capiti illatam purgare. Quo argumento complures Francorum exclusi, alij non pauci, quorum erat suspecta fides, quæsitis hincinde coloribus, à consensu prohibiti. Hi facilè odorati, quemnam Comitiorum exitum talia principia portenderent, nocturnis coitionibus capita conferentes, Lothario ostendunt, tali re ac tempore, ad extrema desperationis esse descendendum, nisi suam omnes salutem projectam velint. Proinde subito tumultu Cæsarem nihil talè cogitantem esse ob-

GUNDEBALDUS
DI MONACHUS
CHI PRO
LUDOVICO
LEGATIO.

REGIS CAUSA
DISCEPTATUR
IN COMITIIS.

GERMANI
BENE AFFECTI
IN RE-
GEM.

VII.
NOVIOMAGI
CONVENTUS
AGITUR.

LOTHARIJ
PARTIARIJ
VIM SUB-
DENT.

LUDOVICUS
IMP. LO-
THARIO RE-
CONCILIA-
TUR.

TUMULTUS
CONIURA-
TORUM
COMPRES-
SUS.

VIII.

JUDITHA
REDIT AD
MARITUM.
EJUS FRA-
TRES PUBLI-
CO REDDITI.
BERNARDUS
REDUX EX
HISPANIA,

REPOSCIT
PRISTINOS
HONORES.

GUNDEBAL-
DUS AD EOS-
DEM ASPI-
RAT.

obruendum, vel certè abeundum à conventu, in quo nulla rei, ex animi sententiâ conficiendæ, ratio possit reperiri. Agebantur hæc ut maximè illâ nocte, quæ præcedebat diem totius causæ decretorium, & Lotharius conscleratorum fraude propè à parricidio aberat, cùm Deus meditatum scelus in tempore discussit. Et enim Augustus, velut divino afflatus instinctu, summo manè Lotharium per certos homines commonefecit, desineret aliquando tandem flagitiosis hominibus dare aures; seipsum audiret potiùs, secum loqueretur, atque suum animum in consilium adhiberet, secumque certò statueret, fore neminem, qui saniora suaderet, elserve melior iudex, aut quæsitior. Si suæ dignitatis velit habere rationem, Rege dignum esse, leges dare alijs, à se ipso accipere. Miraturum terrarum orbem, si audierit, duos Reges, patrem & filium, aliquando in Senatu, & quidem suo, de fortunis, de honore, de vitâ, causam dixisse, atque hæc omnia commisisse arbitrio alieno. Quòd si animo sederet, cum parente contendere, contenderet amando, & vinceret, si posset: eam fore nobilissimam victoriam. Ad hoc certamen cum à patre provocari, pandente pectus ad beneficentiam, ulnas ad amplexum, expectante filium in amoris arenâ, & volente omnino vincere, non vinci, redamando. Invitatio tam suavis molliit animum Lotharii, fecitque, se ut dederet parenti, frendentibus licèt conjuratis, qui haud obscurè seditionem spirabant. Illi enim, dum Imperator & Lotharius collocti, in mutuos amplexus ruerent, concurrere ad arma, & magnis clamoribus in globum conciri, vim parare, à sanguine neutiquam temperaturi, nisi Cæsar comitante filio è Regiâ in furentium conspectum egressus, ferrum condi jussisset. Tumultus authores jussi è vinculis facti rationem reddere; nec obstitit Lotharius, vel abnuie sedere inter quæsitores: tam intutum est in magnatum gratiam jura violare, qui haud rarò minorum capite reconciliantur. Eodem iudice, nonnulli ejus partes secuti, ultimo supplicio fuerunt addicti: verùm Imperator, in condonando sui semper similis, mitiora secutus est. Pars jussi solum vertere, pars attonsi more monastico, clausique crenobijs. Lothario confirmatum Italix imperium, Pipino Aquitania, Ludovico Germanico-Bajoaria. Juditha, ne regiæ domui fraudi esset jactata in illam infamia, non fuit priùs admittæ ad jura conjugij, quàm ipso Virginis Purificatæ die, jurata crimen diluisset. Ejus fratres Conradus & Rudolfus retrusi in monasterium, publico redditi: alijs ablatae possessiones restitutæ. Bernardus redux ex Hispaniâ, jamque hostium securus, ad probandam innocentiam, communi nobilitatis prærogativâ, capitis sui periculo singulare certamen poposcit contra quemvis, qui accusationem profiteretur. Nemine volente tantæ rei invidiam Marte iudice subire, quòd cassâ futura esset de triumpho ducerentur, sese jurejurando absolvit. Hoc posterius gestum est autumno adulto, in villâ Theodonis, quò regni proceres Imperator evocarat. Pipinus jussus fuerat adesse: sed vadimonium deseruit, donec conventu soluto tandem advenit. Eum parens ad usque Natales Christi ferias vetuit à suo latere discedere, an quòd indolem rebus novandis appositam suspectaret, an quòd accitus ad comitia post rem venisset. Cùm ista detentio, quamlibet honesta, præferoci Principi, hoc ipso, quòd frenos licentiæ iniiceret, esset invisâ, ne salutato, quidem patre, refugit in Aquitaniam, unde rursus semina novorum motuum. Accessit ad resuscitandas turbas renascens Bernardi magnitudo, ex semel degustatâ dulcedine imperitandi, quæ nunquam desipit ambitiosis. Reposcebat, velut summo jure, pristina munia & aulæ regiæ gubernationem, sed non sine rivali, qui citrà horrorem nominari non potest.

Gundebaldus Monachus, qui, Ludovico reconciliato, rebatur se, præsentii exitio imperium suâ virtute liberâsse, eoque sibi deberi velut navatæ operæ præmium, primam ab Augusto dignationem, novi moris candidatus descendere ausus est in certamen cum Bernardo, eoque repugnante, prensare primas aulæ rerumque gerendarum curas. Quâ ex contentione, Ludovico Germanico & Pipino nata est cupiditas utriusque evertendi, existimantibus, indignum esse, regijs

gijs natalibus extero homini deferre, vel Monachi fastum respectare. Et jam cœperat Imperator (sunt videlicet post experimenta malorum, timida senum ingenia) Bernardi fidem vocare in suspicionem, quòd visus aliquando fuisset consilia cum Pipino impensius miscuisse. Aliâ ex parte Ludovicus Germanicus, qui experts præteritorum motuum, ad eam diem se intra modestiæ fines continuerat, à Lothario excitatus, ineunte vere arma contra patrem induit, & vix hilo absuit à naufragio jacturæque existimationis, quam ex continuatâ in patrem pietate atque reverentiâ sibi pepererat.

In tam vario curarum æstu, hærebat anxius Imperator, quò se primùm verteret : si motus, qui à Boicâ nuntiabantur, sineret morâ invalescere, videbat ingens periculum, ne Germania, cujus fide nuper ejus salus steterat, abiret in transversum : si daret Pipino spatium colligendi vires, non erant inter Francos defuturi, qui nuperæ factionis reliquias ad novas turbas sociarent. Visum tamen eò curas vertere, unde majus apparebat discrimen. Germanicus enim è Boicâ cum infestis signis egressus, Laurisheimium, quod est Cœnobium D. Nazarij, irruperat, haud difficili opere Francicas suppetias ad se tracturus. Igitur Augustus lecto confestim exercitu, Moguntiam delatus, haud procul à filio castra locavit. Ea parentis fidentia, per se potens tormentum adversus impietatem, filio excussit audaciam, pervicitque, ut ne quidem ausus irati conspectum sustinere, retrò trepidum agmen in Bojariam retraheret. Cæsar citatis itineribus refugientis vestigia Augustam usque Vindelicorum insecutus, territum & jam dicto audientem ad se evocat, clementer increpitum, perfusumque tentatâ in patrem rebellionis verecundiâ, post paucorum dierum congressus, abolitâ offensæ memoriâ, domum remittit, lætus, se sine ferro rursus de impietate triumphasse. Lotharius hoc eventu perculsus, Francofurtum excurrrens, modis omnibus nisus est criminis fraterni conscientiam, famamque pacis turbatâ à se amoliri, & velut insons foret, parenti abstergere causas irascendi : sed viris prudentibus nullam fecit fidem innocentia, nec satisfecit patri, cui tamen jucundum accidit, nominis sui reverentiam in filio nondum omnino exolevisse.

Defunctus expeditione Germanicâ, movit in Pipinum eâ celeritate, ut deportaret exercitum ad usque Aurelias, ubi conventum indixerat, priùs quàm Pipinus se ad bellum satis comparasset. Inde concessit Jucuntiacum (alijs Tucuntiacum) domum regiam, in agro Lemovicensi, tandem aliquando positâ patris nimium indulgentis lenitate, religiosi judicis personam sumpturus. Illuc citatus Pipinus, jussusque objecta crimina refellere. Etenim gravibus authoribus insimulabatur, consilia communicasse cum hostibus ad turbas renovandas : tentasse eorum animos, qui constanter fidem obsequiumque rebus ipsis Cæsari adhuc erant professi : Bernardum Septimaniæ Comitem traxisse in partes, & non obscure molitum esse initia nefariæ perduellionis. Discussa eodem loci Bernardi causâ. Cum neuter Judicibus probaret innocentiam, is judicij fuit exitus, ut Pipinus, ob repetitas in patrem conspirationes, & inquietum semper ingenium, regno exueretur, & Treviros relegatus, haberetur deinceps in honestâ custodiâ : Bernardus verò redactus in ordinem, expersque omnis prorsus dignitatis, domum regiam perfidiae suspicionibus, quâ id temporis vehementer laborabat, liberavit. Pipinus pergens Trevirim cum in itinere à custodibus indulgentius haberetur, ijs elusis, elapsus est : cumque vagus hac illac oberrans, provincias quiritationibus impleret, à patre nequicquam est invitatus ad reditum, veritus ne arctius severiusque, quàm antè, haberetur. Quamobrem conclamata tumultuosi Principis sanitate, ne ei vires ad labefactandam pacem superessent, detractum ab eo regnum, Carolo Calvo fratri datum, jussisque sunt Aquitaniz Procures in hujus verba jurare.

Quâ ex re, superiorum temporum omnis invidia in Augustum recrudit, prorsus ut turbato imperio, non secus, atque in generali tempestate, & consiliorum desperatione, exitium orbi videretur imminere. Passim audiebantur iratorum vociferationes, ex fratrum natu majorum instigatione. Imperatorem videlicet

IX.

INITIA NO-
VORUM MO-
TUUM.
AN. CHRIST.
DCCC.
XXXII.

LUDOVICUS
IMP. DUCIT
CONTRA FI-
LIUM LUDO-
VICUM.

EUM QUE
COMPESCIT.

MOVET IN
PIPINUM.

X.

EUM REGNO
EXUIT.
BERNARDUS
HISPANUS
REDIGITUR
IN ORDI-
NEM.

CAROLO
CALVO DA-
TUR REGNUM
AQUITANIAE.

NOVÆ IN
IMPERATO-
REM QUE-
RIMONIE.

XI.

NOVA CON-
SILIA.

IMPERATOR
ARMA RE-
SUMIT.

PARENS FI-
LIIS CASTRA
OBIICIT.

ADVENTUS
GREGORII
PONT.
AN. CHRIST.
DCCC.
XXXIII.

XII.

COLLOQUIA
CUM AUGU-
STO ET FI-
LIIS FRU-
STRANEA.

AUGUSTUS
A SUI DE-
SERITUR.

non captum modò, sed dementatum etiam uxorijs artibus, brevi pessundaturum omnia, nisi mox idoneis remedijs ad mentem revocetur. Quid enimverò sit insanire, nisi insanum sit, regnum Pipino Principi magnanimo detraxisse, ut unus spolijs puer circumdaretur? sùsque deque habere populorum salutem, in quorum perniciem, brevi, parentis juxtà ac filiorum discordiæ sint erupturæ? Certè cùm imperiosa mulier mariti facilitate abuteretur, ejus auctoritatem deprimebat apud Proceres, qui, quòd nihil nisi uxoris gratià possent (quod amat fieri) Augustum oderant & aspernabantur, velut indignum regno, quippe qui à fœminâ regeretur. Sed & suberant privata irarum incentiva. Lotharius, qui tempori perpetim insidiabatur, vulgi sermones velut missos ex tripode, pro se interpretabatur, ratus adesse causas, cur rerum summa, rectore destituta, in ejus sinum convolaret. Eodem artificio Germanicus in errorem inductus est, ut existimaret, parentem, quasi repuerasceret, solio submovendum: tam nihil est ambitioni sacrosanctum. Ad hæc Pipinus à pristinâ vesaniâ nondum resipuerat: verbo, maledicta in Cæsarem erant in aperto, odia parricidalia in arcano. Ille prævisò periculo, ut ostenderet, se minimè desipere, mense Majo, coacto raptim exercitu, ad Vangiones adiit, & re in commune disculsâ filios putavit ad colloquium, & si quidem vellent, ad pacis amplexum invitandos. Verùm cùm id non successisset, demum ad arma ventum est, quæ sine impietatis execratione nequeunt memorari. Castra castris opposita 8. cal. Julias in campis Allaticis, inter Basileam & Argentuariam, quam hodie quidam Horburgum, meliùs alijs Colmariam, interpretantur. Hinc explicârunt signa tres filij Reges, inde pater infelix Imperator, miserabili utrinque spectaculo, & avidâ pugnæ expectatione, ex quâ nihilo plus dedecoris victi, quàm victores essent reportaturi. Ad detestabilis belli famam, cohorescente terrarum orbe, excitus gentis Christianæ parens Gregorius IV. Pontif. Max. superatis confestim Alpibus, velut ad commune restinguendum incendium accurrit. Antè quàm adveniret, rumor, ex vano, an potiùs ex pacis odio, passim vulgaverat, Pontificem diris armatum, ad protegendas rebellium partes, advolare: quæ fabula varios dedit animorum motus, præsertim in Augusti castris, quæ cùm pro pietate contra degeneres filios ferrum pararent, neutiquam à piorum cœtu arcendi jure merito censebantur. Suspicionem tamen accendit, quòd locorum itinerisque opportunitas Gregorium in filiorum priùs, quàm patris, alloquium adduxisset. Id Imperator sequiùs accepit, quasi eo præjudicio damnaret causam æquiorẽ, iniquam probaret. Stabant interim intestæ utrinque acies, nihil præter classicum postulantes; cùm Cæsari nuntiatum, Pontificem jamjam adfuturum. Hic ad Ludovicum per medias legiones progressus, solito frigidius, & minore, quàm par erat, veneratione exceptus, in Augusti prætorium deducitur. Isthic explicatâ adventûs sui ratione, bonus pacis interpres, quâ suadendo, quâ rogando Ludovicum sic pacavit, ut polliceretur, se Pontificis auctoritati, & tranquillitati publicæ, suas injurias donaturum, si filios ad æquas condiciones inflecteret. Data exinde per dies aliquot aures Augusti querimonijs & justo dolori: tum Pontifex ad filios digressus factâ spe redeundi, omnia reperit irarum plenissima, parricidalibus odijs adedò accensis, ut crederet ea non aliter, quàm sanguine, & Marte judice, posse restingui. Cùm nihilominus reditum pararet ad Cæsarem, à filiis est prohibitus non sine insigni animi mœrore. Inter hæc Augusti miles, sive corruptus auro, sive spe crescendi sub novo Principe, Augusto deserto, quem ut occidentem solem grandis ætas orienti luci postponebat, à signis dilabi, transfugere ad juvenes, & tanta fieri circa senem solitudo, ut vix retineret numerum parem castris defendendis. Jam vis à concitata rebellium multitudine parabatur, cùm Imperator supremum discrimen advertens, ultro misit ad filios, qui rogaret, patris honori parcerent, & ab infami regij sanguinis ludibrio abstinerent. Illi bono jussu esse animo ad sese invitant, cum promisso, nihil fore, quod metueret, si modò venire ad castra, & dextras jungere sustineret. Infelix pater toties jam filiorum dolis irretitus, de-nuo tamen statuit eorum fidem experiri, quòd necessitas nullam aliam salutis ra-

tio.

tionem in præsens suggereret. Ergo miserabili necessariorum comitatu, qui funebrem veriùs pompam, quàm regium apparatus referebat, unà cum Juditha & Carolo castris egreditur. Venienti obviam processere filij. Ut in ejus conspectum venerant, specie venerationis ex equis desiliunt, doctissimâ pietatis simulatione in ejus feruntur amplexus. Jam sibi filiisque (quo erat animi candore) redditus videbatur, cùm, quâ solebat, fiduciâ eos hortatur, velint deinceps pietatis, & datæ fidei in patrem esse retinentes, nec designare quicquam indignitatis in novercam & fratrem adolescentulum, quo possint olim violati gentium juris accusari. Verba exquisitissimè reddita, sed sine re. Vix intra vallum processerat, cùm ipse unâque Carolus cum exiguo familiarium manipulo in tentorium, à Lothario præparatum, trahuntur, cinguntur excubijs; Regina verò avulsâ ab utriusque latere, Ludovico Germanico traditur deportanda Dortonam, urbem Liguriæ. Tum fratres impij paternum imperium inter se partiti, copias universas in sua verba adigunt, ac denique Pipinus in Aquitaniam, Germanicus in Boicam, revertuntur: Carolus puer Prumiensi Monasterio clauditur, expers tamen monasticæ coronæ. Loco, ubi patrata est perfidia, ad æternam fraudis memoriam inditum nomen campi mendacij. Gregorius Pontifex detestatus immane facinus, Romam abiit ingemiscens inauditæ improbitati, & itæ Cœlitum impendenti. Sed supra omnem modum miserabile: Lotharius patrem schemate, quod ipsæ feræ abominentur, velut ad vulgi spectaculum secum raptans, per oppida palàm dabat visendum in Austrasiâ, in Mediomatricibus, Viriduni, Sueffionibus; ac demum hoc loci eum jussit in D. Medardi ctenobio haberi sub arctâ custodiâ, donec autumnus incunte inde eductum Compendium adduxit. Eò vocârat Proceres ad tristem, si ulla fuit unquam, tragœdiam. Habita primùm comitia de Augusti capite, in quibus primas partes egerunt Episcopi, quibus Ebbo Remensis Archiepiscopus præsedebat, homo servili stirpe, ingenio venali, Lothario ex asse mancipatus, malis artibus ad insulam provectus, moribus infamis. Cæteri, pars affectibus amentes turpissimòque suffragiorum mercatu, & iniquis præjudicijs, pars consternati metu: pauci dicere, quod ratio poscebat, fidentes. In eo confessu miserrimus senex capitis quidem est absolutus, sed damnatus præbrosæ exauctorationis. Facto turpissimo ut fucus aliquis specie religionis obduceretur, coactus est pius Cæsar ex codicillo, quem Judices obtruserunt, recitare palàm errores, quos olim in Antistitum comitio, ultroneo piaculo vulgaverat, & tales quidem, quos ne severi quidem Rhadamanthi magnopere reprehendissent. Igitur reorum more productus in medium, perfusus lachrymis, vultu lamentabili, voce fractâ singultibus, è libello recantat facta vitæ prioris, seque ipse fatetur ultima exempla promeritum, nec defugiturum, qualemcumque pœnam judicum sententia dictaret. Hæc ubi ante aram diserte pronunciaverat, piacularem schedam ad detestabilis scenæ memoriam Mystis tradidit, quam illi lacris DD. Medardi & Sebastiani cineribus imposuerunt. Tum supplici, militare cingulum, arma, paludamentum, purpura, omnia majestatis insignia detracta, atque eorum loco injecta lacerna, pullum pœnitentis amiculum. Id erat Ebbonis inventum; ut tristi ceremoniarum obtentu suscepta religio, imperium perpetuò ejuratum esse, quod repeti non posset, imperitis persuaderetur. Subinde Lotharius, quod jam antè cœperat, populis nova sacramenta indicere, iisdem religionibus civitates illigare, pro ingenio ordinare recentia, refingere vetera, omnia sursum deorsum vertere, parentem squalore deformatum, Aquas secum comitantem, circumdare continuis vigilijs, & à publico remove, ne quem commiserationis sensum funesta optimi Principis species excitaret. Verùm ubi captivus videri desijt, suborta mox incredibilis conversio animorum, inflexis ad misericordiam proceribus, quos sævitia detestatio impellebat ad consilia vindicandæ majestatis. Sed & Austrasiæ & Belgicæ Præsules indignam tanto fastigio sortem miserati, vel serò Pij causam suscepere. Fiebant passim in Franciâ, Aquitaniâ & Germaniâ coitiones, in quibus calamitoso seni subsidia quærebantur. E Francis Eggebardus Comes, & Wilhelmus stabuli regij magister, multi-

FIT CAPTIVUS.

XIII.

CAROLUS CALVUS IN PRUMIENSI MONASTERIO CUSTODITUR.

LUDOVICUS PIUS IN CUSTODIA.

NEFARIUM DE EIUS SALTUTE IUDICIUM.

INFAMIS EXAUCTORATIO.

XIV.

LOTHARIUS RERUM SUMMAM INVADIT.

CONSILIA DE PIO VINDICANDO.

AN. CHRISTI DCCC. XXXIV.

Almois. Sigon. Baron.

Thegan. c.
45. & seqq.
LUDOVICUS
GERMANI-
CUS PAREN-
TIS PARTES
SUSCIPIT.

LOTHARIO
COLLOQUI-
TUR.

rudinem alliciebant ad Pij partes. Ludovicus Germanicus ductus impij in patrem facti pœnitundine, Francofurtiam profectus, Gozbaldu Abbatem & Morhardum Comitem misit ad Lotharium cum mandatis, cum ut jussu potius, quàm precibus impellerent ad instaurandam cum parente pacem, ad reverentiam & debita officia pietatis. Verùm ille nihil motus imperiosâ legatione, Legatos prohibuit Pij congressu, irritosque remisit in Germaniam. Ea tamen repulsâ cum succedente pœnitentiâ Lothario videretur asperior, quàm ut æquo animo à fratre acciperetur, Moguntiaci venit ad ejus colloquium, ubi exacerbata potius, quàm mitigata fratrum discordia. Id effectum saltem, ut Boici Legati Ludovici nomine anno postero in Pij conspectum admitterentur specie verius urbanitatis, quàm feræ collocutionis. Nam Lotharius tot adhibuit sermonum arbitros, ut nihil tutum fuerit legatis ex animi sententiâ dicere. Quare, cum verbis non liceret, Grimoldus Abbas, & Gebhardus Dux, doctis nutibus & fronte ad hilaritatem explicatâ, captivo optimam filij mentem, spemque brevi reddendæ libertatis insinuarunt, crexeruntque ad rerum meliorum expectationem. Unde nata Lothario suspicio metusque, ne Aquis à fratre ex improvviso obrueretur, quod vehementer diffideret Germanorum vicinitati, quorum minimè obscura erant in Pium studia. Ab ijs ut esset remotior, iter in Franciæ interiora intendit. Patrem per Hasbaniensem pagum trahebat Parisios, (si quidem Aimoino aliisque credimus) cum properanti Eggebardus Comes validam pugnatorum manum objecit. Non stetit res intra terrorem, nisi Pius pater quâ rogando, quâ imperando, à cæde jussisset abstinere: noluit videlicet fortium virorum periculo vindicari in libertatem.

Aimoin. lib. 5.
c. 44.
Vita Ludov.
Nithard. lib.
2. Sigon.

XV.

PIPINUS, LU-
DOVICUS
GERMANI-
CUS PRO PA-
TRE ARMATI

LOTHARIUS
PATRE DI-
MISSO DI-
SCREDIT.

PIUS AUGU-
STALIA IN-
SIGNIA RE-
SUMIT.

LOTHARII
SÆVITIA.

Lotharij metum auxerat, quod Hugo Abbas missus à Ludovico Germanico, & Drogone Merensi Episcopo, Pij fratre, aliisque Præsulibus in Aquitaniam, Pipinum ad restituendum patrem magnis rationibus excitabat. Sed & Bernardus, unâque Guarinus, Burgundos ad arma pro ejus libertate capiendâ accendebant. Jam venerat Lotharius ad D. Dionysij fanum: in Lutetiæ conspectu, cum Pipinus progressus ad Sequanam, dejectis ab hoste pontibus, subductisque navigijs, transitu prohibitus, tantisper substitit. Aliâ ex parte Guarinus & Bernardus cum Burgundionum copijs ad Matronam amnem tetendêre, sociorum auxilia expectantes; & Ludovicus Germanicus (ita notavit Theganus) Lothario imminabat cum Germanorum exercitu. Ne mox ad manus veniretur, ultrò citròque legati de pace commeabant, quam Pij defensores negabant sanciri posse, nisi ejus libertate. Finxit quidem Lotharius, sibi nihil unquam fuisse tristius patris ærumnosâ calamitate, nec fore quicquam per omnem vitam jucundius ejusdem incolumitate: se neutiquam fuisse passurum inijci vincula optimi parentis majestati, si Antistitum iniquitas ea non iniecisset. Poposcit deinde in crastinum ad se mitti interpretes, ex quibus pactorum leges cognosceret. Hæc in speciem, certè in cassum dicebantur. Nam ultrò, an suorum suasu, qui omnes insigni in Augustum odio, spem salutis in bello, exitium in otio reponebant, cum viribus diffideret, per Burgundiam se ocys Viennam Allobrogum proripuit, exercitum sociorum accessione firmaturus. Pius ad D. Dionysij relictus unâ cum Carolo filio in libertatem est assertus. Antè quàm suorum consilio Imperij insignia resumeret, quâ nuper erat pietate, voluit qualicunque religione, quâ nuper arma & purpuram in arâ posuerat, absolvi, tametsi amici supervacaneam istam expiationem rejicerent. Id obtinuit tamen, ut Episcoporum manibus armis accingeretur, cæterumque capesseret cultum majestatis. Fuit ingens ejusce diei læticia, & Ordinum omnium gratulatio. Poterat bellum celeritate confici, & à tantâ multitudine Lotharius nullo negotio opprimi, nisi perpetua Pij lenitas occasione trenos iniecisset: etenim posthabitis salutaria suadentium monitis, maluit dari spatium, Lothario saniora respiciendi. Verùm quæ hujus fuit protervia, ex patris indulgentiâ factus obstinatio, tum demum sævire cœpit in eos, qui in patris obsequio remanserant. Hi barbarâ crudelitate vexati: sacra profana sursum deorsum versa: rapinis, ferro, incen-

incendijs fœdatur provinciar, spreta patris legatio, civitas Cabilonensis expugnata, versaque in cineres, præter unam D. Georgij basilicam divinitus servatam: occisi Imperatoris amici, soror Bernardi, sanctimonialis, dolio inclusa, projecta in Ararim: nihilo facta remissior cupido recuperandi dominatûs. Pipinus in patris gratiam receptus, permissus est reverti in Aquitaniam, Germanico actæ gratia, velut auctori redditæ libertatis. Et quia Lotharij factio ex secundis aliquot eventis alia super alia indies incrementa sumebat, Pius Ludovicum filium pro eâ fiduciâ, quam de ejus obsequio conceperat, suo lateri continenter voluit adherere. Juditha ab exilio revocata, reductaque à Rhataldo & Bonifacio Episcopis, mustitantibus adhuc accusatoribus, quorum importunitate factum, ut rursus juramento impactam infamiam revinceret: nec desière tamen aliqua suspitionum vestigia ejus nomini adherere.

*Annal. Franc.
Nithard.
Thegan.
Aimoin.*

Breve exinde otium fuit Imperatori: cùm enim Lotharius non desinere insanire, arma fuere resûmenda. Prius tamen ad eum Aurelias missa legatio, cujus princeps, Marquardus Abbas Prumiensis, gravissimâ oratione id egit, tandem aliquando semet respiceret, cessaretque patrem, tot jam laceratum maleficijs, ulterius irritare: nollet ad posteros infamiam transmittere, Regem abs Rege, à filio patrem ex composito, nullâ causâ, fuisse violatum. Exhiberet se in parentis conspectum, neque de ejus clementiâ dubitaret, quam toties jam esset expertus. Hoc optare terrarum orbem, ne olim fama posthuma possit meminisse, stetit in acie militem parricidio auctoratum, qui nec pugnare sine scelere, sed ne mori quidem potuerit sine infamiâ. Quis enim audiat sine indignatione, signa fuisse explicata eorum ductu atque imperio, quibus ne hostium quidem nomen, citra ignominiam, possit convenire, quique certi sint æterni dedecoris, quocunque se fortuna inclinârit. Mallet igitur salutem exitio, gloriam infamiae, patris benevolentiam odio, dum res esset integra, præhabere. Verùm hæc apud tumidum, irasque spirantem, fuere frustra. Remissi cum minaci responso Legati. Ergo Cæsari ferrum rursus in sua viscera, rebus necessarijs, stringendum fuit. Quam ad rem Pipinum cum suppetijs accersit ex Aquitaniâ, quæ ad dictam diem adfuerunt. Accessit è Germaniâ Ludovicus, cum validâ suorum manu: secutæ sunt Francorum fidæ & pugnandi avidæ legiones. Quibus viribus instructus Cæsar, Aurelias contendit.

*AN. CHRIST.
DCCC.
XXXV.*

*XVI.
OBSTINATIO.*

Vix initio Lotharius sui copiam in acie facturum, quod speraret patris exercitum transitionem facturum nupero Alsaticæ defectionis exemplo. Verùm ubi animadvertit, nihil tale ab ijs cogitari, non est ausus rei summam credere supremæ dimicationi: sed cùm ipsi, undique circumfuso, tutus honesto receptui locus non esset, primum fuit, ut se dederet clementiæ paternæ. Illum Imperator ex alto tribunali, adstantibus ad latera Ludovico & Pipino filijs, & inspectante exercitu, genibus advolutum excepit: cùmque culpam esset deprecatus, modicè increpitum & novo sacramento obstrictum in Italiam jussit abire, seseque ejus finibus continere: quibus ne excederet, Alpium fauces præsidijs occupavit, ablatâ ultrò citroque commeandi licentiâ. Principibus factionis eadem facilitate noxam condonavit, parùm laudabili; certè pernicioso ad alios exemplo.

DEDITIO.

Secundùm hæc aggressus ordinare Rempublicam, quam nuperi motus haud mediocriter turbaverant, conventum habuit Atiniaci: tum frequenti Episcoporum concursu in villa Theodonis, Ebbonem Remensem Archiepiscopum exauctorati Cæsaris auctorem, velut eo gradu indignum (in quem tamen post Pij mortem à Lothario fuit restitutus) egit in exilium, quod illi breve fuit in Italiâ. Qui in eadem factione fuerant, culpam excusârunt obtentu necessitatis, quasi ad eam indignitatem, metu minisque fuissent adacti, quibus proinde facta venia. Agobardus Lugdunensis Antistes, qui socius fuerat criminis, ad dicendam causam citatus, vadimonio neglecto, majestatis est damnatus. Alij, qui in Italiam contugerant, relictî sunt Pontificis Romani arbitrio. Itum deinde in urbem Mediomatricum, ubi inter solennia Missarum, septem Archiepiscopi dedere operam Cæsaris

XVII.

*Thegan.
Alf. Cons.
Sæffion.
EPISCOPO-
RUM RECON-
CILIATIO,
NON TAMEN
OMNIUM.*

faris reconciliationi, recitatis totidem publicè expiatorijs formulis, quæ erant ejusmodi ceremonijs accommodatæ. Agebatur tunc Hilatorum Dominica. Non multò post, Theodulfus Abbas Floriacensis, qui Andegavi ob eandem conspirationem in vinculis servabatur, scripsit carmen Elegiacum [*Gloria, laus, & honor tibi sit Rex Christe redemptor, Cui puerile decus præmisse Osanna pium*] cujus hodièque usus est in die Ramalium, quo delectatus Cæsar, iussit eum ergastulo eximi, & Autclianensem sedem occupare.

Leg. Franc.
lib. 2. c. 21.

PII LEGES.
XII X.

Ne perpetuâ tumultuum narratione Lectorem detineamus, juvabit hoc loco nonnihil decerpere ex legibus, quas hoc anno Ludovicus sancivit. Earum capita per palatij regij Cancellarium iussit Archiepiscopis & Comitibus, scripto transmissa, vulgari. In ijs varia constituit de jure Commissariorum, quos præco vocabulo Missos nuncupabant, deque aliorum officijs, qui regia negotia tractabant: de Comitibus, quæ statis anni temporibus, suis quæque locis, agerentur per minores publicæ rei curatores: deque ijs, quos istiusmodi conventibus oporteret interesse, Episcopis videlicet, Abbatibus, Comitibus, Vassallis, sive beneficiarijs clientibus, Advocatis, Antistitarum vicarijs. Imperavit præterea haberi quæstiones de Missaticorum (ut vocabant) muneribus, rectè vel perperam administratis, præsertim circa neglectas religionum observationes, filii procurationem, grafatorum supplicia, pontium viarumque instaurationem, & similia. De Comitibus verò in Comitiorum lege hæc reperiuntur: *Habeat unusquisque Comes Vicarios & Centenarios suos secum, nec non de prioribus Scabinis tres aut quatuor.* Porro lepidum est, & ab ævi nostri delitijs remotum, quod de Commissariorum annonâ erat constitutum: ut videlicet Episcopo præberentur panes quadraginta, *Friskinge* tres: in potum modij tres: porcellus unus: pulli tres: ova quindecim: annona ad caballos, modij quatuor. Hæc si non præbebantur, jus erat pretium exigere. *Friskingas* interpretor pulmenta, qualia nominantur in Commentarijs prædiatorijs, & vetustis Monasteriorum Codicibus: *Solvit Friskingam porcina, aut denarios quatuor: vervecinam ad Pascha, aut denarios duodecim. Item in adventum Regis Friskingam & farina modium.* In potum Episcopi, subministrabantur modij tres.

HITTO EP.
FRISINGEN-
SIS MORI-
TUR.

Hoc anno Frisingæ Cathedra Hittonem Episcopum amisit, ejusque loco accepit Erstenbertum ex fratre ejusdem nepotem, contra ac habet liber traditionum Frisingensium, qui Annonem vult Hittoni successisse. Hitto singulari studio incumbere in litteras, unde illi non vulgaris eruditio, quæ illi fecit animos, ut corrigendæ barbariei, quæ in linguam Latinam rudi istâ tempestate irreperat, manum non dubitaverit admove. Usus est etiam insigni liberalitate & industriâ in augendis Frisingensis Ecclesiæ facultatibus, quarum accessio describitur in libro traditionum. Quam in rem contulit partem opimi patrimonij, Colesdinâ ejus sorore, & Heildradâ nepte, assentientibus. Sex Canonicorum collegium in D. Stephani instituit. Ad hunc quoque annum referunt Annales, Gregorij Rom. Pont. monitionem, quâ Ludovico Imperatori persuasit, ut curaret induci in morem celebrationem festivitatis omnium Sanctorum ad Calend. Novemb. per Germaniam & Galliam: ubi, vel à nullis, vel, quod vero similis putat Azorius, à paucis Ecclesijs festivè agebatur: tamet si post Bonifacij IV. decretum, & Pantheon fallorum deorum delubrum expiatum jam à ducentis annis, in urbe ea religio viguerat. Ex quo proclive est æstimare, sermones quosdam, qui D. Augustino tribuantur (quod notavit schola Lovaniensis) Alcuino potius adscribendos esse.

Sigebert.
Baron. ad
an. 835.
FESTUM
OMNIUM
SANCTORUM
IN MOREM
RECEPTUM.

AN. CHRIST.
DCCC.
XXXVI.
ADALRA-
MUS SALIS-
BURGENSIS
MORITUR.

Sequens annus Adalramum Salisburgensem Archiepiscopum 6. Non. Maij abstulit, virum eruditione & rerum divinarum studio in paucis eâ tempestate clarum. Is Virgilij & Arnonis exemplo Carantanis Othonem dedit Episcopum. Demortuo datus est successor Liupramus, quem Gregorius IV. Pontifex pallio Archiepiscopali insignivit. Hic ipse est, qui Othoni Episcopo defuncto suffecit Oswaldum, addiditque Mystas, qui illi in sacrorum procuratione ferrent opem, in quibus Sunarnagellus & Alifundus, præ cæteris, suam virtutem probaverunt.

Monet

Monēt nos Liuprami nomen, ut, quæ superius de Hunnis Boicæ contributis inchoavimus, ad hunc usque annum pertexamus. Hunnis à Carolo Magno subactis, & ad internecionem propè deletis, in eorum possessiones immigraverunt Bojorum & Slavorum coloniz. Limitibus impositi Comites hoc ordine. Primus Gunderamus, cui successerunt, Werenharius, Albricus, Gotefridus, Geroldus. XIX.
 Fuerunt præterea præfecti minores, qui ad Imperatoris nutum & Comitum imperia, finibus tuendis, regendisque Dynastijs dabant operam, quorum nomina tradita quidem litteris, sed duriuscula Romanis auribus, Prinnihlavuga, Cemrias, Hroymar, Etgar. Illos secuti sunt, Hebruninus, Albgarius & Palio, qui Boicæ Regum beneficiarij, retento nomine Comitum, provinciam gubernabant. RES HUNNICÆ.
 Ex eorum quoque numero fuit Ratbodus, quo rerum potiente, Prinninas quidam à Danubij confinio à Moymaro Moravorum Duce actus in exilium, & à Ludovico receptus in fidem, sese Christo adjunxit, & Ratbodo commendatus & apprimè familiaris, aliquantum temporis egit in Pannoniâ. Verùm, ut Magnatum amicitiz necessitudinis assiduitate dissolvuntur, Prinninas an offensus, an pertæsus convictum alienum, an spe fortunæ melioris; Ratimari Bulgarorum Ducis, qui Pannoniæ fines incurabat, socio Hecilone signa secutus est. Ludovicus Germanicus, ne ultra malum grassaretur, confestim jussit, Ratbodum contractis undique copijs Ratimari excursions cōercere. Pugnâ confertâ penes Ratbodum stetit victoria, actò in fugam Ratimaro. Prinninas animo, quàm milite, melior, tametsi sociorum fugam non stitit, honestiore tamen receptu evasit trans Savum flumen ad Salachonem Comitem, qui viri magnanimi sortem miseratus, eum non modò recto recepit, juvitque comiteatu, sed etiam defectionis & dissutæ familiaritatis errorem seriò lamentantem, in pristinum gratiæ locum apud Ratbodum reposuit. Prinninas deinceps in officio perstitit, labemque nuperæ secessionis tantis virtutibus induxit, ut tum Ratbodus, tum alij præcipuæ dignationis Proceres, dignum censuerint, quem suo apud Ludovicum Regem patrociniò sublevarent, eique impetrarent clientelare beneficium agri non modici, in inferiori Pannoniâ ad Savum amnem. Hoc obstrictus nexu, suam ut fidem probaret, regionemque firmaret adversus finitimorum irruptiones, fines arce validi operis, agrum numerofo colono, loca varia opportunis ædificijs instruxit. Crescente indies, propter soli fecunditatem & munimentorum tutelam, incolarum multitudine; basilicam, in quâ sacri conventus, more Christiano, ad res divinas agerentur, infra arcem condidit, quam Luipramus, sacris ritibus, ad honorem Deiparæ Virginis, divino Numini iniitavit, commisitque curæ Dominici sacerdotis, qui simul gentem Christianis institutis & sacramentorum usu excoleret. Accersiti præterea, Liupramo auctore, architecti, pictores, fabri lignarij, latomi, aliique id genus materiarij, quorum ope templa sedecim, censu decenti, fuerunt erecta. Ludovicus Rex viri religione, & studio firmandæ, ampliandæque ditionis recreatus, illi terras beneficiarias, quas antè jam acceperat, quasque deinceps sui juris erat facturus, ut proprias cum directâ (ut vocant) jurisdictione, publicis tabulis, quæ Reginoburgi demum confectæ, anno DCCCXLIIX. 4. Id. Octob. confirmari voluit. Prinninas vicissim egregiâ in Regem & rem Christianam constantiâ, se acceptorum beneficiorum memorem, præ quàm fuerunt barbarorum mores, ostendit, cavique sedulò per omnem vitam, ne quicquam fieret, quo debitus sedi Salisburgensi honor, vel Ecclesiarum jura violarentur. Hæc de rebus Pannonicis.

Cæterùm ne quieta esset Italia, fecit Lotharij turbulentum ingenium. Vix XX.
 se jussu parentis domum retulerat, cùm cœpit, an odio Summi Pontificis, quem sibi minus addictum in superioribus tumultibus senserat, an præpostero studio Italicum imperium fortunamque ampliandi, in Ecclesiæ Romanæ possessiones (quod nulli unquam bene vertit) involare, armæque populo Romano inferre, donec à Ludovico Imp. acerrimè correptus, à cœpto demum destitit. Vitus est quoque Deus pio Principi, in præmium Ecclesiæ defensæ opem attulisse, quando Nortmannos Hollandiam, Frisiam, & Flandriam immaniter vexantes, & tumultuam. LOTHARIUS ROMANÆ ECCLESIAE POSSESSIONES INVA-DIT.

Aimoin.

tuantes Britones felicissimè repressit. Datum est divinæ ultioni supplicium velut ab irato cælo sumptum de decem, ut minimum Principibus, qui nuper in Pium conjurârant (inter quos Episcopi duo, Abbas unus) quos sæva lues hoc anno ple-rolque extinxit. Ut verò Ludovicus, quod suarum erat partium, publicæ quieti in futurum prospiceret, agi placuit in Synodo Aquisgranensi de ratione cavendi, ne de cætero per factiosos publicum otium turbaretur. Episcopi, quibus commissum erat expendere causas superiorum motuum, inter cæteras retulerunt, quòd

Conc. Aquisg.
lib. 1. part. 4.
c. 14. an. 837.

Reges contra jus fælque involâssent in Ecclesiæ munia, quòdque vicissim sacer-
dotes, pars ignorantia, pars privata rei studio, profanis negotijs manus inje-
cissent, & publicorum etiam munerum administrationem ad se per ambitionem
traxissent.

AN. CHRIST.
DCCC.
XXXVII.

XXI.

Plurimum valere poterant Ludovici curæ, si perinde domestica turbarum incentiva, atque externa sustulisset. Verum supererant non modò latentes scin-
tillæ, sed flammæ etiam aliquando in gravissimum incendium erupturæ, quas bo-
nus Imperator nondum extinxerat, & eò quidem periculosius, quòd sub regiæ do-
mûs cinere foverentur. Juditha Augusta experta plusquam decumanas in suam
& Caroli filij salutem tempestates, quiescere non poterat, nisi in futurum sibi videret
prospectum. Non erat nescius Imperator, Proceres utrique esse insensos, ob pro-
pinquorum supplicia, quorum memoria altè ipsi impressa, nihil quietum pollice-
batur. Regina non imprudenter recogitabat devexam mariti ætatem, quæ indies
morbis, ærumnis atque laboribus magis magisque fatiscebat. Igitur capit con-
siliû, primâ quidem fronte ingeniosum atque tempestivum, sed re ipsâ (quod
eventus docuit) perniciosum. Se & filium ut eximeret periculo, quod à male-
volis videbat imminere; maritum Regem quidvis acturum pro utriusque securi-
tate, verbis fletu confusus sic interpellat. *Quæ & quanta, meâ & filij Caroli causâ,
tolerâris, tute meministi, nec est cur vulnera, quæ nondum bene coaluerunt, memorando
refricem. Tamen de futuris (nisi tibi grave sit) licet humanitus augurari. O te Deus
Orbi Christiano, & mihi, tuoque Carolo servet quàm diutissimè. Quod si te nobis fata
eripiant, nisi simus ad omnes casus comparati, quid tandem erit, quod possimus à meis
privignis expectare? si te vivo tam in nos fuere iniqui, quales erunt, cum nos videbunt
omni præsidio destitutos? Uterque perijmus, si sine tutela relinquimur. Nostras spes
regere externis, perinde est, atque omne Francorum nomen in nos armare. Quid igitur?
Domesticus nobis defensor opus est, & is quidem, qui hostis fuit hætenus, neque enim
alius in promptu est, & faxit Deus, ut hostis esse desinat. Sed in re creperâ, cum nullum
est aliud remedium, sperni non debet medicina ambigua. Mihi liceat verbo aperire,
quod futuri metus & cura perpetes suggererunt. Conciliandus nobis est Lotharius,
& demerendus quibuscunque officijs. Fortè non eris tam inhumanus, ut nostra sortis
nullam habeat rationem, neque tam impius, ut patris vota aspernetur, neque tam du-
rus, ut se tuâ auctoritate non patiaturs inflecti. Si conditionem, quam tu illi dicta ve-
ris, improbet, sit ita; non erit tamen fortuna nostra multò, quàm nunc, deterior: id saltem
habebimus inde commodi, ut de ejus in nos affectu facti certiores, noverimus alia nobis
esse subsidiaquirenda. Sin tibi morem gesserit, tuti sumus: si fallat, Deum habebi-
mus tutorem, qui non erit operosum, nostra incolumitatis vindices excitare. In Lo-
thario est ætatis prærogativa, ob quam fratribus sine offensione potest præferri: est po-
tentia, quâ nos tueatur; erit imperij majestas, ad quod tuo beneficio jam est designatus.
Et forsân lætabitur sibi dari occasionem eluendi offensas, quas præteritis in te factis in-
currit: Et nisi omnem amiserit sensum humanitatis, recordabitur, se per Carolum, & meo
quidem voto, detergâ simultate, ad tuam gratiam esse receptum.*

LOTHARIUS
CAROLI
CALVI TU-
TOR.

XXII.

Hæc dicta muliebrius quàm sapientiùs: quis enim se credat hosti, per vim
atque in speciem reconciliato, & immensæ ambitionis, cui suisque deque est hu-
mana omnia & divina jura violare? Attamen dedit sive tempori, sive precibus
uxoris Ludovicus, ut importunè assentiretur; non æstimans, se unum Lotharium
demerendo, Ludovicum Germanicum ac Pipinum eo fœdere præteritos, à Ca-
rolo & Judithâ alienaturum, collisurumque fratres, quibus promptum foret, con-

cor-

cordiam, noverat & Caroli caputibus sancire. Missi igitur ad Lotharium legati, qui præcipuum illi benevolentiae locum, unâ cum imperij semisse, demptâ tamen Boicâ pollicerentur, si modò patri se sistere, & de Caroli tutelâ accipere mandata sustineret. Hæc tametsi Lothario actu visa perutilia, distulit tamen adventum obtentu valetudinis; pollicitus per Walam, unum ex amicis potissimum, se, ubi primum per vires liceret, patri adfuturum. Secundum hæc Judithæ instinctu Ludovicus totus cepit esse in locupletando Carolo, quod persuasum haberet, ex horrido Cometa, qui vere præterito apparuerat, vicinam sibi mortem portendi. Igitur partem regni Francici insignem Carolo tradit Aquisgrani, tantâ Lotharij & Germanici invidiâ, ut ex condicto in vallem Tridentinam congressi, eâ super injuriâ (sic illi factum interpretabantur) capita contulerint, mox arma correpturi, nisi ut in re ancipiti, quæque aliàs opportuniùs posset rescindi, in præsens dissimulando, visa fuisset esse in tempus minùs alienum transmittenda. Eorum tamen deliberatio patri displicuit, neque est passus conceptam exinde offensionem sic abstergi, quin totam facti invidiam in Ludovicum Bojum derivaret; Judithæ, credo, consilio, quæ hunc obruere atque exuere nocendi facultate, Lotharium verò sibi devincire, & eadem operâ utrumque dissociare saragebat. Quare Lothario impune fuit de Augusti liberalitate consultasse; Ludovico gravis inflicta pœna, detractis, exceptâ Bojariâ, omnibus provinciis, quas parens in nuperâ partitione ejus ditioni contribuerat. Quam rem Bojus accepit iniquissimè, eò maximè, quod inaudita causâ tam inclementi judicio, se, qui filiorum omnium in parentem fuisset æquissimus, sentiret esse damnatum. Quamobrem collecto raptim exercitu, Novembri exeunte, Francofurtum iratus inijt. Pater arbitratus vim parari, Moguntiam armatus ingreditur.

LOTHARIUS
INVITATUR
A PATRE.

Sigon. lib. 4.

Aimoin. lib. 8.

CALVUS LO-
CUPLETA-
TUR.

LUDOVICO
GERMANI-
CO PARS
PROVINCIA-
RUM DETRA-
HITUR.
PARENS IN
FILII RUM
ARMAT-
TUR.

XXIII.
PIPINI OBI-
TUS.

Dum res in eo sunt, tristes venerunt ex Aquitaniâ nuntij, qui utrique arma irasque meritò debuissent excutere, nisi malè feriatorum obloquia Pio consuetam lenitatem abstulissent. Afferebatur enim, Pipinum Regem fato concessisse, eodem isto mente, quo filius alter bellum, alter mortalitatis memoriam, patri ostentabant. Credebatur Pius eò fore mitior, quod Pipini decessu, opum affatim illi redisset in manus, ad Caroli fortunam erigendam absque cujusquam invidiâ: verum plus valuere Judithæ flabella, ejus indignationem usque & usque accendit.

Eadem tempestate Reginarius Pataviensis Episcopus, vigesimo ab initâ cathedrâ anno, è vivis excessit. Litem moverat Adelranſo Salisburgensi Archiepiscopo de Diœcesis suæ finibus, idque ob regiones sitas ultra montes Comagenos, quas Ecclesiæ Pataviensi obnoxias esse contendebat, Adelramo contrâ nitente; quod Arno ejus præcessor, istis locis, primus Christianæ religionis lucem intulisset. Huic dissidio Ludovicus Bojus finem imposuit constitutis limitibus, qui utriusque jurisdictionem finirent; quod testantur tabulæ Reginoburgi confectæ. Feruntur etiam superesse binæ litteræ, quarum unis Ludovicus Reginario confirmat præter Chirchbachium, centum prædia in Avarum regione, alteris eidem addidit possessionem Lythæ super fontem, qui locus linguâ vernaculâ Schönbrunnæ vocabulo nuncupatur. Reginario cum successor quæreretur, neque inter eligentes conveniret, sedes Antistite caruit per annum, eoque ampliùs.

MORS RE-
GINARII EP.
PASSAVIEN-
SIS.

LIS DE FI-
NIBUS PAS-
SAVIENSIS
DIOECESIS,
ULTRA MON-
TES COMA-
GENOS.

Interim Ludovicus Bojus dolore magnitudinis imminutæ, & Augustus vindictæ studio, partem hiemis in armis egerunt nullo operæ pretio, cum ob sanguinis respectum, neutri honestum esset ferrum stringere, nec verò etiam brumæ rigor castra castris obijci pateretur. Paulatim refrigescabant iræ, & demum Bojus qualemcumque rerum dignitatisque jacturam posthabuit justæ in patrem pietati, ratus, eâ moderatione molliorem sibi fore reditum ad pristinos honores & amplitudinem fortunarum. Ad patrem vocatus, se ipsi stitit supplici habitu Hodonæ, culpamque deprecatus, visus est Augustum placasse: verum tantum absuit, ut ablatas Provincias & irrogatæ pœnæ condonationem impetraret, ut etiam obliteratâ præteritorum obsequiorum memoriâ, sine spe recuperandi regni in Bol-

Aimoin.

NOVA PRO-
VINCIARUM
PARTITIO.

cam remitteretur. Cùm enim Juditha non desineret senem maritum continen-
tibus precibus urgere, ut, quod antè erat pollicitus, de Lothario demerendo, au-
gendoque Carolo ex eâ, quæ ultrò nata fuerat, occasione, rebus ipsis præstaret, &
ulcisceretur sugillatam à Bojo majestatem, nec verò Lotharius spe crescendi suis
partibus deesset, bonus senex velut de mentis sede dejectus, consilium, quo vix
poterat ullum suggeri perniciosius, amplectitur, faciendæ rursus regnorum
omnium partitionis. Ergo Lothario transcribit Italiam, & quicquid à Mosa flu-
mine vergit ad Austrum: Carolo verò donat, quicquid respicit occidentem: Lu-
dovici denique ditionem unius Bojaræ angustijs constringit. Quid ageret fi-
lius geminatâ proscriptione extra omnem recuperandæ patris benevolentia fide-
duciam projectus? Velut in re supremâ, eò quòd nihil sine armis poterat consti-
tui, & æmulum voluntate jactura nunquam sarciri posset, acceptam contu-
meliam, rerumque detrimenta quocunque periculo statuit depellere, accusans
fortunæ iniquitatem, quæ Lotharij in patrem impietati coronas & sceptrâ de-
disset, ademisset verò obsequijs, & modestiæ filij cæteris fratribus longè innocen-
tioris.

AN. CHRIST.
DCCCXL
XXIV.
LUDOVICUS
GERMANI-
CUS ARMA-
TUS,
A SUI DE-
SERITUR.
*Vita Lud.
Pij, Almoïn.*

Igitur ad ineuntem annum quadragesimum, armatus redit Francofurtum,
vim, si non illaturus, at prohibiturus saltem, si quæ fieret ad invadendas provin-
cias, Carolo paternis tabulis contributas. Erigebant animum studia Saxonum
& Turingorum, aliorumque populorum, quos sibi morum insigni comitate de-
meruerat. Verum, ut in rebus adversis inconstans est benevolentia, qui addi-
xerant se ad ejus nutum fore in armis, & cum fide, capitisque sui periculo, quid-
libet pro ejus dignitate tentaturos, ad primam Pij cum exercitu adventantis fa-
mam, ne expectatâ quidem belli aleâ, suasere fugam, secumque per Turingiam
Ludovicum abripuere. Parens eos insecutus, & nusquam passus pedem figere,
cùm nihil esset propius, quàm ut iter intercluderet, transitus per Bohemiam au-
ro fuit emendus, ut per longas ambages receptus in Boicâ quæreretur. Atque
hic quidem eventus fuit magni apparatus, dubium, patri an filio honestior, neu-
tri prosper, fructusque Pio Imperatori non diuturni. Etenim ab istâ expeditio-
ne redux in Vangiones, velut supremam manum rebus impositurus, Lotharium
ex Italiâ accersitum jussit Comitibus, quæ Wormatiæ indixerat, interesse. Quo
tempore Solis terrificâ defectio 7. Id. Majas ingenti mortalium animos hortore
perfudit. Ferunt, eum diem nocti parum ablimilem, stellas in cælo conspicuas,
Lunæque fulgorem insigniter apparentem ostendisse, quasi prælagirent astra, ma-
gnum propediem terris lumen esse subtrahendum. Atque ex eo quidem tempo-
re Ludovicus Pius curis confectus, cœpit pituitâ, largius in ventriculum infusâ,
languescere, urgeri singultibus, quod senibus, inter pessima, malum est, acceden-
te profusiore vomitu, ciborum nausæâ, & præcipiti virium imminutione. Ut

ECLIPSIS
HORRIDA.

PII MORBUS.

sensit morbi ingravescentis discrimen, voluit in Rheni insulam Ingelheimiensi
Regiæ propinquam deportari, ubi complures præstanti virtute Antistites mo-
rienti adstiterunt. In his Olgarius Moguntinus, Hetti Trevirensis, Drogo Me-
tensis. Huic utpote amicissimo fratri, ex matre impari, & suprento regij sacelli
magistro, solebat animi noxas sacrâ exomologesi expiandas aperire, quod die-
bus postremis solito fecit crebrius. Per dies quadraginta, præter sacrosanctum
corporis Christi ferculum nihil cibi admisit, hoc ipso lætus, quòd crederet, se ver-
ni jejuniij tributum pari dierum numero persolvere. Imperavit inter hæc, regiam
supellectilem referri in indicem, & partim ad levandam miserorum inopiam, par-
tim in bene meritorum præmia erogari. Lothario largitus est diadema, & en-
sem gemmis & auro fulgentem, cum dicto, ut filio Carolo, & Judithæ conjugii fi-
dem attributamque regni portionem, salvam integrâque servaret. Alia pretij
præcipui donavit Carolo. Cùm Ludovici filij, ne verbo quidem meminisset, ve-
riti Antistites, ne, qui cæteroquin insignia virtutum exempla præ se ferebat, minus
paternè, quàm pro Christianâ pietate de ipso sentiens, animo nondum pacato, è
vitâ migraret; Drogone verba faciente, leniter appellârunt; an Ludovicum fi-
lium

DISPOSITIO
AD MORTEM

lium

lium condonatis omnibus offensis, in gratiam cogitet supremam voluntate recipere. Ad hæc paulum moratus, acceptas à filio injurias enumerat, additque, quantæ tot noxas pœnæ apud Deum maneant: tum infit; *Quia tamen nec adest ipse, nec mihi coram potest satisfacere, quod mearum est partium, Deo & vobis testibus, Ludovico, quæcunque in me deliquit, omnia remitto: vestrum nihilominus erit, eum monere, meminere, quantopere Deum, omnium parentem, violatâ ipsius & nature lege, offenderit, deducendo canos meos cum dolore ad sepulchrum.* Tum petijt in suo conspectu nocturnæ comprecationis officium persolveri, sibi que adterri lignum crucis salutiferæ, quod suâ manu, quoad per vires licuit, pectori suaviter appressit, frontemque ejus signo munivit. Die postero, qui Dominicus fuit, Drogonem jussit ad aram sacrificio operari, atque sibi de more præberi cœleste viaticum, quod ubi sumpserat; Ite (inquit) & corpora reficite, vestrum ego reditum præstolabor. Posteaquam à mensâ redierant, cum verbo non posset, nutu se ijs commendans, ostendit cupere se sacro morientium ritu procurari: tum conversus ad lævam, voce severâ, quasi feralis quid abigeret, bis exclamavit *Huß, Hüß*, linguâ vulgari; apage, apage, vel foras, foras. Opinio fuit, eum, dæmonem tartareum præsentem aspectabili specie, depulisse. Dehinc ridenti similis, & vultu ad hilaritatem composito, post paulo velut triumphans animam exhalavit 12. cal. Julij, anno DCCCXL. ætatis quarto supra sexagesimum, imperij vigesimo septimo. Ejus funus celebri pompâ, comitantibus Ordinis utriusque multis proceribus, Meris in D. Arnulfi Basilicam illatum. Justa funebria à Drogone Episcopo magnificè persoluta. Fuit eximiâ in Deum religione, in hostes mirabili clementiâ, suorum potius, quàm extraneorum vexatus injurijs, insigni documento, quantum noceat immodica parentum in liberos indulgentia.

LUDOVICI
PII OBITU.

Lotharius Rex Italiæ, quod ætate fratres anteiret, & jam pridem Cæsaris titulo ad fastigium esset designatus, citatis mox itineribus, advolavit in Franciam, certus, regna à patre relicta, sine socio, ad se rapere, suisque deque habere datam fidem, & supremam Pij voluntatem. Turbis initium fecit à pervertendis populorum studijs, quæ sibi ex asse conatus est usurpare. Circummissis igitur per provincias prensatoribus, cœpit Procerum voluntates magnis promissis ambire, civitates delinire spe majoris libertatis, ora Magistratibus sublinere beneficiorum ostentatione, aut eos montes promiscuæ multitudini promittere, in sua vota omnes, novâ sacramenti religione, velle irretire; recusantibus injicere terrorem, lubentibus venditare prærogativas; nihil denique corruptelarum omittere, ad parandos favores, & ingressum novi dominatûs. Ludovicus Bojus non nisi armis poterat expugnari: spes erat, Carolum dolis circumveniendi. Hunc per legatos adortus, primum jussit ratam habere paternam regnorum divisionem, omnia vicissim charitatis officia, quibus ne à patre quidem majora possent proficisci, certò expectare. Hæc agentem sequebatur exercitus, quem in Italiâ legerat. Ludovicus nihil horum nescius, validas copias ex Boijs, Saxonibus, & Francis Orientalibus comparabat. Vix dum Lotharius Rhenum trajecerat, cum fratrem, haud procul Francofurto, ex insperato habuit in conspectu. Apparebat, congressuras acies, cum Lotharius certaminis aleam subire non ausus, quasi præoptaret pacem ex mutuâ consensione, primum unius noctis, deinde longiores inducias impetravit, eâ lege, ut ad 3. Id. Novemb. eodem loci rediretur, ad tentandam concordiam, vel, si ea non conciliaretur, ad litem Marte arbitro dirimendam. Verùm ista Lotharij comperendinatio eò duntaxat spectabat, ut copijs in tutum subductis, tractoque in partes Carolo, ad opprimendum Ludovicum validior evaderet. Credebat enim, post ingentes pollicitationes, se quidvis per Juditham & Proceres, quos corrumperat, à Carolo posse obtinere, nec videbat, cur in adolescente tantum foret animi, ut prima militiæ rudimenta, cum tanto fortunarum discrimine, auderet ponere adversum Imperatorem veteranum. Verùm res est expertus longè, quam spectabat, impeditiores, Carolo ad blanditias perinde atque minas prorsus immoto: id tamen impetravit, ut, bello per pactionem tantisper suspensò, fratri insidias usi-

XXVI.
Annal. Fuld.
Nithard.

LOTHARIUS
NITITUR TO-
TAM PAREN-
TIS HÆRE-
DITATEM
AD SE RA-
PERE.

LUDOVICUS
BOIUS OB-
SISTIT.

tatis artibus, per otium adornaret. Congressus verò, quem Ludovico condixerat in mensem Novembrem, gliscentibus in majus odijs, in ventos abiit. Hic annus Patavienfibus Antistitem dedit Hardovicum, virum præclaris instructum virtutibus, insignique facundiâ, qui suæ Ecclesiæ opes, atque dignitatem magnis auxit incrementis.

AN. CHRIST.
DCCCXLI
FRATERNÆ
DISCORDIÆ.
XXVII.

Annum aggredimur inexpiabilibus fratrum odijs, cladibusque, & dominandi libidine funestum. Quid enim æquitatis sperari poterat à Regibus, qui patrem impiè vexaverant? In Galliâ dissensiones sopitæ veriùs, quàm sublata resederant; cum Lotharius sit certior, Germanicum Rheni limitem validis præfidijs à Ludovico muniri; quam rem ad arma spectare nemo dubitabat. Partium utrique potentes clientelæ, ingentes copię, industria militaris usu quæsitæ, artes & sagacitas rerum agendarum. Lothario sua studia suppetiâsque addixerant, Otgarius Moguntinensis Archiepiscopus, & Adelbertus Comes Mediomatricum domi militiaque egregius, immani uterque in Ludovicum odio. Lotharius è Galliâ atque Italiâ numerosum bellatorum agmen trahebat. Ut ferro primo quoque tempore decerneret, Rheno ad Vormatiam trajecto, suadebat Adelbertus: verum, cum ne tum quidem res metu vacaret, ut sunt perplexa belli consilia, visum alijs, vafricie fortunæ facere experimentum. Quam ad rem valere emissarij, qui in Ludovici copias clàm sparsi, donis alios, alios promissis, minacijs alios terroribusque, exercitum induxerunt in fraudem eâ dexteritate, ut priùs quàm doli notarentur, pars à signis secederet, pars ad hostem profugeret, cæteri in fide fluctuarent, fieretque rarefcentibus Ordinibus tanta in legionibus paucitas, ut, nisi cum evidenti cladis periculo, Ludovicus sui copiam facere non posset. Ita rebus turbatis, consilium honestissimum, quod maximè tutum, salutem posuit in maturo receptu. Pauci, qui signa comitabantur, subducti in Bojariam. Citra dubium potuit Ludovicus debellari, nisi hostis occasione defuisset. Verum nata ex successu confidentia, homini ambitionis immodico prudentiam abstulit. Etenim quasi foret victor universæ Germaniæ, neque quicquam ad reparandum bellum virium superesset, auctus ingenti fugitivorum numero, agmen rapit in Carolum. Ut à tergo tutus abiret, Adelberto dedit negotium, Rheni confinia munimentis & copiarum parte tutandi.

LUDOVICUS
BOIUS DE-
STITUITUR
AB EXERCITU.

XXIIX.
LUDOVICUS
FELICITER
PUGNAT.

SE CAROLO
CALVO IUNGIT.

LOTHARIUS
PACEM RESPUIT.

Ludovicus velut è cælo lapsam delendæ ignominia facultatem amplexus, motusque assiduis Caroli precibus, ut vires adversus communem hostem sociaret, quantum per temporis angustias licuit, sibi copiarum adjungit, confestimque movet in Adelbertum. Cum utrique pares essent iræ cupidoque vincendi, tertius decimus Maij pugnae fuit decretorius. Concurrere magnis utrinque animis: victoria stetit penes Ludovicum. Ingens hostium strages edita: Adelbertus, belli (ut notârunt Annales) incentivum, inter pugnantes occubuit. Lectis manubijs, Ludovicus victor, Rheno, cum nemo prohiberet, properè transmissio, continenti festinatione in Caroli castra pervenit, ubi copijs animoque conjuncti, multa de Lotharij atrocitate conquesti, vindictam spirantes, pronique ad eum opprimendum, à consultoribus ad pacis consilia fuere revocati, quod foret honestius, fraternas iras saluti publicæ, & quasvis injurias sanguinis charitati condonare. Placuit igitur per sacrorum Antistites, & Principum sapientissimos, quamlibet duris conditionibus, concordiam offerre Lothario. Hæc capita legationis: Revocaret in memoriam suprema parentis vota & monitiones, denunciatas Cælitum iras, si filij, iidemque paterni imperij hæredes, se mutuis odijs lacefferent, pergerent infestare rempublicam, funestare regna nobilissimo virorum fortium sanguine, patriam hostili furore deformare. Duos fratres uni nihil negaturos, si honesta imperet ac iusta, quæ illas à nominis existimatione possint tolerari: imo ne quidem negaturos, quicquid opum ad castra attulissent, si modò retentis armis & equis à bello licuerit temperare. Lotharius eam facilitatem metum arbitratus, irrisâ legatione, respondit, se nihil verbis, sed armis omnia, quæ fratribus deberet, esse pacturum. Tum refixis signis Pipino, ex fratre nuper demortuo nepoti, suppetias

ex Aquitanis adducti, obviam proficiscitur : hunc enim spe regni paterni delinitum induxerat ad arma socianda.

Responsi asperitate graviter læsus Ludovicus , tametsi foret difficile exercitum de viâ lassum , & equorum paucitate laborantem , dare in casum ; memor tamen fidei, quam Carolo addixerat, ultima statuit experiri. Fratre in spem erecto, junctis ambo copiis Lotharii vestigijs insistent, donec ad Fontiniacum vicum in Antisiodorensium finibus castra abiturienti objecerunt. Ne extemplo manus confererent , fecere breves induciæ , factaque in speciem per Lotharium pacis mentio. Id nimirum agebat, ut, quamvis juratus aliud præ se ferret, tempus in Pipini adventum extraheret : quo demum castris recepto, larvâ detractâ, fratribus palam edixit, se patris auctoritate dictum Imperatorem, sine collegâ velle imperare : nihil se proinde admissurum indignum eâ majestate : suum esse , dare leges alijs , à nemine accipere , neque audire paciscentem, qui pari secum jure causam velit disceptare : arma prius subjectis esse ponenda , quam de suo jure sinantur expostulare. Quâ denunciatione cum pacis spes omnis esset præcisa , explicatâ utrinque acie ad 7. cal. Julias horâ diei secundâ, quod antea consensu decreverant, infestissimis animis pugnatum est. Lotharii castris tumulus imminebat , quem fratres primo diluculo tertiâ copiarum parte occupaverant, locatis eo loco subsidijs : tum partitis inter se cæterarum legionum curis, hostem in vestigio sunt præstolari. Irarum stimuli in propinquorum sanguine sunt vehementiores. Primus à Lothario in Ludovicum impetus tantâ pugnatorum alacritate exceptus est, ut ille , proturbatis ordinibus , fusus fugatusque acie excesserit. Cornu, in quo curabat Carolus , nutavit inter initia : sed accurrentibus certatim subsidiarijs (cum quibus Nithardus , qui prælium descripsit , se pugnasse memorat) erecta confestim acies aleam mutavit. Ita fracto Lothariensium utroque cornu, Cadmea victoria fratribus concessit in manus, utrinque infelix & apprimè truculenta. Tantum enim civilis sanguinis fusum est , ut Annales vix meminerint pugne apud Francos atrocioris. Reges ipsi vitæ prodigi , inter tela certamen suâ manu miscuerunt , omnis propè nobilitas Francica , præcipuumque militiæ robur occubuit, victis juxta ac victoribus promiscuè cadentibus : & quod Regino scriptum reliquit, Franciæ viribus adeo attritis, ut gens ad eam diem orbi formidata, visa sit in posterum impar, non modò proferendis imperij finibus, sed etiam defendendis esse futura. Lotharius continenti fugâ Aquisgranum evasit. Ab ingenti carnificinâ loco nomen Gallicum Chaplis relictum : ejus fauces à victore, Caroli vallis nominatæ. Fratres hostium castris & ingenti prædâ potiti , fortunâ moderatè sunt usi , dato tempestivè signo , ne miles sociorum funeribus excandescens fugientibus instaret : immo missi, qui miseros promissâ impunitate à fugâ revocarent. Interfecti nullo amici hostisve discrimine, militari more, terræ mandati : eorum manibus triduo jejunijs & piâ supplicatione, ritu Christiano , parentatum ; creditum enim, ne in fraternâ quidem immanitate, negligenda esse jura humanitatis. Denique injecta victoribus religio, ne bello quantumvis justo, odio, vindictæ cupiditate, vel ambitionis immoderatione deliquissent. Quapropter ex Episcoporum præscripto ad Numen sibi privatim, & publicæ rei placandum piaculum sumplerunt, rati , haud faciliè quemquam sine noxâ in suos fratres civésve irasci, nedum sævire.

Secundum eam pugnam Ludovicus in Germaniam, Carolus in Aquitaniam diverſi abierunt, omniûmque securi, quasi Lotharius post tantam cladem deinceps esset quieturus. Verùm ubi ille præter spem animadvertit, sibi laxari spatia belli reparandi , collectis è vestigio suorum reliquijs, vulgatoque ex composito rumore fratrum alterum interfectum , alterum graviter saucium agrè aufugisse , Rheno transmissio insolenter gloriabatur, se Ludovicum Salzæ in Turingiâ sedentem, Germaniâ mox exturbaturum. Atqui comperto, sibi rem fore cum fratre non imparato, non est ausus cum victorioso milite agmen, ob acceptam recens ignominiam adhuc trepidum, committere : ita pedem retulit ad Vangiones, Carolum, si

SUPERATUM
A FRATRIBUS

XXIX.
ATROCI
STRAGE.

XXX.

fors daret, oppressurus. Sed hic ad periculi nuntium expectatus, coacto sub signa milite, tantisper se sylvarum fluminumque objectu tutatus, statuit pugnam abstinere, donec à Germaniâ Ludovicus suppetias adduxisset, quod ut quamprimum faceret, per Rabanonem Legatum efflictim orabat.

AN. CHRIST.
DCCC.
XLII.

Quibus frustrationibus, bellum in sequentem annum extractum est. Inter hæc Ludovicus, lectis legionum supplementis ad fratrem properabat, cum Lothario nunciatur, fratres validis copiis instructos, à fronte simul & à tergo vim facturos, attenderet proinde, ne redactus in arctum, de rei summâ denuo cogeretur periclitari. Eâ denuntiatione territus, raptis confestim signis, Aquisgranum se recepit, copiarum parte relictâ penes Otgarium Moguntinum Archiepiscopum, quibus Ludovicum Rheni trajectu prohiberet. Ille, ut erat vetere in fratres imbutus odio, curam tuendi limitis in se suscepit: sed cognito, Carolum magnis per Leucos itineribus progressum, imminere Rheno, desertâ defensione, nudatâque amnis ripâ, se recepit in tutum. Quare Ludovicus flumine superato, fratri conjunctus movit Argentoratum, atque in urbem receptus ad sextum cal. Martias, palam audiente exercitu fœdus iniit. Ad circumfusus fratrum uterque, Ludovicus quidem linguâ (ut ait Nithardus) Romanâ, quæ videlicet ab hodiernâ Gallorum vernaculâ perquam est remotissima, in multis tamen aliquid habet affinitatis cum eâ, quâ Tectosagi & Saluvij, hoc est, Provinciales utuntur: Carolus verò Teutonicâ, qualis ferè est hodie apud Germano-Belgas, fœderis causas perorârunt: tum simili jurisjurandi formâ se invicem obstrinxerunt, pro divinâ gloriâ, populi Christiani salute, propriâque utriusque incolumitate & commodis, auxilia pro viribus, prout fratres deceret, laturos, eisdem hostes amicisque habituros, neque quicquam cum Lothario pacti inituros, quod in alterutrius posset vergere detrimentum. Secundum Regis utriusque juramentum, exercitus suâ quique linguâ utrique sacramentum dixere.

Invent. de Serres.
JURATUM
FOEDUS
INTER LUDOVICUM
ET CAROLUM.

XXXI.

Dum in fœdere sanciendo tempus locaretur, Carolomannus Ludovici filius, militem numerosum è Boicâ vicinisque provinciis ad Vangionum, Nemetumque fines adduxit. Sedebant id temporis fœderati Reges, juncti castris, agro medio inter Wormatiam & Moguntiam; ubi ludicris pugnae simulacris, omnibusque mutuae charitatis officiis, sese oblectabant, dum Legati, quos ad Lotharium de pace miserant, reverterentur. Hi reduces renuntiârunt, se ne in ejus quidem conspectum fuisse admissos, sed habitos irritui; & palam quidem eum dixisse, nunquam fore, ut fratres saperent, nisi eos ipse castigasset. Bardo, missus ad explorandas Saxonum voluntates, retulit, totam nationem à Lothario prorsus alienam, fratribus fidem operamque addixisse. Hi responso, quod Legati à Lothario attulerant, mirè exacerbat, totis copiis ad vindictam properabant, cum Lotharius eâ de re factus certior, Otgarium Moguntinum Antistitem, Hattonem Comitem, Herioldum, aliosque ductores jussit protinus ad Mosellam contendere, omnique conatu hostem transitu prohibere. Fœderati diversis itineribus proficiscebantur: Carolus per Vosagi montem, Ludovicus per Gallicum Rheni limitem, Carolomannus per tractum Germanicum, qui Loganam versus est in Cattimelibocis, ut ad Confluentiam copias transportaret.

Sedebat interea Lotharius in villâ Sentiacâ, fiebatque paulatim circa eum solitudo, crebris suorum transfugijs, quos fama propinquantis hostis, & nuperæ ignominiae recens memoria, à signis absterrebat. Quare 17. Cal. Aprilis statione desertâ, Lugdunum, atque inde Viennam Allobrogum, quò foret Italia propior, confugit. Ne cum fratres insequerentur, famam vulgavit, se trans Alpes abiisse. Fœderati rem ita habere rati, in Aquisgranensi Comitio ex Episcoporum & Procerum sententiâ, Lotharii imperium, exceptâ Italiâ, inter se sunt partiti: Carolus Galliam, Ludovicus Germaniam, sortiti. Digresso ad suas provincias Carolo, venere è Saxoniâ nuntij, servos spe libertatis, factâ in dominos coitione tumultuari, & Lotharium Matiscônæ sub signa cogere novum exercitum, adlectis etiam (quod Nithardus non siliit) in belli societatem Nortmannis, factâ prædandi li-

PARTITIO
IMPERII IN
GALLIA ET
GERMANIA
INTER FOEDERATOS.

centiâ. Quibus rebus fratres ad castra revocati, ut saltem vi ostentatâ Lotharium flecterent ad consilia pacatoria. Neque enim erat obscurum, rebus adversis fessum de fastu haud paulum remisisse: & illi otium bello præferebant. Commodum ijs Lotharius pacem insolitâ facilitate obrulit eò gratiorem, quòd de illâ priores appellati, utiliore honestiorémque sibi futuram sperabant. Ejus tractandæ primo statim ingressu convenit, ut à singulis fratrum delecti quadragenî, hoc est, viri centum viginti, qui Provinciarum genium probè nossent, inspectas describerent, cumque fide in trientes partirentur: qua in re, quod æstatis supererat, est consumptum. Sic datum Ludovico tempus comprimendi Saxoniarum conjuratos, qui jam eò rem adduxerant, ut pellectâ in partes multitudine, nobilibus & Magistratibus sede motis, fasces obtinerent, creato pro libidine regni Vicario. Plebs perculsa Ludovici adventu, nullo propè negotio ad officium est reducta, conjurationis præcipua capita culpam luerunt ultimo supplicio.

TUMULTUS
PLEBIS IN
SAXONIA
COMPRES-
SUS.

Inter hæc Bathuricus Reginoburgensium Antistes vivere desijt. Valuit pet multum gratiâ & autoritate apud Ludovicum, obtinuitque, ut D. Emmerami Cœnobium, quod fuerat ab Episcoporum jurisdictione divulsus, rediret ad primævam conditionem. Debetur ejus industriæ per ampla & opima ditio, quam in Pannoniâ Ludovicus Ecclesiæ Cathedrali donavit. Hemma Regina, Ludovici conjunx, Caroli cognomento Crassi mater, in vicem Monasterij Beatæ Virginis superioris Ratisbonæ, quod ipsa à Bathurico impetravit, auctumque magnificè pro suâ sepulturâ delegit; cessit Ecclesiæ Ratisbonensi Monasterium Mantense: quæ quidem beneficia Carolus, quem dixi, Crassus regio diplomate rata habuit. In defuncti Bathurici locum successit Erckenfridus, de quo in loco redibit sermo.

BATHURICUS
RATISB.
EPISC. MOR-
TUUS.
XXXII.

Anno demum sæculi tertio supra quadragesimum, pace inter Lotharium & fratres compositâ, imperium longè potentissimum novâ partitione divisum est. Carolus ea, quæ à mari Britannico usque ad Mosam fluvium porriguntur, sortitò accepit, quibus regionibus regni Francici nomen adhæsit: Lotharius Belgicam primam, eamque partem Austrasiæ, quæ ab ipso dicta Lotharingia, quæque inter Scaldim & Rhenum eidem olim erant contributa, cum Burgundiâ, Provinciâ, Italiâ, unâque imperij titulos atque majestatem. Pipinus Regum ex fratre nepos, patruorum ingratis sibi Aquitaniam vindicavit, unde grave cum Carolò bellum. Ludovico obvenit Bojaria, & quicquid regionum trans Rhenum in orientem & Aquilonem, per Germaniam & Pannoniam, longè latèque procurrit, cum nonnullis regionibus vitiferis ad ripam Rheni Gallicam. Ea divisio, quò foret sanctor, in Virdunensi Concilio, acceptis invicem sacramentis, firmata est. Exinde novos quisque titulos pro modo suæ portionis cœpit usurpare. Carolus Calvus Rex Franciæ dictus; Lotharius ad Augusti nomen adjecit Regni Francici & Italici cognomenta; Mediomatricum verò imperij sedem delegit. Pipinus se

AN. CHRIST.
DCCC.
XLIII.
Herman.
Siebert.
Append. Al-
main.
PAX INTER
FRATRES
COMPOSITA.
REGNORUM
DIVISIO.

Aquitaniæ Regem appellavit. Ludovicus dictus Rex Germaniæ. Hoc eodem anno Juditham Ludovici Pij conjugem naturæ debitum exolvissè reperi.

JUDITHA
REGINA
MORS.
Herman.



BOICÆ GENTIS
ANNALIUM
PARTIS I.
LIBER XI.

Obotriti domiti. Hamburgum à Nortmannis occupatum. Duodecim Bohæmorum Duces ad Christum conversi. Bohæmiæ motus, bella. Bella & Pax cum Moravis. Bulgarorum conversio. Synodi Moguntinæ, Metensis. Gótheschalci hæreses. Nortmannorum strages in Daniâ. Lotharius Imp. Monachus moritur, Domesticæ Ludovici Bojariz Regis cum filiis discordiæ, bella. Carolus Crassus à dæmone infestus. Aquitani regnum Ludovico Regi offerunt, mox mentem mutant. Idem faciunt Franci adversus Calvum, quem à Ludovico pulsum, revocant. Carolomanni Calvi F. pravi mores, supplicium. Waldradæ, cum Lothario pellicatus. Ludovicus Rex partem Lotharingiæ Cæsari restituit. Eo mortuo Carolus Calvus Italianam & Imperium invadit. Rorici Nortmanni fœdus cum Ludovico Rege. Hemmæ Reginæ & Ludovici mors. Ludovici Pij longum in alterâ vitâ supplicium.

AN. CHRIST.
DCCC.
XLIV.

OBOTRITI
REBELLES.



I.

Einceps omiſſis, quæ nihil, aut parùm ad Bojorum gentem videbuntur pertinere, Ludovici Germaniæ & Bojariz Regis, ſucceſſorùmque res geſtas perſequi nobis eſt animus. Pace inter fratres compoſitâ, otium à bello futurum videbatur, cùm Obotriti, Venedorum gens, in Saxoniam à Carolo Magno pridem translati, qui eatenus in Francorum amicitia perſtiterant, ſuam fortunam ex avorum memoriâ metientes, exoſi jugum externum, ſemper ingratum ijs, qui ſe liberos aliquando fuiſſe meminerunt, conſilia ceperunt excutiendæ ſervitutis. Viſum in commune, publicæ rei Duces, Ducibus Regem imponere, à quibus veterè avorum inſtituto, pròque rerum ac temporum ratione jura dicerentur gentis mori.

moribus attemperata : quâ ex mutatione, quî genius est popularis, ingentia sibi commoda somniabant. Ergo Gozomvillum, Aventino Gozomuzilonem, Regem creant, adduntque procures, quorum auctoritatem in posterum Provincia respiceret, exclusis Francorum Comitibus, aliisque exercendis legibus, & exigendo vectigali præfectis. Hæc speciosius, quàm utilius constituta, firmare populi consensione, & armis retinere decernunt : parùm æstimantes, quis ejusce conspirationis futurus esset exitus, quantosve mox hostes essent experturi. Rem quidem paucis exprimunt Annales, sed clarè satis ostendunt, improspere temeritatem rebellibus evenisse. Ludovicus ad comprimendos tumultus, eorum fines ingressus, occiso Gozomvillo Tyranno, totam gentem eâ celeritate perdomuit, ut historia, velut divinitus factum scripserit, ut multitudo bellis olim exercita tantâ facilitate debellaretur. Expeditionis fructus fuit, ut proscriptâ penitus regij nominis mentione, exauctoratisque Obotriti sanguinis Ducibus, exteri, quorum fides erat exploratior, ad cœercendas deinceps perduellionis meditationes, instar freni rebus præficerentur.

REDACTE
AD OBSE-
QUIUM.

Obotritis pacatis, novî motus oborti ex Nortmannis. Hi factâ exsensione Hemmeburgum, hodie Hamburgum, occupaverant, agrumque frædâ populatio- ne deformaverant. Ludovicus, ad quem, utpote Germaniæ Regem, injuria pertinebat, prius consilio, quàm armis putavit esse tentandum Horichî Nortmannorum Regis animum, hostem eâ tempestate formidabilem : si quo pacto posset ab ejusmodi irruptionibus averti. Quamobrem per legatos, atque inprimis per Cobbonem virum (uti apparet) sapientem, de vi in Carolum Franciæ Regem, & Hamburgo iniquè vexato, conquestus est. Quid eâ legatione profectum sit, non habeo nisi ex conjecturâ dicere, Nortmannum videlicet fluxâ fide addixisse in tuturum æquiora. Cobbo redux, Ludovico narravit insigne supplicium, quod divinitus sumptum de Nortmannis, qui recens Caroli regnum turbis civilibus vehementer fessum, sævum in modum vexaverant, sacra profanis nullo discrimine permiscentes. Eos lues atrocissima, aliæque prodigiosæ calamitates sic attriverunt, ut coacti fuerint, oblatâ satisfactione, pacem à Carolo postulare. Creditum fuit, D. Germanum Monasterij & templi sui injurias, impetratâ à Deo ultione, vindicasse. Ragenarius sacrilegorum ductor, cum apud Horichum suo scelere gloriaretur, insultaretque D. Germano, velut iectu fulminis prostratus, inclamansque Germani dextrâ sibi elidi animam, inter horribiles cruciatus prodigiosè intumescens, ruptâ demum alvo, unâ cum visceribus effudit infelicem animam. Auream statuam, quam ad sui corporis magnitudinem Divo propitiando voverat, à Cobbone Parisios delatam, Monachi respuerunt, ne templi sanctitas impij latronis imagine temeraretur. Horichus complures sacrilegorum compertos jussit obtruncari, præcisâque, manu carnificis, capita donari Christianis captivis, quos sine pretio libertati redditos, domum ad suos liberaliter dimisit, jussos Numen iratum Nortmannorum genti propitiare. Raptores cæteri morbis, profluentis præsertim alvi, miserum in modum perierunt.

AN. CHRISTI.
DCCC.
XLV.
NORTMAN-
NI HAM-
BURGUM OC-
CUPANT.
*Appendix
Admonitio vo-
cat Boricum.*

SUPPLICIUM
RES SACRAS
VIOLAN-
TIUM.
Admonitio.

II.

Quod sequitur, fuit ad divinæ bonitatis commendationem insigne. Duodecim Bohæmorum Duces, qui hætenus à Sacris Christianis alieni fuerant, sanctissimo fidei nostræ lumine afflati, suo exemplo permultos è popularibus ad amorem Christi traxerunt. Sacris undis abluendi, venerunt omnes ad Ludovicum, hoc lætum nomine, quodd, se imperante, Deus genti finitimæ piam mentem dedisset. Antequam expiarentur, singulos amicissimè complexus, peritis disciplinæ cœlestis magistris tradidit accurate instituendos. Quò honorificentius Baptismo tingerentur, diem octavum elegit, ab eo, qui Christi à tribus Orientis Regibus adorati celebritate memorabilis est. Idem anno jam adulto Paderbornæ apud Saxones, Comitibus dedit operam, eodemque loci, Lotharij Imperatoris, Caroli fratris, Nortmannorum, Triballorum, & Slavorum Legatos excepit, deque variis postulatis auditos, cum responsis remisit ad suos. Ad 2. cal. Novemb. divertit ad Hirsfeldense Monasterium, ipsumque affecit duplici beneficio : primum de-

DUODECIM
BOHÆMO-
RUM DUCES
AD CHRIS-
TUM CON-
VERSI.

Lambertus
Schaffnab.

HIRSFELDENSE MONASTERIUM.

AN. CHRIST.

DCCC.

XLVI.

Herman.

RAPTUS FI-

LIAE LOTHARII.

III.

MORAVICI MOTUS COMPOSITI.

AN. CHRIST.

DCCC.

XLVII.

Herm.

Annal. Fuld.

SYNODUS MOGUNTINAE.

IV.

THIOTA FRAUDES ET SUPPLICIUM.

dit, firmavitque regio diplomate, insignes prerogativas; deinde ejusce asceterij Patres in gratiam Olgarii Moguntinensis Archiepiscopi restituit, sublatâ lite, quæ de jure decumarum è Thuringiæ latifundijs, ipsis intercesserat.

Alia amicitiae reconciliandæ materia, nata est ex subortâ fratrum dissensione, sed eventu dispari. Gisalbertus, unus è Caroli clientibus, Lotharii filiam per vim ad Aquitanos abductam sibi desponderat. Parens, id Carolo vel suadente, vel saltem conscio, factum quiricans, Trojanas vindicias meditabatur, sive quòd, ambitione recrudescente, sibi fratris evertendi causam sumeret, sive quòd vanæ suspicioni, qui frequens & apprimè nocens magnatum morbus est, animum dederat corrumpendum. Ludovicus metuens ne simultas in bellum verteretur, ad Carolum maturè profectus, eum comperit, in istius facinoris conscientiam, nullo prorsus pacto, venisse, sed à tam sædo consilio longè abfuisse. Ad leniendam Lotharii indignationem, primùm in publico Procerum cœtu Carolus summâ religione professus est, neque suâ, neque Ludovici voluntate, nedum suasu vel autoritate, istam maculam Lotharii familiæ esse injustam: post paulò Ludovicus Brigantium digressus, actis pridie nonas Aprileis Christi redivivi ferijs, egit prolixè cum Lothario, ut natam ex vano suspicionem abstergeret, neque ultrâ vellet bene factam cum Carolo concordiam, contra jus fasque, abruptere. Hæc dicta homini implacabili, in irritum cecidère.

Domum revocabatur Ludovicus rebus omnino necessarijs, quòd per certos homines accepisset, Marahenses Slavos propè abesse ab apertâ defectione. Ut factiosos maturè compesceret, sub medium Augustum properè exercitum eduxit. Festinanti satis fuit, arma è propinquo ostentâsse, quorum metu Marahenses percussi, mox ad officium redierunt. Ludovicus quiescentibus Ducem dedit Rasticen, Moimari nepotem, & exercitum per Bohæmiam non sine luculentâ suorum clade reduxit, Bohæmis in transeuntes hinc inde coortis, Marte Ludovicianis iniquo. Hoc anno Salisburgi basilica, condita à D. Virgilio, conflagravit.

Annus posterus Lothario Imperatori, & Ludovico jucundâ animorum consensione hilaris accidit, inter mutua amoris certamina, & regionum epulorum, militandorumque ultro citroque munerum apparatus. Nonnihil tamen acerbitatis aspersit pertinax Lotharii in Carolum fratrem iracundia, quòd se nullis rationibus sineret abduci à suspicionem, quam de filiae raptu combiberat, quasi is Caroli consilio fuisset patratus: quo factum, ut frustra fuerint Ludovici conatus, pro instaurandâ amicitia suscepti. Nortmanni datæ ante biennium pœnæ fideique oblici, factâ in Oceani Germanici confinium eruptione, Dorostadium incendio devastârunt.

Ex Ludovici sententiâ Rhabanus, ævi sui eruditissimus, qui Olgario defuncto Moguntinenses infulas induerat, celebrem Moguntia Synodum indixit, in quâ multa de rebus sacris probè sancita, quas profana vis passim pro libidine invadebat. Qua de re Patres, scriptis ad Ludovicum litteris, sunt gravissimè conquesti. *Prò dolor* (inquiunt) *his temporibus nec sacra loca venerantur, neque Dei ministri condignè honorantur: sed vice versâ, illi, qui honorari debuerunt, flagellantur, spoliantur, atque diversis calumnijs franguntur.* Hæc dum ab Antistitibus agerentur, ad eorum tribunal adducta est fraudulenta mulier, Thiota nomine, è Diocesi Constantiensis, quæ in hunc annum supremum mundo diem denuntiabat, aliâque complura, quæ se divinitus accepisse mentiebatur. Quâ vanitate cum plurimos dementaret, fiebat ad eam magnus mortalium concursus ejusvis sexûs & ordinis, ita ut, ne sacri quidem homines, ejus magisterium & oracula aspernarentur. Consilium erat, imprudenti præstigiatrici quæstum ex præsagijs facere. Hæc protracta ad D. Albani, ubi cœtus agebantur, post exactam examinationem professâ est, se alieno suasu, id genus vitæ, ut rem ex mendacijs faceret, suscepisse. Quamobrem à Synodo ad virgarum supplicium damnata, & bene castigata, docta est deinceps abstinere figmentis, seque intra muliebris verecundiæ cancellos continere.

Haud

Haud paulò perniciosiorem pestem nìsus est invehere Gothescalcus, natione Gallus Sueffionensis, professione Monachus Corbejenfis, gradu Presbyter, insolenti & inquieto ingenio, ambitionis immodicus, sectator novitatum, ordinis sui desertor, extra omnem modum protervus. Lapsus in exoletum Prædestinationum errorem, asseribat, Deum perinde aliquot ad æternam mortem, atque ad vitam alios prædestinasse: neque enim velle eum omnes homines salvos fieri, sed eos duntaxat, qui re ipsâ demum participes sunt beatitudinis sempiternæ: & Christum quidem pro his tantum, qui salvantur, mortem oppetisse, non pro omnium hominum salute, ita ut eorum nullus, pro quibus Christi sanguis effusus est, à Diabolo, capitali generis humani inimico, rapi possit. Huic delirio aliam addebat impietatem: nempe triplicem esse in sanctissima Trinitate Deitatem. Ad convellendam pestilentem hominis nefarij doctrinam, probante Ludovico, coacta fuit Moguntina Synodus, cui Rhabanus præsedit. Cùm scelestus impostor suarum hæreseon indicem Patribus obtulisset, omnium sententiâ damnatus est, proscriptusque ex toto Ludovici regno, ad Hincmarum Remensem Archiepiscopum, ejus jurisdictioni erat obnoxius, remissus est. Ejus causâ rursus in Concilio Episcoporum Galliar Belgicar discussâ, ab universo cœtu relatus est in numerum hæreticorum, &, ne deinceps alios virulentâ contagione corrumpere, carceri apud Remos fuit mancipatus. Synodo Moguntinæ adfuit Ludovicus, reconciliatisque Rhabano subdiis, qui in eum conspirarant, aures Lotharij Cæsaris, & Caroli Regis, Legatis commodavit: audiit quoque Nortmannorum & Slavorum oratores, multaque pro reipublicæ salute decrevit. Contulit præterea insignem symbolam ad liberale donativum, quod ipsius fratres Romam Leoni IV. miserunt. Ante biennium, Sergio Pontifice, Mauri ex Africâ classe Roman ex improvise appulsi, & civium Romanorum virtute ab urbis ingressu rejecti, sacrosantas Basilicas Principum Apostolorum Petri & Pauli extra mœnia, à quibus olim Vandali manus abstinerant, omni auro, argento, gemis, quibus erant locupletissimæ, penitus spoliaverant. Ne deinceps ædes augustissimæ paterent hostium incursionibus, Leo Pontifex ingenti sumptu (quod Leo III. antè tentarat) murorum cinctum, in modum novæ civitatis, quo illæ protegerentur, cœpit moliri. Ne impensæ, quibus Pontificis ætarium par non erat, cœptum opus destituerent, Lotharius ejusque fratres, pro perpetuâ suâ in Romanam Ecclesiâ observantiâ, haud modicam pecuniæ vim suppeditarunt, rati, eam non posse sanctius, quàm in muniendâ supremâ religionis arce collocari.

Ludovicus non contentus eâ pietate, aliam non detrectavit longè operosiorum. Noverat Lotharium à Carolo implacabili odio dissidere, quæ res eum reddebat vehementer sollicitum. Ut speraret eorum animos ad concordiam posse revocari, fecit amica Lotharij invitatio, quâ eum provocabat, ut vellet, uti anno superiore fecerat, venire ad familiare colloquium. Credebat verò Ludovicus, fore de pace negotium: sed longè erat alia mens Lotharij. Convenere ad Rhenum & Mosellæ confluentes, ubi Cæsar cœpit ad incudem revocare ineluctabiles irarum causas, de raptu Filie, & Caroli fide suspectâ, movens omnem lapidem, ut Ludovicum in eandem secum mentis alienationem pertraheret. Hoc nimirum agebat inexplibilis dominandi cupiditas, ut Carolum, Ludovici nudatum auxilijs, eò facilius opprimeret, eoque oppresso, Pipinum Aquitanie, Ludovicum Germaniar regno, seorsim suo singulos ordine exueret. Verùm Ludovicus fraudem odoratus, offensione dissimulatâ, negavit fas esse sibi jura fraterni sanguinis, nedum jurisjurandi religionem, quâ Carolo erat obstrictus, violare. Enimvero ad rationis libellam Lotharius revocaret, qualenam futurum esset totius orbis de se judicium, quanta infamia, si à fratre nihil tale promerito deficeret, & pacta tam sanctè in oculis gemini exercitus, totque gentium luce conventa jurataque, sine causâ rescinderet? Id si ne impijs quidem, & à Deo alienis, fuit unquam impune, quænam supplicia sint homini Christiano, & fratris desertori metuenda? Nefas esse cuivis mortalium inimicitias gerere adversus innocentem, quanto magis Regi turpe sit ab-

AN. CHRIST.
DCCC.
XLIIX.
Fredoard.
lib. 3. c. 13. ex
Hincmaro.
GOTHE-
SCHALCE
HÆRESES

DAMNATÆ.

V.

DONATI-
VUM LEONI
IV. PONT.
MISSUM.

MAURI RO-
MAM AP-
PULSI.

URBIS LEO-
NINÆ PRIN-
CIPIA.

DOLOSUM
LOTHARIJ
CUM LUDO-
VICO COL-
LOQUIUM.

BOHÆMI
RURSUS
COMPOSITI.

rumpere germanitatem, & fœdera odijs commutare? Ea furdo (tanta vis infani ambitus) cùm canerentur, Ludovicus, congressus impios abominatus, odioſo comitio ſe ſubduxit. Et verò rursus eum avocabant renovati ad Bohæmiæ confinia tumultus. Bohæmi, correptis armis, ferebantur in Boicam eſſe irrupturi. Quamobrem Ludovicus junior, adultâ jam æſtate, cum expedito milite miſſus à parente, ſic rem geſſit, ut victos adegerit ad pacem per legatos orandam, dandôſque pactorum obliides.

VI.

Inter hæc Carolus, cùm nullum fratetnî odij finem videret, denique indignum ratus, ſe ob unius clientis noxam perpetuis curis agitari; Giſalbertum, cujus ſcelus præcipuè Lotharius accusabat, proſcripſit. Proſcriptus confugit ad Ludovici fidem, qui miſſis ad Theodonis villam Legatis, ubi tum agebat Lotharius, exuli veniam conatus eſt impetrare.

AN. CHRIST.
DCCC.
XLIX.
Annal. Fuld.
Herman.
Sigeb.
BELL. BO-
IÆMICI IN-
FELIX EXI-
TUS.

Hæc agentem Bohæmi, ſtudio vindicandæ libertatis ad arma coorti, palâmque Regis imperia derectantes, ad belli curas denuo exciverunt antè, quàm tumultus morâ convaleſceret. Collecto proinde raptim, ut in re ſubitâ, exercitu, expeditionem Erneſto Narifcorum Comiti demandavit. Nomina militiæ dederunt, præter validum equitatum, numeroſasque gregatiorum legiones, è primâ nobilitate non modò Proceres, ſed etiam Abbates haud pauci, quos ſuperiorum expeditionum felicitas, ſpèsque belli ſine negotio conficiendi, ad ſigna invitârat. Verùm quæ ſunt Bellonæ vices, & rerum humanarum inconstantia, grande molimen levi momento corruptum eſt. Duçtores, continentibus aſſuetos victorijs, inceſſit ſui inſolens confidentia, & hoſtium contemptus, quibus haud facile ſunt hoſtes in bello deteriores. Bohæmi contrâ cladibus aſſueti, ſe munimentis tuebantur, bellum cunctatione duçturi. Dum ſui copiam non faciunt, glorioſi noſtri Thraſones caſtra ſibi depoſcunt expugnanda. Erneſtus eorum motus alacritate, aciem inſtruit, datque ſignum invadendi. Magnis animis ſit incuſſio à feroci juventute; à Bohæmis viciffim ingenti ardore reſiſtitur. Multi utrinque caſi, plures ſauciati, hinc pro aris atque focis, inde pro gloriâ certantes. Cùm oppugnation non ſuccederet, Erneſtus cani juſſit receptui. Inter ſaucios fuit Tachulſus Comes Sorabici limitis, ſecundùm genu telo debilitatus. Poſt conflictum, Bohæmi ſuorum vires & occiſorum numerum, cum regionum virtute & multitudine conferentes, tamenſi ſe egregiè ultri fuerant, tamen veriti, ne, ſi rursus ad manus veniretur, denique ſuccumberent caſu, qui foret univerſæ genti exitiabilis, in commune ſtatuunt de deditione agere. Orant proinde colloquendi facultatem cum Tachulfo, quippe qui gentis linguam, mores atque inſtituta præ cæteris haberet perſpecta. Illi quidem grave erat, ultrò citròque commeando, recens vulnus irritare: ne tamen hoſti rediret ferocia, cognito, eum ex vulnere decumbere, paſſus eſt ſibi perſuaderi, ut obligato genu equo impoſitus, ad Bohæmorum caſtra veheretur: ubi egit tantâ dexteritate & animi conſtantiâ, ut, diſſimulato dolore, pacis interpretes ad æquas conditiones inclinârit. Id cùm ab Erneſto in militari Senatu referretur, fuère nonnulli, qui ſtimulante invidiâ, fremitu primùm, poſt quiritationibus cœperunt expoſtulare, palâmque invehi in Tachulſum: cum ſcilicet eſſe virum, cui uni debeat conſecti belli paciſque gloria in acceptis referri. Quænath igitur ſint futura præmia reliquorum, qui ſuâ virtute & periculo hoſtem conjecerint in ultimam deſperationem: ſi homo Sorabus omnia ad ſe decora rapiat, ipſaque adeò ſummi Ducis munia, cujus ſit cum hoſte paciſci? Illi ergo aperte negare pacem, pugnam poſcere, convolare ad arma, nec expectato Erneſti imperio ruere in hoſtem. Tachulſus adhuc cum Bohæmorum legatis agebat, tutus fide publicâ, cùm per exploratores nunciatur in caſtris, Boicos lymphatis ſimiles cum inſeſto agmine vim proximam parare. Bohæmi divûm hominûmque fidem, & gentium jura conteſtantes, ſe cohortati mutuò, ut in ſupremo diſcrimine, ſigna pro vallo explicant, conſertaque pugnâ, tantam edunt ſtragem, ut Boijs devictis ſalutis ſpes in ſolâ fugâ ſuper'eſſet. Ergo fuſi palantéſque, ad caſtra trepidi refugiunt, & Bohæmis tergo hærentibus, agrè vallum tutantur, nemine auſo extra lo-

HOSTIUM
CASTR
MALE OP-
PUGNATA.

VII.

PAX BOIÆ-
MIS TEMERE
NEGATA.

BOII CÆSI.

& gentium jura conteſtantes, ſe cohortati mutuò, ut in ſupremo diſcrimine, ſigna pro vallo explicant, conſertaque pugnâ, tantam edunt ſtragem, ut Boijs devictis ſalutis ſpes in ſolâ fugâ ſuper'eſſet. Ergo fuſi palantéſque, ad caſtra trepidi refugiunt, & Bohæmis tergo hærentibus, agrè vallum tutantur, nemine auſo extra lo-

ricam

ricam pedem figere, vel prohibere, quò minùs victores cæforum corpora, in eorum oculis, cum insigni spectantium ludibrio spoliarent. Adduxerunt præterea percussos in eam desperationem, ut, qui insolenter pacem respuerant, darent hosti obfides, hoc duntaxat pacti, ut salvis corporibus agmen miserabile, plenumque dedecoris, viâ publicâ, per hosticum, sine maleficio, in Boicam se referret. Ne lateret, quo concitante esset peccatum, fuit Hæstæ, villâ Moguntinæ ditionis, Energumenus infellus ab hoste tartareo, qui disertè professus est, se utique belli Bohæmici consilia confudisse, ope atque instinctu duarum furiarum, superbix videlicet & discordiæ: se ijs in partem iuvantibus cecinisse classicum, & devictis Boijs, victoriam Bohæmis conciliasse egregio ad Erebi laudem operæ pretio.

Auctore non alio (si vera fama est) anno proximo Rorucus è Nortmannorum natione, vir manu strenuus, bonus consilio, venit in ultimam propè capitis dimicationem, quæ cum demum compulit ad Ludovicum Regem confugere. Cum se dudum Lothario Imperatori rebus præclare gestis probâisset, unâ cum fratre Harialdo Dorostadium clientelæ nexu accepit. Ea res (qui invidiæ genius est) graves viro fortè concivit æmulatorum insidias, qui, ut eum gradu & Lotharij dignatione moverent, commenti sunt, eum Cæsaris consilia hostibus perfidiosè prodidisse. Quæ delatio & Lotharij suspicio, quæ perinde est insontibus atque sontibus periculosa, pro specioso patrata perduellionis argumento fuit. Ita miser abripitur in vincula, & tamdiu carcere clauditur, donec elapsus, ad Ludovici clementiam, velut ad sacram aram, confugit. Recepto in tutelam, sedes inter Saxones Orientales Nortmannis confines permittitur. Posteaquam isthuc aliquantisper peregerat, otij impatiens, cupidusque rei ex prædis faciendæ, collecta Danorum non contemnendâ manu, cœpit piraticam exercere, & vindex acceptæ ignominix, Lotharij regiones ad Oceani Borealis littora populationibus, aliisque injurijs vexare. Tum progressus per Rheni ostia, Dorostadium redegit in suam potestatem. Cum se, eò loci, præsidio & bellico apparatu munivisset, molestitus esse pergebat Lothario, sed erat difficilis expugnari propter urbis firmitatem, quæ sine operosa obsidione nequibat superari. Unde placuit Senatui regio, non adversante Lothario, virum fortem benignitate, quæ valida est in magnanimos machina, potiùs, quàm armis domare, cùmque eo sic pacisci, ut oppidum beneficiario jure retineret, tributum referret in fiscum, perstaret in fide Cæsaris, obsequia ex clientelis nexa præstaret, denique Danorum prædatorias grassationes cohiberet.

Hoc anno fames, tormentum piratis longè crudelius, Germaniam sæviter excruciauit, eo præsertim tractu, qui ad Ludovici ditionem spectabat in Rheni confinio. Frumenti modius Moguntiaci decem argenti scelis venijt, grandi scilicet eâ tempestate pretio, quod nostri temporis ponderi appensum, si multum quinque puri probati argenti uncias, vel sesquiduas (quod de vulgari siclo probabilius est) æquaret. Innumera penè multitudo inediâ periijt. Mirè tum clauit Rabani Moguntini Antistitis in miseros liberalitas. Præter complures, quibus præbebat annonam, trecentis quotidie è suâ penu sportulas erogabat. Fuit, cùm mulier vix hærens ossibus, & exucca jejunio, parvulum sinu complectens, cæterorum se turbæ adjunxit. Acceptura stipem, nondum portæ limen superârat, cùm, debilitate fatiscens, subito extincta est: quod aspectu miserabile; infans affixus uberibus, velut à vivente lac conabatur exprimere; quæ spectaculi miseratio adstantibus gemitus elicuit & lachrymas. Crudelius fuit coloni Grabfeldensis consilium. Is relicta domo, eum uxore & filiolo, ut subveniret inopiæ, iter arripuerat in Turingiam. Fame dirum urgente, sylvam ingressus, uxorem sic affatur: *Quia vita consulimus & in escam filium vertimus, nihilominus paulò post fame perisurum? Cui bono tres peribimus, si unius paulum properat: necesse duo possimus servari?* Mulier detestata scelus, & obluetata quantum licuit, viro ferrum stringente, ne filij carnificinam videret, secessit in fruteta. Jam sic parvuli jugulum erat haustura, cùm marito apparent duo lupi cervam laniantes. Ille omisso filio, con-

VIII.

DÆMON VI-
CTIS INSUL-
TAT.

AN. CHRIST.
DCCCL.
RORUCUS
NORTMAN-
NUS APUD
LOTHARIUM
AB INVIDIS
EVERSUS,

EXERCET
PIRATICAM,

DOROSTA-
DIUM OCCU-
PAT,

CUM LO-
THARIO RE-
DIT IN GRA-
TIAM.

Annal. Fæd.
INGENS FA-
MES.

IX.

Vide Covarr.
de Numism.
c. 2. n. 9.

RABANI MI-
SERICORDIA
IN EGENTES.

COLONUS
GRABFEL-
DENSIS

FILIOLOM
DESTINAT
AD PROPRI-
AS DAPES.

CERVAM
LUPIS ERI-
PIT, ET PAR-
CIT FILIO.

festim accurrens prædam feris extorquet, moxque regressus ad uxorem frustra tabo manantia ostendit. Illa se credens filij carnes videre, animo linquente exspiranti similis jacuit, donec aspectu filij sibi reddita, recte atque tempestivo ferinæ obsonio, famem sedavit.

AN. CHRIST.
DCCCLL
Annal. Fuld.
SORABI A
LUDOVICO
DOMITI.

Germania nondum sat pœnarum dederat iræ Superum. Sorabi, quibusdam Misni, alijs Dalmatæ, manus quoque divinæ vindictæ commodaverunt. Ingenti numero suos egressi fines, sese in Ludovici ditionem infesti infuderunt. Cum universa longè latèque vastarent, Ludovicus, ut eos ad domestica pericula averteret, ducto per Turingos milite, eorum sedes irrupit, & agro pessundato, afflictâ segete, elisâ spe omnis annonæ, arctâque pressos obsidione, demum inediâ ad deditionem adegit. Nondum Aquitanorum fortunam, nisi cum aliquâ historiæ obscuritate, possumus à Boicâ separare. Pipinus Rex captus à Carolo Calvo, in Sueffionense D. Medardi Monasterium hoc anno detrusus est. Carolus Pipini frater, qui hunc invisurus venerat, à Calvi comitibus detentus, missus Corbejam, attonsusque in custodiâ habitus, ne pro suâ & fratris injuriâ, apud Aquitanos, gentem bellicosam, turbas excitaret. Quæ res, uti mox videbimus, Ludovico haud parùm negotij facessiverunt.

X.

AN. CHRIST.
DCCCLL

Is tamen mihi erat in propinquos, & in clientes clementi ingenio, non erat tamen ejus regnum expers erroris; quod patuit in Henaldi Nortmanni Dynastæ funesto exitu. Hic cum gratiâ Horichi Danorum Regis, quâ causâ incertum, excidisset, ejus indignationem veritus, se recepit ad Ludovicum, velut sacram miserorum anchoram. Ab hoc exceptus officiosè, haustâ divinorum mysteriorum notitiâ, se Christi obsequio lubens volensque adjunxit. Diu fuit inter Ludovici familiares, ne dicam amicos. Ea res, vel (quod vero propius) suscepta Christi religio ipsi peperit exitium. Danos urebat ejus ad aliena sacra defectio, & cum Rex jam sponte oderat: Danici limitis custodes, ne peregrino homini fiderent, à Danis monebantur, eumque prodicionis, speciosâ delatione, insimulabant, quasi agigaret cum Horicho clandestina consilia, ad recuperandum pristinæ locum dignitatis, quod fraudis genus non est inconsultum, cum hostis adversarius, quem vi non potest subruere, dolo cupit eversum. Certè lubricæ fidei suspicio, per Danos injecta, tantum valuit in animis Francorum, ut abstulerit vitam Henaldo, quæ tamen nemini, nisi sceleris comperto, debet auferri.

HENALDUS
NORTMAN-
NUS FIT
CHRISTIA-
NUS.

INIUSTE OC-
CIDITUR.

SYNODUS
MOGUNTI-
NA.

Rursus hoc anno, Ludovici voluntate, Moguntiaci Synodus de religiosis quæstionibus habita est à Rabano, & omnibus Franciæ Orientalis, Bojariæ, & Saxoniarum Episcopis & Cœnobiarchis. Ibidem Rex, adhibitis in consilium Principibus, literes forenses, quæque præterea ad Rempublicam pertinebant, composuit. Inde reversus in Bojariam, rebus quæ publicis, quæ privatis in ordinem redactis, Coloniæ Rheno secundo navigavit, ubi cum Lotharij Legatis congressus, movit in Saxoniam, & ad Visurgim amnem, loco, quem Nimiam, sive Mindam dixere, eorum maximè causas cognovit, qui à pravis Judicibus vel neglecti, vel longis comperendinationibus dilati, litibus immortalibus & injuriis opprimebantur. Res illi etiam fuit de recuperandis possessionibus, quas nonnulli iniquis usurpationibus sibi vendicarent. Ex eo loco, qui mos olim erat Cæsarum, cum insigni Reipublicæ commodo, Angros, Harudos, Suabos, & Holsingos peragrans, prout res cujusque regionis poscebant, auditis quæstitorum & partium postulatis, jus dixit sedulò & integrè. Regressus in Turingiam, legem tulit Erfurti, ne quis Magistratum intra suæ jurisdictionis fines privatarum causarum patronum ageret, tamen in aliorum præfecturis id ipsum eorum nemini prohiberetur. Demum redux in Boicam, sacras Christi nascentis ferias egit Reginoburgi, ubi Erchenfrido Antistiti rebus humanis exempto Embrichus successit.

AN. CHRIST.
DCCCLIII.

XI.

Ex diligenti Reipublicæ procuratore, annis superioribus, Ludovicus famam adeò secundam sibi comparavit, ut Aquitani Pipino Rege destituti, de commitendis illi regni Aquitanici habenis consilia agerent. Ordines enim ejusce nationis, occupatæ per vim à Carolo Calvo dominationis injurias exosi, crebris lega-

tio-

eidibus à Ludovico contendebant, vellet afflictis regni rebus, quâ posset ope succurrere. Carolum etenim, ejectis Aquitaniz hæredibus, nihilo melioribus artibus rempublicam gerere, quàm invaserat: prona esse gentis studia ad jugum excutendum, ducem tantùm deesse, cuius industriâ Aquitanorum arma regantur. Is sive Ludovicus esse velit, sive malit filium solio admoveat, vires reperturum, quibus regnum occupet & tueatur. Cùm Ludovicus, ut in re perplexâ, cunctaretur, veritus certam Caroli amicitiam incerto rei difficilis eventu mutare, Legati disertè renunciârunt, fore, ut si ipse rebus usque eò deploratis non opituletur, Aquitani externorum auxilia respiciant, ne habitâ quidem Sacrorum ratione: quod Caroli Magni nepotibus futurum esset perquam inhonestum, si apud posteros dicantur, regnum per oscitantiam, impiorum potestati permisissè. Et verò haud parùm urgebat proximum à Nortmannis discrimen, qui vecti fluvio Ligeri, Turonum fines ultimis sævitiz exemplis deformabant. Jam enim ipsâ urbe potiti D. Martini basilicam, sanctitate & populorum religione famosam, redegerant in cineres, Francis ad spectaculi atrocitatem stupentibus, & nemine auso arma barbaris opponere. Hæc dum ultrò citròque agitantur, quod anni fuit reliquum, abiit, & sensim Aquitanorum ardor refrixit.

AQUITANI
LUDOVICO
REGNUM
OFFERUNT.

NORTMANNI
IN TU-
RONIBUS
SÆVIUNT.

Quare cùm Rex anno postero Ludovicum filium sibi cognominem præclaris quidem mandatis, sed modicis instructum copijs, ad Aquitanos misisset, hos mutato consilio reperit, non esse adeò à Carolo alienos, ut pro novo Principe vellet belli discrimen adire, sed satius ducerent, Regem malum pacati tolerare, quàm per vim quærere meliorem. Unica supererat inter Aquitanos Gotzbertinorum familia, quæ Carolo, qui ejusce sanguinis Principem interfecerat, erat insensa, & rerum novandarum studio tenebatur, cæteris nihil tale cogitantibus. Quocirca Ludovicus junior à totâ penè gente desertus, cùm paucorum conspiratione bellum non censeret consilio posse accendi, quod restingui nisi multorum sanguine nequibat, sub autumnum reversus in Germaniam, languida Aquitanorum, & malè cohærentia studia apud parentem sic damnavit, ut tamen ostenderet, ijs motuum causas non defuisse, nec sine ratione fecisse, quod à prioribus consilijs descivissent. Cùm enim non solo Calvi odio, sed Nortmannorum metu auxilia Germanorum optâssent, illos timere desierant, quod in patriam revocati, sese bello Danico implicuissent. Exarserat enim inter Godurum Danorum Regem, eiusque ex fratre nepotem Godurmum, implacabile dissidium, traxerâtque Nortmannos in partes, supremâque dimicationem, in quâ furore tam pertinaci concurrerunt, ut ex innumerorum strage, unus duntaxat è stirpe regiâ puer fuerit superstes, in speciem regni ad posteros propagandi. Sic Gallia istâ hominum colluvie aliquantum levata, paulùm respirabat, neque sibi videbatur exterorum armis egere.

AN. CHRISTI
DCCCLIV.
XII.

AQUITANI
MUTANT
SENTENTIAM.

LUDOVICUS
JUNIOR IN
BOICAM
REVERTITUR.

INGENS
NORTMAN-
NORUM
STRAGES.

Secundum hæc cœlestis iræ signa Ludovici regnum terruere. Tricies terra apud Wirceburgum (alij Moguntiam scribunt) horrendum tremuit, anno quinquagesimo quinto. Aër ventorum turbinibus, grandine, fulminibus, flagellatione messis, mortalibus mirè fuit infestus. D. Kiliani martyris basilica nonis Junij de cœlo tacta, pars conflagravit, pars terræ motu procubuit. Ne tamen Martyris ossa abirent in cineres, donec templo efferrentur, divina manus cœlestem flammam, hæc illac sub laqueari volitantem, sine noxa continuit. Octobri mense, visi per noctem igniculi, formâ spiculorum, qui haud sublimes per auras versus Occidentem ferebantur. Quibus portentis fides adstrui credita est, quando Rastices Moravorum Regulus, is ipse, qui Ludovici beneficio gentis Principatum adierat, immemor officij, facere imperata recusavit. Ludovico magnâ bellatorum mole Provinciam aggresso, cùm Moravi castris opere munitis protecti, sui copiam non facerent, visum non est, in ijs expugnandis vicorum fortium facere pacturam, ne acceptæ nuper in Bohemiâ ignominiz exemplum repeteretur. Datum tamen militi, regionem latè populationibus, cædibus, aliisque belli injurijs vastare. Hostis factâ eruptione nostrorum castris ausus insultare, cum insigni clade re-

AN. CHRISTI
DCCCLV.
GRAVES
TEMPESTATES.

RASTICES
MORAVI
REBELLIO.

VASTANTUR
MORAVI,
CLADE AFFICIUNTUR.

Qui

Quis est. Ludovicus exercitum prædâ locupletem vix domum reduxerat, cum Moravi abeuntis vestigia secuti, trajecto Danubio, agrique parte deformatâ, suum dolorem ulți sunt.

*Lib. Tradit.
Frising. apud
Hund. pag.
39. n. 8.*

Hoc anno Annonem Frisingensem Episcopum Hildeschalco Tridentino Antistiti litem movisse reperio, de vinetis in agro Pisonensi, sive Bozanensi, quæ ille querebatur præter jus fâsque Ecclesiæ Frisingensi auferri. Ludovicus de controversiâ sententiam rogatus, Aiblingæ in conventu Procerum, datis causæ cognitoribus, secundum Annonem pronuntiavit.

LOTHARIUS
I. SPONTE
FIT MONA-
CHUS.

XIII.

*MORITUR.
Annal. Fuld.
Regino.
Herman.*

Lotharius Imperator geminâ morte defunctus est: alterâ, quâ rebus caducis tempestivè salutaritèrque nuntium remisit: alterâ, quâ naturæ debitum exolvit. Etenim tum præsentis vitæ tædio, tum præteritæ pœnitundine, rerûmque meliorum desiderio, regna omnémque imperantis majestatem Monasticâ simplicitate mutavit. Indiētis regnorum Comitijis, Provincias in filios partitus, Ludovico Italiam cum Imperij titulis, Lothario Austrasiam, Carolo natu minimo Burgundiam cum parte Saluviz, quam Provinciam vocant, reliquit: tum constitutâ Republicâ, in Prumiensē Trevericæ ditionis Monasterium secedens, comâ positâ, vitam religiosam, regiâ longè tutiorem, est professus: quæ tametsi illi brevis fuit, fuit tamen ad salutem verâque laudem peropportuna. Eam finiit 3. calend. Octob. non autem quarto, ut vult author Annalium Ecclesiasticorum, vel sexto ex aliorum sententiâ, quos refutat Cæsareum Epitaphium, quod extat in pervetusto codice Bibliothecæ Fuldensis, inter Rabani poemata, his versibus:

CONTINET HIC TUMULUS VENERANDI CÆSARIS
OSSA

HLOTHARII MAGNI PRINCIPIS ATQUE PII.
QUI FRANCIS, ITALIS, ROMANIS PRÆFUIT IPSIS,
OMNIA SED SPREVIT, PAUPER ET HINC ABIIT.
NAM BIS TRICENOS MONACHUM SIC ATTIGIT
ANNOS,
ET SE MUTAVIT AC BENE POST OBIIT
III. KL. OCTOBRIS.

Ejus corpus compositum in basilicâ Prumiensī ante Aram, animarum memoriæ ex ejus voto dicatam, tymbo humili & rarâ modestiâ. Lotharius filius Regni Austrasiz possessionem non prius inijt, quàm Ludovici patrui eâ super re voluntatem explorâisset. Et verò id è re ipsius esse censuerunt regni Optimates, qui tum deum ei sacramento dixerunt, cum Ludovico id fore gratum Francofurti, ubi agebat id temporis, intellexissent: quòd nôssent permultum interesse tali fautore & amico firmari regnum adversus quosvis casus, eos maximè, quos defuncti patris, exemplo Lotharij fratres potuissent excitare.

*AN. CHRIST.
DCCCLVI.
DALMATÆ
FACTI VE-
CTIGALES.*

XIV.

Prosperè cessit anno sequenti Ludovici in Dalmatas expeditio. Quæ causa ad eam suscipiendam illum moverit, annalibus tacentibus, non est promptum dicere: Principibus rarò defunt qualescunque bellorum rationes. Id saltem constat, Dalmatas prælio superatos, inque fidem receptos, annuam tributî pensitationem pactos esse victori, & dedisse insuper obsides. In pugnâ, cum permultis Ludovicianis occubuere bini Comites, Bardo & Erpfus, genere rebûsque præclare gestis illustres.

Cum exercitus per Bohæmiam reverteretur, nonnulli gentis Dynastæ se Ludovico dederunt, vi, an ultrò, incertum: credibile tamen est, eos rebus privatis consultum voluisse adversus civiles turbas, quæ Bohæmos distrahebant in factiones, unde & natum Ludovico bellum, anno, qui proximè secutus est.

*AN. CHRIST.
DCCC.
LVII.*

Id antè quàm aggrediretur, mense Febuario ad Rheni & Mosellæ Confluentes cum Lothario nepote collocutus, indèque regressus, apud Vangiones Senatum juri dicundo aperuit: tum expeditis ejusce Provinciæ negotijs, curas ad Bohæ-

Bohæmiæ sedandos motus convertit. Orta fuerat inter binos Wiztrahî, viri in eâ natione potentis, filios contentio de bonis paternis, præsertim de civitate, quam juris communione acceperant indivisam, in quâ rebellis parens jam diu suum dominatum Ludovici ingratis firmaverat. Sclavitus frater alter, sive armis, seu favore civium potentior, acceptâ tyrannide germanum hæreditate exclusum, solo patrio expulerat, coactum ad Cziztibori Soraborum reguli patrocini-um confugere, & tolerare exilij ærumnas, donec fortuna, quæ miseris aliquando clemens est, rebus benignior adspiraret. Amoto æmulo, Sclavitus cœpit pro libidine omnia sursum deorsum vertere, nihil agere moderatè, cives acerbis imperijs, privatorum fortunas avariciâ, vetera civitatis instituta novis decretis evertere, plebis iras ad vindictam, & continenti rebellionem arma Ludovici protervè provocare. Regi non erat integrum in Bohæmiam proficisci, satis fuit Ot-garium mitratum Ductorem, Rudolphum palatii magistrum, & Ernestum Naris-co-rum Comitis filium, cum legatorum potestate mittere. Hi delati in Bohæmiam, Tyrannum nusquam prodeuntem, in urbe, quàm rerum suarum spoliarium à pa-tre acceperat, obsident, & denique redigunt in suam potestatem. Tyrannum fuga servavit, quem Rastices Moravi tecto recepit. Exulis frater domum revo-catus, plaudente vulgo, Ludovici jussu Dynastiæ restitutus, suam fidem modera-tionemque probavit.

Quæ sequuntur, Ludovicum vehementer distraxere, bellis diverso agmine varijs ex locis emergentibus, cum tantâ rerum perturbatione, ut ad interitum omnia inclinare viderentur. Præcessere, ut anno abhinc tertio, vehementes terræ agitationes, quæ Germaniam passim concusserunt. Ipsi Januarij calendis, tanta vis Moguntiam perculit, ut parietes, alioqui firmi, rimas agerent. D. Albani templum solidi operis nondumque vetusti, excusso fastigio, vicinum D. Michaëlis oratorium, geminamque ejus testudinem, solo æquavit. Præmissa tamen bello pacata consilia, tum Forchemij, tum Ulmæ, quæ id temporis villæ nuncupatione censèbatur. Hic Ludovicus Bojus Ludovici Cæsaris, nepotis sui, Legatos Notin-gum Episcopum & Eberhardum Comitem benignè audiit, & suos ex Austrasiâ reduces Francofurti, renuntiantes, Lotharium nepotem oppidò probare, ut ad diem dictam Confluentiæ magnis de rebus colloquium institueretur. Eò cum Ludovicus venisset, nec promissis staret Lotharius, non obscurè advertit, inde rexi fraudes, unde Reipublicæ salus erat expectanda. Etenim nepos uterque Carolus & Lotharius in eum, nihil ejusmodi cogitantem, conspiraverant, doli architecto Carolo, pudendâ stirpis Carolinæ labe. Reversus Francofurtum, accepit longè tristiora. Tumultuari denuo Moravos Rastice concitatore: Obotritos & Livo-nes esse in armis, Sorabos detrectare imperia. Arduum tot simul hostibus occu-rere. Moravis objecit Carolomannum, Obotritis Ludovicum, filios, Sorabis Tracolfum. Et jam tergemini exercitus erant in procinctu, cum repenti è Gal-liâ Legati Adchardus Cœnobiarcha & Ortho Comes, Francofurti adfuerunt, com-muni Francorum nomine rogantes opem patriæ ad exitium ruenti, quæ nisi ma-turaretur, manus supplices tendi oportere hostibus nominis Christiani, petique exi-tium, nisi salus aliunde veniret. Caroli tyrannidem eò usque evadere intolerabilem, ut à gente liberâ ferri diutius non possit. Barbaros quidem in Galliæ fines cædibus & incendijs atrociter esse grassatos, sed longè atrociora patrari à Carolo sævientie in ipsa regni viscera, & nepotando abliguriente spes ultimas miserandæ nationis. Nihil tam pravum abs ullo regum posse designari, quod æquare possit ejus imma-nitatem. Vastum illi esse ingenium, flexibile ad omnem auram, varium ac mul-tiplex, pudendam consiliorum actionumque inconstantiam, quodque dedecus omne superet, tam nullam fidem, ut nemo Francus sit, qui vel jurato arâsque tan-genti hilum sit crediturus: non posse verbis exprimi immanitatem in fontes juxta ac innocentes: nullum esse respectum æquitatis, publici nullam curam: quibus rebus eum, omnium Franciæ Ordinum inexpiabile odium & execrationem incur-risse. Quæ quidem, illi asseverabant, se totius nationis nomine jussuque adterre-

MOTUS BO-
HÆMICI

COMPRESSI

AN. CHRIST.
DCCCLIX

XV.
TERRÆ MU-
TUS.

NEPOTES
CONSPI-
RANT IN
LUDOVICUM.
BELLA VA-
RIA EODEM
TEMPORE.

FRANCI RO-
GANT AU-
XILIUM AD-
VERSUS CA-
ROLOMANNUM.

XVI.

LUDOVICUS
MOVET IN
CAROLUM.
*Baron. ad
hunc ann.*

CALVUS
PROFUGIT.

XVII.

GALLI IN
LUDOVICUM
CONSPI-
RANT.

PRODITIO-
NE CIRCUM-
VENIUNT.

LUDOVICUS
REDIT IN
GERMANI-
AM, AD SO-
RABOS COM-
PESCENDOS.

XIIIX.

MALE AU-
DIT APUD
ROM. PON-
TIFICEM.

Hæc tametsi erant gravissima, diu tamen Ludovicus explicare consilia non potuit, memor tolerati nuper ab Aquitanis ludibrij: & ipsius magnopere referebat, collectam dudum justitiæ famam non temerare. Grave quoque ipsi videbatur ac indecorum, pro re exterâ bellum suscipere adversus fratrem, cui suam fidem olim tam sanctè addixisset. Attamen à suis se passus est induci, ut Oratoribus auxilia promitteret. Maturo jam Sextili apud Wormatiam convenere legiones: indeque per Alsatiam in Galliam, ad Ponticonam villam regiam moverunt. Isti complures Galli Proceres Ludovico, honoris causâ, obviam processere: multi Carolo ad Ligerim, adversus Nortmannos denuo regressos, navabant operam. Ludovicus Episcoporum Galliarum conventum indixit (ne quid eorum ingratis tentaret) ad 8. cal. Decemb. sed illi prolixis litteris suas ærumnas & temporis iniquitatem excusantes, gravissimâ illum oratione à regno alieno per vim invadendo sunt dehortati, rogantes, ut, qui specie ferendi rebus afflictis auxilij venisset, saltem licentiæ militaris maleficia coerceret.

Carolus ubi de Ludovici adventu fuit factus certior, in eum signa vertit, omisissis Nortmannis. Locus prælio delectus ad Briacum. Instructâ utrinque acie, Carolus, suorum paucitati adversus Germanorum & Gallorum, qui frequentes ad Ludovicum defecerant, multitudinem, diffusus; relictis in arenâ legionibus, occultè cum paucis profugit. Miles Duce & Rege destitutus, totis mox castris transiit ad signa Ludovici. Poterat Carolus ex fugâ retrahi, idque poscebant Ludovici ductores; sed amor fraterni sanguinis vetuit quemquam instare fugienti, ne duplici eum, deserti exercitus & captivitatis, infamiâ notaret. Gallos videlicet, ut erat ipse candidi pectoris, suo pede metiebatur, credere facilis, haud facilis cuiquam diffidere, ex vultu & sermone animum æstimare. Illi palam dissimulare insidias, odium habere in occulto, inter hæc illum colere, gratulari successum prosperum, vendicare sua obsequia, ad nauseam assentari, ut ipse nihil à Rege, omnis periculi securo, sibi differre videretur. Atqui fallaces ostentationes, quibus nemo, nisi deceptus, credit, eò spectabant, ut simul se Caroli metu liberarent, simul suum liberatorem fraudibus irretirent. Itaque persuaso, sat superque fore virium ex Gallicâ nobilitate & Francorum legionibus, quæ transitionem fecerant, cohibendis motibus, si qui à Carolo orirentur: quod multò erat inconsultissimum, impetrant, ut militem Germanicum velut supervacaneum, & exhaustæ aliàs Galliarum onerosum, ad res Germaniarum tutandas, reprimentasque finitimorum molitiones, domum remitteret. Ergo ijs nudatus, statuit nihilominus in Franciâ hibernare, uti per orium regni negotia componeret, nihil pensî habens, quòd vitam, famam, opes, infidis fratris desertoribus, fallendi periculis, committeret. Quod imprudentis consilij caput fuit, Conradi Comitis filios, egregios fraudum architectos, credebat ex omni Gallicæ nobilitatis delectu sibi fidissimos & amicissimos. Hos (quod peius fuit) misit ad consilia Caroli exploranda, qui, simul ac eum convenerant, authores fuerunt, regios spiritus sceptrumque magno animo resumendi. Enimvero esse circa Ludovicum Germanorum insignem solitudinem, plerosque Gallos nullâ esse, vel ambiguâ fide, plebem mutatâ voluntate veterem dominum suspirare: ita Ludovicum incogitantem nullo negotio posse opprimi, ut qui nihil parati haberet, præter paucos stipatores, & de cætero gregem perfidorum. Et verò vir candidæ mentis hac fraude occubisset, nisi Soraborum, qui Ezistoborum limiti præfectum interfecerant, defectione subito fuisset in Germaniam revocatus. Ejus discessus omnia Carolo ad pristinam dignitatem prona reddidit. Expeditionis Gallicæ fructus nullus, præter brevissimi temporis, velut personatum imperium, & veram invidiam, quâ apud Nicolaum Pontificem, Carolo faces subdente, & apud orbis Christiani Principes, de fratris injuriâ quiritante, conflagravit. Unde suscepto causæ patrocinio, graviter cum Ludovico expositum, quasi solâ dominatûs proferendi cupiditate, rei Christianæ tranquillitatem & jura germanitatis violasset. Accessere ex urbe litteræ, quibus rogabatur, ne fessis Franciæ rebus ultimam calamitatem interreret.

Sed

Sed & Galliarum Episcopi metu soluti, factique ejus absentiam fidentiores, cum Germanorum reliquias primo vere in patriam retraxisset, datis ad eum litteris, admonuerunt, piaculum susciperet eorum, quae perperam in Galliam gessisset; & illata damna sarciret. Respondit, nihil injussu Germaniarum Episcoporum fecisse; eorum se judicium non averfari; ut verò ijs inconsultis hac in parte Gallos audiat, nunquam inducturum animum. Attamen ne similitudines, quae paulatim gliscebant in majus, irrumperent in odia graviora; per alios oratores, dolos, quibus fuerat circumventus, aperuit, omnemque movit lapidem, quo fratrem nepotemque sibi reconciliaret. Demum eò rem adduxit, ut ad dictam diem prope Anternacum, in Insulam, medio Rheno, agerent de amicitiae instauratione. Isthic cum ancipiti disceptatione nihil statueretur, causa in alium congressum est rejecta.

Inter hæc Theodonem Fuldensem Abbatem misit ad summum Pontificem & Ludovicum Imperatorem, qui rerum à se in Galliam gestarum rationem redderet. Se videlicet nullo ambitu, neque ultro, istam expeditionem suscepisse, sed infimis oratorum precibus, & regni periculo, quod intestinis, juxta ac externis penè oppressum dicebant. Theodo legatione pro voto perfunctus, ex urbe rediens, Ludovicum apud lacum Brigantinum offendit Basileam reducem, ubi ex composito cum fratre de concordia fuerat collocuturus, nisi Carolus vadimonium deseruisset. Huic enim faciebant animos Galliarum Episcopi, qui nupero Ludovici responso commotiores, omnino urgebant, ut prius quam à noxa solveretur, majorum more susceptam poenam expiaretur. Quam ad rem Hincmarum Remensem, Gontharium Colonensem, Venilonem Rotomagensem, Archiepiscopos, inter ejusce nationis Praesules, doctrinae & prudentiae famam facile principes, mandatis severissimis instructos, misere, quibus si Ludovicus detulisset, ejus causa fuisset ad eorum arbitrium revocanda: verum ille, ne latum quidem unguem à Germaniarum Antistitum autoritate se discessurum, neque suspectis arbitris litem ingressurum, respondit.

Gravior fuit Venilonis Senonensis Archiepiscopi controversia, tum ob adversarii potentiam, tum criminis atrocitatem. Eum Carolus perduellionis accesserat, quod se Gallis defectionis authorem praestitisset. Quam de re graviter actum est in Concilio Tullensi, Carolo in factiosos inexorabili; donec cum Ludovicus Confluentiae ad clementiam inflexit. Illuc conveniunt cum nepote Lothario, in splendido virorum illustrissimorum comitatu, tandemque 8. Idus Julias amicitiam integrarunt. Primum omnium inducta praeteritarum offensionum memoria, bellis obnuntiatum, sancita pax, promissa invicem auxilia, iidem omnibus destinati hostes & amici, addicta Ecclesiae & religioni defensio, singula capita jurejurando firmata, cujus formam pro reverentia vetustatis hoc loco subijcio.

Ludovicus ante alios, tactis Divorum reliquijs, sic juravit: *Amodo, & quamdiu vixero, istum fratrem meum Karolum, & nepotes meos, Ludovicum & Lotharium atque Karolum, ad DEI voluntatem, & sanctae Ecclesiae statum & honorem atque defensionem, & ad nostram communem salutem & honorem, & ad populi Christiani nobis commissi salvamentum & pacem, & ad legis ac justitiae & rectae rationis conservationem, quantum mihi Dominus scire & posse donaverit, & ipsi me obaudierint, & à me ipsi quaesierint, vero consilio, & secundum quod rationabiliter & salubriter possibile fuerit, sincero auxilio adjutor ero, ad regnum illorum continendum, & nec in vita, nec in membris, neque in regno illorum eos forsconsiliabo (alias fors consiliabo) in hoc, ut ipsi erga me similem promissionem faciant & conservent: sic me DEVS adjuvet, & sancta reliquia.* Carolus ceterique ordine eandem formulam recitarunt, mutatis duntaxat nominibus. Solutus est conventus magnam, uti quidem videbatur, omnium laetitiam. Hiems fuit hoc anno tam rigida & longa, ut mare Jonium Venetiam usque congelatum, jumentis carpentisque se meabile praebuerit. Pacem, quam recensui, tum sanctè sancitam, non multò post renatae similitudines turbaverunt, nondum expletam libidine dominandi, quam Rex Carolus mox ab inito foedere,

AN. CHRIST.
DCCCLIX.
GALLIAE
EPISCOPORUM
POSTULATA
A LUDOVICO
REJECTA.
COLLOQUIUM
PROPE AN-
TERNACUM.

LEGATIO
AD PONTI-
FICEM ET
CAESAREM.

LEGATIO
EPISCOPO-
RUM GAL-
LIAE FRU-
STRANEA.

AN. CHRIST.
DCCCLX.
INTEGRA-
TUR CUM
CALVO AMI-
CITIA.

XIX.

FORMULA
FOEDERIS.

HIEMS A-
SPERA.
Herman.
PAX RURSUS
INTER RE-
GES TURBA-
TA.

alienos subditos cepit ad defectionem allicere, sibi que munire viam ad Regni sui fines prolatandos. Quâ de re cæteri Reges apud Nicolaum Pontificem per Legatos, additâ Episcoporum commendatione, gravissimè sunt conquesti, rogantes, ut exemplo priorum Pontificum, in rem præsentem venire, & gliscenti malo ne differret dictare remedium.

AN. CHRIST.
DCCCLXI.
X X.
CASTIGATA
QUORUNDAM
PERFIDIA.

Jam tum Ludovicus Germanicus, inter regni sui Optimates aliquos deprehenderat, cum Carolo perfidè consilia miscuisse. Eos ne damnaret inauditos, tertiâ post ferias Paschales hebdomadè conventum egit Reginoburgi, ubi ex Ordinum sententiâ Ernestum, quem magnis affectum beneficijs, omnibus regni proceribus prætulerat, perduellionis damnatum, honoribus omnibus exuit. Quî contacti erant eâdem conspiratione, Uto & Berengarius Comites, Valdo Fuldensis Cœnobiarcha, & Sichardus Comes, in ordinem tuere redacti. Ex ijs Ernestus & Sichardus vitâ privatâ contenti, patriam exilio prætulerunt, cæteri ad Carolum se receperunt.

LUDOVICI
TURBÆ DO-
MESTICÆ
IN CAROLO-
MANNUM F.

Quâ animadversione maturè quidem provisum, ne ex paucorum contagione factio ad plures propagaretur, sed, quod in regnis longè diffusis proclive est, dum partibus propioribus invigilatur, in remotioribus se prodiderunt defectionum incentiva, quorum ne umbræ quidem ulli Regum sunt negligendæ. Id vitum eò periculosius, quod Carolomannus Ludovici filius, à susurronibus, quibus aulæ solent scatere, apud patrem traduceretur, quasi paterni imperij diuturnitatem peritæsus, præcoci imperandi cupiditate laboraret. Secundæ suspicioni occasionem fecit Rasticeis Moravorum reguli nova defectio, & excursio hostilis in vicinos. Defectioni causam dedisse ferebantur, Engelichalcus, Wilhelmus & Barbo, præfecti utriusque Pannoniæ & Carantani limitis, quod, cum mutuis inter se odijs certarent, suas quique provincias segniùs, ut sit inter discordes, tuerentur, indeque Rastices ad audendum animatus, eorum negligentiam in rem suam fuisset abusus. Carolomannus, (quod accusationis caput erat) usus vicariam, quam à patre in eorum provincias acceperat, potestate, illos, Ludovico inconsulto, loco movit, aliosque suffecit ex suis familiaribus. Hæc apud patrem miris argutis inflabantur: enimverò filium videri in parentis jura involasse: ad eum non pertinuisse, patris injussu, præfectos è Provinciis abigere, novos inducere; id certè esse, non precario imperio, sed pro arbitrio, regni habenas moderari: nihil esse propius, quam ut spreto parentis senio, nomen regium, purpuram, regni denique munia & insignia rapiat. Ludovicus suomet fratrumque exemplo non noscius, quam insidiolâ sit filiorum in parentes æmulatio, ut suspiciosa sunt Principum ingenia, delationes in deterius interpretans, credidit, Carolomannum præmaturè cupiditatis oculos regno adjecisse, eoque præfecturas hominibus factis ad ejus ingenium detulisse: simul verebatur, ne, qualem ipse se Pio parenti præstiterat, Deo vindice, talem filium experiretur. Et hæc quidem tam occultè non poterant in aulâ agitari, quin rumore nuntio ad Carolomannum deferrentur.

AN. CHRIST.
DCCC.
LXII.
Annal. Fuld.
X X I.
CAROLO-
MANNUS RE-
FELLIT Æ-
MULORUM
CALUMNIAS.
LUDOVICUS
OPPRIMIT
OBOTRITO-
RUM MOTUS.

Quamobrem suâ fretus innocentiam, ultrò advolat Reginoburgum. Ubi propius ad rem ventum; criminatores, Ludovico iudice (quod omnino fieri oportebat) jubentur accusationis causas adferre: cum præter meras imposturæ vanitates nihil adducerent, cognitorum judicio Carolomannus ad dicendam causam admittitur, nullo negotio impactam calumniam refellit, solidisque rationibus ostendit, nullius se in patrem culpæ esse affinem; denique ne quis esset ambigendi locus, vel de ipsius fide ac pietate dubitari posset in posterum, non modò suam defensionem juramento firmavit, sed pari etiam religione spopondit, se in patris potestate deinceps futurum, nihilque dolo malo contra eum sensurum, nedum moliturum. Abstersâ suspitione, in provinciam remissus est: Ludovicus verò parens Moguntiam profectus, & cum Lothario nepote collocutus, arma vertit in Obotritos Transalbianos, quos cum celeritate oppressisset, Tabamvizilem eorum regulum, res novas molientem, ac demum imperata facere pollicitum, dare filium oblidem coëgit.

Ludo-

Ludovicus vix eo bello erat perfunctus, cum à Carolo fratre & Lothario nepote, filio tertio Lotharij Imperatoris, nova illi nata est sollicitudo. Uterque forderis initi immemor, malo Domui Carolinæ velut hæreditario, in gravissimas simultates exarserant. Ex Lothario causa potissima, quod in suis ditionibus facinorosos homines foveret, Carolo vehementer suspectos, quasi nepotem ad res novas incitarent. Simul patrum urebat Lotharij infamia, ob Theutpergæ repudium, & Waldradam regio thoro superinductam. Erat in isto factiosorum grege Balduinus, vir genere nobilis, è piorum cœtu Nicolai Pontificis execratione depulsus, quod Juditham Regis Anglorum viduam, Calvi filiam, tamen cliens, rapuisset, & nihilominus Lotharij tutelâ frueretur: quæ res spectabant ad magnos motus. Ludovicus magnopere veritus, ne veniretur ad arma, Carolo author fuit, ut bello tantisper abstinens, causam pateretur apud arbitros disceptari, quod ipsam Lothario persuasit. Locus disceptationi dictus villa Sablonaria, ad quam frequens Episcoporum Principumque cœtus convenit ad 3. Non. Novembris. Adfuere simul ex condito tres Reges. Causâ ordine discussâ, pax confecta est eâ lege, ut Lotharius promitteret, se gesturum morem patrum monitis, si divinæ legi consentanea suaderet. Concordiâ in speciem instauratâ discessum; cum mox Lotharius Romani Pontificis tribunal appellans, omnem abruptis pactorum consensum. Secundum hæc obtinuit à Pontifice, ut legari sedis Apostolicæ Metim ad Synodum mitterentur, causam repudiata Theutpergæ recognituri, qui simul in vagam Engeltrudis, flagitiosissimæ Matfridi Comitis hæræ, quæ à Bosone viro perillustri malè diverterat, libidinem animadverterent.

Id factum anno sequenti, sed eo successu, qui pontifici neutrquam satisfacit. Nam acta Synodi in Concilio Lateranensi, quod faverent adulteris, damnata, & notata infami nomine prostibuli. Guntherus Archiepiscopus Agrippinensis, Waldradæ germanus, unâ cum Theutgaudo Trevirensi, loco moti, quod gemini flagitij patrociniū obstinatè suscepissent: Episcopi ejusdem culpæ participes simili poenâ damnati, nisi quamprimum resipiscerent; Engeltrudis diris iteratò devota. Pontifex nunquam adduci potuit, ut Waldradam bene nuptam diceret: certè eas nuptias Lothario fuisse exitiales, manifesta Numinis ira denique ostendit. Et verò mirum est, quo fato in Caroli Magni, Regis optimi, posteritate, verum apparuerit vulgare diverbium: Filij heroum noxæ; sic enim magnam partem ejus nepotes ab ejus virtute degenerarunt, ut complures ab animi corporive vitij nomen sibi fecerint. Uni nata Calvi appellatio, alij Balbi, Simplicis alij, alij Crudehis, Sterilis & Ignavi alij: omnibus fere adhæsit nescio quæ lacrima parùm laudabilis.

Ludovicus noster, tamen parùm esset, quod in ejus moribus jure posset improbari, tamen eum felicitatis modum non est assecutus, ut ne cum Pio parente & cum filijs collideretur. Res cum Carolomanno ad æquitatem redactæ videbantur, cum hoc anno assiduis assentatorum flabellis in fraudem rursus est inductus, quasi ille turbas in Carantanis constaret. Quâ criminatione sic excaudit, ut cum, tamen inauditum, palàm, velut Majestatis compertum, in magnâ populi frequentia sit detestatus, omnique dejectum dignitate, vetuerit Reipublicæ unquam admoveri. Nec verò offensio inter verba stetit, sed parentem, coacto mox exercitu, ad filij exitium armavit, sparso tamen rumore, agi de domando Rastice Moravo, qui Bulgarorum auxilio, ferebatur novas turbas meditari. Hæc quidem publicè, sed in arcano consilium erat, Carolomannum incogitantem opprimere. Hic expeditionis prorsus inexpectatæ famâ territus, dum inter metum & conscientie securitatem fluctuat, incertus siue consultus, cedendo patris iras evitare, an se ad defendendam vim comparare, denique iter ad parentem ingreditur, innocentie patrociniū, si quis supersit agendi locus, quæsiturus. Verùm ubi de viâ per certos homines accepit, patris aures animumque ab æmulis sic obsideri, ut non nisi cum præsentis capitis discrimine posset adiri, eo nunno percussus, regressus ad Carantanos, quantas potuit Provincialium vires, non

LOTHARIUM
CUM WAL-
DRADA AD-
ULTERINÆ
NUPTIÆ.

PAX INTER
CALVUM
ET LOTHARIUM
MALE
COHÆRENS.

Franc. Chron.
nic. edit. à
Pyræo. Ana-
stas. in Ni-
colao. Regno.

XXII.

AN. CHRIST.
DCCC.

LXIII.

Jurifconf. in
2. q. 1. c. sec-
lus & 2. q. 3.
c. Theutgal-
dam. & 27.

q. 2. c. scripsit
nobis. & dist.
61. c. porro
scias.

SYNODUS
METENSIS,
ET EPISCO-
PI FAVENTES
LOTHARIUM
DIVORTIO
DAMNATI.

LUDOVICUM
IN CAROLO-
MANNUM
IRÆ.

XXIII.

BELLUM.

DOLUS.

GUNDACA-
RI PERFIDIA.CAROLO-
MANNUS IM-
POSTURAM
DILUIT.

XXIV.

XXV.

tam ad excipiendam belli molem, quàm retardandos patris impetus, dum morâ languerent, contraxit, ratus fore, ut paulatim factus pacatior; secum agi ratione pateretur. Ludovicus bellum artibus temperare cupiens, Gundacarum Comitem, cujus maximè virtute Carolomannus nitebatur, magnificâ pramiorum pollicitatione corrumpit, adjectâ Carantanorum præfecturâ. Cum nihil tale Carolomannus suspicaretur, homini perfido primum copiarum agmen committit, jussu, patrem propinquantem transitu fluminis, quod utrumque exercitum dirimebat, prohibere. Verùm is transituro, ne objecit quidem legiones, sed ad unum omnes, ad defectionem & Ludovici castra pertraxit. Carolomannus Legati prodicione exarmatus, amicorum, qui ejus sortem miserabantur, horatu orat à parente, impetratque publicâ fide commeandi facultatem, ad causam, nullo patrono, sed solâ innocentiz fiduciâ, Rege judice, dicendam. Progressus in patris conspectum, neglecto reorum squalore, fronte ad hilaritatem explicatâ, hanc ad patrem orationem habuit. Bene sapienterque humana genti provisum est, quod neque sola accusatio fontem faciat, neque criminum inficiatio innocentem. Mihi verò inprimis optimè consultum à DEO immortalis, qui mihi judicem dedit officio justissimum, sapientiâ perspicacem; sanguinis nexu, quo nullus potest esse strictior aut benignior, parentem. Veritus fuisset, pater, ad tuum tribunal prodire, nisi me mea conscientia prius absolvisset, quàm tu me reum videres. Accusatores quidem non video, quos, mirum non est, latere velle in fœdissimâ acensatione, cujus capita me adhuc laterent, nisi fama, & tua recens arma mihi ostendissent atrox esse quippiam, quod mitissimum alioquin patris ingenium adversus filium, & cum quidem prorsus inauditum, tam graviter concitasset. Nisi me rumor fefellit, renovata sunt anni superioris calumnia: certè nihil video aliud, quod speciosius tui potius quàm mei hostes poterint ad me perdendum comminisci: si tamen quid subsit novi vasamenti, non agrè intelligam, neque gravatè refutabo. Credebam, me nupero congressu tibi, & Ordinibus tuorum Regnorum universis, abundè satisfecisse, ut deinceps tu mihi fidere, & ego tutò tibi servire, possemus. Sed refossa est impostura, suspicionum cicatrix, eodem, quo nuper latus ungue fuisti, denudè est aperta. Feruntur tibi persuasisse homines perfids, me rerum summa prapropero ambitu imminere: argumento esse tuam senectutem, dominatus diuturnitatem, meam juventam, qua ævi tui exitum expectare non possit, & si qua sunt similis generis criminationes. Verùm eos dixisse oportuisset, quibus unquam modis tua canities, quam summâ semper veneratione colui, insultârim, quibus rebus monstrârim, me tibi regnum, quod DEI hominûmque consensu datum summa cum laude, totiusque domus nostra gloriâ, meaque lætitiâ gessisti, invidisse. Quasi verò mentem, ipsûmque natura instinctum mihi vasanus ambitus sic eripuerit, ut ignorârim, debere me divina dona in tuo capite venerari, regni majestatem, si quo possim obsequio, tueri, tibi que in amore respondere, à quò tot sum beneficijs provocatus: cui me totum meâsque omnes spes debeo, quémque (ita mihi meus animus totusque orbis testis est) nullo unquam factò in me concitavi. Reginoburgi tibi sanctissima jurisjurandi religione addixi, cælitibus testibus, te audiente, proceribus adstipulantibus, fore me perpetuò in tuâ potestate: Quid obsecro vel ex eo tempore, vel aliàs, designavi, quo videri potuerim fidem, tam sanctè, tam sincerè datam, ullo pacto violasse? volui regnum tuis ingratijs involare: sed quibus armis, quibus opibus, quânam fœderum consociatione, quibus amicis, quo apparatu? Dicat Gundacarus consiliorum meorum particeps, ex amico factus transfuga; non hostis tamen, quia ad te, quem nunquam pro hoste habui, confugit, suòque Regi morem gessit; dicat, inquam, neque enim quicquam eo clam, aut sine eo, deliberavi, nunquidnam in me notâris, quod vel è longinquo visum sit, minima contra tuam majestatem conspirationis speciem præ se tulisse? Cum nihil quicquam sit ejusmodi, quod ex omnibus meis actionibus, vel à malignissimis calumniatoribus possit exsculpi, non possum non agrè ferre, te eorum fraudibus fuisse circumventum, ut crederes, me scelus fovisse animo, quod nullis patuit indicijs, quod nullâ unquam cogitatione molitus sum, à qua semper abhorruî, quod perpetua mea in te obsequia apertè refutant. O propitium Numen, tibi, mi pater, indulgeas annos Nestorcos consi-

continuamque regnandi felicitatem, qua me (Calites norunt, me loqui ex animo) ed reddent feliciorum, quò erit futura diuturnior. Hæc dicentem parens vultu ad lenitatem mutato, trequentes Proceres gaudio sublevabant: nemo unus ex ijs fuit, quin pronunciaret innocentem, & delatorum insidias, immanemque imposturæ atrocitatem diris omnibus confingeret. Cum receptus in flagrantem patris gratiam, ad Carantanos rediret, Gundacarus, urgente conscientia, ad Rastice confugit, cui suspectus est Hezilo. Eodem tempore arx Mosaburgia constructa, in qua Adalbinus Salisburgensis Archiepiscopus templum dedicavit.

Interim castra regia mota protinus in Marahenses, renovatos à Rastice tumultus singulari facilitate compresserunt. Etenim Ludovicus mense Sextili trans Danubium profectus, anniversarium Reipub. turbatorem, Douinæ oppido comprehensum, circumfedit, qui cum viribus diffidens, non auderet cum Regijs copijs congregari, sublatâ evadendi facultate, brevi in eas angustias redactus est, ut, cum ipsi nullum, nisi in Ludovici clementiâ præsidium superesset, pacem precatus, ijs legibus fecerit, quas datis obsidibus & repetito clientelæ fidei sacramento, coactus est accipere, quas tamen homo mirè perfidus, reversus ad ingenium, non servavit. Secundum hæc Ludovicus Septembri mense Duciaci, oppido supra Jvodium ad Charem amnem, amicè cum Carolo fratre congressus, semina simultatum, quæ se denuo prodebant, obliteratis offensionibus, ex integro sustulit. Non enim deerant, quæ fuit istius avi corruptela, qui nimia Regum abusi credulitate, assentionibus, serendis discordijs, eorum amicitiam non verebantur labefactare. Et hoc quidem præcipuum Annales memorant colloquendi argumentum: verum si fas est dare locum conjecturæ, à vero non abludit, Ludovicum Carolo collocutum de dissolvendis Lotharij infanis cum Waldradâ amoribus, nullo tamen operæ pretio. Eo congressu ad perpetuandam animorum contentionem, delectu ex Pontificibus & primâ nobilitate, arbitri & monitores, qui Regibus, si quid adversus pacta committerent, libere admonitis, legis fœdera in memoriam ultimque revocarent. Ludovicus Hincmarum Rementem Archiepiscopum, & Engilfridum Comitem, Caroli hortatores; Carolus Ludovico Linthertum Moguntinum Archiepiscopum, & Altfredum Hildesensem Episcopum nominavit.

Inter hæc Nicolaus Pontifex Maximus Arsenium Episcopum & Apocrisarium, magno rerum usu, & præclarâ in rebus agendis dexteritate, secus Apostolicæ Legatum, ad firmandam Regum concordiam, quemadmodum non ita pridem postularent, misit in Galliam. Francofurti ex itinere divertit ad Ludovicum, à quo cultus regijs muneribus, impetravit, ut condiceret, se Agrippinensi Comitio, quod Pontifex pro rei Catholicæ salute volebat haberi, interfuturum. Idem addixit Carolus Rex Franciæ; sed Lotharius ut interesset, sibi non est passus persuaderi, quòd nôllet, se sine rubore non adfuturum, propter fœdam Waldradæ societatem, à quâ nullis adhuc machinis poterat avelli: territus tamen est denique, ubi, propositâ dirarum interminatione, animadvertit, se per frustraneas tergiversationes deinceps ab Apostolico fulmine tutum non fore. Quare Theutbergam, uxorem justam, recepit in thorum, pellice dimissâ, quæ iusta est Romam proficisci ad reddendam sui pellicatus rationem. Addit Regino, inductam Engeltrudem Bosonis deserttricem, ut juraret, se ad sacra Apostolorum limina piacularem peregrinationem, & scelerum pœnas subituram, sed, ut in flagitiorum obstinatione amat fieri, rem steterit inter itineris ingressum, & inanem promissionem. Coloniensi Comitio adfuere Ludovicus & Carolus, grandi pacis stabilitæ pretio, de quâ extant Nicolai Pontificis ad ipsos, & subiectarum ditionum Episcopos, Apostolicæ litteræ.

Ne unquam sæculo inquietissimo turbæ deessent, dum Ludovicus alienæ quieti dat operam, domestico tumultu se sensit implicatum, unde minimè debuisse. Ludovicus filius, stimulante invidia, auctor fuit nefariæ in eum perduellionis. Sumpta turbandi occasio ex Carolomanni magnitudine, quæ post gratiam cum patre reconciliatam, creverat ex nonnullis, quæ Ludovici nata mi-

ABSOLVITUR.

LUDOVICUS
ET CALVI
COLLOQUIUM
DUCIACI.Annal. Pib.
Serr. Antiq.
Mogunt. I. 4.AN. CHRISTI
DCCC.
LXV.
X XVI.CONVENTUS
COLONIEN-
SIS.LOTHARIUS
WALDRADAM
DIMITTIT.PAX CONFIRMATA.
Ep. 25. 26. 27.
AN. CHRISTI
DCCC.
LXVI.LUDOVICI
JUNIORIS
CONIURATIO
IN PATRENTIEM.

XXVII.

CAROLO-
MANNUS A
SICARIO
PERICLITA-
TUR.LUDOVICUS
JUNIOR RE-
SIPISCIT,

XXIIX.

RECIPITUR
IN GRATI-
AM.BULGARORUM
AD FI-
DEM CON-
VERGIO.

noris fortunis parens detraxerat. Quamobrem ille vindictam meditari, moliri defectionem, adsciscere in sceleris conscientiam homines à Rege alienos, clam habere delectus, Saxones, Turingos, per emissarios in partes sollicitare, exulibus ostentare spem recuperandi patriam, opes atque dignitates, quibus à Rege fuerant exuti. In his fuit Werinharius è Francorum nobili sanguine, quem Ludovicus hoc anno, majestatis compertum, quasi Rasticem ad bellum incitasset, publicis depulsum muneribus proscripserat. Accessère Vto & Berengarius Comites, ante quinquennium redacti in ordinem, qui ad eam diem in Franciâ degebant extorres, ad incundam factionem, delendamque ignominiam apprimè irritabiles. Et jam missus erat Henricus copiarum Præfectus ad Rasticem, quo nullus erat hostis Regi capitalior, qui eum perduellibus adjungeret. Vix dubium, Numen ex his malis id boni voluisse elicere, ut ejusmodi turbis expiaret, quæ Ludovicus olim adversus pietatis jura peccarat, promeritus eoque ærumnarum rapi, quò Pium parentem raptarat. Compertâ per certos homines conspiratione, non suæ magis fortunæ, quàm filij impietati ingemiscens, contractis, ut in re subitariâ, popularium centurijs, Francofurtum advolat, nascentem flammam celeritate oppressurus. Quacunque proficiscebatur, tanti ad eum fiebant virorum fortium concursus, pugnam & quævis discrimina, adversus parricidiales humanitatis hostes, deposcentium, ut brevi multitudo, non modò justis exercitijs speciem æquaret, sed etiam multò superaret. Inter hæc, Boicæ procuracionem demandarat Carolomanno, qui ne ipse quidem fuit extra periculum, quasi fata ad sumendas pœnas ex conducto armarentur. Erat enim in turmâ Prætorianorum Guntpoldus, homo ferox, & venalis ad omne facinus, qui adlectâ sicariorum manu, ausus est ex improvîso ferrum stringere, haustus Principis latus, nisi prohibitus à stipatoribus, profligatis socijs, fuisset conjectus in fugam, quâ promeritas pœnas evasit quidem, sed non evasit infamiam, in quâ vitæ reliquum, cœlo terræque detestabilis, exegit.

Opinione mitior fuit exitus Ludovicianæ rebellionis. Ut malè factæ sunt ac timidæ factionum coitiones, Ludovicus junior, remittente sensim protervia, suam ipse causam cœpit damnare, suspectare sceleris socios, ne, quâ perfidiâ arma in patrem induerat, eadem illi fidem exuerent. Si Martem adversum patretur, parentem meritò fore devicto inexorabilem; sin haberet obsequentem, victoriam tamen fore impiam & infamem. Nondum eò ventum desperationis, quin venia possit exorari, & à placato parente fortunæ detrimenta reparari. Iras in filios, nec facillè suscipi, neque, si causa cesseret, pertinaciter retineri. Hæc secum reputanti, oblatus est bonus interpretes Luitbertus Episcopus, qui Wormatiæ in aulâ, unâ cum alijs Regi erant authores pacis integrandæ, si filius posset ad æquitatem inflecti. Ille neque gravatè, neque segniter pacificatoris partes amplexus, tam dextrè lenivit patris animum, ut, factâ criminis veniâ, sine cunctatione filium in priorem gratiæ locum reposuerit.

Mensis November agebatur, cùm ad cumulandam reconciliatæ benevolentiae lætitiâ Reginoburgum advenerunt Bulgarorum legati, nuntiantes, Michaëlem suæ gentis Principem, cum totâ ferè popularium multitudine Christo dedisse manus: simul orabant, vellet Ludovicus divinæ legis magistros mittere, qui rudes adhuc tirones, explicatiore mysteriorum doctrinâ imbuerent. Quam ad rem Ermenricus Antistes cum sacrorum ministris missus, multum quidem animi ad excolendam gentem, sed exiguum operæ fructum tulit. Nam Nicolaus Pontifex Maximus, Michaëlis rogatu, alios institutores miserat, Paulum Populoniensem, & Formosum Portuensem, magnâ sanctitatis famâ Episcopos, quibus Ermenricus, ne falcem mitteret in messem alienam, omnem Bulgaricæ curam reliquit. Jam dudum ea natio per intervalla cœperat admittere divinæ cognitionis, & pietatis in verum Deum, igniculos. Eorum Rex Teleritus bellis adversus Copronymum exercitus, abdicato regno, Christianæ religionis amore, anno DCCLXXVII. se Constantinopolim contulerat, ubi suscepto baptismo, à Leone Imperatore

crea-

creatus Patritius, & contractis cum Augustæ consobrinâ nuptijs, magno fuit genti suæ, ad legem Christi clariùs addiscendam, incitamento. Theodora quoque Augusta anno DCCXLV. gentem bella meditantem, ad pacem & Sacra Christiana aliquam partem adduxerat. Ex eo tempore tametsi cæteris nonnulla lux veritatis intormicuerit, tum ex popularium consuetudine, tum etiam ex usu captivorum Christianorum, quorum multos viderunt mortem pro fide fortiter oppetentes, tamen tum vel maximè aperuere oculos, cum is, quem diximus, Michaël, ad Christum, miro divinæ bonitatis instinctu, fuit adductus. Nomen illi, gentilicij superstitionibus irretito, Bogor fuit. Salutis primordia ex sororis captivitate & probâ institutione in aulâ Theodoræ Augustæ Constantinopolitanæ, ubi combibit fidem Christianam. Permutata soror Bogoris cum Theodoro Cuphara, viro apud Græcos rebus præclare gestis celebri, qui in Bulgarorum manus venerat, domum reversa, fratri identidem Christianorum virtutes, & legis puritatem ingerebat: sed ejus labor incurtebat in animum malè subactum & sterilem, donec soli Bulgarici cælive malignitas, frugum inopiam cum ultimâ fame invexit. Et tum demum Bogorus cœpit, necessitate & commiseratione publicæ calamitatis, mollescere. Revocans etenim in animum, quæ ex sorore de Christi in miseros clementiâ, & supremâ in res omnes potestate audiverat, spondit, se cum totâ gente, ad ejus sacra, proscriptis Idolis, transiturum, si in ediam propitius depulisset, certus, tale beneficium esse in unius divinæ mentis arbitrio. Sublatâ inopiâ, voti damnatus, cum nondum promissâ præstaret, ad ea præstanda, per Methodium Monachum, hac ratione est inductus. Delectabatur ferarum imaginibus bellè depictis, earumque agitationes & certamina, per omnes aulæ parietes, curabat eleganti penicillo adumbrari. Fortè evenit, ut Methodio, arte pingendi in primis excellenti, tabulam bene amplam committeret, in quâ manum probaret quocunque vellet argumento, si modò triste quid, truculentum, maximèque tremendum pingeret. Cum pio pictori inter terribilissima nihil occurreret terribilius supremo severissimoque mortalium omnium judicio; iustissimi tribunalis iras, reorum ora tremenda, dæmonum horribiles species, Æthnæas fornaces, flammarum erumpentes globos, ignea sub incudibus scelestorum corpora, flagitiosorum carnificinas, injustorum patibula, crudelium crurifragia, invidorum laniatus, carcerasque tartareorum suppliciorum diritates atque truculentiam, dedit sub formidabilem aspectum, quàm funesto licuit penicillo. Cum lugubri spectaculo tabulam implevisset, denique Bogorum admisit; quem formidabilis imago rei omnium miserabilissimæ penè de mentis sede dimovit. Verùm ubi Methodium audiit, de totâ rei olim certissimè futuræ historiâ, scitè atque ordine differentem, longèque plura, quàm coloribus expresserat, explicantem; *Quid fiet, aiebat, quidve erit animi homini criminoso, qui ne umbram quidem irati judicis & maestissimam reorum formam in tabellâ scribere potest, quando res ipsa oculis, animo, corporis omnibus sensibus, etiam ab invisitis debet usurpari? Placabo verò tempestivè judicem, ejus gratiam conabor demereri; me, dum licet, ipsi reum sistam, impetratæque criminum veniâ, ad ipsius partes accedam.* Nec verò secus fecit, ac dixit. Accersit enim mox (quod antè dicebamus) legis sanctæ doctores, voluit tingi undis expiatrix, & Michaëlis nomine, ad Imperatoris imitationem, appellari. Tum nationem universam ad Christiana castra traducturus, cum eatenus militare vexillum, caudâ equinâ notatum, fuisset in usu, deinceps eo mutato, Crucis salutiferæ signum triumphale, Constantini Imperatoris exemplo, voluit legionibus præferri, eoque munitus, memorabiles victorias repottavit adversus numerosissimas suorum popularium copias, qui à veri Dei cultu alieni, in aciem prodire ausi, à paucis fusi profligatique, cladis acceptæ miraculo mutati, demum Christo, suoque Principi manus dederunt. Tantos hic deinceps in virtute fecit progressus, ut purpuram veste religiosâ, fastum regium Monasticâ paupertate mutarit. Sceptum filio transcripsit, qui cum animi levitate, & malè feriatorum suasionibus, ad priustinas superstitiones rediisset, parens arma rursus induit, gessitque, donec fi-

Theopban. in Leon.

Cyropalat.

XXIX.

MICHAELIS REGIS MUTATIO IN MELIUS.

METHODII PICTURA TERRIBILIS.

XXX.

AN. CHRIST.
DCCC.
LXVII.

lium in potestatem redactum, & orbatum luminibus è Regiâ in carcerem detrusit. Hæc de Bulgaris, & submissis à Ludovico Rege divini magisterij suppetijs: quom, credibile est, à Nicolao Pontifice impetrâsse Epistolam, insigni plenam sapientiâ & pietate, quam anno sequente dedit ad Carolomannum, Ludovicum & Carolum, qui postea Grassi cognomen accepit, fratres germanos. Eos magnopere hortatus est, ut officij in patrem memores, omnem illi amorem ac reverentiam obsequenter exhiberent, rati, naturæ leges, ipsûmque naturæ authorem Deum id ab ipsis exigere. Haud dubiè præter Ludovici petitionem, causam dedit Pontificiæ scriptioni facinus, quod anno superiore perperam à Ludovico filio meditatum fuisse recensuimus.

AN. CHRIST.
DCCC.
LXIX.
MONITA
ADRIANI
PONT. AD
REGEM.
XXXI.

Annal. Fuld.
Herman.
AQUARUM
ELUVIONES.
COMETES
FORMIDABILES.

AN. CHRIST.
DCCC.
LXIX.

Quæ Adrianus Pontifex, Nicolao suffectus, ad Ludovicum Regem anno superiore scripsit, de Ludovici Imperatoris virtute, rebûsque gestis contra Saracenos, fusè recensentur in Ecclesiasticis Annalibus. Eum præterea monuit, pacem coleret: si bellum optaret, inferret hostibus à Deo cœlitibûsque alienis: caveret verò, ne Imperatoris, vel Lotharij ejus fratris fines invaderet, eo præsertim tempore, quo ille sacrâ, adversus impios, expeditione occuparetur. Laudabilis est opera, quam Ludovicus noster præstitit in Synodo Wormatiensi, quam mense Majo suâ præsentia honestavit. In eâ multa præclarè ad bonos Ecclesiarum usus constituta: refutata Græcorum ineptiæ, de quibus Nicolaus Pontifex anno superiore, Galliæ Episcopos monuerat. Fœdus fuit hic annus fontium fluviorûmque insolenti eluvione: quæ passim frugibus, ædificijs magnam calamitatem intulit: unde nata fames, totam Germaniam Galliâque vehementer afflixit. Istorum malorum nuntius creditus fuit Cometes, qui per noctes aliquot horridâ specie mortales terruit. Famem anno sequenti more suo pestilientia est secuta.

Accessere agminatim tumultus, seditiones, perduelliones rebellantium. Correptis furore populari armis, Bohæmi primi omnium signa extulerunt, grassati sub belli initium levibus excursionibus, tum successu audaciores, propiores Bojorum villas incendijs & populatione, abactis hominum armentorûmque gregibus, vastarunt. Ludovicus limitum custodes vim jussit latrocinij obijcere, cæterum bellum demandavit Carolomanno. Non abludit à vero, quod Brunnerus observavit; Bojemos, animadverso, sibi non fore impune, si in Boicam, numeroso milite infessam redirent; accitis in belli societatem Sorabis, Suisolis, qui alijs dicuntur Siusli, cæterisque fœderatis in Turingiam irrupisse: isthic cum incidissent in imparatos, numerum aliquem colonorum, qui ad finium defensionem incautiùs concurrerant, occidione deleverunt.

GUNDACARUS TRANS-
FUGA OCCIDITUR.

XXXII.

Alia ex parte Gundacarus Carolomanni proditor, qui è Carantanis metu supplicij ad Rasticem confugerat, Moravos ad arma concivit, ratus, Ludovicum bello alibi implicatum, non fore resistendo. Jussus est cum legati potestate bellum administrare, quod gesturus cum fide credebatur, desperatione reconciliationis; qui enim nihil sperat, nihil desperat. Carolomanno Ludovicus suas vices commiserat. Cum utrinque instructæ starent acies, manus Gundacaro divinitus injecta est evidenti prodigio, quod ne potuit quidem, quamlibet periculus fingendi artifex, dissimulare. Tantus illum subito pavor incessit, & mentis hebetudo; ut neque imperare legionibus, nec ordines movere in hostem, neque ullâ posset ratione ad animum revocari. Hoc illi duntaxat rationis superfuit, ut sua fata & Cœli vindictam pro concione aperiret, sic trepidè alfatus commilitones: *Memini, quis ad vos venerim, & quo voto: qualis subito effectus sim, nescio: non, quod casum reformidem, ut qui alias sum expertus sortem adversam, sed quia non sum amplius, qui fui. Non accuso fata, quæ iusta sunt, sed meum scelus, quod me reddidit infelicem. Magnus ille Emmerammus, ad cujus cineres Ludovico sacramentum dixi, ultor est meæ perfidiæ. Non recensarem pro vestrà libertate in acie fortiter occumbere, sed ne hoc quidem licet. Dicam quod res est; Emmerammus, magnum inter Divos nomen, me non sine ferrum stringere, ita torpore ineluctabili manus, pedes revinctum, & velut debitam farris victimam, supremæ ultionis aris me admovent. Sed agite Commilitones, vestris au-*

spicijs

spicijs ite in hostem, vestraque virtute vosmet servate: si qua me fata neci eripiant, me vobis debebo: sin vili hoc capite superi vestram salutem paciscuntur, nihil obstitam, vos modo supereste felices. Hæc lamentabiliter vociferantem interrupit Carolomanni acies, quæ disiectis momento Moravis, stragem veriùs, quàm cædem fecit Barbarorum, quibus consternati ducis oratio mentem lacertosque eripuerat. Ille mactatus inter primos, puenas dedit rebellionis. Grassatum deinde in agros ultimis hostilitatis exemplis. Quibus fuit fortuna benignior, in loca munimentis defensa evaserunt: cæteroqui nulli parsum est sexui, vel ætati. Carolomannus Deo victoriam gratulatus, litteras laureatas dedit ad parentem, qui Reginoburgi, per omnia Divorum templa, publicâ supplicatione, DEO & D. Emmerammo grates jussit persolvi.

CAROLO-
MANNUS
MORAVOS
PROFLIGAT.

Cæterum, tam frequenti suorum rebellionem irritatus, recenti clade turbatos, supremis viribus putavit esse infectandos, ut viribus imminutis, de cætero, ad res novandas ægriùs conspirarent. Mense Sextili, copias trifariam partitus, Ludovicum natu secundum primis, quas è Turingis Saxonibùsque legerat, præfecit, jussitque mox adversus Sorabos educi in Turingiam. Secundas è Boicâ commisit Carolomanno, adversus Zuentibaldum Rasticis nepotem, qui collectas recentis cladis reliquias in campum eduxerat: tertium agmen è Francis & Alemanis, sibi retinuit, primo quoque tempore in Rasticem, belli caput, moturus. Verum cum jam esset in procinctu, Reginoburgi morbo cœpit conflictari, lectoque affixus, Carolo natu minimo, belli Moravici summam imposuit non sine faustâ apprecatione. Et hic quidem primus omnium signa movit in Moraviam. Rastices, dolis, quàm virtute melior, certus bellum ducere, & quod aliàs fecerat, se munimentis & cunctatione tueri, modis omnibus detrectabat supremam belli aleam, objectis passim propugnaculis, quæ non videbantur, nisi longâ molitione posse superari. Carolus moræ impatiens, rem magno animo aggressus, moles opere munitas disjecit, claustra petrupit, occupavitque plerosque Rasticis receptus, qui cum sui copiam non faceret, omnia passim populationi, ferro, flammis, patuerunt. Mirum, quantum prædæ, domi & in agris conditæ, fuerit repertum. Militi cessit, quicquid agi ducique potuit. Victoribus defuit Rastices, præcipuum belli momentum. Is arreptâ fugâ ad intimas saltûs Hercinij latebras tempestivè elapsus, omnem exploratorum diligentiam elusit, servatus ad fata tristiora.

TRIPLEX
LUDOVICI
EXERCITUS,

XXX
III.
MORAVIA
VASTATUR.

FUGA RA-
STICIS.

Carolomannus inter hæc Zuentibaldum, vastatis, quàm latè patebant, agris, eò necessitatis adegit, ut, cum nulla ei superesset ratio salutis expediendæ, sui universæque provinciæ fecerit deditionem, cum juramento, se deinceps imperata facturum, Regi filiisque fidem sanctè servaturum. Quibus rebus eodem propè tempore in Moraviâ confectis, Carolomannus & Carolus venè in mutuos amplexus, fausta Cœlicibus, sibique gratulantes, copiasque domum incolumes reduxerunt.

ZUENTI-
BALDUS RA-
STICIS NE-
POS FACIT
DEDITIO-
NEM MO-
RAVIAE.

Ludovici virtus haud obscurioribus factis inclaruit. Geminâ positus est victoriâ: primâ adversus solos Sorabos, quos, Martem tentare ausos, acie superavit. Alterâ adversus Bohæmos, qui Sorabis juncti, dimicationem fecerunt, priore multò difficiliorem. Certatum etenim, ut in ultimâ rerum desperatione, ingenti pertinaciâ, cum magnâ utrinque cæde: stetit tamen, cruenta licèt, victoria penes Ludovicum, quam Soraborum deditio est subsecuta. Bohæmi auxiliares, vel occisione deleti, vel fugâ recepti in patriæ munimenta. Prosperos rerum successus, publicamque lætitiâ, haud mediocriter turbavit graviter affecta Ludovici Regis valetudo, quæ augescens in horas, artem curasque medentium ita superabat, ut vix ulla spes vitæ longioris bono seni superesset. Quare conclamata salute, cum humana deficerent, confugiendum fuit ad divina. Conciliatores adhibiti religiosi comprecatores, & profusus in miseros thesaurus. Quicquid habuit aureæ argenteæque supellectilis, in virorum virginumque sacra domicilia distribuit, & felici pretio vitam, reparatâ sanitate, redemit.

LUDOVICUS
JUNIOR
SORABOS
VINCIT.
*Annal. l. 5.
c. 23.*

MORBUS
LUDOVICI
SENIORIS
DEPULSUS.

LOTHARII
II. IMP. EX-
CESSUS.

XXX
IV.

CALVI ET
LUDOVICI
REGIS DI-
SCORDIÆ.

*Aimoin. l. 5.
c. 24. Ep. A-
drian. apud
Baron. n. 94.*

*Flooard. Re-
men. lib. 3.
c. 21.
Hincm. Ep.
ad Luit.*

AN. CHRIST.
DCCC.
LXX.

*Ep. Hadr.
apud Baron.
a. 870. n. 12.*

LUDOVICUS
CALVO BEL-
LUM INDI-
CIT.

XXXV.

LIBER PRE-
CATORIUS
CAROLI
CALVI.

E diverso, Placentiæ Lotharius Augusto mense è vivis excessit: quo comper-
to, Carolus Galliæ Rex, defuncti regnum ex asse solus invaluit. Qui factò obnisi
sunt, pars exuti bonis & honoribus, pars coacti solum vertere. Ex ijs complures
venerunt ad Ludovicum opem exposcentes. Missi ab eo ad Carolum legati, qui
de injuriâ expostularent, quòd à communi hæreditate fratrem excluderet, & verò
etiam in privatorum possessiones involare: cederet itaque regno, quoad æquâ
lege à justis hæredibus cerneretur. Verùm Carolus prid. Id. Septemb. apud Me-
diomatricos in æde D. Stephani, votis Austrasiæ Antistitem, Hincmaro Remensi
inauguratore, regni Lothariensis insignia munitionesque occupaverat, & validiore
opus erat telo, quàm per oratores adferebatur, ad excuneandum invalorem.
Quæ res magnis postea partium studiis est agitata. Nam & Ludovicus Imperator,
utpote sanguine proximus, demortui fratris regnum ad se pertinere dicebat, & ha-
bebat Pontificem suffragatorem, qui dirarum denunciatione ipsius causam tueba-
tur. Crescentibus indies inter fratres simultatibus, alia discordiarum semina ac-
cesserunt. Calvus, Ludovico Rege neglecto, Bertolfum Abbatem Mediolanen-
sem, Adventij Metensium Episcopi propinquum, cujus præcipuè studio factum,
ut Carolus Austrasiæ Rex diceretur, ad Trevirenses sedem evexit. Ludovicus
contrà Waltoni Monacho Trevirensi, ex quo Cœnobio, incertum, promissis au-
xilij, sit author invadendi muneris Metropolitanì, reclamante Hincmaro Remen-
si, Remigio Lugdunensi, aliisque Galliæ præcipuæ autoritatis Episcopis. Sed &
Carolus Gunthero, qui ob susceptum Waldradæ patrociniū, sede Colonien-
si à Summo Pontifice fuerat depulsus, Hilduinum sufficere, injussu Ludovici, omni
ope laborabat. Ludovicus vicissim, adjuvante Luitberto Moguntia Archiepi-
scopo Willibertum, Cleri totius & populi votis in locum Guntheri cooptatum,
Colonien-
sibus Antistitem dedit, curavitque solennibus cæremoniis consecran-
dum. Quod ubi rescivit Carolus, dira quæque volvens animo, Coloniam accur-
rit, in novum Pontificem ejusque fautores animadversurus, nisi Rheno maturè
trajecto, rebûsque in tuto locatis, furentis iras elusissent: quas ipse demum posuit,
ubi nemine apud Agrippinenses, in quem sæviret, reperto, paulò, quàm vene-
rat, sedatior discessit.

Ludovici factum Hadrianus Pontifex tulit ægerrimè, & non modò per lit-
teras, sed etiam per legatos acriter conquestus est, quòd in jus pontificium invo-
lâisset, quippe cujus esset in locum ejus, quem ritè atque ordine proscripsisset, alium
sufficere.

Ludovicus nihilominus perstitit in sententiâ, nixus autoritate regiâ, & Epi-
scoporum suffragijs (quâ de re, nec inmeritò, queritur Baronius) & alterâ lega-
tione Carolo bellum indixit, nâ protinus Lotharij regno excederet. Legationis
principes fuerunt, Luitbertus Moguntinus & Altfrius Hildesien-
sis, Antistites, rarâ uterque sapientiâ, & in tractandis negotijs dexteritate. Hi singulari animi
constantia, rationumque pondere aggressi Carolum, eò denique gravium malo-
rum denunciatione perpulerunt, ut polliceretur, se ex æquo & bono secum agi
passurum, & ad diem, quæ ex compacto disceptationi diceretur, adfuturum. Lo-
cus pacificationi decretus Marsana ad Mosam.

Carolus sub hæc tempora, ad edendum aliquod specimen pietatis, libellum
preparatorium aureis exaratum litteris, auro, argento, unionibus, eburneis anagly-
phis insignem, curavit concinnari, quem religiosi affectus non vulgare monimen-
tum, Felicianus Scalensis Episcopus Nuntius Apostolicus, anno M. D. LXXXIII.
typis Sartorianis editum, Sereniss. Maximiliano, Bavaricæ juventutis eâ tempestate
Principi, post S. R. I. Electori, dedicavit. Archetypus in Tigurino illustrium
virginum Cœnobio, ab Hildegarde fundatoris filiâ, primâque loci Antistitâ, de-
positus, & à Zwinglianis, multis post sæculis, eversâ Tiguri religione, distractus,
tandem venit in manus Serenissimi Guilielmi, utriusque Bavaricæ Ducis pien-
tissimi.

Ludovicus ex morbo, DEI benignitate restitutus, mense Februario Francofurtum adiit, ubi à frequenti coronâ virorum nobilium, qui adacti Caroli injurijs, ad ejus patrocinium confugerant, avidè expectabatur, quos omnes, antequam de regni controversiâ ageretur, voluit restitui ablatis facultatibus & pristina dignitati, ne tanquam minutiones privatorum lites, gravioribus Regum negotijs obruta, neglectim agerentur, vel longis comperendinationibus interirent. Dein mense Junio ad conventum, rebus cum Carolo componendis, proficiscens, grave vitæ periculum adiit in villâ Ripuaria Flammersheimij. Erat in ejus diversorio solarium ligneum, quod vetustâ carie, ruptis trabibus repente, magno fragore à Ludovici comitatu depresso, corruit, Regemque graviter collisum solo affixit, unde illi costæ geminæ suâ compage solutæ. Pressit tamen dolorem, & vultu nihil mutato, ad suos se retulit, neglexitque sanguinis in vomitum coeuntis suppurationem, nascensque ex eâ periculum, ne quam moram, corporis curatione, rebus adferret. Die proinde postero se dedit in iter, ne gemitu quidem testatus, quàm ex pridiano casu incommodè haberet. Habuit in comitatu Episcopos quatuor, in quibus Luitbertus Moguntinus, & Willibertus Agrippinensis, decem consiliarios, & triginta ministros palatinos, quorum operâ usus est ad sortiendam Lothariensis regni partitionem. Ergo cum fratre congressus, obtinuit, ut Mosâ fluvius, Austrasias ditiones interfluens, statueretur terminus finium regundorum. Quod citra amnem in Treviros, versus Austrum Orientemque spectat, Ludovico obvenit, Aquisgranum, Colonia, Treviris, Trajectum, Mediomatrices, Argentina, Basilea, cum locis monasteriisque interjacentibus: Comitatus item Mosellanus, Saræ profluentis tractus infra supraque Salmense territorium, Arduenna secundum lapsum Urtae fluvij versus Septentrionem. Transmosana cum nonnullis cis Mosam Carolus sortitione accepit.

Divisâ in hunc modum Lotharij hæreditate, Ludovicus Aquas Graneas se recepit, ubi primùm malè affectam ex nupero casu valetudinem medicis dedit curandam. Natus erat ex vehementi costarum cæterique corporis contusione dolor lateris, sanguine inter costas & succingentem membranam collecto, & phlegmone in tabum maturatâ: unde illi non ingentes modò cruciatus, interpellato anhelitu & acutis punctationibus, sed haud mediocri simul vitæ periculum. Fuit proinde Chirurgorum ferro abscessus aperiendus, quo deterso, restitutus viribus integris, Legatos Adriani Pontificis & Ludovici Imperatoris, qui se in fraterni regni partitione neglectum querebatur, audiit, & benignè habitos ad Carolum fratrem remisit, qui cùm in Carolomannum filium implacabiles iras gereret, Ludovici tamen operâ ad mentem aliquantò mansuetiorem fuit reductus.

Fuere quidem Carolomanno maligni mores, & ad audendum projecti. Cùm à puero præ se ferret indolem freni impatientem, cum parens domandum in religiosorum virorum septa coniecit, qui, vel ratione, vel furcâ, astus naturæ immoderatos subigerent. Cùm severitate nihil proficeretur, & instar avis clausæ caveâ, omnes ex odiosis angustijs evolandi vias rimaretur, ut illi spes omnis evadendi evanesceret, Carolus invitum (quod nulli unquam profuit) sacro Diaconatus ordine curavit initiari, & Episcopo divinis operanti, aulâ inspectante, ministrare. Adjecit pedicas ex opimis Cœnobiorum proventibus & præfecturis, pessimo publico: neque enim cujusvis est tractare sacrorum domiciliorum habenas, & quævis, aurea licet, vincula, si captivitatis speciem habeant, terrea redduntur averfanti. Denique Carolomannus excusso jugo clapsus, vela in omnem licentiam (quod religionum improbis desertoribus non est infrequens) explicavit. Ne quid vulgare tentaret, sibi adscivit numerosam prædonum turbam, cum quibus institit Belgicam lacerare, Monasteria diripere, infestare sacras ædes, grassari in quæque obvia, nihil eorum omittere, quæ facere solent flagitiosi. Carolus infamiae dolore excandescens, oblitus propè humanitatis, in vincula conjectum, orbatumque luminibus (quod ipsi Adrianus Pontifex exprobravit) velut

LUDOVICUS
SENIOR PER-
RICLITATUR
EX SOLARI
RUINA.

XXX
VI.

AUSTRASIE
REGNI DI-
VISIO.

AIMOIN. l. 3.
c. 25.
Sigebert.

Sigeb.
CAROLO
MANNI
CALVI FILII
MALI MO-
RES.

XXX
VII.

GRASSATIO-
NES.

Ep. Adrian.
qua extat in
Biblioth. Tre-
reiciu. vir.

EXOCULA-
TIO.

MORS.

*Serar. lib. 4.
in Luitbert.*ZUENTI-
BALDUS RA-
STICEM CA-
PTIVUM
TRADIT CA-
ROLOMAN-
NO BOIO.AN. CHRIST.
DCCC.
LXXI.
LUDOVICI
FILIORUM
DIVIDIA.
XXX
IIX.ZUENTI-
BALDUS AC-
CUSATUR.

reijculum eiecit regni finibus. Quid ageſet miſerrimus, & vix ulli miſerabilis, qui mortales Superosque, hoſtes patiebatur? Affulſit tamen cœco lux aliqua. Ludovicum patrum (quod quidam in annum abhinc quartum reijciunt) adiit, à quo, luëtuoſâ ſuarum ærumnarum deploratione, obtinuit, ut, quod miſero vitæ ſupererat, toleraret ex D. Willibrordi Epternacenſis Monafterij ſportulâ, quo loco non multo poſt fecit finem vivendi, & conditorium eſt adeptus: quamquam non deſunt, qui eum ſcribunt à Luitberto Moguntinenſi Archiepiſcopo ad D. Albani fuiſſe ſuſtentatum, addito tamen ſubſidio ex proventu Epternacenſi.

Ludovicus porro, confirmatâ valetudine Reginoburgum ſe retulit, ubi Raſticem, cauſam ex vinculis dicentem, audiit. Zuentibaldus ejusdem nepos, turbulentum avi pertæſus ingenium, ſe ſuâque Carolomanni Boij fidei dederat. Id avus, velut indignam ſuo genere ignaviam, execratus, ſtatuit parricidio vindicare. Structæ erant inter geniales epulas innocenti capiti ferales inſidiæ, jamque percussores expectabantur, cùm Zuentibaldus à conſcio admonitus, ſimulatâ ventriculi nauſeâ, impetravit ab avo, liceret, relictis paulùm menſis, ſaſtidium levare. Dimiſſus è conſpectu convivarum, mentitur, ſibi faciendam eſſe aucupio & equitatione, languenti ſtomacho medicinam, jubetque mox adeſſe ordinarios ſtipatores, ſeque in agrum comitari. Raſtices illum, detectâ fraude, fugam iniviſſe odoratus, repente globo equitum inſequitur, retracturus ad necem. Verùm ipſe virtute inferior, victus vinctusque à Nepote, traditus eſt Carolomanno, & ſervatus, donec Ludovicus redux in Boicam, de ejus capite decerneret. Cognitores, in quibus Franci, Slavi, Boij, toties reum majestatis, ultimo ſupplicio addixerunt: verùm Ludovicus mitior ſatis habuit, eum oculis minutum, Monafterio clauſum attineri, & quoad viveret, patrata ſcelera lamentari.

Liberatum hoſte anniverſario, repente (quæ fata erant ſtirpis Carolinæ) domeſtica diſſidia exceperunt. Minores Ludovici filios urebat Carolomanni natu majoris gloria, & præcipua in eum patris beneficentia, quam, ſtimulante invidia, ferre cùm non poſſent, patri perinde atque fratri irascebantur. Nata eſt diſcordia ex Ludovici teſtamento. Provincias inter filios diſiſerat eâ primùm æquitate, ut eorum nemo de tabulis quereretur: verùm uxoris importunitate, apud quam filius adultior plurimùm poterat, aliqua de minorum portione detraxit, vertitque ad majoris incrementum. Id magnanimi Principes, qui nihil in patrem peccarant, rati eſſe infra ſuos natales & merita, per vim reſcindere poſteriores tabulas, prioresque in integrum revocare, conſtituunt. Palàm quiritabantur, ſe rebus geſtis, partisque de hoſte triumphis, nihilo eſſe inferiores: ætatis prærogativam ejus non eſſe pretij, ut imminuto patrimonio mulctari debeant innocentes, qui virtute & ſanguine non eſſent minores. Talibus initijs præludi ſuæ exhæredationi, quæ, niſi maturè caveatur, proximè ſit ſecutura, & prolem regiam ſit factura Codro pauperiorem, ut duorum exuvijs unus albæ gallinæ filius veſtiatur. Iras acuebant improbi conſultores, quorum ſtabris accenſa regionum juvenum ferocia, parricidialis belli ſedem Spiræ Nemetum jam fixerat, traxerátque in partes homines turbulentos. Ludovicus primo rei proſus inexpectatæ nuntio mirè affectus, naſcente Februario Francofurtum abiit, unde filiorum animos mollire aggreſſus, miſit viros idoneos, qui belli conſilia blanditijs diſcuterent. Nihil enimverò extare cauſæ, cur arma corripere adverſus patrem, qui ſuo jure uſus ſit, citra cujuſquam injuriam: nullâ ratione poſſe excuſari filios, qui bellum ordiantur, in quo nec hoſtem, nec hoſtile quicquam poſſint ex vero nominare. Cùm fervente juvenum indignatione per legatos, ſemel iterumque miſſos, nihil proficeretur, demum conſtituto partium conſenſu die, locoque futuri colloquij, pactisque jurejurando inducijs, ab armis eſt temperatum.

Exinde parens redux in Boicam, diſſicilium bellorum materiam, Carolomanni errore paratam, reperit. Facilius ex amicis hoſtes, quàm ex hoſtibus amici conciliantur. Zuentibaldus Raſtices exoculati nepos, æmulorum iniquitate, an
rerum

terum novarum, & meditata defectionis conscientia delatus, jussus à Carolomanno causâ indictâ vinciri. Vincit, ut sunt iræ Principum diuturnæ, indignam suis meritis injuriam altius demisit in animum, quàm ut momento posset placari. Pressit tamen in præsens vindictæ cupidinem comparatâ forensi defensione. Moravi suum regulum interfectum arbitrati, Scilagamarum sacerdotem principalis sanguinis, tumultuari comitio, Ducem creant, necem minati, si principatum abnueret: tum jubent regis præfectis Engelschalco & Wilhelmo, qui curabant Moraviæ præsidia, inferre bellum, & oppida redigere in suam potestatem. Non fuit arduum hominis imbelliam frangere: populares, qui ad signa confluerant, nullo propè negotio profligati. Jussus interea Zuentibaldus è vinculis causam dicere. Cum inficiatione objecta dilueret, nec accusatio rationibus, idoneis vetestibus, aut indicijs firmaretur, à Carolomanno absolutus, magnisque cultus muneribus, datis Bojorum copijs, quibus Scilagamaro bellum faceret, in patriam remittitur. Non debebat armari, recenti injuriâ irritatus. Mox, ut in Moraviam redierat, suos cives ad arma concivit, vimque omnem convertit in Bojos. Tendebant hi sub pellibus insidiarum securi, nihilque minùs, quàm Zuentibaldi dolum suspectantes. At ille, collectâ ex veteri Rastis urbe pugnatorum manu, inopinantes aggressus, expugnat castra, devictos profligat, partim caesos, partim coniectos in vincula, partim fugâ elaplos. Tum paruit nimia Carolomanni facilitas & imprudentia, quâ re partam nuperis victorijs gloriam labefecit. E captivis unum Ratbodonem, cumque seminecem, cum insigni ludibrio redemit, permutatione Moravorum obsidum, quos undique conquiritos Zuentibaldo remiserat. Hæc primordia belli recrudescens, unde paterna Ludovici benevolentia in Carolomannum insigniter fuit imminuta, aucta fratrum audacia lætantium, sibi ex fortunæ malignitate provenisse causam fraternæ ignominie insultandi.

Ludovicus ex condito Triburiam pacis faciendæ bono quidem, sed irrito consilio, venit, utroque filiorum ejus congressum averfante. Causabantur, se in ipsius conspectum turò prodire non posse, quòd ejus iras suspectarent. Sumebant obtentui, quòd Saxonem quempiam, Henrici Comitis clientem, recens ex oculâisset, quòdque manus eâ severitate imbutas formidarent: quamquam id supplicij Ludovicus homini facinoroso justè inflixerat. Pax propè pro desperatâ habebatur, cum infelix parens longè se demisit infra suam majestatem, empturus quietem nonnullo honoris sui detrimento. Cum protervi filij ejus colloquium pergerent refugere, seseque Gerisheimium recepissent, eos officiosè prosecutus (quod miretur posteritas) blanditijs & promissorum amplitudine sic emolliit, ut, irâ utcunque sedatâ, ostenderent, se deinceps in officio futuros: sic placuit verba dare bono seni. Nam cum is Sextili mense Carolum fratrem ad Mosam convenisset, filij, larvâ positâ, colloquium detrectârunt, patrem accusantes, quòd cunctando, datam recens promissorum fidem, nondum exsolvisset. Quos nondum ad officium revocaverat effusior patris indulgentia, revocârunt fallaces ex Italiâ nuntij, qui Ludovicum Imperatorem, Italiæ Regem, ab Adalgiso Duce Beneventano per insidias necatum esse referebant. Si conjecturæ locus est, propior sum opinanti, credidisse eos, ex patruelis morte rem amplissimam patri obvenisse, quam in filios partiretur, cujus & ipsi bonam partem decerperent, si prius in ejus gratiam rediissent. Spei avaræ munera, quàm donantis manus amorque, sunt potiora. Cum Ludovicus, eo mæstus nuntio, Aquas abiisset, ultrò filij properârunt in ejus amplexum, seseque tandem benefactis passi sunt expugnari, cum omnia ex animi sententiâ impetrâissent. Verùm eos sefellit rumor Italicus. Ludovicus Germaniam repetens, Tridentum excurrit, ubi obviam habuit Engelbergam Augustam, famam, quæ de mariti nece prodierat, refutantem, reposcentemque Cæsarî nomine partem, Regni Austrasiæ, quam Ludovicus erat sortitus. Qui rem ad annum sequentem referunt, memorant, Ludovicum nihil esse tergiverlaturum, si modò Carolus frater eadem, quâ ipse, lubentiâ ad rescindendam sortitionem animum induxisset.

TUMULTUS
MORAVO-
RUM.

X X X
I X.

ZUENTIBALDUS AB-
SOLUTUS
REBELLAT,

BOIOS CREDIT.

JUNIORES
LUDOVICI
FILII PATRIS
CON-
SPECTUM
REFUGIUNT.

VANA SPE
MITIGANTUR.

ENGELBERGA
AUSTRASIE
REGNUM
REPETIT.

Tri-

XL.

AN. CHRIST.
DCCC.
LXXII.
LEGATIO
BASILII
IMP. ORIEN-
TIS.
CONVENTUS
FORCHEMI-
ENSIS.

Tridento Ratisbonam reversus sub id tempus, quo Christi à Magis adorati memoria recurrit, excepit legatos Basilij Imperatoris, qui dono attulerunt res præstantissimas, in quibus palmam tulit pars ligni triumphalis, in quo Christus moriens mortem superavit, inclusam crystallo miræ magnitudinis, affabre elaborato, & magni pretij gemmis exornato.

Celeberrimum fuit hoc anno Forchemiense Comitium omnium Ordinum frequentia. In eo præcipue decretum, ut nova provinciarum divisio relata in publicas tabulas, singulis filiorum documento foret, quantum singuli post patris fata essent possidendi, in quo maxime spectabatur, ne, ut aliàs, inter eos dissidia de regundis finibus, & ditionum amplitudine orirentur: quod an fuerit impetratum, ex ijs, quæ mox describam, facile apparet. In eo conventu, Ludovicus Ludovicum & Carolum filios, audiente exercitu, sacramento adegit, nihil ipsos per omnem vitam contra patrem moturos, neque turbaturos Reipublicæ tranquillitatem. Peractis comitijs, redijt in Bojariam sub serias Paschales, ubi de belli summâ, quod adversus Bojæmos & Moravos parabatur, fuerunt habitæ deliberationes.

XLI.

EXPEDITIO
MORAVICA
IMPROSPE-
RA.

Mense Majo prima vis conversa in Marahenses, collecto ex Saxonibus & Turingis exercitu, qui adversâ fortunâ conflictatus, partim occisione deletus est, partim cum ignominia rejectus. Cladis causam Annales adferunt, quod ductores regij, absente Rege, contrarijs studijs in diversa distracti, neque militem uno animo regerent, neque ipsi satis cordatè à Legato regerentur. Quibus ferrum pepercit, probrosè à popularibus sunt habiti non modò manipulares, sed etiam Comites, quorum aliqui à fræminis bene delumbati, alij de jumentis proturbati, turpes ignaviæ pœnas dederunt, quod se viros oblit, muliebres animos induissent.

Res Carolomanno nihilo fuere secundiores. Is acceptis è Franconiâ per Arnonem Episcopum Wirceburgensem, & Sighardum Abbatem Fuldensem suppetijs (sic enim ista ætas ferebat, ut animarum custodes pedum jaculo mutarent) Moravorum agros late populatus, vicissim à Zuentibaldo cladem accepit. Stabant ad Istri ripam illius naves, quas miles Boicus tuebatur. Stationem Moravus aggressus ex improvise, Bojos ferro magnam partem concidit, plurimos flumen tranare conatos, gurgites hausere: reliqui in vinculis abducti. Embrico Ratisbonensis Episcopus cum paucis fugâ suæ saluti consuluit. Alij è Franconiâ educi in Bohæmos, usi sunt Marte secundiore. Eos sub signis habuit Luitbertus Moguntinus Antistes. Hic fortunæ an causæ bonitate potius, quàm ordinis sui decoro, ingentem Bojæmorum multitudinem concidit, alios egit in Multavam præcipites, cepit quinque gentis regulos rebellionis authores, alios avertit in fugam, denique miserorum agros depopulatus, cum incolumi exercitu domum revertit. Fabulæ quàm vero affinius est, quod sine teste scripsit Aventinus de Bohæmorum clade, sponsam unius è Regulis filiam nuptum in Moraviam ducentium, qui compulsi in Taborinas angustias, armis & sexcentis equis exuti, nudi rebus omnibus, in Hercinij saltûs avia sese abdiderint.

Annal Franc.
Aimoin. l. 5.
c. 30.

AN. CHRIST.
DCCC.
LXXIII.
CAROLUS
CRASSUS IN-
SESSUS A
DEMONE.

XLII.

Annal. Fuld.

Certius est, quod Francorum Annales recensent de Carolo, Ludovici filiorum natu postremo, quem à mole corporis, Crassi cognomento inter Imperatores in loco numerabimus. Ludovicus parens anno ad exitum præcipiti, posteaquam Bojarie res ordinaverat, Francofurtum abiit, ubi regni Comitia indixerat. Ingressus frequentem senatum sexto & vigesimo die Januarij, duos è filijs voluit interesse. Adfuere Ludovicus & Carolus. Hic derepente insolentibus intemperijs agitatus, nihil pro homine agere, vultum, oculos, furiosè torquere, horrendum vociferari, obstupesciente cœtu, & norante indicia tartarei Infessoris, nec dubitante illum inferorum larvis agitari, quarum tanta erat immanitas, ut sex viros, quamlibet lacertosos, luctando concutiendoque fatigaret. Nemo erat, qui ad eam spectaculi diritatem veris lachrymis non manaret, pater præsertim, quem propius spectabat filij calamitas. Hic cum ad sacram ædem traheretur, cœpit dentibus in ductores sævire, clamore debacchari, furere serpentinis libilis, resistere

in vestigio, manifestè prodens, cuius stimulis ageretur ad refugiendum sacerdotum expiatorias preces. Ludovicus, inter eundem filium sibi cognominem gravi oratione officij admonuit. *En, inquit, qualis Tyranno, tu fraterque tuus vos mancipaveritis, quoties in vestrum patrem conspirastis? Idem ille, qui germanum torquet, vobis auctor fuit parricidialium consiliorum, quorum insaniam Deus hodie producit in apertum.* Si Strygus veterator tam est in corpus crudelis ac truculentus, quanto est immanior in animum, cuius tyrannidem invasit? Insanis tuus frater, sed uterque dudum longè fœdius in me insanistis. Mibi crede, quæ bella, quæ injuriarum atrocitates estis medicati, huius omnem furorem superarunt. Paucorum hominum labore contineri potest ejus furor atque savities; sed vestra vacordia totam Germaniam ad arma concivit, & tamen agrè potuit cohiberi. Fratri tuo omnes illachrimantur, atqui nemo bonus fuit, qui vestram temeritatem diris non deprecaret; certè cælum, omnesque Calites detestati sunt vestram insaniam. Si me audis, suadeo, temet respicias, fratris supplicio discas sapere, neque differre sacram peccatorum, more Christiano, exomologesim, quæ, si quid restat morbi pristini, serâ penitudine castiget. Ad me quod attinet, quicquid in me peccasti, id ego tibi libens ex animo condono, Deumque precor, ut & ipse tibi ignoscat. Ut ventum est ad templum, Luitbertus Archiepiscopus, amictus cultu Pontificio, Sacris cepit operari. Cùm de more recitaretur Evangelium, Carolus voce terribili; *Va, va, meo capiti!* ad finem usque sacrificij inclamavit. Ductus deinde ad aras Sanctorum Martyrum conditoris venerabiles, & Pontificum exorcismis adjutatus, à Remberto Hamburgensi (verius Bremensi, ut vult Brunnerus) Antistite, mirâ aliâs patrare solito, depulsis larvis, menti est reditus. Et tum quidem palam est professus, se similibus intemperis fuisse agitatum, quoties consilium cepisset patris infestandi. Addidit, sibi nuper specie Angeli apparuisse cacodæmonem, & in hæc verba monuisse: *Patris in Carolomanus gratiam, cui uni, te neglecto, addictus est, te vult omnino perditum; quamobrem ipse Deus exosus est, idque malè ipsi vertet; nam propediem regno excidet; tu verò ad supremum fastigium evaheris.* Asserebat, se territum his vocibus, confugisse ad Ecclesiam contubernio contiguam; sed formâ aspectabili cacodæmonem secutum, quæsisse; quid metueret, quorsum fugetet? horratum esse præterea, ne de suo vaticinio ambigeret, nedum de vatis auctoritate, qui Dei domum non fuisset ingressurus, nisi ad Regis æterni familiam pertineret. Post, ubi istiusmodi commentis fidei aliquid erat eblanditus, deluso persuasit, ut buccellam, quam nequissimus impostor porrexerat, sumeret. Et sumpsit quidem, sed simul admisit in pectus feralem incubatorem. Valuit portentosa tragœdia ad coercendos tantisper filios, quos hoc anno Weistadij, prope Wormatiam, unâ cum parente, jus dixisse Provincialibus, reperio. Caulæ magnam partem à filiis cognoscebantur; in quibus hærebant dubij, referebant ad patrem: quæ minoris erant momenti, vel aperti juris, stabant eorum sententiâ, quo fiebat, magno temporis compendio, satis litigantium postulatis.

Cæterum habuit Ludovicus Idib. Septemb. quo sibi met jus diceret, impulsu Joannis VIII. Pontificis, qui Hadriano ante annum, decimo quarto Decembris, successerat. Agebat tum Rex in villâ Gundulfi (Ganusti malè habet Spondanus) cùm ad eum Româ missi oratores, Pontificis nomine, Formosus Portuensis & Jadericus (alijs Gaudericus) Velitrensis, Præsules, unâ cum Engilbergâ Augustâ Ludovici pacificationem cum Carolo Calvo, de regno Lotharij improbant. Cessit tantæ auctoritati, propter sedis Apostolicæ reverentiam, ut pactis rescissis, Carolo fratre longè exorabilior, Lothariensis Regni partem abdicaret, satâ apud Reges abstinentiâ & moderatione, & (quod bene est observandum) exiguo Ludovici detrimento. Deus enim istam æquitatem, non multo post, abunde est remuneratus, reductâ ad eum ejusque posteros Austrasiæ possessione, uti in loco videbitur, post mortem Ludovici Imperatoris. Sub idem tempus, cùm Wormatiæ daret operam publicæ rei negotijs, à Sigefrido & Halbdeno Danorum Regibus, qui fratres, æquâ potestate, regno potiebantur, ad eum venere legati, rogantes, vellet inter ipsos & Saxones pacis esse sequester. Alterum erat legationis caput, ut

Pars I.

Mm

Ludo-

Crantz. Mo-
trop. lib. 2.

c. 2. & 9.

XLIII.
DÆMONIS
PRÆSTIGIÆ.

Annal Franc.
Avent. lib. 4.
pag. 432. post
med. edit. 16.
golst.

LUDOVICUS
LOTHARI-
ENSIS REGNI
PARTEM
ABDICAT.

DANIE RE-
GES LUDO-
VICI AMICT-
TIAM APPRE-
STANT.

Ludovicus fœdus inter utrosque conciliaret, quo terrâ marique, pari fide atque libertate, commeantes, rerum venalium commercia ultrò citròque exercerent. Tertium, ut Danos fratres in suam clientelam reciperet, haberetque loco filiorum, ipsi vicissim Ludovicum, perinde atque patrem, respicerent & venerarentur. Ita

XLIV.

**IDEM FACIT
ZUENTI-
BALDUS.**

Deus geminæ sobolis insolentiam, externorum humanitate, & ultrò delatis honoribus, damnabat, solabaturque boni senis continuos propè mœtiores, quos domesticæ contentiones mirum in modum acuebant.

Fuit quoque solatio, eodem propè tempore, Moraviam videre solito quietiorem. Anno superiore venerat in Marahensium manus Berthramus natione Suevus. Zuentibaldus viri prudentiam per otium arbitratus, se consultò facturum credidit, si ejus operâ, in pacando Ludovico, uteretur. Dimissum è custodiâ, & adactum sacramento, fore ut cum fide postulata referret, legatum misit ad Regem. Non retulit quidem Scriptor, quæ sigillatim fuerit summa legationis; promptum tamen est opinari, Zuentibaldum, gratiâ cum Ludovico nondum integratâ, assiduâ belli expectatione suspensum, ac metuentem, ne propediem Ludovicus in eum arma produceret, pacis condiciones obtulisse, quibus publicum otium deinceps sanciretur.

**NORTMAN-
NI IN FRISIA
CLADE AF-
FECTI.**

Prosperè etiam res illi cecidère in Frisiâ. Mense Junio Nortmanni, Rudolfo ductore, viro regij sanguinis, in Frisiæ littora classe appulsi, viribus ostentatis, tributum ab incolis exigebant, qui certi libertatem tueri, censuerunt, injuriam pio bello defendi oportere. Igitur imploratâ Numinis ope, non dubitarunt cum hoste manus conferere. Rudolfus inter primos occubuit, præter ipsum occingenti in loco ceciderunt: cæteri, quibus via ad naves erat interclusa, vitam pecuniâ, quam ex prædis corraferant, redemerunt, nec fuere prius abire permitti, quàm sacramento dedissent fidem, se Ludovici fines in posterum non ingressuros.

**RORICI
NORTMAN-
NORUM RE-
GIS FORBUS
CUM LUDO-
VICO.
Regino.
Herman.
Sigeb.
Ann. Fuld.**

**LOCUSTA-
RUM ILLU-
VIES.**

XLV.

Non multò antè, cùm Ludovicus Aquisgrani Rempublicam ordinaret, Roricus Nortmannorum Regulus, datâ ultrò fide & obsidibus, in illius clientelam concessit. Eodem ferè tempore Agathon Metropolitæ, Basilij Imperatoris ex Oriente legatus, fœdere renovato, & cultus regiâ liberalitate, ad suos remissus est. Dum hæc à bonæ fidei viris gererentur, Reginoburgi deprehensi sunt Bohæmi, qui, cùm specie legationis in Boicam irrepsissent, gnaviter agebant exploratorum partes: quamobrem fraude detectâ, in carcerem fuere coniecti. Ista utcunque læta Ludovico; ne tamen nihil admisceretur tristium, locustæ Germaniam, Galliam, Italianam depastæ, famem invexerunt & pestilitatem, quæ tertiam propè mortalium partem retulit in censum Libitinæ. Ista locustarum illuvies ex Oriente in Occidentem irrupit instar grandis exercitûs. Senæ erant alæ singulis, toridèmq; pedes, si Reginoni credimus, Annales Fuldenses quaternos pedes numerant. Equabant mole longitudinem crassitiemq; virilis pollicis: trahebant fœdè distentam alvum: gemini singulis dentes, tam duri, ut silices arroderent, inciderentque quamlibet duros arborum cortices, multa solo contactu adurentes. Volabant turmatim tam patenti densoque agmine, ut unius milliaris spatio, solis aspectum adimerent, & ubi confederant, intra horam centum agri jugera omni semente, & herbarum viriditate nudarent longè deterius, quàm quævis tempestas. Tam monstruosa illis erat ingluvies, ut in quibusdam spicæ integræ, cum fruge & aristis, reperirentur. Duos omnino menses tenuit earum migratio. Diversis castris, in dies singulos, alix alijs succedebant non sine ordine, qui velut aliquam militiæ formam æmulabatur. Nam pridie quàm stationes caperent, paucæ instar metatricum prævolantes, segetem explorabant, signabantque spatia pastûs dici posteræ. Persarum more, nunquam ante solis ortum cœlo se committebant. Cùm humanis viribus non essent superabiles, ad divinas fuit recurrendum. Denique, opitulante Numine, istam pestem ventus in Britannicum Oceanum abstulit, unde refundente maris æstu extinctarum cumuli in littora refundebantur, quæ in tabum putoremque resolutæ, pestem invexerunt, quæ ingentem mortalium vim confecit.

PESTILITAS.

fecit. Credibile est, exitiabili istarum bestiolarum illuvie, DEUM istius ævi castigasse scelera, veterem priorum sæculorum exemplo, uti videre est apud Varronem & Plinium, qui civitatem in Africâ abs locustis expugnatam, civésq; non mœnibus modò, sed agris etiam exactos, quos illæ contaminaverant, testatur. Unde apud Cyrenzos lex erat, ter eas quotannis debellare, primùm ova obterendo, deinde fœtum, pòst adultas. Syri pariter, velut in militiam conducti, eas cogebantur oppugnare, pœnâ constitutâ in cessatores. Eam pestem secuta est hiems, glacie, nivibus, & Aquilonibus extra modum sæva.

Non tamen ideo bella refrixerunt. Traculfus Sorabico limiti præfectus, Sextili mense nuper è vivis excesserat, finium tutelâ Ratulfo relictâ. Soraborum & Suislorum populi, hanc naçti rebellandi opportunitatem, cœpère tumultuari. Ijs compescendis Ludovicus negotium dedit Luitberto, multarum palmarum Archiepiscopo, & quem nominavi, Ratulfo. Operosum erat brumâ asperrimâ militem sub signa cogere, vel habere sub pellibus: veriti tamen ductores, ne hostis sese morâ & finitimorum auxilio firmaret, per acerrima Januarij frigora, trans Salam amnem plenis castris profecti, cùm nemo aciem objiceret, agrum omnem depopulando, aliisque hostilitatis exemplis, tantum terrorem inculsère perduellibus, ut, ne tentatâ quidem propugnatione, pacem exorârint, polliciti, se deinceps in officio futuros.

Inter hæc, dum motus remotiores componuntur, in ipsis regni visceribus se prodiderunt consilia rerum novandarum. Ludovico Regis filio recens fraterni supplicij ferale spectaculum memoriâ exciderat. Agitabat ad SS. Petri & Marcelli ædem cum nonnullis parentis consultoribus arcanas coitiones, quæ Ludovico fecère conjecturam, quasi secessionem moliretur. Quæ res importunissimo tempore cum sub calendas Februarias Francofurtum excivit, ut, adhibitis in consilium Proceribus, modum exquireret, gliscenti malo faciendi medicinam. Visum est, celeritate filium occupare: verùm remittente sensim conjuratorum apparatu, nullo propè negotio, cœlo parentis consilij adspirante, nubes illa novæ tempestatis fuit dissipata.

Grandius est, quod multorum litteris ad posteros transmissum est, de Ludovico Pio, opem è piacularibus flammis implorante, post annos quatuor supra triginta, qui ab ejus morte abierant. Agebatur vernum jejunium, cùm Ludovicus Rex Pij filius, Reipublicæ curis paulùm sepositis, se dabat studio rerum cœlestium, & ardentiori precationi. Sub nocturnam quietem, precanti adfuère patris manes, serum saltem auxilium rogantes voce lachrymabili. Religioni ducerem ipsa verba, quæ notârunt Annales, non reddere: *Adjuro te* (inquebat) *per Dominum nostrum IESUM Christum, & per trium majestatem, ut me eripias ab his tormentis, in quibus detineor, ut tandem aliquando vitam possim habere æternam.* Verba horroris plena, eò maximè, quòd essent Imperatoris, cujus pietatem pauci æquârunt, pauciores superârunt, illius inquam Imperatoris, cui si quid adhæsit humanæ labis, continens propè malorum patientia, toleratæ filiorum injuriæ, incomparabilis mansuetudo, religionis studium, vitæ exitus Sanctis simillimus, videri possent omnis piaculi loco fuisse. Et fuère tamen ista Ludovici, orbis Christiani judicio, Pij lamenta: ut subeat vehementer mirari, quid tandem criminum fuerit, tam longis & inexplicabilibus pœnis expiandum. Verùm illum, qui *scrutatur Ierusalem* in lucernis, & *cujus oculi sunt multò plus lucidiores super solem, circumspicientes omnes vias hominum, & profundum abyssi, & hominum corda intuentes in omnes partes*, non latuerunt noxæ, in quas iustissimè animadverteret. Non abs re jubentur Reges Domino servire in timore. Iudicium enim durissimum his, qui præsumunt, fiet, & potentes potenter tormenta patientur: non enim subtrahet personam cujusque Deus, qui est omnium dominator, nec verebitur magnitudinem cujusquam. Accusatur quidem Ludovicus à Sigeberto, & Scriptore Annalium Fuldensium, factis laudabilibus complura intermiscuisse sequiora, neglectu monitorum, quæ ab Einhardo (vel ab Emarcho) acceperat, unde factum, ut Nicolaitarum sordes, multa alia flagitia

Plin lib. 8.
c. 29. & lib.
11. c. 29.

AN. CHRIST.
DCCC.
LXXIV.
SORABI ET
SUISLI RE-
BELLANT.

XLVI.

DOMANTUR.

SEMINA DO-
MESTICÆ
CONSPIRA-
TIONIS AD-
VERSUS LU-
DOVICUM,

OPPRIMUN-
TUR.

Herm.
Sgeb.
Annal. Fuld.
LUDOVICI
PII MANES
IN FLAMMIS
EXPI TO-
RIIS.

XLVII.

Sorbon. 1. 12.
Eccl. 23. 28.

Pf. 2. 10.
Sap. 6. 8.

per ejus oscitantiam ebullierint. Sed cum hæc aliæque id generis, divinando potius, quam certâ fide adferantur, præstat ignorantiam fateri, & latentia Dei judicia pertimescere, adorare & imitari. Certe Ludovicus filius ad Numen paternis manibus propitiandum, per regnum universum, piorum omnium, præsertim instituti sanctioris, sacrificia, preces, aliæque mortuorum solatia poposcit, seque ipsum per solennes Christi redivivi ferias in Fuldense monasterium abdidit, tum ut opituleretur patri, tum ut semet ad vitam in posterum sanctius agendam, seriâ divinæ justitiæ meditatione stimularer.

*Savat. Mo-
gunt. ver. lib.
l. c. 23.*

**PAX CUM
MORAVIS.**

Post cum secessum, in Triburiensi Regiâ urbi Moguntinæ vicinâ, Regni Comititia habuit, quibus finitis, Noricas Alpes transgressus, Joannem Pontificem haud procul Veronâ convenit, quæ fuerit causa colloquendi, scriptorum, quem nôrim, nemo prodidit. Reduci ex Italiâ præstò fuere Carolomannus & Ludovicus filij, & Oratores de pace missi à Zuentibaldo, in quibus Joannes presbyter, Venetijs oriundus, juravit, Zuentibaldum citra omnem fraudem, vectigal annuum in omnem vitam paratum esse pendere, seque pro cliente gerere, modò citra belli metum tranquille sibi liceret, quod ævi reliquum erat, exigere: quibus legibus pax non modo cum Moravis, sed etiam cum Bohæmis fuit confecta. Rebus in Boica cæterisque provincijs rite compositis, Ludovicus 13. cal. Janu. ad D. Lamberti, Carolo fratri collocutus, Francofurti Christi natalitia celebravit.

**AN. CHRISTI.
DCCC.
LXXV.
XLIIX.
TRIBURIEN-
SE COMI-
TIUM,
TUMULTUS.**

**LUDOVICI
IMP. OBITU.**
*Annal Franc.
Aimois. lib.
5. c. 32.*

Regin.
**CONTRÓ-
VERSIE DE
EJUS HÆRE-
DITATE ET
IMPERIO.**

**CAROLUS
CALVUS
ITALIAM
INVADIT.**

*Joan. Pont.
Ep. 42.
Aimois. lib.
5. c. 32.*

**CAROLUS
CRASSUS ET
CAROLO-
MANNUS
FRUSTRA OB-
RECTUS.**

Inter hæc, Hemma ipsius conjunx, resolutis nervis, motum corporis, ipsius adeò linguæ usum amiserat, quam decumbentem, in Boariam reversus, invisit. Calendis inde Junijs Triburiæ rursus egit regni conventum, in quo propè abfuit, quin pessimo exemplo Saxones cum Franconibus tumultuantes, armis civilibus concurrerent. Cum in mutuam cædem jam jam essent ituri, Ludovicus junior quâ dehottando, quâ terrendo seditionem compescuit, quæ alioqui citra nobilissimi sanguinis jacturam non fuisset composita.

Cæterum Ludovicus Imperator supremâ corporis ægritudine laborabat, quâ demum Mediolani mense Augusto extinctus est. Princeps justitiâ & religione clarissimus, cui si tantum opulentia & facultatum, quantum studij, pro Ecclesiæ & fortunæ Italicae amplificatione fuisset, rari essent, qui cum eo de magnificentia possent certare. Ex ejus decessu magnæ sunt exortæ contentiones. Cum enim sine virili sobole diem obiisset, mox Regum Franciæ & Germaniæ contraria studia ad capeffendum imperium exarserunt. Nec defuere sanguinis Italici Principes, Dynastæ præsertim Tusculani, qui ad fastigium aspirabant, rati, antiquam Imperij majestatem, post tot sæculorum lapsum, ad gentem, Orbis olim dominatricem, postliminio rediisse. Caroli Calvi & Ludovici fratrum præcipua fuit prensatio, quòd nemo potentior, vel jure propior esset, qui defuncti locum capefferet. Ludovicus ætatis prærogativâ potior erat; sed Carolus celeritate antevertit. Is accepto apud Duciacum, Augustum fato concessisse, contractis undique copijs, mense Septembri per montem Jovium in Italiam descendit. Urbium plerisque in fidem acceptis, Pontificis studium per legationem & amplissima promissa sibi demeruit, pollicitus, se Romanam Ecclesiam, omni, quâ posset, ope defensurum, cunctasque ejus ditiones sedi Pontificiæ liberas integrasque redditurum. Cura deinde fuit, omne demortui Cæsaris aurum, & quicquid gazæ reliquerat, redigere in suam potestatem, ne excepto quidem ære, quod Engilberga Cæsaris vidua in Brixinensi cœnobio abdiderat; quâ de re Joannes Pontifex, scriptis ad eum literis, graviter est conquestus; ut immeritò Baronius aliique, id facinus Carolo, Regis Ludovici filio adscribant, id neutiquam facturi, si litteras Carolo Regi (qualis Carolus Crassus nondum erat) inscriptas, simul Hermannum Contractum & Francorum Annales rite expendissent.

Ludovicus de fratris in Italiam excursionem factus certior, illuc Carolum Crassum, ad ejus intercipiendos conatus, jussit properare; sed cum militem eo numero non adduxisset, quo à Calvo metueretur, nullum fecit operæ pretium. Carolo-mannus cum validiore exercitu subsecutus, plus quidem terroris attulit, sed nihil boni

boni conatus : unde notatus est infamia, quod se auro & promissis inanibus passus esset corrumpi. Prospera illi fuerant initia. Calvus eum frustra nitus est Italiam ingressu prohibere. Igitur posteaquam perruptis Alpium faucibus in plana camporum evaserat, Calvus non nescius, quem hostem esset experturus, non est ausus adire supremæ dimicationis discrimen, ratus, se securius auro, quam ferro certaturum. Narrat quidem Adelmus, vel quisquis Aimoing fecit appendicem, Carolomannum patrum congressum, viresque reformidantem, oratores ad eum de pace misisse, datisque dextris, revertisse in Bojariam : sed potior est Hermanni fides, & Francicorum Annalium, qui loco atque tempore rem, ut gesta est, propius attigerunt. Hi Carolum Galliarum Regem ajunt timentem bello congregi, dolis, pecunijs, mendacisque Carolomannum Italiam abegisse. Dolus certe fuit, quod Carolus juratus nepoti imposuerit, se ex Italia quoque discessurum, mox ubi foret abs Ludovici Regis armis libera, & fratri vacuum relicturum : quod tantum abfuit, ut præstaret, ut post Carolomanni abitum Romam 16. Cal. Januarias, die, qui

*Annal Franc.
Herman.
XLIX.*

*CAROLUS
CALVUS
ROMÆ ET
PAPIÆ IN-
AUGURATUS*

Interim Ludovicus Rex, ut eum ex Italia ad domestica pericula in Franciam retraheret, unâ cum Ludovico filio absentis fines ingressus, terrorem vastitatemque late circumtulit. In ejus partes concessit Engilramus domi potens, qui Richildis Reginae insidijs nuper Calvi gratiam dejectus, arreptâ ulciscendæ ignominiae occasione, nonnihil suppetiarum Ludovico sociavit. Rebus vehementer turbatis, Franciarum nonnulli procures, tamen à suo Rege non defecerant, prædas tamen de suis civibus agebant, sive metu Ludovici, quasi ejus partes sequerentur, sive respectu privatae utilitatis. Copiarum Germanicarum nihilo Francicis abstinentiores, omnia licentiam militari miscebant, cum eâ miserorum desperatione, ut ab Hincmaro fuerint, datâ ad Provinciae Remensis Antistites epistolâ, ad opis divinae fiduciam, & publicas comprecationes excitandi, pio sanè & sapienti consilio. Nam supplicum orationibus placatum fuisse Numen, eventus ostendit. Ludovicus enim, velut infusâ e caelo frigidâ, sensimque remittente ulciscendi cupiditate, innocentis populi vicem miseratus, cujus partes multorum intercessionibus agebantur, acto Natali Christi die, in villâ Attiniacâ, principio anni subsequents exercitum in Germaniam reduxit.

*RES IN
FRANCIA
TURBATAE.
L.*

*PACATÆ
PIORUM O-
RATIONIBUS.*

Frisingæ 7. Id. Octob. Anno moriens, sedem Arnolpho reliquit, posteaquam secundâ virtutum famâ Episcopatum rexerat, & annos viginti unum luculento patrimonio locupletarat. Quas memoravi turbas, & consequentis anni funera, visus est Cometa horrido aspectu portendisse. Ejusce sideris malignitatem Ludovicus noster sensit inter primos. Cum Francofurti nonnihil à bello respiraret, tristes accepit nuntios de Hemmæ Reginae obitu, quæ 7. Cal. Februa. è vivis excesserat. Ejus morte non potuit non gravissimè affici; tantæ in eâ fuere virtutes & fidei conjugalis exempla. Eam laudat Regino à clarissimâ generis nobilitate, & mentis claritudine longè illustriorem. Aventinus domo Hispanam, Selenderus regio Francorum sanguine nobilissimam, prædicant. Reginoburgi, Cœnobium, quod superius nuncupant, in augustiorem formam redactum, multis prædijs ditavit ad alendas Virgines. Erat effusè in pauperes liberalis, quibus suâ manu stipem consueverat largiri. Certos fundos, ad sacrarum largitionum perpetuos usus, Monasterio attribuit, jussitque quotannis, ubi ejus anniversaria funebria repeterentur, Virginum Antistitam (quoad per valetudinem liceret) nudis pedibus (forte ad Reginae exemplum) panum carniûmque sportulas erogare. Corpus illatum in Sanctimonialium, quod ipsa construxit Ratisbonæ, sepulchrum, quod Caroli Crassi ejus filij tabulæ demonstrant, contrâ ac sentiunt Fuldenses Annales, qui eam volunt sepultam ad D. Emmerammi. Ex eâ tulit Ludovicus qua-

*Catal. M. S.
Episc. Fri-
sing. apud
Hund.
Herman.
Sigebr. an. seq.
AN. CHRIST.
DCCC.
LXXVI.
HEMMÆ
REGINÆ
OBITU.*

ternam prolem, Carolomannum, Ludovicum, Carolum Imperatorem, & Irmen-
gardem, Chiemensis Parthenonis Antistitam.

CAROLI
CALVI AR-
ROGANTIA.

L I.

LUDOVICI
REGIS EX-
CESSUS.
Regino.
VIRTUTES.

Quod conjugii Ludovico reliquum temporis fuit post ejus fata, Carolus Cal-
vus, se ipso jam ex novis Imperij titulis elatior, fecit inquietum. Tamen enim,
ut loquitur Sigebertus, sub augustali cultu esset *lepore timidior, & hostes fugere,*
quam fugare paratior, jactabat tamen inter amicos, se tantam vim armatorum pro-
ducturum, quæ fluvios exsorberet, iisque exhaustis, per aridos alveos in Germaniæ
regnum penetraret. Inanis erat ferociæ tumentis ostentatio, meræque minaciæ,
quas Ludovicus solâ armorum famâ, momento discussit. Ubi enim primùm au-
ditum est in Franciâ, Germaniam ad signa concurrere, Carolus legatos de pace
misit ad fratrem. Et jam Williberto Coloniensi Antistite, Adalardo & Megi-
nardo Comitibus pactorum sequestribus, eò res inclinabat, ut quies æquis condi-
tionibus sanciretur, cum fata. Cal. Septemb. Ludovicum rebus mortalium sub-
traxerunt, ætatis (si Aventino credimus) anno septuagesimo. Ejus funus regiâ
magnificentia compositum, in Monasterio S. Nazarij Laurisheimensi, ubi ejus
tumulus hodièque visitur. Fuit dubio procul Princeps regis virtutibus cultissi-
mus, comprimis religiosus, juris non civilis modò, sed Ecclesiastici quoque bene-
peritus, studiosissimus justitiæ, pacis bellique artibus excellens, ferri, quàm
auri tractandi avidior, osor ignaviæ: apud eum, pro nobilitate
habebatur fortitudo, pro vilitate generis,
inertia.





BOICÆ GENTIS
ANNALIUM
PARTIS I.
LIBER. XII.

Caroli Calvi bellum in Ludovici Germanici hæredes : clade affectus ad Anternacum : pellitur ex Italiâ : quâ Carolomannus potitur, & Carolo Crasso moriens relinquit. Ludovici Germanici filij paternas ditiones partiuntur. Carolomannus paralyfi extinctus. Ei succedit Ludovicus frater. Caroli Crassi varia fortuna: extrema in fine inopia. Arnulfus viventi subrogatur: Nortmannos vincit ad Lovanium, Ludovicum filium, successorem dicit. Romam capit. Formosi Pont. injurias ulciscitur. Zuentibaldum nothum inauspicatò Lotharingiæ admovet. Bella in Bojæmos, Moravos, Nortmannos, Italos. Godefridus Nortmannus Christo adjunctus, dolo occisus. Arnulfus potione soporiferâ, post venenatâ appetitus, moritur.

Ludovico Rege è vivis sublato, Carolus Imperator, metu, quàm antè, solutior, quia pax nondum coaluerat, mox cœpit immense dominandi cupiditati frena laxare, ratus, se in demortui ditiones, quæ ad plura capita pertinerent, haud operosè involaturum. Segniùs enim curantur, quæ possidentur in commune, & distractæ vires, unitis multò sunt infirmiores. Credebat verò, fraterna hæredum studia malè cohæsurâ, quòd apud eos vigeret adhuc memoria veterum discordiarum. Ergo, quantâ potest celeritate, cogit exercitum, in quo fuerunt supra quinquaginta pugnatorum millia. Placuit nihilominus, antè quàm vim admoveret, Germaniæ Proceres per legatos tentare, si quo modo possent à Ludovici hæredibus alienari. Et jam Carisiaco Satanacum moverat, velut profecturus ad Mediomatricos, ubi Germanicæ nobilitatis adventum oppetiretur; cùm desperans, rem arte processuram, mutato repentè consilio, per Aquas Coloniæ Agrippinam contendit, ratus, occiduam Rheni oram ilico daturam manus.

Ter-

I.
CAROLUS
CALVUS AR-
MA MOVET
IN LUDOVICI
BOII HÆ-
REDES.
Annal. Fuld.

Tergemini fratres, comperto, bellum à patruo esse expectandum, communi cōsilio curas inter se partiuntur. Carolomanno ad distrahendas hostium vires commissa in Italos expeditio: Carolo commendata Alemannia: Ludovico relicta tutela limitum, quā parte vis à Carolo Imperatore immineret. Ille nihil cunctatus, lectis, ut in re subitā, tenuibus copijs, è Saxonibus, Turingis & Franciā Orientali, citatis itineribus, ad Rhenum festinat, & castra Calvo obijcit in Rheni ripā citeriore. Vastabantur intērim à Gallis ulteriora ad cæterorum terrorem, quibus dira omnia denuntiabantur, nī sponte supplices occurrerent Imperatori.

Ludovicus pacem quibuscunque belli eventis ducens potiozem, è castris legatos mittit ad patruum, orantes, ut fœderum non immemor, à prōximi sanguinis injuriā temperaret. Meminisset, Superos, quorum aras tetigisset, & DEUM, quem juratus appellasset, pactorum vindices futuros: ne speraret, sibi ad famam fore honestum, vel ad fortunam prosperum, quicquid cœlo adversante moliretur. Regnorum fines, ipsius & fratris consensu non ita pridem constitutos, nefas esse movere: maneret suā sorte contentus, neque tot fortissimorum virorum sanguinem suæ cupiditati litaret. Verūm aures hominis ambitiosi tumor & ferocia occuparant. Jubet legatos Ludovico renuntiare, se, cum Ludovico fratre, non cum liberis, fœdus pepigisse: ad se pertinere, jure ætatis & Cæsareæ majestatis, arbitrium cernendæ hæreditatis, quod, nisi ultrò admittatur, armis sit occupandum. Recentem esse memoriam exempli, quod ipse Ludovicus in Austrasiani regni aditione, adversus nepotem edidisset: eandem legem ejus filij hodie contra se paterentur, quam pater pro se tulisset, nec ipsi improbassent, eò quòd ad rem suam facere credidissent.

LUDOVICUS
E BOICIS
FRATRIBUS
SECUNDUS
CALVO OB-
IICITUR.

CALVI TRE-
PIDATIO.

II.

INGENS
CLADES.

His acceptis, Ludovicus pacē desperatā totus in bellum incubuit, ne veritus quidem captare supremi certaminis opportunitatem. Rheno interfluente, castra latè dirimebantur, nec modus erat confligendi, nisi, amne transmissio, ipse aciem explicaret: Carolum ex hostico prædas agentem, & suo pavidum ingenio, non moliturum fluvij trajectum, donec oram Gallicam sibi ex asse vindicasset. Ergo motis silentio castris, Anternaci copias transmittit, Carolo nihil tale suspicante. Hic ad primum generosi facti nuntium trepidare, spem facere mittendæ legationis, simulare animum, paci multò, quàm antè, propiorem. Ista palàm; ex arcano meditabatur Ludovicum, castris nondum firmatis, subitā impressione obtuere. Talia designantem, Willibertus Colonienſis Antistes intrepidè germanitatis admonuit, utque positā ferociā, pacem à nepote oblatam ne respiceret. Verūm ubi advertit, cum non posse ratione mitigari, per Hartwicum sacerdotem Ludovico significat, in noctem proximam ingens imminere discrimen: Carolum supremo conatu castra oppugnaturum. Pauci Ludovico erant ad manum, multis pabulatum egressis, & per vicina palantibus, qui tam properè non poterant ad signa revocari, ut tempori hostibus obijcerentur. Nihilo tamen minùs DEO fretus, & causæ bonitate, statuit Carolo, acie explicatā, tendere obviam. Ut legiones se per tenebras internoscerent, militem jussit ad signa coire candidatum. Carolus quasi certus victoriæ, adfuit nocte intempestā, ratus fore rem cum hoste prorsus imparato. Verūm, ubi in primum Ludovici agmen inciderat, & non posset sine clade & ignominiā referre pedem, coactus est Martem experiri. Saxones, qui in aciei fronte pro Ludovico curabant, inito certamine, nutare cœperunt, & prælium inclinare, donec erecti fuere per Francones; & Caroli legiones, à fronte & utroque latere fortiter impulsæ disjectæque, confudère aciem. Hinc non cades jam, sed strages fugientium, quæ propagata ad posterius agmen, innumeros confecit. Reginarius Comes, amisso legionis prætorix vexillo, inter primos cæsus, victoriam ad Ludovicum inflexit, legionibus ejus casu perculsis. Carolus suorum trepidatione consternatus, accusansque suam dementiam, fugam iniit rempestivè, relictis impedimentis, omni gazā regiā, & captivis quamplurimis è Gallicā nobilitate, in quos Ludovicus, memor humanæ sortis, passus non est durius animadverti. Victoribus cessit ingens præda auri, argenti, equorum, cæteri-

que

que apparatus. Cœlum pro Ludovico pugnâsse, captivi testabantur, affirmantes, Caroli militem, ad primum hostis conspectum, tantopere trepidâsse, ut prius victoriam desperârit, quàm cœptum esset dimicari; usque eò enim vigorem vel audacissimo cuique fuisse ereptum.

Quod prodigio momentum addidit; equi stupore defixi immotique, in primo congressu, ne admotis quidem calcaribus poterant excitari, ipsaque arma, retusâ velut acie, pugnatorum arguebant imbelliam; ita vix quisquam è Ludovicianis sauciabatur. Pugnatum est 8. Idus Octob. non septimo, uti habet Brunnerus, contra fidem plurium Annalium. Clades ad Richildem Caroli conjugem etiam pertinuit. Illa postridie, quàm pugnatum erat, tristi nuntio territa, gravi licet utero, se Heristallo proripuit; cùmque totâ nocte fugiens, vehementius ageretur, sub auroram, partum effudit, nec prius miserabilis puerpera fecit fugiendi finem, quàm attigisset Anternacum, sic destituta humanis auxilijs, ut, quem erat enixa filium, anteaambulonis sinu fuerit gestandus, donec se mater in tutum recepisset. Filio immaturè excusso, vita brevis fuit. A Bosone avunculo de sacro fonte susceptus, accepto Caroli nomine, Carisiaci fuit extinctus, & ad D. Dionysij tumulatus.

Regino.
Herman.
Aventin.
pag. 445.
RICHILDIS
AUGUSTA
FACIT AB-
ORTUM.
III.
Aimoin.

Ludovicus, partâ victoriâ, Aquisgranum abiit, rebûsque id loci compositis, triumphans ingressus est Francofurtum. Mense, qui pugnam proximè secutus est, Carolomannus, Ludovicus & Carolus, paternum imperium, sive ex defuncti parentis tabulis, sive consensu, sunt partiti in pago Reciensi; Regino scribit Saulfeldum. Carolomannus Boariam, Pannonas, partem Australiæ, Carantanos, Bohemos & Moravos est sortitus; Ludovicus Franconiam, Saxones, Frisios, Turingos, cum parte Lotharingiæ: Carolo Alemannia, & nonnullæ Lotharingiæ civitates obvenère. Omnes fœdere, & mutuâ juramenti religione partitionem firmaverunt.

LUDOVICI
HÆREDES
HÆREDITA-
RIAS DITIO-
NES PARTI-
UNTUR.
CAROLO-
MANNUS
BOARIAM
SORTITUR.
AN. CHRIST.
DCCC.
LXXVII.
CAROLO-
MANNUS IN-
VADIT ITA-
LIAM.

Boica novum sortita regem Carolomannum, anno sæculi septimo supra septuagesimum, copiarum partem suppeditavit, quæ usui fuerunt Italiæ, & augustalibus honoribus occupandis. Accesserunt è Slavis suppetiæ, quibus Rex instructus, superatis alpiibus, Insubrum fines ingressus, invasit Galliam Cisalpinam, veterem Bojorum sedem, prius quàm Joannes Pontifex Maximus & Carolus Imperator, qui Ticini, de ratione belli adversus Saracenos tributum ab Ecclesiâ Romanâ exigentes, consilia agitabant, essent facti de ejus profectioe certiores. Calvus comperto, cum cum infesto agmine, cui magno numero Longobardi accesserant, imminere; tamen vires non deessent, quas opponeret, suo tamen usus ingenio, fugam prætulit; quod Carolomanni virtutem fortunamque, bellis, contra Slavos aliasque barbari nominis nationes, cum insigni gloriâ exercitam, formidaret. Urgebat suspecta militis fides, qui non vanis indicijs, tædio immoderati dominatûs, ferebatur in suum Imperatorem conspirâsse. Quare, ne rebus dubijs belli aleam tentaret, statuit Italiam deserere. Richildem cum gazâ potiore jussit in Galliam abire, è vestigio secuturus. Jam propinquabat alpium faucibus, cùm alvi profluvio & febris, quæ morbi comes erat, debilis, Sedechiâ quopiam ex Hebræorum natione medico inprimis charo, ad depellendam ægitudinem usus est. An hujus perfidiâ & propinato veneno, (quod fama tulit) an vi grassantis acrimoniæ, non sine immuni viscerum animique cruciatu, undecimo, post acceptam pestem, die, in loco, cui Brios nomen (Mantuz dicunt Gallici Scriptores) pridie nonas Octobris, vitam finiit. Dudum sibi ad S. Dionysij prope Parisios Mausolæum, in quo regio more conderetur, comparaverat: sed cùm odor funeris vespillonibus, juxtâ ac comitatu foret intolerabilis, Vercellis ad D. Eusebij fuit depositum, & post annos septem, in Dionysianum illatum. Francorum Annales ajunt, in Burgundiâ tantisper hæsisse, contrâ ac scripsit Aimoini continuator.

CALVUS
ITALIAM
DESERIT.
Amelin.
Sigon.
Baron.
IV.
MORITUR.

Joannes Pontifex Max. post Caroli discessum, Romam est regressus. Ad Carolomannum venerunt ultro plerique Italiæ Proceres, obsequia fidemque professi, sive tempori, sive Imperij Majestati servientes. Ille, postquam res Italicas

CAROLO-
MANNUS ITA-
LI FIDEM
ADDICUNT.

EIUSDEM ordinaverat, in Bojariam se recepit. Redeuntem comitata est gravis pulmonum
ÆGRITUDO, affectio, quæ tulli immodicâ, & ulcere magis magisque serpente, plurimis animam
 extudit, & halitûs contagione labefactavit imprudentes. Ipse Carolomannus
 eâdem ægritudine contactus, lecticâ domum revehendus fuit, & danda opera, ne
 tæbe invalescente consumeretur, calorque adventitius nativum solveret, quod fit
 in huiusmodi affectibus, præsertim cum (quod notavit Hippocrates) à sanguinis
 egestionem exoritur puris sputatio, malum magnis, juxta ac parvis exitiale, cui nec

DEPULSA. sceptrâ, nec arma resistunt, quando mors æquo pullat pede pauperum tabernas
 regumque turres. Evalit tamen Carolomannus hoc periculum. Malè Aimoini
 continuator eum memorat panico correptum metu, ex famâ, quasi Pontifex &
 Carolus Imperator cum maximis copijs imminerent, in Germaniam refugisse.
 Neque enim illi habenda fides, qui trecentis ferè annis post Calvi mortem scripsit,
 habetque adversantes, Hermannum, Annales Fuldenses, & Reginonem. Idem
 author perperam scripsit, Ludovicum Balbum Caroli filium, ab Hinemaro Re-
 mensi octavâ Decembris, unâ cum Regni Francici insignibus, augustalia accepisse
 Compendij, quod refellit Sigonius, ex veteribus Carolomanni tabulis ostendens,
 eum à morte Calvi Italiâ esse potitum. Primæ datæ sunt in Rantersdorff (hodie

REGNUM
ITALICUM
ACCIPIT.

Tom. 3. Epist.
Pontif.

Ranshoven, ubi nobile Cœnobium) anno tertio regni Boici, primi in Italiâ, indi-
 ctione undecimâ: alterâ Reginoburgi asservantur apud D. Emmerammum, qui-
 bus donationes factæ sacris ædibus asservuntur, anno regni Italici secundo, 12.
 Octob. Idem Sigonius ostendit ex varijs Diplomatis, quæ Carolomanni Italiz
 atque Bojariz regis nomen præferunt, datis per triennium; confirmata fuisse Ec-
 clesijs Lombardiæ & Italiz beneficia, quæ Carolus Magnus, Ludovicus Pius, Lo-
 tharius & Ludovicus concesserant. Sed longè locupletissimus testis est Joannes
 Pontifex in Epistola ad Carolomannum, quâ disertè asserit, eum ad Imperialia
 proavorum sceptrâ evectum, hortaturque, ut Romanæ Ecclesiæ laboranti, quam
super omnes Imperatores atque Reges, qui ante ipsum fuerant, se exaltaturum, atque
beatificaturum promiserat, opem adferret.

V.

CAPTIVI
FRANCI RE-
MISSI IN
GALLIAM.

LUDOVICUS
BALBUS A-
MICITIAM
LUDOVICI
BOII EXAM-
BIT.

Cæterum, Ludovicus Carolomanni germanus sub hujus anni ingressum,
 Francofurti, in publicis regni Comitij, præclarum edidit specimen humanitatis
 & regiz clementiz. Captivos enim omnes, quos anno superiori fortuna desti-
 tuerat, accuratè conquisitos remisit in Galliam. In ijs Ortulfus Episcopus, Gos-
 linus Abbas, Aledrannus, Bernardus, Adalardus, Ebroinus, Comites. Quâ be-
 nignitate captus Ludovicus Balbus, non dubitavit honorificâ legatione ejus ami-
 citiam ambire, ratus, eum in sancientiâ pace fidum fore ac liberalem, qui in ho-
 stes tam fuisset munificus. Et verò timor suberat non vanus, ne Ludovicus cum
 victore exercitu in Franciam irrumperet tempore alienissimo, nondum satis sta-
 bilitâ Francici regni possessione, quam Balbus à Richilde novercâ eblanditus, 6.
 Idus Novembris adierat, non sine quorundam Principum offensione, quos minùs
 habebat addictos ob Calvi superbum & impotens imperium, metumque, ne filius
 in patris mores abiret: unde proclive erat, eorum studia ad benignius Ludovici
 Germanici ingenium, & inteinpestivas rerum novarum molitiones deficere. Fe-
 cit tamen sanguinis propinquitas, & Balbi modestia, ne summo jure, belli arbitrio
 veteres offensiones permitterentur: esse enim satius, ijs condonatis, consanguini-
 tatis jura renovari, & quantum posset fieri, ex cognatis regnis, unam velut poten-
 tiam ad cæterarum gentium terrorem renasci: quæ potissima erat ratio Legato-
 rum, dictu, quàm creditu faciliior, quam voverant multi, nemo implevit.

SLAVI ALI-
QUI IN OF-
FICIO RETI-
NENTUR,
CAROLO-
MANNI LI-
BERALITAS
IN FRATRES.

Per idem tempus dux Slavorum gentes, Linones & Siusli, defectionem me-
 ditantes, per Ludovici legatos composiri, ad officium redierunt. Sed & illud ra-
 zæ inter fratres moderationis fuit, quâ Carolomannus redux ex Italiâ, partem re-
 gni Austrasiz, quam in nuperâ sortitione acceperat, Ludovico & Carolo lubens
 volens concessit, æquâ lance dividendam.

Ejusce facti fama, Carolomanno magnam passim æquitatis existimationem
 conciliavit, eò secundiorem, quòd nuptias nactus steriles, nihil haberet causæ, cur

vel

vel ambitet majora, vel fratrum insidias metueret, vel exterorum vim, Regum eâ tempestate florentissimus, haberet suspectam. Verum, ut in rebus humanis nulla est ex omni parte sincera felicitas; quod ipse sibi nomen virtute quæsierat, Principum Italicorum invidiâ in sequiorem interpretationem traductum, gravi exinde odio laboravit. Lambertus Comes Spoletanus, & Adelbertus Marchio Tusciæ, adscitis è Tarento in sceleris societatem Saracenis, auditâ Caroli Calvi Imperatoris morte, post vastatum Ecclesiæ Romanæ territorium, arreptâ tyrannide, cum innumerâ latronum multitudine, Romam, quâ vi, quâ fraude ingressi, portis occlusis, occupatis urbis stationibus, Romanos Proceres, Episcopos, Joannis Pontificis familiares, sacerdotes omnes, ipsûmque Pontificem in eas redegerunt angustias, ut neque inter se miscere consilia, neque annonam communicare, nisi precariò, sinerentur: prohibiti adeò sunt sacros cœtus frequentare. Unde rebus omnibus urbe totâ confusis, mœstissimum in basilicis silentium atque solitudo, obducta cilijs altaria, tristissima, ut in captâ civitate, facies. Ut facinori fucus fieret, iussus est Senatus populusque Romanus in Carolomanni verba jurare, famâque didicâ, ejus auspicijs ac voluntate rem geri. Pontifex indignatus, urbem deserit, implorat opem Ludovici Balbi datis ad eum litteris lamentabilibus. Et verò antea fuerat, erâtque adhuc in res Gallicas, quàm Germaniæ Regum pronior, à quibus tamen, quasi serviret tempori, auxilia rogavit, præsertim à Carolomanno datis ex urbe Genuâ litteris, quò jam evaserat è conjuratorum insidijs, abducto in vinculis Formoso Episcopo Portuensi, quòd cum Spolerano conspirâset. Ludovicum verò & Carolum, Reges, officij in Romanam Ecclesiam admonitos, unâ cum Carolomanno ad Synodum, quam Trevis indixerat, invitavit, sed frustra: neque enim ignorabant ejus in Balbum studium, quippe quem Imperij coronâ donavit, nullâ Regum Germaniæ habitâ ratione. Noverant etiam, quæ consilia cum Bosone Arduennæ Comite agitâset de Regno Italiæ in eum transferendo, ubi primum eò veniret. Obtentui sumpserat, quòd Boso in Italiâ complures urbes, dotis nomine, ex Hermingardis conjugio sibi debitas, in suam potestatem esset redaturus. Et cum jam Regis Arelatenis titulo, & affinitate Regis Galliæ tumidum, Pontifex in filium adoptaverat. Hæc jactabantur in vulgus, sed causa præcipua celabatur: quòd Franci Bosonem exosi, metuentesque, ne, quâ erat populi demerendi solertiâ, in Franciâ turbas moveret, eum vellent adversario potenti obijcere, hoc saltem habituri commodum, ut, si in Italiâ prævaleret, Carolomannus minor fieret: sin succumberet, minùs foret in Galliâ formidandus. Pontifex verò rebus necessarijs urgebatur, ut, quorum se fidei permiserat, eorum fortunam, quâ posset rerum dignitatûmque accessione, firmaret. Verbo, sua cuique commoda in præcipuis, aliorum detrimenta in postremis.

Gesta hæc nihilominus immotâ Ludovici Germanici, & Balbi, Regum concordia, quæ ad Maris suam fœdere demum est sancita, eâ lege, ut, quæ Ludovicus Imperator in Italiâ tenuerat, quæque nulli adhuc hæredum erant contributa, penes eos manerent, qui ea in præsens possessione tenerent, donec communi Regum consilio atque consensu, de ijs aliud statueretur. De Imperio nulli fas fore uspiam, quàm in Italiâ bellare: neutra enim partium juris sui rationem negligere constituerat. Quia verò ad 8. Id. Febru. anni sequentis ex condicito rursus erant congressuri, utrique visum, Carolomannum & Carolum, Reges, ad colloquium invitare, ut eorum quoque votis & voluntate res tota conficeretur.

Sapienter ista quidem, sed bene meditata Ludovici Balbi morbus, ac denique mors Idib. Aprilis Compendij intercepit, cum scsquiannum regnâset. Princeps mitis, tractabilis, antiquâ fide, religionisque studio præclarus. Duxerat in ætatis flore Ansgardem puellam nobili sanguine, ex quâ duo filij, Ludovicus & Carolomannus, formæ elegantia & animi magnitudine dignâ imperio. Quia tamen patris injussu eam duxerat, eodem adigente, factò divortio, superinduxit Adelhaidem, quam moriens gravi utero reliquit. Ventris spem Odoni, Roberti Andium Ducis filio, cujus genus referunt ad Saxoniam Witichindi stirpem, com-

AN. CHRIST.
DCCC.
LXXIX.
VI.

ITALI IPSI
INFENSI.
LAMBERTUS
ET ADALBERTUS ROMAM CUM SARACENIS INVADUNT.
Ep. Ioan. ad Raven. Archiep. 4. cal. May.
JOANNES PONTIFEX PROFUGIT.

VII.
REBUS GAL-
LICIS AD-
DICTIOR.

FœDUS IN-
TER LUDOVICUM
GERMANICUM ET
BALBEM.

Aimoin. l. 5.
c. 38. §. 3.

BALBI MORB.
AN. CHRIST.
DCCC.
LXXIX.
Herman.
Annal. Franc.
Regino.

TURBÆ
GALLICÆ.

mendavit: unde rege nondum nato, & regente partûs expectatione, per Galliam multæ turbæ. Bos à Lugdunenſi Præſule ſacratus, Regis Provinciæ & Burgundia, conjugis Irmingardis inſtinctu, Ludovico & Carolomanno, ob dubios natales, nomen abripuit. Richardus, quod Auguſtodunum, principem Heduatorum urbem, ditione teneret, ſe Burgundionum Regem dixit. Balbus ſub extremam vitæ lineam, per ſidos homines Odonem Epiſcopum, & Albuinum Comitem, regni inſignia Ludovico, ex Anſgarde filio, curârat perferenda: Carolomannus ejuſdem germanus, natalium obtentu, unâ cum ipſo ſe Regem ferebat, & erant viribus ſociatis formidabiles, & commendati nonnullorum Epiſcoporum ſuffragatione, qui eos ſolenni more Reges initiârunt. Eos ſublevabat Nortmannorum ſtudium, cum quibus fecerant duodecim annorum inducias.

VIII.

LUDOVICUS
GERM. GAL-
LIAM AR-
MATUS IN-
GREDITUR.

PAX COM-
POSITA.

GERMANI-
CUS NORT-
MANNOS
PROFLIGAT.
Regino.

CAROLO-
MANNI PA-
RALYSIS.

IX.

QUERIMO-
NIÆ IN AR-
NULPHUM
CAROLO-
MANNI NO-
THUM.

Hæc in Galliæ viſceribus; ubi Principes in diverſa ſciſſi, ſuæ quiſque magnitudini dabant operam. Major metus è Germaniâ. Goslinus Abbas SS. Vincentij & Germani, homo factioſus, tracto in partes Conrado Pariſienſi Comite, aliisque non paucis regni Optimatibus, memor humanitatis, quâ à Ludovico Germaniæ Rege, poſt Anternacenſem cladem fuerat redditus libertati, ut æmulis, quorum odio premebatur, ægrè faceret, & ſpe ſuam fortunam augendi per Ludovici gratiam & liberalitatem, eum ſpecioſâ auxiliorum Gallicorum oſtentione ad invadendam Franciam incitavit. Et hic quidem jam per Mediomatricos in fines Virdunenſium penetrârunt, cum Ludovicus & Carolomannus Balbi filij, cum expedito Gallorum exercitu adſuere. Ne veniretur ad ſupremum certamen, effecerunt pacis ſequeſtres, qui ultrò citròque commeantes, rem ijs legibus compoſuerunt, ut Ludovicus Germanicus portionem Regni Lotharienſis, quam avus tenuerat, ex integro capelleret, unâ cum S. Vedasti Atrebatum Abbatia. Tantillum fuit magnæ operæ pretium. Aliud dedit fortuna aliquantò glorioſius in Germaniam revertenti. Caſtra moverat Thynnium, haud procul à ſaltu Carbonario, cum Nortmannorum ingens multitudo, quæ prædis onuſta, iter ad claſſem, in Scaldi hærentem, relegerat, ſeſe ipſi offert obviam. Nec mora: ſignis utrinque explicatis, acerrimè conſigitur, Nortmanni poiſſimam partem cæduntur: reliqui fugâ dilapſi, ex intervallo ſe communiunt, & maiore, quàm antè, niſu pugnam inſtaurant in ſeram noctem, quando Ludovicus ſignum dedit receptui. In poſtiori conſictu Hugo, ipſius ex pellice filius, pugnans incautiùs, ab hoſte eſt oppreſſus, haud mediocri patris dolore, qui cadaver inter caſos repertum, in Laurisheimenſi cœnobio juſſit honorificè tumulari. Inter hæc Ludovicus & Carolomannus, rebus cum Germanico compoſitis, in Galliam rediere, magnâ ſpe regni retinendi.

Cæteroqui in Boicâ triſtia non defuerunt. Carolomannus Rex ſenſu hebeſcente, motûque paulatim torpente, cœpit nervorum diſſolutione laborare, pituitæ craſſitie tenaciter impaëtâ, ſpiritus influentis diſtributionem interpellante. Quæ res Ludovicum à bello recentem in Boicam evocavit, ſolicitum, ne, ſi quid fratris humanitus contingeret, res publica aliquid caperet barbarum. Carolomanno thoros infæcundus, juſtam ſobolem non dederat: ex Litowindâ pellice, gente Charinâ, genere & formâ prænobili, Arnulphum ſuſtulerat, in quo, præter labem natalium, nihil erat indignum imperio, ad cujus denique faſtigium, uti in loco referemus, fuit eveëtus. Quare Ludovicus, quem fratris hæreditas proximè ſpectabat, ægro ſalutato, ut quoscuque caſus præveniret, Regni Boici Optimates ſacramento adegit, non admiſſuros ullius, præterquam proximi hæredis legitimum imperium, ſi Carolomanno foret ſuperſtes. Arnulpho ad tuendam dignitatem, parens Carantanorum præfecturam demandavit, quæ illi à Ludovico fuit confirmata.

Cum res in eo eſſent, Ludovico è Boicâ digreſſo, venere nuntij, Arnulphum res novas moliri. Querebantur videlicet Erambertus Comes aliique complures, quos ille, patris vice, ob graves noxas proſcripſerat, non modò ſe injuſtè patriâ exutos, ſed etiam à Tyranno, præcoci ambitione, regnum invadi, à quâ proſectæ ſunt

sint tot nobilissimorum virorum deportationes, qui visi essent, injustam regni usurpationem homini spurio non permissuri. Se fortunis omnibus everfos, non tam deplorare privatas injurias, quam justissimas Ludovici spes, ab iniquo incubatore paulatim occupari, unde sit nascitura exitialis publicæ rei calamitas. Hæc si impune liceant in præsens, postea seram fore diligentiam, ubi homo profundi ambitus, reipublicæ clavum arripuerit. Si fidiissimi quique sinantur vel procul ejici, vel metu subigi, Ludovicum frustra à Boijs requisitum regnandi subsidia, & præcipua regni ornamenta. Eam ob rem totius nationis ordines Ludovici opem implorare, ut, qui suam ipsi fidem sanctissimè nuper obstrinxerint, se vicissim sentiant in eâ servandâ defendi. Ut suspicionibus sunt obnoxia regnantium ingenia, Ludovicus inductus in fraudem, confestim in Bojariam contendit. Verùm, ubi venit in rem præsentem, longè alia comperit, quam erant à vasis hominibus excogitata: Arnulfum videlicet suâ forte contentum, de regno invadendo, ne per somnium quidem cogitasse. Carolomannus, qui morbo omnes corporis partes, ipsamque morionis arcem insidente, loquendi usum amiserat, scripto se, suâque, atque inprimis filium, Ludovici fidei commendavit, nec quicquam retulit in tabulas, quo juberet regni successionem aliò, quam ad Ludovicum fratrem derivari.

Anno sequenti vivendi finem fecit 11. cal. Aprilis, juxta Reginonem vitiosè 7. Non. Aprilis. Oetingæ, uti jusserat, in templo, quod D. Benedicti familiæ struxerat, ditârâtque magnis opibus, tum Boicis tum Italicis, est tumulatus. Fuit inter ævi sui Principes laudatissimus, præstanti corporis forma, mirando robore, belli pacisque artibus, ut qui maximè, instructus, non minùs ingenio, quam manu promptus, litteris cultus insigniter, multis clarus triumphis, Slavoni in domitor, terror hostium quocunque arma verterat, civium amor, tutor amplificatorque religionis. Justis funebribus regiâ pompâ peritolutus, Ludovicus Bojarie regnum sibi adjunxit, pronâ Ordinum voluntate, nihil obstante fratre Carolo, quem spes longè maximæ ad capessendam Italiam, ipsamque imperium evocabant. Transgressum alpes, Italici Proceres, urbesque honorifice exceptum, magno consensu Regem renuntiârunt, curâruntque regni insignibus de more inaugurari, qui gradus illi fuit ad Augustales honores, quos hoc ipsi anno à Joanne Pontifice, ipsis Christi Natalibus, est consecutus. Latitiam turbavit casus tristissimus, qui omnem illi posteritatis spem extinxit. Ex Luitgarde conjugis filium unicum tulerat sibi cognominem. Cùm puer Reginoburgi gerulis inobservatus, fenestræ adrepens, exerto in subjectam aream capite, cæterorumque membrorum pondere actus in præceps, vertice in pavementum alliso, cervicem fregisset, miserabile spectaculum præbuit, quo nullum potuisset parentibus funestius evenire.

Inter hæc, in Galliâ recruderunt Goslini Abbatis, Conradi Comitis, aliorumque molitiones, qui per nuperam pactionem à Ludovico Imperatore deserti, patentésque æmulorum injurijs, cogeantur externa auxilia respicere. Resciverant, Luitgardem Reginam Ludovici conjugem, cùm pacto fœdere è Galliâ redisset, aculeato ipsum excepisse diæterio, quasi nimiam facilitate arma posuisset, reportâsetque dimidium operæ pretium, cùm habere totum potuisset. Et erat fœminæ acre & ambitiosum ingenium, quod faciliè accendi posset, & flammam marito sedatori subdere, ad spes Galliæ de integro repetendas. Ad eam proinde factiosi confugiunt, Goslino legationis antesignano. Non defuere verba, quibus illa per se prona ad eorum vota inclinaretur. Suus cuique affectus orator impenetrabilis. Eam in suam sententiam pertraxerunt, fallaci magnarum rerum ostentatione. Balbi hæredem justo thoro natum, adhuc crepundijs affixum, gubernari à gerulis; nihil proinde esse, cur timeretur. Ansgardis filios rem suam precariò gerere, paucorum assentatorum auxilijs, plurimorum invidiâ, quibus labes natalium esset invisa. Magnarum populique studia in tot lacerata esse factiones, ut ne integræ quidem familiæ in eadem vota conspirent. Regni majestatem,

Diluuntur.

AN. CHRIST.
DCCC.
LXXX.Herman.
Annal. Fuld.
CAROLO-
MANNUS
MORITUR.

X.

LUDOVICUS
IN REGNUM
SUCCEDIT.
CAROLUS
CRASSUS
OCCUPAT
ITALIAM:
CÆSAR RE-
NUNCIATUR:
UNICUM FI-
LIOLUM CA-
SU OBTRI-
TUM AMIT-
TIT.

X. I.

LUDOVICUS
GERMANI-
CUS COPIAS
PARAT AD
INVADEN-
DAM GAL-
LIAM.

IN FRAUDEM
AB UXORE
INDUCTUS.

jura legesque eò duntaxat tendere, ut è Carolina stirpe sit quispiam, qui labescen-
tem rempublicam ulnis excipiat. In Ludovico Germanico esse omnia, regium
sanguinem, authoritatem, præcellentem famam, populorum æstimationem, arma
fortunata, moderationem: si voluntas regni capeßendi accesserit, nihil prorsus de-
futurum, quin ad fastigium evadat. Id nuper cum cum bono Deo fuisse expertu-
rum, si bene cœpta meliùs fuisset prosecutus. Multos esse, inter Principes Fran-
ciæque nobilitatem, qui sint lubentes in ejus fidem concessuri, modò se ab eis
non ostendat alienum. Luitgarda, avidè auditos bono jussit esse animo, nec am-
bigere, quin Ludovicus tam bellas condiciones sit amplexurus. Foverent in-
terim legati studia suarum partium, & spe propediem adfuturi Regis erigerent.
Eo responso, & Ludovici assensu, animati, reversi in Franciam, arma palam in-
duunt, collectæque seditiosorum manu, prædas instituunt agere, conjuratos arma-
re, passim jactare, è Germaniâ mox validissimas copias auxilio venturas. Ludo-
vicus re ipsâ, magnis toto regno delectibus, justum parat exercitum, Aquisgrano
moveret unâ cum uxore, quæ comes esse voluit expeditionis, ut languentem iden-
tidem incitaret. Ad Duciacum venêre obviam Goslinus, & Parisiorum Comes,
ingentia promittentes. Castra inde mota per Attiniacum, Harcuriacum, usque
ad Ribodi montem. Balbi filij, castris haud procul inde positis, legatos de pace
mittunt, fœdus anni superioris memorantes, quod nequiret, nisi pessimâ famâ,
cœloque adversante violari. Et jam apparebat, vana fuisse factiosorum promissa,
multis indies deficientibus: etiam Ludovico cœperant honesta certaque præ uti-
libus dubiisque placere. Ergo temperatum est ab hostilitate, & integratâ amici-
tiâ, quicquid erat dividix, rejectum ad congressum in villa Gundulsi mense Junio
futurum. Hæc composita non sine Ludovici sugillatione, quòd se uxorijs suasio-
nibus in fraudem passus esset induci. Certè intempestivum consilium visus est
Deus ulcisci per Nortmannos, qui factâ in Saxoniam irruptione, ingentem ex eâ
multitudinem, quæ ad signa concurrerat, prælio superatam, concidère. Occu-
buit pleraque nobilitas, Episcopi duo, Comites duodecim, Regiæ cohortis pri-
mipili octodecim, cum suis singuli subsidiarijs: innumeri in captivitatem ab-
repti.

PACTÆ IN-
DUCIÆ.

NORTMAN-
NI SAXONES
MAGNA
CLADE AF-
FICIUNT.

XII.

DALMATÆ,
BOHEMI,
CÆDUNTUR.

Iste barbarorum successus, Dalmatas, Bohæmos, Sorabos, in spem rei facien-
dæ erexit. Infida semper coactæ servitutis patientia, quæ, ubi metus desijt, redit
ad vota recuperandæ libertatis. Illi ad arma coorti, Turingos, &, qui illis ad am-
nem Salam erant obnoxij, Slavos, nituntur opprimere, quòd dedissent effectum,
nisi Popponis limitum Præfecti virtute fuissent retulsi tantâ clade, ut ne unus qui-
dem de numerosissimis copijs superfuerit, quod prodigio simile victores censue-
runt.

LUDOVICUS
AUXILIA
MITTIT IN
FRANCIAM
CONTRA
HUGONEM.

NORTMAN-
NORUM
GRASSATIO-
NES.

Ludovicus morbo impeditus, nepotum colloquio in Gundulsi villâ adesse
non potuit, nisi per legatos. Misit tamen utrique suppetias, Henrico & Adelberto,
ductoribus, adversus Hugonem Lotharij ex Waldradâ filium, qui Galliam popula-
tione vexabat. Tum viribus restitutus, movit in Nortmannos, qui mari traje-
cto, appetente hieme, ingentem armatorum colluviem per Rheni ostia in conti-
nentem exposuerant, indeque subitâ excursione Remos, Ambianos, Atrebatas,
Morinos, Menapios, Cameracenses, Teroannam, Corbeiam, Frisones, omnes-
que circa Scaldim populos incessentes, perculsis undique incolis, miserabile spe-
ctaculum ediderant, villis passim incensis, everfis templis, immani cæde morta-
lium. Tum Neomago potiri, locum operibus sic firmârunt, ut Rheno frenato,
omni que circum regione trepidante, sedes bello perpetuando, & spoliarium præ-
dis recipiendis, constituta esse crederetur. Eo comperto, Ludovicus properè
exercitum eduxit certus, prælio decernere, si hostis sui copiam faceret. Ve-
rùm Barbari munitionibus se tenuère, levibus subinde conflictibus varium Mar-
tem experti. E Ludovici ductoribus captus Eberhardus filius Reginardi Co-
mitis, quem magno redemptum pretio, Enessa mater recepit incolumem. Lu-
dovicus, ratus, iniquissimâ anni tempestate oppugnationem fore difficilem, nec
esse

esse consultum, copias assidendo consumere, cum hostis deditionem offerret, citra omnem injuriam, si Rex obsidionem prior solveret, conditionem accepit. Verum, ubi copias abduxerat, Nortmanni, contra datam fidem, cum essent in pro-cinctu, Regiæ nobilissimæ flammæ subdiderunt, corruptisque munimentis, secun-do Rheno mare repeterunt, relictis barbaræ sævitiei altis vestigijs.

In Galliâ Henricus & Adalbertus cum Theobaldo Hugonis legato, penes quem belli summa & robur exercitus, pugnam inierunt utrinque cruentam: stetit tamen penes nostros victoria, Theobaldo profligato. Victores se mox junxe-runt Balbi filijs, ad quos simul Carolus Crassus ex Italiâ suppetias adduxerat, qui, converso adversus Bosonem bello, Matisconem, ejecto præsidio, injectisque Ber-nardo vinculis, capiunt: Bosonem ultra Rhodanum intra Viennæ mœnia con-ijciunt, indeque pulsum, rejciunt in montium Helviorum latebras. Quibus ex voto confectis, Carolus se in Italiam retulit. Atque hæc ferè sunt, quæ istum an-num fecere memorabilem.

Insequens, qui fuit primus supra octogesimum, sterilitate fuit infamis. Cum enim ad prioris anni præparum annonæ proventum insolens hiemis asperitas ac-cessisset, frigore in ipsam propè æstatem producto, exusta rigore sementis, fuit ex-tincta, squalensque terra armento pastum negavit: unde passim greges algore & fame enecti. Moguntia 3. Cal. Janu. terra horrendum tremuit. Hugo, Lotharij malè nata soboles, & turbator otij publici, cum ei, fatisciente fortunâ, fractisque bello superiore viribus, in Franciâ tuto esse non liceret, ad Ludovici Boij clemen-tiam confugit, post Christi resurgentis ferias, orans, ne se ab hostibus undique ap-petum, supremæ necessitati permitteret. Eum Ludovicus benignè habitum, sacerdotiorum proventibus, clientelis, præfecturis, aliisque beneficijs honestatum, conatus est ad frugem revocare. Sed proterviâ depravatum ingenium nemo le-nitate sanaverit. Ille non multò post, improborum dolis, vitæque privatæ tædio transversum actus, ad genium redijt, conquisitis ad invadendam tyrannidem au-xilijs. Cum verò se in conatu deprehensum sensisset, fugâ in Burgundiam evasit. Ludovicus in Gundulfi villâ cum Gallia Rege Ludovico, Balbi filio, collocutus, æstatis reliquum quietus exegit, curandæ corporis infirmitati intentus.

Ceterum, Gallia intestinis adhuc turbis laboranti, quies à Nortmannis non fuit. Eos magnis copijs in terram effusos, Ludovicus Balbi filius, memorabili affectos clade, repulit. Scribuntur novem equitum millia in acie cecidisse, pe-ditarum cæsi numerus non est relatus in chartas. At illi acceptâ ignominia fero-ciores, lectis subito supplementis, & instaurato equitatu, mense Novembri, duo-rum Regum Godefridi & Sigefridi, Wurmionionis præterea & Hulsii ductorum, auspicijs appulsi ad Rheni ostia, adverso Mosâ ad quatuordecim circiter passuum millia progressi, Hafalum oppidum expugnant, vallòque circumdatum, belli se-dem faciunt. Inde furentis instar procellæ in Ripuarios Ludovici Boij fines ir-rumpunt ex improvviso: primo impetu Leodium invadunt: Tungros, Trajectum igne deformant. Tum converso ad Rhenum agmine, Novesium, Colonia Agrip-pinâ, Tulpiaco, Bonnâ potiti, ædes sacras, profana tecta concremant, omnia pro-miscuè ferro & vastitate fœdant: Indensæ, Malmundariensæ, Strabulensæ, nobilis-sima monasteria, pariter incendunt. Regia Aquisgranensis, Basilica, Caroli Ma-gni monumentum, versa in stabula jumentorum. Ludovicus eâ calamitate ex-citatus, tamen debili adhuc valetudine, Francofordiam delatus, justum mox exer-citum ad signa raptim coëgit, dux ipse futurus contra Barbaros, & vitæ reliquum Reipublicæ salutis daturus, si per vires licuisset. Ejus frater Carolus Crassus, pro-nis Italiae studijs, ad capiendâ Imperij insignia erectus, lubente Joanne Pontifice, Romam unâ cum Richardâ conjugē profectus, & totius urbis plausu exceptus, Christi nascentis festo Augusti titulis insignitus, fastos Romanos nominis sui maje-state cohonestavit, summo Pontifice sacris ritibus operante, & Augustam solenni-bus ceremonijs honorante.

NOVIOMA-GUM A BAR-BARIS CON-TRA DATAM FIDEM, RE-VERSA RE-GIA, ET MU-NIMENTIS SOLOÆQUA-TIS, VASTA-TUM. IN GALLIA HUGONIS COPIÆ PRO-FLIGATÆ. BOS FUGA-TUS.

XIII.
AN. CHRIST.
DCCC.
LXXXI.
STERILITAS.
HUGO FRU-
STRA AD
FRUGEM IN-
VITATUR.

NORTMAN-NORUM CLA-DES.

XIV.
IIDEM SÆ-
VIUNT IN
AUSTRASIOS.

CAROLI
CRASSI ET
CONIUGIS
ROMANA
INAUGURA-TIO.

AN. CHRIST.
DCCC.
LXXXII.
LUDOVICI
BOIARIAE
ET GERMA-
NIAE REGIS
OBITU.
*Annal. Fuld.
Herman.
Avent.*

Ejusce diei lætitiā minuit fides apprimè minax & infaustum, quod comā latè porrectā mortales suspensos tenuit 15. Cal. Februarij, non inani malorum independentium conjecturā. Tercio enim post die, Ludovicus Bojariæ, cæteræ Germaniæ & Lotharingiæ Rex, Francofurti mortuus, portento fidem asseruit. Fuit domi militiæque præclarus, lenitate, consilio bonus, dignusque, qui inter optimos Caroli Magni nepotes commendetur, nisi illi Carolinæ genti insita macula, læsæ in patrem pietatis, adhæsisset. Unde est, cur meritò Aimoini Continuatori veritas succenscat, quod eum *inutiliter sibi, ac regno viventem morti succubuisse* commentus est. Ejus funus compositum in Laurisheimensi Majorum conditorio. Decessit certè alienissimo Reipublicæ tempore: nam exercitus, quem contra Barbaros miserat, ejus auditā morte, velut sacramento solutus, dilapso à signis milite, domum rediit cum incredibili Austrasiæ detrimento. Nortmanni enim quaquaversum, nemine, qui prohiberet, effusi, obvia quæque omni calamitatum exemplo corruerunt. Pervagati Arduennam, & ipso dominicæ Epiphaniæ die, Prumiense Monasterium, insignibus regum beneficijs locuples, ingressi, dum eò loci habent stationem prætoriam, omnem circā provinciam sunt depopulati. Magna agrestium turba, desperatione, simul & ruentis patriæ dolore provocata, correptis, quæ fors & ira offerebant, telis, ausa palantes primū carpere, post elata successu, temerè, nullōque ordine, prout cuique furor, ruere in conglobatos, tantā strage caesa est, ut campos latè interfectorum cadavera operiret. Prumia, neglectis focis, ab hoste abeunte, correpta flammis, in cineres abiit. Exinde propagata in Trevirorum agrum vastitas, ipsaque urbs, civibus quā fugatis, quā trucidatis, Nonis Aprilibus incensa.

*Vita S. Mo-
doal. M. S.
Suri. in Au-
gusto.*
SANCTIMO-
NIALIUM
SERVATA
PUDICITIA
PROPE TRE-
VIROS.

Illud interim in eā temporum acerbitate accidit memorabile. Stabat Sanctimonialium asceterium D. Symphoriani sacrum, cujus nonnullæ visuntur parietinæ ad Mosellæ ripam, quod Severa D. Modoaldi soror excitārat, excoluerātque sanctioris disciplinæ institutis. Ejusce loci virgines territæ famā flagitiorum, quibus Nortmanni passim dicatas Deo feminas incestabant, sollicitæ, ne pari ludibrio & Numinis injuriā eadem ipsæ paterentur, communibus votis egere, ne ullam ex sodalibus, barbarā nefariorum hominum petulantia Deo sineret temerari. Id cum advolutæ D. Modoaldi sepulchro, magno ardore verisque lachrymis orāssent, voti factæ compotes, intra trigesimum diem, ad unam omnes, annuente cælo, incolumi pudicitia, vitā exceßerunt.

PRODIGIOSA
D. PAULINI
IN AERE LI-
BERO SU-
STENTATIO.

Sed & illud mirabile, & dignum omnium Annalium memoriā. Posteaquam Barbari Christiani nominis odio, in omnem Trevirorum ordinem, sexum, ætatemque crudelissimè sævierant, debacchati simul in Basilicas & sacrorum hominum contubernia; Furorem propagarunt in D. Paulini ædem. Divi corpus, ferreis catenis suspensum, dum vi tentant avellere, & ferrum quidem diffingunt, sed urnam in aëre suspensam, hærentemque sine omni prorsus sustentaculo, magno stupore conspici, non sunt ausi ultrā, adversante Numinis dextrā, tentare. Audaciores aliqui, omnes, varijs piaculis sunt cœlitus extincti. Miraculum multis post annis Trevirenses, aliique grato spectaculo, religiosè usurpāunt, donec, languescente in posteris priscae pietatis fervore, ultrò monumentum subsedit. Eadem in æde Barbari vivum hominem, omnis auræ usu intercepto, sarcophago incluserunt, qui tamen D. Paulini suffragatione servatus est, vivusque repertus, post hostis, ab urbis funditus everse busto, discessum.

*Sigebard.
Monach. in
vita S. Ma-
ximin.*

XVI.

CRUENTUM
PRÆLIUM
AD MOSEL-
LAM.

Inde conversus impetus in Mediomatricos. Walo ejus urbis Episcopus, pro civium salute, lectis copijs, se hosti truculento obicere non dubitavit. Auxilio accessere Bertolfus Trevirorum Præsul cum fugitivorum manu, & Adalhardus Comes. Acie certarum apud Remichium vicum quarto, à Treviris ad superum Mosellam, milliari. Walo pugnans ardentius, occubuit. Bertolfus & Adalhardus protritā acie, cum immanem pugnae molem non sustinerent, fugā sibi consuluerunt. Nortmanni Lothariensium virtutem experti, cruentam victoriam reportarunt: mutatā tamen expeditionis ratione, ne, si fortuna alternaret, iterato certa-

certamine facerent nominis & prædæ jacturam, properè ad spoliaria, quæ ad Mosæ ripam munierant, classémque reversi, cæterâ Austrasiâ in præsens abstinerunt. Id à pijs rerum æstimatoribus datum D. Glodesindæ virginis, cujus cineres in illustri Virginum contubernio Metis honorificè servantur, suffragijs. Ante Nortmannorum adventum, sacrum illius corpus, oleum, formâ lachrymarum, fudit, quasi DEUM urbi propitiaret, & imminensem cladem deprecaretur, quod eam impetrâsse, certis de cælo indicijs vulgò fuit persuasum.

Cùm Gallia cladibus anniversarijs fatigata, & Germania metuens similium calamitatum, nullum viderent continentium malorum exitum, crebris legationibus Carolum Crassum Imperatorem ex Italiâ revocabant, per patriæ decus, & avitam Francici nominis gloriam obtestantes, ut utrique auxilia properaret: Id nō faceret, regnum fratris excessu desertum, abjecturum animos, Francos intestinis factionibus malè coherentes, venturos in Barbarorum potestatem: tot regnis amissis, parùm in Italia fore præsidij adversus feram nationem, continuo victoriarum cursu insolentem. Carolus excitus periculi magnitudine, festinatis, quantâ licuit celeritate, itineribus, in Galliam, ubi gravius laborabatur, accurrit. Eum trans alpes secuti sunt multi Longobardici nominis, cæterorum Italarum vix ulli. Conventu apud Vangiones de belli ratione habito, fratrum regnorum possessionem adiit: moturus in hostem, copias trifariam partitus, Boijs Arnulfum ex Carolomanno nepotem præfecit: Longobardos, Suevos, Turingos, Saxones, Frisios sibi retinuit. Qui ex Francis ad signa confluerant, Henrico relictis, jussuque trans Rhenum cæterarum copiarum adventum opperiri. Motis castris, Imperator occidentem Rheni oram legit: Boij per orientalem progressi, Anternaci amnem transmissi, se Francis junxerunt. Hostis exiguo inde intervallo, visus est posse opprimi subitâ impressione, diversis tamen agminibus. Eventum alioqui præstabilem frustrata est perfidia: Francorum nonneminem ajunt hosti consilium prodidisse. Consertæ tamen manus, sed nullo ferè operæ pretio: etenim paucis Barbarorum interemptis, reditum ad castra.

Nortmanni nostrorum virtute, simul ac numero territi, bellum ducere, & ultimæ dimicationis aleam certi devitare, se munitione tutabantur. In eâ, quos nominavi, bini Reges Godefridus & Sigefridus, totidémque Duces. Carolus, tempore decesset suorumque alacritati; eos institit obsidione premere. Jam oppugnatio ad duodecimum diem processerat, cùm repente ad 12. Cal. sextiles, post meridiem, cælum belli arbitrium occupâsse visum est. Prædens nubes primùm obtendi, & diem offusâ caligine minuere: tum æther horrendum mugire, deinde, perruptis atri vaporis lateribus, micare fulgetris, ardere fulminibus, crebris circum ictibus, mortem obsessis, juxta ac obsidentibus intentare: demum grandinis procellam tantâ ventorum vi excutere, ut universis hora fatalis videretur impendere. Grandinis forma scrupis aspera, acuminata cuspidibus, tanto pondere, & inusitata magnitudinis horrore, ut tot tubera faceret & apertas plagas, quot impetus in nudos artus, non hominum modò, sed etiam jumentorum, quæ acta in rabiem, ruptis habenis, intra extrâque castra, quacunq; ferebat œstrum, siderata ferebantur. Nec mitior erat fortuna Nortmannorum: ipsa aded turbini violentia mœnium cinctum aperuit eâ latitudine, ut, nisi vallum & fossa obstarent, integris turmis pateret ingressus in arcem. Malum subinde intendit calor æstivus, qui, cùm non paucos languore deijceret, denique tabo cadaverum, & inductâ in militem lue, quam Boij secum in patriam retulère, innumeros propè, tum in castris, tum domi, confecit. Quare rarefcentibus ad insignem paucitatem copijs, utrinque inclutabilem cœli vim formidantes, animos ad consilia pacis adjecerunt. Biduum, non amplius, collocutio tenuit. Sigefridus, datis acceptisque obsidibus, ad Caroli tētorium admissus, jutejurando pactus est, se nunquam, vivo Carolo, militem ducturum in ejus ditiones. Sic auro argentoque donatus, cum omnibus copijs, Cæsaris finibus excessit. Godefridus collegâ sapientior, non egit modò de sedere, sed etiam de Sacris Christianis & nuptiarum affinitate. Ablutus undis

D. GLODESINDÆ IN MEDIOMATRICES COMMISERATIO.

CAROLUS CRASSUS IMP. MOVET IN NORTMANNOS.

XVII. SIGEFRIDUS ET GODEFRIDUS NORTMANNI OBSESSI. GRAVIS PRÆTER SOLITUM TEMPESTAS.

PAX CUM SIGEFRIDO, GODEFRIDUS AD CHRISTUM CONVERSI.

Regino.
Sigeb.
Almoiu.
Sifrid.
Baron.
Sigon.

AN. CHRIST.

DCCC.

LXXXIII.

XII X.

BELLUM IN-
TER TURIN-
GOS ET SA-
XONES.

LUDOVICUS

GALLIÆ

RECTOR

MORITUR.

CAROLO-

MANNI BAL-

BI F. INTE-

RITUS.

LUDOVICUS

IGNAVUS.

Sigon.

TURBÆ RO-

MANÆ.

XIX.

VIDO SPO-

LETANUS

REUS MAIE-

STATIS.

Herman.

CAROLUS

CRASSUS

PESTE CON-

TACTUS,

SERVATUR

OPE D. ALE-

XANDRI.

AN. CHRIST.

DCCC.

LXXXIV.

MISERA

RERUM CON-

DITIO.

expiatorijs Carolo susceptore, Gisalam Lotharij Cæsaris patruelis filiam duxit, cumque eâ dotalem Frisiæ Ducatum (ita scripserunt notati ad marginem) contra Francorum Annales & Hermannum, qui asserunt, Sigefridum Christo se adjunxisse.

Secundùm hæc, Saxones & Turingi bello civili collisi, concitatoribus Poppone & Eginone Comitibus. Prælio lis dirempta, Turingi superati. Popponis fortunam Henricus frater æmulatus, ingentem Nortmannorum multitudinem ad Prumiam internecione delevit. Ludovicus, Galliæ pro Carolo Balbi posthumo rector, fato Parisijs concessit. Eum Franciæ monimenta ferunt extinctum mœrore, quod adverso Marte in Nortmannos pugnâisset, & amisso exercitu ægrè subductus cladi, populi invidiam, non sine dedecore, incurrisset. Æmilius scribit, intorto, incertum unde, telo confossum, cum aprum in venatione urgeret. Plures silentio premunt genus mortis, quâ Carolo Crasso Imperatori via ad Franciæ gubernationem parabatur.

Nam anno proximè securo, Carolomannus Balbi filius, qui cum Ludovico fratre rerum potiebatur, flumine Ligeri utriusque imperium dirimente, vivere desijt, letho, ob scriptorum dissensionem, ancipiti. Quidam volunt, sublimem equo, dum ludens puellam insequitur domum refugientem, in ostij superum limen impactum, fregisse cervicem: alij ab apro laceratum: alij, dum feram sectatur avidius, è rupe corruisse. Is paulò ante casum, Irmengardein Bosonis conjugem, quæ eatenus Viennæ mœnibus bellum defenderat, urbe expugnatâ, in suam potestatem redegerat. Supererat Ludovicus Carolomanni (uti vero est similis) proles, cognomento Ignavus, quem nonnulli ferunt Neustriâ contentum, Franciæ gubernaculo abstinuisse. Saltem à patris obitu nomen implevit brevi & inerte vitâ, Crasso totum ex asse regnum mox relicturus.

Hic rebus necessarijs in Germaniam reversus, primùm Moravorum aliarumque gentium legatos Wormatiæ audiit, inde abiit in Alemanniam, ubi Christi natali peracto, ad Bojos se retulit, & Pascha Reginoburgi anno sequenti celebravit. Romæ Joanni Pontifici sub exeuntem Decembrem defuncto, successus erat Marinus Gallestianus (vocis similitudine decepti quidam Martinum II. nominarunt) operâ Comitum Tusculanorum, quorum præcipua potentia in urbe, quâ in duas factiones distractâ, gliscebant inter Italiæ Principes suspectæ coitiones, nec aliæ causæ deerant, quibus componendis Caroli præsentia desideraretur. Egebat quoque Pontifex Imperatoris ope, inter assidua certamina, adversus degeneres quorundam è clero mores, eorum præsertim, qui sacrilegam sacerdotiorum nundinationem, & nefarios pellicatus tutabantur. Carolus de hisce factus certior, Nonis Maij Veronam, quarto Idus ejusdem mensis Mantuam appulit. Post Nonantulæ Pontifici collocutus, causam Vidonis Spoletani Ducis cognovit: qui cum majestatis arcessitus, testium factorumque indicio premeretur, deserto vadimonio, causæ diffidens, supplicium evitavit, utque ope alienâ firmaret arma domestica, impium fœdus iniit cum Saracenis. Carolus ejus persequendi negotium dedit Berengario Forojuliensi. Quam in rem gnaviter incumbenti, cum se prosperè darent initia, insignes conatus lues pestifera discussit. Ea fœdè grassata in exercitum, sæviit in ipsam Caroli Regiam, qui ipse eâ contactus, propè aberat ab exitio, nisi voto concepto, ad D. Alexandri preces confugisset. Sentiens se ejus ope levatum, se ipsius aræ Bergomi stitit, & sacros ipsius cineres deveneratus, in accepti beneficij memoriam, regiæ munificentæ adjecit 3. Cal. Augusti, confirmationem omnium privilegiorum, quæ sancti Martyris Ecclesiæ quondam fuerant à Regibus Longobardis & Francis indulta. Inde Papiam divertens, per mensem Octobrem in publicis, juxta ac privatorum causis leges exercuit.

Erat inter hæc misera rerum ubique facies. Franciam, Odone Regis pueritiam intestinis dissidijs appetitam languidè moderante, Nortmanni per Sequanam inveci lacerabant, & mortuo Carolomanno, qui ab eis duodecim millibus argenti pondo, totidem annorum inducias emerat, rursus se in regnum infuderant,

causati.

causati se Carolomanno, nulli alteri obligasse fidem, nec voluntate abituros, nisi successor altero tanto pacem mercaretur. Iidem ingressi Austrasiam, positis castris ad Lovanium, Francos, juxta ac Lotharienses incurfabant. Saraceni Vidoni Spoletano fœderati, imminabant Italiæ à Gariliano, quod valido præsidio tenebant. Inde egressi, celeberrimum Cassinense Monasterium incenderant; Bertario Abbate ad D. Martini aram crudelissimè obtruncato; Monachos omnes abegerant. Quod omnium teterrimum, Itali, præsertim Romani, sive fessi malis, sive crebrâ Cæsaris absentia, veteres induti spiritus, ad majorum dominationem aspirabant: omnium erat una vox, quando Carolus Crassus justâ sobole careret, brevi tempus adfore, quo sibi, excusso jugo exterorum, suo Marte consulere. Nondum adeo Italiam à priscæ virtutis indole degenerasse, quin repertura sit aliquem, qui avorum gloriam, bene fortiterque imperando, excitaret. Cui enim bono habere Cæsarem, qui rebus externis continenter implicitus, vix unquam in arce Imperij, nisi ad captandos plausus augustales, appareat? Neminem, ne centimanum quidem, tot regnorum curas unum posse complecti. E longinquo, post rem, venire consilia, & leras malorum medicinas. Hadrianus Pontifex, qui Marino erat surrogatus, in eandem sententiam conspirarat, edito duplici decreto, quorum alterum spectabat urbis Romanæ libertatem, ut Pontifex designatus, citra Regis, aut regij legati præsentiam, in posterum posset consecrari: alterum pertinebat ad dignitatem Italiæ, ut, si quid Carolo humanitus contingeret, nullo relicto filio, regnum, unâ cum Imperij titulis, esset penes vota Principum Italiæ.

ITALORUM
CONSPIRATIO.
X X.

DECRETUM
PONTIFICIS
HADRIANI
DUPLEX PRO
URBIS ET
ITALIÆ LI-
BERTATE.

Hæc cum minimè negligenda viderentur, Carolus ad compescendos Vidonis & Saracenorum motus, in Alemanniæ Comitibus Bojos armavit, ipse, cum primum per Pannonicos tumultus liceret, in Italiam transmissurus. Eorum originem & proceßum, Scriptor Annalium Fuldensium, præter suum morem, fusè in hanc sententiam est executus. Wilhelmus & Engelchalcus, bonus uterque manu atque consilio, tutandis Boicæ limitibus, quâ parte spectat Orientem, à Ludovico, Crassi parente, impositi, cum fide & egregiâ justitiæ famâ omnem prohorum præsidium laudem erant assecuti, & rebus pro patriâ præclare gestis immortui. Grata eorum apud populares, honesta apud finitimos recordatio, & æstimatio æquitatis, quæ vel apud hostes suum habet honorem. Inter eorum laudes non postrema, quod Moravos, nunquam antè quietos, in officio continuissent. Engelchalcus tres reliquit filios, Megingothum, Werinharium & Papponem. Spes erat, ut, quâ erant à parente diligentia instituti, in ejus dignitatem migrarent. Sed fluxa benefactorum memoria: & verò initia novi dominatûs, sunt ultrina conflatoria novorum ministrorum. Præteritis optimi viri filijs, Aribo visus est Carolo Imperatori melior: quæ res ab adolescentibus, eorumque propinquis indignissimè accepta, potentis familiæ universas clientelas, magnamque partem Pannonicæ nobilitatis ad arma, adversus Aribonem jungenda, concivit. Ille exutus præsidij domesticis, & coactus solum vertere, cum Zuentibaldo Moravo conspirat in ultimam fratrum perniciem, fœdere opportuno, ad instaurandas veteris in Bojos odij injurias. Ergo homo vafer, specie belli socialis, & vindicandæ Caroli majestatis, arma vertit in victores, primoque statim certamine Werinharium, Vezillonemque Comitem ejus consanguineum, redigit in suam potestatem, quodque triste dictu, factuque crudele, præcis dextris, linguâ radicitus evulsâ, utrumque evirat, & captivos, bono numero dextrâ mutilatos, domum remittit, testes acceptæ cladis & ignominie. Accensus furor rarò in uno gradu resistit.

TUMULTUS
PANNONICUS.

ZUENTIBAL-
DI SÆVITIA.

Sævus homo signa vietricia, trajecto mox Danubio, intert in confines agros, actaque latè prædâ, recta flammis, libera corpora ferro excindit, furitque maximè in hostes Aribonis, qui inprimis petebantur. Miseri hærebant consilij inopes. Si Imperatoris opem implorarent, apud iratum nihil spei perduellibus: veteres amici & patria universa, arma, hostium metu, abjecerant. Pannoniam vicario regebat imperio Arnulfus, Carolomanni nothus. Ad hujus commiserationem tutelamque confugiunt. Tecto recepti, cœperant aliquantum respirare, cum

X X I.

Zuentibaldus novi belli telam orsus, per legatos cum Arnulfo expostulat, hostes ab eo foveri, minaturque, se illos, quocunque lateant solo, armis infectaturum. Arnulfus, offensus hominis insolentiâ, respondit, nullam esse apud viros fortes minantium auctoritatem; ne credat Barbarus, se metu quicquam expressurum ab eo, cui certum sit, jura humanitatis in miserorum gratiam tueri: pluris sibi esse famam, quàm indecorem quietem. Hæc fortius dicta, quàm segnius comparata præsidia in furem. Exarmata Pannonia, nulla tamen cura militis contrahendi. Ne Cæsar ingrederetur in causam, præter offensionem in rebelles, vetuit recens Zuentibaldi commentum. Enimvero mirum non esse, quòd Arnulfus hospitio tegat perduelles, qui in eadem cum illis sit navi: quippe cujus, si non jussu, at saltem conscientia, Bulgari cum Pannonibus, Germani Imperij hostibus, sociato fœdere conspirârunt anno superiore: id si Arnulfus inficietur, non aliter, quàm jurato habendam fidem. Hic conditionem, libero Principe indignam, aspernatus, quietus, & hoste contempto præfidens, se domi continuit. Eam nactus occasionem Zuentibaldus, cum validâ Slavorum manu Pannoniam ingreditur, populatione, incendijs, cædibus, latè vastat omnia, & opulentum rapinis exercitum in Moraviam reducit. Nondum satiato miserorum spolijs & sanguine, crevit habendi & sæviendi profunda libido. Eodem, quem recensemus, anno, rursus irumpit in Pannoniam cum tantâ armatorum multitudine, ut gradu viâque militari, agmina unius diei iter implerent, ut, quo loco primi se, orto sole, moverant, eodem postremi, luce ad noctem vergente, pertingerent. Immensa hæc prædonum turba, dies duodecim in evastandâ Pannoniâ, nemine auso prodire obviam, consumpsit, & manubiarum locuples, digressa domum, mox remisit alios, qui calamitosorum ultimas reliquias, instar racemi à vindemiatore neglecti, colligerent. Megingothus & Pappo, quorum clientibus tempestas inprimis incumberebat, ausi cum tenui pugnatorum globo prodire in apertum, profligati, dum fugam intendunt per flumen Arrabonem, aquis abrepti, vitam finierunt. Captivorum sors durissima, inter quos Bertholdi Comitis germanus. Calamitas Pannoniæ, quâ ab Arrabone ad Orientem porrigitur, nullis verbis potest æquari. Servi contrucidati nullo sexûs discrimine, vel ætatis; Nobilitas pars interfecta, pars servata ad ludibrium notâsque barbaræ immanitatis, linguâ, dextris, virilibusque amputatis. Ea sævities sex menses supra biennium tenuit, cùm tandem Carolus ad ejus famam, & exulum lamenta excitatus, arma corripuit, motisque ad amnem Tullinam castris, Zuentibaldo collocutus in monte Comageno, eum, renovato sacramento, fidem pacemque in posterum pollicentem, in gratiam recepit, eâ lege, ut suis contentus finibus, ab invadendis Pannonijs, aliisque Imperij clientibus abstineret. Risit Barbarus in sinum, se tam levi pretio, tot scelerum pœnas solvisse. Carolus antequam copias abduceret, Brazlavum Provinciæ, quæ Dravo Savoque fluminibus alluitur, Prætorem, sacramentum militare dicentem audiit, indeque per Carantanos in Italiam profectus, Christi natalem Papæ celebravit.

VASTATUR
PANNONIA.
X XII.

PAX CUM
ZUENTIBAL-
DO.

AN. CHRIST.
DCCC.
LXXXV.
X XIII.
VIDO SPO-
LETANUS
ABSOLVITUR

Eodem loci sub anni sequentis initium, ne res Italicas, quod vulgò accusabatur, videretur habere contemptui, conventum egit, ad quem Vido Spoletanus accersitus, remittente æmulatorum invidia, & Crasso æquiore, securior, causam dixit, & tot rationum momentis, interpositâ simul jurisjurandi religione, crimen majestatis, cujus postulabatur, diluit, ut omnium judicum suffragijs absolutus, in pristinum gratiæ dignitatisque locum fuerit restitutus.

Carolus Imperator, inter hæc extincto in Galliâ Carolomanno, ad regni procurationem vocabatur, fortunâ, quæ in rebus humanis ludos facit, eum ad tot regnorum fastigia invitante, unde tertio post anno, tantò graviore lapsu, in miserandæ paupertatis ærumnas rueret. Speciosa nactus est Gallicæ gubernationis initia, (ineest quædam rerum florentium novitati amœnitas) progressum sequioræm, tragicum exitum. Idem illi fuit ritus lexque inaugurationis, quæ fuerant fratribus Ludovico & Carolomanno. Corona illi imposita Regentis titulo, donec Carolus, Ludovici Balbi posthumus, ad regni curas matureiceret. Id datum

san-

sanguini, quem Crassus ducebat à Carolo Magno proavo, Ludovico Pio avo, & Ludovico Germanico parente. Ita omnis potentia stirpis Carolinæ, quæ fuerat per quadraginta amplius annos distracta in multos Principatus, ad unius Crassi manum juraque, nullo repugnante, redijt. Quas ob res Franci Principes, Ordines, non secus atque datum cœlitus Gallici imperij instauratorem respicere, nihil non sperare, à tantâ opum & hætenus exploratæ felicitatis magnitudine. Invitantibus adfuit in Gundolfi villa, passusque est ingentem rerum confusarum molem in suos humeros reclinari, non futurus infelix, si, quem mutabile hominum ingenium initio adoravit, in fine non devorasset, redegissetque ad eam conditionem, quæ ne mediocri quidem esset expetenda. Id quo pacto contigerit, ordine exequemur.

CAROLUS
CRASSUS
GALLIÆ
RECTOR.

Rebus in Galliâ utcunque compositis, Wormatiam ad Comitiam discessit, quò Marinus Pontifex se venturum condixerat: sed venientem medio itinere, anno superiori 15. cal. Februarij mors occupaverat, sede Hadriano III. relictâ. Subinde cœperunt Caroli curæ indies augeri. Hugo Lotharij ex Waldradâ pellice filius, Godefridum Nortmannorum Regem, sororis suæ matrimonio conjunctum, clam missâ in Frisiam Legatione sollicitavit, ut ad Lotharingiæ regnum occupandum, quod æquis inter se partibus, si fortuna daret, partirentur, auxilia sociaret. Arduum consilium, de feræ, nondum captæ, exuvijs pacisci. Godefridus fervente juventâ, & rei grandis fiduciâ, ut bello causam prætexeret, extemplo oratores mittit Gerolfum & Gordolfum, ab Augusto petituros, vellet novo aliquo beneficio Frisæ dominatum prolatare: enimvero in tantis exigui soli fortunatimque angustijs, regium nomen sine dedecore non posse tolerari. Non petere se amplas ditiones; satis fore homini cætera abstinenti, si terræ fecundioris aliqua latifundia, dotis beneficiario additamento, concedantur. Imperatori omnium opulentissimo, nihil, aut parùm decessurum, si fido clienti, qui patriæ charitatem ejus amicitia posthabuerit, permittat modicum Rheni & Mosellæ tractum, qui Confluentes, Anternacum, Sinzichum, aliæque nonnulla Cæsareo fisco obnoxia, comp'ectitur, largiatut. Inde fore aliquem saltem vini proventum, cujus nulla sit in Frisiâ facultas. Hæc petebat, ut, si fors impetraret, iter ipsi cum copijs in Lotharingiam foret expeditum; sin repulsam pateretur, haberet speciem aliquam rebellandi.

XXIV.

Paul. Emil.
in Carolo
Crasso.
HUGONIS
CUM GODE-
FRIDO
NORTMAN-
NO CONIU-
RATIO.

Fraudem sensit Imperator. Quare adhibito in consilium Henrico Comite, viro multo rerum usu præstanti, modos vestigat, fraudulentum interpellatorem tollendi è medio. Ne vis aperta fieret, prohibebant Frisæ loca, fluvijs paludibusque inaccessa, quibus Nortmannus posset, nullo propè negotio, non modò bellum defendere, sed etiam accitis gentis suæ suppetijs, perniciosam Imperio tempestatem invehere. Arte potius, quàm aperto Marte placuit experiri. Oratores regiè habiti, cum benigno responso & spe ambigua ad Godefridum remissi: propediem secuturos, qui bonam Cæsaris mentem planius coram explicent. Consilio exequendo nemo aptior visus est, quàm qui dederat. Henricus Willibertum Pontificem Agrippinensem jubetur specie legationis in Bataviam comitari, præmissi manipulatim, diversis itineribus, milites, qui ad diem dictam præstò essent, si quis fortè tumultus oriretur. Godefridus, compertâ legatorum profectione, occurrit ad Rheni & Vahalis divortia; locum vocant Herispichum, unde fluvijs uterque, diverso flexu, Bataviam Insulam allambit cingitque. Eam ingressi, de Godefridi postulatis ex professo sermones protrahunt in vespertum, ad colloquium die postero redituri, quo Willibertus, ne paratæ cædi adesset, Gisalam Godefridi conjugem extra insulam convenit, specie suadendi, ut ipsa mariti animum ad æquas condiciones induceret. Intetim Henticus, Eberhardo Comiti, quem Godefridus fortunis everterat, sit author, ut de injuriâ expostularet, rursusque ab eo palam, velut pro tribunali, repeteret: & si quid responderet durius, stricto mox ferro obloquentis caput, quanto posset nisu, feriret, prosterneretque ferocientem: virum modò se præstaret, cætera sibi curæ futura. Eberhardus pollicitus, se tam bellæ occasioni non defuturum, conclave, in quo instaurabatur hesternum collo-

GODEFRI-
DUS OPPRI-
MITUR.

XXV.

HUGO EX-
OCULATUR.

AN. CHRIST.
DCCC.
LXXXVI.
Annal. Fuld.
Herman.
CAROLI
CRASSI FOR-
TUNA RUENS
IN PRÆ-
CEPS.
XXVI.
SEDITION
PAPIENSIS.
MALE BIS
PUGNATUR
IN NORT-
MANNOS.

PAX CUM
NORTMAN-
NIS IN NEU-
STRIAM RE-
CEPTIS.

UNDE
NORTMAN-
NIÆ APPEL-
LATIO.
XXVII.
CAROLUS
CRASSUS
CONFLA-
GRAT GAL-
LORUM O-
DIO.

quium ingressus, Godefridum spoliis lege audacter arcessit, & Nortmannum dedecoris impatientem, multaque in accusatorem contumeliosè regerentem, impaeto in verticem ferro, terræ affigit. Eo vulnere seminecem satellites confecerunt. Tum in Nortmannos fontes, insontes, truculentè grassatum: editum facinus, quod neque dictâisset æquitas, nec probâisset lenitas Christiana. Paucis post diebus, Hugo, conjurationis author, splendidis promissis ad Gundolfi villam pellectus, ex insidiis in vincula coniectus, jussu Cæsaris spoliatus utroque lumine, in S. Galli Monasterium deportatur, ac denique in patriam reductus, Prumix, manu Reginonis, ex quo ista descripsimus, attonsus, quod ævi reliquum habuit, inter ærumnas exegit, & sepulchrum est adeptus. Carolus hostis gemini curis expeditus, posteaquam Ratisbonæ hiemem exegerat, pace inter Arnulphum & Zuentibaldum compositâ, anno sequenti Summi Pontificis invitatu, in Italiam profectus, finem rebus secundis, initium fecit magnis calamitatibus.

Papiæ diversans ipso Palmarum die, quo Christi patientis præludia celsèbrantur, suorum ipse malorum proluisionem spectavit. Exortâ inter ejus prætorianos & cives seditione, multi utrinque cæsi, sauciati plurimi, haud pauci è plebe urbana, Caroli metu dilapsi, vixdum obligatis vulneribus, in viâ periêre. Aberat ipse tum in villâ suburbanâ. Tumultu composito, in civitatem reversus, post terias Paschales comitia habuit, quibus finitis, cum recrudescentes turbæ in Galliam revocaverunt. Nortmanni in Atrebatibus, in Neustriâ, locis maritimis, totâ ferè Belgicâ, Lovanii inprimis sedem belli fixerant, omni circum vicinâ infesti: quibus reprimendis, Caroli auxilia à Gallis flagitabantur. Illuc accurrens per Burgundiam, lectum confestim exercitum grassatoribus objecit, adverso Marte. Clades tamen ad paucos pertinuit, ejus tamen fama, quæ belli initijs in utramque partem valet plurimum, vulgo fuit ominosa. Hostis successu animosior, Lutetiæ Parisiorum obsidium admovit. Hinc majoris mali metus, quod Francici imperij suprema velut arx peteretur. Sed neque hîc favit fortuna. Carolus urbi periclitanti Henricum Neustriæ Marchionem, virum multarum palmarum, & magnæ apud hostes exultationis, cum validâ pugnatorum manu subsidio miit, eventu improspéro. Henrico, sive fraude, quod Regino notavit, sive apertâ vi sublato, exercitus, amisso duce, re infectâ discessit. Cum ab hoste, supremo conatu utgerentur obsessi, multique viri fortes, inter quos Goslinus Parisiorum Episcopus, caderent (jam enim Hugo Abbas, cujus virtute adhuc propugnatio steterat, Aurelias ad curandam valetudinem delatus, è vivis excesserat) ipse Cæsar cum auxilio copiosiore, rebus ad desperationem inclinatis, advolat. Sed neque illi fors fuit æquior, Nortmannis imperterritis, & urbis expugnationem pertinaci labore obstantibus. Castra illi sic communierant, ut, nisi alcâ iniquissimâ, non viderentur posse expugnari, & si æquo Marte signa conferrentur, res non esset futura extra grande discrimen. Ergo Carolus sibi patitur persuaderi, ut ad pacis consilia descendat. Pactorum leges, primâ fronte, non admodum iniquæ, Parisios quidem servârunt, sed Carolo denique fuerunt exitiales. Nortmanni se ab obsidione discessuros, & pacatè deinceps acturos pollicebantur, si ipsis, Caroli beneficio, Neustriæ possessio quieta, coloniarum specie, permetteretur. Quod enim possent poscere tot victoriarum tenuius præmium, quàm non amplam pro colonorum innoxia multitudine provinciam, quam jam ipsi tenerent, nec essent passuri sibi unquam per vim extorqueri? Enimvero nullam esse rei jam dudum amissæ jacturam. Carolus, ut cæteris Galliarum Provinciis otium redimeret, genti importunissimæ Neustriam, de quâ Franci desperârunt, permisit incolendam, quam illi, gentis suæ nomine, Nortmanniam appellârunt. Pactum, populo, qui privatis commodis ducitur, non inamabile, Franciæ Proceribus improbatum: non quod dicerent regno esse inutile, sed quia Carolus inierat regni Ordinibus inconsultis, quorum crederetur autoritas ejusmodi conventionem imminuta, concussa que legum regni fundamenta, quæ vetant quicquam regiarum provinciarum membratim scindere, & citra Ordinum conscientiam assensumque, alieno juri mancipare.

Nihil

Nihil magnum quidem coronæ decesserat, sed aucta est jactura, quando Nortmanni in fidem recepti, Neustriam, non ut coloni, sed jure fiduciario acceperunt. Sed & hoc supra modum odiosum, quod provincia regium imperium detrectans, ultra Sequanam, Nortmannorum prædationi fuit concessa. Quibus ex rebus, immensum quantum exarsit Francorum odium. Gliscebant simul mutua inter Caroli familiares odia, pestis nocentissima consiliorum. Berengarius Dux Forojulienensis à Luitwardo Vercellensi Episcopo, sine quo nihil ferè magni à Carolo decernebatur, implacabili odio dissidebat, stimulante invidiâ & ambitione, cui perinde est, malo, an bono publico suæ cupiditati obsequatur. Hinc Vercellæ direptæ cum ingenti damno Antistitis, dissimulante Carolo, tandemque tolerante, ut Luitwardus, ejus sapientiâ Cæsaris magnitudo sustentabatur, ab ejus latere divelleretur, qui fuit alter gradus ad majestatis contemptum, & interitum Imperatoris.

Cæterum, Autumnus hoc anno fœdus fuit aquarum inusitatâ eluvie, quæ passim colonorum tecta evertit, vias montanas aggestu lapidum obstruxit, plurima mortalium corpora subitâ inundatione, in vastos fluviorum gurgites abripuit.

Eam tempestatem tenuis modò fortunæ homines senserunt: longè fœdior Imperatorem evertit, exemplo, Regibus inprimis obstupefciendo. Ejus fortuna paulò antè labascens, hoc demum anno, velut solutâ omnis subsidij compage, & malis undique, factò agmine, irruentibus, devoluta est in præceps. Nulla est miseria sine comite. Ad incredibilem populorum aversionem accessit, non corporis modò, sed etiam animi ægrotudo, ob suspectam Augustæ fidem. Eum morbus in Alsatiâ lecto affixit, cumque tristes curæ mentem aberrantem, accenso cerebro, suâ sede movissent, medicorum judicio, ad temperandam biliosorum spirituum acrimoniam caput malè affectum, chirurgicâ terebellâ fuit aperiendum. Eo remedio nonnihil convalescens, secessit in Sueviam, & in Welingensi conventu, Berengarij in Luitwardum criminationes, datis cognitoribus, jussit examinari. Accusator dedititius lege talionis, cum Cæsarei thori, impudicè violati, reum egit. In quæstorum confesso, primas ferebant Suevi Proceres, Luitwardo ob nimiam potentiam infensi. Carolus zelotypiâ demens judex, & suffragiorum arbiter. Actionis firmamentum familiarior Episcopi cum Richarde Augustâ consuetudo: & hinc ficta adulterij conjectura. Argumenta ex ipsis Luitwardi virtutibus deprompta, cum nihil esset vitij, quod ex vero posset obijci. Erant viro sapienti sedati mores, magna in omnes comitas, studium æquitatis, nullo summorum infirmorumque discrimine, quibus sibi bonorum animos mirè demerebatur. Ipsidem virtutibus utebatur apud Augustam: quam rem æmuli apud Carolum odiosissimè interpretati, calumnijs implere aures, animum dementare suspicionibus, hortari, haberet aliquam saltè majestatis rationem, dispiceret, ipsene, an Luitwardus imperaret, qui unus augustalia munera occuparet, & verò etiam crederetur ejus thorum invalisse. Id si compertum vellet, inquireret de famâ, indicijs & licentiâ intimæ creberrimæque familiaritatis. Ea fuere satis homini ad insaniam melancholico, & quod huic proximum, suspicioso, sibi ut pateretur imponi. Quia tamen calumnia non liquebat, nihil statuit gravius in Luitwardum, quam ut ab aulâ publicisque muneribus proscriptus, redigeretur in ordinem, quod perinde erat, atque si Carolus sibi mentem omnem, præcipuâque regnandi instrumenta præscinderet. Hoc ipsum accusatori erat in votis, lato se eum è conspectu submovisse, qui suis luminibus hætenus obstruxisset.

Sed vide fraudem longè profundiorè. Calumniatores, quasi solaturi Cæsaris orbitatem, quippe cui nullus ex justis nuptijs hæres obigerat, re ipsâ ut eum ad Richardis repudium inclinarent, quâ salvâ se nunquam fore tutos videbant, nutanti, & à cordatis viris deserto, obtrudunt Ludovicum Bosone natum, & maternâ stirpe nobilissimos natales ad Ludovici II. Imperatoris sanguinem referentem, persuadentque, ut eum in filium adoptionis arrogatione cooptet. Exinde

Reginæ.

BERENGARIUS FOROJULIENSIS ET LUITWARDI EPISCOPI VERCCELLENSIS STULTAS.

AN. CHRISTI. DCCC. LXXXVII.

CAROLI CRASSI DELIRIUM EX ZELOTYPIA. XXII.

LUITWARDUS EX AULâ PROSCRIPTUR.

CAROLUS LUDOVICUM BOSONIS F. ADOPTAT. XXIX.

RICHARDIS
AUGUSTÆ
REPUDIUM.
Regina.

tempestas omnis versa in Augustam, concitatore, simul & arbitratore Carolo. Professus est publicè, se toto, quo convixerant, decennio (annos duodecim scribit Hermannus) nullum maritalis officij usum cum eâ habuisse. Ergo palàm & pertinaciter eam averfari, repellere, urgere divortium: illa contestari innocentiam, divina humanaque jura appellare, ad ferrum candens provocare, offerre pugilem integræ fidei defensorem. Cum frustra essent omnia in præpotentem mariti contumaciam, denique inimicorum violentiæ fuit succumbendum. Antequam assentiretur divortio, pudicitia vindicias, diserta in tantæ injuriæ dolore patrona, pro se egit, in hanc sententiam. *Mihi nunquam antehac in mentem venerat, tantam in me fore iræ cæli acerbisatem, quæ in te, Othone Imperator, vel ultimâ fatorum necessitate me posset commovere. Te enim semper unitè dilexi, & summè, quoad mortalem decuit, colui, cujus tu ipse, si te solum consulas, testis es. Certè nisi te dilexissem, & tuâ quidem causâ, diuturnum connubium, sine spe voti, quod nuptijs primum est, jam dudum accusassem, vel non tolerassem absque fastidio. Tu jurejurando asseruisti, me hæcenus esse à te intactam, & hoc quidem asseruisti sanctè atque ex vero. Tuone vitio hoc contigerit, judex esto; nemo enim id melius novit, quàm tu ipse. In te sunt perfidi, in me verò crudeles, qui tua credulitati, mea autem innocentia imposuerunt scelus tibi ignominiosum, mihi per omnem vitam execratum. DEVM superòsque omnes contestor, còsque posco vindices, si sciens fallo, scio autem me non fallere, me pudiciâ prorsus illasâ ad hoc temporis momentum provixisse. Eam sedulo servavi, tibi marito ne essem perfida; DEO, ne castissimis ejus oculis displicerem. Tu te mihi subtrahis, & quidem illubenti; nihil ideo de meâ in te charitate decedet. Patieris tamen (spero) me in alterius manum convenire, sed sine tuâ injuriâ. Conveniam autem, idque gloriosè, & majore gaudio, quàm in tuam conveni. Sponsum mihi constantissimo, eoque perpetuo voto delegi Regem omnium imperatorum, mea virginis optimè conscium. Is me sponsam (ita me sperare jubet summa ipsius benignitas) non dedignabitur. Tales nuptias posteritas omnis probabit, tuque ipse (ita confido) non averfaberis. Certè eas mihi duco omni diademate honorificentiores. Ad eum modum Heroïna maximis æquanda Reginis, sanctimoniale peplum in Cœnobio Andalaviensi, quod ipsa in suo fundo, suoque ære construxerat, assumpsit, gestavitque quàm coronam augustalem longè jucundiùs, & quod mittere, vitam in spontaneâ paupertate egit longè, quàm maritus, opulentiozem, uti paulò post videbitur. Nata erat regio Scotorum sanguine.*

XXX.

COLLAPSA
CAROLI
FORTUNA.

Regina.

ARNULFUS
REX SALU-
TATUR.

CAROLI
PAUPERTAS.

Ex eo tempore Carolo mentis corporisque vires lapsæ in deterius. Ministris oscitanter publica gerentibus, cum nemo esset, qui tot regnorum procuracionem ex æquo dirigeret, tanto cœpit, apud non modò Gallos Italosque, sed Germanos quoque odio laborare, ut de eo abdicando, secretò primum inter paucos, deinde palàm in conventibus consilia cœperint agitari. Initio quidem summa ipsius autoritas audaciores in officio continuit, & sedatiores morbum excusaverunt; sed tandem omnes mirabili fato incessit incredibile Principis fastidium, quòd foret publicæ rei inutilis. Ille sui periculi nescius, Comitibus sub anni finem indixit Triburiam, nisi veriùs Annales Fuldenses & Hermannus nominent, Francofurtum, locum misero Crasso fatalem. Hic Franci, Saxones, Turingi omnium primi in eum conspirant. Bojarii dein in partes attracti: Alemanni fidem ultimam exuunt, tandemque conspirantibus sententijs, illo exauctorato, Arnulfum, ipsius ex Carolomanno fratre nepotem, Carantanorum & Pannoniæ regulum evocant, & nullâ injustorum natalium habitâ ratione, Regem salutant.

Intra triduum tanta circa Carolum facta est solitudo, nemo ut esset, qui ulli ipsi humanitatis officia, nedum servitia præstaret, præter Luitbertum Moguntinum, cujus sumptibus vitam, non regiè, sed in privati morem, tenuiter sustentabat: quæ illum inopia eò tandem necessitatis adegit, ut Bernardum filium, quem extra connubium sustulerat, ad Arnulfum mitteret, oratum, ut certæ saltem sportulæ, quæ stipis loco foret, ex immensis, quas possederat, fortunis, particulam addiceret, nec sineret patrum, Carolo Magno potentiâ opibûque nuper

nuper supparem, inter mendicabulorum sordes inediâ confici. Arnulfus, ex regijs vectigalibus, Neidingæ in Sueviâ, supplici jussit annonam suppeditari, quâ propediem abituram animam retineret. Paucas enim hebdomades supervixit, Idib. Januarij anno sequenti ærumnis absumptus: nisi verum habeat Hermannus, qui scribit, fuisse famam, esse eum à suis famulis strangulatum, fato supra omnem modum miserabili. Neque desieto, neque pro mediocritate composito, sed velut inopi atque deserto, dives Augia cippum ad D. Virginis matris aram liberaliter indulgit. Cælum longè quàm mortales æquius, neglecto honorem habuit, quando suas illi fores pandisse, & demortui cadaver lumine collustrasse à multis visum est: quod si verum habet, haud dubiè Cœlites duxerunt exequias, & ingratorum hominum officia occupârunt. Regino Prumiensis Abbas nobilissimum funeri panegyricum, serò quidem, vigesimo scilicet & ampliùs post mortem anno, conscripsit, quo eum nuncupat religione Christianissimum, sacrarum sanctionum retinentissimum, divinis laudibus insatiabiliter addictum, comprecationibus, hymnodijs indefinenter intentum, pietate DEI, legumque divinarum toto pectore observantem, cœlestis providentiæ & Numinis voluntati ex asse devinctum, profusâ in miseros charitate, cœlitus lectum, ut universa majorum imperia in quiescentis sinum, nullo obistente, sine sanguine, sine ullâ contentione confluerent. Addit, acrem quidem fuisse, sed brevem tamen maximarum virtutum, in vitæ ejus exitu probationem, sive ad meritum augmentum, sive ad noxarum expiationem. Certè posteris clarissimum transmisit exemplum, ex quo fortunæ ludibria, non pro vulgi opinione, sed altioribus principiis metiantur, discantque, DEUM esse, cujus nutu dantur & auferuntur imperia, nec ullum esse tam sublime felicitatis humanæ fastigium, cui non adsit proximè infimæ miseriæ præcipitium, monitorque perpetuus, in cœlo duntaxat veram gloriam, veras opes, sapienti esse reponendas.

Carolo solijs, & mortalium rebus exempto, regna, quæ in uno capite coaluerant, corpore dissociari, & scisso sparsim imperij vigore, distrahi in plures dominatus. Idem, qui Carolum gubernaculo dimoverant, scindendi principatûs auctores fuerunt. Berengarij Forojuliensis fraudes, expugnato Luitwardo, alius quid spectabant, quàm imbellis Episcopi eversionem. Eo dejecto, viam sibi sperabat fore facilem ad Italiæ diadema. Arnulfus, arrepto Principatu, mox in Bojariam se recepit, & Ratisbonæ hiemem inerti desidiâ, publici incuriosus, consumpsit, prorsus ut otium negotijs videretur in posterum præhabiturus, malis initijs ad colligendam famam, quæ industriâ, vigilijs, rerum agendarum solertiâ, animi promptitudine, comparatur. Segnitiei speciem ambitioni peropportunam multi principes rerum novandarum causam fecere. In Italia citeriore opibus atque clientelis præstabant, Berengarius, Forojulienfi & Veronenfi ditione, regum Franciæ beneficio, potitus, & Vido Dux Spoletanus. His proximi duo Marchiones, Lucensis & Eporadiensis, qui omnes nupero Hadriani Pontificis decreto excitati, fœdus inierant, ut Crasso sine filio moriente, regnum Italiæ, communi consensu, Italo principi deferrent: sed quæ erat cupido dominandi, pro se quisque nitebantur. Berengarius cæteris felicior ac astutior, Carolo defuncto, clientum & amicorum ope, nemine obistente, regnum invadit, & Papiam, pacato agmine, ingressus, ab Anselmo Mediolanensi Archiepiscopo inauguratur. Vido spe regni Italici exclusus, hortante Stephano Pontifice, invitante Fulcone Remensi Antistite, Odonis odio, profectus ad capeffendum Franciæ imperium, irritus delususque in Italiam redijt, Odone à Francis anno superiori summæ rei, ex Ludovici Balbi tabulis præfecto, donec Carolus posthumus per ætatem regno aptaretur. Ex Vidonis repulsâ natæ inter Italos internecinæ contentiones, gente in odia totque factiones diductâ, prorsus ut nemo sine hoste esset. Gallia quoque in partes lacerata. Vocabatur Arnulfus Rex à Gallis, ut Carolo Crasso in curas succederet, sed onus recusabat. Rudolfus, nepos Hugonis Abbatis, cujus antè meminimus, occupatâ ditione, quæ Juræ monti & Penninis alpihus interjacet, ad D. Mauritij,

Osbo Frising.

AN. CHRIST.
DCCC.
LXXXIIX.

Herman.

Regin.

CAROLUS
CRASSI
LAUDES.

XXXI.

ARNULFUS
OTIATUR.

FOEDUS
PRINCIPUM
ITALORUM
PRO RECUP-
PERANDO
IMPERIO.
BERENG-
ARIUS RE-
GNUM ITA-
LIÆ OCCU-
PAT.
VIDO FRAN-
CIÆ REGNO
INHAT.

XXXII.

Epist. Fulcon.

Remen.

RUDOLFUS
REGIO TI-
TULOS USUR-
PAT.

LUDOVICUS,
VIDO, ODO,
SINGULI
PROVINCIAS
SIBI DECER-
PUNT.

Herman.

Emil.

Annal. Franc.
COMITIUM
FRANCO-
FURTENSE.

Annal. Fuld.
Herman.

ARNULFI
CUM ODONE
CONCORDIA.

ARNULFUS
RUDOLFUM
PERSEQUI-
TUR.

ET ADMIT-
TIT IN PRO-
VINCIAS OC-
CUPATAS.

BERENGA-
RIUS ITALIÆ
REGNUM
PRECARIO
AB ARNUL-
FO IMPE-
TRAT.

XXX.

III.

SYNODUS
MOGUNTI-
NA.

Tom. 3. Concil.
part. 2.

MISERA
FACIES EC-
CLESiarum.

AN. CHRIST.
DCCC.
LXXXIX.

HUNNI E-
RUMPUNT
IN PANNO-
NIAM.

Luitprand.
lib. 1. c. 3.

Regino,
EORUM O-
RIGO.

Ammian.
lib. 31.

nonnullorum Antistitum & Optimatum voluntate, coronam titulosque regios invasit. Ludovicus Bosone ex Irmentrude Ludovici II. Imperatoris filiâ procreatus, in magnas spes erectus, & Vido Lamberti filius, Galliæ Belgicæ & Salluviæ manus injecerunt. Odoni Comiti Parisiensi ex Witechindi Saxonis progenie, præter regni tutelam, concessum in Aquitanos, & Ligeris, in Galliâ Lugdunensi, accolâs, à Franciæ præceribus imperium.

Tantâ regnorum convulsione, Arnulfus, velut è veterno expulsum, ad conventum, Francofurti indictum, profectus, rebus pro temporis ratione constitutis, Wormatiam abiit. Isthic agentem (ita volunt Germani Scriptores) Odo Galliæ rector, fide publicâ, convenit, & quâ valebat eloquentiâ, grandibusque promissis, obtinuit; ut cum bonâ ipsius veniâ, quos occupabat titulos provinciâsque, retineret. Inde Arnulfus castra movit in Alsatiâ, adversus Rudolfum, quem invadendæ Lotharingiæ spes stimulabat, missis oratoribus, qui Antistitum nobilitatisque studia, pollicitationibus, speciosâque rerum magnarum ostentatione eblandirentur. Verum non ausus cum Arnulfo signa conferre, per angusta montium dilapsus, faucibus præsidio occupatis, in jugis avijs se est tutatus, donec regresso in Bojariâ Arnulfo, & Suevorum copijs paulò post secutis, exoratâ commeandi facultate, se ultrò ejus clementiæ stitit, impetravitque, ut quâ venerat conditione, eadem in occupatas provinciâs reverteretur. Quâ provinciârum regnorumque profusione, Arnulfus, immensum quantum minuebat imperij vires, spargebatque, quæ collecta, ab uno capite fortiùs poterant sustentari. Nihilò meliùs consultum rebus Italiæ. Berengarius, qui paulò antè cum Vidone adverso Marte conflixerat, legatos obviam misit Arnulfo venienti, poscentes fide publicâ colloquium, quod cum impetrassent, Tridenti obtinuit precarium Italiæ imperium, paucis exceptis, quæ facerent tenue saltem indicium formæ pristini dominatûs. Exinde Arnulfus, dimisso à signis exercitu, abiit in Carantanos. Lues in redeuntium jumenta sævum in modum grassata, propè delevit equitatum.

Eodem anno celebrata est Synodus Moguntina, cui, tum nupera Arnulfi electio, tum ingentia Germaniæ mala causam præbuerunt. Ex decretis sex & viginti tres primi, ad Arnulfum pertinuerunt, ex quibus colligeret, quibus virtutibus cum oporteret labantem Rempublicam sustentare. Quæ verò tum esset Ecclesiârum facies, patres in Synodi procæmio describunt: Sacra nimirum DEI servorum ædificia æquata solo; altaria everfa; Basilicarum ornatus direptos, igne exustos: Episcopos, sacerdotes ferro concisos, alijsque tormentorum generibus extinctos: Monasticæ vitæ cultores, viros, paritèrque fœminas, suis pulsos sedibus, omnique destitutos ope, hac illac errantes sine pastore: cæteros piorum cœtus, nullâ sexûs ætatisve differentiâ, misère dispersos, laceratos Nortmannorum metu & immanitate. Sed quod erat lamentabilius, è Christianis prodijisse raptores & latrones, qui perinde crudeliter atque pagani involabant in opes sacras, juxta ac profanas, inque libera amicorum corpora ferro, flammis, omnique diritate sæviebant. Quæ calamitas, non modò Episcopos, sed etiam cœnobiorum Antistites sic exacerbaverat, ut, ordinis sui legumque sacrarum immemores, prodirent ad bellum, hostem caderent, & ipsi caderentur: quòdque erat turpius, ab istius ævi Scriptoribus bellicæ fortitudinis laude celebrarentur: unde mirum non est, Barbaros in sacrum ordinem, quem sævum experiebantur, pariter sævisse.

Tot malis accessit nova ab Hunnis calamitas. Aliqui eos volunt erupisse è Sarmatiâ Asiaticâ, & posteaquam Leonem Orientis Imperatorem obiter adversus Bulgaros juverant, transisse in Pannonias, easque magnam partem occupasse: tum pererratâ Avarum solitudine, Carantanorum, Moravorum & Bulgarorum fines crebris incursionibus infestasse. Alij volunt, eos emerxisse è Mœoticis paludibus, & ab ijs traxisse originem, quos Sextus Aurelius Victor in Epitome vocat Hunnos omni perniciæ atrociores: Ammianus, glaciale Oceanum accolentes, parùmque notos vetustioribus scriptoribus, ait omnem feritatis modum excessisse, ijsdem propè moribus & institutis, quibus Tartari hodie utuntur. Alij credunt, eos fuisset

fuisse ex eâ gente Hunnorum, qui Pipino rerum in Franciâ potiente, venêre è Scythiâ, & pulsus è Pannoniâ Slavis ac Polonis, anno DCCXLIV. sedes bello occupatas, Hungariam dixisse: eos deinde à Carolo Magno domitos, jussos sacra Christiana suscipere, non longè post rebellavisse, & à Ludovico Pio rursus subactos, hoc anno demum, excusso jugo, Germaniam & Franciam immaniter vastâsse. Regino eos vocat, gentem ferocissimam, omni belluâ crudeliorem, & omnibus retrò sæculis inauditam; quod Brunnerum induxit, ut crederet, hoc primùm anno Hungarorum nomen fuisse auditum. Jornandes Reginone antiquior; nam sub Justiniano Imperatore anno Christi DXXX. sesquitercio, & suprâ seculo, ante Reginonem scripsit, eorum nomen, unicâ litterâ (nisi in typo mendum est) variatum, non ignoravit: *Hunugari autem* (inquit) *inde sunt noti, quia ab ipsis pellium murinarum venit commercium.* Tum diversas eorum sedes descripsit, & primas quidem in Scythiâ juxta paludem Mæoridem; secundas in Mæsiâ Thraciâque & Dacîâ; tertias supra mare Ponticum. Quæ de ijs scripsit Witichindus, pleraque fabulis, quàm historiæ sunt propiora, quæ proinde ad ipsum, aliòsque, qui descriperunt, remittimus.

An Ungarorum nobilissima natio, virtute militari, prudentiâ & optimis artibus, hodie, multisque retrò sæculis cultissima, à ferocissimis istis, quas commemoravi, gentibus propagata sit, mihi non est integrum judicare. Eos malim referri ad Pannonos, qui hoc anno ab Ungaris magna tulere incommoda, & sensim mutato nomine (quod alijs quoque nationibus contigit) nomen & sermonem à victoribus acceperunt. Si mercatoribus fides est, quidam apud Sigonium retulerunt, ad Tanaim esse Scythas, quibus sit lingua cum Ungaris communis. Cæterum Carantanorum, Moravorum, & Bulgarorum multa millia ab Ungaris fuisse intercepta, Regino, in hunc annum, author est: quem annum Hermannus fame, pestilente, bellis civilibus, aquarum eluvionibus, ait funestum extitisse. In Turingiâ, nivibus solutis, tumefactus tortens momento tres pagos evertit cum trecentis hominibus, & numerosis gregibus armentorum.

Inter eas reipublicæ calamitates, Arnulfum Regem, duorum filiorum Zuentibaldi & Ratoldi, quos præter legem tulerat, cura sollicitabat; ne pro conditione injustorum natalium, quæ ipsum à fastigio non prohibuerat, indignè haberentur. Quamobrem egit cum Boijs, ut jurati fidem addicerent, fore ut, si quid humanitus ipsi contingeret, uterque filius regio honore coleretur. Id quod foret stabilius, Forchemij Comitata indixit, in quibus Francones ægrè sunt assensu, eamque legem addiderunt, non aliter se spurijs fidem servaturos, quàm si ex Urâ justâ conjuge nullus Arnulfo hæres nasceretur. Iisdem Comitijs fœdus cum aliqua Nortmannorum parte factum. Susceptum inde bellum adversus Obotritos, qui Megalopolensium fines tenuisse feruntur. Famosæ expeditionis exiguum pretium. Etenim Arnulfus, nullâ re memorabili, numerosissimum exercitum domum reduxit.

Exactis Ratisbonæ hibernis, sub tempus verni jejuniij profectus in Pannoniam, egit comitia Omuntespergi, ubi, suo an aliorum errore, circumventus, Zuentibaldo, perpetuo hosti Boici nominis, vires auxit, quibus hostilia aliquot annis intermissa exercuit. Homo ex fraude confusus, & proferendis finibus perpetuò inhians, post pacem ante quinquennium, Carolo Crasso Imperatore, nobilissimis Bojorum conciliatoribus compositam, in Arnulfi, nondum Regis, familiaritatem irrepsit, tantâ versutiâ & amicitie simulatione, ut Arnulfus pro suo candore, eum sponso rem lustricum Zuentibaldo filio, cum sacro fonte tingere, tur, adhibuerit. Ille tantâ, post hæc, dexteritate & officiorum ostentatione tegebatur odia, prorsus ut crederetur iras pristinas sincerâ amicitia commutasse: re ipsâ insidiabatur occasione nocendi, quam ei dedit in manus Arnulfi improvida facilitas, neutiquam cogitantis, fidem hostis inveterati & ambitiosi debere semper esse suspectam. In Comitijs Omuntespergensibus, cum de Pannoniâ ordinandâ firmandâque ageretur, bonum factu visum est, quò illa foret adversus finitimos

XXX
IV.

Gordon. in
hunc an.
Bonfin.
Naucler.
Genebrard.
Brun. lib. 7.
pag. 782.

Jornand. lib.
dereb. Genes.

UNDESINT
UNGARI.

ARNULFI
NOTHI QUI-
BUS LEGIBUS
AD REGNI
SUCCESSIO-
NEM ADMIS-
SI.
FOEDUS CUM
NORTMAN-
NORUM PAR-
TE.
BELLUM IN
OBOTRITOS.

AN. CHRIST.
DCCCXC.

XXX
V.

Regin.
Annal. Fuld.
Herman.
ARNULFUS
ZUENTIBAL-
DUM AUGET
BOHEMIÆ
PRINCIPA-
TU.

ZUENTI-
RALDI RE-
BELLIO.

MORAVIÆ
DEVASTA-
TIO.

STEPHANUS
PONT. AR-
NULFI OPEM
POSTULAT.

XXX.
VI.

ARNULFUS
LUDOVICI
BOSONIS F.
TUTELAM
SUSCIPIT.
RATISBONÆ
CONFLA-
GRATIO.
AN. CHRIST.
DCCCXCI.
BELLUM IN
NORTMAN-
NOS.

XXX
VII

*Instus Lippius
Lovan. lib. 1.
suspiciatur esse
in Falcken-
burgensi tra-
ctu, paulo in-
fra Traje-
ctum.*

tutior, si Moravus insigni aliquâ liberalitate delineretur. Deliberantibus occurrit Bohemiarum principatus. Bohemi, Regum assensu, Principem rectoresque è suâ gente antea habuerant, utcunque fideles, & eo beneficio quieti; quamquam subinde tumultus aliqui intercesserant: decretum tamen fuit, experiri vel semel, quâ essent mente futuri sub externo dominatu. Ea res Bohemos, exterorum imperijs infensos, magnopere alienavit. Igitur admovetur Zuentibaldus, in sinum ridens, sibi crevisse facultates ab Arnulfo deficiendi, quibus quidem gnaviter usus est. Nondum enim annus abierat, quum eâ virium accessione prædicens, rediit ad genium, & crimen perduellionis. Jam non obscure, lecto exercitu, prodebat defectionem; cum Arnulfus copijs, subitario delectu contractis, movit in Moraviam. Nondum tunc Zuentibaldus eo numero se armaverat, ut sui copiam facere auderet. Quare Arnulfus longè latèque effusus in agros, tantam universæ provinciarum vastitatem invexit, ut Zuentibaldo pax, dato filio obside, fuerit exoranda. Hoc ferè est, quod iste annus habuit inter res Arnulfi memorabile: ceteræ minoris momenti; nisi & illud inter parùm consulta referatur; quod à Stephano Romano Pontifice enixè rogatus, ut urbi sub Vidonis jugo, & Berengarii factione gementi, succurreret; domesticas turbas excusans, distulit expeditionem, tamen non nesciret, se magnam à Pontifice gratiam initurum, quæ ipsi viam ad augustales honores aperiret.

Solutum Pannoniarum conventum secutus Forchemiensis, in quo Arnulfus Bosonis Regis Arelatensis, in Provinciâ anno superiore defuncti, viduam, quæ cum muneribus ad conciliandam Ludovico filio benevolentiam venerat, benignè audiit, filiumque in tutelam recepit, eò libentiùs, quod Stephanus Pontifex & Richardus Burgundiæ regulus, Ludovici causam commendassent. Quod anni superfuit, datum pietati, tum in Augiâ divire, tum Constantiæ, ubi precationis causâ Arnulfus quievit. Inde reversus est Reginoburgum, principem Boicæ regum sedem, quod anno postero totum conflagravit mense Augusto, ipsis D. Laurentij ferijs, tam funesto incendio, ut præter DD. Emmerammi & Cassiani martyrum ædes, flamma omnia sacra profanæque sit depasta.

Inter hæc Nortmanni bis caesi à Britonibus, reparato exercitu, moverunt in Austrasiam. Arnulfus, cujus res potissimum agebatur, cum Moravi infidum suspicaret ingenium, neque consultò à Boicâ posset abesse, Sunderoldo Moguntinorum Antistiti suas vices mandat, jubetque cum iusto exercitu in hostem proficisci. Habuere quoque in mandatis limitis Lotharingici Comites, occupatis Mosæ trajectibus, Nortmannos atcere à citiore ripâ. Verum tantâ celeritate res confici non potuit, quin Nortmanni festinatis itineribus, per Eburonum fines, transmissò Mosâ, in Aquisgranensium agros evaderent, antequam Sunderoldus ad Trajectum, qui locus erat dictus nostrorum copijs sociandis, suos posset lustrare. Nortmanni interea infestis Aquensium paludibus, dispositisque per vicinos saltus præsidijs, nostros pabulatores cæperunt carpere, incessere palantem militem, & castra prohibere comœatu. Dies D. Joanni Baptistæ sacer agebatur, cum ad Sunderoldi signa omnes legiones nondum coiverant, & frequentes veniebant nuntij hostem à tergo imminere: unde sollicitudo, quod de ratione belli nihil adhuc esset constitutum. Die ad vespertum inclinante, in senatu militari disceptatum, iternæ hosti esset obstruendum, an signis explicatis eundem obviam. Cum abeuntibus in diversa opinationibus nihil certi decerneretur, eò maxime, quod hostis consilia nondum satis essent explorata, & nonnulli disputarent, hostem ingressurum Ripuariorum fines, perque Ubios & Prumiam moturum in agrum Trevirorum: alij ominarentur, cum, compertâ nostrorum multitudine, retrò, unde venerat, trans Mosam abiturum, manè postero pugna decreta est, sublatisque signis itum rectâ in hostem, ducto secundum Mosam agmine. Ventum erat trans amnem Guliam (Gulid dicitur Reginoni) cum visum est, tantisper pedem figere, dum exploratores, è singulis legionibus duodeni, ad vestigandum hostem mitterentur. Hæc agentibus, subito apparuerunt Nortmannorum antecursores. Eos

Eos nostri conspicati, moræ impatientes, ardore pugnae ilico vocem tollere, & ne expectato quidem ductorum imperio, nullâ re satis provisâ, incompósito agmine procurrere, paucos premere, donec ventum ad quandam villam, pone quam Nortmannorum peditatus aciem instruxerat. Hic coortâ pugna, nostri neglectis ordinibus restitantes, pedem referre nullo negotio coacti sunt. Alijs tamen supervenientibus integrata pugna, & concursus Marte vario. Verum ubi hostilis equitatus nostris incubuit, praegravante impetu, turbatae legiones paulatim fluctuare, & verti denique coepere in effusam fugam. Cecidere multi in vestigio, plures hac illac dispersati. Caesarum incertus numerus. Summi Duces, Sunderoldus Archiepiscopus, quem nonnulli Comitum Lengenfeldensium familiae adscribunt, & Arnulfus Comes cum magnâ nobilitatis parte interempti: captivi ad unum omnes, immani truculentiae exemplo, obruncati. Pugnatum 6. Cal. Julij. Nortmanni victores, opimis onusti spolijs, ad castra redierunt.

NORTMAN-
NI VICTO-
RES.

Verum illis non fuit diuturna ejusce victoriae letitia. Arnulfus acceptae cladis nuntio, & tot virorum fortissimorum jacturâ mœstus, contestim ex regnis Orientalibus acres delectus habuit: tum Rheno mox transmissio, castra locavit ad Tiliam, eâ parte Brabantiae, quâ se fluvius Lovanium versus provolvit. Suevis magnam partem à signis dislapsis, Francorum virtuti potissima gloria patabatur. Ad eum, quem dixi, fluvium, Nortmannus aggere sepimentoque valide communitus confederat, haud longè ab Arnulfi castris. Operosum erat per solum uliginosum hostes intra vallum aggredi; operosius, prolicere ad pugnam. Ipsi verò diutius vernilibus, ut sit inter gregarios, pro aggere nostros incessabant, identidem objectantes nuperam Gulicæ cladis ignominiam. Quæ ludibria cum virorum fortium animos vehementer pungerent, Arnulfus inspecto castrorum situ, in quorum oppugnatione equitatus usui esse non poterat, obstante palustri solo, Francis persuasit, ut demissi in pedes, inter legionarios rem fortiter aggredirentur, & improbam hostis dicacitatem vindicarent. Tum proviso, ne hostis à tergo, vel ex insidijs quicquam impunè moliretur, signum dat concurrenti, ductor ipse & hortator. Primus impetus in sepimenta, tanto ardore, ut ijs post certamen acre superatis, fulminis instar in vallum inveciti, hoste nequicquam obistente, castra irrumperent. Horrendi utrinque clamores tollebantur: hærebat viro vir, signa fulgetrarum more promicabant, donec superatus hostis, ne obtutum quidem tulit incursantium. Hinc non tam cædes, quàm strages, prorsus ut ex innumerâ multitudine vix ullus fuerit reliquus, qui cladis nuntium ad classem referret. Tilia amnis, qui Nortmannorum castra ex adverso latere firmaverat, fugientibus exitio: nam fractus confususque miles, cum salutis alia via non superesset, confertus ruebat in profluentem, tanto numero, ut alij alijs superfusi in acervos, mutuâ se mole obruerent, mergetentque hærentibus in complexu morientium corporibus. Habent Annales Francorum, centena demersorum cadavera in unum aggesta, superioris fluminis alveum intercepisse, vadumque infrâ siccasse. Dani, præcipuum robur hostilis exercitus, invicti hætenus, interemptorum numerum auxerunt. Eo prælio occubere duo Reges, Sigefridus & Godefridus, alteri Godefrido nuper extincto suppar, nisi nos fallunt Francorum Annales & Hermannus. Relata victoriae insignia, vexilla sedecim, quæ Arnulfus jussit deferri in Bojariam, & palam exponi ad rei gestæ monumentum. Quod dictu penè est incredibile, ne unus quidem è nostris desideratus est. Arnulfus beneficium Deo gratulatus, decretâ in castris supplicatione, triumphanti similis in Boicam reversus est. Istius pugnae memoriam, hodièque anniversariâ celebritate, calendis Septembribus, Lovanij renovari, eruditorum habent scriptiones. Hic annus Embrichoni Reginoburgensium Episcopo ultimus fuit, cum grandi ætate ad præmia magnarum virtutum, patientiæ præsertim, modestiæ verè Christianæ, sobrietatis & spectatæ in suum gregem fidei, fuit evocatus.

NORTMAN-
NI VICTI AD
LOVANIUM.

XXX
IIX.

Sigonius in hunc annum contulit supperias, ab Arnulfo missas in Italiam, ductore filio Zuentibaldo: quod factum quidem memorat Luitprandus, sed absque

EMBRICHO
RATISBON.
EPISC. MO-
RITUR.

XXX
IX.

Sigon. lib. 6.
Hist. Ital.
Luitprand.
lib. 1. c. 7.

ARNULFUS
BERENGAR-
IO PER FI-
LIUM MIT-
TIT AUXI-
LIA IN CAS-
SUM.

SINGULARE
BOII CUM
ITALO CER-
TAMEN.
ZUENTI-
BALDUS AR-
NULFI F.
AURO COR-
RUPTUS.

AN. CHRIST.
DCCC.
XCII.

MORAVUS
REBELLAT.
XL.

UNGARI IN-
CONSULTO
VOCATI IN
AUXILIUM
VASTANT
MORAVIAM.
Annal. Fuld.
Herman.

FOEDUS CUM
BULGARIS
RENOVA-
TUM.

Ditmar. lib.
1. ad int.

ARNO EPI-
SCOPUS
WIRCEBUR-
GENSIS OC-
CISUS.

AN. CHRIST.
DCCC.
XCIII.

designatione temporis, alij minùs commodè ad annum DCCCXCIII. referunt. Berengarius semel iterum à Vidone profligatus, ad Arnulfum confugerat, quæsiturus afflictæ fortunæ levamen. Pollicebatur, se Italiam ab Arnulfo, clientelæ nomine, accepturum, si ejus auxiliò contingeret Vidonem exturbari. Zuentibaldus, transcensis alpibus, ad Papiam pervenit justo seriùs. Nam Vido territus advenientis famâ, fidam civitatem, valido inessam præsidio, fixisque propè castris sic munierat, ut nihil esset, cur sibi quicquam timeret à milite peregrino. Castra quidem castris fuere objecta, sed quæ Vervarolo fluvio dirimebantur. Sessitatum illic per dies viginti & unum, nullo operæ pretio. Fertur, obsidio languida, levi momento fuisse soluta. Bojus eques singulari certamine ab Hubaldo Italo superatus, Italici alacritatem, Germanis torporem iniecit, de rei summâ malè ominantibus. Accessit telum haud paulò validius. Vido Zuentibaldum auro, quo nulla est hasta potentior, corrupit, impulitque, ut inglorius patriam repeteret. Quæ res Berengarium in Germaniam reduxit (uti in loco videbimus) & Vidoni spatium fecit stabiliendi dominatûs.

Accessere simul novi è Moravia motus, qui Arnulfo propiores, cum ab Italicis abstraxerunt. Vixdum in Boicam, devictis ad Lovanium Nortmannis, redierat, cum per certos nuntios accepit, Zuentibaldum haud obscurè moliri denovo rebellionem. Cum tamen nondum se apertè hominis perfidia proderet, ne quid in eum temere moveretur, Arnulfo visum, adire propius, unde faciliùs capi posset fidei experimentum, & si res posceret, rebellis opprimi. Arnulfus igitur extremos Boicæ fines, quâ spectat Orientem, ingressus, Zuentibaldum de suo adventu monitum, non modò pro more obvium nusquam habuit, sed expertus est, palàm ejus imperia, & conspectum averfantem. Id manifestam perduellionem interpretans, illum Reipublicæ hostem declaravit, & indicto bello, de ejus gerendi ratione, cum Brazlavone secundæ Pannoniæ Duce deliberavit. Decretum, agmine triplici in Moravos irrumpere. In primo Franci Orientales, in secundo Boij, in tertio Suevi. Vocati etiam in auxilium Ungari, sed pessimo consilio, quo genti feroci & assuetæ rapinis via monstrata est ad futuras Italiæ, Germaniæ & Galliæ calamitates. Primum rapacitatis specimen in hoc bello, quod mense Julio cœptum est, ediderunt. Totum mensem impenderunt Moraviæ, truculentum in modum, deformandæ, non rapinis modò, sed etiam incendijs & cæde promiscuâ miserorum. Eodem tempore Arnulfus legatos misit ad renovandam cum Bulgaris amicitiam, qui à Ludovico Rege honorificè excepti, inter cætera egerunt, ut salis commercium, quod ille cum Moravis exercebat, abrumperet, quod an impetrârint, nemo historicorum prodidit, quæ fuit istius ævi negligentia. Idem scripsere quidem, Poponem Turingiæ Ducem omni dignitate, ab Arnulfo per id tempus fuisse eversum, sed causam presserunt silentio, nisi crimen fuerit, hortatu inauspicato cum Arnonem Wurceburgensem Episcopum ad suscipiendum contra Bohæmos bellum impulsisse. Regino, bonum Episcopum, ait, in pugná cecidisse: Ditmarus contra eum vult in pago Cutizio ad Caminikum amnem, cum ab expeditione Bohæmicâ reverteretur, Sacris sub tentorio operantem, ab hostibus circumventum, occisumque ad aram, sanctè mortem oppetiisse, cumque suis martyrij palmam esse consecutum. Atque ejusce quidem rei testes fuisse, sæpe visa, ipso Ditmari ævo, divinitus accensa lumina in loco cordis, & consentientem Slavorum fuisse fidem, qui id decus Arnoni asserabant.

Arnulfus interea temporis, de filio Zuentibaldo Lotharingiæ rebus imponendo, apprimè sollicitus, ejusce voti explendi bellam occasionem arripuit ex turbis Franciæ, quâ pacatâ, difficiliùs rem consecisset. Eum quidem, Fuldenses Annales ajunt, votivæ precationis causâ, totam occidentalium Francorum provinciam, Episcopatus omnes & Monasteria obivisse: sed Regino paulò disertius asserit, eum Bojariâ egressum venisse Francofurtum, & transmissio Rheno, regni Lothariensis potiorem partem circumivisse, & magnis muneribus abs locorum Episcopis fuisse donatum. Expertus est inter cætera, Ratbodi Trevirorum Archie-

chiepiscopi propensam in se voluntatem, quâ in Synodo provinciali, quæ id temporis apud Mediomatricos agebatur, pro Arnulfi regni que totius incolumitate, tridui jejunium & publicam supplicationem indixit. Quicquid demum de obitu per eum sacrorum domicilijs sentiamus, eventus ostendit, eum in istâ peregrinatione, vota Lothariensium Antistitum pro Zuentibaldo prensasse, more, qui Principibus est satis familiaris, ut per hujusmodi congressus, aliud palam præseferant, aliud ex arcano moliantur. Unde sequenti anno Wormatiæ, in Comitijs, suam de Zuentibaldo mentem proceribus aperuit, quando venere ad eum Caroli Simplicis Franciæ Regis legati, auxilia poscentes adversus Odonem, qui correptis adversus Regem armis, nullo eum loco consistere patiebatur. Suppetias addidit Arnulfus, quas jussit conscribi à Lothariensis regni Episcopis & Comitibus, exiguo operæ pretio. Odo enim comperto, eas adventare, castris ad Ararim locatis, non est passus in Franciæ fines penetrare, paratus ad supremam dimicationem, quam Arnulfi legati non ausi tentare, nullâ re memorabili domum irriti redierunt. Ita Carolus se recepit in Burgundiam, quæ in ejus fide adhuc perstabat: Odo Parisios secessit, unde mutæ inter partiarios hostilitates.

Hæc dum in eo sunt, bellum in Moravos recrudit ex causâ parùm honestâ, quæ initium accepit ab Arnulfi Regis domo. Engischalcus, insigni temeritate juvenis, puellam, quam Rex è concubinâ tulerat, volentem, an invitam, è paternâ Regiâ in Moraviam abduxit, amores insanos præferens patriæ charitati. Arnulfus pro eo, ac debuit, dedecus ægerrimè tulit. Simul irascebatur Zuentibaldo, quod raptori perfugium concessisset: irâ tamen dissimulatâ, Engischalcum, promissâ facinoris impunitate, in Pannoniam reduxit, & quod eum magis irretiret, provinciæ præfecit, non neglecturus occasionem sumendi supplicij, quam, non dubitabat, ab insolenti adolescentis audaciâ brevi nascituram. Et verò nata est. Nam homo effrenis, suique impotens, abusus concessâ potestate, cœpit multa protervè agere, præter legum & moris instituta, haud pauca peccare in Bojarum proceres, ratus, se loceri favore satis esse securum. Verùm ubi ad aulam rediit, omnia alia est expertus. Mox enim à Magnatibus injuriarum postulatus, Regi sistitur, causamque jussus dicere, cum nihil magis deesset, quàm innocentie argumenta, oculorum effossione mulctatur. Occultè interea faba cudebatur in Moravum, quem jam olim Boicæ Reges, ut sudem in oculo ferentes, oppressum voluissent. Ambigua impotentiorum fors, cui è vicino potentiores insidiantur. Ad priores offensiones, accessit alia ex Wilhelmo Engischalci patruele. Habebat hic cum Zuentibaldo occultum litterarum & consiliorum commercium, quod ex nuncijs, ultrò citròque commeantibus, denique deprehensum, illi, juxtâ ac Moravo fuit exitiale. Vix aliter hujusmodi opertaneæ communicationes, quàm proditorum exitio finiuntur. Wilhelmo perduellionis lege damnato, supererat ira in Zuentibaldum, eò flagrantior, quod Wilhelmi germanus, contactus criminis fraterni conscientiam, metuque supplicij, in Moraviam profugerat. Suspicionem quidem Zuentibaldus conatus est eluere cæde profugi, quem unâ cum permultis alijs Boicæ exulibus interfecit. Verùm quæcunque præterea fuerint occultarum factionum argumenta, bellum in Moravum decretum est. Pro manifestâ bellandi causâ fuit, quod Zuentibaldus Regi tributum negaret, & quod, plus æquo, Orientis Imperatori foret addictus. Belli is fuit eventus, quo Zuentibaldus victus profligatusque, regium fastum humili secessûs solitarij silentio mutavit.

Clades ad patrem, an ad filium ei cognominem pertinuerit, dubium faciunt Scriptores. Sylvius tamen (quem vocat Suatocopum) vult prælio superatum, in eremum se recepisse rerum desperatione, quodque Methodium Episcopum ad aram facientem violasset, & tribus ejusdem instituti asceris addictum, vitam sanctè finivisse, & in fine, cum fata sibi sentiret imminere, pristinum nomen fortunamque edixisse. Dubravius narrat, Zuentibaldi majorem natu filium, defuncto parente, diadema regium sumpsisse, & recrudescentibus familiæ simultatibus, Noricum involasse, & passim esse depopulatum. Exinde Arnulfum vehementer offensum,

Mo-

XLI.

ARNULFUS
ZUENTIBAL-
DO F. RE-
GNUM LO-
THARINGIÆ
CONCILIA-
RE NITITUR.
CAROLO
SIMPLICI
AUXILIA
MITTIT.

RAPTUS FI-
LIE ARNUL-
FI.

RAPTOR
EXOCULA-
TUR.

XLII.

ZUENTI-
BALDUS MO-
RAVUS SE IN
SOLITUDI-
NEM RECI-
PIT.

Aeneas Sylv.
de Bohem.

c. 13.

Dubrav. hist.
Bohem. lib. 4.

VETERES
MORAVIÆ
FINES AM-
PLISSIMI.

Moraviæ regnum edicto publicasse, & dedisse Ungaris, Polonis, Austriacis, vicinisque gentibus diripiendum: eam verò partem, quæ hodie Moraviæ nomen retinet, se Bohæmorum fidei permississe. Eam narrationem brevius habent Annales Fuldenfes, dum memorant, Arnulfum per se bellum hoc administrasse, eoque confecto, remeantem in Bojariam, ægrè per dispositas à Moravis insidias evasisse. Porro Zuentibaldus, si Dubravio credimus, plerasque ditiones, quas prisce Marcomanni infederant, possedit, unde mirum non est, Moravos tot tantæque bella adversus finitimos gerere potuisse.

XLIII.

LUDOVICUS
FILIUS AR-
NULFO NA-
SCITUR.
*Flodoard. Re-
men. hist. l. 4.
Baron. in
hunc an.
ARNULFUS
BERENGAR-
IO DUCIT
SUPPETIAS.
Luitprand.
lib. 1. c. 1.*

Arnulfo ex Moraviâ reduci, Oetingæ natus est, in spem regni, filius Ludovicus, quem Adalbero Augustanus tantistes sacro lavacro abluit, & Hatto Moguntinus de fonte levavit. Quod Franciæ Annales & Hermannus scribunt, & ex ijs Brunnerus, de Formosi Pontificis ad Arnulfum legatione, pro impetrandis adversus Vidonem auxilijs, inducor, ut neutiquam credam, eo potissimum argumento, quòd Formosus Vidoni anno superiore, ejusdemque filio Lamberto imperij insignia contulit, & gravem invidiam in se concitavit, non Arnulfi modò, sed aliorum etiam Principum, Berengarij præsertim Vidonis inimici capitalis, inimo & odium Romanorum civium, à quibus cum multa indigna tulisse, vel inde constat, quòd injuriæ Formoso illatæ, anno abhinc quarto, multorum Romanorum capitibus fuerint vindicatæ. Quare non est verisimile, Berengarium Formosi legatis, si quos misisset, fuisse adfuturum; unde Luitprandus Scriptor eorum temporum, nullam illorum facit mentionem. Adductas tamen Berengario suppetias ab Arnulfo, consentiens est historiæ memoria. Sigonius ait, senescente autumno, motas esse, per montes Tridentinos, omnes peditum equitumque copias, Berengario Arnulfi latus, specie clientelæ obsequij, stipante, ejusque rei testes esse litteras Veronæ datas, postquam ista civitas deditione venerat in Arnulfi potestatem.

AN. CHRIST.
DCCC.
XCIV.
BERGOMUM
EXPUGNA-
TUM.
AMBROSII
COMES IN
FURCAM
ACTUS.
MEDIOLA-
NUM, TICI-
NUM, IMPE-
RATA FA-
CIUNT.
ARNULFUS
MOVET IN
RUDOLFUM
BURGUNDUM,
VIDO RE-
FENTE EX-
TINGUITUR.

Ventum inde Bergomum novo anno ineunte. Cùm cives mœnium firmitate confisi, negarent, se imperata facturos, Arnulfus eos obsidione cinxit, & ad initium Februarij expugnavit, cum ingenti propugnantium strage: Ambrosium verò Comitem, qui resistentibus animos fecerat, baltheo, armillis, cæteroque cultu militari indutum, ante urbis portam jussit in furcam agi, fractæque gulæ ad aliorum terrorem necari. Mediolanenses, Ticinenses, & Placentini, severitatis exemplo terrefacti, adventantis iram, missis legationibus, prævenerunt, & ad gratiam aucupandam, venienti iverunt obviam, & per modum triumphi fausta acclamantes, mœnibus receperunt. Ottonem, Magni Ottonis avum, rebus ordinandis Mediolanum misit cum validâ suorum manu: ipse verò cum reliquo exercitu Papiam contendit, & restituto Berengario, Vidoni & Lamberto filio unâ cum uxore Camerinum, indeque Spoletum fugientibus, institit. Jam Placentiam venerat, castellis, quæ de viâ occurrerant, debellatis, cùm rebus necessarijs trans alpes revocatus, movit in Burgundiam, Rudolfo Regi, veteri inimico, bellum facturus. Unde Vido nactus spatium vires animosque colligendi, obversâ fronte pressit abeuntis vestigia, donec ad Jarum, agri Placentini amnem, repentino sanguinis vomitu oppressus est, Lamberto filio imperij successore relicto. Vidonis obitum authore Sigeberto (qui chronismum valde confundit) & Luitprando, quidam rejciunt in annum DCCCCI. habentque suffragantem Baronium.

XLIV.

LOTHARIN-
GI ZUENTI-
BALDUM
ARNULFI F.
AVERSANTUR.

Arnulfi conatus Burgundiæ Rex, vitato certamine, ad nota montium munimenta dilapsus, elusit, effecitque, ut illi re infectâ fuerit ab incæpto desistendum. Exinde concessit Wormatiam, ubi in Ordinum Germaniæ & Austrasiæ conventu, Zuentibaldum filium Lotharingis regem conatus est imponere, sed irritò conatu, quòd procures, spurij imperium averfarentur. Solutis comitijs, secessit in Laurisheimense cornobium, ubi Ludovico Bosonis filio, quem non ita pridem in fidem receperat, quædam Burgundiæ oppida, cum villis connexis, largus ex alieno, concessit, agente Irmengarde Ludovici matre: verum in ventos abiit malè facta donatio, Rudolfo Rege obsistente. Hoc item anno Hildegardis filia Regis Ludovici, quem superius Carolomanni & Caroli Crassi fratrem diximus,

mus,

mus, quæ consilij & intercessione multum opis Arnulfo, ad regnum impetrandum, attulerat, à quibusdam accusata, exutaque regijs possessionibus, in Chiemensem Parthenonem est relegata, unde paulò post, sive detectis accusatorum calumnijs, sive mitigatâ Arnulfi voluntate, ad priusnam fortunam est revocata. Regino in hunc annum confert decessum Zuentibaldi Moravi, & filiorum successionem, quos, ait, exiguo tempore regnum tenuisse, graviter afflictum Ungarorum incursionibus, & miserabili totius ditionis devastatione.

Mense Majo anni insequentis, Triburiæ celebris fuit habita Synodus, quam Arnulfus suâ præsentia cohonestavit. Præter Cœnobiarchas interfuerunt viginti sex Episcopi, in quibus Valdo Frisingensis, Erchenbaldus Eistettensis, Tuto Ratibonensis, & Adalbero Augustanus. In eâ salubriter multa sunt decreta, adversus rerum Deo dicatarum, & sacræ potestatis injustos usurpatores, qui nobilitatis & temporis licentiâ abusi, Episcoporum jura, & opes Ecclesiæ involabant. Arnulfus Synodi legibus multum authoritatis conciliasset, nisi eas ipse violasset. Quâ de re questus est Theodoricus in exactissimis Epternacensis Monasterij commentarijs, quibus ostendit, Arnulfum ad cohibendas Nortmannorum irruptiones, ex D. Willibrordi possessionibus auxisse Luzelburgi, tunc emergentem, Comitatum, & Ecclesijs multa in Batavis detraxisse. Gravius est, quod Sigehardus, ejus sæculi scriptor integerrimus, litteris commendavit. Hac tempestate D. Maximini perantiquum & nobile Trevirorum Monasterium à Nortmannis laceratum, vix apparebat inter rudera & parietinas. Ejus opes à profanis hominibus abliguriebantur, vixque supererat, unde pauci cœnobitæ vitam tenuiter tuerentur. Miseri, Abbate extincto, ab Arnulfo rogârunt facultatem, quem vellent ex suo cœtu eligendi Antistitem, nec impetrârunt; eò quòd Rex opes Monasterij Megingaudo Comiti profanâ liberalitate, & neutiquam laudabili istius ævi licentiâ, malè esset largitus. Sed Comiti res malè vertit. Is opimo spolio ab Arnulfo circumdatus, vernili joco, apud uxorem, D. Maximino illudens; Nostin', inquit, quanto me Rex beneficio auxerit? Cùm ipsa negaret; Sictam tibi, ait, si libet, prædivitem Maximinum, qui in meam concessit clientelam. Illa damnans impium diæterium, marito indignari, execrari facinus: maritus immani morbo corripitur, atque humi prosternitur, prorsus ut è vestigio contortis, ac velut in glomum deformatis artubus, jam non vultu, non ore, cæterâque membrorum figurâ hominem, sed globum referret. Mansit tamen deformi monstro sensus, & tantum mentis, ut D. Maximini, cujus nomen antea tam vile habuerat, opem veniâque supplex oraret, juberetque, se ad ejus aram deportari, ut ei se mancipij nexu devoveret. Valuit abjectio tempestiva, & homini salutem reddidit, suffragatoribus Monachis, qui ejus sortem miserabantur. Ille recuperatæ sanitatis soteria Divo & Ultori & Sospitali relaturus, impensè laboravit apud Arnulfum Regem, ut antiquum suffragiorum jus Cœnobitis restitueret; sed frustra: usque eò tenaciter affiguntur, quæ semel potentiorum manibus adhæserunt: ut tamen species aliqua foret minutulæ compensationis, Arnulfus demum primo Imperij anno, Reveniacum villam, quod perantiquæ tabulæ loquuntur, & Monasterij diarium ad 16. Cal. Septem. D. Maximino donavit, retentis Monasterij justis possessionibus, subtractoque jure Antistitis eligendi: ita promptius fuit Synodi Triburiensis leges probare, quàm observare. Concilij tabulæ prisca rigoris indices fuerunt, sex vix habuerunt, qui indices sequerentur: tanta fuit pravitas ejusce tempestatis, quæ certè nihil habuit, (còtrâ ac vult Brunnerus) quod hodie pijs orthodoxorum moribus exprobraret. Ferenda tunc erant Regum ingenia, quod in tantâ licentiâ ferè censeretur æquius, quod validius.

Hoc ipsum patuit in proximo Wormatiæ conventu, quando pertinacis Arnulfi postulationis magis, quàm boni publici respectu, Procere denique fuere adducti, ut, quod anno superiore constanter negaverant, Zuentibaldus Regis nothus Lothariensi regno imponeretur, cujus gubernationem principio inauspicatam,

HILDEGARDIS AB ARNULFO RELEGATA ET PAULO POST RESTITUTA.

AN. CHRIST. DCCC. XCV. SYNODUS TRIBURIENSIS.

XLV. ARNULFUS D. WILLIBRORDI EPTERNACENSIS OPES DISTRAHIT.

D. MAXIMINO TREVIRENSI PERINDE INIQUUS.

MEGINGAUDI SUPPLICIUM.

TANDEM ZUENTIBALDUS LOTHARINGIÆ PROFIKITUR.

XLVI.

ZUENTI-
BALDUS
LUGDUNUM
IRRITUS OB-
SIDET.

processu malignam, exitu funestam, infamis avaritia crudelitasque fecerant. Prima post initum regnum expeditio non inanis modò, sed turpis etiam fuit. Carolus Simplex, ab Arnulfo (qui ex eventu & utilitate, more humano, sua consilia metiebatur) desertus, Zuentibaldum filium sibi adjunxit, grandi scilicet spe, de novi regis auxilijs. Sed qui in Italiâ, non ita pridem, rem ignavè adversus Vidonem gesserat, inertia & animi levitate in Franciâ corruptus. Collecto ex gente Lothariensium milite numerosissimo, ut Odonis vires distraheret, Lugduno obsidionem admovit, imprudenti consilio, quod & hostem haberet generosum, & ab initio valde difficili, famæ viriûmque periculum faceret. Cives agri direptione irritati, urbis defensionem cœptam magnis animis, supremo conatu perseverarunt, nihil veriti, crebris eruptionibus hostem fatigare. Cum acris oppugnatio plures dies tenuisset, fama Odonis ex Aquitaniâ suppetias properantis, non obsidionem modò, sed etiam totam magni apparatus molem discussit, retuditque Zuentibaldum in Austrasiam.

ARNULFUS
ODONIS
PARTES SE-
QUITUR,
Regino.

Nihilo plus decoris Arnulfo contulit mutata fides in Carolum, non sine aliquâ notâ avaritiæ & animi inconstantis. Odo, quem paulò antè jussierat armis Lothariensium invadi, cum Wormatiæ convenit, ubi tam dextrè causam egit, ut muneribus potius, quàm ratione expugnatum, traxerit in suas partes. Carolus iisdem quidem artibus conatus est Odonem evertere, misso per Fulconem Remensem Episcopum & Adolungum Comitem, splendido munificentiae apparatu: verum legati, quod fors adversa tulit, mediò in itinere ab Odone oppressi, rebus omnibus spoliati, & Adolungus quidem lethali vulnere confossus, opes operamque luserunt. Fulco, arreptâ fugâ, ægrè vitam servavit.

XLVII.
TURBÆ ITA-
LICÆ.

Laborabat interim intestinis discordijs Italia. Berengarius post Vidonis obitum, confestim Papiam, regni sedem, deditione accepit. Principes alij, Vidonis partiarj, infensi Berengario, Lamberto Vidonis filio studijs armisque sociati, depulso Berengario, Papiam recuperant. Romæ, Sergiana factio Formosum Pontificem continentibus injurijs vexabat, connivente, immo & adjuvante Lamberto; tam fluxa brevisque tituli Cæsarei, quem erat beneficio Pontificis adeptus, recordatio. Formosus tot malis fractus, confugit ad Arnulfum, tamet si non leviter offensum, ejusque defensionem semel iterum implorat, oratque, ut Romam ocyus cum exercitu veniret. Hic, re cum Episcopis probè expensâ, lectisque ex Franconia & Alemanniâ copijs, castra mover Octobri mense, & ad usque Padum progreditur. Berengarius, simulatâ fide, venienti occurrit, æger tamen animi, quod contra, ac homo versutus, & ambitiosus animo destinaverat, se à summo regni fastigio Arnulfi adventu sentiret prohiberi. Ibant copiar bifariam divisæ. Primum Alemannorum agmen, Walfredo & Meginfredo duobus, cis Padum movens, fœdam agris vastitatem intulit, licentiâ militari: tum transmittens Apenninum, in cujus trajectu magna jumentorum pars periit, Florentiam contendit. Agmen alterum Rex ipse ducebat per oram maris Ligustici atque Thyrreni; Lunam usque, ubi Christi nascentis festas exegit.

AN. CHRIST.
DCCC.
XCVI.

Inceptum iter anni sequentis initio prosecutus, trajecit Apenninum, gravibus jactatus aëris viarumque incommodis & equorum pestilitate, quæ tot consecit, ut boves, subvehendis impedimentis, jumentis sarcinarijs fuerint substituendi. Accessit malum longè molestius. Berengarius detractâ larvâ, Adelberto Tusciæ Marchioni, Sergianæ factionis antesignano, desultoriam fidem addixit, seque est Arnulfo hostem professus. Lambertus Romanis mœnibus, & instabilis populi studijs diffusus, urbe relicta, & Agiltrudæ matris curæ commendatâ, se receperat intutum. Ventum denique, per ingentes itineris difficultates & rerum inopiam, in urbis conspectum. Agiltruda vidua cives ad propugnationem hortata, Camerinum abiit. Arnulfus, cognito, Romanos ingressum in urbem voluntate non permissuros, vim facere instituit, indictâ priùs exercitui noxiarum, per sacram confessionem, expiatione, uniûsque diei comprecatione atque jejunio, ut sibi, copiisque DEUM propitiaret. Cœpta deinde oppugnatio, protractâque ad dies plusculos, Romanis se egregiè totantibus. Cum adhuc frustra fuissent incursiones, præter omnium opi-

ARNULFUS
ROMAM OB-
SIDET.

opinionem, se casus obtulit ridiculus quidem, sed re ipsâ peropportunos. Lepusculum, qui è latibulis ad urbis mœnia citato cursu fugam intendebat, militum manus, sublato clamore, per ludum insectans, Romanæ stationi, quæ pro muro excubabat, metum iniecit, quasi totis castris reliquus exercitus ad generalem impressionem immineret. Quare vigilæ momento dilapsæ, nudato muro, urbi trepidationem, hosti invadendi audaciam intulerunt. Ergo Germani ad mœnia convolantes, alij coacervatâ omnis generis materiâ tantum cumulum substernunt, quantum erat satis ad conscensionem: alij, scalis admotis, evadunt ad pinnas, alij per apertas ruinas, portamque ariete dejectam, turmatim ingrediuntur, & Transiberinos metu consternatos, ut in re improvisâ, cogunt ad deditionem, totâque demum urbe potiuntur. Sergiani, nullâ ætatis, sexûs, ordinisve habitâ ratione producti ad supplicium, ferro concisi, Deo Pontificis injurias vindicante. Sergius fugâ sibi consuluit. Constantinus & Stephanus, qui populum ad propugnationem incitaverant, conjuncti in vincula, & deportati in Bojariam. Arnulfo Senatus universus, prælatis vexillis, & Græcorum scholâ, cum crucibus, honoris causâ præeunte, ad pontem Milvium occurrens, triumphale carmen, non secus atque libertatis suæ vindici accinens, ad Principis Apostolorum ædem, pompam duxit, eumque verbis solennibus Imperatorem salutavit. Formosus pro D. Petri gradibus excepit venientem, deductumque honorificè in ædem, sacris cæremoniis, & insignibus augustalibus initiavit, populo de more fausta acclamante. Multitudo, quæ ad D. Pauli Basilicam confluerat, eidem sacramentum dixit in hæc verba: *Testor Deum omnesque Divos, & per divina mysteria juro, me, quoad vivam, fore in potestate Imperatoris Arnulfi, neque Lamberti, aut ejus matris rebus futurum, neque ut dignitatem aliquam adipiscatur, aut hanc urbem servitute premant, operam daturum.*

CAPITULUM
SU MIRABILI
XLIIX.

VINDICATA
PONTIFICIS
INIURIA.

ARNULFUS
IMPERATOR
SALUTATUS.

Ann. Franc.
Herman.
Sigon.

Quindecim diebus datis Romanæ rei ordinandæ, Imperator Faroldum Urbi præfecit, indeque digressus, Agiltrudam Vidonis viduam, in castro, loci naturâ operibusque munitissimo, arctissimè obsedit. Obsidionem solvit potio soporifera, quam ipsa pharmaco temperatam, Arnulfo propinandam curavit per ejus pincernam auro corruptum, persuasumque philtrum esse, quo sibi Imperatoris clementiam amorémque pararet. Continuus tridui veternus tantam conciliavit gravedinem, ut, cum expectatus Cæsar, diu nihil pro sano homine loqueretur, aut ageret, accedente aëris inclementiâ, Procerum consilio, obsidione omisâ, neglectoque Lamberto, in Longobardiam, atque inde in Germaniam per montem Jovium fuerit abeundum. Ex itinere, Arnulfus Ratholdum nothum Mediolano præfecit: Berengarium in gratiam denuo receptum, viæ comitem habuit, donec ille, mutatâ rursus voluntate, Veronam refugit, totque calumnijs Imperatoris famam lacervavit, ut, cum passim flagranti Italorum odio appeteretur, Ticinenses, ausi tumultum, auctore Anscario, concitare, non sint veriti ejus copias incessere tantâ strage, ut se milites in publicas cloacas abdere cogerentur. Quam quidem injuriam Arnulfus omnino certum habebat severè ulcisci, & coronâ septos tamdiu premere, donec Anscarium, seditionis facem, in suam potestatem redegisset: verum comperto, illum ex oppido profugisse, ab obsidione aversus, iter ad alpes est prosecutus. Eas vix erat transgressus, cum totâ passim Italiâ, urbes ac Principes ejus nomen imperiumque exoli, fidem exuerunt, pars Berengario addicti, pars Lamberto, in cujus gratiam, Germanorum odio, Mediolanenses in Meginfredum, virum alioqui præstanti in Arnulfum fide, ejusque filium & generum, crudeliter sævierunt. Illum necârunt: duobus posterioribus oculos effoderunt. Romæ Sergiani Formosi defuncti corpus tumulo extractum, raptatumque, effuderunt in Tiberim, Stephano successore non invito. Ratoldus Cæsaris filius, aliorum casibus admonitus, desertâ in tempore statione, per lacum Larium se periculo subduxit, profugiens ad parentem. Berengarius usque ad flumen Abduam omnia fecit suæ ditionis, Arnulfo, quem animi vigor defecerat, nihil contrâ movente.

XLIX.
ARNULFO
SOPORIFERA
POTIO PRO-
PINATA.

BERENGARII
PERFIDIA.

ITALIÆ DE-
FECTIO.

Eum inter hæc convenit Reginoburgi, nomine Constantinopolitani Imperatoris Leonis, Lazarus Episcopus, qui allatis splendidæ munificentiae donis, infelici

L.

imperio, felicia auspicia est apprecatus. Per idem tempus, Arnulfum cura incessit tutandæ Pannoniæ adversus Ungaros. Quam ad rem limitis præfecturam Brazlavoni cum urbe Paludarum, quam hodie Moseburgum dicunt, commendavit. Metus erat, ne, Bulgari sæpius profligatis, Ungari per eorum fines in Pannoniam irrumperent, Græcis omisissis, qui, ut illos à se diverterent, cum ipsis pacem inveni-

UNGARISÆ-
VIUNT IN
BULGAROS
SEMEL ITE-
RUMQUE
DEVICTOS.

MICHAELIS
REGIS VA-
TICINIUM.

BULGARI
UNGAROS
PROFLI-
GANT.
ARNULFUS
RUINA DI-
VERSORII
AFFLICTUS.

AN. CHRIST.

DCCC.

XC VII.

INGENS FA-
MES.

Herman.

L I.

LUDOVICUS
ARNULFI F.
REX DESI-
GNATUS.

ZUENTI-
BALDI IRA
IN QUOS-
DAM COMI-
TES,

rum armis exponi, subitâ in Græciam irruptione, omnia latè ad portas usque Constantinopolitanas sunt depopulati. Ut ad domestica pericula revocarentur, Græci Ungaros navibus impositos, transmittunt in Bulgariam, qui cum caedibus & incendijs omnia miscerent, Bulgari confestim domum reversi, acie explicatâ, semel iterumque devicti sunt. Rebus ad desperationem propè redactis, consilij inopes, Michaëlem Regem, qui regnò abdicato, sanctitatis famam collegerat, consulunt, quid tali re judicet esse faciendum. Ille divino monitu respondet, nihil esse, cui meliora expectent, nisi ante omnia DEUM, qui Barbaros ad peccatorum vindictam armasset, propitiarent. Evocandum esse è cælo auxilium, præmisso tridui jejunio, & seriâ admissorum scelerum castigatione: id ubi fecerint, concipiendam de cœlesti auxilio fiduciam. Durum quidem & cruentum fore in Ungaros certamen, sed exitu tamen prosperum & salutare. Vaticinium probavit eventus. Bulgari collectis animis, adversus hostem congressi, non sine multo suorum sanguine memorabilem victoriam reportarunt. Utrunque caëtorum numerus vel hinc potest colligi, quòd victores viginti pugnatorum millia desiderarunt, Ungari multò plures: ita factum, ut non Bulgariæ modò, sed etiam confini Pannoniæ licuerit tantisper ab infestissimâ gente respirare. Arnulfum istâ curarum parte levatum, humanæ sortis admonuit casus, quo propè abfuit ab interitu. Domus, in quam cum familiaribus diverterat, subito collapsa, eum vehementer afflixit, & multos attrivit è domesticis.

Annum sæculi septimum supra nonagesimum, fames, Boijs præter modum sævâ, infamavit. Tanta ejus fuit immanitas, ut demortuorum hominum corpora, & obscæna quæque verterit in cibos. Arnulfus, confirmatâ valetudine, quam recens ædium ruina, & Italica portio vehementer depressoerat, mense Majo, se regni negotijs reddidit & audiendis legationibus. Illi adsuere Moravi, rogantes, ne quem receptum spemve impunitatis, suis popularibus, qui ob turbatam reipublicæ quietem erant in exilium ejecti, præberet. Bohæmis quoque & Sorabis Salzæ datus est senatus. Utrique graviter de Moravis querebantur, quòd ab horum ducibus insolenter premerentur, essetque periculum, ne, affecti continentibus injurijs, vel arma capere, vel, si id non liceret, solum vertere cogerentur. Benignè auditos, Arnulfus jussit bono esse animo, & ne porrò Moravi eos pergerent instigare, in Bohæmiæ confinio autumnum armatus exegit, habuitque ad Danubium & Reginum vires expeditas, quibus utrosque in officio contineret.

Jam antè bina Comitata egerat, WORMATIÆ alterum, alterum TRIBURIÆ. Isthic possissimum acta causâ filij Ludovici vix quatriennis, quem unicum ex justo thoro sustulerat. Verebatur nimirum, ne, ut erat ætate jam inclinatâ, & viribus indies fatiscentibus, si quid ipsi fatali necessitate contingeret, pro arbitrato, ex alienâ stirpe Regem cooparent. Et verò erant nonnulli, quorum fidem habebat suspectam. Quamobrem re in Senatu rursus agitatâ, impetravit, ut novo se sacramento omnes obligarent, fore ut, quod de successore jam antè fuerat constitutum, accuratè servarent. Hæc in gratiam Ludovici pueri. Supererat longè gravior contentio de Zuentibaldo Rege Lothariensium. Is, ut erat turbulentus, & in subiectos immitis, grande sibi odium consciverat non civium modò, sed etiam plerorumque Comitum, in quibus præcipui, Stephanus, Odoacer, Gerardus & Matfridus, viri & præfecturis, & clientelis potentes, nec non apud Imperatorem, ob præclara merita fidemque singularem, gratiâ & autoritate non vulgari. Illi Zuentibaldo fuerant delati, quasi ejus capiti, initâ conspiratione, insidias struxissent. Ita Regi inprimis irritabili, ira præceps & implacabilis, quâ nihil in Principe perniciosius, pro ratione & judicij forma fuit. Ergo subitò coortus ad ultionem, in Trevirorum fines

itrum-

irrupit, & Comites inauditos, fortunis & omni dignitate evertit, translata in alios publicorum munerum, quæ ipsi gerebant, administratione. Ut verò etiam pro suâ avaritiâ aliquid decerperet, duo Virginum monasteria, quibus Comites ejusce ætatis vitio potiebantur, in fiscum redegit. Eorum alterum fuit S. Irminæ Treviris, quod hodie est Horreum Dagoberti, quem illustres Sanctimoniales agnoscunt cœnobij fundatorem: alterum D. Petri admodum nobile, quod ex primâ sede, quam à sui primordio habuit in arcis Metensis arêâ, translatum est in partem civitatis inferiorem ad Mosellæ profluentem. Præterea Fulco Remensis Antistes sapientiâ & autoritate præcipuus, quippe sine cujus consilio Carolus Simplex nihil propè gerebat, graviter Zuentibaldi duritiem, datis ad Stephanum Pontificem Romanum litteris, incessebat: verbo, hominum odia flagitijs irritantur, & nemo habet ex animo obsequentes, qui sibi ipse non novit imperare. Arnulfus appellatus à Comitibus, totius causæ gessit arbitrium, eamque ex æquo & bono sic composuit, ut illi loco pristino restituti, quietem sibi non aliam sperarent, quàm quæ ab homine feroci poterat expectari.

Flodoard. lib. 4. c. 4.

Hisce rebus successit bellum civile Moravicum, quod Moymiri & Zuentibaldi, qui parenti successerant, fraternâ discordiâ, & Aribonis Norici Comititis, & Isanrici filij fraudibus excitatum, dissidentes graviter inter se collisit. Arnulfus Cæsar à Zuentibaldo invocatus, Luitpaldum Marchionem subsidio misit, cum exercitu è Boijs collecto, cui cum Moymirus par non esset, sui copiam non est ausus facere. Cum se munimentis teneret, nihil gestum est memorabile, sed tota tempestas miserorum fortunis incubuit, quibus direptis, Boij prædâ graves in Boicam sunt reverti, Aribo ejusque filius comperti malis artibus dissociasse Fratrum concordiam, & belio causam dedisse, pro merito poenas dederunt. Præterquam, quod utriusque nomen notatum fuit infamiâ, pater, ut publicis indignus honoribus, redactus est in ordinem: filius perduellione crimen exaggeravit: cum enim Matarum Norici urbem insedisset, indeque viciniam infestaret, anno sequenti, hostis Reipublicæ ab Imperatore renunciatus, & extortâ per vim Mataræ deditio, abreptus in Ratibonensem custodiam, ut capitis supplicium evaderet, deceptis excubijs ad Moravos profugus, infame toleravit exilium.

AN. CHRIST.
DCCC.
XCII.
LII.
BELLUM
MORAVI-
CUM INTER
FRATRES.
ARNULFUS
ALTERUM
IUVAT.
MORAVIA
DIREPTIO.
ARIBO ET
ISANRICUS
BELLI CON-
CITATORES
PUNITI.
ISANRICUS
PERDUELLIS.
RANSHOVII
CŒNOBII
ORIGO.
LIII.

Istiusmodi facinorosorum hominum ferax hoc ævum fuit. Erimbertus Bojus, sanguine fortunisque illustris, iudice Arnulfo causam dixit in vinculis, ut crimen dilueret, quo res moliri novas insimulabatur. Agebat id temporis Imperator Ranshovij, nobili Boicæ prætorio, quod hoc anno ab Hundio scribitur cœpisse in sacros usus converti, tenuibus quidem initijs, sed quæ in amplum cœnobium evaserunt. Arnulfus (uti videre est ex ejus tabulis, anno imperij tertio, datis) eò loci ædiculam D. Pancratij cultui dedicavit, quam à primâ sui origine Cæsar Ellenbrechto sacerdoti, (Ellembertum nuncupant alij) regendam dedit. Ejusce ædificij authorem produnt Wichingum Batavientem Episcopum, Arnulfi Cancellarium, vitum magni nominis, & præcipuæ apud eum dignationis, quippe cujus prudentiâ potissima regni consilia & summa rerum agendarum vertebantur, sive res publica foret moderanda, sive privatorum gratiæ & bene meritorum præmia decernerentur. Hærebat continuo Regis lateri, & servabat sanctius sigillum, quo edicta legesque, & quicquid erat supremæ æstimationis, ex Regis voluntate solebant obsignari. Etenim jam inde abs Imperatoris Justiniani ævo, Cancellarij munus erat inter primos honores: unde Cassiodorus Marcellinum Comitem, adhuc patricium, perhibet, Justiniani Cancellis præfuisse. Quæ in hunc locum ea propter referre visum, ne ejus officij nomenclatio ad amanuensium operam, in publicis, aut privatis judicium excipiendis scribendisve, vel liturâ inducendis rescriptis, si quæ rei communi minùs essent accommodata, uti quidam Jurisconsulti volunt, reducat. Wichingum eo munere cum laude functum, mitræ Bataviensi Arnulfus admovit: Theodomarus Archiepiscopus Salisburgensis tanquam vitio creatum, ex Provincialium Episcoporum sententiâ amovendum censuit, quod tamen Decretum non est datum executioni ante Arnulfi mortem, qui Wichingo rogante, hoc anno Ba-

CANCELLA-
RII UNDE
DICTI?
*Cassiod. In-
stit. divin.
lib. 1. c. 17.
Godefr. ad C.
de assessor.
Guid. Pan-
cirol. alij.*

ÆDIS CA-
THEDRALIS
FRISINGÆ
INCENDIUM.

ravum jam olim Ecclesiæ Bataviensi ab Otilone & Thassilone Boicæ regibus attributum, novis tabulis asseruit. Frisingensis princeps basilica igne hoc quoque anno conflagravit unâ cum tabulario. Utriusque instaurationi, Arnulfus ejusque filius regiâ liberalitate subvenerunt. In eum censum venit Veringa pagus ad Isaram nobilis, insigne munus Ludovici.

CONIURA-
TIO IN ZU-
ENTIBAL-
DUM.

CAROLUS
SIMPLEX
LOTHARIN-
GIAM INVA-
DIT.

LIV.

PACEM FA-
CIT CUM
ZUENTI-
BALDO.

Regin. M.S.

AN. CHRIST.
DCCC.
XCIX.

Dum Arnulfus in Deo sibi demetendo, & transmittendâ ad æternitatem largitione occupatur, Zuentibaldus degener filius sibi parabat exitium. Ufus erat domi militiæque consilio & fortitudine Reginari (Regnerum alij nominant) quo magis fidum, & ad res gerendas meliorem non erat expertus. Talem tantumque virum, stimulatus malevolorum invidiâ, sibi sumpsit evertendum. Eum indictâ causâ jubet intra decimum quartum diem, Austrasiæ sinibus excedere, neque venire deinceps in suum conspectum. Magnanimus vir & suæ existimationis studiosus, perculsus inopinato nuntio, sibi adjungit Ottocarum Comitem, simili æmulo- rum dolo appetitum. Uterque certus famam vindicare, vel perire fortiter, Durfos in Mosæ restagnantis æstuario invadunt, & arte sic muniunt, ut difficillimi esset aditus, nedum expugnationis. Eum locum defensum idoneo præsidio, pro receptu tenebant, nihil ultra tentantes, ne Zuentibaldi iras magis accenderent: verum ubi ille se odij tenacem ostendit, cepitque quâ insidijs, quâ apertis conatibus eos inde velle eijcere, Carolum Franciæ Regem, cui Odo, die Januarij tertio moriens, Galliam universam reliquerat, magnis promissis inducunt in spem regni Lothariensis occupandi. Nec mora: Lotharingiam ingressus cum validissimis copijs, tantum Zuentibaldo metum iniecit, ut, cum pares resistendo vires in tempore nequivisset expedire, rebus in magnam desperationem adductis, fugâ sibi consuluerit. Eâ rerum animorumque consternatione, haud dubia regno perniciēs creabatur, nisi Franco Tungrorum Episcopus fugitivum erexisset. Saluti fuit, eo suadente, transmissio repenti Mosâ, ad locum, cui Florenchæ nomen, iter vertisse. Isthic præter omnem spem offendit omnes ejusce Provinciæ Optimates in armis, subsidia- riam manum promptamque operam offerentes. Cum aliæ super alias turmæ ad signa magno numero confluxissent, efficerentque speciem justi exercitus, Zuentibaldus ausus est movere in hostem. Carolus ad Prumiam castra locaverat, certus, rem committere supremæ dimicationi. Zuentibaldus iam ferocior, aciem quoque in ejus conspectu explicuit, & signis infestis erat concurrendum, cum ultro citro- que commeantes, pacis sequestres utriusque Regis animum sancito fœdere composuerunt. Verum cum eâ pactione Reginari & Ottocari defectionem complexi non essent, Zuentibaldus anno postero eos in Durfensi munitione arctè circum- sessos supretho conatu oppugnavit. Cum nihil armis contra viros fortissimos profecisset, à sacrorum Antistitibus magnâ contentione flagitavit, ut eos diris devotos piorum cœtu moverent. Verum cum nihil appareret culpæ, cur viri magnanimi tali fulmine peterentur, negarētque præfules, se in illos iniquè pronunciaturus, Zuentibaldus furore amens, jactis in sacrum ordinem contumelijs, totum à se longè, quàm antè, vehementiùs alienavit, eò maximè, quòd Ratbodi Trevirensis Archiepiscopi caput, impacto fuste, per summam audaciam fuisset ausus ferire. Paulò antè ad fanum D. Goaris fuerat Arnulfi & Caroli Simplicis Legatis collo- cutus, frustra quoque tentatum, si quâ ferox animus se suâque pericula respiciens ad tran- quilliora consilia reduceretur. Sed ruenti ad interitum omnia in cassum fuerunt. Quæ post ejus discessum, de Lotharingiæ regno inter legatos acta, in apertam ejus perniciem postea eruperunt. Omnia vertunt in malum illi, quem fata ruinæ de- stinârunt.

UTA AR-
NULFI Uxor
ADULTERII
ACCUSATA
ABSOLVITUR

Hoc ipso tempore Regino Prumiensis Abbas, officium, quo per septennium egregiè functus erat, Gerardi & Matfridi ambitione motus, Richario horum Co- mitum germano cedere coactus, privatam deinceps agens vitam, totum se pietati & scriptioni, quâ hodie fruimur, in D. Maximini Trevirorum asceterio, dedit: quod nostrâ ætate extractum è sepulchro lapideo epitaphium ostendit. Eâdem tempestate Uta Arnulfi conjunx adulterij delata, septuaginta duorum Optima- tum

rum iudicio innocens est habita. Mirum, quanta fuerit hominum nefariorum in Principum famam, ipsamque vitam licentia. Vix evaserat Uta suorum accusatorum insidias, cum suborti alij, qui maritum Imperatorem veneno appetiverunt. Rodburga poculum, quod nervos membrorumque vigorem solveret, herbis temperavit, quod scelus, acta in furcam, luit Epilingæ. Garamus parricidij instigator. Oetingæ obtruncatus, tertius aliquis fugâ se supplicio subduxit. Ea pestis Arnulfi jam antè afflictam valetudinem insigniter labefecit.

ARNULFO
TEMPERA-
TUM VENE-
NUM.

L V.

Subinde recrudescente inter Moravos civili bello, ex fratrum Moymiri & Zuentibaldi odijs, Boij, fugato Moymiro, Zuentibaldum, cujus vita tuta non erat inter Moravos, in Boicam adduxerunt. Ea fuit rerum ab Arnulfo gestarum coronis, quam ejus vitæ varia fortuna imposuit. Tertio calend. Decembris Reginoburgi, morbo articulari (vel quod alij volunt) pediculari extinctus; quod mortis genus Luitprandus adscribit varijs delictis, violatarum præsertim Ecclesiæ legum & sacre dignitatis. Exequiæ illi factæ regiâ pompâ apud D. Emmerammum: quanquam eum, Regino scribit, Oetingæ esse sepultum. Vero similis est, eum sibi ad D. Emmerammum conditorium elegisse, ne mortuus longè abesset ab ejus basilicâ, prope quam vivens Regiam construxerat, quâ præ quàm alijs libentissimè utebatur, ut ex eâ suas cum Divo tutelari curas religiosis precationibus supplex communicaret. Si quid peccavit in sacrorum hominum ordinem, id factum vitio temporis, quo vel ad Caroli Magni exemplum aliorumque Regum, complura, Cleri libertati parùm consentanea, in morem irrepsent: atque hoc ipsum videtur emaculasse eximiâ in multas Germaniæ Ecclesias, publicis probatâ tabulis liberalitate, & præstitâ adversus violentos Romanæ sedis perturbatores defensione: quo nomine commendatur ab Arnulfo Comite Vohburgensi in vitâ S. Emmerammi, quem Divum, ut præcipuâ semper veneratione est prosecutus, ita eum sensit in varijs eventis beneficium. Quo in numero idem author, sine certo anni discrimine, reponit insignem victoriam, quam de Moravis reportavit. Afferit, in eo prælio visos esse ab hoste cœlestes Genios, ductantes Arnulfi legiones, donec inclinatâ Moravorum acie, globus hostium pugnam instauravit, ductore quodam, qui arrepto Zuentibaldi clypeo, cum prætorianâ cohorte ad Arnulfum penetravit, tanto ardore, ut Rex propè abfuerit à supremo vitæ discrimine: at verò periclitanti præstò fuisse, formâ supra mortalem augustiore senem, qui se dixerit Emmerammum, detractòque furenti clypeo, prætorianorum globum averterit in fugam. Inter præclara Arnulfi beneficia in Ratisbonenses, illud est minimè obscurum, quod urbem, nupero incendio in parietinas & busta redactam, ad D. Emmerammi honorem, suo nitori restituere sit aggressus, operi supremam manum haud dubiè allaturus, nisi in fervente conatu eum vita destituisset. De translatis, ejus beneficio, ad D. Emmerammum reliquijs S. Dionysij Arcopagitæ, ut de re, quæ in-

ARNULFUS
MORITUR.

*Annal Franc.
Hermos.*

*Arnul. lib.
i. de S. Em-
meram.*

COELITES
ARNULFO
OPITULAN-
TUR CON-
TRA MORA-
VOS.

ter diversarum partium Scriptores est admodum contro-

versa, non est mihi promptum ju-
dicare.




BOICÆ GENTIS
ANNALIUM
PARTIS I.
LIBER. XIII.

Zuentibaldi Arnulfi F. insolentia & interitus. Tumultus Moravici. Vngarorum grassationes, sævitia, clades. Berengarii ambitio, exilia, fluxa fides. Adalberti Babenbergensis turbæ, cædes. Mors & genus Luitpaldi Comitis. Maingoldus trucidatus claret famâ sanctitatis. Boij cæsi ad Augustam Vindelicorum. Ludovici Regis mors præmatura: ejus successor Conradus Franco, Othonis Saxonis, suasu. Arnulfus Malus Boicæ Princeps, rebellis exulat, restituitur, vincit Vngaros, capit Veronam: ejus vindiciæ & laudes. Conradus Cæsar successorem nominat Henricum Aucupem Saxonem. Gallos prælio vincit ad Parisios. Ei succedit Otho filius. Augusta Vindelicorum servata adversus Nortmannos à D. Vdalrico. Defensa pudicitia Adelindæ Virginis. Lancea triumphalis Constantini Magni.

AN. CHRIST.
DCCCC.

LUDOVICUS
REX SALU-
TATUS.



I.

Arnulfus in regni spem, ex Uta Ludovicum filium ante septennium rulerat, à cunctis Ordinibus semel iterum sceptro destinatum. Reliquum erat, ut cum solenni ritu, regiis cultum insignibus, Regem salutarent. Id factum anno sæculari nongentesimo, Forchemij, oppido Bambergensis ditionis, ubi regni Germanici Optimates, coactis de more Comitibus, cum in solio locatum, communi consensu Regem esse jusserunt. Rebus moderandis admoti viri Principes, dignitate & sapientiâ præstantes. Valdoni Frisingensi Episcopo commissa regis pueritiæ institutio: tutela Hattoni Archiepiscopo Moguntino, & Ottoni Duci Saxoniz: Theodomaro Salisburgensi Archiepiscopo demandatum Cancellarii munus: Luitpaldo viro in primis forti, & Principum propagatori, data præfectura limitis Boicæ Orientalis.

Hæc

Hæc agebantur in Germaniâ, cum Zuentibaldus Rex Lothariensium, indies seipso crudelior, ad exitium properabat, ijs gradibus, qui citra ingens discrimen à Principibus non teruntur. Ille sùsque deque habitâ populorum salute, totus erat in augendo aulæ luxu, exhaustiendis, per nova tributorum nomina, privatorum opibus, procerum facultatibus & dignitate, contemptu nobilitatis, Optimatum plerisque de gradu movendis; extollendis nauci homuncionibus, quorum potissimum consilio, adjectis etiam ad consultationes mulierculis, utebatur. Impune agebantur latrocinia, immo & ab ipso jubebantur, civilis sanguis largè fundebatur; & si quis eum auderet de tristi Reipublicæ conditione monere, nihil præter superba responsa, contumelias, & maleficia referebat. Quibus rebus publicum in se torius gentis odium provocavit. Proceres indignè habiti, palàm ejus facta detestabantur, aspernabantur imperia, tandemque in ejus perniciem cœtus agere, & de Regno ipsi adimendo deliberare cœperunt. Inità inter se conjuratione, non fuit ipsis arduum, Lothariensium populorum animos, continentibus injurijs exacerbatos, ad defectionem impellere: facile ex malis præsentibus oritur rerum in melius novandarum cupiditas. Proximum fuit, ut Ludovicum Regem Zuentibaldi fratrem, quamlibet rebus gerendis valde immaturum, summæ rei imponerent. Id nullo negotio persuasum Ludovici tutoribus, quos honestissimâ legatione magnisque promissis pellexere in suam sententiam. Rebus ex composito decretis, Germaniæ Principes, ii præsertim, qui Regi continuo aderant, eum sunt comitati in Lotharingiam. Venienti, uti convenerat, ière obviam Lotharingi ad villam Theodonis, ubi solenni formâ se suasque fortunas ejus imperio devoverunt. Nihil eo præsentis ausus est movere Zuentibaldus, sic, malè sibi conscius, obtorpuerat ad casum inexpectatum. Verùm mox, ubi Ludovicus in Germaniam recesserat, versus in desperationem, iras coquere in Optimates, queri, se ab ijs proditum, nefarium quemque pro se armare, iisque circumdatus, flammis ferroque obvia quæque sternere, sævire immaniter; ratus, se factorum atrocitate, quæ pessima est obsequij conciliatrix, rebelles ad officium retracturum. Verùm ut patentur armis imperia, non retinentur tamen, nisi accedant imperantium beneficia & amor populorum. Ruebat videlicet homo vâsanus & insanabilis in præceptis. Ludovicus cum justo exercitu in Lotharingiam reversus, adscitis popu-

ZUENTI-
BALDI LO-
THARINGIÆ
REGIS PRA-
VA GUBER-
NATIO.

Herman.

CÆDES.

Aucto tantâ potentix accessione, subortus in Morâvis tumultus, ad quem compescendum, Boij sociati Bohæmorum auxilijs, ingressi Moraviam, cum hostis in præsidia receptus, nusquam prodiret, tres omnino hebdomades populationibus, vastandisque seditiosorum tectis, nullo præterea operæ pretio, impenderunt. Vix ea tempestas posuerat, cum mota est alia ab Ungaris. Jam passim malis omnibus vexaverant Italiam, & cæsis uno prælio viginti Italogum millibus, interemptisque aliquot Episcopis, fœderis obtentu, exploratores miserant in Boicam; quando reperto ejus invadendæ aditu, repente, cum universis copijs, inobservati, trajecto Anasso flumine, in eam se infuderunt, tanto numero & prædarum aviditate, ut per quinque leucarum spatia sparsi, quaquaversum, regionem direptione, flammis cædibusque miscuerint. Boij, tumultuario delectu ad arma coorti, quantum in re subitâ licuit, exercitum eduxerunt, certi pugnam decernere. Verùm Barbari, ijs non expectatis, Danubium transmissi, prædas recipiunt in tutum, & Aquilonatem tractum, omnibus affectum maleficijs, diripiunt, nemine, qui inhiberet, occurrente. Aderant Luitpaldo, limitis Comiri, è Boicâ nobilitate complures, unâ cum Richario Bataventi Episcopo, qui in militari senatu cen-

TUMULTUS
IN MORA-
VIA COER-
CITUS.

II.

Annal Franc.
Herman.

UNGARI IN
BOICAM IR-
RUMPUNT.

UNGARI A-
LIQUOT CÆ-
SI; DEMER-
SI.

Part I.

Rr

Opi

Opi divinæ attributum, quod ne unus quidem è Boijs fuerit desideratus. Hoc fuit tragicæ calamitatis, quæ postea ab Ungaris invec̃ta est, præludium.

MORAVO-
RUM IN BO-
IOS CALUM-
NIA.

III.

REFUTAN-
TUR ROMÆ.

SECUTA RE-
CONCILIA-
TIO.

AN. CHRIST.
DCCCCI.
GEMINA
UNGARORUM
CLADES.

ADELINDÆ
VIRGINIS
PUDICITIA
DEFENSA.

AN. CHRIST.
DCCCCII.
LUDOVICI
IN ECCLE-
SIAM TRE-
VIRENSEM
BENEFICIA.

IV.

Hepidan. in
Annal. Tom. I
rer. Aleman.
UNGARI BE-
RENGARIO
FOEDERATI.

Secundum hæc, cum Moravis non ferro, sed legibus fuit certandum. Illi, Moymiri principis instinctu, Romæ egerant, uti sibi aliunde quàm è Boicâ, quam implacabili odio, & anniversarijs ferè irruptionibus sentirent infestam, Sacra, Sacrorumque Antistites habere liceret. Id quod promptius impetrarent, non aures modò Pontificis vanissimis in Bojos criminationibus impleverant, sed manus etiam quorundam Pontificiorum auri corruptelâ; id præcipuè commenti, Bojos, auctores Ungaris fuisse nuperæ in Italiam expeditionis, idòque cum ijs fœdere, in orbis Christiani perniciem conspirâsse, neque averfari Barbarorum numina, sed induxisse morem, per Canis & Lupi nomina dejerandi. Se proinde, tamen hæcenus à Batavensibus Episcopis sacerdotes & Divina acceperant, cupere tamen ab ijs liberari, quorum superstitiones, & religionis contemptum probare non possent. Jam in eo erat, ut alios Antistites à Pontifice impetrarent, & de interdicendo Boijs Sacrorum usu, Romæ seriò ageretur. Cujus rei fama, cum ad Boicæ Episcopos manâset, per litteras, Moravorum calumnias accuratè refutaverunt. Eò plurimùm contulit Hattonis Archiepiscopi Moguntini patrocinium, qui collaudatâ Bojorum pietate, & studio defendendæ religionis, scriptis ad Pontificem litteris, omnem illi dubitationem exemit, discussitque Moravorum imposturas, qui demum fessi bellis, sublati odiorum causis, Regi Ludovico unâ cum Ifanrico Comite, quem ad eos profugisse paulò antè diximus, fuere reconciliati.

Sed & illis annus insequens, longè quàm superiores, fuit fortunatior. Inter geminas Ungarorum clades, recenset Hermannus illam, quam acceperunt à Moravis, memorabili pugnâ superati: alteram pari fortunâ à Carantanis, quorum fines invaserant, retulerunt. Visa quoque pudicitia DEO devota, cœlo auspice, hoc anno triumphare. Adelinda sanguine illustris, Attoni Comiti nupta, Buchovianum Virginum domicilium à se constructum DD. Cornelio & Cypriano Martyribus in Sueviâ dedicaverat. In eo Adelinda, ejusdem filia, religionis studio, inter sanctimoniales vitam à turbis remotam agebat. Tergemini ejus fratres, Beringerus, Reginolfus, & Gerardus, hanc illi felicitatem invidentes, statuunt profanis eam nuptijs irretire. Quamobrem è monasterio invitam abducunt, nihil pensi habentes, quanto se scelere obstringerent. Verùm DEUS, ad quem potissimùm spectabat injuria, quippe cui illa publico ritu in manus convenerat, eam temeritatem severè ultus est. Cum haud procul abessent à Parthenone, delati sunt in hostes capitales; pugnâ repente coortâ, sacrilegi raptores interficiuntur, & virgo incolumis suis sodalibus reddita, eâ vixit pietate, ut matris sociarumque judicio, visa sit idonea, quæ sacro isti cœtui, cum Antistitæ potestate, præficeretur.

Hæc in Sueviâ, cum Ludovicus Rex non modò pro Boicâ, adversus Ungarorum irruptiones, per limitum Comites strenuè laboraret, sed studeret etiam amplificandis Ecclesiarum facultatibus extra Boicam. Extant ejus vetustissimæ tabulæ, anno, quem recensemus, datæ, 13. Calend. Septembris, in villa Wodegozzingâ ad Saram, haud longè ab oppido Walderfingâ. Illic visitur hodie celebre Monasterium ordinis Præmonstratensis. Illis tabulis Ludovicus principi urbis Trevericæ Basilicæ restituit jus antiquum monetæ cudendæ, telonium omnèque tributum, & agrorum decumas, intra & extra civitatis pomerium, per omnem istius limitis Comitatum, quæ olim Archiepiscopi juribus obstricta, temporum hominumque injuriâ in Comitum aliâsque manus abierant. Fertur quoque, hoc anno Circium, quod hodie est Lotharingicæ ditionis, & pagum Orsivillum eidem Ecclesiæ donavisse.

Qui de Chussolo Ungarorum Rege, cum numeroso milite hoc anno à Boijs cæso, scribunt, id tam jejune & levibus conjecturis faciunt, ut ipsâ scriptionis exilitate rem obscurent. Id paulò clariùs in hunc annum licet conijcere, quod Luitprandus de duobus eorum regibus, Dursaco & Bugato, scriptum reliquit. Eos videlicet Chussolo suffectos, Italiam atroci bello lacerâsse, junctosque Berengario, malam

malam navasse operam. Et verò id temporis miserrima erat Italiæ conditio. Et enim cum dira passim crudelitatis exempla, quæ ab Ungaris edebantur, Italos ad concordiam debuissent revocare, ij nihilominus Ludovicum Bosonis filium, postea quam Arnulfus in Bojariam reverterat, semel iterumque exciverunt, eo demum eventu, ut, cum ille magnis viribus Berengarij fortunam caputque peteret, nec sineret ullo loco pedem figere, profugo tutela fuerit inter Bojos exoranda. Non deerant quidem Ludovico causæ, cur receptum negaret, memor non semel violatæ fidei; verum fortis humanæ commiseratione, tutam illi exilij sedem præbuit, nolens (ut miri erat indole) tristibus exemplis regni primordia dehonestare. Quare Berengarius in omnem reparandæ fortunæ occasionem intentus, tam nullos iniecit frenos inveteratæ regnandi cupiditati, ut etiam per certos homines clandestinas cum suis partiarijs conspirationes foveret, exploraret adversariorum consilia, & sensim vires colligeret, quibus ad repetendam Italiam uteretur. Ejus interim æmulus, omnis periculi securus, rerum in Lombardiâ & Tusciâ potiebatur, nihil providens in futuros casus, quod ipsi denique fuit exitiale, uti paulò post referemus.

BERENGARIUS IN BOJARIAM CONFUGIT.

Non deerant etiam in Germaniâ civiles factiones. Adalbertus Henrici Franconiz Ducis filius, Ortonis Saxonum Ducis ex filiâ nepos, multis implexus finitimorum simultatibus, quos arrogantia, quæ nobilitatis pestis est, offenderat, jam inde ab anno DCCCXCVII. ex inani contentione de majorum cetis & opum magnitudine, internecina, cum Rudolfo Herbipolensi Episcopo, qui & ipse avorum longam seriem jactabat insolentiùs, nec parem, priorémve pati poterat, gerebat odia; quæ utriusque consanguineos, amicos & affines inter se commiserant eâ pertinaciâ, ut, quæ fuit istius ævi cruda licentia, innumerorum propè viro- rum fortium vitam fortunâsque exhauserint. Erant Adalberto fratres gemini, Adalhardus & Henricus, paris cum ipso temeritatis. Audaciam acuebat factionum multitudo, & arcis Bambergicæ firmitas, è quâ adversariorum castella, vicos, clientes, incurfabant. Sed & Antistes paria reponebat. Inter varios conflictus, is fuit atrocissimus, cum Adalbertus unâque fratres, validâ stipati armatorum manu, in Rudolfum, Eberhardum & Gebehardum fratres, manus adverso Marte conseruere. Cum primum ejus impetum Rudolfini fregissent, cæteram aciem averterunt in fugam. Cæsus fuit Henricus, captus Adalhardus, & Gebehardi jussu obtruncatus. Sed neque victoribus Mars fuit incruentus. Eberhardus multis affectus vulneribus, inter cæsorum cadavera repertus, paucis post diebus mortem oppetijt. Is fuit primus fructus inanis discordiæ, quæ sequenti anno, majore, quàm aliàs, furore repetita, irato numine, quem sanguinariæ Episcopi dimicationes non poterant non offendere. Saxitum in ejus ex fratre Eberhardo, securi non ita pridem occiso, nepotes, quos simul cum matre omnibus possessionibus exutos, Adalbertus ultra sylvam Herciniam, quæ inter Mænum est & Binitium amnes, vulgò Speshartam, ejecit in exilium.

CIVILES FACTIONES IN GERMANIA, INTER ADALBERTUM FRANCONEM ET RUDOLFUM EPISC. HERBIPOLEN.

V.

PRÆLIUM.

AN. CHRIST. DCCCCIII.

In Italiâ res erant utcunque quietæ, Ludovico filio Bosonis, qui futuri se- cors Veronæ degebat, nihil minùs timente, quàm clancularias fraudes factiosorum. Illum Adelardus Papiensis Episcopus, qui occultè Berengarij partes sequebatur, dolo evertit, locutus in hanc sententiam. *Quod Cælites tibi, ô Rex, regnòque tuo fortunent, jam tandem es affectus, quod à multis retrò annis, omnes ex animo suspiravimus. Pacatam sine rivali obtines Italiam. Berengarius perpetuo clausus exilio, & rerum inops, tam desijt timeri, quàm jam dudum fuerat odiosus. Debes tuæ virtuti, quòd ameris ab omnibus: nos cælo debemus, quòd regem nobis dedis, qui nostrâ gaudet libertate, qui benignitate ac clementiâ temperat imperium, gravissimus sub- jectis, exteris formidandus. Hoc omnium animis altè insedit, te non dominationem & servos, sed rectorem & cives cogitare, nullâque re magis delectari, quàm dandâ nobis incolumitate. Crede mihi, genius noster est, bonum Principem diligere, easque suspicere virtutes, quæ gaudium generant & amorem. Experiris, opinor, quæ Procerum sit in te fides, quàm sincera charitas civitatum, quàm proum omnium obsequium. Accepisti*

AN. CHRIST. DCCCCIV. ADELARDI EPISC. DO- LUS.

VI.

plausus vulgi, in quibus nihil fucatum; audisti acclamationes, quæ non habuere fingendi tempus, in illo fervore popularis in te pietatis, quæ nullum habere potes firmitus munimentum. Neminem enim unquam melius tutata sunt excubia, vel tela circumstantium, quam populorum favor, qui sibi non timent, sed timent pro principe. Si dicere licet, quod sentia, certe sentio, te his esse securum: semel, quia te fortissimi viri circumdant: iterum, quia neminem habes, quem timeas. Aliud est, quod subtimide quidem, sed tamen sine furo dixerim: te videlicet nullo deinceps exercitu indigere, quia nec superest, quem subigas, nec subactus est quisquam, qui se tibi subesse non latetur. Id beneficij, si tua munificentia adyceres, ut neque cives militum contubernijs, neque hibernaculis coloni, neque nobilitas exterorum amulatione, premerentur, jam te universi, non modo ut regem, sed ut numen aliquod de cælo lapsum, amarent. Id an tua virtuti conveniat & majestati, tua sapientia est judicare. Certè, post tot bella, populi egerent aliquo levamento, & exhaustum stipendijs ararium nullâ melius arte, quam sublatis stipendijs potest suppleri. Ludovicus hisce captus delinimentis, copias, militari sacramento solutas, à signis dimisit. Mox Adelardus sociique conspirationis, Berengarium per occultos nuntios orant obsecrantque, ne cunctando, fortunam invitantem deferat. Ille compertâ clientum mente, Boicâ clâm excedens 12. Calend. Augusti, improvisus, Veronam (cujus fide maximè nitebatur) noctis silentio ingressus, nonnullos compertæ fortitudinis viros, Ludovico infensos, armat, & albescente die, in arcem evadit, & Ludovico, qui in D. Petri basilicam refugerat, exoculato, pronâ Italorum voluntate, recipit diadema.

BERENGARIUS VERONAM INVA-DIT.

LUDOVICUM EXOCULAT.

AN. CHRIST. DCCCCV.

VII.

Propiora hæc Ludovico Germaniæ & Lotharingæ Regi. Gerardus & Matfridus Lothariensis regni Comites, debellato Zuentibaldo, insignia D. Maximini virorum, & D. Irminæ nobilium puellarum, monasteria occupaverant. Eam sacram possessionum usurpationem dolebant Conradus & Gebhardus Hassi fratres, uterque primæ admissionis apud Ludovicum Regem. Et simul erat Conrado alia causa exercitus comparandi, crescens indies Adalberti Babenbergensis non modò potentia, sed etiam cupido augendarum opum ex vicinorum detrimentis. Quò occultius haberet belli consilium, quod Adalberto moliebatur, quasi copias legisset contra Gerardum & Matfridum, filio sibi cognomini negotium dedit recuperandi utriusque monasterij possessiones. Is vastatis utriusque clientelis, eos castrò, in quod se receperant, inclusos, sub Paschales ferias, ad petendam pacem adegit. Ejus parens habebat tum sub signis in agro Frideslariensi non contemnendam vim armatorum, & suum fratrem Gerardum miserat in Weteraviam cum justo exercitu, quo Adalberti molitiones averteret. Nondum se Conradus junior parenti junxerat, cum Adalbertus, Hassicas copias tribus dispersas locis, credens se facile profligaturum, si seorsim singulas aggrediretur, Conradum Seniores, belli caput, sibi putavit esse petendum. Tamen belli ratio suaderet, cunctatione filij fratrisque auxilia præstolari, tamen, ut erat manu promptus ac fervens, majora viribus ausus, Adalberto occurrit, & milite in tres phalanges divisò, prælij facit copiam 3. Cal. Martij. Ut ventum ad manus, duæ ex phalangibus, vim Adalberti non sustinentes, fugâ dilapsæ, nullâ Comitis adhortatione ad pugnam reduci potuerunt. Restabat tertia, quam metus accipiendi dedecoris, & undique circumfusus hostis, in officio retinebat, cum quâ Comes in hostem, fortiter dimicans, inter primos confossus occubuit. Eo cadente mox dilapsæ turmæ, & qui in vestigio restiterant pedites, universi fugam arripiunt. Adalbertus suos spolijs locupletes Babenbergam, vastatis Conradi finibus, reduxit.

ADALBERTUS BABENBERGENSIS CONRADUM HASSIÆ COMITEM PRÆLIO VICTUM NECAT.

Otto Frising. lib. 6. c. 15.

Ludovicus, ad quem pacandi regni cura spectabat, casu Conradi Comitis, (quem nonnulli eodem cum ipso parente natum, plures Carolino sanguine oriundum prodiderunt) offensus, simul memor tot Adalberti facinorum, judicavit, hominis insolentiam neutiquam esse ultrâ tolerandam. Quam ad rem, Triburiz Comitibus indixit. Eò vocatus Adalbertus, causæ diffusus, ipse vadimonio, adduci non potuit, ut se iudicio sisteret. Quare hostis imperij à Ludovico declaratus, & velut contumax, Ordinum suffragatione, bello petendus esse decernitur. Ille cum

cum tantæ se moli imparem sentiret, bellum cunctando ducendum ratus, in arce, quam Terrassam Regino, Otto Frisingensis Babenbergensem nominat, vim defendere constituit. Ludovicus arctè conclusum obsedit: sed cum obsidio extraheretur, nec spes esset propinqua, arcis rebus omnibus instructæ, in potestatem redigendæ, Hattonis Moguntini Antistitis, cujus ductum Ludovicus sequebatur, instinctu, ad artes conversus, præsetulit, se obsessum recepturum in gratiam, si modò bonæ frugis & vitæ quietioris spem ostenderet. Adalbertus nihil suspicatus doli, non detrectavit oblatum de pace colloquium. Hatto, qui consilium dederat, ejus exequendi visus artifex aptissimus: quamquam & Luitpaldo limitis Boici Comiti, partes aliquas necestandæ fraudis, Hermannus & Urspergensis adscribunt. Hatto fide publicâ receptus in castrum, Adalberto prolixè omnia de Ludovici clementiâ pollicetur, si eam lubeat implorare; seque in eam rem, quantam liceret operam allaturum. Experiretur duntaxat benevolum Regis animum, & eadem, quâ invitabatur, fide, præsentis genua prensaret. Cum hæreret Adalbertus; Ego, inquit Hatto, in me recipio, me salvum te & incolumem, quicumque tandem sit futurus eventus, in arcem reducturum. Credit asseveranti homo prisce credulitatis, seque accingit itineri. Paulùm ab arce processerant, nondum soluto jejuniis, cum Hatto simulans esuriem: Grave (inquit) erit, nullo cibo refectis, quod restat viæ, ad Regem, conficere: præstaret, si tibi quidem videretur, jentaculo saltem nos recreare. Idem, inquit ille, tecum sentio; revertamur in arcem, obsonij copiam habituri, cujus nulla est copia in popinis rusticanis. Regressi in castrum, curatis corporibus, rectà proficiscuntur ad Ludovicum. Vix aulam inierant, cum Adalbertus custodiâ vinculisque circumdatus, cum Episcopo de fraude cæpit expostulare: Atqui, ait, fidem exolvi, cum nihil præterea à me exegeris, quàm ut te salvum in arcem reducerem, & reduxi quidem: tu tuo periculo deinde me es ad Regem comitatus. Quicquid ille hominum divùmque fidem inelamaret, majestatis postulatus, judicium sententiâ, mox ad securim s. Idus Septembris est abreptus. Hattonis vafrementum Annales, ut homine sacro indignum, sunt de restat. Regino dolum pressit silentio, scripsitque, Adalbertum obsidionis pertasum, ultro ad Regem, tentandæ clementiæ causâ, prodijisse. Ejus bona redacta in fiscum, Babenbergensem Ecclesiam postea locupletaverunt. Ex ejus stirpe volunt prodijisse Albertum, qui succedentibus annis, Pannoniam superiorem Ungaris creptam, Romano imperio adjecit.

Franciâ Orientali gravi turbatore liberatâ, Ludovicus ad Mediomatticos profectus, in publico Australiæ conventu, Gerardum & Matfridum, publicæ quieti infestos, proscripsit. Argentiniæ concordiam inter Baltramum Episcopum & plebem sanxit: trajecto dein Rheno, se Germaniæ reddidit, & in Boicâ, per quæsitores, vectigalia & onera portoriorum, quæ immoderatè à publicanis exigebantur, ad eam rationem reduxit, quam olim Ludovicus Germanicus & Carolomannus certis legibus definierant, quas non pigebit ex Aventino referte. *Merces, naves improfesse, publica sunt. Navis, quæ ab occidentali regno venit, posteaquam sylvam Batavensem prætergressa est, sive Rosdorfj, (forse Kobelsdorff) sive alibi, venundandi causâ appellitur, semidrachmam, hoc est, scutatum unum pendat: si infra Linzium tendit, semimodios tres, hoc est, tres scaphulas salis solvat: copia postea sit cuique quolibet, versus Bohemiam, distrahendi gratiâ vehi. De mancipijs nihil penditur. Bojus salem domum transvehens nihil pendit: Boij, Slavi, bobus, caballis, clitellis, ut victum emant, commeantes, immunes sunt. Naves Tractorum nihil præstant. Carri clitellarij, qui Anassum transeunt, scaphulam præbent. Vendi, qui de Rugijs Bojemis mercandi gratiâ veniunt, de clitellâ scutatum unum tribuunt, de mancipio, caballis venditis, Saicam unam. Venedi verò in Bojariâ incolentes, ementes, vendentes, nihil tribuunt. Naves Salinaria, Batavensem sylvam egressæ nil pendant, donec ad Ebersperg (ad Traun) veniant. Si quis ad Moraviam navigat, de nave solidum solvat. Mercatores Indai, undecunque sint, de rebus & mancipijs pendant justum vectigal. Ungari, gens nata flagellandis Europæ sceleribus, ejusce*

ADALBERTUS
OBSIDETUR.
DECIPITUR
AB HATTONIS
MOGUNTINO.

II X.

LEGES VECTIGALIVM
ET PORTORIVM.

IX.

MALE PUGNATUM
CUM UNGARIS.

ITERUM INFELICITER
PUGNATUM.

LUITPALDI
GENUS.

Hund. 10. 2.
Metrop. pag. 249. §. 2.

X.

Avent. Ann. Boic. lib. 4.
Kelner. M.S. & in Genealog. Regino. an. 891. Gevold. in Geneal. Pift. M. S. de origine Ducum Bav. And. Presb. p. 31. & 33. Vlt. Eberff. in M.S. pag. 56. & 57. & in Geneal. operi prefixa. Laz. de migrat. gent. p. 529. §. 2.

Lips. prefat. in Poliorces.

provisionis fructus magnam partem corruperunt bello perquam atroci, quod ipsi fuit secundum; nostris, irato cœlo, calamitosum, nec sopitum aliter, quàm pretio, quod Rex quotannis pendere, & pacem redimere est coactus. Et hoc quidem anno, Barbaris Boicam incurfantibus, sese objecit Luitpaldus cum Bojorum exercitu. Illius virtute atque prudentiâ, res Boica, sub duobus Regibus, Arnulfo & Ludovico, hætenus steterat. Verùm fato pœnas exigente, malè pugnatum. Prælij ordinem solus Aventinus descripsit, sed sine teste, asserens, mense Sextili, triduo nostros continenter, adverso Marte, præliatos, cælamque maximam partem Boicæ nobilitatis, cum undeviginti Dynastis. Addit, Ungaros, post vastata Anassi confinia, tranato flumine, Matichoviæ prætorium, Matseense Monasterium incendisse, diripuisse: vastâsse Oetingam, Chiemensem lacum afflictaâsse, Tegernseense, Scheftlariense, Beuranum, Cochelense, Schlechdorfense, Polingen- se, Dieffen- se, Munchmunsterense incendio corrupisse. Pari furore sævierunt in Novam Ratisbonam, in Sandavium, Siverstattum, Thierhauptense, Lycationum monasteria. Rectâ deinde Danubij ripâ ad Abudiam delati, ingentes hominum greges captivos abegerunt. Boij prælio rursus congressi, juxta Lengenfeldam superati sunt & cæsi immaniter. Osterhovium, ubi Monasterium, Regia Principum & Mausolæum, incendio deletum. Tum trajecto Danubio, Altaichum superius & interius spoliatum: Bojaria Bojæmo finitima, Narisci, aliâque loca devastata.

Quantæcunque clades fuerint, potuissent tamen videri tolerabiles, nisi Luitpaldus cecidisset, quo cadente, Boica credita est ad ruinam inclinâsse. Eum ad Caroli Magni stirpem pertinuisse, sunt, qui ex tabulis Ludovici Regis, quas descripserunt Hundius & Gevoldus, conantur ostendere, eò quod à Rege dilectus propinquus nominetur. Eundem Serenissimorum Bavarix Ducum, qui hodie supersunt, conditorem plerique agnoscunt, sed in assignandis ejus progenitoribus dissentiunt. Domestici Scriptores tradunt, Luitpaldi patrem fuisse Arnulphum Comitem, quem Regino scribit anno DCCCXCI. in pugnâ, à Nortmannis, cæsum: Arnolphi patrem Bernardum filium Pipini, qui Pipinus fuit filius majoris Bernardi, nepos Pipini Italiæ Regis, pronepos Caroli Magni. Et de Arnolpho quidem opinio videtur esse nata ex Reginone, & ejus Continuatore, qui non obscure (ut notavit Joannes Pistorius) significant, Luitpaldum fuisse Arnolphi filium. In quam sententiam multi conspirant, contra Andream Presbyterum Ratisbonensem, Vitum Eberspergensensem, Lazium & alios, qui Luitpaldum, vel ejus filium Arnulfum, ex Arnulfo Imperatore genitum volunt, vel qui Henricum Comitem Babenbergensem origine ac ditione Franconem, Luitpaldi avum, patrem dicunt Adelberti, quod repugnat Hermannò Contracto, Mariano Scoto, & Abbati Urspergensî, qui Luitpaldum doli in Adelbertum struendi participem faciunt, quod fuisset parricidiale scelus pessimi filij in parentem, quale nemo prudens Luitpaldo bonis omnibus laudatissimo affinxerit.

Pistorius sic ratiocinatur. Quia nulla alia propagatio liberorum Caroli Magni, ex quâ nasci potuerit Luitpaldus, quam in Bernardi familiâ, vel alterius Caroli, qui Ludovici Pij ex Pipino nepos in Bavariam profugisse dicitur, quæri potest: Carolus verò ille Monachus ante fugam factus, nullas nuptias fecit; restat, ut ex Bernardo nepote Caroli Magni fluxisse familiam Luitpaldi putemus per patrem Arnulfum Comitem. Jam si in Bavariam adductum Pipinum cum filiis, & Comites factos esse in Lengenfeld, & nominatum Luitpaldum propinquum Ludovici Cæsaris, probaretur ex Bavaricis litteris, confecissemus negotium, & diceremus, certum esse, quod ex posteris Pipini istius natûs sit Arnulfus Comes, & quidem pro temporis ratione filius vel Pipini, vel Bernardi, nepos Pipini, pronepos Bernardi, abnepos Pipini, atnepos Caroli Magni. Ita Pistorius, cui si addas auctoritatem diplomatis Regis Ludovici, quo Luitpaldum vocat suum propinquum, verosimillimum est, eum ad Caroli Magni legitimam progeniem posse referri. Certè doctissimus Lipsius, Bavarix Duces à Carolo Martello, Caroli Magni patre descendere scribit. Cæterum, Luitpaldum cum Adelhaide uxore, filiâ Ottonis Saxonici,

Hen-

Hentici I. Cæsaris filia, Melici, quod est D. Benedicti in Austriâ Cœnobium, esse tumulatum, sunt, qui affirmant.

Alium Carolini sanguinis Ducem sustulit, anno hujus sæculi octavo, privatorum crudelitas. Fuit is Maingoldus Dux Hoyensis, matre Bojâ, Carolomanni Bojariz & Italiæ Regis filiâ, Arnulfi Imperatoris sorore, quo nomine venit in album Sanctorum Bavariæ. Acceperat ab Arnulfo, ad Hoyi & Mosæ confluentes, clientelas & latifundia, quæ circumfusa sunt oratorio DD. Timothei & Symphoriani Martyrum. Nuptias contraxerat cum Geilâ, viduâ Guilielmi Hannoniæ Comitis, quem Dux Albricus interfecerat. Geila ad Guilielmi vindicandam cædem, maritum, cæteroqui pacatum, impulit. Hinc odia inexpiabilia, rapinæ, incendia, bellum implacabile. Maingoldus, dum vim fortiter defendit, Balduinum, alij Bevinum, Albrici emissarium & belli facem, tollit è medio, quodque iras asperavit, Richardus Maingoldi nepos, Ingolfredum, adversæ factionis, occidit. Viceversa quatuor Balduini filij, dolore interempti patris amentes, in Maingoldi caput conjurant. Cum indies cresceret hostium numerus & cædium atrocitas, Maingoldus, damnatâ sanguinariâ contentione, habitu morèque pœnitentis, admissorum homicidiorum aliarumque noxarum voluntarias pœnas, armis positis, per septennium à semet exigit. Cum, spontaneâ suppliciorum severitate, crederet se hostium iræ fecisse satis, secessit ad oratorium DD. Timothei & Symphoriani, ratus, se eò loci, velut in asylo, fore securum, & ipso vivendi modo arma excussurum inimicis, qui sine dedecore non possent incessere quietum & prorsus inertem. Verum apud obstinatos plùs valuit furor, quàm decori & divini Numinis æstimatio. Ingolfredi amici, nondum pacati, omnem ejus vindicandi occasionem jam diu circumspectantes, cum de tollendo Richardo, Ingolfredi percussore, frustra laborassent, in Maingoldum patrum iras effundunt, & oratorium adeuntem immaniter trucidant. Ejus sepulchrum Deus miraculis celebravit, eumque homines opis egentes, faventem sunt experti, quando ejus patrocinium implorârunt. Quibus ex prodigijs, longè latèque manavit fama sanctitatis, quam est secuta piorum religio, concursus advenarum & fiducia supplicantium. Consentiens populorum veneratio, & Antistitum, seu diserta, seu connivens voluntas (qui mos per aliquot sæcula in Ecclesiâ tenuit) eum templo arisque dignum censuit. Hoyense Canonicorum collegium ejus natalem colit 6. Id. Februarij: ejusdem translationi decimus sextus Cal. Julij dedicatus est. Inter hæc Ungari Saxoniam & Turingiam, crudelem in modum, devastârunt.

Annus proximus, Boijs, Franconibus, Alemannis fuit calamitosissimus, tantæque fortissimarum alioqui gentium consternatione funestus, ut, cum nemo esset, qui furentibus Ungaris arma opponeret, quasi omnes pristinam virtutem formidine sepelissent, matres, pueros, puellas, viros, omnis ætatis innumeram multitudinem, passi sint abripi in servitutem. Nihil adeo tetrum ac infame, quod hostes non patrârint. Violârunt ingenuorum corpora, profanârunt Divorum templa, everterunt aras, exciderunt tecta miserorum, qui in sylvarum latibula, inque montes profugi, vel in loca mœnibus defensa, suas in agris clades mœsti è longinquo spectare cogebantur. Melior erat fortuna urbium. Cum enim Barbaris nec ars esset neque animus ad obsidendum, solis prædis & colonorum vinculis & sanguine pascebantur. Ut sese ad furendum accenderent, & majorem terrorem injicerent mortalibus, potabant occisorum cruorem, supra strues cadaverum epulas capiebant, scrutabantur viscera mortuorum, corda minutim concisa pro alexiterijs vorabant. Erat fœminis eadem, quæ viris, ferocia. Credebant, se post mortem habituros toridem ambactos & mancipia, quot mactassent hostes. Ut suam prolem ad truculentiam & labores durarent, ab infantiâ, frigoribus, vultus incisione, cæterarumque acerbis tolerantiâ formabant. Sed quod longè terribilissimum; cœlum mortalibus iratum, videbatur cum crudelissimâ gente conspirasse, & non modò fortunas ac vitam, sed etiam priscum animi vigorem, impietati dedisse in prædam. Ita gentes, cæteroqui pugnacissimæ, ad solum Ungarorum nomen exarmatæ, nihil præter fugam circumspectabant. Id

AN. CHRIS.
DCCCCG.

IIIX

XI.

MAINGOL-
DUS DUX
HOYENSIS.

Azot. part.
2. lib. 5. c. 6.

AN. CHRIS.
DCCCCIX.

XII.

UNGARO-
RUM CRUDE-
LITAS.

XIII.

LEX CON-
TRA MILI-
TIAM DE-
TRECTAN-
TES.

AN. CHRIST.
DCCCCX.
BOII AD
AUGUSTAM
CÆSI AB
UNGARIS.

PAX AURO
COMPARA-
TA.

AN. CHRIST.
DCCCCXI.

LUDOVICI
MORS PRÆ-
MATURA.

XIV.

Id cūm Ludovicus Rex mæstus aspiceret, ne tota patria denique exscindere-
tur, suppliciorum metu conatus est suorum animos ad audendum revocare. Quare,
ne quisquam detrectaret militiam, edicto sanxit, ut, quibus ætas virēsque debiles
missionem ab armis non darent, omnes omnino ad signa convolarent: qui secus
faceret, ad restim malamque crucem raperetur. Formidata turpitudine neque vi-
gorem restituit, nec abstulit terrorem. Acto per Franciam Orientalem & Sue-
viam acerrimo delectu, contracta quidem est ingens armatorum multitudo, sed
adēd pusillanimis, ut, cūm mortem domi militiæque æqualiter meruerent, trepida-
tione prius, quā hostili manu devicti, ex solo vultus pallore funestum belli omen
ederent. Locatis ad Vindelicorum Augustam castris, visum est, hostem opperiri,
qui adventu minimē exoptato, omnium animos complevit infauitissimi terroris.
Jam die in vespertum præcipiti, cūm satis superesse temporis Barbaris non videretur
ad faciendam lanienam, pugnam consultō differunt in posteram lucem. Vix
diluxerat, cūm illi prælium, effusa in nostros telorum procella, ineunt, & primo
impetu sternunt complures, acie nondum instructa. Qui ē nostris nondum erant
digesti in ordinem, promiscuo hostium nostrorumque clamore excitati, ocyus
concurrunt ad signa, animisque ex pavore utcunque collectis, irruentium agmen
opinionē fortiū excipiunt, sustinentque ad horam lucis usque septimam, prorsus
ut averſis Barbaris, victoriā in Ludovici manus venisse videretur. Verū mera fuit
fugæ simulatio. Disposuerant Ungari copiarum partem in insidijs. In eas no-
stri, in composito agmine, præcipientes, dum terga premunt recedentium, subito
telis obruuntur. Hic undique circumventis, iniquissimo Marte, prælium fuit in-
tegrandum. Ubi senserunt, se Barbarorum mole opprimi, acceptā fugā, instanti-
bus terga cadenda dederunt. Cæſorum corpora agros passim operuerunt. Qui-
bus fortuna non fuit infensissima, pars reversi ad suos lares, pars in saltus avios, pars
in urbes evaserunt. Hostis usus victoriā, Bojariam, Sueviam, & Franconiam im-
maniter vastavit. Ludovicus, cūm nec posset provincialium animos erigere,
neque pacem extorquere ferro, quod erat proximum, brevem quietis usuram auro
redemit.

Anno sequente, Comes Ratholdus, Sighardi Comitē, qui castrum Eber-
ſpergenſe condidit, filius, D. Augustini Canonicos Regulares Eberſpergam induxit,
eisque præfecit Hunfridum, virum prudentiæ & pietatis singularis, attributis pro-
ventibus, quos deinde Everhardus Ratholdi filius ampliavit. Cæterū Ludovico
à recenti clade vixdum respiranti, mors immatura, finem bellandi simul & vivendi
fecit, mense Decembri, ut vult Sigonius, & Onuphrius: alij, sequente Januario, in
ipſo ætatis flore, cūm nondum annum decimum septimum superaret. Cum eo
Caroli Magni soboles in Germaniā imperare desiit. Cūm enim sine prole esset
abreptus, nemo fuit reliquus ex stirpe regiā, quæ centum & quatuordecim annos
Boicam tenuerat, qui in ejus locum sumeretur. Quā ex orbitate magni in impe-
rio motus poterant exoriri. Vix enim rerum magnarum transitus sunt à pericu-
loſis jactationibus immunes. Tum enimvero multorum animi ad magnas spes
sunt erecti. In hæreditariā ſucceſſione nihil eſt turbulentum, major eſt in hære-
dem, quā aſcitiūm charitas, jus regnandi certius, flagrantior ſubjectorum affe-
ctus, constantior miniſtrorum fides, quia nōrunt, ſua præmia & honores, cum re-
gnante non emoritura, ſed manſura apud bonos ſucceſſores. Contrā, qui ſuam
fortunam in unius capite habent ad tempus conſtitutam, quia brevi creſcendi ſpa-
tio ſuam magnitudinem, opes, beneficia, vident circumſcribi, ſiunt in ambiendo
præcipientes, in cumulandis fortunis avidi. Eorum quoque, qui progeniti ſunt à re-
gibus, fundatior eſt authoritas & majeſtas, quæ prima ſunt imperantium funda-
menta. Quod ſi è diverſo ſceptra in novam domum transferantur, multi ſubna-
ſcuntur æmulī, quorum unusquiſque agrē ſibi patitur præferri, quem aliquando
parem vidit, aut inferiore: inde tot comparent inter candidatos, non ſine comi-
tiorum corruptelis & repulſā meliorum. Et eā quidem tempeſtate regis conſti-
tuendi rationem reddebat oppidō difficilem, quod nondum ſatis erant explicatæ
ſuffra-

suffragationum leges, quæ, succedentibus temporibus, Caesarum electiones fecerê
 sinceriores. Quibus ex causis, hoc rerum mutandarum initio, multa timeri po-
 terant, quæ tamen DEO (in cujus manu sunt sceptræ) consilia Procerum mode-
 rante, multò, quàm credebatur, benigniùs fuere discussa. Id altè insederat viro-
 rum sapientum animis, penes quos fuit potestas eligendi, quantamcunque poten-
 tiam magnis flagitijs pessundari, boni Principis virtute stare principatum, re-
 creari populos, pacem foveri, jura temperari. Igitur in regni comitijs, visus est ad
 ejus habenas aptissimus, qui optimus. In talem conspirârunt vota eligentium, &
 eum quidem, qui natus sanguine Saxonico, & ex eâ familiâ, quæ olim pertinacissi-
 mis odijs cum Carolo Magno diutissimè contenderat. Ita fato alternante, qui
 aliàs victi bello fuerant, jam virtute superabant. Is verò fuit Otho frater Mathil-
 dæ Reginæ, uxoris Ludovici Regis, princeps pace bellòque clarissimus. Habebat
 idem Henricum filium, multarum palmarum juvenem, æquè dignum fastigio, cu-
 jus subsidio devexa parentis ætas, in rebus manu gerendis, egregiè poterat sublevari.
 Nemo erat, quin crederet, Othonem ambabus ulnis purpuram amplexurum, ut
 eam saltem in suam familiam transferret; quo factum, ut omnes pronâ voluntate
 eam illi deferrent. Verùm aliam longè mentem suggestit cana sapiensque pro-
 positi honoris æstimatio, quæ ipsi ostendit, non id esse optimum, quod multos ha-
 bet prensatores, sed quod ab optimis est expetendum. Et certè sapienti, qui res
 omnes revocat ad rationis bilancem, cogitandum est, non quid offeratur, sed quàm
 sapienter & opportunè. Otho Proceres sic est affatus. *Magna res est, viri Prin-*
pes, imperium, sed magna, non felicitate, sed mole, qua si incumbat in impares humeros,
non extollit, sed obruit seipsam & evertit. Ferè magnifici tituli sunt fortuna potius
beneficia, quàm virtutis. Non sapit, qui se credit fortuna, & temerarius est, qui aggre-
ditur viribus & suâ virtute majora. Quisquis id agit, decus non colligit, sed ignomi-
niam. Iudicâstis, viri præstantissimi, me parem esse curis Imperij, agnosco vestrum in
me studium, cujus nulla me unquam capiet oblivio: atqui ego, qui paulò me penitus in-
tueor, longè alia de me sentio. Ut nihil dicam de tenuitate, si qua in me sunt, virtutum.
Cum meam ætatem expendo, quid magnum esse potest, quod seni effato, & annis fesso al-
lubescat? Abhorreo deinceps à grandibus verum magnarum curis, quæ me vel solâ cogi-
tatione perterrent. Et cæto, nihil foret in gerendâ republicâ operosum, quid juvaret
senem hodie sibi circumdare purpuram, quam dies crastina detraheret? Nolite, per
DEUM *immortalem, diurna facere imperia, ne, qui incipiet imperare, prius desinat,*
quàm bene imperârit. Senex non potest diu vivere, proinde nec imperare. Quid si
languidè imperet? hanc de se famam transmittet ad posteros, bonum fuisse futurum im-
peratorem, si nunquam imperâisset. Viro bono non sufficit videri, quod non est, sed esse,
quod videtur, si bonus esse videatur. Esse autem imperio bonus nemo potest, nisi si di-
utulè imperet, atque ipso usu discat esse bonus imperator. Horum cum nihil mihi pos-
sim polliceri, ignoscite, optimi Principes, si, uti ex animo facio, vos rogo, ne me supra vires
non tam honoretis, quàm oneretis. Sunt alij longè digniores istis honoribus: unum
quempiam ex ijs eligite, non erit arduum eligere me multò meliorem. Cùm constant-
ter abrueret, à proceribus rogatus, quem igitur censeret dignissimum? filio (quod
mirum est) præterito, Conradum Franconem, Contradi, quem ab Adalberto oc-
cisum diximus, filium, nominavit. Valuit tanti viri autoritas & modestia, ut
Conradus Rex salutaretur: illiustamen virtuti datum est, ut Pater Patriæ, qui Au-
gustorum pulcherrimus titulus est, nominaretur & esset, summamque Imperij suis
consilijs moderaretur. Certè, quoad superfuit, pacem egregiè tutatus est, hoc
ipso, quod suâ autoritate Principes in officio contineret.

Eo verò extincto, visâ est tranquillitas expirâsse. Discordiarum origo fuit
 ab Henrico ejus filio, veriùs à Conrado Rege, nisi nos fallunt Ditmarus, Ursper-
 gensis, & Witichindus, quorum hic author est, Conradum sæpe expertum Henrici
 virtutem, quæ impigro Principi & magnanimo, præaltos spiritus & modum posset
 suggerere, ad regnum affectandum, veritum esse, illi ex asse tradere simul Saxo-
 niam & Franconiam, paternam hæreditatem, unde illi robur suppeteret ad rebel-

XV.

OTHONIS
 SAXONIS AD
 SENATUM
 ORATIO.

OTHO CON-
 RADUM
 FRANCO-
 NEM ELIGIT
 IN CÆSA-
 REM.
 Abb. Visper-
 gen.
 Ditmar.
 Chron. lib. 1.
 CONRADUS
 ADVERSA-
 TUR HEN-
 RICO OTHO-
 NIS FILIO.

XVI.

landum. Et verò ille se egregiè fortem adversus Dalmatas & Ungaros, bellis difficilibus, præstiterat. Ne quid rerum novarum moliretur, Conradus iussit eum Saxoniz dominatu esse contentum, & in posterum Franconiâ abstinere. Henricus eâ potentiz diminutione vehementer uri, Saxoniz legiones contra Regem fremere, ejus accusare inhumanitatem & accepti beneficij oblivionem, quâ in primo statim regni aditu familiar de se oprime merita, à qua sceptrum de manu in manus acceperat, veteris fortunæ ornamenta detraheret, redigeretque in angustum ditiones, sine quibus iple crescere non potuisset. Illudne sit præmium factorum fortium & integerrimæ fidei, quibus hætenus Henricus excelluisset? Id si magno Principi tolerandum sit, quid futurum porro sit Saxonum promiscuæ multitudini præter ludibria, bonorum direptionem, novasque indies compedes servitutis? Sensit Conradus Henrici Saxonumque indignationem, quam in cassum nifus est, speciosis promissis, & amplissimâ Henrici commendatione discutere. Quare Henricus, quod Regis voluntate non poterat, decrevit armis impetrare. Principes alij, qui id exemplum ad se quoque pertinere arbitrabantur, fœdus armorumque societatem cum ipso paciscuntur, & comparant bellum periculosum. Inter fœderatos fuere, Arnoldus, alijs Arnulfus, Bojorum Dux, qui & ipse credebatur regno imminere: Burcardus Suevorum rector: Everardus princeps Franconum: Giselbertus Lotharingus, vis ingens & formidanda, quæ præter tot Germaniæ gentes, ipsam quoque Austrasiam trahebat in Henrici partes. Conradus periculi magnitudine haud mediocriter commotus, versare cœpit trepida consilia. Henricum, redditâ Franconiâ, mitigare mutatâ sententiâ, grave & indecorum erat majestati, & quædam metûs professio animique inconstantis. Et verò ambiguum erat plenumque discriminis, ne qui viribus imminutis cœperat irasci, iisdem receptis, ex professo fureret. Armis ulcisci rebellionem non erat integrum, propter tot Principum factionem, quæ facile dissui non poterat. Et apertè Saxonica legiones defecerant, ambigua erat cæterarum fides.

*Sigeb. ad an.
914. Visberg.
alij*

XVII.

Inter hos rerum rationumque conflictus, Hatto Moguntinus Archiepiscopus, ingeniosus fallendi artifex, ille ipse, qui Adalbertum Babenbergensem in fraudem induxerat, modum fertur suggessisse belli finiendi. Sed eum Annales tam puerilem describunt, ut, qui hodie & olim fuere paulò cordatiores, vix animum induxerint, ut crederent, consilium usque eò nefarium & stolidum incidisse ingenio tam excocto & veteratorio. Et sanè, si, quod aliqui asserunt, verum est, Hattonem vivo Ottone Henrici parente desisse vivere, scelus meditari non potuit. Verùm Lambertus Schafnaburgensis, Regino, Marianus Scotus, Hattone, scribunt, anno hujus sæculi duodecimo Moguntiz obiisse. Moguntinum Manuscriptum, quo Serarius usus est, ponit annum DCCCCXIV, Bruschi Catalogus, Hermannus Contraſtus numerum uno anno minuit. Ditmarus, Urspergensis Abbas, ajunt, illum ante has turbas obiisse, & quidem 12. Cal. Decembris, uti quidem conijcio, anni DCCCCXII. Ut ut ista se habeant, strophæ, quam ab Hattonem adornatam ferunt, suâ se simplicitate videtur confutare. Ajunt, fuisse consilium, Henricum dolo tollere. Eam ad rem, si verum habent scriptores, Hatto curavit torquem auream apud artificem, quam Henrico, specie honoris, donaret. Locus tempusque exequendi facinoris, ædes Hattonis & epulæ, ad quas Henricus erat invitatus. Rebus ita comparatis, Hatto, visendæ torquis causâ, ingressus ad aurificem, opere conspecto, altum ingemuit, rogatusque causam mœroris, respondit, aurum, tam bellè concinnatum, sanguine humano debere tingi. Aurifex subodoratus fraudem, Henricum monuit, caveret convivium & aurum fatale. Henricus, compertis insidijs, cum ad cœnam vocaretur, invitatori dixit, iret ad Hattonem, diceretque, Henricum cervicem habere, nihilo, quàm Adalbertum, rigidiorum: cum domi lætius epulaturum. Nec mora, Henricus Turingiam aliâque loca redegit in suam potestatem. Ista licet nihil, aut parùm persuadeant, adhæsit tamen Hattonis famæ labes vaframenti, quam nullus adhuc satis potuit eluere: ut proinde Mali cognomen, in Manuscripto minori Moguntino, in

*Serar. in Hat-
tone.*

*Ditm. lib. 1.
Chron.*

Chro-

Chronico Monasteriorum apud Bruschium aliosque sit consecutus. Quidam scribunt, cum fulmine tactum periisse; alij mœrore contabuisse; nonnulli, in Merceburgensi Martinopolitano conflictu, adversus Henricum proConrado pugnantem, occubuisse; alij denique, in Æthnæos ignes conjectum fuisse, auditamque in aëre, inter vehementes tonitruum fragores, feralem vocem,

Sic peccata lues, sicque ruendo rues.

In ista Scriptorum discrepantiâ, quid vero sit proprius, meum non est decernere: id saltem est extra dubium, Henricum Conrado intulisse bellum, diuturnitate grave ac molestum, & fortunâ varium, in quo tamen Henrici virtus partes tulit potiores. Inter ejus fœderatos, primas gessit Arnulfus Princeps Bojariæ, quem Ludovicus Rex ex Luitpaldo natum, tum ob egregiam indolem, tum ob parentis merita, Boico limiti imposuerat. Eum Aventinus, sed sine teste idoneo, vult Regem fuisse creatum: verum Aventino antiquiores, non Regem, sed Ducem, aut Principem Boicæ appellant, idque meritò. Nam uti videre est ex annis præcedentibus, postquam Bojaria Germaniæ regno fuit contributa, hæsitque penes Caroli Magni stirpem, tamen si regni nomen retinuerit, ei tamen à Rege, perinde atque alijs provincijs, dabantur præfecti, cum vicariâ duntaxat autoritate, qualis erat Comitum limitaneorum. Fiebat proinde, ut, nisi subinde aliud à Rege statueretur, Comites ex regio beneficio præfecturas ad filios transmitterent. Unde res paulatim eò producta est, ut, si Comites populos benefactis & æquitate sibi devincerent, ij solos præfectorum filios ad gubernationem admitterent, & armis adversus Regem aliquando tuerentur: quo denique factum, ut Comites sibi suisque posteris perpetuum quoddam præfecturæ jus arrogârent. Id maximè contigit sub Ludovico Rege Arnulfi filio, quo puero, crevit Comitum provincialium magnitudo & fidentia, quæ Conrado Rege magis stabilita, beneficiariam clientelæ regiæ hæreditatem induxit. Id fuit sub Conrado pronius, quòd ipse præturæ perennis usurpationem in Franciam Orientalem invexisset. Crevit in majus ea res sub Henrico Rege, qui Conrado successit: nam & Otto ipsius parens (Witikindo teste) primus liberâ potestate regnavit in Saxoniâ, tamen si ab Hermanno Comes tantum nominetur: sed enim Comitum, Ducis, Principis, Marchionis tituli, promiscuè ab istis scriptoribus usurpantur, ut idem significant. Ergo Henricus, Ottone defuncto, suis auspicijs Saxoniam & Turingiam invasit: Luitpaldus Dux fuit Bojariæ, cui anno DCCCCIIX. successit Arnulfus, ampliore dignitatis vocabulo, dictus Dux & Princeps Bojariæ, manente tamen penes Regem summâ, quam directam nuncupant, dominandi potestate. Nec verò crediderim, ex eo tempore, quo se Henrici factioni adversus Conradum adjunxerat, ita regis auctoritatem esse aspernatum, aut exuisse reverentiam, ut ei se ferret æqualem; sed, quod in civilibus bellis usuvenit, nimiam Conradi in Principes licentiam, & publici injurias, unâ cum suis asseclis obtentui habuisse. Fuit tamen haud paulò irarum retinentior quàm fœderati. Etenim Burchardus Suevus, Everhardus Franco, & Giselbertus Lotharingus, armis positis, in Conradi gratiam fuere recepti: Arnulfus autem implacabilis, unâ cum uxore & liberis ad Ungaros profugus, usque ad Conradi mortem vixit extorris. Ejus exemplum, non tamen exilium, secuti sunt, Erchangerus regij fisci apud Alemannos administrator, & Bertholdus ejus germanus, Arnulfi patrui, sive avunculi, qui dignitatis suæ fines egressi, titulos altiùs extulerunt; hoc, opinor, obtentu, quòd ipsi, cum Caroli Magni stirpem attingerent, plus sibi deberi crederent, quàm alijs minùs illustribus, eò præsertim, quòd reliqui Procures paulatim ad principatum qualiacunque jura adreperent. Eos tamen formam aliquam novi dominatûs sibi sumpsisse, vel inde apparet, quòd, antequam Arnulfus in exilium abiret, communibus armis, gloriosam & salutarem operam Arnulfo sociati, suis auspicijs præstiterunt, anno sæculi tertio decimo.

Ungari ex rapto, per id tempus, assueti vivere, tributum Ludovico Regi imposuerant. Eo rebus humanis erepto, Conradum successorem & Arnulfum Boicæ præfectum, per legatos adeunt, poscuntque annuam pensationem, quæ si

XIIX.

ARNULFUS
PRINCEPS
BOIARIÆ.

XIX.

Sigebert. ad
an. 914.

ARNULFUS
EXULAT.

AN. CHRIST.
DCCCC.
XIII.

ARNULFI
DE UNGARIS
VICTORIA.

XX.

non repræsentaretur, fore, ut omnia longè latèque solo æquarent. Arnulfus, cui propiùs imminebat tempestas, negat, se quicquam ejusmodi pactum esse, nedum affluerum ferre minas, aut exterorum imperia: quòd si Ungaris incesse- rit prædandi libido, viros ferrumque reperturos. Sub hæc jubet imbellem turbam cum liberis & re domesticâ migrare in urbes & loca tutiora. Ungari responso irritati, continuò in Boicam irrumpunt, & trajecto Anasso, per Norici fines secundum Oenum provecti, ingentem equitatum Oeringam usque, qui locus copiis univer- sis dictus erat ad conveniendum, producunt. Arnulfus, adscitis in auxilium Er- changeri Alemanni, & fratris, unaque Udalrici Comitis, legionibus, è Boicis cen- turijs justum exercitum educit, ejusque potissimam partem locat in insidijs, ut pu- gnam videretur detrectare, augerètque apud hostem periculi contemptum, im- modicam sui fiduciam & excubiarum neglectum. Inter hæc ipse cum expedito paucorum equitatu, velut certaminis fugitans, subinde promicabat. Ubi proce- ferant Ungari ad dispositas insidias, jamque erant ad Oeni trajectum comparati, subito Arnulfus, eductis in apertum copiis, antè quàm coirent in aciem, à fronte, à tergo, & utroque latere sic eos agit in arcum, ut spatium non haberent equita- tus explicandi. Tum factò ex omni parte imperu, conglobatos, & inopinata tur- batione perculsos, jubet à turmis & legionibus impelli, & intercludi receptum, nisi quâ parte ad Oenum patebat aliquid effugij, quod ipsum, signo accepto, red- debant infestum Boij, qui adversam Oeni ripam occupabant. Fit igitur strages plurimorum, & fuga omnium. Qui fugam ad Oenum intenderant, pars obtrun- cati à tergo, pars hausti flumine, pars, dum amnem tranant, telis confixi. Est, qui scribit) omnes internecione fuisse deletos; alij, non amplius triginta, fugâ, vel Arnulfi clementiâ, servatos. Reginonis continuator scribit, Ungaros par- tem Alemanniæ vastâsse, quod factum oportuit, antequam ad Oenum caderen- tur, & Erchangerus injuriâ concitatus, ulciscendi gratiâ suas copias Arnulfo con- junxisset.

MORS VA-
RIORUM
ANTISTI-
TUM.

AN. CHRIST.
DCCCC.

XIV.

SALOMON
CONSTAN-
TIENSIS INT-
QUE VEXA-
TUS.

AN. CHRIST.
DCCCC.

XV.

AN. CHRIST.
DCCCC.

XVI.

A CÆSARE
VINDICA-
TUR.

XXI.

AN. CHRIST.
DCCCC.

XVII.

Regino.
Whickind.
pag. 12.
ARNULFUS
BOIUS PRO-
FLIGATUS.

Funesti fuerunt sacris Antistitibus anni aliquor. Hatto Moguntinus, si Hermannò fides est, hoc anno extinctus est. Anno superiore Otbertus Argen- tinen- sis ab hostibus interemptus, instinctu (ut apparet ex actis Synodi Altenhei- mensis, Richwini Episcopatus in- vasa- foris. Everardus Spirensis ab Erenhardo & Conrado Comitibus orbatus oculis. Anno decimoquarto, Salomon Constantiæ Episcopus, idemque S. Galli Abbas, vir integerrimus, in vincula con- jectus. Erckangerus ejusque frater, cum, victoriâ recens inflati, multa facerent improbè, habebant Salomonem obnitentem: quod cum illis agrè esset, eum traxere in car- cerem: quam injuriam visus est Deus ulcisci, immixtis in Alemanniam Ungaris, quam totam ferro flammisque, crudelem in modum, deformârunt, & Turingiam Saxoniamque pervagati, Fuldam usque direptiones & incendia protulerunt. Sed & Conradus Rex, Salomonis Episcopi sortem miseratus, veris eam lachrymis est prosecutus, negavitque in publico procerum comitio, quod egit Moguntia, tanti facinoris indignitatem aliter, quàm patratorum sanguine posse deleri.

Quam sententiam ut sacrorum Principum assensu firmaret, anno decimo sexto, concilium Altenheimij, qui in Rhætiâ pagus est, jussu Joannis X. Pontificis Maximi ab Herigero Moguntinensi Archiepiscopo indictum frequentavit. Con- cilio adfuit legatus Pontificius Petrus Episcopus Ortonensis. Damnati capitis Erckangerus & complices, in quibus Luitfridus; affectiq; supplicio, anno sequenti, ad villam Adingam, 12. Cal. Februar. cum se Conrado spe veniæ inconsultò stiti- sent, immemores, procul esse debere ab irato Jove, qui velit esse tutus à fulmine. Eorum bona in fiscum redacta.

Conradus ad eum modum factiosos redigebat in eum statum, ut nocere non possent. Supererat Arnulfus Bojus, nondum redactus in ordinem. In eum oportuit validum exercitum educere. Prælio aggressum Conradus superavit, non sine tamen suo & suorum sanguine. Nam, accepto vulnere, victor tamen, Arnulfum fudit fugavitque. Ne in eum capitali pœnâ animadverteretur (quod antè

antè dixi) profugit ad Ungaros, cum quibus anno superiore fœdus inivērat, quod testantur tum Veterum, tum recentiorum monumenta. Aventinus (quo autore incertum) eum putat bis profugisse; semel Salisburgum, iterum ad alpes Noricas inque Carantanos; bisque reversum, Boicam, pulsus regijs, recepit. Conradum item Reginoburgum, pulso Arnulfo, semel iterum ad deditionem adegisse: verum ex Sigeberto constat, Arnulfum semel duntaxat ad Ungaros profugum, exilij mala, usque ad Conradi obitum, tolerasse.

Dum abesset, Eberhardus Conradi frater Boicæ præfecturam gessit, parùm benevolis gentis studijs, quæ iniquè ferebat rectoris externi jugum. Conradus Rex, rebus utcunque apud Bojos ordinatis, in Hersfeldense Monasterium, afflicta valitudine, concessit; Arnulfus Comes scribit, morbum illi divinitus fuisse immissum, in pœnam sacri spolijs, quod memorat in hunc modum fuisse admissum. Cùm Reginoburgo abiturus, more priorum Regum, ad demerendum D. Emmerammi patrocinium, ejus basilicam adiisset, precibus absolutis, Arnulfi Imperatoris & Ludovici filij Mausolea vitentj, è domesticis quispiam suggessit, esse in sacro Divi Martyris thesauro librum, ob scriptionis elegantiam, regijs oculis dignissimum. Regem incessit cupiditas, ejusce non videndi modò, sed etiam retinendi: nec defuere assentatores, qui dubitanti, an fas esset rem, Divo sacram, auferre, omnem facti religionem abstergerent, quasi omnia forent in Regis potestate. Tuto urbis Episcopus, modis omnibus factum dissuasit, & Ministros, qui id auderent, diris devovit. Conradus ejus monita sùsque deque habens, cupiditate superatus, librum jussit auferri. Brevi pœna secuta est: immissi in viscera dolores acerbi adegerunt, ut crederet, Divum suas opes repetere. Restituit ille quidem, sed tormina non sustulit: eum enim viscerum tortores in Franconiam sunt comitati. Cùm sentiret, se ad extrema vi morbi properare, rem fecit rari prorsus exempli, quâ se ostendit Christianæ charitatis egregiè retinentem. Optimates, quos, suprema mandata editurus, accersiverat, in hanc sententiam, ægro quidem corpore, sed mente vegetâ compellavit. *Propè, viri amici, absun ab extremâ vita lineâ, ad quam properamus omnes. Ex quo mihi imposuistis diadema, vobis magis, quàm mihi consului: jam quando illius deponendi instat articulus, debeo quoque mihi & Reipublicæ consulere. Quò sio propior immortalitati, eò perspicatius video rerum momenta, animûsque supra se emēns, agnoscit se natum aternitati potius, quàm regno, quod sensi ac gessi varium, laboriosum, incertum, verbo, ærumnosum. Quòd si bono publico non laborassem, morerer anxius; sed, DEO laus, præ Republicâ me neglexi. Vos mihi testes estis, an quicquam periculi subterfugerim, an auxerim rem privatam, an sim insidiatus fortunæ alienæ. Fateor, regni jura tucatus sum, ne paterent privatorum injurijs. Hinc factiones, rebelliones, bella, quibus immorior, nec depono tamen curam rei communis, quam cupere salvam, integram, fortunatam ad posteros transmittere. Id, credo, in meâ & vestrà est manu. Qualem nos prestabimus, talem nobis famam rependet posteritas, quæ de nostro facto incorruptè judicabit. Eam ut gloriosam paremus, conspirato opus est. quod singulorum studia colliget vinculo publicæ felicitatis: quæ si vignerit, res privatorum sustentabit; si defecerit, & publica & privata ruent in exitium. Ne vos diu suspensos teneam, Rege bono opus est, qui fasces, quos, Othone, mortalium ævi sui sapientissimo, suadente, vos mihi detulistis, excipiat, geratque eâ moderatione, justitiâ & fide, quam leges regnorumque jura à regibus reposcunt. Nos ut talem citra errorem deligamus, seponendi sunt affectus sequiores, ne nos à patriæ charitate ad privatos sensus seducant. Henricus Othonis filius, vestrà, hand dubiè, confessione, graves dedit causas, quamobrem me sentiret aversum, & in hodiernâ deliberatione alienum. Sed omen avertat DEVS, ne ira, quamlibet justa, in hoc temporis momento, indulgeam. Dono ex animo professas inimicitias DEO & saluti communi. Volo extare certum pignus gratiæ reconciliatæ. Repeto, quod dixi: Exuendus est animus pravis affectibus, respublica spectanda est. Virumque vos hodie mecum facite. Henrici militarem virtutem, morum amœnitatem, prædiciam, felicitatem, regias dotes, vobis ante oculos ponite. Si quietem vultis, arma illi excusite, non vi, quâ nondum potuit superari, sed beneficentiâ, quâ solâ vincitur ani-*

Luitprand.
Orbo Frising.
Vispergen.
Arenbeck.
Strindsl.
Vitus Eberst.
Sigeb.

EXULAT IN
UNGARIA.
AN. CHRISTI
DCCCC.
XIX.
Arnul. lib. 1.
de S. Emme-
ram. c. 6.
CONRADI
CÆSARIS
MORBUS IN
POENAM SA-
CRI SPOLII.

SUCCESSO-
REM LEGIT
HENRICUM
AUCUPEM.
XXII.

mus generosus: sentiat apud vos sui pretium & amorem. Ego sanè, quod mearum est partium, quamvis multi ex vestro cætu, immo plerique meo obversantur animo, perquam digni fastigio, tamen Henricum judico esse dignissimum, & talem, de quo vobis possitis optima quaque & privatim & publicè polliceri. Quod si mecum sentitis, fateor, me meorum vosorum supremum, & in rebus mortalibus gratissimum esse consecutum. Cùm talia germano candore dicenti nemo refragaretur, ad Everhardum fratrem conversus: Non agrè (inquit) accipies, mi frater, meum de Henrico judicium, & prætermisso, quem, si meum gentium fuisset secutus, mortalibus omnibus prætulisset: sed fortunam tibi lego meliorem, quia pacatiorem, cujus cupio te esse architectum; quod facile consequeris, si Henricum, quâ Regem decet observantiâ, colueris. Ego illum successorem ipsdem rationibus deligo, quibus Otho ejus parens, filio præterito, me delegit ante septennium. Id meis verbis per te ipsi velim renuntiari, & in fidei certum pignus augustalia omnia deferri, cum totâ gazâ regiâ, quæ est in arario. Si me amas, hoc tu officio fungitor, & Henrico regni, omniumque, qui eum regem optant, salutem commenda. Rebus ad eum modum compositis, spiritum cum regno posuit 14. Calend. Novembris, anni duodevigesimali. Regnavit annos septem, & Fuldæ Regio mausoleo est illatus. Fecit Everhardus imperata. Henricus, compertâ Conradi & procerum voluntate, animum in potestate sic habuit, ut, ne mutato quidem vultu, pro oblata dignitatis apparatu, hæserit ambiguus, vellènt humeros purpuræ subijcere, quos nec subjecisset, nisi victus omnium procerum judicio, animum mutasset. Ut verò se inungi & diademate redimiri pateretur, quod eo se honore putaret indignum, adduci non potuit.

XXIII.

MORITUR.

HENRICUS
NON SINIT
SE INUNGI.
Vispergen.

AN. CHRIST.
DCCCC.
XIX.

Ditmar. lib.
1. c. 10.

Vita S. Udal-
ric. §. 13.

Baron. hoc.
anno.

Otho Frising.
lib. 6. c. 18.

AN. CHRIST.
DCCCC.
XX.

XXIV.

BURGHAR-
DUS BELLA-
TOR REDIT
AD OFFICI-
UM.

Witichind.
Visperg.

ARNULFUS
REDUX IN
BOIARIAM.
Witiching.
Visperg.
Luiprand.

Ea modestia tantò visa mirabilior, quod ejusmodi ritus inaugurationum valeant ad conciliandam in vulgus auctoritatem & reverentiam, & quod caput est, ad exoranda propitij Numinis auxilia. Certè Henrici factum DEO non usque adeò placuisse, S. Udalrico, D. Afrâ, & S. Petro, internuncijs, est ostensum. Optimo Præsuli Princeps Apostolorum duos gladios cœlesti viso exhibuit, quorum alter erat integer, alter carens capulo; cum dicto, referret Henrico, ensen mutilum, eum designare, qui sine unctione populo præset, alterum capulatum, indicare eum, qui per sacræ benedictionis ordinationem divinitus esset consecratus. Otho Frisingensis, & alij quidam, ostentum ad Arnulfum Bojorum principem perperam & invidiosè detorquent.

Cæterùm Henricus, cognomento Auceps, summâ rei potitus, animum adjecit ad regni dissidia, eosque Principes coercendos, qui res novas moliri videbantur. Anno superiore Burghardus Dux Alemanniæ, correptis armis adversus Rudolfum Regem Burgundiæ, qui olim ejus erat gener futurus, ad Winterthurum memorabilem victoriam retulerat, eoque fidentiùs desciverat ab Henrici obsequio, quod Martem adhuc faventem esset expertus: unde illi ob eximiam rei militaris peritiam, nomen Bellatoris attributum. Hic tamen, quâ erat prudentiâ, ubi sensit, Henricum cum valido exercitu imminere, causæ & viribus diffidens, conversus ad consilia pacatiora, maluit Henrici clementiam, quàm arma experiri. Rex eum haud gravatè recepit in gratiam, cùm se suæque ejus arbitrio dedidisset.

Arnulfus Bojus, inter hæc, compertâ Conradi morte, cum totâ familiâ in Boicam rediverat, itaque se ad excipiendas Henrici iras comparaverat, ut non obscurè præferret animum vindicandæ veteris majorum dignitatis. Eum, quidam scribunt, ab Henrico Ratisbonæ obsessum, ad Regis colloquium venisse, & recuperatâ gratiâ, ipsius se fidei permisisse. Alij verò asserunt, Arnulfum non expectato Regis in Bojariam adventu, collectis undique copijs vim objecisse, supremæ dimicationis aleam non refugiturum. Cùm verò res in eo esset, ut veniretur ad manus, Regem pro suâ sapientiâ, revocato ad animum, quanta virorum fortissimorum jactura, quicunque demum foret pugnae exitus, esset secutura, si signa committerentur: ultrò per caduceatorem postulasse solitarium Arnulfi colloquium. Hic, cùm se crederet ad singulare certamen provocari, medio inter acies spatio,

spatio, congressus cum Rege, cum nihil hostile, sed mutuam animorum consensionem suadentem sic audiit; ut damnatâ pertinaciâ, petirâ ad deliberandum morâ, rebellionem averfaretur. Renuntiavit Henrico, se atque unâ exercitum fore in ejus potestate, si citra honoris, incolumitatis, priscorumque jurium imminutionem in gratiam reciperetur, cum additamento antiquæ potestatis, quâ sibi posterisque foret integrum, Boicæ Pontifices in demortuorum locum cooptare, quod eâ tempestate inter jura regia habebatur. Henricus omnia benignè pollicitus, cum deinceps inter amicos habuit, permissio titulo principatûs. Id fœdus sacris nuptialibus firmatum. Herpirga Henrici filia, Arnulfi filio nuptum tradita: vicissim Henricus Junior, Othonis Magni frater, Juditham, Arnulfo natam, duxit.

Pacatâ Bojariâ, Arnulfus Reginoburgum cœpit eâ parte, quâ Arnulfus Imperator urbis pomeria ampliaverat, mœnibus circumplecti, & pro ævi istius ruditate, ædificijs exornare, eò maximè, quod isthic Boicæ Duces ut plurimum degerent, & comitia consuêssent agitare. Unde varia Pontificum & Magnatum prætoria, in quibus diversarentur, quo tempore Principis aulam, vel conventus frequentarent. Eâ tempestate D. Emmerammi Cœnobium, quod nondum urbani muri cinctu clauderetur, inclusum intra mœnia.

Hoc anno habita Synodus Confluentina, in quâ, præter cætera, cognationis in contrahendo matrimonio vitandæ, leges, eo tempore satis incertæ atque solutæ, ad certos gradus sunt revocatæ. Henricus Germaniæ Rex, Carolo Simplici Francorum Regi Bonnæ est collocutus, obtinuitque, ut fœdere inito, Caroli voluntate Lothariensè regnum obtineret. Eâ Regis facilitate offensus Heribertus Veromanduorum Comes, Roberti Andegavensium Ducis gener, Carolum, velut rei Franciæ negligentem, per speciem regni meliùs ordinandi, ab Henrici Regis congressu abstractum, conijcit in custodiam. Miser princeps, quisquis regitur alieno arbitrio. Aliâ ex parte, Wigericus Mediomatricorum Antistes, caput novæ factionis, author sit nonnullis Lothariensium Optimatibus; Rudolphum Burgundiæ Regem, Lotharingiæ imponendi. Herveus Remorum Archiepiscopus, cujus magna erat apud Simplicem autoritas, sed fluxa fides, ad firmandam suam factionem, & prætexendum bello aliquod nomen, Robertum Andegavensem, pontificijs cæremoniis Regem renuntiat. Qui è Lothariensibus Rudolphum Burgundum averfabantur, cognito, Wigericum illi honoris causâ processisse obviam, nihil cunctati, Henricum Aucupem è Germaniâ ad regni capeßendâ possessionem evocant. Ita pessimo publico res sursum deorsum, per diversas conspirationes, velut navis sine nauclo, versabantur. Henricus nihil cunctatus, Wigericum, Metis obsessum, cogit ad deditionem & abjurandam Rudolphi factionem. Carolus Simplex, solo Rex nomine, quippe qui ne quidem liber esset, ab Heriberto in custodiâ tenebatur, donec à Rudolfo alienatus, & fide desultoriâ conciliatus Henrico, vela vertit, obtentu dirarum, quas Joannes Summus Pontifex erat interminatus, nisi Regem redderet libertati. Denique armatæ Francorum pro factiosis, & Germanorum pro Carolo Simplici, copiæ, venerunt ad ipsum Franciæ umbilicum. Magnum belli momentum, utri Parisios primi occuparent: magni utrinque animi: verum Roberto Odonis, Franciæ nuper Rectoris, fratri, factionis antesignano, fata exitium properabant. Ejus ductu Francorum arma regebantur. Demum exercitus per Sueßionensem agrum progressi, in conspectu Parisiorum acies instruxerunt, ut in eo velut theatro, Marte arbitro, causâ omnium, eâ tempestate gravissima, decerneretur. Prælium animorum acerbitate cædibusque committitur atrocissimum. Henrico Aucupi causæ æquitas, Caroli Simplicis innocentia & Roberti casus, victoriam addixit, eripuit factiosis. Dum enim Robertus, inter primos pugnans, hostem urget actiùs, incautus cum primis occumbit; parens Magni Hugonis, avus Hugonis Capeti, cui Numen Franciæ sceptrum destinaverat. Roberto occiso, deviæti exercitûs reliquiæ manserunt in potestate Heriberti. Carolus Rex victoriâ in suam perniciem abusus, ultrò pacem offert Heriberto, subique patitur persuaderi, ut citra obsides, aliudve pignus securitatis,

PACEM CUM
HENRICO
COMPOSIT.

AN. CHRISTI
DCCCC.
XXII.
RATISBONA
AMPLIATA.
XXV.

SYNODUS
CONFLUENTINA.

TURBÆ
GALLICÆ.

XXVI.

PRÆLIUM
PARISIENSE.

VICTORIA
PENES AUCUPEM.

CAROLUS
SIMPLEX BIS
CAPTIVUS.

ad

ad D. Quintinifanum, inermis ad pacem conficiendam conveniat, Rex ad subditum, dominus ad perduellem. Convenit candida anima, rursusque per summam perfidiam captivus attinetur, Sueffionem trahitur, cogiturque, Rudolfo Regi Burgundionum, regnum regnique titulos transcribere: quæ eum calamitas, mœrore confectum, Peronæ absumpsit, reliquitque exemplum, quod Principes possit sui periculi, & cavendi perfidorum ministrorum insidias, admonere. Filium reliquit Ludovicum Transmarinum.

AN. CHRIST.
DCCCC.
XXIV.
XXVII.
AUGUSTA
VINDELICORUM
SERVATA A D.
UDALRICO.

1. Machab.
3. 49.

AN. CHRIST.
DCCCC.
XXV.
B. WIBORADA
VIRGO
AB UNGARIS
OCCISA:
RACHILDIS
SERVATA
DIVINITUS.
XXIIIX.
INDUCIÆ
CUM UNGARIS.
BELLIPARATUS.

AN. CHRIST.
DCCCC.
XXX.
Arenbeck,
Seindel,
Sclender,
Avenzin.
DEDICATIO
BASILICÆ
D. VITI,
PRAGÆ.

Inter hæc, Arnulfum Boicæ Principem, muniendo Reginoburgo insudantem excepere motus Ungarici, quibus devastatos Norici fines meminit Eccardus Junior, quos est credibile ab interiore Boicâ, propter fœdus cum Arnulfo initum, abstinuisse. Augustam Vindelicorum servavit D. Udalricus, è nobilissimâ Comitum Kyburgiorum familiâ oriundus, quem haustâ in S. Galli asceterio cœlestis vitæ sapientiâ, tamen modis omnibus renitentem, Ordinis sacri populique suffragia, accedente Henrici Regis autoritate, isto anno ad ejusce civitatis Episcopatum rapuerunt. Urbem tutatus est non armis, sed castissimis teneræ infantix vagitibus. Jam mœnibus insultabant Barbari, cum Udalricus infantes omnes, totâ civitate conquestos, jussit in Basilicam comportari, & humi sparsos, lamentabile hominibus, Cœlitibus jucundum spectaculum exponi, ut suâ comploratione iratum Numen ad clementiam, & innocentis ætulatæ commiserationem inflecterent.

Id factum non longè abludit ab eo, quod fortissimo Machabæo Duce editum, quando in domum orationis attulerunt *ornamenta sacerdotalia & primitias & decimas, & suscitaverunt Nazareos, qui impleverant dies, & clamaverunt voce magnâ in Cælum dicentes: quid faciemus his, & quò eos ducemus?* Quemadmodum Machabæo numen propitium in summo discrimine adfuit, ita non deseruit Augustanos. Ungaris à muro submotis, eorum fortuna melior multò fuit, quàm cæteræ Alemanniæ, Franconiæ, Alsatiæ, Galliæ, in quas Barbari ferocissimè grassati, truculenta hostilitatis exempla ediderunt. Patuit illorum direptioni S. Galli Monasterium, apud quod B. Wiborada Virgo ante novem annos arctam ingressa cellam, post vitam sanctè peractam, ab illis crudeliter est trucidata, Rachilde Virgine, quæ eodem contubernio utebatur, divinitus servatâ. Wiboradam luxit Udalricus, quod meminisset, se sapientissimis ipsius monitis magnos in virtute progressus fecisse. Acceperat, ad castimoniam præsidium, Zonam ejus manu elaboratam, & pulvillum setis horridum, quem capiti substernebat, quo, velut efficaci remedio, adversus impurissimi dæmonis insidias & carnis petulantiam utebatur.

Ungarorum procellam Henricus Auceps à Saxoniâ, pactis inducijs, avertit. Cum enim eorum principem vivum cepisset, & oblato lytro, negasset se eum dimissurum; illi, pactâ novem annorum pace, Ducem redemerunt. Tempus induciarum Henricus dedit muniendis urbibus, ædificandis ad fruges condendas horreis, cui labori locabat operam nonus quisque colonorum, dum, qui in agris terram exercebant, publicis operis cibaria præstare tenebantur. Conscripsit simul legionem ex fece facinorosorum hominum, quos furtum & latrocinia fecerant capitales. Horum operâ usus est contra Barbaros eò fructuosius, quòd non modò patriam nocentissimo hominum genere repurgaret, sed etiam arceret hostes è vicino alioqui nocituros.

Anno trigésimo, Arnulfus Bojus in expeditione Bojæmicâ Henrico Regi auxiliares copias adjunxit. Nam gens à Boijs sæpius domita, regijs armis id temporis, incertum quâ causâ, petebatur. Quisnam eâ tempestate rerum apud Bojæmos potiretur, ambiguum fecit scriptorum dissensio, alijs Boleslaum, alijs Boleslai patrem, qui Sigeberto dicitur Vatzilaus, alijs Spitigneum Ducem D. Wenceslai patrem, nominantibus. Henricum Pragæ deditiois necessitatem imposuisse, & Bojæmiam reddidisse vectigalem; Tutonem quoque Ratisbonensem Episcopum, ajunt, Arnulfum in Bojæmiam esse comitatum, & ædem D. Vito positam sacro ritu dedicasse. Quod si ita habet, ista dedicatio fuit inter postremas vitæ laudatissimæ actiones, quibus Tuto constantem pietatis famam est consecutus, eâ

cum

eum laude, ut inter optimos Antistites vivus mortuusque vulgo habitus sit. Sed quia ex Ratisbonensi Indiculo constat, Tutonem anno DCCCXCI. mitram accepisse, & triginta sex annos gestasse, non est vero simile, eum piam istam operam dedisse basilicæ Pragenſi. Cosmas Pragenſis ad Michaëlis Antistitis, qui quintus à Tutone Ratisbonensem Ecclesiam rexit, differt D. Viti basilicæ dedicationem. Eam alij rejciunt ad S. Wolfgangi pontificatum ex S. Wenceslai vitâ.

Cæterum, Tuto fuit à secretis Arnulfo Regi Bojarix, à quo munere acceptus est ad Episcopatum. Eum, scribunt, rerum absentium & futurarum notiâ cœlitus claruisse, & cum in supremâ senectâ oculorum caligine laboraret, cœli tamen arcana animo fuisse contutum, tamque non ægrè tulisse corporis cæcitatem, ut se diceret muscis visum non invidere. Eum, velut oraculum, consilij causâ adibant viri apprimè oculati, neque dubitabant, ejus ductum sequi in rebus agendis. Extrat hodie ejus sepulchrum apud D. Emmerammi tumulum. Sub ejus manu fertur Ratisbonense Monasterium Virginum, quod inferius vocant, conditum esse, ope Juthæ aviæ D. Henrici.

Fluxerunt anni aliquot, rerum in Boicâ memorabilium, quæ ex professo ad nostrum pertineant institutum, satis infœcundi. Neque enim huc propriè spectant contentiones Italogum, alium super alios Reges, fortunæ & factionum ludibrio, producentium. Ut tamen, quo rerum successu & causis Arnulfus Bojus in eundem ludum venerit, fiat planius, operæ pretium est, brevem mutationum synopsis ponere sub aspectum. Berengario, quem Boica bis exulem viderat, Italia bis regem receperat, Veronam pulso, Rudolfus Rex Burgundionum regni Longobardici insignia, Lamberto Mediolanensi Antistite sacris cæremoniis operante, Italis applaudentibus, induerat. Secuta Berengarij cædes fraude Flamberti proditoris. Eo sublato, Longobardi mox à Rudolfo deficiunt, Burcardum Rudolphi socerum, Alemanniæ Ducem, Mediolano arcem, velut frenum Italiæ, imponere meditantem, interficiunt, & Rudolphum Longobardiâ ejciunt: accersunt deinde Hugonem Arelatensem Provinciæ Comitem, eumque, Papiæ coronatum, summæ rei imponunt. Albericus Rudolphi privignus, natus Marchione Alberico, & matre Marozia, quam secundis nuptiis Hugo sibi matrimonio junxerat; Is, inquam, Albericus ab Hugone vitrico per insignem contumeliam alapâ percussus, cum manus ante cœnam abluenti, aquam non satis urbanè fudisset, urbem Romanam invadit, & in vindictam acceptæ injuriæ vitricum Româ ejcit. Super hæc, Hugo Lambertum, ex Bertâ matre germanum, Tusciæ Marchionem, quod vereretur, ne ferox audaxque juvenis, conciliatis Italogum studiis regnum, venali levitate toties proditum, occuparet, detrusum in vincula, ex merâ suspitione exoculaverat. Crudelis nimirum est timida ambitio. Et verò Itali, rebus novandis assueti, cœperant fastidire Hugonis imperia, quæ fœdabantur meretriciâ uxoris infamiâ, labes animi meticulosi & crudelitas. Eapropter Rudolphum Burgundionem denuo suspirabant, invitabantque ad fasces resumendos, aleam quocumque demum discrimine tentaturum, nisi Hugo eum, jurato fœdere, avertisset, eâ lege, ut ille quidem abstineret ab Italiâ, sed vicissim omnes possessiones, quas Hugo in Galliâ tenebat, Rudolfo cederent. Ad extremum, cum id consilij Italis non procederet, ad Arnulfum Bojarix Ducem animos adjecerunt.

Defectionis autores fuerunt, Milo Comes & Ratherius Episcopus, uterque Veronenſis. Arnulfus, lenocinante legatorum pollicitatione excitatus, credidit, propositam conditionem non esse spernendam, ratus, se res proniores, quàm expertus est, reperturum. Igitur collectis, pro temporis angustia, quantis potuit viribus, per fauces Tridentinas in Italiam penetrat, Milonis & Ratherij adjumento Veronæ mœnibus recipitur, belli fortunam, sine quâ Regni possessionem adire non poterat, suis & conjuratorum copiis experturus. Hugo, cujus dignitas potissimum agebatur, percussus præſenti periculo, eò maximè, quod se Italogum plerisque novisset exolum, armatus accurrit, Veronensem agrum locaque finitima excursionibus infestat, nulloque loco Arnulfi militem patitur consistere. Pars non

Pars I.

Tt

modica

Arnulf. lib. 1.
de S. Emmer.
c. 6.
TUTO RA-
TISPONEN-
SIS EPISC.

STATUS RE-
GNITALICI.
XXIX.

Luitprand.
lib. 3. c. 3.
& seqq.

AN. CHRIST.
DCCCC.
XXXII.
XXX.
ARNULFUS
BOJUS VE-
RONAM OC-
CUPAT.

modica in castrum Gauseningum suscepta, factâ in hostes eruptione, ausa manus conferere, tantam accepit cladem, ut vix evaserit, qui eam nuntiaret. Arnulfus tot virorum fortium jacturâ commotus, cum viribus insigniter minutis, se Hugoni prorsus sentiret imparem, statuit, novas è Boicâ legiones adducere, atque interim, dum reparato exercitu rediret instructior, Milonem, obsidis loco, ad cavendam Veronæ defectionem, secum habere in custodiâ. Id consilium Milonem, intima quæque explorantem, non latuit. Captivitas visa homini cordato ipsâ morte gravior. Si confugeret ad Hugonem, verebatur promeritum perduellionis supplicium: si abiret è patriæ complexu, id verò indecorum, acerbum & ambiguum. Fluctuanti in his angustiis, placuit experiri Hugonis misericordiam, ad quem, Arnulfo insalutato, elapsus, spe majorem clementiam invenit. Arnulfo, cum ceterâ pugnatorum paucitate, tutum non fuit, Veronæ sedendo, obsidionem expectare, dubiâ civium fide, & arce, ob Milonis abitum, apertè defectionem ostentante. Nec vanus erat ab Henrico Rege Germaniæ metus (cujus amicitiam Hugo non multò antè regiâ munificentia erat nundinatus) ne ille res novas in Boicâ moliretur. Igitur redire in patriam omnium consultissimum. Ne tamen nihil egisset, arcem Veronensem retinuit in suâ potestate, omnèque ejus præsidium, unâ cum Milonis fratre, qui munitioni præfuerat, secum in Bojariam traxit captivum. Eo digresso, Hugoni promptum fuit, Veronam recipere, eâque receptâ, Ratherium Episcopum, velut perduellem, exilio damnatum, Papiæ attinere. Atque is quidem fuit exitus operosæ expeditionis.

DRACOLFUS
FRISINGEN.
EPISC. MER-
GITUR.

XXXI.

Strindel.

Hund.

*Gretser in Ca-
talo. Episcop.
Eistett.*

SYNODUS
DINGOL-
FINGENSIS.

Tristis secutus est Dracolfi Frisingensium Antistitis excessus. Is Episcopatum per annos viginti sic tenuerat, ut ex languore, quem adhibuit in procurandâ gregis sui salute, tepidi nomen sit consecutus. Accessit immodica profusio, quâ Ecclesiæ facultates, antecessorum parsimoniâ atque industriâ acquisitas, insigniter attrivit. Frisingâ exhaustâ, Mosburgensis, Isenensis & Scheftlariensis, Ecclesiarum opes abligurijt: cumque indignè præfuisset, Danubij fluctibus, ipso D. Urbani die abreptus, Wolfram longè meliori vacuam sedem reliquit. Hic Episcopatum adierat, cum Arnulfus redux ex Italia, Dingoltingæ, ad Isaram, concilio adfuit, quod celebraverunt quinque Episcopi, Hildebertus Salisburgensis, Eisingrinnus Ratisbonensis, Gerardus Passlaviensis, Wolframus Frisingensis, Nithardus Sabionensis. Pro Udalfrido Eistertensi interfuere, Sarcolochus & Gotbertus Chorepiscopi. In eo conventu seriò actum, de instaurandâ Cleri disciplinâ, de restituendis Ecclesiarum possessionibus, quæ Arnulfi indulgentiâ ab alijs detinebantur, unde profectæ sunt querelæ, & Arnulfo accrevit Mali cognomen. Eodem tempore redhibita Wolfram Episcopo Majæ & Caninæ; vici item & prædia propè Tirolios in Vennonum Athesisque valle. Successit sacrarum ædium instauratio, quas bellorum injuriæ labefactârunt. Ex actis decretisque Synodi videre est, Arnulfum, si quam antè notam, ex vetitâ sacri patrimonij contrectatione, apud Clerum contraxerat, eandem abunde expunxisse. Et super hæc extant ipsius facta, ad laudem præclara, quæ nisi malè à quibusdam scriptoribus fuissent expensa, plurimum eorum acerbicatem detractionesque mitigassent. Certè Heppidanus, qui non multò post Arnulfi obitum scripsit, (vivebat enim anno MLXII.) eum vocat optimum Bojariorum Ducem, ut credibile sit, ipsum juventutis errata bonis moribus oblitterasse.

ARNULFI
MALI VIN-
DICIAE.

AN. CHRIST.
DCCCC.
XXXIII.
UNGARORUM
EXCURSIONES.

AN. CHRIST.
DCCCC.
XXXIV.
XXXII.

Annum trigesimum tertium Ungari funestârunt. Illi, factâ per Francos orientales irruptione, in Alemanniam, instar procellæ, delati, complures civitates cadibus incendiisque devastârunt. Tum trajecto apud Vangiones Rheno, Galliam ingressi, ad usque maris littora crudeliter grassati sunt, inque Italiam inde sunt reversi.

Anno postero, Henricum Germaniæ Regem, priorum injuriarum ultorem senserunt. Exierant novem annorum, quas cum ipso pacti erant, induciæ, simulque expirârat annui tributî, quod per eos annos ipsis fuerat addictum, solvendi obligatio. Henricus interea secundis rebus, Obotritos, Vulzos, Henellos, Dalma-

tas fecerat vedigales; Rhedarios, qui fidem exuerant, per legatos praelio device-
rat: quibus successibus mirificè erecti Saxones, nullum periculum videbantur
deinceps detrectaturi adversus Ungaros, pro communi salute, & excutiendâ tri-
buti servitute. At verò spes non erat, Barbaros exactionibus inescatos, ultrò ces-
säturos: & Henricus futuri providus, Saxonum primores, pro concione ad vim
propulsandam, gravi oratione excitaverat. Adfuerunt Ungarorum legati, su-
perbè ab Henrico tributum postulantes, nisi arma & vastitatem paci putaret esse
præferenda: verùm contemptim habiti, jussique ad certum diem Saxoniam exce-
dere, irâ tumentes, ceterà vacui, belli inferendi, apud suos, authores fuerunt.
Ergo cum ingenti suorum multitudine regressi versùs Saxoniam, cùm à Dalmatis,
veteris amicitie nomine, frustra suppetias petissent, repentè in Turingiam se in-
fundunt. Inde diviso bifariam exercitu, pars ab occidente, pars à meridie, adi-
tum in Saxoniam moliantur. Prior illis impetus in Saxones & Turingos, qui fines
ad occidentem tutabantur. Eo conflictu cæsi primarij Ungarorum ductores:
cætera turba facilè averrà in fugam. Palantes, & nullo ducis imperio hæc illac va-
gi, alij fame consumpti, frigore alij, alij mactati, capti alij. Alterum agmen in-
sultum parabat in Vidonem Turingum, generum Henrici, cujus filiam, ex impari
thoro natam, duxerat, cùm trepidi nunij de sociorum internecione, deque Henri-
co propinquante terrorem attulerunt. Jam parabant fugam, & socios per villas
palantes, excitatis per montium crepidines ignibus, ad signa revocabant, cùm
Henricus citato itinere, luce postera abitum molientes, objectâ suorum acie, in-
tercepit. Habebat in subsidijs Bertoldum, Arnulfi Bojarie Ducis germanum,
cum duodecim voluntariorum millibus. Cùm Barbaris non esset locus receptui,
& Germani pugne signum expectarent, Henricus obequitare phalanges, jubere
bono omnes esse animo, capere à commilitonibus fortitudinis exemplum, & quod
factum esset Barbaris debellandis initium, pugnandi alacritate coronare. Erectis
omnium animis signa promota. Henricus, ut suos exemplo firmaret, jussu, si-
gnum, Angeli effigie notatum, sibi præferri, ducebat ordines. Ungari pugnam
non expectarunt, sed ne tulerunt quidem conspectum, gradu militari proceden-
tium. Turingorum legio, quam Rex præmiserat, ad laceßendum hostem, fru-
stra conata est Barbaros distingere: nemo enim fuit, qui pedem figeret, nedum ma-
nus confereret. Abrepti omnes in effusam fugam tantâ trepidatione, ut ad tria,
ut minimum, passuum millia nostros à tergo relinquerent. Castra direpta, asserti
in libertatem captivi ingenti numero. Haud multi ex hoste cæsi, capti non plu-
res. Henricus victoriam Numini gratulatus, tantundem auri divinarum rerum
usibus & egentium inopie impendit, quantum Barbari, tributum nomine, exege-
rant. Dehinc ab exercitu, Pater Patriæ salutatus, victor, rerum dominus, secun-
dissimam virtutis potentiaque famam longè latèque consecutus, ab exteris regi-
bus nationibusque, ejus amicitiam certatim ambientibus, magnis cultus est hono-
ribus. Non procul abit à vero, quod viri graves tradiderunt; binas statuas eque-
stres, quæ Maurkirchij in pulchrâ D. Virginis æde, hinc & hinc ad chori parietem
gypso opere, sublimes hodièque visuntur, ab Henrico Rege & Gualtero Hoyen-
si Comite, ex voto positas esse, ad celebrandam istius victoriæ memoriam. Quam-
quam sint, qui istas imagines, asserunt, positas post Henrici mortem, anno vide-
licet DCCCCXLIX. Ex qua temporis ratione fit vero similis, eas ad Henri-
cum Othonis I. Regis fratrem, & Rathonem Andecensem & Diessensem Comi-
tem, Ungarorum duodecimo abhinc anno victores, pertinere.

Henricum Aucupem insignibus clarum trophæis, deque Romanâ inaugura-
tione, mutatâ sententiâ, cogitantem, mors in Miminleve oppressit 6. Non. Julij,
anno trigesimo sexto. Ejus funus regiè compositum Quidelingeburgi in Saxo-
niâ, in Basilicâ Cœnobij Sanctimonialium, quam ipse à fundamentis extructam
D. Petro dedicavit. Ad singularem ejus pietatem spectat eximius rerum sacra-
rum amor atque reverentia, quâ Divorum lipsana, aliæque divinisissimi Servatoris
nostri contactu consecrata, est profecutus. In his manus D. Dionysij Areopagitæ,

CLADES
UNGARO-
RUM GEMI-
NA.

XXX
III.

Rader. Ba-
var. S. 10. 1.
STATUÆ
MAURKIR-
CHIANÆ.
HENRICUS
AUCEPS MO-
RITUR.
AN. CHRIST.
DCCCC.
XXXVI.
Witichind.
lib. 1.
Ditmar. lib.
Suppl. Regis.
Abb Vrsperg.
in Chron.
MANUS S.
DIONYSII.

LANCEA
CONSTAN-
TINI MA-
GNI.

XXX
IV.
ALIA RE-
LIQUIÆ.

HENRICO
SUCCEdit
OTHO FI-
LIUS.
CÆSARÆ
INAUGURA-
TIONIS VE-
TERES CE-
REMONIÆ.

donum Caroli Simplicis Francorum Regis, auro gemmisque inclusa. Ad hanc accessit Lancea triumphalis, quam Constantinus Magnus, ad hostium terrorem in bellis, non secus atque fulminatricem machinam, præferre consueverat. Hanc Lanceam Rudolfus Burgundiæ Rex à Samfone Comite acceptam, perinde atque regni sui peculiare præsidium, magnâ veneratione servabat. Henricus, ut tam præstanti thesauro potiretur, nihil intentatum reliquit. Cùm honorifica legatio precësque frustra fuissent apud Rudolfum, negantem, se regni sui firmamentum, quod armis omnibus crederet esse antehabendum, cuiquam concessurum; Henricus regiæ munificentiae grandibusque promissis minas addidit. Ne donum, quod conciliandæ hominum cum Angelis societati deserviverat, causam daret minuendæ in terris charitati, Deus Rudolfo eam dedit mentem, ut Henrico, tot votis expetitur munus, libens donaret. Quam liberalitatem non auro duntaxat, sed etiam parte Sueviæ, quam Rudolfi regno adiecit, Henricus remuneravit. Hæc Lancea non est illa, quâ defuncti in cruce Salvatoris divinum latus fuit apertum, sed diversâ ab alijs lanceis figurâ, talique opere elaborata, ut in media cuspide, crucem è clavo, qui DEI morientis corpus affixit, clausam teneret. Ejus præsidio Henricus de hoste sæpe, scribitur, triumphasse. Decedens, eam reliquit Othoni filio cum regno & thesauro augustali, in quo servabatur Constantini Magni gladius, divini item clavi segmento insignis; hasta Caroli Magni, partâ de Saracenis victoriâ, memorabilis, cujus mucrone Christi latus exanime haustum fuisse, quidam prodiderunt; & demum militare signum Thebææ legionis, sub quo invicti Martyres, D. Mauritio Duce, gloriose ad supremum usque spiritum pro DEI honore certantes, æternam martyrij palmam sunt promeriti. Inter Henrici decora, illud quoque à Witichindo laudatur, quod in ludis equestribus omnes faciliè antecelleret: tanti esset in venationibus roboris & patientiæ, ut uno aliquando die quadraginta feras conficeret: quod inter epulas, regiam majestatem suavi vultus & sermonis amœnitate temperaret, & nobilium lasciviam agendique insolentiam, eâ morum gravitate frenaret, ut eo præsentem, ne tum quidem auderent in licentiores jocos effundi, cùm ipse curas facetijs ludoque honestè remittebat. Testamento Othonem, filium excellenti indole, sibi optavit successorem, quem Germaniæ & Lotharingiæ proceres, patris auctoritatem secuti, Aquisgrani probârunt, & ritu solenni filium curârunt inaugurandum.

Hic juvat ex Witichindo veteres inaugurationis cæremonias cognoscere. Primum omnium Principes utriuslibet ordinis, legitimis omnes votis Regem nominârunt in loco Comitij, ex quo deinde eum deduxerunt ad aulam, D. Virginis Basilicæ cohærentem, & in Caroli Magni solio collocato, mox datis dextris fidem operamque contra quosvis hostes sunt polliciti. Interea dum in aulâ regiâ hæc agerentur, ab optimatibus atque Magistratu, in basilicâ cum universo Clero & populo, Hildebertus Moguntinus Pontifex, indutus cultu Episcopali, præstolabatur Regis ingressum. Ingredientis dextram lævâ prehensens, dextrâque gestans lituum, progressus est in medium templum, ubi subsistens, populum sic est affatus. *En, vobis adduco à DEO electum, & à Domino rerum Henrico olim designatum, nunc verò à cunctis principibus Regem factum Othonem: si vobis ista electio placeat, dextris in cælum levatis, significate.* Nec mora, arrectis sursum dextris, elatâ voce, novo Regi fausta precati sunt, salutem & victorias. Tum Archiepiscopus cum Othone, strictâ tunicâ moris Francici induto, processit ad aram, in quâ cernebantur insignia regia, gladius, baltheus, chlamys, armillæ, sceptrum, baculus, diadema. Cùm orta esset quæstio de rege consecrando, Ruotbertus Trevirensis agebat, munus hoc ad se pertinere, eò quod sedem haberet omnium antiquissimam, cujus originem ad B. Petrum Apostolorum Principem referebat. Contrà Vigefridus Colonienfis, id sui juris esse dicebat, eò quod locus consecrationis esset in suâ Diœcesi. Hæc tametsi pro se quisque differerent, cessit tamen uterque Hildeberto Moguntino, viro famâ sanctitatis & eruditione præstanti, qui multa credebatur prophetico instinctu edoceri. Hic progressus

ad

ad altare, gladium unà cum baltheo, Regi cum his dictis porrexit. *Accipe hunc gladium, quo excitas omnes Christi adversarios, barbaros, & malos Christianos, auctoritate divinâ tibi traditâ, omni potestate totius imperij Francorum, ad firmissimam pacem omnium Christianorum.* Pòst, de promptis ex arâ armillis & chlamyde, Ottonem induens: *His (inquit) cornibus humiscentis demissis monearis, te zelo fidei fervere, & in pace tuendâ, te ad finem usque perdurare debere.* Pòst, tradens sceptrum & baculum: *His signis monitus, paternâ castigatione subiectos corripias, primūque Dei ministris, viduis ac pupillis manum misericordiae porrigas, nunquāque de capite tuo oleum miserationis deficiat, ut in presenti & in futuro, sempiterno premio coroneris.* Ad extremum, sancto oleo delibutus est, & aureo redimitus diademate, à Pontificibus Hildeberto & Vigefrido. Post expletam inaugurationis ceremoniam, ductus est ad solium, ad quod erat ascensus per cochleas, inter duas miræ magnitudinis columnas marmoreas, unde ipse videre omnes præsentes, & videri posset ab omnibus. Denique divinis absolutis, deductus est ad aulam, ubi regiâ magnificentiâ, super mensam marmoream præbuit epulum Giselbertus Dux Lotharingæ, ad cuius jurisdictionem spectabat Aquisgranum. Everardus Franconia Dux functus est munere Dapiferi. Hermannus Dux Sueviæ præfectus pincernis, Arnulphus Bojorum Dux creatus fuit Equitum & castrorum Magister; Sifridus Saxo, Othonis gener futurus, celebritati non interfuit, eò quod Saxonæ contra hostium irruptiones defendendæ, & Henrici Junioris educationi, id temporis, daret operam. Postremò Otho, procures, ut ferebat singulorum dignitas & industria, Regni ministerijs cum eximiâ benevolentia significatione admotos, largēque donatos, domum hilares remisit. Bellum Bojæmicum, quod adversus Boleslaum D. Wenceslai fratricidam per annos ferè quatuordecim gessit Marte vario, missum faciemus, nisi si quâ parte videatur ad res Boicas pertinere.

Ad eas vel maximè pertinet mors Arnulfi Bojariæ Principis, quæ luctum induit anno sæculi septimo trigésimo. Ejus monumentum Ratisbonæ superest ad S. Emmerammi. Ei nunc murus incumbit. Ipsius ossa ante muri exedificationem aliò translata esse, par est credere. Bono Principi, scriptores aliqui infame fecerunt elogium, quod nemo antiquiorum, non Luitprandus, non Dithmarus, non Frodoardus, non Witichindus, æquales propè istorum temporum, scriptum reliquerunt. Beruo Augiensis Abbas, qui Monasterio præfuit ab anno M. VII. usque ad annum M. XLVII. scripsitque res à D. Udalrico gestas, primus strinxit calamum in Arnulfum, nullo prorsus teste. Ab illo protecta est narratio, veriùs fabula, D. Udalricum à S. Afrâ martyre, noctis silentio de lecto excitatum, in campum Lyco confinem esse educatum, atque isthic vidisse Divorum Comitium circumfusum tribunali, in quo D. Petrus rerum capitalium cognitoribus præsidebat. Eò loci Arnulfum violatorum expilatorumque Cœnobiorum peractum esse reum ab ijs cœlitibus, quorum ipse templa opesque spoliârat. Cum nullus ejus patrociniū susciperet, dictas in eum tristes sententias, ac demum omnium consensu pronuntiatam esse damnationem. Atqui neutiquam est credibile, fuisse futurum, ut hæc adeò memorabilia, ab alijs, qui D. Udalrici vitam litteris mandârunt, silentio prætermitterentur, si à vero non dissentirent. Certè scriptor Anonymus & Gebhardus Episcopus, qui diligenter retulerunt in chartam D. Udalrici res præclaras, ne verbo quidem istius judicij meminere. Et verò quis credat, D. Udalricum, virum utique misericordem, funestissimo spectaculo oculos sic pavisse, ut ne quidem ingemuerit? Otho Frisingensis & Conradus Urspergensis non dissimulant quidem Arnulphi facta sequiora, sed de Sanctorum senatu & indicto supplicio, ne verbo quidem meminere. Bruschius id omne quidem descripsit, sed asseruit, debere ad fimenta referri, perinde atque pictorum inanem licentiam, quâ olim istius prætorij horrorem in pariete Monacensis aula, penicillo delineârunt, quam effigiem pariter viri sapientes ad fabulas amandârunt. Metellus quoque poëta Tegernseensis

XXXV.

AN. CHR. M.
DCCCC.
XXXVII.
Herman.
Regin. Suppl.
Brusch.
ARNULFUS
BOJUS MOR-
TUUS.
XXXVI.
VI.
FABULÆ DE
ARNULFO.

Bernonem secutus, (circa annum M. LX. scribebat) suo genio in laceranda Arnulfi fama indulgit, nihilo, quàm poëtarum vulgus solet, probabiliore vanitate, quando eum finxit, D. Udalrici monita vaticiniūque brevi adfuturæ mortis ex-
 plodentem, fuisse fato repentino oppressum. Alij, quasi de calumniandi petitiâ
 præmiōque cētarent, vellēntque paulò antiquioribus maledicentiæ palmam eri-
 pere, commenti sunt, Ungaris patriam ab Arnulfo fuisse proditam, quasi nesci-
 rent, cum totos illorum exercitus ad Oenum profligasse, & scedere cum illis ini-
 to, fecisse, ne postremis vitæ ipsius annis, Boica perinde atque finitimæ gentes,
 vastaretur. Alij scribunt, fractam ipsi à cacodæmone cervicem; alij gulam spi-
 nâ piscis in trachæam arteriam attractâ fuisse præfocatum; alij fingunt, defun-
 cti cadaver in Schyrensem lacunam à dæmonibus abreptum, eò quòd Schyren-
 sis familiæ Comitibus, arcem Schyrensem Deo dicare volentibus, solus obsti-
 terit. Sed est, unde fabulatores isti inscitix arguantur, quòd arx Schyrensis vi-
 vente Arnulfo nondum erat in rerum naturâ, sed post ædificata ab Arnolde, ejus
 filio, ac demum anno, supra millesimum centesimum, decimo octavo, à poste-
 ris versa est in domicilium religionis. Est igitur, quamobrem meritò erroris ar-
 guantur, qui bonum principem accusant, quasi illam viris religiosis negavisset; &
 verò crimen fuisset æternâ morte piandum, non donâsse, quod donare neuti-
 quam tenebatur. Sapientiùs de istis accusationibus pronuntiavit Wolfgangus
 Selenderus, Abbas Monasterij S. Wenceslai in Bohæmiæ & Silesiæ confinio, & in
 Ratisbonensi S. Emmerammi Cœnobio diu versatus, cùm istas malè feriarum
 de Arnulfo commentationes ad somnia relegat: Et sanè tanta inter non opti-
 mos testes dissensio, nescio quid olet falsitatis. Et licèt daremus eum juventu-
 tis fervore, innatâ magnis Principibus gloriæ cupiditate, & qui ejus antecesso-
 ribus semper adhæserat, regij tituli ambitu, aliena imperia detrectando, mode-
 rationis fines aliquando esse egressum; non esset tamen inde consequens, eum
 fuisse ultimæ infamiæ & inferorum supplicijs addicendum, eò præsertim, quòd
 ex Dingolsingensi Synodo manifestum est, eum posterioribus annis religiosi
 Principis officio egregiè esse perfunctum, & si quæ damna sub ejus principatu
 fuerunt illata Monasterijs per bellorum injurias, vel licentiam, quæ in principum
 morem irrepsit, ijs abunde, vel pro viribus saltem, Episcoporum judicio satis-
 fecisse, cùm instauravit sacra religionis domicilia, curavitque, ut la-
 befactata Cleri disciplina, præcâ pietate legibuf-
 que fulciretur.



BOICÆ GENTIS
ANNALIUM
PARTIS I.
LIBER. XIV.

Bertolfus Boicæ Princeps; rejectis Arnulfi filijs. Vngarorum incursiones. Conspirationes in Othonem Imp. Rebellionum varia supplicia. Bertolfus prælio vincit Vngaros. Ei demortuo succedit Henricus Othonis frater. Arcis Schirensis initia. Otho Imp. Ludovico Galliæ Regi fert suppetias. Ludolfi Othonis F. variæ in patrem molitiones & reconciliatio. Strahyquæ Bojæmi infelix exitus. Othonis secundæ nuptiæ cum Adelheide, ex quibus Otho F. Berengarius Italiæ Rex domitus moritur exul in Germaniâ. Ratisbonæ rebellio sopita. Arnulfi Schirensis grassationes. Heroldus Arch. Salisburgensis exoculatus, loco motus, ac diris devotus. Henrici Pij, alijs Rixosi, Baviaræ Ducis, virtutes & vitia. Ducatum S. Henrico relinquit. Binæ Vngarorum clades. Eberspergæ initia, incrementa. Aliæ foundationes. Boij ad Pilsnam cæsi. Res à DD. Vdalrico & Wolfgango gestæ. Othonis II. profectio in Italiam, epulum sanguinarium, clades, obitus. Otho III. succedit non sine turbis. Henricus Rixosus Vngaros profligat.



Arnulfus tergeminos filios in vivis reliquit, Eberhardum, Arnoldum, & Hermannum; Juditham præterea Henrico Saxoni, Othonis germano, nuptam, omnes ex conjugē Gerbirgâ filia Rudolphi, uti credibile est, fratris D. Contradi Constantiensis Episcopi. Quamquam & habuit secundam uxorem priori cognominem. Eberhardus filiorum natu maximus, ætatis prærogativâ,

AN. CHRIST.
DCCCC.
XXXVII.
Witichind.
p. 32.
I.

ARNULFI
FILII BOICÆ
PRINCIPATU
EXUUNTUR.

VARIAE IN
BOICIS FA-
CTIONES.

Reichersp.
Chron. pag. 6.
& seqq.

II.

RESPONSA
PONTIFICIS.

* Inficimus.

tiva, Boicæ principatum, velut delatam à mortuo parente hæreditatem, prætermiſſâ Othonis Regis autoritate & fiduciariâ clientelæ recognitione, ex alie adiit, exercuitque absoluto dominatu. Unde magnæ turbæ extiterunt. Arnoldus & Hermannus natu minores, Othone itidem neglecto, adversus Eberhardum fœderati, communibus armis Boicam involârunt. Otho Rex aliâ ex parte, ne quicquam de pristino Regni jure remitteret, tribus fratribus objecit Bertolfum, Arnulfi demortui germanum, nepotibus jussis facere in castris virtutis suæ experimentum. Boicâ scissâ in factiones, populorum aliqui Othonis imperium respexerunt, alij Bertolfi, alij fratrum partes secuti sunt. Eberhardum nihilominus principum munia titulûmque retinuisse palam est ex Leonis VII. Pont. Epistolâ, quâ Everhardo injunxit, ut Gerardum Laureacensem Episcopum auxilio juvaret, ad tuendum Ecclesiæ suæ statum atque dignitatem. Eam, quoniam in Pontificiarum Epistolarum voluminibus non recitatur, neque habetur in Baronij Annalibus, & ab Aventino corruptè & fallaciter redditur, ex Reicherspergenſi Chronico visum est ad verbum describere, ne cui Aventini in clerum maledicentia imponat.

Leo Episcopus, servus servorum DEI, Regibus, Ducibus, Episcopis, Abbatibus, Comitibus, pars etiam modo Egilolfo Iuvaviensis, Ingrino Ratisbonensis, Lantperto Frisingensis, Wisundo Sabionensis Ecclesiæ Venerabilibus Episcopis, & ceteris, per Galliam, Germaniam, Bavariam, Alemanniam, commorantibus. Si instituta Ecclesiastica, ut sunt à beatis Apostolis tradita, integra vellent servare domini sacerdotes, nulla diversitas in ipsis ordinibus & consecrationibus haberetur: sed dum unusquisque, non quod traditum est, sed quod sibi visum fuerit, hoc existimat esse tenendum, inde diversa in diversis locis, vel Ecclesijs, aut teneri, aut celebrari videntur. Hac de re fit scandalum populis, dum multa in vestra provinciâ, contra Canones Ecclesiasticos decretaque majorum usurpari videntur, quæ quidem possent facile refecari, si Episcopi in his non viderentur auctores, qui secularibus intenti, humanum favorem captantes, religionem violant, ordinisque corrumpunt. Nos siquidem divinis præceptis & Apostolicis incitatur monitis, ut pro omnium Ecclesiarum statu, impigro vigilemus affectu. Idcirco fraternitati vestra cognitum facimus, quod Gerardus sanctæ Laureacensis Ecclesiæ Archiepiscopus, causâ orationis veniens ad limina Apostolorum, nostram Apostolicam præsentiam visitare, & benedictionis gratiam à nobis percipere sollicitè studuit, multa, quæ reprehensione digna sunt, nostris auribus, lachrymosis vocibus intimavit, totâ cordis intentione à nostrâ Apostolicâ auctoritate, de his, quæ Canonum regulam & decreta majorum in vestris gerantur provincijs, quærens consilium. Scitis enim, quod ab ipso Domino, Beato Petro Principi Apostolorum, ejusdemque vicarijs omnium Ecclesiarum cura commissa est, veritatis voce dicente: Tu es Petrus, & super hanc petram ædificabo Ecclesiam meam: cui etiam proprias oves commendavit, dicens, Si diligis me, pascere oves meas. Et idcirco pro universis Ecclesijs sollicitudinem gerimus, & veluti in speculâ positi, quid per totius orbis provincias geratur, vigilanti curâ insistimus. * De quibus ergo Apostolicam sedem consuluit, & qualia nos ei responsa dedimus, per hos nostros apices vobis intimare curamus: ejus namque interrogatio talis erat. De auguratoribus & incantatricibus & maleficis, vario modo mortificatis à populo, si aliqua pœnitentia debet exigi: de talibus namque personis, quid veteris ac novi testamenti pagina censeat, manifestum est. In lege namque Mosaicâ scriptum est, Maleficos non patieris vivere: similiter in Samuelis libro legitur, Quia exterminavit Saul omnes Pythonissas de terrâ: & alia, quæ enumerare longum est. Sed nos etiam tales nostris exhortationibus ad pœnitentiam trahere debemus, ut magis Ecclesiastico judicio, pœnitendo vivant, quàm gladio vindice puniantur, dicente B. Paulo Apostolo: Non enim posuit nos DEVS ad iram, sed in acquisitionem salutis. Quod si Ecclesiastica judicia spreverint, humanis subjaceant legibus: meminisse enim debent, à DEO potestates fuisse concessas: & ad vindictam noxiorum, gladium fuisse permissum, & DEI ministrum fuisse datum, in hujusmodi vindictam: & dum in talibus improbis legum exercetur auctoritas, dicente beato, Innocentia erit dictator immunis. Consultum est etiam, utrum Episcopi, Pax vobis, an Dominus vobiscum pronuntiare debeant? Sed non aliter per omnem vestram provinciam tenendum est, quàm in sanctâ Romanâ Ecclesia.

In

In dominicis enim diebus, & in precipuis festiuitatibus, atque Sanctorum natalitijs, Gloria in excelsis DEO, & Pax vobis, pronuntiamus; in diebus vero quadragesima, & in quatuor temporibus, siue in vigilijs Sanctorum, & in reliquis jejuniorum diebus, Dominus vobiscum, tantummodo dicimus. Post hac consuluit, si dominica oratio in benedictione ciborum debeat usitari? Quod fieri non oportet, quia in sanctificatione corporis & sanguinis Domini nostri IESU Christi, hanc solummodo orationem sancti Apostoli decantabant, & in Evangelio legitur, quia post cenam à Domino factam, hymno dicto, exierunt in montem olivarum.

Post hac interrogauit, de eo, qui matrem & filiam spirituales in conjugio duxit, quod ne fiat, sacri canones per omnia vetant. In canonibus Zacharia ita habetur, ne Presbyter, Diaconus, Monachus, vel etiam spirituali commatre nullus utatur: nam qui huiusmodi opus perpetravit, scias se anathematis vinculo innodatum, DEI iudicio condemnatum, atque à sacro corpore & sanguine Domini nostri IESU Christi alienum, & quicumque sacerdotum eis communicare præsumpserit, eorum iudicio condemnatus, sacerdotij sui honore priuetur. Dehinc intulit lamentabile & nimis lugendum, ut Domini sacerdotes ducant uxores, & si filij eorum valeant promoveri. Quod scelus, quia omnis sacra scriptura contradicit, quia sanctum & venerandum Nicenum concilium vetas, ne sacerdotes cum feminis habitare præsument, multò magis ne copulari vel sociari mulieribus debeant, modis omnibus prohibemus. In Neocasartensi namque concilio sic habetur: Presbyter, si uxorem acceperit, ab ordine deponatur, & qui in tali scelere fuerint reperi, nostrâ Apostolicâ auctoritate ab omni priuentur honore: filij vero eorum immunes ab eorum peccato sunt, dicente propheta: Filius non portabit iniquitatem patris: & in sacro baptismo omnia dimittuntur peccata. Dehinc perquisiuit, si à Chorepiscopo Ecclesia debeant consecrari, aut presbyteri ordinari, vel consignatio Chrismatismatis & manus impositio fieri: quæ omnia à Chorepiscopis ne fiant, interdiximus juxta canonum decreta. In Concilio Antiocheno cap. decimo, sic habetur: Qui in vicis & possessionibus Chorepiscopi nominantur, quamvis manus impositionem Episcoporum perceperint, tamen sancta Synodo placuit, ut modum proprium recognoscant, & gubernent subiectas sibi Ecclesias, ordinem etiam Lectores & Subdiaconos atque Exorcistas, quibus promotiones ista sufficiant, nec Presbyterum vel Diaconum audeant ordinare: si quis autem transgredi statuta tentauerit, depositus, quo utebatur, honore priuetur. Perquisiuit etiam, si vir & mulier tertio vel quarto gradu consanguinitatis conjuncti, & insci, conjugio copulantur, postea DEI respectu compuncti, ostendunt se sacerdoti, secreta confitentes peccata sua, utrum valeant elemosynarum largitione ac operum bonorum exhibitione purgari: de talibus enim personis in veteri & novo testamento multa reperiuntur exempla, maxime in Concilijs Gregorij & Zacharia, in quibus hæc continentur: Ut consobrinam, norvercam, neptem, fratris uxorem, nurum, vel etiam de propria cogitatione, aut quam cognatus habuit, nullus præsumat conjugio copulare. Si quis vero hoc nefario conjugio convenerit, & in eo permanserit, scias, se auctoritate Apostolicâ, anathematis vinculo innodatum, & nullus sacerdos ei tribuat communionem: & si inclinatus divisusque fuerit ab illicitâ copulâ, penitentia submitatur, ut sacerdos loci consideraverit. De vastatoribus autem Ecclesiarum, unde inquisiuit, nihil aliud scribimus, nisi quod Paulus Apostolus, ad Timotheum scribens, ait: Argue, increpa, obsecra cum omni imperio. His vero omnibus pralibatis, fraternitatem vestram monemus, per hanc Apostolicam nostram iussionem, ac huic Gerardo Archiepiscopo, cui vicem nostram in cunctis sinibus vestris commisimus, in omnibus, quæ ad Ecclesiasticum ordinem pertinent, obediens & adiutores sitis, quatenus in unâ concordia persistentes, ut Ecclesiastica jura & Christianitatis religio in vestris partibus, quæ paganorum incurusione, & malorum Christianorum persecutione correpta & depravata esse videntur, Domino largiente, & Beato Petro Apostolorum Principe cooperante, ad rectitudinis normam valeant reformari, & vos in futuro examine securi possitis audire vocem Domini dicentis: Euge serve bone & fidelis, quia super pauca fuisti fidelis, super multa te constituam, intra in gaudium Domini tui.

Præter hac Eberhardo Duci Bavariarum nostrâ auctoritate injungimus, ut præfato Gerardo Archiepiscopo in omnibus auxilium præstet, ut sua Ecclesia status & rectitudo,

Pars I.

Vn

ac pro-

III.

IV.

UNGARORUM INCURSIONES.

ac proprius vigor, ad integrum culmen & priscum decorem, suo iuvamine, valeas pervenire, si DEI indulgentiâ & S. Petri, etiam suorum delictorum à nobis vult accipere remissionem. Quibus ex verbis promptum est colligere, Everhardum Ducis titulum & munia retinuisse, quamvis intestinis motibus & Othonis decreto, Boica foret inquieta. Quæ inquietudo Ungaris ansam præbuit, ut eam, post Arnulfi mortem, perinde atque Sueviam, Franconiam, Alsatiam, Lothariense regnum, Burgundiam, Gallias, Italiam, torrentis instar, hoc anno pervaserint, & passim sædè lacerârint.

AN. CHRIST.
DCCCC.
XXXIIX.

Regin. Suppl.
EVERARDUS
BOIUS PRO-
SCRIPTUS.

Accessit ad eam calamitatem Boicæ turbatio, ex dissidiorum multiplicitate, & incertitudine dominatûs, quæ mala, sine ferro non posse sanari, videbantur. Otho Rex Everhardi pervacitatem statuit bello domare: tamen ut severitatem lenitate temperaret, arma voluit ostentare prius, quàm inferre, quæ quidem prima fuit expeditio, sed frustranea, adversus Principem, qui solâ belli umbrâ non movebatur. Quæ res ei malè vertit. Nam Otho denique cum potente exercitu ingressus in Boicam, eum redegit in suam potestatem, nec tamen in eum egit durius, quàm ut, factâ vitæ veniâ, proscriptum exilio multaret.

BERTOLFUS
BOICA PO-
TITUR.
Witichind.
Luitprand.
Herman.
ARNOLFUS
BOIUS RE-
BELLAT.
CONRADUS
EPISC. RA-
TISBON.
MORTUUS.
GUNTHERUS
SUCCEDIT
DIVINO O-
STENTO.

V.

Bertolfus, cujus perpetua fuerat in Regem fides & constans observantia, Boicam consecutus est jure fiduciario. Cùm factiosi redijissent ad obsequium, unus Arnoldus Everhardi frater, quod veteres historici, ab Aventino dissentientes, notârunt, Othonis imperium detrectavit, spe regnandi nondum extinctâ, quæ res, uti pòst paulò referam, non parùm negotij Othoni facessivit. Inter hæc cùm Reginoburgi substitisset, Conradus ejulce urbis Episcopus, hominem exutus, mitram Gunthero reliquit eventu mirabili. Othoni, cui nominandi successoris erat potestas, sollicitè consideranti, quem potissimùm optaret, secundum quietem ostensum est, DEO placere, ut defuncti sedes ei committatur, qui postridie Othoni templum ingressuro primus occurreret. Omen accepit Otho. Contigit verò, ut primâ luce D. Emmerammi basilicam adeunti, Guntherus, vir apprimè religiosus, fores aperiret. Rex hominem conspicatus, ex eo quærit, quid daturus esset præmij illi, qui suâ eum suffragatione ad Episcopatum eveheret? Guntherus, interrogationem pro joco interpretatus, jocum reposuit: Quisquis mitram, quod capitis integumentum est, mihi imposuerit, eidem calceum ad tegendum pedem rependam. Otho viri ingenium, responsi comitate, æstimans: Tu verò, inquit, ille es, quem Episcopum DEUS esse jussit, egoque jubeo, quando tu quidem insulam non habes calceo potiore: atqui tu animarum procuracionem omnibus rebus antepone. Paruit vir obsequentissimus, sed ita paruit, ut nihil magis optaret, quàm brevem ejulce dignitatis usuram, quæ illi fuit semestris, sed magnis extensa virtutibus: nec prius desijt DEUM sollicitare, quàm morbo correptus, instantem mortem in substrato cinere, quem crucis signo exaravit, lætus excepit, & mitram Michaëli reliquit.

POST SEME-
STRE MOR-
TUUS.

Subinde maturuit tempestas, quæ tum ab Everhardo Conradi Regis fratre, tum à Giselberto Lotharingæ principe, Othonis Sororio, & Henrico ejuldem fratre, parabatur. Belli obtentus fuit, quòd Henricus putaret, se, licèt natu minorem, Othoni fuisse in parentis testamento præferendum, quòd Otho, tamen natu major, Henrico patri regnum nondum adeptò, natus fuisset, ipse verò Henricus, patre regnante, primam lucem aspexisset, & istâ nascendi dignitate esset consecutus, ut non modò Regis filius esset & diceretur, sed etiam jus haberet succedendi ad paternos honores, cùm Otho nonnisi Saxonum Ducis filius & hæres esse deberet. Ita olim Darium Regem, filium Xerxem natu minorem, sed in regiâ purpurâ progenitum, prætulisse Artabazani, quem, antequam regnaret, ex legitimis nuptijs homo privatus susceperat. Eandem ob causam Cyrum cum Artaxerxe natu majore de regno contendisse, & obtinuisse tandem Lydiæ & oræ maritimæ dominatum. Ita refodiebatur vetustissima lis, in cujus explicatione, posterioribus sæculis, viri juris consultissimi defudârunt. Everhardum stimulabat invidia, quòd Othonem sibi videret præferri: Giselbertus, Othonis magnitudinem per-

Herodot. lib.
7.
Justin. lib. 2.
Plutarch. in
Artaxer.
Vide Ioan. le
Crier. Tract.
de primogen.
l. 1. q. 12.

perosus, faces cæteris admovebat. Et fuit quidem Giselbertus idem ille, quem res novas molientem, Henricus Auceps, Othonis parens, anno DCCCCXXIX. non armis, sed ratione domuit, ope Christiani, viri inter Lotharingos potentis. Hic ægrè ferens Giselberti inquietum ingenium, quo Lothariente regnum ad Francos conabatur reducere, hoc cum evertit astu. Primùm simulat gravem morbum, tum amicitiz specie Giselbertum invitat, ut in alteram vitam migraturo, supremum visitationis officium impendat: esse enim non levis momenti consilia, quæ, si ita videretur, cum ipso esset communicaturus. Giselbertus nihil metuens insidiarum, vix advenerat, cùm ei sacra profanæque omnia contestanti, Christianus vincula injicit, vinctumque jubet ad Henricum Aucupem deduci in Saxoniæ. Auceps egregiam viri indolem & splendorem aviti generis curiosè arbitratus, cum adscivit in generum, locatâ Gerberga filiâ, traditâque in dotem Lotharingæ clientelâ. Precaria regni initia gessit imperio tolerabili: sed, ut vi compressi animorum affectus faciliè reviviscunt, rediit ad ingenium, nec desijt Henrico Othonis Regis fratri, suâ jam sponte regnandi avido, ambitionis ignes subijcere, donec conflata factione, consilia clancularia in apertum bellum evaserunt.

Otho permotus periculo, cum exercitu contendit in fines Lothariensium. Pars copiarum Rhenum trajecerat, cùm rebelles in pugnam coorti juxta Biertunam (Luitprando Biertunum) trajectos sunt aggressi. Otho, suorum discrimen ex adversâ ripâ conspicatus, supplex cum reliquis legionibus in genua provolvitur ante triumphalem lanceam, nuperum Rudolphi Burgundionis donum, in qua crux ex sacris Christi crucifixi clavis gestabatur, & precibus ardentibus, mixtoque lachrymarum imbre, DEUM sollicitat, ut suis opem victoriâque concedat. Non desijt orare, donec rebelles à paucis superati sunt. Henricus brachio vehementer contuso, acie excessit, nec ullâ potuit arte perfanari. Otho victoriâ DEO gratularus, hostium reliquias non est passus respirare. Eos citato agmine persecutus, obsedit in Caprimonte, castro, haud procul à Leodio. Isthic adsidenti venere à Lotharingiâ nuntij, Ludovicum Franciæ Regem, Caroli Simplicis filium, cognomento Transmarinum, hostilia facere in Alsatiâ, spe regni Lothariensis occupandi. Quare Otho, solutâ Caprimontis obsidione, arma vertit in Francos, eosque pellit ex Alsatiâ: tum Rheno transmissis, obsidet Brisacum, Everhardi Ducis munitionem. Dum in eâ oppugnandâ totus occupatur, nova belli materia conflatur à Friderico Moguntino Archiepiscopo, & Ruothardo Argentoratensi Antistite, qui palam ab Othone deficientes, magnam partem regij exercitus ad se pelliciuht, & ex condicito jungunt perduellibus apud Mediomaticos.

Hæc dum geruntur in Austrasiâ, Giselbertus & Everhardus per agros Germaniæ ulterioris impunè grassabantur, quousque Udo Alemanniæ, & Conradus Sapiens Wormatiæ, Dynastæ, ipsis apud Anternacum armatâ manu occurrerunt, & collatis signis, cæsisque propè ad internecionem rebellium reliquijs, Ducem utrumque grassatorum, vitâ exuunt. Giselberti casus fuit longè infelicitissimus: nam inclinatâ suorum acie in paratam scapham refugiens, se vectorisque omnes submersit, nunquam postea repertus. Everhardus in pugna occubuit. Brisacenses, cognitâ suorum clade, se Othoni permisérunt. Eorum exemplum secuti sunt Lotharienses, quotquot perduellibus adhæserant. Fridericus Moguntinus Antistes in Fuldense Monasterium, Ruothardus in Corbeienſe, sunt relegati, nec multò post pristinae dignitati restituti. Danemarum Othonis frater ex concubinâ, qui in conjurationis partem venerat, in Merseburgensi castello unâ cum quibusdam alijs est obruncatus. Reginonis continuator scribit, Henricum, projectis armis, Othonis clementiæ se dedidisse, & receptum esse in gratiam, eâ tamen lege, ne à fratris latere discederet, donec anno quadragesimo, ipsi Lotharingiam precario imperio gubernandam dedit, quod dum pro ingenij mobilitate imperitè gerit, mox pellitur à Lothariensibus, & Othonem Viriduni Comitem Richwildi filium, successorem accipit. Huic simul imposita cura educandi, ad spem regni Austrasijs, Henricum Giselberto natum, puerum indolis

GISELBER-
TUS CAPI-
TUR.

GENER AU-
CUPIS.

VI.

Luitprand.
lib. 4. c. 11.

Sigeb.

Regin. Suppl.
Witichind.

OTHO RE-
BELLES
PRÆLIO SU-
PERAT.

Tom. 1. Gest.
Leodien in
Notgero. l. 4.
c. 50.

Flodoard. lib.
4. c. 26.
FRANCOS
FUGAT.

VII.

Regin. Suppl.
Sigeb. ad an.
943.

GISELBER-
TUS AQUIS
HAURIRUR.

REBELLUM
VARIA SUP-
PLICIA.

AN. CHRISTI
DCCCC.
XL.

optimæ. Sigebertus scribit, Lothariensis regni gubernacula fuisse Othoni Comiti demandata, & morte, quæ non multò post secuta est, erepta, traditaque Conrado Othonis genero. Paulò aliter, sed accuratè, rem exequitur Abbas Ulpergensis. Henricum videlicet, desertà Lotharingià, ad Ludovicum Gallie Regem profugisse, idque hortatu Gerbergæ sororis, ne totam belli molem in Lotharingiam traheret. Porro cum exilij pertæsum, nonnullis Episcopis, qui deprecatorum partes agerent, comitantibus, nudis pedibus, atrato supplicis habitu, humi stratum, prensantem Regis fratris genua, vitæ veniam obtinuisse, & Ingelheimij tantisper mansisse captivum, donec aliquot civitatum in Lotharingià donatum usurâ, frater iussit pacatè agere, darèque specimen frugis melioris. Ludovicus Gallie Rex, haud dubiè, ut amicitiam cum Othone integraret, Gerbergam ejus sororem, Giselberti recens defuncti viduam, matrimonio sibi conjunxit.

BERTOLFUS
NUBIT FILIÆ
GISELBERTI

II X.

Hujus viduæ filiam, Othone parario, duxit Bertolfus Bojorum Princeps. Cum enim hic in tot rebellium motibus, Othonis partes perpetuò secutus, utilem ipsi operam locasset, in continendis Germanis: Otho victor ad Anternacum, postero, quàm pugnatum est, die, cum per expeditos cursores de victoria fecit certiore. Ut verò sibi arcto affinitatis nexu redderet obstrictum, simul dedit optionem ducendi, utram mallet, Gerbergam viduam, an filiam Virginem propè nubilem. Bertolfus utroque nuntio mirè recreatus, puellæ connubium prætulit, quæ tantisper, dum ad thorum maturesceret, in Regis aulâ moribus, suo sanguine dignissimis, fuit exulta.

AN. CHRIST.
DCCCC.
XLIII.
BERTOLFI
DE UNGARIS
VICTORIA.

Quæ deinceps toto triennio in Boijs gesta sunt, non sunt missa in chartas servato temporis ordine. Relata per Bertolfum de Ungaris victoria, scripta quidem est, sed breviter ac jejunè ab antiquioribus. Witichindus ait, Bertolfum, commissâ contra Ungaros pugnâ, victoriam celebrèmq; triumphum reportasse. Non est dubium, quin eo bello victoris nomen longè latèq; inclaruerit, cum Ungari rarò aliàs graviore sint clade affecti. Hepidanus, qui ad annum M. LXXII. provixit, scribit, Barbarorum copias fuisse deletas. Aventinus styli licentiâ, an aliunde, rem latiùs explicavit, cui si fides est, Bojorum exercitus est bifariam divisus: pars in Carantanis, pars ad Valentiam Noricorum Urbem, usa est Marte prospero. Agmen in Norico duxit Bertolfus, hostemque fuscum atque fugatum, ad Tranum amnem superavit, plurimis ferro concisis, plurimis flumen tranantibus, quos undarum vis abripuit. Pugnatum 3. Idus Augusti. In Carantanis Bertolfi Legati confixerunt cum ingenti item clade Barbarorum. Atque ea quidem fuit rerum à Bertolfo gestarum gloriosa coronis. Is enim biennio post, ut scripsit Reginonis continuator, vel si magis Hermannò & Urspergensis credimus, quatriennio, fato concessit 9. cal. Decemb. Princeps, sive fidem in Regem spectes, seu virtutem militarem, quovis dignus principatu. Exinde facta insignis in Boicâ rerum mutatio, qualis & inducta est in jura Ecclesiæ Passaviensis.

BERTOLFI
EXCESSUS.

IX.

PROVINCIA
SALISBURG.
ARCHIEPI-
SCOPATUS
DIVISA.

Etenim Gerardo, cujus paulò antè meminimus, humanis rebus exempto, antè quàm finita lis esset, quam Heroldus Salisburgensis Episcopus de Archiepiscopali dignitate moverat in Urbe, Agapitus summus Pontifex sic ex æquo controversiam diremit, ut neutri tota victoria addiceretur, sed partitâ inter utrumque jurisdictione, Norici provinciæ spectantes ad orientem, Ecclesiæ Passaviensis subessent; quæ verò vergunt ad occidentem, parerent Salisburgensi Metropolitæ. Atque id quidem eâ tempestate constitutum: Verùm quia annis succedentibus, Passaviensibus antistitibus in tuendâ Ecclesiæ suæ dignitate defuit sive animus, sive diligentia, & quæ præterea causæ intercesserunt, totum Archiepiscopatus imperium ad Salisburgensem Ecclesiam postliminio reversum est.

HENRICUS
OTHONIS
FRATER
BERTOLFO
SUCCEdit.

Bertolfo Boicæ Principi, Otho Rex successorem dedit, Henricum fratrem. Datum id sanguini, non meritis, annitente Mathilde matre, quæ rebus Henrici semper ita studuerat, ut, si penes ipsam steteret, fuisset Othoni præferendus, ita cæcus parentum subinde amor est. Eò factum, ut Boicæ principatus non omni-

no à Schyrensi stirpe discesserit. Quamvis enim Henricus Saxo fuerit, qui tamen eo progenitore Bojorum Duces nati sunt, maternum genus è Boicâ nacti sunt. Henricus enim Juditham, principem ob formæ & prudentiæ claritudinem à Witichindo commendatam, Arnulfi cognomine Mali filiam, nuptum acceperat, ex quâ Saxonum, qui Bojariæ Imperitârunt, orta est nobilissima progenies. Potuisset in Arnulfi liberis possessio continuari, nisi eos spiritus justo elatiores, & alieni dominatûs impatientia evertisset. Everhardus ab Othone solum, soliumque exilio mutare coactus; Arnoldi pervicacitas inflexibilis frangi sine turbis & patriæ convulsione nequibat, nec verò Hermannò ejus fratri tutum fasces committere, ne ijs abuteretur. Vix credibile est, quod suo more asserit Aventinus, duos posteriores, fuisse donatos prætoris præfecturâ per Bavariam, quæ dignitas eâ tempestate Comitatu æquabatur, eratque primus honor à principatu. Nam eorum erat munus, vicem Regis agere, regium fiscum tueri, censibus colligere per ministros inferiores, Regis tutelam implorantibus, auxilio adesse, eorum arbitrio, quæ publicè decernebantur, firmari, neque quicquam à Duce constitui citra eorum auctoritatem. Intercedebant etiam Senatusconsultis, deque ijs referebant ad Regem, si quæ ex ejus re ac dignitate non esse videbantur, verbo jura regia sic tueri, ut ne quid detrimenti acciperent. Quæ res si in Fratrum manibus fuissent, haud futurum ijs fuisset difficile, res novas in Provincijs moliri, & popularium animos, regis ingratis, sibi devincire. Eos tamen patriâ non fuisse exactos, inde palàm est, quod Arnoldus per hæc tempora Schyrensem arcem excitârit, sive sedem residuæ suæ dignitatis, sive incolumitatis ali-quod præsidium.

MUNUS
PRÆFECTORUM
PRÆTORII.

ARX SCHY-
RENSIS AEDIFI-
CATA.

Cæterùm, Othonis clementia in Henricum fratrem mirum in modum inclaruit, quando meditatum recens patricidium, ingenti beneficio obruit. Rem ordine narrat Witichindus & Reginonis appendix.

X.

Cùm ad reprimendam Barbarorum irruptionem, Otho copias collegisset, & exhaustum varijs impensis ætarium, stipendijs repræsentandis par non esset, Henricus tumultuantem militem, in partes allectum, sacramento sibi devinxit, inita conjuratione, ut Othonem in ferijs Paschalibus, quæ propè erant, è medio tolleret, & fastigio Henricum imponeret. Fuit, qui Othoni imminens periculum prodidit. Rex, dissimulato in præsens metu, fidâ prætorianorum manu, præter morem, dies noctesque vallatus, divina istis diebus sic obijt, ut nihil de pietate aut majestate minueret. Factiosi interea vigiliatum diligentiam suspectare, agitare novas coitiones, quod improbis innatum est, metu lentescere, differre scelus. Christi resurgentis ferijs absolutis, Otho jubet conjuratos rapi in vincula. Henricus stimulante sceleris conscientia & timore supplicij, fugam arripuit. Reginonis Continuator, eum Ingelheimensi custodiæ mancipatum, tradidit. Captivi, criminis comperti, per quæsitores, capitali pœnæ addicti. Ipsum cœlum visum est criminis atrocitatem detestari. Cometa horridus mortales aspectu tetruit, metuentes insignem aliquam in Republicâ mutationem. Sol radios, velut cruore tinctos, aëre sereno, misit: fama fuit, montem Calvariz multis locis flammâ vomuisse. Viro sinistra manus ante annum amputata ferro, reddita est dormienti: & ne fides prodigio deesset, linea cruenta, instar fili ducta circum cicatricem, abscissionis vestigium constanter notavit. Formidabilem passim aquarum eluvionem secuta est boum pestilientia. Otho Rex maternis precibus, Judithæ item Henrici conjugis lachrymis, atque virtuti & suæ clementiæ indulsit, ut rursus ad molliendum fratris animum beneficentiâ uteretur. Quare, instauratâ concordia, eum recepit in gratiam & fidem, quæ Henrico deinceps mansit integra. Bonam operam præstitit adversus Ungaros, qui cognitâ Bertolfi morte Bojariam incurfabant. Prælio semel iterum devictos repressit. Domestici Annales memorant, Rathonem è Comitibus Andecensibus, Dieffensibus, utrique pugnae interfuisse cum magnâ laude. Fuit inter præcipuos avi sui bellatores præcis heroibus æquandus. Ejus nomen hodièque in Boicâ refertur in

Witichind.

l. 2. pag. 31.
Regin. Suppl.
ad an. 41.

HENRICI IN
OTHONEM
FRATREM
CONIURA-
TIO.

DETECTA

PUNITA.

VARIA PONTA.

OTHO HEN-
RICO FRA-
TRI RECON-
CILIATUS.
UNGARI SE-
MEL ITE-
RUM PRÆ-
LIO SUP-
BEA-RATI.

XI. beatorum Album, & Cœlitum honoribus arisque celebratur. Si pictoribus, qui cum giganteâ formâ proponunt, fides est; communem corporis humani modum longè excessit. De Maurkirchensibus statuis, ob devictos Ungaros, paulò antè dictum est. Rathonem sancta Palæstina loca, voti causâ, lustrasse, & vitam in cœnobio Verdensi, quod suis ipse opibus locupletaverat, finiisse, anno, post devictos Ungaros, sexto, constans est opinio. Addit famæ vetustas, Juditham Henrici uxorem, loca Christi sacratissimis vestigijs impressa obeuntem, habuisse Rathonem in comitatu, quod, nescio, an apud exactos antiquitatis censores fidem sit reperturum. Cæterum si ambitio & simulas fraterna ab Henrici moribus abfuisset, parùm esset, quod in eo carperetur. Erat enim bonus consilio, animo fortis atque serius, prorsus ut, qui eo familiariter non utebantur, minùs amœnum inclementemque crederent. Immotâ fuit in amicos fide, & in remunerandis meritis apprimè liberalis. Eum, Witichindus scribit, militem fortem, sed fortunæ tenuis, quam Otho sororis suæ nuptijs erexit, pactus cum ipso amicitiam. In Italicâ expeditione, primo statim impetu cepit Aquileiam: Ticino trajecto, regionem latè est depopulatus.

RATHO COMES ANDERCENSIS.
HENRICI LAUDES.
Witichind. lib. 2. pag. 32.
AN. CHRIST. DCCCC. XLIX.
FOENILIA REDIMICULA.
Anno nono supra quadragesimum, Otho Rex Ludovico Galliz Regi suppeditias duxit, copiosum exercitum adversus factiosos, in quibus Hugo rerum præclare gestarum famâ & opibus clarissimus. Aduère Othoni triginta duæ legiones, conscriptæ in Austrasiâ. Gestabant milites galeros ex fœno contextos. Hugo per contemptum Othoni jussit renuntiari, se telorum tantâ procellâ capita fœnilia decussurum, ut eorum multitudo missilibus non sit suffectura. Otho per jocum reposuit, se tot lectissimos viros objecturum, quot nec Hugo, neque ejus parens, unquam vidissent. Castra mota Lugdunum, quo deditione accepto, iterum Parisios, ager vastatus, Remi expugnati, Rotomagum ob tempestatis iniquitatem occupari non potuit: exacto trimestri, copiarum domum remissæ: Hugo anno sequenti pacem cum Ludovico composuit.

AN. CHRIST. DCCCCL. LUDOLFUS OTHONIS F. INQUIES. Regin. Suppl. Witichind. Visserg.
Otho Ludolfum filium, conciliatis cum Idâ Hermannî Alemanniæ Ducis filiâ nuptijs, opulentæ, simul & nobilissimæ affinitati innexuit. Etenim socero hoc anno defuncto, Ducatus universus in Ludolfi ditionem, Othonis beneficio, concessit. Ea rerum & potentiarum accessio, juvenem hætenus quietum, mutatâ indole, ad audendum excitavit. Ut pellax est crescendi spes, exercitum duxit in Italiam, captisque aliquot urbibus, præsidioque munitis, reversus ad Francones, turbas parenti permolestas comparavit.

XII.
BOLESLAUS OBSESSUS ET DEDITUS. Ditmar. lib. 2. p. 15.
STRAHYQUÆ IN BOICAM ADVENTUS.
Interea Boleslaus Bojæmorum princeps nondum domitus, Othonis arma provocavit. Quam ad rem, contracto exercitu, ingressus Bojæmiam, bello voluit interesse. Boleslaus civitatem, quæ nova appellata est, egregiè munitam, bello ducendo, frustrandisque Regis conatibus pro receptu habuit. In eâ cum filio cognomine se tueri, nec facere sui copiam instituit. Otho obsessum adegit ad deditionem, & si verum habet Ditmarus, cum Henrico Bojorum Duci tradidit custodiendum. Unde factum, opinantur, ut Strahyquas ejus filius duceretur in Bavariam, & in D. Emmerammi cœnobio monachum indueret.

AN. CHRIST. DCCCC. LI.
OTHO IN ITALIAM VOCATUR AB ADELHEIDE LOTHARII REGIS VIDUA.
Othoni, Bojæmicâ expeditione defuncto, nata est occasio Italicæ profectio- nis, cujus jam pridem desiderio tenebatur: quòd, Italiâ ad Germanicum imperium revocatâ, speraret, se haud ægrè Romanam inaugurationem, & Imperatoris titulos impetraturum. Post Lotharij Italiz Regis excessum, Berengarius, homo avaritiâ & animi elatione insignis, Italiz Rex, unâ cum Adelberto filio Veronæ fuerat renunciatus. Is, quò firmiùs regnum, Papiamque regni sedem, sibi filiòque asse- reret, Adelheidis Lotharij viduæ, quæ dotis nomine Papiam tenebat, nuptias Adel- berto conciliare nitebatur. Adhibitz primùm honorificæ prensationes, promissâ magnifica, & quicquid viduæ demerendæ opportunum. Hæc cum frustra fuissent, ad vim conversus, Papiam invasit, captamque Adelheidem castro Gardiz ad Benacum lacum, inclusit. Ejus natales Æmilius Burcardi Sueviæ Ducis fami- liæ inserit: Leo Ostiensis natam ait ex Tusciæ proceribus: Frodoardus eam facit Con-

Conradi Regis Jurensis sororem, Cranzius Rudolphi Burgundionum Regis filiam, ex Berthâ Boicâ, Arnulfi filiâ, procreatam. Illa, ope Marini presbyteri, quem Sigonius Martinum nuncupat, erepta captivitatî, ad Athonem avunculum, in arcem Canussinam evadit, moxque à Berengario obfessa, avunculi suâsu, & ipse nobilissimi matrimonij regniquè potiundi ostentatâ, Othonis auxilium implorat, quem simul Agapitus Pontifex, ad excutiendum Berengarij dominatum, in Italiam invitat. Valuere tot rerum maximarum illecebræ ad devinciendum Othonis animum, instruendâsque ilicò pares Italiæ occupandæ vires. Sed hæc, unde minimè ctedebantur, ingentes simultates. Etenim Ludolfus Othonis filius, æmulatione, an patris adjuvandi studio, ipso inconsulto, prior penetrat in Italiam, ausu non modò improspéro, sed etiam parenti odioso, sive quòd ex eventu, filij temeritatem metiretur, sive quòd malè expensum conatum, sequiorem in partem interpretaretur, quasi Ludolfus facti gloriam & utilitatem præripere voluisset. Quocirca patris gratiâ depulsus, causas odij & similitas vertit in Henricum patruum, Boicæ Ducem, quòd existimaret, hujus invidiâ contrigisse; quòd præter ludibrium nihil ex Italiâ retulisset. Et verò Henricus, generosi juvenis magnitudinem jam pridem perosus, ejus nomen apud Italiæ Principes ita traduxerat, ut venienti, honoris causâ, nullus occurreret, nulla civitatum fuerit apertâ, nullus milite, annohâ, consiliisque juverit; quasi omnes, ex condicò, in ejus perniciem capita contulissent. Auxit invidiam, quòd anno sequenti Otho Veronensem & Aquileiensem cliente iam Henrico donârit: sed odium multò exarsit flagrantius, cum, post Othonis adventum, Ludolfo, omnibus affecto incommodis, patrè ejus conspectum averfante, cum ignominiâ fuit Italiâ excédendum.

Otho igitur transcens alpihus, cum exercitu florētissimò delatus in Italiam, Athonem & Adelheidem de suo adventu fecit certiores. Cùm nuntio, propter dispositas ciscum excubias, ad arcem accessus non pateret, eum, ferunt, Othonis litteras, sagittæ alligatas, arcu transmisisse ad obfessos, unâ cum annulo, qui Adelheidi signum esset desponsationis. Cùm ergo ex propinquantibus auxilijs crevissent obfessis animi, & Berengarius suorum paucitati diffusus, omisâ obfisione, nullòque tentato certamine raptim abiisset, Otho Canussium ingressus, Adelheidem reddidit libertati, contractisque cum illa nuptijs, Papiam recepit, receptâque, triumphantis in morem, cum novâ nuptâ est investus. Actis eodem loci Christi natalitijs, anho sequenti, sub vernum tempus, unâ cum Adelheide regressurus in Germaniam, Conradum Lotharingæ Ducem, suum generum, Italiæ adversus Berengarium, procurandæ imposuit. Ludolfus in patriam redierat alienus à parente, quia colligebat ex Adelheidis matrimonio, quòd spe & patris destinatione antea sibi desponderat, æmulum sibi esse nasciturum. Quamobrem Salveldæ factiosos quosque, in quibus Fridericus Moguntiz Antistes, sibi adjunxit, & in Othonem, cujus amorem reverentiâque exuerat, armavit.

Berengarius inter hæc, abjectis belli consilijs, deerevit Othonis clementiam experiri, Ludolfo & Conrado suâsoribus, quorum secutus authoritatem, cum apparatu, qui Regem potius decebat, quàm supplicem, unâ cum filijs, Adelberto & Vidone, in Saxoniam trajecit, multa sibi somnians de Othonis facilitate. Verùm longè alia expertus est. Occurrerunt quidem venienti magno numero Proceres, sed antequam in Regis conspectum admittetetur, per triduum, in publico diversorio inter spem metumque detentus, multò, quàm speraverat, frigidiora cœpit ominari. Tum vocatus ad Othonem, promissit, se in ejus fore potestate, si in gratiam rediret. Data in præsens venia, dictâque dies, quâ ritu solenni pactæ ditionis leges, Augustæ Vindelicotum conficerentur. Isthic Berengarius cum Adelberto filio, inspectante exercitu, se Othonis arbitrio permisit. Utrique summum regni Italici jus & insignia detracta, clientelaris Italiæ administratio relicta: Verona & Aquileia adempta. Ea severitatis species, Conradum, qui Berengario Germanicum iter persuaferat, abs Rege socero alienavit, quiritantem, id fieri non potuisse sine insigni famæ suæ labor. Ergo communicatâ cum Ludolfo conspiratione,

LUDOLFUS
OTHONEM
OFFENDIT.

XIII.

EIUS IN
HENRICUM
BOIARIÆ
PRINCIPEM
ODIUM.

OTHO DUCIT
ADELHEIDEM.

AN. CHRIST.
DCCCC.
LII.
LUDOLFUS
CONIURAT
IN PATREM.

XIV.

BERENGARIUS SE DE-
DIT OTHONI.

auxi-

auxilia adversus Othonem & Henricum Boicæ Ducem paciscitur. Antè quàm res omnino veniret in lucem, Otho Adelberonem Metensem Episcopum, & Lotharienses, quorum vis erat meritò metuenda, in officio continuit, pollicitos se imperata in quosvis hostes facturos, nec commune quicquam cum ullâ rebellionē habituros. Ubi clariùs explorata fuit conspiratio, Conradus, hostis Reipublicæ declaratus, suâ ditione excluditur, & à Friderico, Moguntia, quam belli sedem munimentumque conjurati delegerant, præficitur: ipse verò Antistes profugit Argentoratum, ut belli eventum è longinquo arbitraretur. Otho, ut gliscentem in majus flammam opprimeret, contracto è Saxonibus & Boijs exercitu, Moguntiam coronâ cinxit.

LUDOLFUS
RATISBO-
NAM DIRI-
PIT.

BOII LU-
DOLFO AD-
DICTI.

XV.

RATISBONA
FRUSTRA
OBSESSA.

AN. CHRIST.
DCCCC.
LIII.
D. UDALRI-
CUS OTHO-
NIS PARTES
SECUTUS.

ARNULFI
SCHYRENSIS
MALEFICIA.

VINCITUR.

HEROLDUS
SALISBUR-
GEN. ANTI-
STES LOCO
MOTUS.

XVI.

Contrà, Ludolfus, ut Henricum patrum ad domestica pericula diverteret, maleficijs grâssatus in Boicam, Reginoburgum, Arnulfi Schyrensis (cui Henricus abiens rerum procuracionem crediderat) fraude receptus, civium opes militi permisit diripiendas, & Juditham Henrici uxorem, unâ cum liberis, egit in exilium, thesauro redactò in suam potestatem. Et jam res eò venerat, ut Boij, Henrico deserto, conjuratorum rebus studerent, sive Ducis odio, sive ut hostem haberent leniorem, sive quòd Saxonum imperia petosi, gentilem principatum, libertatisque veteris speciosa nomina respicerent: & aliqui fidem auro vendiderant, insigni perfidiâ, quæ magno illis olim erat statura. Otho rei indignitate & fratris commiseratione vehementer accensus, omisâ Moguntia oppugnatione, festinatis castris, movit in Boicam, copijs magnam partem, multorum Bojorum secessione, diminutis. Exiguum fuit maturatæ profectionis pretium, ob iniquum anni tempus, & Ratibonæ munimenta, quæ citra longam obsidionem nequibant expugnari. Quamobrem Otho, urgente brumâ, exercitûs reliquias in Saxoniam irritus reduxit, obsidium non longè post repetiturus.

In communi Boicæ tumultu, Episcoporum aliqui in rebellium partes concesserant; alij, quos incertus belli eventus, & virium ad arcendam injuriam imparitas, vel civilis discordiæ semper calamitosa conditio absterruit, quietem bello prætulērunt. Unus fuit Udalricus Augustæ Pontifex, qui, ratus æquitatem rebus omnibus, etiam cum certo capitis periculo, esse præferendam, palàm Othonis causam, veluti meliorem, est amplexus. Ut Augustanos retineret obnoxios, urbi præsidium militare imposuit, nec dubitavit ad Othonis castra proficisci. Arnulfus Schyrensis, cognitâ ejus profectione, dirè ejus ditionem habuit. Udalricus è castris reversus ad suos, cum neque in amicis quicquam reperiret præsidij, neque tutum putaret, quorundam civium, qui auro corrupti, ad hostem sua studia traduxerant, perfidiæ suam salutem committere, secessit in castrum Mechinganum malè materiaturum, & peiùs comparatum ad prohibendas factiosorum injurias. Effecit tamen præsidiariorum alacritas, ut locus extemporali vallo fossâque munitus, non incommodè posset propugnari. Subinde ad pacis studium conversus, ne suos hostili ferro cogereetur obijcere, Arnulfo, quieti redimendæ, aurum obtulit. Eam conditionem cum Arnulfus respueret, Theobaldus Udalrici germanus, & Adalbertus Comes Marthalensis, cum expeditâ auxiliatorum manu, arci adfuere, & Arnulphi copias, prælio victas, profligârunt, multis cæsis, multis abductis in vincula, inter quos Hermannus Arnulfi frater. Adelbertus Comes, accepto in pugna vulnere, paulò post extinctus est. Udalricus ei duxit exequias, & funus in æde D. Virginis, Augustæ, velut optimè merito composuit.

Cum bello civili passim Bojaria laceraretur, Heroldus Salisburgi Archiepiscopus (quanquam & alijs factum tribuitur) Ungaros in patriæ lanienam accivit. Eapropter à Joanne XII. Pont. Max. loco motus fuit. Inter abdicationis causas Concilium Ravennense, cui Otho cum quinquaginta novem Episcopis interfuit, recenset, quòd *DE Ecclesiis expilâris, thesaurum paganis (Ungaros intellige) erogâris, seseque ijs junxerit, in Christianorum necem & depredationem; contra dominum & piissimum Imperatorem suum seniore[m] rebellis & infidelis extiterit.* Dubium non est, quin cæteri conjurati in criminis partem venerint, Conradus præsertim Othonis gener, ut suum dolorem, & odium Brunonis regij fratris, cui Otho precarium

Lotha-

Lotharingæ imperium demandaverat, ulcisceretur. Jam enim post splutam Moguntiz obsidionem, Adelberoni Episcopo, & Metensibus pariter infensus, urbem expugnaverat & diripuerat, parabatque longè atrociora, nisi Agenoldus Gortzenis Abbas, vir præclaræ sanctitatis, eum à majore noxâ deterruisset: tanta vis est & autoritas viri sapientis.

Frodoardus
in Chron.

Otho de Ungarorum impressione factus certior, lectis copiarum supplementis, è vestigio reversus in Bajoariam, castra rebellibus, qui se Barbaris junxerant, objecit, pugnae facturus copiam, si hosti fuisset animus. Verùm Ungari certamen detrectantes, acceptis à Ludolfo viæ ductoribus, diverterunt in Galliam, ubi permixti, ad silvam Carbonariam, Conradi legionibus, raptò per obliqua Lothariensium agmine, perque Mosæ atque Mosellæ confinia, & Remorum atque Catalaunensium agrum provecti, tandem prædis onusti, accisisque morborum insolentiâ copiis, Italiz se infuderunt, sejuncti à Conrado, qui nihilo, quàm illi, mitius Lotharienses vexavit, eò denique malorum progressus, unde nullus erat ad Othonis gratiam receptus.

Inter hæc Heroldus Salisburgensis, ab Henrico Duce, Mülldorfij deprehensus, velut Regis patriæque perduellis luminibus privatus, dedit pœnas rebellionis. Inane commentum est, quod, nullo teste idoneo, quidam de ejus in Turones & Hispaniam profectio, deque exportatis per fraudem reliquijs D. Martini, ariolantur, cum hoc additamento, quòd, cum Othoni sacros cineres petenti negasset, fas esse loco moveri, & ad declinandas Regis iras fugisset, ex fugâ retractus, ab Henrico fuerit exoculatus in pœnam furtivi spolijs. Fridericus Moguntinus, meliore fortunâ, Othoni fuit reconciliatus. Subinde Rex Bojos rebelles, ad rogandas pacis condiciones, adegit. Datæ illis induciæ, ut ad 17. Cal. Julias conventui, qui Cinnam erat indictus, adessent cum alijs, qui de extinguendo civili bello erant acturi. Cum ijs fide publicâ adfuit Ludolfus, & ingens pacem orantium multitudo. Otho pro concione sic peroravit, ut, nisi Ludolfus omnem humanitatis sensum abjecisset, sese paternæ lenitati fuisset redditurus. *Multa (inquirebat) fuerunt, quæ mihi putavi à Superis esse metuenda, sed nunquam mihi persuaseram, fatâ mihi tam fore inimica, ut te, Ludolfe, mihi armatum objicerent, cogerentque ferrum stringere in meum sanguinem. Crede mihi, quacunque in me molitus es, ita sum interpretatus, ut tuos errores non tam tibi tribuerim, quàm eorum improbitati, qui te induxerunt in fraudem. Quis enim pater sibi persuaserit, filium tot affectum beneficijs, tot auctum honoribus, & ad majores destinatum, suoque genio, in patrem induturum arma, sub signis habiturum Barbaros, & parentis & filij sanguinem pariter sitientes? Quid enim ab ipsis fuit expectandum salutis, eversâ patriâ, patre interempto? Ego te victum, nedum perditum nunquam volui, & mille votis expetij, ne Superi id vellent evenire. Vidi te in armis, sed non potui hostem compellare: filij nimis sanctum nomen est, hostis appellatio inhumanior est, quàm ut filio tribuatur. Patrem odisse, est extra omnes fines humanitatis. Sed neque tu facile odij causas in parentem expedi veris. Arma meo injussu (quod nefas erat) intulisti Italia: nihil tamen ideo in te decrevi gravius. Experius es fortunam novercam, dolui. Italia coronam mihi passus sum imponi, ut eam tuo capiti donarem. Mea gloria satis fuissent Germania & Austrasia regna, nisi te optassem aliquando videre me gloriosorem. Accusas meas nuptias, & vereris, ex ijs prodicium tua fortuna rivalem: sed neque id tibi fuit metuendum, si me tuum patrem memineras. Et quamobrem eum metuis, qui lucem nondum aspexit? Novercam odisti? atqui & illa te felicem cupit ac beatum: illius virtutes te oportet amare, revereri sanguinem, suspicere favorem, quo illa regnum Italia tua fortuna voluit inferere. Sed si neque illius, neque mea in te merita respicis, respice teipsum, ne in conatu impio pereas: respice tuam famam, cui æternam ignominiam nosam inuris: respice patriam, quam civili vis sanguine imbuere, quàmque dudum miserorum ruinâ oppressisti. Denique, si sapias, redi ad mentem, te collige, & eripe ex eâ tempestate, quam excitasti. Vides apertum parentis pectus, in cujus, si lubet, venies amplexum. Vides dextram, quâ nullam potes tangere fidelio rem. Otho- nis orationem Henricus frater excepit verbis paulò acrioribus. Colloqui nullus*

HEROLDUS
SALISB. AR-
CHIEP. OCULIS ORBATUS.

FRIDERICUS
MOGUNTINUS RECEPTUS IN GRATIAM.

AN. CHRIST.
DCCCC.
LIV.
XVII.

LUDOLFUS
CONTRA PATREM OBSTINATUS.

fuit fructus. Etenim Ludolfus pacem aspernatus, noctis proximæ silentio, ne salutato quidem patre, se clàm Reginoburgum recepit, certus, non prius arma ponere, quàm iras bello explevisset.

XII X.

REGINO-
BURGI OP-
PUGNATIO,

CLADES
RATISBO-
NENSIIUM.

GERO SEM-
PER INVI-
CTUS.

LUDOLFUS
REFUGIUS IN
SUEVIAM.

XIX.

D. UDAL-
RICUS AU-
CTOR PACIS.

RATISBO-
NÆ INCEN-
DIUM.

Otho cum è vestigio secutus, cum Horsedaliū (quod Lamberto est Rossadaliū) de viâ frustra tentasset, Reginoburgum summâ vi cœpit oppugnare. Oppidani, concitato Arnulfo, frequentibus eruptionibus Othonianos fatigabant, cumque pro mœnibus resisterent fortiter, Regi visum consultius, assidendo intercludere comœatū, & fame deditionem urgere. Jam conflictabantur obsessi gravi inediâ, cum cives in commune statuunt, pugna aleam experiri. Igitur emissō, per objectam Othoni portam, equitatu, peditatu, aliâ parte eductū, navibus imponunt, jubentque, factâ exscensione, hostium castra fortiter adoriri, & ex improviso irruere in imparatos. Verum Othoniani, ex æris campani signo sentientes, quid in urbe ageretur, subito ad arma convolant, quaquaversum circumfundunt legiones, muniunt stationes, & cives erumpentes magnis animis excipiunt. Illi primo impetu turbati, pars oppressi in vestigio, pars ad navigia refugientes, obtruncati, & pondere prægravante depressi in Danubium: paucis regressus patuit in urbem. Ex Othonianis unicus ex vulnere occubuit. Cum exinde fames urgeret, Ludolfus fractus quiritatione civium, à patre colloquij facultatem exoravit: sed cum dare pacis leges vellet, non accipere, prohibitus est venire in conspectum. Subinde, Arnulfo Schyrensi ductore, rursus pugnatum est sub mœnibus, ingenti pertinaciâ. Cum ad tres horas dubio Marte certamen tenuisset, Arnulfus equo suffosso lapsus, & loricâ detractâ interfectus est. Ejus casus prælium diremit. Gero Othonianorum antesignanus, qui nullâ unquam pugna superatus acie excelserrat, pulsus intramuros oppidanis, victor ad Othonem rediit. Arnulfi cadaver inter cœsorum corpora jacuit ignotum, donec post biduum à muliere, quæ famem defugiens urbe excesserat, agnitum est. Premente deinceps horrendum inediâ, Ludolfus cum conjuratis, relicta Ratibonâ, in Alemanniam elapsus, castra locavit ad flumen Illaram, haud procul à Tussensi pago, lectisque ex amicâ provinciâ supplementis, bellum statuit proferre.

Nec mora, Otho refixis signis Sueviam ingressus est, certus, cum factiosis manus conferere. Eos in acie pro castris stantes assecutus, ipse quoque suos ad pugnam explicuit. Et jam classicum expectabatur, cum D. Udalicus Augustanus, & Hartbertus Antistes, inter acies progressi, viam paci aperuerunt, non eloquentiâ magis, quâ tamen valebant multum, quàm virtutis autoritate. Bellum enim parricidali conflatum odio, cœptum consilio detestabili, miserando finendum exitu, ne honesto quidem nomine poterat excusari. *Quid enim olim dictura sit posteritas, si intelligat, filium implacabili in patrem furore ad ejus necem properasse, patrem inextricabili necessitate, filij latus ferro vindice petisse? Quam infamis pugna sit futura, in quâ sit ambiguum, vinci, an vincere, sit calamitosius? Tânnē vilem esse Christianorum sanguinem, ut hinc odio inexpiabili, inde flagranti vindicta sit propinandus? Tantane sint, alioqui mitissimo, ira, tanta filio savities, ut neque respectu Superum, neque precibus mortalium possint extinguī? Eant, eant in mutuos amplexus armata acies, seque in meliora fata reservens. Brevis tempus adfore, quo ferrum, paratum in mutuum civium perniciem, pro salute communi, in Barbaros stringatur longe fortunatius, & majore gloriâ, quàm si crudeli prælio conjugibus ac liberis debitum officium, patria auxilia, universa nationi prudentia laudem eripiant, & accersant vāsani furoris infamiam.* Mollitis ad concordiam animis, Ludolfus prodijt in patris conspectum, & decentiùs ejus iras lachrymis, quàm armis expugnavit. Ut ex æquo Proceres conciliarentur, & dicerentur pacis leges, Comitia Frideslariam indicta. Henricus interim Novostadium redegit in suam potestatem. Nocte, quæ proximè secuta est, Ratibona, belli fax atque sedes, penè tota incendio conflagravit, auctore incerto.

Ludolfus longè, quàm antè, alius, non expectato comitiorum arbitrio, conventum antevertit. Patri nihil tale expectanti, cum in Salfeldensi nemore feras agi-

agitaret, habiturei, cultuque miserando, excalceatus, nudato capite; occurrit, & ad ejus pedes projectus, spondensque perpetuum obsequium, lachrymas ijs, qui spectaculo aderant, expressit, & voce lamentabili scelerum veniam exoravit. Friedeslariensi Comitio Arnstadium translato, Rex publicè filium absolvit, restituitque in pristinos principatus. Verùm ille sponte Alemannia procuratorem ejuravit, pollicitus, se patri in Italiâ militaturum. Exinde Alemannia Burcardo Comiti Helfensteinio demandata. Is Hedwigem Henrici Boici filiam secundis nuptijs accepit, Luitgarde priore conjuge, S. Udalrici sorore, defunctâ. Hæc ipsa Hedwigis est, quæ primis annis Constantino Orientis Imperatori desponsa fuerat: cujus illa conjugium cum refugeret, non est passa sui effigiem justis lineamentis adumbrari. Nam quoties pictor manum admovebat penicillo; illa sic totquebat os vultumque & oculos, ut nunquam formæ ejus, quam habebat elegantissimam, genuinam speciem in tabulam potuerit referre. Ipsidem Arnstadij Comitij, Conradus, Reipublicæ turbo & factionis incentivum, se stitit in veste cilicinâ, cæteroque cultu pœnitentis. Ut Regi, & communi rei satisfaceret, se fortunâque utriusque salutem devovit, professus, se unius prædij usurâ fore contentum, si Othoni conciliatus, vitæ & patriæ veniam impetraret.

Cum cætera Boica pacem suspiraret, Ratisbona neque nupero incendio, neque obsidij calamitate domita, tamenli externo præsidio destitueretur, tamen animos gerebat contumaces. Quamobrem repetitâ post Paschales ferias obsidione, bimestri spatio, fame, quæ machinis omnibus est formidabilior, ad desperationem, & deditionis necessitatem est adducta. Cives pottas supplicum formâ egressi, se suâque Othonis arbitrio permisierunt. Parsum est promiscuæ multitudini: capita rebellionis coacta solum vertere. Primariam urbem cæteræ libentes secutæ, redierunt ad officium, totaque Boica in Henrici potestatem.

Otho rebus ex voto confectis, circa Cal. Julias reversus in Saxoniam, obvios habuit Ungarorum legatos. Fingebant, se à suis missos, ut Othoni felices rerum successus gratularentur. Sed nemo erat, qui ambigeret, eos belli civilis progressus venisse exploratum. Otho per dies aliquot secum eos retinuit, & benigne habitos, donatosque pro more, remisit. Vix abierant, cum ab Henrico trepidi venere nuntij, tantam Ungarorum illuviem sese in Boicam infudisse, ut eorum natio universa diversis agminibus, velut è suis mota sedibus, obruere totam regionem, & nisi cælum, terra, elementaque omnia in eos conspirarent, vix posse superari viderentur. Jactare illos ferociter, se nihil præter ruentis cœli casum formidare. Rogari itaque infimis precibus Othonem, ut ex totius Germaniæ imperio auxilia properaret. Ex Bernone, qui D. Udalrici vitam conscripsit, constat, tantam multitudinem ab ultimis Norici finibus, ad Nigram usque sylvam fuisse terris supetfussam, quantam in ullâ regione aliâ visam nemo mortalium meminerat. Addit Otho Frisingensis, eos instar locustarum, omnia fuisse depastos. Boicæ sub tot Barbaris extremè periclitanti, Otho suppetias confestim misit, quârum non potuit esse tanta celeritas, quin accepta fuerint damna, quantâ nulli Annales meminerunt. Protriverunt Barbari universas totius gentis opes, & dirè sacra, profana, ipsosque homines Deo dicatos habuerunt. Nisi altum litteratum silentium interfectorum nomina suppressisset, esset, unde magnum historiæ decus accederet. Vix ullius sit mentio, præterquam Thiemonis (qui alijs dicitur Thieuto) Wessensbrunensis Præsulis, qui unâ cum senis Cœnobij sui sodalibus, in monte Crucis à Barbaris occisi, gloriosissimè suam constantiam cœlo probaverunt. Ostenduntur hodièque passim ædificiorum funditus everforum rudera, & vestigia barbaræ immanitatis.

In communi patriæ calamitate, Eberardi Eberspergæ Dynastæ præcipua virtus excelluit. Is arcem insigni fortitudine adversus innumeram hostium multitudinem egregiè tutatus est. Illud Cœlitum auxilio tribuendum, quod, cum Frisingæ non modò civium, sed etiam Divorum Stephani & Viti ædes continuatâ ad sextum usque diem devastatione diruerentur, Barbaris conspectus montis, in

LUDOLFUS
ABSOLUTUS.
BURCARDUS
COMES AB
HELLEN-
STEIN SUB-
VIE PRÆ-
FECTUS.
HEDWIGIS
BOICA IMP.
CONSTAN-
TINOPOLI-
TANA NU-
PTIAS RE-
SPUIT.
CONRADUS
VENIAM
EXORAT.
AN. CHRIST.
DCCCC.
LV.

XX.
RATISBONA
DOMITA.
BOICA RE-
DIT AD OB-
SEQUIUM.
FALLAX
UNGARO-
RUM LEGA-
TIO.
INNUMERÆ
UNGARO-
RUM COPLÆ
INVADUNT
BOIARIAM.

THIEMO
ABBAS WES-
SENSBRUNEN-
SIS A BAR-
BARIS OC-
CIDITUR.

XXI.

ARENBECK.
BASILICA
D. VIRGI-
NIS FRISIN-
GÆ SERVATA
DIVINI-

quo stat Deipara & S. Corbiniani Basilica, fuerit creptus, obductis circum tenebris, & affusa velut cœcitate. Datum id Lamberti Episcopi precibus, qui per eos dies aris advolutus, DEUM in vota vocabat.

UNGARI AB
AUGUSTA
BERNO IN VIRA
S. Udalrici.

S. Udalrici
CO CONCILI-
TATORE RE-
PRESSI.

Omniū maxima moles Augustæ Vindelicorum incubuit. Ungari per omnem latè regionem ad usque Illaram fluvium, fœdis incendijs, cædibus, populationibus debacchati, castris in Lycatibus locatis, incenso D. Afræ templo, urbem oppugnare sunt aggressi. Hic patuit, quanta sit in periculis efficacia magnæ in DEUM fiduciæ & pietatis. Civibus terrore propè exanimatis, sola D. Udalrici Episcopi auctoritas totius civitatis animos ad spem salutis erexit. Vir sanctus, jam antè divinitus edoctus, præmonuerat periculum eventumque ejusce tempestatis. Igitur suscepto in se propugnandi munere, plebem omnem in hostem armavit. Fœminis dedit negotium, fusâ ad DEUM oratione pugnandi. Illæ in geminum agmen divisæ, aliæ supplicantium ordine vicos urbis, prælato crucis signo, obire, & carmine ad ciendam pietatem idoneo, Numen propitiare: aliæ in sanctissimæ DEI matris æde, potentissimam secundum DEUM tutelam, magnis vocibus implorare. Viros in urbanas cohortes tributos, Antistes jussit ad suas quemque stationes per fora, per mœnia excubare, ipse verò sacra munia militatibus socians, sacram stolam indutus, equo sublimis ubique adesse, animare præsidium, cives hortari ad rem fortiter gerendam, lustrare excubias, dispertiri imperia, & subinde supplicantium preces suo exemplo animare, tum pervigilatis noctibus, summo manè, absoluto sacrosanctæ Missæ sacrificio, pios immortalitatis cibo recreare, & ad omne discrimen reddere imperterritos.

XXII.

Witichind.

Intentis ad hunc modum urbis defensionem, Rex Otho adfuit, cum non magnâ quidem, sed bellis bene exercitâ Saxonum manu. Accesserunt Bojorum, Franconum, & Suevorum legiones. Henricus Boicæ Dux, morbo impeditus, adesse non potuit: ejus loco Eberardus Eberspergensis tres phalanges adduxit, Conradus Dux Franconum validum equitatum. Ex Alemannis advenerunt duæ legiones sub Burchardo Henrici Boici genero. Boleslaus Bojemæ Princeps turmam mille equitum sub signis habuit. Adfuit præterea legio prætorianorum, quæ vexillum, Angeli effigie conspicuum, gestabat. Fuere plus minùs octo legiones, exiguum haud dubiè adversus numerosissimum hostem præsidium, nisi Deus piorum vota respexisset. Divi Laurentij festo concurrerunt acies. Otho, ut Numen sibi & exercitui conciliaret, pridie ejus festi, totis castris jejunium indixerat: ipso die, summo diluculo genibus flexis, perfusus lachrymis, votum nuncupavit, se palatium, quod Merseburgi splendidum habebat, in Basilicam convertendum, facturumque sedem novi Episcopatus, si victor evaderet. Tum Udalrico ad aram facienti, piè comprecatus, de ejus manu angelicum cœlestis hostiæ cibum accepit. Demum instructa acies. In fronte locatæ Boicæ legiones: in medio Saxones, hinc & hinc Francones & Alemanni. Primus impetus factus in Bojæmos, quos Otho posuerat in subsidijs: nam Ungari converso agmine, eos à tergo sunt adorti primùm sagittis, deinde cominus immisso equitatu, qui terribiles fudit fugavitque, multis captis. Venerunt simul in hostium manus impedimenta, pari fortunâ sexta & septima legio aversa. Jam in eo res erat, ut, nutante acie, gravis acciperetur ignominia. Otho, compertâ postremorum fugâ & trepidatione cæterorum, Conradum jubet cum quarta legione hosti se inferre, qui mox perruptis, fulminis in modum, turbatisque Ungarorum ordinibus aciem restituit, captivos recepit unâ cum sarcinis. Quæ res eò visa mirabilior, quòd meros ferè tirones haberet sub signis. Rursus Ungari, Scytharum more, coaluerant in cuneos, & pugnam repetebant, majore, quàm antè, numero, cum Otho, erectis denuo suorum animis, divinâ fiduciâ meliùs, quàm clypeo, protectus, primam aciem occupans, triumphalem Constantini lanceam manu præferens ante principia, primus in hostem est invehens, legionibus intrepidè jussis instare Barbaris. Visus est ante se terrorem agere, hostesque, quacunque ipse ferebatur, velut sideratos sternere, percurrere turmas, viâque latè diductâ, disiectos suorum ferro præbere, ac denique

INGENTI
CLADE PRO-
BLICANTUR.

que horrendâ cadentium strage perculosos, in fugam agere. Qui insectantium manus effugerunt, plerique in Lycum amnem ivere præcipites, & hausti gurgitibus, tantos congefserunt cadaverum acervos, ut non modo ripas tegerent, sed fluminis etiam cursum morarentur. Omnium confessione, tam illustris parva est eodie ab Othone victoria, ut omnem retrò memoriam gloriæ magnitudine superaret. Non fuit tamen victoribus incruenta. Conradus Dux, qui caput pro legionibus devoverat, cum jam devictus esset hostis, occubuit, telo; hescitur unde, in nudum guttur, quod ad auram captandam, loricâ diffibulatâ, nudaverat, immisso. Ei iussit Otho iustis funebribus honorificè parentari. Cecidit etiam Theobaldus D. Udalrici germanus, ejusdemque ex sorore Nepos Reginbaldus, Hermannus Schafnaburgensis, Annalium scriptoris consanguineus. Desideratus quoque Starckandus Episcopus D. Udalrico amicissimus. Michaël Ratisbonensis Antistes inter cælorum corpora diu jacuit, aure mutilatus, diuque cum Ungaro, qui simul jacuerat, luctatus, ac demum victor suis est redditus. Pugnatum die integro. Ungarorum reliquie passim à colonis & obvijs quibusque trucidatæ. Tres Barbarorum regulos Henrico Duci frater iussit donari, quos ille, ad aliorum terrorem, voluit agi in furcam, & capitibus in terram pronis necari. Calix aureus ex devictorum spolijs conflatus, ab Eberhardo Eberspergensis D. Sebastiano dedicatus. Castra ingentibus referta prædis venerunt in victorum manus. Otho ab exercitu patriæ pater appellatus, per omnia Divorum templa Deo grates imperavit persolveri. Ejusce victoriæ monumentum, in fastis Metropolitanæ Trevitorum Ecclesiæ extat, cum hoc titulo:

III. IDUS. AUGUSTI. MAGNUS
OTTO IMP. DEI GRATIA
UNGARIOS PROSTRAVIT.

Ex memorabili tot hostium clade, Bojaria non modo à metu respirare, sed etiam Ungaros timere desiverat, cum Henricum Ducem rebus humanis mors exemit Calendis Novembribus, principem haud dubiè ingentis animi, flagrantemque cupiditate regnandi: non tamen immemorem pietatis, quippe qui Deiparæ semper Virgini, cujus honori apprimè studebat, templum dedicavit, in quod eum illatum scribit Ditmarus. Aventinus eum tumulat apud S. Emmeramum. Morituro Michaël Ratisbonensis Episcopus duas præcipuè noxas objecit: primam, quod Heroldum Salisburgensem Archiepiscopum exoculasset, alteram, quod evirasset Patriarcham Aquileiensem. De hac se reum egit cum seriâ penititudine: in alterâ non agnovit culpam, quod in publicum Regis & patriæ hostem proditorumque, jure se animadvertisse (pro sæculi istius cruditate) malè crederet, quod ipsum professus est Judithæ conjugii, quæ nihilominus profusâ in pauperes largitione, istud facinus, & si quæ, præterea deliquerat, conata est expiare. Ex eâ sustulit quaternam prolem, Henricum, Ludovicum, Luitgardem Aventino dictam Hedwigem, & Halicam, quæ, devotâ Deo virginitate, post exactam eximia castitate vitam, Batavis sepulchrum nata est.

Juditha, post mariti excessum, continentiam coluit, nec evitavit tamen sinistros vulgi rumores. Cum enim Abraham Frisingensem Episcopum impensè veneraretur, & in rebus dubijs familiariter consulere, incurrit in malè feriatorum criminationes. Verùm cum illa è vivis excessisset, idem Antistes inter sacra solennia, quæ ritu funebri defunctæ faciebat, ejus famam hac ratione defendit. Antequam sumeret hostiam sacrosanctam corporis & sanguinis divini, ad populum conversus, demortuam laudavit: Flagitium verò, inquit, quod impostores ejus pudicitie affinxerunt, si unquam perpetravit, faxit omnipotens pater, ut filij sui corpus & sanguis, quod salutare est alijs remedium, mihi sit exitio, & Judithæ salutis. Sic locutus, corpore animoque purus, sumpsit pretiosissimam convivij Christiani refectionem. Dicenti credidit populus: Relictum tamen viduis virginibusque documentum, quanta cautio, in castimonie & integritatis famæ tutelâ, sit adhibenda.

TRES UN-
GARORUM
REGULI IN
FURCA PRO-
NO IN TER-
RAM CAPI-
TE NECATI.
*Histo. Eber-
spers.*

HENRICI
BOICÆ DUCIS
OBITU:

XXIV.

JUDITHA
HENRICI
CONJUGIS
FAMA SE-
QUIOR,

PUBLICÆ
DEFENSÆ

JUDITHA
FUNDATRIX
MONASTERII
INFERIORIS
RATISBONÆ

Juditham, virginis & Sancti monialium magnam æstimatricem, agnoscit nobile virginum collegium, quod Ratisbonæ (inferius vocant) ab ipsâ conditum, ubi ejus Mausoleum in templi aditu monstratur. Non constat, quo anno vivere desierit: videtur tamen ultra annum DCCCCLXXIV. provixisse, ex litteris Ottonis primi, qui inferioris Cœnobij virginibus, Judithæ precibus inductus, opulenta latifundia villasque donavit.

OTHONI
NASCITUR
EX ADEL-
HEIDE FI-
LIUS CO-
GNOMINIS.
SLAVI DE-
VICTI.

XXV.

Eum vicissim hoc anno Deus redonavit Othone filio ex Adelheide, qui patri in imperio successit: eum quoque auxit insigni de Slavis victoriâ, qui Saxones, ruptis, quas iniverant cum Cocarascemis, deditionis legibus, dirâ in cives strage grassati, offenderant, & obfirmatis animis detrectabant Othonis imperium, ceteroqui solenne tributum, si suo arbitrio relinquerentur, pendere parati. Otho, vastatis agris, castra movit ad Raxam fluvium. Slavi fluminum & paludis objectu, duce Stoincesgero, se tuebantur, Othonianis fame morbisque laborantibus insultantes. Gero permultis clarus victorijs, Regis nomine pacem illis obtulit, cujus conditiones respuerunt. Ille redux ab irritâ legatione, Othoni persuadet, ut noctis contincinio, agmen ducat in hostem, eumque, per speciem faciendæ irruptionis, lacessat omni missilium genere, se interea partem copiarum tribus inde passuum millibus, inferiori profluentis alveo admoturum, structoque confestim ponte, transmissurum ad hostes: ita Barbaros facile posse superari, si modò Rex, comperto, Geronem in adversam ripam trajecisse, cum cæteris legionibus advolet, & flumine per pontem superato, rectâ cum universo exercitu contendat in hostem. Nec factum minùs, quàm dictum. Slavi, præter omnem expectationem, facti de propinquante Gerone certiores, venienti occurrunt. Nec mora, pugna commissâ, Barbari momento vertuntur in fugam, magnoque numero trucidantur. Eorum regulus, qui equitatum in eminente colle habebat in subsidijs, territus fugâ peditem, sese in silvam, duobus tantum satellitibus stipatus, abdidit; ubi deprehensus à milite, cui Hosedo nomen, obtruncatus est, capto satellitem altero. Hosedus reguli caput à cervice recisum, Othoni obtulit, atque ex eo die bello insigniter inclarescens, in rei bene gestæ præmium, auctus est viginti prædiorum donativo. Barbarorum castra occupata. Die postera, reguli caput publicè fuit expositum, & ad rebellium terrorem, septuaginta captivi necati.

HENRICI
RIXOSI PIE-
TAS.

Henrico Bojarix Duci Henricus II. cognomento Pius, idemque Rixosus, Othonis patris voluntate, susceptus est. Pietatis magistrum ab ineunte ætate habuit Mathildem aviam, sub cujus manu tantos fecit in virtute progressus, ut ascetas quosvis sincero religionis cultu, morumque sanctitate æquare crederetur. Illi propè quotidianum erat, antelucanas Monachorum comprecationes religiosè frequentare, & sæpenumero prævenire, itinere decem millium passuum: tanto enim intervallo distat Abudiacum, vulgò Abach, ubi Regiam habuit, ab æde D. Emmetammæ, ad quam itabat medijs noctibus, ut cum ejus loci religiosi, divinis laudibus interesset. Visitur hodièque sedes lapidea, in templi vestibulo, in quâ solebat præstolari, donec templi fores aperirentur. Memorantur angeli, si quando æditui in pandendis ostijs erant tardiores, eorum munere esse officiosè perfuncti. A quo pietatis instituto, neque hiemis asperitate, neque cœli injurijs, aut negotiorum multitudine se patiebatur absterri. Ea religio, eò clarior in Henrico, quò rarior in magnis Principibus.

LAMBERTUS
EPISC. MER-
SEBURGENSIS
XXVI.

Cæterum, hæc ætas alios præterea viros in Boicâ produxit famâ sanctitatis illustres. In his fuit Lambertus, hoc circiter anno defunctus, vir prodigiorum patratiōe nobilis. Eidem fuit æqualis Boso, gente Bojus, severioris vitæ disciplinâ, ad D. Emmerammum, instructus Reginoburgi. Compertâ ejus probitate, Cæsar eum habuit inter fidos rerum consiliorumque administratos, ac demum dignum judicavit, qui Cicensi Ecclesiæ præficeretur. Conceptam de ejus virtute existimationem non fefellit industria, quam in formandis ad religionis amorem populis cum præcellenti fructu adhibuit. Ad probi pastoris officium, quod Cice omnibus numeris absolvit, adjecit ædem nobilem, in nemore propinquo stru-

ctam

etiam ex solido lapide. Cum commendata civitas, ejus de Deo bene merendi studio esset angustior, suam operam ad Slavos orientales porrexit. Ad eos profectus, innumeros à barbarie abstractos, imbutosque moribus humanioribus, Christo adjunxit. Ut rudibus neophytorum ingenijs pietatem suaviter instillaret, ijs brevem precationum formulam, quâ divinum Numen colerent, linguâ vernaculâ præscripsit, jussitque simul in supplicationibus, usitatum à pijs carmen, Kyrie eleison, frequentare, eò quòd in ijs vocibus magnam vim ad Deum placandum inesse diceret. Cum his laboribus intento ætas suprema immineret, nutu, ut creditur, divino rediit in patriam. Reduci facta optio trium Episcopatum: cæteris prætulit Merseburgensem, quem nuper Otho D. Laurentio, in bello Ungarico voverat. Extremam vitæ lineam attingit Calendis Novembribus, in Boicâ. Ejus exuvias sibi populares libenter asseruissent, ut, quæ eum terrâ nascentem exceperat, mortuum retineret; verùm intercessere Merseburgenses, vindicatumque corpus in D. Joannis præcursoris, ad aram principem, condiderunt.

Sed illud propius spectat Henrici pietatem, quòd D. Wolfgangi consuetudine familiarissimè sit usus, & ejus tum hortatu, tum exemplo, virtutem eximie coluerit.

Illo autore sub mœnia Ratisbonæ erexit Monasterium nobilium Virginum, hac occasione. Summè dolebat, si quos intelligebat ex ijs, qui se Deo sponte consecrarent, à suscepto religiosæ vitæ proposito desciscere. Nonnulli verò mores irreperant in aliqua Sanctimonialium domicilia, à modestiâ & disciplinâ sanctiore alieniores. Sæpe seriò cum D. Wolfgango consilia contulit, petiitque, vellet suâ authoritate aberrantes reducere in viam & frugem laudabiliorem. Id cum Antistes negaret esse sui arbitrij, eò quòd Cœnobìa ab Imperatoribus condita, Episcopi inspectionem rejicerent, eluderentque, ob Regis tutelam; bonus Princeps, re probè expensâ, proque suo in Dei honorem studio, asceterium Virginum boni sanguinis & magnæ spei erexit eo loco, ubi S. Pauli sacellum antea steterat. Ideo voluit D. Pauli Monasterium nuncupari, filiâmq; suam, Brigittam nomine, annuente Wolfgango, Virginibus præesse, cum potestate Antistitæ. Hoc autem se præcipuè spectare dicebat, ut novo novarum Virginum exemplo, cæteræ ad ardens virtutum studium accenderentur. Atque hoc ipsum est D. Pauli domicilium, quod lapsâ disciplinâ nostro ævo, Sixti V. Pontificis Maximi voluntate, uti suo loco referetur, agente Serenissimo Guiljelmo Duce Baviaræ, Societati Iesu fuit transcriptum.

Henrico Duce, Altaichium reffloruit sub Cuniberti manu, cui Dux loci gubernationem commendavit. Cunibertus vitæ religiosæ tirocinium in S. Galli monasterio posuerat, & ab Henrico Salisburgum fuerat evocatus, ut præfectus ludo litterario, juventutem bonis artibus, quibus erat apprimè excultus, imbueret. Inde fuit eductus ad Altaichij præfecturam, quâ abdicatâ, ad religiosum S. Galli secessum regressus, novâ rursus dignitate in Brisiacensi auctus, non multò post equo effusus, in comitis sinu animam exhalavit. Atque hæc ferè sunt, quæ Henricus, patris suæ gubernationis annis, egit, curavitque, quoad sectatus est vitam à belli turbis alienam; quæ illi felicitas obrigit, usque ad Othonis Regis obitum. Hoc vivo, ne quid moveret, faciebat ingens potentia perpetuusque victoriarum cursus, qui denique Italiam, ad petendam ipsius opem, adversus impotentem Berengarij dominatum, excitavit. Ipsi quidem Othoni per regni Germanici curas suppetias ire non licuit: misit tamen filium Ludolfum, qui vicariâ potestate præclare usus, res gessit memorabiles. Witichindus & Ditmarus, cum, scribunt, istam expeditionem inconsulto parente suscepisse, amicorum consilijs denuo depravatum, sed Sigonio magis credimus, tametsi juniore, quòd Ludolfo, abdicatis magnam partem clientelis, non videantur fuisse vires domesticæ, ad res tantas moliendas, nec is fuit in ipsum Italarum affectus, cur parente prætermisso, in auxilium vocaretur. Quibuscunque tandem auspicijs, fudit fugavitque Berengarium in Hortam, Novariensis lacus insulam, multisque civitatibus in suam potestatem redactis, plerosque populos in suam fidem recepit.

HENRICUS
D. WOLFGANGO
FAMILIARIS,

XXVII.
FUNDAT
MONASTERIUM
S. PAULI.

CUNIBERTUS
ABBAS.

AN. CHRIST.
DCCCC.
LVI.
Sigon. lib. 6.
Witich. lib. 3.
Ditmar. lib. 2.
LUDOLFI
ITALICA
EXPEDITIO
ET OBITU.

Anno

AN. CHRIST. Anno postero, victoriam magno ardore persequenti, mors inopina Plumbæ,
DCCCC. non sine veneni, à Berengario procurati, suspitione manus iniecit. Ejus exuvias,
LVII. Moguntiam devectas, Guilielmus Archiepiscopus ejus frater, ad D. Albani hono-
rifice tumulavit. Obijt 8. Id Septemb. Hoc item anno Othonem Slavos bello
rursus petijisse, in Reginonis appendice reperio.

AN. CHRIST. Qui secutus est annus, per Germaniam mirabilis fuit insigni prodigio, quod
DCCCC. animis mortalium pavidas religiones & malorum metum iniecit. Ostentum,
LIIIX. triennio seriùs, narrat Marianus Scotus: sed ducimur autoritate veteris monu-
XXIIIX. menti, quod Treviris in cruce lapidea, Henricus Archiepiscopus in medio foro
Kyriander. excitavit, cum hac inscriptione.

Trev. Annal.
pag. 95.

OB MEMORIAM SIGNORUM CRUCIS, QUÆ COELI-
TUS SUPER HOMINES VENERANT ANNO DOMINICÆ
INCARNATIONIS DCCCCLVIII. ANNO VERO EPISCO-
PATUS SUI SECUNDO. HENRICUS ARCHIEPISCOPUS
TREVIRENSIS ME EREXIT.

CRUCES VE- Cœlo lapsæ cruces hominum vestibus imprimebantur. Quorundam amictus
STIBUS IM- visus est aspergi colore, lepram referente: aliorum indumenta, frædæ alterius
PRESSÆ. speciei maculæ contaminabant. Otho motus prodigij novitate, Monasteria ad
DEI Sanctorumque venerationem, alia instauranda, alia amplificanda, alia à fun-
SYNODUS damentis excitanda curavit. Celebrata est Ingelheimij sedecim Episcoporum
INGELHEI- Synodus, in quâ suffectus est Heroldo Salisburgensi Archiepiscopo, quem oculo-
MENSIS. rum orbitas à sacrorum usu removebat, Fridericus ex Comitum Chiemgevensium
HEROLDUS stirpe oriundus, vir dignus, qui à Joanne Romano Pontifice, ob singulares virtutes,
EXCOMMU- laudaretur. Heroldus nihilominus tamen suæ exauctorationi non esset refraga-
NICATUS. tus, pallio Archiepiscopali postea abusus, promeritus est, ut in Concilio Ravenna-
te à Summo Pontifice diris devoveretur.

AN. CHRIST. Otho, post conventum Ingelheimensem Slavos denuo armis invasit. Sub
DCCCC. hæc tempora D. Wolfgangus Bojarizæ sidus, apud exteros, doctrinæ sanctitatisque
LIX. luce cœpit inclarescere. Herbipoli, Stephanum, illo ævo litteratorum principem,
ad tradendum litteras accitum audierat, deserueratque ejus scholam, ne, quem
experiebatur doctrinæ æmulatione inimicum, odio graviore accenderet, quod
agrè ferret, se à Wolfgango ingenij bonitate & rerum abstrusarum perspicaciâ
D. WOLF- superari. Wolfgangus eam ob rem divertit Treviros, ubi Henricus Archiepi-
GANGUS scopus illum ad amplissima sacerdotia destinabat, quibus ille repudiatis, abjectum
TREVIRIS in speciem, re ipsâ tamen in DEI oculis sublime, juventutis erudiendæ munus, sibi
DOCET LIT- Treviris depoposcit, egregièque exercuit. Quamobrem Henricus, tam perito
TERAS. moderatori Cleri sui curam demandavit. Is non ausus id officij abnuere, volenti
ARCHIEPI- paruit tantò accuratiùs, quod magis noverat, sacros homines à veteris disciplinæ
SCOPI VI- tramite deflexisse. Quos ut faciliùs in viam reduceret, persuasit Henrico, ut in
CARIUS. areâ peropportunâ principi Basilicæ contiguâ, domicilium necessariâsque offic-
CLERI VITA nas exædificaret, & Cleri supellectilem proventusque juberet in commune con-
COMMUNIS. ferri, ad omnium ac singulorum sustentationem. Visa res initio ardua, & non-
nullis factu nimium severa. Verùm Wolfgangus, quâ lenitate, quâ constantiâ,
id demum est affecutus, ut sub uno tecto, Clerus primarius, vitam à turbis remo-
tam, extra pravorum hominum consuetudinem, certis adstrictam legibus ageret,
quem tamen vivendi modum ultra tria lustra non retinuit.

Tribem.
Chron. Hir-
sang.

AN. CHRIST.
DCCCC.
LX.

Otto Frisug.
lib. 6. c. 21.
Luitprand.
Cremon.

Inter hæc Otho Rex, cùm aliæ super alias è Slavis belli causæ orirentur, sibi
nationem, toties rebellem, sumpsit supremâ vi debellandam. Jam totus erat in
apparatu, cùm ad eum venêre in Saxoniam, Joannes Cardinalis Diaconus, & Azo
scriniorum præfectus, legati Joannis XII. Pontificis. Legationis summa erat, Ro-
manum Pontificem, totam adeò Italiam indigna omnia passos, à Berengario
ejusque filio Adelberto, ex quo Otho copias in Germaniam reduxisset. Eos in-
dies

dies se vivere truculentiùs, & Romanam Ecclesiam tot tantisque vexare injurijs, ut in urbe nemo sit, nemo bonus in totâ Italiâ, quin malit externo imperio subesse, quàm opprimi domesticâ tyrannide. Albericum urbis dominatum invasisse: Pontificem, instar mancipij, tenuisse captivum: Palliorum jura Patriarchæ Constantinopolitano vendidisse: commisisse rerum summam hominibûs flagitiosis: pertinere ad Othonis dignitatem, Caroli Magni exemplo, veterem Imperij sedem, urbem urbium, Ecclesiarum matrem vindicare ab injurijs & calamitosissimâ servitute. Tyrannos sic esse viribus exhaustos, ut nullo propè negotio possint debellari. Quod si Otho in se suscipiat, pulcherrimi facti præmium fore, augustales titulos & Romani Imperij ornamenta. Eodem tempore adfuerunt, Valpertus Mediolanensis Archiepiscopus, Valdo Episcopus Comensis, & Marchio Odbertus, miseram rerum suarum conditionem deplorantes, & poscentes opem. Simul pollicebatur Valpertus, se magno Episcoporum omnium atque civitatum consensu, mox ubi juvisset, Othonem Regni Italici insignibus ornaturum. Utrisque addicta auxilia. Otho juramenti, quo se Romæ erat obstricturus, formulam misit Joanni Pontifici, velut pignus securitæ propediem expeditionis, quam Gratianus in primam Decreti partem retulit.

LEGATIO
ROMANA
AD OTHO-
NEM IMP.
XXIX.

Gratian. dist.
63. c. Tibi
Domino.

Regin. Suppl.
Lamb. Schaf-
nab. Zonar.
10. 3.

Ad illud, sub idipsum temporis venit Russorum legatio ab Helenâ Regina, quam alij Elgam nuncupant, oratum, ut suæ genti daret divinæ legis præcones. Illa Constantinopoli sub Constantino Imperatore Christiana Sacra susceperat, cupiebâtque Russos ipsidem initiati. Otho, pro sua pietate legatis omnia benignè promisit, misitque Libutium D. Albani Moguntia Monachum, quem mox jussit Episcopum consecrari.

Porro, antequam iter Italicum aggredere, armâ vertit in Slavos, victor- que reversus in Austrasiam, suffragantibus Lotharingæ proceribus, in Aquisgrani Regiâ, Othonem indolis optimæ filium, septennem, regni consortem dixit in festo Pentecostes. Subinde Wilhelmo præfili Moguntino, filij educationem regni- que vicarias curas, dum esset abfuturus, commisit. Regressus in Saxoniam, inde in Boariam, justis instructus copijs ad Tridentinas alpes contendit. Italiam ingressum, populi passim occurrentes festivè exceperant. Pavia, ne tentatâ quidem defensione, portas aperuit. Mediolanenses effusâ illum gratulatione colue- rant. Archiepiscopus, convocato, de more, Antistitum Procerumque conventu, Berengario & Adelberto abdicatis, ei detulit regni Longobardici insignia, in æde D. Ambrosij. Berengarius ad Montem Feretrum in Ducatu Spoletano profu- git: Adelbertus filius Spoletum, atque inde Camerinum. Villa uxor ad Insulam S. Julij, in lacu Verbano: Vido item filius in Insulam Comacinam in lacu Comensi, post in Gardam, Insulam lacûs Benacensis.

OTHO II.
REX AU-
STRASIÆ.
XXX.

OTHO IMP.
AB ITALIS
FESTIVE EX-
CEPTUS.

BERENGA-
RIUS FUGI-
TIVUS.

Otho, celebratis Papiæ Christi natalitijs, cum lætissimò exercitu, comitan- tibus magno numero Italiæ principibus, Romam inijt. Joannes Pontifex ad gra- dus Basilicæ Vaticanæ eum amplexus, in ædem sacram induxit, ubi sacro perfusum oleo, augustali diademate cæterisque Romani Imperij insignibus exornavit, Clero universo populoque acclamante, Augusto Imperatori felicitatem & victoriam. Ipse vicissim, dicto ad aram Principis Apostolorum sacramento solenni, Ecclesiæ Romanæ tutelam, Pontificibus debita officia, spondit. Oppida, quæ priorum temporum injuria Ecclesiæ detraxerat, restituit; largitus est magni pretij gemmas, & vim insignem auri & argenti. Quæ deinceps gessit in Italiâ, sufficit dare com- pendio sub aspectum. Anno DCCCCLXIII. peracto Papiæ Paschate, Beren- garij uxorem, bimestri obsidione in S. Julij Insulâ, in suam potestatem redegit: Ravennam, tenui Berengarij præsidio inessam, invasit; montem Feretrum, Be- rengarij receptaculum, obsedit. Inde advocatus, ob Joannis Pontificis cum Adel- berto conspirationem, gravesque in eum accusationes, Romam redijt, ubi co- actum Episcoporum concilium, quod meritò inter spuria & perversa recenser Ba- ronius, Joanni abdicato, Leonem VII. Othone probante, subrogavit. Anno sequenti Berengarius captivus, unâ cum uxore Villa, relegatus est in Germaniam:

AN. CHRIST.
DCCCC
LXII.

Frodoard.
Luitprand.
Herman.
Sigon.

ROMANA
OTHONIS
INAUGURA-
TIO.

RES AB EO
GESTÆ IN
ITALIA.
BERENGA-
RIUS UNA
CUM UXORE
RELEGATUS
IN GERMA-
NIAM.

- AN. CHRIST. DCCCC. LXIV. ille anno exilij tertio, fato functus, Babenbergæ tumulum accepit : uxor sub vitæ finem Monasticæ est amplexa. Romani, Othone Italiæ rebus ordinandis intento, utentes ejus absentiam, expulso Leone, Joannem revocant paulò post, pridie videlicet Idus Majas, moriturum, eique sufficiunt Benedictum Romanæ Ecclesiæ Diaconum, quem, occupatâ Româ, Otho ejecit, Leonemque restituit. Italiâ domitâ, reversus in Germaniam, magno totius propè orbis terrarum plausu, concursu legationum, & gratulationibus fuit honoratus. Benedictus Pontifex legitimus, quem Otho secum in Germaniam abduxerat, multa dira passus à Pseudopontifice Leone, obiit Hamburgi 4. Non. Julij, incertum quo anno, fuitque promartyre habitus.
- AN. CHRIST. DCCCC. LXVI. XXXI. Otho Romam rediens, Joannem XIII. qui demortuo Leone, creatus erat Pontifex, quemque Romani expulerant, sedi Pontificiæ restituit, sumpsitque pœnas de factiosis. Joannes in accepti beneficii vicem, Othonis cognominem filium augustalibus cæremoniis initiavit Romæ anno LXIIX. Celebrato Ravennæ comitio, urbem istam & Exarchatum Pontifici reddidit. Adelbertum justâ acie devicit, Guidonem occidit, rebellésque coegit facere imperata. Saracenos Calabriâ & Apuliâ exegit, subegit Beneventanos. Græcos in Calabriâ delevit. In Saxoniâ Magdeburgum condidit, eique dedit Adalbertum, è D. Maximini Trevirensis cœnobio educum, primum Episcopum : tandem in Germaniâ Nonis Maij supremum diem obiit, Imperator verè Magnus, rerumque gestarum gloriâ maximis comparandus. Ejus præcipuè beneficio, Benedictoburanum monasterium è busto & ruderibus, in quæ Ungarorum injurijs erat collapsum, emerfit, auctore D. Udalrico, ut donativo juvaret Wolfoldum Archiepiscopum parietes instaurantem. Si nævus exauctorati Joannis Romani Pontificis ejus famæ non irrepsisset, vix in eo quicquam esset dignum graviore censurâ. Culpam tamen Deus (qui longè acrius, quàm mortales, omnia revocat ad bilancem) videtur castigasse, immisâ in exercitum pestilente anno LXIV. quam, parans redire in patriam, ægrè evasit. Eadem Henricum Trevirorum Archiepiscopum sustulit. D. Wolfgangus, compertâ ejus morte, difficilem cleri Trevirensis procuracionem ultrò dimisit, & salutatis ex longo intervallo parentibus, in D. Menradi domicilio vitam solitariam inijt, ubi à D. Udalrico, fortè fortunâ transeunte, sacerdotio est initiatus. Cùm excelsus ad res amplissimas animus, in istius solitudinis angustiis se non posset explicare, cum bonâ Gregorij Abbatis veniâ, Pilegrini Batavensis Episcopi auspicijs, Alemannis & Bojarijs, per transennam, ad rerum coelestium studia excitatis, in Pannoniam penetravit, ubi quinque Ungarorum millia Christo adjunxit magno operæ pretio. Inde ad Pilegrinum redux, ei se tantopere probavit, ut ejus judicio atque commendatione, invitus licèt, fuerit coopertus ad capessendum gubernaculum Ecclesiæ Ratisbonensis magno Cleri populique consensu, ac demum à Friderico Salisburgensi Archiepiscopo solenni ritu consecratus, post Michaëlis excessum, qui totos triginta annos cum laude Episcopatum gesserat, egregius jurium opumque sacrarum defensor & vindex. Quo in genere fortiter restitit Bertholdo Marchioni, qui, cùm ad D. Emmerammi invadendas possessiones cupiditatis oculos adjecisset, desperaretque, se Michaëlis voluntate voto positurum, dolo conatus est sacro tribunali fucum facere. Produxit videlicet duodecim viros, sanguine nobiles, qui omnes ad aram D. Emmerammi pejerarunt, Bertholdum res suas, non alienas petere. Testes omnes, ab irato Numine diversis affecti supplicijs, meritas perjurio pœnas dederunt. Alius oculis, alius usu rationis orbatus : alius cum alvo animam effudit : alteri laqueo fracta gula : unus percussus fulmine, alius conflagravit suarum ædium incendio : alium gangræna depasta est : alius mancus ac luscus reliquum vitæ peregit : unus Nabo flumine haustus, alter paralyti, alius aquâ intercute periit. Bertholdus, author sceleris, donato ad D. Emmerammi aram Isiningæ prædio, sibi Deum propitiavit. Michaëlem cùm semel iterum constantia in eo munere defecisset, illicò divinam manum sensit ultricem. Aliquando ut Othoni Regi gratum faceret, campanum æs ex D. Emme-
- AN. CHRIST. DCCCC. LXVII. OTHOMAGDEBURGI CONDITOR. AN. CHRIST. DCCCC. LXXI. AN. CHRIST. DCCCC. LXIII. OTHONIS IMP. OBITU. D. WOLFGANGUS TREVIRI DISCEDIT. SACERDOTIO INITIATUR A D. UDALRICO, CHRISTUM PRÆDICAT IN PANNONIA. XXXII. PERIURII SUPPLICIA. REI SACRÆ ALIENATIO PUNITA.

merammi basilicâ donavit. Campana templo elata tinnitûs suavitatem, absonâ rauce dine, mutavit. Aliàs, ut nepoti mittam conciliaret, ex Martyris thesauro, ad demerenda palatinorum patrocina, munuscula sustulit: verum sine morâ morbo conflictatus, crimen agnovit, restituitque res ablatas; an restituendo mortem effugerit, incertum.

Hunc annum, qui Othoni Imperatori fatalis fuit, insignivit funus D. Udalrici Augustani Episcopi, qui lentâ tabe superatus anno ætatis LXXXIII. post gestum annos quinquaginta, cum magnâ omnium approbatione, Episcopatum, Nonis Julij, migravit ad vitam immortalem. Eum post & ante mortem clarum miraculis, D. Wolfgangus in D. Afræ basilicâ tumulavit.

AN. CHRIST.
DCCCC.
LXXIV.
D. UDALRICI
EXCESSUS,

XXX
III.

S. WOLFGANGUS SEDEM EPISCOPALEM IN NOVAM BASILICAM TRANSFERT RATISBONÆ Arnolf. in vita S. Emmeram.

REFORMAT MONACHOS S. EMMERAMMI. Vispergen. Sigon. OTHO II. SORTITUR INQUIETA IMPERII INITIA. HENRICUS BOIUS FASCES PRENSAT. POTENS CONSPIRATIO.

XXX
IV.

Cæterum, Episcopatus initia D. Emmerammi monasterio impendit. Qui ante ipsum Reginoburgensis cathedræ fuerunt Antistites, iidem fuere Cœnobiarchæ D. Emmerammi: nam sedes Episcopalis, à prima sui institutione, hæserat ad D. Emmerammum, usque ad Othonis Magni ætatem, qui eam voluit in peculiarem civitatis ædem transferri. Wolfgangus, ut lapsam aliquantum Cœnobiij disciplinam erigeret, separavit ab Episcopatu, & cœpit revocare ad primævum institutum. Quam ad rem è D. Maximini Trevirensi inclyto religionis contubernio, virorum apprimè religiosorum manum auxiliarem impetravit. Inter eos Ramuoldus, nuper Henrici Archiepiscopi Sacellanus, idemque Wolfgangi patrue lis, & in Treviris collega, qui, ut Arnolfus loquitur, *in regulari disciplina strenuus*, primùm Ratibonæ Præpositus, deinde Monasterij D. Emmerammi Abbas creatus, cum majorum œconomiam haud satis providam, & accisas opes reperisset, auxilio Wolfgangi, qui nulla vitæ subsidia cœnobijs deesse patiebatur, prædia omnia, quæ ad monasterium olim pertinuerant, de injustorum usurpatorum manibus, vindicavit. Hoc quoque anno S. Conradus Constantiæ Episcopus ad Cœlites abiit. Hic patre Suevo, matre Boiâ natus, meritò spectat ad decus gentis utriusque.

Post Othonis Imperatoris mortem, Otho II. ejus filius à Principibus & Ordinibus denuo Rex acclamatus est. Sortitus est turbulenta imperij initia. Itali, ambitione prisca dominatûs, scissi in plures factiones; quod multi imperare, pauci vellent regi imperio. Turbatum quoque in Germaniâ authore Henrico Bojariz Duce, qui spretâ Othonis patrue lis potestate, imperij fasces prensavit. Eum transversum egit Abrahamus Frisingensis Episcopus, imbutus Othonis odio, qui ausus Henricum Regem augurali cæremoniâ initiare, eoque fraudis impellere, ut, icto cum Boleslao Bojemiz, Miscone Poloniæ, Haraldo Danorum, Henrico Carantanorum, Principibus, foedere, non obscurè rebellionis bellique metum ostentaret. Venerunt in partem conspirationis, Moguntinus, Magdeburgicus, & Augustanus, Episcopi. Quo comperto, Otho confestim Wehmariz Procerum conventum indixit. Illic ex Principum sententiâ decretum, ut Henricus & socij conjurationis, non ut rei Majestatis, sed velut subditi, ad Comitium vocarentur: si parere nollent, in eos arma sumerentur: sin venirent, fieret tempestivè gliscenti malo medicina. Henricum, aliqui memorant, adfuisse, atque in speciem præseculisse, se in Othonis auctoritate futurum, sed mox redisse ad ingenium. Alij legatos, Popponem Episcopum, & Gebhardum Comitem è comitio missos, qui Henricum hortarentur, ut cæterorum Principum exemplo, Othonis imperium agnosceret, abstineretque à Reipublicæ turbis, si vellet vitare scopulos, in quos se fortunamque suam esset, pertinaci contumaciâ, impacturus: attenderet, quantum in suum caput potentiam armaret, quam excitaret tempestatem, cujus violentiâ si abriperetur, nunquam, aut serò exitialis naufragij tabulas esset collecturus. Addunt, cum in præsens iras & ambitum in potestate habuisse, & dedisse speciosa responsa legatis, quibus temporis aliquod faceret compendium, ad vires, quas nondum pro rei magnitudine habebat in promptu, paulatim colligendas.

Otho nihilominus fraudem subodoratus, Henrico tantisper omisso, Haraldum Daniæ Regem statuit ab illo dissociare, ratus, malè coalita fœdera, per partes oportere dissolvi. Bello Danico causam obtendit, quod castella quædam olim

**DANUS AD PACEM AD-
ACTUS.** à Danis fuissent intercepta, & divulsa ab imperio. Occupavit primum aliquot ci-
vitates, subegit nonnullas munitiones, effecitque, ut Danus æquas pacis conditio-
nes admitteret. Magnum id & grave vulnus fuit factiosis. Otho cæteros ordine
aggressorus, ne quid præcipiti consilio, quo nihil in magnis negotijs nocentius,
ageret, altera comitia Vismariæ habuit. Eò vocatus Haraldus, mox adfuit, & san-
citâ, more solenni, cum Othone amicitia, vetera regni jura clientelâsque renovavit.

**AN. CHRIST.
DCCCC
LXXV.** Boleslaus Bojæmus accitus, neque venit, neque per legatos absentiam excusavit,
manifesto rebellionis argumento. Quare armis in Bojæmos illatis, longè latèque
vastatus ager, factæ cædes, direptæ colonorum opes, incendia Boleslaum impule-
runt, ut Imperatoris auctoritatem vel serò agnosceret. Demum tota belli moles
Bojariæ incubuit. Henricus ad bellum imparatus, patriam exilio mutavit. Qui-
dam in Carinthiam, alij in Bojæmiam scribunt profugisse, Augustanum quoque
præfulem, aliòsque vertisse solum, ne quid indignius ab Othone paterentur, Mo-
guntinum verò & Magdeburgicum, amicorum operâ, veniam impetrasse. Mitco-
nem armis ad obsequium esse reductum.

**AN. CHRIST.
DCCCC.
LXXV.
TURBÆ
BOICÆ.** Quibus rebus ex animi sententiâ confectis, Otho in vacuam Bojariæ posses-
sionem immisit Othonem, fratris sui Ludolfi filium, Sueviæ Ducem, veterem Boij
inimicum, sive ex ingeniorum dissimilitudine, sive quòd Otho filium suum Henri-
cum, cognomento Minorem, Henrici Boij consuetudine, ad prava consilia, & cre-
scendi immodicam cupiditatem crederet fuisse incitatum. Quâ rerum mutatio-
ne, cum Boica sursum deorsum, Henrico exulante verteretur, tamen religio, su-
pra solitum, floruit præstantium virorum industriâ & sedulitate. Augebant
Eberspergensis Asceterij incrementa curâ & liberalitate Richardis, neptis D. Con-
radi Constantiensis ex fratre Rudolfo, quæ nupta uni de primoribus Boicæ Comitibus,
cum sterilem esset nacta thorum, unâ cum marito suas opes DEO dedicavit.
Ex ijs condita tria monasteria, duo virginibus, Khuebacense & Geisenfeldense,
tertium viris Eberspergæ, ubi & Richardis tumultum est sortita. Annales dome-
stici apud Hundium, paulò disertius nominant Monasterij Eberspergensis funda-
tores, Eberhardum videlicet & Adalberonem, Comites de Semptâ, nepotes Sig-
hardi ex Ratholdo filio, qui bello Ungarico anno DCCCCLV. egregiam operam
navaverunt. Hos, ajunt, cum sorore Wilperga, templum D. Sebastiano in arce
suâ Eberspergensi construxisse, anno DCCCCLXX. indeque extitisse Monasterij
primordia. Ita Eberspergense domicilium Comites Semptanos, à prima sui ori-
gine fundatores agnoscit. Nobilissima hæc in Boijs familia nomen accepit à
Sempta flumine, cui erant adsitæ Comitum ditiones. Sighardus, familiæ caput,
suam stirpem refert ad Carolomannum, Bojariæ Regis nepotem, aut pronepotem,
qui ab insolitæ magnitudinis apro, quem eò loci invenit, Eberspergæ nomen de-
dit: unde posteri titulum Eberspergensium & Semptanorum Comitum sunt
adepti. Quem dixi, Sighardus, anno DCCCCVI. vivendi finem fecit. Ejus filius
Ratholdus à Conrado Rege limiti Carantanorum, ob res contra Ungaros fortiter
gestas præfectus, D. Sebastiani templum S. Augustini sodalibus attribuit: diem
obiit anno DCCCCXIX. Ejus filius Eberhardus famâ sanctitatis, & rerum futura-
rum prædictionibus celebris, cœlesti monitu, anno DCCCCXXIX. templum
augustius & Monasterium, Adalberone fratre, & Willibirgâ sorore in partem
juvantibus, condidit, & D. Sebastiani cranium, aliâsque reliquias Sanctorum tem-
plo intulit. Et iste quidem est Eberhardus, qui, cum Boica ab Ungaris scedè va-
staretur, in Eberspergensi castro eorum vim repressit, quique Henrici Bojariæ Du-
cis auspicijs, ad Augustam, sub Othone Imperatore, memorabili eos prælio supe-
ravit. Duxit vitam cælibem, & DEUM Divûmque Sebastianum suorum bono-
rum hæredem scripsit, Adalberone fratre factum improbante. Hic, Eberhardo
volenti Ahaimense prædium D. Sebastiano transcribere, rogantique, ut, quam
partem Adalbero sibi in eo prædio vendicabat, cælo donaret, sibi id integrum esse
negavit. Ex eo tempore multis conflictatus miserijs, divinam denique manum
agnovit, quando aliorum liberorum jacturam passus, Udalricum unicè charum,
tabe

tabe penè confectum, animadvertens ad ultimam lineam properare, stitit ad aram D. Sebastiani, devotumque ejus obsequio, recepit incolumem, & morbo depulso, reslorescentem. Atque is quidem est Udalricus, qui sub annum hujus sæculi LXIX. parentibus orbatus, familiam auxit sex liberis, quos sustulit ex Richarde Marquardi Carantanorum præfecti filiâ, quique Othonis II. partes, adversus Henrici Boij factionem, constanter secutus, D. Sebastiani templum, sacro ritu, per Fridericum Salisburgensem Archiepiscopum curavit consecrandum, & religiosos ex D. Benedicti familiâ Eberspergam induxit, cum D. Augustini Canonici Regulares inde migrassent.

Primus Ordinis Benedictini Antistes loco præfuit Reginpoldus (alijs Reginbaldus) Augustâ Vindelicorum accitus, qui, posteaquam annis undecim præfulem egerat, aliò avocatus, Altmannum reliquit successorem. Udalricus fato concessit anno M. XXIX. 5. Id. Martij, non sine laude præstantium virtutum. Eum præcesserat ad vitam meliorem Richardis uxor, quam ajunt aliquando Deiparæ Virginis aspectu recreatam. Extat utriusque Mausoleum in templi Eberspergensis umbilico. Adalbero Udalrici germanus, Kûbacensem Parthenonem anno M. XI. fundavit, & in peregrinatione terræ sanctæ decessit. Hujus conjunx Alberadis, concepto ex mariti obitu mœrore, unâ cum foetu, quo prægnans erat, ablumpta, filiam reliquit Wilibirgem, quæ se lubens volens cœnobio inclusit, idemque nacta est cum matre sepulchrum. Udalrico (de quo superius) fuerunt duo filij, unus Adalbero, qui Richlindem, seu Richildem, Rudolfi Altorfensis filiam duxit, matrimonio sterili: conjuges in solatium orbitatis adoptârunt Conradum, raræ indolis adolescentem, qui immaturâ morte ad optantium vota destituit. Quamobrem Adalbero Monasterium Eberspergensis, hæredem scripsit, & anno M. XXVII. commodiore arcâ ampliatum, veteris formæ ædificijs solo æquatis, melioribus instauravit. Creditur quoque, in Beurense Monasterium, dimissis Augustinianis, D. Benedicti alumnos induxisse, & Geisenfeldensi, juxta ac Kûbacensi, Parthenonibus dotem dedisse, vel quidem locupletiori donatione subvenisse. Sub annum M. LV. rebus humanis exemptus est. Richlindis ejus vidua, vixit famâ dubiâ, & mariti liberalitatem accidit non sine injuriâ supremæ ipsius voluntatis. Alter Udalrici filius Eberhardus, Mouracensis Comes, cum prolem masculam amisisset, suas opes DEO dedicavit, condito ad Ilmum fluvium sanctimonialium domicilio, cui neptem suam Gerbirgam præfecit. Ita cum utroque rattrum, qui fuere ultimi Comitum Semptanorum, nobilissima stirps exaruit, de cujus in DEUM religione, hæc paulum extra annorum seriem.

Venio nunc ad alia virtutum exempla, quæ Boicam, Henrico exule, claram reddiderunt. Ne sexui fœmineo sua laus deesset; Wilitrudis, Giselberti Lothariensium Ducis filia, nupta Bertholdo Boicæ principi, Piz famam noménque consecuta, magnis in DEUM meritis, marito (qui fuit Arnulfi Mali frater) defuncto, vitam egit à geniali thoro prorsus alienam, quod liberiùs se suâque cœlo transcriberet. Cum mariti bona in fiscum regium essent redacta, dotales tamen ditiones retinuit, Sulzgoviam, Schwanfeldiam, Nortgoviam, fundòque in Hersbrugi confinio. Ex horum proventibus aliisque bonis, anno DCCCC. LXXVI. devexâ jam ætate, Bergense Cœnobium, magnificè constructum, donavit sanctimonialibus, quod, omnium prima, religiosè rexit, & assentiente Othone II. ejusque conjuge Theophana, prædijs dotalibus egregiè locupletavit, voluitque dedicari Christo DEI filio, ejus sanctissimæ Genitrici, D. Joanni, & Cruci triumphali, unde & S. Crucis nomen retinuit. Viris pro DEI gloriâ insignitè laborantibus accensendus Pilegrinus, Laureacensis Antistes, magnum Boicæ lumen, qui in subigendis, Christi disciplinâ, Ungarorum animis, nobilem fructuosâque operam locavit. Eum Geyfa Ungarorum regulus, miti, præter gentis morem, ingenio, minùsque, quàm alij humani sanguinis sitiens, ad inferendam lucem institutionis Christianæ ultrò accersijt in Pannoniam, fecitque po-

XXX
VI.

D. BENEDICTI RELIGIOSI MIGRANT EBERSPERGAM.
REGINBOLDUS ABBAS.
ALTMANNUS SUCCESSOR.

EBERSPERGÆ INCREMENTA.

MONASTERIUM AD ILMUM

WILLITRUDIS LOTHARINGÆ VIRTUS.

XXX
VII.

Hand. in Metrop. tom. 2.
FUNDATRIX BERGENSIS PARTHENONIS.

PILEGRINUS LAUREACENSIS,

UNGAROS INSTITUIT

OTHONI II.
FIDUS.

testatem divinæ legis explicandæ. Haud mediocre fecit operæ pretium, quinque Ungarorum millibus Christo adjunctis: cæteri redditi sunt à Sacris Christianis minùs alieni, mitiores in captivos Christianos, quos traxerant in miserandam servitutem. Ipso quoque internuntio factum, ut pactis fœderibus, & liberâ commendi facultate, cum Ungaris commercia possent exerceri, & ex usu mutuo, paulatim animi ad concordiam mollescerent. Fidus fuit Othoni II. & à factiosis ut qui maximè abhorrens; quem proinde faventem vicissim expertus est. Ab eo non modò veterum Ecclesiæ Batavensis jurium, & privilegiorum confirmationem, sed nova etiam beneficia impetravit, inter quæ pars telonei Batavensis, Anesburgi ager opimus, in subsidium instaurandæ urbis Batavensis, quam Ungari vastârunt, quàmque factiosi pellexerant in partes, & Otho ipse expugnatam valde deformaverat. Benedictus Pontifex, Pilegrini ingenium & eruditionem admiratus, Agapiti Pontificis exemplo, illi pallium sedis Metropolitanæ proprium restituit, eumque alijs Germaniæ Episcopis, ipsi adeò Othoni Magno Imperatori, & Henrico Boico per litteras commendavit.

D. WOLF-
GANGI SOLI-
TUDO IN
ALPIBUS
NORICIS.
XXX
II X.

Nec verò silentio prætereundus D. Wolfgangi, Ratisbonensis Episcopi, ad alpes Noricas in Falcone monte, saltùque ad lacum Abernum, haud procul Salisburgo, solitarius receptus, ad vitandos Boicæ tumultus. In eâ solitudine, solis notus Cœlitibus, vitam duxit toto quinquennio, jejunijs aliisque corporis afflictationibus asperam, sed suavem rerum cœlestium meditatione, & affluentia divinæ consolationis. Illic clauit prodigijs, ut cùm elusit Strygi prædonis vaframenta, quando fraudulentus illusionum artifex, sancto viro objecit speciem montium inter se cœuntium, qui ipsum medium videbantur obtrituri. Eodem loci, è saxo largas aquarum scaturigines ictu pedis elicuit: miro ostento cepit omen, didicitque, quâ parte jugi ædiculam construeret, quæ hodièque magnâ religione & peregrinantium frequentia colitur. Securiculam projecit in incertum, illa rupi hærens impacta, areolam, ædificio destinatam, ostendit. Isthic dum solitarius incolet, & à Ratisbonensibus anxie quæsitus, nusquam appareret, in lucem denique productus est indicio venatoris, qui capreas insectans, casu ad Wolfgangi tugurium delatus, vix ossibus hærentem (sic eum inedia corporisq; neglectus emaciaverat) prodidit Ratisbonensibus, qui repertum, multaque, ne ad urbis strepitus protraheretur, excusantem, invitum ad pristinam sedem reducerunt. Revertentem, plebes fausta congeminantes, & gaudio lachrymantes receperunt, & in D. Petri reductum ædem, Episcopi folio reddiderunt.

AN. CHRIST.
DCCCC
LXXVI.
Ditmar. lib.
3. Lambert.
Schaf.
BOH CLAU-
DEM ACCI-
PIUNT.

Dum ista pro pietate gererentur, Henricus Bojus, cùm regios spiritus nondum posuisset, apud Boleslaum exulabat. Otho Imperator, ne factio bellumque inde constaretur, contracto exercitu Bojæmiâ inijt. Multas Bojariorum centurias legerat, jussératque sequi exercitum. Jam castra posuerant in Pillnæ conspectu, cùm dolo Bojæmi militis proditi, ingentem cladem acceperunt. Sub vesperum, omiſſis excubijs, ausi in profluente lavare, & nuda corpora in viridi cespite & tentorijs, cæteroquin inermes, sternere, sunt animadversi à Bojæmis, quos proditor antè monuerat. Ergo factâ subito eruptione, nudos invadunt, obtruncant, capiunt, tanto numero, ut Imperator, compertâ tot hominum strage, malè ominatam expeditionem averſatus, vasis conclamatis, rectâ se Cromenam receperit. Henricus eâ re factus animosior, Passavium invasit, belli, ut ipse augurabatur, sedem futurum.

AN. CHRIST.
DCCCC.
LXXVII.
AN. CHRIST.
DCCCC.
LXXIIX.
HENRICUS
RIXOSUS
TRAIECTI
EXULAT CA-
PTIVUS

Verùm Otho, ne gliscens factio in manus cresceret, statim anno sequenti (quod cum Lamberto narrat Ditmarus) eum munimentis inclusum, cœpit magnâ vi oppugnare. Henricus cùm ad obsidionem in longum sustinendam, neque ab annonâ, neque à præsidio satis esset instructus, imploratâ Cæsaris clementiâ, promisit, se in ejus futurum auctoritate & arbitrio. In dedititium nihil tum tristius statutum, quàm ut anno proximo, sub Christi resurgentis ferias, causam dicturus adesset. Simul adfuit Boleslaus, cujus causa visa est æquior, quàm ut jure posset damnari. Quare pronuntiatum est, nihil eum egisse contra Rempublicam, posséque domum reverti. Henrici Boij culpa visa est gravior. Jussus proin-

proinde ire in exilium, Traiectum, procul à Boicâ, unâ cum Henrico Augustano Antistite est deportatus, ubi usque ad Othonis obitum in custodiâ fuit habitus. Henricus Augustanus prior absolutus est, & in Italiam cum Othone profectus, in Calabriâ, prælio adversus Græcos & Saracenos interemptus, justas rebellionis pœnas Numini exsolvit.

Rebus in Germaniâ pacatis, Othoni natum est bellum in Galliâ. Lotharius Rex, ex Caroli Magni agnatione penultimus, amicitiam cum Germanis coluerat, donec Lotharingia, Carolo Lotharij fratri beneficiariâ clientelâ nexu concessa ab Othone, pristinæ concordie vincula dissolvit. Lotharius istâ concessione offensus, Othonem Aquisgrani agentem, nihilque metuentem hostile, armatus, ne denunciato quidem bello, invalit, egitque in fugam adeò præcipitem, ut agrè insectantis manus evaserit. Aquisgrani Regiæ opes direptæ: augustalis aquila, quæ in palatij fastigio Germaniæ obversa versus orientem, jura majestatemque Imperij Germanici adhuc respexerat, jussa Galliæ obverti, quasi id novandi principatus formam Galliæ portenderet. Otho dedecore tam inopinato mirè affectus, collecto confestim exercitu, injuriam cum scœnore reposuit, fugato Lothario, vastatis Remorum, Laudunensium, Sueffionum, & Parisiorum agris, per continentes duorum mensium populationes. Verùm ubi Hugo Capetus cum selectissimis auxilijs accurrit, Lotharius obversa fronte, subito incurfu, Othonianos vertit in fugam. Otho in Axonæ fluminis transitu grave periculum adiit. Amisit magnam impedimentorum partem, & armatorum manum non exiguam, quæ flumine hausta est. Propè aberat ab internecinâ clade reliquus exercitus, cum D. Wolfgangus vadum ostendit, duxque viam prævit, quâ Otho instans discrimen evasit. Tandem, cum fat esset mutux vindictæ datum, ad Charem amnem pax fuit integrata post biennium, eâ lege (ita quidam scribunt) ut penes Carolum Lotharingia remaneret, Rege, quicquid in eum principatum juris habuit, in fratrem transferre.

Causa belli melior Othonem vocabat in Italiam. Urgebant peregrines Italorum discordiæ, Calabrorum & Apulorum à Græcis oppressorum calamitas, quam Imperator sine notâ nequibat negligere. Quare rebus ad bellum impigrè comparatis, profectioem indixit in annum octogesimum. Eum secutus est Henricus, de quo jam dixi. Episcopus Augustanus, Otho Bojariæ & Sueviæ Dux, Bertholdus Comes (ut recentioribus placet) Schirensis, Theodoricus Episcopus Metensis, Wernerus Abbas Fuldensis, alijque domi militiaeque illustres. Christi nascentis serias Otho egit in urbe. Sanguinatum convivium, quod seditiosorum Italix Procerum cæde cruentavit, ex Godefride Viterbiensi Sigonius prolixè describit. Eo certè factò, Italorum animos sic alienavit, ut deinceps ipsis fidere consultò non potuerit, & gnaviter expertus sit, populorum voluntates non crudelitate, sed morum comitate, animi solertiâ, munificentia & clementia in officio retineri. Advenerunt interea magnæ ex Boijs & Suevis, ductore Othone Duce Bojariæ, suppetiæ, quibus se junxerunt Romanæ, Tuscæ, & Longobardicæ legiones, fide licet dubiâ, & suo tempore in apertam prodicionem desitura.

Cum istis copijs urbe egressus, alia ex Beneventanis, Capuanis, Neapolitanis & Salernitanis subsidia contraxit, eaque infida & irata nuperæ seditiosorum carnificinæ. Initium belli non improspere: Tarentum expugnatum, Basentellum Calabriæ oppidum occupatum, Græci ejecti, qui cum justâ acie sui copiam fecissent, victi fugatique sunt, pauci in fuga interempti. Illi, collectis fugitivorum reliquijs, cum se, Saracenorum auxilio firmassent, Martem denuo tentaturi, rediére ad Basentellum, ut, quo loco ignominiam acceperant, eodem delerent. Pugnatum (si Ditmaro credimus) 3. Id. Julij, si Lamberto, pridie Idus, si Sigonio, ipsis Idibus. Atrox fuit certamen. Victoriâ hosti dedit in manus turpis Italorum, Romanorum præsertim & Beneventanorum, defectio. Illi, cum concursuræ essent legiones, Othonianæ severitatis memores, à signis ex improvise discedentes, aciem valido præsidio destitutam, hosti cædendam præbuerunt. Hæserunt ta-

XXX
IX.

Herman. ad
an. 982.

BELLUM.

GALLICUM

Sigebert.

Herman.

Lambert.

Ditmar lib. 3.

OTHO EX

IMPROVISE

OPPRESSUS,

FUGATUS,

IGNOMINI-

AMULCISCITUR.

HUGO CA.

PETUS LO-

THARIO RE-

GI SUBVE-

NIT.

OTHO PE-

RICLITA-

TUR.

A D. WOLF-

GANO PE-

RICULO ERI-

PITUR.

PAX COM-

POSITA.

EXPEDITIO

ITALICA.

AN. CHRISTI

DCCCC.

LXXX.

DCCCC.

LXXXI.

CONVIVIAM

SANGUINA-

RIUM,

AN. CHRISTI

DCCCC.

LXXXII.

XL.

GRÆCI

PROFLIGA-

TI.

Marian. Scot.

Lambert.

Leo Ofien.

Ditmar.

OTHO PRÆ-
LIO SUPE-
RATUS,

ÆGERRIME
EVADIT.

COLLIGIT
SUPPLEMEN-
TA.

AN. CHRIST.
DCCCC.
LXXXIII.
BENEVEN-
TUM CA-
PTUM, DI-
REPTUM.
D. BARTHO-
LOMÆI
TRANSLA-
TIO.

*Leo Ostien.
lib. 2. c. 24.*

XLI.

*Herman. 6.
Id. Decemb.*

*Ditmar. &
Baron. 7. Id.*

Sigon. 8. Idus.

OTHO III.

COLLEGA

PARENTIS.

OTHONIS II.

MORS.

Antor vite

S. Adalberti.

OTHO III.

AQUIS IN-

AUGURATUS.

HENRICUS

BOIUS CA-

PTIVITATE

SOLUTUS,

REGNUM

AMBIT.

men Othoniani in vestigio, donec vi atque numero superati, terga Græcis cæden-
da dederunt. In acie occubuerunt, Henricus Augustanus, Wernerus Fuldenfis,
Præfules; Bertoldus Comes Schyrenfis. Otho Bojorum Dux inter cæsos refertur
à Lamberto, à Ditmaro scribitur unà cum Othone Cæsare fugisse. Cecidère com-
plures alij notæ illustris. Richarius Lancifer, Dux Udo Ditmari consanguineus,
Becelinus, Gevehardus, Guntherus, Ecelinus, Burchardus, Dedius, Conradus,
plerique Comites. Occubuit ingens manipularium multitudo. Constat, fuisse
tantam cladem, ut, si Græci mox à pugnâ Romam protinus ivissent, haud ægrè
eam à rebus omnibus imparatam fuissent occupaturi. Otho Imperator desertus
à suis, ad mare refugit, hoste à tergo imminente, à fronte verò mari inhibente fu-
gam. Cùm nihil spei, extrema omnia metuenti, superesset, in undas se cum equo,
quem à Calonymo Judæo, ejus sortem miserante, accepit, præcipitat, recipitur-
que in navim, fortuito obviam, ope Henrici Zoluntæ, natione Slavi, qui fugientem
agnovit. Ejus uxor Theophania & Theodoricus Metensis Episcopus, Rossani
confederant, prælij eventum expectantes. Otho à navarcho, qui suum nomen
ediderat, ingentibus promissis impetrat, cursum Rossanum intendat, quantum
vellet naulum accepturus. Haud longè appulerant à littore, cùm in conspectu
fuit Theodoricus à Zoluntâ, quem Otho è navi ad uxorem miserat, admonitus ac-
ceptæ cladis, & præsentis conditionis: aderant simul jumenta sarcinaria, quasi pro-
missum operæ pretium navarcho mox numerandum conveherent. Theodoricus,
velut pecuniam repræsentaturus, in navim admissus, Othoni persuadet, se ut in
mare demittat, & natatu evadat in littus. Enatantem navarchus apprehensâ ve-
stis laciniâ, morari ausus, mox à Luppo milite obtruncatur, territa vectorum turba
pellitur, arreptoque gubernaculo proa littori advertitur: Theodoricus, cæteri-
que Othonis comites in continentem elabuntur. Græci in Apuliam & Cala-
briam recepti, longè læviùs, quàm antè, genti imperitârunt: quod anni reliquum
fuit, Otho dedit legendis in Lombardiâ copiarum supplementis, perinde Romanis
aliisque desertoribus, atque Græcis & Saracenis intensus.

Beneventani primi omnium senserunt iratum. Capta ex improvise civitas,
data est militum direptioni: D. Bartholomæi reliquiæ, quo nullus erat præstantior
loco thesaurus, Romam transportatæ, ut in Germaniam, si Othoni vita fuisset su-
perstes, aveherentur. Ita quidem visum Sigonio, aliisque: verùm meliùs Baro-
nio, qui ad annum M. Othoni III. authore Leone Ostiensi, eam translationem di-
stulit, cui consentit Breviarium Romanum. Imperator subinde Veronæ egit co-
mitia Principum Imperij: ubi Henricus Minor, Othoni parenti Bojaræ Duci, suc-
cessor datus est. Cæsar Veronâ Ravennam, Ravennâ Romam reversus, Otho-
nem filium Imperij collegam renuntiavit, post 8. Id. Decemb. mœrore tabefa-
ctus, diem Romæ obiit, ubi illi regiè est parentatum. Undecim annorum im-
perium gessit, fortunâ variâ. Ejus corpus in Basilicæ Vaticanæ vestibulo sepultum
est. Multus fuit in augendis Ecclesiarum & Cleri rebus, cujus munificentia paf-
sim extant in sacris tabularijs documenta. Magni fecit D. Wolfgangi virtutes,
nec facilè, petenti, quicquam negabat. Datum illi vitio, quoddam deceptus pravo-
rum hominum avaritiâ & ambitione, Merseburgensi Episcopatu nonnulla detra-
xerit, eoque senserit DEUM, solito minùs faventem.

In Germaniâ, post ubi cognitum, Othonem III. parentis voluntate datum
esse successorem, ipso Christi nascentis die, puer à Joanne Ravennate Pontificis
Maximi legato, & Willigiso Archiepiscopo Moguntinensi, Aquisgrani inaugura-
tus est. Publicam hilaritatem mox sustulerunt pullati, tristisque de parentis
obitu nuntij: sed multò funestiora portendere visa est Henrico Bojo restituta
libertas. Is Trajectensi custodiâ solutus, confestim mulorum studia occupat,
& renato ambitionis æstu, ad regnum pergit aspirare. Jam eò usque factionis
vires auxerat, ut adversarijs non modò ostentare vim, sed etiam puero Cæsari
ausus sit inferre. Præ se tulit initio, sibi esse propositum, ejus curam suscipere,
& regio more pueri teneros annos formare. Tali obtentu, Coloniam Agrip-
pinam

pinam cum validâ armatorum manu ingressus est. Verum posteaquam Warino Coloniensi Archiepiscopo, sub cujus manu Otho educabatur, regiam institutionem eripuit, quicquid tandem simularet, sapientioribus visus est, non modò Imperatorem, sed Imperium quoque velle sibi facere obnoxium. Obtendebat, Cæsaream tutelam ad se pertinere propinquitate agnationis, & Cæsarem longè honorificentius apud ipsum, quàm apud sacerdotem, regijs artibus esse imbuedum. Habebat multos magni nominis conspiratores; studia Lothariensium in diversa abiisse, prout cuique suasit affectus, ostendit Epistola Gerberti Remensis, viri inter Gallos litteratissimi, ad Ecbertum Trevirensis Archiepiscopum: ad quem scripsit. *Labefactari Rempublicam vestram quorundam ignaviâ, tum perhorrescimus, tum erubescimus, & privilegio amoris nostri circa vos, & communi patria cognatione. Paucine creati sunt Reges, qui novum filio Domini vestri praponere vultis? Fortè quia Graco, ut dicitis, more Gracorum conregnantem instituere vultis. Quo recessit sanctissima fides? Excideruntne animo beneficia Othonum vobis conlata? Magnam intelligentiam vestram revocate, generositatem perpendite, ne perpetuo dedecori, generi vestro esse velitis. Si vires vos destituere acclamatis, meliora sentientes perquirite, nos fautores, coadjutores in talibus negotijs fore perpendite.* Idem similis argumenti litteras dedit ad Willegisum Archiepiscopum Moguntinum, ex quibus apparet, fidem in Ottonem haud paucis Principibus fuisse admodum fluxam & ambiguam. Certè Warinus Agrippinensis, nihil ostendit constantiæ in Othone retinendo, quod condonandum non esset, nisi vim Henrici metuenti. Nimis tamen servivit tempori, quando non modò regium Alumnum, ne reluctans quidem, dimisit è manibus, sed etiam raptori suam operam liberaliter addixit: nulla est cura publici, quando privata habentur potiora. Henricus cum Othone Corbeiam profectus, indeque Magdeburgum, cœpit palàm tentare principum, adhuc integrorum, animos. Hi sollicitatis in suas partes potentioribus, ut puero auctoritatem conciliarent, Adelheidem aviam, Mechtildem amiram, & Theophaniam matrem, cum potenti procerum comitatu, in quo Itali, Franci, Suevi, Saxones, Turingi, & Lotharingis haud pauci, ab Italiâ revocârunt. In fœdus etiam tracti, Rex Burgundiæ & Dux Franconiæ, uterque Conradi nomenclatione. Nihilominus Henricum adiêre frequentes è Saxoniâ viri illustres, accersiti ad Christi patientis ramalia: consilium erat, facere experimentum, quam in partem inclinaret, & an possent adduci in vota factiosorum. Non fuit omnibus una mens, neque similis, in Othone tuendo, animi magnitudo: pars proni ad potentiores: qui cordatiores fuerunt, Henrico disertè responderunt, cum singulorum favorem prensaret, prohiberi se, juratâ Othoni fide, à quâ non possent, nisi cum æternâ nominis sui infamiâ deficere. Quæ vincula si Henricus non posset solvere Othonis consensu, se officium non deserturos.

Inter hæc fiebant pro Othone validæ coitiones ex universâ Saxoniâ, omnibusque Germaniæ provincijs. E contra Henricus multos Germanorum à se averterat imperiosâ asperitate: famæ clementia nova imperia appetentibus utilis, acerbitas etiam nocet imperanti. Fuit, cum duos Comites optimi sanguinis multarumque clientelarum, Theodericum & Esiconem fratres, vehementer offendit. Corbeiam eunti, cultu squalido occurrere supplices, cujuspiam veniam rogantes, quos Henricus superbè rejectos, & graviora formidantes, unâ cum universis stirpis suæ familijs, alijsque, simili metu desperantes, habuit inimicos. Ille nihilo minùs Magdeburgo digressus, cum Pascha celebraret Quidlinburgi, festo suorum plausu, Rex est acclamatus. Eò confluxerant, Boleslaus Bojæmiæ, Miseco Poloniæ, Mistuius Obotritorum, Duces, innumeraque armatorum multitudo, qui omnes fœderati, Henrico sese solenni sacramento obstrinxerunt. Ad Othoniam missus est ab Henrico legatus, qui eos, si conciliare factioni non posset, saltem à Cæsare alienaret. Et magnum legationi pondus allaturum videbatur, quòd ipse Othonem in suâ haberet potestate, nec sineret, ullo pacto, à suo latere moveri. Verum legatus Verlam delatus, Othonis partiaros reperit ad vim inferendam sic

OTHONEM
ABDUCIT.

Gerbert. ad
Ecbert. Ep.
26.

Alludit ad
matrem O-
thonis III.
Gracam na-
tione, qua ob
nuperam Gra-
corum villo-
riam, Ger-
manis insulta-
bat.

XLII.
DIVERSÆ
FACTIONES,

HENRICUS
BOIUS ASPER

REX A SE-
DITIOSIS AC-
CLAMATUS.

TENTAT
ANIMOS AD-
VERSARIO-
RUM IN CAS-
SUM.

CÆSARIS
SOROREM
CAPIT.

comparatos, aversantesque pacis consilia, ut ægrè potuerit paucorum dierum inducias impetrare, ad referendum Henrico mentem adversariorum, qui tamen eò se passi erant denique adduci, ut non detrectarent, in communi partis utriusque conventu, causam jure disceptare. Quam ad rem dixere diem, quo Henricus coram se ipsis sisteret. Verùm diffusus, negavit se in illius comitij autoritate futurum, nedum adfuturum conventiculo, quod suo injussu esset coactum. Igitur pace desperatâ, Halam improvisus oppressit, unde Adelheidem Cæsaris sororem, sub Comitibus Echerti manu adolescentem, captivam abduxit factio perquam inhumano, quod Principes & populos passim non mediocriter pupugit. Inde progressus Weissenstadium, urbem Franconiarum, nonnullos gentis principes, qui cum prohibebant ingressu, fide publicâ extra mœnia accersit, velut de Republicâ deliberaturos. Adfuit Conradus Dux, unâque Willegisus Moguntinus, stipati nobili procerum comitatu.

XLIII.

Henricus, diu meditatâ oratione, eos hortari, atque per Imperij salutem cœpit obsecrare, revocarent in animum, & apud se statuerent, an res imperij eo loco forent, ut earum summa puero undecenni, iniquissimo tempore, committi posset: turbas esse in Germaniâ: nullam unquam in Italiâ quietem: nurare Austrasiam: in Sarmatiâ & Bojæmo omnia esse in motu: publicam incolumitatem & patriæ quietem, non puerilem manum, sed artibus gubernandi bene robustam & exercitatam industriam, exposcere: gliscentia mala præsentem opem postulare. Neminem inficiari, Othoni puero fidem esse obligatam quidem, sed aliâ ex parte esse cogitandum, qualis sit fidei nexus, qui citra publicæ rei perniciem ligare non possit: in hujusmodi eventis, rescindi oportere, quod inconsultè promissum: ita naturæ gentiumque jura sæculis omnibus docuisse. Quidnam emolumenti sit rebus allatura rudis regnandi pueritia, penes quam hæsurum sit inane regni nomen, penes alios imperium, penes populos servitus intolerabilis, sub impotente multiplicium imperitantium manu, quam pronius sit ad tyrannidem, quàm æquabilem dominandi modum declinare. Hæc tamen facundè, magnoque affectu perorasset, rarustamen in eo cœtu fuit, qui orationem non sit detestatus. Habito verò seorsim senatu, decreverunt Francones, pro Ottonum domo, quæ optimè de Imperio esset merita, pro optimâ novelli Regis indole, quocunque capitis & fortunarum periculo, arma esse induenda, defendendûque obsequium, quod non Romæ modò, sed Aquis etiam, summo Ordinum consensu optimâque fide, Othoni jurassent sapientissimi quique & cordatissimi Optimates. Una denique fuit omnium sententia, renuntiandum Henrico per Willegisum Archiepiscopum; Francorum Principes non commissuros, ut videri possint, sanctè juratam Othoni fefellisse fidem, quæ arietari quidem, sed everti non possit. Ipse potiùs à cœptis desisteret, neque ultrâ, nihil profuturum armatorum metum, liberis hominibus ostentaret: Cæsarem unâ cum Adelaide, virgine regiâ, cûmque omni gazâ regni in insignibus ad 3. Calendas Quintileis redderet Augustæ matri & principibus, in loco, cui Raræ nomen, alioqui sciret, se facturum esse contra Rempublicam.

CORDATUM
RESPONSUM
FRANCONUM.

XLIV.

Ille cordatâ denunciatione territus, pollicitus est, se omnino facturum, ne crederetur esse aspernatus tot Principum sententiam. Rebus ad eum modum adhuc dubijs, quò remotior esset à periculo, Boleslaum Bojæmum, cujus ope inprimis nitebatur, cum suis adiit, à quo regijs honoribus est acceptus. Inter hæc Henricus Minor, Dux Boicæ datus ab Othone II. in armis erat, provinciam voluntate non dimissurus. Henrico Bojo è Bojæmiâ discedenti, pro itineris securitate, à Boleslao dati, usque ad fines Bojæmiæ, magno numero defensores. Magdeburgum sine maleficio pervenit. Interea Wilhelmus Turingorum Comes, cum militari manu, Vinariam petebat, atque inde Merseburgum ad Gislam Henrici uxorem. Ille in suspicionem venerat, ob magnam cum Henrico necessitudinem, quasi turbas communi consilio foveret. Othoniani, explorato ejus itinere, incogitanti ad Iserensem villam occurrunt, & undique circumfusum, in eas redigunt angustias, ut citra supremum discrimen in tutum percurrere non posset. Cûm hostes illi

WILHELMUS
COMES
TURINGIÆ.

omnia

omnia ultima minarentur, Henricus de ejus salute magnopere sollicitus, Gisleherum Magdeburgensem Antistitem ablegat, jussu, quacunque demum conditione obsessi libertatem pacisci. Unica hæc placuit Othonianis: Henricus ad dictam diem Cæsarem Germaniæ redderet: Wilhelmus captivus eidem suaderet pacem: tribus duntaxat hospitij, Merseburgi, Walbizi, & Frasi in itinere ad Gislam & Henricum, uteretur. Nulla fuit in Wilhelmo mora, quin ea, quæ poscebantur, pro se addiceret. Ergo dimissus Merseburgum, Gislam mariti fortunâ mæstam, omniâque muliebriter metuentem, reperit. Henricus, re cum suis deliberatâ, ob Domini timorem (ita scribit Ditmarus) patriæque salutem, se ex fide omnia facturum, est professus. Nec præstitit minora, quàm dixit. Othonem & sororem cum thesauro regio matri & avix restituit, ejuravitque Regis tutelam, & se redegit in ordinem.

HENRICUS
SE REDGIT
IN ORDINEM.

XLV.

Quâ die Rex suis fuit restitutus, cælo sereno, sub ipsum meridiem, clarum sidus, omnibus conspicuum fuit, cum magnâ spectantium admiratione & gaudio, cælum Germaniæ pacem offerre ominantium. Otho Rex Willegisi Moguntini curæ commissus, donec virilem togam sumeret. Additus Hoico Comes, vir moribus probè emendatis, & regiarum artium apprimè peritus. Vocati inde Principes Weissenstadium, ad Regem denuo solenni ritu renuntiandum. Illic improborum hominum artibus jacta inter Othonem & Henricum nova dissidiorum semina, perniciosam productura segetem, nisi fuissent in Francofordiensi ad Mœnum conventu extirpata. In Othonis & Henrici vultu observata, cum sibi Weissenstadij valefacerent, tristis quædam irarum nubes, quæ belli nova fulmina propediem erat paritura. Atenim, Francofurti, Hermannus Saxonum Dynasta, vir longo rerum usu & ingenio felix, rem eò deduxit, ut detersâ similitate, pax amica conveniret. Henricus Minor, Comes Carantanorum & Bojorum Dux, Henrico sponte cessit, passusque est, cum in antiquam sedem postliminio reverti.

BOICAM
RECIPIT.

Otho Pascha proximum Quedlinburgi peregit, fecitque apparatu regio epulum, in quo Henricus Bojus Dapiferi, Conradus Francus Camerarij, Hezilo Palatinus Pincernæ, Bernardus Saxo magisterij stabuli, munera obierunt. Convenere eodem tempore Boleslaus Bojemus cum Misescone Polono, quorum hic, Othoni inter alia munera, Elephantem, id loci invisum, donavit. Henricus noster deinceps in Othonis autoritate fuit. Notavit Arenbekius, illi Treviris agenti S. Maternum visum specie aspectabili, monuisse, non prius rediturum in patriam, quàm D. Sebastiano Eberspergensis se devoveret, promitteretque, se Udalicum Eberspergæ Comitum in gratiam recepturum: voti porro damnatum D. Martyris aræ se stuisse, & magnam auri vim, novemque ministros, novum Cœnobio additameritum dedicasse, retulisseque Udalicum in album amicorum. Deinceps illi rediére mores pristinae pietatis & vita quietior. Inter primas curas repetiti Principatus, fuit, antiqua Batavensis Ecclesiæ jura asserere. Cum Pilegrinus quetere, Ecclesiæ suæ possessiones, sitas in Austriâ, quæ tum Luitpaldo Marchioni parebat, à Barbaris devastatas, premi gravius, & colonis exhauriri, ob onerum gravitatem: cum Henrico Carantano ei concessit, ut omnes agricolæ, qui Batavensi Ecclesiæ obnoxij, in Luitpaldi marchiam immigrassent, à publicis exactionibus & Cæsareo fisco liberi, Ecclesiæ duntaxat solique Episcopo essent vectigales, immunisque à jurisdictione Marchionis. Quam immunitatem Otho III. secundo regni anno, dato Babenbergæ 2. Cal. Octob. diplomate, firmavit. Similis est argumenti, quod aliquantò tenuis Boici Scriptores notârunt, pro Orientali Boicæ limite in Tulnensi conventu fuisse constitutum. Intersuere, Luitpaldus Austriæ, & Henricus Carantanorum, præfecti, cum Episcopis & minoris notæ præsulibus Boicæ universis. Inter ea, quæ isthic acta, Luitpaldus Austriacus, & Christianus Episcopus Batavensis, Pilegrini successor, litem sunt ingressi de suo uterque jure. Luitpaldus quædam Batavensis Ecclesiæ oppida occupaverat & prædia, quæ Episcopi Batavenses jure quo opumo senuerant. Episcopus præterea, Ebersper-

AN. CHRIST.
DCCCC.
LXXV.

SE D. SEBASTIANO
SISTIT EBERS-
SPERGÆ.

REDIT AD
PIOS MORES.

XLVI.
TULNENSIS
CONVENTUS.

SILURORUM
PISCATIO.

HENRICI
BOII CA-
RANTANO-
RUM COMI-
TIS OBITU.
AN. CHRIST.
DCCCC.
LXXXIX.
HENRICUS
RIXOSUS VI-
CTOR DE
UNGARIS.
IDEM CUM
FILIO VIN-
CIT CIVITA-
TES FOEDE-
RATAS.
AN. CHRIST.
DCCCC.
XCI.
Crantz.
Rader. in ejus
vita.
XLVII.
D. GOT-
HARDI GE-
NUS ET VI-
TÆ RELI-
GIOSÆ TI-
ROCINIUM.
M. S. Alt-
arch. infer.
MEMORA-
BILE EXEM-
PLUM DE-
FUNCTORUM
EXCOMMU-
NICATORUM
AN. CHRIST.
DCCCC.
XCIV.
D. WOLF-
GANGI OBI-
TUS.
EJUS AD
TAGMO-
NEM VATY-
CINIUM.
Ditmar. lib. 5.

gam, quæ est in Aultriâ, Traisenam, D. Hippolyti fanum, Cifomurum, oppida; aliâque permulta suæ ditionis esse, quinque testibus ostendit. Cognitores fuere, Babo Schyrorum princeps, idemque præfectus Bojaræ prætorio, Manardus, Manchardus, Rogerius ejus frater, & Thimo. Secundum Episcopum lata sententia, atque insuper decretum, ut prædia omnia Batavensium forent immunia: deinde ut Silurorum piscium, quos vulgò Husones vocant, piscatio, quam Tullani cives usurpaverant, Episcopo vindicaretur. Siluros tradit Plinius, Oeno amne propter Visbium grassari: Visbium urbem ad Oeni ostia, hodie Enesum (Embs) ex Ptolomæo litterati interpretantur. Confirmata eodem consilio, quæ Otho jamantè sanxerat, in gratiam colonorum, qui in agris Ungariæ vicinis sedes locarent, factâque potestas Boicæ Episcopis, Monachis, Sacerdotibus, nobilitati, iisdem locis, castella, oppida, arces ad limitis tutelam contra Ungaros ædificandi.

Hoc quoque tempore, Henricus Carantanorum princeps, quem Boicæ Schyrensiæ familiæ Lazius ex Aventino adserit, vitâ cessit, & Altaichio, quod inferius nuncupant, est illatus, conditusque prope Bertholdum patrem. Eodem anno Henricum nostrum de Ungaris victoriam reportasse, scribit Aventinus, qui fecisset operæ pretium, si aliquem ex antiquioribus narrationis testem produxisset. Brunnerus nominat Annales manuscriptos, ex quibus, credibile est, descripsisse Aventinum. Haud paulò explicatius est bellum, quod Hermannus Contraetus refert ad annum LXXXIX. Constantienses nimirum, Lindavienses, Sangallenses & Basileenses, isto inter se fœdere, irrumpentes in Bojariam, incendijs grassati sunt in agrestium villas, de quibus prædas cum egissent, pari sævitie incursarunt Wirtenbergiam, populationes longius producturi, nisi in expeditam virorum fortium manum incurrissent. Duo Principes Boici, Henricus Pius, & S. Henricus Pij filius, armati justis copijs, grassantibus occurrerunt ad Richenvillam, collatisque signis, eos internecinâ clade deleverunt. Quatuor duntaxat ex toto numero superfuerunt, qui cladis nuntium ad suos referrent.

Anno sæculi nonagesimo primo, D. Gothardus (quem è Schyrensiæ stirpe oriundum tradit Lazius, negat Hundius, qui Rotmundum ejus patrem, Ritenbachensis vici tenuis fortunæ incolam nominat) Altaichij inferioris Monasterium ingressus, cœpit vitam religiosam profiteri. Idem à D. Wolfgango sacro presbyterij ordine initiatus, admotusque postea totius sodalitij præfecturæ: quâ deinde solutus, Hildesheimensem insulam accepit, divinorum operum patrator: quale fuit, cum aliquos ex subjectis retractarios & diris devotos, sacrificij tempore, templo ejecit, exemplo quorundam defunctorum, qui pridem piorum cœtu proscripti, sepulturam in eodem templo erant consecuti. Hos jussit Gothardus è tumulis & loco sacro facessere. Paruerunt jubenti sine morâ, quos perterriti rebelles sunt secuti. Tum graviter increpitis auditoribus, qui minùs essent, quàm mortui, suo pastori obsequentes, defunctos solvit censurâ: illi inclinatis Pontifici capitibus, ad suum singuli conditorium redierunt.

Rapuit annus quartus supra nonagesimum, prid. Cal. Novemb. sidus Boicæ nobilissimum, D. Wolfgangum, Reginoburgensem Episcopum, gesto per annos duos & viginti sanctissimè Episcopatu. Mortem oppetiit Pupingæ in æde D. Othmari, cujus oraculo jam olim didicerat, se fore Episcopum, & in istius Divi sacrario vitam positurum. Eò navigavit secundo Danubio, cum Pechlarium, ditionis Ecclesiæ Ratisbonensis in Aultriâ secundâ oppidum, cogitaret. Inde progressus, incidit in ardentem febrem. Cum nihil præter piorum stipem recuperandæ valetudini adhiberet, sui fati præsciis, voluit ad vatis sui ædem referri, bonæ spei plenus, fore ut, quemadmodum secundum quietem illi Othmarus addixerat, ex eo loco facilem æternitatis viam ingrederetur. Isthic animo per sacram exomologesim & viaticum Eucharisticum procurato, præsentem vehementer est cohortatus, ut mortalitatis & futuræ vitæ memores, vitam ex Christianæ legis normâ componerent. Cum perorasset, Tagmonem, ob præclatas virtutes charum imprimis, quem à puero in ma-

gnam

ignam spem educaverat, ad se vocatum, iussit os suum, ori moribundo appone-
re. *Pone* (verba recitat Ditmarus) *fili os tuum super os meum, accipiens à Domino*
insufflationem spiritus mei, ut ubicunque, ardore juventutis incalcescente, in verâ chari-
tate sis frigidus, à summâ potestate meique benevolentia temperamentum accipias. Id
videlicet DEUM precabatur sanctus vir, ne divina charitas igne peregrino ex-
tingueretur. Tum ei prædixit, fore ut, duobus lustris in Episcopatu (Magde-
burgensem intelligebat) peractis, ei rursus in beatissimâ luce apud Cœlites jun-
geretur, cujus spiritum copiosè inter mortales hausisset. Voluit deinde ante Divi
aram, vultu humi affixo collocari, eâque demissione, supremam DEO veneratio-
nem in terris exhibere. Cùm familiares & ædituus conarentur, turbam, quæ ad
pietatis spectaculum confluxerat, submovere, sanctus vir vetuit hoc fieri, cum di-
cto, Præsuli honestum esse, in publico emori, quippe cùm ejus non modò vitam,
ut normam vivendi, sed etiam mortem, ut exemplum piè ad DEUM migrandi, popu-
lus nôsse debeat: talem vitæ exitum Christo non fuisse indecorem, quando nudus,
in omnium oculis, & in altâ quidem Cruce, unde esset aspectabilior, vitam ponere
non erubisset. Demum, ut se & commissum sibi gregem DEO commenda-
verat, clausit oculos luci mortalium, mentemque ad nunquam cessaturi luminis
visendam beatitatem transmisit. Mœsti domestici, funus pro tenuitate præsen-
tis facultatis composuerunt. Pridie, quàm moreretur, Numinis instinctu præ-
dixerat, fore, ut in crastinum appelleret Hartwicus Archiepiscopus Salisburgen-
sis cum Arrabone Procuratore provincie. Utrique iussit adornari conclavia, in
quibus refocillarentur. Facient quidem, aiebat, naufragium, sed amissis tantùm
sarcinis, salvi cum vectoribus advenient: & advenère quidem, & demortuo iusta
curârunt pro dignitate. Septimo inde die, corpus honestâ pompâ vectum Ra-
tisbonam, in æde D. Petri depositum, ad celebrandas exequias, defletumque à Cle-
ro & omni civitate, secundum piaculares cæremonias in S. Emmerammi condi-
torio clausum est. Demortuum, si quis alius, luxit Henricus pius, memor
veteris amicitie & sanctæ institutionis, quam vir sanctus in ejus edocenda prole
adhibuerat. Sub ejus disciplinâ S. Henricus Imperator adolevit ad eam virtu-
tem, quam in summo fastigio, orbis est admiratus. Giselam illius sororem Re-
ginam salutarat; quippe quæ Stephano Regi Pannoniæ nupsit. Brunonem vo-
cabat Episcopum, gnarus cum Augustanæ insulæ divinitus destinari. Birgittæ
dabat nomen Antistite, quod prænosset, eam virginum contubernio ad S. Pauli,
magna cum laude præfuturam. Mirâ in DEUM pietate flagrabat. Totas no-
ctes crebrò in templi adytis tribuebat: si quando in eo genere minùs faceret, sal-
tem eousque in oratione durabat, donec, fatiscente corpore, ad tenuem somnum
humî subderet. In miseros erat prodigiosæ liberalitatis. Fuit, cùm annona
tenuiter provenisset, iussit aperiri horrea, frugumque, quantum quisque ditiorum
posceret, facili pretio divendi, pauperibus donari mediam partem annonæ to-
tius. Erant illi, quot diebus, in aulâ greges pauperum, quos alebat; ex ijs
unus cottinæ portionem è conclavi sublegerat: à domesticis poscebatur ad
furcam. Intervenit Wolfgangus, cùm ad tribunal causam diceret, quæsitò
quid criminis admisisset, & supplicium urgente Oeconomo; Vides, inquit fu-
runculus, meos centones & corpus seminudum? Pannum sustuli, quo me te-
gerem. Wolfgangus ad hæc: Culpandus est (inquit) custos, qui non adfuit,
cùm auferres: donate, donate misero vestem aptiorem, & missum deinde fa-
cite. Cùm cibo corpus reficeret, habebat ex adverso egentes, quibus de suâ
mensâ apponi fereula imperabat. Alijs, qui domesticâ necessitate premeban-
tur, stipem mittebat ita rectè, ut rari notarent, satis habens, DEO conscio esse
liberalem. Dæmones proscripsit ex humanis corporibus: mentem usumque
rationis reddidit furiosis, raro miraculo: mortuis vitam restituit. Longum ni-
mis ac supervacaneum admiranda ejus opera, quæ peculiari volumine sunt edita,
hoc loco recitare.

XLIX.

PRÆDICTI
NAUFRAGIUM ET
ADVENTUM
HARTWICI
SALISBURGEN-
SIS ARCHIEP.

FUIT S. HEN-
RICI IMP.
PRÆCEPTOR

EIUS VIRTU-
TES: PRÆDI-
CTIONES

XLIX.
STRAHY-
QUE MALUS
EXITUS.

*Cosmas Pra-
gen. in vit. S.
Adalbert.
lib. 1. pag. 18.*

L.

Quàm beatè vitam is finijt, tam funestè bene cœptam, provectamque ad speciosum pietatis gradum, sine metuendo corruptit Strahyquas Boleslai Bojemorum Reguli frater. Hic in D. Emmerammi asceterio cùm visus esset fecisse vitæ religiosæ fructuosum initium, volentibus præsidibus in Bojemiam redijt, ut fratrem ac cognatos ex intervallo reviseret, quod rarò sit à religiosis citra aliquod pietatis detrimentum: quod ne incurreret homo juvenis, dedit se in D. Adalberti, Pragensis Episcopi, qui id temporis in excolendis Bojemis ingentes labores cum exiguo operæ pretio collocabat, familiaritatem, seque ita probavit, ut non abs re crederetur is esse, qui Præsuli, propter Bojemorum proterviam, Romanum iter meditantì, in animorum procurationem succederet. Quis enim illo aptior, qui Boleslai conspirantem voluntatem in promptu esset habiturus? Quæ popularibus gratior institutio, quàm, quæ à tali viro in suæ gentis homines proficisceretur? Quamobrem Adalbertus, hominem blandè aggressus, rogat, velit humeros sancto oneri supponere, & si Romanus Pontifex probârit, lubens volens Pragensem mitram admittere. Ita fore, ut Bojæmi duos fratres, diviso imperio, rectores habeant. At ille, velut pestem abominatus, erupit in has voces: *Nolo aliquam dignitatem in mundo, pompas sæculi despicio, indignum me judico Episcopali fastigio, nec tantum pondus cura pastoralis ferre sufficio: Monachus sum, mortuus sum, mortuos sepelire non possum.* Intulit Adalbertus casus futuri vates: *Scias frater, quòd modò non facis cum bono, facies autem postea, sed cum tuo malo maximo.* Vaticinium probavit eventus. Adalberto Romam protecto, Boleslaus veritus, ne Bojæmi ad veterem impietatem relaberentur, scripsit ad Willigisum Moguntiz Archiepiscopum, petens, vel Adalbertum ad pristina pastoris officia revocaret, vel daret aliquem, qui Ecclesiam, Præsule destitutam, procuraret. Summus Pontifex, ad quem res erat delata, Adalberto, qui se in D. Alexij Monasterio Romæ abdiderat, persuasit reditum in Bojemiam, quam etiam erat repetiturus, nisi cum gentis sævities, interfectis ejus agnatis, & Lubecensi nobilitate, professioque in ipsum odio, provinciæ aditu arcuisset. Interea Strahyquas sui & prioris vitæ immemor, modestiam fastu, honorum contemptum ambitione, compositos mores insolentiâ, & cultus externi internique apertâ vanitate mutaverat. Quare comperto, Adalbertum à Bojemis rejectum, curas aliò vertisse; Episcopatum, quem antè respuebat, à popularibus oblatum, obvijs, ut ajunt, ulnis est amplexus. Reliquum erat, ut Moguntiz solennibus sacris inauguraretur: ubi ad aram sacrandus flexit medius inter duos Episcopos, Willegiso, qui manus illi de more erat impositurus, inspectante, ab atro dæmone corripitur, & faucibus elisis, clero populoque præsentē, strangulatus, infelicem animam exhalat.

GEHBARDUS
D. WOLF-
GANGI SUC-
CESSOR, VA-
RIUS.

LI.

*Ditmar. lib.
4. pag. 39.*

Mediâ, inter istum, & vitæ sanctioris viros, se ratione gessit Gebhardus Ratisbonæ Antistes, in quo magnas virtutes aliqua vitia obscurârunt. Is è Comitum Hohenwartensium illustri sanguine, D. Wolfgango susceptus est: bonus quidem, ob constantem intaminatæ castitatis famam, & divini cultûs singulare studium, sed quia rarus est, in quem nullus nævus irrepit, visus est, quàm pro istius ævi Episcopo, genij liberioris & pompæ exterioris appetentior. Censores habuit, nescio an satis æquos, in Cœnobio D. Emmerammi, propter lites de juribus Monasterij, quæ illi intercesserunt cum Ramuoldo Cœnobiarchâ. Id tamen fuit laudabile, quòd Pruelensi D. Benedicti asceterio unâ cum Raptone fratre fundum donavit. Id domicilium anno M. CCCCLXXXIV. ab Alberto Sapiente D. Brunonis Cartusienium familiæ fuit transcriptum. Animi magnitudini & imperterritæ constantiæ in tuendâ Ratisbonensi Ecclesiâ tribuendum est, quòd Gebhardus non sit veritus Henrico Pio dicam movere, quam demum, ex Ottonis Cæsaris & Procerum sententiâ, in Magdeburgensi conventu finem invenisse, scripsit Ditmarus, qui simul Henricum laudat, à pietate & largitate in sublevandâ miserorum inopiâ, non dissimulans, cum, eleemosynis erogatis, vitæ prioris noxas expiâsse. Lite compositâ, breves habuit inducias, quibus supremas exactæ vitæ rationes compararet.

Solutis

Solutis Magdeburgi Comitij, Gandersheimium ad Gerbergam sororem, quæ isthic agebat Virginum Deo dicatarum Anstilitam, profectus, tumulum eò loci invenit. Correptus lethali morbo, Henricum filium properè accersitum, jussit in Boicam recurrere, resque omnes sic ordinare, ut Othoni Regi, quàm obsequentissimum se in omnem vitam præstaret, caveretque, ne contrà, ac hies Regi debita posceret, ejus obfisteret voluntati: *Obstisti quidem aliquando (inquebat) sed magno meo damno & dedecore. Si quàm promptum mihi fuit id dare effectum, ita nunc liceret reddere infectum, crede mihi, facerem hodie, cur me mei facti non pœniteret. Tu verò disce meo exemplo, nihil admittere, cujus te postea pigeat. Malè vertit duobus Henricis, avo patrique tuo, cum totidem Othonibus de regno certasse: vide, ne tertius sis, qui simili errore cum tertio collidaris. Regna, quæ DEVS condidit, à DEO sunt accipienda, non rapienda, calo fatòque adversante. Regna cuiusvis meritò debent esse suspecta, quia plerumque infida, servilia, angusta, & insatiabilia. Hac meditare, hæc altè mense repone, & age, & vive memor mei, quem in hac mortali vita non es deinceps visurus.* Hæc ubi dixerat, veris lachrymis, & divinæ misericordiæ imploratione comparatus, mortem excepit 5. Cal. Septemb. Sepultus est Gandersheimij in templi umbilico, ad aram S. Crucis. Quòd si illius est Mausoleum, quod Ratisbonæ ad D. Emmerammi visitur, ejus corpus Gandersheimio illuc translatum esse, necesse est. Epitaphium est hujusmodi:

AN. CHRIST.
DCCCC.
XCV.
HENRICI
PII MONI-
TA AD PE-
LIUM: OBI-
TUS.

Ditmar. loc.
cit.

HENRICUS REGIS PATER ET DEFENSIO LEGIS.
BAVARIÆ CULTUS PIUS EST HIC DUXQUE SE-
PULTUS.



BOICÆ



BOICÆ GENTIS
ANNALIUM
PARTIS I.
LIBER. XV.

D. Henrici natales, educatio, exilium. Fides in Othonem III. Imp. Ejus soror Gisela nupta D. Stephano Vngariæ Regi. Otho Imp. Crescentium urbis consulem occidit. Pontificem Schismaticum exoculat. Inauguratur. A tumultuantibus invaditur. Veneno appetitur. Conjugem vivam cremat. Moritur. D. Henricus Moguntia Rex renunciatus. Cunegundam ducit. Varia patitur ab æmulis, conjuratis, ab Ardoino Italo, à rebellibus, à seditiosis, quos redegit demum in ordinem. Ejus bella in Boleslaum Polonum. In Milzienos. In Balduinum Flandrum. In Adalberonem Trevirenses. Misconem Polonum. Cum Rudolfo Rege de Burgundiæ regno paciscitur. Bruno Henrici frater Episcopus Augustanus. Tagmonis Magdeburgensis Archiep. virtutes. Gisleri præcessoris avaritia. Ramuoldi D. Emmerammi Abbatis præclaræ dotes. Papiæ incensa per tumultum. Babonis Abenspergensis numerosa proles. Misnensium foeminarum mira fortitudo. D. Macarius Patriarcha, hospes in Boicâ, B. Colomannus Stokeraviæ occisus.

S. HENRICI
NATALES.



MAGISTRI.

Henricus, cognomento réque Sanctus, patriâ Boius, parente Henrico Pio, matre Gisela, Burgundionum Regis filiâ, natus Abudiaci ad Danubij ripam, anno DCCCCLXXII. pridie Non. Maij, sacris undis à D. Wolfgango ablutus, ad omnem virtutis cultum eruditus, pueritiæ secundarios formatores habuit, Bernardum Hildesheimensem Præsulem, & Burcardum Wormatiæ Pontificem, viros quâ morum integritate, quâ peritiâ litterarum, qualem ista ætas fere-

ferebat; insignes. Talibus magistris, virtutem intimis sensibus imbibit, quæ jam inde ab ipsâ pueritiâ varijs casibus, nunquam est passâ à verâ pietate defletere. Adolescentem traxit in exilium parentis calamitas, cum quo captus fuit Passavij, orbatusque, quamlibet infons, principatu: ad ejus spem demum rediit, quando parens in Othonis III gratiam est reductus. Renunciatâ, reduci in Bavariam, patris morte, Ducatum ab Imperatore impetravit, Boijs annitentibus; quod observavit Ditzmarus, qui non dissimulat, hoc antiquæ libertatis vestigium adhuc durasse id temporis in Boicâ, ut, qui Duces à Regibus dabantur, prentarent Optimatum suffragia, nec prius clientelare sacramentum dicerent, quàm gentis procures regia voluntati fuissent assensi, immo eligerent, quem à Regibus erant Principem accepturi.

Cæterum, Henricus memor officij, nihilque minùs cogitans, quàm de regno adeundo, permansit immotus in Othonis fide, tametsi non nesciret D. Wolfgangi vaticinium, quo illi prædixerat, fore aliquando Regem, nec dubitaverat, eum crebrò Regis nomine compellare. Sub aditi principatus initia, Sanctus cœlitibus additus, suam prædictionem firmavit, quando Henrico, ad ipsius tumultum oranti, Ratisbonæ apparuit, intendens digitum in parietem, in quo scriptæ erant hæ voces POST SEX. Verùm Henricus, quæ erat animi demissione, omnia alia, quàm Imperium interpretatus est, non ignarus, Othonem III. eo tempore integris adhuc viribus viridique juventâ, in summo fastigio adorari, sibi que posse longam adhuc ætatem polliceri. Ergo suspicatus, sextum ab oraculo diem sibi fore ultimum, omnia cœpit ad supremum mortis casum adornare, elemosynas profusè largiri, rebus divinis insistere impensius, omnes animi latebras rimari, quasvis labeculas expiare, & fatalem diem sedulò expectare. Cùm verò dies sextus nullo mortis indicio abiisset, credidit, sextum mensē futuræ ad superos abitioni esse præfixum; rursùmque semestrem, in mente procurandâ, posuit. Ubi tandem sextum mensē valens & incolumis exegerat, sexennium dedit sanctæ mortis meditationi, & constanti studio Christianæ pietatis, donec vocatus ad regnum, D. Wolfgangi prælagium intellexit.

Hoc ipso, quem describimus, anno, si Hermannus fides est, Gisela Henrici soror, quam idem Sanctus, divino instinctu, Reginam solitus erat vocitare, à Stephano Ungarorum Rege ad nuptialem thalamum ambita est & impetrata. Quamquam Cartuitus Ungarorum Episcopus anno demum M. II. Sigebertus, qui longo ferè intervallo alios solet sequi, anno M. X. Joannes Staindelius anno DCCCCXCIV. eas nuptias volunt coaluisse. Nos Hermannum, Henrici avo propiorem, sequi maluimus. Porro Gisela, Stephano non prius convenisse in manus, quàm sacris Christianis esset initiatus, authores sunt, Martinus Polonus, Otto Frisingensis & Conradus Urspergensis. Ungari quidem edocti mores mitiores, magisterio Pilegrini Episcopi Batavenis, nonnihil de genuinâ feritate remiserant, & gustum aliquem ceperant mansuetudinis Christianæ: verùm licet Geisa Ungarorum Rex, Adalbertum ad gentem excolendam vocârat, & suscepto baptismate, Christo nomen dederat, tamen Dijs patrijs pergebat habere divinos honores, credebâtque, esse pari, eum vero DEO, cultu adorandos; & plebes ejus exemplo, nuntium gentilitijs superstitionibus non remiserant. Quamobrem auctor, Adalberto coævus & familiaris, in ejus vitâ ait, eum Ungaris nunc misisse nuntios, nunc seipsum obtulisse, *is que ab errore parùm mutatis, umbram christianitatis impressisse.* Unde est, cur Cartuitum, qui anno circiter CXXX. post ortum Stephani scripsit, nimis in suam nationem indulgentiæ arguas, cùm scribit, Ducem Ungarorum, cum filio suisque familiaribus, & omnibus ditionis suæ hominibus, salutaribus undis ab Adalberto fuisse expiatis, & Geisam quidem *de ritibus sacrilegis abolendis, & statuendis Episcopatibus multum fuisse sollicitum.* Certe Sigebertus disertè Stephani & Ungarorum conversionem, Gisela, sorori Henrici Imperatoris, adscribit. Consensit Nonnosius, vel quisquis edidit vitam S. Henrici, quem Arenpekius & Andreas Ratisbonensis sunt secuti. Sed & quod istar omnium est, in Romano Martyrologio dicitur

I.

EXILIUM.

REDITUS
IN PATRIAM

Ditzmar. lib.

4. p. 39.

DUCATUM
ADIT.

FIDUS O-
THONI.

VATICI-
NIUM D.
WOLFGAN-
GI.

GISELA
HENRICI
SOROR NU-
BIT D. STE-
PHANO UN-
GARIE RE-
GI.

Otto Frising.
lib. 6. c. 27.

Urspergen. p.
167. v. 7.

Sur. 23. A.
pril.

UNGARO-
RUM CON-
VERSIO AD-
CHRISTUM.

II.

*Bonfin. p. 17.**175. Dec. 1.**2. v. 32.*

D. EMER-
CUS STE-
PHANI EX
GISELA F.
GISELA
FUNDATRIX
ECCLESIAE
VESPRINI-
ENSIS.

AN. CHRIST.
DCCCC.

XCVI.

GREGORIUS
V. SUM.

PONTIF.

SCHISMA

ROMANUM.

RAMUOL-

DUS PERPE-

RAM ACCU-

SATUS, SE

OSTENDIT

INSONTEM.

OTHO CRE-

SCENTIUM

CONSULEM

FACIT IN

URBE CA-

PTIVUM.

III.

*Wichind.**in Genealog.**Saxon.*

PSEUDOPA-

PA EXOCU-

LATUS, RE-

LEGATUS IN

GERMA-

NIAM.

OTHONIS

INAUGURA-

TIO ROMA-

NA.

AN. CHRIST.

DCCCC.

XCVII.

DCCCC.

XCIIIX.

Arenb. p. 115.

OTHONIS

IMP. VOTI-

VA AD D.

ADELBER-

TUM PERE-

GRINATIO.

Henricus, ad fidem Christi suscipiendam, perduxisse Stephanum Regem cum universo serè ejus regno. Ita De o visum, hanc pulcherrimi facti gloriam, Henrico & Gisela, Boica principibus, reservare, ut potissimi divinæ legis, in Ungariâ, recipiendæ authores dicerentur & essent. Ergo, ut paucis multa complectar, Geila Ducis filius, cujus nomen ante baptismum Waic à Dirmaro scribitur, cum Gisela nuptias ardentè expeteret, non est prius voti compos effectus, quàm, ejuratis gentilium ritibus, Sacra Christiana susceperet, pollicereturque, se totam Ungarorum nationem ad eadem pro viribus adducturum. Illi in Baptismo datum est Stephani nomen. Tulit è Gisela plures liberos, atque in ijs Emericum, tantis affluentem cæli donis, ut demum fuerit in Sanctorum Album relatus. Fuit in utroque ejus parente insignis erga calamitosos beneficentia, regia in sacerdotes & basilicas magnificentia. Gisela suo ære Vespriensi templum condidit, conditumque locupletavit sacris vestibus, aliâque suppellectili, auro gemmisque elegante. Adjecit proventus uberrimos, quibus mystarum collegium pro dignitate aleretur. Atque hæc quidem de Gisela Boica nuptijs atque virtutibus. Ut, unde sumus digressi, ad Henricum redeamus,

Otho in Italiam proficiscens, ad eum Ratisbonæ divertit, & quâ par erat reverentiâ, fuit exceptus. Expeditionis hæc causâ. Joannes XVI. Platinæ XVII. Nonis Maij naturæ concesserat. Illi, Othone patrocinate, Gregorius V. ad 16. Cal. Julias susceptus est. Erat Gregorius gente Saxo, Othonis propinquus & facellanus, Bruno nomine, ante Pontificatum. Illi pater Otho, Suevorum & Bojaræ princeps. Excellebat insigni modestiâ; unde ægrè potuit adduci, ut presbyteri ordinem, quo se judicabat indignum, assumeret. E diverso Crescentius Consul Romanus, qui urbis imperium conabatur invadere, è suâ factione Papam spurium Joannem XVII. hominem Calabrum, Placentiæ Episcopum, Othonis ingratis, superinduxit, & Gregorium Româ exactum, coëgit Imperatoris opem implorare. Dum Otho Reginoburgi tantisper respirat, Gebhardus Episcopus, quem Ramuoldo D. Emmerammi Abbati, nescio quas ob controversias collisum diximus, bonum præsulem Othoni detulit, quasi famam Cæsaream indignè proscidisset. Ea criminatio tantum valuit, ut Otho, ne in conspectum quidem Ramuoldum, nêdum ad colloquium admitteret. Fecit tamen Heribertus, qui paulò post Agrippinensem insulam est consecutus, ut saltem ad dicendam causam reus Othoni sisteretur. Ramuoldus Cæsari sic satisfacit, ut Gebhardum ante D. Emmerammi aram gravissimè objurgarit, vetueritque, in posterum Coenobio quicquam molestiæ facessere, nisi vindicem vellet experiri: ipse verò Cæsar à semet præcipitis iracundiæ & credulitatis pœnas exegit, prostratus ad Ramuoldi pedes, desinensque offensionem intempestivam.

Iter inde profectus, cum Romam occupasset, Crescentium in mole Adriani, quæ tum ab eo Crescentiana dicebatur, obseisum, fecit captivum, iussit asino vectum, per urbem circumduci, nasoque & auribus mutilatum, millèque confossum plagis, agi in furcam. Joannes effossis oculis in Germaniam relegatus, vitâ functus est, decimo, postquam pontificiam sedem invaserat, mense. Gregorius fastigio redditus, Othonem insignibus titulisque imperatorijs exornavit. Atque hic est Gregorius, cum quo egit Imperator de creandis Imperij Electoribus, tum ut Reipublicæ Christianæ summa, penes Germaniæ Principes stabiliretur, tum ut dissidia inter imperij Ordines in electionibus vitarentur.

Anno sequente, Gothardus, natione Bojus, cum bonâ Henrici principis veniâ, Altabensis Monasterij præfecturam, quam per ipsum biennium erat deprecatus, tandem accepit. Fuisse antè in eo loco sacerdotes, qui in religiosos mutati sunt, Arenbekius notavit. Otho redux in Germaniam, rursus divertit Ratisbonam, ubi abs Gebhardo Episcopo exquisitis honoribus cultus est. Sub idem tempus, cum D. Adalbertus Episcopus, morte, pro Christi fide, apud Prussos obitâ, miraculis inclaresceret, Otho ad ejus honorem votivam peregrinationem, cum illustri procerum comitatu, in Poloniam instituit. Aribio Comes Damasianus &

AN-

Andecensis, in Baviâ Noricâ, haud procul à Chiemenſi lacu, Burgilum, ſua di-
 tionis caſtrum, vertit in Baſilicam, quam D. Lamberto dedicatam, tradidit D. Be-
 nedicti alumnis, addiditque Monafterium, quod hodie Seon nuncupatum; S.
 Henricus perinde atque complura alia largè locupletavit. Factum, eodem rogante,
 Silveſter Pontifex & Otho Cæſar diplomatibus confirmaverunt. Etenim Gregorio
 V. rebus humanis exempto, Gerbertus Ravennas Archiepiſcopus, antea Remen-
 ſis, Cæſare procurante, Pontifex creatus, dictus eſt Silveſter II. Fuerat olim Ro-
 berti Francorum Regis in Mathematicis diſciplinis magiſter, & quidem, quod ijs
 temporibus valde erat inſolens, iſtarum ſcientiarum peritiſſimus; unde ejus ob-
 trectator Benno, occaſionem ſumpſit, ejus famam impudente calamo malignè
 petſtringendi, contrà ac illo antiquiores multòque integriores fecerunt, qui cum
 in legitimorum Pontificum Album, citra omnem dubitationem retulerunt.

Fuit annus miſſimus, cœleſtibus terriculamentis inſignis. Terra horren-
 dum tremuit: viſus terribilis Cometes: clato die fax è cœlo lapſa in modum fulgu-
 ris, & verſa in ſpeciem ſerpentis. Hinc fama, ex vaniſſimâ quorundam malè fe-
 riatorum ariolatione, per totum orbem vagata eſt, mundo cum annum fore ulti-
 mum, quodd Verbi Incarnati annunciatio, in Chriſti patientis diem incidiſſet, ac
 demum finito, à Chriſti adventu in terras, mille annorum numero, Antichriſti ty-
 rannidem in apertum venturam. Quæ Abbo Floriacenſis Abbas, in apologetico
 ad Robertum Francorum Regem, ſe Pariſijs pro concione audiviſſe meminit. Er-
 rori favebant hujus ſæculi, quod ferreum dicebatur, mali mores, cum deſcenderet (Ita
 Glaber. lib. 2. c. 5.) Pontificum religioſitas, diſtriçtio regularis Abbatum, ſimulque mo-
 naſterialis diſciplina vigor intepeſceret, ac per illorum exempla, cætera plebs mandato-
 rum DEI pravaricatorum exiſteret. Otho reverſus à Polonicâ peregrinatione, ex-
 actis Quidelinburgi Chriſti redivivi ferijs, cum Adelaide ſore Aquilgranum
 adiit, tum ut conceptum, ex avia & amita funeribus, mœrorem tantillum levaret,
 tum ut ante Romanam profeçtionem, quam cœperat adornare, in Episcoporum
 Synodo, quæ illic convenerat, quædam ad res Eccleſiæ ſpectantia diſceptaret,
 tum ut inſpecto Caroli Magni ſepulchro, cujus viſendi deſiderio tenebatur, co-
 ràm intueretur, verumne eſſet, Carolum, prout fama ferebat, in Aquenſi Baſilicâ
 eſſe conditum, quam rem, id temporis, multi in dubium revocabant. Ergo ſolu-
 to clàm pavimento, in conditorij adyta penetraſt, reperitque Monarcham regali
 ſolio ſubnixum, eo ſitu, quo fuerat olim compoſitus. Tegebatur purpurâ, fulge-
 bātque cruce aureâ, quam Otho cum veſtis particulâ, venerabundus abſtulit.
 Non eſt paſſus Caroli oſſa è conditorio moveri, ſatis habens, rem, ut erat, teſtatam
 dare publico. Cum eſſet eâ religione perfunctus; D. Ramuoldus, quantâ licuit
 vi orationis, diſſuaſit malè auſpicatam expeditionem, clarè vaticinans, fore ut, ſi
 Romam adiret, Ravennam non eſſet reviſurus. Enimverò fata ipſi ultima im-
 minere. Quod ſi optimè ſaluti vellent conſultum, abdicatione imperio, Monasti-
 cen proſtiteretur, in quâ tutiùs feliciùsque extremam vitæ clauſulam eſſet reper-
 turus. Otho monentem haud gravatè audiit: ſed diſtulit tamen conſilium vitæ
 ſanctioris longiùs, quàm erat proviſurus, errore nimis quàm familiari mortalibus,
 qui primarium ſalutis negotium reiçiant in eum temporum articulum, quo non
 erit ampliùs integrum negotiari. Cauſam dilationi obtendit, quod diceret, ſe
 rempublicam ſucceſſori relinquere velle pacatam.

Quamobrem Romam profeçtus, primùm in D. Bartholomæi templo, in
 Inſulâ Tiberinâ, collocavit D. Adalberti manus, cum variorum Martyrum reli-
 quijs: deinde, quod ſuprà meminimus, D. Bartholomæi corpus, Benevento alla-
 tum, eâdem in æde depoſuit. Cujus rei ſunt teſtes, publicæ Romanorum Ponti-
 ficum tabulæ, & Friderici Imperatoris diploma, datum anno MCLXVII. Acta
 item Synodalia ſub Alexandro III. inſcriptio portæ majoris ſuperliminari à Paſcha-
 le II. appoſita, quæ hodièque legitur, aſſerens, eam translationem eſſe factam ab
 Ottone III. Unde manifeſtè arguuntur erroris Sigonius, Brunnerus, & alij, qui eam
 Othoni II. tribuerunt. Robertus tamen, qui Sigeberto Appendicem attexuit, aſ-
 ſerit, D. Bartholomæi pellem Beneventi remanſiſſe.

MONASTE-
 RII SEON
 INITIA.

IV.

Ditmar.
 Helgald.
 Lambert.
 Herman.
 Marian. Scot.
 AN. CHRIST.
 M. ML

OTHO SCRUTATUR CA-
 ROLI MAGNI
 AQUENSIS
 CONDITO-
 RIUM.
 D. RAMU-
 OLDUS IN-
 FAUSTA O-
 THONI VA-
 TICIPINATUR.
 SUADET VI-
 TAM MONA-
 STICAM.

D. BARTHO-
 LOMÆI RE-
 LIQUIÆ
 ROMAM
 TRANSLATÆ

V.

OTHONIS
III. PERE-
GRINATIO
AD MONTEM
GARGANUM.

Eodem anno ad noxarum expiationem, ejus præsertim, quod Crescentem contra datam fidem occidisset, à Ramuoldo injunctam, Otho pedestri itinere in Garganum montem, adito prius Monasterio Cassinate, illatusque D. Benedicti altari geminis coronis, ad D. Michaelis opem implorandam, est profectus. Ad D. Nilum divertens, piè illi est collocutus: parabat se videlicet ad proximam æternitatem. Habuit in comitatu D. Henricum, non ipso quidem profectiois initio, sed paulò seriùs. Adfuit simul Heribertus Colonienfis Archiepiscopus, olim in Divorum fastos referendus, cujus virtutes Rupertus Abbas Tuitienfis descripsit ex antiquioris Scriptoris commentario.

Romanæ expeditionis, quæ ultima Othoni fuit, causam faciunt, Sigebertus & ex eo Sigonius, quod Saraceni Capuâ potiti, se in Campaniam effudissent, & nisi maturè reprimerentur, viderentur reliquæ Italiæ periculum creaturi; quos proinde necesse esset eo loco submovere, quod Otho magnâ facilitate, uti mox dicemus, est consecutus.

MORS D.
RAMUOLDI.

Hic annus D. Ramuoldo S. Emmerammi Præfuli ultimus fuit. Præter communem modum longævus, mortem obiit anno ætatis centesimo, quam magnis virtutibus impleverat. Oculorum usum, biennio ante obitum, exundans pituita ademerat, quam ille jacturam ridere solitus, aiebat, se de videndi acrimonia certare cum muscis: sibi abunde longè optimæ lucis affulgere, quod mentis oculo DEUM meditaretur. Ad aram in Crucis complexu obdormiscenti, Christus è triumphali trabe geminam facem in oculorum orbes immisit, cæcitatemque absterfit. Demortuo exequias iverunt, Adelbertus primus Seonensis Abbas, Gotthardus Althahensis. D. Henricus humeris funus extulit, suisque manibus composuit in urnâ mortuali, desiliens in fossam, quæ cadaver erat exceptura. Gebhardus Ratisbonæ Episcopus, manantibus pœnitundine lachrymis, ultimòque honore veteres similitudines emaculavit. Divi tumulus, frequentibus piorum votis & opitulationum crebritate inclaruit.

Sigebert.

Otho digressus è Germaniâ, ad 8. Cal. April. Ravennam venit. Tum Capuâ receptâ, & ejectis è Campania Saracenis, post vota, D. Benedicto & Angelorum Principi persoluta, Ravennam rediit 8. Cal. Decemb. Inde profectus in urbem, ad compescendos factiosorum contra Pontificem tumultus. Eò pervenit Nonis Januarij anno M. II. Tiburtes, quod Mazolinum, Ducem Cæsareum trucidassent, obsessos coëgit ad deditionem, & supplicium infimis precibus deprecantes, recepit in fidem. Tibure Romam redeunti, Romani portas claudunt, negantes, se imperata facturos, donec vi propiùs ostentatâ territi, fecere deditionem.

AN. CHRIST.
M. II.

VI.

ROMANA
IN OTHO-
NEM CON-
JURATIO.

Die postero mœnibus receptus, populo ad concionem coacto, de exedrâ, unde spectari poterat ab omnibus, exprobravit perfidiam, nec quicquam in fontes decrevit gravius, quàm ut duo, seditionis authores capite plecterentur. Exemplum ad breve tempus valuit. Dum enim bonis legibus urbem pergit formare, conjuratum rursus in ejus exitium, concitatore quodam, nomine Gregorio. Ortâ paucorum seditione, multitudo concurrentium clamoribus excitata, convolsans ad arma, Cæsarem nihil tale cogitantem, in prætorio obsedit. Prætoriani, qui vim irrupturis opposuerant, in vestigio occisi, cæteris utcumque resistentibus.

TUMULTUS.

Conjurati ingressum moliri, concursus in momenta fieri validior, audiri vociferationes, Othonem ad necem deposcentium. Advolârunt interea aliqui ex Othonianis, sed minùs frequentes, quàm ut tumultuantes proturbarent: obtinuerunt tamen, ut, cum furor morâ languesceret, colloquendi daretur facultas. Admissi pacis interpretes, D. Henricus & Hugo Tusciæ Marchio. Dum ultrò citròque de conditionibus agitur, Romana plebs paulatim dilabi, singulis pro se metuentibus, ne in conjuratorum numero haberentur. Quare rarefcentibus vigilijs, cum Prætorij aditus remissiùs observarentur, Otho nactus occasionem evadendi, unâ cum Sylvestro Pontifice, Urbe excessit. Factiosi comperto, capita, quæ maximè petebantur, abiisse, nihil morati, Othonianis omnibus fecere abeundi potestatem, eos ut tali specie sibi redderent clementiores, & qualemcunque gratiæ lo-

OTHO PE-
RICLITATUS.

URBE EX-
CEDIT.

cum

cum apud Cæsarem aucuparentur : neque enim dubitabant, eum, ad petendam atrocissimi sceleris vindictam, supremam vim allaturum. Et verò nunciabatur, omne Germaniæ nomen, & quicquid fidum in Italiâ, cogi ad signa, ut accepta ignominia Romano sanguine deleretur. Hæc seriò meditati, intercessit Joanna, uxor Crescentij Consulis, cujus tyrannidem nuper Otho capite multaverat. Irrepsit illa, per formæ venustatem, in Othonis insanos amores. Glaber eam scribit cæcâ levitate ductam ab Othone, & succedente fastidio, repudiatam. Leo Ostiensis concubinæ loco habitam : utrumq; foedum, & Othonis hætenus intaminato nomini probrosum, cæloque odiosum. Illa sive repulsæ dolore, sive studio mariti ulciscendi, amicitiam mentita, in chirothecis Deianiræ pestem mortemque Othoni misit. Ex ijs protuberantes pustulæ, grassantis veneni indicium fecerunt, quod initio ab Othone dissimulatum, seriùs animadversum à medicis, denique tabelcentem extinxit. Paterni, ubi languens decumbebat, Imperij Proceres capita inter se de novo Cæsare conferentes, D. Henricum hortati sunt, ut cæpti adiutor, & si ita videretur, Princeps esse vellet. Verùm ille consilijs intempestivis generosè est obluçtatus. Othonem, ferunt, ejusce meditationis non ignarum, dixisse, Henricum patruelem, si modò ab avi patrisque molitionibus sibi temperaret, Imperio non indignum videri. Augescente demum in horas morbo, inter lachrymas, vitæque anteactæ pœnitundinem 10. Cal. Februarij, vel, ut alij scribunt, Nonis Februarij, absque prole, naturæ debitum exolvit. Conjugem habuit Mariam Garciz Abarcæ, Regis Aragoniæ & Navarræ filiam, quam adulterij convictam, vivam incendio iussit cremari. Tragicam historiam recenset Sigonius ex Gothifredo. Uxor regia Comitem Murinensem deperibat. Cùm experta esset à flagitio alienum, furore amens, Othoni persuasit, se ab illo de stupro fuisse appellatam. Otho credulus, insontem mox capitis supplicio addixit. Comes, antequam duceretur, rem, ut erat, conjugi aperuit. Paulò post, cùm Otho, ad Roncalias, viduarum causas cognosceret, Comitissæ occisi vidua pro tribunali erupit in has voces : Te Cæsar hodie appello judicem, & ago reum homicidij. Tu enim meum maritum indetensum nefariè occidisti. Otho miratus audaciam. At tu (inquit) quâ tantum scelus probas ? Candenti, infert mulier, laminâ. Otho non ausus defensionem rejicere, jubet ferrum candens adferri, quod illa, palàm, illæsa contrectavit. Otho se pœnâ dignum professus, poposcit trium dierum inducias, nec illa abnuvit, pœnâque remisit, si modò à Reginâ meritas pœnas exigeret, quas & exegit eâ, quâ dixi, ratione. Othonis funus ductum per Italiam, non sine certaminibus adversus insultus Italorum, postremum agmen, per septem ipsos dies, continenti terociâ carpentium. Veronæ demum ab improbis incursionibus quies fuit. In eo comitatu fuerunt, Heribertus Archiepiscopus Agrippinensis : Episcopi, Leodiensis, Augustanus, & Constantiensis : Otho Caroli filius : Henricus Mosellanus Cunegundis frater : Junemannus Comes, complurèsque alij, domi militiaeque viri præclari. Illis D. Henricus, qui funus præcisserat, cum Boicis Episcopis & Comitibus, Pollingæ occurrit, neque contentus communi pietatis officio, subjectis humeris, funeri succollavit : quâ modestiâ sibi mirum in modum Procerum studia demeruit. Quam ad rem etiam plurimùm valuit, effusa in exercitum liberalitas, quâ longo fatigatum itinere, annonâ & aliquot dierum contubernio, recreavit. Adjecit munificentiam in præcipuos quosque & optimos, non obscurè prestantes singulorum amicitiam, & vota pro indispiscendo Imperio. Inter hæc ventum Augustam, ubi in S. Afræ basilicâ, juxta D. Udalrici conditorium, Othonis viscera decentissimè sepulta. Parentatum eodem loci defuncti manibus, quibus placandis D. Henricus S. Afræ domicilio centum propria mancupi prædia (mansos vocabant) donavit. Othonis cadaver inde auctum, in Aquilgranensi templo, quod magnificis ornârat donis, conditum est. Henricus, imperij insignia allata ex Italiâ, unâ cum Othonis exuvijs, in suam custodiam recepit, Crucem videlicet, sceptrum, globum, coronam, non vanum adeundi fastigij authoramentum. Sacram Lanceam, præcipuam regnantium tutelam, Heribertus Agrippinensis Coloniam

Glaber lib. 1.
c. 4.
*VENENO IN-
FIGITUR.*

VII.

Herman.
*Marian. Scot.
MORITUR.*
*Witichind.
in Geneal.
Saxon.*
*Adelbold. to
vita S. Hen-
rici.*
*INSIGNIA
AUGUSTALIA
PENES HEN-
RICUM.
SACRA LAN-
CEA PENES
HERIBER-
TUM CO-
LON. ANTI-
clan-
STITEM,*

*Rupert. Tui-
sion. in vitâ
S. Heriberti.*

c'anculûm averterat, ei demum daturus, quem Procerum vota, more institutôque majorum, ad imperium poscerent. Quod factum, tametsi innocens & optimæ in Rempublicam mentis, tamen obtreçtatorum dicacitas apud Henricum sic traduxit, ut collisis animis, orta sit inter quamlibet sanctos, materia dissensionum, quas demum divina manus composuit, quando Henricus, cognitâ cœlitus Heriberti sanctitate, ultro culpam deprecatus, qualemcunque offensunculæ labeculam, paulò ante Sancti mortem, absterlit. Nimirum quantæcunque virtuti non desunt dæmonis insidiz, & nî vigilanter caveantur, subrepunt errata saltem leviora. Quod in hoc genere fuit utcunque grave; Henricus Heriberto custodiam circumdedit, ejusque fratrem obsidem exegit, quem non dimisit, nisi redditâ Lanceâ triumphali. Vicissim Heribertus Comitua devitavit, in quibus prævidebat sceptrum esse Henrico deferendum.

II X.
IMPERII
PLURES
CANDIDATI.

Ditmar lib. 5.

**ECCARDI
VANA AM-
BITIO.**

Comitia, cujusmodi fuerunt, quando rerum ac temporum series ita flagitat, juvabit ex ordine cognoscere. Quinque erant Principes, quorum potissima poterat esse ratio in augustalibus suffragiis. Primus omnium Henricus, non modò plurium sententiâ, sed etiam Othonis moribundi iudicio: secundus, Benno Dux Saxonum, subnixus gentis suæ studiis: tertius, Theodoricus Lotharingæ Dux: quartus, Hermannus Dux Sueviæ & Alsatia, minimè malo Princeps ingenio, potensque validis clientelis: quintus, Eccardus Turingiæ Marchio, qui spe præcipiti regnum jam devoraverat. Saxones, quorum maximè intererat, in sua gente imperium retineri, primi omnium Comitua Frasæ celebrârunt, authore ac præside Gisilero Magdeburgensi Archiepiscopo, cum ejusce provinciæ Episcopis. Interfuere præterea, Bernardus Dux, Lotharius, Gero, & Eccardus Turingus. Hujus manifesta ambitio, quæ suffragiorum libertatem verbâque propè singula interpellabat, consilia abruptit, fecitque, ut, Lothario referente, decernerent, nihil eo loco ac tempore, de regno, in jussu cæterorum Imperij Ordinum, rite atque ordine posse confici: proinde tanti momenti negotium, ad frequentiore Werlæ Conventum esse differendum, in quo disceptaretur ab omnibus, quod ad omnes pertineret. Eccardo quiritanti, suæ fortunæ cursum sufflaminari intercessione Lotharij, hic facetè respondit: Enimverò nihil opus est meo sufflamine, nam tu quidem veheris curru, cui quarta rota deficit: quo joco imperitam ejus arrogantiam notabat. Sed & illi cum Gisilero Archiepiscopo causâ simultatis interceserat. Cùm enim primum gratiæ locum apud Othonem aucuparetur, quæ insania est, neque parem, neque priorem ferentium; & Gisilerus aditus haberet molliores ob præclaram sapientiam, rivalem oderat, quod homini peperit apud Saxones non mediocrem invidiam, qui, tametsi præclaras in eo dotes suspicerent, factum tamen, & insatiabilem gloriæ cupiditatem abominabantur.

**HERMAN-
NUS SUEVIÆ
DUX FASCES
PRENSAT.**

IX.

**ECCARDI
INSANUS
FASTUS.**

Hæc dum gererentur in Saxoniâ, Hermannus Sueviæ Dux, haud paulò solertiùs ad imperium grassabatur, eò impetrabilior candidatus, quod aliquorum Principum studia, in itinere, quo Othonis funus Aquas deduxit, sibi visus est conciliâsse. Verùm Henrico permulcûm contulit, captâsse Saxonum benevolentiam, qui ad Werlense Comitium frequentes confluerant, idque operâ Sophiæ & Adelaidis, sororum Othonis III. quæ commodum, id temporis, Werlæ morabantur. Illæ suscepto Henrici patrocínio, privatim Procerum singulos, exquisitis rationibus, induxerunt, ut in Henricum plerique votis conspirantibus inclinarent, & in publico confesso sint professi, neminem esse imperio digniorem. Bruno quoque, tametsi Othonibus esset sanguine propior, ivit in eandem sententiam. Eccardus, quamvis hæc non ignoraret, tamen non desinebat, suas spes non modò urgere, sed etiam prævenire. Non obscurè se pro Rege ferebat, captabat in cœtibus, in convivijs locum præcipuum, tantâ impudentiâ, ut, cùm non invitatus irepisset in epulum, quod Othonis sorores instruxerant, ausus sit, convivarum ingratijs, supremum accubitus occupare. Quæ inurbanitas & arrogantia, sic accendit æmulorum sannas & odia, ut ijs ad desperationem usque vexatus, Werlâ, plenus ignominiz, se subduxerit. Fastum nihilominus non posuit, sed, quaquâ fecit

fecit iter, se pro Rege gessit. Ad extremum, cum apud Hermannum Suevum, tamen si rivalem, suæ ambitioni subsidium frustra quævisset, Northemiorum Comitum insidijs, Poledæ est oppressus. Occisi caput ad contumeliam est circumlatum: corpori verò, quæ ne hosti quidem subtrahitur, negata est sepultura.

Eo sublato, supererat Hermannus (ceteri enim Candidati nihil pro se movebant) cujus molitiones haud leve momentum habituræ videbantur, tum quod Theodoricus Lothariensis, in ejus factionem concesserat, tum quod apud alios complures non mediocrem favorem coliegerat. Henricum animabant Boii, *Ditmar, Adelbod.* Francones, Saxones, Mosellani, à Theodorico dissidentes; & verò etiam legerat justum exercitum, in quo omnes Bojaræ Antistites, Hartwicus Salisburgensis, Gotschalcus Frisingensis, Gebhardus Ratisbonensis, Christianus Batavensis, Alboinus Brixinensis, vel, ut alij scribunt, Adalbertus. Illis addit Adelbodus Willegisum Moguntinum, Episcopum Herbipolensem, & Fuldensem Abbatem. Aliâ ex parte, Mosellani sub signis ad Rhenum confluerant, Henrico opem laturi, ubi primùm in Gallicum litus trajecisset. Quamobrem, ratus sine virium ostentatione nihil se profecturum, expeditionem maturavit, antequam Hermannii factio cunctatione cresceret. Jam è regione Vangionum in WORMATIÆ conspectu castra posuerat, cum Hermannus in adversâ ripâ vim opposuit ad prohibendam transmissionem. Henricus, hoc animadverso, jussit signa refigi, itaque moveri, ut Boicam repetere viderentur: tum converso confestum agmine, iter Laurisheimium, indeque Moguntiam intendit. Festinatâ per nota diverticula profectio-

ne, Rhenoque ad Moguntiam, favore Mosellanorum, qui objectam ripam tenebant, trajecto, civitatem, nemine obistente, ingressus, 8. Idus Junij, Rex magno Procerum consensu renunciatus, à Willegiso auguralibus cæremonijs regni que insignibus est initiatus, inter publicas gratulationes. Securæ graves in Hermannum sententiæ, quibus decretum, ut, velut Reipublicæ hostis, communibus armis pereretur. Prima belli vis Alemanniæ incubuit. Etenim deportatis per Francones, utpote amicos, sine maleficio, copijs, Suevorum agris illata vastitas, vexati coloni, abacti greges, si fortè Hermannus suorum calamitate ab incepto detereretur. Verùm, ruentem in præceps, operosum est ab exitio revocare. Ille suorum ruinam sùsque deque habens, iras vertit in Argentinenses, odio Wicelini Episcopi, cujus consilijs tribuebat, quod cives, correptis armis, Ducis sui imperia fuissent aspernati. Urbe per Rheinhardi prodicionem, non sine sanguine, expugnatâ, miles sacra, juxtâ ac profana, Hermannò inscio, diripuit, moxque, ut avaritiæ & semel incitatæ crudelitati nullus est modus, D. Virginis ædem, omni spoliatam thesauro, incendit. Hermannus sacrilegij atrocitatem detestatus, mœstus ex urbe discessit, facinus haud dubiè ulturus, nisi facinorosorum multitudo, & ignorati authores iram cohibuissent.

Henricus interim D. Joannis, Christi præcursoris, festum agens in Augiâ, laeus Acroniani Insulâ, per frequentes nuntios accipiebat, Hermannum cum exercitu adventantem, velle litem, Marte arbitro, dirimere. Henricus Deo fretus & causæ bonitate, decrevit sui facere copiam: quam ad rem legiones, ad prædam effusas, jussit extemplo redire ad signa, castrisque in patente campo positis, pugnæ tempus præstolari. Verùm ubi miles animadvertit, nihil in præsens tale esse expectandum, otij pertæsus, intermissas prædas cœpit suspirare. Ne à signis difflueret, fuerunt, qui Henrico suadebant, ut Hermannii exemplo, qui Argentoraturn militum avaritiæ objecerat, Constantiam pariter suis daret diripiendam, eò maximè, quod Lambertus Constantiensis Episcopus, ad Hermannum, unâ cum

Udalrico Curiensi, defecisse crederetur. Verùm comperto, neutrum odio, sed necessitate ad Hermannii partes esse abreptum, suos ut cives, utpote Alemanniæ confines, Hermannii injurijs subducerent, negavit, suæ esse moderationis, crudum Hermannii factum imitari, infontibus, quibus mens & fides essent integræ, irascendo. Quin etiam militem jussit à Sueviæ rapinis temperare, ac denique ne

INTERITUS.

X.

HENRICUS
MOGUNTIAE
REX RE-
NUNCIATUS.BELLUM IN
SUEVUM DE-
CERNITUR.
HERMAN-
NUS ARGEN-
TINAM EX-
PUGNAT,
QUAM MILES
EUS INTUSSU
DIRIPIT.
INCENDIT
D. VIRGI-
NIS BASILI-
CAM.HENRICI
MODERA-
TIO.

mise-

miserorum damna augerentur, militem in Franconiam abduxit, nefas esse ratus, Principis contumaciam, paupertinæ plebis ultimâ calamitate plectere.

XI.

SAXONES
HENRICO
DICUNT
SACRAMEN-
TUM.

Ne Franconibus esset oneri, paucis, postquam eò venerat, diebus, progressus in Turingiam, obvium habuit Wilhelmum gentis regulum, se suosque regiæ fidei addicentem. Eum Henricus clementer acceptum, ascriptumque militiæ Palatinæ, in amicorum album retulit, & quo sibi provinciam universam devinceret, unius anni censum remisit. Digresso inde in Saxoniam, Merseburgi, ad 8. Cal. Sextiles, occurrerunt, Bruno Dux Saxonie, Lutharius & Gero Marchiones, Fridericus Comes Palatinus, Boleslaus Dux Polonie, Luizo Bremensis, Gisleerus Magdeburgensis, Archiepiscopi, aliique, tum Antistites, tum Comites permulti, qui porrectis ex ordine dextris, in solio residenti, sacramento dixerunt. Adfuere etiam Redariorum & Luiticorum primores, qui ad eam diem imperium detrectabant: eos Henricus, muneribus promissisque mansuefactos, recepit in fidem, quæ sua omnibus constitit, præterquam Boleslao, qui neglectâ statim jurisjurandi religione, pravo consilio, cepit eudere conspirationes, quæ, ubi maturuerunt, turbas haud mediocres peperere. Harum non minima pars fuit Henricus, cognomine Hezelo, filius Bertholdi & Eilæ, quæ Diemari Merseburgensis fuit amira. Ille Boleslai contagione, & concepto nuper in Henricum odio corruptus, venit in numerum conjuratorum. Irarum causam in loco referemus.

HENRICI
CUM CU-
NEGUNDE
NUPTIÆ.

Regi, è Saxonîa in Lothariensium fines properanti, Gruonæ venit obviam Cunegundis uxor, custoditâ sanctè in castissimo thoro pudicitia nobilis, stirpe Mosellana, Sigefridi Metensis Reguli, vel, ut volunt alij, Gisleberti Secundi Luxemburgensium Comitis filia. Inde, cum simul Padebornam venissent, illa solenni ritu ad Regis thorum, diadema, cæterosque honores fuit admissa, ipsis D. Laurentij feriis. Latitiæ publicæ serenitatem obvolvitur seditio, quæ levi initio crevit ad cruentam dimicationem. Cum civitas universa nuptijs festivè applauderet, Bavari pabulatores, militari licentiâ in maturas fruges grassati, colonorum spem demerere, & contra provinciæ morem jus agrorum violare cœperunt. Agricola primùm ad clamores & jurgia, deinde ad rixam, ac demum alijs super alios accurrentibus cum telis, quæ furor porrexerat, ad pugnam coorti, militem, à frumentatione ad arma collectum, incondito impetu aggrediuntur. Crescente tumultu certamen incrudescit, exasperatisque cæde utrinque cadentium animis, cruentum exitum furentium atrocitas spectabat, nisi submissi à Rege sequestres, conflictum imperio diremissent. Quod mirere velut indignum, inter pabulatores, frater Engelberti, qui Henrico erat ab Epistolis, Comes Mospurgenis, cum primis occubuit: facinoris auctoribus ex lege castigatis, Rex Duisburgum contendit, Lotharienses excepturus. Primi adfuerunt, Leodiensis & Cameracensis, Antistites: occurrit etiam, sed seriùs, Heribertus Coloniensis, nondum Henrico conciliatus: & nova ratio simultatis ad veterem accesserat, quod Heribertus sibi inaugurationis officium à Moguntino præreptum, doleret. Denique Lothariensium proceribus Aquilgrani collectis, Henricus in Caroli Magni solio, faustâ omnium Ordinum acclamatione, Rex denuo salutarus est 6. Idus Septembris.

Adelbodus
nominat
Dinsburgum.

HENRICI
REPETITA
APUD
AQUENSES
INAUGURA-
TIO.

XII.

Germani omnes, si Alemannos excipias, in Henrici fidem concesserant: & ne hi quidem ab ejus imperio erant alieni, si per Hermannum redire ad officium licuisset. Quamobrem Henricus reversus in Franconiam, belli apparatus, lætis legionum supplementis, integrabat, primo statim vere ad domandam Hermannî pertinaciam moturus. Sed cum hunc jam cepisset tædium & desperatio factionis, non expectato bello, maluit Henrici clementiam experiri. Calendis Octobribus venit Brussalam, & impetrato, per illustres deprecatores, aditu, atratus, nudus pedes, cæteroque reorum habitu, Regis genibus advolutus, factorum veniam petijt, obtinuitque, eâ tamen lege, ut damnum, quod miles Argentoratensi Ecclesiæ intulerat, contributo in vicem S. Stephani cœnobio, compensaret. Quem in modum Hermannus receptus in gratiam, inter primæ admissionis amicos, intimæque rerum gerendarum consilia, fidelissimam Henrico operam ad usque

VITÆ

vitz finem rependit. Germaniâ undique pacatâ, Rex se Boicæ reddidit, nihil immutato vetere in suos cives affectu, qui cum festâ omnium Ordinum lætitiâ publicisque votis redeuntem exceperunt. Martinalia egit Ratisbonæ, ubi Blademariorum, natione Slavo, optimis instructo præceptionibus, dedit Bojæ Principatum. Mox juri dicundo, cæterisque boni Principis officiis incumbens, mirè bonorum animos ad spem rerum optimarum erexit.

Hæc dum agerentur in Germaniâ, Itali de Othonis morte facti certiores, pro veteri regnandi prurigine, majorum gloriam in Germaniâ exulantem, in antiquam sedem postliminio, quacunque demum ratione, reducendam censuerunt. Primi ejusce consilij conatus extiterunt abs Longobardis, auctore Ardoino Eporediæ Marchione, homine tum magnis vitijs cooperto, tum in sacrum ordinem, præcipue in Episcopos contumelioso. Ille singulorum Italiæ Principum studiis, ad recuperandos imperij honores, excitatis, se pulcherrimi facti ducem professus, eò rem adduxit, ut, coactò, gentis more, Papiæ consilio, senatusconsultum de Rege eligendo fieret. Primum ejusce legis fructum ipse tulit, communibus suffragiis Rex Italiæ renunciatus, donatusque regni insignibus, injussu Arnulfi Mediolanensis Antistitis, ad quem tamen, vetere instituto, Regis Italici inauguratio pertinebat. Quâ super re, convocato Paulæ, sanctioris ordinis comitio, D. Gregorij legem recitat, impetratque, ut, unanimi Præsulorum omnium consensu, Ardoinus, vitio creatus, pronuncietur. Votis Antistitum, adstipulata sunt proborum omnium odia, detestantium sævum hominis imperium, immensam avaritiam & mores maculosos, ut qui virtutem non odisset modò, sed etiam formidaret velut scelera exprobrantem. Auxilia circumspicientibus & potentiam, quæ turpissimum regni incubatorem exturbaret, nullus Henrico visus potior, quippe quem totius Germaniæ consensus Othonibus successorem dedisset, ijs instructum virtutum armotumque subsidijs, quibus oppressa Italia tyrannidi eriperetur, ijsque legibus regeretur, quas optimi quique Imperatorum Regumque condidissent. Quare, decretâ ad eum legatione, scriptisque publico nomine litteris, vota Longobardorum explicata, quibus ad fulciendas Italiæ ruinas, velut benignum ac salutare Numen invocabatur. Venit in tempore legatio, cùm Henricus de asserendo Italiæ regno consilia caperet. Igitur primo vere, antequam se magis Ardoinus firmaret, Othonem Carinthiæ Ducem, & Veronensis Comitatus præfectum, collecto raptim exercitu, trans alpes jussit properare. Ventum ad Brennam amnem, ubi Otho statuerat suppetias Italiæ, quas Ravennæ Archiepiscopus & Theobaldus Marchio adducebant, opperiri. Ardoinus exploratis Germanorum castris, fauces Veronenses, disjecto Episcopi præsidio, occupat, Italosque, castris in medio positis, à Germano milite dirimit. Hærebant in arcto ad montem, cui Ungaro nomen, Othoniani, quòd occupatis claustris, Ardoinus omne illis iter præclusisset, ut non ignominiosum modò, sed etiam periculosum foret, hoste à tergo instante, per angusta montium, raris ordinibus, lentum agmen in Germaniam retrahere; longè verò durissimum, annonâ undique interclusâ, militem, in infidâ statione, fame consumere. Quod postremum erat, visum est, per legatos ab Ardoino flagitare, si non progrediendi, at saltem regrediendi facultatem. Auditis in speciem benignè legatis, dilatisque in crastinum, Ardoinus per noctem suos vocare ad concionem, ostendere quanta res cum paucis Germanis agenda sit, animare omnes ad pugnam, & primâ statim luce quindecim Longobardorum millia educere. Germanis sub meridiem, ex improvviso, hostis fuit in conspectu. Otho suos jubet confestim arma capere, & si aliud non erat futurum operæ pretium, per honesta vulnera gloriosè mortem oppetere. Explicatâ properè quingentorum, ut summum, acie, ducit in Ardoinum, tantâ omnium alacritate, ut, nutante victoriâ, Longobardi victis, quàm victoribus essent similiores. Et verò erat in proximo, ut desperatione pedem referrent, cùm Ratisbonensis Episcopi germanus, viris fortibus, turpi fugâ, secundam fortunam corrupit. Exilem Germanorum numerum diminuit imbellis pavor, quem fugitivus iniecit. Id

BLADEMAR-
RIUS DUX
BOHEMIÆ.
ITALI PRO
RECUPE-
RANDO
IMPERIO
CONSPI-
RANT.
ARDOINUS
AUTHOR
CONSPI-
RATIONIS,
CORONA-
TUR.
DECLARA-
TUR AB EPI-
SCOPIS, VI-
TIO ESSE
CREATUS.
XIII.

LEGATIO
AD HEN-
RICUM.

AN. CHRISTI
MIII.
HENRICI
COPIÆ
AUXILIARIS
AB ARDOINO
PROFLI-
GATÆ.

ubi Ardoinus advertit, totâ vi invehit, reliquos statione submovit, nec ultrâ infectatus, satis habuit, aversos disjecisse. Pauci è Germanis occubuerunt, nullus inultus, Longobardi longè majore numero, minore gloriâ. Atque hic quidem erat status Italiæ.

AN. CHRIST.
MIV.
XIV.
HERMAN-
NI ET
THEODO-
RICI LO-
THARIN-
GORUM
INSOLEN-
TIA RE-
PRESSA.
PEREGRI-
NATIO
HENRICI
VOTIVA
AD S. SER-
VATIUM.
LEODII
COLICA
LABORAT.

Inter hæc, Henricus, auditis per Christi nascentis ferias variarum gentium legatis, Mosellanorum provincias adiit, & indicto ad Theodonis villam conventu, Hermannum & Theodoricum Duces, comperit, multa ex legum & antiqui moris contemptu temere deliquisse. Utriusque insolentiam coercuit everso funditus castro Mulsbergio, cujus illi munimentis, ad firmandam audaciam, potissimè nitentibus. Soluta conventu, Aquisgranum, Othoni III. anniversarias inferias soluturus, concessit. Cùm eò loci, multa de S. Servatii sanctimoniâ factisque egregijs cognovisset, induxit animum, eorum propius noscendorum gratiâ, Trajectum proficisci, simul ut Divorum cineres, quos ea civitas asservat, religiosè veneraretur, simul ut Canonorum Collegium sanctioribus formaret exemplis, & sacras ædes, divinis rebus pietatque exercendæ, nitelâ pulchriore, redderet aptiores. Isthic de rebus Italicis factus certior, immotâ animi constantiâ, qualemcunque fortunæ ictum excepit, sat gnarus, cælum alternis mortalium virtutem exercere, ut roboraret adversis, acuat secundis. Trajecto concessit Leodium, D. Lamberto honorem habiturus. Hic biliosus correptus torminibus, quod morbi genus illi à majoribus erat transfusum, gravissimos passus est cruciatus. Divertens ad Aquas Graneas, dimisso Lothariensium comitatu, Noviomagum se contulit, ubi quadragintadiale jejunium exsolvit.

BOLESLAUS
BOHEMIÆ
PRINCI-
PATUM
INVADIT.
EXOCULA-
TUR A PO-
LONO
ITEM BO-
LESLAO.

Per id temporis Blademarus, quem Bojæmis regulum dederat, fato concessit. Boleslaus Bojæmus natam sibi, ex ejus morte, Bojæmiæ imperio occupandæ occasionem ratus, mox sibi fœdere adjungit Boleslaum Polonum, patris sui sorore natum, ejusque fiduciâ Bojæmos pellicit ad defectionem, &, ne petito quidem Henrici jussu, principatum invadit. Brevis & infelix fuit dominatus: rei scelere quæsitæ, usura læta non est, neque diuturna. Quem Polonus ad culmen evexerat, crudeli fraude dejecit. Nulla improbitati fides est. Polonus per speciem amicitiae, quæ fallendi ratio periculosissima, Bojæmum ad hospitalem mensam invitat, nihilque hostile suspicantem, inter epulas exoculat: tum Pragam, Bojæmiæ caput, largitionibus cæterisque ambitûs vastamentis invadit: Milzoviam præterea, quæ Saxonibus & Polonis interjacet, adjicit suæ ditioni. Hæc tamen gravissimè impingebant in Henrici majestatem, iram tamen habuit in potestate. Nefarium in valorem benignitate sanare aggreditur. Missis legatis, cum monet, si Bojæmiam, rectore orbatam, sui juris esse cupiat, eam ne domini ingratis usurpet, posse enim beneficio obtineri: provincias imperij clientelares, bene de republicâ meritorum esse præmia, non spolia ambitionis. Triste quidem illum exemplum vindictæ divinæ in suo patruele edidisse, sed longè ipsi tristius esse metuendum, si eadem, quâ ille, injuriâ ad raptum alieni principatûs ausit grassari. Verùm hæc furdo caneantur. Dementiam stimulabat Henricus Hezelo, qui non ita pridem à D. Henrici fide secesserat. Secessionis hæc causa. Henrico ad regnum cooptato, Hezelo fidei antea in Regem incorruptæ, & inter Francones, Crusinæ, Amartalæ & Schweinfurth clientelis inclutus, per magnos suæ cupiditatis patronos, ausus est, ob bene navatam operam, Boicæ principatum exambire: neque Henricus à viro de se bene merito erat alienus. Verùm cùm negaret, se tam præcoci desiderio, nisi offensis Boijs, facere satis posse, distulit extemporale beneficium. Enimvero Bojos, jure vetustissimo, Principes non accipere, sed suffragijs sibiipsis optare. Proinde citra Ordinum assensum, sibi non esse integrum, dare ansam conquerendi, quasi regni primordia, luculentâ juris veteris injuriâ temerentur: non defutura alia beneficia, quæ, pacatâ Germaniâ, possint Hezelonis virtuti, sine cujusquam injuriâ rependi. Clemens responsum, homo turbulentus repulsæ ignominiam interpretatus, tamen dolum tegeret, tamen non destitit, improba consilia versare animo, donec nactus (ut quidem ipsi visum est)

XV.
POLONUS
AB HEN-
RICO BE-
NIGNE,
SED FRU-
STRA, OF-
FICII AD-
MONETUR.
HEZELO
FRANCO
CUM RE-
BELLI
CONSPI-
RAT.

ulcis-

ulciscendi occasionem, nomen dedit funesta Boleslai rebellioni. Ad factiosos præterea accessere, Ernestus Theobaldi Marchionis filius, quem è bello Italico reducem unà cum Othone, Rex cum insigni virtutis collaudatione & beneficentiâ est amplexus. Quod fuit tristissimum, Bruno D. Henrici frater, nullâ germanitatis curâ, grande accessit conjuratis nomen factioni allaturus. In eo rerum æstu, perduelles, qui Boici erant propinquiore, & plus cæteris periculi creabant, ante alios fuere debellandi. Quare, collecto ex Boijs, Franconibus & Lothariensibus, milite, Augusto ineunte, Franconiam Rex ingressus, Hezelonem, Ernestum & Brunonem adoritur. Illi, ut pavida sunt malè consciolorum ingenia, non ausi prodire in apertum, abditi in sylvarum avia, regios ex insidijs infestabant. Henricus, minutas eorum incursiones nihil moratus, vim jussit admoveri Hezelonis castellis. Exercitum ponè sequentem, impedimenta non satis custodita præcedebant, unà cum gazâ regiâ. Id cum Maganus, unus ex hostibus, explorasset, in primum agmen inVectus, pulsus defensoribus, sarcinas intercipit, & inter socios divisas, Mertelam avertit. Hinc nata occasio loci expugnandi. Admotæ è vestigio muris machinæ, ruina edita, expugnata civitas, præda cum fœnore recuperata, mœnia solo æquata. Poscebantur Hezelonis præsidarij ad supplicium: verum Henricus, suo usus ingenio, ne veniæ desperatione hostis fieret contumacior, omnes vitâ incolumi jussit dimitti, Slavis exceptis, quos Boleslaus subsidio miserat: hos in servitutem redactos, legionum arbitrio dedit. Crusina deinceps cincta obsidione. Isthic Gerberga Hezelonis uxor, cum liberis & fortunis sedebat. Bucco Hezelonis frater locum tutabatur. Hezelo, cum per dies aliquot Regios pabulatores carpsisset, nec speraret, se contra quadringentorum turmam, quæ eos comitabatur, quicquam profecturum, in vallem, continuo sylvarum objectu circumfusam, & angusto calle vix apertam, se recepit. Dum isthic bidui tridive moram agrestium damnis trahit, unus è colonis Regi prodit receptum, ostenditque modum, in factiosorum latebras penetrandi, & se quidem offert viæ ductorem. Addita viro manus armatorum, quam per notos anfractus, ad hostium stationem inobservatus deduxit. Nihil fuit propius, quàm ut Hezelo periculi securus, cum suis obrueretur. Verum eam spem corruptit intempestiva manipularis ejuspiam, qui commilitonibus præibat, vociferatio. Ille conspectis hostium tentorijs, Kyrie eleison, militarem ejusce diei tesseram, inclamans, Hezelonem sociosque excitavit. Ij regionum conspectu territi, cum ne ad arma quidem capienda sat esset temporis, relictis impedimentis, per avia devia palantes, diffugiunt. Capti tamen nonnulli, atque inter eos Ernestus. Is ductus ad Henricum, & tractus in senatum militarem, proximè abfuit à capitali supplicio. Cum severæ in eum sententiæ dicerentur, jamque de ejus vitâ esset conclamatum, Willegilus Moguntinus Antistes, supplex intercessit, impetravitque, ut, factâ vitæ veniâ, caput auro, quantum Rex imperaverit, redimeret: non evasit tamen ignominiam, quæ ejus nomini adhæsit. Ea Hezelonis clades, Crusinæ deditiorem maturavit. Bucco enim, cognitâ fratris fugâ, Ductores in commune consuluit, videreturne obsidio diutius toleranda, an maturâ deditiione Rex placandus. Placebat quibusdam, vim tantisper experiri, dum Hezelo collectis suorum reliquijs, & novis auctus copijs, suppetias veniret: neque enim eum passurum, conjugem ac liberos hostium ludibrio, cum universâ gazâ militum direptioni obijci. Alij timidiora secuti, suasere deditiorem, quòd incerta forent Hezelonis auxilia, eaque adeò tenuia, ut ne regij quidem exercitûs conspectum essent latura, nedum tentatura rei summæ aleam. Bucco his assensus, cum bonâ Gerbergæ veniâ, quæ metu muliebri, longiùs à bello malebat abesse, oppidi arcisque fecit deditiorem. Ipse cum Othone fratre, cumque civibus atque præsidarijs, pactâ vitæ & sarcinarum libertate, abire permissus. Testa, ad aliorum terrorem, flammis objecta. Ne tamen universa abirent in cineres, Henricus jussit, militum operâ inhiberi.

Jam in eo erat, ut castra Cranam moverentur. Id ne fieret, prævertit Hezelonis immanitas. Is veritus, ne captâ civitate hostis in rem suam uteretur, ta-

BRUNO
CÆSARIS
FRATER
AD REBEL-
LES DEFI-
CIT.

XVI.

HENRICUS
IN EUM
ALIOSQUE
FACTIOSOS
MOVET.
SARCINÆ
REGIÆ IN-
TERCEPTÆ.
RECUPE-
RANTUR,
MERTELA
EXPUGNATA.
CRUSINA
OBSESSA.

HEZELO
FUGATUS.

ERNESTUS
MARCHIO
CAPTUS.

CRUSINA
DEDITA,
CUM HEZE-
LONIS UXO-
RE ET LIBE-
RIS, ET TO-
TA GAZA.

XVII.

HEZELO
CRANAM
INCENDIT.

PROFUGIT
AD BOLES-
LAUM.

SCHWEIN-
FURTUM EX
PARTE SOLO
ÆQUATUM.

117 X.

AN. CHRIST.

M. V.

GISELERI
MAGDEBUR-
GENSIS AVO-
RITIA, EXI-
TUS.

XIIX.

Adam, Bre-
men.

Lambert.

Ditmar.

Surin.

TAGMO

MAGDEBUR-
GI ARCHI-
EPISCOPUS.

Fabrit. pag.

249. §. ult.

EXPEDITIO

IRRITA

CONTRA

MILZIENOS.

XIX.

BRUNO

HENRICI

FRATER RE-

SIPISCIT.

das miserorum ædibus subjecit, desperationis argumento. Cum de cætero nusquam posset tutò pedem figere, cum Brunone Regis fratre, aliisque conjuratis, ad Boleslaum profugit. Supererat Schweinfurtum, Regis voluntate flammis ulticibus destinatum. Henrico Herbipolensi, & Erckenbaldo Fuldensi Præsuli demandata executio. Illi pacatè mœnibus recepti, Eilæ, Hezelonis matri, Regis imperium aperuerunt, quo illa propè exanimata, & animo linquente collapsa, diu sui impos jacuit: tum sensim respirans, ad Basilicam confugit, certa, ad aram mortem oppetere, in communi civitatis incendio. Datum ejus sexui & ætati, ut Christianâ lenitate, flammis abstinere, credereturque, Regi fore satis, si mœnia, cum parte ædium urbanarum, solo æquarentur, eâ tamen lege, ut, si quando per Henricum liceret, Legati suis sumptibus ruinas instaurarent. Vastato ad eum modum Hezelonis patrimonio, & in novos clientes diviso, Rex Babenbergam concessit, dimissoque exercitu, post nascentis Deiparæ ferias, quod autumnus fuit reliquum, dedit venationi. Inde reversus in Saxoniam, recentes è Saxonibus & Turingis delectus jussit esse in promptu adversus Milzienos.

Actis Poledæ Christi natalitij, Dorneburgo, Giselero Magdeburgensem Archiepiscopum, quem paralytis lecto affixerat, conatus est revocare ad frugem. Patuit in eo viro, quàm nulla sit mentis humanæ, quando à Deo deseritur, in bono stabilitas. Giselero, quoad Merseburgensibus præfuit, nemo visus abstinentior. Idem novos Wenedorum populos, doctrinâ Christianâ præclarisque præceptis, ad pietatem incitaverat: Otho secundus, hominis labores, Magdeburgensi Archiepiscopatu, ante annos plus minus viginti, fuerat remuneratus, transfusus (quod nefas erat) Merseburgensis Ecclesiæ in alienas manus proventibus, quorum potiorem partem Giselero ad se traxit. Unde, irato Numine, multæ in Othonem calamitates. Crevit in Giselero habendi cupido: nata in Merseburgensibus, pastore destitutis, jactura animarum: datum sacris hominibus perniciosum malè dutescendi exemplum. In eo luto hærebat vir sine modo opum avidus, sui que oblitus, neque metu mortis propinquantis, neque Patrum monitis, qui ejus causam Romæ sub Sylvestro II. & in Provinciali Germaniæ Synodo damnârant, resipiscebat. Henricum denique incessit senis curandi desiderium. Cum igitur eum haud procul ab ultimis comperisset abesse, Willegisum Moguntinum cum honestissimo comitatu ablegat, qui moneret, ut, quando propediem omnia, vellet nollet, esset deserturus, lubens Merseburgensi Ecclesiæ Pontificiam dignitatem, suâque jura ac possessiones redderet. Willegisus omnem facundiam apud obstinatum casso conatu consumpsit. Petivit æger quatruidi, ad summum, inducias, quibus elapsis, suam mentem explicaret. Sed biduum vix exegit, cum mors incogitantem, ad severum supremi judicis tribunal abripuit.

Illi, Henrico adnitante, datus est successor Tagmo, quem, superius meminimus, ante decennium, S. Wolfgangi vaticinio, ad mitram fuisse nominatum. Inaugurato prima cura fuit, Merseburgensi Ecclesiæ, cum pristinis honoribus, aversas à Giselero facultates restituere, & Wigbertum, Henrici Regis sacellanum, sacris cæremoniis initiatum, ei regendæ præficere: quod factum cum ingenti civium lætitiâ & gratulatione.

Inter hæc, è Saxoniâ & Turingiâ copiæ sub signis convenerant, cum bellico apparatu, quem Henricus vertit in Milzienos, gentem Transalbinam. Consilium erat, exeunte hieme, munitiones, à Boleslao occupatas, recuperare, eò maxime, ut Boleslaum, qui Hezelonis instinctu, Boicæ fines infestus incurabat, ad Milzienorum defensionem retraheret. Verum iniqua anni tempestas, bene meditata turbavit. Cum enim militi foret simul luctandum cum hoste, simul cum frigoris asperitate, & nix in aquas subito resoluta, urbium obsidionem faceret iniquissimam, cæpto fuit desistendum. Vastato agro, relictisque sub Gunzelino limitibus præfecto, aliisque defensoribus, præsidio militari, ad cohibendas hostis excursionses & maleficia, Henricus adiit Merseburgum. Illic comperit, Brunonem fratrem, Ungarorum Regem adiisse, ut, eo deprecatore, perduellionis veniam oraret. Eâ

de re

de re, non multò pòst, adfuere legari, quos eomiter auditos, iussit Brunoni referre, meritum quidem ipsum exempla ultima: verùm datum esse Stephani Regis & Gisela sororis intercessionem; ut, detersâ injuriarum memoriâ, si deinceps meliora promitteret, simul ac foret collibitum, in fratris gratiam amplexumque rediret. Ex iisdem Stephani legatis cognovit, Hezelonem, damnatâ rebellionis insaniâ, vehementer admissa in Regem crimina detestari, & si veniam sperare liceat, suam sociorumque fortunam, tenuissimâ possessione passurum circumscribi, immo nec defugiturum carceres, modò ne patriâ & regis benevolentia proscriberetur. Et huic quoque patuit receptus ad Henrici clementiam, Tagmone Archiepiscopo & Bernardo Saxone adnitentibus. Adfuit Hezelo infusus lachrymis, habitu squalente, & prostratus ad Regis pedes. Id duntaxat piaculi impositum, ut aliquamdiu, in castro Wirgensteinio clausus à Tagmone teneretur, tum ad aliorum terrorem, tum quòd capiti inquieto, & facile redituro ad genium, Henricus diffideret.

HEZELO
RECIPITUR
IN GRATI-
AM.

IXX

His personarum curis sollicitabat gemens Italia sub Ardoini tyrannide. De creto in eum bello, Henricus in Boariam reversus, convocatis Ratisbonæ Ordinibus, principem dedit, ad 12. Cal. Aprileis, Henricum Luxemburgicum, Cunegundis germanum; quæ nova fuit mutatio Boici principatus, eaque numero tertia: & prima quidem fuit, quando, exclusis Agilolfingis, transiit ad Caroli Magni stirpem: alterâ devenit in manus Saxonum: tertia hoc anno, quâ devolutus ad Luxemburgicos. Hæsit penes Carolinos annis quinquaginta novem, penes Saxones, duodequingenta.

HENRICUS
LUXEMBUR-
GICUS DUX
BAVARIAE.

Rebus in Boicâ confectis, Henricus Augustam Vindelicorum abiit: ubi, alterum duntaxat diem moratus, Cunegundem conjugem, Tagmoni Magdeburgensi Archiepiscopo, Magdeburgum ducendam commendavit. Ipse dehinc cum exercitu Schongam, Boicæ oppidum Lyco confine, progressus, obvium habuit Brunonem fratrem, violatæ germanitatis & regis majestatis ex animo poenitentem, quod prodebat vultus ad verecundiam, & cultus corporisque gestus, ad modestiam apprimè compositus. Hæc motus specie, & quæ sanguini innascitur, in propinquos misericordiâ, in pristinum benevolentia locum recepit Henricus, oculis fletu manantibus, humanissimo complexu, nullâ perfidia exprobratione. Vix dubium, quin ea benignitas DEUM, cui propria est in reos commiseratio, Italicae expeditioni conciliavit. Castris celeriter per Tirolis aspreta, & Alpium

BRUNO RE-
GI SUPPLEX.

ITALICUM
BELLUM.

XX.

Raticarum ardua promotis, Tridenti egit sacra Ramalia, deditque militi temporis tantillum ad respirationem. Ardoinus haud nescius regis expeditionis, Italiae claustra tanto studio muniverat, ut non appareret ratio, per montium juga, & quas Athesis fluvius, in imo rupes allambens, facit angustias, in plana penetrandi. Viam aliam circumspicientibus, occurrerunt alpes Carantanæ, ab hostibus languidè custoditæ. Illuc cum pateret, per longas ac difficiles ambages, accessus, Helmigero, qui Henrico à Sacris erat, datur negotium, ut Carantanorum auxilio, iter in Italiam, dejecto Ardoini præsidio, occupet: addita ad Carantanos mandata, ut ex popularium centurijs una phalanx tumulos, claustris impositos, invadat, altera faucium defensores aggrediatur. Paruere libenter. Pars silenti agmine, noctis beneficio inobservati, in montis fastigium evadunt: pars sub solis ortum, sublato clamore, hostem ad pugnam eliciunt. Hic nihil insidiarum suspectans, subito arma corripit. Verùm ubi se à fronte & à tergo sensit impelli, solutis ordinibus, alij, quâ data via, diffugiunt, alij ad Brentæ fluentia depulsi, undis hauriuntur: Carantanorum claustris ad eum modum occupatis, Henricus citato agmine, eodem festinans, exercitum incolumem, viâ difficili, promover ad Brentam, castrisque locatis, postremum sacrationis hebdomadæ triduum Christo patienti, alterum triduum de morte triumphanti, celebravit. Tum per Henricum, Boicæ Ducem, copiis protectionem indicit, simul jubet, totis castris per præcones vulgari; fore capitale, si quis tergum hosti verteret, vel defereret ordines: fortiter agentibus non defore præmia. Qui missi erant exploratores, retulere, Ardoinum metu

INGRESSUS
PER CARAN-
TANOS.

IXX

ARDOINUS
PROFUGUS.

perculsum, an à suis desertum, cepisse fugam, nec quicquam uspiam hostium apparere.

TUMULTUS
PAPIENSIS.

XXI.

HENRICUS
PERICLITA-
TUR.

GISELBER-
TUS REGINÆ
FRATER OC-
CISUS.

XXII.

PAPIA IN-
CENSA, DI-
REPTA.

Rex incruentam victoriam Deo gratulatus, Veronam ingreditur, pronis clivum studijs, sospitale numen advenisse latantium. Gratus fuit Thiedboldi Marchionis occursum, se suaque, abjuratâ Ardoini tyrannide, Henrico offerentis. Pari honore ac reverentiâ acceptus à Brixiano & Ravennatium Præsulibus. Bergomi, Mediolanensis Pontifex, solenne à Rege sacramentum excepit. Ventum Papiam, Regiam Longobardici imperij, ubi adstante nobilitate, cum ingenti populorum gaudio, diademate fuit redimitus. Parùm abfuit, quin tumultus fœdè diem latissimum funestaret. Plebs in comessationes effusa, genio largiùs indulserat, & Germanus miles nihilo plus poculis abstinerat, cum Ardoini, qui in urbe remanserant partiarj, sparsi per contubernia, sole jam in vespertum declinante, calentibus merito civibus furorem injiciunt, dictitantes, eo die injectas esse compedes Italicæ libertati: coronatum Regem, qui omnia sit ad libellam exacturus: adscitum esse peregrinum, cui Italorum mores, studia, felicitas sit exosa. Quousque tandem partum majorum sanguine imperium, apud invisam nationem sit exulaturum? Quid enimvero prohibeat, eâ nocte, dici errorem corrigere generoso facto, quo omnibus retro sæculis, Longobardi nihil ad gloriam pulchrius patrârent? Quæ factiosorum voces, merito madidis fuere pro classico. Ergo provolant cives ad arma, auctoque mox tumultu, alijs super alios accurrentibus, conglobati ad Regiam convolant. Satis ex insano clamore apparebat, Regem ad necem, Germanos ad lanienam flagitari, cum tota civitas esset in armis. Pauci è prætorianis excubabant in palatio, qui momento depulsi, nihil habuere promptius, quàm ut fores occluderent, iisque insanæ multitudini objectis, sese adversus telorum procellam tuerentur. Germanorum alij sparsi per vigilias & contubernia, alij extra urbem sub pellibus, alij per villarum finitima sejuncti. Cum Regiæ portas seditiosi arietarent, Heribertus Agrippinensis, ausus è fenestrâ tumultus causam percontari, mox telorum imbre petitus, coactus est se subducere. Regis salus erat in arcto. Is nihilominus cum exiguâ stipatorum manu in temulentos erumpere gestiens, jam erat in procinctu, cum Heribertus ruentem cohibuit, precatus, ne se temere furentium insanæ obijceret, sed pensaret, in suo capite verti omnium Germanorum salutem, quorum ne unus quidem, eo cadente, sit in patriam evasurus. Milites, qui in urbe diversabantur, clamoribus excitati, se paulatim conglobârunt, pugnaque pro Regiæ foribus consertâ, tumultuantes ab eâ statione, à compitis & foris, in domos urbanas rejecerunt. Verùm tamen victores passim per vicos rerum potirentur, tamen saxi aliisque missilibus, è tectis, inter noctis adultæ tenebras, petebantur. Id quò vitarent, mœnia incendunt, & ignis indicio, socios, qui extra civitatem abnoctabant, vocant in auxilium. Illi manipulatim advolant, & proturbatis civibus, invadunt propugnacula, rediguntque murorum coronam in suam potestatem. In isto armorum & animorum æstu, Giselbertus florentissimus adolescens, reginæ frater, fortissimè dimicans, à Longobardis interfectus, mirum quantum Germanos exacerbavit. Wolframus, è militibus quispiam, juvenis cædem conspicatus, viâ per medios civium cuneos apertâ, percussorem invasit, ductoque per galeam, ad mentum usque, vulnere prostravit, rediitque incolumis ad suos. Jacuere crebra civium funera, capti non pauci tractique ad Regem. Tandem etiam domui, quam nostri pro receptu firmaverant, faces injectæ. Eâ re miles vehementer accensus, urbanam stragem longè, quàm antè, sæviùs instauravit, inter hæc Suevi, mixti Franconibus & Lotharingis, quibus seditio seriùs innotuit, per muri ruinam perrumpentes, cives omnes, qui rursus in apertum prodierant, rejecerunt in ædes, ut ne unus quidem in vicis appareret. Sed cum ne tum quidem à missilibus, supernè è domibus, jaculandis abstinerent, regij vim arcuerunt, flammis in tecta projectis. Henricus miserandam urbis faciem miseratus, militem jussit à cædibus temperare, seque in munitionem, quam Auream D. Petri cellam dicebant, extra muros recepit. Miles ad prædam conversus,

versus, urbis universæ reliquias, quibus ignis pepercerat, diripuit. Tandem lucē posterrā, Papienses haud paulò, quàm antè, oculatiores, magisque sobrii, suorum funera lugere, deplorare busta, hesternam dementiam devovere diris, quærere afflictissimæ fortunæ medicinam, quæ nusquam facilior, quàm in Regis clementiâ. Ad eam infimis precibus implorandam, ad D. Petri cellam effusi, orant, admitti saltem in Henrici conspectum, si fortè lamentabili supplicum comploratione delinitus, ad misericordiam posset commoveri. Rex ingressos non sine gemitu intuitus, iussit expromere, quicquid ad excusandam perfidiam attulissent. Qui orationem fuerat meditatus: *Nihil (inquit) est, fatemur, ô Rex, præter tuam clementiam, quod reos, crimen inexpiabile confitentes, possit sublevare. Peccatum, ab peccatum est, ab insanâ multitudine: regia majestas læsa est atrociter, nihil est immanitatis, quod addi possit ad nefandam perductionem. Ad pœnas non sufficit, quamlibet miserandum noctis præterita supplicium. Quicquid nobis superest, & rei & spet, ipsius adedò vita, totum est in tuâ manu. Urbe excisâ, fortunis everfis, nobis est unus reliquus spiritus, quem mæsti infamêsque trahamus, sed ne trahimus quidem, nisi propè extinctus, tuâ benignitate reviviscat. Si pergis irasci, penitus perymus, & juvabit citò perire, ne marore diu pereamus. Est tamen tua clementia, cogitare, hesterni sceleris culpam ad plurimos quidem, còsque temulentos, non tamen ad omnes, vel ad ullum sobrium pertinuisse. Temulentia fecit, ne seditiosi criminis atrocitatem viderent: Ardoini emissarij, mixtus crapula furor, miserandam urbem perdiderunt. Si quid gestum esset communi consilio, ad omnes pœna spectaret; sed nec susceptum scelus est à civibus centuriatis, nec iussum à curiato senatu, nec patratum, nisi à vesano furentium impetu, quorum, si ulli accepta cladi supersunt, nec digni sunt misericordiâ, nec tamen tales, qui facti invidiam ad sanos fidòsque cives traducant. Sed quid hæc commemoro? In eâ rerum, reorum & noctis confusione, quis tam ultuosos à pacatis, nisi ex stratis totâ urbe cadaveribus discernat? Si tamen, ô Rex optime, dare lubes quasitores, magni beneficij loco habebunt infontes, ut inter fontes desinant numerari. Sin aliud videtur, per quicquid sacrum est ac divinum, perque tuam clementiam obsecramus, vel ut nobis, in gratiam receptis, liceat vivere, vel ne tue obnoxios indignationi diu mori contingat. Satis sit, nos te vel unâ nocte sensisse iratum. Si nos servaveris, statues gloriosissimum virtuti tua munimentum, nòsque & posteros, summâ tibi fide, æternùm habebis obligatos.*

PAPIEN-
SES ORANT
EXORANT-
QUE VEN-
NIAM.

Incredibilis Henrici comitas omnium expectationem superavit. Non dubito (inquit) è vobis multos esse innocentes, nec lubet de fontibus habere questionem: malim omnes absolvere, vel sentire non fuisse criminosos. Quàm facile peccatum est, tam facile ignosco. Vos tamen, velim, superioris noctis neque diu meminisse ad mœrorem, neque cito ad licentiâ oblivisci. Facite ut dicatur, nocturne supplicio extinctam esse perfidiam, & vestra fides aternâ luce perennet. Id si faxitis, nihil formidate vindictam, sed potius cultæ fidei mercedem expectate. Mihi certè longè jucundius, clementia, quàm severitatis famam aucupari, & beneficium potius, quàm austerum, fortè ve audire.

XXIII.

Domitis eâ strage Papiensibus, cæteræ urbes, non expectato Henrici adventu, certatim per legatos adfuere, sese ultro ipsius fidei permittentes. Omnis Lombardia, ad Pontem longum, illi jurejurando perpetuum obsequium addixit. Inde profectus Mediolanum, pacata omnia & ad officium prona reperit. Id verò itineris se suscepisse professus est, ut D. Ambrosij gratiam religiosè sibi conciliaret. Ferijs Pentecostes Cremæ peractis, copias in Germaniam per Raticas alpes reduxit. Delatus Tigurum, in publico gentis conventu, multa de colendâ pace, deque coercendis latrocinis, quæ passim in eo tractu gliscebant, decrevit, proscriptisque grassatores. Ab integris viritim exegit sacramentum, fore, ut nemo eorum voluntate violaretur. Subinde Sueviæ, cujus Dux Hermannus fato concesserat, principem dedit, defuncti filium cognominem. Post Argentinam profectus, frequentibus Allatis jus dixit: quod dum in D. Joannis Baptistæ pervigilio studiosè facit, Curia, in quâ contederat, solutis subitò compagibus, in ruinam procubuit. Prodigiij locq habitum, ex tam frequente multitudine, neminem fuisse lætum,

LOMBAR-
DIA HEN-
RICO SA-
CRAMEN-
TUM DEDIT.
TIGUREN-
SE COMI-
TUM.
CURIA
ARGENTI-
NENSIS
COLLAPSA
SUB HEN-
RICO.

læsum, præter unicum sacerdotem, qui cum faminâ diris devotâ consueverat, Ille, contractis ex ruinâ cruribus, infelicem animam exhalavit.

BELLUM
BOIÆMI-
CUM.

BOLESLAUS
FUGIT.

SATZ.
CAPTA
SATIZA.

JAROMIRUS
BOIÆMUS.

XXIV.

POLONUS
PRAGA
PROFUGUS.

JAROMIRUS
PRAGA
ACCEPTUS.

XXV.

GODE-
SCHALCI
FRISING-
GEN. EPISC.
ORATIO
AD REGEM,

Henricus, præsentis defunctus periculo, exeunte Junio, Principum Christi Apostolorum diem Moguntiz celebravit. Inde peragratâ Franconiâ, in Bojorum & Francorum conventu, Merseburgi bellum decrevit, & de industriâ in arcano haberi voluit, quem hostem esset petiturus, rumore passim vulgato, expeditionem adversus Polonos esse comparatam, cum tamen in Bojæmos ire statuisset. Quò consilium haberet rectius, naves Magdeburgo Citizam jussit deduci. Cum ex conditâ copiarum convenissent, repente, nimbis cælo effusis, amnes sic intumuerunt, ut egressi alveos, Polonicum iter militi præcluderent. Quare flexâ in Bojæmum protectione, nullo obistente, ad sylvarum angusta pervenit, ubi Boleslaus, dispositis in monte Miriquido sagittarijs, viam intercluserat. Cum ex eâ parte nullus alius in Bojæmiam pateret aditus, Henricus in obstantes immisit turmas loricatas, dejectisque loco Polonis, viam sibi ferro aperuit, præter omnem Boleslai expectationem. Ille, cum super mensam accepisset, hostem claustra invasisse & brevi adfuturum, cum ne id quidem fieri potuisse crederet, immotus hæsit eodem loci, donec signis explicatis, apparuere legiones. Eas ubi sentit imminentes, auxilium à pedibus mutuatus, Pragam confugiens, famam sparsit, Boleslaum à Pragensibus esse interemptum, ut eo rumore regios redderet securiores, & ad proseguendum bellum segniores. Henricus tamen nihil cunctatus, castra movit ad Sattizæ conspectum, fuitque mœnibus sine morâ receptus. Cives enim, qui fidem nondum exuerant, comperto, justum Principem advenisse, correptis armis, Polonicum præsidium, quod illic Boleslaus locaverat, cœperunt oppugnare. Henricus jussit à cæde abstineri, & eos, qui erant reliqui, in ædis sacrarum alylum deduci.

Erat in regio exercitu Jaromirus, Boleslai, nuper à Polono exoculati, germanus, princeps in primis charus popularibus, ob insignem morum lenitatem. Quæ res cum eum fratri suspectum reddidisset, ad restringenda civium studia, tollendâque spem familiæ propagandæ, eum jussit emasculari. Quæ injuria plebis amorem magis accendit, boni adolescentis sortem miserantium. Ille, ne quid gravius à fratre pateretur, in fidem tutelâque Henrici receptus, egregiam hoc bello operam navavit. Illi arx, Sattizæ vicina, ultro dedita; datum ab Henrico negotium, Polonum, si quâ posset fieri, intercipiendi armatâ manu, quam è Bojæmis & Saxonibus acceperat. Polonus ambiguâ Pragensium fide, & famâ hostis propinquantis territus, intempestâ nocte, cum unicâ legione, Pragâ profugit Visegradum, atque inde in Milzienos. Zobislaus D. Adalberti frater, dum obstat fugienti, occisus est. Pragâ à Boleslao desertâ, visum est, tentate civium animos per Jaromirum, quem Bojæmorum vota, rebus pacandis idoneum respectabant. Facta illi à Rege potestas, offerendi resipiscentibus veniam perduellionis, & si è re futurum esset, captandi honores benevolentiamque popularem, & admittendi vestium cultum privato augustiorem. Ubi primùm mœnibus pedem intulit, eum, velut lapsum è cælo numen, cives paternæ fortunæ insignibus, detracto sago, induunt, salutantque festâ omnium gratulatione. Posteaquam verò frequenti senatu retulit, Regem, non ad vindictam, sed ad impertiendam admissorum condonationem venisse, faustissima dies visa est, quæ funestum gemini tyranni imperium, clementi gubernatione mutaret. Henrico in urbem recepto, ab effusâ in gaudium & plausus universâ multitudine, exhibiti regij honores. Thieddagus Pragensium Pontifex, eum ad D. Georgij templum deduxit, ubi spectante populo, Jaromirus Bojæmiz clientelam, solenni ritu, accepit.

Eam pompam exceperunt Deiparæ Virginis natalitia, quo die, cum bonâ Thieddagi veniâ, Godeschalcus Frisingensis Episcopus, Sacris publicè operatus, regis jussu, pro concione dixit. Orsus est dictionem ab officio hominis Christiani, & sancto divini Numinis timore atque reverentiâ. Tum progressus ad charitatem, quæ Deo hominique mortales conjungit, explicuit, quibus nexibus huma-

humanitatis & benevolentiae, majores minoribus, & pares inter se oporteat colligari. Demum conversâ ad Regem oratione: *Tibi verò id imprimis agendum, ne te ipsum ignores, aut negligas, sed etiam atque etiam revoces in animum, quàm nihil à te ipso, quàm multa à DEO acceperis. Id si feceris, planè perspicies, ab ipsis incunabulis, quicquid fortunarum, honoris, potentiae, ceterorumque animi corporisque bonorum es consecutus, id totum à DEO, perenni omnis bonitatis fonte, in te esse derivatum. Cave, ô Rex, ea tuis meritis adscribas, quae à caelo in te profecta sunt. Igitur, quando tot affectus es à DEO beneficus, prima tibi cura sit, eorum te praeferre tuo benefactori memorem. Sed quibus artibus id te credis consecuturum? DEVS bonorum nostrorum non eget, neque is potest fieri ditior, aut beator: quid igitur rependes infinita ejus bonitati? Est, est, ô Rex, quod rependas, nec deest, qui vice DEI beneficium accipiat. Quis ille Vicarius, & quod beneficium? Homo est, in quem DEVS beneficentia sua jura transcripsit. Quod praestas homini, DEVS habet in acceptis. Vis dicam apertius? benefac miseris, & DEO benefeceris, misere afflicto, & de DEO bene mereberis. Ergo tibi non deest, de eo bene merendi facultas, modo ne voluntas desit, & conatus rectè agendi. DEI benignitatem emulaberis miserando, domando egentibus, ignoscendo humanis erroribus, remittendo offensas, cavendo iras implacabiles: quod quia in maximâ potentiâ rarum ac sublime, DEO est acceptissimum, & rege dignissimum. Liccat pace tuâ ad rem venire propius. Si te DEO, ut par est, agnoscat debitorem, & talem quidem, qui ari, quod in ejus rationibus contraxisti, non sis diluendo, & tamen exire cupias ex nomine immensa obligationis, quaerenda tibi ratio exeundi: quae illa? meministi servi in parem inclementis, quem Dominus jussit tradi tortoribus, donec redderet universum debitum decem millium talentorum, quantum nos singuli DEO offenso debemus. Quoties inter preces repetivisti divinum pactum, ut DEVS tibi tua peccata dimittat, si vicissim tuis debitoribus noxas condonaris? Horum, non dubito, meministi; sed memento etiam, obsecro, miseri Hezelonis. Ipsi tu quidem vitam donasti, quam poteras eripere, eoque magno te are apud DEVM liberasti: sed si te cupis adhuc exolvere debito majore, dona etiam misero libertatem. Gotthalco in hanc sententiam peroranti, assensus est Henricus, & reversus domum, fidem exolvit.*

Rebus in Bojemâ compositis, Boicum militem à signis dimisit, cumque reliquâ copiarum parte movit in Milzienos, itinere perquam difficili, comitante Jaromiro. Primus illi conatus in Budissinam, quae Polonico praesidio tenebatur. In ejus oppugnatione, praesentissimum vitae periculum adiit. Cum enim suis, ad vallum certantibus, hortator instaret, telum è propugnaculo in eum destinatum, militem, qui proximè ejus lateri hærebat, prostravit, vicariam pro Rege victimam, quod ipse gratus agnovit. In ista obsidione, multi viri fortes optimique sanguinis ceciderunt. In his Hemuza, vir manu promptus, grandi molaris saxi fragmento, pro muro dimicans, obrutus est. Ad extremum tamen, oppidani, Henrici constantiâ & auxilij desperatione victi, pactâ vitae incolumitate, manus dederunt Regi, qui reversus in Saxoniam, litteris ad Tagmonem Magdeburgensem Archiepiscopum datis, jussit Hezelonem, vinculis solutum, reddi libertati.

Subinde armis & severiori curâ tantisper intermissis, ad mitiora conversus, auctor fuit, Sacrorum Antistitibus Synodi, ad Tremoniam, celebrandæ. In eâ, gravi oratione questus est, pravos mores in Clerum irrepsisse, ad quorum emendationem Praesules opem operamque conferre oporteret. Id impigrè coeptum, sanctis Ecclesiae legibus ad usum revocatis. Quibusdam, quos vita solutior in populi contemptum adduxerat, ac sæpius moniti, non resipuerant, fundi detracti, & Ecclesiasticarum sanctionum observantioribus attributi, ut, quod unis fuerat materia luxuriæ, alijs foret adjumentum pietatis. Eodem in conventu Frisij accusati, quod navigationem & commercia, Saxonibus negotiatoribus redderent infesta, qui per legatos admoniti, culpam rejecerunt in piratas, suntque polliciti, se summis eos viribus persecuturos. Nec fecere minùs, quàm dixerunt. Piratis enim redactis in potestatem, aliquot eorum ductores, Saxonum arbitrio dederunt, cum aliquâ parte prædaram.

Pars I.

Cce

Inter

HEZELONI
CAPTIVO
LIBERTAS
IMPETRATA.
XXVI.
BELLUM
IN MIL-
ZIENOS.
BUDISSI-
NA EXPUG-
NATA.

SYNODUS
TREMO-
NIENSIS.
Baron. ad
hunc xv.
DE CLER-
ICI MORI-
BUS.
Tribem. in
Hirsangien.
Fabric.
pa. 262.
FRISI
PIRATAS
FACIUNT
CAPTIVOS.

*Annal.
Polon.*

XXVII.

BELLUM
POLONI-
CUM.
VIÆ DU-
CTORUM
PERFIDIA.

MIRA
POBERÆ
FLUVII
TRANS-
MISSIO.

BOLESŁAI
FUGA.

FRUMEN-
TATORES
CÆSI.

XXIIX.

BOLESŁAO
PETENTI
PAX DATA.
ARNESBUR-
GUM IN-
STRAURATUM.
AN. CHRIST.
MVL.
SYNODUS
FRANCO-
FORDIENSIS.
EPISCOPA-
TUS BAM-
BERGENSIS
INITIA.
*Ditm. lib. 6.
pag. 67. M.S.
Chron.
Bamberg.*

Inter hæc Boleslaus Polonus, resumtis armis, ad usque Salam fluvium grassatus, Saxonibus curas, finitimis luculenta damna intulerat. Bello in eum decreto, D. Henricus & Jaromirus, ex suæ uterque gentis hominibus, justum exercitum conduxerunt, quo lustrato, delecti viæ duces & metatores, qui commoda loca movendis figendisque castris capefferent. Verum, quæ fuit eorum perfidia, ut exercitum à suis finibus averterent, studio sectabantur paludibus & nemoribus impeditissimas ambages, donec ingentibus fractum molestijs, deduxerunt ad Poberam amnem, qui Ditmaro Castor dicitur, in Nissenfi ditione. Boleslaus, Crosnæ, ad Oderæ & Poberæ confluentes, castra muniverat, certus, Henricum transitu prohibere. Isthic septem omnino dies absumpti parandis pontibus & navigijs, ad tentandam transmissionem. Id dum magno molimine agitur, missi à Rege exploratores retulerunt, se vadum, hætenus irreperitum, invenisse, per quod citra discrimen in hosticum evaderent. Henricus id compendij, velut è cælo ostensum, Deo gratulatus, mittit sex legiones ad locum explorandum, & si res ferat, stationem in adversâ ripâ capiendam. Legiones sub diei crepusculum, flumen superârunt incolumes. Poloni cursores eas eminus conspicati, aucto in majus discrimine, Boleslao renuntiant, hostem totis castris imminere. Quod ille primùm est ratus incredibile, donec alij super alios nuntij, rem, ut nôrant, trepidi retulerunt. Ortâ hinc ingenti in ejus castris consternatione, signis ilico convulsis, conclamata vasa, relictâque non mediocri sarcinarum parte, facta longè latèque fuga, Boleslao tardiorum moras increpante: multi nihilominus in tentorijs & fugâ obtruncati: lecta à milite opima spolia.

Henricus fluminis trajectu potitus, pulso hoste, reliquum exercitum duxit trans flumen, & post solutas Deo grates, castra promovit ad Maseritzenſe Monasterium, ubi triumphalem D. Mauritij & sociorum Thebæam legionem, cujus festum agebatur, solenni religione veneratus est. Monachi, relictâ statione, profugerant: ne tamen eorum opes, aut domicilium, à milite violarentur, Henricus edicto cavet rempestivè. Inde fugitivum hostem insegurus, duobus à Posnania passuum millibus, ex ductorum sententiâ, nonnihil quietis militi indulſit. Isthic dum sedet, frumentatores colligendæ annonæ intenti, cùm raris defensoribus fruges comportant, hostium insidijs oppressi, grave damnum acceperunt. Boleslaus nec ausus prodire in aciem, nec suam salutem mœnibus credere, pacis consilia bello præferebat. Id cùm per certos homines Henrico renuntiâſſet, orâſſetque colloquendi facultatem, missi à Rege, Tagmo Magdeburgensis aliique è Palatinis, qui fide publicâ, honestis conditionibus, Posnaniæ bello finem imposerent. Fœdus percussum, Divis testibus & jurisjurandi religione, quod inquit Boleslai genius passus non est diuturnum. Henricus redux in Saxoniam, publicæ quietis turbatores, Brunonem Merseburgium, Borisenum & Neſemſclenum Slavos, aliôſque grassatores jussit agi in furcam, & fractâ gulâ necari. Instauravit deinde arcem Arnesburgam, & in frequenti Episcoporum comitio vetuit, ne quis Christianus Gentilibus venderetur, néve injusta connubia tolerarentur, pœnâ contra delinquentes sacro magistratui relictâ.

Eam synodum, anno sequenti secuta est Francofordienſis, in quâ, poscente Henrico, posita sunt Babenbergensis Episcopatus fundamenta. Est Babenberga civitas Franconiæ, ad amnem Radiantiam, ob trium collium, clementer assurgentium, prospectum & amœnitatem, inprimis jucunda, Henrico & Cunegundi Reginæ, in præcipuis delicijs. Hoc loco, cùm Henricus decreviſſet, sedem Pontificiam erigere, idque Cunegundis, cui civitas dotis nomine erat transcripta, magnopere desideraret, id consilij, Antistitum autoritate fuit firmandum. Edidit Henricus in eo confessu memorabilis modestiæ documentum, de quo Ditmarus author est, illum flexis humi genibus, votum, quod conceperat, Episcopis proponere aggressum, non prius surrexiſſe, quàm Willegiſi Moguntini manibus erigeretur. Cùm notaret, Episcoporum suffragia, in diversa nutare, rursus in terram provolutus, faventem sententiam, more supplicis, oravit. Religioni mihi ducere-

rem,

rem, ejus orationis argumentum, quam ad Patres habuit, & paucis refert idem author, præterire. *Iam diu Patres (inquirebat) cum expers, immo expes sim sobolis, mihi fuit animus, Christo, ex asse, dicare Babenbergensem civitatem, & complures possessiones, idque eâ mente, ut eam, sede pontificiâ sacri que domicilijs redderem augustiorem. Ut dicam quod res est, non modo fortunas omnes, sed me etiam ipsum, racisâ cogitatione, bonorum omnium largitori, cuius sum totus, constitui redonare. Tametsi mihi non desunt opes, quas (Deo sint laudes) conferam ad condendum Episcopatum, tamen est penes sacri ordinis Antistites, addere dignitatem & jura pontificatus. Mihi pergratum fuisset, si Henrico Wirceburgensi, cujus maxime interest, huic celebri Prasulum sapientissimorum casui lubuisset adesse. Sed mihi tamen de vestra in Deum religione, & propensâ in me charitate polliceor, neque divina gloria amplificationi, neque meo voto fore fraudi, quod ille, per legatum duntaxat, voluit huic honoratissimo concilio interesse. Ego enim, licet absenti, ex vestro arbitrio faciam abunde satis, ut neque videar ejus jurisdictioni detraxisse, neque de alieno quicquam abstulisse. Turpe enim & Deo exosum est, liberalem esse ex aliorum fortunis. Mecum conspirat mea conjugis & fratris liberalitas, ut de amplitudine sacri patrimonij, quod nos unâ Deo atque Ecclesiæ dicare decrevimus, nulla sit futura difficultas. Quare (verba Dittmari sunt) serenissimam vestrimet interpellio pietatem, ne unius Episcopi absentia, qui pex me voluit obtinere, quod mihi non licuit concedere, propositum voluntatis meæ queat impedire.*

Hæc ubi dixerat, Beringerus Wirceburgensis Episcopi Legatus, recitatis Ecclesiæ Wirceburgensis privilegijs, sui Principis mandato, Patres est obtestatus, ne Henrico, Episcopo absente, quicquam admitterent, quo tam sancta Ecclesiæ jura minuerentur. Willegisus, qui concilio præerat, Patres ire jussit in suffragia. Tagmo Magdeburgensis, vir sanctitatis & doctrinæ famâ spectabilis, secundum D. Henricum pronuntiavit, nihil cum videri facturum contra leges, si accedente Romani Pontificis voluntate, Herbipolensi Ecclesiæ tantum reponeret, quantum Babenbergensi esset de ejus facultatibus accessurum, eò præsertim, quod ista pietas, ad divini cultûs amplificationem, & Romanæ sedis auctoritatem spectaret. In ejus sententiam mox cæteri pontifices iverunt, tandemque Wirceburgensis, victus tanto præclarissimorum virorum consensu, desit Henrico Regi refragari. Missi, anno sequente, Romam legati ad Joannem XIX. qui mox ex Regis voto rata habuit, quæ Francofurti erant constituta. Primus Babenbergensem sedem tenuit Eberhardus, Regis Cancellarius. Summi Pontificis tabulis subscripserunt triginta tres Episcopi.

Cæterum, hoc anno, fames, & pestilientia tam atrox Galliam & Germaniam invasit, ut non animam modò, sed etiam sensum humanitatis mortalibus excuteret. Superi visi sunt, irâ inexpiabili bellum terris indixisse. Tam erant miserorum efferatæ mentes, ut, licet funeribus Libitina non sufficeret, vivi tamen atque spirantes, eodem cum mortuis cespite, obruerentur. Eodem anno, Bruno D. Henrici germanus, datus est Antistes Augustanus, postquam Sigefridus vitâ functus, eam cathedram deseruerat. Gisela Henrici mater 12. cal. Sextil. hoc ipso anno, Ratisbonæ vivere desijt. Illi pientissimus filius regiè parentavit. Eundem sanctimonialium domicilio, Neoburgi ad Danubium, amplas possessiones donasse comperio, quod ævi nostri Novatores profanârunt: sed Wolfgangus Wilhelmus, Dux Neoburgicus, dignus æternâ memoriâ, in longè pulchriorem formam redegit, templo ornatissimo, & nobili ædificio, in veteris cænobij ruinis extructo, quod Anno M. DC. XIIIX. Societatis Jesu Patribus attribuit, Catholicæ religionis avitâ pietate in pristinam sedem revocatâ.

Quod, sine certo anni discrimine, Aventinus alijque in suos annales retulerunt de Babone Abenspergensi, visum est non incommodè hoc loco describere: Fuit ille, Abenspergæ & Rojæ Dynasta, & si credimus Aventino, qui fastos Weltenbergensium & Salisburgensium testes adducit, fuit filius Babonis Schirorum Principis, frater Othonis primi Schirensis, D. Cunegundis Augustæ procurator, & præfectus urbis Ratisbonensis. Ille ex justis nuptijs, quas cum duabus uxoribus

XXIX.
PATRUM
PRO D.
HENRICO
SUFFRAGIA.

ASSENSUS
SUMMI
PONTIFICIS.
Vita S. Hen-
rici. pag. 86.
apud Greif.
Sigebert.

Chron. Au-
gustan.
IMMANIS
PESTILITAS.
BRUNO D.
HENRICI
FRATER
CREATUS
EPISCOPUS
AUGUSTANUS.
GISELÆ
REGINÆ
MATRIS
OBITU.

HENRICI
LIBERALI-
TAS IN COR-
NOBIIUM
VIRGINUM
NEOBURGI.
BABO A-
BENS-
PER-
GENSIS.

TRIGINTA
DUOS FILIOS
OFFERT
HENRICO.

XXX.

Annal.
Flandr. lib. 2.
BELLUM
FLANDRI-
CUM.

Paul. Emil.
in Roberto.
GODOFRE-
DUS ARD-
VENNÆ CO-
MES.

BALDUINUS
FLANDER.

Iniverat, sobolem quadraginta liberorum tulerat, formaveratque ijs moribus atque disciplinis, ut filij, quos triginta duos fuisse ferunt, avirâ majorum gloriâ, & quâvis fortunâ non essent indigni. Parens, cui res domi, quàm pro tanto numero, angustior, erat in omnem occasionem intentus, quâ singulos, pro sanguinis & ingenij nobilitate elocaret. Nusquam meliorem, quàm in D. Henrici benignitate reperit. Ergo omnes cultos veste & armaturâ non ineleganti, cum suoque quemque stipatore stitit Henrico. Quidam ajunt factum in certu procerum, alij in venatione. Henricus, nunquam aliâs visam sexaginta quatuor armatorum catervam cum Babone, demiratus; *Vnde tibi (inquit) hodie tam insolens comitatus? Tibi (reposuit Babo) ô Rex, præsto sunt, & si quidem censes non indecores, tuis omnes nutibus mancipati. Me nacti sunt patrem & educatorem, & in eam quidem spem, ut neque tibi forent inutiles, neque à majorum virtute degeneres. Mea tenuitas arctior est, quàm ut campum satis patentem eorum fortitudini & industria queat aperire. Tua magnitudinis est, stadium, in quo pro tuâ gloriâ decurrant, ostendere. Sive sagum illis, sive togam imperes, habebis (ita me sperare jubet singulorum indoles) qui armis atque consilio tibi obsequantur. Quod ipsis adhuc deest animi & sapientia, id capient ex tuis imperijs & exemplo. Eos patere esse tuos, nec deinceps quicquam à me habere, præter nomen & sanguinem, & utrumque quidem tibi ex asse devorum.* Henricus boni senis candidâ oratione, & egregiâ nobilissimorum juvenum specie delectatus, singulos humanissimè complexus, jussit haberi tantisper inter domesticos, pollicitus, se locum virtutis exercendæ daturum, & meritis non impares fortunas. Quod abunde à Principe liberalissimo præstitum iidem scribunt, qui permultos illustres viros, inter Francones, Vindelicos, Noricos, Carantanos, Bojos & Rhenenses, suum genus ad Babonem censent se posse referre. Feruntur Abenspergenses, quotannis, statis diebus, Babonis manibus honorificas dare inferias. Ejusce stirpis & dynastiæ ultimum, à Duce Christophoro, Alberti Sapientis fratre, in conflictu, haud procul Frisingâ, interemptum in loco referemus.

Hæc dum ab Henrico in Germaniâ gererentur, bellum Flandricum longè molestiores ipsi curas concitavit. Anno superiore, Otho Lotharingæ Dux, Caroli à Capeto capti filius, absque liberis è vivis excefferat, relictis duabus sororibus. Earum adultior Irmingardis, Alberto Namurcensium Comiti; Gerberga junior, Lantberto fratri Raginerij, Comitis Montium Hanoniæ, nupserant. Ambæ suam stirpem à Caroli Magni sanguine repetebant, nec dubitabant, deficiente prole masculâ, debere sui in herciscundâ Lotharingæ hæreditate potissimam haberi rationem. D. Henricus tamen, ratus vacuum Lotharingæ principatum Germaniæ Regi esse apertum, Godofredum II. Arduennæ Comitem dedit Othoni successorem. Causam ejusce concessionis dicunt Annales, quòd Otho, ad orbitatis suæ solatium, abs Rege Germaniæ impetraverat facultatem, adoptandi Godofredum, materno sibi sanguine conjunctum. Divus porrò Henricus, quò minùs esset in ista successione dividiæ, Lantbertum Montium Comitem, in Gerbergæ uxoris gratiam, auxit amplo Lovanij Comitatu, quippe qui præter Lovanium, urbem principem, simul Bruxellas, Antuerpiam & Nivigellam complectebatur. Ea tamen Henrici beneficentia minimè fecit, quò minùs Franci renovarent veteres, de Lotharingâ, controversias, agrè ferentes, nobilissimum principatum, novâ rursus mutatione, in Comitis extranei manus alienari. Balduinus Flandriæ Comes, vir bello acer, Roberti Franciæ Regis partibus, ut qui maximè, addictus, sive studio finium proferendorum, sive Francis & Othonis sororibus gratum facturum, se qualiscunque causæ vindicem est professus. Ergo delectu totâ Flandriâ habito, Scaldim transgressus, patruo suo Godofredo bellum intulit. Primus illi impetus in Einhamam, Brachantum, loca ignobilia, quibus subactis, Valentianas, urbem in paucis florentem, aliâsq; obscuriores juris Lotharingici occupat. D. Henricus, offensus clientis injuriâ, eum jussit, ad causam dicendam, adesse: verùm, ille sùsque deque habens Regis jussa, palàm se pro hoste gerens, vadimonium neglexit. Ita bellum exarsit. Henricus læsam majestatem

ultu-

ulturus, auxilia Godofredo properat, & arcem belli Valentianam, clausumque in ea Flandrum cingit obsidione, quam Roberti Regis, & Richardi Normanniae Ducis adventu, solvere est coactus. Arma tamen vertit in Gandavenfes, quibus Balduinus tulit suppetias, &, rejectâ semel iterum à mœnibus Germanorum incursione, spem Henrici frustratus, vim omnem in agros avertit, quos exacerbati repulsâ Germani, rapinis, cædibus, incendijs, colonorum & multorum boni sanguinis captivitate, miscuerunt nemine prohibente, quod neque Gallis, neque Flandris ex forent vires, ut simul tutandis oppidis, & tentandis aperto Marte hostibus sufficerent. Henricus agrestium calamitatem pertæsus, Aquas se recepit, non gravatè pacis, si quæ ejus spes affulgeret, conditiones daturus. Id cum non obscurè præ se ferret, Balduinus, impetratâ ad commeandum fidei publicæ securitate, Aquas profectus, convenit, ut in vicem captivorum, quos abduxerat Henricus, Valentiana redderetur. Placuit apertum Flandri pectus & sinceritas, effecitque, ut in numerum amicorum ab Henrico reciperetur, qui non modò ei Valentianam & Valachrias, sed alias etiam Zelandiæ insulas, contradidit, eâ lege, ut se Germaniæ Regis beneficiarium profiteretur. Fide in Henricum Flander deinceps nemini concessit, utilémque præstitit operam, quoties usus fuit.

OBSIDIO
VALENCE-
NARUM SO-
LUTA.
AN. CHRIST.
M. VII.

PAX.

Subinde Henricus Basilicam Episcopalem Babenbergæ cœpit moliri opere regio, quam DEO, ad honorem Apostolorum Petri & Pauli, & D. Georgij dedicavit. Condidit eodem loci duo cœnobias, alterum D. Michaëlis Angelorum principis, alterum D. Stephani protomartyris. Traditur etiam, ornâsse Episcopi dignitatem insigni prærogativâ, quâ jussit Imperij proceres principi Babenbergensi, per suos vicarios, ea deferre obsequia, quæ Cæsaribus deberent. Quod privilegium posteris, D. Cunegundis filum sericum appellârunt, & habuerunt instar pignoratæ securitatis, & muri ahenei. Cum totus esset in ordinandis & di-tandis Divorum, & hominum DEO dicatorum domicilijs, nihil tamen intermittebat, quo proximorum saluti consuleret. Quo in genere utibilem pietatem Gunthero, viro inter Turingos nobilissimo impendit. Hic genus ducebat à D. Stephani, Pannoniæ Regis agnatione. Splendidam alebat familiam, magnis opibus, quæ virtuti nimium quantum sunt insidiosæ. In ijs egerat adolescentiam, justo solutiorem, cum DEUS ei mentem iniecit, ut revocatis ad examen vitæ præteritæ erroribus, præsentia pertæsus, futura melioribus legibus vellet moderari. D. Gothardus, Hersfeldensis idémque Altahensis in Boicâ Abbas, Gunthero in vario cogitationum æstu fluctuanti, auctor fuit, se ut in Altahensis cœnobij portum reciperet, pacatam, & à mortalibus curis remotam, stationem capturus. Paruit, & posito virtutum, inter Monachos, egregio tirocinio, tantos fecit progressus, ut ejus fama D. Stephano ejus visendi desiderium iniecerit. Guntherus semel, iterum, ac tertio vocatus, demum in Pannoniam profectus est. Rege salutato, ad commilitones reversus, bonâ præsidum veniâ, cum aliquot ejusdem instituti socijs, Rinchnacense monasterium condidit, rexique per annos septem cum magnæ famâ sanctitatis. Cœnobij facultates auxerunt Cunegundis Augusta, aliique, prædijs, sylvis, & justo agri circumfusi modo. Cæterum, ut sunt objectæ sub initia, multis scopulis, primæ, è mundi naufragio emergere volentium, jactationes, Guntherus, adhuc tiro, nescio quid humanum passus, non-nihil horrebat arduas virtutum aggressiones. Nutantem Gothardus firmavit quidem, sed quò redderet erectiorem, non dubitavit, Henricum in sua vota magnis precibus vocare, ut ipse quoque longè efficacissimus hortator, Guntherum in consilio susceptæ pietatis stabiliret. Rex istam operam non est dedignatus, sed tantâ facundiâ & divini spiritûs ardore eum accendit, ut vehementer puderet, se tanto Principe, & eo quidem negotioso, in virtutum studijs esse inferiorem. Quæ flamma illi in omnem vitam sic adhæsit, ut nunquam passa sit, quicquam de concepto ardore remittere.

XXXI.

HENRICUS
BASILICAM
BAMBER-
GENSEM
ÆDIFICAT.
FUNDAT
DUO Cœ-
NOBIA.
FILUM SE-
RICUM D.
CUNEGUN-
DIS.
Author co-
evis apud
Henr. Conf.
antiq. lict.
GUNTHERI
TURINGE
CONVERSIO,

FIRMATA
D. HENRICI
HORTATU.

XXXII.

NUNTII SI-
NISTRI DE
BOLESLAQ
RUM- POLONO,

Sanctas porro Henrici curas interpellaverunt quidem, sed nihil tamen minuerunt Jaromiri Bojæmi, & Slavorum legati, qui Paschalia Ratisbonæ celebranti

MALO PU-
BLICO NE-
GLIGENTIA
Dicitur.
Sicb.
M. S. Trevir.
BELLUM IN
ADALBERO-
NEM.

PALATIUM
TREVIREN-
SE VETUS,

XXX
III.

OBSIDETUR.

CLADES
CÆSARIA-
NORUM.

nuntiârunt, Boleslaum Polonum, fœderis immemorem, res novas denuo moliri, & Bojæmos atque Slavos, auro, ad defectionem & belli societatem sollicitare: metum verò esse, ne, ut se dabant perfidiæ gliscentis initia, homo inquires, finitimorum ope, novas turbas excitaret. Quâ de re dictæ in senatu sententiæ, verbis, quàm rebus, commotiores. Causa quidem visa bello digna, sed quæ ducum cunctatione & oscitantia, pessimo publico, neglecta est.

Henrico visa digna expeditio, quam non per vicarios, sed per se, pro juribus Ecclesiæ, susciperet, tamen arma adversus Principem, affinitate proximè conjunctum, deberent converti. Is fuit Adalbero Reginæ Cunegundis frater. Belli materia, defensio pietatis, quæ propinquitate quâvis melior est, & castigatio ambitus, qui Adalberonem, juvenem immaturum inceserat. Ludolfo Trevirorum Archiepiscopo rebus humanis exempto, D. Henricus Megingaudum, virum nobilem, Ecclesiæ Moguntinæ Præpositum, Trevirensibus dedit Antistitem. Adalbero è stirpe Luxemburgicâ, Reginæ Sacellanus, idemque frater, qui apud Treviros fuerat supremus custos sacrarij, fretus domesticâ potentiâ & favore fratrum, inter quos Henricus, recens creatus Bojariæ Dux, Theodoricus Ecclesiæ Metensis invasor, Fridericus Comes Luxemburgi, Guelfo Ambronum Lycatiûmque superiorum Comes, aliorumque complurium amicorum, neque ambigens de D. Henrici & Augustæ affectu, præcoci cupiditate pontificatum occupare maluit, quàm postulare. Accedebat factiosorum offensio, quòd Henricus dotem Cunegundis in sacros usus avertisset, quòdque Theodorici Metensis factum improbaret. Adalbero ferens ægerimè, Megingaudum, Henrici Regis commendatione, à Clero populòque Treverico pro Antistite esse susceptum, urbis palatium invadit munitque, & ne quâ, se invito, trajectus secundo adversòve Mosellâ pateret, pontem amni, vetustissimo opere, impositum, novis quaquaversum propugnaculis occupat. Palatium verò non in adversâ Mosellæ ripâ, quod Brunnerus, ab alijs in errorem inductus, credidit, sed intra urbis aream, duobus circiter passuum millibus distans à flumine, viscebatur ad solis occasum, Romanâ fabricâ ex bipedali latere, latis supra hodiernum morem parietibus, validisque munimentis, quorum unum in hemicycli modum, versus Aquilonem, assurgens, tamen non ita pridem novâ formâ sit excultum, tamen adhuc spirat annosam priscorum sæculorum vetustatem: cætera partim diruta, partim conversa in Regiam perelegantem, à Lothario primùm, deinde à Philippo Christo-phoro, Archiepiscopis. Erat præterea ædificium vastæ basilicæ, vel hippodromi potius speciem referens, muris & fenestris præaltis, cujus parietinæ sub dio omnibus tempestatum injurijs tam diu illuserunt, donec pars labore operosissimo dejectæ, pars ædificijs ac recto nobilitatæ, in eam, quæ hodie visitur, venustatem, surrexerunt. Palatiolum, quod in adversa Mosellæ ripâ, unius circiter leucæ itinere, infra Trevirum est; neque tam firmum fuit, neque urbi tam vicinum, ut belli sedem, aut ponti propugnacula posset præbere, vel tueri.

Igitur Adalbero, urbanâ Regiâ potitus, bellum expectabat. Megingaudus, lectis haud magni momenti copiis, imploratòque D. Henrici auxilio, ductoribus, quos conduxerat fortissimos, negotium dedit palatij oppugnandi. Verùm, cum nihil admodum proficerent, Henricus ratus, injuriam ad se pertinere, cum justo exercitu Trevirorum fines ingressus, Megingaudum jubet sacro ritu, à Moguntino, Coloniensi & Leodiensi, Episcopis, inaugurari, & castris ad Palatium, quâ parte vergit in Orientem, positus, Adalberonem obsideri. In urbis expugnatione, nihil erat laborandum, eò quòd murorum cinctu à Nortmannis nudata, usque ad annum M. C. XCV. patuit. Trahebatur obsidio, ad metum potius ostentandum, quàm ad vim inferendam, quòd Henricus Adalberonem emendatum mallet, quàm devictum. Nihilò tamen minùs per crebras eruptiones, non modò obsidentibus, sed agro quoque vicino pergebat esse infestus. Denique ausus est, armentum, quod copiosum ad castra ducebatur, Rege inspectante, pulsus defensoribus, abigere. Facto in castris concursu, cohortes aliquot abigeos infecit.

cūtā, unā in palatium irruperunt. Jam videri poterant arce potitā, cūm obsessi oppellulatis foribus, subito convolant in tectā, mediā areā imminētia, tantāque telorum procellam in subiectos emittunt, ut, cūm pars saxi obruerentur, pars missilibus confixi, salutē desperarent, factā in vestigio deditione, manus dederint. Ea clades Henrico vehementer doluit. Ergo jubet, totis castris expugnationem urgeri, & deiectis circū ædificijs, ex tignis ceterāque materiā parari machinas & castella, ad muros arietandos. Sed neque hęc diligentia processit adversus obstinatos, qui facibus injectis, totum istum apparatus redegerunt in cineres. Successit fames, quā injectis obsessis paciscendi necessitatem. Omnibus facta vitæ venia, & potestas, quō vellent, emigrandi. Ditmarus scribit, Henricum Bojariz Ducem, qui clām cum Adalberone fratre conspirabat, eam conditionem ab Henrico impetrāsse. Tenuit obsidio sedecim hebdomades. Pulso, ē ponte, Adalberonis præsidio, ad Calendas Septembris, D. Henricus in Lotharingiam abiit. Megingaudus metu Adalberonis, qui nondum arma posuerat, se recepit ad Rheni & Mosellæ Confluentes, ubi Pontificio munere per octennium, & quod superavit, cum laude perfunctus, belli expers vitam finijt.

Rex porrō, compertā Henrici Ducis, cum fratre, collusionē, in eum exauetoratio & proscriptione animadvertit, anno sæculi octavo. Sed & alia causā intercessit. Cūm ad Trevirense bellum cum Rege abiret, Boicæ Optimates jumento adegerat, non passuros se quemquam, quicumque demum casus incideret, in proximum triennium Boicæ principatum adire: nam malē sibi conscius, imminētem abdicationem metuebat. Eam ob rem cūm Henricus datam exauetorato fidem juberet ejurare, in comitijs Ratisbonensibus, conjurati, objectā jurisjurandi religione, sunt tergiversati, donec acriter increpiti, demum Regi morem gesserunt. At Dux proscriptus, neglectā exilij lege, novas turbas cœpit moliri, rediturus, Regis etiam ingratijs, in Boicam, nisi undique sic fuisset provisum, ut, quacunque redditum parabat, omnis illi aditus esset interclusus. Proinde refugit ad Theodoricum, Metensem Episcopum, qui adversus Theodorici, Mosellanorum Ducis filium, bellum de Episcopatu gerebat. Quæ res D. Henricum in Lotharingiam rursus excivit. Cūm Mediomaticum urbem coronā cinxisset, agris passim vastatis, & interverso comœtu, Theodoricum, Episcopatus invasorem, adegit ad pacem ineundam, quæ tamen non fuit diuturna. Tanta fuit in urbe fames, ut permulti, non modō ingenui, sed etiam servi diffugerint. E D. Stephani mancipijs nongenti sunt dilapsi: compluribus alijs, ne inediā perirent, facta est à dominis, ad stipem corrogandam, abeundi potestas. Ad insignem Henrici virtutē spectat, quod scribit Ditmarus, quem potissimum Ducem in istius ævi silentio & obscuritate sequimur. Slavi, quos Henricus conduxerat, quo tempore Mediomatices obsidebantur, basilicam suburbanam religiosi domicilij fœdē vastarunt. Quod facinus Rex tulit indignissimē, & non contentus edicto cavere, ne quid simile deinceps à quoquam auderetur, suo ære fundisque ad damni compensationem attributis, sceleris alieni pœnas à se exegit.

Vix à Mediomaticis abiverat, cūm Adalbero fratresque conjurati, in novos motus eruperunt. De ijs quæstiones habitæ Confluentiz in procerum conventu, decretūque, ut Reipublicæ hostes renunciarentur. Id cūm reos nonnihil terruisset, nondum latā sententiā, legatos de pace miserunt ad Regem, quibus respondit, nihil in præsens posse mutari; quōd si tamen haberent rationes sese defendendi, id fore ipsis integrum in Synodo Moguntinā, quam paulō antē indixerat. Adfuerunt quidem conventui, sed cūm nihil attulissent, præter iniqua postulata, pactæ tantū sunt induciæ. Haimo Viridunensis Episcopus, vir insignis sanctitatis, gente Bavarus, genere nobilis, & Theodoricus Dux Mosellanorum, arbitrati, ante finem induciarum nihil hostilitatis esse à factiosis timendum, soluto conventu, unā se in iter dederunt. Henricus Boicā proscriptus, & Theodoricus Metensis Antistes, cognito eorum discessu, submiserunt percussores, qui ex insidijs ab-

cuntes

PALATIUM
DEDITUR.

AN. CHRIST.
MVIII.
HENRICI
BOICÆ
DUCIS
PROSCRIP-
PTIO.
AN. CHRIST.
MIX.

BELLUM
METENSE.

XXX
IV.
BREVIS
PAX.

Ditmar.
lib. 6.

COMPEN-
SATUM
SUBURBANÆ
BASILICÆ
DAMNUM.
AN. CHRIST.
MX.

FRATRES
CONIURATI
BELLUM IN-
STaurant,
CÆDES
THEODORICI
DUCIS
MOSELLA-
NORUM.

cunctes adorirentur. Pugna ex improvise coorta, Dux Mosellanus graviter fauciat, abductus est in vinculis: comitatus pene totus una cum Haimone, interfectione deletus.

Ditm. lib. 5.

COGNATORUM
MUTUA
SAEVITIES
COERCITA.

Hæc dum à refractarijs agerentur, Guncelinus Misniæ Marchio, & Hermannus Rochlicius Comes, Patruus, in nepotem certabant odijs inexpiabilibus. Guncelinus à Strelæ mœnibus repulsus, Rochliziam urbem flammis subiecit, adiecitque damna ingentia. Hermannus nepos, vicissim in patruus ditiones ferro & igne sæviebat. Arcem ad Salam expugnavit & funditus evertit. In eâ potitus est ingentibus opibus, quas patruus illuc comportaverat. Iræ in majus indies sic crescebant, ut non viderentur, nisi cum alterius exitio, finem accepturæ. D. Henricus, Merseburgi, pacis arbiter digladiantibus intercessit. Guncelino, qui prior pacem turbaverat, multorum præterea scelerum comperto, ex procerum sententiâ, iniecit vincula, detraxitque principatum: Hermannum vero paternis opibus, de quibus erat contentio, restituit.

MOTUS
POLONICI.

MISNÆ
PERICLITATA.

Cognatas dimicationes, Polonici motus exceperunt his initijs. Henricus Reginae precibus & Tagmonis Magdeburgensis, quâ multum pollebat, auctoritate, Misniam, Guncelino ablatam, Hermannus Comiti donaverat. Bruno Guncelini frater, Misniam præsidio tenebat. Cùm se à Rege neglectum, & fratre abdicato, ab hæreditate paternâ, citra culpam, exclusum, ægerrimè sentiret, iniit cum Boleslao Polono fœdus, atque in fidei pignus addixit, se ei Misniam traditurum. Ad diei dictæ crepusculum, quo facienda erat traditio, ad portas adfuit ingens Polonorum caterva: postridie Hermannus, ad capiendam regij beneficii possessionem, eodem erat venturus. Actum erat de civitate, nisi fida statio vigiliis, Polonis obstitisset, qui re infectâ trans Albim, unde venerant, regressi, evasere quidem incolumes & citra malefium, sed Regem excitârunt, ut Boleslaum suspectans, adversus ipsum, æstivis hujus anni mensibus, bellum compararet, inferretque sub initium veris insequentis.

AN. CHRIST.
MXL
XXXV.

Jaromirus Bojemus Henrico adduxit copias non contemnendas, ad montem Belegorum, qui locus erat armorum lustrationi constitutus. Castris inde ad Jarinam locatis, Rex cœpit adversâ valetudine tentari. Quamobrem, ne ægritudo laboribus & castrorum incommodis inualesceret, procerum suasu, vicarium belli imperium demandavit Jaromiro Duci, Meinwerco Padebornensi Episcopo, Arnulfo, Geroni & Hermannus, Principibus consilio belloque apprimè bonis. Rex, una cum Tagmone itidem ægrotante, aliisque, quos morbus invaserat, in Saxoniam reductus est: exercitus promotus in Gloggovia conspectum, ubi Boleslaus bellum cunctando ducere constituerat. Ductoribus, quos pugnantium numerus animabat, pugnam suadentibus, Jaromirus respondit, multitudinem quidem hostem superamus, sed virtute sumus inferiores. Esto, det fortuna nobis victoriam, tamen res ideo non erit confecta; neque enim magno Regi erit difficile, illud novae copias sufficere: si Marte utamur improspere, Sarmatia, quàm latè patet, periclitabitur. Ita cùm machinæ reliquumque, ad Gloggovia expugnationem, instrumentum, deessent Germanis, & crebra nimborum effusio multum officeret, contenti agrorum direptione, ad Albim redierunt incolumes, Bojemis domum remissis. Henricus inter hæc, recuperatâ valetudine, lustratisque provinciis occidentalibus, per autumnum & brumæ initia, Poledam se recepit, exactoque die Christi natali, incunte anno duodecimo, redux Merseburgum, quinquennales inducias Boleslao concessit, ne tanto quidem tempore duraturas. Mense Februario, misit, qui Lebusiam, olim à Julio Cæsare conditam, & ab usque Henrici I. temporibus, incolis vacuum, instaurarent. Illi sic opus maturârunt, ut intra decimum quartum diem, mœnibus clausa, cives, minore licet, quàm antè, numero receperit: eam proinde, hoc ipso anno, vigesimâ Augusti, Boleslaus incendit.

DIREPTIO
AGRI AD
GLOGGOVIAM.

INDUCIÆ
CUM BOLESLAO.
AN. CHRIST.
MXII.

Lebusia
Ditmars.
LIBUSIA
INSTAURATA.
INCENSÆ
DEDICATIO
BASILICÆ
BAMBERGENSIS.

Subinde dies Henrico, multis optata votis, illuxit, quâ omnibus absolutam numeris Babenbergensem Basilicam pridie Non. Maij, magno apparatu, curavit dedi-

dedicandum. Adfuerunt, ita scribit Marianus, celebritati sex & quadraginta Pontifices. Initiatorem egit Joannes Aquileiensis Patriarcha. Ditmarus, qui cæremoniis interfuit, notavit, eundem diem fuisse Henrico natalem, cum annos triginta quinque exegisset. Eadem occasione, templum D. Benedicto sacrum, in monte (ut vocant) Monachorum, est consecratum: cænobio præfectus fuit Radbodus, vir religiosissimus, cui adolescentes, genere & ingenio nobiles, traditi litteris & pietate imbuendi, ex quibus deligerentur Præfules celebriorum Ecclesiarum. Schola fuit instituta ad imitationem illius, quæ in Bergensi Monasterio, prope Magdeburgum, eâ tempestate, cultioribus disciplinis & præclarâ morum institutione florebat.

ET TEMPLUM
D. BENEDICTI.

SCHOLA
BAMBERGENSIS,
Fabric. pag.
274. §. 2.

Episcopi, absolutis cæremoniis, causâ Theodorici Metensis Episcopi discussâ, cum iusserunt à canendâ Missâ abstinere, donec objecta crimina diluisset. Ad veteres offensas accesserat, quod scriptâ ad Romanum Pontificem Epistolâ, D. Henricum iniquis criminationibus traduxisset: quâ de re graves à Patribus dictæ sunt sententiæ: sed Henricus & hanc ei culpam aliasque complures condonavit. In eodem conventu, Hartwigus Salisburgensis, memor præteritarum simultatum, Gebhardum Ratisbonensem Antistitem reum egit: causam silet Ditmarus, sed credibile non est, eam non fuisse tanti momenti, ut severiorem censuram mereretur. Certè lis, quæ utrumque hæcenus exercuerat, neutro reclamante fuit sopita.

Tagmo Magdeburgensis Antistes, hoc anno in itinere, quo se ad Henricum ægrotantem conferebat, s. Id. Junij ad cælum demigravit, insigni sanctitatis famâ, sui que desiderio apud pios relicto. Vitæ integritas, quâ se per omnem vitam reddidit admirandum, promerita est, ut ejus nomen in Divorum Album referretur. Henricus viri amicissimi mortem doluit. Eâ compertâ, Magdeburgensi Præposito aliisque, qui ejus sententiam de subrogando Antistite rogaverant, respondit, sibi fore gratum, si suffragatorum consensum prius ad se referrent, quam irent in vota, ad absolvendam successoris electionem. Elegerunt nihilominus Waltherdum, eo consilio, ne Ecclesiæ libertati deessent. Electionem Henricus probavit, & optimis quibusque faventibus, electo annulum unâ cum pedo porrexit: susceptâ dein juramenti fide (quæ tum moris erant) iussit in conceditæ Ecclesiæ possessionem induci, quâ per octo non amplius hebdomades & duos dies, neque enim ultra provixit, est potitus. Cæterum, Tagmonem laudat Ditmarus, ab insigni in omnes charitate, & beneficentiâ in egentes atque bene meritos. Nemo illo castior, nemo in semet severior, in alios nemo benignior. Nullus ipsi effluebat dies, quo, si per leges Ecclesiæ & valetudinem liceret, sacram hostiam DEO non immolaret. Facturus ad aram, totus cum DEO conjunctus, vix ullius alloquium admittebat: Sacris peractis, hilari vultu se comem reddebat omnibus. Cum, fessâ jam ætate, consuetum jejuniij rigorem remittere cogeretur, eam moderationem sacris largitionibus compensabat, cibi tamen & potus adeo modicus, ut vix sumeret, quantum satis erat corpori, prioris vitæ inediâ extenuato. Mirâ fuit in homines sanguine illustres humanitate, in obscuriores tantâ charitate, ut nullius tenuitatem contemneret. Eos favore præcipuo fovebat, quos noverat DEI filio addictos, ad cujus amorem, cæteros quoque, quacunque poterat ope, conabatur allicere. Præfuit Ecclesiæ Magdeburgensi annos octo, menses quatuor, dies septem. Eum merito referunt Annales, inter Boicæ viros illustres, quippe qui in eâ educatus, jecit fundamenta sanctitatis.

XXX
VI.

D. TAGMONIS
EXCESSUS.

Ditm. lib. 6.

TAGMONIS
VIRTUTES.

Sur. 10. Apr.

Hoc etiam anno D. Macarius Armenus, Patriarcha Antiochenus, Gandavi è vivis excessit. Eum scriptores aliqui adnumerant Boicæ luminibus, ob unius anni, quem apud Adalbertum, virum inter Bojos illustrem, voluntarius exul egit, affectatâ ad tegendam sanctitatem nominis obscuritate, quæ tamen prodigijs inclaruit & exemplo maximarum virtutum. Avam Adalberti conjugem, cum morte tantum non luctantem, tribus aquæ guttis, quas precibus & contactu crucis,

D. MACARIUS
Patriarcha
Antiochenus.

HOSPE AN-
NUUS IN
BOICA,
MIRACULA
PATRAT.

*Ditm. lib. 8.
Cuspin. in
Austr.*

XXX
VII.

B. COLO-
MANNUS EX-
CRUCIATUS,
OCCISUS.
AQUARUM
INGENS IN-
UNDATIO.
PARTUS
MONSTRO-
SUS.
RAPTOR
OPUM SA-
CRARUM A
MURIBUS IN-
GULATUS.
LEBUSIA
VASTATA.

JAROMIRI
CRIMINA.

MITTITUR
IN VINCULA.

AN. CHRIST.
M, XIII.
BOESLAI
NOVA PER-
FIDIA.

XXX
IIX.

cis, quâ scipionis vicem utebatur, expiaverat, in os instillatis, repenti ab ultimâ lineâ ad integras vires revocavit. Duobus Adalberti vernaculis, qui sancto mappulam furto sublegerant, depulsâ, quâ pledebantur divinitus, ægritudine, salutem reddidit. Flandriam dirissimâ pestilitate liberavit, cum se geminûmque socium ad expiandam luem, ingenti multitudini, quæ indies exinguebatur, succedaneas victimas DEO obtulisset. Ab ejus morte gemini circuli in aëre visi, quorum alter crucis, quam solitus erat gestare, effigiem referebat, ut ostenderet, quam in felicitatem illum crucis amor evexisset.

Huic merito accensendus, haud longè ablimilis exul, B. Colomannus, è clarissimo Hiberniæ Regum sanguine, qui deposito cultu regio, ignotus per Boicam ad sacra Palæstinæ loca proficiscens, pro exploratore captus, Stokeraviz quæstionibus subjectus, cum inter immanes fidicularum cruciatus se duntaxat professus esset exulem, qui præter Christum nihil amaret, aut quæreret, actus in arborem infelicem, & jam olim aridam, subito eam frondentem florentemque reddidit. Cum alijs quoque portentis cælum ejus innocentiam defendisset, Mellicensi cœnobio illatus, pro Sancto est habitus. Numen interfectoris iratum, barbaram sævitiam plexit, insolitâ ab omni retrò memoriâ, aquarum eluvione. Danubius longè extra alveum effusus, ingentes hominum pecorûmque strages dedit. Villæ à fundamentis erutæ, agri longè latèque superfusi, arbores evulsæ radicitus abreptæque, Albis quoque & Rhenus ripas egressi, in vicina grassati sunt. Gemelli uno partu effusi ore dentato, alatis brachijs, tertio ab ortu die, corridentes vivere desierunt. Nobilis quidam rapinis D. Clementis possessionibus iniquus, à muribus, quos nulla vis potuit reprimere, corrosus, jugulatus.

Hic ipse annus tot insignitis prodigijs, Lebusiæ (quod antè monui) fuit inauspicatus. Boleslaus Henrici Regis absentiam abusus, urbem, alioqui vastam, & à mille, non amplius, armatis inessam, obsedit eâ tempestate, cum Albis præter morem exundans, nullas suppetias patiebatur duci ad oblectos. Oppidani, vix tentatâ defensione, hosti portas aperuerunt, qui nihilominus sævijs in dedititios, quorum pars obtruncata, pars capta, & Boleslai jussu conjecta in carceres, pars debilitata vulneribus. Super hæc urbe direptâ, subjectæ rectis tædæ. Sera fuerunt auxilia, quæ Regina Cunegundis delectu subitario, & Rege domum revocato, properavit. Sed & Jaromiro, qui hætenus Henrici amicitiam fuerat felix atque fortunatus, hoc anno omnia in peius lapsa sunt: tam nulla rebus humanis fides, aut constantia. Henrico à Polonicâ expeditione redeunti, mæstus squalensque occurrit, supplicis habitu. Miserum ad eam sortem redegerant, avaritia, crudelitas, & impotentia dominatûs. Etenim constabat, magnum Bojariorum numerum, qui Regis injussu, non sine suspitione perfidiæ, Jaromiro insalutato, per Bojæmiæ ad Boleslaum tendebant, eum sarcinis & vitâ spoliâsse. Accedebant Bojæmorum expostulationes, quod in subjectos immaniter sævijsset. Et eo quidem obtentu, ab Udalrico fratre, Rege inscio, per vim fuerat principatu ejectus. Sperabat, Henricum, præteritorum obsequiorum memoriâ, recentia crimina obliteraturum, & Udalrico ejecto, redditurum pristinæ dignitati, verum tamen multa ad elevandas accusationes adferret, adeo tamen nihil obtinuit, ut fecerit jacturam libertatis, conjectus in vincula, jussusque ab Adelbodo Trajectensi Episcopo haberi in custodiâ. Udalricus Merseburgum ad dicendam causam citatus, Henrico sic satisfecit, ut, magnificè habitus, Bojæmiæ principatum, quamvis iniquè partum, permissus fuerit retinere, unde nati sermones, Henrici facilitatem, fratrum odia & fortunæ iniquitatem accusantium.

Boleslaus Polonus sui semper similis, perfidiâ nondum positâ, bellum in Russos meditabatur, ut Henrico fucum faceret, impediretque, ne, dum peregre bellum faceret, res domi turbarentur. Misonem ergo filium, cum honestâ legatione Merseburgum misit, pacem oraturum. Legati clementer auditi, & cum bonâ spe ad Boleslaum remissi, cum mandatis, juberent cum fide publicâ acceptisque à Rege obsidibus, primo quoque tempore cum filio adesse. Adfuit, & cum filio

Alio dixit sacramentum; fuitque receptus in Regis tutelam. Henrico ad divinum officium prodeunti, pater armigeri habitu prævit, &, quasi rem citra fraudem egisset, demum remissus est.

Verum subinde inter Benedictum VIII. Romanum Pontificem, & Gregorium Romanæ sedis injustum incubatorem, incidit divortium, ex quo Boleslaus detegendæ fraudis occasionem arripuit, & apertè ab Henrico deficiendi. Gregorius, ut malæ causæ bonum patronum conciliaret, ad Henricum, Poledæ sacris Christi natalitijs operantem, confugiens, præter expectationem, cruce, Pontificiæ dignitatis insigni, penes Henricum relictâ, jussus est paratu papali abstinere, donec controversia, Ecclesiæ Romanæ judicio, finiretur, & Henricus veniret in urbem. Indictâ, pro more, Germanicis proceribus protectione, jussus simul est Boleslaus, Regem honoris causâ comitari, officium detrectavit, manifesto indicio sprete majestatis. Verum & apertius odium prodidit fœdus, quod pepigit cum Ardoino, vetere Regis inimico, cui accessit iniquissima calumnia, quâ Henricum, apud Benedictum, reum egit, causatus, se ejus appetitum insidijs prohiberi, quod minùs aurum vectigale, quod D. Petro Poloni debebant, repræsentaret. Calumniam, notissima D. Henrici in sedem Apostolicam pietas ac reverentia, sine patrono confutavit, absolvitque innocentem. Ne quid per Regis absentiam detrimenti Respublica caperet, Comitibus Grondensibus abundè prospectum, simul disciplinæ religiosæ severitas, nonnihil in Fuldensi Cœnobio labefacta, instaurata est mutato magistratu. Tum adulto Septembri, comitante Cunegunde, movensè Saxoniam, per Sueviam & Bojariam, alpes est transgressus. Diemarum pacatè scribit Italiam inivisse: Sigonius contrà, ait Ardoinum in Veronæ confinio armatum occurrisse, pugnasse multos dies, & demum, amisso exercitu, ægrè Papiam, inde Eporediam evasisse. Hugonem præterea Atestinum, cum Azone & Opizone filijs, à Germanis prælio fuisse superatum. Boleslaus certè omnem movebat lapidem, quo redderet Henrico infestam protectionem, sed conatu irritum. Nam si veriora audiamus, ipse adè Ardoinus, ubi de ejus adventu cognovit, rebus suis metuens, primùm se recepit in arcem munitissimam, deinde misit oratores, qui suo & filiorum nomine Italicæ coronæ deditionem pollicerentur, si modò liceret, in angusto, quem tenebat, Comitatu, posito Regis titulo, in posterum tenuem fortunam, extra metum turbasque sustentare. Quæ conditio in commune discussa, cum Senatui non placuisset, nec ipsi Henrico fuit probata, consilio inauspicato, uti postea eventus docuit. Sæpe nocuit intempestiva severitas, minùs obest indulgentia, quando tempori serviendum est, quod magnis Principibus semper fuit usitatum.

Cæterum, Henricus lustratâ Insulbrâ, legatos Ravennâ misit ad Benedictum Pontificem, qui de suo ad ipsum adventu, ad capiendâ ex ejus voluntate insignia Augustalia, facerent certiorum. Actis deinde Papiæ, quam sine vi occupaverat, Christi natalitijs, ad vigesimum quartum Februarij, solenni pompâ Romam est ingressus. Pontificem venienti occurrisse, Glaber, istius ævi scriptor, meminit. Honorificentissimè à populo Romano exceptus, ubi dies inaugurationi dicta illuxit, unâ cum Reginâ, à duodecim urbis Senatoribus, ad Principis Apostolorum basilicam deductus, à Benedicto, qui ante limen præstolabatur, compellatus, addixit, se Romanæ Ecclesiæ fidum fore patronum atque defensorem, & Summis Pontificibus, quoad vita superesset, omni, quo par esset, officio & ope adfuturum. Secuta dein Regis ac Reginæ inauguratio. Fuit inter insignia globus aureus, cui, Benedicti invento, crux in vertice, gemmis exquisitissimis ornata, accesserat. Id insigne, cum in maximâ populi frequentiam hilariter acciperet; *Hoc, inquit, sanctissimè: Pater, cæteris ornamentis addidisti sapienter, nos ut doceres, quemadmodum regnare oporteat. Orbem videlicet nostræ sollicitudini committis, ut, quem bella, ferri rigor, mores hominum ferrei, & infelix sæculi nostri conditio facit ferreum, nos pro viribus aureum efficiamus. Crucem imposuisti, ut meminerimus, nobis in gravissimo isto munere gestandam esse crucem Salvatoris: circumfusa gemma (sic interpretamur) à nobis exigunt regiarum virtutum absolutionem. An manus nostra tanta molis*

SCHISMA
ROMANUM.

Diem. lib.
pag. 84.

CALUMNIA
BOLESLAE
ET FOEDUS
CUM AR-
DOINO.

CLADES
ARDOINI.

PAX ARDOI-
NOMALE
NEGATA.

XXX
IX.

AN. CHRIST.
M. XIV.
HENRICUS
ROMAM IN-
GRESSUS.
Glaber lib. 2.
in fin.
REGIS ET
REGINÆ
AUGUSTALIS
INAUGURA-
TIO.

GLOBUS AU-
REUS AB
HENRICO
MISSUS AD
ODILONEM.
CONFIRMA-
TIO PRIVI-
LEGIORUM
ROM. EC-
CLESIAE.

TUMULTUS
ROMANUS.

AN. CHRIST.
M. XV.

Berno Augien. lib. de reb. ad Mis- sam spectan- tib.

MOS RECI-
TANDI SYM-
BOLUM CON-
STANTINO-
POLITANUM
IN ECCLE-
SIA ROMA-
NA.

XL.
EPISCOPA-
TUS BOBIEN-
SIS FUNDA-
TIO.
ARDOINUS
ARMA RE-
SUMIT.

pares sint, ille solus novit, cui nota sunt vires nostra imbecille: nos certe prorsus im- pares esse sentimus, nisi ipse, qui regit omnia, ad suos nos nutus componat, gubernet & moderetur. Et ne Pontifex ambigeret, cum ita de se sentire, hanc ipsam pilam

DEO, Regi Regum, transcripsit, iussitque, ad Odilonem, Monachorum Cluniacensem clarissimum eâ tempestate moderatorem, deferri, ut eâ ad divini nominis honorem, pro suo arbitrio uteretur. Et ille quidem sapienter usus est; quando eam, urgente fame, conflata sublevandæ pauperum inopix impendit. Imperator exinde, vetera Ecclesiæ Romanæ privilegia à Pipino, Carolo Magno, Ludovico Pio, & Othonibus concessa, pro sua in DEUM religione, in Principem Apostolorum pietate, & in sedem Romanam reverentiâ, omnia singillatim recensita confirmavit. Liberam Pontificis eligendi potestatem Cleto populoque Romano reliquit, ipsamque Ecclesiam auxit præstantissimis muneribus, inter quæ, coronam regiam, quam olim acceperat, quando Rex Germaniæ fuerat salutat, supra D. Petri aram iussit suspendi, ut testaretur, se DEO honores in acceptis referre & reddere. Fuit quoque in minores Italiæ Ecclesias indulgens atque munificus, ut, cujus animus omni major imperio, totus in DEUM ferebatur. Cum omnia ex voto successissent, octavo ab inauguratione die, subito inter Romanos & Germanos ortus est tumultus. Germani tres, Hugo, Hezilo & Ezelinus, quâ causâ, incertum, in ponte Tiberino ejus authores fuerunt. Multi utrinque lauciati, multi trucidati; & fuisset clades atrocior, nisi nox certamen diremisset. Authoribus injecta sunt vincula, quibus onusti in Germaniam ducerentur. Arnulfus Henrici frater, autoritate Romani Pontificis, redditus est Ecclesiæ Raven-nati, ejecto Etherberto, qui eam perperam invaserat. Et hic quidem ad infimum ordinem erat redigendus, nisi magni deprecatores impetrassent, ut ei liceret præ- esse Aricinis.

Inter alia, quæ Henricus Romæ gessit, illud, ex Bernone Abbate Augiensi, refert ad hunc annum Baronius. Imperator Romanos presbyteros est percontatus, quid esset causæ, cur, post Evangelium, more aliarum Ecclesiarum, Symbolum fidei Romæ non recitaretur? A quibus responsum, idèd non fieri, quòd Ecclesia Romana, quæ à fide nunquam defecisset, minùs, quàm aliæ, indigeret sacræ istius formulæ repetitione. Imperator tamen à Benedicto impetravit, ut, qui mos esset alibi, Romæ quoque reciperetur, probareturque urbis consensione. Tandem Henricus Româ digressus, Ticini Pascha celebravit, & immemor nuperæ injuriæ, mirâ comitate & amoris significatione (quo ad demerendos animos nihil est efficacius) sibi civitatem universam devinxit. Impressit varijs locis religiosæ pietatis vestigia. Bobij, ubi Columbani & Attalæ, sanctissimorum Abbatum corpora servantur, Pontificatum fundavit, summâ ejusce provinciæ Episcoporum voluntate. Longiores in Italia moras abruptis æstus cœli Italici, vulgataque in Germanos lues. Vix alpes transcendiderat, cum Ardoinus, velut emissus è caveâ, resumptis armis regiisque titulis, egressus Eporediâ, Vercellas invasit. Leo, ejusce civitatis Antistes, ægrè tyranni manus, per medium tumultum, effugit. Obsessâ mox Novariâ, ager circumcinctissimè vastatus, excisæ vites, arboribus cortices cum vitâ detracti, tantæque passim illata damna, ut Henricus ea, prolatis Ecclesiasticæ ditionis juribus, aliqua saltem ex parte, putaverit esse lenienda. Petrus Novariensis Antistes, elapsus in montes glacie, nivibusque coopertos, tandem à tergo habuit insectantes Ardoini emissarios, donec lassitudine superati, spem ejus capiendi abjecerunt. Comenses etiam ferociter oppugnati, & tandem quoque Mediolanum hostiliter appetitum. Ut Arnulfo Archiepiscopo ægrè fieret, posteaquam Astensis Episcopus fato concesserat, Ardoinus, Manfredi Astensis Marchionis fratrem vi intrusum, Romam misit consecrandum, cum tamen ejus consecratio ad Mediolanensis Ecclesiæ jura pertineret. Quem autoritatis suæ contemptum, Arnulfus haud ferendum ratus, Astam coronâ cingit, adigitque Episcopum unâ cum Marchione fratre, ad delicti sui veniam, reorum habitu, exorandam. Ardoinus motus istâ rerum inclinatione, ut tempestivè se indignanti for-

tunæ

tunæ subduceret, serò quidem, sed sapuit tamen, quando sponte regni spolijs exutus, Monachum induit in Monasterio Fruſterix agri Taurinensis. Arnulfus ejus partiarios persecutus, Hugonem & Berengarium Comites, qui agrum Mediolanensem latrocinijs vexaverant, prælio fractos redegit ad incitas, eorum possessionibus Ecclesiæ Mediolanensi, D. Henrici voluntate, contributis. Cremonenses, qui in eadem erant factione, obsedit, & tribus positus portis, eò desperationis adegit, ut jurejurando sint polliciti, se deinceps in fide & potestate Mediolanensium futuros.

ARDOINUS
MONACHUM
INDUIT.

Reversum in Germaniam Imperatorem, omnes ordines ingenti lætitiâ exceperunt. Ut oculis delicias facerent, omnis generis ludos adornârunt. Unicum referam, quod facit ad laudem Cæsareæ modestiæ. Ad regis vestibulum locârunt histriones, qui feras & bestiarum ad spectaculum exhiberent. Uli unum è suo grege nudum melle obleverant, quem ursis objicerent, doctis, illæscâ cute, hujusmodi ludionem lingere. Fingebat tamen histrio pavorem, quasi refugeret bestiarum sævitiam. Poppo Stabulensis Abbas, vir sanctus, rem agi seriò arbitratus, elsq̃ue periculum, ne quid adversus humanitatis jura peccaretur, Henricum, cui ob singularem animi candorem, inprimis charus erat, monere ausus est, parùm Christianè fieri, quòd homo feris lacerandus propinaretur. Abstineret proinde Augustus tam immani spectaculo, nisi cœlites iratos vellet experiri. Mōnenti morem ilicò gessit pius Imperator, ignoscens viri, alioquin optimi, simplicitati, jussitque ludiones è suo conspectu facessere. Cùm à belli curis tantisper respiraret, animum retulit ad divini honoris amplificationem.

HENRICUS
LUDIONES
IUBET FA-
CESSERE.

XLI.

Valonem, Abbatem Corbeientem, loco movit, & virosum, quos integriorēs noverat, coloniam, ex eo sanctitatis domicilio, secum Paderbornam deduxit, ubi ponerent religiosa novi Cœnobij fundamenta. Eodem pietatis spectat ædes apprimè nobilis, quam hoc anno Merseburgi cœpit moliri, magnisque subinde locupletavit possessionibus. Sed his aliisque, quæ in eo genere præstitit, longè admirabilius, quòd in tantâ fortunâ, pacatis atque florentibus rebus imperij, non contentus profusâ opum, in pios usus, liberalitate; se quoque ipsum, abdicatâ curâ rerum mortalium, statuerat ex asse Deo consecrare; quod effectum dedisset, nisi eum Richardus Virdunensis, D. Vitoni Cœnobiarcha, latebras in ejus Monasterio per litteras rogantem, ab eo consilio revocâisset, admonitum, ut Spartam, quam illi Deus commiserat, pergeret ornare, & meminisset, sub purpurâ, animi demissionem religiosâsque virtutes posse tutò habitare. Quâ dehortatione, passus à vitâ monasticâ repulsam, seriò retulit animum ad Rempublicam, nihil tamen remittens de consuetâ pietate.

COLONIA
VIROSUM
RELIGIOSO-
RUM PADER-
BORNAM
DUCTA, EX
CORBEIA.
Vita Ditmar
p. 122. lin. 40.
BASILICAM
MERSEBUR-
GENSIS
PRINCIPI-
UM.

HENRICUS
DE INEUN-
DA RELIGI-
ONE DELI-
BERAT.

HERMAN-
NUS MISNIE
MARCHIO
MENTIRI
ASSUETUS.

Sub hujus anni initium Comitia egit Merseburgi, in quibus, ad Imperij Ordines, causa Boleslai, toties fœdifragi, relata. Nihil tamen fuit decretum asperius, quàm ut, quoad ejus fieri posset, ad bonam mentem & fidem beneficiariam reduceretur. Id datum negotij Hermannō Misniæ Marchioni, Boleslai genero, quòd crederetur quovis alio fore impetrabilior, & diligentem publicæ rei habiturus rationem. Verùm hic (ut loquitur Ditmarus) *semper mentiri solitus*, cùm longè alia, quàm quæ in mandatis acceperat, apud socerum egisset, in Paschate reversus, eadem perfidiâ suæ legationis rationem reddidit Imperatori. Nihilo fuisset in revocandis ad frugem Augustæ fratribus fidelior, nisi adjuncti legationis collegæ, omnia ipsius dicta ac facta moderati, Adalberoni ejusque germanis persuasissent, ut, armis positis, excalceati, cæteroque cultu supplices Cæsaris clementiam implorarent. Quæ demissio, adnitente Cunegunde, id effecit, ut ad pristinum gratiæ locum admitterentur.

Spectaculo adfuit Sbigneus Boleslai legatus, & in confertâ multitudine Palatinorum ac Procerum, responsa accepit, quæ ille suppressit, inque eorum locum, alia commentus est, quæ retulit Boleslao, qui præ se quidem tulit animum pacis appetentem; sed cùm ab Henrico, ad dicendam causam, esset citatus, respondit, se id quidem apud Poloniæ Magnates facere esse paratum, sed ut Cæsaris

XLII.
BOLES-LAI
INSOLEN-
TIA.

MISECO
EIVS FILIUS
CAPTIVUS
REDDITUR
LIBERTATI.

tribunal adiret, animum nunquam inducturum. Quamobrem, abjectâ pacis cogitatione, Miseconem filium mittit in Bojæmiam, qui Udalricum Ducem ad armorum societatem alliciat. Udalricus, memor officij, Miseconem vinciri jussit, præcipuosque legationis collegas capite minui. Henricus, cum sibi dedi captivum postulasset, Udalricus legato respondit in hanc sententiam. Regi renuntia, me non esse inscium, debitæ in ejus majestatem observantiæ: nec equidem hac vice ejus imperium detrecto, si omnino jubeat Miseconem reddi libertati: rogo tamen ut prius consideret, me nuper à Deo, leonis faucibus ereptum, id præterea beneficij accepisse, ut ejusdem leonis catulus, missus in meam perniciem, in meos casses inciderit: hunc si sinam elabi, gemina mihi fera, Pater juxta ac filius erunt metuendi: sin prædam servavero, nihil erit, quod à filio metuam, sed commodi aliquid, quod à patre expectem. Quod si tamen Cæsar perstabit in suâ sententiâ, me sine morâ habebit obsequentem. Erant in aulâ Henrici, qui clam auro Poloni corrupti, negotium urgebant, quique Augusto persuaserunt, ut ne à captivo in libertatem asserendo desisteret, quod & dedit effectum: etenim Miseconem è Bojæmiâ missum Boleslao reddidit. Egit quidem pater juxta ac filius magnas, in speciem, gratias, sed beneficium maleficio malignè reposuerunt, quod denique in bellum erupit.

ERNESTUS
SUEVIÆ
DUX TELO
FORTUITO
IN VENATIONE
CONFOSSUS.

Quid verò lenitas Christiana in nobili pectore virium habeat, patuit hac tempestate. Ernestus Sueviæ Dux, venationi indulgens, cum se denso frutice innumbraret, ab Adalberone Comite, telo, quod in feram destinabat, confixus est. Ernesto, cum vulnus lethale agnosceret, prima cura fuit, persuadere domesticis, qui frequentes aderant, ne infortunatam Comitum aberrationem ullo pacto ulciscerentur: quâ de re etiam jussit suprema mandata ad uxorem deferri. Tum versus ad mentis, in aliam vitam abiturientis, procurationem, cum nullus esset in promptu sacerdos, apud quem peccata deponeret, jussit tamen, quotquot præstò erant, adesse testes animi pœnitentis, nihil veritus, noxas non modò verissimis lachrymis, sed etiam clarâ distinctâque singularum explicatione propalare, sive ut sibi Numen eâ demissione & interiore affectu propitiaret, sive ut sibi adstantium apud DEUM intercessionem conciliaret. Neque enim par est credere, eum sensitse, istiusmodi peccatorum professionem, factam apud profanos homines, vim habere Christiani Sacramenti, sed sapienter cogitasse, DEUM *cor contritum*, ex amore divino pœnitens, & *humiliatum non despicere*. Quâ in pietate bonæ spei plenus, viam æternitatis est ingressus, die Junij ultimâ, & Wurceburgi apud Leopoldum patrem, prout moriens rogaverat, est honorificè sepultus. Filius eidem cognominis, Henrici Cæsaris beneficio, in Ducatum successit.

PECCATA
LAICIS
CONFITETUR.

Herman.

ORIGINES
AUSTRIÆ
MARCHIONUM.

XLIII.

Leopold. in
Origin. Austriacis.

LEOPOLDUS
AUSTRIÆ
MARCHIO.

Quia verò in Ernesti mentionem incidimus, juvabit ad planiorem historiarum progressum, ejus stirpem ex Austriæ Marchionum sanguine, in lucem, quantum licuit assequi, à capite arcessere. Otto Frisingensis, ejusdem stemmatis illustre decus, Adelbertum Bambergensem, quem pacis in Germaniâ turbatæ reum, & à Ludovico Rege Arnulfi filio proscriptum, Hattonis Moguntini artificio deceptum, capite minutum descripsimus, hujus familiæ principem, produxit. Ex Adelberto prognatus Leopoldus, qui inter Ephebos nobilem operam navavit Henrico Imperatori, quem Aucupem dixerunt. Illum memorant, Ludigero de Pechlariâ, Comiti limitis Orientalis defuncto, ab Aucupe esse susceptum. Causam delatæ dignitatis, ajunt fuisse, quod, cum Cæsar longè à stipatoribus abreptus, collineato in feram telo, arcum rupisset, Leopoldus, qui ejus vestigia ponè sequebatur, arcum tam tempestivè subministravit, ut fera ejus adminiculo confixa, in momento caderet: & eam quidem nobilissimi adolescentis comitatem ita placuisse, ut Auceps in vestigio ei promitteret provinciæ, quæ prima rectore orbaretur, procurationem. Quare Rudigero, qui Austriæ præerat, extincto, Leopoldum ajunt successisse, res gestisse maximas, Melicensem arcem Hemoni, cognomento Stillæ, ereptam, vertisse in templum, D. Colomanni sepulchro nobile. Idem cum Herbiopoli, apud Berwardum Episcopum, D. Chiliani ferias, octavo die Julij, ageret, quidam cliens

Ever-

Evergeri, quem Henricus, Leopoldi nepos, nuper exoculaverat, injuriam domini ulturus, intentus ex insidijs, per objectum muri foramen, in Henricum præsentem, arcu, fallente sagittâ, Leopoldus, de quo agimus, graviter fuit fauciatus, atque ex eo vulnere tertio post die, factâ peccatorum confessione, extinctus. Iste Leopoldus, Adelberti filius, ex Richardâ illustri fœminâ, tulit Popponem Trevirensium Archiepiscopum, & Ernestum Sueviæ Ducem, cujus paulò antè meminimus. Hic Gisela Imperatoris neptem thalamo junctam habuit, quæ post ejus obitum Conrado Salico Imperatori in manus convenit. Atque hæc quidem paulum extra lineam, in gratiam nobilissimæ stirpis Austriæ Marchionum. Ordo nunc admonet, ut ad D. Henricum Cæsarem, stylum referamus.

Cùm Boleslaus Polonus contumaciam non poneret, Cæsar, comparato ad eum debellandum exercitu, prius quàm in castra prodiret, D. Mauritij sociorumque patrocinium imploravit Magdeburgi, eorum affusus sepulchro. Inde octavâ Julij ad Albim contendit. Amnem trajecturus, Cunegundem Augustam Merseburgum cum Ditmaro remisit. Lusatiam ingressum, Cinnenses portis occlusis non admiserant; sed factâ in castra irruptione, acceperunt cladem luculentam, multis in conflictu occisis. Henricus, cognomine Superbus, ob patrata cædem Cinnam profugus, venit in Augusti manus.

Castris ad Viadrum promotis, Cæsar pro ingenitâ lenitate, per legatos cum Miscocone, Boleslai filio, qui tum se ad Crosnam munierat, agi voluit, ut memor acceptæ recens libertatis, factâ deditione, parenti pacem suaderet. Verùm ille patris genio obsecutus, respondit; se quidem Cæsari debere vitam, & quicquid haberet fortunarum, sed patris imperio & comilitonum vigilijs prohiberi, quominus in præsens Henrico satisfaceret, tamen se parenti suaturum, ut pacem & Cæsaris gratiam incerto Marti anteferreret. Hæc dicebat in speciem, ut temporis faceret compendium, nec obscurè ostendebat, se Cæsari, si vim inferret, arma objecturum. Igitur Henricus, trajecto ad tertium Augusti Viadro, cum Miscocone, prospero Marte, signa contulit. In pugna cecidère Poloni non amplius sexcenti, è Cæsarianis tres duntaxat desiderati. Inter hæc Bernardus, Saxoniz Dux, ab Aquilone Boleslaum distinebat, ne filio copias jungeret: quò minùs tamen Oderam transmitteret, impediabatur à continuis Boleslai excubijs, quæ amnis ripam prætexebant. Quare, impositis in naves copijs, tam diu hostem in diversa protractum delusit, donec celeri unius diei navigatione, Boleslaum prætervectus, copias in continentem, nullo obsistente, exposuit, & grassari cœpit incendijs & cædibus agrestium. Quibus rebus territus Boleslaus, non ausus venire in certamen, ad regionis interiora profugit.

Prosperis belli initijs hoc intercedebat incommodi, quòd Cæsaris vires, trifariam divisæ, conjungi non possent, & quæ copię Henrico aderant, non eo forent numero, ut hosti per intricata paludibus & sylvis itinera, citra ingens insidiatum discrimen, possent objici: & verò etiam Bernardus, per nuntios, Cæsarem monuerat, se rebus salvis ad ipsum, prout condixerant, penetrare non posse. Aliâ ex parte Bojarij in geminum agmen divisi, pars Udalicum Bojæmum, pars Henricum Austriæ Marchionem comitabantur, & utrobique quidem magno operæ pretio. Qui enim Bojæmo aderant, Businâ, urbe grandi & populosâ, crematâ, & mille, ut minimum, viris & ingenti mulierum ac liberorum grege captivis, magnum Polonis terrorem intulerunt: qui verò Henrici ductum sequebantur, ad arcendas hostis excursiones, Boleslai militem, qui potissimum è Moravis erat conductus, octingentis circiter concisis, omnibus impedimentis exuerunt.

Verùm hæc, ad rei summam minutiora, quàm ut esset debellatum; & Cæsar potioribus Boleslai viribus appetitus, seris nuntijs, quo essent loco sociorum res, quæ in momenta mutari poterant, è longinquo docebatur. Quapropter visum, fortunam ultrâ non irritare cum tenui & fesso exercitu, nedum hostem, quamvis continenti fugâ latebras insidijs opportunas quæritantem, per devia, ubi nullius rei major, quàm inopiæ copia, insectari. In receptu sæpenumero plus est, quàm in pu-

INTERFECTOS.

HENRICUS MOVET IN BOLESLAUM Dux. lib. 7. A CINNENSIBUS NON RECIPITUR.

HENRICUS SUPERBUS CAPTUS. MISCO VERBA DAT HENRICO.

PRÆLIUM VELITARE, HENRICO PROSPERUM. BERNARDUS DUX SAXONIE, BOLESLAUM REPRIMIT.

BOTARII INVANT IN CAPIENDA BUSINA, ET MORAVIS COERCENDIS.

XLIV.

HENRICUS COPIAS REDUCIT.

CLADEM
ACCIPIT.

MISNA IN-
VADITUR
A MISECO-
NE.
INCENDI-
TUR.
MISNEN-
SIUM FOE-
MINARUM
FORTITU-
DO ET VI-
CTORIA.

MISNA
HENRICI
SUMPTIBUS
INSTAURA-
TA.

XLV.

Pegnizium.
Carol. Episc.
Esjet. apud
Gretf. p. 433.

Brun. An-
nal. Boic.
part. 2. pag.
710.
AN. CHRIST.
M. XVI.
BELLUM
TREVIREN-
SE,

in pugna periculi; quod Cæsari uluvenit, grandem haud dubie cladem accepturo, nisi itinera, uligine mediisque paludibus impervia, festinatis operibus, & incredibili militis alacritate, aperuisset. Id cum Boleslaum non lateret, misit illico, qui abeuntes carperent. Ducebat primum agmen Imperator, posterius Burcardo Comiti Palatino & duobus Geronibus (quorum alter Archiepiscopus Magdeburgensis) demandaverat, iusseratque cavere, præ quam alias solerent, hostis insidias. Præcius potuit videri mali imminentis. Hostis ex saltu proximo prorumpens, & ad audendum, tergemino ululatu, excitatus, in Burcardum invehens, & semel iterumque non sine clade rejectus, tertio demum impetu ordines confudit, & postremos egit in fugam; è palantibus ducentos cecidit, cepitque nonnullos. Burcardus & Gero Archiepiscopus acceptis vulneribus, tristis pugnae nuntij, ad Cæsarem ægrè evaserunt. Gero alter & Volmarus, Comites, occubuere. Henricus interfectorum corpora iussit à Boleslao repeti & terræ mandari. Miseco inter hæc Cæsarem insecutus, septem omnino legiones Misnæ admovit. Idibus Septembris Cæsar id præstiens, Hermannum Marchionem illuc præsidio miserat. Verum is, desperatâ urbis defensione, se cum plerisque civium recepit in arcem. Hostis mœnibus sine pugna potitus, direptis civium fortunis, ignem tectis iniecit. Jam quoque castrum duobus locis flammam conceperat, cum miles, metu consternatus, cepit suadere deditionem, & tantum imperia non detrectare. Hermannus, cum nulla jam spes, nisi in Superis & mulieribus superesset, mirum dictu, D. Donato, calentibus precibus, in vota vocato, fœminarum turbam pro concione hortatus, vetera Amazonum exempla renovavit. Fœminæ enim sexum oblitæ, cum mirandâ alacritate virorum munia occupantes, hostem subeuntem lapidum procellâ à propugnaculis reiiciunt, tum versæ ad ignem restinguendum, cum aqua deficeret, nullo incendium opprimunt. Poloni, ignominia dolore in furorem acti, postero die oppugnationem erant instauraturi, nisi Albis stagnatione prohibiti fuissent. Henricus, re compertâ, Hermannus, quantum per tempus licuit, suppetias properavit, & hoste submoto, tecta in pulchriorem formam, è bustis & parietinis, suo ære eduxit. Operi maturando præfuerunt, Gero Archiepiscopus, Arnulfus & Ditmarus, qui rem descripsit, & eam quidem adhibuere diligentiam, ut duabus omnino hebdomadis omnes urbis arcisque ruinas repararint. Ut verò ad posteros transmitteretur rei gestæ memoria, & commendatio fœminæ virtutis, matronis honor æternus decretus est, ut quotannis, mense Septembri, fœminæ, festivo ordine, quem annui Consul uxore duceret, urbem & Divorum templa obeuntes, pro patriæ salute vota facerent, & Deo, reportatam à matribus victoriam, gratularentur. Quæ pompa suum solenne apud posteros religiosè tenuit, donec malè feriat nepotes, eam superiore sæculo unâ cum Romanâ fide proscripserunt.

Cæterum, Henricus, pro suo in Ecclesiam Babenbergensem studio, hoc demum anno protulit ejus ditionem ad Pegnesium fluvium, consentiente Episcopo Eistetteni, cujus Diocesi detrahebatur hoc ipsum, quod Babenbergensi accedebat. Rem fusiùs describunt Eistettenes tabulæ, & Anonymus Hasenrietanus, & illæ quidem, quasi ista separatio facta sit in synodo Francofordiensi, cum tamen neque ex vitâ S. Henrici, neque ex vetustis litteris, ulla reperiat ejusce rei mentio: Anonymus verò, cum non sine stomacho suæ narrationi attexat, Clerum & nobilitatem Eistettensem, Henrico constanter fuisse refragatos, minorem fidem meretur, quàm si modeste rem, ut gesta est, explicasset. Quæ ex eo Brunnerus adduxit, de Gundacari, id temporis Episcopi, cum Cæsare altercatione & frugalitate, non videntur esse ejus momenti, vel authoritatis, ut hoc loco repetantur.

Gravior est contentio, quam suscepit sanctus Cæsar pro Poppone Archiepiscopo Trevirensi. Cum Megingaudus, pridie Natalis Domini, Confluentia vacuam Trevirorum sedem reliquisset, Henricus Popponem, ex Austriæ Marchionem (ut paulò antè diximus) familiâ, virum non litteris minùs, quàm religione præcellentem, Babenbergensis Ecclesiæ Præpositum, voluit defuncto dari suc-

cel-

cessorem. Eâ gratiâ, mandata scripsit ad Adalberonem, ne, quemadmodum Me-
gingaudi patientiam gnaviter exercuerat, sic Popponi crearet molestias, fore
alioquin, ut experiretur, indomito repertum esse domitorem. Ut verbis res ipsas
præsidio adjungeret, Paderbornâ profectus est ad Confluentes, indeque Poppo-
nem Treviros secum deducens, habitis, pro more, eligentium comitijs, ritè ele-
ctum, sacro ritu voluit initiari. Id factum Cal. Januarij, cæremonijs operante
Erckenbaldo Moguntinenſi Archiepiſcopo, Cæſare, totâque aulâ pompam coho-
neſtante. Inter Episcopos, qui frequentes adfuerunt, Haimo Virdunensis &
Theodoricus Metensis Adalberonis frater adſtiterunt. Poſterior, ſive fratris
ſtudio, ſive impetu genij turbulenti, jure conſecrationis, quæ ad ipſum velut Suffra-
ganeum pertinere videbatur, inaugurationi interceſſit quidem, ſed in caſſum, Cæ-
ſare ſecundum Erckenbaldum pronuntiante. Ejus ſententiam probavit Bene-
dictus Romanus Pontifex, qui Popponem, Romæ benigniſſimè acceptum & Pon-
tificiæ menſæ adhibitum, pallio Archiepiſcopali impertiit, addito diplomate 6.
Id. April.

POPPO TRE-
VIRENSIS
ARCHIE-
PISCOPUS

Poppo ex urbe reverſus, Provinciam reperit hinc prædonum rapacitate in-
ſigniter laceratam, inde Adalberonis inſidijs haud mediocriter expoſitam. Qui-
bus malis ut occurreret, mox à reditu, viros ſago rogâque egregios, clientelis alijs-
que beneficijs devinctos, adſcivit, quorum fortitudine & ſapientiâ uteretur. Inter
prædones, præcipuum nomen ferebat Adelbertus quidam, latrocinijſ juxtâ ac
furtis infamis, è caſtello, quod urbi erat ad meridiem, eo loco, quo hodie vetuſta
S. Crucis ædes. Iſthic receptaculum & latronum ſpoliarium, quod, ſine magnâ
vi, nequibat expugnari, eratque tamen civibus permoleſtum, non eò tantum, quod
viciniam infeſtaret, ſed etiam urbis annonam, frequentibus rapinis, averteret. Id
cùm probiſſimum quemque vehementer ureret, repertus eſt Sico, vir manu prom-
ptus & ſolers, qui domandi Adelberti curam in ſe ſuſcepit, Poppone probante.
Poſteaquam ſatis caſtri ſitum, excubias, & prædonum gregem exploraverat, con-
tractâ aliquâ, in ſpeciem, cum Adelberto conſuetudine, ſolus ex urbe, velut animi
gratiâ, exſpatiatuſ, æſtuante ſole, caſtri foribus adſidens, ſedandæ ſiti, vini crate-
rem popoſcit, quem cùm per excubitorem haud graviter impetratum ebibiſſet,
jubeſt Adelberto cum magnâ gratiarum actione renuntiare, ſe fore beneficij me-
morem, & cum ſcœnore liberalitatem reſtituturum. Non multò poſt, cados vini
tricenos adornat, quorum ſingulis, veſte ſtragulâ coopertis, includit virum armis
& audacia præſidentem. Addit præterea bajulos ſufficiente numero, qui cados
anſis veſtibûſque geſtarent. Pompâ ad eum modum inſtructâ, pauciſſimis doli
conſcijs, Sico urbem egreſſus, præcedit cum raro, eoque familiari, comitatu, ad
caſtri fores. Quærente excubitore, ecquidnam ſibi vellet longus iſte bajulorum
ordo, juiſſit Adelberto referri, adeſſe Siconem, qui promiſſam nuper beneficij gra-
tiam vino, quod advehebat, repræſentet. Adelbertus nil fraudis ſuſpicatus, mox
jubeſt pompam in arcem admitti. Ad quem Sico pauca, honoris ſpecie, præſatus,
cados humi poſitos imperat denudari, datoque ſigno armatos erumpere, cæteros
arma corripere, & cæde in latrones, qui ſpectaculo aderant, graſſari. Illi, impetu in
adſtantes aliôſque factô, Adelbertum ſociôſque ſternunt, & arcem redigunt in ſuam
potēſtatem, quam Poppo conſeſtim ſolo æquavit, Siconem abunde remuneratus.

SICONIS FA-
CINUS EGRE-
GIUM.

Alta Poppo-
nis M. S. Vi-
ta S. Mein-
verci.
STRATE-
GEMA.

XLVI.

Eodem propè tempore Skiva, apud Saram fluvium, Adelberti caſtrum, quod
poſtea Montis Clari nomen accepit, funditus deletum eſt. Adalbero denique
æſtimatâ Popponis induſtriâ & felicitate, factioni & fortunæ ſuæ diſſiſus, ſpiritus,
quos adhuc feroces geſſerat, ad modēſtiam cœpit inſlectere. Quare Popponi
ſupplex factus, non ei modò urbanum palatium, quod adhuc non dimiſerat, ſed
etiam arces hinc inde occupatas & oppida, Sircium, alijs Sericum, Saraburgum,
Rutichium, retentis tamen titulis, cum annexis agris, contradidit, & in ſuburbano
D. Paulini Collegio, cujus Præpoſituram gerebat, ſe ſancto otio dedit, cum ſin-
gulari moderationis exemplo. Demum anno M. XXII X, ut præteritæ vitæ
maculas induceret, diſtributis per vicina Monafteria hæreditarijs prædijs, inſignem

ADALBERO
FLEXUS AD
MODESTIAM.

BERNCA-
STELLUM
EXPUGNA-
TUM.

*Ditum, lib. 7.
pag. 91. fin.*

XLVII.

HENRICI
ET RUDOL-
FI BURGUN-
DIÆ REGIS
COLLO-
QUIUM,

PACTA DE
REGNO
BURGUN-
DIÆ.

BURGUN-
DIONES
HENRICI
MANDATA
REICIUNT.

XLIIIX.
BASILICÆ
ARGENTI-
NENSIS INI-
TIA.

ad posteros obliteratæ ambitionis famam transmisit. Castrum Saraburgicum in præaltâ rupe adhuc stabat avorum nostrorum memoriâ , quando ab Alberto Brandenburgico concrematum, nihil præter funestas busti reliquias servavit, cum titulo, qui nomen præfert Adaiberonis conditoris, & Brunonis Archiepiscopi restauratoris. Receptis, quæ dixi, latronum spoliarijs, Berncastellum, quod acriter adhuc à prædonibus defendebatur, à Poppone fuit expugnatum ac dirutum.

Cæsar interea actis Wurceburgi, apud Henricum Episcopum, Ramalibus, postremos sanctioris hebdomadæ dies & Christi resurgentis memoriam, Babenbergæ celebravit. Illuc fuerat invitatus Rudolfus Rex Burgundiorum Imperatoris avunculus: sed cum non potuisset adesse, & urgeret rerum, de quibus erat agendum, magnitudo, quod facilius conveniretur, Henricus se contulit Argentinam. Eodem venit Rudolfus cum conjugè Adeltrude, & geminis ex eâ privignis Hugone & Joanne, quibus erat comes Udo filius Gerbergæ, quæ soror erat Reginæ Adeltrudis. Hos omnes Rudolfus Cæsaris fidei commendavit. Præcipua res erat de Regno Burgundiæ, & gravis Rudolphi sollicitudo, ne, si quid humanitus sibi contingeret, in alias, quàm Cæsaris Nepotis sui manus veniret.

Rudolfus variam expertus fortunam, & fessus adversis popularium studijs, jam olim Burgundiæ regnum Germanico Imperio contribuerat, ejusque hæredem dixerat D. Henricum, si sine filio legitimo Burgundus decederet. Ea res non Henrico modò, sed toti etiam Imperio commodissima, quod ex Burgundici regni accessione, potentia Germanica insigne captura esset incrementum. Nam id regnum, Sequanas Allobrogum, & Arelatensium regias urbes complectebatur, & ab extremo Germaniæ confinio, sese ad mediterraneum mare porrigebat, magnum adferebat emolumentum ad Imperium, extra Germaniam, prolatandum, & Italiam in officio retinendam. Alia ex parte de Adeltrudis Reginæ, deque ejus filiorum, juxtâ ac Nepotis securitate, cura erat non mediocris, ut, quas acceperant possessiones, Rudolfo demortuo, Germanorum auxilijs retinerent. Quò firmius ea consilia procederent, Rudolfo erat constitutum, Cæsarem, regni Collegam dicere, eâ lege, ut nihil rerum magnarum, ipso inconsulto, nedum invito, gereretur. Cæsar conditionem non aspernatus, suam vicissim opem, avunculo, Reginæ, privignis, aliisque, quos Rudolfus commendarat, cum fide addixit. Ea pactio vicinæ Galliæ urebat oculos, ad quam censebatur, sine controversiâ, Burgundiæ regnum pertinere: & verò etiam semper suspecta sunt vicini potentioris incrementa. Ergo, ne absque specioso saltè obtentu, arma contra Cæsarem fumerentur, objectus est Wilhelmus Pictaviensis, qui jus agnationis, ad capeSSendam Burgundiam, pro se adferebat. Henricus, ne vacuum nomen Burgundiæ pactiois & collegæ, domum reportaret, ad incundam qualemcunque possessionem, misit Episcopum, qui vacantem, apud Burgundiones, defuncti Antistitis sedem adiret. Verùm illum arcuere Burgundiæ proceres, penes quos erat regni vigor & robur imperij: sed & Wilhelmus, cum, ad ignominiosæ fugæ necessitatem adactum, insectando propè exanimavit. Memorabile est, quod de eâ fugâ narrat Ditmarus. Propè erat, ut Episcopus, avias sectans latebras, veniret in emissariorum manus, quas nec fuisset evasurus, nisi signatis salutari crucis signo, quæ humi impresserat, vestigijs, canes, quorum indagine quærebat, velut sideratos, unâ cum improbis venatoribus avertisset, & redeunte paulatim spiritu, per ignotas nemoris ambages, in amicos fines evasisset. Ausus est etiam Pictaviensis, Henricum Basileam euntem, urbibus excludere penè incermem: quæ enim voluntariorum centuriæ ad eum confluebant, vastando hostico pleramque operam, non Cæsari impendebant. Ab Argentoratensibus magni honores illi sunt habiti. Quo tempore apud eos est diversatus, (ut nunquam est otiosa pietas) Wernhero Antistiti author fuit jaciendi ejusce basilicæ fundamenta, quæ inter Germaniæ præstantissimas numeratur. Antequam ad eam formæ venustatem, quæ hodièque visitur, assurgeret, in annum decimum, à centum operis laboratum est, in solis ædificij substructionibus. Eodem loci labantia templa instauravit.

Hen-

Henricum, ob inauspicatam Burgundiæ expeditionem, mœstum, recreavit reportata de Saracenis victoria, quos Benedictus Pontifex, Romanæ ditionis littora invadentes, classe adortus, ad internecionem delevit. Eorum Rege fugâ clauso, Regina capta, ob insignem insolentiam capite plexa est. Coronam inter spolia repertam, Benedictus misit Imperatori mille auri libris æstimatam. Qui cladi superfuerunt, Lunæ civitate oblecti, prosperis tridui eruptionibus facti audaciores, dum defensionem obstant, ad unum omnes occubuerunt. Rex nece conjugis & suorum clade furens, saccum castaneis refertum Pontifici misit, cum minis, se anno proximo, cum totidem armatis, adfuturum acceptæ ignominia ultorem. Pontifex peram milio plenam remisit, cum dicto, totidem ut minimùm, Italici nominis viros fortissimos se in armis habiturum, adversus Saraceni castaneas.

BENEDICTI
PONTIF. DE
SARACENIS
VICTORIA.

Hoc anno Henricus, Cunegundis Augustæ frater, post octenne exilium, Boicæ principatui est restitutus. Theodoricus Metensis Episcopus, placato Cæsare, in pristinum quoque gratiæ locum est receptus. Æstate magnam partem consumptâ frustraneis ad Boleslaum Polonum legationibus, cum præter fallaces pacis promissiones nihil obtineretur, tandem reditum est ad arma, quorum impetum Boij, omnium primi, senserunt. Moravi Polono fœderati, silenti agmine Boicam ingressi, ex improvviso, Bojorum non contemnendam catervam oppræsserunt. Cæsar pace desperatâ, Albim cum exercitu transmisit, acceptisque Bojæ morum & Luiticiorum suppetijs, totis castris movit in hostem.

AN. CHRIST.
M. XVII.
HENRICUS
AUGUSTÆ
FRATER
BOICÆ RE-
STITUTUS.

Inter hæc Mileco, explorato, Udalricum Ducem ad Cæsarem profectum, tenue in Bojæmia præsidium reliquisse, contractis raptim duodecim legionibus, nemine prohibente, innumeram captivorum multitudinem cum ingenti prædâ abduxit. Cæsar aliâ ex parte ad 5. Idus Augusti, Gloggoviam attigit, ubi Boleslaus castra fixerat. Nemizium, Silesiæ urbs, irritò conatu à Cæsare oblecta, cum lues castra invalisset, & Poloni magnâ constantiâ aliquot insultus, crematis quoque machinis, repressissent. Belegorium pariter frustra obsessum. Ita Boleslaus, quia victus non fuit, se pro victore gessit. Alioqui confictus aliquot velitares, variâ fortunâ, commissi. Henricum in Saxoniam reversum, adire Boleslai Legati, mense Novembri, petentes, Ludolfum juvenem, quem Polonus diu in custodiâ habuerat, cum Polonico milite, quem Cæsar magno numero captivum habebat, commutari: simul rogabant facultatem mittendi, qui fide publicâ de pace colloquerentur. Concessit utrumque Cæsar, nescius, Boleslaum, à Rege bello

BOIJ CÆSI A
MORAVIS,
MISECO BO-
LÆMIAM DI-
RIPIT.
XLIX.
EXIGUUM
EXPEDITIO-
NIS POLO-
NICÆ PRE-
TIUM,

petitum, non pacis studio, sed metu, ne à gemino hoste preme-
retur, istam legationem adornâsse.





BOICÆ GENTIS
ANNALIUM
PARTIS I.
LIBER XVI.

Brunonis Augustani injustæ lites damnatæ divinitus. Rudol-
fus Burgundiæ Rex Henrico regni insignia transmittit.
Henrici cum Heriberto Coloniensi integrata gratia. Be-
nedicti VIII. Pontif. adventus in Germaniam. Troja ob-
fessa, recepta in fidem. Prodigiousæ Henrici curationes.
Hartvvicus Salisburgensis clarus miraculis. Henrici cum
Roberto Franciæ Rege colloquium & modestiæ certamen.
Cunegundis Augustæ virginitas. D. Henrici obitus, vir-
tutes. Conradus Salicus, Henrici successor, justitiæ stu-
diosus, Modoëtiæ coronatus. Tumultus Ravennæ. Au-
gusta Vindelicorum expugnata. Turbæ Germanicæ.
Welforum origines. Conradi Romana inauguratio. Er-
nesti Boiariæ Ducis obitus. B. Aurelia Virgo. Rudolphi
Burgundiæ Regis excessus. Burgundi Conrado Imp. di-
cunt sacramentum. Tumultus Parmensis. Mediolani
irrita & inauspicata obsidio. D. Gothardi Hildesien-
sis & Conradi Imp. obitus. Succedit Henricus. Aquisgrani
synodus una, duæ Moguntia celebratæ.

AN. CHRIST.
M. XIIIX.



Henrico Augustæ fratri, sub anni superioris exitum, Babenbergæ,
Cæsaris clementiâ, in gratiam recepto, & in Boicam reduci, data
mox occasio, divinam justitiam agnoscendi, memorabili æquita-
tis exemplo. Juditha Norici Princeps, Henrici Cæsaris, &
Brunonis Augustani Præsulis avia, Enterhofium, prædium bene
opimum, D. Emmerammi cœnobio donaverat, eâ lege, ut, si
quis casus illud à Cœnobio averteret, jus foret, Judithæ hæredibus ejusce sibi vin-
dican.

dicandi. Sub hæc Gebhardus Ratisbonensis Episcopus, prædium involaverat, atque hoc ipso, minùs æquis jureconsultis, ad Brunonem Episcopum, aliòsque Judichæ proximos hæredes rediisse videbatur. Verùm cùm Othone III. ea lis moveretur, damnatâ Gebhardi Antistitis rapacitate, Monasterium fuerat in prædij possessionem restitutum. Bruno nihilominus Abbatem in jus vocavit. Primum, Oetingæ causa est disceptata: affedère iudices plerique auro corrupti, in quibus Otpoldus, inter forenses rabulas nominatissimus, fidei desultoria, adeòque versatilis facundia, ut, quamcunque se in partem verteret, fucum nôset cuivis etiam deploratæ causæ affricare. Cùm esset sententiam dicturus, præter solitum mirantibus, qui aderant, hominis non modò stuporem, sed etiam infantiam, tam nihil ad rem potuit dicere, ut facilè appareret, divinitus eum à consueto dicendi usu prohiberi. Quæ res cæteris iudicibus iniecit metum, ne, quod antè statuerant, secundum Brunonem pronuntiarent. Cùm ejus causa censeretur esse profligata, in præsens tamen ejus famæ datum est, ut concessâ ampliatione in Palatino conventu, à Principe cognosceretur. Henrico fratri adledit Cunegundis. Talibus iudicibus causa Brunonis, utpote affinitate conjunctissimi sanguinis triumphatura credebatur. Ejus causidici meditatissimis rationibus instructi, de victoriâ non ambigebant. Viri consulares, qui inferiora subsellia occupabant, non erant à Principum autoritate discessuri. Ad fori cancellos assentatorum turba, præcoci dicacitate, Brunoni triumphum præcinebant. Verùm, ubi ad rem ventum est, ex ijs, qui Brunoni adstipulabantur, nemo unus fuit, quin fallente memoriâ, velut mentis ac linguæ exors, obmutesceret. Eo factum, ut tum Principes, tum senatus omnis, prodigio perculsi, D. Emmerammo causam addicerent. Hinc Bruno expallescere, sudore perfundi, linqui animo, eòque percelli mentis horrore, ut, cùm noctem insomnem inter continuas animi turbas duxisset, primo manè D. Emmerammi basilicam adiens, nudisque pedibus aras omnes obiens, singulis munera supplex imponeret, demùmque D. Emmerammi altari affusus, magnis testibus, jurârit, se in posterum neque ejus possessionibus, neque alumnorum cuiquam, vim ullam, aut injuriam allaturum. Regressus in hospirium, vinum atque sportulas, quæ malæ causæ patronis addixerat, dono misit Cœnobitis, etiam atque etiam rogans, ut suis omnes precibus divinum Numen seriò pœnitenti propitiarent.

Imperator eum, quo de agimus, annum, à renovato, cum Boleslao Polono, foedere auspiciatus est. *Budissina* (inquit Ditmarus) *facta est per Cæsaris legatos pax, non qualis decuit, sed qualem tempus & rerum conditio tulerunt, eaque firmata obsidibus, dictoque utrinque sacramento.* Subsecutus est Abbas Boleslaj legatus, qui allatis muneribus, Cæsari magnificè Domini sui obsequia pactorumque firmitatem deprædicavit. Eidem Moguntia agent, Rudolfus Rex Burgundia, offensus suorum insolentiâ, missis unâ cum conjuge & privignis regni insignibus, suas ditiones subjecit, eidemque sacramento dicere jussit optimates, tametsi illi, oblata Regi suo satisfactione, eam conditionem haud obscurè averfarentur. Subinde Cæsar, collecto ad Basileam exercitu, profectus in Burgundiam, expertus est, plebem Rudolphi imperia detrectare, & raros proceres Germanis esse addictos, cùm pars Franciam respicerent, pars optarent è suâ gente Regem, cæteri libertatem quovis Principe ducerent chariorem. Atque ista quidem Cæsaris profectio parum, aut nihil attulit emolumenti. Paulò plus profuit Wernheri Argentoratensis Episcopi expeditio, qui anno postero, adversus Rudolfum Regem tumultuantibus, à Cæsare objectus, prælio superatos, ad petendam pacem adegit: quo facinore, servati Regis & pacati regni laudem est consecutus. Cæterum, neque id bellum, nec susceptæ postea, ad vindicandam Burgundiam, dimicationes, Germanis Cæsaribus, stabilierunt ejusce coronæ accessionem. Conradus Imperator expressit quidem Odoni Campaniæ Duci ejus abdicandæ necessitatem, sed hoc duntaxat est assecutus, ut Burgundia Germanico imperio adjungeretur, oblitterato tamen Regni Burgundici nomine.

I.

BRUNO AUGUSTANUS DE PRÆDIO CONTENDIT, ADVERSUS ABBATEM D. EMMERAMMUM.

CAUSA CADIT.

CUM CŒNOBITIS REDIT IN GRATIAM.

RUDOLFUS BURGUNDIAE REX REGNI INSIGNIA MITTIT AD HENRICUM, HENRICK IRRITA IN BURGUNDIAM PRO-FECTIO. WERNHERI ARGENTINENSIS EXPEDITIO FELICIOR.

Gordon. ad an. 1033.

II.

BELLUM
FRISIUM.
GODEFRIDI
LOTHA-
RING. DU-
CIS CAPTI-
VITAS.
LIBERTAS.

PAX FRISIE.

Hoc anno, Henricus Austriæ Marchio, Cæsari fidissimus, 8. Cal. Junij, naturæ debitum exolvit. Albertus filius ei datus est successor. Cæsar redux è Burgundiâ, actis in Sueviâ de Republicâ comitijs, Godefridum Lotharingiæ Ducem, & Frisorum carcere exemit. Captus fuerat in acie. Theodoricus enim Comes, Arnulfi Gandavenfis filius, ad paternæ necis ultionem, Frisones traxerat ad bellâ societatem. Cæsar Godefridum, cujus virtutem varijs bellis erat expertus, objecit utrisque. Ille à longè majore numero circumventus, dum fortissimè dimicat, & turbatis disjectisque hostibus, tandèmq; perruptâ aliquoties acie, victoriam prensat, à conferto Frisonum globo sauciatus stratusque, capitur & habetur in custodiâ. Sigebertus scribit, multos à paucis Frisijs fuisse superatos, auditâ, incertum unde, voce, *fugite, fugite*: quod verum habet, si pauciores Frisij, qui resumptis animis ad pugnam redierant, victoriam reportârunt. Quicquid sit de modo victoriæ; Frisones, Duce capto, Cæsaris gratiam pacemque, bello, quod alienis auspicijs susceperant, prætulerunt, impetrâruntque eâ lege, ut Godefridum captivitate solverent. Is in patriam reversus, liberos, quos ex Gertrude Othonis Northemici Comitis, gente Boij, filiâ susceperat, Hugonem, Stephanum, Henricum, Brunonem, Hezelinum, Gothofredum, reperit fato concessisse. Supererat Gothelo, quem tamen Sigebertus, nescio unde, contra Lothariensium annalium fidem, Godefridi fratrem appellat: sed neque pater diu superfuit. Eum Viriduni sepultum, ostendit conditorium, quod in D. Vironi monasterio accepit. Defuncto datus est Gothelo successor. An sex Godefridi filix, quas ex eadem matre Bavarâ tulerat, omnes ante patrem obierint, mihi quidem est incomper- tum.

Magnum
Chron. Belg.
pag. 100. §. 4.
Jeqq. To. 1.
Episcop. Leod.
pag. 243. &
248.
WOLBODI
EPISC. LEODIENSIS
PRUDENS
LARGITIO.

Quod sequitur, facit ad D. Henrici commendationem, nec debet silentio præteriri. Wolbodus, qui Sigeberto Golbodus, ex monacho factus Henrici primùm sacellanus, post Cancellarius, ob singulares virtutes, ad Leodiensis Ecclesiæ cathedram est evectus. Is cognito, Cæsaris animum, nonnihil esse solito à se alieniorem, consilio quorundam, qui placari deos hominésque muneribus arbitrabantur, aliquid pecuniæ contraxerat, quâ deleteret Augusti offensionem. Sed mox, bono viro religio injecta est, quasi Imperatoris gratiam divinâ duceret portionem: quid enim dubitet, DEUM, Regis animum habiturum in suâ potestate? Longè fore consultius, istam parsimoniam, Christi nomine, in egentes dilargiri: quod & præstitit, contra aliorum sensum, qui credebant Cæsaris iram magis, tali factò, accendendam. Sed tantùm abfuit, ut pius princeps eam largitionem perperam interpretaretur, ut Wolbodem longè, quàm antè, habuerit chariorem, quòd tam solerter, Deo placato, hominem novisset sibi demereri. Certè eo gratiæ loco fuit apud Cæsarem, ut, (Flandricis Annalibus credimus) eo potissimum intercessore, Cæsaris cum Heriberto Archiepiscopo Coloniensi reconciliatio fuerit anno sequenti tentata.

AN. CHRIST.
M. XIX.
Ditmar. lib.
ult. visa S.
Heribert. Se-
rar. Mogunt.
pag. 727.

III.

HENRICI
CUM HERI-
BERTO CO-
LONIENSI
RECONCI-
LIATIO.

AN. CHRIST.
M. XX.

Præcesserat aliqua levis (cujus suprà memini) qualis inter viros quoque sanctos subinde contingit, offensus uncula: accessit alia ex suspitione, & malignâ obreductorum, omnia in pejus vertentium, interpretatione. Otho Turingiæ Comes, Irmengardis amoribus thoróque innupto, ad insaniam irretitus, sæpe jussus à pelli- ce facessere, omne consilium Erkenbaldi Moguntini Antistitis, minas omnes atque diras, & ipsum Cæsaris imperium erat frustratus, quòd à vi se satis tutum crederet, quamdiu arcis Hamersteinianæ munimentis, suam libidinem contumaci- amque tueretur. Henricus tam manifestam numinis injuriam statuit bello ul- cisci. Comitem, Hamersteinæ mœnibus inclusum, cum arcè premeret, anno- nâ præsertim inopiâ, quæ & deditionem expressit; Heribertum Archiepiscopum in castra vocavit. Vocatus, febrim, quâ tunc conflâbatur, excusavit. Cæsar ratus morbum sumi obtentui ad detrectandum obsequium, invidis cicatricem anti- quæ simultatis gnaviter refricantibus, Coloniam usque se passus est abduci, ut coràm de Heriberti valetudine cognosceret. Credebant assentatores, grandem Antistiti procellam impendere: sed errorem omnem prima nox absterfit. Cæ-
sari

sari dormienti adfuit genius cælestis, monuitque severè, caveret omnes iras in Præ-
sulem immerentem; sed, nisi DEUM vellent iratum experiri, eum, quem cælestes fer-
rent in oculis, faceret servarèque amicum. Henricus non ambigens de fide &
authoritate monitoris, inconsultam suspicionem detestatus, mœrensque omnem
in se vindictam convertit. Quò foret ea cumulatior, in Procerum oculis, eorum
præcipuè, quorum fraude erat peccatum, Heribertum lachrymans palàm est com-
plexus, mirantemque mutationem inopinatam affatus; *Ignosce* (inquit) *ignosce, ob-
secro, meis erroribus: alium te mihi hominum sermones, alium DEVS ostendit. Ini-
micum te mihi sinxerunt, te cælitibus mihiq; amicum, præteritâ nocte, calum ostendit.
Innocentiam tuam DEVS asseruit, utinam me, qui tibi cæloque fui injurius, DEVS tuq; hodie absolvatis.* Fatentem habes reum, novit DEVS meum marem, tibi me sisto
penitentem, speròque fore, ut in me sis uterque clementes. Plura dicere parantem,
Heribertus non tam dictione, quàm lachrymis ubertim cadentibus inlubuit.
Nemo fuit, quem spectaculum, Regibus inusitatum, non moveret animitus.
Nec tamen Cæsar eâ modestiâ & amicitiz testificatione suo animo satisfacit.
Nocte, quæ diem illam secuta est, secundum preces antelucanas, Præsulis conclave,
uno duntaxat è Clero comitante, ingressus, cum eum isthic non reperisset, tandem
in Sacratio, effusum in rerum cælestium meditationem, offendit. Tum verò de-
tractâ purpurâ pius Imperator, humi abjectus, ad Heriberti pedes, iterum manan-
tibus fletu genis veniam supplex orat, nec se antè erigit, quàm Præsul prostrato de-
lictorum veniam impertiret. Erecto in pedes prædixit, illum esse ultimum om-
nino congressum, quo se mutuo in terris essent visuri. Quâ voce Cæsar attoni-
tus, dubiusque, uter utrius fatum præverteret, lachrymis inundatus, rursus ruit
in Heriberti amplexus, piisque hærens osculis, vix ab eo potuit divelli. Ad Super-
os prævit sanctus Antistes, fati sui vates, non ignarus mortis Henrici, quam fratri
suo Gezemano aperuit. Eberhardo Augustano Episcopo, DEUS Heriberti
apud Superos magnam gloriam monstravit, cum dicto, Heribertum, à Cæsare,
balthæo, quem illi deesse videbat, fuisse spoliatum: quod ubi Henrico innotuit,
gloriosò Præsuli, profusus in miseros, ad ejus honorem, largitionibus, regiè paren-
tavit, ut, quem in terris seriùs coluerat, cælo receptum honoraret largiùs. Sed
(mi lector) ecquem mihi dabis, vel mediocrem principem, qui magnas in proxi-
mum offensas, tanto studio deprecetur?

Hic ipse annus est, qui Henrico totique adèd Germaniæ latissimus illuxit,
adventu Benedicti VIII. communis orbis Christiani parentis. Duo fuere po-
tissimùm, quæ sanctum Pontificem Babenbergam traxerunt: primum, ut Impera-
torem ad coercendos Græcos, qui pleraque Calabriæ, Apuliæ, cæteraque, usque ad
Romanos fines, sub jugum miserant, & propediem Romam cum exercitu moturi
nuntiabantur, invitaret: alterum, ut Henrico, qui divina humanaque ornamenta
in Babenbergensem Ecclesiam congerebat, gratum faceret. Superatis alpi-
bus, triduo ante Paschales ferias, Babenbergam est ingressus. Propinquant, Impe-
rator & frequentes Principes processere obviam. Processit etiam Clerus uni-
versus, & ingens hominum multitudo. Quaterni psallentium chori, præsentem
DEUM, sunt in Vicario, venerati; primus trans flumen, secundus in citeriore ripâ,
tertius ad ingressum civitatis, quartus ad gradus principis Ecclesiæ SS. Petri & Pau-
li & Georgii martyris, quam ingressus Pontifex, thronum magnificè cultum occu-
pavit. Agebarur feria quinta hebdomadæ sanctioris, quâ Benedictus Sacris est
solenniter operatus, habuitque assistentes duodecim Episcopos. In Paschate,
sub precibus matutinis, primam lectionem recitavit Aquileiensis Patriarcha; se-
cundam, Ravennæ Archiepiscopus, Cæsaris frater; tertiam, summus Pontifex, qui
absolutâ supplicantiû processione basilicam dedicavit. Secuta est consecratio adis
D. Stephani, quam Henricus Canonorum collegio donavit. Sacris ritibus operam
navarunt Episcopi septuaginta duo. Sub missæ sacrificio, Pontifex Episcopatum
Babenbergensem liberum renuntiavit, probavitque concessas à præcessoribus im-
munitates & prærogativas. Vicissim Henricus, Romanæ Ecclesiæ Babenber-
gensensem

Herman.
Rupert.
Tut. in vita
S. Herib.

IV.

D. HERI-
BERTI
COLONI-
ENS. ORI-
TUS.

ADVENTUS
BENEDICTI
VIII. PONT.
IN GER-
MANIAM,

BABEN-
BERGEN-
SIS DEDI-
CATIO.

*Leo Ostien.
lib. 2. cap. 47.*

genslem Episcopatum fecit vestigalem, iussitque, tributum nomine, equum candidum, ornatum phaleris, unaque centum argenti marcas Pontifici pendere. Id argentum à Leone IX. Pontifice remissum est, accepta in vicem Beneventanâ civitate. Ea dedicatio tot mortalium confluxu celebrata est, ut ad eam diem Germania nihil viderit splendidius. Convenère quoque multarum gentium oratores. Quod miraculo fuit, in tantâ hominum frequentia, nullus non modò tumultus, sed ne minima quidem rixa orta est. Præbitæ de publico epulæ omnibus, quotquot libitum fuit: donaria liberaliter missa in vulgus.

V.

Supererat, ut Cæsar transiret in Italiam, ad Calabros & Apulos tyrannide liberandos, quam rem unâ cum Benedicto urgebat Melus, procerum Apuliæ bellicosissimus, qui Græcis, ter aperto Marte, superatis, quarto prælio fusus fugatusque, in Germaniâ, Cæsaris auxilium implorabat, quod in annum sequentem fuit dilatum.

BELLUM
ALEMAN-
NICUM.

In Alemanniâ simul gliscibat bellum, quod nisi à Cæsare sopiretur, discrimen erat, ne, ut fit in civilibus discordiis, alias Germaniæ provincias corripere. Jam enim duo Conradi patrueles, quorum alter postea ad imperium evectus est, sumptis armis, in Adalberonem Carantanorum Ducem, non constat quâ causâ, non longè ab Ulmâ, infestis signis concurrerant, & Adalberoni, quamvis victo fugatoque promptum erat, Principes alios trahere in suas partes, nisi lis mitiore Henrici consilio finiretur. Ad hunc quoque annum referunt Flandriæ Annales

FLANDRI-
CUM.

Cæsaris novam in Flandros incursionem, mense Augusto, in quâ scribuntur Ep- po & Cono, Henrici nepotes, occubuisse, nullo admodum operæ pretio, nisi quod, productâ ad Gandavum usque agrorum populatione, exercitus paululo di- tior domum est reversus.

AN. CHRIST.
MXXI.
ALICUOT
PRÆSU-
LUM
MORTES.

Fatalis fuit annus vigesimus primus aliquot viris, religione & sanguine specta- tissimis, atque inprimis Erkenbaldo Archiepiscopo Moguntino, cui successit Aribon (si Aventino credimus) Diessæ Comes & Andexij. D. Heriberto Colo- nienfi successit Pilegrinus, quem Aribonis consanguineum Wipo nominat; ut parùm vero consentanea scripserint, qui Pilegrini pauperem adolescentiam, & stipem ostiatim colligentem, sunt commenti. Bernwardus etiam Hildesientis Antistes, vitâ functus; locum fecit Gothardo, gente Bojo, qui posteaquam senio fessus & honoribus, Hersfeldensem & Tegerensem præfecturas abdicaverat, in majorem lucem ab Henrico productus est admodum invitatus, unctusque ab Ari- bone Moguntino anno XXII. exeunte. Conantem se mitræ subducere, Virgo Deipara, somnianti apparens, induxit, ut DEUM vocantem sequeretur. Ingens terræ motus 4. Idus Maij Boicam concussit.

*Vit. S.
Gisbard.*

AN. CHRIST.
M. XXII.
VI.
SYNODUS
AQUEN-
SIS.

Anno vigesimo secundo Aquisgrani celeberrimus omnium Germaniæ Epi- scoporum conventus fuit, quo etiam tempore magnâ siccitate laboratum, tantâque aëris intemperie, ut æstu prægravante, mortales passim deficerent, & armentorum greges, ob aquarum inopiam, siti intolerabili contabescerent. Quod dictu ini- rum, pavimenta & columnæ marmoreæ tanto sudore madebant, ut à nescientibus crederentur aquâ rigari. Æstas præterea creberrimis cœli fragoribus, fulgetris & fulminibus mortales miserè afflixit.

ROMUAL-
DUM ANA-
CHORE-
TAM HEN-
RICUS
CONSU-
LUIT.
*Leo Ostien.
lib. 2. c. 40.*
ATHENULFI
PERFIDIA.

Cæsar, hoc demum anno, rebus ad Italicum bellum comparatis, Benedicto Pontifice denuo rogante, suppetias, per legatos, Rudolfum Nortmannorum Ducem & Melum, qui huic legationi est immortalis, in Italiam misit. Ipse mox secutus, Romualdum Anachoretam, virum religiosissimum de viâ salutatum, quis futurus esset belli eventus, consuluit, & fausta de cœlo renuntianti, Montis Amiati domi- cilium, ejecto vitæ solutioris Abbate, donavit. Auctor est Leo Ostiensis, Pop- ponem Trevirorum Archiepiscopum, undecim armatorum millia per Marforum agrum duxisse: Pilegrinum Colonensem, cum viginti millibus, rectâ iussu Ro- mam proficisci, ut Athenulfum Cassinensis Monasterii præsidem, & Pandulfum ejus fratrem Principem Capuanum, majestatis reos, in vincula conjiceret. Athenulfum Græcorum partes adversus Cæsarem fovisse, & authorem fuisse,

atro-

atrocis supplicij, quo Dattus, dux militiæ clarissimus, culeo insutus, parricidarum more, sparsus in mare, crudeliter necatus fuit. Athenulfus, veniâ desperatâ, profugiens Constantinopolim, Hidrunte navem conscendit, & facto cum vectoribus omnibus naufragio, pernas Henrico & Datti manibus persolvit. Pandulfus accusabatur manifestæ ad Græcos defectionis, atque in ejus pignus, claves Capuæ aureas misisse Constantinopolim. Is ubi cinctam à milite Capuam vidit, veritus, ne ab iratis civibus hosti dederetur, ultrò ad Pilegrinum in castra prædijt, implorans Cæsaris fidem atque clementiam. Causam jussus ex vinculis dicere, oratione meditatâ conatus est iudicibus fucum facere, quasi contra Rempublicam non fecisset. Verùm cum nemo subtilibus rationibus moveretur, tristi omnium sententiâ confixus est. Et erat actum de ejus capite, nisi Pilegrinus, qui deditio viri incolumitatem erat pollicitus, suâ illum autoritate ultimo supplicio exemisset: non evicit tamen, quò minùs ferro onustus, in Germaniam deportaretur. Cæsar, per Beneventi fines transiens, omnes urbes, quas Græci imperio detraxerant, recepit.

SUPPLI-
CIUM.PANDULFUS
DAMNATUS.

Troja recens munita operibus & firmo præsidio, ausa est venienti portas claudere, & se impigrè adversus oppugnantes tueri. Animos faciebant Græculi, jactantes, vere primo venturas à Basilio Imperatore tantas suppetias, ut non dubitarent, Henricum brevi ad illius pedes supplicem Constantinopoli futurum, si modò obsessi propugnando tantisper durarent. Crevit audacia, cum factâ eruptione, Henrici obsidionales machinas igne corruperunt. Verùm tibi eas videre instauratas, & adversus flammam corio inductas, simul extractâ in tertium mensem obsidione, nihil auxilij appareret, demisere animos, & coeperunt pacatiora respectare. Non ignorabant, minatum esse Henricum, se eorum contumaciam tali domituro exemplo, quod ad posteros foret memorabile, nec passurum, ut vel unicus civis, ullumque urbis vestigium superesset, ne servatis quidem virilis sexus infantibus. Quare vehementer solliciti de Cæsaris irâ mitigandâ, quod meminerrant, rebus desperatis aliquando profuisse; quicquid erat ætatis innocentulæ, cogunt in longum supplicantium ordinem, jubentque lugubri habitu, ad Cæsaris castra procedere. Agmen ducebat Anachoreta, præferens Christi de cruce pendentis effigiem. Erat audire voces puerorum, miserabili concentu Cæsaris clementiam implorantium, spectare vultus ad mœrorem compositos, fluentes lachrymas, talemque totius oris speciem, quæ quamlibet durum pectus ad misericordiam posset emollire. Ingressi ordine intra vallum, unde ab Imperatore poterant exaudiri, eum exciverunt ad lamentabile spectaculum, cui illachrymans: Vestri, inquit, parentes ad eam vos miseriam redegerunt: infelix innocentia, quam scelus alienum fecit nocentem. Tum conversus ad adstantes: Ferum pectus (inquit) quod sustineat eorum hauriri sanguinem, quorum ne lachrymas quidem, nisi crudelis oculus, possit intueri. Tum pueros jussos esse bonis animis, salvos remisit in urbem. Postridie cum eadem illos pompâ rursus prodeuntes conspexisset, nec ultrâ misericordiam posset premere: Misereor, exclamat, super turbam: deinde jubet magistratibus renuntiari, si salvi esse vellent, liberos imitarentur, & ante omnia, mœnium partem, objectam machinis, extemplo diruerent, & tum denique sperarent de victoris clementiâ. Paruere illi sine morâ, & veniam à mitissimo Principe impetrarunt. Pacis obsides toti provinciæ imperati, facta potestas reficiendorum mœnium, admonitis, ne ullum crederent stare posse Reipublicæ munimentum, quod constanti in Principem fide non niteretur. Sunt, qui scribunt, Henricum cum Græcis, haud procul Salerno, signa contulisse, & victoriâ potitum, in accepti beneficii monumentum, duo templa condidisse, alterum Deiparæ Virgini, alterum Sanctissimæ Trinitati, Florentiæ.

VII.

TROIA
OBSESSA.PER TENEL-
LÆ ÆTATIS
SUPPLICA-
TIONEM IN
FIDEM RE-
CEPTA.

Græcis in Apuliâ devictis, Henricus, Pandulfo Theanensi Comiti, tradidit Capuæ principatum: Meli Ducis nepotibus, Comitum titulos honorésque contulit, dum paternæ possessiones recuperarentur. Inde Cassinum Montem cum Benedicto Pontifice Maximo abiit: ubi cum Monachi Theobaldum, moribus

HENRICUS
CASSINI A
NEPHRITI-
CIS DOLO-
RIBUS MIRA-
CULO CU-
RATUR.
Leo Ostien.
l. 2. c. 44.

DONA CAS-
SINENSIBUS
OBLATA.

& genere clarum, Abbatem optavissent, Benedictus ratam habuit electionem, & sacris ipse cæremoniis Præsulem initiavit, Cæsare pium opus approbante. Istihio ipsi, felici prodigio, deterfa est dubitatio, utrùm D. Benedicti sacra lipsana in Cassinate, an verò in Floriacensi cœnobio, scrvarentur, quod utriusque loci Patres, pro se quique sanctum id sibi pignus assererent. Hærentem in ancipiti, gravissimus lateris cruciatus invasit. Quærenti à manu medicâ levamen, per noctem obiectus est D. Benedictus aspectabili formâ, qui suum ei nomen humanissimè professus: Ne, inquit, in posterum dubites, mea ossa Cassini habitare, id tibi præsentaneo beneficio palàm faciam. Jam te jubeo, DEI nomine, esse perpetuò liberum nephritide. Crastino manè tribus grandiusculis calculis, citra omnem dolorem levabis vesicam. Experrectus primo diluculo Imperator, ternos lapillos, sine cruciatu, facillimè enixus est, posteaque immunis fuit ab eo tormento. Adis DEO & suo liberatori gratijs, Soteria præstantis operis exolvit, Evangeliorum codicem, auro purissimo gemmisque exquisitissimis opertum, exaratum aureis litteris emblematisque mirificè ornatum. Addidit calicem aureum, margaritis insignem, vestem auro textam, sacerdoti ad aram facienti, accomodam. Ejusdem operis sacram trabeam: situlam præterea & pateram argenteam magni ponderis. Redemit quoque vestem altaris S. Benedicti, quæ Judæis erat oppignorata, quingentis aureis, olim à Carolo Rege donatam. Repigneravit item calicem Saxonicum majorem cum sacrâ lance, quos Theodoricus Saxonum Rex D. Benedicto donaverat. His donarijs adjecit arcem, Ventræ nomine, ereptam prædonibus, qui Cassino solebant esse infesti, unâque Monasterium Cannetenste, situm in agro Thermulensi, aliâque complura, quæ longum esset recensere. Et verò etiam seipsum S. Benedicti disciplinæ fuisset ex integro dicaturus, nisi id seriò meditantem, cœlum & fata cohibuissent. Solebat in colloquio familiari narrare, se unam eandemque D. Benedicti manum, & peccati vindicem, & pœnæ expultricem fuisse expertum. De mali remedio jam dixi. Morbi nephritici originem hinc accersebat. Cùm nondum ad imperij fastigium conscendisset, divertit aliquando ad quoddam D. Benedicti Cœnobium. Isthic, quoniam stabuli angustia equorum multitudinem non capiebant, ausi sunt jumentarij curatores, equos aliquot, intra sanctiora monasterij septa, eâ parte, quæ sacri Capituli (ut vocant) congressibus est propria, collocare. Eam vernarum licentiam, luit graviter Henricus. Secundum somnum S. Benedictus adstitit minaci vultu, & increpans, quòd suam domum tam irreverenter occuparet: simul virgâ, quam gestabat, Henrici latus fodit, unde illi dolor infelicis arenæ, ad hunc usque annum adhæsit, donec idem, qui morbum inflixerat, fecit medicinam.

IIIX.

S. HENRI-
CUS UNDE
CLAUDUS.

Illum priùs, quàm Italiâ excederet, scribunt quidam, (quorum fides antiquiorum testimonio egeret) ad Garganum montem, religionis causâ, in D. Archangeli Michaëlis prodigiosâ speluncâ secessisse, & quod vix ulli mortalium licebat, in sacris loci adytis, Angelorum choros, divina celebrantes, vidisse: audisse concentus, & oblatum à cœlestibus genijs Evangeliorum librum osculo libâsse, sensillèque, sibi femur ex Angelico contactu, adducto nervo contrahi, indèque factum, ut in reliquam vitam claudicaret. Naclerus, claudicationem ait evenisse, cùm Romæ in æde D. Marthæ Majoris Christum Jesum, summum Sacerdotem, Matre Sanctorumque cætu præsentibus, Sacris vidit operantem, & à recitato Evangelio, librum, Angeli manu oblatum, osculatus, raptus extra se, cœlestem Spiritum audiit laudantem ejus castimoniam, advertitque, contractum femoris nervum, à pristino rectè gradiendi officio defecisse. Verùm ista Scriptorum dissensio facit, ut, neutrobi id Henrico evenisse, viri graves censeant, sed assentiantur veteribus Fuldenfis Ecclesiæ membranis, in quibus legitur Henrici magnifica liberalitas: habent illæ, Eum primis regnandi exordijs, cùm se venatu exerceret, graviter à ferâ sauciatum, nomen inde populari jactatione, Huffleholz, id est, claudi, tulisse. Atque ista quidem de Italicâ expeditione & votivis peregrinationibus.

Rever.

Revertentem in Germaniam, foedissima lues, nata ex inclementi aurt Italicae fervore, cui corpora Germanorum non assueverant, excepit. In exercitu vulgata, propagataque per Germaniam, ingentes strages edidit, & redegit exercitum ad eam raritatem, ut è provincialibus centurijs, miles per Germaniam fuerit sufficiens, qui Cæsari aliquam saltem speciem faceret honesti comitatus. Inter cæteros extinctus est Ruthardus Constantiæ Episcopus, & Burcardus Abbas Sangallensis, quibus additus est, anno sequenti, Hartwicus Salisburgensis, vivus mortuusque clarus miraculis, quem fama publica, sanctitatis nomine, magnis cælitibus comparavit. Fertur, mortuos revocasse ad vitam, cæcis oculorum usum reddidisse, moribundos viribus restituisse, ramo exarescenti flores solo contactu dedisse, indeque loco nomen rivi floridi, Plüenbach, esse natum. Præterea scribunt, cum nervos in nodum glomeratos laxasse, & nonnulla alia divini favoris indicia, mirandis operibus, prodidisse. Eo vivo, Henricus Salisburgi Nonnenbergense sanctimonialium domicilium cæpit, adjutrice Cunegunde, instaurare. Id monasterium, quod D. Ruperto Boicæ Apostolo sua debet incunabula, primamque sub D. Erentrude sorore sacrarum virginum institutionem, cum antiquitus Cella appellaretur, bellico furore devastatum, ad locum, quem hodie occupat, translatum, Henricus atque Cunegundis de integro refecerunt. Pretium pietatis tulit optimus Cæsar, consuetus in morborum molestijs adire sanctos hospitaes, & miram eorum benignitatem experiri.

PESTILITAS
IN EXERCITU.

AN. CHRIST.
M. XXIII.
HARTWICUS
SALISBURGENSIS
CLARUS
MIRACULIS.

INSTAURATIO
NUNNEBERGENSIS
COENOBII.

Laborabat infirmitate, quam medici Epilepticam nominant, quæ ex venenatæ qualitatis & cerebri, cui illa vehementer est infensa, hostili consuetudine, sensuum omnium, ipsius adeo mentis functiones cum gravi artuum convulsione intercipiebat. Cum ad eam depellendam, omnem medicorum industriam consumplisset, & implorasset aliorum sanctorum opem, se contulit ad S. Erentrudis tumulum, impetravitque particulam ex ejus reliquijs, quam annulo insertam, gestans de collo, mox sensit vim sacri amuleti, cujus præsentia factum est, ut Epilepsia suam sedem videretur reliquisse: ita pacatus illi constitit corporis animique habitus. Ne verò dubium esset, unde quies ista provenisset; cum Monasterium, aliquanto post tempore, igne conflagraret; Henrico in thermis, quas abluendi causâ erat ingressus, D. Erentrudis reliquiæ casu exciderunt. Post ubi exciderant, humor epilepticus, velut laxato exitu, è suâ sede furtim proserpens, in cerebrum, per cæcos ductus, suo more, cæpit denuo sævire. Aberat tum Cæsar longè à Salisburgo, cum cælitus cognovit Nonnebergi incendium, & velle quidem Deiparam & B. Erentrudem, ejus ruinam per eum reparari. Itaque morbo depellendo, rursus poscit notam medicinam è Divæ cineribus, seque voto obligat, fore, ut si consanesceret, monasterium instauraret à fundamentis. Voti damnatus, & subito valetudini redditus, ædificium eduxit in formam meliorem, duoque prædia, augendis cœnobij proventibus, adjecit.

Vita S. Erentrud. Camf. 10. 6. pag. 1128.

HENRICUS
PRODIGIOSE
LIBERATUS
MORBO EPILEPTICO.

IX.

Cæterum, Hartwico Salisburgensi demortuo successit Guntherus D. Henrici Cancellarius. Finem quoque vivendi fecit Gebhardus Ratisbonensis Antistes, de quo multa superius. Eum Bruelense cœnobium conditorem agnoscit. Eidem successit alter Gebhardus ex Augustensi Canonicorum collegio postulat, qui scribitur ab Aventino, fuisse perinde atque præcessorem nitelæ vestium curiosus: ita mores non optimi assumuntur ab antecessoribus facilius, quam à successoribus deponuntur. Initium ipsius regiminis Henricus nobilitavit ampliata capella veteri D. Virginis, additaque Canonicorum Sodalitate. Priscum altare, olim à D. Ruperto dicatum, in eadem æde, ob sanctæ vetustatis reverentiam, mansit immotum.

DUÆ SYNO-
DI PROVIN-
CIÆ MO-
GUNTINÆ.

Per id temporis, Aribio Moguntinensis Archiepiscopus, Erckenbaldi successor, duas synodos, Provinciæ suæ Antistitibus, primam Moguntia, alteram Selingstadij indixit. Hujus meminit Baronius ad annum M. XXII. quam tamen Auctor Micrologi vocat Moguntinam. Ejus acta, Burchardus Episcopus Wormatiensis, qui sacro conventui interfuit, refert in Appendice Decretorum. Primæ

cogendæ causa fuit Othonis Hamersteinij Comitiss, qui novo flagitio sese Irmengardis amoribus rursus implicaverat, noxâ iteratâ. Hic Patrum & Cæsaris iras veritus, promissit, se in eorum fore potestate: Irmengardis non Pontificum modò censuram, sed armatam etiam Cæsaris manum contempsit. In posteriore conventu actum de Ecclesiasticâ disciplinâ, cujus normam, Patres viginti Canonibus sunt complexi.

CÆSARIS
COLLO-
QUIUM CUM
ROBERTO
FRANCIÆ
REGE.

MODESTIÆ
ET LIBERA-
LITATIS
CERTAMEN.

X.

HENRICI
MORBUS.

Exinde Cæsar ad amicum, cum Roberto Franciæ Rege, colloquium, uti inter eos convenerat, se contulit, cum selectissimorum virorum comitatu. Congressi sunt, super Charum amnem, in Regni utriusque confinio. Glaber, qui rem enucleatè descripsit, scribit, eos ad Mosam esse collocutos: Sigebertus, super Charum fluvium, apud Elvasium vicum, quem hodie Ivodium appellant. Viridunenses tabulæ, in rebus Haimonis, concilij Elvacensis meminerunt. Maximis hujus ævi principibus res erat de pace stabiliendâ. In colloquij limine, celebre fuit modestiæ certamen; non secus, atque si uterque fasces, ad Christianæ demissionis aram posuisset, exemplo, quod nostro sæculo, cui elegantiarum pretium perinde, atque animorum est, jure merito affundat ruborem. Erant inter utriusque Palatinos, qui regias aures implebant vanis tuendæ majestatis argumentis, quasi neuter Regum, absque ejus diminutione, flumen posset transire, cò quòd id genus officij videretur esse quædam professio reverentiæ in digniorem: quod ut vitaretur, suadebant, ut vel in navigijs, vel in ponte subitatio, medium amnem colloquio deligerent. Sed Henrico major erat cura modestiæ, quàm majestatis, & satagebat, ne virtute & comitate vinceretur. Quare, occupato transitu, primo diluculo, in frequente comitatu, in Roberti, nec cogitantis, complexum venit. Tum, ut erant ambo mirè pij atque religiosi, nihil habuerunt antiquius, quàm ut divinam è cælo lucem, opemque rebus cognoscendis agendisque flagitarent. Quam ad rem adstiterunt Episcopis ad aram facientibus. Exinde pacatissimè suscepta est, de communi salute, deliberatio, ut Regnorum & Ecclesiarum consuleretur incolumitati, tanta animorum consensione, ut, non suas singuli pro se partes, sed utriusque, in commune suscepisse viderentur, quæ vis fuit & sanctitas Christianæ charitatis, quæ nihil quærit cum alienæ rei detrimento. Successit magnifica contentio regiæ liberalitatis, cujus priores partes Robertus occupavit, ne eâ virtute, quæ Principum propria est, se pateretur superari. Post epulum, Henrico & Cunegundi obtulit immensâ opulentia rerumque pretiosissimarum ingentem copiam, rogavitque, nequa pars à Cæsare remitteretur, alioqui crediturum se nihil placuisse. Jussit præterea adduci centum equos, phaleris nobilissimè ornatos, addi totidem loricas & galeas. Verùm, quæ fuit Henrici abstinencia, nullis flecti precibus potuit, ut præter Evangeliorum librum, auro gemmisque tectum, & D. Vincentij dentem, præstanti clausum thecâ, quicquam admitteret. Cunegundis ex toto tot pretiosissimarum rerum apparatu in aures duntaxat carpsit. Robertus, die postero, ad Cæsarem trajecit, cum splendido Episcoporum comitatu. Dici vix potest, quantum illi honorum & benevolentia repensum sit. Tanta Henrici fuit liberalitas in Regem & eos, quos secum adduxit, ex quibus neminem voluit abire indonatum, ut (Sigeberti verba sunt) *opibus Regum Persarum, aut Arabum posset comparari Imperatoris munificentia*. Munera ex auro puro, centum omnino pondò æquabant, ex quo Rex Cunegundis urbanitatem imitatus, aurum solùm elenchos, cum insigni amicitia testificatione, selegit. Coronidem sancto conventui imposuit factum consensu decretum, ut Princeps uterque, ad Benedictum Summum Pontificem, Papiam proficisceretur, & quæ sapienter erant constituta, ejus arbitrio ambo submitterent. Verùm id consilium mors Pontificis, ipsiusque Cæsaris interceptit. Hic etenim, factâ Paderbornæ, sub anni finem, ejusce Monasterij, quod D. Meinwercus construxerat, dedicatione, redux in Saxoniam, post actas, Magdeburgi, Paschales ferias, per intervalla morbo cœpit tentari; tum Gruonam delatus, validiùs ægritudine cruciari. Eò loci videtur contigisse, quod cum Principibus de subrogando successore cum fecisse tradit Sigebertus. Rogantibus

tibus, quem fastigio dignissimum judicaret, præter omnium expectationem, Conradum Franconia Ducem, cognomento Salicum, nominavit, qui tamen graviter & sæpe in Henricum impegerat, fovendo rebelliones, detrectando imperia & officia clientelæ: & vox, nihilo minùs, velut oraculum, accepta est. Cum supremam sibi horam sentiret imminere, Cunegundem ejusque propinquos accersens, adstantibus Episcopis & Abbatibus: *Recipite, inquit, quam mihi tradidisti, vestram virginem, qualem accepi, talem reddo. O conjugium (ait author vitæ S. Cunegundis) non voluptate, sed bonâ voluntate copulatum: ô sanctum matrimonium, ubi una fides inviolata castitatis, ubi unus spiritus misericordie & veritatis, ubi idem velle in virtutibus, idem nolle in vitis.* Et, paucis interjectis, sic concludit: *Hæc est generatio querentium Dominum, qui viventes in Christo, & membra sua mortificantes propter Christum, super terram morientium, modo regnantes cum Christo, bona Domini sui vident in regione viventium.* Agebat sanctus Imperator, cum vitæ suæ clausulam mente Julio imponeret, annum ætatis quinquagesimum secundum, regni vigesimum quartum, Imperij undecimum. Ejus funus, cum incredibili omnium Ordinum luctu, Babenbergam (quod vivens jusserrat) est deportatum, & conditum in basilicâ Principis Apostolorum. Cœlitum illi honores ab Eugenio decreti. Certè quod in purpuratis rarum est, plures post mortem, quàm in vita habuit adoratores, miraculis & sanctitate, quàm sceptro & imperio clarior.

CUNEGUN-
DIS VIRGI-
NITAS.

D. HENRICI
OBITU.

Herman.

Quod verò Nonnosius in S. Henrico, & auctor vitæ S. Cunegundis, tradunt de Augustæ virginitate, per astum hostis tartarei, in suspicionem adductâ, nemo ex æqualibus istius ævi scriptoribus, quem legerim, meminit, ut mirum sit, rem adeò prodigiosam, missam non esse in litteras, ante annum M. CLVII. tunc enim D. Henrici vita scripta est, hoc est, centum triginta tribus annis ab Henrici excessu. Auget admirationem, quod nemo annum miraculo ausus est annotare. Ne tamen tot magnorum virorum consensum vocem in dubium, facit Bulla canonizationis Innocentij III. excerpta ex membranis Babenbergensibus, & Martinus Hoffmannus, dum asserit eò loci, ubi prodigium fuit editum, stare sacellum, & duorum vomerum reliquias S. Henrici urnæ inclusas ad faciendam fidem, remque gestam in æde D. Stephani esse depictam, hujusce argumenti.

Mart. Hoff-
mann. in M.S.
Annal. Bam-
berg. in fol.
pag. 18. 5. 3.

D. Henricus cacodæmonem, sub larvâ ignoti militis, vidit, triduo continenti, dubiâ luce è Cunegundis thalamo prodeuntem. Satagebat videlicet veterator, juratus hostis castimonix, ut tam sanctum amoris castilimi exemplum obscuraret, vel certè, castissimè amantes, inter se suspicionibus & odio collideret. Cæsar, qui suis oculis fidem ægrè negare poterat, Cunegundem violatæ fidei accersit, idem accusator testis & Judex in funestissimâ causâ futurus. Illa provocat ad canderes vomeres innocentix defensionem. Cum ad crudele spectaculum duceretur. *Ingemuit (inquit author vitæ) & ait: Domine DEUS, creator cæli & terre, qui probas renes & corda, judica judicium, & eripe me. Te enim testem & judicem hodie invoco, quia nec hunc præsentem Henricum, nec aliquem virum, carnalis commistione, unquam cognovi. Hoc dicto, stupensibus & flentibus universis, vomeres candentes nudo vestigio calcavit, & sine adustionis molestiâ, secura pertransiit. Ita DEUS omnipotens vinculum castæ dilectionis servavit, innocentiam comprobavit, integritati custodiendam humilitatis adhibuit.* Henricus, perfectâ pudicissimæ conjugis integritate, ad ejus abjectus pedes, veniam rogavit imprudentis suspicionis. Quæ si ita habent, credamus, necesse est, Stephani Papæ V. qui alijs est VI. decretum adversus candentis ferri judicium, fuisse tum ab D. Henrico, tum à D. Cunegunde ignoratum, tamen quidem ante centum, ut minimum, annos, ad Lindbertum Moguntinum Archiepiscopum, quem Gratianus Lambertum & Humbertum mendosè vocat, esset perscriptum. Neque enim credibile est, Imperatorem religiosissimum, fuisse alioqui commissurum, ut sciens volens, supersticiosâ adventionem, Deum offenderet, quandoquidem non deerat modus longè certior & laudabilior explorandæ veritatis. Et sanè Carolus Cratius Richardem Augustam ad vanissimam istam purgationem non admisit.

PROBATIO
VIRGINITA-
TIS PER
CANDEN-
TES VOME-
RES.

c. consulisti,
caus. 2. q. 5.

Gloss. ind. o.
consulisti, vi
per obortum,

*Nonnos, in SS.
Bamb. C. 28.
pag. 43.*

**HENRICI
VIRTUTES.**

XI.

*Vit. S. Henr.
c. 4.
Breviar.
Roman.*

**BURCARDUS
WORMATI-
ENSIS.
LIBERALIS
IN EGENTES,
DOMI PAU-
PER.**

**STUDIOSUS
CARNIS
EDOMANDÆ.**

**CONRADI
SALICI
EDUCATOR.**

Quod de Henrico, in supremo divini judicii examine periclitante, & appen-
so per D. Laurentium calice, ad districtæ libellæ lancem, ut ne peccatorum pon-
dus prægravaret, Nonnosius, & vetusti Cassinensis Monasterij Annales referunt,
non possum non relegare ad tabulas, & mihi duco religioni, commentum, ab alijs
exactè refutatum, hoc loco recensere. Magnæ virtutes, quæ illum Divorum
numero asseruerunt, non patiuntur, ejus salutem, ad tales angustias referre, & eo
quidem articulo, quo quicquid satisfactionis habuit unius calicis donatio, jam du-
dum erat à justissimo judice in rationes relatum. Quid non habuit ponderis san-
ctissimè servata pudicitia, profusa in res factas & egentium inopiam largitas, man-
suetudo incomparabilis, pietas in DEUM, studium religionis propagandæ per Un-
gariam, per Slavorum regiones & magnum latè Septentrionem, noctes, in divinis
congressibus, pervigilatæ, sanctum firmandæ pacis studium, perennes pro Repu-
blicæ curæ & labores, toleratæ ingentes morborum molestiæ, pauperum ac vi-
duarum defensio, Sacræ Romanæ Ecclesiæ protectio, fides fiduciaque in DEUM
inconcussa, aliarumque virtutum actiones meritis & sanguine Christi imbutæ?
Nemo pius credet, apud DEUM nullum pondus habuisse Ecclesiam & Episcopa-
tum Babenbergensem, cui Henricus tantas opes addixit: multum valuit instaura-
tus Merseburgensis, adjuti Misnensis, Hildeshensis, Argentoratensis, Magdebur-
gensis, templum Basileense, quod eum agnoscit authorem, cœnobium Beneven-
tanum, quod in Italiâ condidit, munificentia in D. Petrum Romæ, largitas in D.
Benedicti Cassinum, in Cluniacense Monasterium, innumera alia, quorum me-
moriam passim est in tabularijs. Cavebat impensè, ne sacræ ædes, squalore, vel or-
namentorum vilitate luridæ, DEO habitatori displicerent, ita ut soleret dicere,
quantovis sumptus bene locari, qui DEO fierent. Ea propter Brunoni fratri suc-
censuit, quod Augustæ Vindelicorum D. Mauritio templum, impensâ, quàm im-
peraverat, parciore, excitasset.

Neque illud vulgaris est virtutis, quod prius, quàm in pugnam descenderet,
totum exercitum juberet religiosè expiari, omnesque copias, litatâ & perceptâ di-
vini corporis hostiâ, adversus hostem muniri. Consueverat etiam, Sanctorum è
cœlo suppetias vocare in auxilium, præsertim D. Georgij cœlestis bellatoris, DD.
Laurentij & Adriani, quos subinde bello Slavonico, adversus Bojæmum & Sarma-
tam, aciem præcedere & hostes in fugam vertere, est conspicatus. Magno in pre-
rio habuit Odilonem Cluniacensem Cœnobiarcham. Cùm ad eum Cluniaci
divertisset, urnulam crySTALLINAM rari operis, lautijs refertam, de mensâ misit Odi-
loni. Illa, dum incautiùs tractatur à curiosis, infelici casu, solo allisa, in frustra dis-
siliens, creavit ingentes curas, eò quod vas Regi esset in delicijs. Odilo, fra-
gmentis collectis, DEUM precatus, scitè phialam refecit, remisitque Imperatori,
quæ tum demum inter præstantissima cimelia & dignas Cæsare pateras, locum
meritò potuit obtinere. Impensè quoque coluit Burcardum Wormatiensem
Episcopum, qui non longè post Henricum ad Superos abiit. Eum, scribit Ba-
ronius, anno MXXXV. naturæ debitum exolvissè. Obijt verò in tantâ rei do-
mesticiæ tenuitate, quam contraxerat profusâ in egentes liberalitate, ut tres dun-
taxat denarios, nullum præterea teruncium, in ærario reliquerit. Credebatur
tamen aliquid saltem habere reconditum in arcâ, quam studiosè celabat. Ejus
clavem, moriens, commendavit sorori. Cùm curta simplèxque supellex lustra-
retur, apertum simul est opertaneæ parsimoniciæ scrinium, in quo dum aurum qua-
riritur, cum grandi spectantium stupore nihil præter horrida corporis afflicti in-
strumenta repertum est, cilicina tunica & ferrea catena bene attrita, thesaurus,
quo nemo, nisi cœli cupidus, uti potuit. Atque hic ipse Burcardus est, qui Conra-
dum Salicum optimis instructum præceptis atque disciplinis, in suo velut sinu, ad
maximas spes educavit. Puerum minimè ferocis indolis, proximi, ut imbellem & re-
bus magnis haudquaquam idoneum aspernabantur. Vnus Burcardus cerco, ad bo-
nos mores, ingenio delectatus, eum, exquisitis rationibus, ad generosas cogitatio-
nes, formabat, ostendebatq; se summa omnia præfagire. Ad fastigium evectus,

de co

de eo præfagire. Ad fastigium erectus, suum magistrum invisit, qui id temporis lecto affixus tenebatur, ex morbo, qui illi supremus fuit, ubi tamen Conradus adfuit, velut fecisset cum corporis debilitate inducias, animo vegetus, Regem, omni officio, quod à valente potuisset sperari, coluit, & Triburiam usque comitatus, extremum amplexus, proquinquum vitæ suæ exitum prædixit, & nonnulla alia, quæ Henrici excessu per Germaniam vulgato, venire in apertum ceperunt. Tum enim de subrogando successore magna Principes sollicitudo incessit. Locus habendis Comitibus dictus, Camba, villa ad Rhenum, inter Moguntiam & Wormatiam.

Citeriorem Rheni ripam, Boii, Saxones, Francones, Alemanni castris prætexuerunt; ulteriorem, Mosellani, Lotharingi, Transrhenani omnes. Duo erant præcipui coronæ regię candidati, iique, unius nominis & sanguinis, patrueles. Conrado utrique nomen. Major, in quem Procerum vota conspirarunt, natus Henrico, qui, Henrico Rixoso abdicato, Boicæ præfecturam, vicario nomine, gessit aliquamdiu. Hujus avus fuit Otho, qui Bojarie simul & Sueviæ jus dixit cum amplissimâ potestate. Conradus alter candidatorum, idemque ætate minor, Conradum, Carantanorum Ducem, patrem habuit, estque idem ille, qui Adalberonem Ulmenſi prælio, ante annos quinque, superavit. In horum majore, virtus primas ferebat, in minore opes & clientelæ. Ille ob probitatem amabatur, hic timebatur ob potentiam, videbaturque, si repulsam ferret, ægrè iras in potestate habiturus. Impetratum tamen ab utroque, suas ut spes Principum arbitrio permitterent. Id cum, sponſione & mutuo complexu, volentes lubentes firmarent, itum in suffragia. Aribio Moguntinus, cui primum fuit jus suffragandi, Conradum Majorem nominavit: cæteri ejus votum & auctoritatem sunt secuti. Conradus Minor etiam eundem Regem salutavit. Cunegunda Imperatrix principum judicio assensit. Augustalia insignia, quæ asservanda à D. Henrico acceperat, ilicò in medium produxit. Conradum Majorem, Salicum, 6. Id. Septemb. Aribio Moguntinus, solenni ritu, Regem unxit. Gisela uxorem, D. Henrici neptem, Agrippinensis Archiepiscopus, augurali benedictione, ad 11. Cal. Octob. Aquilgrani in Ordinum frequenti conventu impertijt.

CONRADI
DII. IMPE-
RII CANDI-
DATI.

CONRADI
SALICI
ELECTIO
ET UNCTIO.

Sifrid.

Herman.

XII.

CURA IN-
STITUT.

Conradus mox ab inauguratione recepit in gratiam omnes, cum quibus aliquando odia exercuerat, profectus, alias fuisse Contradi, alias Regis esse iras. Sed & eundem diem duplici justitiæ documento nobilitavit. Prodeunti ad cæremoniam auguralem, tres miseri, sortis infimæ, unus agricola, pupillus alter, tertia vidua, suam fortunam lamentantes, occurrerunt. Cum Palatinis indecorum videretur, publicam lætitiâ vilium hominum quiritatu interpellari, eos jusserunt submoveri. Negavit Conradus, se eo, quo steterat, loco pedem moturum, quin sua genua prestantibus fecisset satis. *Quo enim officio (inquebat) possum imperium, quod mihi Respublica imposuit, melius auspiciari?* Quare in vestigio omnes tres, benignâ sententiâ, est solatus. In folio locatus, audiit calamitosum hominem, per injuriam patriâ extorrem, postliminij jus reposcentem. Cum per confertam turbam irrumpenti stipatores viam occluderent, Conradus prehensum manu, in editiores throni Regij cancellos attraxit, & auditâ causâ, jussit à Procerum fidissimo in patriam reduci. Quibus factis, magnum sibi omnis generis hominum amorem conciliavit, ut palam voces omnium audirentur, precantium illi diuturnum principatum, victoriam, & incolumitatem: hortantiumque, faceret semper, quod facere cœpisset.

Cunegundis Augusta, post, ubi Henrico sanctissimo conjugi religiosè parentaverat, se sancto fati genere rebus humanis subduxit. Aliquas suæ fortunæ reliquias Frisingensi Ecclesiæ transcripsit, ac demum, ad 3. Idus Quintileis, Pontifices accersit, ad dedicandam Monasterij Confugienſis (Kauffungenſe prope Casseilas Hassi nominabant) Basilicam, quam suo ipsa ære repararat. Simul erat animus, seipsam Deo, in parthenone, quem virginibus extruxerat, dedicare. Ubi ex sacro codice cœpta decantari historia Zachæi, cultu regio spectabilis, revincta diademate ad aram progressa, thesaurum præstantissimum, crucis Dominicæ parti-

AN. CHRIST.
M. XXV.

Vit. S. Cune-
gund.

S. CUNE-
GUNDIS SE
ADDIT IN
CONFUGI-
ENSI MO-
NASTRIO.

Compilat.
Chronol.
pag. 34.
NEPTEN
CASTI-
GAT.

particulam, obtulit, deinde augustalem coronam; mox cycladem auro ostrôque rigentem, fuscâ tunicellâ mutavit, promissam infra humeros comam, quæ hodie pro sacris exuvijs colitur, resecurit, sanctoque flammeo caput obnupsit. Sic Christo sponso locata, in Confugiensium sanctimonialium sodalitis, velut una de cæteris, spectatoribus, qui frequentes aderant, gaudio collachrymantibus, quod vitæ habuit reliquum, sanctissimè exegit: bis nupta, perennis virgo, innocentia & animi demissione nulli secunda, prodigijs & virtute, quàm genere & dignitate illustrior. Juditham ex sorore neptem, quam suo exemplo ad studium vitæ sanctioris traxerat, viventem indulgentiùs, ut ad disciplinæ exactiorem normam revocaret, impactâ in faciem palmâ castigavit: ut diutiùs hærent bonæ monitionis vestigia, digitorum notas valde conspicuas impressit, quæ illi per omnem vitam pro monitore fuerunt. Cùm flamma Cunegundis lectulum corripuisset, illam objecto crucis signo cohibuit, ne stragula carperet, aut substratam paleam, quam lambere cæperat, depalceretur.

VVippo in
Conrad. Salic.
MOTUS
GLISCEN-
TES IN
ITALIA.

Conradus Rex, majorum more, qui apprimè erat salutaris, Regni negotia provinciâsque coràm inspecturus, Paschalia Reginoburgi celebravit. Res inter hæc in Italiâ nonnihil nutârunt, reviviscente spe, regni ad Italos reducendi, vel recuperandi priscam libertatem. Heribertus Mediolani Archiepiscopus, comperto, Conradum Minorem (quem ad Majoris differentiam, cum alijs scriptoribus, deinceps Cunonem nominabimus) Mosellanorum & Lothariensium studijs subnixum, non ita regnandi cupiditatem exuisse, quin videretur, res in Germaniâ novas moliturus, jure Mediolanensium Antistitum ad usum revocato, utriusque Ordinis Proceres Roncalias convocavit, de Rege Italiæ deligendo. Verùm, ubi sententijs in diversa abeuntibus, ob privatas easque multiplices variorum spes, nihil à dissentientibus posse confici animadvertit, conversis ad Conradum studijs, Constantiam profectus, eum Regem salutavit, impetravitque, ut deinceps Mediolanensis Antistes Laudensem Episcopum non modò (quod jam ab Othone Magno obtinuerat) initiaret, sed etiam, quod novum erat, porrectis in signum potestatis, virgâ & annulo, Episcopi rebus præficeret.

Sigon. in
Conrad.

PAPIENSI-
UM INSO-
LENTIA.

Advenère quoque Papiensium Legati, rogantes, ut eos Conradus volens & pacatus, sacramentum dicturos, in fidem reciperet. Verùm ij graviùs deliquerant, quàm ut primo statim aditu absolverentur. Etenim illi, cognitâ D. Henrici morte, quasi penes eos regis urbis esset absoluta potestas, Palacium, quod Papæ Theodoricus Veronensis insigni opere struxerat, & Otho III, magnificè ornaverat, funditus exciderant, audebântque facinus defendere inani commento, quasi, quicquid ipsi in interregno justî injustive patrarent, à nemine alio, quàm ab urbano magistratu posset jure cognosci. Conradus jussit eos, Regiam primùm instaurare, deinde audituros, quid promeruissent. Parabantur interim necessaria ad Italicam profectionem, & prospiciebatur, ne Cuno, absente Rege, turbas in Germaniâ concitaret. Dandus etiam erat Henrico Conradi filio, adhuc tum octenni, tutor & institutor. Ad quod munus delectus est Bruno Augustanus Antistes, D. Henrici frater, quem sub id tempus mirum ostentum ab avaritiâ ad meliorem mentem reduxit.

BRUNO AU-
GUSTANUS,
TUTOR
HENRICI
CONRADI.

XIII.

MALAM
LITEM
MOVET.

Cùm se Cunegundis Cauffungenfi parthenone clausisset, ausus est Bruno revocare in dubium, quæ sanctus ejus frater dudum statuerat, ut, quod ab Othone III. donativum mancipi jure in agro Babenbergensi acceperat, cederet in possessiones novelli Episcopatus: & Eberhardus Babenbergensis Antistes, per aliquot jam annos, ea bona quietus tenuerat. Bruno nodum quærens in scirpo, se dicebat bonæ partis istorum fundorum hæredem. Quare pollicetur, se Conradi conjugî & Henrico ejus filio eas possessiones donaturum, si Gisela mater, maiæ causæ patrociniûm susciperet. Dictus est disceptationi locus atque dies. Eberhardus Episcopus pridie, quàm in jus iret, Brunoni multis conatus est persuadere, ut ab actione tam infami abstineret: sed oleum & operam perdidit. Interveniit D. Henricus, Brunoni apparens per nocturnam quietem, notâ quidem specie, sed mediâ

mediâ barbâ depilatus. Ille obstupescens; *Quis (inquit) mi frater, te sic ausus* D. HENRICI
est violare? Tu, inquit Divus, ille ipse es, qui me omnesque mecum Cælices, audes in- SPECIES
juris laceßere: tene non meum jam, sed Christi Regis patrimonium expilare, DEI cul- BRUNONI
tum Divorumque memoriam immuni sacrilegio lacerare? Cavebis hoc faxis, alioqui se- OBIECTA,
veram Numinis brevi senties animadversionem. Tam gravi interminatione Bruno EUM AB IN-
 cohortens, stimulante conscientia, statim vela vertit. Cum illuxisset, & vocare- COEPTO DE-
 tur ad concilium, respondit, se inopinato casu domi retineri. Cum Regina urge- TERRET.
 ret, ut se in sellâ gestatoriâ pateretur ad curiam deferri; *Ite verò, dixit, & Regina*
renuntiate, me fratris irati nocturno viso, sic animo viribusque fractum esse, ut ne qui-
dem ausim de abrogandâ ipsius donatione cogitare. Regina quoque territa, à cœ-
 pto destitit, ne in se Numinis iras verteret. Bruno, paulò post sibi restitutus uti-
 bilem operam regij principis educationi navavit. Ex Wippone, qui Conradi fuit
 Capellanus, constat, eum, unâ cum Wernherio Episcopo Argentinenſi, consilio
 & autoritate plurimum apud Conradum valuisse, atque imprimis curâsse, ne re-
 giæ familiæ quicquam ad splendorem deesset.

Per eadem tempora gliscebatur rumor, Boleslaum Polonum, relicto Principis
 titulo, regium nomen sumpſisse, quod illi mors, paulò post secuta, ademir, sustulitq;
 gravem hostem regni Germanici, cui subnatus est, in ipsis imperij visceribus, non
 levis timor ex Cunonis rebellionem, & factionem potenti, cui nomen dederant ma-
 gni Principes, Ernestus Conradi privignus Dux Sueviæ, Fridericus Dux Lotha-
 ringiæ vitricus Cunonis, Welfo Altorfius. Tametsi eorum consilia Conradum
 non laterent, tamen rebus satis consultum est arbitratus, quòd regnum dispositis
 quaquaversum præſidijs, firmavisset, & Ernestum vitrici reverentia, & Regiæ ma-
 tris continuæ monitiones à conjuratis dissociassent. Reconciliato Conradus do-
 navit Campidonensem cœnobium, Burcardi Abbatis obitu viduum, quod Ernestus
 in suos clientes distraxit, tamque malè impendit, quàm accepit, infelix pignus in-
 tegratæ gratiæ, quæ ævum non erat latura; malè parta, malè dilapsa. Conradus
 ingressus Italiam, Paschate Vercellis celebrato, Mettenses, qui ad arma provo-
 lant, prælio fusos, haud gravatè reddidit patriæ & gratiæ, quam supplices petive-
 runt. Voluit porrò Modoëtiæ, prisco more ad ulum revocato, Longobardico
 diademate coronari. Id cum Mediolanenses ureret, Modoëtiæ Coronam, per
 contemptum vocârunt palearem, negâruntque, se Regem suis mœnibus receptu-
 ros: quamobrem eos Conradus obsedit, obsessorum offensus pertinaciâ, sub-
 urbia redegit in cineres, fines vastavit, nec mitius habuit Papientes, qui nondum
 devastatam Regiam, quemadmodum erant jussi, instauraverant. Romam eun-
 tem, Ravennates lubentes in civitatem acceperunt: sed mutatâ mox voluntate,
 eum per tumultum eicere sunt conati. Vis illata Germanis periculi securis, cæ-
 desque ex contubernijs, in quibus incogitantes opprimebantur, erupit in plateas
 cum luculentâ multorum strage, donec miles conglobatus, injuriam cœpit plenâ
 manu remeriri, tantâ ferociâ, ut, nisi Conradus, ad compescendam vim, equo sub-
 limis accurſisset, ab ultimâ perniciem Ravenna haud procul abfuisset, quando ple-
 rique tumultuantium cæsi, vel abjectis armis ad sacrum basilicarum asylum refu-
 gerant. In eo Germanorum discrimine, præcipua Epponis Comitum, natione
 Boij, fortitudo enituit. Is, arcepto vexillo submotisque è ponte civibus, fulminis
 in morem, in restitantes inVectus, quacunque ferebatur, obvios quosque sic per-
 culit, ut ejus conspectum nemo sustineret. Die postera cives atrati, nudique
 pedes, agmine miserabili, Conrado supplices, hesternæ vastantiæ gratiam impe-
 traverunt.

Dum res Italicæ in eo sunt, in Germaniâ Cunonis factio, abusa Regis absen-
 tiâ, cœpit turbas agitare. Cuno quidem palàm nihil molitus est, & Fridericum
 Lotharingum mors intercept; sed Ernestus malè reconciliatus, & Welfo magnis
 in Boicâ & Sueviâ potens clientelis, arma in Regis amicos, apertâ in Regem ipsum
 perduellione sumpserunt. Welfo Brunonem Augustanum, sibi hostem delegit,
 tametsi non ignoraret, se in eo divexando, Regi agrè facturum. Alternante for-

BOLESŁAŁ
POLONI
MORS.
CONSPIRA-
TIO IN RE-
GEM.

AN. CHRIST.
M. XXVI.

INCONSUL-
TA COENO-
BII CAMPI-
DONENSIS
DONATIO.
CONRADUS
MODOETIÆ
CORONATUS
MEDIOLA-
NUM OBSI-
DET.
Wippo.
TUMULTUS
RAVENNÆ.

XIV.

TURBÆ
GERMA-
NICÆ.
Wippo, Her-
man.

AUGUSTA
EXPUGNA-
TA.

tunâ primùm certatum est; sed demum Brunoni res malè ceciderunt. · Ejus arces complures solo æquatæ: Augusta expugnata, quicquid dirum ac hostile est experta. Brunonis opes celsère direptioni. Similia passus est Engelbertus Frisingæ Episcopus, eò quòd auxilia Brunoni junxisset.

WELFORUM
ORIGINES.

Chron. Wein-
gart.

B. Rhenan.
lib. 2. rerum
German.
Welfer. M. S.
Laz. de mi-
grat. gent.
l. 7.

Quoniam verò Welforum nomen identidem nobis recurrit, eorum origines paulò altiùs sunt reperendæ. Welfones, Itali Guelfos dicere maluerunt. Eorum stirpem, novelli quidam Genealogi, non sine aliquâ specie veritatis, ab Agilolfingis repetunt; secuti Theganum, qui Welfum primum, Ludovici Pij Socerum, è nobilissimâ Bojariorum stirpe scribit prodixisse. Unde illum Marianus Scotus Ducis appellatione honoravit. Fortunæ, nonnihil sub majoribus extenuatæ, sedem fixit in Sueviâ, ubi tenuit Altorfij & Ravenspurgi dominatum. Ejusdem posteros, renovatæ cum Boicâ gente necessitudines, amicitia & affinitate devinxerunt. Welfonis nepos, nomine Henricus, filius Etichonis, cliens Regum Bojariz, quater mille prædia beneficiario nexu, inter Lycates, qui in primâ Boicâ censebantur, tenuit. Altonis Monasterium è ruinis eduxit. Altorfij aliud à fundamentis excitavit, & ex Beatâ Hohenvartenfi Comite Bojâ, D. Conradum Constantiensem Episcopum, Etichonem & Rudolfum sustulit. Postremus Ittam Oeningæ Comitem sibi matrimonio conjunxit, atque ex eâ Welfonem II. procreavit, & Richelindam, quæ Adalberoni ultimo Eberspergæ Comiti nupta, solarij ruinâ fuit oppressa. Welfo II. ex Jutâ Luxemburgensi, Henrici Boicæ Ducis sorore, Welfonem III. & Cunegundem, alijs Cunissam, tulit. Welfo III. Carantanorum & Veronensium Comes, sine sobole decessit. Cunegundis soror Azoni Astensi collocata, Welfonem IV. dedit, quem Avia ex Italiâ revocatum paternis bonis imposuit: unde factum, ut, cum opulentæ hæreditatis potior esset ratio, quàm soli patrij, Suevis, non Italis, accenseretur. Eum nihilominus Bojarij, principatus jure, quem inter eos gessit, & ob avitas Welforum origines suum esse dixerunt. Atque hic ipse est, qui ob rerum gestarum gloriam & transmissum ad posteros Boicæ dominatum, majoribus præluxit, cum in ordine atque numero inter Welfones quartus esset, primus tamen fuit appellatus. Et ex eâ quidem gente, nati Principes, qui cum religionem Cæsarum amicitiz præferrent, præclaros Ecclesiæ Romanæ patronos dederunt: unde natum est, ut, qui Pontificiatum partium, Cæsaribus aliisque sedis Apostolicæ adversarijs, obstitere, Guelforum nomen tulerint adversus Gibellinos, de quibus sæpe redibit sermo.

AN. CHRIST.
M. XXVII.

XV.

CONRADI
ROMANA
INAUGU-
RATIO,

ROMANA
SEDITIO.

Nunc, ut ad Conradum redeamus, Joannes XX. Pontifex Maximus, defuncti Benedicti frater & successor, illum summâ voluntate, ad capeffendos Imperij titulos, in urbem invitârat. Is de viâ Lucenses, imperata facere recusantes, coëgit ad deditionem. Romæ acceptus est pronis totius urbis studijs, & ipsâ Christi redivivi die, à Joanne, in Basilicâ Vaticanâ, Imperator, majorum more, est renunciatus. Inaugurationi adfuerunt Rudolfus Burgundiæ, & Canutus Angliæ Reges, adjuvère simul frequentissimi Italiæ Principes. Cum inter Ravennatem Antistitem & Mediolanensis Archiepiscopi legatos lis esset exorta, utri Conradum coronandum Pontifici sisterent, Conradus, ex Joannis sententiâ, controversiam extemporalis responso finivit: id juris ad Mediolanensem, si præsens adesset, fuisse spectaturum; cum verò, ad hoc officij vocatus, non venisset, jussit Pontifex, Ardericum Vercellensem Episcopum sui Metropolitanæ vices obire.

Publicam ejusce diei lætitiâ turbavit seditio, malum ferè ordinarium, Romanos inter & milites Germanos, à duobus mediastinis excitata. Rixati primùm sunt de corio bubulo, causâ levi ad grande discrimen: deinde rixantibus accurrit ex tempore frequens utrinque armatorum multitudo, & gliscente in majus tumultu, pugna commissa est, in quâ magno numero Romani occubuerunt. Fero-ciùs in eos involarunt Germani, quòd Berengarium Lutolfi filium interemissent. Conradus jussu utrinque à sanguine temperari, furentes sedavit. Pacatis rebus discedens, iter per Lombardiam intendit. Nonis Maij Ravennæ fuit; ad nonum Calendas Junias Veronæ: post paulò Bergomi, ubi ejusce Ecclesiæ prærogativas

novo diplomate sancivit. Reversus in Germaniam, D. Joannis Baptista natalem egit Ratisbonæ; unde profectus, Ulmæ celebrem egit conventum, in quo Welfo, etiamsi se supplex Conrado dedidisset, iussus tamen est, turbatae patriæ pœnas, temporaneo exilio, luere, & quod Bruschiuss scribit, omnia damna, quæ urbi Augustanæ & Ecclesiæ intulerat, sarcire, quod vetus author cum memorat ad unguem præstitisse: Ernestus custodiæ mancipatus, & post brevem captivitatem à Conrado dimissus, novos motus dedit, quos in loco exequemur.

WELFO RE-
LEGATUS.

ERNESTUS
CAPTIVUS.

Secuta est mors Henrici Bojarie Ducis; D. Cunegunda germani, qui Calendis Septembris, grandævus vitæ excessit. Eum Osterhofæ, quod in Boicâ Monasterium est, cum uxore Mariâ conditum, auctor est Arenbekius, cui Aventinus subscripsit. Duos, vel summum tres supra viginti annos, si exilij tempus accenseas, Boariam gubernavit. Successor illi datus Imperatoris filius, qui inter Henricos Quinti nomen tulit.

HENRICUS
BOIARIA
DUX MOR-
TUUS.

Hoc anno Guntherus Salisburgensis Archiepiscopus, quatriennio, in Pontificatu, cum laude exacto, defunctus; & post aram D. Erasmi, in hypogæo Salisburgi tumulatus, sacram infulam Dietmaro II. optimo Præfuli reliquit. Abijt sub idem tempus ad Superos Aurelia Virgo apud Reginoburgenses, cujus vitam Wolfgangus Selenderus studiosè descriptam, egregijs notis illustravit, ex vetustis D. Emmerammi membranis. Divæ memoria oblivionis sepulchro non debuit obrui, tametsi ab antiquioribus fuerit prætermissa. Ejus tumulus, quotannis apertus tapete, & accensis candelis, celebratur, more, ab anno M. XXVII. ad annum usque M. D. XCIX. quo Selenderus scribebat, recepto.

HENRICUS
V. SUCCE-
DIT.
GUNTHERI
SALISBUR-
GENSIS OBI-
TUS.
B. AURELIA
VIRGO.

Fuit verò Aurelia ex Hugonis Capeti, Francorum Regis sanguine oriunda, soror Roberti Regis. Nata est Parisijs, & sanctè educata. Ab ineunte ætate insolentium puellarum consortia fugiebat. Facta nubilis, Christo castissimè nupsit. Ut virginitatem procul ab insidijs haberet, tametsi ob nobilissimos natales & formæ elegantiam à potentissimis quibusque ad nuptias ambiretur, clam profugit in Boicam, vili tecta habitu, & Ratisbonæ stipem rogans, à Ramuoldo, Abbate D. Emmerammi divinitus agnita, & recepta comiter, solitarium diverticulum ad urbis mœnia, ubi D. Andreæ sacellum, accepit. Quo loco, tum à D. Wolfgango, tum à Ramuoldo ad omnem sanctimoniam formata, annos quinquaginta duos, inter severas corporis afflictiones, rerum cœlestium meditationi impendit, ac demum migravit ad sponsum immortalem. Nacta est conditorium in Cœnobij peristyllo versus meridiem, in cujus superiore marmore hoc lemma est:

*Hic pia florescit Aurelia Virgo sepulta,
Quæ pœnas nescit, cæli dulcedine fulta.*

Saxum inferius, quod additum est ejus Mausolæo, ad eam neutiquam pertinet, sed unde sumptum, ex vocis similitudine, quibusdam scriptoribus imposuit, non advertentibus, Aureliam, cujus est adjectitium istud Epitaphium, P. Aelij Juviani fuisse conjugem, quæ à nostrâ Aureliâ toto cœlo est diversa, quod ipsum ostendit titulus paganus, editus ab Appiano, quando is quidem est Jovi inscriptus hisce notis:

I. O. M.
ET PERPETUÆ SECURITA-
TI ET MEMORIÆ.
DULCISSIMÆ AURELIÆ P.
ÆL. JUVIANUS. CONJUGI.
INCOMPARABILI.

AN. CHRIST.
M. XXIIIX.

Nos verò jam monet ordo temporis, rerumque à Boijs, sub Henrico, gestarum series, ut ad Boicam redeamus. Henricus Dux nondum egressus erat pueritiam. Imperator eum undecennem, quod regia indoles ætatem longè superaret, Aquisgrani collegam dixit in frequentissimis Imperij Comitij. Pilegrinus Colonienfis Antistes, sacras inaugurationis cæremonias adhibuit, festo die Christi Resur-

Wippo.
Lambert.
Herman.
HENRICUS
CONRADI
COLLEGA.

AN. CHRIST.
M. XXIX.
BRUNO AUGUSTANUS
MORTUUS.

REGINO-
BALDUS E-
PISC. SPI-
RENSIS.

Anno sequenti, Bruno D. Henrici Imperatoris germanus, Reginoburgi in Comitibus, diem extremum clausit 9. Cal. Maij, vel, quod habet vetus Chronicum Augustanum, uno die serius. Brusehius mendose posuit annum trigessimum primum. Wippo, ejusce ævi æqualis, illum nominat utilem & clarum ingenio, si cum non obscurasset alienus à D. Henrico fratre animus. Præcellenti Henrici Regis educationi immortalis est. Fuit regiâ magnificentiâ & prudentiâ singulari, semel tamen iterumque, quod superius ostendimus, nimium avarus. Ecclesiæ Augustanæ opes auxit non mediocriter. Primariam aram Deiparæ Virginis in æde cathedrali, amplissimâ dote locupletavit, eâ lege, ut Canonici quotidie defuncti manibus, recitato ante eandem aram psalmo CXXIX. bene precarentur, & anniversarium obitus diem quotannis agerent, in æde principe. Eo nomine donavit Straubingam, adjunctaque patrimonij latifundia, quæ omnia Ludovicus & Wilhelmus fratres, Bojaræ Duces, superiore sæculo, à Christophoro de Staddon Episcopo Augustano, cum totius collegij assensu, triginta plus minus aureorum millibus compararunt. Bruno quoque D. Afræ Canonicorum Collegium D. Benedicti sodalibus transcripsit, in quibus B. Reginobaldus Cœnobiarcha idem ille, qui ad Spirensē mitram, ob egregias virtutes, fuit assumptus. Idem Bruno ingentem vim aureæ argenteæque gazæ, cæterique Sacrorum apparatus, summæ D. Virginis ædi donavit. Ejus funus illatum basilicæ D. Mauricij, Imperatrice & Henrico Rege exequias euntibus. Habuit ante summum altare mausolæum, cujus fronti, ex lapide porphyretico, erat incisus hic titulus.

ANNO DOMINI CULTUS PATER EST HIC BRUNO SEPULTUS.
MUNERE DE CUJUS FABRICÆ CLARET DOMUS HUIJUS.
GRATES REDDAT EI LEGIO SACROSANCTA THEBÆI.
OBIIT MXXIX. IN PROFESTO S. GEORGIJ.

Stetit Mausolæum usque ad annum M. D. XLIII. donec à Novatoribus solo æquatum est, & Anno M. D. LXXIII. ab Alberto utriusque Bavariz Duce restitutum cum hac Epigraphæ.

EALLAX EST HIC MUNDUS, FINIS DUBIUS,
EXITUS HORRIBILIS, POENA INTERMINABILIS.
BRUNO ISTE, EPISCOPUS AUGUSTENSIS FUIT,
ET ECCLESIAE HUIJUS, COLLEGIJ MAURITIANI FUNDATOR.
HENRICI II. BOJORUM DUCIS EX GYSALA
BURGUNDIAE REGINA FILIUS, HENRICI TERTIJ
ROM. IMP. HUIJUS NOMINIS II. (QUI SANCTI
NOMEN MERUIT) FRATER, NON MINUS
SANCTIMONIA, QUAM SANGUINE CLARUS.

Chron. Alta-
hens.

AN. CHRIST.
M. XXX.
BELLUM
UNGARI-
CUM,

Brunoni ad Regis institutionem successit Engelbertus Episcopus Frisingensis. Arx Andecensis ob cæli solique amœnitatem delecta, in quâ regius juvenis sub tam præclaro morum ingenique magistro, adolesceret.

In ea tempora incidit bellum Pannonicum, cujus alij alias causas retulerunt. Cæteris videtur præstare Wippo, qui oculatus penè testis fuit, eoque locupletissimus, cujus verba adnumero. Eodem tempore multæ dissensiones inter gentem Pannonicam & Raioarios, culpâ tamen Baioariorum, factæ sunt: ita ut Stephanus Rex Ungarorum multas incursiones & pradas in regno Noricorum, id est Baioariorum, faceret: Unde commotus Chuonradus, cum grandi exercitu super Ungaros venit. Rex autem Stephanus, minimè sufficiens adversus Imperatorem, orationibus & jeunijs, in universo regno suo indictis, præsidium Domini tantummodo flagitabat. Imperator, jam munus regnum fluvij & silvis, intrare non valens, multis tamen pradaſionibus, incendijs circa terminos regni, injuriam suam satis ulciscens, reversus est, volens tempore opportuniore

capta

capta sua peragere: sed filius suus Rex Henricus, adhuc puerulus, Eigilberto Frisingensi Episcopo creditus, legatione Stephani Regis, pacem rogantis, accepta, unico consilio principum regni, patre nescio, gratiam reconciliationis annuit, justè & sapienter agens, qui Regem injustè injuriatum, ultro petentem gratiam, recepit in amicitiam. Hæc ille verius quam elegantius. Ex quibus apparet, Bojorum culpâ bellum fuisse conflatum, post D. Henrici mortem, recrudescente utriusque gentis vetere odio, contra quàm scripsit Sigebertus, qui belli causam tribuit Vngarorum rebellionem. Brunnerus ait, sublatum fuisse inter Bojos & Vngaros usum commercij, & ultro citroque commendi libertatem; quod non negârim, si id velit bello indicto, aut flagrante contigisse, adeoque non fuisse belli causam, sed effectum. Idem, secutus Bonfinium & Cartuitum, eleganter describit prodigiosam Conradi repulsam, quasi facta fuerit, per cœlestem internuntium, qui sub ignotâ tesserarj specie, Conrado inscio, jussit, castra Germanorum retrò, unde venerat, abire, eoque nuntio Conradi exercitum ab Ungariæ finibus amoverit: quod si ita habet, mirum est, Wipponem tanti momenti prodigium vel ignorâsse, vel neglexisse, & non ab Angelo, sed à fluviorum silvarumque divortijs causam belli intermissi petisse.

Hæc utcunque habeant, Pannonica Conradi expeditio, spatium dedit Ernesto, ejusdem privigno, novis tumultibus miscendi Germaniam. Ille, privigni nimiam facilitate, custodiâ solutus, abiit in Franciam, quod speraret, se ab Odone Campaniæ Comite, ob sanguinis propinquitatem, auxilia impetraturum. Quæ spes cum cum fefellisset, redux in Germaniam, collecto latronum globo, ex silvæ Herciniæ latebris, finitimas, Mangoldi præsertim Comitis Nellenburgici, regiones cœpit ineurfare. Cum arcem Falckensteiniam obsideret, Mangoldus, cujus periculum agebatur, properatis suppetijs, cum Ernesto acie congressus, occubuit. Ejus cædem ultus est Wernerus Comes Kiburgensis, vetus hostis Ernesti, quem in conflictu interemit. Pugnatum mense Augusto: diem scriptores faciunt incertum. Ferunt, Conradum, auditâ ejus nece, nihil dixisse gravius, quàm quod canes rabidi sobolem non prognerent, sed potiùs in propria viscera furibundi soleant grassari, quasi diceret, iras in authorem reverti, & *virum sanguinum non dimidiare dies suos*. Hoc anno Ditmarus, unus è numerosâ sobole Babonis Comitis Abenspergij, Leonspergensium in secundâ Bavariâ, & Lungionum in Carinthiâ præfectus, Monasterium Ellenspacense D. Benedicti familiæ, ad flumen Rotam, condidit: quo ex loco anno M. C. LXXI. translatus est ad montem S. Viri, prope Neomarcum, oppidum inter Landishutum & veterem Oetingam: unde Cœnobium D. Viri nomen accepit.

Aribo Archiepiscopus Moguntinus, anno trigesimo primo, diem clausit, contra ac scripsit Marianus. Fuit gente Bojus, à Burgilo Noricorum, Damasiâ & Andechs, Vindelicorum Dynastâ, quæ castella nunc in templa commutata sunt, oriundus. Bruschi, contra Aventinum, eum Rheni Palatinis adscribit. Litem de Monasterio Gandersheimensi, jam olim à Willegiso Moguntinensi Antistite cœptam, adversus D. Gothardum Hildesensem Episcopum, compluribus annis variè persecutus, anno denique M. XXIX. Merseburgi finit, conscio Imperatore Conrado, cum illustri modestiæ & æquitatis exemplo. Ipse etenim (ita scribit auctor vitæ S. Gothardi) *Patrem Gothardum secretò coram Episcopis convenit, seque hac in re errâsse professus est, sanctèque juravit, se modis omnibus satisfacturum, & deinceps perpetuò de eâ re: aciturum: petiitque suppliciter ventam eorum, quæ hætenus perperam egisset*. Romanam peregrinationem voti causâ suscepturus, Natalem Christi anno M. C. XXX. cum Imperatore egit Padebornæ, ubi pro concione dixit, petiitque licentiam à Conrado & Episcopis, ineundæ protectionis. Inde digressus sub ineuntem Februarium, Romam venit, ubi voto religiosè perfunctus est. In reditu 8. Idus Aprilis vitam cum morte commutavit.

Eâdem tempestate Welfo, Boicæ Sueviæque Dynasta, fato concessit. Exitus illi vitæ haud paulò, quàm ætas antea, laudabilior. Postquam mortem sibi sensit imminere, superiores errores seriò est detestatus, adhibuitque (qui ævi istius

PAZ

XVII.

 ERNESTUS
CONRADE
PRIVIGNUS.

 OCCIDIUR.
Herman.
Wippo.
Hepidan.

 AVENTIN.
ELSENDA-
CENSIS MO-
NASTERII
AD ROTAM
FUNDATIO,
ET AD NEO-
MARCUM
TRANSLA-
TIO.
AN. CHRIST.
M. XXXI.
Lambert.
Sigebert.
Trithem.
Catal. Bruseb.
ARIBO BO-
JUS MOGUN-
TINUS AR-
CHIEPISC.

abusus fuit) aquæ frigidae censuram. Annueravit Augustensi & Frisingensi Ecclesie, quas injurijs (quarum antè meminimus) affecerat, tot possessiones, ut censeretur utriusque damna compensasse.

AN. CHRIST.
M. XXXII.

Cromer. de
reb. Polon. lib.
3. in fin.

XIIX.

BELLUM
CONTRA
MISECO-
NEM PO-
LONUM.

UDALRI-
CI BOIÆ-
MI FLUXA
IN MISE-
CONEM
FIDES.

MISECO
BOIÆMIA
CERTA
LEGE PO-
TITUR.

AN. CHRIST.
MXXXIII.

RUDOLFI
BURGUN-
DIÆ RE-
GIS OBITU.
BURGUN-
DIONES
CONRADO
SACRA-
MENTUM
DICUNT.
Herman.
P. Emil.

Bellum, quod Conradus in Poloniâ gessit, anno sæculi trigesimo secundo, adversus Misseconem, revocat in dubium Martinus Cromerus, scriptor alioqui non indiligens, negatque, ejusce suscipiendi causam, fuisse Misseconis rebellionem, eò quod Poloni nemini Imperatorum fuerint vestigales, & Boleslaus regium diadema ab Othone III. Imperatore ultrò oblatum, jure hæreditario transmiserit ad posteros. Admittit quidem, Germanos partem aliquam Poloniæ, per vim aut deditionem invasisse, eoque se jactasse, quasi fuissent potius totius Sarmatiæ principatus; sed inficiatur, ex ullius vetustæ fidei Scriptore posse ostendi, Germanos Poloniæ regnum titulose esse adeptos, vel Misseconem à Conrado Imperatore in ordinem esse redactum. Non est invidendum nobilissimæ nationi, quam Cromerus studiosè sumpsit ornandam, neque negandum, Poloniæ Principes, pro libertate & defensione dignitatis, multas cum Cæsaribus dimicationes subijisse: sed, quod hujus loci est, dare non possumus Cromero, Conradum, hoc anno, nullum in Poloniâ bellum gessisse. Ille, si Hermannum expendisset, non negasset, eum hujusce belli meminisse: Sic enim scribit ad hunc annum. *Imperatore contra Misseconem Sclavorum, qui Poloni vocantur, regem exercitum ductante.* Hermannus suffragatur Wippo, Hepidannus, ipsèque author vitæ S. Meinwerici, quos recentiores, Nauclerus, Mutius, aliique secuti sunt. Belli causa fuit, quod Misco, Boleslaum parentem imitatus, regium nomen, certo detrectati imperij argumento, sumpsisset, irrupisset in Saxoniam, omnibusque hostilitatis exemplis dire vexasset colonos: quod fratrem Othonem patriâ ejectum, Cæsaris fidem & auxilia implorantem, in Russiam pepulisset.

Quamobrem Cæsar, Othonem voluit è Prussiâ simul in Misseconem movere. Hic impar hosti gemino, diffidensque Polonorum studijs, quos noverat in Othonem, qui benigniorem de se spem excitarat, esse propensiores, non ausus tentare supremam belli aleam, fugit in Boëmiam ad principem Udalicum, qui Cæsaris gratiâ recens exciderat. Fatalis hic Misseconi receptus fuerat, nisi plus fuisset Conradus humanitatis in hostem, quam Udalrico fidei in hospitem. Boëmus, ratus se Cæsaris iram Misseconis capite placaturum, clam ei per internuntios pollicetur, se, sine bello, Polonum ipsi dediturum, modò sibi tutus foret ad Conradi benevolentiam reditus: tam fluxa est improborum fides. Conradus perfidiam detestatus, negavit esse regium, tali nundinatione, hosti perniciem, & suæ existimationi ignominiam comparare: virtute, non infami dolo, cum hoste esse certandum, eo præsertim, qui sit inermis, & in quem ferrum honestè stringi non possit: simul monuit Misseconem, si salvus esse vellet, alibi quæreret asylum & tutelam. Otho ejus frater, sine vi, provinciâ potitus, haud diu fasces tenuit, sed hostium fraude interemptus, Misseconi reliquit, qui, rebus cum Imperatore compositis, ad Poloniæ principatum postliminio fuit, eâ lege, reductus, ut, tertiâ Sarmatiæ parte contentus, duos pateretur collegas, qui cum in officio retinerent.

Hæc in Poloniâ, cum Rudolfus Burgundionum & Arelatensium Rex, Giselæ Imperatricis avunculus, missis ad Conradum regni insignibus, Henricoque Boicæ Duce ejus filio in hæredem instituto, finem fecit vivendi. Eam institutionem, Odo Campaniæ Celticæ Comes, ad suam injuriam ratus pertinere, quod Rudolphi sorore natus, jure sanguinis, ad se spectare crederet, Burgundiam præsidio vacuum invasit. Conradus bello Polonico expeditus, iniquissimâ anni tempestate, è Germaniâ movit, suum filiiq; jus armis vindicaturus. Urcenam obsedit hieme, post hominum memoriam, longè asperitima. Cum neque miles sub pel- libus, neque jumenta sub dio durarent, sed in vestigio obrigescerent, refixis signis eundum fuit ad hiberna. Cæsar unaque filius, Tiguri hiemârunt, ubi Burgundiæ Proceres dixerunt utrique sacramentum. Vere aperto, Cæsar veteres Odonis Campani fines vastat, ipsum Burgundiâ ejicit, præsidia munitionibus im-
ponit,

ponit, accipit è regno obsides; Burcardum Lugdunensem Episcopum, Geroldum Principem Genevensem, aliòsque recipit in fidem.

AN. CHRIST.
MXXXIV.

Odo, qui Roberto Francorum Regi se nuper hostem erat professus, undique desertus, & Conrado, cui omne Romani Imperij nomen erat in promptu, inferior, quamlibet invitus, consilium à necessitate in præsens mutuatus, tempori serviens, Cæsaris clementiam, fìcto obsequio, statuit experiri, donec se benignior fortuna aperiret. Ergo supplex pollicitus est, se in ejus fore potestate; obtinuit præteritæ molitionis impunitatem, brevi novas turbas excitaturus. Ubi enim Conradus è Burgundiâ discesserat, metu solutus, irrupit in Lotharingiam, Leucos, nihil minùs, quàm vim ab eo expectantes, irritus obsedit, Barrum, Barroducti Ducatus caput, expugnavit, omniàque circum terrore implevit, donec à Gothelone Lotharingiæ Duce cruentâ pugna fusus fugatùsque, in domesticis latebris suorum manu fuit obruncatus. Lotharingus victor, capta de hoste signa militaria misit ad Conradum.

ODO SE
DEDIT
CONRADO
XIX.

ODO SUG-
RUM MA-
NU CA-
SUS.

Hic cum Reginoburgi Pascha ageret, pristinos honores patriamque reddidit Udaltico Bojæmo, qui biennio exulaverat, & abusus eâ clementiâ Jaromitum fratrem, quem Boleslaus aliàs eviraverat, crudeliter exoculavit. Quæ causa fuit Henrico Boicæ Duci, movendi in Bojæmos, quos coëgit facere imperata. Udalticus, non multò post è vivis abreptus, Brecislaum accepit successorem. Conradus, Bojæmiâ utcumque pacatâ, movit in Luititios, hodie Lusatios. Ea gens, antè semichristiana, ad gentiliū superstitiones desciverat. Cum illi, & vicini Saxones, mutuis excursionibus & frequenti digladiatione pacem turbarent, Conradus eos sedare constituit. Venienti, venerunt obviam utrique pacati. Cum de pacis violatæ causis ageretur, utrisque negantibus penes se turbatum culpam residere, poscentibusque, ut his singulari certamine dirimeretur, Conradus assensus est. Descenderunt in arenam pugiles utrinque delecti, & in Cæsaris gentisque utriusque conspectu acriter certaverunt. Cum penes paganum stecisset victoria, vix hilo abfuit, quin exacerbatis utriusque partis animis, veniretur ad manus: quod ne fieret, veruit Cæsaris auctoritas, qui, ad prohibendas in posterum eruptiones, Virbinum castrum excitavit, communiitque Saxonum præsidio.

SINGULA-
RE GER-
TAMEN.

Limes Saxonicus utcumque tutus eâ munitione videbatur, cum Barbari, anno postero, per fraudem loco potiti, Saxonibus, qui in arce curabant, magnam partem cæsis, ejectis alijs, Cæsaris iram provocârunt. Contracto raptim exercitu, movit ad Albim. Accurrerunt in adversam ripam Luititij, ut transitu prohiberent, qui reperto alibi vado apertus, partem Cæsarianorum transmisit, præbuitque cædendos paganos. Tum universis copijs sævitum in rebelles, subactisque veteri vestigali novum est additum. Magno labore periculisque stetit Conrado victoria. Visus est sæpius femorum tenuis, in medijs paludibus pugnans, suos voce & manu, ad rem fortiter gerendam, animare, nihil refugiens, quod Ducis militisve partes exposceret. Eò fuit in contumaces severior, quòd perduellioni atroces in DEUM injurias miscuissent. Ligneam Christi de cruce pendentis imaginem ludibrio habitam, sputis scædaverant, colaphis ceciderant, toto vultu deformatam, confossis oculis, manibus pedibusque truncârant, divinam inter hæc servatoris majestatem atrocibus contumelijs incessentes. Id ne ferrent impunè, Cæsar captivos complures jussit pari modo deartuari, Titum & Vespasianum, quemadmodum istius ævi poëta Cæsari accinuit, imitatus, qui triginta Judæos denario vendiderunt, in ultionem, quòd Christum triginta coëmissent. Cæsar, bello confecto, Adalbertonem Carantanorum Ducem, quietis publicæ turbatorem, in ordinem redactum, pepulit in exilium, deditque in conventu Augustano, successorum Conradum suum patruelem.

AN. CHRIST.
M. XXXV.

BELLUM
CONTRA
LUITITIOS.

Hoc ipso anno, Longobardi bellum, servili non absimile, concitârunt. Plebs adversus majorum gentium dominos arma corripuit. Heribertus Mediolanensis Archiepiscopus, sive nescius popularis conspirationis, sive connivens, interea quiescebat. Sumebatur à conjuratis obtentui, perennis Cæsaris absentia,

XX.
BELLUM
SERVILI
IN ITALIA.

AN. CHRIST.
MXXXVI.
GEBHAR-
DUS RA-
TISBON.
EPISCO-
PUS DE-
MORTUUS.
AN. CHRIST.
MXXXVII.

tia, immoderatio vicariorum, legum neglectus, oppressa debiliorum fortuna, justitiæ oblivio. Jactabant palàm, se, nisi Cæsar oppressis auxilia maturaret, suo Marte fore vindices injuriarum & communis libertatis. Conradus fertur, eo comperto, dixisse; *Benè habet, Italia leges esurit, ego (Deo favente) legibus eam stabilabo*: quod tamen distulit in annum sequentem, quo jam ad exitum præcipiti, unà cum Henrico filio, Christi Natalem Veronæ celebravit. Eodem anno Henricus Cunihildem, Canuti Danorum & Anglorum Regis filiam, Noviomagi nuptum duxit. Gebhardus II. Reginoburgi, post gestum annis tredecim Pontificatum 16. Cal. Maij, Gebhardo III. Conradi Cæsaris, ex Adelheide matre, fratri, mitram reliquit.

Conradus, singulas Longobardiæ civitates obiens, severissimas de factiosis quæstiones habuit. Cremonenses, qui Landulfum Episcopum, urbe ejectum, fortunis omnibus exuerant, ejusque successorem Hubaldum, contumelijs affectum, à capiendâ Ecclesiæ possessione arcuerant: quotquot in numero conjuratorum fuerunt, prædijs Ecclesiæ Cremonensi, ad quinque passuum millia, circumquaque contributis, multavit. Dum Mediolani ab Heriberto splendide excipitur in æde D. Ambrosij, res propè absuit à tumultu. Etenim populus, factò ad Cæsarem concursu, ausus est percontari; utris, populo, an proceribus, suum nomen profiteretur, & hostis, an amicus esse vellet. Dilato in præsens responso, dicta dies: quâ Papiæ, totius gentis comitis in commune omnium querimoniæ disceptarentur. Laude Pompeij, Cremâ, Brixîâ exacti seditiosi, bonorum insuper proscriptioe damnati, & deportati in Germaniam. Heribertus multorum accusatione postulatus, comitantibus Vercellensi, Cremonensi, & Placentino Episcopis, Papiam quidem adiit; sed cùm negaret, suæ esse dignitatis, ut causam in conventu diceret, Cæsar offensus eâ tergiversatione, eum jussit, velut contumacem, auctorémque tumultuum, cum Episcopis Placentiam in custodiam relegari. Inde, relictis apud Placentinos Episcopis, Heribertus ad Poponem Aquilejensem Patriarcham, à Cunone Cæsaris patruale ductus, cùm remissæ essent vigilæ Germanorum, vino per S. Sixti Abbatem largiter præbito sopitorum, habitum noménque unius è familiaribus mentitus, Mediolanum elapsus, summâ populi gratulatione exceptus est. Cæsaris factum, quòd in Christi sacerdotes, indictâ causâ, animadverteret, permulti vehementer improbârunt. Ipse adeò Henricus, eam violentiam clàm inter amicos est detestatus.

XXI.
Ottho Frising.
Nov m
Chronicon
Cæsarium,
VIIppo
ITALICA
EXPEDI-
TIO.
MEDIO-
LANENSIS
INAUSPI-
CATA OB-
SIDIO.

Conradus, comperto, Mediolani mœnibus esse receptum, actis Ravennæ Christi Resurgentis ferijs, cum armatâ vi persequi, urbique obsidionem admovere constituit. Ex itinere, multa castella, in quibus Landrianum, expugnavit, multa deditione accepit. Cremonæ Benedictum Romanum Pontificem magnis coluit honoribus. Eò venerat Pontifex, ut factiosorum causam, quos facti poenitentia cepisset, Cæsaris clementiæ commendaret, agerétque, ne qua vis, aut maleficio inferretur Romanæ ditioni, à quâ, eâ quidem vice, putabat esse abstinendum. Conradus, vastato circum agro, Mediolanum obsedit, variâ fortunâ, ad festum usque Pentecostes. Eo die, cùm castrum Curbitum, haud procul ab urbe, premeret, ante horam diei tertiam, aère sereno, promicuère fulgetra, exauditi terribiles cœli fragores, secuta fulmina tantâ crebritate, ut magna jumentorum pariterque hominum multitudo exanimata, in castris perierit. Nonnulli lapsi in amentiam, intra menses aliquot, ægrè sibi fuerunt restituti. Prodigium eò visum est mirabilius, quòd, quicumque castris absuerunt, nec cœli fulgores viderunt, nec percepère tonitrua. Res pro infausto omine habita: unde Conradus vasis conclamatis, trepido agmine, velut minaces cœli iras fugeret, Papiam se recepit, distributóque in æstiva exercitu, ad vitandos insolentes calores, secessit in montana, exauctorato priùs Heriberto, subrogatóque in ejus locum Ambrosio Mediolanensis Ecclesiæ Cardinale. Heribertus etenim à Romano Pontifice piorum cœtu motus fuerat, ob rebellionem, qui tamen, quousque vixit, Ambrosium bello est persecutus, Henrico Rege non invito, qui Heriberti exauctorationem haudquaquam

quam laudabat. Vercellensis, Cremonensis & Placentinus, Episcopi, exilio damnati, velut rei læsæ majestatis.

Tales erant istius ævi mores, & licentia in sacrum ordinem, quem rarò contingit impune violari. Certè Cæsar patùm absuit ab ultimo discrimine, cùm Heribertus, integratà cum Mediolanensibus conspiratione, Novembri mense, tales ejus capiti struxit insidias, ut, nisi ex litteris Adelberti internuntij, qui ultro citroque commeabat, fuissent detectæ, actum fuisset de ejus salute. Alterum periculum Parmæ adiit, cùm Christi natalitia ageret. Orto enim inter cives & Germanos tumultu, multis utrinque cadentibus, qui Cæsari minister erat à cibis prægustandis, Conradus nomine, obtruncatus est. Certatum est tantâ pertinaciâ, ut, cùm strages promiscua in majus cresceret, non antè fuerit à cædibus cessatum, quàm faces in tecta jactarentur. Imperator super hæc, in pœnam furoris popularis, & cæteris urbibus ad terrorem, mœnium partem jussit everti.

Transcens Apenninò, tendens in Apuliam, Richerium, gente Bojum, olim Altahæ Monachum, & tum Leonensis Monasterij Præsulem, cujus consilio atque operâ Cæsar magnis in rebus utebatur, Cassinatibus Abbatem dedit. Ejus liberalitate factum, ut Altahense Cœnobium, quod sub Ratmundo Abbate totum conflagrârat, anno trigésimo sæculi tertio, D. Gothardo in partem juvante, è ruinis & cineribus fuerit excitatum. Imperatrix, ab Augusto tantisper digressa, Romam religionis causâ divertit. Inter hæc, Trojæ, Beneventi, Capuæ, & passim per Apuliam, Cæsar, juri dicundo, audiendisque litibus forum aperuit: Nortmannorum, qui nuper sedes ijs locis fixerant, varias cum indigenis controversias, ex æquo & bono, temperato legum rigore sopivit. Rediturus in Germaniam, præsidia, adversus Mediolanenses, qui nondum ad officium redierant, varijs locis disposuit. Cùm mense Julio calores se vehementer intenderent, fœda lues exercitum invasit, & plurimos extrinxit. Malum non stetit in solius vulgi capitibus, sed etiam Cunehildem Henrici Regis conjugem, præmaturo fato, 15. Cal. Augusti sustulit. Linaburgi sepulta est, unicâque filiulam Henrico reliquit, quæ Christo postea desponsa, sanctimonialium egit Aristitam. Eâdem pestilentia abreptus est Hermannus Dux Sueviæ, Conradi privignus 5. Cal. Augusti. Eum securus est Cono Franconiæ Dux, ex eâdem contagione. Hermannus funus, cùm ob æstus intemperiem ultrâ vehi non posset, Tridenti est tumulatum. Grassanti malo, mitius Boicæ cœlum & felicior medicorum industria, denique finem attulit.

Conradus, in Burgundionum conventu, Soloduri, filio Henrico Burgundiam transcripsit, proceresque in ejus verba adegit. Hic annus D. Gothardo Episcopo Hildesheimensi supremus fuit 4. Non. Maij, nocte, quæ Christi in cœlos ascendens festum præcessit. Sui fati præscijs, anno superiore, Ratmundum Altrahensem Abbatem, suum ex sorore nepotem, monuerat, iret ad Radilonem sacerdotum Decanum, virum in primis charum, & mortis propediem imminētis faceret certiorē, cum promissio, fore ut brevi eum Gothardus ad Superos sequeretur. Frequens exinde illi inter familiares de patriâ revivendâ (cœlestem intelligebat) cum singulari amœnitate collocutio. Cùm illi se comites multi offerrent, rati eum de Boicâ adeundâ habere sermonem, unico Brunoni, cujus arte & penicilli elegantia delectabatur, condixit, fidemque eodem, quo mortuus est, die exsolvit. Etenim Bruno, æris campani signo, de ejus obitu admonitus, Divûmque precatus, ne promissi foret immemor, impetravit ad cœlestem patriam abeundi commeatum. Claruit Gothardus vivus mortuusque miraculis, è quibus nonnulla superiùs annotavimus. Quæ jam recensēbimus, digna sunt memoratu. Cùm anno M. XXIII. ad Moguntinam Synodum proficisceretur, mulierem tartareo spiritu infessam, solo nominis sui terrore liberavit, scelestissimo hospite deferente stationem, antequam sanctus in ejus veniret conspectum. Similium tyrannorum turbam è palude Hildesheimensi, unde vicina jam diu infestaverant, proscripsit, non ausam expectare vim, quam, crucis salutari signo &

Chron.
Altahen.

PARMENSIS
TUMULTUS.

AN. CHRIST.
M. XXXIIX.
RICHERIUS
BOIUS CAS-
SINENSIS
ABBAS.
XXI.

PESTIS IN
EXERCITU.
CUNEHIL-
DIS REGINA
EXTINCTA.
HERMAN-
NUS SUEVUS
PESTE SUB-
LATUS.
HENRICO
CONRADI
F. REGNUM
BURGUNDIÆ
TRANSCRI-
PTUM.
D. GOT-
HARDI
OBITU.

CLARUIT
PRODIGIIS.

sacris lipsanis, solebat ipsis inferre. Ratisbonæ, strigem, diris carminibus fruges & armentum incantantem, exarmavit, depulso dæmone, quo illa ad maleficia utebatur. Ejus nomen à puerperis invocatum, facilem dabat partionem. Con- sueverat febrim, præbitâ potione, quam precibus & cruce expiabat, ex ægrorum corporibus exigere. Straubingæ oculorum usum cæcæ mulieri reddidit, illito luto, quod, ad Servatoris exemplum, sputo temperavit. Passaviensi puero prædiviti, sed tam infelici ingenio, ut ne prima quidem litterarum elementa, triennij improbo labore, didicerit, memoriam solertiâque divinitus conciliavit, eâ felicitate, ut, abstersâ mentis hebetudine, libero homine dignas disciplinas, mirâ facilitate affecutus, Passaviensi insulâ fuerit decoratus. Adolescentem nobili genere, ad arcem Stanwerburgensem, Danubij aquis extinctum, jam in urnâ mortuali compositum, ad vitam revocavit. Redivivus, peccatis, quibus inferorum ignes paratos viderat, ritè expiatis, negavit se velle provivere, quòd nesciret, an aliàs tutius esset moriturus. Gothardus, roganti abeundi commeatum concessit.

AN. CHRIST. Hæc paulùm extra annorum seriem. Redeo ad Conradum Imperatorem, M. XXXIX. quem anno hujus sæculi nono supra trigessimum, ipsis Pentecostes feriis, Trajecti mors oppressit non inopina, sed festinata. Nam ipso Pentecostes die, cum ad mensam coronatus accessisset, sensit dolorem tolerabilem. Cum postridie notaret malum augescere, vocatis Episcopis, viatico Eucharistico procuratus, Augu-

Herman.

XXII.

CONRADI
IMP. OBI-
TUS.

stæ dedit suprema mandata, Regémque Henricum ultimis præceptis instruxit. Tum inter frequentia suspiria, imbutâque fletu preces, piè animam exhalavit, postquam regnum annis septendecim, Imperium quatuordecim, gesserat. Viscera, Trajecti, terræ mandata, reliquum corpus avectum Spiram, in D. Virgini basilicâ, regio more, est tumulatum. Henricus filius, toto itinere, memorabili pietatis exemplo, ad omnes templorum aditus, funeri succollavit. Demortuo totum Imperium, sacris largitionibus, comprecationibus, sacrificijs, parentavit. Lessus ejus præconio vulgatus, inter magnas ipsius laudes, hanc quoque accinuit, ad Bojos pertinentem.

Postquam replevit Franciam, per pacis abundantiam,
Mitigavit Alemannos, & omnes Regni Tyrannos;
Saxonibus & Noricis imposuit frena legis.

COLUMNA
IGNEA.

Ejus fato, conjectores crediderunt, prælusisse columnam ingentis magnitudinis igneam, ad 8. Idus Aprilis, inter Austrum & Orientem, quasi solem ad Occalum vergentem pervasisset, humi prolapsam, relictâ sui notâ, quæ diu mansit aspectabilis.

HENRICI
REGIS NA-
TALES.

Cæterum, antequam ad res, ab Henrico Rege gestas, aggrediamur, juvabit refellere fabulam, quam de ejus natalibus Vincentius Gallus, Gotofredus Viterbiensis, aliique commenti sunt. Nitimur Wipponis, Othonis Frisingensis, pluriûmque veterum auctoritate. Illi fabulatores, ut aures mulcerent narrationis admirabilitate, anilem famam secuti, scripserunt, Leopoldum Comitem Caloviensem (sic dictum ab arce Caloviâ, quæ hodie Kalb in Wirtenbergiâ, ad flumen Nagoldum, & oppidum ejusdem nominis) compertum pacis violatæ, ad effugiendas Conradi iras, unâ cum uxore, quæ gestabat uterum, in Herciniæ silvæ abditis latuisse, & pristinæ dignitatis cultu in agrestem mutato, usum esse paupertino tuguriolo. Porro, ex intervallo contigisse, ut Conradus, dum feras sectaretur, intendentibus se tenebris, casu ad istud mapale diverteret absente Leopoldo: & eâ quidem nocte, hujus uxorem, infantulum peperisse, eoque vagiente, auditam esse vocem: *O Imperator, infans iste tibi gener erit & heres*: eâ voce Conradum territum, primo diluculo, duobus è famulitio negotium dedisse infantis occidendi; sed eos, parvuli innocentiam miseratos, neglecto domini imperio, cor exenterati leporis, velut indicem patratæ cædis, Cæsari retulisse: supervenisse verò Hermannum Sueviæ Ducem, qui audito vagitu, visâque pueri formâ elegante, cum domi suæ educandum, tandèmq; etiam adoptandum, jussit deferri. Imperatorem porro

adolef.

adolescentuli præclarâ indole delectatum, ab Hermanno impetrâsse, ut inter Palatinos moribus honestis imbueretur. Verùm Conrado de incertis alumni natalibus, locoque, unde eum Hermannus sustulerat, edocto, subortam esse suspicionem, eundem esse illum, quem à matre abstractum, iusserat jugulari. Quare veritum, ne, quod acceperat de infante, oraculum impleretur, litteras suspecto adolescenti tradidisse Imperatrici deferendas, hoc argumento: *Mox, ut has acceperis, adolescentem, qui eas reddet, clam curabis occidi.* Venisse verò juvenem ad Decanum Ecclesiæ Spirensis, qui eo dormiente, resigantis litteris, sceleris immanitate damnatâ, erasis dictionibus, *clam curabis occidi*, scripsisse, *filia nostra nuptum dabis*: & Augustam quidem nihil cunctatam, ilico fecisse nuptias, factâsque renunciâsse marito: qui denique edoctus, generum à Caloviensi stirpe esse prognatum, nihil veritus sit, eum sibi dicere successorem. Addunt commento, Hirsaugientis Monasterium, in Henrici solo natali, fuisse postea ad rei memoriam extructum: cùm tamen constet, Hirsaugiam longè ante Conradi tempora fuisse fundatam. Et verò ex serie rerum atque temporum fabula luculentè refellitur. Etenim Henricus erat octennis, cùm illi, secundo regni sui anno, Conradus regios titulos impertijt: ergo erat adhuc innuptus: sed & erat jam sexennis, cùm pater regno est potitus, neque tum quærebatur imperij successor, quem constabat ex iusto Gisela Augustæ thoro prodijisse. Sed de his satis. Hoc anno Conradum ad alteram vitam secuti sunt, Dux Cuno ejus patruelis, Adalbero Cunonis æmulus Dux Carantanus, Reginaldus famâ sanctitatis illustris, olim Cænobiij Eberspergentis Præsul, Spirensis demum Episcopus, & Engelbertus Frisingensis Antistes, ob eximias virtutes Cæsaribus apprimè charus, qui, locupletatâ Frisingensi Ecclesiâ, mitram Nigero reliquit.

MORS VI-
RORUM ALI-
QUOT ILLU-
STRUM.





BOICÆ GENTIS
ANNALIUM
PARTIS I.
LIBER XVII.

Res ab Henrico III. Nigro gestæ. Bella Bojæmica & Polonica variâ fortunâ. Regni Burgundiæ motus sæpius compositi. Turbæ Lotharienses. Expeditiones Italicæ in gratiam sedis Apostolicæ. Duces Bojariæ, Henricus D. Cunegundis ex fratre nepos: Conradus Minor, alijs Cuno, exauكتورatus. Otho Gottingensis Saxo: Henricus Nigri filius. Henrici IV. Imp. pravi mores ex Adelberti Bremensis prava institutione. – Idem Agnetis Augustæ, tutelæ ereptus. Schirenses Dynastæ inquieti. D. Benno Episcopus Misnensis. Craſtonis Episcopi infelix avaritia.

*Cosm. Pragen.
Lambert.
Henr. Mut.
Crantz.
Nauclet.
Dubrav.
BELLUM IN
BRECISLA-
UM BOIÆ-
MUM.
AN. CHRIST.
M. XL.*

*Cosm.
Sigeb.
Marian.*

I.



Henricus, regnum undique pacatum adeptus, iustis parenti persolutis, arma induit in Bojæmos. Dux gentis Brecislaus, qui proximus ab Udalrico principatum iniverat, haud obscure præseferebat animum invadendi dominatûs, suis auspicijs, & ne salutato quidem Rege, retinendi. Addunt Germanici scriptores, cum negâsse fisco regio debitum vectigal centum viginti bouum & quingentarum marcarum argenti. Hermannus ipsâ brevitate obscurus, bellum à Brecislao tantisper sopitum, dato obside filio Spirigneo, Brunnerus solâ famâ confectum, scripserunt; sed mox submoto exercitu, cum Henricus Ratisbonam ad hiberna concessisset, Brecislaum unâ cum metu fidem exuisse. Ast anno sequenti, repetitam esse expeditionem, Otho Frisingensis & Germanici Bojæmiquæ Annales referunt & insignem Regis cladem, quas Cosmas prolixè descripsit.

Henricus igitur, acto Ingelheimij Paschate, auditisque de Republicâ Optimatibus, rursum movit in Brecislaum, partito bifariam exercitu. Saxones, duce Ocardo, viro linguâ & solertiâ, quàm manu & belli artibus feliciori, adultâ ætate, iussit Bojæmiam ingredi, eâ parte, quâ ad Hlumerum castrum sese nemo aperiebat. Henricus, cum cæteris copijs movens è Bojariâ, primis castris tetendit in

utrâ-

utrâque Regini ripâ. Cambum progresso, atque hinc ad sylvam, quæ Bojos à Bojæmis dirimit, retulerunt exploratores, hostem, stratis latè arboribus, iter obstruere. Jussit nihilominus signa inferri in propinquam convallem, in quâ ferebatur hostis confedisse. Quia verò in istis sylvæ, passim interclusæ, ambagibus nullus erat usus equitarûs, neque hostis, qui ultra vicinum montem constiterat, sese dabat in conspectum, remissis à tergo jumentis, equitibus omnibus, ne exceptis quidem Ductoribus, imperat, pedestri gradu ire in hostem. Grave erat lento agmini, cum æstu, viarum anfractibus, certamen; donec fractus labore miles, eas fauces attigit, quas Bojæmi valido opere muniverant. Hic oppidò lassis pugnandum in recentes & ex insidijs undique coortos. Cùm se Henrici legiones, in arcum compressæ, non possent explicare, sed à fronte & utroque latere caderentur, ingens à Bojæmis strages est edita, non modò manipularium, sed etiam cujusque nobilissimi. Henricus cum fugientibus agrè discrimen evasit. Wernerus Dux, inter primos occubuit: qui cædi fuerunt superstites, siue conditione se victoris arbitrio dediderunt; quod dum inter spem metumque trepidi expectant, ex insperato salutem sunt sortiti. Guntherus, è milite factus Monachus, Bojæmici saltûs incola, de Henrici clade edoctus, repentè accurrit, & magis opinionione sanctitatis, quàm pondere rationum à Bojæmis obtinuit, ut ferrum concederent, contenti tot fortissimorum virorum sanguine: si servarent dediticios, posse eorum permutatione Spitignei obsidis redimi libertatem. Placuit viri sapientis consilium. Spitigneus, ad anni sequentis initium, patri remissus est. Pugnatum est ii. Cal. Septemb.

Ocardus agrum, ad Belinam amnem, popularus, compertâ regionum clade, fixis ad pontem Gneum castris, per Legatos Brecislao suavit, sese ut Regis clementiæ permitteret: sed cùm non persuasisset, copias incolumes in Saxoniam retraxit. Procopius, Bolino urbi, & tribus Ungarorum legionibus præfectus, proditæ patriæ damnatus, effossis oculis, manibus pedibusque mutilatus, in flumen effusus, corruptæ auro fidei pœnas dedit. Hoc anno cœlestis Imperator, idemque sponsus sanctarum Virginum, Cunegundem sponsam, ad æternam castitatis Lauream evocavit. Illa, in extremis, advertit libitinarias parandis funebribus insudantes, vestem auro argentoque rigentem, aliâque throno regio, quàm tumulo accommodatiora comportare: at illa, collectis vitæ reliquijs: *Quorsum*, inquit, & *bona, isthæc ornamenta, quæ dudum castitatis amatori donavi? Faceßite hinc, obsecro, vanas quisquilijs, & me sinite, absque istis pristina fortuna retrimentis, ad amantissimæ sponsi opsatissimos amplexus emigrare. Non videtis Henricum, puritatis mea custodem, me ad consortium æternitatis invitantem? Ab eo, ab eo, vos meum corpusculum castissimis ejus exuvijs sociate.* Ita, quàm vixerat purissimè, tam sanctè vitâ cessit, & Martij diem tertium fecit celebrem, post in Cœlitum fastos relata. Funus cùm Babenbergæ marito jungeretur, ferunt, auditam esse vocem: *Da Virgini Virgo locum.* Mira & naturæ viribus majora beneficia, quæ longè latèque mortalibus contulerunt, virgineum utriusque sepulchrum, toto orbe celebrârunt: nec dubium, quin eos Rex Henricus, pro suâ in Cœlites pietate, habuerit inter charissimos suæ fortunæ regnorumque tutelares.

Certè plurimùm tribuebat cœlestibus patronis, quod ostendit anno sequenti. Eum urebat acceptæ nuper in Bojæmiâ ignominie memoria, quâ credebatur, Germanico nomini inustam esse infamiam. Sub vernum tempus Seligenstadij, eâ de re habuit Principum comitia. Brecislaus haud nescius, isthic de suo capite coactum esse senatum, misit oratores cum mandatis, ut, quibus possent legibus, pacem impetrarent. Cùm domum nihil, præter armorum metum, retulissent, nisi se suâque Dux ipse coram Henrico permitteret, tota Bojæmia, adscitis simul Petri Ungariæ Regis auxilijs, jussa est esse in armis. Muniti aditus extemporaneis operibus, quòdque superiore bello fecerant, viæ decisis arboribus intricatæ, ductæ in transversum fossæ, sicque obsepti saltuum recessus, ut nullâ vi crederentur posse expugnari. Henricus è diverso novas conscripsit legiones, & veteres

CÆSARIANÆ
CLADEM
ACCIPUNT.
GUNTHERI
MONACHE
PRO CAPTI-
VIS INTER-
CESSIO.

O CARDUS
SE IN SAXO-
NIAM RE-
CIPIT.
PROCOPII
PRODITORIS
SUPPLICIUM.
D. CUNEGUNDIS OBITUS.

AN. CHRIST.
M. XLI.
II.
BRECISLAUS
FRUSTRA
PACEM O-
RAT.

STRATAGE-
MA.

PACIS LE-
GES.

Sigebert.

LUITPOLDUS
AUSTRIÆ
MARCHIO
BOIÆMIAM
VEXAT.
AN. CHRIST.
M. XLII.

III.
S. EMERICI
CASTIMO-
NIA.
Bonfin. Dec.
2. l. 2.

instauravit novis supplementis. Ratus verò è cœlo venire victorias, ante omnia Numen voluit piorum votis propitiari, simulque proficisci viros religione præcel-
lentes, penes quos esset divinorum procuratio, quique locati in subsidijs, dum mi-
les confingeret, fufis ad DEUM precibus dimicarent. Castris ad sylvam Herci-
niam locatis, in militari senatu ex abrupto statuit, itinere duplici, Bojæmos inva-
dere. Quâ parte nemus erat obseptum, ostentatâ castrorum specie, iussit, divi-
sis per vices signis, levibus prælijs hostem ad munimenta continuò distineri, ut,
ubi videretur præsentius esse periculum, illuc potissimum magnis viribus Bojæmi
convolarent. Tum, explorato per agrestes saltu, cum expeditissimis legionum, flexo
ad latus, circum sylvam, agmine, per incustoditos tramites improvisus perumpit
in aperta camporum, nemine prorsus cohærente. Reliquus exercitus pariter
subsecutus est. Sic tota provincia per sesquimensem populationibus patuit. Ho-
stis mœnibus suam salutem commisit. Brecislaus inops consilij, ad artes sibi fa-
miliares conversus, honestissimâ legatione Henrici clementiam tentavit. Auditi
quidem Legati, sed, cum præsentî fortunæ parùm consentanea adferrent, iussi
sunt ad Ducem irriti redire, & nisi æquiora maturarent, longè duriora expectare:
ea repulsa Proceres, incredibili suorum calamitate mœrentes, impulit ad ultima
consilia. Cum enim in Brecislao nulla defendendi spes in præsens appareret,
autore Pragensium Episcopo, communi consensu, Henrico fecere deditionem,
polliciti, se Ducem eò necessitatis adaucturos, ut vel rediret ad officium, vel, si id
detrectaret, se eum vinctum Henrico tradituros. Brecislaus desertus undique,
ut suorum insidias anteverteret, positâ ferociâ, per Legatos rogat, in postremum
saltem gratiæ locum admitti, professus se Ratisbonæ, ad dictam diem, Regi adfu-
turum, daturum obsides suos, & quatuor Optimatum filios: citra pretium reddi-
turum captivos omnes, repræsentaturum pondo octo millia, sive argenti centum
viginti octo, Germanici ponderis unciarum millia, loco vectigalis, & damna
omnia, quæ vi, aut fraude fecisset, restituturum. Henricus suo usus ingenio, po-
stulatis annuit, incruentam victoriam DEO unice gratulatus. Ut promptius sine
maleficio exercitum in Boicam reduceret, iussit itinera, sublati arborum muni-
mentorûmque obicibus, expediri; quod à Bojæmis obsequenter est festinatum,
lætis, se ingratorum hospitem contubernijs esse levandos. Brecislaus, vigesimo
post die secutus, nudus pedes, aperto capite, Reginoburgi, in frequenti Princi-
pum senatu, affusus Regis, in sellâ curuli habitu regio sedentis, vestigijs, admissio-
rum veniam eâ demissione precatus est, ut, qui aderant Pontifices aliique proce-
res, ejus sortem miserati, Henricum obrestarentur, ut misero, suum scelus pro-
fitenti, ignosceret. Jam in misericordiæ partem incumbenti, nihil opus fuit ad-
hibere potentiores machinas. Supplicem, humo levatum, & compellatum be-
nignè, in pristinos honores reposuit honestis conditionibus, posteaquam recita-
verat solenne sacramentum.

Dum Henricus ista gereret, Luitpoldus, Alberti Marchionis Austriæ filius,
urbem in Bojariæ confinio, parenti suo à Bojæmis ereptam, vi recepit & solo
æquavit. Præfecti filium abduxit captivum cum magnis hominum pecorûmque
gregibus. Miles successu elatus, suique animi secutus impetum, in Bojæmiâ se,
spe prædæ, infudit, latèque vagatus, locuples rediit ad Luitpoldum. Henricus pu-
blice laudatum, equo, quem à Brecislao acceperat, cum non vulgari honoris signi-
ficatione donavit.

Bohemo quiescente, Germaniæ otium ab Ungaris turbatum est. D. Ste-
phanus, anno trigesimo octavo, ad Cœlites migraturus, Petrum, ex sorore nepo-
tem, sibi successorem, non illubentibus regni Ordinibus, dixerat. Cum enim
S. Emericus, quem ex Gisela Boicâ unicum tulerat, sceptro fastidito & abjectâ
prolis excitandæ curâ, divinum Oraculûm & D. Henrici Imperatoris exemplum
secutus, in geniali thoro perpetuam castitatem coleret, ad Superos raptus, imma-
turâ morte, parentum spem frustratus, regnum, mortali longè nobilius, adiit. Quæ
causa D. Stephano fuit, Petrum, quem jam dixi, solio imponendi, Vazule, qui
dia-

diademati imminebat, exoculato. Sed à successore exegerat, ut Gisela Regi-
nam, si quid sibi humanitus contingeret, quando illa quidem de Ungaris esset opti-
mè merita, quibuscunque officijs & veneratione prolequeretur. Petrus abunde
omnia pollicitus, avunculo extincto, fidem observantiâque adversus Gisela
sævitiâ mutavit, ablati omnibus non modò regis fortunæ ornamentis, sed etiam
vitæ subsidijs, ipsâque adeò libertate. Publico enim submotam, retrusâque in
carceris angustias, domesticorum etiam ope alloquiôque spoliavit. Et jam ejus
improbitas eò devenerat insolentia, ut cuique nobilissimo, ipsi adeò virtuti infe-
stus, nihil pro frugi homine, neque pro Rege, quem publici cura tangeret,
sed pro tyranno omnia gereret, non crudelis modò, sed etiam ad infamiam libidi-
nosus, nulli ut matronæ, nulli virgini satis esset tuta, à monstro spurcissimo, pudici-
tia. Accedebat indigenarum contemptus, qui haud facillè ulli Principum fuit
impune. Ungaros habebat ludibrio, & se ipsum, arces, honores, præfecturas, ma-
gistratus, credebatur Alemannis, suisque deque habens, quàm superbè, quàm
avarè commissa potestate uterentur. Cùm regni proceres nihil monendo pro-
ficerent, inita conspiratione, velut in re desperatâ, Budonem, palatinorum nequissi-
mum, cujus potissimum suasionibus Petrus agebatur in transversum, in frustra
concidunt, binis ejus filijs expungunt oculos, &, quod erat proximum, in Regis
caput conjurant, eoque abdicato, Ovonem, qui D. Stephani sororem duxerat,
summæ rei imponunt, parantque vim in Regem & Germanos, tandè que eos re-
gno, veluti reipublicæ hostes, exigunt. Petrus fugit in Boicam ad Adalbertum
Austriæ Marchionem, suum ex sororis nuptijs affinem. Verebatur Henrici Cæ-
saris fidem implorare, quòd nòllet, se in ejus indignationem incurrisse, cùm, supe-
riore bello, Breislao auxilia junxisset: sed denique Adalberti consilio, rebus affli-
ctis, ab ejus clementiâ subsidium oravit, meliore, quàm sperabat, eventu. Prona
est Regum in sui similes misericordia. Ut eum vidit Henricus suis affusum geni-
bus, non tenuit lachrymas, sed bono esse jussu animo, ad spem fortunæ melioris
erexit.

PETRUS D.
STEPHANI
SUCCESSOR
CRUELIS
IN GISE-
LAM REGI-
NAM.

ALIA IPSIUS
VITIA.

PROFUGIT
IN AUSTRI-
AM.

Ne tamen mox ei succurreret, obstiterunt Burgundiæ negotia, quæ cum
præsentem poscebant. Hermannus motus aliquos Burgundionum insinuat,
cùm ait, Henricum Regem sub hiemem Burgundiam invasisse, multosque princi-
pum, ultrò obsequentes, in fidem recepissee, & cæteroqui jure dicundo exercuisse
leges. Inde concessit Argentoratum, ubi in frequenti Principum consessu, Ovo-
nis Ungari Legatos audivit. Petri tyrannidem, aliâque scelera gravissimè accu-
santes, permittentesque Henrico optionem, vellèntne sceleratum hominem tueri,
an cum amicâ gente pacem servare. Et se quidem ab Ovone iustos, pacem, vel
bellum in patriam referre. Cæsar offensus legationis insolentiâ, paucis respondit:
Regium jus, quod ubique debeat esse sacrosanctum, ab Ungaris in Petro manifestè
esse violatum: eam esse communem Principum omnium injuriam, & Cæsaris po-
tissimum, qui eam neutiquam passurus sit inultam. Fore penes Ungaros belli
pacisve electionem: pacem habituros, si suo Regi faciant satis; bellum suo malo
experturos, si secus faxint. Se verò in utrumque paratum, ita ut neque malos
metuat, neque bonis optet esse metuendus. Id responsi Ovo, velut classicum ac-
cepit, eoque jussit ad arma, totâ Pannoniâ, rigente adhuc brumâ conclamari. Tum
bipartito agmine in Austriam irrumpens, utramque Danubij ripam, omnibus ho-
stilitatis exemplis miscuit. Regionem, quæ vergit ad Septentrionem, Vicario,
decem legionibus armato, vastandam objecit: ipse Australem tractum sumpsit
lacerandum.

IV.

HENRICUS
CÆSAR REE
COMPOSIT
IN BURGUN-
DIA.

OVONIS UN-
GARI AD
CÆSAREM
INSOLENS
LEGATIO.

OVO IRRUM-
PIT IN AU-
STRIAM.
AN. CHRISTI
M. XLIII.

Neutrobi Boijs erant vires ad sistendum impetum comparatæ. Adulto Fe-
bruario, hostis improvisus Tulnam progressus, cives Bacchanalia agentes, nocte
intempestâ, oppressit vino somnòque sepultos, tecta diripuit, incendit. Inter
hæc Ovonis Legatus ingentem prædam legerat, quam, ut levaret exercitum, jus-
serat in tutum comportari. In eâ totius provinciæ consternatione, Adalbertus
Marchio & Luitpoldus filius ausi sunt facinus penè supra fidem. Primùm, armâ-
tunt

TULNENSES
OPPRIMIT.
EXIGUUS
NUMERUS
PROFLIGAT
DECEM UN-
GARORUM
MILLIA.

unt ex suis domesticis omnino triginta; deinde contractâ popularium trecentorum, plus minus, manu, sese pro patriæ salute ultimo discrimini devoverunt, aut invadere decem hostium legiones in tres globos divisas. Inveſti in primos, tantâ eos cædē proſtigârunt, ut non stragem, sed ruinam viderentur edidiſſe. In medio Ungarorum agmine, ducebantur captivi magno numero. In hos progreſſi ardore non impari, pari felicitate, petruptis undique ordinibus, viam ſibi fecere ad captivos, qui vinculis ſoluti, acceptâ hoſtium vivorum mortuorumque armaturâ, ſe adjunxere Boijs: ſœminæ adeo, telis, quæ ſors obtulit, armatæ, plusquam muliebri ferociâ in obvios ſævierunt. Hic rurſum exaggerata funera eo numero, ut manus, tametſi victrices, cædendo fatigatæ, ad preſandam victoriam vix ſufficere viderentur. Tertium hoſtium agmen ſupererat, quod erumpens ex inſidijs, pugnam inſtauravit. Hic denuo itum, Deo animos faciente, in recentes legiones. Certamen acerrimè tenuit, donec ultima deſperatio hoſti injeſta, fugam fecit, quam cùm Maraha fluvijs interciperet, multi tranſantes aquis hauſti, plures obruncati, complures capti, pauci admodum, qui cladis nuntium ad ſuos referrent. Inter fugitivos, fuit Ovoniſ Legatus, qui, cùm ope equi generoſi flumen trajeciſſet, admiſſus in Ovoniſ conſpectum, miſerandam ſuorum jacturam ubi recensuerat, juſſus eſt orbari luminibus & in vitam ſervari, ipſâ morte ærumnoſiorem. E Boijs, alieno ſanguine cruentis, nulli, quos Annales memorent, fuere deſiderati. Alia ex parte Ungari, in Carantanos erumpentes, læta quidem ſortiti ſunt initia, ſed cùm triſtia ſucceſſiſſent, cæſi à Godefrido Marchione, qui cædem evaſerunt, nihil præter ignominiam, & infaſtum ſecuturæ calamitatis omen ſuis renuntiârunt.

UNGARI
COEſI IN
CARAN-
TANIS.

V.

Herm.

HENRI-
CUS D. CU-
NEGUNDIS
NEPOTIS
DUX BA-
VARIÆ
BELLUM
UNGARI-
CUM,

Cæſar nondum exactis hilaribus, Boicæ principem dedit Henricum, D. Cunegundis ex fratre nepotem. Actis eſurialibus, bellum decrevit in Ungaros. Æſtas collocata eſt in faciendis delectibus: ineunte autumnus, caſtra mota per Aquilonatem Danubij oram, eò quòd Australis, objectu fluminum & paludum, eſſet inaccessa. Primo imperu Heimenburgum & Poſonium per vim occupatæ, direptæ, ac denique flammis vaſtatæ. Novem aliæ urbes, metu ſimilis excidij, ſeſe Cæſari permiſerunt. Quicquid præterea uſque ad Granam flumen terrarum fuit, venit in deditionem. Signa biſ cum hoſte collata Marte ſecundo, & grandi Ungarorum ſtrage; qui tamen cùm Petri imperium contumaces detrectarent, Cæſar alium regiæ ſtirpis exulem, qui erat in Bretislai Bojæmiæ Principis comitatu, non illubentibus Pannonum ordinibus, regno impoſuit, cujus tamen brevis fuit dominatus. Cùm enim nondum deſlagraſſent popularium in Ovonem ſtudia, Regi novello cedendum fuit odijs & ænulo potentiori, & vix deguſtatâ dulcedine dominandi, ſolum ſolumque exilio mutandum.

LEODE-
GARIUS
LECHS-
MUNDIA-
NUS, MA-
GNARUM
VIRTUTUM.

Sub hæc tempora vixit Leodegarius Comes Lechsmundianus, gente Bojus, qui cùm, relicta militiâ, ad Ordines ſacro tranſiſſet, claram ſanctitatis famam eſt adeptus. Ad aram facienti, populus libenter aderat, quòd cum notaret cum inſigni reverentiâ divina tractare. Sacerdotij, quod illi quadraginta annorum fuit, poſtremum quinquennium cæcus egit, eâ conſtantiâ, ut, cùm ſimul ipſi corpus in ſaniem diſfluere, mira daret patientiæ, quæ vera dos eſt adultæ virtutis, exempla. Quo momento expiravit, viſa fax ex morientis ore in cælum evolare. Opes, quas illi fortuna luculentas dederat, Deo ex aſſe tranſcripſit, in foundationem Gemphingenſis Monafterij, & Aſceterij D. Walburgis.

GEHBARDUS
COMES
HIRSBERG.
EPISC. EL-
STETTENSIS.

HENRICI
CÆſ. NUP-
TIÆ,

Claruit eodem tempore Gebhardus, è ſtirpe Comitum Hirsbergenſium, Boici ſanguinis, quem Henricus Cæſar, hoc anno, Eiſtettensibus dedit Antiſtitem in comitijs Goſlarienſibus, quæ Lambertus ſcribit habita in feſto Dominicæ incarnationis. In eo conventu, Ruſſi per Legatos, Cæſari filiæ regiæ nuptias obrulerunt, ſed jam aliam exambierat, Agnetem Wilhelmi Piſtavienſis filiam, vel ſororem (utrumque enim traditur) quam Biſontij deſponſam, Ingelheimij celeberrimâ pompâ domum duxit. Eò cùm paraſiti, ludiones & hiſtriones frequentes confluiſſent, omnes juſſit facere, & quas in eos facturus fuiſſet impenſas, in

pau-

pauperum annonam erogari. Publicam nuptiarum hilaritatem temperavit Luitpoldi Austriæ, Ungarorum victoris, mors immatura. Illi Poppo Archiepiscopus, patruus, Treviris tumultum dedit & iusta funebria: de eo sic fasti veteres Trevitorum:

LUITPOLDI
AUSTRIÆ
MORS.

V. ID. DECEMB. OBIIT LUPOLDUS FILIUS
ADALBERTI MARCHIONIS.

Gisela Henrici Regis mater, Ingelheimij, alvi profluvio 15. Cal. Maij est extincta, ac deinde Spiræ, juxta maritum, terræ mandata: quanquam, decepta à conjectoribus, crediderat, se filio Regi esse supervicturam.

GISELÆ
CÆSARIS
MATRIS
OBITU.

VI.

Eam ad alteram vitam anno superiori præcessit Ditmarus II. Salisburgensis Archiepiscopus, posteaquam annos sedecim, optimâ fide, sedem Metropolitanam tenuerat. Ei successus est Balduinus, quem aliqui Baldingum, alij Baldovinum appellant. Eodem anno Ditmarum secutus est Heribertus Episcopus Eistettensis, genere nobilis, virtute nobilior, & eleganti literaturâ, S. Heriberti Colonien- sis consanguineus, ornandæ augendæque suæ Ecclesiæ mirum in modum studiosus. Quo in genere illud est missum in litteras, quòd, cum totus in eo esset, ut jurisdictionis imminutionem, quam Babenbergensis Ecclesia Eistettensi attulerat, sarciret, abs Henrico Rege, cujus res modò scribimus, impetravit, ut sedem Eistettensem Neoburgum unâ cum D. Wilibaldi reliquijs liceret transferre. Verum, cum id Divo cordi non esset, subito Henricum facti poenituit, quod Heribertum adeò afflixit, ut D. Wilibaldum precatus sit, vellet jubere, cum extra Eistadium emori. Factus voti compos, in itinere obiit, & à Nitgero Frisingensi Episcopo tumultum est consecutus.

HERIBERTI
EISTETTEN.
EPISC.
MORS.

Henricum Regem, anno quadragesimo tertio, agentem Padebornæ, Ungarorum oratores convenerunt, violatæ fidei veniam precantes. Cum simul Boicæ ab ijs vexatæ causa verteretur, Ratisbonam sunt rejecti, ut Boijs præsentibus leges pacis disceptarentur. Disceptatæ illæ quidem; sed cum Legati præter crudas altercationes nihil adferrent, jussi sunt Boicæ finibus excedere. Mox ubi excesserant, exercitus, infestis signis, eos est insecutus. Bellum unius castelli, ad Rabinnissam flumen, oppugnatione confectum, Ungaris spondentibus, se imperata facturos: Ovone regni parte fore contentum: ingentem auri vim, & certum vestium numerum repræsentaturum, restitutum Gisela viduæ pristinum fortunæ regis apparatus: illata damna ex æquo dissolutum: alteram regni partem, quæ olim Stephano Regi fuerat honoris causâ contributa, dimissum, daturum obfides. Et hæc quidem fluxâ fide, Ovone brevi ad ingenium exitiûmque redituro. Henricus reversus Constantiam, in publico procerum confessu, memorabili ad posteros exemplo, *pacem* (ita scribit Hermannus) *multis sæculis inauditam, per editum confirmavit*: quæ, ut toto imperio rata esset, ultro veniam fecit noxarum omnibus, qui, quacunque, ejus majestatem violassent. Dein hortatus est Suevix Dynastas, uti pari modo suos hostes in gratiam reciperent, & sublati discordijs, deinceps pacem colerent, quod postmodum, simili ratione, per universam Germaniam, voluit esse sacrosanctum. Edictum Constantiæ conceptum, Treviris in vulgus editum est, quod Lambertus insinuat. Grande fuisset operæ pretium, si, quàm promptum fuit pacem imperare, tam fuisset expeditum tollere belli causas.

PAX UNGA-
RICA PAL-
LAX ET
BREVIS.

PAX GENE-
RALIS.

Nata, si non data, est turbarum causa, Gothelone Mosellanorum Duce extincto. Is cum duos filios Godefridum & Gothelonem reliquisset, Henricus Cæsar, posteriore, propter ignaviam, repudiato, altero arrogantiz obtentu (cum certè Lambertus nobilissimæ indolis atque bellicosissimi spiritûs juvenem deprædicat) Adalberto Austriæ Marchioni Ducatum Mosellanicum donavit. Atqui Godefridus, dolens se avitâ possessione depulsum, relicta fratri Gotheloni Lotharingæ possessione, se palàm imperij hostem professus, Adalbertum prælio superarum occidit, edidit cædes plurimorum mortalium, & agrorum populationes, quas ad Rhenum usque propagavit, nemini parcens, nisi qui se auro redemisset. Aventinus eum scribit denique principatui ab Henrico fuisse restitutum.

AN. CHRIST.
M. XLIV.
VII.

TURBÆ LO-
THARIEN-
SIS.

HIEMS
ACRIS,
ÆSTAS PE-
STILENS.
*Herm. Ma-
rian. Glab.
lib. 3. c. 4.*
OVO FOR-
DIFRAGUS,

BELLUM IN
EUM DECER-
NITUR,

CÆSAR
RABINIS-
SAMPLUMEN
TRAICIT
ET ARRABO-
NEM.

MIRANDA
DE UNGARIS
VICTORIA.

VIII.

*Hepidan.
Glaber.
Herman.
Bonfin.*

OVO SECURI
PERCUSSUS.

Hunc annum hiems, præter modum aspera, vitibus passim ustis, fecit calamitosum. Æstas pestilens animantibus, fames, sterilitas per sex propè annos secuta, Germaniam & Galliam vehementer afflixit. Pacem turbavit Ovo Ungarus. Ut enim difficilior est ferre res secundas, quàm in adversis servare constantiam, tametsi anno superiore, ægrè ab Henrico pacem impetraverat, relapsus tamen ad fraudes, Cæsarem ad vindictam excitavit. Ille contraxerat tantam armorum multitudinem, ut inter suos jactaret, se non tam de reprimendo hoste, quàm de eo ad pugnam proliciendo laboraturum, eoque Henricum in Ungariæ fines studio admissurum, ne pugnandi occasio deesset. Ad insolentem hominis ferociam, accesserat dira in subjectos immanitas, optimi cujusque præscriptio, nobilitatis odium, probitatis contemptus, scelerum impunitas, & quicquid à tyranno poterat iniquitatis formidari. Quibus ex sceleribus, confata est in caput tam noxium conjuratio, quæ antequam maturuisset, prodita per conscios, in certam authorum perniciem erat evasura, nisi se tempestivè tyranni ferro subduxissent. Profugos Henricus clementer accepit, & festinatis Bojorum & Bojemorum delectibus, sex, non amplius, armorum millia sub signa coëgit, multis improbantibus, quòd tantillum numerum ducentis Ungarorum millibus esset objecturus. Jam jam moturo Ovonis Legati adfuere, cum speciosis mandatis, quibus fucum facerent, & nostrorum vires certò explorarent. Id tametsi Henricum non latebat, patiebatur tamen, ut hosti ferocia cresceret ex contemptu minutarum copiarum. Unius diei itinere ambo exercitus à se aberant, cum Cæsar Legatis edixit, Ovonem ut referrent, se in diem tertium pugnæ copiam esse facturum. Eam illi fiduciam divinitus fuisse injectam, author est Marianus, quòd D. Udalrici monitu, ad hoc certamen, periculosa licèt plenum alex, fuisset impulsus. Cum suos cordatâ oratione ad pugnam animaret, tam certam illis victoriam addixit, ut non tam hortari, quàm loqui oracula videretur. Credebatur Ovo, ad condictam diem, in loco, qui prælio delectus erat, futurus; verum ultra Rabinissam amnem recessit, sive ut æquiorum castris campum occuparet, sive, quòd plurimum illi confidentiæ decesserat, longè exiliora facturo, quàm dixerat. Henricus, nihilo secius eum insecutus per vadum, bono omine repertum, suos, noctis beneficio, in adversam ripam exposuit, & disjectâ Ungarorum statione, magnâ annonæ vi, & non paucis machinis est positus. Eadem fortunâ Arrabonem, hodie Rabam, fluvium transgressus, hostem habuit in conspectu, in planicie, ubi aciem explicuerat, nihil dubitans, paucas Henrici legiones, ab innumerâ suorum multitudine circumfusas, non secus atque feras plagis inclusas, adictum fore patentes. Verum, ubi ventum est ad teli jactum, longè illi fuit alia mens, cælo, quod ejus sceleribus erat iratum, pugnante pro causâ meliore. Vix cœperant signa committi, cum Ungaris offusæ tenebræ, non modò nostrorum, sed mutuam quoque conspectum eripuerunt, ut se invicem hostium loco haberent, cum tamen se interim amœna lux in Bojorum aciem infunderet: ita non multorum passuum intervallum noctem dirimebat non minori prodigio, quàm in Ægypti densissimâ olim caligine. Exorta simul horribilis ventorum procella, arenas humi collectas, in adversa Ungarorum ora oculosque sparsit tanto impetu, ut stare nusquam, vel caput possent in hostem erigere. Nostri interea, non secus atque Cœlites haberent antesignanos, ibant in percussos, fodiebant ora restitantiæ, fugientium tergis hærebant, tantâ strage, ut sex passuum millia occisorum cadaveribus sternerentur. Pugnatum 3. Non. Julij. Cæsarum numerum nemo recensuit: è nostris pauci admodum occubuerunt. *Henricus fortissimè pugnans* (utor Hermannii verbis) non modò sapientissimi Ducis, sed fortissimi etiam militis partes, omnibus numeris implevit. Tam sibi nullam victoriæ laudem passus est adscribi, ut, posito paludamento, laneum indutus sagum, & exalceatus, ante Crucifixi effigiem prostratus, exercitu Deo gratulante, soli Christo triumphum accinuerit. Ovo, ex acie dilapsus, se in humile tugurium abdidit, in quod excussum fulmen, cum per varia latibula vagum egit, donec tandem ab æmulo protractus ad supplicium, dignas

(cele-

sceleribus poenas, securi percussus, exolvit. Henricus victoriâ bene usus, Ungariam accepit in deditionem: Petrum Albæ Regiæ, majorum more inauguratum, regno restituit, & Ordines jussit in ejus verba jurare. Ungari, Bojorum fortunam admirati, se deinceps eorum legibus victuros permiserunt. Henricum è bello redeuntem, Ratisbona triumphali pompâ recepit: ipse verò simplici indutus cultu & nudus pedes, omnia civitatis templa religiose obiit, nec fuit ara, quam festo ornatu non convestiret. Cives in DEI laudes & Regis commendationem effusi, ejus sunt imitati pietatem, cum pro suo quisque modo, templa donis, DBUM supplicatione honorârunt.

Inter hæc nonnulli in Burgundiâ motus extiterunt. Reginoldus & Geroldus, Dynastæ, quorum ille, Regiæ Agnetis avunculus, Henrico dudum infensus, Montem Pelicardum, hodie Monpelgardum castrum, quod Burgundiæ accensebatur, obsidebant, quos Ludovicus prætor, contractis ad signa popularium centurijs, prælio victos egit in fugam. Supererant nihilo minus seditionum faces, quas ut exstingeret Henricus, armatus ivit in Burgundiam, & utrumque Comitum ad obsequium redegit.

Subinde Ungari, gens armis assueta, res novas moliebantur, quod eos non sui duntaxat Regis, sed etiam religionis, quam, D. Stephano authore, suscepant, cœpisset tardere, volente Petro Rege, miserunt Legatos ad Cæsarem, quadragintadiæse junium Frisingæ ineuntem, infimis precibus rogantes, ut, quam pacem salutemque armis recens peperisset, eam suâ autoritate & præsentia firmaret. Promisit Cæsar se ad Pentecostes ferias adfuturum. Consensâ ergo navi ad Reginoburgum, secundo cursu delapsus, ad eum venit locum, qui Danubio aditus, Greinon vocabatur, & ob strepentium undarum fremitus, à Germanis Strudelij nomen accepit, estque naufragijs infamis ob latentes scopulos, quibus allisæ naves, undarum æstuantium gurgitibus aliquando hauriuntur. Scopulos excipiunt haud paulò periculosiores vortices, qui, nisi nautarum diligentia vitentur, naves in gyrum abripiunt, & obliquatas absorbent, nusquam de cætero nisi (quod quidam narrant) post longum terrarum spatium, apparentes. Hanc Scyllam atque Charybdim cum Henricus feliciter præternavigaret, Bruno Herbipolensis Episcopus Regem secutus, dum latentia saxa transmittit, videt in eminenti rupe, haud procul à ripâ, monstrum tartareum Æthiopis specie, cujus aspectu territus, sese crucis signo communivit. Laverna infernalis, horrificâ voce exclamat: *Audin' Episcopo? In meas manus venies. Sedabi modò, brevi me rursum visurus.* Bruno, monstrum oménque execratus, cum Rege in Richlindis viduæ illustrissimæ Dynastiam defertur, quæ, honoris causâ, utrumque in arce accepit. Tendeat videlicet pedicas toparchiæ Pœsenburgensis Comitatus, quam Adalberto III. Comes Eberspergensis recens defunctus, Richlindis maritus D. Sebastiano Eberspergæ donaverat. Huic toparchiæ Welfo Carantanorum Dux, Richlindis ex fratre nepos, oculos cupiditatis adjecerat. Ejus causam apud Cæsarem egerunt Bruno unâque Richlindis, eo successu, ut, Altmanno Eberspergensis Abbate haud refragante, Rex postulatis annueret, concelsâ Welfoni istius Comitatus clientelâ. Sed mirabili dictu, cum inter epulas Cæsar dextram Welfoni, testem concessi beneficii, porrexisset, cœnaculum, in quo accumbebant, repente corruit, convivâsque omnes in subjectum balneum effudit. Cæsari summa brachij cutis perstricta est; Richlindis, Altmannus & Bruno gravissimè contusi, non multò post, sed expiati, & sceleris poenitentes, expirârunt.

Cæsar eo casu tristis, iter persecutus, Albæ Regiæ, à Petro Rege & omnibus Ungariæ Ordinibus, magno, ad speciem saltem, gaudio receptus est. Petrus ad Pentecosten, advocatâ Procerum populique concione, Cæsari diadema, hastam auream, regni insignia, dedit in manus, seque ejus beneficiarium palàm est professus. Addidit ingentem auri vim, quod Cæsar, ne teruntio quidem delibato, totum in militem, Ungariæ nuper victorem, effudit. Septem inde dies cum Petro moratus, non sine tamen aliquâ insidiarum suspitione, vix unquam in publicum,

UNGARIA
DEDITA.
PETRUS RE-
GNO REDDI-
TUS.

Herman.
MOTUS BUR-
GUNDICI SE-
DATI.
AN. CHRIST.
M. X L V.

UNGARI
RURSUM TUR-
BANT.

Annal. Al-
taben. M. S.
Ebersp. lib. 1.
c. 32. & 33.

VISUM POR-
TENTOSUM.

CÆSAR COE-
NACULI RU-
INA LEVI-
TER PER-
STRICTUS,
ALII OCCISI.

X.

PETRUS UN-
GARIÆ REX
REGNUM
CLIENTELÆ
RE PROFE-
sus.

ne ad epulum quidem, nisi loricâ armatus, prodijt. Discessurus, Petro regni ornamenta reddidit, & sacramento adegit Ungaros, fore, ut Petro, quoac̃ viveret, ipsiusque deinde filio, essent obsequentes, nec alium interea Regem admitterent.

GISELA REGINA D. HENRICI IMP. SOROR IN BOICAM REVERTITUR

CÆSAR PERICULO SE AGROTAT.

MORS GUNTHERI MONACHI.

Arnolf. Comes lib. 2. de S. Emmetam.

TAMMO CEREBROSUS SACERDOS.

A STYGIO IMPOSTORE DECEPTUS.

Henricum in Boicam revertentem, comitata est Gisela D. Stephani vidua, ut, extra Ungaricas insidias, in patriâ tranquillè vitæ reliquum exigeret. Eam Batavij fato concessisse, mausoleum, quod isthic visitur, ostendit. Henricus, dum Triburiam ad Comitata proficisceretur, Francofurti, morbo ad usque medicorum desperationem oppressus, propè ab ultimâ lineâ absuit. Cùm ejus salus esset in ambiguo, complures utriusque Ordinis Principes, de successione consilia agitârunt: quo tempore Agnes Regina cum prole donavit. Proceribus curam novi Regis optandi exemit Henricus, ex insperato convalescens.

Guntherus, quem spreto natalium splendore, in sylvâ Bojæmicâ solitariam vitam coluisse diximus, autumnò è terris abiit, relicta insigni famâ sanctitatis. Eum Pragæ conditum, Hermannus scribit; alij in Brunoviensi Cœnobio. Vitam egit corporis afflictatione valde asperam. Arnolfus, qui illo familiariter usus est, asserit, cum arborum folia & herbas crebrò pro cibo habuisse, nec defuisse pios aliquos tantæ austeritatis æmulatores, quibus accessit Tammo, gente Saxo, ordinis sacerdos, apprimè discolus & cerebrosus. Hic, cùm se Guntheri disciplinæ tradidisset, brevi cœpit severo magisterio, ipsique magistro, qui ad calumnias perstabat immotus, inter æquales obtrectare, ferrique eò licentiæ, ut relictis sodalibus, solitarius, extra omnem ductoris censuram, ageret, seque redderet dæmonis fraudibus opportunum, qui misero persuasit supremum judicij diem propè abesse, & Tammonem quidem, Christo, in erudiendis animandisque mortalibus, doctrinam, & tandem animam martyrio impensurum; opera supra omnem naturæ vim patraturum, Gunthero oculi sinistri, quo carebat, usum, duobus præterea cæcis, redditurum vivendi facultatem. Nec dubitavit, Gunthero in visu integrando, suam operam venditare, & jactare intimam cum Numine familiaritatem. Sed Gunthero longè oculatiori, ex hominis arrogantia, haud fuit difficile æstimare, cum tam vanos spiritus ex superbissimi veteratoris scholâ hausisse. Quare cum etiam atque etiam monuit, ne se tartareis vestimentis ultrâ permitteret. Ille tamen insanâ fiduciâ conatus est cæco prodigiosè subvenire; sed cùm lussisset operam, didicit execrari animi sui cæcitatem, & Orci præstigias, vellèque Gunthero Duce, ab erroribus abduci. Meliora promittentem, pro suâ charitate, curandum suscepit; sed luctandum fuit per sex omnino menses cum inferni monstris, à quibus, velut mancipium, crebris terroribus, cùm aspectabili formâ apparerent, miser infestabatur. Ratmundus Abbas Altahensis, in eo curando in cassum laboravit: Batavensis Episcopus, cùm cum ab aris amovisset, arrogantiam compressit quidem, sed larvas, adhibitis etiam piorum votis, non proscripsit. Deus Gunthero victoriam reservabat. Dæmon, cùm ab eo urgeretur, ejus senectutem & ovillum amiculum cavillo deridebat: At ille; *Hæc ovis*, dixit, *te lupum DEO invisi-*

AN. CHRIST. M. XLVI.

XI.

UNGARI IN PETRUM REGEM TUMULTUANTUR: EXOCULATIUM CONITUNT IN CARCEREM. FURUNT IN SACRA CHRISTIANA.

sum nihil timer. Exinde perrexerit constanter sacras machinas illi adhibere, donec victum profligatumque coëgit à misero divexando abstinere.

Anno sequenti, Cæsar excitus in Italiam, intestinis discordijs laborantem, profectionem adornabat, cùm Ungari, suo usi ingenio, in Petrum Regem denuo conjurati, ejus præsidarios, cohortem prætorianam, & Germanos, quos, memor accepti per eos beneficii, præfecturis, Magistratibus, aliisque honoribus admovebat, contrucidant: ipsum Regem è fugâ retractum, luminibus spoliant, & paulò post moriturum, in arcem unâ cum conjugè compingunt; captivo, ne quâ elaboratur, excubias circumponunt, ac demum Andream, Stephani Regis ex fratre nepotem, sive Ladislai Calvi filium, ab exilio revocatum, summæ rei præficiunt, spe eliminandi Sacra Christiana, & Scythicas superstitiones ad nefarios usus revocandi. Furor proinde conversus in sacras religionis aras: sacerdotes dirè trucidari, pietatis cultores immaniter excarnificari.

Hæc

Hæc licet Henricum incredibiliter urerent, prætulit tamen causam Ecclesiæ in commune laborantis, quâ adjurâ, futurum non esset difficile, Ungariæ opitulari. Autumnus ineunte, transcensurus alpes, jussit copias Italicas convenire Roncalijs: & convenerunt quidem justo numero, sed cum triduo, ultra præscriptum tempus, expectassent, connivente Welfone, Suevo limitis Comite, velut sacramento solutæ, discesserunt à signis, ad quæ non potuerunt, neque promissis, neque minis reduci. Ausus super hæc Welfo, fiscum regium repetundarum appellare, sat gnarus, ejus causam sub justo principe damnandam, cum alioqui sub injusto soleat plerumque triumphare. Reposcebat mille auri marcas à populo, iniquè per regios exactores extortas, illatasque Cæsaris ærario. Henricus, causâ cognitâ, aurum jussit populo extemplo exactèque refundi, contestatus, se neutiquam passurum, æris alieni vel unicum obulum in suas arcas inferri. Et ea quidem Welfonis fidentia, tam eum non fecit Cæsari exosum, ut anno sequenti, Carantanis Ducem dederit, manifesto præcipuæ gratiæ indicio. Mediolani coronatus egit conventum, atque inde Placentiam profectus, Joannem Gratianum Romanum Pontificem, quem Gregorium VI. dixerunt, eâ, quâ par erat, veneratione coluit. Cum verò, Sutrij, ejus causâ à minoribus Pontificibus fuisset agitata, eum sponte cedentem pacis causâ, ad comprimendam Comitum Tusculanorum, in creandis Pontificibus, audaciam, loco sine vitio motum pronunciavit, judex nullo modo idoneus, & pessimi author exempli, quod ad duos Henricos, filium ac nepotem, transmissum, ingentes Ecclesiæ turbas concivit, deditque initium hæresi Henricianæ, quam impij quidam Politici arripientes, Imperatoribus ac Regibus sanctam & Apostolicam Ecclesiam Romanam, omnium Ecclesiarum matrem ac magistram vellent esse subiectam. Certè Gregorium more majorum citràque omne vitium, ad sedem Romanam fuisse assumptum, Baronius locupletissimè ostendit, nec dissimulat, Henricum, eò facilius ejus cessione annuissè, quòd sciret, eum, à populo Romano, neglectâ regiâ auctoritate, quæ jam inde à Caroli Magni ævo invaluerat, in Romanis comitijs fuisse electum. Errant verò, qui eum labis simoniacæ arguunt: tametsi enim redimendæ vexationis causâ, spurios sedis Apostolicæ incubatores, attributis quibusdam Ecclesiæ proventibus, in ordinem redegit, ad pacandam Ecclesiam, nemo tamen Jurisperitorum judicavit, id genus pactionis, esse instar sacrilegæ emptionis, vel nundinationis lege reprobatæ. Et verò longè recentior est Julij II. sanctio, qui anno M. D. III. pontificatum inijt, antequam ex communi Juris interpretum sententiâ, Romani Pontificis electio, per Simoniam non reddebatur vitiosa, nec eo nomine poterat oppugnari.

Gregorio igitur abdicato, Henricus Suitgerum, natione Saxonem, Babenbergensem Episcopum, virum probum & eruditum, oppidò invitum atque reluctantem, cooptavit, quem non Romani modò, sed etiam aliarum nationum, quotquot adfuere, Præsules Proceresque, communi consensione, probârunt. Is Christi natalitiis creatus, Clementis II. nomen accepit, & eo ipso die Henricum & Agnetem Augustos renunciavit. Re divinâ peractâ, Clemens, Imperator & Agnes, omnes, ut erant coronis cæteroque paratu insignes, ad Lateranensem Regiam, spectante & plaudente urbe, processerunt. Romani Henrico instaurârunt veteres honores, priscamque auctoritatem cavendi, ne sedes Romana factiosorum intolerantiâ de cætero à quoquam invaderetur. Eo adnitente, novus Pontifex Romæ concilium habuit, in quo Simoniacam luem, quæ longè lateque orbem Christianum temeraverat, conatus est eliminare. Quâ de re Imperator, in frequentissimo Patrum senatu, gravissimam habuit orationem, in quâ, calente facundiâ, istud orbis dedecus aculeatè perstrinxit, suam verò, in eo genere, abstinentiam professus, palàm asserens se sacra ad turpem quæstum venalia nunquam habuisse. Quam innocentiam à teneris annis altè menti impresserat divino monitu. Etenim (ita referunt Angli Scriptores) puer admodum à quodam Clerico argenteum siphunculum, quo per ludum aquam jacu-

*Sigon. lib. 8.
de regn. Ital.*
PROFECTIO
ITALICA.

WELFO FISCUM RE-
GIUM REPE-
TUNDARUM
ACCUSAT.

CÆSAR PER-
PERAM SE-
CAUSÆ PON-
TIFICIÆ IN-
GERIT.

*Baron. ad an.
1044.*

*Epist. Petri
Damian. ad
Greg. VI.
Acta Conc.
Rom. an. 1080.
Glaber. lib. 3.
in fin.
Joan. Azor.
tom. 2. lib. 4.
c. 3.*

XII.

SUITGERUS
BABENBER-
GENSIS E-
PISC. DICTUS
CLEMENS
II.

*Leo Ostien.
l. 2. c. 81.
Glab. lib. 3.
c. .*

AN. CHRISTI
M. XLVII.

HENRICUS
A SIMONIAE
QUAVIS SPE-
CIE DIVINI-
TUS ADSTER-
RITUS.

laretur, donum pueritiæ gratissimum, acceperat, cum promisso, se id largitionis, olim Episcopatu remuneraturum; quod re ipsâ præstitit, cum rerum posito, à Clerico fuisset promissio in memoriam revocata. Quam culpam, iudicio mortalium non gravem admodum, Deus severiore iudicio arbitratus, gravi supplicio castigavit. Immisit Henrico molestissimam ægritudinem, & interclusâ ad tri-duum respirandi facultate, propè exanimem lecto afflixit. Ubi primùm sibi fuit redditus, mox Episcopum venalitiū iussit moveri loco: *Qui enim (inquirebat) pati-
ar hominem frui sacris opibus, qui mihi causa fuit ardoris vehemensissimi, quem ex
inferorum fornacibus, per donatum mihi siphonem coactus sum haurire. Nisi juvenis
(addebat) & ipse olim ustulatus, humanâ formâ augustior, ex aureo cratere frigidam
propinasset, mihi utique in cineres erat abeundum.* Credibile est, fuisse D. Lau-
rentium, cuius ipse ædem, magnificè instauratam, aureo calice donaverat: quod
ostentum aliqui, quos superius refelli, D. Henrico perpetam afflexerunt. Ut
ut res habeat, in Concilio Romano omni ope adnissus est, orbem à scelestâ rerum
sacrarum nundinatione revocare.

HENRICI
GESTA PER
ITALIAM.

Diebus aliquot Romæ tranquillissimè consumptis, citra omnem suorum rixam, cum uxore, quæ in agro Ravennate filiam enixa est, in Germaniam remisit. Tum ipse ex urbe digressus, castella quædam, quæ ejus imperium detrectabant, expu-
gnavit, & vicarios præfecit civitatibus: Cassinum adiit, & ad rei divinæ usum, ma-
gni pretij vestes sacrario largitus est, se Monachorum orationibus religiosè com-
mendans. Capuæ principatum Pandulfo restituit à Guaimaro sponte abdicat-
um. Comitatum Averfanum Ranulfo, Apuliam Drogoni, auctoritate Cæsareâ
firmavit. A Pontifice obtinuit, ut Beneventani Sacrorum usu prohiberentur,
quod ipsum mœnibus non reciperent metu pœnarum, quas erant promeriti, quod
ejus socrum à monte Gargano redeuntem, per tumultum, injurijs affecissent.
Agrum Capuanum Nortmannis permisit, cum ipsi ad urbis expugnationem ne-
que pares copię essent in promptu. Alioqui cæteram Italiam habuit obse-
quentem. Mantuæ acerbè ægrotavit. E Parmensi conditorio D. Guidonis
Pompasiani Abbatis, non ita pridem defuncti, exuvias, ob insignem viri sanctita-
tem, & permulta, quibus inclarescebat, miracula, cum magnâ veneratione Spiram
avexit. Adalberonem Henrici Boij fratrem, Ecclesiæ Metensi dedit Episco-
pum, in locum Theodorici. Popponi Trevirensi subrogavit Everhardum, ex
Præposito Wormatiensi, Archiepiscopum, Ezelini Alemanniæ Comitis filium,
quem Clerus atque populus suis suffragijs comprobârunt. Adulto autumno,
Henricus Bojarix Dux, Treviris mortem oppetijt, eodémque loci fuit tumu-
latus. Diem pariter obiit Clemens II. pontificatûs mense nono, & Babenbergæ
est sepultus.

Tribem.
Annal. Trev.
HENRICUS
BOIARIÆ
DUX TRE-
VIRIS MOR-
TUUS.
AN. CHRIST.
M. XLVIII.
MOTUS IN
LOTHARIN-
GIA.

Cum Benedictus, qui anno abhinc quarto Pontificatu abierat, sedem Apo-
stolicam invasisset, Poppo, natione Bojus, Brixinensis Episcopus, à Romanis per
Oratores à Cæsare postulatus, cum honestissimo comitatu missus in urbem, rite
atque ordine electus, & dictus Damasus II. non ultra vigesimum diem D. Petri
Cathedram tenuit.

Godefridus Lotharingæ Dux, & Balduinus Comes Flandriæ, conjurati,
cum res novas molirentur, ab Henrico proscripti sunt. Godefridus Viridunum,
ex improvise captum, incendit & scædè devastavit: quamobrem Ducatu exutus,
Adalbertum, quem ei Cæsar suffecerat, interemit, unaque stipatores, qui ausi
fuerant vim apponere: demum tamen, anno quinquagesimo, cum Cæsaris iræ
remisissent, una cum Balduino in gratiam est receptus. Agnes Imperatrix, hoc
anno, filiam rursus peperit, filium paritura post biennium. Sub autumnum duo
Henrici, Imperator, & Rex Galliarum, apud Mediomatricos venerunt in collo-
quium, quo publicam quietem, novis pactis & sacramenti religione, firmâ-
runt.

Henricus, anno postero, ineunte Februario, Reginoburgi, Conradum, sive Cunonem, Bojariæ Ducem dixit. Hunc Colnerus, Boicæ Ducibus à secretis, scriptor domesticus & minimè vetustus, qui linguâ patriâ Ducum Bojariæ stirpem descripsit, affirmat, Eccardi Schirentis, Bojorum principis, filium fuisse: cui refragatur Gewoldus ex variorum scriptorum autoritate. Porro nobis non est prætereundus Leo IX. Pontifex, natione Germanus, Alfata, è nobilissimo stemmate Comitum Dagsburgicorum, qui Damaso II. Pont. successit. Romani, comperto hujus obitu, misère legatos ad Imperatorem, petentes, ut ne diutiùs vacua sedes Pontifice careret. Cæsar, consultis Germaniæ Episcopis, misit, quem dixi, Leonem, qui ante Pontificatum Brunonis nomine appellabatur, quique supergressus sanguinis claritudinem eximiâ sanctitate, ex Superùm familiaritate, multa divinitus cognoscebat. Eum, ferunt, tendentem in urbem audisse cœlestium geniorum voces, canentium hæc verba: *Dicit Dominus, ego cogito cogitationes pacis & non afflictionis*; eoque cantu vehementer esse recreatum. Cum, assumptâ purpurâ, venisset Cluniacum, Hildebrandus Cœnobij Prior, postea summus Pontifex sanctissimus, Gregorij VII. nomine, eum intrepidè monuit, fas non esse, cum manifestâ sacri ordinis injuriâ, profanâ nixum auctoritate, Romani Pontificatus insignia gestare: suadere se, ut mediam viam iniret, quâ & Cæsaris voluntati, & dignitati Ecclesiæ satisfaceret. Poneret purpuram, & assumpto habitu viatorio Romam proficisceretur, & se quidem fore itineris comitem, Deoque auspice, à Romanis impetraturum, ut jure quo optimo, Cleri populique Romani votis Pontifex optaretur. Quod re ipsâ evenit, ineunte verno jejunio. Mox ab inito Pontificatu, montem Garganum adiit, se ut genijs cœlestibus gratum testaretur, quòd Romanum iter ingressò pacem accinuisent. Duas Synodos celebravit adversus Simoniacam pravitatem; Romæ unam, alteram Papiæ. Duas alias habuit trans alpes; Remis primam, cum Galliæ Episcopis; secundam Moguntiz, cui interfuere quadraginta Episcopi, ipsèque Imperator, & alii Germaniæ Principes, in quâ multa decreta sunt adversus Simoniacam hæresin, & nefanda conjugia sacerdotum. In Remensi Synodo, cum Nitgerus Episcopus Frisingensis, contra Apostolicam auctoritatem præfractè ageret, repente in omnium oculis, non secus atque elinguis, obmutuit. Sancti Pontificis virtutes & signa divinitus edita, præclare describuntur à Desiderio Abbate Cassinensi, & Leone Ostiensi. Consueverat, quando Romæ agebat, quot septimanis tribus diebus ab Ecclesiâ Lateranensi usque ad S. Petri Basilicam, cum duobus aut tribus clericis, noctis silentio, privato habitu, nudisque pedibus supplex procedere inter ardentes preces, quibus à Deo impetrabat opem, ad felicem totius Ecclesiæ gubernationem, accuratam legum Ecclesiasticarum defensionem, & suavem efficacemque peccantium emendationem. Tanto amore Tullensem Ecclesiâ, quam sibi primam desponderat, est prosecutus, ut etiamnum Romanus Pontifex, Tullensis Episcopi titulum retinuerit. Quicquid habuit patrimonij, in structuram Monasterij S. Crucis voluit impendi, ejusdemque censum locupletem. Adiecit amplissimam prærogativam, ut nullius interpositu, solis Romanis Pontificibus subesset. Semel iterum transiens per Bojariam, maximis affectus est honoribus.

Henricus Imperator, anno quinquagesimo, adversus Gazmerum Poloniæ Ducem, qui rebellionem moliebatur, castra moturus, domi retentus est morbo, qui jam accinctum lecto affixit. Bellum solâ famâ confectum est. Polonus enim missâ ad eum legatione, pacem rogavit, & haud ægrè impetravit. Eâdem tempestate, Gebhardus Ratisbonensis Episcopus, Cæsaris patruus auctus Campidonensi Abbatia, in Ungariâ bellum gessit, incertum quâ causâ, nisi, quod insinuat Hermannus, Ungari priores Boicæ vim intulerint, & Gebhardum, qui limitem Cæsaris voluntate ruebatur, ad defensionis necessitatem adegerint. Ille enim Ungaros insecutus, optimas de eis prædas, non sine aliquâ ipsorum clade, reportavit. Verùm ubi eorum finibus, cum incolumi exercitu, excesserat, illi, novis aucti delectibus, irrumpunt in Boicam, & damna longè, quàm acceperant, majora re-

AN. CHRIST.
M. XLIX.
CONRADUS
DUX BA-
VARIÆ.

XIII.
Herman.
Marian.
Lambert.
Sieg.
Leo Ost.
LEO IX.
PONTIFEX.

Orho Frising.
lib. 6. Chron.
cap. 33.

VARIA
SYNODI.

Sieg.

AN. CHRIST.
ML.
XIV.
REBELLIO
ET PAX
POLONICA.

BELLUM
UNGAR-
CUM.

re-

reponunt, cum nonnullâ Episcopi invidiâ, quæ ferè in sacras personas arma improspere tractantes, consuevit esse flagrantior, quasi in commendatam à Cæsare provinciam, hostem bellicæ sedem traxisset, cum aliquâ nominis Germanici ignominiâ, quæ sine virorum fortium sanguine communique periculo nequibat deleri.

BOIJS DE-
MANDATUM.

UNGARI
CÆSI.

HEIMENE-
BURGUM BIS
FRUSTRA AB
UNGARIS
OBSESSUM.

HENRICI
IV. DIESNA-
TALIS.

CÆSARIS
CURA PRÆ-
COX DE EO
PROMOVEN-
DO.

Lambertus.

AN. CHRIST.

M.LI.

XV.

EXPEDIO
UNGARIGA.

Quod bellum cum Cæsar, valetudini restitutus, suis & Boicæ procerum auspicijs, crederet esse gerendum, in conventu Norimbergensi, de ejus ratione voluit in commune consultari. Boij, quorum res maximè agebatur, facillè impetrârunt invadendæ Ungariæ negotium, quod Cæsaris arma aliò vocarentur. Quò tutius bellum aggredierentur, visum est, instaurare Heimeneburgi munimenta, quæ Cæsar ante octennium vastaverat. Additi defensores, qui operas tutarentur. Gebhardo adjunctus est Conradus Dux Bojariæ, ut sui principatûs initia factis illustribus nobilitaret. Accesserunt Adelbertus, Ungaris sæpius devictis nominatissimus, aliique Ordinis utriusque Boicæ Principes, cum insigni rerum & virorum fortium apparatu, quos legerant ex solo totius gentis flore, ut, si apud hostem foret numerus, apud nostros esset virtus, gloriæ stimulus & militaris fortitudo. Heimeneburgi fervebat opus, labore in impigras artificum manus æquis partibus distributo, jam è fundamentis surgebant mœnia, cum Ungari, haud nescij, quanto fortunarum suarum periculo ea munitio esset statura, 10. Cal. Octobris nocte intempestâ, Bojos ad urbis vallum, telorum grandi procellâ lacessunt, & oppugnationem ad septimum diem continuant casso eventu, cum ipsi è diverso magno numero sternerentur. Miles successu animatus, tametsi vallo protectus, bellum posset extrahere, ultrò pugnam à Ducibus poposcit, & signis explicatis, aciem in aperto instruxit, pauci contra innumeros. Pugnatum magnâ contentione, Ungarum ingens cæsa multitudo, cæteri omnes averfi in fugam. Id Hermannus prodigio adscripsit & panico terrori, qui divinitus in Ungaros immissus, eos sic perculit, ut nec gradum figere, nec cadentium ora possent sustinere. Hoc ipsum agnovère Boij, qui universam rei gestæ gloriam Deo in acceptis retulerunt. Hostes, comperto, Bojos, tenui relicto præsidio, discessisse, redièrè ad oppugnationem, quam posteaquam per triduum irritam sunt experti, clade rursus ab obsessis acceptâ, pleni ignominie, ad suos sunt reversi. In secundâ hac impressione tot amiserunt, ut sex naves vix essent satis, cæsorum cadaveribus avehendis. E nostris unus fuit desideratus.

Hoc anno, Augusta filium peperit, si Hermanno fides est, sin Lamberto credimus, peperit anno sequenti Henricum, quem postea videbimus Cæsarem, patri longè dissimillimum, quod videtur præfagisse mater, quando gerens uterum, se dracone gravidam esse somniavit. Cæsar futuri nescius, neque reputans, sæpe Heroum filios noxas esse, & à parentum virtute degenerare, cum maximo Reipublicæ incommodo, præmaturè volebat infanti esse prospectum. Quam ad rem, per Natales Christi ferias, comitia Principum egit Wormatiæ, vel, ut quidam malunt, Poledæ, in quo egit, ut Ordines nondum baptizato suam fidem obligarent, quem demum, festis Paschalibus, per Hermannum Archiepiscopum Colonie Agrippinæ sacris undis curavit expiandum.

Inter hæc Andreas Ungariæ Rex misit oratores, qui pacem peterent, ijs conditionibus, quas suopte ingenio dictaverat. Eas cum Henricus respuisset, bellum recrudit, majore, quàm antè, apparatu, sed minore gloriâ, unde patuit, quàm sint infirmi mortalium conatus, quando humanâ vi potius, quàm divinâ nituntur. Lectus est ex Polonis, Burgundis, Boijs, Saxonibus, Suevis, Franconibus, & Slavis miles numerosus. Autumno ineunte, ejusce unam partem Cæsar commisit Gebhardo Ratisbonensi Episcopo, Welfoni Carantano, & Bretislao Bojæmo, jussis, Danubij confinia ad Aquilonem populari: alteram duxit ipse longo flexu per Carantanos, quod rebus necessarijs fuit faciendum, ob paludes & occurrentes passim fluviorum eluviones, quas frequentes nimbi in Ungariæ finibus excitârunt. Hinc orta annonæ penuria, quod à fronte omnis fru-

mentatio

mentario prohiberetur ab hoste, & à tergo, è longinquo, jumentorum subvectione malignè adduceretur. Cùm serò & tenuiter cibaria militi præberentur, orta primum inedia, deinde valida fames, denique legionum quiritationes, dolentium, se non ad debellandum hostem, sed ad duram inopiæ tolerantiam, gloriosâ morte acerbiorem, esse adductos. Enimvero Andreas, proviso, bellum, sine suorum jacturâ, cunctando posse confici, nusquam sui copiam faciebat, satis habens, subinde partem copiarum ostentare, tutari se paludibus, ex insidijs nostros, regionis interiora petentes, carpere, prohibere pabulationem, intercipere commeatus, subinde, si erat ex ejus commodo, committere velitates conflictus, verbo, nihil tentare ad rei summam; ut satis appateret, eum suas spes non in armis, sed in Cæsarianorum lentâ maceratione collocare. Ventum denique in eas rerum angustias, ut Cæsari fuerit, vellet, nollet, de reditu in Germaniam seriò cogitandum. Sed neque id erat expeditum, Ungaris itinera & fluminum vada sic occupantibus, ut sine vi nusquam pateret regressus. Quare virtute viam oportuit aperire. Arx, quæ Rabinisæ flumini imminabat ad pontem, omnium maximè nostros moratura videbatur. Hanc, amne superato, Burgundiones, Poloni, & Saxones brevi suæ ditionis fecerunt, sicque muniere viam, ut reliquæ copię in adversam fluvij ripam, indeque in patriam impune evaderent, nullâ re magis, quàm insuetâ famis patientiâ inlignes. Qui Boream versus Gebhardi signa fuerant secuti, vastatis agris, dudum ante Cæsarem domum erant reversi.

FAMES IN
EXERCITU.DIFFICILIS
REGRESSUS
IN GERMA-
NIAM.

Andreas eo periculo defunctus, primò ab Adelberto Marchione pacem petijt, Cæsaris consilia tantisper & arma moraturus, dum apud Leonem Pontificem, belli sopiendi potius, quàm finiendi, rationes expediret. Cæsar, nihilominus æstate proximâ regressus in Ungariam, Posonium obsidione pressit, & jam erat in eo, ut deditionem exprimeret. Andreas, eam jacturam veritus, Pontificem urgebat, ut, quas susceperat conciliatoris partes, ageret, antequam in majus bellum exardesceret. Pontifex nihil fraudis, in homine alioqui vasto, suspicatus, Cæsari significat, omnino sibi placere, ut partium voluntate, de pace colloquium ineatur, & se quidem ex æquo & bono, quantum fas fuerit, utriusque Regis commodo controversiam finiturum; non admissurum tamen, ut sententia, quæ inter arma parùm sit valitura, ad arinatos referretur: Ungarum paratum esse ad paciscendas inducias, eoque videri esse conveniens, ut Henricus interea à Posonij obsidione abstineret. Cæsar certus stare Pontificis arbitrio, spem urbis potiundæ decollavit. Andreas eo metu solutus, Punicâ fide colloquium protelare, causas alias ex alijs neectere, eludere Leonis consilia, ac tandem rebus ipsis prodere animum à pace alienum. Quæ causa digna vîsa est, cur diris devoveretur. Adeas ludificationes accessit commeatus inopia, quæ Cæsari arma excussit: ita hoc bello, quemadmodum veteres chartæ loquuntur, *nihil honoris & utilitatis, regno acquisitum est.*

AN. CHRIST.
M. LII.

XVI.

POSONII
OBSIDIO.

SOLVITUR.

Leo, qui rebus interfuit, cum Cæsare Ratisbonam reversus, Divos Wolfgangum & Erhardum, in Cœlitum Album retulit: ædem D. Emmerammi incendio corruptam & pristino nitori restitutam, sacris cæremonijs initiavit, Sacellum SS. Simonis & Judæ supra curiam consecravir. Fertur etiam edidisse Epistolam, quâ declaravit, S. Dionysij Areopagitæ reliquias in D. Emmerammi cœnobio asseruari, jam inde ab Arnolphi Imperatoris ævo, & eas quidem pio furto ex antiquâ Parisiorum sede sublatas. Eas litteras, Baronius scribit, se inter vetera Romanorum Pontificum scripta, apud Antonium Augustinum reperisse. Verùm has esse commentitias affirmant Franci, in quibus Rigordus, qui sub Ludovico Philippi Regis filio claruit.

Hund.

DD. WOLFGANGI ET
ERHARDI
CANONIZATION.

Memorabile est, quod recensent Annales domestici de templi Prugdorsiani dedicatione. Schwartzenburgici Comites sacram ædem suis sumptibus construxerant: petierunt supplices à Leone, Norinbergam proficiscente, ut eam dignaretur sacris ritibus expiare. Cùm sancto Pontifici non esset integrum, Prugdorsium divertere, nec vellet id officij intermittere, satis habuit, converso ad locum vultu,

DEDICATIO
TEMPLI
PRUGDOR-
SIANI MIRA-
BILIS.

ductaque in modum crucis dextrâ, inaugurationem absolvere. Sed cum inusitata hæc dedicandi forma Dynastis non satisfaceret; *Mittite*, inquit, *qui diligenter inspiciat, referatque, utrum non omnia sacra expiationis signa parietibus impressa sint, & si quidem ullum defuerit, ego vestro desiderio neutiquam deero.* Mirum dictu: deprehensæ sunt in parietibus cruces ritè delineatæ, & sacræ cæremoniæ cætera vestigia; quo factum, ut crederentur Angeli Pontificis vices implevisse.

NITGERI
FRISINGEN-
SIS EPISCO-
PI MORS ET
MORES.

Annus hic, Nirgerum Frisingensem Episcopum è vivis abstulit, fato improvviso, virum famâ tam variâ, quàm dubijs moribus. Initia pontificatus fastu & insolentiâ deformavit. Cum se eam ob rem sentiret per hominum ora traduci, posita arrogantia exteriore, modestiæ qualem demum cunque speciem induit, eoque redditus Imperatori charior, in amicorum numerum est receptus. Fuit quoque in D. Viti Ecclesiâ perficiendâ & locupletandâ liberalis, quam Engelbertus Frisingæ reliquerat affectam, unde fundatoris nomen est adeptus. Sub vitæ finem, miserandâ inconstantia ad pristinos mores relapsus, facto cum virtutibus divortio, modestiam, & quod seni & Episcopo quidem erat probrosissimum, ipsam animi corporisque nitelam juventæ obscenitate scædavit, eo tempore, quo sibi ad æternitatem propinquanti, debuisset conciliare honestissimum virtutum comitatum. Omnia alia agentem, mors subitaria minimèque provisa, Ravennæ, oppressit, quò unâ cum Henrico, quem Cæsar Ravennatibus dederat Archiepiscopum, profectus erat. Aventinus eum scribit Ravennam fuisse relegatum, quòd nimis protervè Cæsarem incessisset, quasi per injuriam duos ipsius fratres, Bernulfum & Machtunum, majestatis reos in crucem egisset.

Herman.

CONRADUS
CÆSARI FI-
LIUS NASCI-
TUR.
MANICHÆI
CAPITE PLE-
XI.

AN. CHRIST.
M. LIII.
XVII.

COPIÆ CÆ-
SARIS AUXI-
LIARES A
NORTMAN-
NIS AD BE-
NEVENTUM
DELETÆ.
PONTIFEX
OBSESSUS.
GEBHARDUS
EISTETTEN-
SIS DEFEN-
DITUR.

Natus hoc anno Imperatori alter filius Conradus, quem Bojariæ Ducem nominavit quidem, sed mors præmatura quadrimum abstulit. Cum Henricus Christi natalitia, Goslaræ, ageret, deprehensi sunt aliqui, quos nefarii Manichæorum errores infecerant, erātque periculum, ne id malum ad alios, more aliarum hæresium, serperet. Quamobrem de ijs iussit Cæsar accuratas haberi quæstiones, omnesque ejusce culpæ compertos, agi in malam crucem, ad terrorem aliorum.

Leo Pontifex, eâ potissimum causâ, venerat in Germaniam, ut auxilium impetraret à Cæsare contra Nortmannos, qui Ecclesiæ Romanæ terras aliquas involverant, multaque faciebant barbarè & crudeliter. Redeunti in Italiam, Cæsar auxiliares Germanorum copias, Guarnerio Suevo ductore, adjunxit, quæ omnes ad Beneventum occisione deletæ fuerunt. Cum enim Leo, Synodo Romæ habitâ, in Nortmannos movisset, neque admitteret, quasi ipsi offerebant pacis conditiones, renuntiârunt, se bello parati, quando pactis non possent, bello defensuros, vel si fors adversa ferret, saltem cadendo honestum sepulchrum in Italiâ quæsituros. Pugnatum 14. Cal. Junij. Germani, qui curabant in primâ acie, tantâ virtute in hostem sunt inveciti, ut jam victoriam prensare viderentur. Verùm Nortmanni, restituto per subsidiarios certamine, primùm Italos egerunt in fugam, tum totâ mole Germanis incumbentes, tantam edidère stragem, ut vix ullus fuerit reliquus, qui cladis nuntium in patriam referret. Pontifex ab hoste obsessus, adactus ad deditiois necessitatem, reddendūque victoribus sacrorum usum. Beneventum, cum aliquâ tamen reverentiæ specie abductus & custoditus, noluit prius reddi libertati, quàm omnes simul partium suarum captivi pariter redderentur. Eam jacturam, quoad vixit, ipsum luxisse, Hermannus auctor est, egisseque in grandi mœrore, donec divinitus edoctus est, descendos non esse, qui tam pio bello, pro DEI gloriâ interfecti, cœlestem triumphum meruissent. Leo Ostiensis Gebhardo Aichstettensi Episcopo eam calamitatem adscribit, quòd, cum Cæsar numerosum valde exercitum Leoni permisisset, Gebhardus non nisi quingentorum manum passus sit trans alpes proficisci. Sed quia Lambertus & Hermannus rei gestæ, loco atque tempore propiores, rem tam memorabilem omnino tacent, & Gebhardi secundissima fama, ipse adeò Romanus Pontificatus, ad quem evehctus est, recenti adhuc infelicitis pugne memoriâ, istam Ostiensis accusationem refellunt, non video, cur ea labes homini, alioqui probo & sapienti, sit inpurenda.

Hoc

Hoc certius est, alium Gebhardum, Reginoburgensem Episcopum, magnos in Bojariâ motus excitasse, quorum causam Urspergensis perfidiâ & rebellionis attribuit. Aventinus accusat Conradi Bojariâ Ducis oscitantiam & rei publicæ neglectum, quod, eo conscio, Præfecti & aulæ sorices, impunè in privatorum fortunas grassarentur. Et illum quidem, gravi Antistitis oratione officij admonitum, non modò non coercuisse suorum avaritiam, sed etiam offensum, quod sua viria severius notata fuissent, amicorum suasu, popularium manum legisse, & Parsteniam transdanubianam, Nariscorum urbem, odio Episcopi, ejus illa erat in ditione, dolo captam, subjectis facibus delevisse. Quæ res Conrado magnam conflavit invidiam. Jussus, ad dicendam causam, Merieburgi adesse, cum Cæsari non fecisset satis, ex quorundam Principum sententiâ Ducatu exutus est, redactusque ad privatæ fortunæ dedecus, prioris conditionis subsidio in fiscum redacto. Quæ species severitatis, non cum modò fecit multis Optimatum miserabilem, sed etiam Cæsarem exosum illis, qui parem sortem sibi à tali judice contingere posse querebantur. Cujus enim fortuna deinceps secuta sit futura, si princeps irascatur, habeatque flabella assentatorum, qui ardenti foco oleum affundant? Neminem non videre, quàm procul à pristinis moribus Cæsar abierit. Olim ipsum non tam pro domino, quàm pro patre se gessisse, bonum commune æquis legibus & clementiâ fuisse moderatum, ab avaritiâ servasse manus innocentes, nullum prorsus questum ex fontium delictis attigisse: at verò jam degenerasse in fastum intolerabilem, & non pensare causas innocentiae defendendæ, sed inhiare fortunis alienis. In adolescentiâ majestatem temperasse comitate, cui jam successerit asperitas & supercilium intolerabile. Talia cum privatim, malè affectorum sermonibus, agerentur, non defuerunt, qui Conrado suam operam, pro communi libertate, aut astringendâ saltem Principis licentiâ, pollicerentur. In his antesignani fuerunt Comites Schyrenses, sive odio Cæsaris, sive spe familiæ ad antiqua decora reducendæ. Se quoque vendicârunt alij, qui spes alebant in turbido, merasque felicitates, Principe mutato, sibi somniabant, vitio mortalium, qui priora pertæsi, futura sperant usque & usque meliora. Conradus, Schyrensis in patriâ relictis, cum affectis cæteris profectus est in Carantanos. Sed neque isthic pedem figere permissus, ad Andream Ungarorum Regem, Cæsaris hostem, abiit, veteres irarum causas refricaturus, suggesturusque novas, quibus eum ad reparandum bellum stimulet. Sub idem tempus Cæsar Principes ad augustalia comitia, & in his etiam Conradum, Triburiam vocavit, id acturus potissimum, ne, si quid humanitus sibi contingeret, quemquam alium, quàm Henricum filium, etiamnum triennem, regno præficerent. Et istud quidem à volentibus impetratum, firmatumque jurejurando. Conradus, iratumens, conventui non adfuit. Eò miserat Ungarus Legatos de pace acturos, quam cum rigidioribus legibus fecissent, Andreas aspernatus, eò se faciliorem Conrado præstitit arma & vindicias spiranti, suadentique, ne specioso pacis nomine, servitutem indueret, ejus pedicas Legati domum attulissent. Ita damnato fœdere, Conradus copiis instructus, ab Andream missus est ad Carantanos, ubi tantisper belli sedem figeret. Conrado accessere conjurati, nulloque propè negotio, non exiguam provinciæ partem occupârunt, Hengstburgum oppidum vi ceperunt, & ad frenandos populorum motus, præsidio munierunt. Inde Conradus, in Ungariâ hibernaturus, se ad suum hospitem retulit.

CONRADUS
BOIARIÆ
DUX EXAU-
CTORATUS.

HENRICI
MORES AC-
CUSANTUR,

CONSPIRA-
TIO SCHY-
RENSIUM.

CONRADUS
EXILIUM,

CÆSAR FI-
LIUM TRI-
ENNEM COL-
LEGAM RE-
NUNTIAT.

CONRADUS
CARANTA-
NOS INVA-
DIT.

Cæsar, quò foret rebus propior, Boicam ingressus, Christi natalem egit Oeringæ, ubi Henricum filium, admodum puerum, Boicæ imposuit, regendæque ejus pueritiæ Gebhardum Eistettensem Episcopum adhibuit, natione Suevum, & quemadmodum loquitur Hasenrietanus, à Rege secundum, soloque folio minorem. Hic, ut Bojos in fide contineret, Schyrensiū familiam, vetustis majorum titulis cerisque superbam, incendijs, agrorum populatione, aliisque maleficijs sic attrivit, ut, cum antea finitimis, quos grassationibus latrocinijque ejusce stirpis partiarij fatigabant, tota domus esset formidabilis, in posterum desineret ti-

XIIX.
HENRICUS
CÆSARIS
LIOLUM
BOICÆ DU-
CEM IMPO-
NIT.
SCHYREN-
SES VEXATI.

meri. Quibus rebus, Gebhardus secundam admodum famam principemque gratiæ locum apud Cæsarem firmavit & auxit, qui illi gradus fuit ad fastigium Romani Pontificatus, quem illi quondam Bardo Moguntinus, egregiæ sanctitatis Antistes, erat varicinatus.

AN. CHRIST.
M. LIV.
Leo Ostien.
l. 2. c. 89.
Desider. Abb.
l. 3. Dialog.
GEBHARDUS
EISTET-
TENSIS IN-
VITUS LEO-
NI PONTIFI-
CI SUCCES-
SOR DATUS.

Etenim Leoni Pontifici, 13. Cal. Maij Romæ defuncto, successor è Germania petitus est, eò quòd (si verum habet Leo Ostiensis) in Ecclesiâ Romanâ, nullus esse crederetur, qui defuncti locum pari sanctitatis & sapientiæ laude occuparet. Legationem obiit Hildebrandus S. R. E. Cardinalis, & ægrè ab Henrico obtinuit, ut Gebhardum, oppidò charum & imperio valde utilem, à se divelli pateretur. Leo morti proximus, divino ostento fertur successorem agnovisse, cùm de eo cogitanti objectus esset juvenis, riarâ & Pontificio cultu decorus, tres gestans pateras: quo viso, citra ambiguitatem pronuntiavit, se enim vero jam nôlle eum, qui proximè ad Romanam sedem esset evhendus, & eum quidem tres omnino annos, nec plures, quos tergemini crateres designâissent, in Pontificatu superfuturum. Gebhardus Moguntia, in publico Episcoporum conventu à Cæsare propositus, modis omnibus, etiam se palàm ad tantum onus esse inhabilem professus, ne eo prægravaretur, corpit obtestari. Cùm nihil profecisset, per certos homines Romæ suam famam ipse traduxit; verùm tantum absuit, ut commentitiæ obtrectiones urbis studia extinguere, ut etiam accenderint vehementius, Clero populòque sapienter ratiocinantibus, bene honoribus usurum, qui tanto conatu eos defugeret.

CONRADUS
BOICAM IN-
CURSAT.

Inter hæc præsidarij, quos Conradus Hengstburgo in Carantanis imposuerat, provincialium armis & continuâ oppugnatione ad retinendæ munitionis desperationem adacti, civitate direptâ, ad Ungaros profugerunt: quæ res Conradum accendit, ut Boicam frequenti irruptione incurfaret, Boijs ad patriæ injurias cessantibus, sive prioris domini reverentiâ, sive metu, ne, ut mutabiles sunt rerum humanarum vices, Conradus aliquando pristinae dignitati restitutus, restitantis se præstaret durior. Ubi tamen suorum damna, captivitatem, tectorum incendia, cœperunt æstimare, correptis armis, sese uli gnaviter, prædones insigni clade multatos fugatosque à suis finibus rejecerunt.

AN. CHRIST.
M. LV.

Anno postero, Gebhardus, in Ratisbonensibus Comitij, universorum Imperij Procerum & Cæsaris judicium secutus, desijt supremos Romanæ Ecclesiæ honores detrectate, hæc ad Cæsarem præfatus (verba sunt Hasenrietani) *En, S. Petro totum me, hoc est, corpore & animo contrado, & licet tanta sanctitatis sede me indignissimum sciam, vestris tamen jussionibus obtempero, eâ scilicet passionem, ut vos S. Petro reddatis, quæ sui juris sunt.* Quod cùm Henricus se tacturum promississet, Romam profectus & flagrantissimis urbis studiis acceptus, ipsâ Cœnæ dominicæ feriâ quintâ, hebdomadæ sanctioris, sacris cæremoniis inauguratus, Victoris II. nomen accepit. In ijs, quæ dixi, Ratisbonensibus comitijs, Cæsar Spitigneum

GEBHARDUS
ROMÆ IN-
AUGURATUS
ASSUMPTO
VICTORIS II.
NOMINE,
Lamb.
Herm.
Berthel. Con-
stant.

Bojæmum, Bretislao patri defuncto subrogavit. Secuta est subinde Italica profectio, ad quam Cæsar Italorum legatione sollicitabatur, eâ causâ, quòd Godfridi Lotharingæ Ducis opes tantopere creverant, ut, nisi tempestivè acciderentur, Italiæ regnum brevi videretur invasurus. Duxerat enim Beatricem Bonifacij Ducis Tusciæ, Canussij Comitissæ, Parmæ, Mantuæ, Lucæ, Rhegij potentissimi Marchionis viduam, iisque nuptijs multas clientelas magnâque potentiam consecutus, à timidis accusabatur, res novas moliri. Godfridus missis obviam Cæsari Legatis, ostendit nihil sibi minùs esse in votis, quàm invadere inquietas alieni regni curas: Beatrix verò novi matrimonij rationem Cæsari coràm reddidit: nec tamen ita diluit accusationem, quin velut dedititia abduceretur, quasi fecisset contra Rempublicam nubendo hosti publico, idque Cæsare inconsulto. Maritus in speciem absolutus est, non quòd ita suaderet æquitas, sed quòd tempori esset servendum, neque committendum, ut offensus sese Nortmannis sociaret.

GODEFRIDUS
LOTHAR-
INGUS AM-
BITIONIS
ACCUSATUS.

ABSOLVITUR.

Conflata interim in caput Augusti atrox conjuratio, ab ijs, à quibus minimè debuisset. Gebhardus Ratisbonensis Pontifex, Cæsaris patruus, magnis affectus bene-

beneficijs, ducem se præstitit conjuratis, in quibus Welfo Marchio Carantanorum magnique alij proceres, qui receperunt in sceleris societatem Conradum exulem dejectum Boicæ Principatu, quod speraret, se eâ ratione patriam ablatosque honores recuperaturum. Quâ potissimum causâ tantum nefas fuerit cogitatum à Gebhardo, nemo fidei antiquæ prodidit. Aventinus arbitratur, originem conspirationi dedisse, iniquabile Henrici imperium, quodque Boicæ filium puerum, rebus prorsus immaturum, & alienæ gubernationis quàm maximè egentem, præfecisset. Non est incredibile, evulisse apud Bojos plerosque Henrici majestatem, & viguisse etiamnum desiderium Conradi, quem puero sperare poterant non habiliorem modò, sed etiam utiliorem. Verùm is morbo extinctus, conjuratorum studia destituit: Welfo verò detectâ conjuratione, Cæsari reconciliatus, in castro Potamico, florenti adhuc ætate, finem fecit vivendi. Gebhardus jussus Ratisbonæ causam dicere, damnatus majestatis, in carcerem est conjectus, & anno sequenti in Cæsaris gratiam unâ cum Cunone, qui nepos erat Henrici, est admissus.

CONIURATIO IN CÆSAREM.

CONRADUS EXAUCTORATUS MORITUR.

Quod exitium in Germaniâ cogitato bello parabatur, Victori Pontifici nefando maleficio fuit in Italiâ propinatum. Subdiaconus manu parricidalis Victori, ad aram facienti, vinum in sacro calice veneno diluit, cum certâ peste, nisi divinus oculus pro Pontifice vigilasset. Scelus propalatum est duplici prodigio. Victor calicem attollere conatus, nullâ vi potuit. Ut ponderis portentosi causam exploraret, fundens unâ cum præsentē populo ferventes ad DEUM preces, videt Subdiaconum à cacodæmone tantis intemperijs agitari, ut de sceleris authore atque maleficio causam non haberet ambigendi. Jussit proinde calicem, unâ cum sanguine Dominico, altari inclusum, religiosè asservari; & rursus effusus in precationem, tam diu prostratus jacuit, donec Subdiaconum, Stygio infessore liberavit. Quod verò addit Benno, scriptor schismaticus plusquàm ambigux fidei, utpote multorum mendaciorum compertus, sex ordine Pontifices, per quendam Gerardum Braxatum, virulentâ potione fuisse interemptos, Baronius ut falsum & intestabile nullâque historiæ suffragatione nixum, respuit. Suspicionem homini vano fecit periculum Victoris, & quod Clemens atque Stephanus intra nonum mensem, Damasus intra diem tertium & vigesimum Pontificatûs, morti succubuerunt: Leo non expleverit sexennium, neque Nicolaus triennium, neque Stephanus biennium. Hæc de Pontificibus.

XIX. VENENUM VICTORI PONTIFICI PROPINATUM DIVINITUS DEPREHENDITUR.

Henrico ad vitæ exitum properanti, DEUS dedit opportunissimum monitorem D. Annonem, oriundum è stirpe Comitum Dassellensium, qui hoc anno ad Cathedram Coloniensem, ex Goslariensi Præpositurâ, assumptus est, ob præclara sapientiæ religionisque documenta, quibus magnam de se spem concitârat, æqui verique observantissimus. Immota erat in viro constantia, quâ, seposito omni quarumvis personarum imprudente respectu, apertissimo pectore, pro Numinis honore certabat. Eum Cæsar suæ conscientix arbitrum delegit. Quo munere fungebatur integerrimè, nihil veritus, non modò si quas notabat culpas, citra dissimulationem arguere, sed etiam ad earum expeditionem liberales eleemosynas & voluntarias corporis verberationes, aliâque id generis piacula injungere, quæ eâ tempestate ad prisce severitatis normam sacerdotes à pœnitentibus exigebant. Quâ ex accuratione sumpserunt nefarij quidam, Germani candoris osiores, occasionem, optimi viri nomen apud Cæsarem, vanis criminationibus traducendi, quibus deceptus, cœpit accidere monendi libertatem, & contractiore, quàm solebat, fronte, durioribusque verbis, æqua suadentem excipere. Ad hæc Anno imperterritus, divino haud dubiè instinctu; Oro te, inquit, ô Cæsar, ne patiaris quicquam inter nos discordiarum hoc anno seminari. Omnia fusi nostri momenta DEUS habet in numero, nos curte provinciæ homines vix præsentia novimus, nedum scimus, quid nobis anno proximo sit eventurum. Non habent suam salutem in consilio, sed sua comoda, qui suadent aliud, tibi que inanibus prestigijs lenocinantur. Hæc vaticinabatur divinitus edoctus, quo tempore Henricus esset moriturus. Verùm cum isto

D. ANNO COLONIENSIS CÆSARIS MONITOR, CUI

AN. CHRIST. M. LVL

ULTIMUM
DIEM PRÆ-
DICIT.

oraculo nihil profecisset, gliscente indies in majus Palatinorum invidiâ, Goslariam abiit, ubi Victor Pontifex sedavit Cæsaris animum, edoctumque, æquiora de Annone sentire, ad saniozem mentem reduxit. Anno rediturus Coloniam, mortem proximè imminentem apertè Cæsari denuntiavit, sedulamque operam in pueri Regis institutione pollicitus, ad sui gregis procurationem est reversus.

Lambert.

Marian.

GUNTHERI
CANCELLA-
RII VISUM.

PRINCIPUM
FUNERA.

MORS CÆ-
SARIS.

Sub idem tempus Gunthero, Cæsaris Cancellario, objectum est triste futuri mali ostentum. Dum in rerum divinarum meditationem incumbit, videre sibi visus est, DEUM è solio suæ majestatis, hominibus sceleratis promerita supplicia minitantem, &, elatâ sursum dextrâ, vibrantem gladium, has voces intonare: *Reddam ultionem hostibus meis, & his, qui me oderunt, retribuam.* Prodigiij veritatem asseruit, præter ingentes rerum conversiones, subsecuta Principum (quorum consilij & incolumitate stat rerum prosperitas) crebra mors. In domo regia, Conradus Cæsaris filius, cui parens Boicæ Ducatum destinaverat, quadrimus mortuus est. Eum sunt secuti, Wilhelmus Marchio Turingiæ, Arnoldus Spirensis Antistes, Desiderius Comes Palatinus, aliique viri illustres. In eundem Libitinæ censum ipse Cæsar venit, Bottfeldij, in Saxoniâ, 3. Non. Octob. anno ætatis trigesimo nono, posteaquam Henricum filium, orbis Romani fatale malum, Victori Pontifici, qui adfuit morienti, impensè commendaverat in magnâ procerum frequentia. Jussi præterea fuerant immaturam fastigio pueri ætatem formare, Agnes Augusta mater, Anno Colonienfis, Eberhardus Trevirensis, Archiepiscopi; qui omnes, præfractæ indolis educatione, sedulam licet industriam perdididerunt. Causam morbi, qui Cæsari brevis fuit, aliqui contulerunt in mœrorem, quem concepit ex luculentâ suorum clade, qui signis adversus Luititios & Venedos, adverso Marte, collatis, omnes propè fuerant, unâ cum ductoribus, interneccione deleti. Dodechinus scribit, eum jecoris cervini esu mortem accelerâsse. Sacris piè procuratus, præsentè summo Pontifice, adstante, præter solitum, magno virorum illustrissimorum cœtu, rarâ modestiâ veniam poposcit ab omnibus, quos durius aliquando habuisset, & compluribus jussit bona in fiscum redacta, restitui, distribuique largas eleemosynas in egentes. Demortui funus 28. Octobris, qui dies illi natalis erat, regiè compositum est Augustæ Nemetum, cum hoc titulo:

ANNO DOMINICÆ INCARNATIONIS

M. LVI. HENRICUS III. NIGER

III. NON. OCTOB. OBIIT.

AN. CHRIST.

M. LVII.

AGNETI

REGINÆ

COMMISSA

BOIARIA.

FULMEN IN

CÆSARIS

HENRICI

IV. CON-

CLAVI.

XX.

MORS VI-

CTORIS II.

Leo Ostien.

lib. 3. c. 8.

SUCCEdit

FRIDERICUS

LOTHARIN-

GUS, STE-

PHANI X.

NOMINE.

Agneti Augustæ, ob spem prolis, quâ se ferebat gravidam, Bojariæ Ducatus est permissus. Saxonix Annales memorant, Henricum filium, cùm Goslarix diem Pentecostes ageret, gravi perfunctum esse periculo. In dormientis conclave excussum fulmen, ejus clypeum & ensen è lecti spondâ suspensum, colliquefecit, Rege tamen illæso. Id conjectores ad sexaginta duos confictus, quibus non sine vitæ discrimine interfuit, retulerunt.

Victor Pontifex redux in Italiam, cum non vulgari orbis Christiani luctu, Florentiæ, (ut vult Leo Ostiensis) defunctus est & tumulatus. Sunt, qui eum Aterij 5. Cal. Augusti diem clausisse asserunt, ejusque corpus, quod domestici Aichstadium referre cogitabant, in itinere à Ravennatibus surreptum, in basilicâ D. Mariæ Rotunda esse sepultum. Romani, accepto de ejus morte nuntio, mox comitia de subrogando successore habuerunt. Cùm aliqui Hildebrandum, qui Victorem in Germaniam erat comitatus, expectandum, alij nullam comitijs moram interponendam esse ducerent, conspirarunt tamen omnes communi voto in Fridericum, Godefridi Lotharingi Ducis Tusciæ fratrem, virum Constantiopolitanâ legatione, alijsque pro Romanâ Ecclesiâ laboribus probatum. Is dudum animadverso, se apud Henricum III. Imperatorem iniquâ suspitione laborare, quò se invidiæ & rerum mortalium curis subduceret, Cassinense institutum religiosè erat amplexus, & à Victore assumptus ad Romanam purpuram. Hunc Romani domo extractum, productumque ad S. Petri ad vincula, quamlibet tenitentem 4. Non. Augusti Pontificem eligunt, & nuncupant Stephanum.

X. Non

X. Non facîle quisquam flagrantiore orbis studio & expectatione, aliquot retro sæculis, ad summum Ecclesiæ clavum sederat, cùm piorum vota mors anno sequenti 4. Cal. Aprilis abruptit. Gunzo Eistettensem Episcopatum, quem Victor Pontifex, quod superfuit, retinuerat, iniit. Cuno Henrici IV. consanguineus Carantanorum præfecturæ est admotus. Othone Schweinfurtenfi, Suevorum Principe, rebus humanis crepto, Rudolfus Rheinfeldensis Sueviam, dotis nomine, unà cum Mathilde Regis sorore accepit, quæ nobiles annos nondum attigerat. Ea Sueviæ donatio semina jecit turbarum, quæ novelli Regis prima regnandi auspicia occupârunt his de causis. Henricus Niger Imperator, ante obitum, vivo etiamnum Othone, Sueviæ dominatum addixerat Bertholdo Zaringiæ Comiti, eamque promissionem regij annuli pignore firmaverat. Comes, ut se vidit suâ spe frustratum, Augustæ, Regis tutrici, annulum repræsentavit, conquestus de injuriâ, & regij nominis nimis vili æstimatione, quippe cujus verba atque imperia tam citò obsolevisent: satius futurum fuisse, nihil fuisse promissum, quam sine causâ promissa rescindi. Agnes, ut justum ejus dolorem leniret, Carinthiam, Cuno post breve imperium defuncto, rectore destitutâ, illi permisit. Sed neque fuit stabile, aut diuturnum istud Augustæ beneficium. Cùm enim Bertholdus filio cognomini Carinthiam ab Henrico Rege impetrâisset, Rex mutata subito voluntate, quasi crepundia tractaret, Bertholdi filium amovit, & provinciam Luitolfo cuidam (Marquardum nominat Lambertus) cognati sanguinis intuitu, commisit: quæ levitas patrem juxta ac filium vehementer irritavit, effecitque, ut irâ stimulante, pater omnia consilia in Regis pariter & Luitolfi perniciem verteret: tam facili momento improvida dominantium decreta vergunt in malum commune.

TURBATUM
OB SUEVIÆ
DOTALEM
CLIENTE-
LAM.

Accessit ex insperato validus è Saxoniâ motus. Saxones, quorum fides credebatur omnium fore constantissima, nutare cœperunt. In conventiculis revocabant in memoriam acceptas (sic interpretabantur) ab Henrico III. injurias, credebantque earum ulciscendarum adesse tempus, dum successoris ætas, fraudibus & præcipitio opportuna, minis foret metuenda. Et licet nihil adhuc esset momenti gravioris, quo ejus indolem carperent, tamen vix inducebant animum, ut sperarent, cum longè abiturum à severioribus parentis institutis: enim verò facilius degenerari in deterius, quàm patrillari in meliora, vitia patrum, velut è traduce, virtutes autem exercitatione in filios transfundi. Conspirationem inflavit Otho, ex impari thoro, frater Guilielmi Marchionis Turingiæ, vir acer & manu promptus, qui cùm in Boxemiâ à puero exulâisset, cognitâ fratris morte, spe cernendæ hæreditatis, reversus in Saxoniam, benignè à Principibus acceptus, erectusque in spem, non occupandi modò patrimonij, sed regni etiam, Henrico depulso, invadendi, se professus est conjurationis caput & antesignanum. Percussis metu integrioribus, quos Reipublicæ cura in officio retinebat, visum est, Henricum, quantumvis tenerum & imbellem, publico apud Saxonem exhibere, si quâ fortè avorum reverentiâ & pueri respectu ad æquiores rationes moverentur. Quamobrem placuit, agi comitia Erlenburgi ad 3. Cal. Julij, eoque vocari omnes Saxoniz Principes, magnum videlicet adversus factiones emolumentum. Aduere ad diem dictam perfrequentes, quisque cum valido comitatu. Othoni, quem jam dixi, eodem cum non exiguâ armatorum manu tendenti, fors Brunonem & Ecbertum Regis patruces, quos præter causam publicam privata odia accendebant, dedit obvios. Nec mora; mutuo conspectu versi in iras, ruunt in pugnam. Bruno, primo mox incurfu, Othonem, lethali confossum vulnere & effusum equo sternit, ipsèque pariter sauciatus sternitur. Ducibus interemptis, certatum aliquamdiu Marte ancipiti: demum Ecbertus, tametsi vulnere debilis, amissi fratris impellente dolore, in confertos hostes invecus, occiso Bernardo Comite, adolescente vixdum militiæ maturo, ceteros languidiùs pugnantes in fugam avertit. Ita Respublica, sublato capite perduellionis, percussisque factioniosis, magno metu liberata est. Spem tranquillitatis auxit Andreæ, Ungariæ Regis,

MOTUS
SAXONUM.

OPPRESSI.

ANDREAS
UNGARIÆ
REX SOPHIAM
HENRICI
SOROREM
DUCIT.

AN. CHRIST.
M. LII.

FRUSTRA-
NEUS CUNO-
NIS CARAN-
TANI APPA-
RATUS.

AN. CHRIST.
M. LIX.

ET LX.

XXI.

BALDUINI
SALISBURG.
MORS. VARIA
PRINCIPUM
FUNERA.

Herm. con-

tinuator.

Lambert.

Bonfin.

MOTUS IN

UNGARIA.

ANDREAS

REX à BELA

FRATRE OC-

CISUS.

POTO BOIUS

COMES

BURGHUSI-

NUS MIRÆ

FORTITUDI-

NIS.

Regis, legatio, pacem ab Henrico petentis, simulque filio Salomoni sponsam. Henricus Sophiam illi sororem concessit, quam Augusta ad Ungariæ fines deduxit. Cuno Dux Carantanorum, ad occupandam Veronensem ditionem, quam dicebat esse suam, facto ingenti apparatu, nullum operæ fructum tulit, cassæ expeditioni immortuus.

Annus quinquagesimus nonus fuit omnium frugum ubertate nobilis, sed fœdus hominum animantiumque mortalitate, quam hiems asperissima secuta est, & insolenti rigore plurimos exanimavit. Nives deinde, tempore veris solutæ, plana camporum inundarunt cum insigni sementis calamitate. Ad ætatis ingressum, Gebhardus, clarum Boicæ fidus, in quem sanguinis, ingenij, cæteraque animi decora abunde cœlum contulerat, Balduino Salisburgensi Archiepiscopo demortuo successit. Diem quoque extremum egit Mathildis Regis soror, & Conradus Dux olim Bojariæ. Otho Babenbergensis Ecclesiæ Canonicus, Gebhardo Ratisbonensi Antistiti successit.

Ambitu & fraternâ invidiâ stimulante, novi in Ungariâ motus extiterunt. Andreas Rex à Belâ fratre bello petitus, ab Henrico Rege è Boijs & Bojæmis, Wilhelmo Turingiæ Marchione, & Eppone Episcopo Citicensi ductoribus, auxilia impetravit. Boij Ungariam ingressi, cum Bojæmorum suppetiæ nondum advenissent, semel iterum secundâ fortunâ pugnaverunt: & propè jam erat debellatum, cum Bela, Polonorum auxilijs & totis Ungariæ viribus longè instructior, bellum est prosecutus. Andreas, tempori cedendum ratus, cum conjugē, nuru, & filio, in Bojariam se regiâque gazam recipiebat, cum ad regni fines Bela eum assecutus, desertum à suis, & equo effusum, pugnatorumque vestigijs obtritum, inter mortuos numeravit. Otto vivus venit in hostium manus. Wilhelmus fame veriùs, quàm ferro domitus, ad extremum fecit deditionem post longum & atrox cum hoste certamen. Ejus lateri hæsit Poto Bojus è familiâ Comitum Burghusianorum. Ambo destituti à commilitonibus, ne caderent inglorij, incredibili fortitudine, tumulum vi defendendum occupantes, à valido Ungarorum globo petiti, tantam edidère stragem, ut, nocte dimicationi intercedente, hostium sanguine madentes, post hostilium cadaverum aggerem circumfessi, pernoctaverint. Cum non tam pugnandi ardor, quàm vires immensum quantum, ob prioris diei immanem contentionem & cibi inopiam fatigatos, destituissent; sub solis ortum ad miserunt faciendæ deditionis mentionem, seseque fide acceptâ, hosti permiserunt. Eorum virtutem Jojada (Ungaris Geyla) Belæ filius admiratus, bonæ indolis adolescens, ultro patrem impulit, ut Wilhelmo filiam desponsaret, liberumque in patriam dimitteret; in quam Wilhelmus redux, cum anno postero, sponsam domum ducturus, Ungariam repeteret, in via ex morbo finem fecit vivendi. Duorum istorum Heroum laudes carminibus patrijs posteritas immortalitati consecravit.

XXII.

AGNES AUGUSTA BO-

JARIAM AB-

DICAIT.

SUCCEDIT

OTHO GOT-

TINGENSIS

SAXO.

AN. CHRIST.

M. LXII.

CRIMINA-

TIONES IN

AGNETEM

AUGUSTAM.

Agnes Augusta, cum Bojariam per quinquennium administrasset, abdica-
tâ ejus gubernatione, totam se regno & Regis filij institutioni impendit, Boicâ
Othoni Saxoni Gottingensi, illustrissimis orto natalibus, relicta. Per id tempus
ipsa cum filio Rege, Reginoburgi, Viduam Andreæ Ungarorum Regis unâ cum
Salomone genero & Sophiâ filiâ humanissimè excepit hospitio, præbuitque de
publico sumptus, quibus pro dignitate haberentur. Salomon regulus cum spon-
sâ se, non multò post, recepit in Franconiam. Bela spe pacis, captivos sine pre-
tio in Germaniam remisit, tamen pacem non impetravit. Subinde grandis re-
rum mutatio coorta est in Germania. Augusta, in regni administratione, Hen-
rici Augustani Antistitis consilio atque operâ plurimum utebatur, qui, cum ferè
unus apud ipsam omnia posse crederetur, venit in amoris incesti suspicionem, vulgi
famam, assiduam ipsius cum Agnete familiaritatem non esse citra flagitium. Ea
res vehementer urebat Principes, quod unius culpâ regni majestas noménque
Germanicum, cum insigni domi atque apud externos infamiâ, evilesce-
ret. Igitur illi crebros cœtus clam agere, capita inter se conferre, remissius tractare publica,
fastidire

fastidire aulam, sollicitare popularium animos, ac demum modos circumspicere, Regem à matre unà cum rerum summâ abstrahendi. Anno Archiepiscopus Colonienſis, princeps factionis, Othone Bojariæ Duce, & Ecberto Comite Saxone, Regis patruele, connitentibus, puerum matri prorsus incogitanti hâc arte eripuit. Agebat Henricus in insulâ D. Suitberti, quæ Rheno tota alluitur. Ad eum Archiepiscopus die quâdam vectus, post solennes epulas, puerum, ad visendum, animi causâ, navigium bellè ornatum, invitat, abducitque, nihil insidiarum metuentem. Ut pedem in navim intulerat, cum remiges summâ vi, dicto citiùs à ripâ proripiunt. Puer incertus animi, cædem sibi paratam suspicatus, in undas exilit, mergiturque, mox præfocandus, nisi Ecbertus se librans in aquas, arreptum navi reddidisset. Blanditijs delinitus, jamque vitæ securus, Coloniam avehitur. Turba Palatinorum ad facinus exhorrescere, auras implere quiritatu, Episcopum maledictis incessere, quòd ereptâ libertate, Regis majestatem violâſſet. Anno, ut à se facti invidiam amoliretur, Regem produxit in publicum, reddiditque consilij sui rationem; Regem scæminæ imperio subductum, nunc primùm servire desisse, ipsamque Rempublicam libertati esse restitutam. Ne ad se unum, inconsulto ambitu, videretur rapuisse imperium, decreto jussit, omnes Episcopos, eodem, quo ipse jure, tutelam regiam & regni munia, ut cujusque fines puer ingressus esset, gerere sibi que habere cordi, ne quid res publica acciperet detrimenti, & dare responsa de causis, quæ ad Regem referrentur.

HENRICUS
REX A MA-
TRE AVEL-
LITUR.

Augusta injuriam vel non sensit, vel, quod est vero simile, plùs quàm virili fortitudine toleravit. Nullâ enim, ne tentatâ quidem rapti filij vendicatione, se-
ptro dimisso, sine omni tumultu, hortatu Petri Damiani Cardinalis, quo viro ne-
mo eâ tempestate virtutem meliùs intellexit, nemo certè integriùs coluit; abdicatis rerum caducarum curis, sanctè vivendi leges accepit à suo hortatore, fecitque non mediocres in pietate progressus, longè in sancto otio, quàm in quotidianis turbis felicior.

AGNES PRI-
VATAM VI-
TAM INIT.

Henricus inter hæc, sub accuratâ Annonis manu, uti se dabant initia, in magnas spes crescebat. Cujus rei exemplum, Lambertus scriptor istius ævi, testisque penè oculatus, Wilhelmus item Malmesburiensis, cum aliquo tamen loci temporisque discrimine, miserunt in chartas. Juvat primo loco audire Lambertum, narrantem haud paulò, quàm alij, exploratiora. Rex (inquit) Natalem Domini Goslariæ celebravit. Vbi ipsâ die, cum ad vesperam, sella Episcoporum locarentur, inter camerarios Hecelonis Hildenesheimensis Episcopi, & camerarios Wideradi Fuldensis Abbatis gravis concertatio oborta est, & primo jurgijs, deinde pugnis res gesta est, citòque ad gladios prorupissent, nisi Othonis Bajoariorum Ducis, qui causam Abbatis tuebatur, auctoritas intercessisset. Causa verò talis erat. Consuetudo erat in regno, per multos retrò majores observata, ut semper in Conventu Episcoporum, Abbas Fuldensis Archiepiscopo Moguntino proximus assideret: sed Episcopus causabatur, neminem sibi, intra Diocesim suam, post Archiepiscopam, debere præferri, animatus ad hoc & opum gloriâ, quâ antecessores suos longè supergrediebatur, & temporis opportunitate, quia Rege adhuc in puerilibus annis constituto, singuli, quod sibi animus suggessisset, facile impune poterant. Hæc Lambertus, qui alterum certamen longè truculentius, Goslariæ, eadem de causâ, in die Pentecostes, obortum, paulò post describit, atque in eo quidem aras occisorum sanguine temeratas, templi pavementum cruore perfusum, horribiles morientium juxtâ ac digladiantium ululatus, Episcopo Hildesheimensi canente classicum & suos accendente ad pugnam, Ecberto Regis patruele antesignano, tametsi Rex, quâ voce, quâ majestatis objectu, tumultuantes conaretur compescere, qui denique periclitatus, ægrè per confertam multitudinem suæ salutis consuluit. Stetit verò atrocissimi facinoris invidia penes Episcopum, qui ex composito, validdâ manu stipatus, ad præmeditatum scelus venerat; valuit tamen Ecberti gratia apud Regem, ut, cum die postero quæstiones de authore haberentur, totum accusationis pondus & venalis quæſitorum sententia, in Abbatem, & Fuldensis Monasterij fortunas, quas vehementer eâ causâ fuisse accisas deplorat Lambertus, incumberet.

AN. CHRIST.
M. LXIII.

TUMULTUS
IN ADE GOS-
LARIENSI
GEMINUS.

XXIII.

*Malmesbur.
de gestis
Angl. l. 2.
c. 12.
Magn.
Chron. fol.
189.*

Malmesburienſis, & Magnum, quod vocant, Chronicum ajunt, iſtam tragicor-
diam Moguntia fuiſſe editam in feſto Pentecoſtes, & cum à Phonaſcis Chriſto
epinicion de more caneretur, *Hunc diem glorioſum feciſti*, auditum fuiſſe cacodæ-
monis clamorem, jaſtantis, ſe diem ſacrilegâ rixâ feciſſe bellicoſum: Regem ve-
rò, cæteris attonitis, extemporaneo reſponſo occuſſiſſe: *Ego hunc diem faciã glo-
rioſum*, & feciſſe quidem epulo liberali, quod egentium multitudini curavit in-
ſtruendum.

AN. CHRIST.
M. LXIV.
IOÆ UNGA-
RI MODE-
RATIO.
SALOMON
REX UNGA-
RÆ.

Rixæ deteſtabili ſucceſſit pium juſtûmque bellum, quod, Belâ Ungarici re-
gni invaſore demortuo, Joas filius, ſapienti moderatione diſcuſſit: is parente or-
batus, ſecum reputans, ſibi longè dulciorem opum modicarum fructum, quas
tranquillè retineret, quàm Regni per vim quæſiti incertam & periculi plenam poſ-
ſeſſionem, ſimul veritus, ne auditâ Belæ parentis morte, totius Germaniæ nomen,
pro Salomone exule, ad arma confluere; per oratores Henrico Regi reſpondit,
ſe haud gravatè regnum abdicaturum, ſi modò dignum natalibus locum & con-
venientem fortunæ apparatus certò poſſet obtinere, neque repugnaturum, quin
Salomon ad paternum ſolium pacificè rediret. Eadem Ungari aſſiduis legatio-
nibus addicebant, nec abnuebant Henrici tutores, rati, malè quæri per vim, quod
pacatè poſſet haberi: verebantur tamen, ne, quod crebrò contigerat, iſta promiſſa
ad faciendum temporis compendium, donec in Ungariâ meliùs eſſet rei communi
proſpectum, fraudibus prætexerentur. Viſum igitur, armatâ manu, venire in rem
præſentem, & pacis leges, ſi qua vis obſtaret, ferro ſancire, easque tantisper
tueri, dum ſublata rerum novandarum facultate, Salomon ſecurus regnaret. Ad
inſtandam Henrici famam, ſcribunt nonnulli, Belam, ante omnem pacis mentio-
nem, in pugnâ occubiſſe, & Joam, frigefcentibus popularium ſtudijs, ab Ungaris
deſertum, ad quietis pactionem deſcendiſſe: verùm quia Lambertus, quem ut ſin-
ceriorem ſequimur, nihil horum habet, ei maluiſus ſubſcribere, quàm exponi pe-
riculo vanitatis. Id conſtat, Salomonem, pronâ Ungarorum voluntate, quietam
regni poſſeſſionem, Henrici auxilij, adiſſe, & exercitum incolumem in Germa-
niam rediviſſe.

XXIV.
Lambert.
Adelbertus.
ALBERTUS
BREMENSIS
ARCHIEPI-
SCOPUS HEN-
RICUM RE-
GEM PER-
VERTIT.

Lambert.
Marian.
Viſſpergen.

Ungariâ ad eum modum compoſitâ, res Germaniæ cœperunt ire in deterius,
ex mutatâ Regis educatione. Pueri ætatem, Moguntinus & Coloniensis Archie-
piſcopi, adhuc ſat commodè ad virtutis ſtudium flexerant. Verùm ubi Albertus
Bremensis Archiepiſcopus, ob nonnullam prudentiæ ſpeciem & generis claritu-
dinem, in partem conſiliorum irrepiſit, naſtus ad abſentiam Annonis Agrippinen-
ſis, occaſionem Regis pervertendi, aſſentando, quo nihil principibus eſt peſtilen-
tius, & moliendo eſt aſſecutus, ut collegas authoritate & gratiâ ſupergreſſus, gra-
viſſima quæque negotia ad ſe raperet, & quod ambitionis proprium eſt, omnia re-
gni munia, ſuo arbitratu gereret verſaretque. Illi ad ſummam poteſtatem graſ-
ſanti, ſoventique juvenilem Henrici laſciviam, acceſſit Wernherus Comes, homo
ferox & inſolens, cuius audaciâ ad firmandam improbitatem utebatur. His in-
ſtructus præſidijs, nihil penſi habebat, Episcopatus, velut ſub haſtâ, venum habere,
Monafteriorum opima diſtrahere, Eccleſiæ honores turpiſſimo quæſtu vendere,
illuſtiora reipublicæ munera non virtuti aut bene meritis, ſed nundinatoribus
committere: habuit quidem paulò molliùs potentiores Episcopos, metu factio-
num, ſed tantâ licentiâ uſus eſt in minùs validos, ut non cum hominibus, reli-
gionis immunitate tutis, ſed cum vilibus mancipijs, quâ exigendo inſueta tributa,
quâ cogendo ad indigna ſervitia, per inſatiabilem avaritiam, ſummo jure agere vi-
deretur. Cum Corbejenſem & Laurisheimenſem opulentas Abbatias invaſiſ-
ſet, ut ejus rapinæ infamiam & publicum odium minueret, haberetque, unde, bolo
obſectò, os æmulis obſtueret, Regi perſuaſit, ut Coloniensî Antiftiti donaret Mal-
mundarienſe & Endanum Cœnobium, Moguntino Seligenſtadianum; Rudolfo
Suevorum Duci Campidonenſe, Wernero Comiti ſacras Kirchbergæ poſſeſſio-
nes, Othoni Bojorum Duci Aitahenſes, quæ hunc demum calamitoſum, inopem-
que reddiderunt.

Fin.

Fingebat homo vanissimus, se frui cœlestium geniorum alloquio, & Dei arcanis interesse: Sanctimonialium Antistitam, quam oderat, velut Elias quispiam iussit intra decimum diem mori; cum accepisset conclamatam à medicis, crederetque non superfuturam diutius: cum mortuam existimaret, nuntium accepit, eam valentem salvamque, ægrotare desisse. Jactatus rumor, quasi Wormatiæ hominem ab impurissimo dæmone liberasset, qui si verus sit, id certè non ipsius virtuti, sed Ecclesiæ precibus & sacerdotij meritis est tribuendum. Et licet demus, eum aliquando triginta mendicis abluisse pedes, non condonamus tamen, quòd cum immani scelere & pessimo publico, Regis simplicitatem fœdissimis moribus conspurcavit; quicquid tandem se Brunnerus unà cum Crantzio in eo purgando fauger.

Dum istiusmodi dedecora, Regis educationem fœdarent, fuere tamen viri Principes, qui impietatem detestati, procul aberant ab istà malorum contagione. In ijs fuerunt Antistites, Sigefridus Moguntinus, Wilhelmus Trajectensis, Guntherus Babenbergensis, Ortho Ratisbonensis, quibus accesserunt è Boijs Dynastis, Fridericus Diessensis, Eccardus Schyrensis, Ortulfus Hohenwartensis. Ij, susceptà in Palæstinam votivà peregrinatione, septem, vel, ut alij volunt, duodecim hominum millia, autumnò jam senescente, secum traxerunt, inter quos honesti civēs permulti, plures fortunæ tenuioris. Malè vertit, quòd Principes Christianæ frugalitatis & modestiæ immemores, intempestivo luxu & inani opum ostentatione, Barbarorum rapacitatem proritarint. Sicubi enim corpora refecturi accumbebant, mensæ fulgebant ostro & aureâ argenteâque supellectile, sedilia convestiebantur pretioso vestium apparatu; tanta erat rerum elegantia, ut totidem Reges, quot Episcopos ac proceres, Barbari numerarent. Magnus indies fiebat ex urbibus & agris, ad peregrinorum spectaculum, concursus, & cum admiratione opulentia, crescebat desiderium prædæ insolentis. Arabum fines ingressis, ipsà die sacræ Parasceves ad Ramulam oppidum, accurrit ingens prædonum turba ad spolia expeditorum. Plerisque peregrinantium religioni ducentibus, diei sanctitatem, stricto ferro, violare, ad primum hostis conspectum animus defuit ad arma capienda, cum sibi non persuaderent, fore quemquam, qui sæviret in inermes. Quare universum agmen, nullo negotio, ab Arabibus evertitur, cæduntur quàm plurimi, multi vulneribus debiles sternuntur, omnes rebus omnibus ipsisque corporum amiculis spoliuntur. Wilhelmus Episcopus Trajectensis, brachio saucius & nudus, inter cælorum cadavera semianimis jacuit. Quibus aliquid roboris fuit reliquum, saxi, quæ ager dabat, non tam propulsabant periculum, quàm differebant mortem. Tandem & hi, omisâ defensione, in villam Capharsalam refugientes, aream, caducâ, præ vetustate, maceriâ utcunque rectam, domumque mediam, aliquanto firmiorem, occupant, & telorum procellam excipiunt. Revixit ex successu animus, ut non modò incurstantes reijcerent, sed etiam crebris eruptionibus hostem lacefferent armati clypeis & jaculis, quæ occisis detrahebant. Cum Barbari oppugnando nihil promoverent, tandem cepere consilium, fame ad deditionem coronâ cinctos adigendi, & leves subinde incursiones, partitis inter se vicibus, inferendi. Jam triduum obsidio tenuerat, cum ultima ausos pascosque, sacerdos aliquis hortatus est, ut vitam libertatēque, viatici reliquijs, vix jam trahentes animam, redimerent. Per interpretem impetravere deditionem ad hostis arbitrium. Latronum antesignanus, ut solus prædâ potiretur, submotâ suorum turbâ, cum decem & septem commilitonibus, nostrorum septum ingreditur, filio, præsidij causâ, ne quis alius intraret, ad portam relicto. Illum, cum paucis ad superiorem ædificij contignationem admissum, (in eam enim se Moguntinus & Babenbergensis receperant) Guntherus, in quo eminebat præcipua formæ majestas, precatus est, vellet spolijs omnibus, vitæ salutem veniam, cum deditiis pacisci. Respuit Barbarus omnem conditionem, minatus, se sociorum manes sanguine nostrorum post triduum, placaturum, & cum dicto tæniâ in restim contortam, Episcopi collo injecit. Quam ignominiam

AN. CHRIST.

M. LXV.

XXV.

PEREGRINATIONE IN

TERRAM

SANCTAM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

LUXU MALE

HABITA.

CLADES PEREGRINANTIIUM.

**LIBERATIO
OBSESSORUM**

niam Guntherus non ferens, impacto pugno, Barbarum humi affligit. Eo facto excitati commilitones, ceteros, qui in conclave ascenderant, vinciunt, animant-que socios, ad Arabes, qui infra manserant, vinciendos. Id ubi animadversum à ceteris, qui circum arcem stabant in armis, cum hortendâ vociferatione densam telorum nubem effundunt in obsessos, qui, ut tuerentur, victos Arabes, quâ parte atrociter erat impetus, telis obijciunt, minanturque, si pèrgant insultare, missilia per victorum jugulum, ad jaculantes reditura. Filius antesignani parentis periculo territus, se in confectum suorum globum inferens, manu, voce, increpitans furentes, ac subinde rogicans, impetrat, ut concessis tantisper inducijs, de libertate captivorum liceat pacisci. Sedatâ turbâ, diei reliquum noctemque proximam quieverunt. Missus interim ab obsessis, qui Ramulæ Dynastam, qui veteres cum Arabibus gerebat inimicitias, de Christianorum periculo edoctum, amplis promissis in auxilium vocaret: qui mox contractis popularium centurijs, adventus sui famâ prædones abegit, & pactâ quingentorum Bizantinorum nummûm aureorum mercede, peregrinos, attributis defensoribus, ad gloriosum Christi sepulchrum, atque inde ad naves, deduxit, jussitque, victos Arabes, ad Babyloniam Regem, capitalem eorum hostem, deportari.

**ALTMANNUS
BATAVENSIS
EPISCOPUS.**

**XXVI.
HENRICI
REGIS MALI
MORES.**

**AN. CHRIST.
M. LXVI.
ADELBER-
TUS A REGIS
AULA DIMO-
TUS.**

**HENRICI
NUPTIÆ.**

Guntherum Babenbergensem 10. Cal. Augusti Oedenburgi in Ungariâ mors oppressit. Ejus funus reductum in patriam, Babenbergæ est sepultum: reliquus comitatus duorum non amplius millium, cum Othone Ratisbonensi in Germaniam redijt. In eo fuit Altmannus divino (ut apparet) nutu, ad Batavensem Episcopatum destinatus, cujus insignia Engelbertus, morti proximus, è terrâ sanctâ redeunti, misit in Hungariam. Is à Gebhardo Salisburgensi inauguratus, magnâ cum laude laboravit in reducendâ per Boicam avorum pietate.

Henricus Rex, hoc anno, ephebos egressus, Wormatiæ cœpit armis accingi. Ab assentatoribus depravatus oderat astrictiorem Annonis Agrippinensis disciplinam, ipsumque magistrum: unde bono viro aula deinceps fuit instar maris, quod modò tranquillum est, mox turbulentum: ita aliquando admittebatur ad intimam Regis familiaritatem, aliàs contumeliosè jubebatur Regiâ excedere, prout lata vel tristitia suggerebat adolescenti, qui solis jucundis ducebatur.

Annus sextus supra sexagesimum, Adelberti dominatui fatalis fuit, & nimis quidem serò, nam Reipublicæ Regumque eversores nunquam satis citò publico amoveniuntur. Jamdudum passim querimoniæ jactabantur, cum regiarum curarum obtentu, occupasse tyrannidem: fiscus regius ad minuta vectigalia & egestatem erat redactus: monasteria, aliunde hominis avaritiâ exhausta, ordinarias contributiones non ferebant. Et jam maturuerat in ipsius caput conspiratio, instinctu Moguntini & Colonienfis. Commodum accidit, ut Triburiz Comititia agerentur, in quibus auditæ palàm voces, aut Regi adimendos esse fasces, aut dominatum ab Adelberto ejurandum. Regem cum non lateret conjuratio, tamen ne deesset amici periculo, ad diem constitutam, Triburiz adfuit, ubi geminum adiit discrimen. Primum à conjuratis intentatum, cum atrox in ipsum dicta est sententia, nisi mox Adelbertum ex aulâ proscriberet. Ferrum in utrumque stringebatur, cum fugam coactus adornare, & gazam regiam, die ad tenebras præcipiti, per satellites cœpit avehere, quam è vestigio sequeretur: cum fugæ consilium conjuratis suboluit. Quare, ne elaberetur, dispositæ sunt circum Regiam excubiz, & Adelbertus ad necem postulatus, & jam in eo erat, ut percussores ejus sanguine manus imbuerent, cum Henricus precibus obtinuit, ut incolumi liceret ex aulâ discedere. Alterum fuit periculum ex gravi morbo, qui medicos in desperationem adduxit. Cum plerique Regis exitium non tam timerent, quàm sperarent, omen capiebant ex tristi criniti sideris aspectu, quem conjectores, Principi fatalem pronuntiabant, inani tamen, ut solent, conjecturâ. Henricus enim, ægritudine sensim remittente, viribus restitutus, non multò post, Bertham Othonis Italiæ Marchionis filiam, olim ex patris voluntate desponsam, regni thoricque sociam accepit, non infausto consortio, nisi tertio post anno, vagæ adolescentis libidines justum amorem incestis flagitijs extinxissent.

Hic

Hic annus Bennonem, sacrosanctum fortunatumque Bajoariz nomen, patre clarissimo, inter Saxones Comite, oriundum, è Goslariensi Collegio ad Misnensem cathedram produxit. Præcessorem habuit Craſtonem, hominem perditè avarum, qui fractâ cervice, colore tetro, incubans opulentæ gazæ, quam humi defoderat, à domesticis repertus est obiſſe. D. Bennonem in Miſnia à Luthero virupetratum, & cum honore in Boicam migrantem, in loco laudabimus.

Longè felicius, quàm miſer, quem dixi, Euclio, Altmannus Episcopus Baraviensis, hoc anno juſtas opes magnificè locavit in condendo suburbano D. Nicolai cœnobio, quod D. Auguſtini ſodalibus tranſcripſit, Agnere Auguſtâ in partem foundationis veniente, donato agro ad aream cæterumque uſum recentis domicilij. Alia ex parte, Boica latrocinij lacerata eſt, civilibusque diſcordijs, quæ tamen ſine ſanguine in arenâ fuerunt compoſitæ, cùm armatæ acies in mutuas cædes jam jam eſſent ituræ. Annales Althienſes (quod ſuperius ex eorum mente inſinuavimus) Othonis Bojariz Ducis avaritiæ, haud ſcio, an ſatis juſtè, adſcribunt, quòd Monasterij opes ab Henrico dono accepſſet, quali ex ſacris ſpolijs feciſſet quaſtum. Sed aliorum, qui iſtâ tempeſtate ſcripſerunt, altum eâ de re ſilentium, qui iſtas ſordes fuiſſent relaturi inter cauſas Othonianæ exauſtorationis, ſi ex vero referri poſuiſſent, facit, ut credam, attributas fuiſſe prædonum graſſationes Principi, quòd eas ſerius, quàm ferrent vota populi, ad lacerandam famam Optimatum proclivis, cùm pro communi ſalute peregrè proſectus abeſſet, prohibuerit.

Eum enim, conſtat in Italiam cum Annone Coloniënſi & Henrico Tridentino, Episcopis, rei publicæ cauſâ, Legatum, malis domesticis mederi per abſentiam non poſuiſſe. Romam appulſos, Alexander Pontifex in conſpectum non admittiſſi, eò quòd Ravennæ & Parmæ, cum Episcopis, quos ipſe piorum cœtu moverat, eſſent collocuti, ſed tam diu diſtulit, donec per Romana templa nudis pedibus, piaculari ſupplicatione, fuerunt perfuncti. Otho obiit in urbe legatione, cùm Anno & Henricus in Germaniam abiviſſent, in agro Placentino operam & colloquium cum Italis perdidit, negantibus, exteri principis conſilia, citra libertatis Italicæ diminutionem, admitti poſſe. Jam tum Henricus de opprimendâ Saxoniæ & Sueviæ nobilitate, civibusque ſervitute premendis, ſtimulantibus domesticis, cogitabat, & qui genius eſt impotenter imperantium, cœperat viros fortes, quorum ſtudijs majorum jura morèsque ſuſtentabantur, non ſuſpectare modò, ſed etiam, captatâ undique occasione, clientelis exuere, atcere à publico, ne eſſent, qui peſtilentes malè feriatotum molitiones ſuſflaminarent.

Otho noſter, qui ſi quisquam alius, ſe publico bono adſiderat, & pravis conſultoribus adverſabatur, ſudes illis erat in oculo, & erat ipſi Rex inſenſus, quòd communicato cum Annone Coloniënſi conſilio, eum à matre abſtraxiſſet invitum, & crebrò cum eo de ſalute communi conſerret: iras tamen premebat, donec ſpecioſa aliqua ejus evertendi occaſio proveniret. Quam in rem evenit, ut Otho, ſoluto Italarum conventu, ſeorſim Godefridum Lotharingiæ & Tuſciæ Ducem conveniret: quid agitari, incertum: certum tamen, utrumque malevolorum obrectationibus fuiſſe traductum, quaſi in Regis perniciem capita contuliſſent. Semper ſibi malè timet, qui cauſam dat malefaciendi. Habebat Rex interprimæ admiſſionis gnathones, Eginonem, hominem ex fraudibus conſutum, quo authore, ad ſtruendas viris primoribus inſidias, plurimùm utebatur. Ille ſparſit in vulgus, Othonem Regi ſtruxiſſe inſidias, cùm à debellatis Luititijs rediret, & in hoſpitali menſâ, per tumultum tollere voluiſſe. Ergo, publicâ infamiâ iniquiſſimè laborantem, Moguntiam evocat, neque ſolâ inſiciatione, aut veriſſimis in contrarium conjecturis contentus, jubet ſingulari certamine adverſus Eginonem reſellere infamem calumniam, & crimen purgare. Otho tametiſi gravatè ſentiret, ſe cum infami latrone committi, accepit tamen conditionem, ſi modò fide publicâ, ſuæ incolumitati, contra vim quamcunque extra duellum, caveretur. Rex qui illum quocunque tandem modo volebat eſſe ſublatus, negat, publicæ ſecuritatſ telleram deberi homini majestatis accuſato: enimverò certaminis eventum, de

S. BENNO
EPISC. MIS-
NENSIS.
CRAFTON-
NIS EPISC.
INFELIX
EXITUS.

XXVII.

S. NICOLAI
AD BATA-
VIAM MO-
NASTERIUM
INCHOATUM
AN. CHRIST.
M. LXVII.
ET
LXIX.

ANNO CO-
LONIENSIS,
HENRICUS
TRIDENTI-
NUS, EPISCO-
PI, OTHO
BAJOARIE
DUX LEGA-
TI AD PON-
TIFICEM.
Triumph. S.
Remachli. .
c. 22.

XXIX.

OTHONIS
INNOCEN-
TIA PREMI-
TUR.

alterutrus antagonista capite fortunisque abunde pronunciaturum : satis fore-
 tutum, qui Marte arbitro innocentiam assereret. Otho, animadverso, strui suo
 capiti insidias, quæcunque tandem fors foret pugilatûs, publico excessit, cum
 minis, brevi visurum Regem, ludos haud paulò innocentiores, cœpitque apud
 amicos suæ defensionis subsidia comparare. Hæc agentem, Henricus pro con-
 fesso, & Reipublicæ hoste manifesto declaratum, armatus insectatur, & immisso in
 Boicam milite, flammâ, ferro, violatis etiam sacrorum aris atque domicilijs, irri-
 tat. Otho contrâ, coactis ad signa tribus armatorum millibus, indictisque publi-
 cis piorum supplicationibus, irrumpit in Turingiam, ubi 4. Nonas Septembris,
 hoste fugato, Numinis favorem expertus, Regem inter Goslaræ mœnia, totâ hie-
 me continuit. Belli exitus rarò secundus subjectis fuit. Ita cum Rex Boicæ prin-
 cipatu exutum proscripsit, eique subrogavit Welfonem, Azone Estensi & Cunisâ
 Welfonis II. filiâ progenitum. Ab hoc Welfone propagati Welfones Suevi, qui
 Boicum imperium post Agilolfingos, Francos, Saxones, eorûmque beneficiarios
 tenuerunt, qua de re plura ad annum septuagesimum, cui Lambertus Turingorum
 cladem adscripsit. Anno octavo supra octogesimum, Monasterium S. Crucis
 Werdeanum, olim à Thassilone Boicæ Principe conditum, quod Mangoldus Di-
 lingensis & Kiburgensis Comes, ejusque conjunx Tuta, anno circiter M. XXX.
 cœperant excitare, juxta arcem Mangolstainiam, in planitiem translatum est, &
 tandem circa annum millesimum centesimum, intra mœnia Wer-
 deæ civitatis erectum, Benedictini instituti religio-
 sos accepit.



BOICÆ



BOICÆ GENTIS
ANNALIUM
PARTIS I.
LIBER XVIII.

Henrici IV. crimina, clades, ficta pœnitentia, fraudes, perjur-
ria, odia in Saxones piôsque alios. Sublecti Henrico Re-
ges, Hermannus, Rudolfus Suevus. Bella domestica, Sa-
xonica, Italica, Vngaricum, Moravicum, Palæstinum.
Infelix Welfonis in terram sacram expeditio. Varia Co-
mitia, sacra, profana. Schisma sub Guiberto à Corrigiâ.
Res gestæ à D. Annone Colonienfi, Gebhardo Salisbur-
genfi, D. Thyemone Salisburgensi Martyre, D. Altman-
no Batavenfi, Wilhelmo Hirsaugiensi, Engelmaro, Wil-
helmo Windebergio, Boijs Welfonibus, Othone Gö-
tingano. Hentricus V. patris Henrici IV. collega. Im-
manis Simonix colluvies & concubinariorum. Agnetis
Imperatricis pietas. Exitus Mathildis, Giselæ Vngaricæ,
Iudithæ Boicæ. Variorum monasteriorum origines.



Aggredimur tempora toti Romano imperio admodum funesta. Po-
tissimæ malorum caulæ à capite, quo laborante, cæteris Reipu-
blicæ partibus bene esse non poterat. Quod superiore libro nota-
vimus, Henricus Rex, adolescens effreni morum licentiâ, cum
ætate flagitia in majus proferebat. Cùm à primis annis, in libidi-
nem esset projectissimus, evadebat se ipso indies turpior: nullus
erat avaritiæ modus, vel finis sacrilegarum nundinationum, quibus opes sacræ
palâm, velut sub hastâ, vendebantur. Creditum fuerat, vagis Henrici amoribus
frenos ex casto Berthæ Reginæ thoro prodituros: sed improbitas, quæ in uno gra-
du non subsistit, sic eum dementârât, ut, cùm uxorem fastidiret, consilium
ceperit ab ea, Lotharij Cæsaris exemplo, divertendi, hoc obtentu, quod
post trienne thalami genialis consortium, nullum rei maritalis usum habere
potuisset.

I.

Lambert.

Schafnab.

HENRICI

MORES

IMPROBI.

AN. CHRIST.

M. LXIX.

SIMONIÆ

EFFRENI

USUS.

HENRICUS

DIVORTIUM

MOLITUR.

Ut com-

II.

QUAM IN
REM AGUN-
TUR EPI-
SCOPORUM
COMITIA,

PROPONUN-
TUR CAUSÆ
FALLACES.

SIGEFRIIDUS
MOGUNTI-
NUS MALÆ
CAUSÆ PA-
TRONUS.
CÆTERIS
REFRAGAN-
TIBUS.

ALEXAN-
DER PON-
TIF. HEN-
RICO AD-
VERSATUR.

III.

SYNODUS
FRANCO-
FORDIAM
TRANSFER-
TUR.

PETRI DA-
MIANI LE-
GATI MON-
TA NOMINE
PONTIFICIS.

HENRICUS
MONENTI
ACQUIES-
CIT.

Ut commentofucum faceret, Sigefrido Moguntinensi Archiepiscopo grandibus promissis persuasit, ut eâ de causâ Antistitum Comiticia indiceret, certus, fore ut, si Regem voti faceret compotem, rei bene gestæ præmium acciperet perpetuam decumarum pensitationem à Turingis, qui adhuc id oneris detrectârunt. Wormatiæ conveniunt Episcopi, post serias Pentecostes. Henricus, oratione ad fraudem compositâ, conquestus est, se ad eam diem fefellisse hominum oculos, quasi cum Reginâ sibi rectè conveniret, sed ducere religioni, eam fabulam diutius ludere cum ingente animi periculo, in quo simul domus suæ & publica salus verteretur. Non latere Patres, quæ prima sint vota nubentium, & quæ paxio mutui in sua corpora dominatûs, quo deficiente, ab ipsis nuptiarum principijs, & perseverante citra omnem spem remedij, omnis matrimonij ratio corruiat. Jam abiisse triennium experts consortij conjugalis, ob uxoris impotentiam, ad quam probandam plus temporis jura non requirant. Nihil quidem esse, cur optaret uxorem meliorem, si, quam parens olim dederat, uxor esse potuisset; sed cùm fata aliud voverint, accipiendum esse æquo animo, quod emendari non posset. Quâ de re, ne Patres ambigerent, se fide regiâ & jurisjurandi religione asseverare, Reginam, illæso prorsus pudore, puram putam thalami consuetudinem habuisse. Se proinde orare Patres, ne malè nuptos inauspicatis vinculis, præter jus fâsque, irretiri diutius patiantur; sed faciant utrique potestatem, ad alia vota transeundi. Antistites, qui mendax hominis ingenium noverant, dicenti fidem non habuerunt, rati, tam grave negotium inauditâ Reginâ, quam de industriâ maritus Laurisheimium amandârat, non posse definiri, neque consultò credi assueto mentiri, cui, ne vera quidem dicenti, crederetur. Unus Sigefridus, quem magnificæ pollicitationes labefecerant, timidè pro iniquâ petitione nitebatur. Nec verò par erat omnium Episcoporum constantia, ut præfractâ refragatione ilicò tam flagrantia Regis postulata damnarent; nec deerant à Palatinorum grege quidam, ad omnem domini nutum cerei, quos novarum rerum spes corruperat: visum tamen in commune, ad faciendum temporis compendium orandasque ex urbe Pontificis suppetias, Sigefrido authore, Synodum Moguntiam indicere, in quâ turpissimæ causæ suprema manus imponeretur, ad Octobrem ineuntem.

Id ubi renunciatum Alexandro II. Pontifici, Petrum Damiani, virum prisce moris atque integritatis, legatum misit Moguntiam, qui nefariæ molitioni intercederet. Henricus eodem properabat, cùm ex itinere per internuntios cognoscit, legatum Pontificium ejus adventum præstolari, cum mandatis, ne quid contra Ecclesiæ sanctiones fieri sineret: & eum quidem attulisse ab Alexandro, minaces exostulationes ad Sigefridum, quod stimulante avaritiâ, sedis Apostolicæ injussu, infamis causæ venale patrocinium in se suscepisset. Rex eâ denunciatione territus, velut lapsâ è manibus voti potiundi occasione, decreverat ilicò reverti in Saxoniam, & vitare legati Apostolici congressum: amicorum tamen consilio ægrè adductus est, ut ne vellet tot Principum, qui frequentes Moguntiam confluerant, frustrari expeditionem, sed eos Francofurti juberet adesse. Illuc, ubi magnâ frequentiam convenerant, Petrus Damiani, intrepidè Pontificis jussa Regi exposuit, & severè monuit, seridò revocaret ad animum, quam rem, pessimo ad orbem Christianum omnemque posteritatem exemplo, contra sacrarum legum instituta moliretur. Haberet saltem in consilio sui nominis existimationem, nec speraret, ullum unquam Romanorum Pontificum, augustali diademate redimiturum caput, quod se facinore tam nefario esset impiaturum. Quod si denique Pontifici morem non gereret, proximum fore, ut pro supremâ Ecclesiæ potestate, legum vim & dirarum execrationes experiretur. Iverunt in Legati sententiam, quotquot adfuere Principes, Regem per divina & humana omnia obsecrantes, ne usque eò turpem notam regiæ majestati inureret, justamve daret causam Reginæ agnatis, qui armis, clientelis, & fœderibus plurimum possent, res novas in Italiâ tentandi, ad cognati sanguinis ignominiam, insigni aliquo facinore vindicandam. Henricus istis rationum momentis non tam fractus, quàm flexus ad merum, re-

spon-

spondit, se fore in Romanæ sedis autoritate, sicque suo animo imperatum, ut, quas nequireret excutere pedicas, moderatè saltem toleraret. Subinde voluit Reginam, ex Laurisheimensi cœnobio, in aulam revocari: quia tamen nondum satis suum genium ad æquitatem composuerat, ne in ejus conspectum veniret, mox se, cum exiguo quadraginta stipatorum comitatu, in Saxoniam proripuit, distulitque in præsens thori consortionem, quâ, non multò post, restitutâ, Regina tergemino filiorum partu, mariti accusationem refutavit, & suam probavit fecunditatem. Primo in Moguntinis Comitibus edidit filiolum, qui sacris undis ritè expiatus, mox vivere desijt; altero enixa est Henricum, qui patri in imperio successit; tertio peperit Conradum: omitto Adelheidem & Agnetem filias.

Lambert.

Inter hæc Otho Gottinganus, non ita pridem exutus Bojariæ principatu, contractâ, pro præsentis fortunæ conditione, armatorum manu, castra in Hasengunenfi monte, situ naturæque apprimè firmo, adjectis operibus & comportatâ ex agro confini annonâ, bene munierat, in id unum intentus, ne sine indecori periret inultus, ratus, in supremâ rerum desperatione, nihil sibi ampliùs, quàm nominis sui curam superesse. Welfo, de quo paulò superiùs, immensum quantum auxit ejus ærumnas. Is, inclinante Othonis fortunâ, ut est mobilis amicitia defultoria fides in rebus adversis, benevolentiam, quam remissè cum Othone coluerat, duplici maleficio extinxit. Etenim non contentus, veteri amico negasse auxilia, per corruptos auro interpretes, apud Regem cum fortunis evertit, impetrato Bojariæ Ducatu. Tolerabile id & ignoscendum homini ambitioso, nisi aliud longè gravius accessisset. Non poterat meliùs Henrici gratiam aucupari, quàm professio Othonis odio, quod executus est in hunc modum. Othonis, dum ejus fortuna floreret, filiam sibi matrimonio, sanctè semel iterumque juratâ fide, sociaverat. Hanc rebus mutatis, à suo complexu repulit, & afflictissimo socero domum remisit, quibus rebus se Henrico plurimùm commendavit, internuntio Rudolfo Sueviæ Duce, quem Welfonis largitiones fecerant in eâ causâ facundum. Henrico per se ad nocendum prono, nihil opus fuit fortioribus machinis, ad subruendum veterem inimicum. Goslarix, ubi natalitias Christi ferias agebat, Welfonem, solenni ritu, in vacuum Bojariæ dominatum immittit, tametsi non nesciret, id ægrè futurum Boicæ Ordinibus, quod, novo exemplo, & cum vetustæ libertatis imminutione, ipsis inconsultis, daret Ducem, quem more majorum legere, vel saltem probare debuissent. Ut tamen ad eos in officio continendos in Boicam non proficisceretur, effecit timor, ne per ipsius absentiam, Otho ansam caperet, Goslariam, princeps & gratissimum regni domicilium, ferro flammâque excindendi.

AN. CHRIST.
M. LXX.

I V.

OTHO GOT-
TINGANUS à
WELFONE
EVERTITUR.
WELFO
UXOREM,
OTHONIS
FILIAM RE-
PUDIAT.CREATUR
DUX BOIA-
RIÆ.

Otho, ut cui in re prorius desperatâ haud quicquam erat, præter famam, reliquum, nihil prius habebat in votis, quàm ut, Marte abitro, supremam aleam periclitaretur. Quam ad rem Henricus justum exercitum è Saxonibus, Turingis & Catimelibocis sub signa contraxerat, jussis Principibus, qui remotiores erant, cum primùm possent, properare suppetias. Ne ferro decerneretur, intercessit Eberhardi Comitibus Ellenburgici, qui unus apud Regem penè omnia poterat, auctoritas atque moderatio. Huic visum, in magnâ armorum civilium acerbitate, nec esse honestum vinci ab hoste, nec vincere rei communi salutare. Sibi igitur ultro sumpsit rei componendæ negotium voluntarius ad Othonem legatus, sine publicis mandatis, quæ erat ratio, pacta omnia ad Henrici arbitrium, qualicunque demum Othonis damno, revocandi. Ivit tamen, & spe veniæ largiter ostentatâ, bonum Principem cœpit obtestari, ne omne Germanum nomen, adversus fatiscentem suâque sorte labantem fortunam, temere concitaret, & Regis iras pertinaciâ redderet acriores. Ne fideret tumulo malè protecto, & pejus à rebus necessarijs comparato, vel sibi persuaderet, satis esse in paucorum hominum malefidâ societate præsidij: infirmam stationem desereret, & justis conditionibus se inermem Regis clementiæ permetteret; id si faceret, sanctè se polliceri, fore, ut in gratiam receptus, ad pristinam dignitatem & ablatum principatum rediret. Hæc, ad speciem potiùs, quàm ad fidem dicta, moverunt

OTHO BEL-
LUM PARAT
IN HENRI-
CUM.

V.

AN. CHRIST.
M. LXXI.DECIPITUR
AB HENRI-
CO.

Othonem, ut ostenderet, se tam bellam occasionem non aspernari. Haud fuit operosum Eberhardo, Henricum adducere in suam sententiam, quippe quem cœperat tædere belli, quod à Principibus, qui ptoniore erant in Othonem studio, duci potius, quàm geri videbat. Quare pactis inducijs & die constitutâ, quâ post verum jejunium pax, Colonia Ubiorum, ex procerum sententiâ conficeretur; Otho pectore nimis candido suos à signis dimisit.

Secundum hæc in Boariam Henricus abiit, ubi redditâ facti sui ratione, sic satisfecit Ordinibus, ut nemo esset, qui Welfoni obliteret. Exinde Othoni ad quinquaginta dies induciæ fuerunt prorogatæ, quibus exactis, Halberstadij, se suâque Regi dedit, eventu longè, quàm Eberhardus in se receperat, tristiore. Non enim modò priori fortunæ non est redditus, sed libertatis exors, dubiûsque salutis, jussus est in custodiâ retineri, unâ cum cæteris, qui arma in Regem gesserant, donec de singulorum capite & facultatibus, quid certius à Rege ex Principum judicio decerneretur: quod decretum, cordati quique, ut immane & plenum perfidiæ sunt detestati. Subinde, cùm Henricus ad Synodum Moguntinam se conferret: Leopoldus Mersburgius, qui omnium flagrantissimè Regem in Othonis exitium impulerat, visus est justas injusti odij pœnas dedisse, quando effusus equo in ense evaginaturn (quem Martis primùm, deinde Attilæ, aliorumque Principum, per longam avorum annorumque seriem, fuisse quidam fabulantur) hausto latere confossus est, cum ingenti Regis mœrore, cui charus erat in paucis. Potissima Comitiorum causa fuit Carolus Constantiensis, quem sacrilegi peculatûs & nefariæ Sacerotum nundinationis compertum, Constantiense Collegium ab Episcopatûs additione, ringente quamvis Henrico, repellebat. Ille confixus omnium Antistitum sententiâ, inter quos sedit Gebhardus Salisburgensis, quicquid demum artis pro ejus defensione Rex adferret, indignus est habitus, qui Constantiensem mitram indueret.

Istâ Simonix contagione non modò Episcopus, sed etiam monasteria passim afflabantur. Tanta enim in religionis contubernia rei faciendæ libido irreperat, ut, extincto apud multos rerum divinarum studio, toti essent in auro privatim corradendo, quò ad sacras præfecturas grassabantur tam stupendâ profusione, ut profanorum etiam virorum ambitum largitionibus anteverterent, homines, qui sub vili lacernâ simulabant studium sacræ paupertatis. Evocati quidem sunt ex Italiâ Monachi, qui errantes in viam reducerent; sed, quos à suo instituto reperiebant abhorrentes, è vestigio proscribebant è Monasterijs nimium duri impatientesque morum magistri. Sapientiùs Anno, Coloniensis Archiepiscopus, colonias ducebat è Cœnobijs integrioribus, ad instaurandam prisce moris disciplinam, quod, quia minus habebat peregrinitatis, suaviùs influebat in animos fux nationis amantes.

In Regis aulam rursus sese insinuaverat Adalbertus Bremenûs Antistes, & superatis æmulis, per quos ante sexennium fuerat eliminatus, solus ferè Henrico fruebatur, receptus ad intimam familiaritatem & quasi regnandi consortium: tam nôrat callidè sese Regis genio accommodare. Eum tandem mors è medio sustulit annis exhaustum, vigente adhuc ambitione, mense Martio, quando frustra omnem medicorum artem expertus, morbo succubuit publici odij victima, cui, quod vivendo non potuerat, moriendo satisfecit, homo insolentis jactantiæ & levitatis, quæ vanitatis arguebant, quam præseferbat speciem pietatis. Eo sublato, visa est libertas, vera sentiendi, & loquendi respirare. Cùm, illo demortuo, Henricus Trajecti, Christi redivivi festis operaretur, palàm sunt auditæ voces deplorantium rei communis & privatorum injurias, calamitates infontium, Judiciorum perversitatem, miserorum oppressiones, boni publici neglectum exitiabilem. Nec defuerunt, qui Regem intrepidè hortarentur, vellet tandem aliquando se rebus ipsis præstare, qualem Regis nomen exigebat, curarum partem reipublicæ impendendo, & viros idoneos publicis muneribus adhibendo. Quisque inter Proceres optimus, eadem cum civibus sentiebat; quæ proborum conspiratio, Henricum

velut

VI.

RETINETUR
IN CUSTO-
DIA.

LEOPOLDI
MERSBUR-
GII INFELIX
INTERITUS.

CAROLUS
SIMONIACHUS
AB ADEUN-
DO CON-
STANTIÆ
EPISCOPATU
REPELLITUR
IMMANIS SI-
MONIÆ COL-
LUVIIS IN-
TER RELI-
GIOSOS.

ANNONIS
COLONIEN-
SIS IN RE-
FORMANDIS
MONASTE-
RIIS INDU-
STRIA.

AN. CHRIST.
M. LXXII.

VII.

ADALBER-
TUS BRE-
MENSI RE-
DIT IN AU-
LAM,
MORITUR.
HENRICUS
ADMONITUS.

D. ANNO-
NEM PUPLI-
CÆ REI RUR-
SUS ADMO-
VET.

velut è veterno excitavit, ut Annonem Coloniensem, verum sui avi Catonem, quamlibet invitum & obluentem, summæ rei denuo admoveret.

Sub id temporis jacta sunt fundamenta Gurcensis Episcopatus apud Carantanos. Gebhardus Archiepiscopus Salisburgensis, ab Alexandro II. Romano Pontifice, anno superiore, facultatem impetraverat, condendi novam sedem intra fines suæ diocesis, à quâ facilius, quàm è longinquo, Sacra peterentur, & subleverentur curæ Metropolitanæ, quas operosum erat, per longè diffusas Ecclesiæ suæ regiones, subjectarum animarum commodis, eâ, quâ par esset, accuratone, in tempore dispertiri. Henricus pontificiam concessionem secutus, diplomate dato Ratisbonæ, anno sæculi, supra septuagesimum secundo, assensus est, ut Gurcæ in Ecclesiâ S. Mariæ, quâ sanctimoniales habitaverant, novus Episcopatus conderetur, quem Guntherus primus tenuit ab Gebhardo sacris cæremoniis initiatus, Albuino Brixinensi & Ellerhardo Frisingensi, inaugurationi assistentibus, die sextâ Maij.

Sub Annonis Agrippinensis manu, videbatur Germania reflorescere. Illo nemo abstinentior, nemo à cupiditatibus magis alienus; nihil cujusquam gratiæ vel odio tribuere solitus, omnia ad justitiæ libellam summis juxta ac infimis dimittebatur, tantâ æquitate, ut ambigeres, digniusne Pontificis munia, an Regis tractaret. Si quos resciebat è potentioribus, tenuioris fortunæ homines injurijs opprimere, in eos severissimè animadvertebat. Erant, qui nobilium arces in prædonum spolia verterant, quas omnes iussit solo æquari. Fuit inter eos famosissimus Eginus, idem ille, qui ad Othonis Bojariæ Ducis perniciem auctoratus per insignem calumniam, cum Regis odio objectum, de gradu dejecerat. Mox ubi citra metum licuit apud Annonem de flagitijs expostulare, plurimi, qui ab impurissimo nebulone pasci erant atrociora, cum variorum scelerum reum egerunt, quorum compertum, Anno ferro onustum, ad ludibrium, pascendosque popularium oculos iussit palàm exponi, repetito sæpe spectaculo ad exemplum publicæ severitatis. Fecit tamen homini facinoroso vitæ veniam, quâ insigniter abusus & in latrocinio deprehensus, effosis oculis coactus est infamem omnibusque detestabilem spiritum, emendicatâ stipe, ducere. Visus quoque Deus est, Othonis innocentiam vindicasse, quando Giso, Comes Adelbertus cum quatuor filiis, quibus inventori- bus Eginus calumniam Othoni fecerat, ob privatas inimicitias, ab æmulis fuere trucidati.

E diverso Othoni libertas est reddita ferijs Pentecostes, post toleratam unius anni custodiam, non sine tamen luculento suarum fortunarum dispendio, quas eum oportuit Regis avaritiæ, aliorumque, qui causam ipsius egerant, cupiditati donare. Ita virum optimum in optimâ causâ, pretium debuit facere innocentem. Tametsi Annonis virtute atque industriâ, multa præclarè gererentur, erant tamen semper aliqui, qui facti ad Regis ingenium, sancti Antistitis conatus sufflamina- bant, bonis insidiosi, improborum defensores. Et erat ea tempestas viris Principibus frangendis fingendisque, ob insanos Regis impetus, valde opportuna. Otto vix in qualemcunque Regis gratiam rediverat, cum Rudolfus Sueviæ Dux, qui non vulgarem operam in Othone evertendo posuerat, propè absuit à præcipitio. Fuerat apud Regem delatus ab æmulis, res novas contra Rempublicam & Henricum mo- liri. Satis fuit vocari in suspensionem, ut ad dicendam causam citaretur. Is, tametsi se nōset prorsus insontem, vadimonium tamen neglexit, quod acceptum est pro specie aliquâ contumaciæ & professæ rebellionis. Noverat ille Regis iras implacabiles, & eum terrebant Othonis nostri & aliorum exempla, qui præcipiti odio, citra justam causæ cognitionem, fuerant damnati. In aulâ nihil erat, cur quæreret suæ innocentie patronos, quod metus dicendi vera, securitatem probis adimeret, Regis genius permetteret improbis effrenem maledicendi licentiam. Ne tamen causam omnino defereret, Agnetem Henrici matrem, quæ rerum hu- manarum pertæsa, Romæ rebus divinis se totam addixerat, infimis precibus ad- duxit, ut rei deploratæ patrociniū susceperet. Id illa suscepit eò promptius,

Hand. in
Metrop.
PRIMORDIA
GURCENSIS
EPISCOPA-
TUS.

ANNONIS
ÆQUITAS ET
MODERATIO.

EGINO LA-
TRONUM
DUX, ALII-
QUE OTHO-
NIS BOICI
CALUMNIA-
TORES IUSTO
DEI IUDI-
CIO PUNITI.

II X.

OTHO EN-
STODIA EX-
MITUR.

RUOLFUS
SUEVIÆ
DUX FALSO
DELATUS
REGI.

FICTE RE-
CIPITUR IN
GRATIAM.

ANNO AD
AULA RECE-
DIT.

IX.

HENRICUS
REX FIT IN
DIES DETE-
RIOR.

SAXONUM
VEXATIO-
NES.

X.

SIGEFRIDUS
MOGUNTI-
NUS LITEM
DE DECUMIS
INSTAURAT.

AN. CHRIST.
M. LXXIII.
SYNODUS
FRANCO-
FORDIÆ.

EPISCOPI
AD HENRICI
NUTUM FA-
CTI.

quod Rudolphi virtutem magni faceret, & cum generum sibi legerat filia Mathildis nuptiis, quas tamen hujus præmatura mors brevi abruperat. Illa filio Wormatiæ occurrit, cum honestissimo Præfulum & virorum religiosorum comitatu, & Agrippinensis Moguntinensisque Archiepiscoporum fide interpositâ, Rudolphum evocatum in aulam, visa est Henrico reconciliâsse, sed reipsâ id duntaxat effecit, ut sopita nonnihil Regis ira, paulisper quiesceret, donec crumperet in atrocem tempestatem.

Annoni Colonienſi, Regis fallax & inextricabilis improbitas, evadebat in dies intolerabilior, quæ demum eum impulit, ut desperatâ ingenij deploratissimi sanatione, simul ne permulta, quæ iniquè à Palatinis gerebantur, cogeretur diutius intueri, senium regni negotijs impar caſatus, miſſionem ab aulâ rogârit, obrinueritque à Rege non invito, lætòque vehementer, quod viri probiſſimi magiſterium tam ſpecioſè excuteret. Solutus aſiduâ ſeveri pædagogi cenſurâ, mox frena cupiditatibus, ad omnem perversiſſimorum morum indignitatem, ruptis verecundiæ repagulis, laxavit, nulla famæ honeſtæ curâ. Ut verò peccaret licentiùs, & extra omnem metum, Saxoniam, cui ſe nôrat valde inviſum, frenare inſtitit, arcium, quas in locis editioribus conſtruxit, præſidijs, fecitque earum deſenſoribus poteſtatem, ut, ſi quid eos rerum neceſſariarum deſiceret, id omne ex circumjacentibus agris, ſi parciùs à colonis conferretur, ipſi per vim raperent. Exinde tam nihil tuit ſub iniquo Rege inconceſſum, ut miles ne à ſtupris quidem matronarum & puellaris ætatis, quæ mariti, parenteſque, penè aſpicientes, cogeantur tolerare, poſſet abſtineri. Ad alendum immanem luxum & æris publici profuſionem, uni-verſæ Saxonum poſſeſſiones ſiſco mancipabantur, liberi juxtâ ac ſervi publicis operibus obruebantur, nobilitas ignominioſè, & ſervilem in modum, habebatur, neque miſeris quicquam erat reliquum, præter aërem patrium & exile nomen everſæ libertatis. Quod in malis eſt acerbiffimum, nemini fas erat ſuas calamitates palâm lugere, niſi conteſtim rapi vellet in carceres, & tam diu in pædore jacere, donec auram liberam vitâmq; rerum omnium jaçturâ redimeret.

Talia ne manifeſtæ atrocitatis arguerentur, viſum eſt, religionis aliquem obtentum mentiri, quaſi non ſufficeret, apertè eſſe crudelem & impium, niſi etiam graviſſimis facinoribus, pietatis larva prætexeretur. Si qui è Turingis, de maleficijs, magiſtratus appellabant, id ferebant reſponſi, ea inferri Deo vindice, quod ipſi, more aliarum gentium, ſacras decimas pendere recuſarent. Ut ad earum penſitationem adigerentur, Henricus Sigefridi Moguntini cupiditatem, ante quadriennium, utcunq; ſopitam, excitavit. Ille nuper redux è Cluniacenſi ſeceſſu, ad quem ſe, mitrâ relicta, religionis cauſâ receperat, Abbatis imperio & aſiduâ Cleri Moguntini flagitatione talces reſumpſerat. Impulſus Regis ſuaſu, veterem de decimis litem revocavit ad incudem, certus, Henricum ſummâ, quâ poſſet ope (ita enim promiſerat) reluçantibus vim allaturum. Quam ad rem Archiepiſcopus ad 7. Idus Martias Synodum Francofordiæ indixit aliquot Episcoporum, qui auribus potiùs ſervirent, quàm juſtæ diſceptioni. Conſtabat enim, Regem decumarum non exiguâ portione ſuam operam Sigefrido vendidiſſe. Antiſtitum ſubſellia præter Archiepiſcopum, parùm idoneum in propriâ cauſâ judicem, occupârunt, Herimannus Babenbergensis, Hecelo Hildeſienſis, Eppo Citicenſis, Benno Oſnabrugenſis, homines ingenij venalis. Rex ipſe comitio adſuit, validâ ſtipatus armatorum manu, quorum formidine, vera ſentientes, à liberis ſuffragijs abſterreret. Adduxit ſimul haud paucorum argutulorum gregem, qui linguam regiæ cupiditati commodarent. Pro Turingis nitebantur, Fuldenſis & Herveldensis, Abbates, quippe qui plurimas Eccleſias decimales, & prædia in Turingiâ poſſidebant, nec credebantur facilè conceſſuri, ut jura à Romanis Pontificibus, Cæſaribus, Regibùsque, vetuſtis recentibùsque privilegijs firmata, ſinerent à ſuis Monasterijs avelli. Cùm ancipiti altercatione biduum conſumpſiſſent, res in eo erat, ut Turingi, judicium iniquitate perſpectâ, ſedem Apoſtolicam appella-
rent, quod & haud dubiè erant façturi, niſi Rex ultima omnia appellaturis fuiſſet.

inter-

interminatus. Quâ denunciatione territus Abbas Herveldensis, suam causam Regis & Archiepiscopi arbitrio permisit. Fuldenſis, tametsi paulò constantior, fractus denique minis & penè inexplicabilibus negotij ambagibus, in Herveldensis sententiam concessit, ut certis portionibus pro diversitate Ecclesiarum, inter Archiepiscopum & Monasteria, decimæ, novo instituto dividerentur. Ita vis pro jure valuit. Cùm Regem non lateret, iniquum agendi modum neutiquam posse probari Romano Pontifici, utrumque Abbatem gravissimis verbis veruit, quicquam per se aliòsve, de eâ causâ, in urbem movere. Rebus pro libidine, Francofurti, confectis, Ratisbonam se ad celebrandum Pascha recepit.

LIS VIOLEN-
TER A REGE
FINITA.

Haud multò post, Alexander II. Pontifex Maximus è vivis excessit, cui Clerus populûsque Romanus Gregorium VII. Tuscum Snanensem, nomine Hildebrandum, Virum incomparabilem & de Ecclesiâ optimè meritum, dedit successorē, non sine divini Numinis instinctu, ut esset, qui effrenatos mali Regis impetus intrepidè constantèrque reprimeret. Facta quidem electio Henrici injussu, sed Gregorius, quâ erat sapientiâ, adduci non potuit, ut sacro se ritu sineret inaugurari, donec Henricus ostendit, se nihil obstare, quo minùs majorum more initiaretur, tametsi è Germanis Episcopis, sibi malè quidam conscij, acre Gregorij ingenium veriti, modis omnibus contrà niterentur.

XI.

ALEXAN-
DRO II. SUC-
CEDIT GRE-
GORIUS VII.

Matutelsebat interea conspiratio Saxonum, quos exaggeratæ in dies Regis injuriæ metûsque servitutis agebant in desperationem. Conjuratōnis antesignani, Bucco Episcopus Halberstattenſis, Otho nuper Dux Bojaræ, Hermannus ejus frater, Egbertus Marchio Turingiæ, Fridericus Palatinus, & complures alij Comites, quibus se junxere, Wezelo Magdeburgensis, Hezelo Hildesienſis, Wernerus Merspurgenſis, alijque Antistites, in quibus Benno Misnenſis. In promptu erant sexaginta armatorum millia. Liemarus Bremenſis, Eppo Citicenis, Benno Osnabrugensis, Episcopi fidei factique ad Regis ingenium, pulsi è Saxoniâ, ut, ejus fovebant vitia, eundem ducem sequerentur. Conjuratis, in Nokmeslovi comitijs, ubi se jurisjurandi religione, pro communi salute ultima facturos passuròsque sponponderant, sub ineuntem Sextilem, visum est, omnium nomine Legatos ad Regem mittere, qui id temporis Goslaræ degebat, habebatque sub signis justum armatorum numerum, quorum operâ se usurum adversus Polonos fingeat, tametsi revera Saxonisum bellum meditaretur. Legationis hæc capita. Rogari Regem, ut, quos contra Polonos armaverat, domesticis periculis commodaret: Saxones continentibus Luiticiorum grassationibus vexari, ad horum arcendas populationes vix satis esse in Saxoniâ copiarum: incautè facere, qui foris adit discrimen, si ne domi quidem sit tutus. Præterea, diutius ferri non posse injurias regionum militum, qui passim per montana præsidia dispositi, non secus omnes circà regiones infestent, quàm si hostilibus odijs essent imbuti: neminem non videre, strui insidias publicæ libertati, quam tot partam, servatamque dimicationibus, majores transmisissent ad posteros, qui omnes, etiam capitis sui periculo, eam, ad ultimum usque spiritum, tueri ac retinere statuisſent: orare proinde, ut arces, non tam militum, quàm latronum spoliaria, sine morâ diruerentur. Rex injustè ablatas fortunas Saxoniæ Principibus restitueret; regnum subinde more Regum obiret, neque otio, ut adhuc fecerat, in Saxoniâ, continuò marcesceret, provinciæ gravis ac sumptuosus, cætero imperio inutilis. Homines nefarios, quorum consilij publica res pessum ibat, procul ab aulâ faceret: regni negotia deinceps administraret per Principes, more majorum, quippe ad quos ea procuratio, jure quo optimo, pertineret: ut proscripto pellicum grege, quarum consuetudine regum nomen tædabat, Reginam eo, quo decebat loco haberet: crimen hoc tantò esse conspectius, quantò celsior sit libidinosus. Cætera flagitiorum probra, quibus adolescentiam contaminaverat, seriò tandem elueret; etenim publico nimium quantum nocere exempla peccandi, quæ à Principe subjectis propinantur. Quòd si se cum præstaret, quem deceret esse bonum Regem, habiturum Saxones obsequentes quidem, sed simul ingenuitæ li-

CONSPIRA-
TIO SAXO-
NUM.

EPISCOPI
HENRICIA-
NI PULSI È
SAXONIA.

SAXONUM
QUERELA.

XII.

bertatis oppidò retinentes: meminisset, se liberis hominibus, non mancipijs imperare: quòd si verò belli necessitatem invitis imponere maluerit, neque arma, neque animum, ad vim prohibendam defutura. Nihil ab eo postulari, quod prius Reges, moribus & certis legibus, quòdque Principes posterì jure jurando non sanxissent: Deum enimvero perjuratorum esse ultorem, neminem fidem fallere, quin unà fallat pietatem, & Numen irritet, testem juratæ veritatis. Orari Regem, ne prior promissa violaret, alioquin eum præmoneri, Saxones vicissim ad ea servanda, nullo pacto, teneri, sed fas ijs justumque fore, perinde atque cum hoste jurato, pias inimicitias exercere.

Dicta hæc intrepidè à Legatis: ab Henrico trepidè accepta. Tam audax nemo est, quin timidum faciat læsa conscientia: malis consultis percellitur animus, in cujus recessus, quamlibet profundos, sese insinuat turbulenta criminum recordatio. Quamobrem Henricus de pace cogitare, circumspicere rationes pacandi Saxones, & exeundi scelerum vinculis, quibus se sentiebat irretitum. Recta meditantem, depravârunt fallacia consilia, ut crederet, ad primum belli terrorem, rebellium iras ilicò deslagraturas: malum nascens facilè opprimi, inveteratum fieri plerumque robustius quidem, sed ipsâ morâ languescere ardorem concitatæ multitudinis, sine cujus præsidio, Principum consilia evanescent. Ergo legatos contemptim habitos, Henricus, cum ambiguo responso, ad conjuratos remisit: quod ubi in castris vulgatum acceptumque in partem sequiorem, miros dedit animorum motus, ad sumendam vindictam, sanguinemque litandum retinendæ libertati. Passim audiat voces, diutiùs non posse tolerari brutum hominis ingenium, quod corrigi ratione non possit, egeatque remedijs acrioribus, sine quibus ad moderationem nequeat adduci: medicum esse crudelem, qui morbum, ferro ignique egentem, lenioribus malagmatis frustra conatur amoliri. Igitur bello, à Senatu militari, decreto, jubentur signa refigi, castraque raptim moveri Goslariam. Isthic, ubi confederant, ut sunt ardentia seditionum initia, plerique pugnam poscere, increpare moras, arguere ductorum oscitantiam, quasi ad debellandum nihil opus esset, præter dubium alex periculosa experimentum. Jam res in eo erat, ut Legiones in Regem ducerentur, cum Buccone Halberstatteni Episcopo autore, paucisque alijs, quibus grata non erant præcipitata consilia, quæ quidem, si prosperè cadant, laudantur; si improspere, neque possunt pœnitundine corrigi, neque industriâ revocari, neque ullâ prudentiâ in integrum reduci; visum est, à vi temperare, quòd sperarent, ratione posse apud regem sine sanguine confici, quod sine discrimine tentari non posset. Cauta enim cum moderatione, quàm felicia ex casu longè suscipi sapientiùs.

Et verò cunctatione Regi concessum est spatium molliora respiciendi. Etenim metu præsentis periculi, gazam regiam, regni que insignia, quantum in magna trepidatione licuit, jubet convasari, & avehi Hartesburgum, munitionem in paucis egregiam, quò & ipse citatis itineribus est secutus. Saxones, compertâ fugâ, mox eodem delati, ducto circum castrorum cinctu, adversus vim diuturnam à rebus imparato consternatòque, ingentem terrorem incusserunt.

Retinuerat in comitatu, quos jam dixi, Epponem & Bennonem, Episcopos, quorum inprimis impulsu res publica vertebatur. Bertoldum, Carantanorum principatu exutum, non ita pridem fors ad castra rulerat, virum quidem cordatum, disertum atque sapientem, sed qui pondum absteraserat memoriam erepti, ante annos sedecim, dominatûs. Atque hic quidem (nam quæ aliàs viderentur in tempestitiva, necessitate evadunt opportuna) ab Henrico magnis pollicitationibus, & purgatis, cui cuimodi commento, ablata Carantanæ injurijs, delectus est, qui unà cum binis, quos memoravi, gnatonibus, legatus ad Saxones proficisceretur, si nihil aliud, saltem temporis lucrum facturum, ipsaque comperendinatione, intensas obsidionis excubias angustiasque laxaturus. Non defuere suis partibus facundi oratores, per quicquid divinum atque humanum est, obtestantes, animis etiam atque etiam reputarent Saxones, foretne Regi honestum, ab armatis clientibus

HENRICUS
A MALIS
CONSULTO-
RIBUS SEDU-
CITUR.

XIII.

BELLUM A
SAXONIBUS
DECERNI-
TUR.

MORA IN-
ICITUR.

REGIS TRE-
PIDATIO,
FUGA.

OBSIDIO.

XIV.

LEGATIO
FALLAX AD
SAXONES.

tribus pacis conditiones accipere, an potius ipsis decorum atque laudabile, armis positis, æquissimas leges & pactiones, quibus meliores optare non possent, à pacato Rege expectare? Sumpsisse eos arma, aliquà quidem specie æquitatis, sed non modò indecoro ad alios exemplo, & haud levi cæterarum gentium offensione, quæ omnes, ab omni retrò sæculorum memoriâ, regiam majestatem illam esse voluissent. Nihil esse novum, ferre Regum qualiacunque ingenia, quæ tamen patièdo ad sanitatem possint sensim reduci, tolli tamen subito, citra exitiales imperiorum convulsiones, non possunt. Recogitarent, quam rem, quàm dubiæ alex, quanto periculo, quàm supra unius gentis vires, indignante Germaniâ, sibi sumpsissent? Nihil esse de Regis indole, cur ita desperent; cum maturitate consiliorum & annorum, ad frugem posse revocari, & verò magnam spem facere rerum meliorum, si modò extra armorum strepitum & belli tempestates sinantur emergere. Si quid acceptum sit injuriæ, Regem haudquaquam vetare, quo minùs causæ pacatè disceptentur Principibus arbitris: cum certè inauditum ab adversarijs damnari, nedum armis incessi sine injuriâ non posse, eò præsertim tempore, quo ipsi certum sit, eâ, quæ censuram merentur, comitiorum sententiæ committere. Dicebantur ista speciosè, sed incassum.

Legati hæc ad Regem jussi referre. Saxonibus perinivitis impositam fuisse sui defendendi necessitatem. Eos nec citò arma induisse, nec temere, quibus, post erepta patrimonia & longam malorum iliadem, parti majorum virtute honores libertatque, infami jugo mutantur. Quorsum enim tot nebulonum præsidia, omnibus propè Saxonix tumulis imposita, non ad propulsandas hostium injurias, sed ad opprimendam miserorum innocentiam, nisi ut totidem sint liberorum corporum ergastula, & carceres florentissimæ juventutis, immo & virginum matronarumque prostibula, & sicariorum receptus, quot in montium jugis arces viserentur. Ultima perpeffis, nihil superesse, præter tristem invisæ lucis uluram: ingenuos homines vilibus mancipijs accenseri, haberique pro Regis libidine instar clitellarium jumentorum: verbo, rem ad reitum rediisse, nec esse quicquam, quod desperetur, ubi nihil sit reliquum, quod speretur. Non bene insontes reijci ad Principes, quibus nullus sit sensus tam diuturnæ calamitatis, nullum mali communis experimentum. Oppressis, succumbendum esse miserijs intolerabilibus, vel propriâ virtute, quia aliena deficit, occurrendum esse injurijs. Quòd si Regem factorum pigeat & pœniteat, ei grave neutiquam futurum, tollere causas maleficiorum, castellis eliminare latrones, scelestorum gurgustia solo æquare, rapta dominis reddere, leges & instituta majorum, interpositâ juris jurandi religione, tactis aris, revocare ad usum securitatèque antiquæ libertatis. Ea si mox fecerit, paci moræ nihil futurum: si minùs, Saxones sua jura armis repetituros.

Dum tempus, Legatis ultro citroque comitantibus, de industriâ à Rege extrahitur, & Saxonum vigilæ, præter solitum languidiùs excubant, ille nactus est spatium, cum paucis familiarium & potioribus sarcinis, Herveldiam, per abdita silvarum evadendi. Isthic, ubi constiterat, copias è toto regno confestim jussit ad signa properare. Aduère mox, Adalbero Wirceburgensis, Hermannus Babenbergensis Episcopi, Principes alij. Aliâ ex parte Rudolphus Dux Alemanniæ, Bojarix & Rhenensis tractûs Antistites, castris ad Moguntiam positis, Regis imperia præstolabantur, quibus incitati, convenère, haud procul ab Herueldiâ, ubi Henricus de præsentis rerum suarum conditione, tanto verborum artificio querelas posuit, ut nemo unus esset, cui lachrymas non exprimeret; ut mollis est in afflictos sensus humanitatis. Fuère in senatu militari, qui suadebant, quamprimum convelli signa, & moveri in hostem, qui prior in campum prodisset: sed aliorum potior fuit sententia, quibus placuit tantisper à vi abstinere, donec sociorum adventu regix legiones firmarentur. Saxones vicissim, compertâ Regis fugâ, Turingos, qui Triteburgi convenerant, per legatos vocant in belli societatem. Nulla legatio votis laxioribus excepta est. Sancito utrinque fœdere, decretum, commune malum, communibus pariter armis depellere, pròque patriæ salute nullam dimicationem

SAXONUM
RESPONSUM.

XV.

HENRICUS
ELABITUR,

TURINGI
SAXONIBUS
SOCIANTUR.

tionem averfari. Jufli fimul, Herveldenfis & Fuldenfis, Abbates, cum auxilijs adefle, nifi mallent poffeffiones, quas amplas habebant in Turingiâ, patere direptioni. Prenfavit etiam Turingos Henricus per oratores, qui præter contumeliam nihil reportârunt: propè fuit, ut à concitatâ multitudine violarentur; quod ne fieret, juris gentium ratio, à moderatioribus explicata, prohibuit. Archiepifcopus Moguntinus, qui id temporis Erfordiam concefferat, coactus eft dare fidem & obfides, nihil fe adverfus Turingos armis moliturum. Creditus eft, cum Coloniënfi & permultis Rheni proceribus etiam contra Regem confpirâffe, ita tamen, ne quicquam apertè moveret, donec quid certius appareret de belli eventu.

IVX.
HENRICI
ARCES
EVERSÆ.
COLLOQUI-
UM CORBE-
IENSE.

CONVENTUS
GERSTIN-
GENSIS.

XVII.
DE HENRI-
CO ABDI-
CANDO.
RUDOLFUS
SUEVUS CO-
RONAM DE-
TRECTAT.
HENRICUS
TERRITUS,

ABIT IN BO-
IARIAM.
HENRICUS
REDDITUR
PER DELA-
TOREM ODI-
OSUS.

Exinde converfus exercitus, non ad infeftandum Regem, qui inter hæc Saxoniâ excefferat, fed ad expugnandas arces, quæ regio milite tenebantur: pars diruta, pars incensa, alia exuta munimentis, cæteræ interclufo commeatu redactæ in arctum. Deditarum præfidia permiffa abire citra maleficium. Henricus, crescente in dies periculo, Moguntino Antiftiti dedit negotium agendi cum Saxonibus, Corbejæ, ad nonum Calendas Septembris. Anno Coloniënfis, tametsi juffus, conventui non interfuit, nifi per Legatos. Isthic repetitæ veteres Saxonum querelæ, additæ recentes, veteribus graviore, de Regina, & regis sororis Quidlenburgenfis Antiftitæ, deplorandis injurijs, vexatisque, qui probiores erant, domesticis. Quibus accusationibus id agebatur, ut palam fieret, tolerari amplius non poffe Regis impij effrenem intemperiem. Quod cum in utramque partem magnis contentionibus difceptaretur, nec tamen Saxones quicquam de hofilitate remitterent, augerentque in horas belli apparatus, Henricus grandi molimine Luiticios, juratos Saxonie inimicos, fuis partibus nitebatur adjungere. Quamobrem, ne veniretur ad malorum extrema, constitutum eft, ut in villâ Gerftingenfi ad 13. Cal. Novembris fide publicâ conventus ageretur. Henricus, metu tumultus popularis, aufus non eft interfelle, fed Wirceburgi maluit comitiorum exitum oppetiri. Eò confluxere Saxones magnâ frequentiâ, etiam atque etiam rogantes, ut citra omne partium ftudium, rei, in quâ falus Imperij verteretur, haberetur ratio, neque magis attenderetur, quale ipfi bellum fufcepiffent, quàm causæ gravitas, quâ ad ultima fuorum malorum remedia fuiffent violenter impulfi. Per triduum æquis auribus auditi, eos fecerunt animorum motus, nemo ut cenferet, ipfos contra Rempublicam deliquiffe, vel habendos durius. Itum ab omnibus in eam fententiam, abdicandum effe Regem, aliûmque fastigio admovendum. Id certò ad Chrifti natalem effectum dediffent, nifi Rudolfus Sueviæ Dux, quem deftinabant regno, juratus obftinâffet, nunquam Ordinum votis affentiri, nifi prius juramenti religione, & fide Regi debitâ folveretur, ac tum demum, fi ita fediffet animo, Principes in Auguftali Comitio rite atque ordine rurfus irent in fuffragia, quæ nullâ poffent infamiâ notari.

Henricus, cognito, Principum animos adverfis ftudijs eoufque descendiffe, vehementer perculfus, oftendit, nullam fe conditionem afpernaturum, fi falvo jure majestatis, concordia poffet inftaurari: tum quò foret à vi remotior, sub Novembris initium, mæftus, omniâque fufpectans, abiit in Bojariam, quam adhuc expertus erat fidei inconcuflæ. In eâ profectioe, Regingerus quidam, primæ cæteroqui inter familiares regios admiſſionis, odio, an aliorum inſtinctu, incertum, immenſum quantum odia procerum, in ipſum Regem, Norimbergæ, accendit. Affirmabat palam, fe, aliosque regis crudelitatis adminiſtros, magnis precibus pollicitisque fuiſſe conductos, ut Rudolſum Suevum & Bertholdum Carantanum, quos Henricus ſuis luminibus obſtruentes, per ſecretioris colloquij ſpeciem, eſſet Wirceburgum vocaturus, è medio tollerent. Et cæteros quidem promptas manus addiſſe, ſe verò ſcleris atrocitatem deteſtatum, ægrè ſicariorum Regisque iras evaſiſſe. Nullum ſe dimicationis diſcrimen defugiturum, quò ſuæ delationis veritatem aſſereret, ſi Rex crimen inſiciaretur. Fidem conciliavit prona, ad ſequiora opinanda, credulitas, & nota delatoris, inter Palatinos non obſcure exiſtimatio; quòdque conſtabat, Regem nonnullis alijs primæ notæ

viris.

viris, similibus artibus, paravisse necem, & re ipsâ compluribus è domesticis, intrulisse. Ergo Rudolfus & Bertholdus Regi fidem amicitiamque obnuntiant, negantque, se ullo nexu illi esse devinctos, qui prior fidem prodidisset. Rex clam cohortescere, palam furere, minari, sepositâ majestate, calumniam Rudolphi sanguine, per singulare certamen expiaturum. Ad extremum, cum id, velut indignum regio nomine, sibi passus esset dissuaderi, pugilem, qui suas vices obiret, substituit Udalricum Colheimium. Verum ante diem dictam duello, Regingerus à Stygio carnifice abreptus, dirè vitam finijt. Subinde Henricus abiit Ratisbonam, suspectans omnes, suspectus omnibus, futuri anxius, & universis invisus.

Inter hæc, non desinebant Saxones, Rhenensis tractûs Principes, frequentibus urgere legationibus, ut ne Rempublicam, regio scelere fatiscentem, paterentur opprimi. Quam ad rem, Moguntinus Anustes, totius Regni comitia Moguntia indixit, ut, quod jam ante fuerat in votis, Rudolfum Suevum summæ rei imponerent. Henricus illuc accurrens, Lovendeburgi lapsus in morbum, & per multos dies affixus lecto, spem fecit, eo sublato, Germaniam tandem aliquando quieturam. Verum ubi cœpit habere melius, se recepit Wormatiam, fidam adhuc obsequentemque civitatem, cujus mœnibus, pronis civium studiis, est receptus. Secundum hæc, Moguntinense comitium metu discussum est, tum quod pauci Principum eò convenerant, tum quia perculsi Regis adventu, censuerunt inconsultum, in eâ suffragatorum infrequentia, per cæterorum absentiam de Regis exauthoratione statuere. Id duntaxat decretum, ut, datis ultrò citròque obsidibus, per Legatos à Rege poscerent, ejus, fide publicâ, ad Oppenheimium conveniendi facultatem. Quod cum impetrassent, Henricus stratus ad eorum pedes, obtestatusque singulos, supplex rogavit, ignoscerent juvenilibus erroribus, sperarentque à maturiore ætate, genioque malis subactò, in reliquam vitam frugem omnium, quàm optare possent, optimam. Repositæ sunt in Senatu voces plenæ libertatis, nimirum, frustra Principem fidem exigere, quam nulli unquam servasset, neque hosti, neque amico, quique recens virorum fortissimorum capitibus, eo ipso tempore, quo de ejus fortunis atque salute fidissimè agebant, insidias sanguinarias struxisset. Factum esse ejusmodi, ut solâ inficiatione refelli non possit: aliam exigi, si insons foret, innocentia defensionem. Datum tamen supplici, ut dilato comitiorum judicio, nihil in eum durius statueretur, nisi de vectigalium consuetâ pensitatione, quibus subductis, magna peccandi materia invito esset subtrahenda.

Atque ex eo quidem tempore, luxum aulae ad pertenuem & Regi propè indecoram mediocritatem redegit, parvo ære victitans, penè desertus à Principibus: in quâ solitudine, tametsi aliquot haberet lateri hærentes, ferè tamen privato cultu & raro comitatu, verbis dandis, quàm pompæ & opi ferendæ, propiores. Cessabant inter hæc apud Turingos nuper impositæ decimationum exactiones, fervebat in Saxoniâ residuarum arcium expugnatio: quo successu accendebatur in dies Regis contemptus, ex contemptu, odium pacisquæ oblivio, cujus mentio gravis accidebaturibus, quietem averfantium sub invisò rectore, quem omnino exautoratum volebant. Hoc ipsum rotundè Sigefrido Moguntino & Annoni Colonienfi, Henrici oratoribus, Corbejæ sunt professi, causantes, sibi fuisse belli necessitatem impositam, eoque loci res devenisse, unde, nisi mutato rege, vel Marte arbitro, nequirent revocari. Sed & paulatim invalescebat circa Regem solitudo, Principum maximè, qui infamem militiæ causam detestantes, suo exemplo traherant ad defectionem paucas legiones, quæ adhuc in fide perstantes, illum Wormatiæ inani torpentem otio, cum nonnullâ exercitûs specie stipaverant. Quibus in angustiis consilium à præsentissimo periculo mutuatus, primo quidem rogavit obnixè Principes nondum apertè alienatos, vellent auxilia conferre, nec pati prorsus evilesce-re imperij majestatem, pro quâ tuendâ, certum haberet ultima quæque, supremamque belli aleam, sui capitis discrimine, primo quoque tempore, experiri. Verum Moguntinus, Colonienfis, Argentoratensis, Wormatiensis

DELATOR
ABRIPITUR
A DÆMONE.
XIIX.
COMITIA
MOGUNTINA
DE NOVO
REGE,
METU REGIS
DISSOLUTA.

HENRICUS
WORMATIAE
PRINCIPIBUS
FIT SUPPLEX.
PRIVATUR
VECTIGALIIUM
USU.

AN. CHRIST.
M.LXXIV.
XIX.
AULA PERTENUIS.

HENRICUS
A MULTIS
PRINCIPBUS
DESERITUR.
BELLUM TA-
MEN PARAT.
SPECTRA
OMINOSA.

XX.

SAXONES
PUGNÆ AVI-
DI.

SAXONES
REGI DURAS
DICTANT
PACIS CON-
DITIONES.
MILES EIUS
SPERNIT
IMPERIA.

PAX FRAU-
DULENTA.

XXI.

HENRICI
TERGIVER-
SATIONES.

(quem proscripserat) Antistites, negârunt, se arma ad insontium perniciem laturos. Hos secuti Bojariæ, Sueviæ, Lotharingiæ, Mosellaniæ, Carantaniæ Principes. Ille nihilominus egressus Wormatiâ, cum exercitu movit Herveldiam. Pridie, quàm eò veniret, sub auroram, in cœlo visus arcus, Iridis speciem referens: postridie apparuerunt columnæ geminæ, colore aureo ad dextram lævâque solis orientis, donec horizontem longè supergressus, claram lucem induxit. Hinc conjectoribus ampla commentandi materia.

Saxones ad quadraginta bellatorum millia, adversam Verræ fluminis, quod Melibocos à Turingis dirimit, ripam occupaverant, pugnam avidè postulantes, instantesque Othoni Duci, ut fascibus arreptis, suis auspicijs in hostem duceret trans fluvium, firmâ glacie permeabilem, neque pateretur, sibi bellissimam Regis opprimendi occasionem elabi, cujus exiguæ copię per agros prædis agendis dispalata, non possent tempestivè satis ad castra revocari, vel, si revocarentur, ob paucitatem, nullo negotio possent internecone deleri, antequam suppetiæ alijs ex locis citatæ advenirent. Vulgus prælium urgebat, etiam cum ductorum aliquo convitio, tantò flagrantius, quòd comperisset, Herveldensem Abbatem, à Rege missum, à Saxoniæ Principibus impetrâsse legatis ultrò citròque commeandi tesseram, eoque metus esset, ne tempus inutili verborum contentione tereretur, & nulla pax, vel ob fluxam Regis fidem, cum quo certi nihil posset decerni, fallax & ad omnem auram agitabilis iniretur. Non abludebant à vero. Cùm enim oratores quindecim Episcopi, duras à Saxonibus conditiones ad Regem retulissent, ille se anxie in omnem partem versare, alia super alijs effugia circumspicere, morasnectere, rogare suos, ne regio nomini tantam ignominiam sinerent inuri, singulos privatim animare, ut cum bono DEO rei summam unius pugnæ dimicationi committerent: sibi enimvero fore jucundius, regnum unâ cum vitâ generosè projicere, quàm retinere cum ignominiâ. Sed quicquid agendo & moliendo tentaret, ne id quidem à milite, qui erat in castris, impetravit, ut jussus nomina ederet, séque extra vallum lustrari pateretur. Unde nemini erat ambiguum, fore ut, ad classicum, prælium detrectaret, vel cessaret in acie, & signa ipsûmque Regem hosti proderet: tanta erat plerisque religio, ferrum in eos stringere, quos suprema necessitas ad patriæ libertatisque defensionem armâisset. Regem proinde monuerunt Principes, ne se temere daret in discrimen, sed eos maximè haberet suspectos, qui in umbrâ, plenis buccis, magna loquerentur, ne minima quidem facturi, ubi primùm cernerent signa explicari. Regem longè consultius fuisse facturum, si vitatis brumæ frigidissimæ rigoribus, verna signa amicâsque suppetias, tectus Wormatiæ hibernaculis, expectâisset, suâque salutem in tuto habuisset. Jam nihil superesse remedij, nisi ut ipse protinus concedat armatis, quod ne inermibus quidem justè posset negare.

Quid denique faceret homo prodigosè versutus? Metu fractus, ex Saxonum sententiâ pacem conficit, & firmat tactis aris, ipso festo Virginis Purificatæ, & eâ quidem lege, ut, si falleret, universis Regni Proceribus, velut sacramento solutis, fas esset, eo proturbato, alium Regem solio imponere. Cum paucis sequestribus ad eum venerunt Saxoniæ Principes: datis dextris, pax confecta: castella regia desita oppugnari: præsidarij jussi à vi prædisque abstinere, arces deferere, cùm primùm annona defecisset, ac denique eas popularibus permittere diruendas.

Saxones credebant, eo sibi abunde consultum, quod Regem Goslariam honorificè deducendum habituri essent in suâ potestate, & nihil faciliè ipsis invitis tentaturum. Sed quis frenet animum rationis suique impotentem? statim ubi cœptæ urgeri pacis conditiones, reposci privata publicâque jura, repeti spolia, postulari legum magistratuûmque tutela; mox se de integro exeruit pravitas ingenij fraudulentæ. Etenim ille responsis versipellis tergiversari, comminisci vanas pactorum interpretationes, ac demum eorum judicium ad publica regni comitia rejicere.

Tamet si

Tamen si istæ frustrationes Saxonibus erant suspectæ & permolestæ, assensu tamen sunt, ut ad sextum Id. Martij Goslaræ conventus ageretur. Nemo remotiorum Principum voluit interesse. Aduertere soli Saxones & Turingi cum ingenti armatorum multitudine, & castris, haud longè ab urbe, positis, misere legatos, qui cum Rege, de pacis conditionibus agerent. At ille procrastinando cœpit postulata eludere, modò causari Principum absentiam, modò flagitare, ut arces, quæ supererant, omnium munitissimæ, everfis cæteris, ad finium securitatem servarentur. Et hæc quidem speciosè, re autem ipsâ, ut ijs, utcunque res caderent, ad continendos Saxonum motus & vindicandam recens acceptam contumeliam, tutumque receptum, pro arbitrato uteretur. Cum inter multiplices altercationes triduum abiisset, neque ille quicquam familiarium consilij, legatorumve precibus moveretur; ecce ibi derepente increbrescit fama, Saxones conglobatos ad Regiam tendere, neque ultra pactorum fidem exigere, sed omnino velle Regem alium, minimè fallacem, sed constantem legum patriarum tutorem. Jam in atrium palatij conferti penetrarant, horrendaque vociferatione se ostendebant paratos ad vim inferendam, cum denique Rex trepidus pollicetur, se Othoni, Bojaræ Ducatum reposcenti, intra anni spatium ex Principum sententiâ facturum satis, & passurum, arces Saxonibus Turingisque exosas, æquari solo, eâ tamen lege, ut ipsi quoque castella, quæ non ita pridem construxerant, pariter diruerent. Ad dicit præterea, se cum fide observaturum, quæcunque in Gerstingensibus comitijs sponderat. Promissa hæc ab invito; quibus haud mediocriter turbatus, Wormatiam abiit, verni jejunii tempus, animo neutiquam sedato, acturus.

SAXONUM
SEDITIONE
PETITUS,
MULTA POL-
LICETUR.

Ejusiras denuo vehementer efferavit Hartesburgi excidium. Id quia, contra ac convenerat, non erat à fundamentis eversum, sed nudatum duntaxat parte mœnium, illæsis ædibus & cæteris munimentis, accolæ rati, se eo stante, tutos à præsidiorum injurijs esse non posse, in tumultum coorti, murum reliquum, Principum injussu, funditus erunt: quicquid erat sacrarum profanarumque ædium, destruunt: templum, extemporali opere è tignis fabricatum, redigunt in cineres, aras confringunt, Divorum Liptana abripiunt, è tumulis, regij filij & fratris corpora effodiunt: de quibus injurijs ille graviter Romæ est conquestus.

XXII.
HARTES-
BURGI EX-
CIDIUM.

Verum, curis grandioribus Pontificis animum fatigabant gemina Cleri flagitia, quæ nullo aliâs ævo pari forditate invaluerant. Alterum erat, sacerdotiorum infularumque libera nundinatio: alterum, sacrilega sacerdotum conjugia & pellicatus, & tanta utriusque licentia, ut vix esset, qui coërceret. Ea scelera Gregorius stirpitus evulsa cupiebat, conatu eò difficiliore, quòd peccantium multitudine Regis voluntate atque exemplo subnixa, curationem reddebat proximam desperationi. Egit tamen sanctus Pontifex, ex Patrum, quos Romæ in consilium adhibuerat, sententiâ, cum Henrico, per legatos, veller auxilia ad depellendas hæc pestes Pontifici sociare. Accedebat cura spēsque denique tandem aliquando pervincendi, ut summorum Pontificum electio, foret immunis à quorumvis Principum Cæsarumque potestate: unde nata seges grandium discordiarum. Simul per frequentes Epistolas imperavit Transalpinis Episcopis, ut legem, quam de presbyterorum cælibatu per Italiam vulgaverat, in suis quisque diocæsibus mandarent executioni, arcerentque à sacris ordinibus omnes, qui voto perpetuo, castimoniam nollent profiteri. Quam ad rem Sigefridus Moguntinus, Octobri mense suæ provinciæ conventum egit Erfordiæ. Jam in eo erat, ut, qui se nefario fœminarum consortio devinxerant, juberentur eos nexus abrumpere, vel protinus facessere ab aris, cum propè abfuit à nece, quam ipsi pararant homines execrandi, quàmque non evasisset, nisi spem fecisset, se proximo quoque tempore, per legatos in urbe acturum, ut Romani decreti austeritas, tolerabili moderatione temperaretur.

CLERI LA-
BES.

SOLICITA
CURA PON-
TIFICIS, ET
LEGES AD
COERCEN-
DAM CLERI
LICENTIAM.

SIGEFRIDUS
MOGUNTINUS
A MALIS SACER-
DOTIBUS AD
NECEM PE-
TITUR.

XXIII.
ROMANA
LEGATIO.
HENRICI
FICTA POE-
NITENTIA.

Advenere inter hæc ex urbe legati, Ostiensis, Prænестinus, Curienfis & Curmenfis, Episcopi, atque unâ Agnes Augusta Regis mater, quibus ipse quidem Norimbergæ occurrit, sed neque prius in matris legatorumve alloquium admissus est,

XXIV.

PARTHENO-
NIS HOHEN-
WARTENSIS
ORIGO.

*Antonin. in
Notitiâ utr.
Imp. Rader.
Vol. 2. Bav.
Sancta.*

ORTULFI,
QUI COE-
NOBIUM LO-
CUPLETA-
VIT, RES IN
PALÆSTINA
GESTÆ ET
OBITU.
WILLITRU-
DIS SANCTI-
TAS.

THIRHAU-
PTENSE MO-
NASTERIUM
A RUINA
VINDICA-
TUR.

AN. CHRIST.
M. LXXV.
BELLUM
UNGARI-
CUM PRO
REGE SA-
LOMONE.
*Sigebert.
Gregor. lib. 2.
Ep. 13.*

XXV.

CALUMNIA
IN D. AN-
NONEM DE-
TECTA.

quàm contractam ex Sacrorum venditione labem, susceptis piaculis, ritè eluisset. Id posteaquam præstiterat, solutus anathemate, Pontificis authoritati piisque Angustæ monitionibus id detulit, ut polliceretur, se nihil obstaturum, quò minùs Antistitum Transalpinorum Synodus, ad eliminanda Simoniacorum & Nicolaitarum flagitia, celebraretur. Eam rem vehementer reformidabant complures, quos non latebat, Pontifici esse constitutum, omnes Præsules movere sacerdotijs, qui sacras dignitates pretio comparassent. Arque id quidem Henricus percipidè avebat, non eò, quòd consultum vellet religioni, sed quòd speraret, nascituram sibi occasionem, evertendi nonnullos Antistitum, istiusmodi criminum infamiâ notatos, quos experiebatur rei Saxonicæ, quàm regiarum partium studiofiores.

Ne inter tot orbis Christiani agitationes, suus pietati locus deesset, Hohenwartense sanctimonialium domicilium, ad Parrium fluviolum, in amœno colle, in quo olim stetit Summontorium, Antonino Cæsari non incognitum, Benedictinæ familiæ, à Rapotone Comite Taurense, quem Bruschius Tauferensem appellat, ejusque conjuge Hemmâ, quam aliqui Werdeæ Danubianæ Dynastis, alij Austriæ Marchionibus asserunt, amborûmque liberis, Ortulpho & Willitrude, Virgine raræ sanctitatis, sub hæc tempora conditum est, Summontorio converso in palæstram virtutis & oratorium, quod hoc anno ab Imbricone Episcopo Augustano consecratum reperio. Ortulfus ille est, qui cœnobio insigniter locupletato, in Orientem cum Godefrido Bullionio profectus, post navatam in Hierosolymorum expugnatione gloriosam operam, dum in patriam, devictis Christi hostibus, revertitur, ex itinere ad cœlestem triumphum creditur evasisse. Willitrudis soror, exosa thalamos mortalium, collectis ejusdem instituti sodalibus, Monasterio contribuit non suas duntaxat opes, sed seipsam etiam, & illustria sanctitatis exempla, quam, post funus, miracula ad ipsius tumultum divinitus edita, conspicuam reddiderunt. Rapoto parens, augendo Numinis cultui, ex asse mancipatus, etiam Thirhauptense Monasterium, infra Augustam Vindelicorum, haud procul à Lyco flumine, Acheni rivo adsitum, quod Tassilonem ex Agilolfingorum stirpe Bojaræ Ducem conditorem agnoscit, ab imminente ruinâ vindicavit.

Inter hæc piorum ad virtutem incitamenta, Henricum Regem, rebus domi turbandis imminentem, bellum Ungaricum peregrè evocavit, & ipsum quidem cœptu languidum, progressu improperum, exitu inglorium. Salomon Ungarorum Rex, cui Henricus sororem matrimonio junxerat, à suis patruelibus Jojadâ & Ladislao, cruentâ pugnâ devictus, deturbatusque è solio, gravibus atrocis custodiæ ærumnis jam diu conflictabatur. Insimulabatur infortunatus Princeps, non ab Ungaris tantùm, qui causam accusationis bello obtenderant, sed etiam à Romano Pontifice, quòd sese regnûmque Regi, clientelæ nexu, obligasset; cum tamen priores Ungariæ Reges, ex quo sacra Christiana susceperant, se sceptrûmque D. Petri tutelæ subjecissent, fecissentque regnum Romanæ Ecclesiæ vestigale. Henricus, sortem affinis miseratus, jam Reginoburgum cum exercitu moverat, cum vano quorundam, qui Annonem Colonensem perditum voluissent, commento, ad domestica pericula est revocatus. Vanum rumorem homines malevoli dididerant: Annonem allexisse Guiliemum, cognomento Bostarum, Angliæ Regem, spe Germanici Imperij, veterûmque Regum soli apud Aquisgranenses occupandi. Detectâ rumoris vanitate, Salomonis oratores institere ardentius, ne Henricus Regem calamitosissimum, eûmque affinem clientemque, memor amicitiae, quam à puero junxerat, desereret. Simul addicebant auxilij præmium, sex Ungariæ civitates, quas Salomon, datis obsidibus, si res ex voto caderent, esset traditurus. Sed quàm promptum erat magna polliceri, tam erat incertum accipere, quæ erant alienæ potestatis. Henricus nihilominus emptus promissi magnitudine, copias, insigni totius propè Germanici nominis accessione, nisus est, immensum quantum, augere, idque rebus ipsis dedisset effectum, nisi complures, ejus auspicia militiamque exosi, vacationem quâ veris, quâ

quà fideis causis, obtinuissent. Caulati aliqui, temporis & rei familiaris angustias, alij fortunas accisas bello Saxonico, alij alias rationes impotentiae, quæ raro desunt averfantibus imperia. Castra tamen delectus utcunque tumultuarij iusto numero complerunt, plerisque nihil perinde atque prædas aufuris, qui genius est gregarij militis in alieno solo, laxatis disciplinæ habenis, occupati. Quam rem egere gnaviter ad primum statim Ungariæ ingressum, nec desivere, donec Jojada receptus in Insulam, accessu difficillimam, continentem longè latèque rebus omnibus, ipsis adeò colonis, nudaverat, ne quid annonæ hosti superesset. Inde gravius cum fame, quàm cum Ungaro certamen. Inediam mox secuta est hominum animantiumque fœda pestilientia, quæ Henricum nullo insignem facinore, sed inglorium, in Germaniam repulit. Sub incuntem autumnum regni negotia Wormatiæ obiter arbitratus, Ratisbonam redijt, ad Boicam & Alemanniam, ad usque Christi natalem, obeundas. Ita Salomoni Ungaro, rebus desperatis, fortunæ fuit succumbendum. Eum, non nemo memorat, biennium suæ calamitati superfuisse, & commissâ contra Orientis Imperatorem pugna, fugatum disparuisse, habitumque pro mortuo. Vero affinius est, eum malignæ sorti insensum, secessisse in solitudinem, & abjectis fortunæ ultrâ sollicitandæ, regni que recuperandi curis, uni Deo animum adiecisse, & mortalibus deinceps non nisi semel visum, auditumque cœlitibus gratulantem, quòd, tam felici vicissitudine, eum per ultimas miseras, ad summam mentis quietem & æternitatis studium adduxissent, docuissentque omnia in Deo possidere, postquam omnia præter Deum amisisset. Quæ præterea egerit, & quousque provixerit, solis Superis est compertum. Ejus matrem & uxorem, ajunt, in Admontensi Asceterio, vitam exegisse.

Rex Henricus, lustratâ Bojariâ, Argentoratum profectus est, quò jusserrat plerosque Regni proceres convenire. Res ipsi erat, de Saxonibus (quorum odium evadebat in dies implacabilius) funditus evertendis. Quam ad rem, Principum singulis multa profusè largitus, longè plura in futurum promisit, ijs præsertim, quos instaurando bello noverat opportunos. Nullus erat, cui interpositâ jurisjurandi fide, non addiceret, Saxoniz & Turingiz, ubi primùm forent debellatæ, amplas possessiones, quas omnes, in victores, pro navatæ operæ mercede, esset partiturus. Iras per annum integrum, verbis sericis, mandatis lenitate plenis, Saxones celaverat, altè interim menti infederat, non Saxoniz modò, sed Turingiz etiam delendæ sanguinaria cupido, quæ tanto silentio habita est in arcano, ut Saxones priùs resciverint, bellum jam esse comparatum, quàm habita fuisse de suo capite comitia. Res tum demum erupit in apertum, cùm Henricus paschales ferias ageret. Missi ad eum è Saxoniâ legati obvium habuere fecialem, qui eos jussit Vangionum finibus abstinere, vel cogitare de Rege adeundo, quem, tot violatum injurijs, nondum placassent. Tum jussæ copiz universæ ad 6. Id. Junij in Herveldensi agro sub signis adesse, & imperatum Saxonibus, qui Goslariz convenerant, Regi dederent, velut majestatis compertos, authores nuperæ ignominiz: infontes verò admoniti, ne hostes Reipublicæ opibus armisve juvarent, nisi vellent fontium supplicijs involui. Saxones, ad eam denunciationem impavidi, responderunt, nihil futurum moræ, quò minùs rei, posteaquam rite arque ordine forent de crimine habitæ quæstiones, dederentur, nisi accusationis capita diluerent: sed jura divina juxtâ & humana vetare, quemquam indictâ causâ damnari, nedum tolerare, ut innocentia soli criminationi succumbat. Non refragari Saxones, quin Rex diem locumque causæ reorum tutò disceptandæ constituat in totius regni conventu. Regium esse, non iracundiæ, sed honesti habere rationem. Quòd si id modò agitur, ut conceptum odium, Principum sanguine extinguatur, frustra esse legum præsidia, sed summæ quidem meritò tribui impietati, eos præbere ad cultum, qui pro aris focusque & communi patriæ libertate piam suscepissent dimicationem. Aut igitur eos omnes servari incolumes oportere, aut Saxones omnes, ne uno quidem excepto, eodem, quo illi, ferro mactari. Adjecere præterea Bucco Halberstattenis, Weccelo Magdeburgensis, Magnus Saxo,

HENRICUS
UNGARIAM
INGRESSUS
NULLO OPERA
RE PRETIO,

Berthold.
Bonfin. lib. 4.
Dec. 2.
SALOMONIS.
UNGARI
EXITUS.
UXOR EIUS
ET MATER
ADMONTE
VITAM EXE
GUNT.

AN. CHRISTI
M. LXXXVI.
XXVI.
HENRICI IN
SAXONES
ODIUM RE
CRDESCENT

DURA HEN
RICI POSTU
LATA.

A SAXONIBUS
EXPLOSA.

XXVII.

EORUM
LEGATI AB
HENRICO
CASTRIS
ARCENTUR.
FLUXA FOE-
DERATORUM
FIDES.

PUBLICÆ
SAXONUM ET
TURINGO-
RUM COM-
PRECATIO-
NES.

XXIIX.

CASTRIS AD
UNSTRU-
TUM. INGENS
HENRICI
EXERCITUS.

RUDOLFUS
SUEVUS PU-
GNAMINSA-
XONES MA-
TURAT.

XXIX.

Otho, Dux olim Bojariæ, quorum capita maximè petebantur, nullo se modo nuperam Gerstingæ pacem violasse, Hartesburgi excidium, Sacrorum direptionem, effracta sepulchra, templi incendium, suo injussu, à concitatâ multitudine contigisse. Si quæ super hæc facinora objiciantur, paratos se refellere, nec detrectare pœnam, si minùs refellant, modò ab Imperij Ordinibus imponatur. Saxoniam non refugere, sarcire, quicquid iratum vulgus damni intulisset, præstituram tantum auri & prædiorum, quantum Rex justè esset exacturus, incensam ædem suis sumptibus instauraturam, reparaturam aras, ornaturamque, quantâ par esset decentiâ, si Rex desineret indignari. Quòd si verò omnino bellum mallet, Principes tamen, neque sumpturos arma, sed exalceatos velle armatis occurrere, & jugulum nudare ad ictum. Atque hæc quidem non regijs modò legatis edixere palam, sed etiam sapius per oratores, Regi conati sunt explicare. Verùm ubi eos ille comperit cum hujusmodi mandatis propinquare, totis castris jussit arceri, ne Principes, ipsosve adeò manipulares, ad commiserationem provocarent. Frustra quoque fuere crebræ legationes ad Rudolphum Suevum, Bertholdum Carantanum, aliòsque Principes, quos belli socios nuper habuerant: nam Henricus, omnes aditus omniumque aures sic obsepserat, ut sibi religioni ducerent, ob juratam Regi fidem, ulla cum supplicibus consilia communicare, suscipere innocentia patrocini-um, vel de ijs reconciliandis miscere cum Rege sermones: rara nimirum est in rebus asperis fides & amicitia; sua cuique fortuna, quàm aliena, propior.

Igitur Saxonibus erat reliquum, ut, quando, post assiduas deliberationes, salutis suæ rationem humanis auxilijs expedire nequibant, ad divina confugerent, certi, è cœlo duntaxat consilia, ad mitigandam Regis ferociam, posse adferri. Quare per universam Saxoniam & Turingiam publicitus indictæ comprecationes, suscepta voluntariæ inedia supplicia, cultus corporis in squalorem mutatus, effusæ in egenos largitiones, Divorum aræ nudis pedibus obitæ, omnis ætas sexusque ad propitiandum Numen effusus in lamenta. Tum consilijs ad belli curas conversis, jussæ popularium centuriæ, ad Unstrutum flumen, in armis adesse, eodem ipso die, quem Rex lustrandis suorum copijs dixerat. Castra, sex leucarum intervallo, utrinque locata. Ab omni retro avorum memoriâ, nullus Regum Germaniæ tantam pugnatorum multitudinem produxit in campum. Nemini Principum, vel Præfulum data vacatio, præterquam Annoni Colonienfi, cujus fides erat Henrico suspecta, quique negabat, se illasâ pietate, posse esse spectatorem calamitatis, quæ fratrem consobrinumque suum, Magdeburgensem & Halberstattensem, Episcopos, esset oppressura. Concessum quoque est, à bello abesse Theodovino Leodiensi, ex regio Bojorum sanguine oriundo, tum ob ætatem fractasque morbo vires, unde hoc anno ad 9. Cal. Quintiles cum insigni famâ probitatis vitæ finem accepit; tum quòd Rex ejus curæ Reginam commendasset. Neutri tamen à mittendis suppetijs data immunitas. Confluxere etiam tam frequentes Bojæmi, ut soli crederentur esse pares Saxonie debellandæ. Missi nihilominus à Rege exploratores retulerunt, Saxones eo numero & apparatu esse in castris, ut anceps videretur belli exitus: adventare tamen ab ijs oratores, qui pacem, quibuscunque legibus, poscerent facerentque. Ea ne Henrico capiendæ vindictæ occasionem præterperet, Rudolfus Sueviæ Dux author fuit belli maturandi, eò maximè, quòd anni superioris offensam, quâ visus erat ad sceptrum aspirare, serviendo regijs affectibus, haud sanè laudabili obsequio, cuperet expiare. Proinde ubi castris secundis, regius exercitus modico à Saxonibus intervallo confederat, intentus curandis corporibus; Rudolfus Regi ad quietem composito significat, Saxones periculi ignaros, an incuriosos, inter epulas ita lascivire, ut nullo propè negotio, eâ die, cujus bona pars adhuc supererat, possint opprimi. Agebantur Idus, vel, ut Marianus notavit, 5. Id. Junij. Igitur persuadet, maturato opus esse, ne tam præclara rei bene gerendæ occasio è manibus elabatur. Quamobrem Henricus, pugnae avidus, jubet confestim signa refigi: primam aciem duci à Rudolfo, cæteras legiones mox ejus sectari vestigia: ipsæque sibi sumit quintam phalangem ex lectiss.

lectissimâ juventute. Saxones propinquantis hostis ignari, utramque amnis ripam apricantes prætexebant, cum repente assurgentem pulverem conspicati, advertunt innumeram hostium multitudinem, instructis ordinibus, imminere. Ergo, ut in te prorsus inopinatâ trepidi, protinus arma conclamant, pars correptis armis, extra vallam confusi, prout cuique impetus, procurrunt; pars semiermes, vixque recti loriceis, ad signa convolant, neglectis ducum imperijs: pars, quæ in adversâ profluentis ripâ constiterat, prius rei malè gestæ, quàm pugnæ nuntium accipiunt. Omnem prorsus industriam repentinus Regis adventus præverterat. Fuit tamen, quantumvis turbatis, tantum virtutis, ut, collectis ex magnâ trepidatione animis, in prædensum cuneum conglobati, sese summâ vi, in Suevorum agmen inferrent, ederentque stragem adeo formidandam, ut, nisi Welfo Dux Bojaræ cum expedito Bojorum equitatu, Suevis loco motis, confestim subsidio venisset, victoria ad Saxones proximè inclinaret. In eo conflictu Ernestus Comes Boici limitis regiarum partium, vir multarum palmarum, lethale vulnus accepit, ex quo postridie in castris obiit. Engelbertus Comes, & gemini Comitis Ellenburgici filij, occubuerunt cum plurimis tum è Sueviæ nobilitate, tum è Boijs, quorum pauci, sine vulnere, acie exceßerunt. Rudolfus Dux, qui in primo curabat agmine, probè contusus, ægrè vitam servavit. Inter Saxones Othonis, Bojaræ olim Ducis, præcipua virtus eluxit. Stipatus virorum fortissimorum phalange, ubicunque vis urgebat, Ducis & militis officio fungi, per hostium legiones ferro aperire viam, post principia, cessantes adhortari, animare ad defensionem patriæ libertatis. A meridie usque ad noctem imminentem Marte ancipiti certatum, jamque Suevorum & Bojorum legiones in fugam erant averse, cum unâ ex parte Comes Glizbergius, Babenbergenses & Lotharingi, recentibus instructi legionibus: ex aliâ Bojami, immisso in fessos equitatu, crexere Regis aciem tantâ vi, ut Saxones multitudine obruti, nullis Othonis hortationibus in officio potuerint retineri. Exinde facta cædes fugientium, quæ tria passuum millia caesorum corporibus & cruore sædavit. Saxoniæ Principes omnes, & viri notæ insignioris, incolumes prælio excelsere. Præcipua jactura fuit Saxonici peditatus, in quem, expugnatis castris, ultimus furor incubuit: stragi nox fecit finem. Plura manipularium apud Saxones funera, multò plura nobiliorum apud regios, quod demum apparuit, quando, conquisitis per caesorum acervos amicis, alius patrem, filios alius, alij necessitudine devinctos desiderarunt. Victoribus haud dubiè, quàm victis, jactura fuit illustrior. Unde Rex ipse veritus, ne miles facti pœnitens religioni duceret, ultrâ bello impio dare operam, usus est Sigefridi Moguntini invento neutrquam laudabili, quo scrupulum defectionem mussitantibus eximeret. Ille progressus in publicum, Turingos extemporali fulmine est execratus, neque citatos nec auditos; idque sibi extra ordinem ex urbe concessum commentus est, eò quod illi decumas Erfordiæ exigentem, stricto ferro, in æde sacrâ, circumsteterant: quæ res eò spectabat, ut miles regius, velut contra diris devotos redderetur audentior, quasi egregium operæ pretium esset laturus, qui piorum cœtu dolosè depulso, bellicque socios esset mactaturus.

Saxones tamen, nisi quis casus pugnæ necessitatem imponeret, aliquantisper cessare decreverant, donec percussæ multitudini vigor animorum, & legionibus vires rediissent, firmatis tamen ad Magdeburgum castris, toti erant in legis supplementis, videbanturque, non leve negotium hostibus creaturi. Quamobrem Rex assiduis illos legationibus ad deditionem invitabat, multa de suâ lenitate spondens, si eam mallet, quàm infelicem rursus belli aleam experiri. Ad extremum missi ad eos Moguntinus, alijque Principes, qui ultrò se dedituris aureos montes pollicerentur. Pauci admodum habuere fidem, in quibus Udo Marchio, & Merseburgensis Episcopus, quorum hîc Laurisheimium relegatus est, ille conjectus in vincula, quibus paulò post est exemptus; alij sparsi hinc inde per custodias. Cæteris una mens constitit & responsio: si pax conveniret, Regi se fore fidos & obsequentes; cæteroqui, malle se incolumi patriæ libertate honestè occum-

ATROX
PUGNA,

DEVICTI
SAXONES.

XXX.

SIGEFRIDI
MOGUNTINI
COMMENTUM.

HENRICUS
PACEM
OFFERT
SAXONIBUS.

occumbere, quàm, more pecudum, in ergastulis longâ captivitate macerari, ac demum implacabili Regis odio immolari. Nihil esse, cur se suamque salutem credant hominibus, qui recentem Gerstingenium pactorum aliorumque fœderum memoriam, tot maleficijs obruissent.

XXXI.

SAXONUM
DISSENSIO.

SIMULTATES
IN TURIN-
GOS.

HENRICUS
PACEM
DIFFERT.

Inter hæc Regis exercitus ferro, igne grassatus, Saxoniam excessit, posteaquam annonâ absumptâ famem invexerat. Quapropter Principes fuere authores, dimittendi à signis exercitum, polliciti, se validiores copias ad 11. Cal. Novemb. ad castra reduturos. Ea cessatio spatium dedit Saxonibus, de suâ salute cogitandi. Sensim dissociabatur animorum consensio, & qui adversæ fortunæ comes est, malè cohærebant plebis & Magnatum animi: illa se ad bellum inauspicatum inductam, desertamque in nupero prælio querebatur; illi contrà inculabant popularium ignaviam, qui, tecti castrorum loricâ, procerum certamen suorumque occidionem intempestivi cessatores spectare, quàm laborantibus, tempestivè succurrere maluissent. Utrisque obverfabatur horror malorum præsentium, præteriti pœnitudo, futurorum metus. Gliscebant etiam inter Saxones & Turingos non obscuræ similitates, quòd hi socios pugnâ fractos, palantesque in suo passim agro, rebus omnibus, instar hostium, nudatos, Turingiæ finibus exgissent: nulla enim vero bello pietas, fides exigua. Res proximè spectabat ad tumultum, nisi Halberstatensis Episcopus, & Otho, Dux olim Bojarum, præservidos multitudinis animos ad æquitatem flexissent, ne arma, quæ pro communi incolumitate sumplerant, in gentis utriusque perniciem verterent. Quievère illi quidem in præsens: sed Principes veriti, ne pro plebeij ingenij instabilitate, à belli consilij adversi, pacem apud Regem, primorum capitibus & deditione sancirent; cœperunt de suâ securitate & reconciliando Rege, solito impensius laborare. Quam ad rem missi oratores, Bremensis Antistes & Udo Marchio, qui omnem, quæ honestè posset exigi, satisfactionem, Henrico pollicerentur, si vitâ incolumi, salvâque libertate pax coalesceret. Eam legationem immite Regis ingenium, hoc responso elusit; se in causâ læsæ majestatis, cujus injuria ad omnes regni Ordines pertineret, ijs inconsultis, nihil velle statuere; passurum tamen, ut in castris, ad 11. Cal. Novemb. ad Gerstingam, Principum judicio committeretur: quæ erat belli ultimique periculi denuntiatio.

XXII.

D. BENNONEM REUM AGIT MAJESTATIS, ET IUBET VINCIRI.
HENRICUS FUGIT IN BOEMIAM.

Id maximè patuit, quando, correptis derepente armis, omnem rei componendæ rationem, Principibus prætermisissis, nisi si quos habuit suis affectibus imbutos, prævenit. Finxit, se ad pacandam Ungariam vocatum proficisci; re autem ipsâ, cum expeditorum equitum quinque centurijs, & Hermannio Comite Glizbergio, tendebat in Boemiam, ubi ad Saxoniam perniciem, justum Legionariorum numerum sibi adjungeret. Inde per avios calles ex insperato regressus, receptusque pacatè Misniæ mœnibus, D. Bennonem, ejusce civitatis Episcopum, reum egit majestatis, & conjectum in vincula damnavit, eo duntaxat nomine, quòd bello Saxónico medias partes secutus, vir uni Deo addictus, & rudis rei militaris, ab armis abstinuisset. Motis inde castris, villas aliquot incendit, complures boni sanguinis terrore compulsi ad deditionem. Sæviora meditantem, subito repressit fama Saxonum, cum exercitu propinquantium. Etenim certior factus per exploratores, hostem non procul cum quindecim armatorum millibus confedis, paratum in diem crastinam ad manus conferendas, nisi oblatas pacis conditiones acciperet; citatis itineribus refugit in Boemiam, haud dubiè opprimendus, nisi per Botonem Legatum, pacata omnia promittentem, Saxones tam diu retardâisset, donec nactus opportunitatem evadendi, Reginoburgum se recepit cum milite, famis fugæque ærumnis penè enecto.

Eo loci reperit Saxoniam legationem, quæ ejus reditum jam diu avidè optinebatur. Eam meris frustrationibus suspensam tenuit, dum undecimus Calendas Novembris, qui dies erat dictus instaurando bello, proximè immineret. Saxones interim in diversas opinationes distracti: alij censebant, incensâ patriâ, sedes alias trans Albim quaeri oportere; alij creandum Regem, cujus imperia pace bel-
lôque

lôque omnes jurati respicerent; alij, Luiticios, gentem nomini Christiano infestissimam, vocandam in auxilium; alij, è locis munitioribus bellum esse defendendum, dum Regis ira deflagraret: sed vulgus, improspéro Marte semel usum, quasvis malebat leges, quàm rursus incertam pugnae aleam subire. Dum his altercationibus dies teruntur, neque quicquam tutum satis certâ ratione decernitur, convenère in tempore regij, minoribus, quàm aliàs, copijs instructi. Vix ullus desideratus, præter Rudolphum Sueviæ, Welfonem Bojariæ, & Bertholdum Carantanorum, Duces, negantes, se denuo ad crudelem insontium lanienam dexteras commodaturos Regis inclementiæ, quæ neque cruentis rivis, neque supplicum lachrymis adhuc molliiri potuisset. Regi adfuère, Theodoricus Mosellaniæ, & Gozelo Lotharingiæ, Duces, cum tam nobili armatorum auxilio, ut soli cæteras copias, & numero & apparatus bellici splendore facillè superarent.

HENRICUS
NOVAS AC-
CIPIT CO-
PIAS.

Saxones & Turingi versi ad ultima remedia, castris ad Northusium positis, Regis animum, per legationem, rursus tentandum putaverunt. Ægrè impetrarunt colloquendi copiam: datum tamen à Rege negotium Moguntino, Salisburgensi, Augustano, Wirceburgensi, Antistitibus, & Gozeleri Duci Lotharingiæ, cujus erat in hac expeditione præcipua autoritas, audiendi supplices. Illi in Saxonum castra profecti, ostenderunt, se quidem non admodum improbare causam Saxonum, neque laudare obstinatum Regis in eos odium; sed dolere, eò devenitum esse, ut gentis nobilissimæ reliquias vel oporteat extrema tentare, vel Regi facere arbitrariam deditioem. Eam enimvero Principum omnium esse sententiam; alio pacto fieri satis non posse Regiæ majestati, quam Saxones violassent, neque caveri Reipublicæ, quæ, Rege contempto, suam dignitatem non posset retinere. Id ipsâ morte visum gravius, & plerique, morte virorum fortium, in acie præoptârunt occumbere, quàm carceribus, exilijs, aliisque æumnis lentè confici, vel jugulum præbere toties jam compertæ crudelitati. Sic animatis, Gozelo Regis nomine addixit, nihil esse, cur vererentur duriora: Principes enim alia omnia de ijs censuisse: salvam omnibus fore vitam, opes, libertatem; Regem momentaneâ demissione fore contentum, moxque dedititios patriæ dignitatisque redditurum. Hæc, tametsi per Legatos sanctè asseverarentur, non abstergebant tamen metum latentis doli sub larvâ insolitæ moderationis, quam quisquis hostium nimium intendit, plerumque decipit. Sed quia Saxones ferebantur resistendo inpares, & diffidebant vulgi studijs à bello prorsus alienis; denique post multiplicem deliberationem, trepidi gementésque, se suâque Regis & Principum voluntati dedere statuerunt.

XXX
III.

AGIT CUM
SAXONIBUS
PER LEGA-
TOS.

Luce postera, toto hostili exercitu ad miserabile spectaculum producto, in agro patenti Rex sublimis confedit, excepitque mæsto ordine prodeuntes. Agmen ducebant Saxoniarum & Turingiarum Principes. E sacris hominibus, Magdeburgensis, Halberstattenensis, Episcopi: è profanis, Otho, Bojariæ Ducatu exutus, Magnus Dux Saxoniarum, Hermannus ejusce patruus, Comites septem illustrissimi sanguinis, & quicquid erat generis dignitatisque insignioris in utraque gente, qui omnes humo affusi, supplicum habitu, si neque Regis promissa, neque jurata Legatorum fides quicquam valeret, tamen forma lamentabilis pectus ferreum doebuisset ad misericordiam flectere, nisi inveteratum odium duriora suasisset. Cum enim se è vestigio in gratiam recipiendos sperarent, Henricus, pactis suisque deque habitis, Principes jussit in custodiâ retineri, donec de eorum capitibus comitia haberentur. Pars deportati in Burgundiam, pars in Bojariam, alij in Sueviam, Italiam, Austrasiam. Singulorum clientelæ donatæ ijs, qui Regi operam bello navaverant. Opes alienæ cesserunt gregi parasitorum. Quidam boni sanguinis, qui à deditioe, casu, metuve abfuerant, ad certum diem adesse jussi, nisi velut reipublicæ hostes mallent omni calamitatum atrocitate vexari. Sic sævus Rex illudit divinæ humanæque religioni. Exhaustis captivorum bonis, eorum quoque sanguis cultro addictus est.

SAXONUM
DEDITIO.

XXX
IV.

CAPTIVI-
TAS, DEPOR-
TATIO.

OTHO BO-
IARIÆ OLIM
DUX NECEM
EVADIT.

RECIPITUR
IN HENRICI
FAMILIARI-
TATEM.

ALII VARIIS
MODIS PU-
BLICO RED-
DITI.

XXX
V.

BURCARDUS
EPISCOPUS
HALBER-
STATTENSIS
À BOIO DY-
NASTA CA-
PTIVITATE
ERIPITUR
EGREGIO
STRATAGE-
MATE.

REDIT HAL-
BERSTA-
DIUM.

XXX
VI.

Othonis neci vitæque ultimus decretus, idem, qui Christo nascenti primus dies fuit. Sicariorum manus non evasisset, nisi fatum Deus avertisset. Ejus aservandi cura demandata Ruperto Episcopo Babenbergensi, quo ad aulam profecto, venit ad custodes à Rege decretum, Othonem ut ad Regiam adducerent, & quò id facerent tutius, citraque vulgi oblocutiones, iter noctu facerent, interdum caperent quietem. Qui modus profectiois inusitatus, Othoni mali impendentis suspicionem iniecit, eo præsertim tempore, cum è Goslariensi palatio, in vicinam sylvam traheretur, nihil ambigens, se rapi ad carnificinam. Crevit suspicio, cum roganti copiam, ædem vicinam, precationis gratiâ, ineundi, negatum à viâ deflectere. Ille ratus, tempus adesse sui vindicandi, è satellitibus unum exarmat, ferròque, quod ejus lateri detraxerat, ipsum sociosque omnes in fugam avertit. Henricus vulgatum in aulâ facinus dissimulavit, quasi nihil ad se pertineret, & quò meditatam facinus promeret altius, anno postero in Comitibus Goslariensibus, Othonem, acceptis duobus ejus filijs obsidibus, deditioe absolvit, pacatæque in aulâ receptum, miratus egregiam viri sapientiam, consilijs adhibuit. Cæteros, partim fortunæ custodumque bonitas, partim captivorum virtus & industria, illubente Rege, publico reddiderunt, non uno tempore, quod recensere, visum haud multum extra ordinem.

Burcardum Halberstattensem Episcopum Rex odio capitali prosequabatur, quem donec habuit in suâ potestate, neque de ipsius, neque de sociorum libertate ullam admisit mentionem, tametsi satis intelligeret, proceres, alioqui regijs partibus addictos, eorum captivitate haud mediocriter offendi. Ne Burcardus tamen captivus censeretur, aut foret omnino liber, mediam viam excogitavit, quâ & patriâ & libertate careret. Henrici soror, renavigans in Ungariam, in se suscepit curam Burcardi, paratæ fraudis haudquaquam nescij, in perpetuum apud Ungaros exilium deportandi. Inter hujus amicos, quos iniqua fors nihil alienaverat, cum cæteri præter lachrymas mærorémque nihil profuturum abituro, vix quicquam donarent, repertus Udalricus, clarus inter Bojos Dynasta, qui ejus liberandi conarum operamque addixit. Habebat arcem haud longè à Danubio, in cujus confinio locus ex compacto dictus est vindicandæ Burcardi libertati, si modò exscendendi facultatem à nautis eò loci impetraret. Antistes eâ spe subinde causari nauseam & navigandi insolentiam, alias impatientiam agitationis, fastidia alias & ægritudinem, sæpius obtinuit, ut liceret succedere in continentem, brevique laxamento, citra vectorum remoram, molestiamve parcè modestèque indulgere. Id velut inductum in morem, omnem sustulit fugæ suspicionem. Commodum inciderat D. Joannis Baptiste natalis, cum delapsus secundo flumine ad arcis Udalricianæ viciniam, copiam rogavit sacræ hostiæ ad aram in templo propinquo faciendæ. Visum id vectoribus honestum atque commodum, nautisque nullo negotio persuasum. Udalricus, cui per certos homines in horas singulas erat explorata navigatio, bellæ occasioni intentus, Episcopo Sacris operanti, quietus adstitit, militibus templo circumfusis. Absoluto sacrificio, Burcardum amicè salutatum, proque imperio abreptum, jubet jumento impositum, abduci in suam arcem unâ cum sarcinis, tametsi nautæ vectorésque Regis iras obtenderent, parerentque defensionem, quam Udalricus, ingens animi, verbo repressit. Burcardum penes se habuit tantisper perbenignè, donec, remittentibus insidiatorum vigilijs, cultu militari inobservabilem, in Saxoniam remisit, à suis civibus jam deploratum, relatúmque in demortuorum censum. Receptus ingenti suorum gaudio, visus est, velut redivivam Saxonum virtutem, ad spem recuperandæ libertatis excitasse, & extulisse signum, ad régias arces patriæ frenum diruendas, plectendosque fisci curatores, invisam semper plebi gentem, quamvis ab ijs abisset fraus & avaritia. Eas res Henricus graviter molestèque tulit, quòd nôisset, quem virum Saxones recepissent, nec dubitaret, eo concitatore, sopitas infensæ gentis iras ad grave bellum redituras. Quamobrem veritus, ne paribus artibus reliqui dedititij elaberentur, perirétque fructus operosæ victoriæ, ad captandam tamen clemen-

mentis existimationem, Magdeburgensem, Merseburgensem, D. Bennonem Misnensem, Episcopos, Magnum Saxonie Ducem, Fridericum Comitem Palatinum, omnes præterea Saxonie & Turingie Principes, exacto libertatis pretio, quod Bruno notavit, non solâ humanitatis specie, nexûque servandæ impofterum fidei, (quod scripsit Lambertus) iussit pristinae fortunæ restitui. Ne tamen lytrum præstarent, fortunæ gratia intercessit, excitato per injuriam militarem, in urbe Moguntinâ, incendio, dum singuli sunt naçti spatium fugiendi, præter duos Episcopos, qui dedignati fugam, à Rege in Saxoniam ablegati fuere ludibrio, quod mandata attulissent hominis, cujus fides prorsus obsoleverat, quique nihil loquebatur ex animo, nisi cum sæva imperabat, vel sceleribus patrocinebatur. Legatis responsum, manendum utrique in patriâ, vel, si discederent, nunquam esse redeundum. Henricus tamen, ne omnino esset avarus, geminos Othonis nostri filios parenti, aliòsque obfides Principibus gratuito remisit. Udonis Marchionis filij, admodum pueri, cum indulgentius custodirentur, citatis equis per avia devia, Mœnum Rhenûmque mirâ felicitate transmissi, Moguntiam ad Sigefridum, qui à Rege de- fecerat, evaserunt.

Hac tempestate, Boica Transdanubiana habuit in agro Windbergensi Wilhelmum, virum haud vulgaris sanctitatis, qui, remisso rebus humanis nuntio, divinis exasse devotus, Cœlitibus erat, quàm mortalibus similior. Ut corpus duriter affligeret, ferreis onustus catenis, sibi tamdiu malè fecit, donec rupta divinitus vincula ostenderunt Numini esse eo supplicij genere satisfactum. Ille, cum futuri præsciis, miserandas Germaniæ calamitates Luitgardi fœminæ Principi, cujus penitenuiter alebatur, familiari colloquio prædiceret, altum ingemiscens, de cruento ad Unstrutum prælio sic loquebatur, quasi fluvium, humano tinctum sanguine, haberet ante oculos. Dies illi mortalis vitæ postremus fuit 12. Cal. Maij, incertum quo anno. Hartvicus Ratisbonensis Episcopus, ejus funus intulit sacello, quod Adelbertus Comes, non sine divino instinctu, condiderat. Wilhelmus sepulchro donavit Joannem, suum contubernalem, cujus anima migrans è corpore, cœlestes odores exhalavit, testes eximie sanctitatis & vitæ immortalis.

Hoc anno, receptus cœlo est Anno Archiepiscopus Coloniensis, diuturno morbo gnaviter exercitus, quo quidem (ut Lambertus loquitur) *Dominus vas electionis suæ camino tribulationis transitoria, purius auro, purgatius mundo obrizo decoxerat.* Insignem viri pietatem testata sunt opera naturæ vires supergressa, quæ ad ejus tumulum manus divina patravit. Diem obiit 2. Nonas Decembris.

Annum hujus sæculi sextum supra septuagesimum, vehementer turbârunt Henrici Regis adversus Romanum Pontificem nefariæ molitiones. Variorum scelerum manifestum, ac præterea diris devotorum communione contaminatum, renuentemque præstare, quæ legatis Pontificijs & Agneti matri ante biennium addixerat, cum Goslariæ, de filio, admodum puero, ad regnum subrogando cum Proceribus ageret, missi à Gregorio ex Urbe legati convenere, jubentes ut hebdomadæ secundæ feriâ secundâ, verni jejunii, Concilio anno superiori Romæ inchoato, causam dicturus se sisteret. Addidere minas, fore ut, si ad diem dictam non adesset, velut in contumacem, citra ullam comperendinationem, anathematis fulmine animadverteretur. Quâ ille denunciatione supra modum exasperatus, Legatos ignominiosè rejecit. Ut verò judicium eluderet, novo scelere statuit judicis partes, contra Gregorium, occupare, ratus suæ causæ fore consultum, si cum D. Petri sede exturbaret. Quare indictis, tertiâ ante ferias Cinerales Dominicâ, Wormatiæ Comitij, ut aliquam larvam impietati suæ prætexeret, universos regni Germanici majores Antistites unâ cum Cœnobiarchis, de summo totius orbis Christiani capite exauctorando, voluit audire in commune disceptantes. In eo conventu fuere complures, quibus erat exosa Gregorij in coërcendis Cleri moribus æquitas: haud pauci sacrilegâ sacerdotiorum mercaturâ aliisque flagitijs contacti, justum censorem volebant amotum, rati, se impune citràque censuræ metum, sublato iudice, de cætero peccaturos. Hâc vesaniâ dementatos ac-

ALII LIBERTATEM PACTO AURO REDIMUNT. Bruno de bello Saxon. Lamb. Schaffnab.

OTHONIS BOIARIÆ EXDUCIS FILII SINE PRETIO REDDITI. DUO PUERI FUGA ELAPSI. WILHELMUS WINDBERGENSIS VITA, MORS.

OBITU D. ANNONIS COLONIENSIS.

XXXVII.

AN. CHRIST. M. LXXVI. HENRICUS ROMAM AD CAUSAM DICENDAM CITATUS.

TURRÆ RO-
MANÆ IN
PONTIFI-
CEM.

XXX
IIX.

WORMATI-
ENSE CON-
CILIABULUM
ADVERSUS
PONTIFI-
CEM.

LIBELLUS
FAMOSUS
HUGONIS
BLANCI EX-
CARDINA-
LIS.

SENTENTIA
IN GREGO-
RIUM.

CONSTAN-
TIA ALI-
QUOT EPI-
SCOPORUM
PRO EIUS DE-
FENSIONE.

Alb. Crantz.
Saxon. lib. 5.
c. 5.

PROPUDIOSA
GERMANO-
RUM AD
GREGORIUM
LEGATIO.

XXX
IX.

Domizo, in
vit. Mathild.

MATHILDIS
ET BEATRI-
CIS MATRIS
IN GREGO-
RIUM CON-
STANS STU-
DIUM ET
REVEREN-
TIA.

AGNETIS
AUGUSTÆ
EADDEM PIE-
TAS.

FRAGMEN-
TUM EPISTO-
LÆ GEB-
HARDI SA-
LISBURG.

cendebant turbæ, à Quintio, homine inter Italos nobili & præpotente, cum in-
signi Pontificis contumeliâ recens concitata in urbe; quando cum ipsâ Christi-
nascentis nocte sacris operantem, per vim, ab arâ, obtorto collo abstraxerat, sævi-
turus atrocius, nisi populi Romani armata fides, hominis ferociam repressisset,
multâissetque intra & extra urbis mœnia, eversione fortunarum. Ille, ut hæc damna
ulcisceretur, ferro & incendijs grassatus est in Ecclesiæ Romanæ possessiones.
Contemptus, qui semper obest authoritati Principum, mirum quantum auctus
est, quando Hugo Blancus, è purpurato Romanæ Ecclesiæ senatu, propter ine-
ptiam & mores inconditos, ejectus, Wormatiensi Conciliabulo scenicum libellum
obtulit, refertum atrocibus calumnijs, quibus Gregorij innocentiam dirum in mo-
dum lacerabat, quasi, violato sacrarum sanctionum jure, sedem Apostolicam inva-
sisset, multâque ante & post aditum Pontificatum peccâisset. Hujus insaniam,
velut cœleste aliquod oraculum, Henriciani lubentibus animis auribusque com-
plexi sunt. In his Ortho Ratisbonensis aliique pronuntiârunt, Gregorium videri
indignum, cui mos ab Ecclesiâ gereretur. Fuere tamen ex Præsulibus, quibus
veri amor, & suprema Romanæ sedis authoritas Regis gratiâ fuit prior. Inter
hos Gebhardus Salisburgensis, Udo Trevirensis, Adalbero Wirceburgensis, Adal-
bertus Wormatiensis, Hermannus Metensis, Cibo Tullensis, Altmannus Pata-
viensis, Ellenhardus Frisingensis, Brixinensis item Episcopus, &, quod scripsit
Albertus, Saxoniz Antistites, & Venetæ Provinciæ Episcopi, quorum tamen Pa-
triarcham denique defecit constantia. His intolerabile visum est, & ab omni-
bus legibus penitus absolum, summum Ecclesiæ Principem & Magistrum, contra
quem nulla recipi posset delatio, ne Archiepiscopi quidem, nedum Episcopi, dam-
nari, & inauditum quidem damnari à subditis, à causæ imperitis, ab hostibus, ab
accusatoribus, nullo teste, judicio præcipiti Conciliabuli, extrâque generalem Ec-
clesiæ conventum. Verùm cæteri Germaniz Episcopi, seu metu, sive despera-
tâ defensione, sive Gregorij odio, & instinctu nefario Wilhelmi Trajectensis
Episcopi, qui fictus factusque ad Regis ingenium, homo fastus & arrogantiz im-
potentis, unus in aulâ omnia poterat. Ex conventiculi decreto, missi in urbem
Oratores, cum propudiosissimis mandatis, litterisque ignominiosissimis, qui Gre-
gorium Sanctissimum Pontificem juberent ab Ecclesiæ clavo, quasi cum perpe-
ram, contrâque juris ordinem occupâisset, amovete manum, certumque habere,
frustra fore, quicquid deinceps moneret. Præ Schismaticis sapuerunt scemina
clarissimæ, Beatrix Comes, ejusque filia Mathildis, quæ, tamen si Henrico sanguine
essent conjunctæ, nequivere tamen à Gregorij authoritate & reverentiâ abduci.
Agnes Augusta Regis mater perrexit, ex sanctissimo vitæ instituto, ad ultimum
usque spiritum, sacris Apostolorum liminibus, ad quæ excubabat, & summo Pon-
tifici, immotâ fide, adherere.

D. Gebhardus Salisburgensis Archiepiscopus, in Epistolâ Apologeticâ, quam
scripsit ad Hermannum Mediomatricorum Antistitem, Wormatiensis concilia-
buli iniquitatem stuporémque nativis coloribus expressit. In eâ vir sanctus de-
plorat ingentes calamitates, quæ istius conventiculi vecordiam sunt consecutæ.
Juvat audire fragmentum ejusce Epistolæ. *Quid ergo tam citò intercidere potuit,*
ut, qui nuper, ante natalem Domini, tanta in Ecclesiâ magnificentia fuit, ut ad nulum
ipsius, dignitatum mutationes fierent, idem, paucis post Nativitatem diebus, non conven-
tus, non auditus, totius & ignarus dissensionis, proscriberetur? Ab illâ enim die,
qui tanti habitus est ab eis, imò ab omnibus, nullam eorum legationem accepit, usque dum
illa veniret, quâ dictum est; Descende, Descende, interdicimus tibi omne jus
Papatus. Dicant ergo hujus legationis compositores, qui conventui, Wormatia ha-
bito, intererant, ubi gratis à se jugum discipline projecerunt, ubi sancta obedientia libel-
lum repudij conscripserunt, ubi novam hanc mundo legem condiderunt, ut servus Prin-
cipis, Summo Pontifici cathedram Pontificalem interdicendi jus habeat? Dicant ergo,
dicant, etsi non nobis, tamen Ecclesiæ, justè adversus eos proclamanti, respondeant, quibus
precedentibus causis, talia ex debito recompensarint? Si autem competentem rationem
reddere

reddere non possunt, imò quia non possunt, fateantur necesse est, novae se confusionis auctores esse, antiquae pacis & quietis perturbatores. legum divinarum & humanarum destructores. Hæc & plura S. Gebhardus cordatè juxta ac sapienter.

Cæterùm, qui Conciliabuli litteras Romam detulerunt, in Actis Gregorij & à Domnizone nuncupantur, Rolandus gente Parmensis, professione Clericus Tarvisinus, & Eberhardus natione Germanus. Huic imposita provincia, civitates Italicas trahendi in nassam Schismaticorum: id dum ageret, tantæ fuit temeritatis, ut, quibus Sacrorum usu Pontifex interdixerat, Regis jussu mandaret, libere atque sine metu fungi sacerdotiorum muneribus.

Ista licet tanta erant tamque atrocia, ut merito fortissimi cujusque constantiam possent percellere, ea tamen Gregorius, summâ animi æquitate, nihilo commotior accepit. Postridie, quàm illi redditæ sunt nefandæ à Germaniâ litteræ, eas in celeberrimo centum & decem Episcoporum senatu, jussit recitari. Patres furiali earum impudentiâ permoti, Pontifici authores fuere, ut Henricum avitis Germaniæ & Italiæ regnis excidisse, populòsque omnes, & quoscunque clientes, declararet sacramenti religione & obsequendi nexu solutos. Eum itaque piorum cœtu, unà cum Sigefrido Moguntino, Wilhelmo Trajectensi, & Ruperto Babenbergensi, Episcopis, ejecit. Cæteris, quos Schismatis aura adflaverat, eadem censura indicta, nisi ad certam diem, Romæ causas crimini diluendo idoneas coràm adferrent. Jam Ratisbonensis & Constantiensis, & Burcardus Lausannensis, pridem velut execrabiles, diris erant devoti. Pontificium edictum, per circulares litteras, passim in orbe Christiano vulgatum.

Gregorij innocentiam Numini fuisse cordi, demonstrârunt sumpta de sonibus supplicia. Gozilo, sive Godefridus Gibber, Lotharingæ Dux, quem Bertholdus, huic ævo suppar, nefariæ in Pontificem conspirationis Principem asserit, dum Antuerpiæ levat alvum, coci inter mediastinos vilissimi manu, per natium secreta transfossus, ferro in vulnere hærente, septimo ab ictu die, inter horrendos cruciatus extinctus est. Wilhelmus Trajectensis, Schismatis fax & incitator, dum paschalibus ferijs, pro concione fulmen Pontificium probris, ipsum Pontificis nomen maledictis incessit, cœlo vindice percussus, adaectusque conscientie cruciamentis, semet refellere, factâ palinodiâ, animam Stygijs tortoribus (quod ipse professus est) dedit æternum lacerandam. Ejusce generis exempla, resipiscendi curas injecerunt prudentibus. Udo Treverensis, nuper à Romano conventu reversus, licet Schismaticorum communionem fuisset averfatus, vix tamen à Gregorio infimis precibus obtinuit cum solo Rege colloquendi facultatem, eâ tamen lege, ne quicquam commercij cum illo haberet, sive inter epulas, communèsve preces, sive aliam Sacrorum consortionem. Complures præcipui nominis, se subdlexerunt aulæ corruptelis, migrârunt à palatio, & vile Henrici nomen habentes, illatam rei Catholicæ injuriam, quacunque licuit ope, sarcire sunt conati, rati, se aliter suam salutem in tuto non posse collocare.

Gregorius, cui non homines, sed crimina erant exosa, 8. Cal. Augusti, litteras dedit in Germaniam, quibus Ordinis utriusque Principes amicè clementerque hortabatur, ut Regem, multis licet maculosum sceleribus, & prolapsum in malorum ultima, flecterent ad mentem saniozem, & dæmonis faucibus eriperent. Consilium erat, pereuntem provocare ne periret, & perfanare, quem ad salutem percussierat. Adjecit ad 3. Non. Septemb. mandata ad Germaniæ Proceres, quibus eos jubebat, Regem, si se ad spem frugis reciperet, habere benignè & reverenter, neque pro meritis, velut à summæ rei fastigio dejectum abominari; ita tam en, ut illi, quorum consilij se corrumpendum dederat, à suâ ipse consuetudine proscriberet, neque prius anathematis vinculo à quoquam solveretur, donec fieret à sede Pontificiâ solvendi potestas. Quod si denique pergeret obstinatè peccare, Proceribus faciebat alium Regem eligendi libertatem, reservatâ tamen Pontifici, ejus, quem essent electuri, confirmandi potestare.

Baron. ad
hunc ann.
Vita S. An-
selm.
AUDACIA
HENRICIA-
NORUM LE-
GATORUM.
Lambert.
GREGORII
MODERATIO.

XL.

EPISCOPI
GERMANI
CENSURIS
NOTATI.

SUPPLICIA
SUMPTA DE
GREGORII
INSECTA-
TORIBUS.

NONNULLI
RESIPI-
SCUNT.

XLI.

GREGORII
MANDATA
AD PROCE-
RES GER-
MANIÆ.

COMITIA
TRIBURI-
ENSIA AD
NOVI REGIS
ELECTIO-
NEM.

HENRICUS
ANXIUS SE
VERSAT IN
OMNEM
PARTEM.
XLII.

EI DICUN-
TUR LEGES
AB ORDINI-
BUS.

HENRICUS
IN ITALIAM
AD GREGO-
RIUM SUP-
PLEX PRO-
FICISCI-
TUR.

AN CHRIST.
M.LXXVII.

Quibus rescriptis excitati Principes, cum nullum omnino appareret Regis emendandi remedium, & se crederent omni religione juratæ in eum fidei solutos, communi consilio, comitia novo Regi creando Triburiam indixerunt. Eò cum frequentes Suevi & Saxones confluxissent, supervenere Gregorij legati, Sigehardus Patriarcha Aquilejensis, & Altmannus Pataviensis Episcopus ad 17. Cal. Novembris, viri pietatis & ingenij laude inprimis illustres, qui palam edixere, ius fasque esse Germaniæ Proceribus, Henrico abdicato, subrogare Regem, qui integrius esset dominaturus: à ferendis tamen suffragijs debere prorsus excludi, qui vel ob schisma, vel detestandum sacerdotiorum quæstum, Ecclesiasticâ censurâ essent notati. In senatu explicata Henrici flagitia, quibus inde à primâ ætate sese contaminarat. Hærebat ille inter hæc Oppenheimij suis stipatus partiaris, vehementer anxius, crebris legationibus orans obsecransque Patres, abstinerent ab extremis consilijs, & meliora omnia à seriò resipiscente expectarent. Quod si sæpius jam dilati non haberent fidem, daturum se promissi obsides, & quacunque vellent cautione facturum, ut ne causam haberent sequiora metuendi: immo nec dubitaturum, concedere in eam legem, ut in posterum nullam Reipublicæ partem, ipsis inconsultis, attingeret, sed satis habiturum, si servatis Regni titulis atque insignibus, quæ citra æternam generis sui & Germanici Principatus ignominiam non posset ponere, ex Procerum arbitrio rem publicam gereret. Principes, adnitentibus potissimum Suevis & Saxonibus, quamvis experti crebrò, Euripo simile Henrici ingenium, in præsens decreverunt, integram causæ cognitionem Apostolicæ sedi reservare, eâ tamen conditione, ut Rex dimisso exercitu, & amandatis pravorum consiliorum ministris, privati in morem, citra cultum regium, cum Theodorico Virdunensi Episcopo, aliisque domesticis, quos Patres censerent idoneos, Spiram secederet, atque isthic ex Pontificis voluntate rei exitum expectaret. Et proceres quidem precibus acturos cum Gregorio, ut, ineunte anni proximi Februario, Augustæ Vindelicorum vellet adesse, causam ipse per se inspecturus. Et si tum quidem censeret, non esse è re publicâ, progredi ad exauctorationem, id ab Ordinibus ratum haberetur, ita tamen, ut, antequam annus, quo Rex cœperat à piorum consortio esse extorris, elaberetur, eidem, anathemate solutus redederetur.

Ille, gravissimo decreto, vel tempori potius parendum ratus, invitatus licet, cessit præsentī necessitati, præsitque ingentes animi turbas, donec grassandi spatia nactus, rediit in antiquam sylvam. Sed quia non erat nescius, in eo verti suam salutem, ut cum Romano Pontifice & Ecclesiâ rediret in gratiam, neque tamen suis rebus satis consultum, si suam causam sineret in Germaniâ ab insensibilibus arbitris atque accusatoribus ad Gregorij tribunal disceptari, optimum factu putavit, Gregorio in Italia occurrere supplicis habitu, & cuicunque legibus expiari: sperans, cætera fore prona, ubi sacræ censuræ religione esset expeditus.

Ergo rigidissimâ, si qua aliàs fuit, hieme, senescente Decembri, professionem Italicam aggreditur, cum filio & uxore, cumque infrequente comitatu & exiguo famulitio, tenuiter nummatus, propèque desertus etiam ab ijs, quos pessimorum exemplorum suasores habuerat. Theodoricus Virdunensis, immotus in ipsum fidei, ab Adalberto Comite Calwio in itinere captus est, exutusque omnibus impedimentis, & diu habitus in custodiâ, nec prius abire permissus, quàm grandi ære libertatem redemisset. Plerique alij, diversis itineribus, Regem conabantur prævertere, & perduellionis veniam maturè prensare. Rupertum Babenbergensem, pergentem per Bojariam, Welfo Dux, rebus omnibus spoliatus, excepto Sacrorum apparatu, quem in Episcopi sarcinis repertum, Ecclesiæ Babenbergensi remisit, captivum per octo omnino menses attinuit. Cæteri Proceres, quos Henricus ab aulâ dimiserat, elusis claustrorum excubitoribus, ad Gregorium salvâ penetrarunt.

Regi festinanti, transitus per alpes ab Amadeo uxoris fratre, & ipsâ uxoris socru (tam exigua est in adversis propinquorum charitas) locupleti Burgundiæ parte

parte, fuit emendus, eò quòd Rudolfus Suevorum, Welfo Bojorum, & Bertholdus Carantanorum, Duces, Pontificis jussu, Henrico diffidenti, præsidij ad Ræticas fauces dispositis, Italiæ aditus occupassent. Ita cælum, affines, regionum asperitas, inclementia tempestatis, in hominis duritiem, si quo modo molliretur, ex conspirato jurarant. Iter agenti, certandum fuit cum horridis alpium aspretis, & obstante nivium altitudine, quæ vias omnes obruerant. Pòst, ubi ductu accolarum, incredibili labore ventum in præruptum montis jugum, quod brumæ rigor congelaciaverat, occurrit discrimen ferè ineluctabile, quòd lubricæ cautes fallentibus vestigijs omnem nisi lapsantibus descensum negarent. Virorum pars per glaciem reptantes, longa spacia, montanorum sustentati manibus, emeticabantur: pars fortunæ commissi, in ima devolvebantur. Reginæ, & famulari gynæceo, raptata deorsum boum coria, sellæ gestatorix carpentorumque vicem fuere. Equorum nonnulli machinis demissi, quidam raptati colligatis pedibus, complures casibus elisi, pauci servati. Eâ pompâ, quæ risum unâque misericordiam moveret, descensum in planiora. Rumore vulgato, Regem cis alpes constitisse, omnes ferè Italiæ Episcopi Optimatésque, Gregorij Pontificis odio imbuti, ad illum, velut è cælo lapsum, Saturnia sibi regna somniantes, affluerunt, & pro suâ quisque facultate, adduxere suppetias, tum adversus privata latrociniâ, tum vel maxime adversus Gregorij disciplinam, quam nimix severitatis inculabant, homines ne moderati quidem imperij patientes. Tam illis erat operosum pro retinendis vitijs certamen, quale nemo pro virtutis tutelâ suscepisset.

Gregorius inter hæc, tametsi Cardinalium plerique Germanicam profectio- nem, utpote periculosam & pontificiæ majestati indecoram, qualem eventus ostendit, averfabantur, Româ tamen discesserat, cum medio itinere, ex insperato cognoscit, Regem ingressum Italiam, ad se traxisse ingentem Italorum multitudinem, & nesciri, veniretne supplex ad rogandam admittorum condonationem, an vindex, ad diras Pontificis ulciscendas. Quâ in ambiguitate visum non est, cum norâ inconstantis animi retro ferre pedem, eoque accendere hostis audaciam, neque se obijcere ferocis juvenis armatæ temeritati. Quod igitur honestius erat & tutius, Mathildis invitatu, in arcem Camisina se recepit, exploraturus, quid Henrico consilij foret & animi. Spem haud dubiam pacati adventûs fecere Episcopi aliique Optimates, qui perduellionis ducti pœnitundine, Henricum præcesserant, & excalceati amictûque squalidi scelus detestabantur, Pontificis clementiam, lachrymis perfusi, implorantes, parati quocunque piaculo noxam eluere. Gregorius, ne expœnæ facilitate culpæ elevaretur magnitudo, Episcopis in diversa conclavia compactis, solitudinem, & unicam eamque pertenuem, in dies singulos corporis refectionem; Laicis verò, prout cujusque ferebant vires, moderatam expiationem imposuit; ac denique omnes leniter objurgatos, piacularibus vinculis absolvit, semel iterum monitos, ne se denuo Regi, ad turbandam Ecclesiæ pacem, jungerent, néve se in ejus darent congressum, donec ipse sedi Apostolicæ fecisset satis; nisi fortè eum vellent pijs alloquijs animare ad resipiscendum. Ea lenitas Regem excitare visa, ut Mathilde interprete, ad Pontificis reconciliationem uteretur. Quam ad rem simul adjunxit suam socrum, filium, Azonem Marchionem, Hugonem Cluniaci Cœnobiarcham, aliósque Italiæ procures, magnis instructos frugis & vitæ castigationis pollicitationibus, id agens potissimum, ne, quod magnopere verebatur, antè quàm in Ecclesiæ sinum reciperetur, Gregorius causam, gravissimis plenam accusationibus, Germaniæ Principum disceptationi permitteret. Et verò periculum erat, ne, si ultra diem anniversarium, qui jam propè aberat, condonatio extraheretur, in Germaniâ, ex nupero pacto decretoque, gradus fieret ad exauðorationem. Nihil ad speciem illo modestius, re autem verâ nihil fallacius. Præ se ferebat, id sibi esse maxime in votis, ut piorum cœtui restitutus, nancisceretur animi quietem locumque sanctæ religionis, quem omnibus probi Principis numeris in posterum statuisset implere. Id si consequeretur, se neque Principum, neque cujusquam judicia

XLIII.

INGENS
DIFFICULTAS
ITINERIS.ITALIÆ EPI-
SCOPI ET
OPTIMATES
AD HENRI-
CUM CON-
FLUUNT.

XLIV.

GREGORIUS
À MATHILDE
IN ARCE
CAMISINA
RECIPITUR.EPISCOPORUM
RESI-
PISCENTIUM
PIACULA.INTERCES-
SORBS PRO
HENRICI
RECONCI-
LIATIONE.HENRICI
FRAUS.

ADMITTI-
TUR IN SE-
CUNDAM
CASTRI LO-
RICAM.

XLV.

QUARTO
DIE ABSOL-
VITUR.
CONDITIO-
NES ADDI-
TÆ.

ITALIÆ
PRINCIPES
AB HENRI-
CO ALIENA-
TI.
HENRICUS
PACTA
ABRUMPIT.

XLVI.

SCHISMATI-
CI GERMA-
NI AD HEN-
RICUM CON-
FLUUNT.

dicia pœnæ sive, quas sit meritis, defugere, non affectare regni munia, donec his finiretur, sed sibi fore satis, si Deo summoque orbis Christiani parenti desineret esse invisus. Perinde loquebatur & sentiebat, atque lupus versipellis, cupiens se fatalibus vinculis expedire. Gregorius, nihilo minùs diffidens compertæ juvenis fraudulentæ, sententiam differebat, velut animo prospiciens, mox cum, ut foret anathemate expiatus, rursus effusis habenis ruiturum, quocunque cum assentatores & prava indoles impellerent. Exoratus tamen ad extremum irrequietâ magnorum patronorum flagitatione, cum passus est, intra secundam castri loricam, regio nudatum cultu, omissoque omnis pompæ apparatu, induci, atque isthic Pontificis mandata opperiri. Vide accuratam priscæ severitatis observationem: Paruit Henricus, inque molestissimâ statione triduum duravit jejunos usque ad vespæram: quarto demum (fuit vigesimus quintus Januarij) in Gregorij conspectum admittus, solenni ritu expiatus est, eâ tamen conditione, ut sponte anathema revivisceret, mox ubi additas condonationi, magnisque juratas sponsores & testibus pollicitationes, violaret. Promisit imprimis, se dicturum causam in generali Germaniæ conventu, cognitore Pontifice (si quidem cuperet adesse) ad diem, atque in loco, qui decerneretur. Addixit præterea, se quemcunque judicij exitum æquo laturum animo: interea, dum liti finis imponeretur, dimissurum regni insignia, reique publicæ gubernationem: nihil usurpaturum de publico, præter regiæ annonæ dimensum, quæque forent ad privatos usus necessaria: subiectos habiturum liberos à juratâ fidei promissione: à familiari consuetudine proscripturum perpetuò Rupertum Babenbergensem Episcopum, & Udalricum Cosheimium, aliòsque, quorum suavis semet remque publicam pessum dedisset: demum, si criminum, quorum reus agebatur, expers, in solio retinendus pronunciaretur, fore se Romano Pontifici obsequentem, promptumque ad ferendam opem in castigandâ, quæ contra divinas humanasque leges in morem irreperat, peccandi libertate. Postremò, se nullo pacto prohibiturum (si fidem falleret) quò minùs Principes Regem alium ilicò crearent, neque locum ullum veniæ, nedum defensionis, apud regni Proceres quæsiturum.

Hæc ab Italiæ Principibus accepta iniquissimè, eam fecerunt animorum conversionem, ut una esset omnium vox atque sententia, quando Henricus transitione factâ ad Gregorium, veteres amicos deseruisset, ipso neglecto, ejus filium, nullâ interpositâ morâ, fascibus esse admovendum. Id ipsi, authore Guiberto Ravennæ Archiepiscopo, factionis antesignano, effectum dedissent, nisi ille apud iratos ultimam necessitatem excusâisset, pollicitus, se omnem opem operamque in depellendis eorum injurijs positurum. Ut dictis fidei aliquid conciliaret, levitate plusquam desultoriâ, mox homines pestilentes, quos jussus & invitatus à suo consortio repulerat, in aulam revocat, publicis regni consilijs adhibet, restituit dignitatibus, ac denique pacta omnia, cum Pontifice tot religionibus sancita abrumpit.

Posteaquam verò animadvertit, se pietatis simulatione Italiæ coronam, inconsultis Germaniæ Principibus, à Gregorio impetrare non posse, cum Episcopis, qui eadem cum ipso tabe laborabant, interrupta dedecorum commercia integravit. Illi enim, auditâ Regis repentinâ in deterius mutatione, non modò ex Germaniâ, sed etiam ex plerisque partibus Italiæ, ad ipsum convolârunt, ejus gratiam prensaturi, & laturos suppeticas. Cæteri Germanorum, atque imprimis Welfo Borjorum, Rudolphus Alemannorum, Bertholdus Carantanorum, Duces, in Pontificis obsequio constantes, apud Ullmam collocuti, decernunt, Forchemium convenire ad 3. Idus Martias, eoque invitare non modò Saxones, sed quosvis alios, quibus publica salus cordi esset. Quâ de re dedere litteras ad Pontificem, ut, si quidem conventui cuperet interesse, in ejus adventum summa deliberationum capita differrent, sin minus, ejus mentem per litteras, vel Legatos explorarent. Neque enim ignorabant, vix fore integrum Gregorio penetrare in Germaniam, alpihus passim à perduellibus occupatis. Et metus erat, ne delatus in eorum insidias,

Hen-

Henrico traderetur, quem, constabat, mox à violato fœdere, per speciem collo-
quij, ad Eridanum, ipsius capiti, & Mathildi exitium, irritâ licet fraude, esse mo-
litum. Gregorius igitur, acceptis litteris, quamvis non nesciret, quonam res
apud Henricum essent loco, ad eum tamen misit Gregorium Cardinalem aliòsque
Legatos, qui eum juberent, ex pactis conventis, Forchemij ad constitutam diem
adesse, judicium Germaniæ procerum subiturum: & se verò etiam de adeundis co-
mitijs, iisque moderandis cogitare. Verùm ille, qui nondum aperte larvam suæ
perfidie detraxerat, respondit, se difficillimis Italiæ negotijs distineri, quò minùs
tam citò per longas itinerum difficultates in Germaniam posset transcurrere.
Quamobrem Gregorius, misso protinus trans alpes Bernardo Cardinale, & Ab-
bate Massiliensi eidem cognomini, Proceres, qui jam Forchemij convenerant,
de præsentis rerum statu accuratè edocuit; & quidem se Henrici fraude clausisque
itineribus undique circumventum, tutò neque in Germaniam, neque in urbem
posse proficisci: illi proinde, quâ foret optimum ratione Reipublicæ consulerent
tantisper, dum patentibus itineribus ipsos adire, & quod foret in rem Ecclesiæ, va-
leret ex sacrarum legum institutis, cum ipsis dispicere. Premerent tamen gliscen-
tia, de Rege creando, consilia, donec certius aliquid à sede Pontificiâ acciperent.
Neque enim optimus Pontifex spem adhuc abjecerat, Henricum, quamlibet per-
versum, ad mentem reducendi. Quâ de re aliquando in familiari colloquio dis-
serenti, tres ipsius dextræ digiti, prodigioso cruore manârunt, quod pro ostento
habuit, illustri olim sanguine in rem deducendo. Eâ legatione in Senatu
explicatâ, nulla fuit cunctatio, quin mox Henrico magnâ votorum con-
sensione abdicato, Rudolphum Sueviæ Ducem, virum domi militiæque clarissi-
mum, sufficerent. Id quia factum citra mentem Pontificis, neque ipse, neque
Legati probârunt; obtinuit tamen, ut Rudolphus Moguntia à Sigefrido, & Wezi-
lone Magdeburgensi, aliisque inferioris notæ Episcopis, præsentibus Gregorij Le-
gatis 7. Cal. April. ritu solenni, Germaniæ Rex initiaretur. Antequam inaugu-
raretur, juratus promisit, se sacerdotia non venditurum, neque ad suos hæredes
jure successionis, regiam coronam esse tracturum.

Cùm Otho ademptam sibi Bojariam suffragij præmium reposceret, ejusque
exemplo, nonnulli alij privatas spes urgerent, omnes sunt passi repulsam, suasore
Gregorij Legato, quòd neutiquam expediret, communem patriæ regni que paren-
tem, imperandi iniria, paucorum commodis & discordiarum semente, reddere
odiosa. Hæc aliæque studio religionis & æquitatis agentem, haud mediocre vitæ
discrimen invasit hac occasione. Advertit, sub augurali sacrificio, quendam
empto sacerdotio infamem, aræ adstantem: ratus, id minimè esse ferendum, Epi-
scopum admonuit, hominem juberet à re divinâ faceßere. Quâ re vehementer ex-
asperati similis farinæ nundinatores, acceptum dedecus seditione statuunt vindica-
re. A meridie solenne ludicrum agebatur ab urbanâ juventute, ex quâ ferocissimum
quemque subornârunt irati mystæ, ut quacunque possent ratione, rixam adversus
Regis, vel Antistitis prætorianos moverent, certi, plebem simul ad arma concur-
suram, mox ubi classicum audiretur. Id datum sacrilegis suasoribus ex levi prin-
cipio. Quidam ex oppidanis, limbum vestis uni ex Episcopi domesticis, per
jocum præscidit: unde major, quàm pro merito, injuriæ æstimatio & indignatio.
Author insolentiæ bene depalmarum trahebatur ad ergastulum, certò vincendus,
nisi procurator urbis cavisset. Inter hæc sacerdotes, Simonis genimina, clamo-
ribus excite populum, ære campano vocare ad seditionem, amicorum opem im-
plorare, hortari ad vindicandam libertatem, facti invidiam reijcere in Rudolphum,
qui regnum à publicâ sacri ordinis & violatæ civitatis injuriâ esset auspicatus. Mo-
mento conglobati cives, in tumultum versi, convolant in Regiam, novum Regem
ad necem postulant: exinde irrumpentes in ædem sacram, ubi Rudolphus dabat
operam comprecationi, violentas illi manus intentant, vim haud dubiè allaturi,
nisi prætoriani fanaticos submovissent. Hæc è nihilominus ante ædem irarum
pleni. Quare ne Rex, absolutis precibus, in publicum egressurus, à furentibus

HENRICUS
CITATUR AD
FORCHEMI
CONVEN-
TUM.

EXCUSAT
PROFECTIO-
NEM.

CAUTIONES
à GREGORIO
CONVENTUI
PRÆSCRI-
PTÆ.

XLVII.

Paul. Bern-
ried.

Berthold.

Bruno.

RUDOLFUS.

SUEVIÆ

DUX REX

CREATUR.

SEDITIONE
MOGUNTINA
IN RUDOL-
PHUM.

violaretur, Proceres, correptis armis, aciem extemporaneam è familiaribus instruunt, erumpunt in furiosos, multos obtruncant, alios in fugam conijciunt, quosdam restitantes in Rhenum agunt, & propagato ad residuos terrore, populum universum cogunt intra privatos lares. Rudolfus, ne vulgi motibus ultra pateret, Moguntia excedens, Christi redivivi ferias Augusta Vindellicorum exegit.

XLIX.

HENRICUS
PONTIFICEM
ROGAT AU-
XILIA.

REDIT IN
GERMANIAM

RUDOLFUM
BOIARIA
EXIGIT.

RESUMIT
CULTUM RE-
GIUM ET
PUBLICI GU-
BERNATIONEM.

EMBRICO-
NIS EPISC.
AUGUSTANI
MORS SUBI-
TA.

SIGHARDI
AQUILEIEN-
SIS INFELIX
EXITUS, UNA
CUM JO. A-
LIIS.

XLIX.

D. ALT-
MANNI PE-
RICULUM A
SCHISMATI-
CIS.

GERARDI
ABBATIS
CLUNIA-
CENSIS VIR-
TUS ET OBI-
TUS.

SYNODUS
LATERA-
NENSIS.

Henricus id temporis agebat Veronæ, cum repentinæ mutationis nuntio attonitus, Legatos misit ad Pontificem, Theodoricum Virdunensem & Benno- nem Osnabrugensem Antistites, consilium oraturos & auxilia adversus Rudolfum; quæ cum Gregorius se præstiturum respondisset, posteaquam utriusque causam cognovisset; Henricus iratus, Italiâ in magno motu relicta, citatis versus Aquileiam itineribus (neque enim per alpes Ræticas, à Weltonis præsidio infestas, sine vi penetrare poterat) flexâ ad Carantanos profectio, pervenit in Germaniam, & prope Ratisbonam, circa Calendas Julias, consistens, copias, quas secum adduxerat, Bojemorum & Bojariorum accessione firmavit. Inde rectâ movit in Rudolfum, Sigmaringam obsidione prementem, qui suorum fidei animisque haud satis fidens, solutâ obsidione se recepit in Saxoniam. Henricus eo lætus successu, Sueviam incurfare, eamque passim miscere rapinis & incendijs, insultare æmulo, & irrisui habere ejus inaugurationem.

Ulmæ, triumphantis in modum, exceptus, insignia regia, contra ac Canussinis pactis cautum erat, resumpsit, estque aggressus denuo pro potestate tractare publica, perinde habens jurisjurandi religionem, atque si ludus foret & decipula simpliciorum. Cum non deessent assentatores, qui factum laudarent, Deus haud semel ostendit, se hoc ipsum improbare. Embrico Augustensis Episcopus, publicè causam Henrici ausus defendere; & sub tremendo sacrificio, cui operabatur, divinam iram, si injuriam faceret, sibi imprecari, subitâ morte paulò post est oppressus. Non fuit absimile supplicium Sighardi Aquileiensis Patriarchæ, qui cum omnium acerrimè Gregorij partes ante annos aliquot defendisset, urhissetque Henrici abdicationem, facto ad Schismaticos transfugio, operam pessimæ causæ sociavit. Is Ratisbonæ lapsus in delirium, vitam infelicitè finijt, & ne incomitatus abiret, secum traxit quinquaginta socios, quos illaudata phrenesis & dubia mors interemit. Actum paulò leniùs cum Egelberto Batavensi Præposito & scholæ magistro. Oriundus erat ex illustri inter Bojos familiâ. Is, cum D. Altmannus pro egregiâ in Gregorium Pontificem fide, Pataviensi Clero, de loco superiore Romanas leges recitasset, quibus Clero majori interdicebantur turpia seminarum consortia: Is, inquam, Egelbertus, in Episcopum publicè debauchatus, tantum furoris auditoribus iniecit, ut, nisi Deus optimo Antistiti prodigiosè adfuisset, eum extemplo clerici, quos deturbabat vetita à Pontifice sacrilega fœditas, fuissent in frustra decerpturi. Nihil tamen durius in Egelbertum decrevit, quàm ut factorum usu prohibitus, Romam piaculi causâ relegaretur.

Hoc anno, rebus mortalium creptus est Gerardus, ex Abbate Cluniacensi Episcopus Ostiensis & Romanæ Ecclesiæ Cardinalis; cujus viri jacturam Gregorius sensit non sine animi mœore. Eum Paulus Bernriedensis quatuor viris, Altmanno Pataviensi Episcopo, Wilhelmo Hirsaugiensi Cœnobiarchæ, Udalrico Cluniacensi, & Sigefrido Schafhusiano accenser, quorum virtute, ac veluti quadrigâ cœlesti, religiosæ vitæ instituta, reflorescere & triumphare hoc ævo ceperunt.

Hæc agebat Deus pro gloriæ suæ amplificatione, dum Germania inextricabili dissidio scissa in partes, ingentes motus parturiret. Gregorius Pontifex Maximus, interea reversus in urbem, celebrem conventum habuit in æde Lateranensi, ubi poscentibus Henrici Regis oratoribus, ex patrum sententiâ permisit, ut Germanici regni divortium, & Regis utriusque causa cognosceretur, ad pacem, si qua fieri posset, componendam. Quam ad rem in præsens visum est, trans alpes mittere sedis Apostolicæ Legatos, binos Bernardos, Cardinalem unum, alterum Abbatem

batem Massiliensem, eruditionis & præclarâ virtutum laude præstantes. Ij, cum ad Henricum appulissent, eum reperere rebus in Sueviâ recens fortunatè gestis & recrudescenti Schismaticorum studio tumentem, ab omni pacis, quam antè exam- bierat, mentione alienum, & vijs undique occlusis interceptoque litterarum com- mercio prohibentem, ne oratores quicquam consilij, vel pactionis cum Rudolfo miscerent. Jam antè ille Rudolfum spe reconciliandæ pacis deluserat, cum in eo res essent, ut ad Nicrum flumen armis decernerentur, effeceratque, ut citra pu- gnâ discederetur ad hiberna. Quâ ex cessatione spatium nactus est, majoribus copijs se ad proxima castra firmandi.

Gregorius interea imminentes rei Christianæ, ex pertinacibus partium studijs calamitates animo præfagiens, utrumque Regem vetuit armis quicquam experiri, antè quàm de pace essent collocuti, deditque suis legatis negotium, ut, per quem induciarum conventio impediretur, eum diris devotum, Sacris Christianis priva- rent. Paruit Rudolfus, atque eâ causâ regnum ipsi est addictum: Henricus Pon- tificis auctoritatem contemptui habuit. Ejus tumorem haud mediocriter retu- dit pugna, ad Strowam fluvium, in agro Mellerstadiensi secuta, Marte vario, quo satis ostensum, sine ducum virtute, ne leones quidem fortiter præliari. Alarum alteram pro Rudolfo ducebant, Magdeburgensis, Wernerus Merseburgensis, Sigefridus Moguntinus, Adelbertus Wormatiensis, Episcopi, atque unâ Ponti- ficis Legatus, qui omnes, ne vi quidem expectatâ, averti in fugam, hostis conspe- ctum non tulerunt. Magdeburgensis fugiens cæsus est, Moguntinus, Wormatiensis & Legatus Pontificis vivi in hostium manus venerunt. Merseburgensis evasit re- bus omnibus spoliatus. Rudolfus tot nudatus legionibus, cum raros, eosque tre- pidos, circa se videret, acie quoque excessit. Otho Princeps olim Boicæ, unâ cum Friderico Palatino in altero cornu curabat. In hos tota belli moles incu- buit, imperu, qualis est in vincentibus, acerrimo. Fortissimis imperatoribus, pauci, qui de Rudolphi alâ resistentes supererant, sese conjungere, gloriosius ducen- tes, in vestigio cadere, quàm turpi fugâ servari. Coortâ pugnâ, apud hostem nu- merus, apud Othonem virtus & victoria. Immanis in Henrici acie strages edita. Cum ejus erigendæ nullus superesset modus, ipse totum agmen secum in fugam traxit, neque prius finem fecit fugiendi, quàm tredecim leucarum spatium emen- sus, Wireburgi cæpit respirare. Ejus castra capta sunt & direpta. Friderico, qui prior cecinit receptui, omnis præda cessit, cui asportandæ cum miles non suffice- ret, grandis opulentia reliquæ flammis sunt absumptæ. Otho pertinaciùs hærens tergis fugientium vicit quidem, sed sine quaestu vel triumpho, nisi quem fama de- crevit. Cum enim, hoste fugato, ad hostium castra revertens, ea conspexisset ab armatis occupata, incertus, ab amicis, an ab hoste tenerentur, haud consultum ratus, militem oppidò fatigatum, novo certamini obijcere, castris omissis, in pa- triam abiit victor, & nescius tamen quòd vicisset.

E Boijs, qui præter non multos voluntarios, vix ulli, publicâ gentis authorita- te, sub Henrici signis pugnârunt, occubuere Theobaldus & Henricus, Comites Lechmundiani. Pugnatum est septimo Augusti. Verùmne Bruno scripserit de Henrici dolo, quo Ratisbonensibus proximo Octobri imposuerit, est, cur ve- hementer ambigas. Finxit videlicet splendido mendacio, apud Boicæ Princi- pes Saxones innumeros in conflictu perijsse, eoque Saxoniam à colonis desertam abijsse in solitudinem. Solos, Othonem & Hermannum, Comites esse in vivis, sed vagos eoque redactos, ut jam neque patriæ possessionem, neque libertatem precentur, sed vitæ duntaxat incolumitatem. Quamobrem Boijs esse integrum, Saxoniâ universam vel navatæ bello operæ mercedem, vel militiæ stipendium jure sibi perpetuo vindicare, si modò se ad signa conferrent, inituri amplissima la- tifundia & civitates habitatoribus orbatas. Nec verò detectam esse fraudem bo- norum virorum simplicitati, donec ad nemus Turingicum cognorunt, Saxones cum selectissimo sexaginta millium exercitu eorum adventum avidè præstolari: cum verò periculum esset, ne per tumultum, à quo propè aberant, sævirent in frau-

*Greg. Regist.
lib. 5. Ep. 7.
HENRICUS
PACEM A-
VERSATUR.*

L.

*PUGNA AD
MELLER-
STADIUM,
AN. CHRIST.
M. LXXIIX.
EPISCOPI
FUGAM CA-
PESSUNT.
RUDOLFUS
ACIE EXCE-
DIT.
Bruno de bel-
lo Saxon.
OTHO OLIM
BOICÆ DUX
ET FRIDERI-
CUS PALA-
TINUS AB
ALIIS DE-
SERTI HEN-
RICUM PRO-
FLIGANT.
FRIDERICUS
SOLUS LEGIT
AMPLISSIMA
SPOLIA.*

*DUORUM
COMITUM
LECHMUN-
DIANORUM
CÆDES.*

*BRUNONIS
DE HENRICI
IMPOSTURA,
NARRATIO.*

LI.

REIICITUR.

dis architectos, reductos esse in Sueviam, & eorum avaritiæ sacras & profanas opes, abs Rege esse objectas. Hæc Bruno quidem: sed quis sibi persuadeat, ita nullum è Boijs cladem evasisse, ut ne unus quidem superfuerit, qui ejus nuntium in patriam referret, vel ad propinquos Theobaldi & Henrici Comitum testis clarissimorum funerum rediret? Et verò credibile non est, Bojos ita fuisse præcipites, ut, si nemo ex ijs, qui ad bellum erant profecti, domum esset reversus, fidem haberent homini assueto mentiri, daréntque nomen militiæ, non explorato quorum populares devenissent, quisve fuisset prælij exitus?

Auget dubium, quòd Bruno asserat, Udonem Archiepiscopum Trevirensis istam Sueviæ direptionem probasse, eoque subitanæ morte (quod etiam Magdeburgensium chartæ habent) miserabiliter obiisse. Constat enim: Urspergensis, Udonem, anno superiori diem obiisse, & per consequens, nihil pronuntiâsse de Sueviæ expilatione, quæ ipsius mortem est secuta. Eundem Bruno, paulò ante superiorem narrationem, nominaverat, omni pietate plenum: qui ergo factus est tam repentiè impius, ut rerum sacrarum direptionem laudârit? Probabiliora loquitur Udonis perpetua in Ecclesiæ & authoritatis Pontificiæ defensione constantia, obitæ ad eam rem, per annos undecim, quibus præfuit, legationes, labores exantlati & continentes curæ, ne res Catholica aliquid detrimenti acciperet. Et verò publica privatæque Trevirensium monumenta Udonem ab omni Schismatis suspitione vindicant, nec patiuntur haberi pro ullius sacrilegij præcone. Hæc de Brunonis commento & fictâ Bojorum expeditione, redeo nunc ad ordinem historiæ.

Kyriand.
part. II. Bro-
ver. lib. 12.

LII.

WELFO BO-
TARIÆ DUX
VICTOR AD
NICRUM.
BERTHOLDI
CARANTA-
NI MORS.
Berthold.
Constant.
AGNES RE-
GIS MATER
MORTUA.

Dum Henricus ad Mellerstadium à Rudolphi ductoribus vinceretur, Welfo Bojariæ Dux, junctis cum Bertholdo Zäringensi copijs, bellum gessit, cum Argentinensi & Basileensi, Episcopis. Quibus devictis, dum ad Rudolfum Regem cum auxiliari manu properat, duodecim hostium millia ad Nicrum amnem assecutus, partem vitæ, partem virilitate exuit. Bertholdus Carantanorum Dux, Rudolfo Regi constanter addictus, hoc anno rebus humanis excessit. Eum ad alteram vitam præcesserat Agnes Augusta, pessimi filij mater optima, quam meritò Boica suis Principibus adnumerat, & grata recolit annos, quibus provinciam integerrimè gubernavit. Fato functa est die decimâ quartâ Decembris, tumultata est ad Basilicam Principis Apostolorum, in oratorio D. Petronillæ. Eam cælum (ita par est credere) ad se recepisse visum, ne diutiùs Ecclesiæ calamitates filique scelera cogeretur intueri. Reliquit in urbe luculenta exempla pietatis, famam verò toto orbe celebrem.

AN. CHRIST.
M. LXXIX.

Anno sequenti, qui hujus sæculi nonus fuit supra septuagesimum, in Synodo Romæ, in æde Salvatoris habitâ, mense Februario, cum Rudolphi Regis oratores adversus Henricum expostularent, quòd in sacra pariter atque profana immani crudelitate grassaretur, Episcopos atque sacerdotes rei Catholicæ devotos partim trucidasset, partim exilio carceribusque vexaret; Gregorius Pontifex, ingenij sui lenitati obsecutus, tametsi Patrum complures censerent, repetendum esse in tam noxium caput fulmen anathematis, eam tamen animadversionem putavit esse differendam, donec, quod jam aliàs urserat, ejus causa in Principum Germaniæ comitijs denuo cognosceretur à Petro Albanensi Cardinale (qui ab ardente rogo, quem ad Petrum Florentiæ Episcopum empti sacerdotij convincendum subierat, Igneus dictus est) & ab Udalrico Antistite Patavino, quibus nonnemo adjecit B. Altmannum Passaviensem. Legati, qui Regum nomine, conventui adfuerunt, jurati affirmârunt, nihil moræ futurum, quò minùs Legatis Apostolicis ad disceptandam causam Reges sui copiam facerent: verùm, quod evidens est ex Gregorij Epistolâ, datâ anno sequenti, Henricus insuper habitâ juramenti religione, hoc anno obstitit, ne quicquam de suâ causâ in comitijs ageretur. Pronuntiata nihilominus est rursus censura in quosdam Episcopos, quos jam antè execratos, sua pertinacia novâ poenâ dignos faciebat. Tametsi nihil propè in generali ordinum conventu pro republicâ gestum est, tamen Legati Pontificij unâ cum

Acta Synod.
Rom.

Lib. 7. Ep. 14.

LIII.

ordinum conventu pro republicâ gestum est, tamen Legati Pontificij unâ cum Patriar-

Patriarchâ Aquilejensi Henricum convenerunt, tentaturi, an ipso volente, jaci possent aliqua concordie fundamenta. Eorum conatus fregit Henrici obstinatio bellum unicè respirantis. Castra quidem castris objecta ad Fritslariam, tamen à pugna temperatum est, eò quòd (si Augustensi Chronologo, Schismati ad vesaniam addicto, fides est) Saxones jurati, cum Henrico pacem fecissent, & fidei quidem ac fraudulenter. Præter ista nihil hoc anno memorabile in Germania gestum reperio.

Sequens annus plus habuit turbarum ab inquieto Henrici ingenio. Hic sub Januarij exitum, ne expectatâ quidem idoneâ educendis copijs tempestate, cum acris hiems præter modum immaniter saeviret, in agro Fladeheimensi, quem Fabritius locat ad flumen Unstrutum, in armis fuit. Rudolphus pariter certus non deesse communi Reipublicæ periculo, eodem cum exercitu concessit. Instruitas utrinque acies, rivus satis profundus, angusto alveo, dirimebat. Otho noster in primo agmine ducebat ordines, quos Rudolphus in edito colle locarat, ratus, hostem primam impressionem eâ parte facturum, quam veteranae legiones, Othoni demandatæ, haud difficili negotio, essent suâ virtute fracturæ. Id ubi, inspectâ acie, Henricum advertit, circumductis alis, pugnae formam mutavit, Rudolpho, qui postremum agmen regebat, imminens à tergo. Operosum fuit, momento, citra confusionem, phalanges obvertere, & dirigere in eam partem, quâ discrimen potissimum urgebat: id tamen præstitum in tempore, & tantâ vi consertæ manus, ut Henricus, visâ suorum strage, tempestivè fugam inierit. Eum fusæ devixæque legiones secutæ, magnam partem ab insectantibus casæ sunt; qui evaserunt victorum manus, cum ex fugâ collecti, corpora curarent, haud longè ab arce Warbergâ, subito Rudolphinorum adventu sunt oppressi, & omnibus impedimentis exuti. Utramque victoriam miro verborum artificio Abbas Urspergensis, factione Schismaticus, suo Henrico conatur adscribere, cum tamen eum fateatur exutum castris & bonâ sarcinarum parte, cum paucis, in Franciam orientalem se recepisse.

Cæterum Rudolphus, missò ad Pontificem Maximum rei prosperè gestæ nuntio, magnis egit rationibus, ut, qui communis esset orbis Christiani pater, finem tandem aliquem tam diuturnis Germaniæ malis statueret, nec pateretur ultra; Henricum, qui nihil pro Rege, sed pro tyranno omnia ageret, grassari, regij nominis obtentu, contra innocentes, aras evertere, profanare sacra, sacerdotes aliosque Romanæ Ecclesiæ addictos, patrijs sedibus exigere, non paucos habere in compedibus, supremam post DEUM in terris potestatem habere ludibrio, pertinaciâ eò usque contumaci, ut frustra sit, qui insanabilis ingenij velit aggredi curationem, nedum expectare, ut sponte confanescat. Quibus rationibus, optimus Pontifex flexus, denuò ad æquitatem, cum meminisset, se omnia remedia lenitatis sine fructu consumpsisse, synodum agens in urbe, mense Martio, de more, Apostolorum Principes Petrum & Paulum contestatus, Henricum ejusque partiaros extremis Ecclesiæ pœnis involvit, & illum quidem, quòd multiplici contumaciæque sedis Apostolicæ contemptu, perjurio frequenti, aliisque sceleribus sese regno indignum præstitisset, spes omnes rerum meliorum & triennij crebras feriâsque monitiones præfractè elusisset. Igitur, cum citra insigne rei Christianæ nocumentum diutius nequiret tolerari, eum Gregorius pronuntiavit regiâ dignitate privatum, & subditos à juramento fidelitatis absolvit: Rudolpho verò, quem Germaniæ Principes elegerant, regnum regni que titulos stabilivit. Eidem misit coronam hoc inscriptam lemmate:

PETRA DEDIT PETRO, PETRUS
DIADEMA RODULFO.

Isto judicio, quasi ignominioso, Henricus immensum quantum esseratus, totusque in vindictam intentus, ipsis Pentecostes ferijs, Moguntiam cogit novendecim Episcoporum conventiculum. In eo Gregorius miris traductus calumnijs, & sexcentis appetitus maledictorum plaustris, Apostolicâ sede indignus renun-

AN. CHRIST.
M. LXXX.
PUGNA FLA-
DEHEIMEN-
SIS.

HENRICUS
SUPERATUS.

LIV.

HENRICUS
DENUO ANA-
THEMATIZ
SUBICITUR.

MOGUNTIAE
CONCILIA-
BULUM.

GUIBERTUS
DE CORRI-
CIAAL.CLE-
MENS III.
PAPA SCHIS-
MATICUS.
BRIXINEN-
SIS PSEUDO-
SYNODUS
SCHISMATI-
CORUM.

*Habetur in
antiquis codi-
cibus post vi-
tam Henrici.*

LV.

HENRICI
IN GREGO-
RIUM PON-
TIFIC. CALUM-
NIÆ.

URSPER-
GENSIS ET
ALIORUM
SCHISMATI-
CORUM VA-
NITAS.

DIRA TEM-
PESTAS IN
EPISCOPOS
ORTHODO-
XOS.

*Herrand. in
Epist. ad
Waldramum
Episcop. Nu-
rvenberg.*

*apud Serar.
lib. 6. pag.
791.*

MIRÆ EC-
CLESiarUM
IN GERMA-
NIA CONFU-
SIO.

PROCERUM
REIQUE CI-
VILIS DI-
VORTIUM.

tiatus est: Guibertus verò de Corrigiâ, Parmensis patriâ, Ravennas Antistes, diris Pontificijs devotum caput, indito Clementis III. nomine, lupus in ovile Christi immissus est, per annos viginti & unum, in Gregorium, verum Ecclesiæ pastorem ternosque ejus successores immaniter grassaturus. Dictæ ibidem contra Præfules innoxios, atroces sententiæ. Deinde cum putida paucorum Schismaticorum autoritas Henrico tantæ molitioni videretur impar, triginta ejusdem farinae Episcopos Brixinam, olim Boicæ, hodie Tirolî contributam, voluit ad 7. Cal. Julij convenire. Eodem convolârunt ex Italiâ & Germaniâ complures, Schismati ex asse additi Proceres, qui Moguntini conciliabuli sententiam comprobârunt.

Solutâ pseudosynodo, Henricus epistolam furore respersam, dedit ad Gregorium Pontificem, in quâ inter frivolas abdicationis causas mendacésque calumnias, ipsi imponit, quod malis artibus Pontificatum occupâset, contumeliam fecisset Episcopis, & quod caput erat, manus regiæ dignitati injecisset, audendo tentare legitimi Principis exauctorationem. Explicatiùs loquitur author vitæ ipsius, arcanorum conscius & amanuensis, qui scripsit apologiam pro ejus defensione: timidè, & tanquam in re ambiguâ, asserens, Henricum vestigantem causas & quasvis occasiones evertendi Gregorium, hanc tantum reperisse, quam disertè obtruderet: quod videlicet Romanum Pontificatum nondum vacantem, Archidiaconus ambivisset, post abjurâset, & postea nihilominus fuisset ausus occupare. Unde luce palàm est, an & quæ sit habenda fides Urspergensî, aliisque Henrici patronis, qui ingentem calumniarum congeriem, quasi esset à Schismaticis comporata & edita publicitus, in suas chartas cum fraude retulerunt, perinde atque si in istius sæculi corruptelâ, in gratiam Principis, quidlibet comminisci licuisset.

Guiberto per summum nefas orbi obtruso, integerrimi quique Antistites, quos nulla vis aut metus potuit à fidei constantiâ in verum Pontificem, dimovere, ab ara fuere proscripti, exuti sacerdotijs, ejecti suis sedibus, nominati, qui Episcopatibus incubarent. Quâ de re juvat audire Herrandum Halberstattensem, cujus verba adnumero ex M. S. Moguntino. *Dominus Henricus Constantiensem, Bambergensem, Moguntinensem, & plures alias Ecclesias, pro pecuniâ; Ratisponensem, Augustensem, & Strasburgensem pro gladio; Abbatiam Fuldensem pro adulterio; Monasteriensem verò Episcopatum; quod dicere & audire nefas est, pro maximâ immunditiâ vendidit.* Ea dictio (*maximâ*) recentiore manu adscripta est, deletâ voce (*Sodomiticâ*) quæ extabat in autographo. Gebhardo Salisburgensi Bertholdus manifestarius templorum, Admontensis præsertim, spoliator superinductus est: Wigoldo Augustano Sigefridus, B. Altmanno Passaviensi exulanti, post Hermannum Luitpoldi Ducis filium, qui ultra biennium in eâ sede non superfuit, suffectus, nescio quis, Thiemo: Luitpoldo Abbati Sangallensi Udalricus Marquardi Carantani filius, & passim alibi viris Catholicis subrogati Ecclesiæ Romanæ perduelles, tantâ sacrorum perturbatione, ut, geminatis infulis, plebs hareret ambigua, ab utris salutis auxilia posceret. Scisso ad eam confusionem sacerdotio, non erat minus in re civili divortium, alijs Henricum, alijs Rudolphum respicientibus, tantâ perturbatione, ut Reipublicæ, velut ebriæ, gemina omnia objicerentur. Rudolphi odio, Henricus Fridericum Stauffensem Sueviæ imposuit: decrevit etiam quaquaversum legationes, quæ spurium incubatorem, velut idolum, in furtivo fastigio propinarent adorandum Regibus exteris & Principibus. Legatus in Angliam missus, fuit exceptus cum rilu, remissusque cum ignominiâ, & à Lanfranco Archiepiscopo Cantuariensi egregiè per litteras exagitatus. Henricus tanto æstuat desiderio Gregorium in ordinem redigendi, ut nemo tutus per Italiam proficisceretur (ita enim ille imperaverat) nisi qui juratus promississet, se ad Pontificem non accessurum. Hic è diverso, ut decebat Christi in terris vicarium, spirans populorum salutem, datis in Germaniam ad 12. Cal. Octobris litteris omnes, qui in sincerâ religionis unitate perstabant, hortatus est, ut seriâ delictorum poenitudine & castigatione Numen placarent, eoque placato, sibi sponderent de hoste victoriam.

Lib. 8. Ep. 9.

Vatem

Vatem fuisse, ostendit pugna ad Elstram amnem. Henrico Saxoniarum finibus imminenti, Saxones tantas objecere vires, ut, cum is se sentiret numero & virtute imparem, si cum universis congredieretur, eas duxerit in geminum agmen distrahendas. Ergo partem equitatus immittit in Goslarientem agrum, qui villas locaque indefensa incenderet, & se mox in castra referret. Ipse diverso itinere movit in Turingiam. Saxones conspicati busta fumumque erumpentem in sublimem, omisso hoste, ad restringenda patriæ incendia properant, rati, sua cuique damna, quam aliena, esse propiora. Hostis, inter hæc, Erfordiam cepit, & subjecit flammis. Rudolfus, simul ac hostis consilia detexit, relictâ à tergo parte legionum, cum reliquis copiis rectâ ducit in hostem, cui, Naumburgum properanti, occurrit ad Elstram. Cum neque vado transmitti flumen, neque subitaneo ponte in tempore sterni posset, ad ejus ripam Henricus castra metatur. Die postero, qui quintus decimus Octobris fuit, exploratâ Saxonici peditatus infrequentiam, primo mane aciem jubet instrui, nullam prælio moram facturum, quod crederet, Rudolphi turmas festinatione apprimere cessas, & à legionibus, quarum exiguus numerus tempori adesse poterat, ferè desertas, nullo negotio posse superari. Rudolfus ingens animi, certusque sui facere copiam, legiones supplet ex equitibus, quorum jumenta, labore debilitata, usui esse non poterant. Ne verò spatium respirandi deesset, lento agmine moveri jubet in hostem, datque sacerdotibus negotium; divinam opem, decantato psalmo octuagesimo secundo, quo vix alius ad erigendos militis animos est efficacior, implorandi. Commodum Grona, palus neutiquam vadosa, acies dirimebat, dabatque Saxonibus locum curandi corpora, dum in vestigio resistentes, vernilibus ultrò citròque probris se ad certamen lacesserent, Rudolfus suos ad paludis caput militari gradu priores imperat incedere. Hostes pari passu eodem feruntur. Nec mora, venit ad manus. Vix ceperant inferri signa, cum Henricus, regij nominis & pudoris oblitus, acie excedens, citatâ fugâ, sese proripuit. Videri poterat Rudolfus, citra omne discrimen, exercitum abs imperatore fugitivo desertum, debellaturus: verum quamlibet deserto virtus superfluit ad alterum cornu Saxonum loco movendum tanto impetu, ut *ve, ve*, quasi profligatis acclamaret. Et propè res à supremo periculo aberat, nisi Otho, princeps olim noster, nutantem aciem erexisset. At ille fulminis in modum invehens in instantes, momento Rudolfinis reddidit animos, & eripuit victoriam Henricianis. Paucis relictâ facultas fugiendi: pars in vestigio concissi, pars more pecudum acti in profluentem, unde rari enatarunt. Plerique aquarum abrepti vorticibus, alij in ripæ præaltæ crepidinem enitentes, relapsi in undas. Non multi, quos fuga subduxit, sanguine & rerum bene gestarum gloriâ illustres, à colonis interfecti, alij, nobiles juxta ac ignobiles, per nemorum & paludum avia palantes, mirum quantum inedia cæterarumque calamitatum sint perpeSSI. Otho, à quo Rudolphi acies regebatur (hic enim lethali vulnere saucius, prælio adesse ad finem usque non potuit) fuso fugatòque hoste, spolia legi vetuit, donec haberet exploratum, an quicquam adhuc ab hoste esset periculi reliquum. Enimvero hæserat in insidijs Henricus Lacha cum justo armatorum globo, quem Otho redux abs hostium caude repetit in loco certaminis pro victore se ferentem. Quid ageret vir fortissimus adversus recentes cum oppidò lassis legionibus? Quivis eo timidior despondisset animum. Verum Deo fretus; *Vicistis* (inquit) *commilitones, sed non feretis fructum victoria, nisi denuo vincatis. Et hic, quem cernitis hostem, hodie superandus est: dum calent manus & animi, paratam jam victoriam alteram sociemus. Ad eam gloriam, Duce Numine, fortuna vos invitat: nihil ambigite, victores estis, nisi vos capiat satietas vincendi.* Dicta hæc excepit generosa admurmuratio militaris & alacritas. Lacha momento profligatus, Otho vetò, uno quasi tenore, bis uno die victor, visus est, nullo unquam die posse devinci. Tum lecta caesorum spolia, quanta rarò aliàs. Reperta auri facti infecti magna vis; numeratæ pecuniæ, supellectilis omnis generis & vestium copia, sine numero. In his Erfordiarum recens excisæ præda opulenta. Colonienfis & Trevirensis Archiepiscoporum, aliorumque quatuordecim Principum gaza & sarcinæ universæ.

PUGNA AD
ELSTRAM.DEVS
quis simile
erit tibi?LVII.
HENRICUS
FUOIT.INGENS
HENRICIA-
NORUM
CLADES.ALTERA
EIVSDEM
DIEI VICTO-
RIA.INGENTES
MANUBIÆ.

Rei

RUDOLFI
REGIS EX-
CESSUS.

Rei prosperæ lætitiâ, luctu mutavit tristis Rudolphi Regis casus. Is dextrâ mutilatus & ventrem confossus, aciem destituerat. Triduum victoriæ superfuit, cujus nuntium cum accepisset, dignam Rege magnanimo vocem emisit: *Nunc* (inquit) *vivus moriensque patiar, quicquid Dominus voluerit.* Tum consolatus adstantes, iussit sauciorum curam habere, nihilque de regijs vulneribus esse sollicitos. Quâ charitate delectati Saxonix Principes, extemplo jurati omnes sponponderunt, se, co vivo, nullum alium Saxonum imperio passuros admoveri, ne si quidem utraque manu ipse esset cariturus: Regum enim vires in capite & sapientiâ, non in manibus & corporis robore residere. Hâc ille fide oppidò recreatus, professus est, se de suâ sorte neutiquam conqueri, sat diu suæ gloriæ vixisse, & ex procerum benevolentia tam suavem fructum capere, ut nullum in præsens, neque in posterum opret suaviorem: haberent interim illi commendatam Rempublicam tali causâ ac tempore, cum magnis virtutibus & virorum fortium adjumentis egeret. Ita vitæ finem imposuit, quovis triumpho gloriosorem. Demortuo Merseburgi more regio parentatum. Saxonibus, Decembri mense, de summâ republicâ agentibus nuntiatum, Henricum, tametsi victum, inter suos jactasse, Rudolfo occiso, Saxoniam universam occubuisse, nec dubitare, quin proxima Christi natalicia Goslarix esset acturus.

HENRICUS
BELLUM IN
SAXONES
INSTAURAT.
PACEM
OFFERT.

FACETUM
OTHONIS
RESPONSUM.

Et jam tunc quidem novis stipatus copijs erat in procinctu, ad Saxoniam novo bello repetendam, eâ spe, fore, ut rectore vacuum facile obrueret. Verum, comperto, Saxones, coacto raptim exercitu, ad tuendos fines adventare, ne ausus quidem est occurrere, nedum Martem experiri. Ergo ad consuetas artes conversus, misit Legatos, qui pacem hâc lege offerrent: ut, quando illi, nec sine Rege esse vellent, neque cum tolerare, quem aliàs coluissent, patris odium amore filij temperarent. Volebat scilicet filium cooptari, pollicebaturque, se, si id fieret, Saxonix pedem nunquam illaturum. Otho, ut erat solers & facetus, omnium nomine, Legatos cum hoc responso dimisit, Henrico dicerent, & jam tauri ferocis vitulum, ubi cornua adoleverint, esse metuendum, eoque fieri, ut filius perinde atque pater non posset amari.

AN. CHRIST.
M.LXXXI.

LIX.

CONVENTUS
DE PACE.

GEBHARDI
SALISB. SEN-
TENTIA.

Igitur cum artes in Germaniâ Henrico ex sententiâ non procederent, consilium cepit de Italiâ adeundâ, ratus, se à Gregorio, sive per fraudem, sive per vim dirarum veniam ad Sacrorum usum obtenturum: vel, si id non posset, illo de sede Pontificiâ dejecto, Guibertum summæ rei impositurum, habiturumque in summo fastigio scelerum suorum probatorem. Italicæ profectiioni moram adferebat Palatinorum metus, ne, dum peregre turbas cieret, illis recente inflatis victoriâ, animus cresceret ad novos motus, & Germanix regnum pro arbitrio invadendum. Quare, ut res domi pacatas relinqueret, de pace agi voluit ad sylvam Capuanam, haud procul à flumine Visurgi, idque ad incuntem Februarium. Pacis, pro Henrico, fuere interpretes, Colonienfis, Trevirensis, Babenbergensis, Spirensis, Trajectensis, Antistites: ex adversum lecti, Moguntinus, Salisburgensis, Magdeburgensis, Paderbornensis, Hildesienfis. Cum Henriciani urgerent, ut extra publicum senatus haberetur, Saxones negârunt, se de republicâ clam acturos quicquam, quod ab omnibus, summis juxta ac infimis, pro lubitu nequiret exaudiri. Henriciani, quò viderentur non ultro, sed rogati ad eam negotiationem venisse, detrectârunt facere colloquendi initium: quare Gebhardo Salisburgensi datum pro communi Saxonum sociorumque causâ, primo loco verba facere, quod ille præstitit graviter ac copiosè. Modestè graviterque exorsus, & ad communes regni Germanici ærumnas progressus, ostendit, oppressos fuisse ab Henrico innocentes, negatam esse quietem supplicibus, nihil profuisse obsequia, illam patientiam, intentatam liberis hominibus servitutem, Præsules omnis criminis exortes, ne auditos quidem, in vincula conjectos, suis pulsos sedibus, & vix relicta animâ, bonis omnibus spoliatos: direptas Ecclesiarum opes, assentatoribus donata sacri ordinis & pauperum patrimonia, Saxoniam sæpius igne, ferro vastatam, nobilitatem redactam ad incitas, & servilem quidem in modum, patrata crudelia

delia, quæ horret humanitas; nefanda, quæ fileri jubet honestas. Atque hæc quidem à Principe esse profecta; sed illud esse intolerabile, quod reperti fuerint talium scelerum administri, in quibus elucere debuisset forma atque exemplum Christianæ lenitatis, cæterarumque virtutum, quas, constaret, ipsorum instinctu atque operâ ab Henrico fuisse violatas. Quid dici possit turpius, eâ virorum sanguine illustrium, ipsorum adeò Principum, vilirate, quæ eò se passa est adduci, ut, repugnante conscientia, ferrum adversus innocentiam stringeret, quod nulli, nisi ad iustitiæ tutelam & defensionem honestatis, esset concessum? Facile quidem ignosci posse istiusmodi sceleribus, sed non perinde præstari cautionem, ne in posterum fiant similia, immo & atrociora, quæ præstaret severè plecti ad terrorem improbitatis, quàm ignosci ad impunitatis exemplum. Quæ enim respublica, quænam gens, etiam barbara, stare possit, in quâ non exerceantur leges ad sumenda de facinorosis supplicia, & remunerandas virtutes bene de re communi meritorum? Sed esto, condonentur omnia, deturque publicæ tranquillitati, ut, qui atrocita perpeffi sunt, suarum injuriarum velint oblivisci; atqui, quos dabit sponsores, quos obsides futuræ deinceps æquitatis, homo pactorum immemor, violator fœderum, perjurijs infamis, & nullius prorsus fidei? Tandem hoc quoque concedatur quieti populorum & Christianæ charitati, ut incertâ fide, iniquis conditionibus, pax sanciat: At enim quæ ratio, quænam lex ostendet, fas esse pijs hominibus, illasâ pietate, reclamante Ecclesiarum usu atque institutis, vetante Christianorum omnium supremo capite, cum execrato sæpiusque diris devoto, sine noxâ conspirare? Quamobrem, ante omnem pacis reconciliationem, hoc agi oportere, ut Henricus, religionum vinculis solutus, cum Pontifice Romano reconcilietur, ineatque pacem cum Deo, Regum omnium domino, cujus toties, tam fœdè atrociterque læsit majestatem.

Hæc cum ab Henrici consilijs longè abluderent, responsum est à legatis, se ad tantæ rei tractationem neque à Rege, neque abs regni Ordinibus quicquam mandati attulisse: sibi tamen licere pacisci quadrimestres, & paulò etiam longiores inducias, quarum tempore, in generali totius Germaniæ conventu, de pace, per otium & placidè, communibus Procerum omnium votis ageretur. Dolum notaverunt Saxones, hoc videlicet Henrico esse propositum, ut, armis in Germaniâ cessantibus, in Italiâ vires omnes adversus Gregorium intenderet. Igitur Otho noster, rei iniquitate commotior; *Bella, inquit, pacis componende ratio! Nos Regis arma fecere calamitosos, inducias hodie poscitis, quæ nos reddant impios, in piorum omnium parentem. Nos eousque stolidos dementèsque forsan creditis, ut ea fraus nobis non sit perspecta? securitatem domi à nostris armis flagitatis, non quâ sumus tuti, sed quâ ad nostrum exitium abutamini. Savietis nimirum in Ecclesia caput & nostrum parentem, & urbe subactâ, Italicis aucti viribus, ad nos evertendos in patriam redibitis. Hæc est illa securitas, quam vestris inducijs velletis induci, ut otiosi spectemus nostrum patrem sub vestrà manu expirantem, atque eo extincto pereamus. Ite, Ite, speciosi pacificatores, quo vos vestra duces libido; sed ne dubitate, pios vindices sceleris vestri vobis à tergo non defuturos. Pacem volumus pijs omnibus communem, aut nullam: vel illam dabit, vel bellum.* Hæc cum in publico palàm dicerentur, qui aderant Henrici legionarioj conclamârunt, Othonem æqua sentire & postulare, sùntque disertè minati, fore se deinceps, ad subeunda pericula, solito languidiores, neque commissuros, ut, quibus ratio æquitasque causæ patrocinaretur, eisdem civili ferro fuisse oppressos fama posthuma loqueretur. Ita discordibus animis solutum est colloquium, dataque duntaxat septem dierum induciæ.

Igitur Henricus suâ spe in præsens delusus, quamvis facilè intelligeret, quid turbarum, se absente, in Germaniâ esset nasciturum, voluit tamen, ineunte vere, Italicam expeditionem maturari: tantæ erant in Pontificem iræ, quo debellato, prona sibi omnia pollicebatur. Ergo, Germaniâ Friderico Stauffensi commendatâ, mense Martio iter ingressus, exercitum deportat in Insubriam, & cum suo Guiberto aliisque Schismaticis, pridie Pentecostes, Romam appellit. Quæ

LX.

 OTHONIS
CORDATUM
RESPONSUM.

LXI.

 COLLOQUIUM
ABSQUE
FRUCTU.

COLLOQUI-
UM DE CRE-
ANDO REGE.
CREATUR
HERMAN-
NUS.

*Chron. Au-
gusten. No-
vum Germ.
Chron.
Marian.
Scot. alij.
Bertol.
Guiliman.
lib. 5.*

res Germaniæ Proceribus, Romanæ sedis addictis, spatium reliquit, de creando rege, qui in Rudolphi curas succederet, consilia capiendi. Id factum Avenbergæ, ubi Saxones, Franconiam latè populati, cum Welfone Bojorum & Suevorum copiis armato, capita contulerunt. Otho quidem noster, optimè de Republicâ meritis, fastigio dignus videri potuit: magis tamen placuit Hermannus Comes ob animi lenitatem & modestiam, quæ magna sunt ornamenta principatûs, & illicia frustra- gatorum studiis demerendis. Idem sublevabatur favore principum Australiæ, ubi se egregiè probârat, cum gereret Lotharingiæ & Arduennæ vicarium domina- tum. Quam ob rem scriptorum alij cum Lotharingiæ Principem faciunt, alij gente Lotharingum, famam, opinor, secuti, quod in Mediomatricorum urbe edu- catus, amplissimis functus honoribus, Hermannus Metensi Episcopo arctissimâ ne- cessitudine & clientelis fuit devinctus. Cæteroquin à multis Luzelburgico san- guini asseritur. Erat ejus virtus eò conspectior, quod Conrado ipsius fratre pro Henrico Rege acriter dimicante, caput ille suum fortunâsque pro Orthodoxâ pie- tate Schismaticis opposuit. Conradum tamen, Bertoldus scribit, Ecclesiæ red- ditum, in votivâ Palæstinæ peregrinatione vitam finivisse.

LXII.

HERMAN-
NUS FRIDE-
RICUM SUE-
VICUM REGNI
VICARIUM
CÆDIT.

Et verò tam erant infelicia Reipublicæ tempora, tanta apud illitteratos re- ligionis incogitantia, ut non modò provinciæ, sed etiam familiæ, ipsâque cognato- rum contubernia, scinderentur in partes, plerisque causæ, quæ inter sacerdotium & regnum vertebatur, incuriosis, eoque potissimum intentis, unde se fortunæ be- nignior Favonius explicaret, hoc solo contenti, ut belli causas suis imperatoribus relinquerent judicandas; fidem verò & fortes animos ad castra conferrent. Igi- tur Hermannus, communi Principum consensione, pridie D. Laurentij ad regni spem erectus, statim habuit, quo regiæ virtutis faceret experimentum. Ad Hoech- stadium, quod oppidum est in Boicæ & Sueviæ confinio, Fridericus regni vicarius, cum ingenti pugnatorum multitudine, prælij avidus, confedit. Hermannus pa- randi decoris æquè cupidus, cum paucis sese illi objecit, ratus, apud hostem esse nu- merum, penes se verò DEUM, & æquitatem causæ piorum armis defendendam. Postridie, quàm Principum de se judicium audiverat, Fridericum cecidit, vicit, fu- gavit, castris exiit, mirâ fati indulgentiâ, quæ Regem hesternò die acclamatum, de potentissimo hoste voluit ilicò triumphare. In eâ pugna Cuno Bojus, è Co- mitibus Palatinis, Elisabethæ Lotharingicæ maritus, Monasterij Rotensis ad Oe- num conditor, fortiter dimicans pro Henrico occubuit. Eum Cuno parens cœ- nobio intulit, cui, ipso nuptiarum die, si sine prole decederet, omnes opes donave- rat, habuitque, filio defuncto, ratam donationem. Nurus præterea dotem, cum omni patrimonio, quod in Lotharingiâ luculentum acceperat, ejusdem monaste- rij possessionibus, voluit accenter. Friderici Stauffensis cladem excepit Augustæ Vindelicorum, quæ Henricianis erat fœderata, per tres hebdomadas obsidio, in cujus partem venit Leopoldus Austriæ Marchio cum subsidiariis copiis, quas Her- mannus adduxit. Cùm obsessi fortiter tuerentur, suburbanis incensis, agro de- vastato, locisque aliquot in viciniâ occupatis, nullo præterea operæ pretio, ab urbe discessum est.

CUNO BO-
JUS OCCU-
BIT.

*Diploma
Henrici IV.
datum Ra-
tisbonæ,
AUGUSTANA
OBSIDIO*

AN. CHRIST.
M. LXXXII.
Cosm. Pragen.
LXIII.
BEL LUM
MORAVI-
CUM.

Bellum, quod idem ipse, quem jam nominavimus, Austriæ Marchio Leopoldus, exitu improspere gessit cum Conrado Moravo, hoc, uti credibile est, anno (neque enim alius ab Annalibus exprimitur) ad nostrum institutum nequaquam spectaret, nisi Otho Ratisbonensis Episcopus, Leopoldi odio, studioque Henri- cianarum partium, arma Moravo sociasset. Huic intercedebant veteres cum Austriis similitudines, ex confinium populorum mutuis injurijs. Moravi crebrò flumen Hejam medium inter utriusque gentis ditiones transgressi, prædas age- bant, nec rarò grassabantur cædibus & incendijs: Austrii vicissim, quoties res fere- bat, reponebant talionem, neutri hæc gerebant autoritate publicâ, sed dissimu- lantibus dominis, quod difficile esset discernere, utris culpa potior esset adscriben- da, tametsi utrinque iræ pares essent & querelæ. Cùm Leopoldus, de suorum fa- cinore à Conrado appellatus (ut in difficili delictorum & damni æstimatione) pro

voto

voto non responderet, ille, sat causarum se ad vim inferendam habere ratus, accitis Bojemorum & Bojorum auxilijs, Wratislao Bojemix Principi belli imperium commendavit. Pugna ad 4. Idus Majas, prope Maurenbergam, commissa, Leopoldus superatus. Victoria Moravo cessit non lata magis, quam Othoni Episcopo, quem non latebat, grave vulnus Henrici Regis hostibus eâ clade esse infictum.

LEOPOLDUS
AUSTRIÆ
MARCHIO
DEVICTUS.

Anno sequenti semel iterum pugnatum simili eventu, Wratislao victore; nisi verius habeat Leopoldus, hujus, de quo agitur, pronepos, qui res à suis majoribus gestas describens, semel duntaxat ad Maurenbergam meminit hoc tempore esse præliatos. Henricus Rex, ut Leopoldi fortunam deprimeret, Austriæ præfecturam ipsi detraxit, & Wratislao donavit, quâ tamen, etsi prælio superior, non est potitus. Hostilia nihilominus inter Austriæ, Moraviæ, & Bojemix populos non desierunt. Aliàs in Boicâ & Alemanniâ intercessisse partiariorum collationes & conflagrationes villarum & sacrarum ædium, in Sueviâ præsertim, Augustentis scriptor verbo notavit. Welfo Bojus, ut Wigoldi legitimi Augustanorum Episcopi dignitatem tueretur, Sigefridi incubatoris clientes, fortunis alios, alios oculis & vitâ privavit.

AN. CHRIST.
M. LXXXIII.

Chron. Rel.
chersberg.
TURBÆ IN
GERMANIA.

Inter hæc Henricus, auctus Italicarum virium accessione, & Guiberti Pontificis spurij comitatu, cum, anno superiore, Romanam obsidionem aggressus, repulsusque, Ravennam se ad hiberna retulisset, ineunte vere reversus, & urbe Leoninâ, simulque Vaticano 4. Non. Junias potitus, Principis Apostolorum basilicam direptione, & duarum porticum labefactione violavit. Flamma, quam vicinis in tectis hostes excitaverant, reverita Gregorij sanctitatem & vim crucis, quam ad templum serpenti in aëre objecit, desiit latius evagari. Exinde urbi veteri per æstatem imminens, & insigni Romanorum virtute, æstivique caloris intemperie conflictatus, exercitu per æstiva diviso oppugnationem intermisit, præfecitque Guibertum rei militari, qui pleraque ædificia, quibus Henricus pepercerat, ferro vel igne fœdavit, egregius scilicet Ecclesiæ moderator.

HENRICUS
BIS ROMAN
IRRITUS OB
SIDET.

Hermannus Rex, Gregorio Pontifici laturus opem, contractis undique copijs, Italicam expeditionem animo complexus, Germaniæ vicarium imperium Othoni nostro commiserat; cum ex improvviso tristem de ejus obitu nuntium accepit. Quare, ne qui motus exinde in Germaniâ nascerentur, omisâ Italiâ, perquam invitus reversus est in Saxoniam. Sanè Dux Otho se, quoad vixit, præstitit dignissimum, cujus nomen cum illustri memoria visatur in Boicæ monumentis. Eam fecisset illustriorem, nisi Henricianæ proscriptionis iniquitas amicæ gentis principatum viro fortissimo invidisset.

LXIV.
OTHONIS
BOICÆ EX
DUCIS OBI
TUS.

Eo sublato, & Hermannō Rege in Germaniâ retento, Henricus ad maleficia solutior, de integro prosequitur Romanam oppugnationem, non armis magis, quam dolo & propugnatorum corruptelis, quo majorem bello & suæ factioni auctoritatem pararet, abortivum monstrum sanctissimæ Principis Apostolorum Vaticanæ cathedræ imposuit, ipso die Ramalium, quo Christi, in sanctam civitatem cum triumpho ingredientis, annua memoria recurrit: ita impijssimo Guiberto etiam festi sanctitatem lubuit sacrilegio profanare. Cum nemo esset Episcoporum, vel Romanæ Ecclesiæ Cardinalium (quod Blondus observavit) qui bestiam tot confixam execrationibus vellet initiare, Bononiensis, Cremonensis & Mutinensis, pseudoepiscopi (si fides est Sigonio) cæremonias in detestabili capite perdididerunt. Bertoldus & cum ipso vetustiores, sacrilegam inaugurationem Mutinensi & Aretino tribuerunt, quam malè quidam adscribunt Trevirensi, quippe qui nondum (ut mox ostendam) erat sacerdotio initiatus, sed tamen potuit scenicis impiorum ritibus adstitisse spectator.

Leo Ostien.
lib. 3. cap. 491.

GUIBERTI
INAUSPICA
TA CORO
NATIO.

Sigon.

Gregorius Pontifex ad hæc imperterritus, Deoque fretus, in Adriani mole se suasque spes, Romanæ nobilitatis auxilio, tuebatur, habebatque in potestate Tiberinos pontes & urbis loca munitiora; cum Henricus arcem in monte Palatino molitus, quadringentorum præsidium loco imposuit, & in Cisalpinam Galliam secessit,

AN. CHRIST
M. LXXXIV
GREGORIUS
SE TUETUR
IN MOLE
ADRIANI.

Extat Episto-
la in M. S.
Virdun. &
gestis Trevi-
ren.

ROMANI SE
HENRICO
DEDUNT.
LXV.

PACEM TRA-
CTANT SINE
MANDATO
SUM. PON-
TIFICIS.

ROBERTUS
GUISCAR-
DUS PON-
TIFICI FERT
OPEM.

LXVI.

REICHER-
SPERGENS.
MONASTE-
RIUM.

secessit, ad captandam auram leniorem, vitandamque pestem, quæ in exercitu gli-
scebatur. Non fuisset operosa adversus paucos, quos in urbe reliquerat, partis non-
dum occupatae, tutela, nisi impares animos fidemque populus Romanus attulisset.

Quam rem non dissimulavit Henricus, scribens ad Theodoricum Virdunensem
Episcopum. *Tibi incredibile (inquit) videatur, quod tamen re ipsa comprobatum
Roma præteritis diebus evenit, quando id denis hominibus (ut ita loquar) Deo au-
xilante, confectum à nobis, quod denis omnino millibus effectum majores non præsti-
tissent. Ecce non ingentem ea res prodigij simillima admirationem pariat? Iam verò,
quod fidem omnem superat; cum in Germaniam reditum paramus, expugnanda Roma
pariter cogenda, ad deditiōem spe lapsi, Ecce tibi Romani missis ultrò legatis, supplices
nobis facti, ut urbem ineamus obsecrant, seque in omnibus dicto nobis audientes fore spon-
dent; itaque ab ijs diligenter factum est: nam introeuntes nos magnà alacritate excepe-
runt, & omnibus nostram causam, per honorificā demum pompā singularique fide nos ab-
euntes sunt prosecuti.* Addit deinde formam suæ inaugurationis factæ à Guiberto.

Bertham Reginam eadem operâ fuisse Romanâ coronâ donatam, constans est Scri-
ptorum consensio. In fine Epistolæ, jubet agi cum Archiepiscopo Trevirensi,
ut è vestigio se curet sacris Episcopalibus initiari. Scriptam anno M. LXXXIV.
hanc Epistolam ante Henrici in Germaniam reditum, ostendunt ea, quæ urbis de-
ditiōem præcesserunt; petitum videlicet à Romanis colloquium, habitumque
Calendis Novembribus, in quo propositæ, Gregorij in iussu, pacis conditiones,
quas ipse pro sedis Apostolicæ maiestate sic temperavit, ut eas Henricus repudiârit.
Scilicet à Pacificatoribus facta erat illi spes Romani diadematis, quod suâ manu
Gregorius imposeret, sed non prius, quàm Henricus animi poenitentis specimen
edidisset. Item ut præter morem in coronatione omitteretur pompa solennis,

eâque lustralibus duntaxat appreciationibus perficeretur. Inauspicatam inaugu-
rationem præcessit aperta plerorumque Romanorum à Gregorio defectio, & ad-
ventus Roberti Guiscardi, Nortmanni, Calabriae & Apuliae Ducis, in urbem, à quo
captum est Capitolium, arx Henrici diruta, dejectum præsidium, Roma direpta,
incensa; expulsi spurij Cardinales. Præcessit etiam Gregorij secessio ex urbe in
monasterium Cassinense, atque in Salernum, ubi, quod vitæ ipsi erat reliquum, ab
hostium turbis degeret pacatius. Henricus verò reversus in Germaniam, Ra-
tisbonam appulit sub Calendas Sextiles, ubi, ingenti gratulatione exceptus, plau-
sum tulit, qualem oppidani, mirè ejus partibus adhærentes, cuius Cæsarum dan-
dum esse censuissent. Augusta Vindelicorum, connitente Wigoldo Episcopo,
à Welfone Bojariæ Duce capta direptâque quorundam proditiōe, crebris suppli-
cationibus Henrici implorabat opem, unde illi breve admodum ab armis otium.
Castris ad Lycum positis, Welfonem habuit in ripa objectâ cum exercitu, prælij
copiam avidè expectantem. Verùm Henricus, detrectans supremam aleam,
quatuordecim dierum provocationes & jocos militares sedentariâ patientiâ coa-
ctus est devorare, atque interim otiosè spectare incendia atque populationes, qui-
bus Augustanus ager in ejus conspectu vastabatur, donec in S. Afræ pervigilio,
Welfo, sessionis pertæsus, motis castris, profectiōem in Burgundiam indixit,
ut Bertholdo Zäringio laboranti, auxilia adversus Episcopum Argentinensem pro-
peraret, & Gebhardum Bertholdi fratrem, adversus Othonem Ipurium Constā-
tiæ Episcopum, Henrici partiarium tueretur, quod utrumque feliciter est conse-
cutus. Othone exacto, Gebhardus sedi Episcopali est restitutus, & Bertholdus
contra Argentoratensem adjutus.

Per id tempus Reicherlpergense Monasterium, ad Oenum in secundâ Boi-
câ, sub D. Augustini regulati Canonicorum disciplinâ cœpit florere, Wernero ca-
stri Reicherlpergensis Dynastâ, & Dietbergâ Gebhardi Salisburgensis Ar-
chiepiscopi sorore, conditoribus. Uterque conjugum, filio Gebhardo, quem
unicum tulerant, in flore adolescentiâ orbat, cum propinqui præcoci conten-
tione de futurâ successiōe inter se certarent, DEUM & D. Michaëlem Angelo-
rum Principem, amplissimarum possessionum hæredes dixerunt. Castrum Rei-
chersper-

cherspergenſe, quod pro ejus ævi more erat apprimè munitum, in cœnobij formam redactum. Wernerus vitæ ſtrictioris ſtudio, poſteaquam uxorem extulerat, magno jam natu, votis Deo nuncupatis, ſe quoque ſacræ aſceſi mancipavit.

Anno ſequenti, Wernerſi pietatem, Northbertus, Comes Hohenwartenſis, Rapotonis Comitſ Tauriſij, ſive Tauferſij, & Hemmæ Auſtriæ Principis (quam Bruſchius vocat Donawerdanam Comitſſam) filius, quem nonnulli referunt ad ſtirpem Comitum Andecenſium, longo tamen intervallo ſecutus eſt. Turpem maculam contraxerat ex Henricianæ factionis contagione, & empto Curiz Raticæ Episcopatu, ac proinde virio creatum Quentelburgenſis Synodus pronuntiavit. Hermannus Rex, patrum ſententiam ſecutus, cum Curienſi ſede deturbavit. Ille, ut deleret vitæ prioris ignominiam, Hermannſi lubente, Haibacenſe Myſtarum Collegium ſuis opibus excitavit, in quo, anno abhinc ſecundo, finem fecit vendi.

Fervebant interea magnis partium ſtudijs Orthodoxorum & Schiſmaticorum contentiones, nec adhuc ulla appaſebat ratio diſcordiæ, citra ſanguinem, extinguendæ, ob flagrantia partium odia, quibus Germania in diverſas de ſummo ſacerdotio ſententias, miſerè diſtrahebatur. Viſum quibuſdam Procerum Germanorum, poſſe mediam aliquam iniri viam, quâ diſſidium ad aliquam æquitatem reduceretur, quæ tamen nunquam cum ullo fructu in cauſâ religionis tentata eſt, nec verò hæc vice ullum tulit operæ pretium. Accedebat quæſtio, modusne eſſet aliquis, regni Germanici civile diſſidium, inter utrumque Regem ita componendi, ut, tametiſi in cauſâ religionis animi diſſiderent, tamen arma ceſſarent. Eas ob res, partium conſenſu, regni comitia maturè indiſta ſunt Berchacæ in Turingiâ, ſi verum habet Urſpergenſis, vel, ut placet alijs, Gerſtungæ in Saxoniâ, ad diem vigefimum Januarij. Primo ſenatu, quæſitum ante omnia, jure, an injuriâ, Henricus, ejusque aſſecle, Pontificijs devotionibus, à piorum communione eſſent excluſi. Henricianorum cauſam ſuſcepit Wecilo Moguntinus, qui anno ſuperiori, poſt Sigefridi mortem, tametiſi dudum eſſet ab Eccleſiâ proſcriptus, ab Henrico fuerat in ſedem Moguntinam intruſus. Catholicorum patronum egit acerrimè Gebhardus Salisburgenſis Archiepiſcopus & ſedis Apoſtolice in Germaniâ legatus. In eo congreſſu Conradus Trajeſtenſis Episcopus, magnus Schiſmaticorum Achilles, à Wecilone juſſus eſt recitare ex ſacris ſanctionibus canonem, quo Patribus fucum faceret, quaſi Henricus, contra juris formam, fuiſſet à Gregorio Pontifice proſcriptus. Objeſtum videlicet, acceptumque cum magno Schiſmaticorum plauſu, Henricum, antequam in jus vocaretur, obirétve vadimonium, debuiſſe per Saxones ex integro reſtitui in omnes ditiones, è quibus vi metuque fuerat expulſus: & per conſequens nullo jure, ante reſtitutionem, potuiſſe à Pontifice damnari, nedum ex Eccleſiæ ſinu regnove excuti. Qui Henrici apologiam ſcripſit auctor anonymus, homo calami venalis, fingere auſus eſt, Gebhardum ejusque aſſecle ad hæc obmutuiſſe, cum tantâ conſternatione, ut nemo unus fuerit, cui mens eſſet vel ratio ad reſpondendum. Verùm Urſpergenſis Abbas factionis Henricianæ, bellum iſtum Apologeten manifeſtè reſellit, dum recitat cordatum Gebhardi reſponſum: neminem videlicet, hoc ipſo, quod re ſuâ ſit ſpoliatus, divinâ lege eſſe ſolutum, ut, velut adeptus peccandi impunitatem, à nemine poſſit in jus vocari. Henricum, antequam ſpoliaretur, à Pontifice Alexandro citatum, appellatum à Gregorio, juris ordinem per contemptum neglexiſſe, & omiſiſſe debitam Romanæ ſedi ſatiſfactionem.

Enimvero quis credat, Gebhardum latuiſſe, aut non ei veniſſe in mentem, Henrici crimina fuiſſe publica & graviora, quàm ut cordatorum virorum conſcientiam, & ipſos plebis oculos effugerent. Quid, quòd in Canuſſino congreſſu, ſponte, nullâ vi, falſus erat culpas, pœnam ſuſceperat, pactus erat mores in poſterum emendatior, munia & inſignia regia abdicâret, donec in communi regni conventu, arbitro Pontifice, cauſa rursus inſpiceretur, non abnuerat, quò minus, ſi falleret, religionum vincula quoquo modo laxata de integro cum conſtringerent.

AN. CHRIST.
M. LXXXV.

Bruschius.
Hund. p. 893.

HAIBACENSIS ECCLESIA COLLEGIATA.

Diploma fundationis apud Hund. Metrop. tom. 2.

Or libro Origin. ſeu Stemmat.

LXVII.

QUENDELBURGICA COMITIA DE COMPONENDIS GERMANIÆ DISSIDIIS.

FUCATA HENRICI EXCUSATIO.
2. q. 2. per totum.

LXIX.

Atqui eum paulò pòst violâsse fidem, conventui Germanico de industria posuisse obicem, & indies loco emendationis fecisse deteriora. Eum certè non fuisse spoliatum, qui vim Saxonice libertati contra jus fâsque egisset, & bello inferendo, suarum ditionum jacturam fecisset, quique sciens ac volens, per pacta seipsum, amissis juribus, exuisset. Sed neque erat obscurum, spoliatum ex causâ manifestariâ, idque à judice, quem non Henricus modò, sed totus orbis Christianus legitimum summèque idoneum agnoscebat; ante omnia non esse restituendum, cùm nequireret fieri restitutio citra totius regni irreparabile nocumentum, commune piorum omnium periculum & offensionem, eò maximè, quòd Henrici pertinax esset in peccando contumaciâ; quâ se magis magisque restitutione indignum, nocentiorè & publico perniciosiorè faciebat. Non fuit (opinor) Gebhardus præsul sapientissimus, divino, quo regebatur, ductu sic destitutus, quin hæc aliæque longè efficaciora attulerit: talia certè attulit, quibus Orthodoxi in officio & fide erga sedem Apostolicam ita fuere firmati, ut ex ijs nemo fuerit, qui dignatus sit amplecti sententiam Wecilonis, qui & ipse, cognitâ erroris sui vanitate, ut paulò pòst relapsus videbitur, abs Henrico descivit. Saxones id duntaxat, quod milites decebat, Schismaticis reposuerunt: se Pontificis judicium nec posse, nec debere in dubium revocare: irent ergo factiosi, & causam cum Gregorio disceptarent: ab illo Regem esse damnatum, non à Saxonibus, qui DEI vicario morem semper essent gesturi, quibusque non esset integrum interstrepere voci, quam velut oraculum ex cælo profectum revererentur. Ea denique quæstio discordibus animis sic fuit agitata, ut nihilo, quàm antè pacatiora secuta sint, sed comitiorum conatus reciderit in irritum. Saxones adversariorum ineptis argutijs offensi, aliquos, qui se mordicus & protervè Henricianis affixos ferebant, excitato tumultu peremerunt.

Orthodoxi, ut extra adversariorum strepitus suæ causæ firmamenta expenderent, Ferijs Paschalibus Quendelburgi, frequentem utriusque Ordinis conventum egere, Othone Cardinale, Episcopo Portuensi, Legato Pontificio præside, præsentè Rege Hermannò. Isthic nupera Gebhardi Salisburgensis sententia revocata ad libellam, & magnis authoribus asserta, publicitûsque confirmata: vindicatus quoque Romanæ Ecclesiæ principatus: Wecilonis spuria ad Moguntinam insulam vocatio, & cæterorum omnium, qui à Schismaticis erant initiati, damnata consecratio, Guiberti Apostolici primatûs incubatoris, aliorumque, tum Cardinalium, tum Episcoporum Schismaticorum nomina, funalibus accensis, de more execrata. Weciloni præterea, tanquam hæresiarchæ, dictum anathema, ut, qui pertinaciter doceret, homines profanos suis rebus spoliatos, Ecclesiæ judicio neutiquam esse obnoxios, nèque ob qualiacunque scelera posse dirarum execratione fulminari. Volebat præterea ab Ecclesiâ proscriptos, absque omni reconciliatione ad sacrorum Christianorum usum esse admittendos.

LXIX.
MOGUNTINUS
CONVENTUS.

Nondum abierant à Quendelburgianâ synodo tres hebdomades, cùm Schismatici paria, si possent, Catholicis relaturi, magno numero ab Henrico coacti, Moguntiam apud S. Albanum confluerunt, unâ cum Guiberti legatis, & quibusdam Gregorij partiarijs, quos metus & acerbæ optimi cujusque vexationes perculerant, ne apertè animi sui sensa proderent. Inter hos Meginwardus Frisingensis humanum quid passus, quale memorat Sigebertus de alijs, quos refert *manu & ore Guiberto, corde tamen Gregorio adhesisse*. Generosius quid ausi alij, qui sùsque deque habitâ Henrici sævitie, nequiverunt adduci, ut impio cœtui adessent. Adelbero Wirceburgensis, & Hermannus Metensis suis exacti sedibus, solum mutare coacti. Quamobrem indignati Metenses, negârunt, se à mercenario, quem Henricus iussu fecerat, Sacra accepturos. Hermannus Abbas Hirsaugiensis, vir eximiâ virtute, edicto ad Synodum vocatus, *ire contempsit, malens pro defensione vicarij Christi rerum corporisque periculis audacè subjici, quàm pravorum consensu maculari*. In eâ sectariorum synagogâ, jussu Henrici, asserta est Guiberti sacrilega intrusio, spurij Ecclesiarum invalores, in proscriptorum Antistitum sedes succedenti, damnati

Sigebert.
Dodechin.
Bertold.
Tribem.

damnati omnes Orthodoxi. Divinæ interim justitiæ pœnas dabant Italici Principes & Antistites, Guiberti factione corrupti, quorum bene magnum indicem Bertoldus pertexuit.

Gregorius Pontifex, sorte longè melior, Salerno, ubi exul multis conflictatus ærumnis constitit, ad Superos est evocatus 8. Cal. Junij, vel, ut scribit Baronius, uno die seriùs, posteaquam Pontificatum summâ cum laude gesserat annos duodecim, mensem unum, dies tres. Fati sui præscius, cùm pro concione diceret, erupit in has voces: *Dilexi justitiam & odi iniquitatem, propterea morior in exilio.* Triduo, antequam cœlo animam transmitteret, rogatus à Cardinalibus & Episcopis sententiam, de successore deligendo, Desiderium Cassinensem Abbatem nominavit, virum religione, prudentiâ, & Principum amicitia præcipuum, qui si electioni nollet assentiri, eligerent Hugonem Lugdunensem, vel Othonem Ostiensem, vel Anselmum Lucensem Episcopum. Laborandum fuit usque ad anni posteri Pentecosten, quâ rogando, quâ monendo Desiderium, ut Cardinalium votis accederet. Eo die creatus, Victoris III. nomen accepit. Gregorius denique, ubi bene precatus fuerat omnibus, quos vivens habuerat Romanæ sedis addictos, Henricianos, nisi redirent ad frugem ex animo, negavit Sacris Christianis esse restituendos, sicque mente quietissimâ migravit ad Christum, pro cuius sponsâ tot susceperat dimicationes. Fuit vivus mortuusque clarus miraculis, tandemque in Sanctorum Album relatus. Ejus exuviz Salerni in D. Matthæi basilica, quam ipse dedicârat, compositæ, post quingentos ferè annos, cùm sepulchrum aperiretur, repertæ sunt incorruptæ, eoque in statu perseverare feruntur. Hæc eò dicta, ut appareat putida vanitas Sigeberti Gemblacensis, quâ ausus est, ex alienâ relatione, in suas chartas referre, Gregorium in vitæ extremis cum animi mœrore, uni cuiuspiam de Cardinalibus esse confessum, se peccâsse graviter, quòd tot in Ecclesiâ turbarum author extitisset, & jussisse Cardinalem ad Imperatorem proficisci, ut eum aliòsque omnibus, quibus eos irretiverat, religionibus absolveret. Quod si verum haberet, Cardinalem, qui nusquam apparuit, nec ullum absolvit, oportuisset nominare: & verò si Henricum Ecclesiæ reconciliâisset, nihil fuisset, cur in eum tam pertinacibus piorum odijs plura bella gererentur.

Illum quidem pars Saxonum, quasi longâ mansuefactus malorum tolerantia, inveteratam feritatem exuisset, jam non sævientem, sed benignum Regem ausperare (nam eos tædere cœperat Regis Hermanni, utpote peregrini) ultro accersitum, suis rursus cervicibus posuerunt, eam duntaxat pacti legem, ut ipso adnente, cuivis naufragas veteris fortunæ tabulas liceret colligere: sed ille, more suo, plura, quàm poscebatur, pollicitus, tam nihil præstitit, ut albæ mentis animæ extemplo notarent, se in veteres calamitates esse relapsos. Quare, damnatâ consilij sui inconsultâ levitate, detestati Henrici perfidiam, in ejus caput conspirant, subito arma corripunt, velut immanem belluam, quæ nullis posset officijs commitigari, anno nondum finito, patrijs finibus exturbant, & magnis animis se ad reprimendas ejus iras comparant, haud dubij, vindictam accepti dedecoris diu non dilaturum.

Quæ eos prævisio non fefellit. Nam ille mox è Boijs & Franconibus, quantas potuit copias, armavit, & sub anni proximè secuti initium regressus in Saxoniam, populationibus, ferro & igne sæviit: donec ab hoste rejectus in Bojariam, eam reperit, longè aliam, quàm sperabat, faciem induisse. Etenim Boij (si Reginoburgenses excipias) redintegratâ cum Welfone Duce concordia, fœdus & arma cum Saxonibus junxerant: in fœderis & belli societatem Frisinga, Meginwardi Antistitis sui voluntate concessit. Nec mora, itum ad obsidendam Ratisbonam, ubi se Henricus abdiderat, Friderici generi Alemanniæ Ducis, & Rapotonis Comitibus suppetias præstolaturus. Horum auxilio elapsus, civitatem paulò post dedendam, Welfoni reliquit. Factâ deditioe, unâ cum Henriciano præsidio, Otho ejusce urbis Episcopus, venit in Welfonis potestatem, & juramento pactus est, se deinceps cum fide, Orthodoxorum partes adjuturum.

GREGORII
VII. OBITUS.

Leo Ostien.
Otho Frising.

Vita S. An-
selmi Lucens.

SUCCEdit
VICTOR III.
LXX.

SIGEBERTI
COMMENTUM REPEL-
LITUR.

SAXONES
ALIIQUI AD
HENRICUM
DEFICIUNT.

DECEPTI
MUTANT
SENTENTI-
AM.

Berthold.
Chron. An-
gust.
Sigebert.

AN. CHRIST.
M. LXXXVI.
LXXX

Chron. An-
gust.

Apologia
Henric.

BOII SAXO-
NIBUS FOE-
DERATI.
HENRICUS
RATISBONA
OBSESSUS

Castra ELABITUR.

GEBHARDUS
SALISBUR-
GUM REVER-
TITUR.

Castra subinde mota in Salisburgensem agrum, ubi Henriciana factio, ausa vim opponere, velitaribus praeliis gravibusque passim affecta damnis, poenas dedit suae temeritatis. Eo tempore Gebhardus Archiepiscopus, post novem annorum exilium, in suam sedem postliminio est regressus, non sine specie triumphi, quo fuit ab amicâ civitate, inter faustas acclamationes, honorificentissimè exceptus. Altmannus Pataviensis & Meginwardus Frisingensis, latus ingredientis cinxerunt. Populus, in vias publicamque lætitiâ effusus, vix poterat satiari amantissimi sui patris aspectu, quem, velut è cœlo redditum, innumeris gratulationibus est profectus. Gesta hæc in ætatem adultam, cum, invalescente ex rebus secundis fortunâ, Suevi ab Henrico sejuncti, sociam operam fœderatis navârunt.

HENRICUS
IN CAMPIS
BLECHFEL-
DENSIBUS
ACIE DEVIN-
CITUR A
WELFONE
BOICO.
LXXII.

Inde secuta Wirceburgi in Franconibus oppugnatio. Urbem tuebantur Wecilo Moguntinus Antistes, & Fridericus Henrici gener. Cum arctè premerentur, Henricus laborantibus, cum viginti armatorum millibus auxilia properavit, nihilque cunctatus, in campis Bleichfeldensibus 3. Id. Augusti aciem instruxit. Welfo, cui belli summa incumberebat, suos quoque in apertum produxit, & quò eos ad opis divinæ fiduciam erigeret, in principe ligni prætorij carpento, præliare vexillum coloris coccinei, triumphali crucis signo, visendum in medio agmine proponit: tum exercitum universum, ne excepto quidem equitatu, jubet genibus ad terram provolvi, vultuque ad crucem converso, DEUM in vota vocare, ut, qui moriens, omnes humanæ gentis hostes in cruce superâisset, triumphum eâ die donaret mox dimicaturis, adversus Christianæ charitatis inimicos. Post eam comprecationem tantus vindicandæ Numinis gloriæ omnium animos ardor incessit, ut primo statim congressu Henrici acies cum ingenti strage fuerit everfa. Siebertus numerat cæsum supra quatuor millia: alij funera notârunt sine numero, & Henrici phalanges divinitus exterritas. Ingentes complurium Episcoporum opes cum regis sarcinis venerunt in victorum manus & omnia signa militaria. Augustense Chronicon, in ornando Henrico supra verum effusum, habet, eum, mira fortitudinis exempla edidisse; sed Bertoldus oculatus testis, eum scribit inter primos, abjecto ornatu regio, è pugnâ profugisse. E fœderatis occubuisse quatuordecim, quindecim aliqui scripserunt, nec plures debilitatos. Victoriæ accessit Wirceburgi deditio. Fridericus cæterumque præsidium fugâ sibi tempestivè consuluerunt. Adalbero loci Episcopus, quem Henricus mitrâ exuerat, pristinis honoribus est restitutus; sed urbe, non longè post, ab hoste receptâ, rursus ejectus est in exilium, quod Weinsbergæ toleravit, ne, quod efflictum à Schismaticis poscebatur, se schismatis dedecore contaminaret. Henrico in Boicam reduci omnia occurrerunt adversa: clausæ civitatum portæ, alienati cives, abjecta imperij reverentia, omnia ad vim defendendam comparata. Coactus denique est pacisci discedendi libertatem, promisso, se Oppenheimij regni comitia de pace quamprimum habiturum, quæ tamen, pro animi sui levitate, bello intercepta. Ad istius pacti necessitatem à Welfone est adaectus, cum in arcis cujusdam obsidione deprehensus, de salute periclitaretur.

Siebert.
WIRCEBUR-
GUM WEL-
FONI DEDI-
TUM.
HENRICUS
A BOIIS DE-
SERTUS.

NATURÆ
PORTENTA.
CARTUSIÆ
INITIA.
Snr. 1. April.
c. 2.
Siebert.
Onufrins.
Baron.
Tribem.

Corvum, ajunt, hoc anno, quavis columbâ candidiorem, Augustæ visum, & aves domesticas, corte desertâ, in sylvas demigrasse, quæ vario omine accepta, multiplicem augurandi materiam conjectoribus dederunt. Haud paulò sanctiores sermones dedit Bruno, auctor Cartusienſis instituti, quem senis comitatum sodalibus, ad asperissimum Gratianopolitanæ solitudinis secessum & inhospita spelæa, divinus amor, adscito in eandem sortem Hugone Episcopo, abstraxit. Hunc annum, non autem octogesimum quartum, uti nonnullis visum est, sancto isti ordini dedisse originem testantur S. Hugonis acta, è quibus constat, eum anno M.LXXX. creatum Episcopum, post duos annos Cluniacum adiisse, ibique exegisse unum annum: deinde reversum Gratianopolim, triennio Episcopi munia obiisse, adeoque sexto anno ab inauguratione, Cartusiam cum Brunone, quod ex Breviario Romano planum est, petiisse.

Istud extra Boicam. Domi Atilense D. Benedicti cœnobium, quod Principum Diessensium munificentia excitaverat, & Fridericus, cognomenro Rochus, conditorum frater, exactis habitatoribus, & abreptis possessionibus, ad eam tenuitatem redegerat, ut ægrè tribus Monachis sufficeret, Engelbertus Halæ & Wasserburgi Dynasta è ruinis eduxit & locupletavit. Ne Lintburgum, arx gentilitia, Monasterio confinis, ascetarum quietem interpellaret, eam solo æquavit, & Wasserburgum migravit cum totâ familiâ.

Dum eâ liberalitate cœlum suos favores in viros rerum divinarum studiosos explicaret, non omisit tamen formidanda supplicia ab impijs exigere. Timo, idem ille, qui D. Altmanno in exilium, Henrici Regis iniquitate, ejecto, Pataviensem sedem invaserat, ad extremam vitæ lineam devolutus, Altmannum exulem in conspectu habuit, raptæ infulæ scelus exprobrantem, denuntiantemque paratam illi apud inferos pœnarum æternitatem. Miser, perinde atque si præsentem aspectabili specie intueretur, pallere, facinus excusare, rogare veniam, denique toto corpore cohorrescere, & dirum in modum agitari, obtestari amicos, qui aderant, ne suum funus, utpote profanum & execrabile, piorum Antistitum conditorio mandarent. Illi, quòd cum animo aberrante laborare crederent, nitebantur moribundum ad lætiora avocare. Verùm ipse tantò vehementiùs suos terrores ingeminans, & identidem vociferans, se perditum & addictum Orco, in eâ salutis desperatione infelicem animam exhalavit. Quo vindictæ exemplo complures è Schismaticis permoti, damnatis vitæ superioris erroribus, ad Romanæ Ecclesiæ concordiam redierunt, inter quos Wecilo Moguntinus, cujus conversionem è vetustis Moguntia tabulis deprædicat, post Trithemium, Serarius.

Nec verò etiam Henrico, tot sacrilegiorum patrono, sua pœna defuit. Is, anno præterito, cùm haud satis fideret suis viribus & Germanorum vacillantibus consilijs, adjecit animum ad externa auxilia Wratislai Bojæmorum Principis, cujus utilem operam aliàs fuerat expertus; utque haberet promptiorem, beneficio, quod Bojæmo diu fuerat in optatis, delinivit. Moguntiam accersito, Regis titulos contulit, & quòd id faceret plausibiliùs, in quatuor Archiepiscoporum & duodecim Episcoporum consensu, extinctum pridem Moravorum regnum revocavit in lucem, & Bojæmorum imperio adjecit unâ cum Silesiâ & Lusatia. Engelbertum deinde Trevirorum Archiepiscopum (erat is Henricianarum partium) Pragam misit, qui Wratislaum solenni ritu inungeret, & simul cum uxore regio diademate redimiret. Isthæc titulorum & ditionis incrementa fuere loco auctoramenti, ad arma Wratislai, adversus Saxones, Henrico jungenda. Verùm illi neutiquam ignari proximæ tempestatis, contracto undique exercitu, se ad defensionem maturè comparârunt. Wratislaus Henrico adduxit numerosas suppetias. Itum Octobri mense in Saxoniam, castra castris opposita: vario certatum Marte, qui demum Henrico tam fuit adversus, ut ex acie ipsi fuerit excedendum. Haud dubiè venisset in Saxonum manus, nisi cum Ecbertus Comes, Hermannus Regis æmulatione, per fraudem periculo exemisset. Inter Henrici infortunia numerari posset Berthæ Reginæ mors, nisi primum esset credere, illum conjugem, quam à primo conjugij exordio oderat, non illibenter amisisse. Diem obiit Moguntia, atque ibi tumultum nacta est, è quo postea, mariti voluntate, ad Spirense Regum conditorium translata est.

Eodem loci, Catholici Principes in generali colloquio, quod habuere Calendis Augusti, cum Henrico Rege, polliciti sunt, se ipsius causam, pro regno pacatè retinendo suscepturos quacunque possent ope, si ille Guiberto repudiato, animum ad recuperandam Ecclesiæ communionem, & impetrandam veniam anathematum, quibus erat obstrictus, seriò adijceret. Ad mentem potuisset revocari homo alioqui irarum pertinax, nisi Pseudoepiscoporum vota obstitissent. Id mali præ cæteris habent errata Principum, quod sæpe implexa sunt causis privatorum. Etenim adulterini Ecclesiarum usurpatores, rati, Guiberto exauctorato, malè partas dignitates, & sacerdotia simul ruitura, Henrico sic obfirmârunt,

Pars I.

R r r

verius

AN. CHRIST.
M. LXXX
VII.
ATILENSIS
MONASTERII
INSTAURA-
TIO.

LXX.
III.

TIMONIS
BATAVENSIS
HORRENDUS
FINIS.

WRATIS-
LAUS BOE-
MUS REGIO
TITULO DO-
NATUS.

L

XXIV.
Sigebert.
HENRICUS
A SAXONIB;
DENUO SU-
PERATUS.

CRESCIT
HENRICI
PERTINACIA

verius obcœcârunt mentem, ut negaret, se ullâ dirarum Pontificiarum religione teneri, obstinârîtque à Guiberto non desciscere. In eodem conventu Ladislaus Ungariæ Rex, per Legatos, Patribus addixit, se cum viginti equitum millibus rei Catholicæ subventurum, si id quidem illis è re communi futurum videretur. Recitata etiam sunt Victoris III. (qui demum Cardinalium auctoritate victus, anno superiore Pontificatum iniverat) litteræ, quibus Gregorij adversus Henricum ejusque partiaros sententiam, justam ratamque pronuntiabat.

AN. CHRIST.
M. LXXX
IIIX.

HERMAN-
NUS REX
EVILESCIT.

LXXV.
VARII SA-
XONUM AF-
FECTUS.

HERMAN-
NUS REGNUM
SPONTE AB-
DICAT.

Bertold.

OCCIDITUR.
*Marianus
Scorus.*

HENRICI
MARCHIO-
NIS SCA-
DENSIS DE-
FECTIO.

LXX
VI.

HENRICUS
AB ECBER-
TO OPPRES-
SUS, IN FUGA
AMITTIT
REGNI IN-
SIGNIA.
Dodechin.
COGITUR
AD PACTA
QUÆ VIOLA-
VIT.

Atque ista quidem rite sapienterque afferebantur ex urbe, veluti idoneæ rationes sanandi grande vulnus Germaniæ, sub Henrici imperio scissæ in exitiales factiones, nec erat apud bonos ambiguum, illo rerum potiente, plagam schismatis ægrè coalituram; sed aliud serpebat malum inter Principes Orthodoxos, qui evilescente Hermannii Regis autoritate, malè inter se cohærebant, & diversis affectibus distracti, publici curam habere cœperant in postremis. Saxonum plurimi iniquè ferebant hominis exteri mores & gubernationem: alij querebantur, rem communem ab eo geri oscitanter, quam ne ipsi quidem, quo par erat studio, sublevabant: alij ex Regis mutatione sæculum aureum somniabant, seque versabant in omnes partes ad modum febrientium, quibus in nullo situ bene est: non pauci, Henricum toties abominatum insigni levitate suspirabant. In isto animorum æstu atque dissidio, gliscebatur cupido Hermannum abdicandi, non per vim quidem, quæ sine perduellionis infamiâ tentari non poterat, sed subtrahendo sentim officiosa ornamenta dignitatis. Igitur illi, velut ex composito, Hermannum colere solito exilius, frigide & cum fastidio obsequi, aulæ solitudinem in dies augere, & non obscure testari latentem aversionem. Arduum nimis erat Hermannus, cujusvis despicientiæ insolenti, ferre istiusmodi mores: sed nec erat promptum, labescentem reverentiam, quæ regnantium tutrix est, erigere, multò difficilius efferatos mollire, vel invitos ad officium revocare. Durum nihilominus erat, ferre eorum supercilia, qui nuper ad Henricum non sine rebellione defecerant, ipsaque admissi facinoris impunitate, facti fuerant ad audendum acriores. Inde metus & suspicio: neque enim habenda fides illi, à quo sis turpiter deceptus; semel infidus, semper est suspectus, nunquam non odiosus: & verò acerbum est, illubentibus cum periculo imperare. Quare Hermannus, rebus privatim cum Henrico compositis, sponte regni curas abdicat, Saxones jubet res sibi suas habere, & Lotharingiam repetit civilibus discordijs fluctuantem, ubi, non multò post, dum in castelli cujuspiam oppugnatione periculo sese infert incautiùs, laxi fragmine deorsum misso protrititus, mortem opperijt. Metis honorificè sepultus, Othonem Palatinum Rineci Comitem filium hæredem reliquit, regni Germanici anno septimo.

Eo subinoto, pronius Ecberto fuit, suas spes altiùs extollere. Et erant in Saxonibus, quorum sibi gratiam conciliaverat, neque ambigebat, ceteræ gentis, ubi signa in Henricum extulisset, potissimam partem ad arma mox convolaturam. Quamvis enim Henricus, invitatus à Scadenfi Marchione, suæ nationis desertore, Saxoniam ingressus, pacis specie, sub adventûs sui iniria, nihil admodum turbatum daturus videretur, tamen iras sic in potestate non habuit, quin incitatus vetero odio, bellum ex causâ tenui quidem, sed quod graviora olim portenderet, vellet renovatum. Arcem, suis inimicam conatibus, obsidione cinxit ad majora (si fors ferret) porrò grassaturus. Id fuit Saxonibus pro classico. Cùm Duce carent, Ecbertum, amicis adnitentibus, producunt, copias subitatio delectu contrahunt, armant popularium centurias, ducunt in Regem, quem adventu repentino sic opprimunt, ut omisso castello elapsus, diadema ceteraque regni insignia in fuga amiserit, quæ omine fortunato venerunt in Ecberti potestatem. Henricus plenus dedecoris, cum fugitivis se non longè à Merseburgo recepit in collem utcumque munitum, in quo coronâ omni ex parte cinctus est, nec priùs efferre pedem permissus, quàm sanctè (si quis locus est in homine scdisfrago sanctitati) polliceretur, se pro viribus Romani Pontificis gratiam prensaturum, remissurum Schis-

mati

mati nuntium, pacem redditurum Ecclesie, & Germaniam tranquille habiturum. Verba fuerunt & doli. Ubi primum evasit, ut fera emissâ plagis, ilicò redijt ad ferociam, ostenditque Saxonibus, eos lupum auribus tenuisse, & talem, qui pilum quidem, sed genium non mutat, nisi in deterius.

Igitur ulturus injuriam, Ecberto insignem Marchie Orientalis clientelam abstulit, donavitque Henrico cuidam amicorum: tum instauratis copijs, Glicam, Ecberti arcem, naturâ & arte apprimè munitam, in Turingiâ, haud longè ab Erfordiâ, circumfedit mense Sextili. Ecbertus, quò illum inde abstraheret, Quentelburgum arcè obsedit, ratus, eum ad Praxedem (alijs Adelheidem) quam post Berthæ excessum duxerat, jussératque ejusce loci munimentis servari, mox accersurum. Sed ille nihil motus uxoris periculo (tantæ scilicet erat in suos charitatis) in obsidione Glicensi duravit usque ad Natalis Christiani ferias. In ejus pervigilio, quò in diem Dominicam inciderat, sole ad occasum properante, allatum per exploratores, Ecbertum ingenti stipatum multitudine, mox adfuturum. Cum dicto: *Ecbertus adfuit, expugnavit castra, quantumvis Henricus, ut in re subitâ, coactus ad vallum semiermes legiones, ad propugnationem incitaret.* Pugnatum in adultam noctem, Ecberto antesignano, animantèque suos, quos primo incurfu hostis à vallo depulerat. In eo conflictu, Burchardus Losannæ Episcopus, hastam gestans regiam, occubuit, permulti è clero obtriti. Henricus, ad familiare fugæ subsidium dilapsus, plurimos è suis cæsos, multos captivos, saucios sine numero, ingentem prædam in castris reliquit. Ecbertus nullum ejus insectandi, cædendique terga fugientium fecit finem, quousque noctis intempestæ caligo, & fugæ deperatio evadentium conspectum ademit. Viro, cæteroqui fortissimo, non fuit ejusce victoriæ fructus diuturnus. Etenim anno postero, ad Licham fluvium, in moletrinâ, ex insidijs, miserandum in modum, interemptus, exemplo fuit, quàm nullius prærij sint dona fortunæ insidiosè blandientis.

Sunt, qui Othonem Ratisbonensem Episcopum, contra datam nuper fidem, ad Henrici partes relapsum, in jam memoratâ pugnâ occubuisse, scribunt. Id tamen non constat evidenter, verum tamen est, cum sub id temporis censuris pontificijs innexum, oppetisse mortem. Defuncto Gebhardus IV. Comes Gorzenhaimius, vel, ut visum alijs, Hohenlœnsis, successus est. Monet nos hujusce Gebhardi nomen, ut ne silentio prætereamus magnum Boicæ lumen, Gebhardum Salisburgensem Archiepiscopum, quem veteres Admontensium chartæ referunt, anno superiore, terram cælo mutasse 17. Cal. Julij, & in Admontense Monasterium, quod ipse in Stiria crexerat, ut vivens optârat, fuisse translatum. Gurcensis Episcopatus illi suam debet originem in Carantanis. Tres arces egregiè munitas condidit, Juvavij unam, alteram Frisiaci in Carinthiâ, tertiam Werfæ, ubi sanctissimæ vitæ similem exitum est consecutus. Ob egregia in Ecclesiam Romanam merita, à Gregorio VII. adeptus est, ut tum ipse, tum successores Salisburgenses Archiepiscopi, sedis Apostolicæ Legati essent & dicerentur. Ab Henrico IV. nullâ prorsus vi, ne novennis quidem exilij ærumnis, quas partim in Saxoniâ, partim in Sueviâ, perpetuus rei Catholicæ defensor toleravit, potuit à constanti in Deum & Ecclesiam fide dimoveri. Dum extorris, varijs agitur casibus, Bertoldi, quem Henricus superinduxerat, scelere factum est, ut magna pars Ungariæ, à Salisburgensi jurisdictione, quæ olim suos fines ad Dravi & Savi confluentes porrigebat, avelleretur, damno, quod nunquam postea fuit reparatum. Gebhardus vir fuit major omni commendatione, & dignus, qui suo ævo famâque posthumâ religionis intaminatæ columna diceretur.

Sed neque prætermittenda est Wilhelmi Abbatis Hirsaugiensis, natione Boij, cujus paulò antè meminimus, nobilissima recordatio: quem etsi fasti veteres anno abhinc secundo Cælitibus assertum referunt, putavi tamen, Gebhardo, ob pietatis similitudinem, esse hoc loco sociandum. Fuit enim Wilhelmus perenne factionis Henricianæ flagellum, Hirsaugiensis cœnobij, cui magnâ cum sanctitatis laude præfuit, insuperabile propugnaculum atque tutela, quam vivus mortuûs-

GLICAM
OBSIDET.

FUGATUR.

*Vrspergen.**August.**Chron.**Dodechin.*CASTRIS
EXUITUR.*Addit. ad
Lambert.*ECBERTE
MORS.HENRICUS
RATISBO-
NENSIS
DIEM OBIT.

L

XXVII.

B. WILHELMUS
HIRSAUGIENSIS
ABBAS GENTE
BOIUS.
*Haymo Prior
Hirsaug.**Trithem. Ca-
rol, Stengel,*

*Bertold.*L.
XXIIX.

que ei loco non alijs armis impendit, quàm quæ de cœlo ardentibus precationum votis impetrabat. Earum subsidio Wernerum Argentoratensem Episcopum, qui cœnobij expilationi armatus imminerebat, velut fulmine tactum sic prostravit, ut prædo sacrilegus, inter ultimos cruciatus, impiam animam evomuerit, in ipso vestigio. Wilhelmus primum religiosarum virtutum tirocinium, puer admodum, Ratisbonæ in D. Emmerammi asceterio posuit, & præclare excultus, emissis votis, relatus est in Album religiosorum, inter quos combibit, quicquid ipsius ævo discen- tibus proponebatur laudabilis eruditionis. Ejus ætate Mathematicas discipli- nas nemo meliùs calluit. D. Benedicti institutum ejus operâ in Germaniâ restor-ruit: sanctimoniarum magistros multis monasterijs submisit, nominatim Schirensi & Brunfeningensi, è suis alumnis, quos cum ipso non haberet nisi quindecim, cum censu pertenui, non diu post, ultra centum quinquaginta liberaliter aluit: his ad- didit aliquando septuaginta exules Hafunganos, quos Schismatici, ob fidei con- stantiam, in exilium ejecerant. Præterea familiam auxit quadraginta fratribus, quibus rei domesticæ curam demandavit. Ad cæterorum differentiam, barbaram alebant, unde & acceperunt Barbatorum nomen. Eam multitudinem cum Hirs- saugienfes angustiarum non caperent, neque possent spatia, propter loci situm, laxari, novum idque amœnum domicilium, in vicino colle construxit, in quod bonam so- dalium partem transferret. Principum filij pro magno habuerunt, posse sub ejus manu severissimæ disciplinæ stipendia facere inter infima mediastinorum famu- litia. Deus insignem viri sanctitatem mirandis operibus, supra naturæ vires pa- tratis, illustravit: cibaria paucis suffectura, multorum hospitum prandio mirabili- ter adauxit: vinum in cupa, pecuniam in marsupio, multiplicavit: precatione pisces egit in retia: membra soluta paralyti, semimortua, distorta, suis usibus red- didit: arcana longèque à sensu remota vulgavit. Demum locuples meritorum, quarto Julij ad cœlum evolavit.

Sub hæc tempora, Othone Episcopo adhuc superstite, è Scotiâ Ratisbonam immigrârunt viri religione præstantes, quibus initio oratorium D. Petri, co- gnomento Consecrati, demandatum. Cum piorum largitionibus visitarent, paulatim ad commodiorem vivendi modum, Othonis Riettenbergici alio- rumque complurium donationibus emerferunt. Redeo nunc ad seriem narra- tionis.

AN. CHRIST.
M. LXXXIX.
Vissberg.
Chron. Au-
*gust.*AUGUSTA A
WELFONE
BOICO CA-
PTA, NUDA-
TA MOENI-
BUS.L.
XXIX.MATHILDIS
WELFONI
JUNIORI
NUPTA.
Bertold.
Domnizo.
Baron.
COLIT VIR-
GINITATEM.
Matth. 13.

Henrici cladem præcesserat infelix casus urbis Augustanæ. Cives sedi Ro- manæ refractarij Sigefridum, spurium Antistitem, mœnibus receptum, depulso Wigoldo justo Præsule, tuebantur. Welfo Dux Bojaræ, exulis, quem impensè fovebat, sortem miseratus, 2. Id. Aprilis, quo die Christi patientis memoria ageba- tur, explorato, mœnia segniter custodiri; nocte sublustri, ex improvise scalis admo- tis, civitatem invalit, direptamque, post ferias paschales, muro nudavit, & Wigoldo ad suam sedem reducto, Sigefridum in vinculis abduxit Ravensburgum, ubi bien- nium fuit in custodiâ, donec libertatem auro redemit.

Atque hic annus est, quo Mathildis Gotofredi Gibberis Ducis vidua, Bonifacij potentissimi Italiæ Marchionis filia, annuum agens ætatis quadragesimum tertium, cum Welfone juniore, suâsummi Pontificis, nuptias contraxit, silente apparatu, quo & sponsum cultu peregrino profectum in Italiâ excepit. Eam affinitatem conciliavit non prolis excitandæ cupiditas, sed desiderium Ecclesiæ adversus Schis- maticos defendendæ. Cum enim illa Gregorium & Victorem Pontifices suis opibus strenuè juvisset, Urbanum quoque anno superiore creatum, se defensuram, Henrico licet frendente, est professa. Quod ut faceret validiùs, Welfonem, eò quòd hujusce parentis arma Schismaticis essent terrori, speraretque, filium nihilo minora facturum, adscivit in maritum, servatura tamen, quam hætenus coluerat, virginitatem, & latura fructum triplicem à Christo propositum, Virginis, maritæ, & viduæ, quod Domnizo presbyter, qui viventi à sacris fuit, & anno sæculi se- quentis quinto decimo demortuæ parentavit 24. Julij, carmine non incito lau- davit.

Primus

Primus nuptiarum fructus fuit victoria de Henrico reportata. Hic metuens, ne Welfo quid novi in Italiâ moliretur, simul ut Urbano Pontifici bellum inferret, Lombardiam ingressus, obviam habuit Welfonem justo armatum exercitu, in campo Sobaria, ubi collatis signis, Henricus superatus, capti, Parmensis & Regiensis, Episcopi. Eo dedecore furens Henricus, collectis copiis reliquis, auctusque Italorum accessione, Transpadana populatus, arcibusque plerisque in suam potestatem redactis, Mantuam, post undecim mensium obsidionem, pridie Paschatis, non vi, sed fraude proditorum invasit, Welfone inter hæc Canussij munimentis protecto. Itali scriptores, gentis suæ studio, Mathildem isti bello præficiunt, sed quia publicæ tabulæ, hoc ipso anno datæ Mantuæ, & relatæ à Sigonio, Welfonis nomen præferunt, non est credibile, sceminam, marito domi sedente, arma induisse.

Dum res in eo sunt, Adalberto Episcopus Wirceburgensis, è stirpe Comitum Lambacensium, gravissimis pro Romanâ Ecclesiâ curis laboribusque perfunctus, in arce Weinspergeni ultimam ætatem finiit. In Lambacensium dynastijs numerabantur id temporis, Schardinga, nobile hodie in Boicâ secundâ oppidum, Neoburgum & Varnpachium ad Oeni profluentem, Welfa & Buttinum. Adalbero, Lambacum gentile castrum, quod Arnoldus parens in basilicam mutaverat, Monachis tradidit, inque eâ condi voluit suas exuvias. Genti Lambacensi suam quoque debet originem Varnbacense Monasterium, cœptum ab Himmeltrude sceminâ religiosissimâ, auctum postea & excultum ab Ecberto, qui Berengerum primum Abbatem, assentiente Udalrico Pataviensi Episcopo, Cœnobitis præfecit. Adalberonis monumentum Deus cælestibus prodigijs illustravit, quæ longum esset recensere.

Welfo senior, de filij nurusque rebus sollicitus, in Italiam profectus, pacis, inter eos & Henricum Regem, egit interpretem, sed nullo prorsus operæ pretio. Henricus enim, fortunæ utcunque arridentis inflatus aurâ, tametsi non abnuvit pacis mentionem, tamen ubi sensit oblatas condiciones esse ferè eas, quas dudum respuebat, omnem conciliationem est aspernatus. Poscebatur videlicet, ut, Guiberto in ordinem redactò, Urbanum Pontificem agnosceret coleretque: deinde, ut Welfoni pristinam dignitatem ditionesque redderet, & potestatem faceret Principatum ad filios transmittendi: quorum cum nullum impetrasset, vehementer offensus, non cessavit Henrico, quâ manu, quâ consilio, hostilia facere, quæ eduxisset in majus, nisi desertus à fœderatis, bellorum pertæsis, voto minora præstare coactus fuisset. Id effecit tamen, ut Henricum, interceptis itineribus, à colloquio, quod habere cum Ungariæ Rege decreverat, prohiberet, & in Italiâ retineret invitum.

Non sine Welfonis & piorum omnium mœrore, Deus Altmannum Pataviensem Episcopum hoc anno terris subduxit 7. Id Sextil. Ejus consilij publica salus magnam partem nitebatur. Fuit gente Saxo-Westphalus, ex illustri Putinensium, vel ut Hundio placuit, Wittinensium Principum familiâ. Puer usus est familiarî Gebhardi Salisburgensis & Adalberonis Wirceburgensis contubernio, cumque ijs accepit prima rudimenta pietatis, & spiritum, quò utrique per omnem vitam fuit arctissimè conjunctus. Sacerdotio initiatus, Agneti Augustæ primùm, deinde Henrico filio, à sanctioribus obsequijs fuit, adlectus in illustriora collegia Coloniz Agrippinæ & Aquisgrani. Invisit sacra Christi nascentis & patientis monimenta; unde domum rediens, comperit, se in Engelberti Pataviensis Episcopi sedem, Agnetis potissimum voto, esse postularum. Eum Pontificatum prosperis juxtà adversisque gnaviter exercitum, septem & viginti propè annos gessit, cum summâ bonorum approbatione & improborum odijs, quod inolitam improbitatem è collapsis Cleri moribus & Schismaticorum pertinacia conaretur stirpitus evellere: quo tempore complures sacerdotes, pravis imbuti cupiditatibus, priscam severitatem averfabantur: operosius est, lapsos in deterius ad frugem excitare, quàm ferere ex integro sanam disciplinam. Altmanno sua diligentia & pietas exilium,

HENRICUS
A WELFONE
JUNIOR
VINCITUR.
VASTAT
TRANSPADANA.
DOMINUS.
MANTUAM
OCCUPAT.
AN. CHRISTI
M. XC.
ADALBERTO
WIRCEBURGENSIS
MORTUUS.

LXXX

AN. CHRISTI
M. XCI.
WELFO SENIOR
PACIS
SEQUESTREM
AGIT
FRUSTRA.

B. ALTMANNI
OBITU.

Rader, vol. 3.

RES AB EG-
GESTÆ.

L
XXXI.

variâsque ærumnas peperit, quæ apud probos incitamenta sunt solidarum virtutum, apud improbos scopuli & occasiones naufragiorum. Exul Romam adiens, Pontificatum abdicavit, causatus, se illum Augustâ adnitente, & non eâ, quâ conveniebat, suffragiorum libertate esse indeptum. Gregorius Pontifex, candidam viri bonitatem demiratus, in Patrum purpuratorum consessu, eum jussit mitram, jure quo optimo, retinere, & in Germaniam, cum legati Pontificij dignitate reverti. Reversus, secessit in Maurerense Austriæ oppidum, ubi ad cæteras laudes adjecit titulum patris pauperum, quando sub annum hujus sæculi LXXXIII. per Germaniam fames, & ultima miserorum inedia ejus fortunas exhaustit, sed non exhaustit

D. NICOLAI
MONASTE-
RIUM CON-
DIDIT, ET

GOTTWI-
CENSE.

MORTUUS
REFORMAT
GOTTWI-
CENSES.

QUI D. BE-
NEDICTI
REGULAM
SUSCEPE-
RUNT.

MIRA QUO-
RUNDAM
SECULARI-
UM RELIGIO.

AN. CHRIST.
M. XCII.

L
XXXII.
FELIX EX-
CESSUS HE-
LISÆ CO-
MITIS.

charitatem. Ipsius opus est Monasterium, quod ad D. Nicolai honorem Passavia adjunxit. Raitenbuchensis condendi author Welfoni fuit, & utrumque voluit excoli D. Augustini disciplinâ, datis ad hoc colonis magistris sanctitatis. Proscriptâ novitiorum malorum corruptelâ, sacrorum hominum contrubernia ad veterem legum institutorumque nitelam reduxit. In his S. Hippolyti & Floriani. Talia cum vivus insigni sanctitate fecisset, ne mortuus quidem desijt prodigiôsâ efficacitate curare. Gotwicense cœnobium ejus liberalitate à fundamentis educit, & legibus optimis ad normam Canonicorum Regularium exactè formatum, moriens pulcherrimâ virtutum amœnitate florens reliquit. Sed, quod in rebus humanis primum est fieri, sublatâ ex oculis ejus censurâ, & inspectionis accuratione, languescens sensim collegarum ardor descivit ad peregrinos usus: unde mores illaudabiles, quos Altmannus nequaquam tolerâset. Non deseruit tamen sanctus vir suos alumnos. Joannem quendam natione Scotum, hominem rarâ probitate, quem olim casâ templo attiguâ receperat, voce aliâs bene notâ monuit, everteret olidum stabulum, & suo monti nitorem redderet. Joannes, haud insuetus cœlestium arcanorum, intellexit vim & jussa oraculi, & sine morâ cœnobitis retulit, Altmannum offendi putenti vitiorum oleto, quod ex pristinae disciplinæ neglectu, & fœda moris alieni peregrinitate, in sacrum religionis domicilium confu-xisset. Id necessario esse evertendum, nisi Deum vindicem vellent experiri. Valuit ea denunciatio, ut homines, nondum omnino mali, se respicerent: sed (ut fit in usu jam radicato) difficultas evellendi pullulantes pauloque altius defixas vitiorum fibras, minis generosos eò desperationis impulit, ut cogitarent de statione deferenda, & dando locum melioribus. Obstitit Joannes inconsultæ deliberationi, persuasitque, mallent sese credere D. Benedicti instituto, & magnis animis eniti ad vitæ sanctioris absolutionem. Quare accitus è D. Blasij asceterio Har-mannus, cum novis legibus, novos mores Gotvicum importavit. Altmannus, eâ conversione placatus, solito crebrioribus miraculis suum conditorium illustravit. Atque ea quidem fuere tempora, à quibus si divisi regni & sacerdotij infelicitas abfuisset, haud faciliè recenseri possent anni pietate fœcundiores. Nam innumera, non cælibum modò, sed etiam conjugatorum multitudo, tum in urbibus, tum in agris, in certas leges sponte sociata, sub Clericorum & Monachorum ductu sanctitatem sic coluerunt, ut Ecclesiæ nascentis primordia in lucem revocasse viderentur. Quam vivendi rationem, Urbanus Pontifex, luculento diplomate insigniter laudavit, & contra maledicorum obloquia Apostolicâ authoritate firmavit.

In eam classem referas licet Helisæam Udescalci Comitiss uxorem, illius videlicet, qui Seidenstettense Monasterium in Stiria fundavit. Illa ex B. Herluç Virginis doctrinâ & exemplis, cum magnos fecisset in pietate progressus, talem est consecuta finem, qualem vita magnis acta virtutibus promeruerat. Cum enim esset è terris migratura, animo præsentissimo viribusque integris animum erexit ad rerum cœlestium contemplationem, brachiisque in crucis formam expansis, suaviter cum DEO, cui se totam devoverat, est collocuta, quousque spiritum innocentem posuit in sanctissimo ejus complexu. Cum eâ specie non extincta, sed vivens spiransque à domesticis crederetur, rati, eam in Numinis meditationem esse abreptam, diu non sunt ausi interpellare, donec tandem beatissimè sopitam animad-

animadverterunt. Atque hæc ipsa Helisæa est, quæ Udalticum gente Tirolensem, Altmanni successorem, est enixa, virum præcellentem, cui B. Thiermo Salisburgensis & Gebhardus Constantiensis (cujus arbitrio Urbanus Pontifex omnia sacrorum jura & Episcoporum ordinationes per Germaniam commiserat) Wormatiensis item Episcopus, augurales manus imposuerunt. Tales viros ista tulit ætas, quales Ecclesia Henrici iniquitate vexata requirebat. Tamen enim tantisper, cis nostras alpes, aliquâ respiratione fruebatur, firmandæ tamen erant Orthodoxorum mentes, adversus Schismaticorum dolos, qui continuò plures in suam nassam trahere nitebantur, dum Henricus Welfonem & Mathildem in Lombardiâ bello fatigaret.

Is, post ætâam hiemem, trajecto Pado, motis in agrum Mutinensem castris, arces aliquot, quas Welfo in Mathildis ditione recuperaverat, rursus invasit. Montem-bellum per totam æstatem obledit.

Medio tempore, Guibertus Papa spurius, per Heribertum Regij Episcopum aliòsque Legatos, egit in Carpineto de Longobardica pacificatione, & rem eò adduxit, ut, tractatoribus inductis in fraudem, pax videretur conventura, quæ & convenisset, nisi quidam Eremita incola, Welfone spem in Deo habere jussu, id consilij disjecisset. Quâ re Henricus efferatus, mox obsidium Carpineto admovit. In hujus oppugnatione unus ex ejus filijs oppressus. Parens mœstus eâ jacturâ, solvit obsidionem, quam ad vim Canussio inferendam traduxit, ubi præfidiariorum eruptione malè acceptus, multis suorum desideratis, ignominia plenus se recepit trans Padum, adversa Welfonis & Mathildis studia deinceps experturus, dum novam conatur formare factionem, quæ eum denique oppressit.

Ei conflandæ, super veteres causas, nova orta est ex nefando Henrici scelere, quod castæ aures merito exhorrescant. Ille Praxedem uxorem, Principem innocentissimam aversatus, ad graves ærumnas, quibus miseram atrociter exagibat, adjecit turpissimam captivitatem, &, ne quid decisset probri, repugnantis pudicitiam nefariæ spurcissimorum hominum libidini prostituit, nec dubitavit bipedum flagitiosissimus, qui jam aliàs suam sororem, injectis in reluctantis brachia manibus, ad stuprum unius è Palatinis scelestissimè subegerat; Conradum filium ad Novercam incestandam provocare, & detestantem infame scelus, paratûmque quidvis perpeti fortiter, quàm patrare turpiter, ultimis contumelijs incessere. Eò progressus est impudentiæ, ut negaret, se filij tam degeneris esse patrem: neque enim sibi nasci potuisse sobolem, nisi gnaviter impudentem. Aliunde satis constare, matris adulterio, cum Suevo quodam Principe, esse genitum, verèque supposititium: hoc testari os, frontem, totûmque corporis formam atque lineamenta, quæ genuinam adulteri speciem ad vivum referrent. Neque hoc probro, quod nemo ingenuus toleraret, contentus, castum juvenem carceri mancipavit. Quid in ista contumeliarum atrocitate Conrado animi fuerit, haud difficile est æstimare. Vocabantur in dubium natales, quasi non satis esset ignominiosum adolescenti regio, natum esse ex fœdissimâ belluâ, quæ omnem adulteri turpitudinem, & lenocinio & innumeris alijs flagitijs superaret. Quid pròderat infami Rege esse natum, si ne quidem licebat esse liberum, nisi cum innocentia irreparabili jacturâ? Id modò calamitoso filio supererat, ut foret victima paternæ crudelitati: patri auso aliud omne dedecus, hoc esse reliquum, ut manus impias filij parricidio imbueret.

Talia secum reputanti, data est evadendi opportunitas: simul Regina miro modo custodiæ crepta est: ambo confugere ad Welfonem. Mathildis Praxedem Reginam deduxit ad Urbanum Pontificem, apud quem tantam movit sui commiserationem ex calamitatum, quas erat perpessa, lamentatione, ut Cardinalium Senatus ipsæque Pontifex crediderint esse causarum affatim, cur inaudita crudelis mariti favities atque turpitudine novo anathemate feriretur, Regina verò fieret potestas, ab immani monstro divertendi in contubernium Sanctimonialium: quam obrem in Russiam, quæ ipsi patria fuit, est reversa. Istam quidem Henrici infamiam

*Paul. Bernardus
ried in vita
Gregor. VII.*

HENRICUS
TURBAT
PARTES
TRANSPADANAS.

LXXX
III.

GUIBERTUS
PSEUDOPAPA
FRAUDULENTER
PACEM AFFECTAT.

HENRICUS
AD CARPINETUM
FILII AMITTIT.
AD CANUSSIIUM
CÆDITUR.

AN. CHRIST.
MXCIII.

EIUS PROPU
DIOSISSIMAE
IN CONIUGEM
MOLITIONES.

FOEDITAS
IN SOROREM.

Chron. Spiranf. Lehman.
pag. 430.

CONRADUM
FILIIUM NE
FARIE AD
INFAMEM
INCESTUM
CONATUR
IMPELLERE.

Beribald.
PRAXEDES
REGINA ET
CONRADUS
E CARCERIBUS
EVADUNT.

*Dodechin.
Alb. Staden.*

LXXX
IV.*Bertold.**an. 1094.**& 1095.*NOVA GER-
MANORUM
IN HENRI-
CUM CON-
SPIRATIO.*Dedechin.**Annal. Au-**gust.**Sigon.*CONRADUS
REX ITALIÆ.

AUGUSTÆ

PUGNA TU-
MULTUARIA.IRÆ DIVINÆ
OSTENTA.LXXX
V.ANIMORUM
IN MELIUS
CONVERSIO-
NES.GISELÆ
UNGARICÆ
ET JUDITHÆ

BOICÆ

OBITUS.

AN. CHRIST.

MXCIV.

GISELÆ S.

HENRICI

SORORIS

OBITUS.

JUDITHÆ

WELFONIS

SENIORIS

CONIUGIS

MORS.

miam conati sunt obnubere pietatis hostes, sed quâ fronte, ipsi viderint. Certè Bertoldus Constantiensis, qui oculatus penè testis observavit, eam non lippis modò atque tonsoribus fuisse notam, sed etiam in Synodis Constantiæ & Placentiæ declamatam. Henricus ex filij & Reginæ fugâ merûque malorum, quæ inde nascitura ominabatur, tantum hausit mœtorem, ut se publico subduxerit, & fuerit ægrè prohibitus à domesticis, quò minùs violentas sibi manus adferret.

Subinde Germaniæ Principes, quos non adflaverat Schismatis contagio, tantorum criminum indignitate permoti, novum fœdus, in Ulmenſi conventu, in biennium inierunt, authore Gebhardo Constantienſi Episcopo, & Bertoldo Zaringio ejus fratre, principe conspirationis, ad quam uterque Welfo, parens ac filius accesserunt. Conradus ab Henrico profugus, restitutus ab Urbano piorum societati, à Mediolanensibus, Cremonensibus, Laudis Pompeij, aliisque nonnullis Insubriæ civitatibus, ad Longobardici imperij solium est evectus, Anselmo Archiepiscopo Mediolanensii ritibus auguralibus operante, non sine Romani Pontificis approbatione. Regnum gessit tantâ moderatione per novennium, ut cum populi ferrent in oculis. Amicorum consilio, tametsi à re uxoriâ abhorreret, Rogerij Siciliæ Reguli filiam, vixdum nubilem, duxit. Quâ fuit modestiâ & in patrem reverentiâ atque charitate, immemor injuriarum, quibus erat affectus, cum solebat Domini titulo honorare, & ægrè ferebat, si quem audiret ejus famæ obtrectantem.

Hoc anno pugnatum Augustæ in arçâ D. Virginis basilicæ attiguâ. Bojos fugatos referunt Augustani Annales. Credibilius est, fuisse tumultuatum à civibus, quorum pars sanior, veri Pontificis, pars Henrici causam tuebatur. Non negârim tamen, Bojarios aliquos, à Catholicis accitos, manus commodâsse melioribus; sed cum neque ductoris nomen, neque vel umbra publicæ authoritatis à Scriptore, Catholicis iniquo, prodatur, vero propius est, cum confictum justam belli speciem non habuisse.

Saxoniam pestilens mortalitas & fames afflixit vehementer. Eam ante biennium præcesserunt terrores ex prodigiorum ostentis: sanguinem & carnem alicubi stillavit cœlum, alibi bufonibus & piscibus pluit, panes sanguineis aspersi guttis apparuerunt. Locustarum nubes grassatæ totis regionibus, tam densis agminibus, ut solem oculis eriperent, arroderent, per aliquot passuum millia, omnem agrorum spem, ubicunque ad pastum se demittebant: ventorum horridæ tempestates, & aquarum eluviones irato cœlo effusæ. Nimirum hoc divinitus agebatur, ut absterrentur mortales à voluptatum fœditate, missa facerent odia mutua, arrogantes fastus, ludorum jocorûque lasciviam, & perniciosas peccatorum officinas. Complures tot plagis castigati, certatim ambierunt idoneorum sacerdotum tribunalia, ad peccatorum expiationem: non pauci è Schismaticorum pedicis, Guiberto damnato, ad Ecclesiæ Romanæ libertatem, mortis metu, cum verâ viræ retroactæ pœnitundine evaserunt. Formidinem, immensum quantum, exaggerabat aëris venenata lues, quâ homines innumeri sunt extincti. Fuit verò sapientum virorum sententia, Deum scelera plectendo, longè plûs, quàm parcendo, id temporis profuisse.

Fato mitiore è vivis abiit Gisela Stephani Ungariæ Regis conjunx, S. Henrici Imperatoris soror, Passavij in Nidernburgensi parthenone, centenariâ haud paulò major, quod ex temporum calculo non obscure colligitur. Post se reliquit secundissimam vitæ innocenter actæ famam. Juditha quoque Welfonis Senioris uxor, 4. Non. Martias addita est Principum funeribus. Justa ipsi magnifico apparatu perſoluta in Weingartensi Monasterio, Gebhardo Constantienſi Pontifice faciente ad aram. Welfo maritus omnem illius supellectilem auream, argenteam, unâ cum mundo muliebri, aris exornandis donavit, & præterea cœnobij proven-tus centum prædiorum latifundijs fecit locupletiores.

Inter hæc, Henrici Cæsaris obsoleſcebat authoritas, & quod amat fieri, in homine turpissimo evileſcebant insignia, quæ perinde habent in corruptis moribus,

bus, atque ornamenta in luto. Majoribus indies premebatur Germanorum odijs: res illi in Italiâ adversæ, unde & augeſcebat raritas amicorum, qui fortunam potiùs, quàm amicitiam conſectantur. In Germaniâ metus ex hostibus fœderatis, & decreſcens clientum numerus, ſpes tamen aliqua erigendi labans imperium auxilio partiariorum. Quæ cauſa fuit Germaniæ revilendæ, quantumvis infeſtæ, vel minùs, quàm antè, iplius ſtudioſæ. Enimvero præſentium temporum quietem cum turbis præteritis componentibus, ex ejus præſentiâ nihil occurrebat, niſi triſte & calamitoſum, cùm tamen per ejus abſentiam minus malorum eſſent perpeſſi. Nam reſloruerant pacis bona, moderatione fœderatorum, qui jus ſanctè dicebant populis, leges exercebant in facinorofos, onera publica æquabili levamento, ſeveritatem lenitate, temperabant. Et verò beneficijs cuſtoditur imperium, perditur maleficijs: ori dulcedine pelliciuntur ſubjectorum animi, qui novis aucti bonis, tuta & præſentia, quàm vetera & periculofa malunt. Quas ad res multum attulerunt emolumenti Gebhardus Conſtantiensis Præſul, eiufdem germanus Bertoldus, princeps fœderis, & Welfo Senior Dux Bojariæ, conſpirantibus Suevis, Alſatis, Saxonibus, & Franciâ Orientali. Jam in morem erat inductum, ut nemo impune peccaret, haud facile quiſquam detrectaret imperia, pauci deſſent obſequio, latrocinia ceſſarent & prædonum injuriæ, tutò commercia miſcerentur, revivifcerent ſtudia pietatis & concordiæ, nulli ſacrorum hominum liceret eſſe mulieſo, aut ſacerdotia nundinari. Quòd ſi quiſpiam ſecus egiſſe deprehendebatur, lege per Gebhardum Apoſtolice ſedis Legatum lata, populus ab eorum ſacrificijs pijsque miniſterijs arcebatur.

Eam bonæ frugis amœnitatem (ita habent res humanæ) parùm abſuit, quin vehementer affligeret factum Welfonis utriuſque; ita nihil tam ſanctum, quod tubinde non pateat erroribus, nihil adeò firmum cautumve, quod non concutiat calibus & lapſu improvidæ cupiditatis. Welfo cum Mathilde fecerat divorcium: cauſam litteræ, quas viderim, non produnt. Vero propius eſt, quòd, cùm citra thori uſum hætenus conjugium ſteſſet, & Mathildis quærendæ ſobolis ſtudium averſaretur, Welfo id genus conſortij pertæſus, eam ſibi res ſuas habere juſſerit. Welfo pater iſto diſſidio vehementer offeſus, eò maximè, quòd filium videret depulſum ſpe ingentis opulentiæ, quam ex nobiliſſimâ juxtaque potentiſſimâ affinitate quæſiturus credebatur, ilicò in Italiam advolat, & magno molimine diſſidentes componere contendit, aut impetrare ſaltem, ne Mathildis clientelæ, ſi quid iplî humanitus contingeret, à marito divellerentur. Cùm neutrum ſucceſſiſſet, viam longè periculoſiſſimam aggreſſus, pertinaces reſarciendæ conjunctionis curas, ad captanda Henrici Cæſaris auxilia convertit, ſusque deque habens animi famæque labem, quam ex ejusmodi defectionis turpitudine eſſet contracturus. Neque enim prudenter ſperari poterat, Henricum, qui nulli bono unquam bene fecerat, quicquam allaturum opis, niſi uterque Welfo, ad regias partes, Urbano deſerto, deſciſceret, quo probroſius nihil evenire poterat Principibus, præ quàm ulli alijs, in colenda & tuenda Romanæ ſedis authoritate ad eam diem conſtantibus. Attamen (tam parùm videt turbata mens) uterque non dubitavit, Henrici gratiam preſlare, de eâ publicè inferre mentionem, atque in eam rem multa agendo & moliendo conari: verùm, quæ fuit Numinis benignitas, homini ad lapſum prono miſericordem manum ſupponentis, res tantisper ſtetit inter conatum & imprudentem meditationem. Lux, diſcuſſâ malorum affectuum caligine, ſuborta, iratis oſtendit, neminem, niſi cæcum & proſtigatæ pietatis ita ſui debere obliviſci, ut religioni anteponat ſpes incertiſſimas, opemque hominis perditum nihil niſi ad exitium profuturam, in quem cum perfidiâ, omnium vitiorum colluvies inundarat.

Urbanus Pontifex, deinceps ad rei Chriſtianæ curas liberior, totus ad caſtiganda mali moris exempla, quæ per temporis iniquitatem irreperant, incubuit. Simul adjecit animum ad terram, quæ Deum naſcentem morientemque excepit, Saracenorum tyrannide liberandam. Id cepit conſij, hæc occaſione. Petrus

Pars I

Sss

qui-

LXXX
VI.

WELFO IUNIOR A MATHILDE DIVERTIT

UTERQUE
WELFO
CAPTAT
HENRICI
AMICITIAM.

LXXX
VII.

URBANUS
PONTIF.
CRUCEM IU-
BET PRÆDI-
CARL.

Albert. A.
quens. lib. 1.
Vrsbergen.

GODEFRIDI
BULLIONII
IN TERRAM
SANCTAM
EXPEDITIO.

ALIUD
AGMEN HO-
MINUM SCR-
LESTORUM
JUDÆOS
PERSEQUEN-
TIUM.

AN. CHRIST.
M. XCV.
CONVENTUS
PLACENTI-
NUS.

LXXX
IIX.

Demuzo.
ACTA CON-
CILII.

Sigebert.
Bertold.
Malmesburi-
en. lib. 4. c. 2.
CONCILIIUM
CLAROMON-
TANUM.
INGENS CRU-
CE SIGNA-
TORUM
MULTITUDO.

quidam natione Gallus, vitæ instituto eremi incola, à sanctissimo Christi sepulchro reversus cum litteris Simonis Patriarchæ Jerosolymitani, intolerabiles injurias Christianorum, quibus à Saracenis affliciebantur in Palæstinam commeantes, recensuit, togavitque rebus afflictissimis auxilium. Urbanus & litterarum fide, & Petri lamentis excitatus, statuit, collectis undique viribus, Saracenorum immanitatem coercere. Minus poterat à Germanis & Italis suppetiarum expectari, quòd domesticis implexi dissensionibus, impares essent bello externo. E Franciâ, unde Urbanus erat oriundus, spes potissima. Ut bellicosissimam nationem ad sacram expeditionem incitaret, comitia Claromontem indixit. Medio tempore Petrus, belli suator, Godefridum Bullionium, Principem omni commendatione majorem, in terram sanctam prægressus, secum traxit ad quindecim armatorum millia è Boijs & Alemannis, qui egregiæ fortitudinis exempla locis aliquot, præsertim in Bulgaria finibus ediderunt. In Maroz fluminis trajectu, cum multi identidem telis hostium figerentur, septenis in eos ratibus transvecti, totidem naves depre- serunt, cæsisque latrunculis suum sunt iter intrepidè profecuti. Fuit præterea ex infimâ plebe informe agmen sub Emichonis Dynastæ Liningensis auspicijs, insolens disciplinæ militaris, & projectum ad omne facinus, insuetumque parere du- ctorum imperijs. Hi propter improbitatem ab Ungaris loco hostium habiti, & alibi passim inauspicato Marte perierunt, nullâ re magis memorabiles, quàm illau- datâ Judæorum cæde, si quos erant nacti Christiana Sacra averfantes: rati sibi jus fasque esse, tales occidione delere, servare alios, qui se sacro fonte ablui pariebantur: tanta erat imperitæ multitudinis ignorantia.

Urbanus, Româ Gallicam profectionem aggressus, ex itinere, à Mathilde Canussij magnificè acceptus, movit Placentiam, acturus, ad verni jejunijs me- dium, genetalem conventum Episcoporum Italiæ, Germaniæ, & Galliarum, cui in- terfuisse comperio è nostratibus Thiemonem Salisburgensem, Udalricum Bata- vensem, & Gebhardum Constantiensem, quorum virtuti datum est, ut Arnolfum Mediolanensem Archiepiscopum consecrarent. Bertoldus, qui præsens specta- vit, affirmat, eò confluisse quatuor ferè millia Clericorum, laicos supra triginta millia: quam multitudinem, cum nulla basilica, vel area in urbe caperet, migran- dum fuisse in campum apertum, ubi sub dio, Patres de summâ Reipublicæ senatum habuerunt. Præcipuum deliberationis caput attulere Alexij Imperatoris Con- stantinopolitani oratores, poscentes auxilium contra vim paganorum, qui ad ipsas urbis portas excurrabant. Renovata sunt piorum Pontificum decreta, adversus sacerdotiorum nundinationes, & sacrilegam Clericorum incontinentiam: diræ in Guibertum ejusque asseclas, tædis accensis, repetitæ. Urbano dehinc Cremonam accedenti, Conradus Italiæ Rex, honoris causâ occurrens, Pontificis equitan- tis lateri pedester succedens, stipatoris honorarij munere functus est, ritu olim re- cepto, & fide juratâ pollicitus Ecclesiæ Romanæ tutelam & perpetuam Aposto- licæ sedis observantiam: vicissim est consecutus, ut Urbanus, tantam in magno Rege modestiam demiratus, palàm, audiente multitudine, illi addiderit Romanos fasces & imperij supremos honores.

Inde Claromontem progressus, ad 14. Calend. Decembris Concilio dedit ini- tium. Interfuere quatuordecim Archiepiscopi, cum singularum Provinciarum præsulibus. Decreta Placentina magno consensu probata. Philippus Galliz Rex, ejusque pellex Bertrada, quam justæ uxori superinduxerat, mori è piorum cœ- tu. Potissima causa cogendi Concilij fuit expeditio in terram sanctam, quæ à Gre- gorio VII. tentata sæpius, per Schismaticorum turbas fuerat intercepta. Quo de argumento Urbanus frequentissimo Senatu, bis, ter, peroravit eo mentis ardo- re, ut in auditoribus miros excitârit motus & desideria, sanguinem, pro vindican- do Numinis honore, profundendi. Tanta fuit eorum, qui sacre militiæ nomina dedere, multitudo, ut permulti fuerint expungendi, quorum ætas visa minùs habilis castrorum labori, cæterisque belli molestijs. Trecenta millia sub signis fuisse veteres chartæ meminerunt. Germania distracta in factio- nes,

nes, & odia civilia, cæterarum nationum studio non respondit. Boica tamen duos dedit Principes Othonem, & Eccardum, quem Peronatum, à peronibus (calceamenti genus est) dixerunt, & Schirensium gentilitijs insignibus Peronem addiderunt, ob recuperatum ejus operâ gloriosum Domini sepulchrum. Ille res magnas in Oriente gessit. Patriam repetens, in Cipro obiit: adeò credibile non est, quod Brunnerus asserit, Germaniam sacræ militiæ nullum dedisse ducem. Dicere forsitan voluit, Duces & gregarios præ quàm alias nationes dedisse pauciores. Militare stipendium fuit, noxarum indulgentia, possessionum immunitas, quamdiu sacræ militiæ causâ domo abessent: tessera, crux rubea dextræ scapulæ attexta. Ad conciliandos Cœlitum favores, inductus in morem communem, usus recitandi Officium (ut vocant) Deiparæ Virginis, tametsi ejus recitatio jam erat apud quosdam recepta, & nominatim quidem apud Monachos Cartusienses, & alumnos Petri Damiani.

Hæc dum pro amplificandâ Servatoris nostri gloriâ gererentur, Guibertus Româ potitus, supremam religionis sedem, nefarijs molitionibus, temerare nitebatur. Quamobrem Urbanus, redux è Franciâ, cum urbis mœnibus per vim excluderetur, usus sacræ militiæ auxilijs, Guiberto in Adriani molem rejecto, Lateranum occupavit. Quod anni fuit reliquum, in conficiendo adversus Saracenos apparatu consumptum est, tantâ hominum frequentiâ, ut agri, villæ, oppida, populosæ civitates, viderentur in solitudinem redigendæ. Eodem tempore Hermannus Comes Witelspacensis, coemptum ab Udalrico fratre Augustanum Episcopatum invasit, & à Ruthardo, Archiepiscopo Moguntino in fraudem inducto, consecratus, sic gessit, ut cleri tyrannus, pauperum oppressor, prædo sacrarum opum, divini cultus proditor, aliorumq; scelerum reus palam audiret, cum tantâ infamiâ, ut tres eum Romani Pontifices, Palchalis, Gelasius & Callistus exauctoratum loco moverint, sublatâ omni spe infulam recuperandi. Sacerdotia perpetram occupata sunt instar auri Tolosani: quia sacrilegio possidentur, administrantur impiè, & cum dedecore perduntur.

Eadem tempestate, Hermannus, domûs illustrissimæ nomen probrosè contaminanti, Deus objecit viri ignobilis non ignobilem sanctitatem. Fuit is Engelmarus gente Bojus, sanguine, agricolationis usu & educatione, perobscurus. Ipse studio rerum cœlestium se Gregorio Armenio Pontifici, in Boicâ exulanti, viro celebri sanctimoniâ, aratro omnibusque facultatibus amore Christi relictis, tradidit excolendum. Multum reliquit, qui nihil retinuit, seque ipsum totum alieno arbitrio permisit. Gregorio rebus humanis anno M. XCIII. 9. Cal. Octob. exempto, Engelmarus cum uno socio, vitam ab hominum convictu remotam aggressus est, haud longè à Passavio, ubi, quæsitis manuum labore vitæ subsidijs, tenuissimè victitans, jejunijs, vigilijs, & orationibus addictus, erumpente in vulgus virtutum famâ, invitus licèt, magnum apud confines nomen & gratiam adeptus est. Quæ res accendit socij invidiam, indignantis, se viliore loco haberi, neque posse ex suâ obscuritate emergere, quousque Engelmarus suis luminibus obstrueret. Ergo dies noctesque versare animo, quâ arte virum sanctum obscuraret, pallere odio, omnes tentare modos superandi sodalis laudes, vel saltem æquandi; denique cum omnis conatus abiret in ventos, apud se statuere, fieri ex fratre, parricida. Quare 7. Id. Januarij, Cain redivivus, justum Abelem, nihil tale metuentem, remotis arbitris, trucidat, & extincti corpus ruderibus & nive obruit, ratus, tam triste scelus, posse sub tali tumulto mortalium oculos latere. Et latuit quidem, donec solutis nivibus repertum est casu, an Dei ductu, à sacerdote, qui cadaver, pro facultate, honestiore loco composuit. Cum tumulus mirâ cœlestium odorum fragrantia, & accensis prodigiosè luminibus illustraretur, Engelmarus venit in vicinorum notitiam & neutiquam vulgarem venerationem. Demum, populorum consensione, demortuo habiti honores, quales solent martyribus, templum extructum, in quod illatæ exuviae, mōsque inductus, ut, quâ hebdomadâ sancti Spiritus Apostolis illapsi memoria recolitur, prioris sepulchri locus magnâ populo

Duo SCHIRENSES PRINCIPES, INTERFUERUNT SACRO RELIGIO.
Andr. Presbyter. Gerold. generat. 12. pag. 49. Koln. p. 11.
 RECITATIO OFFICII B. VIRGINIS.
Petr. Damian. Ep. ad fratres Eremi. Vita S. Brunon. c. 21. 22. April. apud. Sur. 6. Octob. AN. CHRIST. M. XCVI. LXXXIX.
 IX.
 URBANUS PONTIF. ROMAN. REDIT. UDALRICUS WITTELPACHIIUS SIMONIACUS.
Valsale apud Canis. to. 2. pag. 216. n. 17. Hund. Brusch.
 ENGELMARI BOII AGRICOLÆ VITA.
Relatio de orig. Monasterij Windberg. to. 6. Canis. pag. 402.
 MORS IMMANITER ILLATA.

AN. CHRIST. M. XCVII. XC. pulorum frequentia celebraretur. Impius innocentis viri percussor profugus atque vagus, vitam miserrimam, suimet tortor, conscientia accusante & cælo vindice, exegit.

NORTMAN-
NI ITALICI
URBANO FI-
DI ET OB-
SEQUENTES.
GUIBERTUS
ROMA PUL-
SUS.

Vrffergem.
HENRICUS
REDUX IN
GERMANI-
AM, JUDÆOS
FOVET.
SYNODUS
MOGUNTIA.

Dodachin.
Trithem.
M. S. Mo-
gunt. Otto
Frising lib. 7.
c. 9.

RUTHARDI
ARCHIEP.
EXILIUM.

XCI.
HENRICUS
WELFONI
RECONCI-
LIATUS, FI-
LIIS INVITIS.
Chron. An-
gust.
WELFO DE
PATRIMO-
NIO IN ITA-
LIA LITI-
GAT.

AN. CHRIST. M. XCIX.

EXPEDITIO
SACRA.

ANTIOCHIA
CAPTA ET
DEFENSA.

Guilhelm. Ty-
rinus de bello
sacro.

Anno sequente, Urbanus Pontifex Nortmannos, rerum in Calabria, Apulia, & Sicilia potentes, Romanique Pontificatus obsequio devinctos, in fide clientelari firmavit, inque benevolentia, quam, lustratis eorum ditionibus, coram insigniter expertus est. Illi enim, præter amplissimos honores atque reverentiam, quibus priorum omnium patrem impensè coluerunt, ingentem pecuniæ vim, quam in commune contulerant, discedenti donaverunt subsidium, contra Ecclesiæ hostes admodum opportunum. Confecta exinde stipendia, lecti milites, retenti in fide Pontificis amici, Guibertus, anno postero, è mole Adriani ejectus, totaque proscrip-
tus urbe, Albam Marforum coactus se recipere, ubi ægrè sustinuit obsidionem. Invalescente ad eum modum Pontificis autoritate, Henricus impar hostibus, tandem aliquando ex Italia discessit. In Germaniam adulto vere reduci, prima cura fuit de instauranda Judæorum, quos durissimè Emicho passim exagitaverat, securitate, & pristini moris rituumque licentiâ, quam primò omnium Ratisbonam reduxit recutitis, quàm Christianæ pietati faventior. Anno ad exitum præcipiti, conventum egit Moguntia, in quo Ruthardum Archiepiscopum, sedi Romanæ ex alie devinctum, egit in octennis exilij miseras, quas Præsul integerrimus Hartesbergæ apud Turingos est perpessus. Proscriptioni obtenta calumnia, quasi ipse Judæorum cædibus aliquid causæ dedisset: sed re verâ Henricus suæ consulebat avaritiæ. Etenim, quo tempore Ruthardus fuit extorris, ille omnem Archiepiscopatus proventum fisco suæque profusioni addixit.

An idem Welfoni nostro, Boicæ principatum hoc anno gratuito restituerit, silent quidem chartæ, sed proclive est credere, hominem prodigosè sordidum, & haud immemorem hostilitatis diuturnæ, ne tunc quidem fuisse liberalem. Certè Welfoni reconciliata gratia, fuit valde invisæ fœderatis, filijs adeò acerba, ut, cum pater in Italiâ gravi bello detineretur, ausi sint, senis deliram animi mobilitatem damnare, res novas agere, & palàm se Henrici hostes profiteri. Ex cujus amicitia ne quid sibi infamiæ consciscerent, Antonem, alijs Hugonem, Brixinensem Episcopum, ab Henrico datum Altuini successorem, conjectum in vincula, loco deturbârunt. Bellum, quod Welfo parens in Italiâ gerebat, natum ex controversiâ paternæ hæreditatis. Ejus parens Azo Atestinus, haud paulò centenatio major, fato concesserat. Hinc ortæ de herciscundâ familiâ contentiones inter filios, quos è duabus uxoribus tulerat. Welfo jure matris, cui Azo principatum ex alie donârat, nitebatur: fratres ex novercâ accusabant inofficiosam donationem & nimis enormem sui neglectum. Lis non poterat per arbitros, nedum parrium voluntate finiri: suum utrisque charissimum: ergo veniendum fuit ad arma. Welfo, rebus domi utcunque compositis, Boicæque filijs commendatâ, cum exercitu ad Insubres profectus, cum impar adversarijs, aditu prohiberetur, ope Henrici Carantanorum Ducis, ejusque germani Patriarchæ Aquilejensis, magnam hæreditariæ Provinciæ partem invalit. Commodum reversus, anno sequenti, domum, filios inter primos rebellionis conatus, ad mitiora revocavit, & reduxit in Henrici gratiam eo proventu, ut majori natu, Boicæ clientela, post parentis obitum, permitteretur.

Hæc de Boicâ. Sacræ militiæ auctorati, qui pars ex Italiâ mari advecti, pars terrestri itinere per Ungariam processerant, Nicæâ, Bythinæ urbe, & Antiochia in Syriâ, Salamanæ Turcorum Principi ereptis, gravissimè laborârunt, ut Antiochiam, cui recuperandæ hostis totis castris incubuerat, in potestate retinerent. Nam obsessis, non modò certandum fuit cum oppugnantibus, sed vel maximè cum fame durissima & morbis, qui ex inedia, velut nativa progenies, solent proficisci; eò quòd omnis annonæ facultas vel absumpta, vel esset ex omni parte interclusa. Tantis malis & assiduâ vigiliâ ad extremum fractis, animos reddidit reperta lancea, quæ sanctissimum Christi latus confodit. Hujus præsidio, & Domini inferorum

trium-

triumphatoris fiducia animati, factâ in hostem eruptione, memorabilem victoriam reportarunt. Aliâ cum Turci, ad motis scalis, in muri coronam evasisent, plurimis obruncatis, eos represserunt ex eâ statione, in qua curabat Henricus Alcha: ita Deus urbem obsidione, propugnatores metu atque inopiâ, laxatâ aliquantisper commeandi facultate, liberavit. Certè secundum Deum, Alchæ potissima laus Antiochiæ servatæ, est adscripta. Expugnatis dehinc Marrâ & Barrâ Turcorum oppidis, multisque circum castellis, tanta rursus cibariorum inopiâ laboratum, ut, cum obscena & aliâs abominata in escam verterentur, famelici, ne à putentibus quidem Saracenorum cadaveribus sibi temperârent.

In Bojariâ Meginwardus Frisingæ Episcopus, moriens, Henrico Eberstainio, vel, ut alij nominant, Eberstorffio insulam reliquit. Illum ferunt nonnulli Pragæ, in Sacrorum ministerijs occupatum, finisse vitam, & eodem loci tumulum accepisse; quod esset quidem verisimile, nisi foret probabilius, Bojæmos ab Urbano Pontifice alienos, addictosque Guiberto, Antistitis Ecclesiæ Romanæ insigniter studiis, caeremonias haudquaquam admisisse. Hoc ipso anno Castellanenſe in Naricis insigne monasterium condidit Berengarius, Dynasta Sulzbacensis, ejusque soror Luitgardis, & amborum patruus Fridericus.

Henricus Imperator, inter hæc, coquebat iras in filium Conradum Italiæ Regem, quas demum ferijs Regalibus effudit Aquilgrani, ubi natu minorem filium, Conrado abdicato, Germaniæ Regem renunciavit, in vindictam, quod Conradus, ignus in jussu, Longobardicam coronam sibi passus esset imponi: cum alioqui nihil esset in optimo Principe, quod parens facto plerisque bonis odioſo posset obtendere. Erat enim in Conrado tantus splendor regiarum virtutum, & genij excellentis abſolutio, ut communis virorum sapientum sensus esset, haud facile quemquam alium imperio esse digniorem. Eum, præter insignem modestiam, commendabat præcipua in Deum pietas, singularis in Orthodoxam religionem affectus, & erga Romanum Pontificem reverentia. Eminerat excelsâ animi magnitudine, moribus compositis, misericordiâ in afflictos, comitate in agendo & loquendo admirabili, peritiâ bonarum litterarum, quarum usum atque consuetudinem, loco oblectamentorum solebat usurpare. Ad ista animi decora, accedebat augusta corporis forma, pulchra corporis proceritas, quæ eum impensè vulgo reddebat amabilem. Si quos ex parentis aulâ accipiebat hospites, habebat honorificè, suumque nomen inter servos paternos profitebatur. Sed nihil ista valere apud hominem, qui nihil boni unquam amavit, cuique ipsum virtutis nomen erat exosum. Igitur filium sibi cognominem ornavit regijs insignibus, ignarus, se eum creare Regem, à quo ipse, non multò post, regno, fortunis, omnique dignitate erat exuendus.

Aquisgrano Ratisbonam se retulit sub paschales ferias, ubi habuit Principum comitia. Brecislaus Dux eò venire jussus cum Hermanno, quem ex principalis sacrarij procuratore ad Pragensem Episcopatum evexerat. Accessus fuit eò mollior, quod Brecislaus auro viam straverat effusâ in Cæsarem & Palatinos largitione. Venienti, venales animæ, ad tria ferè milliaria, processerunt obviam. Res erat Brecislao de Borivojo fratre, quem, neglectâ ætatis prærogativâ, Udalrico itidem fratri præferebat, ad principatus possessionem cooptando, deque Hermanno in jam adito Pontificatu firmando: utrumque haud gravatè Henricus, non tam personarum meritis & æquitati, quàm acceptæ pecuniæ concessit: aurum patronus est apud avaros, omni oratore impetrabilior.

Sed suum quoque tributum mors exegit ab hominibus donativo corruptis. Cum enim exorta repente Reginoburgi pestilientia, magnam vulgi stragem ederet, duos patruales, præfectos prætorio è Palatinis Dynastis extinxit, Rapotonem, & Udalricum cognomento Divitem, quibus aurum Bojæmicum, æternitatis iter in iustis, parum conduxit. Ivissent longè melius viaticati, si se opum abstinentiâ potiùs, quàm avaritiæ sordibus præmunissent. Rapotoni tam procùl diffusæ erant possessiones, ut è Boica Romam proficiscenti, dispositæ, & suis quæque prædijis instructæ clientelæ, tutum commodumque contubernium exhiberent. Inopem

SACRA DOMINI LANCEA REPERTA.

MEGINWARDI FRISINGENSIS OBITUſ
Cofm. Pragæ.
XCII.

MONASTERIUM CASTELLANENSE CONDITUM.
AN. CHRIST. M. XCIX.
HENRICUS FILIUM
HENRICUM NATU MINOREM COLLEGAM LEGIT, ODIŒ CONRADI MAIORIS.
CONRADI VIRTUTES.

XCIII.
BRECISLAUS DUX AB
HENRICO AMICE EXCEPTUS.

RAPOTONIS ET UDALRICI PALATINORUM EXTUS.

HENRICUS
CRASSUS A
SAXONIBUS
OCCIDITUR.
*Avent. lib. 5.
Tabula Te-
gerens. Hund.
MONASTE-
RII DIE-
TRAMI CEL-
LÆ INITIA.*
XCIV.

cœloque exosum fecit studium Guibertinæ factionis, in quâ, usque ad invidiam & grande piorum omnium odium inter antesignanos meruit Ecclesiæ per-
duellis.

Eâdem tempestate, Henricus Crassus, Othonis olim Bojarie Ducis filius, Saxonum insidijs, (tam brevis & fluxa apud ingratos, paternorum meritorum recordatio) contrucidatus. Hoc item anno, prima Cœnobij Canonorum Regularium Dietrami-Cellæ incunabula inchoata his initijs. Otho & Berengarius melioris vitæ studio, unâ cum Dietramo, ejusdem propositi æquè pio sacerdote, in Elingfurtense, vel, ut vocant alij, Clingenfurtense nemus se abdidit. Locato in eâ solitudine biennio, cùm locus ob aquæ penuriam visus esset incommodior, sedibus ad rivum, eandem sylvam adlambentem, translatis, D. Martino oratorium dedicârunt. Ortâ subinde inter Othonem Dieffensem Dynastam, Tegerensem Præfulem Udascalem, Reimpertum Reutensem, geminosque fratres lite, de sylvæ finibus, cùm, per arbitros, litigantibus non fieret satis, nutu, ut creditum est, divino, omnes in eam sententiam conspirârunt, tota ut sylva, & ex fundis vicinis, quantum singulis visum est, condendo Monasterio contribueretur. Poterant omnes simul haberi ejusce domicilij fundatores: sed, quo pacto, incertum, Abbas Tegerensis id juris & nominis est consecutus, ut, tamen novelli Cœnobij Sodales, cooprandi Præpositi potestatem haberent, id tamen ne facerent, citra assensum Præfulis Tegerensis, à quo etiam jus adeundæ possessionis acciperent, ita tamen ut Cella Dietrami, velut filia, Tegerensem Ecclesiam, ut matrem agnosceret, cætera Frisingensis Episcopi jurisdictioni essent subjecta. Anno demum sequentis sæculi septimo, Paschalis II. Pontifex Maximus Apostolico diplomate piam cœnobij institutionem sancivit.

Accessit ad hujus anni fata, Urbani Pontificis obitus 4. Cal. Augusti cum incredibile bonorum omnium mœnore. Annos undecim, menses quatuor, dies decem & octo cum summâ laude gessit Pontificatum: redegit summæ sedis munitionem in suam potestatem: pacem jam diu exulantem Italiz reddidit. Ejus potissimum curis atque sapientiæ, secundum DEUM, tribuenda sacra expeditio, quâ, Duce Godefrido Bullionio, Hierosolymorum civitas ab exercitu Christiano, die decimâ quartâ Julij, hoc anno est recuperata. In ejus locum subrogatus est, die ab ipsius obitu quartâ decimâ, Paschalis II. gente Tuscus.

AN. CHRIST.
M. C.
GODEFRIDI
BULLIONII
MORS.
GUIBERTI
PSEUDOPAPA
MORS.

Urbanum ad alteram vitam, post aliquot Syriæ urbes armis superatas, secutus est Godefridus Bullionius, anno sæculari, 15. Cal. Augusti, vir pietate in DEUM & militari virtute singulari. Illi successus est Balduinus frater, votis omnium Principum sacræ militiæ. Ad hunc quoque annum referunt Germani Scriptores, quos Sigonius est secutus, Guiberti Romanæ sedis incubatoris repentinum decessum: Itali ad annum sequentem retulerunt. Ossa demortui, quæ Ravennæ erant tumulata, rapta è sepulchro, in profluentem, edicto Paschalis, sunt projecta. Urspergensis cum, serò licet, suscepti Pontificatus pœnituisse, idque se ex ipsius ore audivisse, notavit. Quod ejus obitu, sacerdotij dissidium non fuerit sublatum, fecit Schismaticorum pertinax rebellio, qui Albertum civem Atestanum, deinde Theodoricum Romanum, operâ Cavenium agri Prænestini colonorum, & Maginulfum Monachum civem Romanum, sibi delegerunt, quos vix orbi notos mors abstulit. Primus quatuor duntaxat menses, alter non nisi tres, tertius aliquot, quorum ne quidem certus est numerus, suo sceleri superfuerunt. Qui sub Henrico V. aliisque Imperatoribus secuti sunt, neque longum ævum, neque exitum felicem sunt sortiti, lolium infelix ad ignem, spuria vitulamina ad ignominiam spectabant.

XCv.
RHOAS AR-
MENIÆ URBS
CONSTAN-
TER CHRI-
STIANA.
*Vrsberg.
Dodechin.*
BALDUINUM
ADOPTAT.

Jam ut veniam ad ea, quæ Boicæ propiora sunt: posteaquam ex Godefridi Bullionii triumphis, Balduini successoris nomen, in Armeniâ cœperat inelârescere, Rhoas, urbs ejusce nationis, quæ nunquam à sacris Christianis defecerat, sed immotâ in Christum pietate, contra omnes Barbarorum conatus, adhuc avitam fidem tuebatur, Balduinum cooptavit in filium & hæredem. Balduinus,
Rhoen-

Rhoënsium votis ne deesset, eos alteri Balduino consanguineo regendos commisit, quod in administrando Jerosolymorum regno, belloque adversus Saracenos defendendo abunde occupatus, minùs esset ad remotiores curas expeditus, neque enim erat obscurum, tametsi Christiani Duces imperium trans Euphratem extenderant, Barbaros tamen arma non posituros.

Interea Welfo Senior, Bojaria Dux, illustribus orientalis militiæ trophæis excitatus, junctis cum Wilhelmo Piætonum Duce viribus, Christianis in Asiâ laborantibus statuit auxilia sociare. Venit quoque in partem ejusce consilij, Thiemo Archiepiscopus Salisburgensis martyrij palmam quæsiturus, cui nonnulli adjungunt Udalricum Passaviensem. Itham quoque, Principem Austriacam, Leopoldi Austrij matrem, quod mirum in muliere, Palæstini belli cupidoincessit, & tanta quidem, ut, patriâ relicta, se junxerit castris Christianis. Aliorum procerum nomina parciùs relata in chartas, & eorum duntaxat, qui suâ clade expeditionem reddidère memorabilem. In his, Ratisbonæ Episcopus Henricus, Bernardus Comes, duo Brunones sanguine & sacerdotijs illustres. Ad crucis signa, centum sexaginta pugnatorum millia convenère. Per Carantanos progressis, iter fuit in Bulgariam, citra vim aut maleficiûm. Hic Alexij Græcorum Imperatoris legati, facti fictique ad fraudulentum sui Principis ingenium, Welfoni præstò fuère, magnis promissis, re autem ipsâ, Græcâ fide instructi. Guzo Bulgarorum Dux, militari nostrorum licentiâ offensus, Adrianopoli transitum negavit, ponte, qui erat medius, præsidio militari impedito. Hic primum tentata hostilitas ad viam aperiendam, non sine datâ acceptâque utrinque clade. Nucavit diu victoria, quæ denique stetit penes pios viatores. Guzo captus, factusque æquior, libertatem emit præbitâ annonâ & fidis viæ præcursoribus, ad usque Constantinopolim. Hic lustrato exercitu, Ducibus urbs regia patuit: exhibita per Alexium signa benevolentiae per mensem integrum, submissis ad Principes lautijs, amicâ colloctione, & datâ facultate prolem regiam salutandi. Post, ubi legiones erant in Asiæ littus transmissæ, Alexij fraudes sese sensim aperuère, qui Turcis colludens, sua consilia communicabat. Cibaria paulatim redacta in arctum, malignitate Asiaticorum, quos Alexius corruperat: tum fames gliscere & tandem in promiscuum manipularium vulgus grassari. Post ubi castra mota longius, reperère comæatum à Turcis interceptum, magnâque rerum ad vitam necessariorum inopiam. Malum intendebant Pincinarij, volaticum emissariorum agmen, furtis insidiisque assuetum, & justæ pugnæ insolens. Hos jusserrat Alexius nostros, dies noctesque, omni ex parte laceßere, nullâ, quoad fieri à latronibus poterat, neque palantibus, neque pleno ordine progredientibus, quietis parte relicta. Ubique à nebulonibus insidiæ, à Turcis parata vis & timor. Ne navigantibus quidem mare tutum à piratis, in quorum manus, nautarum perfidia vectores ex composito deferebat. Ita multi, naulo licet perfoluto, damnatâ navigatione, iter terrestre præoptârunt, nihilo tamen futuri securiores. Nam quos Alexius viæ ductores dederat, fraudibus & odio nostrorum imbuit, miseros trahabant ad quater mille Turcarum vincula vel lanienam, qui in Corizanâ regione, arcta viarum, dispositis hinc inde custodijs, sic insederant, ut fessum nostrorum agmen, per angustos calles, diductis incedens ordinibus, passim pateret telis, è diverticulis vel tumulis incurfantium. Multi vulneribus confossi, plures inediâ, siti, varijs alij malis perière: haud pauci fracti laboribus sparsi per vias, hosti prædæ fuerunt. Triginta omninodies tenuit immanis carnificina per loca inhospita & raris culta mapalibus; unde eluctatis, ultima necessitas expressit denique consilium arma capiendi. Phinimum & Salamia, infestæ gentis urbes, primo impetu expugnata, oppida circum expilata, captum prædæ aliquid, breve scilicet longi laboris levamen. Ultra tendentibus objecère se quaterni Turcarum Tetrarchæ cum innumerâ multitudine, ad Reclæjam urbem fluminis adversam ripam densatis in longum excubijs, prætexentes, ut nostros trajectu, & aquatione prohibitos, in solo sinuoso, ariditate conficerent. Si qui propius flumen accederent, ilicò telorum

WELFO SENIOR IN SYRIAM PROPECTUS.

GRÆCORUM PERFIDIA.

PUGNA AD ADRIANOPOLIM. VICTORIA PENES CHRISTIANOS.

XCVI. AN. CHRISTI M. CI. ALEXII CONSTANTINOPOLITANI FRAUDES.

INGENTES DIFFICULTATES ITINERIS.

CHRISTIANORUM CALAMITATES.

imbre

XCVII.

WELFONIS
FUGA.MORS IN
CYPRO.

Tribem.
Otho Frising.
Vrsperg.
Chron. Wein-
gart.
Chron. An-
gustan.
Alb. Aquen.
ITHÆ AU-
STRIÆ INFE-
LIX CAPTI-
VITAS.
Bertold.
Passio S. Thy-
mon. apud
Canis. tom. 4.
Hundius to. 1.
Metrop.
D. THIEMO-
NIS SALIS-
BURGENSIS
ORTUS, VIR-
TUTES.

CALAMITA-
TES.CAPTIVI IN
EIUS OCULIS
TRUCIDATI.

imbre petebantur. Trecenti, quos suprema bibendi necessitas ad audendum adegerat, momento omnes sagittis confixi: reliquos potionis inopia, & arescen-
tium faucium ventriculique exsucci lethale tormentum enecabat. Summa con-
siliij egestas & desperatio, nemine quicquam præsentī malo opportunum sugge-
rente: vitæ, si quā posset, servandæ, & oppetendæ mortis arbitrium, penes unum-
quemque relictum. Quos prostrata vires nondum omnino defecerant, arre-
ptâ fugâ, mortem distulere potiùs, quàm effugerunt: plurimi fugientes occubere,
multi è fugâ tracti in vincula, alij trucidati. Welfo abjectis armis, cæteroque Prin-
cipis cultu, sub alienâ veste ignobilis, per saltuum devia, Antiochiam pervenit,
ubi exercitus lacerati reliquias colligere aggressus, rarissimos recensuit. Ex
tanto numero, vix mille superfuerunt, quorum pars Solymam evasit. Eodem
Welfo propè desertus, cum Reinoldo Burgundiæ Duce penetravit. Reinoldus
ærumnis exhaustus, in itinere obiit. Welfo adoratis DEI hominis vestigijs, pa-
triam repetens, in Cypro, vitæ mærorisque fecit finem. Paphi sepultum hære-
des refoderunt, ut Altorfij in Vinearum Cænobio, honestiori conditorio infer-
rent. Locum retinisset inter clarissimos ævi sui heröes, nisi ejus constantia fidēs,
quo in defendendâ Romani Pontificatus dignitate ad extremum vacillasset. Ber-
nardus & Henricus Comites vitam in urbe sanctâ posuerunt. Uterque Bruno,
quos antè memoravi, siti famèque consumpti. Itha Austria diu desiderata, habi-
tâque in censu mortuorum, comperta denique, in Dynastæ Saraceni servitutem &
consuetudinem uiciorum devenisse, & tulisse prolem, olim in sanguinem Christia-
num immaniter sã vituram.

Thiemo Salisburgensis Antistes, antequam Hierosolymam attingeret, in
Corizanâ Provinciâ à Barbaris interceptus, crudeli morte sublatus, martyrij laureâ
donatus est. Fuit Thiemo gente Bojus, ex illustri Comitum Medlingensium stir-
pe. Liberalibus disciplinis in Althahensi Monasterio eruditus, severioris vitæ hausit
desiderium. Sed Cænobij angustijs eductum, propositi pœnitudo incessit, donec
resipiscenti lux reddita cœlitus, inter calentes preces patefecit, Episcopum & Mar-
tyrem aliquando futurum. Subinde regressus ad Althahenses, à Gebhardo Salisbur-
gensi Archiepiscopo, Irinberto D. Petri Abbati, qui sponte munus abdicaverat,
est susceptus. Gebhardo dehinc pulso ab Henricianâ factione in exilium: Thiemo
ad vitandam factionum contagionem, primùm quidem in Schathusiano ascete-
rio, deinde in Hirsaugiensi per triennium delituit. Ad suos ex intervallo reversus,
cùm in Schismaticorum partes nullis blanditijs, nullâ vi à Bertholdo, Archiepiscopa-
tus incubatore, posset adduci, ejectus est in exilium, quod apud Admontenses,
velut unus de cæteris, magnâ animi æquitate & demissione, ad usque nonagesi-
mum prioris sæculi annum, toleravit. Gebhardo defuncto, Salisburgenses, qui à
Bertoldo duriter habebantur, de legitimi pastoris electione solliciti, pars in Thiemo-
nem, pars in Adalberonem Frisingensis Ecclesiæ Decanum inclinabant. Verùm
hunc ad Capituli comitia properantem, medio amne fluctus hauserunt. Sublatâ
ad eum modum eligentium discordiâ, omnium vota in Thiemonem convenerunt.
Electum, Passaviensis Episcopi Legatus Altmannus, Adalbero Wirceburgensis, &
Meginwardus Frisingensis, sacris cæremonijs inaugurârunt. Ex eo tempore, va-
rijs calamitatibus exagitatus, sensit, se non tam honoris theatrum, quàm ærumna-
rum palæstram conscendisse. Tristia fuere Pontificatus initia. Bertoldus bello
appetitum, firmatùmque cognatis Comitum Medlingensium auxilijs, prælio su-
peravit. Fugientem in Carantanos, Udalricus Comes, Bertoldi patriarius, inter-
cepit, vexavitque immaniter. Nihilò tamen secius Frisacum castrum in captivi fide
perstitit. Id cùm ab Udalrico obsideretur, & defensores castrense propugnaculum,
missis è balista pilis, validè quaterent, Udalricus Thiemonem rectâ machinis ob-
jecit, haud dubiè periturum, nisi libratores, eo conspecto, aliorum tela direxissent.
Longè gravissimus viro pientissimæ in suos voluntatis mæror, cùm in ejus oculis,
charissima amicorum capita, quos simul Udalricus captivos fecerat, carnificis manu
fuere demissa, in vindictam, quod & Thiemo & obfessi arcis deditionem negassent.

Eo commotus spectaculo, homini ad insaniam crudeli, ipsius & gemini fratris vitam indecorem & ultimas calamitates prædixit, non inanis augur: omnes enim infelici fato deinceps jactati, vindicem DEI manum experti sunt. Sanctus præsul abreptus in fœdiorem custodiam, iussus est jugulum præbere sicario: verum ille nihil territus, recitato fidei symbolo, hilaris cervicem ad ictum exporrexit, quam vi humanâ major sic texit, ut ferrum validissimè inflictum, ne extimam quidem cutem perstrinxerit: geminatus ictus summo vibratus impetu, illasâ cervicem, gladium diffregit in frusta. Latro superatus tam manifesto prodigio, manus dedit victrici innocentia. Ad extremum Thiemo, post tam illustria patientia & divina protectionis documenta, assertus in libertatem, ope Conradi monachi, qui custodes auro corrupit, profugit ad Gebhardum Episcopum Constantiensem. Subinde vaticinium de capessendo martyrio secutus, in Palaestinam cum Welfone proficiscens, incidit in manus Saracenorum, proditusque, quisnam esset, odio Christiani nominis, primùm a sella ad ludibrium impositus, acerrimè scuticâ veneno illirâ cæsus est, donec, defluente cute, caro nudaretur: deinde membratim deartuatus, præcis articulatim digitis, manibus pedibusque truncatis, cæteroque corpore laniatus, cum tamen adhuc è laceris artubus vim cælestem & insuperabilem fortitudinem spiraret, non priùs triumphantem animam cælo transmisit, quam, nondum extincto, sævus tyrannus, viscera ipsûmque cor evulsit. Ita Thiemo, suppar duobus heroibus, Jacobo interciso & Emmerammo, ad geminam duplicis martyrij coronam evolavit 4. Cal. Octobris. Cælum subeuntis anima visa est ab eo, qui redux in Boicam ipsius certamen & vidit & descripsit. Membra gloriosi athletæ, ab avium rapacium aliarumque animantium moribus, immo & ab impiorum injurijs divinitus servata sunt eâ vi, ut ne unus quidem articulus abs Saracenis potuerit humo levare. Contrâ singulæ omnesque partes corporis, Christianis fuere tractabiles, ut colligi potuerint & asportari. Vocatus in vota, morbos depulit, aliæque patravit miracula, quæ ipsius sanctitatem sic commendârunt, ut templo arisque donato magnam conciliârunt venerationem non modò apud Christianos, sed Saracenos etiam, quantumvis hostes Christianæ pietatis.

DIVINITUS
NECI ERIPITUR.

FUGIT CONSTANTIAM.

MARTYRIO
A TURCIS
AFFICITUR.

XC
VIII.

Paul. Bernid.
in vita S.
Herluca.





BOICÆ GENTIS
ANNALIUM
PARTIS I.
LIBER XIX.

Res Boicæ sub Welfone II. usque ad Henrici IX. principatum. Henricus Cæsar sæpius anathemate percussus moritur. Ejus filius & successor abit in patris vestigia: Gebhardum Ratisbonensem per sicarios occidit: Paschalem in fraudem & captivitatem inducit: Saxones vexat: inaugurationem Romanam per vim extorquet à Paschali Pontif. rursus à Burdino Schismatico coronatur: fit author Schismatis: fulmine adflatur: à Romanis in tumultu sauciatur: Romanos vicissim cædit: Sighardi Burghusini, ob linguæ effrenem licentiam, cædes: Bothonis Fortis obitus. Bella, tumultus, in Vngariâ, Boëmiâ, Poloniâ. Colonia Agrippina sæpius irritò conatu obsessa D. Bennonis beata mors. Edigna Virgo. Frisinga vastata. Episcoporum Orthodoxorum calamitates. Welfonis II. mors.

AN. CHRIST.
M. CII.

MOGUNTINENSE CONCILIABULUM
Vrsberg.



Elfo pater, moriens, Welfoni filio, principi laudatissimo, Boicæ dominatum reliquit, quem deinceps videbimus, constanti in Romanum Pontificem fide, contractum à parente inconstantiz nævum delevisse. Sub aditi Principatus initia, res in Germaniâ dubiæ, perniciosæ factiones, versipelle Cæsaris ingenium, singularem vigilantiam requirebant, ne, qui apertâ vi nondum potuerat, fraudibus clandestinis, in Henricianorum pedicas traheretur. Hoc enim in commune Cæsari erat in votis, quando in Moguntiz conventu, præsetulit desiderium tollendi divortium regni atque sacerdotij, pacisque toto Imperio faciendæ. Quam ad rem pollicitus est, Romam se profecturum, acturumque cum Paschale de Synodo Generali circa Cal. Februar. (quas veriùs Græcas dixisses) convocandâ, in quâ, disceptatis partis utriusque rationibus, æterna concordia reconciliaretur. Sed homini, ad infamiam versuto, consilium erat, eo lenocinio mollire

I.

mollire Orthodoxorum animos, & persuadere, Cæsarem parùm, aut nihil à Romani Pontificis sententiâ dissidere. Verùm brevi patuit, hæc dicta in speciem, cùm ingressus Italiam, neque Legatos misit, qui Pontifici ineundæ pacis vota aperirent, neque quicquam intermisit, quo Schismaticorum molitiones firmaret. Atque hæc quidem impulsu prava suadentium, quibus ultro se corrumpendum dederat, pari Reipub. detrimento, suone peccaret instinctu, an inductione alienâ. In urbem nihilominus confluxere universi Apuliæ, Campaniæ, Siciliæ, Etruriæ, ceterisque præterea Italiæ Præfules, & complures Transalpinorum Legati, qui detectâ fraude, magno consensu, Henrico, diris repetitis, sacrorum usu interdixerunt, mediâ jejuniij majoris hebdomade.

HENRICO
RURSUS ANA-
THEMA DIC-
TUM.

Hæc dum in eo sunt, Deus, qui piorum causam nunquam deserit, Germaniæ præclarum sidus evexit ad cathedram Babenbergensem, Othonem oriundum ex nobilissimo Comitum Andecensium sanguine, vel, quod vero propius alijs visum est, è stirpe Othonis & Adelaidis illustrium inter Sueviæ Comites. Cæsar, præter morem, D. Othonem, nullo accepto pretio, neque ambientem, neque licitantem successorem dedit Ruperto: quod ut gratis faceret, omen accepit ab Ephebis hac ratione. D. Otho, cujus virtutes Ratisbonæ jam dudum inclaruerant, in Cancellarij munere, toti Cæsaris aulae insignem justitiæ pietatisque faciem prælucebat, ne pueris quidem incognitam. Cùm igitur Cæsar, ut consueverat, Babenbergensem Episcopatum pastore destitutum, venalem, & velut sub hastâ plus offerenti prostituisset, contigit, ut ejus Ephebi profanam nundinationem indignati, inter se de futuræ licitationis exitu, candore puerili, sermonem miscerent, non sine convitio & admiratione, quod in Regis aula, nihil, aut parùm virtuti, unde vera merita, aut verò sordibusque omnia tribuerentur. Enimvero etiamnum vacuæ Babenbergensi sedi, anxie quæri emptorem bene nummatum, sed sùsque deque haberi, quales animi dotes ad Episcopatum adferrentur. Esse ad manum Othonem, quem mores laudatissimi studiùmque religionis, jure quàm optimo sic commendarent, ut in eo præter ambitionem, nihil posset desiderari, eoque mirum non esse, quod abhorreret à sacrilegâ infulæ emptione. Henricus, casu superveniens, oraculum accepit ab innocenti puerorum simplicitate, & Othoni, nihil minùs cogitanti, mitram iussit, gratuitâ liberalitate, imponi. Verùm ille, quod religioni sibi duceret, manu profanâ sacræ dignitati admoveri, eam priùs non adiit, quàm jubente Paschali Pontifice, solenni ritu est inauguratus. Hoc anno Aribon, Carantanorum Princeps, Bojariæ olim Palatinus, grandi senectâ mortalitatem exiit.

D. OTHO
BABENBER-
GENSIS EPI-
SCOPUS

EPHEBORUM
AUSPICIO,

ARIBONIS
CARANTANI
MORS.

Eum, anno postero, secutus est Conradus, Othonis, olim Boicæ Ducis, filius, Henrici Crassi, ante triennium, per seditionem interfecti, frater, vir omnibus naturæ, ingenij, fortunæque donis ad miraculum excultus, qui, dum popularium, qui in ejus necem conspirarunt, manus nocturnâ fugâ conatur evadere, à submissis percussoribus immaniter est trucidatus. Atque hæc quidem fuit atrox & aperta barbaries: sed Henricus Imperator, cui solenne, nihil nisi malum serior, boni nihil sincere agere, vastrâ simulatione novam egit fabulam. Celebrârat Moguntia Christi natalem, cùm in Principum conventu finxit, se visendæ Palæstinæ & adorandi sanctissimum Servatoris sepulchrum, flagrans desiderium animo concepisse. Simul iussit, Emehardum Wurceburgensem Episcopum publicè edicere, Cæsarem fore ducem sacræ peregrinationis, atque interea Henrico filio summam Imperij permissurum, gratùmque habiturum, si qui eum ad terram Dei sanguine imbutam sequerentur. Id vulgatum per Germaniam, acceptùmque pro intercalari saltem pietate, plerisque, qui mimum ignorabant, augurantibus, jam demum Cæsarem sapere didicisse, mirum, quantâ lætitiâ fuerit passim commendatum. Principes, sacrorum Antistites, Dynastæ, Nobilitas, milites novelli juxta ac veterani, ad crucis vexillum convolarunt, læti se nactos occasionem, generosum sanguinem, hætenus civilibus odijs & erubescendis dimicationibus propinatum, divinæ gloriæ impendendi, pro quâ, cum virtute sumerentur

AN. CHRIST.
M. CIII.
CONRADI
SAXONIS
OTHONIS
BOICÆ DU-
CIS F. CÆ-
DES.
HENRICUS
FINGIT DE-
SIDERIUM
VISENDI PA-
LÆSTINAM.

arma, gestarentur cum certa spe triumphī, qui perinde victis atque victoribus esset communis. Verū calētia tot fortium virorum vota, Henricus, sibi perpetuū similis, turpiter frustratus, larvā positā, sacros neglexit apparatus, animūque ad alia convertit. Jam, ut sunt aliquando sanæ mentis nonnulla apud phreneticos, ita apud improbos, melioris frugis intervalla, sive cum ceperat domesticorum bellorum satietas, sive Saxonum aliqua commiseratio, eorum fines ingressus, nihil prætermisit indulgentiæ, quā possent iræ veteres sopiri. Nihil imponebat novorum onerum, antiqua levabat, cives appellabat honorificè, captabat Provinciarum studia, pristinarum immunitatum approbatione, recentiorum additamentis: Principum & Nobilitatis animos demulcebat dignitatum & largitionum illecebris, itaque sibi devinciebat, ut videretur, totam gentem, superiorum temporum ærumnis oppidò fatigatam, ad avitæ libertatis exoptatos fructus propediem reducturus.

SAXONES
HABET SOLI-
TO MOLLIS.

II.

Verū ista benevolentia ostentatio, Bojorum invidiam, alienæ felicitatis æmulam, vehementer accendit. Et primū quidem clām audita quiritationes, deinde in publicum jactatæ accusationes mœrentium, Saxonum gentem, cujus culpā ingentes calamitates in Romanum imperium, ipsūque adeo Cæsaris caput fuissent invectæ, primum jam gratiæ locum occupare, Cæsaris beneficia migrasse in sinum Saxoniarum; penes Saxones esse præmia, penes alios, qui armis & immotâ fide Cæsarem remque publicam adhuc juvissent, nihil esse, præter contemptum & alè impressa damnorum vestigia, quæ pro communi salute & Imperatoris obsequio accepissent. Rebus pacatis, hostes esse in pretio, amicos nullo loco haberi, sed cogi in lucro ponere, quod vel liceat vesci aurâ communi, & sub limis Cæsaris oculis, arrogantia Saxonum supercilia ludibriâque perferre. Hæc aliâque istius modi, qui æmulationis genius est, non liberè modò, sed etiam in majus, quàm pro causâ rei que conditione, à Boijs vulgabantur, cum Cæsaris, alioquin admodum irritabilis, offensione. Querimoniarum id generis, ut maximè inflabantur à Sighardo Dynastâ Burghusino, homine oris intemperanter rotundi, & nescij, iras temporariâ patientiâ & silentio debere in potestate haberi, quippe cum nimia conviti-
orum libertas vertat in perniciem apud Principes honoris sui apprimè retinentes.

BOII SAXO-
NIBUS INVI-
DENT.

Vrspergen.
Chron. Au-
stral.
Otho Frising.
AN. CHRIST.
M. CIV.

SIGHARDI
BURGHUSINI
LOQUENDI
NIMIA LI-
BERTAS.

Agebat tum Henricus Ratisbonæ, quò & Sighardus venerat cum non contemnen-
dâ stipatorum manu, sive quod sibi à Cæsare metueret, sive ut à Cæsarianis metue-
retur. Cæsar, jam aliàs exosum, odisse magis, habere suspectum, omnem ejus mo-
tum, dicta omnia factaque per exploratores observare, ejus tollendi occasione im-
minere, neque dissimulare odium. Eò liberius famulitium aulicæ nobilitatis con-
juravit in Sighardi caput, stimulante jam antè vindictæ desiderio, quod crederet,
se haberi ab eo contemptiūs, & causaretur sua per eum iura violari. His se jun-
xere Henrici satellites, ipsiusne jussu, an obtentu communis injuriæ. Igitur con-
globati, Sighardum, quo tempore ambactorum plerosque ad sua contubernia di-
miserat, privatos intra lares propè inermem obsident, furentesque ad necem de-
poscunt. Conatus quidem Regis filius tumultum pacare, sed in cassum; eò quod
patris dissimulatio augeret animos, prævaleretque junioris authoritati. Ad Sig-
hardi fores pugna conferta ab horâ diei tertiâ usque ad nonam, dum ille sese ad
piè fortiterque moriendum, noxarum apud sacerdotem expiatione, sacroque Do-
minici corporis viatico compararet. Effractis demum januis, protractus in pu-
blicum, obtruncatur, & servili dementiæ an Regis inclementiæ succumbit, vir,
inter gentis suæ Dynastas, clarissimus, D. Leopoldi Austrij, cujus sororem duxerat,
affinis, auctusque dote Schallensis Toparchiæ. Paternum genus traxerat ab Hart-
wico Comite Palatino, maternum ab illustri Witikindi stirpe per Othonem Ma-
gnum Imperatorem.

CAUSA IL-
LATÆ NECIS.

BOTHONIS
FORTIS OBI-
TUS.

Eodem propè tempore, Boto, cognomento Fortis, Sighardi jam memorati pa-
truelis, Aribonis herois nobilissimi frater, ævi maturus, haud procul Ratisbonâ,
Aribone ante annum defuncto, fato concessit, paterno sanguine inter Noricæ no-
bilitatis vetustissimos. Fuit Boto giganteâ ferè staturâ, totaque Germania atque

Italia

Italia vix parem habuit, qui cum corporis robore posset conferri, rebus in Pannoniâ gestis famosissimus. Militari fortitudini comitem junxit pietatem, cujus instinctu, Tharisiensi Monasterio, quod Babenbergensis ditionis est, suas opes devovit; ubi & voluit tumulari, sacrâque piacularia quot annis Deo pro piorum manibus persolvi.

Inter hæc, prodigia, præter naturæ ordinem, passim edita, futuras Imperij clades, bellum inter Henricum Imperatorem & filium cognominem parricidale portendere visa sunt. In agro Wirceburgensi, è cælo, inter grandinis procellam tanta glaciei crusta decidit, ut in quatuor divisa partes, vix à quatuor robustissimis viris posset attolli. In agro Spirensi, ex secto panis frusto, sanguis manavit, cujusmodi ostentum memorant, Alexandro, cum Tyrum obsidione premeret, evenisse.

Sub ista, exortus est Bohemiarum tumultus, in cujus partem Boij per fraudem adducti. Brecislaus Bojæmorum Princeps (quod paulò antè diximus) à Cæsare, Borivojo fratri jus succedendi impetraverat: & successit quidem anno sæculari Brecislao per insidias interfecto. Atqui Udalricus natu major, Borivoij frater, Henricum Ratisbonæ degentem auro corrumpit, ut abrogatâ priorè concessione, Principatum Borivojo ademptum, natu grandiori redderet, adderétque insignia Bojæmici Ducatus; eo tamen pacto, ut gentis Proceribus integrum foret, eum, si vellent, eligere. Ita beneficium, fraude collatum, desijt in bellum civile. Nam cum Udalricus Bojæmiæ Ordines non potuisset in sua vota trahere, proximum fuit, ut ferrum exprimeret ab invitis, quod à lubentibus nequiverat. Ergo annuente Cæsare, militem legit in Germaniâ, jactans in vulgus, tantum esse in patriâ nominis sui studium, ut, ubi primum signa explicaret, tota natio esset ad se confluxura. Dicenti fidem habuere, Henricus Frisingensis Episcopus, Sighardus de Sala, aliique, rati, se non ad bellum, sed ad pompam auguralem sine vi profecturos. Verum ad primum Bojæmiæ ingressum, longè alia rerum fuit facies. Borivojus ad Melinam urbem, mense Augusto, selectissimum exercitum fratri objecit. Cum nemo transitionem ad Udalricum moliretur, Boij se mutuò respicere, suam damnare credulitatem, & devovere diris Udalrici vanitatem. Premebantur interim undique à Borivojo, viisque præsidio infestis, nulla supererat elabendi via, neque modus sustinendi hostium impressionem, in castris subitariâ loricâ malè protectis. Quare intuta omnia trepidè circumspicientibus reliquum fuit consilium, ignavè intempestâ nocte per angustum callem, quem hostis non occupaverat, fugiendi. Projecta passim arma, sarcinæ relictæ Bojæmis celsère in prædam; grande rerum & famæ damnum Boijs inconsultæ expeditionis præmium fuerunt.

Sed ista quidem fuere minuta, si cum mira rerum vicissitudine, quæ renovatis superiorum temporum odijs secuta est, conferantur. Etenim Henricus Cæsar, actis Moguntia Nataliis, bellum reparabat in Saxones, quos, ob nonnullorum defectionem, cœperat cane pejus & angue detestari. Is erat gradus mortalibus quidem improvisus, sed Dei sapientiæ perspicillimus ad vindictam scelerum, quibus ille duo potissima Reipublicæ bona, religionem & tranquillitatem tot annis improbè turbaverat. Et alia erant innumera, quæ in justissimam libellam divinæ vindictæ debebant adduci, ut tandem tolleretur inveterata quinquaginta ferè annorum hominis desperati pertinacia, & statueretur exemplum justitiæ cœlestis, quæ non modò punit, quia olim peccatum est, sed ut ne ab alijs de cætero detur materia puniendi; & quia revocari non possunt præterita, futura saltem eorum castigatione prohibeantur. Tardum quidem fuit Henrici supplicium, sed eò gravius atque tristius, quò longius à proximo sanguine distare debent causæ nocendi. Sed sic erat in fati, ut filius patrem redderet miserrimum, seque ipsum ex patris ærumnis infelicem. Igitur Henricum Imperatorem, in Saxones arma resumens, filius haud pridem ab eo Rex appellatus, à signis, nocturnâ secessione dilapsus, destituit. Eum ad rerum novarum molitionem tres viri incitârunt, Dietpoldus Vohburgensis Comes, Chambensis Boicæ limiti ad Septentrionem

PORTENTO-
SA OSTENTA.

III.

BOHEMIA
TUMULTUS.

GERMANI
IN FRAUDEM
INDUCTI.

CAPTA FU-
GA, CASTRIS
REBUSQUE
EXUT.

Anchor vita
Henrici IV.
AN. CHRIST.
M. CV.
HENRICUS
BELLUM RE-
PARAT AD-
VERSUS SA-
XONES.

HENRICUS
FILIUS A PA-
RENTE SE-
CEDIT.

REFERUN-
TUR CAUSÆ
SECESSIONIS.

IV.

SUEVI ET
FRANCONES
HENRICO V.
FOEDERATI.
Verspæren.

AD EUNDEM
ACCEDUNT
SAXONES.
COMITIA
WERTHUSII,
AD CLERI
REFORMA-
TIONEM.

HENRICI V.
MODESTIA.

ORATIO.

V.

PARENS FI-
LIUSQUE IN
MUTUAM
PERNICIEM
ARMATI.

præfectus, Berengerus item Dynasta nobilis, & Otho vir inprimis cordatus Secedendi causa à religione, quo nullus validior obtentus; quod Cæsar, sæpe repetitis Romanæ censuræ fulminibus, nihil motus, proscriptus licet à Sacris Christianis, contumaciam novis indies criminibus obfirmasset, sprevissetque cum pietate redire in gratiam. Eapropter videri filium non deseruisse patrem, sed obstinatam atque insanabilem Ecclesiæ perduellionem, quam citra impietatem ultrà sequi non posset: cogi filium, assentiri sapientioribus consilijs, & vel serò redire in viam, errorésque præteritos prudentiâ corrigere: primas cujusque curas Deo ac religioni, secundas patriæ, tertias sanguini & amicorum charitati deberi. Hæ rationes palàm in vulgus, aliæ ex arcano producebantur: sublati per Pontificias leges nexus obsequendi toties proscripto parenti, hujus impotentes iræ, nupera in Conradum Italiæ Regem itidem filium fœditas, populi odia, fastidium prælongi dominatus, durities dominandi, piorum conspiratio, ambigua, longè remota, & nunquam, vivo florentéque patre, pacata filij successio, nisi se ab ejus consortio ne maturè expediret, & fasces anticipatâ vindicatione occuparet. Procusa hæc in Bojariâ & firmata, non modò schismatis ejuratione, promissâque præsentè Pontificis Legato Apostolicæ Sedi obedientiâ, sed etiam pactâ Suevorum & Francorum in partes accessione. Itum dehinc in Saxoniam, ubi post Christi redivivi ferias, Quindeiburgi, Henricus junior, pronis optimatum studijs peramanter acceptus, cultusque regijs honoribus, provinciam universam ad Ecclesiæ Romanæ communionem reduxit, consilio & expiatione Ruthardi Moguntinensis, & Gebhardi Constantiensis, qui id temporis Paschalis Pontificis in Germaniâ vices agebant. Subinde Werthusij villâ regiâ, sanctioris Ordinis comitia ad 4. Cal. Junias indicta, ubi ex sacrarum legum sanctionibus, causæ Pontificum cognitæ atque definitæ, aliquæ rejectæ ad Romani Senatus cognitionem. Uto Hildeshemensis, Henricus Paderbornensis, & Fridericus Halberstattenensis, Episcopi, supremæ Ecclesiarum matri obsequium professi, eatenus recepti in gratiam, ut nihilominus munium sacrorum usu tantisper abstinentes, Romanam sententiam opperirentur. Nonnulla alia ad integrandam Cleri disciplinam & pacem Ecclesiarum, præclare tum disceptata, tum constituta. Henricus verò junior præclarum modestiæ specimen edidit in eo conventu, ad quem nunquam accessit, nisi vocatus à Pontificibus. Primo statim ingressu stans in loco editiore, senatu frequentissimo, Ecclesijs sua jura & prærogativas; alijs, avitas immunitates ex majorum legibus Patrumque decretis stabilivit: deinde voce ad mœrorem compositâ, interruptâque lachrymis, peroravit in hanc sententiam. *Nemo vestrum, Patres, ignorat, quæ me fata ad tristem, in quâ versor, necessitatem adegerint. Videri possem in hunc locum, ambigua stimulante, adrepisse, vel præcoci voto prensasse dignitatem alienam, nisi mea vestraque conscientia, & deplorata Reipublica ratio, me istâ infamiâ liberaret. Testor equidem, neque sciens fallo, sed optime conscius, testor immortale Numen, cui aperta nudæque sunt omnia; testor cælites arcanorum gnaros, me nullâ prorsus regnandi cupiditate ad hunc lamentabilem rerum articulum descendisse, ut meo parenti ac Domino, quem habui habeboque semper meâ vitâ chariorem, ullam de regno litem molestiâque moverem. Neque enim mihi tanti sunt omnium totius orbis nationum imperia, ut in eorum gratiam me sine rem adejusmodi facinus impelli, nisi me vis altior, & longè maxima necessitudo, qua bono cuivis ex DEI voluntate, cum sanctissimâ religione, cum Ecclesiâ, cum totius Imperij salute intercedit, ad hac consilia & tam duram necessitatem, ex virorum sapientum judicio, adduxisset. Non sum nescius, quid natura, quid sanguini, quid charissimo parenti debeam: vitam debeo, debeo honorem, opes, & quicquid in me bonorum congerit. Longè mihi foret jucundius, vel vivere & mori inglorium, vel præstolari, donec mitiorâ fata me immitterent in fortuna paternâ possessionem, quàm tanta, qua mihi incumbit calamitati, tamque ignobili dimicationi superesse. Plura dicere parantem, lachrymæ genis errantes, & prorumpentes ex imo pectore gemitus, interpellârunt, tantosque fecerunt in auditoribus animorum motus, ut complures solverentur in fletum, alij fractâ voce, vota facerent pro diuturnâ tam bonæ mentis felicitate. Amicis*

affluen-

affluentibus, creverant utrique imperantium copiae, in formam justî exercitus. Parens omissis Saxonibus, se Moguntiae valido praesidio firmaverat; filius, actis Merseburgi feriis Pentecostes, eodem contendit: sed quia Rhenus interfluens, transmissionem prohibebat (nam parens navigia in australem ripam subduxerat) visum est, per oratores tentare ejus animum, si quo modo ad saniora consilia posset adduci. Legatis ultro citroque comitantibus parens offerebat Imperij partitionem, & si quid ipsi humanitus contingeret, totum assem; filius verò negabat, quicquam posse confici, nisi pace Ecclesiae redditâ, restitutâque in integrum Apostolicae sedis autoritate; quod cum pertinaciter parens averfaretur, frustra fuere oratorum conatus. Ita rebus infectis, Henricus junior abiit Wirceburgum, jussitque Erlungum, quem schismate contractum parens urbi Anrhistitem dederat, inde facessere, & Rupertum, à Clero populoque cooptatum, ritèque ab Archiepiscopo Moguntino inauguratum, suffecit. Dimissis inde Saxoniae legionibus, Bojorum ope Norimbergam, bimestri obsidione, redegit in suam potestatem, & factâ Boijs abeundi facultate, movit Ratisbonam. Parens ejus vestigia secutus, Erlungum, exacto Ruperto Wirceburgensibus reddidit; recepit Ratisbonam civium factione, filium coniecit in fugam, Gebhardo Antistite per sicarios Pechlariae crudeliter interempto, Ulricum admodum adolescentem subrogavit, auxit exercitum magnis delectibus, quibus Leopoldus Austrius suas quoque copias sociavit. Accessere etiam Borivoij Bohemi suppetiae; quibus viribus Imperator, filij amicis infestus incubuit, praesertim Dietpoldo Mospurgio, quem, non ignorabat, Henrico filio authorem fuisse rebellionis: quamobrem ejus clientes & agros omnibus belli injurijs vehementer afflixit.

Filius parente nihilo segnior, contracto ex amicâ gente selectissimorum juvenum subsidio, vices reponere, patris partiaros premere, belli terrorem latè circumferre, castra ad Reginum flumen, paternis castris obijcere, offerre copiam pugnae particialis, cujus eventus parem victis atque victoribus allaturus esset infamiam. Triduum exactum inter conflictus velitares in medio amnis alveo; tam caecus erat ardor & libido pugnandi. Multi utrinque caesi, complures fauciati, capti non pauci, donec, irâ sensim remittente, coeptum agi de pace sancienda.

Ne ad diem pugnae destinatum manus confererentur, multum valuit Henrici junioris industria, quâ Leopoldo Austrio arma detraxit. Erat Henrico soror Agnes nomine, Friderici Staufensis nuper demortui vidua: hujus nuptias Leopoldo addixit, si à praesenti bello abstineret: quâ ille delinitus illecebrâ, pollicitus est, neque se, neque suos ferrum pro Imperatore stricturos; simul Borivojo, sororis suae marito persuasit, se ut infami bello subduceret. Geminâ secessione & refrigercentibus Principum studijs territus Imperator, & monitus per internuntios, clamâ filio submissos, ne se daret in paratum discrimen, sed caveret clandestinam complurium conspiracy, qui cum in ipso certaminis aestu essent certò deserturi; noctis beneficio cum paucis dilapsus, castra Duce orbata relinquens, fugit ad Rheni & Mosellae Confluentes. Eam fugam secuta mox totius exercitus trepidatio & receptus, silenti agmine, quem sic tenebrae texerunt, nemout esset, qui abeunzium tergis immineret. Postridie Henricus, cognito per exploratores hostium discessu, Ratisbonae vim admovit, receptamque frenavit arctiore legum & Praefectorum retinaculo, ne, quâ facilitate fidem recens exuerat, deinceps simili levitate perfidia vela laxaret. Eodem tenore Ulrico de sede Pontificia depulso, Hartwicum, apprimè Catholicum & genere nobilem, Praesulem subrogavit, & quos in urbe comperit milites hostilium partium, beneficijs delinitos sibi conciliavit.

Ratisbonâ ad eum modum compositâ, Wirceburgum subegit, & Rupertum in Episcopi sedem, Erlungo deturbato, reposuit. Ita ludebatur in miserabili Anrhistitum congeminatione, cum se mutuò, velut undae undas, pellerent. Exinde rectâ movit Augustam Nemetum, quâ potitus, Gebhardo Hirsaugiensi Cœnobiarchae Episcopatum commendavit, & gazae, quam valde copiosam parens eò loci

HENRICUS
V. PACE
FRUSTRA
TENTATA,
WIRCEBUR-
GUM OCCU-
PAT.

NORIMBER-
GAM SUBIGIT
HENRICUS
IV. RECIPIT
WIRCEBUR-
GUM, RATIS-
BONAM IN-
VADIT,
GERHAR-
DUM RATIS-
BONENSEM
TOLLIT PER
SICARIOS.
Vrßpergen.
Otto Frising.
VEXAT FILII
PARTIARIOS.

VI.

FILIUS VI-
CEM REPO-
NIT.
CASTRA CA-
STRIS AD RE-
GINUM AM-
NEM OPPO-
SITA.
LEOPOLDUS
AUSTRIUS AB
HENRICO
SENIORE
DEFICIT.
IDEM FACIT
BORIVIVS
BOHEMUS.
HENRICUS
SENIOR FU-
GASIBI CON-
SULIT.
FILIUS RA-
TISBONAM
RECUPERAT.

VII.

SUBIGIT DE-
NUO WIRCE-
BURGUM.
PARENTIS
GAZAM SPI-
RA INVA-
DIT.

RUTHARDUS
MOGUNTINÆ
SÆDIRE
STITUTUS,
PARENS FI-
LIUSQUE
BINGÆ COL-
LOQUIUN-
TUR.

condiderat, manus iniecit. Per eos dies Ruthardus, qui in octennis exilij ærumnis apud Turingos hæserat, mitræ Moguntinæ fuit restitutus, applaudente civitate & Schismatis divortium ejurante.

Henricus Junior, Republicâ ad Rhenum ordinatâ, tendebat ad Burgundos, cum ab amicis sit certior, patrem novis subnixum consilijs, Moguntiam prope-
rare, ut disturbaret conventum, quem isthic Principes ad Christi natalem indixe-
rant. Eo nuntio retractus, magnâ celeritate, parentis iter antevergens, cum Bingæ
ad Idus Decembris est affectus. Admissus fide regiâ ad colloquium, patri fidenter
in mentem revocavit, quantas calamitates in orbem Christianum invexisset, roga-
vitq; vellet denique mutato consilio, cum Deo ejusque in terris Vicario in gratiam
redire: si id quidem faceret, nihil moræ futurum, quò minùs, tam ipse, quam uni-
versum Imperium, se protinus ad ejus nutum pacatè componeret. Imperator,
qui aliàs neminis recta suadentis consilia ad animum admiserat, respondit, rem
proponi momenti gravioris, quàm ut inter duos satis posset expendi, idcirco eam
ad generale totius Imperij judicium referri oportere. Fecere tamen inducias,
cùmque filius propositam à parente generalis comitij conditionem non abnueret,
uterque unâ Moguntiam iter intendere. Nondum eò venerant, cum per occul-
tos nuntios filio delatum est, patrem ipsi, contra induciarum pactionem, moliri in-
sidias per trecentos stipatores, quos ad eam rem secum trahebat. Præterea re-
nuntiârunt Antistites, Moguntinus præsertim & Spirensis, fas sibi non esse, cum
Imperatore, tot dirarum religionibus devoto, quicquam inire colloquij, donec
piorum consortio foret restitutus: nec verò permittendum, ut Ecclesiæ & sacro-
rum domicilia recens expiata, rursus ejus contagione polluerentur: eò consultum
videri, ut pater cum suis *in aliquo castello tutissimo Principum conventum expectaret.*
His itaque dispositis, custodibus quoque, ne novi quicquam ab ipso, vel ad ipsum procederet,
adhibitis, Rex Moguntiam conventui Principum occurrit.

HENRICUS
PARENS IN
CASTELLO
CUSTODITUR
HAUD LONGE
A MOGUN-
TIA.
Ursbergen.

DISPUTA-
TUR, AN FUE-
RIT CAPTI-
VUS.

II X.

Nacler. vol.
2. Generat. 37.
ad an. 1105.
Cram. lib. 5.
cap. 19. & 20.

Crato Mylius, Melanchthonis discipulus, vel quisquis alius Urspergensis hi-
storiæ scriptas ad marginem notas adpersit, ex eo verborum contextu commen-
tus est, Henricum IV. à filio, per insidias, contra fidem publicam, captum & in ar-
cem munitissimam ductum fuisse. Id commentum Schismatis patroni, ævo no-
stro, avidè arripuerunt, odio Romani Pontificis. Eos Catholici quoque nonnulli,
nimia credulitate sunt secuti. Verùm Urspergensis ita semet statim explicat, ut
intelligatur, Henricum IV. nullo modo fuisse captivum. Quamvis enim adhi-
biti fuerunt custodes, qui prohiberent internuntiorum & rerum novandarum
commercium, non ademerunt tamen Cæsari commeandi libertatem: nec bene
colligitur, cum per vim fuisse in castri angustias, captivorum more, redactum.
Quapropter Urspergensis, alioqui Romanis Pontificibus iniquior, disertè asserit,
quod *vulgaris stulticia*, non autem sapiens gnarorum noticia, *patrem, à filio dolo ca-*
ptum, circumquaque diffamavit. Unde liquidò apparet, eos, qui captum & custo-
diæ mancipatum scribunt, vulgari stultitiæ subscribere. Naclerus cautior no-
tavit, cum, quòd parum spei in Episcopis locaret, in quoddam castellum secessisse,
ut lateret, atque hinc vulgò ferri, à filio captum esse, cum aliter sentiant scriptores.
Albertus Crantzius, plus æquo addictus patri, non est ausus tamen captivum no-
minare. Cum filius (inquit) haberet compertum, patrem clam machinari apud eos,
quos sibi putaret consentaneos, ea, quæ paci & instituto non sunt consentanea, oravit pa-
trem, (idque, si reniteretur, cogere poterat) ut propter Pontifices, qui ejus evitarent com-
munionem, secederet in locum vicinum conventui arcis secreta, ubi diligentissimè asser-
varetur, curante filio, ne quis præter solitos ministros, eum interpellaret. Ergo rogatus, non
coactus in arcem secessit: & quamvis advigilatum sit, ne quis præter ministros eum
interpellaret, tamen ideo non fuit captivus, quemadmodum dormiens captivus non
est, cum prohibetur, ne quis ejus somnum interpellat, tametsi adimatur ejus inter-
pellandi libertas. Quæ Brunnerus ex scriptore Anonymo Imperatoris domesti-
co, atque eapropter suspecto depromptit, non sunt ejus ponderis, ut minimè su-
spectorum auctoritati debeant præponderare. Certè (quod mox videbimus) Im-
perator

COMITIA
MOGUNTINÆ.

perator suo arbitrio atque libertate est usus, quando sponte & nemine ad obtinendam cundi licentiam compellato, ad Moguntina Comitia profectus est, quæ post hominum memoriam fuere celeberrima. Nam ad ea omnes Germaniæ proceres, si Magnum Saxoniam Ducem, grandævâ ætate, quam mors hoc anno finijt, excipias, quinquaginta duo, vel eo amplius confluxerunt. Iisdem interfuere Legati Pontificij, Richardus Episcopus Albanensis & Gebhardus Constantiensis. Isthic repetitæ trium Summorum Pontificum execrationes. Ex universo cœtu lecti, Moguntinus, Colonienſis, & Wormatiensis Antistites, qui ad Comitium venienti occurrerent Ingelheimij, attenderentque, ne in plebis, quam sui adhuc habebat studiosam, conspectum veniret, atque inde tumultus oriretur. Missos à Proceribus Antistites, è vestigio Paschalis Legati & complures Principes sunt secuti. Hic demum, si cœ, an ex animo, flexus magnorum virorum oratione, superiorum temporum noxas professus, addixit, se in Pontificum autoritate futurum. Placuisse quidem qualiacunque signa animi resipiscantis; sed quod suspecta esset altè illi impressa fallendi consuetudo, negârunt Legati, sibi esse integrum, tot irretitum vniculis extemplo expedire: rem enimvero ad Synodum & Romanæ sedis iudicium esse referendam: tantillam expectationem non fore illi molestam, si eam cum tot tantisque delictis & longâ multorum annorum pervicaciâ conferret. Bono itaque esset animo, nec dubitaret de clementia communis piorum omnium parentis, qui lubens lætusque eum in complexum esset admissurus, si modò seriò ad officium rediret. Versa deinde ad palmariam causam oratio, quâ blandis severa miscendo, persuasum, ut, quando languentibus veterum amicorum studijs, propè ab omnibus esset desertus, augustalem cultum, regni insignia, sphæram, coronam, sceptrum, crucem, lanceam triumphalem, filio sponte traderet. Quod ubi fecerat, pollicitus est, se, quod ipsi reliquum esset vitæ, in privato secessu, Deo suæque saluti donaturum. Legati, in publico Patrum consensu, imperij insignia, Moguntia, Henrico filio commendârunt non sine faustâ acclamatione. Atque hæc quidem fuit funestarum scenarum catastrophe. Non possum Anonymo scriptori, quem Brunnerus securus est, assentiri, cum asserit, filium parentis, velut inaugurantis manu, augustali cultu esse insignitum, sed potius autumo, scriptorem illum ad insaniam Pontifici infestum & Henrico auctoratum, odio istam fabulam esse commentum. Neque enim vero affine est, vetustum inaugurandi ritum, quem leges morèsque Sacrorum Antistitibus tribuerunt, homini toties execrato fuisse permissum. Verius est, quod Otho Frisingensis scriptum reliquit: *Reversi ad filium optimates, Imperialia deferunt, eumque primò à patre electum, per impositionem manus Apostolica sedis Legatorum, cunctorumque electione, nonagesimum quintum ab Augusto Regem creant.* Secundum hæc, Principes de constituendâ Reipub. pace solliciti, quam, nisi integratâ cum sede Romanâ concordia, stare non posse videbant, honorificam ad Paschalem Pontificem legationem decreverunt. Lecti ad id muneris viri, fide, sapientiâ, & rerum usu præstantissimi: è Lotharingis Bruno Trevirensis Archiepiscopus: è Saxonibus Henricus Magdeburgensis: è Franconibus Otho Babenbergensis: è Bojarijs Eberhardus Eistattensis: è Suevis Gebhardus Constantiensis: è Burgundis Episcopus Curiensis, quos è profano ordine primæ notæ Proceres sunt comitati, omnes instructi mandatis, ut Paschalem, trans Alpes, ad Germaniam omni ex parte pacandam invitarent. Profectis in vallem Tridentinam, Adalbertus limitum præfectus, ferventi adolescens ingenio, quem Henricus senior præsentis fortunæ commiseratione, cum alijs quibusdam, in partes traxerat, cum Tridenti abnotassent, captis ac spoliatis custodes circumdedit, causatus, id sibi ab Imperatore esse mandatum. Jam enim Henricus parens, sparsis per Germaniæ provincias querimonijs, compluribus persuaserat, se per vim à filio & Principibus de fastigio esse deturbatum, orabatque, ne Majestatis atrocem injuriam paterentur ultam. Eapropter Italiæ aditus commeantibus passim erant intuti. Gebhardus tamen Constantiensis, diverso à cæteris Oratoribus itinere, inobservatus evasit in Lombardiam, & Mathildis ope penetravit in urbem. Otho Babenbergensis,

HENRICUS
IV. MELIO-
RA POLLI-
CETUR.

IX.
Eius ABSO-
LUTIO DIP-
FERTUR.

IN FILIPO-
TESTATEM
CONSIGNAT
AUGUSTALIA
INSIGNIA.

X.
AMPLISSI-
MA LEGATIO
AD PASCHA-
LEM PONT.

LEGATI CA-
PIUNTUR
TRIDENTI.

WELFO BO-
IARIE DUX
LEGATOS
LIBERAT.

*Chron. Sla-
vor. lib. 1.
cap. 33.
Vysperg.
Anonym.
pag. 390.*
HENRICUS
SENIOR FA-
CTIOSOS SIBI
CONCILIAT.

XI.

NOVUS AN-
TIPAPA.
TUMULTUM
RUBEACEN-
SIUM
HENRICUS
JUNIOR UL-
CISCITUR.

TRECENTI
IPIUS EQUI-
TES PROFLI-
GATI.
*Naucler. vol.
2. Generat. 37.
Krantz. lib.
5. c. 22.*
COLONIAM
FRUSTRA
OBSIDET.

XII.

MORS HE-
RICI IV.

sis, cui Adelbertus nexu clientelari erat obstrictus, abire permissus cum Brunone Trevirensi, & Wigberto Comite, eâ tamen lege, ut rectâ se conferrent ad Imperatorem, futuri pacis interpretes, & quicquid ille de captivis statueret, cum fide Tridentum relaturi. Verum Welfo Dux Bavarie, periclitantibus in tempore adfuit. Triduo enim, posteaquâ attinebantur, effractis Tiroliorum Pylis irumpens, Gebhardum, quem ab Henrico filio ad Tridenti Pontificatum jussu promoveri, cives odio Catholicæ consensionis imbuti, se nunquam admissuros conjurârunt, cathedrâ imposuit, & Adalbertum ad veniam à Legatis nudis pedibus exorandam, arcemque novo Antistiti cedendam, adegit,

Henricus parens interea privati secessus angustias pertæsus, elapsus est Coloniâ Agrippinam, atque inde Leodium; nec multò post Juliâcum, Bonnam, aliâque sibi Germaniæ oppida adjunxit. Traxit in eandem factionem nonnullos Italiæ Proceres, atque in ijs quidem Wernerum Aquini Marchionem, qui fretus auxilio Schismaticorum, & quorundam Romanorum conspiratione, Maginulfum Monachum, abortivum Farfensium Abbatem, dum Paschalis Pontifex apud Beneventanos agit, D. Petri sedi intrusit, jussitque Sylvestrum III. appellari; qui tamen Romanâ ditione ignominiosè expulsus, exutusque Monasterij procuratione, animi mœrore, haud multò post interiit. Per eos dies Henricus filius dabat operam rebus in Alsatiâ componendis, quas Rubeacenses nonnihil turbaverant. Et enim irritati regij militis insolentiâ, correptis per tumultum armis, ausi Marte aperto configere, non modò cohortes aliquot ad prædam effusas, sed ipsum etiam Regem auxilio properantem, & regio spoliatum paludamento, egerant in fugam valde indecorem. Impetravêre quidem facti veniam, & augustali cultu restituto, videbantur in gratiam recepti: sed Henricus Rubeaci mœnibus receptus, acceptam ignominiam injectis in recta flammis violatam majestatem contra fidem, ultus est, illaudato sævitæ exemplo, quæ recentis principatûs initia (ut fit) haud leviter contaminavit, cùm nihil perinde, atque clementia subjectorum animos nova imperia inchoantibus, soleat devincire.

Sub hæc venêre è Belgicâ nuntij, patrem in Ubijs & Eburonibus vires colligere, & tum Leodiensis Episcopi, tum Lotharingiæ Ducis auxilio reparare bellum. Filius eò properandum ratus, ex equitatu trecentos expeditos præmisit, qui Viserensem Mosæ trajectum occuparent. Eò dum festinant incautiùs, incidunt in Lotharingorum agmen, à quibus nullo propè negotio disjecti, dum fugam moliantur, evadunt in pontem, qui hostis arte, an prægravante multitudine solutus, plerosque, quibus ferrum pepercerat, effudit in profluentem. Cæterùm Henricus Senior Coloniâ, belli sedem, proscripto Archiepiscopo, valido præsidio & propugnaculis communit, seseque Leodium recipit nova auxilia præstolaturus. E diverso filius, ad ineuntem Junium, obsidium admovent Agrippinensibus, qui licet viginti armatorum millibus validè premerentur, toto tamen mense, tot & tanta ediderunt bellicæ virtutis exempla, ut, cùm Rex adverteret operosam etuentâmque fore oppugnationem, & diuturnitate perincommodam, gliscentibus jam ob annonæ tenuitatem in exercitu morbis, solutâ obsidione, adversus Lotharingum, quem reum Majestatis renuntiârat, vires converterit, ut eo debellato, in quo præcipuum erat adversæ factionis robur, faciliùs belli reliquias persequeretur. Verum hæc meditati nuntiatum ex Eburonibus, parentem 7. Idus Augusti desisse vivere. Moriens, agebat ætatis annum quintum supra quinquagesimum, regni quinquagesimum. Otbertus Leodiensis Episcopus eâ lege in Ecclesiæ communionem receptus est, ut defuncti cadaver, quod in sacro cujusdam Monasterij conditorio tumulaverat, effoderet, & profanæ terræ mandaret: inde tamen resolsum, volente filio, Spiram est translatus, & lapideo sarcophago inclusum, per quinquennium jacuit extra templi limina, donec tandem Romani Pontificis concessu majorum Mausoleo illatum est. Ita vitam finijt miser Imperator, vivus mortuusque fortunæ ludibrium, auctor tutorque Schismatis quadragenarij, fax & turbo rei Christianæ, publicum Ecclesiæ odium, eoque nullis, nisi unius im-

pro-

probitatis lachrymis comploratus. Ceteroqui nonnullæ subinde ex corrupta indole promicabant bonæ mentis scintillæ. Aliquando sicarijs, qui ejus necem erant machinati, supplicium remisit: nec erat perpetuò tam inclemens, quin Principibus, quos infestos senserat, si professi culpam ad ejus genua procumberent, nonnunquam parceret. Dabat etiam misericordiæ suas vices, liberali in egentes largitione. Si Germanicis scriptoribus fides est, nemo eâ tempestate nobilitatis splendore, ingenio, audaciâ, totius corporis elegantia visus est imperij fascibus aptior, & fuisset quidem non indignus, nisi magnas naturæ dotes maximis vitijs obruisset, culpâ tantò atrocior, quantò quisque deterior, qui malus esse vult, cum possit esse bonus, & improbitate DEI dona corrumpit.

Pervulgatâ ejus morte, Paschalis summus Pontifex, Germaniæ Principum rogatu, sine cunctatione iter versus Alpes ingressus est. Florentiæ pauxillum substitit, ut discuteret inanem famam, quæ de proximo Antichristi adventu stolidè jactabatur. Inde Guastallam progressus ad Padi ripam, mense Octobri, convenit egit, de reparandis damnis, quæ diuturna Schismatis contumacia Ecclesiæ intulerat. Quâ ex Synodo Conradum, è nobilissimo Babonis Abenspergij sanguine oriundum, pallio donatum, Salisburgensibus Antistitem remisit, jussitque, Bertholdum, ejus sedis incubatorem, expelli. Quò verò minus in sancienda ubique concordia esset obstaculi, donavit Episcopis & Clericis, qui à Schismaticis erant initiati, ne gradu moverentur, nisi si qui sacerdotia per vim aut detestandam nundinationem simoniacè invasisent, vel certè alijs sceleribus essent contaminati, qualis erat Hermannus Augustanus, quem, civitatis nomine, internuntij multorum criminum egere reum. Adfuere sacris comitijs Henrici V. oratores, Paschali regium obsequium professi, & Regni jus ratum haberi postulantes. Sed Pontifex, suspecta habens Germanorum ingenia, quorum erat expertus ferociam, Veronæ cum diversaretur, in nupero adversus cives tumultu, factusque certior, quòd Henricus à dimittendis è manu Ecclesiarum institutionibus esset alienus, responsum distulit, & mutatâ itineris ratione, deflexit in Galliam, inde Germaniæ rebus faciliè prospecturus. Quam ad rem, Concilium Treas indixit, & alpihus asperimâ brumâ superatis, Cluniaci, per natales Christi serias nonnihil respiravit. Iisdem Henricus Rex Ratisbonæ operatus, ex Legatis Pontificijs cognovit, Paschalem Treas ordinandis Ecclesiæ rebus adlaboraturum, proinde fore Germanis integrum, quod suarum esset partium, ad Concilium referre.

Hunc annum nobilitavit 16. Junij D. Bennonis Misnensis Episcopi felicissima è terris ad beatorum sedes migratio, quam eò propensius producimus, quòd Bojaria sacris ejus exuvijs, anno millesimo quingentesimo septuagesimo sexto, ditata, multas opitulationes ejus patrocinio adscribat. Eum summus Pontifex Adrianus VI. post habitas de ejusdem miraculis & sanctitate Julij II. Leonis X. ipsiusque Adriani jussu, accuratas quæstiones, anno millesimo quingentesimo vigesimo tertio in Coelitum Album retulit, resque supra naturam ab eo divinitus ante & post mortem patratas, in Bullâ, quam vocant canonizationis, integerrimâ fide recensuit: *multos videlicet Bennonis meritis à mortuis ad vitam revocatos, multos varijs morbis curatos, denique qui votum fecerit, neminem illius beneficium non sensisse*: ut omit- tam Albim flumen, siccis ab eo pedibus, nullo navigij adminiculo, transmissum: Ecclesiæ Misnensis claves in eundem fluvium projectas, & cum à Romano Concilio rediisset, è ventre piscis receptas: fontem perennem ex arido solo, percussu eductum: aquas in vinum conversas: æri campano vim contra tempestates impetratam: impertitam agris ubertatem: eodem prorsus tempore Naumburgi fecisse ad aram, & Misnæ sanctissimo Sacrificio adfuisse: res futuras prælagisse: vindictas ope cœlesti opes Misnensis Ecclesiæ: impressas terræ vestigiorum notas aliquot sæculis perseverasse: vestes Episcopales, ultra ducentos annos, sub tellure, pone ejus corpus, ab omni corruptione illæsas latuisse, reforsasque deinde durasse adversus omnem teredinem. Quæ postmodum secutæ sunt votivæ ad ipsius Lipsana piorum peregrinationes atque beneficia, nimis longum esset pertextere:

Dodechin.

Vrsberg.
PASCHALIS
PONTIF. A
GERMANIA
DEFLECTENS
Domizo.

XIII.

IN GALLI-
AM PROFI-
CISCITUR.

Vrsberg.

AN. CHRIST-
M. CVI.
D. BENNO-
NIS MIS-
NENSIS BEA-
TA MORS.

EJUS MIRA-
CULA.

XIV.

peti possunt ex diarijs, quæ præclara Collegij Canoniorum Monacensium ad Dⁿⁱ Virginem diligentia, post accuratam examinationem, pulchro ordine ad annum usque M. DC. LI. digesta, edidit in lucem.

AN. CHRIST.
M. CVII.
*Ordo Frising.
Dodechin.*
HENRICUS
V. COLO-
NIAM DEDI-
TIONE AC-
CIPIT.
FULMINE
ADFLATUR.

HENRICUS
RECLAMAT
DECRETO
CONG. TRE-
CENSIS, CIR-
CA SACER-
DOTIORUM
LAICAS IN-
VESTITURAS.
XV.

DECRETI
AMPLIATIO.

BELLUM
FLANDRI-
CUM.

Cæterum Henricus Rex, Christianis natalitijs Ratisbonæ peractis, Coloniam Agrippinam obsedit, deditamque accepit in fidem, & propter anni superioris audaciam magnâ pecuniæ vi multavit. Agentem hiberno tempore apud Goslarienses Saxonum conventum, subitò tempestas, fulgetris, cæli fragoribus crebrisque fulminum ictibus horrenda invasit. Pauxillum abtuit ab interitu. Cælestis ignis ensẽ regium perstringens, mucronem cum baltheo absumpsit, simul clypei interiorem è corio contextum contraxit in rugas: vulnus grandiori regij pedis digito inflixit, quod nullâ medicorum ope potuit perfanari, quibus rebus admonitus, meritò parentis casus, quos haud dissimilia portenta prænuntiaverant, debuisse identidem in memoriam revocare. Celebratis Moguntiaë Paschalibus, se contulit in Galliaë confinium, unde facilius exploraret consilia Trecentis conventus, qui cæptus est ad triumphalem Christi ascensionem. In eo emendata complura præclaris meliorum morum institutis. Ex Gregorij VII. & Urbani II. legibus, vetitum, ne quis sacerdotia, aut insulas à profano magistratu caperet. Cui decreto Henricus statim per legatos intercessit, causatus, æquum non esse, ut, quæ jura circa beneficiorum sacrarumve dignitatum institutiones, & quas vulgus nominat investituras, ab omni retro memoria, Imperatores, nihil reclamantibus Romanis Pontificibus, non modò ob præclara in rem Christianam merita, sed etiam collatas in Episcopatum aliorumque sacerdotiorum erectionem, luculentas opes continuo possedissent, ijs inviti exuerentur. Revocari posse in memoriam, quid in eo genere Carolus Magus, quid stirpis Carolinae Cæsares, quid Othones, alique Reges, usu nunquam interrupto, servassent; & expendi, an ij, ad quos Imperium transmississent, deteriore loco esse deberent. Quòd si quid mali usus in sacerdotiorum distributionem irrepsisset, posse abrogari, & jus rite quæsitum retineri: ita enim in rebus humanis observari, ut, quæ res sine noxâ possunt usurpari, servantur inviolatæ, sed tollatur earundem abusus. Et quamvis in eâ causâ foret aliquid statuendum, non fuisse tamen conveniens, ut de Imperij juribus extra ejus territorium disceptatio susciperetur. Verùm non injuriâ, quos nominavi, Romani Pontifices censuerunt, ad se pertinere rerum sacrarum dispositionem, & abolitionem privilegiorum, quæ insanabilis & inveterata pessimi moris licentia corrupisset. Aliquos Caroli Magni successores sacras investituras vertisse in turpissimum & Ecclesiæ perniciosissimum quæstum, eoque malorum adduxisse, ut sacrorum Antistites, nullâ probitatis, sapientiæ, aliarumve conditionum, quæ à sacrorum munus sanctitate exiguntur, habitâ ratione, cum incomparabili animarum jacturâ, non virtutibus, sed auro, velut per auktionem & sub hastâ, ad sacrosanctas dignitates sibi aditum aperirent. In eo rationum conspectu, impetravit Henricus, ut suspensâ justissimi decreti executione, lis ad futurum Romani Concilij judicium ampliaretur.

In Bojariam deinde reversus, Reginoburgi, de belli Flandrici, adversus Robertum Comitem, gerendi ratione & apparatu, cum Bodijs convenit. Robertus hic ipse est, qui Godefridum Bulionium in Syriam comitatus, in recuperandâ Christi patriâ, præclara fortitudinis exempla edidit. Is domum reversus, Henrico IV. superstite, Cameracenses, Romani Imperij clientes, bello petiverat, & rerum in Palæstina gestarum fiduciâ, regni Germanici fines infestus invaserat subactis Alostensibus. Ab eo Hollandi, tædere juncti cum Henrico, Zelandicas insulas repetebant: Hannonienses querebantur, se Duaco esse ejectos, & confines, plures injurias ab homine bellicoso metuebant. Quamobrem Henricus è Norico validas copias in Flandros, Octobri mense eduxit. Robertus viribus impar, cunctando bellum extraxit, obsessus, protectusque Duaci munimentis, dum hostis, per triginta amplius dies, Provinciam fœdè laceraret nullo alio operæ pretio. Cum enim Robertus egregiâ virtute Duacum adversus omnem vim propugnaret, inducias impetravit, eâ lege, ut proximis Imperij comitijs causam dicturus adesset.

Ad-

Adfuit, dixitque tantâ dexteritate, ut integratâ Regis gratiâ, amici loco haberetur. Gestum id Moguntia, anno ad finem præcipiti.

PAY.

Sub id temporis, Monasterij Berchtesgadenfis Canonico tum D. Augustini Regularium, jacta sunt fundamenta, vel, quod Berchtesgadenfes tabulæ produnt, positum est fastigium à Berengario Comite Sulzbacensi, ejusque fratre Cunone, & Irmengarde utriusque matre. Eberwino, è Raittenbuchensi Cœnobio, cum septem instituti sui sodalibus demandata est prima loci præfectura, quâ per annos triginta quatuor *devotè & prosperè* (ita habent Cœnobij litteræ) obiit, anno M. C. XLII. vivere desijt. Unde est, cur eorum calculus emendetur, qui in annum M. XCIIIX. istius Collegij initia conjecerunt, quod si verum haberet, Eberwinum oporteret duobus annis diutius præfuisse. Baumburgense item D. Augustini domicilium circa hunc annum caput extulisse, & tenuia Berchtesgadenstum initia opibus adjuvisse, vero similiter apparet ex illius monumentis. Nihil præterea memorabile hoc anno missum in Bojariæ fastos. Externum est bellum, quod Henricus gessit in Colomannum Ungariæ Regem, cum ingente sumptu, & nullâ ad fructum, aut gloriam commendatione. Bellandi causa, quæ cum deest, facile fingitur ab inquietis, fuerunt fraternæ Colomanni cum Almo similtates, & injuriarum memoria, quibus Colomannus cruci ad sacram militiam auctoratos, cum in Syriam tenderent, dicebatur affecisse: quodque subinde Germanicis imperij finibus armorum terrorem intulisset. Almus, neutiquam contentus precariâ Ducis appellatione, fratri erat suspectus, quasi stimulante ambitu, sceptro insidiaretur. Eum Colomannus dignitate exutum eò necessitatis adegit, ut, profugus in Boicam, auxilia ab Henrico rogaret, impetraretque. Bellum inconsultè susceptum frustrancâ Posonij obsidione, exiguâ cum laude finitum: neque enim Almus juvit, neque Henrico quicquam contulit, præter operæ malè locatæ infamiam.

AN. CHRIST.
M. CVIII.

XVI.

COENOBIIUM
BERCHTES-
GADENSE.

Brun, lib. 12.

pag. 173.

Vide Hund,
in Metrop.

10. 2. pag. 153.
& 193.

BAUMBUR-
GENSE MO-
NASTERIUM.

BELLUM
UNGARI-
CUM.

Haud multò gloriosior anni sequentis in Polonos expeditio, brevis quidem, sed successu improspero. Henrico in Ungariâ laboranti, anno superiore, se Poloni bifariam objecerant, missis ad Ungaros suppetijs, & factâ in Bojæmiâ irruptione, ut Suatoplicum Principem, qui stipendia bello Ungarico faciebat, ab Henrico abstractum, ad domestica pericula revocarent, metuentem, ne Borivojus sibi nuper ereptum principatum, Polonorum ope vindicaret. Henricus per se ardens vindictæ cupiditate, simul à Bojæmorum nonnullis incitabatur: nusquam desunt malevolis irarum incentiva. Facem identidem addebat Spigneus exul. Igitur æstate incunte, Cæsar non Bojorum duntaxat & Bojæmorum, sed totius etiam Germaniæ viribus, Poloniam, quâ parte Silesiæ confinis est, ingreditur, & arce Libusî oppidoque in potestatem redactis, Bythoniam frustra obsidet. Nihilo tamen seciùs, vasis conclamatis, Cæsar ad ulteriora progressus, Recenum capit, jubetque, omne belli instrumentum ad Gloggoviam, quæ id temporis Boleslao Polono parebat, obsidendam comparari. Sed jam præcesserant Polonica auxilia, quæ nostros Viadri trajectu prohiberent. Henricus tamen vado reperto haud procul ab urbe, ad 9. Cal. Septembris, exercitum ducit in adversam ripam, primo impetu submover Polonorum excubias, palantes cædit colonos, magnâque armenti copiam abigit: tum ad motis machinis, oppidanos, ultima exempla metuentes, cogit ad paciscendas quinque dierum inducias, dandósque obsides, fore, ut, si interea nihil auxilij veniret, mœnibus Cæsar pacatè reciperetur. Boleslaus de periculo factus certior, obsessis addicit, se in tempore adfuturum, jubetque minaciter, eos, ultra condictam diem, vim hostilem sustinere. Eapropter cives, elapsis inducijs, de urbe dedendâ postulati, negant, sibi id per Boleslaum, nisi cum fortunarum capitisque periculo licere. Instauratâ igitur, summâ vi, oppugnatione, factum utrinque fortiter, sed grandiore Cæsarianorum jacturâ, plurimis per aliquot dierum insultus, Bavarorum, Bojæmorum & Saxonum cadentibus. Adveniens inter hæc Boleslaus, Henricum, occupatis circum aditibus, cogit in arctum, prohibetque pabulationis & annonæ facultate; castra subinde, continentibus propè incursionibus

AN. CHRIST.
M. CIX.

Cromer, lib. 5.

pag. 76.

XVII.

BELLUM PO-
LONICUM.

XIIIX.

laceffens, commeantes ex infidijs opprimens, eò denique necessitatis Cæsarem impellit, ut obsesso, quàm obsidenti, videretur esse similior. In castris glifcebat fames, miles fatigabatur perpetuis ferè vigilijs, eratque periculum, ne, morbis invalescentibus, exercitus insigniter minueretur. Cæsar igitur metu dedecoris decrevit, summo conatu oppugnationem experiri. Paratum ad faciendam impressionem, Suatoplici mors compescuit. Eum Cistes Bojæmus, exul, stipatoribus permixtus, ex improvise trucidavit, exilij, in quod erat actus, vindictâ, an interemptorum cognatorum dolore, & Boleslai instinctu. Exinde captum in castris infaustum omen, præsertim à Bojæmis, quos Henricus, concessâ novi Ducis optandi potestate, delinivit. Othonem illi quidem Moraviæ Marchionem, Suatoplici germanum, filijs & Uladislao patruele prætermisiss, nominârunt; sed Bojæmorum procæres, Othone repudiato, Uladislaum Borivoij exautorati fratrem, summæ rei imposuerunt, quem deinde Suatoplicus & Bojæmix Ordines, successorem, interpositâ jurisjurandi religione, nominârunt.

HENRICUS
ACIE VIN-
CITUR.

Henricus Bojæmorum, qui domum abierant, subsidio nudatus, solutâ Glogovix obsidione, nondum satur malorum, inauspicato consilio, movet ad Poloniæ remotiora, nihil à tergo munitus, quod bellantibus semper fuit importunum. Ejus vestigia ponè premebat Boleslaus. Ut ventum est in Uratislaviæ conspectum, acie hinc & hinc instructâ, pugnatum acerrimè à primo diluculo usque ad meridiem, Marte dubio, quòd Poloni levioris armaturæ in densatas Germanorum phalanges calso impetu procurrerent. Sed Silesij, Henrici aciem, demum factò cuneo, invecti evertère. Ortâ à tergo fugâ, Henricus suos à fronte restitantes, in ordinibus retinere non potuit: agrè ipsemet elapsus est. Ne ex receptu cresceret dedecus, Boleslao pacem concessit, locatâ in thorum sorore Adelaide, desponsâque Christinâ admodum puellâ Uladislao filio Boleslai.

XIX.
NOVI MO-
TUS IN BO-
LEMIA.

Porro Borivojus, ex Suatoplici fratris nece, dubiâ de Bojæmix principatu contentione, occasionem nactus recuperandi dominatûs, quo se querebatur à fratre spoliatum, impetratis à Boleslao Polonorum, qui certatim ad signa confluebant, auxilijs, ex improvise Bojæmix ingressus, absente Uladislao, qui Reginoburgi Henrico comitia agenti aderat, nullo propè negotio Pragam, Bojæmix caput, & Wissegradum invadit. Henricus, comperto Bojæmix motu, Borivojum jussit, ad litem cum Uladislao disceptandam adesse, eumque, victoriâ competitori addictâ, jussit in vinculis attineri. Quæ causa fuit, cur anno postero, bellum fuerit in Bojæmix renovatum. Id Boleslaus Polonus, absente Cæsare, qui in Italiam erat profectus, insigni victoriâ potitus, prosperè finijt ad 8. Id. Octobris, expressitque Borivoij libertatem, quâ tamen non est potitus, donec anno M. CXVII. Cæsar ex Italia in Germaniam est reversus.

PRUFENNIN-
GENSE MO-
NASTERIUM.

Veteres membranæ, ad hunc annum referunt Prufenningensis Cœnobij originem. Situm est in Ratisbonæ conspectu, ad Danubij & Nabi confluentes. Ejus author D. Otho Babenbergensis Antistes, Pomeranorum Apostolus, cui, ferunt, ejusce operis moliendi mentem divinitus esse injectam, quando ex arcâ Cœnobio destinatâ, vidit scalam ad cœlum assurgentem, indeque audiit æris campani signa, per horarum intervalla, quibus divinæ laudes in choris à Clero solent celebrari.

Avent. An-
nal.
MALLER-
STORFENSE
MONASTE-
RIUM.
B. EDIGNA
VIRGO.

Per idem tempus, Henricus & Ernestus Kirchbergenfes Dynastæ, ad amnem Labarum, arcem Mallerstorfiam, primùm in ædem sacram, postea in Benedictinæ familiæ domicilium commutârunt. Mutavit quoque humile latibulum cum aulâ cœlesti B. Edigna virgo 26. Februarij. Chartæ, quæ publicè extant in templo Buechenfi (Buecha pagus est in Boicâ, haud longè ab Ambrone fluvio, è regione Furstenfeldæ) memorant, Edignam è Regiâ Francorum stirpe, quò securius suum genus & virtutes tegetet, cultu peregrino, eoque vili, in bigâ rusticânâ, quam boves gemini vectabant, delatam esse in Boicam, & sedem Buechæ fixisse, in prægrandis tilix, quæ hodièque triplici stirpe nixa pro templi foribus visitur, excavato trunco, qui vim à virgine mutuatus, post ejus mortem, diu fertur manâsse oleo, ægris apprime saluari; donec avaritia, ex eo captare aulæ lucrum, prodigiosam

scatu-

scaturiginem exhausit, siccavitque. Isthic virgo ætatem jejunijs, vigilijs, precationibus, lachrymis, divinis laudibus, arctæ paupertati dedicatam finijt. Memorant accolæ, miris eam operibus hodièque inclarescere, redhibere res furto ablatas, curare inveteratos oculorum, capitis, aliòsque dolores, depellere strumas, phrenesim, nephritidem; parturientes letho adimere, reddere cadentium lapsus molliores, averruncare armenti morbos.

Ab istis religionis exemplis, quibus Edigna, virgo regia, communem modum fertur esse supergressa, relabor ad ingentes turbas, quæ orbem Christianum concusserunt. Henricus V. frequenti Germaniæ Principum Senatu, Ratisbonæ ad 8. Idus Januarias, consilium, quod dudum antè mente versaverat, de Romæ adeundâ, & capeffendis supremis Imperij honoribus, jussit in commune disceptari. Nemo fuit, quin dignissimam Rege cogitationem laudaret. Certatim arma, stipendia addicta. Totius robur Germaniæ, flos juventutis, nobilitas penè universa optatissimæ expeditioni nomen dedit, eo numero, ut Otho Frisingensis, triginta equitum millia, ad signa confluisse, scripserit. Peditatum & Italica auxilia non recenset. Paschalis Pontifex, ubi per Legatos de futurâ Regis profectiõne factus est certior, non immeritò veritus, ne sub pacis larvâ, sinistræ mentis aliquid lateret, Principem Capuanum, omnes Apuliæ Dynastas, Nortmannos Italicos, Longobardos, universos Ecclesiæ Romanæ clientes, ad paranda auxilia, & si foret usus, ad vim defendendam excitavit. Promptum est multa polliceri, pauca præstare. Jussi quoque Romani sese ad omnes casus comparare. Et verò etiam cælum minas videbatur intentare sidere crinito, quod ad 8. Idus Junias cæpit, non sine mortalium horrore, coruscare.

Sub mensem Sextilem Henricus movit ex Germaniâ. In ejus comitatu fuere, Welfo Bojorum Dux, Henricus Carinthius, Berengarius Sultzbacensis & Cono fratres, Theobaldus Vohburgius, Engelbertus Craiburgius, Sigebotho Falckensteinus. Taceo proceres gentium aliarum. Rex cum parte copiarum per alpes Cottias, quas posteri Montem Jovis dixerunt, profectus est, cæteræ copiæ per fauces Tridentinas in aperta camporum evasere. Cæsar Eporediæ honorifice acceptus est: Novariam, imperata facere derectantem, vi occupavit, & ad cæteræ Italiæ terrorem incendit. Conjunctis deinde copijs, venit Mediolanum, ubi à Chrysolao Archiepiscopo regni Italici coronam accepit. Inde sine maleficio delatus Cremonam, & Brixianis offensus, arce D. Martini Guardici expugnatâ, Veronam progressus est. Tum Pado trajecto, castris ad Placentiam positis, solenne sacramentum & munera à civitate accepit. Parmam versus abiens, movit ad Tarum, Galliæ Cisalpinæ flumen, quod ex Apennino monte se in Eridanum exonerat. Antequam iret longiùs, cum Mathilde, quæ arma parabat, pacem iniit. Agrum dehinc Parmensem emensus, agrumque Mutinensem, rigidissimâ hieme, cum incredibilibus legionum incommodis, Apenninum superavit. Florentiæ, per Christi natales captum spatium respirandi. Ventum inde Aretium, quod, civium proterviâ irritatus Cæsar, vastavit. Ex eo loco, missi ad Pontificem oratores, qui nuntiarent, Henricum ad petendos augustales honores, venire pacatum, paratumque esse in summæ sedis auctoritate, & ad præstanda, quæ ipsius majores piè reverentérque præstitissent. Juvat ex Petro Diacono pacta describere, usque eò Germaniæ Principibus clàm habita, ut (quod Gerhohus notavit) unus Adelbertus Regni Cancellarius, Saræpontanus Comes, gente Lotharingus in eorum notitiam fuerit admissus. *Henricus die coronationis sue, omnia usurpata Ecclesiæ jura Pontifici firmabit: dimittet Ecclesias liberas cum muneribus & possessionibus suis, quas ad regnum non pertinere constabit. Liberabit sacramento populos, qui adversari Episcopis compulsi sunt, patrimonialia possessionesque B. Petri restituet eâ libertate, quâ à Carolo Ludovico, Henrico, aliisque Imperatoribus concessa sunt, servabitque ea B. Petro pro viribus. Nihil aut faciet, aut dicet, quo Pontifex Pontificatum amittas, aut noxam aliquam corporis, aut membrorum accipiat, aut capiatur dolo malo, aut per se, aut per alium, neque ipse, neque amici ejus, qui pro ipso fidem obligabunt, ut Petrus Leonis, & filij ejus. Quod si quis eis nocuerit,*

Rex

AN. CHRISTI
M. C. X.
XX.

HENRICI
EXPEDITIO
ROMANA,

HENRICUS
INGRESSUS
ITALIAM.,
MEDIOLANI
CORONATUR
VARIA LO-
CA OCCUPAT.

XXI.

AN. CHRISTI
M. CXL

Otho Fri-
sing.
PACTA IN-
TER PONTI-
FICEM ET
HENRICUM.

Rex ipse bonâ fide eis auxilio erit. Pro his observandis, prades dabit, Fridericum sororis suæ filium, Engelbertum & Theobaldum Marchiones, Hermannum & Gotifredum Comites, Fridericum Palatii Comitem, Berengarium Bajorum, Henricum Carinthium, Bertolfum Bertolfi Ducis filium, qui sacramento præstabit incolumitatem Pontifici, vitæ, membrorum, libertatis & dignitatis, & nisi Rex ista servabit, ad Ecclesiæ Romanæ partes se transferent obsides. Rex dabit proximo quinto die, eosque mittet ad Insulam in potestatem Pontificis, & si obsides ab eo recipiet, reddet eos in die coronationis suæ, ponte transmissis: & si fortè coronatus non fuerit, aut pontem non trajecerit, similiter reddet ad arcem S. Angeli: Legatos, quos Pontifex ad se miserit, dum ibunt & redibunt, tutos à se suisque præstabit: & si qua eis noxa scienter allata erit, bonâ fide resarciat. Hæc ubi Henricus impleverit, tum Pontifex, astantibus in die coronationis suæ mandabit, ut regalia imperatori dimittant, quæque à temporibus Caroli, Ludovici, Henrici, aliorumque prædecessorum, ad regnum pertinebant, scripto ea, indicto anathemate, confirmabis, fore ut nemo eorum, aut præsentium, aut absentium, aut successores eorum, jura regni attingant, neque invadant civitates, Ducatus, Marchias, Comitatus, monetas, seloneas, ad vocationes Imperij, Centurionum jura, cortèsque cum ijs, quæ ad eas pertinent: neque Pontifex Imperatori, neque Romano imperio, super his litem movebit, & hæc privilegio, proposito anathemate, confirmabit. Henricum benignè & cum honore excipiet, & ut assolet, scienter & sine dolo malo coronâ Imperatoriâ decorabit, & ad retinendum imperium auxilio erit. Hoc si Pontifex non expleverit, Petrus Leonis & amici ejus ad partes transibunt Imperatoris, obsides, nisi effugerint, altero post coronationem die, restituet: si per Pontificem steterit, quod minus coronetur, restituet.

XXII.

HENRICUS
URBIS PRIVI-
LEGIA CON-
FIRMAT.

URBEM IN-
GREDITUR.

INGENS
CONTENTIO
DE BENEFI-
CIORUM IN-
STITUTIONI-
BUS ET
JURE REGA-
LIUM.

Sigon. lib. 10.

Hæc eo tenore conscripta, legati regij unâ cum Pontificijs, ad Henricum regressi detulerunt, qui omnia accuratè recitata & expensa, se servaturum juratus addixit. His ita constitutis, ad 3. Idus Februarias, ipsis Liberalibus, castra locavit ad urbem, in monte Malo, ut, quemadmodum urgebant Romani, priusquam mœnibus reciperetur, Urbis jura, honores, libertates, privilegia, jurejurando firmaret. Et juravit quidem, sed linguâ Germanis vernaculâ: quod Romani, nescio quid fraudis suspicati, ostenderunt, se vehementer improbare. Postridie nihilo minus celebri pompâ deductus in urbem, cum in pedes ante basilicam Vaticanam desiliisset, ascendit ad Pontificem, qui unâ cum frequenti Purpuratorum Senatu in supremo scalarum gradu expectabat. Ibi provolutus ad sacros pedes, erectusque accepto pacis osculo, pro more, ad portam argenteam processit. Isti hic à Chrysolao Mediolani Antistite oblatus, factâ fidei professione, à Pontifice Imperator est renuntiatus. Tum introductus in ædem, ad rotam Porphyriticam, Pontifici dextram sellam occupanti, ipse ad lævam assedit. Vix assederat, cum, nihil minus expectans, ex improvise rogatur à Pontifice, ut, quod erat pollicitus, sacrarum dignitatum, sacerdotiorum, Episcoporum institutiones abjuraret. Hic attonito similis, primùm conticuit, dein impetrato spatio deliberandi, ad sanctioris consilij procures, qui in sinistrâ templi parte constiterant, secessit. Cum consultatio protraheretur, neque in re tam arduâ & inexpectatâ consilium expediretur, misit Pontifex, qui moneret, facerent disceptandi finem, diem esse adultam, & haud parùm temporis peragendis Sacris exposci. Germani Antistites, quorum res maximè agebatur, obnuntiârunt pacto, quod Cæsar ipsis inscijs inivisset, utpote Ecclesiarum juribus nimium quantum adversanti, quæ à pientissimis Imperatoribus, volentibus summis Pontificibus, citra cujusquam injuriam, manâssent. Beneficia Principum, æterna atque immota esse debere, neque verò fas esse, Caroli, Ludovici, Henrici, & Othonum liberalem pietatem pessundari. Si regalia, Principatus, Præfecturæ, Tetrarchiæ, tributa, portoria, jus æris ferendi, rimandi conflandique metalli, Ecclesijs adimantur, qui demum ad tuendam earum dignitatem & incolumitatem reliquum sit futurum? Cum perstaret tamen Pontifex in sententiâ, diceretque, reddenda esse Cæsari, quæ sunt Cæsaris, & sacrosanctis aris addictos, malè sæcularibus negotijs implicari, quod D. Ambrosij ju-
dicio

dicio id esset à sacerdotum officio alienum: reponebant Antistites, quæ DEI essent, DEO non debere auferri, neque piè oblata, in Cæsaris usus converti. Plura à tumultuantibus jactata in summum Orbis Christiani parentem, pro veteri jure Cæsarium ad Præsules per pedum & annulum inaugurandos. Cum nullus daretur locus, neque mollibus, neque acrioribus consilijs, Cæsar, quorundam Episcoporum instinctu, Pontificem jussit armatorum globo circumdari. Tanta confluxerat hominum multitudo, ut procedenti ad D. Petri aram ægrè patuerit accessus. Ne divinis quidem operanti detracta est custodia. Sacro peracto, unà cum Cardinalibus, extra templi atrium, ad noctem usque fuit à milite custoditus, nemine ex Germanis, præter Conradum Salisburgensem Archiepiscopum, atrocem injuriam improbante. Is per armatorum turbam irrumpens, obvijs elatâ voce facinus indignum exprobrabat, quo sanctissima Christi majestas in Vicario: factorum reverentia, in augustissimo totius orbis terrarum templo violabatur, idque Christiani Principis imperio, quodque turpius, Episcopis, authoribus. Talia vociferanti, Henticus quidam, cognomento Caput, qui Aventino dicitur Cautringensis, sicam intentavit, minatus, se cum, ni mox linguam compesceret, confossurum: sed tantum abfuit, ut generosam Conradi constantiam libertatēque percelleret, ut etiam vocem animosque erigeret. *En, inquit vir sanctus, jugulum, feri sodes, & funde sanguinem, quo justissima causa, per summum vestrum scelus oppressa, & à me definsa memoria, ad omnem posteritatem cum aeterno nationis nostra dedecore transferbatur. Fac in meo capite præludium impie carnificina, qua nunquam satis, nisi tuo tuique similitum interitu poteris expiari. Mihi: tanti non est vivere, quin mors pro DEO sit in voto, ne per id, quod mihi superest visa, cogar longam malorum vestrorum seriem intueri. Nemo sanè à me, nisi mortuo, intempestivum silentium exprimet: quis enim filius vocem continent, quando piorum omnium parentem, tam atroci sacrilegio cernit offendi? Dicendi ardor, stolidi hominis ferrum retudit. Cardinalium nonnulli, Pontificis captivitate & impendentis periculi metu anxij, sub plebejo habitu inobservati per confertam multitudinem aufugere. In his Joannes Episcopus Tusculanus, qui in urbis compitis & privatorum domicilijs, quosvis obvios, ad ulciscendum omnium, quod ista ætas vidit, crimen inmanissimum, hortatus est. Secuta eodem die, Germanorum omnium, qui religionis, vel negotiorum causâ Romam venerant, cruenta cædes. Postridie, instauratâ sævitie, Romani facto agmine, transmissio Tiberi, in Regis castra faciunt imperum, ipsūque Cæsarem, se furentibus inferentem, in facie lauciatum equo deturbant, haud dubiè prostratum trucidaturi, nisi Otho Comes Mediolanensis in equum sublato, fugiendi rationem expedivisset. Othonem Romani in urbem raptatum fœdissimè laniarunt. Imperator interim castra armatasque phalanges oberrans, vulnus manantēque cruorem ostentabat, animabātque suos ad vindictam. *Quid cessatis, aiebat, commilitones? aliudne, quàm à regio sanguine & cruentâ plagâ classicum expectatis? Pericram vobis otiosè spectantibus, nisi exteri virtus, velut miraculo servasset. Hanc fortuna vobis gloriam praripuit, ne fama servati Regis gloriam de vobis loquatur: hanc saltem lauream in patriam reportate, ut vos Regis injuriam esse ultos pradicent feri nepotes.* Ad has voces, coortæ ad pugnam legiones, furentium mote incurrerunt in Romanos, nullo sternendi fine, nullo sæviendi temperamento. Multa hominum millia ad pontem Ælium deleti, multi acti in Tiberim absorptique, complures coniecti in vincula, permulti in Urbem refugientes, à confertâ turbâ obtriti. Non fuit, eâ tempestate, alia pugna Romanis fœdior aut magis truculenta, quæ tamen sub vespere recrudit, civibus ad legenda spolia rursus sociatis. Qui cladi superfuerunt, Cardinalis Tusculani hortatu, in Imperatoris caput conspirarunt: quo comperto, proximo noctis conticinio abduxit in vinculis Pontificem cum Cardinalium collegio, multis Episcopis, toto eorum comitatu, & ingenti aliorum captivorum multitudine.*

PONTIFEX
CAPITUR.CONRADI
SALISBUR-
GENSIS
EGREGIA
ANIMI MA-
GNITUDO.
XXIII.GERMANO-
RUM ADVE-
NARUM
CÆDES.
CÆSAR VUL-
NERATUR.ATROX RO-
MANORUM
CLADES.PONTIFEX
UNA CUM
CARDINA-
LIBUS AB-
DUC-
TI IN VIN-
CULIS.

XXIV.

Profectus in Sabinos, Paschalem & quatuor Cardinales jussit in castro Trebeco, ceteros apud Cortodisium custodiri. Duo Episcopi in Paschalis ministe-

PASCHALIS
VATICINI-
UM.

TRISTESPE-
CTACULUM.

XXV.

WELFO BO-
IUS PACIS
INTERPRES.

PACIS LEGES.

HENRICI
CORONATIO.

rio relictū. Ager Romanus devastatus, biduo, quo castra fuerunt in urbis conspē-
ctu. Bimestre datum est facinori à longā avorum memoriā turpissimo. Tenta-
tus inter hæc Paschalis animus, ut pateretur fieri de pace mentionem. Rogatus
enixè à Germanis Episcopis, daret suæ lenitati urbis salutem, captivorum incolu-
mitatem, orbis Christiani quietem, Cæsaris amicitiam, quam posset de nesciri, si
eum inauguraret, sineretque uti frui prisco sacerdotiorum conferendorum iure.
Ad hæc Paschalis commotior: *Utne vos, quibus sacrorum tutela, pro vestri ordinis
conditione commissa est, mihi consilij adeò execrabilis authores estis, ut hominis tam im-
pio, tam fraudulento manus divina rei dicatas imponam? Ipse suas scilicet egregie ad
suscipiendam consecrationem expiavit, fuso in sacris adyis, super ipsas aras, sanguine
sacerdotum, & temerato per infantium cades, sanctitudinis sacrario. Egone talis mon-
strum sinam sacris unctionibus attingi, & velut unum aliquem è bonorum numero, ful-
gere diademate, gloriari scepero, ostro amicti, gestare globum, insigne Imperij orbis ser-
rarum, armari ferro, quo mox ad Ecclesiæ perniciem sit abusurus? Malo furat in meum
caput; nihil enim jam in me potest atrocius. Hæc verò meis illi verbis fidenter renun-
tiate, non fore illi perennem, quam Roma edidit, crudelitatis usuram; habiturum,
quoad vivet, dies turbulentos, neque post truculenta fata, relicturum masculum ha-
redem.*

Ad hæc Cæsar, suprà quàm dici queat, excandescens, captivos omnes
in Paschalis conspectum iussit produci ad necem, tristissimo spectaculo; quos Pon-
tifex ad mortem, fortiter pro DEI & Ecclesiæ causâ ferendam, hortatus est, osten-
dens, se eandem cum ipsis, & aliam quamcunque fortis acerbiter tolerare, in
lucro positurum. Verùm cum in miseris non esset par animi fortitudo,
& mortis prorogationem flebili ejulatu comprecarentur, mollitus lachrymis &
infantium commiseratione, passus est, se salutis alienæ gratiâ, à sententiæ rigore
deduci, ut Henrici votis, si nihil postularet iniquius, obsecundaret. Jurata utrin-
que pacta in agro ad pontem Mammæum, magnis testibus, subscripta à Paschali
licet perinvito. Quis sensus fuerit regij comitatus, dum ista agerentur; omnesne
Principes ordinis utriusque ex composito delirârunt, & sine gemitu Pontificem
captivum aspexerint; an præter Conradum Salisburgensem aliqui, cæteris æquio-
res, saniora sint ausi, contra assentatorum multitudinem, Regi revocare ad ani-
mum, non est promptum, in alto omnium ferè Scriptorum silentio, decernere.
Unum tamen à communi probro vindicant Annales Weingartenses Welfonem
Bojarix Ducem, qui Boicis legionibus, quas adduxerat, stipatus, pacis inter Pon-
tificem atque Regem fuit interpres, & magnoperè ab Henrici temeritate alienus.
Eum memorant non esse veritum, Regem cordatè monere; sed fructum non tu-
lisse alium, quàm bonam sani consilij conscientiam, cæteris Procerum aures Regis
adulatione complentibus, quasi Jacobi Patriarchæ exemplo, Ecclesiæ Angelum,
ad extorquendam benedictionem, captivum stringeret. Cæterùm pacta raptim
dictata, subscripta fuerunt in hanc sententiam: *Illata ab Henrico Rege Summo Pon-
tifici, Ecclesiæ Romanae injuria, perpetuâ oblivione sepeliuntur: Pontifex nullâ ratione,
ne censurâ quidem vindicato. Imperatori jus fasque esto, Episcopos aliòsque Præsules,
rite atque ordine cooptatos, annulo atque pædo instituere, Archiepiscopis verò, ad quos
spectabunt, sacro ritu initiare. Henricus Pontificem, Cardinales, Episcopos, captivos
quoscumque libertati reddito: obsides intra portas Tiberinas, liberos dimittito: Senas
populòque Romano & alijs, qui in fide sunt Pontificis, ne officito. Pontifici fideliter ope
operâque adesto, ad Pontificatus & sacri patrimonij retinendam recuperandâque pos-
sessionem. Eidem Pontifici bonâ fide citràque dolum, salvo Imperij Regniue honore,
antecessorum exemplo, morem gerito. Postridie, quàm hæc erant gesta, Idibus vi-
delicet Aprilis, Pontifex cum Henrico ingressus Leoninam urbem, portis, ne
quis existeret è civitate concursus, oppellularis, in Principis Apostolorum æde
Augustum, ritu solenni, coronâ Imperatoriâ redimitum salutavit. Atque hic fuit il-
latabilis exitus illaudatæ dimicationis.*

Crede-

Credebat Imperator, se rem grandem confecisse in urbe, retentâ per vim instituentium Præsulum veteri usurpatione; verum, quod ea res Deo cordi non esset, non Romæ modò, in æde Constantinianâ, præsidente Paschali, præsentibus duodecim Archiepiscopis, Episcopis centum quatuordecim, Cardinalibus viginti tribus, & innumerâ minorum Præsulum & Cleri multitudine, sed etiam in Gallicâ Synodo, authore Guidone Viennensi Archiepiscopo, & adstipulantibus S. Godefrido Ambianensi, S. Hugone Gratianopolitano, gravissimæ in Henricum Cæsarem dictæ sunt sententiæ, actumque, ut rescissâ Paschalis pactione, à piorum communione removeretur. Paschalis tamen neutri Concilio de Henrico ab Ecclesiâ proscribendo, vel revocando *investiturarum* privilegio, assensus est, nedum tulit sententiam; quod non judicaret, esse Pontificiæ existimationis, ilicò damnare, quod paulò antè juratus probâisset: non quod leges hoc ipsum verarent, sed ne fœdistraxis & perjuris vel minimam peccandi ansam præberet; satis existimans, cum nonnullo Ecclesiæ damno, iurium, quàm famæ bonique exempli facere iacturam. Quia verò vim erat passus, non obstitit, quò minùs Romani Patres privilegium execrarentur, & flammis abolerent, immo &, vulgata passim sententiâ, Henricum diris devoverent. Non evitavit tamen, quò minùs vitus sit, Apostolicæ constantiæ nervos succidisse, & egisse languidiùs in Ecclesiæ Romanæ causâ. Certè neque mox post Lateranensem Synodum, qualecunque amicitie vinculum, vel commercium litterarum cum Henrico, hoc anno, contra ac Brunnerus vult, abruptit, neque probavit Viennense Conciliū, donec, quarto post anno, in quarto Lateranensi Concilio, impulsu Canonis Cardinalis Prænestini, edicto firmavit gesta Guidonis Viennensis. Est verò, eut Numinis, pro suâ Ecclesiâ perpetuò vigilantis, admirabilem sapientiam admiremur, quando Pontifice frigescente & Patrum authoritati remissiùs adhærente, non permisit, ut eapropter ullum in Ecclesiâ divortium oriretur; sed magnum ardorem Cardinalibus aliisque Antistitibus ad tuendam sacrorum iurium libertatem iniecit.

Sed & hoc omnem superat admirationem, quòd complures, qui aliàs Apostolicæ sedi restiterant, damnatâ sententiâ, & velut mutati in alios homines, summa virtute, ejus patrociniū adversus Imperatorem, non sine capitis sui periculo, sunt amplexi. In his Adalbertus Cancellarius, *primus inter primos* (ut loquitur Otto Frisingensis) Henrici V. *præcordiales consiliarius*, cujus instinctu, Paschalis tot tantæque mala erat perpeffus. Is etenim, posteaquam hoc anno Moguntino Archiepiscopatu fuorat ab Imperatore donatus, vela vertit in contrarium, noménque dedit factioni quorundam Saxoniarum Principum, & Episcoporum, & ex Cæsaris amico factus hostis, ejus gratiæ prætulit Romanæ sedis auctoritatem. Quamobrem conjectus est in custodiam, & quadriennes tetri carceris ærumnas constantissimè toleravit, cum illustri documento, supremum apud Principes gratiæ locum, haud procul à præcipitio abesse. Eum vinculis exemere Moguntinū vix trahentem animam, ita illum inedia extenuaverat: & exemere quidem datis Cæsari obfidibus, quorum aliqui membris truncati, alij fame propè enecti, alij exilium perpeffi, alij morbis & pædore squalentes demum ad suos rediere.

Inter Reipublicæ turbas, suus etiam fuit locus pietati. Ante biennium, Beyrbergenſe Monasterium D. Augustini Canonicorum, ab illustri Domino Othone Iringenſi (nomen caſtri eſt, quòd hodie Euraspurgum nuncupatur) ejusque fratribus, Everhardo & Conrado conditum eſt. Calixti II. diploma ſolum quidem nominat Othonem, verum id reſcriptum, anno M. CXXXI. datum, non complectitur totius Cœnobij fundationem, ſed uniꝯ Buriburgenſis prædij donationem; factam à ſolo Othone, ut in ejus fundo templum, in honorem SS. Apoſtolorum Petri & Pauli, ædificaretur, quod credibile eſt, poſt Canonicorum domicilium fuiſſe extructum. Henricus, primus loci Præpoſitus, diem obiit Anno M. CLXXXIV. haud dubiè centenariꝯ major, niſi contra priſcum morem, admodum juvenis, admotus fuit præfecturæ. Otho præter alia, Cœnobio donavit inſignes Divorū reliquias, quas ejus parens Adalbertus primæ apud Henricum

AN. CHRIST.
M. CXII.
HENRICI
NOMEN
GRAVISSIME
VAPULAT.
XXVI.

Baron. ad
hunc An.

HENRICUS
ROMÆ A
PATRIBUS
DIRIS DE-
VOTUS

Brun. lib. 12.
pag. 241.

MIRA QUO-
RUNDAM &
PRÆSULUM
HENRICIA-
NORUM MU-
TATIO.
Otto Frising.
lib. 7. cap. 14.
Dodech. n.
Præpergen.
Serar. lib. 5.
pag. 812.
ADALBERTUS
MOGUNTINUS A CÆ-
SARE DEFICI-
CIT.

XXVII.
BEYRBER-
GENSE MO-
NASTERIUM.

M. S. Beyr-
bergen.

Paul. Bern-
ried.

cum I V. admissionis, sacrorum Præfulum liberalitate acceperat. Ea pignora insigniter auxere loci venerationem, divino ostento, quod Paulus Bernriedensis descripsit.

DIVINUM
OSTENTUM,

D. GEORGII
MONASTE-
RIA: ALTE-
RUM IN AU-
STRIA.

Hund. vol. 1,
pag. 307.
ALTERUM
IN TIROLI.

Cum Gepa, soror Contradi Anachoretæ, cujus hortatu Otho Monasterium erexerat, vitâ migrasset, ad curandum ejus funus, Bertha fundatoris mater, B. Herluca, Henricus Præpositus, Paulus Bernriedensis, & Gebhardus ejus socius, conveniunt. Quando in æde Beyrbergenſi sacerdos faciebat ad aram, Herluca, divinorum spectaculorum haud insuetæ, visi sunt Cœlites adesse sacrificanti, cum magnâ reverentiâ, illi videlicet, quorum pignora in ista æde servabantur. Anno duodecimo, duo Monasteria D. Georgio sunt excitata: alterum ad Traismam amnem, ab Udalrico Batavensi Episcopo, qui domum ex Palæstinâ reversus, id sanctitatis domicilium, grati in DEUM animi testem, extare voluit, quod inter paucos, qui D. Thiemonem secuti, post grandia pericula & incredibiles calamitates, domum incolumis rediisset. Id Monasterium ex Insulâ Danubianâ translatum, Austriæ hodie Herzoburgense nominant, ab oppidulo, in quo situm est. Alteri D. Georgii Monasterio, è regione Suazæ, metallicarum fodinarum Tirolicæ ditionis, supra Oeni vallem, in præalto jugo, dederunt initium, Ratholdus Aiblingæ, in Bojariâ, ad Mangoldum flumen, dominus, aliique sanguine & religionis studio nobiles, ex Friendspergiolorum præcipuè, Selnerorum, eorum præsertim, quos Scliteros nuncupârunt, familijs. Ij cum loci, ad quem se divinitus invitatos credebant, asperitate luctati, humilia primùm tuguriola incoluerunt, deinde in rupis præruptæ supercilio, D. Georgio Oratorium, sibi verò domunculam excitârunt, quam annis succedentibus Reginbertus Brixinensis Episcopus, olim D. Petri Salisburgensis Abbas, cui etiam ascetæ Wilthinenses in Oeni valle suam debent originem, reddidit paulò cultiorem. Andecenses & Dießenses Dynastæ, per eos quoque dies, in vertice Matronæ Montis D. Petri venerationi Cœnobium condiderunt, de quo nihil, præter rudera & sacram ædem, bellorum injuriæ fecere reliquum.

AN. CHRIST.
M. CXIII.
XXIIIX.
HENRICI
AVARITIA
BELLO SAX-
ONICO DAT
ANSAM.

VULGO MA-
LE AUDIT.

Gliscabant interim publica in imperatorem odia, Saxonum in primis, quos illius intempestiva avaritia hac occasione exasperavit. Udalrico Saxone opulento in paucis Principe, rebus humanis exempto, Sigefridus defuncto proximus, debitam sibi hereditatem adire parabat. Henricus, qui luculentas opes fisco volebat addictas, intercessit. Causæ isti accessere aliæ ex Sigefridi aliorumque privatis injurijs. Cæsar, cæteroqui jam ob Romana dissidia passim exosus, communem invidiam intendebat novis indies malefactis, idque eò gravius, quod paterno esset imbutus ingenio, & veterum malorum memoriam recentibus inclementiæ documentis sæpe renovaret. Quid enim à pessimi parentis sobole non degenerem mirius posset expectari? Recurrebat identidem in cordatiorum animos, ne patri quidem impium filium pepercisse, sed regnum à violatis naturæ legibus esse auspiciatum; imperium verò in ipso primordio temerâsse execrandâ in Pontificem impietate, eoque duarum amplissimarum Synodorum judicio, nomen ejus factum esse detestabile: nec apparebat ratio, cur credi posset, in mentem, tot corruptam improbitatibus, proba consilia receptum habitura. Quod si ad evertendas privatorum fortunas sineretur grassari, nihil denique fore reliquum, quàm ut ruptis legum omnium vinculis, effrenis per omnem licentiam, ad pessundandam Reipublicæ salutem, præcipitaretur. Post rem, sera nimis fore remedia, ubi jugum imposuisset libertati, & privatorum opes, unde publicæ rei nervus est, rapuisset ad arbitrium violenti dominatûs. Oppressam à patre Saxoniam, quanto nobilissimi sanguinis impendio atque prodigentiâ ad aliquam sortis avitæ conditionem rediisse? Quod si Barbarus quispiam ab extremis Septentrionibus immineret, futurum esse neminem, qui pro patriâ, pro aris atque focis arma non induceret. Quid igitur animi esse debeat populis libertati innutritis, cum sentiunt se domesticis periculis urgeri? Hæc Sigefridi emissarij totâ passim Saxoniam cum quererentur, non fuit difficile, gentem juris sui retinentem, ad armorum conspirationem excitare.

citare. Nomen communi defensione professi sunt, Dux Lotharius, Rudolfus Marchio, Fridericus Comes Palatinus, Sumerbergius, Wigbertus, Ludovicus Turingus. Ex sanctiore ordine, Reinhardus Antistes Halberstattenfis, & quod mirere, è Principibus fœminis, Gertrudis opibus clientelisque potens, sui sexûs animos supergressa. Omnes judicabant intolerabile, patrias possessiones indies à regijs quæstoribus magis magisque accidi, ita Henrici studia réferebantur ad avaritiam, ac proinde non oppida, non agri, non ipsa Sacrorum jura ab ejus rapacitate satis erant tuta. Cùm potentia conjuratorum nondum esset firmata; ut sunt tardæ molitiones, cùm neque uno sensu, neque certâ lege moventur, Cæsar actis Christi natalitijs, Erfurtum concessit. Conjuratorum nullus venienti, honoris causâ, occurrit, sive irâ stimulante, sive metu & facti conscientia: tamen eorum consilia dissimulatione premi oporteret, donec belli apparatu forent tutiora. Eorum absentiam Henricus est interpretatus haud dubiæ rebellionis indicium: quam ut in herba exstingueret, ne expectato quidem sacrarum feriarum exitu, illorum clientelas, oppida, villas, jussit flammâ, ferro, populationibus vastari. Haud multò post, Hornburgum, arcem apprime munitam, difficili superatam obsidione, delevit. Conjurati, collectis raptim popularium centurijs, velitares conflictus objecere, Marte (ut fit) vario: sed Sigefridus denique ab hoste, in quâdam villâ deprehensus, occubuit, vir, quod de eo scripsit Urspergensis, nobilissimus, & probitate nulli secundus. Wigbertus, eodem loci, simili fortunâ, vivus venit in Henrici potestatem: Ludovicus factâ deditione, vitæ libertatisque gratiam impetravit, atque ad eum quidem modum, factione tantisper repressâ, vîsâ renasci quies; quanquam in Burgundiâ nonnihil hoc anno turbatum à Reginoldo Comite, qui Cæsaris propinquitate & juvenili deceprus ingenio, defectionem ab imperio molitus est. Eum Cæsar celeritate oppressit, obselsûmque in arce Monzunensi & captum carceri mancipavit anno nondum evoluto. Sub ejus finem Henricus, Babenbergæ, frequenti Principum conventu, D. Othonis, ejusce Ecclesiæ Episcopi, animum voluit explorare. Vir sanctus venerat in suspicionem, quasi esset à Cæsare alienus, quod repullulantibus indies in Imperio veterum malorum lolijs, simul in meliorum cogitatione revivisceret antiqua offensio: unde Henrico metus, ne Otho, cui sola virtus erat in pretio, venisset in album factionatorum, quibus aperta Cæsaris improbitas erat exosa. Nam quicquid tumoris & insolentiae mali ostentent, metu tamen, qui ex suspicionem nascitur, non sunt vacui; sed quod os aureum rectissime dixit: *Sicut, qui nocte illumi ambulant, tremunt, licet nihil sit, quod terreat; ita & qui peccant, non possunt esse animo confidenti, etsi nemo sit, qui redarguat.* Suspicionem intenderat, quod Otho infensus aulae vitijs, ab eâ abstineret, & horreret publicos conventus, eos præsertim, quibus interesset Cæsar, ex ejus consuetudine & negotijs, si ex ejus arbitrio tractarentur, labis aliquid poterat contrahi vel offensæ, nisi ad ejus gratiam agerentur. Ut tamen Henricus venit in rem præsentem, viri sancti sapientiâ & liberalitate sic fuit delinitus, ut nihil putaverit esse ultrâ de ejus innocentia dubitandum.

SAXONUM
CONSPIRA-
TIO,

MALE SAR-
TA,

XXIX.

Saxon. vitius
Chron.
OPPRESSA.

TURBA
BURGUNDI-
CÆ,
REPRESSA.

Urspergen.

D. OTHO
BABENBER-
GENSIS CÆ-
SARI SUSPE-
CTUS.

Chrysost. hom.
1. in cap. 1. ad
Rom.

AN. CHRIST.
M. CXIV.

XXX.

LOTHARIUS
SAXO CÆ-
SARI RE-
CONCILIA-
TUR.

Otho Frising.

NOVA CON-
SPIRATIO IN
CÆSAREM,
Ursperg.

Sub anni sequentis ingressum, cùm Moguntia, omnium ferè optimatum conventus ageretur, ad officium redijt Lotharius Saxonix Dux, quem paulò antè diximus fuisse unum è conjuratis. Ultima exempla metuentem, in spem recuperandæ gratiæ erexit fama magnifici apparatus, quem Henricus, ad honestandas cum Mathilde filiâ Regis Angliæ nuptias adornabat: Commodum adfuit, post Christi à Magis adorati ferias, in ipso æstu latitiæ genialis. Nihil veritus interpellare publicam hilaritatem, assumpto reorum cultu, extalceatus & vili rectus sago, spectante Procerum coronâ, humi fusus ad Henrici pedes, perduellionis veniam exoravit, servatûsque est ad nobilissimam fortunam, quâ demum imperij fasces est adeptus. Potuisset ea facilitas Henrico, qui in horas evadebat odiosior, reconciliare Principum, qui spectaculo aderant, animos: verum & comitiorum frequentia, quæ solet esset clandestinis coitionibus opportuna; communis metus, quo nihil validius ad conflandas factiones, & publici cura quosdam Principum, pro tuendâ Reipubl.

XXX;

salute,

*Tritheim. in
Chron. Hirs-
aug. an. 1115.
COLONIA
AGRIPPI-
NENSIS BIS
FRUSTRA
OBSESSA.
Dodechin,*

*AN. CHRIST.
M. CXV.*

XXXI.

*Chron. Saxon.
Crant. lib. 6.
c. 36.*

*HENRICUS
ACIE A SA-
XONIBUS SU-
PERATUS,*

*CONTEMNI
COEPTUS.*

*Arist. lib. 3.
Polit. c. 10.*

*CONVENTUS
MOGUNTI-
NUS.*

*CÆSAR A
PLEBE MO-
GUNT. OB-
SESSUS.*

*COGITUR
ADALBER-
TUM AR-
CHIEP. CAR-
CERE EXI-
MERE.*

*COMITIA A-
GRIPPINEN-
SIA.*

salute, sociavit. In his Fridericus Agrippinensis Archiepiscopus, Henricus Limburgi, Godefridus Lotharingæ, Duces; Fridericus Arnesbergius, Fridericus & Henricus Westphaliæ Comites, alique non pauci Principes Transrhenani, quibus religio à duabus synodis injecta, recentes stimulos addidit, ad protegendam Ecclesiæ concordiam. Eo factum, ut, cum peractis nuptiis Henricus navalem expeditionem, magno studio comparatam, in quosdam locorum palustrium incolas, ultra Frisonum insulas, suscepisset, curæ ad propiores motus fuerint convertendæ. Colonia Agrippinæ, quæ prima omnium aula fuerat rebellionem ostentare, obsidio, irritò conatu, bis est admota, agri circumquaque vastati, & nullo alio pretio discessum ad hiberna. Inter hæc Ludovicus Turingus, qui nomen dederat Saxonicæ factioni, dum oscitantiùs sibi invigilat, captus est ab Henricianis.

Saxones, istiusmodi exemplis nihilo facti pacatiores, rursus tumultuari, brumâ rigente Cæsarem rursus ad arma revocârunt. Ingressus Saxoniam, mox habuit ex eâ gente, qui factâ à popularibus secessione, ad ipsius signa confluerunt. Fadiosis nondum erant tantæ copiæ, ut pugnæ copiam viderentur esse facturi, sed habituri satis, si cunctando hostem frustrarentur. Lotharius tamen Saxo, cuius ductu res agebatur, ne cum famæ jacturâ, cuius in bello magna ratio habenda est, timoris aliquam notam incurreret, in hostem putavit esse eundum. Fidem ille rursus in Cæsarem exuerat. Ergo castris ad silvam Catulariam oppositis, levibus primùm conflictibus & vernili dicacitate certatum est; deinde, irâ sensim incalcescente, Saxonibus crevit audacia, Henricianis verò cupido justâ acie concurrendi. Pugnatum est calendis Februarij in campis Mansfeldicæ ditionis. Saxonibus celsit victoria. E Cæsarianis occubuit Hogerus Comes Mansfeldius, vir multarum palmarum, & nuperâ Sigefridi Palatini cæde nominatissimus. Cecidit ingens gregariorum multitudo. Reinhardus Præsul Halberstattensis vetuit quemquam hostium per Saxones terræ mandari, indignum ratus, eos, qui pro Principe execrato armagestallent, piorum manibus sepeliri. Cæsar eâ clade vehementer consternatus, Moguntiam profugiens, eodem loci Paschalibus sacris operatus est. Cum jam grandi flagraret odio ex infelici pugnæ eventu, collegit contemptum minimè vulgarem, unde nata sunt (ut solet) incentiva detrectandi obsequij, & certa ad præcipitum inclinatio. Malum auxit, quòd, cum hætenus Patrum decreta nihil pensi habuisset, Dietericus Legatus, auctoritate Romani Concilij, anathema in Henrici caput repetijt: quæ res paternæ sortis haud immemorem gravissimè perculit, permovitque, ut animi anxius, confestim per legatos apud Germaniæ Principes de injuriâ conquestus, denunciârit, se in libero Ordinum omnium Senatu, Moguntia, ad Cal. Novemb. factorum rationem esse redditurum, neque detrectaturum, quòd minùs cuique fas esset, citra omne periculum, contrâ loqui & sentire. Neque verò eâ se esse pervicacitate, ut, si quæ per ætatis errores deliquisset, ea virorum sapientum arbitrio non esset emendaturus. Sed vilescit Principis majestas, si vel ad momentum reorum probra subeat. Et verò desipientiam auctoritatis mox prodidit Procerum in conventu insueta raritas. Vix ulli, præter paucos Episcopos, in quibus Bruno Trevirensis primum locum tenuit, dignati sunt interesse: ita pro se multa dicturo, defuerunt, qui audirent. Sed istud longè contumeliosissimum, quòd populus Moguntinus, non supplex, neque in Senatu, sed versus in seditionem, armatâ manu, Cæsarem in Palatio obsedit, & irrumpens in atrium, non destitit clamore dissono ultima exempla minari, nisi Cæsar, datis ilicò obsidibus, Adelberto Antistiti Moguntino (cujus paulò antè meminimus) libertatem sanctè addiceret. Profuit, gessisse morem furentibus, qui alioquin à vi non temperassent, nisi Cæsar, antequam se trepidus ex urbe proriperet, mandasset, Archiepiscopum vinculis eximi, reduciq; in suam sedem. Paucis post diebus, carceris pædore, & macie umbræ, quàm homini similior, cum incredibili civium læritiâ receptus est, & tandem (quod hætenus Cæsar prohibuerat) Colonia Agrippinæ, ubi ad festa natalitiæ comitia agebantur, Dieterico Sedis Apostolicæ Legato volente, sacris cæremoniis operante D. Othone Babenbergenfi, die S.

die S. Stephani protomartyris, inauguratus est. In eo conventu adversus Henricum recantatæ execrationes, Principes haud pauci, qui in ejus fide nutabant, mutuis erecti consilijs, de eo deferendo suscipere cogitationes. His gradibus ibatur ad civilem discordiam, & instaurandas Germaniæ totiusque Imperij calamitates.

Igitur arma licenter sumpta, coalitæ factiones, exercita privatim odia, & publica rei obtentu conflata conjurationes, quibus satis erat, religiones, vel regni nomina incolumitatēque affingere. Et hinc quidem erupit malorum omnium, quæ possunt patrari ab iratis, illuvies. Adelbertus Moguntinus, Fridericus Coloniensis, & Lotharius pro causa Pontificia Fridericus Suevus pro Imperatore classicum cecinere. Neque verò Boij fuerunt à turbis intacti. Nam Henricus Eberstorffius Frisingensis Episcopus, eò quòd Cæsaris partibus adhæreret, à Conrado Salisburgensi, acerrimo Ecclesiæ Romanæ vindice, dignitate abire iussus, non paruit tamen. Quamobrem Frisinga à Welfone Bojariæ Duce vastata est. Vicissim Conradus in eadem sede pulsus exulavit apud Saxones, posteaquam Hugonem Brixinensem Episcopum, Imperatoris partiarium, damnaverat. Savitum atrociter in Rheni confinio, per eas ditiones, quæ Moguntinæ ditioni & Basileæ sunt interjectæ. Direpta templorum donaria, aræ sacrilegio violatæ, civitates inter se impugnantes collatæ, latrocinia patrata sine numero.

Sed & cælum, mortalibus infensum deprompsit iras. Terra 3. Non. Januarij terribilissimo, post omnem retro memoriam, motu concussa, urbium moenia, sacras aedes, turres cum inimari hominum strage everit: domus passim in suos habitatores procubere: villæ, castella, subito hiatu absorpta: arbores innumeræ stirpitibus evulsæ: montes abrupti: dehiscentibus alveis flumina arefacta: Padus, fornix in modum arcuatus, undas curvavit in sublime, viamque infra præbuit viatoribus: tum ex intervallo relapsus, horrendo fremitu, attonitos accolos, ad aliquot passuum millia, propè exanimavit. Tonitrua, mixta turbinibus, crebrisque fulgetris & fulminum ictibus, terris incubere, quæ tempestas 3. Cal. Februarij sæpius repetita, stupentibus horrore mortalibus, credita est orbi exitium paritura. Amnes è montibus per insuetos meatus erumpentes, campos, urbes, inundarunt: apparuerunt nubes sanguineæ; omnis propè natura suas transgressa leges, algorem æstui, hiemem æstati confudit. Hæc tamen si populorum animos gravissimè percellerent, & hortarentur ad Cœlitum pacem favoresque exorandos, non impetrarunt tamen, ut Germania, quæ suarum calamitatum sensum penè amiserat, suis malis remedium quæreretur. Inducta quidem mentio induciarum, sed omnis ea tractatio, rebus nimium quantum intricatis, recidit in irritum. Quare hoc anno continuatæ cædes, incendia, quibus ipsa quoque templa abiectæ in cineres: rapinæ, latrocinia vulgò exercita, direpta religionis domicilia, aversæ possessiones, nihil omissum sævitici; ut ferarum more civitates, agri, plusquàm civili atrocitate, sanguinem crudelitati passim litarent. Id tantò fiebat impunius, quòd Cæsar, relicta Friderico Suevo Duci regni Germanici procuratione, unà cum Reginâ trajecisset in Italiam, & per ejus absentiam, ruptis legum repagulis, non jure aut more, sed libidine, prout cuique vires, omnia gererentur. Ejus profectionem maturaverat Mathildis Principis præpotentis decessus, quæ septimestri confecta morbo, 9. Cal. Augusti, diem obierat, annos nata sex & septuaginta. Ea tamen sedis Romanæ studiosissima, Lombardiæ & Tusciæ Principatus D. Petrum hæredem scripserat, fuere tamen ex Italis, qui, sive spe creiscendi ex Cæsaris gratiâ, sive Pontificiarum partium odio, Imperatorem ad cernendam defunctæ hereditatem invitarunt. Sed & pellaci per se illecebræ speciosa spes accessit reconciliandi Palchalem, & avertendi malum ingens, quod sibi Cæsar prævidebat imminere, nisi cum Ecclesiâ propediem in gratiam rediret: quod quidem existimabat eò fore promptius, quia Romani Pontificis ingratis, præfectum urbis creaverant, & ejecto Petro Leonis acri Pontificiarum rerum defensore, tumultuabantur, eoque videbantur proniore studio, spe Cæsariani auxilij, in Henrici auctoritatem concessuri.

Et vero

AN. CHRIST.
M. C. XVI.
XXXII.
GEMINÆ IN
GERMANIA
FACTIONES.
FRISINGA
VASTATA.
Chron. Reichersperg.
Avent.
Hund. vol. 1.
pag. 107.

HOSTILIA
AD RHENUM
AN. CHRIST.
M. C. XVII.
Petr. Diacon.
lib. 4. c. 64.
Vrsperg.
Dodechin.

HORRIBILIS
TERRÆ
MOTUS.
ALIÆ AERIS
TEMPESTATES.

XXX
III.

M. S. Tre.
vir.
TRUCULEN.
TA RERUM
FACIES.

HENRICUS
REVERSUS IN
ITALIAM.

GRASSATUR
IN PONTIFI-
CIS CLIE-
TES.

RURSUS A
BURDINO
ROMÆ IN AU-
GURATUR.

XXX

IV.

NOVUM
SCHISMA.
Alt. D. Ben-
non, apud
Sur.

HENRICI
TIMORES.

Ursperg.
Baron.

AN. CHRIST.
M.C.XIIX.
PASCHALIS
OBITU.
M. S. Clu-
niac.
Author
Microlog.
Baron. tom.
12.

Alt. Codic.
Vatic.
Pandulf.
Baron.
Sigon.

TUMULTUS
IN URBE.
XXXV.

HENRICI IN
URBEM AD-
VENTUS.

Et verò Paschalis, de ejus in Italiam adventu factus certior, ex urbe migravit Beneventum. Henricus ex eâ secessione coniciens, nihil se à volente impetraturum, ingressus Latium, armis cum Sedis Romanæ perduellibus sociatis, bellum Paschalis clientibus indixit. Exinde Romam, velut in triumpho ingressus, sed neglectus tamen ab Episcopis & asseclis partium Pontificiarum, cum postularet in D. Petri basilicâ rursus coronari, responsum tulit, id, absente & nequiquam assentiente Pontifice, non licere. Simul exprobrata facinora, quæ in Sedem Pontificiam designâset. Quamobrem Henricus, accito Romam Mauritio Burdino Bracarenâ Archiepiscopo, homini ad insaniam arroganti, magnis promissis persuasit, ut ad altare D. Gregorij, inauguratoris personam occuparet. Et hic quidem Burdinus est, qui anno sequenti D. Petri Sedem & inane Gregorij VIII. nomen sacrilegus incubator invalit, impulsore & patrocinate Henrico, quem nihilo secius inusitata prodigia permoverunt, ut hoc anno per litteras supplices, Paschalis gratiam & anathematis abolitionem prensaret. Ut eò se dmitteret, multum valuisse scribunt, quod formidaret D. Bennonis Episcopi Misnensis vim in Ecclesiæ hostes, quos per annos quadraginta constantissimè fuit insectatus. Timorem exaggerabant prodigia, quæ ad Divi sepulchrum, continenti Numinis beneficio, contingebant. Et recurrebat identidem Imperatori recordatio paternæ miseræ, & casus ultimi, quem Benno prælagierat, minimè veritus, eum, cum Canonicis Misnensibus suprema mandata daret, paulò post ad divinum tribunal causam dicturum, prænuntiare. Neque clam erat Cæsari, Bennonem, post mortem, Othoni Milinæ Marchioni, à quo alapam acceperat, quemq; prædixerat propediem ejusce sceleris daturum pœnas, specie aspectabili apparuisse, & impium minimèque reliquissent spiritu oris sui, uti ejus acta loquuntur, interfecisse. *His & hujusmodi cladibus* (ut ait Urspergensis) *Rex Henricus sanciat*, non destitit sollicitare Pontificem, ut in piorum cœtum reciperetur. Verùm excusavit Paschalis; se enimvero steterisse pactis, & damnationis ipsius sententiam à se non esse profectam, sed anathematis vincula à potioribus Ecclesiæ Patribus illi esse injecta, & ab iisdem debere dissolvi. Quo responso eum ad Concilium generale rejecit, quod non fecisset citra notam acrioris severitatis, cum in ejus esset manu ligandi atque solvendi potestas, nisi se Cæsar, ipsis factis, absolutione indignum ostendisset: nam (quod rectè notavit Urspergensis) quo tempore petebat absolvi, alijs super alias injurijs novas in se diras provocabat, seque multiplicibus religionum causis irretiebat. Hæc dum in eo sunt, Paschalis, qui per autumnum ægrius habere cœperat, reversus in urbem è Campaniâ, posteaquam Præneste Domini Epiphaniam celebraverat, morbi oppressus magnitudine è vivis excessit. Priusquam excederet, uti constat ex ipsius ad Pontiû Cluniaci Præfulem Epistolâ, improbavit ulum, qui in Ecclesiam irrepsit, ut sanctissimum Domini corpus & sanguis sub specie panis, imbuti sanguine Eucharistico, synaxim agentibus porrigeretur. Succedentibus temporibus, cum ne sic quidem mos iste sublatus esset ex integro, inducta passim est consuetudo hodierna, ut sub alterâ tantum specie, populus Angelici cibi communione reficeretur.

Defuncto Paschali à quadraginta septem Cardinalibus successor lectus est Gelasius II. Monachus Cassinensis, patriâ Cajetanus, vir magnarum virtutum, sedulus Paschalis adjutor in munere Cancellarij. Eum mox ab adito Pontificatu, stipatus armatorum globo Cencius Frangipanius Henricianæ factionis, effractis templi Palladiani foribus, è solio detractum, obtorto collo humi afflictum, calcatum pedibus, in vincula coniecit, aulus eadem designare in plerosque Cardinales, qui cum Pontifice hæserunt in carcere, donec Optimates populusque Romanus odio Schismatis, concursu facto in Capitolium, conglobati, in Frangipani domum irruerunt, & solutos vinculis cum insigni pompâ deduxere in Lateranum.

Henricus comperto, Paschalem rebus humanis esse exemptum, ex agro Patavino, continuatis dies noctesque itineribus, Romam venit, & prius adfuit in D. Petri porticu, per ipsius partiarios insecrâ, quàm sentiretur imminere. Quæ res Gelasium, senio propè confectum movit, ut, urbe relicta, per viarum pericula incre-

incredibilis que molestias Cajetam profugeret, ubi Calendis Martij, præsentibus compluribus Episcopis & Proceribus, suscepto presbyterij ordine, quo adhuc ca-
ruerat, Pontifex est consecratus.

GELASII
PONT. FUGA
GEMINA.

Henricus, tametsi initio videri voluit ejus electionem non improbare, tamen ubi cognovit, cum Româ discessisse, Burdinum, de quo superius, Pontificijs insignibus vanâ spurie dignitatis larvâ circumdedit, & paternum icelus, quo Christianus Orbis fuerat scissus in partes, ab inferis excitavit. Quâ de re Gelasius factus certior, per litteras (ut vocant) circulares, Galliarum Episcopos vitandi Schismatis admonuit, Regemque & alios Principes, ad arma pro communi Ecclesiæ salute sumenda, est cohortatus. Wilhelmum præterea Apuliæ & Calabriæ Regulum, Robertum Principem Capuanum, omnesque Nortmannorum Italicorum Ecclesiæ Romanæ clientelas excitavit adversus Henricum; qui, Burdino Romæ relicto, Pontificia Larij oppida infestus occupabat. Secundum hæc, Gelasius, quod tutiora sibi in posterum polliceretur, dimisso clientum exercitu, redux in urbem, publica cœperat ordinare, cum à Frangipanijs penè oppressus est, dum in S. Praxedis de divinis operaretur. Fugam capienti, ne spatium quidem fuit exuendi factorum apparatus. Solus per agrum D. Pauli errans, evasit, dum in urbe Orthodoxi Frangipanos acri certamine distinebant. Igitur cum ipsi tuto esse Romæ non liceret, una amicorum fuit sententia, consultò faciendum, si urbe Petro Portuensi Episcopo commendatâ, in Galliam, jam olim auspiciatum Romanis Pontificibus, fessisque Ecclesiæ rebus receptum, abiret. Iter ingressus est postridie Cal. Septembris, tenuissimè à re necessitatè instructus. Paulò post, egenti Numen abunde prospexit. Appulso ad portum D. Ægidij, certatim omnis generis atque ordinis viri atque femina, rerum omnium copiam suppeditarunt. Sugerius Abbas S. Dionysij, Legatus Ludovici Crassi Regis Galliarum, missus obviam, Regni primitias liberaliter obtulit, omnem opem à rebus quibulvis, à consilio & militibus auxilijs addixit, quæ magno futura erant usui, si Gelasio vita longior obtigisset.

Chron. Bene-
vent. Pandulf.
GELASII
SE RECIPIT
IN GALLIAM

Nihilo remissiora fore Germaniæ studia, tum eximiâ in Pontificem pietate per se accensa, tum Cunonis Prænestini pro Gelasio Legati sapientiâ, quâ non modò rem communem magnopere sublevavit, sed etiam non paucos è Principibus, revocavit ad mentem saniozem. Inter hos Bruno Archiepiscopus Trevirensis, qui Cæsari in Italicâ expeditione haud vulgarem operam navaverat. Extant ad eum Cunonis litteræ, quas juvat ad verbum referre. *Muriscè (inquit) nuntio vestro erecti atque confirmati sumus, cum significasti, nunquam fore, ut à fidelium communione vel latum unguem recedas, atque ut eam mentem perpetuò quoque conserves, DEUM Opt. Max. precamur. Quod verò hætenus, non eâ, quâ ceteros, humanitate ac benevolentia te comprehendimus, aliorum fecit judicium, qui minus præclare de sedis Romanæ dignitate sentire te pronuntiârunt: cum neque à nobis stetisses, uti par erat, neque te murum pro domo Israel opposuisses. Porro quia jam tempus monet, ut, qui habet tunicam, vendat eam, & emat gladium, squalente & mœrore tristitiæque contabescente Dominâ gentium, hortamur precamurque prudentiam tuam, ut, litteris Papa Domini Gelasij perlectis, & Henrici compertâ tyrannide, ad bella Domini alacriter accingere, illudque Prophetæ subeat animo: Maledictus, qui prohibet gladium suum à sanguine. Quod sista à nobis in posterum steteris, & de antea acta vita offensis satisfeceris, nos & fratris & amici nomine te colemus: sin autem, propitius nobis sis DEUS, quia à vestrà communione & amicitia nos repellitis.* Hæc Cuno, cujus factum industriâ, ut duabus Synodis, Coloniæ unâ, cui D. Norbertus Præmonstratensis Ordinis institutor, recens ad severioris vitæ rationem conversus, interfuit; alterâ Fritslariæ, diræ Pontificiæ in Henricum rursus vulgarentur. Hinc Imperij Principes excitati, Wirceburgi Comitibus habuerunt, & unanimi consensu denuntiârunt Cæsari, fore ut, si ad dicendam causam non adesset, absentem regno exuerent. Quâ ille interminatione irritatus, in Germaniam repente advolat, omnes late provincias direptionibus, & diabus, incendijs fœdè miscet, ac demum Principum monitis assensus, probat, ut

XXX
VI.

BRUNO
TREVIREN-
SIS CÆSA-
RIS PARTES
DESERIT.

Vrßpergen.

COMITIA
HERBIPOL-
LENSIA.

Sigon.

anno sequenti, Triburiæ, de Republica conventus agatur. Sed & hoc anno, graviter frigore, fame, & pestilitate laboratum: omnes propè Lombardiæ civitates inusitato terræ motu per quadraginta dies graviter agitata.

XXX
VII.
SCHIRENSE
MONASTE-
RIUM.

Ea dum irato cœlo fierent, excitatum est in Boicâ præclarum sanctitatis contubernium, arce Schyrensi in Benedictinæ sodalitatis domicilium conversâ. Istius molitionis præludia, paulò altiùs repetita, ostendunt, non aberrare calculum, qui eam hujus anni rebus adscribit, neque sibi satis constare eos, qui citiùs seriùsve credunt esse inchoatum. Procul à vero abiit Trithemius, cum descriptâ ex aliorum chartis, quas superiùs confutavi, Arnoldi Mali fabulâ, Monasterium istud ab Agnete, Othonis Wittelspachij uxore, anno M. C. XXXI. fuisse fundatum. Id. abunde refellitur ex Callisti II. litteris, anno Pontificatûs quinto, qui fuit millesimus centesimus vigesimus tertius, datis ad Brunonem, jam tum Schirensis Monasterij Abbatem. Quibus ex litteris refutantur etiam, qui scribunt, cœptum esse construi anno M. C. XXIV. Jam verò ut rem ab ovo repetamus; circa annum M. LXXVII. cùm duo viri non pietate minùs, quàm sanguine nobiles Otho & Adalbertus, capti amore solitudinis, inter Boicarum alpium aspreta, præaltum montem (Weldensteinium vocant accolæ) in Schirensum Principum ditione, sibi sedem elegissent, Otho Schirensis Dynasta ejusque conjunx Haziga, ex regiâ stirpe Aragonum, eorûmque filij, Eccardus, Bernardus, & Otto, condendæ cellæ & Oratorio justum fundi modum donârunt. Othone Principe anno M. LXXIX. defuncto, vidua nobilius marito monumentum erectura, filijs assentientibus, solitariam Eremitarum habitationem in celebre religionis domicilium cœpit vertere, electo ad hoc operis amœniore loco, qui à fluviolo, bene pisculento, nomen Vilschbachavij accepit, & à D. Martino, cui Haziga templum voluit dedicari, uti habet Paschalis II. diploma datum anno M. C. III. undecimo Calend. Decemb. Id Monasterium D. Benedicti familiæ transcriptum est, datûsque Præsul Erchimburtus ex Hirsaugiensis Cœnobii, unde ducta duodecim fratrum colonia, circa an. M. XCVI. Cùm sexennio, & quod superat, elapso, locus iste minùs arrideret, Cœnobitæ in agrum paulò apertiores immigrârunt, & haud longè à Glano amne, novam sedem, Eishenhovij, in edito S. Petri monte, per annos sedecim, occupârunt. Eam migrationem probavit Paschalis II. Pontifex anno M. C. IV. Henricus verò V. nonis Januarij anno M. C. VII. amplis prærogativis donavit. Sed neque isthic loci propter aquationis nimium operosæ difficultatem, sat erat consultum piorum virorum commodis. Ergo post longum patientiæ experimentum, denuo fuit necessitati cedendum, & contubernium in Schirense castrum, avitam Principum, qui Boicæ imperant, sedem transferendum. Pulcherrimi facti authores fuere Otho Wittelspachius Palatinus Comes, Othonis & Hazigæ, quorum jam memini, nepos. Assensere, Beatrix Arnoldi Dachoviensis Comitissæ vidua, ejusque filij Conradus & Otho, itémque Eccardus, Bernardus, & Otho Schirenenses, Eccardi secundi ex Petritsâ filij, & eò quidem assensere faciliùs, quòd arx, licet ampla & istius ævi nobilissima, admodum annosa & ruinosa, ægrè admitteret inquilinos, & præter splendidum nomen Principumque memoriam, vix quicquam retineret. Eam tamen pietatem videtur Deus amplissimo quæstu remunerâsse, quòd, ex quo tempore arcis vetustæ parietinæ donatæ sunt sanctissimæ religioni, antiqua Schirensum gloria, quam duorum ferè sæculorum fortuna valde presserat, reflorescens, eos honorum, opum, & rerum præclarè gestarum fructus

*Hund. tom. 3.
Metrop.*

AN. CHRIST.
M. CXIX.
Pandulf.
GELASIUS
PONT. MO.
RATUR.

XXX
IX.

tulerit, quorum hodièque magnitudinem suspicimus & veneramur. Cæterum, Gelasius Pontifex, actâ Viennæ in Galliâ Synodo, Cluniacum secessit, ubi post paucos dies, lateris dolore correptus, & sacramentis de more procuratus, strato humi corpusculo, sanctè diem obiit 4. Cal. Februar. maximis ærumnis, brevi tempore, pro DEO toleratis. Ante obitum de successore sollicitus, Cardinalibus Cunonem Prænestinum, præter consuetudinem, quòd iniqua temporis ratio ita postularet, proposuit eligendum: sed, Cunone detrectante, à Purpuratis omnibus lectus est Guido Viennensis Archiepiscopus Sac. Rom. Eccl.

Car-

Cardinalis, qui legatione Apostolicâ sub Paschale II. magnâ cum laude erat perfunctus, vir alioqui regio sanguine, Guilielmi Burgundiæ Principis filius, qui, invitatus licet ac repugnans, victus tamen Patrum omnium unanimi judicio, passus est se D. Petri sedi imponi, & Callisti II. nomine appellari. Electionem mox Clerus populûsque Romanus laudârunt. Eandem probaverunt omnes Episcopi Principesque Germaniæ, & electo professi sunt obedientiam. Henricus verò Cæsar pollicitus est, se Comitibus Triburiensibus, eorum, quorum insimulabatur, rationem redditurum. Se ut prouorem ad pacem ostenderet, ad demerendos Imperij Ordines, privatorum fortunas injustè aversas iussit pristinis dominis restitui, & vicissim fiscum ad usus veteres sustinendæ regiæ majestatis reduci. Ea per Ordines accepta sunt velut certa animi melioris argumenta, si quidem absque furo proferrentur, eoque de Repub. non esse desperandum. Intendit publicam lætitiâ, quod ille Pontificijs Legatis collocutus, spem magnam fecit, se Remensi Concilio pacis cum Ecclesiâ reconciliandæ causâ adfuturum. Hoc potissimum Argentorati urserant Catalaunensis Episcopus & Abbas Cluniacensis, Callisti nomine, & videbantur magnis rationum momentis impetrâsse, ut appareret, Cæsarem in Pontificis autoritate futurum, si modò ejus dignitati & Imperij juribus idoneè caveretur. Præ se etiam tulerat, non tantâ se fieri Sacerdotiorum *investituras*, unicuique concordie scopulum, ut earum gratiâ vellet orbis Christiani quietem perennibus turbis agitari. Id cum non sine testibus spondidisset, Legati ad Callistum rediit, cum mirificè rerum meliorum expectatione recreârunt: sed quia præter verba nihil attulerant, poposcit, ea, quæ erant acta promissâque ab Imperatore, referri in tabulas, diemque ac locum statui, rei, ex communi consensu, ad exitum deducendæ. Conventum Mozomij ad 9. Cal. Novemb. Adfuerunt in Cæsaris comitatu Welfo Dux Boariæ, & Berengarius Sulzbacensis. Ubi ventum ad rem, Henricus tergiversari, quintari, litem Imperio de vetustissima possessione moveri, de plumem reddi aquilam, appeti jus clarum, quod olim Cæsares, libentibus Pontificibus, nemine interpellante, tenuissent, negare, se quicquam in eam rem Legatis Pontificijs addidisse, quicquid Episcopus Catalaunensis contrâ asseveraret: simul per Cæsaris internuntios postulatam, ut quo ipse tempore anathemate solveretur, ne cum injuriâ majestatis, cogeretur nudis pedibus Pontificis sententiam excipere: petitem etiam, ut alia quædam de ordinario piaculi rigore remitterentur. Legati nihil præter ambigua responsa ad Pontificem retulerunt. Is Henrici offensum frustratione, qui ne amicè quidem Legatos habuerat, negaveratque, se quicquam, nisi omnium Imperij Ordinum voluntate, in tantâ causâ, quæ ad eos pertineret, constituturum. Quare Callistus, soluto conventu, Remos ad Concilium reversus, questusque de Imperatoris ludificatione, Patrum judicium exquisivit. Albertus Moguntinus, Fridericus Coloniensis, Conradus Salisburgensis, gravissimè inveci in Cæsarem, cæteris (quadringenti viginti sex aderant in Senatu) tristis judicii fuere authores. Quare Pontifex, sponte ad castigandam Cæsaris pervicaciam propensus, cum, unâque Burdinum piorum cœtu proscrispsit, accensis extinctisque totidem facibus, quot fuere Patres in eo consessu. Post duodecim inde dies, bene Patribus precatus, discessit Augustodunum, Domini natalem acturus, & regressurus in urbem, ubi 3. Nonas Junij anni insequentis, ingenti totius Cleri populique plausu fuit exceptus.

His succelsere per Germaniam mala omnia civilis hostilitatis, piorum exilia, sacrorum violatio, populationes, latrocinia, seditiones. In Boicâ Udalricus Batavensis Episcopus, schismaticorum violentiæ se subduxit, latuitque in Raitenbuchensi secessu. Non absimilis fors fuit Berwini Reicherspergensis. Haud expertus est leniora Egino Abbas D. Udalrici Augustensis, illustris rei Orthodoxæ propugnator, quem Hermannus Augustæ Episcopus, schismate contactus, dirè quidem est infectatus, sed ad extremum tamen bonæ menti redditus, cum Pontificè & Ecclesiâ Romanâ in gratiam rediit, uti ostendunt Callisti litteræ ad Clerum populûmque Augustanum. Conradus Salisburgensis cum aliquot annorum

Petr. Clav. lib. 2.
6. 12.
Suger.
Pandulf.
Chron. Benevent.
CÆSAR CAPTAT ORDINUM IMPERII BENEVOLENTIAM.

HENRICI FALLACES SPONSIONES.

COLLOQUIUM INANE.

XL.

HENRICUS DIRIS DEVOTUR UNA CUM BURDINO.

AN. CHRIST. M. C. XX.
Vyspergen.
Chron. Bern.
ried.
GERMANIÆ CALAMITATES.

BERNRIE-
DENSE MO-
NASTERIUM.

ærumnis luctatus est. In Admontensis Cœnobij valle abdidit se in spelæum, post-
que novem ipsos menses jacuit in Cœnobij hypogæo. Cum ab Henrici explora-
toribus studiosissimè vestigaretur, ad Adelgottum Magdeburgensem Archiepi-
scopum profugit. Reginoburgi mirum in modum vexati sunt sacerdotes partium
Pontificiarum, quorum unus, Paulus in Bernriedense Monasterium evasit, in quo
denique Canoniconum Regularium institutum est professus. Ejusce asceterij
primordia, verosimiliter ad hanc tempestatem referuntur. Situm est ad lacum
Vermium, erectumque in SS. Salvatoris & D. Martini honorem, liberalitate Orthonis
Falaix Comitis, ejusque conjugis Adelhaidis, quod palàm est ex Callisti tabu-
lis, datis ad Orthonem, primum ejusce loci Præpositum, anno M. C. XXII. 2. Id.
Novemb. Isthic visitur S. Herluæ sepulchrum, de quâ superius paucis egimus,
pluribus Raderus & Brunnerus ex Paulo Bernriedensi.

WELFONIS
II. BOIARIÆ
DUCIS OBI-
TUS.

Hoc anno Kaufringæ fato concessit Welfo I I. Bojarix Dux, illatusque est
majorum conditorio, in Monasterio Weingartensi, fratrem accepit successorem
Henricum IX. cognomento Superbum, qui ex Wulfildâ Magni Saxonix Ducis fi-
lia, tulit septem liberos, Henricum, Welfonem, & Conradum monachum, Judi-
tham, Sophiam, Mechtildem, Wulfildam. Principatum adiit in ipso præterito-
rum dissidiorum pacisque confinio. Hanc cum Germania optaret magis, quàm
rebus ipsis quæterer, novis eam Deus terroribus adegit, ut serias tandem susci-
peret de tollendo schismate, à quo malorum sementis, cogitationes. Junio men-
se, cœlum jaculatum est immanes glacialium crustarum procellas, tanto impetu
stiriarum & granditate, ut ædificia corrumperent, vastarent agros, delerent villas,
armenta obruerent, mactarent homines sub dio deprehensos, lacerarent arbores,
annonæ spem omnem obtererent. Grando magnitudinis inusitatæ

Vrsberg.
NIMBI GLA-
CIALES.

Saxoniam flagellavit. In agro Halberstattenli aves innu-
meræ confectæ.



BOICÆ



BOICÆ GENTIS
ANNALIUM
PARTIS I.
LIBER XX.

Burdini Antipapæ mors in carcere. Annus Germaniæ pacificus. Pax Ecclesiæ. Novæ turbæ in Germaniâ. Irritus in Ludovicum Crassum Regem apparatus. Henrico V. Lotharius succedit. Henricus cognomento Superbus, Bojaræ Dux, Lotharij gener. Bellum in Bojæmos infelix. Spira rebellis debellata. Bella cum Comite Bogio, Alberto Comite Calbio, Othone Wolfrathusio. Lotharius Romæ coronatus. Henrici Superbi res gestæ, ambitio. Mors Lotharij.



Albertus Moguntinus Antistes, juncto cum Saxonibus fœdere, universam propè gentem Romanæ Ecclesiæ conciliaverat. Ejus proinde autoritatem plerique securi, se Catari apertè offensos professi, trahebant suo exemplo plurimos ad defectionem. Moguntina civitas sponte insensa, civitates alias sollicitabat. Stimulos addebant Spirensis & Wormatiensis Episcopi, suis pulsi sedibus, iniquæ sortis commiseratione. Eodem tendebat Boica Henrici Ducis exemplo: & passim optimi quique Germaniæ Præsules ac Principes, fessi diuturnis calamitatibus, paria moliebantur. Commodum Callistus Pont. Burdinum urbe depulsum, & Comitum aliquot auxilio, Sutrij protectum, obsidione cinxit, ne, uti adhuc fecerat, per suos emissarios, de viatoribus, qui peregre Romam veniebant, prædas ageret, patrarétque nefanda alia, quorum mentione Urspergensis veritus est collutulare suam scriptionem. Venit denique infame monitum in Callisti potestatem. Captum, milites vervecinâ tectum pelle, versâ in caudam fronte, camelo imposuerunt, & pompâ, qualis propudiosum schismatis idolum decebat, Romam adductum, innumeris maledictis sannisque exposuerunt. Callistus ægrè plebem ab ejus nece deterruit. Ut iræ publicæ subduceretur, jussus est in Campaniam ad carcerem perpetuum, in quo extinctus est, deportari. Ne facile à factiosis turbæ in urbe existerent, Cenci Frangipanij turres, Tyrannorum

AN. CHRIST.
M. C. XXI.
POTENTES
IN HENRI-
CUM FA-
CTIONS.

I.

BURDINUS
PAPA SPUR-
IUS CAPTUS
ET IN CAR-
CERE MOR-
TUUS.

Pandulf.

GEMINUS
CÆSARIS
EXERCITUS.

PRINCIPUM
COLLOQUI
UM.

INDUCIÆ.

COMITIA
HERBIPOL-
ENSIA.

II.

CAPITA PA-
CIFICATIONIS.

ERMINOLDI
PRUFENING-
ENSIS AB-
BATIS
CÆDES.

spoliaria, everſæ: domiti Comites, ſacri patrimoniꝝ incubatores. Aliã ex parte, Henricus futuri anxius, conatu ſupremo parabat arma, jamque ſeneſcente Junio, ſub ſignis binos trahebat exercitus, alterum contra Saxones, alterum ad Moguntiz excidium, ad cujus deſenſionem juſtæ quoque fœderatorum copiæ ingentibus animis confluerant. Eò denique ventum eſt, ut caſtra caſtris objicerentur. Cùm legiones clauſum opperirentur, jam jam ituris in mutuas cædes, interceſſere nonnulli principes, quos non ira & vindictæ cupido, ſed publicæ cura ſalutis ad bellum exciverat. Pacatè collocutis viſum, priùs conſilio, quàm armis, eſſe certandum. Alſatim jam experimentorum eſſe captum, immani publicæ rei pernitiæ bella ſeri ex bellis, mutuiſque cladibus odia implacabilia perpetuari. Quo- uſque tandem bellicoſiſſima natio in propria viſcera ſævitura ſit, ac demum exun- ctura robur, gentibus alijs formidandum? Quænam excogitari poſſit pœna gra- vior, quàm ſi furendum ſit in cognatum ſanguinem ſolâ libidine ſæviendi, quæ non tam irarum ſitim extinguat, quàm accendat? Arma in Principes capta, habere non poſſe niſi triſtiſſimos exitus, odia Principum in cives, qui poſſint in officio be- nignitate contineri, neque probari à ſapientibus, neque ſuaderi niſi à crudelibus. Quasi verò illaſa futura ſit majeſtas, ſi cives pereant, qui ſunt fulcra majeſtatis? Ne rebus quidem iniquiſſimis deeſſe modos, quibus & ſalvi ſint Principis honores & jura civium facultasque obſequendi. Eatur in deliberationem, audiantur conſilia, pacis ac rogæ locia, non incentiva belli & internecinæ atrocitatis. Cæſar his mo- tus argumentis, haud invitus belli pacisque arbitrium permiſit duodecim viris, con- ſenſu delectis, quorum prudentia & moderatio viſa exploratio: vidèrent illi, quæ foret ratio regni & ſacerdotij, Principis & civium diſſidia, ſine armis componendi. Indiſta in eam rem Wirceburgi ad 3. Cal. Octobris comitia, & jurato utruſque conveniendi decreto, temperatum ab armis. Henricus ad dictum diem Wirce- burgi adfuit cum numeroſo comitatu: adfuere etiam Saxoniz Principes, atque unâ Adalbertus Moguntinus, caſtrisque unius dici itinere ab urbe poſitis, fide pu- blicâ, poſt triduum, ad Regem ſunt admiſſi. Ex Norico, præter Henricum Bo- jariæ Ducem & Berengarium Sulzbacensem vix ulli fuere in conventu, quòd ple- rique publicis negotijs in Provinciâ retinerentur. Ne quid tamen eos lateret ex Herbipolenſi pacificatione, ad calendas Novembris Ratiſbonæ omnibus ſingula fœderis capita palàm fuerunt edita ab Othone Babenbergensi, ab Henrico Duce, & Berengario. Eorum fuit hæc ſententia. *Omnes capituli ſui periculo pacem ſervan- to: quæ regalia & ſiſci propria, regno ſalva maneat: Eccleſiis ſua jura poſſeſſionesque ne adimuntor, adempta reſtituuntor: Prædia redhibentor ſpoliatis: heredibus hereditates & quibusvis jus ſervator illaſum: prædones, raptores alieni, coercentor: cauſe omnes, ſive privata, ſive publica diſcordiarum, è toto regno eliminantor.* Decreta quoque in urbem legatio ad impetrandam à Summo Pontifice veniam cenſurarum. In eam rem miſſi, Spireniſis Antiſtes & Fuldendiſis Abbas, de quibus anno ſequenti.

Porro, hoc anno, Erminoldus, primus Cænobiꝝ Prufeningeniſis apud Rati- ſbonam Abbas, menſe Januario, morte truculentâ ſublatus eſt. Res ab eo præ- clare geſtas prolixè ſcripſit quidam ejuſce domicilij Monachus, è quibus vitum eſt, pauca decerpere, quæ noſtri ſunt inſtituti. Cùm Henricus Imperator Ratiſbo- næ ageret, ſubiit deſiderium viſendi Monasterij, quod D. Otho condiderat. Gratiſſimum fuit Othoni regiæ benevolentiz argumentum: ſed non eadem mens Erminoldo, qui, factus de Cæſaris voluntate certior, juſſit omnes Cænobiꝝ fores ſic oppreſſulari, nulla ut venienti pateret. D. Otho, qui in Cæſaris erat comitatu, niſus eſt, hominis inurbanum rigorem ad comitatem & reverentiam inſteclere, ſed in caſſum; quòd Abbas negaret, ſibi ſaſſe, Cæſarem diris devotum admit- tere in domicilium ſanctitatis: enimvero conſtare, quibus vinculis religionibusque eſſet obſtriſtus: quippe quarum ipſe denunciator fuiſſet. Cæſar in præſens iram, præter morem, in poteſtate habuit, vetuitque vim adhiberi, & alias cùm Prute- ningam præterveheretur, cohibuit ſtipatores, qui in Erminoldi necem conjurarent, ne ſævirent in Monachos, qui id temporis operi hortenti inſudabant. Verùm

non mul-

non multò pòst, Aaron, unus è conjuratis, Herminoldum ex insidijs veste percussum, prostratumque sic contudit, ut paucis pòst diebus animam exhalárit. Antè quàm expiraret, divino fructus ostento, Cælitum delicias prægustavit: vidit in Albo beatorum nomina suorum descripta, qui divinitus cælo erant destinati: fratribus prædixit horam, quàm ex hac vitâ erat migaturus.

Venio ad annum, quem boni omnes dixere aureum, à pace verè aureâ, inter Sacerdotium & Regnum. Callistus Pontifex, ut Numen Ecclesiæ propitiaret, Romæ, in Laterano, Concilium trecentorum, eoque amplius, Episcoporum celebravit, pro restituendâ inprimis prisçâ pietate, quam schisma haud mediocriter labefactaverat. Auditi à Patribus Germaniæ Legati, missi ex Herbipolensî comitio; qui non sine lætâ piorum omnium gratulatione, pleno sinu pacem adtulerant à Germaniæ Ordinibus, ipsoque Imperatore, qui Romanæ Sedi honorificas æquissimâsque orbi Christiano perpetuæ tranquillitatis condiciones offerebat, petebatque, ut ei stabiliendæ, Callistus Legatos cum plenâ paciscendi potestate in Germaniam amandaret. Missi proinde Lambertus Cardinalis Episcopus Ostiensis, Saxo, S. Stephani in monte Cælio, Gregorius S. Angeli, Cardinales. Wirceburgi repetere Cæsarem nonnihil exacerbatum novâ hac occasione. Duo fuerant nominati ad capessendam Wirceburgi mittam, quam Erluagus Episcopus nuper defunctus reliquerat. Henricus Cæsar, candidatorum alterum Gebhardum admodum adolescentem optaverat: Clerus populûsque, more majorum, legerat Ruggerum istius Ecclesiæ Diaconum, eumque re ipsâ instituerat. Unde dissidium eousque exarserat, ut universum pacis negotium, magno animorum æstu in superiorum annorum scopulos revolvendum videretur: quod haud dubiè evenisset, nisi, quâ valebant sapientiâ, Legati Pontificis dissidentes pacâssent, impetrâssentque à Cæsare, ut pateretur, divisum rei civilis imperium tribui inter rivales, & Ruggerum, utpote digniorem, sine consorte, sacram Episcopij potestatem adipisci.

AN CHRIST.
M. C XXII.
ANNUS PACIFICUS.
Suger. Abb.
in Ludov.

III.
LEGATIO
GERMANIÆ
AD CALLISTUM PONT.

HERBIPO-
LENSE DISSIDIUM.

Nova accessit remora ab Adalberto Moguntino, qui dissidens Cæsaris ingenio, supremo conatu Aschaffenburgum, vetus ac fatiscens imperij Moguntini castrum, muniebat, indignante Cæsare, & vim ad opus disturbandum parante: tam proclive est in deteriora relabi, cùm nondum coaluerunt odiorum cicatrices. Verùm, quæ fuit Nominis benignitas, Pontificiorum Legatorum Principumque effectum est industriâ, ne ista lis paci sancienda obesset, quæ demum Wormatiæ ex communi Rom. Pontificis, Imperatoris, Ordinumque Imperij sententiâ feliciter convenit in has leges, quas, opinor, non ægrè lector cognoscet ex publicis summorum Orbis capitum tabulis, quas Urspergensis recenset in hæc verba:

ADALBERTUS MOGUNTINUS CÆSARI SUSPECTUS.

PAX ECCLESIAE.

Ego Henricus Romanorum Imperator Augustus, pro amore DEI & sanctæ Romanæ Ecclesiæ, & Domini Papa Callisti, & pro remedio animæ meæ, dimitto DEO & sanctis ejus Apostolis Petro & Paulo, Sanctæ Ecclesiæ Catholice omnem investituram per annulum & baculum, & concedo, in omnibus Ecclesijs fieri electionem & liberam consecrationem. Possessiones & regalia Beati Petri, quæ à principio hujus discordiæ, usque ad hodiernum diem, siue tempore Patris mei, siue etiam meo ablata sunt, quæ habeo, eidem sanctæ Romanæ Ecclesiæ restituo: quæ autem non habeo, ut restituantur, fideliter jurabo. Possessiones etiam omnium aliarum Ecclesiarum & Principum, & aliorum tam Clericorum, quàm Laicorum, consilio Principum & justitiarum, quæ habeo, ut reddantur, fideliter jurabo.

TABULÆ
CÆSARIS.
IV.

Cæsareis hisce tabulis nomina subscripserunt, ex Bojariæ Proceribus Hartwicus Ratisbonensis Antistes, Henricus Dux Bojariæ, Diepoldus Marchio Vohburgius, Otho Comes Palatinus, Marchio Istriæ, & Berengarius Sultzbacensis. Cæterorum nomina videre liceat apud Baronium. Pontifex pactus est in hæc verba:

Ego Callistus Servus Servorum DEI, dilecto filio suo Henrico DEI gratiâ Romano-Pontificum Imperatori Augusto, concedo electiones Episcoporum & Abbatum Teutonici regni, qui ad Regnum pertinent, in præsentia tuâ fieri absque Simonia & aliquâ violentiâ, ut, si qua inter partes discordia emergerit, Metropolitanis & Provincialium consilio vel judicio, saniori

niori parti assensum & auxilium praebeat: electus autem regalia per scriptum à te recipiat, exceptis omnibus, quae ad Romanam Ecclesiam pertinere noscuntur, & quae ex his jure tibi debet, faciat. Ex alijs verò partibus Imperij, consecratus, infra sex menses, regalia per sceptrum à te recipias. De quibus verò mihi querimoniam feceris, secundum officij mei debitum, auxilium meum prestabo. Do tibi veram pacem, & omnibus, qui in parte tuâ sunt, vel fuerunt tempore hujus discordiae. Data anno millesimo cenesimo vigesimo secundo, nono Calendas Octobris.

IMPERATO-
RIS CUM EC-
CLEZIA RE-
CONCILIA-
TIO.

V.

Baron. ad an.
1111. Rei-
chersp. Chron.
Author vita
S. Gebhard.
ECCLESIAE
SALISBUR-
GENSIS RE-
FORMATIO.

Vulgatae fuerunt utriusque litterae in patente campo ad Rhenum, exceptaeque incredibili lætitiâ & applausu Deo gratulantium, pacem à diuturno exilio revocatam, pietatem reflorescentem, & depulsam foedissimi schismatis contagionem. Secundum hæc, Lambertus Cardinalis rem divinam fecit, & Imperatorem pacis osculo donatum, solutumque dirarum religionibus, sanctissimâ Eucharistiâ impertivit, reddiditque Ecclesiae & Romani Pontificis consortioni. Alter deinde Principum conventus Bambergae habitus, ubi Principes, qui Wormatiâ abfuerant, in pacis leges jurârunt. Missi etiam ad Pontificem Caesaris Oratores cum regijs muneribus. Secundum hæc, Sacris suus splendor redijt, abstersus templis squalor, proscripti Pontifices suis quique sedibus restituti. Conradus Salisburgensis, quem Baronius meritò sanctum nominat, à septenni exilio reductus; Bertoldus incubator pulsus armis Leopoldi Stiriae Marchionis. Quo ex tempore religionis studium Conradi diligentiam egregiè instauratum, facto initio à principe collegio Ecclesiae Salisburgensis, ut, ubi plus esset splendoris, inde illustriora prodirent exempla virtutum. Conradus omnes Canonicos ex D. Augustini instituto, ad communem rerum vitaeque societatem, sub Hartmanni Batavensis à D. Nicolai contubernio, disciplinâ redegit.

MONTALI-
UM CHIE-
MENSIIUM ET
GOSSENSIUM
PERVICACIA.
CHIEMEN-
SIS VIRO-
RUM MONA-
STERII IN-
STAUratio.

Chron. Rei-
chersp. ad
hunc an.
Catalog. Epi-
scop. Bataven.
refert ad an.

24
UDALRICI
BATAVENSIS
EXCESSUS.

Ecclesiae primariae exemplum minores haud gravatè sunt amplexae, si duo Monasteria Sanctimonialium excipias, Chiemensis & Gossensis, quae, tametsi res suas in commune haberent, muliebri tamen pervicaciâ, Conradi monita vel non admiserunt ad aures, vel habuere contemptui. Cæterum in toto Archiepiscopatu nulla fuerunt Monachorum, vel foeminarum Deo dicatarum collegia, immò nullae Sacrorum ædes, quas Conradus vel non construxerit, vel in meliorem normam, sanctioremque virtutum palæstram non formaverit. Ipso auctore factum est, ut virorum cœnobium, quod in Chimi lacus insulâ penè collapsum, non ædificiorum modò, sed morum etiam ruinam minabatur, instauraretur, & sub D. Hartmanni manu insignes religionis fructus ederet.

Inter hæc magnum cepit damnum Ecclesia Batavensis morte Udalrici Pontificis, viri numeris omnibus absoluti, qui, post centum & quinque annorum vitam actam laudatissimè, abiit ad longè meliorem. Talis Episcopi jactura inde funestior, quòd successorem accepit Regimarum, pecuniæ, quàm rei divinæ studiosiorem. Quamobrem membranae Batavenses cum nominant Ecclesiae desertorem, censurâ (ita opinor) iusto duriore, quòd cum constet gnaviter in religionis amplificationem incubuisse, Boicae, Austriae, aliisque Regulis & magnatibus auctorem fuisse augendi cœnobiorum numerum, & dandi magistros, quibus juventutis proba institutio committeretur.

WOLFHOL-
DIS AD-
MONTENSIS.

VI.

Hac quoque tempestate Wolfholdus Admontensium Praeful magnis claruit virtutibus. Eum Dietgerus Abbas D. Georgij in Sueviâ, Metensis postea Episcopus, vir apprime religiosus, cum Admontem abeunti valediceret, cum hoc vaticinio dimisit; abire virum, qui Bojariam illustri pietatis face esset ornaturus: & ornavit quidem eo splendore, ut, cum longè latèque ipsius sanctitatis fama fulgeret, intra breve tempus, tredecim Abbates, quos egregiè excoluerat, ab ejus magisterio, ad Cœnobiorum praefecturas fuerint producti. Primores annos egit inter Frisingenses Canonicos, à quibus abstractus fuit amore religionis Benedictinae, cui se devovit in D. Georgij cœnobio, unde evocatus, praefuit Eisenhofensi, quod Schirensium Comitum liberalitati sua debet incunabula. Isthic nactus est praefecturam permolestam, ob ejus, qui se loci advocatum ferebat, perpetuas injurias,

rias, quibus denique fractus, sponte se redegit in ordinem, eaque gessit modestiâ, quæ Admontensibus fecit expetendum.

Sed ne è solis Monasteriorum plantarijs pietatis flores fructusque, ferreo hoc anno, prodijisse fera posteritas crederet, Numini placuit, Principum domibus (ubi quoties virtus est, toties rara est & excellens) inserere sanctitatem. Ut alia taceam exempla; hæc tempestate duo promicuerunt, in Henrico nempe Duce Bojariæ, & Conrado ipsius filio. Hic parenti facem præluxit, nec defuere viro optimo laudatores. Post adolescentiam in litterarum Lycæo Colonia peractam, cum sanguini nobilissimo, morum excellentia, eruditionis claritudo, collectaque fama, sacros, profanos, honores ostentarent, rebus omnibus, quas avidè prensant mortales, antehabuit Christi amorem, & cœlestibus opibus divitem inopiam. Eminebat tum Ordinis Cisterciensis, paucos ante annos, nata religio. Inter hæc initia, D. Bernardus in Clarevallensi Asceterio, multorum accendebat animos ad humeros suavi Christi iugo submittendos. Conradus, quem rerum humanarum fastidium ceperat, ad eum clam aufugit, & ex ipsius ore melleo hausit spiritum, quo ad visenda Christi nascentis incunabula, & morientis theatrum, accensus, cum bonâ ejusdem veniâ, Palæstinam adiit: quâ peragratâ, captus amore solitudinis, recepit se in montis secessum, cum uno duntaxat socio, quem sui propositi conscius est secutus, futurus eò cœlitibus propior, quò remotior ab oculis mortalium. Isthic cum cœlo maturuisset, revisendi Bernardi desiderio, è terrâ sanctâ solvens, ægro jam corpore, delatus in Apuliam, Barij, ubi D. Nicolai corpus celebri hominum concursu & veneratione colitur, vitæ innocenter actæ finem imposuit.

Henricus pater, filij exemplo, Monachum induit, incertum quo anno; certum tamen est ex Ranshovij chartis, datis anno hujus sæculi vigesimo quinto, tertio Cal. Augusti, sanxisse donationem decimarum ex sylvâ Willeharteni ad aram D. Pancratij, adeoque Ducem id temporis nondum exuisse. Unde consequens est, ejus conversionem minùs rectè referri ad annum vigesimum primum; ejus verò sepulturam ad annum vigesimum quintum & ultra, à quibusdam haud satis accurato calculo. Attamen licèt ambiguum sit, quanto tempore Monasticen egerit in Monasterio Weingarteni, constat tamen, eum vivendi finem illic fecisse non sine admiratione mortalium obstupescens, Principem eâ dignitate & auctoritate, opibus, potentiâ, atque honoribus abdicatis, sibi prius atque mundo voluisse mori, quàm natura fato defungi juberet.

Minùs religiosa sunt, sed velut adijcialia è repotijs nuperarum contentionum, quæ, Urspergensis memorat, Henrico Cæsari Trajecti contigisse. Dum eò loci Christiana Natalitia celebrat, repentè ortus est inter regis turmæ Prætorianos & Episcopi ministros cruentus tumultus, qui civitatem universam, Cæsaris militem, totam aulam, ad arma concivit. Pugnatum acerrimè, multisque utrinque cadentibus, vicere Cæsariani. Capti complures ex oppidanis, reliqui ad turrim benemunitam confugere. Auctor seditionis habitus Trajectensis Antistes, atque eam ob rem mancipatus custodiæ, & reus majestatis magnâ pecuniæ vi multatus est, impetratâ prius per Agrippinensem Archiepiscopum aliòsque Principes libertate.

Nihil profecere pacis recentia decreta, quò minùs per Germaniam universam, capto à Saxonibus exemplo, prædæ agerentur de colonis, pattarentur oves & incendia, invaderentur Ecclesiarum facultates, vastarentur agri, cives tumultuarentur, velut cæstro quodam æstuentes. Eas turbas Deus visus est velle compescere non modò grandi annonæ charitate, sed mirandis etiam ostentis, ex quibus palàm fieret, irato cœlo patrari militares injurias. In agro Wormatiensi, per multos dies, visa in publico spectra, spectabili formâ Comitij militaris. Magno numero prodibant armati equites, velut daturi senatum, solutòque conventu, alij aliò diversi recedebant, postridie ad conventum redituri. Hæc cum haberent regionem attonitam, è colonis quispiam cæteris animosior, non tamen absque formidine, frontem crucis signo armatus, ausus est unum ex equitibus à cœtu abeun-

Chron. Wein-
gatr. Aren-
beck.

CONRADUS
BOJARIÆ
Dux

A D. BER-
NARDO E-
DOCTUS,
INVISIT
TERRAM
SANCTAM.

DEGIT VI-
TAM SOLI-
TARIAM.

BARI MO-
RITUR.

VII.

HENRICUS
PATER MO-
NACHUM
INDUIT.

TRAJE-
CTENSIS TU-
MULTUS.

AN. CHRIST.
M.C. XXIII.
TURBÆ IN
GERMANIA.

SPECTRO-
RUM POR-
TENTA.

tem, per supremi Numinis reverentiam contestari, ediceret, quidnam sibi vellent tam frequentes umbrarum coitiones. At ille; *Non sumus*, inquit, *quod vobis videtur, mera phasmatum ludibria; sed militum nuper intersectorum manes. Arma, habitus, jumenta, quae nobis fuerunt instrumenta peccandi, nunc sunt tormentorum incantiva: quamvis enim vestros fugit oculos, toti tamen urimur, & nihil eorum, quae cernitis, non est igneum.* Fama fuit, Emiconem genere Comitem, haud multis antè annis occidum, fuisse ex umbrarum numero, & cum se praeberet visendum, docuisse, se piorum orationibus & largitionibus in egentes, eripi posse expiatorijs cruciatibus. Ad religionis incrementum spectat pontificium Callisti diploma, quo, hoc anno, probata est & stabilita disciplina, quam Conradus recens Salisburgensis ex D. Augustini normâ in Metropolitanam Ecclesiam induxerat.

AN. CHRIST.
M. C. XXIV.

IIX.

COMITIA
BAMBER-
GENSIA.

IRRITUS
HENRICI IN
LUDOVICUM
CRASSUM
APPARATUS.

GALLORUM
PRO REGE
ALACRITAS.

IX.

Pandulf.
CALLISTO
SUFFICITUR
CAELESTI-
NUS: POST
HONORIUS.

Anno sequente, Henricus Caesar, compressis Hollandorum motibus, Regi-
nâ in Lotharingâ finibus relicta, circa verni jejunii dimidium, cum nonnullis
Optimatum Wormatiz congressus, comitia Bojarijs, Boëmis, Suevis, Lotharin-
gis, Saxonibus, ad nonas Maij, Babenbergam indixit, ubi actum quidem in spe-
ciem de Lothario Duce Saxoniz, qui res novas, ad vindicandam illatam filiz abs
Henrico injuriam, moliebatur, cohibendo; re tamen indicti apparatus, ad Ludo-
vicum Crassum Galliz Regem bello petendum, ferendasque suppetias Henrico,
Caesaris socero, Anglorum Regi, qui Nortmanniam à Ludovico repetebat. Minus
vero simile est, quod à Francis scriptoribus vulgatum est, Caesarem voluisse ulcisci
acceptam in Remensi Concilio ignominiam, quâ è piorum cœtu fuerat, præsente
Ludovico, ejectus, eamque ob rem Remorum excidium fuisse meditatam. Quo-
cunque demum belli causa fuerit, cum Germaniz Principibus non probaretur,
pauci voluntarij induerunt arma, & ea quidem, ubi posceret usus, languidè tracta-
turi. Gallis nihilominus grandis injecta cura, ne simul cum duobus Regibus,
Franciâ à bellis intestinis vix respirante, foret colluctandum, eò præsertim, quòd
fama, res augens in majus, terrorem adferret, quasi Caesar omnem propè Ger-
manorum nobilitatem armasset. Quare habitis totâ Franciâ, quanti potuere,
delectus: Alanus, Dux Britanniz florentissimæ juventutis auxilia Crasso adduxit:
Almericus Montefortius Anglo objectus: ardentia vota facta cœlitibus Franciz
tutelaribus, Divo inprimis Dionysio, quippe cujus vim sapius hostes sensissent:
excitata toto regno virorum fortium alacritas atque fiducia. Caesar hosticum non-
dum ingressus, comperto, Gallos non esse, uti rebatur, à Crasso Rege tantopere
alienos, sed ad vim inferendam paratissimos, suorum Procerum cessit authoritati,
per sacra omnia rogantium, ne Germaniz Imperium cum Franciâ collideret, pa-
cémve, tot retro annos cum fide cultam, laceraret. Haud procul tum aberat à
Campaniâ, cum, ne viso quidem hoste, signa vertit in Germaniam: Anglus verò
cogitans, ferro flammâque omnia miscere, ubi generum paria facientem esset au-
diturus, cognito Germanorum discessu, minas & arma ultro posuit. Ita Henti-
cus bellum temere susceptum cum probro finijt, imposuitque suis factis inde-
corém coronidem, uno duntaxat facto deinceps memorabilis, quo ab irritâ rever-
sus expeditione, Wormatienses, qui, ipsius injussu atque ingratijs, Buggonem Episco-
pum suæ sedi restituerant, difficili fractos obsidione castigavit, impositâ grandis
aris solutione.

Romæ Callistus, anno ad finem declivi, lethali febre extinctus est, Pontifex
rebus pro Ecclesiâ gestis admodum gloriosus. Comitij successor creando ha-
bitis, Theobaldus Cardinalis S. Anastasiz suffectus est, dictusque Cœlestinus, ve-
lut de cœlo missus: sed antequam electioni esset assensus, Robertus Frangipanius,
suis stipatus affeculis, Lambertum Cardinalem Ostiensem, Papam acclamavit. Ma-
gnus inde exortus tumultus: quo composito, 28. Decembris, Lambertus in publi-
co Purpuratorum consessu, posita mitrâ aliisque insignibus, sponte contestatus est,
se ultima potius perpeffurum, quàm novum rei Christianæ divortium. Ea mo-
destia sacrum Senatum induxit, ut censeret, rursus, ad vitandas factiones, in vota
eundum, rogandumque, ut, quam posuerat dignitatem, Lambertus rite atque or-
dine

dine electus assumeret. Ita nihil ille refragatus, cum Pontificiâ inauguratione Honorij nomen accepit.

Anno proximo, post varia ostenta, passim per Germaniam cœlo terrâque edita, Henricus V. Imperator, imperium cum vitâ posuit, nullâ virili stirpe relictâ. Est in Epitaphio quidem 5. Cal. Augusti, sed opinor, eo die fuisse mausoleo illatum. Imperij insignia ante obitum in arcem Hamersteiniam custodienda misit, donec Imperij Ordines legitimâ suffragatione Regem nominarent. Cumulârat ingentem auri argentique congeriem, neque bello, neque pace clarus, hoc uno felix, quod sacris Christianis expiatus diem clausit.

Post ejus decessum, in Bojariâ principatum tenebat Henricus, ortus è Welfonum sanguine: Sueviæ præerat Fridericus Ahenobarbi parens; Franciæ Orientali Conradus Friderici frater. Uterque regio nomini flagranter imminabat, quod essent Henrici Imperatoris consobrini, & penes se servabant regni insignia. Fuere simul inter candidatos Leopoldus Austrius & Carolus Flander. Proceres Germaniæ, adnitente potissimum Adalberto Moguntino, præsentibus Apostolicæ sedis Legatis, Lotharium Saxonem, non religione minùs, quàm bello præclarum, quamlibet renitentem, 3. Cal. Septemb. Regem salutârunt: Fridericus Colonienſis Archiepiſcopus, Idib. Septembris, Aquilgrani, festo ritu inunctum inauguravit. Inaugurationi interfuere omnes regni Proceres, exceptis Suevis & Francionibus, qui sibi met imperium desponderant. Unde belli materia, quod publicum Germaniæ otium haud mediocriter turbavit. Lotharius certè (quod notavit Orho Frisingensis) Henrici Imperatoris posteros varijs afflixit malis, iusto planè Dei iudicio, ut, quâ ex stirpe tot in Ecclesiâ calamitates extiterant, lueret delicta progenitorum. Sensere iidem Honorium adversantem, à quo Fridericus & Conradus, Lothario obnitentes, diris devoti. Idem Anselmum Mediolanensem Archiepiſcopum dignitate movit, quod Conradum, ab Italis quibusdam Regem salutatum, Longobardicâ coronâ, Modoetiæ, donâſſet.

Lotharius Legatos misit in Urbem, ut, quod Principes de ipso statuerant, Pontifex ratum esse vellet. Interim ipse Reginoburgi causas Imperij discussit, & inter has quidem, questionem de proscriptorum bonis, deberentne illa in Regni fiscum, an cujusvis Provinciæ ærarium redigi: pronuntiatum verò secundum Provincias, sive, ut Dodechinus loquitur, ut cederent distioni regiminis potius, quàm Regis proprietati.

Tertia pars mortalium, hoc ipso anno, sæviente cœlo, absumpta, cum alij pestilitate, fame alij, alij frigore, multi alijs victi miserijs, sternerentur. Destituit etiam Eistadianam sedem Udalricus, uti & Ruggerius Herbipolensem. Sub tot malis, pietas, quæ aliquando rei adversæ beneficium est, Biburgensi Cœnobio dedit initium. Conradus & Aribo fratres, è stirpe Comitum Biburgensium & Hiltboldstainiorum, unâ cum Berthâ sorore, in herciscundâ familiâ Biburgum fortiti, hoc anno, ejus in Monasterium mutandi, initium fecere. Venerunt in partem ejusce pietatis, Ludolfus Griespacensis, Burcardus Panzingensis & Rehewinus Weichius, magnum opus moliri, quod non modò viris, sed fœminis etiam Benedictinæ familiæ, & pauperum inopiæ deserviret. Tres, quos nominavi postremos, non suas duntaxat opes Cœnobio, sed etiam semetipsos dedicârunt. Quas ad res, usi sunt omnes consilio & auspicijs Orthonis Babenbergensis Episcopi, qui nuper è Pomeraniâ, superstitionis victor, debellatôrque reverterat: hic lubens volensque se præbuit tantæ molitionis directorem & architectum, coloniæque in eum locum deductæ Eberhardum è Prunfeningensi Monasterio præfecit. Sub idem tempus Christina, nobilissima vidua Geroldi Comitissæ, Aspachense Ordinis Benedictini Monasterium, attributis Aspachij, quod ipsi hæreditate obvenerat, possessionibus, à fundamentis crexit: Orho deinde Babenbergensis Episcopus anno M.C.XXVII. consecrayit.

Hartwicum, ejusce nominis primum Ratisbonæ Episcopum, virum nobilitate & religione clarum, Engelberti Carantanorum Ducis filium, annus hujus

AN. CHRIST.
M. C. XXV.
HENRICI V.
MORS.
Rob. de Mon-
te, Vesp.

REGNI CANDIDATI.

X.
LOTHARIUS
ELIGITUR.
Orho Frising.
lib. 7. c. 17.

HENRICI
IMPR. PRO-
PINQUOS
AFFLIGIT.

BONA PRO-
SCRIPTO-
RUM REDI-
GENDA IN
FISCUM PRO-
VINCiarum.

INGENS
MORTALITAS.

BIBURGEN-
SE MONA-
STERIUM.

XI.

AN. CHRIST.
M. C. XXVI.

HARTWIC-
CUS RATIS-
BONÆ EPI-
SCOPUS MO-
RITUR.
HENRICUS
IX. BOIA-
RIÆ DUX
ET HUL-
PHILDIS
EJUS UXOR
MORIUNTUR.
*Avent. lib. 6.
pag. 618. &
619.*
HENRICUS
X. BOIARIE
DUX.
PRÆCLARÆ
LEGES.

XII.

HENRICI
DUCIS NU-
PTIA.

FRIDERICUS
BOGIUS
PRÆTOREM
RATISBO-
NENSEM
TRUCIDAT.

BELLUM BO-
EMICUM GE-
STUM INFE-
LICITER.

XIII.

seculi sextus supra vigesimum, è vivis abstulit. Subrogatus est Cuno I. Abbas Si-gebergensis, cui Rupertus Tuitiensis libros de victoriâ verbi DE I inscripsit. Hoc quoque anno Henricum IX. Bojariæ Ducem, de quo superius, è vita monasticâ ad beatiorum abiisse, vero propius est. Decimo sexto post ejus fatum die, secuta est Hulphildis uxor, Magni Saxonie Ducis filia: utrumque Altorfij esse tumulatum, author est Aventinus.

Defuncto parenti Henricus X. successit. Principatum, more majorum, auspiciaturus, gentis Comitum Reginoburgi coëgit, stipatus numerofo milite, ne quis conventui interstrepere, auderetur, quod contigerat aliàs, neglectis legibus & Principis autoritate, jus armis repetere, quando id maximè agebatur, ut publica tranquillitas legum præsidio muniretur. Inter cætera, quæ sapienter decrevit, Reginoburgo Prætorem, qui juri dicundo præset, imposuit: diremit privatorum lites, sustulit contentiones, indixit inimicitiarum abolitionem, excussit arma Proceribus, jussit omnes pacem colere, & præteritas simultates oblivione sepelire. Eodem conventu constituti Duumviri rerum capitalium, qui latrocinia manu armata & ultimo supplicio tollerent, excuterent prædonum latebras atque spoliaria: proscriptæ etiam sunt publicitus motuum intestinorum causæ, vetitæ seditiones, & ne quis Principis injussu ad bellum arma caperet, quæ uni debita sunt tutelæ salutis & augmento majestatis.

Posteaquam (quod Principi debet esse inter prima) otio securitatique publicæ, & privatorum necessitudinibus consuluerat, ad quærendam sobolem, unde præcipua dominantium firmamenta, se retulit. Lotharius Rex illi Gertrudem filiam Merseburgi despondit. Ut sponsa, quæ par erat pompâ, sacris nuptialibus domum duceretur, adornata est è Boijs honestissima legatio, quæ regiam virginem Augustam Vindelicorum est comitata, ubi nuptiæ, quanto vix aliàs splendore fuerunt celebratæ. Ad eas honestandas ex omni Boicâ & Sueviâ Optimates confluxerunt, cum ea stipatorum frequentia, ut, cum urbis amplitudo Nobilitatis & populorum multitudinem non caperet, in campum Lycatem, qui Fridbergam & Meringam interest, & *Concio legionum* dicitur, fuerit migrandum, ubi octavo Quinquagenalium, festivis epulis ludisque, genialis celebritas est transacta. Post, nupta Ravensburgum ducta, ubi totam egit ætatem, dum maritus in Saxoniam, socero militaturus adversus Fridericum Judithæ sororis suæ maritum, concessit. Per ejus absentiam, Fridericus Comes Bogius, Ratisbonensis Ecclesiæ advocatus, allectis in partes nonnullis è Boicâ nobilitate, quibus ægrè faciebat sancita in nuptio comitio arctior, quàm vellent, disciplina, & demandata à Lothario nobilium clientelatum & Bojariæ Præsulum Henrico tutela: ut genus id hominum neque capax est totius libertatis, neque patiens adstrictioris dominatus; Prætorem Reginoburgensibus ab Henrico impositum, per amicitie speciem ad se vocatum, obtruncat, caesus, eâ novi magistratus accessione, suæ dignitati & commodis esse detractum. Hinc origo magnorum motuum, de quibus paulò post agendum.

Lotharius, acturus regie fortunæ præludium, arma traxit in Sobeslaum, quem Bojem, post Uladislai obitum, summæ rei, Regis injussu, imposuerant, insuper habito, principatum clientelari nexu regno Germanico fuisse devinctum. Consilium erat, Othonem Moraviæ regulum, qui magnis promissis atque inprimis ostentato auro, Regi ejusque ministris splendide imposuerat, Ducatus Bojemici beneficiariâ possessione impertiri, Sobeslao submoto. Suscepta expeditio hieme intempestâ, tantò importuniùs, quod esset Lothario omnium prima ab indepto regno, unde ex vulgi æstimatione, de cæteris omen & fama erat capienda. Non deerat virtus & numerus copiarum, sed ductorum industria. Hi inexplorato progressi (quod nulli unquam Imperatorum tutum fuit) intercepti sunt Bojemorum insidijs. Lotharius enim, Othone comitante, per sylvarum angustâ, quæ Bojemos à Saxoniam dirimunt, viam iniit, altis obrutam nivibus, sine fido & perito ductore. Sobeslaus, non ignarus periculi, in abdito nemoris recessu castra ad amnem inter-

fluen.

fluentem posuerat; ad quem, post varios errores, cum ingenti labore denique Lotharius, milite inedia apprimè fatigato, consedit. Bojæmus, ex flumine turbido, quod regij aquatores confuderant, notatâ hostis propinquitate, mox jubet signa moveri in oppidò defessos. Primum Lotharij agmen nullo negotio eversum, à posteriore, inter callium & sylvæ angustias erigi non potuit. Secuta inde strages. Rex in vicinum collem cum paucis receptus, & undique dejectis arborum truncis vallatus, per Henricum Saxoniz Marchionem, Sobeslai ex sorore nepotem, nactus copiam colloquendi, ostendit, sibi fore satis, si Sobeslaus, ad ipsius prostratus pedes, sacramentum clientelare diceret. Pax eâ lege facta. Inter cæsos fuit Hartungus filius Adolphi Comitis Holsataram natu major: inter captivos, Albertus Marchio Brandeburgicus, Ursus cognomento. Bello ad eum modum improspere confecto, Bojæmus copias auxiliares Lothario junxit, quarum esset usus in Norinbergæ obsidione, quæ in Friderici & Contradi verba jurârat, irata, quod eam Lotharius Henrici Boici Ducis præfecturæ contributam, unâ cum Gredingâ regni beneficiariam fecisset. Ducta obsidio ad bimestre in cassum, ob pertinacem civium virtutem, quæ eò usque duravit, donec Lotharius, propinquantibus Friderici & Contradi fratrum auxilijs, non ausus supremam experiri aleam, discessum depromperavit, relicta impedimentorum parte, quæ Norinbergensibus prædæ fuerunt. A Bojæmis nullum prorsus fuit in obsidione adjumentum, quod miles, cujus opera potissima in populandis agris, tectis urendis, abigendo pecore, trucidandis colonis, domum fuerit remittendus, ne ejus exemplo disciplina castrensis, sine quâ nihil agi potest compositè, solveretur, inque ejus locum, quod solet usuvenire, succederet confusio, procacitas, temulentia, & licentia latrociniorum. Et verò flagitijs assueti, mirum faciunt, nisi desides sint & fugaces.

PAX LO-
THARIO IN-
DECORA.

AN. CHRIST.
M. CXXVII.
IRRITA NO-
RINBERGÆ
OBSIDIO.
BOJÆMO-
RUM INSO-
LENTIA.

XIV.

Lotharius, Norinbergâ relicta, Wirceburgum abiit: Fridericus & Conradus fratres, urbem velut in triumpho ingressi, annonæ bellicique instrumenti non vulgarem apparatus importârunt, nec veriti Lotharium, sub ipsis mœnibus, cum regio milite concurrerunt ad modum certaminis singularis, quod deinde ab æmulatione equestris prælij, quia apud posteros locotirocinij militaris & ludicri spectaculi habitum, originem nomenque Torneamentorum ferunt invexisse ad virium & audaciæ ostentationem: quanquam id ludi genus longè videtur esse vetustius: uti colligere est ex Dictys Cretensis scripto de bello Trojano, ubi refertur, in spectaculo pugnæ singularis ab Achille edito, ob devictum & occisum Hectorem, vicisse Eumelum equis quadrijugis, bigis Diomedem & Menelaum, sagittis Ulyssem & Merionem, cursu in armis Diomedem, duplici campo Machaonem, singulari Eurypilum. Similia sunt certamina, quæ per Phæaces, scribit Homerus, edita publicè ab Alcinoò in adventu Ulyssis peregrini. Quicquid sit de istorum ludorum antiquitate, hoc, de quo agimus, tempore, non omnino nova videtur eorum fuisse consuetudo. Certè Theobaldus Dynasta Vohburgius, & Gerwicus gente Westphalus, isto jam ævo inter Olympionicas Germanos celebrabantur, qui ardore gloriæ incensi, ejusmodi Circensium initiamenta in ijs congressionibus quævivere, & ingenij similitudine, sæpe visi sunt in arenâ, non fortiter magis, quàm amicè concurrentes. Istud utriusque studium finijt casus inopinus. Cum cæco impetu, in confusâ decertantium commissione, singuli ferrentur in obvios, Andabatarum more, Gerwicus imprudens, hastâ velitari oculum hausit Theobaldo. Errorem mætor incredibilis secutus & perpetua hastiludiorum ejuratio. Gerwicus Sigeburgæ Monasticem professus est, Theobaldus intra lares domesticos, rei addictus famulari, se continuit. Hæc de Trojanorum certaminibus.

TORNEA-
MENTORUM
ORIGO.
*Dictys Cret.
lib. 3.*

Cæterum Lotharius, cum ad Wirceburgum sui copiam non faceret, gemini fratres nihil cunctari, transmissis Rheno, Spiram, tametsi anno superiore Lothario jurata fidem addixerat, civibus volentibus, & ob Cæsarum Henricorum beneficia cognatæ stirpis studiosis, invadunt, & præsidio muniunt ad vim fortiter defendendam. Sigefridus Episcopus, damnatâ urbis rebellionem, pulsus in exilium, ad Lotharium confugit, qui anno postero, mense Augusto, urbem institit oppugnare,

SPIRÆ RE-
BELLIO.
AN. CHRIST.
M. CXXIX.

XV.

OBSIDIO.

*Ordo Frising.
de reb. Frider.
I. lib. I. c. 17.
Dodechin.
Chron. Hir.
saug.*
SOLUTA OB-
SIDIO.

BELLUM
CUM FRIDE-
RICO BOGIO.

FRIDERICUS
DUX HEN-
RICI BOII
CASTRAT
TENTAT
CUM SUA
CLADE.
ARX FAL-
CKENSTAI-
NIA AB HEN-
RICO SUB-
ACTA.
AN. CHRIST.
M. C. XXIX.

XVI.
CONRADUS
DUX DIRIS
DEVOTUS.

MEGINERI
TREVIREN-
SIS OCCASUS.

SPIRENSIUM
ANGUSTIÆ.

gnare, adveniente Adalberto Moguntino, qui Regi non contemnendas suppetias adduxit. Magnis conatibus ducta est usque ad Decembrem oppugnatio, sed cum prædiali, civium manibus & alacritate adjuti, nullam deditiois mentionem admitterent, Lotharius, refixis signis, exercitum ad hiberna deduxit. Sigonius & Aventinus scribunt, urbem fuisse deditam, datosque Regi obsoles, sed cum id sine teste asserant, & Dodechinus nihil tale meminerit, plus habent fidei Spirensium Annales, qui affirmant, Lotharium irritum ab obsidione discessisse. An eo bello Henricus Bojus Regi operam navarit, non est satis compertum: vix tamen credibile est, eum à Socero per id tempus abfuisse. Constat quidem, eum cum Friderico Bogio, ob patratam Reginoburgensis Prætoris cædem, hac tempestate graviter collisum, & eâ causâ, arcem Falckensteiniam trans Danubium, haud longè à saltu Bojemico obsedisse; neque enim vero simile est, ultrâ distulisse vindictam: verum & illud ex Urspergensis certum, à Lothario vocatum, obsidionem Sophiæ sorori, Ludolfi Styrii viduæ, quæ cum octingentis cataphractis accesserat, commendasse, & sexcentos amplius Lothario duxisse, ejusque jussu, ultra Rhenum ad prohibendas Friderici Ducis irruptiones, diversis à socero castris, tetendisse. Quæ res Fridericum, ferventi hominem ingenio, adduxit in spem, illum ex improvilo opprimendi. Ufus igitur noctis beneficio, prorupit in Henrici castra cum expeditâ suorum parte, ratus, se adversus raros excubitores, facile vallo poriturum. Verum Henricus, de ipsius adventu tempestivè edoctus, tantâ eum virtute excepit, ut senserit, rem sibi esse cum hoste strenuo atque vigilante. Repulsus enim cum insigni clade, ab Henrici equitatu, qui fugientium tergis hæsit, Gruningam usque cæsus est. Acceptam ignominiam cæsorum corpora & lux postera detexerunt. Henricus, à Spirensi obsidione reversus in Bojariam, castrum Falckenstainium in suam potestatem redegit.

Breve illi ab armis exinde otium, quæ rursus Nemetibus fuerunt inferenda, cum Lotharius ad eos subigendos, mense Quintili, revertisset, eò majore apparatu, quod magis publicè intererat, & ad Regis famam, frangi unius civitatis non munitissimæ pertinaciam, & ad cæterarum terrorem, dare pœnas suæ perduellionis, itaque subigi, ut ne in posterum diceretur, impune hostilia gessisse in Regem, & rebellibus asylum tutelamque pessimæ causæ præbuisse. Iram Lotharij acuebat Conradi, cujus antè meminimus, injuria, qui Friderico fratre ad extrahendum in Germaniâ bellum relicto, in Italiam cum exercitu transcenderat, acceptoque ad Modoëtiâ Lombardiæ diademate, plerasque Insubriæ civitates traxerat in suam factionem. Quamobrem Lotharius Moguntinum, Trevirenses, & Magdeburgensem Archiepiscopos impulit, ut eum, velut alieni regni usurpatorem, piorum juribus exuerent. Trevirensi, Meginero nomen; quem Conradus Romam ad Honorium, prædij causâ, adversus cleri invidiam proficiscentem, ex insidijs jussit abripi, condi in carcerem, tradique Parmensibus, quousque bonus Præsul sexcentas æris libras, quas Conradus Parmæ debebat, penderet. Illas non pependit tamen, quia antequam id posset, carceris pædore, oculorum jacturâ, aliisque ærumnis ad decem menses excruciat, naturæ debitum exolvit, non sine famâ posthymâ tolerati martyrij. Fridericus Conradi frater, Juditham Bojam conjugem Spiræ, ad retinendam civium fidem, velut obsidem adfuturi in tempore auxilij, reliquerat; ut ipse foris eò liberius bellum administraret. Verum quia obsidio trahebatur in longum, & intercepto à Rege commeatu, annonæ penuria in horas evadebat angustior, nec affulgebat spes suppetiarum, civibus inediâ & malorum à Rege impendentium timore consternatis, auditæ voces ad seditionem spectantium, nisi vel laxarentur cibatorum difficultates, vel æquis conditionibus in Lotharij gratiam rediretur. Quare, ne quis oriretur tumultus, indictus est Tribunorum & magistratûs urbani Senatus, seriôque deliberatum, præstaretne necessitati, quæ omni lege potentior, dare manus, an superstites nobilissimæ civitatis reliquias unâ cum prædialijs dare in casum? Esse enim vero jam sat datum sanguinis & funerum ad probandam fidem, satis ostensum constantiæ ad tuendam famam. Prudentis esse

esse consilia, ex rerum mutatione temperare; laudari eos, qui utilia suaserint, vituperari, qui sumplerint viribus altiora: res, si prosperè cadant, ab exitu commendari, & habere speciem honestatis; si secus eveniant, vulgi æstimatione, imprudentiæ damnari. Quisnam sit Nepotum futurus sensus, ubi intellexerint, avorum ausus temerarios rempublicam perdidisse. Talia cum non modò vulgus promiscuum, sed etiam viri militares non dissimularent, & esset propè à seditione, Juditha tantà facundia omnium erexit animos, ut, mutatâ sententiâ, decreverint, quoad vires paterentur, obsidij mala tolerare. Et sic quidem tantisper urbs mansit in officio; sed cum denique nihil appareret auxilij, neque inedia, omni hoste validior, remitteret, itum rursus in senatum, in quo decretum, Lotharij clementiam implorare, interprete Adalberto Moguntino, quid temporis in regijs castris versabatur. Ad eum missi oratores, qui rogarent, vellet afflictæ civitati succurrere inflectendo Regem ad honestas pactiones. Rem Antistes eò deduxit, ut Lotharius, sive ad captandam clementiæ famam, sive in Judithæ gratiam, obsessis veniam fecerit perduellionis, & sine maleficio, ipsis Januarij calendis, urbem sit ingressus. Juditham, regijs cultam muneribus, ad Fridericum dimisit laudabili humanitatis exemplo. Subinde iussi cives, Regi, novo sacramento dicere, & Sigefridum Episcopum, pristinæ dignitati restitutum, quâ par esset observantiâ, venerari.

XVII.

RECONCILIATIO.

AN. CHRISTI
M. C. XXX.

Inter hæc Fridericus Bogius, arcis Falckensteinæ jacturam suumque dolorem ulturus, Altorfium, Ravenspurgum, Memingam, avitas Welfonum sedes, & circumfusum agrum, direptione, ferro, flammâque vastavit. De Henrici vindicijs dicetur anno sequenti.

Sub ea tempora, Theobaldus, celeberrime Olympionices, Gerwici Antagonista, de quo paulò antè, Reichenbacense Cœnobium, ad Reginum amnem excitavit, suadente Luitgarde matre, Berengarij Sulzbacensis sorore. De ejusce domicilij arcem non nihil fuit amicæ disceptationis. Theobaldus loci amœnitatem destinabat condendæ civitati; mater contra, se divinitus edoctam, dicebat, Divæ Virginum Imperatrici collem esse sacrandum. Cum nihilo minùs Theobaldus perstaret in sententiâ, Luitgardis litem ad Regem detulit, obtinuitque, ne area, religioni devota, profanis ædificijs occuparetur. Eâdem tempestate, Cuno Ratisbonensis fato concessit. Dodechinus ejus vitam ad annum M. C. XXXII. producit. Cum ad extrema properaret, ab amicis admonitus, sese ut ad periculosum æternitatis iter compararet, altum ingemiscens; *O seri monitores, inquit, qui rem difficillimam maximèque necessariam, in hunc temporis articulum distulistis, haud satis moris vestri memores, quo antehac solebatis amana, jucunda suggerendo, meo, an vestro genio imponere; cum consilia de re augenda, ditando sisco quocumque ex questu, è sacerdotiorum mundinis & miserorum injurijs, ad quos spectabant residua Ecclesiarum, identidem misceretis. Me miseram! si jam primum disco mori, cum è vestigio moriendum est. Ad decretoriam hanc luctam jam olim debebamur severè exerceri, cum me suaviter vivere volebatis.* Hæc sapienter elocutus, mortem oppetiit. Conditus est apud. S. Emmeramum. Ecclesia Canonorum B. Virginis eum agnoscit conditorem. Ex ejus obitu nati sunt motus, quibus Boica haud mediocriter est concussa.

REICHENBACENSE
MONASTERIUM.

XXIX.

Haud. in
Metrop.
CUNO RATISBON. EPISC. MORITUR.

Fridericus Comes Bogius, ut Henrico ægrè faceret, Clero civibusque Ratisbonensibus author fuit, ut Cunoni demortuo Henricum Comitem Wolfratshusium, virum imperterritum & haud modicè consanguineorum commodis implexum, quod sacris hominibus plerumque noxium est, subrogarent injussu Ducis Henrici. Hic Comitæ insolentiam, sui contemptum interpretatus, Episcopi electionem, velut vitio factam, apud Innocentium Pontificem & Regem Lotharium insinulavit, instititque, ne Pontifex electo, sacrorum usum, Rex verò profana jura permitterent. Sed Episcopus, antè quàm in jus vocaretur, inaugurationem maturavit, & impetratâ à Conrado Salisburgensi consecratione, & possessionis adeundæ licentiâ, exercuit munia Episcopatus; quæ exorsus est ab Engelberti D. Emmerami Abbatis vexatione, cui in ordinem redactis sacris interdixit, hoc nomine, quod præscri-

Chron. Welfgar.
NOVA A BOGIO TURBA.

HENRICI EPISCOPI RATISBONENSIS MOLI-TIONES.

HENRICUS
BOIUS DE SA-
LUTE PERI-
CLITATUR.
XIX.

CATRUM
OMERASIIUM
REDACTUM
INCINERES.
STAUFFIIUM
EXUSTUM.
WELFONIS
CUM UTHA
NUPTIÆ.

CALBENSE
CASTRUM
OCCUPATUR.
WITTEN-
BERGA EX-
PUGNATA.

LEONSTAT-
NIUM DEVI-
CTUM.

XX.
ALBERTUS
CALBIUS
WELFONI
RECONCI-
LIATUS.
*Otho Frising.
lib. 1. de Fri-
deric. c. 18.
Wernza.*
HENRICUS
BOIUS TUR-
PEM FACIT
RECEPTUM.

Præscriptum à Paschale Pontifice argentum non penderet. Adhæc Innocentius Pont. auctoritate D. Emmerammi basilicam invadit, sacros calices, auream argenteamque suppellectilem conflat, templi sacrarium diripit, tabularium spoliatur vetustis immunitatis, jurium, donationum documentis, quæ & iussit igne deleri. Hæc intra mœnia. Foris, ne quid deesset malorum, Bojariæ Princeps expugnat arcem Stauffianam, firmatque præsidio & rebus ad tolerandam obsidionem opportunis, ex agro vicino comportatis. Episcopus arcem mox circumdat tam arcto cinctu, ut, cum cibaria deficerent, à Principe, obsessis fame laborantibus, per vim fuerint invehenda. Bellum inde ductum in Boicam Subalpinam. Hæc in expeditione præsentissimum discrimen Henricus adiit ad castrum Wolfratshusium, gentilem ejusce familiæ sedem. Dum enim incautiùs sibi que præfidens, arcem cum paucis prætervehitur, ab Othone, loci Dynastâ, ex equi phaleris cæteroque agnitus habitu, propè abfuit à casu supremo. Otho, contracto confestim suorum globo, imperat, eum unum petant, qui gereret principis ornamenta, cæteros negligent. Factâ igitur adversus incogitantem eruptione, Othoniani solum Ducem præstere. Actum erat de ipsius salute, nisi quispiam è comitatu evadendi modum ostendisset. *Commitemus, inquit, equos & sega, tuque, quæ lubet, capesse aversam à viâ fugam, ego cursum rectâ intendam, & quicquid fors tuleris, agam patiarque.* Factum id cum dicto. Insectantes, specie habitus adducti in fraudem, omisso vero Duce, personatum assecuti, multis conficiunt vulneribus. Henricus ingeniosè servatus, accito milite, Othonis agrum latè populatur, expugnat redigitque in cineres castrum Omerasium prope Oenipontem. Eadem fortuna manebat Wolfratshusium, nisi verni jejuni incuntis consueta Welfonibus religio, ardentem vindictæ cupidinem mitigasset. Arx Stauffiana, educto præsidio, incensa, succedaneæ victimæ vicem fuit. Hæc in Boicâ.

Bellum aliud natum ex avaritiâ, invidiâ obstetricante. Welfo in Sueviam unâ cum fratre cognomini profectus, Utham nobilissimam juxtâ ac opulentissimam, è Calbianâ gente, Godefridi Dynastæ filiam matrimonio sibi junxit. Albertus, Godefridi patruelis, qui Uthæ dotale patrimonium avidâ spe erat complexus, dolore amens ob aversam ad extraneum gentilitiam hæreditatem, arma induit, invadit Calbense castrum, Welfonis præsidium ex improvviso, nocturnâ aggreffione, opprimit, prædam omnem abripit in arcem Wittenbergam, vico flammis vastato. Majora ausurus auxilijs Friderici & Conradi, qui cum Boijs fratribus, ob egregiam in Lotharium fidem, gerebant inimicitias, patitur se à Welfone Wittenbergæ obsideri. Ei jam adventabant suppetiæ, cum castrum catapultis verberatum, venit in Welfonis manus. Dati præsidarij in vincula, præda omnis recepta, arx cremata, Conradus quoque Zäringius, Uthæ avunculus, Schomburgo, quod Welfonis milite tenebatur, obsidium admoverat, cum à Lothario, qui Welfoni auxilio venerat, loco cedere coactus est. Aliâ ex parte Welfo Leonstainium, quod ad eam diem credebatur inexpugnabile, vi, an arte, expugnavit, & igne corripit. Calbium Alberto erat reliquum, quo suas spes aleret: verum ubi Welfonem sensit totis viribus imminere, ratus, sibi rem isthic neutiquam fore tutam, sponte se contulit in Welfonis castra, ejusque affusus pedibus, temeritatis suæ veniam, & victoriæ gratiam exoravit. Welfo satis habens vicisse, & æmulum ad sua genua prostratum intueri, dedit supplicis modestiæ, quod armato non fuisset daturus, amicitie reconciliationem, amissas opes, & nomen generosi bellatoris.

Alberto reconciliato supererat Fridericus, qui simul arma corripuerat, adhuc metuendus, an metuens, invalescentem Henrici Ducis fortunam, quæ cum Ulmam usque provexerat, latè circum omnem Friderici regionem devastantem. Stetit nonnihil victoris impetum ignominia, ad Wernicum amnem, non procul à Danubio, ubi castra locarat, accepta. Fridericus injuriam prohibiturus, haud longè ab Henrico cum justo exercitu confedit. Missi à Bojo exploratores, in Senatu militari referunt, hostem ingentem pugnatorum multitudinem habere sub signis, eoque videri in præsens à pugnâ abstinendum. Eadem fuit ductorum opi-

nio

nio. Datur ergo signum, silenti agmine abeundi trans flumen, & abitur quidem, sed tantâ trepidatione & confusione legionum, ut, cum eas non caperent pontis extemporalis angustia, & fluvius imbribus intumescens vadum negaret, compluribus natatu fuerit superandus. Receptus iste fugæ prorsus affinis vulgòque irrisus, Henricum sic pupugit, ut ad facinus, omni fugâ longè turpius, se sit passus induci malefactorum sualu, existimantium, parum, aut nihil interesse, virtusne, an dolus hosti officeret: quasi nulla datæ fidei, pactorum, fœderum, juris gentium ratio foret in excoendis inimicitijs ponderanda: quod ne Græcis quidem visum, qui, teste Polybio, inter indecora numerabant, fraude, nudis technis, hostem circumvenire, & non tam animos hostium, quàm corpora sternere. Alijs silentibus, rem in hunc modum narrat Otho Frisingensis. Henricus, simulato tot civilium odiorum fastidio, per legatos à Friderico poscit tempus locumque colloquendi de inimicitijs, secundâ omnium, ipsius adeò Lotharij approbatione, finiendis: & se quidem, si per Fridericum licuerit, pacis & reparandæ cum Lothario gratiæ fore interpretem. Fridericus, quem alioqui jam malorum & ambitionis intempestivæ satias ceperat, consilium non putavit esse respuendum. Zuifaltense Monasterium consensu delectum, ad certæ diei congressum. Fridericus nihil insidiarum suspicatus, candore Germanico tutus magis, quàm raro comitatu; Henricus verò numerosiore cinctus milite, conveniunt, pacatè colloquuntur, convivantur, recipiunt se ad nocturnam quietem. Atqui nocte intempestâ excitatur ad Friderici conclave tumultus, ipsum ad necem postulantium. Quid ageret in retam desperatâ? Confugit ad opem Numinis, quæ sola extremè periclitantem exitio poterat eximere. Dum omnes elabendi vias rimatur, en ipsi, velut divinitus, ostenditur inobservatum aliàs ostiolum, per quod evadit in vicinum templum, indeque in turris fastigium. Irrumpitur in cubile, excutiuntur omnes anguli, mirantur percussores quorsum petita fera evaserit? Itur in omnes Monachorum cellas, officinas, diverticula, irritâ ubique indagine. Noctem in suâ speculâ Fridericus egit insomnem, medius inter spem & timores. Inter hæc facinoris & periculi rumor emanat ad Friderici domesticos, & ab his extra septa Cœnobij ad amicos, qui densati ad arma convolant, factoque globo parant vindictam. Jam se dies aperuerat, cum Fridericus noravit conglobatos, animisque resumptis, Henricum è sublimi sic alloquitur: *Contra fas, bone Dux, fecisti, qui me in pace vocatum, pacis non ferens signa, inimicum te potius, quàm amicum ostendisti. Nec ab hoc facto propria fama revocavit honestas, nec carnis, quâ conjungimur, affinitas. Ne autem malum pro malo reddere videar, te tanquam amicum fideliter admoneo, ne fideles meos, quos undique adventare cerno, expectos.* Henricus, cum facto non posset infamiam detrahere, pudore potius, quàm metu trepidus, sese mox è loco proripuit, dignus, cui ad Superbi cognomentum etiam fraudulentæ crudelisque titulus impingeretur.

In Bojariam reversus, Othonem Wolfratshusium institit bello persequi. Rem ferijs Paschalibus aggressus est, ab arcis jam sæpe nominatæ obsidio. Otho longè impar viribus, Henrici patrui Reginoburgensis Episcopi, qui bellum accenderat, implorat opem. Hic conquisitis undique subsidijs, magnam florentissimæ juventutis multitudinem conduxit, ipsum adeò Leopoldum Aultrium, & quosque alios Henrici æmulos. Unus Otho Wittelspachius Palatinus, prætorij præfectus, Othonis Magni Bojorum postea Ducis parens, & progenitor Principum, qui hodie rerum in Bojariâ potiuntur, odia civilia derelictus, copijs utrinque ad pugnam accinctis, pacis author intercessit. Castra ad Isaram flumen, haud longè à Wolfratshusio tetenderant, & explicatâ acie, concurrendi signum expectabant. Otho utrobique plurimos habebat amicos, in quibus Fridericus Bogius consobrinus, & Otho gener, cujus inprimis res agebatur. Ante omnes Fridericum palàm, audientibus legionibus, affatus, periculi magnitudine & suscepti consilij turpitudine, sic permovit exercitum, ut nemo esset, quin polliceretur, se fore in Wittelspachij authoritate, & correptis signis ad Bojum transiturum, nisi Fridericus ipse transitionem occuparet. Ergo ne desereretur, ducem se suis præbuit pleno agmine in

EIUSDEM
FACINUS IN-
DECORUM.

XXI.

XXII.

PAX WOL-
FRATHUSIA.

ARX EXU-
STA. OTHO
WOLFRATS-
HUSIUS. CAP-
TIVUS.

M. S. de
Fundat.
MONASTE-
RIUM BEY-
HARTIN-
GENSE.

Aventin.
lib. 6. pag. 622.
SCHAMHAP-
TENSE.

S. ZENONIS.
ENSTORFI-
UM.
CÆSAREEN-
SE.
WALDER-
BACHIUM.
AN. CHRIST.
M. C XXXI.
XXIII.
MONACHO-
MONASTE-
RIENSE.

UNDEN-
STORFENSE.

SUBENENSE.

SCHISMA
PETRI LEO-
NIS.

S. Bern.
ep. 126.

Henrici castra progressus; ad cuius procumbens genua, sine cunctatione admissorum veniam & amici nomen impetravit. Wittelspachius ad alterum acie count reversus, Othonem Wolfratshusium nullo propè negotio induxit, ut sese suaque Henrico Duci permitteret. Ejus conditio paulò-quàm Bogij fuit durior: nam Procerum sententiâ judicatus fecisse contra Rempublicam, compulsus est dedere arcem Wolfratshusiam, quam Henricus direptam flammis subjecit: ipse verò dediticius, obtentâ vitæ incolumitate, captivus abductus est Ravensburgum: ejus uxor filia Wittelspachij honorificè habita, & interim patri commendata. Ratisbonensis Episcopus, in quem deinceps tota belli moles erat incubitura, suis diffusis viribus, sponte pacem exambiit, quam Hohenburgenli comitatu redemit.

Inter eas Boicæ turbas emerferunt aliquot religionis contubernia. Dedicatum hoc anno Beyhartingense, in superiore Vindeliciâ, à Romano Gurcensi Episcopo, jussu Conradi Salisburgensis. Id Monasterium ante annos aliquot fundaverat Juditha matrona nobilis, in suâ areâ, prope villam Hartingam, & sacris virginibus addixerat: quibus in Parthenonem Altenhonauensem, auctoritate sedis Apostolicæ, translatis, in earum locum successere Canonici Regulares D. Augustini. Annis succedentibus eò loci conditorium acceperunt è nobilissimis familijs Machselraniorum & Haslangiorum personæ illustres. Ad hunc quoque circiter annum pertinet, ejus, quem dixi, Ordinis Collegium Schamhaptentie ad fontes rivi Schambacensis, haud procul à vico Altmanstainio. Hoc cœnobium extruxit & locupletavit Gertrudis vidua nobilis Bertoldi Dynastæ. Venit etiam in partem ejusce pietatis, Luitgarda utriusque filia. Datum quoque florentissimo isti Ordini, sub idem temporis, à Conrado Salisburgensi domicilium S. Zenonis, in agro Halæ Divitis, ubi Haslangij nobiles alteram suis funeribus stationem locarunt. Instauratum quoque ab Othone Wittelspachio & D. Othone Babenburgenli Enstorfium. Huc præterea (cùm certum originum tempus non habeam) referas licet Cæsareense, opus Henrici Lechsmundiani & Graispacensis Tetrarchæ, Ordini Cisterciensi attributum. Eidem cessit Walderbachium à Comitibus Rietenburgicis erectum.

Anno hujus sæculi primo supra trigessimum, Monacho-Monasteriense Cœnobium, olim excisum ab Ungaris, & varijs temporum injurijs penè redactum ad incitas, remissumque studium religionis, D. Otho Babenburgenlis, vir inexhaustæ liberalitatis, è ruinis eduxit, & transcripsit S. Benedicti familiæ. In istius operis consortium venisse Henricum Ducem Bojariæ, & Diepoldum Vohburgensem Marchionem, author est Aventinus. Undenstorfense Asceterium Ord. Canonicorum Regularium S. Augustini situm ad flumen Gelonum, ab Othone Wittelspachio cœptum construi anno M. C. XXVI. Idem Otho, quinto post anno, coronidem imposuit, impetravitque ab Innocentio II. ipsius stabilitatem: voluit etiam hoc ipso anno, quo vitâ functus est, in conclavi (ut vocant) capitulari sepeliri. Subenense cœnobium, quod in secundâ Boicâ hodie utcunque tenui censu ad Oenum visitur, Tuta, è regio Ungarorum sanguine, incertum, quo præcisè anno, cœpit erigere; quia tamen ex ejus Epitaphio constat, eam in hoc ipso monasterio diem obiisse, anno M. C. XXXVI. Cal. Maij, non abludit à vero, hoc circiter anno, posita fuisse ejusce domicilij fundamenta. Post Altmannus Episcopus Tridentinus, anno M. C. XLII. donationes Subenensibus à se factas, diplomate sancivit, èstque meritis titulum socij fundatoris.

Inter ista religionis amplificandæ studia, ambitio turbas ingentes in orbem Christianum invexit. Honorius II. Pontifex, anno superiore 16. Cal. Mart. è vitâ abierat, acceperatque eodem die successorem Innocentium II. patriâ Romanum. Huic mox objectus à potente Petri Leonis factione, Anacletus II. qui antea Petrus Leonis vocabatur, homo maculosus, &, teste scriptore vitæ S. Bernardi, indignus, qui vel unius viculi curæ præficeretur: quique ab ipso Bernardo dicitur *homo peccati, qui super electum à Catholicis Catholicum, & canonicè, locum sanctum invasit armis, igne, pecuniâ, non vita vel virtutum merito.* Innocentius ad-

versa-

versariæ factionis violentiâ adactus, in Galliam abiit, & Claromonte primùm, dein de Remis concilia habuit frequente Patrum consensu. Lotharius Cæsar, per Gerardum Rom. Ecclesiæ Cardinalem invitatus, Leodij cum Legato collocutus, sepultam conferendorum sacerdotiorum litem refodit, pollicitus, si Innocentius restitueret verustum jus pedi & annuli Antistitibus concedendi, fore ut vicissim illum in urbem, ipsam adeò D. Petri sedem reduceret. Verùm, ne eam petitionem urgeret, D. Bernardus, quâ pollebat apud Lotharium auctoritate, discussit, effecitque, ut Romanâ coronatione futurus esset contentus, posteaquam Innocentium urbi reddidisset. Claromonte, rogatu Bernardi Hildenesheimensis Episcopi, & S. Norberti Magdeburgensis, qui mirandis operibus ad hoc operæ impellebantur, ad Patres relatum est, de S. Gothardo in cœlitum numerum referendo; quæ causa ad Remense Concilium est rejecta, in quo 4. Cal. Novemb. ab Innocentio templa, aræ, aliique Sanctorum honores Gothardo sunt decreti.

Lotharius promissi memor, in annum sequentem, qui alter & trigessimus fuit, Italicam expeditionem indixit, iniitque 18. Cal. Septembris. Conradus Italici regni invalor, de Lotharij profectioe factus certior, post varios Italix tumultus, propè incommittatus, per averfas itinerum ambages, plerisque suorum amissis, in Germaniam recurrit: ubi licet magnâ pecuniæ rerumque aliarum penuriâ laboraret, non paucos tamen reperit suarum partium studiosos, quos ad res novandas crescendi spes erigebat. Eo factum, ut, scissis in factiones Procerum animis, Lothario non licuerit copiosum exercitum trans alpes occupare, ne, quos domi relinquerebat amicos, necessariâ defensione nudaret. Ne ipse quidem in itinere extra vitæ discrimen fuit. Augustæ Vindelicorum diversantem, factiosi coorti in tumultum, non prius desierunt ad cædem poscere, quàm à regijs fortiter repressi, civitatem medijs in flammis ardentem viderunt. Nihilo secius cum eâ legionum raritate, quæ neque ejus majestati, neque rei, quam acturus erat, magnitudini satis respondebat, per vallem Tridentinam profectus, à Bononiensibus & Æmiliensibus, aliisque Conradi partiarijs contemptim habitus, non est ausus eos laceßere, sed rectâ versus Apenninum contendit. Innocentius viâ terrestri in Italiam rediit, & post acta Placentiæ vicinorum Episcoporum comitia, Roncalijs cum Lothario & Longobardorum Optimatibus, de vindicandâ Ecclesiæ dignitate est collocutus.

Itum deinde in urbem, non tam virium fiduciâ, quàm causæ bonitatis. Sub signis Lotharius vix trahebat ultra bis mille pugnatores, cum quibus tamen ad Agnetis portam castra ausus figere, Genuensium & Pisanorum classibus Latij littora occupare jussis, tantum injecit Anacletianis terrorem, ut, qui cum suo idolo Romanæ erant, in editas turres, ipse verò Anacletus in D. Petri Basilicam & Vaticana munimenta sese reciperent. Ita Pontifex, unâ cum Lothario urbem pacato agmine ingressus, secessit in Lateranum: Lotharius verò Aventinum insedit. Pontifex reductus in suam sedem, prid. Non. Jun. Lothario diadema imposuit in æde Lateranensi, idque præter morem, eò quòd D. Petri templum proprium Romanæ Cæsaris inaugurationis, à Petro Leone teneretur. Sexto, post eam celebritatem, die, Innocentius in vicem navatæ per Lotharium operæ, in Romanis adversus Petrum Leonis animandis, Cæsari concessit beneficiarias ditiones, quas Mathildis Apostolicæ Sedi donarat, eâ tamen lege, ut illas ad successores non transmitteret, & clientelare beneficium, annuâ centum argenti librarum pensatione, profiteretur. Quòd prolixior tamen esset gratia, iisdem conditionibus ea donatio ad Henricum Bojariæ Ducem, Cæsaris generum, extensa est: unde promptum est colligere, non modò honorarium obsequium, sed militares etiam copias è Boijs adjunxisse. Tentata quidem est eo tempore divortij Pontificij compositio: sed cum Anacletus neque colloqui, neque prælij copiam faceret, & nimis esset operosum eum cum tantâ Cæsariani militis infrequentiâ ejicere è Vaticano, & verò etiam Germanicæ legiones Romani cœli inclementiâ, & continuis Anacletianorum incursionibus, annonæque penuriâ conflictarentur, & Rogerius Siculus alia ex parte

INNOCENTIIUS PONTIFEX ABIT IN GALLIAM. XXIV.

S. GOTHARDI CANONIZATIO.

AN. CHRIST. M.C.XXXII. LOTHARII ITALICA EXPEDITIO. GERMANICÆ FACTIONES.

LOTHARIUS AUGUSTÆ PERICLITATUR.

Vrsperg. Append. ad Lambertum Alb. Stadenf. Ordo Erising.

INNOCENTIIUS REDIT IN ITALIAM.

AN. CHRIST. M.CXXXIII. Chron. Benevent. XXV.

SEDI ROMANÆ RESTITUITUR. LOTHARIUM CORONAT.

Innocentio immineret, Lothario visum, redire in Germaniam, tum ad tutandos amicos adversus conjuratos, tum ad majores vires comparandas. Innocentius, Germanorum præsidio destitutus, tamen certum habebat, pedem in urbe figere, quia tamen id non mediocris erat periculi, Pisas, potentissimam tunc & amicissimam urbem abiit.

RORENSE
MONASTE-
RIUM.
SPIRA RUR-
SUS OBSESSA.
AN. CHRIST.
MCXXXIV.
XXVI.

DOMITA.
CONRADUS
ET FRIDE-
RICUS PA-
CEM IMPE-
TRANT.

*Sigon. lib. 11.
Chron. Hirs-
aug.*

MEDIOLA-
NENSES
SCHISMA E-
IURANT.

AN. CHRIST.
M. CXXXV.
S. NORBER-
TIOBITUS.
S. MAGNI
MONASTE-
RIUM.

*Avent. lib. 6.
pag. 622.*

AN. CHRIST.
M. C. XXX
VI.
S. LEOPOLDI
OBITUS.

XXVII.

HENRICI
SUPERBI RES
IN ITALIA
PRÆCLARE
GESTÆ.

Hoc anno, Rorense Monasterium inferioris Bavariz, Ordinis Canonorum Regularium S. Augustini conditum ab Adalberto viro nobili, qui non suas modò facultates, sed semet etiam DEO, votum ultroneæ paupertatis professus, transcripsit. Inter hæc Conradus, Mediolano in Germaniam redux, astu, an perfidiâ civium, Spiram receperat, videbaturque belli sedem in ejus agro locaturus, cum Lotharius anno senescente, ex Imperij civitatum præsidij & fidis provincialium centurijs, conflato confestim exercitu, rebelles circumfedit, omnesque tum è continente, tum è Rheno aditus clausit, tam arctè, ut obsessi denuo domiti rerum inopiâ, sese Cæsaris arbitrio dederint. Quia porro Principes, magnam partem, qui catenus factiosos erant secuti, aut in fide nutabant, aut ad Lotharium defecerant; Conradus & Fridericus fratres, propè inermes, mollia consilia respexerunt, durioribus alioqui perituri. Multum tamen fuit, quod mediocriter sapientum est, vel serò sapuisse, neque voluisse niti contra torrentem. Ergo cum verni jejunijs ferijs Lotharius Babenbergæ comitia ageret, usi patrono Bernardo Clarevallensi, se suâque Cæsaris auctoritati permittentes, non injuriarum modò oblivionem, sed intimam quoque amicitiam eamque stabilem impetrârunt, eo pacto, ut Conradus regios Italiæ titulos, uterque arma poneret. Cum ijs ad officium rediére Mediolanenses, Anacleto & Conrado ejuratis. Soluti deinde sunt dirarum religionibus, quas ob schismatis contagionem contraxerant, præsentè D. Bernardo, quem ut numen aliquod hospitale sunt venerati. Ita demum Lotharius tranquillum imperium est consecutus.

Hic annus cœlo transmisit D. Norbertum Magdeburgensem Archiepiscopum, Boicæ venerandum, ob inductam in ejus fines Præmonstratensis Ordinis sanctitatem. Eâ quoque tempestate S. Magni Cœnobium, Canonorum Regularium D. Augustini, conditum à Gebhardo Ratisbonensi Canonico in Suburbio Ratisbonensi ultra pontem. Fuit Gebhardus è stirpe Comitum Raningensium, quorum arx gentilitia in suis adhuc rudibus visitur juxta amnem Lamberum.

Ad cœlites abiit anno tricesimo sexto S. Leopoldus Austrius, excellens religiosi Principis exemplum, parens octodecim liberorum, ex quibus in Bojariâ sanctas insulas, ipsa adeò principatûs insignia tenuere, Otho Frisingensis, qui res ab orbe condito gestas in annales digessit, & Friderici Barbarossæ nepotis acta misit in litteras, Conradus Bataviensis & Salisburgensis Antistes, Henricus primus Dux Austriæ, Leopoldus, qui Bojariæ Ducatum triennio tenuit, Conradus imperio potitus. Leopoldus parens, cœnobium Clauastro-Neoburgense, & S. Crucis in Austriâ condidit, ac demum ab Innocentio VIII. Pontifice anno M. CCCC. LXXXV. sanctorum catalogo est inscriptus.

Ut ex istis diverticulis redeamus in ordinem, migrandum nobis est tantisper extra Boicam, & in Italiam comitandus Imperator Lotharius unâ cum Henrico Superbo Bojariæ Principe, cujus virtuti atque industriætribuendum, quicquid ferè alterâ expeditione, Cæsaris auspicijs, gestum est memorabile trans alpes. Insigniter etiam Cæsari manus & consilia commodârunt Conradus, nuper Rex Italiæ, & Fridericus ejus germanus, quibus succenturiamus Othonem Wolfratshusium, qui catenus in Ravenspurgensi custodiâ habitus, redditus erat libertati. Junxerunt se Henricus Ratisponensis Episcopus, & Otho Wittelspachius. E juventute Boicâ confluxerunt mille quingenti, ductore Welfone Bojo, Henrici principis germano, quorum fortitudine res gestæ dignæ memoratu. Ejusce profectionis causa potissima, quòd Lotharius assiduis Innocentij Pontificis, Roberti item Principis Capuani, aliorumque legationibus fatigatus, Rogerij Siculi tyrannidem statuisset op-
pri-

primere. Accedebant Lombardiæ motus ab Anacleto sequacibus. E Boicâ, *Petrus Cassi-*
ineunte autumno, factum iter per alpes Tridentinas. Exercitu transmissio, ca-
strum Gardæ ad lacum Benacum; ad Eridanum, Vardastallum, primo statim impetu
occupata; & Henrico, genero Cæsaris, clientelari nomine attributa. Magnus
inde passim terror ex famâ tanti apparatus, Procerum fortunam respectantium
ad Cæsarem concursus, eorum inprimis, qui varijs implexi litibus, ejus arbitrium
postulabant. Sic obviam prodire Mediolanenses. Hi contra Rempublicam
fecisse judicati, quod in illos arma gestassent. Cremonenses vicissim damnati, quod
à Cremonensi comitatu ad Mediolanenses defecissent. Vis parabatur Bononien-
sibus & Æmiliensibus, quam haud dubiè fuissent experti, nisi Henrici nostri pru-
dencia Cæsaris iram temperasset, nondum obliti, quanto contemptu nuper ab ijs
spretus fuisset. Taurinum usque, civitates omnes ad officium compulsæ. Spo-
letum, Ancona subactæ. Sæpius acta comitia Roncalijs, & jus dictum more prisco.
Itum inde Ravennam ad hiberna, & consultatum de ratione belli Apuli, ad quod
Pisanorum classis, quadragenis senis instructa triremibus, jussa esse in promptu.
Hinc non Rogerij minùs, quàm Anacleto vehementes curæ. Henrico, perlu-
stratâ Tusciâ, quam à Lothario beneficiariam acceperat, datum negotium, Pon-
tificis & Roberti Capuani jura vindicandi. Habuit sub signis tria, non amplius,
equitum millia cum aliquo peditatu, quorum paucitatem Albani ausi spernere,
obsessi, expugnati, & direpti sunt. Cassinense Monasterium, quod Rogerij & Ana-
cleto fortunam sequebatur, Henricus à Rinaldo Abbate delinitus auro, citra malefi-
cium ad Innocentij & Lotharij obsequium reduxit, impetraturus absolutam se-
cessionis veniam in Comitibus Melphitanis. Capuani & Aquilani sine cunctatio-
ne eidem dedere manus. Castra inde mota Beneventum, & per feciales deditione
impetrata. Inter hæc Rogerius triginta armatorum millia mœnibus infudit. Fa-
cta exinde copia certaminis, quod Henricus avidiùs, quàm consultiùs iniit. Ubi
enim concurrere cœperant acies, Germanus miles, qui frontem occupabat, terga
vertit, & actum erat de victoriâ, nisi Henricus mirâ dexteritate eam ad se traxisset.
Nam suo usus ingenio, ne cætera acies tota inclinaret, quasi primi ordines suo jussu
locum mutassent, universam avertit ab hoste, jussitque, amne transmissio, collem, cui
civitas incubat, occupare, indeque ad portam auream murum adoriri. Id ubi sen-
sere Beneventani, actum de urbe rati, acie excedentes, confestim auxilio accur-
rere, quos Germani prementes è vestigio, simulque irrumpentes intra mœnia,
portas, fora occuparunt, consternatis Rogerianorum animis. Et jam urbis dire-
ptio excidiumque à victoribus parabatur, cum Henricus, Innocentij ductus aucto-
ritate, ab utroque in tempore jussit abstinere. Adsidebat tum Imperator arci Ba-
rensi, quæ valido Rogerij præsidio tenebatur, civitate jam expugnatâ. Henricus
eò deduxit Innocentium. Secutâ arcis deditione ad Lotharij arbitrium, acti in
furcam, qui eam pertinaciter erant tutari. Henricus dehinc belli terrorem cir-
cumtulit, Rogerium nullo passus loco subsistere, Trojam, Garganum, Sipontum,
Barulum, aliâque Apuliæ confinia redegit in suam potestatem. Demum toti pro-
vinciæ ad Innocentium revocatæ rector impositus est Ranulfus, homo Germanus,
cui Pontificis simul & Imperatoris manibus traditum est vexillum, inigne vicariæ
potestatis. Roberto in Capuæ principatum asserto, Rogerius ejectus ex Apuliâ,
refugit in Siciliam, quem cum totis copijs Lotharius cogitaret persequi, Germani
exteram militiam perosi, & reditum in patriam orantes, eum ab isto consilio revo-
cârunt. Igitur Innocentium in urbem comitatus, iter in Germaniam, per Etru-
riam & Lombardiam intendit. Delatus in vallem Tridentinam, repente cor-
reptus adversâ valetudine, pervenit ad sylvam, quæ Lycum ab Oeno dirimit, ubi
coactus in casâ vilissimâ decumbere, 3. Non. vel (ut Dodechinus scripsit) 3. Cal.
Decembris, fato concessit insignis Imperator, non minùs armorum gloriâ, quàm
laude pietatis; quo vivo, ut ait Urspergensis, *totum Imperium Romanum titubare non*
potuit, tam erat strenuus belli ductor, præcipuus in armis, consilio providus, terribilis
inimicus Dei & sanctæ Ecclesiæ, quippe qui, ut notat Paulus Diaconus, sub imperij
Paul. Diac. in Chron. Cassin.

nen.
Ursperg.
Sigonius.
LOTHARIJ
INGRESSUS
IN ITALIAM.

CIVITATES
ITALICÆ
SUUM ILLI
OBSEQUIUM
PROFESSÆ.

AN. CHRIST.
M. C.
XXXVII.
ALBANI DO-
MITI.

XXIIIX.
CASSINUM
RECONCI-
LIATUM.

HENRICI
VICTORIA
AD BENE-
VENTUM.

ROGERIUS
PULSUS EX
APULIA.

XXIX.

LOTHARIUS
MORITUR.

chlamyde, cœlesti militabat Regi, sacerdotes honorabat ut patres, pauperes fovebat ut filios, viduas ut matres, atque ita in singulis eminebat virtutibus, ut omnes perfectè haberet. Id verò erat præcipuè in DEUM religionis, quòd ne militaribus quidem laboribus se à divinis permetteret abstinere. Summo diluculo, sacerdoti aderat ad aram facienti pro defunctorum solatio; post, sacrificio pro salute exercitûs dabat operam; postremò ordinariæ cujuslibet diei Liturgiæ intererat, consuetus inter orandum fundere uberes lachrymas. Quando Richiza Augusta miserorum pedes abluebat, ipse raro modestiæ exemplo, suâ eisdem tergebat cæsarie, libabat osculo: mensæ accumbentibus ministrabat cibos, inferebat potum, & largè promebat singulis. Virorum doctorum haud paucorum opinio est, à Lothario esse profectum, ut causæ civiles, jure Romano in Imperij ditionibus finirentur, cum antea Judices, alij Longobardicis, alij Salicis, alij alijs legibus uterentur. Hoc certum est, cum legum studia scholâsque in Italiæ Gymnasijs renovâsse.

AN. CHRIST.
M. C.
XXXIX.
HENRICI
BOIARII
MALE SAR-
TA AMBITIO.

Mox ab ejus excessu, à Germaniæ Principibus agi cœptum de novo Rege ad fastigium producendo. Henricus Bojarix Dux, spe adhuc dubiâ eam sibi fortunam desponderat, non satis æstimans, quàm incerta sint, quæ nexa ac pendentia sunt ex aliena multorum capitum suffragatione. Animi cæteroqui tumidam augebat confidentiam, quòd Lotharius moriens, apud illum augustalia Imperij insignia deposuerat, velut pignus accessuri principatus. Spiritus inflabat ingens potentia, quâ non Boicam modò à parente acceptam, sed etiam Saxoniam, Ecruriam, Mathildis hæreditatem, aliâsque partes Italiæ Innocentij & Lotharij liberalitate erat adeptus, cum ijs terrarum spatijs, ut ab Oceano Germanico, & Codano sinu, continentem dominatum, usque ad mare Adriaticum superum inferumque extenderet. Eum commendabat continua in bellis prosperitas, non reputantem, quanta sit fortunæ vis & instabilitas in utramque partem, cui tam promptum est aurâ resstante compingere in scopulos, quàm cursu secundo in altum, & optatam stationem provehere. Proinde frenos injici oportere felicitati, sine quibus regi non possit; esse expandenda vela modestiæ ad conciliandos amicos, qui candidato suffragentur. Atqui Henricus, qui in se summa omnia suspiciebat, ratus, se omnes alios infra se habere, eoque citra periculum ullius rivalitatis, fasces sibi ultero venturos in marum, insuper habuit æmulos, neglexit alios, quibus erat jus eligendi, neque tanti Germaniæ coronam voluit videri æstimare, ut ejus gratiâ cuperet esse candidatus. Quo supercilio offensi Proceres, tametsi Moguntiam augustalia comitia in proximam Pentecosten indixerant, tamen plerique putârunt, eam diem indicto ad cal. Martias conventu, esse occupandam, idque ad Rheni & Mosellæ confluentes, & Henrico quidem neglecto, ne armis votorum libertati intercederet, quamvis geminum illi suffragium, Bojarix respectu unum, alterum Saxoniz jure deberetur. Omissi etiam Saxones, & ij duntaxat invitati, qui Conrado Suevo, Friderici ex Agnete Henrici V. sorore filio, impensè credebantur consulturi. Adtuere, Theodowinus presbyter Cardinalis Episcopus Portuensis Sedis Apostolicæ legatus, Archiepiscopus Coloniensis Brunoni nuper susceptus, Albero Trevirensis, Buggo Wormariensis, Fridericus Conradi frater. Adalbertus Moguntinus paulò antè vitâ excesserat. Posteaquam eò loci, prout cuique suadebat animus, Henrici fastum acriter proscederant, expenderantque, neque à Tarquinio Superbo, neque ab ullo quoquam paris arrogantiz, rempublicam bene fuisse gestam aut moderatè, Theodowino summi Pontificis regni que Italici consensionem addicente, nihil cunctandum rati Principes, Conradum Regem salutârunt. Inde mox itum Aquisgranum, ubi ille, de more, Caroli Magni solio est impositus, & à Theodowino & Alberone Trevirensi, sacro ritu inunctus est. Etenim Agrippinensis, quia recens electus, nondum ab urbe pallium acceperat, habuit istius inaugurationis vacationem.

XXX.

ELECTIO
CONRADI
SUEVI RE-
GIS.

CORONA-
TIO.

Factum Henricus, pro eo atque rei magnitudo poscebat, ægerrimè tulit, indignatus, non se modò in Regis sortitione præteritum, sed duarum in Imperio fortissimarum gentium, in comitijs nullam esse habitam rationem. Igitur electionem vitio

vitio factam accusat, aspernatur, quæ inde secuta, coquit ingentes iras, & proximis Quinquagenalibus ad Babenbergensem conventum citatus, ire contemnit. Super hæc, accendebat animum, quod Principum aliqui regium illi nomen obtulissent. Ubi tamen aliquantulum ira posuerat, ad 3. Calend. Quintileis paulò, quàm antè, pacatior, vocatus, se comitio stitit, veritus, ne, si irasci pergeret, Imperij Ordines vicissim iratos experiretur, & Reipubl. judicaretur hostis. Isthic, ingentibus promissis, quæ postea in ventos abierunt, placatus regni insignia Conrado tradidit, non prodijt tamen in ejus conspectum, ne contra animi sententiam illi plus æquo deferre, accusationi obnuñtiare, vel ignavia notam, nimium prensando contraheret.

Ergo revalescente vindictæ cupidine, res evasit in exitiales similtates, quæ demum erupere in apertum; quando non multò post, à Conrado vocatus Augustam, armatus accessit, nec se passus est inflecti ad molliora. Castra ad Lycum posuit, bellum spirans, & non obscurum majestatis contemptum. Conradus è contrà eum debitæ fidei commonefacere, humanitate delinire, terrere minis, ostendere, quid sibi juris esset in clientolas, quas imperij beneficio teneret, urgere, ne ultra causam daret leges in refractarium exerceendi. Hæc cum frustra essent, ventum ad extrema. Conradus cum jussit Saxoniam imperium abdicare, causatus, tam non esse è re & more Imperij, in uno capite congenerari Provincias, quàm unicam Provinciam pati geminos dominatus: quod si tamen volens lubensque hac in parte pareret, seque componeret ad æquitatem, non defuturos honores atque beneficia, quibus unius Saxonie jactura compensaretur. Ea denunciatio jam alioquin exacerbato omnem reverentiam & patientiam excussit. Enim verò cujus esset prudentiæ, res certissimas inani spe projicere? quis non videret, id agi, ut enervatâ sensim justæ defensionis facultate, omnibus fortunis everteretur? Facturum esse Conradum sincerius ac generosius, si larvâ detractâ per vim invaderet, quod lege ac jure non posset. Conradus arma præsentanea veritus, Augustâ cum exiguo comitatu Wirceburgum proficiscitur, & Henricum Reipubl. hostem declarat, ac demum proximis Natalitijs Goslariz, Boicæ juxta ac Saxonie Ducatu spoliatur. Boijs impositus est is, quem antè dixi, Leopoldus Conradi frater uterinus; Saxonibus, Albertus Marchio Brandenburgicus, Henrici consobrinus.

Redactum in ordinem Boij, magnam partem, sine cunctatione deseruerunt. In Saxonibus plus fuit fidei & constantiæ. Cum provinciam solito modestior obiret, seque ac filiolum commendaret, illi suam operam quoscunque in casus addixerunt. Qui ex Boijs fidem non exuerant, & Suevi, veteres Welfonum clientes, inobservati, in manipulatim, diversis itineribus, illum in Saxoniam sunt secuti. Sic ex utraque gente conflata vires, quibus Albertum, expugnato Lunzburgo, totâ Saxoniam pepulit, ipsique Conrado, qui fugientem exceperat, prope Hamburgum, tantâ ferocia occurrit, ut, non ausus supremam aleam experiri, maluerit in præsens suam fortunam pacto cum Henrico fœdere, quàm armis, in tuto collocare. Jam eâ prosperitate tumidus tendebat in Boariam, adversus Leopoldum, cum Quindeleburgi de suo jure apud Regem disceptantem, mors in medio conatu, veneno (uti quidem visum) propinata, oppressit 13. Cal. Octob. heroem, si animi elationem excipias, cum quovis Principe componendum. Et certè non usque adeò malè composuere viri non imprudentes, qui à sequiore judicio alieni, excelsos Henrici spiritus, animi magnitudinem, avitæ gloriæ amorem, & injuriarum intolerantiam sunt interpretati. Nemo inficias ibit, cum omnium ævi sui mortalium fuisse generosissimum, & in superandis bellorum maximis difficultatibus fortunatissimum; hoc tamen nomine deplorandum, quod Germaniam tot beneficiorum immemorem, Regem in solvendis promissis tam infidum sit expertus. Ejus corpus in Lutherensi cœnobio, juxta Lotharium socerum, terræ mandatum est. Filium reliquit Henricum, cognomento Leonem, præstanti puerum indole, cujus mentio nobis sæpe recurret non sine laude. Eum Saxones, comperta parentis morte, suæ gentis Principem, Rege deserto, creârunt.

Hoc

HENRICI
SUPERBI IN-
DIGNATIO.

XXXI.

ARMA IN
CONRADUM.

ABDICATIO.

AN. CHRIST.
M. CXXXIX.
SAXONIE
RECUPERATIO.

XXXII.

PAX CUM
CÆSARE.

MORS.

OTHONIS
FRISINGEN-
SIS PRIMOR-
DIA.

XXXIII

MONASTE-
RIUM OS-
TERHOVEN-
SE.

FRONTEN-
HUSIÆ STIR-
PIÆ ULTIMUS

Hoc anno, si vetustis Austriæ Annalibus fides est, Otho S. Leopoldi Marchionis Austriæ filius, vir eruditione & pietate clarus, ad mittam Frisingensem vocatus est. Fuerat antea primus Neoburgensis collegij, quod parens à fundamentis crexerat, moderator: post Lutetia Parisiorum optimis excultus disciplinis, Morimundense cœnobium, cum sedecim sui propositi socijs ingressus, professusque arctam D. Bernardi disciplinam, ad Frisingensis Ecclesiæ gubernationem est vocatus.

Sub idem tempus, Osterhovensæ Monasterium, quod antè Regularium D. Augustini fuerat, agente D. Othone Babenbergensi, D. Nortberti familiæ est transcriptum. De huiusmodi Cœnobij primordijs non est consentiens scriptorum opinio. Ea refert Aventinus ad Ducem Utilonem, qui unà cum conjugè in Chorobasilicæ conditus est. Idem autumat, vastatum ab Ungaris, ab Henrico S. Cunegundis fratre, Duce Bojariz, instauratum, & traditum sodalibus D. Augustini. Alij primam ejusmodi institutionem tribuunt Henrico, quem modò dixi, cum duobus filijs, quos Hunni interemerant, orbatus, Christum dixit suarum fortunatum hæredem, earumque partem Osterhovensibus dicavit. Quia verò morte præventus, foundationem nequijt ad exitum perducere, S. Henricus Imperator ab eo rogatus, ejus conficiendæ negotium in se suscepit: quo factum, ut Canonici sæculares primitus loco præessent, idque per centum annos, donec S. Otho Babenbergensis, D. Nortberti suasu, Ordinem Præmonstratensem Canonicis hoc anno subrogavit. Sub idem tempus (neque enim certum annum producere promptum est) Cuno Frontenhusius, idemque Medlingensis Comes, suæ stirpis ultimus, vacuas clientelarum Dynastias Boico Principatui, sine hærede defunctus, reliquit.



BOICÆ



BOICÆ GENTIS
ANNALIUM
PARTIS I.
LIBER XXI.

Leopoldus Bojorum Dux, Phalajæ Comites obsidens, à Welfone Henrici Leonis tutore oppressus: Welfo vicissim bis profligatus, semel ad Neresheimium, iterum ad Winsbergam. Leopoldo mortuo, Welfo bellum instaurat. Hæresis Arnaldistarum contra Cleri opulentiam. Edessa in Oriente Christianis erepta. Bellum adversus Geisam Ungarum. Bello Wolfratshufiano, Boij à Friderico Ahenobarbo devicti. Palæstinæ expeditionis infelix exitus. Bellum Saxonicum. Conrado Rege veneno sublato, Ahenobarbus eligitur: divertit ab uxore: Romæ coronatur: magnagerit in Italiâ: Henricum Leonem immittit in pacificam Boicæ possessionem: Austriæ Marchionatum convertit in Ducatum, cum insigni Boicæ detrimento.



Leopoldus, Bojorum Dux à Rege creatus, totius propè gentis studiis subnixus, qualia sive terror, sive fama clementiæ expresserat, Ratisbonam, principum Regiam invasit, eaque potitus, copioso instructus milite, totam aggressus lustrare provinciam, veteri Ducum instituto, sacramenti adactam religione recepit in fidem. Juri dicundo cum per dies aliquot dedisset operam, castra ad Lycum, è regione Augustæ Vindelicorum, metatus, cogitabat eodem, quo Boicam sibi devinxerat, tenore, ulteriora ditionum Welfonibus addictarum, redigere in suam potestatem. Verum eas non habuit perinde atque Boicam obsèques. Etenim Otho & Conradus Phalajæ Comites, qui Henrici Superbi partes cum fide erant secuti, correptis armis, in gentilitiam arcem se receperant, certum vim experiri. Fuere Phalajæ Comites è stirpe Comitum Schirensium & Dachaviensium, ductâ ab Arnulpho Schirensi origine, qui in herciscundâ, cum Othone fratre, hæreditate, Dachavium sortitus, factusque primus Dachaviensis Comes,

AN. CHRIST.
M. C. XL.
Otho Frising.

I.

PHALAJÆ
COMITES
VIM LEO-
POLDI DU-
CIS SUSTI-
NENT.

Pars I.

Bbbb

è Bea-

WELFO
HENRICI
LEONIS TU-
TOR.

ARMATUS IN
CONRADUM
REGEM.
Sigon, lib. 11.

*Rob. de Mon-
te.*

LEOPOLDUM
BOICÆ DU-
CEM OPPRI-
MIT.

VINCITUR
A CONRADO
REGE.
ET A FRIDE-
RICO REGIS
FRATRE.
ITERUM
CLADEM AC-
CIPIT AD
WINSBER-
GAM.
MATRONA-
RUM WINS-
BERGENSIUM
CHARITAS
IN MARITOS.

II.
CONRADI
FIDES IN
PROMISSIS.

GUELFO-
RUM ET GI-
BELLINO-
RUM APPEL-
LATIO UNDE
ORTA SIT.

de Beatrice conjuge duos filios sustulit, Othonem & Conradum, & huic quidem po-
steriori Dachavium obtigit, factusque est parens nepotum Dachavienſium. Fuit
autem Phalaja, Aventino Vallatum Romanum (cujus adhuc extant rudera) ca-
strum primæ Vindeliciæ, medium inter Oenum & Isaram, quæ Manguoldus amnis
præterfluit, & Ahamſtainij nomen ad hanc diem retinet. Otho, quem scripsi,
Phalajus, author est Monasterij Bernriedenſis Canoniorum Regularium, quo de
ad annum hujus sæculi vigesimum. Hunc igitur unaque Conradum fratrem,
Leopoldus Phalajæ clauſos obſedit. Welfo Henrici Superbi germanus, ad quem,
velut patrum, Henrici Leonis tutela spectabat, Saxonibus in belli partem acce-
dentibus, pupilli causam suscepit, eoque Conradi Regis arma in se convertit. Hinc
accensum grave bellum ac diuturnum, quo excitatæ geminæ Guelfonum & Gi-
bellinorum in Germaniâ factiones; quarum hæc multos Imperatores, illa pluri-
mos Duces implicuit. Porro Welfoni nostro Rogerius Siculus belli nervum
suppeditabat, veritus, ne Rex Conradus Germaniæ turbis expeditus, adjutusque
copijs Itatorum, ad capeſſendam Longobardici regni coronam, traiceret, ac dein-
de Romanæ Ecclesiæ succurreret; ut mirum sit, quæ venerit in mentem Felici Fa-
bro, Andreæ Presbytero, & Trithemio, quos Brunnerus secutus est, ut scriberent,
Innocentium, ad alendum in Germaniâ bellum, Welfonis arma adversus Conra-
dum stimulasse, ne Siciliam invaderet, quam tamen perinde atque Apuliam, cujus
se Regem Rogerius ferebat, plurimum intererat Romanæ Ecclesiæ jurato hosti
auferri, & Innocentio vindicari, subactæ schismatis pertinaci patrono, à quo non
ita pridem in pugna Gallaziensi Pontifex captus, multa indigna tolerarat. Ergo
Welfo noster Phalajensibus obſeſſis ſupperias accurrit, & Leopoldum nihil tale
cogitantem oppreſſit Idib. Augusti, non tamen sine aliquâ suorum jacturâ, sed
tæde longè majore Leopoldianorum; in quibus Albertus Bogius Comes, Henri-
cus Dynasta Rainingius, alique boni sanguinis complures: multi capti, cæteri acti
in fugam.

Hunc primum recuperandi Principatus conatum geminæ clades exceperunt.
Primam Welfo accepit non longè abs Neresheimio, ausus cum Conrado Rege
signa conferre; alteram Ellenhovij, iniquo Marte cum Friderico Regis fratre con-
greſſus, fugatusque. Sed ne tunc quidem arma projecit: verum integrato con-
festim exercitu, Conradi Regis Winsbergæ, Welfonum oppido, adſidentis, castra
invasit, improſpero rursus eventu ad 12. Cal. Januarias. Nam reſectus cum clade,
deſtituit obſeſſos, qui denique fecere deditionem eâ lege, ut, quicquid matronæ
humeris efferre poſſent, id bonâ pace liceret. Ea conditio causam dedit memo-
rabili fidei conjugalis exemplo. Credebantur uxores, mundum muliebrem, au-
rum, gemmas, & si quid præterea foret meliorum ſarcinarum, in tutum recepturæ:
verum ſecum reputantibus, nullum maritis pretioſiorem eſſe theſaurum, excelsè-
re miſerabili ordine, ſimul & ſpectantibus non injucundo, ſingulæ viros cervice
geſtantes. Ea pietas Conrado lachrymas gaudio manantes expreſſit. Nemo
fuit, quin recrearetur ingenioſâ charitate, præter Fridericum Regis fratrem, qui
fraudem accuſans, negansque, paciſcenti Regi id doli genus veniſſe in mentem,
qui proinde maritis non deberet patrocinari; hos volebat rapi ad lanienam. Sed
à Conrado verè regium tulit reſponſum; *Mi frater, non decet Regem, ullo caſu, fidem
fallere: verbum regium non decet immutari: mihi fama, favor Numinis, hoſtilis nec
longè debet eſſe potior. Si fides Principi vilis eſt, cuinam tandem eris pretioſa? Mem-
dorem vocari, in homine ingenuo nota turpis eſt; quàm infamis in dominantibus?* In
iſtâ Winsbergæ obſidionali pugna, quidam ajunt, nata eſſe Guelforum & Gibet-
linorum pernicioſa nomina ex teſſerâ præliari, quæ in Welfonis acie ejus appella-
tionem uſurpavit; apud regiones verò Giblingam, villam Auguſtenſis Diœceſis, in
quâ Dux Fridericus fuit educatus ab incunabulis. Italos verò, quibus harum vo-
cum notio erat incognita, exiſtimantes, Guelfos eſſe, qui partes Pontificias, Gi-
blingos autem, qui Cæſarianas tuerentur, vernaculo linguæ Italicæ genio, in fa-
ctionum titulos eas voces convertiſſe.

Dum

Dum bellum intrudesceret, Otho Frisingensis dabat operam placando Numbini. Quam ad rem auxilio Henrici fratris cœnobii, Schirfseense, Schlechdorfenſe & Scheftlariense injurijs Ungarorum jacentia, è ruinis eduxit. Postremo dedit S. Nortberti socios: in duo priora D. Augustini colonias induxit. Eadem tempestate Scotorum industria ad normam priscæ sanctitatis in usum revocandæ plurimum contulit. Inter magistros eminuit B. Macarius, qui clarus miraculis, Sancti nomen est consecutus. Ejusdem propositi socios viginti quatuor, duce Sanctino, Henricus Austrius Viennæ constituit. Ex eodem sodalities Gerardus migravit Aichstadium, non sine Bojariz commendatione, quæ tales hospites prima excepit.

MONASTERIUM
SCHIRSE-
ENSE,
SCHLECH-
DORFENSE,
ET SCHEFT-
LARIENSE.
SCOTORUM
RELIGIO.

Cæterum Leopoldus, Welfone fugato, pacatiorem nactus provinciam, Reginoburgum concessit ad rem communem & privatorum causas ordinandas. Quo tempore Otho Comes Wittelspachius, Welfonum studiosus, popularium, qui ad hominis exteri peregrinos mores malè erant affecti, usus ingenio, tumultum conflavit. Civibus ad arma concurrentibus, Leopoldus propè absuit ab exitio, certò opprimendus, nisi sparsis per varios urbis vicus tædis, furentem plebem ad restinguenda tectorum incendia rejecisset. Spatium adeptus evadendi, confinem latè agrum vastavit, collectâque validiore armatorum manu, rediit ad urbis obsidionem, positisque in ejus conspectu castris, cives ultima metuentes, ad redimendam auro salutem deditiōemque coëgit. Dehinc certus ulcisci ignominiam à Welfone in Phalajensi pugna acceptam, iratum agmen ad Lycum usque rapuit, & passim eorum, qui Welfonis signa sequebantur, arces evertit, omniâque circum populatus, igne fœdavit. Tum per Othonis Frisingensis fines regressus, sùsque deque habitâ germanitate, militari direptioni cæterisque maleficijs agrum concessit. Non multò post morbo correptus, Ratisbonæ, dum cœli mutandi gratiâ, iter intendit in Austriam, vix Altaichium inferius attigerat, cùm intendente se virium defectione, absque liberis fato concessit, brevi & inquieto Principatu potitus. Funus in basilicâ cœnobij S. Crucis, quod ejus parens locupletaverat, in Austriâ tumultatum est.

AN. CHRIST.
M. C. XLI.
Otho Fris lib.
7. c. 25.
TUMULTUS
RATISBONÆ
IN LEOPOLDUM.

III.
SECUTA HO-
STILITAS.

LEOPOLDI
MORS.

Porro hoc etiam anno, Novæ Cellæ Monasterium in Frisingæ conspectu ad Mosæ & Isaræ confluentes Henricus Bavariz Dux, Otho Frisingensis Episcopus & Conradus Antistes Salisburgensis fratres, Præmonstratensium religioni erexerunt. Monasterij basilicam nobilitant SS. Marini Scoti Pontificis, & Teclani Diaconi, quem sacerdotem nominat Hundius, sacræ exuviz conditæ sub eodem tymbo sepulchrali. Fuerunt D. Virgilij in excolendâ Bojariâ adjutores: uterque Frisingæ vitam posuit. Magnam olim fuisse ad eorum tumulum precationum frequentiam, suspensæ anathematum votivæ tabellæ testabantur. Est quoque in templo Dinterhausensi, quod Novæ Cellæ velut matri adnexum est, sepulchrum Eberhardi, quem rescriptum Apostolicum Sancti titulo honestat. Ejus effigies prodit, eum fuisse in isto pago pecoris custodem. Ipsi tumulus hodièque celebratur à vicinis remotisque, qui humum, quâ ejus corpus regitur, non modò domibus, sed stabulis etiam, adversus contagionem & venenatas animantium pestes, salutarem experiuntur. Mirum planè est, tam frequenti aliquot sæculorum effossione, tumulum non exhausti.

MONASTERIUM NOVÆ
CELLÆ.

Leopoldi morte, Welfoni revixit spes vindicandi Boicæ Principatum, si non armis, at saltem Conradi Regis benignitate, si quâ posset induci ad pacem eo beneficio sancendam. Verùm Rex eam spem frustratus est duplici ratione. Etenim primùm, sanguinis instinctum secutus, Ratisbonæ, in publico Ordinum conventu, Henricum, Leopoldi fratrem, Boicæ Ducem creavit: deinde, quò minor esset ejusce beneficii ambiguitas, Gertrude Henrici Superbi viduâ interprete, Henrico Leoni, quem Superbus moriens hæredem reliquerat, persuasit, ut spe Saxoniz aliquando potiundæ, sponte abdicaret, quicquid posset juris obtendere in Boicæ Principatu; pacto ob ætatis immaturitatem inutili, quod meritò in Comitibus Francofordiensibus postea voluit rescindi, anno M. C. XLVII. Id priùs quàm Gertru-

AN. CHRIST.
M. C. XLII.
WELFO
BELLUM IN-
STAU RAT.

IV.

VASTAT BO
IARIAM.

FRISINGA
NUDATA
MOENIBUS.
Dodechin.
Arenpeck.
pag. 148.
DACHAVIA
DEDITA, IN-
CENSA.

Godefr. Vi-
terb. in Con-
rad. pag. 595.
Orb. Frising.
lib. 7. cap. 28.
REGIMARI
PASSAVIEN-
SIS EPISCO-
PIEIXITUS.

BERTHÆ
SULZBACEN-
SIS NUPTIÆ
CUM MA-
NUELE IM-
PERATORE
ORIENTIS.

V.

Epist. Ma-
nuelis ad
Conrad.
Sigon. lib. 11.
Dodech. ad
an. 1144.
EIVSDEM
VIRTUTES
ET OBITUS.
Nicet. at.

dis, haud satis memor maternæ in filium charitatis, moliretur, pacta erat futuras nuptias cum Henrico Conradi fratre, quas re ipsâ hoc anno contraxit, turpi ad matrem exemplo, quæ filiorum charitatem extraneo affectu perfidiâque contaminant. Welfo nihil remissiùs causatus, nepotem patruo, quem jura ad eam clientelam proximè vocarent, nihil detrahare potuisse, mirum quantum exacerbatus, arma resumpsit, & Bojariam ingressus, Austrio penè inspectante, à nullo maleficii genere abstinuit, certus, clades ultrà proferre, nisi Henricus Dux exercitum propere collectum grassanti objecisset. Welfoni visum non est in præsens, prælio rei summam committere, nedum expectare Conradum Regem, cum expedito milite ad fratris auxilium properantem. Dum Welfo agmen spolijs onustum in Saxoniam reduxit, Henricus Dux cum per agrum Frisingensem secutus, miserandam incolis vastitatem induxit, cum insigni sacrarum possessionum detrimento. Frisingæ adeò mœnia solo æquata, cives vexati hostiliter, quòd Welfoni additiore, tecto hostem receperant. Conversa dehinc arma in Dachoviam, quæ arctè circumfessa toleravit obsidionem, quousque ob rerum inopiam coacta ad deditionem, à victoribus est incensa. Conradus, loci Dynasta, ad Henricum Wolfratshusium consanguineum se recepit, de cujus variâ fortunâ paulò post sermo redibit, quando eum, expugnato Wolfratshusio, captivum, & sine lytro, ob præclaram juvenis indolem, à Friderico dimissum, Dalmatiæ & Croatiæ Ducem memorabimus.

Anno superiore, prid. Cal. Octobris, Regimarus Passaviensis Episcopus tristifato raptus est, si verum habet narratio viri cujusdam visorum cœlestium non infucti, qui eum retulit à D. Altmanno in cœtu divinorum judicum accusatum, damnatumque, quòd Episcopatum, quem florentem acceperat, suâ ignaviâ pessumdederat. Certè, quamvis Passavienses Annales eum Ecclesiæ desertorem appellant, nullam tamen causam adferunt tam ignominiosæ appellationis: & præterquam quòd constet, eum sacros census valde auxisse, non est obscurum, eundem servandæ & amplificandæ religionis, & juventutis probè instituendæ fuisse oppidò studiosum. Datus illi successor Reginbertus Comes Peilstainius, conditor pontis Bojodurensis, qui Instadium cum Batavio conjunxit.

Hoc anno Conradus Rex Bertham, conjugis suæ sororem, Berengario Sulzbacensi Comite natam, Manueli Joannis Comneni Græcorum Imperatoris filio, & proximè ad Imperium adspiranti, despondit. Rari fuit honoris, Berengarium duas filias, alteram Occidenti, alteram Orienti, eodem tempore, in summo fastigio & Augustali titulo florentes habuisse. Credibile est, id illi felicitatis cœlum reposuisse, ut eximiam ipsius pietatem, quâ aliquot domicilia divino cultui consecraverat, remuneraretur. Nuptiæ ad anni quadragesimi quarti initium dilatæ. Sponsa Constantinopolim deducta nobilissimo comitatu, cujus princeps fuit Embriico Wirceburgius Antistes, qui domum revertens, Aquileiæ vivendi fecit finem. Berthæ nomen Græcis auribus duriusculum, in Irenes appellationem mutatum, non mutatis tamen moribus, quos optimos à Germaniâ attulerat, & qui nihil habebant, quod à Græcis carperetur. Nihil enim in illâ arrogans, nihil fastuosum: horrebat corporis cultum adscititium & nimio opere affectatum, gnara, illas tali ornatu indigere, quibus natura, vel virtus meliorem negasset. Pro gemmis & purpuris erat verecundia, decus modestiæ, pudici mores, perfecta conjugij fides. Sed istis ornamentis mariti lascivia nequitiam respondit. Detulit quidem Augustæ non vulgares honores atque reverentiam, sed in furtivos amores turpiter effusus, genialem thorum fœdavit. Quam obscœnitatem Irene ne diu videre cogeretur, diem præmaturè clausit. Demortuam maritus vero dolore desideravit, sed seriùs, & desletam, in paterno Pantocratoris Monasterio, magnificè tumulavit.

Anno quadragesimo tertio mors, quæ ne à Regum quidem turribus æquo pede pulsandis sibi temperat, sustulit Gertrudem Henrici Leonis iniquam matrem, M. C. XLIII. Lotharij Imperatoris filiam, Henrico Austrio, quod paulò antè recensuimus, secundis

mundis nuptijs, anno superiore conjunctam. Tam brevis illi fuit illaudati matrimonij usura, empta ingente filij damno. Partus difficultas, quam in fœtu cunctando passa est, vitam illi ademit. Illata est Luterensi conditorio (si Trithemio fides est) vel, quod mavult Andreas Presbyter, Basilicæ Cœnobij Castellensis. Venit etiam in censum nobilissimorum funerum Innocentius II. Pont. Max. 8. Cal. Octob. oppressus curis & animi mœrore, quem illi procreârunt Romani, adspirantes ad priscae libertatis usurpationem, authore Arnaldo homine seditioso, Politicorum hæreticorum antesignano. Ea his omnes deinde Pontifices usque ad Clementem III. graviter exercuit. Arnaldus id agebat, ut omnis rerum profanarum sacrarumque possessio atque proprietas Clero adimeretur, usu duntaxat relicto. Natum inde Romanis bellum contra Tiburtes Pontificibus addictos, quod magnis utrinque gestum ausis per annos complures, non nisi Tiburis excidio potuit extinguui. Quæ causa fuit, ut Lucius II. Pontifex, Celestini II. qui fuerat Innocentio subrogatus, successor, Conradi auxilia adversus Romanos implorârit, non impetrârit tamen, quod Conradus bellis domesticis distentus, ejus voto nequiverit respondere, satis habens, antiquas Romanæ Ecclesiæ prærogativas in Comitibus, Spiren-sibus renovare, rejectis Romanorum precibus, quibus specioso Imperij ex Ecclesiæ spolijs ditandi obtentu, ad urbem & Arnaldi errorem invitabatur. Accusant Annales hujus anni brumam insolentis prorsus asperitatis & tempestatum, quæ passim mense Februario non sylvas modò, evulsis radicitus arboribus, nudârunt, sed everterunt etiam ædificia sacra pariter & profana; quas clades duobus consequenter annis Germaniæ incubuisse reperio.

Sed longè fuere sæviora, tum Romæ, tum in Oriente. Et hic quidem ad perniciem Christianorum, isthic verò ad eversionem Cleri & Pontificiæ ditionis. Romana procella Lucium II. orbi eripuit, sive ictu lapidis missi è Capitolio (uti habet Codex Vaticanus) sive, quod Otho noster ejus avi scriptor vero propius asserit, radio Arnaldisticæ impietatis, & urbis rebellantis quotidianâ vexatione. Demortuo mox suffectus est Eugenius, & in Farsensi Monasterio, quò adversariorum metu secesserat, extra Romam consecratus. Direptæ interim ab Arnaldistis nobiles Catholicorum domus, è sacro Purpuratorum senatu quidam sauciati, alij coniecti in vincula: loco atque munij depulsi ministri Pontificis: coacti cives in Patricij Romani verba jurare. D. Petri Basilica conversa in belli sedem: peregrini, orationis gratiâ ad sacra limina venientes, verberibus adaecti ad promendam pecuni-am, quæ obtentu spontaneæ oblationis, sævientium avaritiæ deserviret: renuen-tes morem gerere exactoribus, in ipso templi vestibulo trucidati: patrata alia, qualia solent in expugnata civitate. Quæ scelera D. Bernardum moverunt, ut Conradum Regem, ad suscipiendam Ecclesiæ defensionem, mellitissimis litteris hortaretur.

Atque hæc quidem de Romanis turbis. In Oriente Edessa, nobilis Mesopotamiæ civitas, quæ præcipuum erat regno Jerosolymitano rebus asperioribus refugium, ipso Christi nascentis die à Sanguino capta est. Fuit autem Sanguinus Syriæ Halopen-sis & Mesopotamiæ (demptis tamen Antiochiâ & Damasco) potens Dynasta, & natus quidem ex Ithâ S. Leopoldi Austrij matre, quæ cum D. Thiemone & Welfone in Orientem cum sacra militiâ comitata, à Sanguini patre capta, & sumpta in thori societatem, Sanguinum hunc Christiani sanguinis sicientissimum in lucem edidit. Hic igitur Edessâ potitus per vim, plebem imbellem jugulavit, vel abripuit in servitutem ipsâ morte funestior. Urbis Episcopum cum universo Clero, ceu victimas, ante aras mactavit: omnia miscuit sanguine innocentij: multa castella redegit in suam potestatem. Quibus exemplis territi Christiani, auxilia ex Occidente rogârunt per legatos, qui Romanum Pontificem omnèque p̄torum nomen ad sacram militiam excitarent. Quis ejusce molitionis eventus fuerit, annis sequentibus exequemur.

Sub hoc ipsum ferè tempus (neque enim certum annum signare facile est) Henticus Bojaræ Princeps Geiæ Pannónum Regi bellum intulit, hæc imprimis ex causâ. Miles, qui in Austriæ limite excubabat, ductore Rapolto, Posonium

MORS GER-
TRUDIS MA-
TRIS HEN-
RICI LEO-
NIS.
INNOCENTII
II. OBITU.
*Otho Frising.
de reb. Fri-
der. c. 27. &
28.*
ARNALDI-
STÆ HÆRE-
TICI.

AN. CHRIST.
M. C. XLIV.

VI.

*Chron. Au-
gust. germ.
Dodechin.*

AN. CHRIST.
M. C. XLV.
LUCIUS II.
MORITUR.
SÆVITIES
ARNALDI-
STARUM.
*Orb. l. 7. c.
31. & in reb.
Frid. l. 2. c.
20.
Bern. Ep. 242.
& 243. vel
ut in verustio
Exemplari,
244.*

EDESSA
CHRISTIA-
NIS EREPTA.
*Guil. Tyriu.
lib. 16. c. 4.
& 5.*

VII.

*Orb. Fris. l. 1.
de reb. Frid.
c. 32.
Avent. p. 148.
Avent. p. 501.
Cuspin. in
Aust. Chron.
Vng. Bonfin.
BELLUM
UNGARI-
CUM.*

IIX.

PUGNA,

HENRICO
INFELIX.

SOPHIA UN-
GARICA
CHRISTO
DESPONSA.

IX.

hodie Presburgum, repente nocturnâ impressione cepit; civium alios trucidavit, alios fecit captivos; pauci fugâ sibi consuluerunt. Geisa, licet admodum adolescens Belæ Cæci filius, comperto Austriorum facinore, contractâ raptim armatorum manu, præmisit, qui percontarentur, cujusnam imperio, Conradi Regis, an Henrici Boij, Posonio vis esset illata. Respondere invasores, se neutrius jussu id fuisse ausos, sed studio Boritij, filij Regis Colomanni, qui quartus ante Geisam Ungaris imperaverat. Boritium modo exulem, ad recuperandam patriam, quâ promissis, quâ præsentario stipendio passim mortales sibi devincire; & ab hoc quidem se esse conductos. Geisa superveniens, munitionem arcto cinctu & copioso milite circumsepsit. Obsessi, post toleratas obsidionis ærumnas, cum nulla loci retinendi spes superesset, pacti cum Geisâ ter mille argenti libras, sine maleficio abire permitti; sed Geisa, recepto Posonio, cum non dubitaret, Henrici auspicijs fuisse occupatum, eidem bellum indixit, tractisque ad signa septuaginta pugnatorum millibus, ad Litham amnem, qui ab Australi Danubij latere, Austriam ab Ungaris dirimit, castra est metatus. Locus Germanis, Lehrfeld, opinor ex veteri deserti Bojorum appellatione dicitur. Henricus è diverso, ad Viscum, aliàs Pischium, flumen confedit. Geisa, Austrij castris diligenter exploratis, cum nondum ephebis esset egressus solenni ritu, sacerdotibus bene precantibus, militarem cultum induit, accinctus armis, veteri gentis exemplo, mox editurus specimen boni Imperatoris. Igitur aciem ordinat, ejusque frontem geminâ sagittariorum alâ, qui hostem eminus excipiant, prætexit: tum medium agmen longè numerosissimum Belæ avunculo commendat, & in subsidijs duodecim equitum millia retinet, jubetque, aciem isto, quo stabat, ordine, vado reperto, silenti agmine transmittere, antequam ab hoste vis objiceretur transituris. Et verò compererat, in Henrici castris, contemptu periculi, an imperitiâ exploratorum, omnia geri negligenter, ne sentiri quidem Ungarorum motum, ignorari consilia hostium, nihil prorsus timeri: cum tamen nihil æquè metuendum sit Imperatori, atque non metuere, & sibi læta somniare, antequam sit causa lætandi. Ergo fluvio transmissio, Geisa prius fuit in Henrici conspectu, quàm in procinctu esse crederetur. Hinc, ut in re improvisâ, confundi legiones, nihil agi ex lege militari, quia nihil erat provisum aut compositum, quisque raptim atque turbatè ad arma convolare, capere stationem, quam non ductores, sed fors offerebat, omnia ferri impetu, nihil ex ratione atque consilio. Qui tamen ad signa procurrebant, collegere animos, rati, certamen fore cum Bessis atque Scythijs, quorum forma deridicula, jumentorum strigosa macies, quales primi ordines ostentabant. Henriciani in id genus hominum coorti, nullo negotio primores turmas evertunt, & successu alacres, in mediam aciem invehuntur. Et hîc quidem Martem habuerunt utcunque faventem: nec fuisset dubia victoria, nisi qui ex Henricianis in pugnam posteriores convolabant, (quia in omnibus ferè prælijs, oculi primi omnium vincuntur) ex pulvere, ominantes malè pugnatum esse à socijs, initâ fugâ, fortunam hucusque blandientem destituisent, & commilitones, atque unâ Henricum, retraxissent. Plures in fugâ cæsi, quàm in certamine. Universè ex Austrijs septem millia, ex hoste in vestigio ter mille occubuerunt. Bonfinius studio gentis, cui stylum commodavit, victoriam facit aliquantò inflatiorem, scribens, à tertiâ diei horâ, ad præcipitem usque vesperam, fuisse dimicatum. Otho noster, in fratris gratiam, notat Ungaros plura suorum funera numerâsse. Henricus accepto dedecore, mœstus se Viennam recepit. Geisa castris spolijsque potitus, in Ungariam revertens, victoriam non est prosecutus.

Et hic ipse quidem est, cujus soror Sophia Henrico Conradi Regis filio expetita, Christo venit in manus. Illa spe nuptiarum, cum honestissimo comitatu ducta in Germaniam ad condiscendos gentis mores & linguam, Belæ patris & Conradi voluntate, hæsit in Monasterio Admontensi, dum sponsus thoro maturefceret. In quâ morâ, cum (ut ferè per diutinam procrastinationem multa obliquè eveniunt) Bela moritur, & ei demortuo Geisa succedit. Henricus verò

raptus

raptus immaturo fato, sponsæ vota frustratus est. Quare ipsa, Luitgardis Ratisbonensis nobilissimæ scæminæ magisterio imbuta, ne bis sponsum lugeret, negavit, se alium, quàm immortalem ducturam; mundoque valere jussu, soli se Deo addixit. Eam Geisa sæpe per litteras ad patriam revocavit, propositis omnis generis illecebris, quæ virginæ constantiæ illuderent: at illa dedignata rerum caducarum quisquilias, prætulit Regnis omnibus castissimos sponsi cælestis amores, sibi quæ ipsa epithalamium concinens, quo animæ Christo desponsæ glorianentur, *Regnum mundi & omnem ornatum sæculi contempsit propter amorem Domini Iesu Christi*, se Regum Regi dedicavit.

Ista posteriora contigerunt annis sequentibus. Hæc, de quâ scribo, tempestate, terrarum orbis magnam partem bellorum turbine involvebatur: & Bojaria quidem, prius quàm Henricus ad bellum Ungaricum traheretur, urgebatur domesticis periculis, ex gravi similitate, quæ Henricum Episcopum Ratisbonensem, virum alioquin inquietum, & sago, quàm infulis aptiorem, armaverat ad Ratisbonæ obsidionem iniquissimo tempore, cum in Ungariâ simul & in Boicâ militare non posset. In Galliâ Belgicâ, Albero Trevirorum Archiepiscopus cum Henrico Namurcensi Comite collidebatur. Alibi passim bella gravissima, & ne quid maiorum abesset, fames, qualis nulla aliàs, crudelissima, quæ ipsas adeò infelicitum herbarum radices, corticesque arborum commolitos in aliquam panis similitudinem, unâ cum cruore jumentorum è venis extracto, more Scythico, in cibum vertit. Famem horribiles terræ motus & internecina pestis est secuta.

Sed & Fridericus Ahenobarbus, infusus cum ingenti armatorum multitudine in Norici fines, in Bojariâ, vivo etiamnum patre, prima militiæ rudimenta posuit, Henrico Wolfratshusio infestus, quod Welfonis partes adversus patrem patruosque esset secutus. Et hic quidem est Ahenobarbus Conradi Regis ex fratre nepos, qui postea gessit imperium, atque in præsens Boicæ nobilitatem ad arma concivit pro Henrico Duce capiendâ, non quod sibi quicquam Boij ab adolescente, tum primùm ex umbrâ prodeunte, timendum ducerent, sed velut ludicrum certamen inituri, incruentas sibi palmas de tirone pollicerentur. Confluxere igitur Wolfratshusium perfrequentes. Instructa utrinque acies pro castrî mœnibus. Boij ne tum quidem Friderici adolescentiæ irasci, sed deridiculo habere temeritatem, ausam veteranorum fortitudinem lacessere. Atqui nimirum fortissimus juvenis hunc illis risum brevi ademit. Thrasones, signis collatis, aversi in fugam, didicere, tutius esse habere ducem, qui nihil, præter turpem fugam metuat, quàm in pectore veterano meticulosam imbelliam. Unus Conradus Wolfratshusius perstare ausus in vestigio, venit in manus victoris. Multis stimulantibus, ne Fridericus tam illustri captivo, nisi grandi ære libertatem redderet, respondit, virum fortem generosè deditum, liberaliter debere dimitti: non esse suæ nobilitatis facere quæstum ex virtute, in honesto nomine grande esse lucrum, sordes avaritiæ inter turpia computari: bellatorum esse instare decori; illis ut prima famæ celserrint, ita plerumque cedere universâ. Certè Bojariæ juvenis Friderici virtutem admirata, bello proximo, quod cum Conrado Zaringensi gessit, fortem illi fidelèmq; operam navavit. Tigurum eo duce occupatum: Conradus ad ultima redactus, arcibus omnibus, quamlibet munitissimis, exutus, cum nullo loco tutus consisteret, nullum habuit, nisi in Regis clementiâ receptum.

Tot tantæque tempestates repenti secuta est mollissima malacia quiesque totius Occidentis, cum non bella modò movere, sed vel arma gestare in publico, pro grandi crimine haberetur. Non fuit tamen otium à bellico apparatu, qui in iuratos hostes nominis Christiani verteretur. Bellicum cecinit Eugenius III Pontifex Max. impulsus ærumnis & supremo periculo Christianorum, qui haud procul aberant ab ultimâ necessitate, nisi tempestivis auxilijs erigerentur. Tubæ vicem fuit & conquisitoris D. Bernardus tantâ vi cælestis facundiæ, & continenti miraculorum affluentia, ut, cum innumeri mortales, non paucæ adeò mulieres, viros habitu mentitæ, ad crucis tesseram traherentur, urbes civibus, agri colonis exha-

*Orthoderb.
Frid. l. 1. c. 29.
TURBÆ PAS-
SIM IN ORBE
CHRISTIANO*

*FAMES ET
PESTILITAS*

*BELLUM
WOLFRAT-
SHUSIANUM.
X.*

*BOIJ DEVI-
CTI AB A-
HENOBAR-
BO.*

*VICTUS
ITEM CON-
RADUS ZAE-
RINGENSIS,*

*AN. CHRIST.
M. C. XLVI.
PAX QUIETIS-
SIMA.
SACRÆ MI-
LITIÆ AP-
PARATUS.*

*D. BERNAR-
DO AUTHO-
RIENDI RE.*

Otho Fris. de
reb. Frid. I. I.
c. 36.

XI.

HEBRÆO-
RUM PERSE-
CUTIO.

MONASTE-
RIUM WIND-
BERGENSE.
ALDERSPA-
CENSE.

AN. CHRIST.
M. CXLVII.
CONRADUS
REX HEN-
RICUM FILI-
UM COLLE-
GAM LEGIT.
HENRICUS
LEO BOICÆ
PRINCIPA-
TUM REPE-
TIT.

XII.

DIFFERTUR.

ITER SACRO-
RUM MILI-
TUM IN SY-
RIAM.
INGENS
EXERCITUS.

riendi esse viderentur. Conradus Rex eam ad rem comitia Spiræ habuit sub an-
num vertentem, & in Bojariâ, mense Februario anni insequentis, in quibus non
modò innumera propè nobilitas, sed ipse quoque cum Henrico fratre Bojo-
rum Duce, cum Welfone patruo Henrici Leonis, quem cum aliâ auro Si-
culo & Ungarico auctoratum, adhuc sensisset hostem, posteaquam in villa Bite-
govienfi militiam crucis professum in fidem suscepisset, deinceps suum commili-
tonem solebat appellare, neque sinebat à suo latere divelli. Inter Episcopos,
hujusce socios expeditionis, fuit quoque Otho Frisingensis, Reginobertus Bata-
vensis, Henricus Ratisbonensis, Ottocarus præterea Stiriz Marchio, Bernardus
Princeps Carinthiæ, Fridericus Suevorum Princeps, postea Imperator. Et ut ne-
mo non agnosceret miros divini Numinis instinctus, non modò probi sanguinis
homines sine numero dedere nomina, sed ipsi quoque sicarii, prædones, & trucu-
lenti grassatores, sumptis crucis insignibus, immanitatem visi sunt pietate mutare.
Extincta simul inveterata odia, iræque in Christi hostes conversæ. Sed, qui ge-
nius est Tartaræ nequitiz in bonis mala ferentis, Radulfo Monacho concitatore,
ex agro Colonienfi, Moguntino, Wormatiensi, Argentinenfi, toto ad eò Rheni li-
mite, ingens cruce signatorum multitudo ad Hebræorum excidium conjurata,
putavit, se læta belli transmarini auspicia capturam, si eam gentem ferro dele-
ret. Hinc acres in urbibus tumultus & permulta recutitorum funera, donec D. Bernar-
dus insanientes homicidas docuit sapere justiora.

Hoc anno, qui totus in bello parando absumptus est, Eugenius III. 10. Cal.
Janu. litteris ad Gebhardum Præpositum Windbergensem, Ordini Præmonstra-
tensi asseruit factam non multò antè, per Albertum Bogentem Comitem, funda-
tionem. Alderspacense quoque Monasterium circa annum M. C. XXXIX.
à D. Othone Babenbergensi inchoatum, anno sequenti, D. Bernardi intercessio-
ne, cessit instituto Cisterciensi.

Conradus Cæsar, prius quàm moveret in Orientem, ne vacuum à rectore re-
linqueret Imperium, coactis Francofurti Germaniæ comitijs, ex communi Princi-
pum suffragatione, Henricum filium impuberem Regni collegam dixit, & Aquis-
grani sacris cæremonijs curavit inaugurandum. Quo tempore Henricus Leo
repetijt Bojariæ Principatum, Cæsarem atque Imperij Ordines contestatus, vitio
factam, ante annos quinque à minorenni, nullâ tutoris autoritate, sed matris frau-
de, abdicationem, & nullo juris ordine parentem Boicis ditionibus fuisse exclu-
sum: se verò, quem natales proximè ad ejusce clientelæ beneficium vocassent,
nullius paternæ culpæ affinem, præter jus fāsque esse spoliatum, adeoque ex lege,
ante omnia, spoliato deberi integram restitutionem. Tam verò cordatè causam
egit florentissimus juvenis, ut appareret, si Cæsaris voluntate non posset, statuisse
Boicam armis invadere. Conradus, cui res ea cordi non erat, ne bellum à tergo
relinqueret, & filio Regi Imperium turbulentum, causatus, sibi non esse integrum,

discepratione admodum perplexâ sacram expeditionem morari, litem ampliavit,
Leone benignè admonito, ne tantillam comperendinationem gravatè acciperet:
fore enim ut, ubi primùm ex Asiâ rediret, ipsi, sine cunctatione, daretur rogatio.
Ita fervidus Princeps, præter animi sententiam, dilatus est speciosâ belli sacri ex-
cusatione. Cæsar Francofurto Norinbergam, indèque Reginoburgum discessit,
comitante Cardinale Portuensi, Eugenij Pont. Legato, cujus consilijs in rebus
sanctioribus uteretur. Reginoburgi, florente vere naves conscendit, & vectus
secundo Danubio in Austriam appulit, eo die, quo Christi ad cælum abeuntis me-
moriam recurrit. Prima castra posuit ad Burgum (ita vocat noster Otho) Arde-
cherum, copiarum adventum, quæ sequebantur, præstolaturus. Convenisse fe-
runt tanto numero, ut Nicetas Græcus scriptor asserat, Græcorum oculos ijs re-
censendis non suffecisse. Faber Felix facit infinitam multitudinem: Auctor
Chronici Reicherspergensis affirmat, ab orbe condito tantum exercitum non
fuisse conspectum. Otho Frisingensis, comes & spectator ait, *flumina ad navigan-*
dum, & camporum latitudinem ad ambulandum, visa esse, vix fore sat tantæ multitu-
dini:

dini: Guilielmus Tyrius paulò moderatiùs numeravit septuaginta cataphractorum millia, peditatum dixit innumerabilem.

Alia ex parte Septentrio socius esse voluit istius expeditionis. Daniæ Rex, Poloniæ Rutenorùmque populi frequentissimi, sua ad eam nomina sunt professi. ESaxonibus conflatus duplex exercitus, alter à Friderico Magdeburgensi, alter ab Alberone Bremensi, Archiepiscopis. Si veteri scriptori credimus, *tota terra contremuit à facie tanti apparatus.* Prætereo classiarios, qui ad 5. Cal. Majas Coloniâ Agrippinâ solventes, 14. Cal. Junij in portu Britannico Anglicam & Flandricam sibi classem adjunxerunt, & oram Cantabricam circumvecti, ex itinere Olyssiponem Saracenis per transfennam eripuerunt. Ludovicus VIII. Galliarum Rex, cum infinitis propè copijs movit à Francia 3. Cal. Julij. Tantæ potentia nihil fore videbatur impervium aut inexpugnabile: sed humanos conatus divinus favor destituit, haud dubium quin ex justissimis causis. Omissio aliorum successu, satis erit nostrorum clades dare sub aspectum. Certè D. Bernardus, qui prodigiosis ostentis manifestè demonstravit, se divino instinctu id bellum suasisse, ut exitus prosperi mærorem leniret, semet aliòsque solari non erubuit divinæ providentiæ judiciorumque abyssu profundissimâ, & exemplis eorum, qui DEO auctore, res similes olim susceperunt, & licet incurterint in adversos scopulos, tamen à scopo divinæ gloriæ & salutis multorum mortalium neutiquam aberrârunt. Diligit enim DEUS filios, quos castigat; sed non satis ejus beneficentiam norunt æstimare, qui eam duntaxat ex rerum secundarum blandimentis metiuntur. Pronum est suspicari, non defuisse in tantâ hominum & morum colluvie lasciviam, quæ est in castris, ubi major peccandi licentia: & verò ubi est effrenis multitudo, vix possunt esse pauci, qui peccent: id superstites, post cladem sunt fassi, nec dissimulavit S. Bernardus, cum fatetur, *DEUM provocatum peccatis, ante tempus quodammodo visum esse judicasse orbem terræ: populos cecidisse propter iniquitatem, nec tamen eorum casum fuisse adversus promissâ DEI, quæ ejus justitiæ non præjudicant, quantumvis sit terribilis super filios hominum.* Bonfinius certè, Conradi iter per Ungariam, contra datam fidem, minimè pium pacarumque, sed insolens & injuriosum fuisse ostendit, quando queritur, Regem instar hostis acerrimi ultum esse veteres injurias: à religiosorum collegijs, à cœnobijs & xenodochijs, sub viatici sacrique stipendij nomine, immodicam pecuniam extorsisse. Quid præterea peccatum sit, tam nobis promptum non est dicere, quàm DEO non ignorare. Itineris initia læta utcumque fuerunt per Bulgariam & utramque Thraciam. Philippopoli primùm se perfidia Manuelis Græci Imperatoris cœpit aperire. Is sine maleficio transitoris tuta omnia pollicitus, nihilo minùs truculentam grassatorum manum armaverat, animaveratque immani Germanorum odio, quod demum patuit, cum in nostros à tergo inveci, postremum in agmen cœperunt incurrere, daturi luculentas perfidiæ pœnas, nisi fucata Philippopolensis Antistitis blanditiæ nostrorum iras temperassent. Rursum est violata fides Adrianopoli, cum è Germanis Proceribus quempiam Conradi Regis consanguineum, qui in urbe curandæ valetudinis causâ substiterat, vivum, unâ cum diversorio, cives exusserunt. Fridericus, Conradi ex fratre Friderico nepos, eam atrocitatem concremato Monasterio, in quo fuerat patrum scelus, dictaque in latrones capitali sententiâ, jussus est à Rege ulcisci. Hæc leviora: quæ deinceps evenerunt, fuere tristissima, & hoc quidem, quod modò sum dicturus, nocentissimum certamen adversus truculentissimum elementum.

Ad 7. Idus Sepembris, nostrorum copiæ, exceptis Lotharingicis, quæ cum Duce Vaudemontio, alijsque magnatibus, diversæ sequebantur, in amœnissimâ Cherobachorum planicie, haud procul à Constantinopoli tetenderant. Eum campum perfluit Melas torrens alveo tenui, qui æstate arefcens, coit in limosam voraginem: sed ubi se infundunt imbres, sic intumescit, tamque latè exundat, ut fluvij modum supergressus, maris speciem referat, neque vado neque navigijs tractabilis. Dum eò loci miles jucundè, nulliusque periculi metuens, conquiescit,

Pars I.

Cccc

postri-

M.S. Fulden.
Franco-Sa-
xon.
CLASSARIIL.

CLADES
GERMANO-
RUM.
S. Pern. lib. 2.
de confid.

XIII.
Exod. 3.
Indic. 20.
QUIBUS EX
CAUSIS?

Bonfin. lib. 6.
pag. 261.

MANUELIS
PERFIDIA.

XIV.

AQUARUM
ILLUVIES IN
EXERCITUM.

IMMANITAS
GRÆCORUM
XV.

FRAUS VIÆ
DUCTORUM.

CRUCE SI-
GNATORUM
MAGNA
CLADES.

BERNARDUS
CARINTHI-
US OCCISUS.
Nietz p. 75.

PUGNA AD
MÆAN-
DRUM.

postridie, quàm venerat, nubecula primùm exoritur, deinde pluviâ stillat non imitem, pòst subitò tantos nimbos profundit mixtos procellis & ventorum turbinibus, ut velut ruptis cœli cataraetis, ventisque in terras armatis, momento totus ager undique immanibus vorticibus fluctibusque innatârit. Miseranda castrorum facies, abrepta in mare carpenta, disiecta tentoria, legiones undis obrutæ & sparsim confusæ. Qui natatu se commisere fluctibus, pars absorpti raptique in vicinam Propontidem, pars sarcinarijs vehiculis elisi, pars oppressi cautibus, complures primo statim aquarum impetu suffocari, involutique undis ineluctabilibus. Quibus fors fuit paulò mitior, nudi rerum omnium, jumentorum ope, in eminentem tumulum, ubi Welfo noster & Fridericus tabernacula fixerant, evasere. Pauci, connexis inter se rhedis, objectisque, quæ fors offerebat, repagulis, extra undas erecti tempestatis exitum expectârunt. Satis non potest oratione explicari, quanta hominum, gazæ, sarcinarum, fuerit jactura. Conradus eâ mortuus calamitate, suos in littus Asiaticum, hoc est, in perfidissimorum latronum fraudes & lanienam ad vitandos Græcorum tumultus, summâ, quâ potuit celeritate, transmisit. Manuele regiâ in urbe salutato, per Bithyniam progressus, abs læva Galatiam, Paphlagoniam, & Pontum reliquit, à dextra Phrygiam, Lydiam, & minorem Asiam. Pacato agmine procedentibus annona malignè præbita: empturis nullum ferè uspiam forum, sed tantum pretij indictum, quantum lubebat propositis, qui stantes pro muris, acceptâ antè pecuniâ, cibaria demittentes, sæpe rebus emptis fraudabant emptores, seseque ex eorum conspectu proripiebant. Sed execranda fuit illorum immanitas, qui Manuele si non authore, saltem conscio, calcem comminutumque gypsum panibus admiscebant, cum certâ manducantium perniciæ, qui magno numero, corrosis inde visceribus, contabuerunt. Jussu Manuelis cusi sunt nummi adulterini, qui peregrinis aliquid de suo vendentibus obtruderentur. Idem cruce signatis dederat viæ duces locorum quidem peritos, sed dolis instructos, jussosque defessum agmen per steriles viarum ambages in Turcarum insidias trahere, inductosque in fraudem, medio itinere deferere. Qued illi præstitere gnaviter. Nam de industriâ declinantes à dextrâ Lycaoniam rebus omnibus affluentem, deceptos induxerunt in arentes Cappadociæ solitudines, longè ab Iconio, quò se rectâ viam monstraturos condixerant. Cùm haud procul à Turcis abessent, noctis silentio, clam inivère fugam, deserto exercitu, fracto laboribus & jam hostium insidijs irretito. Illuc ex condicto Turcarum omne nomen confluxerat, è Medis, Cilicibus, Armenis, Parthis, Cappadocibus, quibus erat persuasum, nostros suis sedibus eo consilio egressos esse, ut pulsos omnibus Christianæ fidei hostibus, toto Oriente potirentur. Igitur suorum freti multitudine, recentes immittunt in defessos & ferè semineces, turmis per vices succedentibus: eminus spargunt telorum nubes, docti laxatis ordinibus refugere, & rursum conglobati ad certamen redire. Germani, quibus ob armorum pondus, longam inedia, & equorum defectionem, par non erat velocitas, densati quidem resistere, legiones inferre contra obstantes, pugnam tentare cominus, sed in cassum, cùm neque fugientes valerent assequi, neque sic dispescere, quin denuo coeuntes pugnam integrarent. Sternebantur interea spiculorum procellis & jumenta & selliores, tantâ strage & certâ jaculorum destinatione, ut, cùm aliquot horas pugna tenuisset, è septuaginta cataphractorum millibus, & innumero peditatu, vix decima pars superfuerit, captis haud paucis, cæteris internecione deletis. Bernardus Comes Carinthius castrorum stragem nobilitavit. Conradus cum eâ superstitum paucitate, per ingentes difficultates Niczæm evasit. Illuc antè quàm appelleret, exercitui lacero pugnandum fuit ad flumen Mæandrum, cujus ulteriora Barbari densis catervis, ubi vadofus erat, obseperant. Et hîc quidem via vel aperienda vi, vel pereundum. Conradus, castris extra teli jactum in hostis conspectu positis, omnes jussit noctu curare corpora, ac postero manè ad pugnam esse expeditos. Ubi diluxit, instructâ acie, suos sic est affatus. *Nostrum nemo nescit, commilitones, quæ nos spes ad hanc expeditionem adduxerit: si humana spectissemus,*

domi

domi nobis erat affatim opum atque gloria, neque nostrâ intererat, peregre aliena sectari, vel quarere causas triumphorum. Divinius aliquid spectavimus, quando à charorum amplexibus avulsi, patrie amœnitati exterâs arumnas, quieti labores, delitijs inedia, solem solûmque inimicum, amicissima patrie prætulimus. *DEVM* videlicet rebus omnibus antehabimus, Christi Imperatoris nostri incunabula palatij, vindicias terræ omnium sanctissima regnis atque coronis. Ut beatam nobis compararemus æternitatem, arma induimus, sacram militiam professi ad certamina, sine quibus ne nomen quidem piorum militum merebimur. Toties civilem sanguinem fudimus, & fudimus quidem pro vanissimis nominibus: an verebimur hodie nostrum & fonticum illum quidem Christo propinare? Christo, inquam, qui pro nobis suum dedit hauriendum. Si primum ullum fuit bellum uspiam, pientissimum est, quod gerimus adversus ipsissimam impietatem, quæ sacra divinitatis adyta pessumdedit, exanguravit, conspurcavit. Laudantur triumphi, qui ex justo bello reportantur, at nullum potest esse justius, quàm hoc, quo sanctissima religionis nostræ monumenta, terram *DEI* sanguine imbutam, avitum fidei nostræ patrimonium à spurcissimis incubatoribus repetimus. Agitur, commilitones, *DEI* gloria, gentis nostræ decus, salus Orientis, amicorum tutela, pro quâ majores nostri tot tamque graves dimicationes susceperunt. Et quoniam semper, præ quàm alia nationes, laudis fuimus appetentes, delenda nobis est hodie macula recenti clade suscepta, ne posteritas intelligat, tot viros fortissimos ab ignavis nebulonibus impune esse necatos, vel abductos in turpissimam servitutem, eosque ipsos debellatos esse per ignaviam, & nullo edito facinore memorabili perijisse. Credite mihi, hostis, qui est in nostro conspectu, habet quidem numerum, sed nos *DEVM* & virtutem. At semel victi sumus, esto; non lubuit *DEO* vincere in tantâ multitudine, vult in paucis vincere, ut ipsi soli victoria laus decusque tribuatur. Et verò omen avertite cælitè; demus etiam hoc divina voluntati, ut infeliciter pugnemus; certè præstat mori fortiter in acie, quàm diu cum arumnis confluctari, raptari in compedes, & cruciari inter infamissima servitia crudelissimi dominatus. Si cademus, Christo, cujus cruci sumus auctorati, gloriosè cademus, illius enim sumus, erimusque viri perinde atque morientes. Beati, qui in ipso moriuntur, sed pro ipso, longè beatiores. Vita quidem jucunda usura est, & vincere speciosum, sed utroque optabilius mori morte justorum, quàm viri generosi expectant sine formidine, optant suaviter, excipiunt sine mœrore, adoriuntur absque trepidatione. Ite, Ite igitur optimi Christi milites adversus hostes crucis, certi, vos, ita mihi cor salit, non nisi forti magnoque animo facturos. Mox ubi dixerat, cæli-

XVII.

VICTORIA

Dum ea peregre gererentur, Conradus Salisburgi, priscae religionis exemplar obiit. Subrogatus est Eberhardus è nobilissimo Comitum Hiltspolstainiorum sanguine, primum quidem Babenbergæ Canonicus, tum Prufeningensis Monachus, post Abbas Biburgensis, ac denique, adnitente Godefrido Admontensi Præsule, ad Archiepiscopatum evectus haud vulgari Boicæ emolumento; quippe quæ ejus potissimum & Hartmanni Brixinensis Episcopi vigilijs atque provisione defensa est, ne Schismate, quod sub Alexandro Pont. Max. & Victore Ecclesiam afflixit, involveretur.

CONRADI
SALISBUR-
GENSIS OBI-
TUS.

XIIIX.

AN. CHRIST.
M. CXLIX.
CONRADUS
HIEROSOLY-
MIS HONO-
RIFICE EX-
CEPTUS.
Guil. Tyr.
l. 16.
Orto Fris.
l. 1. de Frid.
c. 58.
WELFO BO-
IUS REDIT
IN GERMA-
NIAM.

Nunc ad sacri belli malè fortunatos eventus stylum referamus. Conradus Græcâ classe vectus sub ultimam sanctioris jejuniij hebdomadem, portum, quem Acconem id loci vocitabant, apud Ptolemaidem ingressus, Hierosolymam profectus, à Balduino III. Rege, à Fulchero Patriarchâ, & populo universo, festo plausu acceptus est. Illi aderant, Welfo Bojus, Henricus Austrius Bojariæ Dux, Fridericus Ahenobarbus, Otho Frisingensis, Arnoldus Cancellarius, Ortlibus Basileensis, complures ex Optimatibus, inter quos Fridericus Wolfratshusius, qui fato occupatus, in Templariorum conditorio est tumulatus. Conradus, adoratis Christi vestigijs, pietati religiosè operatus est, & Ptolemaidem reversus, ære suo legit supplementa copiarum. Welfo, posteaquam in colloquio, quod habuere Conradus, Ludovicus, & Balduinus Reges, de ratione persequendi belli, sententiam dixerat, gravi morbo contactus, reditu in patriam maturato, navigavit in Siciliam, ubi à Rogerio magnis cultus honoribus, & pecuniâ adjutus est ad bellum cum Conrado instaurandum. Mox, ubi in Germaniam redijt, Flochbergam irritus obsedit, & Friderico Ahenobarbo interprete, anno sequenti in Conradi gratiam redijt.

CONFLI-
CTUS AD
DAMASCUM.
XIX.

Porro in Regum conventu, jam senescente Junio inter Tyrum & Ptolemaidem, in loco, cui à Palmâ nomen, cùm Hierosolymorum urbi nihil timeretur, visum est, Damascum minoris Syriæ caput exercitibus trifariam divisim adoriri. Duxit primum agmen Balduinus, secundum Ludovicus, Conradus tertium. Castra mota per Daphnidem, pèrque nemora felicium arborum, quæ circum urbem ad complura passuum millia protendebantur, itinere viarum flexibus & claustris, quæ suis quæque munimentis defendebantur, admodum perplexo. Ergo per vim aditus oportuit aperire. Hostis è castellis pulsus, refugit ad amnem, qui Damasci mœnia præterlabitur. Isthic ex utrâque ripâ maxima vis hominum constit erat, quæ telis nostros accessu & auatione prohiberet. Balduinus semel iterum incurrit in obstantes, toties rejectus, Francis otiosè spectantibus. Conradus, comperto, Balduinum in acri certamine subsidio indigere, Gallos militari gradu prætervectus, suos in aciei fronte Turcis objecit, coëgitque cominus configere, & superatos, statione relicta, pedem in urbem referre. Edita in eo conflictu egregia facinora. Conrado non imperatoris magis, quàm militis partes agenti, unus aliquis è Turis cæteris confidentior instabat: caro illi sterit audacia. Rex insultanti, ictu fulmineo caput medium cum humero & costarum crate diffidit. Quod factum oppidanis inspectantibus tantum iniecit terroris, ut inciperent de tuendis mœnibus desperare. Versi tamen ad dolos, quod ferro nequibant, fraude perfecterunt. Gliscebant inter obsidentes, ex nationum æmulatione & invidiâ in Germanos, simulas haud obscuris perfidiæ argumentis, quod ferè contingit, cùm pari imperio à pluribus res in bello diriguntur. Id cùm Damascenos non lateret, auro nonnullos Procerum corrumpunt, impetrantque, ut rem agant languidiùs, frenosque injiciant pugnatorum alacritati. Ita belli facie mutata, & Ductorum votis dissonantibus, obsidio post triduum omittenda fuit, frementibus viris fortissimis, quod tanti momenti conatus, post tot tantosque labores & amissum florem optimæ nobilitatis, paucorum avaritiâ & præposteris consilijs in nihilum reciderent, & ne terræ quidem palmus, in quo Romana Aquila, vel Lilia Gallica, vel Crux Solymorum, figerentur, rei Christianæ accessisset. Conradus ob successum prorsus insperatum, æger animi, in Thessaliæ fines abiit, ubi Manuelem rebus adversis, quàm secundis æquiores expertus, vires laboribus & ægritudine labascentes aliquanto otio recreavit.

SOLUTA OB-
OSIDI.

Orto Fris. l. 1.
c. 59.

THEODORA
GRÆCA
HENRICO
AUSTRIO
NUPTA.
AN. CHRIST.
M. C. XLIX.

Theodora, inter hæc, Manuelis neptis, Henrico Bojorum & Austriæ Duci matrimonio est locata. Eodem tempore Reginbertus Batavensis Episcopus, sacræ comes expeditionis vivere desijt 3. Cal. Octob. Illi datus successor Conradus Junior D. Leopoldi Austrij filius, germanus Othonis Frisingensis. Cæterum placuit Cæsari, Fridericum nepotem ad res Germaniæ curandas, ne quid per suam absentiam existeret rerum novarum, præmittere. Hic per Bulgariam Pannoniamque

que domum mense Aprili redux, nonnullos è suis domesticis otij publici turbatores suspendio necavit. Conradus solvens è Græciâ, per mare Illyricum atque Dalmaticum, Polam Istriæ civitatem appulit, & maritimæ agitationis impatiens, equestri itinere per Aquileiam vectus Salisburgum, ferias Pentecostes rebus divinis impendit. Exinde delatus Ratisbonam, egit frequentissima comitia. Illum Eugenius Pontifex litteris humanissimis datis, peramanter est solatus, ut mœrorem abstergeret Asiaticæ expeditionis. Cùm de ejus successu varij, toto orbe, sermones spargerentur in vulgus, S. Bernardus, qui se, editâ apologiâ, conciliari belli jam antè purgaverat, publicè suam innocentiam evidenti prodigio testatus est. Parens nonnemo filium, luminibus orbatum, sancto viro curandum obtulit, multaque excusantem infimis denique precibus induxit, ut pro misero divinam opem imploraret. Dein, manibus puero impositis, palàm oravit, ut, si sacram militiam divino instinctu suavisset, & suadenti Numen adfuisset, *in pueri istius illuminatione dignaretur ostendere.* Cùm in eam sententiam supplicasset, expectaretque precationis effectum; *Quid mihi faciendum?* exclamat puer, *video enim.* Ad hæc adstantium exortus clamor, vulgaræque fama miraculi, mortalibus persuasit, sacri belli consilium datum fuisse cœlitus, tamen si votis humanis neutiquam respondisset, Deo ita pro suâ immensâ sapientiâ disponente. Id abunde jam ostenderat Spiræ, ubi inspectante Conrado Rege puero pedibus capto gressum crucis signo restituit, pauperes aliquot ab ipso Rege oblatos morbis liberavit: Francofurti, senem paralyticum notissimæ infirmitatis, post brevissimam orationem ita sanavit, ut, mirante populo, grabatum salvus vegetusque domum gestaverit. Treviris urbe totâ effusâ in ejus adventum, geminas sorores privatas oculorum usu visui restituit: idem beneficij contulit alteri in D. Petri basilicâ, ubi etiam mulieri surdæ, duobus claudis, ope cœlesti mirabiliter est medicatus: alibi passim, quacunque illi iter, provincias miraculorum & sanctitatis suæ famâ implevit. Sed & istud omnem dubitationem sustulit, quod mortalibus fuerit persuasum, vera scripsisse Joannem Casæmarij propè Verulas in Hernicis Abbatem, cùm sanctissimè D. Bernardo asseveravit, se à Divis Joanne & Paulo accepisse, cœlo esse receptos, quæ Christianis piè, in optimâ causâ, vitam pro Deo posuissent.

Ad superiores Conradi Regis ærumnas, gravissimum vulnus accessit ex Henrici filij, quem antetriennum Regem dixerat, funere præ quàm immaturo. Successere è Bojariâ novi motus. Othonis Wittelspachij filij, juventâ & avito languine præfidentes, Regis iras provocârunt. Aventinus scribit, eos sacras opes juvenili licentiâ diripuisse. Eo factum, ut in Ratisbonensi comitio in eos bellum, in parentem verò proscripção decerneretur. Subinde Kelheimium, gentis Wittelspachie castrum ad Danubij & Altmylæ confinia, cinctum obsidione, quæ tamen non fuit diuturna. Otho enim causatus, se alienâ culpâ multari, litem, antequam in deteriora cresceret, sic composuit, ut è filijs natu majorem Regi daret pacis & fidei obsidem: abdicaret Ecclesiarum tutelam, cujus obtentu filij exorbitassent: Rex vicissim irasci desineret. Rebus cum Othone compositis, subortæ curæ graviores, ob Henrici Leonis in Sueviam adventum, ut urgeret addictam sibi à Conrado in ipso Palæstini belli procinctu de Bojariæ principatu adversus vitricum rogationem: eam ad rem Leo arma ostentavit è vicino parata ad vim inferendam, nisi lege ageretur. Verùm Conradus, ut in re morosè cogitatâ, obstinavit deesse promisso, & negare forum, atque Henrici fratris sui vadimonium illi, qui duorum Ducatum clientelas simul ambiret. Res spectabat ad bellum, cùm Adalbertus Marchio, Henrici Leonis æmulus, alijque Saxonie Principes, rati tempus adesse excutiendi invisum Leonis dominatum, mittunt ad Conradum, qui cum invitent ad invadendam Saxoniam, quâ perditâ, in ventum abitura sit ferocientis juvenis molitio. Enimvero Provinciam nudatam esse præsidio, & in Clementiæ (erat illa Henrici Leonis uxor, Conradi Zäringij filia) juveniculæ imbellis & imperitæ manu esse relictam: procerum complures, mariti juvenis imperia averfari: haud fore operosam Brunonis vici expugnationem: quo occupato, reliqua futura essent

CONRADI
REDIIT IN
GERMANIAM.

XX.

Gaufrid. in
D. Bern. vita.

PATRATA A
D. BERNARDO
MIRACULA.

REVELATA
SALUS PRO
CHRISTO
CÆSORUM.

AN. CHRIST.
M. C. L.
CONRADI
FILII MOR-
TUI.

XXI.

Oth. Fris. l. x.
de Frid. c. 73.
TURBÆ IN
BOICA.

AN. CHRIST.
M. C. LI.
Helmold. in
Chron. Slavo-
rum lib. 1. c.
63.

HENRICUS
LEO IN
CONRADUM
ARMATUS.

BELLUM IN
SAXONIA.

in promptu. Eâ spe Conradus illeçtus, dispositis quaquaverſum copijs, quæ Leonem in Sueviâ continerent, confestim adit Goslariam, Brunſwico citra cunctationem castra admoturus. Leo factus eâ de re certior, quotquot habebat in Sueviâ partiaros, per varias ſparſos ſtationes jubet ad conditum locum adesse Chriſti naſcentis ferijs. Ediçto vulgato, 'Leo remiſſius cœpit à regijs observari, laxatis vigilijs, datoque ſpatio evadendi; quòd nemini veniret in mentem, cum fugæ conſilium cepiſſe. Quo ille comperto, cultu plebeio ignorabilis, tribus ſidiſſimis comitatus, ingreſſus iter, noctis beneficio deluſis hoſtium inſidijs, quinto demum die Brunſwicum appellit, & miro ſuorum gaudio recipitur. Jam Conradi castra Henningam, haud procul à Brunſwico moverant, cum adfertur, Leonem in urbem adveniſſe paratum ad vim defendendam. Eo nuntio Rex ab obſidione revocatus, Goslariam retro abiens, dimiſit ſuos ad hiberna, ut brumæ inſolentis rigores vi-

Robert, de
Monte.

AN. CHRIST.

M. C. LII.

XXII.

CONRADUS
REX VENE-
NO SUBLA-
TUS.

De reſumendis armis & Italicâ proſeçtione, ad capeſſenda Imperij inſignia, ſeriò cogitantem, languor ſlethalis intercepit, ſerpente ſenſim peſte, quæ credita propinata ab Italis Medicis, Rogerij Siculi auro corruptis, quorum operâ in curandâ valetudine utebatur. Cum mali lentitudo animi robur nihil minueret, & vires gerendæ Reipub. non impares ſuperellent, placuit Babenbergæ habere comitia, ubi cum multorum mœore rebus humanis creptus, ſemper ſui ad exitum uſque ſimilis, retinensque magnanimitatis, 15. Cal. Martij vivere deſijt, Princeps in primis bonus, magnum religionis columen, propugnator æquitatis, imperterritus ad pericula, nunquam niſi aliorum flagitio deviçtus. Auguſtalem ornatum, non ſuo admodum impuberi filio, & ſeſibus adhuc impari Fridetico; ſed nepoti Ahenobarbo, quem nôrat imperio maturum, commendavit, Demortui funus, contra domeſticorum ſententiam, qui deportandum cenſebant in gentile Laurisheimij maſoleum, Babenbergenses ſibi vendicârunt, honeſtiſſimum rati, tanti Principis exuvias juxta D. Henrici tumulum, qui nuper ab Eugenio Pontifice in Sançtorum album fuerat relatus, regio more collocari.

Otto Friſſ.

2. c. 2.

Guntber. lib. 1.

Criſpin.

FRIDERICUS
AHENOBAR-
BUS REX
ELIGITUR.

Novendecim, non amplius, dierum interregnum fuit. Tertio Non. Martias omnes Germanici regni Ordines, cum nonnullis Italiæ Proceribus, Francofurti congreſſi, ſummâ omnium voluntate, Fridericum Ahenobarbum, Suevorum Ducem, Regem ſalutârunt. Tantæ conſenſionis rationem hanc reddidêre ſcriptores, quòd paterno ſanguine Gibellinis, materno, quem ex Judithâ Welſonis ſorore traxerat, Guelfis eſſet conjunctus, eoque crederetur, tollendis factionis utriusque diſſidijs aptiſſimus: quippe qui ambabus æquali neceſſitudine cohæret. Operæ pretium, hoc loco non prætermittere, quod à plerisque omiſſum Amandus, Friderico ab arcanis Epistolis, cum fide miſit in chartas. In comitio Francofordienſi ſex aut oçto, non plures conſederunt è Principibus, duos idem vocat regni officiales, qui factâ rogatione de Friderico cooptando, ſuffragiorum jus ſibi præcipuum vindicârunt, quique cæterorum Procerum, qui frequentes aderant, ſepoſito iudicio, ubi in publicum egreſſi, Fridericum renuntiârunt abs ſe Regem creatum, cum cæterorum approbatione ſunt auditi. Quo ritu ſpecies aliqua proditur priſci juris & modi Regis eligendi. Factâ Auguſtali electione, diſmiſſi plerique Principes, reliqui, haud magno numero, Aquisgranum proſeçti, Friderici inaugurationem honeſtârunt mediâ magni jejuniij Dominicâ. Sacras cæremonias adhibuit Arnoldus Pontifex Colonienſis. Pompâ peractâ, Rex animi ſui ſenſa, de legatione Romanâ, Regni proceribus aperuit. In urbem miſſi, Hillinus Trevirenſis Archiepiſcopus recens electus, nondum ſacris Pontificalibus initiatus, & Eberhardus Babenbergensis, uterque prudentiâ & eruditione eximius. Poſterior erat è Bojariæ Dynaſtis, qualis etiam fuit Guicmannus Comes Deggenbergius, vir ætate maturâ, qui hoc anno ex Cicensi Episcopatu proveçtus eſt ad Archiepiſcopatum Magdeburgensem, adnidente Ahenobarbo: quam rem Eugenius Pontifex Max. velut ſacris legibus repugnantem vehementer improbavit. Evicit tamen apud Anaſtaſium Eugenij ſucceſſorem interceſſio Friderici, ut iſta

pro-

MODUS ELE-
CTIONIS.

Amand. lib.

de primis actis

Friderici.

Gevol. lib. de

ſac. Rom. Imp.

Septemv. p.

130. 132.

XXIII.

LEGATUM IN
URBEM.

Promotio rata haberetur. Idem, hoc anno, Ratisbonæ regiam coronationem repeti voluit in æde S. Emmerammi, quia agi non potuit in Cathedrali basilicâ, quæ 15. Cal. Mart. unâ cum quinque alijs arserat: quo incendio aliquot plateæ fuerunt involutæ. Subinde duo Henrici Boicæ competitores Herbipolim, ad dicendam causam, citati sunt: sed cùm Austrius, semel iterum vocatus, vadimonium deseruisset, nihil tum potuit confici.

Nihilo plus actum Wormatiæ, cùm ad ferias Pentecostes comitia agerentur, Austrio negante, sibi diem esse dictam ex legum præscripto. Acta rursus eadem causa mense Septembri Ratisbonæ, sed neque tunc peracta: ne tamen nihil ageretur, Fridericus, qui nuper, agentibus sedis Apostolicæ legatis, ab Adelhaide Vohburgia uxore, sanguinis nexu propiore, quàm ferrent matrimonij leges, conjunctâ, diverterat, consuluit Proceres, de secundâ in thori societatem adlegendâ, deque mittendis ad Manuelem Constantinopolitanum legatis, qui ejus auxilia polcerent adversus Guilelmum cognomento Malum, qui recens Apuliæ & Siciliæ dominatum, Rogerio patre defuncto, invaserat. Decembri mense, Boicalis denovo in Spirensi conventu ad Cæsaris tribunal evocata: sed quia neque tum Austrius comparuit, Goslaræ tandem, edicto vocatus negligensque vadimonij, damnatus est, & ex Principum sententiâ, Henrico Leoni victoria litis asserta est, cujus tamen fructum antè non tulit, quàm Ahenobarbus ex Italiâ revertisset.

Hanc profectionem sub regni initium in se receperat, pollicitus, se intra biennium fore in procinctu. Ergo contracto ad eam rem, per otium, potente exercitu, Henricum Leonem, florente juventâ Principem, & Welfonem ejus patrum voluit secum venire in partem expeditionis. Redux è Saxoniâ in Bojariam, in campis Lycatibus ad Vindelicorum Augustam copias recensuit sub ineuntem Octobrem. Inde progressus per fines Brixinensium & vallem Tridentinam, legiones exposuit in agro Veronensi ad Gardæ lacum. Hic factus certior, militem in Alpium transitu, deficiente comœatu, ex prædis consuluisse necessitati, nec abstinuisse manum ab Ecclesiarum spolijs, jussit à toto exercitu conferri virritim, quantum satis esset ad damnorum æstimationem, idque per Tridentinum & Brixinensem Episcopos ad loca rebus spoliata referri, ratus, se nisi placato cœlo, expiatioque sacrilegio, nihil à Deo posse prosperum expectare. Mense Novembri, in Roncalijs ad Padum, haud longè à Placentiâ, castra habuit. Is locus solennis conventibus, quoties Transalpini Reges in urbem, ad capeSSendam Augustalem coronam proficiscebantur. Isthic moris erat, singulos Regum clientes, regia beneficia profiteri hoc ritu. Ex prælongo hastili scutum suspendebatur, & præconis voce beneficiarij omnes ad proximæ noctis excubias citabantur: quisquis isti obsequio deerat, censebatur clientelæ recognitionem neglexisse; hoc ipso exuebatur clientelari jurisdictione, sive sacra foret, sive profana. Arque ita tum quidem nonnulli Episcopi censi sunt in commissi (ut vocant) pœnam incurrisse: in quibus Hartwicus Bremensis & Ulricus Halberstattenis, salvo tamen Ecclesiarum jure, quibus ea beneficia perpetuo nexu devinciuntur.

Secuta est obsidio Dertonensis. Dertona haud longè à radicibus montis Apennini, è prærupto supercilio subjectam planiciem prospectans, validâ murrum turriumque coronâ minax, suburbio declivi præmunita, Mediolanensibus Friderici hostibus amica, inimica Papiensibus, jussa fœdus abrumpere, negavit se, desertis socijs, Papiæ accessuram. Quamobrem à Friderico proscripta, rigente adhuc Februario cœpit obsideri. Præmissi ad exploranda oppidi munimenta, locumque expugnationi deligendum, regius Aquilifer Ortho Wittelspachius, qui à rerum gestarum gloriâ Magni nomen consecutus, Bojariæ imperavit, & Bertolfus Dux Burgundionum, cum expedito equitatu. Hi Taneram flumen transgressi, haud procul ab ejus ripâ tetenderunt. Capta mox primo insultu suburbia. In urbe curabant viri fortes, quos Mediolanum submisit, quive ultro famam militaris fortitudinis aucupabantur, è quorum numero, Opitius Marchio Malaspina, Regis exercitus trifariam divisus. Fridericus stativa habuit ad occidentem: Henri-

FRIDERICI
SECUNDA
CORONATIO.
LIS AB HEN-
RICO LEONE
IN AUSTRI-
UM INSTAU-
RATA.
AN. CHRIST.
M. C. LIII.
FRIDERICI
AB UXORE
DIVORTIUM.
XXIV.

SECUNDUM
LEONEM FI-
MITA LIS,

EXPEDITIO
ITALICA.
AN. CHRIST.
M. C. LIV.

FEUDORUM
IN RONCA-
LIIS RECO-
GNITIO.

DERTONEN-
SIS OBSIDIO.
XXV.

CUS

cus Leo in suburbio ad meridiem è regione Apennini: Papienses subsidiarij, pars ad Orientem, pars ad Aquilonem. Obsessi accurato cinctu, ne quà foret spes exitus, circumvallati, receptiq; intra mœnia tantâ multitudine, ut redacti in angustum, carcere clausi viderentur. Muris verberandis adhibitum omne genus machinarum. Obsessis, ex oppugnationis difficultate crevit audacia, & ex necessitate alacritas resistendi. Fecêre crebras eruptiones Marte vario, quibus cæsi duo juvenes genere illustres, Cadolus domo Bojus, & Joannes Saxo. Complures vicissim ex oppidanis, partim saxis in urbem per catapultas projectis, partim in velitaribus pugnis occisi, nonnulli etiam capti, & fractâ gulâ necati. Sed nullâ re gravius urgebantur, quàm siti, quòd Henricus Leo eos aquatione prohiberet adempto rivo, qui suburbium perfluebat. Puteum, quo subinde sitim irritabant veriùs, quàm sedabant, Papienses fecêre, inaccessum. Castrum vicinum Mediolanensis imperij, admotis per nocturnas tenebras scalis, ab Othone Wittelspachio & Bertoldo duce occupatum. In longum ducebatur obsidio, cum Fridericus motus sacri religionis temporis, tribus postremis sanctioris hebdomadæ diebus, cessavit ab impressionibus. Clerus urbanus hâc usus occasione, ipsâ die Parasceves, ordine mœsto, sacro indutus cultu, instructus thuribulis, prælato crucifixi signo, portis egressus, ad Regis tentorium procedebat ritu supplicantium, lamentans, quòd nullius affinis culpæ, intolerabiles pœnas pateretur. Venientibus Fridericus misit obviam, qui juberent in urbem redire. Post quadridui cessationem, integrata oppugnatio, internas adhuc septimanas est producta, quando oppidani, ultimis fracti malis, fecêre deditionem. Deditis facta venia vitæ & libertatis: urbs direpta & vastata flammis. Papienses, suum ut studium Friderico probarent, rogârunt, ut Papiam, regni quondam sedem, Dertonensi triumpho illustraret. Annuït Fridericus, ut, quorum causâ & auxilio rebelles debellaverat, aliquo victoriæ fructu recrearentur. Triumphans ingressus est 10. Cal. Maij, inter festas acclamationes, & diademate redimitus, sceptrumque gestans, in D. Michaëlis æde victoriam Deo est gratulatus.

XXVI.

DERTONA
DEDITA, EX-
PILATA, IN-
CENSA,

*Anonym. de
rebus gest.
Adriani.
Vide Baron.*

XXVII.

ADRIANI
PONT. CUM
FRIDERICO
CONGRESSUS.

ROMANUS
TUMULTUS,
HENRICI
LEONIS E-
GREGIA FOR-
TITUDO.

Triduo isthic exacto, iter Romanum ingressus, cum à Placentinis mœnibus arceretur, omisâ obsidione, tantâ celeritate movit in urbem, ut Hadrianus Pontifex, qui Anastasio successerat, anxius, amicus, an hostis veniret, obviam misit Legatos, qui juramentum de præstanda Romanæ Ecclesiæ tutelâ exigent, poscerentque sibi dedi Arnaldum hæresiarcham, qui in exercitu versabatur. Traditus urbis præfecto, resti addictus & igne consumptus est. Sutrium Fridericus promoverat, ubi Adrianus è munitissimâ Castellanz civitatis arce, in quam se metu adventantis receperat, cum convenit, nec priùs admisit ad pacis osculum, quam equum conscensuro, quod primo aditu omiserat, veteri more, scandulam ephippiariam tenuisset, fecissetque reverenter, quæ ex antiquis monumentis demonstrata sunt, Reges olim Christi Vicario honoris causâ præstitisse. Præmissæ equitatus, qui Adriani permissu, confestim D. Petri basilicam & urbem Leoninam occuparet, ne Arnaldistæ, quorum arrogantem legationem Fridericus cum stomacho erat aspernatus, res novas molirentur, & urbis aditum redderent intutum. In eam, ductu Octaviani Cardinalis, cum Adriano per portam auream progressus, 14. Cal. Junij in Apostolorum Principis æde coronam cæteraque Imperij insignia suscepit, Senatu Populoque Romano, neque consulto, neque ad eam celebritatem invitato. Quod ubi rescitum in urbe, populus actus in furorem, facto in Germanos impetu, qui in Leoninâ remanserant, atrociter conflixere. Multi utrinque cæsi. Cæsar ad tumultum excitatus, correptis confestim armis accurrit, graviter ulturus injuriam, nisi Adrianus, impetratâ delicti veniâ, iratum mitigasset. Pugna ab horâ dici decimâ in noctem producta. Capti è Romanis ducenti, innumeri sauciati, mille plùs minùs merfi in Tiberim & præfocati. Henrici Leonis virtus, eâ die, factis illustribus emicuit, dum, fortissimè pugnans, inter primos Hadriano movit admirationem, à quo cum magnâ commendatione amplissi-

mis

mis præmijs est donatus. Cum urente jam æstate morbi Germanis incumberent, ducti sunt in montes Tiburtinos, ubi æris salubritate & medicamentis sunt recreati. Regiones confines annonam præstabant; soli Spoletani officio defuerunt. Quam rem Cæsar indignatus, castra Spoletum admovit, ausosque cives factâ eruptione in Germanos incurrere, non modò retudit, sed etiam recurrentes insecutus, superatis vallis, portas invasit. Civitatem miles diripuit: quæ antè, quàm præda posset exportari, conceptis temere flammis magnam partem est excisa.

XXVII.

SPOLETUM
CAPTUM, IN-
CENSUM.

Revertenti in Germaniam, soli post hæc Veronenses infesti fuerunt. Moris erat antiqui, ut Cæsaribus Arthesin trajecturis, pontem sternerent; straverant quidem, sed eâ fraude, ut ponderis impatiens, malèque compactus, facile à prægravantibus solveretur, & transeuntes in flumen excuteret. Sed non processit dolus. Exercitus incolumis in adversam ripam evasit. Veronenses, qui, si pons vitium fecisset, postremum Cæsarianorum agmen laniens destinaverant, pars intercepti, pars, ponte fatiscente, in flumen effusi. Gravius fuit certamen ad Pylas Veronenses. Sunt fauces, quas uno latere Arthesis impetu per confragosa decurrens, ex altero, imminens amni rupes, cogunt in arctum angusto calle in medio relicto, quem si à fronte, vel è prominente caute pauci infestent, totos exercitus arceant, & impune saxis obruant. Rupis supercilium Albericus Veronensis eques, cum quingentorum latrunculorum globo, infederat. Primo die, antè nostrorum agmen sine maleficio transmisere: luce postèrâ cotti in secundos, iter provolutis è monte saxi intercipiunt. Quà de re Cæsar factus certior, Isaacium & Garzabanum Veronenses, nobili natos sanguine, qui eum in urbem secuti, nondum ab exercitu discesserant, mittit, qui popularibus suadeant, ut ab incepto desistant. Verùm lapidibus fuere salutati, rejectique. Missi rursus alij, fuere irrisui, iussique Imperatori referre, neminem illac transiturum, quin priùsequo, vel lorica & ære non modico transitum emisset. *Turpe est, inquit Cæsar, Principem latronibus pendere tributum: virtute via aperienda est.* Tum conversus ad Wittelspachium: *Tua, ait, erunt partes, hanc prohibere ignominiam.* Operam hilariter pollicito, sociati ducenti juvenes notæ fortitudinis, quidvis pro gloriâ ausuri, omnes gladijs & hastis armati. Alacres iter ingressi, rimantur occultos aditus, & quâ perreptando per abrupta, quâ invicem succollando, quâ compositis in modum scalarum hastis, ad rupis fastigium inobservati enituntur. Hic Ortho vexillum explicuit, eoque ostendit, verticem esse occupatum. Tum totis castris sonuere tubæ, aciesque in latrones instructa: quod illi, inane tericulum interpretati, pro ludo habuerunt. Verùm, ubi generosa cohors in apertum prodijt, territi, consilium à pedibus mutuati, quâ cuique turbata mens suadet, hac illac sparsi dispalatique, per abrupta diffugiunt, præcipitijs eliduntur, fractisque casu artubus vel hærent inter cautes, vel debilitati membris, in ima devolvuntur semianimes. Qui audaciores, in vestigio obtruncati, præter duodenos, qui cum Alberico captivi rapti sunt ad Imperatorem, omnes gulâ fractâ interempti, unico excepto (Gallus eques fuit) qui, cum probâisset, se per fraudem in latronum societatem esse protractum, in socijs plectendis, carnificis officio functus est. Wittelspachij virtus miris celebrata laudibus, ex heroico facinore cepit omen assurgendi ad fortunam longè illustrissimam.

CERTAMEN
AD FAUCES
VERONEN-
SES.

XXIIX.

Fridericus redux in Boicam, in Comitij Ratibonensibus, Henrico Austrio abdicato, Henricum Leonem in paterni Principatus possessionem induxit Idib. Octob. iussitque, Bojariz Proceres, datis obsidibus, ei dicere sacramentum: subinde in Wormatiz conventu ad Domini natalem, sumptum supplicium de quibusdam, qui Friderico absente, quietem publicam turbarant. Quâ de re publicè postulati Arnoldus Archiepiscopus Moguntinus & Hermannus Palatinus, compertique, ob privatas inimicitias, Rheni con-

HENRICUS
LEO BOICE
PRINCIPAT-
US ADIT
POSSESSIO-
NEM.

Dodechin.
POENÆ TUR-
BATORUM
PUBLICÆ
QUIETIS.

Anton. An-
gust. Otho
lib. 2. c. 38.

Spanheim.

XXIX.

AN. CHRIST.

M. C. LVI.

PAX INTER

HENRICUM

AUSTRIUM

ET HENRI-

CEM LEO-

NEM.

And. Presb.

pag. 60.

finita prædis, cædibus, & incendijs miscuisse. Eos ignominia notari placuit ve-
teri Francorum & Suevorum more, qui pro lege habebatur. Qui genere illu-
stris, reus capitis agebatur, antequam pœnas daret, ad augendum dedecus, ca-
nem ad aliquot passuum millia gestabat. Eam consuetudinem Fridericus, ad
fanciendam antiqui moris disciplinam, iussit in usum reduci. Severitatem tamen
temperavit Ordinis sacri & senectæ reverentia in Arnolde, ne ipse produceretur
ad publicam ignominiam, sed ejus loco Ludovicus Lohimus, Guilielmus Gliz-
bergius Comites, aliique canem portarent: qui simul atque eâ formâ prodierunt,
iussi sunt infames sarcinas deponere: Palatino verò ad quatuor passuum millia, unâ
cum culpæ affinis, Emichone Liningensi, Godefrido Spanheimensi, Henrico
Catzenelenbogio, Conrado Kirchbergio, Henrico Dietenio Comitibus, & alijs
compluribus, cum eo dedecore fuit procedendum. Id pœnæ genus ab ipsâ
Numæ Pompilij lege, viri eruditi accersunt, quæ sic habet: *sei quis hominem liberum
imprudens, seu dolo malo occisit, pro capite occisei & nateis ejus, in concione arietem
subycito.* Hermannii Palatini genus non satis comperio: cum, Otho noster scri-
bit, *magnum fuisse Imperij Principem: Trithemius, virum per omnia gloriosum depre-*
dicat.

Cæsar Wormatiâ in Bojariam regressus, Pentecosten egit apud Othonem
Wittelspachium Kelhaimij, uti quidem visum est Aventino, & Henricum
Austrium denique induxit, ut Henrico Leoni cederet Boicæ Principatum.
Quæ res Cæsarem sic affecit, ut negaret, se omnibus retrò annis, unquam me-
lius de Repub. meritum fuisse, quàm reductis in concordiam magnis istis Prin-
cipibus, qui haud levi rei communis incommodo dissidebant. Austrium
possessione gratis non abiisse, Annales domestici profitentur. Ut enim Du-
cis titulos retineret, Imperator in Comitibus Ratisbonensibus 6. Id. Septemb.
*Marchionatum Austria, ab antiquâ Bojorum jurisdictione exemit, & quosdam
ei Comitatus adjungens, convertit in Ducatum, judicariam potestatem Principi
Austria ab Anasso, usque ad sylvam propè Pataviam, quæ dicitur Rosental, protenden-*
do. Etenim ad id usque temporis Marchiones Austriæ, Stiriz, Istriæ, & Cham-
bensis, sive Vohburgius, pertinuerant ad Ordines Bojariz, neque ijs licebat à Bo-
jarijs comitijs abesse, quoties à Duce vocabantur. Diploma hæc super re de-
scriptum est ab Andreâ Presbytero Ratisbonensi, ex quo manifestè apparet, Hen-
rico Austrio, & ejus ex Theodorâ liberis, Austriam liberi Ducatus nomine esse
transcriptam.

AHENOBAR-
BI NUPTIÆ
CUM BEA-
TRICE BUR-
GUNDA.

XXX.

D. URSULÆ
ET SODALI-
UM RELI-
QUIÆ.

Rebus ad eum modum in Boicâ compositis, Ahenobarbus Wirceburgi,
in magnâ Principum frequentia, & effusis in regiam magnificentiam opibus,
Beatricem, Reinaldi Burgundionum Comitis filiam, natam ex Judithâ Simo-
nis Lotharingorum Ducis prole, nuptam duxit. Porro quia præstantissimus
reliquiarum thesaurus è D. Ursulæ Sodalibus, studio atque religione Serenif-
simorum utriusque Bavariz Ducum, uno, antequam hæc scriberemus, circiter
seculo, in urbem Monacensem, aliâque Boicæ loca est importatus, facere non pos-
sum, quin earum reliquiarum faciam mentionem. Anno M. C. LVI. corpore
solito celebrius honorari. Cùm multa apud Agrippinenses è saxo monumen-
ta, tituli que complures proferrentur in lucem è loco martyrij, atque in ijs es-
sent inscriptiones complures, quæ Episcoporum aliorumque nomina præfere-
bant, incessit multorum animos religio, rem nondum satis exploratam certâ
ratione cognoscendi. Gerlaco Abbati Tuitiensi suborta dubitatio, num fortè
fossore, quæstus causâ, tales inscriptiones affixissent. Quare descriptos titu-
los ad Elisabetham Schonaugiensem, cui ex Cœlitum consortio multa pande-
bantur, curavit perferendos, ut, si quid divinâ mentis incitatione, vel arcano
lumine innotesceret, id certius ex ejus notitiâ condisceret. Commodum Hil-
duinus Schonaugienensis Abbas duo corpora, ex istâ Martyrum sodalitate, ope-
râ Gerlaci Tuitiensis impetraverat. Unius è Divis nomen agnitus ex sepul-
chri lemmate, S. VERENA VIRGO ET MARTYR. In alterius cogni-
tionem

tionem venisse se scripsit Elisabetha. Enimvero se, cum reliquiarum pompa Schonaugiensi basilicæ appropinquaret, harum aliàs prorsus insciam, sedisse domi, & eâ parte animi, quæ mentis est & contemplationis, divinitus illustratam vidisse, quæ incedebant reliquiæ, globosam eximij candoris flammam, cui Angelus antecedens thuris halitum & odora menta adolebat: postridie verò, inter rei divinæ mysteria, obtulisse se videndam B. Verenam, atque collocutam de socio martyre, ac de se ipsâ, & nomen aperuisse suum, sociumque appellasse Cæsarium: qui & ipse, cum se aspectabilem dedisset, docuerit, se ex ordine militari, permotum exemplo Verenæ Martyris, ad eandem cum ipsâ adspirasse palmam. Unde cognitum, eam sodaliratem, non ex foeminis tantum, sed etiam ex viris coaluisse, cum eousque ex Britannicarum Virginum historiâ esset vulgò persuasum, beatam istam Martyrum classem absque virorum comitatu navigasse. Narra inde Elisabetha, sub D. Andreæ Apostoli annales serias, tria Martyrum corpuscula ex D. Ursulæ comitatu Schonaugiam fuisse translata: cumque solita vis in sacrificij silentio mentem à sensibus abstraxisset, objectam sibi speciem viri valde augusti, & duarum Virginum, & mox agnovisse, harum pignora esse, quæ recens Coloniâ advenerant: invitante verò S. Andream, ab ijs sciscitatam didicisse, Adrianum fuisse nomen regali puero, qui decennis pro Christo passus esset martvrium: Virgines verò Albinam & Emmerentianam sorores, Aureliani Comitæ fuisse filias. Quæ eò descripti libentiùs, quòd pietatis interest, ejusce sodalitaris Lipsana magno in pretio atque veneratione in Boicâ celebrari.





BOICÆ GENTIS
ANNALIUM
PARTIS I.
LIBER XXII.


Fridericus Barbarossa cum Adriano Pont. collisus. Schisma amplectitur, rebûsque in Italia variâ fortunâ gestis Ecclesiæ reconciliatur. Cremam subigit. Mediolanum bis superatum exscindit. Episcopos Sedi Apostolicæ fidos, exilijs, aliisque malis affigit. Henricum Leonem proscribit. Bojarij schismatis exortes. Res gestæ ab Othone & Conrado Wittelspachijs. Concilium Turonense, Pseudosynodus Papiensis. Mechtildis Dieslensis. Everhardi Salisburgensis, Arnoldi & Gerohi Reicherspergensis, Conradi Salisburgensis obitus & res gestæ. Monacensis urbis origo.

AN. CHRIST.
M. CLVII.

LEONSTADII ORIGO.

LEGATIO
CONSTANTINOPOLITANA.

I.



Henricus Leo missus in Boicæ possessionem, conventum habuit Ratisbonæ, in quo tum publicas, tum privatorum causas ordinavit. Inde profectus in Saxoniam, Leonstadium, urbem de suo nomine appellatam, cœpit à fundamentis excitare: Lubecam etiam ex incendij cineribus ad eam eduxit amplitudinem, cui posterì addidère splendorem & opes, quibus possit hodie inter egregias urbes habere locum. Fridericus Imperator, bello Polonico ex animi sententiâ confecto, & Boleslao ad obsequium concordiamque, ad speciem saltem, reducto, Herbipoli Manuelis Constantinopolitani Legatos audiit, hoc nomine ingratos, quòd nimio fastu verborumque phaleris, Græcum tumorem vanitatemque ostentâssent. Eos cum aculeato responso erat dimissurus, nisi ipsi precibus lachrymisque veniam exorâssent. Munera attulerant ab Irene Imperatrice, Conradi Regis sorore ad Fridericum Sueviæ Ducem, ejusdem Conradi filium peradolescens, Manuelis nomine poscentes, ut ipsis præsentibus, quod celebri pompâ fieri consueverat, publicè armis accingeretur. Octobri mense Cæsarem, Versonione in Burgundiâ agentem comitia, conveniēte ab Adriano Pont. Legati, expostu-

expostulatum, quòd Cæsar nondum ab ijs exegisset pœnas, qui Londoninensem Episcopum, Româ redeuntem, impiè violatum, rebûsque spoliatum in vincula coniecissent, quibus ille ne tum quidem esset solutus. Simul allatæ ex urbe litteræ, quibus Pontifex Ahenobarbum officij commonefaciebat, ostendens, cum *constantius in istius facinoris ultionem exsurgere debuisse: sed dici, ita dissimulasse crimen, ut non esset, cur sacrilegos pœniteret in tantâ sceleris impunitate. Ejusce dissimulationis & negligentia causam se penitus ignorare, cum sibi non esset conscius admissa* QUERIMO-
NIA ADRIA-
NI PONT. DE
CÆSARE. nullus in Cæsarem offensa, sed ejus personam, sicut charissimi & specialis filij & Principis Christianissimi, quem in Apostolica confessionis petrâ non ambigeret DEI gratiâ solidatum, sincerâ semper dilexerit charitate, & debita tractaverit benignitatis affectu. Debere eum ante oculos mentis reducere, quàm gratanter & quàm jucundè, anno superiore ejus mater sacrosancta Romana Ecclesia ipsum suscepit, quantâ cordis affectione tractaverit, quantam dignitatis plenitudinem contulerit & honoris, & qualiter imperialis insigne corona libentissimè conferens, benignissimo gremio suo ejus sublimitatis apicem studuerit conforvere, nihil prorsus efficiens, quod regie voluntati vel in minimo cognosceret obviare, neque tamen pœnitere Adrianum, desideria Cæsarea voluntatis implevisse, sed si majora de ejus manu beneficia suscepisset, si fieri posset, quòd considerans, quantâ Ecclesia DEI & Adriano per eum incrementa possent & commoda provenire, non immeritò gauderet. Hæc ferè ad verbum ex Adriani Epistolâ vitum est recensere, ut appareat, quàm levi momento, unica mentio acceptorum beneficiorum, ex sinistra Cæsarianorum interpretatione, versa sit in fomitem gravissimi incendij, quo deinde Christianus orbis exarsit. Quantò magis fuisset Christianæ prudentiæ & reverentiæ consentaneum, unam alteramve dictionem, uti debebat, pro supremi Ecclesiæ capitis optimâ mente, interpretari? Interpretatus verò est anno sequenti Adrianus, Friderico explicans mansuetudine prorsus Apostolicâ, se istas voces *Beneficium*, non pro feudo, ut vocant, sed pro benefacto, & *conferre coronam*, non pro dare pleno jure, sed simpliciter, pro imponere coronam, accepisse. Verùm ubi priores litteræ à Reinaldo Imperij Cancellario in publico Principum confesso fuerunt recitatæ, & detortæ in sequiorem sensum, quasi Adrianus Imperium, clientelare Romanæ sedis beneficium duceret, Cæsar senatûsque universus ad eam explicationem cohorrerunt. Horrorem & invidiam exaggeravit pictura in Laterano suspensa, quâ Lotharij Cæsaris inauguratio repræsentabatur cum hac inscriptione:

*Rex venit ante fores jurans prius Urbis honores,
Post homo fit Papa, sumit quo dante coronam.*

Quam poetæ insulam ostentationem Fridericus ab amicis monitus, cum postulasset expungi, tamen Pontifex nondum curârat inducendam. Atque hoc ipsum in eo, quem dixi, conventu acerbissimis sententijs traductum est, quasi tabella servaretur, velut index & monumentum Pontificiæ potestatis in Romanum Imperium. Id cum Proceres liberrimis vocibus palàm abominarentur ut nescio quod argumentum servitutis: fertur, ardenti jam foco oleum affudisse legatorum alterum, (Radewicus rem ut incertam narrat) cum & ipse paulò commotior in has voces erupit: *A quo ergo Imperator habet, si à Domino Papa non habet imperium?* atque isto quidem dicto sic accendisse Principum iracundiam, ut *Otho Palatinus Comes de Bajoriâ* (ut dicebatur) propè exerto gladio, cervici illius mortem intentaret: sed hæc Radewici dubitatio eam narrationis partem, & Othonis factum valde reddit ambigua. Hæc verò sunt extra dubium. Primum quidem, quòd Romanorum Jurisperitorum nonnulli jam tum Imperij dignitatem conabantur deprimere: deinde, quòd Pontificis Legati, postero manè, postquam hæc erant in Senatu gesta, cum Friderici stomacho & indecorè jussi sunt rectâ abire Romam, & nusquam declinare à viâ, ad ullum Episcopum vel Abbates, quasi hoc jubere esset in Imperatoris arbitrio. Constat etiam, Fridericum litteris circularibus omnes Principes & Episcopos, adversus Legatos ipsûmque Pontificem, tristibus querelis & supra modum aculeatis accusationibus concitasse, reos egisse mendacij, & damnasse

II.

LEGATI
PONTIFICIS
DURITER
HABITI.

velut divine institutioni & doctrina Petri contrarios, quicumque Cæsarem dicerent, Imperialem coronam pro beneficio à Domino Papâ suscepisse.

AN. CHRIST.
M. C. LII

Quam obrem Adrianus Pontifex, anno sequenti, ut frigidam Apostolicâ lenitate & sapientiâ affunderet, & errantes in viam reduceret, eam, quam dixi, interpretationem adhibuit, ostenditque, se in superioris anni litteris, nihil scripisse à Cæsaris dignitate alienum, si rectè & sapienter ipsius dicta acciperentur. Visus quidem Cæsar eâ moderatione iras posuisse; sed quæ postea contigerunt, ejus sententiam bilémque prodidère. Supererat injuria, quâ se Sedis Apostolicæ legati Cardinales Rolandus & Bernardus Vefuntione affectos, Romæ in purpuratorum senatu sunt graviter conquesti. Accusatio inprimis Othonem Wittelspachium incessebat: atque is quidem in Italiam jam abiverat, ut Cæsari brevi secuturo præmuniret iter. Atqui Reinaldus Cancellarius (quod notavit Radewicus) quia pacatè cum legatis egerat, & fuerat author pacis retinendæ, non erat, cur ejus nomen traduceretur: etenim omnium, qui adfuerant, testimonio constabat, nihil eum, nisi modestè locutum, & verò etiam Legatis pro viribus adstuisse, ne à concitatâ multitudine violarentur.

III.

AHENOBAR-
BI PROFE-
CTIO IN
ITALIAM.

Cæterùm Germaniæ Antistites, adnitente Henrico Leone, Adriano rem, ut erat gesta, unâ cum Friderici responso cum fide retulerunt, &, dilutis molli refutatione Legatorum querelis, rogârunt, ut, quæ essent partes sapientissimi pastoris, Fridericum leni majestatis temperamento revocaret ad sedatiora, tolleret ex hominum conspectu Lotharianæ coronationis effigiem, aboleret inficetos barbari poetæ versus, efficeretque, ne cum Reipub. Christianæ perturbatione summa orbis capita colliderentur. Inter hæc Fridericus in campis Lycatibus, prope Vindelicorum Augustam copias præstolabatur, mox in Italiam moturus. Eò certatim confluit à Bojarijs, Suevis, Franconibus, Saxonibus, Burgundionibus, Lotharingis Ripuarijs, Ungaris, Bojæmis (quorum Ducem Cæsar recens auxerat regiâ dignitate) flos juventutis cum bellico omnis generis apparatu. Pontifex de periculo belli imminentis factus certior, ex mente Germaniæ Præsulum, litteras scripsit ad Cæsarem plenas humanitatis, quibus obliterare visus est, quicquid sequioris suspicionis ex priorum rerum ambiguitate adhæserat: simul misit legatos, eximie inodorationis & industriæ, qui singulari in tractandis animis dexteritate, gliscentis discordiæ scintillas extinguerent. Hi fuere, Henricus SS. Nerei & Achillei, & Hyacinthus S. Mariæ in scholâ Græcâ Cardinales. Mutinam progressi, cum Othone Wittelspachio & Reinaldo Cancellario honoris causâ congressi, miram de se suâque legatione spem concitârunt. Ubi venere in Tridentinam vallē, à Friderico & Henrico Comitibus, nullâ juris gentium & Alberti Tridentini, quo duce & comite utebantur, reverentiâ, per summum nefas, rebus omnibus exuti, dati sunt in custodiam: neque prius dimissi, quàm Hyacinthus, Legatorum alter, fratrem obsidem dedisset. Id facinus Henricus Leo, ad quem omnis ista dirio pertinebat, dignis tantâ atrocitate supplicijs, in authores vindicavit. In Cæsaris castrâ delati, plena humanitatis omnia experti sunt. Reddidere Cæsari Adriani litteras, quas Otho Frisingensis religiosè & appositè, ad tollendam superioris legationis invidiam, est interpretatus.

LEGATIO
PONTIFICIS
AD PLACAN-
DUM CÆSA-
REM.

LEGATIVIO-
I ANTUR IN
TRIDENTI-
NA VALLĒ.
BENIGNE A
CÆSARE EX-
CIPUNTUR.
CÆSAR EPI-
SCOPOS CON-
SULIT DE IN-
STITIA BEL-
LI ITALICI.

IV.
RES IN ITA-
LIA GESTÆ
A WITTEL-
SPACHIO.

Jam erat Fridericus accinctus ad bellum Italicum, cùm, ne quid adverso Numine tentaret, Hartmannum Brixinensem Episcopum, virum præcipuâ famâ probitatis, cujus consilijs in rebus ad DEUM spectantibus plurimùm utebatur, aliòsque cœlitibus apprimè devotos, belli causis probè explicatis, seriò consuluit, videreturne, cœlo invito, in Italiam trajecturus. Eorum fuit sententia, videri bellum cum bono DEO susceptum, & prosperè conficiendum. Wittelspachius interim & Reinaldus Cæsaris Legati, multa præclarè atque ex animi sententiâ gesserant, DEO utriusque cœptis adspirante. Etenim ambobus (quod Radewicus laudavit) inerat cum ætatis flore, formæ quædam gratia atque dignitas singularis, ingenij & animi eminens excelstitas, pectus ad pericula aheneum, laborum incredibilis tolerantia, amœnitas eloquentiæ, opum malè quæsitum edium, bene quæ-

sitarum

statum liberalis effusio, laudis bonis artibus comparandæ ardens studium, curæ pervigiles, ne quicquam sibi indulgerent, quod posset ignosci. Hæ dotes ferè in utroque pares, cum eo tamen discrimine, quòd Wittelspachius à sacris liber, ferro, Reinaldus, adscriptus Clero, mansuetudine & misericordiâ potissimùm uteretur. Quibus studijs, ingentem sibi bonorum approbationem, militum benevolentiam, Imperio existimationem pepererunt. Magna laus est, quòd in hac expeditione, nihil admodum memorabile gestum est, sine eorum virtute. Primo in Italiam ingressu, Rivolam, Veronensium arcem alpium faucibus incumbentem, naturâ loci insuperabilem, solâ nominis sui famâ, deditione occupârunt. Quæ res magno fuit emolumento, tum ad patefaciendum iter exercitui secuturo, tum ad exemplum urbium, quæ certatim in Cæsaris fidem concessêre. Initium fecêre Veronenses, post Mantua, inde Cremona; ubi cum Ravennate, Mediolanensi, & quindectim utriusque Provinciæ Episcopis collocti, Proceres & Legatos vicinarum civitatum audiêre. Inde per Romaniolam & Æmiliam, nemine obsistente, profecti, lustrârunt Exarchatum Ravennatem, Ariminum, & ditionem Anconitanam, tantâ honorum magnificentiâ & populorum studijs suscepti, quantam multi antè Reges non fuerant experti. Ab ijs interim compertum, Palæologum Constantinopoli advenisse in oras maris Adriatici, & ingressum Anconam, specie legendi militis adversus Guilielmum Siculum; re autem verâ, ut, quod sæpe numero tentatum antè à Græcis, civitates maritimas aut corrumpere, traherêque in partes. Neque erat dubium, quosdam Italiæ Procerum, posteaquam cum Palæologo capita contulerant, se largitionibus labefactandos dedisse. Complures ex his Otho, haud procul à Ravennâ, habuit obvios à Græcanico colloquio redeuntes, in quos commotior, stricto investus ferro, nihil pensi habens, se numero longè esse inferiorem, Guilielmo Maltraversaro Ravennatensi, ejusce globi Primipilo, manus iniecit, minatus, se cum in vinculis abducturum, cæteris Italis, ne ausis quidem mutire; tanta omnestrepidatio invaserat metûsque autoritatis, quâ Otho vice Cæsarisungebatur. Hâc fretus, contraxit exercitum, castrisque ad Anconam positis, Græcos ad se evocatos multâque excusantes, oratione minaci jussit totius Italiæ finibus facessere: paruerunt illi sine morâ, lætique, se passos non esse graviora.

PALÆOLOGE
MACHINA-
TIO,

Fridericus, coactò undique centum, & quod superat, millium exercitu, ut ea multitudo per alpium angusta faciliùs penetraret, copias quadrifariam partitus, totidem agminibus jussit castra moveri. Henticus Austrius, & Carantanorum Duces iter habuêre per Forum Julij, pèrque fines Veronæ: Bertolfus Zâringensis, Burgundiæ Dux cum Lotharingis, per montem Jovium. Per Clavennam & lacum Cumanum, pars potissima Franconum Ripariorum, & Suevorum. Eos Cæsar cum reliquis legionibus est secutus. Venientes Brixia morari ausa, momento subacta, sexaginta obsides, & haud modicam æris multam dedit. Friderico proxima cura fuit, astringendæ certis legibus disciplinæ militaris. Tum lustrato exercitu, profectionis, quam nondum vulgaverat, reddidit rationem in hanc sententiam: *Divinum munus est, pro quo Numini debemus & habemus gratias immortales, quòd, in quâ versamur iniquitate temporum, & conditione Imperij, tantum in vestris animis cernamus fortitudinis atque prudentiæ, quantum in vobis præsidij, varia virtutis vestra experimenta deinceps nos sperare voluerunt. Summa quidem rei penes nos est ministerium, sed penes vos Imperij firmamentum & consiliorum robur. Conijcere haud est operosum, tantos apparatus spectare bellum, sed non perinde promptum, nôsse belli causam, & contra quos sit sumptum. Nolimus cuiquam esse persuasum, arma nos pro libidine induisse, aut ingento confictas inantitates belli causam habuisse, quod ijs crebrò contingit; qui ex occasione aucupantur gloriæ materiam, vel quos profunda ambitio, cupido spoliiorum, odium implacabile, ad tristia vota cum internecionis gentium injurijs compellunt. Horum nihil nos patrijs sedibus excoivit, simile nihil armavit. Mediolanum est, quod nolentes nos atque perinvitos per inhospita montium ad hanc belli necessitatem adegit. Superba Mediolanensium rebellio, nos à charorum amplexibus abstrahit.*

CÆSARIS
INGRESSUS
IN ITALIAM;
V.

ORATIO AD
MILITES,

abstraxit. Sacramentum dixistis Imperio, Imperij laesa est majestas, laceffimur injuriâ, quam si non depellimus, tam nobis erit probrosum, quàm si cognatum sanguinem, conjuges ac liberos, aras atque focos ab hoste appetitos ignaviter deseruissimus. Orationem excepit omnium alacritas & ardor nihil nisi arma spirantium. Actum deinde in militari senatu de ratione belli. Decretum in primis, Mediolanenses non aggredi, nisi præmissâ clarigatione ad jus reposcendum obsequij debiti & justæ pœnæ, quâ sese obstrinxissent. Quam denunciationem prævertère Mediolanenses, malè sibi conscij, & neutiquam dubitantes, totam belli vim suis caputibus imminere.

MEDIOLANENSIIUM
LEGATIO.

VI.

OBSIDIO
MEDIOLANI

LAUDENSIIUM
QUERELÆ.

EGBERTI
SCHARDINGENSIS
TEMERITAS ET
CAEDES.

VII.

RATIO HABENDA
DISCIPLINÆ
MILITARIS.

Miserunt ad Cæsarem viros prudentiâ & usu rerum præstantes, qui cum promissis, procures verò largitionibus delinirent, cæteroquin arrepti propositi retinentes. Quamobrem re infectâ ad suos remissi, implerunt urbem solitudine, imbellem turbam lamentis, senatum anxietate consiliorum, plerisque Optimatum sinistra de belli eventu augurantibus: quamquam, ut solet, non deerant decoctores obz-rati, audaces, rerum novarum amantes, quorum genio turbæ magis, quàm publicum otium, erant attemperatæ. Horum prævalente sententiâ, tota civitas arma corripit, urbana juvenus describitur in centurias, populus omnis jubetur ad omnes casus esse in promptu. Ergo, desperatâ pace, à Cæsare Imperij hostes declarantur, indicitur Cæsarianis profectio ad obsidionem. Ut ventum ad flumen Abduam, cujus alveum alpinæ nives, in aquas resolutæ, supra solitum inundant, apparuerunt in adversâ ripâ expediti mille circiter equites, parati Cæsarem transitu prohibere. Quæ res totum exercitum erat retardatura, nisi Boëmiae Rex & Conradus Dachavius, contempto discrimine, per rapidum amnem imperterriti vadum monstrassent. Ducentos, plus minus, undarum vehementia abripuit, Mediolanenses trepidi refugerunt in urbem, triste belli omen ex primo eventu reportantes. Cæsarianæ legiones, pars resectis pontibus, pars vado transmissæ. Mota castra ad Lambrum amnem, ubi Cæsar obvium habuit miserabile Laudensium agmen, auxilium implorantium contra vim, quâ ob servatam Imperio fidem, patriâ fortunisque omnibus se exutos querebantur, usque eò miseri, ut ne glebam quidem terræ haberent, in quâ calamitosi exilij sedem figerent. Fridericus eorum miseratus sortem, montem Egethionem, quatuor à Laude passuum millibus, uti rogabant, concessit cum egregio prærogativarum juriûmque additamento.

Inter hæc Egbertus Dynasta Schardingensis, idemque Butinensis & Neoburgicus Toparcha, vir ingens animi bellique bonus, Cæsaris injussu, ut virtutem ostentaret, suis auspicijs ad usque Mediolani portas excurrans cum millenariâ eaque nobili turmâ, exceptus est validâ civium multitudine. Pugnatum primò missilibus eminus, deinde ferro cominus, ordine adeò confuso, ut, cum eques equiti hæreret, & pulvis visum dimicantibus penè adimeret, vix nõssent, quatum partium essent permixti pugnatore: cumque in arctum commixtis neque locus esset receptui, neque copia fugiendi, cadendum erat in vestigio, aut cædendus adversarius. Vicit tamen hostium multitudo virtutem, jamque tota Egberti phalanx pellebatur, cum ille, animadverso, è suis quempiam jumento effulum periclitari, obversâ fronte recurrit in pugnam, amicum cædi eripit, & incomitatus hostem rejicit usque ad vallum, nemine auso vim objicere, donec conglobati hominem circumfundunt, equo detractum, & loricâ cassidèque nudatum concidunt. Fama tamen fuit, captum ab hoste & raptum in urbem, manu carnificis fuisse immaniter obtruncatum. Ejus casum Reicherspergenses canonici, ipsius liberalitate locupletes, & Varnbacenses Monachi, qui eidem ejusque majoribus sui cœnobij primordia & incrementa debent, vehementer doluerunt, justaque funebria tum ipsi, tum Eberhardo Witterunio ejusdem clienti, qui unâ occubuit, fecere. Cum ipso extincta est familia nobilissima Schardingensium Dynastarum. Commilitones, amisso duce, in castra reversos, iratus Cæsar acerbè reprehendit, durius in eos animadversurus, nisi supplicia destinantem exercitus supplex mitigasset. An nescissent videlicet, disciplinam militarem præcipuum esse imperij stabilimentum, decus-

decusque virtutis, ex cujus sinu manant triumphi, quâ sine, effrenes exercitus grex potius sint pecudum, quàm agmen bellatorum? Imperia certè esse militiæ vincula animâque præliorum. Quid tandem futurum sit, si miles centurionis, si centurio tribuni, si tribunus Imperatoris iussa non expectet; si quivis pro libidine ruat in discrimen? Quorsum sint in exercitu signa, nisi ut legionarij nôrint quonam sit eundum? quorsum castrorum distributi ordines, nisi ut quisque miles præstò sit ad nutum? Eò spectare contubernia, ut regantur à Decanis, à quibus custodiatur morum actionumque mensura. Militem authorari, ut pro patriâ, pro Republicâ, non pro suâ libidine ferrum stringat, sed ad nutum Imperatoris. Verti in totius exercitus ignominiam & contemptum istorum feroculorum dedecus, quod omnino sit ultimis exemplis expiandum. Quam ad vocem, misericordiam inclamârunt circumstantes legiones, sine quo fuisset, ut minimùm temerarij facinoris authores ad pœnam capitis erant rapiendi.

Postridie, quàm malè conflixerant, (fuit autem dies Augusti quintus & vigesimus) Cæsar copias universas ad Mediolani obsidionem eduxit, castrisque locatis, ad singulas portas disposuit stationes. Urbani minimè segnes, animadverso, Conradum Rheni Palatinum Cæsaris fratrem, & Fridericum Suevorum Ducem, in extremâ castrorum parte à socijs remotiores, injuriæ esse opportunos, factâ post solis occasum eruptione, nihil tale metuentes adorti, vallo superato, disiectisque excubijs, cæteros jam ad quietem compositos eò necessitatis adegerunt, ut, nisi Bojemiæ Rex, audito pugnantium fremitu, properatis auxilijs nutantes erexisset, luculentam cladem antè fuissent accepturi, quàm fugati Mediolanenses, ad suos se retulère, multis desideratis, qui vel in vestigio ceciderunt, vel vivi venerunt in Cæsarianorum potestatem. Haud pauciores vulneribus debilitati redierunt in urbem. Aliâ ex parte Otho Wittelspachius, cum fratribus Friderico & Othone juniore, civitatis portam obvallaverat. Notavit die quadam urbanas vigilias solito infrequentiores: proinde capto in arenâ consilio, calorum turbam jubet aridos lignorum fascies aliâque incendij materiam habere in promptu, & signo procurrendi accepto, ad portam convolare; eam, si possent, unâ cum ponte subductario, subjectis tædis concremare, mox à tergo secuturos, qui laborantes periculo eximerent. Paruère (nocte an interdiu, Radewicus facit ambiguum) & suos singuli manipulos immittunt in propugnaculum, & in pontis sublicas flammam propagant. Civitas præsentis discrimine metuque excitata, ne flamma domos urbanas corripere, ut in re improvisâ, tumultuariè pars ad tutandos aggeres, pars ad restringendum incendium concurrat. Wittelspachius è contrâ tela spargere in obstantes, instare vallo, civésque prolicere ad certamen. Pugnatum utrinque summâ vi: à civibus, ut Cæsarianos arcerent à portâ; ab his, ut penetrarent in urbem. In eo conflictu tergemina Wittelspachiorum præcipua virtus emicuit, non sine commilitonum incitamento & hostium admiratione. Sauciati utraque ex parte permulti, castrorum numerus non est relatus in chartas; receptus honestus utrique, anceps victoria, quæ proximâ impressione convenit in victrices manus Cæsarianorum. Mediolanenses Henrici Ducis Austriæ stativa sæpius missis in vallum sagittarijs, incursârant irritò conatu. Hanc ut illis audaciam excuteret, vocatis in auxilium Ungaris, suos omnes jubet esse in armis, & conglobatos præeuntem sequi ad portæ toties infestæ oppugnationem. Hostis ad eam defendendam frequens accurrit, effunditur extra muros, manúsque intrepidè conferit, sed cum insigni clade, quâ acceptâ, rejectus locum certaminis reliquit, obsitum occisorum cadaveribus multoque civium sanguine.

Id dedecus Insubrem quempiam juventâ fervidum, ad reponendam ignominiam animavit, sperantem, se, quando aliter nequibat, id singulari certamine assecuturum. Mœnibus igitur egressus in eum locum, unde à Cæsarianis posset spectari & audiri, equum apprimè docilem nunc impellere in rectum, tum in gyrum agitare, mox agere in flexus, cæterâque equisonum artem scitè ostentare, ac demum, ubi diu insultârat, quemvis unum de Cæsarianis provocare ad duellum

PERICULUM
CONRADE
RHENI PA-
LATINI,

OTHONIS
WITTELS-
PACHII IN-
CURSIO.

II X.

PRÆCLA-
RUM HENRI-
CI AUSTRIÆ
FACINUS,

SINGULARE
CERTAMEN.

VICTORIA
PENES AL-
BERTUM
ANDECHSI-
UM.

IX.

DEDITIO
MEDIOLANI

MODOETIA
INSTAURA-
TUR.

VERONEN-
SES RECEPTI
IN GRATIAM

FERRARIEN-
SES A WIT-
TELSPACHIO
DOMITI.

X.

NOBILIA
FUNERA.

CRUX SCHI-
RENSIS UN-
DE?
OTHONIS
FRISINGEN-
SIS OBITUS.

Radewic.
lib. 2. c. 11.
& 12.
AN. CHRIST.
M. C. LIX.

FLORENS
STATUS EC-
CLESIAE FRI-
SINGENSIS.

faciendūque periculum, Germani, an Insubres equitandi petitiā forent potio-
res. Cæteris tacentibus, Albertus Andechsius in equum insilit, soloque clypeo
protectus & hastā, in juvenem insolentem infesto gradu invehitur. Ille suos lu-
dos repetere, vibrare tela; hic scuto ictus declinare, & captato tempore ferendi,
tantā vi hastam adigere in obstantem, ut dejectum equo, in arenam everberaret.
Non lubuit de prostrato spolia legere, generosius autumanti, & solā facti gloriā
contento, vitam & arma Insubri, se adverso Marte devictum confitenti, donare.
Variæ præterea intercessere pugnae velitares parū aut nihil ad rei summam per-
tinentes. Consilium erat Cæsari, urbem obsidionis incommodis frangere, quod
demum pervicit, cū Senatus populūque fame, morbis, agrorum devastatione
fatigatus, fastu posito, Cæsaris clementiam prensavit interprete Boëmorum Rege
& Henrico Austrio, quibus conciliatoribus, civitas in fidem recepta dedit manus,
mense Septembri, quo die natæ Virginis Deiparæ memoria recurrit. Tota civi-
tas in geminum agmen divisa, supplici habitu in castra processit, seque provolvit
ad Friderici pedes. Primos ordines ducebat Archiepiscopus prælato crucis si-
gno: sequebatur Clerus omnis vili amictu: alterum agmen constabat ex civibus,
qui submisso in terram vultu, & mœstā voce pauca in rem suam per oratorem di-
xere, admissorum veniam rogantes, & pollicentes, se, si id gratiæ impetrarent,
deinceps cum fidissimis quibusque, obsequio & omni operā pro Cæsare certatū-
ros. Cæsar, lætari se & Deo gratulari, respondit, dolere verò malis, quæ suā ipsi
voluntate tolerassent: hanc sibi causam esse gaudendi, quod civitas adeo nobilis
ad bonam mentem redisset, spemque faceret præteritorum memoriam obse-
quendi studijs obliterandi. Id si rebus præstarent, nihil fore, cur de ipsius bene-
volentia & protectione quicquam esse decessurum vererentur.

Motis dehinc castris, Modoëtiā perrexit, veterem Regni Longobardici
sedem, quam à Mediolanensibus everfam, pristino decori & juribus restituit.
Post, dimissā in Germaniam magnā parte copiarum, movit in Veronenses, qui
Gardæ castrum occuparant. Posteaquam copias vado trans Athesim deporta-
rat, arces Veronensium subegit, agrum vastavit, eoque demum compulit, ut pro-
mitterent, se in posterum in ejus autoritate futuros. Ferrarienses, qui Circum-
padanum agrum, Mathildis olim patrimonium, invaserant, ab Othone Wittels-
pachio derepentē oppressi, pacem exorarunt, sanxeruntque sexaginta obsidibus.
Mathildis ditionem paulò post Cæsar Welfoni clientelari beneficio tradidit.
Idem, acto ad Roncalias frequenti Procerum comitio, totum se Italiæ ordinandæ
impendit.

Ducta aliquot Principum funera. Fridericus Colonienſis Archiepiscopus,
tertio pontificatus anno defunctus est. Exuvie pars Ticini tumulatur, pars de-
vectæ Coloniam. Conradus Dachaviensis, Croatiae & Dalmatiæ Regulus, Ber-
gomi vivendi finem fecit: funus ductum in Bojariam, illatūque Schirensi con-
ditorio. Ejus donum est Crux Schirensis, ex sacrosanctā ligni triumphalis trabe,
in quā Deus mortem oppetiit, decisa. Conradi mater eidem superstes, Othoni
Wittelspachio arcem Toparchiāque Dachaviensem postea vendidit. Refer-
tur ad hunc annum à recentioribus dies ultima Othonis Episcopi Frisingensis, à
Radewico in annum sequentem, ad 10. Cal. Octobris. Vitam integerrimē actam
pientissimē finiit in Morimondensi Monasterio, quo tempore Cisterciensis ordo
eò loci comitia celebrabat. Illuc priusquā proficisceretur, Frisingense Cano-
nicorum Collegium, qui tunc habitatione convictūque communi utebantur, ad
prisce moris sanctitatem revocavit, additis aliquot legibus ad stabiliendam cultus
divini & religiosæ disciplinæ observationem. Demortuo suffectus est Albertus
Præpositus Frisingensis, cui Episcopatus initium adverso casu valde fuit calami-
tosum.

Tantæ id temporis, ex sapientissimā Othonis gubernatione, erant Ecclesiæ
Frisingensis opes, ut nulli vicinarum de opulentiā & splendore concederet, à pau-
cis æquaretur, multas superaret. Ea cum erat Cleri probitas, disciplinæ accuratio,
morum

morum honestas, scientia litterarum, ut nusquam melior esse crederetur. Quorum virtutum nitelam Deus illustravit insigni patientiâ; cum ipsis Ramalibus, quæ in Non. April. inciderant, tempore matutino, horrendum incendium totam Frisingam exussit. Conflagrârunt omnes majores, minores basilicæ: omnis earum gazæ, omnis supellex redacta in cineres: ara nulla superfuit: nihil evasit ornamentorum: procubuere in busta tecta Episcopij, Mystarum contubernia, officinæ, sacra, profana ædificia, paucis exceptis. Verbo, paucas intra horas civitas tota excisa. Creditum est, prodigiosa spectra id cladis prælagisse. Monstra horrida, tristia phasmata noctibus visa circumvolitare. Lemures domibus insultârunt & Stygij Satyri. Ferales volucres, ululæ, upupæ, bubones, toto anno funesta præcinnuere. Ipsis Januarij Calendis sacerdos effuso in aram calice, ne stillam quidem divini sanguinis ad peragendum mysterium servavit. Id quoque acceptum pro omine, quod pueri puellæque, arcano instinctu, vicos, supplicum more, sæpe oberraverint. Quas ob res publicæ expiationes ab Episcopo decretæ, indicta jejunia, orationes Litaneuticæ, aliæque placando Numini non sine fructu. Nam brevi civitas è suis parietinis, Alberti Antistitis virtute atque diligentia, pro modo istius ævi, in formam non contemnendam est educta. Simili conflagratione Spirensis basilica, regium planè opus, vastata est.

INCENDIUM.

PRÆSAGIA.

SPECTRA.

XI.

SPIRENSIS
BASILICÆ
CONFLA-
GRATIO.

Grandia quidem ista detrimenta; sed longè grandius incendium, quo res Christiana cæpit immane quantum conflagrare, renovato inter Adrianum Pontif. Max. & Fridericum Imperatorem dissidio. Cæsar jura (ut vocant) regalia & clientelare juramentum ab Episcopis, aliisque inferioris notæ Præsulibus, perinde atque à profanis hominibus exigebat cum nonnullâ Adriani offensione & curâ, ne res ad Henricianas contentiones sensim relaberentur. Cæsari flagitanti, ut Guidoni Comitris Blanderatensis filio adhuc juveni, S. R. E. Subdiacono, Ravennatensem insulam donaret Pontifex, negavit, se id facturum. Exasperatæ sunt in posterum discordiæ, cum Fridericus cæpit, contra receptum morem, suum nomen Pontificio in litteris præponere, eundem, omisâ priorum sæculorum formâ, ex vetustæ latinitatis ratione, singulari numero compellare quasi per contemptum. Cæperat idem, Cardinales à latere legatos, templis & Imperij civitatibus arcere, certo indicio grandis averfationis. Dabantur ultro citroque epistolæ aculeatiores, & subinde aliæ suaviores, quæ priorem acrimoniam edulcerent: sed tegebantur potius mala, quàm curabantur. Momento inferuntur vulnera, sed tardè coalescunt, suique memoriam renovant in cicatrice. Accenderunt simultates, sparsi in vulgus, ex malevolorum ingenio, vani rumores de occultâ Adriani Pont. cum Guilhelmo Siculo adversus Cæsarem conspiratione, & quasi Adriani litteræ fuissent interceptæ, quibus Mediolanum aliâsque civitates ad defectionem excitasset. Suspicionem ex falso ortam intendit vera apertaque Mediolanensium perduellio. Etenim destinati à Friderico Comes, creationi Magistratuum jussi erant interesse per singulas Italici Regni civitates. Ex his Otho Wittelspachius, Reinaldus Cancellarius, Goswinus comitatus Sopriensis & Mathesiani administer. Profecti Mediolanum, egerunt, ut, ad Cal. Februarias, ex recenti superioris anni pactione, consules legerentur, probarenturque autoritate Cæsaris. Plebs, cæteroqui mobilis ac tumultuosa, parsque nobilitatis rerum novarum avida, pertæsâque brevem paucorum mensium quietem, cognito legatorum consilio, versi in seditionem, ad arma concurrere, clamoribus implere fora, hospitibus ultima comminari, domos, ad quas credebantur divertisse, furiosè oppugnare, occupatas scrutari, averfari saniora suadentes, Blanderatensem adeò Comitem, qui tum in urbe aderat, & præ cæteris putabatur apud furentes valiturus. Furor enim non habet aures, & surdis fabula canebatur. Legatorum aliqui, inter quos Cancellarius, recepti in urbem, ut in re creperâ ac turbatissimâ, improvise tumultu territi, cum nullum effugij modum, oclulis civitatis portis, viderent; abditi in latebras, anxie noctem egerunt, apertisque portis, summo manè, Episcopi beneficio elapsi sunt incolumes. Othonem, cujus maximè caput petebatur, servavit

DISSIDIO-
RUM INITIA
INTER PON-
TIFICEM ET
CÆSAREM.

FALSI IN
ADRIANUM
RUMORES.

MEDIOLA-
NENSIIUM
TUMULTUS.

LEGATO-
RUM CÆSA-
RIS PERICU-
LUM.

uavit incogitata provisio: extra mœnia pernoctanti, sub initium seditionis via patuit ad fugam.

XII.

MEDIOLANENSIIUM
ACCUSATIO.

RESPONSUM
ARROGANS
SIMUL ET
INSULSUM.

DAMNATIO.

VARII CON-
FLICTUS ET
CLADES RE-
BELLIIUM.

XIII.

CÆSAR PE-
RICULITATUR

AUXILIA
GERMANI-
CA.

Agebat Cæsar in villâ Autimiâcâ festum Virginis purissimæ 4. Non. Februar. Eò confluxerunt permulti optimares è Germaniâ. Eberhardus Babenbergensis, Albertus Frisingensis, Conradus Eistettenus. Ex Italis, Papiensis, Vercellensis, Astensis, Dertonenis, Placentinus, Cremonensis, Novariensis, Episcopi, alijque, in quorum confessu Cæsar oratione gravissimâ iteratum Mediolanensium crimen accusavit, audivitque procerum sententiam, quæ una fuit omnium, eos videri extraordinaria exempla meritos, famæ tamen Cæsareæ fore decentius, si rei prius audiantur, & de sceleris magnitudine, ex legum præscripto in commune statuatur. Quare Mediolanenses ad Marnicam villam regiam in jus vocati, ad dictam diem vadimonium obiêre per legatos. Cùm graviter premerentur, nec defensionis occurreret alia ratio, negârunt, se jurisjurandi religione, fœdere, aut pactionibus esse astrictos, jurâsse se quidem in verba & leges Cæsaris, sed non addixisse, se habituros juramenti rationem: verba fuisse jurantium, sed mentem injuratum. Ita, qui procaciter ac perfidè fecerant, impudenter locuti, ostenderunt, nil bonæ mentis aut spei se ad Cæsaris tribunal attulisse. Nemo fuit, qui non horreret responsi atrocitatem: placuit tamen litem ampliare, & dare spatium saniora cogitandi, ne viderentur præcoci sententiâ damnati. Die constitutâ, ad quam tertio, quarto fuêre citati, deseruere vadimonium. Cùm igitur nemo compareret ad reddendam absentiae rationem, ex responsis Jurisperitorum, qui frequentes aderant, Bononiæ, ubi Fridericus dies esuriales agebat, tanquam contumaces, rebelles, imperij perduelles, rei majestatis, Reipublicæ hostes pronuntiati sunt: eorum verò bona, fisco; personæ, servituti addicta.

Inter hæc Cæsar, gnarus eos nihil æquum voluntate facturos, Henricum Leonem Boicæ Ducem, aliosque Germaniæ Principes jussit confestim militem nuper dimissum ad signa revocare, supplere legiones, & quantâ possent celeritate, trans alpes deportare. Legit & ipse ex Italis copias auxiliares: Verrucam, Serram Longam, arcésque alias præsidijs communivit: Novam Laudem vallo, portis, propugnaculis, milite numeroso instruxit, unde Mediolanensium excursionses possent cohiberi. Mirâ felicitate Cumani lacus insulam, opibus, viris manu promptis abundantem deditione accepit. Idem factum Placentinis Mediolanensium fœderatis. Hi certi belli impendentis, in armis primi fuêre. Ipsius Christi resurgentis feriis, Tretium cruentâ oppugnatione, non sine luculentâ suorum jacturâ, coëgêre ad deditionem. Sævierunt in oppidanos, ipsosque Mediolanenses, qui belli metu se eò loci receperant. Cæsarianis circiter octoginta captivis, seu metu, sive Cæsaris reverentiâ, fecêre veniam incolumitatis. Oppidum, quod aliàs fuerat Mediolani municipium, exustum funditus everterunt. Successêre pugnx velitares Marte vario, qui tamen Cæsari ferè fuit secundior. Mediolanenses ad Laudem, ipsâ Pentecoste, profligati: Brixieneses eorum partiarj, à Cremonensibus Cæsaris amicis pars acti in fugam, pars capti: sexaginta equites, pedites trecenti necati. Cùm aperta vis Mediolanensibus non procederet; hominem vastum audacemque subornârunt, qui in Cæsaris castra ad Laudem, simulatâ dementiâ, irrepens vim ipsi inferret. Parùm abfuit, quin abreptum è tentorio, raptatûmque per longum spatium in Abduam præcipitaret. Famuli clamore excitati, Cæsarem homini furioso viribus omnibus obnitentem eripuêre. Octo incendiarij Laudem missi, qui intempestâ nocte faces tectis injicerent: unus in facinore deprehensus, falsûsque mediatum nefas, gulâ fractâ in patibulo periit. Veneficus alius de Saracenorum gente, multiplici toxico in Cæsaris vitam grassaturus, delatus convictusque certis indicijs, actus in malam crucem.

E Germaniâ, ad 13. Cal. Augusti, advenêre validæ suppetiæ unâ cum Beatrice Augustâ, quam Cæsar evocârat, jussératque per Henricum Leonem & Conradum Episcopum Augustanum in regio comitatu adduci. Mille ducenti cataphracti, cum lectissimâ Bojorum & Saxonum juventute, Leonis signa sequebantur. Wel-
fo ejus

fo ejus patruelis, Friderici avunculus, Princeps Sardiniae, Dux Spoleti, Tusciae Marchio, validas etiam copias adduxit. Ita duo illustrissimi Principes Caesari accesserunt, diverso uterque genio, pari virtutis & gloriae cupiditate. Welfo liberalitate, facilitate morum, tractandis amicorum negotijs, ignoscendo; Henricus severitate, scelerum odio, animi constantia, ad summa quaeque grassabantur. In hoc Catonem, in illo Caesarem diceres revixisse. Fridericus istis firmatus subsidijs, Cremonenses, ob initum cum Mediolano foedus, hostes Imperij judicatos obsedit, Cremonensium precibus & auro, qui veteres cum illis gerebant inimicitias, inductus. Certatum utrinque ingentibus animis & sanguinarijs exemplis. Germani, amputatis Cremonensium capitibus per ludibrium velut sphaera luserunt: Cremonenses Germanos captivos, in mœnibus, socijs spectantibus, foede dilacerarunt. Acti mutuâ crudelitate in furcam, qui ex his illisve fuere captivi. Obsidio magnâ contentione protracta in annum sequentem. Inter hæc Mediolanensis ager omni hostilitatis genere vastabatur. Tectis ignes subjecti, excisa vineta, felices arbores truncatae, decorticatae, inducta latè vastitas, clausi undique aditus, intercepti commeatus, & quanquam ad initium urbi annonae copia satis provisâ, accisa tamen est diuturnitate temporis, & redacta ad dimentiū quotidianum, & parcum illud quidem malignūque, quod populo, alioqui liberalibus epulis assucto, erat permolestum. Eos, tametsi esuritionis periculosos, Fridericus, communicato cum Papiensibus consilio, traxit in insidias, affecitque clade luculentâ. Centum quinquaginta caesi, vulnerati sine numero, sexcenti abducti in vinculis.

HENRICI
LEONIS ET
WELFONIS
VIRTUTES
ET DIVERSA
INGENIA.

CREMONENSIS
OBSIDIO.

CRUDELI-
TATIS EX-
EMPLA.

MEDIOLA-
NENSIVM
ANGUSTIAE.

CLADES.

Hæc dum in eo sunt, à Senatu populūque Romano venere Legati ad Fridericum, obnixè rogantes, ne, quod paucorum de minutâ plebe culpâ in ejus majestatem Romae peccatum fuerat, in fonti nobilitati imputaret, haberetve obtentui ad urbis jura dignitatēve minuendam, in quâ Orbis Imperator esset renunciatus haud invito Senatu, & qui de populo extra nuperum tumultum fuissent. Verebantur videlicet, ne Caesar, si Adrianus Pontifex cum eo reconciliaretur, Pontificias partes adversum Senatum populūque amplecteretur. Auditi Legati & habiti indulgenter, donatique regiè, jussi sunt referre Quiritibus, bono ut essent animo. Cum ijs missus est in urbem Otho Wittelspachius & Heribertus Præpositus Aquensis, vir magno rerum usu, cum mandatis, ut, quoad liceret, æquas pacis condiciones cum Pontifice constituerent, haberentque rationem eorum, quæ Senatu populūque Romano deberentur. Excepti Caesaris Legati à Romanis perhonorificè: sed tametsi ultro citroque crebri de pace nuntij commearent, nihil tamen confici potuit, Romanis antiquo urbis fastu indigna quædam postulanti- bus, quæ nequibant à Legatis decenter admitti. Ira dum utrinque de dignitatis prærogativâ certatur, levi momento pacis tractatio fuit suspensa, donec Adriani obitus eam disturbavit. Obijt Anagninae Calend. Septembris, sublatus anginae angustijs, fauces, per quas cibi potusque & spirationis meatus est, præcludentis. Unde ab hoste quopiam Pontificiae dignitatis conficta fabula, eum à muscâ gutturi tenaciter inhaerente fuisse præfocatum, posteaquam Fridericum dirâ imprecatione è piorum albo deleverat. Quod figmentum vel inde refellitur, quod constet, Caesarem ab Ecclesiae communione ab Adriano nunquam fuisse remotum: quanquam, teste Dodechino, eâ de re cogitârît, non perfecit tamen, morte præventus.

POPULI RO-
MANI LE-
GATIO.

XIV.
LEGATI CÆ-
SARIS AD
PONTIFI-
CEM.

ADRIANI
PONT. OBI-
TUS.

Vissberg.
Dodechin.
Baron.

Codex Vati-
can.

SCHISMA
TERRI-
MUM.

Post ejus decessum, omnium, quæ adhuc fuerant, Schisma teterrimum ex sacrorum comitiorum dissidio, in Ecclesiam inductum est. Postquam Adriano, in æde Principis Apostolorum iusta funebria de more fuerant persoluta, Patres, penes quos jus erat eligendi, prid. Non. Septemb. habito tridui colloquio, de subrogando successore, viginti tres, assentiente clero atque populo, Rolandum presbyterum S. Marci Cardinalem, sedis Apostolicæ Cancellarium, gente Tuscum, domo Senensem, è Bardinellorum stirpe, Pontificem dixerunt, virum sapientiâ cæterisque virtutibus insignem, apprime eruditum & eloquentem, D. Bernardo percharum, quippe cui dudum Pontificiam tiaram, velut præscius, subobscurè tamen, præ-

sagierat. Aliâ ex parte Joannes S. Martini, Guido S. Callisti Cardinales, à cætero Purpuratorum Senatu dissidentes, Octavianum tit. S. Cæcilie Cardinalem, è genere Comitum Tusculanorum, indito Victoris IV. nomine, protruserunt, hominem eousque ambitiosum, ut, cum jam diu Pontificatum prensasset, ausus sit purpuream epomidem, supremæ dignitatis insigne, Rolando, qui nomen Alexandri III. assumpserat, detrahere, aliâque à Sacellano ex composito præparatam sibi circumponere; eoque habitu, referatis Basilicæ D. Petri foribus, prodire, introducere militare præsidium, quod per quosdam senatores auro emptos legerat. Alexander, ejusque suffragatores, metu in Ecclesiæ munitionem elapsi, novem dierum obsidionem tolerârunt, quâ concursu totius populi Romani soluti, paulò post ab impiis senatoribus, triduanæ custodiæ fuere mancipati. Evaserunt tamen 12. Cal. Octob. amicorum ope ad tres Tabernas, haud procul ab urbe. Eo loci in magnâ Cardinalium, Episcoporum, Abbatum, Cleri, populique frequentiâ, non à Sabinensi (quod scripsit Brunnerus) sed ab Ostiensi Episcopo, quod notavit disertè Baronius (nam Ostiensis est inaugurare Maximos Pontifices) consecratus, Anagninam se recepit, ubi octavo à consecratione die, diris devovit Victorem, antè monitum, ut ad mentem rediret: simul execratus est, quisquis eum ausurus esset Pontificio cultu induere, asseclâsque omnes, qui ejus factionem sequerentur. Nihilominus Octavianus, occupatâ D. Petri Basilicâ, ubi per quatuor omnino hebdomadas modis omnibus laboraverat, ut Episcopum quempiam iniciatorem nancisceretur, ægrè reperit Malphitanum, nescio quem fugitivum, & in Anconæ finibus latitantem, cujus operâ ad eam scenam uteretur, præsentè Episcopo Ferentinatè Alexandri jam pridem hoste, & Joanne Tusculano Alexandri, quem elegerat, desertore. Cæremonia tam inauspicata totius orbis terrarum ludibrio haud dubiè erat explodenda, nisi Ahenobarbus, qui Alexandri in rebus agendis animi magnitudinem erat expertus, metuebâtque, ne, quâ ille erat sentiendi & dicendi, ubi ratio poscebat, sinceritate, suis votis aliquando repugnaret, in Spurijs partes concessisset tantâ contentione & animi impotentiâ, ut Alexandri Legatos fœdissimo sacrilegio resti fuisset addicturus, nisi à consilio tam nefando eum Welfo & Henricus Leo suâ moderatione absterruissent. Minus sapuit Wittelspachius, qui militare ingenium & Cæsaris studia secutus, totum sese addixit Victori, quem oberrantem omnes Campaniæ civitates, totumque D. Petri patrimonium, tutatus est, & restitantes in ipsius verba adegit: Alexandrum verò & amicos Cardinales (quod per encyclicas litteras conquesti sunt) malè exagavit.

CÆSAR PA-
PÆ SCHIS-
MATICO SE
ADDICIT.

XV.
IDEM FACIT
OTHO WIT-
TELSPA-
CHIVS.

PSEUDOSY-
NODUS PA-
PIENSIS.

AB EPISCO-
PIS QUIBUS-
DAM GER-
MANIÆ
SPRETA.

Fridericus suo ut Idolo Romanam sedem stabiliret, inane decretum vulgavit, quo Pseudosynodum, ad anni sequentis Epiphaniæ octavam, Papiæ indixit, & Alexandrum juxtâ ac Victorem, per Pragensem ac Verdensen Episcopos, ipsûmque Wittelspachium citavit, isthic orbis Christiani judicium de Pontificiâ lite audituros. Admissi in Alexandri conspectum Legati, nullâ eum reverentiâ, nedum Pontificis titulo dignati sunt, sed litteris in medium productis, jusserunt adesse conciliabulo. Quâ insolentiâ permotus Pontifex, reposuit, neutrquam esse Imperatoris, citra Romani Pontificis voluntatem cogere concilia, vel Christi supremum in terris Vicarium ad profanum Imperij tribunal evocare: id enim, præterquam quòd fieri nequeat absque Numinis injuriâ & juris Pontificij violatione, nullius prorsus esse momenti. Victor autem, ut ad certam victoriam, non quasi in jus ambulaturus, Romanæ sedis immemor, respondit, se Friderici arbitrio obsecuturum. Vocati quoque ad infamem conventum Boicæ Antistites. Albertus Frisingensis propudiosum cœtum est aspernatus: idem fecit Romanus Gurcensis. Hartmannus Brixinensis simili tactus religione, pedem domo non extulit. Hartwicus Ratisbonensis & Conradus Batavensis adfuere quidem, sed negârunt, se Victorem pro Pontifice habituros, nisi communi orbis terrarum consensû probaretur. Idem professus est Peregrinus Aquileiensis Patriarchâ, cum nonnullis alijs. Eberhardo Salisburgensi per valetudinem non licuit interesse, idque divino beneficio: nam Vicentiam usque progressum morbus repentinus non est passus tendere ulterius,

ulteriùs, sed injectâ velut manu domum retraxit, ne scdâ contagione suam innocentiam contaminaret. Absentiam tamen excusavit per Henricum Præpositum Berchtesgadensem, quem cum duobus jumentis clizellarijs piscibus & caseo onustis, & triginta argenti marcarum donativo, misit ad Fridericum. Hillinum Archiepiscopum Trevirensis adversâ pariter valetudo in itinere corripuit, prohibuitque Ticino: misit tamen Legatum, qui purgaret impotentiam comparendi, sed de industriâ nulla de adeundo conventu mandata dedit. Porro cum neque per se, neque per alium in pseudosynodi acta consensisse, planum est ex Epistolâ Eberhardi Babenbergensis Episcopi ad Eberhardum Salisburgensem his verbis: *Solus Trevirensis de regno nostro superest in parte illâ Archiepiscoporum, qui non consenserunt.* Unde falsi arguitur Index continens eorum nomina, qui Conciliabulo subscripserunt, inter quos relatum est calumniosè Hillini nomen ingenio detractum, quibus susque deque est, vera an falsa obtrudant, dummodo splendidè mentiantur.

Ne ad Id. Januarias conventiculum ageretur, fecit Cremonensis obsidio, cujus ardorem Fridericus suâ præsentia volebat intendi. Ergo dilatâ in Februarium coitione, summis viribus obsessos cœpit urgere, admotis circum machinis & novi operis turribus geminâ contabulatione, è quarum superiore, omni missilium genere Cremonenses, qui propugnabant mœnia, petebantur. Ex inferiore projiciebantur in murum pontes, per quos planus esset transcursus. Rarò aliàs fuit propugnatio pertinacior, oppidanis ad ultima quæque comparatis, donec desideratis animosioribus, aut sauciatis, exteriori mœnium cinctui retinendo deinceps impares, ad interiora recepti, viribus animisque cæperunt fatiscere. Quamobrem tot fessi malis, ad 7. Cal. Februarias, capto sui dedendi consilio, colloquij copiam cum Aquileiensi Patriarchâ & Henrico Leone impetrârunt. Rebellionem eo nomine conabantur tegere, quasi arma Cæsaris odio non induissent, sed ne venirent in Cremonensium manus, eoque rogabant, ne eorum odijs ad noxam dederentur, cæteroqui in Cæsaris arbitrio futuri, pollicentesque fidem obsequiûmque perpetuum. Pax illis data ijs legibus, ut incolumi vitâ atque libertate oppido excederent, cum ijs duntaxat rebus, quas unicâ sarcinâ possent efferre. Mediolanensibus & Brixianis, qui erant in præsidio, arma adempta. Quod opum in urbe superfuit, à Germano milite direptum: cum verò hoc ipsum aviditati satis non esset, recta igne subjecto cremata. Cremonenses & Laudenses veteri flagrantès odio mœnia fossasque solo æquârunt. Cæsar triumphantis specie Papiam in-
vectus, ab oppidanis magno plausu exceptus est.

Cremonensi excidio præfuit immane incendium, quod Fridericus odio Alexandri Pontificis in Romanam Ecclesiam conflavit, in Papiensi conciliabulo longè nocentissimo. Secundâ Februarij causa Octaviani cæpta agi adversus verum Pontificem. Interfuere Episcopi è diversis nationibus ferè quinquaginta, plerique ad Cæsaris nutum facti fictique, vel malorum metu sequioribus studijs perplexi. Ejusdem farinae adfuerunt Abbates & Præpositi magno numero. Adfuit Octavianus fretus Cæsaris patrocinio: nemo ferè apparuit Principum, nisi vel utrique ex asse devotus, vel iniquis imbutus affectibus. Pro Alexandro nullus adfuit, ne legatus quidem, quod satis nôisset, conventum vitio coactum ac præfractâ Friderici malignitate, nullo numero esse habendum. Talibus nihilominus iudicibus damnata est Alexandri electio, Victoris collaudata, sub initium verni jejuniij, cujus sanctitatem atrox sceleris turpitudine insigniter violavit. Ergo scelestum Friderici Idolum ab infami cœtu adoratum, scdâ post hominum memoriam abjectione, se Friderici beneficiarium, acceptâ per annulum Papatus clientelâ, agnovit. Missa post hæc à Cæsare severa mandata, quibus provinciæ Romani imperij jubebantur amplecti Victoris auctoritatem, abnuentes verò mutare solum: unde turbæ incredibiles & calamitas bene de Ecclesiâ sentientium, qui, ne immane mon-
strum, deserto Christi Vicario, supersticiosè colerent, sponte abibant in exilium. Boicæ laus est memorabilis, quòd spretis Friderici minis, animata suorum Antisti-

AN. CHRIST.
M. C. LX,

XVI.

CREMONENSES
DEDITI,

Ep. Præpos.
Berchtesga-
den, apud Ra-
devicium,
Vrsperg.
ACTA PAPI-
ENSIA.

Ex Arnulph
Lexovien, ad
Alexand.

tum

BOII A
SCHISMATE
ALIENI.

tum monitis, Victorem detestata, in Alexandro colendo immotam constantiam tenuit. Nihilominus fuit Ecclesiæ Gallicanæ virtus, quam Hispani, Angli, Hiberni, Norwegi, Ungari, Siculi, ipsi adeo Palæstini sunt imitati, insanas Friderici pro Victore curas hortatusque irritui habentes. Longè secus factum à Magdeburgensi, Colonienſi, & Moguntino, Archiepiscopis, eorūque Suffraganeis.

DIVINA
ANIMAD-
VERSIO IN
MOGUNTI-
NUM.
CÆSARIS IN-
FORTUNIA.

In Arnoldum Moguntinensem, pessimum Schismaticorum patronum, Deus graviter animadvertit, quando è conciliabulo reducem, Moguntini cives versi in seditionem, in D. Jacobi extra muros Monasterio, ipso Joannis Baptistæ natali, immaniter trucidatum, projecere in sterquilinum, unde cadaver à mendicabilis extractum, triduo jacuit expositum populi fannis atque ludibrio, donec à Canonicis clam avectum, in D. Virginis æde conditum est. Sed & Fridericus hucusque fortunatus, cælum iratum cœpit experiri. Eum detestati sunt Veneti, Veronenses, aliæque Longobardorum urbes, quæ inito inter se fœdere, lectoque exercitu, ausi facere pugnae copiam, aliàs impavidum sic terruere, ut, tametsi bene prodisset armatus, tamen certamen detrectarit. Benignissimè ad pœnitundinem invitatum, idque sæpius, Alexander cum molliora remedia consumpsisset, Anagninæ, eodie, quo Cœnæ Dominicæ solennia agebantur, unà cum Cardinalibus & Episcopis schismate contactis, cumque Othone Wittelsbachio, diris devovit: clientes vero subjectosque Cæsaris, velut Ecclesiæ persecutoris, juratæ fidei nexu absolvit.

EXCOMMUNICATIO.

XVII.
MIDIOLANI
REBELLAN-
TIS AUDA-
CIA.
VICTORIA
DE CÆSARE.

Sed & velut hominem Superis invisum Mediolanenses sunt execrati, armatque novis odijs, syas & Crementsium injurias statuerunt ulcisci. Ergo Laudensibus, quos ille impensè fovebat, bellum inferunt; eorum agrum ipsis sanctioris hebdomadæ diebus devastant: adscitisque in belli societatem Placentinis, Fridericum à S. Romani obsidione depellunt; haud procul à Carcano castro, quod ipsi obsederant, justo prælio superant. Diu Marte ancipiti eo die certatum est, & Cæsar perruptâ Mediolanensium acie, vexillum prætorium è carpento castrenſi, quod Longobardi Carrocium nuncupabant, detraxerat, quasi certus vincendi: cum Mediolanensibus fugam spectantibus velut è cœlo missæ ex Ursicinatibus & Herbensibus suppetiæ ex improvviso advenerunt: quæ recentî fortitudine in Germanos pugnando fessos, & jam victoriam Cæsari gratulantes, invec̃tæ, mutatâ prælii acie coniecere in fugam. Fridericus agrè Baratellum, indeque Comum è victricibus Mediolanensium manibus evasit. Pugnatum 6. Id. Augusti. Cæsaris castra ingentesque manubiæ victoribus cesserunt. Quam cladem Fridericus tulit acerbissimè: ejus famam ignominiamque ut premeret, scriptis hinc inde, ad Peregrinum præsertim Aquilejensem litteris, se victoriâ positum inaniter est commentus, quasi vindicem Dei manum & scissæ religionis supplicium non sentiret.

SLAVORUM
MOTUS IN
HENRICUM
LEONEM
COMPESCUN-
TUR.
SLAVI AD
CHRISTUM
CONVERSI.
Helmold. lib.
1. c. 88.
Arnold. Lubecen. Chron.
Slav. l. 4.
c. 24.
OPPEBERNO-
NIS EPISCO-
PI MEGALO-
POLITANI.

Non multò antè Henricus Leo, impetratâ missione, se in Bojariam retulerat, ubi acceptâ ex Hartmanni Brixinensis Episcopi voluntate, Pollingensis Cœnobij tutelâ (quod ipsum Patres Pollingenses ob nimiam Brixinæ distantiam & sera Episcopi subsidia petiverant) ad bellum est in Saxoniam evocatus. Slavi, maris Baltici accolæ, effusi in Saxoniam, fœdè agrum ferro & populatione vastaverant. Quam injuriam ut pio bello ulcisceretur, hostile solum ingressus, omnia latè cædibus & igne corruptit. Breve fuit in domandis Barbaris certamen. Niclotus gentis regulus, dum se incautiùs infert in frumentatores, ex insidijs occisus, Slavos movit ad faciendam deditionem, unde fructus non vulgaris propagatæ religionis, ad quam ea gens, antehac à vero Deo aliena, sacris Christianis initiata volens lubensque accessit. Id in acceptis referendum propitio Numini & curis ingentibus Bernonis, quem Henricus Ecclesiæ Megalopolitanæ præfecit. Illum, Arnoldus Lubecensis Abbas asserit, fuisse primum Suerinensem Episcopum Megalopolitano Episcopo Suerinum translato. Idem, antè quàm homines cæteroqui feroces imbueret genio mansuetiori, imbutosque Christo subigeret, indignè ab
ijs ha-

XIIIX.

ijs habitus, sæpe cæsus colaphis, sæpius ludibrijs affectus, haud rarò minis factisque sollicitatus, ut Dis sacrificaret; insigni tolerantia & humanitate, quæ valida sunt arma fidei præconum, tantum profecit, ut eliminato dæmonum cultu, devictaque barbarie, de gentilitiâ superstitione triumpharit, Bernardoque successori quietam florentemque Ecclesiam reliquerit. Henricus Leo, id temporis à Friderico impetravit (quæ erat istius ævi cruditas) potestatem erigendorum Episcopatum, dandi Antistites, eosque stabiliendi in omni Slavorum ditione, quam ipse, velejus progenitores subjugassent. Quâ sacræ autoritatis usurpatione sanctioribus instigutis neutiquam consentaneâ, Henricus non Bernonem modò, sed etiam Geroldum Aldenburghensem, & Evermonem Raceburghensem illubentes induxit ad profitendam fidem obsequij clientelaris, veritos, ne, si id detrectarent, novellæ Ecclesiæ, ex intempestivâ contentione, aliquid caperent detrimenti. Geroldus Helmoldi præceptor, translata ex Aldenburgo sede, primus Lubecensem Ecclesiam, authore Henrico Leone, cathedrâ & clero nobilitavit.

NOVORUM
EPISCOPA-
TUUM ERE-
CTIO.

Helmold. in
pref. l. b. 1.
Sigon. l. 13.

WELFONI
TUSCIA DO-
NATA IN
CLIENTE-
LAM.

Welfo patruus, soluto Papiensi conciliabulo, omnem Tusciam, quam à Cæsare fiduciarium acceperat, iniit, eaque perlustratâ, Comitum Procerum egit ad famum D. Genesij, ubi juri dicundo utilem dedit operam. Audiit civitatum Legatos, Toparchijs suos cuique Dynastas creavit, vendicavitque prædia stipendiaria, quæ partim ab oppidis, partim à nobilitate erant interversa. Actis deinde apud Pisanos Christi redivi feriis, Lucenses adiit, magnis utrobique cultus honoribus, quod ejus æquitatem, sapientiam, impensè venerarentur. Post, castellis oppidisque militari præsidio firmatis, Spoletum profectus, perinde atque alijs locis, cives reperit ad nutum obsequentes. Demum rebus ad eum modum trans alpes compositis, earum summam Welfoni filio transcripsit, perque vallem Tridentinam regressus in Bojariam, Lycationum in superiore Boicâ Tetrarchiam adiit. Welfo junior, nihilo quàm parens æqui bonique minùs retinens, subjectorum saluti & tranquillitati se totum addixit: acerrimè cohibuit prædonum & militares injurias, ne parcens quidem Cæsarianis, si qui in ejus ditiones grassarentur, nihil pensi habens Cæsaris invidiam; qui tamen subjectorum commodis invigilanti, honestè irasci non poterat, sat gnarus, milites esse in officio continendos, & Principi suscipiendam esse populi curam non secus atque liberorum, quo sine neque conciliatur reverentia, nec fovetur charitas, quæ sunt optima bene regendi instrumenta.

WELFONI
JUNIORI
COMMISSA.

Hoc anno Mechtildis Berchtoldi Comitum Dieffensis & Sophiæ Schardin-
giæ filia, quod veriores membranz testantur, transiit ad vitam beatiorum. *Tam fuit testata* (utar Raderi verbis) *hujus virtus virginis, ut ne fama quidem de eâ au-
deret mentiri, quod, magno teste Ambrosio, decus maximum est, quo commendatur virgo.* Christum amore, cælum desiderio sub ipsam infantiam complexa, quinquennis, neque major, in parthenone, qui olim Dieffæ fuit, Deo dicata, mox vini, carnis, lecti, lavacrorum, pharmacorum, omniumque suaviorum victus condimentorum usu sibi interdixit. Instructa cæterarum virtutum absolutione, omnes bonæ An-
ristitæ partes Dieffæ est affecuta. Erat grandi in Deum fiducia, multæ orationis, quâ complures animi corporisque ægritudines, Deo opitulante, depulit: dæmonem è puellâ proscripsit; oculo, quem casus subulâ expunxerat, visum restituit. Quæ beneficia eâ lege conferebat, ut, quoad ipsa viveret, silentio premerentur; sin secus fieret, minabatur, mala, quæ abstulisset, in suas quæque sedes postliminio reversura, tam erat fugitans inanis gloriolæ, quâ ejusmodi Dei dona temerantur. Ferebat ægerrimè sororum contentiunculas, iras diuturniores, & si quid præterea minuebat charitatem, sine quâ, neque vigilias, neque prolixas preces, neque corporis afflictationes cæteramque disciplinæ severitatem, negabat multum adferre ad Numinis amorem emolumentum. Verbum paulò acrius, quod incogitanti exciderat, multis lacrymis & complurium dierum jejuniis diluit. Quibus ex rebus natum illi celebre nomen sanctitatis. Translatæ ad Edelstetensis Suevici Monasterij præfecturam, mota apud Cæsarem lis est de quopiam jure Cænobij.

MECHTIL-
DIS DIESEN-
SIS MORS.
VIRTUTES.

Rader. 10. r.
p. 128.

XIX.

Engelbert, in
ejus vita.
Antiq. lect.
Canis. 10, 5.

Fridericus id temporis agebat Ratisbonæ: tribunali se stitit Mechthildis, cum disceptaretur causa, & Cæsari abunde satisfecit. Invitata ad regiam mensam, sive sanctitatis opinione, sive respectu propinqui sanguinis; cum pro more à vino decrevisset abstinere, Deus aquam ter in vinum mutavit. Imminentis fati cœlitus admonita, Dießam rediit. Diengensis agri partem, quam sub vitæ exitum, à patre dono acceperat, in Deiparæ Virginis arâ sic obtulit, ut, consentientibus præsidum votis, ex ejus frugibus panes ad usum sacrificij voluerit præparari. Visa est non multò antè, quàm expiraret, ex Cœlitum Reginæ aspectabili præsentia, ingentem lætitiâ hausisse, & præter communem modum de manibus Angelicis cibum immortalitatis Eucharisticum accepisse. Aliàs sæpenumero cœlestium spirituum familiaritate recreata est. Defunctæ nomen tum maximè inclaruit, quando illi, qui ejus opem medicamque manum senserant, miranda ejus opera propalârunt, aliisque fuerunt authores, ut ab ipsius tumulto remedia peterent. Deseñi capilli, quos aluerat, arcendis fulminibus prodesse sunt crediti. Sororem habuit Euphemiam ad D. Altonem Antistitam pari sanctimonie famâ, dignamque, quæ referretur in chartas. Sed ejus gestis scriptor defuit, & proinde effugerunt posterorum memoriam.

AN. CHRIST.
M. C. LXI.
HENRICI
LEONIS CUM
EPISCOPO
RATISBO-
NENSI
CONTENTIO.

XX.
RECONCI-
LIATIO.
Vrßperg.

LAUDENSE
CONCILIA-
BULUM.

ORDINIS
CISTER-
TENSIS AFFLI-
CTIO.
ALEXANDER
PONT. NA-
VIGAT IN
GALLIAM.
AHENOBAR-
BUS AD ME-
DIOLANUM
VULNERA-
TUR.

Anno, qui supra sæculi sexagesimum primus fuit, Henricum Leonem cum Hartwico Ratisbonæ Episcopo graviter collisum referunt Annales. Causam dedit Episcopi vita solutior, & sacrarum opum profusio: quibus malis cum admonitus modum non faceret, Henricus medicinam fecit ipso ferè morbo graviorem. Assumptâ vindicis personâ, invalit Ecclesiæ possessiones: Stauffensem arcem vicumque, Episcopij patrimonium, suæ fecit ditionis, & Ratisbonâ scissâ in factiones, cum populi pars Hartwicum, pars Henricum Leonem sequeretur, ferro & igne in agrum promiscuo furore sævitum. Res spectabat finem exitiabilem, nisi Eberhardus Salisburgensis, Episcopatus vicem missus, pacis sequester intercessisset, unâ cum Friderico Wittelspachio Bojariæ Prætor, & Conrado Comite Raningio, quibus adnitentibus, Henricus assensus est, ut integratâ pace à milibus armis odiisque discederetur. Is, quem dixi, Fridericus fuit Othonis Wittelspachij germanus, qui non longè post se totum Deo in Understorfensi cœnobio devovit.

Atque istæ quidem turbæ Henricum in Boicâ detinuerunt, dum alij Germaniæ Principes, Reinaldo Coloniensi antesignano, Cæsari adversus Mediolanenses defudanti duxere suppetias. Nam is urbi de integro obsidionem admoverat, ratus, ipsâ incolumi, se Italiam pacato imperio nunquam habiturum. Ergo devastato, quàm latè ad quindecim passuum millia patebat, agro, castrisque in urbis conspectu locatis, omnem interclusit convehendæ annonæ facultatem. Id cœptum sub Majum exeuntem, cum Victor Papa spurius ad 15. Cal. Junij Laudensi conciliabulo sese rursus pro legitimo Pontifice, præsentem probantemque Friderico jactâset, & Mediolanensibus eorumque fœderatis Placentinis, Brixianisque, Sacris interdixisset. Exinde Fridericus Ludovicum Franciæ, & Henricum Angliæ Reges per litteras sollicitavit, ut se Victori addicerent: verum uterque ex Episcoporum sententiâ illum est detestatus. Ipse Cisterciensis ordo jam tum Episcopis & religiosorum florens contubernijs, coacto ad Cistercium conventu, sese Alexandro totum devinxit. Quo factò Fridericus efferatus, omnem D. Bernardi familiam è suis regnis proscripsit, ijs duntaxat exceptis, qui ad Victorem, communi domesticorum conspiratione, deficerent. Hinc ingens exulum in Franciam confluxus. Alexander ipse, relicto Romæ Guilielmi Siculi vicario, Siculis triremibus Tarracinâ vela fecit in Galliam, & passus ad Tarricinam naufragium, sub anni sequentis initium salvus portum tenuit.

Inter hæc solito acrius Mediolani obsidium urgebatur, cum, orto velitari conflictu, Fridericus ardore intempestivo in hostem, sive coactum, sive fugam simulantem, ad mœnia repressit. In quo pugne æstu incautè ad arcum Romanum progressus, effusus equo, grave vulnus accepit, certò periturus, nisi cum sui erectum, equoque redditum, præsentissimo discrimini subduxissent. Quo

ex ca-

ex casu factus incitator, juratus obstinavit, se non nisi victorem aut mortuum à Mediolano abiturum: quod si humanitus sibi quippiam contingeret, Fridericum Conradi Regis filium, & si hunc fata non probarent, Henricum Leonem, Cæsares nominavit. Hieme appetente, Laudem, indeque Cremonam cum uxore concessit, locatis utrobique præsijs, quibus Brixiani juxta ac Placentini à convehendis Mediolano cibarijs arcerentur. Tantæ severitatis adjecit edictum, ut, si qui institores secus fecisse deprehenderentur, præcis manibus, vel effossis oculis, vel truncatis naribus plecterentur. Alios imbrium frigorisque rigoribus objectos, cogebar quantumcumque poscebatur auri pro vitâ pacisci.

Istis gradibus Mediolanum rapiebatur ad ruinam. Clausâ undique urbe, augebantur rerum omnium pretia, fames evadebat indies intolerabilior, eoque tandem ventum erat inopiæ, ut canes, equi, & quæ obscœna magis, in escam, ineunte Januario, verterentur. Hinc populi quiritationes atque tumultus, accusantis rebellionis authores, & præcipuè Archiepiscopum, quasi bello materiam, pacificationi obicem attulisset. Quamobrem ille plebis Cæsarisque metu, Genuam profugit. Quia verò cives nihil amplius rationum admittebant ad aures, Legatos ad Cæsarem, Laude agentem, mitti placuit. Ivère cum liberis mandatis Consules, Ossa Osius, Albertus ejus filius, & Anselmus, admoris jugulo mucronibus, velut mortis victimæ se suaque omnia, sacra, profana, urbem, agrum, Cæsaris arbitrio dedentes, nimis utrique largâ pactione, cujus ipsos postea pœnituit: quando se cum inexorabili Principe supremam urbis perniciem pactos intellexerunt. Crediderant, se specie infimi obsequii, pompæque lamentabili, Fridericum ad aliquam partem lenitatis flexuros: sed spe decepti, jussi sunt signa omnia militaria, cum omnium portarum clavibus, & Magistratuum insignibus, tradere per trecentos equites florem Insubricæ juventutis, ac deinde nomine civitatis fidem perpetuam jurati promittere. Factum id quarto Martij. Tertio post die, adduxere velut captivum urbis vexillum prætorium, unâ cum trecentis signis minoribus in Thensa augurali urbani Carrocij. Promiscua multitudo universa flebili agmine carpentum stipabat, singulis crucem manu gestantibus. Dispositi per Thensæ tabulata tubicines, ferali cantu urbis fata deplorabant, tubasque substernebant pedibus Imperatoris. Ipsa D. Ambrosij effigies vecta in sublimi Carrocij malo habitu deprecantis, cum omnia essent dedita, se quoque ipsam dedit humi inclinata, quasi Friderici majestatem venerata, ejusdem misericordiam demissè prensaret. Fuissent ista suprâ quàm satis ad molliendum Ahenobarbi pectus, nisi fuisset aheneum: sed vide quàm aheneum! Lacrymas, præter ipsum, nemo in potestate habuit, cum miserabile vulgus cruces in ejus oculis deposuit, inclamans misericordiam: cum audita ætatis omnis, sexûs omnis, omnium Ordinum comploratio: dati obsides, quotquot ipse qualésque imperavit: civitas universa in terram provoluta, lamentabiliter jacuit velut jugulum datura ad cultum. Quid plura? Quamlibet abjecti atque supplices, jubentur suis ipsi manibus urbis portas diruere; diruunt: fossas æquare solo; æquant: mœnia dejicere, viamque complanare, quâ exercitus quadrato agmine urbem ingrederetur; complanarunt, hoc saltem sperantes, omnibus amissis, patriam sibi fore reliquam: sed & hæc fuit deferenda, solum omnibus mutandum: & ne spes ulla redeundi superesset, ædificia, præter paucas basilicas, à fundamentis everfa: & aræ, per quatuor mundi plagas, aratro sulcatæ respersæque sale, quasi Mediolano renascendi facultas omnis adimeretur: sed Deus longè meliora destinârat. Hoc si non fuit sævire, nescio quid de Barbarosâ barbarum fingi possit & sævum. Magnis quidem delictis decet adhibere severitatem, sed Principem non decet ira inexorabilis, cui nulla pœnitudo faciat satis. Ferus est, qui delectatur pœnâ: non enim justitiæ, sed sibi præstat legum vindictam, quod genus est quoddam profligatæ humanitatis.

Fridericum, Mediolani ruderibus adhuc insultantem, Eberhardus Salisburgensis & Hartmannus Brixinensis, par fortissimorum Anistitum, litteris minacibus

AN. CHRIST.
M.C.LXII.
MEDIOLANENSES PRÆ-
MUNTUR.

FACIUNT
DEDITIONEM.

XXI.

AHENOBAR-
BI DURITIES.

EBERHARDI
SALISBUR-
GENSIS ET
HARTMAN-
NI BRIXI-
NENSIS CON-
STANTIA.

XXII.

cibus evocati convenerunt, facturi constantis in Alexandrum Pontificem illustre fidei experimentum. De utroque habitæ in publico senatu, biduo ante Ramaliâ, quæstiones, dictæ graves sententiæ. Ut schismati conciliarentur, allatæ speciosæ rationes; sed quicquid artificij, quicquid assentationis, minarum, machinarumve potuit adduci, attamen ne latum quidem unguem à consentiente Orthodoxorum judicio potuere dimoveri. Peroravere, audiente Cæsare; causam disceptârunt in duodecim Episcoporum consensu, adstante frequenti Principum coronâ, tamque divinâ facundiâ Alexandri dignitatem sunt tutati, ut, nisi infana malè feriatorum præjudicia schismaticas aures occupassent, palmam certò fuissent de impietate relaturi. Id saltem tulere fructus, quod non modò impune pro veritate dixerint, sed licuerit ambobus ad suas sedes reverti: quo factum, ut Boica in officio retineretur, spreto Victore, quem illi, Cremonæ divertentes, ne salutatione quidem sunt dignati. Id ipse cum ferret gravissimè, Cæsarem rogavit, ne tantam ignominiam pateretur inultam: sed non impetravit tamen, ut durius quicquam in eos consuleretur; tanta fuit virtutum efficacia atque reverentia. Immo Gerhoho, qui Eberhardum in Italiam erat comitatus, dedit Cæsar, ut ipsius fratres Canonici Augustenses à Collegis ipsòque Episcopo, ob repudiatum Victorem sacerdotijs fortunisque spoliati, edicto restituerentur, cœnobiûmque Reicherspergensè, cui Gerhohus præerat, Cæsareâ tutelâ frueretur.

Sub autumnum Henricus Leo in comitijs Carpheimensibus loci Monasterium, Advocati titulo, in suam fidem recepit, &, agente Bertoldo Andechsio, Bertoldum Pogium ad cessionem prædij Mynsteriani, quod cœnobio debebatur, adegit. Inde profectus est in Burgundiam, adfuturus Cæsari de abdicando utroque Pontifice anxie laboranti. Verebatur enim Fridericus, ne Reges, qui in Alexandri perstabant authoritate, arma pro ejus defensione corripere, traherentque in partes Germanos, Italosque à Schismate alienos, unde evenire poterat, ut ipse de Imperio periclitaretur, nec tamen volebat videri inconsultò & sine ratione Victori adhæsisse. Quare comperto, Alexandrum à Ludovico Galliarum & Henrico Angliarum Regibus honorificentissimè fuisse exceptum, in Burgundiam cum suo Idolo contendit, ut Ludovicum à colendo Alexandro abduceret, induceretque ad probandum alium quempiam ab utroque diversum, qui Concilij, quod statuerat cogere, consensu eligeretur. Missis igitur in Galliam legatis, postulat, ut Rex ad 4. Cal. Septemb. apud Ararim fluvium colloquendi gratiâ velit occurrere, non procul à Divione; sibi enim esse certum, eo congressu ex communi consilio Ecclesiæ reddere tranquillitatem. Ludovicus doli latentis incogitans, promisit, se unâ cum Alexandro adfuturum; & si hic quidem recusaret adesse, juratus addixit, se non defugiturum, quò minùs Rex ipse Cæsari loco Alexandri dederetur. Sed & Waldemarum Canuti Martyris Daniæ Regis filius, inductus in fraudem, sibi passus est persuaderi, ut se ad extinguendi schismatis tractationem ad Fridericum conferret, tametsi Absalon Roschildensis Episcopus, insigni vir sanctimoniâ, regiique ministri sollicitè monerent, ne se daret in discrimen, non modò labem aliquam ex Schismatici consuetudine consciscendi, sed etiam officiendi Danorum libertati, quos Fridericus sub jugum mittere cogitabat. Ludovicus Rex, omnino certus stare promissis, cum jam Fridericus, comitantibus Daniæ & Boëmiae Regibus, magnâque stipatus Germaniarum Principum frequentia, cum justo exercitu ad locum colloquij properaret, ex itinere divertit ad Alexandrum Pontificem, suasitque, ne indicti colloquij refugeret eventum. Suasit quidem, sed non persuasit excusanti facti istius indignitatem: neque enim sibi per sacras leges & Patrum placita esse integrum, sedis Romanæ, cujus sit cæteris omnibus jus dicere, majestatem subdere judicio ullius humanæ potestatis, quod fieri nequeat, nisi prodendo Ecclesiarum omnium dominæ dignitatem. Illam orbi Christiano dare leges, non accipere. Id responsi Ludovicum conjecit in magnas angustias, secum animo reputantem, agi de servandâ jurisjurandi religione, deque regij nominis existimatione, non sine alijs incommodis, quæ credebat oritura, si Alexander in sententiâ perstaret.

Verum

CÆSARIS
ADVERSUS
ALEXAN-
DRUM ET
VICTOREM
MOLITIO.
*Robert. de
Aronie in
Append. Si-
gev.*

FRUSTRA-
NEA.

Verum dictum mirabile, Deus anxietatem discussit per Henricum Anglorum Regem, qui integratâ cum Francis pace, compertâque Ludovici perplexitate, cum valido exercitu trepidanti suppetias accurrit. Quocirca Fridericus impar utriusque Regum, si quæ fors esset inferenda vis, retro, unde venerat, repudiata colloquendi voluntate, regressus est. Ita Henricus Leo, sublatâ spe pacis componendæ, Constantiam ad Lacum Aetronianum sub 9. Cal. Decemb. reversus, cum uxore Clementiâ Conradi Zâringij filiâ divortium fecit, nescio quo consanguinitatis ob-

HENRICUS
LEO UXO-
REM REPU-
DIAT.

tentu, an, quod Urspergensis suspicatur, suâsu Imperatoris. Eâ repudiata, duxit Mechtildem Henrici Britannorum Regis filiam, ex qua tergeminos filios sustulit; Henricum Rheni Palatinum, Othonem, qui post Philippum imperavit, & Guilielmum.

Alexander Pontifex Ahenobarbi metu solutus, anno supra sexagesimum tertio, mense Majo, lubente Galliarum Rege, Turone in D. Martini basilicâ Concilium egit septendecim Cardinalium, Episcoporum centum viginti quatuor, Abbatum quadringentorum quatuordecim, aliorum è sanctiore ordine complurium. Interfuit S. Thomas Episcopus Cantuariensis, anno superiore ex Angliæ Cancellario creatus Antistes, missus communi Londinensis synodi consensu votisque Anglicanorum Pontificum. Venienti Alexander omnes Cardinales voluit ire obviam extra civitatem, duobus exceptis, quos de more Pontifici oportebat adesse: tanta fuit sanctimoniarum dignatio. Eodem se contulit Conradus Wittelspachius, qui, postquam fuerat cum Eberhardo Salisburgensi & Hartmanno Brixinensi, rei Catholice in Boicâ patronis, collocutus, ita cœpit adulterinum Friderici Papam detestari, ut nullo capitis periculo, nullis fortunarum dispendijs adduci potuerit, ut ab Alexandro deficeret. Quæ animi magnitudo toti Concilio cum esset in admiratione, sic affectit Alexandrum, ut eum Sabinensis Ecclesiæ infulis donatum, atque inde evectum ad Moguntinam mitram, Romanâ insuper purpurâ nobilitaret.

AN. CHRIST.
M. C. LXIII.
TURONENSE
CONCILIUM.
*Vita S. Thom.
Cantuarien.*
XXIII.
*Docdechin.
Bruschius.*
CONRADI
WITTELS-
PACHII IN
ALEXAN-
DRI FIDES.
PRÆMIA.

Inter hæc Fridericus, actis Wormatiæ Christi resurgentis feriis, iratum plenus venit Moguntiam. Cives notæ melioris, qui se Arnoldinæ cædis conscios inemerant, metu supplicij, penè omnes ex urbe profugerant. Brungerus, qui unicus domi manserat, capitali sententiâ damnatus. Godefridus D. Jacobi Abbas loco motus, cum non satis probâisset suam innocentiam: Monachi clausi domus urbanæ parietibus, alij industriâ felicior dilapsi, ne quid indignius paterentur: reliquis facta abeundi potestas: civitatis diruta mœnia, neque ante annum M. C. XC. instaurata. Quam calamitatem, excepit triste sacrorum silentium, templorum solitudo, ubique mœror, quod tota diœcesi non esset, qui sacerdotes initiaret, conficeret sacrum Chrisma, daret aures pœnitentibus, flammeo sanctimoniales velaret, dedicaret templa. Cæterum in Turonensi Concilio, summâ Patrum consensione, diræ in Octavianum iteratæ, explosæ ipsius aliorumque Schismaticorum ordinationes.

CIVITATIS
MOGUNTINÆ
CALAMITAS.

Sed neque Henrico Leoni hoc anno licuit esse quieto per Slavos, qui intempestivâ Pribislai & Werrislai (erant ambo Nicloti nuper interfecti ptoles) cupiditate, Leonis arma in suam perniciem provocârunt. Illi, extincto parente, Henrici beneficio, de ejus hæreditate modicam portionem decerpserant, in Kyrcinorum ad Gucegonium oppidum, & Circipanorum non longè à Gripswaldâ, Wolgasto, & Sondio, haud amplos fines redactam. Quâ neutiquam contenti, cum ex nuperâ clade respirâssent, adjecerunt animos Obotritis invadendis. Conspiratione per Guncelinum Suerini præfectum Henrico nuntiatâ, collecto raptim exercitu, rigente brumâ, adeos opprimendos confestim advolans, Guncelinum præmisit cum flore juventutis, qui rebelles tantisper in arcto contineret, donec cum reliquis copiis ipse adveniret. Ambo fratres in Wurlæ bene munito c Castro confederant. Ne uterque obsideretur, bellum inter se partiti sunt. Werrislao fratrum juniori relicta Wurlæ defensio, datûmque, quantum satis esset præsidij ad sustinendam obsidionem. Pribislaus cum delecto equitatu nemora insedit,

*Helmold. l. 1.
c. 93.
Crantz. lib. 6.
c. 19.
NOVUS SLAVORUM
TUMULTUS.*

XXIV. hostem ex insidijs vexaturus. Henricus sine cunctatione, Wurlam angusto cinctu complexus, vetuit suos hostem prolicere ad certamen, sed suam quemque stationem, per vices, cum curâ tueri: ita enim fore, ut sedendo, assidueque vigilando, pararent victoriam, parcerentque virorum fortium sanguini, qui modus esset gloriosè vincendi. Tum aggressus fabricari machinas eâ formâ, quam in Crementsium expugnatione expertus erat inprimis opportunam: alias adhibuit mœnibus arietandis, alias applicuit propugnaculis ad eam altitudinem, ut tela è sublimi missa, neminem propugnatorum sinerent impune caput exerere supra mœnium pinnas. Quod genus oppugnationis Slavis hactenus invisum, eò plus incussit terroris, quò, ut in re novâ, minùs erant ad vim insolentem comparati. Metum intendit casus Wertislai graviter telo sauciati, & edita muri ruina, unde demum orta desperatio defensionis longioris. Colloquio impetrato, conventum in eas leges, ut oppidum, unâ cum arce & præfidiarijs dederetur, vitâ tamen incolumi: Pribislaus verò ab armis discederet. Wertislaus cum longo nobilitatis ordine, pugione ad cervices religato egressi, se ad Leonis pedes prostravere. Prostratis injecta vincula, quibus onustus Wertislaus, ductus Brunsvicum; cæteri varijs locis custoditi. Pribislaus, ne captivis duriores sortem accerferet, positis tantisper armis, à mense Martio, usque ad anni insequentis calendas Januarias bello abstinuit.

COMPESCI-
TUR.

Ista dum ab Henrico Leone gererentur, inter Hugonem Tubinganium Brigantiæ & Curia Dynastam, & Welfonem Bojum, acre bellum levibus initijs conflatum est. Hugo tres grassatores, qui itinera habebant infesta, fecit captivos. Horum unum Welfonis clientem egit in malam crucem, & gentilitium ejusdem Moringense castrum evertit: duobus alijs proprijs clientibus noxam capitalem condonavit. Quam rem Welfo suam injuriam interpretatus, graviter cum Hugone exposulavit, petivitque sibi fieri satis. Cùm Hugo responsis acerbioribus & longiore morâ nihil pro æquitate faceret, quasi vellet omisâ conciliatione, injuriam diffiteri; Welfo evocato ex Italiâ filio, maternam omnem hæreditatem unâ cum importunâ lite commisit; ipse verò abiit in Italiam. Res inter altercationes stetit ad annum usque insequentem; cùm Welfo junior advertens, nihil profici ignobili disceptatione, jus armis putavit esse repetendum. Hugo, qui & suis & Friderici Rotenburgij Sueviæ Ducis, Comitumque Zolleranorum præfidebat viribus, certus erat bellum experiri. Igitur Welfo ad 7. Idus Septembris, quinque armatorum millia è Boijs & fœderatorum auxiliarijs eduxit haud procul à Tubinga. Suppetias miserunt Episcopi tres, Augustanus, Spirensis, & Wormatiensis, Albertus Habsburgius, Bertoldus Zâringensis, Hermannus Badensis, Rudolfus Pfullendorfius, Bertoldus Vohburgius, duo Calbenses Comites, Godefridus & Rudolfus Romerspurgij, Comites Bergenses duo. Castris in hostico locatis, sequentem diem, qui erat Dominicus, placuit dare religioni, & si quâ fieri posset, paci componendæ. Fuerunt tamen, qui neglecto ductorum imperio, egressi castris, sub horam dici nonam ad Tubingæ mœnia prodierunt, protervè hostibus insultantes. Oppidani impatientes ignominia, factâ eruptione, cum feroculis manus conferunt loco Welfianis periniquo: qui cùm fortiter premerentur, totis castris ad arma conclamatur, & vicissim à Tubinganis concurritur. Ita præter expectationem pugna committitur viribus omnibus. Welfiani, loci iniquitate superati, se dant in fugam: ex ijs nongenti capiuntur, cæteri per nemora palantes ægrè hostium manus evasere. Welfo penè incomitatus evasit in Ahalmense castrum: miles unicus è toto numero cæsus est.

Ursperg.
Ottho Blasian.
c. 18.

XXV.
BELLUM
WELFONIS
CUM HUGO-
NE TUBIN-
GANO.

AN. CHRIST.
M.C. LXIV.

WELFO TU-
GATUR.

MORS
HARTWICI
EPISC. RA-
TISBONEN-
SIS.
Ottho Frising.
de reb. Frid.
c. ult.

Hoc anno Hartwicus II. Episcopus Ratisbonensis diem clausit 12. Cal. Septembris, ijs, quas antè retulimus, rebus memorabilis, quibus addi potest, cum alijs Germaniæ Principibus, dedisse operam paci conciliandæ inter Henricos Leonem & Austrium, quando Austria, titulo Ducatus aucta, crevit accessione Provinciæ Super-Anassianæ, quæ alias fuerat Bojaræ clientela. Idem S. Magni Monasterium Ordinis Canonorum Regularium D. Augustini, quod à Gebhardo

hardo Comite Raningio ædificatum, ac locupletatum olim, stetit ad pontem Ratibonensem, dedicavit, donavitque privilegijs, anno M. C. LV. In ejus locum successit Eberhardus, cognomento Suevus, Canonicus Augustanus. Hic item annus propugnatorem religionis egregium cœlo submisit Eberhardum Salisburgensem Archiepiscopum. Erat illi familiare studium, miseros ope, consilio rebus, quibus poterat, adjuvandi. Adibat per se elephantiacorum tuguria, catas ulcerolorum, quibus benignè liberalitèrque præstabat vitæ subsidia. Non horrebat contrectare manibus eorum vomicas, saniem, tabo fluentes artus. Cujus facti exemplum insigne memorat Cæsarius, quando Christo, sub leprosi formâ Eucharistiam poscenti, ministravit. Tam effusâ in hospites erat liberalitate, omnes ut tecto reciperet, nullum dimitteret indonatum. Cætera, quæ gessit, ipsius discipulus fusè explicavit, quæ proinde non recensco. Ipsi susceptus est Conradus II. 3. Cal. Julij, Cæsaris patruus è nobilissimo sanguine S. Leopoldi Marchionis Austriæ, frater uterinus Conradi Regis Romanorum. Auctus hoc anno Bojariz Ducatus accessione Burghusianæ Dynastiz, Gebhardo ejusce ditionis domino rebus humanis exempto. Habuit Burghusium olim suos regulos, qui genus traxerunt ab Aribone nobilissimo Bojorum Dynastâ, qui in venatione à bisonate peremptus, antiquis carminibus celebratur. Quidam ejus stirpem referunt ad Babonem patrem quadraginta liberorum, quos omnes moriens in vivis reliquit. Aribonis progeniem Aventinus ex Bataviæ, Varnpachij, Ranshoviæ, Rotenhaslachij membranis collectam, operosè contexuit velut monumentum vetustæ nobilitatis.

Tot virorum illustrium obitus secuta est gravis orbis Christiani perturbatio. Victore III. Schismatico Lucæ in Tusciâ 10. Cal. Maij phrenesi extincto, spes erat Ecclesiæ ad concordiam revocandâ, cum repentè Guido Cremensis ex Diacono S. Eustachij Presbyter Cardinalis tit. S. Mariæ trans Tiberim olim ab Adriano IV. creatus, fasces noménque Paschalis III. Cal. Maij invasit. Fridericus Cæsar, posteriore imperij quinquennio, quod sub Victore aliquoties victus egerat, edoctus, haud difficilè ad Alexandri auctoritatem accessisset, nisi male suadæ pravorum hominum molitiones eum ad Paschalis tutelam impulissent. Certè iurare visus est, cum à Conrado Wittelspachio candidâ orationis libertate motus, palàm ostendit, se omnino ejus consilio usurum, scriptisque raptim ad Reinaldum Coloniensem Archiepiscopum literis, eum vetuit de subrogando in Victoris locum Pontifice cogitare. Cum verò Reinaldus seriùs litteras Cæsaris accepisset, & ipso inconsulto monstrum aliud obtrussisset orbi, in comitijs Herbipolensibus, Cæsar eum hæc de re graviter increpitum, *suum proditorem appellavit*. Quam in sententiam Joannes Saresberienensis, qui postea factus est Carnutum in Franciâ Episcopus, epistolâ memorabili ad Girardum Magistrum Agrippinensis scholæ scripsit, toti ferè mundo innotuisse, *quantus contemptor Ecclesiæ semper, quantus inceptor & author schismatis extiterit ille Coloniensis presumptor Ecclesiæ*. Præsumptorem vocat, quia se pro Archiepiscopo gessit, tametsi Adrianus Pont. ejus electionem damnâisset. Defecerat (inquit Saresberienensis) *illud schisma, pacem fuerat Tyrannus vestra Ecclesiæ redditurus, nisi illum Colonia adhuc adversus Ecclesiæ incitaret, ut pari voto, non tam summi Pontificis vitam, quàm Petri dignitatem conentur extinguere, dicentes: Alligemus justum, quoniam inutilis est nobis, scientiam viarum Dei nolumus, Regem nescientes, nisi Cæsarem: eo enim (ut ajunt) proposito, in Italiam profecti sunt, ut Cremensem Hæsiarcham intrudant in sedem Petri, & Vicarium Christi aut comprehendant, aut ejciant, aut occidant. Veruntamen oratio sine intermissione fit ab Ecclesiâ ad Deum pro eo, ut supra modum timere non debeat à duabus caudis fumigantium titiõnum, Friderico & Reginaldo, qui ponentes carnem brachium suum, sanctum Israël blasphemare non cessant. Idem alibi: Quis similis erat Friderico in filijs hominum, atæquam in Tyrannum verteretur ex Principe, & ex Catholico Imperatore schismaticus fieret? Ille sacerdotium scidis adversus Dominum, & à Domino scissuram sensit Imperij.* Sed de his postea.

EBERHARDUS
SALISBUR-
GENSIS PR-
CESSES ET
VIRTUTES.
Append. ad
Rad. v. v. c.
S. Eberhardi
discipulus
tom. 2. An-
tig. Lect. Ca-
nisp. pa. 264.
S. tom. 6 pa.
1194. Hund.
Rader.
Casar. li. 8.
c. 33 pa. 147.

XXVI.

DYNASTIÆ
BURGHUSI-
NÆ ACCES-
SIO AD BOI-
CÆ PRINCI-
PATUM.

Avent. lib. 5.
pa. 642.

Alia Alex-
andri. Codex
Vatican. Ep.
S. Tho. Can-
tuar.

PASCHALIS
SPURIUS
PONTIFEX.

REINALDUS
ARCHIEPISC.
COLONIEN-
SIS SCHIS-
MATICUS.
Saresb.
ep. 185.

Ep. 152. &
178.

Nunc

XXVII.

BOICA EX-
PERS SCHIS-
MATIS.

CONRADUS
WITTEL-
SPACHIUS
PASCHALEM
RESPUIT.
HARTMAN-
NUS BRI-
NENSIS
EPISC. MO-
RITUR.
RES AB EO
GESTÆ.

Nunc quod hujus est loci, cùm animus Friderico ad respuendum Paschalem defuisset, schisma longè, quàm antè, tetrus invecum est. Sed Boica rursus eadem, quàm Victorem, detestatione erat execrata, ad funestum Paschalis nomen cohorrui, exemplo & hortatu Conradi Salisburgensis Archiepiscopi, qui edicto cavuit, ne quis totâ suâ provinciâ alium, quàm Alexandrum, Pontificem agnosceret. Ne verò minus faceret, quàm imperaverat, cùm Septembri mense à Friderico juberetur vel se Paschali subijcere, vel juribus regalibus, quorum indipiscendorum gratiâ Papiæ Cæsarem convenerat, carere; posterius antehabuit, Paschalē constanter aversatus, & satis habens, ab Alexandro pallium sacræ potestatis insigne, accipere. Idem cùm faceret Conradus Wittelspachius, Moguntinus ne Legatum quidem Paschalis in conspectum admisit, sed jussit propere provinciæ finibus excedere, vetuitque severè, quemquam spurij Pontificis mandata ad se deferre, nisi audaciam luere vellet effossione oculorum. Suam etiam constantiam retinuit Hartmannus Brixinensis Episcopus, quem decimus Calendas Januarias cælo transmissit. Natus erat in agro Pollingensi, haud procul à Passavio, honestis parentibus. Litteris ac pietati puer dedit operam in D. Nicolai asceterio prope Passavium: unde evocatus, præfuit collegio sacerdotum Salisburgensium cum dignitate Decani, Conrado Pontifice. Non multò post adiit Chymensis Ecclesiæ præfecturam, unde à D. Leopoldo petitus, Claustrî Neoburgensis fecit fundamenta. Isthic multa sapienter docuit, & fuit divinitus edoctus. Cùm inter domesticos sacræ lectioni incumberet, subito exiliens è cœnobio properavit ad vicinas ædes, ubi quidam è religiosis negotij causâ colloquebantur. Ad fores ubi constitit, eos magno clamore jussit se ex eâ domo proripere. Vix pedem extulerant, cùm illa procubuit, haud dubiè omnes oppressura, nisi Hartmanni beneficio evasissent. Ejusdem ope, exitio erepti nautæ cum vectorebus, qui haud procul à cœnobio, navi ad scopulum undarum vi impactâ, hæserant, nihil propius, quàm naufragium expectantes.

Mira præter hæc opera Deus in ejus gratiam patravit. Purum aquæ putealis laticem, quem ille delibaverat, in generosum vinum mutavit. Faciens ad aram pro puero, cui ossiculum præcludebat fauces, cum magnâ puris copiâ periculum depulit. Aqua, quæ ejus manus abluerat, tumentem oris livorem sceminæ absterxit. Homicida, quem occisi frater ad necem jamjam destinabat, ad Hartmanni pedes asylum nactus est, hoste eum ne auso quidem attingere. Si quis cogitationum obscœnis imaginibus agitato ipsi adstaret, id illico castissimus Præsul sentiebat, & vultus severitate sic delusi castigabat animum, ut vel mox resipisceret, vel ab intuitus conspectu se è vestigio proripere cogeretur. Ista in aliorum salutem; quod subijcio, in ipsius Hartmanni gratiam Deus fecit: ex quo colligere est, quanti sint Numinis favores in eos, quos elegit in sortem Sanctorum. Unus quispiam ex Hartmanni clientibus claræ nobilitaris & multarum opum, è vivis abiverat alligatus dirâ anathematis religione. Execrati cadaver jacebat insepultum, quod nemo auderet terræ, sacris expiatæ ritibus, illud mandare. Defuncti germanus omni satagebat ope, ut in Novæ Cellæ templo tumularetur. Hoc ut per Hartmannum liceret, ei calicem argenteum obtulit, impetravitque corpori impiato sacram stationem. Nocte proximâ, cùm se Hartmannus ad quietem composuisset, adfuere umbræ vindices, specie famulantium, ignem pone ipsius lectum excitantes, ex cujus æstu bonus vir cœpit immensum quantum fervere, & resolvi in sudorem. Tum ipso audiente genij; *Quid obstat (inquiunt) quin hominem istum in has flammæ precipitemus?* Cùmque id pararent, unus formâ, quàm cæteri imperiosiore, Hartmannum his vocibus compellat: *Quid, infelix, tibi fuit animi, ut suadente avaritiâ, cratere argenteo te sineres corrumpi; ut jus divinum humanumque venderes, locum sacrum execrando cadavere velles temerare? Id tu scelus in hoc, quem cernis, rogo, jam mox lues, nisi te seriò facti pœniteat, revocæque quod concessisti.* Ille horrendum pavere, detestari crimen, meliora omnia prolixè polliceri: apparitores proinde extincto igne evanescere, relicto tamen ingenti ardore in corpore pœni-

pœnitentis. Hunc ut temperaret, è strato surgens, apertâ fenestrâ, captat auram mitiorem, neque tamen lenit flammam viscera depascentem. Obambulantis per conclave strepitu excitatus Conradus, qui Hartmanno erat à sacris sacellis, miratur primùm, quid rei sit, cur ille, præter morem, noctu esset inquietus: deinde admissus in conclave, edoctusque causam, cum Præsule secedit in domesticum S. Nicolai sacrarium, ubi quidem quindecim regij Vatis psalmos unâ recitant: sed cum ardor sævire non desineret, Hartmannus non nescius, quid Numen exigeret; *Vade, inquit, & cyathum, causam mei cruciatus, quem à demortui fratre heri malè accepi, sine morâ restitue.* Die postera Cœnobij prælidi, ejusque domesticis sanctè præcepit, ne suæ basilicæ execratum cadaver paterentur inferri: ita demum immissum ab infelici dono incendium remisit. Pauca hæc de multis, quæ visum est interserere profanioribus, ne lectori mera bella tristesque rerum eventus referremus.

Urebat inter hæc Welfonem nostrum dolor, ob acceptam anno superiore ignominiam. Welfo parens pacis studiosior, accepto casus infelicitis nuntio, confestim se in Boariam retulit, egitque cum Cæsare, ut concordia arbiter, æquis legibus otium ab armis imperaret. Factæ quidem induciæ, & restitutio captivorum; sed quies ultra annum non tenuit, quod Welfoni parùm honesta videretur.

AN. CHRIST.
M. C. LXV.
XXIX.
INDUCIÆ IN-
TER WEL-
FONEM ET
HUGONEM.

Cæterùm Fridericus, obfirmato adversus Alexandrum Pontificem odio, ferijs Pentecostes Wirceburgi conventum egit quadraginta Germaniæ Episcoporum, & nonnullorum præterea Principum. Isthic Reinaldi Agrippinensis furij incitatus, exegit ab omnibus, ut jurati profiterentur, se, rejecto Alexandro, Paschali morem gesturos, neque lecturos Cæsarem, nisi suam illi fidem addixisset: quo se quoque juramento ipse obstrinxit. Jussit præterea Episcopos, ad eandem impietatem adigere sacerdotes subjectos & religiosa collegia; arcere verò ab aris & patriâ, quicumque id imperij detrectarent. Albertus Frisingensis negavit, se à Conradi Salisburgensis Metropolitæ sui judicio discessurum. Quamquam (si Sigonio & Aventino credimus) postea per vim adactus, ne regijs clientelis exueretur, pollicitus est, se Paschali obtemperaturum, *quandiu Imperator ejus partes sequeretur.* Rupertus Passaviensis, senex capularis, nihil cunctatus, concessit in Paschalis factionem. Scelus quoque exaggeravit graviori improbitate, quando omnes Episcopatus sui Præsules impio juramento in Paschalis verba adegit: sed hoc ipso anno extinctus Nonis Decembris, ad justas Ecclesiæ proditæ pœnas est postulatus. Conradus Salisburgensis datâ operâ Comitio noluit interesse. Cæsar secundo Danubio Viennam navigans, Eberhardum Ratisbonensem, quem Brunnerus Fridericum malè nominat, in suas quoque partes traxit. Simili ruinâ permulti Proceres everfi, in quibus etiam Henricus Dux Austriæ. Ut tamen Ahenobarbus religionis speciem aliquam præferret, feriâ quintâ, quæ Christi natalem secuta est, Caroli Magni reliquias, quæ trecentos annos unum & quinquaginta, Aquisgrani latuerant, argenteo feretro illatas, in mediam basilicam eduxit. Cæremoniæ dederunt operam Reinaldus Colonienfis, & Alexander, nuper ex Præposito factus Leodiensis Episcopus.

Chron. Rel-
chertsp.

Brun part. 3.
pa. 463.
CAROLI M.
RELIQUIÆ
TRANSLA-
TÆ.

Chron. Aug-
gusten.
Serræ. in
Christiano
pa. 823.

CONRADUS
WITTELS-
PACHIUS E-
JECTUS IN
EXILIUM.

Verùm ne diu sub eâ pietatis larvâ abderentur Friderici in viros integerrimos profunda odia, duos Conrados, Wittelspachium Moguntinum & Salisburgensem Antistites nisus est publico subducere. Moguntinensi in exilium ejecto, Christianum Imperij Cancellarium suffecit: ut Salisburgensem opprimeret, 15. Cal. Martij Norinbergæ comitia indixit, jussitque Archiepiscopum ad causam dicendam adesse. Conradus, quâ erat animi magnitudine, non dubitavit, innocentia suæ patronus obire vadimonium, & Henrico Leone adjutore, causam tueri tam validis argumentis, ut nihil faceret reliquum, quod refelleretur. Accusatus Episcopatum occupâsse per ambitum, omisso regalium jure, spretâque Paschalis auctoritate, gessisse; respondit, se ne nunc quidem in Paschale quicquam, præter in-

AN. CHRIST.
M. C. LXVI.

CONRADUS
SALISBUR-
GENSIS SUAM
CAUSAM
PERORAT.

CÆSARIS IN
EUM IRÆ.

*Chron. Rei.
cherff.*

ALEXAN-
DER PONT.
ROMAM RE-
VERTITUR.
*Codex. Vati-
can. New-
brigen. l. 2.
c. 17.*

XXIX.

WELFO HU-
GONEM AF-
FLIGIT.

BOEMI IN
BOIARIAM
IRRUMPUNT.

terrepulsam tulisse. De ambitu, audiendum Clerum populūque Salisburgen-
sem, quibus testibus luce clarius sit futurum, se ad eam Cathedram ex sanctorum
legum normā rite atque ordine esse electum. Suffecit viri autoritas & pon-
dus rationum, ut secundum innocentem pronunciaretur; sed Ahenobarbo res
erat potissimum de augendā Paschalis factione, cui immensum quantum incre-
menti ex Conradi ab Alexandro defectione credebatur accessurum. Ergo nihil
eo senatu decretum: ampliata lite visum est sine arbitris ejus tentare constantiam.
Id factum, quando Fridericus ad 4. Cal. April. Laufæ jus dixit. Missi internuntij,
quorum princeps Henricus Austrius Conradi frater, qui Cæsaris voluntatem ex-
plicarent: sed impēgere in caute Marpesiam: negavit Conradus, se in ullius mor-
taliū gratiam per turpem adeo transitionem, cum certā Numinis indignatione,
æternam animo suo maculam perniciemque unquam accersiturum. Quo re-
sponso Fridericus velut actus in rabiem, subito omnes Salisburgensis Ecclesiæ pos-
sessiones occupat, partiturque inter suos gnathones: simul non secus atque hostes
Imperij, omnes cœnabitas direptioni devover, quotquot Conradi sententiæ vel
authoritati quicquam essent delaturi. Hinc secuta passim tristitia rapinarum alio-
rumque malorum exempla, quæ edebantur impune in apertā libertate peccandi,
quæ Cæsaris non modò voluntate, sed etiam imperio grassabatur. Fuit Henri-
cus quidam, Ercheberti à Lapide filius, homo gnaviter scelestus, & audax ad insa-
niam, qui prædium Munsterianum, colonis ejectis, Reichenpergensis Monasterio
deripiens, se id Cæsaris jussu facere non est veritus profiteri: quam rem Henricus
Leo tam indignè tulit, ut, quas vindicias loci patronus Saxonis detentus turbis
per se præstare non potuit, Othoni Wittelspachio per litteras impensè commen-
davit, & bono animo jussit esse suos clientes.

Inter hæc Alexander Pontifex, sublato Victore, vocatus in urbem frequen-
tibus populi Romani litteris, quibus lamentabantur, se ab Imperatore per vim
adactos polliceri, se, nisi Alexander ante 3. Cal. Octob. Romam reverteretur, in
Paschalis partes transuros: Senonibus, ubi adhuc substiterat, valefaciens, venit
in montem Pellulanum, indeque solvit Augusto jam adulto; perque varias tempe-
states & Friderici insidias, Messanam appulsus, à Guiljelmo Siciliæ Rege Romanæ
Ecclesiæ beneficiario maximis cultus honoribus, contrā ac Fridericus per litteras
expetierat, regiā classe vehi jussus est ad ostia Tiberina, ubi magnā Cleri populique
Romani frequentiam obsequentissimè exceptus, Romam inde veniens, incredibili
urbis lætitiā & plausu 11. Cal. Decemb. recreatus est. Non defuere tamen è Ro-
manis, qui Friderici largitionibus corrupti, Guidoni sua studia venditaverant, per-
inde atque nonnulli Tusciæ Magnates, quorum ille auxilio plerasque id locorum
civitates ab Alexandri fide avulserat, ad quem è Petri sede ejiciendum, intruden-
dumque Paschalem, magnos in Germaniā faciebat apparatus, de quorum infaus-
tis eventibus dicemus anno sequenti, dum in ijs, quæ Boiciæ propiora sunt, tantisper
versabimur.

Welfo Junior, licet imperatis à Cæsare inducijs, visus erat iras posuisse, recur-
rente tamen identidem dedecoris accepti memoriā (ut sunt famæ vindicandæ mo-
tus inquieti) ab animo suo impetrare non potuit, quin Hugoni de nuperā victoriā
gloriant reponere vices moliretur. Quod igitur fuit intermediij temporis, in
reparando bello consumpsit, & evocato rursus in auxilium Bertholdo Zāringio,
Hugonis agrum ferro flammæque populatus, Chelmunzianum castrum, pauco-
rum dierum oppugnatione, & paulo post Hildratshusum suæ ditionis fecit, diruit-
que. Dehinc arcis Gilstainianæ turres egregiè munitas dejecit: demum Villariam
omnibus copijs cinxit. Hæc, tamen ad vim defendendam egregiè esset compa-
rata, oppugnantorum tamen alacritate brevi capta est & redacta in parietinas. Hu-
go tot mœstus cladibus, dissisusque proprijs viribus, Friderici Suevorum Ducis
suasum, externa auxilia circumspexit, conduxitque Boëmos, qui nihil cunctati, Bo-
jariam incursarunt, obvia quæque, turbinis instar, cædibus rapinisque involventes.
Primā impressione Henricus Comes Landspergius, Boëmorum nobilissimus,
à Boijs

à Boijs cæsus, sociorum furorem exacuit: quamobrem in Sueviam effusi, pari immanitate sævierunt ad lacum usque Lemanium. Welfo ab ijs penè oppressus, Ravenspurgum continenti se fugâ recepit. Gliscebat in majus belli incendium, cum Ahenobarbus Hugonem ad causam dicendam citavit Ullmam: cumque hic evocata peregrinæ nationis ad Germaniæ perniciem, crimen haud satis dilueret Proceribus, quos urebant accepta damna, in ejus damnationem incumben-
VASTANT SUEVIAM.

tibus, jussus est à Cæsare, vel solum vertere, vel, si mallet, se Welfonis arbitrio dedere. Eum supplicem & abjectum ad vestigia, Welfo ter repulit, nec admisit aliter, quàm ut, velut belli jure captus vinc-tusque, Nuinburgi in Ratiâ Curiensi attineretur. Isthic per annum & quod superat, arctè est habitus, neque prius redditus libertati, quàm Welfo vitâ excessisset.
HUGO AB AHENOBARBO DAMNATUS.

Hunc præcessit Arnoldi Reicherspergensis Canonici beata mors Cal. Fe-
ARNOLDI REICHERSPERGENSIS BEATA MORS.

bruarij, eò dignior memoratu, quòd ostendit modum bene feliciterque moriendi. Fuit Arnoldus Gerhoho loci Præfuli non sanguine magis, quàm virtutum æmulatione conjunctus, & quoad in vivis fuit, sodalibus ob religiosam morum honestatem charus, duxque ad veræ pietatis absolutionem. Illi mors vitæ consentanea cœlitus obrigit. Ad eam cum se, longo sanctitatis usu & occultis de hoste Stygio triumphis, comparasset, tam non est veritus supremam cum eo luctam subire, ut ultro integras nefariorum spirituum cohortes, quæ se illi dabant in conspectum, laceggeret, objecto crucis signo, cujus eos terrore dabat in fugam. Atrociaminantes, refutabat convitijs, provocabatque, ut, si quid superesset navi, quod nondum expiasset, edicerent, reumque apud æquissimum DEI tribunal agerent. Obijcientibus quædam levis momenti: *Frustra hæc*, respondebat, *istas minutias virgo sanctissima* (Deiparam intelligebat) *verbo refusaverit*. Hujus nomen, velut agonis ultimi tesseram, repetebat identidem, & socios ad illam invocandam cæterosque cœlites, ex litaniarum formulâ, incitabat: utque ostenderet, in quo posita sit summa spes morientium, Christi de cruce pendentis signum manu gerebat, figebat osculis, & manifestè victor, explicatâ ad hilaritatem fronte, velut trophæum erigebat. Tandem ut monstraret sodalibus, quàm verum sit DEI verbum addicentis obedienti victorias, paulò antè, quàm efflaret animam, lætus exclamavit: *Io obedientia, Io obedientia!* Ita valedicens ultimùm rebus mortalium, multis, quæ sub ejus obitum subortæ sunt, ærumnis subductus est, ne vivus aspiceret non modò tertio repetitum hoc anno Cœnobij incendium, sed ut è longinquo & citra mœrorem spectaret ingentes turbas, quæ Christianum orbem miscuerunt.

Minores hæc, quia & breviores & minùs fuere communes. Henricus Leo, fractis per Guncelinum & Bernardum, ad Raceburgum, Pribislai denuo rebellantis reliquijs, evasit multò quàm antè Slavis formidabilior. Nam & Waldemari Daniæ Regi Lubecæ collocutus, eum sibi fœdere junxerat, auròque accepto, quòd Slavos à Danorum vexatione, piratas ab infestandis commercijs arceret, insuper id pactum iniverat, ut, quas gentes terrâ marique sub jugum uterque mitterent, earum tributa inter se ex æquo partirentur. Gemino Ducatui accessere per amplæ Principum possessiones, Hermannii Winceburgici, Sigefridi Hammenburgensis, Othonis Aslensis, & aliorum. Erat in ejus manu nobilissima Stadæ munitio, totusque, quàm latè patebat, Comitatus. Ei parebat Ditmarsia. Nuper à Frisonibus, quorum fines incurrerat, reportarat ingentes manubias & lytri præsentariam pecuniam. Sed ejus fastum, qui cum opibus atque potentiâ creverat, natamque exinde imperandi immoderationem, nonnihil repressit Slavorum subita incursio, quâ Megalopolim ex improvise occupatam, ferro flammæque vastarunt civibus internecione deletis. Ægrè videlicet ferebant, Wercislaum Pribislai fratrem, pacis obsidem justo diutius in vinculis ab Henrico teneri. Accessit valida Saxonum conspiratio, credentium, insidias strui suæ libertati tot opum
HENRICI LEONIS POTENTIA. Helmolt. Chron. l. 2. c. 6. & 7.

accessione, & arrogantia dominandi. Et verò ille, conspirante fortunâ, subactâ jam Wandaliâ, magnisque rebus continenter in Italiâ pro Cæsare gestis (ut difficile est modum statuere rebus secundis) paulatim evaserat insolentior, unde orta, quæ
SLAVI MEGALOPOLIM VASTANT.

Crantz, in Sa-
xon. l. 6. c. 20.
BELLUM SA-
XONICUM.

XXXI.

gloriz comes est, multorum invidia. Saxonice conjurationi nomina dedere, Wichmannus Magdeburgensis, Hermannus Hildesemensis, Antistites; Ludovicus Comes Turingie, Albertus Brandenburgicus, Orho Camburgius, Marchiones; Albertus Comes Palatinus Sumneresbergius, illustres earum gentium Principes, una cum ingente numero precipue nobilitatis. Quod erat omnium teterrimum, Reinaldus Colonienfis, qui unus apud Cæsarem omnia poterat, clam miscebat consilia cum fœderatis, metuens (meticulosa enim semper est ambitio) ne Leo suis aliquando luminibus, meritorum in Cæsarem magnitudine, obstrueret. Et verò formidata Cæsaris autoritas, conjuratos in officio continuit, donec illo Italicam expeditionem parante, larvâ positâ erupit in apertum. Saxones Orientales Ludovico Turingo juncti, obsederunt Aldeslebium: Christianus Oldenburgius, collectâ Frisonum manu Bremam invasit. Henricus tantâ rerum turbarumque mole pressus, arma, quantâ licuit celeritate, comparat: Pribislaum Slavorum Principem, ne populares armet, novâ sibi juramenti religione adjungit: Holfatiz, Stormariæ & Wagriæ, ne hostibus accedant, imponit Orlemundum, virum bello bonum, qui pupilli (erat is Adolphi II. Comitis, nuper bello Wandalico cæsi, filius) pueritiam universamque ditionem, viduâ in ordinem redactâ, regeret. Tum apparatu formidando Turingum aggressus, nullo loco passus est subsistere, sed Magdeburgum usque populatione, ferro igneque omnia fœdavit. Nihil propè fuit negotij in retundendo intra Frisiz paludes Oldenburgio. Brema momento recepta, permissaque direptioni. Ex urbe plerique profugere metu supplicij. Ex ijs multi proscripti, neque prius patriæ redditi, quàm immanem pecuniæ vim ad eam redimendam contulissent. Belli reliquum, cum nemo pugne copiam faceret, solo terrore & Henrici famâ confectum, frendente Colonienfi, & alios super alios æmulos Leoni fuscitante, ut, si quâ posset, perpetuum illi victoriarum cursum abrumperet. Sed hic conatus in irritum abiit. Cæsar enim, ne bellum incrudesceret, jussit Saxones armis absistere, & Reinaldus non multò post, ambitionis & excitati in Ecclesiâ dissidij divinæ justitiæ pœnas dedit meritißimas.

FRIDERICUS
CÆSAR RE-
DIT IN LON-
GOBARDIAM.
Alt. Ale-
xand. apud
Baron.
AN. CHRIST.
M. CLXVII.
XXXII.
ROMANO-
RUM INGENS
GLADES.

Fridericus Novembri mense florentissimum exercitum in Longobardiam transportavit, rectâ moturus in urbem ad opprimendum Alexandrum, quod maximè habebat in votis: sed festinanti moras injecit Anconæ obsidio, defectio quarundam Italicarum urbium, diligentiam Mediolanensium, magno molimine civitatis suæ ruinas reparantium. Inter hæc bellum populi Romani adversus Raimonem Tusculanum Paschalis partiarium exarsit. Romani Alexandro addicti, mense Majo, cum ingenti armatorum multitudine (quadraginta duo millia recensent aliqui) irruerunt in agrum Tusculanum. Raimo tantis impar viribus, à Cæsare primùm exiguas suppetias impetravit ductore Reinaldo: post validiores adduxit Christianus Moguntinus Archiepiscopus, quem Conrado Wittelspachio in exilium abeunti Fridericus succceerat. Mille trecenti plus minus fuere. Ut venerunt in Tusculi conspectum, Romani, omisâ statim obsidione, instruxere aciem velut certi de victoriâ. Germanis unius diei inducias poscentibus, insolenter responderunt, venisse eos ad lanienam, ut corvis cenam præberent. Quæ dicti acerbitas effecit Germanorum animos, ut súsque deque habitâ suorum paucitate, signa explicarent, tantâque ferociâ irruerent in hostem, ut ingenti Romanorum strage Cannensis pugne funera si non superarent, æquarent tamen. Certè, devictorum confessione, major nulla clades post Annibalis ad Cannas victoriam, urbi Romanæ illata est. Reinaldus nondum suo fato maturus, factâ è Tusculo cum trecentis eruptione, jam turbatam Romanorum aciem plurimorum cæde cruentavit. Ex ingenti numero, bis mille, non plures redierunt in urbem. Capti quinque millia: in vestigio occubuerunt novem millia, cæteri, quâ fors tulit, fugâ sparsi dispersatique. Pugnatum postridie Pentecostes in monte Portio, unde Germani acceperunt ansam regerendi convivium in Romanos, egregiam illos cenam corvis in Porco præbuisse.

Erat

Erat in urbe Alexander suorum casu tristis atque perplexus. Ne elabere-
tur, Reinaldus, accitis vicinarum civitatum auxilijs, Romam circumfedit, donec
Fridericus, Anconâ deditione acceptâ, cum exercitu universo ad urbis expugna-
tionem advolavit. Erant in urbe non pauci, quos schisma & spes præmiorum ab
Alexandro alienaverat. Primus Friderici impetus in S. Angeli munitionem fuit,
sed irritus. Cum neque illi propugnaculorum D. Petri oppugnatio ex animi sen-
tentiâ succederet, per Fridericum Sueviæ Ducem Rotenburgium, ignem sacri-
legum templo omnium sanctissimo iniecit, D. Petri aras humano sanguine teme-
ravit, multa cremavit monumenta vetustæ sanctitatis. Ne basilica omnino tota
abiret in favillas, præsidarij, deditione factâ, prohibuerunt. Arsit nihilominus
tota Dei Matris ædes à Turri nuncupata. Sed quod omni scelere fuit funestius,
Paschalis, propudiosum impietatis Idolum 3. Cal. Augusti, in Apostolorum Prin-
cipis sede prostituit adorandum, & mitras veris Episcopis detractas suis adorato-
ribus partitus, Cal. Augusti Beatricem Augustam diademate insignivit. Welfo
senior redux ab Hierosolymitanâ peregrinatione, in istas scelerum atrocitates
spectator incurrit unâ cum Henrico Burggravio & Friderico Wittelspachio, quos
religio traxerat in Palæstinam. Ille agri Romani & sacrorum vastitatem unâ cum
Friderici barbarie detestatus, se proripuit in Germaniam, hoc infelix, quod Welfo-
nem filium in istâ consccleratorum colluvie reliquit, eum brevi in urnâ recepturus.
Inter hæc Alexander Pontifex, diffidens Laterani munimentis, confugiens in ami-
cam Frangipanorum tutrim, intra Romæ mœnia Legatos Wilhelmi Junioris Si-
ciliæ Regis audiit offerentes aurum & triremes, quibus ad vitandum captivitatis
discrimen uteretur: verum ille remisissis triremibus, pecuniam in Romanos sibi fidos
distribuit, & clam, habitu peregrini ignorabilis, paucis comitantibus, se recepit Be-
neventum. Sic implebatur mensura criminum, quam denique Numen iratum in
Friderici ignominiam, & facinorosi exercitus pœnas effudit. Immisit luem im-
medicabilem, quæ non modò innumeram manipularium multitudinem, sed uni-
versos etiam propè Principes sacri juxta ac profani ordinis, ignobili morte, sævum
in modum, consumpsit. In his Reinaldus, fax Schismatis & nefandi belli conci-
tator, Godefridus Spirensis, Eberhardus Ratisbonensis, Daniel Pragensis, Her-
mannus Verdensis, Alexander Leodiensis. Enobilissimis sublatis, Welfo junior,
Fridericus Rotenburgius, Berengarius Sulzbachius, Henricus Tubingensis venê-
re in censum Libitinæ. Cæteri derasâ cæsarie nonnihil levabantur, mortuis,
quàm viventibus similiore, tantâ macie & pallore, ut vivam mortis imaginem re-
ferrent. Orho Wittelspachius felici sorte in legatione Bizantinâ cum Friderico
Austrio occupatus, ut à nefariâ expeditione, ita à supplicij consortione exemptus,
ad meliora est reservatus. Tandem & Fridericus ipse immanitate cladis exter-
ritus, rebus tumultuariè in urbe compositis, hominibus invisus, & Superis execrabi-
lis, 8. Id. Augusti iter ingressus, comitante ubique mortalitate, Lucæ nuntium acce-
pit, Longobardos sociatis armis eum transitu prohibituos. Per montium aspera
cum paucis Papiam delatus, ut legum violator & diris devotus ex universâ Lom-
bardiâ pulsus est. Prælio cum Mediolanensibus urbem de integro molientibus,
fusus fugatusque, viginti armatorum millia amisit. Emit magnis precibus à Co-
mite Mauriensi licentiam, per ejus ditiones Italiæ periculis emigrandi. Tendenti
in Burgundiam, occurrere passim mera civitatum & colonorum odia, eum non se-
cus atque pestiferum sidus averfantium. Quos antè sibi beneficijs conciliaverat,
fidei cum ejus fortunâ mutârunt: omnes, quos metus, perpetuus odij comes, ut-
cunque continuerat, se hostes palàm sunt professi. Demum eò necessitatis est
adactus, ut, cum se nusquam tutum animadverteret, velut in umbrâ mortis, sibi la-
ribula per castella quæreretur, quibus ne biduum quidem securè licebat uri. Susæ,
subalpino oppido diverstanti, hospes dispositas in ejus caput insidias detexit. Su-
spendio necaverat nobilem obsidem Brixiensem: quamobrem amici ad vindictam
conjurati, locârunt insidias ad omnes fores diversorij, quæ egredientem intercipe-
rent. Quid ageret, velut plagis inclusa fera? Velle vi perrumpere, temerarium,
infre-

FRIDERICUS
CÆSAR D.
PETRI SA-
CENDIT.
SILICAM IN-

PASCHALIS
INSOLENTIA.
BEATRICE
AUGUSTÆ
CORONATIO.

ALEXAN-
DER ROMA
EXCEDIT.

XXX
III.

LUES IN CÆ-
SARIS EXER-
CITU.
Saresber. Ep.
211.
Tom. 2. Leo-
dien. Episc.

CÆSARIS
INFELICI-
TAS.

Saresber. Ep.
235.
Otto Morena
apud Baron.
AN. CHRIST.
M.C.LXIX.

PROFUGIUM. infrequentiore comitatu, quàm pro numero obsidentium, facere deditionem, plenum discriminis & infamiae. Ergo tentanda ratio per astum elabendi. Hartmanno Sibenaichio datum negotium, ut personatus Cæsarem mentiretur. Fridericus vernæ cujuspiam habitu tectus, cum alijs quinque, qui sibi centones circumposuerant, egressus est. Quæ illum strophæ cum servâisset, demum insidiatoribus patuit, quando pertæsi moras longiores, in Cæsaris conclave irrumpentes, notârunt, se non Fridericum, sed Friderici mimum tenere. Ad eum modum servatus, multa minitans coquensque atrocitas, abiit in Sequanos, quorum principatus Reginaldi soceri morte ipsi obvenerat, ne hos quidem amicos habiturus, sed tracturus post se longam sortis exacerbatæ catenam. Dum Bisuntij respirans, meros furores meditatur, per certos homines cognoscit, res in Sueviâ & Saxoniam ad arma spectare, fratre ipsius antesignano, & ijs authoribus, qui ejus reditum, ut Germaniæ dirum & inauspicatum, cupiebant amoliri. Martio tamen mense, citra tumultum, pro innata genti lenitate admissus est. Sed tantum abest, ut tot calamitatibus melior evaserit, ut larvâ detractâ, religiosi quibusdam, quos ad conciliandam cum Ecclesiâ Romanâ pacem magnis promissis evocârat, per litteras obnuntiaret, frustra venturos, nisi secum genium aliquem cœlestem adducerent, ipsique venirent instructi potestate miraculorum, quibus leprosos mundarent, & mortuos vitâ redonarent.

OBSTINATIO.

Vrßperg.

**XXX
IV.**

Igitur sepositâ Ecclesiæ pacandæ curâ, stimulantem avaritiâ, animum appulit ad locupletandam familiam, ne quidem neglectis prædiorum minutijs, quorum non exiguum numerum in Sueviâ, partim dono Procerum, partim pretio, instar Euclionis & nundinatoris appetentissimi, contraxit in privatos usus: ita sordes & rei faciendæ libido in ejus animum confluxerant, ut non puderet naviter esse vitiosum. Privatorum opes, quæ ad fiscum spectabant, arripiebat avidè. Omnes Rudolphi Pfullendorfi Comitæ agros emendicavit: Adelgozi Subegij sine hærede defuncti Augustæ Vindeliciæ, facultates omnes invasit. Successit item ex asse Friderico Rotenburgio, qui nihil liberorum ex Henrici Leonis filiâ tulerat. A Welfone seniore, qui abdicatâ Reipublicæ tractatione, sibi statuerat in otio deinceps consulere, scriptus hæres, spem optimæ hæreditatis ambabus ulnis est amplexus. Welfo successionem Henrico Leoni ex fratre nepoti detulisset, si hic, quam pactus erat pecuniam, in tempore Welfoni repræsentâisset: sed cum Leo moras de industriâ traheret expectans mortem seni imminentem, speransque, se unâ cum primario hæreditatis asse, pacti æris accessionem in lucro habiturum; Welfo è tabulis ejus nomen erasit, & substituit Fridericum.

Helmold. l. 2.

c. 13.

**CONRADI
SALISBURGENSIS
OBITU.**

VIRTUTES.

Per idem tempus Leo filiam, Friderici Rotenburgici Sueviæ Ducis Viduam, Waldemari Daniæ Regis filio despondit. Eum parens regno jam destinaverat. Conradus Salisburgensis, gesto ferè per quinquennium magnâ cum laude Archiepiscopatu, multisque pro Ecclesia perfunctus laboribus, calculi dolore extinctus est. Fuit pro sæculi istius modo egregiè eruditus, haud absimilis fratri Othoni Frisingensi. Doctrinam exornabat pietas singularis, magnusque rerum humanarum usus. Cœperat templum arcemque Salisburgensem, post anni superioris incendium, pristino nitore restituere, cum in pulchro conatu cum vita destituit 4. Cal. Octobris. Successorem accepit Adalbertum II. Ladislai Boemiæ Regis filium, quem Alexander. Pont. Max. pallio donatum, ad retinendam in tuendâ religione constantiam animavit, Patriarcha verò Aquilejensis sacris Pontificijs initiavit. Sed quæ fuit ævi istius infelicitas, Fridericus Cæsar, Alexandri odio, bonum Adalbertum aversatus, ne aspectu quidem dignatus est in comitijs Bambergensibus, hoc obtentu, quod se inconsulto, contra receptum Imperij morem, Archiepiscopi munia administrationemque cepisset. Unde factum, ut (quod in loco memorabimus) nomen potius, quàm munus & commoda Archiepiscopatus tulerit. Etenim anno mox insequenti jura beneficiaria perinvitus

AN. CHRIST.

M. C. LXLX.

Friderico dedit in manus, vi adigendus ad abdicationem, nisi subjectorum amor, quibus ab injurijs cautum malebat, & Henrici Austrij avunculi intercessio, voluntariam

tariam cessionem persuasissent, quâ Friderici, jamjam cum exercitu irrupturi, furor est in tempore sedatus.

Babenbergæ iisdem comitijs actum de Saxoniar Principibus in Henrici Leonis gratiam reducendis. Fridericus Cæsar omnes in jus vocatos insimulavit turbata in Germaniâ contra jus fasque tranquillitatis, eò majore publicæ rei detrimento, quòd ex eorum inquiete nata esset Longobardis occasio defectionis. Re ultro citroque in multis confensibus accuratè disculsâ, pronuntiatum pro Henrico, eâ tamen conditione, ut Hartwicus Hamburgensis Archiepiscopus suæ sedi restitueretur. Ejus morte paulò post extincta est controversia de Stadæ Comitatu, quæ illum cum Hartwico dudum colliserat, Stadâ in Leonis potestate relictâ. Conradus enim Lubecensis Antistes, jubente Cæsare, suæ dignitati est restitutus, cum eo fructu, ut deinceps, velut mutatus in virum alterum, haud paulò se Henrici observantior, & Clero, præ quàm adhuc fecerat, benignior præstaret, refrenaretque Henrici Turingiæ Comitis avaritiam, qui Dei hominûmque hostis, solitus erat sacras opes incurfare. Unus fuit Wedekindus Dasenburgius, qui pacem suo malo respuit. Hic ab adolescentia rapinis assuetus, fuerat quidem à Leone conjectus in vincula, sed non multò post redditus libertati, officij immemor & promissæ fidei, redierat ad genium, fretus Dasenburgici castri munitione, quam rebatur insuperabilem. Et verò ardua fuit loci, rebus omnibus ad vim defendendam instructi, oppugnatio. Cùm castri situs, montisque prærupti eminentia omnem machinarum ulum eluderet, adhibendi fuerunt metallarij fossiores, qui ductis infra munitionem cuniculis, montis viscera scrutantes, reperere puteum, unde unica obsessis copia aquationis, quâ subductâ, dedere manus. Prædialijs permissa facultas abeundi: Wedekindus se dedit arbitrio Leonis.

SAXONES
HENR. LEONIS
RECONCILIATI.

XXXV.

Inter istos motus Gerohus, vel, ut alij vocant, Gerochus Reicherpergensis Cœnobij Præsul. Cal. Jul. rebus humanis exemptus est, cùm annum ageret septuagesimum sextum, cœlo maturus. Natale illi solum Pollinga vicus cœnobio nobilis in superiore Bojariâ, haud longè Weilhaimio. A puero litterarum & pietatis studiosus, Frisingæ primùm & Mospurgi, ubi scholæ à viris eruditis regabantur, deinde Hildesheimij apud Saxones apprimè excultus, redux in patriam, ab Hermanno Pontifice Augustano, ob ingenij felicitatem doctrinæque famam, principi Gymnasio præfectus, sanctiori virorum insignium Senatui adscriptus est, perpetuus summorum Pontificum, qui in sacerdotij & Imperij dissidijs, sedem Romanam jure tenuerunt, cultor, & immortæ fidei in eorum dignitate asserendâ. Ætate jam maturâ, cùm perfectioris vitæ studio teneretur, retineretur tamen parentum fratrumque inopiâ, quò minùs ad religionem evolare, utrisque persuasit, sese ut Raitenbuchenfi D. Augustini pervetusto cœnobio, mater quidem in Parthenone, pater verò fratresque inter viros Deo manciparent. Hos ille mox secutus, sic omnem religiosæ severitatis rationem brevi est complexus, suos ut sodales, ipsos ad eò moderatores dux hortatorque præclarissimis exemplis longo intervallo præverteret, tantâ efficacitate, ut boni omnes ad illius mores, velut rectissimam virtutum amussim, sese componerent. Fuere tamen dyscoli, qui ut lucifugæ animantes ejus luminibus offensi, ægerrimèque ferentes, quas Româ attulerat, primævas instituti sui leges, graviter eum sunt insectati, quando eos cœpit ad illarum observationem sedulò excitare. Illum Chuno I. Ratisbonensis Episcopus sacerdotio initiavit, fecitque muneris sui adiutorem. Chunone defuncto, Conradus Salisburgensis, exemplar egregiæ sanctitatis, eum misit Legatum ad summum Pontificem, magno suo emolumento, & rebus feliciter confectis, reversum admovit Cœnobij Reicherpergensis gubernationi, quam gessit eâ moderatione, ut ex emendatis sodalium moribus pulcherrima lux sanctitatis foras promicaret. Hinc excitata opulentiorum liberalitas ad conferenda auxilia, quibus ruinosa domus, qualem Gerohus repererat, brevi resurgeret in formam ampliorem. Multi etiam è nobilitate non modò suas opes, sed se quoque ipsos, capti amore pietatis, religioni dedere. Inter istas virtutum exercitationes, edidit egregios ingenij

GEROHI
REICHER-
SPERGENSIS
MORS,

RES GESTÆ

*Rader. 101. 2.
p. 279.*

genij sui partus, quorum indicem videre est apud Raderum: quódque inter omnia fuit pulcherrimum, post se reliquit magnam in Reicherspergensis collegio virtutum famam & existimationem, quæ præter alios complures, pellexit Gebhardum Halæ Oenanæ Dynastam, ut florenti etiamnum ætate, post tredecim annorum stipendia facta Cæsari Ahenobarbo, res, quibus affluebat, amplissimas, & arridens fortunæ invitamenta Reichersbergensis Cœnobij disciplinæ postponeret, cui statim se post Comitia Babenbergensia consecravit, matris & duarum sororum exemplo, quæ nuper in parthenonem, eodem loci à Gerocho conditum, & sanctis informatum moribus, concesserant.

*AN. CHRIST.
M. C. LXX.
Alex. Ale-
xand.*

**XXX
VI.**

*PASCHALIS
PSEUDO-PA-
PÆ MORÆ.*

Hæc dum in eo sunt, Paschalis, nefandus Ecclesiæ Romanæ incubator, cancro divinitus immisso, putrescentibus renibus, ad extrema protractus est, usque eò fortens & saniosus, ut citra horrorem à nemine posset adiri. Qui morbus illi longè olidissimam animam & noxis neutiquam expiatam expressit. In ipsius locum à residuâ Schismaticorum fæce subrogatus est Joannes quidam Ungarus, professione Monachus, Abbas Strumensis, Cardinalis Tusculanus, vir apostata, gyrovagus, vorax, obscænus, qui, ut suæ turpitudini velamen obtranderet, Callisti III. nomen usurpavit. Tale hominis monstrum Ahenobarbus adoravit, & tamen voluit videri ab eo esse alienus, quando animadvertit, Alexandri nomen amorémque indies augescere, se verò in momenta evadere viliorē. Ergo ut sibi conciliaret Orthodoxos, simulans se pacis desiderio teneri; è conventu Bambergensi misit Episcopum Bambergæ, Alexandro semper fidum, unâ cum duobus Abbatibus, Cisterciensi & Claravallensi, apprimè catholicis: sed misit instructos mandatis tam intricatis tamque perplexabilibus, ut faciliè prudenti cuivis appareret, eos (quod ferè in fallaci legatione primum est) deceptos, nihil præter Friderici fucos & dolosas artes attulisse, quibus Alexander à Longobardorum protectione divelleretur; quâ subductâ, haud foret operosum, reliqua Catholicorum auxilia dissociare, atque eodem modo Mediolanenses, eorúmque fœderatos Friderico præbere ad ictum. Quamobrem boni legati, cum neque ipsi satis, quid sibi Fridericus vellet nollere, explicarent, jussi sunt, unde venerant, inanes reverti.

*DOLOSA
CÆSARIS
LEGATIO.
AN. CHRIST.
M. C. LXXI.
HENRICUS
BERGENSIS
ALBERONI
BATAVENSI
EPIS. SUC-
CEDIT,
Hund.
Avent.*

Henricus Bergensis Comes, Bertholdi Andecensis ex sorore nepos, è Canonico & Præposito Spirensi, hoc anno 5. Id. Sextil. magno Ordinum consensu, neque obstante Cæsare, Alberoni Batavensi Episcopo datus est successor. Albero, posteaquam annos quatuor Episcopio præfuerat, sed ortâ inexpressibili inter ipsum & Canonicos dissensione, non sine ignominia, urgente Cæsare, propter aliquorum facinorum atrocitatem gradu dejectus fuerat. Sed neque Henricus retinuit Episcopatum: cum se, nisi cum Cæsare de Romano Pontifice sentiret, desperaret eam dignitatem posse retinere, jamque esset ætate decrepita, volens lubens, post menses aliquot, insulam abdicavit, quam induit Theobaldus ipsius frater, qui quidem initio adversarium sensit Cæsarem, postea tamen expertus æquiorē, perstitit in eâ dignitate, cujus initium Annales Augustenses referunt ad annum insequentem.

*HENRICI
LEONIS IN
PALÆSTI-
NAM PE-
REGRINA-
TIO.
Chron. Slav.
Arnold. Lu-
bec.
l. 2. c. 3. & seq.
Alb. Staden.*

**XXX
VII.**

Cæterum Henricus Leo, rebus in Saxoniâ pacatis, & altum quiescente Bojaria, votum, quod de honorandis in Palæstinâ Christi viventis & demortui monumentis dudum animo conceperat, hoc anno persolvit. Saxoniâ Wichmanno Magdeburgensi Archiepiscopo cum vicarij potestate commendatâ, plerosque Proceres itineris sui comites habuit, Conradum Lubecensem Episcopum, Henricum Brunsvicensē, Bertoldum Lunæburgensem, Abbates; Pribislaum Regulum Megalopolitanum, Guncelinum Suerinensem, Sigefridum Blankeburgium Comitem, & alios complures è præcipuâ nobilitate, ita ut nulli fuerit vacatio, præterquam Ecberto Wolfenbutelensi & Henrico Lunæburgico, cui Mechtildem conjugem uterum gerentem commisit. Brunsvico peregrinationem aggressus est sub annum ineuntem. Reginoburgi Virginis lustrata sacra peregit, adiecitque in comitatum Ottocarum Stiriz Marchionem, Fridericum Sulzbachium, & è Boijs quosque nobilissimos. Eidem se adjunxit Episcopus Wormatiensis, Friderici Imperatoris ad

ris ad Manuelem Orientis Principem legatus, hujus filiam Henrico Augusti filio nuptum petiturus: quod gratum Leoni accidit, ut eò commodiore Græcorum benevolentia frueretur. Cum his provectus in Austriam, abs Henrico Vitrico Neoburgi amicissimè cultus, Gertrudis matris nobile Mausoleum piè veneratus, Viennam descendit. Ibi, navibus & annonâ ad iter comparatis, secundo Danubio appulit Strigonium eo ipso die, quo Ladislaus Rex Ungariæ, quem Brunnerus, repugnante Crantzio, Stephanum appellat, veneno extinctus est, fato tum Henrico Austrio, qui comes Strigonium Leoni fuerat, filiamque Ladislao locarat, tum ipsi Leoni utique luctuoso, vel eo nomine, quòd subita regni mutatio videretur iter Palæstinum redditura minùs securum. Eam curam discussit Strigoniensis Archiepiscopus, adjuncto Florentio Duce profectionis, & rerum necessariorum curatore. Secundâ aliquot dierum usi navigatione, in scopulos è flumine extantes incidunt, ubi aquæ in arctum coeunt, è suis angustijs cum ingente fremitu, non sine navigantium periculo, velut per catartas ex alto ruunt præcipientes. Eò loci, cæterâ classe incolumi, Henrici Leonis navis in cautem impacta fractâque eum in undas effudit. Perierat, nisi extractum in cimbam, speculæ custodes periculo eripuissent. Exinde Leo, mutatâ viæ ratione, Danubio diffusus, terrestri itinere delatus in Serviorum fines, grande rursus discrimen adiit, nihil sinistri metuens, eò quòd gentis Ducem in comitatu haberet obsidem securitatis. Hic aliquantum prægressus, cum fide, an fide, provinciam omnem iussit peregrinos benignè comitèrque habere. Illi contrâ, ducenta circiter milia ad arma coorti, praedensum saltum ad Ravanellam urbem insidijs occupare, inhiare spolijs, vim minari, si pacatum agmen ultrâ tenderet. Cùm æqui nihil quicquam posset impetrari, Henricus Leo arma juber expediti. Totum agmen constabat plùs minùs mille ducentis: Brunnerus non nisi quingentos numerat in toto comitatu. Ravanellam acie quadratâ prætergressi, castra communiunt, quæ Servij à tergo secuti, cum ululatu barbaro lacescentes, Wormatiensis Episcopi stationem, quæ proxime hostem excubabat, invadunt. Missi ab Henrico viginti omnino loricati, qui laborantes erigerent. Commodum hostium ductor, in æstu certaminis, inter primos telo lethali stratus occubuit. Ejus casu cæteri omnes in fugam effusi, deinceps à nostris vexandis abstinerunt, ne ausi quidem rursus prodire in conspectum. Superatâ sylvâ Niczam ventum, indèque Constantinopolim, ductu paratûque Manuelis, ipso die Christi de morte & Orco triumphantis. Certatum illic effusis munificentia studijs & humanitate inter Principes. Ortâ super mensam quaestione de tertiâ in divinitate personâ, Henricus Brunsvicensis Abbas, ejus à patre & filio processionem adversus Græcorum errores, tum è divinis litteris, tum auctoritate veterum Ecclesiæ Græcæ Doctorum, tantâ eloquentiæ & rationum luce demonstravit, ut omnes rapuerit in sui & sanissimæ doctrinæ admirationem.

Abeuntibus Manuel instruxit classem, quâ provectos in altum, fœda tempestas excepit. Ea cœlestis Reginæ, quam maris stellam & cœli dominam religiosè salutamus, ope sedata est. Ipsa enim uni cuiquam è vectoribus formâ super humanam eleganti aspectabilis, iussit omnes bono esse animo: sibi enim curæ esse navem, quæ virum à sanctimoniâ probè commendatum veheret, quem Henricum Brunsvicensem vectores sunt interpretati ob notas boni Præfulis virtutes: quippe qui toto itinere cilicio indutus, orationis, vigiliarum, inedia, divinarum rerum assiduitate, se, totumque peregrinantium agmen, secundum Deum sanctissimæ Virgini commendabat. Re ipsâ sedatis momento procellis, dièque redditâ, periculi magnitudo apparuit, cum in conspectu fuere extantes dextrâ lavæque scopuli, qui carinas inter spatiorum angusta erant allisuri, nisi vis humanâ major prohibuisset. Eos citra noxam transvecti, Ptolemaidem, factâque isthic exscensione, iumentis usi, sanctam civitatem attigerunt. Sacro quodam horrore perfusi, mixtisque gaudio lacrymis, quicquid sive in urbe fuit, sive in regione Dei hominis vestigijs consecratâ, sanctiorum monumentorum, cum insigni religione lustrârunt: publico omnes sumptû, triduo lautè & urbanè in regiâ habiti. Henricus Leo in-

NAUFRAGIUM.

DIMICATIO
CONTRA
SERVIOS.
Albert.
Crantz.
l. 6. c. 3.

ACTA CON-
STANTINO-
POLI.

Joan. 15. 16. 17.
Gal. 7.

Conc. Alex-
andrin.
Synod. 5. 6. 7.
Arbanas.
Cyrillus
Hieros. &
Alexandrin.
Basil.
Greg. Nazianzen.
Damasce. &c.

TEMPESTAS
SEDATA OPE
DEIPARÆ.

XXX
IIX.

HENRICI
LEONIS MU-
NIFICEN-
TIA.

signiora terræ sanctæ loca magnis donis honoravit. Sacratissimo DEI sepulchro grandem pecuniæ vim obtulit: Basilicam, in qua crux, triumphale salutis nostræ instrumentum, ornavit opere musivo: ejus fores vestivit argento: alendis sacrorum facibus sumptus perpetuos ordinavit: Hospitalis & templi militibus donavit mille argenti libras. Vorivâ perfunctus pietate, Antiochiam abiit, tristis, Conradi Lubecensis Episcopi, & Bertoldi Lunæburgensis Abbatis funeribus. Milo Saracenus misit obviam quosque honoratissimos; sed ille declinato ipsius congressu, ad Simeonis (ut vocant) portum applicuit, indeque per continentem Tertulum pervenit, quod Milo post expugnavit, iratus, quod loci cives testis peregrinos exceperant. Aliâ ex parte, Soldanus longè humanior, quingentos submitit bene armatos, qui simul viæ duces, simul essent defensores. Ita Henricus tridui labore Armeniæ arenas emensus, Heracleam ingressus, à Turcis hospitali civilitate honoratus est. Inde profectus Araxatum, ipsum Soldanum obvium habuit, amicissimè omnia deferentem, gratulantemque, quod Milonis perfidi hominis insidias prosperè evitasset.

COLLOQUI-
UM CUM
SOLDANO.
AN. CHRIST.
M.C.LXXII.

SOLDANI
LIBERALI-
TAS.

XXX
IX.

MANUELIS
CONSTAN-
TINOPOL.
HUMANITAS.

PER UNGA-
RIAM REDI-
TUS IN GER-
MANIAM.

AN. CHRIST.
M. C. LXX.
III.

CÆSAR AL-
BERTUM SA-
LISBURG.
PERSEQUITUR.

Cùm Henricum identidem propinquum & consanguineum appellaret, admirantem, quænam stirps aut necessitudo conjungeret hominem toto propè orbe divisum; Soldanus edocuit, se matre Teutone Russorum Regis filiâ progenitum, omnes Germanos, velut uno eodémque sanguine devinctos, pro cognatis habere. Ut verò istam germanitatem re ipsâ testaretur, mille quingentos equos liberaliter produxit, rogans, ut Leo, pro se suoque comitatu, quotquot ex ijs vellet, liberri- mē uteretur. Addidit & triginta alios egregio cultu excellenter instructos, una- que sex camelos & binos leopardos, donum perrarum, & nostratibus spectaculo futurum. Vestem, quam auro rigentem idem donavit, Leo postea dedicavit sa- cris altaribus. Non se tenuit, quin liberalem Principem de amplectendâ Christi religione compellaret, utpote quæ sola ipsi ad beatitudinis æternitatem deesset. At ille; *Non est (inquit) arduum sibi persuadere, DEVM, si ita collibuit, corpus sibi de intactâ Virgine sumpsisse, quandoquidem idem ille hominem de terrâ virgine formavit; sed mihi omnino sic videtur, communem omnium DEVM & Imperatorem, noluisse ab omnibus uno cultu honorari.* Henricus longiorem disceptationem, quam neque rude ad pietatem hominis ingenium, neque locus tempusve ferebat, non est in- gressus: professus tamen est, se in omnem vitam, ejus munificentiam amicitiam- que ubique deprædicaturum. Abeunti Soldanus fidissimos adjunxit, quorum ductu, Henricus eas terras peragravit, in quibus Conradus Rex, non ita pridem fenserat immanem perfidiam Barbarorum, quod ne hunc usueniret, Henricus diligenter providit. Ventum denique Constantinopolim. Bosphoro trajecto, quem S. Georgij brachium dixere recentiores, novis affectus est honoribus. Ob- lati muli quatuordecim onusti auro & argento vestique pretiosâ, de quibus tamen Leo, pro sua modestiâ, nihil decerpit præter gemmarum aliquid, & Divorum lipsa- na, quæ templis inferret, bona utique omni gazâ longè præstantiora. Sic dona- tus, transijt incolumis in Pannoniam, ubi abs Rege, qui post fratris interitum re- gnabat, amicissimè habitus, & cum fide per omnes Regni fines est deductus. Fe- liciter in Bojariam reverso, Cæsar Augustæ Vindelicorum amanter est gratulatus: sub annum exeuntem se Brunsvici Rikezæ uxori, quæ Richardem erat enixa, læ- tis reddidit.

Anno postero Fridericus Ladislaum Boëmiæ Regem regno exiit. Causam historiæ non produunt: tamen non abludit à vero, Cæsa-rem imbutum implacabili Adalberti Salisburgensis Archiepiscopi, Boëmi filij, odio, eam parenti ignomi- niam intulisse: quæ eò fuit gravior, quod Friderico, quem Ladislaus successorem dixerat, prætermisso, Cæsar Sobeslaum patruelem summæ rei imposuit, eâ lege, ut à regio nomine, Principis titulo contentus, abstineret. Dehinc Fridericus Cæsar Adalbertum insidiosè aggressus, ne cum suo duntaxat animo, sed cum aliquo ob- tentu æquitatis, gradu movisse crederetur; duos illi subornavit accusatores, quo- rum ipse querimonijs, quibus actio foret probabilior, sub aliquâ judicij specie ute- retur.

retur. Fuit uterque ex ordine sanctiori. Et prior quidem Gurcensis Antistes, Hermannus Comes Ortenburgius, vitio electus, quem Adalbertus in arce Strassburgiâ obsessum, ad deditionem & abdicandum Episcopatum compulerat: unde semina similitudinis inextinguibilis. Nam undecunque nactus fuerit consecrationem, contra jus fasque ausus est Richerium Brixinensem Episcopum, Adalberti ingratis inaugurare. Igitur ambo, Cæsare conscio, in Adalbertum conspirant, eique anno sequenti ad 7. Cal. Junij, cum Reginoburgi, majore quam aliâ frequentia comitia agerentur, litem injuriarum intentant. Fridericus receptâ accusatione, causam refert ad Senatum. Adalbertus nihil veritus obire vadimonium, suæ patronus innocentiae fidenter adfuit in Henrici Austriæ avunculi sui comitatu. Richerius ingressus in causam, quicquid corraferat calumniarum, in reum congeffit, lato Cæsare, & suâ præsentia vultusque compositione pondus addente maledicentissimæ orationi. Adalberto defensionem paranti negatum est spatium dicendi, & velut in scelere manifestum dictæ atroces sententiæ, nemine uno, præter Henricum Austriam, intercedente. Cæsar gavisus in sinum, tali artificio evertisse innocentem, Henricum Berchtesgadensem Præpositum Salisburgensi cathedræ destinat, virum cæteroqui non malum, si ambitio & præceptus judicii iniquitas in eo subrogando abfuisset. Istis auspicijs malè in D. Ruperti sedem intrusus, publica Episcopi munia obijt, recognovit clientelas, confirmavitque vetera clientum beneficia, vicissim agnitus & cultus fide clientelari, quæ ne Henricus quidem Leo, cætera æqui & dignitatis suæ apprimè retinens, negavit, tam prona hominum studia, in quamcunque partem commoda animos inclinârunt.

PER CALUMNIATORES,
AN. CHRIST.
MCLXXIV.

DEPELLIT
ARCHIEPI-
SCOPATU.

Fridericus, quasi bene rem gessisset, coactis quam potuit maximis copijs, Septembri mense, aliam vindictæ telam apud Insubres malè orsus est, pejùs texuit, coactus bene abrumpere. Ad Alexandrum defecerat magna pars Italiæ. Nam Brixia, Placentia, Parma, Mediolanum è ruinis assurgens, Mantua, Regium, Mutina, Bononia, Cremona, fœdus lacerant adversus Ahenobarbum ad mutuam Longobardiæ defensionem. Primus illi impetus in Alexandriam recens conditam, donatamque ab Alexandro nomine bene auspicato. Paleam illam hostes per contemptum dixerant, sed ferream sunt experti: quippe quæ nullâ vi, nullâ arte flecti potuit ad deditionem. Cum Fridericus nunquam, nisi cum suorum clade, vi apertâ uteretur, post quartum mensem obsidionis, cuniculum egit in urbem, ijs sanctioris hebdomadæ diebus, quibus recolitur memoria Christi patientis, tanto silentio, ut oppidani non modò fossorum labores non senserint, sed ne quidem quicquam ejusmodi sint suspicati, eò quod pacti essent cum hoste pro diebus sacris inducias. Fridericus in ipsâ Domini Parasceve, id operis statuerat aperire, ratus, propugnatores religioni intentos, eâ die à belli cogitatione cessaturos. Ergo sextâ feriâ ducentos viros manu promptos in cuniculum immittit, eosque jubet nocte concubiâ, apertâ fossione, in urbem irrumpere, oppressisque portarum excubijs, dispositas sociorum stationes mœnibus recipere. Verum operosa molitio in ventos abiit. Nam Alexandrini, per nocturnos vigiles fraudis admoniti, concurrerunt ad arma, hostesque è subterraneâ fossione egressos ad unum omnes mactârunt, clausoque cuniculo, effusi extra portas, castra Friderici repentè invaserunt oppressis vigilijs, cumque luculentâ strage Germanorum; quâ Fridericus in fugam actus, coactus est solvere obsidionem ipsâ luce dominicæ Resurrectionis. Acta Alexandri memorant, in eo conflictu conspectum fuisse ante prima Alexandrinorum signa D. Petrum in equo candido, coruscantibus armis, animos clientibus, qui se illi devoverant, addere. Fridericus, omisâ Alexandriâ, Pado trajecto, Papiam iter intendit non sine grandi periculo. Etenim cum Longobardi ita vias obsiderent valido exercitu, ut nullâ ratione eorum occursum vitare posset, coactus est per fraudem, interpositâ pacis mentione, prælii aleam declinare, ne trepidum ex recenti clade militem ignominie exponeret. Cum ingenti circumjectarum urbium odio laboraret, eadem arte illarum conatibus illudit, simulans, omnino sibi esse deliberatum redire in gratiam cum Ecclesiâ

XL.

ALEXAN-
DRIÆ OBSE-
DIO.
AN. CHRIST.
M. CLXXV.

SOLUTA
CUM FRIDE-
RICI CLADE.

IRRITÆ DE
PACE TRA-
CTATIONES.

Sigon. l. 14.
Blond. Dec.
10. l. 5.

Alt. Muti-
nen.

HENRICUS
LEO CÆSA-
REM AVER-
SATUR.

A PHILIPPO
COLONIEN-
SI ARCHIE-
PISCOPO LA-
CESSITUR.

MONACEN-
SIS URBIS
ORIGO.

XLI.

LIS DE SA-
LIS VECTI-
GALI.

AN. CHRIST.
M C.
LXXVI.
Dodechin.
Alt. Alexan.

Romanâ. Quod ut plausibiliore fūco illineret, ad colloquium postulavit Papiam tres optimæ notæ Cardinales, Ostiensem, Portuensem, & D. Petri ad vincula, quos tametsi salutavit humanissimè, tamen religioni sibi duxerunt, hominem diris devotum resalutare. Actum quidem de pace, sed in cassum, quòd Cæsar omnem compositionis modum transgressus, quædam circa sacrorum dispositionem iniquè exigeret, quæ nulli unquam Cæsarum fuissent concessa.

Dum hæc agerentur, castris ad Papiam locatis, evocaverat è Germaniâ militem, quo copias insigniter debilitatas firmaret; Longobardi vicissim, cum pacis tractatio non successisset, ad signa reversi, Fridericum sub pellibus hærentem sic premebant, ut obsessio non absimilis videretur. Ne opprimeretur, Cremonenses se pacis sequestris obtulerunt, cujus mentionem à Cæsare admissam, veriùs expectitam, Italiæ fœderati non respuerunt. Datis utrinque tractatoribus, apud Montem bellum inter utraque castra 16. Cal. Majas cœptum agi, decretumque, ut patris inducijs hostilia cessarent, dum in pacis leges iretur, de quibus cum non conveniret, mox reditum est ad arma. Christianus enim Moguntinensis Archiepiscopus, cujus maximè operâ hoc in bello Cæsar utebatur, frustra Sancassianum oppidum obsedit pulsus à fœderatis: paulò post ad Claternam vicum ex insidijs oppressit turmas aliquot hostilis equitatus: invasit Medicinæ Castrum. Vetrana vicum exussit, latèque ferro & igne grassatus est. Inter hæc Cæsari è Transalpinis auxilia veniebant, cum Henricus Leo non accessisset, eum Cæsar Clavennam accivit, invitavitque ad arma socianda, quæ ex Boijs & Saxonibus facilè & sine morâ poterat contrahere. Sed Leo Imperatorem Romanis execrationibus obstrictum, & impium bellum detestatus, adduci ne infimis quidem precibus potuit, etiam cum ejus genua Fridericus prensaret, & minas beneficiorumque exprobrationem promissis admisceret: ut quicquam opis aut operæ in præsens addiceret. Unde sibi accessit iras implacabiles, & quam mox videbimus, fortunæ mutationem. Huic prælusit Philippus Archiepiscopus Coloniensis, qui cum Leone veteres gerebat inimicitias. Ut Cæsari gratum faceret, cum valida suorum manu ad Cæsarem proficiscens, non Sueviam modò, sed maximè Bojariam gravibus damnis affecit.

Henricus porrò reversus in Bojariam, novam cœpit urbem moliri, quæ à Scheftlariensibus Monachis, ad quos villa Isaræ vicina & fundus pertinebat, Monachij nomen est adepta, estque hodie Regia princepsque urbium Bojaræ, quæ ex parvis initijs crevit in eam, quæ hodie visitur, amplitudinem. Illius ædificandæ hæc fuit occasio. Reichenhalla, civitas est in Boicâ ad alpium Noricarum promontorium, ubi fons manat perennis aquæ salissimæ, quæ seorsim à dulci scaturit, duraturque in salem candidissimum, unde celebre commercium cum Suevis, Rhetis, Franconibus, Helvetijs, aliisque Rheno confinibus, magnùmque vectigal. Devehebatur olim per pontem, quo jungitur Isara, ad Veringam: vicus modò est quinto infra Monachium lapide Frisingensis ditionis: unde ex portorio Frisingæ Pontificibus grande æs inferebatur. Henricus id commodi in Boicæ Ducum ulus cogitans avertere, ex improvise Veringam occupat, demolitur pontem, novum statuit ad Monachium, mutatque salis aliarumque rerum trajetum: hinc Episcopis vetera jura repetentibus, & ex Ottoburgi castro salis subvectionem instantibus, longa litium materia, quas rite compositas in loco ostendemus.

Longè perniciosior discordia cum incredibili orbis Christiani lætitiâ anno insequenti sublata est. Fridericus Imperator, mense Majo, acceptis è Germaniâ subsidijs, Insubriæ finitima cœpit populari. Mediolanenses, eorumque fœderati, haud dubij immanem sibi parari tempestatem, supremis etiam viribus afflictæ patriæ succurrendum censuerunt. Nemini, qui arma gestare posset, permissa vacatio. Fœderati Barilianum progressi, & moræ impatientes, septingentos equites miserunt, qui hostium motum situmque explorarent. Vix tria passuum millia confecerant, cum Fridericus in venientes trecentorum primùm turmam, deinde alias super alias immisit, à quibus repressi Mediolanenses, non sine aliquâ jacturâ pedem

pedem ad suos retulerunt. Instructâ dehinc acie, magno utrinque ardore concursus est. Primo statim impetu Friderici aquilifer, in confertum agmen temere invehens confususque, aquilam in hostium manibus reliquit. Atrox proinde pugna, multis utrinque cadentibus. Inclinatâ Germanorum acie, Fridericus sese in promiscuas legiones inferens inconsultius, dum militis potius, quam Imperatoris partes occupat, equo suffosso in terram effusus, creditus est occubuisse. Sparsa per legiones calus infausti fama, Mediolanensibus alacritatem, Cæsarianis terrorem fugamque intulit. Multos Ticinus amnis hausit, plurimi in vestigio, in fugâ plures occubere. Castra opulenta cesserunt in prædam. Pugnatum 3. Cal. Junias, qui dies facit tribus generosissimis Christi Athletis Sismio, Alexandro, & Martyrio. Ante prælium totidem columbæ ab eorum altari visæ sunt avolare, & ostento mirabili in *Carrocij* malo confidere: quæ res à Mediolanensibus in certum omen victoriæ accepta est, & pugnæ dies Martyrum honori festivè celebriterque consecratus. Friderici conjunx, quæ tum Comi substiterat, per quadriduum, lugubrem induta cultum, maritum comploravit, & cum ipsius cadaver inter cælorum corpora non reperiretur, à Mediolanensibus funus repetijt; cum denique quintâ à conflictu luce, præter suorum spem, Papiam incolumis ingressus, Christianum Moguntinum, qui paulò antè prælio, ad Medicinam, Bononienses fuderat, jussit ad se confestim cum exercitu advolare.

Atque hæc quidem est Friderici clades, quæ finem attulit diuturno orbis Christiani divortio. Ille enim, acceptum recens dedecus superiorumque temporum sortem animo secum reputans, ad æquiora cœpit inflecti. Nutantem impulerunt pecuniæ inopiæ, invalescens fœderatorum potentia, dubia quorundam Cæsarianorum fides, aliorum defectio, autoritas quorundam Principum, quibus, tametsi rectè sentirent, adhuc tamen metus & Friderici pertinacia, libertatem recta suadendi, quæ cum dominantium certâ perniciæ detrahitur meticulosis, eripuerat. Hi tandem apud eum, rebus adversis si nondum subactum, attramen solito tractabiliorem, mollia nacti fandi tempora, rogârunt, revocaret ad animum, quas quantasque calamitates Ecclesiæ dissidium in orbem invexisset. Cæsum abunde ostendit, ipso irato, cum ingenti Reipublicæ damno & perturbatione bella esse gesta, ex quo Cæsar Romanæ sedis cœpisset esse infestus. Id gravatè sentire Italiam, & Germaniam oppidò malis fessam non posse sua fata non dolere, & credere, se alienæ culpæ subire pœnas. Eam bellum anceps atque diuturnum non expetivisse, de cætero probare non posse, quod plerisque videatur, non adversus homines, sed contra Deum esse susceptum, eoque gestum improspere. Certè non posse dissimulari, paucos superesse, qui in posterum manus sanguinemque lubentes sint commodaturi causæ, quam animitus averfentur, & secuturi fortunam, cui tacitis cogitationibus diffidant. Ab orbe flagitari pacem cum Deo, & summo ipsius in terris Vicario, quæ si nequeat impetrari, vix ullos fore, qui ferrum pro Papâ, quem ut spurium horreant & detestentur, sint stricturi. Quæ deinde malorum Iliades in ipsum Cæsaris caput, ubi à suis deferetur, sint incubituræ, non esse difficilis conjecturæ. Eâ denunciatione Cæsar territus, Moguntinum & Magdeburgensem Archiepiscopos (quibus addunt aliqui Wormatiensem) misit ad Alexandrum, qui Anagninæ degenti certam ineundæ pacis mentem aperirent. Iras enim ætatis fervore conceptas jam deferbuisset, subiisse præteritorum pœnitundinem & votum impetrandæ veniæ. A supplice tantam animi demissionem allatum iri, quanta meritò à Catholico Principe summo Ecclesiæ capiti debeatur. Alexander sapienti consilio gratulatus, respondit, nihil in se futurum moræ, quò minùs fieret satis Cæsaris desiderio, modò certum habeat, Deum placare, quem in Vicarij personâ sit infectatus; simul habere rationem Regis Siciliæ, & Longobardorum, quorum salus in eâ negotiatione vertatur. Datâ igitur ultro citroque Legatis securè commendandi tessera, tandem post Ferrariense colloquium, nonnullaque tractandi præludia, communi consensu statutum, ut Venetijs conveniretur, quò Alexander, vectus classe tredecim Sicularum triremium, appulerat, eâ tamen cautione, ne Fridericus,

CÆSAR
PRÆLIO
VINCITUR.

PAX ECCLE
SIE.

AN. CHRIS
M. C.
LXXVII.

XLII.

AHENOBAR-
BUS RECIPI-
TUR IN EC-
CLESIAE
CONSOR-
TIUM.

ante pacem certis legibus sancitam, in iussu Pontificis in urbem reciperetur. De-
mum sub ineuntem Quintilem pax eâ conditione est constituta, ut Wilhelmus
Siciliæ Rex eâ per annos quindecim frueretur: Longobardis permitterentur sex-
ennes induciæ. Ad extremum, Cæsar 10. Cal. Sextileis Venerias ingressus, postri-
die, abjurato schismate, promissâque Alexandro obedientiâ, per submissos Cardi-
nales sacris Christianis est redditus unâ cum Principibus, qui iisdem cum ipso re-
ligionibus fuerant irretiti. Exinde Imperator accedens ad Pontificem, qui ante
D. Marci fores opperiebatur, depositâ chlamide, humi fusus, deosculatus est Ale-
xandri pedes, & ad pacis osculum est admissus: tum apprehensâ dextrâ, intercinen-
te symphoniâ, inductus in chorum, capite inclinato sacram à Pontifice cælestium
bonorum appreciationem accepit. Ad 8. Cal. Sextiles Cæsar adfuit Alexandro
ad aram facienti, pedesque rursum deosculatus, aurum, ritu consueto, altari impo-
suit: sacris peractis, Pontificem deduxit, & equum ascensuro habenatâ scandulari-
am de more firmavit, perque longum spatium apprehenso freno, equitantis lateri
pedester adhæsit, usque ad mare eodem functurus officio, nisi, quod prolixioris itio-
nis supererat, Pontifex ultro remisisset. Hæc ex autore gestorum Alexandri, &
Romualdo Archiepiscopo Salernitano, qui fuere totius cæremoniæ spectatores: ex
binis item Alexandri Epistolis ad Episcopum Capuanum, & Abbatem Cassinen-
sem, aliisque fidissimis veterum monumentis, quæ videre est apud Baronium: ut
inde appareat putida quorundam vanitas, mentientium, Alexandrum Cæsaris ca-
put pede pressisse, & pronuntiâsse versum decimum tertium psalmi nonagesimi; *Sæ-
per aspidem & basiliscum ambulabis* &c. Quod certè, cum sit valde memorabile, dili-
gentiam vetustorum scriptorum, etiam minutias qualvis annotantium, non po-
tuisset effugere, si verum esset, tam duram indecorémque ignominiam, præter mo-
rem, à mitissimo modestissimoque Alexandro Imperatori etiamnum formidando
& demissè pœnitenti, fuisse impactam.

CONRADUS
WITTELS-
PACHIUS
FRUSTRA
REPOSCIT
ARCHIEPI-
SCOPATUM
MOGUNTIN-
UM.
XLIII.

Pace ad eum modum cum summo populorum gaudio conciliatâ, Christianus
Moguntinus, qui Contrado Wittelsbachio, per Fridericum depulso, fuerat subro-
gatus, ab eodem obtinuit, ut per pacis conditiones malè occupatam mitram reti-
neret: Conradus vicissim jus malè ereptum repetijt in publico confesso, præsentè
Alexandro & Friderico, causatus, æmulum, qui acerrimè Ecclesiam oppugnâset,
sine injuriâ non posse fidelissimo rei Catholicæ propugnatori præferri. Alexander,
qui Christiani postulatis jam annuerat, & per pacta iusserat caveri ejus honori,
falsus quidem est, Conradum æqua poscere, sed dandum fuisse publico, quod de
Moguntino Archiepiscopatu esset constitutum, quodque salvâ pace rescindi non
posset. Videret proinde Conradus, mallérne Ecclesiæ suam tranquillitatem, an
Christiano infulam adimere. Ille, quâ erat modestiâ, rem oranem Pontificis ar-
bitrio permisit cum ingenti laude & honoris sui incremento: nam in præsens, cum
bonâ Friderici veniâ, donatus est Archiepiscopatu Salisburgensi: Adalbertus enim
sponte, suo juri obnuntiaverat, & Henricus Berchtesgadenensis non multò post ad
Brixinense Episcopium erat transferendus, posteaquam ob occupatam Adalberti
dignitatem fuerat ab aris submotus. Conradus præterea, Christiano, sexto ab-
hinc anno è vivis sublato, sedem Moguntinam recepit, tenuitque per annos sep-
tendecim. Hoc anno quoque ipsi addita dignitas Legati Pontificij per Germaniam
universam.

ANGETHR
ALIIS HO-
NORIBUS.
MOGUNTIN-
AM REDIT.

AN. CHRIST.
M. C.
LXXIIX.

SYNODUM
CELEBRAT.

Arnol c. 23.
& seqq.

Anno sequenti redux in Bojariam, inter primas curas habuit, Salisburgensem
provinciam, quæ non nihil labis annorum superiorum iniquitate contraxerat, ad
pristinam conditionem revocare. Quamobrem Cal. Februarij, Hohenaugiz Sy-
nodum habuit Episcoporum ad Provinciam spectantium, cui simul voluit eque-
stris ordinis primores interesse. In eâ Calixtus ejuratus, Alexander verò orbis
Christiani parens est agnitus: explosum schisma, odia posita, sublata factiones,
templis honor, aris sacra restituta, pax & alta quies universæ Bojariz.

Alia fuit rerum in Saxoniâ facies, inter bella, quæ adversus Leonem Slavi,
Philippus Colonienfis, & Udalricus Halberstattenfis accenderant. Leo Dymi-
nam

nam Slavistridui obsidione extorsit Friderici machinarum architecti insigni industria, quâ ab oppidanis deditionem obsidésque expressit. Venere inter hæc ad Henricum nuntij, quibus trans Albim revocabatur contra Udalricum Halberstadium, qui Saxonum Orientalium auxilio, montem Hoppelbergium munitione firmabat. Quâ ex denunciatione, velut vates futurorum, in has voces erupit: *Bella video, bella mihi parantur.* Igitur collectis raptim vasis, illuc, ubi belli sedes locabatur, citatis accurrens castris, hostem è nido depulit, & æquavit solo affecta munimenta. Verùm hostis nactus otium reparandi vires, reversus, cæpto institit operi, & Henricum ad disturbandas operas regressum, prælio conjecit in fugam, impedimentis exuit, multos cecidit, plurimos fecit captivos. Ex ijs, qui ad paludes confugerant, multi aquis merfi & uligine. Quâ ex clade, generosi Henrici spiritus cæperunt insigniter inclinari. Animum inprimis percellerat spretum nuper Cæsaris conscientia, haudquaquam dubitanti, parari in se tempestatem, nec quieturum Imperatorem, donec insigni vindictâ acceptum dedecus castigasset. Et jam re ipsâ Philippus Coloniensis, vetere flagrans odio, an Friderico stimulante, Quernhamelam usque, Saxoniam latè vastaverat: à quo tamen Leo sibi duxit abstinentium, quasi antiquam esset virtutem oblitus: quia non erat nescius, qualem mox hostem in Cæsare esset habiturus. Huic regresso in Germaniam, Spiræ Nemetum occurrens, de acceptis à Coloniensi injurijs est conquestus: audiit quidem Cæsar querelas, sed fronte adeò nubilâ, ut facilè Henricus intelligeret, se judicem nullo modo faventem compellâsse. Dicta tamen utrique dies, & rogatio Wormatiam ad Id. Januarias est rejecta: sed Leo Cæsari diffusus, vadimonium deseruit, atque hoc ipso Procerum, qui conventui aderant, magnam sibi invidiam accersijt, quasi Cæsaris majestatem novo contemptu, Comitiorum autoritatem recenti contumaciâ sperneret.

BELLUM SAXONICUM,

XLIV.

INITIA RUMORIS HENRICI LEONIS.

ACCUSATUR.

CÆSARE COLLOQUITUR.

FORUM CÆSARIS DEVOTAT.

PROSCRIBITUR.

SAXONIA VASTATUR.

Igitur adversarijs absentiam immensum quantum exaggerantibus, jussus est adesse Magdeburgi. Cum neque isthic se sisteret, Theodoricus Landspergius Lusatiæ Marchio criminatus, eum quædam contra Rempublicam fecisse, spondit, se accusationis æquitatem singulari certamine probaturum, si Leo facta inficiaretur: credibile est id illum odio postulâsse, eò quòd Slavi à Leone exciti, Lusatiam fœdè vastâssent. Duellum, quod ad rei, quâ de potissimùm agebatur, summam nihil pertinebat, & indecorum erat cum longè impari certamen, Leo, ut suâ dignitate inferius, respuit, petiitque per amicos copiam Cæsaris privatim sine arbitris conveniendi. Quâ impetratâ, Halleslebij verbis tam exquisitis cum lenijt, ut ostenderet, se poluisse iras; & quicquid delicti esset, remissurum, si quina marcarum millia fisco inferret. Ille verò (ita eum, urgente velut ad ruinam fato, prudentia destituerat) nescius cedere tempori, quæ opportunissima est in rebus creperis sapientia, ne videretur solvendo mulctam, profiteri noxam, nimium ab innocente exigi causatus, re infectâ ab Imperatore discessit. Ergo tertio jussus anno sequenti Goslariæ causam dicere, comitiorum fugitans, tertio vadimonium neglexit. Isthic cum Cæsar frequenti Senatu Procerum sententiam rogâssent, omnium fuit una sententia, videri, Leonem, velut refractarium & reipublicæ hostem, proscriptione castigandum. Ei nihilominus Cæsar, ne quid inclementius ageret, ampliationem indulgit in annum posterum, ad medium verni jejunij, quo tempore, cum rursus pervicax Comitibus esset aspernatus, Geilenhusij igni & aquâ est interdictus. Secuta exinde provinciarum laceratio. Philippus Coloniensis contracto mox exercitu, adscitisque in belli societatem finitimorum centurijs popularibus, quarum erat insignis impietas & audacia latrocinandi, atrocem in modum in Saxones grassatus est. Sæcra pariter atque profana, nullo rerum personarumve discrimine, fœdè violata: exusta Divorum ædes, excisa Monasteria, gregatim abactæ sanctimoniales, & flagitijs prostituta: raptus de manu sacerdotis, sacrificio nondum absoluto, calix; aliorum scelerum patrata tanta immanitas, ut Philippus semet horrens, quòd suis ista fierent auspicijs, impiam militiam detestatus, domum abiit. Wichmannus Archiepiscopus Magdeburgensis in Halleslebij

HALDESLE-
BIA EVERTI-
TUR.

HALBER-
STADIUM
EXUSTUM.

WESTPHA-
LORUM CLA-
DES.

NORTHUSI-
UM INCEN-
SUM.

lebiæ obsidione relictus est, quæ denique longis superata ærumnis, cum obiectus profluenti rivo agger aquam supra domorum contabulationes efferret, à Bernardo Lippiensi Comite, viro fortissimo, honestis legibus dedita fuit, & à fundamentis everfa. Ad eas calamitates accesserunt Udalrici Episcopi Halberstattenfis execrationes sæpius in Leonis caput repetitæ, & sacrorum toto Episcopatu silentium, quæ mala bonus Leo cum duceret quibusvis alijs longè graviora, ad Episcopi pedes demissè prostratus, impetravit, ut tum ipse, tum universi, quos habebat obsequentes, istis vinculis solveretur, paxque fieret cum Antistite, quæ tamen non fuit diuturna. Nam Udalricus otij impatiens, mox resumpsit arma in Leonem: quo factum, ut Henrici miles Halberstadium, vastato circum agro, occupârit. Tota civitas, orto ex humili casâ incendio, ne templis quidem exceptis, conflagravit. Haud pauci sacerdotes unâ cum basilicâ periêre; Episcopus ægrè flammis ereptus, venit vivus in Leonis manus cum ingenti civium multitudine. Ille redditus libertati, paulò post depontanus senex naturæ debitum exolvit. Westphali quoque ad Osnabrugum prælio superati: captus Simon Teckenbergius, victusque ferreis catenis, quibus non multò post solutus, Leoni perpetuâ fide adhæsit. Mense Majo, Northusium in Turingiâ à Leonè exustum, cæsi justâ acie Turingi, Ludovicus Comes Provincialis, & Hermannus Comes Palatinus, capti cum innumera manipularium turbâ. Adolfus Holfarius, qui insimulatus Guncelini Suerinensium Satrapæ criminationibus, & Leoni offensus, quod captivorum lytrum ad suum commodum vertisset, ab eo defecit, & eam ob rem tota Transalbianâ regione est ejectus. Pluna vi capta, Sigeberga coacta ad deditionem, & commendata Leopoldo natione Bojo, viro strenuo atque prudenti.





BOICÆ GENTIS
ANNALIUM
PARTIS I.
LIBER XXIII.

Bojariæ Ducatus Henrico Leoni detractus. Othoni III. cognomento Magno Wittelspachio à Friderico Cæs. Ahenobarbo donatus, quem Otho, post triennium moriens, Ludovico IV. filio pupillo, sub Conradi Wittelspachij Archiep. Moguntini & Friderici fratris tutelâ reliquit. Henrici Leonis exilia, varia fortuna, res gestæ, vitæ pius exitus. Fridericus Cæsar Ahenobarbus Boici Principatus opes & potentiam accêdit, cum Summis Pontificibus colliditur, moritur in expeditione Asiaticâ: quem paulò post Fridericus filius est secutus. Philippus Ahenobarbi frater, neglecto Henrico VI. cujus tutelam à Friderico Cæsare demandatam gerebat, regnum invadit: occiditur ab Othone Wittelspachio. Otho Henrici Leonis filius regium nomen cum Philippo assumit. Ludovici Boij res gestæ, mors illata à sicario. Res Christiana in Oriente magnas clades accipit: frustranei ad eam erigendam Europæi apparatus. Landishutæ, Straubingæ, Bojcarum urbium origines. Hildegundis Novesianæ virtutes. Agnes Andecensis nupta Philippo II Regi Galliæ. Rheni Palatinatus ad Wittelspachios translatus.



Pars I.

Ux dicta superius, videri poterant fortunæ resflorescentis invitamenta, nisi complures Leonis partiarj, diversis alienati casibus, fidem exuissent, quæ in adversis rara est & inconstans, plerisque sua commoda privatim, neglectis publicis, respectantibus. Leonem odiosum reddebant mores austeri, & ex longo dominatu, AN. CHRIST. M.C.LXXX.

liii

justo

I.

HENRICI
LEONIS PRO-
VINCIAE A
CAESARE
DONATAE
ALIIS.
OTHO WIT-
TELSPACHI-
US CREATUS
DUX BOIA-
RIÆ.

justo imperiosiores. Fridericus verò Imperator Ecclesiæ conciliatus, firmatusque totius Imperij viribus; non timeri modò, sed etiam coli sincerius & amari cœperat. Is Henrico mox à proscriptione Westphaliæ & Angriam detraxerat, donaveratque Philippo Colonienſi. Cæteram Saxoniam Bernardo Anhaltino fecerat clientelarem. Bojaria in Othonis Wittelspachij manus venit ob præclara in Rempublicam merita. Et verò ita visum Numini, cujus est dare, adimere, minuire, extinguere, transſerre, quamcunque in ſortem verſare, quemadmodum ipſi libitum eſt, certiffimo factorum ordine, dominatus & imperia, ut Boica, quæ annis tribus ſupra ducentos à Domo Schirenſi ad alienos, Bertholdo extincto, devenerat, poſtliminio ad legitimos nobiliſſimi Principatus hæredes reducta, Othonis poſteris, inſequentibus ſæculis, ex quibus anni quadringenti ſeptuaginta ſeptem jam propè effluxère; immo quod boni omnes nobiſcum vovent, uſque in ſæculorum finem nunquam interruptâ ſerie, beatè feliciterque aſſereretur. Bojaria igitur nexu, quo Henrico Leoni tenebatur, 3. Cal. Julij ſoluta; Othoni Wittelspachio lubens volens ſacramentum dixit, læta, quòd ſuæ gentis Principem, utique quovis extero gratiorem, recepiffet. Eum Fridericus Cæſar ritu ſolenni Ratiſbonæ inauguratum beneficiario Principatu donavit. Atque iſti quidem fuère gradus, quibus Henrici Leonis quamlibet potens fortuna, præceps ibat in ruinam, ad quam denique Cæſaris indignatione poſt varias agitationes fuit impulſa. Is, compertâ Saxonum defectione, ne eorum reconciliandorum ſuæque colligendi ſpatium Leo nanciſceretur, collecto ex Boijs & Alemannis exercitu movit in Saxoniam. Progredienti paſſim copiæ auxiliares ſeſe ultro junxère tanto numero, ut, qui Saxonum Leonis authoritatem, acceptaque ab eo beneficia ab ipſis incunabulis adhuc reſpexerant, metu conſternati, tranſitionem facerent ad Fridericum. In his fuère, Ludovicus Withæus, Leopoldus Hertesburgius, Ludovicus Peinius, complures alij, quos Slavi Leonem exoſi, ſecuti ſunt. Primo aditu, nullo negotio captum à Cæſare Hertesburgum, Lawenburgum, Blanckenburgum, Regenſteinum. Dedita, poſt paucorum dierum obſidionem, Liechtenberga: mons Hartesburgius Goſlatiæ imminens, quem olim Henricus IV. ad frenandos Saxones caſtro firmarat, occupatus. Ejus munitio, quam Saxones olim diruerant, muro reſtituto, præſidio Cæſareo munita. Bernardus Comes Racenburgius, qui conſpirationis cum hoſtibus, & meditati in Leonem cædis compertus ad Bernardum Anhaltinum profugerat, ternis arcibus exutus eſt. Godebuſcum ipſius arx expulſa & exciſa.

LEO A SUIIS
DESERITUR.

CAESAR IN-
VADIT PAR-
TEM SAXO-
NIÆ.

LIS DE VE-
RINGENSI
PONTE DE-
CISA.

Avent. I. 7.
AN. CHRIST.
M. CLXXXI.

II.

CAESAR
HENRICUM
LEONEM IN-
SECTATUR.

LEO CAESARI
FIT SUP-
PLEX.

Hoc anno lis de Veringenſi ponte, de ſalariâ viâ atque veſtigali à Cæſare addicta eſt Alberto Epifcopo Friſingenſi. Otho Wittelspachius ſententiæ acquievit, quam tamen neque ipſe, neque ſucceſſores ſunt ſecuti. Res demum per Philippum Romanorum Regem eſt tranſacta, uti videre eſt apud Aventinum, & qui ex eo deſcripſit, Hundium in Othone II.

Inſequentis anni caſtris Ahenobarbus Albim trajecit, Philippo Colonienſi cis flumen relicto, qui Brunſuico præſeſt: Marchiones verò Brandeburgicos Bernardum & Othonem fratres, Bardewico præfecit. Eum trans Albim ſunt comitati Wichmannus Magdeburgenſis, & Babenbergienſis Antiftites; Abbates Fuldenſis, Corbejenſis, Herſveldenſis, cum Othone Miſniæ Marchione. Habuit ſub ſignis ex Boijs & Suevis florentiſſimas legiones. Leo diſſuſus Lubecæ munimentis, 3. Cal. Julij Stadam ſe recepit: Cæſar verò auctus novis à Slavoniâ, Holſatiâ, & Daniâ ſuppetijs, Lubecam à Leone deſertam, civium voluntate, pacatè eſt ingreſſus. Henricus interitſi Stadæ ob loci firmitatem ſubſtiterat, unde, li extrema vis cogeret, in Oceanum elaberetur. Verùm, tametſi urbem vallo, propugnaculisque erat complexus, diſſuſus tamen & munimentorum & fugæ præſidijs, quod factu viſum eſt optimum, ad Cæſaris clementiam ſibi putavit eſſe confugiendum. Eum, impetratâ commeandi ſecuritate, Lunæburgi convenit, omnémque per amicos movit lapidem, ut ſibi aditum ad priſtinæ gratiæ locum aperiret. Quam ad rem ultro libertati reddidit Ludovicum Turingiæ Landgravium, & Hermannum fra-
trem

trem Palatinum, quos anno superiore fecerat captivos. Id duntaxat pro se obtinuit, ut ejus causa rursus à Principibus cognosceretur: quod factum est Erfordiae, ubi ad Friderici pedes abjectus, erectusque, & admissus ad amplexum, Caesari lachrymas expressit & voces, doloris testes, de tristissima consanguinei fortunâ, quam Henricus ipse sibi met accersisset. Hæc dicta in speciem, quod demum patuit, quando Caesar juratus, Principibus addixit (quos tamen plerosque nôrat hostili esse in Leonem animo) se cum pristino gradui nunquam redditurum, nisi id omnes probarent. Hoc tamen sanguini & meritis superiorum temporum concessit, ut Henricus, ubicunque terrarum degeret, patrimonij sui proventibus frueretur. Aliud cum nequiret impetrare, in Angliam ad socerum profectus est in exilium, promisso, se ante triennium, injussu Caesaris, in Germaniam non rediturum. Anglus cum honestissime exceptum cum tot amoris indicijs habuit, ut opes, honores, & majestatem cum ipso videretur esse paritatus, effusâ non in ipsum modò, sed omnes etiam exilij comites magnificentiâ & liberalitate.

Hic annus Alexandro Pontifici laudatissimo ultimus fuit, gesto Pontificatu per annos viginti duos. Subrogatus est Lucius, vir ætate, prudentiâ, longo rerum usu, præstantissimus: quo etiam tempore, non autem serius, aut citius, uti Hundius ac Brunnerus voluerunt, nisi mendum irrepsit in libellum de miraculis S. Virgilij, quem Canisius edidit, Salisburgi in principe D. Ruperti æde, quæ hujus sæculi anno sexagesimo sexto conflagraverat, D. Virgilij lipsana reperta inter parietinas, prodigiosis operibus cœperunt inclarescere, quorum bene longum indicem videre est in eo, quem dixi, libello. Sub idem tempus Vitalem & Hartwicum Salisburgenses, Pilegrinum Batavensem, Antistites, Alexandrum item Pontificem & Martyrem, Justinum & Nonnosum Frisingæ conditos, Deus miraculis illustravit.

Boicam recreatam donis cœlestibus, Caesar insigni potentie diminutione haud mediocriter accidit, Othone Wittelsbachio dissimulante, ne repugnando acceptum recens beneficium, malè repensare Caesari irarum vehementi, crederetur. Hic, sive ut Germaniæ Principum opes, ipsis Imperatoribus metuendas, doceret extenuare, sive ut augeret vires Imperij, multiplex Bojariæ vulnus infixit. Nam Ratisbonam, Bojorum Principum urbem regiam, vetustissimæ Ducum ditioni subtraxit, voluitque liberis Imperij civitatibus accenseri, salvis tamen vectigalibus, portorijs, ac quibusdam alijs juribus, quæ penes Bojariæ Duces & loci Episcopos remanserunt. Gravius fuit damnum ex Tirolis, quæ hætenus pars Boicæ censebatur, subductione in alienam Toparchiam: gravissimum illud, quod Præfectos limitum, qui vulgò Marchiones dicebantur, erantque majoribus Principibus subjecti, contentique vicariâ potestate, quæ pro arbitrio Ducis dabatur & auferebatur, Caesar Boicorum Principum imperio detraxit, fecitque Imperatorum clientes, & pares Ducibus, quorum antea nutibus regebantur. Quâ ex mutatione Bertoldus Andecensis nomen dignitatēque Meraniæ Ducis est consecutus: Tirolenses juxta ac Goricienses Comites aucti novo titulo atque potestate, quæ demum in unam coaluit sub Menhardo Goriciensi, retinuitque solius Tirolij Principatus nomenclationem. Ottocarus præterea, qui Styris, prisco vocabulo Tauriscis, Marchio præerat, Ducis nomen, mutatâ antiquitatis formâ, suscepit.

Sed hoc Boicæ longè lustruosissimum, cui tam brevi Othonis Ducis Wittelsbachij imperio frui licuit. Nam is 5. Id. Julij, anno M.C. LXXXIII. rebus humanis ereptus, triennem Principatum destituit, Princeps Magni titulo dignissimus. Eum scribunt Kelhaimij natale solum habuisse, ubi Otho ejus parens à Conrado Imperatore circumfessus, Othonem hunc Magnum obsidem dare coactus est, inter filios natu maximum. Kelhaimij Toparchiam cum honore & titulo Palatinorum, post fata, filijs reliquit. Otho spe atque indole jam Magnus, inter primos Friderici Ahenobarbi domesticos, adscitus ad Prætorij præfecturam, magnarum expeditionum comes, & complurium victoriarum non tam so-

EXULAT IN
ANGLIA.

MORS A-
LEXANDRI
PONT. MAX.
Henr. Canis.
Antiq. lect.
10. 6. p. 1178.
D. VIRGILII
RELIQUIÆ
REPERTÆ.
ALIORUM
ITEM SAN-
CTITATE IL-
LUSTRIUM.
AN. CHRIST.
M. C.
LXXXII.

BOICÆ PO-
TENTIA AC-
CISA.
RATISBONA
DETRACTA.

CREATI NO-
VI DUCES.

AN. CHRIST.
M. C.
LXXXIII.
III.
MORS O-
THONIS
WITTELS-
BACHII.

Frider. Epist.
ad Alexand.
Pont. Ep. ad
Roland.
Cancell.

DACHAVI-
UM EMPTUM
AB OTHONE
M. WIT-
TELSPA-
CHIO.
RAININGA
AD FISCUM
REDUCTA.
Avent. l. 7.
p. 654.
ORIGOLAN-
DISHUTÆ
PRIMA.

Chron. Rei-
cherf.
CONRADUS
WITTELS-
PACHINS RE-
DIT MOGUN-
TIAM.
M. S. caval.
Episcop. Sa-
luburg.
Australe
Chron.
Augusten.
Chron.

IV.

CURIA ER-
FORDIENSIS
COLLAPSA
MULTOS OB-
RUIT: ET
CÆSAREM
INGENTIS PE-
RICULO OB-
IICIT.
Siffrid. Presb.
l. 1. Chron. Er-
ford. Norimb.
Godefridi
Monach.

AN. CHRIST.
M. C.
LXXXIV.
CÆSAR RUR-
SUS PERI-
CLITATUR
MOGUNTIAE
EX ÆDIFI-
CII RUINA.
Arnol. l. 3.
c. 9. refert.
ad an. 1182,

cus, quàm adjutor & author fuit, sine quo Fridericus parùm magnæ rei, hic sine Friderico multa prospera gessit, adeoque fuit Friderico, quod Parmenio erat Ma- gno Alexandro. Eum Cæsar honore consanguinei persequabatur, quemadmo- dum & Luitpoldus Arnulphi Comitis filius, à quo Schirenses genus duxerunt. Fuit Otho fidus Cæsari quousque licuit homini militari, qui legum sanctorum rudis, omne jus habebat in armis, quibus erat innutritus. Præter geminam prolem muliebris sexûs, quarum altera, Sophia nomine, nupsit Poponi Dynastæ Hen- nebergio; altera, Mathildis, Rapotoni Craiburgio; Ludovicum adhuc impube- rem, natum ex Agnete Halensi Wasserburgia, quem tutelæ Conradi Archiepi- scopi Moguntini & Friderici fratrum commendavit, à quibus & ipsi Principatus sortus tectusque servatus est. Funus sacræ Schirensium ædi magnificâ pompâ & frequentia nobilitatis illatum, Annales Schirenses referunt. Illi, præter geminos fratres, inferias iverunt Fridericus & Philippus Ahenobarbi filij. Paulò antè, quàm è vivis excederet, Dachaviensem Toparchiam decem auri ~~marcarum~~ & octingentarû argenti librarum pretio coëmerat ab Utrildâ viduâ Conradi Ducis Dal- matiz & Comitis Dachaviensis cæsi ad Mediolanum; filio Conrado defuncto, & Arnulpho leviro Dachaviensi (cùm nullus alius ex eâ stirpe esset reliquus) non ob- nitente. Idem Rainingam redegit in fiscum, quod Rainingiorum propago, qui simul Roteburgi toparchiâ erant potiti, in Conrado & Benedictâ; Conradi liberis defecisset. Rainingæ area cum castri vestigijs extat inter utriusque Lavari profluen- tes, decimo ab Abusio lapide. Kelhaimium, quod antè arx fuerat, Otho cœpit redigere, adjecto oppido, in formam ampliorem. Cœpit item moliri Landshu- tam, quæ postea evasit in Boicæ prætorium.

Christiano Moguntino in Italiâ extincto, Conradus Wittelspachius, Ludo- vici Boijrutor, Moguntinz sedi est restitutus cum ingenti gaudio totius civitatis, quæ cum, velut *Angelum Dei*, ut habent Annales Moguntini, è cœlo lapsum rece- pit. Adalbertus verò, qui Salisburgensem mitram haud gravatè posuerat, Cæ- laris voluntate & lætis Cleri populique suffragijs 13. Cal. Decemb. pristino hono- ri redditus est. Conradus, antequam rediret Moguntiam, bellum gesserat cum HermannO Ortenburgico electo Gurcensis Ecclesiæ Episcopo, Conradi ingra- tijs, qui Theodoricum Collegij Salisburgensis Præpositum censebat esse præferen- dum. Longè graviori bello collisus est cum Ludovico Turingo, quod cùm alter- nante fortunâ gereretur, Imperator utrumque, ad causam dicendam, Erfordiam citavit. Quâ occasione, 7. Cal. Augusti, contigit casus miserabilis. Cùm sena- tus in aulâ spaciosâ, sed ruinosâ haberetur, lacunar, impar sustinendæ multitudini, trabibus situ ac vetustate cariosis, subito solutum, in subjectam latrinam supra cen- tum homines effudit. Periêre in fordibus, Henricus Schwartzenburgus, homo bellorum avidus, qui, quoties dejerabat, solebat suum caput foricis devovere; Fri- dericus item Kirchbergius, Burcardus Warbergius, Fridericus Abenbergius, Goz- mannus Hassus Ligenheimensis. Cæsar ruinam anteverrens, ad fenestraz cancel- los refugit, atque ex ijs pendulus servavit vitam. Ludovicus Turingus ægrè se cœno expedit. Author libri de Langravijs Turingiæ istum casum refert ad annum sextum & octogesimum; sed non est audiendus præ Siffrido, qui longè est vetustior.

Anno proximo, Fridericus Imperator denuo haud leve discrimen ex ruinâ extemporalis ædificij adiit Moguntiz in Comitijs, ad quæ confluerant ad qua- draginta hominum millia. Cùm ingentem nobilium multitudinem urbis tecta non caperent, in agro suburbano, opere tumultuario ædes fuerunt excitandæ, inter quas una molis valde capacis, ad formam templi non inelegantis. Proceres ad conventum exciverat tum publici cura, tum inprimis pompa Henrico & Fride- rico Cæsaris filijs adornanda. Ephebis egressos, parens baltheo cæteroque cultu militari palàm statuerat accingere, & Henricum renuntiare Regem, apparatu splendidissimo ad ostentandam Imperij majestatem. Verùm disturbavit thea- trum pridie Pentecostes tempestas spirans ab Occidente impetu tam procelloso,

ut subitanam basilicam Regiæ attriguam, cæteraque domicilia momento diffarit, eorumque ruina plurimos mortales contuderit, protriveritque: quasi Numen ostenderet, se nimio fastu offensum. Trabes, pars quernæ, pars abiegnæ magni ponderis, aliæ in Rhenum, aliæ trans flumen ad Hochheimium pagum, tertio ab urbe lapide, per auras everberatæ. Solutis comitijs, Fridericus prid. Cal. Sex-tileis in Italiam est transgressus, ut ageret cum Lucio Pontifice de utriusque Imperij, Orientis videlicet, in quo res Christiana periclitabatur, & Occidentis sa-lute.

*Narrat.
Christ. II.
apud Serar.*

Dum Veronæ colloquuntur, ad Lucium venerunt à Rege Angliæ legati, de Henrico Leone in integrum restituendo. Eam legationem Anglo persuaserat Philippus Archiepiscopus Colonienfis, jam factus Leonis calamitate æquior. Lucius regijs precibus id detulit, ut reconciliatoris partes in se susciperet, quibus perfunctus est ex animi sententiâ, impetrato, ut Leo à proscriptione & exilio absol-veretur, nullâ provinciarum restituendarum factâ mentione. Fridericus sub Non. Novembris Veronâ discedens, Mediolani Henricum filium Italiæ coronâ curavit ornandum, inaugurante Lamberto Archiepiscopo, non sine plautu Mediolanen-sium, meliora sibi à filio, quàm à parente pollicentium. Hic annus Albertum Antistitem Frisingensibus subtraxit, qui Deum rerum suarum unicum hære-dem supremis tabulis, & ingenti sumptu, quem erogavit in Ecclesiæ suæ com-moda, esse voluit, ne obulo quidem suis consanguineis relicto. Suffectus in ejus locum Otho II. è Comitibus Bergensibus Suevis, quem nonnulli, ob maternum sanguinem, Dieffensi genti, errore vulgi adscripserunt. Tres habuit fratres Passavij Episcopos, Henricum paucis mensibus, postea Theobaldum per annos viginti quatuor, postremò Manegoldum annis novem.

*H. LEO AB
EXILIO AB-
SOLVITUR.*

*HENRICUS
CÆSARIS F.
CORONAM
REGNI ITA-
LICI ACCE-
PIT.*

Albertum Frisingensem ad alteram vitam secutus est Chuno II. Ratisbonen-sis Episcopus 2. Id. Junij. Successor dictus est Godefridus Cæsari à sacro sacello & ab Epistolis, ad 14. Cal. Julij, qui non omnino annum integrum præfuit, abdica-tâ mittâ anno sequenti ad 11. Cal. Martij. Eidem subrogatus Conradus Laich-lingius 5. Non. Martij, post biennium, ut Stero notavit, ab Adalberto Salisburgensi, adstantibus quatuordecim Episcopis, inunctus. Hoc item anno Henricus Co-mes Riettenburgensis, suæ stirpis ultimus, è vivis excessit, geminis fratribus etiam sine prole defunctis. Quamobrem Riettenburgicæ clientelæ, rediére ad Boici Principatus proprietatem.

*AN. CHRISTI
M. C.
LXXXV.
V.*

*WENBUR-
GUM ADDI-
TUM DUCA-
TUI BOICO,
Hund. in*

Fridericus Veronæ Lucio collocutus, jecerat haud obscura semina simulta-tum, quæ Lucij successorem haud modicè exercuerunt. Accesserant Veronam, magno numero, Clerici à spurijis Episcopis, durante Schismate, ordinati, qui in-tercessore Friderico, usum ordinum & dirarum veniam orabant. Visus erat Pon-tifex annuisse: tamen Conradi Wittelspachij (uti suspicio fuit) monitu, à senten-tiâ abductus, quod non expediret, eos, quibus sacrorum usus in Concilio Veneto fuisset interdictus, extra concilium generale restitui; Fridericum distulit ad con-ventum, quem promittebat, se propediem Lugduni habiturum. Ingrata sem-per est magnis Principibus non repulsa modò, sed etiam postulatorum di-latio.

*Origin. A-
vent. in Epi-
tom.
CONTRO-
VERSIA LU-
CII PAPÆ
CUM CÆSA-
RE.*

Gravior fuit controversia de Mathildis bonis dotalibus, quæ Fridericus Impe-rio, Lucius Ecclesiæ Romanæ testamento relicta, tabulis uterque ostendebant. Accessit gravissima ab Ecclesiâ Trevirensi disceptatio, in qua jus Pontificis cum Friderici usurpatione conflictabatur. Nam Arnolfo Trevirorum Archiepisco-po demortuo, Rudolfus summæ ædis Præpositus, & Volmarus Archidiaconus, di-versis suffragatorum nixi studijs, insulam prensârunt. Volmarus prior quidem & à parte saniore, sed præposteris comitijs electus, & in Archiepiscopi solio collo-catus est: Rudolfus verò ab inferiore parte, adnitentibus Cæsaris legatis, renuntia-tus est: utriusque causam Cæsar ad suum tribunal Constantiam evocavit, & ex Pro-cerum sententiâ pronuntiavit, Collegium quidem eâ vice jure suo excidisse; quod majorum more receptum esset, ut, si abeuntibus in diversa votis electio titubaret,

*LIS DE AR-
CHIEPISCO-
PATU TRE-
VIRENSI.*

VI.

CÆSAR PE-
TIT A PON-
TIFICE PRO
FILIO, RO-
MANAM CO-
RONAM.

AN. CHRIST.
M. C.
LXXXVI.
HILDEGUN-
DIS VIRGO
NOVESIANA.

VII.

Cæsaribus esset integrum, quem judicarent idoneum, sufficere; tamen nolle se in præsens uti summo jure, sed novam electionem suffragijs instaurari justioribus. Volmarus interea in Trevirensi D. Petri basilicâ se communijt adversus rivalem; qui Trevirim reversus, ad D. Simeonis ædem divertit, inijtque Episcopatum. Gesta hæc erant ante biennium. Rudolfus Cæsaris autoritate, nonnullo Cleri populique favore (ut mobilia sunt hominum ingenia) erectus, opibus etiam potentior, ad rei summam grassabatur, cum Volmarus Romam profectus, Pontificis opem imploravit. Ergo jubetur uterque æmulatorum, Romæ in jus ambulare; vicissim Imperator, missis ad Pontificem viris quatuor, juris humani apprimè consultis, Rudolphi causam in Romanâ curiâ defendit, postulâtque, sententiam in suum adventum comperendinari. Quare Lucius jubet partes sequi Veronam. Hic Imperator Lucium rogare, urgere rationibus, minis premere, renuntiare amicitiam, si Rudolphi petitionem, quam ipse probâisset, adverso judicio profigaret. Nec abhorrebat Lucius, quâ erat moderatione, à Cæsaris opinione; sed visum tamen, neutri litigantium, nisi causâ rite atque ordine discussâ, controversiam addicere. Patres, ubi ad dictam diem, paratis advocationibus, venêre in certamen, rem fecêre longè quàm antè perplexiorem, quòd neque Pontifex sacris sanctionibus contravenire, neque Cæsar causam, quam suam fecerat, & violenter Treviris per filium suum urgebat, vellet deferere. Ita lis tum quidem in triennium ampliata, quando repudiatis ambobus rivalibus, Treviris tiara, annuente Clemente III. Pontifice, conspirantibus eligentium suffragijs, pronâque populi voluntate delata est Joanni Regis Henrici Cancellario. Atque hæc quidem ex veriori historiâ, tametsi in auctario Aquicinctino, Auberti Myræi diligentia, nostro ævo edito scribitur, Volmarum electum canonicè, ab Urbano Lucij successore, sabbato sancto Pentecostes, in Presbyterum Cardinalem; & sequenti die in Archiepiscopum, Friderici Cæsaris ingratijs, esse consecratum. In Veronensi congressu, præ quàm cætera postulata, Cæsar prensavit Henrici filij augustalem inaugurationem, sed frustra, Lucio negante, unum imperium ferre duos Imperatores, aut posse filio imponi coronam, quam parens capite gestaret. Ita per mutuas repulsas, animis haud paulùm alienatis, colloquium abruptum est. Friderici odium Lucius Pontifex, 7. Cal. Decembris Veronæ mortuus effugit, in Urbanum II. è Cribelliorum Mediolanensi familiâ erupturum. Nondum soluto congressu, non ambiguis argumentis hoc ipsum apparuit, cum in sessis per Cæsaris exploratores omnibus itineribus, nulli patebat Italia, nisi qui sarcinas lustrandas explicuisset, quod agebatur ad tollendum litterarum commercium.

Quæ præter modum accurata circumspèctio (quod mox patebit) Hildegundem Virginem, domo Novesianam, haud procul ab Augustâ Vindelicorum non dubiæ morti objecit, quâ non uno miraculo Numinis eam benignitas liberavit. Prodigio similia sunt, quæ à probis scriptoribus de eâ referuntur, Patrem in Palestinam secuta, virum simulans, Josephi sumpsit, unâ cum virili cultu, appellationem. Sed parente præmaturè Ptolemaide defuncto, à famulo, qui comes erat itineris, perfidè spoliata, miserèque deserta, Hierosolymam nihilominus pervenit, obiitque loca Christi vestigijs honorata. Isthic ab amico paterno agnita, domum retracta est, & adscripta Canonici famulatio, cui lis erat cum Philippo Colonienfi Archiepiscopo de sorore, quam parthenoni, jure (ut ipse quidem arbitrabatur) optimo, præfici oporteret. Hujus causam acturus, proficiscens in urbem, à Collegio Colonienfi litteras, in Volmari gratiam scriptas, accipit, & personatum Josephum, quem virum credebat, itineris comitem accipit, eique in excavato scipione Capituli litteras perferendas committit. Ut Cæsarianorum exploratorum diligentiam eluderent, per Boicam diversâ viâ progredi placuit. Hildegundi, Josephum simulanti, se fur adjunxit, qui recens nocturno furto domum spoliaverat, secumque deferebat prædam. Is è longinquo apparitores conspicatus insectantes, furtivam sarcinam Hildegundi, nihil sinistrum suspicanti, commendat, & quasi mox reversurus se abdit in densum nemus. Hildegundis, prædæ

prædæ indicio, à vestigatoribus deprehensa, Züsmerhusum rapitur ad Judicem rerum capitalium, & velut furti manifesta, DEUM hominésque pro innocentia implorans, furcæ addicitur, & ægrè animi per exomologesim expiandi copiam exorat. Sacerdoti se furti prorsus insontem professa, aperit, se peram prædatoriam ab ignoto viæ comite accepisse, & sine injuriâ non morituram: posse furem silvæ latebris educi & subijci quæstioni. Judex hominem natus, deque furto percontatus, præter mendacem inficiationem nihil extorquet. Quâ in ambiguitate, tam ipsi, quàm Hildegundi ferri candentis purgatio indicitur, quam Hildegundis illæsa subiit, fur verò ambugustus, actus est in patibulum. Hujus propinqui ignominie impatientes, cadaver infelici trabe solutum tumulant, & Hildegundem ex itinere retractam furis loco suspendant. Perierat illa, nisi cœlites eam vetuissent perire. Ne restis ei fauces elideret, biduo pendentem sublevârunt, & divinâ harmoniâ solati, renuntiârunt, Agnetem ipsius sororem, eandem horâ, quâ ipsa pendere cœperat, in cœlum evolâsse. Credebatur extincta, cum opilionibus injecta mens, eam de infami arbore deponendi: & deposuere quidem; sed mox, ubi terram attigerat, ad gregis tutelam à lupis incurstantibus revocati, laqueo inferram deseruere, credentes, esse prorsus exanimem. Sed genij cœlestes absolvère pietatis officium, laxatôque vinculo, respirantem & equo impositam, Veronam, quo herus Canonicus jam præcesserat, devexerunt. Is suum Josephum, tam manifesto prodigio servatum, tantò habuit chariorem, & in Germaniam reduxit. Hic edoctus ab Angelo tutelari, biennium duntaxat sibi vitæ superesse, à Canonico digressus, sexum regens habitu, in Schonaugienſe Vangionum Monasterium post infimas preces inter viros receptus; masculâ prorsus virtute, quod reliquum vitæ fuit, exegit, nemo ut esset, qui severitate & laborum tolerantia superaret. Sub extremam lineam, suo moderatori rerum perpessarum seriem atque discrimina, sexu tamen celato, recensuit, quædam futura prædixit, quibus eventa fecere fidem. Diem obiit quartâ Paschæ feriâ, 12. Cal. Majas anno octogesimo octavo in Monasterio Schonaugienſi, ubi ejus virtuti, rudi istius ævi simplicitate, his versibus est parentatum.

*Omnis homo miretur, homo quod fecerit iste,
Hæc, cujus fossa cineres includit & ossa,
Mas vivens paret, moriens sed famina claret.
Vita sefellit, morsque refellit rem simulatam:
Hildegund dicta, vita est in codice scripta.
Maij bis senis hæc est defuncta calendis.*

Biennio antè, Henricus Leo ex Angliâ redux in Saxoniam, Brunſuici degubat, patrimonij insigniter lacerati possessione contentus. Eum quidem Imperator spe fortunæ melioris subinde lætabat: sed verba erant sine re, quòd Leonem haberet suspectum, quasi multum conferret ad ea, quæ ab Urbano Pontifice, à Philippo Colonienſi, qui mentem fidemque in Cæsarem mutaverat, & à Canuto Danorum Rege Leonis genero, minis grata subornabantur.

Arnold. l. 1.
c. 12.

VIII.

Sed & erant alia, cur Cæsari moverentur lites, atque illud inprimis, quòd in adeundâ Mathildis hæreditate, non tam jure, quàm suomet usus esset arbitrio, atque capropter ab Urbano vehementer accusaretur: alterum erat grave admodum ordini sanctiori, quòd Episcoporum morientium peculium, & quicquid defunctis supererat bonorum mobilium, sibi arrogaret: tertium, quòd involaret parthenonum opes eo prætextu, quòd Antistitas complures, malorum morum accusatas locoque motas, velut indignas suis stipendijs spoliabat, quæ ut retineret, vetabat alias in amotarum locum suffici: quasi in ejus foret manu (quod protervè dominantium est) novas leges figere, refigere bene fixas. Talibus ausis reclamabant passim Episcopi, atque inprimis Urbanus Pontifex vindex Ecclesiasticæ libertatis; Philippus Colonienſis, Conradus Moguntinus, Bertoldus Metensis, aliique permulti. Ille verò ut aliquem æquitatis fucum eorum querimonij obijceret, Gel-

CÆSARIS
VARII
ABUSUS.

lenhusij

lenhufij comitia indixit: ubi meditatâ oratione multa in rem suam præfatus, Episcoporum causam iudicio subjecit, seriò admonitorum, viderent, ut, quæ more vetusto Cæsaris adhuc fuissent, ne novis institutis Cæsari auferre niterentur. Coloniensis & Metensis Antistites, qui Cæsaris causam præiudicio jam damnaverant, comitio defuerunt: adfuerunt alij, qui minùs rigidi iudicabantur. Conrado Wittelspachio Moguntino, ob sedis Metropoliticae, & purpuræ Romanæ prærogativam, primæ dicendi partes permixtæ. Is, quâ erat constantiâ & fide in iura sacerdotum, orsus à controversiâ, quæ agebatur inter summa orbis Christiani capita, gravitate; professus est, suæ non esse tenuitatis decernere, utri partium victoria deberetur: & verò sibi non liquere, an in Germanicorum Principum confesso causa rite posset agitari. Verum quidem, ex Christi sententiâ, dixisse Imperatorem, Cæsari reddenda esse, quæ essent Cæsaris; neque enim cuiquam esse dubium, quin supremo Romani imperij Principi, & tutori omnium Ecclesiarum, danda essent, quæ lege ac more deberentur; sed in eo versari quæstionem, totiusque rei cardinem, quisnam Iudex sit litis in præsentiarum definiendæ; quænam illa sint iura debita Cæsari, & vicissim quæ reddenda Ecclesijs. Et Romanos quidem Pontifices, nulli omnino tribunali fuisse unquam obnoxios; Imperatores verò à Pontificibus solitos esse iudicari. Si summo jure agendum esset, illos, ut Iudices esse adeundos, quorum esset de summis, perinde atque infimis iudicare. Quòd si videretur incedere irâ molliore, neque legibus, neque armis utendum in eos, quibus Deus legum interpretationem, & armorum sanctiorum præsidia impertisset. Quare si ita Patres sentirent, optimum factu futurum, & longè tutissimum, benignum parentem adire precibus & obtestationibus, quæ solæ filiis apud parentes sunt relictæ. Quòd si Cæsar autumat id esse infra suam maiestatem, Episcopos posse esse interpretes, si modò rogatorum partes ipsis à Cæsare demandentur. Ivère omnes in Conradi sententiam, & Friderico non invito, omnium nomine decessere litteras ad Urbanum, tali temperamento, ut eum crederent aliquid de juris æquitate remissurum. Verùm ijs nihil motus Pontifex, quòd facile colligeret, Episcopos tempori potius, quàm legibus sua studia commodasse; Imperatori diem præfixit ad causam dicendam: cùm autem hic vadimonium desereret, eum statuit publicis tabulis è piorum numero proscribere. Quod fulmen Veronenses, qui adhuc in Cæsaris auctoritate fuerant, ne Veronæ erumperet, sunt deprecati: ne alibi vibraretur, mors Urbani, 14. Cal. Novembris, Ferrariæ intercessit.

MORS UR-
BANI II.
PONT. MAX.

IX.

Roger.
Neubrig.
GREGORII
VIII. PONT.
RES GESTÆ
PRO TERRA
SANCTA.

MISER PA-
LÆSTINÆ
STATUS.

Ei successit Gregorius VIII. die postero, à duodeviginti Cardinalibus creatus, & paulò post redimitus pontificijs insignibus, quæ uno duntaxat mense, & viginti septem diebus retinuit. Brevi isto tempore multa egit pro Orientalium Christianorum calamitatibus sublevandis: dedit ad omnes Occidentis Principes litteras Pontifice dignissimas, ad eorum poscendam opem; in quinquennium indixit feriæ sextæ severum jejunium, quo Numen placaretur: iussit ferijs quartis & sabbato à carnibus abstineri: addidit secundam feriam, quâ tum ipse, tum Cardinales eorumque domestici quadragesimalibus duntaxat cibis vescerentur, lege tam rigidâ, quam nemini citra gravem causam liceret violare. Ejus instinctu sacer Purpuratorum senatus se in commune devinxit ad abdicandas lautitias, curamque rei faciendæ, utque omnes belli sacri insignia susciperent, quò magis alij ad ea suscipienda incitarentur: sibi quoque omni usu capiundorum munerum interdixerunt, immo & equitatione, quamdiu terra sancta infidelium pedibus tereretur. Etiam fuerunt authores, ut septennes induciæ toto Occidente, gravissimâ religiosæ proscriptionis pœnâ, sancirentur. Quibus religionibus causam dedit miserrima Palæstinæ conditio.

Saladinus Babylonæ tyrannus, duobus maximis prælijs victor, pulsus è terrâ sanctâ Christianis, gloriosum Christi sepulchrum extorserat, abstulerat crucem adorandam, ex quâ totius mundi spes pependit. Quorum malorum origo non eadem refertur ab omnibus. Accusant aliqui fœdus & clancularia consilia Saladini cum Isaaco Constantinopolitano: alij Christianorum ignaviam: alij violatas ab ijs

ab ijs pacis & commercij pactioes: alij ambitionem & similitates Raimundi Tripolitani adversus Vidonem, cum Sibylla, Balduinorum, qui proximè Hierosolymæ sceptrum tenuerant, hæres, coronam imposuerat. Addit Nicetas Isaacio à vate scelestissimo injectam fuisse religionem, quasi Orientis Imperio certa ab occiduis Regibus pernicies immineret, nisi se Orientalium fœdere subsidiisque tueretur. Sed quod formidabilius, æquales eorum temporum scriptores meminerunt, sacerdotes id locorum, flagitijs fuisse coopertos: ipsum adeò Patriarcham in eodem fuisse luto. Clades imminens, crebris horrendisque terræ tremoribus, sævis item ventorum procellis fuerat denuntiata: agri præter modum grandine flagellati: mare æstu insolito exundaverat: visa in aëre Aquila circumvolitans Christianorum copias, armata septem jaculis, & humanâ voce; *Vae Hierosolymis!* inclamans. Ut ut ista habeant, mox, ubi classicum ex urbe insonuit, innumera catervæ, pedestres, equestres, ad crucis signa convolârunt. Arnoldus, extra classiarios, numerat centum quinquaginta Cæsarianorum millia. Gallia & Angliæ Reges Philippus & Richardus, Tyrij Archiepiscopi hortatu, & apparentibus prodigiosis in vestibus crucis imaginibus incitati, magnos quoque fecere delectus. Taceo ingentes Regis Siculi, totius Italiæ, & Flandriæ Comitibus apparatus. Fridericus Cæsar, ejusce belli ducem professus, antè quàm se ad iter accingeret, Reginoburgi Comitibus Boicæ Procerum habuit, quo tempore Ottocarus Tauriscorum Princeps, elephantias laborans, Stiriam Leopoldo Austrio, propinquitatis amore transcripsit, unde Varnpachium & Schardinga, quam Leopoldus munijt, venere in Austriorum manus, ad Boicam postea redituræ.

Annus octogésimus octavus consumptus est in adornandâ Asiaticâ expeditione, cui, præter Ahenobarbum, dedere nomen, ejus filius Fridericus Sueviæ Dux, Theopoldus Batavensis, Ratisbonensis, Herbipolensis, Tarantasius, Vefontionensis, Monasteriensis, Basileensis, Tullensis, Olnabrugensis, Misnensis, Episcopi; Bertholdus Andecensis Dux Meraniæ, Hermannus Badensis, Ottho Burgundiæ, Bertoldus Zâringæ, Adalbertus Habsburgi, Henricus Salmæ, Gosbertus Asperimontis, Robertus Nassoviæ, Adolfus Holfatiæ, duo Henrici Dietzi, Dynastæ. Ne per absentiam Cæsaris Henricus Leo res novas moliretur, Goslatiæ jussus adesse, & è tribus conditionibus, quas ei Fridericus Cæsar præfixit, ut videlicet vel lubens pateretur dignitatem, quam repetebat, imminui, vel in Palæstinâ Cæsari militaret, vel ut triennio patriâ careret, unam eligere; postremam cæteris prætulit, rursûmque in Angliam ivit exulatum: unde tamen anno sequenti, adnitentibus Angliæ & Daniæ Regibus, in Germaniam redijt. Subinde missus à Cæsare Conradus Wittelspachius ad Belam Ungariæ Regem, quo cum itineris, fori escarij, viarum muniendarum, pabulationis rationem iniret, quod & perfecit ex animi sententiâ. Episcopus Monasteriensis, Rupertus Nassovius, & Henricus Junior Comes Dietzius lecti, qui oratores de pace ad Isaacium Angelum proficiscerentur, à quo nihil præter Argolicas fraudes & carcerem, obsidum specioso nomine, donec Cæsar adveniret, impetrârunt. Feciales quoque cum litteris missi ad Saladinum, qui bellum indicerent, nisi ablata restitueret.

Cæsar, Republicâ Henrico Regi filio commendatâ, copijs 9. Cal. Aprilis ad Ratisbonam lustratis, iter est ingressus. Totius expeditionis diarium minutim texere, longum esset ac supervacaneum. Id accurate præstitum per Scriptores, quos notavi paulò antè ad marginem, perque alios recentiores. Castra per Ungariam pacatè mota in Illyricum, inde in Lycaoniam. Multæ in viâ pugnae, cæsis disjectisque passim Græcorum insidijs: castella expugnata, urbes vi occupatæ, Cæsaris Legati Bizantio recepti.

Transmisso Hellesponto sub Martium exeuntem, commissa passim prælia leviora, donec Laodicæam, præ quàm Græcæ aliæ civitates fidam comémque, ventum est, ubi exercitus omni genere humanitatis est admiraculum recreatus. Certandum postea fuit cum barbarâ Turcarum, ipsius adeò famis immanitate; quo in itinere Fridericus Cæsaris filius honestum vulnus in malâ, excusso dente, pugnans

INGENS APPARATUS AD SACRAM MELITAM.

SCHARDINGA ET VARNPACHIUM TRANSIAT AD AUSTRIOS.

Nicetas Choniatus. Tagena. Arnold. Luber. Otto de S. Blasio. Rigord. Godefrid. Monach. Expeditio Asiatica apud Camissa.

P. 2. pag. 46. AN. CHRIST. M. C. LXXXIX. HENRICUS LEO RURSUS EXULAT.

AN. CHRIST. M. C. LXXXIX. X.

RES IN ITINERE PALÆSTINO GESTÆ.

AN. CHRIST. M. C. XC. LAODICENSIUM HUMANITAS.

VICTORIA
AD PHILO-
MELIUM.
ALIA DE
MELICHO
SALADINI
FILIO RE-
PORTATA.
TERTIA AD
ICONIUM.
MORS FRI-
DERICI A-
HENOBARBI
IMP.

LUES IN
CHRISTIA-
NO EXER-
CITU.

MORS RE-
GIS FRIDE-
RICI CÆS.
FILII.
*Godefr. Mo-
nach.*

HENRICUS
VI. REGNUM
AUSPICATUR

XI.

HENRICUS
LEO ARMA
RESUMIT.

*Chron. Tu-
ring. c. 29.
Arnold. l. 4.
c. 23.*

PAX CUM
HENRICO
LEONE.

accepit. Explicatâ acie, Nonis Maij, prosperè dimicatum ad Philomelium: cæsa hostium sena millia, urbs capta, direpta, incensa. Pari felicitate, prid. Id. Maij, commissa pugna in Melichum Saladini filium, qui trecenta armatorum millia Friderico objetit. Nostorum aciem visus est D. Georgius in vota vocatus, cum candidatâ legione prætexere. Castris per loca siticulosa, cum incredibili nostorum molestiâ ad Iconium promotis, denuo pugnatum 16. Cal. Junij, ac triumphatum. Occubuerè è Barbaris innumeri, ingens collecta præda, quæ superiorum laborum oblivionem induceret. Expugnatum Iconium: Calicadmi Soldanus pulsus in arcem, precibus pacem obtinuit. Cæsarem hætenus invictum, mors in Armeniâ devicit 4. Id. Junij, casu improvise, & piæ militiæ acerbissimo, qui eum fluminis, sive Serræ, sive Farfari, sive Saletij, sive Cydni (nam scriptores in diversa abeunt) lavantem, vel trajicientem, vorticibus haustum extinxit. Aliqui Seleuciz, inopinatâ morte, nullâ fluminis mentione, abreptum putant. Agebat ætatis annum septuagesimum. Justa illi funebria Antiochiæ Fridericus filius, summæ rei in exercitu impositus, persolvit. Hic demum sæva in milite exorta lues, tot grassata est funeribus, ut, qui supererant, vix sufficerent, demortuorum corporibus tumulandis. Sunt, qui scribunt, ad triginta millia periisse. In eorum censum venerunt, Rupertus Comes Nassovius, Burcardus Chambensis, Rudigerus Ahaimius, Theopoldus Passaviensis Episcopus, qui Ptolemaide 3. Non. Novembris vivere desijt. Illi, anno postero 5. Id. Martij, Wolfkerus successit. Tageno ejusdem Ecclesiæ Decanus Tripoli diem obiit. Fridericus Cæsaris filius, dum copiarum reliquias Ptolemaidis obsidendæ admovet, & operi gnaviter incumbit, fato succubuit, dignus longiore vitâ, nisi aliud Numini placuisset. Medicis ad prorogandam vitam Veneris usum suadentibus, respondit animo verè generoso, malle se mori, quàm fœdari. Eo sublato, qui supererant, sensim à signis dilapsi. Bertoldus Meraniæ Dux, & Conradus Antistes Ratisbonensis in Bojariam salvi redièrè.

Nos porrò ab istâ peregrinatione, in Saxoniam ad Henricum Leonem redeamus. Henricus VI. qui in Romanis fastis Quinti nomen habet, eò quòd Henricum Aucupem ex Imperatorum Albo, propter neglectam Romanam inaugurationem expungant; à patre ante Asiaticam profectionem inauguratus, compertâ ipsius morte, absolutam summæ rei gubernationem adiit. Philippus Archiepiscopus Colonienfis, Albertus Leodiensis Antistes, aliique Germaniæ & Burgundiæ Principes, rerum novandarum appetentes, consilia quidem de eo abdicando agitârunt; sed Leodiensi apud Remos obtruncato, inclinantibusq; in Henricum Italarum studijs, ab incepto desistentes, facilè in gratiam fuèrè reducti. Difficilius illi adversus Henricum Leonem negotium, qui ipsius ingratijs ab exilio reversus, contemptâ juvenis adolescentiâ, Stadâ urbe potitus, Adolfum Holfatiæ Comitem ditionibus exuerat, ceperat Bardewicum, & direptum incenderat, Lubecam & Lavenburgum redegerat in suam potestatem. Cùm his successibus ad veteris fortunæ spes assurgeret, & metus esset, ne Princeps multarum palmarum, & olim Friderico Cæsari suspectus, rediret ad ingenium, Henricus Rex cum exercitu Saxoniam aggressus, primo impetu Hanoweram occupavit, & subjectis tædis vastavit. Pòst, Leonem Brunsvici obsedit, casso conatu, quòd jam bruma castris infesta sæviret, & lupi, stimulante fame, mirum dictu, gregatim ejus castra irrumperent, non sine insigni equorum & castrensis armenti damno. Orlemundam & Limbergam nihilo secundiore eventu tentavit: ne tamen nihil ageret, iras effudit in Hartwicum Bremensem Antistitem, delatum à Bremensibus, quasi author esset hujusce belli. De sede deturbatum, Anglia per annum habuit exulem. Rex, ne Martem, quem senserat adversum, diutius contra Leonem sollicitaret, non ægrè passus est, se à Conrado Wittelspachio Moguntinensi, & Philippo Agrippinensi ad pacem ineundam adduci. Ea Fuldæ convenit his legibus: ut Brunsvicum moenibus quatuor locis nudaretur: arx Lavenburgica complanaretur: Lubeca aquis portionibus inter Leonem & Adolfum Holfatium divideretur: Leo filium daret obli-

obsidem Ludgerum nomine, quem non multò post Augustæ Vindellicorum mors oppressit. Passus est præterea Leo Henricum, filium natu majorem, comitari Regem cum turmâ quinquagenariâ in Urbem, ubi à Cœlestino Pontifice ipsis Paschalibus, unâ cum uxore Constantiâ, augustali coronâ donatus est.

Cæterum Leo, contrâ ac convenerat, nec Adolfum, qui nondum ex Asiâ redierat, in communem Lubecæ partitionem admisit, neque Lavenburgum evertit, nedum Brunsvicum muro exuit, sed Hartwicum Bremensem ex Angliâ reducem recepit in suam tutelam. Ejus filius, sive perosus Cæsaris imperia, sive desiderio ulciscendi paternas injurias (qua de re creditus est cum Tancredo, qui se Apuliæ & Siciliæ Regem ferebat, consilia miscuisse) cum Cæsar in Cassinensi Monasterio D. Benedicti reliquias veneraretur, ab eo ne salutato quidem, in Saxoniam discessit. Imperator Neapolim, quæ Tancredi studio, venienti portas clausit, irritus obsedit. Cœli & æstivi caloris insolentia exercitum magnam partem absumpsit: Philippum Colonensem Antistitem, & Ottonem Bojæmæ Ducem, quorum consilijs gerebatur bellum, sustulit; ipsum Cæsarem usque eò afflixit, ut conclamatum à medicis, immo mortuum fama per Germaniam vulgaverit. Unde mox extirpæ factiones novum Regem optantium, quorum plerique Leonem non invitum haud obscure suis votis destinabant, nondum sepultâ rerum, quas præclare gesserat, memoriâ. Quam conspirationem, maturatus Cæsaris in Germaniam reditus discussit. Sed & Adolfus reversus ex Asiâ, Stadam recepit, Lubecam coëgit ad deditionem, & quæ Leo trans Albim recuperaverat, excepto Lavenburgo invasit.

Ludovicus IV. Boicæ Dux interea, prætextâ positâ, ephebos egressus, ætatem attigerat, quâ armis tractandis & reipublicæ gubernandæ, more majorum, erat admovendus. Id quò fieret celebriore pompâ, commodum Augustus Wormatiæ Vangionum, frequentem Principum agebat conventum, in quo solenni ritu Ludovicus donatus est armis & militiæ honoribus. In iisdem Comitijs Cæsar Conrado fratrum alteri decrevit Sueviæ dominatum; alteri Philippo, qui post imperavit, Etruriam, Spoletum, & Lycates, rejectâ Guelphorum stirpe. At verò Bojum, ipso statim gubernationis initio, civilis belli fœda tempestas excepit. Albertus Bogius, cum Rapatone & Henrico Ortenburgio fratribus, de limitibus & Monasteriorum tutelâ armis contendebat: unde Boica inferior prædis objecta, nullo sacrorum profanorumve discrimine: Bogius, qui Ludmillam Ottocari sororem duxerat, arma Bohemorum sibi sociavit. Ludovicus, ut vim exteram à suis finibus arceret, copias raptim contractas eduxit in Bogium, & acie victus est, multis in loco amissis, multis in Bojæmiam abductis. Aliâ ex parte Leopoldus Austrius, & Bertoldus Meraniæ Princeps, hic Oeno secundo, ille adverso, in agrum Ortenburgicum inveci, nemine prohibente, cædibus, bustis, populatione omnia miscuerunt; donec Henricus Cæsar utrosque jussit arma ponere, & turbatæ pacis reddere rationem. Causâ discussâ, Bogius belli concitator relegatus est in Apuliam: Ludovicus Bojus, Godefridum Stainium, quòd clanculario fœdere se junxisset hosti, capite minuit. Istos Boicæ tumultus cœlum prælagisse visum immissis ventorum tempestatibus, quæ annosas arbores, vehementibus fatigatas Aquilonibus, stirpitibus convellerunt: mortales frequentibus verberati fulminibus, domorum fastigia in auras diffusa, templa everfa, ut elementa ex compacto, ad humanorum scelerum vindictam, armata esse viderentur.

Leopoldus Austrius, illaudato inhumanitatis exemplo semet ultus est de Richardo Rege Anglorum, probante tamen Cæsare, improbante Pontifice Cœlestino, qui rei indignitate commotus, Leopoldum diris devovit. Irarum hæc causa. Richardus, rebus in Palæstinâ prosperè gestis, in Angliam renavigans, naufragium passus in mari mediterraneo, ad litus Illyricum ejectus est. Ut vitaret Philippi Regis Franciæ, qui iratus ex Asiâ ab Anglo discesserat, insidias, errore pernicioso desiecit in Austriam tribus duntaxat comitantibus, & depositâ majestate, tectus Templarij habitu, in tabernâ meritoriâ, haud procul Viennâ, inter media-

HENRICUS
VI. ROMÆ
CORONATUS.

XII.

AN. CHRIST.
M. C. XCI.
CRANTZ. in
Sax. l. 7. c. 3.

HENRICUS
IMP. FRU-
STRA NEA-
POLIM OB-
SIDET.

AN. CHRIST.
M. C. XCII.
LUDOVICUS
IV. DUX
BOICÆ
BALTHEO
ACCINGI-
TUR,
BELLUM IN
INFERIORE
BOICÆ.
Stere.
Avent.
Hund.
LUDOVICUS
DUX PRÆ-
LIO SUPERA-
TUS.

GRAVES IN
BOICÆ AE-
RIS TEMPE-
STATES.

AN. CHRIST.
M. C. XCIII.
Annal. Au-
gusten.

XIII.

RICHARDUS
ANGLIÆ
REX CA-
PTUS A LEO-
POLDO AU-
STRIO.

*Rigord. in
Philip.*

**RICHARDUS
CAUSAM DI-
CIT CORAM
CÆSARE,**

**RETINETUR
CAPTIVUS.
Godefr. Mo-
nach.**

**LEOPOLDI
RES ADVER-
SÆ.**

*Chron. Au-
gusten.*

**AN. CHRIST.
M.C. XCIV.
Arnol. l. 4.
c. 20.**

**XIV.
HENRICUS
LEO JUNIOR
CUM CÆSA-
RE IN ITA-
LIAM PRO-
FECTUS
MERIS PRO-
MISSIS PA-
SCITUR.
NUBIT A-
GNETI PA-
LATINÆ.**

**HENRICUS
LEO SENIOR
VACAT PIE-
TATI.**

**CÆSARIS IN
SICILIA RES
GESTÆ.**

Minorum ministeria agnitus, delatusque est ad Leopoldum, quem graviter in Ptolemaidis expugnatione offenderat. Leopoldus enim primus urbis moenia cum superasset, vexillum turri affixerat, quod Richardus præceptæ gloriæ invidiâ deripuit, calcavit, projecitque in cloacam, suum ut sufficeret. Quæ ignominia altè hæserat animo Leopoldi. Ergo Richardus Ratisbonæ Cæsari lititur sub Decembrem exeuntem, jubeturque agere causam ex vinculis. Præter Leopoldi injuriam, objecta alia; ut quod Siciliam turbasset, tametsi hospes à Siculis perhumaniter haberetur: vastasset Cyprum in transitu, insuper habitâ Christianæ religionis reverentiâ: in bello Asiatico gessisset cum Rege Galliarum rei communi noxias simultates: quina, ut minimum, deditiorum hostium millia ad Ptolemaidem iussisset mactari, atque tali crudelitatis exemplo Christianos captivos Barbarorum sævitiæ objecisset: addebatur, eundem muneribus emptum, cum Saladino consilia miscuisse: atrociter habuisse Christianos in Asiâ pro religione militantes. Richardus quidem sat commodè visus est diluisse; relictus tamen apud Leopoldum in custodiâ, donec datis obsidibus, pactus est Cæsari decies novies centena, Leopoldo verò quadraginta aureorum millia, pretium suæ libertatis.

Istam nundinationem Deo non fuisse gratam, ostenderunt immixtæ in Leopoldum calamitates. Danubius effusus extra alveum, ingentia circum damna intulit: agrorum sterilitas invexit famem: pestilens nobilissimo cuique infesta in Austriam sævit: Erucæ terræ virorem depastæ armento detraxere pabulum: ac demum Leopoldus ipse, qui catenus Pontificis execrationem deriserat, 7. Cal. Januariæ delapsus equo, & crure scedè lacerato, quod serpente gangrænâ per chirurgos fuit rescandum, idque sine medellâ vindicem Numinis agnoscens iram, Angliæ Regis obsides, quos persoluto lytro detinere pergebat invitos, dimisit, iussitque acceptum aurum Richardo refundi; tandemque cum bonâ spe vitæ melioris, ipsis Januarij Calendis efflavit animam, probè edoctus, quàm noxium sit homini Christiano, sine modo acceptas injurias velle ulcisci.

Parabat Cæsar novam trans Alpes expeditionem, tum ut vindictam sumeret de Italis, qui Constantiam Augustam proditione captam Tancredo Siculo miserant, quamquam jam Cæsar eam, per urbis Præfectum, anno superiore receperat: tum ut Tancredo demortuo, Apuliæ Siciliæque sibi possessionem assereret. Quâ usus occasione Henricus Leo, Cæsaris gratiam ut sibi demereretur, Henricum filium iussit ad castra proficisci, & Cæsaris lateri cum fide adherere, ratus, se eo genere officij, Transalbinas provincias & avitos honores recuperaturum. Insinuavit se quidem filius (quâ erat amœnitate morum) in Cæsaris familiaritatem non sine spe impetrandi fortunas parenti detractas; verùm cum sterilibus promissis differretur (sunt enim tenaces rerum semel occupatarum picatæ Magnatum manus) captus aulae fastidio, eaque desertâ, aliam rationem inijt, quam credidit parentis voto facturam satis. Discessit ad Conradum Rheni Palatinum, patrum Cæsaris, à quo habitus in pretio ob præcellentem indolem, & corporis elegantiam, cum gratiæ locum obtinuit, ut, cum Conradus Agneti, quam filiam habebat unicam, maritum quæreret, nullum è rivalibus Leoni Juniori putârit esse præferendum. Graviter quidem eas nuptias Cæsar accepit; sed cum nequirent dissolvi, anno sequenti, quo Conradus fato concessit, Leoni Rheni Palatinatum, in demortui soceri & neptis gratiam, fecit clientelarem. Exinde nova lux Saxoniarum suborta: sublata terrâ marique hostilitates: eliminata latrocinia, coercitæ populationes: pax undique Saxonibus reddita. Henricus verò Senior vitæ paucillum, quod ipsi erat reliquum, rebus sanctioribus & publicæ tranquillitati impendit, Brunsvici basilicas & Ducum Regiam exornans. Sub hæc Cæsar in Siciliam transvectus, Salernum expugnavit, cives, quorum operâ Imperatrix fuerat in captivitatem asserta, supplicijs castigavit, Regnôque in suam potestatem redactô, Sibyllam Tancredi viduam, quæ Guilielmum filium Panormi Regem dixerat, unâ cum nepotibus fecit captivam: puero regio effodit oculos, sorores geminas unâ cum aviâ & matre in Germaniam deportavit. Ex gazâ regiâ auri vim immensam, ex-

torque

teræque suppellectilis centum quinquaginta clitellariorum onus avexit, totam propè Siciliæ nobilitatem abduxit in vinculis, Irenen Isaaci Constantinopolitani filiam, Tancredi thoro aliàs destinatam, fratri suo Philippo cum parte Apuliæ dotali despondit. Antequam è Sicilia solveret, litteras dedit in Germaniam, quibus ostendebat, se jam habere sub signis numerum insignem armatorum, ad Palæstinæ auxilia comparatum; simul invitavit Antistites, ut in suâ quisque Diœcesi, populos ad eandem militiam excitarent: promittens singulis viritum triginta auri uncias, & quantum annonæ satis foret, ubi primùm sacrum iter, quod anno sequenti esset ineundum, aggredierentur. Verùm ut differretur, intercessere causæ, quas mox recensebo.

Ac primùm quidem, quantumcunque diligentia adhiberetur, non potuere fieri in tempore necessarij apparatus, de quibus habenda fuerunt Geilenhusij & Wormatiæ Comitia, & expectanda auxilia, quæ Cælestinus Pontifex, missis in orbem Christianum legatis, à Principibus poposcerat. Nomina dedere è Germanis Proceribus ut minimùm viginti, cum flore totius juventutis. Collecta è Boijs cæterisque Germaniæ gentibus sexaginta pugnatorum millia, quos Cæsar classe in Asiam volebat transmitti, majore securitate & compendio, quàm aliàs, quando per Asiæ continentem exercitus objecti fuerant Græcorum perfidiæ & Turcarum barbariei. Cæterùm Henricus Senior, ætate fessus, diem hoc anno obiit Brunsvici; ubi in templo S. Blasij tumulatus est. Eundem secutus est Welfo patruus, nactus conditorium in Steingadensi Monasterio, quod ipse condiderat.

Rebus ad Palæstinum iter comparatis, visum est, Cæsarem neutiquam consultò facturum, si ipse unà proficisceretur. Verebantur Principes, ne quas turbas in Imperio malè affectorum ingenia moverent per ipsius absentiam. Ne tamen quicquam navigaturos deficeret, rebus omnibus abunde instructa classis est in Apulia, quæ invec̃ta in Messanensem portum, multarum navium accessione facta est potentior, ad exercitum, qui indies augebatur, commodè transportandum. Accessere enim sub Hartwico Bremensi Archiepiscopo, è Daniâ, Frisiâ, aliisque Oceani Germanici confinijs triremes, quæ per mare Occiduum, & flexo deinde in Orientem cursu, fecere vela. Cæsar omnibus copijs (si verum habet Godefridus Monachus) præfecit Lotharingiæ Ducem, quem, credibile est, fuisse Simonem II. Matthæi I. & Berthæ Friderici Ahenobarbi sororis filium. Præficiunt alij Henricum Leonem Rheni Palatinum, ei que addunt legatos, duos Conrados, Wittelsbachium Moguntinum, & Herbipolensem Episcopum, qui tum quidem Cæsari fuit ab epistolis.

Imperator lustrans Apuliam, quam nuper pacatam reliquerat, opinione reperit intricatiorem, siue ex vero, siue ex suspitione & delatorum malevolentia, quâ nihil deterius Principum aures potest occupare. Constantia Imperatrix, quam maritus Siciliæ moderandæ imposuerat, infimulabatur, tamen jam anus, capta Jordani inter Siculos nobilissimi amoribus, de eo coronando, tollendoque marito, consilia cepisse, eò maximè, quòd maritus in regiam Siciliæ stirpem, neglectâ Augustæ, quæ ejusdem erat sanguinis, pro cognatis deprecatione, justo leverius animadvertisset. Et sanè quidem Cæsar habebatur iræ nimius, cui in ea quoque rei ambiguitate frena laxavit. Nam Jordanum, ignito solio affixum, & candenti diademate coronatum, jussit comburi: Richardum verò Cerranum Comitem, conspirationis & veneni in Cæsaris necem temperati delatum, equi caudæ alligatum, rapratum per compita, & supinis pedibus, pronòque in terram capite, è patibulo suspensum necari; alium vivum ebulliri, suffocatumque mitti in canistro ad amicos: quæ supplicia in dubijs criminibus eò sunt visa duriora, quòd inferrentur morte plus quàm Siculo, iisque Cæsar frueretur, & præstaret sibi vindictam, quod solet esse argumentum feritatis.

Classis interea temporis comparata solvens sub ineuntem Septembrem, prosperâ navigatione Ptolemaidem appulit, ubi accepit tristem, de morte Henrici Campaniæ Comitis, Hierosolymitani Regis, nuntium. Is noctu captans auram frigidam

ANNOI. I. 4.
c. 20.

AN. CHRIST.
M. C. XCV.
XV.

SACRÆ MILITIAE AP-
PARATUS,

HENRICK
LEONIS ET
WELFONIS
OBITUS.

AN. CHRIST.
M. C. XCVI.
NAVIGATIO
IN PALÆ-
STINAM,

Ep. Simonis
ad Archiep.
Colonien.
quam recitat
Godefrid. p.
263.

CÆSAR IN
SICULOS, EX
SUSPICIONE,

GRAVITER
ANIMAD-
VERTIT.

AN. CHRIST.
M. C. XCVII.
MORS HEN-
RICI REGIS
JEROSOLY-
MITANI,

XVI.

SIDON CA-
PTA CUM
ARCE BERY-
TENSIS, ET
ALIIS MUNI-
TIONIBUS.

incautiùs, è sublimi corruens, fractâ cervice, sibi elisit animam. Nostri, factâ ex-
scensione, cum Tyrum inter & Sidonem agmine composito incederent, obvium
habuere Saphatinum Saladini heredem, omnes Babylonîæ & Damasci Tetrarchas,
ingentem Saracenorum multitudinem à latere montis ostentantes, nostrosque à
tergo continuis insultibus laceffentes, non sine suorum clade, & Sidonij Dynastæ
aliorumque complurium jacturâ. Castris ad Sidonem flumen locatis, cum no-
stræ naves crucibus insignes apparuissent, Sidonij terrore dilapsi, urbem, arcem
verò munitissimam Berytenses deseruerunt, quâ nostri potiti, tantum armorum &
annonæ repererunt, quantum quingentorum præsidio satis esset in septennium.
Eadem fuit fors castri Gibeli & Liediensis. Vastata latè regio, Saracenis nusquam
ausis conferre signa. Et jam se spes non dubia prodebat Solymæ recupe-
randæ, cum Henrici Cæsaris renuntiata mors omnem nostris alacritatem ade-
mit.

HENRICI
CÆSARIS.
MORS.

In Syriam, mutato proposito, cogitanti, mors iniecit manus Messanz 3. Cal.
Octobris. Quorundam fuit suspicio, eam illi ab uxore medicatâ porione fuisse
propinatam. Scribunt alij, ipsum in venatione æstuantem, frigidâ intempestivè
potâ, captatâque per imprudentiam refrigeratione, lethalem sibi febrem accersisse.
Sub extrema, Fridericum filium, quem quadrimum Germaniæ Procures successor-
em dixerant, Innocentio Pontifici per legatos commendavit. Ejus tutelam,
educationem, & augustalia ornamenta Philippo fratri commisit. Defuncto da-
tum Panormi in principe Basilicâ Mausoleum marmoreum. Magnæ illi virtutes,
haud mediocribus vitijs confusæ, vagâ libidine, immiti ingenio. Ita, ejus morte,
sacri belli fervor felicitasque elanguit. Germanorum plerique à crucis vexillo di-
lapsi: vix ullus è Principibus, præter Conradum Wittelspachium, quem Pontifi-
cis legatio retinuit, & Rudolphum Verdensen, se passus est in Asiâ diutiùs occupari,
alijs domestica, alijs gliscientes in Imperio turbas, respicientibus.

SACRA EX-
PEDITIO
DISSOLUTA.

AN. CHRIST.
M. CXCIX.
PHILIPPUS
FRIDERICI
TUTOR,

Philippus Friderici impuberis patruus, è Siciliâ redux in Germaniam, videba-
tur initio commissam sibi tutelam cum fide gesturus. Habebat permultos, qui
suam ad id operam lubentes profitebantur, Bojos præsertim, authore Ludovico
Duce, Adalbertum Salisburgensem, Saxonîæ Principes; sed Bertoldi Zäringij,
quem Colonienfis & Trevirensis Archiepiscopi, fastigio destinaverant, impulsu,
neque demum illubentibus, quos dixi, Boijs atque Saxonibus, 8. Id. Martias, obla-
tum sceptrum, neglecto Friderici nomine, Mulhusij accepit; Moguntiz verò regni
insignia, quæ pupillo asservanda susceperat, Tarentino Pontifice inaugurante, in-
duit. In ejus verba Boij, Suevi, Francones, Ottocarus Boëmus, Saxonum magna
pars jurârunt. Ab adversâ factione, Otho Henrici Leonis Senioris filius evoca-
tus ex Angliâ, & à Richardo Rege avunculo animatus, Coloniz Agrippinæ Rex
est salutatus, & Aquisgrani, expulso Philippi præsidio, in Caroli Magni solio col-
locatus. At verò ex urbe adferebantur litteræ, quibus Innocentius Pont. utrum-
que improbabat. Quâ ex discordiâ natum odium, quod plures annos Imperium
civili bello laceravit.

NEGLECTO
PUPILLO,
IMPERIUM
INVADIT.
OTHO CON-
TRA REX
SALUTATUR.

AN. CHRIST.
M. C. XCIX.
ADALBER-
TUS SALIS-
BURGEN. CA-
PTIVUS,
WOLFGERI
PASSAVIEN-
SIS BELLUM
CUM OR-
TENBURGIIS,

Neque verò Boica fuit à turbis immunis. Adalbertus Salisburgensis Archie-
piscopus à suis clientibus (causam Annales non prodiderunt) captus ad fluvium
Lamerum, in arce Werfensi per dies quatuordecim arctè est habitus: cujus rei in-
dignitate factum, ut Salisburgo, vicinisque Episcopatibus, sacris interdiceretur.
Eorum usus publicè non est restitutus, donec constitit, captivum esse redditum li-
bertati. Haud multò post, Wolfgerus Batavensis Episcopus redux ex Asiâ, cruen-
tum bellum gessit cum Ortenburgijs Rapatone & Henrico fratribus. Hi, absente
Episcopo, populationibus aliisque injurijs gravia damna Episcopatu intulerant,
quæ ille mox, ut domum redijt, egregiè ultus est, arcibus Ortenburgiorum ple-
risque solo æquatis. Confugerant Comites in castrum Grabense (Brunnerus
vocat Oberbergam) quod Wolfgerus diuturnâ clausum obsidione, editâque Or-
tenburgensium luculentâ cæde, redegit in suam potestatem, & funditus ever-
sit.

Conradus Wittelspachius è diverso, ubi primùm redijt ex Oriente, partes egit pacificatoris inter geminos Germaniæ Reges. Propendebat ille quidem in Othonem, motus Innocentij Pontificis autoritate, tamen à Philippo non erat alienus, ut, si Othonis voluntate regium nomen retineret, id ipsum ad vitandas patriæ calamitates, lubens esset probaturus. Id saltem se confidebat effecturum, ut, inducijs in quinquennium compositis, uterque diviso Imperio, sine sanguine potiretur: credebatur posse interim multa evenire, quæ malis majoribus remedium adferrent. Verùm ejus conatus abierunt in irritum; nam Otho, ejusque partiarius Agrippinensis, ne pacis quidem consilia admiserunt ad aures, & Philippus perstitit in proposito.

Quare Wittelspachius, ratus, se operam in Ungaria meliùs locaturum, Emericum & Andream Belæ III. Regis filios, de regno contententes adiit; & visus quidem est, eos adduxisse ad concordiam, sed paulò post ambitio, sopita odia, regnandique libidinem excitavit. Emericus Andream fraude circumventum coniecit in vincula, ipsèque vicissim à fratre, anno nondum elapso, ferro oneratus est, & regno exutus. Annales Australes habent, Emericum eodem, quo fratrem vinxerat, anno, Deo vindice, fato concessisse, & regnum reliquisse fratri. Wittelspachius nihilo minùs suo apud DEUM merito, & laude apud mortales, ob piè locatam operam, non caruit: & par est credere, præmio non caruisse, cum anno M. CC. domum regrediens, in Passaviensî Diocesi ad vitam beatiorē est evocatus, 6. Cal. Novembris. Defuncto Wolfgerus Episcopus pro dignitate parentavit, funusque duxit Moguntiam perhonorificè & cum magnâ laude pietatis. Quo perfunctus officio, medio inter Anternacum & Confluentiam spatio cum Colonienſi, Trevirenſi, & Monasterienſi Antistitibus, de pacificandis Anticæsaribus, nullo operæ pretio est collocutus. Donaverat Conradus Wittelspachius, supremo voto, Ecclesiæ Salisburgensî sacram suam suppellectilem: sed Ludovicus nepos Bojariz Dux, rescissâ patrui voluntate, non sine gravi cordatorum virorum reprehensione, quasi hæreditariam avertit. Fuerunt, qui ex co facto multa illi adversa ex vero sunt ominati.

Conradum hoc anno 6. Id. April. præcessit Adalbertus Archiepiscopus Salisburgensîs, in cujus sedem cooptatus est Eberhardus II. Truchsenius Episcopus Brixinensîs. Is, ipso etiam aditæ dignitatis initio, Romam misit Berchtoldum Præpositum Metropolitanæ Ecclesiæ, qui pallium ab Innocentio Pontifice impetraret. Demortuo hoc Legato re nondum confectâ, in urbem successit Bernardus Præpositus Berchtesgadensîs, qui nec ipse voto potitus est; quòd Pontifex factam ab Eberhardo transitionem, ab inferiore sede ad superiorem, improbareret. Quamobrem non annuit ejus petitioni Innocentius, donec factò Romæ supplici, pallij insigne, absolutamque Salisburgensîs Ecclesiæ gubernationem concessit. Domum reversus, cum D. Cunegundi S. Henrici Imperatoris castissimæ conjugii cœlitum honores ab Innocentio essent decreti, celebritatem, quâ sanctæ Virginis exuviæ Babenbergæ è tumulo in aram levabantur, inter frequentes Germaniæ Antistites Eberhardus suâ præsentia cohonestavit. Innocentius in tabulis, quas ad Theumonem & Capitulum Bambergense de assertâ in Divorum numerum Augustâ virgine transmisit, testatur, quòd ejus intercessione cæci visum, claudi gressum, muti verbum, surdi recuperaverunt auditum, alijsque languoribus impediti, frequenter & evidenter plenam sunt consecuti sanitatem. Item, quòd pulvis de ejus tumulo assumptus, sæpe conversus est in frumentum.

Sub id temporis Summus Pontifex de Germanorum dissidio apprimè sollicitus, suam de Philippi electione sententiam edidit. Memor etenim injuriarum, quas Ecclesia Romana à Gibellinâ domo acceperat, expenso Philippi perjurio manifesto, publicâ excommunicatione, & persecutione, quam ipsius progenitores, & ipse præsumpserant in sedem Apostolicam, & alias Ecclesias, quòdque contra proprium juramentum, quo se Friderico Siciliæ Regi, nepoti suo, vivo adhuc Henrico Imperatore, obstrinxerat, regnum sibi, inconsulto Pontifice, usurpâset; per Guidonem Cardi-

Præberg.
XVII.

CONRADUS
WITTELS-
PACHIUS
FRUSTRA
DUOS REGES
CONATUR
CONCILIARE,

RECONCILIAT UNGAROS AD
TEMPUS,

Annal. Austr.
ad an. 1202.
& 1205.
AN. CHRISTI
M. CC.
MORITUR,

OBITU A-
DALBERTI
SALISBUR-
GENSIS.

S. CUNEGUNDIS TRANS-
LATIO.

S. Antonin.
3. part. c. V.
nobilem. De
elect. Gloss.
ibid.

INNOCENTIIUS PHILIPPUM CÆSAREM RE-
PROBAT.

XIIX.

OTHONEM
PROBAT.

AN. CHRIST.
M. C CII.
Casarius lib.
9. c. 51.
RITUS SS.
EUCHARI-
STIÆ ADO-
RANDÆ ET
DEFERENDÆ

AD EGROS.
*Annal. An-
styal.*
*Hund. in
Metrop.*
Avent. lib. 7.
BELLUM CI-
VILE IN BOI-
CA.
ATROCIA
BELLI EXEM-
PLA.

AN. CHRIST.
M. CC. IV.

And. Presbyt.
Arenpeck.
LANDISHU-
TA EXCOLI-
TUR.

XIX.

*Chron. An-
dec. Rigord.*
in Philip. pag.
202.
Paul. Emil.
pag. 302.
AGNES AN-
DECENSIS
NUPTA PHI-
LIPPO II.
REGI FRAN-
CIÆ,

Cardinalem Episcopum Prænestinum, Germaniæ Principibus, imprimisque Ele-
ctoribus denuntiavit, Philippum haudquaquam fuisse idoneum, qui ad regnum
eveheretur: Othoni verò nihil deesse, quò minùs rerum summâ potiretur. Guido
Cardinalis tali Pontificis iudicio munitus, sub exeuntem Junium, Coloniam voca-
vit omnes Principes, qui Friderico impuberi fidem addixerant, eosque solvit ju-
ramenti religione, quâ se Philippo obligarant: huic verò, ejusque partiaris sacro-
rum usu interdixit: alijs, Pontificis nomine, diras est interminatus, nisi in posterum
Othonem, ut verum Germaniæ Regem sequerentur. Idem Cardinalis, dum
hæc de Republicâ Coloniarum ageret, pium morem in eam urbem invexit, quem fi-
nitimi Germaniæ populi sunt æmulati: ut, cum hostia Eucharistica in tremendo
sacrificio in altum tollitur, populus, audito nolæ tinnitu, eam cernuus adorans, à
DEO pacem veniamque postularet, donec mystici calicis consecratio foret peracta.
Aliam præterea religionem persuasit, ut, quando cœleste corporis viaticum
ad ægros deferretur, tintinnabulo ad Dei præsentis venerationem populus excita-
retur.

Propagabantur isthæc officia pietatis, cum in Boicâ civile bellum, adversus
Ludovicum Bojariæ Ducem, sociavit Eberhardum Salisburgensem, & Conradum
Ratisbonensem Præsules. A Duce dissidebat Salisburgensis, ob clientelam &
parochiam Utinensem: Ratisbonensis reversus è Palæstinâ, unde pacem cum magnâ
cum laude attulisset, simul bellum retulit adversus Laicos Ecclesiarum tutores,
quos nuncupant Advocatos: quos per vim eo munere deturbare aggressus, fœdere
sibi adjunxit Salisburgensem. Certatum mutuâ cladium atrocitate, multæ ar-
ces complanatæ: Bojaria universa ex improvise oppressa, ferro flammisque vasta-
ta: direptæ Sanctorum reliquiae: templa expilata: aræ sacrilegio violatæ: Frisinga
igne deleta: patrata scelera immanitatis inaudita. Numen eos furores visum est
ulcisci, quando Salisburgi, haud multò post, Basilica ipsaque civitas conflagrâunt.
Ludovicus Teispachium, arcem Ratisbonensis ditionis captam diruit, & mors
Conradum Reginoburgensem sustulit, anno M. CC. IV. 8. Cal. Majas. Suffectus est
Conradus II I. ultimus gentis suæ hæres Comitum Frontenhusiorum, ex Præposi-
turâ Frisingensi, vir gratus omnibus, tractabilis, & æquitatis apprimè retinens, olim
futurus Imperij Cancellarius. Hoc etiam anno Wolfgerus Batavensis, Philippo
Regi inter amicos primæ admissionis, evectus est ad Aquilejensis Ecclesiæ Patriar-
chatum Pilegrini morte vacantem. Passavij successorem accepit Popponem,
antea Præpositum Aquilejensem, non ultra sesquiannum provicturum.

Huic anno Landishuta, civitas elegans ad Isaram amnem, sua debet incremen-
ta. Primùm, ad prohibendam grassatorum licentiam, specula monti, in quo
hodie Ducum Regia visitur, fuit imposita, unde civitas nomen patriæ defensori-
cis accepit.

Sub id temporis incidit mors Bertoldi Ducis Meranensis è stirpe Comitum
Andecensium. Tumulatus est Dießæ in majorum suorum conditorio. Ejus
soboles Otho Magnus, paternam dignitatem transmisit ad posteros. Tres Othoni
fuere fratres: Ecbertus Babenbergensis, Bertoldus Colocenensis Episcopi, Henricus
Comitis Istriæ & Carniolæ Comes. Eidem sorores fuere quatuor: Gertrudis
Andræ Ungariæ Regi locata, D. Elisabethæ Turingicæ mater: D. Hedwigis nu-
pta Henrico Silesio: Mechthildis in Kizingensi parthenone Christo desponsa:
quarta, Agnes, quam Francici Scriptores Mariam, & paulùm immutato Meranensi
titulo, Ducis Moraviæ filiam, errore ignoscendo, nuncupant, Philippi II. Franciæ
Regis thalamo per quinquennium recepta, posteaquam ille Gelbergam, alijs En-
gelbergam, Daniæ Regis sororem, intra tertium mensem, propinquitatis causâ
dimiserat. Ex Agnete Philippum & Joannem liberos suscepit, quos Innocentius
III. Pontifex, tametsi matrimonium improbaverat, Agnete defunctâ, legitimos
hæredes Pontificijs tabulis declaravit. Unde extra dubium est, Agnetem impe-
dimenti nesciam, & Philippum bonâ fide, nonnullis Episcopis auctoribus auspici-
bûsque nuptias contraxisse. Et verò Dana familia (si Emilio fides est) regiæ
Franciæ

Franciæ cognatione juncta erat. Nam Philippi I. Regis Franciæ filia nupserat Dano Regi: unde vero sit affine, per aliquot primogenitorum gradus Gelbergam fuisse editam; sed in recensendo avorum numero, assignandâque distantia fuisse erratum à divortij novarumque nuptiarum authoribus. Quo se cunque modo ea res habeat, hæc ipsa Agnes est, à quâ Andecense sacrum aliquot coronæ spinæ ramulos, quibus augustissimum Christi caput à Judæis fuit confixum, accepit. Et eadem est, quæ crucem Forstentriedensem, rudem quidem, sed veneratione præcipuam Christi morientis effigiem, ab Albano Monacho Andecensi ædituo sculptam, cum in arce paternâ degeret, religiosè coluit, & ab eâ suæ fortunæ oraculum creditur accepisse.

CULTRIX
CRUCIS FOR-
STENTRIE-
DENSIS.

Hoc anno Ludovici Bojaræ Ducis cum Ludmillâ nuptiæ, quas Andreas Presbyter ordine præpostero rejicit in annum hujus sæculi vigesimum quartum, sunt celebratæ. Ludmillam, quam Aventinus, more suo Græcanico, Laodamiam appellat, alij nobilissimo Boëmorum sanguine natam, alij Regis Poloniæ filiam existimant. Utrumlibet verius sit, tamen constantem ab historicis habet laudem pietatis, honestatis, & solertis ingenij. Primis nuptiis fuerat illigata Alberto Bogio, atque ex eo genuerat Leopoldum, Albertum, & Bertholdum, qui non optimè gessere rempublicam. Marito demortuo, laudatissimè vidua vixerat per sexennium, cum Ludovicus Dux, ejus formâ & integritate modestiæ delectatus, frequens ad eam familiariter revisebat, non dissimulans vota ipsius thoro potiundi. Non respuit quidem illa familiaritatem, negavit tamen, se extra matrimonij sanctitatem quicquam geniale admissuram: si cum honore, adhibitis, quos ipsa produceret, sponsionis testibus, duceretur, nihil futurum moræ, quò minùs ille voto potiretur. Post siparium abdiderat tres optimi sanguinis equites, totidemque habebat in lecticæ conopæo depictos. *En* (inquit illa, digito in picturam intento) *testes pacti, quod mecum es initurus*. Ille, per jocum à Ludmillâ arbitros ejusmodi ratus adhiberi, ilico matrimonium prolixè addixit. Tum illa, reductâ alterâ patte siparij, ad vivos sponsionis testes; *Audistis* (inquit) *viri nobiles, à Principe Ludovico mihi nuptiarum fidem esse promissam? Audimus utique, responderunt, & sponsionem testamur, porroque testabimur*. Obstupuit Ludovicus feminae ingenium, seque domum recipiens, regio cultu nuptias adornavit, annoque vertente Ludmillam nuptum duxit, ex quâ suscepit Othonem hæredem, cujus ortus magna attulit Boicæ emolumenta. Nam antè quàm nasceretur, Ludovicus Bojaræ Dux cum Conrado Reginoburgensi pacem his legibus iniit, ut, si Dux Ludovicus nullam ex justo thoro ferret prolem, Episcopo Ratisbonensi cederet Kelhaimium, Lengenfelda, aliâque loca trans Danubium unâ cum Landishutâ: contrâ si ille legitimâ prole donaretur, jus esset Duci, comitijs Pontificijs interesse cum potestate suffragij: Toparchia, quæ in Oeni valle est, unâ cum arce, clientelari beneficio, eidem Duci permetteretur: ut secernerentur jura, quæ Bojaræ Duces cum Episcopis habebant in urbe Ratisbonensi communia, ad tollendas iitium occasiones: quæ pacta Philippus regio diplomate probavit. Circa id tempus, stirps Comitum Vohburgiorum, unâ cum Bertoldo, ejusce gentis ultimo extincta, Boico Principi reliquit caducam clientelam. Fuit illa familia opibus terrisque præpotens inter Nariscos.

LUDOVICUS
BOIUS NUBIT
LUDMILLÆ.
*Avent. lib. 7.
pa. 660.
Hund. pa.
292. § penult.
Arenpeck.
M.S. pag. 188.
Andr. Presb.
pa. 66.
LUDMILLÆ
SOLERTIA.*

VOHBUR-
GIORUM FA-
MILIA EX-
TINCTA,
*Avent.
Hund. in
Origin.*

Cum interim arma civilia Hermannò Turingiæ Landgravio Othonianarum partium incumberent, isque ab Ottocaro Boëmo, Orlamundam usque grassante, repressoque per Othonem Wittelspachium, ne Regi Othoni suppetias adduceret, defertus, Weissenfæ arctâ cinctus obsidione, suâ quorundam Principum lubens in Philippi Regis fidem concessit. Paulatim quoque alij Imperij Proceres ab Othone deficiebant ad Philippum, impulsore Adolfo Antistite Colonienfi; inter quos Brabantæ & Lotharingæ Duces, qui sub D. Marci festum Confluentiæ Philippo dixere sacramentum. Colonia etiam Agrippina, quæ adhuc Othonem foverat, post biennium Philippo manus dedit. Bojæmus denique Ludovici Boicæ Ducis consilium secutus, quò foret Philippo conjunctior, hujus filiam Wenceslao filio despondit.

XX.
PROCERES
ALTIQVI AB
OTHONE
DEFICIUNT
AD PHILIP-
PUM.

AN. CHRIST. Anno postero Philippus Novesium suæ ditionis fecit, agrumque latè vastavit,
 M. CC. V. & affecit provinciam confinem malis ingentibus. Otho Rex, ausus cum Philip-
 OTHO PRÆ- po signa conferre ad Wallinbergam arcem, Principis Limburgici prodicione pro-
 LIO VICTUS. fligatus est, coactusque cum paucis domesticis in Angliam profugere. Istam cla-
 AN. CHRIST. dem secuta, quam dixi, Colonienſium ad Philippum defectio, posteaquam obſi-
 M. CC. VI. dionem aliâque mala toleraverant. Haud multò post Poppo Passaviensis Epi-
 POPPONIS scopus fato concessit, & insulam Mangoldo Bergenſi Comiti reliquit. Sed &
 PASSAVIEN- Conradus Frontenhusius Ratisbonensis Antistes naturæ debitum exolvit, magno sui
 SIS ET CON- desiderio relicto. Pauperes & Ratisbonensem Ecclesiam scripsit suorum bono-
 RADIRATIS- rum hæredes.
 BONENSIS

OBITU. Anno septimo, actum de pace inter Philippum & Othonem Reges. Phi-
 AN. CHRIST. lippo Augustæ Vindelicorum comitia agenti, Novembri exeunte, adfuerunt duo
 M. CC. VII. ab Innocentio missi Cardinales, Hugo Ostiensis Episcopus, & Leo S. Crucis pres-
 PACIS IRRI- byter, cum mandatis, ut Brunoni, olim Bonnenſi Præposito, qui Adolfo per sedem
 TA TRACTA- Apostolicam abdicato successerat, & eam ob causam à Philippo in vinculis attine-
 TIO, batur, libertatem impetrarent, simul ut, si quâ posset fieri, quietem redderent Ger-
 mania. Primum haud gravatè concessum Pontificis reverentiæ: posterius con-
 fici non potuit. Adolfus Colonienſis, quem Innocentius diris devotum loco
 moverat, à Legatis religione quidem solutus est, cum id ipse infimis precibus ex-
 orâſſet; sed iustus tamen est in urbem proficisci, ut suscepto piaculo, Pontifici fa-
 ceret satis; cui factus supplex anno sequenti, impetrare non potuit, ut postliminio
 in Agrippinensem sedem reduceretur.

AN. CHRIST. Cœperat tamen Innocentius in Philippum esse clementior, posteaquam
 M. CC. IIX. Wolfgerus Aquileienſis Patriarcha, quâ excusando, quâ rogando, Pontificis ani-
 mum leniverat. Et jam res, missis ultro citròque legationibus, eò devenerat, ut
 concordia inter utrumque Regem sanciretur, hisce conditionibus: primum, ut
 Pontifex Philippum in piorum cœtum, unde fuerat exclusus, reciperet: deinde,
 ut penes eundem maneret Imperium, donec in vivis superesset: ei verò, si quid hu-
 manitus contingeret, Otho succederet, & Beatricem Philippi filiam, factâ cogna-
 tionis gratiâ, sibi matrimonio jungeret: verum antè quàm suprema manus pacifi-
 cationi imponeretur, Philippus 10. Cal. Julij immani facinore fuit interemptus,
 non sine tamen Numinis vindictâ, quæ rarò sine supplicijs juramentorum violato-
 res ad alteram vitam transmittit. Sceleris author Otho Wittelspachius. Causa
 non una à scriptoribus proditur: & verò credibile non est, virum cordatum & Phi-
 lippo semper fidum, ad tantam atrocitatem sine omni causâ descendisse: quan-
 quam nulla fingi potest, quæ par sit purgandæ facti detestabilis infamiz. Scri-
 bunt quidam, Philippum ex filiabus unam Othoni despondisse, ac deinde offen-
 sum sanguinario hominis ingenio, quippe qui Welfonem Bojum genere illustrem,
 & Regi in paucis charum occidisset, rescissâ sponsione, alteri addixisse: & habuisse
 quidem in præsens Othonem iras in potestate, sed post efferatum, uti quidem re-
 batur, novâ injuriâ, laxâſſe habenas ultioni. Passus prioris sponsionis jacturam,
 à Philippo petijt, ut, quando à promissâ affinitate arcebatur, Philippus suâ autho-
 ritate & commendatione foret adjumento, ad conciliandas Polonæ Principis, quas
 exambiebat, nuptias. Philippus patrocinium visus est prolixè addixisse, & Otho
 paratum exemplar litterarum, quibus id negotij cupiebat commendari, extemplo
 Regi portexit, ut syngrapho regio signarentur. Nihil credebatur Otho subesse
 fraudis: sed Philippus regiam virginem sibi junctam materno sanguine, feroci viro
 veritus poscere, Epistolarum magistro mandavit, ut Epistolam vitaret, munirét-
 que sigillo. Otho, signum & membranam curiosè contemplatus, venit in laten-
 tis doli suspicionem ex lituris, quæ accuratiùs inspicienti incurrebant in oculos.
 Quia verò sic erat rudis litterarum, ut ne prima nôſſet elementa, resignat Episto-
 lam, datque amanuensi perlegendam. Hic ubi unam alteramve periodum inspe-
 xerat, expallescere, hæere attonitus, æstuare animo; Otho verò urgere, ne quic-
 quam dissimularet. Ille igitur rem, ut erat, candidè aperit: omnia prorsus alia,
 quàm

XXI.

PHILIPPUS
 CÆSAR IN-
 TERFECTUS
 AN OTHONE
 WITTEL-
 SPACHIO.

Vrsperg.
 Otho de
 S. Blasio.
 Arnold. l. 7.
 c. 14.

quam volebat ab Henrico Poloniæ Rege postulari, dissuaderi vehementer Othonis affinitatem. Hic Otho furere, iras implacabiles concipere, jurare Philippi necem. Clâm tamen habuit vindictæ libidinem, donec Rex, incisâ utriusque brachij venâ, Babenbergæ valetudinem curavit, & negotijs sepositis, adhibito in colloquium Spirensi (Herbipolensem alij nominant) Antistite, & Walburgio cubiculi præfecto, sermonem jucundè fallendo tempori serebat. Wittelspachius, observatâ Regis solitudine, decernit exequi meditatam scelus. Quia gerebat Prætorij præfecturam, non fuit difficilis ad Philippum accessus. Comitatum adjecerant præ foribus, Henricus Andecensis Istria Marchio, ejusque frater Ebertus Episcopus Bambergensis, haud ignari nefandæ molitionis. Otho admissus in Regium conclave, strictum lanistæ ferrum quasi per ludum vibrans, à Philippo jubetur ab intempestivâ digladiatione abstinere. Ille nihil motus imperio, exprobrat geminam perfidiam, exaggerat violatam nuptiarum sponsionem, nequiter exaratas litteras, & cum dicto regis cervici lethale vulnus infligit, seque mox è Regiâ proripit. Walpurgius manu in cubiculi pessusum injectâ, vocatis in auxilium prætorianis, conatus est parricidam retinere, sed secundum malam sauciatus, cohibere nequijt, quò minùs per tumultum erumperet, evaderetque, antequam posset comprehendi, rebus ad fugam antè prævisis.

Regis cæde vulgatâ, ne quid publicarum turbarum existeret, Othoni Regi non illubenti, Saxoniz & Turingiz Principes votis consentientibus regnum confirmârunt Comitij Halberstadenfibus. Id pari suffragiorum lubentiâ factum ipsis Martinalibus, à Boijs, Suevis, & Franconibus, in conventu Francofordiensi, quò per Spirensen Episcopum deducta Beatrix Philippi Regis filia, reos peregit omnes paternæ necis authores. Dicta in Wittelspachium proscriptionis sententia: Ebertus Babenbergensis Episcopus & Henricus Andecensis fratres, socij conjugationis, pariter reipublicæ hostes declarati. Non est vana suspicio, conjuratos ab Othone Rege impunitatem sperâsse, & præmium, ob sublatum regni æmulum; sed tametsi grata Regibus aliquando sint optata scelestorum facinora, grati tamen nunquam sunt scelerati.

Hoc anno, si Andreæ Presbytero credimus, Straubinga cœpit in civitatis formam assurgere: alij ejus originem referunt ad annum hujus sæculi decimum octavum.

Proscriptionis Othonianæ judicium ipsis Regalibus Augustæ repetitum est, bona percussoris & Andecensis conjurati publicata. Bojariæ Palatinatus Ratoniponi Ortenburgico attributus. Ludovico Bojariæ Duci transcriptum, quicquid Wittelspachius & Andecensis clientelarum possederant. Eidem atque hæredibus Otho Rex jura Boici dominatus, unâ cum Toparchiâ Meringensi, & prædijs, quibus Philippi Regis filiz potiebantur, addixit, restituitque bona omnia, quibus Henricus Leo fuerat exutus. Wittelspachium, Othonis parricidæ natale solum, & ejusce gentis avita sedes, à fundamentis eversum: area consecrata templo Deiparæ. Eodem tempore Andecense castrum eversum. Wittelspachius exinde vagus & oberrans, Oberdorfj, vico obscuro supra Ratibonam, ab Henrico Papenheimio, quem Arnoldus Calctinum nominat, & Welfonis, quem Otho sustulerat, filio, occisus est. Occisi caput in Danubium projectum: truncus Undenstorfj, postquam diu insepultus infletusque jacuerat, terræ mandatus.

Comitij Augustanis Otho Rex consilium de Urbe ad eundâ Principibus aperuit. Præsules quatuordecim se itineris comites fore sunt professi, in quibus Wolfgerus Batavenfis. Nomina dederunt alij, Ludovicus Bojariæ Dux, Dynastæ & Tetrarchæ complures. Antequam profectionem Otho iniret, de ipsius cum Beatrice Philippi Regis filiâ connubio actum est Hagenoz. Innocentius Pontifex, quod jam antè statuerat, veniam fecit consanguinitatis. Sponsalia in octavâ Pentecostes celebrata Herbipoli, Ludovico Bojariæ Duce & Leopoldo Austrio paranympis. Rex inde progressus Augustam, transmissis alpibus, ante Virginis in cœlum assumptæ ferias, castra posuit ad Lacum Benacum decimâ quartâ Septem-

OTHO, PHILIPPO OCCISO, SOLUS IMPERAT.

STRAUBINGA EDIFICARI COEPTA. AN. CHRIST. M. CC. IX.

LUDOVICI BOII DITIONES AMPLIFICATÆ.

XXII. OTTO WITTELSPACHIUS INTERFECTUS.

LUDOVICUS BOIUS BEATRICE DESPONSUS,

Sigon.

OTHO IV.
ROMÆ CO-
RONATUR.

TUMULTUS
IN URBE.

OTHO PON-
TIFICI DEL-
LUM FACIT.
AN. CHRIST.
M. CC. X.
EXCOMMU-
NICATUR.

DESERITUR
A PRINCIPI-
BUS NON-
NULLIS.

FRIDERICUS
II. VOCATUR
IN GERMA-
NIAM.

OTHO RUR-
SUS EXCOM-
MUNICATUR.

AN. CHRIST.
M. CC. XII.
Vrsberg.
OTHO GRAS-
SATUR IN
TURINGUM.

FRIDERICUS
VENIT IN
GERMANI-
AM.
XXIII.

bris. A Veronensibus comiter acceptus, Mediolani ferreâ coronâ ab Huberto Archiepiscopo solenni pompâ ornatus est. A cæteris Italiz civitatibus magnis passim cultus est honoribus. Viterbij Innocentium Pontificem habuit obvium. Egere simul pacatè de augustali coronatione, quæ Romæ 5. Id. Octobris celebriter est peracta in æde Principis Apostolorum. Publicam lætitiâ turbavit ortus in urbe tumultus, in quo Cæsariani non pauci, multi Romani occubuerunt. Otho egressus urbe, mox correptis in Pontificem armis, plurima Pontificiæ ditionis oppida occupavit, & Friderico Siciliæ Regi, contrâ quàm Innocentio promiserat, bellum intulit.

Quas injurias Pontifex cum prohibere aliter non posset, post paternam dehortationem, diro anathematis fulmine execratus est, & denunciavit subjectos ab Othonis fide, obsequijsque solutos, ipsum verò Imperio exutum. Quo ex tempore ipsius fortuna vergere cœpit in deterius, & Principum studia ab eo alienari. Inter primos Sigefridus Moguntinus, Joannes Trevirensis, Archiepiscopi: Ludovicus Bojariæ Dux, Leopoldus Austrius, Hermannus Turingus, Boëmiæ Rex Otocarus, Otho Princeps Meraniæ, Conradus Spirensis Episcopus Imperij Cancellarius, aliique complures, qui ab Innocentio iussi ad Fridericum Siciliæ Regem Ahenobarbi filium, cui olim admodum puero sacramentum dixerant, iustis suffragijs Imperij falces deferre. Collata igitur de Othone exaudivit ad Rheni & Mosellæ confluentes consilia, quæ Summus Pontifex rata habuit. Missus subinde Anselmus Justingensis, qui Fridericum in Germaniam invitaret, Siciliæ Reginâ, per quicquid sacrum est, obtestante, ne suam salutem fortunâque dubijs Germaniæ studijs, quæ jam infida fuisset expertus, eâ præsertim ætate (agebat tum annum decimum septimum) crederet. Hærentem Anselmus vix tandem movit, ut sese è Sicilia expediret.

Et verò tam nihil adhuc constitutum erat de Othone abdicando, ut, cum anno sequenti comitia Bambergæ agerentur, & Sigefridus Moguntinensis contra Cæsarem omni studio niteretur, impetrari tamen nequiverit, ut illi abrogaretur Imperium. Penes Ecbertum Babenbergæ Episcopum præcipuus ejusce conventus fructus stetit. Is enim ab exilio, quod profugus in Ungariâ apud Andream Regem, affinem suum per triennium tolerârat, noxâ Philippicæ cædis sive confutatâ, sive condonatâ, in suam sedem revocatus est. Iisdem comitijs Sigefridus Sedis Apostolicæ legatus, Othonem Cæsarem, iterato anathemate, movit Ecclesiæ communionem, utque eodem ab alijs Episcopis loco haberetur, datis ad eos epistolis, Pontificiâ autoritate mandavit. Quamobrem Henricus Palatinus Othonis frater, armis cum Duce Brabantiz, & Lothariensi nobilitate sociatis, sub exeuntem Septembrem Moguntinos fines rapinis & incendio, sacris profanisque juxta habitis, fœdè vastavit. Sigefridus, ne istâ tempestate involveretur, ad Hermannum Turingiæ Principem confugit.

Sub idem tempus Otho, ad comprimendos Germaniæ motus, ex Italiâ Aprilâ mense reversus, Norinbergæ suæ factionis procerum conventum habuit, eo consilio, ut internosceret, quinam in fide officioque perstarent, & contractæ cum Innocentio similitatis redderet rationem. Soluta conventu, bello gravissimo Turingiæ Principem, Innocentij partibus ut qui maximè addictum, vexavit, nihil omittens hostilitatis, quò in ejus provinciam grassaretur. Celebravit deinde nuptias, quas mors Beatricis quarto die accelerata abrupit, marito conscio, nisi fallunt nonnulli scriptores. Inter hæc Fridericus Romanis armis adjutus, Genuam, atque hinc Papiam, Cremonensium & Azonis Estensis copijs stipatus, ad vallem Tridentinam evasit, haud ignarus, Germaniæ claustra ab Othonianis insideri. Quare obliquatis per alpium asperissima itineribus, deflexit, non sine magnis difficultatibus, in Ratiâ Curientem, unde ab Episcopo, & Præsule Sangallensi Constantiam deductus est. Otho contrâ, de ejus profectione factus certior, è Turingiâ Uberlingam advolat cum raro milite, eò quòd ejus copiar, ne diris Pontificijs, quas denuo Barenfis Episcopus vulgaverat, impiarentur, à signis abierant. Cum verò novis indies viri-
bu

bus Fridericus augeretur, Comitis inprimis Quiburgici, & turmâ quingentorum galeatorum, quos submiserat Henricus Veringensis Argentoratensis Episcopus, vir insignis sapientiæ & probitatis; Otho magis magisque in horas evilescens, diffidensque suis, nusquam ausus tentare Rheni tractum, se in ripâ Germanicâ cum paucis continuit, dum ejus æmulus per adversam oram plebasque civitates, multaque castella sine vi sibi adjungeret. Otho Brisaci in tantum venit contemptum, ut cives, excitato tumultu, præsidarios invaserint, Imperatorem deposcentes ad necem. Quare suo suorumque periculo trepidus, in Saxoniam profugit, cum perpauca, quorum credebat fidem minimè esse ambiguum. Fridericus Moguntia celebrem egit conventum, pridie Cal. Decembris, multorum Principum, qui donati clientelis, in ejus verba jurârunt. Aduère Sigefridus Moguntinus, Joannes Trevirensis, Herbipolensis, Argentinenis, Constantiensis, Basileensis, Antistites; Rex Boemia, Turingia Comes provincialis. Ne Ludovicus Boaria Dux interesset, intestinis secundæ Boicæ turbis prohibebatur. Manegoldus enim Batavensis Episcopus, & Albertus Bogius, sociatis armis, Ratoponi Palatino bellum faciebant crudele juxta ac sacrilegum, ne à religionis quidem domicilijs & aris vim abstinentes. Aspachium, S. Benedicti Monasterium, in D. Andreæ pervigilio, flammis exustum est.

In hunc annum incidit puerilis ætatis, ex omni Franciâ & Germaniâ imprudens & infausa expeditio. Asserebant, se divinitus ad hoc deliramenti genus esse vocatos, neque ullâ vi aut parentum provisione poterant ab eâ cogitatione dimoveri. Trigintamillia, qui Massiliam confluxerant, vel mari perire, vel proditi sunt Barbaris ad servitutem. Qui varijs ex locis miserabili falcino, in socialem insaniam coaluerant, alij per alpes in Italiam eluctati, à latrunculis rebus omnibus spoliati; alij dolo tracti in Piratarum manus, & demersi; alij venditi Saracenis.

Friderici partes Principum & urbium conspiratione sic creverant, ut anno decimo tertio, post die Cal. Februarias, Rex fuerit renuntiatus. Ejus inaugurationem biennio differt Manuscriptum Moguntinum apud Serarium, qui cum Aquisgrani, per Sigefridum Moguntinensem, scribit, solenni ritu esse inunctum in magnâ Principum frequentiâ. Idem Sigefridus, anno tertio decimo, auctoritate summi Pontificis, cujus legatum agebat, Theodoricum Agrippinensem Archiepiscopum, qui palam Othoni affixus, anathemate se contaminabat, sacrorum usu priorumque consortio submovit, & Colonienis, eadem contactis labe, divino silentium indixit. Quas ob res invecæ sunt in Ubios ingentes calamitates. Earum in partem venit Monasteriensis Episcopus, quem Othonis quidam factiosi, Colonia captum, Verdeni custodiæ mancipârunt, quâ demum, expugnato per Adolfum Montium castro, biennium fuit solutus.

In eâ rerum confusione Otho tamen non despondebat animum, quem erigebant Joannis Angliæ Regis auxilia, & pactum fœdus cum Ferdinando Flandriæ, cumque Reginaldo Comite Bononiensi, qui gerebant cum Philippo II. Galliæ Rege acres inimicitias. Verum quod credebat sibi magno emolumento futurum, vertit in grande rerum detrimentum. Nam antequam fortunæ suæ confunderet, alienam ingressus causam, novum sibi conscivit hostem, cum ne uni quidem Friderico par esset. Collegerat justas copias, quibus ad defendendam vim saltem uti potuisset, quas junxit Flandro & Bononiensi, ad Philippum Augustum Franciæ Regem invadendum. Belli causa, quam Arnoldus & Germani Scriptores adferunt, non est ejus momenti, ut nescio quæ à Franco malè servata sponsio (si ulla quidem intercessit) tot orbis Christiani Principes in mutuas clades armarer. Vero propius est, Othonem fœderatorum auxilia voluisse sibi demereri, bello in Franciâ confecto. Fuere (si Francicis Annalibus credimus) in Othonis sociorumque copijs centum quinquaginta peditum millia cum ingenti equitatu. Pugnatum est ad Bovinas, pagum Tornacum inter & Insulas, ad 7. Cal. Augusti, quantâ contentione & odijs vix aliâ, strage utrinque truculentâ. Philippus II. ejus filius,

OTHO EV-
LESCIT.

REFUGIT IN
SAXONIAM.
CONVENTUS
MOGUNTI-
NUS.

Godfrid.
M. S. Mo-
gunt. apud
Serar.
TURRÆ BOI-
CÆ.

PUERILIS IN
TERRAM
SANCTAM
APPARATUS.

S. Antonin.
3. part. tit. 19.
c. 8.

AN. CHRIST.
M. CC. XIII.
FRIDERICUS
REX CREA-
TUS.

AN. CHRIST.
M. CC. XIV.

XXIV.

PUGNA AD
BOVINAS.

Ludovicus, Odo Dux Burgundiæ, Comes S. Pauli, fuere in acie. Philippus equo suffosso humi fusus propè ab exitio abfuit: Otho Cæsar diu inter hostilia signa luctatus, pectore graviter læso, equoque saucio, prælio excedens, victoriam ipsamque aquilam cum magnâ ductorum parte amisit: Ferdinandum Flandrum, & Reginaldum Bononiensem, Philippus captivos Lutetiam in triumpho duxit, iussitque custodiri, hunc quidem Peronæ, illum verò in Luparâ castro Regiæ Parisiensis. Eâ clade res Othonis fuerunt vehementer attritæ. Franciæ Rex ad æternam victoriæ acceptique beneficii memoriam, Virgini Matri Triumphatrici basilicam regiâ munificentia Sylvanecti-dedicavit.

AN. CHRIST. M. CC. XV. CONCILIIUM LATERANENSE. NOVIAD SACRAM MILITIAM APPARATUS. CHYMENSIS EPISCOPATUS INITIUM. Fridericus Cæsar Calend. Maij Andernaci de Repub. comitia habuit: Romæ verò Innocentius de Ecclesiarum incolumitate, à ferijs Martinalibus usque ad ultimum Novembris. Concilium in Laterano celebrârunt, Patriarcha Constantinopolitanus, Episcopi quadringenti, Metropolitæ septuaginta, Abbates octingenti; omnium Regum & Principum Catholicorum Legati. Rursus hoc anno, sacra se militiæ permulti Principes crucis auctoramento devoverunt. Fridericus Cæsar se ejusce expeditionis imperatorem est professus, quæ tamen in plures annos est dilata. Conditus est hoc anno ab Eberhardo Salisburgensis Chymensis Episcopatus, quem Rudigerus Radeckius omnium primus gessit.

AN. CHRIST. M. CC. XVI. XVII. XIX. Anno sequenti ex Angliâ in Syriam navigârunt 3. Non. Julij, Andreas Ungariæ Rex, & Leopoldus Austrius cum numeroso Episcoporum & Procerum comitatu. Andreas, mox ut sacra loca viserat, regni tumultibus in patriam est tractus. In Ungarorum locum successerunt Belgæ, Angli, Franci, Itali, magno numero. Damiatæ, sive Heliopolis in Ægypto, per menses aliquot supra annum oppugnata, fecit deditionem anno undevicesimo, civibus penè omnibus in obsidione extinctis. In oppugnatione Bertoldus Bogius, Ludmillæ ex prioris marito filius, in Nilum effusus periit. Inter hæc Otho IV. Imperator alvi profluvio Hartesburgi diem obiit. Ante obitum à Sigefrido Hildesheimensi Episcopo redditus est Ecclesiæ, ritèque expiatus. Prodidit sub vitæ exitum insignia melioris frugis argumenta. Jussit domesticos, ipsos adeò vernas & atrienfes, pedibus jacentis cervicem calcare, ut rarâ animi demissione sibi Numen propitiaret. Misit ad Henricum fratrem Rheni Palatinum Augustalem cultum, quem adhuc penes se habuerat, quique paulò post in Friderici Cæsaris manus erat venturus. Straubinga hoc anno, Ludovici Bojariæ Ducis opibus & industriâ, redacta est in urbis formam. Salisburgensis Archiepiscopus Secoviensi Ecclesiæ dedit antistitem, Carolum Præpositum Frisacensem. Idem Synodum Provinciale habuit; cui interfuere, Frisingensis, Batavensis, Gurcensis, Chymensis, Episcopi. Ratisbonensis ob turbas domesticas absentiam excusavit per legatos. Sub id tempus Heglwerda Monasterium dedicatum. In eo conditorium accepit Leutholdus Comes Plainius, qui ad Damiatam occubuerat.

OTHO CÆSAR MORITUR POENITENS. Alb. Staden. Fridericus, acceptis ab Henrico Palatino augustalibus insignibus, Romam profectus, 10. Cal. Decembris in D. Petri Basilicâ Imperator est salutatus. Frisinga, Othone præclaro in primis Antistite orbata, Geroldum in demortui sedem accepit. Diu ante Othonis excessum, ejus tamen assensu, lis salinaria cum Ludovico est composita, eâ conditione, ut è telonio Monacensi certum denariorum usualium pondus Episcopali ærario quotannis inferretur. Othonis merita & famam Geroldus non æquavit: quas enim reperit amplissimas possessiones, multis partibus detrivit, intra brevem undecim annorum Pontificatum, quo exacto, Conrado Tolznero longè meliori, exauctoratus locum reliquit.

AN. CHRIST. M. CC. XX. FRIDERICUS ROMÆ CORONATUR. XXV. LIS SALINARIA TANDEM FINITA. M. S. Frising. Hic annus est amissæ Damiatæ, eò majore Bojorum damno & mœrore, quod Ludovicus expeditioni cum summâ potestate præfectus, plurimos secum è Boicâ in Ægyptum traxerat, ex quibus pauci in patriam redierunt. Fuere in exercitu ut minimum septuaginta bellatorum millia, Godefridus ducenta non sine auxilii numerat. Bellum initio satis prosperum; commissa prælia nostris ferè secunda. Ventum ad Cairum Nili bivium. Soldanus acceptas clades ulturus, igne Græco septin-

AN. CHRIST. M. CC. XXI. Damiatæ IACTURA. Septin-

septingentas quinquaginta nostrorum naves cum annonâ, multisque mortalibus exussit. Nostris in Cairi obsidione hærentibus, Nilus annuâ eluvione tumens, ruptisque ab hoste cataractis, totis castris largè infusus, nostros sic intercepit, ut, cum nullus esset modus evadendi, deditio copiarum omnium Soldano fuerit facienda, eâ lege, ut dedititiorum vita libertasque, Damiatæ restitutione emeretur. Triginta captivorum millia à Soldano redditi, & sine maleficio abire permissi. Udalricus Batavensis Episcopus, sive animi ægritudine, sive fractus importunissimi belli laboribus, deviâ extinctus est prid. Cal. Novembris. Bonæ eum mentis fuisse, vel ex eo colligitur, quod ædis primariæ Collegis indixit, ut ad aliquam antiqui moris usurpationem, diebus saltem Dominicis communi mensâ frugaliter uterentur. Quam in rem duos ipsis pagos, & octo census annui libras attribuit, eâ tamen lege, ut, si quando ab indicta victus communione cessarent, donatum censum unâ cum assignatis latifundijs amitterent. In Synodo Diocesanâ anno M. CC. XX. assentientibus Legatis Apostolicis sancivit, ut juxta Lateranense Innocentij III. decretum, vigesima omnium fructuum, toto triennio in urbem mitteretur.

Udalrico successit Gebhardus Comes Playnius, Leopoldi ex Ithâ nobilissimâ conjugæ filius, ex eâ stirpe, quæ anno M. CC. LX. in Othone & Conrado fratribus, sub Ottocaro Bojæmorum Rege stipendia merentibus adversus Belam Ungarum, penitus extincta est, quando fratrum uterque missi ad explorandum hostem, interempti sunt. Henricus VII. Friderici Imperatoris ex Mariâ Aragoniâ filius, annum agens duodecimum, Aquisgrani ab Engelberto Colonienfi Pontifice, in Romanorum Regem antè cooptatus, Herbipoli 8. Id. Maij inauguratus est. Quo anno, terra passim per omnem ferme Germaniam, Italiam, Cyprum, tantis est concussa tremoribus, ut templorum, profanarum item ædium, oppidorumque ruinis multi mortales fuerint oppressi.

Hinc multorum animos incessit metus cladum futurarum. Honorius III. Pontifex, qui Innocentio III. anno decimo septimo fuerat subrogatus, verbi divini præconibus ubique terrarum imperavit, ut Principes, populosque ad suscipienda militiæ Palæstinæ vota, faciendosque apparatus hortarentur, ut intra biennium, cum Friderico Imperatore, qui dudum se ejusce belli ducem promiserat, in Syriam traicerent. Philippus Augustus Francorum Rex, cum, fato præventus, in expeditionis partem venire prohiberetur, in eam rem supremis tabulis trecenta librarum Parisiensium millia legavit.

Quo tempore, cum SS. Viû & Modesti corpora in D. Andreæ Laventinâ basilicâ, sub altari, à Carolo Secoviensi reperta, frequentibus miraculis inclarescerent, visum est Eberhardo Salisburgensi, ad amplificandam Sanctorum venerationem, ea transferre Salisburgum cum insigni pompâ, quam ornârunt cum Metro. politâ, Passaviensis & Chymensis Episcopi. Haud longè post Ecclesiæ Laventinæ concessa est Cathedra Episcopalis, ad quam primus evectus est Ulricus, qui postea Straubingæ ab Eberhardo Archiepiscopo, in præsentiam multorum Principum, sacris Episcopalibus est initiatus, in Othonis Baviaræ Ducis nuptijs.

Subinde Ludovicus Bojus Landavum, oppidum ad fluvium Isaram, in Boicâ secundâ condidit, & colonis frequens reddidit. Ejusdem opus est cinctus mœnium, quo Dingolfingam explicatiore, quàm antè, tractu munijt. Idem à Conrado Ratisbonensi Episcopo promissum accepit Dornspurgensis Toparchiæ, cujus rei tabulas priscae simplicitatis testes subijcio.

In nomine Domini Amen. Chunradus DEI gratiâ Ratisbonensis Episcopus omnibus in perpetuum. Cum ex quodam promisso, Duci Bavarie conferendum esset feodum unum, & Episcopus Ratisbonensis, quicumque tunc temporis, quando item beneficium incipiet vacare, præsideret, ad id teneretur, & nos Ecclesiam nostram ab illo promisso absolvissemus, per beneficium Eberhardi Comitæ de Dornberch: advocatiam, quæ Kastvogtei dicitur, quærat de eodem feodo, excepimus, illam Duci recompensati per feodum, quod vacare cepit ad æstimationem viginti librarum: quarum decem sint absoluti redditus, quod vulgò sonat, Vrbor, decem verò infeodata, quod vulgò sonat Manneleben. Hoc

antem

CHRISTIANE
AD CAIRUM,
CIRCUM-
VENTI.

Hand.

AN. CHRIST.
M. CC. XX
II.

XXVI.

AN. CHRIST.
M. CC. XX
III.
Godefr. Mo-
nach.
EXPEDITIO
IN SYRIAM.

Rigord. in
Philipp.
Chron. An-
gusten.

Hand.

AN. CHRIST.
M. CC. XX
IV.

LANDAVI
ORIGO ET
INCREMENTUM.
DINGOLFINGA
MUNITA
MOENIBUS.
COMITATUS
DORNBER-
GENSIS.

autem temporibus nostris faciendum reliquit gratia nostra: si verò temporibus nostris factum non fuerit, successorem nostrum ad idem exequendum teneri, per præsens scriptum profiteamur. Adjectum est autem, si secundum idem conferendum estimationem viginti librarum excesserit, quod Dux pro eodem excremento faciet, quicquid Consiliarius tam ex parte Episcopi, quam Ducis, ad hoc vocatus consuluerit faciendum. Acta sunt hæc anno Incarnationis Domini M. CC. XXIV. Indictione XII. & XII. Cal. Martij.

COMITATUS
KIRCHBER-
GIUS DUCA-
TUI BOICO

Circa hunc annum Collohus Kirchbergij Comes, cujus ultima memoria est in tabulis Alderbacensibus & Schirensibus, fato functus, suâ Dynastiâ auxit opes Boici dominatus.

ADIUNCTUS.]
AN. CHRIST.
M. CCXXV.

Per id quoque tempus Leopoldus Austrius Schardingam ad Oenum, quam superius Austriæ contributam scripsimus, arce munit, & Margaritam filiam Henrico Regi, quem Fridericus Imperator ipsius parens Norinbergæ inauguravit, matrimonio conjunxit. Nuptiæ tantâ mortalium frequentiam celebratæ sunt, ut non infimæ notæ homines quadraginta, loci angustijs & confertâ multitudine, fuerint suffocati, inamabilis talis apparatus additamento. Ludovico Bojariæ Duci Henrici Regis juvenis, ob compertam viri sapientiam & insignem fidem, à Friderico Cæsare est commendata, datumque Regi adolescenti mandatum, ne absque ejus consilijs quicquam privatæ, nedum publicæ rei statueret.

NUPTIÆ
HENRICI
REGIS.

AN. CHRIST.
M. CC. XX
VI.

Anno vigesimo sexto 7. Id. April. Conradus III. Frontenhusius Ratisbonensis Episcopus vivendi inter mortales finem fecit, meliorem (ita sperare jubent ejus virtutes) vitam in cælo auspicatus. Inter cætera, opus ipsius fuit Xenodochium ad pontem Danubij, in oppido suburbano, quod ævo nostro bellorum injuriâ destructum est. Pauperum sustentationi certas possessiones & sportulas attribuit, impendio septem librarum nullium, quæ redegit ex pretio arcis gentilitiæ Frontenhusianæ, quam vendidit Duci Ludovico. Quod præterea facultatum à majoribus acceperat, omne id, utpote suæ stirpis postremus, Episcopo donavit. Paulò ante mortem, D. Francisci Sodales recepit Ratisbonæ in Christi Servatoris ædem. Cœnobium Ordinis modestiæ consentaneum, postea adjectis Alberti Bogij & Ducis Othonis arcis fuit ampliatum. S. Dominici familia, anno demum vicesimo nono, ad D. Blasij templum religiosam sedem accepit. Sic Ratisbona paucos intra annos, aucta est gemino domicilio præclaræ sanctitatis, quæ magno fuerunt usui ad insignem pietatis & eruditionis amplificationem.

DD FRAN-
CISCI ET
DOMINICI
DOMICILIA
RATISBO-
NÆ.

XXVII.
BELLUM IN
BOICA INFE-
RIORE.

Hoc rursus anno, Ratpoto Ortenburgius & Albertus Bogius, renovatis odijs, Bojariam inferiorem, rapinis, cædibus, incendijs, nullo sacri profanive discrimine, miscuerunt. Belli sedem malæque potissima passæ sunt Altahensis Cœnobij possessiones: Liechtenwerda arx nobilis, urbeculæ non absimilis, redacta in bustum. Henricus cum multis Germaniæ Proceribus transcensurus alpes, à Longobardis, qui fauces Veronenses occupant, Italiæ aditu prohibitus, per sesquimensem Tridenti moratus, rediit in Germaniam, posteaquam, ipso spectante atque dolente, fœdum ejusce civitatis incendium contigerat. Idem, ante quadriennium, Northusij comitia habuerat: hoc anno rursus frequentibus Germaniæ Proceribus,

COMITIA
NORTHUSII.
AN. CHRIST.
M. CC. XX
VII.

Aquisgrani, verno jejunio inclinante, conventum celebravit, cui dedere operam, præter Ludovicum Bojum, cujus in dirigendo Rege partes erant potiores, Salisburgensis, Moguntinus, Trevirensis, Colonienfis, Archiepiscopi; Lotharingiæ, Brabantia, Austria, Duces; Ferdinandus Comes Flandriæ, qui, exactâ duodenni captivitate, Parisijs erat dimissus. Convenere præterea complures Germaniæ Episcopi & Dynastæ cum frequenti nobilitate; quo tempore Margarita Henrici Regis conjunx ab Agrippinensi Archiepiscopo coronata est. Subinde Henricus Rheni Palatinus, Othonis Imperatoris germanus, sine masculo hærede, quem unicum mors illi ante annos duodecim rapuerat, defunctus est. Agnes ejus filia, Othoni Ludovici Boij filio desponsa, præter aliam dotem, Palatinum Rheni, & quicquid illi terrarum adnexum est, Boicæ attulit, ipsaque Leonum insignia non indecorè Boicis rhombis adjunxit.

Vetus Saxon.
Chron.
RHENI PA-
LATINATUS
INGENTEM
WITTELS-
PACHIAM
TRANSLA-
TUS.

Ad hunc usque annum, post Conradi Episcopi Ratisbonensis obitum, inter regnum fuit Ecclesiæ Cathedralis, electorum votis in diversa abeuntibus. Minor Cleri pars, Imperatoris & Ducis nullâ habitâ ratione, Godefridum Præpositum nominavit, cui subscripserunt Ministri ordinis sequioris. Godefridus à Rege Henrico nihilominus regalia accepit, sed cum mox se decoctorem & nullius frugis ostendisset inutili sacrarum opum largitione & distractione in manus alienas, cum Gregorius IX. qui Honorio successerat, uti vitio electum loco movit, & electores sacerdotijs exiit, qui Romam adire coacti, vix post triennium gravissimis conditionibus fuere restituti. Pars Collegii sanior ac numerosior unâ cum Abbate S. Emmerammi Sifrido Ratisbonensi Canonico suffragati, ipsi à summo Pontifice mitram impetrârunt.

Hâc ipsâ tempestate, consilia de Saracenis bello Palæstino petendis, fuere renovata. Fridericus Cæsar signum denuo extulerat. Angli submiserant sexaginta armatorum millia. Sigefridus Augustanus Episcopus, & Ludovicus Turingus D. Elisabethæ Turingicæ maritus, lectissimas etiam copias adjunxerunt. Dum Brundusij commodam navigationem opperiantur, Christus illustri formâ, pridie S. Joannis Baptiste, clarissimâ circumfusus luce, è sublimi, clavis & lanceâ saucius, & recenti è plagis manans sanguine, se præbuit visendum specie invitantis, & pollicentis opem, si sacri milites animos in bene cæptis firmarent. Et egebant haud vulgari beneficio, quo in conceptâ alacritate retinerentur. Plerique cœli & æstatis insolentiâ morbis tentabantur: multi varijs fracti miserijs moriebantur. Inter hos Episcopus Augustanus, & Ludovicus Turingus, quem fama vulgavit Hydrunte veneno esse sublatum: pars viribus animisque collapsi, patriam repetentes, passim agros & nemora sternebant cadaveribus. Sed & Fridericus Cæsar, in quo, velut in capite, prima vis & sapientia requirebatur, curis aliò conversis, haud obscurè profectionem averfabatur. Permulti tamen ad 18. Cal. Septembris, è portu Brundusino vela fecerunt, rati, eum simul navigaturum. Sed ille vix triduo proventus in altum, cum exiguo comitatu, maris jactationem & affectam valetudinem caufatus, retro cursum avertit. Quâ fraude irritata classis, magnam partem consilium mutavit. Quadraginta amplius millia regressi sunt in Italiam. Gregorius IX. Pontifex mirum in modum doluit, unius Cæsaris culpâ, tantum apparatûs in nihilum recidisse. Quamobrem Purpuratorum judicio, cum declaravit incurrisse pœnas, quas Honorius cunctanti erat interminatus: quam sententiam mox ubique locorum promulgandam curavit. Hinc subductæ per Fridericum, quas passim permulti fecerant, in sacram militiam largitiones, occupatæ in Sicilia & Apuliâ Templariorum & Hospitalariorum possessiones: vexata Spoletana vallis: patrata complura perquam indigna contra jura Ecclesiarum: oppressi pupilli & viduæ: populi novorum vectigalium insolentiâ vexati: thori continentia effusis libidinibus pudendum in modum violata, nullo famæ majestatisve respectu. Atque hæc tam diu, donec maleficiorum pertæsus, an ut nova adderet, specie tamen ostentandæ religionis, ad 3. Id. Sextiles ne dignatus quidem petere dirarum Pontificiarum expiationem, Brundusio in Syriam navigavit, malè absterfusurum nævos, quos in Europâ sibi consciverat. Raynaldo Siciliae Prætoræ præmisso Ptolemaidem, secutus, mox ubi Syriam attigit, decennes inducias nomini Christiano prorsus indecores, & Gregorio Pontifici improbatas cum Sultano pactus est, his conditionibus. *Fridericus Cæsar Rex Hierosolymorum esto & inaugurator: urbem sanctam cum Palæstinâ possidero: Nazarethum, Ioppen, cum oppidis vicisque, si volet, instanti: eidem restituuntur, qua fuerunt in Balduini IV. potestate: captivi sine lytro solvuntur. Templum Domini sepulchri esto penes Sultatum. Cratum præsidium, quod spectat Arabiam, Monsque Regius, sit quoque in ejus potestate.* Pontifex pacta rejecit, eò maximè, quod gloriosum Christi monumentum, cujus causâ susceptum bellum, in Barbarorum manibus per summam ignaviam esset relictum: cætera verò, quæ Sultanus concesserat, tanti non essent, neque tam munita, quin possent, quoties vim inferret, ab eo facillè occupari.

DISSIDIUM
COLLEGII
RATISBO-
NENSIS.

SACROS MI-
LITES

CHRISTUS
ANIMAT,

*Sigon. lib. 19.
de Regn. Ital.
Bzovius.*

XXIIX,

APPARATUS
RECIDIT IN
NIHILUM.

AN. CHRISTI
M. CC.
XXIIX.

*Lit. Gregor.
Fazel. de reb.
Sicul. poster.
Decad. lib. 8.*

CÆSAR CUM
SULTANO
FACIT INDU-
CIAS.

XVI.

SIDON CA-
PTA CUM
ARCE BERY-
TENSI, ET
ALIIS MUNI-
TIONIBUS.

HENRICI
CÆSARIS.
MORS.

SACRA EX-
PEDITIO
DISSOLUTA.

AN. CHRIST.
M. CXCLIX.
PHILIPPUS
FRIDERICI
TUTOR,

NEGLECTO
PUPILLO,
IMPERIUM
INVADIT.
OTHO CON-
TRA REX
SALUTATUR.

AN. CHRIST.
M. C. XCIX.
ADALBER-
TUS SALIS-
BURGEN. CA-
PTIVUS.
WOLFGERI
PASSAVIEN-
SIS BELLUM
CUM OR-
TENBURGIIS.

incautiùs, è sublimi corruens, fractâ cervice, sibi elisit animam. Nostri, factâ ex-
scensione, cum Tyrum inter & Sidonem agmine composito incederent, obvium
habuere Saphatinum Saladini hæredem, omnes Babylonix & Damasci Tetrarchas,
ingentem Saracenorum multitudinem à latere montis ostentantes, nostrosque à
tergo continuis insultibus laceßentes, non sine suorum clade, & Sidonij Dynastæ
aliorumque complurium jacturâ. Castris ad Sidonem flumen locatis, cum no-
stræ naves crucibus insignes apparuissent, Sidonij terrore dilapsi, urbem, arcem
verò munitissimam Berytenses deseruerunt, quâ nostri potiti, tantum armorum &
annonæ repererunt, quantum quingentorum præsidio satis esset in septennium.
Eadem fuit fors castri Gibeli & Liediensis. Vastara latè regio, Saracenis nusquam
ausis conferre signa. Et jam se spes non dubia prodebat Solymæ recupe-
randæ, cum Henrici Cæsaris renuntiata mors omnem nostris alacritatem ade-
mit.

In Syriam, mutato proposito, cogitanti, mors iniecit manus Messanæ 3. Cal.
Octobris. Quorundam fuit suspicio, eam illi ab uxore medicatâ porione fuisse
propinatam. Scribunt alij, ipsum in venatione æstuantem, frigidâ intempestivè
potâ, captatâque per imprudentiam refrigeratione, lethalem sibi febrem accersisse.
Sub extrema, Fridericum filium, quem quadrimum Germaniæ Procetes successo-
rem dixerant, Innocentio Pontifici per legatos commendavit. Ejus tutelam,
educationem, & augustalia ornamenta Philippo fratri commisit. Defuncto da-
tum Panormi in principe Basilicâ Mausoleum marmoreum. Magnæ illi virtutes,
haud mediocribus vitijs confusæ, vagâ libidine, immiti ingenio. Ita, ejus morte,
sacri belli fervor felicitâsque elanguit. Germanorum plerique à crucis vexillo di-
lapsi: vix ullus è Principibus, præter Contadum Wittelspachium, quem Pontifi-
cis legatio retinuit, & Rudolphum Verdensen, se passus est in Asiâ diutiùs occupari,
alijs domestica, alijs gliscientes in Imperio turbas, respicientibus.

Philippus Friderici impuberis patruus, è Siciliâ redux in Germaniam, videba-
tur initio commissam sibi tutelam cum fide gesturus. Habebat permultos, qui
suam ad id operam lubentes proferebantur, Bojos præsertim, authore Ludovico
Duce, Adalbertum Salisburgensem, Saxonix Principes; sed Bertoldi Zäringij,
quem Colonienfis & Trevirensis Archiepiscopi, fastigio destinaverant, impulsu,
neque demum illubentibus, quos dixi, Boijs atque Saxonibus, 8. Id. Martias, obla-
tum sceptrum, neglecto Friderici nomine, Mulhusij accepit; Moguntiz verò regni
insignia, quæ pupillo asservanda susceperat, Tarentino Pontifice inaugurante, in-
duit. In ejus verba Boij, Suevi, Francones, Ottocarus Boëmus, Saxonum magna
pars jurârunt. Ab adversâ factione, Orho Henrici Leonis Senioris filius evoca-
tus ex Angliâ, & à Richardo Rege avunculo animatus, Coloniz Agrippinz Rex
est salutatus, & Aquisgrani, expulso Philippi præsidio, in Caroli Magni solio col-
locatus. At verò ex urbe adferebantur litteræ, quibus Innocentius Pont. utrum-
que improbabat. Quâ ex discordiâ natum odium, quod plures annos Imperium
civili bello laceravit.

Neque verò Boica fuit à turbis immunis. Adalbertus Salisburgensis Archie-
piscopus à suis clientibus (causam Annales non prodiderunt) captus ad fluvium
Lamerum, in arce Werfensi per dies quatuordecim arctè est habitus: cujus rei in-
dignitate factum, ut Salisburgo, vicinisque Episcopatibus, sacris interdiceretur.
Eorum usus publicè non est restitutus, donec constitit, captivum esse redditum li-
bertati. Haud multò post, Wolfgerus Batavensis Episcopus redux ex Asiâ, cruen-
tum bellum gessit cum Ortenburgijs Rapatone & Henrico fratribus. Hi, absente
Episcopo, populationibus alijsque injurijs gravia damna Episcopatu intulerant,
quæ ille mox, ut domum redijt, egregiè ultus est, arcibus Ortenburgiorum ple-
risque solo æquatis. Confugerant Comites in castrum Grabense (Brunnerus
vocat Oberbergam) quod Wolfgerus diurnâ clausum obsidione, editâque Or-
tenburgensium luculentâ cæde, redegit in suam potestatem, & funditus ever-
sit.

Conradus Wittelspachius è diverso, ubi primùm redijt ex Oriente, partes egit pacificatoris inter geminos Germaniz Reges. Propendebat ille quidem in Othonem, motus Innocentij Pontificis autoritate, tamen à Philippo non erat alienus, ut, si Othonis voluntate regium nomen retineret, id ipsum ad vitandas patriæ calamitates, lubens esset probaturus. Id saltem se confidebat effecturum, ut, inducijs in quinquennium compositis, uterque diviso Império, sine sanguine potiretur: credebatur posse interim multa evenire, quæ malis majoribus remedium adferrent. Verùm ejus conatus abierunt in irritum; nam Otho, ejusque partiarius Agrippinensis, ne pacis quidem consilia admiserunt ad aures, & Philippus perstitit in proposito.

Quare Wittelspachius, ratus, se operam in Ungaria meliùs locaturum, Emericum & Andream Belæ III. Regis filios, de regno contententes adiit; & visus quidem est, eos adduxisse ad concordiam, sed paulò post ambitio, sopita odia, regnantique libidinem excitavit. Emericus Andream fraude circumventum coniecit in vincula, ipsèque vicissim à fratre, anno nondum elapso, ferro oneratus est, & regno exutus. Annales Australes habent, Emericum eodem, quo fratrem vinxerat, anno, DEO vindice, fato concessisse, & regnum reliquisse fratri. Wittelspachius nihilo minùs suo apud DEUM merito, & laude apud mortales, ob pie locatam operam, non caruit: & par est credere, præmio non caruisse, cùm anno M. CC. domum regrediens, in Passaviensi Diocesi ad vitam beatiorum est evocatus, 6. Cal. Novembris. Defuncto Wolfgerus Episcopus pro dignitate parentavit, funusque duxit Moguntiam perhonorificè & cum magnâ laude pietatis. Quo perfunctus officio, medio inter Anternacum & Confluentiam spatio cum Colonienfi, Trevirenfi, & Monasterienfi Antistitibus, de pacificandis Anticæsaribus, nullo operæ pretio est collocutus. Donaverat Conradus Wittelspachius, supremo voto, Ecclesiæ Salisburgensi sacram suam suppellectilem: sed Ludovicus nepos Bojariz Dux, rescissâ patrui voluntate, non sine gravi cordatorum virorum reprehensione, quasi hæreditariam avertit. Fuerunt, qui ex coactò multa illi adversa ex vero sunt ominati.

Conradum hoc anno 6. Id. April. præcessit Adalbertus Archiepiscopus Salisburgensis, in cujus sedem cooptatus est Eberhardus II. Truchsenius Episcopus Brixinensis. Is, ipso etiam aditæ dignitatis initio, Romam misit Berchtoldum Præpositum Metropolitanæ Ecclesiæ, qui pallium ab Innocentio Pontifice impetraret. Demortuo hoc Legato re nondum confectâ, in urbem successit Bernardus Præpositus Berchtesgadenfis, qui nec ipse voto potitus est; quòd Pontifex factam ab Eberhardo transitionem, ab inferiore sede ad superiorem, improbareret. Quamobrem non annuit ejus petitioni Innocentius, donec factò Romæ supplici, pallij insigne, absolutamque Salisburgensis Ecclesiæ gubernationem concessit. Domum reversus, cùm D. Cunegundi S. Henrici Imperatoris castissimæ conjugii cœlitum honores ab Innocentio essent decreti, celebritatem, quâ sanctæ Virginis exuviz Babenbergæ è tumulo in aram levabantur, inter frequentes Germaniæ Antistites Eberhardus suâ præsentia cohonestavit. Innocentius in tabulis, quas ad Theumonem & Capitulum Bambergense de assertâ in Divorum numerum Augustâ virgine transmisit, testatur, quòd ejus intercessione *cæci visum, claudi gressum, muti verbum, surdi recuperaverunt auditum, alijque languoribus impediti, frequenter & evidentè plenam sunt consecuti sanitatem.* Item, quòd *pulvis de ejus tumulo assumptus, sæpe conversus est in frumentum.*

Sub id temporis Summus Pontifex de Germanorum dissidio apprimè sollicitus, suam de Philippi electione sententiam edidit. Memor etenim injuriarum, quas Ecclesia Romana à Gibellinâ domo acceperat, expenso Philippi perjurio manifesto, publicâ excommunicatione, & persecutione, quam ipsius progenitores, & ipse præsumpserant in sedem Apostolicam, & alias Ecclesias, quòdque contra proprium juramentum, quo se Friderico Siciliæ Regi, nepoti suo, vivo adhuc Henrico Imperatore, obstrinxerat, regnum sibi, inconsulto Pontifice, usurpâset; per Guidonem Cardi-

Freiberg.

XVII.

CONRADUS
WITTELS-
PACHIUS
FRUSTRA
DUOS REGES
CONATUR
CONCILIA-
RE,

RECONCE-
LIAT UNCA-
ROS AD
TEMPUS,

Annal. Austr.

ad an. 1202.

& 1203.

AN. CHRISTI

M. CC.

MORITUR.

OBITU A-
DALBERTI
SALISBUR-
GENSIS.

S. CUNEGUNDIS
DIS TRANS-
LATIO.

S. Antonin.
3. part. c. Ve-
nerabilem. De
elect. Gloss.
ibid.

INNOCEN-
TIUS PHI-
LIPPUM CÆ-
SAREM RE-
PROBAT.

XIIX.

OTHONEM
PROBAT.

AN. CHRIST.
M. CCII.
Casarii lib.
9. c. 51.
RITUS SS.
EUCHARI-
STIÆ ADO-
RANDÆ ET
DEFERENDÆ

AD ÆGROS.
*Annal. An-
st. al.*
Hund. in
Metrop.
Aveni. lib. 7.
BELLUM CY-
VILE IN BOI-
CA.
ATROCIA
BELLUM EXEM-
PLA.

AN. CHRIST.
M. CC. IV.

And. Presbyt.
Arenpeck.
LANDISHU-
TA EXCOLI-
TUR.

XIX.

*Chron. An-
dec. Rigord.*
in Philip. pag.
202.
Paul. & Emil.
pag. 302.
AGNES AN-
DECENSIS
NUPTA PHI-
LIPPO II.
REGI FRAN-
CIÆ.

Cardinalem Episcopum Prænestinum, Germaniæ Principibus, imprimisque Ele-
ctoribus denunciavit, Philippum haudquaquam fuisse idoneum, qui ad regnum
eveheretur: Othoni verò nihil deesse, quò minùs rerum summâ potiretur. Guido
Cardinalis tali Pontificis iudicio munitus, sub exeuntem Junium, Coloniam voca-
vit omnes Principes, qui Friderico impuberi fidem addixerant, eosque solvit ju-
ramenti religione, quâ se Philippo obligarant: huic verò, ejusque partiarijs sacro-
rum usu interdixit: alijs, Pontificis nomine, diras est interminatus, nisi in posterum
Othonem, ut verum Germaniæ Regem sequerentur. Idem Cardinalis, dum
hæc de Republicâ Coloniz ageret, pium morem in eam urbem invexit, quem fi-
nitimi Germaniæ populi sunt æmulati; ut, cùm hostia Eucharistica in tremendo
sacrificio in altum tollitur, populus, audito nolæ tinnitu, eam cernuus adorans, à
DEO pacem veniâque postulâret, donec mystici calicis consecratio foret peracta.
Aliam præterea religionem persuasit, ut, quando cœleste corporis viaticum
ad ægros deferretur, tintinnabulo ad Dei præsentis venerationem populus excita-

Propagabantur isthæc officia pietatis, cùm in Boicâ civile bellum, adversus
Ludovicum Bojariæ Ducem, sociavit Eberhardum Salisburgensem, & Conradum
Ratisbonensem Præsules. A Duce dissidebat Salisburgensis, ob clientelam &
parochiam Utinensem: Ratisbonensis reversus è Palæstinâ, unde pacem cùm magnâ
cum laude attulisset, simul bellum retulit adversus Laicos Ecclesiarum tutores,
quos nuncupant Advocatos: quos per vim eo munere deturbare aggressus, foedere
sibi adjunxit Salisburgensem. Certatum mutuâ cladium atrocitate, multæ ar-
ces complanatæ: Bojaria universa ex improvise oppressa, ferro flammisque vasta-
ta: direptæ Sanctorum reliquiæ: templa expilata: aræ sacrilegio violatæ: Frisinga
igne deleta: patrata scelera immanitatis inauditæ. Numen eos furores visum est
ulcisci, quando Salisburgi, haud multò post, Basilica ipsaque civitas conflagrârunt.
Ludovicus Teispachium, arcem Ratisbonensis ditionis captam diruit, & mors
Conradum Reginoburgensem suffulit, anno M. CC. IV. 8. Cal. Majas. Suffectus est
Conradus II. ultimus gentis suæ hæres Comitum Frontenhusiorum, ex Præposi-
turâ Frisingensi, vir gratus omnibus, tractabilis, & æquitatis apprimè retinens, olim
futurus Imperij Cancellarius. Hoc etiam anno Wolfgerus Batavensis, Philippo
Regi inter amicos primæ admissionis, evectus est ad Aquilejensis Ecclesiæ Patriar-
chatum Pilegrini morte vacantem. Passavij successorem accepit Popponem,
antea Præpositum Aquilejensem, non ultra sesquiannum provicturum.

Huic anno Landishuta, civitas elegans ad Ilaram amnem, sua debet incremen-
ta. Primùm, ad prohibendam grassatorum licentiam, specula monti, in quo
hodie Ducum Regia visitur, fuit imposita, unde civitas nomen patriæ defensatri-
cis accepit.

Sub id temporis incidit mors Bertoldi Ducis Meranensis è stirpe Comitum
Andecensium. Tumulatus est Dießæ in majorum suorum conditorio. Ejus
soboles Otho Magnus, paternam dignitatem transmisit ad posteros. Tres Othoni
fuere fratres: Ecbertus Babenbergensis, Bertoldus Colocensis Episcopi, Henricus
Comitis Istriæ & Carniolæ Comes. Eidem sorores fuere quatuor: Gertrudis
Andreas Ungariæ Regi locata, D. Elisabethæ Turingicæ mater: D. Hedwigis nu-
pta Henrico Silesio: Mechtildis in Kizingensi parthenone Christo desponsa:
quarta, Agnes, quam Francisci Scriptores Mariam, & paulùm immutato Meranensi
titulo, Ducis Moraviæ filiam, errore ignoscendo, nuncupant, Philippi II. Franciæ
Regis thalamo per quinquennium recepta, posteaquam ille Gelbergam, alijs En-
gelbergam, Daniæ Regis sororem, intra tertium mensem, propinquitatis causâ
dimiserat. Ex Agnete Philippum & Joannem liberos suscepit, quos Innocentius
II. Pontifex, tametsi matrimonium improbaverat, Agnete defunctâ, legitimos
hæredes Pontificijs tabulis declaravit. Unde extra dubium est, Agnetem impe-
dimenti nesciam, & Philippum bonâ fide, nonnullis Episcopis auctoribus auspici-
bûsque nuptias contraxisse. Et verò Dana familia (si Emilio fides est) regiæ

Franciæ

Franciæ cognatione juncta erat. Nam Philippi I. Regis Franciæ filia nupserat Dano Regi: unde vero sit affine, per aliquot primogenitorum gradus Gelbergam fuisse editam; sed in recensendo avorum numero, assignandâque distantia fuisse erratum à divortij novarumque nuptiarum authoribus. Quo se cunque modo ea res habeat, hæc ipsa Agnes est, à quâ Andecense sacrarium aliquot coronæ spinæ ramulos, quibus augustissimum Christi caput à Judæis fuit confixum, accepit. Et eadem est, quæ crucem Forstenriedensem, rudem quidem, sed veneratione præcipuam Christi morientis effigiem, ab Albano Monacho Andecensi ædituo sculptam, cum in arce paternâ degeret, religiosè coluit, & ab eâ suæ fortunæ oraculum creditur accepisse.

CULTRICRUCIS FORSTENRIEDENSIS.

Hoc anno Ludovici Bojarix Ducis cum Ludmillâ nuptiæ, quas Andreas Presbyter ordine præpostero rejicit in annum hujus sæculi vigesimum quartum, sunt celebratæ. Ludmillam, quam Aventinus, more suo Græcanico, Laodamiam appellat, alij nobilissimo Boëmorum sanguine natam, alij Regis Poloniæ filiam existimant. Utrumlibet verius sit, tamen constantem ab historicis habet laudem pietatis, honestatis, & solertis ingenij. Primis nuptiis fuerat illigata Alberto Bogio, atque ex eo genuerat Leopoldum, Albertum, & Bertholdum, qui non optimè gessere rempublicam. Marito demortuo, laudatissimè vidua vixerat per sexennium, cum Ludovicus Dux, ejus formâ & integritate modestiæ delectatus, frequens ad eam familiariter revisebat, non dissimulans vota ipsius thoro potiundi. Non respuit quidem illa familiaritatem, negavit tamen, se extra matrimonij sanctitatem quicquam geniale admissuram: si cum honore, adhibitis, quos ipsa produceret, sponsionis testibus, duceretur, nihil futurum moræ, quò minùs ille voto potiretur. Post siparium abdiderat tres optimi sanguinis equites, totidémque habebat in lecticæ conopæo depictos. *Ex* (inquit illa, digito in picturam intento) *testes pacti, quod mecum es initurus*. Ille, per jocum à Ludmillâ arbitros ejusmodi ratus adhiberi, ilico matrimonium prolixè addixit. Tum illa, reductâ alterâ parte siparij, ad vivos sponsionis testes: *Audistis* (inquit) *viri nobiles, à Principe Ludovico mihi nuptiarum fidem esse promissam? Audimus utique, responderunt, & sponsionem testamur, porroque testabimur*. Obstupuit Ludovicus fæminæ ingenium, seque domum recipiens, regio cultu nuptias adornavit, annoque vertente Ludmillam nuptum duxit, ex quâ suscepit Othonem hæredem, cujus ortus magna attulit Boicæ emolumenta. Nam antè quàm nasceretur, Ludovicus Bojarix Dux cum Conrado Reginoburgensi pacem his legibus iniit, ut, si Dux Ludovicus nullam ex justo thoro ferret prolem, Episcopo Ratisbonensi cederet Kelhaimium, Lengenfelda, aliâque loca trans Danubium unâ cum Landishutâ: contrâ si ille legitimâ prole donaretur, jus esset Duci, comitijs Pontificijs interesse cum potestate suffragij: Toparchia, quæ in Oeni valle est, unâ cum arce, clientelari beneficio, eidem Duci permitteretur: ut secernerentur jura, quæ Bojarix Duces cum Episcopis habebant in urbe Ratisbonensi communia, ad tollendas iurium occasiones: quæ pacta Philippus regio diplomate probavit. Circa id tempus, stirps Comitum Vohburgiorum, unâ cum Bertoldo, ejusce gentis ultimo extincta, Boico Principi reliquit caducam clientelam. Fuit illa familia opibus terrisque præpotens inter Nariscos.

LUDOVICUS BOIUS NUBIT LUDMILLÆ. *Avent. lib. 7. pa. 660.*

Hund. pa. 292. § penult. Arenpeck. M.S. pag. 188. Andr. Presb. pa. 68.

LUDMILLÆ SOLERTIA.

VOHBURGIIORUM FAMILIA EXTINGTA. *Avent. Hund. in Origin.*

XX.

PROCERES ALIQUI AB OTHONE DEFICIUNT AD PHILIPPUM.

Cum interim arma civilia Hermanno Turingiæ Landgravio Othonianarum partium incumberent, isque ab Ottocaro Boëmo, Orlamundam usque grassante, repressoque per Othonem Wittelspachium, ne Regi Othoni suppetias adduceret, desertus, Weissenfæ arctâ cinctus obsidione, suâ quorundam Principum lubens in Philippi Regis fidem concessit. Paulatim quoque alij Imperij Proceres ab Othone deficiebant ad Philippum, impulsore Adolfo Antistite Coloniensi; inter quos Brabantix & Lotharingiæ Duces, qui sub D. Marci festum Confluentiæ Philippo dixere sacramentum. Colonia etiam Agrippina, quæ adhuc Othonem foverat, post biennium Philippo manus dedit. Bojæmus denique Ludovici Boicæ Ducis consilium secutus, quò foret Philippo conjunctior, hujus filiam Wenceslao filio despondit.

AN. CHRIST. Anno postero Philippus Novesium suæ ditionis fecit, agrumque latè vastavit,
 M. CC. V. & affecit provinciam confinem malis ingentibus. Otho Rex, ausus cum Philip-
 OTHO PRÆ- po signa conferte ad Wallinbergam arcem, Principis Limburgici prodicione pro-
 LIO VICTUS. fligatus est, coactusque cum paucis domesticis in Angliam profugere. Istam cla-
 AN. CHRIST. dem secuta, quam dixi, Colonienfium ad Philippum defectio, posteaquam obsi-
 M. CC. VI. ditionem aliâque mala toleraverant. Haud multò post Poppo Passaviensis Epi-
 POPPONIS scopus fato concessit, & insulam Mangoldo Bergenfi Comiti reliquit. Sed &
 PASSAVIEN- Conradus Frontenhusius Ratisbonensis Antistes naturæ debitum exolvit, magno sui
 SIS ET CON- desiderio relicto. Pauperes & Ratisbonensem Ecclesiam scripsit suorum bono-
 RADI RATIS- rum hæredes.
 BONENSIS

OBITU. Anno septimo, actum de pace inter Philippum & Othonem Reges. Phi-
 AN. CHRIST. lippo Augustæ Vindelicorum comitia agenti, Novembri exeunte, adfuerunt duo
 M. CC. VII. ab Innocentio missi Cardinales, Hugo Ostiensis Episcopus, & Leo S. Crucis pres-
 PACIS IRRI- byter, cum mandatis, ut Brunoni, olim Bonnenfi Præposito, qui Adolfo per sedem
 TA TRACTA- Apostolicam abdicato successerat, & eam ob causam à Philippo invinculis attine-
 TIO, batur, libertatem impetrarent, simul ut, si quâ posset fieri, quietem redderent Ger-
 mania. Primum haud gravatè concessum Pontificis reverentiæ: posterius con-
 fici non potuit. Adolfus Colonienfis, quem Innocentius diris devotum loco
 moverat, à Legatis religione quidem solutus est, cum id ipse infimis precibus ex-
 orasset; sed iussus tamen est in urbem proficisci, ut suscepto piaculo, Pontifici fa-
 ceret satis; cui factus supplex anno sequenti, impetrare non potuit, ut postliminio
 in Agrippinensem sedem reduceretur.

AN. CHRIST. Cæperat tamen Innocentius in Philippum esse clementior, posteaquam
 M. CC. IIX. Wolfgerus Aquileiensis Patriarcha, quâ excusando, quâ rogando, Pontificis ani-
 mum leniverat. Et jam res, missis ultro citroque legationibus, eò devenerat, ut
 concordia inter utrumque Regem sanciretur, hisce conditionibus: primum, ut
 Pontifex Philippum in piorum cætum, unde fuerat exclusus, reciperet: deinde,
 ut penes eundem maneret Imperium, donec in vivis superesset: ei verò, si quid hu-
 manitus contingeret, Otho succederet, & Beatricem Philippi filiam, factâ cogna-
 tionis gratiâ, sibi matrimonio jungeret: verum antè quàm suprema manus pacifi-
 cationi imponeretur, Philippus 10. Cal. Julij immani facinore fuit interemptus,
 non sine tamen Numinis vindictâ, quæ rarò sine supplicijs juramentorum violato-
 res ad alteram vitam transmittit. Sceleris author Otho Wittelspachius. Causa
 non una à scriptoribus proditur: & verò credibile non est, virum cordatum & Phi-
 lippo semper fidum, ad tantam atrocitatem sine omni causâ descendisse: quan-
 quam nulla fingi potest, quæ par sit purgandæ facti detestabilis infamiae. Scri-
 bunt quidam, Philippum ex filiabus unam Othoni despondisse, ac deinde offen-
 sum sanguinario hominis ingenio, quippe qui Welfonem Bojum genere illustrem,
 & Regi in paucis charum occidisset, relictâ sponsione, alteri addixisse: & habuisse
 quidem in præsens Othonem iras in potestate, sed post efferatum, uti quidem re-
 batur, novâ injuriâ, laxasse habenas ultioni. Passus prioris sponsionis jacturam,
 à Philippo petijt, ut, quando à promissâ affinitate arcebatur, Philippus suâ autho-
 ritate & commendatione foret adjumento, ad conciliandas Polonæ Principis, quas
 exambiebat, nuptias. Philippus patrocinium visus est prolixè addixisse, & Otho
 paratum exemplar litterarum, quibus id negotij cupiebat commendari, extemplo
 Regi porrexit, ut syngrapho regio signarentur. Nihil credebat Otho subesse
 fraudis: sed Philippus regiam virginem sibi junctam materno sanguine, feroci viro
 veritus poscere, Epistolarum magistro mandavit, ut Epistolam vitiaret, munitur-
 que sigillo. Otho, signum & membranam curiosè contemplatus, venit in latentis
 doli suspicionem ex lituris, quæ accuratiùs inspicienti incurrebant in oculos.
 Quia verò sic erat rudis litterarum, ut ne prima nôset elementa, resignat Episto-
 lam, datque amanuensi perlegendam. Hic ubi unam alterâve periodum inspe-
 xerat, expallescere, hædere attonitus, æstuare animo; Otho verò urgere, ne quic-
 quam dissimularet. Ille igitur rem, ut erat, candidè aperit: omnia prorsus alia,
 quàm

PHILIPPUS
 CÆSAR IN-
 TERFECTUS
 AB OTHONE
 WITTEL-
 SPACHIO.

Vrsperg.
 Otho de
 S. Blasio.
 Arnold. l. 7.
 c. 14.

quam volebat ab Henrico Poloniæ Rege postulari, dissuaderi vehementer Othonis affinitatem. Hic Otho furere, iras implacabiles concipere, jurare Philippi necem. Clâm tamen habuit vindictæ libidinem, donec Rex, incisâ utriusque brachij venâ, Babenbergæ valetudinem curavit, & negotijs sepositis, adhibito in colloquium Spirenfi (Herbipolensem alij nominant) Antistite, & Walburgio cubiculi præfecto, sermonem jucundè fallendo tempori serebat. Wittelspachius, observatâ Regis solitudine, decernit exequi meditatam scelus. Quia gerebat Prætorij præfecturam, non fuit difficilis ad Philippum accessus. Comitatum adjecerant præ foribus, Henricus Andecensis Istria Marchio, ejusque frater Ebertus Episcopus Bambergensis, haud ignari nefandæ molitionis. Otho admissus in Regium conclave, strictum lanistæ ferrum quasi per ludum vibrans, à Philippo jubetur ab intempestivâ digladiatione abstinere. Ille nihil motus imperio, exprobrat geminam perfidiam, exaggerat violatam nuptiarum sponsionem, nequiter exaratas litteras, & cum dicto regis cervici lethale vulnus infligit, seque mox è Regiâ proripit. Walpurgius manu in cubiculi pessulum injectâ, vocatis in auxilium prætorianis, conatus est parricidam retinere, sed secundum malam sauciatus, cohibere nequijt, quò minùs per tumultum erumperet, evaderetque, antequam posset comprehendi, rebus ad fugam antè prævisis.

Regis eadè vulgarâ, ne quid publicarum turbarum existeret, Othoni Regi non illubenti, Saxoniz & Turingiz Principes votis consentientibus regnum confirmârunt Comitij Halberstadenfibus. Id pari suffragiorum lubentiâ factum ipsis Martinalibus, à Boijs, Suevis, & Franconibus, in conventu Francofordienti, quò per Spirenses Episcopum deducta Beatrix Philippi Regis filia, reos peregit omnes paternæ necis authores. Dicta in Wittelspachium proscriptionis sententia: Ebertus Babenbergensis Episcopus & Henricus Andecensis fratres, socij conjurationis, pariter reipublicæ hostes declarati. Non est vana suspicio, conjuratos ab Othone Rege impunitatem sperâsse, & præmium, ob sublatum regni æmulum; sed tametsi grata Regibus aliquando sint optata scelestorum facinora, grati tamen nunquam sunt scelerati.

Hoc anno, si Andree Presbytero credimus, Straubinga cœpit in civitatis formam assurgere: alij ejus originem referunt ad annum hujus sæculi decimum octavum.

Proscriptionis Othonianæ judicium ipsis Regalibus Augustæ repetitum est, bona percussoris & Andecensis conjurati publicata. Bojariæ Palatinatus Rationi Ortenburgico attributus. Ludovico Bojariæ Duci transcriptum, quicquid Wittelspachius & Andecensis clientelarum possederant. Eidem atque hæreditibus Otho Rex jura Boici dominatus, unâ cum Toparchiâ Meringensi, & prædijs, quibus Philippi Regis filie potiebantur, addixit, restituitque bona omnia, quibus Henricus Leo fuerat exutus. Wittelspachium, Othonis parricidæ natale solum, & ejusce gentis avita sedes, à fundamentis eversum: area consecrata templo Deiparæ. Eodem tempore Andecense castrum eversum. Wittelspachius exinde vagus & oberrans, Oberdorfj, vico obscuro supra Ratisbonam, ab Henrico Papenheimio, quem Arnoldus Calatinum nominat, & Welfonis, quem Otho sustulerat, filio, occisus est. Occisi caput in Danubium projectum: truncus Undenstorfj, postquam diu insepultus infestusque jacuerat, terræ mandatus.

Comitij Augustanis Otho Rex consilium de Urbe adeundâ Principibus aperuit. Præsules quatuordecim se itineris comites fore sunt professi, in quibus Wolfgerus Batavenfis. Nomina dederunt alij, Ludovicus Bojariæ Dux, Dynastæ & Tetrarchæ complures. Antequam profectionem Otho iniret, de ipsius cum Beatrice Philippi Regis filiâ connubio actum est Hagenoæ. Innocentius Pontifex, quod jam antè statuerat, veniam fecit consanguinitatis. Sponsalia in octavâ Pentecostes celebrata Herbipoli, Ludovico Bojariæ Duce & Leopoldo Austrio paranympis. Rex inde progressus Augustam, transmissis alpibus, ante Virginis in cælum assumptæ ferias, castra posuit ad Lacum Benacum decimâ quartâ Septem-

OTHO, PHILIPPO OCCISO, SOLUS IMPERAT.

STRAUBINGA ÆDIFICARI COEPTA. AN. CHRIST. M. CC. IX.

LUDOVICI BOII DITIONES AMPLIFICATÆ.

XXII. OTTO WITTELSPACHIUS INTERFECTUS.

LUDOVICUS BOIUS BEATRICE DESPONSUS,

Sigen.

OTHO IV.
ROMÆ CO-
RONATUR.

TUMULTUS
IN URBE.
OTHO PON-
TIFICI BEL-
LUM FACIT.

AN. CHRIST.
M. CC. X.
EXCOMMU-
NICATUR.

DESERITUR
A PRINCIPI-
BUS NON-
NULLIS.

FRIDERICUS
II. VOCATUR
IN GERMA-
NIAM.

AN. CHRIST.
M. CC. XI.

OTHO RUR-
SUS EXCOM-
MUNICATUR.

AN. CHRIST.
M. CC. XII.
Vrsperg.
OTHO GRAS-
SATUR IN
TURINGUM.

FRIDERICUS
VENIT IN
GERMANI-
AM.
XXIII.

bris. A Veronensibus comiter acceptus, Mediolani ferreâ coronâ ab Huberto Archiepiscopo solenni pompâ ornatus est. A cæteris Italiæ civitatibus magnis passim cultus est honoribus. Viterbij Innocentium Pontificem habuit obvium. Egere simul pacatè de augustali coronatione, quæ Romæ. Id. Octobris celebriter est peracta in æde Principis Apostolorum. Publicam lætitiâ turbavit ortus in urbe tumultus, in quo Cæsariani non pauci, multi Romani occubuerunt. Otho egressus urbe, mox correptis in Pontificem armis, plurima Pontificiæ ditionis oppida occupavit, & Friderico Siciliæ Regi, contrâ quàm Innocentio promiserat, bellum intulit.

Quas injurias Pontifex cum prohibere aliter non posset, post paternam dehortationem, diro anathematis fulmine execratus est, & denunciavit subjectos ab Othonis fide, obsequiisque solutos, ipsum verò Imperio exutum. Quo ex tempore ipsius fortuna vergere cœpit in deterius, & Principum studia ab eo alienari. Inter primos Sigefridus Moguntinus, Joannes Trevirensis, Archiepiscopi: Ludovicus Bojarie Dux, Leopoldus Austrius, Hermannus Turingus, Boëmiz Rex Ottocharus, Otho Princeps Meraniæ, Conradus Spirensis Episcopus Imperij Cancellarius, aliique complures, qui ab Innocentio jussi ad Fridericum Siciliæ Regem Ahenobarbi filium, cui olim admodum puero sacramentum dixerant, justis suffragiis Imperij falces deferre. Collata igitur de Othone exauctorando ad Rheni & Mosellæ confluentes consilia, quæ Summus Pontifex rata habuit. Missus subinde Anselmus Justingensis, qui Fridericum in Germaniam invitaret, Siciliæ Reginâ, per quicquid sacrum est, obtestante, ne suam salutem fortunâque dubijs Germaniæ studiis, quæ jam infida fuisset expertus, eâ præsertim ætate (agebat tum annum decimum septimum) crederet. Hærentem Anselmus vix tandem movit, ut sese è Siciliâ expediret.

Et verò tam nihil adhuc constitutum erat de Othone abdicando, ut, cum anno sequenti comitia Bambergæ agerentur, & Sigefridus Moguntinensis contra Cæsarem omni studio niteretur, impetrari tamen nequiverit, ut illi abrogaretur Imperium. Penes Ecbertum Babenbergæ Episcopum præcipuus ejusce conventûs fructus stetit. Is enim ab exilio, quod profugus in Ungariâ apud Andream Regem, affinem suum per triennium tolerârat, noxâ Philippicæ cædis sive confutatâ, sive condonatâ, in suam sedem revocatus est. Iisdem comitijs Sigefridus Sedis Apostolicæ legatus, Othonem Cæsarem, iterato anathemate, movit Ecclesiæ communionem, utque eodem ab alijs Episcopis loco haberetur, datis ad eos epistolis, Pontificiâ autoritate mandavit. Quamobrem Henricus Palatinus Othonis frater, armis cum Duce Brabantiz, & Lothariensi nobilitate sociatis, sub exeuntem Septembrem Moguntinos fines rapinis & incendio, sacris profanisque juxtâ habitis, fœdè vastavit. Sigefridus, ne istâ tempestate involveretur, ad Hermannum Turingiæ Principem confugit.

Sub idem tempus Otho, ad comprimendos Germaniæ motus, ex Italiâ Aprilî mense reversus, Norinbergæ suæ factionis procerum conventum habuit, eo consilio, ut internosceret, quinam in fide officiôque perstarent, & contractæ cum Innocentio simulationis redderet rationem. Soluta conventu, bello gravissimo Turingiæ Principem, Innocentij partibus ut qui maximè addictum, vexavit, nihil omittens hostilitatis, quò in ejus provinciam grassaretur. Celebravit deinde nuptias, quas mors Beatrix quarto die accelerata abruptit, marito conscio, nisi fallunt nonnulli scriptores. Inter hæc Fridericus Romanis armis adjutus, Genuam, atque hinc Papiam, Cremonensium & Azonis Estensis copiis stipatus, ad vallem Tridentinam evasit, haud ignarus, Germaniæ claustra ab Othonianis insideri. Quare obliquatis per alpium asperissima itineribus, deflexit, non sine magnis difficultatibus, in Rætiam Curientem, unde ab Episcopo, & Præsule Sangallensi Constantiam deductus est. Otho contrâ, de ejus profectione factus certior, è Turingiâ Uberlingam advolat cum raro milite, eò quòd ejus copiarum, ne diris Pontificijs, quas denuo Barenfis Episcopus vulgaverat, impiarentur, à signis abierant. Cum verò novis indies viri-
bu

bus Fridericus augeretur, Comitibus inprimis Quiburgici, & turmâ quingentorum galeatorum, quos submiserat Henricus Veringensis Argentoratensis Episcopus, vir insignis sapientiæ & probitatis; Otho magis magisque in horas evilescens, diffidensque suis, nusquam ausus tentare Rheni trajectum, sese in ripâ Germanicâ cum paucis continuit, dum ejus æmulus per adversam oram plebrasque civitates, multaque castella sine vi sibi adjungeret. Otho Brisaci in tantum venit contemptum, ut cives, excitato tumultu, præsidarios invaserint, Imperatorem deposcentes ad necem. Quare suo suorumque periculo trepidus, in Saxoniam profugit, cum perpaucis, quorum credebatur fidem minimè esse ambiguum. Fridericus Moguntinæ celebrem egit conventum, pridie Cal. Decembris, multorum Principum, qui donati clientelis, in ejus verba jurârunt. Aduertere Sigefridus Moguntinus, Joannes Trevirensis, Herbipolensis, Argentinensis, Constantiensis, Basileensis, Antistites; Rex Boemiarum, Turingiæ Comes provincialis. Ne Ludovicus Bojarum Dux interesset, intestinis secundæ Boicæ turbis prohibebatur. Manegoldus enim Batavensis Episcopus, & Albertus Bogius, sociatis armis, Ratoponi Palatino bellum faciebant crudele juxta ac sacrilegum, ne à religionis quidem domicilijs & aris vim abstinentes. Aspachium, S. Benedicti Monasterium, in D. Andreæ pervigilio, flammis exustum est.

In hunc annum incidit puerilis ætatis, ex omni Franciâ & Germaniâ imprudens & infausa expeditio. Asserebant, se divinitus ad hoc deliramenti genus esse vocatos, neque ullâ vi aut parentum provisione poterant ab eâ cogitatione dimoveri. Trigintamillia, qui Massiliam confluerant, vel mari periire, vel proditi sunt Barbaris ad servitutem. Qui varijs ex locis miserabili falcino, in socialem insaniam coaluerant, alij per alpes in Italiam eluctati, à latrunculis rebus omnibus spoliati; alij dolo tracti in Piratarum manus, & demersi; alij venditi Saracenis.

Friderici partes Principum & urbium conspiratione sic creverant, ut anno decimo tertio, postridie Cal. Februarias, Rex fuerit renuntiatus. Ejus inaugurationem biennio differt Manuscriptum Moguntinum apud Serarium, qui cum Aquisgrani, per Sigefridum Moguntinensem, scribit, solenni ritu esse inunctum in magnâ Principum frequentiâ. Idem Sigefridus, anno tertio decimo, auctoritate summi Pontificis, cujus legatum agebat, Theodoricum Agrippinensem Archiepiscopum, qui palam Othoni affixus, anathemate se contaminabat, sacrorum usu priorumque consortio submovit, & Colonienfibus, eadem contactis labe, divino silentium indixit. Quas ob res invectæ sunt in Ubios ingentes calamitates. Earum in partem venit Monasteriensis Episcopus, quem Othonis quidam factiosi, Coloniarum captum, Verdenfî custodiæ mancipârunt, quâ demum, expugnato per Adolfum Montium castro, biennium fuit solutus.

In eâ rerum confusione Otho tamen non despondebat animum, quem erigebant Joannis Angliæ Regis auxilia, & pactum fœdus cum Ferdinando Flandriæ, cumque Reginaldo Comite Bononiensi, qui gerebant cum Philippo II. Galliæ Rege acres inimicitias. Verum quod credebatur sibi magno emolumento futurum, vertit in grande rerum detrimentum. Nam antequam fortunæ suæ consuleret, alienam ingressus causam, novum sibi conscivit hostem, cum ne uni quidem Friderico par esset. Collegerat justas copias, quibus ad defendendam vim saltem uti potuisset, quas junxit Flandro & Bononiensi, ad Philippum Augustum Franciæ Regem invadendum. Belli causa, quam Arnoldus & Germani Scriptores adferunt, non est ejus momenti, ut nescio quæ à Franco malè servata sponsio (si ulla quidem intercessit) tot orbis Christiani Principes in mutuas clades armaret. Vero propius est, Othonem fœderatorum auxilia voluisse sibi demereri, bello in Franciâ confecto. Fuere (si Francicis Annalibus credimus) in Othonis sociorumque copijs centum quinquaginta peditum millia cum ingenti equitatu. Pugnatum est ad Bovinas, pagum Tornacum inter & Insulas, ad 7. Cal. Augusti, quantâ contentione & odijs vix aliâ, strage utrinque truculentâ. Philippus II. ejus filius,

OTHO EVILESCIT.

REFUGIT IN SAXONIAM. CONVENTUS MOGUNTINUS.

Godofrid. M. S. Mogunt. apud Serar.

TURBÆ BOICÆ.

PUERILIS IN TERRAM SANCTAM APPARATUS.

S. Antonin. 3. part. tit. 19. c. 8.

AN. CHRIST. M. CC. XIII. FRIDERICUS REX CREATUS.

AN. CHRIST. M. CC. XIV.

XXIV.

PUGNA AD BOVINAS.

Ludovicus, Odo Dux Burgundiæ, Comes S. Pauli, fuere in acie. Philippus equo suffosso humi fusus propè ab exitio absuit: Otho Cæsar diu inter hostilia signa luctatus, pectore graviter læso, equoque saucio, prælio excedens, victoriam ipsamque aquilam cum magnâ ductorum parte amisit: Ferdinandum Flandrum, & Reginaldum Bononiensem, Philippus captivos Lutetiam in triumpho duxit, iussitque custodiri, hunc quidem Peronæ, illum verò in Luparâ castro Regiæ Parisiensis. Eâ clade res Othonis fuerunt vehementer attritæ. Franciæ Rex ad æternam victoriæ acceptique beneficij memoriam, Virgini Matri Triumphatrici basilicam regiâ munificentia Sylvanecti dedicavit.

AN. CHRIST. Fridericus Cæsar Calend. Maij Andernaci de Repub. comitia habuit: Romæ
M. CC. XV. verò Innocentius de Ecclesiarum incolumitate, à ferijs Martinalibus usque ad ultimum Novembris. Concilium in Laterano celebrârunt, Patriarcha Constantinopolitanus, Episcopi quadringenti, Metropolitæ septuaginta, Abbates octingenti; omnium Regum & Principum Catholicorum Legati. Rursus hoc anno, sacræ se militiæ permulti Principes crucis auctoramento devoverunt. Fridericus Cæsar se ejusce expeditionis imperatorem est professus, quæ tamen in plures annos est dilata. Conditus est hoc anno ab Eberhardo Salisburgensis Chymensis Episcopatus, quem Rudigerus Radeckius omnium primus gessit.

AN. CHRIST. Anno sequenti ex Angliâ in Syriam navigârunt 3. Non. Julij, Andreas Ungariæ Rex, & Leopoldus Austrius cum numeroso Episcoporum & Procerum comitatu. Andreas, mox ut sacra loca viserat, regni tumultibus in patriam est tractus. In Ungarorum locum successerunt Belgæ, Angli, Franci, Itali, magno numero. Damiatæ, sive Heliopolis in Ægypto, per menses aliquot supra annum oppugnata, fecit deditionem anno undevicesimo, civibus penè omnibus in obsidione extinctis. In oppugnatione Bertoldus Bogius, Ludmillæ ex prioris marito

Vrsperg. filius, in Nilum effusus periit. Inter hæc Otho IV. Imperator alvi profluvio Hartesburgi diem obiit. Ante obitum à Sigefrido Hildesheimensi Episcopo redditus est Ecclesiæ, ritèque expiatus. Prodidit sub vitæ exitum insignia melioris frugis argumenta. Jussit domesticos, ipsos adeò vernas & attrienses, pedibus jacentis cervicem calcare, ut rarâ animi demissione sibi Numen propitiaret. Misit ad Henricum fratrem Rheni Palatinum Augustalem cultum, quem adhuc penes se habuerat, quique paulò post in Friderici Cæsaris manus erat venturus. Straubinga hoc anno, Ludovici Bojariæ Ducis opibus & industriâ, redacta est in urbis formam. Salisburgensis Archiepiscopus Secoviensi Ecclesiæ dedit antistitem, Carolum Præpositum Frisacensem. Idem Synodum Provinciale habuit; cui interfuere, Frisingensis, Batavensis, Gurcensis, Chymensis, Episcopi. Ratisbonensis ob turbas domesticas absentiam excusavit per legatos. Sub id tempus Heglwerda Monasterium dedicatum. In eo conditorium accepit Leutholdus Comes Plainius, qui ad Damiatam occubuerat.

STRAUBINGA REDACTA IN UR-
BIS FORMAM

AN. CHRIST. Fridericus, acceptis ab Henrico Palatino augustalibus insignibus, Romam profectus, 10. Cal. Decembris in D. Petri Basilicâ Imperator est salutatus. Frisinga, Othone præclaro in primis Antistite orbata, Geroldum in demortui sedem accepit. Diu ante Othonis excessum, ejus tamen assensu, lis salinaria cum Ludovico est composita, eâ conditione, ut è telonio Monacensi certum denariorum usualium pondus Episcopali æratio quotannis inferretur. Othonis merita & famam Geroldus non æquavit: quas enim reperit amplissimas possessiones, multis partibus detrivit, intra brevem undecim annorum Pontificatum, quo exacto, Conrado Tolznero longè meliori, exauctoratus locum reliquit.

Hic annus est amiliæ Damiatæ, eò majore Bojorum damno & mœrore, quòd Ludovicus expeditioni cum summâ potestate præfectus, plurimos secum è Boicâ in Ægyptum traxerat, ex quibus pauci in patriam redierunt. Fuere in exercitu ut minimum septuaginta bellatorum millia, Godefridus ducenta non sine auxilio numerat. Bellum initio satis prosperum; commissa prælia nostris ferè secunda. Ventum ad Cairum Nili bivium. Soldanus acceptas clades ulturus, igne Græco septin-

XXV.
LIS SALINARIA TANDEM FINITA.
M.S. Frising.
AN. CHRIST. M. CC. XXI.
Emil.
DAMIATÆ IACTURA.

septingentas quinquaginta nostrorum naves cum annonâ, multisque mortalibus exussit. Nostris in Cairi obsidione hærentibus, Nilus annuâ eluvione tumens, ruptisque ab hoste cataractis, totis castris largè infusus, nostros sic intercepit, ut, cum nullus esset modus evadendi, deditio copiarum omnium Soldano fuerit facienda, eâ lege, ut dedititiorum vita libertasque, Damiatæ restitutione emeretur. Triginta captivorum millia à Soldano redditi, & sine maleficio abire permessi. Udalricus Batavensis Episcopus, sive animi ægritudine, sive fractus importunissimi belli laboribus, de viâ extinctus est prid. Cal. Novembris. Bonæ cum mentis fuisse, vel ex eo colligitur, quod ædis primariæ Collegis indixit, ut ad aliquam antiqui moris usurpationem, diebus saltem Dominicis communi mensâ frugaliter uterentur. Quam in rem duos ipsis pagos, & octo census annui libras attribuit, eâ tamen lege, ut, si quando ab indicta victus communione cessarent, donatum censum unâ cum assignatis latifundijs amitterent. In Synodo Diocæsanâ anno M. CC. XX. assentientibus Legatis Apostolicis sancivit, ut juxta Lateranense Innocentij III. decretum, vigesima omnium fructuum, toto triennio in urbem mitteretur.

CHRISTIANI
AD CAIRUM,
CIRCUM-
VENTI.

Hund.

Udalrico successit Gebhardus Comes Playnius, Leopoldi ex Ithâ nobilissimâ conjugæ filius, ex eâ stirpe, quæ anno M. CC. LX. in Othone & Conrado fratribus, sub Ottocaro Bojæmorum Rege stipendia merentibus adversus Belam Ungarum, penitus extincta est, quando fratrum uterque missi ad explorandum hostem, interempti sunt. Henricus VII. Friderici Imperatoris ex Mariâ Aragoniâ filius, annum agens duodecimum, Aquisgrani ab Engelberto Colonienfi Pontifice, in Romanorum Regem antè cooptatus, Herbipoli 8. Id. Maij inauguratus est. Quo anno, terra passim per omnem ferme Germaniam, Italiam, Cyprum, tantis est concussa tremoribus, ut templorum, profanarum item ædium, oppidorumque ruinis multi mortales fuerint oppressi.

AN. CHRIST.
M. CC. XX
II.

XXVI.

Hinc multorum animos incessit metus cladum futurarum. Honorius III. Pontifex, qui Innocentio III. anno decimo septimo fuerat subrogatus, verbi divini præconibus ubique terrarum imperavit, ut Principes, populosque ad suscipiendam militiæ Palæstinæ vota, faciendosque apparatus hortarentur, ut intra biennium, cum Friderico Imperatore, qui dudum se ejusce belli ducem promiserat, in Syriam trajicerent. Philippus Augustus Francorum Rex, cum, fato præventus, in expeditionis partem venire prohiberetur, in eam rem supremis tabulis trecenta librarum Parisiensium millia legavit.

AN. CHRIST.
M. CC. XX
III.
Godfr. Mo-
nach.
EXPEDITIO
IN SYRIAM.

Quo tempore, cum SS. Viû & Modesti corpora in D. Andreæ Laventinâ basilicâ, sub altari, à Carolo Secoviensi reperta, frequentibus miraculis inclarescerent, visum est Eberhardo Salisburgensi, ad amplificandam Sanctorum venerationem, ea transferre Salisburgum cum insigni pompâ, quam ornârunt cum Metro- politâ, Passaviensis & Chymensis Episcopi. Haud longè post Ecclesiæ Laventinæ concessa est Cathedra Episcopalis, ad quam primus evehctus est Ulricus, qui postea Straubingæ ab Eberhardo Archiepiscopo, in præsentia multorum Principum, sacris Episcopalibus est initiatus, in Othonis Baviaræ Ducis nuptijs.

Rigord, in
Philipp.
Chron. An-
gusten.

Hund.

Subinde Ludovicus Bojus Landavum, oppidum ad fluvium Isaram, in Boicâ secundâ condidit, & colonis frequens reddidit. Eiusdem opus est cinctus mœnium, quo Dingolfingam explicatiore, quàm antè, tractu munijt. Idem à Conrado Ratisbonensi Episcopo promissum accepit Dornspergenſis Toparchiæ, cujus rei tabulas priscae simplicitatis testes subijcio.

AN. CHRIST.
M. CC. XX
IV.

LANDAVI
ORIGO ET
INCREMENTUM.
DINGOLFINGA
MUNITA
MOENIBUS,
COMITATUS
DORNSPER-
GENSIS.

In nomine Domini Amen. Chunradus DEI gratiâ Ratisbonensis Episcopus omnibus in perpetuum. Cum ex quodam promisso, Duci Baviaræ conferendum esset feodum unum, & Episcopus Ratisbonensis, quicumque tunc temporis, quando item beneficium incipiet vacare, præsideret, ad id teneretur, & nos Ecclesiam nostram ab illo promisso absolvissemus, per beneficium Eberhardi Comitæ de Dornberch: advocatiam, quæ Kastvogtei dicitur, quæ erat de eodem feodo, excepimus, illam Duci recompensati per feodum, quod vacare cepit ad æstimationem viginti librarum: quarum decem sint absoluti redditus, quod vulgò sonat, Vrbor, decem verò infeodata, quod vulgò sonat Manneleben. Hoc

antem

Adhunc usque annum, post Conradi Episcopi Ratisbonensis obitum, interregnum fuit Ecclesiæ Cathedralis, electorum votis in diversa abeuntibus. Minor Cleri pars, Imperatoris & Ducis nullâ habitâ ratione, Godefridum Præpositum nominavit, cui subscripserunt Ministri ordinis sequioris. Godefridus à Rege Henrico nihilominus regalia accepit, sed cum mox se decoctorem & nullius frugis ostendisset inutili sacrarum opum largitione & distractione in manus alienas, cum Gregorius IX. qui Honorio successerat, uti vitio electum loco movit, & electores sacerdotijs exuit, qui Romam adire coacti, vix post triennium gravissimis conditionibus fuere restituti. Pars Collegii sanior ac numerosior unâ cum Abbate S. Emmerammi Sifrido Ratisbonensi Canonico suffragati, ipsi à summo Pontifice mitram impetrârunt.

Hâc ipsâ tempestate, consilia de Saracenis bello Palæstino petendis, fuere renovata. Fridericus Cæsar signum denuo extulerat. Angli submisserant sexaginta armatorum millia. Sigefridus Augustanus Episcopus, & Ludovicus Turingus D. Elisabethæ Turingicæ maritus, lectissimas etiam copias adjunxerunt. Dum Brundusij commodam navigationem opperiantur, Christus illustri formâ, pridie S. Joannis Baptistæ, clarissimâ circumfusus luce, è sublimi, clavis & lanceâ saucius, & recenti è plagis manans sanguine, se præbuit visendum specie invitantis, & pollicentis opem, si sacri milites animos in bene cæptis firmarent. Et egebant haud vulgari beneficio, quo in conceptâ alacritate retinerentur. Plerique cœli & æstatis insolentiâ morbis tentabantur: multi varijs fracti miserijs moriebantur. Inter hos Episcopus Augustanus, & Ludovicus Turingus, quem fama vulgavit Hydrunte veneno esse sublatum: pars viribus animisque collapsi, patriam repetentes, passim agros & nemora sternebant cadaveribus. Sed & Fridericus Cæsar, in quo, velut in capite, prima vis & sapientia requirebatur, curis aliò conversis, haud obscure profectionem averfabatur. Permulti tamen ad 18. Cal. Septembris, è portu Brundusino vela fecerunt, rati, cum simul navigaturum. Sed ille vix triduo provectus in altum, cum exiguo comitatu, maris jactationem & affectam valetudinem caufatus, retro cursum avertit. Quâ fraude irritata classis, magnam partem consilium mutavit. Quadraginta amplius millia regressi sunt in Italiam. Gregorius IX. Pontifex mirum in modum doluit, unius Cæsaris culpâ, tantum apparatûs in nihilum recidisse. Quamobrem Purpuratorum judicio, cum declaravit incurrisse pœnas, quas Honorius cunctanti erat interminatus: quam sententiam mox ubique locorum promulgandam curavit. Hinc subductæ per Fridericum, quas passim permulti fecerant, in sacram militiam largitiones, occupatæ in Sicilia & Apuliâ Templariorum & Hospitalariorum possessiones: vexata Spoletana vallis: patrata complura perquam indigna contra jura Ecclesiarum: oppressi pupilli & viduæ: populi novorum vectigalium insolentiâ vexati: thori continentia effusis libidinibus pudendum in modum violata, nullo famæ majestatisve respectu. Atque hæc tam diu, donec maleficiorum pertæsus, an ut nova adderet, specie tamen ostentandæ religionis, ad 3. Id. Sextiles ne dignatus quidem petere dirarum Pontificiarum expiationem, Brundusio in Syriam navigavit, malè absterfurus nævos, quos in Europâ sibi consciverat. Raynaldo Siciliae Prætoræ præmisso Ptolemaidem, secutus, mox ubi Syriam attigit, decennes inducias nomini Christiano prorsus indecores, & Gregorio Pontifici improbatas cum Sultano pactus est, his conditionibus. *Fridericus Cæsar Rex Hierosolymorum esto & inaugurator: urbem sanctam cum Palæstinâ possideto: Nazarethum, Ioppen, cum oppidis vicisque, si volet, instaurato: eidem restituuntur, quæ fuerunt in Balduini IV. potestate: captivi sine lyero solvuntur. Templum Dominici sepulchri esto penes Sultanum. Cratum praesidium, quod spectat Arabiam, Monsque Regius, sit quoque in ejus potestate.* Pontifex pacta rejecit, eò maximè, quòd gloriosum Christi monumentum, cujus causâ susceptum bellum, in Barbarorum manibus per summam ignaviam esset relictum: cætera verò, quæ Sultanus concesserat, tanti non essent, neque tam munita, quin possent, quoties vim inferret, ab eo facillè occupari.

DISSIDIUM
COLLEGII
RATISBO-
NENSIS.

SACROS MI-
LITES

CHRISTUS
ANIMAT.

Sign. lib. 17.
de Regn. Ital.
Bzovius.

XXIIX,

APPARATUS
RECIDIT IN
NIHILUM.

AN. CHRIST.
M. CC.
XXIIX.

Lit. Gregor.
Fazl. de reb.
Sicul. post.
Decad. lib. 8.

CÆSAR CUM
SULTANO
FACIT INDU-
CIAS.

AN. CHRIST.
M. CC. XX
IX.

Brevium.

FRIDERICHUS
SIBI CORO-
NAM REGNI
IEROSOLY-
MITANI IM-
PONIT.

XXIX.

GREGORIUS
PONTIFEX
PERUSIAM
SE RECIPIT.
AN. CHRIST.
M. CC. XXX.
LEOPOLDI
AUSTRIÆ
OBITUS.

CÆSARIS
IRÆ IN LU-
DOVICUM
BOIUM.

XXX.

AN. CHRIST.
M. CCXXXI
Godefrid.

Chron. Schir.

And. Presb.

Chron. Au-

gust.

Tribem.

LUDOVICUS

BOIUS OCCI-

SUS AB AS-

SASSINO.

COLLEGIUM

CANONICO-

RUM OETIN-

CÆ A LUDO-

VICO FUN-

DATUM.

Fridericus tamen, quasi rem grandem fecisset, DEI resurgentis ferijs, Hierosolymis, invito licet Patriarchâ, Regni insignia induit propriâ manu ex altari detracta, iussitque loca, quæ memoravimus, novis operibus muniri per Raynaldum natione Bojum, domo Guelfum, quem Palæstinæ præfecit. Ipse verò duabus duntaxat triremibus in Apuliam revolavit. Hic, comperto, Pontificem, ob Sultanicum fœdus, factum esse præ quàm aliàs alieniorem, ad eum placandum, saltem in speciem, misit nobilissimos Principes Leopoldum Austriam, Othonem Meranum, Bernardum Carantanum, Bertoldum Aquilejensem Patriarcham, Sigefridum Ratisbonæ Episcopum: sed Gregorius se præbuit implacabilem, professus palam, Syriæ inducias factas esse contra Rempublicam Christianam. Et certè flagrans erat suspicio, illas non spectare aliorum, quàm ut Cæsar Orientis curâ solutus, foret expeditior ad invadendas Pontificis ditiones. Eò tendere credebantur coalitæ per ejus absentiam Italicæ factiones, quibus refodiebantur portentosa Guelforum & Gibellinorum nomina, quæ deinceps multorum Pontificum juxta ac Imperatorum annos fatigârunt. Prima exinde tempestas erupit in Gregorium, qui pulsus ex urbe, se Perusiam recepit, ad Friderici vim non modò religionibus, sed etiam armis defendendam. Misit præterea quaquaversum legatos, & in his quidem Othonem tit. S. Nicolai in carcere Tulliano Cardinalem, qui de Friderici injurijs in Germaniâ expostularent.

Anno tamen postero, per Messanensem Archiepiscopum, per Leopoldum Austriam, perque Ordinis Teutonici Præsidentem redditus pacatior, Fridericum in gratiam recepit, eique Regnorum Sicilia & Hierosolymitani titulos stabilivit: quæ pax nec solida fuit, neque diuturna. Leopoldus, negotio utcunque confecto, apud S. Germanum, in Campaniâ, mortem oppetiit. Extæ Cassinensi cœnobio illata: ossa reventa in patriam, Eberhardus Salisburgensis in Lillensfeldensi D. Andree basilicâ, quam Leopoldus magnificè condiderat, tumulavit.

Gliscabant jam tum inter Cæsarem & Ludovicum Boicæ Ducem odia: & quidem Ludovicus (quâ causâ, incertum) ab illius latere discesserat. Scribit Godefridus, injurias à Ludovico Cæsari illatas, sed quæ qualisve fuerint, premit silentio. Vero similis est, nullas fuisse, nisi injurias interpretemur, Cæsarem usque eo dyscolum solito remissius coluisse.


Quicquid demum intercesserit, Ludovicus undequingagesimo Principatus sui anno, 16. Cal. Octobris, Friderico authore (quod ei Innocentius IV. Pontifex in litteris encyclicis objecit, & probati authores asseverant) sicarij manu sublatus est. Fuit percussor de gente Assassinatorum, qui inter Phœnices feri homines, vilissimam animam & quamlibet capitis dimicationem, Principis sui nutibus, ad quoscunque mactandos impendunt; quod ipsum præstant, si prece, vel pretio conducantur. Ludovici cædes patrata Kelhaimij: latro in vestigio à domesticis concisus: Ducis corpus in Schirensi gentis suæ conditorio compositum:

optaverat Oetingæ sepeliri, ubi duodenum Canonico-
rum Collegium fundavit.



BOICÆ GENTIS
ANNALIUM
PARTIS I.
LIBER XXIV.

Otho IV. Ludovici successor, principatum à charitate in sub-
jectos auspicatus, Summo Pontifici addictus, Episcopo-
rum exemplo deficit ad Fridericum II. Cæsarem, ei que
pertinaciter adhærens, in anathemate ex improvise mori-
tur. Demortuo succedunt Henricus & Ludovicus filij,
diviso imperio. Ludovicus Mariam Brabantinam ne-
cat, ex suspitione natâ ex litteris amatorij. Henricus ali-
quoties cum Episcopis colliditur: Salisburgum obsidet:
bellum gerit cum Ottocaro Boëmo. Boica vexata à Fri-
derico Austrio Bellicoso, ab Henrico Rege Friderici filio,
qui patri rebellans, in carcere Cosentino vitam finijt. Al-
berti Boëmi Legati Apostolici imprudens zelus in Episco-
pos, eorumque Diœceses. Secta Flagellantium prohibe-
tur à Ludovico Severo progressu in Bojariam. Germa-
niæ Regnum divisum in factiones, sub Henrico Raspone
Turingo, Guilielmo Hollando, Conrado, Richardo
Cornubiensi Anglo, Alfonso Castellæ Rege. D. Virgi-
lius, D. Elisabetha Turingica in Sanctorum album relati.
Mors & mores S. Hedvvigis.



Fridericus Cæsar, qui gravissimum Boicæ vulnus lugendâ Ludovi-
ci cæde intulerat, ut facti, cujus passim author habebatur, ob-
lineret atrocitatem, Othoni Ludovici filio, per litteras mor-
rorem videri voluit absterfisse, multa memorans de illius in se
fide, plura comminiscens de suo in filium affectu. Verùm
Otho, haud ignarus, aliunde sibi esse quærenda adminicula

*Petr. de Vi-
neis lib. 4. c. 3.*
CÆSARIS
FICTA IN
OTHONEM
DUCEM BE-
NEVOLEN-
TIA.

Mmm 2

DEUM,

I. DEUM, cui nihil clausum, quique iustissimâ lance expendit res mortalium, putavit esse demerendum. Quo die patri regiè parentaverat, iussit omnia totius Provincie granaria aperiri, & graves rei frumentariæ angustias, quæ istum annum cum ingente vulgi incommodo flagellabant, liberaliter laxari: quâ beneficentiâ universorum ad se rapuit animos, & patris patriæ nomen ex amore paterno est consecutus. Aliâ ex parte, Ludmilla placandis amantissimis mariti manibus, Landishutæ, Sanctimonialium contubernium, cui à Felici Valle nomen, locupletavit. Eundem annum D. Elisabethæ Turingicæ, Viduæ sanctissimæ funus nobilitavit. Ungariæ regia, quæ paternum illi sanguinem; Bojaria, quæ ex Gertrude Andecensi matrum dederunt, suo jure illam dicunt suam. Præcipuam virtutum palæstram præbuit Turingia: Marpurgense valetudinarium, quod suâ dote construxit, & implevit magisterio sanctitatis, cœlo transmisit ad triplicem coronam; Virginitatis, quam primis annis integerrimè coluit; Fidei conjugalis, quam vix ulla servavit amantius; & Viduitatis, quam exornavit incredibili malorum tolerantia, altissimæ studio pauperum, & præstantissimæ religionis.

DISSIDIA
DE CAUSA
PONTIFICIS
ET CÆSARIS,
EBERHARDI
LANSTORFII
TRUCULEN-
TA CÆDES.

Idem hic annus Ratopotonem Ortenburgicum Bojariæ Palatinum extulit: sed & vidit infandum scelus natum ex recrudescente Sacerdotij & Regni divortio. Gliscebant, in horas, exitiales discordiæ: Gebhardus Passaviensis Episcopus Friderico Cæsari sese totum addixerat: E diverso Eberhardus Lanstorhus (alijs Jachenstorhus) ædis summæ Passavij Canonicus, se ex assc ad Pontificis Maximi nutum componebat, vir prisca moris, recti tenax, accuratus improbitatis censor, sed civibus & collegarum nonnullis, ipsi adeo Episcopo gravis & exosus. Oris rotundi candor, bono viro necem attulit. Subornati unde unde percussores, innocentem, sævum in modum trucidant, trucidatum obtruncant, cute exuunt, membratim deartuant, hac illac membra spargunt, immani, post D. Emmerammi carnificinam, ab omni retro memoriâ, atrocitatis exemplo. Collectæ ab amicis exuvie ad quadriennium sepulchro caruerunt.

AN. CHRIST.
M. CC.
XXXII.

VINDICTA.

AN. CHRIST.
M. CC.
XXXIII.

Iplius collegæ caput, quod latrones à cervice revulserant, Romam asportarunt, exposueruntque ante Pontificis & Purpuratorum ora, vindictam de Episcopo, quem cædis peragebant reum, implorantes. Dati à Pontifice cognitores, qui, causâ rite discussâ, pronuntiârunt, Gebhardum fontem videri. Cum hic, alijs præterea aspersus criminibus, objecta non dilueret, denique anno M. CC. XXXII. velut indignus, à quo sacra peterentur, Passaviensi sede deturbatus, Rudigerum Randeckium accepit successorem, anno M. CC. XXXIII. posteaquam Chymensem Episcopatum recens institutum per annos quindecim, cum laude gubernârat, non perinde fortunatus inter majores opes, atque in mediocritate futurus, quod varij deinde casus ostenderunt.

D. VIRGI-
LIUS AD-
SCRIPTUS
SANCTORUM
ALBO.

H. Canis. tom.
6. Antiq. lect.

HENRICUS
REX OTHO-
NI BOIO INI-
MICUS.

Trithem. in
Chron. Hir-
sang.

IN FRIDERI-
CUM PAREN-
TEM CON-
SPIRAT.

Malis, quibus scatebant hujus ævi mores, cœlum intermiscuit benigna pietatis incitamenta, quale illud fuit, quod Gregorius Pontifex D. Virgilio, qui Salisburgi majore indies miraculorum frequentia coruscabat, ex quo ejus exuvie fuerant à Conrado Wittelspachio in lucem productæ, cœlestes honores. Idus Junij decrevit. Ejusce pietatis usuram, Henrici Regis iræ, adversus Othonem Bojariæ Ducem, turbavere. Causam Annales vetustiores reliquere in obscuro. Pandulfus Collenutius, historiæ Neapolitanæ conditor, videtur cæteris propius ad verum accessisse, quando asserit; Henricum Romanorum Regem clam cum Longobardis conspirasse contra parentem. Addit ex Godefrido Trithemius, Henricum pravis abreptum consilijs, in conventu quorundam Principum Bopardiæ, perniciosam in Fridericum parentem inisse conspiracyonem: atque ex eo quidem die, quoscunque potuit, minis, precibus, & promissionibus cepisse sollicitare ad defectionem, multosque sibi adjunxisse: alios verò, quos jurisjurandi religio in fide continuit, affectis multis injurijs; & Marchionem quidem Badensem offensum rei indignitate, protectum esse in Siciliam ad Fridericum, eique cum fide aperuisse, quanto in periculo Germania versaretur. Unde subit autumare non vanis conjecturis, Othonem nostrum fuisse in eorum societate, qui ob fidei constantiam

Henrici

Henrici Regis iras sunt experti. Delirat Aventinus, cum more suo comminiscitur, Gregorium Pontificem hasce turbas conflasse: nam constat ex Godefrido, Gregorium id temporis Friderico reconciliatum tam fidenter: ut ejus petierit auxilia contra Romanos, cumque eo Reate collocutus, presidium ad Viterbij defensionem acceperit, cujus excursionibus Romani denique fatigati, ad pacem cum Gregorio ineundam sint adaecti. Sed & illud eximit Pontificem omni suspitione, quod Friderico in Germaniam revertenti litteras dederit, in Germaniam perferendas, quibus jubebatur, pro legitimo Principe recipi, & coli justis honoribus.

Blondus l. 7.
decad. 2.
Wencler, Ge-
ogr. 42.

Quicquid tandem dividie fuerit, Henricus Rex sex ferme armatorum milia, quæ subituario delectu contraxerat, prope Augustam recensuit, & Boicæ infudit. Ne suo ingenio videretur indulisse, obtentui habuit, quod Otho Dux gentis comitia Ratisbonæ indixisset, tamen si ea civitas ab anno M. C. LXXXII. Ahenobarbi autoritate, Othone Wittelsbachio nihil repugnante, Boicæ dominatui subtraheretur, in Cæsarianarum urbium jura migrasset. Otho monitus, ne odio flagrantem magis accenderet, conventum egit Landshutæ, nec evitavit tamen suorum clades, quas, ut in re non satis provisâ, Henrici tumultuaria irruptio in Bojariam invexit. Longius ea tempestas erat progressura, nisi Eberhardus Salisburgensis Archiepiscopus cursum inhibuisset, opportunus pacis sequester, sponsorque, Othonem facit imperata, & Ludovicum filium quadrimum daturum obsidem. Ita pacato Rege, ad retinendam vetusti juris usurpationem, Othoni concessum, Ratisbonæ habere comitia, quibus adtuere cum Metropolitâ omnes Bojarie Episcopi.

II.
Godefrid.
VEXAT BA-
VARIAM.
Chron. Au-
gust.
Sera.

IDEM FACIT
FRIDERICUS
AUSTRIUS.

Vix Otho abs Rege nactus erat partem aliquam tranquillitatis, cum eam Fridericus, cognomento Bellicosus, Austriæ Dux, nullâ lacesitus injuriâ, abruptit. Hic, ut erat belli appetens, gravis finitimis, ipsi adeo Cæsari odiosus, Moravis & Ungaris invisus, ne bellis materia deesset, Schardingam, quæ eâ tempestate erat Austriæ contributa, arce munijt, non tam ad tuendos fines, quam ad vexandam Bojariam. Quam ad rem prædonem insignitè nefarium Muringerum Vesenum arci imposuit, qui Oeni confinia latè haberet infesta. Id cum homo rapax præstaret gnaviter, & Varnbacense Monasterium in spoliarium vertisset, Otho subjectorum excitatus querelis, armatus irrupit in Austriam, actisque latè prædis, exussit Cænobium Lambacense, non sine virorum cordatorum offensione, qui probare non poterant id belli genus, quo soli vexabantur innocentes.

Paulo plus gloriæ quæsitum anno postero: cum Otho Varnbacense Monasterium recepit, quadraginta latrones inde extractos securi & infamibus furcis addixit, & Monachos reduxit in pristinam possessionem. Subinde venerunt à Romano Pontifice litteræ, quibus Otho noster, perinde atque alij Principes, invitabatur ad ferendam opem rei Christianæ, sub Barbarorum jugo in Syriâ fatiscienti. Eadem à S. Ludovico Galliarum, & Henrico Angliæ Regibus flagitata. E Germaniæ Proceribus nemo Pontificis voto respondit, partim ad animum revocantibus irritas annorum superiorum pro Palæstinâ dimicationes, partim reputantibus, se patriâ desertâ, quæ gravibus urgebatur periculis, ob flagrantem, inter Cæsarem & Henricum filium, dissensionem, in Orientem abire non posse.

AN. CHRIST.
M. CC.
XXXIV.
Chron. Au-
gust.
AUXILIA
PRO PALÆ-
STINA A
GERMANIS
NECANTUR.

Quamobrem Imperator, ut nascens incendium in scintilla opprimeret, æstare jam adultâ, ex Apulis solvens, per Aquilejam, atque hinc per Austriam delatus in ulteriora Germaniæ, reperit filium armis, & Principum, quos maturus parentis adventus perculerat, suppetijs destitutum, atque eum, habito apud Moguntinos militari senatu, per Hermannum Ordinis Teutonici Magistrum pellexit, ut excedens arce Trifelsiâ, in quam se receperat, spe veniæ, paternæ clementiæ suam salutem permetteret 6. Non. Julij. Nihil tum durius parens in eum decrevit, quam ut, abjurato patriciali fœdere, arces omnes, quarum fiducia perduellionem erat meditatus, dederet. Non respuit quidem in præsens conditionem, sed cum ad genium reversus, cunctando versandoque priores molitiones rem extraheret, Fridericus parens conjectum in vincula, Othoni Bojarie Duci Heidelbergæ cu-

AN. CHRIST.
M. CC.
XXV.
CÆSAR FI-
LIUM IN
VINCULA
CONJECIT.

III.

IN QUIBUS
MORITUR.

stodiendum demandavit : tum causâ Moguntiz frequentissimo conventu profligatâ, in Apuliam deportatum, Cosentiz, carceris pœdore & ærumnarum insolentiâ consumpsit. Raro mihi fato pereunt, quos perfidia in parentes fecit inhumanos. Fortunatior fuit Otho Lunæburgicus, Weltonum nostrorum sanguis, quem Imperator 12. Cal. Septembris Ducis titulo donavit, iussitque factum referri in fastos : quod Imperium eo die fuisset auctum uno Ducatu, quem Lunæburgicus ad se, velut præcipuo proprioque hereditatis nomine, crediderat pertinere, & passus erat redigi in fiduciariam clientelam.

AN. CHRIST.
M. CC.
XXXVI.
D. ELISABETHÆ
TURINGICÆ
CANONIZATIO.

Durius actum cum Friderico Bellicoso Duce Austriæ, quem Cæsar Augustæ Vindelicotum proscrispsit, ob ferociam, crudelitatem, avaritiam, libidinem, publicæ tranquillitatis vicinorumque perturbationem, contumaciâque, quâ læpius citatus ad dicendam causam, vadimonium erat aspernatus.

Subinde S. Elisabetha Turingica à summo Pontifice relata est in numerum Divorum. Sacras ejus exuvias, Moguntinus, Trevirensis, & Hildesheimensis, Antistites, Gregorij jussu, in splendidius mausoleum, è tumulo, cum magnâ celebritate extulerunt. Simul ac ejusce solennitatis fama manavit in vulgus, tantus undique mortalium factus est concursus, ut Marpurgi, ubi hætenus fuerat ejus corpus asservatum, ad duodecies centena peregrinorum millia confluerint. Ipse Imperator, magna pars triumphi, primus conditorium aperuit, & Divæ vertici imposuit auream coronam. Ipsa verò depellendis morbis, cum suorum cultorum pietate certavit : præbuit oleum adversus ægitudines salutare, quod toto corpore exsudavit. Mechtildis puella, oculis, linguâ, audiendi facultate penitus orbara, voto Divæ nuncupato, protinus videndi, loquendi, auditionis usum accepit. Tunica, quâ se vivens amiciebat, cum veneratione servata, infœcundis adfert opem, levat partu laborantes. Pedis vestigium, quod ipsa fortuito marmori impressit, sæpe profuit religiosè tangentibus. Saxum, in quo consueverat miserorum pannos emaculare, quando manu premitur, adhuc fertur sudare, quod, an supra vires naturæ fiat, an humore per calidum manus attactum sursum evocato, non facile dixerim. Non nisi cautè, & præviâ sanctioris magistratus disquisitione, miracula sunt asserenda, ne vulgi simplicitas sibi met imponat.

CÆSAR FRIDERICUM
AUSTRIUM
IRRITO CONATU INVADIT.

Imperator, istâ religione perfunctus, Confluentiam adiit, & copias legit è Lotharingicis, Ripuarijs & Belgis, quas duceret adversus Longobardos : sed cum pauci ad nomina responderent, delectus egit è Suevis, Alsatis, quos lustravit in agro Augustano. Antequam Alpes transmitteret, invitatus à Viennensibus, & nonnullis Austriæ Proceribus, movit in Fridericum Austrium, ejus ut insolentiam coerceret. Et sanè quidem tantum traxit belli apparatus, ut quemvis alium, Friderico Bellicoso meticulosiorem, solâ potentiz famâ fuisset debellaturus. Habebat sub signis, præter Wenceslaum Boëmiz Regem, & Othonem Ducem Bojariæ, potissimum quemvis ex Germaniæ Antistitibus, cum flore nobilitatis : & tamen Austrius nihil territus, cum paucis, quos in fide retinuerat, se Neostadium recepit, belli impetum, mœnibus & prælijs levioribus excepturus. Talia porrò edidit hostilitatis exempla, ut, cum appareret nihil æqui voluntate acturum, Cæsar verò seditando nollet tempus perdere, consultius duxerit, re infectâ discedere ad res Italiæ componendas.

AN. CHRIST.
M. CC.
XXXVII.
IV.
FRIDERICI
BELlicosI
VICTORIA.

Igitur belli summâ penes Ecbertum, Belæ Ungariæ Regis avunculum, Babenbergæ Episcopum, virum apprimè militarem, penes item Comites, Eberstainium, Hennebergium, Norimbergensem, relictâ; Paschalibus ferijs Ratisbonæ operatus, transcendit in Italiam. Per ejus absentiam, & Ecberti mortem, Austrius redditus animosior, Albertum Comitem Bogium, non absimilis ingenij hominem, in suas adduxit partes. Sic auctus armis & fortitudine viri imperterriti, in campis Stainfeldensibus signa ausus est explicare adversus Cæsaris legatos, & Viennenses centuriatos, numero haud paulò superiores. Verum pro numero virtus fuit atque armorum peritia, quæ Friderico victoriam memorabilem peperere. Eo prælio capti, Rudgerus Batavensis, Conradus Frisingensis, Episcopi, cum numerosâ nobilitate.

Fride-

Fridericus eâ fortunâ factus insolentior, cûm nemo foret, qui cursum victo-
riæ susteret, brevi tempore, quicquid ditione antea tenuerat, sùsque déque habitâ
proscriptione, & Austriæ publicatione, tedegit in suam potestatem. Quantum
ærumnarum in universam Austriam invexerit, vix satis potest verbis explicari.
Sublatâ omni juris divini pariter & humani reverentiâ, laxata spatia latrocinij, ex-
pilationibus: nemini sub lare privato tuta fuit statio: coacti cives diffugere in silva-
rum avia & abdita speluncarum: intra domesticas latebras deprehensi, exquisitis
excruciati tormentis, coniecti in reorum ergastula: quæ calamitates fuerunt in
octennium propagatæ: tantus furor Principis efferrati.

AN. CHRIST.
M. CC.
XXXIIX.
AUSTRIÆ
VEXATIO.
*Chron. An-
gust.*

Fridericus Cæsar vix hilo moderatiùs egit in sedem Romanam, ejùsque fœ-
deratos. Patavium, Brixiam, Ferrariam, Sardiniam Insulam, D. Petri patrimo-
nium suæ ditionis fecit: sèviit in Pontificios: Episcoporum alios carceribus inclu-
sit, alios occidit, alios egit in exilium. Divorum basilicas, ipsâmq; D. Virginis
Panormitanam, expilavit; Saracenis, ex Africa evocatis, non arma modò, sed
etiam magistratus demandavit: adversus Gregorium Pontificem per suos emissar-
ios Romæ excitavit tumultum: Legatos ad eum tendentes, contra jus gentium,
conjecit in vincula. Sed neque Boica fuit omni ex parte quieta, eò tamen fuit
fortunatior, quòd citra sanguinem, res legum & religionis armis gererentur.
Othoni Duci lites cum Conrado Frisingensi intercesserunt, quæ sunt demum eò
progressæ, ut Conradus Othonem, quasi foret impius, diris execrationibus, redde-
ret anxie religiosi odiosum, adigeretque ad implorandas à Gregorio Pontifice
injustæ censuræ vindicias: quas & obtinuit, causâ per Frisacensem Dominicani
Sodalitij præfulem examinatâ. Quæ res Episcopum sic ussit, ut, interpositâ ad
Imperatorem stultâ provocatione, sit ausus dicere, Pontifici nihil esse juris in Ger-
manos. Cujus vocis intemperies Romam delata, propè fuit ut anathemati Con-
radum curaret feriendum. Earum contentionum, si conjecturæ licet habere fi-
dem, causæ subortæ ex sacrarum possessionum malâ contrectatione, quam indu-
xerat Geroldus Episcopus Frisingensis, homo decoctor, qui ante Conradum mi-
tram gesserat. Ille, sive profusâ rerum prodigentiâ, sive inscitâ censuum clien-
telarumque locatione, insigniter opes Ecclesiæ labefactaverat, aversâ etiam Frisin-
gensi civitate in Ducis Bojarie clientelam: quæ cûm à Conrado in jus pristinae li-
bertatis reposceretur, causâ delatâ ad Cæsarem, in castris Anagnientibus pronun-
ciatum adversus malam usurpationem. Erant & aliæ dividiæ, qualis illa, quòd
Canonici Frisingenses ære collatio, quod Duci Bojarie ad instar tributi pende-
bant, onerabantur. Quâ illos exactione Otho Dux, litteris Landishutæ datis an-
no M. CC. XXXV. liberavit. Denique anno M. CC. XL. omnes istiusmodi
lites consensu finitæ sunt, ne servatis quidem disceptationum instrumentis, quæ
omnia flammis exusta, vel, si quæ flammis effugerunt, rescissa & omni nudata au-
thoritate. Eam moderationem videtur Deus remunerâsse per accessionem
clientelæ Phalajensis Comitatus, qui hoc anno, Othone Phalajo sine hærede de-
functo, redijt ad Boici domini proprietatem. Eâdem circiter tempestate Liben-
auiorum stirps, in Bernardo Libenauio exarescens, sua bona ad Boicæ Principes
transmisit.

FRIDERICUS
CÆSAR SÆ-
VIT IN PON-
TIFICIOS.

*Thom. Pa-
zell. de reb.
Sicul.*
OTHO BO-
IUS CUM
CONRADO
FRISINGENSI
EPISC. COL-
LISUS.

*Diplom. Fri-
der. II. apud
Hund. in ad-
dit. Geuvoldi.*
RECONCY-
LIATUS.
COMITATUS
PHALAIEN-
SIS ET LIBE-
NAVIUS RE-
DIT AD BOI-
CÆ PROPRI-
TATEM.

AN. CHRIST.
M. CC. XXX
IX. ET M.
CC. XL.

V.

FRIDERICUS
CÆSAR EX-
COMMUNI-
CATUS.
ALBERTUS
BOEMUS
PONTIFICIS
LEGATUS AU-
STERUS.

Videbatur utcunque pacata Bojaria, cûm aliunde orta tempestas, non ipsam
modò, sed alias etiam Germaniæ provincias involvit. Gregorius Pontifex fati-
gatus Friderici Cæsaris injurijs, in ipsâ sanctissimæ Dominicæ cœnæ celebritate,
cum publicâ execratione ab Ecclesiæ consortio, & subditorum obsequijs jussit esse
alienum, missisque quaquaversum legatis, voluit ab omnibus devitari. Nihil id
turbarum Boicæ accersivisset, nisi malo omine nacta fuisset tempestuosum fulmi-
nis Pontificij præconem Albertum, cognomento Boëmum, Archidiaconum
Passaviensem, hominem alioqui minutulum, curtæ prudentiæ, sed rigidissimum
alienæ observantiæ exactorem. Bojariam obeuntem Otho habuit humanissimè,
& in vulgandâ Pontificis contra Cæsarem execratione, ad invidiam, studiosè ad-
juvit; ratus, se Deo & Ecclesiæ eam operam non posse negare. Albertus, ca-

prato

IMPERIOSUS
IN EPISCO-
POS.

BOICAM IN-
TERDICTO
SUBIICIT.

OTHO AL-
BERTUM
BOEMUM
DESERIT.

AN. CHRIST.
M. CC. XLI.

VI.

TARTARO-
RUM IN EU-
ROPAM IR-
RUPTIO.

Litt. Sibot.
Auguste da-
ta 3. Id. Iann.

AN. CHRIST.
M. CC.
XLII.

ptato ex legationis suæ magnitudine supercilio, mox sibi sumit in Boicæ Antisti-
tes minax imperium, nihil reveritus Salisburgensis, Ratisbonensis, & Passaviensis
authoritatem; eosque imperiosè jubet, Romanam sententiam in Friderici caput
detonare. At illi, veteribus exemplis absteriti, id muneris detrectant, & infi-
ciantur ad se pertinere: exequeretur ipse, si vellet, Gregorij mandata, gererétque
impositam provinciam. Igitur Albertus omnibus diem dicit Landishutæ. Ra-
tisbonensis misit legatos, qui à prædonibus impediti, nequiverunt obire vadimo-
nium. Albertus nihilo seciùs in Episcopum dirarum fulmen contorquet. Eber-
hardus Salisburgensis, licèt à Gregorij voluntate nunquam discesserat, ejus tamen
diploma fulmineum à nuntijs obtrusum, nescio quid humanum passus, pedibus
conculcat. Rudgerus Passaviensis eum, qui similis exempli litteras attulit, pu-
gno contusum, jubet abripi in vincula: Alberto denuntiat iniuniciis, conscribit
armatos, quibus, velut ad sacram militiam centuriatis, cruces assuit. Nihilo mo-
deratiùs egit Albertus in Præfulem Augustanum, Herbipolensem, Aichstettensem,
qui pariter jactato fulmine nihil movebantur. Quare Albertus totà, quàm latè
patebat, Bojarià, clero populòque universo, & immorigeris finitimorum Diœce-
sibus triste in templis arisque silentium indicit, quod ab Episcopis est derisum.
Otho noster quietus & exors fulminum, nihil dissidens ab Alberto, tragediam
spectabat.

Cùm sub id tempus comitia Monachijageret, cum Salisburgensis monuit,
vereri se, ne ipsi aliquando malè vertat, hominem reipublicæ exitiabilem fovisse.
Actum nihilominus de Cæsare abdicando, compluribus Procerum in Wences-
laum Boëmum inclinantibus. Alia ex parte Imperator evadebat adversæ factio-
ni formidandus, & Gregorius Pontifex solito remissiùs ejus exauctorationem ur-
gebat. Quæ res Othonem movit, suis ut rebus consuleret, eò maximè, quòd à
Friderico amicè compellatus in privato congressu, territùsque haud obscurà malo-
rum, quæ ipsi impenderent, denunciatione, nisi mentem atque studia Imperio
commodaret, facilè prospiceret, quantis sese indueret periculis, si in Alberto fo-
vendo Cæsaris iras provocaret. Igitur desceiscit ab Alberto, destitutùmque in
tantis relinquit angustiis, ut ad Conradi Wasserburgij Comitum tutelam confugere,
ac denique ad corrogandam ab amicis Principibus vitæ utcunque sustentandæ sti-
pem sit coactus.

Subinde Romæ diem obiit Gregorius IX. Pontifex 11. Cal. Septembris, vel,
ut alij scribunt, quatrinduo seriùs. Illi subrogatus est Cælestinus IV. ad 10. Calend.
Octobris, non ultra dies septendecim Ecclesiæ præfuturus. Secuta est Romanæ
sedis vacatio viginti duorum mensium, quòd Cardinalium aliqui à Cæsare in cu-
stodià tenerentur, alij alijs ex causis urbe prohiberentur. Hoc anno Tartari,
Scytharum gens truculenta, Turcis prælio superatis, Cappadocià potiti, totùmque
orbem barbarà confidentià complexi, Ungariæ, Sarmatiæ, Silesiæ, Lusatiæ, aliisque
Europæ provinciis foedissima crudelitatis vestigia impresserunt. Ne in Boicam
penetrarent, effecit Friderici Austrij & finitimorum Principum fortitudo, qui ad-
mirabili felicitate innumeram ferocissimorum hominum multitudinem, quæ ever-
sà Cracovià, Strigonio, plurimisque Poloniæ & Ungariæ civitatibus, Viennam
usque victrix evaserat, solo signorum conspectu sic tertuit, ut nihil ultra tentare
ausi, turpi receptu, retro, unde venerant, refugerint. Sub anni hujus initium, Cœ-
nobium Monialium familiæ Cisterciensis, quod Bertoldus Comes Graispacensis,
ejusce nominis secundus, unà cum uxore Adelhaide, Regis Cypri (ut quidam vo-
lunt) filià, Burckhaimij D. Georgio dicaverat: quia locus Virginum pietati & soli-
tudini visus est importunus, Sibotho Episcopus Augustanus, Conrado Rege an-
nuente, lubentibusque fundatoribus, Schönenfeldam, haud procul à Lyci ostijs,
transtulit.

Annus secundus supra quadragesimum universam Bogensium Comitum fa-
miliam, quondam in Boica inprimis florentem, unà cum Alberto postremo ejusce
stirpis, extulit. Quà ex morte ad Boicæ Principatum revolutæ sunt Bogiorum
clien-

clientelæ, quæ Danubio & Boëmico saltu, ab usque Reginoburgo & Batavio latè circumscribebantur. In ijs mons Altobogius, in cujus jugo restant veteris arcis vestigia: Bogenberga, castrum olim & subjectum oppidum cum agro confini: Falckensteinium, Mitterfella, Windperga, Weissenstainium, Flinsperga, Schittenhovium in Boëmiâ. Cis Danubium, Natterenberg, Pladinga ad fontes Isaræ. Ex eâ gente multi armis inclaruere, Alwinus præsertim terror Boëmorum, quos ante centum annos, & quod superat, ter victricibus signis congressus, victos fugatosque à Boicæ finibus avertit. Quarum victoriarum ut extaret memoria, in præaltâ abiete sculptum crucifixi Servatoris trophæum statuit in campo, hostili cæde memorabili: unde arbor posteris Alwini abies dicebatur. Cæterum Alberti obitus antea vitæ fuit consentaneus 18. Cal. Februarij, cum exigua specie pietatis, cui rarò bene convenit cum ferociâ ingenij militaris. Fecit tamen nonnulla ante vitæ exitum, quæ visâ habere scintillas non omnino extinctæ religionis. Iturus in Palæstinam, ad sarcindas aliquâ saltem ex parte Monasteriorum injurias, Altaichio Superiori, nonnullas Windbergæ facultates reposuit: in Prusliâ Ordini Teutonico varijs bellis utilem navavit operam: D. Francisci domicilio, quod supra meminimus, donavit ædes prope templum S. Salvatoris. Post diutinum Romani Pontificatus interregnum, Innocentius IV. ipsis D. Baptistæ ferijs, ad summum orbis Christiani fastigium evehctus est, & mox ab inauguratione animum seriò applicuit ad reddendam Ecclesiæ & Imperio tranquillitatem, missâ ad Fridericum Cæsarem legatione, quâ tamen nihil est effectum.

D. Hedwigis, ne malis orbi imminentibus superesset, anno postero migravit ad Superos Id. Octobris, biennio post cladem Lignicensem illatam à Tartaris, quâ maritus occubuerat. Originem duxit ex sanguine Comitum Andecensium, Bertoldo patre. Henrico Barbato Silesio nupta, senos liberos tulit, ipsòque volente, deinceps per annos triginta abstinuit à thoro geniali. Oranti, Christi in cruce morientis effigies, soluto à trabe triumphali brachio, bene precantis formâ salutem impertijt. Alias, fundentis preces, faciem, vestes, conclave, Numen radi sillustravit. Sibimet austera corpusculum graviter macerabat: in alios erat benigna & oppidò liberalis. Non solebat gustare cibum, quin denis ternis pauperibus in honorem totidem Christi Apostolorum, prius, flexis poplitibus mensam conviviumque præbisset. Crebrò reddebat claudis gressum, visum cæcis, faciebátque alia supra naturæ vim, quæ à probis Scriptoribus prolixè celebrantur. Clemens IV. ejus memoriam cultumque aris & publicâ religione donavit.

Innocentius Pontifex, cui nondum adepto Pontificatum bene cum Friderico Cæsare convenerat, eoque credebatur nonnihil de Gregorij accusatione remissurus, totum hunc annum, in Friderico ad frugem revocando, consumpsit. Castellana civitas habendo colloquio erat, communi voto, destinata, non sine spe tollendi dissidij, cum Fridericus Innocentij expectationem est frustratus, solitus inter suos conqueri, ex amicissimo Cardinale inimicum Pontificem sibi esse exortum, quippe qui mutatâ dignitate susceptâque curâ omnium Ecclesiarum, alios sensus, animosque pares supremo muneri consecutus, nequibat, citra Numinis offensam, fovere manifestam Cæsaris improbitatem. Nondum Castellâ abierat, ubi præstolatus est Friderici congressum, cum hic pacis odio, Campaniam, Samnites, Viterbium, Montem Faliscum, aliasque Latij & Tusciæ Romani patrimonij ditiones, cœpit incendijs, Pontificiorum sanguine, omnique maleficij genere miscere. Ergo, cum nihil quicquam insanabili ingenio remedij proficeret, Innocentius classe Genuensium in Galliam, velut fidam Romanæ rei stationem, navigavit, ubi à S. Ludovico Rege mirâ observantiâ, à toto verò regno pronissimis obsequijs exceptus est. Concilium Lugduni indixit in annum sequentem, ad quod orbis Christiani Principes, inprimis verò Fridericum Imperatorem invitavit. Verum hic gnarus, de suâ dignitate in publico totius orbis theatro esse disceptandum, Veronam ex Apuliâ profectus, adversarium Principum conventum Lugdunensi ob-

Arenbeck,
BOGENSIS
COMITATUS
PRINCIPALIS
TUI ASSERTUS,

MORS ALBERTI BOGII,

Cuspin. in
Austr.

AN. CHRIST.
M. CC. XLIII.

D. HEDWIGIS OBITU
ET VIRTUTES.

VII.

AN. CHRIST.
M. CC.
XLIV.
PONTIFEX
FRUSTRANITUR
CÆSAREM E-
MENDARE.

Chron. Bossi-
an.
Faxell. de
reb. Sicul.
NAVIGAT IN
GALLIAM.

VERONENSE
CONCILIABULUM.

AUSTRIÆ
DUCES DO-
NANTUR TI-
TULO AR-
CHIDUCUM.
CONCILIIUM
LUGDUNEN-
SE.
FRIDERI-
CUM CÆS.
EXCOMMU-
NICAT.
AN. CHRIST.
M. CC.
XLV.

jecit. Veronæ adfuit Conradus Frisingensis Episcopus, Otho Merania Dux, & Fridericus Austrius, qui, quoniam splendidissime comitatus accesserat, non modò in Cæsaris gratiam est receptus, sed impetravit etiam, ut in posterum Austriæ Duces Archiducum titulo prærogativisque potirentur. In eo comitio Cæsar Innocentium gravissime traduxit, negavitque, se suspecto tribunali suam salutem aliter, quàm per Legatos crediturum, idcirco satis habiturum, si Petrum Vineam Campanum, & Thadæum Suesanum, qui suo nomine de pace agerent, Lugdunum amandaret. Quia verò palàm esset, totius orbis Principes & Præsules de suo capite dicturos sententiam, ad omnes dedit litteras circulares, quibus nitebatur suam causam extollere, & Pontificis auctoritatem elevare. Nihilominus, cùm in frequentissimo Patrum Senatu ejus legati objecta crimina neutiquam refellerent, Lugduni ab Ecclesiâ proscriptus est, & exutus omni dignitate. Vetiti præterea omnes, qui ipsi juramento vel fœderibus essent devincti, deinceps cum ut Imperatorem agnoscere, nedum consilijs auxilijsve adjuvare. Ijs verò, penes quos potestas eligendi, permessa facultas illum subrogandi.

AN. CHRIST.
M. CC.
XLVL
HENRICUS
RASPO TU-
RINGUS RE-
GIUM NO-
MEN ASSU-
MIT.

Quæ Friderici damnatio ingentes Germaniæ, Italiæ, toti Romano Imperio turbas invexit. Herbipoli, authore Romano Pontifice, Henricus Raspo Turingiæ & Hassiæ Landgravius, S. Elisabethæ levir, tametsi sæpius oblatum diadema rejecerat, victus demique Moguntini, Colonienfis, & Trevirensis Archiepiscoporum rationibus, regium sibi nomen passus est imponi. Fridericus Cæsar abiens in Italiam, Germaniam Conrado filio commendaverat; qui contracto raptim exercitu, movit in Rasponem, comitia Francofurti agentem. Explicatâ utrinque haud longè à Rheno, acie, pridie Non. Augusti (vel paulò, uti quidam scribunt, seriùs) Henricus fortissimè dimicans, Conradum ingenti affectum clade in fugam confecit. Conradum fugisse in Sueviam, & Reutlingam ab Henrico obsessam periculo exemisse, Germani scriptores tradunt, addentes, Rasponem, acceptâ rursus ad Ulmam ignominiâ, telo confossum, perijsse. Verùm Monachus Paduanus, qui istius ævi res non indiligenter est executus, refert; Conradum apud Othonem Bojariæ Ducem collegisse vires, & affinitatem junxisse, ductâ in matrimonium Elisabethâ Othonis filiâ, è quâ natus infelix Conradinus, de cujus calamitoso exitu dicemus in loco. Henrici imperium non omnino fuit annuum. Eum, quidam ajunt, mœrore extinctum, pridie ejus diei, quæ ejus coronationi erat constituta: alij, equi casu attritum: alij, in arce sua Wartenbergâ apud Isenacum, profluvio ventris absumptum.

II X.
Siffrid. Epi-
tom.
Hist. Land-
gr. Turing.
Joan Steindel.
Henr. Mun-
tius.
CONRADUM
CÆSARIS FI-
LIUM PRÆ-
LIO SUPE-
RAT.

Hoc etiam anno 4. Nonas Decemb. diem clausit Eberhardus Archiepiscopus Salisburgensis, cæterâ bonus, si à Cæsaris proscripti factione abstinuisset. Ob profusas in miseros largitiones, pater pauperum audiebat. Idem D. Hartmanni reliquias miraculis illustres, ex humili tumultu extulit in locum decentiorem; Burchardus Comes Sigenheimius à Pontifice susceptus, donatusque pallio: in itinere, cùm Salisburgum repeteret, Samsweilæ mortem obiit, & sepulturæ mandatus est. Huic successit Philippus Carinthiæ Ducis filius. Sigefridus Ratisbonensis Antistes, hoc item anno finem fecit vivendi, cùm annos viginti præfuisset. Conatus quidem est, Sanctimonialium disciplinam ad veterem normam revocare, sed ejus consilijs intercessit Metropolitæ & Legati Apostolici auctoritas, quam Parthenones appellârant,

TELO CON-
FODITUR.
CONRADUS
DUCIT ELI-
SABETHAM
BOICAM
CONRADINI
MATREM.
EBERHAR-
DUS SALIS-
BURGENSIS
MORITUR.
Sifrid. Presb.

MORITUR
ITEM FRIDE-
RICUS BEL-
LICOSUS SI-
NE PROLE.

Fridericum quoque Austrium hic annus extulit bello Ungarico. Cùm bis uno die, de hoste triumphâset, à domesticis est trucidatus. Aliqui notârunt, fuisse ab ijs in venatione interemptum. Ita Princeps, cujus magnanimitati ne unus quidem suffecisset orbis, nefariâ consccleratorum manu sublatus, sub angusto cespite spes immensas condidit, nullâ prole relicâ. Hermannus Badensis, ortus ex Imengarde sorore Agnetis, quæ Othoni Bojo nupserat, cùm Gertrudem Henrici Medlingensis, Friderici ex fratre neptem, duxisset, Austriam & Stiriam hæres adiit: cui paucis post annis defuncto, successit Primislaus Bojæmus, qui Margaritam Austrij sororem acceperat in thori societatem.

Hæc de varijs funeribus, à quibus gradum referimus ad Boicæ calamitates. Hæc tempestate, idem fulmen, quo Fridericus Cæsar erat adflatus, Othonem nostrum corripuit: Bojariæ simul usu sacrorum per septennium, fuit interdictum: & non modò templa mœror publicus occupavit, sed etiam sacerdotes varijs ab Othone vexati malis alienam culpam luerunt. Inter hæc Ludovicus Othonis filius (si verum habet Trithemius) Fridbergam arcem cum oppido, in confinio Rhetorum atque Vindelicorum, ad frenandas Augustanorum molitiones excitavit. Ejus civitatis originem differt Aventinus ad annum sextum supra sexagesimum. Hic, quem recensemus, annus, in publicis tabulis ultimam habet Othonis Comititis Gruenbacensis, ejusque familiæ memoriam: cujus clientelæ proinde ad Boicæ proprietatem sunt devolutæ.

Ad Imperium quod attinet, Rasphone sublato, res penes Conradum videbantur fore quietiores, cum Innocentius Pontifex Petrum Caputium Cardinalem in Germaniam misit, cum mandatis, ut, quando Conradus paternis vestigijs in vexandâ Romanâ Ecclesiâ insistebat, novo Regi creando opportuna consilia suggereret. Ille, ubi Germaniæ Principes convenit, plerosque reperit à capessendo sceptro aversos, quod sine summâ invidiâ prensari, & sine sanguine non posset retineri. Innocentius quidem Henrico Brabantiæ Duci diadema obtulit; sed ille honorem, in suum ex sorore nepotem Guilielmum Hollandiæ Comitem, vix dum agentem annum vigesimum, virum armis & religione bonum, derivavit. Ejus judicium secuti, Moguntinus, Trevirensis, & Colonienſis Archiepiscopi, apud villam Worinchiam in Ubijs, Guilielmum Regem renunciârunt. Deductus Coloniâ, pronis complurium Principum studijs salutatus, auctusque copijs, quas ipsi Pontifex, quasi sacrum bellum gesturo, amicique Proceres conciliârunt, Aquisgranenses, Friderici partiarios, semestri obsidione famêque fatigatos invasit. Eum, nonnulli volunt, anno demum duodequingagesimo à Guilielmo S. Sabinæ Cardinale, Calendis Novembris, alij à Sigefrido Moguntino Aquisgrani fuisse coronatum: recentiorum alij credunt, eum nunquam accepisse diadema.

Inter hæc Otho Bojariæ Dux Conradum Comitem Wasserburgium, quod Albertum Boëmum Legatum Apostolicum, de quo superius, recto reciperet, & Pontificias partes constanter tueretur, per filium Ludovicum jussit obsideri. Ludovicus redactum ad ultima, omni ditione exuit, fecitque cum suo Alberto extorrem. Ita factum, ut Conrado exilij ærumnis confecto, nobilissima Wasserburgiorum & Halensium Comitum familia finem acceperit, & eorum fiduciariæ possessiones Boicæ patrimonio fuerint (ita hodie Jureconfulti loquuntur) consolidatæ. Eodem tempore, Otho Meraniæ Regulus, Burgundiæ Comes, Andecensium & Dieffensium ultimus, quia constanter Innocentio adhærebat, à Cæsare proscriptus, Schårdingensem, Neoburgensemque (alijs Puemburgensem) dynastias Oeno confines, Othoni Bojo, jussu Cæsaris, vacuas reliquit: quam cessionem Fridericus è castris Parmensibus, Cæsareo diplomate, Othoni nostro ejusque hæredibus confirmavit Anno M. CC. XLIX. mense Junio. Idem Otho Meranius ab Hagero viro nobili confossus, vel, ut alij volunt, veneno sublatus Plaisenburgij, opes ingentes destituit: e quibus Bojariæ venit in manum, quicquid ille in Vindelicis cis alpes tenuerat: Menhardus verò Goritius intra alpes utramque Oeni vallem, Athelinos, & Tirolios occupavit: quæ in Voitlandiâ ultra Danubium ditione possederat, Herbipolensis & Bambergensis Episcopi, cum vicinis Toparchijs partiti sunt: alia Veneti, alij Francones sui juris fecerunt.

Hæc dum in eo sunt, apud Bojos negotia religionis malè gerebantur. Philippus Salisburgensis Metropoliſta, ex Innocentij Pontificis voluntate, Patrum conventum egit Mûldorſij. Id actum in primis, ut Otho noster, quem Episcoporum secessio ab Innocentij partibus abstraxerat, iisdem authoribus, quando jam erant saniora amplexi, à Friderici Cæsaris factione avelleretur. Synodo, præter Salisburgensem, operati sunt, Frisingensis, Ratisbonensis, & Secoviensis Episcopi: sed in Othone ad meliora revocando operam perdidierunt: quippe qui suæ non putavit

AN. CHRIST.
M. CC.
XLVII.
Arenbeck.
Trithem. in
Chron. Hirs.
aug.

IX.
OTHO DUX
BOJARIÆ
EXCOMMUNICATUR.
FRIDBERGÆ
ORIGO.
GRUENBACENSIS COMITATUS
DUCATUS
BOICO ASSERTUS.

Adrian. Bar.
land. Hist.
Holland. c. 18.
GUILIELMUS HOLLANDUS REX
CREATUR.
INVADIT
AQVISGRANUM.

AN. CHRIST.
M. CC.
XLIX.
Chron. Augst.

CONRADUS
WASSERBURGIUS
PELLITUR
IN EXILIUM.
EIUS MORTE
COMITATUS
WASSERBURGENSIS
FIT DUCATUS
CADUCUS.

SCHARDINGA ET NEOBURGUM REDEUNT AD
BOICAM.
OTTHONIS
MERANIE
POSSESSIONES POST
MORTEM A
VARIIS OCCUPATÆ.
AN. CHRIST.
M. CC.
XLIX.

X.

OTHO BOIUS IN CÆSARIS PARTIBUS PERTINAX. esse in Cæsarem fidei, neque constantiæ, ab Imperatore, quem sibi amicum sumpserat, desciscere, & transire ad Wilhelmum Hollandum, cujus electionem nunquam probasset, neque ambivisset amicitiam: enimvero prudenter non mutari veteres amicos incertâ spe, & ambiguis fortunæ eventibus: probè se meminisse, quantas calamitates fides in priores Cæsares malè culta in Boicam invexisset: & certè Friderici potentiam, perinde atque majorum, esse hodièque formidandam.

CONTENTIO DE EPISCOPATU PASSAVIENSIS. Talia obstinanti addebat animos Rudigerus Patavienſis Episcopus, quem legatus Pontificius, Alberti Bojæmi incitatione, dignitate moverat, & eâ quidem ignominia, ut quicquid ab ipso constitutum gestumve esset, pro infecto & inani haberetur. Eidem Legatus subrogarat Bertoldum Sigmaringæ dominum, Episcopi Ratisbonensis fratrem, Hassum paterno sanguine; cui cum Rudigerus nihil deferret, lis acta ferro. Bertoldus à fratre adjutus, armatis Ecclesiæ Passaviensis clientibus, quibus ex raptò vivere jucundum erat, insignem Episcopatus partem, ad usque Brunovium, autumnò jam præcipiti, cædibus & igne vastavit, & insontibus colonis, pastor scilicet egregius, magnam armenti vim abegit. Quare commoti Dynastæ Boij, Alramus Urendorfius, Ortolfus Waldius, & Henricus Rorius, correptis armis, pecoris raptoreſ adorti, exculsâ prædâ, complures trucidârunt, & Bertoldi fratrem unâ cum Wilhelmo Prambachio captivum, Burghusium abduxerunt.

AN. CHRIST. M. CC. L. Levioris erat momenti minutum id certamen, quàm ut finem faceret haud levi contentioni, quæ fuit istiusmodi. Rudigerus anno M. CC. L. invitus cessit Episcopatu. Bertoldo quoque mitra detracta est: neutri facta injuria: in altero neglecta religio; in altero innocentium causa vindicata. Rudigerus, post abdicationem, vixit annos quatuor: Albertus Boëmus (si verum habent membranæ Passaviensēs) quia ingenti flagrabat odio, in vinculis exegit, quod vitæ superfuit; & cute per inimicos detractâ, inter magnos cruciatus animam exhalavit, mitiorem finem meritis, si mitius egisset, minusque fuisset in capiendis muneribus liberalis. Passavium reversus, Canonicis auctor fuerat, ut Bertoldo exauthorato, Conradum, Ducis cujusdam Poloni filium, & Bojæmiæ Regis nepotem, sufficerent: navatæ operæ remunerationem à Conrado accepit Castrum Bubuzium, arcem Wildensteiniam, & Wollshersteiniam cum annexis latifundijs, & sacerdotijs Canoniorum, qui Conradinæ electioni fuerant adversarij. Addidit Passaviense veſtigal, cum quibusdam prærogativis: in quorum vicem, Albertus Conradum in patriam rediturum, quatuor equis, & sexaginta sex martarum puri argenti viatico instruxit, & Colonia pro eodem, in centum marcas argenti, sponsor factus est. Itamirum non est, si Ecclesiæ spolijs induto ab adversarijs ablata sunt pellis exuvia. Conradus reversus in Poloniam duobus fratribus captis, solus patrimonio potitus est, & abjectis infulis, animum adjecit ad nuptias, quas & contraxit cum Odowicij Polonici cujusdam Ducis filiâ, cum quindecim non amplius menses Episcopatum non optimis artibus tenuisset. Ejus discessu, Bertoldo rursus aperta via est ad Episcopatum, quod Canonici vererentur, ne exterus Leodij Decanus, à Pontificijs legatis nominatus, confirmatusque autoritate Apostolicâ, sedem invaderet, satiusque ducerent, subesse homini suæ nationis, qui & mox à Wilhelmo Hollando Rege jure regaliū est donatus.

Paralip. V. sparg. FRIDERICI CÆSARIS OBITUS. XI. Porro annus quinquagesimus Fridericum Cæsarem Imperio vitæque exiit Idibus Decembribus. De mortis genere historici variè sentiunt. Volunt aliqui, illum à Manfredò, quem injustis natalibus genuerat, veneno primùm tentatum, ac deinde, cum præter parricidæ votum pestis remissius in miserum patrem grassaretur, immisâ in os culcitram præfocatum. Eum suo functum fato, notant Meinardus Episcopus Immolensis, Guilielmus de Putco in suis Annalibus, & Dandalus in historiâ. Matthæus Parisius addit, anathemate solutum fuisse, & assumpto Cisterciensium habitu, cum jussisset supremis tabulis sarciri damna Ecclesiarum, captivos libertate donari, & ad terræ sanctæ subsidium pecuniæ vim ingentem erogari, cum miris animi resipiscentis argumentis, perceptisque morientium mysterijs,

mysterijs, expirâsse. Locus illi fatalis fuit Castellum Florentinum, haud longè à Luceriâ, in quo, morbo correptus, statim ominatus est, se eò loci vitam positurum, eò quòd olim à conjectoribus acceperat, ditionem Florentinam, quam idcirco studiosè vitaverat, fore sibi funestam. Corpus in Monte Regali, prope Panormum, à Manfredo, quem donârat Tarentino dominatu, regiè est tumulatum. Atque is quidem turbulenti Principis & Pontificibus infesti fuit exitus, ætatis anno LVII. Jam venerat in demortuorum censum, cùm nondum vulgatâ ipsius per Germaniam morte, velut adhuc superstiti in Apuliam ducebatur filia Ducis Saxonie cùm splendido apparatu: quo in iunere haud dubiam mortem Conradus Friderici filius oppetisset, nisi mirâ provisione aliud fata voluissent. Othoni Bojarie Duci sponsæ deducendæ cura erat demandata: Conradus erat in honorifico comitatu. Ventum erat Ratisbonam, atque inde ibatur Landshutam, cùm Albertus Ratisbonensis Episcopus, qui nondum suam sedem adierat, eò quòd civitas, Friderici Cæsaris partes secuta, Pontificijs execrationibus implicata jam quinquennio teneretur, ut cives, quos sibi hostes sumpserat, extra mœnia proliceret, sponsæ impedimenta militari manu invalit. Nec mora, quique civium audacissimi effusi extra muros, cum Episcopo manus confugerunt, cadunturque: pars in vestigio obtruncati, pars capti. Hæc injuria cùm ad Conradum pertineret, collecto confestim armatorum globo, movet in prædatores; jubet simul Othonem civibus ire suppetias: sævitur in agrum Hohenfelsij clientis Episcopalis. Gesta hæc ante Christi nascentis ferias, quarum reverentiâ hostilitas paulum est repressa, donec Hohenfelsius, clam receptus Ratisbonam, cum Episcopi partiarijs in Conradi caput conspirat. Appetebat nox, quarta ante Calendas Januarias, meditata neci delecta, paucis concijs, in quibus Episcopus, & quod aliqui notârunt, Ulricus Abbas S. Emmerammi, ad cujus Cœnobium Conradus diverterat. Jam omnia ad patrândam eadem erant comparata, interceptaque suffugia, cùm Fridericus quidam Euvesheimius, nocte intempestâ Conrado facit indicium impendentis ilico carnificinæ, auctôrque est Conrado, se ut in latebras properè abripiat, patiarurque, cubile regium à se occupari: quippe qui libens victima succedanea sit futurus. Paret Conradus, seque mox subducit. Euvesheimius ipsius personam vix induerat, cùm percussores regij conclavis fores effringunt, Conradum personatum, specie decepti, atque unâ cubiculi ministrum trucidant, ternosque domesticos in vinculis abducunt, rati, se egregiè latrohum partes egisse. Conradus suo tectus latibulo, noctem egit trepidus, posteraque luce circumfusus à suis, publico se reddidit inter lætissimas aulae & civitatis gratulationes. Dictæ contra parricidas atroces sententiæ, quas tamen Conradus sic temperavit, ut metus ad omnes, pœna ad paucos pertineret. Hæc adversus Cœnobitas decreta. Ara argentea appendens sexaginta septem auri pondo, quam D. Ramvoldus Abbas, S. Henrici Imperatoris ævo, dedicârat, sublata è Sacrario: Monachi præstantis Bibliothecæ parte mulctati, ablati præclaræ artis quingentis voluminibus: Ulricus Abbas dignitate motus: ea pars cœnobij, in quâ patrândum erat scelus, diruta: in ejus areâ, Monachorum ære, Virgini Deiparæ & S. Nicolao, quibus Conradus suam salutem ferebat in acceptis, sacellum extructum, & Capella regia nuncupatum, dotatumque certo proventu, qui uni Monacho quot diebus, qui perenniter ad aram pro Rege ejusque successoribus operaretur, esset satis. Cæteroqui Conradus vetuit, quicquam durius in Religiosos eorumque possessiones designari. Id decretum anno sequenti, mense Januario, tabulis firmatum, quibus lanciendis Otho noster, Conradi socer, Ludovicus ejusdem filius, Conradi levir, Otho Marchio Hohenburgius, Henricus Marchio Burgravius, Ludovicus Senior Comes Oetinganus, Godetfridus Hohenlohius, testes adtuere. Hohenfelsius sicariorum princeps scribitur fulmine; sceleris verò socij extorres varijs calibus periisse, ut pateret, Principum capita debere esse, atque haberi sacrosancta. Albertus Episcopus profugit ad Boemos, quorum adjutus armis, Primislao Regis filio ductore, aliquot mensium grassationes, rapinas, & coloniarum incendia Boicæ Transdanubianæ fœdum in modum invexit. Retinuit

Siffrid. ad
an. 52.

Chron. Aug.
Naucler
Generat. 42.
CONRADUS
FRIDERICI
FILIUS DE
VITA PERI-
CLITATUR.

AN. CHRIST.
M. CC. LI.
Hieron. Zi-
gler. de viris
illustrib.

BOICA VE-
XATUR A
BOEMIS.

XII.

GUILLIEL-
MUS HOL-
LANDUS IR-
RUMPIT IN
BOICAM.

Naucl. Gener.
42.

CONRADUS
REX FUGIT
IN APULIAM.

AN. CHRIST.
M. CC. LII.

Brover. ann.
Trev. l. 16.

pag. 901.
Arenpeck.

CERTAMI-
NA DE AU-
STRIE ET
STYRIÆ DO-
MINATU.

AN. CHRIST.
M. CC. LIII.

XIII.

AD EUM CA-
PESSENDUM
HENRICUS
OTHONIS
FILIUS FRU-
STRA INVI-
TATUR.

tamen Episcopatum, quousque apud Romanum Pontificem variorum criminum arcessitus, cum ea non refutaret, detractâ mitrâ, Sittenbergæ Monachum induit. Supererant petendæ de Boëmis vindiciæ. Eorum incurfationibus ut finis imponeretur, Conradus 3. Cal. Junias, unâ cum Othone Bojo, Regis colloquium Chamberi expetiëre: qui, siue pacem nollent, siue Regi diffideret, sui non fecit copiam. Ludovicus Bojus Othonis filius arcem Teispacensem apprimè munitam, quâ Albertus Episcopatum firmaverat, ne hostibus receptum præberet, complanavit, redegitque in formam pagi ignobilis.

Hactenus hætebat Conradus Rex in Germaniâ, ratus, se operæ grande præmium facturum, si, antequam ad capessenda parentis regna proficisceretur in Apuliam, quotquot posset, Germaniæ Principes atque civitates sibi conciliaret. Quamobrem putavit tentandos sibi Procerum Rhenensium animos, an quâ possent ratione à Guilielmi Hollandi partibus abduci. Hæc meditantem prævertit Hollandus, qui, compertâ Friderici Cæsaris morte, nihil cunctatus, contracto ex amicorum auxilijs iusto exercitu, penè improvisus movit in Bojariam, supremam aleam, neutiquam detrectaturus, nisi staret per æmulum, qui, non expectato ejus adventu, se recepit ad Rheni confinia, unde & ab Hollando fugatus est, prælio superatus ad Oppenheimium: quæ illi clades Germanici regni spem accidit, fecitque, ut transmissis alpibus, in Apuliam refugeret. Quo tempore Monachij Nolocomium, ad ægros tenuioris fortunæ sublevandos, est inchoatum. Sacra illi Sanctissimi Spiritus ædes est adjuncta, & dedicata medijs cineralibus: census ab Othone Duce ex vectigali ad portam Istaranam attributus.

Gliscibat inter hæc nova lis de Austriæ, Styriæ, cæterisque Friderici Austrij ditionibus. Hoc extincto (quod ad annum XLVII. compendio meminimus) Hermannus Badensis, Othonis Cæsaris auxilio, Austriam Styriamque occupavit. Hic anno superiori rebus humanis exemptus, Fridericum quidem filium in vivis reliquit, sed gubernaculo immaturum. Hinc capta occasio à rerum novandarum cupidinis, agendi de adsciscendo alio, qui par esset rebus gerendis, quasi ambiguum foret jus pueri Friderici. Quid non molitur ambitio? Supererat adhuc Margarita Friderici Austrij vidua annis obsoleta. Hanc, nullâ ætatis habitâ ratione, ducit Primislaus Boëmi Regis filius, haud multò post facturus ab eâ divortium: neque enim illi anus, sed dos arridebat. Consilium fuit, nuptiarum obtentu, animare iudicium quorundam Austriæ Procerum, qui bellum sponsum ad capessendam Provinciam invitabant. Cætera Austriæ nobilitas divisa in factiones: pars Henricum Misniæ Marchionem, pars Henricum Bojum, Othonis filium natu minorem, respiciebant. Missi ad Misnium legati, qui, negato à Boëmis com-
meatu, domum irriti reverterunt. Primislaus interim sublevatus favore vulgi, rem suam agebat gnaviter. Eodem tempore Henricus Bojus honestâ legatione, cujus princeps Dietmarus Weilseneckius, ad capiendos fasces properè vocabatur.

Otho parens cunctari, differre legatos, & ne quid præcipiti consilio statueret, Belæ Ungariæ Regis, qui filiam Henrico Bojo locaverat, sententiam exquirere; Bela, sibi quàm genero addictior, studiosè ambire, opportunissimam regno suo, vicini dominatus accessionem. Otho nihilominus, ne nihil planè tentaret, utrumque filium cum non magno ad tantam rem comitatu, ducit Oetingam Veterem quò foret Austriæ propior, sed specie eos accingendi baltheco militari, auspicijs cælorum Reginæ, quæ illic magnâ religione colitur. Verùm sera nimis & imbecilla fuit ista provisio, in quâ ne unum quidem momentum debuisset negligi. Etenim se jam Primislaus & armis & Austriorum favore sic firmârat, ut nullus, nisi armatâ manu, sperari posset in Austriam ingressus. Quare certus, non tentare dubiam nimis aleam, quæ tamen novum Principatum ambienti semper est tentanda, bello abstinuit: passus tamen est, Henricum Belæ socero Boicas suppetias sociare. Is devitans Salisburgensium montium & Carantanorum, quæ hostili præsidio occupabantur, fauces, per alpes Noricas, lubente Menhardo Goritienfi Toparchâ, auctus Ezelini Dynastæ Tarvisini copijs, ad Belam penetravit, eique fi-
dam

dam operam præstitit, donec, pace inter alienæ fortunæ rivales compositâ, Austria cecidit Primislao, Styriâ Belæ relicta. Ita Boij in occasione captandâ remissiores, alienæ magnitudini manus commodârunt, hoc tamen emolumentum ex ea rerum mutatione consecuti, ut quicquid terrarum ad Anassum usque, perantiquo jure olim Bojariæ cohaererat, & à Friderico Ahenobarbo fuerat Austrijs contributum, ad veteres dominos postliminio per Ludovicum Othonis filium reducere-
tur. Brevis fuit Othoni parenti recuperatæ possessionis usura. Nam hoc anno 3. Cal. Decembris fato functus est, finem longè laudabiliorē habiturus, si vitæ postrema primis respondissent. Potissimus illi nævus, Episcoporum exemplo, ab Innocentio Pontifice descivisse, & pertinaciter adhæsisse Cæsaribus. Etiam aspernatus est dirarum religiones, quas ad supremum usque spiritum, tametsi à B. Bertoldo D. Francisci lodale, egregiæ sanctitatis viro, severè increpitus, neglexit. Quo factum, ut incogitans & inexpectatus, subito expirârit, cum paulò antè jucundus & hilaris inter amicos consedisset. Datum etiam vitio, quòd non multò ante mortem, sublato veterum numismatum usu, Landishutæ novam monetam, quæ in solâ Bojariâ, nusquam alibi, valebat ad commercium, magno subditorum damno cuderit: quòd ordinem sacrum minutamque plebem habuerit inclementer. Illatus est in Schirense Majorum mausoleum, neque inde motus, licet Clemens Summus Pontifex, decimo post ejus excessum anno, litem ipsi movit de sepulchro, per Frisingensem & Ratisbonensem Episcopos cognitores, qui perquirent, num aliqua pœnitentis animi signa prodidisset. Si nullum aliud, hoc saltem reppererunt, quòd nuper S. Spiritus domum hospitalem pietatis & misericordiæ studio excitasset. Quare Agnetis uxoris & posterorum honori concessum, urna defuncti ne loco moveretur, ejusque manibus ne insultaretur. Quod scribunt de nescio cujus agricolæ viso, quem, ferunt, à sensibus abreptum, spectasse judicium, cum ante obitum, ad divinum tribunal variorum criminum reus ageretur, non videtur esse majoris autoritatis, quàm quæ subinde à sanctioribus iudicibus non discussa, temere jaçantur in vulgus.

Othonem ad alteram vitam, beatiori (uti spes est) fato secutus est Innocentius IV. Neapoli 7. Id. Decembris, Anno M.CC.LIV. Demortuo successus est Alexander IV. Sed & hic annus Conrado Regi fatalis fuit. Eum Manfredus frater, natus extra matrimonium, veneno peremit pridie feriatum Christi ad cœlos ascendentis. Conrado filius erat superstes Conradinus, ex Elisabethâ Boicâ ante biennium genitus, hæresque ultimis paterni testamenti mandatis declaratus. Puerulo dati Bojarij tutores. Manfredus parricida donatum à Friderico patre Tarentum retinuit. Eo neutiquam contentus, cum dudum antè regnum Siculum cœcâ ambitione esset complexus, ratus, se regij hæredis opprimendi opportunam occasionem nactum, ob infantis ætatulam ad prioris ambitus insaniam relapsus, ut erat homo projectus ad omne scelus, primùm Conradini tutores vocare in invdiam: dictitare, Bojos, ut in externâ gente, superbè avarèque pupilli nomine dominaturos: subinde non obscurè suam operam fidemque venditare populis: exam-
bire studia: prensare Regni, in quo ipse natus esset & educatus, procurationem: denique miro artificio irrepere in Pontificis Romani gratiam, ut anathemate parentis solutus, firmatusque in Tarenti dominatu, novis præterea honoribus auge-
retur, non sine imminutione auctoritatis debitæ Boijs tutoribus. Talibus auda-
cior præjudicijs, nixusque favore Siculorum, Apulorum, Calabrorum, Picentino-
rum, Brutiorum, Campanorum, sibi adjunxit Saracenos, Nucerinos, eorumque instructus viribus, Pontificis militem in hibernis Fogianis nihil hostile metuen-
tem opprimit, armis, equis, impedimentis exuit. Tum demum Alexander Pon-
tifex, comperto, cum quo homine res esset, instaurat copias, & ductore Octaviano Ubaldo, jubet comprimi fallacissimi nebulonis audaciam. At ille, non ausus tentare pugnam, Nucერიam refugit, patiturque se arctè obsideri. Cum vi non posset evadere, dolo solvit obsidionem. Clâm emittit ex urbe confutos ex fraudibus emissarios, qui paulum progressi, cultum lugubrem induunt, mentiuntur-
que

OTHO Dux
BOICÆ MO-
RITUR.

AN. CHRIST.
M. CC. LIV.
CONRADUS
REX VEN-
NO SUBLA-
TUS.

P. & Emil. in
Ludo. IX.

MANFREDI
SICULI VA-
FRE MO-
LITIONES.
XIV.

REGNI SI-
CULI USUR-
PATIO.

Joan. Ma-
rian. Hist.
lib. 13. c. 13.

LUDOVICUS
IV. ET HEN-
RICUS XIII.
BOICAM
PARTIUN-
TUR.
AN. CHRIST.
M. CC. LV.

And. Presb.
Nicol. Crusen.
ORIGO MO-
NASTERII
PP. AUGUS-
TINIANO-
RUM RATIS-
BONÆ.

que, se venire è Sueviâ, & tristem de Conradini morte nuntium adferre. Mendacio admiscebant lachrymas non sponte cadentes, litterasque adulterinâ manu signoque suppositas. Mors pupilli, talibus argutijs nunciata, ilico creditur: Octavianus Alexandri legatus, refixis signis, discedit à Nuceriâ: tutores suâ credulitate delusi, perinde, atque si nullus esset Conradinus, cujus nomine imperarent, è Siciliâ abeunt: Manfredus pupillo, velut mortuo, attratus regiè parentat: regiam gazam, quæ Panormi condebatur, arripit: ejus largitione sibi devincit veteranos: conducit militem Africanum, ac demum, cum nulla crederetur justa regis stirpis soboles superesse, Rex salutatur, Siculorum animis errore tam profundè dementatis, ut prius se ad firmandam regni usurpationem vimque defendendam firmarent, quam veniret quisquam è Germaniâ, qui fidem faceret, vivere Conradinum. Pari fraude actum cum Jacobo Rege Aragonum, qui Petrum filium, Aragonicæ juventutis principem, Constantiæ Manfredi filix despondit, ratus, ejusmodi nuptias non fore suæ domui indecores, quandoquidem duodecim auri myriadum dote, & Regni Siculi haud dubiâ spe (nam Manfredus masculâ prole carebat) tyrannidis & natalium dedecus speciosè obnubebatur. Atque ista quidem de Conradino & improvidâ Bojorum tutelâ.

Cæterum hic annus sterilitate & immani brumâ horridus, præter ista, quæ dixi, nobilissima funera, Libitinæ dedit Bertoldum Passaviensem Episcopum, militiæ, quàm mitræ meliorem, eique subrogavit Othonem Lonstorffium natione Bojum, virum bono publico natum, prudentiâ, consiliorum maturitate, comitate morum, & cultu religionis in paucis commendatum. Hic, inuito statim Episcopatu, Boijs Ducibus reconciliatus, sacrorum usum reddidit, quem præcessor triennio suspenderat: iisdem Ducibus clientelas, quas Bogij, Rapato, ultimus ex Ortenburgicis Baviaræ Comes, Passaviensis Ecclesiæ beneficio tenuerant, omni lite sublata, alleruit, accepitque in vicem jura castra Obernpergensis, idque citra contentionem, sed æquâ justorum arbitrorum æstimatione. Jam tum Ludovicus & Otho Boicæ Duces, pari imperio, post parentis obitum, cæperant obire munia Principatus, & pace cum finitimis, Alberto quoque Ratisbonensi conciliatâ, reductâque in templa publicâ religionis celebritate, mortalium cœlitumque amicitiam ambire. Quò verò minus inter eos esset dissidij (utili, an noxio, ad potiores exemplo) Provincias sunt partiti. Ludovicus natu major Rheni Palatinum, Burgraviatum Reginoburgensem, Regensstadium, Lengenfeldam, Calmunzium, totamque Boicam superiorem est sortitus. Henrico, qui, comperto parentis obitu, ex Ungarico bello prosperè domum redierat, cum Ducis titulo, Ratisbona, Chambum, Kelhaimium, Erdinga, Landishuta, Oetinga, Burghusium, Hala, Straubinga, Vilshovium, Landavium, Dingolzinga, Brunovium, Schardinga, & quicquid est adjacentium, obvenère.

Ad hunc annum referunt primam originem Monasterij Eremitarum D. Augustini Ratisbonensis, natam memorabili prodigio. Sacerdos sacrosanctum Corporis Christi viaticum, agro supremum laboranti deferens, fallente vestigio, eo loco, quem Judæorum pontem nuncupant, lapsus in lutum, augustissimum sacramentum hæc illac sparsit. Bono viro mirum in modum attonito, casumque lamentanti, genij ecclestes ad colligendam divini ferculi jacturam advolant: summâ reverentiâ ferunt opem: pignus sacratissimum restitunt: & ne terra, Dei hominis contactu venerabilis, profanis vestigijs tereretur, noctibus istam urbis partem luce collustrare soliti, aream templo accommodam radijs describunt. Cives ostento moniti, ut locum tegerent, primò ligneam ædiculam opere subitario impoluerunt, ac deinde è saxo aliam struxerunt augustiorem, cui addidère sacerdotes, qui per annos undecim divina peregerunt: denique subortâ de templi tutelâ dissensione, visum est, ne altercatio pietati officeret, Patribus Augustinensibus ædem donare, iisque facere Cœnobij condendi potestatem. Quâ in æde postea editum est miraculum sacri plenum horroris. Presbytero ad aram facienti irrepit dubium de verâ Christi in sacramento præsentia. Deus, ut ambigenti scrupulum

pulum eriperet, usus est manu signi Christi in cruce morientis. Illa, de trabe soluta, miro modo porrecta, calicem consecratum sacerdoti abstulit. Prodigij tot fuere testes, quot adfuere sacrificio. Ne ejus excideret memoria, res, ut gesta est, non modò relata est in fastos, sed etiam penicillo, in vitreâ fenestrâ, & acy in aulæ depicta.

Porro Ludovicus noster ad res Palatinatus ordinandas profectus, cum finitimis Principibus, & sexaginta ut minimùm civitatibus Imperij, sociale fœdus iniit exemplo Italicarum urbium, quò delectis ad communem publicæ rei defensionem ducibus, justoque copiarum numero, iretur obviam licentiæ latrociniorum, aperiretur securitas commerciorum, tolleretur immensum quantum ingravescent portorum iniquitas, excinderentur prædonum spoliaria, tuta præstaretur commendi libertas. Neque enim publico consuli aliter poterat, periculis flagitiisque indies augescentibus ex nefariâ quorundam audaciâ, quibus spes resque omnis in turbido, & spolijs infantium. Fœderis Principes, Gebhardus Moguntinus, Conradus Colonienfis, Arnoldus Trevirorum Archiepiscopi: Jacobus Mediomatricorum Episcopus, Abbas Fuldenfis: Ludovicus Bojus Comes Palatinus, Conradus, Emico, & Godefridus Comites Silvestres: Richardus Cattimelibocus, Fridericus Lîmingensis, Bertoldus Zigenhagius, Comites: Poppo Tubingenfis, complures alij Proceres cum nobilitate ingenij probioris. Sic tantisper cohibita improbitas, donec Guilielmi Hollandi mors novas turbas invexit.

Sublatus est anno sequenti fato miserabili. Posteaquam semel victor Frisiorum annuas propè grassationes egregiè represserat, ad eos subigendos animum adjecit. Post 5. Cal. Februar. cum paludes, & quæ æstivo tempore restagnant, aquas diuturnum gelu fecisset pervias, Frisiam denuo ingressus, antequam signa in hostem explicaret, ex insidijs occisus est. Sunt, qui scribunt, nescio quem conjectorem ipsi fuisse vaticinatum, Frisiorum manus ejus capiti fore fatales. Refert Crantzius, ne hodie quidem constare, quo loco ipsius corpus sit tumulatum: ita proclive est opinari, fabulosum esse monumentum, quod illi Stero, & ex eo Brunnerus statuerunt in mausoleo pridem à Frisijs, nescitur ubi, excitato, in spem Romanorum Regis aliquando sepeliendi.

Sed in Boicâ cædes longè luctuosissima patrata est à nostro Ludovico, unde Severi longè lenius, quàm facinus meruit, consecutus est cognomentum. Ad Rhenum abiens, Mariam conjugem, Henrici Magnanimi Brabantie Ducis filiam, Werdeæ Sueviæ, hodie Donawerdæ, apud Elisabetham Contradini matrem, suam sororem, reliquerat. Dum ipse publicis regundi Palatinatus negotijs incumbit, quo fato incertum, certè illaudato errore, Maria uxor binas Epistolas, marito alteram, alteram Rauchgravio (Hirsutum Comitem latine dixeris) dedit per hominem omnis expertem litteraturæ, ignarum primorum adeò elementorum, perferendas, cum eâ tamen cautelâ, ut Ludovico litteras cerâ miniatâ signatas, alteras atro munitas sigillo Comiti traderet. Sed tabellarius, sive oblitus imperij, sive quo casu, litteras nigricante signo clausas Duci reddidit. Hic ad primum epigraphes, paulò quàm fœminam Principem, eamque nuptam decuisset, licentioris conspectum offensus, nescio quid sequioris amoris suspicans, Epistolam resignat, perlegit, voces singulas morosè expendit. Suspicionem accendere pauca dictiones, quarum sensum nemo, nisi latentis arcani conscius, assequeretur. Hinc tristis animi nubes: è nube & turbatâ credulitate tempestas furiosa, & larva persuasio uxoris ab alio adamatæ, quâ nihil in matrimonio est funestius. Igitur tabellarium, velut adulterinæ consuetudinis interpretem, in vestigio confodit, & citatis itineribus, lymphato similis Donawerdam advolat: arcis præfectum, officij causâ prodeuntem, jugulat: Helicam Prennbergiam virginem nobilem, Mariæ uxori in primis charam fidamque, pugione transigit: Gynæcei moderatricem matronam honestissimam ex arcis fastigio præcipitat: ac denique, totâ familiâ mortis terrore suspensâ, Mariam conjugem, Numen fidei conjugalis conscium, divina humanaque omnia obtestantem, quò periret fœdius, carnificis ferro manûque trucidat

XV.

AN. CHRIST.
M.CC. LVI,
GUILLIELMUS
HOLLANDUS
CÆS. OCCISUS.

LUDOVICUS
SEVERUS
UXOREM NE-
CAT.

XVI.

dat. Nocte proximâ, ubi furor posuerat, facinoris atrocitas objecta menti tantum incussit mœroris, ut prodigiosâ canitie tinxerit cæsariem florentissimi juvenis: neque enim adhuc vigesimum septimum ætatis annum exceßerat. Hæc patrata Cal. Februarij, maritis ad exemplum, quàm crudelis sit & injusta zelotypiæ temeritas: uxoribus, quàm periculosa & perniciofa quævis species levitatis: quo in genere bene monet Sapiens, quòd *zelus & furor viri non parces in die vindictæ, nec acquiescet cujusquam precibus, nec suscipiet pro redemptione dona plurima.* Regna & tædæ geniales nullos, ne è longinquo quidem, patiuntur rivales: uxor, quæ oculos alieno indulget, semet obcæcat: quæ cor audet inter duos partiri, sese occidit: etiam hujuscemodi minutæ graves sunt momenti: si tamen, qui læsus est, inconsultò & ultra rationem sævit, non sævit impunè. Mariæ innocentia, si Erfordianis monumentis fides est, Ludovico est divinitus revelata. Comes flagitiosæ familiaritatis suspectus, quem ferunt fuisse ex stirpe Wittelspachij, Philippi Cæsaris percussoris, provinciâ excessit, & passim verbis atque scriptis Mariæ integritatem restatus est. Ludovicus ab Alexandro IV. Pontifice delicti veniam exoravit, jussus duodenis S. Brunonis sodalibus, piaculi loco, condere Cœnobium: sed cum nulli adhuc ejusce ordinis homines in Boicâ sedem locassent, Cistertiensibus nobile amplumque Monasterium, quod hodièque numero floret & virtutibus, Furstfeldæ ad fluvium Ambronem construxit, & justo censu locupletavit.

Cæterum Romanum Imperium, rectore destitutum, inter dissentientes Procerum curas & comitia sæpius cœpta, sæpius abrupta, fluctuabat in interregno. Alexander Pontifex, Fridericorum mores & turbulenta ingenia suspectans, Gerardum Moguntinensem Archiepiscopum monuit, ne in Augustali suffragatione sinneret ullam Conradipi pueri haberi rationem. Conradus Colonienfis Antistes Richardo Cornubiæ Comiti, Joannis Anglorum Regis fratri, certam regni spem ostendebat, si eligentium animos & vota auro preniaret. Arnoldi Trevirensis scriptor domesticus ait, Ludovico Severo marcarum myriadem, Moguntino octo marcarum millia esse à Richardo donata. Colonienfis quoque magno ære conductus est. Moguntinus id temporis captivus ab Alberto Brunsvicensi tenebatur. Verum, ubi primum libertatem auro Anglico redemerat, domum redux comitia ad Idus Januarias Francofordiæ indixit, quibus Richardus ab emptis Principibus, quibus accessit Henricus Dux Bojariæ, Rex est creatus, & ipso Christi cœlos ascendentis die, Aquisgrani à Colonienfi Præsule prima Regni Germanici Insignia accepit. His auspicijs adductæ nonnullæ urbes Rheno confines suam illi fidem obstrinxerunt, Colonia, Poppardia, Wesalia, Moguntia, Francofurtum, Oppenheimium, Spira, Wormatia. Magnificè illi applausum, quousque pecunia aulæ splendorem & gratulantium affectus aluit. Verum ubi Basileam venit, exhausto ærario, Principum popularumque studia elanguere, & bonus Rex desertus, contempto quàm regnanti visus est propior. Quamobrem Wetteraviâ Philippo Falckenstainio; Poppardiâ, Wesaliâ, cæterisque obnoxijis urbibus Philippo Hohenfelsio, vicario nomine, commendatis, sepositâ regni Germanici curâ, trans mare, unde venerat, bene emunctus, edoctusque, regna quæ sita largitionibus sine aureis habenis apud venales animas non retineri, se subduxit.

Aliâ ex parte Arnoldus Archiepiscopus Trevirensis, repudiatâ quindenum millium argenti Anglici marcarum corruptelâ, cum Duce Saxonie, cum Marchione Brandenburgico, Spirensi, Wormatiensi Episcopis, aliisque Proceribus, haud longè à Francofurto, in lectissimâ nobilissimorum virorum coronâ, Alfonsum Castellæ & Legionis Regem, Richardo prætermisso, coopravit. Erat Alfonsio mite ingenium, ingens animus, belli pacisque artibus peræquè instructus, gloriæ, quàm voluptatum cupidior, deditus otio litterarum, nec tamen à negotijs alienus; sed avidus corradendæ pecuniæ: quæ res illi in popularium odium verterat, ut domi, quàm apud exteros, minori esset in pretio. Ejus tamen in comitijs grandis habitatio, quòd genus maternum duceret à Germanis Imperatoribus, utpote filius Beaticis, perque eam Philippi quondam Augusti nepos. Missi igitur Constantiæ &

Spiræ

Proa 6. 34.

ORIGO MONASTERII
FURSTENFELDENSIS.
AN. CHRIST. M. CCLVII.
XVII.
REGNI GERMANICI DIS-
SIDII MIN-
TER RI-
CHARDUM
CORNUBI-
ENSEM ET
ALFONSUM
HISPANUM.
Siero.
Matth. West-
monast. in
stor. Angl.
hist.
Trithem. in
Chronico
Spauheim.
Script. Aus-
nym.
Fragment.
Chron.
Spauheim.

ALFONSUS
CASTELLÆ
REX RI-
CHARDUS OB-
IICITUR.
Joann. Ma-
rian. l. 13. c. 11.

Spiræ Antistites, qui cum ad capeffendum Imperium sollicitarent. Verùm ille, quamvis alijs super alias legationibus ambiretur, five quòd fuorum voluntati studijsque diffideret, filiorum ætate nondum maturâ, five quòd ob intestinos motus anxius perplexusque, domestica peregrinis anteferret, venire distulit; in præsentia satis habens admittere regium titulum, spemque Imperij adeundi, ubi res & consilia maturuissent. Carpebat interim Richardi electionem; elevabátque inutili disceptatione, quasi regna, perinde atque scholastica subsellia, disputando caperentur. Ita Germaniæ conditio longè erat calamitosissima, confusus judiciorum ordo, nulla imperandi obsequendique certa provisio, singulis ad rerum suarum tutelam, vel ad alienarum everfionem intentis.

Et sanè quidem, jam ab anno superiore, pax in Boicâ perierat, unde minimè decuisset. Philippus Antistes Salisburgensis, quia Pontificatum, sacerdotio nondum initiatus, gesserat, & sacræ ditionis arces atque civitates improbis clientibus demandarat, adnitente Ecclesiæ Metropolitanæ Collegio, à Romano Pontifice jussus est, Ulrico Secoviensi Episcopo infulam cedere: quod cum ille accitis è Boëmiâ & Carinthiâ auxilijs, ferociter detrectaret, & ferro flammisque in Archiducem grassaretur; datum est ex urbe negotium Henrico Chymensi Episcopo, ut eum, Alexandri edicto, ad causam dicendam citaret, vetaretque in posterum res & munia Archiepiscopatus attingere: quòd si morem non gereret, eum igni & aquâ interdictum, juberet ab omni sacrorum consortio abstinere. Ea cum Philippus, perinde atque inania terculamenta sperneret, multò factus insolentior, Ulricum æmulum unâ cum Chymensi Sedis Apostolicæ Legato, & Othone Præposito, cum nullo loco essent securi, Romam abegit, Chymensem Episcopatum frædè laceravit, suisque deque habuit ablatum Salisburgensibus divinatorum usum, nisi si qui, prævalentibus Philippi minis atque terroribus, è D. Petri sacerdotibus facerent ad aram, cæterisque sacris publicitus operarentur invitati. Tantus demum mœror & solitudo basilicis est induceta, ut Ecclesiæ patrimonio expilato, vix esset super, quantum sufficeret quatuor Sacerdotibus tenuiter sustentandis. Cum indies exaggeraretur infontium calamitas, duo Canonici ex illustri Collegio, Ulricus Comes Ortenburgicus, & Gregorius, torfracti malis, defecerunt ad Philippum, ejusque causam Romæ defendendam susceperunt. Gregorius in itinere miserè periit: Ulricus auditus quidem est à Pontifice, sed nihil, præter ignominiam, domum retulit. Ita lis & arma magnis odijs pessimòque exemplo ad multos annos (uti in loco videbimus) protracta.

Ne unis turbis Boica vexaretur, tumultus est è Boëmiâ subnatus, cui speciosè obtendebatur, Schardinga, Neoburgum, Rieda, quæ post mortem Hermannii Badensis ad Principatum redierant, repetebanturque ab Ottocaro, cui Primislao cognomen, Rege Boëmiæ, quasi per injuriam ab Austriâ, quâ ipse potiebatur, essent abstractæ. Hic igitur opibus & ditione tumidus, stimulante juventâ, inimicitias Henrico Duci Bojaræ denuntiat, neque ultra quinque dies cunctatus, festinatâ irruptione, ingentes copias Boicæ infundit, jactans passim & minax, se propediem Landishutæ, quæ erat Henrici Regia, vim infestam allaturum. Et jam ultra Passavi-um grassatus, per Elisæ vallem Fraunhovium usque signa protulerat, cum Henricus, nihil delecti militis habens in parato, trepidis undique nuntijs, & villarum incendijs admonitus, missis quaquaversum mandatis & conquisitoribus, jubet popularium centurias, quotquot possent, arma capere, & ad patriæ pericula, quod validum est incitamentum, ocyus advolare. Simul rogat Ludovicum Severum fratrem, ne velit deesse Boicæ supremè laboranti. Ludovicus, coactis raptim ex Rheno suppetijs, cum paucis accurrit, magnum tamen nominis sui terrore momentum bello allaturus. Confluxère mox è Boijs iusto numero legiones cum equitatu satis expedito: castra castris opposita. Ottocarus, qui ex insperatâ irruptione omnia sibi prona somniaverat, deturgente audaciâ, sibi diffidens, petit, impetrâtque unius diei inducias, qui D. Bartholomæo sacer erat. Credebatur, consilio prius, quàm prælio causam velle disceptare; sed fucus erat audaculi supremam

XIIX.

PHILIPPUS
SALISBUR-
GENSIS AR-
CHIEP. LO-
CO MOVE-
TUR.

AN. CHRIST.
M. CC.
LIIIX.

Stere.

OTTOCARI
BOEMI CUM
HENRICO
BOIO BEL-
LUM.

OTTOCARI
CLADES.

aleam reformidantis. Fugam nocte intempestâ Myldorfium intendit. Nec mora, Henricus suos jubet confestim hæere tergis fugientium, ex quibus complures ad Myldorfij trajectum deprehenſi, dum extremis turbatis, primosque prementibus, confertim nulloque ordine pontem sublicium prægravant, rumpuntque, pars Oeno hausti; pars in ipso enatandi conatu telis confossi; pars recepti in suburbium, facibus subjectis, unâ cum impedimentis combusti. Quos fluvius & flamma rapuit, à Sterone quadringenti, ab Annalibus Salisburgensibus ter mille recensentur. Ottocarus cum paucis per pontem ante alios elapsus est. Cæteri ferè omnes Myldorfij mœnibus clausi, novem dierum obsidionem tolerârunt, factâque deditione, victorum clementiâ dimissi, pacis conciliandæ fuerunt authores; quæ his legibus sancita, ut Schardinga, quæque antè nominavi, unâ cum Schittenhovio Boici juris remanerent.

AN. CHRIST.
M. CC. LIX.
SOPHIE ET
ELISABETHÆ
BOICARUM
NUPTIÆ.

XIX.
BELLUM
INTER
CONRADUM
FRISINGENSEM
ET LEONEM
RATISBONENSEM
EPISCOPOS.
COMPOSITUM
A LUDOVICO
SEVERO.

AN. CHRIST.
M. CC. LX.

Gebhardus Comes Hirsbergius, qui præcipuam in eo tumultu fidem industriamque probaverat, ad Sophiæ Ducum sororis nuptias, præmij loco est adlectus. Sub id tempus Elisabetha sororum altera, Conradini mater, Menhardo Goritiæ & Tiroliorum Comitum locata: ritus nuptiales pridie Non. Octob. Monachij celebrati. Conradus Frisingensis Episcopus eadem in urbe, 15. Cal. Februarij, mortuus, locum fecerat Conrado II. ex stirpe Comitum Silvestrium; quicum Leo Ratisbonensis Episcopus, quâ causâ, incertum, gravibus iniurijs collisus est, non sine multorum sanguine, cum pudendo istius ævi dedecore, quasi damnatâ Christianæ mansuetudinis lenitate, honestum esset, videre Episcopos galeatos in mutuum suorumque clientum cædem sævientes. Sapiebant certè minùs, quàm Rudolfus Cæsar Habsburgicus, qui consultum aiebat, trium litium compositionem, unius liberali condonatione redimi. Atqui feroces Episcopi, flammâ, ferro grassabantur: quibus in dimicationibus, occubuit Ulricus Holzhauserus, vir apprimè nobilis. Ulteriùs furor tendebat, nisi Ludovicus Severus, pacis arbiter intervenisset, & Ratisbonensem ad præstanda Ecclesiæ Frisingensi damna induxisset. Sed & militaris iste Ratisbonæ Episcopus, ausus est cum Boicæ Ducibus gerere inimicitias, quibus nullo maleficii genere temperatum, donec contentio arbitris est permessa, in quibus Weinhardus Rorbachius, Henricus Preisingius, quos honoris causâ nomino, cæteris omissis, quorum posteri desierunt. Eiusdem Leonis Episcopi autoritate, Vallis Speciosa, quæ à D. Wilhelmi Ordine antea tenebatur, venit in Patrum Augustinianorum manus. Gesta hæc post, quàm Alberto Pitogejo, Albertus Magnus, doctrinâ & virtutibus, summis ævi sui viris æquandus, ad sedem Ratisbonensem successerat. Hujus natales, magnos in D. Dominici disciplinâ progressus, modestiam, docentis celebritatem, laudatissimos in Pontificatu mores, & voluntariam insulæ abdicationem, prolixè ab alijs descriptos, non est operæ pretium hoc loco repetere. Quæ contra ejus famam à malevolis sunt olim jactata, dilucidè à Trithemio & Delrio refelluntur.

UDALRICUS
SALISBURGENSIS.
PROFLIGATUS.
CAPTUS.

HENRICUS
BOIUS
SALISBURGUM
OBSIDET.

Udalricus Salisburgensis, quem regendi cupido cum Philippo Archiepiscopo commiserat, anno abhinc secundo, non modò Romanis censuris, sed etiam manu militari armatus, bellum renovavit. Ex urbe redeuntem Dux Carinthiæ Philippi frater, Radstadij sub noctis crepusculum aggressus, multis utrinque cæsis, pluribus lauciatis, profligavit. Cum per Anassi vallem in Boicam properaret, haud procul à Cænobio Admontensi lapsus in Austriacorum insidias, ab Henrico Turriano captus, & in castrum Wolckenstainium reclusus aliquamdiu, Ducis tamen Austriæ voluntate redditus est libertati, quæ homini ad stuporem infortunato nihil profuit, quem non modò Salisburgensium odia, sed etiam quæstura Romanæ exactio, eò tandem necessitatis adegerunt, ut impetratâ à Pontifice missione, quinquennem dignitatem sponte posuerit, nullâ re magis, quàm adversâ fortunâ memorabilem.

Henricus Bojus à turbulentis istius anni motibus non fuit intactus; vel laceſsus, vel ingressus in causam belli, quod inter Udalricum æmulumque gerebatur. Quamobrem, sive repetierit sumptus à se factos, sive quæ alia ratio intercesserit, octo oppida Archiepiscopo detraxit, adscitisque in belli societatem Dynastis

Vis-

Vispacensibus, Salisburgum, propugnaculo ad Salinas excitato, frenavit & obsedit. Eam invasit partem atque incendit, quæ à cæterâ urbe, interfluente Salzâ, dirimitur, neque prius destitit ab oppugnatione, quàm clarâ meridie serenôque cælo, fulminis ictu territus, agnovit, se irato Numine vim inferre urbi, quam sui majores D. Ruperto dedicassent. Induxit tamen Philippum, ut mitram, censuris & tot dimicationibus malè habitam, abdicaret. Idem Henricus in pacificandis Boëmiae & Ungariæ Regibus, plurimum operæ posuit: pax tamen serò coaluit. Ottocarus damnatis pactis, quibus nuper Belæ Ungaro, pacis causâ, Styriam permiserat, eam bello repetijt. Bela vicissim Stephano filio defensionem justæ possessionis demandavit. Jam utriusque castra in mutuum conspectum venerant, soloque Thayssæ fluminis objectu dirimebantur, cùm Stephanus numero potior, vado reperto, per noctem tenebris & cælo pluvio perobscuram, refixis signis movet in Ottocarium, qui ad Lavam Austriæ oppidum tetenderat. Nondum ortâ luce, Otho Comes Hardeccius, & Conradus Plainius missi ad explorandum, ab Ungarorum antecursoribus, plerisque manipularium obtruncatis, occiduntur. Quos fuga nôxque servavit, Boëmi castra complent tumultu, hostem adesse vociferantes. Ottocarus arma celeriter expedit, jubetque legiones imperium expectare, donec diei crepusculum hostis numerum situmque ostenderet. Jam eò ventum erat, ut neutris liceret citra ignominiam referre pedem. Ergo hinc & hinc magnis animis concurritur, donec Stephanus, ubi prima non succedunt, aciem deierit, secumque trahit agmen universum. Ottocarus, & Otho Brandeburgicus, qui suppetias venerat, instant fugientibus, premuntque ad usque Thayssam, indeque ad Moram, fluvios, tantâ vi, ut Ungari, præ terrore vadorum obliti, turmatim undas imbris tumefactas tranantes, ingenti numero mergerentur. Cæsi & aquis hausti sedecim millia. Inter manubias, auri argentique magna vis reperta. Pugnatum 13. Julij. Bojaria Plainium luxit, suæ stirpis ultimum. Denique Regem utrumque belli cladiumque cùm cepisset satias, Henrico Bojo sequestri (quippe qui Ungaro affinitate, Bojæmo sanguine erat conjunctus) fecere pacem. Ungarus omnem Styriam & Petoviam urbem Boëmo cessit: utque fœdus firmiore nexu cohæreret, Cune Gundis Belæ Regis neptis, locata Ottocaro, qui à Margaritâ Austriâ, sterilitatis obtentu, quæ erat istius ævi improba licentia, diverterat. Certè erat injuriosum, aliàs fœcundam, neque thoro ineptam, quæque Austriam pro dote attulerat, jubere, non res sibi suas, quas maritus mordicus retinebat, sed purum putum habere repudij ludibrium.

Melioribus auspicijs Ludovicus Severus Annam Conradi Gloggovienensis Silesiæ Ducis filiam matrimonio sibi conjunxit. Is paulò antè Ratisbonenses haud exiguâ solitudine metuque levavit. Non ita pridem, ut eos cæteroqui mobiles & prondos ad turbas, facilius in officio contineret, castrum muniverat in clivo Geieris pergens. Atqui cives rati, suæ libertati injectum esse frenum, Ludovici potentiam ingeniumque suspectantes, omnem movebant lapidem, ut arx invisa tolleretur. Id cùm lege fieri non posset, neque consultum videretur adhibere vim, quâ precibus, quâ pretio impetrârunt, ut Ludovicus munitionem auro mutatam complanaret.

Sed & hic annus inficeram juxta ac turpem Flagellantium sectam extulit. Natam ajunt Perusiæ in Tusciâ, indeque propagasse examina trans alpes. Profitebantur horridos peccatorum abolendorum ritus: nudi umbilico tenus, instar Lupercorum, velatâ facie, viri fœminis, promiscuum vulgus nobilibus juncti, omnis ætas & ordo, ingenti numero permixti sociabantur. Agmen unicum subinde viginti millia trahebat. Solenne illis, per triginta dies & semissem, sub dio, etiam rigente brumâ, & quâvis aliâ tempestate, bis quotidie verberibus in terga sævire, concentu lamentabili, gestibusque ad supplicium mœstitiâque composito implere auras, & spectantium oculos. Et hæc quidem potuissent tolerari, si cætera abstulissent. Non aberat obscœna libido: docebant, nihil esse deferendum magistratui sanctiori: sanguinem scuticis tali excussum pompâ, non modò vim habere

SOLVIT OB-
SIDIONEM.

Dubrav, l. 17.

XX.

STEPHANUS
UNGARUS
AB OTTO-
CARO BOE-
MO ACIE
VINCITUR,LUDOVICI
SEVERI CUM
ANNA
GLOGGO-
VIENSI NU-
PTIÆ.SECTA FLA-
GELLANTI-
UM.

ERRORES.

sacrofancti baptismatis, sed etiam æquari martyrio, & citra aliud mysterium remediumve reddere perfectam innocentiam. Initio apud simplices aliquem tulerè plausum, sed supersticiosâ deliratione propius exploratâ, habiti ludibrio, & passim Principum edictis exterminati, evilerunt. Ludovicus Severus, Frisingam usque progressus passus non est ultrâ prodire. Conquievit isthæc infania, donec anno sæculi sequentis quadragesimo nono (quod suo loco recenserebimus) nebulo nescio quis, eam, cum errorum additamento, ab Inferis revocavit.

AN. CHRIST. Anno primo supra sexagesimum, Otho Princeps, quem regno Pannoniæ fata
M. CC. LXI. destinabant, natus est Henrico Bojariæ Duci ex Elisabethâ conjugè: quo anno
XXI. Seemannus Bojus nobilis, Ratisbonensis Archidiaconus, in Bojariâ inferiore, Ordini S. Augustini cœnobium construxit, quod ab eo Seemanhusij nomen accepit. Situm est inter Rotam & Vilsam.

Hund. Alexander IV. Romanus Pontifex rebus humanis exemptus, Sedem Apostolicam Urbano IV. natione Gallo Tricassino, qui anno abhinc quarto divinæ Eucharistiæ triumphale festum instituit, vacuam reliquit. Quæ ad ejus tribunal ab Altonso Castellæ Rege & Richardo Cornubiensi de Imperij diademate, quod uterque sibi tribuebat, tuere disceptata, videri possunt in Pontificio diplomate, quod eâ super re Urbanus vulgavit in Urbe Veteri 6. Cal. Septemb. Anno M. CC. LXIII.

Extat. Ep. Alterum filium sibi cognominem Henricus Bojus ex Elisabethâ suscepit.
212. Urbanus Pont. Max. Siciliæ Regnum injustè occupatum, Manfredi Friderici II. notho abjudicavit, quod Clemens successor Carolo Provinciæ Comiti, D. Ludovici Franciæ Regis germano, addixit, præterito Conradino, qui tamen legitimus unicuique regni istius heres vulgò censebatur. Quoniam aliquanti temporis Annales rerum memorabilium admodum steriles, vix habent quicquam rerum nostratum, cogimur aliquot annorum brevitaria compendio referre.

AN. CHRIST. Anno sexagesimo tertio, 5. Cal. Februarias, immanis ventorum sævitia non
M. CC. domos modò, sed etiam sylvas evertit, & insequente Augusto ac Julio sidus insuetum, radios latè vibrans, in Cometæ modum apparuit. Rursus anno sequenti, simile meteorum mortales horribili aspectu per tres & ampliùs menses terruit. Id
LXIII. ubi primùm cœpit videri, Urbanus Pontifex morbo correptus est, extinctoque
ET ominoso sidere, mox vivere desist 6. Non. Octob. Posteaquam sedes quatuor
M. CC. mensibus vacaverat, Clemens IV. Narbonensis Gallus, absens, Perusiæ subrogatus est, & vocatus ex Angliâ, ubi legatione Pontificiâ fungebatur, vir inter ævi sui
LXIV. sapientissimos, autoritate & virtute singulari.

VENTORUM Annus quintus & sexagesimus Othoni Passavij Episcopo postremus fuit 5. Id
TEMPESTATES, COMETÆ FREQUENTES. April. In demortui locum sublektus est, magno collegarum consensu, Uladislaus
Sicero. Silesius, Ducis Boleslai Pij filius, Henrici Barbati & D. Hedwigis, quam hoc anno
AN. CHRIST. in album Sanctorum retulit Clemens Pontifex, nepos, princeps mirâ præditus morum suavitate. Postquam paucis mensibus præfuerat, Canonicorum Salisburgensium suffragijs, ad Metropolis gubernationem, ab Udalrico abdicatam, vocatus, missâ ad Clementem Pontificem legatione, pallium, Archiepiscopatus insigne, impetravit; simul obtinuit, ut Petrus, quo moderatore in Paduano Gymnasio fuerat usus, Passaviensi mitrâ donaretur. Cometam anno superiore visum, multæ turbæ, multæ Regum Principumque dimicationes, hominum item pecudumque mortalitas sunt secutæ.

AN. CHRIST. Carolus Andegavensis D. Ludovici Galliæ Regis frater, unâ cum uxore, tri-
M. CC. ginta triremibus vela fecit è portu Massiliensi, & Romam appulsus, in æde Lateranensi, jussu Pontificis, Siciliæ Rex est renunciatus. Tum commisso acri, ad Beneventum, prælio, victor Manfredum, Siciliæ incubatorem sustulit, 3. Non. Martias.

CAROLUS Neque verò Boica fuit à turbis immunis. Ottocarus Boëmus, Princeps in-
D. LUDOVICI quies, & animi immodicus, sive cum pudor accepti ad Myldorfium dedecoris, sive
CI GALLIÆ otij impatientia, quæ per omnem illi vitam adhæsit, ad rumpendum fœdus impulit,
REGIS FRATER CREATUS REX SICILIÆ. initâ cum Salisburgensibus, Passaviensibus, & Ratisbonensibus belli societate,
MANFREDUM CEDIT. crum-

erumpens in Boariam, Mense Augusto, colonorum cædibus, villarum incendijs, OTTOCARUS
populationibus, fœdum in modum grassatus est: Regenslaufium, Nitavium arces, BOARIAM
aliasque munitiones excidit, agrumque finitimum Ratisbonam usque omni DEVIATAT.
nere hostilitatis deformavit, ac demum commeatus inopiâ, per Egram in Boæ-
miam se recepit. Henricus Bojus, qui interea temporis subitario delectu mili-
tem armaverat, ut paria Boëmo reponeret, eum trans Illisum flumen insecutus,
Veklam oppidum, & vicina circum castella incendit, regionem permisit militari
direptioni. Dein 3. Cal. Novembris, nocturnâ proditorum ope, Passavio potitus,
magnam urbis partem exussit, cæteram concessit victorum arbitrio.

Hæc ubi deferbuerant, serum rebus afflictis attulit remedium integrata AN. CHRIST.
cum Ottocaro concordia. Nata Henrico ad diem 5. Id. Junias, ex Elisabe- M. CC.
thâ conjuge Catharina. Ludovici quoque Severi familia facta auctior, ortu LXVII.
filij ipsi cognominis. In Viennensi Synodo à Guidone Cardinale tit. S. Laurentij, VIENNENSIS
Joanne Pragensi, Conrado Frisingensi, Leone Ratisbonensi, Petro Passa- SYNODUS.
viensi, Brunone Brixinensi, Amalarico Lavantino, aliisque minoris notæ XXII.
Præsulibus assentientibus, ad Cleri populique reformatos mores multa
præclare constituta, quæ dudum in usum legesque alibi gentium transie-
runt. Singularia hæc: ut, si contra sacri ordinis reverentiam & præro-
gativam Ecclesiasticæ immunitatis, sacrorum Antistites, vel Canonici in
custodiam raperentur, ilico apud violentiæ authores sacra cessarent: ut
Judæi cornutum petalum, perfidæ sectæ tesseram, deferrent: Christianis
ne se miscerent, nullam Reipub. partem attingerent: quando sacra my-
steria publicè per vias solenni ritu deferrentur, se intra lares domesti-
cos abderent: neminem prorsus suis ritibus initiarent.

Philippus Salisburgensis, cui ob malè gestum Pontificatum diræ Ro- AN. CHRIST.
manæ infulam detraxerant; nescitur quâ causâ, quibusve meritis, ad Aqu- M. CC.
leientem Patriarchatum est evectus, adnitente ejus fratre Udalrico Ca- LXIIX.
rinthiæ Duce; qui, ut damna, Salisburgensi Ecclesiæ nuperis tumultibus
per injuriam illata, quoquo modo sarciret, Clagenfurtum, & SS. Viti &
Georgij oppida, D. Ruperti clientelis adjecit, brevi, immo nullo propè emolu-
mento; quod Philippus, rescissis paulò post pactis, intervertit. Sic crudâ istâ
ætate cum rebus sacris ludebatur. Rarò redeunt ad frugem, quos injusta san-
ctioris patrimonij contrectatio semel contaminavit.

Peperit hic annus bellum Carolo Andegavensi Siciliæ Regi cum CONRADINO
Conradino Suevo. Hic ephæbos vix excesserat, quando Pontifice ob- NUS CARO-
nuntiante, Germaniæ Procerum, & Henrici Castellani Alfonsi Regis ger- LO SICULO
mani, qui Romæ gerebat Præfecturam, male suadâ persuasione ingen- BELLUM IN-
tes copias contraxit: quibus ut præstaret stipendia, Ludovico Severo avun- FERT.
culo suo & tutori Donawerdam, Lavingam, Hocstadium, Merdingam,
Schongavium, Peitingavium, Ambergavium, Abusiæcum, Swabecum,
à parente pignori opposita, vendidit bis mille argenti pondo. Eum Frider-
icus Austrius, Ludovicus Severus, Menhardus Tirolus, numerosa è Boijs
& Suevis nobilitas secuti sunt. Ludovicus Severus execrationum Pontificia-
rum, quibus ista expeditio in ipso Italiæ ingressu devovebatur, fulmine
territus, se retulit in Germaniam. Auctæ Conradini vires accessione Gi-
bellinorum. Ubi ventum ad lacum Fucinum, acie utrinque explicatâ, con-
sertæ manus magno ardore: prælium tres horas tenuit, & jam Conradinus
se pro victore gerebat, & præmaturè ordines ad prædam legendasque ma-
nubias solvebantur, quando Carolus cum recenti subsidiariorum globo, ex
insidijs in eum coortus, totam aciem disjecit, fugavique: Conradinum è
fugâ retractum, agnitumque annuli indicio, anno sequenti unâ cum Fri-
derico Austro, Neapoli manu carnificis obtruncavit. Sic extincta sunt
suprema Sueviæ Austriæque lumina. Ajunt, demessum Friderici caput in-
genti

VINCITUR,
CAPITUR,
OCCIDITUR.

genti miraculo Deiparæ nomen inclamasse : areolam, in quâ uterque oc-
cubuit, sanguineo circulo divinitus fuisse circumscriptam, quadrum verò,
quo iste orbis sepiebatur, diu, quasi rorantibus lachrymis, illustrissimis fu-
neribus parentasse. Taceo alia prodigia, in quibus recensendis, sine magnis
testibus nolim esse nimium solutus aut liberalis. Mira DEI judicia, patrum
crimina in filiorum supplicio vindicantis, plectentisque scelerum avorum po-
steritatem. Sueviam Conradini nece orbam, Teccenses, Wirtenbergenſes,
Badenses, Habsburgij, partitis inter se ditionibus, occupavere. Clemens
Pontifex hoc anno 3. Cal. Decembris Viterbij decessit, sedemque duobus an-
nis, novem mensibus, & duobus diebus vacantem, reliquit implendam ma-
gnis virtutibus à Gregorio X. viro apprimè sapienti, quem Leodij Archidiao-
num fuisse scribit Æmilius.

AN. CHRIST.

M. CC.

LXIX.

Stere.

Annus undeseptuagesimus dedit Henrico Bojo filium Ludovicum 7. Id.
Octobris. Iplis Christi natalitijs tanta fuit aquarum eluvies, quantam istius
ævi mortales non viderant : solum præter consuetum imbris superfusum,
postea tam prodigiosa siccitate exaruit, ut, semente in ipsa herbescente viri-
ditate exusta, nihil præter steriles annonæ angustias famemque protulerit :
ne tamen terra prorsus esset infœcunda, eò lætorem vini copiam peperit.

AN. CHRIST.

M. CC. LXX.

XXIII.

ULADISLAI

SALISBUR-

GENSIS OBI-

TUS.

Annus posterus Uladislao Salisburgensi fatalis fuit. Rebus omnibus in Boi-
câ, Styriâ & Carinthiâ ad Ecclesiæ suæ commoda compositis, profectus in patriam,
ut cerneret hæreditatem, quæ ipsi à parentibus obvenerat, ejusque partem D.
Ruperto contribueret, à cognatis, qui ejus voluntatem erant subodorati, vene-
num hausit, cujus ut pestem cœpit notare, curriculo Salisburgum reversus, pla-
cidè animam posuit, & dignitatem Friderico Walleio reliquit, quo anno
civitas magnam partem igne conflagravit. Cætera hujus anni funera cu-
mulavit Belæ Ungariæ Regis, Henrici Ducis nostri soceri, obitus, cum,
re in Moraviâ malè gestâ, paulò ante mortem pacem cum Ottocaro Boë-
mo fecisset : sed Stephanus filius regno potitus, bellum mox renovavit sene-
scente Decembri, factâque in Austriam eruptione, quâ parte spectat meridiem,
& prædis longè latèque actis, ad septendecim hominum millia abduxit in capti-
vitatem.

Stere.

Cramer.

AN. CHRIST.

M. CC.

LXXI.

Quibus injurijs provocatus Ottocarus, vere proximo ingressus Un-
gariam, arces munitissimas Posonij, Altenburgi, Tyrnaviæ, S. Georgij, aliâ-
que præsidia occupavit, longius grassaturus, nisi annonæ penuria eum in
Bohæmiam rejecisset circa serias Pentecostes. Stephanus vicissim eas cla-
des ultus est in Moraviæ & Austriæ finibus, donec sub Junium exeuntem,
Episcopis virisque religiosis sequestribus, inopinata pax subito coaluit. Hen-
ricus Bojariæ Dux Elisabethæ conjugis funus mœstus extulit, posteaquam
illa ad III. Idus Martias Stephanum liberorum sextum erat enixa. Mirum
quantum Bojaria lectissimæ Principis jacturam luxerit : quippe quæ omnium
Ordinum amorem, singulari in subiectos benignitate, quâ nihil ad deme-
renda populi studia valentius, sibi conciliaverat. Elisabetham primo partu
editam, veluti fœcunditatis suæ primitias, Landishutæ in Sanctimonialium asce-
terio, Christo dedicavit. Hoc ipso anno D. Dominici religiosâ familia ab Hen-
rico Duce Landishutam est introducta.

ELISABE-

THA HEN-

RICI DUCIS

UXOR DE-

FUNCTA.

AN. CHRIST.

M. CC.

LXXII.

BERTOLDUS

FRANCISCA-

NUS MOR-

TUS.

Ad Principum funera accessit Idib. Decembris Bertoldus è D. Francisci
sodalitio, vir divinæ in dicendo sapientiæ, & tractandis animis præclarum
instrumentum, qui proinde dictus est sui sæculi Elias. Turingia, Bojæ-
mia, Ungaria, ex ore dicentis acres ad virtutem stimulos, pietatisque flam-
mas visa est haurire. Perorantis caput plures coronæ irradiarunt. Fœmi-
nam, cum pro concione quoddam flagitij genus ille perstringeret, metu
exanimavit, & precibus revocavit ad vitam, ut peccatum, cujus horrore
expiraverat, expiaret sacrâ confessione. Rediviva narravit, se protractam
ad

ad tremendum Numinis tribunal , puncto temporis vidisse simul sexaginta animarum millia , quæ recens è corporibus migraverant ; quo ex numero, tres duntaxat , non plures , flammis piacularibus adjudicatas, cæteras omnes deturbatas ad æternos inferorum rogos. Eum , scribunt , vivumque mortuumque compluribus miraculis claruisse , inter quæ magni æstimandum , quòd fuerit Bertoldus genuinus D. Francisci alumnus & imitator , & cum tantus esset orator , non pauciora bene fecerit , quàm dixerit. Hujus anni autumnum scædæ nimborum tempestates domos passim in locis declivioribus everterunt ; abripuerunt magnam armenti & annonæ vim : ignis verò aquis inimicus , Ratisbonæ basilicam principem , unà cum Episcopali-
bus ædibus redegit in parietinas : sic armabat Deus
creaturas ad peccatorum ultio-
nem.





BOICÆ GENTIS
ANNALIUM
PARTIS I.

Liber XXV. & ultimus.

In Rudolphi I. Habsburgici electione, suffragia tulerunt Ludovicus Severus & Henricus fratres, ratione Ducatus Bavariæ. Ludovicus Severus adit Conradini hæreditatem, eaque ab Alberto Austrio Cæs. exuitur. Filium sibi cognominem, optimæ indolis adolescentem, in hastiludio occisum amittit. Piè moritur. Rudolpho I. succedit Adolfus Nassovius, ab Alberto Austrio acie victus & occisus. Alberti varia bella, in Bojos, in Austriacos, in Boëmos. A Ioanne Nepote trucidatur. Henricum VII. Lutzelburgicum accipit successorem. Huius filius Ioannes, excluso Henrico Carinthio, adit regnum Boëmiæ, Henricus Dux inferioris Bojariæ sæpius cum Ottocaro Boëmo in Cæsarem conspirat, & in gratiam recipitur, Cum Archiepiscopo Salisburgensi colliditur. Otho Boicæ Dux, Vngariæ Rex, varijs casibus jactatus, regnum deserit. Vindictam parans in Vngaros piè moritur. Fredericus Austrius ambiens tutelam Henrici Othonis filij, à Ludovico Bojo prælio superatur. Rudolphi Palatini in matrem & fratrem iniquitas damnatur à Cæsare. Bellum in Augustanos. Conradus Nantuinus, vir apprimè religiosus Wolfratshusij injustissimè ab avaro iudice interficitur. Notburgis Ratenburgicæ virtutes & miracula, Alberti Altahensis vita exemplaris.

AN. CHRIST.
M. CC.
LXXIII.



Ermaniz dudum rectore destitutæ tristis erat facies. Dominabantur Principum factiones, privatorum latrocinia, odia publica infestis armis grassabantur, prout partium cuique vires & potentia. Elanguerat iubendi & obsequendi moderatio, nisi si quam

quam lubentia & violentia, pro casuum & fortunæ varietate, dictabant. Richardus Cornubiensis è vivis excesserat: Alfonsus Hispanus naturâ cunctator, initio Germanici dominatus incuriosus, post timidè avidus, denique flagranter & præposterè ambiens, sublato æmulo, jus electione quæsitum urgebat, ratus, se rosas line spinarum aculeis carpturum. Atqui Gregorius Pontifex per legatum Proceres Imperij severè commonefecit, ut sui memores officij, citra cunctationem, Regem eligerent, qui Ecclesiam remque publicam ex æquo tueretur: id nî propter facerent, se suâ autoritate usurum, reperturumque, qui lubens se fastigio pateretur admoventi. Ergo Principes, mente Septembri ad exitum properante, Francofordiæ conveniunt. Aduertere Wernerus Moguntinus, Sigefridus Coloniensis, Henricus Trevirensis Archiepiscopi; Ludovicus Severus Bojorum Rheni Palatinus, & Henricus ejus frater, quibus æquum atque indivisum jus parem dabat suffragij potestatem. Et Henricus quidem excusatâ absentia, per legatos Henricum Præpositum Oetingensem, & Fridericum Landishutanæ Ecclesiæ Rectorem, debitum in subsellijs votisque locum tenuit, quantumlibet refragaretur Ottocarus Boëmus, per legatum Bertholdum Leiningium Episcopum Bambergensem, causatus, Imperij Septemviratum violari octavi Electoris suffragatione. Ivère nihilominus Principes in Ludovici Severi sententiam, ad memoriam revocantis, in Richardi Cornubiensis electione, nemine repugnante, se fratremque ivisse in suffragium: eò quod eligendi dignitas, ad utrumque à Boico Principatu esset hæreditario jure derivata, quam proinde pari potestate, & unâ velut actione, meritò retinerent. Eam sine injuriâ à neutro hæredum posse avelli, nedum prohiberi, ne, qui unum duntaxat votum unanimi concordia simul conciperent, illud in communem cæterorum Electorum suffragationem conferrent: Id enim vero non magis confundere electionis harmoniam, quàm si geminæ chordæ, eodem tono, musicis concentibus adhibeantur. Quare rejectâ, magno consensu, Ottocari opinionatione, permissus uterque fratrum non modò consilia conferre ad magnam, si ulla alias fuerat, deliberationem, sed etiam promere vota in Romanorum Regis electione. Triduum tenuit disceptatio. Arenbeckius scriptor domesticus author est, Principes, cum sententiæ variarent, jus Cæsaris nominandi totum Ludovico Severo ex compacto permisisse. Ajunt alij, Moguntinum pro Rudolfo Habsburgio Comite toto conatu laborasse, & Trevirenses, juxta ac Colonienses traxisse in vota; cæteros Electores, Ludovicum Palatinum, Henricum Bojorum, Albertum Saxonem, addit Argentinas Marchionem Brandeburgicum, spe nuptiarum cum Rudolphi filiabus, quas senas habebat virgines formâ & indole lectissimas, Moguntino esse assensos, & Ludovicum quidem eâ cautione, ut nequa ipsi lis de Mariæ Brabantinæ primæ uxoris cæde unquam moveretur: & hic re ipsâ, Annâ Polonâ defunctâ, duxit Mechtildem Habsburgicam anno XCV. Norimbergæ, calend. Septembribus, ex quâ prognati Rudolphus Palatinus, Ludovicus IV. Imperator, & filia nupta Hassiæ Landgravio. Istas Ludovici nuptias Trithemius refert in hunc annum.

Igitur concordia Electorum assensu, si Ottocarum excipias, Rudolphus 12. Oct. (si Argentinensi credimus) vel, ut Stero notavit, circa octavam D. Michaëlis, absens Rex est renunciatus, quo tempore Basileam obsidione premebat. Regni delati nuntium primus attulit Henricus Pappenheimius: secundum Fridericus Zolleranus, qui postea Burgravius Norimbergensis est creatus. Accepto nuntio, solutâ obsidione, & pace compositâ, Basileensem Episcopum, magno metu liberavit. Fertur Episcopus, comperto comitiorum Augustalium exitu, exclamasse: *Domine DEVS, sede firmus & fortiter, alioquin locum tuum Rudolphus occupabit.* Inde cum splendido apparatu Francofurtum profectus, votis Electorum annuit. Soluta conventu, rectâ itum est Aquisgranum, ubi Rudolphus 3. Cal. Octob. accepto diademate, ritu regio est inunctus. Cum more majorum Proceres illi sacramentum fidemque clientelarem essent professuri, & sceptrum augustale (incertum quo casu) non esset ad manum, eoque lis esset, an absente sceptro, foret integrum, se

STATUS
GERMANIÆ.COMITIA
AUGUSTALIA
AD REGIS
ELECTIONEM.UTERQUE
BOICÆ DUX
AD SUFFRAGIA
ADMIS-
SUS.Alb. Argent.
Gerard. Roo.
RUDOLPHUS
HABSPUR-
GIUS REX
CREATUS.
Rebdorf.
Trithem.
Chron.
Spanh.Alb. Ar-
gent.
Trith.
Chron. Hist.
Aug.AQUISGRA-
NI CORONA-
TUS.

Regi religione obstringere, Rudolphus, prolata Crucifixi effigie; *Ecce signum* (inquit) *in quo nos, & totus mundus est redemptus, hoc signo, loco sceptri, utamur.* Quæ pietas & solertia, velut insignis sapientie omen accepta, mirifice utriusque Ordinis Principes recreavit, fecitque, nemo ut esset presentium, quin crucis signum exosculatus, solenni formâ se lubens Rudolfo obligaret. Fuit porro, antea quàm ad regni fastigium ascenderet, ijs non modò virtutibus, sed etiam opibus, quæ cum vehementer commendarent. Erat Alsatiæ Landgravius, urbis Argentoratensis Vexillifer, potius partis ditionis, quam Sabaudie Dux in Helvetia tenuerat, Badenæ Dominus, Mospergi, Kyburgi, Winterturtis, Mulbergæ, Grezingæ, Durlaci. Est etiam scriptor ad manum, qui cum asserit Bernates fecisse sibi vectigales. Fuerat olim Ottocari Boëmi magister equitum, multis præterea clarus triumphis, quos varijs prælijs victor de hoste reportarat. Unde est, cur explodatur vulgi fabula, quæ ejus opes atque potentiam, angustis Habsburgi Helvetici limitibus & paupertate circumscripsit. Post regnum aditum, proximæ ejus curæ, in latrocinijs rapinisque totâ Germaniâ extirpandis, defudârunt. Memorant Annales Mansfeldici, in solâ Turingiâ arces sexaginta, nefariorum hominum spoliaria, ab eo excisa, & unicâ die viginti novem ejusce farinæ nebulones, Erfurti, capitis supplicio esse affectos.

Cuspin. pag.
351. 353.

Serat in
Wernero.

OPES RU-
DOLFI.

Roser. Stem.

Lothar. co. 5.
fol. 277. b.

LATROCI-
NIA ET PIR-
DONES ELI-
MINAT.

AN. CHRIST.

M. CC.

LXXIV.

II.

Triib. in
Chron. Hir-
saug.

OTTOCARUS
RUDOLFO
ADVERSA-
TUR.

LUDOVICUS
SEVERUS A-
DIT CONRA-
DINI HÆRE-
DITATEM.

LUGDUNEN-
SE CONCI-
LIUM.

Joan. Marian.

Non defuere tamen in Germaniâ, quos invidia ad arma, adversus optimum Principem socianda, concivit. In his Everhardus Wirtenbergicus, Montfortius, Helfenstainius, Dockenbergius, alij præterea undecim Dynastæ, cum aliquâ parte finitimæ nobilitatis. Eos Rudolphus omnes egregie subegit, compulitque ad debitam obsequelam: vias omnes totâ Germaniâ, ab usque finibus Italiæ, ad ipsum maris Britannici littus, repurgavit à grassatoribus, restituitque securam commendi & commerciorum libertatem. Ausus quidem est Ottocarus Boëmus, misso in Germaniam legato Secoviensi Episcopo, in Norimbergæ comitijs Rudolphi electionem in dubium revocare, frequentissimo Procerum Senatu, sed agrè ab ijs impetratum, ut manus violentas abs Legato abstinerent. Atque hic quidem annus fuit tantâ frugum rerumque omnis generis ubertate fortunatus, ut, velut resflorecente Imperij felicitate, tritici quartarium viginti duobus Argentinensis monete teruncijs, liliginis sedecim, ova quatuordecim, haleces octo, singulis ejusdem valoris nummis, gallina duobus, venirent. Ludovicus Severus Rudolphi magnum in se favorem expertus est, quando regijs tabulis, velut avunculo, & supremâ morientis voluntate delatam Conradini Regis, Conradi filij, hæreditatem asseruit: in hac Schongavia, Castrum Beitinganum, Ambergavium, Staufensis curia, villa Iglingensis, Durcheinensis, Möringensis, Heibischiense oppidum, Werdense, Tapheimium, Neoforum, cum præfecturâ Pergavia, Neocastro, & Schönenbergâ, quæ etiam dotis nomine, Elitabethæ Ludovici matri à Rege Conrado fuerant olim attributa: Alia præterea bona omnia cujuscunque nominis, quæ ad Conradinum proprietatis titulo pertinerant. Item clientelas, Hersprucensem, Vilseckiam, Ambergensensem, Aurbacensem, & castrum Hohensteinium, cum omnibus juribus & appendice rerum connexarum concessit. Hujusce beneficii litteræ datæ sunt calendis Martij Hagenoræ, quas postea ratas habuere duo Saxonie Duces Joannes & Albertus, ille quidem Anno M. CC. LXXV. Wormatiz, 5. Cal. Aprilis; hic verò 8. Id. Novemb. Coloniz Agrippinæ, quod singulorum tabulæ demonstrant.

Porro Gregorius X. Pontifex Maximus Lugduni Patrum Concilium coëgit. In his Episcopi, majoresque Hierarchæ quingenti (septingentos numerat Eberhardus) minorum gentium Præsules admodum mille sexaginta. Sedere inter Episcopos, Leo Ratisbonensis, Bruno Brixinensis, Joannes Chymensis. In eo conventu repulsam passi sunt Alfonsi Hispani, & Ottocari Bojæmi Regum Legati, cum Rudolphi Regis electionem impugnarent: Alfonsus postea cum Pontifice eadem de causâ coram collocutus, nihil præter humanissima verba reportavit. Rudolphus, ut se Pontifici gratum, & accepti beneficii memorem ostenderet, Bononiam,

Eccle-

Ecclesiæ Romanæ propriam esse voluit. Penè supra fidem est, quantopere Princeps optimus bonorum sibi animos devinciret suavissimâ lenitate, nemini negans sui copiam, qui regiam opem imploraret. Contigit, ut Prætoriani quempiam fortunæ vilioris aditu prohiberent; cum ille; *Per ego, inquit, DEVM vos obtestor, date locum advenitibus: quorsum enim impero, si miseris non succurro? An datus sum Imperator, ut velut opertanenum aliquod monile condar in arca, vel aliquo sacrario?* Idem, Lothariæ cum Gregorio congressus, de Palæstinâ recuperandâ sapienter egit, sed casto deinde eventu, tametsi in Lugdunensi Synodo sacrorum proventuum decumæ, ad sexennium, in belli sacri subsidium fuissent indictæ. Et fuerunt quidem illæ repræsentatæ à sacerdotibus, sed bellum omissum.

Hoc circiter anno Furstencella Cisterciensis Ordinis, in Boicâ inferiore, inter Vilsum & Oenum amnes, ab Hartwico Canonico Passaviensi inchoata, Henrici Ducis sumptibus ad culmen est perducta.

Ingolstadtij, D. Francisci alumnis hoc anno cœnobium condidit Ludovicus Severus: qui, octavo post anno, iisdem Monachij domicilium attribuit. Rudolphus Rex frequentissimum Germaniæ conventum egit Augustæ Vindelicorum, in quo rursus Ottocari Boëmi causâ, de jure Romanorum Regis eligendi, est agitata, & clarissimo decreto confossa, quo disertè pronunciatum, Septemviratum & electionem, ex antiquo, ratione Bavariz, ad Principes Boicæ stirpis pertinere, & olim pertinuisse. Diploma Rudolphi editum est à Gewoldo. In ijs comitijs Bernardus Episcopus Secoviensis, qui Ottocari nomine Bojos fratres accusatum venerat, à Friderico Salisburgensi, cordatâ oratione fuit exagitatus, non modò ob luculenta damna, quæ Ottocarus Ecclesiæ Salisburgensi hostili manu recens intulerat, æstimata argenti pondo quadraginta millibus, sed etiam ob Austriam, Styriam, Carinthiam, Carnioliam, Marchiam Vindorum, ac portum Naonis, cum manifestâ injuriâ usurpatam. Tametsi enim daretur, eum juris aliquid nuptijs & dote Margaritæ conjugis, ante annos sex & viginti, quæsiisse, id tamen exolevisse jam dudum, postquam optimæ Principi libellum repudij injustissimè dederat, pellice in ejus thorum introductâ, ac demum illam veneno necarat. Enimvero repudiatæ dotem fuisse restituendam: & quamvis à conjuge non divertisset, dotales tamen ditiones, quæ meræ essent Imperij clientelæ, nullo jure ab eo potuisse usurpari, qui se negaret esse Imperij clientem. Missi proinde à Rudolfo Legati ad Ottocarum, Henricus Basileæ Episcopus, & Fridericus Zolleranus, qui ditiones iniquè detentas repeterent, juberentque causam dicere, cur abs Rege sæpius citatus, non modò ipse neglexisset imperium, sed etiam Henricum Bojariæ Ducem in eandem pervicaciam traxisset, non sine noxâ læsæ majestatis. Nam Henricus auro Boëmico inductus in fraudem, scædus cum Ottocaro iniverat anno superiore, quo disertè cavebatur, eosdem amicos inimicòsque fore utrique communes. Id scædus Henrico propè fuit exitiale: certè magnâ temeritate non caruit. Nam & periculose & imprudenter cum turbulentis ingenijs, quæ insuper habent bellorum causas, ejusmodi societates ineuntur: neque unquam promiscuè debent respicere dominorum personas, quas semper oportet habere eximias. Legati ab Ottocari contumaciâ, præter insolentes cavillationes, quibus Rudolphi electionem pergebat accusare, & detrectare obsequium Principi, quod eum olim stipendia facientem, sibi obnoxium, & regio prætorio præfectum gubernasset, nihil retulerunt. Accedebant alia neutrquam obscura perduellionis argumenta. Etenim Ottocarus regios feciales suspendio peremerat: & accusabatur, misisse in Styriam, qui veneficarum incantamenta ad inferendam Rudolfo necem conducere. Cum igitur Rudolphus ab insanabili ingenio, lenitate nihil æquum impetraret, collecto exercitu, armis putavit esse subigendum. Henricus noster primum impetum erat excepturus, nisi æstimatâ virium tenuitate, per amicos in Rudolphi gratiam redisset, quam sibi reconciliavit per nuptias Catharinæ regiz Principis, contractas cum filio Othone. Attamen rursus Henricus novâ Ottocari pecuniâ corruptus, deprehensus est consilia de Rudolfo, in cujus erat exercitu, inter abrupta nemorum deserendo

CONSULTATIO DE BELLO SACRO.

FURSTEN-CELIÆ ORIGO ET ABSOLUTIO. *Diplom. Petri Passaviens. Ep. apud Hund. AN. CHRIST.*

M. CC. LXXV. *Arenbeck FRANCISCA- NI-INGOLSTADII ET MONACHII RECEPTI. JUS ELIGENDI CÆSAREM PERTINET AD BAVARIAM. Gewold. in Metrop. pa. 8.*

III. *Chron. Austral. pa. 327.*

OTTOCARUS IN IUS VOCATUR. *Salisb. Metrop.*

Felix Faber in Suevic.

HENRICUS INFERIORIS BOICÆ DUX IPSI FOEDERATUS.

OTTOCARI CRIMINA. *Chron. Austral.*

ARMA CÆSARIS ADVERSUS

OTTOCARUM. *T. ubem.*

Chron. Spouh.

HENRICUS BONIS RUDOLFO RECONCILIATUS.

RELABITUR
IN REBEL-
LIONEM.

Bern. Alti-
hen.

RURSUS IN
GRATIAM
RECIPITUR.

Chron. Austr.

FICTUM

OTTOCARI
OBSEQUIUM.

AN. CHRIST.

M. CC.

LXXVI.

PONTIFICUM

MORTES.

AN. CHRIST.

M. CC.

LXXVII.

IV.

agitasse. Quamobrem novis à Rudolfo beneficijs debuit in officio contineri, qui ditionem, quæ est ad superiorem Anasum, hypothecæ loco, ad filia Catharina firmandam dotem ipsi oppignotavit. Quâ delinitus facilitate Henricus, aliquantisper ita fidus promptusque fuit, ut Rudolfus nemine libentiùs liberaliùsve uteretur. Ottocarus propinquantem Rudolphi vires pertinacens, speciosâ simulatione promisit, se in posterum in Cæsaris autoritate futurum.

Rebus ad eum modum compositis, in Boicâ tantisper otium ab armis fuit: sed in summos orbis Antistites immitis Parca sævit. Gregorius X. Pont. Max. 4. Id. Januarij, Aretij in Tuscia, vitam magnis actam virtutibus posuit. Innocentius V. natione Burgundus, Pontificatum iniit 12. Cal. Februarij, neque ultra 10. Cal. Julij tenuit. Hadrianus Ligur Genuensis 4. Id. Julij creatus, 15. Cal. Septemb. diem obiit, vacuamque sedem Joanni XX. aliàs XXI. Lusitano reliquit, per octo tantum menses, totidémque dies retinendam.

Interea quicquid Rudolfus pro Germaniæ salute moliretur, multa se tamen optimis conatibus obijciebant, quò minùs natam ex interregni diuturnitate rerum inclinationem, ad pristinam normam erigeret. Ut arbores, quæ altas egere radices, ita Reipublicæ vitia longo usu inolita operosè evelluntur. Difficile est omnia ad antiquæ consuetudinis momenta revocare, quæ ad sequiora desciverunt. Odiosus est plerisque priscus rigor atque severitas, cui pauci sunt pares. Quid malorum in Imperio viguerit, malim verbis alienis, quàm meis dare sub aspectum. Julius Pflugius Naumburgensis Episcopus, tamen Rudolphi temporibus longè recentior, agens de Republicâ constituendâ, sapienter Imperij tenorem, qualis erat sub Rudolfo, causasque defectuum descripsit: *Cum diu (inquit) hoc Imperium floruisse, ita tulit eventus, ut post mortem Friderici II. duodeviginti annos gubernatore careret. Interea, cum velut populus rector deesset, cui parerent uni, optimam illam, quâ majores eorum fruebantur, formam jam amisisse videbantur. Quam etsi per Rudolphum Habsburgium recuperare studuerunt, non ita tamen ut antè floruit. Nam quo tempore magistratus ac Principes praesidio Cæsaris erant nudati, nec habebant, à quo defenderentur, opes ipsi suas, quibuscunque rebus possent, firmarunt, & multa eorum, quæ Imperatorum antea fuerant propria, ad se transulerunt; ut, cum quisque in civitate ac ditione suâ regendâ & tuendâ munus Imperatoris obiret, ipse ejus nervis & quasi viribus niteretur. Inde cum hac usurpassent aliquamdiu, nec sine vi, ab eorum possessione dimoveri possent; maluit Rudolphus de suo jure decedere, quàm offendere voluntates eorum, quorum operâ domi & militia utiliter uti posset: nec suspicatus est, unquam fore, ut qui ex ipso quasi patrimonio crevissent, non obtemperaturi essent sibi posterisque ultrò, nec Rempublicam gratis animis adjuturi. Et quamquam Princeps sic statuebat, se Imperium beneficijs multò faciliùs, quàm vi atque armis tenere posse, decessit tamen non parùm de publicis Imperij ejusdem facultatibus atque emolumentis. Quin ex eo tempore, indies, magis atque magis extenuata fuerunt jura atque veltigalia Cæsaris; ut post Carolum IV. & publico non modo nervos bellorum, sed ne pacis quidem subsidia suppedirent. Debilitavit quidem ratio hæc potestatem, quam penes debebat esse summa rerum, atque ita convulsit, ut, quibus Principibus populisque imperare oportebat Cæsarem, eorum ipse nutum insueri quodam modo cogeretur: cum praesertim ei non amplius liceret pecuniam atque militem, sine quibus nihil magnarum rerum bene geri potest, imperare, nisi Principum atque Ordinum consensus accederet. Hæc cum ita haberent, non expediebat Rudolphi rationibus, talia simul invertere, neque ad se legum munia & magistratum retrahere, tamen vires Principatus haud leviter solverentur, nec jam sibi constaret imperandi ratio, quæ labalcit, nisi uni reddatur, multoque sit contemptior, si privatorum hominum nomina; juxta vel supra Principis reverentiam auctoritatēve, attollantur; aut unus aliquis ita magnus fiat, ut nihil, nisi ipsius velut unico arbitrio, geri posse videatur. Nam Princeps, solus esse debet supremus rerum arbiter, idque jure ac nomine regio, tamen plurium consilij atque sapientiâ debeat sublevari, non autem gubernari.*

Quena

Quem in articulum Imperij conditio devenisset, unius Ottocari sæpius repetita insolentia abunde ostendit, cum revolutus ad priorem contumaciam, non legibus modò, sed etiam armis debuit coërceri. Quas ad res Popardiæ habitæ comitia ipsis Ramalibus, ad quæ Rudolfus accessit cum lætissimo comitatu. Isti hic ante omnia iussit disceptari jura clientelarum, quæ Imperij feuda vulgò audiunt: tum agi de bello. Quæ in commune de fiduciariâ Cæsareorum beneficiorum conditione visa frequente Senatu, retulit Bernardus Agritianus Jureconsultus, nobilitate, eruditione, & prudentiâ singulari. Auditâ relatione, Senatusconsulto decretum est: si quis beneficiarius Imperij, agens intra Provinciæ suæ limites, cessante impedimento, intra annum feudi dominum non adiret, eumque de more non recognosceret: tali velut indigno feudum esse auferendum. Ea lex maximè spectabat Ottocarum, quippe qui nondum Cæsarem, ut beneficii dominum, quâ par erat reverentiâ, coluerat. Valuit etiam decretum, ut quotquot Proceres ac civitates in Rheni confinio, in Franconiâ, Sueviâ, & Bojariâ, Imperij clientelis potiebantur, sponte suam fidem obsequiumque sacramenti religione profiterentur, & si quas arces, oppida, agros, urbes, per interregni licentiam à Friderici Imperatoris tempore, malè invaserant, ultro restituerent Imperio.

OTTOCARUS
DENUO RE-
BELLAT.

LEX DE CLI-
ENTELIS.

Stero.

Verùm Ottocarus, per insignem contumaciam negabat, se Austriam, Stryriam, aliâque provinciarum, quas sub interregno invaserat, defenderâtque ingenti sumptu atque discrimine adversus Ungarorum & Tartarorum insultus, redditurum. Cum igitur refractariâ hominis arrogantia Imperij majestas ludibrio haberetur, major in eum vis decreta. Contulere suam operam Moguntinus, Coloniensis, Herbipolensis, Passaviensis Antistites, unâ cum Ludovico Severo, Henrico Bajoariæ Ducibus, & lætissimis Franconiæ & Sueviæ centurijs. Ludovicus Severus, cum esset in procinctu, tabulis ritè confectis, Furstenfeldensi Monasterio prædium Hettingshusense donavit: vectigalia Wasserburgensia & Monacensia publicanis locata, simulac locationis tempus effluxisset, per annos quatuor iussit ad damnorum à se illatorum compensationem, aliquot Præsulum judicio, conferri: arces juris ambigui, ad veteres possessores reverti, nisi dati cognitores aliter pronuntiarent: nova vectigalia, citra Cæsaris auctoritatem constituta, antiquari. Igitur, ut ventum in primam Austriam, civitas Anassina, Ibsis, & Tulna nullam expertæ vim, Rudolfo patuerunt. Sola Vienna & Neoburgum munimentorum clausere portas, certæ obsidionem tolerare. Neoburgum ab unicâ Bojorum turmâ strategemate occupatum: Bojæmorum præsidium deditum, & in vincula conjectum. Ottocarus de totius belli exitu ex his initijs malè ominatus, lubens admisit pacis mentionem. Dati utrinque sequestres. In his Cæsaris nomine Ludovicus Severus. Ante omnia, ad sancientiam foederis firmitatem, contracta est gemina affinitas. Wenceslao Ottocari filio, adhuc tum octenni, desponsa una ex filiabus Cæsaris: vicissim Ottocari filia Rudolfo Cæsaris filio promissa: deinde conventum in has leges: ut Ottocarus Austriam, Stryriam, Carinthiam abdicaret: cæteras clientelas Transdanubianas versus Aquilonem, à Cæsare ritu ac jure beneficiario capesseret, contentus utili (ut vocant) dominio: redderet absque pretio captivos, obsides cum honore. Id unum ægrè supplici condonatum, ne in propatulo, Rudolfo flexis poplitibus sacramentum clientelare diceret. Id enim vehementer aversebatur, quòd olim Rudolfum habuisset in obsequijs. Cæsar in Cambergâ insulâ, utcunque remotâ ab arbitris, tentorium sic iussit explicari, ut laxatis facilè funiculis subito posset omni ex parte dissolvi. Scenâ ad eum modum compositâ, Cæsar cinereo indutus paludamento, tribunal ascendens monitus est, ut splendidiore cultu uteretur. At ille: *Smite* (inquit) *hodie paupertatem sæpius derisam arroganter, de stolidâ purpurâ splendide triumphare.* Tum ubi Ottocarus ejus affusus genibus, concessæ clientelæ vexilla daturus recepturusque, & solennia dicturus verba, procubuit, mox papilio diductus in latera & humi lapsus, supplicem multitudini ostentavit, non sine Germanorum cachinnis, & acerbâ ludificatione Boëmorum. Gesta hoc anno, Annalium Australium scriptor ad an-

V.

LUDOVICI
SEVERI DE-
CRETA SA-
LUTARIA.

RUDOLFUS
AUSTRIAM
INVADIT.

NEOBURGUM
CAPITUR A
BOIIS.

PAX CUM
OTTOCARO.

Dubrav. lib.
17.

OTTOCARI
ARROGAN-
TIA ILLU-
DITUR.

Stero,
num

LEO RATIS- num superiorem rerulit, Sterone repugnante. Leo Ratisbonensis Episcopus
BONENSIS 13. Cal. Augusti naturæ debitum exolvit, & mitram Henrico II. à Comitibus Ro-
EPISC. MO- teneckijs oriundo, reliquit. Hujus propria laus fuit, sopire odia, & integrare ami-
RITHR. citias. Principem basilicam, quam igne deturpatam Leo cœperat instaurare, du-
Epitaph. Leo-
nis apud
Hund. xit ad fastigium, utque sumptibus par esset, Toparchiam à majoribus acceptam
 Ludovico Severo vendidit: & quod de sacri ædificij sumptibus superfuit, ad diluen-
 dum æs alienum, quo premebatur Episcopium, redimendæque ejusdem bona, quæ
 præcessores averterant, convertit.

AN. CHRIST. Anno duodecimo octogesimo arma resumpta adversus Ottocarum. Domum à nu-
M. CC. perâ pacificatione reversum, Cunegundis Regina, superba mulier, ignominia,
LXXIIX. quam maritus in clientelari professione nuper acceperat, intolerans, eum probro-
 se quotidianis convitijs lacerabat, ne inultam injuriam penes se residere patere-
 tur. Non fuit operosum, hominem iræ alioquin immodicum, tacitoque dolore
Dubrav. vindictæ imminentem, accendere. Prima mentis efferata flamma erupit in con-
 siliarios, quasi temere, ne factò quidem virium periculo, pacem suasissent, dissua-
 sissent bellum. Pars aulâ ignominiosè ejecti, pars moti dignitatibus & honorarijs
 præfecturis: tum rescissæ liberorum regionum desponsationes, quæsitæque nova
 nomina bellandi. Contractæ ex Bojæmis, Moravis, & Polonis ingentes copiz:

OTTOCARUS sparsum in Cæsaris clientes aurum, ad fidei corruptelam. Inter hos iterum Hen-
ARMA RE- ricus Bojus, qui hac escâ delinitus, deserto Cæsare, otium bello prætulit minimè
SUMIT: SÆ- vano perduellionis argumento. Fuit aliquantò spectatior Ludovici Severi bene-
VIT IN CON- volentia, qui valida quidem focero, sed sera subsidia adduxit. Eluxit insigniter
SILIARIOS. Boicorum Præsulum in Cæsarem studium: Salisburgensis selectam trecentorum
HENRICUS cataphractorum turmam suppeditavit: totidem Ortenburgici sub signis habuere.
BORUS RUR- Pugna in Marchienti campo ad Lavam oppidum commissa 7. Cal. Septemb. qui
SUS AURO dies in sextam feriam inciderat. Rudolfus Christi patientis & Crucis honori vo-
CORRUMPI- vit ædem, si victoriâ potiretur. Iturus in hostem, iussit idem sanctissimum
TUR. Christi nomen inelamari. Ottocarus contrâ, Pragæ vocabulum, & appensum
 collo peplum candidum, suis telseræ loco esse voluit. Primo statim conflictu
 Cæsar periculum ingens adiit, equo, cui insidebat, confosso à percussore, quem
 Ottocarus magnis promissis conduxerat. Jam nihil erat propius, quàm ut Cæsar
 in terram effusus, soloque tectus clypeo, configeretur, nisi eum stipatores pericu-
 lo exemissent. Captus Boëmi emillarius, nec à Rudolfo permissus occidi: quod
 crederet, publicæ rei interesse, hominem adeò fortem in vivis servari. Cæsar ere-
 ctus in equum, postque discrimen ardentior, ducto in hostem cuneo, ab utroque
 latere ingentem edens stragem, hostilem aciem disjecit. Ottocarus à Polono-
 rum auxilijs, & magnâ parte Moravorum, Styrorum, Carinthiorum, & Austriorum
 conductitiorum, quos aliàs imperiorum atrocitate suppliciisque barbarum in mo-
 dum vexaverat, desertus; inter principia acerrimè pugnans, multis saucius vulne-
 ribus occubuit. Rudolfus eum longè maluisset habere captivum atque supersti-
 tem. Cum ipso cecidisse scribunt armatorum quatuordecim millia. Albertus
 Halius ob egregiè navatam eo bello operam, auctus à Rudolfo Comitibus digni-
 tate. Otho Brandeburgicus, Ottocari ex sorore nepos, susceptâ Regni Boëmici
 tutelâ, res cum Rudolfo sic composuit, ut, quæ pacta fuerant regionum liberorum
 connubia, rata manerent, ipse verò Wenceslai ætatem, quousque summæ rei
 maturus esset, regeret. Hoc anno Conradus Frisingensis Antistes, rebus huma-
 nis exemptus, sedem Friderico reliquit. Gainkovense domicilium, castrum
 olim Comitum Leonbergensium, Ordini militari Teutonicorum Equitum do-
 no datum est. Plumenthalium, quod ejusdem est instituti, videtur esse vetu-
 stius.

Dubrav. lib.
 17.

Chron. Au-
stral.

OTTOCARUS
IN PUGNA
OCCUMBIT.

VI.

Chron. Austr.
Stero.

PAX COM-
POSITA.

GAINKOVEN
ET PLUMEN-
THAL OR-
DINIS TEU-
TONICI.

AN. CHRIST.
M. CC.
LXXIX.

RUDOLFUS
HENRICO
BOJO ITE-
RUM IGNO-
SCIT.

Rudolfus Cæsar bello Bojæmico perfunctus, Henrico Bojo iratus, consilia
 de capiendâ iteratæ perfidiæ ultione agitavit, & propè fuit, ut ipsi patriæque pœnas
 exitiales inferret: sed Otho, gener Cæsaris, supplex factus focero, obtinuit, ut pa-
 renti dignitatis & clientelarum gratia fieret, eâ tamen conditione, ut decederet

part e

partē dotalis provinciae, quæ ipsi Danubium inter & Anasum pignoris nomine fuerat attributa. Lenius actum cum Ludovico Palatino, quod in eum, præter neglecti officij suspicionem, nihil adferretur, & Cæsar suo pte ingenio non nesciret, regnorum initia clementer temperamento gaudere. Mors Petrum Passaviensem Antistitem passa non est frui promerita cultæ in Cæsarem fidei & præstitorum auxiliorum remuneratione. Diem obiit Cal. Maij Tulnæ in Austriâ, & Wicardum Polhaymum accepit successorem, quo etiam anno D. Francisci Sodales ab Henrico Duce Bojariæ in urbe Landishutanâ sedem accepere.

Anno undeoctogesimo, nobilissima Mospurgicorum Comitum familia cum Conrado ejusce gentis ultimo extincta est. Mospurgicum Comitatum, quâ parte beneficium erat Romani Imperij, Rudolfus Cæsar Ludovico Bojo genero donavit anno sequenti : ita habent Cæsareæ tabulæ, 10. Cal. Septembris datæ Norinbergæ. Plures illustrium Boicæ Dynastiarum stirpes sub hæc tempora exaruerunt. Werdensis in Othone finem accepit : Landspergia & Vilsbiburgica in Henricis, Chagensis in Ratoldo : Ahusia sive Landawensis in Hademaro & Rapotone : Henchoviensis in Henrico & Ludovico fratribus : Murnaviensis in Adelaide : Elbrechtkirchia in Babone : Libenavia in Sifrido & Bernardo : Dornbergia in Ehrnhardo : Hadmarspergia in Sibothone. Sic intra non longum tempus auctæ sunt tot familiarum occasu Boicorum Principum opes atque potentia. Hoc item anno Fridericus Salisburgensis Archiepiscopus sacrum conventum egit, cui interfuere minores Pontifices, Frisingensis, Ratisbonensis, Passavienensis, Brixinensis, Chymensis, Secoviensis, & Lavantinus.

Hiems peracerba acrem huic anno famem invexit. Sub exeuntem Februarium præalta nix terram sic obruit, ut ne culmina quidem villarum apparerent. Neque dum desierat sævire tempestas insolens 16. Cal. Augusti, quando Frisingâ Longavium usque humus nive incanuit, mortalibus portentoso malo stupentibus. Exulta frigore sementis, spem omnem colonis futuræ messis abstulit, eoque redegit annonam, ut complutibus optimatum nulla fuerit panis primarij copia, & nobilium mensis sordidus ex avena fuerit adhibendus : unde facile est æstimare promiscuæ multitudinis inedia. Quo tempore patratum est apud Althenses atrox crudelitatis exemplum. Volcmarus Abbas egregie pius, observansque religiosi instituti; quorundam è suis alumnis, ob exactam prisce moris disciplinam, odium incurerat. Odium evasit in litem, quæ delata est ad Romanum tribunal à discolis cœnobitis. Volcmarus suam causam non deseruit, neque desertus est à Pontifice. Inter hæc nonnullorum è Monachis suasu, ab externis diripitur Monasterium : campanæ, & quicquid in sacrario erat alicujus pretij, à rebellibus divenditur, vel acceptâ pecuniâ oppigneratur fœneratoribus. Neque hic stetit impietas. Abbatem Danubium trajicientem tres refractariorum cognati, cum nonnullis alijs, telis conficiunt : jumenta cum sarcinis avertunt : occisi corpus à Werdâ, ubi commissum scelus, Tundorsum usque supernatavit undis, non sine prodigio & indicio sanctitatis. Collectum cadaver probiores Monachi in æde D. Kiliani honorifice condiderunt. Pœna mox sicarios est à tergo secuta. Henrici Ducis jussu habitâ de nefariâ cæde questio. Duo è latronibus Straubingæ acti in rotam : duo affixi patibulo, duo carnificis ferro obtruncati. Hoc anno (quod constat ex publicis Henrici Ratisbonensis Episcopi tabulis datis 14. Cal. Augusti) Zythopæi (quos vulgus vocat braxatores) Ratisbonenses sese sponte Ludovici Severi tutelæ submiserunt, addito in annos singulos centum viginti argenti librarum tributo.

Superioris anni sterilitatem excepit ingens hominum pecudumque mortalitas, cum tantâ funerum multitudine, ut, cum sepulchreta innumeros non caperent, plurimi fuerint evehendi in agros, & profano cespite condendi. Rudolfus Cæsar nihilominus comitia egit Augustæ, in quibus solenni ritu Albertum filium, Ducem Austriæ & Styriæ, Carniolæ, Portus Naonis, & Marchiæ Vindorum; Rudolfum verò natu minorem, Ducem Sueviæ creavit. Læta hæc tristis casus moerore acerbissimo funestavit. Hinrannus Comes Rudolphi filius, cum sedecim no-

NIHIL MO-
VET IN LU-
DOVICUM
SEVERUM.

AN. CHRIST.
M. CC.
LXXX.

AN. CHRIST.
M. CC.
LXXXI.
COMITES
MOSPURGI-
CI EXTIN-
CTI.

ALIÆ FAMI-
LIÆ PARI-
TER DESIE-
RUNT.

VII.

HIEMS AS-
PERRIMA ET
DIUTURNA.
*Hand. in Me-
trop. p. 4. 18.*
FAMES.

Stero.
VOLCMARUS
ALTHENSIS
ABBAS CRU-
DELITER IN-
TERFECTUS.

AN. CHRIST.
M. CC.
LXXXII.
PESTILITAS
INGENS.

**HINRANNI
CÆSARIS FI-
LII MORS.** bilibus secundo Rheno navigans, aquis haustus, luctum incredibilem Cæsari attulit: erat Princeps indolis præstantissimæ, & natus ad res maximas. Jam anno superiore Anna Rudolphi conjunx moriens ingentem dolorem marito pepererat. Ita, ut sit in rebus humanis, bono Cæsari Deus prospera adversis temperabat.

**AN. CHRIST.
M. CC.
LXXXIII.** Post anni præcedentis pestilitatem, belli terror Boicæ incubuit ex hac causâ. Catharinâ Henrici Boij conjugæ Cæsaris filiâ defunctâ, Albertus frater Austriæ Dux eam provinciam, quam inter Danubium & Anasum soror dotis nomine acceperat, quæque ante quadriennium, ob initam cum Ottocaro Bojæmo conspirationem, fuerat Henrico detrahenda, repetebat velut pertinentem revolutamque ad Austriæ Ducatum. Eam, cum Henricus ostenderet se voluntate non redditurum, Albertus putavit armis esse extorquendam. Quam ad rem cum Friderico Salisburgensi, qui jam aliàs hostilia meditabatur in Henricum, paciscitur belli societatem, & Ludovicum Severum sibi conciliat, ne in fratris causam ingrediat. Rebus ita comparatis, castra movet in Welsensem agrum, augetque copias Salisburgensibus auxilijs. Res spectabat ad certamen (ut inter cognatas acies) apprimè truculentum. Ne ad hujusmodi extrema veniretur, Menhardus Tirolensis, recens à Cæsare creatus Dux Carinthiæ, Henricus Ratisbonensis, & Godefridus Passaviensis pacis sequestres effecere, reductâ inter dissidentes æquabili concordia, à quâ qui prior resiliiret, ad mille librarum pœnam teneretur.

**ALBERTUS
AUSTRIÆ
DUX BEL-
IUM PARAT
IN HENRI-
CUM BOIUM.** Lis per sequestres finitur.

**AN. CHRIST.
M. CC.
LXXXIV.** Annus posterus Friderico Salisburgensi fatalis fuit 7. Id. Maij. Rudolphus Hoheneckius Cæsaris Cancellarius, summâ totius Collegij consensione, ne uno quidem refragante, in defuncti locum est cooptatus, & à Rudolfo Cæsare per Legatos Martino Pont. Max. commendatus, qui negotium dedit Constantiensi, & Aichstetensi Episcopis, unâ cum Abbate Salmisweilensi, ut autoritate Apostolicâ de ejus moribus, eruditione, & prudentiâ cognoscerent, & si quidem ab ijs satis instructum comperirent, sacris Pontificijs curarent initiari. Initiato Martinus morte præventus pallium conferre non potuit, sed id curæ reliquit Honorio IV. successori, gente Romano, insigni Germanorum fautori.

**AN. CHRIST.
M. CC.
LXXXV.** Archiepiscopus, ut Pontificatus initia pace firmaret, cum Henrico Bojaræ Duce collocutus, cum Ecclesiæ suæ, quippe quæ à Boicis Principibus esset amplâ dote, ditionisque magnâ parte liberaliter erecta, Patronum agnovit: recitatæ quoque sunt nuper sancitæ cum Friderico pactiones, quas Henricus non eâ, quâ par erat, sinceritate servavit, male functus munere boni tutelaris. Inducias fecerant usque ad Septembrem exeuntem, cum interea temporis Mûldorfium, civitas Salisburgensis imperij, casu, an dolo conflagravit. Pene adhuc fumantem Henricus obsedit. Archiepiscopus inopinato nuntio præter omnem spem excitatus, Græcio, quò se contulerat, citatis itineribus Salisburgum reversus, tumultuario delectu populares armat, & erumpens in Boicam, longè latèque populationibus, flammis grassatur. Henricus Mûldorfio potitus, jam erat in procinctu, ut grassanti armatus occurreret, cum Ludovicus Severus frater, pacis interpres reconciliat inducias usque ad anni sequentis Februarium ineuntem. Sic ferro utrinque condito, minax tempestas est discussa, & iræ tantisper sopitæ.

**TARTARI
INFUSI IN
UNGARIAM.
Eberhard.** Major imminebat terror à Tartaris infusus in Ungariam, innumerabili multitudine per undecim milliaria singulis castris sparsi, altè ante se agebant formidinem, jamque remotioribus gentibus, perinde atque olim metuenda Hunnorum, Vandalorum, aliâque Borealium nationum examina, ingentes creabant curas. Sed Numini visum non est, eam pestem longiùs penetrare. Ulteriora petentibus nix, imbres insueti, cælo jactæ grandinis procellæ iter intercluserunt, redegeruntque in eas angustias, ut quocunque se verterent, nihil nisi mortem, ingentesque suorum strages experirentur. Quibus elementa pepercerunt, à circumfusis quaquaversum Christianorum copijs supremâ clade deleti, ijs duntaxat exceptis, quos fuga neci exemit.

**OCCIDIONE
DELETI.** Per id tempus nefandum scelus à Judæis Monachij commissum. Emerunt à scelestâ vetulâ infantem, quem suæ crudelitati, & inveterato in Christum odio litarent.

tarent. Innocentulo truculenter lacinato cum sanguine vitam expresserunt. Ut prima successerant, accensa luporum insatiabilis rabies sirsque sanguinis Christiani, alteram tenelli pueri victimam à triveneficà lamià facili sibi pretio comparavit. Jam ad laniendam puer raptabatur, cum ipsius parens interveniens, scelestissimæ lupæ prædam excussit. Proinde habitæ à Magistratu quæstiones, haud operosè à trifurtiferâ utriusque plagij confessionem extorserunt, unâ cum indicio patrata ab Hebræis carnificinâ. In lamiâ capitali supplicio animadversum. In Judæos urbs tota sævit, concursu undique factò ad consceleratæ gentis excidium. Comportatis lignis, subjectæ faces sanguinario olidorum verporum larario, & quicquid contrà niterentur Senatus urbici stipatores, non antè accensæ plebis furor posuit, quàm centum octoginta putidissimæ nationis latrones flammis ulticibus essent exusti.

Eodem anno feliciore fato Godefridus Passaviensis Episcopus, gente Westphalus, Rudolfo Cæsari ab Epistolis functus est: Bernardus Brambachius Austrius ejus loco infulas induit. Hoc quoque anno, Sigeburgi, dictatæ à Rudolfo Cæsare severæ in rixosos leges, quarum hæc sententia: ut, quisquis ferrum in alterius caput stringeret, telumve aliud intenderet, præcisâ manu mulctaretur: si eadem faceret, capite plecteretur: qui patrato facinore profugeret: patriâ, fortunis omnibus, & refugio ubicunque locorum careret: qui profugum recto reciperet, Cæsaris arbitrio lueret: nemini fas esset arma bellica, nisi bellum esset, gestare, jus tamen esset vim vi repellere.

Actus deinde Augustæ Vindelicorum Imperij conventus, in quo compositæ Salisburgensis Archiepiscopi & Henrici Bojaræ Ducis discordiæ. Salisburgensi Mûldorhium anno sequenti restitutum: mandatum Sueviæ & Bojaræ prætoribus, ut grassatores, quos spes impunitatis & inveterata licentia magno Reipub. damno animabant, severis quæstionibus suppliciisque comprimerent. Additi Boicis Prætoribus judicij capitalis quatuor viri, Winhardus Rorbachius, Conradus Wildenrodus, Wichnandus Iringoburgicus, & Ulricus Rormosius: in Sueviâ totidem constituti, qui istiusmodi tribunalia suâ autoritate firmarent. Quo tempore receptus usus, ut publicæ tabulæ, quæ antea Latino sermone scribebantur, vernaculâ linguâ ederentur. Disceptata per id tempus, quæ Boijs & Suevis intercedebat, controversia de reis ex delicto capiendis: ut si Suevus in Boicâ eadem aut furum, aliudve facinus pœnâ dignum admisisset, aut vicissim: an Suevo Bojum, & Bojo Suevum vincere fas esset. Cæsar litem, ad stipulante Ludovico Rheni Palatino, lege diremit: neque comprehendendum à Bojo Suevum, nec contrà; sed delicti cognitionem & correptionem per utriusque provinciæ delegatos, quos patris conservatores vocabant, conjunctim esse faciendam. Quâ de re extant litteræ hoc anno à Rudolfo & Ludovico Palatino, 7. Id. Februarij datæ Augustæ Vindelicorum. Quæ inter Boicæ Principes Ludovicum & Henricum de regundis finibus & provinciarum partitione, ad concordiam, aliquot annis sancita sunt, non sunt ejus momenti, ut nostro ævo, quo Principatus indivisus ex Majorum providentiâ stat penes unius dominatum, operæ pretium sit ea recensere. Id argumentum nobis sæpius sequentibus sæculis recurret.

Longè dignius Annalium memoriâ grande vulnus, quod Romano Imperio hæc tempestate illatum est, quando Regnum Italiæ cæpit emergere in solito majorem libertatem. Lucenses, retento Imperij fidelium nomine, eam duodecim aureorum millibus, Rudolfo Cæsari dependis, emerunt. Florentini dimidio minoris: Genuenses etiam in libertatem pretio asserti: aliæ civitates super alias venire in manus Italicorum Principum, cum nec expediret populis esse sine freno, nec bene è longinquo regerentur: nec ferrent totam libertatem. Enimvero Rudolfus, tametsi crebrò erat à Pontificibus invitatus in urbem, adduci tamen non potuit, ut ad capeffenda tum Longobardiæ, tum Romana insignia, more majorum, in Italiam transcenderet. Solebat Phrygis fabulam identidem memorare, quæ de Leone & vulpe est: cum hæc ad incundam familiaritatem, & subeundum

HEBRÆI
MONACEN-
SES OB IN-
FANTEM EX-
CARNIFICA-
TUM GRA-
VITER PLEXI

GODEFRIDI
EPISC. PAS-
SAVIENSIS
OBITU.
LEGES AD-
VERSUS RI-
XAS.

AN. CHRIST.
M. CC.
LXXXVI.
PAX SALIS-
BURGENSIS.
Avent. l. 7.
Hund. in
Metrop.

IX.
PUBLICÆ
TABULÆ
COEPTÆ
SCRIBI LIN-
GUA VERNA-
CULA.
LEGES DE
REIS EXTE-
RIS CAPIEN-
DIS.

ITALICÆ
QUEDAM
URBES
EMUNT SU-
AM LIBER-
TATEM.
Cuspin. pag.
444.
Blond. Dec. 2.
lib. 8.
an. 1285.
RUDOLFUS
AVERSATUR
PROFECTIO-
NEM ITALI-
CAM.

Leonis spelæum sollicitaretur, responderetque, se quidem ingredientium animalium multa vestigia observare, sed nulla regredientium: quo apologo Cæsar insinuat, quantis periculis & dimicationibus Imperatores Italiam petijissent; quam rari sine clade pedem retulissent. Inter hæc Goriscellenfis basilica Canoniorum D. Augustini Regularium ab Henrico Episcopo Ratisbonensi est dedicata: de cænobij prima origine nihil mihi est compertum.

Hund.

AN. CHRIST.
M. CC.
LXXXVII.

Hic & sequens annus Boijs fratribus nonnihil fuit inquietus ob recurrentes identidem de herciscundis familiæ juribus dividias: quæ tamen steterunt intra arbitrorum disceptationes, quibus suam quoque auctoritatem Cæsar interposuit. Ut ne à pacta concordia, quæ rara est inter fratres, discederetur impune, data utrinque pignora, & Ludovico quidem Falckenstainium, arx Boicæ Transdanubianæ, Boëmæ & Hercinio nemori contigua, Mainburgum, & Sternstainium: Henrico verò Grunberga, Rosenheimium, & Pfreimbda: quæ tamen cautio non prohibuit, quò minus anno proximo cædium rapinarumque quæstiones Ratisbonæ haberentur, ubi Principes Augusto mense convenerunt. Pax ne dissiliret, effectum est moderatione & sapientiâ arbitrorum. Eodem conventu constitutum, utriusque Principis consensione, ut jus fasque foret subjectis amborum, arma consociate contra Boëmos, si quando vim Boicæ inferrent: item neutri fratrum fore fraudi, si alteruter, patriam defendentibus se Ducem offerret. Hoc anno Straubingam arsisse comperio.

AN. CHRIST.
M. CC.
LXXXIX.

Et verò propè fuit, ut bellum ab Alberto Austrio totâ Boicâ accenderetur. Cognoverat, itinera viatoribus terrâ fluminéque in Austriam commeantibus ex arce Falckensteiniâ reddi infesta. Ut grassatores compesceret, citra aliud maleficium, expulsis prædonibus arcem redegit in suam potestatem. Causa non improbabilis modum vindicandi probavit, ne ad arma veniretur. Albertus damnis gravioribus certavit cum Rudolpho Salisburgensi Antistite. Hic Austrio Duci castrum quodpiam exciderat: quæ res ipsi caro sterit. Præter alia detrimenta, arx Pfandorfia quatuor turribus pro istius ævi ingenio firmiter munita, haud procul à Judenburgo, expugnata & æquata solo: civitas Frisacensis vi occupata, vastata flammis, exuta mœnibus.

AN. CHRIST.
M. CC.
LXXXIX.

Rudolphus Archiepiscopus, ne bellum prosequeretur, morte prohibitus est, quæ eum 3. Non. Augusti abstulit. Is anno superiore D. Virgilij reliquias, Idibus Novembris, celebri pompâ, quam cohonestârunt Ratisbonensis, Passaviensis, Gurcensis, & Secovienfis Episcopi, in locum ornatiorem transtulerat. Defuncto Nicolaus IV. Pontifex successorem dedit Conradum Vanstorffum Episcopum Lavantinum, rejecto Stephano Henrici Boij Ducis filio, quem, vixdum agentem ætatis annum vigesimum primum, Canonici postulaverant. Hoc anno S. Salvatoris domicilium, quod Monachi Osterhovensēs catenus possederant, D. Norberti sodalibus est attributum.

AN. CHRIST.
M. CC. XC.
X.

HENRICUS
DUX MORI-
TUR.

Rudolfi Salisburgensis funus secutus est obitus Henrici Ducis Bojarie. Adstiterè ad ultima properanti Henricus Præsul Ratisbonensis, & Wernerus è S. Francisci familiâ sacrarum litterarum interpres, quorum monitis & piâ exhortatione, ad supremam luctam egregiè animatus, jussit omnibus, quos aliquando læserat, satisfieri accuratè. Postremis ceris mandavit, Othoni filiorum natu maximo fratres Ludovicum & Stephanum subesse, vetuitque, ne ante exactum quadriennium provinciam inter se partirentur. Sepultus est, uti imperaverat, Landishutæ in Vallis Felicis parthenone. Sed neque Ludovici Severi domus luctu caruit. Ludovicus, quem ex Anna Silesia tulerat, cum ingenti dolore renovavit mœrorem de morte alterius filij, qui anno LXXXII. Rheni fluctibus absorptus, vivere desierat. Ludovicus, adolescens indolis præstantissimæ, Norimbergæ in hastiludio, à Craffone Hohenlojo confossus est, hastâ in lethale gutturis vulnus exerrante. In diem decimum supervixit. Raro modestiæ exemplo, voluit in Nosocomio inter pauperum sordes emori, ratus, se ex tali paupertatis palæstrâ felicius, quàm ex splendidissimâ Regiâ, ad æternitatis triumphum migraturum. Furstenteldæ in ma-

LUDOVICUS
SEVERI FI-
LIUS IN HA-
STILUDIO
OCCISUS.
EJUS PRÆ-
CLARÆ VIR-
TUTES.

in matris conditorio petijt tumulari. Tantâ fuit animi demissione & rerum humanarum despicientiâ, ut videretur sui pretium, & natalium honores ignorare. Ut insignem temperantiam in arcano haberet, ferè abstemius frigidam ex aureo cratere bibebat: utebatur cæteroqui mensâ frugali, quæ non voluptati, sed necessitati, ad servandas corporis vires, serviret. Ingens illi erat omnis obscœnitatis odium & ignoratio. Tot tantæque virtutes magnam de eo spem concitârunt; & videbatur, si quem nactus fuisset dominatum, tali Principe felix futurus & fortunatus. Biennio antè, quàm è vivis abiret, in omnem eventum, Moguntia, testamentum condidit, quo (si quidem patri foret superstes) paternos liberos ortos è tertijs nuptijs, sibi in herciscundâ hæreditate volebat coæquari, & pariter admitti ad omnia jura successioneis.

Otho ipsius patrueis, initia sui in Boicâ secundâ Principatus pacis artibus nobilitavit, permissio litium arbitrio Henrico Episcopo Ratisbonensi, cujus iudicia, ob spectatissimam viri sapientiam & æquitatem, eâ tempestate, perinde atque divina oracula colebantur. Otho cum Ludovico patruo, ad stabiliendum pacis otium, bis hoc anno congressus est: semel Frisingæ ad 15. Cal. Julias: iterum Roræ 3. Non. Octobris. Fuere inter constituendæ tranquillitatis leges, duæ præcipuæ: prima, ut, si pacem contingeret abrumpi, quisquis sacerdotem ullum, vel sanguine nobilem faceret captivum, illius arx gentilitia, domûsve solo æquaretur, facinoris author solum mutaret, manerétque extorris, donec Principis voluntate, in patriam reciperetur. Altera; ne nobiles in se mutuis cædibus digladiarentur. Itum quoque obviam dissensionem, quæ inter Ludovicum Severum & Collegium primarium Ecclesiæ Frisingensis gliscebatur. Causa erat, quòd Ludovicus per Episcopi absentiam, Frisingæ jecisset recentis arcis fundamenta. Quamobrem Canonici metuentes, ne nova munitio aliquando fraudi foret civitati, vel Episcopatus jurisdictioni, controversiæ arbitrium Ratisbonensi Episcopo detulerunt, qui videtur pronuntiâsse secundum Ludovicum.

Hoc anno Rudolfus Cæsar ultimam vitæ lineam attigit, pridie Calendas Octobris, Germersheimij: ita habet Argentinas, & Epitaphium ejus Mausoleo Spiræ incisum. Vixit annos tres & septuaginta, rebus pro bono Imperij gestis clarissimus. Tali avo materno meritò Principes Boicæ, quotquot hodie magnis fulgent virtutibus, gloriantur: sunt enim orti ex Ludovici & Mechtildis Rudolphi filia illustrissimo sanguine. Erat Rudolfus formâ decorâ, dignâ Imperio, artibus bene compactis, capite mediocri, rarâ cæsarie, naso aquilino, cibi potûsque mirâ moderatione, prudentiâ & animi magnitudine incomparabili, pietate singulari; quatuordecim de hoste victorias retulit; unde Victoriosi nomen est consecutus. Paulò ante mortem, Francofordiæ in Principum comitijs egerat de Alberto filio, Duce Austrio, in Regni collegam adsciscendo; quod cum non impetraret, sedatè tulit repulsam. Et verò Alberti plurimum intererat Regni accessione muniri adversus conspirationes, quæ Styris authoribus in eum cudebantur. Ingenti ille flagrabat invidiâ, quòd in producendis provehendisque Suevis esset justo liberalior; in Austrios verò, Styros, & alios, non modò parcus & astrictior, sed etiam austerus, qui Aularum scopulus est, & Principum non infrequens naufragium. Querimonia erat, Suevis cedere opes atque honores, alijs obsequiorum onera & tributorum præstationes. Animos faciebat conjuratis, quòd Albertus nondum pacem fecerat cum Archiepiscopo Salisburgensi, qui in demortui locum causamque successerat, speraréntque haud fore sibi difficile, contractâ cum ipso, aliisque finitimis armorum societate, suas firmare vires, eò quòd extincto Cæsare, minùs esset à Regno Germanico metuendum, vitio mortalium, quorum rara est benevolentia in demortuos. Ergo cum Ungariæ Rege fœdus ineunt, additâ in præmium & stipendij vicem Marchiâ Vindorum, si bellum ex voto cadetet: simul trahunt in partem conspirationis Conradum Salisburgensem, eique dant negotium addicendi Othoni Bojariæ Duci Styriam; Boëmo Austriam inferiorem: Superiorem verò Salisburgensi despondent, inani captæ nondum feræ & alieni corij partitione, quæ nexa ex eventu infaustum erat exitum sortitura.

OTHO PACIS STUDIO-
SUS.

LEGES IN
PACE SERVANDÆ.

AN. CHRIST.
M. CC. XCL.
RUDOLPHI
HABSBURGII
MORS.
Cuspinian.

ALBERTUS
RUDOLPHI
FILII AU-
STRIÆ EXO-
SUS.

AN. CHRIST.
M. CC.
XCII.

CONIURATI
IN AUSTRI-
UM,

PACEM FA-
CIUNT.

ADOLFUS
NASSOVIVS
REX CREA-
TUR,

*Magnum
Belg. Chron.*

LUDOVICI
SEVERI FOE-
DUS CUM
EBERHARDO
WIRTEN-
BERGIO.

*Archivum
Elect.*

OTHO BO-
IVS LUDOVICI
CUM TIRO-
LIUM FACIT
CAPTIVUM.

AN. CHRIST.
M. CC.
XCIII.

Primi inter conjuratos fuerunt Hardindus Wildonius & Fridericus Stubenbergius, qui aliique omnes in hoc magnopere desipiebant, quod precoci audacia, imparati, milite nondum adfecto, nedum sub eadem signa auctorato, alij ante alios praeae futuri intempestive bellum ostentarent. Stubenbergius ausus est Alberto per facialem abnuntiare amicitiam & clientelam, palamque significare, se nullum, praeter Othonem Bojariae Ducem, patronum agnoscere. Haud multo post Salisburgensis, & Otho, correptis armis, missoque ad Albertum Burchardo Ellerbachio, qui hostilia denuntiaret, rigente hieme, diversis profecti itineribus, ac deinde conjuncti, Rotemannum oppidum invadunt, claustra ab Admontensis Praesulis excubitoribus infesta expugnant: Admontium Coenobium, & Leubennum ad Muram diripiunt, Pontenses obsident, & inde ab Alberto, qui laborantibus in tempore succurrit, depulsi, turpem fugam arripiunt. Subinde, Ludovico Severo interprete, paciscuntur inducias, eodemque authore componunt pacem brevi dissolvendam.

Imminebant Augustalia comitia, quibus agendis Francofurtum erat destinatum. Albertus illuc iturus, Monachij sororem Mechtildem salutavit, plenus bonae spei, se non Imperij candidatum, sed Regem adeam regressurum, quod de aliquot Principum in se studiis nihil ambigeret, crederetque, se aliorum suffragia haud difficile sibi conciliaturum. Verum Gerardus Eppensteinus Archiepiscopus Moguntinus, vir in paucis solers ac versutus, qui pro Adolfo Nassovio Comite, suo consanguineo nitebatur, & Sigefridus Coloniensis multis ab eodem affectus beneficiis, cunctorum ferè Electorum vota traxere in suam sententiam. Otho Bojus, per Legatos comitijs adfuit, denunciavitque Patribus, se, quemcunque illi Caesarem crearent, modò ne is foret Albertus Austrius, optare. Ergò cum Electores plerique sua suffragia Moguntini arbitrio permisissent, Adolfus, sexto post Rudolphi excessum mense, Rex est renunciatus, & è vestigio ductus Aquisgranum, auguralibus caeremonijs à Sigefrido Coloniensi est initiatus. Ipsius quoque conjunx Imagina Limburgica eodem tempore est coronata. Adolfus bonam ætatis partem egerat in aula Caesaris Rudolphi, dederatque jam dudum specimen virtutis militaris, quinquies victor acie explicatâ, totidemque Ducis Brabantiae Legatis interemptis. Quod illi tantam nominis existimationem comparaverat, ut ejus opera à quibusvis Principum maxims ambitetur. Cum totus esset in belli studiis, id datum illi vitio, quod militæ bene peritos, eorumque consilia, rei politicæ gnaris, eorumque authoritati anteferreret, quod magnam illi invidiam peperit apud homines togatos, quorum industria libentius in umbrâ, quàm in castris versabatur.

Ludovicus Severus suspectans annorum insequentium motus, qui ob istiusmodi novi Principis extraordinarium ingenium, non immeritò (quod mox videbimus.) poterant timeri; cum Eberhardo Wirtenbergico Comite fœdus iniit mutuae in quosvis hostes defensionis, exceptis Oetingensibus Comitibus Eberhardo sanguine conjunctis, & Gebhardo Dynastâ Hirspergio, contra quem Wirtenbergius auxilia quidem pactus est, sed eâ lege, ut Otho Bojus adversus patruum & patrueles Hirspergium tueretur. Quo tempore Otho Bojus à Friderico Heinbergio excitatus, Ludovicum Menhardi Tirolij filium à suis proditum, nocturnâ in oppidum S. Viti irruptione fecit captivum. Credebatur Menhardus ulturus esse injuriam; sed Elisabetha Alberti Austrij uxor, Ludovici Boij ex sorore neptis, magni animi, & prudentiæ singularis fœmina, Ludovici captivi soror, vindictæ intercessit, verita, ne, si bellum in majus erumperet, difficilior evaderet pacis reconciliandæ, & Ludovici fratris liberandi facultas. Subinde Albertus Austrius domum reversus, Menhardo auctor fuit, ut veterem cum Boijs amicitiam, filiique libertatem bello præferret. Pacis conciliatorem Lintzij egit Ludovicus Severus, eò studiosius, quod magnam sibi tempestatem ab Adolfo Caesare videret impendere, ex causâ neutiquam probabili, & Gerardi Moguntini incentivo.

Adolfus

Adolfus, in illustri Principum comitatu, secundo Rheno navigans, Furstenburgum, Ludovici arcem prætervehebatur. Portorij exactores, ignari quinam navigarent vectores, vectigal exigunt, pascique repulsam, tela spargunt in navem, atque unum è comitibus Cæsaris lateri adsidentem vulnerant: tum cognito, quibus negotium facessissent, trepidi inærentesque errorem deprecantur supplices. Quò minùs Cæsar precibus haberet fidem, Moguntinus invidiosissimâ criminatione obstitit, obduravitque aures Cæsaris, traducendo Severum Ludovicum, quasi ejus jussu, ex insidijs, & de industriâ; tela missa fuissent in caput Cæsaris, utique ferendum, nisi propitium Numen eum texisset: mirum non esse, vitæ Cæsaris cum insidiari, qui inviderit ejus electioni. Turpis valde Principi credulitas, cui suavior est vox accusatoris, quàm rei defensio. Fidem reperit calumnia. Ludovicus majestatis ex tempore, indictâ causâ, damnatur, declaraturque hostis Reipublicæ: Palatinatus Rhenanus prædæ vicinorum Electorum permittitur: spernuntur Comes Oeringensis, & Burgravius Norinbergensis, Ludovici oratores: ipsi Ludovico vix dantur aures, sanctissimè juranti, se prorsus inscio, quamlibet gravem errorem contigisse. Id cum fronte imperterritâ impavidus constanter asseveraret, serena mens, & recti conscientia ipsi pro clypeo fuit, fecitque, ut Cæsar iras in potestate haberet.

Accessit Ludovico haud spernenda felicitas, quæ hoc anno auri venam in montibus Heidelbergenlibus aperuit; at illa major, quæ ad ultimas animi rationes, exactè pro æternitatis ingressu componendas, mortis imminenti tempestivè memorem induxit. In Boicâ, quasi brevi migraturus, omnes levioris momenti causas, ex Henrici Ratisbonensis Episcopi sententiâ, exquisitè discussit, conclusitque cum magnâ Ecclesiarum & sanctioris ordinis utilitate. Leges condidit, quibus incendia, latrocinia, prædonum licentia, aliæque publici otij turbamenta, reprimerebantur. Boicâ probè ordinatâ, Heidelbergam redux, morbum contraxit, partibus, quas pudor & natura regunt, vitiat. Cum præ verecundiâ remedia opemque medicorum refugeret, malum evasit immedicabile. Ad ultima tendenti Bertoldus D. Francisci alumnus, noxas confitenti aures dare solitus, animo procurando incubuit. Eo consultore ac teste dictavit supremas tabulas 4. Cal. Februarij, quibus jussit restitui Ecclesiæ Frisingensi castrum Mospacense: compensari Monasteriorum, & aliarum Ecclesiarum damna: ad quadriennium nihil collectarum exigi de earum bonis, quò faciliùs illa ad culturam frugemque possent revocari. Ubi culta forent, jussit levare aliquâ parte tributorum. Toridem annis imperavit agros, colonos, monasteria Weissenbrunnense, Thierhauptense, Biburgense, Monasteriense, Diessense, Kuebacense ab omni exactione, aliarumque præstationum onere esse immunia. Udalricum Rotemosium olim Vicedominum, Cunegundem ejus conjugem, & Ulricum filium unâ cum uxore, vinculis, quibus attinebantur, absolvi: Ramungo Camerstainio ablata restitui: Monasterio Furstensfeldensi, in quo condi voluit, quantum donari oporteret, reliquit arbitrio Mechtildis Principis: præcepit refundi damna quibusvis illata per suos hæredes. Quæ tabulæ confectæ sunt Haidelbergæ Anno M. CC. XCIV. Cal. Januarij, quo die naturæ debitum exolvit in eodem conclavi, in quo ante annos sexaginta quinque primam lucem aspexerat. Morti proximus, annulum pronubum digito detractum, Mechtildi charissimæ conjugi, Monachij id temporis agentis, voluit deferri pignus fidei amorisque conjugalis. Fuit Princeps verè magnus, pacis, ubi ubi licuit, fundator, pietatis promovendæ, in Boicâ præsertim, apprimè studiosus; uno duntaxat uxoris necatæ nævo aspersus, quem magnis utique virtutibus eluit. Monachij & Ingolstadij D. Francisci Patres locavit: Angeranam ejusdem Ordinis ædem, quam Frater Castinus è primis Patris Seraphici discipulis eoque incoluerat, sacratis istius instituti Virginibus tradidit. D. Augustini Eremitarum cœnobium hoc anno ab ejus filijs cœptum est ædificari. Justa illi funebria Furstensfeldæ perfoluta, Episcopo Frisingensi & Ratisbonensi, solenni ritu operantibus.

ADOLFI
CÆS. PERI-
CULUM.
LUDOVICI
SEVERI AC-
CUSATIO.

AURI VENA.

SEVERUS SE
AD BENE
MORIENDUM
COMPARAT.
EIUS MOR-
BUS.
AN. CHRIST.
M. CC.
'XCIV.
TESTAMEN-
TUM.

OBITU.

Vide superius
ann. 1275.
MONASTE-
RIUM ANGE-
RANUM.
INITIA MO-
NASTERII
AUGUSTINI-
ANI, MONA-
CHII.

Quibus

XIII.

BELLUM AD-
VERSUS AL-
BERTUM AU-
STRIUM RE-
CRUESCIT.
ALBERTUS
VENENUM
HAUKIT.

Quibus peractis, pax, quam inter Salisburgensem ipsiusque foederatos, & Albertum Austrium conciliaverat, dissiliit, & intempestivo quidem levique momento. Alberto toxicum inter epulas, nescitur quis, propinavit. Id tantâ malignitate viscera ipsaque præcordia invasit, ut sævientibus torminibus, animaque linquente, neque color, neque vox agro constaret, integrâ tamen ratione. Fridericus & Albertus Buechaimij nobile parfratrum, quia proximi adstabant mensæ, mox suspicione à præsentibus desiguntur, quasi venenum temperassent. Illi, ut famæ atque innocentie consulerent, nullâ vitæ curâ, in dapes involant, rati, se ijs degustatis, suam probaturos fidem, & contumeliam depulsuros. Verum Albertus nutu testatus utrumque esse innoxium, manu vetuit facere virulenti ferculi experimentum. Ingens erat interim totius aulae trepidatio, & medicorum anxietas, quod judicarent, seram, vel nullam fore vim in pharmacis veneno grassante jam in venas: hoc unum adhibuere remedium, ut in re propè desperata: iussere Albertum supinis pedibus, capite deorsum suspenso, attolli, quod illi salutis fuit. Nam veneno hâc arte egurgitato, vires & anima semineci redierunt: pallor tamen perpetuò deinceps hæsit in vultu, & oculorum alter extillans, reliquit Alberto luscii cognomentum. Ex mortis adeò propinque discrimine subito fama manavit in vulgus, eum periisse: unde recrudit Austriorum, Styriorum, aliorumque Magnatum cupido rerum novandarum, & excutiendi invisum gentis externæ dominatum. Ergo fiunt Cremsij & Stokeravij coitiones, quæ ne tum quidem sunt intermissæ, quando percrebuerunt nuntij de recuperatâ Ducis valetudine. In Suevos faba cudebatur, quos conjurati omnino volebant ejectos. Salisburgensis rebellantibus subsidio misit turmam centenariam cum legione millenariâ. Geminae in Austriâ salinæ vastatae: Tronavium, recens extractum ab Alberto præsidium, incensum. Dux confirmatâ valetudine, Austrijs civibus diffidens, è Sueviâ copias evocat, à quibus primo statim impetu profligati rebelles: Falckensteinius unus è primarijs, fortune eversus & proscriptus. Otho Bojus redierat in partem conspirationis. Incum movens Albertus per Stryiam, Ratstadium bimestri obsidione frustra tentavit, Boijs, qui suppetias venerant, acriter propugnantibus. Subinde in Alberti castris brumæ rigor & fames cœpit dominari. Quocirca, cum ultra non posset, nisi summis incommodis, trahi obsidio, Albertus vasis conclamatis, discessit in Ungariam, genero Andreæ Regi laturus opem. Rebus isthic prosperè gestis, domum redux, Salisburgensem, & Othonem Bojum ultro de pace appellavit, & Suevis in patriam amandatis, sopivit Austriorum quiritationes. Mense Martio pactæ sunt nuptiæ Rudolphi Boicæ Principis, Ludovici Imperatoris germani (quem Ludovicus Severus superioris Bojarie hæredem unâ cum fratre reliquerat) cum Mechtilde Adolphi Cæsaris filiâ, cui pridie Idus Martias Cæsar decem argenti marcarum millia, Ulmæ, dotem addixit. Cæremoniæ geniales mense Octobri, Norinbergæ celebratae sunt.

CONIURATI
PROFLIGAN-
TUR.

BELLUM PA-
RATUR AD-
VERSUS O-
THONEM
BOIUM.
RUDOLFI
PALATINI
NUPTIÆ.

AN. CHRIST.
MCCCXCV.

XIV.

LIS DE CLER-
ICI IMMUNI-
TATE.

Ad decus &
decorem de
usu Fend-
um.

A CÆSARE
FINITA.

AN. CHRIST.
M. CC.
XCVI.

HENRICI
RATISB. E-
PISC. ORITUR.

Adolfus Cæsar, litem, quæ inter Clerum civēsque Ratisbonenses vertebatur, medio inter Pascha & Pentecosten tempore finiit. Cives urbem novis operibus muniverant, urgebantque Clerum, suam ut symbolam in munimentorum sumptus conferret, quod sacri peræque ordinis atque civilis interesset, civitatem moribus vallisque defendi. Atqui Henricus Episcopus, Clerusque se immunitatis Ecclesiasticæ legibus tuebantur, ipsiusque Friderici Imperatoris sanctione, quæ relata est in feudorum volumen. Gliscebant inter partes inimicitie non sine periculo tumultus, si qua vis ab alterutris pararetur. Quare Henricus Cæsarem appellavit, qui juxta Friderici tabulas, secundum libertatem sacerdotum, sententiam vulgavit, iussitque per Episcopum Brixinensem Friderici legem publicè recitari. Post ejusce causæ victoriam, Henricus unum annum, eoque amplius provixit. Diem obiit 7. Cal. Augusti, cum pridie ad D. Jacobi Apostoli honorem, Deo sacram hostiam magnâ pietate obrulisset. Defuncto Conradus Luppurgius Cal. Augusti est subrogatus, vir mitissimo ingenio, unde à familiaribus Moysis nomen est consecutus. Fuit Henricus in componendis dissidijs insigni prorsus sapientiâ,

pietia, & magnorum rerum usu, quem per undeviginti annos, quibus Ecclesie Ratisbonensi prae- fuit, sibi paravit: quo fiebat, ut Boicae Duces illo causarum suarum arbitrio ut plurimum uterentur. Ut quotidie renovaret mortis instantis sibi memoriam, per annos duodecim, urnam mortualem semper ad lecti spondam habuit, & sepulchrum totidem ante obitum annis adornavit. Per annos sedecim, certo die, prout defunctis solet, sibi met ibat exequias anniversarias. Primus musici concentus usum Ratisbonam invexit: ditavit Cathedrale sacrarium pretioso eoque multiplici divinorum officiorum instrumento. Lustrabat ipse Monasteria, redigebatque singula ad primævum institutum. *Primus* (inquit Everhardus) *vinum Latinum*, quod quidem dulce & Italicum interpretor, *Canonicis ad prae- bendam, certis temporibus dari instituit.* Principibus & patriae pro tutelâ apud Deum fuit: author pacis, & publicae custos concordiae. Subinde Ludovicus Hentici filius, Othonis & Stephani Boicae Ducum frater, finem vivendi fecit natus annos septem & viginti, nullâ prole relicta.

Eberhard.

Stero.

Eberhard.

LUDOVICUS
HENRICI
FILII MO-
RITUR.

Rudolfus, qui cum Ludovico fratre, post Severi parentis obitum, Superiori Boicae imperabat, bellum in Tirolios paravit, nec tamen gessit. Ejusce parandi causa haec. Adolfus Caesar ad 8. Cal. Julias Principum conventum indixerat. Plerique adfuere, praeter fratres Tirolios Ludovicum, Othonem, & Henricum Menhardi nuper defuncti filios, qui sacris ultra annum fuerant interdicti. Eorum absentiam Proceres, ipsaeque Caesar majestatis contemptum sunt interpretati, excepto Rudolfo, qui in Senatu aliam prodidit causam, cur se domi tenuissent. Nimirum Ludovicus Severus Menhardo Ratenbergam urbem, quae Oeno est ad sita, quater mille & viginti argenti uncis oppignorarat. Rudolfus, persolutâ redemptione, pignus reperebat, eratque in eo, ut, cum Tirolij locum, contra suprema parentis mandata, mordicus retinerent, causam ad Caesaris tribunal deferret. Illi metuentes ne accusarentur in comitijs, & ut in re manifesta, cum rubore damnarentur, forum fugiebant, erantque a causâ dicendâ alieni: Enimvero

Avent. l. 7.
pag. 727.

RUDOLFUS
BOIUS A LU-
DOVICO TI-
ROLIO ET
FRATRIBUS
RATENBER-
GAM REPE-
TIT.
Guntber.
Ligur.

*causâ semper in omni
Iudicium spoliatus amat, qui possidet, odit.*

Nihilominus, Rudolfo accusante, dicta contra abientes sententia, & Rudolfo permissum, pignus armis vindicare. Ventum ramen non est ad extrema, sed ad concordiam, mutuâ partium consensione. Soli Monachi Matronae Montis culpam alienam luerunt, coacti militaribus injurijs, Monasterium D. Petro sacrum, exilio mutare.

Exinde Rudolfus arma vertit in Wolfhardum Episcopum Augustanum, qui Kaltenbergensem arcem, ante quadriennium à Rudolfo, vivo etiamnum patre, conditam, complanaverat. Id ne esset impune Episcopo, Rudolfus Conrado Haldenbergio negotium dedit sumendarum vindiciarum. Hic Mergenthamiam arcem, noctu in murorum pinnae per fruticeta enixus, ex improvise occupat, munitque manu militari. Cives Augustani contra correptis armis, ad recuperandum castrum convolant, vim praesidio inferunt, & cum eorum insultus fortiter ab obsessis reprimerentur, re infectâ, cum ignominia domum redeunt. Rudolfus, comperta civium hostilitate, velut bello laceffit, justum exercitum legit, lustratque Dachavij: sed cum stipendia non repraesentasset, militi vivendum fuit ex rapto: direpta opulentiorum fortunae, sacra perinde atque profana violata: cor- rafa undique annona. Quâ de re factus certior, cum ij, qui Mergenthamiam praesidio tenebant, nihilo facerent æquiora, partes jubet ab armis discedere, & jure, pro Caesareo tribunali, causam disceptare. Id factum ad Idus Novembreis, quando utrisque imperatae sunt induciae.

XV.

BELLUM
AUGUSTA-
NUM.

Erat tum inter Rudolphi primae admissionis amicos Otho Crondorferus, obscuro quidem loco natus, sed qui suam fortunam ed usque produxerat, ut, posteaquam per omnes servitiorum gradus irreperat in Rudolphi familiaritatem, Vicarij dignitatem, qui secundum Principatum primus erat, non sine grandi æmulatorum invidiâ sit adeptus. Æmulationes acuit hominis insolentia, avaritia, crudi mores,

OTHO
CRONDOR-
FERUS SUSUR-
RO GRAVI-
TER PUNI-
TUS.

meliorum fastidium, sui unius magna æstimatio, cæterorum contemptus, tanta obrectandi libido, ut Rudolphum ac Mechtildem matrem improbus sulsurro ausus sit inter se committere falsis ultro citroque delationibus. Fraude deprehensâ, factus est ex opulento miserrimus, Numine ipsius arrogantiam castigante. Conjecto in vincula Dachavij, Rudolphi jussu, oculi effossi, quibus alios despexerat, & lingua excisa, quâ omnibus consueverat insultare. Perijt nemini miserabilis, qui nemini, nisi sibi, per omnem vitam bene voluit.

CÆSARIS FI-
LII DISCOR-
DES.

BELLUM AU-
GUSTANUM
RECRUDE-
SCIT.

AN. CHRIST.
M. CC.
XCVII

WEINHAR-
DI RORBE-
CKII CÆDES.

Inter hæc Cæsarem vocârunt in Cattos [Melibocos domesticæ filiorum con-
tentiones. Majores natu parenti rebellabant, quod is natu minores, & eos qui-
dem genitos ex impari matrimonio, majoribus in hæreditate sortiundâ & dignitâ-
te pares esse jussisset. Ex ijs, qui primus nascendi ordine, Henricus uxoris Ru-
dolphinæ sororem duxerat. Ille cum Cæsare in Hassiam profectus, pacis egit in-
terpretem, eâque compositâ, reversus in Bojariam, Mergenthariam arcem jussit
æquari solo, ne deinceps Bojariæ infesta, novis maleficijs vetera cumularer. Id
accepere Augustani pro classico, qui, ubi primùm nuperæ induciæ exierant, icto
cum Henrico Burgoviæ Comite & Zornijs fœdere, jussu Augustani Episcopi,
quem ætas grandæva domi retinebat, Oberthalam, recensemptam Rudolphi arcem
invadunt, & exciunt. Sic bellorum mala ibant in orbem ad finitimorum per-
niciem. Rudolfus injuriæ intolerans, confestim è Boijs agit delectus, & ab Otho-
ne & Stephano patruelibus suppetias ex Inferiore Bojariâ impetrat, quæ adductæ
sunt Stephani Ducis auspicijs. Augustani medio tempore à Fridbergæ obsidione
rejecti, igne, ferro, omnem circâ provinciam devastant, & armento abacto, Au-
gustam se referunt. Boij paria strenuè reposuerunt, facturi graviora, nisi Cæsar
Kissingam armatâ manu delatos, & Vindeliciæ imminentes compescuisset, mini-
tans, se moturum in Bojos, nisi ab hostilibus abstinerent.

Factæ capropter ad anni insequentis initium induciæ, breve admodum fre-
num licentiæ militaris. Nam vixdum adolescente Januario, Augustani abusi Ru-
dolphi absentia, qui ad Rheni confinia discesserat, Biellam, Conradi Wildenrodij op-
pidum invadunt improvisi, diripiunt, exurunt. Serebantur videlicet causæ ma-
leficiorum. Wildenrodiorum familia, quæ cum Rorbeckijs gerebat veteres si-
militates, injuriam iisdem retulit in acceptis, censuitque, non aliter, quàm æmu-
lorum sanguine, posse vindicari. Ulciscendi facinus Conradus Haldenbergius
Wildenrodiorum patruelis in se suscepit. Is, cum Landspergæ Bojorum age-
rentur de Augustani belli ratione comitia, communicatâ cum Engelskalco Wilden-
rodio facinoris meditatione, Weinhardum Rorbeckium Conrado Wildenrodio
adstantem, multis vulneribus confodit, & patratâ cæde elabitur. Qui sceleris
erant affines, è Boicâ profugerunt; occisi fratres Hermannus & Engelscalcus,
cæteraque gens Rorbeckiorum opem fidemque Rudolphi Ducis Monachij obte-
stantes, in publico confessu facti atrocitatem, explicatâ interfecti cruentâ veste,
orationeque ad rem præsentem accommodatâ, tantò efficacius ostendunt, quantò
Wildenrodiorum causa erat ab omni patrono desertior. Igitur in conscios cri-
minis dicta proscriptionis sententia. Conradus Wildenrodius fretus innocentia,
quippe quo inscio cædis consilium fuerat susceptum, credidit ad se pœnam non
pertinere, & citatus vadimonium deseruit, seque tenuit arcis suæ munimentis,
donec fide ipsi publicâ cautum est, non fore fraudi crimen alienum, si modò se
probarer infontem. Ad dicendam causam admittus, tametsi à patratæ cædis so-
cietate & conscientia videretur esse liber, tamen occupatis præjudicio cognitorum
animis, mulctatus est publicatione bonorum. Kaltenberga, castrum gentilitium,
Lechsberga, aliàs à Principibus oppignorata, Rudolphi fisco addictæ: ipse verò solum
vertere est coactus. Toleravit exilium, donec in patriam revocatus, donatus est
Palatij præfecturâ. Cæteris Wildenrodij, qui extorres Veronæ stipendia facie-
bant, profuit Rorbeckiorum inhumanitas, quæ grassata in exulum clientes, Prin-
cipem flexit ad miserationem, ut patronos ab exilio revocaret. Dum hæc in su-
periore Boicâ gererentur, Otho & Stephanus Boij fratres, Ratisbonam obsederunt.

Causa

Causa belli non est missa in chartas: id constat, obsessos eruptione factâ Abacense oppidum exussisse: tandèmq; tamen fame pressos, per Conradum Episcopum in Principum gratiam esse reductos.

Quo bello Boij expediti, longè graviori sese implicuerunt, quod ab Alberto Austrio, quem regnandi cupido nondum defecerat, alieno suasu consilijsque susceptum est. Adolfus Cæsar, homo bellicosus, & quod superius monui, totus armorum tractationi deditus, tametsi pacis artibus non esset imbutus, nihilominus Gerardi Moguntini, sine quo nihil magnæ rei gerebat, ductu, regni initia sic temperavit, ut dignus imperio, populisque non ingratus haberetur. De plebe vix erat, qui ejus mores improbareret; sed non erat idem sensus togatæ nobilitatis, quæ dolens se jacere, nullòque esse numero, dum omnia Gerardi Moguntinensis manu arbitrioque sursum deorsum verterentur, clancularijs obrectationibus Adolfo conflabat odium, quasi non ipse regeret, sed à suo Gnathone regeretur, eoque palàm audiret Rex sacerdotalis. Publico nocet, privati hominis famam obstruere luminibus Principatus. Quamobrem Adolfus, sentiens unius Moguntinensis supercilium detrahère regiæ majestati, quòd is vulgò haberetur regni moderator, regij verò nominis umbræ penes se resideret, excussit paulatim istam magisterij nubem: sed quod perinde erat odiosum, totum se adjecit viris ingenij militaris, quod alterum vulnus erat hominum togatorum, quos nihil ista mutatio sublevabat. Imperantibus nullus subjectorum ordo negligendus est, sed suo quisque loco & dignatione habendus, nisi Princeps mancum, ac debile velit esse imperium. Sed & erant præterea, quæ publica studia alienabant: jussorum acerbitas & insolentia: fastidium Principum: tenuiorum contemptus & oppressio: expilationes Ecclesiarum: violentia præfectorum: sùsque deque habita promissorum fides, quo vitio nullum est in Principe odiosius: publica adulteria: vis illata pudori virginum, viduarum, sanctimonialium: fordida avaritia, quæ eò vilitatis devenerat, ut suam libertatem venderet Eduardo Anglorum Regi accepto ad bellum stipendio, quod vertit in suos usus, defraudato milite atque ductoribus, in quos accepta pecunia debebat erogari: certè visum est abjectum ac turpe, Romanorum Regem Anglo esse, instar stipendiarij, venalem. Moguntinus interim & occulto dolore, quòd se videret redactum in ordinem, & erectus regionum flagitiorum odiique publici adminiculis, induxit animum, fastigio, ad quod Adolfum illaudatis artibus provexerat, speciosioribus deturbare. Quâ de re agitata primùm Pragæ consilia optertanea cum Adolfo Saxone, cum duobus Brandeburgi Marchionibus, ipsòque Boëmorum Rege, cujus tum per Moguntinum agebatur coronatio. Eodem congressu decreta dies, quâ ad maturandam Cæsaris abdicationem Egræ conveniretur. Aliâ ex parte jam conspiraverant in Adolfum, ob intolerabilem regionum ministrorum duritiem, Argentoratenses, Friburgenses, Bipontini, Comites permulti, Liechtenbergij, Ochsensteinius, Hohenlôus, Alfarix Landgravius, aliique Dynastæ & Principes, in quibus Argentinensis, Frisingensis, Passaviensis, Chimensis Episcopi. Boici Principes immoti perstiterunt in Adolphi fide, nullâ habitâ ratione proximarum cum Alberto Austrio necessitudinum, eò quòd facinoris ultra modum audacis periculo, à rebellandi consilijs absterrentur.

Quia porrò vix unquam est inter tot conscios arcani silentium: & Principibus familiare est, habere ubique alienorum dictorum factorumque scrutatores; Adolfus, compertâ conspiratione, Gerardum Moguntinum è Boëmiâ reducem, citra cunctationem bello aggreditur, obstatque, ne conjurati apud Egrenses convenirent. Ita anni reliquum privatis molitionibus est consumptum.

Februario demum sequenti, Moguntia, Adolphi exauctoratio Procerum voluntate conclusa est, & constitutum, ut Albertus Austrius illi subrogaretur. Hinc bellum, quod Adolfo fuit ultimum ac fatale. Otho Boicæ Princeps illi expeditam trecentorum cataphractorum turmam adduxit: ad castra properanti Albertus Haigerlochus, cum longè numerosiore Suevorum globo se ausus objicere, prope Oberndorfium victus occubuit, cum memorabili suorum strage. Denique

AN. CHRIST.
M. CC.
XC VII.

OBSIDIO
RATISBO-
NÆ.

XVI.
ADOLFO
CÆSARI,

A GERARDO
MOGUNTI-
NO,
Pfaffenkönig.

CONFLATUR
INVIDIA.

CONSPIRA-
TIO,

CUIUS BOII
PRINCIPES
PUERUNT
EXPERTES.

AN. CHRIST.
M. CC.
XC IIX.

ALBERTUS
AUSTRIUS
ADOLFO
SUBROGA-
TUR.

OTHO BO-
IUS ADOLFO
DUCIT SUP-
PETIAS.

ADOLFUS
ACIE VICTUS
OCCIDITUR.

Serar. in Ge-
rado ex M.
S. Mogunt.

PASSAVIEN-
SIS CIVITAS
AFFECTANS
LIBERTA-
TEM,
REDIGITUR
IN ORDINEM.

XVII.

Sere.
SEVITUR IN
JUDÆOS.

CONRADI
NANTUINI
INSONTIS
SUPPLICIUM.

explicatâ æmuli utriusque acie, signa collata sunt 6. Non. Julij, in agro Wormatiensium, haud longè à Gillenheimio. Pugna ad septenas horas producta, donec Adolfus, sese per hostile agmen fortiter inferens, Alberti manu (ita scribit Argentinas) secundum oculum sauciatus, à Comitibus Sylvestribus est trucidatus. Ubi Adolfus jacuit exanimis, Albertus victor per præcones edixit, ne ultrâ civilis sanguis funderetur. Ei, nemine Electorum refragante, 5. Id. Augusti confirmatum est imperium, & 9. Cal. Septemb. à Wigboldo Coloniensi Archiepiscopo Aquisgranii regium diadema impositum. Mariti honor cum Elisabethâ conjugè mense Novembri Norinbergæ communicatus.

Eodem tempore Bernardi Episcopi, & civium Passaviensium lis dirempta. Passavienles cupido incesserat, neglectâ Antistitis sui auctoritate, occupandi, qualem habent liberæ Imperij civitates, immunitatem. Jam cœperant pro arbitrio legere magistratus, usurpare sigillum insigne potestatis, ære campano, præter solitum, Patres vocare in curiam. Hæc protervè obstinantes Episcopus obfedit, mœnibusque quassatis, adegit, ut pollicerentur, se Cæsaris arbitrio staturos, nec ejus injussu quicquam rei novæ molituros. Damnati à Cæsaris cognitoribus, jussi sunt Episcopo, more prisco, esse obsequentes, & mulctâ luere noxam tentatæ perduellionis.

Hoc ipso anno, totâ Franconiâ sævitum est in perfidam Hebræorum gentem. Idem factum Norinbergæ, Rotenburgi, Eistadij, Winsheimij, Perchingæ, instinctu cujusdam Rindfleischij agricolæ, qui promiscuam vulgi multitudinem dementârât, mentitus, se divino monitu ad eam laniendam fuisse incitatum. Accendebat populi furorem sparsus in vulgus rumor, quod Judæi sanctissimam Dominici Corporis hostiam in mortario contudissent, prolicuissent grandem sanguinis copiam, & quamlibet conati celare crimen, per sacri cruoris exuberantiam essent detecti. Passim fuere ad rogos protracti, nemine auso pereuntibus opitulari, nisi si quis eadem cum ipsis vellet experiri. Nonnulli Norinbergæ, & Neofori arcibus, alij Franconiæ oppidis recepti, & moliri defensionem, unâ cum receptatoribus, & locis, ad quæ confugerant, incendio sunt absumpti. Boij fuere finitimis clementiores. Ratisbonenses ducti miseratione, neminem unum indictâ causâ passi sunt necari: quæ moderatio, postquam carnificina deferbuerat, vehementer probata est à viris sapientibus.

Eâdem tempestate editum in Boicâ facinus, quod istam laudem magnopere obscuravit. Conradus Nantuinus, vir in paucis pius & innocens, votivis peregrinationibus, quas religionis causâ, ad Divorum ædes, aliâque monumenta sanctitatis, obire consueverat, ex asse adductus, Wolfratshusij divertens, incidit in crudeles hominis avari manus. Fuit hic Guntherus, qui eo loci pro Rudolfo Duce juri dicundo præerat, vir nefarius, & rei etiam ex iniquo faciendæ ad insaniam avidus. Credidit, in paupertinâ peregrini zonulâ latere aliquid, quod verti posset in avaritiæ suæ alimentum. Ut prædam honesti specie raperet, calumniam struxit Nantuino, quasi pueri cujuspianî integritati stuprum obtulisset. In causâ turpissimâ nemo, præter judicem, testis aut accusator. Evicit tamen quadruplatoris auctoritas, ut innocentia virtutis incognitæ damnaretur ad rogam. Et arsit quidem per summam injuriam vir integerrimus, sed non sine luculento probitatis argumento, quod iniquissimus Judex, quamlibet invitus, demortuo impendit. Ad morientis bustum, equo, qui eum vexerat, mirum dictu, in ipso vestigio, pedum oculorumque usus omnis ereptus est: pledebatur videlicet, in fessoris vicem, jumentum. Id quod redderetur manifestius, domesticorum aliquis officulum, in cineribus inter Nantuini reliquias repertum, equo admoveat, & ejus attactu, momento visum gressumque equo restituit. Quo prodigio mortales excitati, vota certatim Nantuino nuncupârunt. Eiusdem cineres subinde collecti in urnam, temploque recepti, non sine frequentibus in visitantes beneficijs, ipsius memoriam ad posteros honorificè transmiserunt. Septem Episcopi publicis tabulis, quæ nomen Bonifacij Romani Pontificis præferunt, concessere indulgentiarum largitiones celebrantibus, certis anni diebus, Nantuini sepulchrum. Alber.

Albertus Cæsar anno XCIX. comitia habuit Norinbergæ, quæ frequentârunt Boicæ Antistites Salisburgensis, Frisingensis, Ratisbonensis, Passaviensis. Iisdem interfuit Rudolfus Rhæni Palatinus, Colonienſis, Trevirensis, Moguntinus Archiepiſcopi: adfuere præterea Duces Carinthiæ, aliique Proceres bene frequentes. In eo conventu Albertus Rudolfum filium Austriæ ditionibus præfecit: deinde Tulli Leucorum cum Rege Galliarum Philippo Pulchro amicè congreſſus, Blancam ejus filiam Rudolfo, quem dixi, filio ſacris nuptialibus conjunxit. Eodem tempore, Stephanus Othonis Boij frater Juttam, ſive Juditham Poloniæ Principis filiam in thori ſocietatem ſibi deſpondit.

Annum ſæcularem, quem Jubilæum dixere, Bonifacius VIII. Pontifex novo exemplo orbi terrarum celebrem ac ſanctum reddidit, aperto immenſo Chriſti theſauro, ex quo largitus eſt ampliſſimam peccatorum condonationem omnibus peregrinis ſacrâ exomologeſi & myſterio Euchariftico ritè procuratis, qui illius anni decurſu, Divorum Apoſtolorum Petri & Pauli ædes, per dies omnino quindecim piè frequentarent: Urbis verò inquilinis triginta quinque dies, quos iſti religioni impenderent, indixit. Conſtituit præterea, ut cujuſque ſæculi exordio eadem pietas, pari animorum emolumento, per annum repeteretur. Eam indulgentiam Clemens VI. quinquageſimo cuius anno: Sixtus IV. quinto ac vigelimo cujuſque ſæculi, largiti ſunt, quò foret facultas frequentior, cœleſti Patri, ex dilectiſſimi filij infinitis laborum dolorumque perpeſſionibus ac meritis, ſatisfaciendi. Chriſtianus orbis univerſus Bonifacij liberalitate & fructu animorum expiandorum excitatus, magnum cepit ſolacium atque adjuvmentum, quod plurimos ad ſacra Apoſtolorum limina in urbem pertraxit.

In quâ cœleſtium donorum affluentia ſua tamen quies Germaniæ non conſtitit. Albertus Rex, Pontifici nondum ſatis probatus, evaſerat Electorum nonnullis odioſus. Dietherus Naſſovius, Adolphi Cæſaris frater, è D. Dominici familia, quem Bonifacius, prætermiſſâ capitularis comitiſ auctoritate, ſine Cleri ſuffragio, Trevirenſibus Archiepiſcopum dederat, Alberto, quoad vixit, ob germani necem, fuit intentus. In eandem alienationem deſcenderant Gerardus Moguntinus, qui Adolſum, tamenſi minùs gratum, noluiſſet tamen necari, Wigboldus Agrippinenſis ejusdem amicus, ob accepta beneficia, & Rudolfus Bojo-Palatinus reſpectu privatæ utilitatis clàm eidem inſenſi. Orta eſt inimicitia & conſpiratio, tum ex ſingularibus cauſis, tum ex Alberti accuratione, Rhænenſia portoria, quæ admodum ſunt opulenta, fuerantque olim in Cæſarum ærario, repetentis. Tena-ciſſimè figuntur, quæ potentium manibus iniquis ſemel adhæſerunt. Viſa hæc petitio Rhænenſibus Principibus durior, quàm ut ilico probaretur ab aſſerentibus, ea vectigalia eſſe Cæſarum beneficia, quæ à ſucceſſoribus non debeant imminui, ſed potius ampliari. Moguntinus eò dolebat acerbius, quò conſanguineo deturbato, Albertum ad faſtigium evexiſſet, crederetque, ſibi eo nomine omnia deberi. Sed non perennat iſtiusmodi benefactorum, quæ ſine maleficio & discrimine non obveniunt, memoria. In commune conſpirantes, querebantur, intolerabilem eſſe tantorum proventuum jacturam: quid enim demum Principibus ſit reliquum, ſi, quæ Cæſarum liberalitate poſſiderent, ſolâ habendi libidine à Cæſaribus ad fiſcum revocentur? Addit Aventinus, Moguntinum, quid promiſſæ abs Alberto pecuniæ exigentem, non fuiſſe auditum, & offeſum repulſâ, ſuſpenſo de cervice cornu venatorio, inter aulicos jactâſſe, plures ſe geſtare in eo cornu Cæſares, & cum dicto ſe proripiſſe ex aulâ. Igitur Antistites conjurati, Septembri ſeneſcente, diem dicunt Alberto, & quod priſci moris erat, ut Archidapiſero honoraria foret judicandi facultas, ſi qua lis in Cæſarem moveretur, Rudolfum, inter Electores ſæculares primum, appellant ſuæ cauſæ judicem ac cognitorem. Albertus non refugit vadimonium. Moguntinus Cæſarum creandorum evertendorumque peritus artifex (adhæret ejuscemodi hominibus, ex uſu atque ſucceſſu, neſcio quid peſtilentis adverſus Principes irritamenti) ſumptâ accuſatoris perſonâ, Albertum reum agit, quò Adolſum Cæſarem impio bello, & nefando parricidio

AN. CHRIST.
M. CC.
XCIX.
COMITIA
NORINBER-
GENſIA.
RUDOLFUS
AUSTRIÆ
ARCHIDUX
BLANCAM
DUCIT.
AN. CHRIST.
M. CCC.
ANNUS Ju-
BILÆUS.

ALBERTI
CÆSARIS
OSORES.
XIIIX.

Rebdorf.
Nulla anr.
ACCUSATIO.

RUDOLPHUS
PALATINUS
BELLO PETI-
TUR.
DITIONUM
PARTE EXUL-
TUR.
Avent.

interemisset, non sine crimine læsæ majestatis : addit calumniam, eum idcirco à Bonifacio Pontifice diris esse devotum, eoque indignum supremo fastigio. Rudolfus inclinans in conjuratorum sententiam, ab avunculo Cæsare desciscit, sibi que consciscit primas belli iras atque impetum, quem in ipsum Cæsar mox convertit. Gravius sentiuntur consanguineorum, quàm extraneorum injuriæ. Cæsar, comperto, agi comitia de suo capite atque dignitate, ilico Rudolfum, Augustensium & aliorum Imperij civium viribus invadit, exultque compluribus ditionibus, quæ Cæsarium beneficio non ita pridem fuerant Bojariæ contributæ, Neoforo in Nariscis, Lawingâ, Danuwerdâ, cujus castrum jussit exscindi, Schwabekâ, Schongaviâ cæterisque, quæ Conradinus Ludovico Severo, partim dono, partim pretio concesserat. Ludovicus Rudolfi frater, Otho & Stephanus patruels, quod in Rhenensium conspirationem non venissent, ab isto bello fuere immunes : & hos quidem reperio, Landishutæ cum ducentis secundæ Boicæ nobilibus baltheo militari, pompâ memorabili ad 5. Cal. Julij, fuisse accinctos.

ÆRE MUL-
CTATUR.
AN. CHRIST.
M. CCCL

XIX.

RUDOLFUS
IN MATREM
ET FRATREM
INIQUIUS.

OTLINGE-
RUM SUPPLI-
CIO AFFI-
CIT.

AN. CHRIST.
M. CCC. II.

A CÆSARE
DAMNATUR.

Sub hæc Albertus sibi domandum sumpsit Moguntinum. Sæviit in agros, complanavit arces, Bingium obsedit, cepitque deditione, eoque necessitatis conjuratos adegit, ut, cum eos malorum pertæduisset, pacem supplices exorârint : quæ reconciliata est, non sine luculento Rudolfi Palatini damno. Multatus est grandi argenti multâ, quam ut dependeret, necesse habuit, tributum, quod *ungulare* vocant, à subditis exigere, certo alium numero in singula armenti capita, quod tamen ipse per Episcopos prohibitus, à Clero non impetravit. Tales videlicet sunt Regum iratorum in suos Judices sportulæ, qui nunquam sine noxâ à subiectis damnantur. Sed neque culpâ caruit Rudolfi factum in Mechtildem matrem Alberti sororem plenum inhumanitatis. Erat in Mechtildis potestate Ludovicus filius, quem suo loco videbimus Imperatorem. Rudolfus fratris pupillarem procuracionem contendebat ad se pertinere. Ergo matrem perinvitam fratremque, ex Schiltbergâ arce primæ Vindelicæ, captivos Monachium abducit. Mechtildis plurimum utebatur operâ consiliisque Conradi Otlingeri, viri rarâ prudentiâ, eoque invisi Rudolfo, quod cum fide res Mechtildis gereret, censeretque, Ludovicum in matris curâ esse retinendum. Rudolfus autumans aliter se voto non posse potiri, nisi sublato consultore & adiutore materni juris, Otlingerum, suspectæ cum Mechtilde familiaritatis, aliorumque criminum per quadruplatores insimulat, & mense Novembri damnatum afficit capitali supplicio, filius degener, & proditor maternæ innocentæ. Quid ageret calamitosa mater, filio, & urbibus, castellisque, quæ pupillari administratione tenuerat, à Rudolfo per vim spoliata ? In armis nulla spes, sed ingentium malorum metus ; sed Rudolfi charitatem bona mater nondum exuerat. Ut erat apprimè sapiens & cordata, mœrorem dissimulat, & necessitatem vertit in rationem. Accito Emichone Episcopo Frisingensi, & Othone secundæ Bavarie Duce, oppida violenter adempta, cæterasque possessiones Rudolfo concedit, reservato tamen ad viduitatis alimenta exiguo censu. Tum persuadet Rudolfo, pactum fore stabilius, atque extra omnem aleam, si Cæsaris iudicio firmetur. Ergo simul ad Albertum proficiscuntur. Ubi Hæcstadium, locum extra Rudolfi ditionem, venerant, Mechtildis extemplo negat, se pacti per vim à captivâ iniquissimè extortæ ullâ ratione teneri, filium apud Cæsarem injuriarum arcessit, & Nordlingæ postliminium impetrat non modò ad jura dotallium bonorum, sed etiam ad curam tutelarem Ludovici filij, negantis, se domum rediturum, nisi sub maternâ potestate. Quia porro Boica superior inciderat in grande æs alienum, vectigalium administratio Rudolfo, cujus culpâ tot nomina contraxerat, tantisper adempta, donec debita expungerentur. Ita qui fratris tutelæ inhiabat, uti debuit invitus alieno curatore : unde factum, ut nullam Reipublicæ partem attingeret, in Cæsaris aulâ per honoris speciem retentus, ductusque cum Othone Duce inferioris Bojariæ ad bellum, quod Albertus intulit Wenceslao Boemorum Regi.

Suscepta est magno molimine expeditio, spe magnas opes ex opere metalli-
co comparandi. Lis erat de Cuthnentibus fodinis, è quibus nihil effossum est præ-
ter dedecus, & rei inconsultæ ignominiam. Cæsar, ut ipsi potiretur, validum qui-
dem exercitum in Boëmiam eduxit, sed nullo prorsus operæ pretio, immo ne con-
specto quidem hoste. Certamen duntaxat tuit cum aquarum virulentâ maligni-
tate, quæ complures viros fortissimos, & jumenta ingenti numero extinxit, coë-
gitque Albertum re infectâ in Germaniam redire, irato exercitu, quod stipendia
non repræsentasset, sed improvidè malis ingentibus exposuisset solâ ditescendi cu-
pitudine. Cometa, triste sidus, Autumnus per mensem comas explicavit, clades
portendens mortalibus, quarum pars fuit Mechtildis Cæsaris Alberti soror hoc an-
no defuncta, Princeps magnarum virtutum, cujus fecunditati suam debet origi-
nem, quicquid Boico-Palatina stirpis hodie superest. In Ludovici Severi mariti
conditorio Furstenfeldæ est sepulta. Ejus liberalitate Diessensis Cœnobij opes,
cum pietate collapsæ, ad frugem redierunt.

Defloruit anno sequenti nobilissima & potens Hirsbergiorum Comitum fa-
milia, demortuo sine prole Gebhardo Sophiæ Boicæ filio ejusce sanguinis ultimo.
Suiggerus sator ejusce gentis, Utilone Boijs imperante, Aistettensem Episcopatum
condidit: Gebhardus auxit Hirsbergensi Toparchiâ, & urbe Berchingensi, cujus
ditio penes Ludovicum Bavarum, quem ille hæredem dixit, cum jurisdictione,
quâ adhuc nostri Principes, cum exiguo tamen emolumento potiuntur, relicta est.
Idem D. Dominici alumnos Aistadium induxit. Blanckstettense D. Benedicti
Monasterium ad ipsius avos suam refert originem.

Quod nunc exequor, luculentum est fallacis humanæ fortunæ documentum.
Andream Veneto Ungarorum Rege sine liberis defuncto, vota Procerum in diversa
abierunt. Nonnulli Carolum Robertum, Alberti Cæsaris ex Clementiâ sorore
nepotem, jam olim istius sceptri candidatum, optabant. Ille jus regnandi ab
aviâ ducebat, Ladislai Regis sorore: & verò etiam sublevabatur autoritate Cæ-
saris, &, quod magni erat ponderis, favore Pontificum, qui rem strenuè urgebant,
intentato etiam Pontificij fulminis timore, qui hoc ipso reddebat Ungaros à Carolo
alienos, quippe quibus durum videbatur, suffragiorum libertatem, præter morem,
minis arctari. Igitur eorum sententia obtinuit, qui Wenceslaum Juniorem Wen-
ceslai Boemi gnatum, regio diademate donârunt. Sed quia complurium ingratis
folio erat impositus, parens reformidans æmulorum invidiam, ne qua vis ei fieret,
putavit in Boëmiam esse revocandum. Duobus rivalibus submotis, Ungari Otho-
nem secundæ Bojarie Ducem, Belæ IV. ex Elisabethâ filiâ nepotem, &, quod
consequens est, avito sanguine Ungarum, ad capeßendum regnum invitârunt.
Otho, licet ad tantæ fortunæ spem excitatus, nihil tamen citra amicorum judicia
voluit decernere. Re in concilio in utramque partem accuratè disceptatâ, præ-
valuere, qui speciosiora, & Othonis animo gratiora suaserunt. Legatis domum
benignè remissis, comparata sunt, quæ visâ facere ad tantæ dignitatis splendorem.
Proxima cura fuit, coronam, quam Wenceslaus in Boëmiam asportaverat, impe-
trare. In eâ tradendâ, Wenceslai facilitas atque modestia nihil moræ fecit. Otho,
accepto regni pignore, è Boëmia rectâ contendit in Ungariam. Quo itinere
corona vidulo inclusa, comitum fidissimo commendata, ignaro tamen, quid vehe-
ret, excidit casu nulli observato, neque cognito ante noctem. Hic mœror & in-
credibilis sollicitudo. Miser suâ vestigia relegens, in arenâ à viatoribus tritâ coro-
nam obsignatam reperit, & cum ingenti lætitiâ retulit ad diversorium. Omen
inde captum, variantibus conjectoribus; quorum aliqui longum & stabile Impe-
rium, alij breve & ærumnosum dicebant, portendi. Horum præsagium confir-
mavit eventus. Otho delatus in Ungariam, producto regni diademate, mox à
populo in omnem auram mobili, in magno Procerum comitatu, Albam Regiam
deducitur, & à Benedicto Vespriensi, & Antonio Chianadensi Episcopis solen-
nibus cæremonijs inauguratur. Serenum initium statim obnubilavit Ungarorum
invidia, ægrè ferentium, ante se, qui regnum dederant, haberi Regis domesticos,
atque

AN. CHRIST.
M. CCC. III.
BELLUM
BOEMICUM
INCONSUL-
TUM ET FRU-
STRANEUM.

Stero.

AN. CHRIST.
M. CCC.
IV.

MECHTIL-
DIS RUDOL-
FI MATER
MORITUR.

AN. CHRIST.
M. CCC. V.

Hund. in
Origin.
HIRSBERGII
COMITES
EXTINCTI.

XX.

OTHO BOIUS
UNGARIE
REX INFOR-
TUNATUS.

Dubrav. l. it.

CORONA-
TUR.

BOIOS DŌ-
MESTICOS
IN PATRIAM
REMITTIT.

CAPITUR A
VAIVODA
TRANSIL-
VANO.
EVADIT EX
ANNUO CAR-
CERE.
URATISLA-
VIE, AGNE-
TI MATRI-
MONIUM
ADDICIT.

AN. CHRIST.
M. CCC.

VI.

XXI.

WENCES-
LAUS BOE-
MIE REX
OCCIDITUR.

BOII COPIAS
CÆSARI IN
CASSUM OB-
IICIUNT.

AN. CHRIST.
M. CCC.

VII.

Hand. in
Comad.

SALISBUR-
GENSIS AR-
CHIEP. CA-
RINTHIAM
VEXAT.

AN. CHRIST.
M. CCC.

IIIX.

XXII.

ALBERTUS
CÆSAR A
NEPOTH
TRUCIDA-
TUS.

atque in primis quidem Albertum Halsium, & Hartliebum Puechbergium Comites, quos Otho è Boicâ adduxerat. Non erat obscurum, Ungaros nequiquampassuros exterorum haberi potiorē rationem. Ergo Otho deferens iratis, Bojos à se dimittit, séque nudat honestissimo comitatu, ratus, satis sibi esse præsidij in Ungarorum fide. Sed longè secuta alia. Regnum securè lustrantem Ladislaus Transilvania (ut vocant) Vaivoda, captivum abducit, offensus, quòd Otho oblatas filiae nuptias abnuisset. In eo carcere squalorem annum toleravit, donec familiaris servulus, an (quod scripsit Argentinas) Vaivodæ conjunx, florentissimi Principis commiseratione, viam ad fugam aperuit. Elapsus Uratislaviam, Conrado Principi proditus, novum adit periculum amittendæ libertatis, quam, pactis cum Agnete Poloni filiâ nuptijs, redemit. Octavo demum hujus sæculi anno, patriæ redditus, post longam jactationem, Straubingæ, cum ingenti Bojorum gaudio, nuptias cum Agnete celebravit. Et ista quidem fuit fides fortunæ tam speciosè blandientis. Eundem fuit bono Principi à solio ad ergastulum, à corona ad compedes & graves fugæ ærumnas.

Dum peregre per tot rerum discrimina jactaretur, in patriâ res nonnihil sunt turbatæ. Wenceslao Seniore Boëmo rebus humanis exempto, ejus filius Olomutij in domo suburbanâ, dum solus captat auram frigidiorē seminudus & inermis, à nefario latrone vix sextum decimum agens annum, tergemino lethali vulnere est confossus. Percussor deprehendi non potuit. Turingus quidam, in scalis, cum cruentâ sicâ repertus, prius à Palatinis discerptus est, quàm ut parricidij authores consciòsve posset edicere. Sublatâ per hoc scelus nobilissimâ stirpe, subitò exorti è Germaniâ Regni rivales. Rudolfus Cæsaris Alberti filius Wenceslai Senioris viduam duxerat, Henricus verò Carinthius, Wenceslai sororem, eoque dotis nomine sibi coronam censebat deberi. Dum causa disceptatur, Rudolfus moriens litem dirimit. Carinthio favebant Boij fratres, Alberto infensi, quòd promissâ stipendia, ob navatam nuper bello Boëmico operam, & pecuniam, ob illata Boijs à Cæsariano milite damna, non repræsentaret. Carinthius per Othonis absentiam, Stephani fratris ope, in Bojæmiam penetraverat. Discordes nihilominus erant Boëmorum sententiæ, alijs Henrico Carinthio, alijs Friderico Rudolphi demortui fratri sua studia deferentibus. Cæsar, certus non deesse filio, armatus ingressus est Boëmiam. Commodum Stephanus Bojus Landishutæ æger castris adesse, nedum Cæsari vim obijcere, potuit. Nobilitas tamen, correptis armis, tumultuario delectu agrestium centurias ad signa coëgit, quas Alberto, in Oeni trajectu, Schardingam inter & Passavium obijceret. Sed, quod in bello palmarium est, caput deerat; singulis Dynastarum manipulatim, & non nisi in proprios clientes imperio utentibus. Verbo, scopæ erant dissolutæ, & colonorum multitudo extemporaria infidæque, si quam vim veteranus Cæsaris miles inferret. Certè rusticanus apparatus ludibrio fuit Cæsarianis. Albertus copias bifariam partitus, partem jussit Passaviensi ponte transmitti, partem ipse sub solis ortum in Bojorum conspectu traduxit. Bini procedebant gradu militari, eâ fidentiâ, ut nemo è Boijs esset, qui telum mitteret in transeuntes, ne tum quidem, cum in populationes effusi, agrestium spes opesque diriperent. Sic in ventum ludumque abiêre Bojorum iræ.

Anno subsequenti Salisburgensis Archiepiscopus, jussu Cæsaris, cum exercitu movit in Carinthiam, haud dubiè eo consilio, ut Henricum è Boëmiâ ad domestica pericula revocaret. Sed potiores visæ regni, quod ambibat, curæ. Ita nullo propè resistente, facilis fuit Archiepiscopi expeditio. Spatio sesquimensis D. Viti Fanctm subegit, invasit Clagenfurtum, Wolckenmarcum: arcem Rabensteiniam, haud procul à Frisiaco expugnatam solo aquavit, & S. Thomæ montem valido præsidio communiit.

Non longè tunc Albertus aberat à funesto casu, quo immani parricidio occisus est, cum propè esset, ut in Carinthiam moveret, cum ingenti apparatu. Scribunt, cum sub signis habuisse quinquaginta peditum, triginta equitum millia. Jam erat

erat in procinctu, cum à Joanne Sueviae Duce, suo ex fratre nepote, ad necem crudeliter fuit destinatus. Noverat, propediem patrum Badenâ Helvetiorum Rhinfeldam profecturum, ubi foret insidijs opportunus. Vix annum tredecimum ferox adolescentulus attigerat, inter Alberti liberos regiè educatus. Per ætatem non erat habilis Principatui, qui sub Alberti tutela regebatur, administrando. Ille tamen præcoci ingenio, patrum imperia averfabatur, totus in sectandâ libertate, & appetendo regimine paternarum ditionum. Sed & Cæsar Kyburgensem Dynastiam ad se traxerat, tametsi nepoti jure materno deberetur. Ultro spirantem iras, nonnulli Procerum privatis in Cæsarem odijs, & Adolphi Cæsaris ultioni imminentes, incendebant, sperantes fore, ut, Alberto sublato, insani juvenculi beneficijs augerentur. Ergo simul in Alberti necem conspirant. Maij calendæ illuxerant, cum ejus patranda se dedit opportunitas. Cæsar festivè cum amicis epulatus, ingressus iter, prope Vindonissam, nobilem olim Episcopatus sedem, nunc pagum infrequentem, Germanicè Windisch, Rusam flumen, alijs Ursalam, navigio cum paucis trajicit, in quibus omnes conjurati, qui de industriâ familiarissimè colloquentes sese Alberto adjunxerant: reliquus comitatus cum turmâ prætorianâ, paulatim flumen erat trajecturus. Ergo Cæsarem per camporum aperta equitantem, & desertum à suis, scelerati parricidæ obversâ fronte invadunt. Joannes nepos (quod fuit pro classico) patrum jugulum ferro trajicit: Warthius unus è conspirationis socijs, ei latus haurit lethali vulnere: Palmensis ictu truculento caput diffundit. Sic Albertus in cespite jacuit exanimis, inque suo sanguine volutatus. Tam miserabilem exitum sortitus est Cæsar victoriosus, & triumphatoris nomen promeritus: Princeps à sævitia alienus, magnanimus, studiosus veritatis, osor bilinguium, & falsis delationibus alienæ famæ insidiantium. Hoc nævi habuit, quod prolatandorum finium avidior, bella inconsulta gesserit. Interfecti corpus Königsfeldæ, in cœnobio, quod ejus uxor, haud procul à latrocinij loco, construxerat, dicârâque D. Claræ, conditum est, donec ab Henrico VII. Cæsare, anno sequente refossus 4. Cal. Septembris, Spiræ, juxta Adolphi Cæsarem, (urnæ vix palmo distant) locatum est. Sic fatales inimicitias mors æquo jure componit. Certè multis rem altius expendentibus visum est, Alberti cæde Adolphi manibus fuisse parentatum. Ejus percussores plerique infelici fato perierunt: justitia divina æquissimâ lance omnibus suas rependit vices. Joannes Nepos vagus & inops, nunc mendici, aliàs mercatoris aut agricolæ habitu ignorabilis, post longos errores ab Henrico Cæsare, Pisis, in Augustiniani Monasterij angustias est relegatus. Rudolphus Warthius vivus actus in rotam: simili cruciatu peremptus Ruffelingus Warthij famulus: Gualterus Eschibachius, qui parricidij suasor & spectator duntaxat fuit, per annos triginta quinque in agro Wirtenbergeni mercenarium bubulcum egit, omnibus ignoratus, donec in extremâ vitæ lineâ semet prodidit: Ulricus Palmensis in Basileæ suburbano diu delituit, tandemque in arce suâ Altaburâ, mœrore & rerum inopiâ contabuit. Scelerum pedisequa est calamitosa miseria: nemini debet esse impunè, manus violentas uncto Domini iniecisse.

Vulgarâ Alberti morte, Electores in villam Renseanâ, quæ media est inter Confluentes & Poppardiam in Rheni ripâ, de cooptando novo Principe consultârunt. Philippus Pulcher Franciæ Rex vehementer sollicitabat animum Clementis V. Pontificis, ostentato etiam armorum metu, ut Carolum Valesium fratrem, præteritis Germanis, Romano Imperio conaretur imponere. Degebat tum Pontifex Avenione, statione Franci injurijs opportunâ. Attamen Clemens, licet Gallicæ gentis, unde illi origo, respectu, & spe Regis sibi demerendi validè urgeretur, Germaniæ Principes, atque inprimis Rudolphum Palatinum per litteras officij admonuit, ut virum tanto dignum fastigio legerent, solâ publicæ utilitatis habitâ ratione. Quo factum, ut Patres, Pontificis autoritate animati, Henricum VII. domo Lutzelburgicum summæ rei destinarent, Principem

PERCUS-
SORUM SUPPLI-
CIA.

Magn. Chron.
Belg. Alta
M. S. Bal-
duini. Alb.
Argent.
Lut. Cle-
ment. ad Ru-
dolf.
ALBERTO
SUCCEdit
HENRICUS
VII. LU-
TZELBURGI-
cus.

AN. CHRIST.
M. CCC. IX.
Henrici VII.
publica ta-
bula.

cipem togæ militiæque artibus præcellentem. Francofordiæ vigesimo septimo Novembris, vel, quod Argentinas mavult, Calendis Novembribus, vel, quod alij, 5. Cal. Decembris, adnitente Balduino ejus fratre Trevirorum Archiepiscopo, rex est salutatus, & sequenti anno ineunte, cum honestissimo apparatu deductus Aquas, sacro Epiphaniæ die, ab Henrico Coloniensi (contra ac Argentinas, ejusque sequaces scripserunt) Regni Romanorum coronam accepit, unâ cum Margaritâ uxore, Joannis Brabantiae Ducis filiâ. Antè quàm coronaretur, affinitatem junxit cum Rudolfo Boico-Palatino, per nuptias filiae Mariæ Lutzburgicæ, quam Ludovico Rudolphi filio locavit cum dote sedecim argenti marcarum millium: Rudolfus verò aliquot ad Rhenum oppida filio contribuit: quod Ludovicus frater, postea Imperator, quia injussu suo factum, improbavit; unde semina magnorum odiorum, quæ per omnem vitam utrumque fratrem graviter exercuerunt.

HENRICUS
CÆSAR FOE-
DUS ICIT
CUM BOIIS.
JOANNES
LUTZEL-
BURGICUS.
XXIII.

CEDEnte
CARINTHIO

BOEMIAE RE-
GNO POTI-
TUR.

BOII BEL-
LUM FRIDE-
RICO AU-
STRIO INFE-
RUNT.
AN. CHRIST.
M. CCC. X.

AUSTRII OP-
PRIMUNTUR.

Subinde Henricus Cæsar, isto cum Boijs fœdere, professus est, se eosdem, quos ipsi, amicos inimicosque habiturum, simul addixit, limitibus Imperij in Boicæ confinibus se neutiquam daturum Comites, qui commune otium, se quidem conscio, turbarent. Præterea dedit Rudolphi Palatini curæ atque honori, ut Joannem Lutzburgicum filium, unâ cum novâ nuptâ duceret in Boëmiâ, ubi ab Ordinibus, quos Henrici Carinthiæ tædium ceperat, in Regem petebatur. Initio videbatur, Carinthium voluntate regno non decessurum, sed extrema armis tentaturum: quamobrem Rudolfo adungere oportuit validum exercitum, in quo fuere quingenti è Boicâ nobilitate. Sed cùm denique Carinthio Boëmorum insidiæ, perinde atque Cæsaris arma essent metuenda, ne se in pedicas inextricabiles indueret, cum conjuge, rebûsque, quas properè potuit convasare, Boëmis relictis, confugit ad Rudolfum, sat habens, si ex insidiosis honoribus, incolumis posset in patriam remeare. Rudolfus casuum humanorum memor, comiter acceptum, in Tirolim saluum reduxit: quietus ævi reliquum exegit, umbratili Regis nomine contentus, ut meminisset, se infelicem aliquando Regem fuisse.

Manebant interea altâ mente repostæ injuriæ, quas Boica secunda ab Alberto Cæsare, per Ducis Othonis absentiam, acceperat. Degebat in Aulâ Cæsaris Fridericus Austrius, clientelas Austriæ; more solenni, Spiræ, beneficij titulo professurus. Isthic dum hæret, & Cæsare tergiversante, per varias comperendinationes negotium extrahitur; Duces inferioris Bojariz Neoburgum occupant: Schardingam, rigente brumâ, in quartum mensem obsident, ac de-
num per cuniculos penetrant in arcem, ipsis anni sequentis Regalibus. Obfessi, desperatâ civitatis defensione, ignem tectis injiciunt, & fugam Wernstainium maturant. Obrui à Boijs fugientes poterant, nisi facti Othoni Duci supplices, inducias usque ad Friderici reditum, cum vitæ libertatisque veniâ impetrassent. Fridericus, ineunte vere, è Rhenensi tractu, è Sueviâ & Salisburgo, ad quindecim armatorum millia Boicæ infudit, à quibus provincia longè latèque ferro flammisque deformata est. Riedam insigne oppidum, post toleratam dierum quatuordecim obsidionem, postque arcem hosti deditam oppidani incenderunt, ne præda veniret in Friderici manus. Cùm subinde ab eo Schardinga premere-
tur, Boij Principes septuaginta peditum millia, & justum equitatum, in adversâ Oeni ripâ, obsidenti objecerunt. Copias ducebant Truhendingius, & Hohenlohhus Comites. Cùm nihilominus Fridericus hæreret in obsidione, Hartliebus Puechbergius, per pontem extemporaneum, Oenum transmissus, sessitantes oppressit eâ celeritate, ut fugientibus ne spatium quidem fuerit convasandi. In castris ingens est præda reperta. Direptæ simul Salisburgensis sarcinæ, venditæque sub hastâ per ludibrium; redactæ ex ijs quatuor non amplius librarum nummum Passaviensium. Gesta hæc Nonis Novembribus. Sub id tempus Waldseius alteram Austriacorum manum Titmaningam (Salisburgensis editionis oppidum) adduxit, peræquè gravem amicis atque inimicis, cùm omnia nullo

nullo discrimine populationibus & igne vastaret. Castris pestilente foedatis, lues in Boicam propagata graviter saevit.

Eodem anno facta, Ludovico auctore, nova primæ Bojariæ partitio. Rudolfo cessit Monachium, Vohburgum, Pheringa, Haimhusium, Schwaba, Wasserburgum, Klingenberg, Hadmarsperga, Faleia, Aibling, Fauces Erlanenses, Ebseum, Kuffstainium, Weirberga, Ratenberga, Kitzbiela, Telzium, Wolfrathshusium, Gruenenwalda, Falckenstainium. Palatinatus Rhenensis, & Ratisbonæ jura, in sortem non venerunt. Ludovico sortitò obtigit Ingolstadium, Neoburgum, Raina, Keschinga, Hundspurga, Truishaumium, Hœchstadium, Donersperga, Gundelfinga, Aicha, Hagela, Ascholdinga, Fridberga, Schiltberga, Mülhusium, Schnaitbachium, Schrobenuhusium, Dachovia, Wickershofium, Landsperga, Wildenroda, Widersperga, Neolechspurga, Pælium, Weilheimium, Pfaffenhofium, Geisensfelda, ager Wochoviensis in Austriâ. Divisio facta est per arbitros, quantâ potuit accurate. Arbitrorum nomina in posterorum gratiam adscribo. Hæc relata sunt in publicas tabulas. Henricus Sceveldius, Eberhardus Thorius, Henricus Rorbachius, Bertoldus Küllenthalius, Otho Greiffenbergius, Albertus Judmannus supremus stabuli magister, Henricus Gumpenbergius, Otho Euringsburgius, Bertoldus Röchlingius. Credebatur fraternæ concordie bene consultum, positis utrique portioni limitibus, qui omnem controversiam tollerent; sed divisa imperia semper habent dissidiorum materiam: proinde bello nihilo secius certatum est, factæ utrinque cædes, saevitum incendijs, qui mos pessimus istius ævi fuit, & fructus fratrum odiorum, quibus erat volupe malè facere, tametsi ex alieno malo nihil caperent emolumenti. Id tamen bello fuit aliquantò tolerabilius, quia non fuit diuturnum.

NOVA BOICA PARTITIO.

XXIV.

SUBORTO DIGLADIATIONES.

Nam postero anno mox posuerunt iræ. Reliquum erat, ut secunda Boica cum Austrijs pacem iniret. Stephanus Othonis frater n. Cal. Januarias diem obierat, parens quinque liberorum superstitem, Henrici, Othonis, Beatricis, Elisabethæ, & Agnetis, quos omnes adhuc impuberes Stephanus Othoni commendaverat. Ergo Elisabethæ nuptijs cum Othone Austriaco pax sancita est Passavij sequestri Elisabethæ Alberti Cæsaris viduæ, adhibitisque arbitris Conrado Salisburgensi, Bernardo Passaviensi, Joanne Brinxenli, Alberto Gurcensi, Henrico Carinthio, & Comitibus Ortenburgicis. Pacificationi adfuere, Otho, cujus res maximè agebatur, ejusque patrueles Rudolfus & Ludovicus.

AN. CHRIST. M. CCC. XL.

PAX CUM FRIDERICO AUSTRIÆ.

Pacatâ domi Bojaria, Otho memor acceptæ ab Ungaris injuriæ, spirabat ultionem, quam urgebant viri militares, quibus omnis ars, & vitæ ratio est in armis: sed ulciscendi aviditatem destituebat belli nervus, ætatio exhausto per sumptuosos, in capessendo Ungariæ sceptro, apparatus, & per bella, quæ Otho immensis impendijs aluerat. Obstabat etiam gravitas æris alieni, cui diluendo vix ullus erat modus, vectigalibus oppignorat, & extenuatis privatorum facultatibus. Sed his omnibus anteponebatur ighominie delendæ cupiditas, vitio mortalium, qui turpius putant, accepta mala non reponere, quàm tolerasse; quasi tolerantia sit confessio imbecillitatis & imbelliæ. Omnes circumspicienti conficiendæ pecuniæ modos, occurrit jurisdictio minoris imperij, & jus nobiliorum oppidorum, quæ hætenus manserant penes principatum. Hæc ergo, quæ erant in facultatibus dominatûs, ad conquirenda stipendia magno ære distrahit, non sine grandi fisci detrimento, permittitque opulentioribus è nobilitate: concedit item Episcopis & civitatibus per suos cuique fines, eâ lege, ut, ubi pretium ex pacto repræsentassent, ijs fas esset, dare minorum causarum Judices & arbitros, æs multatitium in rem suam vertere, universas actiones, præterquam homicidij, furti, latrocinij, verbo, rerum capitalium, & juris (ut vocant) gladij

OTHO BOICUS VINDICTAM PATRANS IN UNGAROS.

VENDIT JURISDICTIONEM MINORIS IMPERII.

dij exercere : unde comparata jura locorum, quæ hodie Hofmarchiarum nomine censentur. Acta hæc Landishutæ, mense Junio, exemplo parùm utili, non illaudabili tamen documento, quo discant Principes, sumptus metiri cum censibus, ne quæ suæ fidei habent ad sustinendum Principatum commissa, sinant abire in manus alienas, cum ingente posterorum damno, qui in accisis regendi adminiculis, eò subinde necessitatis adiguntur, ut vel cætera principalis patrimonij consumant, vel subjectis sint justo graviores. Et verò totum æs, quod ex eâ venditione corrasum, non provenit ex emptorum ærarijs, sed ex inopum sudoribus, quibus ex istâ pactione nihil accessit commodi, sed multum detrimenti, quòd deinceps aliquantò avariùs à tenuioribus dominis, quàm olim ab opulentis Principibus haberentur. Pauperculi ter octavas rerum omnium, etiam vilis suppellectilis pensitârunt dominis, ter omni armento capitatum vectigal impositum : à rerum promercialium propolis semel exacta hæc pensitatio. Indictum quoque rei frumentariæ grande tributum : Parsum tamen sacerdotum decumis & frumento cibario, quod Principis beneficiarij, ordo sanctior, domus hospitales, in penum referebant. Hæc cuicunque provisio Othoni usui non fuit, fortassis Deo vindice. Ungariam ingredi parantem mors 5. Idus Septembris oppressit, cum annum unum supra quinquaginta vixisset. Hæredem reliquit ex Agnete conjugæ Henricum tredecim, non amplius, dierum infantulum, cui moriturus, præsentem Landishutæ & Straubingæ Magistratu, Ludovicum patruelem, solenni nuncupatione tutorem dixit : quæ tutela magnas peperit turbas & dimicationes.

MORITUR,

RELICTO
FILIO HEN-
RICO.HENRICUS
CÆSAR IN-
GRESSUS
ITALIAM,MULTAS CI-
VITATES IN-
VADIT.AN. CHRIST.
M. CCCXII.
ROMÆ CO-
RONATUS,
MORITUR.

X X V.

MORS CON-
RADI SALIS-
BURGENSIS,
ET
EMICHONIS
FRISINGEN-
SIS.ALBERTUS
SUEVUS MO-
NACHUS AL-
TAHENSIS
MORITUR
DIVES MERI-
TORUM,

Henricus Cæsar, petente Pontifice, alpes transcendit autumno jam ad-
ulto, ut, si quâ posset, Gibellinorum & Guelforum factiones componeret.
Cum haud satis, pro periculi magnitudine, à copijs esset instructus; è Boijs
& Austrijs auxilia contraxit. Bojos duxit Rudolfus Palatinus: Ludovicus, ex
arcano Cæsari offensus, se non movit. Austrios habuit sub signis Leopoldus
Sueviæ Dux. Cæsar Mediolanum, invitis Guelfis, ingressus, regni Longo-
bardici diademate insignitus est. Multa tentavit pro conciliandis factioni-
bus, sed irritò labore, quòd feralia odia utrisque aures occlusissent. Invasit
Vicentiam, Patavinos subegit, & ære multavit, Cremonam deditione captam
mœnibus nudavit: Brixiam obsidione laboriosâ devicit, in quâ Walramus Cæ-
sar's frater sagittâ ictus occubuit. Veneti in Cæsarem munifici, ad tiaram
Romanam mille talenta Veneta donârunt: addidère sellam argenteam auro
illustam, coronam auream exquisitissimis ornata gemmis. Obtulère clas-
sem, quæ in Apuliam & Bruttios exercitum veheret. Hæc ridentis fortu-
næ principia Beatricis Reginæ inprimis religiose obitus vertit in luctum.

Cæsar ad Urbem progressus res gessit memorabiles adversus Guelfos. Ro-
mâ potitus, à Pontificijs legatis Imperator est salutatus. Magna molientem,
mors 9. Cal. Septembris, veneno, nisi multi scriptores fallunt, propi-
nata tulit: quanquam sunt aliqui, qui factum passim vulgatum non inani-
bus argumentis refellunt. Eum præcesserat 8. Cal. Aprilis Conradus Salis-
burgensis, armis, quàm religione, famosior. Wickardus Polhaimius, D. Ru-
perti aliorumque Sanctorum reliquijs in decentiorem locum translatis, nobi-
lior, in ejus sedem est evectus. Emicho Frisingensis à pietate laudatus, anno
superiore, Viennæ diem obiit, & Conradum III. domo Monacensem, Ca-
nonici Juris Doctorem, successorem reliquit. Idem annus cælo transcripsit
Albertum Suevum claris ortum natalibus in agro Haigerlochiano, Superioris
Altaichij Monachum, virum in semet oppidò severum, ut adolescentiæ nævos
expiaret. Erat verò in miseros, eos præsertim, qui in vitiorum luto voluta-
bantur, egregiè misericors atque benignus: rerum futurarum præsciis multa
prælagiebat: fuit Elephantiacorum adiutor sospitalis, rebus supra naturæ vires
patratis ante & post mortem celebris.

Sed

Sed neque in istius temporis corruptelâ , sexui sequiori defuerunt decora sanctimoniarum , in Notburge Virgine plebejâ , natâ Ratenburgi , quæ olim erat Boici imperij , nunc est Tarolensis. Mira fuit in egentes benevolentia , quam cum Ottilia hera restrinxisset , eam jubens analecta , quæ ad pauperes ferebat , porcis affundere , præproperâ morte culpam luit. Defunctæ manes in hâc tristibus lamentis quiritantes à domesticis observati , non prius quievêre , quàm largâ in miseros stipe fuerunt expiati. Henricus Ratenburgius Ottiliæ maritus , ad incitas propè redactus est , posteaquam Notburgis ipsius familiam deseruerat : Verùm , ubi eam infimis precibus exorata , rei domesticæ præfecit , sensit sub ipsius manu , opulentiam postliminio reduci. Virginis funus clauit miraculis. Ejus tumulum in Ebeni jugo ad D. Ruperti ædiculam , mortales templo porphyretico exornârunt , cui Maximilianus I. Imperator supremam manum imposuit. Colitur hodièque peregrinorum frequentia , qui suam illi pecorisque salutem , non sine conspicuo beneficentiæ experimento , commendant.

Conradus IV. Ratisbonensis Episcopus , vir apprimè pacificus , & in suam Ecclesiam liberalis , mitram posuit cum vitâ. Episcopatus Nicolao , Regis Bojemiarum Cancellario , post ejus decessum , venit in manus. Venio nunc ad ingentes Boicæ turbas. Negabant Landishutani & Straubingenses , sacramento ab Othone adacti , se , ad Henrici ejus filij tutelam , alium , quàm Ludovicum Bojarum Ducem admissuros. Verùm Albertus & Adelramus fratres Halsij , Eberwinus Degenbergius , Hartlieb , Bocksbergius , aliique secundæ Boicæ optimates , Friderici Austrij auro promissis corrupti , spreto Othonis testamento , illum in Provinciam , Tutoris nomine , invitabant. Dulce tutoris nomen & rarò innoxium , ubi pupilli opulentia magis arridet , quàm procuratio. Progressus est Fridericus usque ad Landavum , & Ludovico litem movit de tutelâ. Res primùm disceptata in colloquio , in quo cum Fridericus , quasi pro imperio omnia traheret ad suum arbitrium , respueretque , quicquid contrâ adferretur ; Ludovicus , juvenili ferociâ , congressum abruptit , & manu ad capulum missâ : *Quando (inquit) verbis nihil proficimus , ferro causam decidemus.* Periculum erat , ne progredere longius , nisi amici iratum cohibuissent. Fridericus grandia minatus , bellum indixit , & rectâ profectus in Sueviam , Leopoldum fratrem adduxit in suam sententiam. Simul per cursores jussit , ex Austriâ sine morâ paratas ad vim inferendam legiones properare. Ludovicus è Boicâ fortissimum quemque , & ex Franconiâ , finitimisque , amicos in campum Sedelbacensem evocavit. Austrij bellum in hostico ducere velle videbantur : Boij contrâ flagitabant pugnam , ut populatores à suis finibus arcerent. Præ quàm alij in prælij descriptione placet Aventinus scriptor , qui rem explicat citra speciem vanitatis , & abstinet à phaleratâ aliorum narratione , qui victoriam sexcentorum armatorum manu , velut miraculo partam jactârunt. Austrij Boijs factiosis sociati , apud Gamelstorfum quinque passuum millia à Mosburgo substiterunt. Id ubi Ludovico per exploratores renunciatum , signa illuc moveri jubet absque cunctatione. Habebat in exercitu Bertoldum Neyffenium , Winandum Trausnitium , Bertoldum Graisbacensem , Henricum & Wilhelmum Marescallos Biberbacenses bellicæ disciplinæ peritissimos. Ad 4. Idus Novembris à primâ luce ad vesperum Austriorum castra , magnis utrinque ausis , oppugnata & defensa , sed à Ludovico denique expugnata , & , hoste in fugam averso , direpta. Permulti è Fridericianis , ad Ambronis amnis trajectum profugi , dum conferti pontem prægravant , & sublicis solutis abruptunt , aquis hausti : alij tranatum molientes , abrepti gurgitibus. Boij perduelles , per nota sylvarum , quæ isthic frequentes , diverticula cum Austrio elapsi. Ex hoste , pars optimâtes , pars boni sanguinis quadringenti quadraginta capti : cæteri plerique cum promiscuâ multitudine occubuerunt. Effodiebantur adhuc , Aventini ævo , lorice , calcaria , gladij , non obscura magnæ stragis

NOTBURGIS
VIRGO RA-
TENBURGI-
CA.

AN. CHRIST.
M. CCC.
XIII.

CONRADUS
IV. RATIS-
BONEN. EP.
MORS.

XXVI.

CONSPIRA-
TIO IN LU-
DOVICUM
BOIUM.

FRIDERICUS
AUSTRIUS
HENRICI
INFANTIS
BOII TUTE-
LAM AMBIT.

A LUDOVICO
PROFLI-
GATUR.

monumenta. Repertus etiam est, longo pòst tempore, cataphractus ferreo habitu, in cavâ fago, tabe, præter ossa solutus. Boij victoriam Deo gratulati, paulò post solis occasum, legerunt manubiâs, quæ potiorem partem celsere Mo-spurgensibus & Landishutanis. Horum præterea virtuti, cujus egregium specimen in conflictu dederant, datum à Ludovico, ut galearum insigne, quo adhuc utuntur, scuto civitatis adderent. Ea clades Fridericum Imperio imminentem, mirè cum affligeret, cuperétque, captivos asseri in libertatem, primus Ludovicum per legatos de pace appellavit, petijtque, ut locum diceret, pacatè, fide publicâ, colloquendi. Convenêrunt anno proximo Salisburgi. Arbitri consensu delecti, Wichardus Salisburgensis, Henricus Carinthus; quibus auctoribus, integrata amicitia, iniuriæ condonata: ab Austrijs ejurata Henrici Boij infantis tutela: captivis utrinque donata libertas. Boij rebelles jussi Austriorum fœderi jurejurando obnuntiare, vel datis sponsoribus, publicæ quieti cavere. Schardinga, donec redderentur captivi, apud sequestres relicta: præfectis dictatæ leges, ad quarum normam, quæstiones, hinc & hinc, de regundis finibus, discernerent.

Boicæ Gentis Annalium

Partis primæ

F I N I S.



INDEX

INDEX.

A.

Ada Caroli Magni Soror. lib. 9. num. 10.
 Adalbero D. Cunegundis frater Trevirensi
 Diacepsi gravis. l. 15. n. 34.
 Adalbertus Babenbergensis Conradum Hassia Co-
 mitem necat. l. 13. n. 7. Obsidetur ibid. De-
 cipitur ab Hartone Moguntino l. 16. n. 8.
 Adalvaldus Longobardus. l. 6. n. 17.
 Adelarthus Episcopus dolosus. l. 13. n. 5.
 Adelinda Virgo defensa. l. 13. n. 3.
 Adolphus Nassovius Rex creatus. l. 25. n. 11.
 exauctoratur. ibid. n. 16.
 Adriani Imp. proba gubernatio. l. 5. n. 9.
 Aëtius. l. 5. n. 17.
 S. Afra & Socia. l. 5. n. 24.
 Agnes Andecensis. l. 23. n. 19.
 Agneti Regina gravida commissa Bavaria. l. 17. n.
 19. eam abdicat. l. 16. n. 21. ab ea Henricus IV. F.
 avellitur. ibid. n. 22. ipsa privatam vitam
 agit ibid. moritur. l. 18. n. 52.
 Agrestinus Pseudomonachus. l. 6. n. 32.
 Aistulfus Longobardus à Thassilone Bojo, & Pi-
 pino Francia Rege compestitur. l. 7. n. 38.
 Alaricus Romam invadit semel, iterum: moritur.
 l. 5. n. 15.
 Alberti Boëmi funestus exitus. l. 24. n. 10.
 Albertus Suevus Monachus Altaben. l. 25. n. 25.
 Albertus Habsburgij F. Austrijs exosus. l. 25.
 n. 11. & 13. veneno petitus. ibid.
 Adolpho subrogatur. ibid. n. 16.
 à nepote occisus. l. 16. n. 22.
B. Altmanus. l. 18. n. 80.
 D. Anno Coloniensis Caesaris monitor. l. 17. n. 19.
 officio graviter fungitur. l. 18. n. 7. & 8.
 moritur. l. 18. n. 36.
 Antoninus Pius non fuit Bojus. l. 5. n. 2.
 Ardoinus regnum Italia ambit. l. 15. n. 12.
 profligatur n. 13. 38. ibid.
 arma resumit. n. 40.
 Monachum induit. ibid.
 Argentinensis Ecclesia initia. l. 15. n. 48.
 Aribio Carantanus Bojaria Palatinus senio ex-
 tinctus. l. 19. n. 1.
 Arnaldus Hæretici. l. 21. n. 6.
 Arnoldus Moguntinus schismatis patronus l. 22.
 n. 16.
 Arnoldus Reicherspergensis sanctè mortuus l. 22.
 n. 30.
 Arnulphus Rex salutatur. l. 12. n. 30. Rudolphum
 persequitur. ibid. n. 32. soporiferâ potione

petitur. ibid. n. 49. affligitur ruinâ diverso.
 vij. ibid. n. 50. veneno petitur. ibid. n. 54.
 extinguitur morbo articulari, vel pediculari.
 ibid. n. 55.

Arnulphus Luitpaldi Boij F. Ludovici Regis ne-
 pos, Dux Bavaria. l. 13. n. 18. exulat. ibid.
 n. 19. vincit Ungaros. n. 20. redit in Bava-
 riam. l. 13. 24. pacem cum Henrico Cesare
 componit. n. 24. Ratisbonam ampliat. ibid.
 Veronam occupat. l. 13. n. 30. moritur. ibid.
 n. 36. perperam mali nomen ipsi affictum. ibid.
 ejus liberi. l. 14. n. 1. Filij Principatu exuti.
 ibid. in quem succedit Bertolfus ejus germa-
 nus. ibid. Eberhardus natu maximus Boici
 Principatus titulum retinuit. ibid. n. 2. tan-
 dem proscriptus ab Othone Imp. ibid. 4.

Arnulphi Schirensis maleficia & clades. l. 14. n. 15.

Attila Hunnus. l. 5. n. 16. & 17.

Augustanum bellum. l. 25. n. 15.

S. Aurelia Virgo Ratisbonen. l. 16. n. 15.

Auri Vena. l. 25. n. 12.

Austrasia Regnam. l. 11. n. 36.

Austria vexata. l. 24. n. 4. ejus Ducatus contro-
 versus. l. 16. n. 12.

Austria Marchionum origo. l. 15. n. 42. 43.

Austria Duces donati Archiducum titulo. l. 24.
 n. 7.

Autharius Longobardus Theodelinda nuptus. l. 6.
 n. 9. 10.

B.

Babenbergensis Episcopatus à S. Henrico funda-
 tus. l. 15. n. 28. cum duobus Camobijs. ibid.
 Babo Abenspergensis cum 30. filijs. l. 15. n. 29.
 D. Bartholomæi translatio. l. 14. n. 40. ejus reli-
 quia Romam translata. l. 15. n. 4.
 Bavaria vexata. l. 24. n. 2. partita. ibid. n. 14.
 Bebius Prætor Rom. victus à Gallis. l. 2. n. 23.
 Benedicti P. P. VIII. adventus in Germaniam.
 l. 16. n. 4.
 S. Benno Episcopus Misnensis creatur. l. 17. n. 26.
 moritur. l. 19. n. 13.
 Berengarius regnum Italia invadit. l. 12. n. 31.
 precario regnum ab Arnulpho accipit. ib. n. 32.
 mirè inconstans & ambitiosus. l. 13. n. 6.
 se dedit Othoni Imp. l. 14. n. 14. fugitivus
 ib. n. 30. relegatus in Germaniam. l. 14. n. 30.
 Bernardus Rex Italia. l. 9. n. 10. Mauros cædis
 in Corsica & Sardinia. ibid. n. 12. conspirat

I N D E X.

in Ludovicum Pium. *ibid.* *n.* 21. damnatur
majestatis, exoculatur, moritur. *ibid.* *n.* 22.
ejus liberi privantur bonis paternis. *ibid.*
Bertoldus Franciscanus. *L.* 24. *n.* 23.
Bertolfo Bojo succedit Henricus Othonis Regis fra-
ter. *L.* 14. *n.* 9.
Blademarus ab S. Henrico donatus Bojemia Prin-
cipatu. *L.* 15. *n.* 12.
Boëtius. *L.* 5. *n.* 17.
Bogensis Comitatus. *L.* 24. *n.* 6.
Albertus Bogius mortuus. *ibid.*
Bojemorum Duces duodecim conversi ad fidem.
L. 11. *n.* 2.
Bojemorum insolentia. *L.* 20. *n.* 13.
in Boicam irrumpunt. *L.* 22. *n.* 29.
Boica Gothorum clientela. *L.* 6. *n.* 3.
Boica veteres limites. *L.* 5. *n.* 20.
Boica leges. *L.* 6. 4. 5. & *n.* 33.
Boica partitio. *L.* 25. *n.* 23.
Bojemici belli infelix exitus. *L.* 11. *n.* 6.
item sub Lothario Imp. *L.* 20. *n.* 13.
Boij à Marcomannis pulsi, quo se receperint. *L.* 4.
n. 25.
Boij Thraciam spoliant. *L.* 3. *n.* 11.
Ptolemaum Ceraunum debellant, obrun-
cant. *ibid.* *n.* 15. vincunt Macedones. *ibid.*
n. 17. vincuntur ad Thermopilas. *ibid.* *n.* 18.
post vincunt. *ibid.* *n.* 21.
ad Delphos cladem passi. *ibid.* *n.* 22.
Thracia dominantur. *ibid.* *n.* 24. Asiam in-
vadunt. *ibid.* *n.* 29. Mithridati bellum in-
ferunt. *ibid.* *n.* 30.
Boj praelio superati. *L.* 1. *n.* 27. 28. 29. 30. item *L.* 2.
n. 11. 12. item *L.* 2. *n.* 44. & 58.
Boij dissident à Transalpinis. *L.* 1. *n.* 32.
agrum Rom. diripiunt. *ibid.* *n.* 34.
Boij de deferenda Italia deliberant. *L.* 2. *n.* 50.
Boij Hercinij. *L.* 4. *n.* 19.
Bojohemi etymon. *L.* 4. *n.* 1.
Boijs sedes permittit in Aëdis. *L.* 4. *n.* 12.
Bojorix Bojorum Rex pugnât dubiâ victoriâ. *L.* 1.
n. 40. & 41.
Bojorum superstitio. *L.* 5. *n.* 4. & 5.
Bojorum deserta. *L.* 4. *n.* 24.
Bojorum nomen serò relatum in litteras. *L.* 1. *n.* 1.
illorum etymon incertum. *n.* 2. & 3.
Bojorum origo. *L.* 1. *n.* 4. & 5. migratio e *Celtica* *n.* 6.
invadunt Herciniam. *ibid.* occupant Padi con-
finia. *n.* 7. in Italia formidabiles. *n.* 8. 9.
Melpum evertunt. *n.* 10. civitates condunt.
n. 11. Romam invadunt. *n.* 12. eorum insi-
gnia. *n.* 12. & 13. Eredus inveniunt cum Dionysio
Siculo. *n.* 22. & 23.
Bojorum fœdera. *L.* 1. *n.* 31.

Boleslaus Bohemus à Boteslao Polono per ambitio-
nem exoculatur. *L.* 15. *n.* 14.
Boleslaus Polonus perfidus. *ibid.* *n.* 49. à S. Hen-
rico bello appetitus. *ibid.* *n.* 44. ejusdem mors.
L. 16. *n.* 13.
S. Bonifacius. *L.* 7. *n.* 22. & seqq.
Borani, Buri, non fuerunt Boij. *L.* 5. *n.* 3.
Brecislaus Dux. *L.* 18. *n.* 39.
Bruno S. Henrici frater, Episcopus Augustanus.
L. 15. *n.* 29. injustè litigans causâ cadit. *L.* 16.
n. 1. *ibid.* *n.* 13. moritur. *L.* 16. *n.* 16.
Bulgari irrumpunt in vicinos Slavos. *L.* 9. *n.* 30.
Burchardus Dux Alemannia, cognomento Bella-
tor pacem facit cum Rudolpho Rege Burgun-
dia. *L.* 13. *n.* 24.
Burchardus Episcopus Wormatiensis. *L.* 16. *n.* 11.
Burdinus Antipapa captus, & in carcere mortuus.
L. 20. *n.* 1.
Burghusina Dynastia Boica Principatui jungitur.
L. 22. *n.* 26.
Burgundiones unde orti. *L.* 5. *n.* 1.

C.

Cacanus Rex Auarum. *L.* 6. *n.* 22.
Canonici Octingani. *L.* 23. *n.* 30.
Carolomanni Calvi F. mali mores. *L.* 11. *n.* 37. &
L. 12. *n.* 9.
Carolomannus Ludovici F. *L.* 12. *n.* 3. æger. *ibid.*
n. 3. regnum Italia accipit. *ibid.* *n.* 4. liberalis.
ibid. paralyticus. *ibid.* *n.* 9. moritur. *ibid.*
n. 10.
Carolus Magnus. *L.* 8. *n.* 3. Theodorum Calabrum
profligat. *ibid.* Ejus capientia. *ibid.* *n.* 4. Wilt-
zos, sive Velatales Oceani accolæ debellat.
L. 8. *n.* 6. bellum gerit in Hunnos. *ibid.* *n.* 7.
Pipinus Caroli nothus rebellis. *L.* 8. *n.* 9. atton-
detur. *ibid.*
Caroli Magni virtutes. *L.* 8. *n.* 12. frustra conatur
diversa flumina jungere. *ibid.* *n.* 14. bellat in
Saxones. *n.* 17. bellat in Hunnos, & rursus
in Saxones. *L.* 8. *n.* 19. Abdellam Saracenum
in fidem recipit. *n.* 20. Leonem III. Pontifi-
cem Romam reducit, & vindicat. *L.* 8. *n.* 22.
23. item *L.* 9. *n.* 1. Roma coronatur. *L.* 9. *n.* 2.
Hunnis & Moravis dat Vrolfum fidei Chri-
stiane Magistrum. *ibid.* *n.* 5. Bojamos vastat.
ibid. *n.* 6. regna partitur in filios. *ibid.* Sara-
cenos cædit in Sardinia. *L.* 9. *n.* 7. Danos re-
primit: Anglos vincit. *L.* 9. *n.* 9. in Græcos &
Venetos bellat. *L.* 9. *n.* 10. Testamentum edit
L. 9. *n.* 11. 12. fœdus facit cum Leone Imp.
Orientis. *L.* 9. *n.* 12. Ludovicum filium Col-
legam

I N D E X.

legam legit. *ibid.* n. 13. moritur. *ibid.* n. 15.
 ejus reliquia *translata*. l. 22. n. 28.
 Carolus Calvus nascitur. l. 9. n. 29. movet in Pi-
 pinum. l. 10. n. 10. praeficitur regno Aquita-
 nia. l. 10. n. 10. in Prumiensi Monasterio sub
 tutela Lotharii. l. 10. n. 13. locupletatur. *ibid.*
 n. 22. jungit se Ludovico Germano. l. 10.
 n. 28. & 30. profugit. l. 11. n. 17. Francis exo-
 sus. *ibid.* n. 16. *temp* pax cum Calvo. l. 16. n. 19.
 ejusdem liber precatorius. l. 11. n. 35. infessus
 a Damone. *ibid.* n. 42. & 43. invadit Ita-
 liam. *ibid.* n. 48. inauguratus. n. 49. ar-
 rogans. n. 51. clade affectus. l. 12. n. 2. deserit
 Italiam. *ibid.* n. 4. moritur. *ibid.*
 Carolus Crassus Caesar renunciatur. l. 12. n. 10.
 inauguratur n. 14. movet in Nortman. l. 12.
 n. 16. sanatur ex morbo pestilente *ibid.* n. 19.
 Galliam regit. *ibid.* n. 23. ejus fortuna ruit
 in praecipit. *ibid.* n. 27. delirat. *ibid.* Richar-
 dem uxorem repudiat *ibid.* n. 29. redigitur
 ad incertitatem. *ibid.* n. 30. ejus laudes. *ibid.* n. 31.
 Carthaginiensibus pax a Romanis data. l. 2. n. 28.
 S. Cassianus Martyr. l. 5. n. 26.
 Celtica divisio antiquior. l. 1. n. 5.
 E Celtis oriundi Boij. *ibid.*
 E Celtica migratio Bojorum. l. 1. n. 67.
 Childebertus. l. 6. n. 12. & 15.
 Cimborum migratio. l. 4. n. 2.
 Cisterciensis Ordo affligitur. l. 22. n. 20.
 Clodoveus Francus baptizatus. l. 6. n. 5.
 S. Colomanus Hibernus occisus. l. 15. n. 37.
 Colonia in agro Boico. l. 2. n. 49.
 S. Columbanus. l. 6. n. 31.
 CONCILIA. Francofurtiense. l. 8. n. 15. Salisbur-
 gense. l. 9. n. 8. Moguntia, Remis, Thronis,
 Cablone, Arelata l. 9. n. 14. Aquisgranen-
 se. *ibid.* n. 20. & l. 16. n. 6. Moguntina. l. 11.
 n. 4. & n. 10. item l. 12. n. 33. Triburiense.
 l. 12. n. 44. Confluentinum. l. 13. n. 25. Din-
 golsingen. l. 13. n. 31. Ingelheimense. l. 14. n.
 28. Tremonien. l. 15. n. 26. Francofordien-
 se. *ibid.* n. 28. Lateranense. l. 18. n. 49. Pla-
 centinum. l. 18. n. 88. Claromontanum. *ibid.*
 Moguntinense Conciliabulum. l. 19.
 n. 1. Thronense. l. 22. n. 22. Lateranense.
 l. 23. n. 24. Lugdunense. l. 24. n. 7. Viennen-
 se. l. 24. n. 22.
 Conradinus. l. 24. n. 22. victus, captus, occisus.
ibid.
 Conradus Dux Bavaria. l. 17. n. 13. exaustora-
 tur. l. 17. n. 17. movet in Carantanos. n. 17.
 Boicam incurfat. n. 18. moritur. n. 19.
 Conradus Bojaria Dux degit vitam solitariam.
 l. 20. n. 6. Henricus ejus parens filij exem-
 plum secutus. n. 7.

Conradus Imp. veneno *sublatus*. l. 21. n. 22.
 Conradus Rex evilescit. l. 18. n. 83.
 Conradus Suevus. l. 20. n. 30. *eligitur* Rex, co-
 ronatur. *ibid.* n. 7.
 Henricum Superbum Reipub. hostem decla-
 rat. l. 20. n. 31. Henricus Conrado Imp. ar-
 matus resistit. l. 21. n. 21.
 Conradus Wicelsbachius fides Alexandro Pontif.
 l. 22. n. 23. *ibid.* n. 27. *ejectus* in exilium.
 l. 22. n. 28. conatur Philippum & Orthonem
 Reges conciliare. l. 23. n. 17.
 Conradus Wasserburgius. l. 24. n. 9.
 Conradus Frid. Imp. filius. l. 24. n. 11. & 13.
 Conradi Salisburgensis obitus. l. 21. n. 18. aliter
 Conradi Salisburg. obitus. l. 22. n. 14.
 Conradus Franco German. Imp. l. 13. n. 15. tor-
 minibus laborat in paenam sacri spoliij. n. 21.
 Henricum Antupem successorem legit. n. 22.
 moritur. n. 23.
 Conradus Salicus S. Henrico succedit. l. 16. n. 11.
 coronatur Modocetia. *ibid.* n. 13. Roma cor-
 natur. *ibid.* n. 15. Seditio Romana. *ibidem.*
 moritur. *ibid.* n. 22. Succedit Henricus III.
 Niger fil. *ibid.*
 Conradus Nantuvinus insons. l. 25. n. 17.
 Constantinus Imp. exoculatus ab Irene matre.
 l. 8. n. 20.
 S. Corbiniani res gesta. l. 7. n. 17. & seqq.
 Corolemus Bojorum *Regulus*. l. 2. n. 56. & 57.
 Greinhildis Boica. l. 5. n. 18.
 Crisafirus Bojorum Rex. l. 4. n. 17.
 D. Cunegundis filium sericum. l. 15. n. 31. ejusdem
 virginitas defensa. l. 16. n. 10. vitam reli-
 giosam init. *ibid.* n. 12. moritur. l. 17. n. 1.
 ejus translatio. l. 23. n. 17.
 Cuno Frontenbusius Medlingensium Comitum
 ultimus. l. 20. n. 33.
 Curia Erfordiensis cum Friderico Abenobarbo
 collapsa. l. 23. n. 4.

D.

Daci unde orti. l. 4. n. 16.
 Dedicatio templi Purgdorsiani mira. l. 17. n. 16.
 Dejotari Gallograci fortuna varia. l. 3. n. 75. cru-
 delitas in filios. n. 77. ejusdem Successores.
 n. 78.
 Deserta Bojorum. l. 4. n. 24.
 Dingolsinga. l. 23. n. 26.
 PP. Dominicani & Franciscani Ratisbona. l. 23.
 n. 26.
 Dornspersgensis Comitatus. l. 23. n. 26.
 Dracolophus Frising. Episcopus male geris Episco-
 patum. l. 13. n. 30.

INDEX.

E.

Eberhardus Lanstorfius. L. 24. n. 1.
 Eccardi Turingi ambitio. L. 15. n. 8.
 interitus. ibid. n. 9.
 Eclipsis horrida. L. 10. n. 24.
 B. Edinga Virgo. L. 19. n. 19.
 Electores qui in electione Rudolphi Habspurgij.
 L. 25. n. 1.
 D. Elisabetha Turin. L. 24. n. 1. canonizata. ib. n. 3.
 S. Emmerammi adventus in Boicam. L. 6. n. 35.
 labores pro Christo. n. 36. martyrium. n. 38.
 Engelramus Bojus agricola vita exemplaris.
 L. 18. n. 89.
 S. Erardus. L. 7. n. 37.
 Ernestus Suevie, venans telo fortuito confossus.
 L. 15. n. 42.
 SS. Eucharistia adorande ritus. L. 23. n. 18.
 Euinus Dux Tridentinus. L. 6. n. 15.
 Eustasius & Socij, S. Columbani alumni. L. 6. n. 31.

F.

Fames horrida. L. 11. n. 2.
 Fastrada Caroli Magni uxor. L. 8. n. 2. & 15.
 Felix Vrgelitanus hereticus. L. 8. n. 8.
 Flagellantes. L. 24. n. 20.
 Flaminia lex agraria adversa Boijs. L. 2. n. 5.
 12. 15.
 Flaminius Bojos vincit. L. 2. n. 12. 13.
 Forstenriedensis imago Crucifixi. L. 23. n. 19.
 Franciscani Monachij & Ingolstadtj recepti.
 L. 25. n. 3.
 Fridberga origo. L. 24. n. 9.
 Fridericus Bogius Pratoris Ratisbonensis per-
 cussor. L. 20. n. 12. turbat denuo. ibid. n. 18.
 Fridericus Salisburgensis. L. 25. n. 8.
 Fridericus Abenobarbus Conrado succedit. L. 21.
 n. 22. regia coronâ Ratisbona insignitus. ib.
 n. 24. ab uxore divertit. ibid. gesta in Italia.
 ibid. & seqq. Roma coronatur. n. 27. nubis
 Beatrici Burgunda. ibid. n. 30. cum Adriano
 Pontifice colliditur. L. 22. n. 1. redit in Ita-
 liam. ibid. n. 3. Mediolanum obsidet. L. 22. n.
 6. deditionem accipit. ibid. n. 9. n. 11. excom-
 municatur. ibid. n. 17. pralio vincitur. ibid.
 schisma promouet. ibid. n. 28. D. Petri Basi-
 licam incendit. ibid. n. 32. pertinax, avarus.
 ibid. n. 34. Alexandriam cum sua clade ob-
 sidet. L. 22. n. 40. pralio victus. ibid. n. 41.
 recipitur in Ecclesie gremium. ibid. n. 42.
 Fridericus IV. servit in Pontificios. L. 24. n. 4. ex-
 communicatur. ibid. n. 5. moritur. ib. n. 11.
 Fridericus Austrius à Ludovico Bojo profligatus.
 L. 25. n. 26.

Fridericus Bellicosus. L. 24. n. 8.
 Frisinga vastata. L. 19. n. 32.

G.

Galata suam operam locant Asiaticis Principibus.
 L. 3. n. 30. fortuna variâ. n. 32. & seqq.
 Galata ad Christum conversi. L. 5. n. 4.
 Galli ejeti ex Italia. L. 1. n. 41.
 Galli pralio superati. ibid. item L. 2. n. 1. 2.
 Gamelbertus animarum curio. L. 8. n. 24. & seqq.
 Garibaldus Dux Bojorum. L. 6. n. 9.
 Garibaldus II. Thassilonis successor. L. 6. n. 22.
 Gebhardus Comes Hirspergen. Episc. Eistetten-
 sis. L. 17. n. 5.
 Germania interregnum. L. 24. n. 17.
 Gerohus Reicherpergensis. L. 22. n. 35.
 Geroldus vir egregius in acie casus. L. 8. n. 23.
 Gisela S. Henrici soror nupta Stephano Regi Un-
 gar. L. 15. n. 1. fit mater D. Emerici ibid.
 n. 2. fundatrix Ecclesie Vespriensis. L. 15. n.
 2. in Boicam revertitur. L. 17. n. 10. moritur.
 L. 18. n. 85.
 Gisela Henrici nigri Imp. matris mors. L. 17. n. 6.
 Giseleri Episcopi Magdeburgensis avaritia. L. 15.
 n. 18. infelix exitus. ibidem.
 Godefridi Bullionij in Palestinam expeditio. L. 18.
 n. 87. ejusdem mors. ibidem. n. 94.
 Godefridus Lotharingia Dux bello captus, postea
 liberatus. L. 16. n. 2.
 Gothardi haereses. L. 11. n. 4.
 D. Gothardus Episc. Hildesien. L. 16. n. 21.
 Grimoldi Longobardi pueri industria. L. 6. n. 23.
 Grimoldus Bojus. L. 7. n. 18.
 Gripho Caroli Martelli filius turbulentus. L. 7.
 n. 25. & 30. 32. 33. interficitur. ibid.
 Gruenbacensis Comitatus. L. 24. n. 9.
 Guelfi & Gibellini unde dicti. L. 21. n. 2.
 Guilielmus Hollandus. L. 24. n. 9. irrumpit in
 Boicam. ibid. n. 12.
 Gundelberga Longobardica duello vindicata à ca-
 lumnij. L. 6. n. 18. 19. 21.
 Guntheri Thuringi Altabens. Monachi conversio.
 L. 15. n. 31.
 Guntherus divino ostensus Episcopus Ratisbo-
 nensis. L. 14. n. 5.

H.

Halberstadum exustum. L. 22. n. 44.
 Haldeslebia eversa. ibidem.
 Hartesburgi excidium. L. 18. n. 22.
 Hartmannus Episcopus Brixinensis moritur. L.
 22. n. 27. res ab eo gesta. ibid.

Hatto

INDEX.

Hatto Episc. Moguntinus. l. 13. n. 8. fraudulenter. ibidem.

Hebraei Monacenses infanticida. l. 25. n. 8.

D. Heduvigis. l. 24. n. 7.

Helisea Comitissa. l. 18. n. 82.

Helveticum bellum. l. 4. n. 6.

S. Henricus Rixosi filius. l. 15. n. 1. & seqq. Rex creatus Moguntia. n. 10. iterum Aquisgran. n. 12. nubit Cunegundi. l. 15. n. 11. peregrinatur ad S. Servatium. ibid. n. 14. Hezelo Franco, & Bruno Henrici frater in hunc conspirant. n. 15. bellum gerit in Italia. l. 16. n. 20. periclitatur. n. 21. Papienses domat. num. 22. infert bellum Boleslao Polonico. in Bojemia. n. 23. Periclitatur ex ruina Curia Argentinens. num. eodem. bellum Polonis infert. l. 15. n. 27. bellum gerit in Flandria. ibid. n. 30. Roma coronatur. ibid. n. 39. de ineunda religione deliberat. ibid. n. 41. cum D. Heriberto Colonien. colliditur. l. 16. n. 3. bellum Alemannicum & Flandricum pacat. ibid. n. 5. S. Romualdum invisit. l. 16. n. 6. Trojam in gratiam recipit. ibid. n. 7. divertit ad Cassinen. Monasterium. ibid. unde evaserit claudus. l. 16. n. 8. amice, regifice, & pie congregitur cum Roberto Rege Gallia l. 16. n. 9. 10. Moritur. ibid. ejus virtutes. ibid. n. 10. & seqq.

Henricus Superbus captivus. l. 15. n. 43.

Henricus Luxemburgicus Dux Bavariae l. 15. n. 19. proscriptus. n. 33. Boica restituitur. ibid. n. 49. moritur. l. 16. n. 15. ei succedit Henricus V. filius Henrici Salici. ibid.

Henricus V. B. Cunegundis ex fratre nepos, Dux Bavariae. l. 17. n. 5. moritur Treviris. ibid. n. 12.

Henricus Auceps Caesar, victor ad Lutetiam Parisiorum. l. 13. n. 26. ibid. n. 33. moritur. amator sacrarum reliquiarum. sacra lancea, manus D. Dionysij Arcopagita &c. n. 33.

Henricus Barvar. Princeps moritur. l. 14. n. 23. ipsi succedit Henricus pius, & Rixosus ibid. n. 25. D. Wolfgango pius familiaris, fundat Monaster. S. Pauli Ratisbonae. ibid. n. 27.

Henricus Rixosus prensat Principatum l. 14. n. 33. init potentia fœdera. ibid. exulat. ibid. n. 34. in Bojemia, post Trajecti. ib. n. 38. captivitate solvitur. Othonem III. abducit. ibid. n. 41. ejus sororem capit. l. 14. n. 42. in visus ob mores asperos. ibid. 42. Boicam recipit. ibid. n. 45 redit ad mores. pios. ibid. vincit Ungaros. l. 14. n. 46. moritur. ibid. n. 51.

Henrici Nigri res gesta in Italia. l. 17. n. 12. diffculter redit in Germaniam. ibid. n. 15. moritur. ibid. n. 19.

Henricus Crassus Bojus occisus. l. 18. n. 39.

Henricus VII. Lutzelburgicus Alberti Austrij successor. l. 25. n. 22. Roma coronatus. ibid. n. 24. moritur. ibid. n. 25.

Henrici IV. Imp. conclave fulmine afflatus. l. 17. n. 19. ab Alberto Bremensi pervertitur. l. 17. n. 24. ejus mali mores. ibid. n. 26. molitur ab uxore injustum divortium. l. 18. n. 1. 2. fit indies deterior. ibid. n. 9. in eum Saxones conspirant. ibid. n. 11. obsidetur. n. 13. fugit. n. 15. ejus arces eversa. n. 16. consultatus de eo abdicando. n. 17. & 18. falsus ejus delator abripitur à Damone. n. 18. fit Principibus supplex. ibid. privatur usu vectigalium. ibid. redactus ad aulam pertenuem. n. 19. facit pacem fraudulentam. n. 20. fingit penitentiam n. 23. Saxones vincit ad Vistrutum. n. 30.

D. Bennonem reuagit Majestatis. n. 32. Saxones ipsi dediti. n. 34. Romam citatur Henricus ad causam dicendam. n. 37. in Italiam supplex Pontificem adit. l. 18. n. 42. difficillimo itinere ibid. n. 42. 43. ab eo Principes Italia alienati ibid. n. 45. pacta abruptit. n. 45. eidem Rudolphus Suavia Dux subrogatur. n. 47. Is Rudolphum Boica expellit. n. 49. Superatur in praelio Fladenheimensi. l. 18. n. 53. excommunicatur altera vice. ibid. n. 54. in Pontificem & Episcopos probos debacchatur. ibid. n. 55. bis uno die victus ad Elstram fluvium operâ Othonis Bojar. Principis. l. 18. n. 57. quâ in pugna lethaliter sauciatur Rudolphus Sueviae Dux. ibid.

Henricus bellum instaurat. l. 18. n. 58. ei opponitur subrogatus Hermannus Comes, secundum aliquos Lotharingus. ibid. n. 61. Romani injussu Pontificis se Henrico dedunt. ibid. n. 65.

Henricus Ratisbona obsessus elabitur l. 18. n. 71. vincitur in campis Plechfeldensibus. ibid. n. 72. in fuga amittit regni insignia. n. 76. fugatur, castris exiit. ibid. a Welfone juniore vincitur. ibid. n. 79.

Henricus vastat Transpadana. l. 18. n. 79. & 82. filium amittit. ibid. n. 83. ejus fœditas. ibid. cœditur ad Canussium. ibid. Henricum F. Collegam legit. ibid. n. 92.

Henricus IV. rursus excommunicatus. l. 19. n. 1. bellum renovat in Saxones. ibid. n. 3. ab Henrico V. filio deseritur. ibid. n. 4. fœdus Henrici V. cum Suevis & Franconibus. ibid. n. 4. Parens Henricus IV. & V. filius in mutnam perniciem armati. ibid. n. 5. Binge colloquuntur. ib. n. 7. Henricus IV. moritur. ibid. n. 12.

Henricus V. fulmine afflatus, reclamatione Concilio Trecensi circa Laicas investituras. l. 19. n. 14.

INDEX.

acie victus. *ibid.* n. 18. Paschalem Pontif. captivum facit. *ibid.* n. 24. coronatur. *ibid.* n. 25. excommunicatur à Romanis Patribus. *ibid.* n. 26. bellis appetitus, victus. *ibid.* n. 30. & 31.

Henricus V. despicibilis à Burdino inauguratus. t. 19. n. 34. Gelasium Pontificem fugat. *ibid.* n. 35. diris devovetur iterum unà cum Burdino. *ibid.* n. 40. potentes in eum factiones. t. 20. n. 1. pacem init. *ibid.* n. 3. irritus ipsius in Ludovicum Crassum apparatus. *ibid.* n. 8. moritur. *ibid.* n. 9. ei succedit Lotharius Saxo. t. 20. n. 10.

Henricus IX. Bojaria Dux & Huphildis uxor, mortui. t. 20 n. 11.

Henrico IX. successit Henricus X. t. 20. n. 12.

Henricus X. Bojus indecore adversarium decipit. l. 20. n. 21. Othonem Wolfratshusium bello aggreditur, & facit captivum. *ibid.* n. 21 & 22.

Henricus Superbus. l. 20. n. 30.

Henricus Leo reperit Boica Principatum. t. 21. n. 12. armatus in Conrad. *ibid.* n. 21. adit Boici Principatus possessionem. *ibid.* n. 28.

Henrici Leonis & Welfonis ingenia. t. 22. n. 13.

Henricus Leo in Palestinam profectus. *ibid.* 37. redux in Germaniam Abenobarbum averfatur. *ibid.* n. 40. Boico Ducatu evertitur. t. 23. n. 1. arma resumit. *ibid.* n. 11. pacem facit. *ib.* vacat pietati. *ib.* n. 14. moritur. n. 15.

Henricus Abenobarbi F. Rex Italiae. t. 23. n. 4. regnum Germaniae init. *ibid.* n. 10. mors Abenobarbi *ibid.* Henricus V. ejus F. Roma coronatur. *ibid.* n. 12. moritur. *ibid.* n. 16. succedit Fridericus F. *ibid.* Philippus ejus tutor regnum invadit. *ibid.* occiditur ab Othone Wittelsbachio. *ibid.* n. 21. Fridericus Roma coronatur. *ibid.* n. 23. 24. 25. nubit Margaritha. *ibid.* n. 26.

Henricus Raspo. t. 24. n. 8.

Henricus Bojus Salisburgum obsidet. t. 24. n. 19. dissidet à Rudolpho Habsburgo. t. 25. n. 3. invadit Mùldorfum. *ibid.* n. 8. moritur. *ibid.* n. 10.

Hermannus Mismia Marchio mentiri assuetus. t. 15. n. 41.

Hildegardis. t. 7. n. 45.

Hildegundis Virgo Novesiana personata. l. 23. n. 7.

Hildulfus Trevirensis Antistes. t. 7. n. 34. & seqq.

Hiltrudis Francica Martelli filia nubit Vriloni Bojo, malorum instigatrix. *ibid.* n. 26.

Hirspergij Comites extincti. t. 25. n. 20.

Hugibertus Bojus Grimoaldi Successor. t. 7. n. 20.

Hungari l. 13. n. 9. 12. 13. grassantur ad Augustam Vindel. quam servat D. Vdalricus. t. 13.

n. 27. occidunt B. Wiboradam. *ibid.* faciunt inducias: geminà clade afficiuntur. *ibid.* n. 32. grassantur in Suerziam, Franconiam &c. l. 14. n. 4. *ibid.* n. 8. prelio superati, l. 14. n. 12. invadunt Bojariam. *ibid.* n. 19. reprimuntur agente D. Vdalrico. *ibid.* n. 21. profligantur. *ibid.* n. 23. bellum Vngaricum, & Vngari Berengario federati. t. 13. n. 2-3. 4. Vngarorum conversio. t. 15. n. 1. motus Vngarici. t. 16. n. 16. t. 17. n. 5. 6. 7. 8. Petrus Rex Vngariae Henrico Nigro fit clientelarius. t. 17. n. 10. *ibid.* n. 11. exoculatur. *ibid.*

Hunnorum & Alanorum irruptio. t. 5. n. 13. in Vngariam. *ibid.* n. 15.

Hunnorum bella. t. 6. n. 8. item. t. 8. n. 2. & n. 23. & 24.

Hunnorum origo. t. 12. n. 34.

I.

Iaromirus Bojemiae imponitur à S. Henrico. t. 15. n. 24. ejus crimina. *ibid.* n. 37.

Inalpina gentes in Bojos conspirant. t. 1. n. 21.

Inaugurationis Casarea ritus antiqui. t. 13. n. 34.

Ingo Carantanus. t. 8. n. 10.

Ioannes XVI. Calaber Pseudopapa exoculatus, & relegatus in Germaniam. t. 15. n. 13.

Ioannes Lutzelburgius Boemia Rex. t. 25. n. 23.

Inditha Henrici Boij viduae fama defensa. t. 14. n. 24. eadem fundatrix Monasterij inferioris Ratisbonae. *ibid.* n. 24.

Iuthungorum bellum. t. 5. n. 13.

Iuvavia excidium. t. 5. n. 36.

Iuvavienses Martyres. *ibidem.*

K.

Kirchbergensis Comitatus. t. 23. n. 26.

L.

Landarum. t. 23. n. 26.

Landishuta excultra. t. 23. n. 18.

B. Laurentius Laureacensis. t. 5. n. 21.

Lebusia seu Luibusina à S. Henrico instaurata. t. 15. n. 35.

Leges adversus rixas, item de reis exteris. t. 25. n. 9.

Leodegarius Lechmundianus Comes sacerdotio initiatus. t. 17. n. 5.

Leonis III. profectio ad Carolum Magnum. t. 9. n. 4.

Lex Flaminia de agris Bojorum dividendis. t. 2. n. 5.

INDEX.

L. Q. Flaminij crudele facinus. L. 2. n. 47.
Longobardi in Italia. L. 6. n. 8. conversi ad fidem.
ibid. n. 14.
Longobardorum Reges postremi: Rodoaldus, Aripertus, Partharitus, Gundebertus, Cunibertus. L. 7. n. 1. & seqq. Ansprandus, Ariperti infelix exitus. n. 15. Luitprandus. ibidem. bellum infert Theodoni V. Bojo. n. 16.
Lotharius Ludovico Pio patri iniquus. L. 10. n. 14. & seqq. injustus in Ecclesiam. n. 20. in fratres rapax. n. 26. monachum induit, moritur. L. 11. n. 13.
Lotharius II. moritur. L. 20. n. 29.
S. Lucanus Sabionensis. L. 5. n. 28.
SS. Lucij duo. L. 5. n. 21.
Lucius Papa. L. 23. n. 5.
Ludolfus Othonis F. iniquus. L. 14. n. 11. Otho-
nem Regem offendit. ibidem. n. 13. hostis
Henrici Boij. ibid. conjurat in patrem. ibid.
n. 14. Ratisbonam diripit. ibid. obstinatus
in patrem. n. 17. refugus in Sueviam. n. 18.
absolutus. ibid. vincit Berengarium. ibid.
27. moritur. ibid.
Ludovicus Pius Caroli Magni Successor. L. 9. n. 17.
Ludovici Sorores morum dissimilium. L. 9.
n. 18.
Ludovicus Remis coronatus. L. 9. n. 19. Lotha-
rium filium Collegam creat. ibidem. Judi-
tham Bojam, sive Suevam, ex Welfonum
sanguine, secundis nuptijs ducit. L. 9. n. 24.
male à filiis habitus. L. 10. n. 5. 6. n. 11. &
seqq. ejusdem leges sumptuaria. L. 10. n. 17.
obitus. ibid. n. 25. in purgatorio. L. 11. n. 46.
Ludovicus Germanicus Rex Bojaria. L. 9. n. 19
item. L. 10. n. 15. & n. 24. 26. 27. 28. Lo-
tharium Imperatorem praelio superat. 28.
Carolo vires jungit. 28. rursus vincit Lo-
tharium. n. 29. movet in Aquitaniam. L. 11.
n. 12. inconsulto in eum conspirant nepotes.
L. 11. n. 15. pacem init cum Carolo Calvo. ibid.
n. 18.
Ludovici turba domestica in Carolomannum Fil.
L. 11. n. 20.
Ludovici Bojaria & German. Regis obitus. L. 12.
n. 14.
Ludovicus Carolomanni F. Patri succedit. L. 12.
n. 10.
Ludovicus Balbus Franc. Rex Ludovici Boij ami-
citiam exambit. L. 12. n. 5. fædus inter
utrumque. n. 7. Balbi mors. L. 16. n. 7.
Ludovicus Bojus occisus ab Assassino. L. 23. n. 30.
Ludovicus Severi F. in hastiludio occisus. L. 25.
n. 10.

Ludovicus Severus fæderatus Wirsenbergio. L. 25.
n. 12. moritur. ibid.
Ludovicus Bojaria Dux Ludmilla nubit. L. 23.
n. 19.
Ludovicus Severus Bojus. L. 24. n. 16. nubit An-
na Silesia. ibid. n. 20.
Luitbertus Moguntinus. L. 11. n. 41.
Luitpaldus, ejusque genus. L. 13. n. 9. & 10.
Luitpaldus Austrius Vngarorum Victor moritur.
L. 17. n. 5.
Luitpurga Thassilonis uxor perversa. L. 7. n. 45.
& 48.

M.

S. Macarius Antiochenus Patriarcha, hospes in
Boica. L. 15. n. 36.
T. Manlij cum Bojo duellum. L. 1. n. 26.
C. Manlius Tolistobojos domat. L. 2. n. 43. & seqq.
SS. Maria Deipara officium. L. 18. n. 88.
Maroboduus Marcomannus. L. 4. n. 19. Bojos pel-
lit ex Bojemiâ. L. 4. n. 21.
Mathildis Disensensis. L. 22. n. 19.
Maurkirchiana statua. L. 13. n. 33.
S. Maximilianus Laureacensis. L. 5. n. 21.
Mediolanenses rursus rebellant. L. 22. n. 11. fa-
ciunt deditionem. ibid. n. 20.
Mediolani origo. L. 1. n. 7.
Melpum à Boijs eversum. L. 1. n. 10.
Misnensium feminarum fortitudo. L. 15. n. 44.
Mithridatis res gesta contra Gallogracos. L. 3. n. 71
& seqq. infelix exitus. n. 74.
Moguntia afflicta. L. 22. n. 23.
Monachij primordia. L. 22. n. 43.
Monomachia. L. 6. n. 20. item L. 12. n. 39.
Moravici motus comprimuntur. L. 11. n. 3. item
L. 13. n. 2.
Mosburgici Comites extincti. L. 25. n. 6.

N.

Narisci. L. 4. n. 23.
Neoburgum Boica redditum. L. 24. n. 9.
Nitgerus Frisinga Episcopus malos mores malo fi-
ne terminavit. L. 17. n. 16.
Noreja. L. 4. n. 5.
Norici fines. L. 4. n. 23.
Northusium. L. 22. n. 44.
Nortmanni. L. 11. n. 44. item L. 12. n. 12. ibid. 14.
ibid. n. 15. & ib. n. 17. ibid. n. 25. ibid. n.
27. & num. 28. ibidem. num. 36. 37. 38.
& n. 39.

I N D E X.

Nosburgis Virgo Ratenburgica. l. 25. n. 26.

O.

Obotriti olim, Megalopolitani, siue Meckellburgenses rebellant. l. 11. n. 1. rediguntur in ordinem. *ibid.* reprimuntur. *ibid.* n. 21.

Odoacer. l. 5. n. 32.

Oetinga veteris sacellum. l. 6. n. 28.

Otho l. Henrici Aucupis filius adit regnum Germania. l. 13. n. 34. rebelles vincit. l. 14. n. 6. & 7. vocatur in Italiam. *ibid.* n. 12. Othonem II. filium collegam dicit. *ibid.* n. 30. Roma coronatur. *ibid.* res ab eo gesta in Italia *ibid.* Magdeburgum condit. *ibid.* n. 31. moritur. *ibid.*

Otho II. bello petitus, & fugatus à Lothario Rege Gallia. l. 14. n. 39. à D. Wolffgango periculo eripitur. *ibid.* Roma instituit convivium sanguinarium. *ibid.* Idem infeliciter pugnat, & agrè evadit. n. 40. Beneventum diripit. *ibid.* Roma exspirat. *ibid.* n. 41.

Otho III. ejus F. ipsi succedit, & inauguratur Aquisgrani adhuc puer. *ibid.* Roma inaugurat. l. 15. n. 13. Crescentium Consulem Romanum captivum facit, cum Romanae urbis imperium ambiebat, & jussit agi in furcam. *ibid.* n. 3. votivam peregrinationem instituit ad D. Adelbertum. l. 15. n. 3. ad montem Garganum. *ibid.* n. 5. scrutatur Caroli Magni sepulchrum. l. 15. n. 4. Roma periclitatur. *ibid.* n. 6. veneno tollitur. n. 7. uxorem vivam jusserat cremari. *ibid.*

Otho Gotingensis Saxo Boica praeficitur. l. 17. n. 22. à Welfone evertitur. l. 18. n. 4. ab Henrico IV. decipitur. *ibid.* n. 5. moritur. l. 18. n. 64.

Otho Bavarus. l. 24. n. 1.

Otho Wittelspachius creatur Dux Bavariae. l. 23. n. 1. emit Dachaviu. n. 3. moritur. *ibid.* Rainingamssico adijcit. *ibid.*

Otho Henrici Leonis senioris F. ad regnum Germania contra Philippum erectus. l. 23. n. 16. Philippus ab Innocentio Pontifice reprobatus. *ibid.* n. 18.

Otho IV. solus imperat. l. 23. n. 21. Wittelspachius interfectus. *ibid.* n. 22.

Otho IV. Roma coronatur. l. 24. n. 22. excommunicatur. *ibid.* panitens moritur. *ibid.* n. 24. succedit Fridericus Roma coronatus. *ibidem.* n. 25.

Otho Bojus vocatus ad regnum Vngaria, deceptus l. 25. n. 20. & seqq. vendit minoris imperij jurisdictionem. l. 25. n. 24. moritur *ibidem.*

Otho Dux Bavaria excommunicatus. l. 24. n. 9. vide *ibid.* n. 13. & l. 25. n. 10. bello petitus. *ibid.* n. 13.

Otho Frisingensis S. Leopoldi F. l. 20. n. 33. moritur. l. 22. n. 10.

Otho Saxo Imperium detrectat, & eligit Conradum. l. 13. n. 15.

Otho Crondorferus susurro punitus. l. 25. n. 15.

Othocarus Boemus. l. 24. n. 18. & 20. Rudolpho Habsurgio adversatur. l. 25. n. 1. vocatur in jus. *ibid.* n. 3. rebellat. *ibid.* n. 3. & 4. paciscatur. n. 5. illuditur. *ibid.* pugnans occumbit. n. 6.

S. Otilia. l. 7. n. 36.

Ovo Vngarus fallax, sædis fragus, securi percussus. l. 17. n. 7. & 8.

P.

Padi confinia occupata à Bojs. l. 13. n. 7.

Palatinatus Rheni additus stirpi Wittelspachia. l. 23. n. 27.

Palastina peregrinatio. l. 23. n. 9.

Pannonicum bellum. l. 9. n. 25.

Pax Ecclesia. l. 20. n. 4.

Perjurium punitum. l. 14. n. 32.

Pestilentia Java. l. 6. n. 7. item l. 15. n. 29.

Phalanx immortalis Persarum. l. 3. n. 10.

Phaleja Comites Leopoldo Duci collisi. l. 21. n. 1.

Philippus Salisburgen. Episcopatu motus. l. 24. n. 18.

Pilegrinus Laureacensis Vngaros erudit. l. 14. n. 37.

Pilitrudis S. Corbiniano infesta. l. 7. n. 19. & 20.

Pipinus Rex Italia. l. 9. n. 2. moritur. n. 10.

Porticus Aquensis ruina. l. 9. n. 15. item n. 19.

L. Posthumio clades à Bojs illata. l. 2. n. 23.

Poto Bojus Comes Burghusinus mira fortitudinis. l. 17. n. 21.

Q.

S. Quirinus Laureacensis. l. 5. n. 24.

R.

Radagarius Scythæ devictus. l. 5. n. 15.

Rastices Moravi. l. 11. n. 33. & 37.

Ratenberga. l. 25. n. 14.

Ratho Comes Andecensis. l. 14. n. 11.

Ratisbona oppugnata. l. 14. n. 18. affecta elade, cremata. n. 19. domita. n. 20.

Regimarus Passaviens. Episc. l. 21. n. 4.

Reginotrudis Francica, Theodonis conjunx in erudiendis Bojs laborat. l. 6. n. 24.

Reinal-

INDEX.

Reinaldus Colonien. Episcopus Schismaticus. L. 22. n. 26.

Rhetorum cradelis. L. 4. n. 16.

S. Rhomedius. L. 5. n. 26.

Richerius Bojus Cassinem. Abbas. lib. 16. n. 20.

Ringi descriptio. L. 8. n. 19.

Rodoaldus Bojus infelix Aulicus. L. 6. n. 30.

Roma à Boijs capta. L. 1. n. 17. & seqq. instaurata
reclis, viris, viribus reflorescit. L. 1. n. 24. 25.
& 26.

Romana leges de tumultibus Gallicis. L. 1. n. 39.

Romani prælio à Boijs victi. L. 1. n. 16 & 40.

Romani adversus S. Henricum tumultuantur. L. 15. n. 39.

Romani Imperij mutata facies. L. 5. n. 2. & 10.

Romanorum clades. L. 22. n. 32.

Romanorum legatio ad Bojos. L. 1. n. 14. fait ea
belli exitialis seminarium. n. 15. 16.

Romilda Longobarda vidua levitas. L. 6. n. 23.

Rudolphus Habsburgicus Aquisgrani coronatus.
L. 25. n. 1. Austriam invadit. ibid. n. 5. rur-
sus ignoscit Henrico Bojo. L. 16. n. 6. averfa-
tur profectionem Italicam. ibid. n. 9. mori-
tur. ibid. n. 10.

Rudolphus Palatinus. L. 25. n. 18. bello petitus à
Cesare damnatur. ibid. n. 19.

Rudolphus Burgundia Rex S. Henrico regnum
transcribit. L. 16. n. 1. moritur. ibid. n. 18.

Rudolphus Suevus Rex male pugnât ad Mallersta-
dium. L. 18. n. 50.

S. Rupertus vocatus in Boicam. L. 6. n. 24. ejus
gesta. ibid. n. 25. & seqq. moritur. n. 29.

S.

Sacra militia authore S. Bernardo. L. 11. n. 10.

Salisburgensis Episcopatus initia. L. 8. n. 21. ejus
divisio. L. 14. n. 2.

Samnites cassi. L. 1. n. 35.

Samnitibus sociati Boij Romanos vincunt. L. 1.
n. 36. 37. 38.

Sanguis Christi Mantua. L. 2. n. 3.

Saxonicus tumultus. L. 5. n. 13.

Schardinga Boica reddita. L. 24. n. 9.

Schirenses vexati. L. 17. n. 18.

Schirensis arx adificata. L. 14. n. 10.

Schirensis Crux. L. 22. n. 10.

Schisma Petri Leonis. L. 20. n. 23.

Schisma sub Abenobarbo. L. 22. n. 14.

Schrotinsfurtum parte murorum exutum. L. 15.
n. 17.

Scotorum prisca religio. L. 21. n. 2.

Senones Senarum in Italia conditores. L. 1. n. 40.

Senonum inter Bojos colonia. L. 1. n. 8.

Servile bellum in Italia. ibid. n. 20.

S. Severinus Norici Apostolus. L. 5. n. 29. & seqq.
ejus obitus. n. 41. discipuli. ibidem.

Sighardi Burghusini lingua procax, causa ejus ca-
dis. L. 19. n. 2.

Sighardi Aquilejensis cum 50. alijs infelix exitus.
L. 18. n. 48.

Sighardus Comes Sempranus, Ebersperga funda-
tor moritur. L. 14. n. 35.

Simoniaci effrenis usus. L. 18. n. 1. ibid. n. 6.

Slavi devicti. L. 14. n. 25. ad Christum conversi.
L. 22. n. 17. tumultuantur. ibid. n. 24. Ade-
galopolim vastant. ibid. n. 30.

B. Spinulus, & Benignus fratres. L. 7. n. 36.

Spira rebellio. L. 20. n. 15.

Scilico Vandalus. L. 5. n. 14.

Seranbinga primordia. L. 23. n. 21. redacta in ur-
bis formam. ibid. n. 24.

Symbolum Constantinopolitanum recitari ceptum
in Ecclesia Romana. L. 15. n. 40.

Synobertus, aliàs Sympertus, Ratisbonensis Epi-
scopus. L. 8. n. 7.

T.

Tabula publica linguâ vernaculâ. L. 25. n. 9.

Tagmo Magdeburgensis probus Episcopus. L. 15.
n. 18. moritur. L. 15. n. 36.

Tartari in Europam irrumpentes. L. 24. n. 6. L. 25.
n. 8.

Taurisci, qui? L. 2. n. 50.

Terra motus. L. 9. n. 3.

Thassilo Rex Boica. L. 6. n. 15. item L. 7. n. 38. &
seqq. item n. 42. 45. 46. 47. 48. 50.

Theodebertus Boica Rex. L. 6. n. 27.

Theodelinda Boica. L. 6. n. 10. secundis nuptijs
juncta Agilulfo. ibid. n. 13. plura vide n. 17.

Theodo genere Agilolfingus. L. 6. n. 1. & 2. ejus
obitus. ibid. n. 7. successor. ibidem.

Thiemo Salisburgensis. L. 18. n. 97.

Tiburtes à Romanis victi. L. 1. n. 27.

Tolistoboij unde orti. L. 3. n. 2. 3. & seqq.

Tolistoboiorum regiones. L. 3. n. 8. ars militaris.
ibid. n. 9. 10. & 11.

Tormensorum origo. L. 20. n. 14.

Trevirense bellum. L. 15. n. 45. Siconis egregium fa-
cinus. ibidem.

Trimarcisia phalanx, quid, & unde dicta? L. 3.
n. 10.

Tuto Ratisbonensis Episc. L. 13. n. 28.

V.

Vademonia pugna Boijs inprospera. L. 1. n. 41.

S. Valentinus. L. 5. n. 27.

S. Valtrici obitus. L. 14. n. 33.

Vectigalium & portoria leges. L. 13. n. 9.

INDEX.

Tenetorum in Galliam transpadanam irruptionis.
l. 1. n. 20.

Veringensis pontis super Isaram. l. 23. n. 1.

D. Virgilius in SS. album relatus. l. 24. n. 1.

S. Virgilius. l. 7. n. 29. & 45.

S. Vitalis S. Ruperti successor. l. 6. n. 29.

ejus obitus & miracula. ibid. n. 35.

Vngari Berengario fœderari. l. 15. n. 4.

Vngaricum bellum. l. 5. n. 18. item l. 13. n. 2. & 3.

Volcmarus Alahensis crudeliter occisus. l. 25. n. 7.

Vrbes quadam Italica emunt libertatem. l. 25. n. 9.

Vrbis Leonina initia. l. 11. n. 5.

D. Ursula & sociarum reliquia. l. 21. n. 30.

Uilo Bojus à Carolomanno & Pipino devictus.
l. 7. n. 27.

W.

Webburgum in fiscum reductum. l. 23. n. 5.

Weinhardi Rorbeckij caedes. l. 25. n. 15.

Welfo Bojaria Dux victor ad Nicrum Necarum.

l. 18. n. 52. *Vindellicorum Augustam capit,*

& manibus nudat. ibid. n. 78. *pacis seque-*

strem agit. ibid. n. 80. item l. 19. n. 25.

Welfo junior à Mathilde divertit. l. 18. n. 86.

cum Hugone Tubingano colliditur. l. 22. n.

25.

Uterque Welfo captat Henr. IV. amicitiam. ibid.

Welfonis II. Bavaria Ducis obitus. l. 18. n. 96.

Welfonis cum Alberto Calbio dividia & bellum.

l. 20. n. 20. *reconciliatio.* ibid.

Welfo Henrici Leonis tutor. l. 21. n. 1. *bellum ge-*

ris. ibid. n. 4.

Welfoni Thuscia donata in clientelam. l. 22. n. 18.

Welfonum origo. l. 9. n. 24. *fusus.* l. 16. n. 14.

Wenceslaus Bojemia Rex occisus. l. 25. n. 21.

S. Wilibaldus & socij. l. 7. n. 22.

Wilzi, Luitici gens Slavorum ad australem sinum
maris Germanici. l. 9. n. 29.

Winsbergium matronarum charitas in maritos.
l. 21. n. 2.

S. Wolfgangus sacerdotio initiatus. l. 14. n. 31.

sedem Episcopalem Ratisbona mutat. ib. n.

33. *reformat monachos S. Emmerammi.*

ibid.

Wolfgangus solitarius in alpibus. l. 14. n. 38.

Wolsholdus Admontensis. l. 20. n. 8.

Wolffrathusianum bellum. l. 21. n. 10.

Wolpoldi Episc. Leodiën. prudens largitio. l. 16.
n. 2.

Wormatiense conciliabulum adversus Romanum
Pontificem Gregorium VII. l. 18. n. 36.

X.

Y.

Z.

Zuventibaldus Moravus. l. 11. n. 37. 39. & 44.

ejus savitia. l. 12. n. 20. *se recipit in solitu-*

dinem. ibid. n. 42.

Zuventibaldus Arnulphi Cas. nothus, Rex Lo-

thariën. l. 12. n. 44. 45. 46. item eodem lib.

n. 51. 54. & 55. & l. 13. n. 1.

FINIS.

